

**THEOLOGIAE
SCHOLASTICAE
IN PRIMAM [-
TERTIAM]
PARTEM DIVI...**

Augustin Reding, Emilio
Bonaventura Altieri





Fig. 1.

Fig. 2.





A. R. P.
AVGVSTINI
REDING
HELVETO-EIN-
SIDLENSIS, ORDINIS
S. BENEDICTI,

THEOLOGIA SCHOLASTICA.

A. R. P.
 AUGUSTIN
 REIDING
 HELVETIEN
 S. BENEDICTI
 S. IDLENSIS OR DINIS

THEOLOGICAL SCHOOL

THEOLOGIAE
SCHOLASTICÆ

IN PRIMAM PARTEM

DIVI THOMÆ,

AD NORMAM THEOLOGORUM SALISBURGENSIUM

TOMUS PRIMUS

DE { DEO UNO.
DEO TRINO.
ANGELIS.

CUM DUPLICI INDICE

AUTHORE

A.R.P. AUGUSTINO REDING

ORDINIS S. BENEDICTI

PROFESSO, ET DECANO

EXEMPTI MONASTERII EINSID.

LENSIS, SS. THEOLOGIAE DOCTORE, ET

Ordinario olim Professore Almae Archiepisco-
palis Universitatis

SALISBURGENSIS

EMINENTISSIMI AC REVERENDISSIMI PRINCIPIS
ET ARCHIEPISCOPI

DOMINI, DOMINI

GUIDOBALDI,

SANCTÆ ECCLESIAE ROMANÆ CARDINALIS
CONSILIARIO.



Typis Monasterii EINSIDLENSIS,

Per IACOBUM AMMON.

ANNO CHRISTI M. DC. LXVII.



SCHOLASTIC

IN PRIMAM PARTEM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM

AD NOMINIS THEOLOGIAM



AD NOMINIS THEOLOGIAM



AD DIVAM VIRGINEM
THEOLOGICÆ INCREATÆ
MATREM ET SAPIENTIÆ CREATÆ
Fontem inexhaustum.

SI totius orbis Flumina, unde exe-
unt, in Maria redundant, ut ite-
rum fluant, cur ad te O Maria
non redeant fluentia Sapientiæ Di-
vinæ, mente prius, quàm ventre
à Te conceptæ, & ex Te redundā-
tis in universum orbem. Te in primo statim Glo-
riosæ Nativitatis Tuæ momento, dum vix edita
esses in lucem, Divinæ Gloriæ lumine illustratam
mentis intuitum in ipsâ Divinitatis Primævâ &
infinîtâ luce fixisse, imò oculis corporeis adhuc in-
tra obstrusum ventris Materni cubile clausis om-
nisque adeò lucis expertibus, mentis Tuæ aciem Es-
sentiæ Divinæ luce perfusam, in ipso Verbo
increato immensa Deitatis arcana intuitam es-
se, pia & probata sententia est. Quis igitur du-
bitet, omnes quoscumque Prophetarum, alio-
rumque sacrorum librorum sensus reconditos in
Verbi Divini speculo increato Tibi tunc pervios
fuisse? Et verò dū Virtus Altissimi in tantū Tibi
obumbrabat, ut Carne ex purissimo Tuo sanguine
per Spiritum Sanctū efformatâ Divinæ Verbi æ-
terni Hypostasi substantialiter unitâ, Sacramentum
hoc Magnum, quod sola per se Trinitas cum & in
Te sola operabatur, Tibi soli daretur nosse, & expe-
riri, ambigere non licet, increatum Verbi Divini
splen-

AD DIVAM

splendorē carni ex Te assumptæ personaliter coniū-
ctum & intra Uteri Tui Virginei claustra Divi-
na fidei Mysteria in se tanquā vivā Patris æter-
ni imagine exemplantem purissimæ menti Tuæ e-
atenus resplenduisse, ut sub uno huius Gloriæ splen-
doris radio increato non universum duntaxat
mundum prolis à Te conceptæ ex Te communica-
to sanguine colligendum conspiceres, sed omnes
Divinæ Sapientiæ thesauros septē sigillis clausos,
& per Filii tui Evangelium recludendos, imò ex
agro Evangelico eruendos in ipsomet Divinitatis
speculo infinito haberes apertos. Cū proinde
Divinæ speculationis non quidem in Te adhuc fir-
mata, sed obscuræ Fidei Ænigmatico speculo in
viā adhuc ambulanti succedente per transitū quan-
doque illucescentis rememorativā species impressa
fuerit, manifestè evincitur, vi huius impressæ speci-
ei in Divinæ illius intuitionis rememorativā ima-
gine sanctissimæ menti Tuæ fuisse repræsentatos
quoslibet Divinorum non sub modio duntaxat
Prophetiæ Revelationis latentium, sed super Evan-
gelicæ lucis candelabro resplendescentium My-
steriorum sensus. Si ergo ea, in quibus ceu Patris
æterni Mysteriis oportebat esse Filium Tuū, con-
servabas in corde, imò si ea conservans in mente,
cum illā utique Divinorum in Essentiæ Divinæ
luce aliquando illucescentium Mysteriorum reme-
morativā specie conferebas, oportet ex ipsā per
primam Veritatem, & scientiam Dei increatam
Intellectui tuo vi illius rememorativæ speciei af-
fulgente Veritate manasse Theologicum discursum,
Filii tui Apostolis deinceps communicatum,
& his mediantibus toti orbi manifestatum. Imò
cū

VIRGINEM.

cum Apostolorum & Evangelistarum Magistræ nomine Cœtus fidelium Te salutet, cumque Evangelistam, qui Evangelii fluentia de Sapientiæ Increatæ ex Te Genitæ pectore hausit, idem Filius tuus commendarit Tibi tanquàm Matri, Divini utique per Evangelium postea edendi foetus Genitrici; clarè constat, Sapientiæ Theologicæ flumina ex Te tanquàm Mari fluxisse in Ecclesiæ sanctæ Doctores, ut meritò in Te redundare debeant; quinimò fateri necessum sit, veram & Orthodoxam Theologiam Sapientiæ Theologicæ mente Tuâ conceptæ subalternatam esse. Etenim Doctoris Angelici Divinam suam doctrinam ex uberibus tuis haurientis sententia est, Theologiam esse subalternatam scientiæ Beatorum. Hoc autem eo sensu accipiendum est, quòd, cum Divina Prophetarum oracula mediantibus Angelis sint revelata, Principia Theologica per Fidem Divinam ex antiqui Testamenti sacris litteris eruta fuerint prius firmata in Theologiâ Beatorum Angelorum, ipsomet Verbo Divino per lumen Gloriæ intelligibiliter unito mentibus Beatis, sintque exinde per Revelationes Divinas derivata in mentes humanas fide Theologicâ instructas, vi huius infusæ fidei expeditas ad discursus ex illismet in scientiâ Beatorum firmatis ac per fidei actum expressis principiis eruendos. An non igitur iure potiori Theologiam nostram ad pedes tuæ Theologiæ subiicimus, siquidem, Filio tuo sui in scientiæ Divinæ communicatione fundati regni medietatem Tibi communicante, constituta sis in Matrem Divini per Evangelium editi foetus, dum nimirum thesauris omnium tam novi, quàm antiqui

Testa-

A D B. V I R G I N E M.

Testamenti Myſteriorum in perſpicuo Divinitatis ſpeculo exhibitis Apoſtolos & Evangeliſtas unâ cum Filio Tuo illuſtraſti Divinæ veritatis radiis, ex quibus Orthodoxæ Sanctorum Eccleſiæ Doctorem Theologiæ lucerna proditura fuerat. Quamobrem ubi non ex proprio, ſed ſacræ obedientiæ inſtinctu aliquas Theologicas elucubrationes edere ſtatui, ad ſacros Tuos pedes provolutus, primo poſt Deum iure Tibi conſecrandas meritò exiſtimavi, ſiquidem intra Einſidlenſis Divinitus Tibi conſecrati Sacelli gremium educatus & in Theologiâ ſacrâ enutritus, haud ambigam, quidquid lucis ex Divinâ veritate participatæ in hoc opere meo elucet, ex illis, quibus ſub ipſamet Sacelli illius conſecratione Divinâ inſtar fulguris ſplendebas, radiis emanâſſe. Cuius à me conceptæ ſpei firmitatem eò magis teneo, quòd ipſamet increata ex Te Genita Sapientia, miniſtrantibus ſanctis Evangeliſtis & Eccleſiæ Doctorebus, ſacrum illum locum Tibi dicarit, evidenti utique argumento, quòd Primæ ſuper Evangelii Candelabrū poſitæ veritatis radii ex Te prodeſſent in illos, qui veram Theologicâ Sapientiam in illo ſanctuario per tuam interceſſionem poſtularent. Quâ proinde ſpe fretus, iſtas meas quantumlibet exiles elucubrationes ſupplex Tibi offero, ut quidquid de luce Theologicæ veritatis illis continetur, in Te tanquã Sapientiæ Divinæ Pelagus redundare velim, hoc unice rogans, ut, ſi aliquid de ignorantia meâ tenebris irrepiſit, hoc Divinæ tuæ lucis Radiis abſtergere digneris.

Inſimus Chriſtus

P. AUGUSTINUS REDING ad Einſidlenſem Divinitus conſecratam SS. Dei-
paræ Adem Ord. S. Benedicti Profeſſus.

SANCTISSIMO

ET

BEATISSIMO PATRI

AC

DOMINO. D. N.

CLEMENTI IX.

PONTIFICI

OPT. MAX.

P. AUGUSTINUS REDING PRIN.

GIPALIS HEREDITARIUS, VULGO B.M.

MARIÆ VIRGINIS DE EINSIDLEN,

ORDINIS S. BENEDICTI PROFESSUS

ET DECANUS

OMNEM FELICITATEM.



Nter innumeros applausus, quos Reges
& Principes, quosque etiam modò Helve-
ticæ Nationis Orthodoxi Proceres, imò
totus Orbis Christianus de S.^{is} Tuæ
facta ad summum Apostolici culminis
apicem evectione gratulantes deferunt,
Heremus Nostra Mariana grandi impietati sibi verti vereretur,
vell longè à Tuorum SS. Pedum osculo abesse, vel suorum
obsequiorum Officia non præstare. Enimverò, B.^{mo}
PATER, quâ fronte ista se ab hoc sive communi Orthodo-
xæ nostræ Patriæ gratulationis munere, sive suorum quo-
que oblatione Votorum subduceret, dum & communi-
bus sese cum Helvetiâ, & privatis etiam obligationum ti-
tulis ut plurimum obstrictam esse fatetur? Communes
sunt Orthodoxis Helvetiis Cantonibus cum nostrâ He-
remo accepti à SS. Apost. Sede favores & gra-
[.] tia;

tiæ; communia pariter sint & debita. Illiquondam pro
 eiusdem Aris, sic dicam, & Focis contra Invasores ac Ho-
 stes strenuè^(a) dimicantes à diversis Summis Pontif. glo-
 riosistitulis DEFENSORUM, & PROTECTORUM Apost. Sedis, ip-
 siusque Ecclesiæ, condecoratos se esse deprædicant; Istam
 verò Leo VIII. & X. Pius II. & IV. Nicolaus V. Ju-
 lius II. Clemens VII. & VIII. alique Pontifices Rom.
 de sincero, constanti, ac sedulo in dictam S.^{mam} Sedem
 devotionis affectu, Sanctæque Fidei Catholicæ Zelo tan-
 toperè commendare dignati sunt, ut, si gloriari oportet, in
 hoc ut plurimum non dubitet gloriari, se ex ipsius feliciss.
 record. Leonis PP. X. scriptis litteris asseri, ^(b) de eadē Sum-
 mæ Sede *in omnibus rebus & benè meritam, & in sinu paternæ eiusdem Cha-
 ritatis esse receptam.* Accepit olim Helvetia à Iesu Christi Vica-
 rio Gladium & Pileum, Liberæ Potestatis, & potentis Li-
 bertatis insignia auro gemmisque pretiosa: accepit & He-
 remus Helveto-Mariana spiritualia Pilei & Gladii, Liberta-
 tum videlicet ac Exemptionum, aliarumque memorabili-
 um prærogativarū munera. Illa communibus simul, & par-
 ticularibus pro quolibet Oppido, nomine tam Pontificis
 quàm Ecclesiæ, Vexillis per Christi Liberatoris Sacra Pas-
 sionis Mysteria insignitis donata est: Hæc autem eadem
 communia Helvetiæ Vexilla à Confœderatis Cantoni-
 bus unanimi consensu Cælitum Reginæ oblata, suo tem-
 plo intulit, & tanquàm perennia Apost. liberalitatis
 monumenta è tholo & fornice supra Altare maius visen-
 da suspendit. Quid plura? inter Helvetiorum Orthodo-
 xos Cantones & Sacram Heremum tam est indissolubi-
 lis nexus, ut in gravissimis hætenus, propter irrequietos
 hæreticæ Vesaniæ assultus, periclitantis non solum S.
 Rom. & Apost. Fidei, sed & Patriæ Universæ publicis
 quibusvis necessitatibus per potentissimam suam Virgi-
 nem Inquilinam, Heremus fiat commune pariter cœlestis

(a) Anno 1512. (b) 1518. 4. Id. Decemb.

DEDICATORIA.

auxilii Promptuarium, Armamentarium quoddam spirituale, & omnium calamitosorum Asylon. Unde iure merito Heremus una cum Orthodoxâ Helvetiâ suam gratulationis, tum devotissimæ servitutis anathemata ac vota ad Beatitud. Tuæ Pedes deponit.

Patris etiamnum Clem.^{mc} & S.^{mc} Pater, ut quid & quantum specialis obligationis erga Apost. Solium, Tuamque S.^{em} Heremo nostræ incumbat, vel verbo dicam: Si etenim illius Sacellum, quod Christus summus Sacerdos olim assistentibus B. Petro Apost. & SS. Quatuor Evangelistis, nec non Ecclesiæ Doctoribus, aliisque Divis Ministrantibus, & Angelis succinentibus, Matri suæ Virgini Solis instar super Aram fulguranti visibiliter Ipsemet inspectante S. Conrado Constant. Episcopo consecravit [eadem Apostolica Sede divinam hanc Consecrationem confirmante] Istud, inquam, Sacellum quam plurimi deinceps Romani Pontifices immensis indulgentiarum, gratiarum ac Privilegiorum, pro innumerabilium animarum salute, thesauris nobilitarunt, quanta non, pro Deum immortalem! Heremitanum hoc Monasterium cum suo Cœlesti Sacello erga hoc Apostolicæ Munificentiae Gazophilacium debita contraxit? Et maximè, quod ea propter, non modò apud Helvetici fœderis populos, sed totius quoque Germaniæ incolas & accolas ita fuerit illustre redditum, ut nobilis Scriptor Sacri quondam Lateran. Palatii, Aulæque Imperialis^(c) Comes publicâ editione testatum reliquerit, præ illo, *nullum in Germania neque Cælorum Regina presentia Religiosius, neque Antistitem nobilitate illustrius, neque summorum Pontificum ac Regum privilegijs honoratius, ac denique omnium propè Nationum peregrinationibus frequentius, atque miraculis esse insignius.*

Unde & Rev.^{mus} Fridericus Fornerus Bambergensis Antistes in sua Mariæ Palmâ Triumphali asseverare non dubitavit,^(d) quòd *Lauretana Domus est Italia, id Heremitanam esse Ger-*

(c) D. Magunt. in sua Advocatâ armatâ t. 4. li. 466. (d) lib. 3. c. 14.

EPISTOLA

mania. Fatentur hoc publicis devotionū, donorum, & Anathematum monumentis, quotquot annuatim ultra centum millia Peregrinorum ad percipienda SS. Sacramenta huc confluunt: fatentur ipsimet à Fide Orthodoxo - Romana alieni, tanto huc numero ad suam Conversionem accurrentes, ut, [si opera ^(e) DEI revelare, & confiteri honorificum est] sub moderno solum istius Abbatis mei regimine plures quàm undecies centum Animas Heremus nostra è sinu Hæreticæ Novercæ, obstetricante quasi manu avulsas in gremium veræ, Sanctæque Romanæ aggregavit Ecclesiæ, & in dies aggregare indefessa laboret.

Hæc verò, S.^m Antistitum omnium Antistes, si cuius affectatæ laudis notam sapere videri possent, illam sanè nullatenus sibi vendicat Heremus, sed totum Deo ac Deiparæ, totum acceptis ab Apost. Sede ad ea præstanda gratiosissimis Indultis, Privilegiis, & Gratiis, totum visibili Christo, Tuæ nimirum Clementiæ & Clementissimæ Paternitati, tanquàm Increati Verbi Dei Verbo creato, tanquàm omnium meritorum principio, ac totius Heremitani ædificiū, illiusque augmenti & incrementi Fundamento ac Petræ in acceptis refert huc affluens cum finitimis populis Germania; refert Orthodoxa Protectrix Helvetia; refert denique & per omnes referet seculorum æternitates Tuis SS. Pedibus advoluta supplex Heremus, per me S.^{is} Tuæ devotissimum servum hæc Theologicas à me elaboratas Lucubrationes ac Tomos, in signum perpetuæ subiectionis, ac filialis devotionis offerens, Tuamque B.^{MAM} Maiestatem osculo pietatis adorans; minimè dubia, Te huic S.^{MÆ} Virgini Heremo, uti eius consecrationi Christus suâ Clementi præsentia immediate affuit, ita quoque futurum esse

æternè

C L E M E N T E M.




FACULTAS

ILLUSTRISSIMI, ET REVERENDISSIMI
DOMINI, DOMINI
ABBATIS EINSIDLENSIS.

PLACIDVS

DEI, ET APOSTOLICÆ SEDIS GRATIA ABBAS
Monasterij Einsidlensis Exempti, & Sacri Romani
Imperij

PRINCEPS.



UM præsens Sacræ Theologiæ To-
mus primus ab Admodum Reveren-
do, Clarissimo & dilecto nostro Patre
AUGUSTINO REDING
SS. Theologiæ olim Professore Almæ Archie-
piscopalis Universitatis Salisburgensis, ad instanti-
am eiusdem Magnifici Patris Rectoris Alphonsi
Stadelmayr in lucem publicam edendus per tres
Theologos respectivè Sacræ Theologiæ Pro-
fessores fuerit recognitus & approbatus: id-
circo tenore præsentium facultatem concedi-
mus, eundem Typis mandandi. Actum in
Monasterio nostro Einsidlensi, die 4. Septem-
bris, 1667.

PLACIDUS ABBAS.



FACULTAS
REVERENDISSIMI PRÆSIDIS
UNIVERSITATIS SALISBURGENSIS.

NOS Raymundus Ord. S. Benedicti Abbas Admontensis, sacrae Cæsareæ Maiestatis, & Eminentissimi, Celsissimi, ac Reverendissimi Principis Archiepiscopi Salisburgensis &c. Consiliarius respectivè Intimus, per superiorem Styriam Archidiaconus, Benedictinæ Universitatis Salisburgensis p. t. Præses, Facultatem damus, ut primus Tomus Theologiæ Scholasticæ Admodum Reverendi & Clarissimi P. AUGUSTINI REDING olim in præmemoratâ nostrâ Universitate publici Theologiæ Professoris, prius à Theologicâ nostrâ facultate lectus & approbatus bono publico evulgetur.
Actum Admontes, die 17. Novemb. 1667.

RAYMUNDUS ABBAS
Admontensis p. t. Uni-
versitatis Præses.

APPRO-



APPROBATIO

FACULTATIS THEOLOGICÆ
in Universitate Benedictino-Salis-
burgensi.

NOS infrascripti Tonium primum Operis Theologici de DEO UNO, & TRINO Admodum Reverendi P. AUGUSTINI REDING Monachi Einsidlensis, quondam in hac prædictâ Universitatē nostrâ Theologiæ Scholasticæ Professoris relegimus, nihilque in eo Orthodoxæ Fidei, probisque moribus contrarium: sed in hoc sacro studio magnam Auctoris alacritatem, multam lectionem, & cum subtilitate profunditatem doctrinæ deprehendimus. Idcirco æquum iudicamus, ut Tomus iste, quem suo sibi merito peperit, cum laude lucem publicam adspiciat. Actum Salisburgi die 20. Decemb. 1667.

P. DESIDERIUS SCHAPPERGER
Monachus Benedictinus in Seon.
SS. Theologiæ Doctor & Professor
Ordinarius, ac p. t. Facultatis
Theologiæ Decanus.

P. MAURUS OBERASCHER Mo-
nachus Benedictinus in Monsee.
SS. Theologiæ Doctor & Profes-
sor Ordinarius.

P. FRANCISCUS METZGER Mo-
nachus Benedictinus ad S. Petrum
Salisburgi. SS. Theologiæ & J. U.
Doctor, ac Moralis Theologiæ
Professor Ordinarius.



A P P R O B A T I O
Theologorum Monasterii Einsidlensis.

HOs in l. p. D. Thoma Commentarios abs Adm. Rev. ac Clariss. Dn. **AUGUSTINO REDING** olim in florentissimâ Academiâ Salisburgensi S.S. Theologia Professore adumbratos attentè & fructuosè perlustravi, nihilque in iis siue puritati Doctrinae Apostolicae, siue moribus Christianis dissonum deprehendi; quin potius annotavi, opus esse singulari & proprio Authoris studio, non alieno labore partum, in quo & antiquorum orthodoxorum Patrum, & gravissimorum virorum vestigia feliciter premit. Quamobrem, ut in lucem & bonum publicum prodeant, dignos iudico. Actum in Monasterio Einsidlensi. 6. Septembris. 1667.

Ego P. BONIFACIUS TSCHUPP Monach. Einsidlensis, & ibid. SS. Theol. Professor Ord.

CUm in hoc primo Tomo Adm. Rev. & Clarissimus D. Dns **AUGUSTINUS REDING** & Deum Unum & Trinum, nec non & Angelos velut in Rubo ardente, tam doctrinae puro, quam morum sincero oculo aspexerit, aequum omnino iudico, ut hanc visionem magnam, quam ipse iuxta Doctrinam verè Angelicam vidit, & inflammato amans corde omnibus offert conspiciendam, omnes per lucem publicam oculos admovendo videant, & videndo inflammentur. Actum in Monasterio Einsidlensi. 6. Septembris. 1667.

P. ÆGIDIUS EFFINGER Monachus Einsidlensis & SS. Theol. Professor Ordin.

Primus hic de Deo Uno, Trino, atque Angelis Tomus Admodum Reverendi, ac Clarissimi P. **AUGUSTINI REDING** Tomus nullibi vel Orthodoxae Fidei, vel bonorum morum regulis contrariatur, imò multam lucem & claritatem doctrinae Theologicae continet. Quare ne sub medio lateat, ad multorum emolumentum & imitationem supra Candelabrum boni publici meritò per typum ponitur. Actum in Monasterio Einsidlensi 6. Septembris 1667.

P. DIONYSIUS HARTMAN Monachus Einsidlensis & Theologus.

PRÆFA-



P R Æ F A T I O.



Xhibet, Tibi Lector, Benevole hic primus Sacrae Theologiae Tomus materiam de Deo Uno ac Trino, atque de Angelis. Si Theologiam ipsam contempleris, eam quasi prolem Divini aeterni luminis conspicias, Doctore Angelico *1. p. q. 1. a. 2.* attestante, quod sit scientia ex principiis superioris Scientiae Dei & Beatorum derivata. Quam equidem derivationem sic deduces, ut Prima Veritas omnis veritatis in se formativa & expressiva sub obscurâ revelatione per supernaturale voluntatis, praelucente prudentiali credibilitatis evidentiâ, à Spiritu sancto motæ imperium applicata Intellectui, hunc captivet in sui obsequium. Quare Intellectus supernaturali virtutis Fidei lumine Intellectuali elevatus vi illius imperij captivatus ad credendum, ex speciebus creatis, sub quibus Mysteria fidei Divinitus, sed obscure revelata proponuntur, mediante actu fidei format in se Verbum creatum supernaturale, per quod Veritatis revelatæ sub ipsomet Increatæ ac Primæ Veritatis Motivo sit expressio Intelligibilis. Vi cujus proinde Verbi illucet Intellectui supernaturale lumen Intelligibile, in Caliginoso quidem loco sub obscurâ scilicet Revelationis Divinæ Speculo Ænigmatico repræsentativum Veritatis quatenus in ipsomet Dei Intellectu per Essentiæ Divinæ Esse in se Intelligibiliter expressum firmatur. Vnde Verbi per fidem infusam efformati, nec non Veritatis per hanc expressæ firmitas & certitudo non tantum Efficienter, sed in Quarto perfectitatis modo Formaliter derivatur ex Increato Divinæ Scientiæ lumine Intelligibili, tanquam suo Formali specificativo. Quod adeo ex Divino Intellectu, ejusque increato Intelligibili lumine non quidem instar Verbi increati in Primo, sed Quarto duntaxat Perfectitatis modo specificatum actu fidei expressum Verbum Intellectum creatum locat in Veritatibus immobilibus tanquam primis Theologizandi Principiis. Exinde quia supernaturales virtutes Intellectuales Intellectus humani conditioni & naturæ eatenus accommodantur, ut in hoc habeant vim discursivam, consequens est, infusum Fidei Theologicæ lumen posse Veritatem in Verbo per fidem expresso repræsentatam conferre cum aliâ veritate vel Divinitus creditâ, vel naturaliter seicâ. Ex hac verò collatione illucet novum Intelligibile lumen Extremorum cum aliquo medio sub Primæ in Verbo per fidem expresso repræsentatæ Veritatis ratione eatenus combinativum, ut ista combinatio duas sub fidei Intelligibili lumine inter se collatas præmissas continens, Intellectus creati ad tertiam quandam in ipsis virtualiter contentam, & vi talis collationis ex ipsis deductam veritatem ceu conclusionem sit intrinsecè determinativa. Hæc igitur Conclusio est Formaliter Theologica, cujus assensus pro

P R Æ F A T I O.

Motivo Formali secundum Quartum perfectatis modum spectat illā duplicis præmissæ sub Intelligibili fidei lumine collatæ combinationem non Materialiter spectatam, sed Formaliter, ita ut ipsummet increatum Primæ veritatis lumen assensus præmillarum motivum ac specificativum, sit quasi anima seu forma, sub quâ præmillarum Veritas specificat assensum conclusionis, Veritate Præmillarū sub illo Divino lumine revelatarum se habente tantum Materialiter per modum substrati, in quo Veritas Divini luminis increata ad intellectum fide Theologicā instructum applicata est determinativa ad illationem discursivam ex ipsomet Divino per ænigmaticum fidei verbum expresso Intelligibili lumine specificatam. Ex quo fit, Theologiam eatenus esse in Substantiā supernaturalem, ex discursibus intrinsecè supernaturalibus generatam, ut eo ipso sit scientiæ Dei strictè subalternata; siquidem istius Increatæ sapientiæ principia, per creatum fidei Divinæ Intelligibile verbum firmata in Intellectu viatoris, sub Primæ Veritatis Dei scientiam Formaliter identicè specificantis Motivo faciant resultare lumen Divinæ revelabilitatis, cū Rationis formalis *sub Quâ* determinatur intellectus ad Theologicæ conclusionis illationem, ut adeò Theologia non tantum ex parte Principiorum, sed suarum quoque conclusionum eodem, quo Increata Dei Sapientia objecto Formali, diversimodè licet applicato, nitatur, indeque certitudinem Metaphysicā certitudine majorem derivet in suas conclusiones. Et quia Intelligibile Fidei Verbum in ipsâ Primæ Veritatis, ipsiusq; adeò Deitatis Luce immobiliter firmatum quamlibet in hoc Divinitatis lumine Veritatē tum Formaliter, tum Virtualiter contentam contemplari nata est, idcirco Intellectus tali lumine instructus in Pace in idipsum dormiendo in Veritatis Essentialiter, vel Participativè Divinæ speculatione eatenus requiescit, ut sub hâc ipsâ tamen speculationis quiete legem æternam ex Divinæ revelationis luce Intellectui nostro illuminentem intuendo, Moralis quoque rectitudinis regulas ex Divinâ mente ideatas statuatur: unde Theologia non speculativi duntaxat, sed Practici quoque habitus eminentiam sub unâ indivisibili ratione continet. Etsi verò omnis Formalitas Divina ex naturâ rei Formaliter sit de Essentiâ & Quidditate Dei, nihilominus quia Verbum virtute fidei licet supernaturalis, attamen species Intelligibiles naturales utentis exprellum ex formis creatis est abstractum, atque adeò finitum, & limitatum, nec Deitatis, ut est in se, intuitivum, sed in speculo Ænigmatico contemplativum; idcirco plena DEI sub omnimodæ perfectionis formalitate per summam simplicitatem subsistens actualitas non uno verbo exprimitur in Intellectu Viatoris, sed hic ex speciebus creatis diversa formando verba de formalitatibus Divinis, istarum unam instar Essentiæ, alteram instar attributi intelligit, ipsomet Deo *Exodi 6.* attestante, se Abraham apparuisse in Deo Omnipotente, non tamen ipsi, sed Moyli indicasse nomen Adonai Essentiæ Divinæ significativum sub formalitate Esse subsistentis, cujusmodi Essendi actualitatem ipsummet ex se Formalissimè Hæceitatum seu suppositatum Esse involventem optimè exprimit nomen *Qui est.* Nec obstat, quod ultimè actuati sive à se & ex se subsistentis, atque adeò Hæceitati Esse ratio Transcendentaliter imbibatur in omni Formalitate Divinâ: sicut enim in creatis subjectum in secundo Dicendi modo per se

P R Æ F A T I O.

per se dicitur de suis proprietatibus tanquàm Essentialiale quid acci-
dentium priorum in concreto sumptorum ; sic quia omnis
Formalitas Divina est una purissima actualitas, oportet, Essen-
tiam Dei specificam & propriam etiam in abstracto Essentialiter
importari in quavis perfectione Divinà, Notionali quoque & At-
tributali, licet talis econtra nò includatur in conceptu objectivo Elle
subsistentis sive Essentialis Dei. Cum porro cuivis Essentiæ formalitati
Transcendentaliter conveniat ratio veri importantis ut sic formalitatem
Intelligibilitatis objectivæ, oportet, Purissimam Divini subli-
sistentis Elle actualitatem hoc ipso in ratione Veritatis ac Intelligibi-
litis ex se ipsa formaliter actualitatem, atq; adeò in ratione Verbi In-
telligibilis expressam, esse sui ipsius formalissimam intellectionem. Quæ
proinde intellectio ceu Prima in Elle pure subsistente conceptibi-
lis operatio rectè sortitur nomen Naturæ Divinæ, in cuius similitu-
dinem ex vi processioneis suæ Formaliter in Quarto etiam perfei-
tatis modo procedit Filius Dei, cum econtra Spiritus Sanctus in
primo duntaxat perfectatis modo Essentialiter sit procedens in simili-
tudinem Intellectionis & Naturæ Divinæ. Ex quo tamen Filij ac
Spiritus Sancti Processioneis discrimine non fit consequens, quòd
Amor Dei increatus in processione Spiritus Sancti habens rationem
Principij *quo*, per se in Quarto perfectatis modo tendens in sui
similitudinem Formaliter ex Naturà rei sit distinctus à Naturà
Divinà habente rationem principij *quo* in aternà Filij Generatio-
ne. Hæc enim ex subtili Scoti ingenio fluens formalis ex naturà
rei distinctio pugnat cum purissimà Divini Elle actualitate: liqui-
dem ista omnimodæ potentialitatis exclusivæ inferat in Deo infi-
nitatem in ratione formali non tantum Entis, sed Entitatis : ejus-
modi verò infinitas sub unâ simplicissimà formalitate & quid-
ditate à parte rei formaliter dicat omnimodam Entitatis actuali-
tatem & perfectionem simplicem. Quare Divinarum Formalita-
tum distinctio formalis non est à parte rei, sed ratione duntaxat
ratiocinatà secundum præcisiones objectivas fundatas tamen in re-
ali Virtuali Attributorum & Personalitatum à Divinà Essentià di-
stinctione. Hæc enim distinctio est quædam unitatis Eminentia,
per quam Formalitates propter immersionem potentialitatis in
substantijs creatis distinctæ per actualitatis puritatem elevantur in
simplicissimam ex naturà rei formaliter indistinctam quidditatem,
seu Entitatem. Quæ unitatis Eminentia suæ intelligibilitatis lu-
ce intellectum creatum infinite excedens facit, ut Intellectus crea-
tus formalitates Divinas ex formis creatis per species abstractivas
intelligens non uno simplici intuitu, sive uno verbo in se Intelli-
gibiliter exprimat, sed aliam formet Intelligibilitatis rationem ob-
jectivam de Essentià, aliam verò de Attributo, aliam de Hypostasi.
Unde fit etiam, quòd Essentia ut sic communicabilis negetur esse
formaliter Hypostasis, quæ per rationem suam formalem est in-
communicabilis, tamen negatio ejusmodi non se teneat ex parte
rei ut est in se, sed prout subest nostro conceptui, ac secundæ in-
tentioni objectivè præcisivæ. Ex vi quarum præcisionum unius
formalitatis ab alterà intentionaliter distinguendum formari pos-
sunt veræ ac propriè dictæ Divinorum Attributorum ex essentià de-
monstrationes. In cujusmodi adeò demonstrationibus, dum nobis
viatoribus non in lectulo, dormiendo in pace in idipsum Verita-

P R Æ F A T I O.

tem plenè invenire, & in hâc quiescere licet per discursus indagandis, omnium Theologicæ Facultatis Scholarum vicos & plateas circumire placuit, Vigiles Civitatis Jerusalem, Sanctæ Ecclesiæ Doctores studiosè perscrutando, num, quam diligit anima mea, veritatem Divinam, viderint. E quibus spero tam copiosam Divinæ Doctrinæ lucem ex æternæ per Verbi Divini revelationes nobis communicatæ Gloriæ splendore nobis affulsuram, ut Claritas Meridiei in Angelici Doctoris ex universorū ferè Ecclesiæ Doctorum libris Quintam quasi Essentiam extrahentis summa Theologica, quam in almâ Universitate Salisburgensi tandem didici, habere pro matre, lucis suæ faces præferendo, Veritatem unice dilectam sit manifestatura. In cujus proinde Veritatis investigandæ studiosâ inquisitione, quam unâ cum præactâ Salisburgensi Archiepiscopali Academicâ, de quâ ceu Genetrice meâ, indignus olim sacra Theologiæ ibidem Professor gloriari non erubescō, in eam viam, ut Lector Benevolus in primâ statim facie nosse valeat, Generalem in certos Articulos, & pro se natâ in Controversias subdividendarum Quæstionum Indicem hîc attexere libuit, dum interim de hoc unice sollicitus sum, ut ne quoquo modo extra Domûs Matris meæ sanctæ Ecclesiæ limites egredi videri possim, pro non dictis habere vellem, si vel minimus apex irreplisset, qui cum Romanæ Ecclesiæ doctrinâ aliquatenus non concordaret.

V A L E E T F A V E.



INDEX



I N D E X

QUAESTIONUM, ARTICULORVM, ET CONTROVERSIARVM.

QUAESTIO I.

DE	
Sacrâ Doctrinâ, seu Theologiâ. pag.	1
ARTICULUS I.	
De Necessitate ac Divisione Theologia. pag.	3
CONTROVERSIA I.	
An Sacra Doctrina sit simpliciter necessaria ad finem supernaturalem, nec non ad veritates de DEO lumine naturali investigandas?	ibid.
CONTROVERSIA II.	
An, & quomodo Theologia Ecclesia sit necessaria?	4
CONTROVERSIA III.	
Quotuplex sit Theologia?	7
ARTICULUS II.	
An, & qualis scientia sit Theologia?	8
CONTROV. I.	
An Theologia Viatorum propter inevidentiam deficiat a ratione perfecta scientia?	ibid.
CONTROV. II.	
An Theologia Viatorum subalternetur Theologia DEI & Beatorum?	13
CONTROV. III.	
An Theologia sit habitus quoad substantiam Supernaturalis?	16
CONTROV. IV.	
An Theologia sit unus simplex habitus?	21
CONTROV. V.	
An Theologia sit Practica, vel speculativa?	25
ARTICULUS III.	
De subiecto, seu objecto Theologiae.	29
CONTROV. I.	
Quod sit objectum materiale Theologiae?	31
CONTROV. II.	
Quod sit objectum Formale Theologiae?	32
ARTICULUS IV.	
An, & quomodo sacra Doctrina sit argumentativa?	35
CONTROV. I.	
Firmum Theologia sit habitus Adhesivus, & argumentativus?	ibidem.
CONTROV. II.	
An, & quomodo Theologia possit probare sua principia?	38

CONTROV. III.	
Ex quibus Locis, & qualiter argumentetur Theologia?	40
CONTROV. IV.	
Ex quo Sacra Scriptura sensu Theologia argumentetur?	42

QUAESTIO II.	
DE	
Existentiâ, Essentiâ, Naturâ, Attributis, & Nominibus DEI.	45
ARTICULUS I.	
De Existentiâ DEI.	ibid
CONTROV. I.	
An, & quomodo sit per se notum, Deum esse?	ibid.
CONTROV. II.	
An Deum esse, naturali lumine demonstrari possit?	47
CONTROV. III.	
Quibus medijs vi luminis naturalis demonstratur, Deum esse?	48
CONTROV. IV.	
An naturali lumine tam evidens sit, Deum esse, ut à nemine invincibiliter ignorari possit?	50
ARTICULUS II.	
De Essentiâ & Naturâ DEI?	52
CONTROV. I.	
An in Deo cum fundamento in re sit assignabilis prima formalitas Essentiae Divinae ut sic constitutiva?	ibid.
CONTROV. II.	
An Essentia, & Natura Divina distinguantur ratione cum fundamento in re?	54
CONTROV. III.	
Quae sit ratio formaliter constitutiva Essentiae Divinae?	59
CONTROV. IV.	
Quae sit ratio formaliter constitutiva Naturae Divinae?	59
ARTICULUS III.	
De Attributis Dei in genere.	61
CONTROV. I.	
Utrum Attributa & Hypostases Divinae realiter distinguantur inter se, & ab Essentiâ Divinâ?	ibid.
CON-	

Index Questionum, Articul. & Controv.

CONTROV. II.	
<i>Utrum Attributa, & Relationes Personales in Deo ab Essentiâ distinguantur ex naturâ rei formaliter?</i>	63
CONTROV. III.	
<i>An Distinctio rationis Attributorum, & personalitatum à Divinâ Essentiâ fundetur in eorundem intrinsecâ reali virtuali distinctione?</i>	68
<hr/>	
QVÆSTIO III.	
DE	
<i>Attributis DEI in specie.</i>	73
ARTICULUS I.	
<i>De Simplicitate DEI.</i>	ibid.
CONTROV. I.	
<i>An soli Deo ratione summa Simplicитatis & actualitatis conveniat identitas Natura & Substantiæ?</i>	74
CONTROV. II.	
<i>An soli Deo ratione actualitatis Essendi conveniat identitas Essentiæ, ac Existentiæ?</i>	ibid.
CONTROV. III.	
<i>An Deus sit in genere aliquo?</i>	76
ARTICULUS II.	
<i>De Perfectione, & Bonitate Dei?</i>	78
CONTROV. I.	
<i>An omnes perfectiones sint in Deo?</i>	ibid.
CONTROV. II.	
<i>An perfectiones aliqua creata univocè conveniant cum Divinis?</i>	79
ARTICULUS III.	
<i>De Infinitate, & Immutabilitate Dei.</i>	83
CONTROV. I.	
<i>An Esse per se subsistens, ac irreceptum sit prima radix Infinitatis Divinæ Essentiæ?</i>	ibid.
CONTROV. II.	
<i>An Possibile sit Ens creatum infinitum?</i>	84
ARTICULUS IV.	
<i>De Immensitate ex Existentiâ Dei in rebus?</i>	87
CONTROV. UNICA.	
<i>An operatio Dei sit formalis ratio Præsentia, ac Existentiâ ipsius in rebus creatis?</i>	ibi.
ARTICULUS V.	
<i>De Aeternitate DEI.</i>	90
CONTROV. I.	
<i>In quo consistat formalis ratio aternitatis?</i>	91
CONTROV. II.	
<i>Utrum Aeternitas creatura alicui communicabilis sit?</i>	93
CONTROV. III.	
<i>An, & quomodo Aeternitas Dei sit mensura rerum existentium in tempore?</i>	95

QVÆSTIO IV.

DE	
<i>Cognoscibilitate DEI.</i>	99
ARTICULUS I.	
<i>Quâ, & cuius substantia potentia producibilis sit Essentiæ Divinæ Visio intuitiva?</i>	ibid.
CONTROV. I.	
<i>An Deus videri possit oculis corporeis?</i>	ibid.

CONTROV. II.	
<i>An Divina Essentiâ videri possit virtute intellectus creati?</i>	101
CONTROV. III.	
<i>An Possibilis sit substantia creata supernaturalis, cui Lumen gloria, ac visio Dei effecti connaturalis?</i>	104
ARTICULUS II.	
<i>De specie objectivâ, impressâ, & expressâ Visionis Divinæ Essentiæ?</i>	107
CONTROV. I.	
<i>An possibile sit, Deum quidditative cognosci mediante aliquâ specie anigmaticâ seu similitudine Objectivâ?</i>	109
CONTROV. II.	
<i>An Divina Essentiâ possit videri, vel de facto videatur mediante specie impressâ?</i>	111
CONTROV. III.	
<i>An in visione Beatificâ formetur Verbum, per quod videatur Divina Essentiâ?</i>	113
ARTICULUS III.	
<i>De Lumine Gloria.</i>	115
CONTROV. I.	
<i>In quo consistat ratio, & quidditas Luminis Gloriae?</i>	ibidem.
CONTROV. II.	
<i>Qualis tum luminis gloria, tum Intellectus creati sit influxus in visionem Beatificam?</i>	118
CONTROV. III.	
<i>An per absolutam Dei potentiam Divina Essentiâ possit videri absque ullo lumine supernaturali intellectu inherente?</i>	120
ARTICULUS IV.	
<i>Qualiter Attributa, Personalitates, & libera Decreta Dei sint attingibilia per visionem Essentiæ Divinæ?</i>	122
CONTROV. I.	
<i>An de facto, vel etiam de possibili fieri possit, ut Essentiâ Divinâ sine attributis, vel personalitatibus videatur ab intellectu Beati?</i>	ibidem.
CONTROV. II.	
<i>An, & qualiter Deus ab intellectu creato incomprehensibilis sit?</i>	127
CONTROV. III.	
<i>An, & quomodo visio Divinæ Essentiæ penetret Decreta Dei Libera?</i>	129
ARTICULUS V.	
<i>Qualiter creatura per visionem Beatificam videatur in Verbo, seu Essentiâ Divinâ?</i>	130
CONTROV. I.	
<i>An, & quomodo creatura ex vi luminis gloriae formaliter per Visionem Beatificam videatur in Deo?</i>	ibid.
CONTROV. II.	
<i>Quas creaturas de facto videant Beati in Verbo, seu Essentiâ Divinâ?</i>	132
CONTROV. III.	
<i>Quæ sit causatur aliquis Sanctorum has potius in Verbo videat creaturas, quàm illas?</i>	134
CONTROV. IV.	
<i>An visio creaturarum in Verbo admittat aliquam variationem, seu successionem?</i>	136
ARTI-	

Index Questionum, Articul. & Contrōv.

ARTICULUS VI.

*De inaequalitate, ac differentiâ Visionis Beati-
fica.* 137

CONTRÖV. I.

*An inaequalitas Visionis Beatificet tanquàm ex
causâ proximâ oriatur ex inaequalitate lu-
minis gloriæ duntaxat, vel etiam ex inaequa-
litate intellectus naturalis?* 138

CONTRÖV. II.

*Qualiter in Beatis differant Visiones Divinae
Essentiae?* 139

~~De inaequalitate, ac differentiâ Visionis Beati-
fica.~~

QUESTIO V.

DE

Scientiâ DEI. 142

ARTICULUS I.

*De Scientiâ Dei secundum se, ejusque causa-
litate.* ibid.

CONTRÖV. I.

*An scientia in Deo demonstretur ex ejus Im-
materialitate?* 143

CONTRÖV. II.

*An, & qua Scientia Dei sit causa rerum ad
extra?* 145

ARTICULUS II.

De Objecto Scientiae Divinae? 148

CONTRÖV. I.

*Quod sit objectum primarium ac specificati-
vum divinae Intellectionis?* ibid.

CONTRÖV. II.

An Deus se cognoscat in Creaturis? 151

CONTRÖV. III.

*An Essentia divina sit Deo unica ratio ac me-
dium cognoscendi Creaturas?* 152

CONTRÖV. IV.

*An, & qualiter Essentia divina sit ratio, &
medium cognoscendi mala?* 155

CONTRÖV. V.

*Utrum Intellectus divinus positivo assensu at-
tingat negationes, seu privationes, & an
faciat Entia rationis?* 158

ARTICULUS III.

De Scientiâ simplicis Intelligentiae. 159

CONTRÖV. I.

*Quale sit Esse Creaturarum possibile, sub
quo terminant divinam simplicis Intelli-
gentiae Scientiam?* ibid.

CONTRÖV. II.

*In quâ perfectione, seu Attribute Deus cognos-
cat creaturas posibles?* 162

ARTICULUS IV.

De Scientiâ futurorum absolute existentium. 164

CONTRÖV. I.

In quo sistat punctum difficultatis propositae? ibid.

CONTRÖV. II.

*An futurorum sit veritas aliqua Objectiva co-
gnita antecedenter ad decretum Dei Abso-
lutum, & Efficax, vel istud potius sit in-
tellectui divino primâ, & adequata ratio
Veritatis, & cognoscibilitatis Futurorū?* 166

CONTRÖV. III.

*An Deus cognoscat contingentia, seu futura
in suis Ideis?* 169

CONTRÖV. IV.

*An Praescientia futurorum contingentium sit
in Deo per comprehensionem Arbitrij cre-
ati, aliarumque causarum secundarum?* 171

CONTRÖV. V.

*An futurorū contingentium Praescientia divi-
na fundetur in decreto Dei Absoluto conse-
quente nostrae Voluntatis in actu primo pro-
ximo determinationem seu propensionē?* 172

CONTRÖV. VI.

*An infallibilis futurorum Absolutorum Prae-
scientia divina fundetur tum in Praescien-
tiâ Virtualis Futuritionis decretorum Dei,
tum conditionatâ scientiâ actuum Volunta-
tis creatae, vel in ipsâmet liberorum effectui-
um conditionali futuritione?* 174

CONTRÖV. VII.

*An Praescientia Futurorum divina fundetur
in futuritione absolutâ, vel Praesentialitate,
ac Entitate ipsorum?* 176

CONTRÖV. VIII.

*An Certitudo divina Praescientiae ex pluribus
rationibus quasi partialibus desumatur?* 177

CONTRÖV. IX.

*An Praesentia rerum in aeternitate, seu mensurâ
actionis Dei aeternae sit ratio, cur divina Fu-
turorum contingentium Praescientia sit certa,
& intuitivâ?* 180

ARTICULUS V.

De Scientiâ Dei Mediae Conditionatorum? 182

CONTRÖV. I.

*An in Deo sit certa, & infallibilis Futurorum
Conditionatorum Scientia?* 183

CONTRÖV. II.

*An Scientiâ Media sit conformis S. Scripturae, &
menti Sanctorum Patrum?* 186

CONTRÖV. III.

*An Scientia Media cohareat cum Doctrinâ San-
cti Augustini?* 191

CONTRÖV. IV.

*Utrum antecedenter ad Decretum Divinum
detur status conditionata futuritionis ha-
bens in se ipso Veritatem determinatam?* 199

CONTRÖV. V.

*An status Conditionalis Futuritionis subsistere
possit per decretum Dei non tantum objecti-
vè sed etiam subjectivè conditionatum?* 204

CONTRÖV. VI.

*An decretum ad veritatem Futuritionis requi-
situm oporteat esse praesinitivum ex se & an-
tecedenter ad usum etiam conditionalem
creati arbitrij inferens operis praesinitivi infal-
libilitatem?* 209

CONTRÖV. VII.

*An Certitudo Gratiae fundetur in scientiâ Me-
diâ?* 214

CONTRÖV. VIII.

*An Gratia sufficientia salvetur non admissâ
Scientiâ Mediâ?* 218

Index Quaestionum, Articul. & Controv.

primi possit, ac debeat ex sacra Concilij Tridentini, & Divinarum Scripturarum, nec non Doctrina Patrum adstrui Motio Dei antecedens liberum nostrum consensum? 301

CONTROV. IV.

An, & qualiter motio Divina Causalitatis in nostram voluntatem sit independens ab ipsa non valente illam repudiare? 306

CONTROV. V.

An illa motio Dei antecedens demonstrari possit ex subordinatione Cause secunda ad Causam primam? 308

~~~~~

### QVÆSTIO VII.

DE

*Actibus, & virtutibus Divinae voluntatis.* 311

#### ARTICULUS I.

*Qualem oporteat in Decretis Divinis ponere ordinem Intentionis, ac Executionis, nec non signorum rationis distinctionem?* 312

CONTROV. I.

*Utrum ordo Intentionis, ac Executionis intrinsecè sit in voluntate Divina quâ Efficaci?* 313

CONTROV. II.

*An, & quomodo in volitione Divina sint designanda signa seu Instantia rationis?* 315

#### ARTICULUS II.

*De Virtutibus Dei.* 317

CONTROV. I.

*An Virtutes in Deo sint ratione nostra inaequales?* 318

CONTROV. II.

*An in Deo sit propria, & rigorosa Iustitia praesertim Commutativa?* 320

CONTROV. III.

*An Deo formaliter inexistat Iustitia Distributiva?* 324

~~~~~

QVÆSTIO VIII.

DE

Potentia, & Providentia Dei. 328

ARTICULUS I.

De Potentia Dei. *ibid.*

CONTROV. I.

Qua sit ratio Potentiae Dei quâ infinita demonstrativa à priori? *ibid.*

CONTROV. II.

In quo secundum rationem nostram ratiocinatum, seu virtualem Formalitatem in Deo distinctionem consistat Formalitas Divina ad extra potentia? 331

CONTROV. III.

An vis creativa Potentiae Dei infinita adeò sit propria, ut nulli creata Substantia possit communicari? 336

CONTROV. IV.

An potentia Divina ex ratione sua Infinitatis conveniat posse producere species in infinitum perfectiores? 339

CONTROV. V.

Utrum Omnipotentia Divina in rebus creatis respondeat Potentia Obedientialis non tantum Passiva, sed etiam Activa? 341

ARTICULUS II.

De Providentia Dei. 347

CONTROV. I.

An, & quarum rerum in Deo sit providentia? 348

CONTROV. II.

Quos actus tam Intellectus, quam voluntatis includat providentia Dei? 350

CONTROV. III.

In quo actu formaliter consistat Providentia Dei? 355

~~~~~

### QVÆSTIO IX.

DE

*Divinae Electorum ad salutem aeternam Praedestinatione.* 360

#### ARTICULUS I.

*Utrum Electio Efficax ad Gloriam sit ante, vel post praevisa merita?* 361

CONTROV. I.

*Quid ex antiquorum Theologorum Autoritate statuendum sit circa Praedestinationem ante, vel post praevisa merita?* *ibid.*

CONTROV. II.

*Utrum ex sacris Luteris junctâ praesertim expositione, & autoritate Patrum demonstretur efficax Electio Praedestinatorum ad Gloriam antecedens praevisionem Meritorum?* 367

CONTROV. III.

*An ratione Theologica demonstrari possit Praedestinatorum ad Gloriam Electio antecedens praevisionem Meritorum?* 371

CONTROV. IV.

*Utrum efficax ante praevisa merita Praedestinatorum electio occasionem teporis, negligentiae, desperationis &c. inferat?* 376

CONTROV. V.

*An efficax Angelorum Sanctorum Electio ad Gloriam sit in Deo antecedens eorum merita praevisa?* 380

#### ARTICULUS II.

*De Causis Praedestinationis.* 383

CONTROV. I.

*An praedestinatorum ad Gloriam efficax Electio sit ex Meritis Christi?* *ibid.*

CONTROV. II.

*An ex parte nostra detur Causa Praedestinationis Gratiam Iustificantem & Perseverantiam Finalem, ac primam potissimum vocationis Gratiam efficacem preparantis?* 389

#### ARTICULUS III.

*De Effectibus Divinae Praedestinationis?* 391

CONTROV. I.

*Utrum actus supernaturales prout à libero nostro Arbitrio emanant, sint effectus Divinae Praedestinationis?* *ibid.*



## Index Questionum, Articul., & Controv.

- CONTROV. II.
- An vocatio inefficax, & Gratia per peccatum interrupta, nec non Merita mortificata sint effectus Divinae ad Gloriam Praedestinationis?* 394
- CONTROV. III.
- An, & qua Beneficia naturalia sint effectus Divinae Praedestinationis?* 396
- CONTROV. IV.
- An Malum, ejusvè Permissio sit effectus Divinae Praedestinationis?* 398

### QVÆSTIO X.

D E

- Reprobatione. 401
- ARTICULUS I.
- De Causis Reprobationis.* ibid.
- CONTROV. I.
- Utrum negativa Reprobatio ex ipsa rei natura sit antecedens prævisionem demeritorum?* 402
- CONTROV. II.
- Utrum ante prævisionem peccatorum Personarum homines aliqui sint à Deo Negative reprobat?* 403
- CONTROV. III.
- An peccatum Originale sit Causa reprobationis, seu Exclusionis ab aeterna Gloria?* 407
- ARTICULUS II.
- De Effectibus Reprobationis?* 410
- CONTROV. I.
- An, & quomodo Permissio Peccati sit effectus Reprobationis?* ibid.
- CONTROV. II.
- An, & quomodo Gratia tum Efficacis, tum sufficientis denegatio, nec non execratio, ac obduratio sint Effectus Reprobationis?* 412
- CONTROV. III.
- An pœne temporales, ac Pœnalitates, nec non Beneficia naturalia in reprobis sint effectus Reprobationis?* 412

### QVÆSTIO XI.

D E

- Veritate & cognoscibilitate Mysteriorum Sanctissimæ Trinitatis. 416
- ARTICULUS I.
- An, & quibus argumentis adversus Ethnicos solo natura lumine nixos stabilietur & defendatur Sanctissima Trinitatis Mysteriorum Veritas?* ibid.
- CONTROV. I.
- An vi Luminis naturalis aliqua saltem adumbrata Trinitatis notitia haberi possit?* 417
- CONTROV. II.
- An Mysteriorum SS. Trinitatis non tantum superexcedat Lumen naturale intellectus creati, sed huic contrarietur?* 420
- ARTICULUS II.
- Ex quibus Sacrarum Litterarum Fundamen-*

*tis adversus Iudeos, ac Hæreticos, nec non Mahumetanos demonstratur Trinitatis Mysteriorum?* 422

CONTROV. I.

*Qualiter ex antiqui Testamenti Verbis sacris probari possit Trinitatis Mysteriorum?* 424

CONTROV. II.

*Qualiter adversus Sabellianos, aliosque hæreticos probetur realis Personarum Divinarum distinctio?* 425

CONTROV. III.

*Qualiter Verbi Divini Consubstantialitas & Divinitas ostendatur ex sacris Litteris?* 426

CONTROV. IV.

*Qualiter ex sacris Litteris ostendatur Spiritus Sancti Divinitas?* 429

ARTICULUS III.

*Qualiter supposita Divina revelatione cognosci possit Trinitatis Mysteriorum?* 430

CONTROV. I.

*An Mysteriorum Sanctissimæ Trinitatis revelatione ac fide supposita, possint per humani ingenii vires inveniri rationes illius demonstrativa?* ibid.

CONTROV. II.

*An ex Effectu aliquo supernaturali v.g. Visione Beatificâ seu Unionem Hypostaticâ possit evidenter cognosci Trinitatis Mysteriorum?* 431

CONTROV. III.

*An, & qualiter ex evidentia Dei attestantis possit generari evidens Mysteriorum Trinitatis notitia?* 434

### QVÆSTIO XII.

D E

Processionibus Divinarum Personarum. 436

ARTICULUS I.

*Quot, & quales dentur in Divinis processionibus?* 436

CONTROV. I.

*An per realem Divinarum Personarum distinctionem demonstrari possit unus ab alia processio?* 437

CONTROV. II.

*An Divina Processiones sint formaliter actus intellectus & voluntatis?* 438

CONTROV. III.

*In quo actu intellectus & voluntatis consistant Divinae processionibus?* 439

CONTROV. IV.

*Quot sint Processiones in Deo?* 440

CONTROV. V.

*Qualiter inter se distinguantur Divinae Processiones?* 441

ARTICULUS II.

*De Principio ac Terminò Divinarum Processionum.* 442

CONTROV. I.

*An in Divinis deitur vera, & realis Virtus ad intra Productiva?* ibid.

CON-



## Index Questionum, Articuli & Controver.

### CONTROV. II.

*Qua sit formalis ratio Divina ad intra Vir-  
tutis tum Generativae, tum spirativae?* 443

### ARTICULUS III.

*An, & cur Verbi Divini, non autem Spiritus  
Sancti Processio sit Generatio?* 447

### CONTROV. I.

*An Verbi Divini Processioni adequatè conve-  
niat ratio Vitalis Generationis?* *ibid.*

### CONTROV. II.

*Quomodo ex vi Generationis Divinae Verbo  
communicetur similitudo in Natura?* 448

### CONTROV. III.

*Cur Processio Spiritus Sancti non sit Genera-  
tio?* 450

~~DE RELATIONIBUS & NOTIONIBUS DIVINIS~~

## QUAESTIO XIII.

### DE

*Relationibus & Notionibus Divinis.* 456

### ARTICULUS I.

*De Relationibus Divinis.* *ibid.*

### CONTROV. I.

*Qualiter Essentia & Relationes in Deo se in-  
vicem includant?* *ibid.*

### CONTROV. II.

*Quot, & qualiter inter se distinctae sint Divi-  
nae relationes?* 462

### CONTROV. III.

*An relationes Divinae addant aliquid Per-  
fectionis ad Essentiam?* 464

### CONTROV. IV.

*An Divinae Relationes importent diversas re-  
lationes existentias, aeternitates, aliasve si-  
miles Formalitates?* 466

### ARTICULUS II.

*De Notionibus Divinis.* 469

### CONTROV. I.

*Qualiter ratio Ingenti seu Improducti ac in-  
communicati in Paternâ Hypostasi impor-  
tet dignitatem aliquam?* 470

### CONTROV. II.

*An inspirabilitas in Patre & Filio debeat con-  
stitui sexta Notio Divina?* 471

~~DE PERSONIS DIVINIS~~

## QUAESTIO XIV.

### DE

*De Personis Divinis.* 472

### ARTICULUS I.

*Utrum in Deo sit una tribus Personis commu-  
nis Subsistentia?* *ibid.*

### CONTROV. I.

*An praecisè per Intellectum nostrum Persona-  
libus relationis, in Essentiâ Dei absolute  
sumpta remaneat aliqua Subsistentia Com-  
munis tribus Personis?* 473

### CONTROV. II.

*An prater absolutam Essentiae Divinae subsi-  
stentiam dentur in Deo tres Subsistentiae re-  
lativae?* 477

### ARTICULUS II.

*De formali Divinarum Personarum consti-  
tutiva.* 479

### CONTROV. I.

*An Personales proprietates in Divinis sint  
Formalia Personarum constitutivae?* *ibid.*

### CONTROV. II.

*An proprietates Personarum Divinarum con-  
stitutivae sint formaliter relativae?* 481

### CONTROV. III.

*Sub quâ ratione Divinae relationes constituent  
Personas?* 483

### ARTICULUS III.

*Quibus nominibus & quâ loquendi formulâ  
attendam sit circa Trinitatis Mystrium?* 487

### CONTROV. I.

*Quale quoad abstracta & concreta in Divi-  
nis nomina sit discrimen?* *ibid.*

### CONTROV. II.

*Qualiter nomina circa Trinitatis Mystrium  
formanda sint?* 489

### CONTROV. III.

*Qualiter formandae sint propositiones circa Tri-  
nitatis Mystrium?* 491

~~DE PERSONIS DIVINIS IN PARTICULARI~~

## QUAESTIO XV.

### DE

*Personis Divinis in Particulari.* 494

### ARTICULUS I.

*De Personis Patris & Filij.* *ibid.*

### CONTROV. I.

*An Verbum per se procedat ex cognitione non  
solum Essentiae, sed omnium Divinarum Per-  
sonarum?* 495

### CONTROV. II.

*An Verbum Divinum in quarto personae  
modo procedat etiam ex cognitione creatu-  
rarum?* 498

### CONTROV. III.

*An, & qualem ad creaturas respectum impor-  
tet Verbum Divinum?* 501

### ARTICULUS II.

*De Personâ Spiritus Sancti.* 703

### CONTROV. I.

*Qualiter verificetur, Spiritum Sanctum non  
fore distinctum à Filio, si ab isto procede-  
ret?* *ibid.*

### CONTROV. II.

*An Spiritus Sanctus ex personali suâ proprie-  
tate petat procedere ex duabus distinctis Per-  
sonis?* 505

### CONTROV. III.

*An, & qualiter Pater ac Filius sint unum Spi-  
ritus Sancti Principium?* 507

~~DE CIRCUMINFESSIONE, AEQUALITATE, SIMILITUDINE AC MISSIONE DIVINARUM PERSONARUM~~

## QUAESTIO XVI.

### DE

*De Circuminfessione, aequalitate, simili-  
tudine ac missione Divinarum Perso-  
narum.* 510

ARTI.



# Index Quaestionum. Articuli. & Controver.

## ARTICULUS I.

*De Circuminsessione, aequalitate, ac similitudine Divinarum Personarum.* ibid.

### CONTROV. I.

*An per mutuam Divinarum Personarum in-existentiam verificetur, quod Paternitas sit in Filiatione, ac Hypostasis Spiritus Sancti in Personalitate Patris ac Filij?* ibid.

### CONTROV. II.

*An per Divinarum Personarum Circuminsessionem inter ipsas subsistat omnimoda similitudo, ac aequalitas?* 511

### CONTROV. III.

*An similitudo ac aequalitas inter Divinas Personas importet aliquam rationem realem?* ibid.

## ARTICULUS II.

*De Missionis Divinarum Personarum.* 512

### CONTROV. I.

*In quo consistat ratio Missionis Divinarum Personarum?* ibid.

### CONTROV. II.

*Secundum quos effectus fiat Divinarum Personarum ad creaturas Missio?* 513

### CONTROV. III.

*Utrum ex vi Missionis Divina non tantum donentur gratia Dona, sed ipsamet Persona Divina realiter dentur, & inexistant creaturae Intellectuali?* 515

~~Utrum ex vi Missionis Divina non tantum donentur gratia Dona, sed ipsamet Persona Divina realiter dentur, & inexistant creaturae Intellectuali?~~

## QUAESTIO XVII.

DE

Angelis. 518

## ARTICULUS I.

*De substantia Angelorum & eorum distinctione.* ibid.

### CONTROV. I.

*Utrum Angeli sint omnino simplices in substantia?* ibid.

### CONTROV. II.

*Qualiter Angeli inter se distinguantur?* 519

## ARTICULUS II.

*De Angelorum loco, motu, Duratione, & operatione ad extra.* 522

## CONTROV. I.

*Qualiter Angeli sint in loco?* ibid.

## CONTROV. II.

*Qualis sit angelorum motus?* 523

## CONTROV. III.

*Qualis sit Angelorum ad extra operatio?* 525

## ARTICULUS III.

*De Intellectu, & Locatione ac Illuminatione Angelorum?* 528

## CONTROV. I.

*Utrum angelus ad se intelligendum indigeat specie superaddita?* ibid.

## CONTROV. II.

*Utrum species, quas angelus respectu aliorum sibi connaturaliter non in-existentium ob-jectorum habet, sint infusa, vel congenita, vel acquisita?* 530

## CONTROV. III.

*Utrum Angelorum species sint universales?* 531

## CONTROV. IV.

*Qualiter angelus suo naturali Intellectuali lumine cognoscat Deum, ceterosque se superiores Angelos?* 532

## CONTROV. V.

*Qualiter angelus cognoscat futura & praeterita, nec non secretas mentium humanarum cogitationes?* 534

## CONTROV. VI.

*Quis sit modus Angelica cognitionis?* 536

## ARTICULUS IV.

*De Voluntate Angelorum.* 539

## CONTROV. I.

*An possibilis sit aliqua Voluntas creata ab intrinseco impeccabilis?* ibid.

## CONTROV. II.

*Utrum voluntas Angelica possit venialiter peccare?* 541

## CONTROV. III.

*Utrum voluntas Angelorum in primo creationis instanti fuerit peccabilis?* ibid.

## CONTROV. IV.

*Qua in demonibus ex parte voluntatis ipsorum sit causa obstinationis ac obdura-tionis?* 543







# IN PRIMAM PARTEM

DIVI THOMÆ AQUINATIS.

## QUÆSTIO PRIMA

DE

### SACRA DOCTRINA, SEU THEOLOGIA.

1.



ON est sermo de naturali Theologia, cujus semen naturā nobis inditum asseritur *Psal. 9. Signatum est super nos lumen vultus tui Domine.* Hæc enim, seu Philosophiæ pars ac species præcipua traditur ab *Aristotele o. Metaph. c. 1.* in eaque Platonicos à magnitudine speciei, & creaturæ vi prædicti luminis discurrendo ad invisibilia Dei, ejusque virtutem, ac Divinitatem; cæteris Philosophis antecelluisse; ait *S. Augustinus lib. 8. de Civit. Dei c. 11.* Agimus ergo in præsentī de Theologia supernaturali, quæ sub altiori divinæ revelationis lumine supernaturalibus Mysterijs interita, Deum non quā naturæ duntaxat, sed gratiæ, & gloriæ auctorem, ac finem indagat.

2.

Hujus triplex est acceptio: Prima pro doctrinā immediatē innixā divinæ revelationi, quæ Fidem, ac Prophetiam complectitur; quo maxime sensu *Isaias Propheta à D. Dionysio. cap. 13. celest. Hierarch.* & *S. Ioannes Evangelista à D. Cyrillo lib. 1. de rectā Fide* vocatur Theologus. Secunda Theologiæ acceptio latior est, pro cognitione à Deo sive formaliter, sive in suis principiis virtualiter revelatā abstrahendo à ratione crediti, & sciti: sub quā significatione *S. Thomas præsent. q. 1. a. 1. de Sacra Doctrinā* ultra Philosophicas disciplinas necessitate differens loquitur, prout tenet *Cajetanus ibid. §. ad hoc dicendum;* & *Serra. cod. art. in principio.* Tertia Patribus, & Scriptoribus Ecclesiasticis communis acceptio Theologiæ est pro Doctrinā, quæ ex principiis divinitus revelatis fide infusā cognitū discurrendo conclusiones deducit.

3.

Cujus si quæretur initium & progressus, *Franciscus de Lugo 1. par. in prolog. n. 3. & 4.* probat ex Sanctis Patribus, præcipue *Theodoro & Augustino*, à primā statim mundi Origine cum Ecclesiā Sanctā, & fide infusā extitisse in Sanctis Patriarchis, sed varia successu temporis incrementa sumpsisse, *Divo Gregorio Homil. 16. in Exech.* attestante, quod plus *Moyse*, quā *Abraham*, & plus *Propheta*, quā *Moyse*, & plus *Apostoli*,

quā *Propheta* in Dei scientiā eruditi fuerint. Quis enim nesciat, quod *Abraham* cum Deo locutus est, & *tamen Moyse* dixerit *Deus, Ego Dominus*, qui apparui *Abraham*, *Isaac*, & *Jacob* in Deo omnipotenti, & nomen meum non indicavi eis. En igitur, quod plus *Moyse*, quā antiquioribus innotuerit.

4.

Ne verò hanc Dei scientiam ex solā immediatā Dei revelatione sine hominum studio atque discursu propagatam quis arbitretur, ipsæmet sacre Litteræ exhibent Theologici studij in Legge etiam naturæ frequentatas scholas; dum *Gen. 25.* dicitur *Jacob habitasse in Tabernaculo*, id est, (velut alij apud *Lyranum* ex Hebræo legunt) in domo doctrinæ. Quod Hebræi, adstipulante Chaldaica versione, accipiunt de scholis Theologiæ, quibus ajunt *Jacob* assiduū fuisse, Doctoribus *Sem*, *Heber*, & *Melchisedech*; cui videre est apud *Cornel. de Lapide cit. c. 25. Gen. vers. 27.* Porro *Moyse* antelegem Dei scriptam egisse Theologum, dum veniebat ad eum populus inquirere sententiam Dei. *Exod. 18.* probatur ex *S. Augustino lib. 2. qq. supra Exod. q. 67.* ita differente. Numquid enim *Moyse*, quamvis cum illo Deus loqueretur, per singula credendus est, quod consuleret soleret Deum, si quis esset in disceptationibus tanta multitudinis, quæ illum in hoc judicandi negotio à mane usque ad vespertinam detinebat? Et tamen, nisi sue menti præsentem Dominum consideraret, legemque ejus æternam sapienter attenderet, quid iustissimum inter discipulantes judicare posset, non inveniret. Ex quo evincitur, *Moyse* non semper ex immediatā Dei revelatione respondisse populo, sed tum ex lege Dei æterna, tum ex Doctrinā Dei menti suæ præsentis deduxisse judicium Dei. Ergo in quæstionibus, præsertim concernentibus cultum, ac legem Dei, nec non supernaturalia Fidei Mysteria; (cujusmodi ad ipsius judicium delata esse constat ex *cit. cap. 18. Exod. vers. 16. & 20.*) Theologicè inferebat sententiam Dei, eam deducendo ex Doctrinā divinitus inspiratā & revelatā.

5.

Et si verò Theologia solis traditionibus Fidei Mysteria in Ecclesiæ filios illibatè transferentibus niteretur usque ad *Moyse*, qui primus sacram doctrinam litteris consignavit, nullo ante ipsum

6.



ipsum existente scriptorē tum sacro, tum prophano, uti affirmant *Iustinus in Apol. 2. ad Antonin. Tertullianus in Apolog. cap. 19. Clemens Alexandr. lib. 1. Strom. August. lib. 18. de Civit. Dei. c. 37. Nihilominus ab isto legis scriptae tempore majora fecit incrementa institutis tunc Sacerdotibus, Scribis, ac Legisperitis, qui sacram doctrinam publicē profiterentur.*

7. Nec parum eam promovit Propheta Regius, qui *supra senes intellexit, quia mandata Dei quaesivit. Psalm. 118. Salomon quoque Regum sapientissimus publicam Academiam extruxit juxta illud Proverb. 9. Sapientia edificavit sibi domum, exidit columnas septem. Sub his enim columnis intelligi quasi suggesta & cathedras docentium, docet Pinoda lib. 3. de reb. Salomonis. c. 28. indicatque Optatus Millevit. lib. 3. cont. Parmen. Quam proinde doctrinae Theologiae normam scientificam ad Christi usque tempora fuisse retentam, sed Legisperitorum malitiā tandem depravatam, & in fundamento fidei everfam, probant Christi Domini verba Luc. 11. *Va vobis Legisperitis, quia talistis clavem scientiā, ipsi non introistis, & eos qui introierunt prohibuistis.**

8. Tandem plenitudine temporis adveniente, ubi Deus misit Filium suum ad Evangelizandum verba salutis, ac vitae aeternae, non tantum Fides in revelatione Doctrinae Patris aeterni consummata est, sed Theologia ab ipso Christo Domino consecrata fuit, dum per discursum verē Theologicum ex veteris testamenti Sacris Litteris aliquoties confutavit Saduceos & Iudaeos, nominatim ex eo, quod Deus Exod. 3. se dicat Deum Abraham, Isaac, & Jacob, neque verò sit Deus mortuorum; Theologicè inferendo Matthaei. 22. vers. 32. & Marc. 12. v. 27. articulum fidei de resurrectione mortuorum. Insuper Ioan. 7. & 22. ac seq. ex eo, quod Circumcisio posset exerceri in Sabbato, quin solveretur lex Moysis, Theologicè demonstravit; licuisse sibi in Sabbato sanum facere hominem.

9. Hunc proinde Theologizandi modum suis etiam Apostolis imperavit Luc. 9. *Laxate retia vestra in captivitatem.* Haec enim ait D. Anbr. in comment. cit. c. 5. quae Apostoli jubentur laxare retia sunt verborum, & quasi sinus quidam orationis, & disputationum recessus, quibus fideles, quos coeperint, non amittant. Quod Apostoli egregiè executi sunt, ac se ipsos Theologos ostenderunt, dum ad fidem illustrandam, ejusque dogmata stabilienda, vel ex sacris scripturis consequentias & argumentationes conficiebant, vel scripturas vero sensu explicatas erroribus opponebant, atque argumenta contraria expositione veritatis revelatae dissolvebant: prout videre est Act. 2. v. 17. 31. & 34. Act. 8. v. 28. & 35. Act. 8. v. 25. Act. 10. v. 43. Act. 13. v. 33. & passim in Apostolorum epistolis.

10. Nec in hac Divinae Sapientiae Palæstrā segniores erant reliqui Patres Orthodoxi, quibus Divin. Dion. Areopagita in libris de caelesti, & Ecclesiastica Hierarchia, de Divin. Nominib. de Mystica Theologia, & aliis suis epistolis, facem praeulisse merito dicendus est. Constat porro ex D. Hieronymo catalogo Script. Eccles. in Pantano, & Eusebio lib. 5. Hist. Ecclesiast. c. 10. & 11. & lib. 6. c. 3. à temporibus Marci Evangelistae extitisse Alexandriae Scholam Ecclesiasticam, cui successivè praefuerint Pantænus, Clemens Alexandrinus, Origenes, alijque non divinarum duntaxat rerum, sed etiam

Philosophiae pericissimī, quos tanquam Philosophos omnino verisimile esse, Theologiam methodicè secundum artem Dialecticam tradidisse, velut de Clemente Alexandr. insinuat Sanctus Hieronymus.

Et quia variae, & gravissimae, praesertim Atriana, Nestoriana, Eutichiana, Manichæa, Pelagiana haereses exortae contra Divina Mysteria gravius in Ecclesiā grassari coeperunt, exercuit Deus Theologos excellentissimos, qui Theologiam super candelabrum Ecclesiae clariori luce illustrarunt, Athanasius, Basiliius, Gregorius Nazianzenus, & Nyssenus, Epiphanius, uterque Cyrillus, Chrysostomus, Ambrosius, Hieronymus, Hilarius, Prosper, & plures alij, inter quos refulsit Augustinus dialecticae artis apprimè peritus, ob praecipuas Theologiae materias de Sanctissimā Trinitate, de Praedestin. de gratia & libero arbitrio elegantem normā concinnatas jure merito vocandus Theologiae Scholasticae Antesignanus, cujus praecipuè Doctrinae instituisse constat Petrum Lombardum in libris sententiarum methodo Scholastica construendis.

Ne autem Laudes viro glorioso Patri nostro BENEDICTO ex sacra sua generatione partas praetereamus, en semen ipsius, quod in testamentis tam antiquae, quam novae legis stetit Ecclesiae Doctores, Gregorium Magnum, Leandrum, Leonem secundum & alios templi altitudinem in profundo doctrinae Theologicae circa sextum saeculum fundantes, atque divinae sapientiae columnis fulcientes, inter quos elucebat S. Isidorus Hispalensis Antistes, qui teste Francisco de Lugo Soc. Iesu Theologo cit. Prolog. n. 14. in Hispaniā Sacras Scholas instruxit, ac Theologiam professus est. Nec minorem gloriam septimo saeculo Benedictinae Familiae comparavit Venerabilis Beda sacrae Theologiae in Angliā professor, & cujus scholā prodierunt praestantissimi Theologi, inter quos eminebat Alcuinus à Carolo Magno adhibitus ad instituendam Academiam Parisiensem, unde magnus Theologiae splendor emanavit, praecipuis Theologis octavo, & nono saeculo inde progredientibus, nominatim Rabano, Angelomo, Haimone, Strabone Glossae ordinariae auctore, & alijs. Ut denique brevitatis causa taceamus quā plurimos viros sacrarum litterarum scientiā apprimè instructos, ex sacro Benedictino Ordine progressos ad fidem Orthodoxam in plerisque regnis ac provincijs disseminandam, unius tantum, vel alterius, qui decimo & undecimo saeculo in doctrinā Theologicā florebant, mentionem facimus, Algeri, Gratiani, & Lanfranci, & cujus scholā processit S. Anselmus, quem apud Latinos, ut S. Damascenum apud Graecos (quorum prior indubitato, alter ex aliquorum opinione inter Benedictinae prosapiae lumina censetur) extitisse authores methodi ex qua Theologia Scholastica nomen sortita est, testantur Societatis Iesu Theologi Franciscus de Lugo in cit. prolog. n. 15. & Ioan. Martinon. in 1. p. disp. 1. sect. 6. n. 47. potestque facile demonstrari ex illorum Doctorum libris nominatim Ioannis Damasceni de Fide Orthodoxa & S. Anselmi Monologio, item libris de Incarnatione Verbi, cur Deus Homo, de libero arbitrio, de casu diaboli, de peccato Originali, & conceptu. Virg. de processione Spiritus Sancti, de similitudinibus.

Hisce jam progressibus Theologiae factis, Melissio Doctore Bernardo, ejusque sacra Progenie salu-

II.

12.

13.



salutaris Doctrinæ aquâ Ecclesiam irrigantibus undecimo, & duodecimo sæculo. Nova ex Sanctorum quoque Dominici, & Francisci familijs lux Ecclesiæ illuxit, dum in primis Petrus Lombardus (*ut loquar cum Francisco de Lugo cit. n. 15.*) videns Theologiam Græcorum Patrum varijs libris dispersam à S. Damasceno collectam, & certis locis distinctam, ejus æmulatione inductus fuit ad Patrum Latinorum, præsertim Augustini sententias in ordinem redigendas, ex quo præclaro facinore Magistri sententiarum nomen promeruit. Hunc subsecuti Albertus Magnus, Divus Bonaventura, Alexander Alensis, Scotus, Vincentius Belvacensis, & alij tum ex Familiâ Dominicana, tum ex Seraphico Ordine, tum alijs Religiosis Coetibus præclarissimi Theologi à sæculo duodecimo ad nostrâ usque tempora Ecclesiam egregiè illustrarunt.

14. Inter hos semper eminuit Angelicus Doctor Sanctus Thomas de Aquino, qui summam Theologicam quasi quintam essentiam ex libris sententiarum alijsque labore suo editis monumentis arte, & methodo sanè Angelicâ extractam in Scholas induxit, in quâ elaborandâ, & illustrandâ compertum est omnium Religiosorum Ordinum & Academiarum Theologos esse intentos. Inter quos, universis ferè Bibliothecis testantibus, illustrem obrinet locum Societas Iesu ex singulari Dei providentiâ contra turbulentos hæresum motus in subsidium Ecclesiæ militantis destinatâ.

15. His adeo de ortu, & progressu Theologiæ præmissis ad præsentis questionis materiam quatuor Articulis distinctam procedimus in Primo acturi de *Necessitate ac Divisione Theologiae*. In Secundo investigaturi *An & Qualis sit Scientia*. In Tertio de *ejus Objecto*. In Quarto denique. *Qualiter & ex quibus locis ac Sacra Scriptura sensu argumentetur Theologia?*



## ARTICULUS I.

DE

*Necessitate ac Divisione Theologiae.*

**Q**UOD Scotus in 1. q. 1. Prolog. n. 3. ait de Philosophis, hoc temporibus nostris de subtilioris judicij Atheis, sive Pseudopoliticis non immeritò dixerimus verificari, qui à lumine supernaturali gratiæ & Fidei in actionibus Politicis eatenus abstrahunt, ut perfectionem naturæ cum lumine sibi congenito, & scientiâ atque prudentiâ inde partâ sufficere censeant pro præsentî statu regiminis saltem Politici, atque Civilis. Ex quâ, imaginariâ, & falsâ persuasione præcipuè oritur, quoddam personæ in sublimioribus dignitatibus constitutæ, sacris libris neglectis, vacent plerumque cum animarum suarum jacturâ, & non undequaque laudati Regiminis normâ, veterum Ethnicorum Philosophorum, vel recentiorum Politicorum, quin imò & hæreticorum consultis, atque doctrinis. Contra quos proinde majoris erga sacram Fidei doctrinam conciliandi amoris causâ in prima statim fronte Theologiæ Sancti Augustini lib. 14. de Trinit. c. 3. scientias Philosophi-

cas, seu politicas Divinæ sapientiæ, seu Theologiæ sale non conditas de supervacua vanitatis, & noxiæ curiositatis insipidâ admixtione arguentis vestigia secuti Divus Tho. 1. p. q. 1. a. 1. & Scotus cit. q. 1. instituunt quæstionem: *An homini pro statu isto sit necessaria doctrina supernaturaliter inspirata, ad quam non possit attingere lumine naturali intellectus?* In cujus quæstionis resolutione duas pro sacra doctrinâ necessitatis rationes adducit Angelicus Doctor in corp. cit. art. tum ex elevatione ac ordinatione hominis ad finem supernaturalem, tum ex defectu luminis naturalis absque divinæ revelationis subsidio ut plurimum errantis circa veritates de Deo naturaliter etiam cognoscibiles.



## CONTROVERSIA I.

*An Sacra Doctrina sit necessaria*

*ad finem supernaturalem nec non ad investigandas veritates de Deo Naturaliter noscibiles.*

**S**COTUS cit. quæst. 1. n. 19. rationem Angelici Doctoris cit. a. 1. ex elevatione hominis ad finem supernaturalem probantis necessitatem sacre doctrinæ, ac divinæ revelationis, asserit insufficientem; adhuc enim restare ait probandum, tum quoddam homo ordinetur finaliter ad cognitionem supernaturalem; tum quoddam cognitio naturalis pro statu isto non disponat sufficienter ad cognitionem supernaturalem consequendam.

Subtilis Doctor cit. n. 19. in fine movet ex hoc etiam capite adversus Angelicum Doctorem asserendo, ut sacre Doctrinæ necessitas ad veritates de Deo naturaliter noscibiles investigandas evinceretur, probandum fuisse; tum, quoddam necessaria sit quarundam veritatum cognitio, quæ investigari non possunt per viam sensuum; tum, quoddam lumen intellectus agentis ad talia cognoscibilia sit limitatum.

## CONCLUSIO I.

**E**X naturæ humanæ ordinatione ad finem supernaturalem efficaciter demonstratur, homini præter naturales, & Philosophicas scientias simpliciter esse necessariam Doctrinam supernaturalem procedentem ex divinâ revelatione.

Probatur ratione S. Thomæ ubi supra Sacre doctrinæ necessitatem probantis ex Isaia 64. v. 4. *Oculus non vidit, Deus absque te, quæ præparasti expectantibus te*. Hunc namque sacrum textum procedere non præcisè de Verbo Dei incarnando, uti aliqui volunt; sed de ultimo hominis Fine ac gloriæ Coronâ, patet tum ex contextu; subditur enim v. 5. *Occurristi latenti, & faciemus justitiam*. At Christus quâ Redemptor occurrit ambulanti in tenebris & umbrâ mortis. Isaia 9. Ergo etiam illa verba sint de expectatione Christi, seu Verbi incarnati, exponi tamen debent de Christo quâ glorificatore seu ultimo Fine hominis, ut sic enim occurreret cum spiritali gaudio justitiam facientibus.

A 2

Tum ex



Tum ex Pauli expositione. 1. ad Corinth. 2. v. 9. & 10. ita differentis, Loquimur Dei sapientiam in Myſterio, quæ abscondita est, quam prædestinavit Deus ante secula in gloriam nostram, quam nemo Principum hujus seculi cognovit; sed sicut scriptum est (num. Isaia. 64.) quod oculi non viderunt, nec auris audivit, nec in cor hominis ascendit, quæ præparavit Deus ijs: qui diligunt illum, nobis autem revelavit per spiritum suum.

Ex quibus ita licet argumentari: Illa sapientia, quam Deus prædestinavit in gloriam nostram, est finis ultimus hominis. Hæc autem sapientia nobis à Deo prædestinata in gloriam est supra vires luminis naturalis, utpote quæ sit in Myſterio, & ita abscondita, ut non ascenderit in cor hominis. Ergo est supernaturalis: nec addèd ad eam disponi potest homo per naturalem cognitionem, sed juxta Apostolum opus est revelatione per Spiritum Sanctum. Constat igitur ex allegato textu Isaia, junctâ expositione Pauli, efficaciter à Doctore Angelico probari necessitatem divinæ revelationis ad finem supernaturalem æternæ gloriæ. Unde patet etiam responsio ad Scoti n. 1. factas oppositiones.

### CONCLUSIO II.

**D**ivina revelatio seu sacra doctrina est secundum quid necessaria ad veritates aliquas lumine naturali de Deo cognoscendas. S. Thom. 1. 2. a. 1.

Probat. Tam error, quam ignorantia de Deo alijsque perfectionibus Divinis naturali viâ demonstrabilibus adversantur homini considerato tum secundum naturalia, tum in ordine ad finem supernaturalem salutis æternæ: vix enim culpâ carent, cum non detur invincibilis de Deo ignorantia. Atqui rationem humanam in rebus divinis plurimum deficere probat experientia Philosophorum, qui acrioris, licet ac sublimioris judicii paucas de Deo veritates non sine multorum errorum admixtione, longo studio investigare potuerunt.

Cujus rationem eleganter describit Sapientia. 9. cap. Corpus enim quod corrumpitur, aggravat animam, & terrena inhabitatio deprimit sensum multa cognantem. Et difficile estimamus, quæ in terrâ sunt, & quæ in prospectu sunt, invenimus cum labore, quæ autem in caelis sunt, quis investigabit?

Cum proinde expulsio seu evitatio tum erroris, tum ignorantie de Deo formaliter fiat per formam oppositam, seu cognitionem Divinarum veritatum: hæc autem si solo nitatur lumine naturali, erroribus plurimum obnoxia sit, consequens est, lumen Divinæ revelationis esse hominibus quodammodo necessarium ad veritates lumine alioquin naturali de Deo demonstrabiles. Quod D. Thom. 1. 2. cont. gent. c. 4. pulchrè expressit. Salubriter ergo, inquit, Divina providit Clementia, ut ea tantum, quæ ratio investigare potest, fide tenenda præcipiantur, ut sic omnes de facili possem divina cognitionis participes esse, & absque debitatione & errore. Et hinc patet responsio ad Scoti n. 2. oppositum argumentum.

\*\*\*

### CONTRVERSIA II.

#### An & quomodo Theologia Ecclesiæ sit necessaria.

**A**rgumens deinceps de Theologia strictè sumpta pro habitu ex revelatis discursivo, qui considerari potest vel secundum substantiam, prout in ini. præsent. q. 2. n. 2. diximus cum Ecclesiæ natum, & progressum esse in Patribus non Novi duntaxat, sed antiqui etiam testamenti, imò & legis naturalis. Vel potest considerari secundum methodum Scholasticam ex norma Dialectica magis polita exactius hodie concludentem, quam moderni hæretici non minus, atque vespertiliones lucem oderunt, varijs convitijs eam proscindentes, ac redarguentes.

Referuntur argumenta opposita.

**P**rimum desumitur ex novitate, quod Theologia Scholastica nata sit primùm à Petro Lombardo ante annos quadringentos.

Secundum. Quod sacram fidei doctrinam per Dialecticam propinet, eamque mixtam cum prophanâ Philosophorum doctrinâ contra admonitionem Pauli ad Coloss. 2. Videtur, ad quis vos decipiat per Philosophiam, & manem fallaciam. Ad quod facere videtur Tertullianus lib. cont. Hermog. Philosophos vocans Patriarchas Hæreticorum. Et Theophilus Alexand. in Epist. 2. Pasch. inquit: Origenem fecisse partem ex doctrina Christianâ, eò quod in libris suis misuervit Philosophorum argutias. Denique S. Epiphanius hæresi 69. affirmans, Arianos ex Aristotele, & alijs mundi Dialecticis venenum sibi affricuisse.

### CONCLUSIO I.

**T**heologia secundum substantiam est simpliciter necessaria Ecclesiæ non quidem in singulis, sed pro singulis fidelibus. Ex communi Theologorum consensu.

Probat. Illa scientia est simpliciter necessaria in Ecclesiâ, per quam fides saluberrima gignitur, nutritur, roboratur, ac defenditur. Sed talis est sacra Theologia. Ergo. Major patet, tum quia sine fide impossibile est placere Deo, utpote quæ sit substantia sperandarum rerum ad Hebr. 11. Tum quia Fides est forma Ecclesiæ quidditativa ac essentialis. Ergo scientia, quæ fides gignitur & conservatur, est Ecclesiæ necessaria tum ad salutem fidelium, tum ad generationem, & conservationem formæ, ejusdem constitutive.

Minor Probat.

Primò autoritate S. Augustini lib. 4. de Trinit. c. 1. asserentis sermonem scientiæ, quem Apostolus 1. Corinth. 12. numerat inter gratias gratis datas, esse scientiam illam, quæ Fides saluberrima ducens ad veram beatitudinem gignitur, nutritur, defenditur, & roboratur. At idem Ecclesiæ Doctor ibid. clarè asserit; hanc scientiam à fide eatenus distingui, quod Myſteria Fidei non simpliciter doceat, sed ostendat rationem, quemadmodum & pps opulentur, & contra impios defendantur. Constat igitur, illam scientiam



Scientiam de mente Augustini ratiocinari circa, & ex revelatis. At scientiam ex revelatis discursivam vocamus Theologiam. Ergo nisi quis contendat de nomine, fateatur necellum est, Theologiam Ecclesiae esse necessariam, utpote quia Fides gignatur, & defendatur.

Secundo Ratione probatur: quomodo Theologia sit Fidei generativa & nutritiva. Nam habitus fidei non infunditur adultis absque praevia dispositione Fidei Actualis. Ad hanc autem praerequiratur ratio supernaturalis Prudentiae, seu ut loquuntur Theologi, Credibilitatis iudicium: alioquin citò, seu absque ratione prudentiali credens arguitur à Spiritu sancto tanquam *levis corde. Ecclesiastici 19.* At licet istud credibilitatis iudicium in paganis noviter convertitis aliquando fundatum sit in opere aliquo miraculoso, hoc ipsum tamen miraculum est quasi vox, seu locutio Dei: Nam quia Christus Verbum Dei est, & factum Verbi, Verbum nobis est. *S. August. 11. 24. in Iohannem.* Ergo illud iudicium credibilitatis fundatum super miraculo est discursus ex evidentià facti miraculosi, seu Verbi Divini inferens Doctrinam Christianam credibilitatem. Quod Christus Dominus insinuavit *Ioh. 10.* dicens, *Si facio opera Patris mei, & si mihi non vultis credere, operibus credite, ut cognoscatis & credatis, quia Pater in me est, & ego in Patre.* Ecce opera aeterni Patris per Christum facta, erant Verbum Dei, cui esset credendum. Ex hoc autem quasi Verbo Dei docet Christus inferre credibilitatem illius Mysterij, quo facemur Patrem esse in Christo, & Christum in Patre. Constat igitur, ejusmodi credibilitatis iudicium esse discursum Theologicum, siquidem ex opere miraculoso, tanquam Verbo Domini procedat ad inferendam Fidei Mysteriorum credibilitatem. Deinde in convertendis haereticis ad fidei articulos, quos negant, credibilitatem adstruendam argumentamur ex Verbo Dei, seu sacris libris, quos ipsimet concedunt. At indubitatum est, hunc discursum procedentem ex principiis divinitus revelatis esse Theologicum. Denique Patres Orthodoxi fidei articulos virtualiter contentos in Verbo Dei, non nisi per discursum Theologicum eliciebant, atque definiebant: Velut Patres sextae Synodi General. *ad. 4. 8. & 9.* ex duabus in Christo naturis discurrendo, inferebant duas distinctas Christi operationes, Divinam & Humanam. Et Patres Concilij Trident. *sess. 13. de Euchar. c. 4.* ex veritate Verborum Christi discurrendo, definiebant fidei articulum de Transubstantiatione panis & vini in Corpus & Sanguinem Christi. Ex quibus adeò manifestè concluditur, per discursus Theologicos ex veritatibus divinitus revelatis deductos non tantum gigni fidem in cordibus Infidelium, ac haereticorum, sed maxime Nutrire, ac Augeri in Ecclesia, ac mentibus credentium. Ergo Theologia, seu medium gignendi, & nutriendi fidem est Ecclesiae necessaria.

Tercio Ratione probatur, quomodo fides defendatur, & roboretur per Theologiam. Nam in sacris litteris, nominatim Epistolis Pauli sunt multa intellectu difficilia. *2. Petri. 3.* Haec igitur ab indoctis, & instabilibus facile depravantur. *cod. 6. 3.* Ergo ad veritatem ejusmodi quaestionum stabilendam opus est eas conferre cum alijs Scripturae locis, ejusmodi collatio importat discursum ex revelatis. Deinde *1. Petri 2.* exigitur à fidelibus,

ut sine parati ad satisfactionem omni poscenti ex ipsa rationem de ea, qua in eis est, spe & consequenter fide, utpote super quam fundetur Spes Theologica. Haec autem ratio rerum sperandarum, & credendarum à simplicioribus quidem redditur sufficienter ex generalibus principiis credendi, quod nimirum ita teneat Ecclesia Sancta. Nihilominus ista ipsa ratio in fundamento examinata supponit Ecclesiam esse fundatam supra firmam petram, adeò ut singulorum articulorum rationes ex infallibilibus Divinae veritatis principiis reddere, contra oppugnantes defendere, in speciem repugnantia inter se conferre, & adversariorum Sophismata luce ratiocinationis dispellere possit. Quam proinde Fidei ac Spei rationem Petrus ubi supra, exigebat praecipue adversus fidei calumniatores, Ne scilicet in horum nequitia fideles tanquam parvuli fluctuantes circumferantur omni vento doctrinae: *ad Eph. 4.* At manifestum est, rationum ejusmodi redditionem formaliter importare discursum Theologicum. Hic ergo Ecclesiae defensionem, & fidelium roborationem simpliciter necessarius est. Confirmatur ex *Matth. 23.* ubi, ne arbitrentur homines, casu vel humana tantum providentià submitti Ecclesiae Doctores, ait Christus, *à se mihi scribae, & sapientes.* Et Paulus *ad Eph. 4.* scribit, quod Christus ascendens in altum deduxit quosdam Pastores, & Doctores ad consummationem Sanctorum, in opus Ministerij, in adificationem Corporis Christi. Ex quibus Gammachaeus *Comment. in 1. par. 9. 1. c. 3.* rectè concludit, esse Iuris Divini, ut sint Doctores, seu Theologi in Ecclesia. Quod Ius Divinum primario tangere Episcopos, & Pastores animarum, innuit Paulus *Titi. 1. Episcopus,* inquit, *sit potens exhortari in doctrinam sanctam, & eos qui contradicunt, arguere.* Constat igitur Theologiam, utpote, cujus Doctores secundum *S. Augustin lib. 2. cont. Julian. c. ult. post tempora Apostolorum sunt Ecclesiae Plantatores, Regatores, Aedificatores, Pastores, ac Nutritores,* non tantum ex generali necessitatis ratione, sed speciali Iure Divino Ecclesiae necessariam esse pro singulis, non tamen in singulis suis membris: alij enim in Corpore Christi Mystico sunt oculi, alij pedes, alij manus, suntque gratiarum Divisiones, ita ut Deus aliquos duntaxat ponat in Ecclesia Doctores. *1. Corin. 12.*

### CONCLUSIO. II.

Theologia secundum methodum Scholasticam non est simpliciter necessaria, sed valde utilis Ecclesiae. Ita Theologi communiter.

Probat. Theologia Scholastica non differt secundum substantiam, sed tantum ratione methodi à Theologia antiquorum Patrum, quia totam Doctrinam revelatam massam indigestam exactius pro utraque contradictionis parte ponderatis difficultatibus, ac distinctis quaestionibus, redegit in unum Corpus, quod antequam in varios erat dispersum Tractatus, nullo inter se ordine connexos. Deinde licet Patres antiqui pugnando adversus haereses, ac errores, non tantum claris Scripturae verbis usi sint, sed ex principiis Fidei argumentando, multas deduxerint veritates, in his tamen ad captum aequè insipientium atque sapientium proponendis ampletebantur.



- debantur ordinem potius Oratorium, quam dialecticum. At Theologia Scholastica brevior ac firmiter concludentem methodum Dialecticam apprehendens, singulas Doctrinæ revelatæ quæstiones ita expendit ad fidei normam, & rationis trutinam, ut earum principia & consequentias exactissime scrutetur. Unde fit, quod Theologia Scholastica non se contineat intra fidei fundamenta, & veritates ex his deductas, ac definitas ab Ecclesiâ, sed ad alias remotiores aliquando evidenter, aliquando probabiliter inferendas descendat. In quo, si absit quorundam fortè vitium, (qui ut subtilitates non admodum utiles ad ostentationem magis rimantur, utiliores, vel substantiales quæstiones aut refecant, aut jejune pertractant, aut per nimiam licentiam ad assertiones fidei, ac bonis moribus vix consonas declinant) non parum utilitatis & laudis esse ostenditur sequentibus rationibus.
14. Tum quia consequentijs etiam remotioribus exactius penetratis, facilius est occurrere erroribus in fidei doctrinâ pullulantibus. Tum quia hac ratione elucidatur Sapientiæ divinæ veritas, quæ Ecclesiast. 24. ait, qui elucidant me, vitam æternam habebunt.
15. Tum quia consequentiæ probabiles incitant ad disputationem, quæ juxta commune adagium, est Cos veritatis. Neque parum juvat discussio singularum, etiam probabilium rationum ad certam tandem veritatem statuendam: cum etiam Apostoli Act. 17. magnam habuerint inter se conquisitionem de Legalibus Cæremoniis, priusquam facerent aliquam definitionem.
17. Tum quia non superficiem duntaxat, sed profundum veritatis scrutatur sapiens, Exquirendo sapientiam antiquorum, vacando in prophetis, conservando narrationem virorum nominatorum, osculata proverbiorum exquirendo, & in versutias parabolarum introcundo, Ecclesi. 39. At verò aliqua istorum mediorum indagandi veritatem niti doctrinâ Philosophorum, narratione ac interpretatione Doctorum, perscrutatione occultorum ex viribus proprii judicii informati sapientiâ prophanâ & divinâ, constat ex ijs, quæ fusiùs tradit Cornelius à Lapide in Ecclesi. cit. c. 39. v. 1. 2. & 3. Consequens igitur est, laudis esse, argumentis ac medijs non certis duntaxat, sed auctoritate etiam humanâ, vel proprii judicii lumine plerumque probabili tantum nitentibus exquirere sapientiæ divinæ veritatem. Ex quibus manifestè evincitur Theologiæ Scholasticæ utilitas, cujus aded intuitu, ac respectu Innocentius Tertius in Concil. Lateran. laudavit Magistrum sententiarum ex Theologiâ in ordinem, ac Methodum Scholasticam redactâ. Et Urbanus IV. in Extrayag. Laudabilis Deus, summo opere, deprædicat Summam Theologicam à Divo Thomâ Aquinate compositam. Denique sacra Cardinalium Congregatio in notis sess. 5. Conc. Trident. de reform. c. 1. n. 16. declaravit: præcepto de habendâ lectione Sacræ Scripturæ in Ecclesijs Cathedralibus, ac Metropolitanis, nec non Monasterijs ac Conventibus Regularium, satisfieri per Theologiam Scholasticam.

## Responsio ad Argumenta opposita.

19. Ad primum n. 2. oppositum Respondetur, Querendo ex istis Novatoribus, ex quo veritatis fundamento Theologiam Scholasticam arguant Novitatis, cum Ecclesiast. c. 1. v. 10. scriptum sit: Nihil esse sub sole novum, nec quicquam valere dicere: Esse hoc recens est: jam enim præcessisse in sæculis, quæ ante nos fuerunt. Hoc enim exponens S. Tho. 1. p. q. 73. a. 1. ad 3. ait: Nihil esse aded sub sole novum, quoniam præcesserit vel in sua specie, vel in causis suis, vel in simili. Quod de Theologia Scholasticâ vel maxime procedit, cujus substantia est discursus circa, & ex revelatis, cujusmodi cum Ecclesiâ natum, & ad nostra usque tempora progressum fuisse, constat ex præf. quæst. init. a. n. 2.
20. Neque Theologia Scholastica ab antiquâ Patrum scientiâ Divinâ differt, nisi quod universa doctrina revelata prius dispersa cum illationibus exinde deductis in unum Corpus jam redacta, & pluribus progressu temporis circa Divinitus revelata discursibus aucta sit: quod non est innovare doctrinam, sed in studio Divinæ sapientiæ excolendo imitari Patres antiquos, atque doctrinam scribam in regno Cælorum seu Ecclesiâ agere, cujus secundum parabolam Christi Matth. 13. est, de thesauro sacræ scripturæ Vetera & Nova in antiquis tamen fundata proferre.
21. Cujus figura eleganter præsignata fuit per visionem Ezechielis 47. ubi cum propheta vidisset aquas redundantes à latere dextro, vir ad Orientem, qui habebat funiculum in manu suâ, & mensus erat mille cubitos, traduxit eum per aquam usque ad talos; rursusque mensus est mille, & traduxit Prophetam per aquam usque ad genua; & denuò mensus est mille, & traduxit eum per aquam usque ad renes, iterum mensus est mille, & intumuerant aquæ torrentis, qui non poterat transvadari. In quod S. Hieronymus, aquas Salvatoris, ait, significare doctrinam, quæ successu temporis crescat, nec possit unquam omnino pertransiri. Si ergo Divinæ doctrinæ pelagus non potuit ab Antiquioribus esse exhaustum; immeritò succensent Hæretici Theologiæ Scholasticæ, mediante quâ hauriunt fideles aquas de fontibus Salvatoris, id est, juxta Chaldaicam versionem addiscunt Novam in antiquâ tamen fundatam Doctrinam ab Electis Iustorum, nimirum Ecclesiæ Doctoribus, ac Theologis.
22. Verum prætermittendum non est, quin Novitatis contra Theologiam reprehensio in Novatores illos retorqueatur, nisi doctrinam suam eatenus antiquam astruere velint, quod imitentur serpentem antiquum, qui à mundi statim principio Verbum, ac Præceptum Dei Gen. 3. commentatus falso commento, Evam decepit.
23. Ad secundum n. 3. oppositum Respondetur, Non posse Paulum ad Col. 2. veram Philosophiam vocasse inanem fallaciam, quam aliàs dixerat, esse à Deo. Quod notum est DEI, inquit, manifestum est in illis sc. Philosophis Ethnicis: Deus enim in illis manifestavit. ad Rom. 1. Idem Apostolus Athenienses de idololatriâ redarguens, usus fuit tum formâ, seu consequentiâ Dialecticâ, tum principio ex Philosophiâ ipsorum desumpto. In ipso enim sc. Deo inquiebat, vivimus, movemur & sumus: sicut & quidam vestrorum Poetarum dixerunt: Ipsius enim & genus sumus. Genus ergo cum sumus Dei, non debemus estimare



24. *estimare auro vel argente aut lapidi sculptura artis, & cogitationis hominis Divinum esse simile. Act. 17. v. 28. & 29. Hoc igitur Apostoli exemplum imitati Sancti Patres Clem. Alexand. lib. 1. & 6. Strom. Aug. lib. 2. Doct. Chryst. c. 16. & 31. Item epist. contra Crescon. l. 1. c. 13. ac seqq. Hieronym. Epist. 146. ad Damas. & dialog. contra Luciferianos Damasc. lib. 4. de fide Orthodox. c. 12. disertis verbis commendarunt, imò & usi sunt in tractandis rebus divinis subsidio Dialectices, atque scientiarum naturalium, ita tamen castè & cautè, ut sapientia Divina supernaturali fidei lumine nixa exhiberet se Dominam, cui tanquam Ancillae inservirent scientiæ luminis naturalis. In quem sensum S. Thomas præsent. q. 1. a. 5. arg. Sed contra. adducit illud Prov. 6. Sapientia misit ancillas suas, scientias scilicet naturales, ut vocarent ad arcem.*

25. *Quem proinde Theologicæ Sapientiæ super lumen naturale, ac scientias Philosophicas principatum evertentes Hæresiarchæ, antiquorum Philosophorum doctrinas ad altiora fidei Mysteria minùs sobrie, ac incautè applicando, varia adversus Divinam Doctrinam commenta inducere conati sunt in Ecclesiam, Stoicis errori Manichæorum, & Priscillianistarum, Platone hæresi Arrianorum, Aristotele malè intellecto delirijs Apollinaris semina subministrantibus. Sic ergò fidei lumine supernaturali posthabito naturali lumini ac proprii iudicii instinctui, Doctrina Christiana tracta fuit in jocum, Philosophis factis Patriarchis Hæreticorum, dum isti per proprii iudicii pertinaciam falsa dogmata ex illis sibi affricabant.*

26. *Non igitur sobrius ad regulas fidei, ac Theologiæ moderatus Dialectices, ac Philosophiæ usus in rebus divinis tractandis damnatur à Sanctis Patribus, sed luminis naturalis & proprii iudicii adversus Orthodoxam, & divinam Doctrinam pertinax hæreticis propria in hæsiō: ex quâ non nisi fallax, & inanis Philosophia & Fidei doctrinæ perversa interpretatio consequitur. Unde non minor morum dissolutio aperitur, atque ex Philosophiâ Epicureorum, quam Apostolus sup. ad Coloss. 2. tanquàm deceptoriam & fallacem præcipit evitandam, prout illum locum interpretatur Clemens Alexand. lib. 1. Strom.*

### CONTROVERSIA III.

#### Quotuplex sit Theologia.

##### CONCLUSIO I.

**T**heologia latius accepta dividitur in Theologiam Dei, Beatorum, ac Viatorum, ex S. Th. præsent. q. 1. a. 2. Theologia Dei est visio divinæ essentiæ actuantis Intellectum Dei ad sui, & omnis cognoscibilis comprehensionem uti conformiter ad mentem S. Th. 1. p. q. 14. tradit Scotus. q. 3. prol. n. 23. De hac docet Navarretus. 1. p. q. 1. a. 2. cont. 4. S. 1. in ratione specificâ Theologiæ esse univocam cum Theologiâ Beatorum, & Viatorum, & analogari tantum in ratione entis. Sed hoc tanquàm Doctrinæ Divi Thomæ 1. p. q. 13. a. 5. & q. 32. a. 1. ad 2. contrarium rejiciemus infra q. 3. art. 2. cont. 2. Movet etiam Arriaga. 1. p. disp. 18. sect. 4. subsect. 1. Deum cognoscere creaturas non

tantum in se, sed etiam ex se, adeoque ratione nostrâ posse in Deo consignari formalitatem discursus; de quo infra q. 5. a. 1. Si tamen ista sententia subsisteret, consequens foret, Theologiam Dei sub ratione specificâ scientiæ quâ ex lumine divino discursivæ convenire analogicè cum nostrâ Theologiâ.

In Beatis duplicem distinguit Theologiam Nazarius 1. p. q. 1. a. 2. cont. 2. S. Tertio notandum. Matutinam sc. ac Vespertinam. Hanc consistere ait in speciebus acquisitis per hujus vitæ discursum ex principijs divinâ fidei creditis, ac in intellectu Beati manere formaliter quâ discursivam. Illam verò, negat, esse discursivam, utpote, quæ formalitè sit Divinæ essentiæ, & in hac creaturum visio intuitiva, seu quidditativa. Secus Scotus cit. q. 3. prolog. n. 27. arbitratur, Intellectum Beatorum posse ex quidditatibus creatis in essentiâ Dei visis discurrere ad veritates seu proprietates in eis inclusas, adeoque in Beatis posse esse scientiam verè Theologicam quoad omnes scientiæ condiciones. Verùm de his non modicæ difficultates continentibus differemus seq. art. & infra de visione Dei q. 4. Theologia Viatorum strictè sumpta est scientia ex obscuris principijs fidei supernaturali cognitis illativa veritatum seu conclusionum.

##### CONCLUSIO II.

**T**heologia Viatorum dividitur in Symbolicam, & Demonstrantem.

Explicatur hæc divisio, & probatur non esse in membra intrinsecè, ac essentialiter differentia. Nam Symbolicæ Theologiæ secundum Divin. Dion. de Myst. Theolog. cap. 3. n. 1. est, à formis sensibilibus in sacra Scripturâ Deo attributis ascendere ad divinas Dei nominationes contentas sub Mystico sensu figuræ v. g. corporeæ, furoris, insanix, ebrietatis, crapulæ, somni, vigilationis, vel aliarum Symbolicæ Deiformationis sanctarum formationum.

Econtra Theologiæ Demonstrantis in Theologicis Hypotiposibus, & lib. de divinis Nominibus ab eodem Divino Doctore explanatæ est, Divinas perfectiones Bonitatis, Sapientiæ, Vitæ, Potentix, &c. emanationes Filij, & Spiritus S. circuminfectionem, seu mansionem Divinarum Personarum in se ipsis explicare non figuratis, & translatis, sed propriè usurpatis vocibus.

At utraque hæc Divinarum veritarum indagatio procedit ex uno fidei infusæ, ac Divinæ revelationis lumine: nec aliud Mysticus, & figuratus sacrae Scripturæ sensus, quàm literalis, & apertus de Deo enuntiat. Ergò utraque Theologia tam Demonstrans, quàm Symbolica constat iisdem principijs ac lumine fidei infusæ, easdemquæ de Divinis perfectionibus infert consequentias. Ergò in ratione scientiæ Theologicæ non differunt essentialiter ac intrinsecè, sed in vocibus duntaxat, & in modo extrinsecò tractandæ divinæ.

##### CONCLUSIO III.

**T**heologia tam Demonstrans, quàm Symbolica subdividi potest in Mysticam, & Scholasticam,

Explicat-



- Explicatur hæc divisio, & Probat. Nam
6. 1. Theologiæ Mysticæ actus est contemplatio. *Div. Dion. lib. de Theolog. Myst. c. 1. n. 4. & 6. juxta expos. Alberti Magni. ibi. S. Bonav. de Luminaribus Ecclesiæ. ser. 3. Dion. Carthus. de fonte lucis. c. 13. At contemplatio est actus Doni Sapientiae. S. Th. 2. 2. q. 45. a. 3. S. Bonav. de septem itineribus eternitatis. dist. 2. & lib. de septem Donis Spiritus sancti. S. de Dono Sapientiae. Ergo Theologia Mystica pertinet ad Donum Sapientiae, ut recte probat Ioan. à Jesu Maria de Myst. Theologia. c. 1. & innuit Div. Dion. cit. c. 1. n. 7. Theologiam Mysticam vocans Divinam Christianorum Sapientiam. Sed donum Sapientiaeatenus differt à fide, quodd hæc propter autoritatem Dei simpliciter assentiat. Veritati Divinæ: illud verò Divinam Veritatem fide infusâ præcognitam judicet, ac æstimet, unde fides præsupponitur ad Donum Sapientiae. S. Th. 2. 2. q. 3. a. 6. & q. 45. a. 2. ad 2. At verò Theologia Scholastica nititur fide infusâ. Ergo alia ratio luminis divini est in Theologiâ Scholastica, quam Mysticâ, lumini Doni Sapientiae innixâ.*
  7. Secundò Theologia Scholastica ex principiis fide Divinâ creditis discurrendo, deducit conclusiones. At contemplatio, seu Mysticæ Theologiæ actus ex fide aut discursu circa Divinam præsupposito aliis ascendit, figendo intuitum in simplici conspectu Divinæ Veritatis. *Div. Dion. c. 4. de divin. Nom. & S. Th. 2. 2. q. 180. a. 6. ad 2. Ergo Theologia Scholastica distinguitur realiter & formaliter à Theologiâ Mysticâ, etsi illa suis discursibus huic aperiat viam ad contemplationem, adeoque in Theologis Scholasticis ad puritatem, & sanctitatem vitæ aspirantibus sint comites individuae: non enim discurret Theologia Scholastica sine fide, hæc autem in justis operatur per Dilectionem ad Galat. 5. Dilectio autem excitat contemplationem, seu sapientiam Dei notitiam. D. Thom. 2. 2. q. 45. a. 2. Quod insinuavit Albertus magnus. 1. p. Sum. Theol. tract. 1. q. 2. definiens Theologiam ex sup. 10. quodd sit scientia Sanctorum inclinans ad pietatem, seu perfectionem fidei, Spei, Charitatis, & Religionis.*
  9. Tertio Probat, rationem Theologiæ tum Symbolicæ, tum demonstrantis convenire utrique Divisionis membro. Nam æque Mystica, atque Scholastica procedit, altera contemplando, altera discurrendo ex sensu tam literali, quam Metaphorico Sacræ Scripturæ. Ergo ambæ participant de Theologiâ Symbolicâ & Demonstrante: etsi Mysticæ magis innatum sit, ex figuratis Dei formationibus introire in Divinitatis superluculentem caliginem. Unde videtur Mystica nomen sortita, ac per denominationem à priori plerumque confunditur cum Symbolicâ.

## CONCLUSIO IV.

Theologia, prout in scholis tractatur, non ex differentiâ essentiali luminis, vel materiæ saltem adæquatæ, sed ob diversitatem methodi in exponendis Divinis revelationibus & applicandis ad discursus Theologicos distinguitur in *Positivam, Scholasticam, & Moralem.*

Explicatur & Probat: Nam Theologiæ ratio formalis objectiva consistit in Deducibilitate ex principiis revelatis. At imprimis potest veritas per discursum deduci ex principiis revelatis, loci alicujus Sacræ Scripturæ sensum investigando ex collatione diversorum sacrorum textuum, ac Idiomatum, nec non interpretatione SS. Patrum; quod spectat ad *Theologiam Positivam*. Deinde conclusio per formalem consequentiam ex revelatis deducta quandoque pertinet ad mores, & praxin, seu observantiam Dei, ac Ecclesiæ mandatorum. Quodd si fiat simpliciori Dialectices methodo, pertinet ad *Theologiam Moralem*. Denique in erudiendis ex fide, seu revelatione Divinâ veritatibus Theologia quandoque utitur accuratiori, & subtiliori formâ Dialecticâ tum ad explicandam, & nutriendam fidem, tum ad istam propugnandam contra adversarios, tum ad conclusiones virtualiter in articulis fidei contentas mediantibus consequentijs etiam remotioribus deducendas. Quæ methodus *Theologia Scholastica* propria est. Nam *Secundum Ciceronem 2. de Oratore*. Vir subtilis, & apprimè peritus vocatur *Homo de Schola*, in quo aded sensu nomen *Scholasticus* usurpârunt S. Augustinus *lib. de Cathelicis audis rudibus*, & S. Greg. 4. *pud Isambertum. 1. p. q. 1. disp. 3. n. 3.*

Dices: Hac divisione non continetur Theologia Controversistica. Ergo non est adæquata. Respondetur Theologiam Controversisticam aliquando procedere ex methodo *Theologiae Positivæ*, aliquando, ac frequentius ex norma *Theologiae Scholasticæ*. Ergo ad has esse reducendam.

## ARTICULUS II.

An, & qualis Scientia sit Theologia?

Scotus *prol. q. 3. n. 26.* quatuor ad Scientiam requirit condiciones, ut sit cognitio certa, sit de cognito necessario, sit causata à causa evidente intellectui, applicata ad intellectum per discursum syllogisticum: sit denique effectus æquivocus respectu causæ applicatæ per discursum, atque aded ex parte intellectus recipientis supponat imperfectionem potentialitatis. Quas proinde condiciones unâ cum Doctrina Angelici Doctoris *presenti secundo, ac sequentibus articulis* expositâ, distinctis aliquot controversijs circa Theologiam expendimus.

## CONTROVERSIA I.

An Theologia Viatorum propter inevidentiam deficiat à ratione perfectæ Scientiæ?

Scotus *cit q. 3. Prol. n. 4. & 30. Richard. in 1. q. 2. prol. Ocham. q. 3. Mayron. q. 14. Durand. q. 1. Aureolus ead. q. 1. a. 3. Valsq. 1. p. disp. 4. c. 6. Franciscus Amicus 10. 1. Curs. Theolog. disp. 1. sect. 1.*



sect. 4. n. 29. Puteanus 1. p. q. 1. a. 2. concl. 1. Arriaga 1. p. disp. 1. sect. 2. negant; Theologiam, utpote obscuro fidei lumine nixam, adeoque inevidentem participare rationem perfectæ scientiæ. Fundamentum hujus sententiæ olim refutatum à Doctore Angelico *pres. a. 2. ad 1.* desumitur ex Philosophis, præsertim Aristotele. 1. post. c. 2. secundum quos evidentia principiorum Demonstrationis est de essentiâ scientiæ.

3. S. Thomas *pres. q. 1. ar. 2.* Albertus Magnus. 1. p. sum. tr. 1. q. 1. Francis. de Marchiâ *apud Greg. q. 1. prel.* Henricus *in sum. a. 6. q. 1. & a. 13. q. 6. & 7.* Alensis. 1. p. q. 1. a. 1. ad 3. Canus *de Locis Theologicis. c. 2.* Bannes 1. p. q. 1. a. 2. Hieron. de Medicis. *ibid.* Nazarius. *pres. a. 2. contr. 1. concl. 1.* Fasolus. *ibid. dub. 14.* Petrus à S. Joseph. *in Proem. resol. 2.* simpliciter affirmant; Theologiam esse veram, & propriam scientiam, non obstante inevidentiâ fidei, cui innitur: in cujus tamen assignandâ ratione plurimum discrepant illi Doctores.

4. Franciscus enim de Marchiâ existimavit, Principia Theologiæ, supposito fidei assensu, posse solo naturæ lumine evidentiter cognosci ex penetratione terminorum, ex quâ evidente notitiâ procedere intellectum ad conclusiones Theologicas demonstrativè inferendas. Henricus asseruit, ex fide nasci intelligentiam juxta lectionem Septuaginta *Isaia. 7. Si non credideritis, non intelligetis.* Hanc verò intelligentiam esse lumen supernaturale ad generandam evidentiam principiorum supernaturalium non minus efficax, atquæ sit lumen naturale ad progignendam evidentiam principiorum naturalium. Ergò ex illo lumine supernaturali derivari evidentiam in conclusiones Theologicas deductas ex principio fidei.

6. Canus, & Fasolus *loc. cit.* maxime n. 26. tenent, si absque evidentia salvetur certitudo assensus, prout fit in Theologia, subsistere totam ac perfectam scientiæ rationem.

7. Doctor Angelicus *cit. a. 2. ad 1.* Theologiam esse scientiam, eò quòd procedat ex principiis lumine superioris scientiæ Dei, & Beatorum notis.

### CONCLUSIO. I.

Demonstrationes Theologiæ non constant principiis lumine naturali evidentiter præcognitis.

8. Probatur. Propositiones lumine naturali evidentiter cognoscibiles sunt notæ vel per se, vel per causas, vel per effectus evidentiter præcognitos. At suppositâ etiam fide, Mysterium fidei in substantiâ supernaturale nequit lumine naturali aded penetrari, ut ejus natura cum prædicatis intrinsecis ex se ipsâ pateat intellectui creato: quin potius talia Mysteria v. g. Unitas essentiæ Divinæ in Trinitate Personarum, & Unio Verbi omnino immutati cum humanitate videantur pugnare cum principiis luminis naturalis 1. *Corinth. 1. Predicamus Gentibus stultitiam.*

9. Neque vero lumine naturali sunt cognoscibiles effectus aliqui, seu causæ cum intrinseco ordine, seu proportionem ad Mysteria ejusmodi. Consequens proinde est, quamdiu ambulamus per fidem, non per speciem. 2. *Corinth. 5. Mysteria su-*

pernaturalia mediante fidei speculo etiam præcognita manere adhuc in enigmate 1. *Corinth. 13.* Ergò ex istâ obscurâ & ænigmatica fidei cognitione non potest intellectui tantum lucis affundi, ut Mysteria suo innato lumini improporcionata cognitione naturali evidentiter cognoscat.

Oppones: Suppositâ fide certò novit intellectus Mysterium v. g. Trinitatis esse Divinitus revelatum. At naturali lumine notum, ac evidens est, Deum utpote summam Veritatem mentiri non posse. Ergò suppositâ fide vi luminis naturalis evidentiter notum est, Deum esse Trinum. Ergò ex hac luminis naturalis evidentia potest intellectus demonstrativè inferre conclusiones.

Contra: Supposito principio naturaliter præcognito *Deus revelans mentiri non potest*, traheretur intellectus suâ innatâ necessitate ad assensum Mysterij Divinitus revelati, si hujus revelatio evidentiter esset proposita. At intellectum non innatâ vi rapi ad Mysteria fidei; sed his assentiendo redigi in captivitatem obsequij Christi, constat ex 2. *Corinth. 10.* Ergò supposito etiam illo principio naturaliter noto, Mysteria fidei propter obscuritatem Divinæ revelationis non sunt evidentia.

Instabis: Mysteria fidei debent esse evidentiter credibilia *Psal. 92. Testimonia tua credibilia facta sunt nimis.* Sed testimonia Dei sunt credibilia formaliter, quâ revelata. Ergò per evidentiam credibilitatis mediantibus præsertim miraculis manifestatæ intellectui evidentiter pater Veritas Articulorum fidei, utpote Primæ Veritati revelanti innitentium. Sicut enim effectus naturalis evidentiter arguit causam naturalem, sic effectus supernaturalis ad confirmationem fidei factus Deum revelantem evidentiter demonstrat quâ Causam supernaturalem, velut argumentatur Dionys. *Carthus. & alij apud Franc. de Lugo. cit. c. 1. n. 2.* Hæc igitur Veritatum fidei evidentia suppositâ consequenter conclusiones Theologicas ex ijs deductæ sunt evidentes.

Contra. Evidentiâ credibilitatis fundat iudicium prædictum, quo intellectus judicat, attentis circumstantiis alicujus v. g. miraculi hic & nunc esse honestum; articulo tanquam Divinitus revelato assentiri propter infallibilem Dei seu Primæ Veritatis auctoritatem. At hoc iudicium cum pendeat ex circumstantiis particularibus, & secundum Theoriam contingentibus, nō potest esse scientificum; quia circa contingentia ut sic non datur discursus scientificus, seu ratio physicè certa, licet circa ea sub Moralis regulabilitatis certitudine subsistere possit ratio prudentialis duntaxat, practicè certa & moraliter evidens. Et licet illud credibilitatis iudicium quandoq; fundetur in miraculo, nē tunc quidem sit absoluta & physica evidentia Divinæ revelationis. Uti probat Card. de Lugo. *tract. de fide. disp. 2. sect. 1. n. 22.*

Tum quia ex *Joan. 12.* constat, cum ad orationem Christi *Pater clarifica nomen tuum*, venisset vox de cælo, *Et clarificavi, & iterum clarificabo*, ex hoc signo aded licet manifesto non fuisse Deum Patrem loquentem evidentiter manifestum turbæ audienti, quin potius aliqui dicerent, tonitruum esse factum. Tum quia licet Beatissima Virgo de Verbi Divini in se perficiendâ Incarnatione non tantum à Deo Patre per Angelum esset edocta, sed Vir-

10.

11.

12.

13.

14.

15.



sed Virtus Altissimi ipsi tunc obumbraret, quatenus hoc Sacramentum, quodd sola per se Trinitas cum sola, & in sola Virgine operabatur, ipsi soli dabatur nosse, cui soli datum erat experiri, uti *eleganter discurre Albertus magnus 10. 20. super Missas 1. q. 44.* Nihilominus hanc ipsam experientiam, ac Divinæ contemplationis lucem obducta revelationi Divinitus factæ quâdam caligine & obumbratione ita temperavit Deus in Virgine, nè fidei meritum ipsi deesset, sed potius in conceptione Filij Dei fides MARIA esset uxor Spiritus Sancti. *Albertus Mag. de Laudib. Beatissima Virginis. lib. 4. c. 15.* Unde etiam Ecclesia ex hoc eam dicit Beatam, quodd crediderit. Constatigitur, Miracula & Opera supernaturalia in contestationem & confirmationem fidei facta, ita reddere testimonia Dei credibilia, ut hæc tamen non fiant evidèntia in Deo attestante, sed Deus ex ejusmodi signis motione gratiæ format judicium duntaxat prudentiale, & practicum de honestate assensûs hîc & nunc Divino testimonio præbendi. Ergo sicut articuli Divinæ fidei crediti manent obscuri, ita conclusiones Theologicæ ex ijs per consequentiam Syllogisticam deductæ sunt nevidentes.

16.

## CONCLUSIO II.

EX fide nullum nascitur lumen supernaturale, à quo veritates Divinitus revelatæ seu principia Theologica redantur intellectui evidèntia.

17.

Probat: Nam Evidèntia definitur à Philosophis Determinatio ad assensum; Hæc autem determinatio in eo sita est, quodd Veritas vel in se ipsâ, vel in ratione aliquâ & medio objectivo parens intellectui, hunc ex innatâ ad veritatem propensione determinet ad assensum. Atqui dum sumus viatores, ambulamus per fidem *2. Corinth. 5.* Hæc autem est argumentum non apparentium. *Hebr. 11.* Ex quâ proinde Mysteriorum credendorum inevidentiâ fit, quodd intellectus non innatâ suâ necessitate, sed libero voluntatis imperio determinetur ad fidei assensum. Imò libertate hæc remotâ, cessaret fidei meritum, adeoque status Viæ. Ergo illud lumen supernaturale destrueret fidem, ejusque meritum, ac Viæ statum, si Mysteria Divinitus revelata redderet evidèntia, seu apparentia.

18.

Oppones: Præter habitum fidei dari Dona supernaturalia Intellectus & Sapientiæ. Hæc autem eatenus à fide distinguuntur, quodd hujus sit, veritatibus revelatis assentiri propter auctoritatem Divinam: Intellectus autem sit, penetrare intima rerum credendarum; & Sapientiæ sit eas judicare, atque æstimare. *S. Thom. 2. 2. q. 1. a. 1. & q. 45. a. 2.* Atqui cognitio est formalis quædam objecti in intellectu representatio, ac illuminatio. Ergo res credendæ sunt formaliter notæ ac illustratæ, seu evidentes intellectui, quatenus earum rationes interiores penetrantur, ac æstimentur à Dono Sapientiæ, ac Intellectus.

19.

Contra: Nam Donum Intellectus præsupponit fidem *juxta allegatum Isaia 7. Nisi credideritis, non intelligatis.* At verbo Dei per fidem supernaturalem attendimus quasi lucernæ lucenti in caliginoso loco, donec dies illucescat. *1. Pet. 1.* Ergo operatio Doni quoque Intellectus superstructa fidei non tantum lucis habet, ut dies illucescat,

sed manet juncta caligini, seu obscuritati. Hinc etiam S. Thomas 2. 2. q. 2. a. 2. docet, Donum Intellectus in statu præsentis non ita penetrare veritates divinas, ut eas cognoscat secundum rationes Quidditativas, quatenus sunt in se ipsis, sed tantum secundum rationes extrinsecas, quatenus dissolvendo argumenta contraria infert, non esse recedendum à fide. Et licet Intellectus & Sapientiæ Dona rationes æternas conspiciendo, & consulendo, vel etiam contemplando Divinæ Bonitatis Abyssum, possint in hac vitâ ed usque penetrare, ut homo supra se à Spiritu Divino elevatus, & à sensibus abstractus remoto etiam rationis discursu, rapiatur ad simplicem intelligibilis Divinæ veritatis contemplationem, *ut ait S. Tho. 2. 2. q. 180. a. 6. ad 2.* Hoc tamen non fit per intuitivam, vel aliam evidentem cognitionem, sed per imperium virtutis voluntati inexistentis, Charitatis nimirum seu Religionis, cum suavi divinæ dulcedinis benedictione prævenientis, & captivantis intellectum ad conspiciendum Bonitatis divinæ abyssum, ut eo mens fruatur per altiora supernaturalium actuum exercitia. Nulla igitur evidèntia ex Donis Sapientiæ, & Intellectus non nisi cum fidei caligine operantium transfundi potest in principia, & conclusiones Theologicas.

20.

Instabis: Supposito, quodd vis intellectiva per assensum tum luminis naturalis, tum fidei certò conspiciat intrinsecam, ac necessariam duorum extremorum cum medio connexionem, evidenter ac necessariò infert, extrema ejusmodi esse etiam inter se connexa seu eadem. v. g. supposito assensu, quodd operatio sequatur naturam, non verò Hypostasim; in Christo autem sint duæ naturæ in uno supposito, evidenter sequitur, in Christo esse duas operationes Divinam, & Humanam inconfusas & distinctas. Consequens proinde est, ex principiis fidei Divina creditis derivari quandam evidèntiam in conclusiones inde illatas.

21.

Contra: Nam alia est Evidèntia Consequentis, alia verò Consequentia. Hæc enim consistit in bonitate consequentiæ & illationis, vi cuius supposito assensu præmissarum, necessitatur ac determinatur intellectus ad conclusionis assensum. At ista Consequentia Bonitas & evidèntia potest esse in Syllogismo Topico: Ergo non sufficit ad rationem scientiæ, sed opus est aliquâ evidentiâ Consequentis, seu objecti scientifici, quæ in eo sita est, quodd objecti veritas ex se ipsâ convincat, ac determinet intellectum: Est autem scientifici assensûs objectum materiale Connexio extremorum conclusionis; formale verò objectum est connexio extremorum cum medio quâ explicata in præmissis demonstrationis. Ergo ad discursum scientificum, ac demonstrativum requiritur, Veritatem connexionis extremorum cum medio ita esse propositam, ut ex se ipsa rapiat intellectum ad sui, & consequenter Conclusionis assensum.

22.

Atqui connexio extremorum cum medio in Discursu Theologico non ita proponitur, ut ex se ipsâ determinet, seu convincat intellectum, sed regitur sub obscurâ Dei revelatione, in cuius aded obsequium captivari debet intellectus fide infusus instructus, Ergo objectum formale assensûs Theologici nec in se ipso, nec in medio, seu ratione aliquâ objectivâ est evidens intellectui

23.

Viato-



Viatoris, sed in lumine duntaxat superioris scientiæ. De quo *infra* concl. 4.

## CONCLUSIO III.

**A**ssensus Theologicus quâ ex principiis per fidem Divinam certò, sine tamen evidentia cognitivis discursivus est strictè ac propriè scientificus.

24. Probatur. Evidentia principiorum in scientiis etiam naturalibus ad scientificum assensum se habet *Causaliter*, non autem *Formaliter*, ac *essentialiter*. Ergo ratio scientiæ potest secundum quidditatem, ac essentiam adæquatè subsistere absquè principiorum vel conclusionis evidentia. Probatur tam Antecedens, quàm Consequentia ex Aristotele 1. post. c. 2. ita differente: *Perfectè rem scire unusquisque censetur, quando causam, per quam res est, ita ipsius rei causam cognoscit, ut non posse omnino aliter rem se habere credat.* Ex quo patet, scientiæ rationem Quidditativam *formaliter* & *adæquatè* consistere in certitudine causæ, & effectûs per causam cognitivi. At certitudo nihil aliud est, quàm necessitas veritatis, distinguiturquè in *Objectivam*, vi cuius veritas objecti est æterna & immutabilis, ita, ut aliter se habere non possit, & *Formalem*, vi cuius intellectus cognoscit certò objecti veritatem non posse aliter se habere. Hanc igitur duplicem veritatis infallibilitatem, seu certitudinem in perfectâ scientiâ exigit Philosophus (priorem; asserendo; *Rem, quæ sub scientiam cadit, ita esse certam ut omnino aliter esse non possit*: posteriorem, affirmando: *Scientem debere ita rei causam cognoscere, ut non posse aliter se habere credat*: sumpto si credat pro certitudine cognitionis, prout inferius circa fin. dict. cap. exponit dicendo; *Neminem alijs rebus majorem fidem habere, quàm ijs, quæ certò sūt.* Illa proinde certitudo *formalis* tum principiorum tanquam causæ, tum conclusionis tanquam effectûs in scientiis naturalibus fundatur, & radicatur in evidentia, non enim potest intellectus connexionem prædicati cum subiecto, & extremorum Syllogismi cum medio vi luminis naturalis judicare quâ necessariam, & infallibiliter veram, nisi vel in se, ac per se nota sit lumini intellectuali, vel evidenter deducatur ex per se notis. Quod præter Philosophum loc. cit. expressit S. Thomas q. 14. de Verit. a. 9. Quacunque inquit, sciuntur propriè acceptâ scientiâ, cognoscuntur per resolutionem in principia, quæ per se præstò sunt intellectui.

26. Quæ porro evidentia ita transfunditur in conclusiones scientificas, ut hæ dicantur non immediate, sed mediatè duntaxat evidentes non in se, sed in suâ causâ. Ista verò Mediatâ conclusionum in causis seu principiis saltem remotis evidentia in eo sita est, quòd veritas principiorum, in quæ saltem remotè, & ultimè sit resolutio, habeat ex se vim determinandi intellectum tum immediate ad sui, tum mediante discursu ad conclusionum certum, & infallibilem assensum. Constat igitur, evidentiam se habere tantum *Causaliter* ad assensum scientificum, hujus autem rationem *formalem*, & *Quidditativam* consistere in certitudine notitiæ discursivæ ex principiis certò, & infallibiliter cognitivis; velut Aristot. cit. c. 2. in fine clarè asseruit, *Scientem hominem, inquit, ita esse immutabilem, ut omnino labi, atque errare non possit.*

Atqui totam hanc certitudinis & infallibilitatis rationem convenire Theologiæ ex eo, quòd nittatur lumine superioris ac Divinæ scientiæ, seq. Conclus. demonstrabitur. Ergò Theologia secundum rationem essentialem in rigore etiam Philosophico est propria & perfecta scientia.

## CONCLUSIO IV.

**R**atio certitudinis, atquè adeò scientiæ derivatur in Theologiam Viatorum ex lumine superioris scientiæ Dei, & Beatorum. S. Tho. cit. a. 1.

Probatur, & explicatur 1. Scientia enim generatur per discursum Demonstrativum. Aristot. 1. post. c. 2. At discursus importat tum præmissas, tum conclusionem, ita, ut præmissæ, si non physico efficientiæ influxu, saltem formaliter determinando intellectum causent, ac inferant conclusionem: hæc verò sit ipsamet forma actualis scientiæ. Unde præmissæ Demonstrationis *Causaliter* & *efficienter*, Conclusio verò *formaliter* facit actu scire. Atqui Demonstrationis seu Discursus Theologici præmissæ objectivæ sunt connexio extremorum syllogismi cum medio, quâ credita per fidem infusam, illa verò connexio, quâ certo, & infallibiliter credita nittitur tanquam *ratione Formali objectivâ* revelatione Dei quâ Primæ Veritatis. At hæc ipsa extremorum connexio est ratio formalis propter quam assensus & conclusionis Theologicæ. Ergo hujus certitudo, & infallibilitas resolvitur in primam Veritatem quâ revelantem. Hæc verò ut sic formaliter importat infallibilitatem scientiæ Dei, quâ communicatæ per revelationem. Ergo ratio certitudinis adeoque scientiæ in Theologiâ derivatur ex lumine Divinæ scientiæ.

2. Veritates per fidem in viâ creditæ per claram cognitionem vel Matutinam, vel Vespertinam videntur in patriâ. Ex his autem veritatibus saltem quâ cognitivis per cognitionem Vespertinam animæ beata est discursiva. At discursus ejusmodi, utpote procedens ex lumine supernaturali est Theologicus. Ergò in patriâ discursus Theologicus nittitur lumine scientiæ Beatorum. At *infra* probabitur, conclusiones, ac illationes objectivas talium in patriâ discursuum posse attingi à Theologiâ in statu viæ comparatâ, & quoad substantiam realiter manente in intellectu Beatorum. Ergò scientia beatorum potest respectu nostræ Theologiæ esse habitus principiorum. At tota certitudo, & ratio scientiæ ut sic est ex habitu principiorum. Ergo Theologia nostra quâ scientia potest in patriâ esse derivata ex lumine scientiæ Beatorum.

## Responsio ad fundamenta Adversariorum.

**A**d argumentum sup. num. 2. oppositum Respondetur. Ex Philosopho citato & supra conclusione 3. inducto constare, quòd evidentia non formaliter ac quidditativè, sed Causaliter se habeat ad assensus scientificos. Quod etiam insinuat S. Thomas cit. q. 14. de Verit. a. 9. ubi scientiarum naturalium evidentiam resolvit in primam, ac per se nota principia tanquam earum causas. In quo sensu videtur etiam locus Scoti q. 3.



tus q. 3. Prolog. n. 26. scientiam strictam ex Aristotele describens, quod sit cognitio certa de cognito necessario causata à causâ cognitâ intellectui evidenter, & applicatâ per Discursum Syllogisticum. Unde evincitur, evidentiam, ex doctrinâ Subtilis quoque Doctoris, solum Causaliter se habere ad scientiam, cujus ratio formalis consistat in cognitione certâ de objecto necessario per discursum Syllogisticum infallibiliter cognito. Cum proinde ista certitudinis ac infallibilitatis ratio ex principiis obscuris, sed supernaturalibus, ac non minus certis, quam sint propositiones lumine naturali evidentes, per discursum syllogisticum derivetur in conclusiones Theologicas; non videtur Scotus satis consequenter locutus cit. q. 4. Prolog. & in 3. dist. 24. q. un. n. 16. negans, Theologiam esse scientiam propriè dictam.

32. Instabis: Theologia versatur circa contingentia, v. g. Sacramenta, Incarnationem Verbi, & similia. At scientia versatur circa necessaria, æterna, & immutabilia. Ergo Theologia non est scientia.

Respondetur ex Scoto cit. q. 3. Prolog. n. 28. In scientiâ esse perfectionis, quod sit certa & evidens Evidentia nimirum mediata, & radicata in lumine superioris scientiæ, vel habitus principiorum: quod autem scientia sit de objecto necessario, esse conditionem objecti, non cognitionis, Si proinde cognitio aliqua contingentium sit certa, & in lumine saltem superiori evidens, esse formaliter in ratione scientiæ perfectam. At contingentia quatenus pertinent ad Theologiam Dei, & Beatorum sunt nata videri in primo objecto Theologico, Essentiâ nimirum Divinâ, in quâ habent evidentiam perpetuam, & veritatem æternam, atque immutabilem. Eadem porro contingentia quatenus substant Theologiæ Viatorum in prædictum scientiæ Divinæ lumen reducuntur mediante suo principiorum habitu, Fide nimirum Theologica qua est lumen locans credentes in primâ Veritate & primam Veritatem in ipsis immobilibus, ex Div. Dion. lib. de Divin. Nom. c. 7. Ex quo proinde lumine Theologia discurrendo circa objecta alioquin contingentia, certius hæc scit, quam ea, quæ intellectus humanus ex lumine sibi connaturali cognoscit: velut eleganter differit Albertus Magnus 1. p. sum. Theolog. q. 1. ad 2. & 3.

33. Replicabis, ex Scoto cit. n. 28. Scientia secundum Aristot. 1. post. c. 2. ac seqq. requirit non tantum certitudinem, & evidentiam cognitionis; sed objecti necessitatem. Ergo Theologia quatenus versatur circa contingentia, non est scientia secundum rationem scientiæ à Philosopho supra positam; quamvis possit dici scientia, prout ab Aristotele 6. Ethic. dividitur contra Opinionem & suspensionem. Imò Theologia de contingentibus non habet evidentiam ab alijs prioribus mendicantem, sed de eis, prout in se ipsis videntur in objecto Theologico, habetur evidentia immediata, adeoque eorum notitia magis assimilatur intellectui principiorum, quam scientiæ conclusionum.

36. Respondetur. Contra Scotum ex Aristotele cit. 1. post. c. 2. ad rationem scientiæ ibi positam non tam requiri, quod res scita seu objectum scientiæ materiale sit in se necessarium, quam ejus necessitas derivetur ex principiis Demonstrationis tanquam causâ motivâ scientiæ, Philosopho

ubi supra attestante: Tunc rem perfectè sciri, quando causa, per quam res est, ita cognoscitur ipsius rei causam esse, ut non possit rem aliter se habere credatur. Ex his enim patet, ad scientiam sufficere, ac requiri, quod immutabilitas, æternitas, ac necessitas rei scitæ derivetur ex causâ, ita ut propter hanc sciatur, rem omnino aliter se habere non posse. Atqui Causa, in quam resolvitur Theologia, est Prima Veritas, in quâ, & propter quam Contingentia sunt æterna, immutabilia, & necessaria. Unde Albertus Magnus cit. q. 1. argum. sed Contra. 1. & 2. ait, Theologiam scire ex primo per altissimas causas, ac ex immobilissimis, adeoque esse verissimè scientiam, imò & sapientiam. Hinc ulterius sequitur; haud subsistere, quod Subtilis Doctor Theologiam, quatenus est de contingentibus imaginariè assimilarit habitui Principiorum, quasi rationem sapientiæ solum participaret, prout agit de necessariis.

Nam de singularibus & Contingentibus v. g. Binâ Christi operatione, & Transubstantiatione Eucharisticâ, quatenus in individuis conditionibus sunt Mysteria secundum se contingentia, & necessaria duntaxat in Prima Veritate revelante; Patres Orthodoxi ex divinis revelationibus discurrendo in Oecumenicis Concilijs aliquas subinde veritates definierunt. At omnis veritas causata in intellectu per aliquid prius sive naturaliter sive supernaturaliter cognitum, causatur per discursum. Ex Scoto. cit. q. 3. Prolog. n. 27. Veritas autem illata per discursum habet certitudinem mendicantem ab alijs prioribus. Ergo non pertinet ad intellectum principiorum, sed scientiam conclusionum, uti contra Subtilem Doctorem ex ipsiusmet doctrinâ cit. n. 28. argui potest. Constat igitur, Theologiam, quatenus per altissimas causas ex principiis Primâ & increatâ Veritate nixis discurret etiam de contingentibus ac singularibus, sortiri rationem tum scientiæ, tum sapientiæ.

Urgebis ex S. Thom. in 3. dist. 33. q. 1. a. 2. quæstionculâ 4. ita differente, Si esset aliqua scientia, qua non posset reduci ad principia naturaliter cognita, non diceretur univocè scientia. At ejusmodi est Theologia. Ergo tantum analogicè, vel æquivocè dicitur scientia, utpote cui non conveniat definitio Aristotelis. 1. post. tradita, velut allegatis Capreolo, & Sylvestro arguit Nazarius. 1. p. q. 1. a. 2. & aliquâ ratione insinuat Cajetanus cod. art. 9. ad evidentiam hujus difficultatis, ed quod versetur circa contingentia, etiam singularia, quæ non sunt certò intelligibilia, nisi per abstractionem conditionum individuantium.

Respondetur. Scientiæ quâ in lib. post. ab Aristotele exposita rationem Formalem & quidditativam consistere in cognitione certâ conclusionis propter Causam. Hæc autem certitudo quâ derivata ex lumine naturali à Philosopho supernaturalis elevationis exparte cit. lib. post. reducitur in principia per se nota ac evidentia intellectui. At quia mens humana divinis informationibus illustrata ex altiori, ac Deiformi lumine discurrendo certitudine longè perfectiori firmatur in veritatibus ex se quidem contingentibus, sed omnino necessarijs, quâ innitentibus æternæ, ac Primæ Veritati; Idcirco discursus ejusmodi ex lumine supernaturali procedentes pariunt scientiam, quæ sortiatur quidditatem scientiæ, non quidem sub ratione ad lumen naturale concretâ, & univocè

37.

38.


39.

40.



41. & unice cognita ab Aristotele, sed sub altiori abstractione Philosopho incognita, simpliciter tamen comprehensa sub verbis, ac sensu Definitionis Aristotelicæ. Unde, quando Angelicus Doctor ubi sup. ait, si quæ scientia non possit reduci ad principia naturaliter cognita, non univoce, sed analogicè vel æquivocè dici scientiam, ex contextu clarum est, hanc æquivocationem seu analogiam esse à S. Thom. præcisè assertam ex naturalitatis, ac supernaturalitatis specificis differentiis in eo sitis, quod supernaturales tum scientiæ, tum virtutes non proveniant ad instar naturalium ex rationalis naturæ seminariis. Quemadmodum igitur hæc differentiarum essentialium æquivocatio seu diversitas non obstat, quod minus virtutes supernaturales simpliciter, ac perfectè sortiantur rationem virtutis; ita nullatenus impedit, quod minus Theologia absolutè, & adæquatè obtineat rationem scientiæ.

42. Tum quia conclusiones Theologicæ ex lumine Divinæ scientiæ majorem fide mediante trahunt certitudinem, quàm scientiæ naturales ex principiis naturali lumine notis: Nequè verò principiorum evidentia ingreditur formalem Scientiæ constitutionem, sed ad istam se habet tantum Causaliter. Tum quia singularia & particularia sacre Scripturæ sunt potentiâ universalis, ita, ut ex ipsis, sicut ex Universalibus arguatur. Si enim Fides, Spes, & Charitas in Abraham accepta fuit, in omnibus accepta erit. Et si revelatum à Spiritu Veritatis in uno verum est, in omnibus verum erit. Quamvis ergò Theologia quandoquæ discurrat in particularibus, verissimè tamen est scientia universalis Albert. Magi cit. q. 7. ad. 1. Tum demiquè licet contingentia singularia non nisi per abstractionem fiant respectu luminis naturalis intelligibilia: Attamen quatenus per divinam revelationem sunt credibilia, sunt per inductionem luminis supernaturalis intelligibilia, juxta illud. *Isa. 7. Nisi credideritis, non intelligetis.* Ergò sub hoc divino, & supernaturali lumine possunt ut sic, secus, quàm sub naturali lumine scibilia esse ex Alberto Magno supra ad 3.



## CONTROVERSIA II.

### An Theologia Viatorum subalternetur Theologiæ Dei & Beatorum.

2. **N**egant Scotus. cit. q. 3. prolog. n. 30. Argentinæ & Durand. ead. q. Rada in Controver. Theolog. 2. art. 3. Vasquez præsent. disp. 6. c. 2. Franc. de Lugo disp. 3. c. 3. n. 10. Gammachæus hic q. 1. c. 3. Ysambertus ead. q. 1. disp. 3. a. 1. Petrus à S. Joseph. in Proem. Resol. 5. Arriag. præsent. disp. 1. n. 26. Fundamentum hujus sententiæ desumitur ex naturâ subalternationis, cujus tres sunt proprietates. Prima, ut principia subalternatæ probentur in subalternante. Ex Aristot. 1. poster. text. 13. Ex quo videtur inferri, subalternatam non posse de objecto suo facere demonstrationem à priori, nisi sit in uno intellectu juncta cum subalternante. Secunda, ut objectum materiale subalternatæ ab objecto subalternantis sit partialiter, & inadæquatè diversum. Tertia, ut objectum for-

male subalternatæ differat à subalternantis formali objecto secundum differentiam duntaxat accidentalem. Ex Aristot. cit. 1. 1. post. text. 20. v. 8. Musica subalternata Arithmeticæ respicit numerum non in totâ latitudine acceptum, sed quâ sonorum. Et Medicina subalternata Physicæ respicit Corpus naturale non simpliciter, sed humanum sub ratione sanabilitatis, quæ ratio respicit, & essentialiter non differt à natura & proprietatibus, seu virtutibus substantiarum naturalium.

### Referuntur argumenta Adversariorum.

**H**is proinde ex Philosophiâ suppositis, allegati Doctores argumentantur, quod nulla illarum conditionum sit in Theologia Viatorum, quâ comparatâ ad Theologiam Dei & Beatorum. Ergò subalternatio Theologiæ nostræ ad Theologiam Dei & Beatorum est fictitia & nulla. Consequentia est evidens: Antecedens autem Probatur 1. Principia enim Theologiæ Viatorum sunt principia revelata, quatenus per fidem Divinam credita. At inter fidem & scientiam Beatorum est intrinseca repugnantia, ita ut non possint simul stare in uno subjecto. Ergò etiam Theologia Viatorum essentialiter innitens Fidei quâ habitui principiorum repugnat cum scientiâ Beatorum. Ergò non potest huic esse subalternata. 2. Objectum Theologiæ, scilicet Deus, est omnino simplex ac indivisibile: Ergò scientia de Deo non potest esse, nisi una. At scientia subalternans, & subalternata non sunt primò de eisdem veritatibus, vel prædicatis scientiæ. Cum proinde Theologia Viatorum easdem cum scientiâ Dei, & Beatorum veritates respiciat, non potest istis esse subalternata. 3. Et si Deus possit respici sub diversis luminibus, nimirum Increato formaliter actuato per Divinam essentialitatem; Creato lumine gloriæ Beatorum, & Obscuro fidei lumine Viatorum. Ex his tamen luminum differentiis resultant diversæ rationes formales, sub quibus divinæ veritates sunt cognoscibiles. Ergò Theologia Dei, Beatorum, ac Viatorum, quatenus essentialiter nituntur his diversis luminibus, habent objecta formalia essentialiter & non tantum accidentaliter diversa. Ergo non potest esse subalternatio propriè dicta Theologiæ Viatorum ad Theologiam Dei, & Beatorum.

Ex opposito Theologiam Viatorum esse simpliciter subalternatam scientiæ Dei, & Beatorum ex S. Th. præsent. q. 1. a. 2. affirmant Caietan. eod. art. 5. Quoad secundum. Bannes ibi. dub. 2. Serra ad 2. Medices eod. art. 2. Philippus à SS. Trinitate ibi. dub. 4. Nazarius Controv. 2.

## CONCLUSIO I.

**T**heologia nostra verè, ac propriè subalternatur Theologiæ Dei.

Probatur. Principia nostræ Theologiæ sunt veritates à Deo revelatæ, quæ per fidem infusam creditæ. At fides Primâ Dei Veritate in cognoscendo, & dicendo nititur tanquam motivo formali. Prima autem veritas in cognoscendo est formaliter infinita, & actualissima sapientia, atque ad deum Theologia Dei. Huius verò ratio formalis objectiva, & adæquatam intelligendi quali prim-



tipium motivum est essentia Divina. Ex *S. Thomæ q. 14. a. 2. & 5.* Ergò à primo ad ultimum infertur, Principia nostræ Theologiæ ultimè resolvì in principium Theologiæ Dei, imò Theologiam nostram accipere immediatè sua principia à Theologiâ Dei, Sapientiâ nimirum infinitâ revelante. Ergo Theologia nostra est subalternata Theologiæ Dei.

3. Dices: Ad subalternationem scientiarum requiri, quòd subalternata ita accipiat sua principia à subalternante, ut quoad rationem formalem objectivam nulla sit essentialis differentia. Nam licet Metaphysicæ secundum *Averroem. 3. de calo comment. 4.* munus sit, unicuique scientiæ suum præscribere objectum, demonstrando ejus essentiam vel existentiam saltem quâ possibilem: Et secundum *Aristotelem 1. post. c. 7. item 4. Metaph. c. 3.* sit ejusdem, prima principia, quibus omnes nituntur disciplinæ, confirmare, ac defendere ac denique secundum *S. Thom. Contra gentes cap. 52. ad 6.* Physica accipiat sua principia à Metaphysica. Nihilominus nulla est, strictè loquendo naturalium scientiarum subalternatio ad Metaphysicam, eò quòd abstractiones à materiâ intelligibili, sensibili & individuâ, secundum quas specificè distinguuntur Metaphysica, Mathematica, & Physica, inferât rationes objectivas formaliter diversas. At verò ratio formalis motiva Theologiæ Dei est increata Dei Essentia formaliter actuans Divinam scientiam: econtrâ respectu Theologiæ nostræ est veritas à Deo revelata quâ per fidem infusam credita. Atqui maior in his videtur subesse ratio differentiæ, quàm inter objecta Physicæ, & Metaphysicæ. Ergo minùs Nostra subalternatur Theologiæ Dei quàm Physica Metaphysicæ.

6. Contra. Nam subalternatio requirit unitatem in *subjecto scientiarum*, non verò in *Motivo seu ratione Formali propter quam assensuum scientificorum nisi quoad lumen intelligibile*, sub cuius ratione motivum assensûs scientifici constituit conclusionem in *Esse Scibile*. Etenim subalternata conclusionibus subalternantis utitur tanquâ præmissis, seu principiis. At demonstrationis conclusio est objectum materiale assensûs scientifici, hujus autem motivum Formale, seu ratio propter quam assentiendi sunt præmissæ objectivæ. Ergò quòd in scientiâ subalternante respectu assensûs scientifici est objectum materiale, hoc *sub ratione tamen luminis intelligibilis seu scibilis subalternanti proprij ac specificativi* in scientia subalternata fit Motivum formale. Atqui Physica & Metaphysica sub diversis abstract ionibus, atque adeò *objectivis luminibus* attingunt in suis subjectis formalitates ratione essentiali, & quidditative differentes, *Eius nimirum: ut sic, & Corporis naturalis.* Nequè Metaphysica *directè, & ostensivè* demonstrat principia Physices, sed ista sunt immediata, & per se nota, atquè per accidens tantum contra negantes probantur à Metaphysicâ per reductionem ad impossibile. Ergò Physica & Metaphysica nequè conveniunt in subjecto; nequè in objectis formalibus suorum assensuum ac discursuum *directam* habent inter se subordinationem

7. *Secus est in Theologiâ Dei, & Viatorum:* Nam ista Veritates à Deo revelatas habet pro principiis: Hæ autem Veritates non possunt sub aliâ formalitate esse à Deo assertæ, & revelatæ, quàm subsunt ejus scientiæ, Insuper ejusmodi Verita-

tes à Divinâ scientiâ acceptæ sunt ratio formalis propter quam assensûs Theologici. Ergò Theologia Dei, & Viatorum conveniunt in subjecto, quatenus utraque attingit Deum sub ratione Deitatis, atquè circa istud subjectum taliter versantur, ut Theologia Viatorum veritates in divinâ scientiâ certificatas, & quali demonstratas sub Primæ Veritatis per revelationem communicato ac per discursum applicato lumine Divino accipiat pro principiis suarum demonstrationum. Ergò Theologia Viatorum respectu Theologiæ Dei omnimodam habet subalternationis rationem.

Replicabis: Veritates à Deo revelatæ substant Theologiæ Dei sub ratione evidentiae: respectu autem Theologiæ Viatorum habent rationem inevidentiæ. At hæ sunt formalitates objectorum specie differentes. Ergò objectum Theologiæ Dei & Viatorum est specie diversum. Ergò inter illas nulla est stricta subalternatio.

Contra: Evidentia, & inevidentia se habent tantum extrinsecè ad objecta intellectûs. Ergò non mutant objecta secundum formalitates intrinsecas. *Antecedens Probatur.* Evidentia objectiva consistit in eo, quòd veritas objecti intellectui proposita convincat, & necessitet ad assensum: Hæc autem vis necessitandi intellectum includit partim ipsam intellectûs naturam, partim objecti applicationem mediante specie intelligibili, vel alio æquivalente. Etenim fidei habitus ex hoc præcisè dicitur obscurus, quòd, licet in ratione luminis intellectualis sufficienter perficiat intellectum ad Veritatis à Deo assertæ assensum, non tamen habeat adjunctam speciem Divinæ revelationis in se immediatè repræsentativam, ex quâ in actu primo determinetur intellectus ad ejus notitiam.

Patet igitur, objectum aliquod respectu luminis tum naturalis, tum supernaturalis dici inevidens ex negatione, evidens verò constitui ex connotatione ad æquati principij intelligendi importantis *formaliter* lumen actuale, ac speciem intelligibilem, sive aliud æquivalens. Ergò evidentia & inevidentia non sunt formalitates objecto intrinsecæ. Ergò non est, cur ob rationem allegatam negetur Theologiæ nostræ ad Theologiam Dei subalternatio, quin potius magis stabiliatur. *Probatur istud assumptum.* Nam hæc in tribus consistit. 1. In subjecti, seu objecti scientiæ unitate specifica, cujusmodi respectu Theologiæ tam Dei, quàm Viatorum est Deus sub ratione Deitatis. 2. In subjecti differentia accidentariâ, & extrinsecâ, cujusmodi in proposito reperitur ratio evidentiae & inevidentiæ. 3. In eo, quòd veritates, seu conclusiones in subalternante demonstratæ sint principia subalternatæ. Hoc autem ita se habere in Theologia nostrâ respectu scientiæ Dei constat ex dictis. Ergò Theologia nostra est simpliciter subalternata Theologiæ Dei.

#### CONCLUSIO II.

Theologia Viatorum quoad substantiam, & entitatem intrinsecam manet in Patria subalternata scientiæ Visionis Beatificæ.

Probatur.



Probatur. Assensus scientificus Theologiae Viatorum fertur in conclusionem quā deductam ex principiis fidei divinā creditis: In ejusmodi autem assensu objectum materiale est Veritas conclusionis: ratio autem propter quam seu Motivum formale est connexio extremorum conclusionis cum medio sub divinā revelabilitatis lumine exposita per praemissas fidei divinā creditas. Ex quo patet, actum fidei in viā se habere ad assensum Theologicum tanquam applicationem Motivi formalis. Ergo actus fidei comparatur ad assensum Theologicum *solum extrinsecè*, uti etiam ad actus Charitatis, & Donorum Spiritus Sancti in viā prae-supponitur fides tanquam applicatio obiecti. Si proinde contingat, quod ratio formalis Motiva assensus Theologici per alium, quā fidei actum supernaturalem repraesentetur intellectui, tunc poterit habitus Theologicus à prae-suppositā fide derivatus, ex tali supernaturali cognitione formare discursum, sicut Charitatis, seu Donorum Spiritus Sancti actus in ultimo vitae hujus instanti elicitus, potest idem numero continuari cum visione luminis gloriae.

16. At verò quae in viā sunt à nobis credita, sunt in Patria videnda in Verbo & *Tho. 2. 2. q. 1. a. 5.* Insuper habitus Theologicus in viā comparatus secundum substantiam, seu entitatem, & rationem formalem habitus, ac virtutis intellectualis manet in intellectu animae Beatæ & *D. 1. p. q. 29. a. 5. & 1. 2. q. 66. a. 2.* evinciturque ex illo & *Abenarius in Epist. ad Paulin. Talem scientiam discimus in terris, qua nobiscum perseveret in calis.* Hæc igitur scientia Theologica comparata in viā quā perseverans in Patria potest ex veritatibus in Verbo visis scientificè discurre ad inferendas alias veritates. Unde consequens est, Theologiam in viā comparatam, quatenus manet in intellectu Beatorum, accipere suarum Demonstrationum principia ex visione in Verbo, seu Theologiā Beatificā. Ergo potest esse subalternatio perfecta in Theologia viæ & patriæ, *uti ex prædicto fundamento advertente Francisco de Lugo 1. p. disp. 24. c. 3. n. 1. arguit Doctor Angelicus præsentis q. 1. a. 2.*

### CONCLUSIO III.

Theologia in statu viæ acquisita subalternatur in animā beatā potius Theologiae Matutinæ, quā Vespertinæ.

17. Probatur, & Explicatur. Nam 1. animabus Beatorum connaturale est uti collatione & discursu. & *Tho. 3. p. q. 11. a. 3. ad 3.* Hic verò discursus potest fieri ex veritatibus visis in Verbo, seu Essentiā Divinā, *ut probant Scotus cit. q. 3. prolog. n. 27. & Barnes cit. a. 2. dub. 3. concl. 2.* At ista visio in Verbo, quam præced. a. 1. dub. 4. concl. 1. vocavimus Theologiam Beatorum Matutinam, succedit fidei seu habitui, sive notitiæ principiorum nostræ Theologiae. Ergo hæc, quatenus manet in intellectu animae beatæ, suorum discursuum principia accipit à Theologiā Beatorum Matutinā. Ergo huic subalternatur. 2. Theologia Beatorum Vespertina in primis accipitur pro speciebus infusis, per quas Beatis præsertim in inferiori Beatitudinis gradu constitutis extra Verbum revelantur à Deo aliqua Mysteria. Ex his autem Mysterijs taliter revela-

tis intellectus animae Beatæ discurrendo, eisdem potest inferre veritates, quas nata est suis discursibus attingere habitus Theologicus comparatus in viā. Ergo Theologia viæ potest subalternari etiam Vespertinæ Beatorum Theologiae.

Deinde sub hāc Theologiā veniunt etiam species ex discursibus luminis supernaturalis acquisitæ ac inexistentes intellectui animae Beatæ. Hæ autem species quoad intrinsecam suam entitatem partim coincidunt cum speciebus per habitus Theologici exercitium comparatis in viā, partim resultant ab exercitio luminis gloriae; cui proinde seu visioni in Verbo quoad discursus ex se procedentes simpliciter subalternatur. Constat igitur Theologiam viæ simpliciter subalternari in Patriā Theologiae Matutinæ: at Vespertinæ subordinari tantum secundum quid.

### Responsio ad fundamenta Adversariorum

Ad argumentum n. 2. oppositum Respondetur. Negando antecedens. Ad cuius primam probationem dicendum est, Theologiam Viatorum posse considerari vel quoad substantiam ac entitatem suam intrinsecam, vel quoad denominationem Inevidentiæ in se derivatæ ex obscuro fidei lumine. Hæc namque inevidentiæ ratio in eo sita est, quod Motivum principijs Theologicis assentiendi in viā non sit per se, vel mediante specie intelligibili applicatum intellectui ad eum necessitandum, seu convincendum, sed potius intellectus à Voluntatis imperio determinari debeat ad eiusmodi principiorum assensum. Ergo Inevidentiæ ratio in principijs Theologici viatorum discursus non se tenet ex parte obiecti seu Motivi formalis, sed ex parte causæ Efficientis assensum illorum principiorum. Consequens proinde est, quod evidentiae, ac Inevidentiæ repugnantia in Theologia Beatorum & Viatorum sit tantum ab extrinsecò, adeoque separabilis. Ergo non obstat, quò minus Habitus Theologicus viæ possit quoad substantiam & entitatem suam intrinsecam stare cum evidente lumine gloriae, atque ex veritatibus in Verbo visis tunc discurrendo participare respectu Theologiae Beatificæ perfectam subalternationis rationem.

Ad secundam. Antecedentis probationem Respondetur: Illud argumentum omnino inefficax esse & facile everti ex Adversariorum doctrinā. Etenim Divina essentia non tantum à diversis luminibus potest diversimodè attingi, & ut sic fundare scientias specie, ac genere, imò se totis diversas; sed insuper in simplicissimā Divinitatis substantiā sunt formalitates secundum Scotum à parte rei formaliter, vel potius virtualiter, & ratione ratiocinatā actualiter distinctæ. Hæ proinde formalitates ita possunt ad se invicem comparari, ut una nostro intelligendi modo sit Causa seu ratio alterius. Ergo circa Divinæ substantiæ perfectiones ac formalitates potest dari discursus, cuius principia sint accepta ex revelatione superioris luminis. Hoc autem formaliter importat subalternationem scientiæ inferioris ad scientiam luminis superioris. Ergo simplicitas divinæ substantiæ non impedit



impedit Theologiæ Viatorum subalternationem respectu Theologiæ Dei, ac Beatorum.

23. Ad Terriam Antecedentis probationem Respondetur: Ex illâ diversitate luminum, quibus mediantibus Deus cognoscitur, non oriri differentiam in objecto, sed in modo attingendi objectum. Ex hoc autem consequens esse, quod Theologia Dei, Beatorum, & Viatorum differant in ratione scientiarum; sed conveniant in unitate objecti: At subalternationis naturam exigere scientias ita distinctas, ut diversis modis idem attingant subiectum, seu objectum. Ergo ex illo argumento firmari potius, quàm everti subalternationem nostræ ad Theologiam Dei & Beatorum.

24. Replicabis: Ex istâ luminum differentiâ inter Theologiam Dei, Beatorum, & Viatorum tanta est diversitas, ut se totis differant, non tantum in ratione suâ formali, sed etiam subiectis, seu suppositis. At subalternatio scientiarum præter unitatem specificam scientiarum exigit identitatem subiecti, cui inexistant. Ergo inter Theologiam Dei, & Viatorum ob infinitam luminum, quibus nituntur, distantiam nulla intercedere potest propriè dicta subalternatio.

25. Respondetur: Negando minorem. Nam scientia subalternans non tam excludit specificam scientiarum ex diverso attingendi modo differentiam, quàm objecti Formalis ac luminis scibilis diversitatem, ut adeo sufficiat Conclusiones subalternantis sub eodem lumine intelligibili esse objectivè in intellectu, cui subalternata inexistit. Cuius ratio desumitur ex natura subalternationis, quæ exigit scientiarum distinctionem, & subordinationem principiorum Demonstrationis circa idem objectum. *ex dictis præf. dub. n. 11.* Hæc autem principiorum subordinatio in eo sita est, quod subalternata ex conclusionibus subalternantis tanquam suarum Demonstrationum principiis discurrat circa objectum accidentariâ duntaxat differentiâ contractum. Ad hoc verò sufficit, conclusiones subalternantis quâ demonstrationis principia esse certò cognitæ ab intellectu, cui inexistit subalternata, adeoque cum hæc esse objectivè in uno subiecto, seu intellectu.

26. At lumen increatum Dei Veritates in Essentiâ suâ tanquam principio motivo intuens, has ipsas mediante fidei lumine sub primæ veritatis lumine revelante conspiciendas communicat intellectui creato: Hic verò ex talibus Divinæ scientiæ veritatibus per actum fidei objectivè sibi in-existentibus discurrendo scientificè infert conclusiones Theologicas. Paret igitur ex illâ differentiâ luminum Increati in Deo, & Fidei in intellectu creato esse quidem infinitam in ratione scientiarum distantiam, inter Theologiam Dei, & Viatorum; esse tamen sub uno primæ Veritatis lumine intelligibili subordinationem principiorum, & conclusionum de uno objecto, scilicet Deo demonstrabilem. Ergo illa diversitas luminum non tollit subalternationem Theologiæ Dei, ac Viatorum.

27. Utgebis: Lumen increatum Dei simplici comprehensionis intuitu in Divinâ essentiâ attingit omne scibile: contra lumen fidei creatum, & Theologia Viatorum per abstractionem, seu formalitatum præcisionem, & rationis ratiocinata distinctionem cognoscit Divinas perfectiones. At ex ejusmodi abstractionibus resultat in

ordine ad nostrum intellectum quædam diversitas in objectis, sic enim ratio entis & Corporis naturalis tanquam Metaphysicæ & Physicæ objecta formalia non in re, sed secundum abstractiones intellectus distinguuntur. Ergo ex differentiâ illorum luminum in objectis Theologiæ Dei & Viatorum oritur secundum intellectum nostrum formalis ac essentialis differentia, & consequenter nulla inter Theologiam Dei, & Viatorum est stricta subalternatio.

28. Respondetur. Rationes formales objectorum Physicæ ac Metaphysicæ in ordine ad nostrum intellectum omnino adequatè ac secundum luminis objectivi seu intelligibilis rationem formaliter esse distinctas. Econtra impossibile esse, quod Theologia Viatorum in Deitate, vel alio quovis objecto ullam veritatem secundum rationem ex Primâ Veritate revelante Deducibilitatis attingat sub aliqua formalitate, quin hæc à Theologia Dei in ipsâ Primæ Veritatis essentiâ tanquam unico divini Intellectus specificativo lumine intelligibili sit cognita. Ergo objecta materialia Theologiæ Dei, & Viatorum non nisi inadæquatè distinguuntur, ut tamen in ratione objectivâ luminis intelligibilis Primâ Veritate nitentis conveniant. At scientiarum subalternationem non exigere, nisi inadæquatum objecti materialis, & essentialis objecti formalis unitatem, constat ex dictis præf. dub. n. 1. Ergo ratio objectionis potius firmat, quàm evertat subalternationem Theologiæ Viatorum ad Theologiam Dei.

### CONTROVERSIA III.

#### *An Theologia sit Habitus quoad Substantiam Supernaturalem.*

Quatuor de hac re sunt Doctorum sententiæ.

Prima est Vasquezij 1. p. disp. 1. n. 9. Coninch. de actib. supernat. disp. 4. n. 118. Turriani 2.2. disp. 4. dub. 2. §. Tertio si habitus. Suarezij. disp. 3. de fide sect. 11. n. 8. Granadi in proem. Theolog. disp. 5. sect. 4. Francisc. de Lugo 1. p. disp. 9. c. 4. n. 9. assensentium; Theologiam esse in substantiâ naturalem.

Fundamentum hujus sententiæ est 1. Quia Theologia non est habitus per se infusus, sed studio & labore acquisitus. *S. Thom. 1. p. q. 1. a. 6. ad 3.* Ergo est in substantia naturalis. 2. Potest manere in hæreticis, sed istis nullus inest habitus supernaturalis. 3. Motivum, & ratio propter quam assensus Theologici est connexio extremorum syllogismi cum medio. Ex hoc autem motivo determinatur intellectus ex vi suæ naturæ ad assensum conclusionis. Ergo assensus Theologicus est ex principiis naturæ. Ergo est in substantiâ naturalis. 4. Si Theologia esset habitus supernaturalis, aut referri deberet ad gratiam gratum facientem, aut censenda foret inter gratias gratis datas. At neutrum horum dici potest. 5. Conclusiones Theologicæ quandoque inferuntur ex unâ tantum de fide, & alterâ præmissâ naturaliter evidente. At conclusio quoad certitudinem sequitur partem debiliorem. Ergo in illo saltem casu nequit discursus Theologicus esse quoad certitudinem, & entitatem suam supernaturalem.



2. *Secunda opinio videtur esse Scoti 3. dist. 35. q. un. Altissiodorens. lib. 2. sum. tract. 29. c. 1. q. 1. in medio. Aureoli. q. 1. Prolog. a. 2. §. In progressu verò. quòd Theologia realiter non distinguatur ab habitu fidei supernaturali, & infuso. Favet etiam Albertus Magnus in 1. dist. 1. a. 5. in initio docens, Habitum scientiæ Theologiæ esse lumen fidei.*

3. *Tertia sententia Card. de Lugo. tract. de fide. disp. 1. sect. 13. n. 337. docet, Theologiam distinguere à fide solum inadæquatè tanquam includens ab incluso. Fundamentum hujus opinionis est. Quia præter fidei objectum formale, & materiale concurret tanquam motivum parziale Bonitas Illationis, seu continentia objecti conclusionis in objectis præmissarum. Hoc autem Motivum distinguitur ab objecto fidei. Ergò præter hanc concurret ad assensum Theologicum alius à fide distinctus habitus. Hunc proinde idem Lugo. cit. sect. 8. n. 348. 349. ac. seq. asseruit, esse prudentiam infusam, quoties conclusio Theologica est practica inclinans ad opus pium, & meritorium; respectu verò aliarum Theologicarum conclusionum nullum præter actus fidei requiri supernaturale principium.*

4. *Quarta opinio Bannez. præf. art. 2. dub. 2. in fine. Nazarij eod. art. 2. contro. 1. §. Sexu sciendum. Molinae. 1. p. q. 1. a. 2. disp. 1. §. Diximus & disp. 2. ad 4. Fonseca 6. Metaph. c. 1. q. 6. sect. 2. Gillij tract. 4. §. 12. Hervæi. quodl. 5. q. 15. & 17. Fasoli. 1. p. q. 1. a. 2. dub. 13. & aliorum asserit; Theologiam esse habitum acquisitum, sed in substantiâ supernaturalem.*

#### CONCLUSIO I.

**H**ABITUS fidei in Viâ, & lumen gloriæ in Patriâ est unâ cum intellectu prima Theologizandi potentia.

5. *Probatur: Habitus intellectuales supernaturales quoad usum commensurantur naturæ intellectûs, cui infunduntur. Unde Doctor Angelicus. 3. p. q. 11. a. 3. scientiam Christi infusam & supernaturalem aut esse discursivam. Et ad 3. innuit, quòd dona gratiarum in intellectu animæ Beatæ sint discursiva. Pari ergò ratione habitus fidei infusæ non tantum veritatibus à Deo revelatis assentitur immediatè propter Veracitatem Divinam, sed cum intellectu hominis Viatoris (idem est de lumine gloriæ in intellectu Comprehensoris) natus est discurre ex propositionibus à se creditis: At discursus ejusmodi est Theologicus. Ergò habitus fidei in intellectu hominis Viatoris se habet instar potentiæ ad eliciendos Discursus Theologicos.*

6. *Dices. Assensus Fidei motivum formale est Prima Dei Veritas revelans: assensus autem Theologici ratio formalis propter quam est continentia conclusionis in præmissis fidei Divinâ creditis. Hæc autem sunt objecta formalia distincta. Nullus verò habitus, aut potentia extendit se ultra suum objectum. Ergò fides non potest influere in assensum Theologicum, maxime, cum teste. S. Tho. q. 14. de Verit. a. 4. in Corp. ab init. unus habitus sit tantum unus actus.*

7. *Contra: Idem Habitus, præsertim supernaturalis potest elicere diversos actus inter se ita subordinatos, ut unus sequatur ex alio, atque in unum specie objectum formale tendant S. Tho. 2. 2. q. 28. a. 4. Hinc fit, quòd non alius sit habitus principiorum, & conclusionum, quæ eliciuntur*

*ab eis. S. Doctor in 2. dist. 24. q. 2. a. 6. At fides est habitus principiorum respectu conclusionum Theologicarum. Hæ porro conclusiones quæ Theologiæ debent certitudine excedere omnes scientias luminis & rationis naturalis S. Tho. 1. p. q. 1. a. 5. & Theologi communiter. Atqui certitudo formalis actuum intellectûs assensuentibus ipsis etiam Adversarijs, nominatim Francisco de Lugo 1. p. disp. 2. c. 5. n. 11. est modus quidam infallibilitatis in essentiâ cognitionis imbibitus, pendens ex proprijs, & per se causis veritatis, ac præcipue ex ratione formali motivâ.*

8. *At verò continentia conclusionis Theologiæ in suis præmissis secundum se, & abstrahendo à lumine Divinæ scientiæ, seu à Prima Veritate revelante, non semper necessaria est, sed aliquando contingens. Ergò certitudo conclusionis quæ excedens lumen rationis naturalis non præcisè nititur tanquam Motivo formali continentia virtuali conclusionis in præmissis, sed Primâ Dei Veritate revelante istam continentiam virtutalem. Atqui actus tendens tanquam in Motivum formale, in Primam Dei Veritatem revelantem est formaliter actus fidei. Ergò assensus conclusionis quæ Theologiæ, cum sit actus fidei, procedit effectivè, ac elucivè ab habitu fidei infusæ & supernaturalis.*

9. *Replicabis: Ex hoc clarè evinci, nullum esse discrimen inter actum fidei, & assensum Theologicum. Hoc autem videri absurdum, eò quòd iste sit scientificus, ille verò pugnet cum scientiâ.*

10. *Contra: Nam fidei assensus consistit in rei creditæ judicio simplici per imperium voluntatis supernaturale in potentiâ nostrâ intellectivâ excitato propter supremam Primæ Veritatis reverentiam. Econtra assensus Theologicus formaliter consistit in illatione discursivâ vi luminis naturalis fidei divinâ instructi eliciti ex præmissis supernaturaliter creditis. Ergò actus fidei, & assensus Theologicus differunt tanquam secunda, & tertia mentis operatio. Atqui has mentis operationes, etiam si versentur circa idem Motivum formale, specie distingui constat ex actibus habitûs principiorum, & habitûs scientifici. Nam hujus Motivum formale, seu ratio propter quam conclusionis scientificæ est identitas extremorum Syllogismi cum medio in præmissis Demonstrationis asserta. At hæc ipsa extremorum identitas in propositionibus immediatis est motivum assensus principiorum. Atqui assensum scientificum, & assensum principiorum distingui specie constat ex Aristot. 6. Ethic. c. 3. habitum principiorum, & scientiam enumerante tanquam species distinctas. Pari ergò ratione assensus Theologiæ tanquam scientificus distinguitur specie ab assensu fidei tanquam notitiâ principiorum.*

11. *Instabis: Fidei actus versari potest etiam circa conclusiones ex præmissis Divinitus revelatis deductas. Ergò potest subsistere in tertiâ mentis operatione, seu cognitione quæ formaliter illativâ. Ergò allegatum actus fidei, & assensus Theologici discrimen non subsistit.*

12. *Contra: Discursus ex principijs fidei divinâ creditis potest quidem conducere ad evidentiam credibilitatis, quia veritas conclusionis, quæ per evidentem, ac infallibilem consequentiam manifestatur contenta in principijs Divinitus revelatis; prudenter à voluntate imperatur*



ob motivum Primæ Dei Veritatis credenda. Quare discursus Theologicus se habere potest antecederet ad simplex fidei iudicium immediate ex Veritatis Dei motivo præstandum conclusioni Theologicæ. Hæc proinde non formaliter quâ conclusio ex principiis revelatis illata per formalem discursum subest fidei actui, nec iste adeo importat tertiam mentis operationem, sed est simplex iudicium pertinens ad secundam mentis operationem.

13. Oppones. Cognitionis supernaturalis obiectum formale Motivum debere esse supernaturale. At Theologici Discursus obiectum Formale Motivum ac specificativum esse Deducibilitatem scientificam conclusionis ex Principiis revelatis ac Fide Divinâ creditis. Hanc verò Deducibilitatem supposito assensu fidei principiis revelatis præstito, in obiectum conclusionis Deducibilis derivari ex ipso innato lumine Intellectus regulis Logicæ instructo; nec adeo posse nisi naturale esse. Ergo assensum Theologicum in ratione Discursus scientifici non esse nisi naturalem.

14. Contra. Nam ex lumine Discursivo naturali intellectus, supposito Præmissarum assensu, derivatur in obiecta conclusionis lumen obiectivum intelligibilis deducibilitatis fundans certitudinem non *Consequentis* duntaxat, sed *Consequentie*. Ergo à pari vi luminis supernaturalis, Fidei seu Donorum Spiritus Sancti intellectualium, quâ discursivi oportet derivari ex Principiis fidei Divinâ creditis lumen intelligibile Deducibilitatis quâ elevata ad certitudinem supernaturalem non tantum se tenentem ex parte *Consequentis*, sed ipsius etiam *Consequentie*. Antecedens est certum ex Philosophia. *Consequentia* verò probatur. Nam Paulus Apostolus *Act. 17. v. 28.* hunc in fide ac Philosophiâ certum & Demonstrativum coram A-reopagitis Atheniensibus formabat discursum: *In quo movemur, vivimus, ac sumus, non est longè ab unoquoque nostrum. In Deo autem movemur, vivimus, ac sumus. Ergo non est longè ab unoquoque nostrum.*

15. In hoc proinde discursu est certitudo Fidei non tantum ex parte *Consequentis*, sed ipsius *Consequentie*: sicut enim in Philosophis Atheniensibus poterat hic discursus per ipsorum lumen naturale generare certitudinem tam *Consequentis*, quàm *Consequentie*: sic Paulus non nisi ex supernaturali lumine affirmavit tam *Consequens*, quàm *Consequentiam*; ut proinde ipsa ratio *Consequentie* ac Deducibilitatis ex Principiis illis supernaturali lumine cognitis traheret infallibilitatem ac certitudinem ex lumine F. dei derivatam & constitutam in ratione luminis intelligibilis specificantis Discursum formaliter quâ Demonstrativum. Constat igitur, discursum formaliter quâ talem posse niti certitudine obiectivâ luminis intelligibilis constituti in ipsâ ratione Deducibilitatis & *Consequentie* ut sic non tantum naturaliter, sed supernaturaliter certificata ex Primâ Veritate. At sicuti supernaturalis certitudo *Consequentis* in conclusione ex præmissis fide creditis deductâ causatur à fidei lumine, sic certitudo *Consequentie* in tali conclusione lumine supernaturali nitentis est Theologica, fundans scientiam formaliter in ratione scientiæ quâ discursivæ supernaturalem. Consequens igitur, est Theologicum discursum quâ scientificum esse in substantiâ supernaturalem.

Ratio fundamentalis assensus Theologici in

ratione quoque *Consequentia* supernaturalitatem demonstrans est. Nam in *Consequentia* Theologica duo spectari debent. Alterum est secunda intentio, quæ ad actum Entitativum Demonstrationis Theologicæ ceu Formam Intellectus creati realiter informativam se habet tantum *Extrinsècè*, ac *Denominativè*, Principio logicali eam eatenus dirigente, ut istud non nisi *Instrumentaliter* concurrat ad *Consequentie* Demonstrativæ formam realem *intrinsècè* actuantem Intellectus. Alteram proinde in *Consequentia* Theologicâ est prima intentio consistens in assensu reali illativo conclusionis ex principiis Fide Divinâ creditis. At istum assensum Illativum, in quo *Formaliter* consistit ratio *Consequentia* Theologicæ, esse in substantiâ ac Entitate suâ supernaturalem, *ita ostenditur*. Oportet enim assensum motivo *intrinsècè* quoad substantiam supernaturali innitentem esse hoc ipso supernaturalem. Atqui assensus ille Illativus nititur tali motivo. Major patet ex eo, quodd motivum ita sit specificativum assensus scientifici, ut in hanc *Movè* deriveret Certitudinem Scientiæ Essentialem. Hæc autem certitudo nequit ex Motivum derivari in assensum scientificum, nisi hoc sit intelligibiliter unitum seu applicatum intellectui. At verò Motivum transfundens in intellectum certitudinem superexcedentem totius creati luminis proportionem, nequit uniri intellectui creato nisi elevato ac proportionato per formam lumine naturali superiorem. Cum igitur assensus Theologici certitudo omnis creati luminis certitudinem transcendat, nequit Motivum huius assensus specificativum intellectui creato esse unitum, nisi mediâ Formâ supernaturali elevante ac proportionante intellectum tum ad sui cum illo motivo unionem intelligibilem, tum ad eliciendum assensum ex motivo certitudinem quolibet creato intellectu superiorem transfundente in illum assensum. At per se notum est, motivum, quod in intellectu requirit quandam ex formâ supernaturali elevationem, esse in substantia supernaturale, utpote quod ex se *motivè* causet assensum *intrinsècè* ac *Essentialiter* supernaturalem. Minor autem Probatur. Nam assensus seu *Consequentie* quâ Theologicæ Motivum formale est extremorum cum medio per fidem illustrata connexio non *Materialiter secundum se prævisè* spectata, sic enim potest esse indifferens ad lumen obiectivum seu rationem formalem sub quâ Metaphysicæ ac Theologiæ. Oportet igitur illam extremorum cum medio in fidei præmissis illustratam connexionem esse assensus quâ Theologici Motivum formale ac specificativum, quatenus *intelligibiliter* actuatur per *lumen Divinæ revelabilitatis*. At sicuti virtute intellectus agentis in rebus ab omni etiam intelligibili materiâ abstractis resultat lumen obiectivum Metaphysicum, sub quo lumine constituuntur obiecta *formaliter in ratione scibilis* scientiæ Metaphysicæ specificativi: Sic fides præmissas Theologiæ sub *lumine Divinæ Revelationis* considerando non seorsim duntaxat, sed eas inter se conferendo, exercens munus intellectus quasi agentis in Extremorum cum uno medio connexionem transfundit *Divinæ revelabilitatis lumen obiectivum*, vi cuius intellectus ex Primæ Veritatis Divino per assensum fidei intelligibiliter impresso lumine ita determinatur ad assensum conclusionis, ut huic tamen conclusioni assen-



assentiatur propter illud ipsum Divinum Primæ Veritatis lumen virtute fidei applicatum, præmissis non seorsim duntaxat consideratis, sed sub Primæ revelantis Veritatis lumine inter se collatis. Unde inferitur, assensum Theologicum niti illo ipso supernaturali Primæ Veritatis revelantis motivo, quo nititur fides, nec inter actum fidei Meritorium, & assensum quæ Theologicum esse discrimen ex parte Motivi, nisi quoad applicationem sive quoad *Rationem Formalem sub quâ*: quod nimirum in fide Divina revelatio ad simplex Iudicium applicetur per motionem Spiritûs Sancti mediante libero Voluntatis imperio certificantis intellectum non tantum *adhæsivè*, sed etiam *inhæsivè*; in assensu verò Theologico Lumen Divinæ revelationis jam intelligibiliter expressum per præmissarum fidei Divinæ creditarum Iudicium collativum applicetur ad assensum ex intrinsecâ Intellectûs creati per habitûs fidei vim discursivam informati necessitate ferendum conclusioni virtualiter contentæ in illis præmissis. Constat proinde, Motivum assensus Theologici eatenus esse in *substantiâ supernaturali* sub ratione luminis objectivi excitatum virtute fidei quâ perficientis intellectum agentem, ut ipse quoque assensus Theologicus procedat ex infuso fidei habitu ut sic perficiente nostrum intellectum quâ possibilem.

Confirmatur. Nam vis syllogistica quoad ipsam Consequentiam Primò intentionaliter spectatæ rationem subijcitur fidei in materiâ de Sanctissimâ Trinitate. Ergo ipsa etiam ratio Consequentiae objectiva quâ directâ per fidem *formaliter* subicit Primæ Veritati. Ergo ut sic est supernaturalis. Ejusmodi verò Consequentia quâ supernaturalis potest applicari ad nostrum intellectum tum per liberam voluntatis à Spiritu Sancto Motæ supernaturalem motionem, tum per lumen objectivum ex Fidei assensu præmissis præstito resultans, atque ut sic necessitans ad conclusionis illativum assensum. At verò utraque ista applicatio est intrinsecè ac Entitativè supernaturalis, ita tamen ut prior se habeat per modum Imperij Extrinsecè moventis, posterior autem se habeat per modum Motivi & *rationis Formalis sub quâ* objectivè specificantis, atque ex intrinsecâ conclusionis cum præmissis connexionè necessitantis ad illativum assensum præstandum conclusioni sub objectivo Divinæ per fidem in præmissis excitatæ revelabilitatis lumine. Quare non minus iste posterior, quam prior ille supernaturali circa Trinitatis materiam consequentiæ præstitus assensus est in substantiâ supernaturalis.

17. Urgebis. Fidei habitus unâ cum habitu Charitatis, & gratia sanctificante æqualiter crescit in iusto meritorie operante. Si ergo fidei habitus sic potentia ad Theologizandum; homo indoctus & rusticus poterit Theologo esse perfectior quoad vim, & potentiam Theologizandi. Hoc autem videtur absurdum. Ergo & id, ex quo sequitur.

18. Contra: Quia discursus, imò, & simplex intellectûs notitia non paritur præcisè à lumine intellectuali, sed simul ab objecto, vel ejus specie intelligibili *ex communi Philosophorum*. At fidei supernaturalis lumini intellectuali subministrantur species intelligibiles ex auditu ad Rom. 17. *Fides ex auditu, auditus autem per Ictum*. Hæ verò spe-

cies intelligibiles objecta fidei representantes in hominibus rudioribus sanctitate licet excellentibus applicantur præcisè ad simplicem de substantialibus fidei articulis assensum absque ullâ rerum credendarum inter se collatione, dum præsertim non sunt subtilioris rerum divinarum doctrinæ cum ordine, & aliquâ inter se collatione traditæ frequentiores auditores. Hi proinde, licet potentiam remotam, & radicalem Theologizandi in gradu intensiori excellentiori habeant, quam plures Theologi, potentiam tamen proximam ex defectu specierum vel nullam, vel modicam habent.

Secus tamen est in Sanctis v. g. Beatissimâ Virgine, & Catharinâ Senensi à Spiritu Sancto ad altiorem Divinorum Mysteriorum contemplationem elevatis. Hæ namque ex speciebus rerum divinarum intelligibilibus vel infusis, vel per lectionem, sive auditum sacrarum litterarum acceptis, mediante non tantum fidei supernaturali habitu, sed concurrentibus vel maxime Spiritûs Sancti Donis Intellectûs, Sapientiæ, ac Scientiæ, natæ erant ad Mysteria Dei intimius penetranda, atque sublimius æstimanda, seu judicanda. At prædicta Spiritûs Sancti Dona recepta in intellectu humano, hujus quali naturam induunt, ac recipiunt vim ex sublimiori rerum divinarum penetratione ac contemplatione discurrendi ad inferendas subtiliores altissimarum questionum solutiones velut inquit S. Tho. 3. p. 2. q. 11. a. 3. ad 11. & speciatim. 2. 2. q. 108. a. 6. ad 2. & 3. Ex quo proinde fonte ortum fuit, quod S. Catharina Senensis sacrarum litterarum Professoribus difficillimas de Divinitate quæstiones proponentibus responderet. Et certè Doctor Angelicus Reginaldo asseverans, doctrinam non tam studio, & labore, quam divinitus sibi partam: nec non D. Bonaventura librum, ex quo hauriret suam doctrinam, ostendens Christum Crucifixum, testati sunt, scientiam Theologicam oriri ex alto, vi luminis supernaturalis nobis communicati per habitum fidei infusæ, & Dona Spiritûs Sancti.

Hinc non improbo doctrinam Card. de Lugo cit. n. 148. asserentis: Assensum Theologicum conclusionis practicæ de actibus hic & nunc mentoriè eliciendis, quatenus deducitur ex fidei principijs, procedere ut à causâ efficiente ab habitu supernaturali fidei, & Prudentiæ infusæ. Consequens igitur est, tum habitum fidei, ac Prudentiæ infusæ, tum dona in telectualia Spiritûs Sancti, esse instar potentiae supernaturalis ad Theologicè discurrendum.

## CONCLUSIO II.

EX discursibus Theologicis generatur in hominis intellectu Habitus secundum substantiam supernaturalis, sed acquiritus.

Probat. Actus enim supernaturales in producendo habitu ad actus similes facilitante non minoris sunt efficaciae, quam naturales. Atqui discursus Theologici sunt in substantiâ supernaturales: Sicut ergo ex discursibus naturalibus oritur facilitas discurrendi circa objecta naturalia: sic ex discursibus Theologicis resultat in intellectu qualitas facilitans ad discurrendum super-



pernaturaliter circa superiores Divini luminis veritates. Major patet tum ex se ipsâ, tum ab experientia, quâ ostenditur exercitatos in actibus supernaturalibus sive voluntatis, sive intellectus singulari quâdam promptitudine & facilitate pollere in exercitio similium actuum: tum denique ex auctoritate D. Thomæ de *Verit. q. 17. a. 1. ad 13.* juxta expositionem Petri Bergomensis in sua *Concordantia* dub. 697. docentis, ex actibus Charitatis infusæ generari habitum Dilectionis acquisitum.

22. Minor autem Probatur. Discursus Theologicus quoad præmissas formales importat actus fidei in substantiâ supernaturales: assensus verò conclusionis attingit formaliter supernaturale fidei motivum; atque aded tanquam à potentiâ sui connaturaliter effectrice procedit ab habitu fidei infusæ *velut preced. concl. demonstratum est.* Ergo non tantum assensus præmissarum, sed etiam conclusionis in discursu Theologico quoad substantiam, & entitatem suam est supernaturalis. Atqui habitus generatus ex frequentatione actuum inclinatur, & faciliatur ad specie similes actus; ad quorum efficientiam physico influxu unâ cum potentiâ concurrat tanquam connaturale eorumdem principium. At verò actuum supernaturalium non potest esse connaturale principium efficiens, nisi quoad substantiam sit supernaturalis. Ergo habitus Theologicus ab exercitio discursuum supernaturalium genitus, & ad similes actus in ratione principij *Physicæ* efficientis inclinans, seu facilitans est in substantiâ supernaturalis.

23. Dices: Hanc facilitatem de rebus supernaturalibus discurrendi supposito lumine fidei oriri ex coordinatione specierum intelligibilium, tum fidei assensui, tum Discursui Theologico intervenientium. At istæ species sunt in suâ entitate naturales. Ergo facilitas discursus Theologici non arguit habitum in substantiâ supernaturalem acquisitum.

24. Contra: Species, quæ tum assensui fidei, tum discursui Theologico inserviunt, aliæ sunt per operationem intellectus agentis abstractæ à sensibilibus, sub quibus tanquam signis latent Mysteria fidei, & objecta supernaturalia. Unde has in entitate suâ naturales esse extra dubium est. Aliæ sunt natæ ex fidei, ac discursus Theologici actibus supernaturalibus, suntque receptæ in memoriâ intellectivâ: Hæ verò cum fluant ex principio efficiente quâ supernaturali, sunt in entitate suâ supernaturales. Neque ab istis speciebus distinguitur habitus Theologicus, si non tantum illorum actuum per modum luminis intelligibilis sint repræsentativæ, sed per modum luminis intellectualis facilitantis sint etiam productivæ actuum directè tendentium in motivum, & rationem formalem propter quam discursus Theologici. Ergo etiam posito, quod habitus acquisiti non distinguantur à speciebus, *de quo agitur in sequenti Cont.* adhuc sequeretur, habitum ex discursuum Theologicorum exercitio acquisitum, & ad similes supernaturales discursus facilitantem esse in substantiâ supernaturalem.

Responsio ad fundamenta Adversariorum.

25. **A**D primum a. i. oppositum argumentum Respondetur: Concesso antecedente, negando

Consequentiam. Etenim S. Tho. *in loco ibi. allegans* Sapientiam, quæ est Donum Spiritus Sancti, in eo distinguit à sapientia Theologicâ studio acquisitâ, quod hæc ex principiis revelatis per modum duntaxat cognitionis, illa verò per modum inclinationis tendat in res divinas, seu objecta supernaturalia. Unde patet, quod nec in objecto, nec in lumine quoad rationem supernaturalitatis sit differentia Sapientiæ infusæ, & Theologicæ acquisitæ. Hæc igitur non minus, quàm illa in suâ entitate supernaturalis est.

Ad secundum Respondetur. Concessâ Majori negando minorem. Nam extra dubium est, quin maneat in hæreticis character, qui est qualitas supernaturalis: Cur ergo repugnet Apostatæ à fide inexistere supernaturalem Theologicæ habitum, donec vel per oblivionem ex parte memorativæ evanescant species, vel per depravationem falsæ argumentationis pereat veritatis scientia? velut argumento à pari desumpto argui potest ex Aristot. *10. 2. de longit. & brev. vita c. 2. prope init. & S. Tho. 1. p. q. 89. a. 6.*

Quod respectu Theologiæ facilius accedit in hæretico, qui ob fidem supernaturalem *teste Conc. Trident. sess. 6. c. 15.* in se destructam est impotens ad ullum verum Theologicum discursum formandum: ut aded habitum illum omnino otiosum citius evanescere sit necesse. Si proinde in hæretico sit quædam facilitas ex fidei articulis deducendi conclusiones Theologicas, id non provenit ex habitu Theologiæ in eo fortè remanente; sed tum ex speciebus relictis, & inter se coordinatis vi actuum præteritorum; tum ex habitu quodam naturali acquisito ex discursibus non fide divinâ, sed authoritate vel ratione humanâ duntaxat probabili nitentibus. Cujus signum evidens est, quod illi, qui se exhibebant insignes, & in veritate divinâ tuendâ maximè constantes Theologos, ubi lapsi sunt in hæresin, inter disputandum de rebus fidei se prodant singulis quasi momentis nutantes, titubantes, erroneos, & inconstantes; ut aded Bannes *pres. a. 2. dub. 1. ad 2.* rectè concludat: Illam facilitatem non tam esse scientiam Theologicam, quàm ejus cadaver, adstipulante D. Tho. *2. 2. q. 5. a. 3. in fin.* ubi ait, in hæreticis de rebus fidei non esse, nisi opinionem quandam secundum propriam voluntatem.

Ad tertium Respondetur. Difficultatem esse tam in Majore, quàm in minore. Nam ratio formalis propter quam assensus Theologici est connexio extremorum syllogismi cum medio non secundum se *præcisè materialiter* considerata, sed quatenus *formaliter* subest Divinæ Veracitati revelanti. *ut præced. concl. 1. probatum est.* At sub illâ formalitate non potest intellectus lumine suo naturali attingere principia seu præmissas Discursus Theologici; sed indiget supernaturali fidei habitu. Ergo ad assensum conclusionis sub formalitate illius Motivi non potest intellectus ex vi suæ naturæ determinari.

Ad quartum Respondetur: Theologiam *Diverso Respectu* referri tum ad gratiam gratum facientem, tum inter gratias gratis datas. Nam 1. non tantum in præmissis, sed in ipso conclusionis Theologicæ assensu formaliter intervenit actus fidei. Hic verò quâ meritorius ordinatur ad gratiam gratum facientem. 2. Homo iustus per scientiam Sanctorum radicatam in Donis Spiritus



Spiritus Sancti, Intellectu, Sapientiâ, Scientiâ, & Prudentiâ infusâ, est instructus ad supernaturales Theologicos Discursus cum inclinatione, seu unione quâdam affectivâ erga res divinas ex S. Thom. *præs. a. 2. ad 3. & 2. 2. q. 9. a. 2. ad 1.* Quæ proinde scientia Sanctorum, seu Theologia Mystica refertur ad gratiam gratum facientem, imò est inseparabiliter connexa cum gratiâ sanctificante. 3. Sicut olim Prophetæ sunt extraordinariè à Deo instructi veritatibus Divinis, ac supernaturalibus; sic Scribæ, & Doctores Theologi sunt à Deo positi in Ecclesiâ, in hujus aedificationem, & consummationem Sanctorum. Ergò ut sic Theologia referenda est inter gratias gratis datas, ex 1. *Corinth. 12.* Nec refert, quòd sit studio & labore acquisita; ratio enim gratiæ salvatur, quatenus ad ejus acquisitionem requiritur influxus supernaturalis.

32. Ad quintum Concessa Majore, Respondetur ad Minorem, & Consequentiam; Præmissam naturaliter evidentem ex alterâ fidei conjunctâ supernaturalem certitudinem participare, quæ consequenter derivetur in conclusionem inde deductam. Explicatur hæc responsio. Nam quia ambæ præmissæ, altera fidei, altera naturaliter evidens enuntiant identitatem extremorum cum uno medio, ex tali medij unitate, ac identitate certò pater, Veritatem propositionis non revelatæ Virtualiter contineri in alterâ per fidem infusam creditâ. Hinc autem fit, quòd naturaliter evidens per virtualem sui in revelatâ continentiam sit *implicite*; ac *virtualiter* revelata adeoque participet certitudinem supernaturalis revelationis divinæ. Ergò ut sic unâ cum *Formaliter* revelatâ in conclusionem influat certitudinem supernaturalem.

33. Instabis: Ex hoc sequi, quòd syllogismus constans unâ præmissâ de fide, & alterâ naturaliter probabilis possit esse Theologicus, ac inferre conclusionem supernaturaliter certam. Sequela probatur: Sicut enim naturaliter evidens conjuncta in Syllogismo cum alterâ de fide explicat evidenter illius in hac virtualem continentiam; sic naturaliter probabilis ex conjunctione cum fidei præmissâ manifestat probabiliter illius in hac continentiam Virtualem. Atqui ad fidei assensum, & à fortiori ad illationem conclusionis Theologicæ sufficit applicatio revelationis divinæ ex ratione, seu motivo tantum probabilis. Major est evidens, Minor autem probatur. Nam evidentia credibilitatis de assensu fidei hic, & nunc præstando propositioni Divinitus revelatæ fundat certitudine induntaxat Moralem. Hæc autem non transgreditur metas Dictaminis probabilis, seu Prudentialis. Cum igitur per Syllogismum constantem unâ præmissâ de fide & alterâ naturaliter probabilis fiat moralis evidentia ac certitudo de virtuali conclusionis in principio revelato continentia, consequens est, ejusmodi conclusionem tanquam mediatè Revelatam eatenus cadere posse sub imperium actûs fidei Excitativum, ut quatenus substat Discursui, habeat rationem conclusionis propriæ ac strictè Theologicæ.

34. Respondetur. Negando sequelam: Ad ejus probationem dicitur, datâ evidentia morali credibilitatis per influxum Dei supernaturalem elevari intellectum ad iudicium prudentiale de

honestate actûs fidei hic & nunc eliciendâ circa revelationem Dei propositam. Hoc autem iudicium, quatenus formaliter est reflexivum super honestate actûs, est physicè, imò ex vi supernaturalis influxûs plusquam metaphysicè certum. Exinde verò à virtute voluntati Divinitus infusâ, vel ab auxilio divinæ gratiæ voluntas elevatur ad imperium supernaturale efficax, mediante quo intellectus fidei supernaturalis habitu instructus determinetur ad assensum. Neque verò tum ex natura virtutis fidei, tum ex ratione Primæ Veritatis Dei excitantis, & concurrentis *Efficienter* ad talem actum, possibile est, fidei assensum supernaturalem fieri, si revelatio Dei non à parte rei subsistat. Constat igitur, fidei assensum formaliter, ac re ipsâ nunquam niti motivo, seu ratione duntaxat probabilis. Ergò à pari discursus Theologicus participans fidei certitudinem nequit constare unâ præmissâ tantum probabilis. Etenim præmissâ de fide non potest suam supernaturalem certitudinem derivare in conclusionem, nisi certò constet, alteram vel *Formaliter* esse etiam revelatam, vel contineri *Virtualiter* in illâ fidei præmissâ. At quando syllogismus constat unâ præmissâ duntaxat probabilis, & aliâ revelatâ, non potest, nisi probabiliter apparere illius in hac virtualis continentia. Ergò nec in conclusionem potest tunc ex præmissâ fidei derivari certitudo supernaturalis, nec adeo assensus conclusionis est strictè Theologicus.

35.

## CONTROVERSIA IV.

*An Theologia sit unus simplex Habitus.*

1. Prima sententia negat, sed diversimodè ab Auctoribus sigillatim enumerandis explicatur, atque Probatur 1. Theologiæ habitus Totalis habet diversa motiva, & principia speciei, aut generis distincta. Ergò non est una speciei scientia, sed aggregatum ex pluribus habitibus. Francisc. de Lugo *disp. 3. c. 4. n. 1.* Antecedens Probatur: Discursus Theologicus in viâ quandoque procedit ex principiis fidei divinâ creditis; quandoque ex lumine supernaturali Donorum Spiritus Sancti Intellectûs, Sapientiæ, & Scientiæ. Imò subinde procedit ex Prudentiæ infusæ principiis, ad probandam actûs hic & nunc meritoriè eliciendi honestatem. Et quidem in omni genere istorum discursuum argumentatur ex similitudinibus, parabolis, exemplis Sanctorum juxta interpretationes Patrum quandoque controversas, Ergò ex hac diversitate principiorum, ac luminum rectè infertur differentia specifica inter habitus Theologicos.

2. Theologicus discursus quandoque constat ex utraque præmissâ de fide, quandoque unâ duntaxat fidei & alterâ naturaliter evidente, vel tantum probabilis. Ex hac verò diversitate principiorum infertur differentia in objectis seu motivis formalibus. Minor probatur. Motivum seu ratio propter quam assensus discursivi integratur ex utroque principio syllogismi. Ergò motivum syllogismi constantis unâ de fide, & alterâ naturali, secundum speciem differt a ratione motivâ syllogismi constantis ambabus præmissis

C 3



missis fidei : in hoc enim ratio propter quam est adæquate de lumine supernaturali, in illo verò est partialiter de lumine naturali. Ergo ex tali differentiâ motivi inferitur specifica inter habitus Theologicos differentia. Ocham, & Gabriel in *prol. lib. sent. q. 8.* Molina *1. p. q. 1. a. 3. disp. 3. in fin.* Granadus. *1. p. tract. 1. disp. 8.* Ysambertus in *cit. 1. quæst. disp. 4. a. 3.* Petrus, à S. Ioseph. in *Proem. theol. resol. 4.*

3. Ratio Speculativi & practici sunt essentielles habitus intellectualis differentia. Ergo Theologia includit duos habitus unum practicum, & alterum speculativum. Gossredus apud Scotum *q. 4. Prolog. n. 27.*

4. Res revelatae per discursus, & assensus Theologicos attinguntur prout quidem subsunt Divinae revelationi; at non præcisè secundum revelationem, sed etiam secundum se: sicut albedo prout subest luminis videtur, at non tantum secundum lumen, sed etiam secundum se. At visio albedinis, unitate luminis tanquam rationis videndi non obstante, differt essentialiter à visione nigredinis. Ergo actus quoque Theologici, quatenus in rebus revelatis attingunt veritates, v. g. circa Deum, & objecta creata essentialiter diversas, specie differunt. Martinon. *10. 1. disp. 1. sect. 4. n. 34.* Favet Lychetus in *prolo. q. 4. Scoti comment. n. 2.* asserens, Theologiam nostram dici unum habitum non numero, sed fortè genericum, adstipulante Scoto, *q. 3. prol. n. 5. in fin.* ubi affirmat, in scientijs assignari objectum commune, à quo non sit habitus unus secundum speciem, sed tantum secundum genus.

5. Alius Theologiae habitus est fidei defensus, alius verò deductivus conclusionum ex principijs fidei. Ergo Theologia non est una simplex qualitas. Durandus in *q. 4. Prol.*

7. 6. Habitus acquisitus consistit in speciebus intelligibilibus relictis in potentia ex actibus præteritis. At species intelligibilis unius conclusionis Theologiae differt numero à specie alterius conclusionis. Ergo in Theologia plures habitus ob unitatem rationis formalis sub quâ, specie conveniunt, sed juxta numericam assensuum & conclusionum distinctionem numero differunt. Amicus *ch. disp. 1. sect. 5. n. 87.* cum quo saltem in consequente, si non in ratione Antecedentis sentiunt Suarez *10. 2. Metaph. disp. 44. sect. 11. n. 51.* Gammachæus *pres. q. 1. c. 6.* Molina. *1. p. q. 1. a. 3.* Favet ex parte Scotus, qui licet in *1. dist. 3. q. 6. n. 29.* species intelligibiles distinguat ab habitu per actus acquisito: attamen in *3. dist. 25. q. 2. n. 3. in medio* ait: *In scientia fortè tot esse habitus, quot sunt demonstrata conclusiones specie distincte.*

9. Secunda sententia Alberti Magni. *1. p. sum. tract. 1. q. 3. memb. 2.* S. Thomæ. *pres. q. 1. a. 3.* Cajetani *ibi.* Bannis *cod. art. dub. 11.* Nazarij *hic contror. 1. & 2.* Hieron. de Medices. *11. a. 3.* Serræ *ibid.* Philippi à S. Trinit. *disp. 1. Proem. dub. 3.* Fasoli *pres. a. 3. n. 3.* & plurimum aliorum affirmat, Theologiam esse habitum unius speciei Specialissimæ. Quem porro habitum esse simplicem qualitatem probant Doctor Angelicus *1. 2. q. 54. a. 4.* Cajet. *ibi.* Ferrariensis *1. cont. gentes c. 59.* Philippus

à S. Trinit. *ubi sup.* & Thomista communiter.

\*\*\*

## CONCLUSIO. I.

Theologia est unius speciei infimæ scientia.

Probatur Ratione S. Doctoris Unitas enim scientiæ specifica desumitur ex ratione formali objecti. At in Theologia omnia considerantur sub una ratione Divinae revelabilitatis. Ergo Theologia est unius speciei specialissimæ.

Dices: ex Alberto Magno *cit. memb. 3. in sol.* Illa duntaxat forma, seu ratio objecti potest secundum Arist. *1. post. maximè 10. 43.* scientiæ tribuere unitatem, ex quâ subjectum, siue objectum constituitur unum, & tota causa passionum de ipsa demonstrabilium. At revelatio nihil ponit in rebus revelatis; adeoque revelabilitas non potest esse Causa veritatum in Theologia demonstrabilium, ergo nec potest in his constituere unitatem. Ergo unitas Theologiae non potest desumi ab unitate revelationis, sed ab unitate proportionis ad unum finem Beatificantem.

Contra: Nam ex Arist. *6. Metaph. c. 1.* constat, objecta formalia & distinctiva scientiarum naturalium determinari per intellectuales abstractiones. Hæ verò sunt quid extrinsecum respectu objectorum. Ergo ratio objecti specificativa, & distinctiva scientiæ potest determinari per aliquid extrinsecum. Confirmatur istud Consequens Nam objectum constituitur formaliter scibile per lumen intellectuale, quatenus ab illo participatum ex S. Tho. *de Verit. q. 9. a. 1. ad 2.* Hoc autem lumen, vi cuius in objecto manifestatur formalitas scientiæ specificativa, resultat ex abstractione intellectuali. Sic enim per abstractionem à materia duntaxat individuâ lumen physicum, per abstractionem à materia etiam sensibili lumen Mathematicum; per abstractionem verò ab omni etiam intelligibili materia lumen Metaphysicum resultat. uti eleganter demonstrat Cajetan. in *cit. a. 3. §. ad evidentiam.*

Atqui ex revelatione Dei resultat in objecta Theologica lumen quoddam Divinum Formaliter derivatum à Dei scientiâ. Unde S. Doctor *cod. art. ad 2.* ait: sacram Doctrinam esse velut quandam impressionem Divinae scientiæ. Hoc autem lumen utpote supernaturale inducit novam, Philosophis incognitam abstractionem. Et si namque Metaphysica, seu Theologia naturalis discurret de Deo secundum perfectiones lumine naturali cognoscibiles; attamen Theologia supernaturalis supra illud lumen naturale transcendit, ita, ut in quibusdam fidei Mysterijs, nimirum de Trinitate, & Incarnatione Verbi prima naturalis luminis principia non habeant locum. Ex hac igitur abstractione, seu elevatione luminis supernaturalis resultat in objectis revelatis formalitas fundans scientiam distinctam à scientijs naturalibus. Ergo hæc formalitas consistens in revelabilitate divina, cum sit distinctiva, consequenter est etiam specificativa Theologiae supernaturalis. At distinctio rei ab alijs supponit indivisionem, seu unitatem rei in se. Ergo ratio revelabilitatis Divinae, quatenus in ratione objecti est Theologiae specificativa & distinctiva, consequenter arguit in eâ unitatem specificam.

Replicat



14. Replicabis. Abstrahitio intellectualis à materia v. g. intelligibili non est formaliter constitutiva objecti Metaphysices, sed est conditio tantum applicans & repræsentans intellectui formalitatem Entis ut sic; quæ formalitas quæ objecto intrinseca specificat Metaphysicam. At revelabilitas Divina objectis revelatis æquè extrinseca est, atque abstrahitio intellectualis. Ergo ad instar huius se habet ad objectum Theologiæ specificativum tantum extrinsecè. Confirmatur.

15. Nam-formalitas objecti tribuens objecto unitatem, debet esse tota causa, passionum de ipso demonstrabilium, ut supra ex Philosopho arguebatur. At ipsa essentia subjecti est causa, seu ratio passionum de ipso demonstrabilium. Cum proinde revelatio Divina se habeat tantum extrinsecè ad veritates in Theologiam demonstrabiles, non potest esse ratio formalis objecti, tribuens Theologiæ Unitatem.

16. Contra: Nam 1. Divina revelabilitas formaliter importat scientiam Dei, cui tanquam primario, & ultimo motivo innititur fides ac Theologia supernaturalis. At scientia Dei per essentiam Divinam quæ primum suum objectum formalissimè actuata est etiam secundum rationem nostram formaliter Natura Divina, ex S. Thom. 1. p. q. 23. a. 3. Ergo Divina revelabilitas, quæ ratio formalis motiva & specificativa Theologiæ in conceptu objectivo importat Essentiam & Naturam Divinam. Hæc verò est ratio nostra radix & causa omnium attributorum, & perfectionum in Deo. Insuper ex illà, etiam antecedenter ad Physicam productionem resultat Idealiter creaturarum imitabilitas objectiva, adeoque Esse earum possibile, & ex eadem quæ Causa Efficiente consequitur esse actuale, & reale omnis veritatis à Deo revelatæ. Ergo Divina Revelabilitas non minùs est ratio, & causa omnis veritatis in Theologia demonstrabilis, quam natura, quatenus est principium motus, sit ratio, vi cuius de corpore naturali omnes effectus naturales tam ad intra, quam ad extra sunt in concreto demonstrabiles.

17. 2. Si revelabilitas divina accipiat pro rei revelatæ intrinsecà formalitate objectivà substante lumini Divinæ scientiæ; tunc ratio revelabilitatis primario importat Dei essentiam, atque naturam, & consequenter attributa, & perfectiones Divinas; secundario verò veritates creatas à Deo revelatas. At sub istà revelabilitatis acceptione æquè subsistit unitas Theologiæ, atque Metaphysicæ. Ergo ex ratione revelabilitatis divine efficaciter probatur unitas specifica Theologiæ.

18. Maior, uti & minor habet fundamentum in S. Thoma cit. a. 3. ad. 1. & ad 2. docente, Unitatem Theologiæ, licet tractet de Deo, & creaturis, non impediri, tum quòd de Deo tractet principaliter, de creaturis autem quæ referibilibus ad Deum tanquam ad principium, vel finem: tum quòd hæc objecta scientiarum alioquin naturalium distinctiva attingantur à Theologia sub unà simplici Divina revelabilitatis ratione. Unde patet, S. Doctorem, quatenus unitatem Theologiæ desumit ex unitate proportionis creaturarum ad Deum tanquam finem Beatificantem non dissentire à suo Magistro Alberto magno ubi sup. & in 1. sent. dist. 1. a. 3. ut proinde mirum sit, hunc differre à Discipulo Angelico, quæ Theologiæ unitatem specificam arguente ex unitate Divina revelabili-

tatis. Hæc namquæ sumpta objectivè importat primario & formaliter essentiam, & naturam Divinam, quæ ut sic est finis Beatificans, ut aded ad unitatem Theologiæ ex unitate finis Beatificantis adstruendam non fuerit necessum revelabilitatem Divinam tanquam unitatis in Theologia radicem ab Alberto magno impugnari.

Confirmatur Minor prædicta. Ratio enim entis quæ objectum formale specificans Metaphysicam primò convenit Deo, analogicè verò, & participativè Enti creato. Item ratio Entis creati principaliter inest substantiæ, accidenti autem secundario. Hæc autem analogica Entis unitas non impedit unitatem Metaphysicæ. At eodem modo ratio objectiva revelabilitatis Divinæ primò convenit essentiæ & naturæ Divinæ, creaturis autem competit tanquam secundariis Divinæ scientiæ objectis. Ergo sub ratione objectivà Divina revelabilitatis æquè subsistit unitas Theologiæ supernaturalis, atque sub communi ratione Entis itet unitas Metaphysicæ.

## CONCLUSIO II.

HABITUS Theologiæ est una simplex qualitas.

Probatur. Species intelligibilis, & lumen intellectuale se habent ad cognitionem tanquam principia disparata; unde licet species variantur secundum diversitatem objectorum, quorum vices agunt, potentia tamen intellectiva in se omnino indivisibilis se extendit ad plura distincta objecta, quatenus sub unà ratione generali conveniunt. Atqui habitus ad actum cognitionis efficienter cum lumine intellectuali concurrat perficiendo, seu facilitando, & adiuvando potentiam formaliter quæ talem. Omnis autem perfectio proportionatur suo perfectibili, uti ad nostrum intentum arguit S. Doctor. 1. 2. q. 54. a. 4. Ergo non æque in habitu, ac in speciebus intelligibilibus secundum diversitatem objectorum ponenda est distinctio, sed ad instar potentiae unus simplex habitus sub unà speciali ratione se extendit ad plura objecta. At verò Theologia considerat omnia sua objecta sub unà simplici Revelabilitatis Divina ratione. Ergo habitus Theologicus est una simplex qualitas.

## Responsio ad fundamenta Adversariorum.

AD Primum n. 1. oppositum Respondetur: Ex Donis Intellectus, & Sapientiæ animam mediante fide vivā per charitatem formatā elevare, omni quandoquæ rationis discursu remoto, ad simplicem intelligibilis Veritatis Divinæ contemplationem, atque in hac sublimi contemplatione per eminentiam consistere Theologiam Mysticam, ut sic specie distinctam à Theologia Scholasticā quæ discursivā. Si verò Theologia Mystica sumatur pro habitu discursivo ex principiis Divinis vi Donorum Spiritus Sancti intellectualium intimius penetratis, & cum suavi Charitatis Divinæ dulcedine æstimatis, non distingui ut sic secundum substantiam, & entitatem intrinsecam ab habitu Theologiæ acquisito per discursus formatos ex principiis Divinis revelatis. Probatur hoc assumptum. Nam iste Theologiæ habitus Discursivus formaliter consistit in qua-



in qualitate facilitante ad supernaturaliter discurrendū ex principiis Divino supernaturali lumine cognitis. Nec refert, siue ista principia sint credita per fidem Divinam, siue sint penetrata, & iudicata per Donum Intellectus, Sapientiae, ac scientiae, imò & Prudentiae infusae, siue sint etiam visa in Verbo per lumen gloriae. Siquidem in horum omnium Formali objecto sit unum simplex Deitatis, seu Divinae Veritatis Lumen objectivum, nec nisi in modo concipiendi sit differentia.

23. Quod si ex ratione solum probabili, vel ex Parabolis, & similitudinibus, vel alijs Sacrae Scripturae textibus secundum interpretationem Patrum, seu Doctorum controversam in materijs Theologicis siue Moralibus, siue Doctrinalibus procedat discursus, iste tunc generat habitum duntaxat opinativum, & consequenter specie diversum ab habitu Theologiae scientifico, nec aded venit simpliciter nomine habitus Theologici, sed ad hunc reductivè tantum ex quadam similitudinis analogia refertur. Est igitur Theologia acquisita unus specie, in Entitate sua & numero indivisibilis habitus quā ex principiis Divino supernaturali lumine cognitis demonstrativus, seu scientificè discursivus.

24. Ad secundum Respondetur. Negando Minorem, ac probationis consequentiam. Nam praemissa naturaliter evidens iuncta in syllogismo cum fidei Principio, ratione virtualis sui in hoc continentiae elevatur ad supernaturalem certitudinem. Ergo nulla quoad motiva est differentia specifica, siue syllogismus unā duntaxat fidei, & alterā naturaliter evidente praemissa, siue duobus fidei divinā cognitis principiis constet. Quod si discursus constet unā de fide, & alterā luminis naturalis moraliter certā propositione, ob huius duntaxat probabilem in illā continentiam non potest conclusio habere certitudinem scientificam, & consequenter non simpliciter, sed tantum reductivè est Theologica.

25. Ad tertium Respondetur: Antecedens in Doctrinā saltem divinitus revelatā esse falsum. Nam distinctio habituum non est ex objectis, nisi quatenus sunt Motiva. At objectis quā per se & ab intrinseco, non autem per Imperij duntaxat Extrinseci Efficaciam Motivis debet inesse vis quaedam evidentiæ ad convincendum, ac necessitandum intellectum. Sicut igitur habitus & discursus Theologicus nullam habet evidentiā ex objectis suis quā operabilibus, & speculabilibus, sic ista non sunt per se Motiva respectu illius. Ergo habitus Theologicus ex distinctione objectorum speculabilium & operabilium utpote Materialium nullam sortitur differentiam specificam, utpote, qui sub uno Divinae revelabilitatis per piam voluntatis motionem ac imperium ad Discursus Theologici principia applicatæ Motivo formali attingit omnia sua objecta tum speculabilia, tum operabilia; uti argumento isto, nonnihil tamen variato arguit Scotus *at. q. 4. prol. n. 28.* & Lychetus *ibi comment. n. 2.*

26. Ad Quartum Respondetur: Distinguendo Maiorem. Res revelatæ non præcisè secundum revelationem, sed etiam in se ipsis attinguntur à discursu, & assensu Theologico, tanquam objectum materiale, conceditur, tanquam objectum formale negatur. Quare dispar est ratio visionis,

quæ uno quidem actu attingit lucem, & colorem, ita tamen, ut etiam color habeat rationem objecti formalis. Ex S. Thom. *1. 2. q. 8. a. 2. in Corpore.* & *ad 2.* Unde fit consequens, acutus videndi ex specificā colorum differentiā esse secundum speciem diversos. Verum etiam posito, quod assensus Theologici ex objectorum revelatorum differentiā specificā distinguerentur, inde haud inferretur distinctio habitus, qui teste S. Tho. *1. 2. q. 54. a. 4.* naturam potentiae imitando, ad multa objecta, adeoque adactus diversos sub unā formali ratione Motivā inter se subordinatos se extendere potest. Cum proinde omnes Theologici assensus conveniant sub uno *revelabilitatis Divinae Motivo*, nulla in ipsis, minus in habitu admittenda est differentia specifica.

29. Ad Quintum Respondetur: Habitum Theologiae quā Defensivum esse necessariò discursivum, conferendo doctrinam fidei contrariam cum Veritate Divinae revelationis. Ergo non distinguui à Theologia quā *Deductivā*, seu *Argumentativā*.

30. Ad Sextum Respondetur: Negando Maiorem. Nam species intelligibiles ad intellectiōnem concurrunt in ratione objecti, habitus vero influunt cum potentiā, huius vires confortando, eamquē aded in ratione potentiae adiuvando, & facilitando. At si principia sint diversi ordinis, non potest unum suppleri per aliud, nisi hoc eminenter contineat alterum. Ergo specierum intelligibilium influxus, cum sit alterius à potentiā Ordinis, non potest facilitare potentiam quā talem. Ergo species intelligibiles comparatæ ex conclusionibus, & demonstrationibus Theologicis distinguuntur ab habitu Theologico.

31. Instabis, S. Thomam *de Verit. q. 20. a. 2. in fin. Corp.* expressis verbis docere, quod habitus sit collectio specierum ordinarum. Ergo juxta harum distinctionem multiplicantur unius speciei scientiae habitus.

Responderi potest cum Ferrariensi *ut lib. 1. cont. gentes. c. 56.* Dupliciter posse nos loqui de habitu scientifico, *Formaliter* scilicet & *fundamentaliter*, siue *causaliter*. Nam intellectus non potest conclusiones scientificè demonstrare, nisi constitutur in actu per species intelligibiles virtute intellectus agentis abstractas. Hæ proinde se habent ad discursus scientificos tanquam causa ad effectus. Cum igitur habitus scientiae generetur ex discursu Demonstrativo, consequens est, habitum ejusmodi *fundamentaliter*, & *Originativè* consistere in speciebus, à quibus tamen *formaliter*, ac *entiativè* sic distinctus. Ratio huius subtiliter tangitur à Scoto. *in 1. dist. 3. q. 6. n. 29. in fin.* Nam habitus ex actibus acquisitus est habitus ad actus consimiles. At per istam habilitatem non potest objectum intellectui præsens constitui. Est autem speciei intelligibilis munus repræsentare objectum, idquē facere intentionaliter præsens intellectui. Ergo habitus scientiae secundum intrinsecam suam entitatem à speciebus intelligibilibus est distinctus, atque *formaliter* constituit in habilitate intellectuali species intelligibiles benè coordinandi, easquē promptè, facile, ac delectabiliter utendi ad discursum scientificum, uti tradunt Ferrariens. *loc. cit.* & Caiet. *1. 2. q. 54. a. 4.*

Ista pro-



33. Ista proinde habilitas supponit quidem plures distinctas species, in se ipsâ tamen est indivisibilis ac simplex respectu omnium discursuum, & conclusionum, quas unâ ratione motivâ attingit. Quod etiam S. Thom. q. 10. de Verit. a. 2. expressit: *Habitus scientia*, inquit, esse *ordinationem* (in actu scilicet primo) *specierum intelligibilium*, quæ post actualem considerationem remaneant in intellectu possibili.

34. Urgebis. S. Doctorem 1. 2. q. 66. a. 2. docere, quodd species intelligibiles sint formale virtutum intellectualium, phantasmata verò se habeant ad istas tanquam Materiale. Cui conformiter q. 52. a. 2. asseruit, quando in addiscente plures Geometriæ conclusiones, habitus augetur secundum species, tunc fieri augmentum scientiæ secundum se ipsam per additionem. Constat igitur, de mente Doctoris Angelici esse, quodd scientia non sit qualitas indivisibilis, utpote recipiens augmentum non tantum intensiōis, sed etiam extensiōis secundum species intelligibiles.

35. Respondetur: Scientiam, & virtutem intellectualem plerumquæ accipi pro adæquato lumini intellectuali superveniente principio actus scientifici. In hoc autem principio ut sic manifestum est, includi tum habitum facilitantem, & corroborantem vires potentiæ quâ potentiæ, tum species intelligibiles repræsentantes objecta, quorum vices agunt in causalitate intellectiōis. Quod duplicis inadæquati principij discrimen satis insinuavit Doctor Angelicus cu. q. 52. & q. 54. in corp. & ad 3. affirmans, *Scientiam posse augeri secundum se ipsam per additionem*, ita tamen, ut *augeatur habitus non secundum se, sed secundum species*, per quas fiat *extensio habitus ad plures conclusiones*, ac demonstrationes inter se ordinatas. Sunt igitur species intelligibiles formale virtutis intellectualis, & scientiæ, quia sunt hujus inadæquatum constitutum.

36. Unde scientia secundum se ipsam potest quoad species *extensivè* augeri, licet habitus scientificus, prout est habilitas quædam intellectus quâ potentiæ in ordinato specierum intelligibilium usu confortativa, nullum in *entitate suâ intrinsecâ*, utpote omninò indivisibilis admittat augmentum vel extensivum, vel intensivum; ut aded ejus intensio, non fiat per additionem formæ ad formam, sed secundum perfectiorem habitus ex primo actu scientifico præexistentis in subiecto participationem. Ex eod. S. Doctore cit. q. 52. a. 1. & 2. Et si proinde Theologiæ habitus *connotativè* importet plures distinctas species intelligibiles, quas partim supponit tanquam *principia sui inadæquate effectiva*, partim ordinat tanquam suas *Discursus Theologici causas effectrices*, in se tamen *quoad intrinsecam entitatem* est una numero simplex qualitas & omninò indivisibilis.

## CONTROVERSIA IV.

*An Theologia sit Practica, vel Speculativa?*

**D**ivus Bonaventura in 1. sent. q. 3. proem. Albertus Magnus cit. q. 3. sum. memb. 3. & in dist. 1. a. 4. affirmant, Theologiam esse affectivam: quæ ratio specifica habitus fuerit incognita Philosophis, sitque media inter differentias speculativi & practici; de cujus secundum Bonaventuram utriusque ratione, secundum Albertum verò, rationem practici altiori, & sublimiori modo participet habitus Theologicus. Explicatur & Probatur. Nam intellectus quâ perfectibilis ab habitu triplex est consideratio, nimirum, *Secundum se, secundum extensionem ad opus, & secundum extensionem ad affectum*. Secundum se perficitur intellectus ab habitu, seu scientiâ speculativâ: *secundum extensionem ad opus*, intellectus quâ Directivus, seu rectitudinis moralis regulativus perficitur ab habitu practico, sive scientiâ morali, cujus finis est, nos efficere bonos: denique *secundum extensionem ad affectum* perficitur intellectus ab habitu affectivo, cujus est inquirere veritatem, non per intellectum duntaxat, sed per affectum, & substantiam. Atqui Theologia juvat fidem, quæ ita est in intellectu, ut nata sit movere affectum. Unde Theologiæ finis est, veritati Beatificanti conjungi intellectu, & affectu, & substantiâ; ex quo etiam meretur nomen *Sapientia*, quæ simul dicit cognitionem & affectum; *Sapientia enim Doctrina est secundum nomen ejus. Ecclesiastici 6. cap. v. 23.* Et hinc Theologia stat ad opus perfectum non instat moralis scientiæ secundum perfectionem virtutis tantum acquisitæ, sed insulæ per gratiam. Ergo altiori & sublimiori, quàm fuerit à Philosophis cognita, ratione est practica, atque aded speciale meretur nomen Affectivæ.

2. Henricus in sum. art. 2. q. 3. Marfil. q. 3. Prolog. a. 3. docent: Theologiam nostram esse merè speculativam. Fundamentum hujus deducitur à Scotto cit. q. 4. n. 16. Nam cognitio quâ practica est directiva voluntatis. At voluntas respectu actus, quo unit se fini, non indiget directione, sed objecti duntaxat ostensione; ad hujus enim positionem voluntas statim perfectâ operatione tendit in finem. Ergo cognitio de Deo quâ Ultimo fine nullo modo est practica, sed speculativa. In hac enim cognitione Dei perfectâ consistit finis & Theologiæ nostræ, & omnium ejus objectorum juxta illud August. in serm. de Iacob, & Esau. *Omnia opera nostra sunt, ut mandetur oculus, quo videatur Deus.* Atqui ratio practici, & speculativi in scientiis desumitur ex fine. Cùm proinde Theologiæ nostræ finis sit speculatio Divinæ Essentiæ, consequenter est purè speculativa.

3. Scotistæ cum Doctore Subtili q. 4. Prolog. n. 31. & 37. tenent; Theologiam esse simpliciter Practicam. Probatur: Cognitio Practica est intellectus secundum rectam rationem directiva actus à voluntate eliciti, & imperati. Unde praxis Primariò consistit in voluntate quâ conformabili cum judicio rectæ rationis; Secundariò autem potest consistere in actibus aliarum potentiarum quate-



quatenus ex imperio voluntatis sunt conformabiles secundum rectitudinem rationis. Ex quo rursus sequitur, quod cognitio practica sit quædam quasi idea, & imago rectitudinis derivandæ ex se in actum voluntatis elicited, & consequenter actus imperatos aliarum potentiarum ex Scotto *cit. q. 4. a. n. 3.* Lychet *ibid.* & alijs. Atqui tota Theologia in intellectu creato dicit hanc idealem, & aptitudinalem, seu Causalem rectitudinis in actus voluntatis derivandæ conformitatem sive imaginem. Ergo tota Theologia est practica.

4. Minor probatur. Nam primum subiectum, seu objectum Theologiæ est Divina Essentia, sive Ultimus finis. Atqui ab hujus ratione sumuntur principia prima rectitudinis derivandæ in actus voluntatis. Insuper ratio distinctionis Personarum, & cognitio Divinarum perfectionum est determinativa rectitudinis Dilectionis, Religionis, aliarumque virtutum. Denique nulla rectitudo objectorum Theologiæ contingentium primò determinatur à voluntate creatâ, sed antecederet ad actus Voluntatis quâ moraliter bonos, notitia intellectualis est determinativa rectitudinis volitioni quâ praxi inexistens. Constat igitur, totius Theologiæ actus dicere aptitudinalem, & quasi causalem rectitudinis in voluntatis elicited, & consequenter aliarum potentiarum imperatos actus derivandæ conformitatem, seu imaginem quasi idealem: Ergo Theologia est simpliciter Practica.

3. Thomistæ cum Doctore suo Angelico *præs. q. 1. a. 4.* tenent, Theologiam sub unius Divini luminis altiori, & simplici ratione participare rationes formales practici & speculativi, quæ aliquin in scientijs naturalibus per rationes particulares distinguantur: nihilominus esse magis speculativam, quàm practicam.

#### CONCLUSIO I.

6. UNUS simplex Theologiæ habitus est formaliter speculativus, & practicus, sub formalitate tamen eminentiori præcisâ ab imperfectionibus, sub quibus rationes practici & speculativi sunt differentiarum habituum naturalium secundum speciem distinctivæ.

Probat: Practicum & speculativum differunt ex fine; hujus enim finis intrinsecus est Veritas, illius verò opus. Aristot. 2. *Metaph. tex. 3.* Hinc scientiarum speculativarum principium est in rebus; practicarum verò in intellectu. Philosophus. 6. *Metaph. tex. 1. 6. Eth. c. 4. & 3. de anima. tex. 46.* Nam ratio formalis objectiva speculativa est Veritas naturæ, & essentiae objecti, ex quâ tanquam medio demonstrationum, atque adeo Motivo assensus conclusionum specificatur scientia. Econtra Practica objectum formale ut sic est determinabile, ac operabile per Dictamen seu ideam rationis. Quare speculativi, & practici differentiarum sunt ex objectis formalibus. Ergo non sunt tantum accidentales, seu materiales, sed essentielles secundum speciem distinctivæ scientiarum naturalium, ut colligitur ex Aristot. *cit. text. 1. Metaph. c. 6.* & insinuat S. Doctor *præs. a. 4.* Atqui rationes differentiales formarum inferioris ordinis quandoque elevantur in unam superioris ordinis

formam, ita ut seclusâ imperfectione limitationis & mutuae exclusionis in unam simplicem altioris perfectionis formalem rationem conveniant; velut creaturarum perfectiones seclusis imperfectionibus identificantur in unâ infinitâ perfectione Divinæ substantiæ.

Ex quo fundamento S. Thomas 2. 2. q. 45. 8. 1. probat Virtutem, quantò est altior ad tantò plura extendi. Unde licet sapientia naturalis sit præcisè speculativa, sapientiam tamen supernaturalem quatenus per altiore & Deo propinquiorem rationem cum quâdam spiritus ad ipsum unione Deum attingit, posse indivisibiliter esse practicam, & speculativam. At pari modo Theologia quâ Divini luminis imago, & scientiæ increatæ impressio participata, fideique supernaturalis proles sub unâ simplici Divina revelabilitate ratione se extendit ad pleraque objecta scientiarum naturalium secundum rationes speculativi, & practici specie distinctarum. Ergo Theologia est formaliter speculativa, & practica, sub eminentiori tamen ratione præcisâ ab imperfectionibus limitationis, & mutuae exclusionis, sub quibus formalitates speculativi, & practici sunt differentiarum essentielles scientiarum Philosophicarum.

#### CONCLUSIO II.

Theologia primariò est speculativa, & practica secundariò, seu minus principaliter.

Probat: Objecta æterna quâ sub Divini luminis revelabilitate intelligibilia, seu scibilia dupliciter considerantur. Primò, secundum quod sunt in se ipsis. Secundò quatenus sunt regulæ humanorum actuum. S. Tho. 2. 2. q. 8. a. 4. ad 2. At prius est considerare aliquid in se ipso, quàm secundum quod comparatur ad alterum. S. Doctor 2. 2. q. 45. a. 3. ad 3. Ergo Theologia prius considerat res divinas in se ipsis, quàm in ordine ad actus humanos, ex eod. Doctore Angelico *1. p. præs. a. 4.* Deinde operabilia humana, secundum quod in se considerantur, non habent aliquam excellentiæ altitudinem, sub quâ possint formaliter terminare scientiam luminis Divini, & supernaturalis *ex cit. q. 8. ad 1.* Quare actus humani Theologiæ quatenus à Philosophia morali distinctæ obijciuntur, secundum quod referuntur ad regulam legis æternæ, & ad finem Beatitudinis Divinæ *ex cit. a. 4.* Constat proinde, quod Finis intrinsecus Theologiæ Primariò sit veritatis divinæ in se subsistentis contemplatio, secundariò autem sit inquisitio rationum æternarum, secundum quarum directionem, & conformitatem hanc actus humani. Ergo Theologia est primariò speculativa, & secundariò practica.

#### Responsio ad Adversariorum Fundamenta.

AD argumentum Divi Bonaventuræ, & Alberti Magni *n. 1.* adductum Responderetur: Verum esse, quod Theologia maxime in iusto gratiâ sanctificante, & Donis Spiritus Sancti instructo sit nata movere affectum supernaturalem; neque tamen ex hoc impediri, quod minus censenda sit inter habitus practicos, & speculativos.

Nam



13. Nam Spiritus Sancti Dona Intellectus, Sapientiae, & scientiae praecipue nata sunt movere affectum Charitatis supernaturalis, cum qua inseparabiliter sunt connexa, operanturque adeo per quandam unionem cum Deo, ac dirigunt actiones humanas per rationes aeternas, formantque de rebus agendis iudicium ex habitu gratiae derivatum. At ex hoc ipso fundamento probat S. Doctor. 2. 2. q. 8. a. 3. q. 9. a. 3. & q. 45. a. 3. ista Spiritus Sancti Dona esse *formaliter* speculativa, simul & practica.

14. Etsi proinde Theologia veritatem rerum Divinarum inquirat per substantiam sperandarum rerum, fidem nimirum Divinam, quae nata est excitare affectum cum sapore Divinae dulcedinis resultantis ex unionem Charitatis cum Deo. Ex quo etiam fit, quod Theologia praecipue mereatur nomen & Affectivae, & Sapientiae, prout ista Divinorum contemplationem cum affectu praegustatae supercaelestis suavitatis importat. Nihilominus ex hoc minimè evincitur, Habitum Theologici quàm affectivi rationem esse mediam inter differentias speculativi, & practici: reverà enim omnem veritatis notitiam sequitur dilectio, & delectatio; & tamen Philosophus cognitionem intellectualem adaequatè dividit in speculativam & practicam. Ergò sub formalitate habitus affectivi non potest media ac tertia species assignari, nisi sub eà intelligatur altior & eminentior quaedam ratio, vi cuius speculativi, ac practici differentiae quàm praecise ab imperfectione limitationis & mutuae exclusionis, in unam simplicem formalem rationem in habitibus supernaturalibus conveniunt.

15. Ad Henrici n. 2. oppositum Respondetur, Habitum intellectuales denominari practicos & speculativos ex suis actibus, quorum sunt elicitivi, actus verò ejusmodi constitui in ratione practici, & speculativi ex objecto, & fine intrinseco, non autem extrinseco. At Theologia ita versatur in rerum Divinarum contemplatione, ut tamen conspiciendo, & consulendo rationes aeternas, dirigat nostras actiones ad finem supernaturalem Beatitudinis. Ergò licet omnes discursus Theologici ex fine Extrinseco vel saltem Mediato & Ultimo dirigantur in perfectam Divinae essentiae speculationem, aliqui tamen ex objecto ac Fine suo intrinseco immediato, se extendunt ad operabilia humana secundum rationem Divinam, & aeternam. Ergo Theologia ita est speculativa, ut tamen sit etiam practica.

16. Ad Scoti n. 3. oppositum ex hoc ipso Subtili Doctore cit. q. 4. n. 36. Respondetur. Ad intellectum practicum requiri, ut sit naturaliter prior volitione, non praecise in ratione intellectus quàm representantis, seu ostendentis objectum, sed in ratione conformativi ad conformabile, seu directivi ad dirigibile. Hinc enim Theologia Dei de necessarijs non est Practica, quia non est determinativa rectitudinis in volitione Divina, sed ista ex se ipsa rectificatur respectu Primi sui objecti. Ex simili fundamento idem Doctor n. 17. probat, Theologiam contingentium in intellectu Divino non esse practicam, quia non est determinativa rectitudinis in praxi, seu volitione versante circa ejusmodi contingentia, quin potius ista volitio seu praxis sit prior Theologia contingentium. Porro rectitudo objectiva in objectis Divinis, ac necessarijs est ex se ipsa deter-

minata, & nata sub ratione Veri determinare intellectum ad sui notitiam quàm rectam ex Scoto cit. q. 4. n. 38.

Pari ergò ratione summa ratio Boni Divini est per se ipsam nata movere & determinare voluntatem, eamque rectificare; imò voluntas creata elevata, & informata per Charitatem, est in se ipsa rectificata, & vi illius virtutis infusa in sensu Composito est quoad specificationem determinata ad Dei quàm summi Boni prosecutionem. Ergò amoris Divini supernaturalis rectificatio est ex objecto tanquam Motivo, & ex se ipsa *formaliter*, ac *essentialiter*, ex habitu autem Charitatis infusae *causaliter* ac *efficienter*. Ergò non est ex directione ac determinatione intellectus, sed haec procedit in ratione tantum ostensionis, seu representationis objecti. Ergò intellectio seu Theologia nostra de Perfectionibus Divinis necessarijs *secundum principia* ex Scoto ubi *supra* asserta, non est practica, sed speculativa.

Instabis ex Scoto cit. q. 4. n. 17. Etsi voluntas non indigeat directione circa rationem summi Boni ut sic, vel circa Finem in universali, potest tamen errare circa Finem in particulari ostensum. Ergò ut circa istum rectè agat, v. g. diligendo summum Bonum quàm in Personis Trinum, requiritur ostensio directiva. Atqui Theologica cognitio est de ratione summi Boni, ac finis Ultimi non in universali, sed in particulari. Ergo cognitio Theologica quatenus versatur circa Deum quàm Ultimam finem, est directiva voluntatis, adeoque practica.

Respondetur: Voluntatem non posse supernaturaliter moveri circa Deum quàm ultimum finem, nisi mediante virtute, vel auxilio supernaturali. Ex hoc autem ita rectificari, & quoad specificationem determinari voluntatem, ut impossibile sit, eam vi Dilectionis supernaturalis versari circa creaturam quàm ultimum Finem; seu Summum Bonum attingere excludendo Trinitatem Personarum. Atqui Theologia utpote quoad substantiam supernaturalis non ordinatur, nisi ad supernaturalem Ultimi finis seu Summi Boni prosecutionem, ac dilectionem, mediante aliqua virtute infusa efficiendam. In hac verò dilectione supernaturali essentialiter inest formalis actualis, in virtute autem infusa ejus effetrice habitualis & causalis restructio circa Ultimam finem in particulari. Ergò rectificatio voluntatis nostrae circa Ultimam finem in particulari non causatur, ac determinatur à Theologica cognitione, sed ab habitu, & actu Dilectionis Dei; respectu cuius adeo cognitio Theologica est prior non in ratione directionis, sed ostensionis duntaxat, ac representationis objecti. Ergò haec non est practica, sed speculativa.

Replicabis ex eod. Subtili Doctore cit. n. 17. Habitum directivus non ponitur propter substantiam actus, sed propter circumstantiam, sicut temperantia non ponitur propter substantiam commestionis, sed propter circumstantias. Ergò licet voluntas vi Charitatis vel alterius virtutis infusae ac Theologicae esset determinata quoad substantiam actus tendentis in Deum quàm Ultimam finem in particulari, requireretur tamen directio intellectus quoad illius actus circumstantias.

Respondetur. Diversam esse rationem virtutum moralium, atque Theologicarum. Nam



istarum objectum primum est increata Dei perfectio, illarum vero ratio *formalis* objectiva consistit in actione humana operabili secundum Dictamen Prudentiæ. Hinc rectitudo objecti Temperantiæ & Fortitudinis *formaliter* determinatur ex ratione Bonum vel concupiscibile, vel arduum commensurante cum viribus, & qualitatibus subiecti. Et licet Iustitia respiciat medium rei consistens in adæquatione cum jure alterius, hæc ipsa tamen adæquatio importat actionem humanam *positivè*, vel saltem *negativè*, attamen *liberè* dependentem à voluntate quâ dirigibili per regulam prudentialem. Constat proinde, Virtutum moralium objecta esse *formaliter* determinabilia vel operabilia vi rationis, & Dictaminis Prudentiæ. Secus est in objectis virtutum Theologicarum tum *formalibus*, tum *primariis materialibus*, quæ utpote necessaria ab intrinseco sunt determinata non tantum secundum se, sed etiam in ordine ad actus nostros intellectus, & voluntatis; nec aded sunt determinabilia à ratione, nec operabilia à voluntate. Ergo respectu talium objectorum nulla datur cognitio practica, de cujus ratione est, ut sit operativa, & non tantum ostensiva objecti.

24. Quare cognitio Theologica Dei quâ Trini & quâ Summi Boni ostensiva est merè speculativa, etsi ratio prudentialis reflexè directiva Modi ac Mensuræ secundum particulares circumstantias actuum dilectionis Dei sit practica, sicuti etiam actus fidei de Deo Trino in se *formaliter* est speculativus, sed quatenus ex judicio credibilitatis est dirigibilis & mediante voluntatis imperio liberè operabilis, denominatur praxis, uti contra Subtilem Doctorem *cit. q. 4. n. 3. & 4.* argui potest ex Angelico Doctore *2. 2. q. 47. a. 2. ad 2.* docente: Actum speculativum rationis quâ voluntarium posse cadere sub ratione & consilio; adeoque esse praxin, etsi quoad suam speciem, quatenus comparatur ad objectum suum necessarium, non cadat sub Ordinatione prudentiæ.

25. Eodem igitur modo potest Theologia circa objecta præsertim contingentia diversimode considerari. Etenim istorum aliqua, v. g. *Opus incarnationis, Institutio Sacramentorum* sunt à nostrâ voluntate independentia, respectu quorum aded nequit Theologia esse practica: alia vero v. g. *susceptio, vel administratio Sacramentorum, item opera meritoria & supernaturalia* ad intellectum nostrum, & voluntatem per gratiam elevatos se habent quâ operabilia, respectu quorum Theologia consequenter est practica. Denique Theologia secundum se potest reflexè, & in *actu signato*, considerari, quatenus ejus exercitium juxta regulas prudentiæ præsertim infusæ cadit sub consilio, & electione, cujus proinde actus ut sic sunt practici.

26. Urgebis: Ex Alberto Magno *cit. q. 3. summ. memb. 3.* Ethica, seu Philosophia moralis, quatenus tractat de fine secundum Aristotelem *10. Ethic.* est practica. At ille finis juxta Philosophum *ibi.* consistit in felicitate contemplativâ, prout ad eam referuntur actus omnium virtutum intellectualium, ac moralium, ac heroicarum. Ergo à pari Theologia est practica quoad omnes suos actus, tum illos, qui versantur circa finem, tum illos, qui versantur circa media.

27. Confirmatur 1. inductione ejusdem Magni Doctoris. Nam Theologia sive inquirat verum

in re fruibili, sive utili; refert hoc ipsum ad affectum, ut scilicet in fide, vel in visione fidei succedente per intellectum affectivum summâ veritate beatificante, & per charitatem summâ bonitate fruatur. Insuper quæ in sacris Litteris proponuntur *præceptivè*, vel *parabolicè*; à sacra Theologia referuntur ad opus meritorium. Quæ denique *Hymnidicè* in Psalmis nimirum traduntur, ad affectum referuntur pietatis. Constat igitur Theologiam omne, quod de Deo, & ejus operibus inquirat verum, attingere illud non ut verum simpliciter, sed ut summè beatificans, referendo ad id totam pietatis intentionem in effectu & opere. Cum proinde Theologia tendat in veritatem non quâ præcisè speculabilem, sed quâ referibilem, & ordinabilem ad intentionem pietatis, consequenter est simpliciter practica.

Confirmatur 2. argumento Scoti *præs. dub. n. 3.* à nobis deducto, & nondum clarè soluto. Nam ex ratione Divinæ essentiae quâ ultimi finis, & primi Theologiæ Subjecti sumantur prima principia rectitudinis derivandæ in actus voluntatis. Ergo Theologia quâ versatur etiam circa Essentiam Divinam, & attributa Deo intrinseca est regulativa seu operativa rectitudinis actuum humanorum. Ergo ut sic est practica.

Respondetur: Etsi intellectus quâ potentia illuminativa objecti voluntati commensurati, mediante Veritatis purè speculabilis sub ratione Boni repræsentatione vim habeat excitandi affectum in appetitu rationali, ex hoc tamen non dici practicum. Pari ergo ratione licet Theologica Divinarum Veritatum cognitio ex Donis præsertim Spiritûs Sancti intellectualibus elicita sit efficax ad supernaturalis dulcedinis affectum, & pietatis intentionem movendam, est tamen ut sic absolurè speculativa. Neque verò Theologia quâ tendit in Deum seu ultimum finem est practica respectu Divinæ Essentiæ secundum se, sed quoad extrinsecam duntaxat fruibilitatis actualis ex formali beatitudine resultantem denominationem, secundum quam Divina Essentia in ratione finis Beatificantis est consequibilis, ac meritorie, seu *dispositivè* operabilis à voluntate nostra secundum Theologicam de Virtutibus supernaturalibus & Sacramentis directivam cognitionem.

Quo sensu etiam Philosophus *cit. 10. Ethic.* finem hominis naturalem in felicitate contemplativâ, adeoque scientijs Philosophicis de Primo præsertim Ente speculativis posuit; ita tamen ut felicitas ista contemplativa sit Ethicæ, seu Philosophiæ moralis Practicæ objectum, quatenus reflexè, & in *actu signato* considerari potest quâ operabilis exercitio virtutum tum moralium, tum intellectualium. Simili proinde ex causâ Essentia Divina quatenus est radix primorum principiorum moralium fundat scientiam practicam, non quidem respectu sui, sed respectu actionum tum à voluntate Divinâ ad extra, tum ab intelligentia creata secundum rationes æternas operabilium. Patet igitur argumenta Adversariorum probare Theologiam

ita esse practicam, ut tamen sit simul speculativa.

\*\*\*



## COROLLARIUM.

1. Infertur 1. Theologiam omnibus scientijs esse digniorem. S. Tho. *prae. q. 1. a. 5.* Ratio est: Nam scientiae speculativae dignitas desumitur tum ex objecto, tum ex certitudine. At Theologia non in mysterijs duntaxat *Trinitatis v. g. & Incarnationis*, sed in materijs alioquin incertis, & contingentibus *ex motivo suo formali* omnem transcendit rationem creatam utpote innixa luminì increato scientiae & sapientiae Dei. Ex quo fit, ut actus tam fidei, quam Theologiae per intrinsecam, & essentialem connexionem cum Divina revelatione, sit *formaliter* certior omni scientia naturali; imò & notitiā primorum principiorum.

2. Probatur *istud assumptum*. Nam primorum principiorum notitia est quidem intellectui per modum proprietatis naturaliter congenita, estque *secundum nos* ratione evidentiae certior, quia tamen consequitur naturam, & vim intellectivam ex se perfectibilem, nequit *secundum se* & *in re ipsa* pertingere ad certitudinem fidei & Theologiae per supernaturalem Spiritus Sancti motionem intellectui nostro impressae cum intrinseco, ac essentiali ordine ad Primam Dei Veritatem: uti demonstrat Albertus Magnus *cit. 1. p. tr. 1. q. 5. memb. 3. argum. sed contra*. Hanc proinde certitudinis firmitatem in fide, & Theologiam expressit Christus *Luc. 21.* inquit, *Celum & terra transibunt, verba autem mea non transibunt.*

3. Ex quo omnino evincitur, majorem esse verborum Divinorum firmitatem, quam sit naturae, ut adeo lumen rationis vel humanae, vel Angelicae veritati objectorum praecise naturalium ex suis viribus commensuratum, infinito quasi excessu superetur à fidei, & Theologiae certitudine, insinuante Apostolo ad *Gal. 1.* *Licet nos, aut Angelus de caelo evangelizet vobis, praterquam, quod evangelizavimus, anathema sit.* Unde Augustinus, *lib. 2. Confess. c. 10.* ait, *Facilius dubitare vivere me, quam non esse veritatem, fidei nimirum, quam audiui.*

4. Quod equidem non ita intelligendum est, quasi objecta fidei ex se ipsis convincant intellectum, excludendo oppositi formidinem; nam ob Divinae revelationis obscuritatem potest intellectus *secundum se* praescindendo ab usu & exercitio virtutis fidei, omnino dubitare, imò & dissentire: & hinc necessaria est pia affectio voluntatis captivantis intellectum in obsequium fidei, juxta illud *2. Corin. 10.* *Corde creditur ad justitiam.* Illa ergo omnimodae de fidei articulis dubitationis per Augustinum insinuata exclusio est accipienda in *sensu composito*, quatenus per fidei assensum intellectus *formaliter* constituitur adeo certus, ut firmitas adhaesionis, *essentialiter* imbibita in actu fidei excludat *formaliter* omnimodam dubitationem. Uti Richardus de Sancto Victore, *1. de Trinit. c. 2.* inquit *sequentibus verbis.* *Quotquot veraciter fideles sumus, nihil certius tenemus, quam quod fide credimus.* Constat proinde Theologiam fidei principijs, tanquam *Motivo formali* nixam excedere certitudine omnes scientias naturales.

5. Deinde scientiae practicae dignitas desumitur ex fine. Hinc enim scientia civilis nobilior est militari, quod haec ordinetur ad ipsius finem, seu Bonum civitatis. S. Tho. *cit. a. 5.* At Theologia in entitate, ac essentia sua supernaturalis

est *intrinsece* proportionata cum fine Divinae, ac aeternae Beatitudinis; respectu cuius naturales scientiae ex se ipsis impropportionatae sunt, nec adeo possunt, nisi *ministerialiter* ex usu, ac elevatione Theologiae eas instar Ancillarum ad fidei servitium applicantis conducere ad finem supernaturalem. Theologia igitur comparatur ad alias scientias instar Dominae ad Ancillas, juxta illud *Misu sapientia Theologica Ancillas suas*, id est, scientias Philosophicas, ut vocarent ad arcem caelestis Ierusalem. *Proverb. 9.* juncta expositione Doctoris Angelici *cit. a. 5. arg. sed contra.*

Infertur 2. Theologiam esse Sapientiam ex S. Doct. *prae. a. 6.* Ratio est. Sapientis est dirigere, & judicare, *2. Metaph. v. 2.* Iudicium autem de causis inferioribus habetur per altiores, & superiores causas. S. Thom. *cit. a. 6.* Unde in unoquoque genere quis dicitur sapiens, quatenus altissimam generis illius causam judicat. Sicut igitur artifex disponens formam domus, *1. Corin. 3.* dicitur sapiens non quidem absolute, sed in peritiā architecturae, ac respectu inferiorum artificum, sic nominandus est simpliciter sapiens, qui totius universi causam altissimam considerat. At Theologia judicat de Divinis, & creatis per altissimam Divini luminis rationem, & hinc omnes scientias naturales instar Reginae in suo tribunali judicat, condemnando doctrinam sibi adversantem, ac destruendo omnem altitudinem extollentem se adversus scientiam Dei, *2. Corinth. 10.* Ergo Theologia aequissimo jure sibi vendicat dignitatem Sapientiae.

## ARTICULUS III.

DE

## Subiecto, seu Obiecto Theologiae.

1. Divus Bonaventura in *1. dist. q. 1. proem.* subiectum scientiae sub triplici acceptione considerat. *Primo*: Quatenus omnia objecta scientiae reducuntur ad illud, seu radicale principium: quo modo Theologiae objectum ait; esse Deum, utpote ad quem tanquam Principium omnia referuntur. *Secundo*: Subiectum scientiae accipit, prout ad ipsum tanquam totum integrale sub ratione vel compositionis, vel unionis, vel ordinis omnia referuntur: quo modo Theologiae subiectum ponit Christum ex duabus Divina & humana naturis compositum. *Teruo*: Scientiae subiectum considerat, quod tanquam totum universale omnia complectitur; atque hac ratione asserit Theologiae subiectum esse *credibile*, quatenus per additionem rationis transit in *intelligibile*.

2. Albertus Magnus in *1. dist. 1. a. 2. in corpore*, & ad *3.* tribus modis accipit Scientiae subiectum Generaliter, Specialiter, & Specialissimè. *Primo modo* ait, omne illud, de quo tractatur in scientia, esse generaliter subiectum, vel partem subiecti. Et sic veram esse sententiam Magistri in *1. dist. 1.* ex Doctore Ecclesiae Augustino *lib. 1. doct. Christ. c. 2.* asserentis, Theologiae vel sacrae Scripturae adaequatum subiectum esse res, & signa, sumpro



sumpto nomine Rei, quatenus facit ad Beatitudinis participationem, nomine autem signi accepto, quatenus est gratiæ demonstrativum. *Secundo modo specialiter* dici subiectum, circa quod negotiatur scientia, probando de ipso passiones seu proprietates, & differentias per principia propria. Sic Theologiæ subiectum esse credibile, quatenus complectitur tum fidei articulos, & eorum consequentia, mores præsertim contingentia; tum fidei principia præambula, quod nimirum Deus sit verax, Deus sit, sacra Scriptura à Spiritu Sancto sit facta, nec possit excidere, & similia. *Tertio modo specialissimè* dici subiectum, quod est dignius inter objecta considerata in scientiâ; & ita subiectum Theologiæ esse Deum non absolute tantum, sed secundum quod est Alpha, & Omega, Principium, & finis.

3. Scotus q. 3. *Prolog.* postquam n. 4. probasset, quod ratio primi subiecti sit continere in se primo virtualiter omnes Veritates scientiæ, exinde n. 7. 12. & 13. affirmat, Theologiæ in se primum subiectum esse Deum sub ratione Hujus essentiae Divinæ: Theologiæ autem nostræ quæ nostræ objectum primum notum esse Ens infinitum. Hinc consequenter n. 14. refutat sententiam Divi Bonaventuræ ubi supra asserentis; Theologiæ primum subiectum esse Christum. Et n. 11. rejicit opinionem, quæ docuit, Deum esse Theologiæ subiectum sub respectu ad extra in ratione Gubernatoris, vel Reparatoris. Quam sententiam videtur docuisse Hugo de S. Victore in *prolog. celest. Hierarch. c. 1.* affirmans, *Opera restorationis esse subiectum Theologiæ.*

4. S. Thomas *præf. q. 1. a. 7.* docet, Subiectum scientiæ esse, sub cuius ratione omnia referuntur ad illam. Idem verò esse subiectum principiorum & totius scientiæ, cum scientia virtute contineatur in principiis. At in Theologiâ omnia tractari sub ratione Dei, vel quia sint ipse Deus, vel quia habeant ordinem ad Deum ut ad principium, & finem. Unde sequi, quod Deus sit subiectum Theologiæ.

5. Idem Doctor Angelicus in 1. sent. q. 1. *Prolog. a. 4.* tacite insinuat sententijs Divi Bonaventuræ, Hugonis de S. Victore, & Alberti Magni, docet, subiectum tripliciter posse comparari ad scientiam. Primo quatenus omnia scientiæ objecta continentur sub subiecto. Secundo quatenus subiecti cognitio principaliter attenditur in scientiâ. Tertio quatenus subiectum est distinctivum scientiæ ab omnibus alijs scientijs. Si proinde querendum sit subiectum, cui omnes istæ conditionem respectu Theologiæ convenient, assignandum fore Ens Divinum cognoscibile per inspirationem.

6. Has Doctorum antiquorum sententias conferendo cum Doctrinâ Recentiorum, ex novis definitionibus, ac divisionibus, sive adinventionibus suis quandoquæ facis turbantium limpidas Sapientiæ Divinæ aquas, sequitur Primus, Franciscum de Lugo lib. 1. de Deo disp. 1. c. 1. Fasolum *præf. a. 7. n. 4.* & alios haud concordare cum antiquis sacre Theologiæ columnis Doctoribus, dum scientiæ subiectum recensent inter objectum materiale condistinctum à formali. Nam ex præcedentibus sit manifestum, scientiæ subiectum accipi cum radicali illâ ratione, vi cuius ob virtutalem Veritatem in scientiâ demonstrabilem continentiam sit omnis scibilis quæ talis principium, sitque scientiæ distinctivum. At ista ratio radicalis est ratio, formalis objecti

scientiæ. Ergo subiectum scientiæ est quoddam quasi concretum ex materiâ, & ratione formali, secundum quam illa spectatur in scientiâ.

Sequitur Secundo, Scotum, quatenus indiscriminatum idem appellat objectum, & subiectum, immerito rejici à Vasquezio 1. p. disp. 10. c. 1. n. 2. eo quod subiectum scientiæ sit, de quo demonstrantur passiones: objectum verò conclusionis formalis scientificæ sit tota conclusio objectiva. Nam ex Divis Bonaventurâ, Thomâ Aquinate, & Alberto Magno constat, subiectum generaliter, vel etiam simpliciter acceptum, vel quæ Totum universale sub unâ communi ratione complecti omnia, quæ tanguntur à scientiâ. Ergo non Scotus, sed Vasquez differt ab antiquioribus, objectum scientiæ aded strictè usurpando.

Sequitur Tertio, Thomistas, quatenus in objecto formali scientiæ assignant rationem formalem sub quâ, quæ sit ipsa scibilitas, & abstractio à materiâ, seu scientiæ lumen objectivum, immerito redargui ab Arriagâ 1. p. disp. 1. n. 5. Nam si quæras ex ipso, quomodo fiat figura artificiosa statuae? Respondet disp. 6. *Phys. sect. 2.* fieri per resectionem partium superfluarum, nec illam distingui à partibus, & ubicationibus rei artificiosæ. At formalitas Entis quæ formalis objectiva Metaphysices ratio non repræsentatur intellectui sub istâ præcisâ formalitate, nisi abstractis, & intentionaliter resectis tum conditionibus individuis, tum quibusvis materialitatis gradibus. Sicut ergo per resectionem partium superfluarum ex mente Arriagæ resultat figura artificialis, sic per abstractionem intellectualem resultat formalitas in ratione objecti distinctiva, & specificativa scientiæ.

Quod insinuarunt Aristoteles 3. de animæ text. 38. & S. Thom. in 1. sent. q. 1. *prolog. art. 4.* affirmantes, Quenadmodum secantur res, sectione non physica, sed intentionali, ita secari scientias. Illa proinde formalitas ex abstractione intentionali resultans est ex parte objecti scibilitas. Ergo est ratio formalis sub Quâ, vel per Quam res constituitur scibilis, uti Caietanus in quest. de primo cognito eleganter differit, per abstractionem formalem oriri in eo, quod abstrahitur, actualitatem, distinctionem, & intelligibilitatem. Quæ aded intelligibilitas vi abstractionis illuminata, seu repræsentata intellectui congruè vocatur lumen objectivum, conformiter ad ea, quæ tradit S. Doctor. de Verit. q. 9. a. 1. in corp. & ad 2. Constat igitur, illam Thomistarum Doctrinam non esse somnium, sed fundatam tum in Doctore suo Angelico 1. p. q. 1. a. 1. ad 2. expresse asserente, scientias distingui ex diversitate rationis cognoscibilis; hanc verò constitui ex abstractione à materiâ: tum in Divo Bonaventurâ sup. q. 1. docente, subiectum Theologiæ esse Credibilitatem, quatenus per additionem, id est, operationem rationis transit in intelligibile. Ergo non est, cur Arriaga tam acriter invehatur in rationem formalem sub quâ scibilitatis, seu intelligibilitatis, quæ primarijs Theologiæ Doctoribus fuit tam amica.

Sequitur proinde Quarto, Distinctionem objecti formalis in Rationem Quæ, & rationem sub quâ omnino esse tenendam. Explicatur & Probatur. In objecto scientiæ alia est ratio rei objectæ primo terminantis actum scientificum, ex quâ formalitate, seu objectivâ ratione rei fluunt passiones in scientiâ illa demonstrabiles, Hæc autem congruè



vocatur Ratio quæ, utpote quæ secundum Angelicum & Subtilem Doctores est ratio virtualis omnium veritatum in subiecto continentiarum: secundum D. verò Bonaventuram & Albertum Magnum est ratio constitutiva subiecti in esse principij radicalis omnium passionum demonstrabilium: ex illa denique ratione formali quæ secundum Theologorum receptum loquendi modum, scientiæ subiectum denominatur obiectum *primivæ attributionis*, vel *primivæ perfectionis*.

72. Alia dein est ratio obiecti quæ subtilis, consistens in formalitate per operationem intellectus præparatâ ad esse Medij demonstrationis, veluti medium per abstractionem ab omni materiâ etiam intelligibili illustratum, est ratio formalis sub quâ *Metaphysicæ*; & medium illustratum immaterialitate abstractâ à sensibilitate, sed obumbratum materiâ intelligibili est ratio formalis sub quâ *Mathematicæ*, & illustratum ex abstractione individualium conditionum, obumbratum tamen materiâ sensibili, est ratio formalis sub quâ *Physicæ*; denique medium Divino revelationis supernaturalis, ac fidei infusa lumine illustratum, est ratio formalis sub quâ obiectum aliquod formaliter constituitur scibile Theologicum. Uti SS. Doctores Bonaventura, & Thomas Aquinas locis citatis satis insinuârunt, ac infra pluribus elucidabitur.

~~~~~

CONTROVERSIA I.

Quod sit obiectum Materiale

Theologiæ.

Difficultas circa hoc subtiliter movetur à Scoto *art. q. 3. n. 22.* An Theologia secundum se, quatenus est saltem in intellectu Divino, sit de omni scibili.

1. Henricus *quodl. q. 9.* negat, eò quod quidditates distinctæ ab Essentia Divina, quatenus Hæc Essentia est, contineant primò multas veritates de se: & hinc esse in intellectu Divino habitus ratione nostrâ distinctos, quorum unus sit Theologia, causata ab Essentia Divina tanquam motivo formali, aliud sit Geometrica causata virtute veritatis in lineæ quidditate contentæ, atque fundantis propositiones ex se immediatas. Et sic de alijs. Ut sic videntur huic sententiæ favere Doctores, qui affirmant; creaturas cognosci à Deo in se ipsis, ita, ut talis scientiæ in Deo obiectum primarium, seu formale non sit Essentia divina, sed ipsæ quidditates creaturarum. De quo infra *q. de Scientia Dei.*

3. Scotus hic *n. 23. ac seq.* affirmat 1. Theologiam in se, & in intellectu Divino esse de omni scibili. 2. Theologiam Beatorum esse de tot, quot voluntas Dei vult de facto, posseque esse de omnibus scibilibus. 3. Nostram Theologiam esse de his, quæ continentur in scripturâ, & ex eâ eliciuntur, posseque instar Theologiæ Beatorum esse de omnibus scibilibus. Hinc 4. omnem cognitionem in Deo esse Theologicam, secus in intellectu creato.

CONCLUSIO I.

Theologia in intellectu Divino est de

omni scibili, ita ut nulla possit esse in Deo cognitio, quin sit Theologica.

4. Probat: Scientiæ specificantur ex Motivo formali. Theologiæ autem Motivum formale est natura, seu Essentia Divina ut sic. Ergo omnis illa cognitio est Theologica, cujus formale Motivum est Essentia Divina ut sic. At intellectus Dei formaliter actuatur ab Essentia Divina ad sui, & omnis veritatis intelligibilis formalissimam representationem, & actualissimam cognitionem. Ergo non potest esse determinabilis per veritatem quidditatum creaturarum, tanquam *formale Motivum*, cum alioquin intellectus Divinus esset quasi in potentia, possetque pati à veritatibus creatis. Hoc autem repugnat rationi purissimi actus in Deo. Ergo non datur in Deo cognitio nisi Theologica, cujus *primum obiectum*, seu *motivum formale* sit Essentia Divina, ita ut hæc faciat omnia alia actû cognita in intellectu Dei.

CONCLUSIO II.

Theologia in intellectu creato etiam Beatorum non est omnis cognitio, nec potest esse de omni scibili.

5. Prior pars probatur ratione Subtilis Doctoris *art. n. 23. circa fin.* Intellectus creati nati sunt immutari à quidditatibus creatis ad cognitionem veritatum incluserum in eis. Ergo Beati præter veritatem Theologicam, quam habent de illis quidditatibus qua utilis in verbo, possunt habere etiam naturalem, tum supernaturalem de eis cognitionem per proprias species. Hæc autem non est Theologica, cum ejus *formale motivum*, seu *primum obiectum*, non sit Essentia, seu Natura Divina.

6. Posterior pars probatur contra Scotum *in 3. dist. 14. n. 16.* Nam Theologia in intellectu creato Christi eatenus se extenderet ad omnia scibilia, quatenus anima Christi ex mente Subtilis Doctoris *loc. citat.* videret omnia in verbo, quæ vider verbum. At hoc efficaciter refutatur à S. Doctore *1. p. q. 12. n. 8. & 3. p. q. 10. a. 2.* quod alioquin anima Christi comprehenderet verbum, de quo *infra.* Nequit ergo Theologia in ullo etiam beato intellectu creato se extendere ad omnia scibilia.

CONCLUSIO III.

Theologia nostra, etsi in statu viæ sit limitata ad veritates sacris litteris; seu revelationibus Divinis, *formaliter* sive *virtualiter* contentas: attamen idem habitus Theologicus in viâ comparatus, quatenus manet in patria, ad ea omnia vel tanquam principia, vel tanquam conclusiones extendi potest, de quibus est Theologia intellectus Beati.

7. Parer, tum ex dictis *præced. art. com. 2. concl. 2. & 3.* tum ex Doctore Angelico *præf. art. 6.* doctente, idem esse subiectum totius scientiæ, & principiorum, eò quod tota scientia virtute contineatur in principijs. Atqui Theologia in statu viæ nutritur fide tanquam habitu principiorum;

rum. Idem verò habitus Theologicus quàm manens in patria discurrit ex veritatibus in verbo visis tanquam principijs. Ergò Theologia viæ manens in patria se extendit ad omnia scibilia Theologiæ Beatorum.

Responsio ad fundamenta Adversariorum.

8. AD Henrici n. 1. oppositum Respondetur ex Scoto cit. n. 23. Veritates, quas creatæ quidditates de se primò continent, nullam habere virtutem respectu intellectûs Divini immutandi. Tum quia infinitum non potest perfici à finito: intellectus autem Divinus est infinitus, illæ verò sunt finitæ. Tum quia illæ Veritates, uti in Esse rei sunt derivatæ ab Esse Divino; Sic consequenter in Esse intelligibili sunt respectu intellectûs Divini dependentes ab Essentiâ Dei. Unde Divina tantum Essentia, & Natura potest respectu intellectûs Dei esse Motivum ad illas Veritates intelligendas. Ergò cognitio de illis non potest esse, nisi Theologica.

9. Instabis: In intellectu Divino posse ratione nostrâ tria signa distingui. In primo intelligi Essentiam Divinam primò cognitam, in secundo intelligi cognitâs quidditates creatas virtualiter continentes veritates proprias; in tertio autem veritates istas intelligi cognitâs in illis quidditatibus. Ergò istæ in tertio signo sunt in intellectu Divino ratio formalis Motiva cognitionis veritatum in eis contentarum. Ergò potest in Deo intelligi aliqua cognitio, quæ formaliter non sit Theologica.

10. Respondetur secundum, & tertium signum nullam respectu intellectûs Divini habere inter se subordinationem quasi Causæ & effectûs. Explicatur exemplo: si enim per conclave diffundatur odor, hic per prius causatur in parte propinquiore, quàm remotiori: neque tamen odor in parte propinquiore receptus est productivus odoris recepti in remotiori, sed utraque ista qualitas est ex causalitate primi odoriferi. Sic Essentia Divina taliter facit quidditates creatas, veritatesquæ ex his emanantes in se ipsâ tanquam primo objecto cognitâs, ut quidditates creatæ nullatenus movere possint intellectum Divinum ad illarum veritatum cognitionem, quin potius intellectus Dei in dicto tertio instanti, seu signo rationis maneret sine notitia veritatum ex quidditatibus creatis consequentium, si Natura Divina pro tunc non moveret ad earum cognitionem, uti subtiliter argumentatur Scotus cit. num. 23. Cum igitur Deus nullam omnino habere possit cognitionem, nisi virtute Essentiæ suæ, cum primi objecti Theologici actuantis intellectum ipsius; consequens est, habere de omnibus cognoscibilibus tantum Theologicam cognitionem.

33(0)36

CONTROVERSIA II.

Quod sit Obiectum Formale Theologiæ?

Ratio formalis quæ subjecti Theologiæ est Deitas ut sic, sive Essentia, & Natura Divina. Probatur. Ratio formalis quæ in subjecto alicujus scientiæ est formalitas, in quâ virtualiter continentur omnes Veritates in scientiâ demonstrabiles, quæ ex illâ tanquam Primâ omnium Passionum radice vel realiter fluunt, vel ratione nostrâ consequuntur.

At Essentia Divina quatenus consistit in ratione Essendi à se, importat rationem purissimæ actualitatis. Hæc autem formalissima Divinæ Essentiæ tam in Esse reali, quàm in Esse intelligibili actualitas Formaliter actuat sui cognitionem in Deo: Hæc autem Essentiæ Divinæ actualissima intellectio est Natura Divina. Ex hac autem quâ secundâ per rationem nostram, seu virtualiter consequitur Hypostasis Primæ Personæ producentis in Divinis. Ex istâ verò procedit realiter Hypostasis Filij cum identicâ, imò formalissimâ communicatione Naturæ, & intellectionis Divinæ. At quia intellectionem connaturaliter consequitur amor, hic verò non minus, ac intellectio in Deo est fecundus; Idcirco in Patre & Filio producit Spiritum Sanctum cum communicatione totius substantiæ Divinæ, in se ipsâ actualissimè absque ullâ potentialitate subsistentis. Quia verò hæc actualissima omnimodæ potentialitatis, adeoque perfectibilitatis exclusio infert omnis perfectionis in Deo eminentialem continentiam, vi summæ Bonitatis communicabilem: Idcirco ex hac summæ Bonitatis communicabilitate infinitâ resultat Divinæ substantiæ imitabilitas Passiva, ex qua est creaturarum possibilitas.

In hac verò Deus propter Essentiæ suæ Bonitatem sibi complacendo seq; per suam Essentiam actualissimè amando, libere determinat productionem rerum creaturarum. Ex istâ verò determinatione stat æterna, & immutabilis omnium alioquin contingentium rerum à Deo creaturarum Veritas. Constat igitur, omnem Veritatem, tam intra, quàm extra Deum Causalitate vel Physicâ, vel Logicâ, vel Metaphysicâ consequi Essentiam, & Naturam Divinam. Ergò Deitas est prima ratio omnis Veritatis in scientiâ de Deo, & ex Deo demonstrabilis. At scientia de, & ex Deo demonstrativa Veritatum ad Divinam Essentiam, & Naturam referibilium est Theologia. Ergo prima ratio, adeoque Formalis quæ in subjecto Theologiæ est Deitas.

Dices: Ex mente Divi Bonaventuræ cit. q. 1. & S. Thomæ cit. a. 1. sum. Deum esse subjectum Theologiæ, quatenus omnia vel sunt Deus, vel ad ipsum quâ principium, & finem referibilia. Ergò ratio formalis quæ subjecti Theologiæ non est Deitas ut sic, sed ratio ultimi finis, ac principij; uti expressè docent Scotus, q. 4. prol. n. 31. & Albertus Magnus cit. a. 2. ad 3.

Contra: Nam ratio ultimi finis in Deo vel potest sumi absolute, quâ ratione est Essentia, &

Natu-

Natura Divina, quatenus formalissime per se ipsam beatificans sive actuans intellectionem, ac volitionem Dei. Deinde potest (idem est de ratione primi principij) considerari cum respectu ad extra in ordine ad creaturas: Hic autem respectus fundatur in esse absoluto Naturæ, ac Essentiæ Divinæ, velut arguit Scotus *cit. q. 4. n. 31*. Ergo ut sic non est prima ratio subiecti Theologiæ.

7. Si proinde allegati Doctores dicunt res creatas esse objecta Theologiæ *qua referibilia ad Deum tanquam Ultimum finem, seu primum principium*, non intendunt sistere in ratione Ultimi finis, seu primi principij, sed hæc mediante reducunt res creatas in Essentiam, & Naturam Divinam tanquam primam rationem, ex qua fluat veritas rerum creaturarum quæ in Theologia cognoscibilium.

8. Instabis ex Scoto *cit. q. 3. n. 12*. Subiectum primum Theologiæ nostræ est, de quo tanquam primo noto cognoscuntur Primæ Veritates Habitûs Theologici. Hoc autem primum notum respectu Theologiæ nostræ non est Deus sub ratione Deitatis, seu Essentiæ, & Naturæ Divinæ, sed sub ratione infinitatis. Ergo subiectum primum Theologiæ nostræ est Ens infinitum, non verò Deus sub ratione Deitatis.

9. Contra: Theologia est de his, quæ sunt formaliter Divino naturaliter cognita. Scotus *cit. q. 3. n. 7*. Ergo prima ratio subiecti Theologiæ qua nostræ debet respectu intellectûs humani esse nota non naturaliter, sed per Divinam revelationem, & supernaturalem cognitionem: ut patet ex subtili Doctore *his n. 9. ac seq.* Ex quo etiam Lychetus in *cit. n. 12. comment. n. 6. circa finem* infert. Si intellectus humanus haberet cognitionem distinctam supernaturalem ipsius Deitatis, quod Theologia in tali intellectu haberet Deum sub ratione Deitatis pro subiecto. Atqui per Divinam revelationem cognoscimus Deum non tantum sub ratione infinitatis, sed etiam sub ratione Deitatis. Probatum Assumptum. Deitas ut sic formaliter importat Essentiam, & Naturam Divinam. At Deus suam Essentiam revelavit nobis per suum nomē *Qui est: Exod. 3*. Naturā verò Divinā ut sic est intellectio per essentiam Dei formaliter actuata. Hæc autem mediante fidei infusæ actu est nobis cognita ex revelatione Processionis Verbi Divini. Insuper Naturam, & Essentiam Divinam esse respectu intellectûs nostri quæ per fidem elevati primam rationem demonstrandi veritates Theologicas constat ex dictis in *present. concl.* Ergo Theologiæ quæ nostræ subiectum est Deus sub ratione Deitatis.

10. Urgebis ex S. Bonaventurā: In scientiā assignandum est subiectum, ad quod tanquam totum integrale omnia referuntur vel per compositionem, vel per unionem, vel per ordinem. Hoc autem non est, nisi Christus. Ergo Christus est aliqua ratione subiectum Theologiæ.

11. Contra: Subiectum, seu primum Objectum est, per cuius rationem intrinsecam tanquam primam radicem sunt à priori demonstrabiles omnes scientiæ veritates. At perfectiones Divinæ prius Origine sunt in Patre, quàm in Christo quæ Deo. Ergo Christus non potest esse primum subiectum respectu veritatum de Patre æterno in Theologiā demonstrabilium.

12. Contra: Subiectum, seu primum Objectum est, per cuius rationem intrinsecam tanquam primam radicem sunt à priori demonstrabiles omnes scientiæ veritates. At perfectiones Divinæ prius Origine sunt in Patre, quàm in Christo quæ Deo. Ergo Christus non potest esse primum subiectum respectu veritatum de Patre æterno in Theologiā demonstrabilium.

CONCLUSIO II.

Ratio formalis *Sub Quā* Theologiæ est Revelabilitas Divina. 13.

Explicatur & Probatum. Ratio formalis *sub quā* in ratione objecti proximè determinat, actuat, & specificat scientiam. At idem est Objectum formale specificans habitum, & actum scientificum. Motivum autem formale assensûs scientifici est Medium Demonstrationis. Hoc autem sumi potest vel *incomplexè*, quatenus substat primæ intellectûs operationi, vi cuius constituitur in tali intelligibilitatis ratione, *sub quā* possit in aliqua scientiā esse Medium Demonstrationis: vel hoc potest sumi *complexè*, quatenus per secundam mentis operationem in principiis, seu præmissis demonstrationis actu applicatur tanquam ratio illativa veritatis in se virtualiter contentæ. Hæc proinde veritas constituitur in esse scibilis per rationem Medij explicatam in præmissis demonstrationis.

Atqui omnis Theologiæ Demonstrationis Medium est Veritas fidei infusæ, quatenus substat luminī supernaturali revelationis Divinæ. Hæc autem Medij quæ Divino supernaturali luminī substantis ratio à Divo Bonaventura *ubi supra* congruè exponitur sub ratione Credibilis, quatenus *per additionem rationis*, id est, per applicationem ad discursum transeat in intelligibile. Cui conformiter Doctor Angelicus *cit. 1. sent. q. 1. prol. n. 4*. rationem formalem subiecti Theologiæ ponit in ratione Entis Divini cognoscibilis per inspirationem. At hæc cognoscibilitatis per inspirationem, seu intelligibilis credibilitatis ratio aptè venit nomine revelabilitatis jam antiquitus usurpato; apud Albertum Magnum *cit. tract. 1. sum. q. 3. memb. 2. in initio Solutionis*. Ergo ratio formalis *sub quā* Discursus, seu assensûs, adeoque etiam habitûs Theologici assignanda est Revelabilitas Divina. 14.

Dices ex Alberto Magno in *fine solutionis cit.* Ratio formalis *sub quā* scientiæ specificativa debet esse intrinseca rei scibili: At revelabilitas Divina nihil ponit intrinsecum in rebus revelatis, quæ ut sic sunt objectum Theologiæ. Ergo revelabilitas Divina non potest esse ratio formalis *sub quā* veritas, seu conclusio Theologica constituitur in esse scibilis. 15.

Contra: Nam ratio Formalis *sub quā* scientiæ est lumen aliquod objectivum in præmissis Demonstrationis explicatum, atque ut sic ex propriâ suæ Intelligibilitatis ratione determinativum seu Illativum conclusionis scibilis, atque adeo specificativum assensûs & habitûs scientifici. Hoc autem lumen objectivum est concretum extrinsecè denominans, importans in recto Formalitatem ex se illativam veritatis conclusionis, in obliquo verò abstractionem, seu intentionem Intellectualem Formalitatis illius illustrativam ac representativam. Unde Rationem Formalem *sub quā* Theologiæ oportet esse lumen aliquod objectivum sub Fidei infusæ Illustratione manifestativum Formalitatis Divinæ, quæ ex natura rei sit illativa conclusionis scibilis, & ut sic assensûs scientifici supernaturalis per rationem intrinsecam determinativam, atque adeo specificativa actûs & habitûs scientifici. At ejusmodi est Revelabilitas Divina. 16.

E

Probatum

Probat^{ur} istud assumptum. Hæc enim Formaliter importat Veritatem sub ratione Primæ Veritatis revelantis in Demonstrationis Theologicæ Principijs per assensum F. dei infusæ illustratâ. Hæc autē Veritas quā per Primā Veritatē ex assensu fidei illustratâ importat Formaliter Primā Veritatem. At Prima Veritas licet ad Fidei assensum, non se habeat ut ratio *per se*, sed *per supernaturale efficax voluntatis imperium* motiva, attamen ubi per hujus imperij efficaciam semel recepta & illustrata est in nostro intellectu, tunc ex natura rei per rationem suam intrinsecam: scilicet Motiva & Determinativa Intellectus ad omnem Veritatem, cujus cum Primā Veritate connexio est manifesta intellectui. Est autem indubitatum, quod ubi principium Demonstrationis ex Primæ Veritatis revelantis per voluntatis supernaturale imperium applicatæ motivo sunt intellectui manifesta, consequenter eidem nota sit conclusionis in talibus principijs contentæ cum Primā Veritate connexio. Constat igitur Revelabilitatem Divinam dicere lumen aliquod objectivum sub Fidei infusæ lumine manifestativum Veritatis Divinæ, quæ ex naturâ rei in intellectu creato sit illativa conclusionis scibilis, sitq; ut sic assensus Scientifici per rationem intrinsecam determinativa, sitque adeo conclusioni quā Formaliter scibili intrinseca, nec non specificativa actus & habitus Scientifici.

17. Instabis ex Alberto Magno *loc. cit.* Omnis scientia nititur Revelabilitate Divinâ. Ergo hæc non est ratio sub quâ specificativa Theologiæ. Probat^{ur} antecedens. Omnis enim veritas Philosophica est à Deo participata, mediante lumine naturali nobis communicata. Ergo omnis scientia in veritatem à Deo, ejusque scientiâ derivatam tendit sub lumine divinæ revelationis. Hinc enim Apostolus ad Rom. 1. de Antiquis Philosophis testatur; Deum ipsis revelasse, quæ via rationis, & lumine naturali investigabant de Divinis perfectionibus. Ergo scientiæ etiam Philosophicæ nituntur revelabilitate Divinâ. Ergo hæc non est ratio formalis specificativa, & distinctiva Theologiæ.

18. Contra: Nam sicuti Causæ creatæ ad omnipotentiam Divinam aliter referuntur secundum potentiam naturalem, & aliter secundum potentiam Neutram, seu obedientialem. Sic intellectus creatus ex participatione luminis Divini non secundum gradum quasi specificum, sed genericum duntaxat sibi communicati est connaturaliter proportionatus ad investigandas veritates, quæ Deo, & creatis substantijs sub ratione analogiæ communi possunt ab intrinseco convenire. In quibus adeo veritatibus viâ naturalis rationis indagandum est circa Deum, tum circa substantias creatas occupatur Philosophia.

19. At verò substantia Divina secundum gradum quasi specificum, seu formaliter quā Divina, sicuti non est substantialiter, & connaturaliter, seu essentialiter communicabilis creatæ substantiæ, sed potest accidentaliter duntaxat in ratione gratiæ secundum potentiam obedientialem participari ab intellectuali creaturâ: Sic veritates connexæ cum substantiâ Divinâ ut sic non possunt ab intellectu creato vi luminis naturaliter sibi inditi investigari, sed opus est lumine supernaturali elevante ad earum cognitionem. In his proinde veri-

tatibus cum Divinitate ut sic connexis discurrit Theologia innitens fidei infusæ, quæ in Deitatem fovitur, uti probat Aureolus apud Capreolum in 3. dist. 24. a. 2. circa finem, ac insinuat Card. de Lug. disp. 1. de fide. n. 84. & 99. Ergo veritates quæ cognoscibiles in Theologiâ ultimæ referuntur in Deitatem revelabilitatis formaliter quā Divine specificativam.

Differt igitur Theologia à Philosophiâ, quod hæc causaliter, seu effusenter ita sit ex revelatione, seu manifestatione Dei, ut hanc non attingat in ratione motivæ: imò etiam si naturalis aliqua cognitio se reflectendo supra lumen naturæ quā inditum à Deo, exinde tanquam ex medio rationis ascendat discurrendo in Divinam Veritatem tanquam ejus Causam originariam, & fontem primævum; hæc tamen cognitio neque Deum sub ratione quasi specifica Deitatis, neque lumen super nos signatum & naturaliter inditum attingit sub ratione etiam participatâ intellectus Divini formaliter quā Divini. Secus est in Theologiâ, quæ nititur lumine supernaturali. Est autem creata supernaturalitas Divinitatis secundum gradum quasi specificum accidentaria participatio, velut infra probabitur. unde revelabilitas quatenus substat lumini supernaturali, & ut sic est ratio formalis motiva Theologiæ, importat Primæ Veritatis Intelligibilitatem rebus revelatis applicatam per collationem Discursivâ cum ordine intrinseco ad Deitatem tanquam primam, & ultimam Theologiæ rationem, qui ordo in formis creatis quoad essentiam supernaturalibus est connaturalis: in rebus autem quoad substantiam naturalibus est obedientialis.

Ratio fundamentalis Rationem formalem sub quâ Theologiæ demonstrans est. Etenim ratio formalis sub quâ objecti in Esse scibilis constitutiva est, per quam objecti scientiæ intelligibiliter sistitur in intellectu secundum illam formalitatem, quæ ut sic est radix omnis veritatis in scientiâ demonstrabilis. At verò res quælibet habet in actu primo Intelligibilitatem per speciem Impressam, vi cujus res repræsentata est Virtualiter seu Causaliter præsens Intellectui: in actu autem secundo res intelligibilitatem habent per speciem expressam quæ est Verbum seu formalis repræsentatio objecti, estque actualis quoad Esse intelligibile præsentia in intellectu.

Atqui Deitas, quæ omnis veritatis in Theologiâ demonstrabilis radix dignoscitur, potest intelligibiliter sisti intra intellectum vel sub ratione Primi Motoris seu Primæ Causæ, ut sic autem Deus quasi vestitus motu attingitur secundum lumen physicum resultans per abstractionem à materiâ duntaxat individua, non autem sensibili; unde sub illo motus velamine agere de Deo tanquam Prima Causa seu primo Motore spectat ad Physicam.

Vel intellectus Deum sub ratione Primi Motoris præcognitum lumine suo naturali altius ascendendo eatenus considerare potest, ut ex eo, quod movens oporteat esse in actu, inferat Deum omnis motus causam esse Ens simpliciter in actu. Ut sic autem Deus per lumen Metaphysicum secundum abstractionem à materiâ etiam Intelligibili attingitur sub præcisâ ratione Entis in se subsistentis: Ex qua proinde Entis per se actualissimè subsistentis formalitate demonstrare

monstrare licet omnem perfectionem simpliciter simplicem de Deo naturali lumine investigabilem.

24. Constat igitur qualiter abstractio à materiâ duntaxat individuâ circa Deum manifestare possit Intelligibilitatem sub ratione Primi motoris: sub quâ adeo Primæ Causæ formalitate tanquam radice & principio sint in Deum reducibiles omnes creati effectus per lumen physicum cognoscibiles: sicut abstractio à materiâ etiam Intelligibili circa Deum manifestat Intelligibilitatem sub ratione Entis per se subsistentis tanquam radice omnis de Deo perfectionis per lumen Metaphysicum demonstrabilis. Sicut ergo ex duplici illâ abstractione resultat duplex lumen objectivum formaliter consistens in specie Intelligibili, per quam formalitas seu ratio formalis *Quæ* tum Physicæ tum Theologiæ naturalis propria repræsentativè ac Intelligibiliter sistitur in intellectu; sic oportet tale etiam lumen objectivum pro Theologiâ supernaturali investigare.

25. At eo ipso quod supernaturalitas importet formaliter participationem naturæ Divinæ, oportet Theologiam creatam supernaturalem, Deitatis, atque adeo intellectionis Dei quâ per actualissimam Essentiæ Divinæ Intelligibilitatem seu Primam Veritatem specificatæ esse imitativam. Hæc proinde Primæ Veritatis formalitas Intelligibiliter præsens seu in seipsâ repræsentata Intellectui creato, est lumen objectivum Theologiæ creatæ supernaturalis proprium. At vero istud Primæ Veritatis lumen objectivum aliter est in Intellectu Beati, huic enim vi luminis gloriæ est Essentiæ Divinæ Intelligibilitas taliter unita, ut per visionem à lumine gloriæ causatam attacta sit per se ipsam sui formaliter expressiva & manifestativa creato Intellectui.

26. Aliter autem Primæ Veritatis lumen objectivum sistitur intra intellectum viatoris: huic enim nec in ratione speciei impressæ, nec in ratione Verbi sui metrepræsentativi unitur intelligibiliter, sed Voluntas præcedente credibilitatis evidentiâ Prudentiali, à Spiritu Sancto mota est applicativa Intellectus ad lumen Primæ Veritatis. Hæc autem applicatio fit, quatenus Intellectus ex imperio voluntatis supernaturali motus ac lumine Intellectuali infuso instructus, producit in se Verbum creatum, atque adeo imperfectum, tanquam speculum non facietenus sed sub obscuræ revelationis Divinæ velamine repræsentativum Primæ Veritatis tanquam objecti Fidei motivi formalis. Sub isto autem Verbo Primæ Veritatis & in hac Veritatum Divinitus revelatarum repræsentativo, vi luminis supernaturalis non tantum Iudicativi, sed in intellectu humano discursivi eatenus fieri potest veritatum revelatarum inter se & cum Scientiis naturalibus collatio, ut sub Primæ Veritatis formalitate jam in Intellectu stantur Principia continentia connexionem extremorum syllogismi cum medio ut sic conclusionis Virtualiter in se contentæ certò illativam.

27. Constat proinde Connexionem objectivam syllogisticam posse secundum rationem suæ intelligibilitatis stare sub Primâ Veritate per assensum fidei in ratione motivi fidei & objecti formalis intentionaliter præsentis nostro intellectui. Ut sic autem illius connexionis syllo-

gisticæ intelligibilitatem vocamus revelabilitatem manifestativam Primæ Veritatis tanquam rationis formalis Motivæ assentiendi tali objectivæ syllogisticæ connexioni. Hæc igitur revelabilitas est lumen objectivum per quod Primæ Veritatis & in hac veritatem, non tantum formaliter, sed etiam Virtualiter revelatarum, atque adeo objectivæ syllogisticæ connexionis Intelligibilitas sistitur in Intellectu creato, estque adeo ratio formalis sub quâ specificativa Theologiæ viatorum ex Fide Divinâ ut sic discursivæ.

COROLLARIUM.

Infertur: Subjectum Theologiæ adæquatum attributionis esse Deum sub ratione Deitatis. At subjectum adæquatum predicationis, seu communitatis esse Ens Divinum revelabile. Ratio est. Nam subjectum attributionis est adæquatum scientiæ, quatenus omnia ad illud referuntur. At omnia Theologiæ objecta tanquam in primum principium non tantum in Essendo, sed etiam Cognoscendo referuntur in Deitatem, in quam fit ultima resolutio omnis discursus supernaturalis quæ formaliter Theologiæ. Deinde subjectum predicationis, seu universalitatis est adæquatum, quatenus verificatur de omnibus scientiæ objectis. At nihil attingitur à Theologiâ, nisi sub ratione revelabilitatis cum intrinseco ordine saltem obedientiali ad Divinitatem ut sic. Ergo omne Ens à Theologiâ cognoscibile est Divinum revelabile. Ergo hoc universalitate predicationis est adæquatum Theologiæ objectum.




ARTICULUS IV.

A N.

Et quomodo Sacra Doctrina sit Argumentativa.

Hoc unico Articulo comprehendemus, quæ Doctor Angelicus præf. q. art. 8. 9. & 10. exposuit.



CONTROVERSIA I.

Utrum Theologia sit Habitus Adhærens, & Argumentativus.

A Ureolus. q. 1. Præf. a. 3. & in 1. disp. 48. a. 3.asseruit, Theologiam esse habitum Declarativum, & Defensivum Veritatum revelatarum, non autem Adhærsivum. Fundamentum est. Nam habitus adhærsivi est inclinare intellectum ad assensum veritatis. At fidei est adhærere assentiendo Veritatibus divinitus revelatis, & ex ijs deductis. Econtra Theologiæ est remove impedimenta huius assensus. Sunt autem hæc impedimenta tum obscuritas terminorum, tum apparentia rationum stantium ex opposito. Habitus ergo Theologicus est tum

explicare terminos & voces, quibus reguntur Myſteria Divina; tum ad horum veritatem amplectendam manuducere exemplis, & rationibus perſuaſibilibus; tum denique ſolvere argumenta oppoſita. At iſta præſtantur ab Habitu Declarativo. Ergo Theologia non eſt Habitus Adhæſivus, ſed Declarativus.

CONCLUSIO I.

2. **T**heologia eſt habitus Argumentativus, & conſequenter Adhæſivus, ſeu inclinativus ad aſſenſum ſcientificum veritatum ex principiis revelatis mediante diſcurſu deductarum. ex *D. Thom. cit. a. 2.*

Probat, & Explicat: Circa veritates complexas dupliciter verſatur intellectus, per iudicium ſcilicet affirmationis ſimplicis, & per aſſenſum illationis. Priori modo nequit intellectus fide licet ſupernaturali inſtructus ex ſe ipſo determinari ad aſſenſum veritatum Divinitus revelatarum. Eſt namque habitus fidei inſuſe intellectum actuet, ac perficiat in ratione luminis ſupernaturalis; objectum tamen, & Motivum formale aſſenſus fidei in hac vitâ non coniungitur cum intellectu ad ſui, & veritatis revelatæ aſſenſum efficiendum. Atqui ad efficientiam cognitionis præter lumen intellectualerequiritur influxus objecti cum potentia conjuncti per modum cauſæ efficienter concurrentis ad intellectionem: defectu cujus adeo conjunctionis objecta fidei ſunt intellectui noſtro in-evidentia, quatenus non convincunt illum determinando in actu primo ad ſui aſſenſum. Quocirca Veritatibus revelatis cum ratione, & iudicio prudenti credibilitatis propoſitis, intellectus determinatur ab efficaci voluntatis imperio ad illarum aſſenſum. Hic proinde aſſenſus ſimplicis affirmationis eſt *formaliter* actus Fidei; de cujus ratione eſt eſſe meritorium, adeoque liberè exercitum ex ſupernaturali motione Voluntatis captivantis intellectum in obſequium Dei. At iſto ſupernaturali aſſenſu ſuppoſito, facta etiam veritatum fidei inter ſe collatione, quandoque in iſtis apparet intellectui nova veritas, ad cujus adeo aſſenſum per neceſſitatem conſequentiæ ex innata ſua vi trahitur intellectus.

Hic verò aſſenſus non eſt fidei quâ meritorie ſeu ad iuſtificationem Diſpoſitivæ Virtutis actus; Tum quia aſſenſus ejuſmodi eſt neceſſarius; Fidei autem aſſenſus tam quoad exercitum, quàm quoad ſpecificationem debet eſſe liber libertate participatâ ex piâ affectione voluntatis liberè imperantis talè aſſenſum: Tum quia SS. Patres, nominatim Baſilius *de Fidei confeſſione*, & in *Psalm. 111* Damascenus *4. de fide cap. 12.* Auguſtinus *lib. 18. de Civit. c. 41.* affirmant, fidem non eſſe inſpectivam, nec inniti probationibus, nec eſſe argumentorum concertationibus ſtabilitam, ſed veritates quatenus Divinâ fide creditas eſſe inſtar principiorum ſcientiæ indemonſtrabilem, quibus per ſe, & immediatè abſque diſcurſu ſaltem formali aſſentitur intellectus. Patet igitur, præter immediatum fidei proprium ſimplicis affirmationis iudicium circa veritates revelatas dari aſſenſum mediatum, ac diſcurſivum.

Confirmatur: Nam fides ita elevat ad aſſentiendum obſcuræ Divinæ revelationi, ut Dona ſcientiæ, ac intellectus elevent ad ea, quæ credita ſunt, poſtea intelligendum. *S. Bonavent. in 1. q. proom. ad 5.* At, quòd credimus, debetur auctoritati, quòd autem intelligimus rationi. *S. Auguſtin. lib. de util. credendi c. 11.* Eſt autem ratio humana collativa, adeoque diſcurſiva. Ergò diſcurſus circa, & ex revelatis rationi humanæ quatenus per fidem & Dona Spiritus Sancti elevatae maximè congruit: nihil enim teſte *S. Bernardo lib. 5. de conſid. poſt inium*, libentius intelligimus, quàm quòd fide credimus. At diſcurſus ejuſmodi eſt proprius ſcientiæ Theologiæ, utpote cujus prima principia teſte *S. Thom. præf. q. 1. a. 2.* ſunt Veritates revelatæ. Ergò Theologia eſt argumentativa, adeoque etiam adhæſiva, & inclinativa ad aſſenſum non immediatum, ſed mediatum & diſcurſivum circa veritates revelatas.

Reſponſio ad Fundamenta oppoſita.

Ad argumentum 1. oppoſitum Reſpondetur. Multa in eo ſupponi abſque ſolido fundamento. Nam 1. alia declaratio, ſeu explicatio terminorum eſt *Quid nomen*, quæ in elucidandis ſacris Litteris poteſt quandoque procedere ex collatione variarum editionum, & idiomatum, vel diverſorum ſacrorum librorum, aut contextuum: in cujuſmodi collatione intervenire poteſt diſcurſus ad verum ſacri alicuius textus ſenſum eruendum. Tunc igitur explicatio ſignificationis ſacrorum verborum ad diſcurſum veritatis alicuius Divinæ inſpectivum ſe habet tantum Miniſterialiter, nec tam eſt Theologiæ ut ſic, quàm Grammaticæ ancillantæ ſacræ Doctrinæ, quæ non niſi ſub velamine vocum, ex ſingulari per Spiritum S. dictatâ inter ſe combinatione, vim penetrandi animam gladio ancipiti efficaciorẽ præſeferentium traditur. Attamen, ubi uniûs ſacri textus, linguarum peritiâ Grammatices propriâ ancillante, ſignificatio habita eſt, ac exinde veritas ſub eâ latens fide Divinâ eſt cognita: tunc diſcurſus inde erutus ad alterius ſacri textus veritatem indagandam verè Theologicus eſt.

2. Alia explicatio terminorum eſt *Quid rei*, quatenus in ſacris litteris non tantum voces, ſed res ſub parabolarum, ſimilitudinum, & exemplorum ſpeciebus ſunt figurativæ, ac ſignificativæ. Quæ elucidatio, ſi proprii ingenij ſobriâ tamen adinventione, vel quorundam Patrum, & Doctorum auctoritate nitatur, nec in ratione principij, nec in ratione concluſionis eſt propriè Theologica, ſed fundat duntaxat opinativam Theologiam. Si verò elucidatio ejuſmodi nitatur auctoritate Divinâ, poteſt utpote veritas ſub figurâ immediatè à Deo intentâ, & revelatâ terminare actum fidei, & ut ſic per modum Principij concurrere ad diſcurſum ſtrictè Theologicum.

3. Rationes, quibus mediantibus Myſteria fidei ſunt perſuaſibilia, quandoque fundant Dictamen prudentiale; ſuper quo per Spiritum Sanctum intrinſecus moventem fundari poteſt imperium efficax de actu fidei circa Divinam ſub tali prudentiali credibilitatis iudicio propoſitam

8. positam revelationem eliciendo. Tunc igitur rationes ejusmodi quatenus substant prudentiæ infusæ conducere possunt ad discursum supernaturalem atque aded Theologicum.

9. 4. Denique argumentorum fidei repugnantium solutio aliquando fieri potest absque discursu per explicationem Sacræ Scripturæ juxta sensum Ecclesiæ, vel SS. Patrum; & ut sic referri potest vel ad fidem, vel ad dona Spiritûs Sancti; quorum fructus est fidei certitudo, per quam homo habeat de credendis judicium rectum, æstimando, illis esse omnino inhaerendum, & ab eorum oppositis nullatenus recedendum. S. Doctor 2.2. q. 8. a. 2. & 8. q. 9. a. 3. in corp. & ad 3. Ex quibus aded patet, non fidem duntaxat, sed etiam Theologiam esse habitum adhaerivum eo tamen discrimine, quod hæc simpliciter sit discursiva, Fides verò non quoad assensum Primarium, sed tantum Secundarium sit argumentativa.

10. Instabis: Omnis discursus scientificus est demonstratio *propter quid*, vel *quia*. ex Ocham q. 1. prol. Litt. X. concl. 1. & 2. & Mayrone 1. disp. 2. q. 2. a. 2. circa finem. At in demonstratione *propter quid* debet prædicatum per prius esse prædicabile de medio, quam de subiecto. Cujus ratio est, quod medium sit causa inexistentiæ prædicati in subiecto. Atqui ob summam simplicitatem Divinam repugnat in perfectionibus Dei absolutis aliqua prioritas, & causalitas: nec aded dari potest in Deo ratio, seu formalitas, cui per prius conveniat attributum aliquod Divinum, quam hoc sit prædicabile de Deo tanquam subiecto. Ergo circa Deum non datur demonstratio *propter quid* vel à priori. Quod videtur docuisse S. Thom. 1. cont. gentes, c. 25. post median assereus; non posse Demonstrationem de Deo fieri, nisi per effectum, id quod principium demonstrationis sit definitio ejusdem, de quo fit demonstratio; Deus autem de jure non possit.

11. Deinde Demonstratio de Deo per effectum procedit ex lumine naturali ex 1. ad Rom. juxta expositionem S. Thom. 1. p. q. 2. a. 2. ad 1. Ergo non est Theologica. Consequens proinde est, nullam de Deo, nec à priori, nec à posteriori esse Theologicam demonstrationem.

12. Respondetur: Aliam demonstrationem à priori, vel *propter quid* procedere per medium, quod sit principium reale, vel causa Physica inhaerentiæ Passionis, seu veritatis Demonstrabilis in subiecto. Quo modo, sicuti nulla est prioritas, & causalitas realis inter Essentiam, & attributa Divina, sic nulla datur Perfectionum Divinarum de Deo per ejus Essentiam demonstratio. Nihilominus quia Deus Pater in ratione Principij generantis est actus purissimus, possumus ex ista formalitate per prioritatem Originis Demonstrativè inferre Æternitatem, imò omnimodam infinitatem Generationis Passivæ in Filio, adeoque hujus cum Patre consubstantialitatem. Ergo respectu Processionum Divinarum datur de Deo demonstratio à priori per principium in Essendo.

13. Alia Demonstratio à priori procedit per medium, quod sit Passionis de subiecto demonstrabilis principium, seu causa in cognoscendo. Quo modo, sicuti ex sententiâ Ochami in 2. dist. 18. q. 24. & 26. negantis distinctionem potentiarum à substantiâ anime, ratio intellectivi, & volitivi potest à

priori per Essentiam demonstrari de homine. Sic quatenus una formalitas in Deo ob Virtutalem distinctionem secundum nostrum intellectum cum fundamento in re est ratio, & causa illativa alterius formalitatis, potest consequenter per formalitatem ratione nostrâ ratiocinatâ priorem fieri demonstratio de Deo tanquam per causam, seu principium in cognoscendo, ut cum S. Thoma probat Ferrariensis loc. cit. §. Circa secundum.

14. Confirmatur. Quia lumen Divinæ revelationis nobis manifestat virtutalem Divinarum perfectionum distinctionem; attestante Deo, Exod. 6. se apparuisse Abraham in Deo omnipotente, sed nomen suum Adonai (per quod Divina Essentia sub vocibus Qui est Exod. 3. revelata significatur) non indicasse ei. Consequens igitur est, posse juxta hanc eminentialem cum aliquâ rationis ratiocinatæ prioritate Essentiæ, & attributorum distinctionem fieri de Deo demonstrationem à priori, seu *propter quid*, etsi minus perfectam, utpote, quæ non procedat ex definitione, sed anigmatica Fidei cognitione.

15. Deinde, etsi demonstratio à posteriori, per quam invisibilia Dei per ea, quæ facta sunt, vis luminis naturalis conspecta intelliguntur, non sit Theologica, sed Philosophica: attamen intellectus humanus habitibus supernaturalibus instructus elevando, ac reflectendo se super operationes gratiæ; ex his tanquam effectibus Dei, animæ oculo interno per radios Donorum Spiritûs Sancti emundato potest mediante discursu supernaturali, adeoque Theologico altius ascendere in incomprehensibile Divinitatis lumen: Qui proinde discursus, utpote ab effectû, est Demonstratio *quia*. Ergo de Deo dari potest Demonstratio Theologica etiam à posteriori.

16. Urgebis: Omnis propositio per necessariam Consequentiam deducta ex altero saltem principio divinitus revelato est de fide. At Fides pugnat cum scientiâ. Ergo discursus formatus ex duobus, vel alterutra de fide non est demonstrativus, seu scientificus. Ergo Theologia non est scientificæ, seu demonstrativè discursiva.

17. Respondetur: Propositionem ex duobus, vel alterutro principio revelato deductam, vel posse considerari *reduplicativè quæ deductam*, vel *specificativè quæ explicatam*. Sub priori consideratione substat propositio tertiæ mentis operationi, seu assensui *Formaliter* discursivo, in quo per assensum præmissarum tam quoad specificationem, quam quoad exercitium necessitatur intellectus ad assensum conclusionis.

18. Hæc autem necessitas repugnat libertati fidei. Ergo conclusio ex principiis revelatis deducta *Formaliter quæ deducta* nequit cadere sub fidem. Nihilominus mediante ejusmodi discursu, necessariò apparet veritas conclusionis contenta in principiis revelatis: qui autem affirmat antecedens, affirmat etiam consequens. Ergo revelatio divina antecedentis extendit se ad consequens, Gregorio Nazianzeno *Orat. 5. de Theologia* asserente, ea, quæ evidenter colliguntur ex Sacra Scripturâ, perinde habenda esse, ac si in eadem Scripturâ expressè continerentur. Cui conformiter idem Ecclesiæ Doctor loc. cit. ex eo, quod Act. 5. Ananias dicatur *mentitus Spiritui Sancto*. Et rursus, non hominibus, sed Deo *mentitus* affirmetur, per consequentiam Syllogisticam probat Di-

bat Divinitatem Spiritus Sancti. Hinc etiam Leo Papa Epist. 10. & 13. docet, de fide tenendum esse, quoddam idem Christus sit filius Dei, & filius hominis, eod quod *Joan. 1.* dicatur Verbum Dei, adeoque filius Dei: & eodem loco asseratur, Verbum Dei incarnatum, adeoque filius Dei, seu Persona Christi sit facta filius hominis.

19. Quamvis igitur conclusio ex duobus, vel uno principio revelato, & altero naturaliter evidente deducta ut sic reduplicative non subsistat actui fidei, hæc ipsa tamen deductio, & consequentia est quædam explicatio, vi cuius revelatio divina antecedentis declaratur extendi ad consequens. Quâ proinde declaratione suppositâ, Voluntas prudenter imperat fidei assensum conclusioni ex principio revelato evidenter deductæ præstandum. Ergo conclusio Theologica non quæ deducta ex principiis revelatis, sed quæ explicata mediante discursu demonstrativo potest propter motorium revelationis Divinæ attingi ab actu fidei. Nec obstat, quod inde sequatur, posse discursum scientificum stare cum actu fidei: nam huius cum scientiâ repugnantis est secundum evidentiam, & inevidentiam objecti: in discursu autem Theologico est certitudo plusquam Metaphysica, absque tamen ullâ objecti evidentia. Ergo illa duntaxat scientifica demonstratio, quæ nititur luminis naturalis, aut visionis supernaturalis evidentia, pugnat cum fide, non verò Theologicus Viatorum discursus innitens principiis propter obscuram Dei revelationem creditis.

CONTROVERSIA II.

An & quomodo Theologia possit probare sua Principia?

1. Difficultas est 1. Nam quia principia scientiarum Physicarum ortum habent ab experientijs, ex quarum admiratione ceperunt homines teste Philosopho philosophari, Demonstrative inferendo ab effectibus sensu perceptis causarum naturalium virtutes. Idcirco demonstratio à posteriori est origo, & mater scientiarum naturalium. Quinimò hypotheses, & Principia Astrologiæ, seu Medicinæ, quæ non tam ex se evidentia sunt, quam ex fide Magistri primitis recepta, tunc primum incipiunt in intellectu discantis firmas certitudinis, ac infallibilitatis radices agere, quando ab effectuum experientijs per demonstrationem à posteriori firmantur, itaque adaptantur ad scientiarum illarum conclusiones non ex fide Magistri, sed ex principiis certò præcognitis scientificè inferendas. Idcirco par Videtur in principiis Theologicis evidentia investiganda ab effectibus.

2. Etenim principia Theologiæ ut sic debent esse credita fide Divina. Hæc autem procedit ex iudicio credibilitatis. Est autem Theologiæ demonstrare articulos fidei esse credibiles evidenter, uti docet Bannes *præf. 4. 8. dub. 2. concl. 2.* Hoc insuper credibilitatis iudicium in viris Sanctis sæpe fundatur in experientijs divinorum effectuum, & delectationum in se resultantium ex fide per Charitatem operante. Ergo Theologia potest non minus, quam physica saltem à posteriori, probare sua principia.

3. Confirmatur: Ne Prophetæ quidem simplici intuitu, vel per evidentiam in Deo attestante contemplabantur Mysteria sibi divinitus revelata, cum alioquin Apostolus *Heb. 11.* Abraham, Isaac, David & alios Prophetas circa res Divinæ fidei familiaribus à Deo illustratos frustra proponeret tanquam fidei exemplar: *Beati enim qui non viderunt & crediderunt. Joan. 20.* Ergo lumen illud supernaturale, quo Prophetæ, in recipiendis divinis revelationibus interius illustrabantur, in ipsorum intellectibus mediante discursu deducebat iudicium credibilitatis; vi cuius ad Mysteria revelata per actum fidei amplectenda induci sunt. Hoc autem iudicium ex lumine supernaturali discursivum erat Theologicum. Ergo Theologiæ est probare sua principia.

4. Difficultas est 2. Nam Theologiæ est solvere argumenta suis principiis contraria. Hæc autem solutio fit quandoquæ, nullâ in medium adductâ distinctione, vel ratione, per simplicem negationem propositionis repugnantis veritati revelatæ. At ista solutio, utpote carens discursu non est ex Theologia, sed ex fide, cuius est infallibiliter assentiri revelationi divinæ, & consequenter dissentire falsitati directè contrariæ, ut probant Durandus *q. 1. prol. n. 42.* & Cajetan. *præf. 4. 8. §. Circa tertiam.* Ergo Theologiæ est, argumenta suis principiis adversantia solvere per discursum cum ratione negationis, vel distinctionis. At hoc ipsum est dare rationem articulorum fidei. Ergo Theologia probat sua principia.

CONCLUSIO I.

Theologia per se, ex ratione intrinsicâ saltem primariâ non probat sua principia, seu articulos fidei. *Ex S. Thomâ præf. 4. 8.*

5. Probatur: Theologia est virtus intellectualis, virtus autem est dispositio perfecti ad optimū inclinando in operationem, quâ mediante potentia consequitur finem suum. uti ex Aristot. tradit S. Thom. *1. 2. q. 110. a. 3. & 2. 2. q. 23. a. 7.* At intellectualis potentie finis est veritas, in cuius aded consecutione intellectus, & consequenter virtus intellectualis de se ita quiescit, ut esset contra ejus naturam, propositionem immediate in primo, ac summo certitudinis gradu notam probare ex minimis notis, seu minus certis.

6. Arqui principia Theologiæ ut sic per assensum fidei nituntur immediate Primâ Veritate tanquam formali Motivo: Econtra Theologia non nisi mediante discursu vi luminis intellectualis creati habitu supernaturali instructi elicitò reducitur in Primam Veritatem. Ergo fides quò purius, & Partim immediatius Theologiâ attingit Primam Veritatem, eod majori certitudine firmatur in materijs etiam contingentibus à Deo seu Primâ veritate assertis. Unde principia Theologiæ quatenus per fidem insulam cognita sunt instar primorum luminis supernaturalis principiorum.

7. Si proinde contra negantem prima luminis naturalis principia non jam ratione disputandum, sed baculo certandum censuit Philosophus, sic negantes Theologiæ à fide asserta principia, spiritali anathematis gladio percutiuntur, nec

sunt, nec jam capaces sunt alicujus argumentationis ex lumine supernaturali procedentis, nisi per gratiam actualem supra naturæ lumen denudò excitentur. Sicut ergo Prima luminis naturalis principia sunt indemonstrabilia; sic *per se loquendo* principia Theologiæ non opus habent probari per argumentationem aliquam, utpote quæ luminis naturalis prima principia Veritati duntaxat create innitentia eatenus superant, quatenus increatam Veritatem formaliter attingunt.

CONCLUSIO II.

8. Theologia quandoque *per accidens* argumentatur ad probandum sua principia.

Probat: Etsi articuli fidei sint naturalibus scientiis certiores secundum naturam: attamen *quoad nos* propter debilitatem intellectus nostri minus sunt certi: Si Thom. *præs. q. 1. a. 3. ad 1.* Hinc principia Theologiæ *quoad certitudinem formalem ex natura rei*, ac *per se* sunt quidem Primæ veritatis, & indemonstrabilia: attamen ob defectum evidentiae, seu certitudinis objectivæ non ita proportionantur intellectui, quin *antede* ad fidei appetitivè summam adhesionem excitatam ex pia motione voluntatis captivantis intellectum in Primæ Veritatis obsequium, possit dubitari de principijs Theologicis. Unde fit; quod varia ali-

9. quam veritatis apparentiam præferentia à fidei adversarijs confingantur argumenta, ut aded Theologi sit tum adversus garrulos ratiocinatores elatiores magis, quam capaciores rationibus Catholicis, & similitudinibus congruis ad defensionem, & assertionem fidei uti. S. Aug. *1. de Trinit. c. 3.* tum infirmorum fidem fovere per argumenta, ne si videant rationes ad fidei probabilitatem deficere, & ad oppositum abundare; deficiant. Divus Bonavent. in *1. sent. q. 2. proem.*

Responsio ad Argumenta contraria.

10. Ad 1. Difficultatem, ejusque confirmationem *n. 1. 2. & 3.* oppositam Respondetur: Principia Theologiæ esse instar Primorum principiorum. Sicut enim principia naturaliter nobis insita, per lumen intellectus agentis per se nota sunt; ita doctrina sacra habet pro principijs Primis articulos fidei, qui per lumen fidei infusum per se noti sunt habenti fidem. S. Thom. *q. 1. præl. a. 3. q. 2.* Unde fit, Principia Theologiæ instar primorum luminis naturalis principiorum esse ut sic tam à priori, quam à posteriori indemonstrabilia, utpote quæ propter Divinam veritatem absque ullo discursu sint per lumen fidei immediatè cognoscibilia. Nec aded obstat, quod fidei actum etiam in Prophetis dum de Mysterijs supernaturalibus sunt à Deo edocti, præcedere debuerit judicium credibilitatis. Tum quia istud judicium non tam probat veritatem Mysterij fidei secundum se, quam ejus credibilitatem, ostendendo; posse prudenter imperari à voluntate assensum talis Mysterij propter Primam Veritatem Revelantem. Tum quia illud credibilitatis judicium est quidem discursivum, ac supernaturale, estque respectu voluntatis ad imperandum fidei actum à Spiritu S. motæ quoad honestatem Prædicæ infallibile: ac-

tamen procedit plerumque ex argumentis Moraliter tantum certis non tam Demonstrativè Veritatem Mysterij, aut revelationis divinæ inferentibus, quam secundum regulas prudentiæ ostendentibus honestatem actus fidei hic, & nunc eliciendi. Quod procedit, etiam si tale credibilitatis judicium fundetur super infallibili auctoritate Ecclesiæ, vel definitione summi Pontificis, tum in praxi pendere soleat ex circumstantijs individuis fidei humanæ innitentibus. Ex quibus aded patet; articulos fidei, seu principia Theologiæ ut sic neque directè secundum rationem intrinsecam veritatis esse demonstrabilia, nec etiam indirectè secundum rationem credibilitatis esse nisi moraliter, seu prudentialiter probabilia. Unde judicium credibilitatis quæ ex lumine Prudentiæ supernaturalis formaliter discursivum nonnisi reductivè est Theologicum.

Ad secundam *n. 4.* oppositam difficultatem Respondetur: Theologiam in solvendis argumentis contrarijs fidei, ejusque veritate defendendâ diversimodè procedere. Nam Primò contra Hæreticos, qui aliquos duntaxat fidei articulos negant, argumentatur Theologia ad hominem ex Sacra Scripturæ textibus per ipsos concessis, uti observat S. Thom. *præs. a. 3.* Quæ argumentatio simpliciter Theologica est, utpote procedens ex fidei principijs, nec tamen à Theologo argumentante intenditur propter se, quippe qui certiorum de isto articulo taliter demonstrando habeat ex fide assensum, quam ex discursu Theologico: unde per accidens tantum fit illa argumentatio respectu hæretici, qui licet non habeat summum judicium etiam de Principijs revelatis, & à se assertis, ex his tamen convincitur falsitatis & contradictionis. 2. Articulos fidei quandoque evidenter probamus non directè secundum intrinsecam veritatem, sed secundum rationem credibilitatis; cujusmodi *disensus* non est scientificus; sed prudentialis, adeoque solum reductivè Theologicus. 3. Illi, qui ex divinitus revelatis nihil penitus admittunt, non possunt per argumenta verè Theologica positivè redargui; etsi rationes contra fidem ab ipsis adductæ tunc solvi possint negativè, ostendendo argumenta ejusmodi fidei adversantia non convincere. v. g. dum Paganus contra Mysterium SS. Trinitatis opponit, singulis suppositis inesse singulas naturas, potest ista propositio per rationem Theologicam distingui ita, ut procedat de naturâ finitæ Essentiæ, non verò de naturâ secundum Essentiam infinitam. Nam advertente Doctore Angelico *cit. a. 2.* quia fides innititur infallibili veritati, neque verum potest adversarij vero; exinde evidenter concluditur, falsum esse, quidquid fidei adversatur. Ex quo proinde principio Theologus certò novit principia Philosophica, etiam si in naturalibus sint evidenter veritatis, non habere locum in Mysterijs Divinis, quatenus fidei contrariantur.

Hinc etiam dici solet, posse Theologum evidenter Negative, non autem evidenter Positivè solvere argumenta fidei contraria; quod, licet per obscurum fidei, ac Theologiæ lumen non possit evidenter demonstrare falsitatem argumentorum ejusmodi; nec tamen ex adverso convinci valeat rationibus ex lumine naturali contra Divina Mysteria depromptis, quin earum efficaciam possit per fidem, ac Theologicum discurs-

discursum enervare. Constat igitur Theologiam directè, seu positivè, ac per se non probare sua principia, sed per accidens, seu indirectè, ac evidentè negativè.

18. Instabis: Si hæreticus, vel paganus ex animæ mortalitate inferat impossibilitatem resurrectionis mortuorum, tunc argumentum antecedentis evidentè positivè convincitur falsitatis ex rationibus physicis, demonstrando animæ immortalitatem ex ejus spiritualitate, cognitione, & appetitione naturali rerum æternarum, ejusque creatione, vi cujus producta est independentè ab omni creaturâ, nec aded potest corrumpi ab ullâ causâ creatâ. Atqui argumentationes istæ in fidei defensionem ex principiis physicis allatae sunt Theologicæ, uti contra Ysambertum *præs. q. 1. art. ult. n. 6.* & Fasolum hic *a. 8. dub. 4. n. 11.* probat Cajetanus *ed. a. 8. §.* Circa tertiam. Ergo Theologia potest evidentè positivè solvere, seu falsitatis convincere argumenta contra fidem opposita, veluti S. Thomas *super Boet. q. 2. de Trinit. a. 1. ad 5. ait, Rationem demonstrativam, quæ cogit intellectum, non posse haberi de his, quæ sunt fidei: sed posse haberi ad evacuanda, quæ fidem destrunt, vel impossibilem asserunt.*

19. Respondetur: Principia physica evidentè demonstrativa falsitatis non Fidei duntaxat, sed scientiæ alicui naturali adversantis dupliciter se habere ad Theologiam quâ fidei defensivam: 1. *salutem concomitantem sine respectu formali, & rationis reflexivo ad fidem.* Tunc igitur per rationes naturaliter evidentes solvitur argumentum non quâ formaliter Fidei oppositum, sed quâ repugnans veritati naturali. 2. Principia naturaliter evidentiâ possunt per actum Theologiæ reflexum attingi cum ordine seu collatione ad revelationem Divinam, seu fidei Veritatem: oportet enim, quod ratio naturalis subserviat fidei, sicuti & naturalis inclinatio voluntatis obsequitur Charitati. S. Doctor *præs. a. 1. ad 2.* Sub quâ reflexâ consideratione principia naturalia quodammodo extrahuntur ab evidentiâ luminis naturalis, & elevantur ad rationem intelligibilis supernaturalis, quod in statu viæ est destitutum evidentiâ. Iuxta quem sensum D. Thomas *cit. q. 2. de Trinit. a. 3. ad 5. acutè respondit, illos, qui vivunt philosophicis documentis in Sacra Scripturâ fundatis, redigendo ea in obsequium fidei, non misce aquam vino, sed convertere aquam in vinum, id est, elevare naturales veritates ad rationem intelligibilitatis supernaturalis.* Huic conformiter fatetur Fasolus *cit. n. 11. in fine.* Si quæstio incidat de formâ Syllogisticâ quatenus applicatâ materiæ revelatæ, ejus discussionem probabiliter pertinere ad Theologiam, quàm ad Logicam.

20. Cum proinde principia luminis naturalis quâ reflexè comparata cum fidei veritate formaliter ac in sensu compositio induant intelligibilitatem Theologiæ propriam reduplicativè quâ talem inevidentem; consequens est, Theologiam ut sic non solvere evidentè positivè argumenta ex falsâ Philosophiâ contra fidem adductâ. Neque in hoc adversatur Doctor Angelicus in fine Objectionis allegatus: ipsum enim ibi fuisse locutum de solutione solam negativè evidentè, patet ex ratione mox subiectâ, quâ dicitur, *quamvis ea, quæ sunt fidei, demonstrari non possint, non tamen posse demonstrativè impro-
bati.*

CONTROVERSIA III

Ex quibus Locis, & qualiter argumemetur Theologia?

Locus Theologicus est sedes, unde sumitur argumentum ad probandam quæstionem Theologicam; vel est notum principium, cujus ductu discernitur, quid probandum, quidve improbandum sit in Theologia. Quo aded posito, quæri potest Quot & Quales sint loci Theologici.

Canus *Tom. de Locis Theol. Valquez. 1. p. disp. 12. c. 1.* & Theologi communiter decem enumerant Locos Theologicos, nimirum S. Scripturam, Traditiones Christi, & Apostolorum, Commune Ecclesiæ consensum, Definitiones Conciliorum, Decreta Pontificum, Sententias Patrum, Doctrinas Theologorum Scholasticorum, Rationem naturalem, Philosophorum dicta, Narrationes Historiarum Ecclesiasticarum. Quibus alia duo adjecit Gillius *lib. 1. tract. 7. c. 1. n. 6.* Auctoritatem scilicet Angelicam, & Iurisperitorum.

Divus Thomas *præs. a. 1. ad 2.* ad numerum quaternarium redegit omnes Locos Theologicos, ad Auctoritatem Divinam, Dicta Sanctorum, Rationem naturalem, & auctoritatem Philosophorum. Tum quia non Scriptura Sacra duntaxat, & Traditiones à Christo vel Apostolis emanatæ, sed Conciliorum, & Summorum Pontificum Decreta continent Auctoritatem Divinam, sub quâ comprehenditur etiam auctoritas Sanctorum Angelorum, qui in Divinis litteris inducuntur tanquam Nuntij Divinorum Conciliorum. Tum quia iisdem ex Sacra Scripturâ depromptis principiis, & consequentiis nituntur & Doctrinæ Theologorum Scholasticorum, & Sanctorum Patrum sententiæ. Ergo isti duo loci reducendi sunt in unum. Tum denique Auctoritas super Philosophorum & Iurisperitorum, aut Historicorum Ecclesiasticorum effatis fundata derivatur ex uno luminis naturalis fonte. Ergo congruè constantur in unum, eumque tertium locum Theologicum, cui adjiciendo quartum rationis naturalis non excedimus numerum quaternarium.

CONCLUSIO I.

Primus Auctoritatis Divinæ Locus sive Sacris Litteris, vel Traditionibus Apostolicis, sive Ecclesiæ consensu, vel Pontificum & Conciliorum definitionibus contentus est Theologiæ proprius. S. Thom. *loc. cit.*

Probat: Theologiæ proprium est argumentari ex principiis fidei Divinæ: Hæc verò continentur in sacris litteris, tum Traditionibus Apostolicis; siquidem Apostoli non tantum in conscribendis libris canonicis, sed Divinis Doctrinis ore Christi vel Spiritus Sancti inspiratione sibi manifestatis ac sine scripto traditis habuerunt infallibilem assistentiam Spiritus Sancti, juxta Christi promissum *Joan. 14. ille vos*

Ille vos docebit omnia, & suggeret vobis omnia. Ergo non minus in doctrinis per Apostolos solâ voce comunicatis Ecclesiæ, & in hac per successionem continuam conservatis traditionibus, quàm in sacris litteris fundatur discursus scientificus, ac verè Theologicus.

5. Deinde Ecclesiâ, utpote Columna, & Firmamentum Veritatis 1. ad Timoth. 3. habet infallibilem Spiritûs Sancti assistentiam in evolvendis Divinis revelationibus. Unde infallibilem Divinæ auctoritatis certitudinem obtinet, quod unanimis Ecclesiæ consensus tenet tanquam de fide.

6. Hinc etiam fit, quod sacræ Scripturæ sensus communi Patrum consensu receptus, sit genuinus, & indubitatus, uti Vasquez diff. 19. c. 6. probat ex Concilio Tridentino Sess. 4. §. Præterea. decernente. Ne liceret interpretari Scripturam sacram contra sensum Ecclesiæ, vel unanimum Patrum consensum. Ex hoc namque evincitur, quod etiam Patrum in rebus fidei consensus unanimis sit infallibilis regula Veritatis Divinæ.

7. A fortiori Generale Concilium, cum sit per repræsentationem tota Ecclesiâ, nequit errare in fidei, ac morum Decretis, siquidem Prima veritas Christus Matth. 18. dixerit: *Se in medio eorum esse, qui in nomine suo congregantur.* Pari Divinæ auctoritatis robore firmantur, quæ à Capite Ecclesiæ Romano Pontifice definiuntur, utpote qui tanquam successor Petri est Petra, super quam ædificatur Ecclesiâ Dei, ita, ut portæ inferi non possint adversus eam prævalere. Matth. 16. Constat igitur ex unanimi Ecclesiæ, & Patrum consensu, nec non Definitionibus Conciliorum, ac summorum Pontificum erui principia Divinitus revelata; atque aded Theologiam non minus ex illis, quàm ex Scripturis Canonicis, & Traditionibus Apostolicis argumentari scientificè ad alias veritates eliciendas.

CONCLUSIO II.

SECUNDUS sententijs SS. Patrum, ac Theologorum comprehensus locus est proprius Theologiæ, non quidem scientificæ, sed probabilis & opinativæ.

10. Probatur ratione S. Doctoris cit. a. 8. ad 2. Nam argumentatio Theologiæ scientificæ procedit ex principijs Fidei divinâ creditis. At fides nostra innititur revelationi Apostolis, & Prophetis factæ, qui canonicos libros scripserunt, non autem revelationi, si quæ fuit alijs Doctoribus facta. Vnde Augustinus Epist. 19. paulo post principium dicit: *Solis eis scripturarum libri, qui Canonici appellantur, didici hunc honorem deferre, ut nullum auctorem eorum in scribendo aliquid errasse firmissimè credam.* Alios autem ita lego, ut quantalibet sancti, & doctissimi præpõeant, non ideo verum putem, quia ipsi ita senserint.

11. Oppones ex Glossâ in cap. Noli. Verb. in istis. diff. 9. Quando scripta SS. Patrum nondum erant authentizata, licuisse illis non adhærere firmiter ex sola auctoritate, sed ex intelligentiâ & probatione; at tamen à Gelasio Papâ in Romano Concilio in tantum esse recepta opera Orthodoxorum Patrum, qui communionis sanctæ Ecclesiæ gratiâ Dei usque ad ultimum vitæ suæ participes fuerunt, ut jam non liceat ab eorum auctoritate desistere ex cap. ult. diff. 11. Ergo dicta SS. Pa-

trum fundant certum, non verò probabile duntaxat argumentum.

12. Contra: Nam cit. cap. ult. diff. 19. sub anathemate præcipitur, ne liceat Epistolam Leonis Papæ ad Flavianum Constantinopolitanum vel quoad unum jora disputare. At verò de operibus Cypriani, Athanasij, Nazianzeni, Basilij, Chrysostomi, Hilarij, Augustini, Ambrosij, Hieronymi, Prosperi, & aliorum Patrum Orthodoxorum solum dicitur ea recipi in Ecclesiâ Catholice, & esse legenda. Ergo ex præfacto Canone evincitur, quod Leonis Papæ Epistola, non verò alia SS. Patrum opera habeant auctoritatem infallibilis, ac Divinæ auctoritatis.

13. Et si proinde Patrum ac Theologorum sententiæ circa aliquod fidei Mysterium possint fundare prudens credibilitatis judicium, ad quod operante Spiritu S. consequi potest actus fidei, eoquè supposito intellectus argumentari scientificè; ex hoc tamen evincitur duntaxat, quod Patrum, aut Theologorum auctoritas non tam formaliter, ac immediate fundet argumentum Theologicum, quàm quod instrumentaliter, ac remote possit conferre ad fidei actum, posito credibilitatis judicio, vi motionis Spiritûs Sancti excitandum, sub quo lateat Theologicum argumentum.

14. Etenim tota illa Patrum, & Theologorum Auctoritas in eo sita est, quod ex Doctrinæ Divinæ & Sanctitatis notis credantur in rebus fidei explicandis ferre judicium, non proprii duntaxat ingenij, sed gratiæ supernaturalis viribus ad fidei Orthodoxæ regulas efformatum. At summo duntaxat Pontifici, & Ecclesiæ universali est à Christo promissa gratiæ divinæ assistentia infallibilis in ferendo judicio de Fidei Mysterijs.

15. Nec, licet SS. Patres publico Ecclesiæ judicio, vel summi Pontificis decreto in suâ canonizatione pronuntientur illibate stetisse in fide orthodoxâ; ex hoc probatur, singula eorum dicta in materijs fidei habere auctoritatem infallibilem, cum aliqui ex ipsis legantur in suis operibus nonnulla bonâ fide, & absque formali errore aliquando asseruisse, quæ postmodum explicitè definita per Ecclesiâ, reperta sunt pugnare cum fide, ut exempla ejusmodi enumerat Canus lib. 7. de Locis Theologicis. c. 3. Illa ergo illibata in sanctis fidei usque in vitæ finem ex judicio Ecclesiæ approbatio ab illis solum removel suspicionem erroris formalis ac voluntarij, non autem materialis in omnibus, ac singulis etiam implicitè in Sacra Scripturâ contentis Doctrinæ articulis.

16. Cum igitur sententiæ SS. Patrum ac Theologorum nisi omnes in unum conspirent, fidei doctrinâ non omnimodâ, sed ad summum morali certitudine, vel probabili solum argumento tradant, consequenter directe ac formaliter non inserviunt Theologiæ scientificæ, sed opinativæ duntaxat, & probabili.

CONCLUSIO III.

TERTIUS, & Quartus ratione naturali, & dictis Philosophorum, nec non historijs humanis conclusus locus subministrat Theologiæ tum scientificæ, tum opinativæ argumenta solum extranea. Ex S. Thoma. loc. cit.

7. Probatur ejusdem argumento. Nam gratia non tollit, sed perficit naturam: Vnde intellectus per fidem, & dona Spiritûs Sancti supernaturalia elevatus ad formandos discursus circa veritates Divinas quandoquæ utitur principiis scientiarum naturalium, & dictis Philosophorum, ut patet exemplo Pauli *Act. 17.* & fusè exposuimus *supra. 4. 1. dub. 3.* Hæc verò argumenta cum fidei, seu Doctrinæ ex Sacris Litteris erutæ Principijs in discursu Syllogistico combinata eleventur ad illationes conclusionum Theologiæ quandoquæ scientificæ, quandoquæ Opinativæ, vel prudentiæ supernaturali inservientium. Ergo Argumenta ex ratione naturali, & autoritate Philosophorum petita secundum se præcisè sunt quidem extranea Theologiæ, huic tamen inserviunt, quatenus à fide rediguntur in captivitatem, & obsequium Divinæ veritatis.

8. In quo genere potissimum locum obtinent historiæ Ecclesiasticæ, quibus narrantur acta Conciliorum, & Pontificum, & hæreses pro tempore existentes. Nam licet earum fides non excedat metas memoriæ, & autoritatis humanæ, attamen plurimum deserviunt tum ad redarguendos hæreticos, tum ad stabilienda, & exactius intelligenda Dogmata fidei, & Ecclesiæ Decreta, ex quibus eruitur argumentum Theologicum.

XXXXXXXXXXXXXXXXXXXXXXXXXXXXXXXXXXXX

CONTROVERSIA IV.

Ex quo Sacra Scriptura sensus

Theologia argumense-
tur?

1. Sacra Scripturæ sensus à S. Thom. *præf. 4. 10.* distinguitur in Litteralem, sive Historicum, & spiritualem, sive Mysticum. Litteralis est, quem voces primò & immediatè significant. Spiritu-
alis est, qui fundatur super litterali, quatenus res per Sacras Litteras significatæ sunt significativæ alterius rei, seu Mysterij absconditi.
2. Hos duos S. Scripturæ sensus per librum in-
tus, & foris scripturæ *Ezech. 2. & Apocal. 5.* indica-
tos asserit: S. Hieronymus *in ut. c. Ezech. circa finem.*
In hunc sensum D. Chrysostomus *Hom. 15. in Ezech.*
Sacram Scripturam comparat portæ habenti li-
men interius, & exterius, ita ut hoc sit Littera,
illud Allegoria. *Quia enim, ait, per litteram ad alle-
goriam tendimus, quasi à limine, quod est exterius ad hoc,
quod est interius, venimus.* Ex quo meritò redargu-
untur nonnulli, qui ex ingenijs suis conantur ad-
invenire multos sensus Mysticos non coheren-
tes, imò aliquando repugnantes Litterali, cum
hic tamen sit fundamentum sensûs Spiritualis;
sicut enim prius, quod animale est, deinde quod
spirituale est, *1. ad Corimb. 14.* ita litteralis sensus
Sacra Scripturæ primus est, & in ipso fundantur
tres alij sensus spirituales. Albertus Magnus *cit.*
tract. 1. sum. 9. 5. num. 4.
3. His adnumerari potest Sensus Accommo-
dus, qui non tam est ex intentione Spiritûs sancti
tanquam Authoris Sacra Scripturæ, quàm usur-
pantis, & accommodantis verba sacra: sic Eccle-
sia in officio Divino applicat B. Virgini, quæ
in Sacris litteris dicuntur de Sapientiâ Divinâ.
4. Franciscus de Lugo *disp. 4. de Deo uno. c. 1. n. 9.* assignat
duos sensus accommodati genera, ita ut alter
fiat per extensionem, dum per legitimam conse-

quentiam, certâ & evidenti ratione, vel saltem
probabili, à simili, à majori, vel minori, vel quo-
vis alio argumentandi genere aliquid deducitur
ex litterali sacra Scripturæ sensu. Sic quæ ad
increpationem populi Judaici sunt dicta, per ex-
tensionem, seu argumentum à pari, vel minori
ad majus accommodantur ad correptionem
Christianorum.

Verùm hæc doctrina ita moderanda vide-
tur, ut quæ per legitimam consequentiam, certâ
& indubitatâ ratione deducuntur ex Sacrorum
verborum Litterali sensu, ad hunc potius, quàm
ad sensum merè accommodatum trahenda sint.
Tum quia Spiritus sanctus revelans in antece-
dente affirmat & consequens necessariò conne-
xum. Hinc enim fit quòd consequensejussmodi
ex principio revelato infallibiliter deductum
quandoquæ ab Ecclesiâ definiatur esse de fide.
Tum quia singularia in sacris Litteris, dum præ-
sertim vitia redarguuntur, persæpè sunt poten-
tiâ universalia, uti probat Alb. Mag. *in tract. 1. sum.*
q. 1. Ergò extensio in tali casu non tam est ex ac-
commodatione interpretis, quàm ex intentione
authoris Sacra Scripturæ.

Alter igitur propriè dictus accommodatus
sensus est per Allusionem; cum verba Divina præ-
ter, non autem contrà suam significationem ac-
commodantur sensui nostro. Sic quod de Noe di-
ctum est *Eccles. 44. Qui inventus est iustus,* &c. ab Ec-
clesiâ accommodatur Confessoribus: cujusmodi
exempla satis frequentia videre est in SS. Patri-
bus, & Concionatoribus.

Sensus Litteralis subdividitur in Proprium,
seu Simplicem, & Metaphoricum, seu Figuratum.
Sic Christus non secundum proprietatem, seu
significationem propriam verborum, sed per trans-
lationem dicitur Agnus, Ovis, Leo, Petra, Lapis
angularis, & cætera hujusmodi, quæ magis ipsa
sunt vera, ex quibus ducuntur istæ similitudines,
non proprietates. S. Augustinus *tract. 80. in Ioan.*
c. 15. Hinc ortum videtur, quòd aliquando con-
fundatur sensus per Metaphoram, & per simili-
tudinem, seu parabolam, quod improbat Doctor
etiâ Angelicus *præf. 4. 10. ad 3.* inquit: Solum
parabolicum contineri sub Litterali figurato.

In quo tamen notanda est differentia para-
bolarum: Nam in quibusdam res aliqua à parte
rei existens explicatur per modum puræ simili-
tudinis: ut cum Matth. 13. dicitur *simile regnum*
Cælorum fermento, thesauro abscondito, homini negotia-
tori, sagena missa in mare. In ejusmodi enim simili-
tudinibus fermentum, thesaurus, negotiator, sa-
gena litteraliter in propriâ significatione usur-
pantur, eisquæ sub tali acceptione comparatur
regnum Cælorum.

Alię igitur parabola sunt, in quibus narratur
aliquid per modum historiæ, ac si re ipsa conti-
gisset, quæ tamen à parte rei non fuit, vel etiam
non potuit esse, velut *Judic. 9.* refertur *Ligna unxisse*
sibi Regem, dixissequæ Oliva, Impera nobis. Et *Luc. 8.*
Exisse hominem seminare. Item *Luc. 26.* *Hominem quen-*
dam divitem fuisse, qui habebat villicum. In quibus
proinde historijs verba non accipiuntur propriè,
sed sub vocibus *lignorum & arborum,* in primâ para-
bolâ per Metaphoram immediatè significantur
homines.

Vnde patet etiam discrimen istius Parabolici
sensûs à Mystico: hic enim non significatur im-
mediatè per voces, sed per res sub vocibus laten-

ter, veluti *Ezech. 2. & Apocalyp. 5.* liber intus, & foris scriptus litteraliter, ac immediate significat Veritatem visionis, quæ veritas taliter significata mysticè designat sacram Scripturam cum sensu litterali, & spirituali.

11. Quò videtur collimasse S. Thomas *cit. 2. 10. ad 3.* asserens: in sensu figurato parabolico non significari immediate figuram, sed rem figuratam, dum enim in Sacris litteris Deo attribuitur brachium, vi hujus vocis metaphorice acceptæ significatur immediate potentia Dei operativa. Ergo sentit S. Doctor differentiam sensus parabolici figurati, & Mystici in eo esse sitam, quòd in hoc res per Sacras litteras significata sit alterius Mysteriorum significativa: in illo autem voces tropicè acceptæ sint rerum per similitudinem immediate significativa.
12. Sensus Mysticus Sacrarum litterarum est triplex, Allegoricus, Anagogicus, & Moralis, seu Tropologicus. Allegoricus teste Alberto M. in 1. *dist. 4. 5.* ædificat fidem, quatenus sub figuris representat Mytheria fidei. Sic lex Vetus est figura Novæ legis; atque adeo gesta Veteris legis allegoricè significant gerenda in novâ Lege. S. Thomas *cit. 2. 10.* sic etiam Paulus *ad Galat. 4.* ait: Duos Abraham filios, unum de liberâ, & alterum de ancillâ, per allegoriam significare duo testamenta. Hinc ex ejectione Agar, & filij ejus è domo Abraham colligit Apostolus cessationem legum.
13. Sensus Anagogicus erigit spem, quatenus bona futuræ gloriæ sub figuris representando nos ad eam in Patriâ consequenda incitat. Sic illud *Psal. 94.* Quibus juravi in irâ meâ, si introibunt in requiem meam, quod litteraliter est de terrâ promissionis, Paulus *ad Hebr. 4.* explicat anagogicè de vitâ æternâ. Et *1. 9.* per ingressum Sacerdotis in manufacta Sancta Sanctorum, ait, significatum esse à Spiritu sancto ingressum Christi in cælum.
14. Sensus Moralis, seu Tropologicus aperiendo etiam sub figuris Christi Domini actiones, & Passionem nos instruit in moribus ad ejus exemplum componendis, & vitandis malis, quibus gratia Christi deperditur, ira Dei concitatur. Hinc sensus moralis fovet Charitatem, quæ est finis Legis, omniumque moralium actionum. Sic Apostolus *1. Corinth. 10.* relatis ijs, quæ cum Judæis in deserto acta sunt, subdit. *Hæc in figura contingebant illis; scripta sunt autem ad correptionem nostram.*
15. Hi porro sensus Mystici omnes quandoque in uno S. Scripturæ loco inveniri possunt, veluti in uno opere Sanctuarij allegoricè Christus, & Ecclesia; anagogicè Tabernaculum cœlestis gloriæ significabatur. Tropologicè autem cultus Dei internus præfigurabatur per caeremonias externas. Imò plures etiam Litterales sensus quandoque latere sub unâ Litterâ, seu sententiâ cum S. Augustino Doctor Angelicus *cit. 2. 16.* probat ex eo, quòd S. Scripturæ author sit Deus, qui omnia suo intellectu comprehendens non arctatur ad unum suorum verborum sensum. Sic namque illud *Psal. 2.* Ego hodie genui te. Paulus *Ador. 13.* explicat de ejus resurrectione, quæ *Matth. 19.* dicitur regeneratio. At Augustinus in *expof. ejusd.* exponit tum de æterna Christi generatione, tum de ejus Nativitate temporali, tum etiam de Incarnatione. Sic illud *Cant. 4.* Totâ pulchra es, & macula

non est in te, explicatur tum de Ecclesia universâ, præsertim quâ Triumphante, tum de Virgine MATRÆ, quâ immaculatè concepta; etsi dum Ecclesia, vel Romanus Pontifex hunc posteriorem sensum non aperit, definiendo, esse ut sic à Spiritu Sancto intentum, dubitare liceat, an sit litteralis, vel accommodatus.

Ex hac proinde Divinarum Scripturarum immensâ profunditate, ac sensuum sub unâ litterâ latentium pluralitate excitamur ad thesauros hosce absconditos non tam nostris, quàm gratiæ viribus eruendos, sobriè tamen, nè plus sapiamus, quàm oportet. Si enim Deus verborum suorum sensus reconditos non nisi temporis successu vult apertos, ita ut secundum August. *lib. 12. confess. c. 32.* & Div. Thomam *2. 2. q. 173. a. 4. in fine.* nè Prophetæ quidem omnia noverint, sed unam duntaxat sententiam fortassis intellexerint ex multis, quæ in eorum visis, aut verbis, aut etiam factis intendebat Spiritus Sanctus.

Hinc inferre licet, omni tempore à Christo esse datos Ecclesiæ scribas doctos, qui de Thesauris Divinarum litterarum juxta veteres à SS. Patribus reclusos sensus non ex se ipsis, sed per motionem divinæ gratiæ proferrent novos à Spiritu Sancto intentos, sed antehac absconditos. In quo tamen semper est tenenda cautela à Sacro Tridentino Concilio *sess. 4. §. Insuper decreta*, ne cuiquam contra sensum S. Matris Ecclesiæ, vel unanimem Patrum consensum liceat Sacras Scripturas interpretari.

CONCLUSIO I.

Sensus Litteralis proprius firmum præbet argumentum Theologicum. Ex S. Tho. *cit. 2. 10. ad 1.*

Probat. Tū quia *sensus Litteralis proprius* Mystico & metaphorico facilius penetratur, vel certè Ecclesiæ, seu Patrum interpretatione est apertus, Tum quia, si quem lateat, ad eum eruendum expeditior est via ex proprietate verborum, vel antecedentium cum consequentibus collatione.

Nam in proprio sensu accipienda sunt Scripturæ Verba, quoties ex horum proprietate non redditur sensus absurdus, veluti docent Basiliius *homil. 9. in Hexam.* August. *de Genesi ad litteram. lib. 8. c. 1. ad 7. & alibi.* Insuper pro vero sensu litterali habendus est, quoties nullum invenitur verbum cum antecedentibus & consequentibus contextum, quod illi intelligentiæ adversatur, cum tamen in *allegoriâ* non oporteat omnia convenire. August. *16. de Civit. c. 2.* Juxta quam adeò duplicem regulam ex verbis propriè acceptis facilius eruitur genuinus Sacræ Scripturæ sensus, ex quo desumi possit firmum Theologicum argumentum.

CONCLUSIO II.

Sensus Litteralis Metaphoricus, seu parabolicus quandoque præbet certū Theologicum argumentum, etsi minùs expeditè, quàm proprius.

Probat. ex S. Doctore. *2. 9.* Nam Deus etiam in ijs, quæ sunt ad finem supernaturalem tum Angelis, tum hominibus providet secundum proportionem, & conditionem suæ naturæ. At

locutio Metaphorica, seu Tropica, per quam sub similitudine corporalium traduntur spiritualia, & Divina, maximè congruit humanæ naturæ; huic enim est connaturale per sensibilia devenire ad intelligibilia, ut proinde D. Dionysius *caest. Hierarch. c.1.* dixerit; *impossibile, quod Divinus radius aliter nobis luceat, nisi varietate sacrorum velaminum circumdatus.*

21. Neque verò ex ejusmodi similitudinum velamine ita occultatur Divinæ revelationis radius, quin ad cognitionem intelligibilium inde eleveetur mens, ac de veritate Divinæ revelationis non illi duntaxat, quibus hæc facta est, sed alij etiam instruantur. D. Dionys. *caest. Hierarch. c.2.* Cum proinde *parabolicus* etiam, seu *Metaphoricus* Divinæ scripturæ sensus sit à Spiritu Sancto intentus, & quandoquæ pateat vel ex aliorum sacrorum textuum collatione, uti habet *S. Thom. cit. 4.9. ad 2.* vel ex ipso contextu; non enim difficilius, quàm ex proprietate verborum eruitur verus & legitimus sensus, quando Christus dicitur Petra, Agnus, vel Leo de tribu Judæ, sive quando Divinæ scientiæ, ac Providentiæ perspicacitas significatur sub voce oculorum. Idcirco ex tali *Tropica* sacrarum litterarum locutione æquè ac ex sensu *litterali Proprio* eruitur firmum Theologicum argumentum.

22. Nihilominus quia *sensus parabolici* plerumquæ sunt ita reconditi, ut etiam Apostoli, quibus datum erat, nōsse Mysteria Regni cælorum *Matth. 13.* dicerent Christo: *Domine edisserere nobis parabolam.* Unde etiam S. Hieronymus in *c.13. Matth.* referens quorundam per tria sata farinæ SS. *nam Trinitatem* intelligentium sententiam ait: *Pius quidem sensus, sed nunquam parabola, & dubia enigmatum intelligentia potest ad auctoritatem dogmatum proficere.* Idcirco *Metaphoricus*, seu *parabolicus* sacrorum verborum sensus, nisi clarè constet vel ex Ecclesiæ consensu, aut definitione, vel alio sacro textu, vel contextu, aut aliquo intertexto verbo, vix unquam conferre poterit ad firmum argumentum Theologicum.

CONCLUSIO III.

Sensus Mysticus, si constet esse intentum à Spiritu Sancto, præbet firmum argumentum Theologicum, quia tamen ex infallibili auctoritate est ut plurimum incognitus, rariùs potest argumentationi Demonstrativæ Theologicæ idoneus esse. Ex *S. Thom. cit. 4.9. ad 2. & art. 10. ad 1.* Banne *præf. 4. 10. dub. ult.*

23. Probat: Nam *Apocal. 5.* Scriptura sacra dicitur liber signatus sigillis septem, quem nemo poterat neque in cælo, neque in terrâ, neque sub terra legere, aut respicere, præter Leonem de tribu Judæ, (cujus est mittere Spiritum veritatis in Ecclesiam, ejusquæ Caput, vel membra

præcipua, Doctores à se datos sacre Scripturæ interpretes) qui signacula solvit, non Psalmorum duntaxat, ut aliqui putant, sed omnium Sacrorum Librorum uno Spiritu sancto dictante scriptorum, uti tradit S. Hieron. in *Isai. c.29.* Ex quo patet, Sacre Scripturæ sensus præsertim interiores ac Mysticos, vel etiam locutiones Propheticas sub varijs figuris absconditas non ita pervias esse, quin Deus Danieli *c.12.* præceperit: *Tu autem Daniel claudes Sermones, & signa librum usque ad tempus statutum: plurimi pertransibunt, & multiplex erit scientia, id est interpretatio, uti exponit Cornelius de Lapide in cit. c.12. v.4.*

In tantâ igitur varietate interpretationis sensuum Mysticorum, ac Prophetiarum non potest esse firmitas, ac certitudo alicujus Theologici argumenti, nisi aliunde aperiatur veritas sensus à Spiritu Sancto intenti; quod fieri potest. 1. Si pateat ex alijs sacris locis, uti ex *Rom. 9.* habetur, *Jacob, & Esau esse figuram populi Gentilis, atque Judaici*, ut proinde ex verbis *Malach. 1.* *Jacob dilexi, & Esau odio habui:* rectè colligatur reprobatio Synagogæ, & vocatio, atque electio Gentilium. 2. Si communi Patrum consensu sit receptus Mysticus sacre cujusdam sententiæ sensus, uti constat, quod Synagoga fuerit typus Ecclesiæ, & Salomon Christi.

CONCLUSIO. IV.

Sensus per accommodationem non conducit ad Theologicos saltem scientificos discursus. *Et communi Theologorum Sententia.*

24. Probat: & explicatur. Etsi namquæ ex sacrarum historiarum accommodatione ad mores hominum, argumento ab exemplo, pari, vel minori ad majus ritè redarguantur nostra vitia, & laudentur virtutes; quæ etiam argumentationes, utpote Divinâ revelatione saltem probabiliter nixæ pertinent ad Theologiam sive scientificam, sive saltem opinativam. Nihilominus ista historiarum accommodatio potius est effectus sensus *Litteralis* & *Scripturæ*, quàm sit *strictè loquendo sensus accommodativus.* Hic namquæ consistit in applicatione verborum, & sententiarum Divinæ Scripturæ ad usus nec immediatè intentos à Spiritu Sancto, nec per consequentiam legitimam deductos ex Divinis revelationibus. Unde talis sensus est *extrinsecus & accidentarius* verbi Dei ab Ecclesiâ quandoquæ usurpatus, & toleratus in rebus sacris, & religiosis, sed prohibitus in vanis & scurrilibus. ex *Conc. Trid. Sess. 4. circa finem.* Quocirca sensus rectè accommodatus sicuti humano duntaxat nititur iudicio, verbis sacris *materialiter tantum & accidentario concurrentibus*, sic nullum etiam præbet probabile argumentum Theologicum utpote quod saltem probabiliter reduci debeat in Lumen Divinum

supernaturale.





QVAESTIO SECVNDA

DE

EXISTENTIA, ESSENTIA, NATVRA, ATTRIBVTIS, ET NOMI- NIBUS DEI.



Ac quaestione præter alias gra-
viores difficultates expedientur,
quæ Divus Thomas exposuit q. 2.
13. & 18.

ARTICULUS I.

De Existencia Dei.

1. **P**ater Alphonsus Stadlmayr Almæ Archiepiscopalis Universitatis Salisburgensis Rector Magnificus *Disp. Theolog. de Deo c. 1. in init. ex Psalm. 52. v. 1. Dixit insipiam in corde suo non est Deus*, infert: Ergo sapientis esse dicere: *Deus est*. Verum quomodo id sapienti notum sit, esse difficultatem, eò quod alia propositio *per se* sit nota *secundum se præcisè*, alia etiam *quoad nos*.
2. Etenim propositio *per se* nota dicitur omnis illa, cujus prædicatum est immediatè de ratione subiecti, ita ut terminis quidditative apprehensis necessario trahat ad assensum, nec adeò indigeat *per se* medio, ex quo innotescat. At fieri potest, quod subiectum propositionis *secundum se*, seu *naturam suam* necessario, ac immediatè sibi vendicet prædicatum, utpote in suâ ratione formali, & quidditativa inclusum: Unde talis objectiva propositio dicetur *per se* nota *secundum se*. Quæ nihilominus, quatenus ejus termini sub ratione formali inclusionis prædicati in subiecto non sunt à nobis *quidditative* cogniti, nec adeò intellectum nostrum necessario pertrahunt ad assentiendum, non erit nota *quoad nos*. Si proinde probaverimus, propositionem *Deus est*, esse notam *secundum se præcisè*, non *quoad nos*, restabit demonstrare, quibus medijs Sapienti innotescat Dei existentia.

CONTROVERSIA I.

*An, & Quomodo sit per se
notum Deum esse?*

1. **P**rima Sententia Divi Bonaventuræ in 1. dist. 8. c. 1. q. 2. Abulensis in c. 5. Exod. & aliorum allegato etiam Alberto Mag. *trakt. 4. sum. mem. 2. asserit*, Propositionem *Deus est* esse *per se* notam non tantum *secundum se*, sed etiam *quoad nos*. Proba-

tur: Si propositio *Deus est* non ex se ipsa est nobis nota, id provenit vel ex defectu intellectus nostri, vel ex improportione objecti, & defectu intelligibilis. At neutrum dici potest. Minor probatur quoad priorem partem. Etsi enim intellectus noster in statu viæ circa Deum deficiat *quoad Quid*, non tamen *quoad An est*. Hinc Patres nominatim Nazianzenus, Hieronymus, Eusebius, Theophylactus, & Damascenus *Lib. 1. de fide Orthod. c. 1.* & alij passim affirmant. Cognitionem de existentia Dei omnibus naturaliter esse insertam. Vnde Hugo de S. Victore *lib. 1. de Sac. p. 3. c. 1.* ait: Deus ab initio sic cognitione suam in homine temperavit, ut sicut nunquam, *quid esset* poterat ab homine comprehendere, ita nunquam *quia esset* poterat ignorari. Cum proinde intellectus noster nunquam deficiat in cognitione Dei *An est*, ideo non potest ignorare *Deum esse*, nec cogitare, *non esse*. In quem sensum Divus Anselmus in *prosl. c. 4.* ait: Insipiens, cum dixit *Non est Deus*, non cogitavit rem ipsam nomine significatam, sed vocis tantummodò conceptum habuit. At id, cujus oppositum cogitari nequit, ita ut involvat repugnantiam ex ipsa terminorum significatione est *per se* notum etiam *quoad nos*.

Minor probatur quoad partem posteriorem. Deus in se ac respectu intellectus nostri est id, quo majus esse, & cogitari nequit. At cogitari non esse id ipsum, quo majus cogitari nequit, non est id, quo majus cogitari nequit. S. Anselm. in *Monol. c. 13.* Vnde cogitare Deum *non esse* involvit apertam contradictionem. At id, cujus oppositum involvit evidentem contradictionem, est evidenter verum. Ergo Divini esse Veritas est in se evidens. Ergo in ratione intelligibilis ex se evidens ita proportionatur intellectui, ut istum necessario trahat ad sui assensum. Ergo propositio *Deus est* per se nota est non tantum *quoad se*, sed etiam *quoad nos*.

Secunda opinio Scoti in 1. dist. 2. q. 2. n. 4. & 5. tenet propositionem *Deus*, vel *Hec Essentia est*, esse *per se* notam; secus esse, de propositione, in qua *existere* prædicatur de aliquo conceptu, quem pro hoc statu habemus de Deo. Probatur de priori propositione. Nam propositio *per se* nota *secundum Subtilem Doctorem c. 9. q. 2. n. 3.* dicitur, quæ, quantum est de natura terminorum, nata est ha-

bere evidentem veritatem in terminis contentam, etiam in quocunque intellectu concipiente terminos. Vnde nulla est distinctio propositionis per se notæ secundum se, & quoad nos; sed quæcunque est in se, & per se nota, cuicumque intellectui est per se nota. At propositio *Deus*, vel *Hæc Essentia Divina est*, est propositio per se primo modo, & immediata, atque adeo ex terminis habet evidentem veritatem. Ergo simpliciter respectu cuiuscunque intellectus terminos apprehendens est per se nota, & immediatissima, ad quam resolvuntur omnes propositiones enuntiantes aliquid de Deo qualitercumque concepto.

6. Probatur de posteriori propositione. Propositio per se nota nec debet esse demonstrabilis propter quid, nec debet ejus certitudo præcisè constare per fidem vel demonstrationem. At utrumque evenit in propositione *Deus*, seu *Ens infinitum existit*. Ergo non est per se nota. Minor probatur 1. Omne prædicatum subjecti per hujus essentiam est demonstrabile propter quid. Ergo existentia per Essentiam Divinam de quolibet Dei conceptu in hoc statu potest demonstrari demonstratione propter quid.

7. 2. Si propositio *Ens infinitum est*, per se nota est, Ergo debet cuilibet intellectui ex terminis cognitis esse evidens. At prius concipimus terminos illius propositionis, quam credamus, vel per demonstrationem sciamus. In hoc autem priori ex terminis conceptis non est nobis nota, seu evidens propositio; quippeam non teneamus certitudinaliter, nisi per fidem, aut demonstrationem terminorum cognitione posteriorem. Ergo illa propositio non est per se nota.

8. Tertia sententia S. Thomæ 1. p. q. 2. art. 1. & 1. contra gentes. c. 11. de verit. q. 10. a. 2. docet, *Deum esse* per se notum esse quoad se, non quoad nos. Huic sententiæ subscribunt non Thomistæ duntaxat, sed plerique alij Theologi.

CONCLUSIO.

PROPOSITIO *Deus est per se nota est secundum se*, non, quoad nos.

9. Probatur: Ex hoc aliqua propositio est per se nota, quod ejus prædicatum sit de ratione & quidditate subjecti. At *esse* vel *existere* est de Essentiâ Dei. Hinc enim *Deus* Exod. 3. vendicavit sibi nomen *Qui est*. Nihilominus istud nomen Dei Essentiale, & quidditativum non erat notum Abrahamæ, ac Isaac, & Jacob. juxta illud Exod. 6. *Nomen meum* (Tetragrammaton nimirum significans ipsum *Esse* Dei subsistens) non indicavi eis. Ergo hi Patriarchæ concepto nomine *Deus* non cognoscebant immediatam, & Essentialem connexionem existentie actualis cum Deo. Est igitur propositio *Deus est per se nota secundum se*, quatenus in eâ prædicari cum subjecto est immediata, & quidditativa connexio, sed quia ista essentialis connexio præcisè ex terminorum conceptione abstrahendo à Fide non est nobis evidens, idcirco non est per se nota quoad nos.

Responsio ad fundamenta Adversariorum.

10. **A**D argumentum n. 3. oppositum ejusque prioris probationem. Respondetur. Ex defectu

luminis nostri intellectualis, & consequenter improprietate intellectus, & intelligibilis sequi, quod propositio *Deus est* non sit nobis per se nota. Intellectus enim humanus secundum lumen naturale deficit non tantum quoad quidditativam sed etiam quoad immediatam Dei cognitionem An sit.

Hinc Patres affirmantes cognitionem de Existentiâ Dei naturaliter nobis insertam esse, non sunt intelligendi de formali, & immediata, sed radicali Dei cognitione, quatenus natura nobis indita est vis ex nobis ipsis tanquam imagine, & creaturis cœi vestigijs Dei per discursum intelligendi Existentiâ Dei, juxta illud ad Rom. 1. *Invisibilia Dei per ea, quæ facta sunt intellecta conspiciuntur*. Ex quo fit, non possedari ignorantiam Dei invincibilem; nam licet lumen nostrum intellectuale non sit ab intrinseco determinatum ad Dei immediatam cognitionem, habet tamen à natura sibi inditam virtutem quasi seminalem mediante discursu intelligendi Dei existentiam ex creaturis, velut innuit Job. 36. *Unusquisque insuetur eum procul*.

Hoc nihilominus intellectuale lumen respectu esse Divini non est adeo firmum, quin passionibus & errore instar oculi stantis in fumo affectum trahi possit ad negandam Dei existentiam, uti tradit Albertus M. memb. 2. *immerito allegatus ex opposito*. Sic enim non vocet tantum, sed in corde seu mente suâ dixit insipiens: *Non esse Deum*. In quod proinde effato subtiliter advertit S. Anselmus, insipientem non cogitasse rem ipsam, sed vocis duntaxat Conceptum. Nam licet per simplicem apprehensionem termini, seu vocis *Deus* insipiens conceperit Deum, per secundam tamen mentis Operationem negando, *Deum esse*; ut sic formaliter, non tam rem ipsam, seu Dei substantiam enuntiavit, quam non esse Dei Chymericum in se ipso involvens contradictionem. Ergo potest intellectus humanus cogitare *Deum non esse*: in quo conceptu involvitur quidem contradictio, hæc tamen non est evidens ex terminorum apprehensione. Ergo etiam propositio opposita *Deus est*, non est ex terminis per se nota nobis.

Ad posteriorem primæ sententiæ n. 4. propositam probationem. Respondetur. Negando Majorem, quod scilicet per primam mentis operationem seu simplicem apprehensionem sub voce *Deus* formaliter & explicitè cogitetur id, quo majus, & melius esse, & cogitari nequit. Nam istud objectum est complexum. Ergo non respondet primæ simplicis apprehensionis confuso conceptui circa Deum.

Vnde ad Minorem dici debet, verum esse, quod non tantum in re, seu objecto, sed etiam respectu intellectus nostri evidens involvatur contradictio, si id, quo majus esse non potest formaliter ut sic, sub explicitâ istâ ratione cogitetur non esse. Ex quo consequens est, intellectum, cui omnis contradictio explicita apparet evidenter falsa non posse per judicium enuntiare, non esse, quod explicitè cogitat, esse id, quo melius esse non possit. In quo sensu Albertus Magnus pref. tract. 3. sum. q. 17. ait *Deum esse*, ex habitudine terminorum esse per se notum quoad sapientes, utpote quibus notum sit, quid *Deus* significat, & quid *esse*, & quod *Deus*, secundum quod *Deus est*, principium & fons est esse. At insipientes, qui se convertendo ad cor proprium malitiæ errorum, & concupiscentiarum

rum excæcatum cogitant Deum non sub formali, seu propriâ ratione Esse Divini, possunt enuntiare *Deum non esse*. Ergo illis tantum est evidens, & per se nota propositio *Deus est*, qui Deum cogitant in propria naturâ, seu sub ratione aliquâ explicitâ Esse Divini, uti inierit Albertus Magnus *cit. tr. 4. memb. 2. in corp.*

16. Atqui ratio ejusmodi explicita *Esse Divini sub formalitate cuius* necessarij à se, vel quo melius esse non potest ex simplici, & primâ apprehensione significati *vocis Deus* non patet intellectui, ut evidenter vera, in actu præsertim exercito, uti subtili discursu innuit Pater Stadlmayr *cit. c. 1. de Deo. §. 1. n. 5. ad 2.* Ergo propositio *Deus est*, sumpto *ly est* non tantum signatè, sed exercitiè ex terminorum apprehensione non est evidens respectu intellectus humani. Ergo non est per se nota quoad nos.

17. Ad Scoti *n. 5. & 6.* oppositum Respondetur: Subtilem Doctorem pugnare contra se. ipsum. Nam *ead. q. n. 3.* supponit, ut propositio per se nota habeat veritatem evidentem, debere quidditatem terminorum non tantum confusè, sed distinctè cognosci. At *Hæc Essentia* vel *Quidditas* Dei saltem antecedenter ad fidem, vel demonstrationem non est distinctè cognita ab intellectu viatoris, velut idem *n. 8. arg. 2.* arguit. Ergo propositio *Deus*, vel *Hæc Essentia est*, respectu intellectus viatoris secundum lumen saltem naturale nō est per se nota, velut innuit dicto. *n. 5.* Ergo vel simpliciter est negandum, quod illa propositio sit per se nota, quod adversatur ejus doctrinæ *cit. n. 4.* vel datur propositio per se nota, quæ respectu alicujus intellectus non est ex terminis evidenter nota, quod repugnat eidem *n. 4.* asserenti: propositionem per se notam esse natam, habere veritatem in terminis contentam etiam in quocunque intellectu concipiente terminos. Ne ergo his Scotisticis implicantijs involvamur, Angelicæ Divi Thomæ doctrinæ insistendo est dicendum, propositionem *Deus est*, vel *Ens infinitum existit*, esse per se notam secundum se, non tamen quoad nos.

18. Dicit Scotista, propositionem *Deus*, vel *Hæc essentia est*, esse per se notam, quia quantum est ex naturâ terminorum, nota est habere evidentem veritatem in quocunque intellectu terminos non tantum confusè, sed distinctè secundum quidditatem concipiente. At licet intellectus Viatoris in hoc statu non cognoscat Deum secundum *Hanc Essentiam*, seu *quidditatem*, illam tamen propositionem, cum sit primo modo per se, & immediata, ex natura terminorum natam esse parere immediatissimam, & ex se evidentem veritatem in intellectu quolibet, etiam humano, quando elevatur ad quidditativam *Hujus Essentia*, seu *Dei cognitionem*.

19. Secus esse in propositione, in qua *Esse* enuntiatur de Ente infinito, vel alio etiam proprio conceptu, quem habemus de Deo: nam de quolibet conceptu Dei in hoc statu Existentia est demonstrabilis propter quid per Essentiam Divinam. Ergo existentia Divina non primo modo per se, & immediatè est prædicabilis de conceptu, quem habemus in hoc statu circa Deum. Ergo propositio, *Ens infinitum*, *Ens necessarium*, vel *Summum Bonum est*, non est per se nota.

20. Respondetur: quod in hoc etiam statu nos concipiamus Deum sub ratione *Qui est*, Exed. 3. At hæc ratio sub ænigmatico fidei velamine non

est quidem evidenter nota intellectui, est tamen ipsa Quidditas, vel *Hæc Essentia* Dei lumine gloriæ evidenter noscibilis. Unde sub enuntiatione *Qui est Esse*, vel *existere per se primo modo*, ac *immediatè* prædicatur de conceptu Dei per obscurum fidei lumen manifestato. Ac secundum Scotum ad propositionem per se notam non requiritur, ut respectu intellectus nostri pro hoc statu habeat evidentem veritatem ex terminorum confusâ conceptione, sed ut in terminis secundum quidditatem strictè cognitis sit nata habere evidentem veritatem. Ergo de conceptu aliquo, quem in hoc statu per fidem habemus de Deo, potest formari propositio, quæ sit per se nota: at non quoad nos secundum statum viæ consideratos, uti probat argumentum 2. Scoti *cit. n. 5.* Ergo secundum se, & in ordine ad intellectum nostrum quæ elevabilem lumine gloriæ. Ergo propositio *Hæc Essentia*, seu *Deus est* per se nota est secundum se, & respectu intellectus Dei & Beatorum, non verò secundum nos.

Idem proinde asserendum de propositionibus; *Ens infinitum est*, *Ens necessarium existit*, *Summum Bonum est*. Nam ista prædicata à parte rei formaliter sunt ipsa essentia & existentia Divina, à quâ non nisi ratione ratiocinatâ distinguuntur, ut infra probabitur. Ergo à parte rei, & respectu intellectus lumine gloriæ elevati sunt in primo modo dicendi per se, ac immediata, eaque respectu nostri tantum intellectus in hoc statu per causam non in essendo, sed cognoscendo sunt à priori demonstrabiles. Quæ nihilominus propositiones non sunt in hoc statu per se nobis notæ, uti rectè probat Scotus *cit. n. 5. arg. 2.* Ergo non evadit Scotus, quin efficaciter contra ipsum probetur, dari propositiones per se notas secundum se, non tamen quoad nos secundum præsentem viæ statum.

CONTROVERSIA II

An Deum esse, naturali lumine demonstrari possit.

EX præcedenti controversiâ patet, cum propositio *Deus est*, sit in primo modo per se, & immediata, non habere causam tum in essendo, tum etiam in cognoscendo, adeoque non tantum secundum se, sed etiam secundum nos esse à priori indemonstrabilem. Controversia igitur præsens solum procedit de Demonstratione à posteriori.

Major, Bassolis, & alij apud Franc. de Lugo *lib. 1. de Deo. disp. 14. c. 1. n. 5.* negant, Dei existentiam posse demonstrari, sed sola fide teneri. Verum Divus Thomas *q. 10. de Verit. art. 12.* istam opinionem dicit manifestè falsam. Et *contra gentes. c. 12.* Errorem appellat.

CONCLUSIO.

NON absquæ errore in Doctrinâ fidei negatur, quod discursu naturali possit demonstrari, *Deum esse*. Suarez. *1. p. lib. 1. c. 1. n. 13.* Ysambertus. *præf. q. 2. a. 3.*

Probat argumentum P. Stadlmayr *cit. c. 1. n. 7.* Nam ita *Cæli enarram gloriam Dei*, *Psal. 18.* ita asperabili voce, quam nemo non intelligat; omnes creatu-

creaturæ velut Dei effectus clamant, ipse fecit nos, & non ipsi nos, ut rectè concludatur. Sap. 13. Quod à magnitudine speciei, & creatura cognoscibiliter poterit creator horum videri. Quo sensu etiam Apostolus ad Rom. i. ait: Invisibilia Dei à creaturâ mundi (homine scilicet) per ea, quæ facta sunt, intellecta conspici.

2. Dices ex Francisco de Lugo *cit. disp. 14. c. 2. n. 20.* Verbum *videre* aliquando in sacris litteris sumi pro cognitione tantum conjecturali, *Gen. 3. Vidu mulier, quod bonum esset lignum ad vescendum.* Nequē majorem vim esse in verbo *conspicere*, & aliàs non constare ex communi Patrum consensu, vel definitione Ecclesiæ, vel traditionibus, vel alijs sacris textibus, quòd ly *cognoscibiliter videri, vel conspici* à Paulo & Sapiente *locis cit.* necessariò intelligi debeant pro cognitione Physicè, aut Metaphysicè certâ & evidente. Quare ex adductis verbi Divini testimonijs necdum evinci tanquam ex fidei doctrinâ certum; quòd Existentiâ Dei per discursum naturalem Demonstrativè ac Scientificè cognoscatur ex creaturis, sed illos sacros textus exponi posse de noticiâ Dei ex creaturis moraliter certâ, & judicio probabilissimo, ita ut dicatur inexcusabilis, & insipiens homo, non operans juxta tale dictamen.

5. Contra: Tum quia huic expositioni refragatur verborum proprietas, cui non æquè, ac in allegato textu Genes. obstat, sed potius iuvat materia. Tum quia textus superius adducti tantà cum emphasi etiam geminatis verbis, claram cognitionem significantibus taliter explicant Dei ex creaturis noticiam, ita ut asserant, hoc esse notum Dei, & manifestum in illis, scilicet Philosophis: Deum enim illis manifestasse. ad Rom. 1. At notum Dei est, ait Anselmus ibi, quod naturali ingenio sciri potest de Deo. Est autem scientia naturalis cognitio certa, & evidens. Ergo verba Apostoli arguunt cognitionem certam & evidentem Dei ex creaturis. Hinc enim ait: Invisibilia Dei intellecta conspici. Ubi Hieronymus, Tam evidenter, inquit, intellecta sunt, ut conspici dicantur. Idem tradunt Beda, & Chrysostomus ibi. Item homil. 9. & 10. ad pop. Augustinus tract. 2. in Ioan. Dionys. de Divin. nom. c. 7. Greg. lib. 29. moral. 1. 2. Justin. ad quest. 6. gent. Athanas. orat. contra Idola. Cyprianus de Idolorum vanitate. Damascen. lib. 1. de fide c. 1. & 2. elicitur què ex emphaticà illà locutione Sapientis, quod Deus possit cognoscibiliter videri à magnitudine speciei, & creatura. Constat igitur, tum ex proprietate, & Emphaticà SS. verborum ingeminatione, tum ex Patrum communi expositione non sine periculo erroris in fide, imò non absquè formali errore, uti S. Thom. loc. cit. cont. gentes ait, negari, quod lumine naturali sit demonstrabile, Deum esse.

Replicabis: Si ergo ex naturali lumine demonstratur, *Deum existere*, consequens est, non dari de hoc actum fidei: impossibile enim est idem respectu ejusdem subjecti, & instantis esse scitum, & creditum. Ex S. Tho. 2.2. q. 1. art. 5. Atque accedentem ad Deum oportet credere, *quia est. ad Heb. 11.* Quibus verbis exponi fidem quâ dispositionem necessariam ad justificationem tradit Concilium Tridentinum *sess. 6. de iustific. c. 6.* Unde fit consequens, non posse quemquam justificari sine fide explicitâ, quodd *Deus sit.* At hæc fides actualis non potest stare in Philosopho pro illo saltem instanti, in quo habet de existentia Dei demonstrationem, seu discursum na-

raturaliter evidentem, uti *supra* ex Doctore Angelico diximus. Ergo Philosophus pro hoc instanti non potest justificari: Hoc autem absurdum est, Ergo & id, ex quo sequitur.

Contra : Nam fides aliter attingit res creditas tanquam *objectum suum materiale* , aliter verò comparatur ad rationem motivam credendi, ceu *objectum suum formale*. Atqui existentiam Dei se habere ex parte motivi *formalis* fidei, evincitur ex allegatis verbis Apostoli, junctâ expositione Concilij Tridentini *loc. cit.* ubi ait, *Oportere credere, Quia Deus est, & quòd remunerator sit.* At id *Quia*, non verò ly *Quòd* nudè sumptum est particula causalis. Ergò illis verbis innuitur, existentiam Dei respectu actûs fidei exercere aliquam causalitatem, adeoque non esse instar alterius articuli obiectum, duntaxat *terminativum*, sed *motivum*.

At supposita licet in alicujus intellectu cognitione naturaliter evidente, *Quod Deus sit summè verax*, potest tamen ex revelatione Dei obscurâ circa propositionem inevidentem elici actus fidei *propter summam veracitatis Divinae reverentiam*. Ergo *motivum formale fidei* inadæquatum junctum cum obscurâ Dei revelatione, potest esse naturali lumine notum. Ergo à pari Existentia naturali lumine demonstrata, etsi pro instanti hujus cognitionis evidētis non possit esse credita, potest tamen attingi ab actu fidei ex *parte motivi formalis*.

Hoc autem sufficere ad justificationem constat ex dicto. c. 6. Sacri Tridentini Concilij in initio; exigentis ad justificationem, non tam ut res credita sit existentia Dei, quàm ut credamus, esse vera, quæ divinitus revelata, & promissa sunt. In hoc autem Existentiâ Divinâ sive formaliter, sive præsuppositivè importatur non ex parte rei credita, sed ex parte Motivi. Cùm igitur scientia evidens de Existentiâ Dei solùm impediat, hanc pro tunc à fide attingi in ratione rei credita, non verb in ratione motiva credendi, consequenter demonstratio naturalis quod Deus sit in nullo instanti impedit fidem necessariam pro justificatione.

CONTROVERSIA III.

*Quibus medijs vi luminis natu-
ralis demonstretur Deum
esse?*

VIdetur primo aspectu controversia ipsa non
tam spectare ad supernaturalem Theolo-
giam, quàm naturalem, seu Philosophiam. Ni-
hilominus ejus discussionem jure sibi vindicare
fidem, ac scientiam Theologicam, inde deduci-
tur; tum quòd scientiæ, seu doctrinæ sacræ sit
judicare de principiis aliarum scientiarum. S. Tho.
præf. q. 1. a. 6. ad 2. tum quòd fides præsupponat
cognitionem naturalem, sicut gratia naturam,
& perfectio perfectibile, *S. Doctor. præf. q. 2. a. 2. ad 2.*
Sub quâ proinde formalitate demonstrationes,
quibus lumine naturali probatur, *Deum esse*, ad
Theologiæ Tribunal cum *Doctore*
Angelico reduci-
mus.

Refc-

Referuntur Argumenta Docto-
rum.

2. **I**N hâc igitur materia S. Thomas *pres. art. 3.* ad demonstrandam Dei Existentiâ quinque aperit vias. 1. Motûs. 2. Causalitatis. 3. ex comparatione entis possibilis contingentis ad Ens necessarium. 4. ex comparatione graduum Entis. 5. ex gubernatione, seu ordinatione rerum in finem.

3. Subtilis Doctor *cit. q. 2. n. 11.* triplici modo demonstrat Deum esse, ex primitate nimirum Efficientiæ, Causalitatis finalis, & Eminentiæ.

CONCLUSIO I.

TRes priores Angelici Doctoris viæ reducuntur in unam Causalitatis Efficientis rationem, vi cuius evidenter demonstratur, Deum esse.

4. Probatur, Ens primum immobile movens omne mobile, Necessarium à se, improductum, omnis entis à se distincti Causativum est Deus. At ens ejusmodi existere demonstratur per vias Motûs, Efficientiæ, & Comparationis entium possibilem ad Ens necessarium. Major, nisi ludatur in voce, est evidenter nota ex terminis.

5. Minor probatur 1. per viam Motûs. Movere est aliquid de potentiâ educere in actum. Ergo nihil moveretur nisi quatenus est in potentiâ ad actum, ad quem movetur. At impossibile est, aliquid de potentiâ in actum reduci, nisi per Ens in actu; Ergo mobile ita debet esse in potentia, ut tamen movens sit in actu. At non est possibile, idem secundum idem esse simul in potentiâ, & actu. Ergo impossibile est idem eodem modo esse movens, & motum. Hinc ortum est axioma Philosophicum ex Arist. 12. *Metaph. à tex. 27.* desumptum: *Omne quod movetur, ab alio movetur.*

6. Hoc igitur, à quo alia moventur, vel est primum: vel si non detur primum movens, procedendum erit in infinitum. Si asseratur hoc posterius, tunc ista Moventia mobilia infinita, vel faciunt circulum, ita ut ad se invicem comparentur quâ moventia, & mobilia, atque tunc secundum idem sunt in actu, & potentiâ: vel in aliquo motore est status, ita ut omnia mobilia comparentur ad illud tanquam primum movens, quod non sit motum, & tunc datur ens immotum movens omnia mobilia. At in tantum ens Immobile est Moyens, in quantum est in actu. Ergo Ens Immobile movens omne mobile, est simpliciter in actu, atque adeo subsistens independenter ab omni alio. Ergo est ens à se. At hoc est Deus. Ergo vel existit Deus, vel impossibile est, dari motum. At prius repugnat evidentiæ sensuum. Ergo ex evidentiâ motûs ostenditur, Deum esse.

7. Probatur secundò ex comparatione Entium possibilem ad Ens Necessarium. Nam Ens necessario existens est Deus; atqui dari Ens necessario existens ex hoc evincitur, quod alioquin omnia Entia essent contingentia. Hoc autem admissio, possibile esset status, in quo nullum Ens existeret. At in isto statu nullum esset ens producibile: nullum enim ens produci potest, nisi ab ente in actu. Ergo si non datur Ens actu necessario existens, cogitari potest status, in quo universa Entia sint absolute, ac simpliciter improductibilia. At implicat Entia

possibilia esse simpliciter improductibilia. Ergo vel non dantur Entia possibilia contingentia, vel datur unum Ens necessario existens. At prius repugnat evidentiæ generationis, & corruptionis rerum sublunarium. Ergo naturaliter evidens est, dari Ens actu necessario existens. Hoc autem est Deus. Ergo ex comparatione Entium possibilem ad Ens necessario existens evidenter demonstratur, Deum esse.

8. Probatur tertio ex viâ causalitatis Efficientis. Datur Effectivum simpliciter primum, quod neque sit effectibile, nec effectivum in virtute alterius. At hoc vocamus Deum; Major ex eo convincitur, quod nisi daretur Effectivum simpliciter primum, esset processus in infinitum quoad causas efficientes. At hæc infinitas est impossibilis in viâ causalitatis, uti probat Aristoteles 8. *Physic. text. 34.* Ergo datur Effectivum simpliciter Primum, quod sit Deus.

9. Dices: Esse possibile, quod mundus esset ab æterno. In hoc autem statu quoad generationes fore in viâ causalitatis Efficientis processum in infinitum. Ergo ex impossibilitate infinitatis in viâ Causalitatis non demonstrari Existentiâ primi Effectivi.

10. Contra: Aliæ causæ sunt inter se subordinatæ per se, aliæ per accidens. At objectionis argumentum solum probat, quod in Causis per accidens subordinatis sit possibilis infinitas, non autem in Causis per se subordinatis. Minor probatur. Nam causæ per accidens subordinatæ dicuntur, quarum una dependet ab alterâ in fieri, non in operari. Hujusmodi autem causæ per accidens subordinatæ sunt corpora mundi sublunaria quâ generativa. In his autem abiretur in infinitum, si mundus fuisset ab æterno. At in causis per accidens subordinatis, quarum simultas non est necessaria in causando, non repugnat processus in infinitum. Secus est in causis per se subordinatis.

11. Hæc enim subordinatio essentialis est, per quam una causa formaliter quatenus causa dependet ab alterâ; ita ut in hujus virtute, & moveat, & cause. Unde advertente Scoto. *cit. q. 2. n. 12.* sit consequens, omnes causas per se subordinatas simul necessario concurrere ad causandum, cum alioquin deesset effectui aliqua causalitas per se. Ergo si in causis per se subordinatis procederetur in infinitum, actu simul existerent causæ infinitæ.

12. Hoc autem licet impossibili dato, tunc istæ causæ infinitæ vel à se invicem essent in causando dependentes, vel daretur Causa prima, quæ non esset effectibilis, nec in virtute alterius esset effectiva. At prius evidentem involvit repugnantiam, cum alioquin idem secundum unam individuum rationem causalitatis respectu ejusdem esset prius, & posterius. Ergo datur primum effectivum, nec effectibile, nec in alterius, sed suâ duntaxat virtute effectivum, à quo in causando dependent omnes aliæ causæ. Hoc autem est Deus. Ergo vel existit Deus, vel non datur aliqua Efficientiæ Causalitas.

13. Replicabis: in hoc argumento supponi, quod omnis causa præter Increatam in causando ut sic formaliter sit dependens ab aliâ. Hoc autem non aded notum esse lumine nature, quin Durandus in 2. *dist. 21. q. 57.* & *dist. 37. q. 1.* negavit immediatum Dei concursum ad actiones substantiæ. Hanc verò sententiâ non tam argumentis Phi-

lofophicis, quàm Sacris litteris efficaciter rejici. Ergo sistendo in lumine naturali non probari efficaciter; omnem causam præter Increatam esse Essentialiter in causando subordinatam alteri, & consequenter in causis per se subordinatis, vel dari Infinitatem, vel admitti debere Primam, à qua omnes reliquæ pendeant in causando.

14. Contra: Operari sequitur ad esse. At causæ creatæ formaliter ex hoc, quod sint creatæ, sunt Entia in essendo formalissimè dependentia. Ergo & in operari. Confirmatur. Nam si causæ creatæ virtus causativa pro instanti causationis non penderet ab aliâ causâ, jam posset pro aliquo instanti in ea intelligi aliqua formalitas sine formali dependentiâ ab alio: Hoc autem repugnat rationi Entis & causæ quâ creatæ. Ergo lumine naturæ notum est, omnem causam creatam formaliter ut sic esse in causando dependentem ab alio.


15. Hoc igitur aliud vel est primum & Increatum, vel admitti debet infinitas in causis creatis quâ formaliter in causando inter se subordinatis. Hoc autem esse impossibile evidenter demonstratum est. Ergo existit Ens primum & Increatum, à quo in causando dependeat omnis causa creatæ, siquæ aded causativum omnis Entis à se distincti: Hoc autem est Deus. Ergo Deus existit.

CONCLUSIO II.

EX comparatione graduum Entis, & ordinatione rerum in finem, efficaciter ostenditur Dei existentia.

16. Probatur primò. Species, seu perfectiones substantiarum creatarum sunt inæquales atque secundum Philosophum se habent in tan numeris, in quo semper est unitatum disformitas. At hæc inæqualitas reduci debet ad unum, primum, optimum in Essendo, & causando omnino independentens.
17. Minor probatur. Omnis formalitas Entis creati ut sic est ab alio. Hoc autem aliud nisi sit primum, proceditur in infinitum. In hac autem infinitate vel datur circulus, vel omnium reductio ad unum in essendo, & causando independentens. At prius implicat. Ergo omnis perfectio Entis creati ut sic reduci debet in unum Principium exemplativum, & effectivum in Essendo, & causando independentens. Hoc autem Principium omnem perfectionem à se producibilem formaliter vel eminenter continet ac in se subsistit independentem ab omni causâ, à quâ perfectionis suæ terminum accipiat. Ergo est infinitum in essendo & causando. Ergo est Deus.
18. Secundò. Omne agens agit propter finem. Aristoteles 2. *Phys. tex. 49. 61. & 75.* Cujus evidens est argumentum, quod corpora etiam naturalia agentia sine cognitione ex impetu naturæ semper, aut plerumquæ, operentur modo uniformi ad Bonum naturæ suæ proportionatum consequendum. Et licet quandoquæ ex casu sint effectus disformes, hunc ipsum tamen casum, seu fortunam reduci debere in causas per se agentes propter finem, constat ex *1. 2. Phys. tex. 66. & 67.*
19. At ea, quæ carent cognitione, non tendunt in finem, inclinando se ipsa. Ergo quâ inclinata, seu directâ ab alio. Hoc autem aliud, nisi proce-

datur in infinitum, ita est Directivum agibile in finem, ut non agatur, seu dirigatur ab alio. Ergo est intellectivum. Ergo ea, quæ carent cognitione, non tendunt in finem, nisi directâ ab intelligente. Hoc autem intelligens intellectio- ne suâ comprehendit omnia, adeoque infinita agibilia in finem. Ergo ejus intellectio est infinita. Ergo est Ens intellectuale infinitum. Hoc autem est Deus, Ergo Deus existit.



CONTROVERSIA IV.

An naturali lumine tam evidens

sit Deum esse, ut à nemine invincibiliter ignorari possit?

Molina *pres. q. 2. c. 1.* Zumel *ib. concl. 3.* Arriaga *1. p. disp. 2. sect. 3.* censent probabilius, dari posse ignorantiam Dei invincibilem. Probatum. Non est propositio per se nota *Deum existere*, sed debet discursu, & ratiocinatione colligi. Hic autem discursus in materiâ valde remotâ à sensibus indiget magnâ consideratione. Ergo in homine valde aggressis & hebetis ingenij, inter bestias quasi enutriti nec quidquam audientis de Deo, est verisimile, quod ne umbra quidem excutatur ratiocinationis ejusmodi. Ergo habet ignorantiam invincibilem.

Joannes Baptista Gonet *1. p. disp. 1. §. 4.* simpliciter negat, posse in hominibus, quantumvis incultis, dari ignorantiam invincibilem & inculpabilem de Existentiâ Dei. P. Stadlmayr. *1. p. disp. 1. n. n.* distinguit, asserendo, Existentiâ Dei nullo casu ab ullo homine, si ratione utatur, posse positivè per principia intrinseca ignorari, et si negativè nullâ occurrente de Deo cogitatione, vel per principia extrinseca deducta ab auctoritate malè insistentis ad breve saltem tempus possit Deus ignorari.

CONCLUSIO

Simpliciter in nullo casu potest ab homine rationis capace invincibiliter ignorari Dei Existentiâ.

Probatum. Positâ ignorantia Dei invincibili in homine aliquo, nullum ejus peccatû etiam intrinsecè malum, licet cum advertentiâ dissonantiæ, & repugnantia contra naturam rationalem commissum, esset peccatum mortale. Ex hoc autem sequeretur, peccata homicidij, adulterij, & quævis alia juri naturali adversantia cum formali, & directâ intentione violandi Jus naturæ perpetrata, non fore digna poenâ æternâ. At istud satis est absurdum. Ergo & id, ex quo sequitur.

Dices cum Salâ *1. 2. 10. 1. disp. 16. sect. 22.* sequelam Majoris esse falsam, & improbabilem, imò in fide periculosissimam. Nam declinans à ratione graviter obligante cum plenâ deliberatione est hoc ipso dignus privatione, & carentiâ perpetuâ gratiæ, & gloriæ: non enim est congruum amicitiam & gloriam peccato prius non dimisso restitui, vel conferri illi, qui scienter & graviter conculcavit legem naturæ, cujus Deus, licet ab illo ignoretur, est author & protector. Ergo taliter peccans cum ignorantia Dei etiam invincibili dignus est æternâ poenâ damni, adeoque poenâ etiam sensus perpetuâ.

Con-

6. **Contra:** Malicia peccati mortalis principaliter consistit in aversione à Deo, S. Tho. 1.2. q. 73. a. 1. ad 1. & q. 87. a. 4. Hinc si posset esse conversio ad bonum commutabile sine aversione à Deo, quantumvis esset inordinata, non fore peccatum inordinabile, ait S. Doctor 2.2. q. 20. a. 3. At si cum ignorantia Dei invincibili quis scienter ac deliberatè perpetraret facinus quâ dissonum rationi, & juri naturali, tunc peccatum ejusmodi esset conversio ad commutabile bonum, quin esset formaliter aversio à Deo.
7. Sequela Minoris probatur. Non potest in actu peccaminoso cogitari ulla ratio formalis malitiæ, nisi quâ voluntaria. At ignorantia invincibilis excludit omnimodam rationem voluntarij. Illud ergo peccatum contra jus naturæ scienter cum ignorantia tamen Dei invincibili perpetratum contineret malitiam duntaxat deordinationis à jure naturæ, & rectæ rationis, non autem aversionis à Deo. Ergo peccatum ejusmodi nec haberet formalem malitiam offensæ Divinæ.
8. At debitum pœnæ æternæ consequitur ex ratione offensæ Divinæ, quæ ut sic habet malitiam secundum quod saltem infinitam, atque adeo parit pœnam ex duratione infinitam, seu æternam. Consequens proinde est, datâ ignorantia Dei invincibili efficaciter inferri, quod possit dari peccatum in materiâ gravi scienter repugnans juri naturali, quin sit mortale, ac mereatur pœnam æternam. Hoc autem est absurdum. Ergo & id, ex quo sequitur.
9. Replicabis ex Stadlmayr. loc. cit. saltem fieri posse, ut quis modico tempore negativè ignoret Deum, nullâ occurrente de Deo cogitatione. Tum quia casus ejusmodi vix negandus videtur in infideli negativè. Tum quia ex defectu excitationis specierum potest quandoquæ in Doctis esse inadvertentia invincibilis alicujus propositionis per se notæ. Ergo à fortiori in homine rudi de malitiâ homicidij. v.g. alioquin satis instructo potest esse tanta ignorantia seu inadvertentia de Existentiâ Dei, ut nè umbra quidem illius excitetur in ejus ratione, velut arguit Arriaga cit. sect. 3. n. 17. in fine.
10. Quo adeo casu supposito, probat idem Arriaga 10. l. in 1. 2. disp. 19. sect. 10. à n. 47. non esse absurdum dicere, peccatum homicidij cum invincibili Dei ignorantia contra Jus naturæ scienter perpetratum non esse mortale, utpote carens ratione formalis offensæ divinæ, nec adeo esse dignum pœnâ æternâ: etsi quâ malum morale esset objectum displicentiæ Dei; à quo proinde tanquam primâ Bonitatis Moralis Regulâ, & tanquam Capite Reipublicæ rationalis meritis puniretur pœnâ proportionatâ temporali.
11. **Contra:** Nam uno hoc reverà absurdo jam admissio, plura alia sequuntur absurda. *Primo.* Dari posse casum, in quo puer prius baptizatus, sed à negativè infidelibus abreptus, ubi pervenit ad usum rationis in facinore contra naturam perpetrato incurrat malitiam moralem, & reatum adversus Jus naturale, quin propter Dei ignorantiam, & inadvertentiam pro tempore illo invincibilem contrahat rationem offensæ Divinæ. Hic ergo ob tale peccatum non privaretur gratiâ in Baptismate acceptâ: Si igitur decedat cum isto peccato, erit hæres regni cœlestis.
12. *Secundo.* De puero infideli laborante adhuc invincibili ignorantia Dei, qui tamen cum suffi-

cienti deliberatione graviter deliquit contra Jus, seu lumen naturale; quaeritur ex Adversariis, quid cum illo mortuo in tali statu agatur? Nam vel hoc peccatum ex tunc esset indelebile, vel posset deleri mediante satisfatione, aut satisfactiōe. Si primum asseratur. Ergo sicuti peccatum Veniale junctum cum Mortali post hanc vitam per accidens in impenitente propter sui indelebitatem punitur pœnâ æternâ sensûs, sic consequenter discurrendum erit de prætaeto pueri peccato.

Si secundū affirmetur: Ex opposito est, quod nulla post hanc vitam detur satisfactio pro ullo peccato, & licet pœna temporalis purgatorij possit tollere reatum pœnæ, nequeat tamen culpam ullam abstergere. Cum igitur peccatum ejusmodi nec in virtute ignis purgatorij sit deletibile, nec mereatur pœnam æternam, dabitur post hanc vitam status Patribus & Theologis hætenus incognitus: in quo ratione peccati Originalis puer ille sit ita exclusus à cœlesti beatitudine, ut debeat etiam subire pœnam sensûs temporalem, eamquæ diversam ab igne purgatorij: tum quod ex hoc supersit spes futuræ gloriæ, ad quam illi Negativè infideli ob defectum Gratiæ Sanctificantis nullum esse potest Jus; tum quod pœna purgatorij sit ad castigandas leviores offensas Divinas, nequæ verò ille Negativè infidelis habens Dei ignorantiam invincibilem committeret ullam Dei offensam.

Tertiò. Si etiam negativè, vel per principia extrinseca potest dari ad tempus, quantumvis modicum, invincibilis ignorantia vel inadvertentia Dei, tunc peccata contra Jus naturæ eo tempore scienter facta nec ablui possunt Sacramento Baptismatis, nec absolvi per Sacramentum Pœnitentiæ: Tum quia Baptisma in tantum reddit hominem immaculatum, purum, & innoxium, ut nihil eum ab ingressu cœli remoretur. Ex Concil. Trident. sess. 5. de peccato Origin. n. 5. unde virtus Baptismi tollit peccata quâ adversantia gloriæ seu ingressui in Cœlum. Tum quis solutio peccatorum in Sacramento Pœnitentiæ est per gratiam ex Virtute Spiritûs Sancti. ex Joan. 20. & Concil. Trid. sess. 14. c. 1. Ergo peccata illa utpote nec gratiæ, nec gloriæ adversantia non subessent virtuti, & efficaciarum Sacramentorum Baptismatis, ac Pœnitentiæ. At inauditum est, dari peccata lumini naturali repugnantia, nec tamen deletibilia per ejusmodi Sacramenta. Patet proinde, quot & quanta absurda generentur ex uno illo absurdo admissio, quod dari possit peccatum graviter & formaliter repugnans juri naturæ, quin sit Mortalis offensæ Dei. Hoc autem absurdum consequitur ex Dei ignorantia quantumvis ad modicum tempus duntaxat negativè, aut per principia extrinseca invincibili. Ergo hæc ignorantia invincibilis penitus eliminanda est ex Theologia.

Responsio ad fundamenta Adversariorum.

AD argumentum 11. oppositum Respondetur. Negando, quod discursus, ex quo devenitur in Dei notitiam, tantæ sit difficultatis, ut in aliquibus hominibus nè umbra quidem illius excitetur. Nam ad excludendam ignorantiam invincibilem sufficit cognitio, quæ potest esse principium operationis practicæ. Ejusmodi verò cognitio non debet esse demonstrativa, sed sufficit probabilis, dum nulla in contrarium occurrit

ratio evidens. At nullum occurrere homini medium convincens, ex quo probari possit Deum non existere, rectè advertit Stadlmayr *loc. cit.* Econtra vestigium Dei in creatis tam patens est, ut propterea *Iob 36.* dixerit: *Omnes homines videre Deum, unumquemque intueri procul.* Ex quo Gregorius Magnus *lib. 27. Moral. c. 5.* concludit: Omnem hominem eo ipso, quo rationalis est conditus, debere ex ratione colligere, eum qui se condidit, Deum esse. Vnde evincitur nulli non esse patens Divinum Numen seu Dei existentia.

16. Firmatur hoc assumptum ex præactis Gregorij Magni verbis informam redactis. Omnis enim homo naturaliter, ac necessariò cognoscit se rationalem conditum; At omnis homo eo ipso, quòd rationalis sit conditus, cognoscit Deum esse, qui se condidit. Minor patet ex allegato Gregorij Magni testimonio. Major autem probatur. Homo seipsum naturaliter amat non tantum innato, sed etiam elicitò appetitù; hinc enim in omni ferè actu voluntatis elicitò præsertim naturali reflectitur in se ipsum tanquam finem Cui. Hic autem amor non tantum est in ordine ad sensibilia, sed etiam intelligibilia ut sic. Hinc enim homo naturaliter scire desiderat, & propendit in veritatem quàm intelligibilem. Ergo homo naturaliter appetitù etiam elicitò amat se ipsum quàm intellectivum. At iste amor supponit cognitionem intellectivam. Ergo homo naturaliter, ac necessariò cognoscit se ipsum quàm intellectualem, seu rationalem.

17. Unde sicut in sensu interiori animalis datur receptio intentionum non receptorum à sensibus externis, quarum adeò principium oportet esse aliunde, quàm ab immutatione sensibili. S. Tho. *1. p. q. 78. a. 4.* Sic à fortiori homo se ipsum naturaliter cognoscens quàm intellectivum, & rationalem, debet connaturaliter habere inditum principium huius cognitionis. Hæc autem cognitio in homine attingit illam etiam formalitatem, secundum quam homo ab intrinseco, & ex natura suà quàm rationali ordinatur, in Beatitudinem naturalem: homo enim naturaliter desiderat Beatitudinem, quòd autem naturaliter desideratur ab homine, naturaliter cognoscitur ab eodem. S. Doctor *præf. q. 2. art. 1. ad 1.*


18. At hominis Beatitudo secundum statum etiam naturæ, est Deus. Ergò in se quàm rationali, & consequenter quàm ordinabili in Deum tanquam Finem, à quo, & propter quem conditus est homo; naturaliter ac necessariò cognoscit Deum sub ratione saltem Beatitudinis naturalis. Ergò non potest dari Dei ignorantia invincibilis. S. Damasceno *lib. 7. Orthod. Fidei. c. 1.* attestante: Notitiam Dei. (non immediatam, sed in creatura tanquam in vestigio, ac medio rationali præsertim animà ceu imagine Dei radicatam) à naturà esse insitam, neque id aliquem ratione utentem ignorare posse.

COROLLARIUM.

19. Infertur primò. Non repugnare aliquem habere ignorantiam vincibilem, imò notitiam naturalem Dei, & tamen esse infidelem negativè; Ratio est: nam infidelitas negativa est in eo, cui nulla unquam fuerunt argumenta supernaturalis credibilitatis, ex quibus aliquando tenebatur ad fidem Divinam. Hoc autem totum subsistere

potest in eo, qui Dei habet notitiam naturalem, attamen huic notitiæ & juri naturali disformiter vivendo, se indignum facit, ne supernaturaliter illustretur, vel medijs à Deo ordinatis ducatur in semitam Divinæ revelationis, ac Fidei supernaturalis.

Infertur secundò. Etsi non repugnet, pro aliquo instanti esse sopitam in homine Dei notitiam non minùs; quàm ex defectu excitationis specierum possit aliquando in homine etiam docto dari invincibilis inadvertentia alicujus propositionis per se notæ. Nihilominus esse impossibile, quòd homo intelligat aliquid facinus quàm repugnans naturæ, & honestati rationali; quin advertat saltem in confuso ejus disformitatem cum naturali suà Beatitudine. At ut sic cognoscit homo Deum sub ratione saltem confusà tanquam Numen aliquod mente creatà sublimius & superius. Hoc autem sufficit ad rationem offensæ Dei. Ergò non est possibilis casus, in quo facinus aliquod possit esse formaliter dissonum naturæ quàm rationali, quin sit offensæ Dei. Uti ex alio licet fundamento probat etiam Martinus Perez *disp. 1 de Panit. sect. 3. n. 4.*




ARTICULUS II.

De Essentiâ, & Naturâ Dei.

V Na simplicissima Divinitatis substantia omnes perfectiones possibles emittenter continens sub diversis rationibus & formalitatibus est cognoscibilis. Inter quas Theologorum subtilis est indagatio in *Divini esse primâ formalitate* reperiendâ, quæ sit ratio Essentiæ Divinæ constitutiva, ex eaque cum fundamento in re intelligantur cæteræ emanare.

In hac proinde subtiliori inaccessibleis lucis Divinæ persequutione S. Augustini *lib. de Morib. Eccles. c. 7.* consilium secuturi ad opacitatem Authoritatis SS. Litterarum, umbras creaturarum, & SS. PP. voces, veluti temperatiora veritatis signa confugiemus, ne immensâ Divinitatis luce perstricti, ad tenebrarum familiaritatem cum fatigue conversionem.



CONTROVERSIA I.

An in Deo cum fundamento in re sit assignabilis Prima formalitas Essentiæ Divinæ ut sic constitutiva?

O Cham. in *1. dist. 2. q. 1. & 2.* Gabriel *ibi. q. 2. a. 2. concl. 1. & 2.* Gregor. in *1. dist. 8. q. 1. & 2.* Major. *ibi. q. 1. concl. 1. & 2.* nullam etiam rationis, cum fundamento in re, formalitatem distinctionem in Deo admittentes consequenter negant; esse verè intelligibilem Primam Dei formalitatem Essentiæ Divinæ ut sic constitutivam.

Nam primò. Ratio primæ formalitatis quàm cæterarum formalitatum in Deo radicis repugnat

nat summæ actualitati Divinæ substantiæ. Ergo cum fundamento in re non est intelligibile, quod una formalitas Divinæ substantiæ se habeat per modum primæ Essentiæ, cætera autem per modum attributorum.

2. Probatur tam antecedens, quam consequentia. Si Divina substantia, in Primâ suâ formalitate ut sic non importet omnem perfectionem. Ergo intelligitur ut sic actuabilis. Hoc autem directè adversatur summæ actualitati. At formalitas quæ repugnans Divinæ actualitati non habet fundamentum in re. Ergo cum fundamento in re non est intelligibilis Prima formalitas Essentiæ divinæ ut sic constitutiva; quin potius quælibet formalitas in Deo formalissimè, ac essentialiter sit tota Essentia Dei; Augustinus 7. de Trinit. c. 1. 3. & 2. inter alia ita differente: *Eadem Dei magnitudo, quæ virtus, & eadem Essentia, quæ magnitudo.*

3. Secundò. Perfectio quæ à parte rei est quidditas Dei, non potest cum fundamento in re intelligi tanquam non quidditas Dei. At quælibet perfectio Divina est formalissimè Quidditas Dei. Hinc enim S. Augustinus 6. de Trinit. c. 4. & 10. Item lib. 7. cap. 8. & 15. alijque Patres passim ajunt; Deum eo dici Deum, quo Magnus, aut Sapiens dicitur, nec aliunde esse Bonum, aut Iustum, quam unde Deus est. Quod eleganter expressit Nissenus Orat. 7. in Cant. Dominus, inquit, naturâ suâ idipsum, quod est veritatis, Sapientia, Potestatis, Essentia est. Et Anselmus in Monolog. c. 15. Si queratur, quid sit summa natura, quid verius respondeatur, quam Iustus? Cum igitur omnis, & quælibet perfectio in Deo sit Quidditas, & Essentia, seu natura Dei, non est cum fundamento in re ulla intelligibilis tanquam non Quidditas. Ergo distinctio formalitatum in Deo in Essentiam, & attributa non habet fundamentum in re, sed tota Divinarum perfectionum distinctio est secundum voces, & nomina.

4. Tertiò. Primæ illi formalitati vel aliquid ex parte rei perfectionis per reliquas attributales formalitates supervenire intelligitur; vel non. At prius dici non potest, nam alioquin substantia Divina non esset simplex, ed quod attributales perfectiones intelligerentur superaddi Primæ formalitati, in quâ præcisè consisteret Divina Quidditas, & Essentia. Hoc autem adversatur Doctrinæ SS. PP. nominatim Anselmi in Monol. c. 16. Cyrilli Alex. lib. 13. Theoph. c. 4. Augustini 5. de Trinit. c. 8. & 9. & lib. 6. c. 4. & lib. 7. c. 1. & lib. 15. c. 5. affirmantium, perfectiones Divinas esse ipsam Essentiam, ac de Essentiâ Dei, atque adeò secundum substantiam, vel substantialiter sive essentialiter prædicari de Deo.

5. Consequens igitur est, non esse intelligibilem Primam formalitatem, quin essentialiter, & formaliter importet omnem perfectionem Divinam velut Bernardus 5. de Confid. c. 6. id eleganter expressit: si Bonum, inquit, si magnum, si sapientem, vel quidquid tale de Deo dixeris, in hoc verbo instauratur, quod Est Est: nempe hoc est ei Esse, quod hæc omnia esse, etsi centum talia addas, non recessisti ab Esse, si ea dixeris, nihil addidisti, si non dixeris, nihil minuiisti: Cum proinde perfectiones attributales nihil addant supra primam formalitatem Esse Divini, idcirco cum fundamento in re non est intelligibilis in Deo formalitas, quæ secundum se præcisè sit ratio quidditativa, & Essentia Dei.

6. Thomistæ, & Scotistæ, cæterique Theologi communiter docent; esse cum fundamento in re

intelligibilem in Deo formalitatem, quæ ut sic distincta ab attributis Divinis, habeat rationem Essentiæ.

CONCLUSIO I.

IN Deo est assignabilis cum fundamento in re distinctio formalitatum, quarum una Logice est causa alterius. ex S. Tho. opuscul. 9. q. 1. 2. & 3. Item q. 7. de poten. a. 6.

7. Probatur. Primò ex verbis Christi Ioan. 16. Omnia quæ habet Pater, mea sunt. Ergo in perfectionibus Christo per æternam generationem communicatis à Patre est quædam pluralitas. At hæc ipsa Divinarum perfectionum pluralitas est unum quid in substantiâ Divinâ communi Patri, & Filio. Ioan. 10. Ego & Pater unum sumus. Ergo in Divinâ substantiâ est unitas cum pluralitate non tantum reali Hypostasum, sed formali saltem rationis perfectionum quoque communium, & absolutarum, velut insinuavit D. Augustinus 6. de Trinit. c. 14. ponens in Deo simplicem multiplicitem, & multiplicem simplicitatem.

8. Secundò. Una perfectio Divina est per alteram à priori demonstrabilis. Ergo in perfectionibus Divinis assignanda est formalitatum diversitas se tenens ex parte objecti seu Dei. Antecedens patet: sic enim S. Doctor q. 3. a. 4. ex ratione actûs puri in Deo arguit à priori simplicitatem. Et infra q. 4. a. 3. & q. 7. a. 1. ex eo, quod Deus sit suum Esse per se subsistens, demonstrat à priori, esse Ens infinitum continens eminentiori modo omnium rerum perfectiones. Consequentia Probatur. In demonstratione à priori Medium continet rationem Causæ respectu perfectionis de subiecto demonstrabilis. At idem secundum eandem indivisibilem formalitatem non potest intelligi tanquam causa sui ipsius. Ergo quatenus in Demonstratione à priori una formalitas est causa, & ratio alterius formalitatis de Deo demonstrabilis, ut sic datur in Deo distinctio Formalitatum.

CONCLUSIO II.

INTER formalitates Divinarum perfectionum una se habet tanquam essentia; reliquæ autem instar Attributorum.

9. Probatur Primò Autoritate S. Scripturæ. Exod. 6. Ego Dominus, qui apparui Abraham, Isaac, & Jacob, in Deo omnipotente, & nomen meum Adonai, non indicavi eis. Ex quo sic argumentari licet: Omnipotentia fuit indicata Abrahamo, quin ipsi notum esset significatum nominis Adonai. Hoc autem nomine significatur Veritas Essentiæ, & Nature Divinæ, uti videre est apud Abulensem in cit. c. 6. Exod. & alios. Ergo omnipotentia Divina secundum nostros conceptus formaliter non est Essentia Dei, sed ad istam se habet instar attributi. Ergo datur in Deo aliqua formalitatum distinctio, quarum una intelligatur tanquam Essentia, reliquæ autem se habeant instar attributorum.

10. Secundò. Attributi nomine intelligitur perfectio se habens instar formæ adjacentis Essentiæ, seu naturæ Divinæ, ac necessariò vel re, vel ratione nostrâ à rationatâ profluentis ab Essentiâ. At

esse Justum, Bonum, Sanctum, & talia, quæ per Theologiam affirmativam dicuntur de Deo, non naturam ejus significant, sed quæ sunt circa naturam, quam consequuntur. *ut expressis verbis tradunt Cyrillus Alexand. lib. de Trinit. c. 3. & 11. Nazianzenus. Orat. 34. & 38. non longe à fine, & 42. Damascenus lib. 1. de Fide c. 4. & 12. & SS. PP. passim.* Inter quos Augustinus 15. de Trinit. c. 6. ita loquitur: Si dicam eternus, Immortalis, iustus, Bonus, Beatus, Spiritus, horum omnium novissimum, quod posui, videtur significare substantiam, cetera verò hujus substantiæ qualitates. Cum proinde in Deo alia formalitas intelligatur quæ Essentia, & Natura, aliæ verò perfectiones consequantur Naturam, cui secundum nostrum intelligendi modum quasi accidunt, seu adjacent, consequens est, in Deo concipi formalitates Essentiæ & attributorum distinctas.

Responsio ad fundamenta opposita.

11. **A**D Primum n. 1. & 2. oppositum Respondetur. Negando antecedens, ejusque probationem. Nam actuabilitas dicit potentialitatem: Hæc autem importat actus perfectivi distinctionem non præcisè rationis, sed realem. At quia omnis perfectio in Deo est à parte rei formaliter tota perfectio Dei, uti ex Augustino probat argumentum objectionis; Consequens est, essentiam Dei non esse actuabilem à perfectionibus Divinis, quæ secundum præcisiones rationis in Divinæ substantiæ eminentialiter simplicissimâ multiplicitate fundatas ita intelliguntur consequi, & quasi accidere Divinæ substantiæ, ut secundum qualitatem dici videantur: ob identitatem tamen realem insint Deo secundum substantiam, vel Essentiam. August. cit. c. 6. de Trinit.

12. Ad secundum n. 3. oppositum Respondetur: Authoritates Patrum ibi adductas efficaciter probare, quod in Deo nulla sit realis, vel à parte rei formalis distinctio substantiæ, seu Naturæ, & Perfectionum attributivum. In hac tamen simplicissimâ reali etiam formali unitate substantiæ ac perfectionis Divinæ esse à parte rei virtuales distinctionem, vi cujus ab intellectu nostro una formalitas est attingibilis sine alterâ. In quâ formalitatum virtuali à parte rei, & actuali rationis distinctione necessario esse aliquam assignabilem, sine quâ Deus nō concipi quidem possit à quovis intellectu. Hanc autem esse Essentiam, quam oporteat secundum nostrum conceptum non includere formalitates cum fundamento virtualis distinctionis per rationem nostram præcisas. Ergo virtuales distinctionem in Deo præbere à parte rei fundamentum ratione ratiocinatâ distinguendi ab Essentiâ Divinâ perfectio nes attributales realiter, & à parte rei formaliter in ipsâ inclusas, non tamen in conceptu Essentiæ etiam objectivè formaliter tactas à nostro intellectu.

13. In quem sensum eleganter Cyrillus Alexand. lib. 7. Theauri c. 1. ait: Sapienter dicitur, nihil accidere substantiæ Dei, quoniam in se perfecta est, sed tamen cogimur (scilicet ob virtuales distinctionem) nunquam quasi accidentia, etiamsi non omnino accidentia Deo, hoc dicere, & mente accidentium more concipere. Ex quo evidenter patet, id, quod tum realiter, tum à parte rei formaliter est Quidditas Dei, posse ob virtuales distinctionem cum fundamento in re intelligi quâ non Quidditatem. Nam teste Cyrillo sunt aliqua in Deo, quæ non omni-

nō, id est, non realiter, vel à parte rei formaliter accidunt. Ergo accidunt tantum aliquantulum, id est virtualiter, & per rationem cum fundamento in re adualiter. Hæc proinde cogimur secundum Cyrillū more accidentiū, vel quasi accidentia concipere.

Ad Tertium n. 4. oppositum Respondetur. Ex SS. PP. efficaciter ostendi, quod omnes perfectiones Divinæ sint realiter Essentia Dei, quas proinde cum addito à parte rei prædicari essentialiter de Deo. Nihilominus absolute & simpliciter loquendo non dici Essentiam nec prædicari essentialiter, nisi id, sine quo res concipi non potest. At ex dictis constare, quod in Deo ratione virtualis distinctionis sit à parte rei formalitas, secundum quam cum fundamento in re concipi possit Deus formaliter quæ Deus, quin etiam objectivè attingantur aliæ formalitates Divinæ. Ergo propter hanc virtuales distinctionem à parte rei existentem in Deo non esse simpliciter, & absolute dicendum, quod Essentia & Natura Divina includat essentialiter Attributa Divina, sed cum addito à parte rei, realiter, & formaliter. Quod præter alios PP. clarè expressit S. Maximus apud Eutymium in Panopliâ part. 1. lib. 3. Cap. in Deo: Bonus, inquit, & Opifex, & infinitus, & immortalis, & his similia, non dicimus esse differentias Dei Essentiam Dei constituentes, sed appellationes quasdam, quibus aliqua eorum, quæ circa ipsam spectantur, patefiant, cum nulla tamen ex ipsis ea, quæ ad Essentiam, & Naturam ejus pertinent, ostendat.

DEBILITATIO ARGUMENTI CONTRARIUM

CONTROVERSIA II.

AN Essentia, & Natura Divina distinguantur ratione cum fundamento in re?

Negat Joannes Baptista Gonet. 1. p. disp. 2. §. 2. concl. 2. Essentiam, & Naturam in Deo posse cum fundamento in re concipi secundum diversas rationes constitutivas.

Probat. Si Essentia in Deo virtualiter distingueretur à naturâ: Ergo hæc non minus, quam attributa radicaretur in illâ. At hæc ipsa radix quâ in Essentiâ imbibita est Natura. Ergo non est intelligibilis Essentia sine naturâ. Ergo non est fundamentum distinguendi in Deo Essentiam, & Naturam.

Franciscus de Lugo. disp. 16. de Deo uno. c. 5. & 7. & nonnulli recentiores Thomistæ relati à Gonet cit. disp. 2. §. 1. affirmant, in Deo virtualiter distinguatur Naturam, & Essentiam. Ad stipulantur Cajetanus & Ferrariensis infra n. 6. circa medium allegandi.

CONCLUSIO.

Natura & Essentia in Deo sunt formalitates ratione cum fundamento in re distinctæ.

Probat. Etsi Natura & Essentia, imò & substantia sæpè usurpentur indistincte sub una significatione, uti videre est apud Aristotelem 5. Metaph. c. 4. ad medium. D. Augustinum lib. 2. de moribus Manich. c. 2. & S. Thomam in 3. disp. 37. q. 1. art. 1. Nihilominus strictius loquendo differentia inter Essentiam, & naturam in eo ponenda est, quod Essentia, teste Augustino 12. de Civit. c. 2. dicatur ab essendo, & ut sic abstrahat ab operatione, vel ejus principio, quæ formaliter importatur in naturâ. Unde S. Thomas 1. p. q. 39. a. 2. ad 3. ait: Natura designat principium actus: Essentia

ab

ab Essendo dicitur. Quo sensu Divus etiam Bonaventura in 3. dist. 5. a. 2. q. 1. in fin. inquit, Essentiam consistere in quadam abstractione nimirum ab operatione, seu principio operandi, at naturam esse principium naturalium operationum, adstipulante Aristot. 2. Phys. tex. 3. & 5. Metaph. 6. 4. Nec non Joanne Damasceno in sua Philosophia. 6. 4. At in Deo per nomen *Qui est*, est designabilis ratio essendi quâ abstracta ab operatione quam ut sic formaliter importat nomen *Deus*, ex S. Tho. 1. 2. p. q. 13. a. 2. & 11. Ergo in Deo ratione nostrâ distinguitur Essentia, & Natura, quarum prior per nomen *Qui est*, posterior autem per nomen *Deus* significatur, ex S. Doctore cit. a. 1. ad 1.

4. Dices ex Gonet. cit. concl. 1. prob. 1. & infra §. 4. ad 1. & 2. Ex hoc probari, quod Essentia, & Natura in Deo non distinguantur virtualiter, sed ex nostro concipiendi modo duntaxat per analogiam ad res creatas. Cujus ratio est. Nam ex solum formalitates in Divinâ substantiâ distinguuntur virtualiter, quæ in substantiâ creatâ non ex hujus limitatione, & potentialitate, sed ex proprijs formalibus rationibus aut realiter, aut saltem virtualiter distinguuntur. At ratio propter quam Aristoteles, & D. Thomas loc. cit. inter Essentiam, & Naturam assignant differentias Essentiales in eo sita est, quod substantia creata licet actuat per Esse sit in potentia ad operationem, nec adeo sit actus purus, sed admixta potentialitati. Atqui Deus sicut in ordine Entitativo, sic in ordine intelligibili, & operativo est purissimus actus. Unde ejus substantia ob purissimâ sui actualitatem nequit verè concipi cum potentia tum ad existendum, tum ad operandum ad intra. Ergo in Deo non est fundamentum sicut in creatis ponendi distinctionem inter Naturam, & Essentiam.

5. Contra. Nam præfatæ ratiocinationis Major patitur difficultatem. Tum quod Gonetius non quaslibet formalitates in creatis à parte rei formaliter sive virtualiter distinctas velit in Divinâ substantiâ habere virtuales distinctionem, quæ respectu intellectus nostri præbeat præcisionis objectivæ fundamentum reale. Tum quod in substantijs creatis assignet formalitatum rationes proprias, quin ista propria distinctiva ratio sit fundata in potentialitate ac limitatione. At hoc nimium sapit Scotisticâ ex naturâ rei formalem distinctionem, ut patet ex dicendis infra art. 3. cont. 2. Quare contra Gonetij ratiocinationem procedimus tum negando Majorem, tum alterius argumentando in hunc modum. Est enim substantia creata non sit actus purus; sed includat potentialitatem tam ad existendum, quam ad operandum, in sua tamen Essentiâ formaliter à parte rei importat principium radicale operationis. In hoc autem principio radicali consistit ratio naturæ, ut sic. Atqui ab hac formalitate naturæ quâ talis propriâ potest præscindi ratio Essentiæ. Patet proinde, quod distinctio naturæ & Essentiæ in substantijs creatis sit ex proprijs rationibus formalibus non quidem realiter, vel etiam formaliter à parte rei, sed virtualiter diversis.

6. Pari ergo ratione, licet essentia Divina utpote actus purissimus sine ullâ potentialitatis admixtione à parte rei formaliter dicat operationem ad intra, nihilominus sub propriâ Essendi ratione potest considerari abstrahendo à ratione intelligibilitatis, & operationis ad intra. velut in-
finita Cajetan. infra q. 14. art. 4. §. ad evidentiam. circa

medium. Et expresse tradit Ferrar. 1. cont. gent. l. 3. §. Potest secundo. asserendò, Esse Dei absolute sumptum prout est actualitas essendi distingui formaliter ab intellectu. Atqui Essentia Dei ut sic spectatur sub ratione Essendi, & quâ natura consideratur sub actualitate intelligendi, ut patet ex S. Thoma, sup. allegato. Ergo sicut in substantiâ creata, sic in Deo potest ratione nostrâ cum fundamento in re distingui formalitas naturæ ac Essentiæ.

Replicabis ex eodem Gonet cit. §. 2. concl. 1. 7. prob. 2. Si Essentia, & Natura in Deo virtualiter distinguerentur, consequens fore, Existentiâ Ordinis entitativi, ac intelligibilis in Deo eadem distinctione virtuali inter se differre. Sequela Probatur. Existentiâ est ultima actualitas formæ, seu actus. Sed Essentia & Natura Divina quâ ultimò per se ipsas formaliter actuatæ differrent virtualiter. Ergo possent in Essentiâ & Naturâ Dei ut sic intelligi duæ existentie virtualiter distinctæ. At sicut ex duabus existentijs realiter distinctis non potest fieri unum realiter & identicè, sic ex duabus existentijs virtualiter distinctis non posset fieri unum per se formalissimè. Ex hoc enim fundamento demonstratur, relationes Divinas non habere existentiam virtualiter distinctam ab Existentiâ absolutâ. Ergo pari ratione non est admittenda existentia Naturæ in Deo virtualiter distincta ab Existentiâ Essentiæ. Ergo nec inter essentiam, & Naturam Dei quâ formalitates ex se ipsis ultimæ, & actualissimè actuatæ admittenda est distinctio virtualis.


8. Contra: Nam Divina natura est intellectio quâ formalissimè actuat per Essentiam Dei tanquam speciem intelligibilem. Hæc autem formalissima actuatio intellectio per Essentiam Dei, hanc non solum identicè, sed formalissimè importat. Atqui essentia Dei formalissimè dicit existentiam per se actuatam. Ergo Natura Dei existit formalissimè per actualem Existentiâ, seu Essentiæ Divinæ propriam. Unde fit etiam consequens, Essentiæ in Deo existentiam non esse virtualiter distinctam, sed formalissimè eandem cum existentia naturæ, imò naturam divinam non distingui virtualiter ab Essentiâ Dei.

9. Nihilominus quatenus hæc absolute considerata sub actualitate Essendi ab operatione, ut sic formaliter per rationem cum fundamento in re est distincta à formalitate Naturæ. Ergo inter formalitates Essentiæ, & Naturæ Divinæ datur distinctio rationis cum fundamento in re, ita quidem ut Essentia à naturâ, non vicissim natura ab Essentia Dei sit præscindibilis.

Responsio ad fundamenta opposita.

10. Ad fundamentum 1. oppositum. Respondetur, id retorquendo adversus Gonetium dist. 2. a. 2. §. 1. & 2. in fine docentem, quod immaterialitas in Deo sit radix intellectiois; nec tamen sit ratio formalis constitutiva naturæ Divinæ, etiamsi virtualiter esset prior intellectualitate Dei. Ergo à pari, licet Essentia Divina, seu actualitas essendi in Deo inferat immaterialitatem, ex hac autem à priori non tantum secundum non, sed etiam secundum se virtualiter, & cum fundamento in re per rationem consequantur intellectualitas seu natura Divina; non sequitur Essentiam absolute sub formalitate actualitatis Essendi, & cum præcisione operationis consideratam, habere rationem naturæ

turæ in Deo. Constat igitur ratione Essentiae ut sic cum fundamento in re per intellectum esse præscindibilem à ratione naturæ.



CONTROVERSIA III.

Quæ sit ratio formaliter constitutiva Essentia Divina?

1. Scotus q. 3. prol. n. 12. & in 1. dist. 3. q. 2. n. 17. & dist. 8. q. 4. à n. 17. & q. 5. quodlib. 5. De primo. circa medium. ponit formalitatem Essentia Divinæ ut sic in infinitate. Probatur ratione Subtilis Doctoris. Infinitas ut sic non est quasi Attributum, & passio Entis, cui convenit. Ergo est modus intrinsecus, seu ratio essentialiter constitutiva Entis perfectissimi, seu Dei. Antecedens probatur. Entitas præcisissimè accepta absquè quacunque proprietate habet ut sic formaliter aliquam perfectionis, seu virtutis magnitudinem intrinsecam. Hæc autem magnitudo in Ente infinito est formaliter infinitas. Ergo non est præscindibilis ulla formalitas in Deo, seu Ente infinito, quin concipiatur formaliter secundum rationem infinitatis. Ergo infinitas est de essentiali & omnino necessario conceptu Dei.
2. Aureolus in 1. dist. 8. 22. & 35. q. 1. a. 2. Henricus 1. p. sum. art. 36. q. 1. Joannes à S. Thomâ 1. p. dist. 16. a. 2. Joannes Baptista Gonet. dist. 2. de Naturâ, & quidditate Dei, concl. ult. Serra. q. 3. a. 3. concl. 4. Fasol. q. 4. a. 2. dub. 7. Ysambertus, q. 1. a. 5. constituunt rationem Essentia Dei in gradu Intellectualitatis. Probatur, ex S. Tho. infra q. 14. a. 4. asserente, *Intelligere Dei esse ipsius Essentiam, seu Esse*. Hoc autem in sensu formali esse accipiendum evincitur ex seq. a. 3. Vbi S. Doctor ex eo, quod Esse Dei sit ejus intelligere, infert, effectus qui præexistunt in Esse Dei, consequenter præexistere in ejus intelligere. At licet relationes Personales, & Attributa in Deo sint realiter eadem, à parte rei formaliter indistincta ab Essentiâ Dei, non tamen verificatur, effectus à Deo, quâ causâ Primâ producibiles præexistere in Hypostasi Patris, ut sic. Ergo ex illâ Doctoris Angelici illatione inferitur, quod intelligere Dei sit ejus Esse non in sensu duntaxat identico, sed formali excludente distinctionem etiam rationis ratiocinata, & virtualemente à parte rei. Ergo Essentia Dei formalissimè consistit in ratione Intellectualitatis habentis rationem actûs puri, & ultimi, ac per se subsistentis.
3. Cajetanus q. 3. a. 4. 5. in respons. ad 2. Bannes q. 14. a. 6. circa fin. Xantes Mariales 10. 2. Biblioth. q. 4. a. 1. c. 3. Petrus à S. Joseph. 1. 1. Theologia Speculativa. c. 1. resol. 4. Stadlmayr Universitatis Salisburgensis Rector Magnificus dist. de Deo c. 1. 5. ult. & c. 2. n. 4. ac seq. Franc. de Lugo cit. lib. 1. dist. 16. c. 5. & 6. & alij, ponunt rationem Dei Essentialem in formalitatem Essendi à se.

CONCLUSIO.

Ascitas quâ formalissima Essendi ac Existendi actualitas est formalissimè Essentia Divina.

4. Probatur. Sicut proprium nomen hominis sumitur ab ejus quidditate, sic proprium nomen

Dei sumitur ab ejus Essentiâ, & quidditate. Doctor Angel. in 1. dist. 8. q. 1. art. 1. in fin. corp. At Moyse querenti, si dixerint, quod est nomen ejus cap. 3. Exodi, respondit Dominus, *Ego sum, qui sum*, sic dices filijs Israel: *Qui est, misit me ad vos*. Ex quo evincitur nomen *Qui est* maximè proprium esse Dei. Nazianzenus Orat. 4. de Theolog. Damascenus lib. 1. Fidei Orthod. cap. 12. S. Thomas. infra q. 13. a. 11. At nomen *Qui est* significat Esse absolutum sine admixtione potentialitatis. ex S. Doct. cit. dist. 2. a. 1. ad 1. & 4. Ergo importat actualissimam Essendi formalitatem, seu Existentiâ per se, ac in se actualissimè subsistentem. Hæc autem existendi ac essendi actualitas ex se, à se, & in se subsistens congruè explicatur nomine Aseitatis. Ergo hæc est formalissimè Essentia Divina.

Dices: cum Joan. à S. Thomâ, cit. dist. 16. conc. 1. Nomen *Qui est* non significat *Quid est Deus*, sed quoddam pelagus substantia infinitum. Damascen. cit. c. 12. Ergo Esse à se tanquam pelagus quoddam essendi in Deo non constituit determinatè ipsum *quid est Dei*, sed pertinet ad ipsum *An est*, seu *quia est*: Doctore Angelico cit. a. 1. dist. 2. ita differente: *Nomen Qui est significat Esse determinatè, & non quid est, & quia in statum via hoc tantum cognoscimus de ipso, quia est, & non quid est, nisi per negationem, & non possumus nominare nisi secundum quod cognoscimus, ideo à nobis propriissimè nominatur quia est*.

Contra. Ex his verbis S. Doctoris clarè evincitur in statu viæ nos de Deo *Quid est cognoscere per negationem*. Atqui Aseitas nomine *Qui est* expressa significat Esse Dei indeterminatum, & absolutum, adeoque indequens cum exclusionem omnis potentialitatis. Ex S. Doctore cit. art. 1. ad 1. & 4. In hoc autem Esse Dei indeterminatum tanquam pelagus substantia infinitum ingredimur per viam remotionis, ita, ut remotis omnibus tum Corporalibus, tum intellectualibus secundum quod inveniuntur in creaturis, in intellectu nostro circa Deum tantum remaneat *Quia est*. Constat igitur, Esse Dei, quod per viam negationis de Deo in statu viæ cognoscimus, & ut sic nomine Aseitatis exprimimus, esse Quidditatem Dei, velut expressis verbis tradit S. Doctor in fin. cit. a. in corp. & ad 4.

Replicabis: ex Scoto cit. q. 5. quodlib. 5. de primo. ex hoc evinci, Esse quâ in Deo absolutum, & infinitum Essentia pelagus esse quidditatem Dei. Ergo substantia secundum quod habet rationem Primi in Deo, & vocatur pelagus, est infinita, & interminata. At in substantia Divinâ secundum rationem Primi, & quasi pelagi non includitur veritas, seu Bonitas, vel alia ratio attributalis, ex Joan. Damasc. cit. 12. Ergo Infinitas non est ratio attributalis; Ergo est essentialis.

Contra. In Divinis oportet ponere realem entitatem in existentiâ actuali, & aliquam unam primam, & illam ad se. Scotus. q. 1. quodlib. n. 1. in fine. At ista Prima entitas realis in Deo est ratio Essendi. Unde Existentiâ in Divinis est de conceptu Essentia & prædicatur in primo modo dicendi per se, ita ut propositio sit per se prima & immediata, ad quam omnes alia resolvuntur: ex eod. Doct. n. 3. & 4. ad 2. & alij loci ibi citati. Patet igitur, quod in Deo sit Essentia ad stipulantibus SS. Augustino de Trinit. cap. 1. in fine. item cap. 4. & 6. nec non Joanne Damasceno cit. cap. 12. At istud Esse Dei secundum Damascenum citatum est infinitum Essentia pelagus identicè, non autem formaliter conti-

continens universum quod est Deus. Unde non tam Formaliter, quam Radicaliter convenit Essentiâ Divinæ Esse infinitum. *ex addit. Scoti in cit. n. 4. ad confirmationem primi.*

9. Hanc verò infinitatem radicalem eleganter expressit D. Dionys. *l. 3. de Divin. Nom. asserens;* quòd Esse inter omnes alias Divinæ Bonitatis participationes, cuiusmodi sunt, *vivere & intelligere* sit primum, & quasi principium aliorum præhabens in se omnia. Unde annuente etiam D. Thoma *cit. art. 1. dist. 8. rectè concluditur;* Esse Dei esse ejus quidditatem. Ergò Essentia quatenus in Deo habet rationem primi seu Essentiæ, ac quidditatis, secundum principia non Angelici duntaxat, sed subtilis quoque Doctoris, est Esse Dei, non formaliter, sed radicaliter infinitum.

10. Hæc autem infinitas radicalis, seu ratio infiniti pelagi substantiæ exprimitur per nomen *Qui est.* S. Thom. *1. p. q. 13. art. 11. Probat*ur istud assumptum. Nam per nomen *Qui est* significatur Esse Dei indeterminatè, seu Esse absolutum ac indeterminatum. Idem S. Doctor. *cit. dist. 8. art. 1. in corp. & ad 4. & in sum. art. cit.* At intellectus noster quemcumque modum determinet substantiæ circa Deum, deficit à modo, quo Deus in se est. Unde quantò aliqua nomina sunt minùs determinata, & magis absoluta, tantò magis propriè dicuntur de Deo. Cum proinde hoc unicum nomen *Qui est* nullum modum essendi de Deo determinet, consequenter significat Essentiam Dei, seu pelagus substantiæ infinitum; uti discurret S. Doctor. *cit. art. 11. At Esse* indeterminatum, & absolutum aptè exprimitur per nomen *Aseitatus*, uti superius est probatum.

11. Sub hac enim formalitate consideratur Esse sub ratione absolutâ, remoto etiam ipso Esse, secundum quod est in creaturis. Atqui per istam remotionem, teste S. Thomâ *cit. dist. 8. a. 1. ad ult. & Div. Dion. ibi relao.* intellectus noster ingreditur quandam caliginem, in quâ Deus habitare dicitur. Illa verò formalitas, in quâ habitat, est in quâ primo subsistit, & que adeò formaliter Essentia Divina. Ergò Essentia Dei quâ pelagus substantiæ infinitum aptè exponitur per rationem, & nomen *Aseitatus*.

12. Instabis ex Joan. à S. Thomâ *loc. cit. & Joan. Baptist. Gonet. disp. 2. de Natur. Dei. §. 4. prob. 2.* Ratio essendi à se invenitur in omni Dei attributo, imò & Relationibus Personalibus. Ergò non est distinctiva Essentiæ Dei ut sic, sed transcendens respectu omnis formalitatis quâ Divinæ, & Increatæ. At quod est distinctivum, est etiam constitutivum. Ergò ratio Essendi non est determinatè constitutiva Essentiæ Divinæ, qua per rationem saltem ratiocinatam cum fundamento in se distinctæ ab attributis & Relationibus Personalibus in Deo, velut insinuat S. Doctor *loc. cit. attente lo.* Nomen *Qui est* significaret Esse Dei indeterminatè seu pelagus substantiæ indeterminatum; hoc est indifferens, & transcendens in ordine increato, & commune omni formalitati, quâ Divinæ, sive Quidditivæ, sive Attributali, sive Personal.

13. Contra: Ex primo & secundo modo dicendi, ac intelligendi per se habetur, secundum Aristot. *1. p. q. 4. & Philosophos communiter,* Proprietatem non esse quidem de Essentiâ subjecti, at istud ingredi definitionem proprietatis, seu attributi. Sicut ergò in creatis subjecti essentia est de quid-

ditate proprietatis in concreto; sic Essentia Divina est de quidditate cujuslibet formalitatis Divinæ etiam in abstracto.

14. Probatur consequentia: Omnia subjecta insunt accidentibus proprijs in ratione dicendi *Quid est:* quia Esse accidentis est Esse in subjecto ex Philosopho. *cit. c. 4. post. & S. Tho. ibi. lect. 10.* At obpunissimam Dei actualitatem est, quòd omnis formalitatis Divinæ sit formalissimè unum simplicissimum Esse. Unde Augustinus *6. de Trinit. c. 14. ait:* Deo hoc Esse, quòd fortiter Esse, aut iustum Esse, aut Sapientem Esse. Hoc autem actualissimum esse Dei est Esse à se. Ergò ratio Essendi à se est formalissimè, & transcendentaliter imbibita in omni formalitate attributali, & Personali quâ Divinâ, facientibus ipsimet adversarijs Ioanne à S. Thomâ, & Gonet, ubi sup.

15. At formalitas attributalis virtualiter à parte rei, & formaliter per rationem ratiocinatam se habens in Deo per modum proprietatis, non est ut sic intelligibilis, nisi quâ formaliter Divina. Sicut ergò Esse subjecti inest accidentibus substantiæ creatæ proprijs in ratione Dicendi *Quid est:* sic à fortiori Esse Dei inest formalitatibus ejus Attributalibus in ratione *quid est.*

16. Est autem istud discrimen inter Esse Dei, & Esse subjecti creati, quòd istud in ratione Causæ materialis secundum Divum Thomam citatum sit de Essentiâ comuni omnium subjecti creati specifici proprietatum in concreto, illud verò utpote simplicissimus actus non in ratione causæ materialis, sed purissimæ actualitatis & formalitatis sit de quidditate formalitatum Dei attributalium, etiam in abstracto. At verò ex eo, quòd Esse subjecti creati specifici sit de Essentiâ accidentium ipsi propriorum non impeditur, quòd minùs illud ipsum Esse sit propria subjecti Quidditas.

17. Constat igitur nec ex eo, quòd *Esse à se*, sit transcendens formalissimè imbibitum in omni formalitate quâ Divinâ, evinci, non esse quidditatem, seu Essentiam Dei formalissimè constitutivam. Quare verum omnino est, Essentiam Dei esse de quidditativa & Essentiali ratione Naturæ, & Attributorum, quâ Divinorum, et si formalitates Dei attributales Sapientiæ, Justitiæ, Bonitatis, vel etiam Naturæ in Deo *virtualiter à parte rei, & formaliter secundum rationem ratiocinatam* non sint de quidditate & Essentiâ Dei, sed hæc adequatè formaliter consistat in ratione Essendi à se quâ præcisâ à rationibus Naturæ & Attributorum. Quo adeò sensu Doctor Angelicus *cit. 1. p. q. 13. a. 1. dixit:* Esse Dei indeterminatum & absolutum cum remotione omnis formalitatis, Sapientiæ, Bonitatis, & similium esse quidditatem Dei.

Responsio ad argumenta Adversariorum.

18. AD Scoti oppositum Respondetur: Negando Antecedens, & Majorem probationis; Nam sicuti in formalitate Entis ut sic absolute, & præcisè consideratâ nō importatur ratio Unitatis, seu Bonitatis; ita nec perfectionis præsertim secundum modum Magnitudinis. Ergò à pari in Esse absoluto Dei abstrahitur à modo infinitatis. Hæc enim teste Scoto. *cit. q. 5. quodlib. 6. de primo. circa modum.* formaliter dicitur excessum perfectionis, seu virtutis ultra omnem proportionem deter-

minatam, & determinabilem. At prius est considerare *Esse Dei* absolutum, quam cum istâ comparatione excellivâ. Ergo infinitas non est prima ratio Deitatis seu substantiæ Divinæ, sed *Esse Dei* absolutum, quod aptè significatur per *ly Aseitas*, sive prout *Scorus. q. 3. prol. n. ii. in fin.* loquitur per *id* Hæc Essentia.

19. Ad n. 2. oppositum Respondetur. Hoc argumento probari primò. Quod *Esse Dei* quâ formale principium contentivum rerum à Deo producibilium sit formalissimè *intelligere Dei*. Secundo. Quod intelligere Dei formalissimè importet *Esse Dei* subsistens, licet hoc *Esse Dei* absolutum quâ Essentia Divina in sensu formali non includat *intelligere Dei*. Ex quibus solum inferri, quod *Esse Dei* subsistens sit de quidditate Divinæ Intellectionis; licet ista tanquam natura Divina non sit de quidditate Essentia Dei.

20. Urgebis: S. Thomam *ut. q. 13. a. 11. ad 1. affirmare*: Nomen *Qui est* esse quidem magis proprium Deo, quantum ad id, à quo imponitur, scilicet ab *Esse*, ac nomen *Deus* quantum ad id, ad quod significandum imponitur, esse magis Deo proprium. Atqui hoc nomen *Deus* à Providentiâ Dei derivatum imponitur ad significandam Naturam Divinam. S. Doctor. *loc. cit.* Illud verò nomen maximè propriè nominat Deum; quod significat ejus Essentiam. Ex eod. Doctore Angelico *in corp. ut. a.* Ergo nomen *Deus* quâ significativum Naturæ Divinæ, & ut sic Deo magis proprium, nomine *Qui est* magis propriè significat Divinam Essentiam. Ergo Essentia Divina est formalissimè Natura Divina consistens in Intellectualitate.

21. Respondetur retorquendo argumentum. Nomen *Qui est* imponitur ab *Esse*. Quod *Esse* ut sic est transcendens & Analogum respectu *Esse* Divini, & creati. Unde nomen *Qui est*, advertente Cajetano *in cit. a. 11. §. ad hoc breviter.* est appropriatum primi Analogati. At in primo analogato reperitur ratio Analogi absolute sub ratione unius simplicis conceptus; cum è contra secundo analogato non insit ratio analogi, nisi cum dependentiâ. Ergo nomen *Qui est* significat *Esse* absolutum sub simplicissimo conceptu purissimæ actualitatis.

22. At quod major est actualitas Entis, seu exclusio materialitatis & potentialitatis, eò formalius includitur ratio subsistentis & individui in formâ, seu ratione quidditativâ actûs. Argumento S. Thomæ. *q. 3. a. 3.* Ergo nomen *Qui est* quâ significativum *Esse* absoluti sub ratione purissimæ actualitatis significat Hanc Essentiam seu substantiam Dei quâ singularem, & incommunicabilem.

23. At nomen *Tetragrammaton* esse nomine *Deus* magis proprium S. Doctor. *ut. a. 13. ad 1.* probat ex eo, quod sit impositum ad significandam Dei substantiam incommunicabilem & singularem. Ergo nomen *Qui est* quâ significativum *Esse* absoluti & actualissimi, adeoque per se, & à se subsistentis, ac formalissimè individui, est Dei magis proprium, quam nomen *Deus*. At illud Nomen maximè propriè nominat Deum, quod significat ejus Essentiam. ex eod. Doct. *ubi sup.*


24. Ergo licet nomen *Deus* determinatè significet Naturam Divinam, Nomen autem *Qui est* significet *Esse* indeterminatum, atque adeò sub ratione aliqua confusâ nominet formalitatem Divinæ Essentia, uti patet ex S. Tho. *ut. a. 1. dist. 8. ad 4. in*

fine. Hæc ipsa tamen ratio Essendi indeterminata, & confusa formalissimè importat pelagus Essentia infinitum. Ergo ut sic explicat formalissimam Dei Essentiam & Quidditatem. ex proximè *cit. art.* Ergo nomen *Deus* tantum secundum quid est magis proprium Deo, prout formalitatem Naturæ Divinæ determinatè significat, cum è contra Nomen *Qui est* formalitatem Divinæ Essentia importet sub indeterminatâ Essendi ratione, quæ tamen ex parte rei, & conceptus objectivi formalissimè sit determinata ratio pelagi Essentia radicaliter infiniti, adeoque Quidditatis Dei.

Oppones ultimò: *Esse* à se idem dicere, ac *Esse* subsistens. Hoc autem potius importare Hæceitatem seu Individuationem, quam specificam Dei Essentiam. Probatur ista minor. Nam eo ipso, quod omnis Dei formalitas sit unum simplicissimum Ens, oportet, in Deo esse unicam à parte rei Formaliter & Virtualiter indivisibilem Essentialitatis individuationem, in omni formalitate Divinâ Transcendentaliter inclusam. At verò quia istæ Divinæ Formalitates ex naturâ rei Formaliter vel Virtualiter sunt distinctæ, oportet, aliquam Dei Essentiam specificam assignare, quæ non sit Transcendentaliter imbibita in omni Formalitate Divina, quæquæ adeò non sit Formalitatum Dei attributalium unica à Formis creatis distinctiva ratio. Est autem per se manifestum, quod Formalitates Dei attributales Sapientia, Bonitatis & c. per rationem Essendi à se, sive per *Esse* subsistens Transcendentaliter in se inclusum unice distinguantur à Formalitatibus creatis. Ergo ratio Essendi à se sive *Esse* subsistens non tam est Essentia Dei specifica, quam Transcendens omnis Formalitatis Divinæ Essentialitas pertinet potius ad gradum Dei individualem, quam specificum.

Respondetur: Verum esse, tum quod gradus specificus Essentia Divinæ formalissimè importet Hæceitatem, atque adeò Essentia Divina nequæ Formaliter ex natura rei, nequæ Virtualiter sic distincta à gradu suo individui, tum quod Essentia Divinæ gradus tam specificus, quam individualis sit Transcendentaliter inclusus in omni formalitate Divinâ attributali & Hypostatica, nec ulla adeò Dei Formalitas per intellectum nostrum objectivè, seu ratione ratiocinatâ sit præcindibilis ab Essentialitate Divinâ etiam specificè spectatâ; licet hæce contra sit intelligibilis sine omni Formalitate attributali & Hypostaticâ à se virtualiter à parte rei, & per objectivam intellectus nostri præcisionem Formaliter seu actualiter distinctâ. Tum denique quod in omnibus Formalitatibus Divinis etiam attributalibus non alia à Formis creatis distinctiva ratio sit intelligibilis, nisi quatenus formalissimè dicat rationem Aseitatis, sive *Esse* subsistentis. Cujus ratio Fundamentalisis sic deduci potest. Nam eo ipso, quod omnis Formalitas Deo inexistens ex naturâ rei Formaliter in ratione Essentialitatis imò & Entitatis sit unica simplicissima actualitas, oportet, gradum Dei specificum Formalissimè importare Hæceitatem ac Individuationem. Unde subtilis Doctor *in 1. q. 2. prol. n. ii. in fine* Essentiam Divinam prout est in se ipsâ, subtiliter exposuit per *id* Hæc Essentia. At eo ipso, quod gradus Dei specificus Formalissimè importet Hæceitatem, oportet Formalitatem in *Esse*

Esse Divini actuatam non aliam habere Essentia-
litatem nisi Esse per se actualissimè Hæccitatum
ac subsistens. Ille ipse igitur gradus Essendi qui
in Deo est specificus, ac in Esse Divini constituti-
vus, debet ut sic esse individualis & Transcen-
dens respectu omnis Divinæ etiam attributalis
Formalitatæ, adeo ut in hæc non sit alia à Formis
creatis distinctiva ratio nisi Esse subsistentis, seu
per se Hæccitati Transcendentaliter imbibiti in
ratione Formalitatæ omnimodæ quâ Divinæ,
& à Formis creatis Entitativè ac Formaliter ex
naturâ rei distinctæ.



CONTROVERSIA IV.

Quæ sit ratio formaliter constitu- tiva Naturæ Divinæ?

1. **H**enricus l.p. sum. 4.36. q.1. Durandus in 1. dist.
37. q.1. n.3. Alensis l.p. q.19. memb. 1. ad 1. Arru-
bal q.14. disp.28. c.3. & 4. Serra. q.3. art.3. concl.4.
videntur Naturam Dei constituere in Intelle-
ctualitate quâ radice, seu potentia intelligendi.
Probatur. Formæ realiter distinctæ in substantiis
creatis ita identificantur in substantiâ Divinâ,
ut in hæc tamen sint formalitates virtualiter seu
per rationem cum fundamento in re distinctæ.
At in creatis Intelligentiis natura intellectualis
substantialis, & intellectio actualis distinguun-
tur realiter. E go in Divinâ substantiâ est assigna-
bilis formalitas intellectualitatis substantia-
lis per rationem cum fundamento in re distincta
ab intellectu actuali. At substantialis intel-
lectualitas ex propriâ suâ ratione formali est per-
fectior intellectu actuali: Natura autem Di-
vina consistit in perfectissimo vitæ substantialis
gradu habente rationem primæ principij operandi.
Ejusmodi verò non est intellectio actualis, sed
Intellectualitas substantialis. Consequens igitur
est, Naturam Divinam consistere in intellectu-
alitate Dei substantiali quâ radice, & quasi po-
tentia intelligendi.
2. Ferrarientis 1. cont. gent. c.50. Nazarius q.14. d.5.
contr.1. Joannes à S. Thomâ ead. q.14. disp.16. d.2.
concl.2. Joan. Baptista Gonet. cit. disp.2. §.5. Fran-
ciscus de Lugo. cit. disp.16. c.7. concl. 2. consti-
tuunt Naturam Divinam in actuali Intelle-
ctione.

CONCLUSIO.

Natura Divina consistit in intellectu-
ne, quatenus est actualitas purissima
substantialis per se subsistens.

3. Probatur. Nomen Deus significat Naturam,
& substantiam Dei. S. Athanasius in Epist. de De-
cret. Synodi Nicenæ post medium. Justinus in expo-
sitione fidei. Nazianzenus Orat. 2. & 4. de Theologia.
D. Thomas cit. q.13. d.3. & 11. ad 1. At nomen Deus
derivatur à verbo Græco, quod Latinis perinde
est, ac intueri sive perspicere. Divus Dionys. de
Divin. Nom. c.12. Damasc. 1. de fide. c.12. Clemens
Alex. lib.1. Strom. ad finem. S. Thomas 1. cont. gentes.
c.46. in fin. Constat igitur Naturam Divinam ex
mente SS. PP. consistere in intuitionem, adeoque
actuali intellectu.
4. Dices cum Serra cit. concl. 4. prob. 3. Homo est
Imago Dei. Gen. 1. Est autem homo Imago Dei

ratione mentis, seu naturæ Intellectualis, quâ
præstat pecoribus. S. August. 6. super Gen. ad lit.
c.4. & D. Thom. 1. p. q.93. d.3. Requiritur autem
ad rationem imaginis similitudo secundum spe-
ciem, quæ attenditur secundum ultimam diffe-
rentiam substantiæ, seu naturæ. S. Doctor. cit.
q.93. d.2. Cum igitur homo secundum mentem,
seu naturam intellectualem, non verò secundum
actum intellectionis sit imago Dei, consequenter
ultima differentia Naturæ Divinæ non consistit
formaliter in operatione seu intellectione, sed in
huius radice, seu natura intellectuali.

Confirmatur. Homo est imago Dei etiam se-
cundum gratiam S. Thonias cit. q.93. d.4. habe-
turque 2. Petri 1. Maxima & pretiosa nobis pro-
missa donavit, ut per hæc efficiamur Divinæ consortes
Naturæ. At gratia non est participatio for-
malis intellectionis, seu operationis Divinæ, sed
Naturæ intellectualis Divinæ, prout dicit radi-
cem Visionis Essentiæ Dei. Ergo Patres supe-
rius allegati derivantes id Deus a verbo Græco
connotante intuitionem intelligendi sunt natu-
ram Divinam constituere non tam in actu &
operatione, quam radice intellectionis Di-
vinæ.

Contra: Nam homotam secundum Natu-
ram, quam secundum gratiam est imago Dei,
adeoque Divinæ consors naturæ solum analogiè,
non autem univocè, & consubstantialiter. At univocè
atque Analogiè imaginis ea est differentia, quod
in hæc sit similitudo Naturæ secundum partici-
pationem imperfectam, & secundum quid dun-
taxat. Unde tota hæc analogiè participatæ ima-
ginis ratio potest respectu Dei salvari in homine
tum secundum Naturam, tum secundum gra-
tiam, etiam si neutra istarum sit formalis actus,
sed radix intellectionis, sive naturalis, sive super-
naturalis.

Secus est in imagine Consubstantiali. & simpli-
citer, seu perfectissimo modo univocè, in quâ debet
cum omnimodæ distinctionis etiam virtualis
exclusionem esse formalissima identitas Natu-
ræ, ac substantiæ non tantum secundum
speciem, sed rationem etiam individuum.
At ejusmodi Imago Dei est Filius à Patre
in æternitate genitus. ex Coloss. 1. ad Heb. 1. Hic
autem procedit ut Verbum, Joan 1. At Verbum
istud est ut sic formaliter Sapientia genita. Au-
gustinus 7. de Trinit. c.2. Hæc verò Sapientia est
ipsa conceptio Sapientis, seu notitia genita. Di-
vus Tho. 1. p. q.34. d.4. ad 4. At ista notitia & con-
ceptio formalissimè importat actum Intellectionis.
Ergo Verbum Divinum formalissimè procedit in
identitatem intellectionis. At Verbum Divi-
num formalissimè procedit quâ consubstantialiter in
identitatem formalem & virtutalem Naturæ, ac Es-
sentiæ Divinæ. Ergo Natura Divina formalissi-
mè absque ullâ etiam virtuali distinctione est in
Deo intellectio actualis.

Confirmatur Discursu S. Augustini l.6. de
Trinit. c.10. redacto ad sequentem formam. Filius
Dei est imago Patris. At in imagine perfectâ
est species secundum primam æqualitatem &
summam similitudinem absque ullâ similitudi-
nis dissidentia ad identitatem respondens ei, cujus
imago est. Hæc autem species, adeoque Naturæ
ac Essentiæ cum substantiâ Patris formalissima
identitas relucet in Filio, quatenus est prima &
summa Vita, & summus, ac primus intellectus,

cui non est aliud vivere, & aliud Esse, nec aliud intelligere, sed id, quod est Intelligere, hoc vivere, hoc Esse est. Ergo filius est imago Patris, secundum quod ipsi communicatur à Patre intellectus non per modum potentiae, sed purissimæ vitæ, & intellectionis actualis formalissimè identificatæ cum Esse. Cum igitur Filius quæ Imago Dei Patris, secundum Augustinum dicat formalissimè identitatem Naturæ ac Essentiæ, hæc verò Identitas sit quoad Esse ac Intelligere: consequens est Naturam Divinam non consistere in Potentiâ intellectuali, sed in purissimâ actualitate intelligendi, ac essendi.

Ad argumentum in initio
oppositum

9. **R**espondetur. Illud procedere de formalitatibus nullam imperfectionem includentibus in ratione sua intrinsecâ. At potentia intelligendi utpote immanenter operativa formaliter importat potentialitatem respectu actûs intelligendi. Unde in Deo non est intelligibilis ratio, seu formalitas potentiae respectu actuum intelligendi, ac amandi, uti expressè docet S. Tho. 1. p. q. 25. a. 1. ad 3. & q. 4. a. 4. ad 3. & 2. cont. gent. 2. 10. ubi ait: *Intellectum & voluntatem non esse in Deo ut potentias, sed solum ut actiones.*

10. Instabis ex S. Thomâ in 1. dist. 7. q. 1. a. 1. ad 2. asserente, quod inter Essentiam, & operationem cadit Virtus media differens ab utraque in creaturis realiter, in Deo ratione. At ista virtus media est potentia generativa in Deo, quæ non tantum respectu Personæ productæ, sed respectu generationis activæ habet potentiae rationem secundum propriam rationem principij. S. Doctor 1. p. q. 41. a. 4. ad 3. Hæc autem potentia generativa in recto significat Naturam Divinam, in obliquo verò Relationem Paternitatis. Idem S. Doctor 2. 2. Ergo Natura Divina est intelligibilis per modum principij respectu actionum saltem Notionalium. At istæ actiones Notionales utpote realiter identificatæ cum Naturâ Divinâ non arguunt huius potentialitatem. Ergo in ratione formali potentiae quæ immanenter operative non includitur potentialitas. Ergo non est, cur ob hanc potentialitatis rationem negetur in Deo formalitas potentiae respectu actuum intelligendi, & amandi Essentialium.

11. Respondetur. Rationem formalem potentiae dicere distinctionem principij, & principij. Si ergo concipiatur intellectus secundum formalitatem realem potentiae, consequenter intelligi cum distinctione reali principij, & principij. Vel ergo istud principiatum se habet per modum per se subsistentis; vel per modum formæ actualis intellectum. Si hoc posterius, evidens est, actum intelligendi ex parte potentiae inferre potentialitatem. Ergo non est cum fundamentis intelligibilis in Deo intellectus per modum potentiae nisi respectu principij se habentis per modum per se subsistentis. At intellectus Divinus cum tali respectu, seu relatione est potentia Notionalis, non autem Essentialis. Ergo ex ratione potentialitatis efficaciter probatur, non esse Intellectum Divinum ex parte rei, & objecti comprehensibilem sub formalitate potentiae, nisi quâ Notionalis.

12. In hac proinde potentia Notionali ita per

rationem objectivè præcisam distinguuntur formalitates potentiae, & actûs, quin ulla exinde argui possit potentialitas. Probatur istud assumptum. Nam ratio potentiae ex formali suo conceptu importat distinctionem realem principij, & principij. At hæc stare potest absque distinctione reali potentiae, & actionis; uti constat ex creatione activa secundum Scholam Divi Thomæ indistinctâ ab Essentia Dei. Cum proinde intellectionis Dei, quâ Notionalis activæ sit secundum relationem producentis distinctio realis à Verbo per eam producto, nihil obstat, quò minus in Deo secundum Notionalia reperiatu tota formalitas potentiae non tantum respectu termini producti, sed etiam respectu generationis activæ.

Secus est in Intellectione Dei Essentiali, quæ ut sic formaliter non respicit ullum terminum à se distinctum & productum. Ergo non est intelligibilis sub formalitate potentiae quâ Virtualiter distinctæ à formalitate actualis intellectionis, uti S. Thomas in 1. p. q. 4. ad 1. clarè asserit: *Secundum modum intelligendi & significandi tantum, non ex parte rei concepta, posse in Deo salvari rationem potentia intellectiva.*

Replicabis: Essentia Divina se habet ad Intellectionem Dei per modum speciei intelligibilis, & objecti Motivi, ac specificativi. ex S. Thom. infra q. 14. a. 4. & 5. At objectum Motivum, & species intelligibilis concipitur in priori saltem rationis cum virtuali distinctione antecedenter ad actualem, seu formalem intellectionem. Ergo Essentia Divina potest in priori aliquo rationis cum virtuali distinctione concipi quâ intelligibilis absque formali conceptu actualis intellectionis in Deo. Atqui intelligibile ut sic formalissimè connotat intellectum. Ergo intellectus Dei est in priori rationis cum distinctione virtuali conceptibilis absque formali & actuali intellectione Divinæ Essentiæ. Ergo in hac radicali, seu potenciali intellectualitate Dei consistit Divina Natura.

Responderur. Essentiam Dei sub ratione quidem formali Aseitaris, seu Actualitatis essendi, non tamen sub formalitate actualissimæ intelligibilitatis esse ex parte rei intellectæ conceptibilem sine actuali intellectione. Hinc fit consequens, Essentiam Divinam non nisi secundum rationem eminentialem habere respectu sui intellectionis formalitatem speciei intelligibilis, nec adeò in vi alicujus etiam virtualis influxûs esse actûs Divini intelligendi objectum Motivum ac specificativum, sed specificationem ejusmodi esse per purissimam simplicissimæ formalitatis actualitatem absque ullâ ex parte objecti etiam virtuali inter Divinæ Essentiæ intelligibilitatem, & intellectionem distinctione.

Sic ergo Intellectus, & Intellectio in Deo per rationem nostram distinguuntur non secundum præcisionem objectivam, sed secundum conceptus nostri intellectûs, formalitates Divinas apprehendentes instar formalitatum creaturarum, sic Essentia Divina quæ intelligibilis ratione nostrâ præconcepitur prior actuali intellectione non secundum prioritatem aliquam in re etiam Virtuali, sed secundum prioritatis ac posterioritatis ordinem desumptum ex connotatione formarum ad intellectionem creaturam concurrentium, juxta quarum distinctionem diversimodè à nobis concipiuntur formalitates intellectûs Divini, distinctione tamen rationis se tenente præcisè ex parte

ex parte nostrorum conceptum, non autem ex parte rei quæ obiecta nostris intellectui, utpote qui non posset absque falsitate attingere intellectus Divini formalitates, nisi cum ratione eminentiali intrinsece excludente imperfectiones potentialitatis, & omnimodæ etiam Virtualis distinctionis.


17. Unde inter intellectum & Intellectionem, & Intelligibilitatem Divinæ Essentiæ non est conceptibilis ulla ex parte rei, seu obiecti prioris & distinctio etiam Virtualis, Doctore Angelico cit. q. 14. a. 4. asserente intellectum, id quod intelligitur, speciem intelligibilem, & ipsum intelligere omnino, adeoque formalissime cum virtualis distinctionis exclusionem, esse idem in Deo. Cum proinde non sit assignabilis in Deo ratio intellectus & Intelligibilitatis, nisi sub ratione eminentiali virtualiter, & secundum rationem obiectivam etiam formaliter includente actualissimam intellectionem: Consequens tandem est, Naturam Divinam non esse conceptibilem ex parte obiecti sine actualissima intellectione. Ergo Natura Divina virtualiter à parte rei, & formaliter secundum rationem nostram obiectivam non est intellectualitas radicalis, seu potentialis.

18. Vergebis ex Serra cit. a. 5. concl. 4. Immaterialitas in Deo est radix intellectualitatis. Ergo est prima ratio Naturæ in Deo. Probatur tam Antecedens, quam Consequentia. Immaterialitas consistit in abstractione formali; Hæc autem abstractio fit per separationem formæ seu actus à materiâ & potentialitate. At coarctatio formæ est per materiam. Unde quod magis actus est separatus à materia, & potentialitate, eo magis accedit ad infinitatem, ratione cujus infinitatis est receptivus formarum aliarum rerum. At cognoscitiva in hoc differunt à non cognoscitivis, quod hæc contineant se intra limites suæ formæ à materia coarctatæ; illa verò formas aliarum rerum, seu species in se habeant. Unde est illud Philosophi 3. de anima. tex. 37. Anima intelligendo sit omnia.

19. Consequens proinde est, quod Immaterialitas in tantum sit radix intellectualitatis, ut quod minus est actus immerlus materiæ, seu potentialitati, eo magis sit intellectivus. Ergo ex summo immaterialitatis gradu in Deo inferitur summa, & infinita intellectualitas ex S. Thoma cit. q. 14. a. 1. Atqui Natura consistit in radice, seu primo principio operandi, ex Arist. 2. Phys. tex. 3. Ergo immaterialitas seu ratio entis actualis immaterialis, & spiritualis in Deo tanquam radicalis intellectualitas est Natura Divina.

20. Respondetur. Quod ratio Naturæ formalissimæ, ac determinatæ importet, aut respiciat operationem substantiæ, ex alleg. 101. 2. Phys. At immaterialitas in Deo est formalissime actualitatis Essendi, scilicet ipsemet Serra loc. cit. Hæc autem essendi actualitas est virtualiter radix omnium Attributorum Divinorum, estque transcendentaliter imbibita in omni formalitate quæ Divinam Essentialem, quam Notionalem, & Personalem. Unde si haberet rationem Naturæ Divinæ, hæc formalissime esset in Hypostasi, & processione Spiritus Sancti; nec adeo apparet, quomodo processio Verbi, non autem Spiritus Sancti esset formaliter in similitudinem Naturæ. Cum proinde ratio immaterialitatis & actualitatis purissimæ sit transcendens ad omnes formalitates quæ Divinas, nec adeo ex ratione suâ propriâ deter-

minata sit ad operationem, seu rationem principij; consequenter non habet rationem Naturæ in Deo, sed Essentiæ. Probatur istud assumptum. Nam quia in Deo est unicum simplicissimum, & actualissimum Esse, consequenter omnium ejus formalitatum quæ Divinarum est unica non tantum identice, sed formalissime simplicissima Essentia. Hæc autem Essentia importat purissimam essendi actualitatem, adeoque immaterialitatem. Ergo immaterialitas in omni formalitate quæ Divinam importatur essentialiter non tantum à parte rei, sed secundum nostros quoque conceptus obiectivos cum exclusionem omnimodæ formalis, & virtualis distinctionis. Consequens proinde est: Immaterialitatem non esse propriam secundum nostros obiectivè præfixos conceptus Naturæ Divinæ Formaliter constitutivam rationem,




ARTICULUS III.

De Attributis Dei in genere.

EX præcedenti articulo constat per rationem cum fundamento in re ita distingui formalitates in Deo, ut alia Essentiæ, alia Naturæ, alia attributi, seu Personalitatis habeat rationem. Hinc oritur Difficultas; An istud distinctionis fundamentum sit intrinsecum Divinæ substantiæ, vel ab extrinseco petitur, ex convolutione perfectionum creaturarum, sive ex earum speciebus, & similitudinibus, per quas sunt Divinæ formalitates à nostro intellectu cognoscibiles?

Si verò fundamentum distinguendi perfectiones in Deo intrinsecum sit, rursus oritur Quæstio, An sit realis, vel formalis, vel virtualis distinctio à parte rei formalitatum divinarum distinctio?



CONTROVERSIA I.

Vtrum Attributa & Hypostases

Divinæ realiter distinguantur inter se, & ab Essentiâ Divinâ?

NYphus lib. 2. Metaph. disp. 13. c. 3. refert quosdam; nominatim Gualterium quendam, asserentes distinctionem realem inter Essentiam & Attributa Divina. His annumerari potest Gilbertus Porretanus, qui teste D. Tho. infra q. 28. art. 2. docuit; Relationes in Divinis esse assistentes, sive extrinsecus affixas. Unde affirmabat, tres Personas esse tres res æternas, & ad invicem à substantiâ differentes, veluti constat ex Concilio Rhemenfi sub Eugenio III. ubi tamen sententiam hanc revocasse; testatur Doctor Angelicus loc. cit.

Ad hoc reduci potest Sententia Durandi in 1. dist. 32. q. 1. & Mairon. dist. 2. q. 1. a. 3. & 4. quorum prior inter Personas, & Essentiam; posterior in nonnullis attributis, scilicet Infinitate & Eternitate ponebat distinctionem ex naturâ rei modalem.

Hi errores damnantur 1. à dicto Concilio Rhemen-

Rhemensi, in cuius symb. *art. 3. confitentur Patres: Nec aliquas omnino res, sive relationes, sive proprietates, vel unitates, aut alia huiusmodi dicuntur, adesse Deo, quæ sint ab eterno, & non sint Deus.* 2. à Concilio Florentino *sess. 18. & 19. ubi Patres Latini in confessione fidei Græcis oblata ita profitentur: Credimus in unum Deum &c. sed ne identitatem, unitatemque Essentiae dividamus, atque ut Essentiam ab Hypostasis non re differentem, sed ratione tantum ab actu intelligendi asseveremus.* 3. Ex Concilio Lateranensi sub Innocentio III. *cap. firmiter de summa Trinit. & fide Catholicâ. Ubi Patres cum Pontifice fatentur tres Personas in Deo, sed unam Essentiam, Substantiam, & Naturam simplicem omnino.*

4. Quibus aded ex fide, & Autoritate Divinâ suppositis, restat ex æquiori quodam discursu examinare. An illa Essentia, & attributorum Dei tum inter se, tum ab Hypostasis seu relationibus Personalibus distinctio realis efficaciter rejiciatur ex Simplicitate, & purâ actualitate Divinæ substantiæ.

CONCLUSIO

5. Secundum Fidem Orthodoxam ob Puram Divinæ Substantiæ actualitatem & omnimodam Simplicitem neganda est in Deo realis distinctio, ubi nulla est relativa oppositio.

Probatur. In Deo est substantia omnino simplex. *ex cit. c. firmius.* At in Deo esset compositio, nec aded substantia Divina esset omnino simplex, si daretur realis distinctio Attributorum & Essentiæ.

6. Dices: Attributa esse extra substantiam seu Naturam Divinam. Ego hanc in ratione substantiæ posse esse omnino simplicem absque ullâ compositione partium Essentialium, seu substantialium, etiamsi haberet Attributa realiter à se distincta.

7. Contra: Ratio Summæ simplicitatis in Divinâ substantiâ est ex ratione actûs puri, uti probat S. Tho. *q. 3. a. 2.* Ratio autem actûs puri excludit omnem potentialitatem. At si Attributa Divina essent extra substantiam, & Naturam Divinam, hæc esset in potentiâ ad illa. Ergo non esset actûs purus, nec aded summè simplex, nec consequenter de quâlibet perfectione attributi in Deo verificaretur esse Deum: Cujus oppositum est definitum in Concilio Rhemensi *loc. cit.* ubi S. Bernardus: *Scribatur, inquit, in ungue ferreo, in ungue adamantino, vel suspensur in silice, quod Divina Essentia, Forma, Natura, Deitas, Bonitas, Sapientia, Virtus, potentia, Magnitudo verè est Deus.*

8. Replicabis. Realem Hypostasum inter se distinctionem non adversari Simplicitati Divinæ substantiæ. Ergo pari ratione stare posse distinctionem realem Attributorum cum summâ Divinæ substantiæ Simplicitate.

9. Contra: Patres Concilij Lateranensis *cap. Damianus de sum. Trinit.* ex unitate seu simplicitate Divinæ substantiæ inferunt, quamlibet Divinarum Hypostasum esse Divinam Essentiam. Ergo à pari ex Divinæ substantiæ simplicitate inferitur identitas Attributorum cum Divinâ Naturâ. Neque verò inter Attributa est distinctionis realis ratio, quæ in Divinis secundum allegatum Concil. Florentinum, est unica relationis oppo-

sitio, cujusmodi in Hypostasis, & relationibus Personalibus reperitur, non autem in attributis Divinis. Ergo hæc quæ identificata realiter cum Naturâ Divinâ sunt etiam inter se omnino identificata.

Instabis: Oppositionem contradictoriam esse majorem relativâ. At intellectiioni non autem Volitioni Divinæ in Patre convenire, esse reale principium Filij. Ergo hæc prædicata contradictoria in Intellectione, & Volitione Divina non minus quàm oppositionem relativam in Personis arguere distinctionem realem.

Contra: Nulla est contradictoria oppositio, nisi inter formam, ejusque negationem. At ratio actûs puri, & summa simplicitas Divinæ substantiæ non admittit ullius actûs in Deo à parte rei negationem. Ergo non esse principium Filij non dicit in Volitione Divinâ negationem, sed actum à parte rei positivum realiter identificatum cum intellectiione, quæ in Patre est principium Filij. Non igitur datur in Divinis realis prædicatorum contradictio, sicut è contra ex fide tenemus, dari in Deo realem Hypostasum oppositionem relativam, ratione cuius aded oppositionis relationes Personales in Deo quoad esse ad ita distinguuntur realiter, ut tamen in ratione substantiæ sint una simplicissima res *ex cit. cap. Damianus.* Ergo summa Divinæ substantiæ simplicitas excludit omnem realem distinctionem Attributorum tam inter se, quàm ab Essentiâ Divinâ: cum è contra admittat distinctionem realem Hypostasum inter se, non autem ab Essentiâ Divinâ.

Urgebis: Quæ ita se habent, ut unum sit idem uni tertio, alterum verò diversum ab eo, esse diversa inter se. At ita se habent Hypostasis Patris & substantia Divina, ut hæc sit eadem Hypostasi Filij, ista verò sit diversa ab Hypostasi Patris. Quomodo ergo salvari potest realis identitas substantiæ, & Hypostasum in Deo?

Contra: Illud Axioma lumine naturali notum redigi debet in captivitatem, & obsequium fidei. Hæc autem *cit. c. Damianus* docet, ita esse in Deo distinctionem realem Hypostasum, ut istæ sint una simplicissima res; & hinc Patrem esse quidem alium, non tamen aliud à Filio, & Spiritu Sancto. Ergo illud Axioma ita est intelligendum, quod quando duo ita se habent, ut unum respectu tertij sit idem, alterum verò diversum in ratione non tantum Hypostasis quoad esse ad relationis, sed in esse rei, tunc sint diversa inter se. Ergo quia omnes tres Personæ Divinæ sunt una simplicissima res, ita ut Pater non sit aliud à Filio, & Spiritu Sancto, ideo Pater quoad Hypostasum & esse ad ita est alius à Filio, ut tamen sit realiter eadem substantia cum Filio. Constat igitur ex ratione actûs puri, & summæ simplicitatis in Deo efficaciter probari, nullam esse distinctionem realem Attributorum tum inter se, tum ab Essentiâ Divinâ, nec hanc esse realiter diversam à proprietatibus relativis Divinarum Personarum.

CONTROVERSIA II.

Utrum Attributa, & Relationes Personales in Deo ab Essentia distinguantur ex natura rei formaliter.

1. Scotistæ nominatim Rada *cont. 4. in expositione subtilis Doctoris* præter distinctionem realem strictam agnoscunt Formalem ex natura rei. Nam forma quandoque accipitur pro quacunque ratione, sub qua ex natura rei aliquid concipi potest. Atqui à forma sic concepta abstrahitur formalitas, quæ nihil aliud est, quàm ratio objectiva, sub qua unaquæque res est intelligibilis ex natura rei. A tali ergo formalitate denominatur identitas formalis à Scoto in 1. *dist. 2. q. 7. n. 44.* hisce verbis definita: *Peculiaritas identitatis formalis, ubi illud, quod dicitur sic, includit illud, cui dicitur sic, idem, in sua ratione formali per se, primo.*

2. Unde à contrario infertur, distinctionem formalem esse inter ea, quæ habent distinctas rationes formales objectivas, seu distinctos conceptus objectivos, ita quod unum non includit aliud in sua ratione formali ex Rada *loc. cit. §. Cognita autem.* Convenit proinde distinctio formalis cum strictè reali, quod utraq; sit ante omnem operationem intellectus, quantum ad eodè quasi genus sit *Distinctio ex natura rei.* At differunt, eodè quod *Distinctio ex natura rei* sit rei à re, seu inter duas res, quarum neutra est per identitatem, alia, sicut inter Petrum & Paulum, materiam & formam: cum è contra *Distinctio ex natura rei* formalis sit inter ea, quæ sunt idem realiter, seu una res, habent tamen distinctas definitiones seu conceptus objectivos, velut inter Rationale & Animal in homine est identitas rei, sed formalitatum Animalitatis & rationalitatis diversitas: ut ad eodè distinctio formalis intelligatur inter formalitates, seu realitates formales, realiter & identice indistinctas.

Refertur Sententia Scoti cum argumentis.

3. His ergo conformiter, Scotistæ præsertim Rada ubi *sup. concl. 2. §. 3. & 4. Tartaretus in 1. dist. 2. & 2. Lycherus in comment. ad cit. q. 7. Scoti.* Ioan. Bassolis in 1. *dist. 22.* Franciscus Majoranius in 1. *dist. 2. & 8.* asserunt 1. Attributa Divina esse summam identitatem reali eadem Divinæ Essentia. 2. Relationes Divinas, veluti Paternitatem, & Filiationem distinguì à Divinâ Essentia ex natura rei formaliter, ita ut Divina Essentia, & relationes ante omnem actum intellectus non sint idem formaliter, sed distinctæ formaliter actu. 3. Dei Attributa inter se, & cum essentia Divinâ non esse idem formaliter ex naturâ rei, ita ut excluso opere intellectus unum Attributum v.g. Sapientia non sit formaliter aliud, nimirum Bonitas, nec de ratione formali & quidditativa Essentia sint Attributa, vel è contra. Probat 1. Auctoritate S. Augustini l. 7. de Trinit. c. 2. ita differentis. *Non eo Verbum, quo Sapientia, quia Verbum non ad se dicitur, sed tantum relativè ad eum, cuius Verbum dicitur, sicut Filius ad Patrem; Sapientia vero*

eo, quo Essentia. Ex quo sic argumentari licet cum subtili Doctore. *cit. q. 7. n. 46.* Tò Quo importat rationem formalem. *[At non eo Verbum, quo Sapientia.]* Ergò ratio formalis Verbi est extra rationem formalem Sapientia, ut ad eodè non sit formaliter idem Quo Verbum & Quo Sapientia. Hæc autem non identitas formalis in eo sita est, quia Verbum non ad se dicitur, sed tantum relativè ad Patrem producentem; cum contra Sapientia dicatur eo, Quo Essentia. Ergò alia ratio formalis est relationis in Verbo, & alia Esse absoluti ad se, seu Essentia Divina ut sic. Hæc autem rationes formales sic se habent ante omnem actum intellectus. Ergò à parte rei sine opere intellectus Entitas, & ratio formalis Verbi non est Entitas & ratio formalis esse absoluti, & Essentia Divina. Ergò inter has Entitates datur ex natura rei distinctio formalis.

2. Argumento ejusdem *dist. 2. q. 7. n. 17.* Nomen *Qui est*, est Deo maxime proprium, quia Esse dicit quoddam pelagus infinitæ substantia; cætera autem sunt illa, quæ circumstant Divinam Naturam, ex Damasceno n. de Fide c. 2. & 12. At Essentia Divina non est Pelagus substantia infinitum propter hoc, quod multæ relationes rationis possint circa ipsam causari, cum istæ possint per actum intellectus circa quodlibet causari. Si verò Essentia Divina formaliter ex naturâ rei esset eadem cum perfectionibus Attributalibus, hæc non circumstarent Divinam Essentiam, nisi per relationes rationis; nec Esse Dei esset pelagus, id est, radicale principium Attributorum, nisi secundum rationem, seu nostrum concipiendi modum. Ex hoc autem sequeretur, Essentiam Divinam quatenus dicitur pelagus infinitæ substantia intelligi secundum formalitatem non ex naturâ rei, sed ex ratione nostrâ ipsi inexistentem. Hoc autem est contra rationem & veritatem. Ergò & id, ex quo sequitur.

3. Ratione ejusdem Doctoris *cit. q. 7. n. 41.* Primum Suppositum, seu Persona Patris in Deo habet realiter entitatem communicabilem, alioquin non posset Essentiam, & Naturam communicare Filio, nec hic ad eodè procederet quâ consubstantialis Patri. At eadem Persona habet etiam realiter entitatem incommunicabilem, alioquin non esset positivè, & in entitate reali suppositum. Atqui entitas realiter ante omnem actum intellectus incommunicabilis non potest esse realiter communicabilis. Ergò hæc non potest realiter ante actum intellectus esse unius rationis cum illa, alioquin Entitatem istam unius rationis totam communicaret Pater, ita ut nullam entitatem positivam in se haberet, quam non communicaret Filio. Ergò communicaret Paternitatem sicut Essentiam.

Ex opposito stant teste Francis. de Lugo *disp. 17. de Deo. c. 2. n. 2.* omnes Doctores extra Scotistas.

CONCLUSIO.

Distinctio ex naturâ rei formalis Essentia, & Attributorum inter se, & cum proprietatibus Personalibus in Deo adversatur summæ ejus simplicitati, actualitati & infinitati.

Probat. Ex eo, quod omnes tres Personæ Divinae sint una simplex omnino substantia, seu Na-

seu Natura Divina, reprobat in Deo Quaternitas. *cap. Firmus, & c. Damnamus. de Summâ Trinit.* At si personalitates relativæ essent formaliter ex naturâ rei distinctæ ab Entitate Essentiæ Divinæ, liceret æquè contra Scotistas, atque Gilbertum Porretanum cum S. Bernardo *lib. 5. de confid. argumentari*, quod in Deo esset Quaternitas entitatum, ac realitatum; imò & formalitatum Attributuum *Contentas*. Ergo distinctio ex naturâ rei formalis Scotistica non minus, quàm strictè realis adversatur simplicitati Divinæ substantiæ.

9. Respondebis ex Radâ *cit. cont. 4. concl. 3. ad 2. confirm.* Concilium Laternense reprobare in Deo Quaternitatem rerum, quatenus tres personæ Divinæ sint realiter eadem res, quæ est Divina Substantia seu Natura. Ergo Decretum illud procedere tantum de identitate reali Essentiæ Divinæ cum Personis, non autem de identitate formali.

10. Contra: Talis identitas Divinarum Hypostasum cum Essentiâ est, ut verificetur in Deo esse unam summam rem, scilicet Essentiâ, quæ sit Pater, & Filius, & Spiritus Sanctus, ex *cit. c. Damnamus*. Ex hac autem unitate rei in Deo est, quod Divina Substantia, & Personæ quidem idem sint, secundum autem modum Intellectionis nostra videantur differre. Conc. Florent. *sess. 18* Ergo unitas rei in Deo inter substantiam & Personam; seu Hypostasim non admittit, nisi rationis distinctionem.

11. Oppones cum Radâ *cit. concl. 3. ad 1.* Concilium Florentinum solum inrendisse, quod nulla sit realis distinctio inter substantiam Divinam & Personam. Ergo sub distinctione rationis quâ opposita reali distinctioni intellexisse eam tantummodò, cum quâ staret in Deo unitas, & identitas realis substantiæ ac Personæ. At distinctionem formalem esse compossibilem cum summâ simplicitate, & identitate reali. Ergo distinctionem rationis, quam unice inter substantiam & Hypostasim in Divinis agnoscit Concilium, abstrahere à distinctione rationis ratiocinantis, vel rationis ratiocinatæ, vel formali ex natura rei, maxime cum hæc contineatur sub distinctione rationis ratiocinatæ, adeoque ab aliquibus vocetur Distinctio rationis ratiocinabilis.

12. Contra. Distinctio ex natura rei formalis dicitur rationis, non quod ratio sumatur pro differentiâ formatâ ab intellectu, sed quatenus ratio accipitur pro quidditate rei, secundum quod quidditas est objectum intellectus; ex *Scoto cit. dist. 7. n. 43. circa fin.* Unde distinctio formalis est inter duas quidditates, quæ sint entitates distinctæ ante operationem intellectus, ex *cod. Doctore. n. 41.* At nulla entitas est intelligibilis sine essentia. Quidditas verò, & Essentia convertuntur, imò sunt eadem formalitas. Ergo si Hypostasis Patris esset entitas à parte rei secundum quidditatem distincta, seu alia à substantiâ Divinâ, consequenter esset alia Essentia Hypostasis, seu Personalitatis Paternæ & alia substantiæ Divinæ. Hoc autem expressè adversatur Concilio Florentino *sess. 24.* ubi Essentiâ Divinam vocat Essentiâ ipsius Paternæ Hypostasis. *Non enim re ait, sed solâ ratione distinguuntur Paterna Hypostasis à suâ Essentiâ.* Cujus rationem proximè antea addit nebat istis verbis: *Pater enim unigenitus ab Essentiâ, imò verò cum ipse ipsi Essen-*

tia non intelligitur distinctam habere Essentiâ ab Hypostasi.

Ecce Pater non intelligitur distinctam habere Essentiâ ab Hypostasi; cum ipse sit ipsi Essentia. Ergo Essentia Hypostasis non est alia ab Essentia substantiæ in Patre. Ex hoc autem infert Concilium *non re, sed solâ ratione distinguuntur Paternam Hypostasim à suâ Essentiâ.* Ergo in conceptu objectivo Essentiæ & Hypostasis non est à parte rei Essentialis, vel formalis quidditativa distinctio.

Respondebis ex *Scoto cit. n. 43. in fine.* Non adversari Concilio Florentino distinctionem inter Hypostasim & Essentiâ Divinam, si hæc differentia vocetur virtualis, quatenus illud, quod habet talem distinctionem in se, non habeat rem & rem, sed sit una res habens virtualiter, sive eminenter quasi duas realitates, eò quod utrique realitati, ut est in illâ re, competat illud proprium, quod tali realitati ita inest, ac si ipsa esset res distincta.

Contra. Nam Scotus hæc suâ virtuali distinctione intendit solum significare identitatem rei, non autem realitatum seu formalitatum, ac Entitatum in Hypostasi Paternâ & Essentiâ, atque Attributis Divinis ex *cit. q. 7. n. 44. & dist. 2. q. 4. n. 17.* Hæc autem distinctio formalitatum, & realitatum, seu non identitas formalis in eo sita est, quod una realitas, seu Entitas non includat alteram in ratione suâ formali, sive essentiali per se primò, ex *cod. Doctore cit. q. 7. n. 44. & infra dist. 2. q. 4. n. 18.* At hoc ipso, quod ipse Pater sit ipsi Essentia, & Essentia Divina sit Essentia Paternæ Hypostasis, ex *allegatis verbis* Concilij Florent. consequens est, quod Essentia Divina in re seu à parte rei includatur in ratione essentiali Hypostasis Paternæ. Ergo inter Hypostasim Patris & Essentiâ ne quidem intercedit distinctio ex naturâ rei formalitatum seu realitatum. Ergo in Divinis inter Essentiâ & Hypostasim, nec non Attributa omnimodè excludenda est distinctio ex naturâ rei formalis, estque admittenda virtualis duntaxat cum summâ identitate non tantum rei, sed etiam realitatum, & formalitatum, in quantum inter eas non est oppositio relativa.

Ratio fundamentalis hanc distinctionem ex naturâ rei formalem excludens est. Summâ enim Divinæ Substantiæ Simplicitas, ex quâ Concilia omnem à parte rei distinctionem extra oppositionem relativam in Deo excludunt, est secundum purissimam ejus actualitatem. Hæc verò essendi actualitas transcendentaliter est imbibita in omni formalitate quâ Divinâ. Ergo nulla realitas & entitas ex parte objecti est intelligibilis quâ Divina, nisi cum actualissima essendi ratione. At hæc ipsa actualissima essendi ratio in entitate, cui inest, excludit omnimodam potentialitatem in ratione entitatis. A exclusio omnimodæ potentialitatis in ratione Entitatis infert infinitatem in ratione formali entitatis. Atqui infinitas in ratione entitatis in suo conceptu quidditativo à parte rei includit omnem formalitatem Entis. Ergo quia omnis formalitas in Divinis ut sic est actualissima, adeoque in ratione entitatis infinita, consequenter quælibet perfectio Divina sub quacunque formalitate includit in re, & ex naturâ rei formaliter omnem perfectionem. Ergo purissima actuali-

13.

14.

15.

16.

actualitas, simplicitas, & infinitas in Deo excludit omnem distinctionem ex naturâ rei non tantum realem, sed etiam formalem realitatem, & entitatum, inter quas non est oppositio relativa.

17. Dices: ex Scoto *cit. q. 4. dist. 8. n. 17. & 18.* Si ex ratione Infinitatis, in formalitate Sapientiae argueretur inclusio seu identitas formalis Bonitatis; Ergo Sapientia & Bonitas essent una ratio in Deo non tantum propter Infinitatem, sed propter proprias rationes suas formales. Probatur sequela. Infinitas non destruit rationem formalem illius, cui additur. Ergo si Sapientia & Bonitas in Deo esset à parte rei formaliter una ratio, id esset ex natura rei, & formali quidditate Bonitatis seu sapientiae in communi: Hoc autem est absurdum. Ergo & id, ex quo sequitur.

18. Contra: Nam Cajetanus *lib. de Ente & Essentia. c. 6.* recte advertit, aliam esse rationem infiniti secundum determinatam rationem v. g. Qualitatis vel Quantitatis: aliam verò rationem infiniti esse, secundum quod Ens, vel simpliciter in genere Entis. At licet prima infinitas non variet rationem formalem rei; linea enim infinita, & albedo infinita formaliter distinguerentur. Nihilominus Infinitas simpliciter in genere Entis, vel secundum quod Ens, elevat rem & ejus rationem formalem ad hoc, ut ipsa sit omnis perfectio in Ente possibilis. Hæc autem rationis alicujus formalis ad omnem perfectionem elevatio involvit identitatem formalem omnium perfectionum. Atqui infinitas omnis formalitatis quâ Divinæ est simpliciter infinitas in ratione Entis, imò omnis Entitatis. Ergo quolibet formalitas in Divinis habet identitatem cum omni formalitate & Entitate in Deo. Ergo ratio infinitatis in Deo probat efficaciter identitatem formalem omnis perfectionis, & Entitatis, seu realitatis Divinæ.

19. Respondebis: cum Radâ *cit. cont. 4. concl. 4. §. Hoc posito.* Hoc argumento præcisè probari, quod infinitum simpliciter identificet sibi identitate reali perfectissimâ omnem perfectionem simpliciter sibi impossibilem, ex Scoto in *quodl. q. 5.* At sub istâ identitate reali perfectissimâ in Deo stare Attributa cum suis propriis rationibus formalibus. Ergo ex Infinitate simpliciter ingenere Entis non argui formalem ex natura rei identitatem Divinarum perfectionum, ex Scoto *cit. dist. 8. q. 4. n. 24.*

20. Contra: Nulla formalitas sub ullo conceptu objectivo ex naturâ vel à parte rei est intelligibilis absque ratione formali entitatis, uti colligitur ex Scoto in *1. dist. 2. q. 7. n. 41.* ubi rationes formales quâ ex naturâ rei in Divinis distinctas explicat per nomen entitatis: Hæc autem entitas quâ Divina ut sic formaliter à parte rei dicit infinitatem: ex *cod. subtili Doctore. dist. 8. q. 3. n. 18.* ubi ait: *Nihil dici de Deo formaliter, quod est limitatum.* Ergo non est ulla formalitas sub ullo conceptu objectivo intelligibilis quatenus Divina, seu prædicabilis de Deo, nisi quâ Entitas infinita, seu quâ infinita in ratione Entitatis. At infinitum in Entitate est, cui nihil Entitatis deest eo modo, quo possibile est illud haberi in aliquo uno. Scotus in *quodl. 5.* At possibile est, omnem Entitatem simpliciter simplicem eo modo contineri in Entitate simpliciter infinitâ, quo modo est possibile, esse infinitam, At Entitatem Divinam sub quacumque formalitate concep-

tam non tantum in ratione Entis, sed in ratione Entitatis formaliter esse infinitam, constat ex dictis præcipue n. 16. Ergo Entitas quâ Divina in ratione suâ formali ex naturâ rei continet simpliciter omnem formalitatem simpliciter simplicem aded, ut Essentia in Deo sit Essentia Hypostasis Paternæ & ipse Pater sit ipsi Essentia, & consequenter Hypostasis Patris sit ex naturâ rei de essentiali conceptu, seu ratione formali Essentiæ Divinæ, uti ex *Concilio Florent. superius demonstratum est.* Ergo ex infinitate simpliciter non tantum Entis, sed Entitatis Divinæ efficaciter excluditur à Divinis Attributis distinctio ex naturâ rei formalis.

Responsio ad argumenta Adversariorum.

AD 1. Scoti n. 3. oppositum argumentum Respondetur Distinguendo Propositionem ex S. Augustino productam: Non eo Verbum, quo Sapientia realiter actu & formaliter ex natura rei, negatur: ratione ratiocinata actualiter, & à parte rei virtualiter, conceditur. Explicatur, & Probatur: Nam unitatis modus est secundum modum Entis, cujus illa est passio. Ergo Entitatis & formalitatis actualissimæ est unitas actualissima. At quod major est unitas, seu identitas, eò minor est distinctio. Ergo Entitas, quatenus actualissima eatenus dicit unitatem in ratione Entitatis, ut consequenter excludat distinctionem formalitatum. At verò Entitas Divina sub quavis formalitate spectata est infinita non tantum in ratione Entis, sed Entitatis, uti superius n. 16. est demonstratum. Consequens proinde est, quod omnis Formalitatis Divinæ Entitas sub Formali Entitatis ratione considerata sit simplicissimè una, nullam aded admittens distinctionem ex naturâ rei sub formalitate Entitatis, sed sub oppositione solum relativa. Hinc autè rursum sequitur, à parte rei formaliter eo esse Verbum, quo est Sapientia, & eo esse Patrem, quo est Deus, eo vivere, quo potest, & eo posse, quo est: velut Augustinus in *Quæstionibus de Trinit.* loquitur in hæc verba: *Deus eo ipso, quo est, vivit, & eo ipso, quo vivit, intelligit, & eo, quo intelligit, potest, & eo, quo potest, est, quia non differunt in illo Esse, Vivere, Intelligere, Possesse.* Ex quo clarè refutatur distinctio ex naturâ rei formalitatum Attributalium, & Essentiæ in Deo. Pari ergo ratione Esse verbi, & Esse absoluti in Deo est unica simplicissima ex naturâ rei omnimodè indistincta Entitas, & ratio formalis.

AD 2. Respondetur per ly Pelagus Essentiæ vel substantiæ intelligi *Esse absolutum.* Hoc verò Esse ratione summæ infinitatis identificare sibi cum simplicissimâ actualitate, adeoque formaliter à parte rei quamlibet formalitatem, & entitatem omnis perfectionis simpliciter simplicis. Hinc consequens esse, quod attributa Dei non à parte rei formaliter, sed ratione nostrâ ratiocinata cum fundamento in re circumstent Divinam Essentiam, nec aded ex hac, tanquam ex Principio seu radice prodire ex naturâ rei formaliter, sed virtualiter: Nec tamen ex hoc sequi, quod Essentia Divina sit Pelagus Divinæ substantiæ non ex se ipsâ, sed per rationem nostram, sive propter hoc duntaxat, quod circa ipsam, uti circa quamlibet res multæ relationes rationis causari possint.

24. Nam fundamentum istarum relationum, seu distinctionum rationis in Deo est unica simplicissima Entitas, seu formalitas eminentissimè habens *formaliter*, quidquid Trinitas respectiva exigit. ex Cajetano. 1. p. q. 39. a. 1. §. ad Evidentiam. ac seq. Hæc autem simplicissima Entitatis ratio formalis exposita per *Esse absolutum* dicit Pelagus infinitum substantiæ, seu Essentiæ. Ergo istud pelagus ex se ipso *formaliter* est in Deo à parte rei, non autem ex denominatione, ac relatione rationis, estquæ respectu omnis creatæ substantiæ prorsus incommunicabile, utpote ex naturâ & quidditate suâ involvens actualitatem Essendi Purissimam ac ex se Individualiter subsistentem *realiter formaliter* sibi identificantem omnem entitatem possibilem cujuslibet perfectionis simpliciter simplicis.
25. Ad 3. Respondetur Negando, quòd Entitas realiter ante actum intellectus incommunicabilis in Deo non possit à parte rei esse communicabilis. Explicatur. Nam repugnantia vel est *formaliter ex naturâ terminorum*, diciturquæ Oppositio, vel ex *limitatione subjecti*, vocaturquæ Disparata. At ratio Communicabilitatis, & Incommunicabilitatis ex naturâ, & ratione suâ formali in Deo nullam habent inter se oppositionem; non *Contrarietatis*, quia hæc non datur inter Entitates substantiales: non *Relationis*, cum in Divinis non sit Relativa oppositio, nisi secundum Hypostasies Personales: non *Contradictoria vel Privativa*, siquidem ratio incommunicabilitatis non minùs, quàm communicabilitatis sit entitas formaliter positiva. Ergo si quæ communicabilitatis, & incommunicabilitatis in Divinis esset repugnantia, (vi cujus non possent esse unius entitatis, seu formalitatis) hæc foret ex Limitatione Entitatis Divinæ quæ Hypostasis incommunicabilis, ita, ut hæc in se *formaliter* esset limitata, & ratione hujus limitationis non identificata *formaliter* cum entitate naturæ, quæ communicabilis. Hoc autem adversatur summæ actualitati quæ infinitæ non tantum in ratione Entis, sed Entitatis, ac formalitatis seu actualitatis purissimæ, *ut superius est demonstratum*. Non ergo repugnat, imò ex naturâ rei ita se habet, quòd una simplicissima à parte rei *formaliter* omnino indistincta Entitas in Deo sit Hypostasis, adeoque incommunicabilis, sitque simul Natura in primo Supposito communicabilis Verbo, & Spiritui Sancto, ita quidem, ut tota hæc Entitas sub formali entitatis ratione sit communicabilis, & incommunicabilis.
26. Instabis: Etsi inter formalitates positivas ut sic non sit oppositio contradictoria, hanc tamen inevitabiliter quandoquæ inferri ex illis, imò involvi in earum rationibus: sic enim duæ præsentiae circumscriptivæ unius corporis in duobus locis sunt formæ positivæ, & tamen secundum Scholam D. Thomæ implent contradictionem à Dei potentia absolutâ insuperabilem. At evidens est, rationem Hypostasis quæ positivè incommunicabilis formaliter involvere exclusionem communicabilitatis, adeoque Entitatis quæ communicabilis. Ergo hæc repugnantia communicabilitatis cum Hypostasi quæ incommunicabili ita est inter formalitates positivas, ut istæ tamen formaliter inferant contradictionem. Ergo non possunt esse unius Entitatis, seu formalitatis.
- Respondetur: Formas in inferioribus ita se invicem excludere realiter cum implicantiâ contradictionis respectu unius rei, ut tamen ad rationem substantiæ superioris elevatæ sint unus realiter indistinctus actus: velut virtutes inferiores ad unam Solis virtutem non ut dearticulatæ, seu distinctæ elevantur. Hujus autem ratio est in Ente superiori perfectionis eminentia, vi cujus realem induunt identitatem, quæ in inferioribus distincta sunt realiter. Si proinde perfectionis Eminentia limitata & finita potest tollere distinctionem realem formarum, itaque contradictionis oppositionem ex inferiorum limitatione provenientem abstergere, consequens est, Infinitatem non tantum in ratione Entis, sed Entitatis, & purissimæ actualitatis in Deo posse formalitates in inferioribus non tantum formaliter, sed realiter diversas ita identificare, ut absque ullâ contradictione una actualissima Entitas sit à parte rei communicabilis, & incommunicabilis, sitque adeò *Esse absolutum* naturæ, & *Esse respectivum* Hypostasis in Deo.
- Urgebis ex Scoto cit. dist. 8. q. 7. n. 42. & 43. Hoc igitur *Esse absolutum* Naturæ communicabilis, & *Esse respectivum* Hypostasis incommunicabilis intellectus Paternus in primo signo originis intelligit vel tanquam diversa objecta formalia, vel tanquam unum primum objectum Motivum suæ intellectiois? Si asseratur hoc posterius; Contra est 1. Quòd intellectus Divinus in Patre sit formaliter beatus per intellectioem primi sui objecti. Ergo quia intellectus Divinus Patris in primo signo Originis intelligeret tam *Esse Naturæ*, quàm Hypostasis incommunicabilis tanquam unum primum objectum motivum, consequenter esset primò beatus intellectioe tam Essentiæ, quàm Paternitatis, seu Hypostasis.
2. Filius procedit à Patre tanquam Verbum, & species expressa. Verbum autem, ac species expressa per se primò assimilari debet objecto formali Motivo. At si Verbum per se primò assimilaretur Hypostasi Patris, non minùs Paternitas, quàm natura communicaretur Filio: Ergo Hypostasis Paterna non potest esse primum objectivum motivum intellectiois in Patre. Cum igitur intellectus Paternus Naturam, & Hypostasin suâ in primo signo originis non intelligat tanquam unum primum objectum formale motivum, consequenter intelligit illas Entitates tanquam formalitates distinctas.
- Probatu ista sequela: intellectus Dei nihil intelligit in substantiâ Divinâ nisi intuitivè. Atqui cognitio intuitiva est objecti quæ præsentis in existentia actuali, & hoc vel in se, vel in alio eminenter continente Entitatem ipsius. At nihil intrinsecum Personæ Divinæ propriè continetur in aliquo eminenter, quia tunc esset ens per participationem illius continentis. Ergo Deo intrinseca sunt intuitibilia quatenus terminant intuitionem secundum propriam existentiam actualem. Ergo ut sic intelliguntur tanquam objecta formalia distincta in se à parte rei. Ergo inter Hypostasim Paternam, & Naturam Divinam est distinctio à parte rei formalis.
- Respondetur: intellectum Paternum in primo signo originis intueri in substantiâ suâ Entitatem, & formalitatem actualissimam habentem in se formaliter *Esse absolutum* Naturæ, & *Esse respectivum* Hypostasis, quæ Entitas sic simpli-

simplicissima existentia omnis formalitatis Divinae, siquæ per infinitatem suam absque ullâ repugnantia formaliter continens omnes simpliciter simplices formalitates involventes in creatis contradictionem. Cujus proinde intuitionis Motivum formale esse actualitatem Essendi ac existendi, quæ actualitas formaliter à partè rei dicat etiam Hypostasim, prout hæc Formaliter ac Essentialiter dicit illam ipsam Existendia actualitatem Essentiæ Divinae ut sic propriam. Unde sequitur primò: Intellectum Divinum Patris in primo originis signo esse beatum intellectuone intuitivâ non suæ duntaxat Essentiæ, sed omnium Divinarum Hypostasim, prout istæ tamen dicunt Intelligibilitatem neque Formaliter neque virtualiter distinctam ab Intelligibilitate Divinae Essentiæ. 2. Verbum ex vi suæ generationis assimilari Hypostasi Patris non quoad Esse Ad sive quoad Esse Personale, verum quoad esse Essentia & consequenter quoad esse Intelligibilitatis Hypostasi Paternæ non aliunde competentis, nisi ex Esse Divinae Essentiæ proprio. 3. Hypostasim Filij quoad Esse tam existentia, quàm Intelligibilitatis intellectui Paterno in primo originis signo esse taliter præsentem, ut hanc paternæ generationis Originem intrinsecè constituat Esse ac Intelligibilitas Hypostasis Filij, non verò hujus Esse ad sive relatio Personalis. At hanc ipsam Personalem relationem esse in illo primo Originis signo intelligibiliter præsentem, quodd ejusmodi origo includat relationis ejusmodi Intelligibilitatem, ejusque Esse subsistens, licet non importet ejus Esse quâ relativum; prout alibi ex instituto demonstrabitur. Constat proinde nihil absurdi inferri ex eo, quodd Esse absolutum Essentiæ & Esse respectivum Hypostasim in Deo eatenus dicuntur ex naturâ rei Formaliter indistincta, ut consequenter se habeant ad intellectum Divinum per modum unius simplicissimi ex naturâ rei indistincti Motivum Formalis.

illationes exinde à nostro intellectu deductæ non reneant. Ratio est: Nam Deus simplicissimam Essendi formalitatem & actualitatem purissimam cum infinitate summâ formaliter in entitate, ac essentialitate suâ omnem formalitatem perfectionis continentem ita intuetur, ut nullam ratione virtualis distinctionis faciat intellectu suo præcisionem sive formalem, sive objectivam. At eo ipso, quodd purissima illa formalitas omnimodæ perfectionis Divinae sit ratione suæ infinitatis virtualiter, ac eminenter secundum infinitas formalitates distincta, consequens est, unam formalitatem, ratione hujus virtualis distinctionis attingi ab intellectu nostro cum præcisione objectivâ. Hæc autem præcisio objectiva facit respectu rationis nostræ diversam, seu distinctam formalitatem ab alijs, quas actu suo præcisivo ex parte objecti non attingit intellectus. Hinc quia sub ratione Essentiæ intelligimus ex parte objecti entitatem præcisam à formalitate Hypostasis, non verè dico, Essentiam ut sic esse formaliter incommunicabilem, vel e contra Hypostasim esse communicabilem, etsi re ipsâ non sit alia formalitas Essentiæ, & Hypostasis, atque adeo communicabilitatis, & incommunicabilitatis in Deo. Similiter, quia ratione virtualis distinctionis in processione Spiritus Sancti intelligo rationem communicationis Amoris cum præcisione objectivâ Intellectionis, verè dico, processionem Spiritus Sancti esse formaliter communicationem Amoris, non autem intellectionis, atque adeo processionem Filij, non autem Spiritus Sancti esse formaliter in communicationem intellectionis, adeoque in similitudinem Divinae naturæ; etsi à partè rei sit una simplicissima formalitas processionis activæ tam Filij, quàm Spiritus S. siquidem in Deo non sit à partè rei, & ante actum intellectus nostri distinctio, ubi non est relativa oppositio. Tota igitur inter processionem activam Filij & Spiritus Sancti differentia est duntaxat virtualis, quæ in eo sita est, quodd processionem Spiritus Sancti ex ratione propriâ spirationis secundum personale spirati proprietatem competat à partè rei formalitas communicationis Amoris, non autem Intellectionis, quæ ipsa tamen communicatio amoris ex ratione simplicitatis, actualitatis & Infinitatis Divinae formaliter à partè rei sit communicatio intellectionis.

Hinc ratione hujus virtualis distinctionis intellectus noster per præcisionem objectivam attingendo in processione Spiritus Sancti formalitatem seu rationem spirationis propriam, verè dicit, Spiritum Sanctum non procedere formaliter in communicationem intellectionis, seu similitudinem naturæ: Cum e contra intellectus Divinus intuens suam substantiam dicat: Spiritus Sanctus utpote consubstantialis Patri, & Filio per summam Amoris simplicitatem & actualitatem purissimam secundum Personalem spirati quâ Hypostatico Filij characteri oppositam, & à naturâ virtualiter distinctam Proprietatem procedit formaliter in Communicationem substantiæ, seu Naturæ identitatem formalem & actualissimam.

Urgebis ultimò: Si dicam, Processio Spiritus S. non est formaliter in communicationem, seu similitudinem naturæ, tunc de processione Spiritus Sancti ex parte objecti nego formalitatem communicationis, seu similitudinis naturæ. Ac non est vera propositio, nisi quatenus confor-

* in acta
quæ si Pri-
mo

* in acta
Primo,
sed quæ
secundo

33.

34.

35.

36.

37.

38.

39.

matur objecto, prout est in re independenter ab intellectu. Ergo vel illa propositio ut sic non est vera, vel à parte rei processio Spiritûs Sancti non includit formalitatem communicationis naturæ. At hæc non inclusio, vel non identitas formalitatis à parte rei est distinctio ex naturâ rei formalis.

40. Responderetur Distinguendo Minorem: Propositio non est vera, nisi quatenus conformatur objecto prout est in se independenter ab intellectu in ratione Quod conceditur, in ratione Quo negatur. At ly *Formaliter* in Majore taliter supponit, ut ex parte objecti Quo denotet Præcisionem objectivam, ex parte autem objecti Quod significet distinctionem Naturæ & Amoris Divini à parte rei Virtualem, non autem Formalem. Unde illa propositio; *Processio Spiritûs Sancti est Formaliter in similitudinem amoris, non naturæ*: est vera; etiamsi nulla sit Naturæ & Amoris Divini à parte rei Distinctio Formalis. Confirmatur. Non enim potest esse enuntiatio prædicati de subiecto, nisi præviâ apprehensione; hæc autem quâ dispositiva ad enuntiationem est præcisiva: ista verò præcisio inducit relationem seu distinctionem rationis. Ex hac autem distinctione rationis *tanquam Instrumento Quo* ita attingitur una formalitas, quin ex parte objecti attingatur alia licet realiter & ex naturâ rei formaliter indistincta. Unde præcisio ejusmodi objectiva inducit formalitatem à parte rei indistinctarum *actualem* seu *formalem* rationis distinctionem, estque signum *virtualis*, non autem *formalis* realiter objecto inexistens distinctionis. Si ergo ab intellectu nostro negatur processio Spiritûs Sancti esse *formaliter* in similitudinem naturæ, ista negatio cadit supra processionem Spiritûs Sancti secundum formalitatem realiter sibi inexistentem *tanquam* objectum Quod, præcisione tamen objectivâ formalitatum processionis, & communicationis naturæ se habente *tanquam* objecto Quo. Unde ex tali negatione quâ secundum nostrum intellectum verificatâ non arguitur ex parte, seu naturâ rei, nisi *Virtualis* & *formalis* rationis *raciocinata* distinctio, ut aded ly *formaliter* in prædictâ propositione denoret distinctionem rationis seu præcisionis objectivâ fundatâ in *virtuali*, non autem *formali* à parte rei distinctione. Verum ista magis elucidabuntur ex dubio mox sequente.

~~~~~

### CONTROVERSIA III.

*An Distinctio rationis Attributorum, & Personalitatum à Divina Essentiâ fundetur in eorundem intrinsecâ reali, virtuali distinctione?*

1. NEgant Durandus in 1. dist. 2. q. 3. n. 15. & dist. 12. q. 1. n. 25. Argentinas dist. 6. q. 1. a. 3. Vaquez. 1. p. dist. 16. c. 4. dist. 117. c. 2. & 3. & dist. 119. c. 2. n. 8. Suarez. dist. 20. Metaph. sect. 6. à n. 4. & lib. 1. de Attrib. c. 22. n. 13. Franciscus Wandervveken de Deo uno. dist. 5. n. 25. Ignatius Derkennis de Deo uno dist. 5. n. 25. Probatur 1. Mysterium Divinitatis ac Trinitatis est supra, non autem contra lumen Naturale. Unde non est admittendum, quod prima luminis naturalis principia

sint falsa circa Deum: Nam verum non repugnat vero. At distinctio virtualis admittit veritatem contradictoriorum de unâ realiter indistinctâ entitate. Minor probatur. Ex illa enim virtuali distinctione fit, unam formalitatem Sapientiæ v. g. vel Essentiæ assumi ad intellectum, ejusque notitiam terminare, reliquâ & non terminante alterâ v. g. Bonitate, vel Hypostasi Paternâ: Unde accidit de unâ, eademque realiter simplicissima, & formaliter à parte rei indistinctâ Entitate, & formalitate verificari, quod attingatur & non attingatur ab eodem simplici actu intellectûs. Hoc autem manifestam implicat contradictionem. At contradictoria posse simul verificari de unâ simplici formalitate, est contra primum luminis naturalis principium. Ergo illa distinctio virtualis ne in Divinis quidem admittenda est.

2. Si Divinarum perfectionum datur distinctio realis Virtualis. Ergo etiam Beati intuendo Divinam substantiam in Verbo, judicant formalitates in Deo Virtualiter diversas. Ex hoc autem fit, quod Intellectus Beatus dicat, Intellectio, non autem Volitio est in Deo Patre Principium Verbi. Hoc verò est facere præcisionem objectivâ Divinæ intellectionis à volitione. At ista præcisio importat distinctionem, & relationem rationis. Ergo ex distinctione virtuali perfectionum Divinarum sequitur; Beatos intuendo Deum, facere entia rationis.

3. Nihil est intelligibile ex parte objecti sine suâ ratione formali, & essentiali. At in Deo est una ratio formalis, & essentialis complectens formaliter omnes perfectiones Divinas, ut aded quidquid prædicatur de Deo, dicatur essentialiter *tanquam* Essentia, & Quid esse Dei: ut passim affirmant Patres, nominatim Anselmus in Monologio c. 16. Idorus 7. Origines. c. 1. Augustinus 6. de Trinitate c. 4. & 10. Item 7. de Trinit. c. 1. 2. & 8. Cyrill. Alex. l. 13. Theauri. c. 4. Fulgentius q. 2. ad Ferrandum Diaconum. Ergo non est possibile, intelligi unam formalitatem Dei cum præcisione objectivâ reliquarum. At distinctio Virtualis est ratio, & fundamentum attingendi unam formalitatem objecti cum aliarum præcisione non tantum formali se tenente ex parte actûs, sed cum præcisione objectivâ se habente ex ipso objecto. Ergo distinctio virtualis adversatur puritati & actualitati Divinæ Essentiæ, ac Substantiæ.

E contrario affirmant D. Thomas in 1. dist. 2. q. 1. a. 3. Cajetanus 1. p. q. 39. a. 1. Ioannes à S. Thomâ. 1. p. dist. 4. a. 6. Ylambertus 1. p. q. 28. dist. 3. a. 7. Franciscus de Lugo. dist. 16. de Deo uno. c. 3. n. 5. Fasol. q. 4. a. 2. dist. 16. n. 117. Stadlmayr. c. 3. de Attribut. Dei in genere §. 3. Petrus à S. Ioseph. lib. 1. de Deo uno c. 2. resol. 2. & plures alij.

### CONCLUSIO

IN Deo est realis virtualis distinctio Attributorum inter se, & ab Essentiâ, nec non hujus à proprietatibus Personalibus.

Probatur. Distinctio Virtualis est Eminentia unitatis, vi cujus formæ secundum rationes suas intrinsecas, & formales in entibus inferioribus arguentes distinctionem realem ita conveniunt in uno Ente, ut cum summâ identitate realit



6. reali etiam formali huic præstent easdem denominationes formales, ac si realiter essent distinctæ. At in Deo est ratioformalis Sapientiæ, Bonitatis, Iustitiæ, Potentiæ, omnisque perfectionis simpliciter simplicis. Hæc autem arguunt in creatis distinctionem realem. Insuper in Divinis verificatur, *Essentiam Divinam communicari, Hypostasim verò Patris non communicari Filio; Personalitatem Filij & Spiritus Sancti produci, Essentiam verò, & Spiritationem activam, Intellectionem, ac ceteras perfectiones absolutas non produci.* Hæc autem prædicata in creatis arguerent contradictionem cum infallibili distinctione reali; in Deo autem conveniunt uni simplicissimæ substantiæ, ac entitati cum exclusione omnimodæ repugnantia, & contradictionis. Ergo inter perfectiones divinas est virtualis distinctio, quam S. Augustinus lib. 6. de Trin. c. 17. aptè vocat *Simplicem multiplicatam & multiplicem simplicitatem.* De quâ Divin. Dion. lib. de Divin. Nom. c. 5. & 13. Omnia, inquit, *unitivè est Deus secundum unam unitatis Eminentiam, in quâ omnia singulariter* (id est per Esse subsistentis individuum actualitatem) *congregata sunt. & super-nèta.*
7. Dices: Si æternitas secundum rationem suam formalem intrinsecam ita esset in Deo, ac si esset realiter distincta ab Omnipotentia, hoc carentius verificaretur, quatenus ratio æternitatis non includeret à parte rei essentialiter rationem Omnipotentia. Ex hoc autem sequeretur, quòd sine ullo etiam Radicali, seu fundamentali ordine, ac respectu ad rationem nostram vera esset ista propositio: *Deus est æternus per æternitatem, & non per Omnipotentiam.* At hæc licet admittantur à Franc. de Lugo cit. c. 3. n. 9. & inf. c. 7. n. 20. & partim à Stadlmayr cit. c. 3. §. 6. exinde tamen inferri videtur, rationem formalem æternitatis ex naturâ rei non esse identificatam cum ratione omnipotentia. At istud arguit distinctionem ex naturâ rei formalem. Ergo non videtur distinctio formalitatum in Deo Virtualis explicari posse, nisi secundum distinctionem Scotticam ex naturâ rei formalem.
8. Contra: Virtualis distinctio in Deo secundum se, ac sine ordine radicali ad nostros conceptus nihil aliud est, quàm unitas omnis perfectionis simpliciter simplicis in actualissimo Esse subsistentis. Ex hac verò unitate fit, quod ratio æternitatis sit *formaliter* ratio Omnipotentia, & omnis formalitatis Divina, ita tamen, ut Omnipotentia non solum *eminenter*, aut *virtualiter*, sed *formaliter* sit in Divinâ substantiâ, hanc *formaliter* constituendo æternam, non aliâ *formalitate*, quàm Omnipotentia, & totius simplicis Esse Divini. At ista virtualis distinctio ut sic non dicit aliam rationem æternitatis & aliam Omnipotentia, sed unam simplicissimam formalitatem, quæ nec sit purè Omnipotentia, nec purè Æternitatis, sed omnis formalitatis Divina actualitas; ut adèd verum sit, hac formalitate DEUM constitui æternum, quâ constituitur à parte rei Omnipotens, uti in præcedentibus demonstratum est. Ergo non verificatur propositio: *Deus est æternus non Omnipotentia, sed æternitate*, nisi cum Ordine saltem radicali ad nostros conceptus *objectivè præcisivos.* Unde Virtualis distinctio non in eo sita est, quòd ratio æternitatis vel Essentia à parte rei non includat rationem seu formalitatem Omnipotentia,

vel Hypostasim, sed quòd omnes istæ formalitates in subiecto limitatæ substantiæ repugnantes, ac se mutuo excludentes, secundum rationes suas essentielles sint *formaliter* in Deo una simplicissima in ratione Entitatis infinita formalitas. Ex hac autem infinitate, adeoque improprietate Intellectus creati fit, ut hic non unam simplicem formalitatem in isto infinito Essendi pelago, sed singulas rationes Divinarum perfectionum cum *præcisione objectivâ* intelligat seorsim. Velut Doctor Angel. in 1. dist. 2. q. 1. a. 3. tradit sequentibus verbis: *Quòd autem Deus excedat intellectum nostrum, est ex parte ipsius Dei propter plenitudinem perfectionis ejus, & ex parte intellectus nostri, qui deficienter se habet ad eam comprehendendam.*

Instabis: Eo ipso, quòd in Deo sit à parte rei unica simplicissima ratio, quæ formaliter sit constitutiva Dei in ratione Æterni, Omnipotentis, Sapientis, consequens est, quòd ratio Sapientiæ Dei non sit purè in ratione Sapientiæ, sed in ratione quâdam Eminentiali includente à parte rei rationes omnis formalitatis, ac perfectionis Deo inexistentis.

Contra. Ratio propria alicujus formalitatis positivæ ex suâ quidditate non dicit exclusionem alterius formalitatis, sed ista exclusio, seu repugnantia est ex limitatione Entis. Ergo in entitate infinita formalitas omnis perfectionis simpliciter simplicis subsistere potest sub ratione propriâ quidditativâ, absque ulla repugnantia, & exclusione formali, seu quidditativâ alterius formalitatis.

Probatur Antecedens. Ratio propria cujuslibet formalitatis simpliciter simplicis est per prius in Deo, quàm in Creaturâ, utpote cui non competit nisi per participationem. Ergo ratio propria ejusmodi formalitatis secundum rationem quidditativam est per prius infinita in ratione Entitatis, quàm finita. Sed quâ in ratione Entitatis infinita includit omnem Entitatem, & formalitatem simpliciter simplicem. Ergo ratio quidditativa cujuslibet formalitatis simpliciter simplicis non per prius, sed per posterius in ente limitato dicit exclusionem alicujus simpliciter simplicis formalitatis. Constat igitur, quòd ista unitas formalitatis in Deo non impedit, quòd minus perfectiones simpliciter simplices sint in Deo *formaliter* secundum proprias rationes, & non tantum eminenter.

Urgebis: Non communicari dicit *formaliter* exclusionem communicationis; non produci *formaliter* importat exclusionem productionis; esse ex ratione suâ propriâ communicationem Amoris, non autem intellectionis, *formaliter* involvit exclusionem non communicationis Amoris, & communicationis intellectionis. Sed ecce Hypostasis Patris realiter non communicatur, & Essentia Divina *formaliter* actû à parte rei indistincta communicatur Filio. Personalitas Filij realiter producit, & Natura à parte rei indistincta non producit. Spiratio activa ex ratione suâ propria est communicatio Amoris, non autem Intellectionis: & generatio activa à parte rei *formaliter* indistincta ex ratione suâ propriâ est communicatio intellectionis, non autem amoris. Atqui hæc prædicata ex se repugnantia, imò contradictoria, adeoque se invicem excludentia verificantur de unâ substantiâ, quâ *virtualiter* secundum proprias formalitates



rum rationes distinctæ. Ergo virtualis distinctio facit, quod ratio unius formalitatis à parte rei non includat rationem alterius virtualiter distinctæ formalitatis.

14. Contra : Non communicari in Hypostasi Patris dicit distinctionem realem respectu Hypostasis Filij : Communicari verò in Essentiâ Patris dicit identitatem cum substantiâ, & Personâ Filij. Produci dicit emanationem unius ab alio, adeoque *formaliter* importat distinctionem producentis, & producti : cum econtra non produci in Deo dicat Unitatem substantiæ, & omnimodæ perfectionis absolutæ. Esse ex ratione suâ propria Communicationem Amoris, non autem Intellectionis, importat formalitatem spirationis, cui ex ratione suâ propriâ ita competit esse communicationem Amoris substantialis, ut communicatio intellectionis substantialis seu naturæ Divinæ eidem tamen conveniat ex ratione infinitatis, & purissimæ actualitatis : sicut econtra generationi ex ratione suâ propriâ competit esse communicationem Intellectionis, seu Naturæ Divinæ, & tamen eidem ex ratione Infinitatis, & Actualitatis *transcendentaliter*, & à parte rei *formaliter* conveniat esse communicationem Amoris. Hæc autem ratio propria communicationis Amoris importat proprietatem Hypostasis in Spiritu Sancto, quam non infert in Filio communicatio Amoris ex ratione infinitatis, & actualitatis, sicut econtra ratio propria communicationis Intellectionis, seu Naturæ in Filio importat proprietatem Personalem, quam communicatio ejusdem substantialis Intellectionis seu Naturæ ex vi, & ratione Infinitatis, seu Actualitatis non infert in Spiritu Sancto. Constat igitur, prædicta prædicata importare formalitates reales positivas Deo inexistentes.

15. At in Deo nulla est repugnantia vel oppositio, nisi relativa secundum Hypostasies. Ergo illa prædicata quatenus important distinctionem Hypostasum sunt opposita relative, alioquin nullatenus repugnantia. At quando una ratio in Deo à parte rei non includeret rationem alterius formalitatis *virtualiter* distinctæ, hæc à parte rei non inclusio, seu exclusio rationum inferret repugnantiam earundem saltem Disparatam, seu distinctionem ex Natura rei. Ergo nullatenus in Deo admittenda est illa à parte rei non inclusio essentialis, seu exclusio rationum. Unde sicut est à parte rei una in Deo quidditas & Essentialitas, seu Entitas Hypostasis, & Naturæ, Spirationis activæ, & Generationis activæ, ita una est formalitas ex parte rei significata per ly *Non produci* in substantiâ : & per ly *produci* in Hypostasi. Neque in Spiratione *To Non esse ex propriâ ratione communicationem Intellectionis* ; vel in generatione *To non esse ex propriâ ratione communicationem Amoris* importat ex parte rei aliquam negationem, sed formalitatem positivam, quæ à parte rei importet realitatem communicationis, in generatione etiam Amoris ; in spiratione verò Intellectionis, non quidem ex propria, quæ objectivè præscindibili ratione, sed ex ratione infinitatis, & actualitatis Transcendentaliter imbibitâ in omni formalitate quâ Divinâ.

16. Instabis denuò : S. Thomam in 1. dist. 2. q. 1. 4. 2. ita discurre : *Quia unumquodque Attribu-*

*tum est in Deo secundum verissimam sui rationem, & ratio Sapientie non est ratio Bonitatis, in quantum hujusmodi, relinquitur, quod sunt diversa ratione non tantum ex parte ipsius ratiocinantis, sed ex proprietate ipsius rei.* Ex quo clarè evinci, quod ratio Sapientiæ ex parte, seu proprietate ipsius rei non includat essentialiter rationem Bonitatis in Deo.

- Contra : S. Doctor *seq. 4. 3.* asserit, si intellectus noster videret Deum per se ipsum, posse illi ratione suâ nomen unum imponere. Hoc autem nomen unum significaturum nec Bonitatem tantum, nec Sapientiam tantum, aut aliquid ejusmodi, sed significata omnium istorum. Ergo ad oculum patet, rationem Sapientiæ, Bonitatis, & omnium Attributorum esse in Deo à parte rei *essentialiter* unam rationem. Unde in verbis *superius* allegatis apprimè notandum est, quod Doctor Angelicus dicat, rationem Sapientiæ *in quantum hujusmodi*, id est, ex ratione suâ propriâ quæ objectivè præscindibili non esset ratione Bonitatis, etsi ratione infinitatis, & actualitatis in Deo sit à parte rei una ratio Sapientiæ, Bonitatis & omnis formalitatis Divinæ. Ergo non est dicendum cum Franc. de Lugo. c. 7. n. 20. quod Essentia Dei, & Attributa eatenus inter se distinguantur *virtualiter*, quatenus ratio Essentiæ non includat à parte rei *Essentialiter* Attributa Divina.

- Urgebis ultimo. Si ratio Essentiæ includit ex parte rei, seu objecti essentialiter Attributa Divina ; Ergo intellectus noster intelligendo rationem Essentiæ, ex parte objecti apprehendit etiam attributa, imò unicam illam rationem, quæ formaliter per essentialem inclusionem sit ex parte rei, seu objecti Essentia, & tota perfectio etiam Attributorum in Deo : Ex hoc autem sequitur, quod Attributa, & Personalitates relativæ distinguantur ab Essentiâ per præcisionem duntaxat formalem, distinctione rationis se tenente ex parte tantum intellectus, non autem per præcisionem objectivam formalitatum.

- Contra : Nam verè dico : Essentia Divina non est generans, neque genita, neque procedens, ex cap. Damianus. de Summâ Trinitate. Insuper verò affirmo : Intellectus in Deo Patre est principium generationis, non autem Spirationis : Item, Voluntas, non autem Intellectus est in Patre, & Filio principium Spiritus Sancti. At istæ negationes non possent verificari, nisi fieret, formalitatum Essentiæ & suppositorum Generantis, Geniti, & Procedentis, nec non Intellectus, & Voluntatis præcisio ex parte objecti. Probatur sequela Minoris : Nam negatio distribuit, quidquid post se invenit. Ergo si in hac propositione *Essentia non est generans*, ly *Essentia* & id *Generans* non supponunt præcisè, illud pro formalitate Suppositi Generantis, illud pro formalitate Essentiæ, seu Esse absoluti, tunc redditur sensus, Entitas Essentiæ nihil est Entitatis, secundum quam Primum Suppositum in Divinis est generans. Similiter in hac propositione ; *Intellectus Divinus non est principium Spiritus Sancti*, redderetur sensus, Entitas intellectus Divini non est quidquam illius Entitatis, seu rei, quæ est Principium Spiritus Sancti. At indubitatum est, hos sensus esse falsos. Ergo ad illarum propositionum veritatem adstruendam, oportet ex parte objecti aliam formalitatem importari in subiecto, & aliam in prædicato, siquidem negatio unius



unius de alio formalissimè dicat distinctionem prædicati, & subiecti. Cum proinde Intellectus humanus de Essentiâ Divinâ verè neget, *Esse generantem*, hæc autem negatio sit de fide; tangatque Veritatem Divinam in se subsistentem, quâ substantem conceptioni nostræ per fidem instructæ; consequenter distinctio formalitatum, quam prædicta negatio significat, non est penes conceptiones duntaxat formales, sed realitatem Divinæ substantiæ intrinsecam, nostroque intellectui representatam per revelationem æternæ Veritatis. Atqui hæc veritas, quatenus negat, Divinam Essentiam esse generantem, non subsisteret, nisi formalitas Generantis respectu intellectus nostri esset secundum rationem suam intrinsecam alia, quàm formalitas, & ratio Essentie. Hæc autem formalitatum in objecto distinctio antecederet ad illud iudicium negationis sit per simplicem apprehensionem Intellectus sub nomine Essentie intelligentis præcisè formalitatem Esse absoluti Divini, sub nomine autem Generantis apprehendennis Patris etiam formalitatem Hypostasis, ac Relationis. At hoc ipsum est præcisio objectiva, vi cuius ex parte objecti intellectioni respondet utraque formalitas sine alterâ realiter formaliter identificatâ. Ergo in Divinis ad veritates Fidei nostro intellectui ritè accommodandas, necessariò admittendæ sunt præcisiones objectivæ, quarum fundamentum sit Virtualis distinctio; secundum quam omnis perfectionis simpliciter simplicis formalitates vi purissimæ actualitatis, & infinitatis formaliter à parte rei in Deo identificatæ subsistunt non tantum in Eminentiali aliquâ ratione, sed in rationibus suis eatenus proprijs; quatenus ex se ipsis sunt Objectivè Præfandibiles. Velut eleganter insinuavit D. Thomas cit. a. 3. asserens, *Quod pluralitas in Deo non tantum sit ex parte intellectus nostri, sed etiam ex parte ipsius Dei, ita ut tali pluralitati non respondeat pluralitas rei, sed plena Dei perfectio*. Et hinc Divin. Dionysius c. 9. de Divin. Nom. hanc Divinam plenam perfectionis altitatem vocat unitivam multiplicem formationem absque ullâ incomprehensibilis identitatis variatione.

#### Responsio ad Argumenta Adversariorum.

22. AD primum n. 1. oppositum Respondetur negando Minorem, ac distinguendo ejus probationem; ita ut verum quidem sit, aliquam committi contradictionem, dum *Esse Dei absolutum sine esse respectivo à se indistincto per nostram intellectionem attingitur*, quæ tamen contradictio non sit penes Virtualemente *Esse Divini absoluti ac Respectivi Hypostatici* distinctionem, sed sit per objectivam virtuali distincti. onem ratione nostrâ ratiocinâtâ superstructam præcisionem. Ratio hujus responsionis est. Nam Virtualis distinctio in eo sita est, quod in unâ Entitate realiter identificentur prædicata non ex rationibus suis formalibus, sed ex limitatione alicujus subiecti contradictoria. Unde sit, quod nulla sit contradictio Formalitatum Enti infinito in existentium, sed harum omnimodam, ubi non est correlatio, oppositionem ex ratione infinitatis excludentium sit actualissima identificatio. Quæ proinde ratio evincit, non pugnare cum primis luminis Naturalis Principijs, quod idem Ens infinitum sit absolutum ac respectivum, atque aded substantia Dei Patris in esse absoluti identificetur, in Es-

se autem respectivi distinguatur realiter à supposito Filij. Et si verò secundum præcisionem objectivam Formalitas Esse Divini absoluti tangatur ab Intellectu, quin Esse respectivi realiter indistincta Formalitas attingatur, nulla tamen est in hoc etiam oppositio cum lumine & ratione naturali. Etenim si quæ in hoc sit contradictio, resultat ex objectiva Esse absoluti ac respectivi Divini præcisione. Hæc autem præcisio fundat denominationem ac relationem rationis. At non est contra, sed potius secundum rationem naturalem, quod in denominatione seu relatione sive Ente rationis involvatur implicantia contradictoria. Quamvis igitur per nostrum intellectum aliqua inter Formalitates Divinas objectivè præcisa fundetur contradictio, in ista tamen præcisione id utilitatis est, quod per modum prævia dispositionis seu instrumenti intentionalis se habeat ad propositiones, de Deo cum fidei veritate taliter efformandas, ut nihil falsitatis ponatur in objecto, cum actus ille præcisivus sit simplex apprehensio formalitatum istas distinguendo in actu exercito, quin intellectus & ratio nostra in actu signato dicat eas distinctas.

Ad 2. oppositum respondetur: Beatos intuendo Divinitatis substantiam, in hac videre quidem Virtualemente Formalitatum Distinctionem seu unitatem Eminentialem, nec tamen facere inter ipsas aliquam præcisionem objectivam. Ratio est. Nam Virtualis in Divinis distinctio in eo consistit, quod omnes perfectiones simpliciter simplices sint in Deo formaliter secundum proprias suas rationes; quæ tamen ratione actualitatis purissimæ, & infinitatis sint una simplicissima formalitas. Quam proinde formalitatem cum illâ unitatis eminentiâ seu Virtuali distinctione intuendo Beatus non dicit, *Intellectus, non autem Volitio in Deo Patre est Principium Spiritus Sancti*. In hac enim propositione particula Non supponit objectivam volitionis ab intellectione Divina præcisionem; Ejusmodi verò præcisio non habet locum in visione Dei intuitivâ, velut infra probabitur. Quare Beatus non per viam negationis, sed simpliciter affirmationis in Verbo dicit: In Deo Patre ratio propria Intellectionis est Principium Verbi, quæ ratione purissimæ suæ actualitatis & infinitatis sit omnis, & plena perfectio simpliciter simplex formaliter realiter identificata cum ratione propriâ volitionis, & formalitate principij Spiritus Sancti. Quod S. Thomas cit. a. 3. expressit asserendo. Si intellectus noster Deum per se ipsum videret, impossumus ei nomen, cuius unica ratio significata includeret omnium Divinarum perfectionum formalitates: etsi idem Beati intellectus has conspiciendo mediante suâ conceptione, quam impossibile est representare totam Divinam Essentiam perfectionem secundum creatas has, nempe extra Verbum conceptiones, Deo imponeret plura nomina, attestante S. Chrysostomo, Angelos laudare Deum, quosdam ut Majestatem, quosdam verò ut Bonitatem. Constat igitur, Intellectum Beati non per Visionem in Verbo, sed per suas conceptiones extra Verbum facere circa Deum objectivas Divinarum perfectionum præcisiones: ut aded Franciscus de Lugo cit. disp. 16. n. 5. n. 17. tantò videatur magis reprehendendus, quod in Divino etiam Intellectu admittat Entia rationis seu distinctionem formalitatum Divinæ substantiæ.

Ad 3. concessa Majore & Minore Respondetur. In termino Essentialiter esse æquivocationem; Nam



Nam absolute dicitur *Essentiale*, sine quo res nec esse, nec concipi potest, ut sic autem verificatur, quod respectu Intellectus Essentiam & attributa Divina præscindens formalitates attributales non enuncientur de Deo Essentialiter ac in Primo Modo dicendi per se, *veluti constat ex Sanctorum Patrum sæpius allegatis verbis*. Verum cum addito à parte rei Deo Essentialis dicitur omnis formalitas, quæ secundum Transcendentalem puræ actualitatis, & in essendo infinitatis rationem ex naturâ rei Formaliter includitur in esse Divino, *veluti Patres in objectione adducti accipiendi sunt*. In quo proinde sensu Deus Exodi 33. Moysi postulanti, ut ostenderet sibi faciem, adeoque Essentiam, respondit: *Ostendam tibi omne Bonum*. Ex hoc enim evincitur, omnem perfectionem simpliciter simplicem ita esse à parte rei de Essentiâ Dei, ut in hac ipsa tamen *tantumquam Bono* quali colectivo sit distinctio virtualis, in qua radicetur Formalitatum objectiva per nostrum Intellectum præcisio, per quam una Formalitas intelligatur instar Essentiæ, reliquæ autem more accidentium; veluti Patres sæpe citati loquuntur.

## COROLLARIUM.


28. Infertur 1. Qualiter distinctio ex naturâ rei formalis conveniat, & qualiter differat à Virtuali distinctione. Nam 1. Scotus distinctionem ex natura rei Formalem in Deo ponit, eò quod formalitates Sapientiæ, Bonitatis, omniſque perfectionis sint in Deo secundum proprias suas rationes. At has ipsas rationes proprias formaliter importat distinctio Virtualis, quin tamen à parte rei actu sint diversæ realitates, sed ratione purissimæ actualitatis & infinitatis una simplicissima Entitas. 2. Ex formali distinctione generationis activæ, & Spirationis activæ arguunt Scotistæ de una Simplici re verificari formalitates à parte rei diversas, ita ut realitas generationis activæ sit communicatio intellectiōnis Substantialis, ac Naturæ Divinæ, non autem Amoris: e contra realitas Spirationis activæ sit communicatio substantialis Amoris, non autem intellectiōnis, & Naturæ Divinæ. At hæc tota Veritas ita subsistit ex virtuali ac eminentiali distinctione, quin alia sit realitas generationis activæ & alia Spirationis activæ. Nam spiratio activa ex propriâ suâ ratione *nimirum quâ objectivè præscindibilis à generatione* est communicatio amoris, & ex ratione transcendentali purissimæ actualitatis, ac Essendi infinitatis est etiam communicatio Naturæ Divinæ, sicut e contra generatio activa ex ratione suâ propriâ est communicatio Naturæ, & Intellectiōnis Divinæ, & ex ratione transcendentali purissimæ actualitatis in Deo est communicatio etiam Amoris. Ex his autem rationibus propriis per Essendi infinitatem à parte rei omnino indistinctis sequitur: generationem activam esse productionem Verbi; cujus Hypostasis ratio propria est,

esse subsistentiam Intellectiōnis, seu Naturæ Divinæ, Spirationem verò esse productionem Spiritus Sancti, cujus Hypostasis ratio propria est, esse subsistentiam Amoris substantialis. Unde quodd Scotistæ in Divinis exponunt per distinctionem realitatum, seu formalitatum, hoc ex virtuali distinctione explicatur per simplicissimam formalitatem *proprium rationum* in perfectionibus Divinis ratione Infinitatis Essendi & actualitatis purissimæ à parte rei omnino indistinctarum, ex se ipsis tamen objectivè præscindibilium.

Infertur 2. Formalitates Divinas, seu Attributa Dei verè de se invicem in sensu formali negari, non ratione distinctionis ex natura rei formalis, sed virtualis à parte rei, & formalis per præcisionem objectivam. Probatur, & explicatur. Nam verè dico, Essentia Dei non generat, Deus vult non intellectu, sed voluntate, Misericordia ut sic non est Iustitia, Deus vivit, quâ intelligit, non autem quâ immensus. E contra verè etiam affirmo, Deus est Deitas, Bonitas in Deo est Sapientia, Generatio activa in Patre est Spiratio activa; Relatio Spiratoris est relatio Filiationis. Cujus Disparitatis ratio est, quod posterioris generis enunciationes procedant in sensu reali identico, illæ autem priores in sensu formali. At si ratio Iustitiæ, Bonitatis, relationis Spiratoris, & Filiationis in Deo essent formalitates ex naturâ rei distinctæ, tunc in posterioribus quoque enunciationibus esset sensus formalis, nec adeò illæ formalitates possent de se invicem affirmativè enuntiari. Signum igitur est illas formalitates in sensu etiam formali acceptas non arguere distinctionem ex natura rei, sed rationis ratiocinatæ formalem ex vi præcisionis objectivæ fundatam in distinctione reali virtuali.

Infertur 3. Deum suo intellectu inter Essentiam & Formalitates attributales designare Virtualem distinctionem quatenus in suo Actualissimo Esse in se Intelligibiliter expresso intueretur infinitam imitabilitatem activam ex quâ deriventur Intelligibiliter creatæ Essentiæ possibiles cum immersione potentialitatis, adeoque sub limitatione & consequenter cum distinctione participantibus Formalitates ex Dei Esse purissimo derivabiles. Ratio est. Quia distinctio Virtualis est Eminencia unitatis habens in suo actualissimo Esse omnimodæ perfectionis simpliciter simplicis formalitates & rationes proprias in creatis formis ex immersione potentialitatis realiter distinctas. At illa Unitatis Eminencia Formalitates in creatis formis distinctas sub actualissimo Esse ratione simplicissimâ continens intelligitur à Divino Intellectu conspici pro illo signo, in quo intueretur creatarum Essentiarum formalitates Intelligibiliter derivari ex activa infinitæ suæ Essendi actualitatis imitabilitate.

\*\*







# QVAESTIO TERTIA

## DE

# ATTRIBUTIS DEI IN

## SPECIE.

1.



Uibus in hac vitâ non nisi per speculum in AEnigmate 1. Corinth. 13. vel procul in creaturis Job. 36. Deum intueri licet, duplex est via ascendendi ad Divinarum perfectionû contemplationem;


Altera per negationem, Altera per affirmationem. De priori Divinas perfectiones cognoscendi viâ scilicet per remotionem imperfectionum, quibus immersa est omnis creata perfectio, S. Damascenus lib. 1. Fidei c. 4. circa finem ait: De Deo, quid est secundum substantiam, dicere impossibile; convenientiusquè de Deo longè est, per omnem ablationem facere sermonem; nam nihil eorum, quæ sunt, est, non ut non Ens, sed ut omnia Entia supereminens, & super ipsum Esse Ens. Ex quo patet, in ijs etiam prædicatis Divinis, quæ nominetenus sunt affirmativa, involvi aliquid præcellentis negationis, uti expressè tradit Damascenus cit. c. 4. Sic enim Deum cognoscendo Ens à se apprehendimus sub negatione omnimodæ potentialitatis.

2.

In quo sensu Divinus Dionysius, & alij Patres Deum vocando supersubstantiam, supersapientiam, superinfinitam virtutem, contendunt insinuare præcellentem illam negationem imperfectionis formis creatis immersæ, Quod tamen non ita accipiendum est, quasi Nomina Dei tam affirmativa, tum negativa sint adinventata ad removendum duntaxat imperfectiones Deo inconvenientes, quin significant positivam Divinam perfectionem, sed quod imperfectè tantum significant perfectiones Divinas non nisi ex creaturis imperfectè eas representantibus cognititas à nostro intellectu, uti probat S. Tho. 1. p. q. 13. a. 2.

3.

Unde fit, nullum Dei nomen esse vel purè affirmativum vel purè negativum, cum & negationes Deo attributæ significant aliquid Divinæ Excellentiæ; & affirmationes de Deo importent perfectiones Dei quæ depuratas ab imperfectionibus: ut proinde Divin. Dionysius c. 7. de Divin. Nom. rectè dixerit: Deum à nobis cognosci & scientia & ignorance, ita quidem, ut ignorando per ablationem inveniamus puritatem Esse Divini; & sciendo ex creaturis investigemus perfectionem Dei per viam Causalitatis seu Eminentiae, ignoremus tamen ejus quidditatem & Essentiam, vel saltem non nisi in speculo vel ænigmate fidei hanc cognoscamus.



## ARTICULUS I.

DE

## Simplicitate DEI.

**F**ormalitas summæ Simplicитatis in Deo explicari solet per negationem omnimodæ tam compositionis, quàm componibilitatis. Ex Alberto Magno. 1. p. sum. tract. 4. q. 20. memb. 3. §. in Contrarium: arguiturquè ex ratione Aseiratis, adeoque Entis primi ac necessarij seu purissimæ ejus actualitatis & infinitatis ex S. Tho. 1. p. q. 3. per totam. D. Bonaventura in 1. dist. 2. p. 2. q. 2. Scoto ead. dist. 8. q. 2. a. n. 2. Ex quo fundamento Doctor Angelicus dist. 9. q. 3. a. 1. infert 1. Deum non esse corpus

Physicum; hoc enim non movet nisi motum, Deus autem est primum movens immotum. 2. Nec esse corpus Mathematicum, hoc enim est divisibile in infinitum: divisibilitas autem dicit potentialitatem, quæ adversatur purissimo actui, ac Enti primo. 3. Nec esse corpus Metaphysicum, hoc enim nobilior est Spiritus magis separatus à materialitate & potentialitate; Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

2. Nec esse corpus Mathematicum, hoc enim est divisibile in infinitum: divisibilitas autem dicit potentialitatem, quæ adversatur purissimo actui, ac Enti primo. 3. Nec esse corpus Metaphysicum, hoc enim nobilior est Spiritus magis separatus à materialitate & potentialitate; Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.

Deus autem hoc ipso, quod sit Ens à se primum, & purissimus actus, est infinitus in ratione Entis & substantiæ. 4. Art. 2. probat 3. non esse compositum ex materiâ & formâ, quia omne compositum ex materiâ & forma est per participationem formæ, quæ utpote limitata ad materiâ non potest esse primus, & purus actus. 5. Demonstrat a. 6. Cùm Deus sit actus purus, ac ipsum Esse, primumquè Ens, ac prima causa, nullum in ipso esse accidens, utpote quod ex parte subjecti supponat potentialitatem vel ex principijs intrinsicis subjecti, vel ex principio aliquo extrinseco, cujusmodi causalitas adversatur Enti primo, & Causæ primæ. Quibus adeo tanquam facilioribus suppositis: Difficultas prima & secunda est. An ex ratione puri actus in Deo ita probetur identitas Naturæ & substantiæ, item existentia ac Essentia, ut nulli substantia creata sit communicabilis. Tertia. An Compositio rationis ex genere & differentia adversatur rationi primi Entis & purissimi actus.



## CONTROVERSIA I

*An soli Deo ratione summe Sim-  
pliciter & actualitatis conveniat  
identitas Naturæ & Subsisten-  
tiæ.*

1. **N**egativa videtur evinci ex S. Tho. *præf. a. 3.* ita concludente: *in his igitur, quæ non sunt composita ex materia & forma, in quibus individuation non est per materiam individualem, id est, per hanc materiam, sed ipsa forma per se individuantur, oportet, quod ipsa forma sine supposito substantia: Unde in eis non asseri suppositum, & Naturæ.* Atqui natura Angelica non est composita ex materia & forma. Ergo est per se individuatæ. Ergo est per suam entitatem subsistens. Ergo non differt à suâ subsistentiâ, velut idem S. Doctor. *q. 7. de potentia a. 4. tradit;* in Angelis inquit, quodlibet suppositum est sua natura.
2. Verum, subsistentiam in solo Deo esse indistinctam à naturâ, efficaciter probat idem Angelicus Doctor. *quodl. q. 2. a. 4. in corp. & ad 1. quod supponit etiam 3. p. q. 4. a. 1. ad 3.*

## CONCLUSIO.

3. **E**x ratione purissimæ actualitatis demonstratur, in solo Deo esse subsistentiam indistinctam à naturâ.

- Probat. Hypostasis significat substantiam particularem, non quocumque modo, sed prout est in suo complemento, S. Tho. *3. p. q. 2. a. 3. ad 2.* Unde subsistentia supponit naturam etiam quâ singularem, & individuatam, cujus est complementum reddens illam incommunicabilem alteri. ex S. Tho. *3. p. q. 2. a. 3. ad 2. & q. 9. de potentia a. 1. ad 1. & a. 2. ubi ait: Subsistentiam esse modum existendi in singulari substantia, qui modus sit esse per se existens.* Si proinde in substantiâ aliqua sit distinctio individuationis, & naturæ, consequenter etiam subsistentia est distincta à tali natura. Atqui in compositis ex materia & forma individuation est per materiam sub dimensionibus quantitativis. Ex S. Thomâ. *1. p. q. 3. a. 3. & in 1. dist. 1. q. 2. a. 5. ad 1. & in 3. dist. 12. q. 1. a. 1. q. 3. ad 3.* Ergo sicuti principia individuantia in ejusmodi compositis sunt extra principia formalia seu definientia, sic consequenter subsistentia est distincta à naturâ. Deinde licet formæ irreceptibiles in materiâ seu substantiæ Spirituales per se individuentur: sicut in Angelis principia individuantia non distinguuntur à principiis formalibus naturæ & speciei. ex eod. S. Doct. *1. p. cit. a. 3. item q. 5. a. 4. & q. 2. quodlib. a. 4. ad 1.* Nihilominus quælibet etiam immaterialis creatâ substantia est receptiva formarum, quæ sunt extra ejus essentiam. Hæc autem ratio recipiendi, seu sustentandi accidentia convenit substantiæ ratione subsistentiæ. Atqui ratio sustentandi, seu substandi accidentibus est extra quidditatem naturæ, seu speciei. Hinc enim à Philosopho in *predic. cap. de substantiâ* dicitur, *esse substantia proprium quarto modo substat accidentibus.* Ergo subsistentia in omni substantiâ creatâ etiam immate-

riali est extra quidditatem naturæ, & speciei. velut ex deducto fundamento concludit Aristoteles 7. *Metaph. text. 21.* Secundum hoc ergo, inquit, cumque potest aliquid accidere, quod non sit de ratione suâ, in eo differt res & quod quid est, sive suppositum & Natura.

Cum proinde in solo Deo non invenitur aliquid accedens præter ejus Essentiam, consequenter in Deo tantum est omnino idem Suppositum & natura, uti argumentatur D. Tho. *cit. q. 2. quodlib. a. 4. in corp.* At ex ratione actûs puri, & ratione Essendi sive existendi per Essentiam inferitur in Deo nullum esse accedens. S. Doctor *loc. proxime cit. & 1. p. q. 3. a. 6.* Ergo ex eo, quod ratio actûs puri & essendi vel existendi per Essentiam soli Deo convenire possit, efficaciter demonstratur simpliciter Divinæ substantiæ secundum identitatem naturæ & subsistentiæ, ita ut hæc identitas nulli creatæ substantiæ communicabilis sit.

## Ad fundamentum n. 1. oppositum

**R**espondetur: Subsistentiam quandoque sumi formaliter pro termino, seu complemento naturæ, quandoque radicaliter pro principijs individuantibus naturam. Nam quia subsistentia reddit naturam alteri incommunicabilem, non potest convenire naturæ quâ universali, sed quâ singulari, atque adeo resultat ex naturâ non secundum principia specifica, sed secundum principia individuantia, seu singularia. Quando igitur S. Thomas *locis in objectione allegatis* docet, suppositum & Naturam in formis Spiritualibus esse indistincta, intelligendus est de subsistentiâ radicaliter sumptâ pro principijs individuantibus, sicuti idem S. Doctor. *1. p. q. 29. a. 2. ad 3. ait,* quod Persona, seu Hypostasis adducit supra rationem Essentia principia individuantia, quæ non sunt idem cum Essentia in compositis ex materia & forma, etsi omnino indistincta sint a principijs formalibus naturæ seu speciei Angelicæ. Verum subsistentiam formaliter acceptam pro termino substantiæ seu modo per se existendi, ac substandi accidentibus, distingui à quâvis creatâ etiam Angelicâ & immateriali naturâ, docuit Angelicus Doctor *locis in conclusione citatis & in 3. p. q. 17. a. 1.* Natura, inquit, secundum se considerata prout in abstracto significatur, non verè potest predicari de supposito seu Personâ, nisi in Deo, in quo non differt Quod est, & Quod est.

## CONTROVERSIA II

*An soli Deo ratione actualitatis Essendi conveniat identitas Essentia, ac Existentiæ?*

**N**egant Suarez. *disp. 3. Metaph. sect. 1. n. 12.* Valquez. *1. 2. disp. 179. n. 6.* Valent. *10. 1. disp. 1. q. 4. p. 1. 4.* Arriaga *disp. 2. Metaph. sect. 3.* cum Nominalibus à se relatis; docentque in substantijs quoque creatis existentiam nullo modo à parte rei distingui ab Essentiâ. Fundamentum hujus assertur: Tota enim ratio distinguendi Essentiam ab Existentiâ est illius potentialitas, seu indifferentia ad existendum, vel non existendum.



dum. At existentia substantiæ creatæ non minus, quàm essentia ita est ab æterno secundum prædicata quidditativa, ut tamen indifferens sit, ad Esse in tempore actuale, seu productum. Ergo si ratio distinguendi Existentiam ab Essentia esset efficax, probaret, dari Existentiam ipsius existentia quæ secundum prædicata sua essentialia spectatæ. Ex hoc autem abiretur in infinitum. Ergo illa ratio est inefficax.

2. Ex opposito Capreolus in 1. dist. 8. q. 1. a. 1. Cajetan. in opus. de Ente & Essentia. c. 2. & 4. Ferrarriensis 2. cont. gent. 4. 32. Bannes. 1. p. q. 3. a. 4. dub. 2. Nazarius ibi cont. 1. propos. 15. Ioan. à S. Tho. cod. a. 3. Serra ibid. 9. Dicendum tamen. & Thomistæ communiter cum Doctore suo Angelico præf. a. 4. & in 4. dist. 8. q. 3. a. 1. & opus. 48. tract. de subst. c. 2. tradunt, identitatem Existentia, ac Essentia ita esse propriam Deo, ut nulli creatæ substantiæ conveniat.

## CONCLUSIO.

3. Identitas Essentia, & Existentia in Deo est ex ratione actus puri, ac Entis primi, nec adeo communicabilis alicui creatæ substantiæ.

Probatur. Si Existentia à parte rei non distinguitur ab Essentia, sequitur, hanc ultimò esse actuatam non per realitatem à se distinctam, sed per formalitatem sibi identificatam. Probatur sequela. Nam existentia est ultima actualitas rei, ex S. Tho. q. 1. m. de animâ. a. 6. ad 2. Si proinde alicujus substantiæ creatæ Essentia sit à parte rei formaliter aut realiter existentia; oportet talem Essentiam esse ultimò actuatam per se ipsam seu per formalitatem, à se indistinctam. Hæc autem sub ratione substantiæ ac Essentia in se existentis & consequenter subsistentis à se per se ipsam ultimò actuatam Formalitas foret hoc ipso prima Entitas & purissima actualitas. Sicut ergo ratio actus puri per Essentiam Existentis & per suum Esse formaliter subsistentis non est communicabilis creatæ substantiæ: sic identitas Essentia ac Existentia est Divina substantiæ adeo propria, ut nulli creaturæ communicari possit.

4. Respondebis retorquendo argumentum: Nam Existentia quæ distincta ab essentia est ultima sui actualitas non per aliam Existentiam, sed per se ipsam formaliter posita extra, nihilum: nec tamen ex hoc sequitur: habere rationem primi Entis, seu actus puri.

5. Contra: Ratio actus puri excludit non tantum potentialitatem passivam, sed etiam receptibilitatem actus in potentia. At existentia distincta ab Essentia in hac recipitur; unde non est per se existens. Ergo nec est actus purus per se in sua Essentia subsistens. Secus est in sententia opposita adstruente identitatem realem, in id ex natura rei formalem Essentia ac Existentia in creatis. Nam quia Esse Dei est sua Essentia, ideo in Deo est omnino idem suppositum, & natura. Ergo eo ipso, quod existentia non distinguatur ab alicujus Essentia, neque subsistentia distinguitur ab ipsius natura; veluti S. Thomas q. 2. quodl. a. 3. & 1. p. cit. q. 3. a. 4. argumento. Sed contra. cum S. Hilario. 6. de Trinitate ex eo, quod Esse in Deo non sit accidens, infert, esse subsistentem veritatem seu id, quod subsistit, ex se in Deo esse suum Esse. At si suppositum non di-

stinguatur à natura, non est receptivum accidentium juxta Doctorem Angelicum loc. cit. & Aristotelem 7. Metaph. tex. 21. ubi ait: Secundum quod cuiusque potest aliquid accidere, in eo differt res, & quod quid est sive suppositum, & natura. Ergo si Existentia, & consequenter subsistentia realiter, in id & formaliter à parte rei sit identificata cum Essentia alicujus substantiæ, sequitur hanc existere, & subsistere per Essentiam absque ullâ potentialitate ad recipiendum aliquod accidens. At hoc est Ens primum, & actus purus. Ergo substantia, à cujus Essentia non distinguitur Existentia, est primum Ens cum purissima actualitate. Oportet igitur in omni Ente præter Deum realiter distingui Essentiam seu naturam ab Existentia, veluti clare innuit Boëtius 1. de Trinit. c. 3. asserens. In omni eo, quod est ultra primum, differre & quod est, & quo est.

Replicabis: Ipsam Existentiam posse in actu signato considerari secundum statum possibilitatis, quatenus est ab æterno non quidem physice, sed logice, & objective in mente Divina: Hanc autem possibilitatem Existentia, ut producat in actum, dependere à causalitate principij Efficientis liberè & contingenter operantis. Ergo etiam si dicatur Essentia re indistincta ab Existentia, posse illius tamen rationem in substantia creatâ secundum statum possibilitatis considerari sine Existentia actu exercito. Hic verò exercitus Existentia creatæ physice productivus actus importat dependentiam à principio Efficienti. At ista dependentia tollit rationem primi Entis, & actus puri. Ergo non sequitur, substantiam esse actum purum sive Ens primum, eo quod habeat secum identificatam Existentiam.

Contra: Existentia distincta ab Essentia idem potest secundum statum possibilitatis præcisè considerari, quia per suam quidditatem nec est existens, nec subsistens. Probatur assumptum. Si enim Existentia identificatur cum Essentia alicujus substantiæ, consequens est, nec distingui ab ejus subsistentia, uti superius ex S. Thomâ probatum est. At substantia, cujus Essentia est Existentia & subsistentia, est per se ex sua quidditate existens, ac subsistens, uti ex terminis notum est. At eo ipso, quod aliqua substantia per suam Essentiam sit existens, & subsistens, non potest præscindi ab existendo, & subsistendo. Ex hoc autem ulterius sequitur, quod talis substantia sit Ens per se primum, necessarium, & purus actus, etiam si procedat ex aliquo principio producente: sic enim Verbum Divinum productum à parte est Ens primum, & actus purus, eo quod ejus Hypostasis ex ratione sua formali sit identificata cum Esse, quod est Essentia Divina. At hæc ipsa intrinseca formalis identitas Hypostasis Verbi cum Esse, seu Essentia Divina est ratio, cur Verbum non liberè, sed necessario producat. Ergo si alicujus substantiæ Hypostasis, seu subsistentia sit Essentia, & hæc sit formaliter à parte rei Existentia, tunc substantia ejusmodi ex ratione sua formali à parte rei est per se subsistens ac existens, adeoque non potest non esse. Ergo est ens necessarium: Ergo Ens primum: Ergo actus purus: nec adeo intelligibile secundum statum puræ possibilitatis. Ergo quod Existentia substantiæ creatæ possit considerari in statu possibilitatis,



hoc ideo est, quia non est per se existens, & subsistens. Hoc autem est propter Existentiæ ac Essentiæ, adeoque etiam subsistentiæ in substantiâ creata distinctionem realem. Ex hac enim distinctione fit, quod existentia dependeat à naturâ, & subsistentiâ, quatenus in naturâ recipitur mediante supposito, ita ut natura eam recipiat *in quo*, Suppositum verò *ut quod*. ex S. Tho. *quodl. q. 9. a. 3. & 3. p. q. 17. a. 2. & in 3. ad Anibaldum. dist. 6. q. iii. a. 2. ad 2.* Ergo dependentia existentie creatæ, & consequenter ejus contingentia respectu Principij efficientis radicatur in ejus distinctione ab Essentiâ, & subsistentiâ.

#### Responsio ad fundamenta contraria.

II. **A**D oppositum n. 1. Respondetur: Existentiæ creatæ indifferentiam ad existendum, & non existendum *formaliter* importare receptibilitatem sui in naturâ & Supposito; *connotative* autem dicere hujus potentialitatem: non enim Existentiâ est existens, sed natura *in quo*, & suppositum *ut quod*. Unde si natura, suppositum & existentia secundum prædicata sua intrinseca considerentur in statu possibilitatis; quin sit Ens existens; hoc ideo est, quia Existentiâ pro tali statu non concipitur *in actu exercito*, quatenus recepta in Essentiâ, & supposito *formaliter*, & *intrinsece* constituendo Ens Existens. Ergo ratio petita ex indifferentiâ Essentiæ creatæ ad existendum ita probat distinctionem Essentiæ ac Existentiæ, ut tamen hujus indifferentiâ determinetur constituendo Ens existens per realem sui in Essentiâ ac Supposito receptionem. At ista receptibilitas evidenter arguit realem existentie ab Essentiâ & Supposito distinctionem. Ergo per potentialitatem ac indifferentiam Existentiæ creatæ recte inferitur ejusdem a substantiâ creatâ distinctio realis.

12. **I**nstabis: Si Essentiâ est receptiva existentie à se distinctæ. Ergo potest in instanti productionis considerari in ratione potentialitatis secundum prioritatem naturæ prior Existentiâ. Tunc ergo ista potentialitas Essentiæ in illo priori naturæ vel est actu extra causas, & extra nihilum, vel non? Si prius dicatur, ergo jam concipitur formaliter existens: siquidem existentia sit actualitas, vi cuius ponitur res actu extra causas, vel extra nihilum. Si posterius asseratur: Ergo illa potentialitas pro tunc est nihil: ergo non potest esse physice receptiva Existentiæ realis à se distinctæ.

13. **R**esponderetur: Verum esse, quod pro illo priori natura non intelligatur Essentiâ *formaliter* actu extra nihilum, sed ut sic importare potentialitatem receptivam formæ constituentis Essentiâ *actu formaliter* existentem. Hinc tamen non sequi, quod pro illo priori nature Essentiâ verè dicatur nihil. Hæc enim negatio utpote distributiva tollit existentiam simpliciter, adeoque secundum instans etiam reale temporis. At eo ipso, quod Essentiâ sit producta, ejus potentialitas est pro tunc actu receptiva Existentiæ. Ergo non est nihil, sed actu existens.

Quod si opponens vocem *Nihil* in illâ propositione per *ty* pro illo priori natura velit ita restrictam, ut præcandatur à *Concomitante* vel *secundum rationem nostram* Consequente temporis instanti. Ne

tunc quidem potest Essentiâ dici *Nihil*, eo quod jam intelligatur in ratione non tantum Naturæ, sed etiam suppositi non quidem ultimò actuati, sed actuabilis per existentie receptionem. At ejusmodi actuabilitas actualitatem Essentiæ ac Hypostasis intrinsece includens licet pro illo priori naturæ intelligatur in potentiâ ad existentiam. Hæc tamen potentiâ non est merè objectiva seu *Logica*, sed est *Physica* realiter terminans pro illo priori Physicam Efficientiæ causalitatem. Unde pro illo etiam priori potest jam dici Essentiâ esse actu extra Nihilum *Causaliter*, non autem *Formaliter*, quatenus nimirum Essentiâ ejusmodi est actualiter & intrinsece terminativa Causalitatis sui productricis, licet nondum intelligatur ut actu receptiva Formalitatis tribuentis Formalem existendi effectum.

SECTIO III. DE DEO IN GENERE ALIQUO.

#### CONTROVERSIA III.

##### *An Deus sit in genere aliquo?*

**E**Thi Gregorius in 1. dist. 2. q. 3. Marsilius in 1. q. 12. a. 2. posuerunt Deum in prædicamento, adeoque sub genere Substantiæ; hanc tamen sententiam communiter rejiciunt Theologi, nominatim D. Thomas 1. p. præf. q. 3. a. 5. & in 1. dist. 8. q. 4. a. 2. Divus Bonaventura ibi. q. 4. Albertus Magnus eadem dist. a. 32. Scotus ibid. q. 3. n. 16. Hinc non tam difficultas est, & Controversia Doctorum de conclusione, quam de ejus ratione: dum subtilis Doctor cit. q. 3. n. 20. inefficacem asserit Doctoris Angelici dicto. a. 2. in 1. adductam rationem. Et Vasquez 1. p. disp. 22. c. 3. improbat tum Angelici 1. p. cit. a. 5. tum subtilis Doctoris cit. n. 16. imò & Alberti Magni, & Divi Bonaventuræ ibi supra insinuata argumenta.

#### CONCLUSIO.

**D**eum non esse in genere aliquo, seu prædicamento, efficaciter ostenditur ex ratione purissimæ actualitatis.

Explicatur, & probatur argumento S. Doctoris. Nam quod simpliciter & propriè ponitur sub genere, est species. Hæc verò ita constituitur ex genere & differentiâ, ut se habeat ad illud tanquam actus ad potentiâ. Atqui totum, quod est in Deo, est actus purus nihil habens admixtum potentialitatis. Ergo ratione summæ actualitatis repugnat, Deum esse speciem sub genere aliquo in prædicamento contentam.

Respondebis cum Vasquezio loc. cit. Compositionem speciei ex genere & differentiâ esse rationis duntaxat. At Divinæ simplicitati, ac purissimæ actualitati non repugnare compositionem rationis: sic enim Attributa, & personalitates per rationem ratiocinamam distinguendo ab Essentiâ, & iterum componendo, v.g. ex Supposito, & Sapientiâ, seu Essentiâ & Hypostasi constituimus Deum Sapientem, vel Personam, itaque facimus compositionem rationis.

Contra



5. **Contra:** Nam compositio rationis, secundum quam formalitates in Divinis per præcisionem objectivam vi primæ mentis operationis distinctæ per secundam, aut tertiam mentis operationem, vel discursum quasi componuntur, vel potius identificantur; in re, seu Deo ipso habet pro fundamento Eminentialem Divini Esse Unitatem, seu Virtualementem distinctionem, vi cuius formalitates ex rationibus proprijs in Supposito finito distinctæ, ratione summæ actualitatis, & infinitatis in Deo identificantur. Unde talis compositio rationis ex parte rei, seu fundamenti nihil importat imperfectionis, sed supponit summam perfectionem. At secus est in compositione ex genere, & differentia: quia genus sumitur ab aliquâ realitate, quæ secundum se est potentialis ad realitatem, à quâ accipitur differentia, uti Scotus *cit. n. 16.* probat auctoritate Aristoteles 8. *Metaph. c. 5.* *differentis: Oportet terminum, id est, definitionem esse longam rationem, quia significat aliquid de aliquo: ita quod oportet illud esse materiam & illud formam.* Cum proinde ratio generis desumatur ex materiâ, seu potentiâ, consequenter adversatur Divinæ actualitati, & simplicitati.

7. **Replicabis:** Species Angelorum sunt in genere. Ergo ratio generis non desumitur à materiâ: sed ubi concipi aliquid potest quâ contrahibile seu determinabile, & aliquid quâ contrahens seu determinans, ibi dari potest compositio rationis ex genere, & differentia. At in Deo intelligi potest ratio Personæ vel relationis Divinæ qua communis, adeoque determinabilis ad hanc vel illam Personam. Ex S. Tho. *infra q. 30. a. 4.* Ergo non repugnat in Deo compositio rationis ex genere, & differentia.

8. **Contra:** Rationes generis & differentie sunt formaliter per præcisionem intellectus, sed cum fundamento in re. Hoc autem fundamentum est ratio contrahibilitatis, seu determinabilitatis, & formalitatis determinantis. At ista ratio determinabilitatis in compositis ex materiâ & formâ est secundum materiam, in substantijs autem à materiâ separatis est secundum potentialitatem rei ad Esse, *ut supra præced. cont. 1. & 2. demonstratum est.* Ergo ubi cessat ratio determinabilitatis secundum potentialitatem ad Esse, ibi non est ratio generis. ex S. Tho. *present. q. 3. a. 1. & in. dist. 8. a. 2.* At in solo Deo ratione summæ actualitatis, non autem in substantiâ Angelicâ Esse identificatur cum Essentiâ, & supposito, juxta dicta *præced. cont. 1. & 2.* Ergo ratio generis non habet locum respectu Dei, bene tamen respectu Angelorum.

9. Unde licet ratio Personæ possit intelligi in Deo quâ communis tribus Personis, quia tamen hæc communitas est solius rationis, non autem rei, idcirco non habet rationem generis, vel speciei, uti S. Doctor *cit. a. 4. ad 3.* probat ex eo, quod *Persona Divina habeant unum Esse in se, Genus autem, & species, & quodlibet Universale prædicatur de pluribus secundum Esse differentibus.* Ex quo proinde patet, quod ad rationem generis non sufficiat communitas rationis, seu determinabilitas secundum rationem, nisi hæc pro fundamento in re supponat communitatem, id est, indifferentiam sive potentialitatem rei ad Esse. Hæc autem potentialitas rei ad Esse est in omni ente creato, non autem in Deo, cuius Esse per sum-

mam & purissimam actualitatem est ipsius Essentia. Ergo ratione summæ actualitatis, vel *ut loquitur Scotus, ratione necessitatis Essendi repugnat, Deum esse sub genere.*

Atque hoc est, quod S. Augustinus 7. *de Trinit. c. 5.* dicit, *Deum abusive vocari substantiam.* Nam istud nomen est derivatum à Substando: ratio autem substandi dicit potentialitatem ad accidentia; hæc autem potentialitas infertur ex distinctione Existentiæ, ac Subsistentiæ ab Essentiâ. *ex præced. cont. 1. & 2.* Ergo quia in Deo est summa ideptitas Essentiæ, Subsistentiæ ac Existentiæ, in ipso non est ratio substantiæ, quatenus est genus prædicamentale. Hæc autem identitas Essentiæ ac Existentiæ est in Deo secundum purissimam actualitatem, vel infinitatem Essendi, quæ infert perfectionem sive formalem, sive eminentialem omnis generis. At hæc ipsa infinitas est ratio, cur Deus non possit esse sub genere, ut probat Scotus *cit. n. 16.* Ergo non est, cur iste Doctor subtilis arguat rationem Angelici Doctoris in *ut. a. 2. dist. 8.* probantis, Deum non esse sub genere, eo quod Esse Divinum ratione nimirum infinitatis non terminetur ad aliquod genus, sed comprehendat in se nobilitates omnium generum. Et hinc à fortiori redarguendus est Vasquez *cit. c. 3. n. 8.* redarguens inefficaciæ argumentum Divi Bonaventuræ & Alberti Magni probantium, Deum non esse in prædicamento, eo quod sit infinitus.

## COROLLARIUM.

1. Infertur. Cum ratio actus puri excludat tum potentialitatem, tum receptibilitatem in alio, imo inferat infinitatem omnimodæ perfectionis, non posse Deum esse componibilem cum alio, nisi in ratione Unus substantialiter completi terminando Hypostaticè naturam alienam creatam de se improporionatam, & ratione potentiæ Obedientialis subjectam infinitæ ejus virtutis de quo inscrutabili Mysterio agetur in 3. p.

2. Infertur. Cum divina Essentia sit suum Esse subsistens infinitum, & ex principijs essentialibus individuatum, consequenter ex ejus summâ simplicitate, & actualitate inferri maximam Dei unitatem ita subsistentem in Trinitate Hypostasum, ut istæ sint formaliter à parte rei una simplicissima Divinitatis substantia, quæ hoc ipso, quod infinita sit, totam in se comprehendens Essendi perfectionem non admittat extra se ullam rationem Divinam alterius Dei constitutivam. ex S. Tho. *inf. q. 11. a. 3. & 4.*

Ratio fundamentalis ita deducitur. Substantia, cuius Essentia est ipsum Esse subsistens, ex principijs suis Essentialibus est individuata. At implicat, substantiam seu naturam ex principijs Essentialibus individuata non esse unam, sed plures numero. Ergo ex hoc, quod substantia quâ Divina sit, cuius Essentia est ipsum Esse subsistens, implicat, ipsam plurificari. Confirmatur. Ex hoc, quod substantiæ Divinæ Essentia sit Esse subsistens, sequitur esse infinitam in Essendo. *ut infra art. 3. demonstrabitur.* De Ratione autem Substantiæ quâ infinitæ in Essendo est, continere in se formaliter omnem formalitatem Essendi simplicem. At implicat, esse aliquam rationem Essendi simplicem extra talem substantiam. Nequit autem in ratione Essendi simpliciter intel-



ligi altera distincta substantia, nisi in hac sit altera Essendi ratio simpliciter. Cum igitur de ratione Deitatis quidditivâ sit *esse subsistens*, extra hoc verò propter Essendi infinitatem nequeat esse altera ratio Essendi simpliciter; consequenter per Essendi infinitatem repugnat, Deitatis rationem sive substantiam ac Essentiam seu naturam Divinam plurificari.




## ARTICULUS II.

DE

*Perfectione & Bonitate DEI.*

I.

**Q**Uæ Divus Thomas *presens. q. 4. & 5.* circa Deum exposuit, uno isto Articulo ita concludemus, ut ea duntaxat, in quibus latet aliqua difficultas, exactius simus discursuri.



## CONTROVERSIA I.

*An omnes perfectiones sint in DEO?*

2.

**D**istingui solent à Theologis perfectiones in simpliciter simplices, ac secundum quid. Prioris generis est, quæ in sua ratione formali nullam involvit imperfectionem: Unde à S. Anselmo in *Monol. c. 14.* definitur: *Melior ipsa, quam non ipsa*, veluti vitam, sapientiam, intellectionem absolute melius est habere, quam carere. Posterioris generis est, quæ in formali suo conceptu importat imperfectionem; unde simpliciter respectu Entis ut sic non est melius eam habere, quam carere; ejusmodi sunt omnes differentie specificæ, ac numericæ creaturarum. Quas proinde Theologi communiter negant, esse in Deo formaliter, sed virtualiter duntaxat, & eminenter. An verò in istis perfectionibus secundum quid imperfectio, & limitatio sit in tantum præscindibilis, ut secundum rationem perfectionis possint intelligi Deo formaliter inesse; non convenit inter Thomistas: affirmante Ledesma lib. de *perfect. Div. q. 1. a. 1.* & contra negante Ioanne à S. Thomâ. *presens. q. 4.*

## CONCLUSIO I.

3.

**P**erfectiones secundum quid non sunt intelligibiles secundum formalitatem aliquam cum præcisione potentialitatis & limitationis, ita ut talis formalitas Deo attribui possit formaliter.

Probatur: Si enim ratio generica, & differentia tam specifica, quam individualis creata supponatur omnimodè præcisa à potentialitate, & limitatione, non retinet amplius formalitatem generis, vel differentie prædicamentalis; uti constat ex *art. presens. com. 3.* At omnis perfectio secundum quid se habet in rebus creatis tanquam ratio directè vel indirectè prædicamentalis, tum generis, aut speciei, tum differentie sive indi-

vidualis, sive specificæ. uti consideranti patebit. Ergo involvit contradictionem, quod perfectio secundum quid concipiatur secundum formalitatem aliquam cum præcisione præsertim objectivâ omnimodæ potentialitatis & limitationis. Ergo non est intelligibilis perfectio secundum quid formaliter existens in Deo, utpote in quo ut sic exueret omnem limitationem, & potentialitatem, adeoque ex ratione ejusmodi formali non esset perfectio secundum quid, sed simpliciter simplex.

## CONCLUSIO II.


**O**Mnes perfectiones, etiam secundum quid sunt in Deo saltem virtualiter eminenter.

Probatur. Quidquid perfectionis est in effectu, præexistit in causa effectivâ principali, vel secundum eandem rationem, si causa univoca sit, vel eminentiori modo, si causa sit æquivoca ex D. Tho. *presens. q. 4. a. 2.* At respectu perfectionum secundum quid, quarum ratio formalis est inseparabilis à potentialitate, & limitatione, Deus est causa æquivoca: respectu autem perfectionum, quæ in creatis ita sunt immerse potentialitati vel limitationi, ut ab hac tamen sint separabiles manente totâ ipsarum (prout Primo Enti per prius nata est inexistere) formali ratione, Deus ad eas quâ formis creatis inexistentes se habet tanquam agens, nec purè univocum, nec purè æquivocum, sed analogum. juxta S. Doctorem allegatum in *tab. aureâ V. Causa, n. 32. & P. Deus n. 449.* Ergo omnis perfectio substantiarum creaturarum, & creabilium est in Deo virtualiter eminenter, iuxta illud *1o. 1. Quod factum est, in ipso vita erat.*

## CONCLUSIO III.

**P**erfectiones simpliciter simplices sunt in Deo Formaliter.

Probatur ratione S. Doctoris *cit. a. 2.* Deus est ipsum Esse per se subsistens; Ergo totam Essendi perfectionem in se continet. Probatur Consequentia. Ex eo, quod Deus sit Esse per se subsistens, sequitur esse actum purum, & consequenter infinitum in Essendo, ex *dictis præced. a. com. 1. & 2.* At omnis perfectio simpliciter simplex dicit formaliter rationem Essendi citra potentialitatem, & limitationem. Ergo omnis perfectio simpliciter simplex non tantum formaliter eminenter, uti Gonet *disp. 4. de Attrib. in partic. §. 2. concl. 1.* loquitur, sed absolute formaliter, imò secundum purissimam actualitatem per prius est in Deo, quam in creaturis. Quod eleganter insinuavit S. Dionysius *c. 3. de Divin. Nom.* dicens: *quod Deus non quodammodo sit existens, sed simpliciter, & incircumscriptè totum in se ipso unificiter Esse præcipiat, sitque ipse Esse subsistens.*





## CONTROVERSIA II.

*An perfectiones aliqua creatæ univocè conveniant cum Divinis.*

1. **A**ffirmat Scotus in 1. dist. 3. q. 2. n. 6. & dist. 2. q. 3. a. n. 4. Fundamentum potissimum desumitur ex cit. q. 2. n. 10. Omnis enim inquisitio Metaphysica de Deo procedit, considerando formalem rationem alicujus, & auferendo ab illâ ratione formali imperfectionem, quam habet in creaturis, itaque reservando rationem ejusmodi formalem cum summâ & purissimâ perfectione, atque ut sic attribuendo Deo. Sic v. g. Sapientia consideratur primò in se, & secundum se, quatenus ejus ratio nullam includit formaliter imperfectionem, nec limitationem, quibus aded imperfectionibus rationem illam in creaturâ concomitantibus remotis, reservatur eadem ratio Sapientiæ; atque ut sic attribuitur Deo. Constat igitur eandem esse rationem formalem sapientiæ in Deo, & creatura.

2. Confirmatur; Si enim alia esset ratio Sapientiæ in Deo, & creatura; Ergò ex ratione Sapientiæ creatæ non possum inferre rationem formalem Sapientiæ quâ Deo inexistentis. Probatur ista sequela. Nullum objectum potest in intellectu parere conceptum, nisi illius rationis, quam continet vel essentialiter, formaliter, vel virtualiter. At ratio Sapientiæ creatæ non potest continere virtualiter rationem Sapientiæ increatæ: Ergò nisi hujus rationem illa continet Essentialiter formaliter, consequens est, ex ratione Sapientiæ creatæ non posse rationem Sapientiæ de Deo magis concludi, quàm ex eo, quòd lapis est causaliter à Deo, ac præcontineatur in ejus Ideâ, possit inferri; Deum esse formaliter lapidem.

3. Probatur ista sequela. Perfectio lapidis ideo non potest formaliter Deo attribui, quia hujus perfectionis ratio est formaliter immerfa imperfectioni ac limitationi. At tota hæc ratio limitat respectu Sapientiæ creatæ, si hujus ratio non de se, ac ex se excludit formaliter imperfectionem, ac limitationem, quam habet in creaturis. Ergò non magis perfectio Sapientiæ, quàm lapidis potest ex creaturis de Deo formaliter concludi, nisi asseratur: perfectionem Sapientiæ ex ratione suâ formali, seu ex naturâ rei non includere imperfectionem, seu limitationem. Ex hoc autem sequitur, quòd eadem sit formaliter ratio Sapientiæ in Deo, & creaturis. Ergò Sapientia sub una ratione formali, adeoque univocè dicitur de Deo, & Creaturis.

4. Suarez *lib. 2. Metaph. disp. 2. sect. 2. n. 2.* cum alijs Univocationem Entis respectu Dei, & creaturarum adstruit non ex naturâ rei, seu Unitate formali reali, sed ex unitate conceptus objectivi perfectè præcisi à differentijs creati & Increati. Probatio hujus desumitur ab auctoritate S. Thomæ de Verit. q. 1. a. 1. & q. 21. a. 1. asserentis: Conceptum Entis esse simplicissimum, & primum omnium, determinarique ad substantiam, quantitatem &c. per quandam determinationem, & expressionem talis modi Entis. Quo sensu idem S. Doctor 1. p. q. 5. a. 3. ad 1. ait: *Substantia, quantitas & qualitas contrahunt Entem ad aliquam*

quidditatem, seu naturam. Atqui contractio intelligi non potest sine aliqua unitate, & communitate conceptus objectivi. Ergò in conceptu objectivo Entis est unitas, atque adeò univocatio.

Nonnulli recentiores, nominatim Oviedo *Metaph. com. 1. punct. 5. n. 2. & punct. 8.* ponunt præcisionem Entis duntaxat formalem ex parte actus, non autem ex parte objecti; vi cujus præcisionis ajunt Ens confusè conceptum importare rationem communem, atque adeò univocam respectu creati & Increati. Divus Thomas 1. p. *præf. q. 4. a. 3. & infra q. 13. a. 3. & 6.* Inter perfectionem seu Ens creatum & Increatum non nisi analogicam admittit convenientiam & similitudinem.

## CONCLUSIO.

**N**ulla perfectionis vel Entis ratio univocè dicitur respectu Dei & creaturæ.

Probatur ratione S. Doctoris *cit. a. 5.* Univocatio dicit perfectam, & omnimodam unitatem rationis formalis: At ratio Sapientiæ non est simpliciter una & eadem in Deo, atque creaturis. Minor probatur. Ratio Sapientiæ & potentiæ in Deo ita elevantur in unam simplicissimam Deitatis formalitatem, ut hæc sit formaliter omnis perfectio simpliciter simplex. Contra rationes Sapientiæ, & potentiæ sunt in creaturis per formalitatem intrinsecè limitatam, vi cujus limitationis est distinctio realis formalis inter Sapientiam, & potentiam. Atqui ratio eminentiæ formaliter includentis formalitatem tam Sapientiæ, quàm potentiæ, imò omnimodæ perfectionis simpliciter simplicis non potest esse simpliciter una cum formalitate Sapientiæ ex intrinsecâ limitationis suæ ratione excludentis formaliter rationem potentiæ. Ergò non potest esse identitas formalis, seu omnimoda rationis unitas inter formalitatem Sapientiæ creatæ & increatæ. Ergò inter has nulla est univocatio.

Respondebis: Hujus argumenti vim facile everti ex doctrina quorundam Thomistarum nominatim Ioan. à S. Tho. *cit. q. 3. a. 6. concl. ult. & Petri Labat disp. 3. de Attribut. Dei dub. 2. §. 2.* docentium, dari à parte rei in Attributis Divinis non quidem distinctionem, sed negationem identitatis accessoriam, & consecutivam ex identitate rei; per quam Attributa realiter, & essentialiter, non tamen adæquatè, & sub omni formalitate identificentur in Deo. Hinc enim ita licebit argumentari: Ratio prædicta Angelici Doctoris in hoc fundatur, quòd Sapientia quâ prædicabilis de Deo non sit distincta ab Essentia, Potentiâ, & Esse ipsius. Hæc autem negatio distinctionis seu identitatis secundum allegatos Thomistas ita est accipienda, ut licet Sapientia Dei *entitativè & materialiter*, non tamen *formaliter*, (uti loquitur Labat *loc. cit.*) five *realiter, & essentialiter*, non tamen sub omni formalitate, (uti ait Ioannes à S. Thomâ *ubi sup.*) identificetur cum potentiâ, vel aliâ perfectione Dei. Ex hoc autem sit, Identitatem realem Sapientiæ, Potentiæ, ac Essentiæ ita esse in Deo, ut Sapientia secundum modum formalitatis Sapientiæ à parte rei non sit illa ratio, quæ est formalitas Potentiæ.



Potentia & Essentia. Ergo ratio S. Thomæ non habet locum respectu identitatis secundum modum istarum formalitatum, siquidē ista identitas juxta allegatos Thomistas non fit in Deo. Atqui Scotus *sup. n. 1.* adductus ex hac non identitate formalitatum seu rationum in Deo probat, Sapientiam Dei in ratione suā propriā ut sic dicere formalitatem Sapientia duntaxat, non autem Potentia. Ex hoc autem consequens esse, quod ratio Sapientia secundum modum, seu rationem suā formalitatis considerata non includat potentia, vel aliarum perfectionum formalitates, per quarum inclusionem, seu identitatem, vel non distinctionem, ait Doctor Angelicus, tolli univocationem Sapientia respectu Dei, & creatura. Ergo illa non inclusio perfectionum Dei secundum modum formalitatum non tantum enervat argumentum D. Thomæ superius allegatum; sed directē probat univocationem, cum hac formaliter dicat unitatem rationis, adeoque secundum modum formalitatis. Hæc verò rationis unitas Sapientia quā comparatæ ad Deum etiam creatura convenit eo ipso, quod in Deo secundum modum formalitatis non includat alias formalitates, per quas *ubi supra* S. Doctor ait, tolli univocationem.

8. Contra est, quod dictorum Thomistarum vix discordans à subtili & cum Angelico Doctore malè consonans doctrina omnino reiicienda sit tum per argumenta *supra præced. q. 2. a. 3. cont. 2.* per nos deducta: tum per sequentem argumentationem. Etenim ex præfato discursu sequeretur, quod formalitas Sapientia in Deo non nisi *Entitativè*, non autem *secundum tatis formalitatis*, seu *rationis suæ propriæ à parte rei sibi inexistenter modum* esset tota, & plena perfectio Dei. Ex hoc autem per se licet absurdum rursus sequeretur: quod Formalitas sapientia in Deo non esset Formaliter infinita in ratione Entitatis & omnimodæ Formalitatis ac purissimæ actualitatis. Ergo nullatenus admitti debet, quod ulla formalitas *secundum aliquem modum, seu rationem, & formalitatem Deo à parte rei inexistenter* non sit quælibet formalitas Divina sibi relativè non opposita. Hoc autem posito evidenter stat, quod Angelici Doctoris argumentum de Sapientia Dei & creatura probeb efficaciter negationem unitatis, non tantum *Entitativa, ut realis*, sed etiam *formalis, secundum modum formalitatis* tum à parte rei, tum ex parte conceptus nostri præcisivi.

9. Probatur istud assumptum. Ratio formalis Sapientia non ita est in Deo *secundum rationem suam propriam*, quin sit *formaliter* plena actualissima Dei perfectio. Hæc autem ratio Sapientia in infinitum distat à ratione Sapientia creatæ; utpote intrinsecè ac Formaliter limitatæ. Ergo non est unitas rationis seu formalitatis inter Sapientiam Dei, & creatura. Atqui univocatio importat unitatem rationis omnimodam. Ergo hoc nulla inter creatæ & increatæ sapientia formalitates est univocatio, eod quod ista, non verò illa sit Formaliter omnis & tota perfectio simplex.

10. Replicabis: Hoc argumento refutari unitatem formalitatis prout est à parte rei, non autem secundum rationem nostram præcisivam. Nam intellectus noster præcisè considerans rationem Sapientia abstrahit à modo limitationis, seu potentialitatis, & actualitatis, sive infinitatis. At aliis determinativis Sapientia ad Esse creati, &

Increati modis præcisit tunc ratio formalis Sapientia manet in nostro intellectu absque ulla differentia formalitate. Ergo ut sic est *formaliter* una, adeoque univocè prædicabilis de Deo, & creaturis.

Contra: Nihil enim est intelligibile absque ratione Essendi. In hac verò si intellectus non attingat rationem potentialitatis, eo ipso attingit rationem Essendi cum purissimā actualitate. Probatur hoc assumptum. Hoc principium *Quodlibet est, vel non est*, est universalissimum non tantum in re, sed etiam respectu intellectus nostri, cum alioquin non esset inter prima luminis naturalis Principia. At per *ly Quodlibet* intinuat Positiva Essendi ratio. Ergo impossibile est, intellectum apprehendere ullam Essendi rationem, quin apprehendat in illa Esse, vel non Esse. Si prius, hoc ipso intelligitur Essendi ratio, quā includens Formaliter Esse. Ut sic autem Essentia intelligitur in se ultimo ac purè actuata. Si posterius; tunc, quia *non Esse* in illa ratione Essendi intelligitur non purè *secundum negationem*, sed *secundum formalitatem Essentia positivam*, consequens est, hanc debere esse potentialitatem, utpote fundatricem negationis. Constat igitur ex primo luminis naturalis principio impossibile esse, ullam formalitatem realem intelligi absque ratione actualitatis, seu potentialitatis. Si ergo intellectus *positivè* præscindat & removeat rationem potentialitatis ab aliquā formalitate, hoc ipso apprehendi necessarium est formalitatem cum actualitate Essendi; tunc autem intelligitur *formaliter* quā Divina, non autem quā communis & univoca respectu Dei & creatura.

Confirmatur hic discursus: Nam removendo omnem formalitatem, quatenus est in creatis, tunc remanet tantum in intellectu nostro ipsum Esse S. Tho. in 1. *dist. 8. q. 1. a. 1. ad 4.* Hoc autem Esse absolutum, & indeterminatum est Quidditas Dei, uti probat S. Doctor *cit. a. 1. in cor.* Constat igitur, non posse intellectum præscindere, ac removeare formalitates, quatenus sunt in creatis, quin maneat hoc ipso in intellectu formalitas quā Divina, imò ipsa Dei quidditas.

Atque hoc est, quod Patres præsertim D. Dionys. c. 7. de *Divin. Nom. & c. 5. Myst. Theol.* Item S. Ioannes Damascenus *lib. de Fide c. 4. aliique passim* docent: Deum non magis intelligi, nisi detractione, remotione, aut negatione omnis perfectionis creaturis inexistenter. Hæc autem doctrina non teneret, si post detractionem formalitatis quā creatæ non eo ipso esset in intellectu ratio Essendi Divina, sed communis *equè ac univocè* conveniens tam creatura, quā Deo. Hinc etiam est, quod Patres, nominatim Dionysius in *lib. cit.* & Boetius de *Trinitate* negent: Deum esse verè substantiam, sed dici debere Super substantiam, vel ultra substantiam, super æternum, super immensum. Ex hoc enim insinuant, perfectiones ejusmodi non communi creaturæ, secundum quam sunt in creaturis, inexistere Deo, sed ubi præcisa est omnis formalitas creaturis conveniens; tunc remanere rationes illarum perfectionum cum infinitate supereminenter actualitatis, cui cum creatura nihil sit univocationis. Hinc etiam intelligitur, quod D. Thomas *cit. q. 13. a. 6.* docet: Nomina Deo, & creaturis communia *quoad rem significatam* per prius dici de Deo, etiam *quoad modum significandi* prius dicantur

II.

3.

12.

13.

14.



cantur de creaturis. Nam quia Intellectio humana procedit ex sensibus, atque adeo per prius est de creatis; consequenter intellectus noster nullam in primâ suâ cognitione apprehendit formalitatem, nisi quâ immersam potentialitati creaturis propriâ. At ubi intellectus altius se elevando præscindit à potentialitate, tunc formalitas apprehensa remanet in intellectu cum purissimâ Essendi actualitate. Hæc autem à se, & per se subsistens actualitas intelligitur ex se prior formalitate immersâ potentialitati, etsi hæc quoad modum intelligendi prius fuerit in intellectu, quàm illa.

15. Oppones. Inter perfectiones Divinas dari distinctionem Virtualementem, vi cuius una formalitas in Deo est objectivè præscindibilis ab alterâ formalitate. Hæc autem præcisione objectivâ positâ, remanet in intellectu ratio sapientiæ, quin formaliter ex parte conceptûs objectivi includat rationem potentiæ. Ergo respectu rationis nostræ præcisione cessat illa ratio inclusionis, propter quam Divus Thomas negat univocationem inter perfectionem Dei, & creaturæ.

16. Contra. Nam formalitas sapientiæ in Deo est quidem per rationem objectivè præscindibilis à formalitate potentiæ, non autem actualitatis & Essentiæ Divinæ: Repugnat enim quidquam concipi sine ratione Essendi, eaque vel actuali, vel potentiali, uti supra demonstratum est. Ergo præcisâ ratione potentiali Essendi manet in intellectu formalitas Sapientiæ cum actualitate purissimâ Essendi. Hæc autem ratio actualitatis ita elevat formalitatem sapientiæ, ut consequenter ejus ratio non possit esse univoca cum ratione Sapientiæ creatæ. Constat igitur Virtualementem distinctionem Sapientiæ & Potentiæ radicatam in purissimâ essendi actualitate, quæ ut sic transcendentaliter absque ullâ abstrahibilitate formaliter re, & ratione est involuta in omni formalitate Dei, non tollere efficaciam rationis S. Thomæ ex indistinctione Sapientiæ à Potentiâ, Essentiâ, & Esse probantis, non dari Univocationem Sapientiæ respectu Dei, & creaturæ.

#### Responsio ad Argumenta Adversariorum.

17. AD Scoti n. 1. oppositum Respondetur: Negando sapientiæ rationem formalem in creaturâ secundum se, ac in se non includere potentialitatem: non enim est intelligibilis absque ratione Essendi vel actuali, vel potentiali: prior autem repugnat Sapientiæ creatæ: Si ergo abstrahatur ratio potentialitatis, eo ipso extrahitur formalitas Sapientiæ ab illâ ratione, quam habet in creaturis, atque ut sic elevata ad Esse Sapientiæ Divinæ, concipitur formaliter cum ratione Esse actualis in infinitum eminentiori, quàm sit ratio creatæ Sapientiæ. Ergo non est intelligibilis in Sapientia unitas aliqua formalis, secundum quam Deo, & creaturis possit esse simpliciter communis.

18. Ad Confirmationem n. 2. oppositam Respondetur: Negando sequelam ac distinguendo probationis Majorem. Verum enim est, quod objectum non possit parere notitiam, nisi illius rationis, quam Formaliter vel virtualiter continet secundum continentiam saltem Analogam, licet non Univocam. At in ratione Sapientiæ, non

autem lapidis, nisi secundum Esse, est in ordine ad Deum analogia non tantum attributionis, sed similitudo etiam proportionalitatis, cujusmodi sufficere ad unius ex altero eliciendam cognitionem demonstratur ex analogiâ imaginis ad rem significatam, & assimilatione etiam genericâ effectûs ad causam æquivocam. Quæ proinde Sapientiæ creatæ quoad rationem suam specificam ad Dei Sapientiam analogia, non econtra lapidis, nisi secundum Esse, ratio est; cur Deo tribuamus rationem Sapientiæ, non autem lapidis: non enim uti de sapientia, sic de lapide dicere possumus, quod ejus ratio formalis ita identificetur Esse Dei actuali, sicuti identificatur Esse creaturæ potentiali.

Ad 2. & 3. oppositum Respondetur: S. Thomam cit. q. 1. a. 1. de Verit. expressè docere, Enti non posse addi aliquid, quasi extraneam Naturam, per modum, quo differentia additur generi, cum qualibet natura essentialiter sit Ens. Unde etiam probare Philosophum 3. Metaph. quod Ens non possit esse genus. Secundum hoc igitur aliqua dici addere supra Ens, in quantum exprimant illius modum, qui nomine ipsius Entis non exprimitur. Ex quo patet, determinationem Entis ad substantiam, & accidens non esse secundum differentias, seu formalitates ex parte objecti, sed secundum expressionem modi, qui nomine seu cognitione non erat expressus, vel explicitus. Atqui univocatio requirit unitatem rationis seu formalitatis ex parte objecti. Hæc autem unitas rationis, ac formalitatis objectivæ non est, ubi ratio videtur communis ex confuso duntaxat, & implicito cognoscendi modo: tunc enim intervenit similitudo tantum proportionalitatis. Ergo Ens respectu substantiæ, & accidentis & à fortiori respectu Dei, & creaturæ non est univocum, sed analogum.

#### C O R O L L A R I U M I.

19. Infertur 1. Nomina Deo, & creaturis communia non esse purè æquivoca; sed analogia. Ratio ex Angelico Doctore cit. q. 13. a. 5. deducta est. Si enim esset æquivocatio in prædicatis, quæ Deo, & creaturis nominatenus tantum, non autem sub aliquali rationis convenientiâ essent communia, tunc nihil ex creaturis posset de Deo demonstrari. Probatum ista sequela; quia interveniret fallacia æquivocationis, ob quam discursus non tantum in formâ peccaret, sed in re ipsâ variando committeret falsitatem. Atqui invisibilia Dei per ea, quæ facta sunt, intellecta conspici docet fides.

Infertur 2. Pleraque nomina universalis esse analogia respectu Dei & creaturarum analogiâ tam attributionis, quàm proportionalitatis. Ad cujus probationem supponendum 1. Analogiam juxta doctrinam D. Thomæ. q. 2. de Verit. a. 11. & 7. de pot. a. 7. & in 1. dist. 19. q. 5. a. 2. ad 1. rectè dividi in Analogiam attributionis, & proportionalitatis. Hæc intervenit in analogatis, quorum nomen commune est, & secundum illud nomen ratio eadem est proportionaliter, sive similis secundum proportionem: Illa verò habet locum in analogatis, quorum nomen commune est, & ratio nominis eadem secundum unitatem termini, at diversa secundum habitudines ad terminum. Supponendum 2. Differentiam analogiæ per attributionem, & secundum pro-



dum proportionalitatem in eo potissimè sitam esse, quòd ratio vi nominis significata utrique analogo proportionalitatis intrinsecè conveniat non simpliciter secundum unitatem identitatis formalis specificæ, aut genericæ, sed secundum unitatem proportionalitatis, veluti Ens est analogum respectu substantiæ, & accidentis, quia utrique convenit intrinsecè, ac Essentialiter ratio Entis; licet hæc non sit una ne quidem secundum unitatem perfectæ precisionis, sed secundum similitudinem duntaxat proportionalitatis, quatenus confusè absque explicitâ differentiarum cognitione concipiendo Ens, ex parte objecti involvo tam substantiam, quam

23. accidens. Supponendum 3. Istam proportionalitatis similitudinem in Ente inveniri quatenus confusè Entis concepitum explicando per istas enuntiationes: *Substantia est Ens*, *Accidens est Ens*, facio quandam *similitudinem proportionalitatis* non quidem in actu signato, sed in actu exercito & ex parte rei asserendo, rationem Entis per identitatem non tantum realem, sed omnis precisionis objectivæ exclusivam ita inesse accidenti, sicuti per identitatem ejusmodi inest substantiæ. Supponendum 4. In analogiâ per attributionem rationem nominis formaliter & intrinsecè non convenire nisi uni principali analogato, cæteris autem attribui per extrinsecam duntaxat denominationem vel casualiter vel significanter, vel alio ejusmodi modo: veluti san-

24. num est analogum respectu medicinæ, urinæ, & animalis, cum tamen huic solum inexistat formaliter, denominatio autem sanitatis accomodetur Medicinæ tanquam causa, & urinæ tanquam signo sanitatis. Quibus adeo suppositis sic proceditur ad illationis nostræ probationem. Nam i. pleraque nomina universalia Deo & creaturis communia sunt non tantum secundum voces, sed secundum aliqualem rationem. Hæc verò ratio communis nullo modo abstrahibilis est ab Esse tam actuali increato, quam creato potenciali. Unde unitas rationis per nomen Sapientiæ v. g. significata non est secundum identitatem formalitatem ex parte objecti, sed ex parte duntaxat conceptus nostri confusè apprehendentis rationem Sapientie creatæ, & increatæ. Ex hoc autem fit, quòd intellectus prædicando de Deo, & creaturâ Sapientiam non in actu quidem signato, sed in actu exercito faciat similitudinem proportionalitatis, quasi dicendo, rationem Sapientiæ ita inesse creaturæ per identitatem realem formalem absque ullâ Esse potentialitatis præscindibilitate objectivâ, sicuti inest Deo per realem formalem identitatem sine abstrahibilitate Esse actualis.

25. Unde D. Thomas præ. q. 4. a. 3. in corp. loquitur in hæc verba. *Cum Deus sit universale agens, & principium totius Esse; non contentum in aliqua specie, vel genere: creaturas ei similes esse, non secundum eandem specificam, aut genericam rationem, sed secundum aliqualem analogiam, sicut ipsum Esse sit commune omnibus: atque hoc modo illa, quæ sunt à Deo, in quantum sunt Entia, ipsi assimilari ut primo & universali principio totius Esse.*

26. Constat igitur, analogiam entis creati ad Esse Dei esse proportionalitatis, secundum similitudinem nimirum proportionis ad Esse. Hæc ipsa verò assimilatio creaturarum derivatur ex Deo tanquam primo totius Esse principio. Ergo creaturæ non tantum per Esse participatum intrinsecum concurruntur Entia, sed etiam ab Esse Dei tanquam principio suo Efficiente, imò Exemplari, & fina-

li possunt denominari in ratione Entis, veluti S. Doctor q. 6. a. 4. in hæc verba differens. *Unumquodque creatum, ait, denominari formaliter Bonum per assimilationem Divinæ Bonitatis sibi inherentem, & casualiter, & extrinsecè dici Ens, & Bonum Bonitate Divinâ tanquam primo principio Exemplari, Effectivo, & Finali totius Bonitatis.* Pater igitur, creaturas per denominationem, seu prædicationem etiam causalem, vel effectivam in comparatione Dei esse analogicè Entia secundum analogiam attributionis.

#### COROLLARIUM II.

Infertur I. Qualiter verificetur ista propositio.

*Deus, & Universum simul sunt aliquid perfectius, quam solus Deus.* Nam conveniunt Doctores, non posse Deum, & Universum collectivè sumpta intelligi aliquid intensivè perfectius, quam sit solus Deus, juxta illud Augustini lib. 6. de Trinit. c. 8. asserentis: *Cum creatura adhaerescit Creatori, illam fieri majorem, quam erat, non illum.* At de majore perfectione extensivâ controversatur inter Theologos, Durando m. 1. dist. 44. q. 3. & Ysaïa Berro præ. q. 4. a. 7. & alijs maxime recentioribus affirmantibus. Ratio est. Quia ut Deus, & Universum simul sit quid extensivè perfectius, sufficit, perfectionem esse majorem numero, seu quantitate discretâ, non autem quantitate virtutis, ac perfectionis. Ergo licet tota creata perfectio vel formaliter, vel eminenter sit in Deo, attamen quia distincta à perfectione Dei facit aliquid majus secundum numerum seu quantitatem discretam: Sicut Opera Christi Meritoria ob diversitatem numericam valorum sunt extensivè majora unico ejus merito, licet hoc ratione condignitatis ex Sanctitate substantiali seu Personali Verbi in se derivatæ intensivè æqualeat omnibus simul sumptis.

Verum his non obstantibus Ioannes Baptista Gonet disp. 4. de Attributis in particulari. §. 3. & Petrus Labat disp. 3. de Attributis Dei. dub. 3. §. 2. & Thomiste communiter negant, cum Doctore suo Angelico l. 2. q. 34. a. 3. ad 2. Ratio est, Nam verum quidem est, rationes potentialitatis & limitationis utpote positivas in creaturis esse perfectiones, non tamen absolute, sed tantum secundum quid respectu creaturæ, non autem respectu Dei, in cujus comparatione omnis creatura tanquam nihilum, & inane reputatur. Isaia. 45. Ac si quæstio sit, An Deus & creatura simul sint solo Deo quid perfectius, tunc fit comparatio creaturæ ad Deum; In hac verò comparatione nihil perfectionis simpliciter simplicis reperitur, quod formaliter non sit in Deo: quidquid autem perfectionis est extra Deum, est ut sic immersum potentialitati, ac limitationi, quæ absolute est potius imperfectio, & non nisi respectu creaturæ habentis se ad Deum instar nihili, vocari potest perfectio.

29. Et si proinde verum sit, quòd Deus & creatura sint plura perfecta, & ut sic, adeoque improprie dici possint quid extensivè perfectius solo Deo, nihilominus ad istam propositionem proprie verificandam opus esset, aliquid perfectionis, factâ ejus ad Deum comparatione, inveniri in creaturâ, quod non sit in Deo: Hoc autem esse falsum constat ex dictis. Unde D. Thomas in 3. dist. 6. q. 2. a. 3. ad 2. asseruit: *Bonum creatum in se habere*



*habere ad increatum, sicuti punctum ad lineam.* Sicuti ergo nihil quantitatis est in puncto; nec aded punctum & linea simul sunt quid majus solâ lineâ, sic quia Deus & creatura ita se habent, ut quidquid est perfectionis, sit in Deo; creaturæ autem non nisi imperfectio remaneat propria; consequens est, propriè & absolute non verificari propositionem, quodd *Universum ac Deus simul sint solo Deo quid Extensivè perfectius.* Et hinc patet discrimen inter hanc propositionem, & Christi meritorum ad se invicem comparationem. In his enim quoad formalem rationem honestatis supernaturalis opetis est in uno merito aliquid valoris, quod non sit in altero; etsi in ratione condignitatis quodlibet sit infinitum, nec aded *intensivè*, sed tamen *extensivè* plus valoris sit in omnibus, quàm in uno.

30. Inferitur 2. Qualiter Dei proprium sit esse Bonum per Essentiam. Etenim Vasquez. 1. p. disp. 24. c. 2. de hac propositione movet difficultatem, eò quodd Bonitas sit passio convertibilis cum Ente. Unde sicut de Essentiâ in statu non tantum Existentiâ à se indistinctæ, sed in statu etiam possibilitatis verè entuntiatum esse Ens, ita consequenter verificatur esse Bonum. Ergo est Ens bonum per Essentiam.

31. Verùm ista nullius esse valoris patebit ex sequentibus. Nam *primò* Unumquodque est bonum, secundum quod appetibile. At unumquodque est appetibile, secundum quod est perfectum. Est autem perfectum, in quantum est actu. Est verò actu, in quantum existens, uti argumentatur D. Thomas. q. 1. a. 1. Ergo ratio Boni non nisi secundum quid convenit Enti in potentiâ, sive enti nominaliter spectato secundum Essentiam præcisam ab Existentiâ. Veluti Angelicus Doctor cit. q. 1. a. 3. ad 3. dixit: *Materiam primam, sicuti non est Ens nisi in potentiâ, ita nec esse Bonum, nisi in potentiâ.* Consequens proinde est; rationem Boni simpliciter, & absolute convenire soli Enti Participialiter sumpto, quatenus importat Essentiam cum Existentiâ. Atqui solus Deus est suum Esse, ita ut Existentiâ sit ejus Essentiâ: in omni autem ente creato distinguitur Essentiâ ab Existentiâ, velut præc. art. com. 2. demonstratum est. Ergo soli Deo convenit esse Bonum per Essentiam.

32. Quandoquidem Bonitas simpliciter sit Entis in actu, consequenter illud duntaxat ens est simpliciter Bonum secundum Essentiam, cujus Essentiâ est purissima, simplicissima actualitas, nihil involvens potentialitatis. At eo ipso, quodd Esse in creaturis distinguatur ab Essentiâ, consequens est, omnis substantiæ creatæ Essentiam respectu aliquorum accidentium esse in potentiâ: nec aded esse perfectam vel Bonam simpliciter, sed potius perfectibilem. Ergo quatenus soli Deo tanquam Enti subsistenti, ac existenti per Essentiam convenit omnimoda secundum purissimam actualitatem & plena perfectio substantialis, ut sic est unice Bonus per Essentiam, ita ut vi hujus Bonitatis sit omnium rerum ultimus finis. ex S. Tho.

q. 6. a. 3.

☉ (o) ☉

6

# ARTICULUS III.

DE

## Infinitate, & Immutabilitate DEI.

EX fide certum est, Deum esse infinitum 1. juxta illud Psal. 144. *Magnus Dominus, & magnitudinis ejus non est finis.* Et Baruch 3. *Magnus est, & non habet finem.* Quod e quid non de magnitudine molis, sed virtutis, ac perfectionis accipiendum esse, ex hoc evincitur, quodd Deus sit purissimus actus, omnis materialitatis, adedque Quantitatis, & corporeitatis expers substantia. Totum igitur difficultatis punctum in id reducitur. *An ex hac immaterialitatis, & actus puritate inferatur infinitas Essentiâ in Deo?*

### CONTROVERSIA I.

*An esse per se subsistens, ac irreceptum sit prima radix Infinitatis Divina Essentiâ?*

SCOTUS in 1. disp. 2. q. 2. n. 33. negat, eo quodd 2. Angelus utpote purè Immaterialis sit substantia irreceptibilis in alio, nec tamen infinitus in Essentiâ.

Vasquez 1. p. disp. 25. c. 5. Stadlmayr disp. de 3. Attributis Dei. c. 4. deducunt Infinitatem Essendi in Deo ex ratione Entis à se: Nam Ens ab alio continetur intra virtutem suæ causæ, à quâ consequenter accipit Esse participatum, adeoque finitum & limitatum. Ergo in Ente à se cessat ratio limitationis. Ergo est infinitum.

Divus Thomas 1. p. q. 7. a. 1. probat Deum 4. infinitum, eò quodd Esse Divinum non sit receptum in aliquo, sed ipse Deus sit suum Esse subsistens.

### CONCLUSIO

HÆc Angelici Doctoris ratio efficax est ad probandam Dei in Essendo infinitatem.

Explicatur. Esse est omnium maximè formale, utpote ultima cujusque rei actualitas. Ergo Ens, quod est suum Esse, est per Essentiam ultima actualitas. At Essentiâ cum sit primum in substantiâ, nequit in hac supponere aliquid, in quo recipiatur. Insuper implicat, ultimam actualitatem esse alicujus formæ receptivam. Ergo Essentiâ, quæ est ipsum Esse, cum ex ratione, & quidditate suâ sit ultima actualitas, non est determinabilis vel per receptionem sui in alio, vel per receptionem alterius in se. Ergo est actus purissimus sine ullâ potentialitate. At Ens in tantum est perfectum, in quantum est sine potentialitate. Ens autem excludens omnimodam in infinitum potentialitatem est actu infinitum. Ergo Substantia, cujus Essentiâ est ipsum 5. Esse



Esse, irreceptibile, ac per se subsistens; est consequenter in Essendo simpliciter & omnimodò infinita, seu infinitè perfecta.

Responsio ad argumenta Adversariorum.

6. AD Scoti n. 2. oppositum Respondetur: Substantiam Angeli non adeò immaterialem, ac irreceptibilem esse, quin sit in potentia ad Substantiam, & existentiam. At Ens simpliciter infinitum excludere omnimodam potentialitatem. Ergo ex eo, quòd Angeli Substantia non sit secundum Esse subsistens; efficaciter probari, non esse in Essendo infinitum.

7. Replicabis ex Scoto. cit. n. 33. Quælibet entitas habet intrinsecum sibi gradum suæ perfectionis, secundum quem in se vel est finita, vel infinita. Ergo eo ipso, quòd Existencia, & Subsistentia in Angelo dicatur distincta ab ejus Essentia, hæc in signo naturæ priori secundum se est intelligibilis cum certo aliquo gradu perfectionis suæ finito, sive infinito. Ergo Essentia Angeli non ex hoc, quòd sit receptiva existentia à se distincta, sed antecedenier intelligitur finita.

8. Respondetur concedendo integrè primam consequentiam, at negando Subsumptum. Nam hoc ipso, quòd Essentia Angeli intelligitur naturā prior existentia, & Subsistentia à se distincta, consequens est, in isto priori naturæ intelligi, quatenus sit in potentia ad Esse. At hæc ipsa potentialitas constituit Naturam, & Essentiam Angeli intrinsecè finitam. Ergo ex eo, quòd ab alicujus substantiæ Essentiā distinguatur Existencia, rectè concluditur, esse finitam in Essendo; cum econtra ex identitate reali formali Essentiæ, ac Existentiæ demonstretur infinitas in Essendo.

9. AD Vasquez n. 3. oppositum Respondetur: Essentiam Divinam origine prius intelligi in virtute generativa Patris, quam in Filio; neque tamen ex hoc evinci, quòd Essentia Filij sit finita. Hujus autem non apparere aliam rationem, nisi quòd filio per generationem communicetur Essentia, quæ formaliter sit ipsum Esse subsistens. Ergo infinitatem in Essendo non tam ex ratione Essendi à se vel ex negatione præcontinentiæ, sive Emanationis, sive Communicationis Essentiæ in & ab aliquo principio, quam ex formali identitate Essentiæ, ac Existentiæ demonstrari. Imò rationem Essendi à se ex parte rei non importare formaliter negationem, sed rationem positivam. Hanc verò non esse intelligibilem, nisi ex eo, quòd Essentia Dei sit, sive existat à se, non efficienter, sed formaliter. At rationem existendi à se formaliter nihil aliud esse, quam rationem Essendi in se, ac per se, non autem per formalitatem existentia à se distinctam. Ergo rationem Essendi à se in Deo esse formaliter per identitatem realem formalem Essentiæ, ac Existentiæ. Ergo non esse, cur Vasquez contendat, infinitatem Dei in Essendo probari ex ratione essendi à se, non autem ex eo, quòd Essentia Dei sit suum Esse irreceptum subsistens.

\*\*\*

— (IHS.) —

## CONTROVERSIA II.

### An Possibile sit Ens creatum infinitum?

Non procedit Controversia 1. de infinito secundum Essentiam; hoc ipso enim, quòd omnis substantiæ creatæ Essentia sit in potentia ad Esse, est in se formaliter finita, & limitata. Neque 2. Controversia est de infinito secundum quid, vel syncategorematico in potentia: Sic enim materia est in potentia ad infinitas formas; sic etiam continuum est dividibile in infinitum, seu partes syncategorematicè infinitas. Difficultas igitur est circa infinitum actu categorematicum secundum quantitatem tum continuam, tum discretam, seu multitudinem, ac secundum qualitatem, sive intensionem.

Referuntur Sententiæ.

Affirmant Gregorius Ariminensis in 1. dist. 43. q. 4. Valquez præf. disp. 36. alique tunc Antiquiores Nominales tum plures Recentiores Societatis Iesu Theologi, ac Philosophi. Probatio fundamentalis est. Si enim infinitum actu esse non repugnet ex ipsa ratione formali infiniti, potest à Deo produci ex S. Thom. q. 2. de Verit. 2. 10. in fine corporis. At si ex ratione infiniti repugnet actu existere in creatis: hoc ideo esset, quòd Deus per suam Omnipotentiam utpote ex productione infiniti creati non exhaustam facere posset additionem sive multitudinem, sive quantitatem sive qualitatem infinitam. Unde consequens foret: unum infinitum sive extensivè, sive intensivè esse altero majus, adeoque habere terminum vel extensionis, vel intensionis. Atqui hæc contradictionis implicantiam nullus esse efficacie, inde constat, quòd uni merito Christi additi sint plures valores aliorum meritum, quin hæc adijcerent maiorem valorem, quam esset in primo ejus opere Meritorio. Unde D. Thomas 2. 2. q. 10. a. 3. ait. Si accipiamus unam lineam infinitam, in illa non est aliquid majus infinito: Similiter si accipiamus quamcumque aliarum linearum infinitarum: manifestum est tamen, quòd uniuscujusque earum partes sunt infinitæ. Oportet ergo, quòd omnibus illis partibus infinitis non sit aliquid majus in illa linea: tamen in aliâ linea & in tertâ erunt plures partes etiam infinitæ præter istas. Ex quo patet, in infinito esse intelligibilem additionem, & plurificationem, quia datur infinito aliquid majus. Ergo illa ratio implicantia non evincit, quòd infinitum sit impossibile.

E contrario S. Thomas præf. a. 1. & 4. D. Bonaventura in 1. dist. 43. a. 1. q. 3. & Thomistas communiter negant possibile Ens creatum infinitum actu sive secundum multitudinem, sive magnitudinem, sive intensionem.

## CONCLUSIO I.

Implicat in creatis esse infinitum actu secundum accidens.

Probatur: Eo ipso quòd omnis substantia creata habeat esse receptum, est in suâ Essentia per



per rationem potentialitatis finita, & limitata. Est autem natura accidentis, quod consequatur aliquam substantiam. Atqui substantiam creatam ex Essentiâ suâ determinatam non possunt consequi, nisi determinata, atque adeo finita accidentia. Ergo implicat, in substantiâ Corporeâ dari quantitatem infinitæ extensionis, seu magnitudinis; & in substantiâ sive materiali sive spiritali esse qualitatem infinitæ intensionis.

6. Respondebis cum Vasquez. *cit. disp. 26. c. 2. n. 2.* falsum esse, quod ex omni determinata Essentiâ, seu naturâ substantiæ corporeæ necessario consequatur determinata extensio quantitatis. Nam. Philosopho 2. de Anima c. 4. text. 41. & ipsamet experientiâ testibus, Ignis additâ materiâ sine termino augeri posset. Si proinde ratio finitæ substantiæ non exiger certum terminum extensionis, non est, cur de Essentiâ accidentis quâ consequentis substantiam creatam, dicatur esse, quod sit finitum.

7. Contra: Nam accidentis Essentia est esse Entis Ens. Ergo accidentis naturalis natura est esse substantiæ creatæ, cujus est Ens, ex ratione suâ formali commensuratum. At omnis, sive extensionis, sive intensionis ratio non excedit in accidente naturali hujus limites, & rationem formalem accidentis. Ergo ratio etiam extensionis, & intensionis in accidente naturali est ut sic proportionata substantiæ creatæ. At infiniti cum finito non est commensuratio, ac proportio. Repugnat autem, substantiam sub ulla formalitate substantiæ esse simpliciter infinitam. Ergo ex ratione formali accidentis implicat accidens aliquod naturale secundum aliquam sive extensionis, sive intensionis rationem esse simpliciter actu & categorématique infinitum.

8. Unde responsio Vasquezij. *num. preced.* adducta ad summum tenet de augmento ignis in infinitum syncategorematicè secundum potentiam, non vero actu categorématique. Imò illud Aristotelis asserentis, *Ignem posse augeri in infinitum.* intelligendum est de igne quâ uno per aggregationem, non autem de individuo ignis per se uno, hunc enim sicuti in ratione substantiæ, sic in ratione omnis accidentis, atque adeo extensionis sibi connaturalis oportet esse ab intrinseco determinatum. *Uti conformiter S. Thomæ respondit Cajetan. *præs. art. 3. §. ad ea.**

9. Replicabis: Totum hoc argumentum procedere de Commensuratione accidentis cum substantia creatâ secundum hujus exigentiam naturalem. At Dei potentiam absolutam non esse alligatam exigentiæ naturali substantiæ, & naturæ creatæ. Ergo illo argumento non probari omnimodam impossibilitatem infiniti actu secundum accidens, ita ut implicet hoc produci per potentiam Dei non tantum Ordinariam, sed absolutam.

10. Contra: Nam in accidente secundum essentiam suam naturali non est intelligibilis modus extensionis, ac intensionis quin *formaliter* ex entitate, ac Essentiâ suâ importet rationem accidentis naturalis. Hujus verò quidditas dicit proportionem intrinsecam cum creatâ substantiâ. Atqui ex formali ratione finiti, ac infiniti repugnat, hujus sub formalitate infiniti esse proportionem cum finito. Ergo eo ipso, quod modus intensionis, vel extensionis in accidente na-

turali non possit habere Essentiam accidentis ex ratione suâ quidditativâ proportionati cum substantiâ creatâ, implicat, dari accidens infinitum actu secundum extensionem, vel intensionem.

Instabis: Ex hoc tantum evinci, non esse possibilem modum intensionis infinitum in accidente naturali, non autem supernaturali quoad Essentiam, cujusmodi est gratia & lumen gloriæ. Nam hujus nulla est proportio intrinseca essentialis ad substantiam creatam, sed ista secundum potentiam duntaxat Obedientialem est à Dei Omnipotentia elevabilis ad accidens ejusmodi super naturale recipiendum & cum ejus concursu producendum effectum supernaturalem. Ergo præacta ratio non obstat, quò minus accidens hujusmodi esset infinitum actu secundum intensionem.

12. Contra: Nam hæc ipsa ratio intensionis infinitæ importaret rationem aliquam Essendi, cum sine hac nihil intelligibile sit. Hæc autem non posset *formaliter*, ac *essentialiter* esse alia à ratione intensionis, cujus esset Essentia. Ergo sicuti intensio, sic ratio ejus essendi foret infinita. Ergo esset ut sic actus purus. Non igitur est intelligibile ullum infinitum actu, quin ut sic dicat rationem actus puri, *veluti demonstrat Divus Bonaventura loc. cit.*

## CONCLUSIO II.

**I**mplicat produci infinitum actu secundum multitudinem.

13. Probatur. Non est possibile, omnes creaturas factibiles esse simul actu productas, quia finiretur potentia Dei ad opus unius instantis, uti contra Vasquezium *cit. disp. 26. n. 2.* tradunt S. Thomas 1. cont. gent. c. 69. n. 4. & 2. cont. gent. c. 26. n. 2. & de Verit. q. 20. a. 5. ad 4. Albertus Magnus 1. dist. 43. a. 2. & in sum. 1. p. tract. 19. q. 77. memb. 2. ad 1. & Theologi communiter tam recentiores, quàm antiquiores allegati à Fasolo *præs. q. 7. dub. 13. a. 2.* Cujus ratio à priori adduci potest, quia summa Divinæ naturæ perfectio, ac eminentia infinitè distat à quacumque multitudine rerum creatarum. At ista Divinitatis eminentia ac perfectio est in Divinâ naturâ ratio participabilitatis à rebus creatis. Ergo non est intelligibilis ulla multitudo rerum creatarum, quin adhuc infinitè distet à Divinæ naturæ participabilitate, Ergo non est possibile, dari aliquam multitudinem creaturarum, quin possit fieri additio, & multò adhuc plures creati. At supra multitudinem infinitam nihil addi potest, cum alioquin posset dari majus infinito. Est autem quædam proprietas infiniti, quod infinito non sit aliquid majus. S. Thom. 3. p. q. 10. a. 3. ad 3.

14. Probatur istud assumptum. Nam de ratione majoris est excedere, & de ratione minoris excedi, quæ finitatem concludunt, uti demonstrat Scotus in 2. dist. 1. q. 4. n. 20. in fine. Cum proinde impossibile sit, dari multitudinem, quâ major esse nequeat, Majoritas verò, ac Minoritas repugnent infinito, consequens est, non posse dari multitudinem actu infinitam.

15. Respondebis ex Fasolo *præs. q. 7. a. 4. dub. 3. n. 8. & dub. 4. a. n. 3.* Infinitum actu secundum multitudinem nihil aliud esse, quàm unitatem infinities replicatam, sive finitum replicatum infinities. Unde impossibile esse, dari aliquod infinitum



infinitem, in quo non sint assignabiles partes finitæ, & partes infinitæ. Etsi proinde infinitum ut sic, quatenus constat partibus infinitis, non admittat additionem, & majoritatem, seu plurificationem. Secus tamen esse, quatenus consideratur secundum partes finitas. Sic enim data infinita hominum multitudine, in hac fore bis infinitos oculos, & in binario infinitarum manuum, quinquies infinitos digitos; imò in quâlibet multitudine infinita fore binarios, ternarios, centenarios, millenarios infinities multiplicatos. Unde consequens esse, quod multitudini actu infinitæ posset addi altera non tantum finita, sed aliqua etiam infinita multitudo, dum nimirum fieret binariorum v. g. replicatio infinita. At per se notum esse, quod binarij dicant numerum finitum. Ergo istam replicationem, seu additionem fieri non secundum quod infinitum est, sed secundum partem aliquam finitam. Simili ergo ratione, si unitati infinitorum oculorum iungatur altera oculorum infinitas, tunc esse duas infinitates, fierique aded infinitari additionem, secundum quod habet rationem Unitatis cum alterâ infinitate constituentis binarium. At evidens esse, quod ut sic non fiat additio infinito, nisi secundum rationem finiti. Ergo in infinito intelligi posse additionem, majoritatem, & minoritatem, non quâ infinitum est, sed secundum partes finitas.

16. Contra: Nam aliud est, infinitæ multitudinis partes considerare *Distributivè*; aliud verò est, si considerentur *Collectivè*. At si multitudini hominum infinitæ fiat additio aliorum individuum, sive finitæ sive infinitæ multitudinis, tunc ista posterior multitudo *Collectivè* sumpta includit omne id, quod prior; & adhuc infinities plura. Ergo posterior illa multitudo non in *sensu diviso*, sed *collectivo* comparata cum priori est major. Atqui multitudines istæ consideratæ in *sensu colectivo* sunt infinitæ *formaliter*. Ergo daretur infinitum majus altero *formaliter* quâ infinito. Hinc autem sequeretur, infinitum quâ tale excedi, adeoque habere terminum: in quo manifesta continetur implicantia. Ex quo aded fundamento cum D. Thomâ *præ. q. 7. a. 4.* rectè concluditur; non esse intelligibilem ullam speciem multitudinis, nisi secundum species numerorum. At eo ipso, quod quilibet numerus sit multitudo mensurata per unum, implicat, speciem aliquam numeri esse infinitam actu, sive per se, sive per accidens.

18. Replicabis: Intellectum Animæ Christi videre in verbo omnia, quæ aliquando existunt, & omnes effectus contentos in potentijs creaturarum. D. Tho. 3. p. q. 10. a. 2. & 3. Hæc autem habere rationem infiniti; & tamen animam Christi intelligere plura adhuc possibilia latentia in virtute Omnipotentis Divinæ. Ergo animam Christi intelligere, quod infinito possit fieri additio.

19. Contra: Nam actu simul videre cogitationes creaturarum intellectualium in æternitate per instantia discretæ in infinitum eliciendas, est intelligere multitudinem semper actu finitam, sed tamen multiplicabilem in infinitum, adeoque in potentia infinitam. At ratio infiniti secundum potentiam *formaliter* importat additionem possibilem. Est igitur intelligibilis

additio respectu *Synkategorematici secundum potentiam*, non autem *Categorematici secundum actum infiniti*.

#### Responsio ad fundamenta contraria.

**A**d oppositum n. 2. Respondetur ex S. Thomâ *loc. ibi. cit.* Manifestum esse, quod in illo genere vel ordine, in quo intelligitur aliquid esse infinitum, non possit dari majus. Unde sicut primum Christi meritum erat *intensivè* infinitum, sic non poterat recipere augmentum *valoris intensivi*, etsi *quoad valorem extensivum* ex meritis subsequentibus additionem admisserit. At si multitudini actu infinitæ fieret additio, tunc in eodem genere multitudinis daretur infinito simpliciter majus, uti *superius est demonstratum*. Ergo ex hoc ipso quod possibile sit multitudo, quin possit in infinitum additio fieri, implicat dari infinitum actu *categorematicum*. Et hinc Doctor Angelicus *cit. n. 1.* adductus argumentando ex linea secundum longitudinem infinitè extensâ, istam non tam possibilem supponit, uti constat *ex 1. p. q. 7. a. 3.* quàm ex hypothesi alioquin impossibili probat, non posse infinito dari majus, atque aded infinitum simpliciter in rebus creatis repugnare; etsi intelligibile sit *infinitum secundum quid*, in quo possit dari majus, veluti patet ex effectibus contentis in virtute Causarum secundarum, & Causæ primæ; hi namque ita sunt *synkategorematici* infiniti, ut tamen plures sint possibiles in Primâ, quàm in secundis causis.

Instabis: Possibile fuerat mundum exituisse ab æterno ex S. Tho. 1. p. q. 46. a. 2. & 2. *cont. gen. c. 39.* At posita mundi æternitate fuissent generationes infinitæ. Unde infiniti etiam homines processissent, quibus licet corruptis remanerent animæ, utpote immortales. Ergo posita mundi æternitate daretur actu multitudo animarum infinita. Neque dicas: Hominem, data illâ hypothesi infinito tempore exiturum fuisse, antequàm generaret; aut Deum, ne deveneretur ad infinitam multitudinem animarum, has cum corporibus fuisse miraculosè destruturum. Nam teste Cajetano *cit. q. 46. a. 3. circa finem*, videtur ridiculum, hæc miracula interponere. Neque opponas cum eodem Cajetano *loc. cit.* æternitatem mundi fuisse possibilem quoad substantiam ingenerabilem, non autem quoad hominem: nam hæc videntur æquè gratis affirmari. Ergo ex hoc, quod possibile fuerit mundus ab æterno, consequenter asserendum est, possibilem esse infinitam animarum multitudinem.


Respondetur: Mundi æternitatem à Doctore Angelico *cit. a. 2. ad 1.* ex eo fundamento adstrui possibilem, quod ejus productio sit instantanea. At instans æternitatis in hoc differre ab instanti temporis, quod illud sit indivisibile importans latitudinem durationis infinitam. Unde etiamsi generationes rerum dicerentur esse ab æterno, non sequeretur, dari multitudinem v. g. infinitam, nisi generationes hominum plurificarentur secundum instantia temporis infinita. At si possibile esset productio alicujus animæ in quodlibet temporis instanti, sequeretur; in instantibus unius diei infinitis produci posse



posse animas infinitas; nec adeo ad possibilitatem infinitæ multitudinis animarum, opus esset recurrere ad possibilitatem temporis infiniti, seu commensurati cum æternitate; velut arguit Subtilis Doctor. *cit. q. 4. n. 20.* Cum igitur ex ratione infiniti repugnet, dari multitudinem infinitam actu, consequenter datâ etiam mundi æternitate non essent hominum generationes infinitæ, vel saltem Deus propter infiniti repugnantiam deberet ita moderari universum, ut nunquam perveniretur ad animarum multitudinem infinitam.

## COROLLARIUM.

27. Infertur. Hæc ipsa ratione, quâ probatur Deus infinitus, demonstrari immutabilem. Explicatur. Deus ideo est infinitus, quia est suum Esse subsistens. At quia Deus est suum Esse, est Existens per Essentiam. Ergo non potest non existere, nec adeo procedere à non esse ad Esse. Hinc etiam si Filius, & Spiritus Sanctus realiter producantur, simpliciter tamen negandum est, istas personas procedere de non Esse ad Esse. Hæc namque propositio importat distinctionem Essentiæ ab Esse. At Esse Existentiæ nec realiter nec formaliter à parte rei distinguitur ab Hypostasibus Divinis. Unde Filij, & Spiritus Sancti productio est emanatio, vi cuius per summam identitatem realem etiam formalem, atque adeo sine mutatione illis Personis Divinis communicatur Essentia, sive Existencia Patris.
28. Hinc ex eadem indistinctione Esse ab Essentiâ fit, quod in Deo sint omnino idem suppositum, & Natura. S. Thom. *q. 2. quodl. 4. 3.* At substantia in quâ non est distinctio Naturæ, ac Hypostasis, non est receptiva accidentium. Ex
29. Philosopho 7. *Metaph. 10. 21.* Unde actus Dei immanentes, seu Decreta libera per summam cum Esse Naturæ Divinæ identitatem inexistunt Deo, nec adeo per illa tanquam accidentia immutatur Divina substantia. Cum proinde soli Deo sit proprium, quod sit suum Esse subsistens, consequenter solius Naturæ Divinæ est, non posse per receptionem Esse, vel accidentium immutari, uti latius probat S. Doctor. *1. p. q. 9.*




## ARTICULUS IV.

## DE

Immensitate & Existentiâ Dei  
in rebus.

1. **A**DVERSUS nonnullos antiquiores Philosophos, qui Deum in centro, vel circumferentiâ mundi, aut extra universum constituebant; à Fide Orthodoxâ manifestè adstruitur Dei Immensitas in Symbolo S. Athanasij, & Concilio Lateranensi, *cap. 7. Trinit. & Fide Cath.* Hinc etiam dicitur Deus Cælum & terram implere. *Hierem. 23.* Ejus insuper mensura longior terrâ, profundior inferno, & excelsior cælo, asseritur *Iob. 11.* Quod ne accipiat de mensurâ corporeæ molis quan-

titativâ, S. Fulgentius *lib. de Fide ad Petram. c. 9.* ait, *Deum immensum esse Virtute, non Mole.* Unde Immensitas consistit in Virtuali quadam extensione, vi cuius Deus illabitur omnibus rebus, eisquæ constituitur intimè præsens. De quâ proinde virtuali extensione inter Theologos Controversia est, *An sit consequens Dei virtutem operativam, vel potius consistat in magnitudine quadam spirituali quasi Extensionis Divinæ Essentiæ.*



## CONTROVERSIA UNICA.

*An operatio Dei sit formalis ratio Præsentia, ac Existentiæ ipsius in rebus creatis.*

3. **S**COTUS in 1. *dist. 37. q. 1. un.* negat, quod per formalem consequentiam inferatur, Deum esse in rebus, & ubique, eò quod in omnibus & in omnia operetur. Probatur. Quando agens est virtuosius, tantò potest agere in aliquod magis distans: velut ad oculum patet in agentibus creatis. At Virtus Dei est infinita. Ergo si per impossibile Deus ab aliquâ re distaret, adhuc posset in eam agere. Ergo indistantia, seu inexistentiâ Dei in rebus, formaliter non inferitur ex actione Divinâ, sed ex ratione immensitatis formaliter disparatè se habentis ad Virtutem Dei operativam, ejusque actionem.

4. Suarez *lib. 2. de Attributis Dei Negativis, & disp. 30. Section. 7.* Ysambertus *ad præf. q. 8. disp. 1. 4. 2. & 5.* admittunt; Localem Dei simultatem quoad Existentiâ substantialem cum, & in omnibus rebus, seu locis, colligi quidem ex ejus operatione: attamen Immensitatem non consequi ad Dei virtutem operativam, sed consistere in virtuali quadam spirituali magnitudine quasi extensionis infinitæ Essentiæ Divinæ, adeo, ut si per impossibile res aliqua creata posset sine actione Dei habere existentiam, Deus tamen esset necessariò in illâ ex vi Immensitatis. Probatur: Nam Patres & Scripturæ Sacræ Immensitatem Dei explicare solent per Magnitudinem, juxta illud *Sap. 1. Spiritus Domini replevit orbem terrarum.* Hæc autem repletio non est tantum secundum operationem, sed sermo est de ipsâ Substantiâ Spiritus Dei inexistente rebus universis. Ergo importat quandam extensionem Virtutem Divinæ substantiæ ad omnes res creatas intimè ipsis inexistendo ac eas penetrando.

5. S. Thomas *præf. q. 8.* Immensitatem ponit in contactu non quantitativo, sed Virtuali Divinæ Essentiæ ad res in infinitum creabiles: quæ tamen ratio præsentialetis sive contactus Dei ad res creatas formaliter importet operationem Divinæ Substantiæ.

## CONCLUSIO.

6. **I**MMENSITAS, quâ Deo intrinseca, importat virtutem infinitam inexistendi rebus creatis: hæc autem inexistentiâ actualis, seu præsentialetas Dei formaliter est operatio Divina.

Probatur ex *Act. 17.* *Quamvis non longè sit ab unoquoque nostrum, in ipso enim vivimus, movemur, & sumus.*



*sumus.* Ex quo ita licet argumentari. Ratio, cur Deus sit nobis præsens, est, quia in ipso vivimus. Hoc autem sit, quia operatur in nobis, quod vivimus. *Glossa ibid.* Ergo operatio Dei est ratio ejus existentiae, ac præsentiae in rebus creatis.

7. Respondebis ex Vasquez *disp. 28. c. 4. n. 18. & Scotistis in Schol. ad c. 9. dist. 37.* Illum sacrum textum non tam agere de Immensitate, quam de facilitate habendi notitiam veri Dei, siquidem Paulus intenderit arguere Titulum Atheniensium Aræ *ignoro Deo* dicatæ.

8. Contra. Nam ex contextu patet, Paulum, quod ignorantes colebant, annunciâsse Atheniensibus. Unde non erat quæstio de Deo *An*, sed *Quis esset*? De hoc igitur Paulus demonstravit 1. cum sit Dominus Cæli & terræ, utpote, qui fecerit mundum, & omnia, quæ in eis sunt, non habitare in templis manu factis. 2. Cum det omnibus vitam, & inspirationem, & omnia, non coli manibus humanis, quasi aliquo indigentem. 3. Cum fecerit genus humanum; attestantibus quibusdam Atheniensium Poëtis *nos esse genus Dei*, non debere æstimari Divinum esse simile auro vel sculpturæ artis, & cogitationis hominis. 4. Cum in ipso vivamus, moveamur & simus; non esse longè ab unoquoque nostrum, nec aded esse æstimandum instar lapidis, & sculpturæ artis templis manu factis conclusæ, & cogitatione hominis fabrefactæ. Ex quo revera constat, Apostolum intendisse Atheniensibus annuntiare Deum factorem Cæli, & terræ Dominum universi non fabrefactum arte humanâ, neque conclusum templis manufactis, sed ubique præsentem. Hujus autem ultimi rationem adstruebat illud naturæ lumine notum, quod in ipso vivamus, moveamur, & simus.

9. Ergo præsentia Dei in rebus creatis demonstratur ex operatione Dei. *Uti tradunt etiam Patres nominatim* Cyrillus *Alex. lib. 9. in Ioan.* Hilarius *in illud Psalm. 118. Prope es tu Domine.* August. *lib. 1. Confess. c. 2.* & Anselmus *in Monol. c. 21. & 22.* eruiturque manifestè ex *Psalm. 138.* ubi cum David dixisset, *Si ascendero in Cælum, tu illic es &c.* subdit rationem, *Etenim illuc manus tua deducet me, & tenebit me dextera tua.* Unde Molina *hic disp. 2. infert;* Authores contrariæ sententiæ aut dicere debere, Spiritum Sanctum per os Pauli, atque Davidis ineptam reddidisse rationem, inefficaxque argumentum confecisse ad probandam præsentiam Dei in rebus, aut confiteantur necessum esse, ex immediatâ operatione Dei in aliquo loco satis superque concludi præsentiam Dei in rebus.

10. Replicabis: Præsentiam Dei non immediatè ac formaliter, sed mediatè, & materialiter duntaxat inferri ex operatione Divinâ. Nam sol est producens in visceribus terræ aurum. Ergo Agentis, & Effectûs indistantia non arguitur ex naturâ actionis. Probatur tam antecedens, quam Consequentia: Nam licet virtus calefactiva à Sole emanans disponat materiam, ex qua aurum producitur, ipsa tamen forma substantialis solis est generativa substantiæ auri, cum hæc non possit procedere ab accidente. Ergo Sol virtute quidem illuminativâ agit in corpora sibi immediatâ; attamen per formam suam substantialem actione generativâ agit in corpora à se distantia. Ergo ex naturâ actionis non requiritur propinquitas Agentis, & passi, seu

effectûs. Si proinde ex actione Dei inferatur ejus præsentia; hoc non tam est ex ratione formalis operationis; quam ex eo, quod ratio Primi Agentis sit actus purus, ex quo ratione nostrâ ratiocinata intelligitur emanare ratio Immensitatis.

Contra: Oportet enim omne agens conjungi ei, in quod immediatè agit, & suâ virtute illud contingere. Ex *Philosopho 7. Phys. usque ad 3.* Cujus ratio à priori afferri potest, quod operatio sit emanatio immediata effectûs ab agente. Hæc autem emanatio non potest intelligi immediata respectu agentis, nisi huic immediatè sit conjunctus effectus. Ergo natura actionis importat agentis cum effectû conjunctionem immediatam, sive immeditatione suppositi, sive immeditatione saltem virtutis: velut substantia Solis non immediatè, sed mediante virtute à se diffusâ in visceribus terræ producit aurum, cui aded est immediata immeditatione virtutis; At quia effectus Dei proprius est Esse, non potest agere immeditatione tantum virtutis à se diffusæ, sed oportet ut omnis substantiæ creatæ sit principium immediatum immeditatione suppositi.

Probatur sequela hujus assumpti: Omnis effectus debet reduci in aliquod principium *per se primum*: At principium *per se primum* Esse non est nisi illud, cui *per se primo* convenit Esse: nam omne aliud ens, cum habeat esse participatum, supponit principium, à quo participat Esse. Atqui omnis Virtus extra Deum diffusa est Ens creatum, & participatum: soli autem Deo *per se primo* sive *per Essentiam* convenit Esse. Ergo solius Dei effectus proprius est Esse. Atqui actionis natura importat immediatam conjunctionem effectûs, & immediatæ agentis. Deus autem in rebus creatis causat Esse non tantum in fieri, sed etiam in conservari. Ergo ex istâ causalitate oportet Deum tamdiu, & eo modo esse conjunctum rebus creatis, quo modo participant Esse. At esse est maxime intimum cuilibet rei, inestque profundius omnibus; est enim formale omnium, cum nihil sit in re, quod non actuetur per Esse. Ergo ex causalitate, & operatione Dei, quam exercet in cujuslibet rei Esse, sequitur Deum cuivis Entitati creatæ esse intimius præsentem, quam anima materiæ, quam informat. Hæc enim licet informet materiam in Esse Substantiali, præsupponit tamen ejus Entitatem potentialem, ei superinducendo Esse substantiale. At causalitas Dei nihil præsupponit Entitatis, sed omnia dat, & producit, ut aded contactus Dei ad res creatas sit perfectissimus, maxime intimus, & illapsivus in res creatas, ita ut in priori natura intelligatur prior contactus Dei, quam res contacta, utpote per hunc producta.

Instabis: Ex operatione Dei probari quidem, Deum esse omnibus rebus intimè præsentem, ita tamen, ut hæc præsentia non tam formaliter importet operationem, quam per modum conditionis antecedentis operationem se teneat ex parte Causæ, seu Dei operantis: Sicut in agentibus corporeis approximatio agentis ad passum prærequiritur tanquam conditio sine qua non.

Contra: Præsentia enim Dei non est cogitanda instar ubicationis corporeæ, quæ est respectus locati ad locum formaliter quæ talem. Est autem locus ultimus corporis ambientis immobile



inobscure primum. Ex Philosopho 4. Physic. c. 4. At Deus à nullà superficie quantitativè ambiri potest; juxta illud: *Si Cælum, & Cæli Calorum te capere non possunt. 3. Reg. 8.* Unde non tam continetur loco, quàm contineat, & portet omnia loca. Hoc autem fit per operationem, vi cuius *portat omnia Verbo virtutis suæ. ad Hebr. 1.* Quare Deus est in loco, quatenus dat Ei Esse, & virtutem locativam: imò replet omnia loca, dando Esse omnibus locatis, per quæ replentur loca, uti Doctor Angelicus *præf. q. 8. a. 2. docet.* Manifestum igitur est, præsentiam Dei ad res creatas formaliter consistere in causalitate, *velut in cit. a. 2. ad 1. & in 1. dist. 39. q. 2. a. 1. alleruit idem S. Doctor: Incorporea non sunt, inquit, in loco instar corporum per contactum quantitatis dimensionis, sed per contactum virtutis, ita ut Deus locum impleat non indistantià dimensionum, sed causalitate effectuum.*

### Responsio ad argumenta Adversariorum.

16. **A**D oppositum n. 1. Respondetur: Agens duplici ex ratione intelligi virtuosius 1. ex eo, quòd virtutem suam latius extendat. 2. quòd perfectiorem effectum producat. Unde agens non intelligi summè virtuosum, nisi utramque istam virtutem in summo perfectionis gradu obtineat, sequè aded extendat ad omnem effectum possibilem. At *superius esse probatum, quòd Esse tanquam Universalissimus omnis creati intimus effectus non possit esse nisi illius virtutis, cuius Esse per se subsistens est sua Essentia: esse autem per se notum, quòd virtus ejusmodi per se subsistens sit suppositum; atque aded Deus dando rebus omnibus Esse, sit necessariò omnibus rebus præsens immediatione, non tantum virtutis, sed suppositi.* Ergò Agens summè virtuosum, cuius effectus proprius est Esse omnis creaturæ, non possit agere in distans.

17. **A**D oppositum n. 2. Respondetur. Spiritum Dei replendo orbem terrarum, *Sap. 1. dici continere omnia.* Hoc autem fieri, quatenus cum Verbo, à quo procedit, per eandem indivisibilem virtutem sibi communicatam portat omnia. At manifestum esse, virtute Divinà portari res creatas per actionem Dei virtualiter transeuntem. Ergò Magnitudinem illam, quæ Spiritus Domini replet orbem terrarum, non esse cogitandam instar alicujus dimensionis, seu extensionis quasi localis virtualis, sed esse formaliter Virtutem Divinæ potentie, se mediante causalitate diffundentis in omnes res creatas, itaque replentis Orbem terrarum.

### C O R O L L A R I U M.

18. **I**nfertur 1. Circa attributum Divinum Immenfitatis duo posse considerari. Nam 1. Deus est in se ipso æternaliter existens cum virtute & potestate, ubique in infinitis locis, & creaturis exercendi contactum suæ præsentie. Quo modo Immenfitas est Attributum Dei necessarium per rationem nostram ratiocinatam distinctum ab Omnipotentia. Probat, Etenim Omnipotentia ad creaturas refertur non per rationem Contactus, & illapsus, sed per rationem operationis dantis Esse. Differunt autem hæc duæ rationes ex eo, quòd per formalitatem operationis cre-

aturæ sint à Deo: per formalitatem autem Contactus intelligantur esse in Deo. Unde sicut alia intelligitur in Deo ratio circuminflectionis, & Processionis: quæ differentia in eo sita est, quòd per Circuminflectionem Pater sit in Filio ratione identitatis substantiæ cum Esse & Hypostasi Filij; per Processionem verò Filius sit à Patre per productionem Hypostasis Filij, & communicationem Substantiæ, ac Essentiae. Sic productio creaturarum importat communicationem Esse non formaliter, seu realiter identificari cum Esse Divino, sed ab hoc Efficienter derivari, atque aded distincti. At quia hæc communicatio causativa, seu effectiva importat immediatam conjunctionem effectus, & Agentis, seu Esse producentis ac producti, ex eo fit consequens, Esse Dei per se subsistens Esse creaturæ à se productæ illabi, non quidem per identitatem, velut in Personis Divinis; sed per contactum virtutis, ac Suppositi. Cum proinde alia sit ratio operationis, alia Contactus ut sic, consequenter ratio Immenfitatis prout in actu primo importat formalitatem Contactus Virtualis, & potestatis ad res in infinitum creabiles, formaliter ratione nostrà distinguitur ab Omnipotentia, quatenus hæc dicit virtutem creaturarum productivam. 2. Circa Immenfitatem Dei considerari potest actualis contactus Dei ad res creatas. De quo contactu *Sap. 7. dicitur: Divinam Sapientiam ubique attingere propter suam mundiciam, quæ nimirum sit Vapor virtutis Dei.* Hic proinde contactus secundum se, quatenus scinet ex parte Dei, est ejus actio virtualiter transiens, sed intrinseca Deo agenti, atque aded indistincta à Divinà substantià. Neque verò ut sic est ratio adæquata constituendi Deum actu præsentem, sed ratio existendi in creaturis præter illum contactum Divinum importat connotationem Creaturæ, seu effectus temporalis per intimum illapsum tacti à Divina virtute, & substantià. Qui porro Dei contactus non est Agentis ad passum præsuppositum, siquidem sit origo totius Esse, adeoque causalitate prior omni passo, & subjecto. In quo differt à ratione præsentie Angelicæ; hæc enim dicit operationem Angeli non nisi eductivam ex præsupposito subjecto, nec aded Virtus Angeli per modum primi Essendi principij influit Esse: unde talis præsentia, & contactus non meretur rationem intimi illapsus.

Infertur 2. Deum tribus modis esse ubique, nempe per Præsentiam, Potentiam, & Essentiam. Ex D. Tho. *præf. q. 2. a. 3.* Nam præsentia alia est realis; alia verò intentionalis. Secundum hanc dicitur præsens objectum, super quod fertur potentie cognoscitivæ intuitus. Cum igitur omnia nuda, & aperta sint oculis Dei penetrantis usque ad intima animæ, consequenter omnia sunt Deo intentionaliter præsentia, adque aded Deus est ubique secundum præsentiam intentionalem. At secundum potentiam reali præsentia est Deo intimè præsens omnis effectus, utpote emanans ex ipso secundum totam essentialitatem, ac existentiam suæ realitatem. Et quia hæc ratio Essendi non potest per se primò derivari nisi ex illà virtute, cuius Esse per se subsistens est sua Essentia, consequenter Divina Substantia est omni rei creatæ intimè præsens, non tantum secundum virtutem, sed etiam secundum Essentiam, & Suppositam.



24. Infertur 3. Deum speciali modo per gratiam esse creaturæ rationali præsentem. Explicatur & probatur: Nam quia Gratia est Naturæ Divinæ participatio, consequenter Virtus Divina quatenus Gratiæ productiva importat formalitatem Naturæ Divinæ. Hæc enim utpote intuitio Divinæ Essentiæ se ipsam formaliter intuendo videt radios gratiæ & gloriæ à se tanquam causâ Efficienti & exemplari derivabiles in creaturam rationalem. Qui porro radij, cum nullâ mediante virtute extra Divinam Substantiam diffusâ sint producibiles, quin potius intellectio naturæ Divinæ formaliter constitutiva ipsaq; adeo Deitatis Natura tanquâ Causâ Idealis immediatè concurrat, consequenter Divina Substantia secundum gradum quasi specificum non tantum Essentia, sed etiam Natura Divina intelligitur per gratiam sub speciali Idealis Causalitatis Formalitate præsens rationali creaturæ.

25. Infertur 4. Vi unionis Hypostaticæ Deum intelligi duplici speciali ratione præsentem Humanitati Christi: Nam 1. Hypostasis Verbi immensum Personalem contactum exercet in Humanitatem Christi, ratione cuius adeo Hypostasis contactus Verbum, seu Essentia Divina quatenus est in Verbo, dicitur Personaliter præsens Naturæ humanæ. 2. Quia verò hæc unio personalis non fit nisi mediante actione emanante ex Divinâ virtute, & substantiâ tribus personis Divinis communi, consequenter, ut sic rota Trinitas secundum potentiam, & substantiam præsentialem contactus causativi ipsum Esse subsistens Divinum Verbo inexistens communicantis dicitur præsens Christo, ejusque humanitati Verbo unitæ.

26. Infertur 5. Deum non esse actu in spatijs imaginarijs, sive extra cælum. Ratio est: Nam in nihilo nihil omnino est. D. Thomas in dist. 39. q. 2. a. 3. Hinc Deo ab æterno non conveniebat ubique, vel in rebus esse, cum Esse ubique importet relationem Dei ad Creaturas fundatam super operationem Dei. Idem S. Doctor. loc. cit. At spatium imaginarium supra Cælum est actu nihil. Sicut ergo Verbum, antequam produceret mundum in tempore, non dicitur fuisse in mundo, qui tamen in ipso vita erat: sed in principio generationis æternæ, sive in æternitate Verbum erat apud Deum, Ioan. 1. Sic etiam si ultra cælum cogitemus in spatijs illis imaginarijs infinitos mundos possibiles, Deus non est actu in ipsis, sed in se ipso, attestante S. Augustino in Psalm. 122. super ista verba: Qui habitat in celis, ubi habet sequentia: Antequam Deus faceret Cælum, & terram, ubi habitabat? & antequam faceret Sanctos, ubi habitabat? In se habitabat Deus, apud se habitabat, & apud se est Deus. Cui conformiter S. Bernardus lib. 5. de consid. c. 6. formans quæstionem, ubi erat Deus antequam mundus fieret: respondit: Non est quod quæras ultra, ubi erat, præter ipsum nihil erat. Ergo in seipso erat.

27. Si proinde Patres quandoque videantur asserere, Deum esse ultra cælum in spatijs imaginarijs, hoc non de actuali præsentia, sed de virtute & potentia inexistendi rebus, ac locis in infinitum imaginabilibus, seu possibilibus intelligendum est. Veluti Augustinus lib. de natura Boni. c. 3. eleganter exprellit; Quod Deus sit supra mundum, & extra mundum, non spatijs locorum, sed ineffabili, & singulari potentia. Quo adeo sensu D. Thomas quodl. 12. a. 1. ait: Deum non tantum esse in his, quæ

sunt, sed etiam in imaginatis & in præteritis, & in futuris.

Nam alia est ubiquitas præsentis actualis, quæ teste eodem S. Doctore in 1. dist. 39. q. 2. a. 3. cum importet relationem fundatam super operatione Dei ad extra, consequenter est coarctata ad creaturas actu productas. Alia verò ubiquitas est Virtutis & potentie, quæ secundum eundem Angelicum Doctorem in 1. ad Annibaldum. dist. 37. q. 2. a. 2. refertur ad omnem imaginabilem locum, secundum quam proinde Ubiquitatem Virtutis Deus Immensus dicitur.

Infertur 6. Præsentiam Ubiquitatis esse solius Dei propriam, ex D. Tho. præf. a. 4. Ratio est: Tum quia implicat Corpus infinite extensum ex S. Tho. 1. par. q. 7. a. 3. Nec possibile est, Corpus aliquod extra dimensionis suæ terminos uno loco circumscriptos poni in alijs locis, ex eod. S. Doctore in 4. dist. 10. q. 1. a. 1. Ergo à fortiori est impossibile, quod sit in omnibus locis ubique. Imò si per impossibile poneretur corpus aliquod in spatio infinite extenso, in hoc tamen non esset, nisi secundum dimensionem quantitativam, seu extensionem partium, nec adeo per se primo secundum eandem indivisibilem entitatem, sed secundum diversis partes existeret ubique ex præf. art. 4. Tum quia omnis creaturæ potentia, & virtus est limitata, nec adeo possibilis est substantia Angelica infinite operativa secundum suam naturam: Imò nec secundum potentiam Obedientialem est creatura aliqua elevabilis ad omnem entitatem creabilem producendam, nec adeo Ubiquitas simpliciter quatenus importat Virtutis Contactum omnimodè infinitum, est communicabilis alicui substantiæ creatæ: Ergo solius Dei propria est Virtutis perfecta Ubiquitas seu immensitas.



## ARTICULUS V.

DE

### Æternitate DEI.

**D**EUM æternum ex fide Orthodoxâ fatemur in Symbolo S. Athanasij, & cap. Firmiter. de Sum. Trinit. & fide Catholica. Probatque D. Thomas. præf. q. 10. a. 2. & 3. ex Divinæ Substantiæ immutabilitate. Sicut enim rationem motus consequitur tempus: sic ratio æternitatis consequitur immutabilitatem. Ex eo autem, quod Deus sit suum Esse, consequitur, quod sit invariabilis, atque adeo interminabilis ipsius Essendi uniformitas, in qua consistit æternitas. Unde sicut nulla res creata est suum Esse, sic Deo soli convenit esse suam durationem, sive æternitatem.

¶ (o) ¶



## CONTROVERSIA I.

*In quo consistat formalis ratio  
Aeternitatis.*

2. **D**OCTOR Angelicus 1. p. q. 10. a. 4. cum Boetio 5. de consol. pros. ult. definit aeternitatem, quod sit *interminabilis vita tota simul, & perfecta possessio*. Circa cujus definitionis intellectum haud convenit inter Doctores, difficultate praecipua se tenente in illis particulis *vita possessio*. An ista scilicet habeat rationem durationis, ac mensurae.

## Referuntur Sententiae Doctorum.

3. **S**COTUS q. 6. quodl. n. 14. tenet; Aeternitatem Dei fundamentaliter in ratione quasi subiecti importare vitam, id est, Existentiam actualem perfectam: ac formaliter dicere vel negationem terminationis, successionis, ac dependentiae, vel relationem positivam aptitudinalem, seu potentialem ad coexistendum infinito tempori. Probatur. Nam aeternitas dicitur *possessio vitae*. Hic autem ponitur Vita pro actuali perfecta existentia; sicut etiam in illo *10m. 5. Sicut Pater vitam habet in semetipso, sic dedit filio*. Haec igitur vita, seu actualis perfecta existentia Dei ponitur quasi subiectum, & fundamentum aeternitatis. Hujus autem ratio formalis exponitur per id, quod sit *interminabilis, tota simul, & perfecta possessio*. At ratio *interminabilitatis* importat vel negationem desitionis, ac inceptionis, vel aptitudinem per se coexistendi cuicumque durationi, seu existentiae. Ex eo autem, quod sit *tota simul*, excluditur successio. Est autem *perfecta possessio*, quatenus est existens à se ipsa, atque adeo independens. Ergo aeternitas formaliter includit vel negationem terminationis, successionis, ac dependentiae, vel aptitudinem sine variatione & successione ex se, & à se ipsa coexistendi omni durationi possibili.

4. **A**ureolus in 1. dist. 1. q. 2. a. 2. existimavit, aeternitatem non esse formaliter durationem, sed vim quandam attingendi omne tempus, seu durationem imaginabilem. Cujus fundamentum est, quod omnis duratio importet formaliter successionem secundum prius & posterius: repugnet autem Aeternitati successio, veluti constat ex definitione.

5. **V**asquez 1. p. disp. 31. c. 5. existimat, aeternitatem in duobus consistere, quorum unum sit reale, nempe duratio manens, & uniformis sine principio & fine; alterum sit rationis, nempe negatio mensurae. Probatur: Aeternitas dicitur *interminabilis*, quia nec determinari potest per Principium, aut finem, nec definiri potest per mensuram. At prior ratio interminabilitatis importat realem negationem inceptionis, ac desitionis: ratio autem posterior dicit negationem Mensurae. Est autem Mensura formaliter respectus rationis. Ergo ejus etiam negatio est rationis. Ergo aeternitatis ratio formalis importat aliquid rationis.

6. **C**ajetanus *pras. q. 10. a. 1.* tenet; Aeternitatem formaliter consistere in ratione Uniformitatis, quatenus Uniformitas habet rationem

mensurae. Huic opinioni Ferrariensis 1. cont. gent. c. 15. *propè init.* ita favet; tamen rationem mensurae completis formaliter aeternitatem asserat consistere in relatione rationis. Explicatur. Sicut ratio temporis consistit in numeratione prioris & posterioris in motu, sic ratio aeternitatis consistit in apprehensione uniformitatis ejus, quod est omnino extra motum. S. Tho. *pras. a. 1.* Hoc autem est taliter intelligendum, quod motus primi mobilis secundum Esse suum reale sit materiale in tempore; hujus autem formale consistat in numeratione prioris & posterioris, cujusmodi numeratio formaliter sit aliquid rationis. Proportionaliter ergo in aeternitate duo sunt consideranda: ipsa nimirum unitas Divini Esse omnino immutabilis, & mensuratio hujus unitatis quā mensurantis ipsum Esse Divinum. At licet Unitas Esse Divini à parte rei subsistat, ratio tamen mensurationis ipsi non convenit, nisi per operationem intellectus distinguentis eam ab Esse, & apprehendentis sub ratione Mensurae. Etsi proinde in Deo à parte rei sit aeternitatis Entitas; haec tamen *completivè* non habet rationem formalem aeternitatis, nisi per apprehensionem intellectus: S. Doctore ubi *sup.* asserente: Rationem aeternitatis consistere in apprehensione uniformitatis ejus, quod est omnino immutabile.

P. Stadelmayr *disp. de Attributis rei c. 6. n. 2.* Aeternitatem dicit esse mensuram viventis perfectae, & immutabiliter: atque hanc mensuram esse formaliter vitam Dei, seu primam operationem indeterminabilem, attestante D. Anselmo in *Monol. c. 24.* quod aeternitas sit *vita interminabilis, tota simul existens*.

## CONCLUSIO.

**R**atio formalis adaequata Aeternitatis est à parte rei in Deo omnino independentem ab operatione animae: atque consistit in mensurā vitae permanentis immobilis.

Probatur. Aeternitas est formaliter duratio. Haec autem formaliter dicit mensuram Esse rei, cui inest. Ergo aeternitas formaliter est mensura Esse Divini. At hoc est Esse in se *essentialiter Subsistens*, & consequenter Esse *permanens* omnino immobile. Ergo aeternitas est formaliter mensura Esse permanentis immobilis.

Respondebis. Ratio durationis, quā praedicabilis de Deo in sacris litteris exponitur per dies & annos *Psal. 101. In generationem & generationem anni tui*. Et Michea 5. *Egressus ejus ab initio à diebus aeternitatis*. Atqui dies, & anni non formaliter, sed tantum *eminenter*, ac *virtualiter* sunt in Deo. Hinc enim dicitur *Antiquus dierum*, quia praehabet omnium durationem, & aevi, & temporis, ex S. Tho. in D. Dionys. c. 10. de *Divin. Nom. lect. 2.* Ergo ratio Durationis non nisi *eminenter* est in Deo. At ratio aeternitatis tanquam perfectio simpliciter simplex Deo formaliter inexistit. Ergo aeternitas non est formaliter duratio.

Contra: Nam aeternitas nihil aliud est nisi Nunc stans sub forma omnimodae immobilitatis uti ex Boetio *sup. cit.* eleganter tradit Albertus Magnus 1. p. *sum. tract. 5. q. 22. memb. 1. in sol.* Hoc autem



autem Nunc æternitatis vel potest spectari *secundum se*, & *Esse Dei absolutum*, vel *secundum relationem ad alia*, quatenus Esse Divinæ Substantiæ indivisibile per sui indeficientiam ab intellectu nostro refertur ad omne tempus, & ad omne, quod est in tempore.

Si proinde æternitatis duratio consideretur *secundum dies & annos*; id non fit nisi *secundum proportionem animæ*. Nunc æternitatis in se invariabiliter subsistens referentis ad tempus præsens, præteritum, & futurum. Quo modo *apocalip. 1.* dicitur *Deus Qui eras, Qui est, & Qui venturus est*. At ista æternitatis referibilitas ad tempus fundatur in Eminentiali continentia omnis temporis, ac ævi, omnisquæ adeo creatæ durationis. Illa verò Eminentialis continentia est ipsum Esse Divinum absolutum in se permanenter, ac indeficienter subsistens sub formâ purissimæ actualitatis, & omnimodæ immobilitatis. At ista ratio persistendi in existentia per purissimam Essendi actualitatem, seu omnimodæ immobilitatis formam est *formaliter* duratio æternitatis. Ergo in Deo est quidem *eminenter* omnis creata duratio, Divino Dionysio *cit. c. 7. de Div. Nom.* attestante, *Deum laudari tanquam Antiquum dictum propter hoc, quod omnium ipse sit & ævum, & tempus &c.* Hæc tamen ipsa eminentialis ævi, ac temporis continentia in Deo importat *formaliter* durationem, quæ ut sic est mensura Vitæ Divinæ permanentis immobilis, juxta D. Thomam *in 1. dist. 8. q. 2. a. 1. ad 3. & præ. q. 10. a. 4. in Corp. & ad 2. & a. 5. ubi ait: Quod æternitas sit mensura Esse permanentis.*

11. Replicabis: Mensura in formali suo conceptu importat distinctionem à re mensuratâ. Ergo si æternitas est *formaliter* mensura Esse Divini, importat aliquid rationis.

12. Contra: Ratio mensuræ non magis importat aliquam distinctionem, quàm ratio Regulæ, vel objecti motivi. At prima Dei Sanctitas ab actionibus Divinis indistincta est Regula Voluntatis Divinæ, ejusquæ operationum, quia non potest deficere à Regulâ primâ honestatis, imò suæ actiones sunt *formaliter* hæc ipsa Dei Sanctitas, quæ est earundem Regula. Similiter Dei Essentia Intellectionis Divinæ non tantum Essentialis, sed etiam Notionalis est *objectum Motivum*, ac *specificativum*, etsi ab illâ *formaliter realiter* sit indistincta. Atqui *objectum Motivum* se habet ad intellectionem per modum mensuræ illam mensurantis, ac specificantis; *ut cum Aristotele tradit S. Tho. 1. Metaph. lect. 11.* Ergo intelligibilis est mensura sine distinctione à re mensuratâ.

13. Confirmatur ista consequentia 1. à posteriori. Etenim duratio motus in primo mobili ita est mensura inferiorum, ut sit *formaliter intransitive* etiam sui ipsius mensura. Sic ævum supremi Angeli est sui, & aliorum extra se mensura.

14. 2. Ratione à priori. Nam mensura est, vi cujus cognoscitur rei quantitas saltem Virtualis ex Aristot. *1. Metaph. c. 2.* Est autem permanentia in existendo quantitas Virtualis *essentialiter* imbibita in ratione durationis. Sicut ergo ratio Sanctitatis increate in Deo ita est regula exemplativa, idealis, & efficiens rectitudinis in voluntate creatâ, ut tamen sit etiam Regula *intransitiva* voluntatis increatæ. *formaliter* per summam identitatem rectificando actiones Dei liberas immanentes. Sic permanentia vitæ Divinæ vel

potest considerari *relative* ad tempus, & ævum, nec non res creatas existentes in tempore ac ævo, & ut sic habet rationem *Mensuræ* mensurantis omne tempus, & ævum; vel potest considerari *absolute*, quatenus est Nunc vitæ Divinæ stans in se ipso cum perfectâ Essendi Uniformitate. Sub priori ergo formalitate æternitas est *mensura respectiva, & transitiva* omnis rei à se distinctæ, quæ mensuratio secundum dies & annos à Sacris Litteris exposita advertente Alberto Magno *ut. memb. 1. §. ad id. fit per Nunc æternitatis quæ protensum à præterito in præsens, & à præsentem in futurum, cujusmodi protensio non fit, nisi per animæ operationem seu relationem rationis.* Attamen sub formalitate illa posteriori æternitas est *mensura absoluta & intransitiva* sui, & vitæ Divinæ, cujus per summam identitatem realem formalem est Nunc, seu permanentia indivisibilis stans in formâ omnimodæ immobilitatis.

#### Responsio ad Argumenta Adversariorum.

15. AD Scoti n. 3. oppositum Respondetur. 1. Rationem æternitatis aptius dici possessionem vitæ, quàm existentiam duntaxat actualis. Nam advertente Alberto Magno *ut. q. 22. memb. 2. ad 1. n. 4.* inter Substantias, quæ mensurantur tempore ac æternitate datur modum, cujus substantia sit in momento æternitatis, & operatio in momento temporis. Unde ad perfectâ æternitatem requiritur non tantum immobilitas secundum Esse, sed etiam secundum virtutem, & operationem. Sic enim Angelus non mensuratur æternitate, sed æviternitate: quod licet ejus Esse substantiale sit intransmutabile, sit tamen transmutabilis ejus virtus secundum operationes vitæ. ex S. Tho. *præ. q. 10. a. 6.* & Alberto Magno *ubi sup.* Ergo ad differentiam æternitatis, ac æviternitatis oportebat illam definire non præcisè per possessionem existentiam actualis, sed vitæ.

Respondetur 2. In Deo à parte rei nullam dari negationem, utpote qui est una simplex actualis entitas. Ergo rationem independentiæ, ac interminabilitatis, seu negationem Successionis in æternitate *formaliter à parte rei* dicere formalitatem positivam permanentiæ, & uniformitatis actualissimæ in Essendo, & immanenter operando. Quæ formalitas permanentiæ licet per eminentialem omnis durationis creatæ possibilis continentiam importet aptitudinem coexistendi tempori infinito, per prius tamen esse intelligibilem æternitatem *secundum rationem absolutam*, quàm *secundum relationem etiam fundamentalem, seu aptitudinalem* ad tempus & ævum. Ergo primam, ac essentialem æternitatis rationem consistere in Nunc vitæ stantis in se ipsâ per actualitatem omnimodæ immobilitatis, seu actualissimam essendi uniformitatem.

Ad oppositum n. 4. Respondetur. Falsum esse, quod omnis duratio importet Successionem, sed potius sacras litteras dicendo; *Deum vivere in æternum, permanere in æternum, annos ejus non deficere*; clarè innuere æternitatem Dei esse *durationem*.

Ad oppositum n. 5. Respondetur. Rationem interminabilitatis in æternitate nostro quidem concipien-



conciendi modo importare negationem determinationis seu Mensurae quatenus initio, ac sine definitae, istam tamen negationem à parte rei esse formalitatem Dei positivam, nempe permanentiam vitae Divinae stantem sub formâ omnimodae immobilitatis, seu purissimae actualitatis in Essendo.

19. Ad oppositum n. 6. Respondetur. Verum esse, quod Entitas aeternitatis sit ipsa unitas Esse Divini omnino immutabilis: hanc verò unitatem esse formaliter aeternitatem, quatenus per realem formalem identitatem est mensuratio intrinseca vitae Divinae. At istam vitam in Deo mensurationem formalem à Patre Stadelmayr loc. cit. optimè explicari per Nunc uniformiter stans. Ergo cum istud Nunc seu permanentia vitae formaliter sit à parte rei in Deo, aeternitatis rationem adaequatè consistere in formalitate reali Deo intrinsecâ. Quare Doctorem Angelicum hic a. 1. asserentem, quod aeternitas consistat in apprehensione uniformitatis, esse intelligendum de apprehensione objectivâ; id est de ipsâ reali Esse Divini Uniformitate, quatenus à parte rei habet rationem mensurae, velut in praesenti exponit Cajetanus.

## COROLLARIUM.

20. Infertur 1. Aeternitatem non tam differre à tempore ex negatione terminationis quoad inceptionem, ac desitionem, quàm ex successione exclusivè seu Durationis Uniformitate & radicali interminabilitate. S. Thomas praes. a. 4. Ratio est. Etenim posito, motum caeli, atque adeò tempus fuisse ab aeterno, quod cum Capreolo, Ferrariensi, & alijs possibile asserit Nazarius 1. p. q. 46. a. 2. cont. un. concl. 4. tunc differentia temporis ab aeternitate non tam ponenda esset in terminatione inceptions, ac desitionis, quàm in negatione Successionis, ac terminabilitatis secundum potentiam. Nam ex eo, quod aeternitas sit vitae omnino permanentis immobilis tota simul perfecta possessio, fit, quod non tantum actu, sed etiam potentia interminabilis sit, cum econtra tempus formaliter importans successionem partium priorum, ac posteriorum, etiam si esset ab aeterno, atque adeò actu esset indeterminatum, non tamen excluderet ab intrinseco rationem determinabilitatis. Ergo aeternitas differt à tempore tum per rationem Uniformitatis perfectae in Essendo, ac Vivendo, tum per rationem interminabilitatis ab intrinseco, non secundum actum duntaxat, sed secundum potentiam.
21. Infertur 2. Differentia aeternitatis ab aëvo. Nam aëvum est medium inter aeternitatem, ac tempus, ita ut de utriusque ratione participet. Est autem aeternitas mensura Esse permanentis. Unde quatenus recedit aliquid à permanentiâ Essendi, eatenus recedit ab aeternitate. At id maxime omnium recedit à permanentiâ Essendi, cujus Esse est subiectum transmutationi, & corruptioni: nam quia operari sequitur ad Esse, necessum est, id cujus Esse est corruptibile, ejus operari tam quoad potentiam, quàm quoad actum esse transmutabile. Hoc igitur mensuratur tempore, non tantum quoad motus, seu operationes, sed quoad substantiam, cuiusmodi sunt corpora substantialia corruptibilia. Verum aliqua sunt entia creata, quae hoc ipso, quod Essentia ipsorum distinguatur ab Esse, sunt re-
- 22.

ceptiva accidentium, suntque adeò transmutationi obnoxia quoad operationem; etsi quoad substantiam sint incorruptibilia: cuiusmodi sunt Corpora caelestia, & substantiae spirituales. Haec igitur quoad substantiam; non tamen quoad vitam actualem seu operationem habent Essendi permanentiam, atque adeò mensurantur aëvo, quod est mensura substantiae, cujus Esse Substantiale, utpote immobile est in momento aeternitatis participare: Esse verò operationis, seu vitae actualis est in momento temporis. Sic proinde Angelus mensuratur aëvo, quatenus est intransmutabilis non tantum quoad esse substantiae, sed etiam quoad operationes aliquas, intellectiois nimirum, & amoris sui coaevae, & connaturales. Imò Esse supremi Angeli, vel ejus prima coeva operatio est mensura, seu aëvum respectu omnium inferiorum Intelligentiarum tam secundum Esse, quàm secundum operationes ipsis connaturales. Nihilominus, quia haec ipsa aëvi ratio in Angelo ratiè importat intransmutabilitatem substantiae, & coaevae operationis, ut tamen involvat transmutabilitatem quoad operationes Voluntatis, Intellectus, Virtutis motivae variabiles secundum liberam electionem. Idcirco Intelligentia Angelica quoad istas actiones transmutabiles mensuratur tempore, juxta illud Augustini de Genes. ad Litt. c. 20. asserentis: Quod Deus moveat creaturam spirituales per tempus. Hoc autem tempus, utpote à motu Caeli independens ex hoc differt à nostro, quod integretur ex operationibus Angeli maxime superioris habentibus successionem inter se, ac variationem: Quod tempus vocari solet Discretum, non quidem discretionem quantitatis instar numeri, sed discretionem operationum distinctarum absque ullâ inter se unione constituentium moram, seu tempus aliquod. Constat igitur, aeternitatem in eo differre ab aeternitate, quod haec importet Nunc stans sub omnimodae immobilitatis uniformitate: illa verò dicat Nunc stans sub immobilitatis uniformitate secundum substantiam, non verò secundum omnimodam operationem, vel formae receptionem intrinsecam, ex Alberto Magno cit. q. 22. memb. 2. a. 1. S. Tho. praes. q. 10. a. 5. & 6.

23.

## CONTROVERSIA II.

Utrum Aeternitas creatura aliqui communicabilis sit?

Non est difficultas 1. de aeternitate simpliciter, nam ista dicit permanentiam secundum omnimodam Essendi Uniformitatem. At hoc ipso, quod solius Dei Essentia sit formaliter existentia, & subsistentia, ipsi, non autem creaturae potest convenire immutabilitas absoluta secundum Esse tam substantiale, quàm accidentale. Ergo aeternitas absolute secundum rationem perfectam non est communicabilis creaturae. Neque 2. Difficultas est de substantijs naturae suae corruptibilibus: Haec namque, licet existent ab aeterno, non mensurentur aeternitate, sed duratione temporali; eò quod secundum Esse substantiale & consequenter accidentale per principia sua intrinseca essent transmutabiles: sicut

1.

2.



autem Nunc æternitatis vel potest spectari *secundum se*, & *Esse Dei absolutum*, vel *secundum relationem ad alia*, quatenus Esse Divinæ Substantiæ indivisibile per sui indeficientiam ab intellectu nostro refertur ad omne tempus, & ad omne, quod est in tempore.

Si proinde æternitatis duratio consideretur *secundum dies & annos*; id non sit nisi *secundum protensionem animæ* Nunc æternitatis in se invariabiliter subsistens referentis ad tempus præsens, præteritum, & futurum. Quo modo *Apocalip. 1.* dicitur *Deus Qui erat, Qui est, & Qui venturus est*. At ista æternitatis referibilitas ad tempus fundatur in Eminentiali continentia omnis temporis, ac ævi, omnisque adeo creatæ durationis. Illa verò Eminentialis continentia est ipsum Esse Divinum absolutum in se permanentem, ac indeficienter subsistens sub formâ purissimæ actualitatis, & omnimodæ immobilitatis. At ista ratio persistendi in existentia per purissimam Essendi actualitatem, seu omnimodæ immobilitatis formam est *formaliter* duratio æternitatis. Ergo in Deo est quidem *eminenter* omnis creata duratio, Divino Dionysio *ut. c. 7. de Div. Nom.* attestante, *Deum laudari tanquam Annuquum dictum propter hoc, quod omnium ipse sit & ævum, & tempus &c.* Hæc tamen ipsa eminentialis ævi, ac temporis continentia in Deo importat *formaliter* durationem, quæ ut sic est mensura Vitæ Divinæ permanentis immobilis, juxta D. Thomam *in 1. dist. 2. q. 2. a. 1. ad 3. & præ. q. 10. a. 4. in Corp. & ad 2. & a. 5.* ubi ait: *Quod æternitas sit mensura esse permanentis.*

11. Replicabis: Mensura in formali suo conceptu importat distinctionem à re mensurata. Ergo si æternitas est *formaliter* mensura Esse Divini, importat aliquid rationis.

12. Contra: Ratio mensuræ non magis importat aliquam distinctionem, quam ratio Regulæ, vel objecti motivi. At prima Dei Sanctitas ab actionibus Divinis indistincta est Regula Voluntatis Divinæ, ejusque operationum, quia non potest deficere à Regulâ primâ honestatis, imò suæ actiones sunt *formaliter* hæc ipsa Dei Sanctitas, quæ est earundem Regula. Similiter Dei Essentia Intellectionis Divinæ non tantum Essentialis, sed etiam Notionalis est *objectum Motivum*, ac *specificativum*; etsi ab illâ *formaliter realiter* sit indistincta. Atqui *objectum Motivum* se habet ad intellectionem per modum mensuræ illam mensurantis, ac specificantis, *ut cum Aristotele tradit S. Tho. 1. Metaph. lect. 11.* Ergo intelligibilis est mensura sine distinctione à re mensurata.

13. Confirmatur ista consequentia 1. à posteriori. Etenim duratio motus in primo mobili ita est mensura inferiorum, ut sit *formaliter intransitive* etiam sui ipsius mensura. Sic ævum supremi Angeli est sui, & aliorum extra se mensura.

14. 2. Ratione à priori. Nam mensura est, vi cujus cognoscitur rei quantitas saltem Virtualis ex *Aristot. 10. Metaph. c. 2.* Est autem permanentia in existendo quantitas Virtualis *essentialiter* imbibita in ratione durationis. Sicut ergo ratio Sanctitatis increatæ in Deo ita est regula exemplativâ, idealis, & efficiens rectitudinis in voluntate creatâ, ut tamen sit etiam Regula *intransitiva* voluntatis Increatæ, *formaliter* per summam identitatem reducendo actiones Dei liberas immanentes. Sic permanentia vitæ Divinæ vel

potest considerari *relative* ad tempus, & ævum, nec non res creatas existentes in tempore ac ævo, & ut sic habet rationem *Mensuræ* mensurantis omne tempus, & ævum; vel potest considerari *absolute*, quatenus est Nunc vitæ Divinæ stans in se ipso cum perfectâ Essendi Uniformitate. Sub priori ergo formalitate æternitas est *mensura respectiva, & transitiva* omnis rei à se distinctæ, quæ mensuratio secundum dies & annos à Sacris Litteris exposita advertente Alberto Magno *ut. memb. 1. §. ad id.* sit per Nunc æternitatis quæ protensum à præterito in præsens, & à præsentem in futurum, cujusmodi protensio non sit, nisi per animæ operationem seu relationem rationis. Attamen sub formalitate illa posteriori æternitas est *mensura absoluta & intransitiva* sui, & vitæ Divinæ, cujus per summam identitatem realem formalem est Nunc, seu permanentia indivisibilis stans in formâ omnimodæ immobilitatis.

#### Responsio ad Argumenta Adversariorum.

AD Scoti n. 3. oppositum Respondetur. 1. Rationem æternitatis aptius dici possessionem vitæ, quam existentiam duntaxat actualis. Nam advertente Alberto Magno *ut. q. 22. memb. 2. ad 1. n. 4.* inter Substantias, quæ mensurantur tempore ac æternitate datur medium, cujus substantia sit in momento æternitatis, & operatio in momento temporis. Unde ad perfectâ æternitatem requiritur non tantum immobilitas secundum Esse, sed etiam secundum virtutem, & operationem. Sic enim Angelus non mensuratur æternitate, sed æviterinitate: quod licet ejus Esse substantiale sit intransmutabile, sit tamen transmutabilis ejus virtus secundum operationes vitæ, ex S. Tho. *præ. q. 10. a. 6.* & Alberto Mag. *ubi sup.* Ergo ad differentiam æternitatis, ac æviterinitatis oportebat illam defini i non præcisè per possessionem existentiam actualis, sed vitæ.

Respondetur 2. In Deo à parte rei nullam dari negationem, utpote qui est una simplex actualis entitas. Ergo rationem independentiæ, ac interminabilitatis, seu negationem Successionis in æternitate *formaliter à parte rei* dicere formalitatem positivam permanentiæ, & uniformitatis actualissimæ in Essendo, & immanenter operando. Quæ formalitas permanentiæ licet per eminentialem omnis durationis creatæ possibilis continentiam importet aptitudinem coexistendi tempori infinito, per prius tamen esse intelligibilem æternitatem *secundum rationem absolutam*, quam *secundum relationem* etiam *fundamentalem, seu aptitudinalem* ad tempus & ævum. Ergo primam, ac essentialem æternitatis rationem consistere in Nunc vitæ stantis in se ipsâ per actualitatem omnimodæ immobilitatis, seu actualissimam essendi uniformitatem.

Ad oppositum n. 4. Respondetur. Falsum esse, quod omnis duratio importet Successionem, sed potius sacras litteras dicendo: *Deum vivere in æternum, permanere in æternum, annos ejus non deficere*; clare innuere æternitatem Dei esse durationem.

Ad oppositum n. 5. Respondetur. Rationem interminabilitatis in æternitate nostro quidem concipien-

15.

16.

17.

18.



conciendi modo importare negationem determinationis seu Mensurae quatenus initio, ac fine definitae, istam tamen negationem à *parte rei* esse formalitatem Dei positivam, nempe permanentiam vitae Divinae stantem sub forma omnimodae immobilitatis, seu purissimae actualitatis in Essendo.

19. Ad oppositum n. 6. Respondetur. Verum esse, quod Entitas aeternitatis sit ipsa unitas Esse Divini omnino immutabilis: hanc verò unitatem esse formaliter aeternitatem, quatenus per *realem formalem* identitatem est mensuratio intrinseca vitae Divinae. At istam vitam in Deo mensurationem formalem à Patre Stadelmayr loc. cit. optimè explicari per Nunc uniformiter stans. Ergo cum istud Nunc seu permanentia vitae formaliter sit à parte rei in Deo, aeternitatis rationem adaequatè consistere in formalitate reali Deo intrinseca. Quare Doctorem Angelicum hic a. 1. asserentem, quod aeternitas consistat in apprehensione uniformitatis, esse intelligendum de apprehensione objectivâ; id est de ipsâ reali Esse Divini Uniformitate, quatenus à parte rei habet rationem mensurae, velut in praesenti exponit Cajetanus.

## COROLLARIUM.

20. Infertur 1. Aeternitatem non tam differre à tempore ex negatione terminationis quoad inceptionem, ac delitionem, quàm ex successione exelutione seu Durationis Uniformitate & radicali interminabilitate. S. Thomas *praes. a. 4.* Ratio est. Etenim posito, motum caeli, atque adeò tempus fuisse ab aeterno, quod cum Capreolo, Ferrariensi, & alijs possibile asserit Nazarius 1. p. q. 46. a. 2. *cont. un. concl. 4.* tunc differentia temporis ab aeternitate non tam ponenda esset in terminatione inceptions, ac delitionis, quàm in negatione Successionis, ac terminabilitatis secundum potentiam. Nam ex eo, quod aeternitas sit vitae omnino permanentis immobilis tota simul perfecta possessio, sit, quod non tantum *actu*, sed etiam *potentiâ* interminabilis sit, cum econtra tempus formaliter importans successionem partium priorum, ac posteriorum, etiam si esset ab aeterno, atque adeò actu esset indeterminatum, non tamen excluderet ab intrinseco rationem determinabilitatis. Ergo aeternitas differt à tempore tum per rationem Uniformitatis perfectae in Essendo, ac Vivendo, tum per rationem interminabilitatis ab intrinseco, non secundum actum duntaxat, sed secundum potentiam.
21. Infertur 2. Differentia aeternitatis ab aeo. Nam aevum est medium inter aeternitatem, ac tempus, ita ut de utriusque ratione participet. Est autem aeternitas mensura Esse permanentis. Unde quatenus recedit aliquid à permanentiâ Essendi, eatenus recedit ab aeternitate. At id maximè omnium recedit à permanentiâ Essendi, cujus Esse est subjectum transmutationi, & corruptioni: nam quia operari sequitur ad Esse, necessum est, id cujus Esse est corruptibile, ejus operari tam quoad potentiam, quàm quoad actum esse transmutabile. Hoc igitur mensuratur tempore, non tantum quoad motus, seu operationes, sed quoad substantiam, cujusmodi sunt corpora substantialia corruptibilia. Verum aliqua sunt entia creata, quae hoc ipso, quod Essentia ipsorum distinguatur ab Esse, sunt re-
- 22.

ceptiva accidentium, suntque adeò transmutationi obnoxia quoad operationem, etsi quoad substantiam sint incorruptibilia: cujusmodi sunt Corpora caelestia, & substantiae spirituales. Haec igitur quoad substantiam, non tamen quoad vitam actualem seu operationem habent Essendi permanentiam, atque adeò mensurantur aeo, quod est mensura substantiae, cujus Esse Substantiale, utpote immobile est in momento aeternitatis participatae: Esse verò operationis, seu vitae actualis est in momento temporis. Sic proinde Angelus mensuratur aeo, quatenus est intransmutabilis non tantum quoad esse substantiae, sed etiam quoad operationes aliquas, intellectus nimirum, & amoris sui coevas, & connaturales. Imò Esse supremi Angeli, vel ejus prima coeva operatio est mensura, seu aevum respectu omnium inferiorum Intelligentiarum tam secundum Esse, quàm secundum operationes ipsis connaturales. Nihilominus, quia haec ipsa aevi ratio in Angelo tantum importat intransmutabilitatem substantiae, & coevae operationis, ut tamen involvat transmutabilitatem quoad operationes Voluntatis, Intellectus, Virtutis motivae variabiles secundum liberam electionem. Idcirco Intelligentia Angelica quoad istas actiones transmutabiles mensuratur tempore, juxta illud Augustini de Genes. ad litt. c. 20. asserentis: Quod Deus moveat creaturam spirituales per tempus. Hoc autem tempus, utpote à motu Caeli independens ex hoc differt à nostro, quod integretur ex operationibus Angeli maximè superioris habentibus successionem inter se, ac variationem. Quod tempus vocari solet Discretum, non quidem discretione quantitatis instar numeri, sed discretione operationum distinctarum absque ullâ inter se unionem constituentium moram, seu tempus aliquod. Constat igitur, aeternitatem in eo differre ab aeternitate, quod haec importet Nunc stans sub omnimodae immobilitatis uniformitate: illa verò dicat Nunc stans sub immobilitatis uniformitate secundum substantiam, non verò secundum omnimodam operationem, vel formae receptionem intrinsecam. ex Alberto Magno cit. q. 22. memb. 2. a. 1. S. Tho. *praes. q. 10. a. 52 & 5.*

## CONTROVERSIA II.

## Utrum Aeternitas creaturae alicui communicabilis sit?

Non est difficultas 1. de aeternitate simpliciter, nam ista dicit permanentiam secundum omnimodam Essendi Uniformitatem. At hoc ipso, quod solius Dei Essentia sit formaliter existentia, & subsistentia, ipsi, non autem creaturae potest convenire immutabilitas absoluta secundum Esse tam substantiale, quàm accidentale. Ergo aeternitas absolute secundum rationem perfectam non est communicabilis creaturae. Neque 2. Difficultas est de substantijs naturâ suâ corruptibilibus: Haec namque, licet existent ab aeterno, non mensurentur aeternitate, sed duratione temporali: eò quod secundum Esse substantiale & consequenter accidentale per principia sua intrinseca essent transmutabiles: sicut



sicut ignis quoque inferni propter interminabilitatem dicitur æternus, et in pænis damnatorum detur transmutatio, juxta illud Iob 24. *Ad minimum calorem transibunt in aquis nivium.* Unde in inferno non est vera & propriè dicta æternitas, sed magis tempus, secundum illud Psal. 10. *Erit tempus eorum in sacula.* ex D. Tho. præ. 4. 3. ad 2. Difficultas igitur præcipua de Visione beatificâ hic movetur, *An mensuretur æternitate participatâ?*

#### Referuntur Sententiæ Doctorum.

1. **S**corus in 4. dist. 49. q. 6. n. 16. tenet; actum Beatificum mensurari ævo, non autem æternitate. Probat. Æternum sicut est actu totum simul, ita caret potentiâ non Essendi. Ergo nullo creatum mensuratur æternitate. Ergo cuiuscumque creato, quod non est temporale, competit mensurari ævo.

4. **F**errariensis 3. cont. gent. c. 61. §. sed attendendum Bannes præ. 4. 5. dub. 4. & alij ex Thomistis asserunt; Visionem Beatificam mensurari ipsâ æternitate, quæ est mensura Divini Esse. Ratio est. Propria mensura Visionis Beatificæ est æternitas. S. Tho. in 4. dist. 49. q. 1. 4. 2. quæstionibus 3. ad ult. At idem S. Doctor durationem adæquatè dividere solet in æternitatem, ævum, & tempus. Si verò daretur æternitas participatâ, quæ esset mensura superior ævo, sed inferior æternitate Dei, non esset adæquata illa divisio. Oportet igitur, Visionem Beatificam mensurari ipsâ æternitate Dei, ita tamen, ut hæc *Primariò*, ac *Essentialiter* sit mensura Divini Esse: Visionis autem Beatificæ sit tantum *secundariò* secundum participationem.

5. **C**ajetanus præ. 4. 5. §. ad evidentiam. Nazarius ibi. cont. 3. concl. 1. Petrus à S. Ioseph. disp. 3. de Attrib. Dei. dub. 9. Ioannes à S. Tho. disp. 10. a. 1. affirmant: Visionem beatificam mensurari creatâ æternitatis participatæ mensurâ distinctâ ab ævo.

#### CONCLUSIO

**I**ntrinfeca, & formalis mensura, seu duratio visionis Beatificæ est creatâ ab ævo distinctâ, quæ proprio nomine dicitur æternitas participatâ.

6. **P**robat. Duratio tanquam intrinfeca mensura rei existentis consequitur ad Esse. Sed alia Essendi ratio est in substantijs spiritualibus, quarum Esse, licet sit naturaliter incorruptibile, est tamen ordinis naturalis, estque variabile secundum accidentia & operationes. Alia verò Essendi ratio est Visionis beatificæ, quæ est ordinis Divini supernaturalis, estque per principia intrinfeca in se omnino immutabilis, ac invariabilis. Ergo altiori durationis Mensurâ, quam substantia Angelica mensuratur. Hæc autem superior ævo duratio est inferior æternitate essentiali.

7. **P**robat. istud assumptum: Nam juxta diversitatem immobilitatis, & uniformitatis variatur ratio mensuræ, ac durationis. At licet Visio Beatificæ secundum exigentiam suam cognatam sit intransmutabilis, potest tamen variari, ac definere per potentiam Dei extraordinariam, veluti factum est in Apostolo Paulo, &

Sanctissimo Benedicto, qui in statu viæ aliquo brevi tempore viderunt Deum per essentiam. Ergo ratio mensuræ in Visione Beatificâ est in infinitum inferior æternitate Dei Essentiali. Ergo Visio Beata non mensuratur æternitate Dei Essentiali, D. Thomâ 3. cont. gentes. c. 61. asserente: *Divinam Substantiam esse in æternitate, vel magis esse ipsam æternitatem; Visionem autem Beatam esse in participatione æternitatis.* At sicuti entitas creata ex hoc ipso, quod sit participatio Entitatis Divinæ, ab istâ distinguitur. Sic ergo participatio æternitatis, quâ mensuratur Visio Beata, est utpote creata distincta ab æternitate Dei.

**D**ices: Visio Beata eo modo est in participatione æternitatis, quo modo Humanitas Christi est in participatione Existentiæ Verbi. Hæc autem Verbi Existentiâ per Unionem Hypostaticam ita communicatur Humanitati, ut *formaliter* sit existens per illam absque ullâ propriâ creatâ existentiâ. Pari ergo ratione Visio Beata, quatenus est in participatione æternitatis, ut sic mensuratur formaliter per æternitatem Dei absque ullâ creatâ durationis mensurâ. Minor est certa secundum Scholam D. Thomæ: Major autem probatur. Per visionem Beatam fit unio in Esse intelligibili inter intellectum, & Essentiam Divinam, cujus est in illâ visione habere vices speciei tam Impressæ, quam Expressæ. Ergo sicut vi unionis cum Hypostasi Verbi constituitur Humanitas Christi *formaliter* existens per existentiam increatam ab Hypostasi Verbi indistinctam: Sic vi unionis intentionalis Essentiæ Divinæ cum intellectu Beati constituitur Visio Beata *formaliter* æterna per æternitatem indistinctam à Dei Essentiâ.

**C**ontra. Licet Essentia Divina in ratione speciei sive Impressæ sive Expressæ concurrente ad visionem Beatam, *formaliter realiter* sit sua æternitas; concursus tamen Essentiæ hujus Divinæ importat actionem creatam. Ergo ille concursus non est immutabilis per Essentiam, Ergo ut sic mensuratur per durationem inferiorem æternitate Dei Essentiali: sicuti Unio quoque Hypostatica quatenus dicit actionem creatam unitivam Verbi cum Humanitate non mensuratur *formaliter* per æternitatem Verbi Essentialem, sed per creatam æternitatis participationem. Unde licet Formalis existendi effectus in Christi humanitate non includat aliam, quam Personæ Divinæ Verbi increatam existentiam, quia tamen hic ipse Formalis effectus importat humanam quoque naturam tanquam Materiale; insuper connotet actionem Unitivam tanquam Causalitatem illius Formalis effectus, seu Compositi ex Subsistentia ac existentia Verbi, nec non humanitate resultantis effectricem; idcirco effectus ille Formalis sive Christus quâ Compositum ex Subsistentia Verbi & humanitate resultans non mensuratur æternitate saltem Essentiali.

**R**eplicabis: Ex hoc ipso responso sequi, quod Visio Beata, sicut unio etiam Hypostatica Verbi mensurentur ævo, non æternitate. Probat. sequela. Nam ævum distinguitur ab æternitate, quod ista sit mensura rei omnino immutabilis: illa verò sit duratio rei immutabilis secundum substantiam, sed variabilis secundum accidentia. At non minus Visio Beata, quam Unio Hypostatica est immersa alicui mutabilitati



tabilitati ex suspensione v. g. concursus Divini eas conservantis, vel ex annihilatione subjecti. Imò Visio in Beatis est variabilis secundum novas revelationes extra Verbum. Sicut ergò Charitas, cæterique habitus infusi in viâ mensurantur tempore, quia sunt mutationi, & variationi subjecti tam secundum substantiam, quam secundum operationes, in Patriâ autem mensurantur ævo, quod licet secundum substantiam sint immutabiles, sint tamen variabiles secundum operationes: ita Visio Beata non mensuratur duratione æternitatis, sed duntaxat æviternitatis.

II. Contra: Illud, quod ex principiis intrinsecis est immutabile secundum substantiam, & operationem, non mensuratur solâ æviternitate, sed æternitate. At Visio Beatifica ex intrinsecâ suâ ratione est inamissibilis, veluti probat S. Thomas 1. 2. q. 5. a. 4. nec nisi per accidens secundum revelationes extra Verbum se habentes ad illam solùm extrinsecâ variabilis est. Hæc autem variatio solùm extrinsecâ, & concomitans non magis obest æternitati, quam tempus, teste D. Thoma opus. 36. c. 6. concomitanter mensurans durationem Angeli tollat hujus æviternitatem. Ergò quatenus Visio Beata ex principiis intrinsecis nec in ratione Essendi, nec in ratione operandi mutabilis est, ut sic mensuratur æternitate, quæ tamen utpote participata inferior est æternitate per Essentiam, quod hæc excludat omnimodam non Essendi potentiam tam Logicam, quam Naturalem: illa verò excludat potentiam non Essendi Naturalem tantum ortam ex intrinsecâ Essentiæ existentia, dependentem tamen à Primâ causâ, uti rectè advertit Ferrariensis cit. c. 16. ad 2.

#### Responsio ad fundamenta contraria.

13. AD Scoti n. 3. oppositum Respondetur: Verum esse, quod æternum careat potentia non Essendi, ita tamen, ut æternitas per Essentiam sit Entis excludentis omnimodam etiam Metaphysicam non Essendi potentialitatem: æternitas autem per participationem sit Entis Essentialiter dependentis, atque aded secundum potentiam Dei absolutam mutabilis, licet immobilis secundum intrinsecam naturæ suæ existentiam.

Ad oppositum n. 4. Respondetur. Divisionem durationis in æternitatem, ævum, ac tempus eatenus esse adæquatam, quatenus æternitas secundum unitatem analogicam complectitur tam absolutam Dei æternitatem; quam participatam in ratione entitatis, ac durationis ab intrinsecâ immutabilem, attamen creatam mensuram Visionis Beatificæ, ac luminis gloriæ.

#### CONTROVERSIA III.

An, & quomodo Aeternitas Dei sit mensura rerum existentium in Tempore?

I. D. Thomas 1. p. q. 14. a. 3. docet: Omnia, quæ sunt in tempore, esse Deo ab æterno præsentia. De cuius propositionis intellectu certatur inter Theologos, An vera sit de præsentia

duntaxat objectiva, & intentionali, vel reali ac Physica?

#### Referuntur Sententiæ Doctorum.

Schola Scotistica cum suo subtili Doctore in 1. dist. 39. q. un. n. 9. negat, res creatas, antequam existant in tempore, realiter esse præsentibus æternitati. Huic sententiæ accedunt plerique Societatis Iesu Theologi, nominatim Suarez in opus. de Scient. Dei lib. 1. c. 7. Valquez, disp. 64. c. 2. & 3. Franciscus de Lugo. 1. p. disp. 3. c. 2. Amicus, disp. 12. sect. 4. In istam partem trahitur D. Bonaventura in 1. dist. 3. q. 4. 2. q. 3. quem tamen ex opposito stare, legenti facile constabit. Fundamentum præcipuum est. Implicat enim, creaturam actu coexistere Deo realiter in æternitate absque reali existentia. At de fide est, creaturas non existisse realiter ab æterno, seu in æternitate, sed incepisse in tempore. Gen. 1.

Oppositum cum Doctore suo Angelico supra citato tenet universa Schola Thomistarum, nominatim Cajetanus cit. q. 14. a. 13. Bannes ibid. Ferrar. 1. cont. gent. c. 64. & 67. Nazarius cit. a. 13. cont. 3. Ioannes à S. Thomâ præf. q. 10. disp. 9. a. 3. Quibus accedunt Pater Magnus Alphonsus Stadelmayr cit. disp. de Attribut. Dei. c. 6. §. 2. Granad. de scientia Dei. disp. 3. & 4. Bernardus de Quiros. 1. p. q. 10. disp. 48. Derkennes, disp. 8. de Deo n. 46. Fonseca 10. 3. Metaph. l. 6. c. 2. q. 4. sect. 4.

#### CONCLUSIO.

PRæterita, præsentia, & futura sunt Deo præsentia in æternitate non secundum Esse Objectivum, seu cognitum duntaxat, sed secundum realem coexistentiam.

Probatur ex illo Isaia 45. Fecit ventura. Ex hoc enim evincitur, futura respectu Dei esse in facto. At cuius Esse est in facto, est præsens. Ergò futura respectu Dei sunt præsentia, adeoque existunt in mensurâ Dei, seu in æternitate. Quo sensu procedit illud ad Hebr. 1. Per quem fecit & sæcula. Nam in sæculis sunt quædam præterita & quædam futura, hæc omnia dicuntur jam facta per Verbum Dei, adeoque præsentia secundum mensuram Verbi Divini. Ergò omnia sunt Deo præsentia secundum mensuram Verbi, quæ est æternitas, veluti clarè attestatur S. Augustinus 4. de Trinit. c. 17. inquiens, Apud Deum præterita, & futura sunt. Et lib. 3. c. 16. Apud Deum nec præterita transferunt, & futura jam facta sunt. Similia habent Gregorius lib. 2. Mor. c. 14. Ambrosius lib. 8. de fide ad Gratianum c. 7. Hieronymus ad Ephes. 1. Anselmus lib. de casu diaboli. c. 18. & 20. & in Monol. c. 22. & alibi Ilidorus lib. 2. de sum. Bono c. 6. Prosper. lib. de Vocat. Gentium. c. 24. Fulgentius lib. 1. de Verit. Prædestin. & Gratia.

Respondent Adversarij: Istas Patrum, & Særæ Scripturæ Locutiones non tam esse accipiendas secundum realem futurorum, ac præteritorum in æternitate præsentialem, quam de præsentia intentionali, & objectivâ. Probatur. Nam ex eo, quod æternitatis instans formulæ, ac entitativè indivisibile ratione suæ infinitatis admittat virtutalem Successionem, consequitur, omnia, dum existunt, toti, non tamen to-



men *totaliter*, nec aded semper coexistere æternitati. At illud, quod simpliciter sine addito restringente ad durationem temporalis præsentia dicitur Deo in æternitate coexistens, oportet infinite æternitatis durationi quâ virtualiter divisibili *totaliter*, adeoque semper coexistere. Hoc autem non verificatur de rebus creatis, nisi secundum præsentiam intentionalem, & objectivam: ex eo enim, quod Scientia creaturarum in Deo mensuretur æternitate *formaliter* in ratione durationis infinitâ, sequitur, quod omnia tempora sine ullâ secundum rationes præteriti, præsentis, ac futuri variatione *virtualiter* in se complectatur, ita ut in ipsâ, & ejus Duratione sive Nunc æternitatis omnia præterita, præsentia & futura stent non *realiter*, ac *existentialiter*, sed *objectivè*, & *representativè*.

7. Firmatur hæc responsio autoritate Sancti Augustini lib. 1. de Gen. ad Lit. c. 18. ita differentis. *Res, antequam fierent, erant, & non erant. Erant in Dei Scientiâ, non erant in suâ Naturâ.* Iuxta hanc igitur præsentiam rerum in Scientia Dei, quæ à parte rei est ipsâ æternitas, nihil est futurum, attestante D. Gregorio, cit. c. 14. quod Deo futurum nihil sit, ante cujus conspectum non transeunt futura, nec veniunt. Consequens igitur est, præsentiam futurorum, ac præteritorum in æternitate non esse secundum realem existentiam, sed secundum præsentialitatem intuitionis æternitate mensurata. S. Scripturâ Eccles. 39. clarè insinuat: *Opera omnis carnis esse coram Deo*: ex eo nimirum, quia à seculo usque ad seculum respicit, & nihil est novum in oculis ejus. Quare S. Thomas cit. q. 14. a. 9. concludit: *Cum intelligere Dei, quod est ejus Esse, æternitate mensuretur, quæ sine successione existens totum tempus comprehendit, præsens intuitus Dei fertur in totum tempus, ut in omnia, quæ sunt in quocunque tempore, sicut in subjecta sibi præsentialiter.* Quocirca futura, & præterita Scientiæ Dei præsentialiter subjecta, seu objecta sunt, non autem realiter coexistentia, eodem Angelico Doctore q. 12. de Verit. a. 3. expressis verbis asserente: *Quod ea, quæ in se ipsis non sunt, apud Deum existant, in quantum sunt ab ipso cognita, & præordinata.* Ergo non *realiter* existunt in æternitate, sed *objectivè* duntaxat, ac *intentionaliter*.

8. Contra: Nam Patres, & Scriptura Divina, tametsi asserant præterita, & futura esse Deo præsentia secundum præsentialitatem cognitionis, ex hoc minimè negant, eorundem in æternitate præsentiam secundum realem durationem. Imò hanc asstruunt tanquam fundamentum præsentia obiectivæ in Dei intuitu, Divo Thoma 3. cont. gentes. c. 154. asserente; *Quod futura contingentia soli Divina cognitioni subsunt, quia ea in se ipsis vident, cum sint ei præsentia ratione suæ æternitatis.* Quo sensu S. Augustinus in soliloq. c. 12. elatus est: *Quæ, & qualia sunt in libro suo scripta, de me ego quidem ignoro, unde & valde timeo. Tu vero nosti, quoniam quod ego per successus dierum & temporum hinc ad mille annos huius temporalitatis expecto, in conspectu æternitatis tuæ jam factum est, & quod futurum est, jam factum est.* Quibus verbis futurorum in Divina visione præsentia ratio adstruitur ex eorundem præsentia in æternitate. At si hæc præsentia non esset, nisi obiectiva, sensus redderetur: *Tu nosti futura, quoniam sunt à te cognita tanquam facta.* Hæc verò argumentatio, quàm foret inepta, facile constat. Ergo non obiectiva duntaxat, sed *realis* præsentia rerum temporali-

um in æternitate adstruitur à Patribus, velut elo-ganter expressit Petrus Damianus Epist. 4. de Omnipotentia c. 8. sequentibus verbis: *illud hodie æternitas est incommutabilis, indefectiva, inaccessibilis, cui videlicet nihil addi, nihil valet immi & omnia, quæ apud nos elabendo discurrunt, & per temporum vicissitudines se variant, apud illud hodie stant, & immobiliter perseverant. In illo hodie dies ille adhuc immobilis est, in quo mundus sumpsi Originem: in illo jam & nihilominus est, in quo iudicandus est per æterni iudicis æqualem.*

Sed ecce hujus Veritatis ex Fide demonstrativam probationem. Fide Divinâ credimus Deum factorem Cæli, & terræ, visibilium omnium & invisibilium. Hic autem fidei Articulus affirmat de præsentia de rebus creatis tanquam jam factis conformiter hujus propositioni *Omnia quæ per ipsum facta sunt. Jam.* Hæc autem veritas stabit in æternum, complectendo ea, quæ nondum facta sunt, sed sicut per sæcula successiva, imò per totam æternitatem. Ergo de futuris per fidem verè affirmo *Facta sunt.* At *esse factum* dicit præsentiam realem, non autem intentionalem duntaxat. Ergo secundum fidem Divinâ demonstrativè evincitur futurorum realis præsentia. At non in suâ propriæ durationis mensurâ. Ergo in æternitate, seu mensurâ Dei, qui Verbum illud protulit, *Omnia per ipsum facta sunt.*

Dices: Implicat creaturam concipi realiter præsentem, dum non existit. At non est creatura existens, nisi supponatur posita extra suam causam. Nequè verò potest creatura esse posita extra causam, nisi in propria existentia suæ mensurâ. Ergo repugnat creaturam realiter esse præsentem in æternitate, nisi dum est præsens in propria durationis mensurâ: imò intelligibile est, esse aliquid præsens, nisi secundum præsentialitatem suam intrinsecam, tanquam propriam mensuram.

Contra: Nam substantia Angeli, & Primi mobilis *prioritate nature* prius mensuratur æternitate, quàm ævo, & cæli motus ævo, quàm duratione temporali. Ergo est aliquid intelligibile, quâ per prius mensuratum alienâ, quàm propriâ durationis mensurâ. Antecedens probatur. Duratio intrinseca est consequens rei creatæ existentiam. Hæc autem est dependens à causâ per actionem. Vi autem actionis ponitur res extra causam. Est autem actio secundum *prioritatem nature & causalitatis* antecedens effectûs, seu termini sui existentiam. At in hoc *priori nature* ipsa mensura Causæ extrinsecus mensurat existentiam effectûs extra se positi. Cum igitur substantia Angeli, ac primi mobilis sit à Causâ, quæ mensuratur æternitate: Motus autem cæli sit ex causalitate Angeli, & formæ cæli, qui mensurantur ævo, consequenter motus, in quo consistit tempus, per prius mensuratur ævo, hoc verò æternitate. Imò ista totius temporis, ac ævi, omnisque creaturæ mensura est, non aliâ ratione, nisi causando, uti subtiliter advertit Albertus Magnus cit. q. 23. memb. 4. a. 1. & 2. Atqui actio Dei productiva creaturarum est intrinseca Divinæ substantiæ, estque aded in se æterna D. Thomâ q. de potent. a. 1. ad 8. asserente: *Potentiam Dei semper esse conjunctam operationi, sed effectum sequi secundum imperium voluntatis.* Ergo omnis creaturæ est mensura aliqua, quæ in se est æterna, imò *formaliter* ipsâ æternitas. Atqui hæc ratio mensuræ per Causalitatem, & actionem effectui-

9.

10.

11.

12.



effectricem respicit creaturarum Esse non tantum objectivum, sed reale, & physicum. Ergo creaturae secundum Esse reale mensurantur aeternitate. Haec autem utpote immobilis, & indivisibilis non potest cujusque rei mensura esse, nisi secundum se totam, imò *totaliter, & adequatè*, per modum simplicissimi Nunc stantis in se absque ullà successione indivisibiliter, ac insufficienter. Unde in eo, quod aeternitate mensuratur, nec est praeteritum, nec futurum, sed praesens duntaxat. Ergo verum est, tempora, & creaturas huic subjectas secundum Esse reale ita mensurari aeternitate, ut secundum hanc mensuram aeternitatis immobiliter perseverent, ac stent semper praesentialiter. *ut supra ex Petro Damiano dictum est.*

13. Instabis: Actio Dei aeterna non efficit, quod suus effectus sit physicè realiter existens, nisi quando conjuncta est effectui. Haec autem non semper conjuncta est effectui. ex S. Thomà *cit. 2. 1. de potent.* Unde ex actione Dei aeterna non sequitur effectus aeternus, sed qualem Deus voluit. S. Doctor *1. p. q. 46. a. 1. a. 10.* Hujus autem non est alia ratio, nisi quod conjunctio effectus cum actione Dei fiat per passivam effectus immutationem, quae tempore mensuratur. Atqui effectus non potest actu denominari realiter existens in aeternitate tanquam mensuram actionis nisi cum hæc sit realiter conjunctus. Cum igitur ista conjunctio non fiat, nisi in tempore per passivam effectus immutationem, & positionem sui extra causam, ac realem actualem existentiam: consequenter nullus effectus potest dici existens in aeternitate, nisi pro instanti, ac tempore, in quo est physicè productus, seu passivè immutatus de non Esse ad Esse.

14. Contra. Nam alia Durationis mensura est intrinseca, alia verò extrinseca advertente Alberto Magno *cit. memb. 4. a. 1.* Inter has autem ea differentia est, quod mensura durationis intrinseca consequatur rei creatae immutationem passivam de non esse ad Esse: cum e contra aeternitas per actionem sibi realiter identificatam *extrinsecè* respiciat, ac mensuret res creatas antecedenter ad earum de non Esse immutationem passivam. Probatum istud assumptum. Nam actio essentialiter est emanatio effectus ab agente. ex S. Tho. *opuscul. 1. 1. de actione.* Haec autem emanatio est secundum Esse physicum ac reale, vi cujus emanationis effectus denominatur *extrinsecè* positi extra causam. Atqui actio Dei est aeterna. Unde non intelligitur prior immutatione passivà creaturarum, nisi secundum instans aeternitatis. Ergo per actionem Deo intrinsecam omnes effectus in tempore producendi secundum Esse reale, & physicum *extrinsecè* denominantur positi in aeternitate extra causam. At quatenus aliquid est in aeternitate, eatenus est immutabiliter, ac indivisibiliter. *Est enim aeternitas ipsa Dei substantia, quae nihil habet mutabile, nihil ibi est praeteritum quasi non sit, nihil futurum, quasi nondum sit, sed quidquid ibi est, non nisi est, uti tradit S. Augustinus in Psalm. 101.* Et si proinde creaturae secundum propriam durationis mensuram supponant sui de non esse ad Esse immutationem passivam, imò ex hac ipsa mutabilitatis ratione creaturarum propria, & intrinseca mensura distinguatur ab aeternitate: attamen anteceden-

ter ad istam immutationem passivam est denominabilis creatura per actionem Dei increatam omnino immutabilem. Haec autem prioritas antecedens creaturae mutationem intrinsecam, & passivam est *formaliter* secundum instans aeternitatis. Ergo in instanti aeternitatis antecedenter ad omne tempus verificatur, creaturas esse in actu secundo, esseque adeo positas extra causam, non quidem *intrinsecè*, sed *secundum denominationem extrinsecam* derivatam ex actione Dei, quae non supponit, sed causat existentiam intrinsecam, seu immutationem passivam creaturae.

### Responsio ad Argumenta Adversariorum.

AD 2. oppositum Responderetur: Creaturae ita incepisse in tempore secundum immutationem passivam de non Esse ad Esse, ut hæc ipsa tamen immutatio consistens in participatione existentiae à creaturarum Essentijs distinctae sit derivata ab actione Dei aeterna. Ergo hanc actionem Dei aeternam intelligi in ratione causalitatis priorem existentia creaturarum participatam. At quia actio essentialiter respiciat effectum, seu terminum, eo ipso esse consequens, quod pro illo signo, in quo actio Dei intrinseca intelligitur in ratione causalitatis, sit Extrinsecè denominans effectum quae productum seu factum. Hoc autem Causalitatis Deo intrinsecè signum non esse, nisi secundum instans aeternitatis. Ergo in hoc aeternitatis instanti esse denominabiles Dei effectus secundum Esse suum reale derivatum ex actione aeterna. Et si proinde effectus Dei secundum propriam intrinsecam Durationis mensuram Deo non coexistent in aeternitate, attamen quia secundum Esse Physicum & reale *extrinsecè* denominabiles sunt per Dei actionem aeternam, ut sic intelligi coexistere Deo in aeternitate tanquam extrinsecam mensuram.

Instabis. Hujus Propositionis: *Creatura est realiter existens in aeternitate*, praedicatum formaliter importat existentiam creaturae quoad esse reale physicum. At Esse reale physicum Essentiae creatae non potest esse in aeternitate, nisi *Physicè realiter* sit. Existentia autem rei creatae non est *Physicè realiter*, nisi quia posita extra causas. Ut sic autem est in intrinsecam suae creatae Durationis mensuram. Ergo nequit creatura denominari *realiter* existens in aeternitate, nisi pro instanti suae creatae intrinsecam Durationis.

Responderetur negando majorem. Nam in illà propositione, per quam creatura denominatur *realiter* existens in aeternitate, forma denominans, seu *praedicatum formale* est actio Dei aeterna; Existentia verò creaturae est denominatum seu *significatum materiale*. Et si verò istius creatae Existentiae Esse reale physicum non possit in ratione termini *Physicè immutati* seu de non esse *Physicè producti* denominari existens in aeternitate, nisi realiter sit in se, seu propriae durationis mensuram: attamen in Esse Facti seu *Efficienter causati* denominari potest existens in aeternitate, antequam sit in propria Durationis mensuram intrinsecam. Ratio hujus responsionis est. Has enim in Esse Facti seu *Efficienter Causati*, & in Esse *immutati* seu *passivè producti* denominationes eatenus oportet discriminare, quod per priorē res secundum



dum esse realis existentiae extracta à Causæ actu duntaxat primo, seu hujus virtute & potentiâ adhuc contineatur intra Causæ ejusdem causalitatem immanentem seu productionem activam: cum econtra per denominationem posteriorem intelligatur res posita extra Causæ non Primum duntaxat actum, sed actualem ipsius causalitatem. Quamvis proinde creaturæ antecederet ad intrinsecam sui de non Esse ad Esse temporali duratione mensuratam immutationem passivam non sint in æternitate simpliciter extra Deum posita, ipsarum tamen Esse in ratione termini realis est in æternitate extractum ex Virtute seu actu primo Divinæ Potentiæ. Cum igitur istud ex Divinæ virtutis potentiâ per causalitatem physicam extractum Esse reale antecederet ad sui tempore mensuratam immutationem passivam sit in Dei æternâ actione non *intentionali* duntaxat, sed *physicè* effectrice, sequitur, quod per hujus æternitate mensuratæ actionis mensuram sint in *ratione facti* denominabiles creaturæ quoad Esse non tantum Intentionale ac objectivum, sed physicum ac reale.

18. Urgebis. Denominationem physicam supponere rei denominatæ Esse reale. Atqui ipsam actualem creaturarum existentiam intrinsecam & propriam *secundum nos* denominari præsentem æternitati. Hanc igitur denominationem non stare nisi pro instanti, in quo habeat suam intrinsecam & propriam Existentiam.

Respondetur per *distinctionem*. Nam alia est Denominatio *Formalis intrinseca*, ad quam omnino supponitur rei Denominatæ Esse reale, alia verò Denominatio est *Causalis* ex parte Prædicari importans ipsius rei denominatæ effectricem causalitatem, ad quam per se notum est, non tam supponi, quam Ordine Causalitatis consequi rei Denominatæ Esse reale. At verò ejusmodi Denominationem *Causalem* esse, per quam vi æternæ Deo *formaliter* immanentis actionis creaturarum intrinseca & propria existentia denominatur præsens æternitati. Quam proinde denominationem verificari pro instanti, quod Ordine Causalitatis Deo intrinsecæ secundum æternitatis mensuram antecedit temporis instans, in quo recipiunt creaturæ suam intrinsecam & propriam Existentiam.

## COROLLARIUM.

19. Infertur 1. Verificari de rebus creatis, quod sint in æternitate non immediate, sed mediante denominatione extrinsecâ derivatâ in illas ex actione Dei intrinsecâ, quæ formaliter à parte rei est æternitas. Neque verò ad hanc denominationem requiri effectus secundum intrinsecam suæ durationis mensuram esse conjunctos actioni Dei. Hæc namque conjunctio fit secundum immutationem passivam effectuum in tempore, illa verò denominatio est *formaliter* per rationem causalitatis, quæ intelligitur prior immutatione passivâ effectûs. Unde S. Thomas. *cit. a. 1. de potent.* rectè concludit, actionem Dei æternam non esse conjunctam semper effectui, nec aded ex actione Dei æternâ consequi effectum in propria *(scilicet durationis mensurâ)* æternum.

20. Infertur 2. Propositionem, vi cujus secundum fidem dicuntur omnia à Deo facta, esse æternæ veritatis. Ratio hujus petitur ex S. Thomâ de Verit. q. 1. a. 5. Nam alia veritas est intrinseca rei, alia est extrinseca. Hæc autem respectu omnis veri creati est prima Veritas se habens instar mensuræ extrinsecæ ad omnem Veritatem, non nisi ex Deo derivabilem. At licet propositio per quam præsentia dicuntur esse secundum veritatem objectis intrinsecam, non sit vera nisi veritate contingente, ac temporali: secundum quam Futuri de non esse ad Esse est facta transmutatio passiva. Nihilominus hæc ipsa veritas contingens derivatur *efficienter* ex intellectu Divino. Hujus autem Veritas mensuratur æternitate, estque aded immutabilis. Sicut ergo omnia sunt in æternitate immobiliter jam facta à Deo non secundum intrinsecam suæ durationis mensuram ex temporali passivâ creaturæ immutatione resultantem, sed secundum æternitatis mensuram mediante actione Dei æternâ, extrinsecus mensurantem res in tempore producendas: Sic omne creatum existens est verum æternum & infallibile, non quidem veritate intrinsecâ, utpote contingente, sed per denominationem primæ Veritatis tanquam mensuræ extrinsecus mensurantis, & causantis

omnem veritatem creatam.








# QVAESTIO QUARTA

## DE

# COGNOSCIBILITATE DEI.



Hactenus egimus de Attributis Divinis, quasi entitativis non pertinentibus ad operationem, deinceps differemus de perfectionibus Dei sub formalitate, vel respectu operationis tum ad intra, tum ad extra: inter quas primo occurrit Divinae Essentiae respectu intellectus creati cognoscibilitas. De qua innotet 1. difficultas. *Qua, & cuius substantia potentia sit producibilis Essentia Divina intuitiva visio?* 2. *An mediante aliqua similitudine, seu specie tum impressa, tum expressa Deus visibilis sit.* 3. *Qualiter ad videndam Dei Essentiam intellectui creato necessaria sit Luminis gloria elevatio?* 4. *Qualiter ab ista visione attributa Dei, & Decreta libera sint attingibilia?* 5. *Quomodo creatura vi huius visionis videatur in Verbo.* 6. *denique. Qualis possit esse inaequalitas ac differentia visionum Divinae Essentiae.*



### ARTICULUS I.

*Qua, & cuius substantia potentia producibilis sit Essentia Divina Visio intuitiva.*

**O**Mnis potentia Cognoscitiva, si Intellectiva sit, intra objecti sui latitudinem complectitur Deum, si vero sit sensitiva in animae Intellectualis fundo radicata, per luminis Intelligibilis ex sensibilibus abstractionem reducitur in portionis intellectus ad Deitatis usque notitiam ascendentis operationem. Unde quia Intellectivae potentiae proprium est, per suam Universalem cum universa Essendi Formalitate commensurationem in sola Divinitatis omnimodam Essendi perfectionem supereminenter continentis notitia quiescere. Idcirco Intellectivae substantiae videtur innatus appetitus ad Divinitatis notitiam. Hinc nascitur difficultas. *An ista Divinitatis notitia etiam intuitiva possit esse connaturalis intelligentiae creatae saltem passibili secundum portionem tum intellectus tum sensus speciatim?* Cuiusmodi pro-

inde difficultatem, juxta ea, quae Sanctus Thomas *prae. q. 12. a. 1. 3. 4. 11. 12. & 13.* exposuit, praesenti articulo complectemur.



### CONTROVERSIA I.

*An Deus videri possit Oculis Corporeis?*

**V**idetur S. Augustinus 22. *de Civit. Dei c. 26.* 1. ejus fuisse opinionis, quasi Beatorum oculi essent elevandi ad visionem incorporealium. Ex quo facilis traheretur consequentia ad probandum, posse sensum corporealem a Divina potentia extra sensibilia & corporalia extrahi, atque adeo ad ipsum Deum videndum elevari. Verum ex eod. S. Doct. *cit. lib. 22. c. 29.* evidenter patet, oculos Beatorum videndo novos caelos & terram novam, ita duntaxat visuros Deum, sicut nos videndo operationes sensibiles vitales videmus vitam. At Vita substantialis non *per se*, ac *in se* videtur oculo corporeo, sed visionis sensibilibus vitae operationum juncta est cognitio intellectualis ex illa progenita, ratione cuius, adeoque *per accidens* dicitur Vita videri. Quemadmodum igitur Propheta visione imaginaria *Isaia 6.* vidit Dominum sedentem super solium, in quantum sensui obijciebatur figura sensibilibus repraesentativa *D* in qua proinde imagine Propheta per intellectum cognoscebat Deum praesentem. Sic Beati oculis suis corporeis Deum in mundo innovato videbunt non *per se* virtute potentiae sensitivae, sed *per accidens* ratione intellectualis notitiae junctae sensuali cognitioni, ex eaque resultantis ad repraesentandum Deum ubique praesentem, & universa gubernantem. ex S. Thomae *prae. 4. 3. ad 2. & 3.*

Est igitur certae, & indubitatae veritatis, 2. Deum non posse oculis corporeis videri, sacra scriptura ad *Hebr. 11. Coloss. 1. & 1. Timoth. 6.* asserente Deum *invisibilem*. Quem sacrum textum de sensu saltem corporeo accipiendum esse, constat ex Patribus Origine, Athanasio, Nazianzeno, Epiphanio, Ambrosio, & Hieronymo a Valentia *hic disp. 1. q. 12. punct. 8. relatis*. Quibus concordant Augustinus *Epist. 6. 102. 111. & 112.* Chrysostomus *super c. 6. Isaia & hom. 14. in Ioan.* Irenaeus *lib. 4. cont. Haereses. c. 37.* Evaristus Papa *N. 2* *Epist.*



*Epist. 1. Cyrillus Cæbech. 9. Damascenus lib. 1. de Fide. c. 4. & alij.*

Unde cum Suarezio *lib. 2. de Attributis Dei. c. 6. n. 4.* Francisco de Lugo. *disp. 1. de Deo uno. c. 1. n. 6.* concludimus, esse de Fide, Deum secundum legem saltem ordinariam esse invisibilem oculis corporalibus. An verò id procedat de potentia Dei absolutâ? restat hic examinandum.

#### Referuntur Sententiæ Doctorum.

3. **G**regorius de Valentia *to. 1. disp. 1. q. 12. punct. 3. in fine.* Arriaga *præf. disp. 6. sect. 1. Salas 1. 2. tract. 2. disp. 5. n. 5.* dubium, ac difficultatem movent. 1. Quia nulla apparet implicatio in eo, quòd Deus crearet potentiam sensitivam, quæ aut per vim suam naturalem intrinsecam, aut per donum aliquod gratuitum tenderet in objectum spirituale. At dato isto sensu non repugnaret, posse elevari ad videndum. Deum 2. Non repugnat oculum corporeum lumine gloriæ elevatum secundum Potentiam obedientialem activam concurrere ad eliciendam spiritualem Dei Visionem: aut hanc in se recipere secundum potentiam obedientialem passivam, atque aded per ejusmodi visionis formam sibi unitam constitui videntem Deum.
4. Ex opposito sentiunt D. Thomas *cit. 4. 3.* Cajetanus, Bannes, Nazarius *ibi.* Gonet *disp. 1. de possibilitate Visionis Dei. c. 2. §. 3.* Suarez *cit. c. 6. n. 5.* Franciscus de Lugo *cit. c. 1. n. 6. cum Patribus à se relatis.*

#### CONCLUSIO.

**N**on est possibile per Dei potentiam absolutam; sensum aliquem vel innatâ virtute, vel elevatione Dei ultra corporalia extendi ad videndum Deum.

5. Probatur. Forma, quæ ex naturâ suâ tam in esse, quàm in operari est dependens à corpore, est intrinsecè secundum entitatem suam corporea. At omnis potentia sensitiva est per suam quidditatem actus organi corporei, à quo aded dependet tam in Esse, quàm in operari. Ergò omnis potentia sensitiva secundum rationem, & quidditatem suam est actus seu forma corporea. At potentiæ cognoscitivæ corporeæ seu materialis objectum adæquatum est corporeum. Implicat autem, potentiam cognoscitivam extendi ultra suum objectum adæquatum. Ergò implicat, potentiam sensitivam ferri in objectum spirituale, seu incorporeum.
6. Respondebis cum Arriagâ *disp. 5. de Anima. sect. 1. & 2.* Principia hujus ratiocinationis non esse indubitatæ veritatis. Tum quia potentia visiva corporea Beatorum intuebitur splendorem, & claritatem corporum gloriosorum. Hic verò splendor in substantiâ est supernaturalis, atque aded extra objectum visui naturali ex intrinsecis principiis proportionatum, seu adæquatum. Ergò Divinâ virtute potest elevari potentia cognoscitiva ultra objectum sibi proportionatum, seu adæquatum. Tum quia ex ratione materialitatis non implicat, corpoream aliquam potentiam cognoscitivam ex intrinse-

câ, & connaturali virtutis suæ proportionem extendi ad objectum incorporeum. Etsi proinde hoc repugnet potentijs sensitivis de factis existentibus, utpote per intrinsecam suam differentiam limitatis ad objecta duntaxat materialia, non tamen evincitur, non esse possibilem potentiam sensitivam objecti spiritualis etiam connaturaliter cognoscitivam.

Contra: Implicat cognitio nisi cum ordine essentiali ad objectum sui specificativum. Hoc autem objectum specificativum dicitur etiam Motivum. Hujus autem objecti Motivum alia est ratio secundum causalitatem efficientem, secundum quam vel immediate, vel mediante specie impressâ influit in sui notitiam, juxta illud: *Ex potentia, & objecto paritur notitia.* Etsi verò iste influxus efficientiæ utpote non vitalis possit suppleri à Deo: atamen alia insuper objecti motivi ratio consistit in ratione per se terminandi, atque ut sic specificandi notitiam: sine cujusmodi ratione objecti per se terminante, ac specificante notitiam datur manifesta implicatio in actu cognitionis. Atqui notitia taliter specificata, ut sic intrinsecam, & Essentialem dicit commensurationem cum objecto, cujus per suam quidditatem est vitalis præsentatio, & imago intentionalis. Unde ex ratione essentiali notitiæ repugnat, dari ullam cognitionem nisi respectu objecti sibi ab intrinseco commensurati & proportionati. At sicut notitia immediate, sic potentia mediante actu cognitionis specificatur ab objecto: nec est possibilis potentia cognoscitiva, nisi respectu cognitionis possibilis. Implicat ergò, potentiam cognoscitivam intelligi nisi respectu cognitionis tendentis in objectum sibi commensuratum, nec aded possibile est, potentiam ferri ultra objectum adæquatum, tale nimirum, quod nulli suorum actuum sit proportionatum. Unde claritas Corporis gloriosi non esset oculo corporeo visibilis, nisi intra ejus objectum contineretur. Atqui modus, & ratio Essendi est prima, & intrinseca radix omnis formalitatis cuiusvis Entis inexistens: Unde tota proportio potentiæ, & operationis est secundum modum Essendi substantiæ. At verò sicuti species cujuslibet Entis est secundum rationem Essendi, sic specificatio importat determinationem secundum proportionem in Essendo. Ergò quia objectum spirituale in ratione Essendi est supra proportionem, atque commensurationem Entis corporei, nequit esse specificativum, nec aded motivum cognitionis, & consequenter potentiæ cognoscitivæ materialis. Ergò non est possibilis sensus corporeus, qui connaturaliter, imò etiam supernaturaliter possit ferri ultra objectum corporeum tanquam suum Motivum, & formale specificativum. Ex hoc ipso igitur, quòd Deus sit purus spiritus, repugnat ejus visio corporea, ac sensualis, veluti argumentantur S. Thomas *præf. 4. 3.* & S. Athanasius *ad Liberium* asserens: *Deum invisibilem, & intabilem, eò quòd sit spiritus.*

#### Responsio ad fundamenta contraria

**A**d 1. & 3. oppositum Responderetur. Non esse possibilem cognitionem sine objecto specificativo. Hanc verò specificationem formaliter consistit-





consistere in commensuratione Essentiali cognitionis cum objecto. Insuper specificacionem ex objecto derivari in potentiam cognitionis elicivam; nequē, cum specificatio sit secundum rationem Essendi, intelligibilem esse, nisi secundum quandam convenientiam in ratione Essendi. Cum proinde Ens spirituale non nisi secundum rationem Entis communicet cum sensu corporeo, ratio autem Entis non conveniat corpori, nisi quatenus immersa materialitati, consequenter in ratione Essendi nullam esse proportionem, seu convenientiam sensus corporei ad objectum spirituale. Ergo neque per vim naturalem, neque per elevationem supernaturalem extendi posse sensum corporeum ad objectum spirituale, atque adeo ad Deum cognoscendum.

81. Ad 2. n. 3. oppositum Respondetur. Aliam esse rationem *potentie obedientialis* secundum quam agens corporeum tanquam instrumentum à Deo elevari potest ad effectum spiritua-lem sibi omnino improportionatum. Aliam verò esse rationem *potentie cognoscitivæ*, quæ ut sic nequit extendi ultra objectum sui *specificativum*. Etsi proinde posset sensus corporeus in *potentie obedientialis* non tantum passivæ, sed etiam activæ à Deo elevari ad producendam, ac recipiendam formam intellectionis, si hæc absque ratione Originis, seu vitalis actionis importaret præcisè qualitatē objecti intentionaliter actu repræsentativam, insinuante D. Thomā 1. p. q. 3. a. 1. ad 3. Nihilominus informatio hujus qualitaris absque vitali *potentie quæ cognoscitiva* tendentiā non foret sufficiens ad sensum, aliudve subjectum constituendum *formaliter* videns: cum denominatio videntis, ac Intelligentis *essentialiter* importet Visionem, ac intellectionem vitalem, veluti cum Capreolo, Ferrariensi, & alijs tradit Nazarius *præs. a. 3. in expositione textus circa finem*. A fortiori ergo non est possibile, quod ulla potentia constituatur, seu denominetur *formaliter* Videns Divinam essentiam, nisi ab intrinseco potens sit vitaliter influere in illius objecti Visionem.

## CONTROVERSIA II.

### An Divina Essentia videri possit virtute intellectus creati?

1. Antiqua Amonæorum hæresis fuit, Intellectum creatum posse, imò de facto solis naturæ viribus videre Deum per Essentiam. Ex S. Epiphani. *heres. 76*. Huic errori accesserunt Begardi, ac Beguinæ damnati in Concilio Viennensi, prout refertur *Capit. ad nostrum. Clement. de Hereticis*.

2. Ex opposito stetit error Armenis adscribi solitus, ac relatus à D. Gregorio *lib. 8. Moral. c. 32. & 39*. quod nullus intellectus creatus quantumvis elevatus possit videre Deum in se ipso, sed ad summum in quâdam eminente claritate resultante ex Divina Essentiâ: sicut sol videtur in eo, quem emittit, splendore. In hunc errorem Vasquez 1. p. *disp. 37. a. 2. & 3. & disp. 52. c. 4. & disp. 55. t. 1. & 2*. plures Sanctos Patres præsertim Chrysostomum trahit, sed cum in-

jurâ; uti ostendunt Ægidius de Præsentatione 10. 2. de Beatitudin. *lib. 12. q. 1*. Ioannes à S. Thoma *præs. disp. 12. a. 1. ad 2. & S. Thomas præs. a. 1. ad 1.*

### Referuntur Sententiæ Doctorum.

ET si in his errorum extremitatibus per sacræ Ecclesiæ definitiones ad mediam veritatis semitam reductis, nulla inter Orthodoxos relinquitur ambigendi ratio: Attamen difficultas non modica hic excitatur. 1. Ex doctore Angelico *cit. a. 1. possibilitem visionis Dei* probante ex desiderio naturali hominis ad videndum Deum. At nullum desiderium naturæ potest tendere in id, quod excedit potentiam, & virtutem Naturæ. Ergo secundum præactam rationem videtur supponi, quod visio Divinæ Essentiæ sit possibilis ex potentia & viribus naturæ intellectualis. 2. Ex Subtili Doctore in 4. *disp. 49. q. 2. n. 4. taliter argumentante*: Omnis potentia habens objectum primum adæquatum, potest per se tendere in quodlibet contentum sub illo. Sed primum objectum intellectus humani est Ens. Ergo & quodlibet, in quo salvatur ratio Entis, est objectum per se ejus. At impossibile est, quod quietetur in aliquo, nisi in summo totius analogiæ immediatè: sicut nec visus quietatur, nisi in pulcherrimo visibili. Sed hoc non potest esse in cognitione ejus in universali, quia cognitio ut in universali non est illius ut in se. Ergo erit ejus ut secundum se in particulari: Ergo ut sic erit intellectus humanus capax Beatitudinis. Ex hoc proinde discursu intendit Scotus probare, quod possibilitas visionis Beatificæ sit per rationem naturalem demonstrabilis. At ista demonstratio æquè videtur evincere possibilitatem Visionis Dei secundum vires naturæ, quàm ejus cognoscibilitatem.

### CONCLUSIO.

Essentia Divina potest intuitivè videri ab intellectu creato non viribus naturæ, sed virtute duntaxat supernaturali.

Probat ex Matth. 18. Angeli eorum semper vident faciem Patris. Hæc enim visio Dei in Angelis non potest alia esse, quàm intellectualis. Ergo datur intellectualis visio Divinæ faciei. Hæc autem est Essentia Dei. Ergo possibile est, Essentiam Divinam in se immediatè, ac intuitivè videri ab intellectu Angelico, imò & humano, juxta illud: *Videbimus eum sicuti est. 1. Jo. 3.*

Respondebis Gen. 32. dixisse Jacob: *Vidi Dominum facie ad faciem*. Hoc autem referendum esse non ad ipsam Essentiam Divinam, sed ad figuram, in qua repræsentabatur Deus, veluti affirmat S. Thomas *præs. q. 12. a. 11. ad 1.* Ergo visionem Divinæ faciei non probare immediatam & intuitivam Essentiæ Divinæ cognitionem: Imò hanc adstrui tanquam impossibilem, 1. ad 2. mo. 6. *Qui lucem habitat inaccessibilem, quam nullus hominum vidit, sed nec videre potest.*

Contra. Nam posito, quod Deus in hac vita corporali à nullo Sanctorum visus sit immediatè in sua Essentiâ, de quo *cont. 4. præs. art.* tunc de Patriarchâ Jacob ita negandum erit, vidisse immediatè in se ipsâ Divinam Essentiam, ut id tamen colligatur ex antecedentibus ejusdem



cap. 32. *Genes. Et ecce vir*, id est Angelus, *lucubatur cum eo*. Hinc enim argumentum desumi potest ad affirmandum, quod Iacob facie ad faciem viderit Dominum non in sua persona, sed in Angelo vices Dei tenente in illa visione, per quam etiam singulari intelligibilis contemplationis eminentia in Deum rapiebatur ille Patriarcha, uti tradit S. Thomas *loc. cit.* At verò proprietas sermonis, quo Angeli Sancti à Christo dicuntur *videre faciem Patris sui, qui in calis est*, ex se ipsa manifestat Divinæ Essentiæ immediatam incuitionem, quæ verborum proprietas omnino tenenda est, nisi, *velut in Visione Iacob*, aliud suadeat Sacer contextus. At verò ex sacrorum textuum inter se collatione facile constat, *Deum ita inhabitare lucem viribus naturæ inaccessibilem*, ut nullus hominum cum *videre possit*, nisi virtute gratiæ, & gloriæ, quam dabit Dominus: *Psal. 83.* Probat<sup>9.</sup>ur istud assumptum. Nam cum apparuerit gloria Dei, *satiabimur Psal. 16.* Tunc autem *similes ei erimus, cum apparuerit, cit. 1. Ioan. 3.* Oportet igitur in nostrum intellectum tunc derivari quandam divinæ lucis similitudinem, ut sic *in lumine Dei* nobis communicato videamus lumen Divinum inaccessibile *Psal. 35.* Et si proinde Deus lucem inhabitans inaccessibilem à nullo hominum videri possit viribus naturæ. At ubi intellectus nostri elevabuntur ad participationem lucis Divinæ, tunc *similes Deo erimus, quoniam videbimus eum sicuti est. ex cit. 1. 3. Ioan.* Est igitur Essentiæ Divinæ immediata, ac intuitiva visio possibilis non viribus naturæ, sed mediante lumine gloriæ elevante animam ad videndum Deum, & eo beatè fruendum. Ex concilio Viennensi, *in cit. 6. Ad nostrum. Clem. de Hereticis.*

10. Replicabis: Visionem Divinæ Essentiæ à S. Thomâ *pres. a. 1. respectu intellectus creati* demonstrari ex eo possibilem, quod in eâ consistat Beatitudo. Nam hæc est ultima perfectio creaturæ rationalis. At in tantum vnumquodque perfectum est, in quantum ad suum Principium attingit. Est autem creaturæ rationali Principium Essendi Deus. Ergo creatura rationalis est beata ex hoc, quod Deum attingat perfectissimâ operatione. Ejusmodi verò est operatio intellectus, neque ista est perfecta, nisi sit intuitiva. At ex hoc ipso, quod Beatitudo ceu Ultima creaturæ rationalis perfectio consistat in Dei cognitione intuitivâ tanquam perfectissimâ intellectus creati operatione; consequens est, Divinam Essentiam contineri intra latitudinem objecti motivi, ac specificativi intellectus creati. Hanc verò specificationem formaliter importare commensurationem, & proportionem in ratione Essendi *preced. contr. demonstraturum est.* Oportet igitur Essentiam Dei quâ intuitivè visibilem esse proportionatam intellectui creato, atque aded Divinæ Essentiæ Visionem esse naturæ viribus producibilem.

11. Contra: Nam verum quidem est, quod Essentia Divina per cognitionem intuitivam ab intellectu creato non esset etiam supernaturaliter attingibilis, nisi contineretur intra latitudinē ejus objecti motivi, ac specificativi saltem *quoad rationem Quæ; est non Quoad rationem sub Qua. veluti preced. contr. probavimus:* In hoc enim potentia Obedientialis non vitalis differt à vitali supernaturaliter elevatâ, quod ignis v. g. materialis per modum instrumenti ex se omnimodè improporcionati *scun-*

dum potentiam obedientialem assumatur ad actionem in spiritus: cum econtrâ potentia intellectualis ad Visionem Beatificam eliciendam virtute supernaturali elevetur tanquam causa principalis; quod licet illius visionis vitalis entitas sit *realiter formaliter* indistincta ab ejusdem supernaturalitate vi intellectivæ creatæ ut sic improporcionatâ; attamen in ratione tendentiæ vitalis ad objectum intellectus Motivum sit convenientia univoca inter supernaturalem & naturalem intellectionem.

12. Et si proinde Essentia Divina non esset ab intellectu creato etiam supernaturaliter visibilis, nisi contineretur intra ejus objectum *motivum, ac specificativum*, ex ipso tamen patet illa Divinæ Essentiæ intra intellectus creati *motivum* contentia, quod viribus etiam naturæ sit cognoscibilis *quoad an est.* Siquidem *Esse sit formaliter* Essentia Divina. Vnde elevatio intellectus creati ad Divinam Essentiā in se immediatè videndam non sit per extensionem potentie intellectivæ ultra, ac extra objectum ipsius *motivum*, sed improporcionatè ad videndum Deum est ex parte modi tendendi per cognitionem intuitivam in illud objectum, quod tamen secundum cognitionem abstractivam est naturaliter attingibile à virtute intellectiva creata, veluti insinuavit S. Thomas *3. cont. gent. c. 54. in solutione ad primam rationem* asserens: *Divinam substantiam non sic esse extra facultatem intellectus creati, quasi aliquid omnino extraneum ab ipso, sicut est sonus à visu, vel substantia materialis à sensu.* Nam ipsa Divina substantia est primum intelligibile, & totius intellectualis cognitionis principium, sed esse extra facultatem intellectus creati *sicut excedens virtutem ejus, sicut excellencia sensibilia sunt extra facultatem sensuum.*

14. Ex quo aded patet, Essentiam, & substantiam Divinam esse rationalis creaturæ *formaliter* quâ rationalis Principium Essendi, quatenus est totius cognitionis intellectualis Principium. Hæc autem ratio primi, ac perfecti principij respectu creaturæ intellectualis quâ talis convenit Divinæ substantiæ quatenus est Primum intelligibile contentum intra ordinem intelligibilem. Atqui rationalis creatura per reductionem ad suum principium redditur Beata, & perfecta, quatenus hoc Primum intelligibile attingit perfectissimâ intellectuali operatione. At istud Primum intelligibile ita quidem est intra latitudinem objecti intellectus, ut tamen sit extra ejus facultatem, sicut excedens virtutem ejus. Ergo intellectio perfectissima, seu intuitiva hujus Primi intelligibilis, seu Divinæ substantiæ est supra vires intellectus creati, estque aded supernaturalis; licet intelligibile respondens illi intellectioni contineatur intra objectum intellectus creati.

15. Instabis ex Ioan. à S. Thomâ *pres. disp. 12. a. 2. S. Caterum non videtur.* Divinam substantiam solum contineri intra objectum terminativum, non autem Motivum intellectus creati. Probat<sup>9.</sup>ur. Nam intellectus Humani Motivum non excedit intelligibile sensibile, seu quidditatem sensibilem: per hoc enim distinguitur specie ab intellectu Angelico, cujus Motivum adæquaturnon excedit intelligibilitatem quidditatis spiritualis creatæ. Vnde licet ponatur, intellectum creatum non excedere objectum suum *terminativum*, quando elevatur ad Essentiæ Divinæ



16. **Divinae Visionem** : attamen difficultatem superare, *quomodo possit extra objectum suum Motivum extrahi*, cum tamen hoc respectu potentiae sensitivae impossibile sit. Huius verò disparitatis non esse aliam rationem, nisi ex ratione Immaterialitatis. Etenim in potentia intellectiva, alia est ratio generica, quae ut sic est secundum immaterialitatem : alia verò est ratio specifica, & distinctiva diversorum intellectuum, quae in intellectu Humano est secundum vim, ac proportionem intellectus agentis ad abstrahendas species à sensibilibus : in intellectu autem Angelico est secundum exigentiam connaturalem specierum sibi innatarum ad substantias etiam spirituales creatas immediate in se ipsis intuendas. At verò ex ratione hanc specifica intellectus creati tam Angelici, quam humani sit, quod virtute sua innata non possit abstrahere, vel connaturaliter exigere species, nisi secundum proportionem Essendi, nec adeò propter infinitum in Essendo excessum Divina substantia possit ei connaturaliter coniungi ad sui visionem virtute ipsius naturali producendam. Unde sit etiam consequens; Divinam essentiam non posse habere rationem *objecti motivi* respectu creati intellectus.
17. Nihilominus ex ratione Immaterialitatis consequitur, posse intellectum concreta cognoscere in abstractione à materialitate. Ex hoc autem, quod intellectus creatus per suam naturam sit natus apprehendere formam, & Esse concretum in abstractione per modum cuiusdam resolutionis, sit consequens, esse elevabilem ad cognoscendum Esse separatum subsistens. Hoc autem est Divina substantia & Essentia. Ergò ex ratione immaterialitatis consequitur; quod intellectus creatus ad Essentiam Divinam in se immediate videndam elevabilis sit non viribus naturae, ut *supra ex ratione specifica intellectus creati probatum est*. Ergò viribus gratiae, veluti argumentatur D. Thomas *prae. q. 12. a. 4. ad 3.* ex hoc ipso fundamento *ibidem*, inferens; sensum visus, cum omnino materialis sit, nullo modo elevari posse ad aliquid immateriale. Constat igitur, cur intellectus, non autem sensus viribus supernaturalibus elevari possit extra objectum suum motivum; huius rationem esse desumendam ex unius materialitate, & alterius immaterialitate.
18. **Contra**, Nam ex ratione praecisa materialitatis in cognoscitivis etiam sensitivis aliquid de immaterialitate participantibus non potest desumi ratio, cur visus non possit extra suum objectum Motivum virtute divina extrahi ad objecta materialia soni, odoris, vel etiam substantiae materialis percipienda. Ergò huius ad certum objectum *motivum* Divinam etiam Virtute insuperabilis determinationis aliam oportet assignare rationem. Haec autem vix adstrui potest, nisi ex eo, quod objectum à potentia cognoscitiva attingibile sit ejus *specificativum*, ut adeò intrinseca potentiae cognoscitivae specificatio sit alligata ad suum objectum *motivum*, ac *specificativum*. Unde quia Deus nequit immutare essentialem cujusvis potentiae specificationem; impossibile est, ullam potentiam posse Divinam etiam virtute vitaliter attingere objectum, nisi respectu alicujus cognitionis sit *motivum*, ac *specificativum*;
19. veluti *praeced. cont. demonstratum est*. At ex hoc ip-

so, quod intellectus, non autem sensus sit immaterialis, consequitur, formas à materia abstractas, adeoque Esse separatum subsistens, sive Divinam Substantiam posse *quoad An est*, secundum cognitionem *abstractivam* intellectus creati, non verò sensus corporei esse objectum *motivum*, ac *specificativum*. Quare objectum *motivum* distingui debet: aliud enim secundum exigentiam & commensurationem potentiae naturalem respectu intellectus etiam intuitivae eatenus est *Motivum*, ut hanc, si creata sit, *Causatiter*; si verò sit increata; *Formaliter* *Identitè* specificet. Aliud verò respectu cognitionis duntaxat abstractivae *Motivum per modum Rationis Quae tantummodò*; non verò *per Modum Rationis sub Quae est specificativum*. Etsi verò substantia Divina propter improprietatem Essendi nequeat intellectus creati *per Modum Rationis sub Quae* taliter esse motivum, ut huic secundum propriam Intelligibilitatis Formam inexistens Connaturaliter exprimat sui cognitionem intuitivam; attamen ex ratione immaterialitatis convenit Intellectui creato posse elicere cognitionem abstractivam cuius Esse Divinum sit specificativum, sitque adeò motivum *per modum Rationis Quae*; non verò in ratione objecti materialis pure Terminativum. Ex quo adeò fit, elevationem talis intellectus ad Divinae Essentiae Visionem non fieri per extensionem ultra objectum *motivum*, sed hanc elevationem consistere in modo, seu ratione specifica Visionis propter Divinae Substantiae in Essendo improprietatem omnimodè excedentis vires creati intellectus; uti S. Thomas 3. *cont. gent. cit. cap. 54.* expressit, & clarius tradit *Opusc. 2. c. 103.* Est aliquid, inquit, in potentia dupliciter: Uno modo naturaliter respectu eorum, quae per agens naturale reduci possunt in actum. Alio modo respectu eorum, quae reduci non possunt in actum per agens naturale, sed per aliquod aliud agens. Est enim intellectus noster in potentia naturali respectu quorundam intelligibilium, quae scilicet reduci possunt in actum per intellectum agentem, qui est principium innatum nobis; ut per ipsum efficiamur intelligentes in actu. Est autem impossibile, Ultimam finem consequi per hoc, quod intellectus noster sic reducat in actum. Consequitur igitur Ultimam finem in hoc, quod intellectus fiat in actu ab aliquo sublimiore agente.

Constat igitur, Visionis Divinae Essentiae supernaturalitatem esse desumendam ex improprietate intellectus creati ad sui cum Divina substantia tanquam objecto mediante specie connaturalem conjunctionem: Esse verò eandem Divinam substantiam ab intellectu creato virtute sublimioris agentis attingibilem quatenus secundum Esse intelligibile est in ejus potentia non *efficienter*, sed *objectivè*. Ergo ut sic continetur sub ejus objecto *motivo*, & respectu cognitionis abstractivae per modum *Rationis Quae*, non verò *sub Quae connaturaliter specificativo*. Est igitur immaterialitas ratio duntaxat remota, non autem proxima; cur Intellectus creatus elevabilis sit ad Divinae substantiae Visionem, huius enim rationem proximam reduci debere in id, quod Essentia Dei sit intra latitudinem ejus objecti *motivi*, ac per modum *Rationis Quae specificativi*, patet ex praecedentibus.



Responsio ad fundamenta contraria.

24. **A**D 1. n. 3. Oppositum Respondetur: In primis inesse homini desiderium naturale ad Beatitudinem in communi sub ratione summi Boni, veluti tradit S. Thomas in 4. dist. 49. q. 1. a. 3. quæstionibus. Deinde esse in homine desiderium naturale tam innatum, quam elicitum ad objectum Beatitudinis in particulari, substantiam nimirum Divinam, quatenus attingibilem, seu cognoscibilem ex effectibus: in cuiusmodi cognitione consistere Beatitudinem hominis naturalem, ita tamen ut nulla ex determinato effectu deducta Divinæ substantiæ determinata cognitio abstractiva simpliciter quietet illud hominis naturale desiderium innatum, sed syncategorematicè in infinitum tendat, ac propendeat noster intellectus ad Deum magis ac magis conspiciendum ex creaturis. Vnde consequens esse, quod naturalis Beatitudo creaturæ rationalis non possit secundum statum perfectum tota simul categorématicè actu existere.

25. Quare substantiam Divinam esse intellectus creati Beatitudinem objectivam, quatenus unicum hoc objectum est capacitatis intellectualis ultimus Finis & Consummata felicitas secundum naturæ quidem vires non actu, & Categorématicè, sed potentia, & Syncategorematicè simpliciter & perfectè attingibile: siquidem omnis ab intellectu creato producibilis cognitio ex intrinsecâ sui & objecti ratione sit ordinabilis in Primi, ac increati objecti cognitionem syncategorematicè in infinitum perfectiorem adipiscendam. Ex hac proinde tum innatâ intellectus, tum elicitâ ad Deum tanquam objectum vnicè satiativum, & naturaliter etiam Beatificum in infinitum perfectiùs attingendum voluntatis propensione sequi, quod intellectus creatus intrinsecè respiciens Divinam substantiam tanquam objectum suum ultimæ motum, ac specificativum sit viribus gratiæ elevabilis ad ejusdem Divinæ substantiæ Visionem categorématicè simpliciter perfectam, & formaliter actu beatificam. Quando igitur S. Thomas loc. cit. ex naturali desiderio Causam primam cognoscendi per effectus, probat possibilitatem Visionis Divinæ substantiæ, hoc non ita accipiendum esse, quasi positiva sit inclinatio naturalis in creato intellectu ad Deum in se intuitivè videndum: sed quia innata intellectus creati propensio & capacitas sit erga Deum tanquam objectum satiativum mediante sui abstractivâ cognitione syncategorematicè in infinitum perfectiùs attingibile, atque ut sic actu secundum quid & in potentia simpliciter ac infinite Beatificum, inde consequens esse, quod intellectus gratiæ, & gloriæ viribus sit elevabilis ad videndum Divinam Essentiam, utpote, quæ non ratione objecti movetur, sed ex parte duntaxat modi attingendi intuitivè excedat facultatè creati intellectus, veluti superius declaratum & probatum est.

27. Ad 2. n. 4. Oppositum Respondetur: In discursu Doctoris Subtilis supponi, quod intellectus creatus innatâ suâ vi possit simpliciter ex parte etiam modi cognoscendi quietari in objecto, quod sit summum totius analogiæ Entis. Quam suppositionem esse falsam, ex eo evinci, quod istud Ens summum, seu Deus non sit naturaliter attingibilis nisi per discursum

sum ex creaturis. At discursus ejusmodi nunquam potest attingere ad cognitionem Divinæ substantiæ adeo perfectam, quin ex innatâ suâ inclinatione propendeat intellectus ad perfectiorem syncategorematicè in infinitum. Ergo non est viribus naturæ producibilis, nec adeo lumine naturali cognoscibilis cognitio, quæ in Primum formaliter, ac eminenter totam Entis Analogiam continens objectum, adeo perfectè, nimirum immediate ac intuitivè tendat, ut quietare simpliciter possit intellectum. Est igitur visio Divinæ Essentiæ non nisi gratiæ viribus producibilis, & cognoscibilis.

CONTROVERSIA III.

*An Possibilis sit substantia creata supernaturalis, cui Lumen gloriæ, ac Visio Dei esset connaturalis?*

**N**ON tam difficultas est in assertionem, quam in substantiæ creatæ supernaturalis impossibilitatem probandâ argumento efficaci; Theologis, nominatim S. Tho. 1. 2. q. 119. a. 2. ad 3. & cont. gentes c. 52. & 54. circa solut. 3. rationis. Et in 2. dist. 23. q. 1. a. 1. ad 1. Et præf. art. 4. & 3. ad 3. Caietano ibid. Banne 1. p. q. 94. a. 1. dub. 1. ad 1. Alvarez. lib. 7. de auxilijs disp. 69. Serra eod. a. 4. dub. un. Nazario hic a. 5. cont. 3. Petro Labat 1. præf. 1. disp. 4. dub. 5. S. J. Gonet tract. 2. in 1. p. disp. 2. §. 2. Ioanne à S. Thomâ 1. p. disp. 14. a. 4. Ylamberto Sorbonico ad præf. q. 12. disp. 4. per totam. Petro à S. Joseph. lib. 1. Idea Theol. specul. c. 7. resol. 4. Vasquez 1. p. disp. 44. c. 1. & disp. 231. c. 4. Suarez lib. 2. de attrib. c. 9. Francisco de Lugo lib. 1. de Deo disp. 22. c. 4. Amico 10. 1. disp. 9. sect. 6. communiter negantibus talis substantiæ possibilitatem secundum Dei absolutam quoque potentiam.

Refertur argumentum oppositum.

**A**B hac communi sententiâ non tam recedunt, quam in probatione Implicantiæ, per quam de potentia Dei absolutâ repugnet substantia creata supernaturalis; difficultatem movent Molina 1. p. q. 12. a. 5. dub. 2. Valentia 1. p. disp. 3. q. 12. punct. 3. S. Hac autem doctrina. Argumentum hujus asserri potest, quod perfectiones in inferioribus distinctæ identificentur in Ente perfectiori, & altioris Ordinis. Ergo intelligibilis est intellectus, cui perfectio luminis gloriæ sit formaliter inexistens per identitatem. Ex hac autem præcisè identitate non est evidenter demonstrabile, quod intellectus ejusmodi debeat esse infinitus ac increatæ Essentiæ. Probatur hoc assumptum; Quia perfectio resultans ex intellectu, & lumine gloriæ quâ distinctis est finita & limitata. At identitas perfectionum & formalitatum in Ente inferiori distinctarum non extrahit eas à ratione finitæ Essentiæ, si neutra ejusmodi formalitatum in ratione suâ quidditativâ importet formalitatem Essentiæ increatæ ac infinitæ. Ergo quia perfectio luminis gloriæ juncta cum intellectu in suo conceptu formali non importat rationem alicujus increatæ ac infinitæ



infiniæ formalitatis ; consequenter intellectus per identitatem formalem habens inexistentem sibi perfectionem luminis gloriæ non ex hoc ipso est infinitæ, ac increatæ Essentiæ. Atqui intellectus ejusmodi creatus esset *Entitative* supernaturalis, nec adeo esset proprietas, & potentia substantiæ nisi supernaturalis quodam Essentiam. Ergo possibilis est ejusmodi substantia supernaturalis.

## CONCLUSIO.

**I**mplicantia substantiæ creatæ supernaturalis connaturaliter exigentis lumen gloriæ efficaciter ostenditur ex quidditate, & ratione formali supernaturalitatis.

dum est, in quo non apparet manifesta contradictio.

Contra. Nam juxta commune axioma, Operari sequitur ad Esse ; ita ut quantum Essendi ratio in aliquâ substantiâ est per suam entitatem magis elevata à potentialitate, & materialitate, eo perfectiorem habeat sibi connaturalem operationem. Hinc D. Thomas *infra* q. 14. a. 1. probat ; rationem cognoscitivi radicari in separatione à materiâ, atque cognitionis modum esse secundum modum Essendi abstractionis à materiâ. Ergo modus cognoscendi, seu lumen aliquod intellectuale non potest intelligi connaturale alicui substantiæ, nisi sit juxta modum ejus Essendi. Unde implicat, lumen Angelicum esse connaturale, nisi substantiæ Angelicæ, utpote cum quâ tanquam principio radicali per suam quidditatem convertibiliter, ac necessario est connexa. Quo adeo sensu S. Doctor *pres. a. 5. ad 3. ait* : *Dispositionem ad formam ignis præsertim activam proximam non posse esse naturalem, nisi habenti formam ignis.* Atqui lumen gloriæ constituit hominem Deiformem formaliter communicando ei modum operandi Divinum. Hinc enim, cum vi hujus luminis apparuerit Deus, similes ei erimus *1. Ioan. 3.* quoniam videbimus eum sicuti est. Ergo lumen gloriæ non potest esse connaturale, nisi substantiæ Divinæ secundum rationem Essendi. At Esse substantiæ Divinæ est Esse subsistens. Ergo lumen gloriæ non potest esse connaturale substantiæ ; nisi cujus Essentia est Esse subsistens. In ejusmodi vero substantiâ nullum dari potest accidens. *uti supra q. 3. a. 1. cont. 1. demonstratum est.* Ergo lumen gloriæ non nisi substantiale est connaturale substantiæ, & quidem Divinæ per Essentiam, non autem per participationem. Implicat ergo substantia supernaturalis creata, cui tanquam principio radicali lumen gloriæ, ac visio Divinæ Essentiæ esset connaturalis ; eo ipso quod talis substantia habere deberet modum Essendi Divinum independentem, per se ac ex se subsistentem.

Cujus consequentiæ vis eleganter indicatur à Cyrillo, *lib. 1. in Ioan. c. 8.* ita differente : *Quare Filius quidem Dei lux vera est : Creatura vero ejus illuminatione per gratiam lux est, quia videlicet hæc ex nihilo producta est.* Ille vero substantialiter Dei Verbum est. Ex hoc enim constat, esse hoc ipso substantialiter Verbum Dei, si Ens aliquod lux sit per lumen gloriæ non ex gratiâ derivatum, sed radicatum in ejus naturâ : ac econtra eo ipso, quod Ens aliquod sit creatum ex nihilo, nec adeo sit à se, vel suum Esse subsistens, non posse videri Deum fieri lumen, nisi illuminatione gratiæ, veluti præter alios Patres Ambrosium, *lib. Mediat. Orat. 7.* Prosperum, *lib. sententiarum Augustini. sent. 134.* Athanasium *Orat. contra idola. pulchre* tradit S. Augustinus *12. de Civit. c. 1.* ubi cum dixisset, creaturam rationalem posse fieri beatam, subdit : *Quia vero creatura est, hoc non ex se potest, quia ex nihilo creata est.*

Replicabis : Verum quidem esse, quod lumen gloriæ sit principium operandi modo Divino. Hunc vero Divinum operandi modum aliter se habere in lumine gloriæ creato, & aliter in lumine intellectus increati. Hoc enim esse comprehensivum, ac infinitum, illud vero finitum, & inadæquatum duntaxat. Modum

O

igitur

4. Probatur. Per formas supernaturales regeneramur à Deo in similitudinem naturæ Divinæ, ita ut simus Filij Dei, consortes Naturæ Divinæ, & conformes imaginis Filij Dei. *Ioan. 1. & 3. 2. Petri 1. Rom. 8.* At implicat, creaturam secundum substantiam esse reformatam in similitudinem Naturæ Divinæ, esseque adeo substantialiter consortem Divinitatis, ac Filium Dei ex vi substantiæ, & naturæ suæ specificæ. Ergo implicat substantia supernaturalis creata : veluti S. Thomas *pres. a. 5. ad 3.* nervosè intulit : cum per lumen gloriæ creatura rationalis fiat Deiformis, juxta illud, *1. Ioan. 3. Cui apparueris, sim les ei erimus ;* idcirco non posse illud lumen esse naturale creaturæ, nisi hæc esset substantialiter confors Naturæ Divinæ.

5. Respondebis. Ex eo, quod substantia creata supernaturalis regeneraretur substantialiter in similitudinem Naturæ Divinæ, non sequi, quod esset Deo similis, nisi similitudine analogicæ proportionalitatis secundum participationem, non vero secundum identitatem realem formalem substantiæ, & Naturæ Divinæ. Probatur ista responsio. Nam substantia non est absolute, ac absolute Divina, dum ejus natura, & quidditas est formaliter immersa potentialitati. Ex hoc autem, quod aliqua forma, seu Ens aliquod non sit suum Esse subsistens, non est pura essendi actualitas cum potentialitatis omnimodâ exclusionem. At posito, quod substantia aliqua creata formaliter per naturam suam specificam importaret participationem intellectualitatis Divinæ, esset talis participata intellectualitas intelligibilis, quin formaliter, ac essentialiter esset suum Esse : sicuti lumen gloriæ est Divini intellectus seu Naturæ Divinæ secundum gradum quasi specificum participatio, quin sit Esse subsistens. Cum proinde intelligi queat Naturæ, ac intellectualitatis Divinæ quasi specificæ participatio substantialis, quin formaliter, vel identice, aut quidditative sit Esse actuale subsistens : consequenter concipi potest participata supernaturalis substantia cum potentialitate Essendi creaturæ propria. Unde ex eo, quod substantia illa esset Deiformis per Divinæ intellectualitatis cum Essendi potentialitate participationem, non sequeretur, esse Divinam, nisi analogicè secundum similitudinem proportionalitatis. Ergo ratio implicantie in tali substantiâ non evincit : & consequenter standum est pro infinitate Divinæ Omnipotentie, cui ad omne tanquam possibile permittent-

7.

8.

9.

10.



igitur operandi Divinum adæquatum ac comprehensivum Luminis increati proprium, non autem modum operandi Divinum inadæquate ac finitè participatum à lumine gloriæ inferre modum Essendi simpliciter Divinum secundum rationem existendi, ac subsistendi per Essentiam.

II. Contra. Iuxta modum luminis fit *connaturaliter* coniunctio objecti vel *immediate*, vel *mediate specie* concurrentis ad cognitionem. Hæc autem coniunctio objecti per speciem aut per se ipsum sicuti est *Efficienter* specificativa cognitionis, sic exigentia luminis intellectuali creato innata, & ad certum modum conjunctionis objecti commensurata est *formaliter* specificativa intellectus. Ex hoc enim differt specie intellectus humanus ab Angelico, quod iste ex vi suæ connaturalis exigentiæ congenitas habeat species immediatas substantiarum etiam spiritualium: Ille verò non habeat species, nisi per abstractionem à sensibilibus virtute intellectus agentis. Ex quo etiam fit, intellectum possibilem hominis viribus naturæ non posse extendi supra abstractionem intellectui agenti proportionatam, etsi sub huius abstractionis limitatione possit etiam attingere Divinam substantiam quæ in ratione *motivi Terminativi* sive *per modum Rationis Quæ* specificativam Theologiæ naturalis. At verò implicat, aliquam formam extrahi extra rationem suam specificam, ac essentialem. Ergo impossibile est, concipi lumen intellectuale creatum, nisi cum essentiali commensuratione ad objectum quæ *per se aut per speciem* *coefficienter* Motivum cognitionis proportionatæ luminis intellectuali.

12. Quod S. Thomas *præf. a. 4.* nervosè expressit asserens: *In tantum esse aliquid cognoscibile, in quantum est in cognoscente per sui nimirum speciem saltem eminentialem. Cognitum autem esse in cognoscente secundum modum cognoscentis.* Id est secundum commensurationem essentiali luminis cum objecto quæ

13. *coefficienter* motivo, & causativo cognitionis. Ex quo aded evincitur, non esse intelligibile lumen creatum gloriæ, nisi cum intrinsecâ connexionem ad Essentiam Divinam, quæ *coefficienter* motivam, & causativam Visionis Beatificæ. Ergo si daretur substantia supernaturalis, cui lumen Gloriæ esset connaturale, hæc tanquam principium intellectuale radicale in ratione suâ specificâ *formaliter* diceret commensurationem Essentiali cum essentiâ Divinâ tanquam connaturali Motivo & *coefficienter* causativo seu *formaliter* specificativo Visionis Dei. Atqui commensuratio substantiæ intellectualis cum objecto *coefficienter* motivo, & causativo seu *formaliter* specificativo cognitionis sibi proportionatæ est secundum modum Essendi. Hinc enim, quia Anima Humana est forma materiæ, vi suâ naturali non est intellectiva, nisi cum dependentia à materialibus. At quia substantia Angelica habet Esse per se, non in materiâ subsistens, quin tamen sit suum Esse, naturaliter est intuitiva substantiarum à materiâ separatarum, quarum tamen Essentia non sit suum Esse subsistens, veluti argumentatur Doctor Angelicus *cir. a. 4.* Ergo, quia solius Divinæ substantiæ est, quod sit suum Esse subsistens; consequenter nulli substantiæ creatæ est communicabilis commensuratio intrinseca luminis intellectualis ad Divinam Essentiam tanquam motivum *coefficienter* causativum seu *formaliter* specificativum Visionis Dei. Ergo quia lu-

men gloriæ ex ratione sua Essentiali importat commensurationem intrinsecam cum Essentiâ Divinâ in ratione objecti intelligibilis per se *coefficienter* motivo, & causativo seu *formaliter* specificativo Visionis Beatificæ, non potest illi creatæ substantiæ connaturale esse.

Quod Sacre litteræ non obscure insinuant, Divinæ Essentiæ intelligibilitatem exponendo *Sap. 7. & Hebr. 1.* per candorem lucis, ac splendorem gloriæ, nec non claritatem aded immensam, ut respectu creatæ mentis, *Psal. 17.* Deus posuerit tenebras latibulum suum, & caliginem sub pedibus suis, ascendens super Cherubim, infinite prætervolando Cherubimorum, imò & Seraphimorum intuitum, ut aded isti *Isaia. 6.* clamantes terram plenam gloriâ Dei, faciem velare debuerint, ne aut luminis immensitate illorum oculi perstringerentur, aut fumo caligaret. Ex his namque loquendi modis facile constat improporatio intelligibilitatis Divinæ Essentiæ ad quodvis lumen creatæ substantiæ, Apostolo *1. Timoth. 6.* aperte asserente, *Deum inhabitare lucem inaccessibilem.* Ergo propter istam superexcellentem lucis Divinæ intelligibilitatis cum intellectu creabili improporcionem non est possibile substantia connaturaliter susceptiva luminis gloriæ cum Divinâ Essentiâ quæ in se visibili *intrinsecè*, ac *essentialiter*, licet inadæquate tantum, & non *comprehensivè* commensurati, Div. Dionysio. *Epist. 5.* attestante: *Quod caligo Divina sit lux tum invisibilis propter eximiam & substantiæ supereminentem Claritatem, tum inaccessibilis pro immensâ supersubstantialis ex se manantis copiâ.*

#### Responsio ad fundamentum contrarium

AD n. 2. oppositum Respondetur: Formalitatem luminis gloriæ quæ connaturalem in substantiâ arguere purissimam Essendi actualitatem, atque aded infinitatem in Essendo. Tum quia in ratione suâ formali importat principium operationis Divinæ. At omnis operatio connaturalis radicitur in Esse; atque aded operatio Divina connaturalis non potest non esse radicata in Esse Divino. Hoc autem *formaliter* consistit in Esse à se sive in Essentiâ, quæ est suum esse subsistens. Vnde fit consequens, quod neque lumen gloriæ possit connaturaliter stare nisi in substantiâ, cuius Essentia est suum esse subsistens. Hoc autem est Ens actualissimum, & infinitum in Essendo. Ergo non nisi Enti secundum Essentiam infinito potest esse connaturale lumen gloriæ. Tum quia lumen gloriæ formaliter includit rationem commensurationis intrinsecæ, ac essentialis ad Divinam Essentiam tanquam objectum *efficienter* motivum, & causativum seu *formaliter* specificativum visionis Beatificæ. Hæc autem commensuratio ad Divinam essentiam non potest esse connaturalis substantiæ, nisi cuius Essentia est suum Esse subsistens, uti superius est probatum. Ergo præter increatam Divinam substantiam repugnat substantia, cui lumen gloriæ sit connaturale. Ex quo aded fundamento evincitur, cur possibile sit accidens supernaturale, non autem substantia supernaturalis subsistens. Nam Esse substantiæ per se subsistens est prima radix & principium radicale omnis proprietatis, & operationis ex se emanantis. Unde si operatio, seu pro-

14.

15.

16.

17.

18.

prietas



19. proprietas secundum communicationem gradus quasi specifici naturae Divinae sit *formaliter* Divina, tunc ex ratione sua essentiali supponit substantiam, cum ratione subsistendi Deo propria. Haec autem ratio subsistendi est Divina, secundum quod Essentia est *realiter formaliter* suum Esse subsistens. Ex hac autem ratione essendi, ac subsistendi *formaliter* per suum Esse actuale, erit consequens, Ens taliter subsistens non esse receptivum ullius accidentis. Ergo operatio Divina, seu communicatio naturae Divinae secundum gradum quasi specificum, quatenus est connaturalis, alicui substantiae, non potest esse accidentalis, sed oportet *formaliter realiter* esse Divinum Esse subsistens. Atqui ratio supernaturalitatis non importat connotationem tantum extrinsecam principij operantis supra leges naturae, sed *formaliter* consistit in formalitate naturae, seu operationis Divinae secundum gradum quasi specificum. Cum igitur communicatio hujus gradus Divini nequeat ulli substantiae connaturalis esse, quin *formaliter* sit substantia, cujus Essentia sit suum Esse subsistens, consequenter non est possibilis substantia supernaturalis praeter Divinam increatam. Quare Ens creatum in sua Essentia *supernaturale formaliter* consistens in communicatione Naturae Divinae, non est nisi accidens, vel ad summum realitas substantialis non subsistens, quatenus tamen sive accidentalis sive substantialis non in se subsistens Entitas supernaturalis nulli creabili supposito seu substantiae per se existenti possit esse connaturalis.
- 20.

## COROLLARIUM.

21. Infertur 1. Visionem Divinae Essentiae de potentia Dei ordinariam non esse communicabilem homini viatori. Probat. Nam ex eo, quod omnes cognoscitivae potentiae fundentur in una anima, requiritur ejusdem animae intentio ad omnium potentialium cognoscitivarum actum. Est autem animae vis limitata, ac finita. Unde quanto magis intendit actui unius potentiae, tanto plus abstrahitur ab actu alterius potentiae. At quia Essentia Divina est vehementissimum intelligibile, nequit intellectus elevari ad ejus visionem, nisi tota animae intentio colligatur in hanc visionem. Ergo ut mens in Divinam visionem elevetur, oportet, omnimodè fieri abstractionem à corporeis sensibus, veluti argumentatur S. Tho. q. 13. de Verit. a. 3. cum S. Augustino. 12. de Genesi ad Litt. ita differente: *In illa specie, qua Deus est, nemo Deum videns vivit vitam istam, quae mortaliter vivitur in istis sensibus corporeis.* At quamdiu corpus corruptibile aggravat animam, intellectus humanus est per naturalem sympathiam ita immersus sensibilibus, nè toto conamine mens possit esse intenta intellectuali contemplationi. Ex S. Tho. q. 1. quodl. a. 1. Ergò secundum potentiam Dei Ordinariam, seu connaturalem status viae exigentiam sunt incompatibiles Visio Dei, & status viatoris.
22. Infertur 2. Hanc incompatibilitatem status viae, ac Visionis Dei esse virtute absolutae potentiae Dei superabilem. Ratio est, quia radix hujus repugnantiae consistit partim in limitatione animae, cujus vis naturalis exhauritur per Visionem Dei, quae coaequat totum

animae conamen; partim in naturali humani intellectus, ac sensuum dependentia & Sympathia, vi cujus intentio animae non fertur in objectum intelligibile, nisi cum dependentia à sensibus. At in primis potest ex visione Beata derivari quaedam redundantia intellectus ad inferiores vires usque ad corpus, vi cujus confortentur potentiae sensitivae cum quadam subordinatione actus inferioris ad superiorem, velut accidet post Resurrectionem in Corporibus gloriosis. Tunc ergò anima videns Divinam Essentiam elevatione Divinae virtutis roborata potest secundum ipsam Regulam Visionis Dei intendere phantasmatis, & sensibilibus. ex S. Tho. 2. 2. q. 173. a. 4. ad 1. Deinde potest haec redundantia in corpus, & sensus, per modum quasi proprietatis connaturaliter conveniens Visioni Beatificae Divinitus impediri, ut tamen ex virtute Deitatis permittatur unicuique potentialium animae agere id, quod ipsi proprium est, veluti evenit Christo constituto in vitam passibili. Et si proinde ex quadam colligantia potentialium animae ad invicem sequatur, fieri de necessitate redundantiam, vel impedimentum ex una potentia in aliam: in Christum tamen humanitate utrumque impediatur Divinitus, ita ut nec ex visione Divinae Essentiae emanaret redundantia in vires animae inferiores, nec ex conamine animae videntis Deum vires coequante impediretur usus, ac exercitium naturale sensuum. ex S. Tho. de Verit. cit. a. 3. Denique in raptu anima ita abstrahitur à sensibus corporeis, ut his nulla superfit operandi facultas, toto animae conamine intento ad Divinam contemplationem. Ergo animae, & intellectus humani immersio, ac dependentia à sensibus materialibus non est essentialis, quin possit etiam in statu viae per raptum elevari ad videntiam Dei Essentiam, veluti factum in Moyse, & Paulo Apostolo tradit Doctor Angelicus *prae. q. 12. a. 11. ad 2. cum S. Augustino 12. de Gen. ad litt. c. 16. 27. & 28.*

Constat igitur, repugnantiam status viae, & Visionis Dei non esse tantam, quin possit duplici via Divinitus superari, tum per Confortationem Divinae virtutis absque redundantia Visionis Dei in vires inferiores cuique sensuum permittentis suas naturales functiones, ut factum est in Christo, qui simul erat comprehensor, & viator; tum per raptum animi cum omnimodà abstractione à sensibus corporeis, ac eorundem functionibus, veluti S. Paulus 2. ad Corinth. 12. dicit: *Se raptum fuisse usque ad tertium Caelum; raptum esse in paradisum.*

Infertur 3. Praeter Sanctissimam Deiparam, cui omnis reliquorum Sanctorum praerogativa statui ipsius congruens cum singulari quadam eminentia adscribenda est, Sanctissimo P. N. Benedicto non immeritò concedi hanc dignitatem, quod in hac vita mortali viderit Divinam essentiam. Probat ex Gregorio Magno 2. Dial. c. 35. attestante, *Virum hunc gloriosum totum mundum aliquando vidisse sub uno quasi radio collectum.* Hunc verò radium fuisse lumen Dei, idem Ecclesiae Doctor sentit *seq. c. 36.* Hoc autem lumen Dei esse claritatem, quae sit ipse Deus, tradit Glossa *Exod. 33. super illud. Non videbit me homo & vivet.* Ergò Vir Domini in hac visione vidit Divinam Essentiam, S. Gregorio clare



clare id affirmante, *Videnti enim Creatorem angusta sit omnis creatura.*

27. Neque dicas 1. cum S. Thomâ q. 1. quodl. 4. 1. ad 1. & 2. illud lumen, sub quo S. Benedictus vidit collectum mundum, fuisse lumen aliquod derivatum à Deo, non verò ipsam Divinam Essentiam.

28. Nam contra est: quòd idem Angelicus Doctor *præs. q. 12. 4. 11. ad 2.* cum S. Augustino affirmet, Moysen in hoc mortali corpore vidisse Divinam Essentiam. Hujus verò visionis non potest firmitus asserri testimonium, nisi ex Num. 12. ac Exodi 33. in quo posteriori loco Moyfi petenti à Deo *Ostende mihi gloriam tuam*, respondit Deus: *Ego ostendam omne bonum tibi*, id est, essentiam meam. At verba D. Gregorij superius recensita non minùs clarè testantur Divinæ Essentiæ visionem in hac vitâ mortali S. Patri nostro communicatam. Imò verbis ex 33. Exodi adductis subnectitur: *Non poteris videre faciem meam; Non enim videbit me homo, & vi- vet.* Et in fine: *Videbis posteriora mea faciem autem meam videre non poteris.* Quæ nihilominùs verba secundùm S. Thomam, & D. Augustinum 12. de Gen. ad. Litt. taliter exponenda sunt, quòd nemo vivens vitâ istâ mortali in sensibus corporeis possit videre Deum secundùm Essentiam, sed hanc Visionem in Raptu Sanctis vsu sensuum tunc privatis fuisse aliquando communicatâ in statu viæ.

29. At è contrario verba Gregorij Magni de S. Benedicto adeò clarè asseverant Divinæ Essentiæ Visionem, ut nullâ obscurentur oppositione seu contrarietate etiam apparente, quæ indigeat expositione, quinimò Magnus ille Ecclesiæ Doctor rationem, quomodo sub mentem illius Viri potuerit totus mundus adduci c. 36. allegat, quòd *animæ videnti Creatorem angusta sit omnis creatura.* Si ergò ex allegatis sacris verbis inferre licet, Moysen in statu viæ vidisse Divinam Essentiam, à fortiori ex maiori verborum claritate per auctoritatem D. Gregorij licebit S. P. Nostro concedere Divinæ Essentiæ Visionem in statu viæ.

30. Nequè dicas 2. cum eodem Angelico Doctore cit. q. 1. quodl. 4. 1. in Corp. impossibile esse, ut mens humana vnita corpori Dei Essentiam videat, nisi huic vitæ mortali funditus homo intereat, vel sic alienetur à corpore, ut nesciat, utrùm sit in corpore, an extra corpus. ut legitur de Paulo 2. Corin. 12. At beatum Benedictum, quando illam visionem vidit, nec huic vitæ funditus mortuum, nec à corporis sensibus alienatum fuisse: hoc enim ex eo patere, quòd dum in eadem visione adhuc peristeret, alium ad idem videndum advocarit eodem S. Gregorio referente. Ergo manifestum esse, quòd Dei Essentiam non viderit.

31. Contra enim est, quòd D. Gregorius cit. c. 35. duas recenscat de S. Patre nostro visiones, alteram sensibilem, quâ vidit globum igneum; alteram intelligibilem, quâ in lumine Dei vidit totum mundum & Angelos in cælum deferentes animam Germani Capuani Episcopi. In illius ergò sensibilis visionis, (alterâ Divinitatis intuitiva visione fortè disparente, ad sensuum usum jam revocatus) testem vocavit Servandum Diaconum, qui etiam partis exiguæ lucis conspiciendæ conforset factus. Verùm licet alienatio à sensibus sit ita consequens Visionem Divinæ Essentiæ, ut anima toto conanime in Deum absorpta, & raptâ non possit naturæ viribus esse intenta operationibus tum sensibilibus,

tum quibusvis alijs intelligibilibus: attamen Divinâ virtute etiam concomitantè cum Visione Dei hoc fieri posse, imò de facto contigisse in visionem Pauli, constat ex eo, quòd raptus in Paradisum, adeoque in sortem Beatorum videntium Deum audiverit arcana ineffabilia. At audire secundùm proprietatem verborum, respectu mentalis quoque cognitionis importat actum distinctum à visione, uti probat Cornelius à Lapide in cu. cap. 12. Pauli. n. 3. ac Ysambertus in præs. q. 12. disp. 5. a. 3. n. 2. Confirmaturque ex eo, quòd Apostolus dicat *se audivisse verba.* Ergò dum Paulus in illo raptu vidit Divinam Essentiam, uti S. Thomas supra adductus tradit, non in hac duntaxat tanquam in speculo vidit ineffabilia, sed etiam extra Verbum per revelationes divinas audivit mira de Naturâ, Dotibus, Grauiâ, Gloriâ & Ordinibus Angelorum ex Greg. Hom. 4. in Ezech. Et hinc S. Dionysium de celesti Hierarchiâ ex S. Pauli Doctrinâ ita describere Angelorum Ordines, quasi omnia spectarit, notat Cornelius vbi sup. n. 4. Imò vidisse tunc etiam Gloriam Christi, ne minor esset cæteris Apostolis, qui Christum in carne viderant, ab eoque edocti erant; audivisse etiam modulatam Hymnorum vocem tradunt Chrysostomus, & Theodoretus ab eodem Cornelio adducti. Si ergò hæc auditio, & visio sensibilis non viribus naturæ, sed Divinâ virtute in Paulo sterit cum ejus raptu in Paradisum, & visione Divinæ Essentiæ; consequenter nobis tanquam Filijs Patris sui gloriosi honorem curantibus dicere liceat, Doctoris Angelici adversus Divinæ Essentiæ Sancto Benedicto communicatam Visionem adductum argumentum non esse efficax; sed pro gloria S. Benedicti stare Gregorij Magni cit. 35. cap. 2. Dial. evidens testimonium affirmantis: *In Dei lumine raptum super se in interioribus ita fuisse ampliatum, ut mirum non esset, quòd mundum ante se collectum videret, qui sublevatus in mentis lumine extra mundum fuerat, itaque videnti Creatorem angusta fieret omnis creatura.*

33.

## ARTICULUS II.

D E

## Specie Obiectivâ, Impressâ, &amp; Expressâ Visionis Divinæ Essentiæ.

**D**OCTOR Angelicus *præs. q. 12. 4. 2.* de duplici similitudine ad intellectionem concurrente difficultatem movet. Altera se tenet ex parte potentiæ: Nam virtus intellectualis dicitur quoddam lumen derivatum à primâ luce, juxta illud *Psal. 4. Signatum est super nos lumen vultus tui Domine.* Hoc autem vultus Divini lumen, seu lux prima est ipsa Dei Essentia, quatenus est primus intellectus. Ergo omnis virtus intellectualis creata, quatenus est participatio intellectus primi, ac Divini, est quædam similitudo Divinæ Essentiæ. Datur ergo in intellectu vidente Deum similitudo Divinæ Essentiæ, vi cujus intellectus creatus constituitur efficax ad videndum Deum, diciturque

I.



turque lumen Divinae gloriae confortans intellectum creatum ad Divinam Essentiam intuitivè conspiciendam. De quo *seq. art.* differemus.

2. Altera igitur similitudo concurrens ad intellectionem se tenet ex parte objecti, seu rei visae: non enim fit visio in actu nisi per hoc, quod res visa sit quodammodo in vidente. Est autem evidens, quod in corporalibus res visa non potest esse in vidente per suam Essentiam, sed per suam similitudinem duntaxat: sicut similitudo lapidis est in oculo, per quam fit visio in actu; non ipsa substantia lapidis. Quare difficultas *pres. art.* discutienda venit: *An essentia Divina mediante aliquâ similitudine, vel specie uniatur intellectui Beato ad sui Visionem efficiendam?*

3. Haec similitudo se tenens ex parte objecti distingui solet in *Objectivam*, *Impressam*, & *Expressam*. Similitudo *Objectiva* est medium prius cognitum, ex quo, vel in quo ducitur intellectus ad cognitionem alterius rei: sicut cognitâ imagine excitatur memoria & cognitio rei per illam repraesentatæ. De hac præcisè similitudine *Objectivâ*, S. Thomam *pres. a. 2.* negando *Divinam Essentiam videri posse per aliquam similitudinem creatam*, fuisse locutum, asseruit Vasquez *pres. disp. 39. c. 1. & 2. & disp. 43. c. 7.* sed malè. Tum quia D. Thomas à Visione Beatâ excludit illam similitudinem, quâ mediante fit unio rei visae cum potentiâ vidente. Haec verò est *Species Impressa*, non autem similitudo duntaxat *Objectiva*: Tum quia doctrina *presentis articuli secundi* videtur desumpta ex quodlib. 7. q. 1. a. 1. & ex 4. disp. 39. q. 2. a. 1. At in his locis S. Doctor expressè negat, dari in Beatis speciem Impressam. Ergo prædictus articulus secundus cum Cajetano, Banne, & Thomistis communiter præcipuè intelligendus est de specie Impressa.

4. Species Impressa est vicaria objecti, trahendo illud intentionaliter intra potentiam, atque hanc determinando non in ratione virtutis, seu potentiae, sed in ratione concursus objectivi. Hinc doctrina Vasquezij *disp. 44. passim* & Alarcon *tract. 1. de Visione Dei. disp. 3. c. 2. & 3.* existimantium, speciem Impressam ex parte potentiae se tenere, tanquam determinationem, & complementum virtutis cognoscitivæ, sive per modum luminis eam confortantis, meritò redarguitur. Tum quia Notitia paritur ex potentiâ, & objecto *juxta commune Axioma descriptum* ex S. Augustino. Ergò præter influxum potentiae ad factum intellectualem, sive ad Verbum mentis concipiendum, requiritur etiam influxus objecti. Hoc autem plerumque non *immediatè* concurret, ac influit in sui notitiam. Tunc ergò requiritur species tanquam vicaria objecti. Ergò haec non concurret ad cognitionem tanquam determinatio potentiae, ejusque complementum in ratione virtutis cognoscitivæ, sive tanquam lumen eam confortans, sed mediante tali specie impressâ objectum actualiat potentiam, eamque licet in ratione virtutis, & actualitatis omninò completam determinat, repraesentando objectum, ac intentionaliter uniendo potentiae.

5. Tum quia intellectus secundum Philosophum 3. de animâ *tex. 37.* intelligendo fit omnia. Hoc autem fit, quatenus potentia cognoscitiva objectum secundum *Esse intelligibile* trahit in se, id vel *immediatè*, vel *mediate specie intentionaliter* sibi uniendo. Unde species intentionalis est ipsa quid-

ditas, seu forma objecti, non quidem secundum *Esse reale Enuntiativum*, sed secundum *Esse intelligibile intentionale*. ex S. Thomâ 2. de animâ *lect. 7. & Metaph. lect. 6. & 8. item 3. cont. gent. c. 49.* At intellectus consideratus præcisè secundum rationem luminis, seu virtutis cognoscitivæ *intentionaliter*, ac *repraesentativè* non est res intelligibilis. Ergò hoc *Esse intelligibile, ac intentionale* actuans, & fecundans potentiam ad imaginem, seu Verbum intentionale objecti exprimendum, ac formandum, est principium distinctum à virtute cognoscitivâ, ejusque complemento, atque adeò species Impressa non consistit in lumine, seu determinatione virtutis, sed ut sic *formaliter* est repraesentativa, seu vicaria objecti, vice cujus concurret *effectivè* cum potentiâ ad sui notitiam efficiendam.

Species Expressa est imago objecti in eâ repraesentati, sive ipsa notitia per assimilationem objecti, seu hujus expressionem assimilativam. Haec imago, seu Verbum mentis non tantum est *intentionaliter*, ac *repraesentativè* ipsamet res concepta, sed etiam est medium, quo res intelligitur. ex S. Tho. de Verit. q. 4. a. 2. ad 3. Hoc tamen medium non est *ut quod* instar medij objectivi, in quo prius cognito devenitur in alterius rei cognitionem: sed est *medium Quo*, utpote formalis objecti expressio constituens objectum *formaliter* actu repraesentatum in intellectu.

#### CONTROVERSIA I.

*An possibile sit, Deum quidditative cognosci mediante aliqua specie enigmatica, seu similitudine Objectivâ?*

Difficultas nulla est in re ipsâ, sed potius in explicatione. Tum quia cognitio Dei per speculum ac ænigma attingit id, quod est, & quod Essentialiter Deus est. ex Alberto Magno 1. p. sum. tract. 3. q. 13. memb. 4. circa fin. Tum quia cognitio attingens Divinam Essentiam tanquam sui præsertim motivum, ac specificativum, est quidditativa. At Cognitio ænigmatica Dei non tantum per fidem, sed etiam secundum Theologiam Viatoris habet pro suo motivo specificativo Deitatem, seu Essentiam Divinam vel Increatam Veracitatis Dei formalitatem. Cur ergò ista cognitio est abstractiva duntaxat, non autem quidditativa?

#### CONCLUSIO.

EX Patrum, & Theologorum consensu indubitatum est, quod Divina Essentia nequeat mediante similitudine ænigmatica, seu specie objectivâ *quidditative* cognosci.

Probatum & explicatur. 1. Dei cognitio in ac ex medio aliquo objectivo secundum Albertum Magnum cit. tract. 3. q. 14. memb. 3. est triplex, nempe Corporalis, seu sensibilis, ac Imaginaria, & Intellectualis. Nam Deus sensibiliter apparuit Moyfi in Rubo. Exod. 3. Et imaginariè visus est à Jacob innixus scalæ. Gen. 28. In ejusmodi autem visione corporali, ac Imaginariâ oportet



- oportet hoc ipso intervenire cognitionem quoque intellectualem: Intellectus enim dijudicat & imaginationem, & sensum per hoc, quod luce intellectuali reflectitur ad sensus; & sic visionem ejusmodi sensibilem non accipit præcisè in ratione Visionis Corporalis, ac imaginariæ, sed in ratione signi ducentis in aliquid Divinum quâ cognoscibile sub similitudine, vel proprietate sensibilem, ex eodem Alberto *loc. cit.* At in primis certum est, quod tales corporales ac imaginariæ visiones, prout sunt in sensu, non attingant Deum, seu Divinum aliquid, *Intelligentiæ enim est opus in Visione. Dan. 10. v. 1.* Sic enim Balthasar, qui articulos scribentis vidit, *Dan. 5.* quid significaretur, per intellectum elicere non valuit, sed Daniel signatum seu Mysterium penetravit. Sic Pharaon *Gen. 41.* videns septem vacas, & septem spicas, lumine intellectus, quid significaretur, cognoscere non potuit, sed Ioseph, qui spiritum Dei habuit. Constat igitur, Visiones Dei, etsi quandoque oriantur à sensibus, non perfici absque intellectu. At nec istum posse ex ejusmodi corporalibus, ac imaginariis Visionibus, seu rerum creaturarum quibusvis speciebus elicere cognitionem Dei quidditativam patebit. Primò: ex illo *Isaia 6. 40.* *Cui similem fecisti Deum? aut quam Imaginem ponetis ei.* Secundò: Quia Visio quidditativa Dei opposita visioni per speculum, & in ænigmate est immediata seu Facie ad Faciem: juxta illud *1. Corinth. 13.* *Videmus nunc per speculum in ænigmate, tunc autem facie ad faciem.* Atqui speculum, & ænigma dicitur omnis similitudo, quæ interstat inter videntem, & rem visam. ex Alberto Magno *cit. q. 13. memb. 4. ad penult.* Ergo repugnat Visio Dei quidditativa per similitudinem, seu speciem objectivam.
3. Tertiò. Per similitudinem objectivam Deus est cognoscibilis ex creaturis vel per discursum, vel per contemplationem. Nam intellectus animæ tum à sensibilibus accipit intelligibilem Veritatem, eamque intelligit cum discursu; tum quandoque altius elevatus, omnibus animæ operationibus reductis ad simplicem contemplationem intelligibilis veritatis, fit uniformis convolutio intellectualium ejus virtutum, ita ut cessante discursu figatur ipsius intuitus in unius simplicis veritatis contemplatione. ex S. Tho. 2. 2. q. 180. a. 6. At nec ista contemplativa, nec illa discursiva cognitio Divinitatis abyssum & immensum substantiæ Pelagus in ipso Fundo Divini Esse *facialiter* conspicit ac intuetur. Vnde duplicem hunc modum attingendi Deum S. Iohannes Chrysostomus *Hom. 1. in Ioh.* eleganter descripsit per visum corporeum respicientem ad mare. Sicut enim oculus, quando figitur in litore maris, comprehendit Littus maris terminans; remotus autem à litore in ipsâ superficie maris figitur, & in ejus infinitate diffunditur, nihil videns, quod pelagi terminet infinitatem. Sic intellectus à sensibilibus accipiens intelligibilem de Deo veritatem, ei assentiendo per discursum non ingreditur infinitatem Dei, sed in litore, seu quasi termino conspicit eum sub specie creaturæ, figendo conspectum animæ ad Divinitatis pelagus non nisi modo imperfecto & cum termino cognoscendum. At mentis oculus per uniformem virtutum intellectualium convolutionem elevatus ad simplicem Divinæ Veritatis contemplationem tunc figitur quidem in infinita-

te, ingrediendo superficiem duntaxat, non autem substantiæ Divinæ pelagus *ut est in se* infinitum contemplando. Quo proinde modo Iohannes Evangelista nos undique removens à creaturis, & quam oculo immateriali contemplabatur, in Divinam immensitatem nos inducens dixit: *In principio erat Verbum*, non determinans, quid, vel quale Principium, quid, vel quale Verbum, quid, vel qualis esset Deus, sed reliquit nos in infinitate non penetrando profunditatem immensi Divinæ substantiæ pelagi, sed in superficie duntaxat id attingendo.

Quartò. Hoc Divinæ substantiæ pelagus infinitum cognoscimus, vel *symbolicè* vel *mysticè*, veluti ex S. Dionysio advertit Albertus Magnus *cit. q. 13. memb. 1.* *Symbolicè* autem proprietatem Dei noscimus proportionem proprietatis corporeæ. At cum proprietas Divina in infinitum emineat proprietatibus creatis, procedendo *symbolicè* stamus in infinito, & diffundimur in illo, quin substantiæ Divinæ immensum pelagus in profunditate Essentiæ, ut est in se, penetremus. *Mysticè* autem procedimus in Deum per eminentiam: Mystica enim sunt, quæ *per se*, & *primò* conveniunt Deo, *per aliud* autem, & *secundariò* creaturis, veluti Essentia, Vita, & intellectus. ex Alberto Mag. *cit. Memb. 1.* Hæc autem nobis non innotescunt, nisi secundum quod sunt in creaturis, genere, vel specie, vel numero. At secundum hoc Esse non conveniunt Deo, sed *eminenter*, ac *excellenter* in infinitum. Hinc enim cum Divino Dionysio dicimus, Deum esse *super Essentiam*, *super substantiam*; nec tamen dicere possumus, quantum sit super omnem essentiam: eo quod intellectus resolutorius non possit pervenire in aliquod Primum, quod non aliquo modo sit de Essentiâ resolutorum & immixtum eis. At Deus nihil est creatorum, sed *eminet* omnibus *excellenter* in infinitum. Ergo intellectus etiam *mysticè* procedens in Deum, stat in infinito, & diffunditur in illo, superficiem duntaxat ejus attingendo, non autem ingrediendo Divinam substantiam ut est in se.

#### Ad difficultatem n. 1. oppositam

Respondetur: Verū esse, quod cognitio ænigmatica fidei, ac Donorum Spiritus S. in viâ, nec non Theologiæ Viatorum attingat immediatè Dei Substantiam. Vnde Deitatem, vel formalitatem increatam Dei esse objectum motivum, ac specificativum ejusmodi virtutum intellectualium. Hoc tamen non sufficere ad Dei cognitionem Quidditativam. Tum quia cognitio ænigmatica attingit Divinam substantiam per disciplinam reflexam, seu discursum; adeoque secundum cogitationes volubiles inferentes unum ex alio, uti ex S. Dionysio, & Augustino tradit Albertus Magnus. *cit. q. 13. memb. 4. ad ult.* At visio Divinitatis Quidditativa attingit Essentiam Divinam simpliciter, & uniformiter. Tum quia cognitio quidditativa specificatur ab Essentia sui objecti formalis tanquam *motivo* non secundum modum Rationis formalis Quæ duntaxat terminativo, sed secundum esse suum intelligibile *causativo* vel *sui ipsius intentionaliter representativo*. Econtra verò cognitio Dei abstractiva ita terminatur ad Esse Dei, & ad id, quod est Essentialiter Deus, imò ad ipsam Essentiam Divinam



vinam, ut hanc quidem attingat tanquam ob-  
jectum formale, atque ab ea tanquam motivo per  
modum Rationis Formalis Quæ terminativo specificetur,  
nec tamen istam specificationem Quoad modum  
Rationis Formalis sub Quâ præstet Divina Essentia  
sub propria sui Esse intentionalis ac intelligibilitatis ratione  
& quidditate.

12. Ratio est. Nam intellectus humanus in viâ  
non habet motivum actuum suorum causativum  
& ut sic specificativum, nisi sensibilem quidditatem  
virtute, & abstractione intellectus agentis  
factam intelligibilem. Nec intellectus Angelicus,  
ejusque actus connaturaliter, tanquam ad  
motivum Causativum, & ut sic specificativum se extendunt  
ultra quidditatem spirituales creatas, in ratione  
intelligibilitatis sibi proportionatam, & in speciebus  
sibi congenitis representatam.
13. At cognitio abstractiva distinguitur contra Quidditativam,  
quod huius motivum efficienter causativum, & ut  
sic specificativum sit Essentia rei secundum  
Esse intelligibile formaliter, aut eminenter ipsius  
representativum: Illa verò non pendeat causativè, ac  
efficienter ab Esse intelligibili proprio rei intellectæ.  
Et hinc dici solet, quod cognitio abstractiva fiat per  
speciem duntaxat alienam: Quidditativa verò cognitio  
fiat per propriam vel speciem, vel ipsam rei  
intelligibilem quidditatem. Constat igitur, cur  
ænigmatica cognitio attingens Divinam Essentiâ  
sub ratione efficienter motivâ quidditatis à  
sensibilibus abstractæ, vel ad summum  
spiritualis creatæ, non sit quidditativa: siquidem  
huius sit proprium, pro suo vel formaliter, ac  
incidenter, vel saltem efficienter & causaliter  
specificativo objecto habere ipsammet Quidditatem  
Divinam, tanquam rationem formalem non Quæ  
duntaxat, sed etiam sub Quâ.

## CONTROVERSIA II.

*An Divina Essentia possit videri, vel de facto videatur mediante specie impressâ?*

1. Gandavensis in sum. 4. 33. q. 2. ad 3. Ægidius à  
Præsentatione lib. 8. de Beatis q. 3. a. 3. §. 1.  
cum pluribus à se relatis affirmant; de facto dari  
in Beatis speciem Impressam Divinæ Essentiæ.  
Probatur ex illo 2. ad Corinth. 5. Per fidem ambulamus,  
non per speciem. Ex hoc namque patet, visionem  
Patriæ opponi cognitioni Fidei, quod illa sit  
per speciem, non verò ista. Huc referri potest  
sententia Vasquezij pras. disp. 39. c. 1. n. 5. & disp.  
43. c. 6. & 7. & 3. p. disp. 54. c. 2. n. 5. & Alarcon tract.  
1. de visione Dei disp. 3. non distinguunt speciem  
Dei Impressam à lumine gloriæ, eo quod de  
ratione speciei non sit, se tenere ex parte  
objecti, id representando, sed potius ex parte  
potentiæ eam determinando. Verum huius  
opinionis falsitatem nullo nixam fundamento  
solidè redarguendam rejicimus in sequentem  
Articulum, ubi ex professo disseremus de  
Lumine gloriæ.
2. Richardus in 3. dist. 14. a. 1. q. 3. Aureolus quodlib.  
2. a. 2. Argent. in 3. dist. 14. q. 1. a. 1. ad 3. Mayron.  
Quodlib. 4. in fine. Speciei illius Impressæ  
possibilitatem ex judicio saltem probabili ad-  
tribuunt. Quibus absolute, & sine ulla hæsitati-

one accedunt Molina. pras. q. 12. a. 2. disp. 1. Suarez  
disp. 30. Metaph. sect. 11. n. 27. & lib. 2. de attribut.  
negativis. c. 13. Vasquez pras. disp. 46. c. 2. & cit. disp.  
43. c. 7. Valentia tom. 1. disp. 1. q. 12. punct. 2. Salas 1.  
2. tract. 2. disp. 8. sect. 2. n. 29. Fasolus pras. q. 12.  
a. 2. dub. 10. Gammachæus Sorbon. Comment. in pras.  
q. 12. c. 2. Conc. 23. Ysamberrus Sorbonicus ad cit.  
q. 12. disp. 5. a. 3. Petrus à S. Ioseph. lib. 1. de Deo c. 8.  
resol. 2. asserentes; possibilem saltem speciem im-  
pressam, per quam Essentia Divina intuitivè vi-  
deri possit. Fundamentum hujus Sententiæ  
potissimum deducitur ab Ysamberto loc. cit. Nam  
in specie impressâ quâ specie duo duntaxat con-  
tinentur, nimirum similitudo seu representatio, &  
Effluvia. At ex parte efficientiæ nulla est repug-  
nantia speciei, cum de facto detur lumen gloriæ  
efficienter influens in Visionem Beatificam. Ne-  
que ex parte representationis seu similitudinis in  
specie Dei impressâ resultat implicancia: quia de  
facto datur in Beatis species Expressa Divinæ  
Essentiæ, seu Verbum mentis. In hoc verò ma-  
jor, ac perfectior est similitudo objecti, quam in  
specie Impressâ, quia hæc est representatio so-  
lum effectiva, illud verò formalis, utpote forma-  
liter representans Divinam Essentiâ. Si ergo  
possibilis sit species expressa Divinæ Essentiæ,  
minus repugnabit species Impressa Dei.

Divinæ Essentiæ speciem prorsus impossi-  
bilem censent S. Thomas pras. q. 12. a. 2. & in 4. dist.  
49. q. 2. a. 1. & 3. cont. gentes. c. 49. & 51. Item De  
Verit. q. 8. a. 1. & q. 10. a. 11. nec non Quodlib. q. 7. a. 1.  
Ferrariensis 1. cont. Gentes. c. 43. Capreolus in 4. dist.  
49. q. 3. a. 1. concl. 1. Cajetanus, Bannes, Sylvester,  
Hieronymus de Medices, & Marcus Serra in 1. p.  
loc. cit. Nazarius pras. 4. 2. cont. 1. Ioannes à S.  
Thomâ hic disp. 13. a. 3. Petrus Labat 1. p. disp. 4.  
dub. 2. §. 1. Ioannes Baptista Gonet pras. tract. 2.  
disp. 2. §. 3. Philippus à S. Trinitate disp. 2. de  
Visione Dei. dub. 2. Franciscus de Lugo lib. 1. de  
Deo. disp. 20. c. 4. Franciscus Amicus tom. 1. disp. 9.  
sect. 4. pluribus alijs allegatis.

## CONCLUSIO I.

DE facto non datur species Impressa  
Divinæ Essentiæ.

Probatur. Ubi non intervenit specialis re-  
velatio, tenendum est, Deum operari modo ma-  
gis connaturali. At quando objectum respectu  
alicujus intellectus est per se ipsum intelligibile,  
magis connaturale est, quod immediate ad sui  
visionem concurrat. Sic enim substantia Ange-  
li, tametsi mediante specie impressâ sit repre-  
sentabilis in mente alterius Angeli, tamen re-  
spectu proprii intellectus, cui per se ipsam est  
conjuncta, non esset connaturale, quod medi-  
ante sui specie constitueretur intelligibilis. At  
quia Deus est summè immaterialis, est maximè  
intelligibilis respectu intellectus non proprii  
duntaxat, & increati, sed respectu intellectus  
etiam creati lumine gloriæ elevati. Ergo po-  
sito, quod species Dei impressa esset possibilis,  
tenendum adhuc foret, non dari de facto ejus-  
modi speciem in intellectu Beati.

Dices: Intellectum non cognoscere connat-  
uraliter objectum aliquod, nisi prius fiat ipsum  
in Esse intelligibili. Ex Aristotele 1. de anima. c. 2.  
tex. 25. & 26. & cap. 5. tex. 76. Quo aded sensu  
idem



idem Philosophus 3. de animâ. c. 4. 5. 7. 8. & alibi sæpè dicit, Animam fieri omnia per assimilationem nimirum objectorum. Hæc autem assimilatio antecedens intellectionem, est species Impressa. Si ergo simile non cognoscitur nisi à simili, juxta commune Axioma allegatum à S. Thomâ 1. p. q. 84. a. 2. consequenter magis con- naturale est, videre Deum mediante specie impressâ, per quam intellectus creatus Essentiæ Divinæ in Esse intelligibili assimiletur.

8. Contra : Assimilatio intellectûs ad ob-  
jectum fit per unionem potentia & objecti non  
in Esse reali, sed *intentionali*, seu *intelligibili*, ac  
*representativo*. Hæc verò in *Esse intelligibili* unio  
non fit per inhærentiam seu impressionem, ac  
informationem alicujus formæ : sic enim spe-  
cies sensibiles *physicè* inhærent aëri, quin illarum  
objecta dicantur *intentionaliter*, seu *representativè*  
esse in aëre, ad hanc enim denominationem re-  
quiritur, quodd objectum sit determinativum, &  
*Causaliter* specificativum visionis, seu cogniti-  
onis. Unde potentia cognoscitiva dicitur in *Esse*  
*intentionali* fieri ipsummet objectum, quatenus  
istud sive *immediatè*, sive *mediante specie impressâ*  
conjugitur cum potentia, tanquam principium  
*Effectivè* determinativum, atque adeò *Causaliter*  
specificativum notitiæ. Atqui Essentia Divina  
non tantum *formaliter* per summam identitatem  
est specificativa intellectionis Divinæ increatæ,  
sed etiam ad extra respectu intellectûs creati lu-  
mine gloriæ elevati habet vim perfectissimæ in-  
telligibilitatis objectivæ. Hæc autem Divinæ  
Essentiæ intelligibilitas objectiva, cum puris-  
simæ actualitatis rationem habeat, est per se ip-  
sam potens tanquam motivum *Causaliter*, seu  
*efficienter* specificativum influere in sui cogniti-  
onem. Ergo Essentia Dei, quatenus in ratione princi-  
pij *Effectivè*, seu *Causaliter* determinativi ac speci-  
ficativi conjugitur cum intellectu Beati, hunc  
constituit *intentionaliter*, seu *intelligibiliter* in Esse  
Divino. Ergo in intellectu Beati superflua foret  
species Dei impressa. Ergo hæc non datur de  
facto.

## CONCLUSIO II.

**I**mplicat species Impressa Essentiæ Di-  
vinæ.

10. Probatur. Speciei Impressæ ratio formalis  
est facere objectum *proximè*, & *actu* intelligibile.  
At implicat, Divinam Essentiam constitui intel-  
ligibilem *actu* per formam creatam. Ergo im-  
plicat forma creata, quæ sit species impressa Di-  
vinæ Essentiæ. Minor probatur argumento S.  
Thomæ 3. cont. gent. c. 51. Intellectûs perfectio est  
Verum. Ergo in tantum est aliquid intelli-  
gibile, in quantum est verum. At verum sequitur  
ad Esse. Ergo quod est suum Esse, est ipsa actua-  
lissima Veritas. Ergo quia Deus est suum Esse,  
per Essentiam suam *actualissimè* est intelligibilis.  
At implicat, perfectionem *per se*, ac *intrinsecè* in-  
existentem Divinæ Essentiæ convenire eidem  
per formam creatam. Cum igitur speciei im-  
pressæ sit, constituere objectum *actu* intelligibile;  
Essentia verò Divina *per se* sit *actualissimè* intelli-  
gibilis, consequenter implicat ejus species im-  
pressa.

Dices Speciei Impressæ ratio est, objectum  
*actu* constituere intelligibile, illud representan-  
do, ac ejus vice concurrente *effectivè* ad visionem,  
seu cognitionem. Hæc autem ratio representa-  
tionis, & concursûs effectivi respectu Visionis  
Dei non videtur ita propria Divinæ Essentiæ,  
quin formæ alicui creatæ instar aliarum Divi-  
narum perfectionum communicabilis sit. Mi-  
nor Probatur. Omnis perfectio Divinæ eatenus  
est ad extra communicabilis, quatenus in sui quâ  
participatæ conceptu formali non importat ra-  
tionem actûs puri, infinitatis, & Aseitatis. At  
ex hoc, quodd species creata esset representativa  
Essentiæ Dei, prout est in se, non sequeretur,  
esse *formaliter*, & *intrinsecè* actum purum & infi-  
nitum in Essendo : Sicuti species quoque sub-  
stantiæ creatæ potest hujus esse representativa  
*Quiddativè*, quin *formaliter* sit substantia. Quare  
ut species aliqua creata esset similitudo Essentiæ  
Divinæ, ut est in se, representativa, sufficeret,  
*Terminativè*, & *Objectivè*, adeoque *extrinsecè* esse a-  
ctum purum, & infinitum in essendo. Hoc au-  
tem nihil aliud foret, quàm habere pro objecto  
representato actum purum. At ex hoc nullam  
argui implicantiâ in specie creatâ, constat ex  
eo, quodd etiam visio, & lumen gloriæ habeant  
per objecto specificante Essentiam Divinam tan-  
quàm purissimum & infinitum actum. Ergo  
nulla apparet implicantiâ in specie creatâ Essen-  
tiæ Divinæ. Ex Suarez lib. 2. de Attrib. Neg. c. 13.  
n. 20. Et Vasquez. *præs disp.* 38. c. 4.

Contra. Nam 1. Esse intelligibile cujuslibet  
Entis est *Transcendentaliter* consequens modum Es-  
sendi realem, ac Entitativum. Ergo substantia  
creata, sicuti secundum Esse reale Entitativum,  
sic secundum Esse quoque intelligibile impor-  
tat potentialitatem mediante formâ accidenta-  
riâ perfectibilem. At verò substantia, & Essen-  
tia Divina est suum Esse. Ergo Esse quoque in-  
telligibile Essentiæ Divinæ est purissima, adeo-  
que infinita actualitas. At implicat, actum, qui  
est purissima intelligibilitas, seu infinita Es-  
sendi actualitas, constitui intelligibilem per formam  
creatam.

2. Ratio representationis, & concursûs ef-  
fectivi in specie nihil aliud est, quàm actualitas  
intelligibilitatis, seu forma constitutiva objecti  
in Esse intelligibilis completi, ac perfecti. Si er-  
go cujuslibet Entis intelligibilitas *Transcendentaliter*  
sequitur modum ejus Essendi, consequens  
est, Enti per Essentiam, seu actui in Essendo in-  
finito, ac purissimo non posse convenire intel-  
ligibilitatem aliquam, nisi hæc in ratione tam  
Entis, quàm intelligibilis sit *formaliter* suum Es-  
se actualissimum, incircumscriptum, ac infinitum  
in essendo. Ex S. Thomâ. *præs. q.* 12. a. 2. At  
ista ratio Entis infiniti, & actualissimi *directè*  
pugnat cum ratione Entis creati. Ergo impli-  
cat similitudo, seu species creata Divinam Es-  
sentiam, prout est in se, secundum Esse intelli-  
gibile representans. Unde patet differentia in-  
ter lumen gloriæ, & speciem Dei impressam. Hæc  
enim *formaliter* esset Divinæ Essentiæ secundum  
Esse intelligibile perfectiva, unde ex conceptu  
suo formali supponeret Divinam Essentiam im-  
perfectam quoad Esse intelligibile, seu quoad  
rationem Veritatis Transcendentalis; Illud ve-  
rò est primæ lucis, seu Divini intellectûs parti-  
cipatio, quin hunc supponat imperfectum : Si-  
cuti Vi-



tum Visio quoque Dei est modus Divinam Essentiam, *ut est in se*, vitaliter attingens, quin vel ex parte Essentiae Divinae imperfectionem aliquam, vel ex parte sui infinitatem, & actualitatem Essendi arguat. Constat igitur, speciem Dei impressam, non autem lumen gloriae, ac Visionem Dei involvere implicantiam. Ex S. Thomâ cit. a. 2.

### Responsio ad fundamenta contraria.

16. **A**D n. 1. oppositum Respondetur cum Alberto Magno cit. tract. 3. q. 13. memb. 4. quod videre per speciem sit videre per Essentiam. Ergo visio Patriæ, quatenus est per speciem, opponitur cognitioni fidei, quæ est per speculum, in ænigmate. Hæc autem cognitio fidei ænigmatica, licet Deum immediate attingat tanquam motivum per modum Rationis Formalis Quæ Terminativum, atque ut sic specificativum, seu distinctivum fidei à Prudentiâ infusâ, attamen Divina Essentia ad eam non concurrat in ratione objecti tanquam motivum Causativum, & ut sic per modum rationis sub Quâ specificativum, sed Fidei objecta sub obscura Dei revelatione latentia proponuntur per species alienas à sensibilibus virtute intellectûs agentis abstractas. Est igitur Visioni Patriæ proprium, quod sit per speciem, live per Essentiam Divinam, quatenus hæc in ratione Motivi non per modum Rationis Quæ duntaxat Terminativi, sed Efficienter Causativi determinat, atque ut sic per modum Rationis sub Quâ specificat Visionem Beatificam.

17. Ad fundamentum Ysamberti n. 4. oppositum Respondetur: Quod implicantia speciei Divinae Essentia ex duplici capite oriatur. 1. Ex actualitate purissimâ intelligibilitatis Divinae. Ex hac enim actualitate nascitur, quod Divina Essentia non possit per formam creatam constitui in ratione actualis, & proximi intelligibilis. At verò Essentia Dei, licet per formalitatem Veritatis Transcendentaliter, & in se sibi inexistente sit actualissimè intelligibilis, non tamen est per se ipsam intellecta, seu visa ab intellectu creato, quin creata, respectu Dei Transiens actio superveniat. Ergo ex illo capite non apparet saltem evidenter implicantia speciei Dei Expressæ producibilis per istam actionem. 2. Speciei Dei impressæ repugnantia desumitur ex ratione representationis, secundum quam species ejusmodi deberet intentionaliter, seu intelligibiliter continere ipsum Esse Divinum. Ex quo adeo fundamento implicare Divinae Essentia speciem quoque Expressam; mox patebit.

### CONTROVERSIA II

#### An in Visione Beatificâ formetur Verbum, per quod videatur Divina Essentia?

1. **A**ffirmat Verbum ejusmodi saltem possibile Divus Bonaventura in 1. dist. 3. p. 1. q. 1. ad ult. Durandus dist. 27. q. 2. n. 20. Gammachæus præf. q. 17. c. 2. conc. 1. Ysambertus cit. a. 3. n. 1. Suarez lib. 2. de animâ de gen. c. 11. Molana præf. q. 2.

disp. 1. Vasquez disp. 38. c. 2. Fasolus ad cit. a. 2. dub. 3. Eandem sententiam ex Thomâ & problematice adstruunt Capreol. in 4. dist. 49. c. 1. & Ferrar. 1. cont. gen. a. 53. §. Quinta c. 2. Fundamentum est 1. species expressa, live Verbum mentis est similitudo, seu forma inherens animæ, objectum formaliter menti manifestans, seu representans. Atqui talem formam in Beatis esse ipsammet Divinae Essentia Visionem, evincitur ex illo 1. Joan. 3. Cum apparuerit, similes ei erimus, quoniam videbimus eum, sicut est. Etenim apparere est manifestari. Deus autem apparendo menti Beatæ secundum verba sacrae Scripturae facit hanc sibi similem. At ideo erimus Deo similes, quoniam videbimus eum, sicut est. Ergo visio Dei est similitudo Naturæ Divinae manifestativa. Ergo est species Expressa, seu Verbum Dei manifestativum, live Expressivum. 2. Quicumque intelligit, ex hoc ipso, quod intelligit, procedit aliquod intra ipsum, quod est conceptio rei intellectæ ex vi intellectivâ proveniens, & ex ejus notitiâ procedens, diciturque Verbum Cordis. S. Thom. 1. p. q. 27. a. 2. Atqui Visio Divinae Essentia est formaliter intellectio. Ergo ex hac procedit Verbum seu species Expressa. De quo Verbo D. Augustinus 19. de Trinit. c. 16. attestatur: Illud quod fatendum est; quod etiam, cum similes ei erimus, quando videbimus eum, sicut est, nec tunc naturâ illi erimus æquales, & tunc quidem Verbum nostrum non erit falsum, quia neque mentemur, neque fallimur, & in illa Visione non erunt volubiles cogitationes nostræ ab illâ in aliam redeuntes.

Econtra Verbum creatum Divinae Essentia, ut est in se, representativum esse possibile, ut S. Thomas præf. a. 2. Caietanus, ibi §. Adverte. & q. 27. a. 1. ad 3. dub. Bannes cod. a. 2. Nazarius. cont. 2. Joannes à S. Thomâ hic disp. 13. a. 1. Serra in cit. a. 3. §. Mihi autem. Gonet tract. 2. disp. 2. a. 2. Philippus à S. Trinit. de Visione Dei. disp. 2. dub. 7. Franciscus Amicus to. 1. disp. 9. sect. 3. & alij.

### CONCLUSIO.

**I**mplicat species Expressa, seu Verbum creatum Divinae Essentia, ut est in se, representativum.

6. Probatur. Essentia speciei expressæ, seu Verbum mentis consistit in ratione imaginis formaliter actu representantis intellectui objectum, id sistendo inveniuntur intra intellectum, atque hujus intelligibiliter uniendo, per modum termini actualis intellectionis. Hæc autem ratio imaginis, & representationis est formaliter ipsa entitas speciei Expressæ, seu Verbum mentis. At omnis formæ creatæ entitas est formaliter intrinsecè finita. Si ergo daretur Essentia Divinae species expressa creata, hæc in ratione imaginis, & representationis esset in se formaliter finita. At imago finita non potest Essentia infinitæ, quatenus est in se, esse representativa. Ergo non est possibilis species Expressa Divinae Essentia.

7. Respondebis: Ex hoc discursu solum inferri, quod imago finita non possit adequatè & comprehensivè esse representativa Essentia actu infinitæ. Nihilominus sicut Esse reale Naturæ Divinae potest à formis creatis Gratia v. g. Habitualis & Luminis gloriae analogè & inadæquatè participari: sic non implicare, quo minus Esse



Dei representativum intellectui Divinæ quâ  
comprehensivè suam Essentiam intuenti perfectè,  
& absolute conveniens, secundum *inadequatam*  
Visionis non *comprehensivam* rationem, adeoque  
analogicè communicari possit creatæ formæ ac spe-  
ciei Expressæ Deum, ut est in se, *formaliter actu*  
representanti creato intellectui. Cuius ratio af-  
ferri potest. Quia ratio illa imaginis, seu re-  
presentationis consistit in similitudine inten-  
tionali speciei expressæ ad rem representatam.  
At similitudo ejusmodi non fundatur in omni-  
modâ unitate, seu convenientiâ, sed in aliqua  
proportione, & commensuratione ad rem intel-  
lectuam. Ejusmodi verò similitudo proportionis  
seu analogiæ ad Divinam substantiam non exco-  
dit metas formæ creatæ.

Contra: Nam alia est ratio similitudinis se-  
cundum assimilationem effectûs ad causam, alia  
verò est ratio similitudinis per representatio-  
nem Divinæ Essentiæ, quatenus est in se. Ete-  
nim Lumen gloriæ, quatenus est forma tribu-  
ens potentiam videndi Divinam Essentiam, eâ-  
que fruendi, juxta prioris generis assimilati-  
onem est quidem participatio Naturæ, & In-  
tellectûs Divini. Hæc tamen assimilatio, eo ip-  
so, quod sit effectûs ad causam, non est simpli-  
citer secundum Esse. Hoc enim respectu lumi-  
nis Gloriæ est accidentarium, respectu verò intel-  
lectûs Divini est essentialiter per se, & à se sub-  
sistens. Vnde patet, Esse reale Divinæ substan-  
tiæ secundum Essentiam quatenus in se, & à se  
per modum actûs puri subsistentem non esse par-  
ticipabile à formis creatis. Atqui Esse represen-  
tativum Divinæ substantiæ æquali proportio-  
ne Esse participabile à formâ creatâ, in quan-  
tum ejusdem substantiæ Esse reale communi-  
cabile est, arguit responsio Adversariorum. Er-  
go quia Essentia Divina, prout est in se, non est  
communicabilis formæ creatæ, nec consequenter  
ejusdem Essentiæ, prout est in se, Esse representa-  
tivum est participabile à formâ, seu specie creatâ.

Confirmatur. Nam similitudo representa-  
tiva est in se *representativè* imbibens id, quod in  
se obiectum est *realiter*. Vnde dicitur *intelligibiliter*  
esse ipsum obiectum. At hæc ipsa continentia  
objecti in Esse intelligibilis est quidditas, & Esse i-  
ria illius similitudinis, seu speciei. Ergo Esse  
reale illius speciei *formaliter* est rei representatæ  
seu obiectæ *quoad Esse intelligibile* continentia. Ex  
hoc autem fit consequens, speciem intentiona-  
lem *quoad suum Esse reale* esse in illo ordine Entis,  
in quo ordine est intelligibilitas rei obiectæ, seu  
representatæ. Atqui intelligibilitas actûs puri  
est *formaliter realiter* actûs purus. Ergo ejus quo-  
que species tam Impressa, quàm Expressa seu  
similitudo representativa est in ordine & rati-  
one actûs puri, seu infiniti. Constat igitur, si-  
militudinem Divinæ Essentiæ, prout est in se, re-  
presentativam, non esse proportionis duntaxat,  
& analogiæ, sed omnimodæ convenientiæ, &  
unitatis: nec adeò Esse Dei, prout est in se, *represen-*  
*tativum*, sed ejus duntaxat representabilitatem  
& ex creaturis esse ad extra communicabilem.

Replicabis: Esse representativum in Ver-  
bo mentali nihil aliud est, quàm actûs per sui  
unionem cum intellectu constituens hunc *forma-*  
*liter* intelligentem, ac denominans obiectum in-  
tellectum, seu cognitum. At per Verbum, seu  
intellectionem increatam non potest intellectus

*formaliter* constitui intelligens, nec potest Essen-  
tia Divina uniri intellectui creato. Ergo in intel-  
lectu Beati videntis Divinam Essentiam, oport-  
et adstruere formam aliquam creatam, quæ sit  
terminus actionis intelligendi, & per quam in-  
tellectus constituatur *formaliter* intelligens. Hæc  
autem forma est Verbum mentis, seu species Ex-  
pressa, attestante Divo Thomâ q. 4. de Verit. a. 2.  
*Quod Verbum intellectûs nostri sit id, ad quod operatio*  
*intellectûs nostri terminatur.*

Contra: Nam alia est unio formæ per in-  
hærentiam, seu informationem, alia verò est  
unio secundum terminationem vel hypostati-  
cam, vel intentionalem, & intelligibilem. Etsi  
verò impossibile sit, Essentiam Divinam uniri  
intellectui creato *per modum inhærentiæ*, seu *infor-*  
*mationis*, sicuti tamen Verbum Divinum *Hyposta-*  
*ticè* unitur naturæ humanæ Christi hanc termi-  
nando in ratione suppositi, sic non repugnat,  
Essentiam Divinam, & ipsam Dei intellectionem,  
increatam, seu Verbum æternum *intelligibiliter* uni-  
ri intellectui creato. Probatur hoc assumptum.  
Hæc namque unio intentionalis in eo sita est,  
quod Essentia Divina, seu Verbum increatum  
sit Terminus *vitaliter* affectus à visione intel-  
lectûs creati. Hunc autem viralem, seu inteno-  
tionalem contactum respectu Essentiæ Divinæ, ac  
Verbi increati intellectus lumine gloriæ eleva-  
tus præstat, non formando seu exprimendo, vel  
efficiendo Verbum, sed in hoc tanquàm termi-  
no intrinseco, sive immediato objecto Divinam  
Essentiam, prout est in se, contemplando. Pro-  
batur istud assumptum. Nam verbum intellectûs  
in nobis duo habet de sua ratione, scilicet quod  
est intellectum, & quod est expressum, S. Tho-  
mas ait. q. 4. de Verit. a. 2. At licet Divina Essen-  
tia non sit expressa ab intellectu Beato, nec per  
hunc sit producta, quæ proinde non simplici-  
ter habet respectu intellectûs Beati rationem Ver-  
bi: Nihilominus est visionis Beatificæ terminus  
immediatè intellectus se ipsam in se *expresse* & *actu*  
representans. Quo adeò sensu S. Doctor præ-  
q. 12. a. 2. ad 3. a. 1. Divinam Essentiam uniri in-  
tellectui creato, ut intellectum in actu. Constat  
igitur, Essentiam Divinam respectu intellectûs  
Beati habere quodammodo rationem Verbi, con-  
stituendo intellectum *formaliter* intelligentem,  
non per modum formæ inhærentis, ac informantis, sed  
per modum termini non quidem producti, sed *inteno-*  
*tionally* immediatè affecti per actionem Visionis  
Beatificæ. Vnde eandem Essentiam Divinam  
per se ipsam denominari *intrinsecè* intellectam,  
etsi ab ipso actu visionis non tanquàm Verbo,  
seu specie expressâ, sed tanquàm contactu vi-  
tali, & intentionali possit etiam *extrinsecè* deno-  
minari visa.

Instabis: Repugnat actio visionis sine ter-  
mino producto. Hoc autem est verbum men-  
tis, seu species Expressa, quæ est medium quo  
cognoscendi obiectum, non autem medium in  
quo tanquàm imagine representatur obiectum.  
Ergo in Visione Beatificæ necessariò admittenda  
est species expressa per informationem, seu in-  
hærentiam sui constituens intellectum Beati *forma-*  
*liter* videntem, seu *intuitivè* intelligentem Di-  
vinam Essentiam.

Contra: Nam actus immanentes licet *vir-*  
*tualiter*, ac *eminenter* habeant rationem actio-  
nis, *formaliter* tamen non tam sunt de prædica-  
mento




mento actionis, quàm qualitatis. Divo Thomà 2. 2. cont. gent. c. 100. asserente, per actionem immanentem non fieri aliud præter ipsam operationem, sicut in videre, vel audire, & ita comparari ad operantem non sicut viam ad aliquid operatum, & factum. Ex quo consequens est, intellectum quatenus est actus, & operatio intellectus per se non exigere terminum productum, nec ad istum tanquam distinctum se habere in via causalitatis, sed petere potius terminum tanquam proximum, & intrinsicum suum objectum. Istud verò objectum S. Thomas in opus. 14. dicit intellectum principale, utpote in quo res intelligatur, atque cernatur. Hoc verò ipsum principale intellectum esse Verbum interiorius formatum in animà, adeoque comparari ad intellectum non sicut, quo intellectus intelligit, sed sicut in quo intelligi, ita ut in isto sic formato videat intellectus Naturam rei intellectæ, testatur idem S. Doctor. Opus. 13. Atqui impossibile esse, Divinam Essentiam in Entitate creatâ tanquam Medio in quo representari, ac videri, prout est in se, demonstratum est cont. 1. præf. 4. 2. probatque S. Doctor hic art. 2. autoritate Div. Dionysij de Div. Nom. c. 1. circa initium asserentis, per similitudines rerum Ordinis inferioris nullo modo posse mutare seu Quiddam ratione cognosci superiora. Consequens igitur est, non esse possibilem speciem Expressam creatam Divinæ Essentiae, prout est in se, representativam.

#### Responsio ad Argumenta Adversariorum.

Ad 2. oppositum argumentum Respondetur ex S. Thomà præf. 4. 2. Cum apparuerit Deus, fore nos ipsi similes per Primæ lucis, seu intellectus Divini analogicam Luminis gloriæ communicatam participationem. Ex hac verò in nostrum intellectum infusâ Divinâ luce fore, ut Essentia Dei in ratione termini vitaliter affecti per Visionem Beatificam intentionaliter uniatur intellectui nostro, atque adeo anima nostra intelligibiliter in se transferat ipsam Divinitatis substantiam: Unde futuros nos tunc Deo similes tum realiter secundum analogicam Primæ lucis, & naturæ Divinæ Luminis gloriæ communicatam participationem, tum intelligibiliter secundum Essentiae Divinæ per Visionem Beatificam in se quoad Esse suum increatum immediate affectæ Unionem intentionalem.

Ad 3. oppositum Respondetur: Illam Divi Thomæ propositionem: Quicumque intelligit, ex hoc ipso, quod intelligat, procedit intra ipsum Verbum, non esse accipiendam in sensu formali, vel in suppositione pro singulis generum; quasi ratio intellectio- nis in omni intelligente supposito formaliter importet Verbum ab ipso expressum; Nam Filius & Spiritus Sanctus verè intelligit, quin exprimat, seu producat Verbum. Est igitur accipienda illa propositio in sensu accommodato, & in suppositione pro generibus singulorum, ita ut nulla sit natura intellectiva; quæ non sit principium exprimendi, seu producendi Verbum modo suo Essendi commensuratum, ac proportionatum. At verò Verbum Divinæ Essentiae, ut est in se, representativum, omnis formæ creatæ modum Essendi infinite excedere, constat ex dictis. Ergo intellectus creatus non potest unquam Luminis gloriæ in tantum elevari, ut valeat in se produ-

cere Verbum Divinæ Essentiae Quiddam repræsentativum, sed ipsum increatum Dei Verbum seu Essentiam Divinam intentionaliter ad se trahendo, facit illud sibi proprium, ac suum. Quo adeo sensu rectè S. Augustinus ait, quando videmus Deum sicuti est, tunc Verbum nostrum, Verbum nimirum Divinum vi contactus intentionalis, seu vi contactus visionis in nos transfusum, adeoque intelligibiliter nostro intellectui unitum, non fore falsum, adeo in illi invariabiliter inhaerendo, neque mentiri, neque falli possumus.




### ARTICULUS III.

#### DE

#### Lumine Gloriae.

Inter Catholicos non potest stare dubium de existentia Luminis gloriæ in Beatis, Concilio Viennensi, prout refer. ur in Clement. Ad nostrum, de Hæreticis, damnante erroris quorundam doctrinam asserentium. Quod qualibet intellectualis Natura in se ipsâ naturaliter sit Beata, quodque anima non indigeat lumine gloriæ ipsam elevantis ad Deum videndum, & eo beatè fruendum. Superest igitur difficultas duntaxat de Essentia, & ratione nec non effectu formali, ejusque in Beatificam Essentiae Divinæ Visionem influxu; quæ sequentibus Controversijs expedientur.



#### CONTROVERSIA I.

#### In quo consistat ratio, & quiditas Luminis Gloriae?

Scotus in 4. dist. 49. q. 11. n. 9. & 10. docet, animam humanam non posse quidem ex naturalibus elicere visionem Dei, quod Deum nec in se, nec in eminentiori habeat sibi præsentem: imò nec ex naturâ suâ habeat virtutem seu potentiam faciendi Divinam Essentiam facialiter sibi præsentem: Nihilominus ad Visionem Dei non videri necessarium Lumen gloriæ. Probatur: Nam istud lumen vel requireretur ex parte subiecti ad recipiendam Visionem Beatificam. At nulla in potentia sive intellectivâ, sive volitivâ ad formæ supernaturalis receptionem prærequiritur supernaturalis dispositio, cum aliis daretur processus in infinitum. Vel lumen illud exigeretur ex parte objecti. At quàm objectum est magis in se lux, tantò minus propter ipsum requiritur de lumine. Vel denique Lumen gloriæ esset ad Visionem Dei prærequiritum ex parte potentiae: hoc autem perinde foret, ac si diceretur de lumine naturali corporali; non tantum requiri propter objectum, sed propter oculum. At hæc locutio est tantum Metaphorica. Non igitur videtur adstruendum Lumen gloriæ distinctum à Visione Beatificâ, sed hæc ipsa communicata intellectui Beatorum, hunc non in rationis principij effectivi, sed in ratione principij formalis elevando, & formaliter constituendo videntem Essentiam Dei, habet rationem Luminis gloriæ. De quo adeo lumine intelligi posset clementinam citatam innuit Author Scholiorum in III. Scoti q. 11. n. 9.



2. Vasquez *frat. disp. 39. & 43. præsertim l. 5.* affirmat, Lumen gloriæ in Beatis exercere munus speciei intelligibilis, supplendo concursum objecti. Probat. Quoties ad unum effectum concurrunt plures Causæ inter se non subordinatæ, singulis respondere debet in effectu peculiaris ratio, & formalitas. In visione autem tres distinguendæ sunt formalitates, Vitalitatis, Supernaturalitatis, & Expressionis Divinæ Essentiæ. At qui ratio Vitalitatis respondet Potentiæ intellectivæ: ratio autem expressionis Essentiæ Divinæ est ex virtute objecti specificantis visionem in ratione Motivi non tantum *Terminativi*, sed *Causativi* determinantis ad sui expressionem, seu representationem formalem. At in hanc ipsam objecti quoad substantiam supernaturalis causalitatem reducitur Visionis Dei supernaturalitas. Ergo præter intellectum non occurrit alia causa influens in Visionem Beatificam, nisi teneat se ex parte objecti. Oportet igitur Lumen gloriæ, quatenus cum intellectu *effluenter* concurrat ad illam Visionem, tenere vices objecti, seu Essentiæ Divinæ, adeoque habere rationem speciei impressæ.

3. Ex Doctore Angelico *hic a. 2. & 5.* tradunt plerique Theologi, nominatim Thomistæ; Lumen gloriæ esse qualitatem supernaturalem intellectui infusam, ad conferendum robur, ac vires supernaturales, quibus compleatur in ratione potentiæ.

#### CONCLUSIO I.

**L**umen gloriæ non est ipsa Visio Beatifica.

4. Probat. Visio Dei est operatio vitalis, seu vita in actu secundo juxta illud *Joan. 17. Hæc est vita æterna, ut cognoscant te Deum verum.* Et *Joan. 10. Ego vitam æternam do eis.* At operatio vitalis effectivè procedit à potentiâ vitali: intellectus vero creatus ex suis naturalibus est improporcionatus ad producendam effectivè Visionem Dei. Ergo antecedenter ad istam oportet adstruere formam, seu causam supernaturalem, virtute cujus elevetur & proportionetur intellectus ad videndum Deum. At hæc ipsa forma visionis Dei causativa est Lumen gloriæ. Probat. istud assumptum. Nam lumen Gloriæ esse necessarium tanquam elevans ad Deum videndum, definit Concilium Viennense in *cin. Clement. Ad nostrum. de Hereticis.* Ex hoc autem innuitur, Lumen istud importare aliquid prævium, & antecedens Visionem. Ergo lumen gloriæ non est ipsa Visio Dei. Confirmatur ex ipso subtili Doctore in *3. dist. 14. q. 1. n. 1.* fatente, quod *habitus supernaturalis sit præsuppositus ad actum Visionis supernaturalem.* Omnis namque Visio requirit lumen proportionale prius naturaliter ipsâ Visione; Sicut ergo visio naturalis requirit lumen naturale aliud à se, & prius ipsâ; sic visio supernaturalis requirit lumen supernaturale aliud ab ipsâ, & prius eâ, veluti Scotus *ibid. arg. 2.* argumentatur.

#### CONCLUSIO II.

**L**umen gloriæ non exercet munus speciei impressæ.

6. Probat. Quia species intelligibilis quatenus fecundat, & actuat intellectum, supponit istum in ratione potentiæ completum, & perfectum. At intellectus creatus antecedenter ad infusionem Luminis gloriæ non est completus, & perfectus in ratione potentiæ videndi Divinam Essentiam. Ergo luminis gloriæ infusio in intellectu creato præsupponitur ad Essentiæ Divinæ speciem intelligibilem. Ergo lumen gloriæ non habet rationem speciei intelligibilis.

7. Respondebis ex Vasquez. *cit. disp. 43. c. 4. n. 10.* Ad hoc, ut facultas aliqua cognoscitiva sit receptiva speciei, requiri quidem virtutem, & efficacitatem circa objectum in genere, non tamen in specie. Hinc enim auditum defectu virtutis circa colorem in genere non esse receptivum specierum albedinis, & nigredinis, sicut etiam sensus defectu efficacitatis circa objectum à materiâ abstractum non esse capaces specierum intelligibilium. At visum cum antecedenter ad receptionem speciei albedinis habeat efficacitatem non quidem completam, & determinatam videndi albedinem, sed generatim circa colorem in universum, idcirco esse perfectibilem, & in ratione virtutis visivæ determinabilem per species colorum. Pari ergo ratione, ut intellectus creatus sit receptivus speciei Divinæ Essentiæ, non esse opus, habere virtutem efficientem completam circa Deum videndum, sed satis esse, habere ex se vim cognoscendi omne intelligibile, atque adeo esse ut sic determinabilem à Divinæ Essentiæ specie intelligibili. Falsum proinde esse, quod species intelligibilis quæ fecundans, & actuans intellectum, supponat hunc in ratione potentiæ completum, & perfectum.

9. Contra. Nam aliud est, posse recipere qualitates aliquas supernaturales secundum potentiam duntaxat obedientialem: aliud vero est, comparari ad formam supernaturalem in ratione potentia habilitata, & proportionata. Sic enim anima est susceptiva gratiæ Habitualis absque ullâ præviâ dispositione supernaturali secundum potentiam prædictæ Obedientialem. At vero, ut intellectus sit capax Divinæ Essentiæ quæ formæ intelligibilis, oportet in ratione virtutis intellectivæ esse habilitatum, & proportionatum. Probat. hoc assumptum. Alia est ratio recipiendi formam aliquam per modum physice inherentiæ: alia vero ratio est sibi taliter uniendi formam, ut tribuat effectum suum formalem. Sic enim, etiam si Deus (quod aliqui credunt possibile) in re inanimatâ conservaret conceptum vitalem, vel gratiam in lapide, istæ formæ non tribuerent tali subjecto proprios suos effectus formales. Sic species quoque visibiles in ratione accidentis physice inhaerent aëri, quin hunc fecundent, & adjuvent ad objectorum suorum Expressionem. Cujus ratio à priori est, quod informatio, & adjuvatio speciei in esse intentionali petat potentiam vitalem in se proportionatam, & habilitatam ad vitaliter utendum specie. Hinc enim sensus etiam per potentiam Dei absolutam non est aptus intentionaliter recipere species intelligibiles, sed duntaxat sensibiles. At ex sæpè *cit. Clement. Ad nostrum. de Heret.* eruitur: quod intellectus humanus antecedenter ad luminis gloriæ elevationem non habeat virtutem utendi specie Divinæ Essentiæ receptivæ.



13. *presentativa*: cum alioquin non minus naturaliter esset potens videre Deum, quam oculus corporeus suis naturalibus viribus possit videre lucem Solis. Unde etiam consequens est, virtutem quā cognoscitivā, adeoque vitalem, & intentionalem non importare *precise* efficacitatem circa objectum aliquod in genere, sed *formaliter* dicere proportionem, & virtutem intrinsecam utendi specie, per quam ut sic non tam in *Esse Physico*, quam in *Esse intentionali*, seu *intelligibili*; sive in *Esse Objectivo* est determinabilis. At verò ipsa Essentia Divina est forma intelligibilis intellectus videntis Deum per Essentiam. Essentia verò Divina est forma altior omni intellectu creato. Ergo oportet, quod intellectus creatus dispositione aliqua sublimiori elevetur ad hoc, ut Essentia Divina fiat ejus forma intelligibilis, veluti eleganter, ac efficaciter arguit Divus Thomas *pres. a. 5. & 3. cont. gent. c. 53*. Hæc autem dispositio est virtutis intellectivæ augmentum, mediante quo elevetur, & proportionetur intellectus creatus ad utendum Essentiā Divinā *intentionaliter* sibi unitā non quidem in *Esse reali physico*, sed in *Esse intentionali*, ac *intelligibili*. At illud ipsum virtutis intellectivæ supernaturale augmentum cum S. Doctore. *cit. a. 5.* vocamus illuminationem intellectus, per quam reddamur Deiformes. *Ioan. 3.* estque illa Dei Claritas, quæ *Apo. 2.* dicitur illuminare supernam Jerusalem, id est Societatem Sanctorum Deum videntium. Cum proinde Lumen gloriæ præsupponatur ad hoc, ut intellectus creatus habeat virtutem *intentionaliter*, ac *vitaliter* utendi Essentiā Divinā tanquam formā, seu specie intelligibili, consequenter non habet rationem speciei Impressæ.

## CONCLUSIO III.

**L**umen gloriæ est qualitas supernaturalis recepta in intellectu Beatorum, ejus est elevare, & confortare intellectum, *formaliter* communicando vim eliciendi immanenter Visionem Divinæ Essentiæ, ac disponere ad unionem Divinæ Essentiæ tanquam formæ intelligibilis.

14. Probatur, & explicatur. Duo concurrunt Lumen ad intellectionem: alterum se tenet ex parte potentie, estque in intellectu possibili Vis intellectiva, adeoque illuminativa objecti per actualem intellectionem: alterum lumen se tenet ex parte objecti, quod S. Thomas *pres. a. 5.* vocat *Lumen intelligibile*. Hoc autem respectu intellectionis Humanæ naturalis est species intelligibilis abstracta à sensibus, *formaliter* illuminans, seu transformans objectum sensibile in intelligibile. At respectu Intellectus Angelici est species concreata, seu juxta ejusdem connaturalitatem exigentiam, & proportionem intrinsecam infusa à Deo. Unde patet, quod istud lumen intelligibile, seu species ex connaturali vel activitate vel exigentiā cujuslibet intellectus creati resultet, sitque adeo intrinseca proportio, & commensuratio inter lumen intellectuale, & intelligibile lumen. Atqui intellectus creatus ex virtute sua naturali est improporcionatus ad videndam Divinam Essentiam. Ergo ex se non habet sibi innatum lumen intellectuale, quod

in ratione potentie vitalis sit elicitivum Visionis Dei. Oportet igitur, quod ex Divinā gratiā, sive ex supernaturali qualitate ei succrescat virtus intelligendi, seu lumen intellectuale supernaturale. Hoc autem augmentum virtutis intellectivæ per supernaturalis formæ appositionem vocatur Lumen gloriæ. Ergo hoc est forma supernaturalis per modum habitus infusa intellectui, *formaliter* per modum luminis intellectualis ei tribuendo virtutem videndi Divinam Essentiam. At verò virtutis, & luminis intellectualis proprium est operari, trahendo objectum intra se, illudque sibi *intentionaliter* uniendo per modum formæ intelligibilis vel virtute activæ intellectus agentis abstractæ, & formatæ, vel per connaturalem exigentiam sibi congenitæ, seu communicatæ. Ergo ex hoc ipso, quod intellectus creatus lumine gloriæ perfusus sit in ratione luminis intellectualis proportionatus, & perfectus ad Dei Essentiam intuitivè conspiciendam, consequens est, habere vim connaturaliter exigendi, sibi quæ *intentionaliter* uniendo Divinæ Essentiæ formā intelligibilem tanquam principium Visionis Beatificæ. Atqui hæc forma intelligibilis Essentiæ Divinæ est ipse actus Essendi, seu Esse Dei subsistens, velut *præced. art. demonstratum est*. Oportet igitur, quod lumen gloriæ connaturalem habeat exigentiam & proportionem intrinsecam uniendo intellectui creatum cum Essentiā Divinā tanquam formā intelligibili. Ergo lumen gloriæ supplet defectum intellectus possibilis *formaliter* hujus communicando virtutem videndi Deum; tum quodammodo intellectus agentis, non quidem gerendo munus speciei impressæ, sed per connaturalem exigentiam, & proportionem intrinsecam disponendo ad unionem intellectus creati cum Essentiā Divinā tanquam formā intelligibili.

## Responsio ad argumenta Adversariorum.

**A**D Scoti *n. 1.* oppositum Respondetur 1. Et si ad receptionem formæ supernaturalis secundum potentiam duntaxat Obedientialem nulla præsupponatur ex parte subjecti prævia dispositio supernaturalis: cum aliās daretur processus in infinitum. Secus tamen esse respectu formæ supernaturalis receptæ in subjecto secundum proportionem intrinsecam & connaturalem subjecti exigentiam. At visionem Beatificam hoc ipso, quod sit forma vitalis, ad effectum suum formalem communicandum præsupponere ex parte subjecti potentiam intrinsecè proportionatam in ratione principij tum effectivi, tum materialis, ac receptivi. Ergo lumen gloriæ tribuere intellectui creato vim non Effectivam duntaxat, sed & receptivam Visionis Divinæ Essentiæ.

Respondetur 2. Lumen gloriæ ad Visionem Beatificam non quidem concurrere in ratione luminis objectivi, hoc enim esse ipsam Divinam Essentiam. Nihilominus disponere ad unionem intellectus cum hoc Divina Essentia lumine objectivo, & intelligibili tanquam Visionis Beatificæ suo principio.

Respondetur 3. Lumen gloriæ esse ad Visionem Dei ex parte potentie prærequisitum omnino necessarium, ipsomet Scoti in 3. sent. dist. 14. q. 1. n. 1. latente. Quare locutionem, per quam



quam alia ratio luminis ponitur ex parte objecti seu rei visibilis, alia verò ex parte potentia, seu visus; non adeò Metaphoricam esse, quin optimè conducat ad explicandum, quomodo præter lumen intelligibile Divinæ Essentiæ in intellectu Beati opus sit supernaturali lumine intellectualem formaliter conferente virtutem videndi Divinam Essentiam, atque ad hujus cum illo unionem in esse intelligibili disponente.

20. Ad Vasquezijn. 2. oppositum Responderetur. Visionem Beatificam esse formaliter contactum Vitalem, & intentionalem Essentiæ Divinæ se ipsam formaliter actualissimè repræsentantis per purissimam intelligibilitatem, seu actualissimum suum Esse non tantum reale, sed etiam intelligibile. At istum Divinæ Essentiæ contactum intentionalem esse formaliter ut sic supernaturalem, atque adeò quā vitalem essentialiter supponere principium immanenter, ac intentionaliter operativum supernaturale. Hoc verò principium supernaturale habens formaliter rationem potentia vitalis, ac intentionalis supernaturalis non esse objectum, sive hujus Esse intelligibile. Opporere igitur, præter intelligibilem Essentiæ Divinæ formam concurrere lumen gloriæ non in ratione, seu vice objecti, sed per modum qualitatis conferentis virtutem intelligendi supernaturaliter, seu videndi Divinam Essentiam.

21. Instabis. Cur præter lumen intellectuale ad intellectionem præquiratur lumen aliquod objectivum seu forma, ac species intelligibilis objecti: tota hujus ratio est indifferentia virtutis intellectus, quæ per speciem, seu formam intelligibilem determinatur ad certi objecti notitiam. At hæc determinatio respectu visionis Beatificæ formaliter fit per lumen gloriæ. Ergo istud videtur se tenere ex parte objecti.

22. Responderetur. Negando Majorem. Nam virtus intellectiva, Essentiam Divinam videndo, hanc per motionem vitalem ita attingit, ut ipsi assimiletur intensionaliter. In quo differt intellectus à voluntate, quod hæc per modum impulsus feratur in objectum, ille verò per objecti expressionem & assimilationem intensionaliter habeat objectum intra se. At verò non minus Potentia spirativa, quàm generativa in Divinis per objectum suum motivum ac specificativum est intrinsecè determinata ad productionem tum Spiritus Sancti, tum Verbi increati, & tamen hujus, non verò illius productio est Generatio formaliter procedens in similitudinem objecti, seu Essentiæ, & Naturæ Divinæ. Ergo determinatio intellectus lumine gloriæ elevati ad sui cum divinâ Intelligibilitate assimilationem non est præcise ex conjunctione objecti, sed ex virtute supernaturali conferente vim assimilativam seu visivam divinæ Essentiæ. Ergo luminis gloriæ in Visionem Beatificam influxus non est in vi objecti, sed in ratione potentia quâ per connaturalem exigentiam intellectui proportionantis ac intensionaliter unientis Essentiam Divinam, atque ut sic unâ cum intellectu elevato vitaliter producentis visionem Divinæ Essentiæ.

\*\*\*

✠ (IHS.) ✠

## CONTROVERSIA. II

### Qualis tum Luminis gloriæ, tum intellectus creati sit influxus in Visionem Beatificam.

Supponendum. 1. adversus Nominales ab Amico præ. disp. 9. n. 226. relatos, quod visio Beatifica efficienter procedat ab intellectu creato: est enim actio vitalis importans formaliter attentionem virtutis cognoscitivæ. Est autem actio vitalis essentialiter emanatio à principio vitali se movente ab intrinseco. Ergo tum ex ratione attentionis tum ex ratione vitalitatis importat visio Beatifica influxum effectivum virtutis intellectivæ. Supponendum 2. In visione Beatifica esse ex ratione nostrâ ratiocinatâ taliter distinguendas formalitates vitalitatis, & supernaturalitatis, ut tamen vitalitas secundum suam Entitatem sit realiter, imò à parte rei formaliter ipsa supernaturalitas. Unde consequens esse, quod intellectus creatus virtute saltem obedientiali indistinctâ à suæ entitatis substantiâ physice effectivè concurret ad visionem Beatificam. Neque ab hoc discrepant Thomistæ, qui, veluti Franciscus de Lugo lib. 1. de Deo. disp. 12. c. 2. n. 1. refert, immediatam respectu visionis Beatificæ virtutem negent intellectui. Nam aliud est, intellectum per suam substantiam influere in actum supernaturalem per modum principij partialis ex se proportionati cum vitalitate talis actus, aliud verò est, intellectum quoad substantiam suam habere respectu actus supernaturalis rationem principij secundum se vitalis, non quidem proportionati, sed elevabili & proportionabili per habitum supernaturalem, ita ut ex intellectu, & habitu supernaturali non fiat concursus duplicis virtutis, quarum quælibet in sua partialitate sit proportionata, sed ex illis duabus qualitatibus, alterâ se habente tanquam elevabili & proportionabili, alterâ tanquam elevante, & proportionante resultet unica virtus proportionata taliter influens in intellectionem supernaturalem; ut æquè vitalitas, ac supernaturalitas respondeat tanquam suo immediato effectivo principio tum habitui supernaturali, tum intellectui per hunc elevato, & proportionato.

Hoc igitur posterius duntaxat affirmant Thomistæ; agnoscens in intellectu, non verò in voluntate physicam, & realem virtutem vitaliter producendi Visionem Beatificam, ita ut hæc virtus competat intellectui non à Lumine gloriæ, sed à se, tamen ex se non sit proportionata, sed proportionabilis ac elevabilis per informationem luminis supernaturalis. Unde Thomistæ in eo duntaxat sensu negant intellectui immediatam, & proximam virtutem ad influendum in actum illius visionis, quod ista virtus ex se non sit proportionata, sed indigeat lumine elevante ac proportionante non ad supernaturalitatem duntaxat, sed etiam vitalitatem actus supernaturalis, utpote habentis unam rationem specificam indivisibiliter promanantem ab intellectu, & habitu supernaturali. Ex Cajetan. 2. 2. q. 71. a. 2. §. ad primam objectionem. Ioann. à S. Thom. in disp. 14. a. 3. Pesantio. l. p. q. 12. a. 6. notab. 3. & und. 2. Banne. ead. q. 12. a. 5. dub. 1. §. Alium supponendum



*videtur eff. Alvarez, lib. 7. de Auxil. disp. 63. n. 6. & disp. 68. n. 31.*

His adeo suppositis remanet difficultas, An intellectus, & lumen gloriæ concurrant ad Visionem Beatificam tanquam duæ causæ partiales, quarum qualibet in ordine, ac genere suo principalis sit, atque adeo in visione illa sit intelligibilis conatus aliquis respondens intellectui tanquam virtuti naturali?

### Referuntur Sententiæ Doctorum.

**A**ffirmant alij relatis Salas 1. 2. tract. 2. disp. 5. sect. 5. & Franciscus de Lugo cit. disp. 12. c. 4. n. 11. & c. 5. n. 2. Probat ex S. Tho. 3. cont. gent. c. 13. in 4. rati. & 1. p. q. 12. a. 5. docente: Virtutem naturalem intellectus non sufficere per se ad Visionem Divine Essentiæ, ideoque oportere, ut illi augeatur virtus, & superacrescat ex Divina Gratia, ut sic aucta Divino lumine & auxilio perveniat ad illam visionem. Ergo de mente Sancti Doctoris virtus ipsa naturalis intellectiva associata lumini gloriæ influit in Visionem. Confirmatur. Eadem est ratio de influxu intellectus creati cum Lumine gloriæ in Visionem Beatificam, atque de concursu voluntatis cum auxilio gratiæ in actus supernaturales, ac meritorios. Atqui voluntas virtute sua naturali influit cum gratia in hos supernaturales actus. Minor probatur. Nam gratia eas liberi arbitrij vires fortificat ad actus bonos, quas culpa attenuavit. At culpa attenuavit vires liberi arbitrij naturales quæ naturales, ex Concil. Trident. sess. 6. c. 1. & Araus. c. 25. Ergo gratia sanat, & fortificat vires liberi arbitrij naturales, ut quæ naturales influant in actus supernaturales.

Econtrario Suarez. 3. p. tom. 1. disp. 22. sect. 1. §. Disce foris aliquis. negat, quod intellectus creatus ad Visionem Dei concurrat per potentiam, & efficaciam naturalem, quæ talem, sed prout in se habet potentiam obedientialem, quæ de se extenditur ad omne id, quod non implicat. Cujus rationem disp. 31. sect. 6. §. Atqui ha rationes. assert, quod potentie nostræ non sint essentialiter ordinatæ ad actus supernaturales etiam partialiter eliciendos. Unde §. Atqui ergo ducendum videtur infert, has potentias in eliciendis actibus supernaturalibus se habere, ut instrumenta Dei.

Inter has oppositas sententias media stat Thomistarum, prout videre est apud Ioan. à S. Thom. loco sup. cit. asserentium, nec potentiam vitalem obedientialem intellectus, nec virtutem supernaturalem Luminis gloriæ se habere respectu Visionis Divine Essentiæ tanquam causam partialiter influentem, esseque adeo Lumen gloriæ respectu Visionis Beatificæ totalem agendi virtutem, non eo quidem sensu, quasi excludatur consortium alterius principij, intellectus nimirum vitaliter efficienter influentis, sed quatenus sit unica proxima virtus, seu proportionata ad videndum Deum. Ex hac verò luminis gloriæ virtute ita elevari intellectum, ut non se habeat per modum Instrumenti, sed concurrat tanquam Causa principalis operans tamen ex virtute participatâ, seu per luminis gloriæ activitatem formaliter sibi communicatâ.

### CONCLUSIO.

**H**æc Thomistarum Sententia omnino videtur amplectenda.

Probatur, & Explicatur. Nam alia est ratio principij verè, ac physice influentis; alia verò est ratio virtutis, seu potentie proxime: sic enim in quorundam etiam Adversariorum sententia anima ita est principium operationum vitalium, has physice, & immediate producendo, ut tamen habeat potentias à sua substantiâ distinctas, seu qualitates activitatis suæ indifferentiam formativè determinantes ad certum genus operationum. Illæ proinde potentie sunt formale, ac proximum vitaliter operandi principium, anima verò dicitur principium radicale, non ex eo duntaxat, quod mediantibus potentiis influit, sed quod sit principium per potentias suas determinabile ad genus aliquod vitalium actionum. Pari ergo ratione intellectus, & voluntas respectu operationum supernaturalium in ratione virtutis, & efficacitatis sunt ex se improporcionatæ, atque adeo indigent habitibus infusis determinatis ad speciem, seu genus actionum ejusmodi. Ex hinc dicitur intellectus respectu Visionis Beatificæ potentia radicalis in eo præcise sensu, quod sit principium de se improporcionatum, physice tamen, & vitaliter influens per suam realem entitatem quæ elevatam, & proportionatam virtute luminis gloriæ. Quare licet in intellectu respectu intellectionis naturalis est tota virtus agendi, seu potentia in eorum quoque opinione, qui asserunt, animæ substantiam ab illo distinctam efficienter ac immediate influere in actus suos vitales: sic tamen intellectus creatus ad Visionem Beatificam efficienter, ac physice concurrat cum Lumine gloriæ, hoc tamen respectu illius visionis dici potest virtus agendi totalis.

Ratio fundamentalis est: Tum quia ratio virtutis seu potentie formaliter importat proximum principium operandi. Hoc autem dicit activitatem proportionatam cum actu. At soli luminis gloriæ, non verò intellectui creato competit activitas proportionata respectu Visionis Beatificæ. Ergo licet intellectus, & lumen gloriæ sint duæ formæ distinctæ, quarum utraque per suam physicam Entitatem efficienter influit in Visionem Beatificam; ratio tamen virtutis agendis respectu actus istius supernaturalis competit soli luminis gloriæ; intellectui verò convenit duntaxat ratio principij radicalis vitaliter operativi. Tum quia ista duo principia non concurrunt partiali influxu, sed æquè vitalitas est à lumine gloriæ, ac supernaturalitas; sicuti & intellectus per realem efficientiam attingit vitalitatem intrinsecè, & formaliter in sua Entitate, ac essentia supernaturalizata. In hoc verò duplici illius principij effectivi influxu penitus indivisibili ea est habenda ratio, quod formalitas etiam vitalitatis non sit ab intellectu nisi quæ potentia elevabili, & proportionabili per lumen gloriæ. Hæc autem ratio elevabilitatis in eo sita est, quod intellectus per suam Entitatem, seu potentiam obedientialem à se indistinctam sit capax non tantum recipiendi Lumen gloriæ, sed cum hoc vitaliter operandi. At ista ratio principij elevabilis operativi vitaliter est quid singulare, & ultra communem potentiam obedientialem, seu



lem, secundum quam omne ens creatum potest per modum instrumenti à Deo assumi ad quodvis, quatenus non est contradictio, efficiendum. Unde meretur nomen *potentia obedientialis vitalis*. Ad hanc proinde obedientialem potentiam vitalem se habet supernaturalis habitus tanquam virtus proportionans, ac elevans, atque aded tanquam potentia proxima operandi actum vitalem *intrinsicè*, ac *essentialiter* supernaturalizatum.

In quo aded sensu aliqui Thomistarum dicunt, intellectum respectu Visionis Beatificæ habere *secundum se* vitalitatem radicalem remotam: proximam verò, & formalem habere à lumine gloriæ. Hoc autem est dicere, intellectui ex se competere activitatem, & vitalitatem per modum potentie, & radice elevabilis per Lumen gloriæ tanquam per virtutem *essentialiter* proportionatam, & *formaliter* communicantem intellectui virtutem proximam videndi Divinam Essentiam. Constat igitur; Lumen gloriæ & intellectum non ita comparari ad se invicem, quasi sint duæ potentie proximæ *Partialiter* influentes in Visionem Beatificam; ita ut uni tantum naturali potentie respondeat vitalitas, alteri verò tanquam lumini Divini ordinis respondeat supernaturalitas. Hoc enim eo ipso repugnat, quod in visione Beatificæ sit una simplex à parte rei indistincta formalitas vitalitatis, & supernaturalitatis. Solum igitur lumen gloriæ est potentia proxima, utpote unicè proportionata ad illam visionem, & ad formalitatem vitalitatis. Ergo lumen gloriæ est *totalis*, & *adequata* virtus videndi Divinam Essentiam.

Oppones: Ex hoc, quod nulla in visione Beatificæ sit formalitas, cui proportionari possit intellectus; consequens esse, hunc respectu illius Visionis se habere ut causam solum instrumentalem.

Contra: Nam de ratione instrumenti est ita operari ultra propriam virtutem, ut hæc virtus supra naturalem exigentiam, seu intrinsicam activitatis proportionem communicata non tam instrumenti, quam Causæ principalis proprio usui, ac motioni subiecta sit. At hoc ipso, quod intellectus per suam Entitatem ita mediante lumine gloriæ elevabilis sit, ut cum hoc *vitaliter* concurrat ad visionem Beatificam, consequens est, illud lumen supernaturale per participationem ita fieri proprium intellectus, ut *quoad exercitium* motioni ac usui ipsius vitali subiectum sit. Quod clarius elucet ex habitibus supernaturalibus voluntatis, quorum exercitium ita est in manu voluntatis, ut sublit ejus libertati. Unde *Obedientialis Vitalis potentia* dispar est ratio à *communis*, seu *transcendentalis Obedientialis potentia*, ratione cujus quodvis Ens creatum potest à Deo assumi ad quodlibet, ubi non est contradictio, efficiendum. Nam in hac ratio instrumenti consideratur non ex hoc præcisè, quod Entitas aliqua creata assumatur ad effectum sibi improporcionatum; sed quod potentia illa non sublit motioni propriæ virtutis, sed omnipotentie duntaxat Divinæ. Quod secus se habet in *potentia obedientiali vitali*: hæc enim eo ipso, quod *vitaliter* operetur, est se movens ab intrinseco, non quidem virtute innatâ, sed infusâ suo tamen proprio motui, ac usui subordinatâ. Quod D. Thomas 2. 2. q. 23. a. 2. de actu supernaturali vo-

luntatis ita expressit. Non potest dici, quod sic moveatur Spiritus Sanctus voluntatem ad actum diligendi, sicut movetur instrumentum, quod etsi sit principium actus, non tamen est in ipso agere, vel non agere; sic enim tolleretur ratio Voluntarij, & excluderetur ratio meriti, sed oportet, quod sic voluntas moveatur à Spiritu Sancto ad diligendum, quod etiam ipsa sit efficiens hunc actum.

Consequens igitur est, Lumen gloriæ, & intellectum ita ad se unicum comparari tanquam duo principia effectiva diversi ordinis, ac generis, ut alterum sit *radicale determinabile*, seu *proportionabile*, alterum verò sit *virtus proxima* in ratione activitatis *formaliter* intellectus *determinativa*, ac *proportionans*: ex quibus aded duobus diversi generis principiis utrumque in suo ordine esse *totale*, & *principale*.

#### Responsio ad fundamenta contraria.

Ad n. 7. oppositum, ejusque n. 2. propositam confirmationem Respondetur. Ipsam intellectus, nec non voluntatis creatæ virtutem *Entitative* naturalem Lumini gloriæ, sive habitui supernaturali associatam influere in actus supernaturales, non quidem in ratione *virtutis* per entitatem suam *proportionata*, sed in ratione *potentia elevabilis*, & *proportionabilis* per virtutem *infusam*. Ex hoc autem esse consequens, quod potentie vitales intellectus, & voluntatis ad actus supernaturales concurrant secundum potentiam naturalem, non tamen *quâ naturalem*, sed *quâ obedientialem vitalem*. Unde licet gratia viribus arbitrij creati etiam quâ naturalibus conferat aliquid virtutis, per se tamen respectu actuum supernaturalium eas non fortificat *quâ naturales*, sed quâ per Divinam virtutem *proportionabiles*, & mediante gratiæ auxilio *elevabiles*.

Ad n. 9. oppositum Respondetur: Tamen potentie nostræ non sint *essentialiter* ordinatæ ad actus supernaturales per propriam *proportionatam virtutem* efficienter producendos, ex sua tamen Essentiâ, seu entitate *intrinsicâ* in ordine ad actus ejusmodi *vitaliter* eliciendos esse mediante habitu supernaturali, seu virtute Divinâ *proportionabiles*, ac *elevabiles*. Ex hoc autem verificari quidem, quod potentie nostræ *secundum potentiam solum obedientialem*, non verò *naturalem* sint elicitivæ operationum supernaturalium, hanc ipsam tamen *obedientialem potentiam*, utpote *vitalem* esse alterius rationis, quam sit *transcendentalis* cuivis Enti creato ad quodlibet, in quo non est contradictio, efficiendum, inexistens *obedientialis potentia*. Verum de hoc *infra* q. 3. a. 1. *cont. ult.*

#### CONTROVERSIA III.

*An per absolutam Dei potentiam Divina Essentia possit videri absque ullo lumine supernaturali intellectui inherente?*

Affirmat Durandus in 4. dist. 49. q. 2. n. 24. Suarez. lib. 2. de Div. Attrib. c. 16. Molina. 1. p. q. 12. a. 5. dist. 1. Vasquez. lib. dist. 48. c. 2. Falsus est.



lus eodem a. 5. dub. 12. Amicus *præf. disp. 9. sect. 12.*  
Ysambertus. *hic disp. 3. a. 6.*

2. Probatur 1. Authoritate S. Thomæ. q. 10. de Verit. a. 11. affirmantis: Quod sicut Deus potest aliqua corpora perducere ad effectus, quorum dispositio in prædictis corporibus non invenitur, sicut Petrum fecit super aquas ambulare, sine hoc quod ei Dotem Agilitatis tribueret, ita posuit mentem ad hoc perducere, ut Divina Essentia unatur in statu via modo illo, quo unitur sibi in Patriâ, sine hoc quod à lumine gloriæ perfundatur. 2. Ratione: Solum principium vitale à Deo suppleri non potest. At lumen Gloriæ ad Visionem Beatificam concurret cum intellectu quâ principium non vitale: Ergo ejus influxus potest à Deo suppleri per suæ Virtutis assistentiam duntaxat extrinsecam elevando intellectum ad Visionis Beatificæ effectum.

3. Ex opposito negativam sententiam tenent communiter Thomistæ. Cajetanus *præf. a. 5.* Bannes *ibid. dub. 3.* Ferrarientis 3. cont. gent. c. 54. Nazarius *hic cont. 2.* Labat *disp. 4. de Visione Dei. dub. 4. §. 3.* Serra *cod. a. 5. dub. 1.* Gonet *disp. 2. de Visione Dei. a. 5.* Ioannes à S. Thomâ *cit. disp. 14. a. 5.* Salmanticenses *hic tract. 2. dub. 4.* Philippus à SS. Trinit. *disp. 3. de Lumine gloriæ. dub. 11.*

## CONCLUSIO.

Impossibile est, intellectum creatum Divinâ Omnipotentia extrinsecus assistente absque Lumine supernaturali permanente, vel transeunte elevari ad videndam Dei Essentiam.

4. Probatur 1. Authoritate Divi Thomæ 2. 2. q. 175. a. 3. ad 2. docentis; Divinam Essentiam videri non posse, nisi per lumen gloriæ ab intellectu creato. Quod tamen dupliciter participare posse: uno modo per modum formæ immanentis, & sic Beatos facere Sanctos in Patriâ: alio modo per modum cujusdam passionis transeuntis, sicut dictum fuit de Lumine Prophetia. Et hoc modo lumen illud fuisse in Patribus. Ex quo ita licet argumentari. Sanctus Doctor hic loquitur de modo videndi Deum non tantum Ordinario, uti accidit in Patriâ, sed etiam extraordinario, veluti Paulo contigit in viâ. At simpliciter, & absolute dicit, ad Visionem Dei esse necessarium lumen supernaturale sive permanens, sive saltem transiens. Ergo sine lumine supernaturali intellectui creato inherente non potest videri Deus per potentiam ejus etiam extraordinariam, atque adeo absolutam.

5. 2. Ratione: Sicuti in sententia etiam Adversariorum implicat actio vitalis sine principio vitali, sic repugnat intellectio absque principio formaliter intellectuali. At hoc importat Essentialiter tum lumen intellectuale, quod sit virtus, & potentia immanenter elicitiva intellectus, tum intrinsecam coexistentiam, & proportionem cum formâ intelligibili. Hinc enim intellectus possibilis in animâ est intrinsecè connexus, si non realiter identificatus cum intellectu agente, per cujus activitatem fit unio luminis intellectualis cum formâ intelligibili. Eadem ratione intellectus Angeli habet connaturalem proportionem, & exigentiam specierum intelligibilium, à quibus actuetur ad substantias à materia separatas intelligendas. Et si verò creatus intellectus respectu Visionis Beatificæ sit princi-

pium physice realiter effectivum, ex se tamen non habet Lumen proportionatum cum Visione Dei. At licet substantia animæ sit principium per efficientiam physicam influens in intellectum, indiget tamen lumine intellectuali, seu potentia intellectiva superaddita, eo ipso quod ex se non sit determinata, & formaliter in ratione virtutis intellectus proportionata ad intellectum. Pari ergo ratione, ut intellectus creatus sit respectu Essentiæ Divinæ principium formaliter intellectivum, seu visivum, indiget lumine superaddito tanquam formâ intellectus creati constitutivâ formaliter in ratione principij intellectivi seu Visivi Essentiæ Divinæ. At Deus non posset suâ etiam absolutâ potentia supplere defectum potentie intellectus, ita ut aliqua intellectio procederet à solâ animæ substantiâ, licet hæc in sententiâ plurium Adversariorum sit principium vitale physice effectivum intellectus. Similiter ergo tametsi intellectus creatus intelligatur tanquam principium in Visionem Dei vitaliter physice influens, illius tamen Visionis vitalitas essentialiter requirit adhuc lumen intellectuale sibi commensuratum, ita ut vi hujus luminis intellectus in ratione principij intellectivi coexigat unionem Divinæ Essentiæ tanquam formæ intelligibilis, & ut sic in ratione perfecti, & completi intellectivi principij intrinsecè proportionetur cum actu à se vitaliter emanante. Cujus ratio fundamentalis est: Quia sicuti ratio generica vitalitatis intelligitur cum essentiali dependentiâ à principio vitali; sic ratio specifica vitalitatis concipitur Essentialiter cum dependentiâ à specifico principio vitali. Hinc enim, licet ratio generica operationum animæ quâ vitalium sufficienter posset reduci in Physicum, & immanentem, seu vitalem animæ influxum, attamen ratio specifica intellectus & volitionis dicit formalitates vitalitatis diversas, quæ ut sic requirunt specificas vitales potentias, cum quibus essentialiter connexæ sunt. Est autem illorum, inter quæ essentialis est connexio, talis ratio, ut intrinsecè habeant cum eis proportionem. At intellectus creatus non habet ex suâ entitate lumen intellectuale proportionatum cum Essentiâ Divinâ. Ergo licet habeat rationem principij verè vitalis respectu visionis hujus Essentiæ: hæc tamen ratio principij quâ vitalis, vel quâ intellectivi in creato intellectu non est secundum specificam luminis intellectualis cum objecto ejusmodi commensurationem. Sicut ergo ratio principij vitalis ex se indifferentis in animâ non potest ad intellectum ut sic determinari per extrinsecam Divinæ potentie assistentiam, sed opus est formâ informante in ratione potentie, & virtutis intellectus, seu luminis intellectualis ex se proportionatâ: sic improprio intellectus creati ad videndam Essentiam Divinam nequit suppleri ab extrinsecâ Omnipotentie Divinæ assistentiâ, sed necessarium est lumen formaliter, ac intrinsecè constitutivum intellectus in ratione potentie intellectivæ, seu visivæ potentie Dei.

## Responsio ad argumenta Adversariorum.


Ad n. 1. oppositum argumentum Respondetur: Argumentum Doctoris Angelici ex miraculosa Divi Petri Dotem Agilitatis necdum ha-



dum habentis super mare deambulatione de-  
sumptum ad probandum, posse videri Deum  
absque lumine gloriæ; esse à simili, atque aded  
in eo esse aliquid paritatis, & aliquid disparita-  
tis. Illam verò paritatis rationem in eo sitam  
esse, quodd sicuti elevari potuit Corpus non glo-  
riosum ad effectum illum extraordinarium; sic  
mens viatoris possit ad visionem Divinæ Essen-  
tiæ à Deo elevari absque lumine gloriæ perma-  
nente, etsi hoc fieri non posset absque lumine  
supernaturali se habente per modum auxilij  
transeuntis *intrinsecè* elevantis, ac proportionan-  
tis ad visionem ejusmodi. In quo esse disparem  
rationem, respectu dotis Agilitatis: hæc enim  
non se habet instar formæ proportionantis ad  
actum vitalem, sicut econtra lumen illud super-  
naturale est virtus *formaliter* constitutiva intelle-  
ctus quâ visivi, seu intellectivi Essentiæ Dei. Un-  
de illius, non verò hujus influxus posset suppleri  
per Omnipotentiam Divinæ extrinsecam assi-  
stentiam, velut idem S. Doctor in q. 13. de Verit.  
4. 2. expressit, *Nullam creaturam, inquiens, posse  
ad visionem Dei perungere, nisi aliquo lumine elevetur.*

10.

Ad n. 3. oppositum Respondetur: Eo ipso,  
quodd actio vitalis ex ratione non tantum gene-  
ricâ vitalitatis, sed etiam specificâ quâ Visionis  
Dei exigit principium vitale *intrinsecè* proporti-  
onatum & commensuratum, consequens esse,  
quodd lumen gloriæ *formaliter* importetur in illius  
Visionis principio vitali quâ intellectivo pro-  
portionato. Si ergo principium vitale à Deo sup-  
pleri non possit; veluti arguunt Adversarij, con-  
sequenter non posse Dei potentiam etiam abso-  
lutam cum intellectu creato absque *intrinseco*  
lumine gloriæ producere Visionem suæ Divinæ  
Essentiæ.



## ARTICULUS IV.

*Qualiter Attributa, Personali-  
tates, & Libera Decreta Dei sint  
atingibilia per visionem  
Essentiæ Divinæ?*

1.

**D**iscussis principiis Visionis Beatificæ ef-  
fectivis, progredimur ad ejusdem ob-  
jectum exponendum, quorum alte-  
rum est *Primarium*, Essentia nimirum  
Divina, & perfectiones Deo *formaliter* inexisten-  
tes; de quo in *pras. 4. articulo*. Alterum verò est  
*Secundarium*, nimirum creaturæ in substantiâ Di-  
vinâ tanquam speculo relucens, de quo *seq. 5.  
articulo* disseremus. Tres autem ex Divi Thomæ  
*pras. 12. quæst. articulo* præsertim 7. eructant diffi-  
cultates hic insinuantur. 1. *An sit necessum omnia, quæ  
sunt formaliter in Deo, videri à Beatis?* 2. *Ex prio-  
ris affirmativæ decisione resultans difficultas est;  
An Deus comprehendatur, vel comprehensibilis sit ab in-  
tellectu creato lumine gloria illustrato?* 3. *Qualiter  
Decreta Dei libera vi Beatifica  
visionis penetrentur?*

\*\*\*

## CONTROVERSIA I.

*An de facto, vel etiam de possi-  
bili fieri possit, ut Essentia Divina sine At-  
tributis, vel Personalitatibus videatur  
ab intellectu Beati?*

3.

**T**res de hoc Doctorum sententiæ distingui  
possunt. Prima videtur esse Alberti Magni  
1. p. *sum. tract. 3. q. 13. memb. 2.* & aperte traditur,  
multis alijs relatis à Salâ 1. 2. *disp. 4. sect. 2.* &  
Francisco de Lugo *lib. 1. de Deo. disp. 23. c. 5. ne-  
gantibus*, omnia Attributa latè sumpta Deo  
formaliter inexistencia videri, imò per absolu-  
tam Dei potentiam videri posse à Beatis. Pro-  
batur. Nam aliqua sunt in Deo attributa im-  
portantia relationem Transcendentalem ad cre-  
aturas, veluti Omnipotentia, Scientia tum Sim-  
plicis intelligentiæ, tum Visionis Creaturarum,  
atque Iustitia. Hæc verò Attributa habent in se  
gradus *virtualiter* infinitos numero, secundum  
relationes transcendentales ad singulas creatu-  
ras sive de facto existentes, sive in infinitum possi-  
biles. Hi proinde respectus, seu relationes trans-  
cendentales Deo formaliter inexistentes vocari  
possunt Attributa Dei quasi secundaria, seu latè  
sumpta: cum econtra perfectiones Omnipoten-  
tiæ, Sapientiæ, Bonitatis, Æternitatis, Immen-  
sitis, quæ vel nullam ad extra important re-  
lationem, vel in quibus speciales illi respectus  
tanquam formalitates earundem modificantes  
*identitè*, & *formaliter* continentur, sint *strictè*, ac *pro-  
priè* dicta, seu *primaria* Dei Attributa. Etsi pro-  
inde omnes Dei perfectiones habentes rationem  
attributi *Primarij*, seu *propriè dicti* videantur sal-  
tem de facto à Beatis: Nihilominus si Omni-  
potentia, vel Simplicis intelligentiæ Scientia  
Dei videretur cum omnibus relationibus trans-  
cendentalibus ad singulas species, & individua  
creaturarum possibilem, consequens foret, vi-  
deri quidquid in Deo est non tantum *formaliter*,  
sed etiam *eminenter*. At hoc esset *comprehensivè*,  
videre Divinam substantiam, veluti patet ex S.  
Thomâ. *pras. q. 12. a. 2.* Ergò quia implicat, Deum  
comprehendi ab intellectu creato, consequenter  
impossibile est, à Beatis videri in Deo omnia  
attributa *latè sumpta*, & *secundaria*.

4.

Secunda Sententia est Scoti in 1. *disp. 1. q. 2.  
n. 5.* & 9. Lycheti *ibid.* Radæ in  *suis Controv. Theol.  
Controv. 8.* Ysamberti Sorbonici ad *pras. q. 12. a.  
1.* Arriagæ *tract. de vision. Dei. disp. 9. sect. 6. concl. 3.*  
Martinon 10. 1. *disp. 8. n. 74.* Franc. de Lugo. *cit.  
disp. 23. c. 4.* & aliorum præcipuè Scotistarum asseren-  
tium, repugnare quidem intellectum creatum  
lumine gloriæ illustratum secundum potentiam  
ejus naturalem, imò & Voluntatis absolutam  
videre Essentiam Dei sine Attributis, vel Perso-  
nis: attamen de Potentiâ Dei absolutâ fieri pos-  
se, quodd videret Essentiam non visis Personis,  
vel etiam attributis. Probatur argumento sub-  
tilis Doctoris *cit. n. 5.* Pater prius Origine, quàm  
generet Filium, est perfectè Beatus; quia nullam  
perfectionem sibi *intrinsecam* habet à Persona  
productâ. Beatitudo autem est perfectio Perso-  
næ Beatæ *intrinseca* importans fruitionem Es-  
sentiæ Divinæ tanquam objecti Beatifici. Ejus-  
modi



modi verò *Formaliter* beatificans supponit intellectionem beatificam, quæ est intuitio Divinæ Essentiæ. Atqui ad intellectionem non minus requiritur intelligibile, quam intellectus. Si ergo in illo priori Pater est perfectè Beatus, habet Essentiam Divinam ut *formaliter* intelligibilem, seu ut objectum perfectè beatificans. At in illo priori Pater ut intelligibile, seu objectum beatificans non habet Essentiam communicatam Tribus, sed Essentiam absolutè, velut est in unâ personâ præcisè. Ergo de ratione Essentiæ Divinæ, quatenus est objectum Beatificum, non est esse communicatam Tribus Personis. Ergo non est contradictio, Essentiam Divinam absolutè, velut est in unâ duntaxat Personâ, videri *intuitivè* ab intellectu etiam creato.

Tertia Sententia est S. Thomæ *præs. q. 12. a. 7. ad 2. & 2. q. 2. a. 2. ad 3. item in 3. p. q. 33. a. 3. Divi Bonaventuræ in 3. dist. 14. a. 1. q. 2. circa modum Corporis. Aureoli. in 1. dist. 1. a. 2. Heinrichi quodl. 2. q. 4. Durandi in 4. dist. 49. q. 3. n. 5. & plurium ex antiquioribus. Cajetani 2. 2. q. 2. a. 2. & 3. p. q. 3. a. 3. Bannis 1. p. q. 12. a. 7. dub. 2. Zumel ibi. q. 2. concl. 6. Nazarij eod. a. 7. cont. 1. & 2. Serræ ibid. dub. un. concl. 1. & 2. Soti in 4. dist. 49. q. 3. a. 3. concl. 2. Ioannis à S. Thomâ *præs. disp. 15. a. 1. Gonet disp. 3. de Vis. Dei. a. 2. Labat hic disp. 4. dub. 2. & omnium ex Sacra Familia Dominicanâ. Item Carmelitarum apud Philippum à S. Trinitate. disp. 5. de Objecto Vis. Beat. dub. 2. Benedictinorum Salisburgensium in varijs suis disp. nominatum Patris Ralsler de 12. Beat. Theol. 6. & in Controversijs meis Schol. Cont. 2. & 9. Petri à S. Ioseph Fulcensis lib. 1. de Deo. c. 8. resol. 3. Puterani Augustiniani *præs. q. 12. a. 2. dub. 1. concl. 1. Nec non ex Patribus Societatis Iesu Molinæ hic disp. 4. Suarezij 1. p. tract. 1. lib. 2. c. 22. n. 8. & c. 23. à n. 19. Vasquezij disp. 42. c. 2. Mæratij tract. de Deo. disp. 17. sect. 1. concl. 2. Fasoli hic a. 2. dub. 2. Valentini p. n. 7. quæstionculâ 2. ad 1. Amici cit. disp. 9. sect. 18. n. 322. docentium, non tantum de facto videri à Beatis Essentiam Divinam cum omnibus attributis quâ subsistentem in tribus Personis, sed nec per absolutam Dei potentiam fieri posse, quod intuitivè videatur Dei Essentia, non visis personalitatibus, & attributis.***

## CONCLUSIO I.

Errum est, de facto videri à Beatis omnes perfectiones Divinas, tam Notionales, quàm Essentiales, & attributales.

6. Probat. Per visionem Beatificam videtur Deus, sicut est. 1. Ioann. 3. Ad hoc verò alludens Concilium Florentinum in Decret. de Purgat. ait: *Animas Beatas intueri ipsum Deum unum, & Trinum, sicut est.* Unde ratio definiendi, quod videatur Deus non tantum quâ in Essentiâ unus, sed etiam Trinus in Personis, erat Concilio Florentino, quod Beati viderent Deum intuitivè, sicut est. At hæc ratio militat respectu omnium Attributorum, ac perfectionum *formaliter* Deo inexistentium. Ergo omnia, quæ sunt in Deo *formaliter*, videntur à Beatis.

## CONCLUSIO II.

Implicat, Essentiam Divinam videri *intuitivè*, quin videantur Hypostasès ejus relativæ, arque omnes ejus perfectiones attributales.

Probat. ex Verbis Christi Ioan. 14. Philippo, qui videt me, videt & Patrem meum; non credis, quia ego in Patre, & Pater in me est. Nam hæc verba procedere de Visione Beatificâ, præter alios testatur S. Augustinus 1. de Trinit. c. 8. At in illis verbis duæ sunt propositiones inter se taliter connexæ, ut posterior contineat rationem, & argumentum prioris. Ergo circuminsessio, seu inexistencia Patris in Filio probat, quod visâ substantiâ Filij necessarium sit, videre Hypostasim, & Essentiam Patris. At in bonâ argumentatione æquè necessarium est consequens, ac antecedens, ex vero enim non nisi verum, & ex necessario non nisi necessarium inferitur. Ergo æquè necessariò verum est, quod visâ substantiâ videatur Hypostasis Patris, quàm necessariò verum est, quod Pater sit in Filio per identitatem substantiæ cum Hypostasi tum Patris, tum etiam Filij. At veritas tam necessaria est, Patrem esse in Filio, quàm necessariò Deus est unus, & Trinus. Ergo omnino immutabilis, & ne quidem per Divinam absolutam potentiam variabilis veritas est, quod visâ substantiâ Filij, videatur etiam Hypostasis Patris. Atqui ratio illa Unitatis, seu identitatis substantiæ tenet respectu omnium perfectionum Divinarum tam absolutarum, quàm relativarum: hæc namque sunt una simplicissima Divinitatis Essentia, tametsi in ratione Hypostasum quoad esse ad inter se realiter distinguantur. Consequens igitur est, non posse etiam per absolutam Dei potentiam fieri, quod visio Beatifica, seu intuitiva Essentiæ Divinæ non terminetur clarè, ac distinctè ad omnia, quæ *formaliter* per simplicissimam substantiæ unitatem Deo inexistunt.

Respondebis. In Mysterijs Fidei quandoque formari argumentationes ex propositionibus, unâ habente certitudinem intrinsecam naturalem duntaxat, & physicam, alterâ verò habente certitudinem prorsus infallibilem non tantum ab extrinsecâ Dei revelantis autoritate, sed propter intrinsecam terminorum connexionem. Ex tali proinde argumentatione inferri conclusionem, quæ ab intrinseco non excedit certitudinem physicam, tametsi ab extrinsecâ Divinæ Veritatis autoritate sibi per legitimam consequentiam applicatâ participet certitudinem non tantum scientiæ, sed etiam fidei Divinæ. Pari ergo ratione illam Christi propositionem: *Quia ego in Patre, & Pater in me, esse in ratione veritatis absolutè immutabilem, atramen in prædictæ consequentiæ illatione latere hanc quasi majorem: Quisquis videt Personam, quæ secundum suam substantiam, & Essentiam est in alterâ Personâ, sive cujus substantia est realiter identificata cum utriusque Personæ Hypostasi, ille visâ unâ Personâ videt & alteram.* De hac proinde propositione non minus, quàm de conclusione inde deductâ procedere difficultatem. 1. An non tantum de facto, sed secundum ipsam rei naturam sit certa certitudine etiam fidei seu Theolog cā? 2. Possit, quod ex Christi assertione esset certitudo fidei



fidei etiam quoad hoc, quod Visio Divine Essentiae propter hujus cum Divinarum Personarum Hypostasisibus identitatem esset talis naturæ, ut visâ unâ foret necessarium, videri & alteram: manere tamen difficultatem, an ista necessitas sit tantum physica secundum quandam connaturalitatis exigentiam; vel Essentialis & Metaphysica, ita ut neque per absolutam Dei potentiam variabilis sit?

- II. Contra. Nam ex Sacro allegari Evangelij contextu constat; illam Christi argumentationem eliciisse Philippum, (quando jam erat instructus de Visione Dei, quæ esset satiativa, adeoque Beatifica hominis; hinc enim dixit: *Ostende nobis Patrem & sufficit Nobis.* Ex quâ petitione alioquin honesta & pia redarguebatur Philippus à Christo: *Non credis, quia Ego in Patre, & Pater in me?* Hæc verò argutio, & quodammodo increpatio fuit in Philippum prolata, quia suo intellectu præactis fidei propositionibus jam instructo non intenderat ad hoc, quod æquè Christi, ac Patris Visionem appeteret, cum, qui videret illum, videret & istum. At verò, si stare posset quoad Essentiam Visio Beatifica per intuitionem Divine substantiæ, & Hypostasis Patris, quin persona Filij in vultu saltem, & Primario attingeretur; cur Philippus Patris Visionem appetens argueretur ex hoc: *Non credis, quia ego in Patre, & Pater in me est?* Oportet igitur Visionem Dei, ut est in se, talis esse Essentiae, ut non possit attingi substantia Patris sine Hypostasi etiam Filij. Hanc verò formalem & Essentialem Visionis Beatificæ rationem infert Christus ex natura objecti, nimirum substantiæ Divine, per ejus unitatem, & simplicissimam identitatem Pater est in Filio, & Filius in Patre. Cum igitur Essentiæ rerum respectu potentie Dei etiam absoluta omnino immutabiles sint, consequens est, Christum in illâ argumentatione indicasse, quod visâ Dei substantiâ sit omnino necessarium, videri ites Personas, ac perfectiones Divinas attributales, ita ut oppositum implicet, ac repugnet respectu potentie Dei absolute.

13. Cujus ratio fundamentalis est: Visâ Dei Essentiâ videtur purissima Essendi actualitas, ut est in se. At sicuti omni entia Transcendentaliter inest Unitas in se, & à se, sine quâ unitate non est intuitivè intelligibile ullum Ens: sic purissimus Essendi actus non est visibilis sine suâ unitate. Hæc verò in actu purissimo est eo ipso identitas omnis perfectionis simpliciter simplicis, seu formalitatis Deo inexistens. Hæc verò identitate visâ non est possibile, non videri omnem perfectionem vi talis identitatis actualissimæ, ac simplicissimæ inexistens Deo. Ergo implicat, Divinam substantiam intuitivè videri, quin tota ejus perfectio, tam absoluta, quam relativa videatur.

14. Replicabis ex Arriaga ut. disp. 9. sect. 6. Inter prædicata Divina, in quibus non est distinctio virtualis, non quidem posse per visionem Beatificam fieri præcisiones objectivas, sed formales duntaxat, ita ut omnia hæc prædicata sit necessarium attingi ex parte objecti, tamen possit in Visione non minus Beatificâ, quam naturali sensuali, vel etiam intellectuali aliqua obscuritas, & claritatis defectus intervenire, ita, ut licet totus Deus ex parte objecti cognosceretur, nihilominus esset tam imperfecta visio, ut videns di-

cere non posset, *Objectum, quod videtur, est Deus: sed solum, Est Deus*: alia verò visio nonnihil clarior exprimeret Deum quâ substantiam, non verò secundum alia prædicata Divina. Quod à fortiori habere locum inter prædicata virtualiter distincta, Essentiam nimirum & relationem, Intellectum & Voluntatem: Si enim ob virtutalem illam distinctionem Beatos de facto, si necessum, facere inter illa prædicata præcisiones objectivas affirmando: *Essentia non produciatur, Relatio Verbi produciatur*, imò si physica unio Hypostatica in Christo immediate terminetur ad Relationem Verbi, non verò ad Essentiam; Cuius ergo negetur possibile, quod Visio Dei attingeret Essentiam, non verò Hypostases relationes.

Contra. Nam quod Entis creati visio sive intellectualis, sive sensuali vel ob mediij obscuracionem, atque turbationem, vel ob defectum aliquem luminis, vel indispositionis Organi possit adeo esse obscura, ut non discernat inter objecta, atque adeo intellectus certificari tunc queat de uno duntaxat, non verò de alijs rei visæ prædicatis. Hujus ratio desumenda est ex limitatione Entis creati: in his enim omnibus, ac singulis prædicatis seu formalitatibus est transcendentaliter imbibita ratio potentialitatis, atque adeo limitationis Essentialis. Hæc verò limitationis ratio facit, ne una formalitas in conceptu suo essentiali Transcendentaliter includat aliam formalitatem. At intelligibilitas cujuslibet formalitatis est secundum rationem ejus quidditativam, ac essentialem. Ergo eo ipso, quod ratio formalitatis creatæ ob potentialitatem, seu limitationem essentialiter sibi imbibitam possit quoad conceptum suum quidditativum stare sine aliarum perfectionum, quas Transcendentaliter non importat, formalitatibus, consequens est, posse quidditativè, ac intuitivè videri tam imperfectè, & confusè, ut una duntaxat formalitas v. g. coloris, non verò albedinis ut sic clarè discernatur. At secus est in Prædicatis Divinis, in quibus ratio actus puri Essentialiter & Transcendentaliter est imbibita. Ex ratione verò puræ actualitatis est, quod in Deo non sit alia formalitas Bonitatis, & Sapientiæ, alia Essentiæ & Hypostasis, alia existentiae, & & substantiæ, sed una simplicissima formalitas per summam identitatem, & actualitatem continens plenam & totam perfectionem. Hanc igitur simplicem in ratione Entis, ac perfectionis simpliciter infinitam purissimam actualitatem necessarium est videri per Visionem Divine Essentiæ, ut adeo impossibile sit, intellectum Beati per præcisionem objectivam distinguere inter Essentiam, & Hypostasin Verbi dicendo: *Hæc, non verò illa produciatur.* Confirmatur. Nam actualitas illa Essendi ita est Dei Essentia improductibilis per identitatem realem formalem communis tribus Personis, ut formaliter à parte rei sit Hypostasis Verbi positivè incommunicabilis, à Patre realiter producta. Si ergo aliqua Visio Dei sit quidditativa, Deum, ut est in se, attingens, consequenter tota, & plena Essendi actualitas, atque adeo omnis perfectio formaliter per simplicissimam identitatem Deo inexistens attingi debet non tantum ex parte objecti, sed etiam ex parte Visionis. Hinc tamen per Unionem Hypostaticam Verbi ita suppositetur Humanitas Christi, quin Essentiæ Divine realiter identificatæ fiat ad eandem na-



- dem naturam humanam Unio in ratione essentia, & naturæ: nequit tamen Hypostasis Verbi, ut est in se, videri, nisi videatur *intuitivè* Essentia, & omnis formalitas Deo inexistens. Cujus ratio est, quia nequit Ens videri, ut est in se, quin videatur ipse Esse. Hypostasis autem Verbi non est aliud Esse, quam actualissimum. At in quantum Enti alicui convenit Essendi actualitas, in tantum excludit potentialitatem. Hæc verò potentialitatis exclusio est *formaliter* per identitatem perfectionis. Si ergo in Ente aliquo sit omnimoda potentialitatis exclusio, oportet habere ut sic *formaliter* sibi indentificam omnem perfectionem seu formalitatem omnimodæ actualitatis. Quia ergo nulla Divina formalitas, *ut est in se*, seu *Quidditative* intelligibilis, est sine hæc purissimâ & omnimodâ, actualitate, quæ ut sic *formaliter* dicit simplicissimam omnis perfectionis simpliciter simplicis identitatem, consequens est, non posse *intuitivè* videri unam perfectionem, seu formalitatem Divinam, quin omnes videantur. Cujus nostræ argumentationis vim & efficaciam clare innuit Concilium Florentinum *præf. cond.* allegatum: ubi, quia Beati vident Deum, *sicut est*, inferit, *videre Deum non tantum quæ Unum, sed etiam quæ Trinum*. Hoc verò argumentum reverà inefficax foret, si stare posset Visio Dei, *sicut est*, dum tamen per *præcisionem* sive *formalem*, sive *objectivam* videretur sola Essentia, non verò Trinitas Personarum, seu perfectiones Dei attributales.
19. Instabis ex Ysamberto *cit. disp. 8.* Ad Visionem intuitivam objecti, *sicut est*, sufficere, ut objectum attingatur sub eo Essendi modo, quo vel per se, vel per speciem repræsentatur intellectui, & ut insuper modus iste Essendi ita existat in re, sicuti videtur. Nec verò opus esse, ut omnis objecti modus Essendi attingatur à Visione; sic enim Dæmon, licet *intuitivè* viderit Humanitatem Christi, ejus tamen modum existendi in Verbo videre non poterat. Atqui Divina Essentia est sui repræsentativa in intellectu Lumine gloriæ illustrato, eumque mover ad sui visionem non absque concursu Decreti liberis; Unde secundum applicationem Decreti ejusmodi potest movere intellectum ad Visionem sui secundum illum duntaxat Essendi modum, quem habet, prout distinguitur virtualiter à suis Attributis, & Personalitatibus relativis.
20. Contra. Nam verum quidem est, Ens aliquod eatenus videri *Quidditative*; quatenus ejus Essendi ratio in se videtur; at *intuitivè* videri, quatenus cum Essentiâ videtur etiam Existentiâ. Hinc Dæmon, quia suo intellectu videbat Humanitatem Christi quæ terminum actionis sui productivæ, quin tamen ejus existentiam ac subsistentiâ in se, sed in effectibus videret duntaxat in confuso; habuit Humanitatis Christi Visionem *Quidditativam*, sed imperfectè duntaxat intuitivam. At verò nulla Essendi ratio in Deo est intelligibilis, nisi sub ratione actualitatis purissimæ. Ut sic verò dicit *essentialiter* Existentiâ, imò secundum quod est à parte rei, per actualissimam identitatem non tantum *realiter*, sed *ex naturâ rei formaliter* importat omnimodam formalitatem, quæ in sua quidditate nullam includit rationem potentialitatis, atque adeo limitationis. Est autem per se notum, ejusmodi Essendi rationem sicuti est in se, non esse intelligi-

bilem, quin omnis perfectionis simplicis per actualissimam identitatem *transcendentaliter* in se imbibita formalitas videatur. Unde facile patet discrimen inter Visionem Humanitatis Christi, & Formalitatis alicujus Divinæ: Nam quælibet istarum per purissimam actualitatem est *formalissimè à parte rei* plena perfectio Dei, cum econtra Humanitas Christi *realiter* distinguitur à sua existentia. Quia ergo ex natura modi Essendi Divini implicat, unam formalitatem Divinam sine plena omnimodæ perfectionis Dei actualitate, *sicut est in se*, videri, consequens est, applicationem Divinæ Essentiæ ad sui intuitivam Visionem non posse à libero Dei Decreto eatenus fieri, ut Dei Essentia quæ *virtualiter* distincta à suis Personalitatibus, ac perfectionibus videatur *intuitivè*; quin ista distinctè, & clarè hoc ipso attingantur, quod virtualis distinctio illa nihil aliud sit, quam Divinæ perfectionis secundum omnimodæ actualitatis purissimam, & a parte rei formalissimam identitatem Eminentia.

#### Responsio ad Argumenta Adversariorum.

Ad n. 3. Oppositum Respondetur. Illud argumentum niti falso fundamento, quod nimirum Omnipotentia, & Scientia Dei in sua ratione formali importet relationes Transcendentales ad creaturas. *de quo seq. art. cont. 1.* Unde rejecto illo fundamento, fieri consequens, Divinorum prædicatorum in *primaria*, seu *proprie dicta*, & *secundaria* seu *late accepta attributa* distinctionem esse ineptam, & meritò eliminandam à Scholis, nisi sub *improprie dictis attributis* Dei intelligantur perfectiones aliquæ Divinæ, non præcisè secundum quod sunt *formaliter* in Deo, sed quatenus sub aliquâ ex creaturis per intellectum nostrum in se quasi reflexâ denominatione, seu connotatione important respectum rationis, cuius tamen fundamentum sit absoluta nullam erga creaturam *realiter* importans relationem Deo *formaliter* inexistens perfectio; quam adeo necessarium sit secundum formalitatem suam *realem* videri per Visionem Divinæ Essentiæ.

Ad Scoti n. 4. oppositum Respondetur: Negando, quod Pater in illo priori Originis, in quo concipitur Principium Filij, Essentiam Divinam quæ objectum Beatificans & quæ Formaliter intelligibilem habuerit intellectui suo intelligibiliter repræsentatam ut in una præcisè Persona existentem, non verò quæ communem Tribus Personis. Etenim Pater æternus prius origine, quam generaret Filium, erat perfectè Beatus illa ipsâ Beatitudine, quam communicabat Filio. Atqui extrâ dubium est, quod Pater communicavit Filio cognitionem Beatificam quæ comprehensivam, adeoque intuitivam non Essentiæ duntaxat, sed omnium Divinarum Personarum, & attributorum. Ergo in priori Originis, in quo Pater intelligitur Principium generans, & activè communicans Filio Beatitudinem perfectam, habuisse Visionem Comprehensiveam omnis formalitatis Divinæ.

Instabis ex eod. subili Doctore *cit. q. 2. n. 6.* Si Pater in priori Originis, in quo est principium generans Filij, intelligit Beatificâ Visione Essentiam Divinam, quatenus est in Filio, imò & Spiritu

Sando



Sancto. Ergo Pater recipit aliquid perfectionis à Filio. Consequentia probatur. Intellectus recipit aliquid perfectionis ab Intelligibili; insinuante Philosopho 12. *Metaph. tex. 15.* ubi probat, si Deus intelligeret aliquid aliud à se, visceret ejus intellectus, quia perfectionem reciperet ab intelligibili. Ergo pari ratione intellectus Patris in *priori Originis* reciperet perfectionem ab Hypostasi Filij tanquam suo intelligibili, si tunc esset intelligens *comprehensivè* non Essentiam tantum, sed etiam Filij Hypostasin. Ex hoc autem consequeretur,

26.

tum quod Pater non haberet omnem perfectionem à se, nec adeo esset prior origine: Tum quod non omnis perfectio simpliciter, & Essentialis sit aliquo modo prior proprietatibus, sed aliqua quasi posterior ipsis Personis, quippe intellectus Patris esset quodammodo posterior Personalitatibus tanquam objecto intelligibili. Hæc autem sunt absurda, ergo & id, ex quo sequuntur.

Respondetur. Quod intellectus, vel intellectio nihil recipiat perfectionis ab objecto suo nisi quâ *Motivo & specificat. vo.* Hinc enim intellectus Divinus non visceret intelligendo creaturas, eo quod ab his, tanquam *objecto secundario*, & solum terminativo nihil perfectionis accipiat. At verò intellectus Divini Objectum *motivum*, quod in ratione formæ intelligibilis fecundat, & aduat, est Essentia Dei, à cujus intelligibilitate ne quidem *virtualiter* distinguitur intelligibilitas Relationum Personalium & attributorum Divinorum. Unde tamen Filius procedat à Patre per cognitionem non solum Essentiæ Divinæ, sed etiam Hypostasum, imò & creaturarum, *velut infra demonstrabitur*, tamen Pater in ratione principij generantis, sive ejus intellectus quâ fecundus nihil recipit à creaturis, utpote *objectis tantum terminativis*. Et quia intellectus Patris non habet intelligibile sui *specificatum*, nisi Essentiam Divinam, per quam omnis Deo inexistens Formalitas est *Formalissimè* intelligibilis. Idcirco licet Pater in *priori Originis*, in quo est principium generans Filij sit intelligens non tantum Essentiam, sed Hypostasin Filij, imò & Spiritus Sancti; ab his tamen Hypostasibus quâ objectis intelligibilibus nullâ accipit Perfectionem, sed intellectio Patris Essentiam Divinam *Formaliter Identitè* specificata habet intelligibilitatem actualis imò expressivâ omnis Deo inexistens Formalitatis utpote in se non intelligibilis nisi per Essentiæ Divinæ intelligibilitatem, *velut infra q. 5. a. 2. cont. 1. demonstrabitur.*

28.

Confirmatur ex ipsius Scoti Argumento. Nam omnis perfectio essentialis est aliquo modo prior proprietatibus personalibus. Atqui cognitio Hypostasum, imò & creaturarum in Divinis est perfectio essentialis, & absoluta, utpote communis tribus Personis. Ergo ista cognitio est quodammodo prior Hypostasibus proprijs Divinarum Personarum, imò cognitio Hypostasis Filij est hoc ipso prius in Patre, quam in Filio, quod huic communicetur à Patre. Constat igitur, inefficacem esse Scoti consequentiam.

29.

Replicabis. *Pro illo signo*, in quo Filius est cognitus, est hoc ipso productus: procedit enim Filius per modum termini cogniti. At Essentia Divina, & omnis perfectio absoluta, atque adeo Beatitudo perfecta est *prius origine in*

Patre, quam Filius intelligatur productus. Ergo in illo signo *prioritatis Originis* Pater est perfecte Beatus per Visionem Essentiæ, antequam Filius sit cognitus. Ergo cognitio Beatifica potest in ratione suâ formali intelligi, quin sit cognitio Hypostasis Filij.

Respondetur: Filium in *priori Originis* esse à Patre cognitum *Essentialiter*, quia pro illo signo sit productus per cognitionem *Notionalem*. Neque Filium procederet tanquam objectum cognitum cognitione *Essentiali*, sed tanquam terminum *dictum* cognitione *Notionali*. At verò Hypostasin Filij unâ cum Essentiâ, & omnibus tam proprietatibus Personalibus, quam Perfectionibus Divinis absolutis esse objectum Patris intellectum *Beatificans secundum sui cognitionem Essentialem*; non verò *Notionalem*. Quia ergo Filius in ratione termini producti, seu per cognitionem Patris *Notionalem* *dicti* origine posterior est cognitione sui *essentiali*, quâ Patri inexistente, sequi quod ista in illo *priori Originis* sit de ratione Beatitudinis Intellectus Paterni, quin Filius secundum illud *instans Originis active* sit passivè productus, licet pro tali signo debeat esse cognitus.

Urgebis denique. Cognitio Dei, quâ *formaliter* Quidditativa, adeoque Beatificativa intelligitur quatenus terminata ad Essentiam Divinam. Atqui Hypostases Divinarum Personarum non sunt de Essentiâ Dei, siquidem de fide sit, Patrem communicare Filio totam Essentiam, quin eidem communicet Hypostasin. Quia ergo cognitio Dei quâ *formaliter* Quidditativa, adeoque intellectus tam Divini, quam creati Luminis gloriæ illustrati Beatificativa concipi potest, quin ut sic terminetur ad Hypostases, consequens est, totum fundamentum rueret, ex quo superius desumpta est implicantia, ob quam impossibile sit Visio Divinæ Essentiæ sine personalitatibus relativis.

Respondetur: Tamen Hypostases, seu Personalitates Divinæ secundum virtutalem distinctionem & objectivas in hac fundatas præcisiones non sint de Essentiâ Dei, tanquam prædicata ejusdem constitutiva, se habere tamen in illâ tanquam realitates ex natura rei etiam *formaliter* identificatas, imò Divinarum Personalitatum Essendi rationes esse ipsissimum Esse Dei sive ipsam Essentiæ Divinæ formalitatem; quatenus sub ratione Esse Veri seu intelligibilis ac Perfectionis Tota communicatur Filio, ut nihil intelligibilis Veritatis seu perfectionis sit in Hypostasi Patris, quin *Formaliter* sit in Hypostasi Filij, tamen cum hac secundum Essentialitatis, Perfectionis ac intelligibilitatis rationem Identitate adhuc subsistat oppositio relativa *Formaliter* distinctiva Patris ac Filij Hypostasum. At verò eo ipso, quod Essentia *Quidditativè*, ut est in se, videatur, oportere videri ejus Unitatem Transcendentalem, adeoque omnis perfectionis, seu realitatis *Transcendentaliter* sibi imbibitæ *identitatem* etiam *formalem*. Hæc autem visâ implicare, non videri formalitates ita inter se identificatas. Ergo impossibile esse, quod Visio Divinæ Essentiæ Quidditativa præcisè terminetur ad Es-

sentiam Dei, quin *Essentialiter* attingat Hypostasem.



## CONTROVERSIA II.

*An, & qualiter DEVS ab intellectu creato incomprehensibilis sit?*

1. **S**upponendum 1. Comprehensionem quandoque accipi, prout est terminus prosecutionis, estque ut sic Finis acquisiti tentio, seu possessio. In quo sensu possibilem esse Comprehensionem Dei quā ultimi Finis Sanctorum, probat illud Apostoli ad Eph. 3. *Ut possitis comprehendere cum omnibus Sanctis, quæ sit latitudo, longitudo, sublimitas, & profundum, &c. ut impleamini in omnem plenitudinem Dei.* Est igitur alia nostro instituto conveniens Comprehensionis acceptio pro adæquatione objecti alicujus cognitione. Quo sensu Deum esse incomprehensibilem, testantur, sacræ Litteræ 32. Hierem. *Magnus consilio & incomprehensibilis cognatu.* Et Eccles. 43. *Ne laboretis, non enim comprehendetis.* Hinc cap. firmiter, de Sum. Trinit. dicitur: *Unus solus est verus Deus, æternus, immensus, incomprehensibilis, Omnipotens, ineffabilis.*
2. **S**upponendum 2. Ioannem à S. Thomā ad præf. q. 12. disp. 15. a. 8. merito reprehendere Vasquezium disp. 52. asserentem, Non esse de fide, quod Deus sit incomprehensibilis per absolutam potentiam, sed sicuti à Sacris Litteris, & Patribus dicitur invisibilis, ac ineffabilis, qui tamen respectu cognitionis creatæ solum naturalis, non verò supernaturalis per gratiam invisibilis est; sic esse incomprehensibilem in ordine ad cognitionem creatam duntaxat naturalem. Nam præterquam quod ista sententia refragetur communi Theologorum sensui, refutatur ex eo, quod Patres Invisibilitatem, & incomprehensibilitatem recenseant tanquam distincta Dei Attributa. Hinc Beda in illud 1. Ioan. 3. *Videbimus eum, sicuti est, ait: Promittimus vobis videre Deum, nam comprehendere concedi non potest.* Et Gregorius 10. Moral. c. 10. *Esi hunc in Charitate quandoque conspiciamus, non tamen ejus Essentiam plenè intuemur.* Ex quo patet; Deum longè magis esse Incomprehensibilem, quàm invisibilem. Est autem Deus ita invisibilis per naturam intellectus creati, ut tamen ab hoc visibilis sit per gratiam; seu lumen supernaturale. Oporteret ergò, quod respectu virium etiam supernaturalium repugnet, Deum comprehendendi ab intellectuali creaturā, eo ipso, quod creatura sit: id clarè insinuante Gregorio Papā 18. Moral. c. 39. ubi ait: *Longè dispariter videt creator se, quàm videt creatura Creatorem: nam quantum ad Immensitatem Dei, quidam novus modus figitur Contemplationis, quia eo ipso pondere circumscribimur, quo creatura sumus.*
4. **C**um igitur ex hoc ipso, quod Intellectus creatus limitatæ sit naturæ, non possit, nisi modo finito videre Deum; nequeat autem modus finitus circumscribere substantiam infinitam: Comprehensio verò sit quasi circumscriptio rei intellectæ, Divo Augustino in epist. 112. c. 7. *finem attestante, Illud comprehendendi, cujus fines circumscripi possunt: neque verò Deus possit intellectum creatum per elevationem supernaturalem extrahere ex statu naturæ limitatæ, & creatæ, consequens est, Comprehensionem Dei non esse respectu intellectus creati etiam supernaturalis possibilem. His aded supposi-*

tis, restat discutienda difficultas, *Cur Beati videntes omnia, quæ sunt formaliter in Deo, hujus tamen substantiam non comprehendant?*

## Referuntur Sententiæ Doctorum.

**H**ujus rationem Thomistæ adstruunt, quod ad comprehensionem requiratur, & sufficiat cognitio extensiva omnium, quæ vel formaliter, vel eminenter sunt in objecto: Angelico Doctore præf. q. 12. a. 8. asserente. *Nullum intellectum creatum videndo Deum, posse cognoscere omnia, quæ Deus facere potest, quia hoc esset comprehendere ejus Virtutem.*

Subtilis Doctor in 3. disp. 14. q. 2. n. 10. contra hanc rationem sic arguit. Quando ipsi A conveniunt B. & C. ordinatè, ita quod B. sit tota ratio respectu C. tunc si intelligens B. non comprehendit A. multò magis intelligens C. non comprehendit A. Exemplum est de subjecto, Definitione, & Passione: Si enim intelligens definitionem non comprehendit subjectum, neque intelligens Passionem comprehendit illud. Atqui respectu Dei Esse infinitum intensivè, & Esse, in quo infinita possibilia quomodocumque relucet, se habent ordinatè, ita quod quia est infinitus intensivè, ideo infinita possibilia relucet in eo, & ita infinita possibilia potest. Neque verò cognoscens Deum sub ratione infinitatis intensivæ comprehendit ipsum. Ergò multò magis cognoscens infinita possibilia, quæ relucet in eo, sive ejus infinitos effectus, non comprehendit ipsum.

## CONCLUSIO.

**R**atio ex Doctore Angelico superius insinuata efficax, & omnino tenenda est.

Probatur argumento ejusdem S. Doctoris cit. a. 8. Manifestum est, quod quando aliqua Causa perfectius videtur, tunc plures ejus effectus in ea videri possunt. Qui enim habet intellectum elevatum, statim uno principio demonstrativo proposito, ex ipso multarum conclusionum cognitionem accipit: quod non convenit ei, qui debiliore est intellectus, sed oportet, quod ei singula explanentur. Ille igitur intellectus potest in causâ cognoscere omnes causas effectus, & omnes rationes effectuum, qui causam totaliter comprehendit. Ergò quia nullus intellectus totaliter Deum comprehendere potest, consequenter videndo Deum non potest cognoscere omnia, quæ Deus facere potest. Ergò intellectus creatus, etsi omnia, quæ formaliter sunt in Deo videat, ipsum tamen non comprehendit, dum non videt omnes effectus eminenter in ipso contentos.

Respondet Scotus cit. q. 2. n. 12. in hoc argumento esse fallaciam consequentis: Licet enim perfectius causam cognoscens possit plures effectus cognoscere, non tamen è converso sequi, quod cognitio effectus sit ratio perfectioris cognitionis causæ: cum possit stare cognitio principij non aucta conclusionibus pluribus ex ipso elicitis. Pari ergò ratione posse stare cognitionem causæ non auctam pluribus effectibus in ea cognitis.

Contra.



9. Contra. Nam aliud est, noticiam conclusionum in, & ex principio tanquam Causâ exigere perfectiorem Principij cognitionem; aliud verò est, facere ipsam perfectionem. Prius ergò, non posterius in prædicto argumento asseruit Divus Thomas, quem proinde per subtilitatem nonnihil tenuiorem in alterum sensum retorfit Scotus, veluti advertit Cajetanus *præs. a. 2. § ad Objectiones*. Quia igitur virtus causæ, ipsomet etiam Scoto ubi *supra* fatente, est medium cognoscendi effectus in se *virtualiter* contentos, evidenter sequitur, quantò perfectius penetratur causa in se *virtualiter* continens omnes effectus possibiles, tantò plures in ipsâ tanquam medio cognosci effectus. At licet virtus Divinæ potentie nullam cum effectibus creatis connexionem & possibilitatem, seu Transcendentalem ad illos relationem habeat, est tamen medium ex se proportionatum ad effectus in suâ virtute cognoscendos, *velut seq. art. demonstrabitur*. Ergò quantò plures in Virtute Divinæ potentie videntur effectus, tantò perfectius Deus videtur. At verò Virtus Divinæ potentie eatenus est medium cognoscendi in se effectus possibiles, quatenus est activa imitabilitas, ex qua derivantur creaturarum quidditates, & perfectiones participatæ. Si ergo omnes effectus possibiles videantur in Deo, oportet Divinæ substantie imitabilitatem videri non tantum totam ex parte sui tanquam objecti, sed etiam *totaliter*, ita ut tota ejus cognoscibilitas tunc exhauriatur secundum cognoscendi modum cognoscibilitati objecti omnino commensuratum. At illud comprehenditur, quod in tantum cognoscitur, in quantum cognoscibile est, ita ut modus cognoscentis commensuretur cognoscibilitati objecti. Ex S. Thomâ *præs. q. 12. a. 7.* Ergò si in Deo viderent Beati omnes effectus possibiles, comprehenderent ejus virtutem.

11. Replicabis: In hac consequentiâ supponi, quodd comprehendio Divinæ substantie importet adæquationem cognitionis cum adæquato Divinæ Omnipotentie termino. At iste terminus est tantum Syncategorematicè infinitus, semperque manet intra limites creaturæ. Sicut ergò in ratione Essendi distat infinite ab Essentiâ Divinâ, sic in ratione cognoscibilitatis est distantia infinita inter omnes effectus possibiles, ac esse substantie Dei. Ergò ex eo, quodd omnes effectus possibiles essent cogniti in Deo tanquam speculo, seu medio objectivo, non infertur, quodd Divina substantia deberet comprehendere.

12. Contra: Nam licet omnium *collectivè* creaturarum cognoscibilitas in se visa non esset medium proportionatum ad Divinæ substantie virtutem *comprehensivè*, imò etiam *quidditative* videndam: Nihilominus, si omnes Entitates, ac formalitates creabiles, sive ex Divinâ substantia derivabiles in hac *intuitivè* visâ penetrentur, oportet hanc Dei substantiam non tantum videri totam, sed etiam *totaliter*.

13. Probatum ista sequela. Totalis cognitio est secundum adæquationem cognoscibilitatis objecti, & cognitionis. Hæc verò adæquatio in eo sita est, quodd objecti *intuitivè* attracti cognoscibilitas seu forma intelligibilis ita uniatu intellectui, ut tanquam *motivum specificativum* determinet ad omnis non tantum *formaliter* sibi inexistens realitatis, sed omnimodæ ex se, & in se intelligibilis Ver-

ritatis intellectionem. Atqui talis inter cognoscibilitatem objecti, & modum cognoscendi adæquatio præsupponit lumen intellectuale commensuratum intelligibilitati objecti. Oportet igitur, lumen intellectuale infinitum esse in eo, cujus intellectus Divinæ Substantie modo infinito unitur. At eo ipso, quodd substantia Divina in se tanquam medio objectivo, seu motivo *formali, ac specificativo* sit alicui intellectui repræsentans omnes creaturas possibiles, oportet, ejus intelligibilitatem in ratione *objecti formalis, seu motivi specificativi* esse unitam intellectui, in quantum potest esse repræsentativum Veritatis non tantum intrinsecæ *formaliter* sibi inexistens, sed omnimodæ ex se tanquam causâ derivabilis, & producibilis. Ergò Divinæ substantie intelligibilitas *totaliter* in ratione *formæ intelligibilis, seu motivi specificativi* esset intellectui unita, si in ipsâ *intuitivè* visâ viderentur non tantum omnes formalitates *formaliter* Deo inexistentes, sed omnes quidditates possibiles creaturæ *Emmenter* in ipsâ latentes. Ejusmodi verò cognitionem Totalem dicimus Comprehensivam ex S. Augustino *ep. iii. c. 9.* asserente: *Illud comprehendere, quodd na videtur, ut nihil ejus lateat videntem, aut cujus fines circumspiciantur, sive circumscribantur.* Atqui objectum, cujus intelligibilitas unitur intellectui *totaliter* ad omnis Veritatis ex se cognoscibilis repræsentationem, ita videtur, ut nihil ejus lateat, ejusque fines etiam *extrinsecè* ad illud se habentes circumspiciantur. Constat igitur, ex eo, quodd intellectus aliquis in Essentiâ Dei *intuitivè* visâ videret omnes effectus possibiles, seu quidditates, ac veritates ex eâ derivabiles, rectè inferri, in tali intellectu esse Divinæ substantie comprehensivam intuitionem. At per se notum est, Divinam Essentiam, utpote actu simpliciter infinitam non posse in ratione *formæ intelligibilis, seu motivi specificativi* *totaliter* uniri intellectui alicui, quin modo infinito se habeat ad illam. Si ergò requiritur lumen intellectuale infinitum in eo, cujus intellectui modo infinito unitur Divinæ substantie intelligibilitas; consequens est, non posse hanc *infinite*, nec aded *totaliter* in ratione *formæ intelligibilis* uniri intellectui creato: veluti argumentatur S. Doctor *cit. art. 7. in corpore*. Ergò per Dei potentiam etiam absolutam non est possibilis comprehensio Divinæ substantie.

#### Ad Scoti *a. 6.* oppositum

16. Respondetur: Concessâ majore, verum esse, quodd Esse Dei *intensivè*, seu *Essentialiter* infinitum sit ratio, & causa, cur in ipso reluceant possibilia infinita. At verò ut Esse Dei *intensivè* infinitum videretur *comprehensivè* ab intellectu creato, debere huic in ratione formæ intelligibilis uniri modo infinito. Hoc autem ed ipso futurum esse, si omnes creaturæ possibiles in Essentiâ Divinâ *intuitivè* visâ intelligerentur ab intellectu creato. Ergò ex hoc ipso, quodd impossibile sit, Essentiam Divinam modo infinito seu *totaliter* in ratione formæ intelligibilis uniri creato intellectui; consequenter per demonstrationem à priori rectè inferre S. Doctorem *cit. a. 7. c. 2.* quodd impossibile sit, Deum comprehendere, & consequenter omnes creaturas possibiles à

Beatis videri in substantiâ Divinâ.

CON-



## CONTROVERSIA III.

*An & quomodo Visio Divina**Essentia penetret Decreta Dei Libera?*

1. **D**ecreta Dei libera saltem aliqua videri à Beatis, communis est Theologorum sententia, Sanctis Patribus Augustino 9. de Civit. Dei. c. 22. & lib. 11. c. 7. & 29. & lib. 2. de Genesi ad L. III. c. 8. Bernardo. lib. 5. de Consid. c. 1. & 4. Concil. Senonen. & alijs sæpè attestantibus: in Divinâ Voluntate, arte, rationibusque æternis à Beatis videri mutationes creaturarum factas, aut faciendas ex tempore. Quocirca de modo duntaxat superest difficultas, *An videantur vi luminis gloria formaliter per ipsammet Divina Essentia Visionem?*

## Referuntur sententiæ Doctorum.

2. **N**egat Vasquez 1. p. disp. 50. c. 4. n. 23. Decreta Dei libera posse videri in Divinâ Essentiâ. 1. Quia supra Essentiam Divinam ejusmodi Decreta formaliter quæ libera important respectum rationis. Hic verò non apprehenditur à Beatis. 2. Prius est, rem esse futuram, quàm Essentia Divina ad illam ut sic habeat respectum rationis, ex quo Essentia in se necessaria denominatur in ratione Decreti liberi. Ergò potius ipsæ res futuræ sunt Causæ cognoscendi Essentiam Dei sub ratione Decreti liberi, quàm econtra Essentia Divina sit medium cognoscendi futura. 3. Verum oppositum ex mente S. Thomæ 1. p. q. 57. a. 5. adstruitur non à Thomistis duntaxat, sed plerisque alijs Scholasticis Theologis.

## CONCLUSIO.

**D**ecreta Dei libera videntur à Beatis formaliter per Visionem Beatificam ex virtute luminis gloriæ, quatenus habet vim revelationis secretorum Divinæ Voluntatis.

4. Probatur. Visio Beatifica respondet cognitioni Fidei, & lumen gloriæ ad lumen Propheticum, ac lumen Fidei comparatur tanquam Habitus principiorum. ex S. Tho. 2. 2. q. 171. a. 2. At Divinorum Decretorum occulta, & Secreta quandoque Divinitus revelata sunt Prophetis, & alijs Fidelibus tradita ad credendum. Psalm. 50. Incerta, & occulta Sapientie tue manifestasti mihi. Et Amos 3. Non faciet Dominus Verbum, nisi revelaverit Secretum suum ad Servos suos Prophetas. At verò principium eorum, quæ per Prophetiam manifestantur, est ipse Deus, qui tamen per Essentiam non videtur à Prophetis. Ex S. Tho. 2. 2. q. 171. a. 2. Hoc autem principium, seu Deus se habet ad cognitionem Prophetiæ, seu Fidei non tantum in ratione causæ Efficientis, sed Motus, & objecti formalis. Ergò quia Principium, & motum formale tam fidei, quàm Prophetiæ, nimirum Deus, videtur à Beatis per Essentiam, oportet occulta Sapientiæ, & secreta Consilij Divini ita penetrari in Essentiâ Dei intuitivè visâ, sicuti Prophetia, & fides cognoscendo secreta e-

jusmodi attingunt Deum immediate tanquam Motum, & objectum formale; At hoc est videre Decreta Dei libera formaliter per Visionem Beatificam vi luminis gloriæ inexistentis intellectui Beatorum per modum formæ permanentis. Ergò Beati vident Decreta Divinæ Voluntatis non tantum per revelationem extra Verbum, sed in Verbo, seu Essentiâ Divinâ, attestante Doctore Angelico 1. p. q. 57. a. 5. Esse autem & aliam Angelorum Communionem, quâ videant Verbum, & res in Verbo. Et hæc quidem Visione cognoscere Mysteria gratiæ, non quidem omnia, nec aequaliter omnes, sed secundum quod Deus eis voluerit revelare.

Dices: Decreta Dei libera per Visionem Beatificam formaliter vi luminis gloriæ penetrantur, vel quia sunt formalitates Deo intrinsecæ; Unde consequens erit, visâ Essentiâ Divinâ, fore necessarium, omnia ejusmodi Decreta penetrari ab intellectu Beati. Vel decreta illa formaliter important connotationem extrinsecam creaturæ, sine respectu Deo intrinseco vel connexionem formalitatis alicujus Divinæ ad creaturam. Ex hoc autem fit consequens, Essentiam Dei, ut est in se, non esse medium proportionatum ex se & in se manifestandi creaturas actu existentes.

Contrà: Decreta Dei libera sunt realiter ipsa Dei substantia, quatenus hæc formaliter est summa, & absoluta attingentia, per eminentiam suam infinitam valens attingere libere vel non attingere creaturas. In hæc verò Eminentia infinita attingendi, vel non attingendi secundum libertatem Divinæ voluntatis, ita inest exercitium, ac determinatio libera ad aliquod objectum creatum, ut hæc ipsa tamen formalitas liberi exercitij, à parte rei non tantum identitè, sed formaliter sit Essentia Divina, à quâ tamen virtualiter est distincta, ita, ut sub hac denominatione, seu formalitate liberi exercitij possit absque ullâ variatione non convenire Divinæ substantiæ. At verò unaquæque res ita se habet in cognoscendo, sicuti se habet in Essendo. Ergò quia illa Eminentia infinita attingendi libere, vel non attingendi in ratione Entitatis est ipsa Dei substantia necessaria, consequenter oportet à Beatis videri omnium Dei Decretorum Entitatem. Quia verò hæc ipsa Entitas ratione suæ infinitæ Eminentiæ ita habet secum realiter identificatum exercitium liberum voluntatis, seu determinationem actus ad hæc, vel illa objecta, ut tamen ista determinatio vel exercitium liberum possit non convenire Divinæ substantiæ, consequens est, visâ Dei Essentiâ, non esse necessarium, videre Divina Decreta formaliter sub ratione Exercitij liberi, seu Terminationis ad objecta. Nilominus sicuti Omnipotentia Divina est medium proportionatum ad creaturas possibiles in se conspiciendas, tamen si nullam importet relationem realem, seu connexionem intrinsecam ad illas: sic illa Divinæ substantiæ Eminentia, quatenus est realis libera attingentia creaturarum, potest esse medium, in quo intuitivè visâ istæ reluceant. At ex hoc ipso, quod attingentia ista creaturarum libera Deo formaliter inexistens non importet rationem dependentiæ, seu connexionis, vel relationis ad creaturas, potest tota omnium actuum Dei liberorum Entitas attingi à Visione Beatificâ, quin videantur creaturæ ex talibus Decretis in tempore producen-



8. dæ. Vnde patet discrimen inter Decreta Dei libera, & formalitates Divinæ substantiæ per necessitatem intrinsecam, & essentialem inexistentes: has enim oportet eo ipso videri, quodd Essentialia Divina videatur, ut est in se. At, quia illa non tantum in ratione attingentiæ determinatæ libera sunt, sed nec in Entitate, seu formalitate suâ aliquam habent à creaturis dependentiam, idcirco visâ Dei Essentiali non oportet penetrari ejusmodi exercitium liberum, nec consequenter videri creaturas ex ipsis prodeuntes: attestante Doctore Angelico q. 8. de Verit. a. 4. relationes & Consilia Divinorum operum non ita pervia esse Angelorum præsertim inferiorum intellectibus, quin isti quoad objecta ejusmodi illuminentur à Superioribus Angelis plures Divinorum operum rationes in Deo videntibus. Verum de istâ creaturarum Visione in Verbo agemus latius in seq. articulo.

Ad Vasquezij n. 2. oppositum

2. R Esponderetur: Negando, quodd Decreta Dei libera *formaliter* importent respectum rationis. Nam quia in Deo non est dependentia, vel connexio aliqua, seu relatio realis ad creaturas, liberam Divinæ Voluntatis ad has terminationem explicamus quidem per respectum rationis; attamen à *parte rei* est absoluta Dei eminentia liberè tangens creaturas, quæ attingentiæ secundum suam Entitatem tam in se necessaria est, quàm respectu intellectûs Beati necessariò est attingibilis, ut tamen formalitas Exercitij, ac determinationis liberæ *virtualiter* à Divinâ Essentiali distinctæ eo ipso, quodd libera sit, possit non convenire Deo, nec adeò, visâ Divinâ Essentiali, debeat necessariò videri.



#### ARTICULUS V.

*Qualiter creatura per Visionem  
Beatificam videantur in Verbo,  
seu Essentiali Divinâ?*

1. N On est quæstio de Esse Eminentiali creaturarum in Deo, quod *formaliter* est vita Dei substantialis, seu ipsa Divina Essentiali, juxta illud Ioan. 1. *Quod factum est in ipso, vita erat.* Hoc namque videri à Beatis, constat ex præc. art. Procedit ergo difficultas de Esse formali, seu quidditate propriâ creaturarum. An *formaliter*, vel *causaliter* tantum videantur à Beatis in Divinâ Essentiali? Etenim creaturæ dicuntur *formaliter* videri in Verbo, quatenus ipsa visio Beatifica eas tanquam *objectum secundarium* attingit, Divinâ substantiâ se habente ad illarum cognitionem per *modum medij objectivi & motivi formalis*. At *causaliter* dicuntur creaturæ in Verbo videri, quatenus attinguntur à Beatis per revelationem, seu cognitionem à Visione Dei distinctam, ratione tamen statûs Beatifici debetam.

#### CONTROVERSIA. I

*An, & quomodo creatura ex vi  
luminis gloriæ formaliter per Visionem  
Beatificam videantur in  
DEO?*

1. V Asquez præc. disp. 50. præter alios negat, posse creaturas *formaliter* videri in Verbo, sive Divinâ substantiâ tanquam *medio objectivo*. Probabatur. Divina substantia ita est causa creaturarum, ut tamen secundum totum suum Esse, ac omnimodam formalitatem suam intrinsecam sit Ens absolutum, ac Independens. Ergò nec attributum Omnipotentiae, nec Scientiæ, aliudvè Dei prædicatum in ratione suâ formali importat aliquam relationem realem, seu connexionem intrinsecam ad creaturas, quin datâ per impossibile istarum impossibilitate, Deus ut est in se, intelligi possit secundum omnem suam intrinsecam perfectionem. Confirmatur. Est enim formalitas Omnipotentiae, ac omnimodæ perfectionis Divinæ imparticipata; ex quâ derivatur omnis creaturæ Essentiali, & possibilitas. Ergo jam antecedenter ad possibilitatem creaturæ intelligitur Esse Dei, omnisque ejus perfectionis independenter subsistens in se ipso. At si creaturæ etiam quâ possibiles *formaliter* viderentur in Verbo tanquam *medio objectivo*, oporteret in hoc esse connexionem intrinsecam cum illis.

2. Probatur ista sequela. Eo ipso, quodd ejusmodi *medio objectivo* non inesset respectu creaturarum connexio intrinseca, & necessaria, consequens foret, sicuti Esse *medij illius objectivi* posset in se stare etiam non datâ possibilitate creaturarum, sic non esset illud *medium objectivum* infallibiliter inferens, seu repræsentans Essentialias creaturarum quâ immutabiles, ac necessarias. At implicat, creaturas secundum Essentialias suas repræsentari, quin Essentialiæ ejusmodi cognoscantur tanquam necessariae, & quoad statum possibilitatis ab intrinseco immutabiles. Ergò implicat, creaturas possibiles evidenter videri in Verbo secundum proprias suas quidditates, ac Essentialias, nisi substantia Divina habeat intrinsecam, ac necessariam cum illis connexionem. At istud repugnare Divinæ substantiæ, constat ex didis. Ergò repugnat, creaturas formaliter per Visionem Beatificam videri in Verbo.

3. Opposita D. Thomæ præc. q. 12. a. 9. & q. 58. a. 7. & de Verit. q. 8. a. 5. sententia communis affirmat; etsi non omnium eam sequentium una sit ratio: alijs, nominatim Francisco de Lugo cit. lib. 1. de Deo. c. 1. n. 9. hujus rationem desumentibus ex eo, quodd plura Dei Attributa dicant relationes transcendentales ad creaturas; nequeat verò relatio aliqua realis *quidditative* cognosci sine termino. Econtra alijs maxime Thomistis negantibus Deo, ejusque Attributis relationes reales ad extra.

✠ (IHS.) ✠



## CONCLUSIO.

**D**ivina Essentia est medium objectivum, in quo ex vi luminis gloriæ formaliter per Visionem Beatificam de facto videntur creaturæ, etsi ad has nullam dicat relationem Transcendentalem.

4. Probatur Autoritate S. Augustini lib. 22. de Civit. c. 2. asserentis. *Quod Cognitio creatura in se ipsa decoloratur sit, quam cum in Sapientia Dei cognoscitur, velut in arte, per quam facta est.* Nam ex hoc patet, à Divo Augustino cognosci creaturarum cognitionem in Dei Sapientia. At Doctor hic Ecclesiæ loquitur de creaturis non secundum Esse Eminentiale in Essentia creatrice, sed secundum Esse, quod habent in se ipsis. Ergo Esse creature proprium, & creatum potest videri in Divina sapientia seu Verbo, uti præter alios Patres, nominatim S. Bernardum lib. 2. de Consol. 2. idem S. Augustinus lib. 13. Confess. c. 15. apertius tradit his verbis. *Beatus non opus habet suscipere firmitatem, hoc enim cognoscitur videndo Verbum tuum, videt enim faciem tuam semper, & ibi legit sine syllabis temporum, quid velit Voluntas tua.* Unde cum eodem Ecclesiæ Doctore lib. 4. de Gen. ad Luer. c. 23. & 24. & Isidoro lib. 1. sent. c. 8. Doctor Angelicus 1. p. q. 85. a. 7. in Angelis distinguit duplicem creaturarum cognitionem, alteram *Vesperinam* per species innatas, mediantibus quibus creaturæ videntur in proprijs naturis; alteram *Matinam* in Verbo, quatenus Beati videndo Verbum cognoscunt non tantum illud Esse rerum, quod habent in Verbo, sed illud etiam Esse, quod habent in propria Natura.
6. Respondebis: Creaturas eatenus Esse cognoscibiles in Verbo, quatenus sunt veritates participatæ. Esse autem veritates participatæ, quatenus per primam Veritatem sunt revelabiles. Ergo creaturas posse dici videri in Verbo, quatenus cognoscuntur à Beatis per revelationem aliquam Divinam Primæ veritati innixam, sed tamen distinctam à Visione Beatificâ.
7. Contra. Nam creaturæ à Beatis videntur taliter in Verbo, sicut Deus per hoc, quod videt se, cognoscit Esse rerum, quod habent in propria natura. ex S. Tho. cit. a. 7. At Deus scit alia à se per Essentiam suam, in quantum est similitudo rerum, velut principium activum earum; ex hoc enim necesse est, quod Essentia Dei sit principium sufficiens cognoscendi omnia, quæ per ipsum fiunt, non solum in universali, sed etiam in singulari. ex eod. S. Doctore 1. p. q. 14. a. 11. Ergo activitas, seu imitabilitas activa Essentiæ Divinæ est ratio & Principium in Beatis cognoscendi creaturas. At cognitio veritatis alicujus per ejus principium pro motivo suo formali habet ipsum principium quæ cognitum. Ergo activitas, & imitabilitas activa Essentiæ Divinæ quatenus visa est *motivum formale* seu *ratio objectiva formaliter* per Visionem Beatificam videndi creaturas etiam in singulari, secundum Esse suum proprium, atque creatum.
8. Replicabis. Hæc Essentiæ Divinæ imitabilitas, tam in ratione sua Essendi, quam in ratione activitatis infinita est ita independens à creaturis, ut cum istis nullam habeat necessariam connexionem. Ergo est per intrinsecam

suam formalitatem, seu quidditatem de se indifferens ad hoc, quod creatura esset possibilis, vel impossibilis. Probatur ista sequela. Quia data Hypothesi, quod omnis creatura esset impossibilis, non idcirco activitas illa Divina in sua ratione intrinsecâ, & conceptu formali non subsisteret. Ergo ejus conceptus Essentialis non exigit determinatè possibilitatem creaturarum. At hoc ipso, quod Essentiæ Divinæ activitas, seu imitabilitas activa sit indifferens ad creaturarum possibilitatem, nequit esse *medium objectivum determinatum* ad earum Essentias in se repræsentandas. Ergo non potest stare, quod Essentia Divina sit Beatis *medium objectivum* ad repræsentandas creaturas, nisi cum his intrinsecam, atque determinatam habeat connexionem.

10. Contra. Nam aliud est, Essentiam Divinam in ratione Potentiæ, aliudvè Attributi per modum relationis realiter sibi inexistens esse ut sic ab intrinseco connexam, & quodammodo dependentem à creaturarum possibilitate; hoc enim repugnat Esse Divino in se absolutissimo, adeoque sine ullo respectu ad extra, vel connectione dependentiæ perfectissime subsistenti.

Aliud verò est, Essentiam Divinam habere continentiam causativam, & Exemplabilitatem activam omnis creaturæ possibilis. Ex hoc enim, quod in ratione Entitatis sit purissime, & actualissime infinita, sequitur, quod omnes perfectiones totius generis Entis secundum quaslibet formalitates, & realitates in simplicissima absolutissime perfectionis Eminentia contineat per modum primi Entis secundum rationem suam intrinsecam in infinitum participabilis. At verò ista participabilitas Divinæ substantiæ *intrinsecâ*, ac *formaliter* in Deo existens ita infert creaturarum in infinitum possibilitatem, ut hæc necessario derivetur ex illâ. Unde falsum est, quod Divinæ Essentiæ activitas, seu imitabilitas activa de se indifferens sit ad creaturarum possibilitatem vel impossibilitatem; sed sicuti in ratione hujus imitabilitatis est in se *formaliter* determinata per modum purissimæ actualitatis, sic necessarium est, creaturas esse posibles, quin tamen ab his dependeat Divinæ substantiæ intrinseca imitabilitas, sed potius ex hac illæ deriventur. Est igitur activitas, seu imitabilitas activa Essentiæ Divinæ *formaliter* inexistens, ac ex se inferens *necessariò* creaturarum possibilitatem, *medium objectivum* omnino proportionatum ad creaturas posibles in se repræsentandas. In quantum ergo Beati penetrant istam Divinæ substantiæ ad extra imitabilitatem, in tantum cognoscunt in Verbo creaturarum possibilitatem: hæc enim se habet ad illam per modum effectus non quidem *physicè* in se, sed *objectivè* in Divinæ substantiæ participabilitate tanquam activæ, & radicali creaturarum possibilitate existentis. At verò ista radicalis, & activa possibilitas, seu Divinæ substantiæ participabilitas, licet sit una simplicissima Entitas, seu formalitas, ex hoc ipso ramen, quod in Esse non tantum *reali*, sed etiam *intelligibili* infinita sit, non potest per formam creatæ visionis *adequatè* uniri intellectui Beato. Ergo ad istum se habere potest secundum magis & minus, ita ut, licet ex parte objecti attingatur omnis formalitas Divinæ substantiæ, hæc tamen in ordine ad plures, vel pauciores



12. creaturas intellectui creato representandas, majori vel minori claritate penetreretur à Beatis. Hæc ipsa verò Visionis Beatificæ claritas attingendo Deum, *ut est in se*, licet tangat substantiam Divinam cum identitate formali omnis realitatis sibi inexistens; attamen per suam Essentiam non debet ita esse penetrativa Divinæ substantiæ, ut in hac quâ participabili ad extra videat necessariò creaturas in specie, utpote in ordine ad quas nulla sit substantiæ Divinæ intrinseca connexio, & relatio realis. Cum igitur Essentia Divina ratione continentiæ Eminentialis omnium creaturarum, seu Activæ suæ imitabilitatis simpliciter actu infinitæ ita sit *medium proportionatum* ad creaturas in se representandas, ut tamen ratione suæ Essentialis Independentiæ, seu Esse à creaturis omninò absoluti posset, ut est in se, videri *intuitivè*, quin aliquam creaturarum speciem actu repræsenteret creato intellectui; consequens est, Essentiam Divinam esse quidem *speculum necessarium* ad omnes formalitates Deo inexistentes *necessariò* representandas intellectui lumine gloriæ illustrato: attamen respectu creaturarum in specie esse *speculum voluntarium*, ita ut participabilitate, seu activitate Divinæ substantiæ intrinsecâ, ut est in se, visâ, possit Deus aliquas, non tamen omnes creaturarum species vel individua in se *tanquam medio obiectivo* manifestare, & aliquas, imò omnes in specie creaturas occultare, tamen eo ipso, quòd Essentiæ Divinæ imitabilitas activa videretur *intuitivè*, necessariò cognosceretur in genere, aliquod Ens extra Deum esse possibile.

Ad argumentum *n. 1.* oppositum ejusque Confirmationem

13. **R**espondetur: Ex hoc, quòd Essentia Divina secundum omnes sibi inexistentes formalitates sit Ens à creaturis omninò absolutum sine ullo ad extra respectu connexionis, vel dependentiæ, sive cujuscumque Transcendentalis relationis, consequens esse, quòd antecederet ad omnis creaturæ possibilitatem sit intelligibilis, ut est in se, *absolutissimè*, ac *perfectissimè* subsistens. Hoc tamen non obstat, quin ratione continentiæ causativæ, & imitabilitatis activæ omnium creaturarum sit *medium proportionatum* ad has in se *intuitivè* visâ representandas, maximè cum ex se in ratione hujus Eminentiæ, seu continentiæ & participabilitatis activæ ita sit determinata, ut ex ipsâ tanquam radice, seu radicali, & activâ possibilitate *necessariò* inferatur possibilitas, seu participabilitas passiva creaturarum. Et hinc non tenere istam consequentiam, quòd licet homo, vel quævis species creata esset impossibilis, subsisteret tamen Omnipotentia Divina. Nam datâ illâ Hypothesi, supponeretur ex parte Dei non esse talem activitatem, & imitabilitatem intrinsecam, ex quâ *per necessariam consequentiam* deduceretur possibilitas omnis speciei creabilis. Hoc autem posito, negaretur formalitas Divinæ substantiæ intrinseca ita quidem independentis, & absoluta ab omni respectu reali ad extra, ut ejus tamen Veritas imparticipata faciat infallibiliter ex se derivari veritatem participatam cujuslibet creabilis speciei. Ex qua etiam Veritatis creatæ *Quoad esse Obiectivum* in Intellectu Divino derivatione sit, quòd omnis creaturæ

speciei Essentia sit immutabilis, ac necessaria per immobilitatem Veritatis participatam ex Divinæ substantiæ veritate imparticipatâ. Quare quòd in substantiâ Divinâ *intuitivè* visâ possint representari creaturæ, id non tam inferitur ex formalitatis alicujus Deo intrinsecæ cum creaturis connexionem, seu dependentiam, vel relationem, quàm econtrario creaturarum immobilitas, ac Essentiarum æterna Veritas, nec non cujuslibet speciei creatæ formalitas inferatur habere connexionem dependentiæ, ac relationis ad Deum.

## CONTROVERSIA II.

### Quas creaturas de facto videant Beati in Verbo, seu Essentiâ Divinâ?

**S**uppositâ Veritate *præc. cont.* expositâ, quòd creaturæ *formaliter* videri possint in Verbo, facile est cum S. Thomâ *locis infra citandis* asserere, de facto earum aliquas cognosci vi luminis gloriæ per Visionem Beatificam. At quot, & quales ex creaturis existentibus videant singuli Beatorum, decidendum hoc venit ex communi Theologorum Principio, quòd statum Beatitudinis decet, cuique Sanctorum in Essentiâ Dei tanquam speculo manifestari: quæcumque ad ejus conditionem pertinent.

Hinc verò resultat difficultas, cum evenire possit, ut Sanctus majoris meriti pauciora habeat statum suum attingentia, quàm alter minoris meriti, *quomodo hic remissiorem luminis gloriæ persusus plura, quam ille videat in Verbo?*

### Referuntur Sententiæ Doctorum.

**A**D hanc difficultatem Ioannes à S. Thomâ *præc. disp. 15. a. 2. ad ultim. Obiect.* responderet: Visionem plurium creaturarum in Verbo non arguere majorem Visionis perfectionem, nisi quatenus est Essentiæ Divinæ magis penetrativa. Ex Decretorum autem Dei liberorum, atque adeò creaturarum aliquando existentium in Verbo manifestatione tunc solum argui majorem substantiæ Divinæ penetrationem, si vel species aliqua, & Essentia prius non cognita reveletur, vel rationes intelligibiles, aut convenientiæ, ob quas Divina voluntas movetur ad hujus rei creationem, penetrentur. At fieri posse, quòd Beatus aliquis inferioris Beatitudinis videat objecta à Deo decretata solum *quoad An esse*, non penetrando talis objecti saltem omnes intelligibiles rationes, seu convenientias, propter quas mora est Divina Voluntas ad taliter discernendum. Si ergo alter majoris meriti Beatus ex statûs sui ratione pauciores quidem videat creaturas, ex hoc ipso tamen habiturum perfectiorem Visionem Essentiæ Divinæ magis penetrativam, quòd plus videat de illarum creaturarum rationibus intelligibilibus, seu convenientiis, quibus Divina Voluntas moveatur.



## CONCLUSIO I.

**B**eati vident in Verbo cuncta præcipua saltem Myſteria Fidei à ſe hic credita.

4. Probat. Perfecta cognitio Ultimi intelligibilis, ſeu Viſio Eſſentiæ Divinæ ſuccedit Fidei, uti docet S. Thomas. 1. 2. q. 4. a. 3. hoc ipſum 2. 2. q. 1. a. 3. probans ex 1. ad Corinth. 13. Videmus nunc per ſpeculum in enigmate, tunc autem facie ad faciem. Quæ igitur Myſteria Beati in viâ conceperunt ex auditu ad credendum, hæc in Patriâ ipſis manifeſtantur in Verbo per Viſionem Beatificam, juxta illud *Psalm. 47. Sicut audivimus, ſic vidimus in Civitate Domini virtutum.* Unde Aug. 20. de Civ. 11. c. 2. ſuper illa Scripturæ verba: *Videbitis & gaudebit cor Veſtrum, ait: Non expreſſit quid videbitis, ſed quid? niſi Deum & omnia, quæ nunc non videmus, credentes autem cognovimus.* Hoc tamen ita accipiendum eſt, quodd licet Beati videant in Verbo omnia Myſteria Fidei quoad ſubſtantiam, attamen multa ipſos lateant quoad circumſtantias. Nam de die Reſurrectionis, & ultimi Judicii teſtatur Chriſtus Marci. 13. *De die autem illâ nemo ſcit, neque Angeli in Cælo.* Quæ ſacra verba nonnulli quidem non improbabiliſter exiſtimant intelligenda de ſcientiâ communicabili, cum Chriſtus de ſe quoque negarit, ſe ſcire Diem illum, ſcientiâ nimirum alijs communicabili. Attamen circa Myſterium Incarnationis plures rationes & circumſtantias latuiſſe Angelos Beatos, conſtat ex Diu. Dionyſio Cæleſt. Hierarb. c. 7. Vbi Chriſtum Dominum, ac cæleſtes mentes inducit, qualiter iſtæ circa Incarnationis, ac Redemptionis noſtræ Myſterium proponerent quæſtiones, Ille verbò Divinis ſuis reſponſis eoſdem ſpiritus Angelicos illuminaret. At verbò circa illas veritates, quas Beati urpote invariabiliter, ac ſemper videbant in Verbo, nunquam de novo edoſti ſunt ſpiritus Beati. Oportuit ergò iſtos per reſervationes extra Verbum fuiſſe edoſtos de pluribus Myſterij Incarnationis circumſtantijs, ac rationibus D. Thomæ 1. p. q. 57. a. 5. ad 1. & 2. q. 2. a. 7. ad 1. atteſtante, Angelos à principio Beatitudinis in Verbo cognoviſſe Myſterium Incarnationis quoad ſubſtantiam; non tamen ſecundum omnes rationes, & circumſtantias.

6. Pari ergò ratione de Animabus Beatis tenendum eſt non ita videre in Verbo Myſteria fidei, ut ſingulæ conſpiciant omnes S. Scripturæ ſenſus literales, & non ſcriptas traditiones, Eccleſiæque definitiones, ſed una plures alterâ videat pro diverſo Beatitudinis gradu & ſtatu, vel prout cum majori piâ affectione Fidem colabant in viâ, vel Fidei veritates videndi majori flagrabat deſiderio, quod in Beatitudine utpote integrâ Sanctorum ſatietate omnino congruit expleri. Vel quatenus in vitâ mortali per ſtudium ſacrarum Litterarum Theologicum pluribus inſtructa erat. Cum enim Theologia ſit ſubalternata Viſioni Beatorum; Scientia verbò ſubalternata principiorum ſuorum evidentiam accipiens ex ſubalternante, hujc appetat ad ſui perfectionem conjungi, proriſus convenit, labores ſtudij ſacrarum litterarum Theologici præmiari per plurium Fidei veritatem diſtinctam in Verbo cognitionem: S. Hieronymo *epiſt. ad Paulin. 1. 7. aſſerente: Diſcimus in terris, quorum ſcientia nobiſum perfeverat in calis.*

## CONCLUSIO II.

**Q**uilibet Beatus videt in Eſſentiâ Divinâ totum univerſum complectens Cælum, ac elementa, ſingulasque ſpecies cum earum proprietatibus, & virtutibus naturalibus, nec non individua, quæ unica ſunt in ſpecie ſuâ, quæque per ſe pertinent ad ornatum ſeu perfectionem univerſi. Ex communi Doctorum nominatim S. Thomæ *h. c. a. 8. ad 4. ſententiâ.*

Probat. ratione Doctoris Angelici 3. cont. *gen. c. 19. ver. 1.* Nam cujuſlibet rei appetitus naturalis quieſcit, ubi pervenit ad Ultimam finem. At intellectus humani appetitus naturalem eſſe, cognoscere omnia rerum genera, & ſpecies, & virtutes, & totius univerſi Ordinem demonſtrat humanum ſtudium erga ſingula iſtorum. Eſt autem viſio ſubſtantiæ Divinæ Ultimus finis cujuſlibet intellectualis ſubſtantiæ. Oportet igitur, quemlibet videntium Divinam ſubſtantiam videre omnia, & ſingula prædictorum. Unde Moyſi petenti Divinæ Eſſentiæ viſionem reſpondit Deus *Exod. 33. Oſtendam tibi omne Donum.*

Verum quoad individua materialia & corruptibilia ſunt aliqua, quæ ſe habent ad perfectionem Univerſi ſolum ſecundariò propter conſervationem ſpeciei, quæ non poteſt conſervari in unico corruptibili individuo. De his autem S. Thomas *præſ. q. 12. a. 3. ad 4. teſtatur; Cognoscere ſingularia non eſſe de perfectione intellectus creati, nec ad hoc opus naturale deſiderium tendere.* Ejusmodi ergò individua non cognoscunt Beati in Verbo, niſi quatenus ſpectant ad eorum ſtatum.

Alia proinde individua per ſe ſpectant ad perfectionem univerſi, vel quia in ſua ſpecie ſunt unica, veluti Angelicæ, & fortè ſidera, & ſtellæ Cælorum, vel quia intra ſuam ſpeciem ſingulares habent virtutes, ut lapides, metalla, herbae, fontes mirabiles, vel denique quia ſpecialem conferunt univerſo ornatum; veluti flumina celebriora, mare, lacus ingentiores, & ſimilia. Hæc igitur à Beatis videri in Verbo, evincitur ex illo S. Bernardi *ſerm. de Tripliſi ſermonum genere. O ſapientia quâ tunc omnia, quam cælo & qua in terrâ ſunt, perfecte cognoviſimus in ipſo fonte ſapientia rerum omnium cognitionem bibentes.*

## CONCLUSIO III.

**E**x futuris contingentibus, ac mentium, ſeu creaturarum intellectualium ſecretis cognoscunt Beati ea omnia, quæ ad cujuſque ſtatum pertinent, ita tamen, ut juxta Beatitudinis menſuram, ac proportionem aliqua ſolum *cauſaliſer*, alia verbò *formaliſer* in Verbo videant.

Prior pars eſt S. Thomæ 2. 2. q. 83. a. 4. ad 2. atque probatur ex Concilio Senonenſi in *Decretis Fidei c. 13.* ubi cum damnâſſet hæreticos dicentes, non cognoscei noſtras orationes à Sanctis, ait: *Eunt, id eſſe falſum, facile intellecturum, qui non ignorat, Sanctis pervium eſſe omniſorme Divinitatis ſpeculum, in quo quidquid eorum interſit, elucet.* Ex ejusmodi adeò fundamentali ratione Doctor Angelicus 3. p. q. 12. a. 2. concludit: Chriſtum videre



- videre in Verbo omnia aliquando existentia, quia hæc universa ad ejus, cui subiecta sunt, quodammodò dignitatem spectant, interestque ipsius tanquàm Iudicis Universalis cogitatus hominum internos cognoscere. Hinc pari ratione, quia Beatissima Virgo est Advocata Fidelium, & Mater misericordiæ; quantum ad preces, & cogitationes hominum multò plura videt, quàm cæteri Sancti. Horum verò intuitus in Essentiâ Divinâ tanquàm in speculo contemplatur, quantum eos decet cognoscere de eis, quæ quoad motus etiam interiores cordis circa nos aguntur, uti asserit Gregorius Magnus *lib. 12. Moral. c. 13.* Quod tamen restringendum est, nisi mensura remissioris luminis gloriæ non permittat Visionis Beatificæ extensionem ad omnium, quæ statui alicujus Sancti congruunt, eventuum in Verbo cognitionem, vel nisi Deus ex occultâ quâdam ratione velit eventum aliquamdiu celare Sanctum aliquem: uti mox dicitur.
- II. Posterior pars adstruitur à S. Thomâ in 4. *dist. 49. q. 2. a. 5. ad 12.* atque Probatur 1. ex Daniel. 10. Ubi Angeli Persarum, & Iudæorum non voluntatum, sed rerum (uti S. Doctor 1. p. q. 113. a. 8. asserit:) contrarietate dicuntur inter se pugnare, & altercari circa populi Iudaici liberationem. At hoc ipso, quod horum Angelorum curæ commissi fuerint populi Persarum & Iudæorum, ad eorum statum pertinebat nôsse, quæ circa ipsos eventura erant. Ergo Angeli sancti quandoque tempore aliquando ignorant eventus ad statum suum pertinentes. At quia Visio Beatifica mensuratur æternitate, atque aded invariabilis est, non fertur ad objectum aliquod, nisi quod ab initio Beatitudinis attingebat. Ergo oportet illos Beatos Angelos circa eventus prædictos fuisse extra Verbum postea instructos. Ergò Beati nonnulla objecta ad statum suum alioquin spectantia non vident *formaliter* in Verbo, sed *causaliter* duntaxat.
- II. Probatur 2. Ratione. Essentia Divina per intrinsecam suam Entitatem non minùs est speculum creaturarum actualium, quàm possibileum. Harum verò potest esse speculum *formaliter* repræsentativum, quatenus est *formaliter* activa imitabilitas, seu activitas ad extra: illarum verò potest æquè speculum esse *formaliter* repræsentativum, quatenus Decreta Divina sibi *formaliter* identificata sunt ex parte Dei Causalitas, seu actualis causatio earundem. At hoc ipso, quod plures creaturæ possibile videntur *formaliter* in Verbo, seu Essentiâ Divinâ, oportet, hanc magis penetrari per Visionem Beatificam. Hujus autem alia non est ratio, nisi quod Essentiæ Divinæ participabilitas tanquàm intrinseca ipsius formalitas magis tunc penetratur. At Decreta Divina, quatenus sunt ex parte Dei causalitas, seu actualitas causativa creaturarum, non minùs important formalitatem Divinæ substantiæ intrinsecam & identificatam. Oportet igitur, Essentiæ Divinæ formalitatem magis penetrari, atque aded tantò perfectiorem esse Visionem Beatificam, quantò plures videntur in Verbo creaturæ etiam actuales, attestante D. Thomâ in 4. *cit. a. 5. ad 12.* Si ergò mensura remissioris luminis gloriæ in Sancto aliquo exigit Visionem Divinæ substantiæ minùs perfectam, non potest extendi ad plurius, ac multò minùs omnium creaturarum actualium in Verbo cognitionem,

Confirmatur: Nam S. Doctor *loc. cit.* expressè docet: Quod nihil prohibeat dicere, quod post diem iudicii, quando gloria hominum & Angelorum erit penitus consummata, omnes Beati fuent omnia, quæ Deus scientiâ Visionis novit. Oportet igitur, tunc non omnes videre omnia *formaliter* in Verbo, seu in Essentiâ Divinâ, sed plura, vel pauciora secundum gradum, quo Deum cognoscunt. Ergò reliqua videbunt in Verbo duntaxat *causaliter*, Animâ Christi, cujus solius est, omnes creaturas actuales *formaliter* in Essentiâ Divinâ videre, mentes Beatas illuminante, seu ratione statûs Beatifici ipsis communicante plurium veritatum cognitionem extra Verbum, veluti clarè docet idem Doctor Angelicus *ubi supra.*

Ad difficultatem n. 2. oppositam

R. Respondetur: Ex proximè dictis constare, quod responsio Ioannis à S. Thomâ non subsistat. Unde dicendum, quod visio creaturarum in Verbo ita commensuratur Lumini gloriæ, ut si quis Sanctorum ratione statûs sui exigit pauciorum creaturarum actualium cognitionem, Deus id compenset per plurium possibileum, vel etiam actualium ejus alioquin statui non necessariarum creaturarum in suâ Essentiâ manifestationem. Si verò alicui Sanctorum minoris meriti pro statu suo respondeant plures actuales creaturæ, tunc videre quasdam *formaliter* in Verbo, cæteras verò *causaliter* duntaxat, Divinâ Essentiâ respectu cognitionis ejusmodi se habente non instar Verbi *formaliter* earum repræsentativi, sed per modum Causæ suppletis speciem impressam illarum *virtualiter*, seu *causaliter* repræsentativam. In quo aded sensu Concilium Senonense superius in *princ. concl. 3.* allegatum (et si fuerit tantum Provinciale) accipi debere, tradit præter alios Amicus *præf. disp. 9. sect. 23. in fine.*

### CONTROVERSIA III.

*Qua sit causa, cur aliquis Sanctorum has potius in Verbo videat creaturas, quàm illas?*

- SCORUS in 3. *dist. 14. q. 2. n. 20.* docet, Verbum Divinum uniri Animæ Christi tanquàm speculum voluntarium in actu primo, seu habitualiter repræsentans omnia. Unde Amicus *cit. disp. 9. sect. 24. n. 450.* infert ex mente subtilis Doctoris, causam proximam videndi in Verbo has potius, quàm illas, referendam esse in voluntatem Dei volentis manifestare istas, non verò alias creaturas.
- Huic sententiæ ex parte accedit Philippus à SS. Trinitate 10. 1. in 1. p. *disp. 5. dub. 8.* affirmans, si sermo sit de possibilebus, totam rationem proximam, cur quilibet Beatus videat has potius creaturas, quàm alias in Verbo, esse diversam luminis gloriæ participationem; si verò sit sermo de actualibus in aliquâ temporis differentia existentibus, rationem desumendam esse ex Voluntate Dei volentis unire Essentiam suam ut repræsentantem has creaturas actuales, non verò alias. Fundamentum est, Essentia Divina non repræ-



repræsentat creaturas actuales, nisi quatenus determinatas per Decreta Divinæ Voluntatis. At quoddam ista Decreta Dei libera videantur, est immediatè à Voluntate Dei manifestante tales actus intellectui creato.

3. Hoc fundamentum ex parte saltem coincidit cum Doctrinâ Ioannis à S. Thomâ *præf. disp. 13. a. 2. affirmantis*, Decreta Dei libera quoad formalitatem liberi, quatenus tangunt creaturas, videri à Beatis ex vi luminis gloriæ, non ut præcisè est penetrativum quidditatis, & prædicatum Essentialium, sed in quantum habet vim revelationis eorum, quæ Deus voluerit manifestare in sua Essentiâ Divinâ, & in sua Voluntate, ita ut lumen illud ob suam Eminentiam utrumque munus habeat, & Quidditative cognoscendi Essentiam Divinam, & ea, quæ Deus libere vult, per modum revelationis, quantum & quomodo voluerit, manifestandi. Ratio est, Quia lumen gloriæ eminenter continet lumen Propheticum, uti colligitur ex S. Thomâ 2. 2. q. 171. a. 2. At lumen Propheticum ita se habet ad Decreta Dei libera, eorumque objecta, seu creaturas actuales, ut ex solâ ordinatione, & Voluntate Divinâ ea cognoscat. Sicut ergo per eandem speciem & lumen, quo unus Angelus cognoscit substantiam, & Voluntatem alterius Angeli, cognoscitur huius actus liber per hoc solum, quod iste velit ordinare suam cogitationem ad illum, sic posito lumine gloriæ, vi cuius cognoscitur Divina Natura, cognosci potest etiam actus Dei liber per hoc solum, quod Deus actum ejusmodi quâ liberum velit ordinare ad Intellectum Beati: Doctore Angelico 1. p. q. 57. a. 5. asserente: *Quod in Visione Beatâ Angeli cognoscunt Myſteria gratiæ, non quidem omnia, neque aqualiter omnes, sed secundum quod Deus voluerit eis revelare.*
4. Suarez lib. 2. de Divin. Attributis. c. 26. n. 20. sentit, dari lumina gloriæ non præcisè in intensione, neque secundum specificam, sed individualement perfectionem diversa, quorum unum exigit unius, non verò alterius creaturæ in Essentiâ Divinâ cognitionem. Ex quâ proinde differentia individuali petendam esse rationem, cur istæ potius, quàm illæ creaturæ in Verbo videantur à Beatis. Non admodum dissimilis est opinio Ysamberti *ad præf. q. 12. disp. 9. a. 3. prop. 2.* & Ioannis à S. Thomâ *cit. disp. 15. a. 5. existimantium*, Causam proximam, & physicam, à quâ provenit illa differentia Visionis creaturarum in Verbo esse tum determinationem luminis gloriæ secundum intensiorem, vel individualement perfectionem; tum Essentiam Divinam in ratione speciei intelligibilis juxta exigentiam luminis applicatam, & determinatam ad repræsentandum se ipsam quâ Causam harum potius, quàm illarum creaturarum.

#### CONCLUSIO.

Causa physica differentię Visionis creaturarum in Verbo consistit in determinatâ luminis gloriæ perfectione individuali, quæ ut sic exigit Essentiæ Divinæ in ratione formæ intelligibilis cum Intellectu Beati Unionem in ordine ad has potius, quàm illas creaturas in suâ potentia quàm causâ, suisque Decretis tan-

quàm causalitate, seu actione sibi intrinsecâ repræsentandas.

6. Probatur. Principia intellectionis, nimirum objectum, & lumen intellectuale ita ad se invicem comparantur, ut influxus objecti commensuretur perfectioni luminis. Hinc enim Essentiæ rerum in ratione intelligibilis aliter se habent ad intellectum Angelicum, & aliter ad intellectum humanum. At verò principia Visionis Beatificæ, quæ mediante creaturæ repræsentantur formaliter in Verbo, sunt lumen gloriæ, & Essentia Divina, quæ ad intellectum Beati se habet instar formæ intelligibilis, & objecti Motivi, ac specificativi: creaturæ autem in Verbo cognitæ se habent ad illum per modum objecti duntaxat Terminativi, & materialis. At objectum Motivum est proportionè, ac mensurâ determinat Intellectum ad sui objecti secundarij seu Terminativi noticiam, quâ proportionè intelligibiliter est unitum intellectui. Cum igitur hæc objecti Motivi in ratione formæ intelligibilis unio fiat secundum exigentiam, & commensurationem Luminis, consequenter reduci debet in differentiam luminis gloriæ tanquàm Causæ proximæ, ac physicæ, cur Essentia Divina unius Beati intellectui unitur ad has, alteri verò ad illas creaturas in se tanquàm speculo repræsentandas. Atqui hæc differentia luminis major est, quàm intensiōnis: importat enim vim causativam ad Essentiæ Divinæ penetrationem perfectiorem formaliter imbibitam in entitate Visionis Beatificæ. Divo Thomâ q. 2. de Verit. a. 4. de creaturis possibili-  
bus attestante: *Aliquas esse de se latentes, quas proinde non attingi in Verbo, nisi per Visionem Beatificam magis perfectam, ac Essentiæ Divinæ magis penetrativam.* Pari ergo ratione, cur una Visio Beatifica has, altera verò illas attingat in Verbo creaturas, oportet in ipsâ Enthate Visionis esse inæqualitatem secundum specialem Essentiæ Divinæ quâ Causæ, imò etiam quâ Causalitatis seu actionis æternæ penetrationem. At istam nihilominus Visionis inæqualitatem non esse secundum differentiam specificam *seq. art. demonstrabitur.* Oporteret igitur, illam Visionis Creaturarum in Verbo differentiam esse secundum inæqualitatem perfectionis individualis. Ergo etiam lumen gloriæ, quatenus per intrinsecam suam entitatem habet vim intelligibiliter unendi Essentiam Divinam ad has in uno Beatorum, in alio verò ad illas potius creaturas in se tanquàm speculo repræsentandas, est diversum non differentia specificâ, sed secundum gradus diversos individualis perfectionis. Ergo ista secundum individualement perfectionem luminis gloriæ differentia est causa physica, cur aliquis Beatorum has potius, quàm illas creaturas videat in Verbo.

#### Responsio ad fundamenta contraria.

8. AD n. 1. oppositum Respondetur: Divinam Essentiam non ita esse voluntarium creaturarum speculum, ut per quamlibet sui visionem possit esse repræsentativa quarumcunque creaturarum, sed in ipsam Visionis Entitatem intrinsecam tanquàm rationem formalem, atque aded in determinationem intrinsecam luminis Gloriæ tanquàm Causam physicè Efficientem reduci



reduci debere, cur has potius, quam illas creaturas alicui intellectui Beato in se tanquam speculo, seu causâ repræsentet.

2. Ad n. 2. & 3. oppositum Respondetur: Quodd per Visionem Beatificam hæc potius, quam illa Decreta Divina videantur, eatenus procedere ex Dei voluntate, quatenus in hujus liberâ sit potestate infundere lumen ex intrinsecâ suâ entitate determinatum ad ista potius intra Essentiam Divinam Decreta libera penetranda. Unde falsum esse, quod Lumen Gloriæ respectu creaturarum actualium cognoscibilem in Verbo ita habeat præcisè rationem revelationis, ut nulla physica luminum quoad perfectionem individualement differentia arguatur ex hoc, quod uni Sanctorum istæ, alteri verò illæ pateant in Verbo creaturæ actuales. Nec adeo Ioannem à S. Thomâ sibi bene coherere, dum *cit. disp. 15. a. 2.* determinationem luminis ad hæc potius Decreta in Essentiâ Dei conspicienda reducit in solam ordinationem, & Voluntatem Divinam. Econtrâ inferius *a. 5. concl. 2.* ejus rei causam inducit ex intrinsecâ luminis determinatione secundum intensiorem, vel individualement perfectionem: sicuti neque lumen Propheticum, neque lumen Angelicum esset à voluntate alterius determinabile ad cogitationes secretas cognoscendas, nisi ab intrinseco haberet istam virtutem penetrandi objecta ejusmodi.
- 10.

#### CONTROVERSIA IV.

##### *An visio creaturarum in Verbo admittat aliquam variationem, seu successionem?*

1. Scotus *cit. q. 2. n. 20.* affirmat de Anima Christi, videre omnia habitualiter in Verbo, non tamen actualiter simul. Probat, & Explicatur argumento ejusdem subtilis Doctoris. Verbum intellectui se videnti est manifestativum, ut speculum voluntarium repræsentans omnia. Ergo actus, quo videtur Verbum primò, est actus primus præsens, in quo relucet omnia. At licet alijs Beatis Verbum sit speculum repræsentans determinata, ultra quæ non possunt ordinatè velle videre alia: attamen Anima Christi potest ordinatè velle omnia quorumque infinitorum, respectu quorum aded, videndo Verbum, est in potentiâ ad ea in Verbo conspicienda. At verò illud est habitualiter notum, cujus extat actus primus sufficienter ostensivus. Quia ergo actus, quo Beati vident Verbum, est actus primus, in quo Animæ Christi omnia, cæteris autem Beatis determinata creata objecta ita relucet, ut tamen intellectus non possit ad plura, minùs ad omnia præsertim infinita habere attentionem perfectam, consequens est, objecta creata in Verbo taliter relucere intellectui Beato, ut nihilominus non ad omnia actualiter perfectè saltem attendat. Atqui ad actualem objecti alicujus cognitionem requiritur attentio. Ergo objecta creata sunt aliquando solùm habitualiter, non verò actualiter nota intellectui Beatorum. Ergo quoad istam actualem cognitionem,

seu attentionem datur successio, & variatio circa creaturarum in Verbo cognitionem.

Huc referri potest sententia Ferrariensis 3. *cont. gen. c. 59. §. sed remanet dubium.* existimantis, in Visione Beatâ non quidem dari successionem intrinsecam, ed quòd sit unus tantùm actus Visionis Beatificæ semper manens, qui neque intendatur, neque remittatur: dari tamen in eadem Visione successionem extrinsecam, in quantum terminatur ad objecta singularia: siquidem eadem Visio, quâ in Verbo videtur species humana, possit in se omnino invariata terminari ad hujus speciei individua, seu singularia ex hoc solùm, quòd modò, non autem prius participarint actu speciem humanam.

Ejusdem opinionis videtur fuisse Ioannes à Thomâ *cit. disp. 15. a. 2. ad 2.* asserens; Ad videndum, quid Deus liberè decernat circa rem aliquam, cujus nulla cognitio antea habebatur in Deo circa ejus possibilitatem, vel naturam specificam, necesse esse, quòd intrinsecè perficiatur talis visio: si tamen notitia talis creaturæ, & accidentium, quæ liberè attinguntur à Deo, habebatur saltem quantum ad speciem, seu possibilitatem; tunc ut videatur, quantum ad exercitium liberum in individuo, & quoad existentiam, non indigere novo lumine, vel intrinsecâ ejus perfectione de novo, sed solùm voluntariâ manifestatione Dei, id est, ordinatione Decreti sui erga talem intellectum, ut videat, quid Deus velit liberè circa illud. Ratio est: Oportet enim visionem tunc solùm reddi majorem, ac perfectiorem, & intrinsecè crescere, si crescat in penetratione majori sui objecti primarij in ordine ad cognoscendum secundarium, vel ea, quæ ad ipsum Deum pertinent. At quando Deus manifestat Decretum suum, solùm revelando, se velle tale objectum, non autem manifestando rationes, & convenientias volendi illud, ex hoc præcisè non fit major penetratio substantiæ Divinæ: sed quia intellectus jam prius videbat in Verbo speciem, seu possibilitatem creaturæ ejusmodi, ideo ad cognoscendum, quid circa istam liberè velit Deus, habet jam principia sufficientia solùm per hoc, quòd tollatur occultatio actus liberi in quantum moralis, & liber est. At ista occultatio ex hoc ipso tollitur, quòd Deus ordinet tale suum Decretum, ut ab isto Beato cognoscatur: sicuti secretarum nostrarum cogitationum occultatio respectu intellectus Angelici habentis ex se lumen ac speciem tanquam principia sufficientia eas cognoscendi, eo ipso est sublata, quòd nos ordinemus illas, ut cognoscantur ab Angelo. Quia ergo in prædicto casu non fit major Divinæ substantiæ penetratio, consequenter non requiritur visio intrinsecè, & quasi intensivè perfectior, sed extensivè duntaxat & extrinsecè.

Divus Thomas *pras. q. 12. a. 10.* Bannes *ibid.* Nazarius, *ibi. contr. un. concl. 1. & 2.* Philip. à SS. Trinit. *cit. disp. 5. dub. 10.* Suarez *lib. 2. de Attrib. c. 26. n. 5.* Franc. de Lugo *pras. disp. 24. c. 4.* negant, istam creaturarum in Verbo Visionis successionem etiam extrinsecam, & extensivam.

\*\*\*



## CONCLUSIO.

**V**isio Beatifica est omnino invariabilis respectu objecti etiam secundarij, ita ut ab initio sine ullâ variatione, seu successione attingat simul omnes creaturas, quas Beati vident in Verbo.

4. Probatur. Visio Beatifica mensuratur æternitate. ex S. August. lib. 23. q. 23. Unde sacre Litteræ sæpius Beatitudinem dicunt vitam æternam, Hæreditatem incorruptibilem, & immarcescibilem coronam. Ergo Visio Beatifica habet permanentiam omnino fixam, & invariabilem. Atqui oportet, Visionem Beatificam hoc ipso variari in se, si de novo terminaretur ad creaturam actu representandam in Verbo. Probatur istud Assumptum. Hæc namque terminatio formaliter dicitur actum intentionalem creaturæ, seu objecti secundarij in Verbo representari. Hic verò actus est realiter formaliter Visio Beatifica. Si ergo de novo ista attingat in Verbo creaturam aliquam, vel quia incipit actualiter attendere ad illam, vel quia Deus Decretum suum ordinando ad Intellectum Beati tollit occultationem actus sui liberi; oportet, in Visione Beatifica dari variationem intrinsecam quoad ipsum actum Visionis. Confirmatur ista sequela. Visio objecti non Primarij duntaxat, sed etiam secundarij est formaliter attentio, seu actualis intentionalis terminatio ad illud. Ergo datâ variatione hujus attentionis, seu terminationis actualis ad objectum aliquod creatum in Verbo representatum, sit hoc ipso mutatio in ipso actu visionis. At istam mutationem pugnare cum Visione Beatifica, utpote vitâ æternâ, id est, mensuratâ per æternitatem, constat ex dictis præc. q. 3. cont. 2. Unde Augustinus 15. de Trin. c. 16. Non erunt, inquit, volubiles nostra cognitiones ab alijs in alia cunctis, atque redeuntibus, sed omnem scientiam nostram uno simul conspectu videbimus.

## Responsio ad argumenta Adversariorum.

8. **A**D Scoti n. 1. oppositum Responderur. Verbum in ratione primi objecti intelligibilis ita esse representativum omnis creaturæ, ut tamen cum his in Esse, & consequenter in Cognosci non habeat connexionem intrinsecam, seu dependentiam, aut relationem realem. Ex quo fieri consequens, Verbum intuitivè attractum ab intellectu Beati posse non representare actu creaturas aliquas, imò omnes in specie, ac individuo. Quare ad istam actualem creaturarum in Verbo representationem ita requiri attentionem, ut hæc tamen sit formaliter attractus intentionalis objectorum ejusmodi, sitque adeò ipsemet actus Visionis Beatificæ. Unde implicare, quod aliqua creatura ita sit habitualiter nota in Verbo intuitivè cognito, ut eadem Divine Essentiæ Visio possit ad illam actualiter terminari, nullâ ex parte Visionis, sed attentionis duntaxat interveniente variatione seu successione. Neque verò repugnare, quod hæc in Uno Primo intelligibili antiquâ specie expressa Visio simul terminetur ad plures creaturas: tamen præsupponat perfectius Lumen gloriæ; quod enim uniformior est
- 9.

intellectus attingendo plura in uno Primo intelligibili, tanto est perfectior virtus intellectrix habens majorem efficaciam attendendi non ad illud duntaxat Primum intelligibile, sed ad objecta in eo relucentia. Hæc verò ad objecta in primo intelligibili relucentia seu actualis attentio paræ durationis mensuram habere debet cum Lumine Gloriæ, utpote ex quo necessariò procedit. Sicuti ergo istud lumen gloriæ mensuratum æternitate est in se omnino invariabile, sic nullam dari posse successione, seu variationem attentionis ad creaturas visas in Verbo.

Ad Ferrariensis n. 2. Oppositum Responderur. Implicare, quod terminatio respectu objecti etiam secundarij sit extrinseca Visioni: in tantum enim est objecti cognitio, in quantum hoc est intentionaliter attractum ab intellectu. Hunc verò intellectum distinctum ab actu Visionis attractum esse formaliter actualem intentionalem terminationem ad objectum cognitum. Impossibile igitur esse, Visionem in Verbo admittere successione extrinsecam quoad actualem terminationem; sed vel istam terminationem esse simpliciter invariabilem, vel admittens ejus successione, oportere in ipso Visionis Beatificæ actu admittere variationem.

Ad Joannis à S. Thomâ n. 3. oppositum Responderur: Sicuti per plurium creaturarum possibilem, seu Essentiarum creaturarum in Verbo cognitionem arguitur major penetratio Virtutis Divine ad Extra causativæ, sic per plurium creaturarum actualium in Essentiâ Dei intuitionem argui perfectiorem penetrationem actualis ad Extra causalitatis, quâ indistinctæ ab ejus Decretis, atque adeò cum Essentiâ Divine identificatæ. At ipsomet Joannès à S. Thomâ fatente, non posse Essentiæ, seu Entitatis Divine majorem fieri penetrationem absque variatione intrinsecâ Visionis Beatificæ. Ergo nec possibile esse, quod substantiæ Divine, quatenus habet sibi identificata Decreta Dei libera, fiat major penetratio, quin varietur Visio Beatifica. Quia ergo hæc visio est in sua Entitate omnino invariabilis, consequenter repugnare, ejus extensionem fieri ad novæ alicujus creaturæ in Verbo cognitionem per hoc solum, quod Deus suum liberum Decretum ordinet ad intellectum alicujus Beati, quin variari debeat actus Visionis Beatificæ.

## ARTICULUS VI.

## DE

## Inæqualitate, ac Differentiâ Visionis Beatificæ.

**N**ON immorabimur in quæstione, an Beati inæqualiter videant Deum: Si enim is, qui parat seminat, parat & metet, & qui seminat in Benedictionibus, de benedictionibus & metet. 1. ad Corinb. 9. Idcirco pro diversitate meritorum diversa oportet distribui à Deo præmia; Unoquoque recipiente mercedem propriam secundum suum laborem. 1. ad Corinb. 3. Nanti-

Beati-



Beatitudo datur per modum coronæ secundum retributionem iustitiæ. 2. ad Thimoth. 4. *Reposita est mihi corona iustitiæ, quam reddet mihi in illa die iustus iudex.* At gratia est semen gloriæ, seu vitæ æternæ: ex hoc verò semine fructificant merita in iusto dignificata per gratiam sanctificantem. Cum igitur iustitiæ ratio secundum meritorum gradus exigat præmij distributionem, consequens est, diversis meritis respondere inæqualem Beatitudinem, seu Visionem Beatificam, Christo Domino Matth. 13. testante, *Aliud semen asperre fructum centesimum, aliud sexagesimum, aliud verò trigésimum.* Unde Ioan. 14. dixit: *In domo Patris sui mansiones esse multas.* Est igitur de fide tenendum, quod detur inæqualitas Beatitudinis; Concilio Florentino in Decreto de Purgatorio definiente, *Beatos inueneri clarè ipsam Deum Trinum & Unum, sicuti est, pro meritorum tamen diversitate alium alio claris.*

### CONTROVERSIA. I.

*An inæqualitas Visionis Beatificæ tanquam ex causâ proximâ oriatur ex inæqualitate Luminis gloriæ duntaxat, vel etiam ex inæqualitate intellectus naturalis?*

2. **S**COTUS in 3. dist. 13. q. 3. n. 2. & in report. Parisiens. lib. 3. dist. 13. n. 22. & 23. Item in 4. dist. 50. q. 6. n. 7. Richardus ibi. 4. 2. q. 8. & 4. 3. q. 2. Durandus. dist. 14. q. 1. Lychetus in 3. cit. dist. 13. q. 4. ad tertiam quæst. n. 1. & Scotistæ communiter tenent, Inæqualitatem Visionis, vel amoris Beatifici desumi non ex solâ luminis gloriæ, vel Charitatis infusæ perfectione, sed etiam ex inæqualitate intellectuum, seu voluntatum naturalium, ita ut intellectus, seu Voluntas Angelica cum æquali lumine, seu Charitate per se loquendo posset elicere perfectiorem Divinæ Essentiæ Visionem, vel amorem Beatificum. Probatur. Non lumen Gloriæ duntaxat, sed etiam intellectus activitate sua influit in Visionem. At duabus Causis concurrentibus ad actum aliquem, crescit huius perfectio ex utriusque causæ perfectione, & activitate. Unde Cajetanus 3. p. q. 10. a. 4. in fine docet: Si ad æquale lumen gloriæ Angelus assumeretur à Verbo Dei in unitatem Personæ, Angelum illum perfectiùs visurum Deum, quàm Animam Christi, foreque sublimiorem Visionis Divinæ gradum non ex sublimiori lumine, aut Luminis gradu, sed ex sublimiore intellectu æqualiter illuminato.

3. **S**ANCTUS THOMAS 1. p. q. 12. a. 6. in Corp. & ad 3. nec non in 4. dist. 49. q. 1. a. 4. quæstione. 2. Ferrariensis 3. cont. gent. c. 58. §. sed circa. Scotus in 4. dist. 49. q. 3. a. 2. Bannes præf. q. 12. a. 6. dub. un. Nazarius ibid. cont. 1. cont. 1. Ioannes à S. Thomâ hic a. 6. Labat disp. 6. de Visâ. Beat. dub. 6. Suárez. lib. 3. de Attrib. cap. 21. Val. præf. disp. 47. c. 6. Fasolus dicit. a. 6. dub. 3. n. 14. Amicus cit. disp. 19. sect. 16. Ysambert. hic disp. 6. a. 2. n. 4. & alij docent, Inæqualitatem Beatificæ Visionis in genere Causæ efficientis Physicæ totam provenire ex solius Luminis gloriæ inæqualitate.

### CONCLUSIO.

**M**AJOR perfectio potentie intellectivæ nihil confert ad perfectiorem Visionem Beatificam eliciendam, atque adeo huius inæqualitas, seu maior perfectio derivatur ex solo Lumine gloriæ.

Probatur. Visionis Beatificæ perfectio consistit formaliter in attingentiâ intentionali Divinæ Essentiæ intellectui creato intelligibiliter unitæ in ratione quasi verbi, seu objecti primarij, & quodammodo intrinseci. Hæc autem Divinæ Essentiæ attingentiâ intentionalis potest esse maior, vel minor tum secundum claritatem intensivam, tum secundum penetrationem Divinitatis perfectiorem in ordine ad plures creaturas in substantiâ Divinâ conspiciendas. At Visio Dei quoad omnimodam vel intensivam, vel substantiâ Divinæ magis penetrativam claritatem habet rationem Visionis, & fruitionis Beatificæ, seu vitæ æternæ, juxta illud Ioan. 17. *Hæc est autem vita æterna, ut cognoscant Te Deum Verum.* Atqui Vita æterna, seu visio Beatifica ut sic nihil habet in se formalitatis, ac perfectionis, quæ non respondeat Meritis, & Gratiæ Sanctificantis per modum mercedis, ac præmij, seu hæreditatis Filiorum Dei, Concilio Florentino ubi sup. decernente, *Diversitatem Visionis Beatificæ esse pro diversitate meritorum.* At si aliquid perfectionis quoad claritatem sive intensivam, sive magis Essentiâ Divinæ penetrativam cresceret ex Angelici supra intellectum humanum perfectione; consequens foret, istum perfectionis gradum ut sic non respondere Gratiæ, nec meritis, sed naturæ potentie intellectivæ. Hoc autem adversatur Doctrinæ Concilij tum Florentini superius allegati, tum Viennensis Clem. ad nostrum. de Hæreticis. ubi constat, *Beatitudinem, in quantum habet rationem fruitionis beatificæ, seu Visionis Divinæ Essentiæ, esse ex elevatione Luminis gloriæ.* Si ergo nihil claritatis, seu formalitatis est in Visione Beatificâ, quin procedat ex elevatione Luminis gloriæ, consequenter ex intellectu creati perfectione majore non crescit perfectio Visionis Dei, sed huius inæqualitas Moraliter est ex meritis, Radicaliter verò secundum exigentiam connaturalitatis ex commensuratione gratiæ sanctificantis, ac Physicè efficienter ex Lumine gloriæ duntaxat elevante intellectum, eique formaliter conferente vim intellectivam proximam, & proportionatam ad videndum Deum.

### Ad Scoti n. 1. oppositum

7. **R**ESPONDETUR. Activitatem crescere ex concursu duplicis causæ, si ambæ sint de se proportionatæ cum effectu: secus esse, si altera, veluti intellectus se habeat ad Lumen gloriæ instar potentie duntaxat elevabilis, ac proportionabilis. Ratio huius à priori est; Quia in ordine ad efficientiam physicam nulla in Visione Dei est assignabilis formalitas sive vitalitatis, sive intellectivæ absque formalitate, & realitate ejus specificâ: Hæc autem est formaliter ratione attingentiæ intentionalis Divinæ Essentiæ, ut est in se. At ista Essentiæ Divinæ attingentiâ intuitiva, & Beatifica importat formaliter supernaturalitatem, atque adeo ut sic est ex elevatione luminis gloriæ. ex vi. Clement. ad nostrum. Ergo



Ergo tota tum Vitalitatis, tum intellectio-  
nis, tum quævis alia in Visione Dei ratio non est af-  
signabilis *Efficienter* procedens ex intellectu crea-  
to, nisi quâ elevato, & proportionato per Lu-  
men gloriæ. At ex terminis manifestum est, Cau-  
sam aliquam eadem suâ activitate *efficienter* de-  
rivare in effectum majorem perfectionem, qua-  
tenus cum hac in ratione activitatis est propor-  
tionata. Ergo quia intellectus creatus ex suâ en-  
titate non nisi elevabilem seu proportionabilem  
habet respectu visionis Dei activitatem, atque  
ad eam totam rationem proportionatæ activitatis  
accipit *formaliter* ab informatione Luminis glo-  
riæ, consequenter non nisi ex lumine gloriæ se  
informante, ac elevante potest in Visionem Be-  
atificam derivare augmentum alicujus perfecti-  
onis. Ergo Visionis Dei inæqualitas secundum  
perfectionem sive intensivam, sive *Divine Essentia* ma-  
gis penetrativam *efficienter physice* est à solo Lumine  
gloriæ, juxta cujus quoque exigentiam, & com-  
mensurationem Essentia Divina tanquam forma  
intelligibilis concurret ad suum attractum inten-  
tionalem magis, vel minus perfectum.

## CONTROVERSIA II

*Qualiter in Beatis differant Vi-  
siones Divine Essentia.*

1. Major in 4. dist. 49. q. 11. Arriaga. *Tract. de Vi-  
sione Dei* disp. 12. sect. 3. affirmant; Visiones Di-  
vinæ Essentiæ differre secundum speciem. Fun-  
damentum hujus opinionis est duplex. 1. Major-  
is. Nam actus Visionis, seu intellectio-  
nis specificatur non duntaxat ab objecto, sed etiam à  
Principio. Hinc tametsi intellectio Angeli &  
hominis tendant in idem objectum, differunt  
tamen specie, ob specificam intellectuum, à qui-  
bus procedunt, differentiam, uti tradit etiam  
Scotus in 2. dist. 1. q. 5. n. 6. Si proinde potentia  
Angeli & hominis ad actum Beatificum se non  
habeant *merè passive* ac *receptive*, sed *efficienter* in-  
fluant; consequens est, ejusmodi actum specie  
diversum esse in homine, & Angelo, veluti sub-  
tilis Doctor *loc. cit.* argumentatur.
2. Alterum & secundum Fundamentum est  
Arriagæ *ubi supra*. Nam Visioni Beatificæ, qua-  
tenus in Deo tanquam Primario objecto, ac spe-  
culo attingit creaturam, æquè Essentialis est re-  
spectus ad istas seu objecta secundaria, atque ad  
illud primum objectum; sicuti homini tam  
Essentialis est materia prima, quam forma ra-  
tionalis, licet hæc nobilior, ac perfectior sit, quam  
materia. At differentia respectuum desumitur  
ex diversitate terminorum. Unde fit consequens,  
quod diversa specie objecta terminent diversas  
cognitiones. Oportet igitur, respectum Vision-  
is, atque ad eam ipsam Visionem, quatenus in  
diversis Beatis attingit in Essentiâ Divinâ diver-  
sas specie creaturas, differre secundum speciem.
3. Durandus in 3. dist. 14. q. 1. n. 2. Scotus in 4.  
dist. 49. q. 3. a. 2. §. *His non obstantibus*. Ioannes à  
S. Thom. *cit. disp. 15. a. 7.* Fasolus *cit. a. 6. dub. 2.*  
Suarez *lib. 2. de Attrib. Negat* c. 19. & cap. 26. n. 23.  
Ysambertus *cit. disp. 6. a. 5.* Amicus. *sect. 15.* & ple-  
rique alij negant, Visiones Beatificas differre spe-

cie, imò hanc specificam differentiam in Visionē  
Divinæ Essentiæ seu Lumine gloriæ esse impos-  
sibilem adstruunt plures Theologi.

## CONCLUSIO I.

Visiones Divine Essentiæ non sunt,  
nec possunt esse differentes secundum speciem.

Probat. In formis specie differentiibus  
non potest esse æqualitas. Nam species teste  
Philosopho se habent ad invicem, sicuti numerus  
ad numerum. At homines secundum dona gratiæ  
assumunt ad Ordines Angelorum, docet S. Thomas.  
1. p. q. 108. a. 2. Unde erunt Angelis æquales in Be-  
atitudine; testante Christo Domino Luc. 20. *Quid  
Filius Resurrectionis erunt æquales Angelis.* Quia ergo  
inter Visionem Dei in homine & Angelo potest  
esse æqualitas, consequenter ex differentiâ spe-  
cificâ intellectus humani & Angelici non differt  
secundum speciem Visio Beatifica. Cujus ratio  
à priori est. Visio seu intellectio est ex illis en-  
tibus, quæ in sui definitione, & specie dicunt  
ordinem ad alterum. Hic autem ordo consistit  
in proportionem essentiali, seu habitudine forma-  
li ad alterum tanquam terminum specificativum. Un-  
de iste terminus specificativus in tali specificato per se  
convenit, non quidem in primo, sed quarto modo  
perfectus. Hic verò quartus modus per se differt à  
primo modo perfectus, quia per istum inest aliquid  
secundum identitatem. Quid, scilicet, am, tanquam  
ratio intrinsecæ, ac essentialiter constitutiva, per illam  
verò specificativum se habet ad specificatum inftar  
forme extrinsecæ non constituentis, sed terminan-  
tis habitudinem seu proportionem rei specificatæ  
convenientem per modum differentia formalis  
ac specificæ. Unde Visio Dei in ratione non  
specificatur nisi ab illo respectu, qui ex ratione  
suâ specificâ dicit Proportionem connaturalita-  
tis ad Terminum sui specificativum. At visio-  
nem Divine Essentiæ non posse connaturalita-  
tis Proportionem habere nisi respectu substan-  
tiæ increatæ *præf. q. 4. a. 1. cont. 3.* demonstratum  
est. Nequit ergo visio Dei ut sic specificari à  
substantiâ creatâ, ejusque ad eam potentia connat-  
urali, siquidem nullam cum tali possit habere  
intrinsecam Formalem habitudinis pro-  
portionem. Ergo ex differentiâ specificâ intelli-  
ctus Angelici & humani non licet in Angelo,  
& homine secundum speciem distinguere Visi-  
onem Beatificam. Tota igitur ratio speci-  
fica in hac Visione petenda est ex ipsius objecto  
formali. Hoc verò est Divina Essentia, quæ si-  
cuti est in se sub unâ indistinctâ ratione formali  
Motivâ, sic se habet ad quamlibet sui Visionem  
intuitivam. Ergo hæc non potest esse nisi uni-  
ca secundum speciem.

Oppones: Etsi ex potentijs Intellectus An-  
gelici, & humani ob eorum cum Visione Dei  
improportionem nulla desumi possit specifica  
Visionis Beatificæ differentia: attamen Lumen  
gloriæ esse ejusdem Principium effectivum Pro-  
ximū & portionatum. Ergo possibile sit Lumen  
gloriæ specie diversum, consequenter posse dari  
Visiones Dei differentes secundum speciem. At  
Lumen gloriæ se habere instar virtutis intelle-  
ctus supernaturalis connaturaliter commen-  
suratæ



suratæ cum Intelligibilitate Divinæ Essentiæ. Etsi verò hæc Divina Essentia sit *formaliter* indivisibilis, esse tamen *virtualiter* multiplicem non tantum in Essendo, sed etiam consequenter in cognoscendo. Sicuti ergo intellectus Angelicus & humanus licet tendant in unum objectum Entis sub ratione Veri, differunt tamen specie, quatenus sub diversis rationibus formalibus, seu abstractionibus Ens attingunt, sic non repugnare, quod Essentia Divina quæ in ratione Intelligibilitatis in se *virtualiter* divisibilis attingatur secundum diversas rationes imitabilitatis ad extra. Ergo ex hac diversitate rationis formalis objectivæ non quidem *realiter*, sed *virtualiter* in Essentiâ Divinâ distinctæ esse intelligibilem Luminis gloriæ, & consequenter Visionis quoque Beatificæ multipliciter specificam.

8. Contra: Effectus aliquis comparari potest ad suum Principium effectivum, vel quatenus ab isto dependet in ratione duntaxat Existentiæ actualis, vel quatenus in suâ ratione dicit Essentialem dependentiam cum formali habitudine proportionis ad illud. At per se patet, Principium effectivum sub priori ratione non esse specificativum sui effectus, cum specificatio sicuti cujusvis rei creatæ Essentia abstrahat ab Existentiâ. Si ergo Lumen gloriæ sit specificativum Visionis Beatificæ, oportet, hanc ex ratione suâ specificâ esse *intrinsecè* connexam, seu proportionatam cum illo. Hæc verò intrinseca connexio, seu proportio Visionis Beatificæ secundum rationem specificam non potest intelligi in ordine ad Lumen gloriæ, secundum quod istud est Virtus intellectrix supernaturalis ex se indifferens, sed quatenus hæc virtus ab intrinseco est determinata ad Divinam Essentiam in ratione formæ intelligibilis, sicuti est in se, intentionaliter uniendam intellectui creato. Hæc autem Essentiæ Divinæ, sicuti est in se Visibilis, Unibilitas est cum lumine Gloriæ commensurata secundum ipsam Divinam Intelligibilitatis rationem & naturam. Ista verò Divina intelligibilitas eatenus est *Eminentè*, seu *virtualiter* multiplex, ut hæc ipsa tamen virtualis distinctio *formaliter* importet formalitatum in Deo *Eminentè* distinctarum Identitatem realem, imò simplicissimæ aequalitatis Unitatem formalem. Nequit ergo Divina Essentia, sicuti est in se, esse visibilis secundum virtualement suam distinctionem, quin hæc cujusvis formalitatis Deo inexistens omnimoda in Eminentiali illâ distinctione *essentialiter* imbibita identitas formalis videatur. Sicuti ergo in Intelligibilitate Divinæ substantiæ non est intelligibilis diversa ratio formalis, sic neque in Lumine gloriæ quæ Essentiæ Divinæ tanquam formæ intelligibilis creato intellectui conjunctivo intelligi potest ratio alicujus diversitatis specificæ. Ergo ex eo, quod Lumen gloriæ in uno intellectu sit unitivum Essentiæ Divinæ in ordine ad has, in alio verò in ordine ad illas creaturas in Verbo representandas, id non arguit specificam luminis differentiationem.

10.

Confirmatur 1. Nam Lumen ad creaturas in Verbo representandas proportionatum se habet ad Essentiam Divinam tanquam *objectum Præmium* seu *Motivum Formale*, in ordine verò ad creaturas se habet tanquam ad *objectum duntaxat materiale*, seu *purè Terminativum*, ac *secundarium*. At verò id, quod est specificativum, se habet ad instar *prim-*

*cipij formalis*, non autem *materialis* duntaxat. Unde nec potentia, nec actus aliquis specificatur ob *objectum materiale*, sed duntaxat *formali Motivo*.

Confirmatur 2. Nam respectu tam Luminis Gloriæ, quàm Visionis Beatificæ Essentia Divina est *objectum Formale Motivum* secundum intrinsecam sui prout est in se intelligibilitatis rationem. Ista verò Essentiæ Divinæ secundum formalitates sibi intrinsecas intelligibilitas, sicuti est in se, non admittit aliquam objectivæ abstractionis differentiationem. Quia ergo *Motivum formale specificativum* Visionis Beatificæ, & consequenter Luminis gloriæ est omnino indivisibile, non est intelligibilis differentia aliqua specifica Luminum, seu Visionum in Beatis.

## CONCLUSIO II.

INæqualitas Visionis Dei atque adeò Luminis gloriæ in Beatis non est præcisè secundum intensionem, sed secundum differentiationem individualis perfectionis.

Probat. Sicuti forma dat speciem, sic materia quatenus est radix Divisibilitatis incommunicabilis, est principium multiplicationis individualis. At *motivum formale* respectu intellectionis se habet instar formæ, licet extrinsecæ, *objectum* verò *materiale* comparatur ad eandem per modum materiæ. Sicut ergo *motivum formale* est intellectionis specificativum, sic *objectum materiale* est radix individualis in intellectione multiplicationis. At verò Essentia Divina secundum rationem intelligibilitatis quatenus est in se, est Visionis Beatificæ *Motivum formale*: creature autem representatæ in Verbo Divino se habent ad eandem Visionem per modum *objecti materialis*. Sicuti ergo unitas intelligibilitatis Divinæ sicuti est in se, fundat Unitatem specificam Visionis illius, sic varias creaturarum quæ diversimodè representabilis in Verbo est radix multiplicandi individualiter actum Visionis Dei. At quatenus realitatis alicujus sit augmentum, eatenus crescit ejus perfectio. Ergo quia creature representatæ in Verbo tanquam *materiale* Visionis Beatificæ *objectum* ad istam se habent per modum principij individuantis: consequenter in ratione individuationis tanto perfectior est Visio Beatifica, quanto plures in Essentiâ Divinâ creaturas attingit. Cum igitur Visionis Beatificæ inæqualitas sit in Beatis non secundum *objectum formale*, sed *materiale* duntaxat, consequens est, per hujus Visionis virtualement ad plures, vel pauciores creaturas in Essentiâ Divinâ representandas quasi extensionem dari in Beatitudine differentiationem secundum perfectionem individualem.

Dices: Hanc totam Visionis Beatificæ diversitatem, sive extensionem virtualement ad plures, vel pauciores in Verbo creaturas conspiciendas posse explicari per majorem, vel minorem intensionem. Ergo non esse, cur ex illa diversitate adstruatur in Visione Dei inæqualitas quoad perfectionem individualement. Antecedens probatur. Nam intensio consistit in perfectiori participatione formæ à subiecto. Hæc autem ratio perfectioris participationis, seu majoris actualisationis subiecti in eo sita est, quod eadem individualiter indistincta forma per novum modum Visionis

11.

12.

13.



Unionis se communiter subiecto ad effectum suum formalem perfectius in eo explicandum. Sicuti ergo tota substantia Divina cum omnimodâ suâ formalitate videtur à quolibet Beato, sed non *totaliter*, quæ proinde potest in ratione formæ intelligibilis diversimodè uniri intellectui creato, seque aded sine ullâ Entitatis, seu formalitatis intrinsecæ differentiâ per maiorem sui explicationem modo diverso communicare. Sic eadem Visio Beatifica videtur absque intrinsecâ perfectionis individualis differentiâ posse per solam intensionem perfectius communicando se explicare ad plures creaturas alicui creato intellectui in Verbo repræsentandas.

14. Contra : Nam aliud est, quodd diversitas effectûs formalis respectu alicujus formæ sit *formaliter*, ac *precisè* ex vi hujus formæ; aliud verò est, quodd diversitas ista oriatur ex dispositione subiecti, vel novo modo unionis, seu actuationis subiecti per formam. At licet in hoc posteriori casu possit in effectû formali esse diversitas, stante eadem in se intrinsecè invariata formâ : attamen hæc ipsa diversitas importat quandam diversitatem in modo unionis, vel dispositionis subiecti, vel alio accidente formam illam concomitante. Veluti fatetur etiam Ioann. à S. Thomâ *loc. cit.* Hinc tota ratio, cur Essentia Divina uni Beatorum has, alteri illas creaturas in ratione formæ intelligibilis, & objecti motivi repræsentet, derivatur ex diversitate Unionis cum intellectibus Beatorum, cujusmodi Unio sit *formaliter* per Lumina *intrinsecè* diversa. Si proinde differentia effectûs formalis sit *formaliter*, ac *precisè* ex aliquâ formâ, oportet, in hac esse intrinsecam diversitatem. At verò ex ipsâ suâ Entitate intrinsecâ tum Lumen gloriæ, tum Visio Beatifica est determinata ad has præcisè creaturas in Verbo attingendas. Ergò non præcisè ex parte modi Unionis, seu Intensionis, sed in ipsâ entitate Luminum, ac Visionum est circa Beatos diversitas. Hæc verò non est nisi in ordine ad objectum materiale. Ergò non est specifica, sed individualis. Ergò quatenus in hac differentiâ individuali datur quædam extensio virtualis in ordine ad plura, vel pauciora objecta in Verbo attingenda, consequenter datur ut sic in Visione Beatificâ inæqualitas secundum perfectionem individualement.

Responsio ad fundamenta contraria.

16. Ad 1. oppositum Responderetur : Verum esse, quodd principium, effectivum sit aliquo mo-

do adûs vel effectûs sui proprii specificativum. Hinc enim Aristoteles *lib. 1. poster. c. 2.* innuit, Effectum de suâ causâ per se proximâ prædicari in quarto modo dicendi per se, quia nimirum *propter ipsum inest*, id est, *propriam rationem causæ significat*. Quam nihilominus specificationem effectûs desumi à suo principio non præcisè, quatenus Efficiens est, sed quatenus importat in effectû proportionem habitudinis formalis ad causam : quæ proportio ut sic fundat *formaliter quantum modum perfectiatis*, uti eleganter probat Ioannes à S. Thomâ 3. *par. Curs. Philos. q. 2. a. 3.* At Visionem Beatificam quoad suam omnimodam, etiam vitalitatis formalitatem esse supra proportionem intellectûs tam Angelici, quàm humani, imò hanc utramque intellectivam potentiam eodem modo sub ratione potentie Obedientialis non quidem transcendentalis, sed vitalis se habere ad illam. Ergò licet illæ potentie intellectrices efficienter influant in Visionem Beatam, nequeunt tamen in ratione principij effectivi illam specificare, minus specificam ejus differentiam denotare.

Ad 2. oppositum Responderetur : Nullius esse efficacie Arriagæ argumentum. Malè enim infertur, Visioni Beatificæ inest respectus ad creaturas in Verbo attractas. Ergò hic respectus Visioni illi essentialis, quatenus terminatur ad creaturas specie diversas, arguit Visionis Beatificæ differentiam specificam. Etenim materia non minus, quàm formâ compositio substantiali est essentialis, tametsi istud ex formâ duntaxat accipiat speciem, materiâ, quatenus dicit potentiam ad formas specie differentes, se habente tanquàm principio generis, quatenus verò est radix Divisibilitatis incommunicabilis, se tenente tanquàm principio individualis multiplicationis. Cùm proinde creaturæ per Visionem Beatificam attractæ in Verbo, sint Visionis illius objectum duntaxat materiale, Dei Essentiâ, prout est in se simplicissima omnimodæ formalitatis actualitas, & intelligibilitas; tenente vires objecti formalis, consequens est, ob hujus unitatem formalem & specificam non posse Visiones Beatificas specie differre, sed diversitatem ex respectu ad diversas creaturas tanquàm objectum materiale in Verbo attractas esse duntaxat secundum individualement

perfectionem.

\*\*\*

¶ (IHS.) ¶



S ;

QUAE






# QUAESTIO QUINTA

DE

## SCIENTIA DEI.

1. **I**N Deo esse Scientiam, absoluta Autoritas est. Esther. 14. *Domine, qui habes omnium scientiam.* Et Psalm. 138. *Mirabilis facta est scientia tua ex me.* Hanc verò Dei scientiam sub unâ simplici eminentiali formalitate reclusis omnibus imperfectionibus, sortiri nomen quoque Intelligentiæ, Sapientiæ, & prudentiæ, seu Consilij; advertit S. Doctor 1. p. q. 14. a. 1. ad 2. Est enim Sapientia cognitio rei per altissimam Causam; Intelligentia, vi cuius intelliguntur principia; Scientia, quatenus cognoscuntur conclusiones ex principiis; Prudentia denique, seu Consilium, secundum quod cognoscuntur agibilia. At omnium istorum est in Deo una simplex cognitio, vi cuius Essentiam suam Divinam comprehendendo, in eâ tanquam Objecto Motivo, & altissimâ Logicâ cognoscendi Causâ intuetur sua Attributa; imò in eadem etiam quâ Physicâ Essendi Causâ conspiciat creaturas, & actiones ex se ad extra derivatas, & derivabiles. Hæc igitur cognitio per causam in Deo sortitur nomen scientiæ propriè dictæ. Nam ad rationem Scientiæ simpliciter ac propriè sumptam requiritur duntaxat, esse cognitionem rei per causam, non verò ex causâ, Aristotele. 1. posterior. c. 2. asserente, *Quod scire sit cognoscere causam, ob quam res est, illius causam esse.* At licet, si Ex causâ importet vel cognitionem emendicatam ex rebus, vel unam cognitionem deductam ex aliâ, aut succedentem post aliam. Unde repugnat Deo cognitio ex causâ, vel per causam quasi prius cognitam: hoc enim importat tum pluralitatem cognitionum, tum cognitionis effectuum ex cognitione causæ illationem, & causationem, quæ minimè conveniunt simplicissimæ Divinæ substantiæ, ut adeò Scientia Dei nequeat esse formaliter Discursiva, advertente S. Thomâ præ. a. 7. Nihilominus cognitio per causam præcisè dicit talem effectûs noticiam, cuius Motivum formale sit causâ effectûs cogniti. Hoc autem Divinæ scientiæ eatenus congruit, quatenus Essentiam suam Divinam intuendo, in eâ tanquam radice virtuali; & Causâ logicâ contemplatur sua Attributa, atque in Divinitatis suæ substantiâ tanquam Causâ Primâ conspiciat omnes creaturas tam possibiles, quam existentes. Cum igitur Scientia in nobis ita importet discursum, ac pluralitatem cognitionum

ut hæc tamen imperfectiones non involvantur in scientiæ absolute consideratione ratione formali, sed radidentur in limitatione scientiæ quâ contractæ ad humanam; consequenter præcisè istis imperfectionibus, subsistit in Deo simpliciter tota scientiæ ratio. Ergo in Deo est formaliter Scientia, ita quidem, ut sicuti ejus intellectus est unicus actus attingens omnia principia & conclusiones, sic in Deo sit unicum simplicissimum lumen, quod sub ratione perfectissimâ mereatur nomen scientiæ, ac simul Intelligentiæ, seu habitûs principiorum, nec non Sapientiæ, ac Prudentiæ, juxta illud Job. 12. *Ipse ipse est Sapientia & fortitudo & ipse habet Consilium & intelligentiam.* In hæc proinde Scientiâ Dei explicandâ sex distinguemus Articulos. 1. acturi de Scientiâ Dei secundum se, ejusque causalitate. 2. De ejusdem Objecto. 3. De Scientiâ simplici Intelligentiâ. 4. De Scientiâ futurorum contingentium. 5. De Scientiâ Conditionatorum ante Decretum, sive de scientiâ Mediâ. 6. De ideis Divinis.



### ARTICULUS I.

DE

#### Scientiâ Dei secundum se, ejusque Causalitate.

**U**T difficultates, quæ per totam hanc Quæstionem occurrent, magis dilucidè, ac distinctè deduci possint, expedit Scientiæ Dei in se alioquin simplicissimæ præmittere Divisiones, quas Theologi ratione ratiocinatâ ex connotatione præcipuè materialium objectorum assignant. 1. Enim scientia Dei dividi solet in Naturalem, seu Necessariam, & Liberam. Hæc utpote attingens res futuras, vel existentes supponit liberam Divinæ Voluntatis Decretum. Illa verò, cum non attingat rerum existentias, sed quidditates, ac Essentias earum, est antecedens Decretum, & liberam determinationem Divinæ Voluntatis. Inter has Societatis Iesu Theologi adstruunt Mediâ, quæ versetur circa veritates conditionatè futuras; hanc enim ajunt ex parte objecti esse quasi liberam, liquidem versetur circa objectum contingens, et si ex



- est ex parte Dei non sic Libera, atque adeo quasi Naturalis, eo quod præveniat omnem liberam Dei Volitionem. 2. Dividitur Scientia Dei in *Simplici Intelligentia*, ac *Visionis*. Hæc est intuitiva, & terminatur ad existentias; Illa vero est abstractiva, attingens possibilitatem rerum. Inter quas dicti Theologi *Mediam* inducunt, quæ versetur circa res non absolute, sed conditionate futuras. Tertia Divisio est in scientiam *Approbationis*, & *Improbationis*. Ista est scientia Visionis, quatenus fertur in mala, & peccata, quæ Deus non approbat, sed tantum permittit, nec adeo supponunt in Deo Decretum positivum, sed duntaxat permisivum; Illa vero est eadem Visionis scientiæ, quatenus fertur in Bona, atque ut sic supponit in Deo Decretum Approbationis: quo modo *Psal. 1.* dicitur *Deus nosse viam iustorum*. Sicut econtra in sacris Litteris ita dicitur cognoscere mala, & malos, ut tamen *Luc. 13.* dicat *ipsidem; Nescio vos.*

## CONTROVERSIA. I.

*An scientia in Deo demonstretur ex ejus immaterialitate?*

4. Divus Thomas 1. p. q. 14. a. 1. probat, quod rei alicujus Immaterialitas sit ratio, cur sit cognoscitiva, sitque adeo modus cognitionis secundum modum immaterialitatis, attestante Philosopho 2. de Anima. tex. 124. & 3. de animâ. tex. 4. usque ad 7. Plantas non cognoscere propter suam materialitatem, sensum autem esse cognoscitivum, quod sit receptivus sine materiâ; & intellectum esse adhuc magis cognoscitivum, quia magis est separatus à materiâ. Unde infert S. Doctor, Cum Deus sit in summo Immaterialitatis, consequenter esse in summo cognitionis.

Referuntur Sententiæ Doctorum oppositæ.

5. Rodericus de Arriagâ 1. p. 10. r. disp. 11. sect. 1. subsect. 1. & 2. negat, ex spiritualitate, seu immaterialitate inferri vim cognoscitivam. 1. Quia Immaterialitas consistit in negatione materiæ, seu quantitatis: hæc autem negatio æqualiter est in Deo, & in Angelo. Ergo major vis cognoscitiva Dei non provenit ex majore immaterialitate: Sicuti è contrario Forma cæli non magis est materialis, quam anima vermis, cum tamen hæc, non verò illa sit cognoscitiva. 2. Si ex Immaterialitate argueretur vis cognoscitiva, hoc idè foret, quod quantitas impediret cognitionem. At neque Consequens est verum, neque Illatio, seu sequela tenet. Minor Probatur. Tum quia nulla potest ostendi implicancia, vi cujus repugnet, ac impossibilis sit substantia materialis, constans quantitate, quæ esset cognoscitiva objecti spiritualis. Tum quia possibilis est substantia spiritualis, quæ ex proprio conceptu specifico limitetur, ne sit intellectiva. Ergo neque Quantitas est impeditiva cognitionis neque carentia Quantitatis est illativa virtutis intellectivæ.

## CONCLUSIO.

Hæc consequentia: Deus est summè Immaterialis; Ergo summè cognoscitivus; omnino tenet.

Probatur & Explicatur. Sicut materia prima est pura potentia, sic materialitas desumitur ex participatione potentialitatis. Est autem illa materiæ potentialitas quasi Media inter Nihil, & Ens actu; ita ut S. Augustinus 12. Confess. c. 6. asserat, si dicere liceret, se Materiam primam dicturum *Nihil aliquid*. At istud Nihil aliquid in eo situm est, quod licet Materia prima nihil sit actu, sit tamen in potentia omne Compositum Physicum. Cum igitur materialitas desumatur ex participatione materiæ, vel proportionem saltem similitudinis ad illam, consequens est, eatenus Ens aliquod subire denominationem materialitatis, quatenus est immixtum potentialitati, Ergo à contrario Ens in tantum denominatur immateriale, in quantum recedit à potentialitate. At quodlibet Ens, in quantum est depuratum à potentialitate, in tantum habet de puritate actualitatis. Hæc autem puritas actualitatis alia est simpliciter in ratione Essendi, vi cuius, quia Deus est suum Esse subsistens, consequenter ipsi proprium est, habere totam rationem Essendi, atque adeo per purissimam, ac simplicissimam identitatem continere omnes perfectiones utpote pertinentes ad rationem Essendi. velut S. Doctor. 1. p. q. 4. a. 2. arguit. Alia verò actualitatis puritas est, secundum quam Ens aliquod sit omnia non entitative per identitatem Essendi, sed intentionaliter per representationem in Esse cognoscibili. De hæc perfectione, seu puritate actualitatis Divus Thomas de Verit. q. 2. a. 2. Alius perfectionis modus ait, invenitur in rebus creatis, secundum quod perfectio, quæ est propria unius rei, in alterâ re invenitur. Et hæc est perfectio cognoscens, in quantum est cognoscens; quia secundum hoc à cognoscente aliquid cognoscitur, quod ipsum cognitum aliquo modo est apud cognoscentem: Et idè in 3. de Animâ dicitur, Animam esse quodammodo omnia, quia nata est omnia cognoscere, & secundum hunc modum possibile est, ut in una re totius Universi perfectio existat.

Qui proinde duo perfectionis, sive elevationis supra materiam, seu actualitatis modi eatenus inter se differunt, quod sicuti Dei proprium est, quod sit suum Esse subsistens, ita actualitas simpliciter in Essendo nulli creaturæ communicabilis sit. Unde substantiæ etiam Angelicæ, tamen absolute ac simpliciter immateriales sint, respectu tamen in comparatione ad Deum dicuntur quodammodo materiales propter compositionem ex Naturâ tanquam Potentiâ, & Esse tanquam actu. ex S. Thomâ 1. p. q. 56. a. 1. & 4. 2. ad 3. At verò actualitas quoad Esse representationem eatenus est participabilis à substantiâ creatâ, quod secundum modum perfectionis Essendi crescat Virtus rerum aliarum perfectiones in se representandi, seque per actualem ejusmodi representationem intentionaliter perficendi, ac in Esse cognoscibili actuandi non tantum propriâ, sed omnigenâ rei alterius perfectione. Unde etiam sit consequens, cum Deus sit actus purus in ratione Essendi, esse actum purum in ratione quoque intelligibili. Ex hæc autem Esse Divini cum realis, tum consequenter intelligibilis



bilis actualitate purissima est consequens, quod ipsamet Dei Essentia ita sit sibi sua species intelligibilis, ut contineat in se species omnium aliarum rerum; imò Esse intelligibile tam propriæ Dei substantiæ, quàm cuiusque rei creabilis sit in Deo ipsemet intellectus, seu actualissima comprehensiva intellectio. Ex S. Thom. *præs. q. 14. a. 2. & 5.* Ergo ex puritate actualitatis, seu purificatione ab omnimodâ potentialitate, atque aded summâ immaterialitate Divinæ substantiæ, sequitur; Deum esse in summo gradu cognoscitivum.

10. Ratio fundamentalis sic deduci potest. Materialitas est *formaliter* per potentialitatem. Ergo Immaterialitas est per Depurationem à Potentialitate. At infimus à potentialitate Depurationis gradus est Forma Corporis inanimati, quæ cum tali limitatione est perfectiva materiæ, ut non habeat vim suppositi sui perfectivam ultra perfectionem in Primo generationis instanti congenitam. Supra hunc verò gradum elevatior ac purior Essendi gradus est in formâ Viventis, quæ ut sic habet vim suppositum suum ab intrinseco perficiendi ultra perfectionem sibi connaturaliter debitam. In hoc autem Viventis gradu datur Forma suppositi sui perfectiva per alienarum quoque formarum receptionem seu actualionem. Atqui nulla substantia potest ab intrinseco & connaturaliter per Vitalem quandam intuslusionem esse receptiva alienarum formarum secundum harum in *Esse Physico* actualionem & informationem. Unde connaturalis per formas alienas actualio potest esse secundum harum informationem in *Esse* duntaxat *intentionali* seu *representativo*. At iste formas alienas secundum *Esse* representativum recipiendi modus fundat eo ipso vim cognoscitivam. Hæc verò cognoscitiva virtus alia ita est coarctata ad objectum potentialitate seu conditionibus materialibus immersum, ut sit restricta ad Entia duntaxat Materialia quæ talia: cuiusmodi aded cognoscitiva vis vocatur sensitiva. Alia verò à materialitate depuratio

11. vis cognoscitiva ad ipsum Ens quæ tale sub *intentionali* à conditionibus materialibus *abstractione* penetrandum ascendit, quæ nomen & rationem virtutis intellectricis meretur: At hic ipse elevatior & abstractior cognoscendi modus ita commensuratur cum Modo Essendi, ut tamen objecti intelligibilis *Esse* representativum non sit in cognoscente, nisi secundum Modum Essendi proprium substantiæ intellectricis. Unde Forma rationalis unita Corpori non intelligit nisi cum dependentiâ à phantasmatibus corporeis, per species ex his taliter abstractas, ut istæ tamen aliquam ex illis recipiant coarctationem. Econtra verò quia Angeli substantia est actus irreceptibilis habens tamen potentialitatem ad *Esse* existentiam, non intelligit per speciem puræ actualitatis, sed per diversas ex potentialitate coarctatas, atque aded multiplicatas formas intelligibiles. Quia verò substantiæ Divinæ Essentia est ipsum *Esse* subsistens in se purè actualium & illimitatum, omnis aded creatæ Formalitatis *Eminenter* contentivum, intelligit invariabiliter per unicam in purâ *Esse* subsistentis actualitate consistentem formam intelligibilem, omnis Veritatis cognoscibilis actualissimè expressivam. Constat igitur, vim cognos-

citivam ita radicari in speciali Depuratæ Potentialitatis, atque aded Immaterialitatis gradu, ut pro Immaterialitatis intra specialem illam Depuratæ potentialitatis lineam crescentis Mensurâ crescat perfectio virtutis intellectricis. Ergo quia Deus est in summo immaterialitatis, consequenter est in summo intellectivi gradu.

#### Responsio ad Argumenta Adversariorum.

12. **A**D *n. 5.* Arriagæ oppositum Respondetur: Immaterialitatem non tam consistere in negatione quantitatis seu materiæ, quàm in purificatione à potentialitate, seu elevatione supra materiam, cuiusmodi purificatio, seu elevatio *formaliter* importet rationem positivam specialis cuiusdam actualitatis. Etsi verò nulla ex creatis substantijs habeat omnimodam in Essendo actualitatem; spirituales tamen, cum ex *Esse* duntaxat & naturâ, non verò ex materiâ & formâ sint compositæ, magis depuratas esse à potentialitate, imò in ratione Naturæ esse actus, seu formas simplices, tamen in ratione existentis seu subsistentis dicant aliquam compositionem, atque aded potentialitatem. Quocirca sine fundamento Chimæricè supponi ab Arriagâ, quod Deus & Angelus sint in æquali gradu Immaterialitatis. Adhæc licet anima vermis æquè, ac forma cæli sit actus Entis in potentiâ, seu forma materiæ, ac potentialitati immersa, illa tamen, non ista habet ex ratione suâ specificâ modum Essendi elevationem, vi cuius possit fieri alia non per receptionem duntaxat in genere causæ materialis, sed per intentionalem aliarum rerum intuslusionem vitaliter eam representando, atque in *Esse* cognoscibili perfectionibus ejusmodi se actuando. Ex quâ proinde elevatione animæ vermis, non autem formæ cæli convenire, quod habeat majorem actualitatis puritatem, sitque aded magis depurata à potentialitate materiæ propriâ. Cum igitur hæc specialis à potentialitate depuratio accedat ad rationem immaterialitatis, hic ipse verò supra materiam elevatior essendi modus involvat virtutem *intentionaliter* se actuandi aliarum rerum perfectionibus, hæc autem virtus *formaliter* sit cognoscitiva, consequens est, quod immaterialitas sit ratio inferens vim cognoscitivam, ita ut secundum modum immaterialitatis sit etiam modus cognitionis, veluti per inductionem S. Thomas *præs. 4. 1.* probat ex Philosopho.

14. **A**D *n. 6.* oppositum Respondetur: Quod nequè consequens, neque consequentia illius argumentationis teneat, sed nec quidquam virium habeat adversus solidum Angelici Doctoris Discursum. Hic enim *præs. 4. 1. & cit. 4. 2. de Verit.* vim cognoscitivam ex immaterialitate demonstrando ita procedit. Vis cognoscitiva importat virtutem se actuandi *intentionaliter* rerum aliarum perfectionibus, ita ut cognitum *representativè* sit in cognoscente. Atqui formæ, ac perfectiones rerum ita determinantur, & coarctantur per materiam, ut non possit perfectio, ac forma aliqua esse in alterâ, nisi quatenus depurata à materiâ, seu conditionibus materialibus. Ergo tum ex parte virtutis cognoscitivæ, tum ex parte cognoscibilis supponi-



- supponitur depuratio à materiâ, vi cuius tum obiectum possit in Esse cognoscibili inesse alteri, tum Virtus cognoscitiva possit fieri alia à se, horum perfectiones intra se repræsentativè habendo. Ex quo adeò discursu, si conferatur cum ijs, quæ Arriaga *locis cit.* adducit, patet, quomodo hic Author pugnet in incertum quasi aërem verberans, dum impugnando D. Tho. hunc nè tangit quidem, sed extra difficultatis punctum deflectens, figmenta potius, quàm argumenta solida adhibet asserendo, possibilem substantiâ materiale, quæ sit cognoscitiva obiecti spiritualis, imò & spirituale, quæ non sit intellectiva: quod
15. quàm Chimæricum sit, ita probatur. Ratio Entis spiritualis consistit in modo essendi elevationi supra corporalem: At quò elevatior est essendi modus, eò est actualior. Unde Ens spirituale & corporale differunt secundum quod participant plus de actualitate, vel potentialitate, At verò in ipsis Entibus materialibus aliqua plus habent de actualitate secundum quod aliarum rerum perfectiones intra se repræsentativè suscipiendo in Esse intelligibili, maiorem participant perfectionis actualitatem: unde istæ non quidem simpliciter, sed comparative sunt quodammodo immateriales: ex quo immaterialitatis gradu participant etiam virtutem cognoscitivam. Hæc tamen vis cognoscitiva in unoquoque cognoscente commensuratur ejus modo essendi, cui proportionatur etiam obiectum cognoscibile. Unde S. Doctor 1. p. q. 12. a. 4. ait: Cognitum esse in cognoscente secundum modum cognoscentis. Ergò cum obiectum spirituale in modo essendi sit majoris actualitatis, quàm substantia materialis; unumquodque verò sit cognoscibile, secundum quod est actu, ex S. Thomâ *ut. q. 12. a. 1.* consequenter ob defectum proportionis in modo essendi non potest substantia materialis habere vim cognoscitivam
16. Obiecti spiritualis. Econtrario verò, quò actualior est essendi modus, eò actualior est modus operandi. At virtus cognoscitiva in hoc superexcedit modum agendi corporalis, seu materialis substantiæ, quòd magis abstrahat à potentialitate seu materialitate, nec feratur in obiectum repræsentativè id sibi conjungendo, nisi quatenus est actu abstractum à conditionibus materialibus. Ergò quia modus essendi substantiæ spiritualis est elevatior, ac purior, seu actualior, consequenter ratione talis elevationis, & actualioris modi essendi ex intrinsecâ suâ naturâ sibi vendicat vim cognoscitivam obiecti tum spiritualis, tum etiam materialis depurati tamen à conditionibus materialibus. Constat igitur, Immaterialitatem in Essendo ita esse radicem virtutis cognoscitivæ, ut consequenter secundum modum Immaterialitatis crescat perfectio hujus virtutis. Ergò quia Deus est summè immaterialis, est in summo cognitionis gradu.

## CONTROVERSIA II.

*An, & quæ Scientia Dei sit causa rerum ad extra?*

1. Extra controversiam est, quòd Scientia Dei sit aliquo modo causa rerum, testante Scrip-

turâ Divinâ. Psalm. 103. *Omnia in Scientiâ fecisti.* Et Psalm. 135. *Qui fecit celos in intellectu.* Hinc Difficultas est 1. An causalitas Scientiæ Divinæ sit duntaxat Directiva vel Effectiva? 2. An Scientiæ simplicis Intelligentiæ, vel etiam Visionis conveniat esse causam rerum ad extra.

## Referuntur sententiæ Doctorum.

Durandus in 1. dist. 28. q. 4. Vasquez. 1. p. disp. 81. c. 2. n. 9. Ysambertus ad pres. q. 14. disp. 10. a. 1. & 2. Franciscus de Lugo lib. 1. de Deo uno. disp. 34. c. 2. n. 9. & 11. tenent, Scientiam Divinam, eamque simplicis intelligentiæ, non autem Visionis esse rerum ad extra causam, dirigendo potentiam executricem, ac præmonstrando modum efformandi opus; non verò esse immediatè effectricem in genere causæ propriè efficientis. Probatur 1. Eodem modo debemus philosophari de Divino intellectu, sicuti de intellectu artificis creati in ordine ad opus artis faciendum: attestante D. Thomâ *pres. a. 8. Scientiam Dei se habere ad omnes res creatas, sicuti scientia artificis se habet ad artificata.* Atqui scientia Artificis non attingit opus immediatè, sed ejus actus est purè immanens, cujus est solum dirigere operationem repræsentando modum operandi, ac illuminando operantem. At vis propriè effectiva debet esse ratio immediata effectum producendi per Physicum influxum. Ergo scientia Dei non est simpliciter Causa effectrix rerum ad extra, sed directrix duntaxat potentiæ executivæ. 2. In agente per intellectum ea solum scientia est causa rerum, quâ sufficienter cognoscitur natura, & modus rei faciendæ: Hoc enim posito sufficienter determinari potest voluntas ad applicandum principium exequens, seu efficiens: istâ verò applicatione posita, hoc ipso sequitur effectus. At scientia simplicis intelligentiæ quâ præcisa à ratione scientiæ Visionis est, per quam cognoscitur & natura, & modus rei factibilis. Ergò sola scientia simplicis intelligentiæ per modum tum prudentiæ, tum artis est in Deo causa rerum ad extra.

Thomistæ, nominatim Nazarius *pres. q. 14. a. 1. cont. 2.* Serra *cod. a. 2.* Ioannes Baptista Gonet *tract. de scient. Dei. disp. 3. per totam.* Petrus Labat *de Scient. Dei. disp. 5. §. 2.* Ioannes à S. Thom. *his q. 14. disp. 2. a. 3.* docent, Scientiam simplicis intelligentiæ esse rerum ad extra causam in actu primo; scientiam verò Visionis immediatè, ac physice causare in actu secundo.

## CONCLUSIO.

Certum est, quòd Deus sit causa rerum ad extra per intellectum, atque adeò per scientiam simplicis Intelligentiæ.

Probatur. Vis causandi est secundum Esse, ac perfectionem naturæ; hæc enim est primum, & radicale motus principium. Esse verò Naturæ Divinæ formaliter consistit in intellectione suæ Essentiæ. At vis causandi est, secundum quod effectus præcontinentur in causâ. Ergo Deus est causa rerum, quatenus in suâ intellectione præcontinet omnes quidditates creabiles. At sicut istæ quoad totum suum Esse reale sunt deriva-



derivabiles ex Esse Divino, sic præcontinentur in Intellectione, seu Naturâ Dei, quatenus hæc Essentiam Divinam tanquam motivum sub reali, imò formali identitate sui specificativum attingendo, in hoc ipso Esse Essentiæ Divinæ, atque adeò in se ipsâ repræsentat omnes entitates, & formalitates ad extra producibiles. At Scientiæ simplicis intelligentiæ est attingere, seu præcontinere intelligibiliter quidditates, & Essentias rerum secundum statum possibilitatis derivatæ ab Esse Dei formaliter identice repræsentato per intellectionem seu Naturâ Divinam. Cum igitur virtus causæ sit secundum præcontinentiam, quæ in Deo, cujus Esse est intelligere, debet esse secundum Esse intelligibile: Scientia autem simplicis Intelligentiæ sit præcontinens intelligibiliter omnes quidditates possibiles, & ad extra producibiles, consequens est, Scientiam simplicis Intelligentiæ habere in Deo rationem causæ, seu virtutis ad extra productivæ. D. Thomâ 4. 15. 4. 3. ad 2. asserente, *Eorum, quæ neque sunt, neque erunt, neque fuerunt, Deum habere cognitionem* (simplicis nimirum intelligentiæ) *quæ tamen non sit practica, nisi in virtute tantum.*

## CONCLUSIO II.

Scientia Visionis in Deo habet rationem immediatæ causalitatis, ac physicæ effectiōis creaturarum aliquando existentium; estque adeò actio *formaliter* Deo immanens, sed *virtualiter* transiens.

7. Probatur. Forma intellectûs in Deo est principium operationis. S. Doctor. *præf. 2. 8.* At operatio terminatur ad existentiam in actu exercito. Unde illa Scientia Dei est principium actualiter factivum seu operativum, quæ in actu exercito terminatur ad existentiam. Atqui forma intellectûs Divini quâ terminata ad existentias rerum in actu exercito habet rationem Scientiæ Visionis, non autem simplicis tantum intelligentiæ, cum hæc Essentias rerum secundum purum possibilitatis statum contempletur. Ergo intellectûs Dei quâ determinatum in actu exercito operationis ad extra principium importat Scientiam Visionis.

8. Respondebis ex S. Thom. *præf. 2. 8.* Formam Intellectûs in Deo esse determinatum actionis ad extra principium, quatenus ei adjungitur inclinatio ad effectum, sicuti etiam forma naturalis, in quantum est forma manens in eo, cui dat Esse, non nominat actionis principium, sed secundum quod habet inclinationem ad effectum. At inclinationem ad effectum adjungi formæ intellectûs Divini per determinationem voluntatis: Cum enim forma intelligibilis in Deo se habeat ad opposita (nam oppositorum est eadem scientia) non produceret determinatum effectum, nisi ad unum determinaretur per appetitum. Ersi proinde Deus causet res per suum Esse Naturæ; hoc verò sit ipsummet intelligere Dei, istam tamen intellectionem, seu Scientiam Divinam non esse causam rerum, nisi quatenus habet adjunctam Voluntatem. At scientiam illam, quæ ad Esse, & non Esse rerum est indifferens, quæque adeò indiget Volunta-

tis Divinæ determinatione esse simplicis intelligentiæ. Ergo ex mente Angelici Doctoris Formam intellectûs, quæ in Deo est principium operationis ad extra, non importare scientiam Visionis, sed simplicis intelligentiæ quâ conjunctam cum Decreto voluntatis Divinæ.

9. Contra: Aliter considerandus est Intellectus Divinus secundum quod est principium factionis; & aliter secundum quod est præcisè principium cognoscitivum, seu ratio cognoscendi omnia à se factibilia, etiam si nullo tempore fiant. At licet Intellectus Divinus sub hac posteriori consideratione importet scientiam simplicis Intelligentiæ, sub priori tamen ratione dicit scientiam Visionis creaturarum, quatenus actu existentium. Major est S. Thomæ 1. p. 4. 15. 4. 3. quæ tamen una cum Minore probatur ex Sacris Litteris. Deus operatur ad extra *duendo* res in Esse facti, atque adeò per *ditionem* attingendo eas sub ratione factionis passivæ. *Gen. 1. Dixit Deus, fiat lux, & facta est lux.* Item, *Dixit autem Deus, fiant luminaria in Cælo &c. & factum est ita.* Ex quo patet, ita factas esse res, ut attingebantur per *ditionem* Dei. At hæc *dictio* est actus intellectûs Divini. Ergo creaturæ sunt factæ per illum Divini intellectûs actum, qui easdem repræsentabat seu attingebat sub ratione facti. At intellectûs Divini actus attingens res creatas sub ratione factionis passivæ, seu sub Esse facti est scientia Visionis, non autem simplicis intelligentiæ. Ergo Scientia Visionis in Deo est principium Factionis, & causa rerum immediata, ac physice productiva. Unde etiam facile est explicare Doctrinam S. Thomæ *ibi supra* asserentis; formam intellectûs, utpote ex se indifferentem ad opposita, non esse causam rerum, nisi quatenus habet adjunctam Divinam Voluntatem. Hoc enim omnino procedit de scientia simplicis Intelligentiæ, quæ rationes, & quidditates omnium factibilium repræsentando, ita habet rationem principij Directivi, ut tamen non immediate attingat factionem rerum, sed determinari debeat à Decreto Divinæ Voluntatis. At verò nec ista Voluntatis Divinæ determinatio, seu Decretum est sufficiens ad actualem rerum causationem, sed opus est *ditione* attingente res formaliter sub esse facti seu sub ratione factionis passivæ; attestante Prophetâ Regio. *Psal. 148. Quia ipse dixit, & facta sunt; ipse mandavit, & creata sunt.* At Deus mandavit Verbo. S. Augustinus in *cit. Psalm. 148.* Est autem Verbum Dei secundum Intellectum, non secundum Voluntatem. Ergo intellectus, non autem Voluntas Divina tanquam immediatum factionis principium *mandando*, & *dicendo* attingit res creatas, ut adeò quando sacra Littera ait: *Deum dixisse, & facta esse, mandasse, & creata esse*; secundum D. Augustinum *loc. cit.* idem insinuat, quod *Joan. 1.* dicitur. *Per Verbum omnia facta esse, & sine ipso factum esse Nihil.* Unde Divus quoque Gregorius 32. *Moral. c. 6.* ait: *Non existentia videndo creat Deus: Existentia videndo continet.* Cum igitur Visio Divini intellectûs, seu Dictio, & Mandatum, sive Verbum Dei adstruatur in sacris Litteris tanquam immediata, & actualis causa realiter effective ponens res in Esse facti; consequenter scientia Visionis est immediatum principium factionis rerum, Scientiâ simplicis Intelligentiæ se habente ut principium directivum Divinæ Voluntatis, ex



cujus determinatione, ac decreto consequitur illa Visionis Scientia, res formaliter sub ratione factionis passivæ attingens, ac representans. Quæ proinde Visio ex parte Dei est activa causalitas rerum, habetque aded rationem actionis formaliter quidem Deo immanentis, sed virtualiter transeuntis ad extra.

12. Instabis. Sicut est causalitas artificis per artem suam, ita consideranda est causalitas Divinæ Scientiæ. S. Thom. in 1. dist. 38. a. 1. & 1. p. q. præf. 14. a. 2. At in productione artificiali talis est processus. 1. Scientia artificialis ostendit finem: 2. Voluntas intendit ejusmodi finem: 3. Voluntas imperat actum, per quem educatur opus, circa quod opus Scientia artificialis ponit formam conceptam. ex eod. S. Doctore. cit. a. 1. dist. 28. Pater igitur, Intellectum ad opus artificiatum se habere solum directivè, ostendendo finem ac Modum operandi; Voluntatem verò imperare, & informare opus artificiatum, habereque aded rationem completæ causæ. Imò in ipsâ compleri rationem causalitatis, idem Doctor Angelicus cit. a. 1. in Corpore. & ad 4. item ad 6. asserit. At verò si Scientia Visionis in Deo haberet rationem activæ causalitatis, quæ representando res formaliter in Esse facti, haberet efficaciam per modum Imperij, & Dictionis Factivæ, easdem efficienter ponendi actui in rerum naturâ, consequens foret; Voluntatem non habere rationem completæ causæ, minùs in ipsâ compleri rationem causalitatis, neque tam Voluntatem, quàm Intellectum imperare, ac informare opus Dei ab ipso tanquàm supremo artifice efformatum, ac in Esse educatum. Atqui pugnare ista omnia cum allegatâ Doctrina S. Thomæ paret ad oculum. Ergo ex mente Angelici Doctoris Scientia Dei, eaque simplicia Intelligentiæ est causa rerum solum mediata, ac directiva: nec aded Scientia Visionis per modum Imperij est immediatè influens, seu in ratione causalitatis physicè effectricis realiter actu ponens res in Esse: sed hæc ratio, ac vis Imperij, & completæ causalitatis potius est per se voluntatem Divinam: Scientiâ Visionis hanc Dei Voluntatem consequente ad res actu existentes se habebente solum speculativè, illas supponendo tanquàm existentes; veluti S. Scriptura Gen. 1. clare insinuat. *Vidit Deus, inquit, quæ fecerat, & erant valde bonæ.* Unde Patres, nominatim Cyrillus Alexand. lib. 5. in Ioan. c. 10. Iustinus Martyr lib. quæst. 59. Hieron. Dialog. 3. adversus Pelagianos. Origenes in Epist. ad Roman. c. 8. & alij docent. *Non propterea aliquid esse futurum, quia id sit Deus futurum, sed quia futurum est, ideo sciri à Deo, antequàm fiat.*

15. Contra: Nam in viâ causalitatis alius est ordo Intentionis, ac electionis; alius verò Executionis. Hi autem duo ordines ita inter se comparantur, ut ordo intentionis tum quoad finem, tum quoad electionem mediorum incipiat à Directione Intellectus, & compleatur in voluntate. At verò Executionis ordo suam efficaciam imbutivè, ac motivè habet à voluntate, sed ultimè compleatur per Virtutem potentiae executionis. Ad hunc verò ordinem executivum præcipuè spectat Imperium Ordinans executionem finis, seu effectus à voluntate efficaciter decreti. Hoc autem Imperium est formaliter actus rationis, seu intellectus, licet præsuppositivè, ac

Motivè importet actum Voluntatis, utpote in cuius virtute movet ratio per Imperium ad exercitium actus. Hinc idem Angelicus Doctor verbis ex 1. dist. 38. a. 1. allegatis adstruendo processum circa productionem rei artificiatæ, subtiliter advertit, ex eo, quod Voluntas post intentionem finis imperet actum, per quem educatur opus, consequi, quod Scientia artificis ponat formam conceptam. Hanc autem forma concepta est in mente Divinâ forma intelligibilis, seu exemplar rerum factibilium, quod tanquàm principium Factionis pertinet ad præcticam Dei cognitionem, juxta quam aded Deus ad extra operando se habet ut artifex. ex eod. S. Doctore 1. p. cit. q. 14. a. 2. & q. 15. a. 3. At hanc ipsam formam intelligibilem mentis Divinæ exprimit Sacra Scriptura per nomen Dictionis: huic verò tribuit vim causalitatis. cit. Psalm. 148. *Quia ipse dixit, & facta sunt.* Unde sicut Verbum Divinum producit realiter à Patre vi Notionalis Dictionis, sic tota Trinitas operatur creaturas ad extra per dictionem Essentialem tribus Divinis Personis communem. Quam ob rationem factio rerum appropriativè dicitur esse per Verbum; quia nimirum huic vi Dictionis Notionalis formaliter communicatur intellectio Divina, quæ est formalissimè Dictio, per quam facta sunt omnia. At hæc ipsa Dictio est etiam mandatum, atque aded imperium. ex cit. Psalm. 148. Hoc autem ita est formaliter actus intellectus, ut tamen vim movendi habeat ex virtute voluntatis, Divo Thomâ. 1. 2. cit. q. 17. a. 1. ita asserente. *Primum movens in viribus animæ ad exercitium actus est voluntatis. Cùm ergo secundum movens non moveat, nisi in virtute primi moventis, sequitur, quod hoc ipsum, quod ratio movet imperando, sit et ex virtute voluntatis.*

Ex quo aded patet, licet intellectus Divinus, secundum quod est rerum faciendarum Dictio seu Scientia Visionis, sit immediatè effectrix, imò ex parte Dei causalitas actualis in actu exercito ponens effectus in rerum naturâ; hanc tamen vim causalitatis ipsi competere in virtute motionis Divinæ voluntatis, ut aded verum sit, quod causalitas ejusmodi compleatur in & ex voluntate Divinâ. Etsi proinde Voluntas Divina in ordine Intentionis habeat rationem causæ Completæ, & omnino efficacis, ac tamen in ordine Executionis requirit exercitium alterius potentiae, nimirum intellectus Divini, cuius ita est per actum Imperij, seu Dictionis complere causalitatem rerum ad extra, ut tamen hæc ipsa Dictionis, ac Imperij vis in ratione motionis, & applicationis sit à Voluntate: In quo aded sensu S. Doctor. 1. p. præf. q. 14. a. 4. dicit, formam Intellectus Divini non esse principium operationis, nisi quatenus habet adjunctam Voluntatem Divinam; & hinc Scientiam Dei, quatenus est causa rerum, dici solero scientiam approbationis.

Constat igitur; Visionem Dei, quâ Gen. 1. dicitur cuncta vidisse, quæ fecerat, non ita præsupposuisse res factas, quin easdem attingeret faciendas, attestante D. Augustino. lib. 13. Confess. c. 3. *Nos itaque, inquit, quæ tu fecisti videmus, quia sunt; Tu autem quia vides, eas sunt. Et nos sciri videmus, quia sunt, & intus, quia bona sunt. Tu autem ubi vidisti facta, ibi vidisti facienda.* Quocirca Patres, si quandoque dicant. *Non propterea aliquid fut-*



20. *curum esse, quia id nobis Deus, cum D. Thoma de Veri-  
tate. q. 2. a. 14. ad 1. exponendi sunt, quod scientia Dei  
non sit causa inducens necessitatem in creato, ut ex eo co-  
gatur aliquid evenire, quia Deus illud scit. Si vero ij-  
dem Patres asserant, quia futurum est aliquid, ideo  
sciri à Deo, cum dicto Angelico Doctore, ubi sup.  
intelligendum est secundum causam inferendi, non  
verò secundum causam essendi. Etenim, si de causalitate  
in Essendo sit sermo, ex Sanctis Patribus clare  
evinquitur, res ideo esse, quia novit Deus, Divo  
Augustino 15. de Trin. c. 13. asserente: *Universas  
creaturas spirituales, & corporales non quia sunt, ideo  
novit Deus, sed ideo sciunt, quia videntur.* Quo sensu  
Greg. Magn. 20. Moral. c. 23. *Quæ sunt, inquit, non  
ab æternitate ejus ideo videntur, quia sunt, sed ideo sunt,  
quia videntur.* Ex quibus adeò luce meridiana  
clarius elucet, scientiam Visionis quæ Imperium  
ex vi voluntatis Divinæ motionis realiter sibi  
identificatæ esse causalitatem immediatam phy-  
sice effectricem rerum ad extra.*

### Responsio ad fundamenta con- traria.

21. **A**D a. 2. oppositum Respondetur. Hoc ip-  
so, quod ars sit habitus cum recta ratione  
factivus, ipsius esse non tantum in ordine inten-  
tionis dirigere Voluntatem ad finem artis, sed  
in executione ordinare factionem operis: hanc  
verò ordinationem executivam habere rationem  
imperij, quod in nobis est immediatè movens  
potentiam executricem: at in Deo esse Dictio-  
nem, quæ est operis effectio causativa, & activa, uti  
ex SS. Litteris superius demonstratum est. Cum  
igitur scientia Dei instar artis concurrat ad eli-  
ctiones creaturarum, consequenter ejus actum  
ita esse formaliter immanentem, ut tamen vir-  
tualiter sit transiens, ac immediate efficiens re-  
rum creaturarum.

22. **A**D n. 3. oppositum Respondetur. Cum  
Scriptura Divina causalitatem immediatam at-  
tribuat Dictioni Dei, hæc verò sit actus intel-  
lectus, consequenter actum Voluntatis Divinæ  
prævis directione simplicis Intelligentiæ ita de-  
terminare potentiam Dei executricem ad produ-  
cendos effectus, ut hæc ipsa tamen executiva  
ordinatio, & causalitas immediata ex parte Dei  
sit Scientia Visionis habens efficaciam ex motio-  
ne Divinæ Voluntatis. Unde in agente actuali,  
præsertim perfectissimo non sufficere scientiam,  
quæ ostendat Naturam & modum rei faciendæ,  
sed opus esse Dictione, quæ ipsammet rei faci-  
endæ existentiam, & factionem passivam in actu  
exercito repræsentet, cujusmodi in Deo non est,  
nisi scientia Visionis. Hanc igitur quæ motam,  
ac determinatam à Decreto Divinæ voluntatis  
est per modum tum Prudentiæ, tum Artis  
physicè effectricem rerum creatu-  
rum ad extra.

\*\*\*



## ARTICULUS II.

DE

### Obiecto Scientiæ Divinæ.

**S**icuti respectu creaturæ, sic respectu Divi-  
næ quoque Intellectionis distingui po-  
test Obiectum primum, & secundum, seu  
formale, & materiale. Est autem hoc discrim-  
inis inter hæc objecta, quod materiale sit purè  
terminativum, formale verò obiectum sit etiam moti-  
vum, ac specificativum. Hæc autem intellectionis  
creaturæ ex objecto formali specificatio dupliciter  
evenit, tum quod obiectum vel mediante specie  
impresâ, vel per immediatam suam causalita-  
tem sit potentia Intellectus determinativum  
ad eliciendam cognitionem determinatæ speci-  
ei, ac quidditatis; cujusmodi specificationem  
patet esse in ratione causalitatis effectricis; tum  
quod intrinseca quidditas, ac differentia specifi-  
ca cognitionis importet relationem transcen-  
dentalem ad obiectum sub determinatâ aliqua  
formalitate attractum. At secus est in intellectu-  
on. Dei, in quo intellectus, id quod intelligitur, species  
intelligibilis, & ipsum intelligere sunt omnino idem.  
S. Doct. præf. q. 14. a. 4. Unde Divinæ Intel-  
lectionis specificatio nec ab objecto, seu specie in-  
telligibili potest esse derivata in ratione causalita-  
tis; nec potest subsistere in relatione Trans-  
cendentali ad primum, ac motivum obiectum;  
sed Divinæ Essentiæ intelligibilitas tum in ra-  
tione objecti formalis, tum sub ratione Eminen-  
tiali speciei intelligibilis est intellectionis in Deo  
specificativa per formalem actualissimam iden-  
titatem.

At difficultas superest: an soli Essentiæ Dei etiam  
quæ virtualiter distincta ab attributis & Personalitati-  
bus conveniat esse obiectum Divini intellectus specificati-  
vum ita, ut sit unica ratio cognoscendi se, & objecta  
creaturæ etiam mala, sive peccata. Quam difficultatem  
aliquot Controversiis expediemus.

### CONTROVERSIA I.

#### Quod sit Obiectum Primum ac specificativum Divinæ Intel- lectionis.

**I**oannes à S. Thomâ præf. q. 14. disp. 17. a. 1. n. 10.  
docet, Obiectum primum, & specificati-  
vum Divini intellectus ex parte rei cognitæ &  
attractæ per rationem formalem cognoscendi es-  
se Ens Divinum, ut est in totâ suâ latitudine, pro-  
ut etiam includit attributa, & relationes, &  
quidquid est formaliter in Deo, solus adeò crea-  
turis relictis pro obiecto secundario Divinæ In-  
tellectionis. Fundamentum est. Etenim con-  
stituitur aliquid in Esse objecti, quatenus con-  
stituitur in Esse intelligibilis. Hæc autem intel-  
ligibilitatis ratio est secundum Esse Immatéria-  
litas: At ratio Immaterialitatis est secundum  
actualitatem Essendi. Atqui in omni formalita-  
te Divinâ est unica ratio actus puri, atque adeò  
immac-



Immaterialitatis, & consequenter Intelligibilitatis. Unde Divinam Essentiam, quatenus habet rationem speciei, oportet habere pro immediato & primo representato quiddam est actus purus, & per modum actus puri Intelligibile. Consequens igitur est, omnem formalitatem Deo inexistentem esse obiectum Intellectus Divini primum, ac specificativum, siquidem habeat cum Essentia Divina eandem Intelligibilitatem, Veritatem, Immaterialitatem, & rationem actus puri.

Petrus Labat *disp. 1. de Scientia Dei. dub. 4. §. 1.*  
 Ioannes Baptista Gonet *in 1. p. tract. 2. disp. 1. a. §. 2.* tenent, *Obiectum per se primum formale Motivum Intellectionis Dei esse solam Essentiam Divinam*, ut distinctam virtualiter à relationibus, & Attributis. Probatur 1. De ratione formalis Intellectionis est unio obiecti cum intelligente. Ergo intellectio perfectissima importat summam unionem, seu identitatem obiecti cum intelligente. At summa hæc identitas excludit virtualem distinctionem. Ergo perfectissima intellectio importat talem identitatem intelligibilis cum intelligente, ac ipsamet intellectione, quæ omnimodam Virtualement quoque distinctionem excludat. Atqui Attributorum, & Personalitatum in Deo est Virtualis distinctio ab intellectione, quæ est Divinæ Naturæ formaliter constitutiva. Ergo huius Intellectionis ut sic obiectum non sunt Attribute, & Relationes Divinæ. Ergo sola Essentia Dei, quæ virtualiter distincta ab Attributis, & Personalitatibus est obiectum per se primum Intellectionis Divinæ.

6. Probatur 2. Illud habet rationem *Obiecti Motivi Intellectus*, quod est species, vel gerit vices speciei intelligibilis, & intellectum ad intelligendum movet, atque fecundat. Huic autem obiecto fecundanti, ac moventi Intellectum, si ve speciei impressæ per se primo assimilari debet verbum, ac species expressa, utpotè cuius sit actualissime exprimere, ac representare ea, quæ ab ipsa specie intelligibili per se primo representantur. Unde intellectionis Divinæ Obiectum formale Motivum non est, nisi in quo Verbum æternum per se primo assimilatur Patri. At si Verbum Dei per se primo assimilaretur Patri in Attributis, & Relationibus, Filio ex vi sue processione formaliter communicaretur æquæ Amor, imò & Paternitas, quàm Natura, & intellectio Divina. Hoc autem esse absurdum infide, constat. Oportet igitur Essentiam Divinam quæ Virtualiter distincta ab Attributis, & Personalitatibus assignari Intellectionis Dei obiectum Formale Motivum.

### CONCLUSIO.

ET si omnis formalitatis Deo inexistentis sit una simplicissima etiam virtualiter indivisibilis intelligibilitas; hæc ipsa tamen Essentia Divina quæ virtualiter ab Attributis & Relationibus distincta est propria, quæ aded ut sic est per se primum formale Motivum Divinæ Intellectionis.

7. Probatur: Sicuti Veritas Transcendentalis, sic ratio intelligibilitatis radicatur in ratio-

ne Entis, quæ Entis. At ratio Entis formaliter constituitur per rationem Essentia. Ergo ratio intelligibilitatis est formaliter radicata in ratione Essentia ut sic. At omnis formalitatis Deo inexistentis est una actualissima formaliter, & virtualiter indistincta Essentia: Hæc ipsa tamen essentia ratio ut sic est virtualiter distincta à rationibus formalibus proprijs Attributorum, ac Personalitatum. Unde per præcisionem etiam obiectivam est Essentia Divina intelligibilis ab illis quæ relationibus & Attributis, etiam horum formalitates non sint obiective saltem præscindibiles à ratione Entitatis, & Essentia Divinæ. Pari ergo ratione Intelligibilitas Attributorum & Relationum in Deo non est secundum distinctionem etiam virtualement altera, quam ipsius Divinæ Essentia Intelligibilitas; etiam hæc obiective sit præscindibilis ab illorum rationibus proprijs. Consequens igitur est, omnis formalitatis Deo inexistentis ita esse unam simplicissimam virtualiter etiam indistinctam intelligibilitatem, ut Rationes Attributales, & relativæ in Deo non sint intelligibiles, nisi secundum rationem Intelligibilitatis Divinæ Essentia sibi à parte rei formaliter identificatæ, quæ tamen intelligibilitas velut Essentia quoque Divina sit virtualiter distincta à proprijs Attributorum, ac Personalitatum rationibus. Ergo obiectum per se primum intelligibile, ac formale Motivum Divinæ Intellectionis est Essentia Divina quæ virtualiter distincta ab Attributis, & Personalitatibus.

9. Dices: Ex hoc discursu sequi, quod Attribute & Personalitates Divinæ essent solum intelligibiles propter identitatem ex natura rei formalem cum Divina Essentia. At oportere formalitates Attributorum, & Personalitatum ex rationibus suis proprijs per rationem nostram ratiocinatam ab Essentia Dei præcisus esse formaliter intelligibiles. Ergo horum Intelligibilitatem esse secundum rationem nostram ratiocinatam formaliter aliam ab intelligibilitate Divinæ Essentia, uti probat Ariaga *de Scient. Dei disp. 18. sect. 2. n. 17.*

10. Contra. Essentia Divina, ejusque aded intelligibilitas ita se habet ad rationes proprias Attributorum, & Personalitatum, sicuti se habet ratio Entis ad differentias específicas substantiarum. Atqui ratio Entis est transcendens respectu substantia, ejusque differentiarum. Ex hac autem Transcendencia tria inferuntur. Primum est, quod differentia substantiarum non sint intelligibiles cum abstractione Essentia, seu Entis ut sic. Cujus ratio est, quia Nihil est intelligibile, nisi sub ratione Entis, atque aded Essentia. Secundum est, quod e contra ratio Entis non tantum secundum nostrum concipiendi modum confusum sit intelligibilis sine explicita ratione substantia, sed in super formalitas Essentia, ac Entitatis sit in ratione substantia conceptibilis cum præcisione obiectiva inferiorum differentiarum. Cujus fundamentum est; Nam istæ differentia etiam à parte rei etiam formaliter identificentur cum ratione substantia, hæc tamen in una illarum differentiarum stare potest distincta realiter ab altera differentia. Ex quo fit, inter formalitates substantia, & inferiorum differentiarum esse distinctionem virtualement, in qua fundatur præcisio illa obiectiva. Tertium est: si ratio Entis



consideretur cum abstractione à dependentiâ, & immixtione potentialitatis, intelligi hoc ipso sub ratione Esse absoluti. Cujus ratio est, quia hoc ipso, quod Intellectus suâ conceptione præter Esse non attingat aliam formalitatem, remanet in intellectu nostro purum Esse per se, & in se absolutum ab omni imperfectione, & potentialitate. ex S. Tho. in 1. dist. 8. a. 1. ad 4. Atqui hoc Esse absolutum est formalissimè Divina Essentia. ex S. Doctore loc. cit. At verò, si aliqua Dei formalitas Attributalis, seu Personalis conciperetur sub Esse admixto potentialitati, eo ipso non esset Divina. Oportet igitur, quamlibet Divinam formalitatem esse intelligibilem formaliter sub ratione Esse puri & absoluti. Cum igitur ratio intelligibilitatis sit formaliter secundum rationem Essendi, seu rationem Entis, consequens est, Essentiam Divinam sub ratione Essentiæ ita Transcendentaliter esse imbitam in omni formalitate Divinâ, ut hæc non sit intelligibilis, nisi sub ratione Essentiæ Dei.

14. At e contra non repugnat, Esse Divinum præcisè sub ratione Esse puri & absoluti concipi, quin formalitates Divinæ Attributales, & personales tali conceptioni ex parte objecti respondeant. Ergo istæ formalitates sunt quidem in se ipsis intelligibiles, hæc tamen ratio intelligibilitatis non est in earum rationibus proprijs, nisi quatenus formalissimè, & transcendentaliter habent imbitam rationem Essendi. Quare in formalitatibus Divinis est unica secundum nostrum quoque Intellectum indivisibilis Intelligibilitas Essentiæ Divinæ, à quâ non sunt ratione nostrâ separabiles, seu præscindibiles rationes propriæ Attributorum, & Personalitatum, licet e contra ab his objectivè præscindi possit ratio Essentiæ, & Intelligibilitatis. Unde verificatur, quod præcisè Essentia Divina sit objectum per se Primum Intellectionis Divinæ; quia nimirum ratio Intelligibilitatis Divinæ est secundum Essentiam Dei virtualiter distinctam, & objectivè præscindibile à Personalitatibus & Attributis, cum ista e contra secundum rationes suas proprias sint intelligibilia propter Transcendentiam Essentiæ duntaxat Divinæ, quæ non tantum per identitatem ex naturâ rei formalem, sed secundum nostrum quoque Intellectum Transcendentaliter in illa imbitur, constituendo ea formaliter in ratione Esse, ac Intelligibilis Divini.

#### Responsio ad Argumenta Adversariorum.

16. **A**d argumentum n. 1. propositum Respondetur: Verum esse, quod Essentia Divina quâ Eminentialis species habeat in Deo pro immediato, & Primario representato, quidquid est a se purus, & per modum actûs puri intelligibile. At omnem formalitatem Deo inexistentem habere unicam Divinæ Essentiæ actualitatem, atque aded immaterialitatem, & consequenter intelligibilitatem, ac Veritatem. Hanc nihilominus Essendi rationem, ac Intelligibilitatem in Attributis & Personalitatibus Dei non esse ex rationibus ipsarum proprijs, nisi quatenus istæ transcendentaliter involvunt Essentiam Divinam. Sicut ergo differentię specificę substantiarum sub rationibus suis specificis formalissimè important rationem Entis, secundum

quam ut sic sunt intelligibiles, ut hæc tamen Intelligibilitatis ratio ipsis conveniat formaliter ex ratione Entis in se Transcendentaliter imbitâ; sic formalitates Dei Attributales, ac Personales esse intelligibiles per Transcendentiam Essentiæ Divinæ. Unde illas posse quidem dici objectum Divinæ Intellectionis, ut tamen hæc ratio objecti, ac intelligibilis ipsis non possit convenire ex præcisîs ipsarum rationibus, sed ex ratione Essentiæ Divinæ Transcendentaliter in se inclusa.

Ad argumentum n. 2. propositum Respondetur: Bene probari, quod perfectissima Intellectio talem importer identitatem Intelligibilis cum intelligente, ac ipsam Intellectionem, quæ omnimodam, Virtualement quoque distinctionem excludat. At Divinorum Attributorum, & Personalitatum secundum rationes suas proprias esse quidem virtualement ab Intellectione Naturæ Divinæ constitutivâ distinctionem, ut tamen ratione Essentiæ Transcendentaliter imbitæ in formalitatibus quâ Divinis, his omnibus insit unica virtualiter indivisibilis Essentiæ Divinæ Intelligibilitas. Consequens igitur esse, quod ratione hujus simplicissimæ Attributis, & Personalitatibus Divinis Transcendentaliter convenientis Intelligibilitatis omni formalitati Dei insit Primaria intelligibilitatis ratio, atque aded Motiva Intellectionis Divinæ.

Ad n. 3. oppositum Respondetur: Verum esse, quod ratio speciei intelligibilis moventis, ac secundantis Intellectum Dei Patris, ne quidem Virtualiter distinguatur à ratione Motivâ Primariâ Intellectûs Divini, in quâ debeat Verbum æternum per se primò assimilari Patri. Hanc verò rationem Motivâ primarij & speciei intelligibilis convenire quidem Deo secundum Essentiam ab Attributis, & Personalitatibus virtualiter distinctam, quæ tamen illis formalitatibus Personalibus, & Attributalibus Transcendentaliter insit, easdem formaliter constituendo in ratione Esse & Intelligibilis Divini. Unde Verbum æternum ita assimilari Patri in Esse, ac Intelligibilitate omnis formalitatis Deo inexistentis, quin tamen eidem ex vi suæ processions formaliter assimiletur in rationibus proprijs Attributorum, & Personalitatum. Consequens igitur esse, quod in hisce non sit etiam virtualiter alia intelligibilitatis ratio, quàm Essentiæ Divinæ, quæ tam in se, quàm in Attributis, & Personis Divinis respectu Intellectionis Increate hæbet rationem Primæ intelligibilitatis, ac objecti formalis Motivâ.

Ex quibus inter se collatis patet, sententias supra n. 1. & 2. adductas re ipsâ non differre, sed apparenter duntaxat. Nam 1. Ioannes à S. Thomâ in 1. a. 1. n. 10. fateretur, Intellectum Dei Patris ad generationem Verbi secundari per id, quod habet rationem speciei, hoc autem esse Essentiam Divinam quâ virtualiter distinctam à Relationibus Personalibus. At id, quod intelligitur, & speciem Intelligibilem in Deo esse omnino unum & idem, probat S. Doctor præc. 4. 4. Ex quo fit consequens, rationem Motivâ Intellectionis Divinæ non esse virtualiter aliam à ratione speciei Intelligibilis. Si ergo ista, consequenter & illa secundum dictum Authorem est Essentia Divina quâ distincta virtualiter à relationibus.



20. Quæ nihilominus ratio Motiva, seu Intelligibilis Transcendentaliter ita inest formalitatibus Dei Personalibus, & Attributalibus, ut unica omnium istarum ratio Intelligibilitatis non sit alia, nisi Essentia Divina. Quam proinde Intelligibilitatis in Deo identitatem omnimodam, nec non Essentiæ, ejusque Intelligibilitatis respectu omnis formalitatis Deo inexistentis Transcendentiam ita consideravit Author præfatus, ut tamen non negaret ejusdem Essentiæ, & consequenter Intelligibilitatis, ut sic ab illis virtualem Distinctionem. Econtra Ioannes Baptista Gonet *sup. n. 2. & 3.* ob virtualem Essentiæ ab Attributalibus & Personalibus Dei relationibus distinctionem Intelligibilitatis Motivæ rationem primariò ita posuit in Essentiâ Divinâ, ut hujus tamen Transcendentiam, ratione cujus omnibus Dei formalitatibus una virtualiter indivisibilis inest Essentiæ, & Intelligibilitatis ratio, nullatenus negaret.

21. 1. Petrus Labat *diff. n. 2.* quia considerabat cum S. Thomâ *cit. a. 4.* Essentiæ Dei Intelligibilitatem esse *omnibus modis* absque Virtuali adeò distinctione eandem cum intellectione Naturæ Divinæ formaliter constitutivâ, quam tamen Intellectionem, & Naturam Divinam oporteat esse virtualiter distinctam à Personalitatibus Dei, & Attributis. Idcirco intulit, primariam Motivam Intellectionis Divinæ rationem esse præcisè in ratione Essentiæ. Hoc autem eatenus verum est, ut licet hæc ratio intelligibilitatis ac Essentiæ Divinæ sit præscindibilis à formalitatibus Relativis & Attributalibus, harum tamen rationes, secundum quod Deo inexistunt, non possint objectivè præscindi ab illâ, utpote transcendentaliter ipsis imbibitâ. Tota igitur illorum Authorum discrepantia in eo est, quòd primus considerando Essentiæ, ac Intelligibilitatis Divinæ Transcendentiam, reliqui verò duo posteriores attendentes ad virtualem Essentiæ, & Attributorum Dei distinctionem differant in modo loquendi, & considerandi, non verò in re, seu puncto Veritatis. Verùm nos illam Divinæ Essentiæ, ac Intelligibilitatis Transcendentiam connectentes cum Virtuali ejusdem ab Attributis & Personalitatibus distinctione omnibus illis Doctrinæ Angelico-Thomisticæ assertis conformari credimus.

## CONTROVERSIA. II.

### An DEVS se cognoscat in Creaturis.

1. Hanc difficultatem sub alijs terminis proponit Arriaga *pres. disp. 18. sect. 3. n. 12.* An in Deo deus sui cognitio non quidditativa duntaxat, sed etiam abstractiva. Nam hujus ratio est respectiva ad objectum, unde eadem cognitio formalitas etiam ratione nostrâ potest esse abstractiva, & quidditativa respectu diversorum objectorum, nec adeò ex hoc, quòd cognitio sui in Deo sit intuitiva, imò comprehensiva, sequitur, non esse abstractivam: hujus enim nomine venit cognitio rei in medio imperfectiori. Si ergo Deus se cognoscat in creatura tanquam medio, oportet

esse abstractivam, etsi realiter indistinctam à quidditativâ sui in se ipso intellectione.

Referuntur Sententiæ Doctorum oppositæ.

Franciscus de Lugo *disp. 28. de Deo uno. c. 2. n. 7.* Arriaga *loc. cit.* affirmant, Deum cognoscere se non tantum in se ipso, sed etiam in creaturis. Probatur. De fide est, Deum comprehendere creaturas, earumque ad Deum Dependentiæ essentialis ordinem transcendentem. At relatio realis, cum quodammodo specificetur à termino, quem essentialiter respicit, non est cognoscibilis absque termino. Ergo Deus comprehendendo creaturas, necessario cognoscit se in illis tanquam sui imagine, vel vestigio, Divo Thomâ. *in 1. dist. 32. q. 2. a. 1. ad 4.* ita differente: *Pater in Verbo videt se ipsum & creaturas, & sic etiam non est inconveniens, quòd per modum istum in creatura se videat, quæ ipsius Divina Bonitatis representativa est per imaginem, vel vestigium.*

D. Thomas *hic q. 14. a. 5. in corp. & ad 1.* Ysambertus *ad cit. q. 14. disp. 3. n. 3.* docent, Deum videre creaturas in se ipso, non in ipsis.

## CONCLUSIO.

Deus essentialem creaturarum à se dependentiam cognoscendo in sua Essentiâ tanquam Motivo formali, cognoscit se ipsum in creaturis tanquam objecto purè Terminativo & materiali, nec adeò datur in Deo cognitio sui abstractiva, sed quidditativa duntaxat.

Probatur. Si daretur intra Deum abstractiva sui in creaturis cognitio, oporteret hanc specificari ab Esse Intelligibili creaturarum. Atqui absurdum est, aliquam formalitatem Intellectus Divini specificari ab Esse creaturarum. Sequela Majoris, nec non Minor probatur ex S. Tho. *a. 5. ad 2. & 3.* Intelligere specificatur per suum principale intellectum, seu formale objectum. At quælibet operatio specificatur per formam, quæ est principium operationis. Ergo intelligere specificatur per objectum suum, in quantum istud per modum formæ intelligibilis est principium intellectualis operationis. Hoc autem convenit objecto non secundum substantiam, sed secundum speciem, secundum quam est in intellectu ut forma, & perfectio ejus. At ista forma intelligibilis faciens intellectum in actu, atque adeò intellectualem operationem specificans est species intellecti principalis, seu objecti formalis. Oporteret igitur, cognitionis intuitivæ, & abstractivæ differentias específicas esse ex differentiâ speciei intelligibilis, ita ut dicatur cognosci intuitivè in se ipso, quòd cognoscitur per speciem propriam commensuratum cognoscibili: econtra verò dicatur cognosci abstractivè in alio, quòd cognoscitur per speciem alienam, uti cum S. Doctore *cit. a. 4. in Corp.* notant Theologi, & Philosophi communiter. Si proinde Deus abstractivè se cognoscat in creaturis, oportet hanc Divini Intellectus formalitatem locuti car per Esse intelligibile, sive per speciem creaturarum.



Hinc verò consequens foret, creaturas non quidem secundum substantiam, sed secundum speciem suam esse perfectionem Intellectus Divini; uti probat Doctor Angelicus *cit. a. 5. ad 2.* At hujus absurditas, præterquam, quod ex se ipsa sit manifesta, clarius elucebit ex dicendis sequenti *Controversia*. Absurdum igitur est dicere, Deum abstractivè cognoscere se ipsum in creaturis tanquam objecto formali.

Ad argumentum n. 2. oppositum

**R**espondetur cum Ioanne à Sancto Thomà *disp. 17. cit. a. 2. num. 4. de seq.* Quando Deus intiendo suam Essentiam per hanc ceu speciem increatam contemplatur creaturas cum essentialis à se dependentiæ Transcendentali ordine, ita cognoscere se in creaturis, ut tamen hujus Divinæ cognitionis motivum formale sit unica Dei Essentia, quæ continens eminenter species omnium creaturarum. ex S. Th. *cit. a. 5. ad 2.* Unde creaturas tanquam objectum materiale purè terminativum se habere ad illam cognitionem, quæ proinde sit Essentiæ Divinæ intuitiva, non verò abstractiva notitia. Atque in hoc sensu accipiendum esse Doctorem Angelicum ex opposito allegatum, constat ex *pres. a. 5. nec non ex 1. cont. gent. c. 42.*

### CONTROVERSIA III.

*An Essentia Divina sit Deo unicavatio ac medium cognoscendi Creaturas?*

1. **S**cotus in 2. *dist. 1. q. 1. junctâ expositione* Lycheti *ibi. à n. 23.* ex comparatione intelligibilium ad intellectum Divinum in æternitate duo ponit naturæ instantia: Etenim comparando Essentiam Dei ad intellectum ejus, quæ est primum objectum intellectus sui, est primum instans naturæ; & comparando alia objecta, quæ sunt secundaria, ad intellectum Divinum, quæ non sunt ex se objecta, sed producta per intellectum in Esse objecti; est secundum instans naturæ. In primo igitur instanti Subtilis Doctor in 1. *dist. 35. q. un. n. 10.* docet, Deum intelligere Essentiam suam, in secundo verò instanti producere lapidem, aliavè objecta creata in Esse intelligibili, & intelligere Lapidem, ac cætera objecta creata. Probationem hujus Doctrinæ ex mente ejusdem Doctoris ita deducit Cajetanus 1. *p. q. 14. a. 5. §. circa conclusionem.* Intellectus Divinus actuatus quodammodò Essentiâ suâ ut specie intelligibili, est in actu primo sufficienti ad producendum in Esse intelligibili quodcumque intelligibile. Ergo intellecto se, intelligendo lapidem producit lapidem in Esse cognito, ac per hoc intelligit lapidem in se ipso.
2. Nominales speciatiim Ocham. in 1. *dist. 35. q. 3.* tenent, Deum cognoscere creaturas in se ipsis, non autem in Essentiâ suâ, tanquam primario objecto. Quibus saltem ex parte accedunt nonnulli Recentiores, nominatim Franciscus de Lugo *hic disp. 22. c. 4. n. 16. usque ad 25.* Arriaga de *Scient. Dei disp. 19. n. 17. & 22.* Hi enim ita admittunt Deo scientiam creaturarum in suâ Essentiâ, seu Omnipotentia tanquam objecto primario & Mo-

tivo, ut tamen ponant in Deo scientiam quoque creaturarum in se ipsis. Probatur. Non repugnantia creaturarum, sive Essentiæ rerum secundum Esse, quod habent in statu possibilitatis, sunt in se ipsis immediatè cognoscibiles. Ergo si harum scientia immediata nullam involvat imperfectionem, ponenda est in Deo. At perfectionis est quodvis intelligibile cognoscere omnibus modis, quibus est cognoscibile. Et licet imperfectionem importaret, Divinæ intellectio- nis aliud esse objectum primarium specificativum, quam Essentiam Dei; nihil tamen imperfectionis involvit, creaturas quoad suam propriam cognoscibilitatem esse Divinæ cognitionis objectum formale, prout istud præcisè importat rationem assentiendi, non verò rationem specificandi. Ergo intellectui Divino non disconvenit, creaturas secundum propriam suam cognoscibilitatem habere objectum immediatum, & formale, secundarium tamen & non specificativum, veluti arguit Franc. de Lugo *cit. n. 25. & 26.*

Vasquez. *pres. disp. 60. cap. 3.* Amicus *disp. 12. de scient. Dei. n. 12.* sentiunt, Deum cognoscere creaturas in suâ Essentiâ, non quâ causâ, sed quatenus habet rationem speciei expressæ, seu Verbi Essentialis, ac tribus Divinis Personis communis. Probatur. Illud non est prima ratio Motiva cognoscendi creaturas, quo præciso Deus adhuc concipitur, illas cognoscere. Atqui scientia creaturarum in Deo non est consequens Omnipotentiam, quin potius attributum Omnipotentia fundetur in scientiâ, illamque ratione nostrâ ratiocinâtâ supponat. Unde Omnipotentia, & causatione rerum præcisâ à Deo, Deus adhuc conciperetur perfectissimè intelligens non tantum se ipsum, sed etiam creaturas. Ergo Omnipotentia, seu ratio Causæ in Deo non est ratio Motiva cognoscendi creaturas.

Cajetanus. *pres. a. 5.* Bannes *ibid.* Nazarius *hic cont. 2.* Gonet. *disp. 2. de scient. Dei a. 1. concl. 1. & 2.* Ioannes à S. Thomà *cit. a. 2. n. 11.* & Thomistæ communiter cum Doctore suo Angelico, *ead. a. 5.* asserunt, Creaturas non immediatè in se ipsis cognosci à Deo, sed in Essentiâ Divinâ quâ Causâ, & objecto prius cognito.

### CONCLUSIO.

**D**eus per suam duntaxat Essentiam cognoscit creaturas, quatenus hæc habet rationem tum *Medij Quo*, per modum eminentialis impressæ, ac expressæ speciei, repræsentando objecta creata: tum *Medij Quod*, tanquam objectum prius naturâ cognitum, quodammodò ducendo in cognitionem creaturarum, ceu objectum secundarium Divinæ intellectio- nis.

Probatur. Unumquodque cognoscitur, secundum quod est in cognoscente. ex S. Th. *hic a. 6. ad 1.* Unde ad notitiam non sufficit lumen intellectuale, sed requiritur unio objecti cum intelligente, juxta vulgatum axioma. *Ex objecto, & potentia paritur notitia.* In hoc enim differt intellectus à voluntate, quod ista operetur per modum inclinationis, ac impulsus, movendo in



- do se in objectum, ille verò per vitalem representationem assimiletur objecto, quam proinde assimilationem, seu representationem oportet procedere ex objecto, seu specie intelligibili realiter inexistente potentiae. At Deo non potest inexistere forma, seu species intelligibilis nisi increata. Haec autem est realiter, imò & formaliter ipsa Essentia Divina. Oportet igitur, Essentiam Divinam esse unicam in Deo speciem intelligibilem. At Essentia Divina eo modo est rerum omnium forma, seu species intelligibilis, quo modo universorum essendi rationes in se continet. Nam ratio intelligibilitatis est secundum rationem essendi. Est autem Divina Essentia continens omnem essendi rationem creabilem, quatenus est purissimus Essendi actus: Ergò hæc ipsa Essendi actualitas est ratio, per quam Deus omnes species rerum comprehendit. Unde consequens est, universorum creabilium species esse in Deo unicam simplicissimam intelligibilem formam, quæ sit purissimus actus. At omnium rerum representativa forma intelligibilis eo ipso inferret aliquid potentialitatis, nisi omnis objecti in se intelligibiliter representati esset actualissima representatio, seu expressio. Oportet igitur, Essentiam Divinam quæ formam omnis rei intelligibilitatem sub actualissima essendi ratione continentem esse Verbum, seu speciem universorum actualissimè representativam, seu expressivam. At ista expressio, seu representatio objecti, ac rei intellectæ eo modo se habet in intellectu, quomodo intelligibilitas est unita intellectui: Neque verò intellectui Divino inexistit alia intelligibilitas, nisi Essentiæ Dei, quæ in ratione formæ intelligibilis est actualissimè representativa omnis intelligibilitatis creabilis, sicuti sub unâ Eminentiali formâ est continens omnes essendi rationes ex se derivabiles seu creabiles. Cum igitur intelligibilitates creaturarum non sint in intellectu Divino, nisi sub ratione Intelligibilitatis increatæ, seu Essentiæ Divinæ; consequenter intellectus Dei non potest intelligibilitates creatas representare, quin hæc representatio actualissimè attingat Divinam Essentiam tanquam objectum per se primum intelligibilitatis creaturarum eatenus expressivum, quatenus universorum essendi rationes in se continet. Consequens proinde est, sicuti intelligibilitates creaturarum secundum Esse formæ, seu speciei creatæ non sunt unibiles Divino intellectui, sic non esse ita attingibiles à Divino intellectu, & earum propria cognoscibilitas habeat rationem objecti formalis, sed Terminativi duntaxat, attracti in Essentiâ, & intelligibilitate Divinâ tanquam Motivo; & objecto primario, nec non tanquam specie tam impressâ, tum expressâ: uti nervosius concludi potest ex Doctore Angelico, collatis inter se articulis 2. 4. 5. & 6. præsentis 14. questionis.

#### Responsio ad fundamenta contraria.

10. **A**D n. 1. oppositum Respondetur: Doctorem Subtilem rectè distinguere illa duo naturæ instantia: Nam hæc Causalis est vera, quia Deus se ipsum comprehensivè videndo in suâ Essentiâ cognoscit creaturas posibles, ideo istæ sunt vere posibles. Sicut enim res creatæ ideo existunt, quia Deus eas videt ex-

istentes, non verò econtra, quia existentes sunt, videt Deus eas existere; sic verificatur, quòd Deus non ideo cognoscit creaturas posibles, quia in se ipsis posibles sunt, sed econtra, quia cognoscuntur, sunt ex hoc ipsa in statu possibilitatis. Quare tã Scientia quàm Essentia Dei est quoddammodò causa creaturarum etiam quæ possibile, quatenus eas intelligendo, aliquo modo producit in Esse intelligibili, atque aded in ratione Entis possibili. Quæ tamen causalitas, seu productio non est physica influens Esse simpliciter in creaturas quæ posibles, uti Scotus pluribus tradit in 1. dist. 36. q. un. a. n. 6. In hoc enim possibilitatis statu Esse creaturarum est diminutum non realiter physice existens, sed objective duntaxat in intellectu Divino secundum non repugnantiam prædicatorum.

Unde Bannes a. 6. immeritò redarguit illam sententiam tanquam Chimæricam, & parum fidei consentaneam, quasi Subtilis Doctor posuisset aliquid creatum ab æterno. Nam contra est; quia licet Scotus à Cajetano sup. n. 1. expostus dicat, Intellectum Divinum suâ Essentiâ, seu specie intelligibili actuum producere in Esse intelligibili objecta creata, idem tamen Doctor cit. disp. 36. n. 14. illud Esse creaturarum in æternitate explicat per non repugnantiam, ex quâ consequens sit, lapidem, aliudve Divini intellectus objectum creatum esse Ens in potentiâ. Quod totum nihil inferre Chimærici, vel alieni à fide manifestum est.

Eti proinde idem Doctor subtilis ubi supra à nobis relatus asserat, Deum intelligere lapidem aliavè objecta creata à Divino suo intellectu producta in Esse Intelligibili, nullatenus tamen dicit, creaturas ejusmodi in se taliter attingi ab intellectu Divinâ, ut sint hujus objectum formale, seu Motivum, quin potius in prol. lib. sent. q. 3. n. 23. doceat, si Divina Natura non moveret ad ulteriorem noticiam veritatum, nunquam eas intellecturum intellectum Divinum, cum hic à nullo alio Motivo, quàm ab Essentiâ suâ possit habere noticiam. Ex quo aded manifestè evincitur, Doctorem Subtilem in puncto præsentis non discordare à Doctore Angelico.

Ad n. 2. oppositum Respondetur. Verum esse, quòd creaturæ posibles habeant in se veram cognoscibilitatem, ratione cujus sint per se immediate intelligibiles ab intellectu creato: attamen istam intelligibilitatis rationem nullatenus esse proportionabilem cum intellectu Divino, nec aded posse ab isto attingi, nisi mediante Essentiâ Dei, tanquam objecto per se primario, & Motivo formali. Cujus ratio fundamentalis est. Nihil est actu proximè intelligibile, nisi quatenus intelligibiliter est conjunctum cum intellectu, uti ex Aristotele probat S. Doctor hic a. 2. At nulla Veritas, seu cognoscibilitas creata potest in ratione formæ intelligibilis inesse Divino intellectui nisi per speciem increatam, quæ est ipsa Essentia Divina. Hæc autem habet rationem eminentialem speciei omnium creaturarum representativæ, quatenus universorum similitudines, seu species continet, ex S. Doctore hic a. 5. in Corp. & ad 3. At in hac rerum creaturarum similitudinum seu specierum continentia non est conceptibilis ulla formalitas, quin formaliter importet rationem Increati, seu Esse Divini. Unde non est excogitabile, quòd ali-



- Quid intelligibilitatis sit cum intellectu Divino unibile, nisi sub ratione formæ intelligibilis increatæ. Ergo creaturæ possibiles non sunt cognoscibiles ab intellectu Divino, nisi quæ per formam intelligibilem increatam, sive Essentiam Divinam sunt intelligibiliter, seu repræsentativè in intellectu Divino. At repræsentatio quæ increata sub ratione adeò puræ actualitatis non est conceptibilis, nisi per summam identitatem in ratione rei etiam repræsentatæ involvat Esse Divinum. Etenim repræsentatio rei creatæ tanquam objecti per se primarij, seu formalis hoc ipso in suâ formalitate importaret aliquam limitationem, quæ ut sic non haberet summam actualitatem, seu infinitatem in repræsentando. Cum igitur non sit de Deo conceptibilis formalitas, nisi sub ratione actûs puri, adeoque infiniti formalissimè, & transcendentaliter imbibitâ in omnibus formalitatibus Divinis, consequenter non est in Deo formalitas cognitionis, quæ secundum virtuales distinctionem possit considerari præcisè quâ attingens cognoscibilitatem creatam; Sed quamlibet increati, & infiniti intellectûs formalitatem oportet non esse creaturarum repræsentativam, nisi in Essentiâ Divinâ tanquam objecto primario Motivo.
16. Confirmatur. Datâ per impossibile formalitate Divinæ intellectiōis, secundum quam sit in Deo repræsentatio intelligibilis creati tanquam objecti formalis, cum præcisione objectivâ Intelligibilitatis Divinæ, tunc ista formalitas secundum rationem suam propriam esset in repræsentando ut sic finita finiti enim non potest esse repræsentatio, nisi quâ formaliter finita. At implicat Deo ullam formalitatem inexistere sub ratione quâ finitâ, ut sic enim non esset actus purus. Ergo non est de Deo verè prædicabilis formalitas intellectiōis attingens cognoscibilitatem creatam tanquam objectum formale; sed oportet omnem intellectiōi quâ Divinæ convenientem formalitatem esse repræsentativam primariò solius Essentiæ Divinæ, creaturarum verò duntaxat secundariò in suâ Essentiâ, tanquam Motivo formali specificativo.
17. Ad n. 3. Oppositum Respondetur. Omnipotentiam dupliciter posse considerari. 1. *Radicaliter*, prout importat Essentiam, & Naturam Divinam, ratione infinitæ suæ perfectionis communicabilem ad extra, quam proinde communicabilitatem ad extra intuendo, Intellectus Divinus cognoscit hoc ipso creaturas ex Essentiâ Divinâ derivabiles, easque adeò istâ suâ cognitione quodammodò causando in Esse non repugnantia, constituit in statu possibilitatis, sive Entium in potentiâ. Ex quo adeò patet, Omnipotentiam radicalem quatenus importat præcisè Essentiæ Divinæ infinitatem cum communicabilitate sui ad extra, non esse ratione nostrâ posteriorem scientiâ, quam Deus habet de possibilitate creaturarum; nec per consequens, scientiam creaturarum in Deo concipi posse præcisâ istâ radicali Omnipotentia, quæ Intellectui Divino est ratio Motiva cognoscendi creaturas possibiles. 2. Potest considerari Omnipotentia *formaliter*, prout est Virtus executiva, quæ virtualiter est posterior scientiâ simplicis intelligentiæ: Nam sicuti creaturæ possibiles sunt, quia Intellectus Dei in Essentiâ suâ Divinâ eas ex se derivabiles cognoscit, sic Potentia Dei execu-
- 18.
- 19.

trix est secundum rationem nostram ratiocinatam consequens scientiam Divinam simplicis intelligentiæ. Quocirca verum est, hæc Dei potentia executrice præcisâ, posse adhuc concipi Deum quâ intelligentem quidditates creatas, nec adeò Omnipotentiam formaliter esse Deo primam rationem Motivam cognoscendi creaturas possibiles, ejusmodi enim primam Intellectûs Divini rationem Motivam non esse nisi Essentiæ Divinæ intelligibilitatem ita distinctam virtualiter ab Attributis Dei, ut hæc tamè per Transcendentiam illam ipsam non autem virtualiter aliam intelligibilitatem habeant, dictum est *præf. a. 2. cont. 1.*

Instabis. Proprium est relativis, quod cognito uno, cognoscat & alterum. Ergo si 20. Omnipotentia Dei sive *Radicalis* sive *Formalis* intellectui Divino est ratio Motiva cognoscendi creaturas, oportet, Essentiam Divinam importare aliquam relationem ad creaturas. Ex hoc autem sequeretur, Esse Dei non esse simpliciter absolutum, imò esse dependens à creaturarum possibilitate secundum Dependentiâ, quam Recentiores dicunt à *posteriori*, cujus dependentiæ ratio in eo sita esset, quod per impossibile, sublatâ possibilitate creaturarum, non esset in Deo Omnipotentia etiam radicalis.

Responderetur. Illam proprietatem convenire relativis non quarto, sed secundo modo, ita 21. ut Enti etiam absoluto, seu non respectivo convenire possit. Unde Ens etiam absolutum est medium ducendi in alterius cognitionem, sic enim sensibilia ducunt in notitiam intelligibilem, non in viâ relationis, sed quatenus intellectus natus est ex illis abstrahere species intelligibiles. Potest proinde eminentialis Continentia in Ente etiam absoluto esse medium cognoscendi res in se virtualiter contentas. Est autem omnis Entis creabilis in Deo ejusmodi virtualis continentia, quæ Divinæ Essentiæ cum creaturarum possibilitate importat connexionem non Dependentiæ alicuius, sed Eminentia, vi cuius faciat res omnes creatas à se dependere, sine sui dependentiâ. Quam proinde connexionem Ioannes à S. Thomâ *præf. disp. 17. a. 2. n. 28.* congruè appellat *Consequentia*. Hæc verò Consequentia in eo consistit, quod ex eminentiali creaturarum in Deo continentia tanquam activâ Esse Divini ad extra imitabilitate necessariò inferatur passivâ creaturarum participabilitas, atque adeò possibilitas. In quâ nihilominus illatione maioris necessitatis ac firmioris, utpote increatæ veritatis est antecedens, quàm consequens, cuius veras est duntaxat participata.

Unde non stat secundum rigorem ista sequela: Si per impossibile nulla essent possibiles creature, tolleretur Divina Essentia. Ista namque Consequentia tamen si alicqualiter sustineri posset; negatâ enim possibilitate creaturarum, tacitè supponitur, in Deo non esse vim determinatam, ex quâ necessariò sit consequens rerum creabilium non repugnantia: attamen in rigore illatio illa significat æqualitatem veritatis, ac necessitatis inter Esse Divinum, & possibilitatem creaturarum. Etsi proinde verificetur, quod Divina Essentia per intellectum nostrum destrueretur, si Chimericè conciperetur, quasi non habens perfectionem, ex quâ sit necessarium, creaturas esse possibiles; non tamen exinde consequens est, possibilitatem creatu-

20.

21.

22.

23.



creaturarum æquè necessariam esse, ac Esse Divinum. Quare Essentiæ Divinæ cum possibilitate creaturarum est connexio Consequentia, absquè ullâ tamen dependentiâ cum Eminentiali duntaxat cuiusvis perfectionis creabilis continentia: quam esse Deo sufficiens medium, ac motivum cognoscendi in suâ Essentiâ creaturas, probat illud Div. Dionisij de Divin. Nom. c. 47. *Non secundum Visionem singulis se immittit, sed secundum Causæ continentiam sui omnia.* Quo aded sensu Psalm. 101. dicitur de Deo. *Prospexit de excelsis sancto suo quasi de se ipso excelsis alia vident, uti exponit S. Thomas cit. 1. cont. gent. c. 49. in fin.* Verùm de hoc videri possunt, quæ præc. q. 4. a. 5. cont. 1. à nobis deducta sunt.

24. Vgebis. Continentia virtualis creaturarum in Deo eatenus est medium cognoscendi creaturas in Essentiâ Divinâ, quatenus habet rationem alicuius similitudinis. ex S. Tho. cit. c. 45. cont. gent. arg. 2. At inter Deum, & creaturas non est nisi similitudo analogæ: hæc verò non est secundum rationem simpliciter unam; Imò formalitas illa, secundum quam creaturæ constituuntur in Esse creati, & formaliter distinguuntur à Deo; non potest inesse Deo, sicut econtra ratio Divinæ Essentiæ secundum Esse increati & actûs puri non est communicabilis creaturæ. At verò nihil potest esse medium, cognoscendi aliud quidditative, nisi contineat in se formaliter totam rationem ipsius. Consequens igitur est, rationes formales creaturarum ut sic non cognosci in Deo tanquam medio quod. Ergo has formalitates oportet à Divino intellectu attingi in se ipsis secundum propriam cognoscibilitatem.

25. Respondetur etsi creaturæ non nisi Analogicè assimilantur Divinæ substantiæ, hanc ipsam tamen habere in Esse Intelligibili similitudinem omnis Esse creati eminentialiter præcontinentē; Quæ ut sic Divino Intellectui sit ratio ac medium cognoscendi creaturas. Nam quia omne agens agit in simile, oportet similitudinem omnis effectûs præexistere aequaliter in suâ causâ. At omne quod inest alteri, est in eo secundum modum illius, cui inexistit. Est autem Deus causa secundum Naturam intellectualem; Oportet igitur omnis causati similitudinem esse in ipso intelligibiliter. At quod est in aliquo intelligibiliter, per modum intelligibilem, ab eo intelligitur. Ergo ex eo, quòd Deus omnis rei ad extra sit causâ secundum similitudinem quandam Eminentialem eas continens in suâ Naturâ & Essentiâ, efficaciter infertur, hanc intellectui Divino esse medium quod cognoscendi creaturas. Vnde patet, medium proportionatum, in quo intellectus Divinus cognoscit creaturas, non debere formaliter continere rationes creaturarum formaliter constitutivas in Esse creati. Oportet igitur, creaturas, ut in Essentiâ, & Naturâ Divinâ sint cognoscibiles, Deo inexistere non secundum modum Essendi ipsis proprium, sed secundum modum Naturæ Divinæ.

26. Cuius ratio superius deducta est, quòd nulla res sit proximè & actu intelligibilis, quatenus est in se, sed prout est in intelligente. At nequit res creata esse in intellectu Divino, nisi secundum speciem increatam. Hæc verò non potest sub ullâ suâ formalitate non esse infinita in representando. At infinitum non potest specifi-

cari à finito: objectum autem in se immediate actum ac representatum habet rationem objecti formalis. Hoc verò non est formale, nisi in ratione objecti, & termini per se formaliter terminantis in actum diffundat formalem quasi effectum. Est autem rationis, & effectûs quasi formalis specificare. Cum igitur nullum intelligibile possit esse in Deo, nisi secundum speciem increatam, huius verò formalitas specificetur per objectum formale, nequeat autem infinitum specificari per finitum, consequens est, non posse ullum intelligibile intellectui Divino inexistere, nisi sub Motivo, seu objecto formali infinito, ut proinde unica Essentiâ Divina ratione virtualis creaturarum continentia, suæquæ Eminentialis activæ ad extra imitabilitatis & analogicæ creaturarum cum Naturâ Divinâ similitudinis, seu passivæ imperfectæ participabilitatis possit esse medium, & ratio motiva cognoscendi creaturas; istarum cognoscibilitate creatâ se habente ad Intellectum Divinum tanquam objecto duntaxat materiali, & secundario.

#### CONTROVERSIA. IV.

*An, & qualiter Essentia Divina sit ratio & medium cognoscendi Mala?*

DE triplici malo procedit difficultas, nimirum Naturali, Intellectuali, & Morali. Sub malo Naturali hic non intelligimus monstra, utpote Entia vera, & positiva, sed negationes, & privationes, cum enim Ens, & Bonum convertantur, consequenter Non Ens est de genere mali. Nomine mali intellectualis comprehendimus Ens rationis; hoc enim Bono intellectûs, seu Vero opponitur. Deniquè in ratione mali Moralis veniunt peccata, quorum malicia ex voluntate, & libertate omnis moralitatis radice provenit.

Deum cognoscere primi generis mala ex eo evincitur, quòd non tantum sit formans lucem sed creans tenebras. Isaia 45. Est autem quælibet causatio Dei ad extra per intellectum.

De secundo insuper mali genere argumentari licet, si cuius homini cum Psalmo Regio canere fas est, Imperfectum meum viderunt oculi tui, utique videt etiam imperfectum intellectûs nostri, sive Ens rationis.

De tertij demum generis malo testatur sacra Scriptura, *Posuisti iniquitates nostras in conspectu tuo.* Psalm. 85. Vnde illud Habacuc 1. *Mundi sunt oculi tui, ne videas malum, & respicere ad iniquitatem non potes;* negat de Deo circa mala scientiam Approbationis duntaxat, non verò Reprobationis. Solum igitur superest de modo cognitionis malorum ejusmodi difficultas, eaque triplex. 1. hac controversiâ expedienda, *An Deus mala cognoscat immediate in suâ Divinâ Essentiâ.* 2. *An de eis habeat assensum positivum vel iudicium duntaxat Negativum.* 3. *An cognoscendo formet Entia rationis?*

\*\*\*



## Referuntur sententiæ Doctorum.

3. **F**ranciscus Zumel *hic a. 10. disp. un. Navarretus 1. p. contr. 30.* affirmant, omnem rationem mali, etiam secundum specialem rationem mali, atque adeo peccata secundum formalem malitiam cognosci à Deo ex vi cognitionis Essentiae suae. Fundamentum huius desumi potest ex S. Thomâ *1. cont. gent. c. 71.* Nam intellectus Divinus, cum nullo modo sit in potentia, intelligit solū per speciem, quæ est sua Essentia. Ex hoc autem sit consequens, quod Deus intelligat se tantum sicut primum intellectum, ita tamen, ut intelligendo se, cognoscat alia, non solū actus, sed potentias, & privationes.

4. **R**odericus de Arriaga *disp. 19. de scient. Dei. n. 39. & 42.* cum alijs tenet, Deum tum negationes, tum Entia rationis cognoscere etiam immediate in se ipsis. Probat. Intellectus Divinus est omnium obiectorum cognoscitivus eo modo, quo cognoscibilia sunt. At privationes, imò & Entia rationis possunt immediate terminare cognitionem veram; uti cum dicimus: *Privatio est carentia rei in subiecto, vel Ens rationis repugnat existere.* Ersi proinde Deus non possit noscere tenebras, nisi noscendo etiam lucem, non esse tamen necessum, ut prius lucem noverit, idem Arriaga *loc. cit. n. 80.* tanquam rem clarissimam tradit ex Sancto Thomâ *cit. cap. 71. cont. gent.*

5. **B**annes *præs. a. 10. Nazarius hic cont. un. Ioannes à S. Thomâ disp. 13. a. 4. n. 5. Lambertus disp. 5. ad q. 14. n. Vasquez. disp. 62. c. 2.* Franciscus Amicus *disp. 12. sect. 15. n. 267* docent, malitiam peccati, seu negationes ac privationes non tantum non esse in se ipsis cognoscibiles ab intellectu Dei, sed hunc neque per suam Essentiam posse eas immediate cognoscere. Fundamentum huius peti potest ex D. Thomâ *cit. c. 71. cont. gent.* Ex hoc enim cognoscuntur mala, & privationes, quod cognoscantur Bona, quibus opponuntur. At ex hoc ipso, quod Deus sit actus purus, nulla ipsi opponitur privatio; opposita enim uata sunt, esse circa idem; implicat autem circa actum purum esse privationem. Ergo si Deus cognoscendo se non cognosceret alia Entia, seu Bona particularia, nullo modo cognosceret privationem aut malum.

## CONCLUSIO.

**E**ssentia Divina ob summam sui puritatem, & actualissimam perfectionem est in ratione non tantum speciei, sed obiecti etiam formalis *Quod* sufficienter proportionata ad negationes, & privationes, nec non peccata cognoscenda; quæ tamen Deus in sua Essentia non nisi mediantibus formis, & bonis creatis intelligit.

6. **P**robat. Intellectus Divinus esset in potentia, si intelligeret per aliquam speciem, quæ non esset actus purus, ex S. Tho. *cit. c. 71. cont. gent.* Ergo Deus non intelligit mala, seu privationes, & peccata, nisi per Essentiam suam, tanquam speciem Eminentialern. At species, quæ est actus purus, adeoque infinita in ratione spe-

ciei, ac repræsentationis, non potest habere obiectum formale specificativum, nisi infinitum, uti *præs. cont. demonstratum est.* Oportet igitur, obiectum formale motivum *Quo & Quod*, vi cuius Divino intellectui repræsentantur mala, seu privationes, & negationes, ac peccata; esse ipsam Divinam Essentiam.

Dices. In tantum possunt aliqua cognosci in Essentia Divina tanquam obiecto primario, in quantum continentur, aut fundantur in illa, suntque in ipsam reducibilia. At illa solū reduci possunt in Essentiam Divinam, in eaque continentur, quæ ipsam participant. Est verò Essentia Divina Ens primum, & purus actus, nihil autem participat rationem Entis primi, nisi habeat aliquid Entitatis. At negationes, & privationes nihil habent entitatis, nec verò malitia formalis peccati participat de Essentia Divina. Ergo hæc mala non sunt reducibilia in Divinam Essentiam. Ergo ista non se habet per modum obiecti primarii, seu formalis Motivi ad malorum ejusmodi Divinam intellectionem.

Contra. Ex eo, quod Deus sit summè Bonus, ac perfectus, est sui communicativus ad extra per productionem rerum creaturarum. At ex hac ipsa infinita essendi perfectione, ejusque simplicissimâ actualitate est, quod suam Essentiam non possit simpliciter in ratione Esse Divini secundum unitatem specificam, seu rationem univocam extra se communicare, ex S. Thom. *1. p. q. 11. a. 3.* Est autem per se manifestum, res extra Deum producibiles esse immeritas potentialitati, ac defectibilitati, eo ipso, quod non possint perfectionem Dei sub ratione puræ actualitatis, & omnimodæ perfectionis participare. Hæc autem ratio potentialitatis, ac defectibilitatis intrinsecæ in rebus creatis importat negationes ac privationes. Constat igitur, negationes, ac privationes mediantibus rebus, ac formis creatis esse reducibiles in Divinam Essentiam, ejusque infinitatem, ac purissimam Essendi actualitatem.

Deinde puritas Esse Divini est primum principium non perfectionis duntaxat physicae, sed Honestatis quoque moralis ad extra communicabilis. Si ergo infinitas, & simplicissima Essendi actualitas est ratio, cur Esse & perfectio physica non sit à creaturis participabilis nisi cum potentialitate, & defectibilitate intrinsecâ, consequens est, perfectionem, seu honestatem quoque Moralem non esse à Deo ad extra communicabilem cum omnimodâ puritate, & absque immersione potentialitatis, ac defectibilitatis. Hæc autem in genere morum defectibilitas infert peccabilitatem, imò & peccatum. Ergo etiam peccatum in Essentiam Divinam tanquam obiectum primarium est mediante Bono Morali creato reducibile. Consequens igitur est, Essentiam Dei ex ipsa puritate Essendi, & omnimodæ perfectionis suæ infinitate esse de se proportionatam, ut Divino suo intellectui sit obiectum formale, seu ratio motiva in se mediantibus formis creatis tanquam obiectis materialibus cognoscendi mala, privationes ac negationes, atque peccata.

Replicabis. Ex hoc discursu inferri, quod Deus sit principium defectibilitatis, & mali non physici duntaxat, sed etiam moralis, sive peccati. Hoc autem esse absurdum. Ergo & fundamen-



damentum illius discursus importare absurditatem.

11. Contra. Deus eatenus est principium, quatenus ex ipso fluit Esse rerum ad extra: Hoc autem Esse, eo ipso, quod sit extra Deum, non potest habere omnimodam puritatem ac perfectionem tum Moralem, tum physicam. Ex hoc verò consequens est, in creatis esse defectus tum morales, tum physicos. Hi autem defectus inferunt quidem privationes, ac negationes, seu ratione peccari, nihilominus non possunt in Deum tanquam principium reduci, eò quod Esse in rebus creatis sit ratio, ex qua dici possunt derivabiles ex Deo tanquam principio. Probatut hoc assumptum. Effectus producitur ab aliqua causa secundum propriam Naturam, & formam. ex S. Tho. q. 7. de potent. d. 2. Essentia autem Divina est Esse subsistens. Ergo Esse ita est ratio, quare aliquid efficitur à Deo, ut Esse in qualibet recreata dicatur primò produci à Deo. Unde Esse dicitur etiam proprius effectus Dei. ex eod. S. Doct. 3. cont. gent. c. 66. arg. vlt. & alibi. At in rebus creatis Esse est ita immersum, seu transcendentaliter inclusum in differentiis earum specificis, ac individuantibus, ut sub nullà formalitate sint intelligibiles sine ratione Entis. Secundum quam adeò formalitatem Essendi reducuntur in Deum tanquam principium. In quibus nihilominus differentiis creaturarum negationes, privationes ac defectus radicantur, quatenus intrinsecam eamque positivam important limitationem. Hæc verò non involvitur in ratione Entis quia Entis simpliciter, sed quia Entis immerli potentialitati tanquam radici Defectibilitatis. Cum igitur defectus, ac negationes, seu privationes non radicentur in ratione Entis ut sic; hæc verò in omni formalitate creabili sit ratio, cur sit reducibilis in Deum tanquam principium per se, consequenter defectus, negationes, ac privationes non possunt reduci in Deum tanquam principium per se, sed tanquam objectum primarium, & formale; ad hoc enim sufficit, ut Essentia Divina modo superius exposito possit mediantibus formis creatis repræsentare negationes, & privationes, aliosve defectus. Ex quo fundamento similiter constat, etiam si peccatum Commissionis consisteret formaliter in positivo, non posse reduci in Deum tanquam causam, tamen si Essentia Divina possit esse objectum formale *Quod* cognoscendi malitiam ejusmodi.

12. Cujus ratio fundamentalis est, quia effectus in Deum tanquam principium reducuntur secundum rationem Entis. At formalitas illa positiva eatenus solum esset peccaminosa, quatenus importaret disformitatem positivam cum Primâ regulâ, sive Deo. Hæc autem disformitas non est in peccato secundum Esse, seu rationem Entis, ut sic enim conformatur Deo. Ergo sub illâ ratione, sub quâ Entitas illa positiva est à Deo tanquam principio, implicat esse peccatum. Etli proinde Essentia Divina se ipsam intiendo videat participabilitatem sui secundum Esse non nisi defectibiliter ad extra communicabile, quæ defectibilitas in actu morali creato infert peccatum. Unde etiam sit, quod Essentia Divina possit esse objectum formale repræsentativum peccati à voluntate creatâ ut sic emanabilis. Nihilominus quia Esse ut sic est ra-

tio reducendi effectum in Deum tanquam principium per se, neque verò Esse, seu ratio Entis ut sic dicat formalitatem peccari, consequens est, hanc non esse reducibilem in Deum tanquam principium, seu Causam.

#### Responsio ad Argumenta Adversariorum.

AD n. 3. oppositum Respondetur. Efficaciter probari ex eo, quod intellectus Divini non alia sit species, quam Essentia Divina, hanc esse primum intellectum seu objectum formale Motivum intelligendi non actus duntaxat, sed negationes & privationes. Nihilominus quia istæ non per se derivantur ex Essentia Divina, sed eatenus sunt in hanc reducibiles, quatenus Entia creata, non nisi cum immixtione potentialitatis, atque adeò limitationis, in quâ radicantur privationes, ac negationes, ex Deo procedere possunt. Idecirco neque sunt per se cognoscibiles in Essentia Divinâ, sed mediantibus duntaxat formis, seu Entibus creatis. Divo Thomâ ut. c. 17. cont. gent. affirmante, Si Deus cognoscendo se, non cognosceret alia Entia, quæ sunt particularia bona, quod nullo modo cognosceret privationem aut malum.

Ad n. 4. oppositum Respondetur. Neque Majorem, neque Minorem esse veram. Etenim ratio cognoscibilitatis est veritas transcendentalis, quæ convertitur cum Ente. Ergo quia negationes & privationes nihil habent entitatis, neque sunt per se cognoscibiles, sed tantum per accidens ratione oppositionis cum Entibus, & formis creatis, cognito enim uno oppositorum, cognoscitur & alterum. Unde Angelicus Doctor loc. cit. immeritò pro parte Arriagæ allegatus ait: Deus, quia cognoscendo se, cognoscit etiam Entia, in quibus nata sunt esse privationes, necesse est, ut cognoscat privationes oppositas, & mala opposita particularibus Bonis.

Ad n. 5. propositum Respondetur. Rationem immediatam cognoscendi mala, & privationes esse bona particularia, quibus opponuntur. At hujus oppositionis, quatenus se tenet ex parte formæ, seu Entis positivi, causam esse Deum, ex hoc ipso, quod sit actus purus. Probatut istud assumptum. Ex ratione actus puri convenit Deo sui ad extra communicabilitas. At superius est probatum, ex ratione actus puri esse, quod Divina Essentia non sit univocè communicabilis ad extra. Ex hoc autem sit, quod omne Ens extra Deum producibile sit immersum potentialitati, adeoque limitationi. Ex hac autem nascuntur negationes & privationes quæ oppositæ formis, & Entibus creatis. Ergo Deus ex ratione actus puri est causa oppositionis quæ respectu privationum & negationum se tenentis ex parte Entium, & Bonorum particularium. Hæc ipsa verò oppositio quæ radicata in Ente positivo creato est proximum medium cognoscendi privationes, ac negationes. Etli proinde ratio actus puri nequeat esse medium proximum cognoscendi negationes, & privationes; harum tamen cognitio ultimare reducitur in Deum tanquam objectum formale specificativum.



## CONTROVERSIA V.

*Utrum Intellectus Divinus possit  
sensu attingat negationes, seu  
privationes: Et, an faciat Entia  
rationis?*

1. Iohannes à S. Thomâ cit. disp. 18. n. 14. & 25. affirmat, Non entia, sive privationes, ac negationes cognosci ab intellectu Divino, non tantum per iudicium negativum dissensus, sed etiam positivum assensus: ex quo tamen nullatenus sequi, quodd Deus faciat Ens rationis. Prior pars, cui accedit Arriaga cit. disp. 19. sect. 6. n. 35. ac seq. probatur. Assensus convenit cum apprehensione, quodd uterque actus importet representationem objecti, quâ Veri & instar Entis concepti; at differunt, quia assensus importat determinationem intellectus, & adhesionem circa objectum sibi propositum per modum Veri iudicandi; sicuti dissensus consistit in aversione, & determinatione oppositâ circa objectum sub ratione falsi propositum. Econtra verò ratio apprehensiva nihil de hac determinatione, vel adhesionem involvit, sed duntaxat objecti manifestationem per modum representationis, & cognitionis factam. At licet Non Ens non sit per se cognoscibile, est tamen ratione oppositionis per accidens cognoscibile in Ente particulari sibi opposito. Hæc autem Non Entis cognoscibilitas est à parte rei non tantum secundum aversionem, sed etiam adhesionem intellectus: Uti enim objectum quâ Bonum prosecutioni voluntatis, sic quâ Verum adhesionem intellectus est proportionatum; sicuti econtra quâ malum aversioni voluntatis, & quâ falsum aversioni intellectus est commensuratum. At plures veritates sunt de negationibus, & privationibus enuntiabiles; verè enim affirmatur, quodd privatio sit carentia formæ, quodd malitia peccati Omissionis sit privatio. Est autem Divino Intellectui nota omnis veritas. Oportet igitur, Deum illas veritates iudicare per assensum positivum.
2. Posterior pars probatur. Per Non Entis cognitionem sit Ens rationis, quando accipitur tanquam Ens, ita ut intellectus in Non Entis conceptu objectivo ponat rationem Entis. At Deus attingendo veritates de Non Ente, sive privatione, aut negatione enuntiabiles in Non Ente non ponit Entitatem, sed formaliter sub ratione negationis, aut privationis format de ipsis iudicium, quatenus ratione Veritatis non quidem per se, sed per accidens sibi convenientis sunt per assensum positivum cognoscibiles in formâ seu Ente opposito. Ergo vi illius iudicii positivi, vel affirmativi non sit à Deo Ens rationis.
3. Vasquez hic disp. 61. c. 2. negat Intellectum Divinum cognoscere privationes, ac negationes per assensum, cum alioquin Non Ens à Deo cognosceretur per modum Entis, atque adeò Intellectus Divinus formaret Ens rationis, seu figmentum, quodd Deo tribui non potest.
4. Ex parte Vasquezio ad stipulatur Franciscus de Lugo pres. disp. 33. t. 1. n. 2. qui tamen cum alijs seq. c. 2. n. 5. & 9. relatis Doctoribus affirmat Entia rationis posse formari per Divinum in-

tellektum. Fundamentum est, tum quia ratio rationis sit per conceptum rationis conferentis unum alteri. Divus Thomas 1. p. q. 23. a. 1. At in Deo multiplicantur Ideæ per pluralitatem respectum, qui non causantur à rebus, sed ab intellectu Divino comparante Essentiam suam ad res. Idem S. Doctor 1. p. q. 15. a. 2. ad 3. & 4. Tum quia Ens rationis est, cujus Esse est objectivè tantum in intellectu. At Deus cognoscendo chimæram ab intellectu creato formatam habet eam objectivè in suo Divino intellectu, quam tamen implicat esse extra rationem, Ergo tunc format Ens rationis.

## CONCLUSIO.

**N**on potest intellectus Divinus attingere Non Entia, nisi per Dissensum.

6. Probatur. In Deo est unus simplex intuitus attingens omnem veritatem, prout est, vel non est; Unde non ex parte Intellectus Divini secundum se considerati, sed ex differentiâ duntaxat objectorum materialium potest in Deo distinguui ratio assensus, & dissensus. Est enim assensus, prout se habet in nostro intellectu, iudicium circa enuntiabilia, iudicando per compositionem, cum econtra dissensus iudicat per divisionem. At sicuti Deus scit materialia immaterialiter, & composita simpliciter, ita scit enuntiabilia, non per modum enuntiabilium formando de illis iudicium per compositionem, vel divisionem, sed unumquodque cognoscit per simplicem intelligentiam, intuendo Divinam suam Essentiam, in eâque cognoscendo Essentias omnium, & quæcunque eis accidere possunt. S. Thomas pres. q. 14. a. 4. Quare hic simplex Dei intuitus eâ solum ratione habet formalitatem assensus, quatenus per modum adhesionis versatur circa objectum intellectui Divino representatum tanquam Ens; cum econtra dissensus per modum aversionis versetur circa objectum sibi representatum tanquam Non Ens; attestante Aristotele 1. poster. c. 2. Quod non est, non fieri, id est, quod non apparet esse, non cognosci ab intellectu per assensum. Atqui intellectui Divino non obijciuntur res, nisi sicuti est, nec adeò, quod non est, obijci potest, ac si esset. Ergo circa Non Ens nequit intellectus Divinus habere assensum.

Responsio ad fundamenta contraria.

7. **A**d n. 1. oppositum Respondetur. Unumquodque in tantum esse cognoscibile Verum, in quantum habet de Esse. D. Thomas 1. p. q. 66. a. 3. At negationes, & privationes formaliter dicere Non Esse: Unde illarum propositionum Privatio est carentia formæ, & Peccati omissionis malitia est privatio, aliam esse considerationem prout earum objectum se habet à parte rei, & in ordinè ad intellectum Divinum; aliam verò earundem esse considerationem respectu nostri intellectus. Nam quia totum illud objectum est Non esse, consequenter nihil habet in se Veritatis, & cognoscibilitatis, eodem S. Doctore cit. a. 3. ad 2. attestante, Quod Non Ens non habeat in se, unde



unde cognoscatur. At ea est differentia inter assensum, & dissensum, quod iste explicari solitus per copulam *Non est*, à subjecto removeat Esse saltem prædicati; ille verò exponi consuetus per copulam *Est*, ex parte subjecti ita supponat Esse, ut eidem tribuat Esse quoque prædicari. Unde Non Ens nec verum, nec adeò per assensum cognoscibile est, nisi in quantum intellectus illud facit Ens rationis, & ut sic cognoscibile. Doct. Ang. loc. cit. At ex hoc ipso repugnat, fieri à Deo Ens rationis, quod Deo, seu Primæ in Essendo & cognoscendo Veritati haud conveniat Esse imponere Non enti. Ergo intellectus Divinus ad prædictarum propositionum veritatem per simplicis intuitus iudicium se habet, de earum subjectis, & prædicatis cognoscendo Non Esse radicatum in formis, seu Entibus oppositis: cum econtra intellectus humanus versando circa eas per viam affirmationis, formet ipsarum objecta in Esse Entis rationis.

10. Ad n. 2. oppositum Majore concessa: Respondetur ad Minorem: repugnare, quod ullus intellectus per assensionem versetur circa Non Ens, nisi quia verum. At eandem esse dispositionem rerum in Esse, & veritate, ut ex Aristot. 2. Metaph. tex. 4. tradit D. Thomas cit. a. 3. arg. sed contra. Ergo repugnare Non Ens concipi per assensum nisi in ipso ponatur ratio Entis. Unde intellectum Divinum eo ipso facturum Ens rationis, si Non Entia cognosceret per assensum positivum, uti rectè argumentatur Vasquez sup. n. 3. allegatus.

11. Ad n. 4. oppositum Respondetur. Relationem rationis fieri ab intellectu conferente unum cum altero, dum tamen à parte rei nulla inter extrema ejusmodi sit habitudo, seu respectus. At Essentiam Dei ab intellectu suo Divino cognitam quā creaturis participabilem, & imitabilem, ita habere rationem Ideæ, ut in se quidem non habeat relationem ad creaturas, nequeat tamen à nostro intellectu cognosci, nisi cum respectu & habitudine ad illas. Hunc proinde rationis respectum non esse formaliter de ratione Ideæ Divinæ, nec adeò formaliter, sed fundamentaliter duntaxat causari ab intellectu Divino. Etenim fundamentum proximum illius respectus rationis est in Deo attingentia Intellectualis creaturarum in suā Divinā Essentiā quā participabili, & imitabili ab illis. Hæc verò attingentia, utpote Entitas absolutissima, etsi in se absque ullā relationis dependentiā sit summa Essendi Eminentia, non est à ratione nostrā cognoscibilis, nisi sub relatione rationis. Unde non potest etiam à nostro intellectu cognosci Essentia Divina in ratione Ideæ, nisi Dei intellectus concipiatur à nobis quasi comparans Essentiam suam ad res creatas. Etsi proinde ratio Idealis in Deo realiter importet illam Essentiæ Divinæ per se ipsam cognitæ Eminentiam & imitabilitatem, quæ est fundamentum relationis rationis; hæc tamen non est de ratione formali constitutivā Ideæ, sed se habet ut conditio, sine quā non est à nobis conceptibilis ratio Divinæ Ideæ. Falsum proinde est, quod Deus ita comparet suam Essentiam ad creaturas, ut faciat Ens rationis; quin potius in Essentiā suā cognitā contemplan- do imitabilitatem sui in creaturis, habeat istarum Ideas sine ullā relatione rationis. Quare illi respectus rationis, secundum quos multipli-

cantur Ideæ in Deo, tamen si fundamentaliter radidentur in intellectu Divino, formaliter tamen non sunt nisi ab intellectu creato.

Ad n. 5. oppositum Respondetur. Ad hoc, ut aliquid propriè, & in rigore dicatur Esse objectivè in intellectu, non sufficere, quod utcumque sit cognitum, sed ut vi cognitionis habeat repræsentativè Esse, ita ut intellectui obijciatur seu repræsentetur sub ratione, & formalitate Entis. At Deum cognoscere quidem, Chimæram taliter obijci intellectui humano, ut iste intentionaliter in illā ponat Esse; attamen in se non attingi Chimæram ab intellectu Divino, nisi sub ratione Non Entis per dissensum negativum, uti superius demonstratum est. Ergo Chimæram non habere Esse objectivum in intellectu Divino, nec adeò hunc formare Ens rationis.




## ARTICULUS III.

DE

## Scientiā simplicis Intelligentiæ.

Scientia simplicis Intelligentiæ dicitur de Deo respectu eorum, quæ non sunt, nec erunt, nec fuerunt. S. Thomas. pres. q. 14. a. 9. Quare ista scientia contemplatur Entia creata secundum statum puræ possibilitatis, secundum quem creaturis nullum convenit Esse simpliciter, sed objectivum in intellectu Divino. Quæ causa est, cur dicatur simplex Notitia, utpote se tenens purè in lineā cognitionis nihil habens de admixtione, vel connotatione voluntatis, seu coexistentiæ objecti sub cognitionis duratione. Quo adeò sensu Angelicus Doctor q. 3. de Verit. a. 3. ad 6. sic effatus est: *Simplex notitia dicitur, ad excludendam admixtionem ejus, quod est extra genus notitiæ, sicut est existentia rerum, quam addit scientia visionis, vel ordo voluntatis ad res scitatas, quem addit Scientia Approbationis.*



## CONTROVERSIA. I.

## Quale sit Esse Creaturarum possibilitatum, sub quo terminant Divinam simplicis Intelligentiæ Scientiam.

Gregorius de Valentia disp. 1. de Scient. Dei. punct. 7. existimavit, implicare contradictionem, ut ea quæ nunquam sunt à Deo, terminent objectivè Divinam cognitionem secundum aliquod Esse suum proprium reale distinctum à suis causis. Probatur. Verum, quod est terminus cognitionis, recipitur cum Ente. Ergo creaturæ possibiles terminant Divinam cognitionem secundum Esse, quod habent; At non habent aliud Esse, nisi in suā causā, ex S. Thomā hic a. 9. & 1. cont. gen. c. 66. Est autem ex terminis evidens, quod Esse in causā non sit Esse proprium & distinctum ab Esse causæ. Ergo repugnat, creaturas possibiles terminare Divinam cognitionem, nisi secundum Esse Eminentiale, quod habent in Deo tanquam Causā.

Opposi.



4. Oppositum, quod Valentia falsò arbitratus est, non posse cadere in mentem viri Docti, tradunt Scotus in 1. dist. 35. n. 10. & dist. 36. n. 6. atq. Vasquez 1. p. disp. 70. c. 2. n. 8. Nazarius hic art. 9. cont. 2. Xantes Mariales 10. 2. cont. 42. c. 3. Verùm difficultas est, in quo consistat illud Esse creaturarum possibile, quod in ratione objecti sit terminativum Scientiæ Divinæ.

5. Scotus enim citatus tradit *Esse possibilitatis* non dici simpliciter *Esse*, sed secundum quid, sive *Esse* intelligibile productum ab intellectu Divino. Fundamentum ex eodem subtili Doctore deduci potest sequenti discursu. Ex hoc aliquid est possibile potentia Logica, quia ipsi non repugnat *Esse*; in hoc enim distinguitur à Chimæra, quæ hoc ipso impossibilis est, quia ipsi repugnat *Esse*. At prima omnino ratio, quare homini v.g. non repugnat *Esse*, est, quia homo formaliter est homo, & hoc sive in re realiter, sive in intellectu conceptibiliter. Econtra prima ratio, cur Chimæra repugnat *Esse*, est Chimæra in quantum Chimæra formaliter involvens non *Esse*. Unde *Nihilentis* negatio aliter inest homini in æternitate, & aliter Chimæra: nam homini non repugnat affirmatio, quæ est *Esse* aliquid, sed inest tantum negatio propter negationem actûs, vel Causæ non ponentis in *Esse*. Chimæra autem in se formaliter repugnat *Esse*, & ideo nulla causa potest in eâ causare aliquid esse, quæ proinde est Nihil, non propter solam negationem causæ non ponentis eam in *Esse*, sed propter repugnantiam affirmationis oppositæ negationi *Nihilentis*. Ex quo patet, eatenus aliquid esse possibile, sive non habere non essendi repugnantiam, quia *Est hoc* vel in re realiter, vel in intellectu conceptibiliter. At *Esse* conceptibile, seu intelligibile est primò ab intellectu Divino. Ergò intellectus Divinus ponit aliquid in *Esse* possibili intelligendo, seu affirmando, non habere in se formaliter negationem Essendi. Ergò *Esse* possibilitatis est *Esse* intelligibile positum à Divino intellectu.

## CONCLUSIO.

- Scientia Divina simplicis Intelligentiæ pro objecto formali Motivo habet *Esse* Eminentialia creaturarum in Deo, quod formaliter est ipsa Essentia Divina: pro objecto autem Materiali habet esse creaturarum reale possibile, distinctum ab Essentiâ Divina objectivè existens in intellectu Divino, à quo in æternitate non physice, sed in ratione intelligibilis, atque adeò possibilis repræsentativè emanat.

6. Prior pars constat ex præced. art. cont. 3. Posterior autem pars probatur ex D. Paulo ad Rom. 4. affirmante de Deo, *Qui vocat ea, quæ non sunt, tanquam ea, quæ sunt*. At Deus ea quæ sunt, vocat per Dictionem, quæ est actio Divini intellectûs formaliter immanens ac æterna per modum imperij mediante passivâ ex se profluente immutatione creaturarum secundum *Esse* proprium in tempore productiva. Si ergò Deus *ea, quæ non sunt, vocat tanquam ea, quæ sunt*, oportet, creaturas purè possibles eodem proportionaliter modo, secundum *Esse* suum proprium se habere ad in-

tellectum Divinum; quippe particula *Tanquam* significet similitudinem alicujus proportionis. Oportet igitur, Intellectum Divinum per scientiam simplicis intelligentiæ non attingere duntaxat *Esse* Eminentialia creaturarum à suâ Divinâ Essentiâ indistinctum, sed *Esse* creaturarum proprium, sive ipsasmet Essentias creatas. Confirmatur. Nam cujusque creaturæ modus Essendi proprius est, secundum quem Divinam perfectionem participat. ex S. Tho. hic q. 14. a. 6. Hæc autem Divina perfectio est à creaturis participabilis secundum modum Naturæ Divinæ. Unde, quia *Esse* Dei est suum Intelligere, consequens est, omnem modum Essendi creaturis proprium esse à Deo intelligibiliter, uti constare potest ex discursu S. Thomæ cit. q. 14. a. 8. Ergò creaturarum *Esse* proprium, sive earum Essentiæ in statu etiam possibilitatis participantur per intellectionem Divinam. At hujus attingentia est intentionalis secundum repræsentationem objecti. Consequens igitur est, Deum creaturas posibles eatenus vocare in æternitate; quatenus per assensum positivum in earum conceptibus objectivis repræsentat formalitatem Essendi, non quidem in actu exercito, sed in actu duntaxat signato. At creaturæ ex hoc sunt posibles, quòd in ipsarum ratione formali quidditativâ non exercitè, seu physice, sed signatè, seu repræsentativè involvatur *Esse*. Probatum istud assumptum. Formalitas essendi eatenus est ad extra determinabilis per Divinam Voluntatem, quatenus repræsentatur per Divinam intellectionem. Est autem in tantum formalitas, seu modus aliquis Essendi ad extra producibilis per Omnipotentiam Divinam, in quantum est determinabilis à Divinâ Voluntate. At formalitas quâ producibilis per omnipotentiam Divinam eo ipso supponitur possibilis. Ergò formalitates Essendi extra Deum ex hoc ipso sunt posibles, quòd per Divinam intellectionem in earum conceptibus objectivis involvatur *Esse*. Hoc autem *Esse* non tantum exercitè, sed neque signatè in ratione objecti, seu intelligibilis potest secundum signum aliquod rationis, vel prioritatem naturæ esse antecedenter ad Naturam, seu Intellectionem Divinam; Oportet enim, omne creatum sub quâvis formalitate, atque adeò sub ratione etiam Intelligibilitatis esse dependens & participatum à Deo. At primâ omnium operatio in Deo est intellectio, hujus verò formaliter in ratione intellectionis, non est aliud officium nisi repræsentando. Ergò ex eo, quòd Divina Intellectio in Essentijs, & speciebus creatis sit repræsentativa formalitatis Essendi, sequitur, istam formalitatem non physice, & in actu exercito, sed repræsentativè in actu signato esse hoc ipso in rebus creatis. At hoc *Esse* in actu signato, & repræsentativè est *Esse* objectivum in intellectu Divino. Ergò istud *Esse* objectivum est possibilitas creaturarum ut sic in ratione intelligibilis derivata, & participata, ex virtute Divini intellectûs in suâ Essentiâ tanquam objecto primario, & formali Motivo omnes Essentias, & species creatas per assensum positivum cognoscentis sub ratione Essendi, atque ut sic eas ponentis in *Esse* objectivo, atque intelligibili.

\*\*\*



## Responsio ad Argumenta Adversariorum.

10. **A**D n. 1. oppositum Respondetur. Omne verum in rebus creatis, sicuti Ens, cum quo reciprocatur, esse à Deo tanquam causâ Intellectuali. Unde secundum mentem S. Thomæ adductâ à Valentia recte inferitur, creaturas secundum Esse, quod habent, ita terminare Divinam cognitionem, ut tamen non habeant aliud Esse, nisi in suâ causâ. At effectuum Esse in causâ intellectuali aliud est repræsentativum, quod est ipsa species intelligibilis in Deo omnino indistincta ab Essentiâ Divinâ, aliud est terminativum seu objectivum, quod respectu simplicis intelligentiæ Dei esse aliud, quam Esse substantiæ Divinæ; clarè evincunt textus Angelici Doctoris perperam pro suâ sententiâ allegati à Valentia.
11. Et si proinde Esse repræsentativum, seu species intelligibilis creaturarum in Deo non sit, nisi Essentia Divina, hæc tamen non est Esse creaturarum possibile, sed potius est ratio & causa Logica, ex quâ per consequentiam legitimam à priori inferitur creaturarum possibilitas. Unde hæc quâ intrinseca Essentijs creatis, est distincta ab Esse Causæ primæ, ita tamen, ut sicuti hoc Esse creaturarum possibile est objectivum duntaxat, seu Terminativum Divinæ Intellectionis, non autem realiter physice existens, seu Ens simpliciter, ita dicatur ab Essentiâ Divinâ distinctum non simpliciter, sed in Esse objectivo, ac intelligibili, seu possibili duntaxat.
12. **A**D Scoti n. 2. propositum Respondetur, ex D. Thom. 1. p. q. 25. a. 3. Ex hoc aliquid esse possibile, quod ipsi non repugnet Esse: nihil autem opponitur Esse, nisi non Esse. Ergo id solum habet repugnantiam, seu oppositionem ad Esse, quod implicat seu involvit in suo conceptu objectivo Non Esse. Unde à contrario quælibet species, & Essentia creata est possibilis, quatenus *Est hoc* in suo conceptu objectivo involvens Esse, seu rationem Entis. At iste conceptus objectivus Entis in qualibet specie, quâ formaliter creatâ importat dependentiam à Prima causâ quatenus intellectuali. Ergo Divinus intellectus seu Prima causa intellectualis ponit res creatas in Esse possibili per assensum positivum, intelligendo de ipsis rationem Essendi. Unde sicuti intellectus Divinus est virtualiter & ratione nostrâ prior omnipotentia, ita possibilitas Logica creaturarum ex hoc Divino intellectu derivata potest absolute stare secundum respectum ad Omnipotentiam ex Doctore tam Angelico
13. *cit. art. 3. ad 4.* quam Subtili *cit. dist. 36. n. 14.* Patet proinde; hæc duo sacræ Theologiæ lumina in hoc puncto ita inter se concordare, ut ex ipsorum mente dici posse videatur, Divinum Intellectum *assentiendo*, seu attingendo in rebus creatis rationem Essendi, esse Logicè causam possibilitatis creaturarum; e contra *diffentiendo*, seu attingendo in negationibus, & Chimæram *Non Esse* habere rationem causæ Logicæ, per quam à priori liceat inferre, quod negationes, & Chimæra sint ad Esse improducibiles, atque adeo sub ratione Essendi impossibiles. Cuius fundamentum ex S. Doctore *cit. a. 3. in corp.* desumitur.
14. Cum enim omne agens agat in simile, oportet, cuique potentia activæ possibile tanquam objectum proprium correspondere secundum

rationem actûs, in quo fundatur ejusmodi potentia activa. At Esse Divinum est, supra quod fundatur potentia Dei: Hoc autem Esse ut sic est infinitum, non limitatum ad aliquod Genus Entis, sed præhabens in se totius Esse perfectionem. Unde quidquid habere potest rationem Entis, continetur sub possibilibus absolutis, respectu quorum dicitur Deus Omnipotens. Atqui possibile explicatur per Angelum sub ratione Verbi. *Luc. 1. Non erit impossibile apud Deum omne Verbum.* Non est autem in Deo, nisi Verbum mentis, seu intellectus, quod non est de illis, quæ contradictionem implicant, uti ait S. Doctor. *loc. cit.* At cum Enti nihil opponatur nisi Non Ens, non implicat contradictionem, nisi quod in suo conceptu objectivo involvit non Esse. Est autem de hoc contradictorio, sive de Non Ente conceptio Divini Intellectus saltem per dissensum. Oportet igitur, Verbum, vi cuius omne possibile est apud Deum, ut sic habere rationem assensûs specierum seu Essentiarum creaturarum repræsentativi sub ratione Entis. Consequens igitur est, rationem possibilem eatenus comperere Essentijs, ac speciebus creatis, quatenus per assensum positivum à Dei intellectu in Esse suo Divino attinguntur sub formalitate Essendi, seu ratione Entis. Ergo Divinus Intellectus creaturas cognoscit secundum Esse proprium objectivum, ex ipsamet intellectione Divinâ non *exerente*, ac *physice*, sed *signatè* in ratione intelligibilis derivatum, atque adeo in æternitate exultans *objective* in Verbo, seu Intellectu Divino.


## COROLLARIUM.

16. **I**Nferitur, Scientiam simplicis intelligentiæ in Deo ratione objecti sui formalis esse Intuitivam, ratione verò objecti materialis esse abstractivam. Ratio est. Tum quia cognitio intuitiva est notitia rei præsentis: Hoc autem secundum nonnullos importat connotationem duntaxat coexistentiæ objecti cum cognitione, cum e contra abstractiva notitia dicat objecti absentiam. At juxta hanc opinionem Intuitivum & Abstractivum non importaret rationes specificè distinctas, sed duntaxat connotationem diversam ex terminatione, & coexistentiâ objecti: Quocirca nihil obesset, quod minus posset una cognitio terminata ad diversa objecta habere rationem Intuitivi & Abstractivi. Cum proinde Divinæ scientiæ simplicis intelligentiæ objectum formale sit Divina Essentia, quæ est suū Esse subsistens realiter formaliter identificatum cum sui intellectione, consequenter illa scientia ex Motivo suo formali dici potest intuitiva. At verò ejusdem notitiæ objectum materiale sunt creaturæ, quæ nec in æternitate, nec in tempore habent existentiam & præsentiam realem. Ergo respectu Objecti materialis est illa scientia Abstractiva.

17. Tum quia etsi secundum alios Doctores Notitia Intuitiva & Abstractiva differant in creatis secundum speciem; hæc tamen distinctio specifica non est præcisè ex ratione formali Intuitivi & Abstractivi, sed ex limitatione formæ quâ creatæ. Ergo sicuti ratio Iustitiæ in forma creata specificè, ac formaliter excludit rationem Sapientiæ, cum tamen in Deo sit una Eminentialis formalitas importans formaliter rationes Sapientiæ, ac Bonitatis, omnisque perfectionis



18. simpliciter simplicis; sic una simplicissima Divinae intellectio formae quæ Divinae Essentiae representativa est Intuitiva, quæ verò terminata ad creaturas purè possibiles est abstractiva, non obstante, quod istæ rationes in intellectu creato important differentias específicas. Tum denique quia ista differentia specifica in eo sita est, quod per cognitionem Intuitivam ita teneatur præsentia objecti, ut ex vi ipsius cognitionis comprobetur, cum e contra abstractiva notitia possit esse rei non evidentis, nec adeò ex vi suâ sit demonstrativa præsentiae objecti. Ex quo etiam fit, quod abstractiva cognitio dicatur illa, vi cuius attingitur objectum non in se, sed in sui similitudine, quæ tamen ratione suæ Eminentiae non possit esse representativa præsentiae & existentiae objecti. At eo ipso, quod Esse Dei subsistens sit in intellectu Divino species intelligibilis, imò ipsa formalis intellectio, nec non primum intellectum, sive objectum Motivum, consequens est, non posse ullam in Deo intellectiois quæ Divinae formalitatem assignari, quin demonstrativa sit Esse Divini tanquam objecti formalis. Ergo quælibet Divinae Intellectionis formalitas assignabilis habet ratione sui Motivi formalis rationem Notitiae Intuitivæ. Nihilominus hæc Divina Essentia ita est eminenter continens creaturas, ut harum tamen existentiam, ac præsentiam nec in ratione causalitatis, nec adeò in ratione scientiæ attingat, nisi mediante suo Decreto libero. Ergo scientia simplicis intelligentiæ utpote antecedens Divinae voluntatis Decreta, ut sic non est demonstrativa præsentiae, ac existentiae creaturarum, nec adeò respectu objecti materialis dici potest Intuitiva, sed duntaxat abstractiva.



#### CONTROVERSIA II.

##### *In quâ perfectione, seu Attributione Deus cognoscat creaturas possibiles?*

1. **T**riplex hic occurrit difficultas. 1. Est circa *Omnipotentiam*. Nam istam formaliter, quatenus est virtus executiva, non esse Intellectui Divino primam rationem intelligendi creaturas possibiles, quin hæc potius ratione nostrâ ratiocinatâ prius in Essentiâ Divinâ quâ ad extra communicabili sint cognitæ, ostensum est *sup. art. 2. cont. 3. in corp. & ad 3.* Unde S. Doctor *q. 2. de Verit. a. 8.* ait: *Accommodatus dicitur, quod Deus intueatur possibilia in sua Bonitate, quæ est finis omnium, quæ ab eo sunt, secundum scilicet quod intuetur multos alios modos esse communicationis propriæ Bonitatis, quàm sit communicata rebus existentibus, quia omnes res creatæ ejus Bonitatem æquare non possunt, quantumcumque de eâ participare videantur.*
2. Difficultas ex priori oritur circa *Essentiam* Divinam. Si enim hæc quæ communicabilis ad extra prioritate rationis antecederet ad Omnipotentiam formalem sit Divino intellectui ratio cognoscendi creaturas possibiles, consequens erit, has prius ratione nostrâ à Deo esse cognitæ, quàm ejus Omnipotentiam. At quælibet perfectiones Dei ad intra, sicut habent rationem Primi Entis, ita habent rationem Primi Intellectibilis, atque adeò per primum intellectum oportet secundum prioritatem rationis esse at-

tactas ante creaturas utpote objecta participata, & derivata ex Divinâ substantiâ quâ in omni genere perfectionis simpliciter infinitâ.

3. Difficultatem movet Ioannes à S. Thomâ *pres. disp. 18. a. 2. n. 22.* Nam quælibet creatura est à Divino intellectu cognoscibilis, quatenus participat aliquem gradum, seu perfectionem Divinae Substantiæ. At prædicata quidditativa, seu essentialia cuiusvis rei creatæ participant ut sic de ratione Primi Entis, atque adeò formaliter de Essentiâ Divinâ. Deinde per Sapientiam Dei quæ practicam, seu artem representantur creaturæ non solum quoad prædicata Quidditativa, quæ ab Essentiâ participant, sed etiam quoad possibilitatem existentiae. Ergo Deus cognoscendo suam Sapientiam tanquam vim Directivam ad ponendum creaturas in Esse, respicit in eâ creaturas secundum Existentiæ possibilitatem, sicuti eandem contemplatur in Omnipotentia tanquam in vi executivâ. Ad hæc intellectus Dei intuendo in se Misericordiam, cognoscit vim, & potentiam creaturas sublevandi de miseria, seu extrahendi de nihilo: Sicuti etiam Iusticiam suam videndo contemplatur se potentem dare creaturis, quod per naturæ exigentiam ipsis debitum, & conforme est. Denique immensitatem suam aspiciendo, videt creaturas à se in quocumque spatio ponibiles. Ex quibus proinde præfatus author inferat Deum in cognitione creaturarum possibilium respicere ad plura sua Attributa, posseque proinde secundum diversam formalitatem, quâ unumquodque Attributum respicit creaturas, à nobis intelligi, quod Divinus Intellectus has cognoscat inadæquate, ita ut secundum proprietatem prius concipiat creaturas sub unâ formalitate, quàm sub aliâ; nec adeò sub omni respectu, quem habent ad Deum illas intelligat adæquate, nisi per omnia Attributa, quæ circa creaturas possibiles quovis modo versentur.

#### CONCLUSIO.

**E**ssentia Divina est adæquata ratio videndi in se quaslibet creaturarum possibilium formalitates.

Probatur autoritate S. Thomæ *sup. n. 1. adducti*. Deus cognoscit creaturas possibiles, earumque quaslibet formalitates, quatenus intuetur modos communicationis propriæ Bonitatis tanquam omnium finis. At sicuti Essentia Dei quæ virtualiter distincta ab Attributis, & Personalitatibus est Primum objectum beatificans Divini Intellectus, sic est primum volitum, adeoque Finis voluntatis Divinae. Non est autem ulla formalitas in creaturis possibilis, ac creabilis, nisi intuitu Primi voliti, ac Finis à Divinâ voluntate intenti. Neque verò quidquam est appetibile, seu eligibile, nisi quæ præcognitum ab intellectu. Si ergo quælibet creaturarum possibilium est à Divinâ voluntate eligibilis, atque ut sic ad extra producibilis intuitu Divinae Essentiae quæ primi voliti ac finis omnium, consequens est, omnes formalitates creaturarum possibilium esse cognoscibiles in Essentiâ Dei, quam proinde oportet esse adæquatam rationem cognoscendi in se quaslibet formalitates creabiles, seu ad extra producibiles. Cujus ratio fundamenta-



mentaliter est. Nam ipsomet Ioanne à S. Thomà *sup. n. 3.* fatente, Essentialitas seu ratio Entis participabilis à creaturis est sub hac formalitate intelligibilis ex, & in Essentià Divinà quā primo Ente, seu purissimā Essendi actualitate. At non est ulla in creaturis possibilibus formalitas, nisi formalissimè, & Transcendentaliter in suo conceptu objectivo involvat rationem Entis: neque verò est ullà ratione intelligibilis, nisi formaliter sub Essendi ratione. Hæc autem Essendi ratio non est duntaxat in prædicatis essentialibus, sed etiam in creaturarum existentis, quas oportet hoc ipso esse ut sic à Divinā Essentiā participabiles; quodd illa sit Esse actualissimum à se existens. Cum igitur omnis formalitas creaturæ possibilis eatenus sit in Deo intelligibilis, quatenus sub ratione intelligibilitatis est participata, seu subordinata primæ Intelligibilitati Essentiæ Divinæ: ratio verò Intelligibilitatis sit convertibilis cum ratione Entis, atque adeò formalitatibus tam Divinis, quàm creatis non conveniat nisi secundum rationem Entis, quæ ut sic est in Deo Essentia; oportet, omnes formalitates creaturarum possibilem esse cognoscibiles in Divinā Essentiā.

Responsio ad fundamenta contraria.

9. **A**D n. 1. propositum Respondetur. Ad hoc, ut Omnipotentia sit Divino intellectui ratio cognoscendi creaturas posibles, duo requiri: Alterum est, ut per prius sit intelligibilis. At Intelligibilitas non est nisi secundum rationem Entis: non est autem alia virtualiter diversa ratio Entis in Divinis, nisi ipsiusmet Essentiæ Transcendentaliter imbutæ in omni formalitate Deo intrinsecæ. Alterum requisitum est, ut per Eminentiam contineat creaturas, quod eidem Omnipotentia convenit in ratione virtutis Executivæ. Ex quibus proinde fit, Omnipotentiam esse quidem medium proportionatum cognoscendi in se creaturas posibles, attestante D. Thomà *cit. q. 2. de Verit. a. 8. quodd Deus imbuatur creaturas posibles in suā potentia, cum nihil sit, quod ipse non possit.* Nihilominus, quia tota ratio Intelligibilitatis in Divinis est secundum Essentiam, quæ ut sic comparata ad intellectum, & voluntatē est Veritas, & prima Entitativa bonitas, atque adeò finis omnium, idcirco accommodatius dicitur, quodd Deus intueatur creaturas posibles in suā Bonitate, quā Omnium fine, sive in Essentiā suā, quā Eminenter continente omnes modos communicationis Entitativæ suæ Bonitatis. ex eod. S. Doct. *loc. cit.*

10. **A**D n. 2. oppositum Respondetur. Etsi Divina Dissentia quā Virtualiter distincta à formali Omnipotentia, intelligi possit, esse intellectui Dei medium, & rationem cognoscendi creaturas posibles; hæc tamen sicut in ratione Entis, sic in ratione Intelligibilitatis sunt quid diversum à Divinā Essentiā, cum e contra Omnipotentia istam formalissimè, & transcendentaliter includat, ita ut tam in ratione Entis, quàm Intelligibilitatis non dicat virtualiter aliam formalitatem, quàm Essentiæ. At verò secundum prioritatem virtuale, seu rationis nostræ ratiocinatæ illud per prius est cognitum à Divino intellectu, quod habet ipsissimam Divinæ Es-

sentia primam Intelligibilitatem. Non ergo stat sequela opposita, Creaturas posibles si cognoscantur in Dei Essentiā, esse secundum rationem nostram prius Omnipotentia cognitæ à Divino intellectu.

12. **C**ujus ulterior ratio est. Non est intelligibilis Essentia Divina, nisi sub ratione actualissimā Essendi: Vt sic autem per formalem identitatem includit ex naturā rei omnem formalitatem simpliciter simplicem, seu non immerSAM potentia-  
litate. Hæc autem Identitas formalis non est intuitivè visibilis, quin omnis ejusmodi formalitas videatur. Ergo formalitas Omnipotentia, & cujuscumque perfectionis Increatæ est respectu intellectus Divini in primo signo, seu instanti naturæ cognoscibilis. E contra verò quælibet creata formalitas continetur in Divinā Essentiā, non formaliter per identitatem formalem, sed Eminenter secundum continentiam virtuale. Hæc verò continentia Virtualis dicit ordinem causalitatis. Hic autem Ordo importat prioritatem ex parte causæ, & posterioritatem naturæ ex parte effectus. Sicut ergo in ratione Essendi, sic in ratione intelligendi sunt creaturæ posibles respectu intellectus Divini posteriores, quàm perfectiones Dei intrinsecæ: ut adeò subtilis Doctor *in 1. dist. 35. n. 10. & dist. 36. n. 13. & in 2. dist. 1. q. 1. n. 13. & 14.* Item Lychetus *ibi. in Com. n. 1.* circa intelligibilia, seu objecta Divini intellectus recte distinguant duo naturæ instantia, in quorum priori Deus cognoscat omnia, quæ sunt ad intra: in secundo verò intelligat producibilia ad extra.

13. **A**D n. 3. Respondetur. Verum esse, quodd Attributa per Ioannem à S. Thomà à n. 4. recensita sint Divino Intellectui ratio cognoscendi creaturas; ut tamen tota ejusmodi Attributorum Intelligibilitas etiam secundum rationem nostram non sit alia, quàm Divinæ Essentiæ, uti tradit idem Author *præf. q. 14. disp. 17. art. 1. n. 3.* Unde merito displicet, quodd infra *disp. 18. a. 2. n. 22.* adæquatam omnes creaturarum formalitates cognoscendi rationem non ponat, nisi in omnibus Attributis, ita ut Essentia Dei sit ratio intelligendi earum prædicata duntaxat Essentia-  
lia. Cujus displicentiæ ratio est. Non enim Attributa Divina sunt medium cognoscendi creaturas posibles, nisi secundum quod illa habent rationem intelligibilitatis. At hæc fatente Ioanne à S. Thom. *ubi sup.* etiam secundum rationem nostram, non est nisi Essentiæ Divinæ. Ergo ista est tota, & adæquata ratio contemplandi creaturas posibles, quas proinde, consequens est, in illā cognosci non secundum prædicata duntaxat quidditativa, sed etiam secundum possibilitatem existentia. Imò cum Essentia Divina formalissimè sit existentia, à quā ut sic est derivabilis, ac imitabilis omnis existentia creata, oportet, in hac quā tali cognosci vel maxime possibilitatem existentia creaturarum;

cujus tamen oppositum insinuat præfatus Author *locis citatis.*





## ARTICULUS IV.

DE

*Scientiâ Futurorum absolute existentium.*

**D**omino Deo, antequam creatur, omnia esse cognita, testatur expressis verbis Ecclesiasticus 23. cap. Sunt enim oculi Domini super solem multo plus lucidiores, ita ut non tantum corda hominum intueantur in absconditis partibus. cii. c. 23. sed intelligant cogitationes nostras de longè, & omnes vias nostras provideant. Psalm 138.

Unde ne audiendus quidem Cicero lib. de Fato. & 2. de Divinat. qui cum libertatem & providentiam humanam non sciret componere cum præscientiâ Divinâ, hanc negando, ut faceret homines liberos, fecit sacrilogos, & Divinæ Providentiæ injuriosos, D. Augustinus 1. de Civit. c. 9. Est enim præscientia futurorum speciale Divinitatis argumentum, juxta illud Isaïæ 42. Annunciate, quæ ventura sunt, & dicemus, quia Dixi estis vos. Quocirca confiteri esse Deum, & negare præscium futurorum, apertissima insania est; velut asserit S. Augustinus cit. c. 9.

Quam proinde futurorum notitiam in Deo esse omnino certam, dubitare nefas foret. Si enim Lumen Propheticum, quod est quædam Divinæ Præscientiæ participatio, infallibile sit, attestante Divo Petro 2. c. 1. Habemus firmiorem prophetiam sermonem, oportet, multò firmiorem esse in Deo notitiam futurorum. Hæc enim prænunderunt Sancti Dei homines inspirati Spiritu Sancto. ex ejusd. epist. c. 1. Cujus aded Divinitas argumento ejusmodi futurorum Præscientiæ comprobatur, Deo Isaïæ 45. dicente. Ventura interroga me. Quare Dei Præscientiæ certa & infallibilis tot habet testes, quos fecit Prophetas, ait Tertullianus 2. cont. Marcionem. Superest igitur difficultas duntaxat: Quæ sit ratio formalis, seu medium Divino Intellectui cognoscendi futura contingentia, præscium Libera?

## CONTROVERSIA I.

*In quo sistat punctum Difficultatis propositæ?*

Subesse hîc difficultatem non modicam, facile apparet ex varietate sententiarum, quas sigillatim ad eum finem recensebimus, ut tandem earum inter se factâ collatione, elucidari possit, in quo lateat fundamentum, ex quo tanta opinionum diversitas, & inter Doctores concertatio exorta est.

Divus Bonaventura in 1. diff. 39. a. 2. q. 3. docet: Cum Deus habeat simul præsentem omnium Ideas, cognoscere per has futura ita certitudinaliter, ac si essent præsentia. Ubi notandum, ex mente hujus Seraphici Doctoris Præscientiam futurorum in Deo niti præsentialitate Divinæ cognitionis ad res in tempore existentes. Hæc autem Divinæ Scientiæ ad res quæ ex-

istentes præsentialitas non subsistit absque Decreto Divino. ex eod. Seraphico Doctore infra diff. 45. a. 2. q. 1. & 2. Non ergo videtur ex illâ sententiâ adstrui futurorum præscientia antecedenter ad Decretum Divinæ voluntatis.

Egidius Romanus in 1. diff. 38. q. 1. a. 2. docet, Deum certò præscire Futura contingentia ante suæ Divinæ Voluntatis Decretum, in suâ Essentiâ, prout habet rationem Ideæ, aut speciei impressæ.

Molina in Concord. diff. 49. con. 1. & diff. 50. asserit: Deum ex altitudine suæ scientiæ secundum prioritatem rationis ante omne suæ Divinæ Voluntatis Decretum comprehendere in se ipso omnia, quæ contingenter, aut merè liberè per causas omnes secundas ex suâ Omnipotentia possibiles essent futura ex hypothesi, quod hos vel illos rerum ordines cum his, vel illis circumstantiis vellet statuere. Ex quâ supercomprehensione causarum secundarum, seu Divinæ scientiæ altitudine consequens esse, quod eo ipso, dum liberâ suâ voluntate Deus statuit eum rerum & causarum ordinem, quem re ipsâ decrevit, ratione nostrâ antecedenter ad rerum in æternitate existentiam in se ipso, atque illo suo Decreto comprehenderit omnia, quæ per causas secundas contingenter, aut liberè re ipsâ erant, aut non erant futura.

Franciscus de Lugo. diff. 32. de Deo uno cap. 4. in actu primo voluntatis creatæ liberæ distinguit eum fundamento in re duo rationis signa, nempe *Actus primi remoti*, & *Actus primi proximi*. In primo signo consideratur Voluntas cum Indifferentiâ tam quoad substantiam actûs, quàm ejus intensionem. Cum hæc verò Indifferentiâ stare potest Voluntas Dei conditionata cooperandi cum libero creato arbitrio, si nimirum istud in actu adhuc primo, attamen in secundo rationis signo propenderit ad operandum. In hoc proinde signo secundo Voluntas concipitur per se ipsam propendens ad actum determinatum cum certo intensionis gradu eliciendum. Hæc autem propensio in Voluntate creatâ fit per quandam quasi Mutationem distinctam ab operatione, imò hæc sive actu priorem. Est autem ista mutatio in eo sita, quod sine aliquâ realitate de novo receptâ, vel superadditâ, virtualiter se habeat aliter, dum agit, quàm dum non agit. Ista verò virtualis alteratio accidit, quatenus voluntas inclinatur in actu primo proximo, semet per se ipsam ad hunc actum taliter inflectendo, ac si inclinatio & inflexio ejusmodi realiter distingueretur ab Entitate Voluntatis, cum quâ tamen identificatur. Quâ igitur inflexione positâ, impletur conditio, sub quâ Deus per Voluntatem conditionalem offert creato arbitrio suum concursus. Illâ verò conditione impletâ, potest Deus post talis propensionis, seu conditionis prævisionem, salvâ creati arbitrij libertate habere absolutum Decretum concurrendi determinatè ad talem actum. Quibus aded suppositis concludit præfatus Author n. 18. Deum prævidere futura contingentia, tum in propensione causæ secundæ, tum in Divino Decreto absoluto concurrendi cum nostrâ Voluntate jam propensâ, & in actu primo proximo inclinâtâ.

Fonseca tom. 3. Metaph. lib. 6. c. 2. q. 4. sect. 1. cum Suarezio in Opus. de Suem. Dei. lib. 2. c. 8. docet, Deum antecedenter ad suæ Voluntatis Decretum absolu-



absolutum non tantum cognoscere certo, & evidenter, quid unaquæque voluntas creanda in hac, vel illa occasione esset electura, vel rejectura, si in ea poneretur: sed insuper, quia voluntas creata nihil posset velle, aut rejicere, nisi volente, aut permittente Deo, idcirco in signo secundum rationem, vel virtualiter priori seu antecedente Voluntatis suæ determinationem scire, quid decreturus sit.

Quo adeo supposito ita licere argumentari: Divino Intellectui est antecederet ad sua Decreta evidenter notum, quid quælibet Voluntas creata esset factura, si poneretur in hac vel illa occasione. At Deo in signo rationis priori, vel antecedente Voluntatis suæ determinationem est notum, quid circa creaturas sit decreturus, adeoque in quâ occasione positurus sit quamlibet Voluntatem creatam. Ergo in hoc rationis signo antecedente Voluntatis Divinæ Decretum est in Deo Scientia de quibuslibet futuris per Voluntates creatas faciendis.

9. Suarez *cit. opus. de Scient. Dei. lib. 1. c. 6. n. 4. 6. & 8.* tenet, Actus liberos prædefinitos à Deo evidenter cognosci in & ex vi illius prædefinitionis, hanc tamen non esse adequatam, cum non extendatur ad actus malos, nec esse primam rationem cognoscendi futura, cum præsupponat de illis conditionatam scientiam. Unde *c. 2. n. 2.* tandem concludit. Deum cognoscere hæc futura solum per simplicem intuitum Veritatis, vel rei, quæ futura est in sua temporis differentia: sicut enim res præsens est determinata ad unum, ita, ut veritas de ipsâ enuntiabilis necessaria sit, sic veritas de futuro, cum æquæ sit ad unum determinata, est per se simplici intuitu evidenter, ac certo cognoscibilis ab intellectu Divino.

10. Vasquez *1. p. disp. 65. c. 2. & 4.* ait: Ex Decreto Divinæ voluntatis, utpote, quod deficere, aut falli nequeat, sufficientem desumi rationem certitudinis scientiæ Dei, hanc tamen rationem esse duntaxat remotam; At proximam petendam esse ex Infinitate Divini Intellectus, & futurorum veritate; cum enim Intellectus Divinus sit virtutis infinitæ, attingere debet omne intelligibile; ex hoc autem, quod futura quantumvis libera, & contingentia sint determinatæ veritatis, sunt intelligibilia, adeoque actualiter, eo modo, quo sunt, intellecta à Deo.

11. Theophylus Raynaudus in sua *Theologia Natur. disp. 2. q. 1. a. 2. n. 37. & 38.* docet, Futuritionem conditionatam, quæ eadem, positis conditionibus, erit absoluta, esse fundamentum præmotionis effectus liberi antequam Divino Decreto; esseque adeo istud Esse actuale futurorum cum necessariorum, tum liberorum primam rationem, seu primum fundamentum Divinæ cognitionis in ea tendentis.

12. Franciscus Amicus *disp. 12. de Scient. Dei. sect. 5. n. 93.* probat, Nullam de futuris contingentibus determinatam Veritatem, nec adeo in sua futuritione posse certo cognosci. Insuper *sect. 2. n. 130.* negat, Effectus liberos posse à Deo cognosci infallibiliter in suo Decreto tanquam proximam cognoscendi rationem; tamen ratione scientiæ Mediæ, quæ præsupponitur ad Voluntatis Divinæ Decretum, istud sit remota ratio cognoscendi tales effectus. Quocirca *seq. sect. 9.* concludit, Futura ab intellectu Divino cognosci

ei in sua propria præsentia, seu duratione existentia; Cum enim Scientia Divina mensuretur æternitate, vi cuius invariata tota simul indivisibiliter, ac semper existat, oportet, præsentia, seu durationem uniuscujusque rei creatæ existentis esse intra ambitum Mensuræ Scientiæ Dei, atque adeo ab Intellectu Divino esse ut sic cognoscibilem.

Nicolaus Ysambertus Doctor Sorbonicus *pres. disp. 7. a. 3.* asserit: Primam & adequatam rationem, cur Deus supposito aliquo suo Decreto circa res ad extra, & supposita futuritione contingentium liberorum cognoscat illa certo, & infallibiliter; coalescere ex pluribus particularibus simul junctis rationibus, quarum alias 1. se tenere ex parte proximarum causarum ejusmodi contingentium, quod nimirum illæ causæ eâ temporis differentia, quæ importatur per Verbum, quo hæc contingentia explicantur futura, sic se ad productionem illorum determinant, ut reipsâ & de facto exequantur illam. Aliam rationem 2. se tenere ex parte ipsorum contingentium, quod nimirum ista per suas dicto modo affectas proximas causas transeant à statu contingentia ad statum existentia, & sic ad statum alicujus necessitatis, secundum quam unumquodque necessarium est, dum est. 3. Aliam rationem se habere ex parte modi, quo Divina Essentia in ratione Causæ particularium ejusmodi effectuum penetrata obijcit illa tanquam futura pro eo tempore, quo adhuc futura sunt, & tanquam præsentia pro tempore, quo existunt, & tanquam præterita pro tempore, quo defuerint. 4. denique, aliam se tenere rationem ex parte modi, quo infinita actualis intellectio Dei se se ab æterno terminat ad futura contingentia sub præfatis suppositionibus. Hunc verò modum consistere in ratione cognitionis supercomprehensivæ Voluntatis creatæ tanquam Causæ proximæ ejusmodi contingentium, vi cuius supercomprehensionis Voluntatem creatam non tantum perfecte cognosci priusquam operetur, se se in hanc, vel illam partem inclinare, sed etiam quod in his & istis circumstantiis, factis præfatis primâ, & secundâ suppositionibus, se se de facto, libere tamen ad hanc & non ad istam partem determinabit.

Triplicem, at re ipsâ unicam futura contingentia cognoscendi Intellectui Divino rationem, nempe Decretum Dei absolutum & effectivum, sive Ideas ex proposito Voluntatis Divinæ determinatas, sive futurorum in æternitate præsentiam realem uniformiter ponunt ex S. Thomâ in *1. disp. 39. a. 2. ad 1. & 3. cont. gent. c. 46. & 47. p. pres. q. 14. a. 13.* Thomistæ, nominatim Cajetanus in *pres. q. 14. a. 13. per totum. Bannes ibid. concl. 3. 4. & seq. Nazarius hic cont. 2. concl. 4. & 5. Irenæus cont. 3. concl. 4. Petrus Labat *cit. disp. 5. dub. 6. lo. 2. annes Baptista Gonet 10. 2. disp. 4. præsertim a. 4. & 2. Alvarez de Auxilijs Divin. Grat. lib. 1. c. 9. lo. 1. annes à S. Thomâ hic disp. 19. a. 2. concl. 2. & 4. Xantes Marial. 10. 2. cont. 47. & 48.**

Huic Thomistarum sententiæ, quatenus rationem cognoscendi contingentia statuit in Decreto Dei, præter Richardum, Alensem, & Durandum à Suarezio *cit. lib. de Scient. Dei c. 6. n. 1.* relator accedit Schola Scotistica cum suo Subtili Doctore. Hic enim in *1. disp. 39. q. 5. n. 22.* aperte docet, Veritatem complexionum contingentium



rium esse ex determinatione voluntatis Divinæ; quâ proinde suppositâ, Essentiam Dei esse Divino Intellectui rationem intelligendi Verum complexionis contingentis. Et in *quodlib. q. 14. n. 16.* affirmat, Deum primò se determinare ad volendum hoc fore determinatè: secundò ex hoc Intellectum videndo istam determinationem Voluntatis infallibilem, nôsse, hoc esse futurum.

## CONCLUSIO.

**T**Ota difficultas cum tantâ opinionum varietate hic agitata inter Doctores vergit ad unicum punctum, seu centrum: An scilicet futurorum contingentium veritas objectiva seu cognoscibilitas independens sit à Determinatione Divinæ Voluntatis, vel ratione nostrâ cum fundamento in re, ac virtualiter antecedit Dei liberum Decretum?

16. Explicatur & Probatur. Ratio cognoscibilitatis est secundum rationem Veri: Hæc autem est secundum rationem Entis. Ergo in tantum est aliquid per scientiam Divinam in æternitate cognoscibile, in quantum in mensurâ æternitatis habet aliquod Esse. At futuritio importat aliquam Essendi rationem supra statum possibilitatis: neque verò supra possibilitatem est alia Essendi ratio, nisi status Esse actualis. Hic verò status Esse actualis rei quâ futuræ non convenit intrinsicè secundum propriæ durationis mensuram. Oportet igitur, esse de re quatenus futurâ prædicabilem, in quantum habet Esse non tantum potentiale, sed actuale in suâ causâ. At Esse actuale Effectus in causâ est secundum huius causalitatem. Hæc verò in Deo est actio æterna formaliter immanens, sed virtualiter transiens, quæ complexivè consistit in *Dictione*, juxta illud: *Quoniam ipse dixit & facta sunt*, Motivè autem, ac primò importat Divinæ Voluntatis Decretum, juxta illud: *Quæcumque voluit fecit*. Sunt ergo res futuræ Deo in æternitate præsentibus, atque adeò ut sic cognoscibiles secundum præsentiam realem non in propriæ durationis, sive existentie mensurâ, sed in actione Dei æternâ, quæ, prout est *Dictio*, importat Ideam mentis Divinæ determinatam ex Decreto per rationem nostram cum fundamento in re antecedente illam æternam in Dei *Dictione* sitam actionem. At hæc ipsa æterna actio habet infallibilem veritatis connexionem cum effectibus ex ea pendentibus. Ergo est sufficiens ratio certò cognoscendi futura etiam contingentia.

18. Quando igitur Thomistæ asserunt, Præsentiam rerum in æternitate, sive actione Dei æternâ esse rationem cognoscendi futura contingentia, huius cognitionis rationem ita referunt in *Dictionem* efficacem Divini Intellectus, seu Ideam determinatam, ut eandem rationem *resolutorie* reducant in Divinæ Voluntatis Decretum Determinativum Ideæ mentis Divinæ, & certò illativum *Dictionis* res creatas immediatè, ac infallibiliter causantis.

19. Econtrario adversæ partis Doctores ubi semel negarunt Divinæ voluntatis Decretum effectuum futurorum infallibiliter illativum, co-

ipso aliam pro futurorum Divinâ Præscientiâ manutenendâ inire viam coacti sunt. In hæc verò indagandâ oportebat unicè laborare circa fundamentum, ex quo erui posset Veritas futurorum, antequàm actu in se ipsis existerent. Neque verò huius veritatis fundamentum jacere potuerunt, quin, eum in puncto præsentis unum Doctoribus antiquioribus esset Sacræ Theologiæ labium, illorum confunderentur linguæ, ut non audiret unusquisque linguam sui proximi, dum in tot dividuntur sententias, quor ferè sunt capita. In quâ proinde dissensione, & confusione opinionum nò vagemur in incertum, oportet antè omnia præsentis Difficultatis firmari fundamentum, indagando in sequenti secundâ Controversiâ: An Decretum Dei efficax sit intellectui Divino prima, & adequata ratio veritatis, & cognoscibilitatis futurorum contingentium? Deinde jacto solido fundamento examinandæ erunt Adversariorum sententiæ, quas oportune videmur nobis reduci posse ad sex Controversias. Quarum Prima, sed ordine Tertia erit: An Essentia Divina, quatenus habet rationem Ideæ, seu speciei impressæ antecedenter ad Decretum Dei possit esse ratio cognoscendi futura? Quarta. An futurorum Divina Præscientia radicitur in supercomprehensivis causarum secundarum? Quinta. An in Decreto absoluto consequente nostræ Voluntatis in actu primo proximo determinationem, seu propensionem? Sexta. An in Futuritione Conditionali tum Voluntatis Divinæ Decretorum, tum libere creati arbitrij determinationis? Septima. An in futuritione absolutâ, vel præsentialitate, sive Entitate propriâ futurorum. Octava. An certitudo Divinæ Præscientiæ desumatur tum ex hypothese determinationis Causarum secundarum, tum ex suppositione existentie futurorum, tum ex Divinâ Essentiâ in ratione Causæ particularium effectuum istos obijciente Dei Intellectui? tum denique ex vi cognitionis Divinæ quâ supercomprehensiva Voluntatis creatæ?

Quibus proinde cum suis fundamentis & rationibus discussis, adijciemus Coronidis loco controversiam Nonam: An præsentia rerum in æternitate, seu mensurâ Actionis Dei æternæ sit ratio, Cur Præscientia Divina sit certa, & intuitiva? Interea unice veritati eruendæ intenti nostrum super singulis sententijs Iudicium, donec momenta argumentorum, & rationum ponderaverimus, ita tenebimus suspensum, ut tamen in exordio statim fateri cogamur, Divisionem Adversariorum non parùm displicere: asserente Divino Dionysio c. 4. de Divin. Nom. quod Vera Sapientia sit à multis Opinionibus convertens, & ad unam, veram, & uniformem congregans cognitionem, & uno unitivo lumine complens.

## CONTROVERSIA. II.

*An futurorum sit Veritas aliqua Objectiva cognita antecedenter ad Decretum Dei Absolutum, & Efficax, vel istud potius sit intellectui Divino prima, & adequata ratio veritatis, & cognoscibilitatis Futurorum.*

**P**ROPOSITIONES de futuro esse ab æterno determinatè veras; quæ veritas æterna sic formaliter in Intellectu Divino, ex parte autem objectorum esse aptitudinem, seu non repugnantiam ut Intellectus habens sufficientem intell-



Replicabis ex Suarez *ar. 4.6.11.4. & 6.* Isto argu-  
mento probari quidem actus à Deo prædefinitos  
hac efficaci voluntatis Divinæ prædefinitio-  
ne evidenter, ac certo cognosci, cum non sit  
aliquid

3. Probatur. Verum & Ens convertuntur. Repugnat igitur Veritas, nisi sub ratione Entis. At nulla ratio Entis extra Deum excogitabilis est, nisi secundum participationem dependens sit ab Esse Divino. Unde alibi demonstravimus, ne Essentiarum quidem, seu specierum creaturarum veritatem, ac intelligibilitatem sub statu etiam possibilitatis subsistere. nisi intelligibiliter, ac representativè participent ab Essentiâ Divinâ participat. Atque ratio futuri, & de necessitate determinatæ de futuræ possibilitatis. A Deo seu determinatæ à Deo in



aliquid esse à Deo prædefinitum, & non fieri, alioquin enim Voluntas Dei non esset Efficax. Nihilominus illam prædefinitionem non esse primam rationem cognoscendi futura, sed necessario supponere aliam Scientiam nempe conditionatam. Cujus ratio est, quia Voluntas Dei, cujus tanta est Efficacia, ut in Sensu composito non possit non assequi finem absolute intentum, non posset prudenter habere ejusmodi intentionem, nisi præcognitis medijs, per quæ erit certa, & infallibilis consecutio finis. Hæc autem mediorum præcognitio includit virtute illam conditionalem, si Deus hoc vel illud faciat, aut permittat circa Voluntatem creatam, ista hæc, sive illud operabitur: nam conditionali istiusmodi non præsupposita, Deus non potest nōsse, quid oporteat se facere circa Voluntatem creatam, ut hæc liberè, sed tamen infallibiliter faciat actum prædefinitum. Ergo prædefinitio Dei non est ratio actus creati quæ liberè & contingenter futuri infallibiliter illativæ, nisi præsupposita illa scientiâ conditionatâ. Ergo prædefinitio Divina non est prima ratio cognoscendi actus liberos creati arbitrij.

10. Contra: Non potest ultra possibilitatis statum creaturis inesse ulla formalitas, seu ratio Entis, nisi ex determinatione liberæ Voluntatis Divinæ. At nulla est Veritas, seu cognoscibilitas, nisi secundum rationem Entis. Ergo antecedenter ad determinationem Decreti Divini de voluntate creatâ, ejusque actibus liberis non est cognoscibilis ulla veritas, nisi secundum statum Essentiæ, ac possibilitatis. At in hoc statu est pura indifferentia ad futuritionem, ac Existentiâ. Ergo nulla scientia antecedenter ad voluntatis Divinæ determinationem potest in Deo esse ratio futuritionis cujuscumque etiam conditionatæ repræsentativa, seu motiva cognitionis futurorum. Et si proinde Deus Voluntas suæ efficaciam, & virtutem intuendo, antecedenter ad libera sua decreta noverit, quibus medijs possit movere creatura arbitria ad actus à se prædefinitos certò, liberè tamen efficiendos. Hæc nihilominus scientia Divinæ Voluntas determinationem antecedens est simplicis duntaxat intelligentiæ, nullam etiam conditionatam ex parte objecti attingens futuritionem seu existentiam determinationem. Ergo non potest ut sic Divino intellectui esse ratio cognoscendæ futuritionis ejusmodi, atque aded prima hujus cognitionis ratio est voluntatis Divinæ Decretum.

11. Instabis ex Ylamberto *pres. disp. 7. a. 2. n. 4.* peccata non esse à Deo prædefinita, cum tamen sint ab ipso præscita. Ergo horum præscientiæ rationem non posse in Decretum Dei absolute efficaciter prædefinitivum, seu determinativum referri. At eandem infallibilitatis Præscientiæ Divinæ esse rationem circa unum, atque alterum futurum. Ergo Decretum Dei efficax, seu Voluntas Divinæ determinationem non esse rationem futurorum in Deo Præscientiæ.

12. Contra est: Quod circa peccata duplex ratione nostrâ in Deo distinguatur Decretum, alterum circa permissionem, alterum circa entitatem peccati, ex quibus infallibilitate consequentiæ, at liberè eveniet peccatum. Nam per Scientiam simplicis Intelligentiæ antecedenter ad

omnem Divinæ Voluntas determinationem novit Deus tum rectitudinem Honestatis, nec non formam Sanctitatis turpitudini peccati, ejusque malitiæ quæ mortali oppositam cum omnibus gratiæ auxilijs in thesauro suæ Divinæ Sapientiæ, & potentiæ reconditis; tum Entitatem actus creati, atque liberi arbitrij exercitium sive politicum, sive etiam, si dari possit, purè omisivum, quod radicaliter, respectu Voluntas creatæ liberæ ita habeat annexam malitiam moralem, ut tamen in genere Entis Transcendentaliter importet aliquam Bonitatem. Et si proinde in rectitudine oppositâ peccato sit Bonitas non Entitativa duntaxat, sed honestas quoque Moralis, & Sanctitas etiam supernaturalis; quia tamen tota hæc Bonitatis ratio non adæquat puritatem Divinæ Substantiæ, atque aded in ratione objecti Motivi non est Voluntati Dei simpliciter commensurata; idcirco non per se primò, sed intuitu Naturæ Divinæ, cujus est participatio, ita est appetibilis à Deo, ut tamen ratione eisdem Substantiæ Divinæ independenter ab universâ formâ creatâ cum omni perfectionis simplicis genere in se subsistentis posset illius Bonitatis tum physicæ tum moralis etiam supernaturalis productio, seu existentia non esse voluta à Divinâ voluntate. Unde Deus jam productam potest etiam nolle conservare, subtrahendo auxilia gratiæ, cum quibus à voluntate creatâ unice, ac infallibiliter ac simul liberè conservabilis est. Quæ proinde voluntas in Deo de non concedendis auxilijs, mediantibus quibus creatura intellectualis liberè conservaret rectitudinem peccato oppositam, dicitur Decretum permissivum peccati. Ex hoc enim consequens est, fieri peccatum, Deo purissimis causalitatis suæ Divinæ radijs ita attingente peccati Entitatem, seu liberum creatæ Voluntas exercitium, cui radicaliter inest malitia moralis, ut hæc tamen non redundet in Deum. Etenim vi illius Decreti permissivi infallibiliter est consequens negatio rectitudinis congruæ ac debitæ naturæ rationali ad Finem Deitatis supernaturalem elevatæ. Hæc autem negatio posset quidem esse in ratione puræ negationis, Deo nimirum non subministrante Voluntati creatæ exercitium liberum circa illam negationem. In quo aded casu talis negatio non haberet rationem peccati. At id esset contra exigentiam naturalem causæ secundæ liberæ; cujusmodi exigentia etsi superabilis sit per Dei potentiam, possetque aded hæc quoque ratione Deus negativè impedire malitiam peccati, id ipsum tamen impediendo resularet ex consequenti malum naturæ, id est, negatio repugnans exigentiæ naturali causæ secundæ liberæ. Quocirca Deo tanquam Authori naturæ congruit, ut supposito Decreto peccati permissivo, seu negativo de non concedendis efficacibus gratiæ auxilijs, habeat alterum Decretum de concursu efficaci ad liberum Voluntas creatæ exercitium, in quo, respectu hujus, non autem Voluntas Divinæ radicaliter inest malitia moralis, seu ratio peccati. At verò istud Decretum Dei tum permissivum peccati, tum Exercitij liberi quoad Entitatem, & Bonitatem entitativam efficaciter causativum est infallibiliter illativum malitiæ peccaminosæ, utpote radicaliter in ordine tamen ad voluntatem duntaxat creatam,



aram illi inexistentia. Ergo Deus cognoscendo istud Voluntatis suæ Divinæ Decretum eo ipso infallibiliter prævidet futurum peccatum. Patet igitur, quod Decretum Dei efficax sit intellectui Divino ratio adæquata cognoscendi in se omnia futura libera etiam quæ peccaminosa; etsi ista ut sic consequantur Divinæ Voluntatis Decretum infallibilitate duntaxat Consequentia, non autem causalitatis, *velut in pras. q. 5. art. 2. preced. con. 4. n. 11. probatum est.*

Ad fundamentum Suarezij in initio oppositum

14. **R**espondetur: In æternitate distingui cum fundamento in re tria rationis signa. In primo est conceptibilis Divina Substantia secundum suas perfectiones formaliter sibi inexistentes: in quo evidens est, cum Esse præcisè Divinum concipiatur, non posse ullam de creaturis formari propositionem, nec adeo contradictionem enuntiationum de objectis creatis. In secundo consideratur Intellectus Dei, quæ creaturas possibles secundum Esse objectivum attingens repræsentativè in sua Divina substantia: in quo adeo signo possunt quidem à nostro intellectu formari propositiones circa creaturas quoad statum Essentiæ, ac possibilitatis, non verò circa statum existentia actualis, & realis. In tertio denique consideratur Voluntas Dei, quatenus per causalitatem formaliter immanentem, sed virtualiter transeuntem est efficaciter ab æterno determinativa Existentiæ actualis creaturarum producendarum in tempore; atque pro isto duntaxat signo æternitatis possunt de rebus actu aliquando existentibus, seu futuris à nostro intellectu formari propositiones. Est autem contradictio proprietas consequens propositiones. Sicuti ergo pro primo, & secundo æternitatis signo non sunt formabiles propositiones de rebus creatis aliquando existentibus, seu futuris; sic inter illas pro tunc non est conceptibilis ulla contradictio: non enim dicere possum, Petrum peccaturum, considerato statu puræ possibilitatis, vel Divinæ duntaxat Essentiæ. Ergo ista propositio *Petrus peccabit*, non nisi pro illo signo, in quo Voluntatis Divinæ determinatio secundum libera ipsius Decreta consideratur, potest intelligi contradictoriè opposita propositioni, quæ dicitur: *Petrus non peccabit*, Cujus ratio est. Non enim est contradictio, nisi pro illo rationis signo, in quo est intelligibile Esse, & non Esse terminorum. At sicut Esse rei creatæ, sic non Esse, seu negatio Esse actualis non est determinatè intelligibilis pro signo indifferentiæ ad Esse & Non Esse. Hujusmodi verò Indifferentiam manifestum est involvi in statu possibilitatis. Ergo pro illo duntaxat statu, in quo fit determinatio circa res creatas, est intelligibile tum Esse, tum non Esse determinatum futurorum contingentium. At illam determinationem quoad Esse per se efficienter, quoad Non Esse verò per infallibilitatem consequentiæ esse ex vi voluntatis Divinæ constat *ex precedentibus*. Ergo contradictio, & consequenter unius contradictoriæ determinata veritas, & alterius falsitas circa futura contingentia non est, nisi consequenter ad Decretum Divinæ Voluntatis.

### CONTROVERSIA. III.

#### *An Deus cognoscat contingentia, seu futura in suis Ideis?*

**D**ivus Bonaventura *pras. art. dub. 1. n. 1.* relatus affirmat: quem refutat Scotus *in 1. dist. 39. q. 5. n. 7.* Nam complexio contingens non est nata cognosci ex terminis, cum alioquin non esset necessaria tantum, sed prima & immediata. At si complexio aliqua non sit nata cognosci ex terminis, tunc neque ratio cognoscendi terminos talis complexionis sufficienter causat ipsius noticiam. Ergo Ideæ seu rationes cognoscendi terminos complexionis seu propositionum contingentium non sunt sufficientes causæ ad has cognoscendas, quantumvis terminos ipsarum perfectè repræsentent.

Adversus istud Scoti argumentum opponitur Ægidius Romanus *iii. dub. 1. n. 2.* relatus, qui hunc in modum argumentatur. Essentia Divina subit rationem Ideæ, quatenus est creaturarum repræsentativa. At sicut in Essendo, sic in repræsentando, oportet Divinam Essentiam esse infinitam. Hæc autem in repræsentando infinitas importat omnis repræsentabilis, atque adeo Veritatis futurorum contingentium actualissimam repræsentationem. Ergo Essentia Divina quatenus habet rationem Ideæ est actualissimè repræsentativa Veritatis futurorum contingentium. Atqui ratio Idealis creaturarum in Deo est per modum Attributi. Est autem cujuslibet Divini Attributi ratio independens à Decreto Dei. Oportet igitur illam repræsentationem Essentiæ Divinæ quæ Ideæ convenire independentem, seu antecedenter ad Divinæ Voluntatis Decretum.

Contra istam Ægidij Romani argumentationem rursus stat argumentum Scoti *iii. n. 7.* hoc ferè modo arguentis. Ideæ in Deo naturaliter repræsentant. At omnis illa formalitas, quæ Deo est naturalis, seu necessaria antecedit ipsius liberum Decretum. Si ergo ratio Ideæ in Deo esset repræsentativa futurorum contingentium, ista repræsentatio antecederet Divinæ Voluntatis actum. At futuricio rerum super possibilitatem non est nisi per Decretum Dei liberum. Ergo ratio Idealis in Deo non est repræsentativa ejusmodi futuritionis.

Doctor Angelicus Ideas in Deo secundum rationem nostram ratiocinatam distinguit in Determinatas, & Indeterminatas, juxta illud *q. 3. de Verit. a. 6. Idea potest esse ejus, quod nec est, nec erit, nec fuit: non tamen eodem modo, sicut est eorum, quæ sunt, vel fuerunt: quia ad ea, quæ sunt vel fuerunt, vel erunt producenda, determinatur ex proposito Divinæ Voluntatis: non autem ad ea, quæ nec sunt, nec erunt, nec fuerunt. Et sic hujusmodi habent quodammodo Ideas Indeterminatas.*

Has proinde Ideas Indeterminatas Voluntatis Divinæ Decretum ratione nostrâ antecedentes non posse Deo esse rationem cognoscendi futura, evincitur ex S. Doctore *in 1. dist. 39. q. 1. a. 2. ad 1.* ubi de scientiâ creaturarum quæ existentium ait: *Sicut ipsum scire est subjectum libertatis voluntatis, ita & Idea, secundum quod ad ipsam terminatur actus Divine Scientiæ, Ex quo simul elucet;*



Ideas in Deo, quatenus ex proposito Divinae Voluntatis determinatas sufficienter repræsentare futura etiam contingentia, attestante eodem Doctore Angelico *præs. q. 14. a. 13.* asserente: *Omnia, quæ sunt in tempore, esse Deo præsentia, eâ quoque ratione, quâ habes rationes rerum apud se præsentis.*

## CONCLUSIO.

**D**eus præscit futura contingentia in suis Ideis non antecedenter, sed consequenter ad Decretum Divinum eorum futuritionis prædefinitivum.

6. *u.* Explicatur & Probatur. Ideæ in Deo sunt ipsa Essentia Divina, prout est objectiva rerum ratio. S. Thomas *seq. q. 15. a. 1. ad 2. & a. 2. ad 1.* Essentia verò Divina ex vi suæ Eminentiaë continens actualissimam omnem Essendi perfectionem cum infinità sui ad extra communicabilitate est ut sic ratio objectiva, seu Motivum formale per scientiam simplicis Intelligentiaë cognoscendi omnes creaturas quâ possibiles, sive producibiles ad extra. Hæc autem repræsentandâ ratio creaturarum possibilitum est ratione nostrâ cum fundamento in re antecedens Decretum liberum, vi cuius per modum causalitatis formaliter immanentis est in Deo intrinseca determinatio ad producendum creaturarum Esse actualis Existentiæ tam secundum substantiam, quàm secundum quævis accidentia. At verò hanc ipsam Divinae Voluntatis Determinationem, ac Decretum ratione nostrâ ratiocinatâ consequitur scientia Visionis creaturas in qualibet temporis differentia existentes attingens formaliter sub ratione existentiaë, & contingentis essendi actualitatis. Est autem huius scientiaë Visionis ratio objectiva formalis Motiva ipsa essentia Divina secundum Decreti liberi formalitatem intrinsecam realiter formaliter sibi identificatam. Constat igitur, aliam scientiaë Divinaë quâ simplicis intelligentiaë rationem objectivam esse Essentiam Dei secundum communis communicabilitatem sui ad extra necessariò, & ratione nostrâ antecedenter ad Voluntatis suæ Divinae determinationem sibi convenientem. Aliam verò scientiaë quâ Visionis rationem objectivam esse Essentiam Divinam sub formalitate Decreti liberi realiter formaliter sibi identificati. At Essentia Divina sub priori formalitate est Idea, quatenus hæc est ratio rerum ad extra producibilium: sub formalitate autem posteriori est Essentia Divina actuale principium futuritionis, habetque ut sic rationem Ideæ, prout hæc importat Exemplar rerum in tempore faciendarum. ex S. Doctore *cit. q. 15. a. 3. in corp. & ad 2.* Et si proinde ratio Ideæ, quatenus est in Deo antecedens Voluntatis Divinae liberam determinationem non possit esse ratio cognoscendi creaturas secundum statum existentiaë seu futuritionis contingentis: attamen sub formalitate Decreti liberi Essentia Dei est formaliter Idea exemplaris, quæ ut sic est Intellectui Divino ratio intelligendi creaturas quâ existentes in quâvis temporis differentia.

\* \*

## Responsio ad fundamenta contraria.

**A**d Scoti *n. 1.* oppositum Respondetur: Concessâ Maiore, negando Minorem. Ratio est: Quia licet complexionis contingentis termini defectu alicujus connexionis necessariae non sint nati in ratione objecti parere notitium propositionis ex se compositæ, maximè certam, & infallibilem. Nihilominus primam illius Complexionis rationem esse in Deo per modum causalitatis intrinsecæ, quæ cum ejusdem Veritate, seu Essendi æqualitate habeat infallibilem connexionem non quidem aliqualis dependentiæ, sed causalitatis vel consequentiæ. Ergo ejusmodi Rationem Divinam, seu Exemplarem Dei Ideam esse sufficientem rationem cognoscendi quaslibet complexiones contingentes, utpote quæ secundum ipsummet subtilem Doctorem *cit. dist. 39. n. 14.* immediatè deriventur ex Deo tanquam primâ omnis Contingentiæ radice.

Ad Ægidij Romani *n. 2.* oppositum Respondetur: Essentiam Dei quâ in repræsentando infinitam ita esse omnis repræsentabilis non tantum ad intra, sed etiam ad extra repræsentativam, ut repræsentando in ratione causæ Idealis, seu Exemplaris sit hoc ipso omnis realitatis repræsentabilis ad extra causativa, sive Physicè quoad Esse reale actualis Existentiæ, sive intelligibiliter quoad esse objectivum in Divino intellectu. At verò hanc Divinae Essentiæ vim repræsentativam quâ ad extra causativam Esse realis, vel actualis creaturarum existentiaë formaliter importare Divinae Voluntatis Decretum, tanquam Actionem Dei ad extra, formaliter immanentem, & virtualiter transeuntem. Unde istam vim creaturarum quâ in aliquâ temporis differentia contingentè existentium repræsentativam non tam habere rationem Attributi simpliciter, naturaliter ac necessariò Deo inexistentis, quàm actûs Divini liberi realiter formaliter identificati cum Divinâ Essentiâ. Quocirca illam vim repræsentativam, seu rationem Idealem, sive rerum in tempore contingentè faciendarum Exemplar non debere in Deo ratione nostrâ esse antecedens Divinae Voluntatis Decretum liberum, sed potiùs rationem illam objectivam, & Idealem in suo conceptu formaliter importare actum Divinae Voluntatis.

Ad Scoti *n. 3.* oppositum Respondetur ex S. Thom. *cit. q. 3. a. 3. ad 2. Et de Verit. cit. a. 6.* Antecedenter ad Decretum futurorum contingentium præfinitivum esse in Deo rerum purè possibilitum Ideas Indeterminatas, & duntaxat in virtute, quas ut sic non esse in ratione objecti Motivis repræsentativas futurorum contingentium. At Voluntatem Divinam liberè eligendo futuritionem, sive existentiam effectûs alicujus, seu complexionis contingentis, facere hanc determinatè veram, atque tunc Essentiam Divinam esse rationem Intellectui Divino intelligendi illud verum, velut in terminis docet Subtilis Doctor *cit. q. 5. n. 23.* Quam proinde intelligendi rationem S. Doctorem cum D. Bonaventura *ubi supra* vocare Ideam Determinatam, & Exemplarem. Unde Subtilem Doctorem non tam in præsentis difficultatis puncto discordare cum illis, quàm in eo, quòd omnem Ideæ rationem in Deo

9.

10.

11.



Deo ponat Naturalem, seu antecedentem Voluntatis Divinae liberam determinationem.

#### CONTRORSIA IV.

*An Præscientia futurorum contingentium sit in Deo per comprehensionem Arbitrij creati, aliarumque causarum secundarum?*

1. **A**ffirmat Molina *præc. dub. n. 2.* adductus. Fundamentum est. Deus scit in Tyrijs & Sidonijs futuram fuisse Pœnitentiam in cinere, & cilicio, ex hypothesi, quod in Tyro, & Sidone factæ fuissent virtutes, quæ in Corozain, & Bethsaida erant factæ ex *Matth. ii.* At illud futurum ex liberâ hominum Voluntate dependens nunquam fuit, aut erit in rerum naturâ, nec adeo existit in æternitate: unde non propter existentiam sui in æternitate potuit esse præscitum à Deo, sed per supercomprehensionem duntaxat causarum secundarum. Probatur istud Assumptum. Deus per scientiam Naturalem se ipsum comprehendit. Est autem scientia naturalis in Deo ratione nostrâ cum fundamento in re antecedens omnem Voluntatis Divinae Determinationem. Neque verò stare potest Divinae Substantiæ comprehensio, quin supercomprehendat omnia Eminentè in eâ contenta, atque adeo liberum arbitrium cujuscunque creature à Deo producibilis. At ista creati Arbitrij supercomprehensio exigit, quod Intellectus Divinus penetret, quid liberum arbitrium cujusque creature, datâ hypothesi, quod velit illud creare, in hoc, vel illo rerum ordine, cum his vel illis circumstantijs, aut auxilijs, pro sua ad oppositum quoque libertate sit facturum. Ergo per scientiam Naturalem quatenus Essentiæ Divinae comprehensivam, & consequenter omnium causarum secundarum etiam liberarum supercomprehensivam antecedenter ad omne liberum Decretum Deus scit, quid unaquæque Causa secunda etiam libera, si ab ipso crearetur in quocumque statu, ac rerum peristasi, esset factura, vel non esset factura. Hoc autem naturaliter præscito, non potest non sciri, quid in isto rerum ordine per Voluntatis Divinae determinationem absolute decreto sit pro quolibet statu actualiter etiam liberè eventurum. Constat igitur, futurorum in Deo Præscientiam congruè exponi per supercomprehensionem omnis causæ secundæ ex Omnipotentia Divinâ possibili.

3. Franciscus de Lugo *disp. 32. de Deo uno. c. 1. n. 4.* testatur, istam Molinae sententiam serè nullum etiam ex Societatis Doctoribus habuisse sectatorem.

#### CONCLUSIO.

1. **P**er comprehensionem Essentiæ Divinae quâ supercomprehensivam causarum secundarum antecedenter ad suum liberum Decretum non potest Deus præscire eventus liberos, sive effectus contingenter futuros.

Probatur. Cujusque rei Veritas, & cognoscibilitas est secundum ipsius Esse. Ergo quod nec in se, nec in sua Causâ habet Esse determinatum, secundum talem determinatam Essendi rationem non est intelligibile à Divino Intellectu, utpote non potente res aliter cognoscere, quàm prout sunt à parte rei. Atqui antecedenter ad Decretum Voluntatis Divinae nulla res extra Deum vel in se, vel in suis causis habet aliquod Esse determinatum actuale, sed est in puro statu possibilitatis, seu Indifferentiæ ad Esse, & Non Esse. Ergo pro tali statu non est ulla veritas determinata cujuscunque Forutionis ut sic importantis aliquam Essendi determinationem sive absolute, sive conditionate, cum actualitate quâdam supergressâ statum possibilitatis, seu Indifferentiæ; velut *infra cont. 6. & seq. art. 1. supius demonstrabitur.* E contrario autem posita Voluntatis Divinae determinatione Essentia Divina in vi causalitatis, seu actionis æternæ omnes effectus extra se in tempore producendos secundum rationem actualis Existentiæ continet. At Essentia Divina eatenus est repræsentativa creaturarum, quatenus earum Esse Eminentè, ac virtualiter in se continet. Cum igitur Essentia Divina ex vi Decreti liberi realiter formaliter sibi identificati in ratione causalitatis ad extra contineat virtualiter omnis effectus in quovis tempore producendi Esse actualis Existentiæ; consequens est, comprehensionem Divinae Essentiæ ita esse supercomprehensivam non tantum Causarum secundarum, sed omnium etiam actuum liberorum, & effectuum sive naturaliter, sive contingentè futurorum, ut tamen ista supercomprehensio futurorum contingentium ab æterno fuerit in Deo non antecedenter, sed ratione nostrâ ratiocinâtâ consequenter ad Decretum liberum Voluntatis Divinae.

#### Responsio ad fundamenta contraria.

6. **A**d n. 1. oppositum Respondetur. Molinam rectè supponere in suo argumento, quod Divinae Essentiæ comprehensio sit eatenus supercomprehensiva creaturarum, quatenus illæ virtualiter, seu Eminentè continentur in illâ. Ac si hæc virtualis continentia respectu creaturarum quâ existentium, seu contingentium futurorum in Deo esset antecedens Voluntatis Divinae determinationem, consequens esset, Existentiæ creaturarum æquè fore necessariam, atque earundem possibilitatem: siquidem Essentiæ rerum quâ possibiles in sua ratione formali objectivâ secundum prædicata sua sint eo ipso necessaria, quod antecedenter ad Decretum Divinum sint intelligibilia ab intellectu Dei, & ut sic substantiæ Divinae secundum Esse objectivum participantia. Oportet igitur, Essentiæ Divinae comprehensionem non nisi consequenter ad Decretum liberum Voluntatis Divinae esse supercomprehensivam creaturarum in tempore existentium, seu futurorum maxime contingentium. At vi hujus Decreti tanquâ Causalitatis Dei ad extra omnes res in tempore futuras quoad esse reale actuale in mensurâ nō propriâ creaturæ durationis, sed alienâ Essentiæ ac Decreti Divini coexistere Deo per æternitatem, demonstratum est *supra q. 3. art. 1. cont. 3.* Cum igitur Essentiæ Dei non quoad per-



ad perfectiones præcisè naturales, sed quoad liberæ determinationis formalitates comprehensio in Decreto Dei æterno tanquam causalitate omnes creaturarum Essendi actualitates contingente sit ut sic supercomprehensiva non causarum duntaxat secundarum, sed quorumlibet effectuum ab ipsis etiam liberè in tempore producendorum, consequens est, Futurorum contingentium existentiam in æternitate, sive in Decreto Dei æterno ita esse rationem eorundem in Deo Præscientiæ, ut non per nudam causarum secundarum, sed effectuum quoque liberorum in Essentiâ Dei supercomprehensionem sine futura contingentia à Deo infallibiliter præscira.

Deum prævidere futura libera non tantum in propensione Voluntatis creatæ per se ipsam jam determinatæ, sed in illo quoque suo Decreto Divino.

## CONCLUSIO.

**D**eterminationis in actu primo proximo realiter indistincta ab Entitate Voluntatis creatæ liberæ est Chimærica, nec adeo tum ipsa, tum Decretum Dei absolutum illam consequens potest Intellectui Divino Esse ratio cognoscendi futura libera.

## CONTROVERSIA. V.

*An futurorum contingentium Præscientia Divina fundetur in Decreto Dei Absoluto consequente nostræ Voluntatis in actu primo proximo determinationem seu propensionem?*

**A**ffirmat Franciscus de Lugo *sup. cont. 1. n. 3.* citatus. Fundamentum est. Ea intervenit differentia inter agens Liberum, ac Necessarium, quod istud utpote naturaliter determinatum ad agendum, in actu primo proximo constituatur per Extrinsecam passi applicationem, vel objecti debitam propositionem. Quâ proinde posita, totam suam exerit activitatem, ita ut ratio, cur modò intensius, modò remissius operetur, non alia sit nisi ex diversâ applicatione passi, vel objecti. Econtra verò Agens liberum habens suam vim agendi in propria potestate non completur in actu primo proximo per solam objecti applicationem. Hoc enim eodem modo proposito, quandoque se applicat ad agendum, quandoque non; & aliquando remissius, aliquando autem intensius. Si proinde hujus querenda sit ratio, recurrendum erit ad intrinsecum potentia liberæ complementum, quod sit in actu primo activitatis illius applicatio. Hujus autem applicationis, seu determinationis natura indaganda est ex Primo libero, ex quo Idealiter derivatur creatæ libertas. Atqui istud Primum liberum seu Deus non est de absolutâ suâ potentia productivus ad extra determinati alicujus effectus, nisi prius naturâ determinet indifferentiam sui actus primi. Ista verò determinatio est Deo intrinseca, ab ejus substantiâ realiter indistincta, habens respectu actionis physicae ad extra rationem actus primi proximi determinati: Pari ergo ratione actus primus proximus creati arbitrii importat sui determinationem intrinsecam ad operandum, quæ tamen determinatio non realiter, sed duntaxat virtualiter distinguatur ab Entitate voluntatis habentis in se intrinsecam activitatem, & vim se determinandi. At istâ determinatione posita infallibiliter sit actus, maxime cum Deus tanquam causa prima habeat Decretum absolutum, & efficax concurrendi cum nostrâ voluntate jam propensa, & in actu primo proximo inclinata, seu determinata. Cum igitur istud Decretum non possit frustrari suo effectû, consequens est,

Probatur. Impossibile est transire de contradictorio in contradictorium sine mutatione reali. At voluntatis creatæ determinatio formaliter tollit ejus indeterminationem. Hæc verò importat negationem determinationis, atque adeo oppositionem contradictoriam. Unde repugnat, Voluntatem Creatam de statu indifferentiæ transire ad statum determinationis, quin mureretur realiter. At omnis mutatio realis importat aliquid Entitatis distinctæ à subjecto. Hoc enim est in potentia, quæ per mutationem realem reducitur in actum; implicat autem, eandem Entitatem esse respectu ejusdem in actu & potentia. Ergo impossibile est, Voluntatem creatam ex statu indifferentiæ intrinsecè reduci in statum determinationis absque Entitate reali sibi superaddita. Ergo determinatio in actu primo proximo realiter indistincta ab Entitate voluntatis creatæ ex se ad operandum indifferentis non potest utpote implicatoria Intellectui Divino esse ratio cognoscendi futura libera.

Respondebis ex Francisco de Lugo. *cit. disp. 32. c. 3. n. 12.* Voluntatem Divinam ratione suæ Libertatis posse indifferentiam sui actus Primi ita determinare per formalitatem aliquam intrinsecam realem, quin hæc superaddita sit, ac realiter distincta ab Entitate ejusdem Divinae voluntatis. Ergo in voluntate etiam creatâ esse intelligibile, quod de statu indifferentiæ transeat ad statum determinationis absque mutatione reali, atque adeo Entitate superaddita.

Contra. Nam Voluntas Divina nullam habet indifferentiam formalem, & propriè dictam. Hæc namque importat potentialitatem, quæ aliena est à purissimo omnimodæ perfectionis actu. Unde Libertas voluntati Divinae formaliter inexistens importat indifferentiam quandam Eminentialem. Hæc verò in eo consistit, quod actualissima Voluntatis Divinae Entitas sub eadem simplicissima formalitate ita sit ratio volendi, ut omnino invariata ex vi libertatis formaliter inexistens Voluntati Dei, posset esse ratio nolendi. Quare determinatio Voluntatis Divinae ad creandum mundum, non importat transitum aliquem de contradictorio, seu de statu indifferentiæ Formalis ac potentialis ad statum determinationis, sed mensuratur æternitate, estque ipsissima Divinae substantiæ actualissima Essendi ratio absque ullâ potentialitatis admixtione. Econtra verò Voluntati creatæ liberæ competit formalis potentialis ac propriè dicta indifferentia tum activa contradictionis ad Exercitium actus, vel hujus negationem, tum

Passive



- Passiva ad receptionem ac determinationem actus vel ejus negationem. Ex hujus autem indifferentiæ formalisatione fit consequens, quod voluntas creata libera non possit in actu secundo determinari per Exercitium actus, quin recipiat operationem physicè à se elicita atque realiter distinctam à suâ Entitate. Hinc autem rursus fit consequens, quod illa etiam in actu Primo Proximo determinatio, si daretur, æquè distingueretur à Voluntate creatâ, atque actus secundi exercitium. Probatur istud assumptum. Nam ratio, cur actus secundi exercitium debeat à Voluntate creatâ realiter esse distinctum, non est alia nisi quod illa ad exercitium actus indifferentia præter vim operandi, & non operandi importet formaliter aliquam potentialitatem. Hinc enim quia nihil respectu sui potest esse in potentia, sequitur, Ens in potentia non esse determinabile nisi per actum à se distinctum. Unde si Voluntas creata ad illam actus Primi proximi determinationem sit in potentia, sequitur hanc æquè realiter distingui à Voluntate, atque ejus exercitium in actu secundo debeat esse realiter distinctum. At illa Voluntatis creatæ ad actus liberi exercitium intrinseca potentialitas concluditur ex eo, quod Voluntas stare possit cum contradictorio, seu negatione actus ejusmodi. Atqui positus in voluntate omnibus ex parte cognitionis, aliarumque circumstantiarum prærequisitis secundum Franciscum de Lugo *cit. 6. 4. 11. 41.* ejus operandi liberam potestatem adhuc considerare licet pro duobus instantibus, in quorum posteriori habeat formalitatem actus Primi proximi determinati, non verò in priori. Ex quo fit evidens, voluntatem creatam liberam in reali instanti posse subsistere cum negatione formalitatis, per quam in actu primo proximo formaliter determinetur. Ergo æquè deberet esse in potentialitate ad istam formalitatem determinationis in actu primo proximo, quam ad formalitatem determinationis in actu secundo. At ex eo, quod Voluntas creata libera sit in potentialitate ad actum secundum, possitque cum istius negatione componi, evincitur, Exercitium Causæ secundæ liberæ non esse ad instar Primi liberi per formalitatem à Voluntate realiter indistinctam, sed per actionem superadditam. Pari ergo ratione inferre licet, applicationem in actu primo proximo; si, uti asserit Lugo, importet determinationem antecedentem, seu causativam liberi actus, esse à parte rei distinctam ab Entitate Voluntatis creatæ.
9. Circa quam proinde Voluntatis per qualitatem superadditam in actu Primo determinationem eadem remaneret difficultas, in quo nimirum Motivo seu Medio Divina præscientia haberet illam in æternitate cognitam? Item ratio reddi non posset, cur pro secundo instanti voluntas creata de se indifferens haberet actum primum proximum ex se de determinatè illativum actus secundi, nisi recurreretur ad Causalitatem Dei, tanquam Medium cognoscendi Futuritionem tant illius proximi actus Primi, quam actus etiam secundi.
10. Confirmatur: Impossibile enim est, ullum in rebus creatis esse transitum de contradictorio in contradictorium absque influxu Causæ primæ. At Voluntatem pro instanti actus primi remoti esse indifferentem; in actu autem pri-

mo proximo esse determinatam, tradit Lugo *cit. 11. 41.* In hoc autem ex statu indifferentiæ ad statum determinationis transitu proceditur de contradictorio, seu negatione determinationis ad contradictorium, ipsam nimirum determinationem. Oportet igitur, intervenire influxum Causæ primæ. De hoc autem influxu quaeritur, An habeat vim determinandi Voluntatem creatam, vel non? Si hoc posterius asseratur, consequens erit, posse Voluntatem creatam in actu primo transire de statu Indifferentiæ ad statum determinationis sine omni præviâ determinatione. Ergo à pari in actu secundo intelligi potest transitus de statu indifferentiæ ad statum determinationis sine antecedente voluntatis determinatione. Hoc autem adversatur Doctrinæ ejusdem de Lugo *loc. cit.* affirmantis, non posse rationem reddi, cur Voluntas in secundo instanti actus primi proximi, seu determinationis, non autem in instanti primo actus primi remoti sive Indifferentiæ operetur, nisi pro instanti secundo aliquid assignetur, quod non præextiterit in primo. Pari ergo ratione cur Voluntas se determinet in actu primo proximo ad hunc potius actum, quam ejus negationem, vel oppositum cum tantâ intentione eliciendum, nequit dari ratio, nisi intelligatur ex parte voluntatis prævia aliqua Formalitas, quæ non præextiterit in instanti actus primi remoti. At de istâ formalitate si non sit influxus, seu effectus Causæ primæ, sed voluntatis creatæ, eadem redibit difficultas. Si enim ista formalitas intelligatur emanare à voluntate creatâ, supponere debet aliam se priorem voluntatis determinationem, aut certè non poterit dari ratio ex parte Voluntatis, cur talem formalitatem, seu actualitatem modò in se habeat, non autem antea. Vel igitur processus erit in infinitum, vel deveniendum est ad aliquam formalitatem determinativam Voluntatis, ab istâ non emanantem. At hæc formalitas determinativa Voluntatis ab hujus libertate independens non est, nisi Motio Causæ primæ. Oportet igitur, respectu Voluntatis creatæ assignare Motionem Causæ Primæ, quæ formaliter determinet Voluntatem. De quâ proinde Causæ Primæ Motione Doctor Angelicus 1. *cont. Gent. cap. 3.* in fine disserit in hæc verba: *Dominium Voluntatis super tuos actus competens, per quod est in ejus potestate velle & non velle, excludit determinationem ad unum & violentiam Causæ exterioris agentis, non autem excludit influentiam superioris Causæ, quæ est ei Esse & operari, & sic remanet Causalitas in Causâ Primâ, quæ est Deus respectu Motuum voluntatis, ut sic Deus simpliciter cognoscendo, hujusmodi cognoscere possit.* Constat igitur, in Causæ primæ influentiâ Voluntatis creatæ determinativâ, atque ad eò in Decreto suo Divino non consequente, sed antecedente determinationem creati arbitrij infallibiliter prævideri à Deo actus ex illo Decreto tanquam causalitate Dei formaliter immanente, ac virtualiter transeunte liberè futuros in tempore.

Ad argumentum Francisci de Lugo *n. 2.* oppositum

**R**espondetur: Agens liberum in actu 1. Essentialiter importare indifferentiam activâ Determinativam. Hanc verò determinari non per solâ ob-



jecti applicationem, sed Motionem intrinsecè ac formaliter Determinativam potentie cum indifferentià tam objectivâ, quàm electivâ operantis. Hujus autem determinationis naturam ex Primo libero, à quo omnis creata libertas Idealiter derivatur, ita indagandum esse, ut tamen in Primo libero salvetur purissima Essendi actualitas; in secundis verò Liberis spectetur activitas cum admixtione potentialitatis. Ex quo proinde inferri, quòd intrinseca secundi liberi determinatio non fiat, nisi per Entitatem superadditam; cum contra Primum Liberum determinetur per formalitatem à substantiâ suâ realiter formaliter indistinctam. Ratio hujus illationis est. Ubi est purissima actualitas, non potest pro ullo instanti inesse aliqua negatio, sed tota Essendi ratio secundum simplicissimam omnis formalitatis, ac perfectionis Unitatem Eminentialem inexistit per *Nunc* æternitatis omnino indivisibile, & invariabile. Econtra potentialitatis ratio infert pro aliquo reali Naturæ instanti negationem saltem logicam formalitatis, ad quam Ens est in potentia, quæ adèd formalitas inexistit per *Nunc* ævi, vel temporis involventis quoad substantiam, vel saltem quoad operationes variabilitatem. Unde fit consequens, quòd Primi Liberi seu actûs purissimi ad volendum & nolendum indifferentia sit Eminentialis, vi cuius Deus per unam simplicissimam formalitatem in æternitate ita sit immutabiliter volens producere mundum, ut per eandem formalitatem sine ullâ variatione posset absolute esse nolens, nec tamen haberet in se ullam negationem, se privationem. Cum è contrâ secundi Liberi indifferentia cum activitate involvens potentialitatem sit physicè componibilis cum verâ actûs negatione. At verò negatio tollitur formaliter per actum positivum, cujus Entitas non potest stare in subiecto unâ cum negatione oppositâ. Est autem facultati liberæ non tantum vis activa ad exercitium actûs, sed insuper est in potentia ad determinationem seu præviâ suâ in actu Primo determinativa activitatis, si hæc daretur, applicationem. Oporteret igitur, hanc determinationem non esse ipsam voluntatis liberæ Entitatem, utpotè in quâ stare possit negatio, seu privatio talis determinationis. Neque verò ista determinatio posset esse ex libertate Voluntatis creatæ. Sicuti enim quærenti, Cur facultas libera hunc potius, quàm illum actum eliciat, ratio secundum Franciscum de Lugo redditur ex præviâ determinatione, sic, cur Voluntas, quæ in priori instanti erat indifferens ad opposita, pro instanti posteriori liberè se determinaret ad hunc actum, ex paritate rationis recurrendum esset ad aliam antecedentem determinationem; quæ si rursus esset ex libertate Voluntatis, abiretur in infinitum. Quare listendum tandem est in Voluntatis præviâ determinatione independente à libertate Voluntatis. Hæc autem reducenda est in Causam primam, in cujus adèd causalitate, sive Decreto absoluto, & efficaci antecedente voluntatis creatæ determinationem infallibiliter prævidet Intellectus Divinus actus liberos in tempore futuros.

## CONTROVERSIA VI.

*An infallibilis futurorum Absolutorum Præscientia Divina fundetur in Præscientiâ virtualis Futuritionis Decretorum Dei?*

**D**ifficultas hic movetur ex Fonseca, & Suarezio *sup. cont. 1. n. 5.* citatis. Hi namque adversus Ochamum in *1. dist. 9. q. 3.* & Gabrielem in *3. dist. 2. q. 1. a. 3. dub. 3.* ad tertiam Scoti rationem ex communi Theologorum consensu in Deo præsertim quoad ipsius Decreta distinguunt duo signa rationis, in quorum priori concipitur Voluntas Divina cum necessario Increatae suæ Bonitatis amore, sed cum indifferentiâ ad amandum objecta creabilia, ut adèd Voluntatis Divinæ determinatio, seu liberum Decretum circa objecta creata considerari debeat pro secundo, seu posteriori rationis Signo. Etli proinde libera Dei Decreta mensurentur æternitate, quæ non admittit in re mensuratâ prioritatem, ac posterioritatem, seu futuritionem realem; attamen secundum instantiâ rationis videtur posse concipi Deus in priori Signo cum futuritione Decretorum pro Signo posteriori existentium in ipso per liberam determinationem.

Referuntur sententiæ Doctorum.

**I**uxta quam adèd Signorum diversitatem cum Fonseca & Suarezio tenent nonnulli Recentiores: Intellectum Dei antecedenter ad sua libera Decreta penetrare non solum, quid quælibet voluntas creata, si poneretur in hac, vel illâ occasione, esset factura; vel quid ipsa Voluntas Divina pro signo posteriori sit decretura circa creaturas, atque in hac conditionatâ tum creatæ, tum Divinæ Voluntatis actuum liberorum Præscientiâ sufficienter fundari eorundem absolutam Præscientiam.

**Fundamentum est.** In signo antecedente Decreta Dei libera falsa est hæc propositio: *Deus non est decreturus producere mundum.* Huic verò enuntiationi contradictoriè opponitur ista: *Deus decreturus est creare mundum.* At ex contradictorijs unam oportet esse veram, & alteram falsam. Ergo pro signo antecedente Decreta Dei libera stat Veritas illius propositionis affirmativæ. Atqui pro illo signo, in quo est objecti veritas, inexistit Deo illius Scientia. Ergo antecedenter ad voluntatis suæ determinationem præscit Deus Decreta sua libera in Signo rationis posteriori futura. Hæc verò Divini Decreti absolute futuri præscientiâ suppositâ, intellectui cognoscendi, quid quævis Voluntas creata esset factura, si à Deo poneretur in his, vel illis circumstantijs, sunt evidenter notj omnis effectus liberi cujuscvis creatæ Voluntatis. Ergo actûs liberi in tempore absolute futuri sunt à Deo præsciti antecedenter ad sua libera Decreta, tum in horum futuritione virtuali, tum in præscientiâ conditionatâ effectuum sub conditione futurorum.

Hæc opinio non tantum reprobatûr à Thomistis, inter quos Xantes Mariales *præf. disp. 47. c. 5.* eam vocat *Phantasmam*: sed insuper rejicitur à Vasquezio *ibi disp. 65. c. 4. n. 24. & 25.* & pluribus alijs Theologis.

CONCLU-



## CONCLUSIO.

**I**mplicat, quòd Deus pro aliquo signo rationis prævideat sua Decreta quæ futura, nec aded pro isto voluntatis Divinæ determinationem antecedente signo intelligibile est, quòd Intellectus Dei prævideat creati arbitrii actus liberos tum in futuritione Decretorum Dei tum in futuritione, seu Præscientiâ conditionatâ liberorum effectuum.

4. Probatur. Futurum ut sic connotat aliquam durationis mensuram. At Deus circa suum Decretum absolutum non potest intelligere aliam mensuram, nisi æternitatis: in hanc verò, atque aded Decretum Dei æternum non cadit futurum, attestante D. Thomâ q. 6. de Verit. a. 3. ad 10. quòd actus prædestinationis, cum mensuretur æternitate, nunquam cadit in præteritum, sicut nunquam est futurum, sed semper consideratur ut egrediens à Voluntate per modum libertatis. Consequens igitur est; Deum nunquam cognoscere sua Decreta quæ futura.

5. Respondebis. Etsi æternitas sit formaliter *Nunc* indivisibile, in quod non cadit præteritum, ac futurum, attamen ratione suæ infinitatis esse virtualiter divisibile. Hanc verò divisibilitatem virtualem competere æternitati non tantum in comparatione ad durationes rerum creaturarum, quas suo ambitu complectitur, sed etiam in comparatione ad formalitates Deo intrinsecas. Probatur istud assumptum. Nam inter has una ita mensuratur æternitate, ut sit naturalis, & necessaria, alia verò, etsi æterna, est tamen libera. At secundum prioritatem rationis cum fundamento in re consideratur per prius inexistere Deo formalitatem naturalem, quam liberam; Ergò pro signo, in quo intelligitur Divina perfectio naturalis, verificatur de formalitate Dei liberâ, esse futuram, atque aded ab intellectu Divino penetrante in quolibet signo omnem Veritatem, cognoscitur quæ futura.

6. Contra. Nam illa prioritas rationis fundatur in eo, quòd possumus cognoscere Divinam substantiam cum perfectione naturali in se actualissimè subsistentem, remotâ quâlibet formalitate liberâ: cum econtra sublatâ per intellectum nostrum perfectione necessariâ tollatur Divinæ substantiæ infinita actualitas. Ex hoc autem fundamento fit, quòd formalitas Dei libera neque dici queat præsens, neque futura pro illo signo, in quo per prius consideratur perfectio Divina naturalis. Probatur istud Assumptum. Signa rationis circa Deum important objectivas Divinarum formalitatum præcisiones. Ex vi autem hujus præcisionis objectivæ est, quòd formalitas Dei libera ex parte objecti non attingatur pro illo signo, in quo per prius consideratur perfectio Dei naturalis: repugnat autem, formalitatem Dei liberam considerari sive ut futuram pro rationis signo, in quo ex parte objecti non attingitur ab intellectu.

7. Confirmatur. Una Dei perfectio dicitur ratione nostrâ prior, quæ independentem ab alterâ, vel cum hujus remotione est verè cognoscibilis: econtra verò dicitur posterior formalitas Dei, quæ in cognoscendo est dependens ab alterâ priori. Hæc autem dependentia

cognitionis ex eo dignoscitur, quòd priori formalitate sublatâ per intellectum nostrum, saltem mediâtè in vi legitimæ Consequentiae destruat Divina substantia, atque aded omnis etiam libera Dei formalitas: cum econtrâ hæc negatâ de Deo, non sit consequens, Divinam Substantiam non esse actualissimè in se subsistentem. At ista cognitionis inter formalitates Divinas dependentia pro signo rationis, in quo perfectio Dei naturalis cognoscibilis est, non arguit aliquam Decreti Divini Futuritionem.

8. Probatur istud Assumptum. Nam ratio, cur sublatâ aliquâ perfectione Dei naturali, per consequentiam legitimam saltem mediâtè tollatur omnis etiam libera Dei formalitas, in eo consistit, quòd eo ipso tunc negetur de Deo purissima, & omnimodè infinita Essendi actualitas; cum tamen ista possit intelligi, quatenus in se subsistens, quâvis licet negatâ liberâ Dei formalitate, seu Decreto. At tota hæc Consequentiarum ratio nihil importat de futuritione Decreti Divini quâ comparati cum perfectione Dei naturali.

9. Probatur hoc assumptum. Nam futuritio in ratione objectivâ importat diversitatem realem durationum cum relatione ad superiorem mensuram. At illa consequentiæ ratio fundatur in ratione perfectionis quæ naturalis, & purissimæ actualitatis, in cuius conceptu, si quæ involveretur duratio, non esset alia, nisi æternitatis. Hæc autem perfectionum Dei ad intra est unica, & indivisibilis mensura. Cum igitur futuritio importet diversitatem realem durationum, quarum respectu superioris mensuræ fit inter se comparatio, consequenter æternitatis divisibilitas virtualis, seu Eminentialis differentiarum temporis continentia non potest esse fundamentum alicujus futuritionis formalitatum Dei, quatenus in se præcisè ad intra considerantur: sed prout comparantur cum tempore, juxta quam comparisonem substantia Divina *Est, Fuit, & Erit*, cum tamen in se secundum omnes formalitates non habeat, nisi unicum Essendi *Nunc* absque ullâ variationis successione. Etsi proinde Decreta Divina secundum aliquod signum rationis per posterius convenient Deo, quàm perfectiones ejus naturales, tamen rationis posterioritas non importat futuritionem, sed dependentiam Consequentiarum, juxta quam Decreta Dei Libera ex vi Consequentiarum necessariarum præsupponunt Divinæ Substantiæ omnimodam actualitatem, ac infinitam perfectionem.

## Ad m. 2. oppositum respondetur:

**N**egando Majorem. Nam ista propositio: *Deus non est decreturus producere mundum*, æquivaleret huic: *Non est futurum Decretum Dei liberum de producendo mundo*. At eo ipso, quòd à parte rei nulla in Decretum Dei æternum cadat futuritio, verum est, quòd Divinum Decretum non sit pro illo signo verè futurum: Unde etiam sit consequens, pro signo antecedente Decreta Dei libera non stare veritatem istius Affirmativæ: *Deus est decreturus creare mundum*. Etenim illud Decreta Dei libera antecedens signum importat formaliter præcisionem objectivam perfectionis Dei quæ naturalis. At non potest subsistere ulla propositio etiam de futuro, nisi pro tunc ex parte objecti attingat intellectus subiectum, de quo fit for-

10.



fit formæ alicujus prædicatio. Implicat ergo in illo signo antecedente, in quo ex parte objecti abstrahitur, arque adeò non attingitur Decretum Dei, de hoc pro tunc verificari, quòd sit futurum.

~~~~~

CONTROVERSIA VII.

An Præscientia Futurorum Divina fundetur in futuritione absolutâ, vel Præsentialitate, ac Entitate ipsorum.

- I. **H**Æc quæstio partim tangit sententias Suarezij *sup. cont. 2. n. 6. & 7.* recensitas: coincidunt enim hæc duo, quòd futuris ut sic insit aliqua cognoscibilitas; & quòd in statu futuritionis habeant determinatam Veritatem, quæ in se immediatè attingatur ab Intellectu Divino.

Referuntur sententiæ Doctorum.

2. **C**Um proinde difficultas ista *præs. art. 4. cont. 2.* discussa fuerit, restat unicum ex Theophylo Raynaudo *art. 2. n. 28.* peticum argumentum hic examinare, quod ita se habet. Ut aliquid nomen rationis *prima formalis* obtineat respectu Notitiæ Divinæ, necesse tantum est, competere ei veram cognoscibilitatem per se; & non vi alterius attingibilem; seu necesse est, esse rationem objectivam non substratam anteriori alicui rationi formali, ad quam ipsa habeat se ut ratio materialis, & objectum duntaxat Terminativum. Atqui utraque hæc conditio competit Esse actuali Futurorum tum necessariorum, tum liberorum: nam tale Esse nullam habet rationem anteriorem cognoscendi, cui subternatur. Item tale Esse cum sit determinatè verum, & reipsâ exiturum, ac correspondens alicui temporis differentię, induit necessitatem quandam hypotheticam, ratione cujus est idoneum fundamentum notitiæ certæ & infallibilis, quia ex suppositione futuritionis tam necesse est, fore quod erit; quàm Esse; quod est, vel fuisse, quod fuit. Ergò sicut notitia affirmans, quod est, esse, & quod præterijt, præterijisse, & cognitio rem coram intuens in se ipsâ, vel recognoscens ipsum præteritum in se ipso infallibilis est, & nixa fundamento necessario; ita notitia tendens in futurum, quatenus supponitur futurum, mutare non potest, perinde enim est, ac si esset præsens, ut propterea D. Thomas *1. cont. gent. c. 67.* affirmet, futura videri ut præsentia; & alibi asserat: *Fundamentum illud, quod querimus, esse præsentiam objectivam rei cognita.*

3. Huic Sententiæ adversatur Franciscus Amicus *cit. cont. 1. n. 9.* relatus, qui tamen *præs. disp. 12. sect. 5. n. 99.* docet, factâ suppositione, quod res per propositionem enuntiata sit habitura existentiam in aliquâ temporis differentia, propositionem fieri determinatè veram, etsi Veritas hæc non possit esse prima ratio cognoscendi Futurum, cum propositio de futuro nequeat esse determinatè vera, ac certò cognoscibilis, nisi quatenus supponit illud pro aliquâ temporis differentia in suo Esse, ac determinatâ Præsentialitate. Fundamentum hujus ab eodem Authore

cit. disp. 12. sect. 9. exponitur. Nam formalis certitudo Intellectionis supponit certitudinem objectivam. Ergo quamdiu futurum non transit à statu contingentie ad statum necessitatis, non est certò cognoscibile. At tunc transit, quando sublata indifferentia Causæ determinatur per Essendi rationem formaliter sibi communicatam. Hæc autem Essendi ratio est rei existentia in propria sua præsentialitate; quâ suppositâ, est hoc ipso res futura intra ambitum æternitatis, utpote quæ omnino invariabilis tota simul indivisibiliter existens ambitu suo continet quaslibet res habentes in tempore præsentialitatem. At cum Intellectio Divina mensuretur æternitate, oportet res ejusmodi in temporis præsentialitate determinatam Essendi rationem habentes esse intra sphaeram Divinæ cognitionis: Quidquid autem est intra hujus sphaeram, ab æterno cognoscitur à Divino Intellectu. Ergò ex eo, quòd res in tempore futuræ pro aliquâ temporis differentia habeant propriam præsentialitatem, ac determinatam Essendi rationem, sunt ab æterno cognoscibiles à Divino Intellectu. In hac igitur propria rerum præsentialitate, seu Entitate præcise Deus futura contingentia, attestante D. Thomâ *præs. q. 14. a. 13.* quòd *Dei intuitus feratur ab æterno super omnia, prout sunt in sua præsentialitate.*

CONCLUSIO.

Certitudo Divinæ Præscientiæ non potest ultimatè reduci in futuritionem seu præsentialitatem, ac Entitatem propriam rei creatæ.

4. Probatur. Futurum, secundum quod in se ipso est actu, intelligitur quâ præsens. Ergò formaliter quâ futurum contingens consideratur nondum determinatum ad unum, sed prout est in suis Causis contingentibus se habentibus ad opposita. ex S. Thomâ *cit. q. 14. a. 13.* At ut sic non subditur contingens per certitudinem alicui cognitioni. ex eod. S. Doctore *cit. a. 13.* oportet igitur, certitudinem cognitionis de futuris contingentibus reduci in certitudinem aliquam objectivam, uti arguit etiam Amicus *hic a. 2.* Atqui Certitudo est necessitas Veritatis. Veritas autem est secundum Esse. Unde Certitudo objectiva est secundum necessitatem Essendi. At nihil præter Deum est absolutè in existendo necessarium: creaturæ autem existunt necessariò ex solâ existentie hypothesi, quatenus omne quod est, dum est, necesse est Esse. ex Arist. *1. Peribet. c. 6. ad finem.* & S. Thomâ *cit. a. 13. ad 3.* At licet posita creaturæ existentia, pro tunc necesse sit, esse creaturam; illa tamen suppositio ac hypothesis ex parte rei, ac objecti formaliter importat creaturæ Entitatem sub statu Existentiæ, ac propriæ præsentialitatis. Hæc autem non est intrinsecè necessaria: Ergò oportet, intrinsecè esse contingentem; quia *Necessarium, & Contingens* adæquantur Ens, quod consequuntur formaliter sub ratione Entis. ex S. Tho. *1. p. q. 23. a. 4. ad 3.* Cum proinde hypothesis existentie, ac præsentialitatis creaturarum, sub quâ ut sic necesse est existere creaturas, ex parte rei, seu objecti importet Entitatem, seu existentiam ac præsen-

- præsentialitatem intrinsecè contingentem, consequenter illius hypothæsis ex parte rei secundum se considerata non est aliqua certitudo objectiva. Oportet igitur, hypothæsi illi, seu præsentialitati creaturarum convenire certitudinem objectivam non secundum Esse, quod habent in se ipsis, sed prout secundum suam præsentialitatem sunt in Intellectu Divino, ex S. Tho. *ut. a. 13. ad 3.* At creaturæ secundum propriam præsentialitatem subsunt Intellectui Divino, ed quod huic ratione suæ æternitatis sint præsentia. ex eod. S. Doctore *3. cont. gent. c. 154.* Hæc autem rerum in æternitate præsentia est secundum actionem Dei æternam, quæ in ratione causalitatis Deo intrinsecè continet actualem earumdem existentiam, vi cuius aded continentia, seu causalitatis dicuntur res creatæ existere in æternitate non secundum propriam, & intrinsecam durationis mensuram, sed *Denominativè* tanquam termini illius causalitatis, & actionis æternæ, *ut sup. q. 3. a. 5. cont. 3.* demonstratum est. At ista causalitas, seu actio æterna importat formaliter Voluntatis Divinæ Decretum, juxta illud: *Quæcumque voluit, fecit.* Cum proinde intuitus Dei secundum certitudinem Metaphysicam seratur in res futuras in suâ præsentialitate, quatenus per actionem æternam, & causalitatem Deo intrinsecam, sive per Decretum Divinæ Voluntatis sunt in æternitate præsentia, consequens est, non ipsam Futurorum propriam Entitatem, ac præsentialitatem, sed voluntatis Divinæ Decretum, seu æternam Deo intrinsecam actionem esse rationem formalem, in quam reducitur Certitudo Præscientiæ Divinæ.

Responsio ad Argumenta Adversariorum.

7. **A**D n. 2. oppositum Respondetur: Concessa Majore: negando Minorem. Tum quia res futura ita habet in suâ præsentialitate determinatam Essendi, atque aded veritatis rationem, ut hæc tamen sit Entitas intrinsecè contingens. At certitudo cognitionis non potest reduci in objectum contingens tanquam formale Motivum: Oportet enim scibile ex vi causæ, seu rationis Motivæ non posse aliter se habere. ex Aristot. *1. poster. c. 2.* Unde fit, quod, licet res creata ex hypothæsi futuritionis seu existentia sit necessaria futura, vel existens, nequeat tamen ista hypothæsis, utpote ex parte rei, seu objecti importans Entitatem intrinsecè contingentem esse objectum Motivum Præscientiæ Divinæ omnino, ac Metaphysicè certæ. Tum quia sicuti formæ est, dare speciem, sic Motivum formalis tanquam primi Intellecti est secundum Angelicum Doctorem *pres. q. 14. a. 5. ad 3.* Terminativè specificare. At specificationem formalitatis Divinæ utpote infinitæ non posse reduci in Entitatem finitam etiam quâ terminum, seu objectum, constat ex dictis *supra pres. q. 5. a. 2. cont. 1.* Cujus ratio desumi potest ex Ferrariensi *ut. c. 47. contra genus.* Nam inter Scientiam Divinam, & rem scitam oportet esse adæquationem, cum de ratione veræ cognitionis sit adæquatio. At inter variabiles, & invariabile nulla est adæquatio. Atqui æternis res creata, quatenus secundum statum existentia mensuratur tempore, est intrinsecè contingens, ita, ut licet pro illo instanti, in quo

est, non possit non esse, atque aded in sensu composito sit pro tunc necessitate immutabilitatis necessaria, attamen in sensu diviso secundum se prout mensuratur tempore, maneat intrinsecè variabilis. Quare res creata in Esse scibilis eatenus duntaxat commensuratur Scientiæ Divinæ, prout est in æternitate, vi cuius, sicuti Dei scientia, sic res scita immutabiliter existit: At ratio, vi cuius res creata dicitur esse in æternitate, est actio æterna, seu Causalitas Deo intrinsecè ad Entitatem in tempore producendam physice terminata. Hæc proinde, non autem Entitas creata, est ratio Motiva ac specificativa Divinæ Præscientiæ.

Ad n. 3. Oppositum Respondetur. Res creatas per existentiam sibi formaliter communicatam ita transire de statu indifferentiæ ad determinatum Essendi statum, ut tamen absolute, & in se sint Entia intrinsecè contingentia; & vi propriæ temporis commensurata præsentialitatis mutabilia. Cum proinde Variabile non possit adæquari cum Scientiâ Divinâ ratione mensuræ æternitatis omnino invariabili, consequens esse, quod res creatæ secundum se non sint in ratione objecti Motivum, ac Specificativi intra Sphæram Divinæ cognitionis, nisi quatenus Entitas ipsarum, ac propria præsentialitas vi actionis æternæ, & causalitatis Deo intrinsecè secundum Esse suum actuale contenta, in virtute Divinæ Substantiæ, mensuratur ut sic æternitate. Ergo Intuitum Dei ab æterno ita ferri super omnia, prout sunt in suâ præsentialitate, ut tamen ista præsentialitas, & propria creaturarum Entitas habeat rationem objecti duntaxat materialis; actione Dei æternâ se habente per modum objecti formalis per identitatem realem formalem specificantis Divinam Præscientiam, uti ex S. Doctore *superius est ostensum.*

CONTROVERSIA VIII.

An Certitudo Divinæ Præscientiæ ex pluribus rationibus quasi partialibus desumatur?

DOCTOR Sorbonicus Ysambertus *sup. cont. 1. q. 13.* adductus affirmat, Divinæ Præscientiæ certitudinem desumi tanquam ex rationibus partialibus tum ex hypothæsi determinationis causarum secundarum; tum ex Suppositione existentia Futurorum, tum ex Divinâ Essentiâ in ratione Causæ particularium effectuum, istos obijcientem Divino Intellectui; tum denique ex vi cognitionis Divinæ quâ supercomprehensivæ Voluntatis Divinæ.

Has quatuor rationes idem Sorbonicus Doctor *ad pres. q. 14. disp. 7. a. 13. usque ad 19.* reducit ad tria requisita. Primum duas priores proximè expositas rationes involvens est objectum se se obijciens intellectui, ut infallibiliter tale. Secundum ex tactis rationibus quartam exponens, est vis intellectiva proportionata tali objecto. Tertium ferè coincidens cum tertiâ ex illis rationibus partialibus est, quod intelligens penetret connexionem Attributi cum subiecto, fore infallibiliter pro eâ temporis differentiâ, quæ

importatur in enuntiatione formatâ de tali ob-
jecto.

Referuntur Ysamberti fundamenta.

3. **F**undamentum primi requisiti ab eodem Au-
thore *in disp. 7. a. 14.* ita ferè deducitur. Quando
causæ secundæ futurorum liberorum ita se de-
terminant ad ea producenda, ut re ipsâ produ-
cant, tunc de facto transeunt effectus liberi ad
actum propriæ existentiae. At ex hujus suppo-
sitione est certitudo effectûs liberè futuri, quia in
tali hypothese effectus iste habet aliquam necessi-
tatem Essendi: Ergo pro tunc habent sufficien-
tem certitudinem pro actu cognitionis requisi-
tam ex parte objecti comparati cum intellectu
habente lumen perfectissimum, & actualem cog-
nitionem perfectissimam. Cum igitur ex parte
Dei detur perfectissimum lumen, & perfectissima
actualis cognitio, quam nullum objectum cog-
noscibile superare potest, consequens est, libera il-
la contingentia absolute futura habere compara-
tione cognitionis Divinæ sufficientem certitu-
dinem, quanta requiritur ex parte objecti, ut ob-
jectum est.

4. Secundum pro Divinæ Scientiæ certitudine
requisitum à dicto Doctore *cit. disp. 7. a. 17. & 18.*
probatur: Nam Intellectus Divinus in ratione
actualissimæ intellectionis est infinitus, & in-
variabilis. Ex hac autem ratione infinitæ, & in-
variabilis intellectualitatis arguitur non tan-
tùm comprehensio Essentiæ Divinæ, sed etiam
supercomprehensio invariabilis importans æter-
nam & infallibilem actuum liberorum non tan-
tùm possibilem, sed re ipsâ in tempore existen-
tium in Essentiâ Divinâ quâ eorum causâ actua-
li cognitionem. Constat igitur, ex eo, quod in-
tellectus Dei sit proportionatus ad actualissimam
comprehensionem suæ Essentiæ Divinæ, esse
etiam proportionatum ad invariabilem omnis
effectûs creati etiam liberi in suâ Essentiâ tan-
quam Causâ supercomprehensionem.

5. Tertiū requisitum fundatur in eo, quod
in Agente prudentissimo, & omniscio scientia,
& Volitio efficax sibi corresponsdeant, quia non
est agens tantum per voluntatem, sed etiam per
intellectum, uti deducit citatus Doctor Sorboni-
cus *præf. a. 19.* At Deus habet ab æterno omni-
potentissimam Voluntatem ad faciendum, ut
quævis Voluntas creata exerceat tali tempore a-
ctum suæ ad Deum conversionis, consentiendo
liberè, sed insuperabiliter, & indeclinabiliter
efficaci gratiæ vocanti. Unde Deus penetrando
vim, & efficaciam suæ gratiæ vocantis libe-
ro arbitrio creato in æternitate præparatæ, in
hac, & Voluntate creatâ quâ sibi Deo summè
subjectâ certò, & infallibiliter cognoscit consen-
sum liberum pro tali temporis differentiâ: At
illa Divinæ futurorum liberorum Præscientiæ in-
fallibilitas non potest reduci in Scientiam Me-
diam futurorum conditionatorum: Tum quia
juxta S. Augustinum, aliosque SS. Patres, nec
non sacras Litteras Deus in opere Prædestina-
tionis, & aliorum gratiæ beneficiorum dispen-
satione nullo modo uritur hac scientiâ Mediâ
utpote ad hoc inutili, imò arguente imperfecti-
onem in eo, qui operatur ex illâ, uti præfatus
Doctor citatus demonstrat. Tum quia S. Au-
gustinus disputando contra Pelagianos semper

refundit futuritionem actuum liberorum in Om-
nipotentiam Divinæ Voluntatis urentis his, &
istis medijs potentissimis, habentibus ab intrin-
seco summam suam efficaciam. Oportet igitur,
rationem cognoscendi ejusmodi futura liberè
contingentia reducere in Volitionem Dei effica-
cem, seu Essentiâ Divinam quâ actualem fu-
tutorum causam.

Cujus ratio à sæpe citato Doctore *præf. a. 16.*
ita deducitur. Nam quodlibet objectum unicâ
tantum cognitione necessariâ invariabili, & per-
fectissimè comprehensivâ immediatè cognosci-
bile non se ipsum dundaxat objicit, & manife-
stat, sed facit cognosci unumquodque habens ad
se intrinsecam habitudinem pro omni eâ condi-
tione, quam hoc secundarium objectum habet.
Atqui Essentiâ Divina, ut actualis Causa omni-
um, quæ sunt ad extra, est immediatè objectum
unicâ tantum cognitione necessariâ invariabili,
& perfectissimè comprehensivâ cognoscibile ipsi
Deo per scientiam Visionis. Omnia verò & sin-
gula quæque futura libera contingentia habent
intrinsecam habitudinem ad Essentiâ Divi-
nam spectatam in ratione actualis Causæ ad ex-
tra. At Esse futurum, Esse præsens, & Esse præ-
teritum sunt condiciones aliquæ convenientes
ipsis contingentibus pro diversis temporis dis-
ferentijs, Ergò Essentiâ Divina immediatè cog-
nita in ratione Causæ actualis omnium, quæ
sunt ad Extra, simul etiam objicit Deo ipsi cog-
noscenda omnia, & singula futura libera con-
tingentia secundum quamlibet sui conditio-
nem, scilicet Futuri, Præsentis, & Præteriti.

CONCLUSIO.

7. **A**D Præscientiam Divinam Futuro-
rum Intellectio Dei quâ supercom-
prehensiva Voluntatis creatæ se habet
tanquam lumen actualissimum penetrans
Futura contingentia in se ipsis, & in cau-
sis suis, ita tamen, ut ejusmodi futurorum
existentia, ac determinatio causarum se-
cundarum se habeat per modum objecti
duntaxat materialis, Essentiâ Divinâ, qua-
tenus actuali Causâ sive causalitate Dei in-
trinsecâ, quæ ut sic in prædicationibus de
futuro contingenti connexionem prædi-
cati cum subjecto virtualiter, seu causaliter
continet, se tenente per modum obje-
cti Formalis & rationis Motiva.

8. Explicatur, & probatur. Ad Intellectionem
duo concurrunt, Lumen nimirum intellectu-
ale, & objectum in Ipso intelligibili. At Lumen in-
tellectuale in Deo est purissimus actus excludens
formaliter omnem potentialitatem. Ergò non
est instar potentiæ intelligendi, sed actualissima
infinita intellectio. At lumen intellectu-
ale præcisè ex vi suâ non est expressivum objecti,
nisi quâ secundatum ab objecto secundum Esse ip-
sius intelligibile. Hoc autem objecti Esse intel-
ligibile non est secundans intellectum, nisi qua-
tenus est huic intentionaliter unitum. At eo ip-
so, quod Lumen intellectu-ale in Deo sit infini-
ta purissima actualitas, non potest objecti Esse
intelligibile sibi habere conjunctum per informa-
tionem

tionem, seu unionem, sed per realem formalem identitatem. Nequit autem in Deo esse ulla formalitas, quin formaliter sit Essentia Divina; imò hujus Esse, atque Intelligibilitas est formalissime omnis formalitatis Deo inexistentis Esse, ac Intelligibilitas. Oporteret igitur Esse intelligibile, sive speciem intelligibilem, prout est secundans intellectum Dei, esse ipsammet Divinam Essentiam, ejusque formalissimam Intelligibilitatem. At Essentia Divina sub ratione speciei infinita non potest ut sic esse per se primò repræsentativa ullius objecti quàm proportionari, & commensurati, nisi formaliter importet Esse in ratione intelligibilitatis infinitum. Est autem objectum per se primò proportionatum intellecti Formale hujus Motivum. At quia Intelligibilitas, seu Cognoscibilitas est secundum Esse, nequit ullum objectum in ratione Intelligibilis esse infinitum, nisi habeat Esse infinitum, quod est ipsissima Essentia Divina. Hæc autem est virtualiter, atque Causaliter continens Esse actuale Futurorum, quatenus habet rationem Causæ actualis ad Extra. Est autem hæc actualis Causæ ratio in Deo secundum voluntatem, sive Decretum liberum. Ergo objectum formale, seu ratio motiva cognoscendi hæc Futurorum existentias est Essentia Divina quatenus in vi Decreti Efficacis habet rationem Causalitatis rerum ad extra effectivis. Ergo determinatio Causarum secundarum, & futurorum Existentia se habent ad Intellectionem, seu Præscientiam Divinam per modum objecti duntaxat materialis, ac Terminativi.

9. Confirmatur hic Discursus noster ex Doctrinâ Angelici Doctoris. Nam species intelligibilis intellectus nostri in hoc differt à specie intellectus Divini, quòd ille speciem intelligibilem abstrahat à principiis individuantiis: Unde species intelligibilis intellectus nostri non potest esse similitudo principiorum individuantium, nec aded intellectus noster cognoscit singularia. Econtra species intelligibilis Divini intellectus est Dei Essentia, quæ non est immaterialis per abstractionem, sed per se ipsam, estque principium existens omnium principiorum quæ intrant rei compositionem, sive sint principia speciei, sive individui: Unde Deus per eam cognoscit non solum Universalia, sed etiam singularia. ex *præf. q. 14. a. 11. ad 12.* Ex quo patet, Essentiam Divinam esse speciem singularium omnium, atque aded futurorum contingentium in suis proprijs existentijs, ac individuationibus repræsentativam. At in Deo species intelligibilis est omnino idem cum Primo intellectu, atque aded formali objecto, seu ratione motiva. ex *cit. q. 14. a. 4.* Ergo primum objectum, atque aded formale Motivum, seu ratio in Deo intelligendi Futura contingentia est Divina Essentia. ex *a. 5. ad 3. Et cit. a. 11. in corp.* ubi Sanctus Doctor: Cum enim, ait, Deus fiat alia à se per Essentiam suam, in quantum est similitudo rerum, seu principium activum earum, necesse est, quòd Essentia sua sit principium suscitans cognoscendis omnia, quæ per ipsum fiunt, non solum in universali, sed etiam in singulari.

Responsio ad fundamenta Ysamberti proposita.

AD n. 3. propositum: Ex hypothesi Existentiæ habere futura contingentia Essendi necessitatem, atque aded certitudinem hypotheticam, quæ tamen ex parte rei futuræ ultimare reducatur in Entitatem intrinsicè contingentem. Quocirca ut proportionetur Intellectioni Divinæ, ejusque plus quàm Metaphysicæ certitudini, oportere illam Existentiæ hypothese reducere in Essentiam Divinam, ejusque supereminentialem certitudinem, ita, ut huic tanquam Causalitati æternæ per modum termini substando se habeat ad Intellectionem Divinam instar objecti materialis, ac Terminativi, Essentiâ Dei se tenente per modum objecti Formalis, seu rationis Motivæ.

AD n. 4. propositum Respondetur: Optimè subsistere illum Doctoris Sorbonici discursum; ex quo evinci, quòd cum sale intelligendus sit ejusdem *præf. disp. 7.* Articulus secundus, ubi negat Decretum Divinæ Voluntatis prædefiniens futura libera, sive Intellectus Divini Ideas Decretum Dei liberum etiam consequentes esse primam, saltem adequatam rationem Divino Intellectui certò & infallibiliter cognoscendi futura ejusmodi. Nam idea objectiva in Deo est ipsius Essentia quatenus repræsentativa creaturarum. Ex Ysamberto *infra ad q. 15. a. 2. proposit. 3.* Est autem Essentia Divina futurorum liberorum repræsentativa non antecedenter ad determinationem suæ Divinæ Voluntatis, sed prout formaliter includit liberum suum Decretum. At ex hoc ipso, quòd Deus habeat ab æterno Omnipotentissimam Voluntatem ad faciendum, ut voluntas creata exerceat in tempore actum aliquem liberè, & tamen indeclinabiliter, & insuperabiliter, oportet huic volitioni omnipotentissimæ correspondere certam futuri liberi Scientiam. ex eod. Ysamb. *cit. disp. 7. a. 19.* Ergo sicuti futuritio actuum liberorum à proxime citato Doctore refunditur in Omnipotentiam Divinæ Voluntatis; sic ejusdem futurationis Præscientia reducitur in Efficaciam Decreti Divini, sive Essentiam Dei, prout habet rationem Decreti liberi, atque Ideæ Futurorum determinatè repræsentativæ. Ergo Decretum Dei liberum, & Idea Dei objectiva est intellectui Divino ratio cognoscendi Futura cum respectu tamen ad Voluntatem creatam quæ liberè in tempore exercentem suos actus; tamen hoc exercitium Voluntatis creatæ se habeat respectu Intellectionis Divinæ per modum objecti duntaxat Materialis.

AD n. 5. propositum Argumentum Respondetur: Approbando totum illum discursum, sed tamen adiungendo, quòd Doctor ille Sorbonicus, dum asserit, Essentiam Divinam quæ Causam actualem rerum ad Extra obijcere futura libera, hoc ipso adstruere præsentiam rerum creatarum in æternitate, prout à nobis *sup. q. 3. a. 5. cont. 3.* explicata fuit. Nam actio realis denominat effectum quoad physicam, seu realem existentiam. At Divina Essentia est Causa actualis rerum ad Extra per actionem æternam, & causalitatem intrinsicam sibi realiter formaliter identificatam. Hæc igitur in æternitate denominat Esse physicum Existentiæ realis creaturarum in tempore

tempore futurarum. At inter actionem, & mutationem, seu productionem passivam ea est differentia, quod illa non constituat effectum simpliciter productum; hoc enim supposita productione activa in actu exercito sit per productionem passivam. Quare actio Dei æterna effectus in tempore futuros denominat in æternitate præsentis duntaxat cum addito in aliena actionis Dei æterna Mensura. Hoc verò additum Diminuens denotat, quantum ex parte agentis, esse in æternitate causalitatem effectuum ad Extra in tempore producendorum, etsi adhuc desit productio passiva, vi cuius in actu exercito educitur effectus extra causas, incipitque existere in propria durationis mensura. Cum igitur Ylambertus cit. disp. 7. a. 16. asserat, Essentiam Dei quæ causam actualem rerum ad Extra, istas quoad proprias existentias obijcere Divino intellectui, consequenter in Deo admittit causalitatem futurorum, vi cuius, quantum est ex parte Dei, seu causalitatis activæ in tempore future denominantur in æternitate præsentis. At hæc ipsa causalitas Essentiæ Divinæ identificata est ratio cognoscendi futura. ex eod. loc. *scilicet* cit. Ergo non est, cur iste Doctor Sorbonicus neget, præsentiam rerum in æternitate esse Intellectui Divino rationem cognoscendi futura contingentia, nisi quod illam futurorum in æternitate præsentiam minus rectè intellexerit.

~~~~~

#### CONTROVERSIA IX.

##### *An præsentia rerum in æternitate,*

*seu mensura actionis Dei æternæ sit ratio;*

*Cut Divina Futurorum contingentium Præsentia sit certa, & intuitiva?*

1. Plerique extra Thomistas hujus dubij suppositum negant, nixi eo potissimum fundamento, quod realis rerum creaturarum in æternitate præsentia importet intrinsecam creaturarum existentiam in se ipsa mensuratam æternitate: nequeat autem hæc realis intrinseca creaturarum existentia juxta veram fidem salvari.
2. Verum ad ejusmodi in æternitate tanquam aliena extrinsecæ denominante mensurâ præsentiam non requiri existentiam creaturarum in actu exercito, usè probatum est *sup. q. 3. a. 5. cont. 3.* Nam sicuti Essentiæ rerum sunt ab æterno quoad Esse Objectivum *Non repugnantia*; Hoc autem Esse objectivum importat realem Creaturarum Entitatem non in propria durationis mensurâ, sed quæ extrinsecè denominatam à mensurâ Scientiæ simplicis Intelligentiæ, & Omnipotentia Divinæ in æternitate attingentis illud Esse creaturarum tanquam terminum intelligibiliter derivatum à Scientiâ simplicis Intelligentiæ, ac physicè derivabilem ex Dei omnipotentia. Sic actio rerum in tempore productiva est æterna, inexistens Divinæ substantiæ per modum Causalitatis intrinsecæ realiter eidem identificatæ. Hæc verò actio Dei æterna non est cognoscibilis sine termino. At iste terminus est Esse actuale Existentiæ creaturis in tempore per productionem passivam in actu exercito communicandæ. Est autem actionis natura, quod terminum denominet in Esse producti. Ergo il-

la actio Dei æterna denominat Esse actuale creaturarum in Esse producti, non quidem secundum propriam, sed alienam æternitatis mensuram.

Quod sanè videtur subodoratus subtilis Scotus in 1. dist. 13. q. 5. n. 9. ubi arguit, si sessio mea futura non tantum, quantum ad Entitatem, quam habet in Esse cognoscibili, sed quam habet in Esse Existentiæ, esset nunc præsens æternitati. Ergo nunc esset producta in illo Esse à Deo. Etenim ista Consequentia ita tenet, ut ne quidem consequens in sensu à nobis intento & Doctori subtili satis noto censei debeat absurdum, maxime cum idem Doctor in 4. dist. 13. q. 7. Productionem activam dicat esse in agente, productionem verò passivam in producto; polleque ex hac utraq. productionis ratione aliquid denominari productum. Ex hoc enim adversus Scotum, ejusque sequaces argumentari licet. Si productio activa rerum creaturarum est in Deo, oportet esse æternam. At de ratione productionis est respicere terminum secundum Esse actuale Existentiæ; neque vero ex vi productionis æternæ potest Esse actuale creaturarum denominari productum in aliâ, quam ipsiusmet actionis æternæ mensurâ; in hoc enim differt à productione passivâ, quæ constituit rem in actu exercito productam pro mensurâ ipsius rei productæ propriâ. Vnde etiam sit, quod per formalitatem præcisam productionis activæ non dicatur res simpliciter producta, sed cum addito diminutive in mensurâ durationis actioni, non autem rei productæ propriâ. Paret proinde, Futura secundum mensuram actionis Divinæ posse denominari præsentia in æternitate, quin simpliciter in actu exercito dicantur existere.

Vnde illius Quæsti: *An Præsentia Futurorum in æternitate sit ratio Divina Præscientiæ* sensus solummodo sit, *Vtrum actio Dei æterna, quæ secundum Scotum cit. q. 1. n. 9. ac seqq. est respectus Dei ad extra fundatus in Velle Divino: sit ratio certitudinis Præscientiæ Divinæ?*

Referuntur sententiæ Doctorum.

Scotus in 1. dist. 59. q. 5. n. 10. negat, datâ etiam illâ positione, quod res creatæ sint in æternitate Deo præsentis, hanc præsentiam conferre aliquid ad certitudinem Divinæ Futurorum Notitiæ. Fundamentum est. Nam sessio ista præter hoc, quod præsens sit æternitati, est tamen in se futura, secundum quod respondet alicui temporis differentia. De hac igitur sessione etiam quæ futura Deus habet certam notitiam, alioquin enim produceret ipsam, quin cognosceret. Vnde si certitudinaliter nosceret eandem quæ postea productam, Divinus Intellectus prius nosset facta, quam fienda, quod est contra S. Augustinum 5. *super Gen. 2.* Oportet igitur, esse in Deo certitudinalem Notitiam sessionis illius quæ future: Hæc verò certitudo non est per hoc, quod sessio jam existens est, sed secundum quod futura est. At ut sic est aliud ab Essentiâ Divinâ. Non potest autem Intellectus Dei ullam certitudinem accipere ab objecto, quod est aliud à suâ Essentiâ, alioquin enim vilesceret. Sicuti ergo Intellectus Divinus à sessione quæ futura, sic ab eadem quatenus in actu posita non posset habere certitudinem in se causatam à sessione hujusmodi. Ergo eodem modo omnia temporalia, etiam si quoad



quoad suas existentias essent presentia æternitatis, non possent de se facere certitudinem in intellectu Divino.

1. Huic sententiæ accedunt quàmplures, quorum aliquos *sup. cit. q. 3. a. 5. cont. 3. n. 2.* adduximus: inter quos Franciscus Amicus *cit. disp. 12. sect. 4. n. 77.* sic argumentatur. Prius ratione intelligitur res exitura in propriâ mensurâ durationis, quàm in alienâ æternitatis: idè enim res sit Deo præsens ab æterno, quia exitura est in tempore. At res ut exitura in mensurâ propriæ durationis statim sit intelligibilis à Deo, seu intra sphaeram Divinæ cognitionis. Ergò adhuc posita reali præsentia Futurorum in æternitate, non esset Deo prima ratio cognoscendi Futura.

Hanc præsentiam rerum in æternitate esse rationem, ex quâ Scientia Futurorum sit intuitiva, & certa, Thomistæ deducunt ex Angelico Doctore *pres. q. 14. a. 9. & a. 13. in corp. & ad 3. Et n. cont. Gent. c. 66. Et in 1. disp. 32. q. 1. a. 5. Item q. 3. de Verit. a. 3. ad 2.*

#### CONCLUSIO I.

**P**RÆSCIENTIA Divina Futurorum ex hoc ipso est intuitiva, quòd res creatæ sint præsentibus in æternitate.

10. Probatur. Nam cognitio dicitur Intuitiva, quæ attingit rem, prout est in se, quoad existentiam exercitam, veluti teste Francisco de Lugo *Lib. 2. De Deo. disp. 12. c. 2. n. 2.* tenet communis Doctorum sententia. Ad hoc autem secundum subtilem Doctorem *q. 6. quodlib. n. 8.* sufficit si res quæ existens cognoscatur tanquàm præsens in propriâ existentia, siue in aliquo objecto intelligibili. Eminenter ipsam continente. At Decretum Dei efficax in viâ intentionis, & Scientia Visionis quæ imperium seu Dictio Dei ad Extra in viâ Executionis est completa primæ Causæ Causalitas in se continens Eminenter res in tempore creatas quoad Existentiam exercitam. Illa verò Eminentialis continentia tanquàm actio Dei formaliter immanens, & Virtualiter ad Extra transiens intrinsecè mensuratur æternitate. Sicuti ergò creaturæ quoad existentiam in tempore exercitam sunt virtualiter in illâ actione Dei æternâ, sic existunt in hujus Divinæ actionis duratione, non tanquàm propriâ, sibi quæ intrinsecâ, sed tanquàm Causalitatis suæ mensurâ. Quare vi hujus mensuræ per denominationem extrinsecam res creatæ ita dicuntur præsentibus in æternitate, ut ista æternitatis præsentia se habeat per modum denominantis. Futuritis autem, ac præsentia temporalis cum existentia in tempore exercitâ se habeat per modum rei denominatæ. At quando dicitur Præsentiam futurorum in æternitate Esse Divino Intellectui rationem cognoscendi intuitivè futura, nihil aliud insinuat, nisi quòd actio Dei æternâ, ejusquæ Creaturarû eminentialis in se, ac suæ durationis mensurâ, seu æternitate continentia se habeat ad intuitivam Futurorum Divinam Præscientiam tanquàm objectum formale specificans, futuritione seu Præsentialitate temporali, vel etiam æternâ cû existentia creaturarum exercitâ se habente per modum objecti materialis Terminativi. Constat igitur, Præsentia rerum in æternitate Esse Divino Intellectui rationem formalem motivam in æternâ Eminen-

tiali Causalitatis Deo intrinsecè continentia attingendi res creatas secundum propriam præsentialitatem, & suam intrinsecam in tempore, seu ævo exercitam existentiam. Ergò illa præsentia rerum in æternitate est ratio, cur Divina Futurorum etiam contingentium, Præscientia sit intuitiva.

#### CONCLUSIO II.

**H**ÆC ipsa futurorum in æternitate Præsentia est ratio certitudinis Præscientiæ Divinæ.

11. Probatur. Res, quæ sub scientiam cadit, ita est certa, ut omninò aliter esse non possit. Ex Philosopho. *1. poster. c. 2.* At omnis res futura secundum Existentiam exercitam est intrinsecè contingens, potestq; adèd aliter se habere. Oportet igitur, altiore indagare rationem, ex quâ futura maximè libera, & contingentia sint ita certa, ut aliter se habere non possint. Hæc autem ratio est Efficacia Decreti Divini, & Dictionis Dei tanquàm Causalitatis æternæ rerum in tempore ad Extra productivæ. Ex hoc enim, quòd ista causalitas Deo intrinsecè mensuratur æternitate, est immutabilis: ex eo autem, quòd infinita sit efficacia, est infallibiliter consequens, res in tempore à Deo decretas esse futuras. Vnde futura ejusmodi in se aliâs contingentia, prout subsunt æternæ Dei ad Extra Causalitati, sunt necessaria non absolutâ necessitate, sed Immutabilitatis necessitate, & infallibilitate consequentiæ. Cùm igitur actio Dei æternâ, secundum quam res futuræ sunt Deo in æternitate præsentibus, sit ratio Immutabilitatis & Infallibilitatis Futurorum contingentium, consequens est, illam rerum in æternitate præsentiam esse rationem Certitudinis Præscientiæ Divinæ.

#### Responsio ad Argumenta opposita.

12. **A**D Scoti *n. 7.* oppositum Respondetur: Verum esse, quòd Deus in æternitate habeat certitudinalem meæ sessionis quæ futuræ notitiam. Hanc verò certitudinem Intellectionis Divinæ non essen nisi ex Divinâ Essentiâ quæ Causalitate efficaci Deo intrinsecè, sessionis illius in tempore productivâ. At vi hujus actionis Deo intrinsecæ, atque adèd æternæ dici sessionem illam Futuram in æternitate Dei præsentem, quam adèd æternitatis à Divina Essentiâ, ejusquæ intrinsecè Causalitate indistinctæ Præsentiam esse rationem, quòd Præscientia Divina non tantum in se æternâ sit, sed intuitus ejus feratur ab æterno in omnes res creatas, prout in suâ præsentialitate habent certitudinem objectivam, adeoque Veritatis necessitatem non absolutam, sed Immutabilitatis & Infallibilitatis in illas derivatæ ex æternâ, invariabili, & omninò efficaci Dei actione.

13. **A**D Amici *n. 2.* oppositum Respondetur: Prius intelligi rem creatam, quatenus est virtualiter in suâ causâ, quàm in se ipsâ. At causalitatem Dei ad Extra mensurari formaliter æternitate. Sicuti ergò res creatæ secundum existentiam suam exercitam, & propriam præsentialitatem Eminenter sunt per prius in Causalitate Dei æternâ,



hic per prius esse intelligibiles à Divino Intellectu prout sunt in æternitate tanquàm mensurâ actionis rerum creatarum in tempore productivæ, atque adeò hanc æternitatis, sive actionis æternæ rationem ad Divinam Futurorum Præscientiam se habere tanquàm primam formaliter specificativam rationem. Quam proinde actionem æternam intuenso ita videre Deum in illâ omnes res & actiones creatas in tempore transeuntes, prout sunt in suâ præsentia, ut hæc ipsa tamen præsentia, & intrinseca creaturarum Existencia sit obiectum duntaxat Materiale purè terminativum. Ex Doctore Angelico in *præf. q. 14. art. 5. ad 3. art. 7. q. 11. 13. in corp. & ad 3. & alibi passim, præcipue q. 2. de Verit. a. 12.*



## ARTICULUS V.

## DE

*Scientiâ Dei Mediâ Conditionatorum.*

**N** Ili periculose in conciliandâ libertate Arbitrij nostri, & contingentia rerum cum Divinâ Præscientiâ hallucinari velimus, Molina *Concord. disp. 52.* (ut infra tamen patebit, perperam) ait: Triplicem oportere in Deo distinguere Scientiam; Vnam merè Naturalem, per quam Deus Omnipotentia sue obiectum adæquat; omnia possibilis, tanquoad singulorum naturas, & complexiones necessarias, tum etiam quoad contingentes sub Existendi Indifferentiâ cognoscendo. Aliam merè liberam, quâ Deus post liberum Voluntatis suæ Decretum absolute ac determinate novit quaslibet complexiones contingentes re ipsâ futuras, vel non futuras. Tertiam denique Mediam, quâ ex altissima, & inscruabili comprehensione cujusque liberi arbitrij in suâ Essentiâ intuitus est, quid pro innatâ suâ libertate, si in hoc vel illo, vel etiam infinitis rerum ordinibus collocaretur, acturum esset, cum tamen pollet, si vellet, facere re ipsâ oppositum.

1. Hanc Conditionatorum Scientiam nonnulli teste Ioanne Baptista Gonet *tom. 2. disp. 5. §. 1. immo. 3.* eâ de causâ vocant Mediam, quod sit Medium inventum ad Pelagij, & Massiliensium ex unâ, nec non Lutheri, & Calvinistarum ex alterâ parte Hæreses evertendas, atque adeò ad conciliandam libertatem humanam cû Divinis Decretis, & gratiæ efficacîâ. Cujus Concordiæ difficultas ostenditur sub hac Consequentiâ. *Scientia Dei est intrinsece infallibilis, sicut etiam Prædestinatio, & Gratia, ita quod hanc infallibilitatem & efficaciam non ex Creatura habeat, aut ex aliquo supposito creato, sed ex se, & ex eo, quod Divinum est. Ergo Voluntas creata, in cuius manu non est talis Scientia, si componatur cum efficacîâ voluntatis Dei & Gratia, non potest manere libera, quia non potest resistere tali efficacîæ, & infallibilitati. Voluntas enim ejus quis resistet? Rom. 9. v. 19.* In hac consequentiâ retro abeuntes Pelagiani, ne destruerent creati Arbitrij libertatem, negarunt efficaciam, & necessitatem Gratia. Ex opposito autem Calvinistæ declinantes ad sinistram, ut salvarent Decretum Divini Infallibilitatem, & Gratia

efficaciam, negant Voluntatis creatæ libertatem. Inter hos proinde Mediam semitam inveniunt Societatis Iesu Theologi, asserendo: Decretum Divinû & Gratiam habere infallibilitatem non ex se, sed ex Præscientiâ Dei Conditionali, seu Mediâ quâ Deus vidit ante omne suum Decretum, quid Voluntas libera in quavis rerû peristat esset futura.

Hinc Scientiæ hujus obiectum tenet locum quasi Medium inter statum merè possibilitatis, quæ a Scientiâ naturali simplicis intelligentiæ attingitur, & Futuritionem absolute rerum aliquando existentium, quam Scientia Visionis libera attingit. Unde hoc etiam titulum meretur nomen Scientiæ Mediæ, utpote participantis de Scientiâ naturali quatenus est antecedens omni liberum Dei Decretum, & de Scientiâ Dei liberâ, quatenus ad obiecta libera, seu Futura contingentia terminatur.

De hac proinde Mediâ Dei Scientiâ inter Patres Dominicanos, & Societatis Iesu non tantum scriptis, sed etiam coram summis Pontificibus Clemente VIII. & Paulo V. in sacris congregationibus agitata extat Controversia. Cujus Controversiæ expedit utrique motas difficultates adumbrare, antequam earum vires, & momenta exactiori Disputationis rutinâ expendamus. Ex parte igitur Societatis I. Assentitur, quod Thomistæ negent Deo infallibilem, ac certam Conditionatorum Scientiam. II. Quod Scientia Conditionatorum antecedens liberum Dei Decretum, sit conformis sacris Literis, & 8. Patribus, præsertim Augustino, & Thomæ Aquinati. III. Quod antecederet ad determinationem Divinæ Voluntatis sit Futurorum Conditionatorum ex seipsis determinata Veritas, quam necesse sit pro tunc attingi à Divino Intellectu. 4. Quod cum propositiones de futuris conditionatis formari possint secundum infinitas posibles rerum peristates, oporteret Decreta Dei libera in infinitum ratione nostra multiplicare, si nulla esset in Deo Conditionatorum Scientia, nisi consequens Voluntatis Divinæ determinationem. V. Quod sine Scientiâ Conditionatorum antecedente Decretum Dei Efficax salvari non possit sufficiens Gratia auxiliium. VI. Quod Thomistarum sententia supponat in Deo dari actuale Decretum sine ulla mutatione ad Extra, cum tamè hoc implicet. VII. Quod istud Decretum ita foret efficax, ut simul esset efficax de negatione Causæ, sive conditionis, ex quâ deberet pendere talis effectus; atque adeò in tali Decreto involveretur contradictio. VIII. Quod Scientia Media necessaria sit ad certitudinem Divinæ Providentiæ. IX. Quod stare non possit creati Arbitrij libertas, si Scientia futurorum etiam Conditionatorum præsupponat in Deo Decretum Efficaciter prædefinitivum. X. Quod admissio tali Decreto sit consequens, Deum ex se prædefinire peccatum.

Ex opposito Thomistæ movent. I. Deum habere certam, & infallibilem futurorum Scientiam, sed consequentem Decretum Divinæ Voluntatis. II. Hanc Scientiam quâ innixam antecedenti Decreto Dei ex parte subjecti absoluto, sed ex parte obiecti conditionato esse conformem menti S. Augustini, & Angelici Doctoris, ac Reliquorum Patrum; imò per Scientiam Mediam sterni viam ad principium Semipelagianorum; seu Massiliensium; ac nervat argumen-

ta Augu-



ta Augustini, & Catholicorum adversus ipsos allata. III. Non posse dari Veritatem determinatam sub statu conditionato, nisi ex vi Decreti. IV. Decreta Dei, ex quibus procedit Futurorum status conditionalis, non tantum nihil habere absurdi, sed illis sublati, negari Deo universalissimam Causalitatem. V. Scientiam Mediam adeo nihil conferre ad salvandam Gratiā, ut enervet etiam efficaciam Gratiæ. VI. Decretum Dei, ex quo est status conditionalis veritatis, talem ex parte objecti inferre mutationem sibi proportionatam, ut sublato illo Decreto, esset in creaturā status ultra possibilitatem, quin à Deo derivaretur. VII. Decretum Dei efficax, cui innititur Divina Conditionatorum Scientia non tantum non involvere contradictionem, sed ex parte Dei omnino esse necessarium, ut in ipso salvetur ratio primi liberi, nec non Radicis contingentie, ac libertatis creatæ, atque adeo Primæ Causæ. VIII. Scientiam Mediam non tantum esse inutilem ad Dei Providentiam, sed tollere specialem Divinæ Prædestinationis erga Electos Providentiam. IX. Scientiam Mediam apparen- ter solum favere libertati, cum tamen reipsa non illam duntaxat in suo principio præfocet, sed etiam tollat à Deo supremum in nostras Volun- tates Dominium. X. Denique, tantum abesse, quod admissio Dei Decreto Scientiam Conditionatorum antecedente sit consequens, Deum ex se prædefinire peccata, quin potius scientia Media faciat Deum Authorem peccati, ac deterat famam Divinæ Sanctitatis.

11.

En igitur hæc in tabulā delineatas gravissimæ Controversiæ Anthiteses ex unius scientiæ Mediæ assertionem exortas, quas Divinam Prædestinationem, libertatis tam creatæ, quàm Divinæ rationes, Actualis Gratiæ tam Sufficien- tiam, quàm Efficaciam, Primæ Causæ concur- sum, ejusque Sanctitatis in concurrente cum Entitate omnis actūs creati sine peccaminosæ formalitatis coinquinatione puritatem, aliæque profundissima S. Theologiæ Arcana tangere cum reflexo in Sanctos Augustinum Gratiæ Magistrum, & Thomam Aquinatem Doctorem Angelicum, aliosque Patres; imò ipsum Dei Verbum æris concertationis congressu comper- tum est. Quas proinde à primarijs Theologiæ Scholasticis pro supremo suo Duce Doctorem Angelicum, & Gratiæ Magistrum utrinque am- bientibus Antesignanis ex unā parte Dominica- næ Familiæ, ex alterā verò parte Societatis Iesu Doctoribus concitatas oppositiones duximus operæpretium accurata, sed æquā sinceræ de in- dagandā veritate Intentionis acie perscrutari, & non ex proprii ingenij iudicio, sed ex purā Au- gustinianæ Sapientiæ, & Angelicæ Doctrinæ veritate sequentibus Controversijs exactius pen- sare.

## CONTROVERSIA. I.

*An in Deo sit certa, & infalli-  
bilis Futurorum Conditionatorum  
Scientia?*

I. **S**Vpra diximus, Patres Societatis asserere de Tho-  
multis, quod negent Deo convenire certā Con-

ditio natorum scientiam. Nam i. Vasquez 1. p. disp. 67. c. 1. n. 1. ait, recentiores Scholasticos, quor-  
quot asserunt, realem futurorum in æternitate  
Præsentiam esse unicam in Deo rationem cog-  
noscendi futura, negare; in Deo esse certam fu-  
turorum sub conditione scientiam, eò quod e-  
jusmodi, cum reverà non sint futura, nullo mo-  
do sint realiter præsentia æternitati.

2. Franciscus Amicus *præs. disp. 12. sect. 11. n. 18.* citat Cabreram in 3. p. q. 1. a. 3. disp. 1. §. 21. Di-  
cto 2. & 3. quali negaret, omnem Scientiam Con-  
ditionalem esse certam, & infallibilem in Deo,  
atque admitteret tantum probabilem, & conje-  
cturalem.

3. Hoc ipsum Amicus *loc. cit.* attribuit Na-  
zario 1. p. q. 14. a. 13. cont. 1. cujus postea men-  
tem exactius, necdum plenè tamen exponendo  
indicat, alterius fuisse intentionis Nazarium,  
quàm sonaret sententia ipsi imputata.

4. Ioannes Martinon *disp. 9. de Deo. sect. 7.*  
asserit, illos præsertim à Thomistis, qui non  
concedunt Deo certam & infallibilem liberorum  
conditionatè futurorum Scientiam, conari sacræ  
Scripturæ testimonia Scientiam illam com-  
probantia in varios detorquere sensus, affirman-  
do, Scripturam vel esse intelligendam modo  
exaggerationis locutam, vel exponendam esse  
de Revelatione, & Scientia non omnino certā,  
sed conjecturali, vel huiusmodi revelatiōes  
fundari in aliquo effectu præsentis, ex quo veri-  
similiter colligi poterat, & prædicti eventus ex  
hypothesi futurus, vel denique fundari in aliquo  
Decreto Dei efficaci de illis eventibus procu-  
randis sub tali Hypothesi.

5. Alarcon *tract. de Scient. Dei. disp. 4. c. 4. n. 4.* in  
specie citat Cabreram, Cavezudo, Zumel, quasi  
cum alijs, ut ipse loquitur, ignobilioribus Tho-  
mistis docerent, Contingentium conditionato-  
rum scientiam esse in Deo probabilem tantum,  
& conjecturalem, seu quasi humanam.

6. Denique Arriaga 10. 1. p. 1. disp. 21. sect. 1. in  
fin. & sect. 2. a. 3. supponens, Controversiam de Sci-  
entia Media in hoc esse positam, *An Deus cognos-  
cat futura conditionata?* asserit, hanc Scientiam  
fusse probari à Molinā, sed cum ab homine à So-  
cietate videretur inventa, multos conspirasse  
contra illam, eamque in Deo reperiri negasse,  
postea verò ex ijs non paucos rem melius con-  
siderantes, Patrum, & Scripturæ testimonia  
melius legentes, vim, ac momenta rationum  
pro eā adituenda perpendentes, ei tandem sub-  
scripsisse. Ne verò viderentur manus dedisse,  
eam constituisse in alio diverso medio, nimirum  
in Volitione aliquā Dei determinatā de ipsis,  
quod tamen pertineat ad aliam quæstionem, a-  
lio etiam nomine vestivisse, quod non multum  
esse curandum.

Zumel 1. p. q. 14. a. 13. disp. 8. concl. Cavezudo  
1. 10. de Sacram. ad q. 62. a. 5. dub. 2. Ledesma 10. 1.  
de auxilijs disp. 2. de scient. futur. conc. 4. §. Nihil-  
ominus Cabrera. 3. p. q. 1. a. 3. disp. 1. §. 22. n. 282.  
ac seqq. Navarrete. *præs. a. 13. cont. 56. §. 2.* Alva-  
rez lib. 2. de Auxil. disp. 3. Sotus lib. 3. sum. c. 2.  
lect. 3. Nazarius hic Contr. 1. notab. 2. & 6. Item concl.  
1. 3. & 6. Gonzalez hic disp. 46. Xantes Mariales  
10. 2. contr. 49. cap. 1. Ioannes à S. Thomā ad *præs.*  
q. 14. disp. 20. a. 1. à n. 4. Ioannes Baptista Gonet  
disp. 5. de Scientia Media. §. 1. notab. 1. Petrus Labat  
disp. 5. de Scientia Dei. dub. 9. in princip. Serra hic a. 13. dub.  
alijsque



alijque Thomistæ communiter ponunt in Deo certam, & perfectam futurorum conditionatorum Scientiam, ita ut P. Matthæus de Rispolis, qui ad initium excitatæ de Scientiâ Mediâ Controversiæ scripsit, dicat *lib. 1. prædefm. q. 1. concl. 2.* sibi Dominicanis, convenire cum adversarijs, quodd Deus habeat scientiam perfectam Futurorum conditionatorum.

## CONCLUSIO.

**R**epugnat Deo quævis cognitio solum probabilis, sed primæ Veritatis, & infiniti intellectûs ratio non admittit nisi certam & infallibilem de futuris contingentibus etiam conditionatis Scientiam.

8.

Probatur ex 1. Regum. 23. ubi Davidi interroganti: An, si maneret in Ceilâ, descenderet Saul, ac Ceilitæ essent eum tradituri? respondit Deus, quodd Saul descenderet, ac Ceilitæ ipsum traderent. Et Math. 11. comminatus est Christus: *Va tibi Cerozaim, va tibi Bethsaida; quia si in Tyro, & Sidone factæ essent Virtutes, quæ factæ sunt in vobis, olim in cinere & Cilicio penitentiam egissent.*

Ex quibus patet revelatio Divinitus facta de Conditionatis, quæ tamen ob defectum conditionis nunquam evenerunt: Omnis autem revelatio Divina nititur primâ Veritate. At hujus ratio importat infallibilitatem in Dicendo, & Cognoscendo, atque adeo excludit cognitionem duntaxat probabilem, seu opinativam, & conjecturalem, D. Augustino *tract. 37. in Ioan. paulo post init.* attestante, quodd Divinitus non opinetur. Oportet igitur, in Deo esse scientiam simpliciter certam, & omnino infallibilem de contingentibus conditionatis.

9.

Oppones: In Revelationibus Divinis Conditionatorum quandoque apponi particulam *forte*, juxta illud Math. 11. *Et in Capharnaum, numquid usque in Calum exaltaberis? usque in infernum descendes, quia si in Sodomis factæ fuissent virtutes, quæ factæ sunt in te, forte mansissent in hanc diem.* At verbum *forte* est ambiguum. Ergo videtur innuere cognitionem revelantis opinativam duntaxat, & conjecturalem.

10.

Contra: Nam teste D. Hieronymo *Ezech. 2. & Ierem. 26.* Verbum ambiguum *Forsum* non potest Majestati Dei convenire, sed nostro loquitur affectu, ut liberum homini servetur arbitrium. Unde notant etiam Abulensis, & Titelmannus super Math. 11. in Græcis Codicibus loco particulæ *Forsum*, seu *forte* in versione Latinâ expressæ sæpius poni vocem *aut*, quæ certitudinem potius, quam ambiguitatem denotat, quam verti posse utique, *sane*. Quare particula *forte* Divinis conditionatorum prædicationibus aliquando apposita non significat incertitudinem Divinæ cognitionis, ac revelationis, sed importat Mysteriorum alicujus insinuationem, v. g. objecti variabilitatem invariabiliter Dei Scientiæ subiectam, & libertatem creati arbitrij, ex quo contingenter dependet futuritio talis eventus.

11.

Instabis ex S. Tho. 2. 2. q. 171. a. 6. ad 2. Deum cognoscere Futura Conringentia & prout sunt in suis causis, & prout sunt in se ipsis. At prout sunt in suis causis proximis, non esse deter-

minata ad unum, posseque adeo, aliter evenire. Quando autem revelat Deus talia contingentia, Revelationem esse similitudinem aliquam Divinæ Præscientiæ, prout cognoscit Ordinem Causarum ad effectum. In quo adeo sensu intelligi posse sententiam D. Hieronymi superius expressam: quodd nimirum Verbum *forte* in revelationibus Divinis insinuet contingentiam eventus, prout habet ordinem ad Causam proximam, creatum nimirum arbitrium liberum, At quicumque cognoscit effectum contingentem in suâ Causâ, non habere de eo, nisi conjecturalem cognitionem, eò quodd Causa contingens se habeat ad opposita, nec adeo possit ut sic contingens subdi per certitudinem alicui cognitioni. ex eod. S. Doctore. 1. p. præf. q. 14. a. 13. Ergo revelationem Divinam quatenus est similitudo Præscientiæ Futurorum in suis causis proximis non habere certitudinem, attestante Angelico Doctore 2. 2. cit. a. 6. ad 2. posse eventus futuros à Deo revelatos, quatenus ista revelatio est similitudo Divinæ eorum Præscientiæ in Causis proximis quandoque aliter evenire, quam prædicantur.

12.

Contra. Quando enim Prophetica revelatio est impressa similitudo Divinæ Præscientiæ, prout cognoscit ordinem causarum ad effectus, tunc sensus Prophetiæ est, quodd inferiorum Causarum dispositio, sive naturalium, sive humanorum actuum hoc habet, ut talis effectus eveniat. ex eod. S. Doctore *loc. cit.* At sub isto sensu non potest Prophetiæ subesse falsum, etiam si effectus prænuntiatus non eveniat. Sic enim, quando 4. Reg. 10. & Isaia 20. prophetice prænuntiatum fuit: *Dispone domui tuæ, quia morieris, & non vives*; hoc Dei Verbum erat ita intelligendum, quodd dispositio Corporis Ezechie ordinabatur ad mortem; sicuti etiam quando Iona 3. prædicebatur fore. *Adbuc quadraginta dies, & Ninive subversum iri*; sensus erat; quodd merita ejus exigèrent subversionem, ex dicto Doctore Angelico. Atqui totum istud erat Veritatis determinatæ, ac omnimodè certæ. Ergo futura contingentia etiam quâ in suis causis contingentia non subduntur Divinæ revelationi, & cognitioni, nisi sub eâ ratione, sub quâ habent omnimodam certitudinem.

13.

Confirmatur 1. & explicatur ille discursus. Nam futura contingentia, maxime conditionata, prout habent ordinem ad suas causas, possunt considerari vel per propositionem hypotheticam, seu Causalem & illativam, vel per modalem. At illationis hypotheticæ enuntiantis eventum sub conditione futurum ea vis est, quodd affirmet existentiam effectus ex hypothesi Causæ in antecedente positæ. Secus verò est in propositione Modali, per quam cum modificatione dico; Quantum erat ex dispositione Saulis, & Ceilitarum David mansurus in Ceilâ; erat ab hujus civibus tradendus Sauli. Nam ex isto loquendi modo tantum indico dispositionem Causæ præsentem cum ordine ad effectum, quin etiam ex hypothesi causæ, ejusque præsentis dispositionis affirmetur existentia talis effectus. Unde propositio ejusmodi Modalis ex parte *causæ præsentis* est similitudo Scientiæ Visionis in Deo, ex parte verò effectus repræsentat scientiam simplicis intelligentiæ, attestante Divo Thomâ 3. p. 4. 10. a. 3. scientiam, prout cognoscit effectus in poten-



in potentia creaturarum habere rationem simplicis intelligentiae. In quo aded sensu D. Augustinus *super illud Sap. 14. Raptus est, ne malitia mutaret intellectum ejus. lib. de Praedest. Sanctorum. c. 14.* ait, hoc dictum esse secundum pericula vite hujus, non secundum praescientiam Dei; quia hoc praeservit, quod futurum erat, non quod futurum non erat.

14. Confirmatur 2. Ex hoc enim S. Augustini effato ita licet argumentari. Objectum illius Digni Divini non cadit sub praescientiam Dei, quae ut sic attingit in objecto aliquam Futuritionem. Ergo cadit sub Scientiam Dei, quatenus in Voivuntate humanam tanquam causam, ejusque ex immixtione sensusualitatis naturali ad malum inclinatione attingit praesens possibilitatem, & in actu signato probabilitatem mutationis praedictae. At licet falsitati subiecta esset propositio mutationem illam etiam sub conditione sine modificatione simpliciter affirmans: at tamen sub enunciatione Modali, quod probabiliter eventura esset talis mutatio, est veritas infallibilis non excedens metas simplicis Intelligentiae Divinae, ejus est, attingere possibilitatem effectuum, non tantum in sua Omnipotentia, sed etiam Causis creatis, in quibus continentur virtualiter, vel per virtutem ex se determinatam, velut in causis naturalibus, vel per indifferentiam potentiae liberae cum naturali ob intrinsicam sensusualitatis sympathiam inclinatione ad effectum contingenter ex se producibilem. Constat igitur, illas propositiones quae Modales explicare Veritatem infallibilem Divinae Scientiae simplicis Intelligentiae subiectam, tamen si quae hypotheticae, prout cum abstractione à Dei Decreto important effectus ex causa creatura illationem, nihil habeant certitudinis, nec aded ut sic cadant sub Praescientiam Divinam, ed quod ut sic non enuntient objectum quae futurum; Deus autem praeservit, quod futurum erat, non quod futurum non erat. ex Augustino ubi supra.

15. Urgebis: Deum aliquos effectus contingenter sub conditione futuros praedixisse non tantum secundum inclinationem Causae, vel secundum eorundem in actu signato probabilitatem, sed secundum ipsammet eorum Existentiam, seu Futuritionem re ipsa ponendam sub certa hypothese, veluti D. Augustinus *lib. de Dono Perseverantiae c. 9. sub finem* ait, ipsum Dominum attestatum esse, quod Tyrj, & Sidonij aeturi essent magna humilitatis poenitentiam, si in eis facta essent Divinae illa signa Virtutum. Unde S. Thomam 2. 2. tit. 4. 6. ad 2. dicere, Praescientiam futurorum contingentium, prout sunt in suis causis, etsi in Prophetica locutione separari possit cognitione eorundem, prout sunt in seipsis: at tamen hanc duplicem Futurorum contingentium cognitionem in Divino Intellectu semper esse conjunctam. At futurorum Contingentium in se ipsis cognitionem importare ex parte objecti variabilitatem, supra in expositione S. Hieronymi à nobis dictum esse. Ergo ut sic non posse per certitudinem subdi cognitioni Divinae, quod tamen adversatur S. Doctore loc. cit.

16. Contra. Nam futura contingentia sive absoluta, sive conditionata in se ipsis subduntur certae cognitioni Divinae, quatenus habent esse determinatum, atque aded Veritatem, & cognoscibilitatem determinatam. At repugnat his-

ce futuris aliqua ultra statum possibilitatis Essendi determinata ratio, nisi ex determinatione Voluntatis Divinae, tanquam actualis eorundem Causalitatis. Ergo Veritatis quoque determinata ratio in eisdem pendet ex Decreto Divino, quod unica est contingentia Conditionata cognoscendi Divino Intellectui ratio; prout ex Sanctis Augustino, & Doctore Angelico, aliisque tum ab autoritate, tum ex ratione argumentis per totum hunc Articulum demonstrabitur; ut proinde nulla sit Controversia de hoc; An Deus cognoscat Futura conditionata? sed circa istud: An talia futura cognoscantur ante, vel post Decretum Divinum? vertitur praesentis difficultatis cardo, prout videre est, non tantum ex Thomistarum libris, sed etiam ex disputationis inter Dominicanos, & Societatis Patres coram Sanctissimo Anno 1604. frequentatae per Joannem à S. Thomà *cit. disp. 20. praecipue a. 1. relatis actis Congregationis, praesertim trigesima tertiae & trigesima quartae.*

#### Responsio ad Argumenta Adversariorum.

Ad n. 1. Vasquezij oppositum Responderetur: Sicuti Thomistae Futurorum absolutorum in aeternitate praesentiam ponunt ex vi Decreti Divini tanquam aeternae eorundem ad Extra causalitatis, seu actionis aeternae, sic Futurorum conditionatorum cognoscendi rationem ex ipsorum mente esse Formale Dei Decretum Exercitum, ex parte subiecti absolutum, ex parte vero objecti conditionatum. In cujusmodi Decreto fundari certitudinem tum objectivam Futuritionis Conditionatorum, tum Formalem Divinae Futurorum ejusmodi praescientiae.

Ad n. 2. ab Amico oppositum Responderetur, Hunc Authorem remittendo ad Joannem à S. Thomà *cit. a. 1. n. 10.* ubi ostendit, Cabreram 3. p. q. 1. a. 3. disp. 1. §. 22. n. 3. 82. ac seqq. quatuor affirmare. 1. quod Futura conditionata, quae cum conditione posita non habent infallibilem connexionem, vi talis conditionis, atque connexionis cognoscantur solum probabiliter secundum efficaciam, & inclinationem conditionis posita. 2. Quod tamen hoc intelligendum sit de cognitione non ex parte Dei cognoscentis, qui omnia certo, & infallibiliter cognoscit, sed ex parte objecti cogniti, prout talia objecta duntaxat sunt capacia probabilis cognitionis. 3. Quod eadem Futura conditionata posset Deus certo cognoscere ex vi aliarum conditionum, ad quas infallibiliter sequeretur, scilicet ex vi auxilij Efficacis, & Praedeterminationis. 4. Quod infallibiliter ea cognoscat in Decreto dandi talia auxilia, si poneretur conditio, sub qua essent futura.

Hinc sanè patet ex Cabrerà, Contingentia conditionata etsi secundum ordinem ad causam proximam non sint futura nisi probabiliter, hanc ipsam tamen probabilitatem se tenentem ex parte duntaxat objecti à Deo in actu signato cognosci infallibiliter: imò ipsammet Futuritionem conditionatam secundum se certo cognosci tum in Decreto Divino ex parte quidem objecti conditionato, ex parte tamen Dei absoluto; tum etiam in auxilio efficaci conditionate praedefinito, ut aded non videatur subsi-



stere, quodd Cabreræ omnem conditionalem scientiam in Deo neget esse certam, & infallibilem; adstruatq; eam duntaxat probabilem, & conjecturalem.

20. Ad n. 2. ibidem ab Amico oppositum Respondetur. Mentem Nazarij cit. cont. 1. notab. 2. & concl. 1. 2. 3. & 7. esse in aperto, quodd in propositionibus conditionalibus particula si quandoque importet formalem consequentis ex antecedente illationem; quandoque verò denoret solum antecedentis cum consequente concomitantiam. Sub priori aded ratione asserit ille Author esse hoc ipso necessarias, si veræ sint: sub ratione autem posteriori, Dei prædefinitione ab eorum consequentibus præcisâ, non habere certitudinem, nec aded cadere sub certam, & infallibilem Dei scientiam, nisi prout earum significata cognoscuntur quâ possibilis per scientiam simplicis Intelligentiæ; veluti hoc pateat ex S. Augustino in Epist. 109. ad Sixtum. Et lib. de prædestin. Sanctior c. 17. Et lib. 1. de Animâ, & ejus origine c. 12. Nihilominus has conditionales reduci posse ad Modales sub certâ modificatione affirmando, quod erat probabile, seu proximè possibile, Davidem, si maneret in Coilâ, tradendum Sauli; & Tyrios, ac Sidonios acturos fuisse poenitentiam, si apud ipsos facta essent signa, quæ in Bethsaida, & Corozaim fiebant. Sub ejusmodi proinde modificatione Futurorum conditionatorum probabilitatem, seu moralem certitudinem in actu signato à Deo certissimè, ac evidentissimè cognosci per scientiam simplicis intelligentiæ, tamen eorum existentia, seu Futuratio conditionata per scientiam Visionis duntaxat cognita sit à Deo in suis prædefinitionibus.

Ex quibus veritatis Amico manifestè constat, quodd Nazarius non nisi certam vel visionis de Futuritione conditionatè Divinitus præfinitâ, vel simplicis intelligentiæ de probabilitate in actu signato seu proximâ possibilitate Conditionatorum ponat in Deo.

21. Ad n. 4. oppositum Respondetur: Nos in Thomistarum tam Recentiorum, quàm Antiquiorum libris, quos satis frequentes habemus ad manus, non deprehendisse, nisi quodd certitudinem Divinæ conditionatorum Præscientiæ fundatam dicant in actuali Dei efficaci Decreto, in quo unicum præsentis difficultatis punctum vertatur.

22. Ad n. 5. P. Alarcon oppositum n: Quodd in primis Zumel in 1. p. q. 14. a. 13. disp. 2. concl. 1. expresse tradat, Conditionata cognosci à Deo infallibiliter. Et licet concl. 2. neget de conditionalibus dari in Deo liberum Decretum, ut aded non ut futura, sed quâ possibilis duntaxat cognoscantur à Deo in Ideis Divinis ante Voluntatis suæ Decretum. Nihilominus in 10. de auxilijs lib. 3. dub. 5. concl. 2. & 6. postea impugnans Mediam Scientiam, admittis Decretis Dei conditionatis, multis refutat illos, qui Deo tribuunt solum conjecturalem conditionatorum Scientiam. Deinde

23. Cabezudo. 1. tom. de Sacram. ad q. 62. a. 5. dub. 2. concl. 1. & 2. aperte docet, Conditionata, quorum tota veritas consistit in illatione, & non in solâ concomitantia, cognosci à Deo per Scientiam naturalem. At futura conditionata, quæ non accipiuntur in vi consequentis, & illative, sed

per quandam concomitantiam, non cadere in Scientiam Dei, prout antecedit liberum Decretum Divinæ Voluntatis volentis bonum, aut permittentis malum; quæ proinde conditionata ut sic cognosci à Deo per Scientiam Visionis. Denique Ledesma tom. 1. de auxili. disp. 2. de scientia futur. conting. concl. 2. duo affirmat, alterum est, non dari aliqua Decreta circa omnes combinationes Futurorum conditionatorum, nec aded circa hæc sumere Deum certam cognitionem ex Decretis suis, imò istis non admittis, non manere Futura ejusmodi conditionata certo cognoscibilia, sed conjecturaliter aut probabiliter tantum juxta causarum inclinationem; nec proinde Deum de illis cognoscere, nisi istam conjecturalitatem, & possibilitatè ex parte objecti materialis: ex parte verò cognoscentis Deum non scire conjecturaliter, sed certò, cum non sciat, nisi rem illam, ut conjecturalem ex se; atque hoc non minus certum esse, quam, dum videt meam opinionem, & objectum opinabile, certò videat, me opinari, & meam opiniobilitatem. Alterum est circa aliqua, quæ pertinent ad Divinam providentiam, quodd nimirum circa hoc universum possent dari Decreta conditionata, in quibus Deus infallibiliter videat futura conditionalia. Ex responsione ipsius Ledesmae ad S. Script. test. circa 1. fol. 5. Nihilominus. En igitur, quomodo evanescant allegationes Patris Alarcon.

Ad n. 6. denique ab Arriagâ oppositum Respondetur. Mirari nos, tum quodd illam questionem: An Deus Futura conditionata prævideat in suo ex parte objecti conditionali, ex parte autem Dei absolute Decreto? asserat, non esse hujus fori; tū quodd Thomistæ prius negantes Deo conditionatorum Scientiam argumentis Molinæ, & aliorum Societatis Iesu Theologorum convicti, tandem dederint manus, alio tamen, quàm Scientiæ Mediæ nomine imposito, utpote quod ab Homine Societatis inventum aded odissent, ut multi idcirco conspirarent adversus illam Mediam Dei Scientiam. Nam primum non subsistere, aperte constat ex S. Congregationis 34. circa Scientiam Mediam coram Sanctissimo Anno 1604. à 27. Octobris habitæ actis relatis per Ioannem à S. Thomâ cit. a. 1. à n. 4. Neque verò secundum assertum stare, patet ex his, quæ hætenus ex Thomistis fuse recensuimus.

## CONTROVERSIA II

### An Scientia Media sit conformis

S. Scripturæ, & menti Sanctorum Patrum?

Suarez in præl. 2. de Grat. c. 2. q. 2. & in opus. de Præscient. Dei. lib. 2. c. 1. 2. & 3. ut omnem Novitatis suspicionem de Scientiâ Mediâ radicibus tollat, pluribus Sacrarum Litterarum, & Patrum testimonijs eam comprobat, congestis auctoritatibus antiquiorum etiam Scholasticorum Theologorum, nominatim D. Bonaventuræ in 1. dist. 40. a. 2. q. 1. Et Alberti Magni in sum. tract. 16. q. 61. mem. 5. & 6. & q. 63. mem. 2. quos tamen de illâ Mediâ Scientiâ nihil præsensisse, alibi ostendimus, interea opposcentes Vasquez 1. p. disp. 67. c. 4. n. 27. asserentem, antiquos Schola-



Scholasticos de hac Scientiâ sub conditione nihil omnino disputasse, aut meminisse. Vnde Novitatis Nota necdum absterfa videtur, nisi cum Fonscâ lib. 6. *Metaph. c. 2. q. 4. sect. 8.* dicere liceat, Scientiæ illius inventionem ita novam esse, ut tamen habeat fundamentum in antiquis Patribus, ac Theologis Scholasticis, cuiusmodi circa nomen duntaxat, & explicandi modum ad inventiones novas ex antiquâ Fidei Doctrinâ ad puriorem ejusdem expositionem erutas esse laudabiles, autoritate Patrum fuse demonstrat Petrus à S. Ioseph *suavis Concord. disp. 4. n. 4.* Quare tota vis in eo ponenda est, ut perspicatur, quibus argumentis ex fidei sacris Litteris contentâ, & à SS. Patribus expositâ Doctrinâ cruatur Scientia Media Conditionatorum, attendendo in hoc ad Punctum Difficultatis: An scilicet, *conditionata ejusmodi præsciantur à Deo ante Decretum.*

### Referuntur Argumenta opposita.

2. PRIMò ex Suarezio *cit. lib. 2. c. 7. n. 11.* argumentari licet in hunc modum. Nullo sufficienti fundamento ex sacris Litteris affirmatur, Deum habere Decretum liberum circa omnia conditionata objecta. Ergò sententia asserens Scientiam Conditionatorum in Deo niti ejus Decreto libero, supponit aliquid incertum. At minime convenit, Scientiam Sacris Litteris assertam fundare in ratione cognoscendi non habente solidum fundamentum.

3. II. Ex Ioanne Martinon *disp. 9. de Deo. sect. 7. n. 52.* opponitur, quòd impium sit dicere, in Deo esse Decretum de procurandis omnibus conditionatis à Deo præscitis: nam alioquin essent à Deo procuranda peccata sub conditione revelata. At Deus antecederet ad creationem absolutè prævisam ac præfinitam præscivisse homines, & Angelos peccaturos, si crearentur, supponitur à SS. Patribus, dum Hæreticis, ac Ethnicis quærentibus, cur Deus homines & Angelos, quos præsciebat peccaturos, si crearentur, suæque relinquerentur libertati, produxerit? respondent, Deum id voluisse ad ostensionem suæ Bonitatis, & suavis suæ Providentiæ, aliove fines; uti videre est apud Ioannem Martinon *disp. 9. sect. 6. n. 42.* Ubi magno numero Sanctos Patres allegat. Oportet igitur, peccata primorum Parentum, & Angelorum sub conditione creationis, ac libertatis suæ innatæ à Deo præscita esse independentè à suo Decreto.

4. III. Ex Amico *cit. sect. 12. n. 200.* obijcitur: Illo S. Scripturæ textu, *Raptus est, ne malitia mutaret Intellectum ejus. Sap. 4.* supponi, Malitiam sub conditione, nisi raperetur, in justo futuram. Unde Patres specialem Dei favorem agnoscere ergà eos, quos vitæ subtrahit in bono statu, ne, si diutius viverent, laberentur in peccata & damnationem æternam incurrerent, veluti prævidebat fore, si non impediret, cuiusmodi aded Conditionaliter, si Deus non impediret, futurum eventum prævisum fuisse à Divino Intellectu, frequenti à se allegato SS. Patrum numero ostendit Martinon *cit. sect. 6. n. 47.* Confirmatur ex Christi verbis *Matth. 24. Nisi brevitati fuissent dies illi, non fieret salva omnis caro; sed propter electos breviabuntur dies illi. Matth. 24. & Marci 13.* Nam hisce sicuti superioribus *ex Sap. 4.* allegatis verbis insinua-

tur Peccatorum in Electis sub conditione futurorum prævisio Dei, quam non esse ex vi Decreti, ita demonstratur. Etenim Deus ideo rapit iustum, quòd nolit cum peccare. At eo ipso, quòd Deus non habeat Decretum, si diutius viveret, permittendi ejus peccata, tunc secundum Thomistam, datâ diuturnioris vitæ hypothese, non est peccaturus, Deus autem pro libertate potest non habere illud Decretum: Non ergò opus erat rapere iustum, si futuritio peccati est ex vi Decreti Divini. Cum igitur S. Scriptura, & Patres illis loquendi modis insinuent, præmaturam Iusti mortem à Deo decretam esse tantquam Medium evitandi ejus peccata sub conditione vitæ diuturnioris præscita, oportet Deum ad rapiendum iustum induci non ex vi propriæ Voluntatis, seu Decreti sui conditionati, quòd dum liberè non haberet secundum Thomistam, staret Iusti vita diuturnior absque peccato. Ergò ad iustum ex hac vitâ subtrahendum movetur potius Deus ex ipsiusmet Iusti Voluntate, per cuius libertatem prævidetur peccati Futuritio, nisi præmaturâ morte raperetur.

### CONCLUSIO.

Scientia Media Divinam Conditionatorum Præscientiam adstruens ante Decretum Dei non cohæret cum Divinâ S. Scripturæ & S. Patrum Doctrinâ.

6. Probatur. Ex conditionatis divinitus revelatis aliqua sunt disparata, quorum, ut ait Amicus *cit. disp. 12. sect. 13. in init.* conditiones nullo pacto sunt causa Veritatis, & existentie consequentis in propositione conditionalis importati. Inter ejusmodi verò est illud *4. Reg. 13. v. 19. Si percussisses quinquies, aut sexies, sive septies, percussisses Syriam usque ad consumptionem.* At in huiusmodi disparatis Conditionalibus nec ex vi extremorum, nec ab intrinseco, nec ex naturâ rei, nec ex vi ullius Causæ secundæ est aliqua connexio consequentis cum antecedente; ejusmodi tamen connexio, seu unius ex altero consecutio in illis significatur per particulam *si.* Oportet igitur, istam consecutionem seu connexionem reduci unice in Deum. At Deus non ordinatur ad Extra nisi secundum Decretum liberum Divinæ suæ Voluntatis. Consequens proinde est, rationem illius consecutionis quâ verè formaliter importare ordinationem, seu Decretum Divinæ voluntatis. Ergò antecederet, vel independentè ab hoc Decreto Dei non est Veritas, nec aded cognoscibilitas, nec consequenter in Deo Scientia illius consecutionis.

7. Respondebis ex Amico *cit. sect. 13. concl. 1. & 2.* In conditionatis disparatis aliam esse Veritatem Materialem sitam in solâ concomitantia unius veritatis cum aliâ: at concomitantiam ejusmodi esse certò cognoscibilem à Deo ante ipsius Decretum. Aliam verò eorundem veritatem esse Formalem, seu hypotheticè illativam, quæ resultat ex Voluntate Dei conditionem in se improporcionatam ordinantis ad consecutionem, seu existentiam alterius rei disparatæ. At sicuti Deus cognoscit fore, ut conditionalis disparatæ Veritas materialis resuaret, si cum Creaturâ concurreret ad effectum Conditionaliter futurum; sic cognoscere certò, quòd



quod ejusdem conditionalis Veritas Formalis resularet, si Deus per suum Decretum ordinaret conditionem illam ad rei disparatæ existentiam. Consequens igitur esse, Conditionalia Disparata ante Decretum Dei actu existens per ordinem duntaxat ad Decretum Conditionatum objectivum esse certò cognoscibilia quoad Veritatem non tantum Materialem, sed etiam formalem conditionaliter illativam.

8. Contra: Nam Conditionalis Disparata, si spectetur secundum materialem duntaxat extremorum Veritatem, resolvitur in duas propositiones absolutas, quarum Veritas per Concomitantiam stat sub uno signo durationis, veluti patet ex Amico *cit. sect. 13. n. 240. & 241.* At in illa conditionalis. *Si percussisses usque quinques, percussisses Syriam usque ad consumptionem*: non stat tum quintæ percussione, tum consumptionis Syriæ absoluta Veritas. Ergò illa conditionalis nequit resolvi in propositiones Categoricas, quarum Veritas per Concomitantiam stat sub uno signo durationis, nec aded subsistit secundum Veritatem materialem, sed formalem duntaxat, imò etiam si hæc, vel quævis alia conditionalis foret quoad Veritatem materialem tali modo resolvable, ejusmodi tamen Veritas utpote absoluta esset ut sic à Deo cognoscibilis non per Conditionatorum Mediam, sed per Visionis absolutorum Scientiam. Consequens igitur est; Scientiæ Conditionatorum quæ talis objectum non esse nisi formalem, ac illativam Veritatem. At futuri Conditionati quæ talis Veritas Formalis non subsistit, dum præcisè verificatur fore, ut prædictæ v. g. Conditionalis Veritas illativa resularet, si Deus quintam Regis Israelitici percussione, seu conditionem disparatam, & ex se improporionatam per Decretum suum ordinaret ad Syriæ consumptionem.

9. Probatur istud assumptum. Nam pro signo illius verificationis supponitur consumptio Syriæ non ut actu connexa, sed quæ ex vi Decreti Divini possibilis connecti cum conditione disparatâ quintæ vel septimæ percussione. At veritas sive absoluta, sive illativa prout stat sub signo præcisæ possibilitatis fundat in Deo Scientiam simplicis duntaxat Intelligentiæ. Ergò ad fundandam Dei Scientiam Conditionatorum quatenus à Scientiâ simplicis Intelligentiæ virtualiter distinctam exigitur propositionis conditionalis Veritas illativa, secundum quam ex hypothesi conditionis in antecedente positæ, v. g. quintæ à Rege Ioas exercendæ percussione, esset actu futurus effectus in consequente assertus, Syriæ v. g. consumptio. At Futuritionis circa Syriæ consumptionem ex hypothesi quintæ illius percussione faciendam Veritas actualis non subsistit, nisi quatenus percussio illa per actuale Dei Decretum erat ordinata ad Syriæ devastationem. Cum igitur Conditionalis illa prædicta Divinam Conditionatorum Præsentiam non fundet nisi sub ratione actualis Conditionalis Futuritionis; hujus autem Veritas Formalis, & illativa fundetur in Dei Decreto de se improporionatam conditionem actu ordinante ad effectus disparati v. g. Syriæ consumptionis infallibilem hypotheticam consecutionem; ex Amico, *ubi supra.* Consequens est, Divinam conditionatorum Scientiam supponere actuale Dei Decretum.

Confirmatur. Sicuti Victoriæ Iosue contra Chanaanæos Deus alligavit elevationi Clypei. *Iosue 8. v. 18.* Sic Deus percussione Syriæ toties futuram suo Decreto ordinaverat, quoties Ioas percuteret terram. Ex Cornelio à Lapide *in cit. 4. Reg. 13. v. 19.* Ex vi autem hujus Divini Decreti ad septimam Ioas percussione erat infallibilis consecutio consumptionis Syriæ. At ista Syriæ consumptio pronuntiatur per Prophetam Elisæum ex hypothesi septimæ percussione faciendæ à Ioas, tanquam actus ab ipso libere faciendus. Cum igitur iste actus liber habuisset infallibilem consecutionem ex septimâ terræ percussione, non secundum se, sed ratione Decreti Divini, consequens est, infallibilitatem Futuritionis actus ejusmodi conditionati esse ex vi Decreti Divini. At Divina illius conditionatæ Futuritionis Scientia nititur eâ duntaxat ratione, secundum quam stat infallibilitas Futuritionis ejusmodi tam in se, quam in causâ proximâ, nec non prærequisitâ conditione contingentis. Ergo Intellectui Divino ratio sciendi Futuritionem illam liberam & contingentem est Decretum Divinum. Atqui Præscientia Divina fundata in Decreto Dei tanquam ratione suâ cognoscendi est libera, non autem Media Dei Scientia. Ergò Futuritio ejusmodi conditionata contingens & libera attingitur à Scientiâ Dei liberâ Visionis, nec aded subsistit in Intellectu Divino Scientia Media.

Replicabis ex Valquez *cit. disp. 67. c. 4. n. 24. usque ad 27.* Ad Veritatem conditionalis requiri quidem Bonitatem consequentiæ per particulam *si* importatæ: Hanc tamen consequentiæ Bonitatem aliter se tenere, dum conditio ex suâ naturâ se habet solum disparatè ad consequens, velur in illâ Elisæi propositione: *Si percussisses quinques, aut sexies sive septies; percussisses Syriam usque ad consumptionem.* Tunc enim Bonitatem consequentiæ, atque aded veritatem Conditionalis propositionis subsistere ex vi solius verbi Dei, seu Decreti Divini. Secus verò esse, quando consequens ad conditionem in antecedente positam se habet instar effectus ad causam quantumvis liberam, & contingentem; tunc enim Bonitatem Consequentiae, atque aded Veritatem propositionis Conditionalis subsistere ex connexionem reali Causæ cum effectu. Et si proinde Veritas conditionatæ Futuritionis in illâ Elisæi propositione radicetur in Decreto Dei; at tamen veritatem propositionis conditionalis actus liberos enuntiantis ex hypothesi conditionis nostro arbitrio subordinatæ stare in ipsamet futuritione a quo ejusmodi habente realem effectus cum libertate nostrâ tanquam Causa connexionem.

Contra. Nam istud Christi Domini: *Au putas, quia non possum rogare Patrem & exhibebit mihi modò plus quàm, duodecim Legiones Angelorum, Math. 26.* Continet in se hanc conditionalem; Si rogavero Patrem, exhibebit mihi tot Legiones. At hujus conditionalis consequens ob defectum conditionis non evenit, & tamen pronuntiatur à Christo actualiter futurum sub hypothesi suæ Orationis. Hæc verò Oratio Christi respectu Angelorum missionis non erat disparata, sed habebat moralem Causalitatem, quæ tamen non nisi mediante Patris Decreto esset sortitura effectum. Ergò conditionata actualis Futuritio illius Angelorum missionis nititur Decreto Dei.

Ergò



Ergo propositionis conditionalis etiam non disparatae Veritas fundatur in actuali Dei Decreto.

13. Dices: Futura Conditionata, quæ per solum Deum essent futura, cognosci ab ipso infallibiliter in suo Decreto, quod actualiter habet, vel haberet, si poneretur talis conditio. Ex Mæratio in tract. De Deo. disp. 28. sect. 1. n. 4. At illius Angelorum exhibitionis causam unicam pronuntiarî à Christo Patrem æternum, juxta illud: *Et exhibebit mihi plus quam duodecim Legiones Angelorum.* At secus esse de actibus creati arbitrij; hos enim ita habere physicam Causalitatis realis dependentiam à nostra voluntate, ut eorum consecutio sit certa ex hypothesi congruæ vocationis. ex Vasquez. cit. 6. 4. n. 26. Unde conditionatam ejusmodi liberorum actuum Futuritionem antecederet ad Decretum Divinum esse in se ipsâ determinatè veram ex hypothesi congruæ vocationis. Ergo talem ex congruitatis hypothesi conditionalem actûs liberi Futuritionem independentem à Decreto Dei actuali esse in se ipsâ cognoscibilem à Deo.

14. Contra. Nam sicuti Oratio Christi respectu præactæ exhibitionis Angelorum habet Causalitatem duntaxat Moralem; ita vocationis congruitas, etsi radicetur in physicâ virtute gratiæ actualis, in ratione tamen congruitatis ut sic habet vim Moralis Causalitatis. At ex Christi oratione præcisè non erat formabilis illatio infallibilis Angelorum exhibitionis, sed hujus consecutio reducebatur à Christo in Patrem æternum. Neque verò ex Deo secundum suam præcisè substantiam, sed secundum Decretum actuale considerato erat certa illa Angelorum exhibitio quâ ex hypothesi Orationis Christi futura. Atqui hæc ipsa exhibitio ita fuisset futura ex Decreto Patris æterni, ut tamen per Voluntatis suæ consensum & actionem essent Angeli cooperaturi Decreto Divino; Cum igitur ista Angelorum exhibitio quâ conditionatè Futura ita fuerit fundata in Decreto Dei actuali, ut tamen à Conditione Orationis Christi quâ moralis Causæ, & physicâ Angelorum cooperatione quâ Causalitate reali penderet; Consequens est, actus nostros liberos à Congruitate Vocationis moraliter, & libertate nostræ Voluntatis physicè pendentes pariter quoad Futuritionem suam actualem, atque hujus ut sic cognoscibilitatem ac veritatem determinatam radicari in Decreto Dei non tantum Conditionatè secundum rationem nostram futuro, sed actualiter præsentè quâ ex parte Dei absoluto, & ex parte duntaxat objecti conditionato, quod intellectui aded Divino sit prima, & unica ratio cognoscendi futura Conditionata.

15. Confirmatur ex illo. 1. ad Corin. 4. *Quis enim te discernit, quid habes, quod non accepisti? Si ergo accepisti, cur gloriaris, quasi non acceperis?* Ex hoc enim licet sic argumentari. Sub ista discretionem non venit illa duntaxat, quâ Prædestinati à Reprobis, seu Boni à Malis discernuntur, uti perperam contendit Petrus à S. Ioseph disp. 4. *Suavis Concord. sect. 3. n. 1. in respons. 2.* sed ex generalitate verborum omnem gloriandi de quovis opere bono occasionem amputantium, patet intelligi de discretionem, secundum quam in quolibet opere bono per gratiam datur uni, ut operetur, non alteri. ex D. Augustino lib. 1. de prædestin. Sanctior. 6. 3. in prin. 6. 4. in fine & 6. 5. Unde ne

illius quidem discretionis, per quam unus, non verò alter in hac rerum perstasi benè operatur, Causa potest reduci in nostram Voluntatem tanquam rationem ex se ipsâ certò, ac infallibiliter illativam discretionis ejusmodi. At stante Scientiâ Mediâ, verificaretur, quòd antecederet ad Decretum Dei Futuritio Conversionis Tyriorum ac Sidoniorum per libertatem ipsorum subsisteret, si Christus apud eos facturus fuisset miracula, quæ in Corozaim, ac Bethsairâ patravit. Unde futuritionis ejusdem determinatio esset in se ipsâ ex ordine ad liberas Tyriorum, ac Sidoniorum Voluntates abstrahendo ab omni actuali Decreto Divino. Illa ipsa verò Futuritionis liberæ ex vi creatæ Voluntatis determinatio esset ratio prima Veritatis de conversione Tyriorum, ac Sidoniorum futurâ ex præactâ virtutum Christi, seu Miraculorum hypothesi Est autem verum aliquid, in quantum est: Ergo ratio discretionis, seu determinationis secundum quâ Tyrij præiudæis datâ illâ hypothesi agerent pœnitentiam, secundum Scientiæ Mediæ propugnatores, sub ejusmodi determinationis, formalitate non esset desumenda ex Deo contra præfatam doctrinam Apostoli discretionem, quantumvis ex libertate nostrâ & Gratia Dei pendentem formaliter in ratione discretionis reducens in Deum, atque adeò ipsius actuale Decretum.

Oppones ex Petro à S. Ioseph *Suavis Concord. disp. 4. sect. 2. Assert. 1. S. Deinde Decretum.* Si futuritio conditionata Pœnitentiæ Tyriorum non esset ex Libertate ipsorum, nisi supposito Decreto Dei actuali, tunc enervari Christi Domini exprobrationem Iudæis factam. Probatum ista sequela. Potuissent enim Iudæi excipere, quòd Tyrijs sub hypothesi prædicationis, ac miraculorum, non autem sibi esset à Deo efficaciter decreta conversio. Ergo ut justa esset Christi adversus Iudæos querela, & exprobratio; oportet, vel conversionem æquè ac Tyrijs sub conditione præactâ efficaciter fuisse à Deo decretam Iudæis; vel rationem, cur Tyrij, non autem Iudæi in illâ hypothesi agerent pœnitentiam, fuisse ex ipsorum propriæ Voluntatis determinatione.

Contra est sacer Textus ad Rom. 9. ubi Apostolus cum Versu 18. conclusisset: *Ergo cuius vult, misereatur, & quem vult indurat.* exinde versu 19. facit objectionem: *Dicis itaque mihi, quid adhuc queritur? id est, si Deus cuius vult misereatur, & quem vult indurat, cur ergo conqueritur, & succenset Deus Pharaoni, alijsque impijs? ipse enim Deus eos indurat, cuius voluntati nemo resistit.* ex Cornelio à Lapide in cit. v. 19. Cui objectioni respondet Apostolus vers. 20. & 21. *O homo, tu quis es, qui respondeas Deo? Numquid dicit figmentum ei, qui se finxit, quid fecisti me sic?* Ex quo patet, eos esse reprehensione dignos, quos Deus ex vi sui Domini, & absolutæ potestatis indurat. Hæc verò induratio est ex denegatione gratiæ Efficacis. At in Iudæis ex hoc ipso erat Gratia Efficacis ad conversionem denegatio, quòd Deus non decreverit Efficaciter conversionem ipsorum. Ergo Iudæorum præ Tyrijs reprehensio non enervatur ex hoc, quòd ipsis esset negata Gratia Efficax, vel non decreta efficaciter etiam sub conditione ipsorum conversio. Ratio hujus fundamentalis per Ioannem à S. Thomâ præ. disp. 20. 4. 5. n. 2. deducta est; Quia reprehensio funda-



18.

fundatur super obligatione, & potentiâ istam adimplendi: hinc enim ex transgressione obligationis est culpa, propterquam fit objurgatio. At obligatio, & potentia ad operandum inducitur ex auxilio sufficienti, & non ex Efficaci, cum illud non det virtutem seu posse, sed applicationem. Hinc Tyrij & Sidonij non omnino liberâ reprehensione, ac punitione pronuntiantur à Christo *cu. Matth. 11.* asserente, *ipsis remissius fore in die iudicij.* Ergo ex hoc tantum immunes erant Tyrij, quatenus defectu prædicationis, & miraculorum, sub quorum conditione ipsis erat efficaciter à Deo decreta pœnitentia, erant non tantum destituti Gratiâ Efficaci, sed sufficienti proximâ ad credendum, cum tamen damnationi fuerint obnoxij ob non servatas alias obligationes legis maximè Naturalis, vel inspirationes Divinas forsan rejectas, in ordine ad quas habebant auxilium sufficiens, non tamen semper efficax. Cum igitur Iudæi suppositâ Christi prædicatione, signis ac virtutibus roboratâ habuerint credendi Gratiâ sufficientem, erant reprehensione digni, etsi Deus nequidem sub conditione prædictâ decreverit ipsis efficaciter Conversionem, ac Pœnitentiam. Imò ex hac ipsâ per Gratiâ sufficientem credendi, ac pœnitendi potentiâ erat consequens, quòd ipsoꝝ incredulitas ac impœnitentia non se haberet per modum puræ negationis credendi, sed per modum privationis, seu culpabilis respicientiæ Fidei sufficienter propositæ. At hæc ipsa culpabilis fidei respicientia jam erat impedimentum Doni Efficacis auxilij. Patet igitur, stare justam Christi adversus Iudæos exprobrationem, etsi ipsis non æquè, ac Tyrijs sub conditione prædicationis, ac miraculorum fuerit à Deo efficaciter decreta pœnitentia: neque tamen cur Tyrij, non autem Iudæi sub illâ hypothese essent acturi pœnitentiam reduci debere in ipsoꝝ propriæ Voluntatis determinationem tanquam primam hujus Veritatis rationem: nam vi hujus determinationis facta fuisset discretio Tyrioꝝ ab impijs, cujusmodi tamen discretionem primò esse reducendam in Deum, apertè testatur Apostolus *suprà* citatus. Ergò cur stet ista in æternitate Divino Intellectui infallibiliter nota Veritas: Tyrij, non autem Iudæi Bethsatha essent ex hypothese prædicationis ac miraculorum Christi pœnitentiam acturi, prima hujus ratio reducenda est in Deum, ejusque aded liberum actuale Decretum.

#### Responsio ad fundamenta opposita.

19.

**A**D Suarezij *n. 2.* oppositum Respondetur. Ex proximè deductis sacris textibus constare, quorundam conditionatorum esse in Deo actuale Decretum, vi cujus eorundem Futuritio esset securura infallibiliter ex hypothese conditionis, nunquam tamen in effectu ponendæ. An verò de omnibus conditionalibus, quæ secundum hypotheses in infinitum formabiles cognoscuntur à Divino Intellectu, Deus habeat Decretum, vi cujus de ijs verificetur conditionatè aut futuritio, aut ejus negatio; non parum pendere ex illa quæstione, An voluntas Divina possit stare sub indifferentiâ non se determinando ad qualvis sub quacunque sive disparatâ, sive Causali hypothese per simplicis Intelligentiæ

scientiam noscibiles, & per Divinam Voluntatem, ac potentiam realiter producibiles veritates, seu realitates. Quam difficultatem inferius discutiendam hic reliquentes intactam, dicimus interea, Veritates conditionales de rebus creatis antecederet ad Decretum Divinum formabiles non attingere ex parte objecti ullam Futuritionem, sed possibilitatem duntaxat effectus quâ enuntiati sub formalitate hypothesis habentis connexionem vel necessariam, vel infallibilem, vel quandoque solum probabilem cum effectu ejusmodi, qui sub conditione disparatâ non ex hujus præcisâ virtute, sed ex vi conditioni ejusmodi inexistentis per potentiam & voluntatem Divinam elevabilitatis possit habere consecutionem infallibilem; Sicuti econtra effectus liber ex hypothese conditionis arbitrio creato subordinatè assertus ita continetur in Virtute suæ Causæ, ut tamen respectu istius quâ liberæ secundum se consideratæ non habeat connexionem infallibilem, sed possibilitatem duntaxat probabilem, quæ importat formaliter rum realem actionis ex principio creato libero producibilitatem, tum intrinsecam Causæ liberæ pro hac rerum peristasi inclinationem: quam aded inclinationem pro statu possibilitatis, sicuti actionis ex principio libero cum tali inclinatione producibilitatem cognoscere Deum per Simplicis Intelligentiæ, non verò Mediam Scientiam.

Ad Ioannis Martinon *n. 3.* oppositum Respondetur. Impium esse, ac Sanctitati Dei purissimæ repugnans, quòd peccata sint à Deo prædefinita, etsi ex vi Decreti Divini permissivi sint futura infallibiliter, cum quo secundum formale peccati habeant connexionem non Causalitatis, sed Consequentiae infallibilis, vi cujus aded secundum futuritionem sive absolutam sive conditionatam sint cognoscibilia in ejusmodi permissivo Dei Decreto. *uti supra est ostensum, & magis constabit ex dicendis infra.*

Unde, si in priori Rationis signo ante absolutum de mundi productione Decretum Deus novisset Futuritionem conditionatam peccatorum, quæ tum Angeli, tum homines sub conditione creationis essent facturi, oportere in Deo Decretum conditionatum non prædefinitivum, sed permissivum peccatorum ponere antecederet ad absolutum de Angelorum, & hominum productione Decretum. Nihilominus isto permissivo Decreto conditionato etiam negato per argumentum ex Patribus deductum à Martinon non evinci Scientiam Mediam; ita demonstratur. Etenim nos propter Virtualem Divinarum formalitatum distinctionem formando de istis formalitatibus præcisiones objectivas in perfectionibus, ac Decretis Divinis ponamus diversa secundum prioritatem, & posterioritatem rationis signa: attamen Dei Intellectus uno simplici intuitu absque ullâ præcisione attingens omnem suæ substantiæ formalitatem in hac cognoscit singulas quarumcunque possibilitum creaturarum ad se tanquam finem univerforum sub diversis distinctè cognitis Medijs cum omnimodâ certitudine referibiles. Atqui hæc Dei notitia ita respectu objecti sui specificativi est visio, ut respectu objecti Terminativi, seu creaturarum sub statu possibilitatis seu in Deum tanquam finem referibilitatis spectatarum sit simplicis Intelligentiæ

20.


21.



22. *Scientiæ antecedentis omne Dei Decretum. Est autem per se manifestum, secundum nostras præcisiones objectivas in signo rationis antecedente liberum Dei Decretum verificari, si Deus ad se tanquam ultimum universorum Finem sub Medijs ad ostensionem Divinæ iustitiæ in ultione peccatorum referibilibus decreturus sit horum in individuo & hominum & Angelorum existentiam à se realiter producibilem, oportere pro signo rationis posteriori habere Deum Decretum peccatorum permissivum. Unde constat, in hac conditionali involvi Decretum Dei permissivum, non actuale exercitum, sed objectivum sub ratione Logicæ indifferentiæ, ac in ordine ad creaturas sub statu puræ possibilitatis. De hujus aded Decreti objectivi Scientiâ procedit illa per Martinon proposita Ethnicorum, & à Patribus soluta quæstio. At ratio illius Decreti objectivi pro dicto priori rationis signo nihil aliud est, quam Divina substantia cum creaturæ rationalis ex hac derivabilitate, & ad ipsam quâ finem sub determinato peccati permissionem inferente medio referibilitate. Ergo illius Decreti objectivi scientia, secundum quam procedit præacta Sanctorum Patrum responsio, est tum Visio Divinæ substantiæ, tum simplex Intelligentia creaturæ rationalis secundum possibilitatis statum consideratæ. Ergo ex allegato Patrum responso non inferitur Scientia Media.*

23. *Ad Amici n. 4. Oppositum Responderetur 1. Si Sancti Augustini lib. 1. de Prædest. Sanctior. c. 14. sententia hic tenenda sit, quod illud in objectione allegatum Sap. 4. testimonium accipi debeat secundum pericula hujus Vitæ, non secundum præscientiam, oportere consequenter asserere, Deum cum veller iustum ex hujus vitæ periculis, seu lapsus ob hujus vitæ tentationes ac innatam inclinationem possibilitate probabili per simplicis Intelligentiæ Scientiam certò cognitâ eripere, statuisse præmaturam ipsius mortem. Vnde ad hoc Decretum ex suâ Bonitate ita Deum fuisse motum, ut tamen ipsa malitia formaliter ut sic ex voluntate creatâ derivabilis, sed secundum ejusdem Voluntatis propensionem probabilis esset ex se ipsâ Medium ad Dei Bonitatem in Decreto præmaturæ iusti mortis, atque aded peccatorum cum aliquâ ob naturalem inclinationem possibilitate possibilem evitationis prædefinitivo commendandam. Consequens igitur esse, quod raptus iusti ponerit esse Medium ad peccatorum ex innatâ voluntatis propensione probabilem, atque ut sic non remotè duntaxat, sed proxime possibilem, seu probabilem evitationem, quin oporteat adstruere Scientiam Mediam peccatorum sub diuturnioris vitæ conditione futurorum, attestante D. Augustino, loc. cit. Deum præseivisse quod futurum erat, non quod futurum non erat. Sed quod secundum pericula hujus Vitæ erat solum probabile, seu cum inclinatione Cause innatâ possibile. Verùm si Adversarius aliquis omnino contendere velit, raptum iusti esse à Deo decretum ad evitationem peccatorum determinatè futurorum sub conditione vitæ diuturnioris, Responderi potest. 2. Istam conditionatam peccatorum futuritionem stare non posse sine actuali Dei Decreto peccatorum sub dictâ hypothesi permissivo: Neque verò in isto Decreto esse aliquid absurdi. Nam licet Deus*

certò præcavere posset peccata, non habendo ejusmodi Decretum: si tamen Voluntas Divina quoad omnes effectuum creabilium in infinitum possibles hypotheses sit actu in æternitate determinata vel ad volendum, vel ad nolendum, potest Deus ita habere Decretum non permittendi peccata quâ in his, vel illis circumstantijs non remotè duntaxat, sed cum proximâ Voluntati creatæ innatâ probabilitate possibili, ut tamen circa alias sub possibilitate hypotheticâ formabiles rerum peritales habeat de iustol Decretum conditionatum permittendi ejus peccata, ex sui consilij, ac iudicij fine inferabili. Quo tamen Decreto Conditionato posito, non idcirco ligata erat manus Domini, quin ex Bonitate suâ adversando peccati malitiam conditionatè futuram prædefiniret negationem conditionis, sub quâ futura erat peccati permissio, atque ut sic impediret absolutam peccati hujusmodi Futuritionem. Constat igitur, posse in Deo Decretum sub conditione aliquâ permittendi peccatum, stare cum Voluntate efficaci non ponendi actualiter conditionem, atque aded impediendi peccati malitiam.



### CONTROVERSIA. III.

#### *An Scientia Media cohereat cum Doctrinâ Sancti Augustini.*

1. *H*anc quæstionem testatur Ioannes à S. Thoma cit. disp. 20. n. 3. à Sanctissimo Clemente VIII. Sacræ Congregationi de auxilijs Divinis per ejusdem Secretarios die 15. Julij Anno 1604. fuisse propositam sub hoc tenore: *An su sententia Sancti Augustini, quod ante Decretum absolutum Divina Voluntatis deus in Deo certa, & infallibilis cognitio Contingibilium dependentium à causâ liberâ, qualem Molina per Scientiam Mediam Deo tribuit.* Isti aded difficultati intensius attendere operæ pretium esset vel ex hoc solum; quod à Summo Pontifice fuisset proposita, nisi Societatis Iesu Theologi, nominatim P. Rechlinger in suis Theob. theol. de Scient. Dei. Thesi 44. obniterentur, quod assertis sub Clemente VIII. & Paulo V. in Congregationibus circa auxilia Divinæ Gratiæ inter Patres Societatis Iesu, & Ordinis Prædicatorum actis ex Decreto Innocentij X. nulla sit habenda fides. Quare ab hisce actis nos præseindentes rationem moræ Controversiæ adstruimus ex eo, quod Scientiæ Mediæ adinventio ortum habuerit ex difficultate conciliandi libertatem cum Gratiæ Efficaciâ, in quâ materiâ Bellarminus lib. 2. de grat. & lib. arb. c. 11. allegatis Summorum Pontificum de S. Augustino Encomijs, ait, illum sequi Fidem Ecclesiæ Catholicæ, qui sequitur doctrinam istius Magistri Gratiæ.

#### Referuntur sententiæ Doctorum.

2. *H*inc non modica utrinque pro S. Augustino est concertatio: Francisco in primis Amico cit. disp. 12. n. 201. sic argumentante. Divus Augustinus 1. ad Simpli. q. 2. in init. Congruitatem Vocationis explicat per Ordinem ad circumstantias temporis: *sed interest, quibus articulis temporum Gratia infundatur.* Hoc autem est dictum in ordine ad consensum, quem Gratia causat



causat in animâ. At nihil interesset, Gratiâ sive hoc, sive illo tempore infundi, si ex naturâ suâ independenter ab omni extrinseco haberet efficaciam ad consensum infallibiliter operandum. Non igitur subsistit gratiæ efficacia, nisi per quandam congruitatem, vi cuius pro his potius, quàm alij temporis circumstantijs sit attemperata ad obtinendum consensum. At hoc supponit Scientiam, quâ independenter à Decreto Divino actu existente Gratiâ est à Deo prævisa uno potius, quàm alio tempore congrua ad consensum infallibiliter obtinendum. Hæc autem Præscientia est Scientia Media. Ergo ex mente S. Augustini asserenda est Media Scientia.

3. Martinon *cit. disp. 9. n. 45.* Pro Scientiâ Mediâ expendit illud Augustini *in lib. de Corrupt. & Grat. l. 3. sub. finem.* Respondeant, asserentis, si possunt, Cur illos Deus, cum fideliter, & pie viverent, non hinc de vitæ hujus periculis rapuit, ne malitia mutaret intellectum eorum, & ne ficto deciperet animas eorum. Virum hoc in potestate non habuit. An eorum mala futura reseruit? Nam penitus nihil bonum nisi perversissimè, & insensissimè dicitur. Ex quo ita licet argumentari. Mutatio, de quâ hic loquitur Augustinus, erat quidem absolutè futura, prius tamen, quàm prævideretur absolutè futura, præscita fuit sub conditione. Probatur hoc Assumptum. Quia S. Augustinus affirmat, Deum potuisse per talem Præscientiam impedire, ne illa mutatio in pejus foret re ipsa. At non potuit impedire per Præscientiam absolutam; hæc enim supponit rem esse absolutè futuram. Ex suppositione autem, quod sit futura, non potest fieri re ipsâ, ut non sit futura. Si ergo Deus impedire mala ejusmodi habuit in potestate, quatenus ea præscivit, oportet, hanc Præscientiam esse Conditionatam ante Decretum, cum ex istius suppositione non posset impedire illa mala.

4. Amicus loco citato ponderat D. Augustinum de Bono Persev. l. 14. investigantem, Cur Tyrj credidissent, si eadem signa, quæ Iudæi viderunt, ipsi quoque vidissent. Nam hujus rationem non reducit in Decretum Dei, sed assignat solum conditionem ex parte eorum, qui credituri fuissent: ut si ad Decretum Prædestinationis referat, quod non sint eis talia signa concessa. Ex quo, inquit, apparet, habere quosdam in ipso ingenio Divinum naturaliter munus intelligentiæ, quo moveantur ad fidem, si congrua suis mentibus vel audiant verba, vel signa conspiciant. Unde constat, independenter à Decreto Divino, sed ex conditione ingenij, & intelligentiæ naturalis futuram fuisse congruam Tyrjorum per signa, & miracula vocationem: ex cujus hypothefi certò acturi fuissent poenitentiam. At hæc ipsa vocationis ex hypothefi signorum naturali Tyrjorum ingenio, ac intelligentiæ antecederet ad actuale Dei Decretum proportionata congruitas est objectum Scientiæ, quam Patres Societatis dicunt Mediam, Ergo hæc Dei Media Scientia habet fundamentum in S. Augustino.

5. Ex opposito inter Thomistas non ultimus Joannes à S. Thomâ *cit. disp. 20. a. 3. n. 7.* adversus Scientiam Mediam pugnat sequenti Syllogismo. Modus cognoscendi futura conditionata ante Decretum Dei præveniens nostram Voluntatem; & juxta illum admittendi efficaciam Divini Decreti, & cum isto conciliandi libertatem nostram fuit à SS. Prospero & Hilario propositus D. Augustino tanquam assertus, & admissus à Massiliensibus.

At S. Augustinus illis respondens talem modum Scientiæ non admisit, quin potius, si antea dixerat, Deum præscire ista Conditionata, dicit intelligendum, suppositâ Dei voluntate, ejusque prædestinatione. Ergo Scientia Media, seu cognitio Conditionatorum ante Decretum præveniens, & absolutum ex parte Dei est contra mentem S. Augustini.

In hujus adè Syllogismi Majori, ac Minori: (quas fuse, ac efficaciter probat præfactus Author *cit. a. 3. à n. 2. usque ad 26.*) cum totâ præsentis dubij vis consistat. Nos ad difficultatem majorem cum claritate examinandam duas distinguemus conclusiones; in Primâ visuri, quid à SS. Prospero & Hilario sit propositum D. Augustino? Postea, quid hoc in puncto sentiendum de mente S. Augustini?

### CONCLUSIO I.

**A** Sanctis Prospero, & Hilario tria præcipue tanquàm à Massiliensibus asserta, sunt Divo Augustino proposita: quorum Primum fuit, quod modus cognoscendi futura Conditionata ante Decretum Divinum admissus fuerit à Massiliensibus. Secundum, quod Prædestinationis, ac Decreti Divini efficaciam, seu infallibilitatem statuerint Massilienses in Præscientiâ Divinâ Conditionatorum. Tertium, quod libertatis nostræ cum Decreto Divinæ prædestinationis concordiam fundarint in præfactâ Conditionatorum Scientiâ.

Primum probatur ex SS. Prosperi, & Hilarij ad D. Augustinum Epistolis, quæ habentur in tom. 7. Oper. D. Augustini ante lib. de prædestin. Sancto. Vbi circa initium suæ Epistolæ S. Prosper refert de Massiliensibus; docuisse; Deum illos, qui credituri sunt, quæ in eâ fide, quæ deinceps per Dei Gratiâ sit juvanda, mansuri sunt, præscisse ante mundi constitutionem, & eos prædestinasse in regnum suum, quos gratis vocatos dignos futuros electione, & de hac vult bonæ sine excessibus, prævideri. Ex quo patet, Massilienses ante prædestinationem, ac Decretum electionis in Deo supposuisse præscientiam eorum, qui sub conditione vocationis essent digni futuri. In quem adè sensum S. Hilarius. *in cit. epistolâ suâ ante med. testatur, cum dicitur quare alij vel alicubi prædicetur, vel non prædicetur, dicere, Massilienses, id præscientiâ esse Divinâ, ut eo tempore & illis Veritas annuntiaretur, quando & ibi prænantabatur esse credenda.* Unde circa hanc difficultatem cupiens cum S. Hilario edoceri S. Prosper circa fin. præfactæ Epistolæ quærit ex D. Augustino, Virum præscientia Dei ita secundum propositum maneat, ut ea ipsa, quæ sunt proposita, id est, decreta, sint accipienda præscita, an verò in his, qui nihil operaturi salvantur, quasi solum Dei propositum videatur existere; in his verò qui aliquid boni acturi sunt, per præscientiam possit stare propositum: An verò uniformiter præscientia sit submixta propositio. Manifestum igitur est; S. Augustino fuisse propositam quæstionem, An præscientia Dei sit submixta, sive mixta Decreto Divini propositi, vel istud econtra supponat Dei præscientiam. Quid igitur responderit S. Augustinus, seq. Concl. elucidabitur.

Secun-



2. Secundum probatur ex prædictis Epistolis. Cum enim teste S. Prospero circa init. sue epist. Omnem industriam removeri, tollique virtutes, si Dei constituto, id est Divinae prædestinationis Decretum, humanas præveniat voluntates, imò sub hoc prædestinationis nomine nomine fatalem induci necessitatem, arbitrentur Massilienses: Idcirco hanc de humanis meritis, quæ non futura novo absurditatis genere consignebant futura, præscientiam adstruebant, secundum quam gratia Dei vocantis operaretur. In quam aded futurorum Conditionatorum præscientiam reducebant rationem, Cur Deus aliquas Nationes in præteritis sæculis dimiserit ingredi vias suas, & in veteris ignorantia impietate deperire, cum tamen, in quantum prædicatoribus ostium apertum est, Gentium populus, qui sedebat in tenebris, viderit lucem magnam. Item Cur, qui quondam non populus, nunc autem populus Dei sit? Et quorum aliquando Deus non misertus, nunc autem misereatur? Ideo namque agebant, Deum ipsorum esse misertum, quod prævisi essent Domino credituri, finique ad unamquamque Gentem ita ordinata tempora, ac Ministeria Magistrorum, ut exortura erat bonarum credulitas Voluntatum. Ex S. Hilario ubi sup. & Prospero circa med. dictæ Epistolæ. En igitur, Infallibilitatem prædestinationis à Massiliensibus ita negari radicam formaliter in efficaciâ Decreti Dei, ut totam præordinationis Divinae rationem reducant in merita sub conditione præscita: quibus etsi Semipelagiani, non autem moderni Scientiæ Mediæ propugnatores tribuere videantur vim quandam meritariam, erit tamen difficultas, an non ex illo etiam capite à S. Augustino rejecta sit illa præscientia, quod Massilienses infallibilitatem prædestinationis non adstruerent, nisi prout esset innixa præscientiæ conditionatæ liberi prædestinatorum consensu.

9. Tertium probatur ex eadem S. Prosperi Epistolâ circa medium de Massiliensibus scribentis in hæc verba: In istam talis Gratia prædicationem se vel maxime contulerunt, quia si profiterentur, ab ea omnia merita præveniri, & ab ipsa, ut possint esse, donari, necessitate concederent, Deum secundum propositum, & consilium, Voluntatis suæ occulto iudicio, & tempore manifesto aliud Vas condere in honorem, aliud in contumeliam, sed refugium istud sateri, Divinoque operi adscribere Sanctorum merita formidant, nec acque sunt prædestinatum Electorum numerum nec augeri posse, nec minui, nè locum apud infideles, & negligentes cohortantium incitamenta non habeant; ac superflua sit industria, ac laboris inditio, cujus studium cessante electione frustrandum sit. Ita demum enim posse unumquemque ad correctionem, aut ad profectum vocari, si se sciat suâ diligentia bonum esse posse, & libertatem suam ab hoc Dei auxilio juvandam, si quod Deus mandat elegerit. Vides Massilienses, ne libertas Humani Arbitrij tolleretur, negasse infallibilitatem prædestinationis ex præcisâ Decreti Divini efficaciâ, veluti testatur S. quoque Hilarius in princip. cit. Epist. Vnde ad voluntatis creatæ libertatem cum Divinae præordinationis Decreto conciliandam talem ingressi sunt viam, ut eodem S. Prospero in fine sue Epist. attestante potest omnium par inveniretur, & una sententia, quâ propositum, & prædestinationem Dei secundum præscientiam recipere, & ut ob hoc Deus alios Vasa honoris, alios contumelia fecerit, quia finem uniuscujusque prævidere, & sub ipso Gratia adiutorio, in qua futurus esset, Voluntate, & actione præscire. En igitur libertatis nostræ cum Divinae prædestinationis proposito con-

cordiam ex Mediâ Conditionatorum Scientiâ assertam à Massiliensibus. An proinde ex hoc etiam capite rejecta sit à Divo Augustino ista præscientia, inferius patebit.

## CONCLUSIO. II.

Conditionatorum præscientia à D. Augustino ad prædictas SS. Hilarij, & Prosperi Epistolas in libris duobus de Prædestinat. Sanct. Et de Dono Perseverantiæ respondente rejecta fuit non tantum quoad abusum, quatenus Massilienses contendebant, homines per opera sub conditione præscita mereri, vel demereri vocationem ad gratiam, & gloriam, sed ex eo etiam Capite; tum quod poneretur à suis Authoribus antecederet ad propositum, seu Decretum Divinae Voluntatis. Tum quod nulla formaliter ex vi Divinae prædestinationis admitteretur infallibilitas, sed emendicata duntaxat ex Conditionatorum præscientiâ. Tum denique, quod per hanc quâ antecederet Decretum Divinae prædefinitionis adstrueretur ratio conciliandi libertatem nostram cum prædestinatione.

Probatur in primis ex cap. 10. cit. lib. 1. de prædest. Sanct. Vbi, quando promissus Deus Abrahæ, ait S. August. fidem gentium, non de nostra Voluntatis potestate, sed de suâ prædestinatione promissus: Promissus enim, quod ipse facturus fuerat, non quod homines, quia efficiunt homines bona, quæ pertinent ad colendum Deum, ipse facit, ut illi faciant, quæ præcipit, non illi faciunt, ut ipse faciat, quod promissus.

Ex quo ita licet argumentari. In fidei, vel quovis opere bono formaliter importatur consensus liber. Ergo Deus promittens opus bonum promittit consensum liberum. At promissio Dei est secundum ejus præscientiam. Ergo Deus promittendo Abrahæ fidem Gentium harum liberum in fidem consensum præscivit. At si Deus hunc Gentium in fidem consensum liberum præscivisset, atque aded promississet ex vi Scientiæ antecedentis Decretum & prædestinationem suam; Consequens foret, non jam promississe, de suâ prædestinatione, sed de nostra Voluntatis potestate, vi cujus antecederet ad Decretum Dei prædefinitivum ex hypothese Vocationis Gentium harum fides erat futura. Atqui S. Augustinus negat, Deum Abrahæ promississe fidem Gentium de nostra Voluntatis potestate, sed de suâ prædestinatione. Ergo fidei Gentium futuræ sub prædicta conditione Veritas secundum D. Augustinum fundatur in efficaciâ, & infallibilitate Divinae prædestinationis, ex vi cujus aded est futuritio determinata actus liberi, atque aded hujus præscientia est consequens Divinae prædestinationis Efficax Decretum.

Respondebis: S. Augustinum in hoc, & similibus locis agentem adversus Semipelagianos solum intendere, quod fides Gentium Abrahæ promissa sit Donum Dei. Ex hoc autem esse Donum Dei, quod non de nostra secundum vires naturæ potestate procedat, sed ex Gratia Dei decretâ per Divinam prædestinationem. Hoc



autem Divinæ prædestinationis Decretum non esse prædefinitivum consensûs liberi in actu fidei, aliore opere meritorio intervenientis, sed per id decerni à Deo tum auxilia, & circumstantias, tum cooperationem cum libero nostro arbitrio. Quod aded Decretum posse eatenus esse causam, ut Deus in æternitate præviderit Fidem Gentium, quatenus suppositâ Scientiâ Mediâ, vi cuius præviderat Deus sub conditione, quid singuli ex Gentibus per hæc vel illa auxilia, in hac vel illâ occasione cum generali suo concursu essent facturi, erat vi Decreti rerum ejusmodi persistens statuendis absolute futura Fides Gentium. Hujus aded fidei promissionem esse factam Abrahæ à Deo ex suâ prædestinatione, ut tamen ista supponeret Scientiam Mediam in Deo. Consequens igitur esse, hanc Scientiam Mediam non pugnare cum S. Augustini superius positâ doctrinâ ex Petro à S. Joseph. *cit. disp. 4. de Scient. Condit. sect. 3. n. 2.*

13. Contra. Nam S. Augustinus à *cap. 2. libri de Prædestin. Sanctior.* ex sacris Litteris adversus Semipelagianos ostendit, Fidem, & quævis opera bona ita esse Dona Dei, ut ipsemet Deus operetur Fidem in nobis miro modo agens in cordibus nostris, ut credamus. Hinc ad ipsum actum credendi pertinet etiam illud Apostoli: *Quis est, qui te discernit?* Hoc verò accipiendum est, non quia credere, vel non credere non est in arbitrio Voluntatis humanæ, sed quia in Electis præparatur Voluntas à Domino, discernendum est utique, quid veniat de Misericordiâ ejus, quid de Iudicio. ex S. August. *lib. cit. usque ad c. 6.* At ista Voluntatis nostræ præparatio, vi cuius Deus præparat bona opera, ut in illis ambulemus, est prædestinatio. ex eod. S. Doctore *c. 10.* De hac proinde prædestinatione suâ, non de nostra Voluntatis potestate promisit Deus Abrahæ Fidem Gentium, promisit enim, quod ipse erat factururus, quatenus ipsam credendi voluntatem in libero nostro arbitrio sitam, sed à se præparatam, atque aded prædestinatam erat operaturus. At quæ DEUS erat factururus, prædestinatione suâ præscivit. Ex S. Aug. *cit. c. 10.* Ergo fides, ac reliqua opera bona quoad ipsum consensum liberum, vi cuius sit formaliter discretio, seu determinatio Voluntatis bonæ ex mente S. Augustini, ita sunt Dona Dei, ut sint à Deo præparata, & prædestinata, ac ex vi hujus prædestinationis præscita.

14. Atqui Scientiæ Mediæ propugnatores imprimis contra claram S. Augustini doctrinam negant de Deo Decretum, quod Deo immediata, ac de se sufficiens esse possit ratio præsciendi actus nostros liberos. Insuper negant, Arbitrij nostri libertatem consistere cum prædestinatione, seu præscitione actûs liberi, nisi hujus futuritio sit antecedens ad actuale Dei Decretum: hanc verò futuritionem conditionatam supponunt tanquam primam creati arbitrij determinationem, quæ non sit quidem absoluta, sit tamen ultra statum indifferentiæ ac possibilitatis. Quare aliquam in actu bono libero discretionem formaliter in ratione determinationis, atque aded discretionis actualis reducant in arbitrium creatum; imò ne quidem in actuali & absoluto creati liberi arbitrij exercitio admittunt discretionem, seu determinationem esse

primò ex vi Decreti Divini utpote indifferentiæ, vel Concomitanter aut subsequenter tantum Cooperantis. Quæ omnia, si ponderentur cum præactis S. Augustini verbis, haud congruere, manifestum est. Ergò Scientia Media Conditionatorum antecedens Decretum Dei formale ex multis Capitibus pugnat cum S. Augustino.

Replicabis cum Amico *cit. disp. 12. n. 218.* S. Augustinum *cit. cap. 10.* apertè dicere, quod sine prædestinatione possit esse præscientia, cum Deus sit potens præscire, quæ ipse non facit, sicut quæcumque peccata. Ex quo consequens est, stare posse in Deo præscientiam sine Decreto, nam peccata, teste Augustino, non facit, quæ autem non facit, neque decernit, sed tantum permittit: Si autem peccatorum præscientia sive absoluta, sive Conditionata, cur non bonorum etiam operum, subsistere possit, quin innixa sit Decreto Dei absoluto?

Contra. Nam discernendum est, quid veniat de Misericordiâ, & quid de iudicio. Est autem in Electione Misericordia, docens omnes, qui veniunt ad Christum; Iudicium verò in cæteros, qui excæcati sunt, quosque Pater non docet, ut veniant ad Filium. At sicuti Misericordia, sic Iudicium sit in ipsis hominum Voluntatibus à Deo, qui, cuius vult, miseretur, & quem vult, indurat. Neque tamen ullus, etsi non sit, qui Voluntati ejus resistat, justè conqueritur, Cur mesecisti sic? Quare Deus, quod vult sive adjuvando per Electionem, & Misericordiam, sive judicando per Iudicium, agit in cordibus hominum, ut per eos impleatur, quod manus ejus, & consilium prædestinavit fieri: ita ut hæc ipsa manus Dei, & consilium prædestinavit fieri à Judæis contra Iesum, quanta erant necessaria Evangelio propter nos. Ex S. Augustino *cit. cap. 6. & 10. 16. & 20.* Vides igitur, etsi Deus non faciat peccatum, id tamen permittere per Iudicium, & Consilium voluntatis, seu prædestinationis suæ, in quo Decreto permisso certò cognosci peccata supra ostendimus.

Confirmatur hæc illatio ex ipsomet S. Augustino. Hunc enim à S. Prospero in *fin. sup. alleg. Epist.* fuit inter alias proposita quæstio: *An universæ, sive generaliter Præscientia Dei sit suavis, id est innixa, propositio?* At D. Augustinus in *lib. de prædest. Sanct. c. 10.* respondit, *prædestinatione Deum præscire, quæ fuerat ipse factururus.* Hæc igitur S. Augustini responsio ut congruat interrogationi, perinde habenda est, ac si dixisset, Præscientiam Futurorum esse subnixam, sive innixam Proposito Divinæ prædestinationis, seu præscitionis, veluti de Pietatis, Castitatis, Charitatis, cæterisque Voluntatis nostræ actibus meritorijs tanquam Donis Dei idem Augustinus *lib. 2. de Bono Persever. c. 17.* clarè testatur: *Si & dentur & ea se daturum esse Deus præscivit, præscit prædestinasse; imò, si prædestinatio, quam tanquam Voluntatis nostræ præparationem in nobis facientem & velle & operari, defendit, nulla sit, non præsciri à Deo Dona Dei. ex sine ejusd. 17. cap.* Constat igitur ex isto S. Ecclesiæ Doctore, rationem, in qua Deus præscit futura Dona Gratiae, esse eorundem prædestinationis Decretum. At verò ex Epistolis SS. Prosperi, & Hilarii constat, quæstionem, quam Massilienses moverunt de Præscientia futurorum, comprehendisse tam bona, quam mala opera, non tantum absolute, sed

15.

16.

17.

18.



- etiam conditionatè futura. An igitur D. Augustini responsum dicam imperfectum adeò, ne contineret omnimodam difficultatis solutionem? Absit ut vel ignorantiam non potentis, vel desidiàm non volentis ad universa sibi proposita respondere inuramus tanto Doctore. En igitur subtilem ob hoc assertum distinctionem inter Conditionata nullam à parte rei involventia realem Futuritionem, & inter Conditionalia verè futura. Prioris generis sunt insinuada per illud *Sap. 4. Raptus est, ne malitia mutaret intellectionem ejus.* Hoc enim dictum esse secundum pericula vitæ hujus, non secundum præscientiam Dei: ait Augustinus *cit. lib. 1. de prædest. c. 14.* Atqui peccata secundum pericula vitæ hujus considerantur præcisè secundum statum possibilitatis, quatenus hæc ob innatam homini ad malum inclinationem habent ratione propinquæ possibilitatis seu probabilitatis, non autem realis etiam conditionalis Futuritionis. Unde peccata hujusmodi calculum, nisi raperetur, proximèabilia non cadunt sub præscientiam Dei, *hic enim præservit, quod futurum erat, non quod futurum non erat.* Ex *cit. c. 14.* Etli proinde de hominibus actu aliquando extrinsecus independentem ab actuali Decreto sint formabiles quàm plurimæ hypothefes, sub quibus sunt intelligibila hominum merita, vel demerita, non quatenus re ipsa futura, sed quæ secundum proximam possibilitatem probabilia: hæc tamen sub scientiam simplicis duntaxat intelligentiæ, non autem Dei præscientiam cadunt, ipsa enim examinaretur præscientia, si quod præscitur, non erit, quomodo enim rectè dicitur præfari Futurum, quod non est futurum. Augustinus *lib. 1. de an. & ejus Orig.* Aliud igitur posterius prædefinitionem Divinæ Voluntatis consequens Conditionalium genus idem Ecclesiæ Doctor *c. 9. de prædest. & in libro de sex quest. cont. Pagan. quest. 2.* inducit quæstioni propositæ: *Cur Christus post tam longa tempora venerit?* respondens, tunc voluisse Christum hominibus apparere, quando sciebat, & ubi sciebat esse, qui in eum credituri erant. Hoc enim ait, se dicere voluisse de præscientiâ Christi sine præjudicio *latentis consilij Dei.* At per istud latens consilium Dei intelligi Decretum Divinæ prædestinationis exponit idem S. Doctor, asserens, se non putasse, dum respondebat Paganis, tunc necessarium disserere. An prædicato sibi Christo infideles à se ipsis essent habituri fidem; an Deo donante sumpturi? id est, *Utrum tantummodo eos præciseris, an etiam prædestinaveris Deus?* Constat igitur, Præscientiam Christi de his, qui essent quibuscumque temporibus prædicato sibi Christo credituri, vel non credituri, non fuisse absque latente Dei consilio; ita ut si absque consilio prædestinationis, uti asserunt Scientiæ Mediæ propugnatores præviderentur credituri, à se ipsis, non Deo donante essent habituri fidem. At illa Christi præscientia de his: *Quinam prædicato sibi Christo ab orbe condito ubivis terrarum essent credituri vel non credituri,* habebat pro suo objecto futura etiam conditionata, quorum unum erat opus bonum, seu fides in Christum; alterum negatio fidei. Ergò futura conditionata sive bona sive mala non prævidentur à Deo ante Divinum latentis Consilij, seu prædestinationis Decretum.
- Hoc autem latens Divinæ prædestinationis Decretum ita se habet ad bona opera, ut hæc,

quæ ipse sive absolute, sive sub hypothefi aliqua esset facturus, prædestinatione præsciat Deus, *ex cit. 1. 10. lib. de prædest.* Econtra ira præscit, ut tamen non faciat peccatum, sed judicium, per quod tradit Deus aliquos in reprobum sensum, ut faciant quæ, non conveniunt. *ex eod. c. 10.* Unde ex Divino Iudicij consilio quoque factum est, ut Herodes & Pilatus, & populus Israel convenirent in unum adversus Christum facientes, quanta manus, & Consilium Dei prædestinavit fieri. *ex cit. lib. prædest. c. 16. circa med.* Sicuti ergò Deus opera nostra bona præscit prædestinatione, sic opera nostra mala, seu peccata prævidet in Consilio, seu Decreto Divini sui Iudicij, ex quo est permissio, atque adeò non in vi *Causalitatis*, sed in vi *Consequentis infallibilis* est certa sive absolute, sive conditionate peccatorum Futuritio.

Dices ex Amico *cit. n. 218.* Augustinum perlatens illud Consilium, sine cujus præjudicio à se dictum fuerat, Christum præscivisse, quinam in eum essent credituri, ita intelligere Decretum Divinum Electionis gratiæ, seu prædestinationis, ut tamen respectu fidei absolute futura hoc Decretum esset absolutum, respectu autem fidei quæ conditionatè futura se habere tanquam purè conditionatum.

Contra: Nam opera Gratiae, & Gloriæ ad Divinæ prædestinationis non actuale, sed purè conditionale Decretum comparantur vel sub statu puræ possibilitatis, ac indifferentiæ, vel sub aliqua determinatione Futuritionis, per quam sint ultra possibilitatis statum. Sub priori statu dicimus nos, Deum comprehendendo suam substantiam, suæque adeò Voluntatis efficaciam & cujusvis Boni creati ex se producibilitatem omnino cognoscere, quod ex vi Voluntatis suæ per Media Gratiae à se præparanda ex vi Divinæ causalitatis efficacia possit cerè, sed tamen libere quamvis creaturam intellectualem perducere ad Finem Gloriæ. Unde pro tali statu omnino formabiles sunt ejusmodi Conditionales: Si Deus sit homini decreturus Gratiam, & Gloriam per efficaciam Gratiae Mediæ, infallibiliter est perducendus ad finem Gloriæ. Item, si homo ponendus esset in vitæ hujus periculis secundum innatæ inclinationis probabilitatem, seu proximam possibilitatem, esset lapsurus in peccata. Si proinde Amicus in formandis Conditionalibus à Scientiâ Dei omne ipsius Decretum actuale antecedente cognitum, ex parte objecti non involvat aliquam ultra statum Divinæ ad extra indifferentiæ, seu possibilitatis determinationem, cerè Nos, & veritatem habebit sibi amicos, etsi revera ejusmodi Conditionalium scientia secundum Augustinum ubi supra non sit præscientia, sed simplex tantum intelligentia. Oportet igitur, pro Mediâ Scientiâ assignari specialem objecti rationem, quæ in Conditionatis quatenus verè futuris importet aliquid formalitatis, seu realitatis fundantis Veritatem jam supergressam possibilitatis ac indifferentiæ statum. Hanc verò ultra statum possibilitatis à parte rei qualitercumque veram determinationem noluit Augustinus adstruere cum præjudicio latentis Consilij Dei, sive prædestinationis. At si Fidei, aliûve actûs supernaturalis liberi futuritio licet conditionata, sed tamen possibilitatis, ac indifferentiæ statum supergressa sub-



sa subsisteret cum purè conditionali actualiter non existente Dei Decreto, tunc de creato arbitrio posset per prius verificari status determinationis supergressus indifferentiæ statum, quàm de Deo, utpote in quo circa talem creati arbitrij determinationem nulla esset Voluntatis suæ Divinæ determinatio antecedens, sed primum consequens. Hoc autem revera non esset aliud, nisi quod S. Prosper in sua ad Augustinum Epist. post med. conquestus est de Massiliensibus, quod, cum duo sint, quæ salutem operantur, Dei scilicet Gratia, & hominis Obedientia, priorem velint Obedientiam, quàm Gratiâ. At istud non tantum pro confutandis Massiliensibus, sed pro Futuritione conditionatâ Dei actuali Decretum antecedente reiiciendâ, quàm efficaciter exagitet D. Augustinus facile constat ex ipsius testimonijs per nos hætenus deductis, magisque patebit expendenti argumenta ex Sacris Litteris ab eodem Gratia Magistro formata in sæpe alleg. lib. de prædest. SS. ac de Dono Perseverantia.

27. Confirmatur hic noster discursus ex cit. lib. de Prædest. cap. 19. & 20. ubi ex Sacris litteris probatur. Totam liberam determinationem, quæ est formaliter actus credendi, peragi vi Vocationis Divinæ, quæ est secundum propositum. At secundum Scientiæ Mediæ propugnatores ista libera determinatio in ratione Futuritionis realis etsi conditionatæ est antecedens actuali Dei propositum, & vocationem Divinam. Hæc verò Conditionata futuritio secundum rationem intrinsecam ex parte objecti non est alia à Futuritione absolutâ, estque aded ipsemet actus liber secundum illam ipsam Entitatem, quæ physicè emanat à libertate. Vnde tota futuritionis absolutæ, & conditionatæ differentia, ipsis etiam Adversarijs apud Amicum cit. scilicet 12. v. 21. ac seq. insinuantibus, est in connotatione conditionis, quâ stante est conditionalis, eâ verò purificatâ, est hoc ipso absoluta futuritio. At revera usus liberi Decreti Divini antecedens determinatio pugnat cum proposito Dei quâ Causâ omnimodæ liberi arbitrij in credendo, in castè & piè vivendo, ac perseverando Determinationis, quæ formaliter sit ipsa actio libera nostræ Voluntatis, per quam credimus, benè operamur, ac denique perseveramus. Si ergo hæc omnia bona etiam in ratione nostræ operationis quâ liberæ sint dona Dei ut sic emanantia ex Vocatione Dei secundum propositum, vi cuius etsi nos faciamus liberè, facit tamen Deus, ut nos faciamus, prout evincitur ex S. Augustino: certè iniquum est, ipsam consensûs nostri ad opera meritoria determinationem liberam in suâ intrinsecâ reali entitate secundum illam ipsam actuali Existentiâ, quam habet in Esse absoluto, posse in aliqua hypothesi supponi cum negatione Decreti Divini actualis. Oportet igitur ex mente Augustini, prædestinationis Divinæ infallibilitatem non emendicare ex istâ conditionali liberâ creati arbitrij Divinum Decretum antecedente determinatione, sed potius hanc cum totâ libertatis ratione reducere in Divinæ prædestinationis latens consilium, seu Decretum, & Vocationem Gratia, huc ita subiungendo Voluntatem humanam, ut nihil etiam sub statu conditionali adstruamus Boni, quod in nostram participationem non Deo Authore defluerit. ex S. Prospero circa med. & fin. 41. Epist.

Opponit Amicus cit. n. 216. Augustinum disputare adversus Massilienses Pelagianorum reliquias, qui contendebant, tum quod Deus homines vel ad gloriam eligat, vel ad penas destinet ex eorum meritis, aut demeritis sub conditione prævisis. Vnde agebant, infantes sine Baptismo morientes damnari propter eorum peccata, quæ victuri commississent. Contra verò cum Baptismo decedentes salvari propter eorum bona opera, quæ super victuri egissent, tum quod merita fundentur in solâ Voluntate humanâ, quibus homo se dignum præbeat Gratiâ, & prædestinatione Divinâ. Contra hos igitur docere Augustinum, quod Electio ad gratiam, vel gloriam non subnitatur Scientiæ meritorum sive absolute, sive sub conditione prævisorum ex solâ humanâ Voluntate proficiscentium, sed quod potius Scientia Meritorum sive absolute, sive sub conditione prævisorum subnitatur electioni sive absolute respectu eorum, qui de facto salvantur, sive conditionali respectu eorum, qui veluti Tyrij, ac Sidonij prævisi fuerunt sub conditione pœnitentiam acturi. Cujus esse rationem, quod in sententiâ Catholicâ Augustini nulla prævideri possint merita neque sub conditione futura, nisi dependenter ab electione gratuita vel absolute, vel sub conditione gratiam offerente, cum nullum opus possit esse meritorium, nisi ex ipsius gratiâ procedens. Quocirca ex citatis locis Augustini nihil evinci adversus Scientiæ Mediæ propugnatores, cum Augustini intentum sit, scientiam meritorum non præcedere electionem ad Gratiâ, cum anteelectionem ad gratiam nulla possint prævideri merita nec absoluta, nec sub conditione futura.

Contra. Nam quid à SS. Prospero, & Hilario in sæpe citatis Litteris fuerit propositum D. Augustino, manifestum est ex primâ concl. præsent. Cont. Ex quo autem principio traxerint originem errores Massiliensium, declarat D. Augustinus in primo statim cap. lib. de prædest. Sanct. quod nimirum in quæstione de prædestinatione Sanctorum adhuc caligarent existimantes: Omnem indus-triam removere, tollique Virtutes, si Dei constitutio, seu prædestinatio humanas præveniret Voluntates, imò sub hoc nomine prædestinationis, fatalem induci necessitatem.

Ex hoc proinde falso præsupposito principio moti fuerunt Massilienses, ut initium Salutis ponerent in libero arbitrio creato asserentes: Initium fidei ex nobis, ejus verò incrementum ex Deo; nec non electionem ad Gratiâ & Gloriam esse ex meritis nostris sub conditione prævisis. Hoc igitur errores S. Augustinus in fundamento refutans ostendit, primam quoque fidem, sicuti quævis opera bona esse Donum Dei, non eâ ratione, quod facultas tantum credendi, seu benè operandi, sed ipsum credere, & velle, etsi sit in nostro arbitrio, sit datum à Deo. ex cap. 2. & 3. de prædest. Esse autem hoc velle nostrum à Deo, quatenus Voluntas præparatur à Domino; Vnde discretionem, secundum quam aliqui volunt, alij verò ex arbitrio Voluntatis liberæ volunt credere, esse ex eo, quod alijs per Misericordiam in Electione præparetur, alijs per Iudicium non præparetur Voluntas. Ex c. 5. ac seq. eiusd. libri. Hanc verò Voluntatis, & Gratia præparationem esse prædestinationem, in quâ sua futura facta præcipit. ex cap. 19. in princip. & 17. circa fin. de



*de praedest. Sancti. Item c. 17. & c. 18. circa med. de*  
*Dono persever.* Neque verò exhortationes aliorum  
ad fidem & perseverantiam impediri, si & ipsa  
opera, quod verum est, esse Dei Dona, eaque  
præcognita, id est, ad donandum prædestina-  
ta esse dicantur, sed hæc prædestinationis præ-  
dicatione subverti potius errorem Pelagianorum  
*c. 6. 17. circa med. ac seq. de Dono Persever.* Hinc  
tamen si opera bona à nobis exigantur, ut nos fa-  
ciamus, ipsum tamen Deum facere, imò nos  
agi à Spiritu Dei, ut faciamus, sitque adeò de  
prædestinatione definita Voluntatis Dei senten-  
tia, ut alij ex infidelitate accepta Voluntate obei-  
diendi convertantur ad fidem, vel perseve-  
rent in Fide, *ex cap. 11. de praedest. Sancti. & c. 22.*  
*de Dono Persever.* Quocirca hanc esse immobilem  
Voluntatem prædestinationis, & Gratiae, quòd  
electi simus ante mundi constitutionem eà præ-  
destinatione, in qua Deus sua futura facta præ-  
scivit, istam verò electionem consecutam esse  
vocationem, quâ Deus id, quod prædestinavit,  
implevit. Vnde Deum non eligere divites in  
fide, sed eligendo facere divites in Fide, rectè  
quippe hoc in Electis dici Deum eligere, quod  
ut in eis faciat, eos eligit secundum propositum  
non nostrum, sed ipsius, qui universa opera-  
tur, usque adeò, ut ipse in nobis operetur &  
vellet. *ex c. 17. circa med. & c. 10. circa fin. ult. lib.*  
*de praedest.*

Ejusmodi proinde Gratiae Electionem ac  
Meritorum ipsius etiam obediendi Voluntatis,  
atque adeò liberæ Determinationis præparati-  
vam Prædestinationem ex mente Augustini ad-  
struere oportet; cum quâ vix cohereret Gratiae E-  
lectio per Scientiæ Mediæ propugnatores asserta.

Nam primò generalitas verborum S. Augu-  
stini, & Sacrarum Litterarum evincit, nihil esse  
operis boni supernaturalis sub quâcunque vo-  
luntariæ à libero etiam arbitrio dependentiæ seu  
determinationis liberæ formalitate; nisi hæc sit  
ex vi, & causalitate Divinæ prædestinationis,  
seu electionis ad Gratiâ. At Scientia Mediâ  
supponit statum conditionatæ Futuritionis ante  
omne Dei actuale Decretum. Hæc autem con-  
ditionata Futuritio importat creati arbitrij de-  
terminationem sub tali formalitate, secundum  
quam actus liber non manet intra statum possibi-  
litaris, seu indifferentiæ objectivæ. Oporteret  
igitur secundum S. Augustinum assignare ex par-  
te Deitæ Electionis, seu prædestinationis De-  
cretum, ex quo tanquam causalitate actualiter  
in Deo posita prodiret illa extra possibilitatis,  
seu indifferentiæ statum extracta conditionata li-  
beræ determinationis Futuritio. At Decretum  
Dei purè conditionale, quod assignant Mediæ  
Scientiæ propugnatores, nihil importat for-  
malitatis actualis, secundum quam Divina  
Voluntas habeat aliquid liberæ determinatio-  
nis. Vnde etiam fieret, quòd, si futuritio illa con-  
ditionata ex parte objecti aliquid formalitatis  
ultra possibilitatis statum, imò realem in-  
differentiæ creati arbitrij determinationem im-  
portaret, per prius esse intelligibilem determi-  
nationem creatæ Voluntatis, quàm Divinæ.  
Cum igitur hæc omnia minimè cohæreant cum  
prædestinatione per S. Augustinum asserta, con-  
sequens est, neque Scientiam Mediâ subsiste-  
re secundum D. Augustinum.

Secundò. Tota ratio adinventæ Mediæ  
Scientiæ erat, quòd prædestinatio, seu præfinitio  
nostrorum liberorum actuum antecedens  
horum conditionatam scientiam induceret fra-  
talem quandam necessitatem. Ex quâ ratione  
moventur insuper Adversarij, ut negent, actus  
nostros liberos absolute futuros prævideri in Dei  
absolute Decreto saltem independenter ab eo-  
rundem conditionatâ Futuritione. At S. Au-  
gustinus *locis prælegatis* totus in hoc tanquam er-  
roris Semipelagiani principio refutando ita ver-  
satur, ut probet actus nostros liberos non fieri à  
nobis, nisi Deus per suam prædestinationem, &  
Gratiæ electionem Bona opera nostra ex se,  
non ex Voluntate nostrâ præparantem faciat, ut  
nos, liberè tamen, faciamus: ostendens etiam  
in hac suâ prædestinatione præscire Deum futu-  
ra sua Dona, quæ in nobis operando ipsum etiam  
Velle, esset facturus.

Tertiò. Quòd S. Augustinus asserendo, Deum  
præscire futura in suâ prædestinatione, intelli-  
gendus sit etiam de conditionatis, inde evincitur,  
quòd à S. Prospero *circa fin. ult. Epist.* interroga-  
tus generaliter de omni, imò singulariter de  
Conditionatorum præscientiâ, *An esset subnixæ*  
*propositio, sive prædestinationi?* nusquam aliter re-  
sponderit, nisi quòd Deus in suâ prædestinatio-  
ne præsciat futura.

Quartò. Ne ex eo quidem, quòd à Semipela-  
gianis esset objectum, ex prædestinationis nos-  
træ libertatem antecedentis infallibilitate tol-  
li virtutes, enervari exhortationes, S. Augu-  
stinus recedendum putavit ab ista prædestina-  
tionis intrinsecâ, & tali infallibilitate, secun-  
dum quam ex ejusdem, seu definitæ Voluntatis  
Dei sententiæ vi aliqui habeant Voluntatem o-  
bediendi Fidei, ac perseverandi in fide. At ve-  
rò Scientiæ Mediæ propugnatores ex simili cum  
Semipelagianis ratione certitudinem Divinæ  
Prædestinationis non formaliter in Divinæ Vo-  
luntatis præcisam definitionem, sed in condi-  
tionatam antecedentem consensûs nostri liberi Fu-  
turitionem referunt.

Quintò deniquè. S. Augustinus primam  
rationem Electionis prædestinatorum respectu  
non Gloriæ duntaxat, sed cujuslibet boni ope-  
ris reducit in solum Deum. At Scientiæ Mediæ  
propugnatores antecedenter ad omnem Electio-  
nem Dei actualem ponunt futuritionem consen-  
sûs nostri liberi Meritorij conditionatam. Hæc  
verò secundum ipsos importat liberi arbitrij no-  
stri determinationem, quæ sit ultra statum pos-  
sibilitatis, ac indifferentiæ: Imò in eâ radica-  
tur libertas actualis meritorum nostrorum exer-  
citij. At libertas actualis exercitij dicit forma-  
liter electionem inter opposita, atque adeò in Me-  
rito secretionem Boni à Malo. Ergò secundum  
Scientiæ Mediæ propugnatores Electio nostra  
quoad actuale Bonorum operum exercitium re-  
ducitur in nostræ Voluntatis determinationem  
tanquam primam radicem. Confirmatur: Po-  
namus signum rationis, in quo Deus cum Scien-  
tiâ simplicis Intelligentiæ, ac Voluntatis suæ  
Divinæ efficacit, & omnipotentia intelligitur  
sine omni Decreto, seu determinatione Volun-  
tatis suæ ad extra; imò etiam sine Mediâ cujus-  
cumque conditionatæ Futuritionis præscientiâ.  
In hoc signo secundum Scientiæ Mediæ propug-  
natores



44. natores non est intelligibilis ulla rerum peristasis, quæ sive ex intrinsecâ suâ efficaciâ, sive ex ipsius Dei virtute, sive ex ratione Intellectionis Divinæ possit habere infallibilitatem, seu connexionem infallibilem cum ullo meritorio creati arbitrij opere: Vnde pro isto rationis signo non posset concipi Deus quâ potens habere infallibile prædestinationis Decretum. At postea in secundo rationis signo, in quo non tantum scientia simplicis intelligentiæ, sed Conditionatorum præscientia intelligitur, Scientiæ Mediæ Propugnatores in Deo concipiunt infinitas rerum peristases, in quarum aliquibus Voluntates creatæ cum gratiæ auxilio bene, in alijs autem maleante omne Dei Decretum præsciuntur operaturæ. Hæ autem pro hoc secundo signo Bonorum operum hypotheticæ Futuritiones sunt pro tunc infallibiles, ita ut ex earundem infallibilitate sit Deus consequenter potens habere efficax, & infallibile Decretum prædestinationis. At illæ ipsæ Futuritiones important in ratione objecti præsciti actualem libertatem, atque adeo determinationem seu Electionem creati arbitrij, vi cujus determinationis pro statu conditionato aliter prævidetur operaturus cum gratiâ, & aliter præscitur non operaturus. Vnde ex illâ determinatione etsi conditionali jam sit secretio aliqua unius ab altero, in quâ secretionem fundatur efficax Divinæ prædestinationis Decretum. Ergo secundum Scientiæ Mediæ propugnatores prima Voluntatis Bonæ, ac Malæ secretio, ac Electio nō est ex Deo, sed potius ex creato arbitrio, quod cum S. Augustinus *loc. cit.* efficaciter demonstrat pugnare cum prædestinatione, ac Electione per sacras Litteras assertâ; Idcirco perspicuum est Scientiæ Mediæ propugnatores circa quæstionem de prædestinatione Sanctorum adhuc caligare, quos tamen, quia eò pervenerunt, ut necessitatem Gratiae agnoscant, non tantum ad opus Bonum, sed etiam ad Fidem tum inchoandam, tum perficiendam, speramus eam eodem Sancto Ecclesiæ Doctore. *cit. cap. de prædestin.* si ambulent in eis, quæ cognoverunt, & orent Deum, qui dat intellectum, si quid de prædestinatione aliter sapiunt, ipsum quoque illis revelaturum.

#### Responsio ad opposita Argumenta.

46. **A**D Amici n. 2. Oppositum Respondetur: S. Augustinum *lib. 1. ad Simplic. q. 2.* laborasse pro libero Arbitrio, ut tamen vinceret Gratia, sine quâ nec stare ullum opus Bonum, velut ipse testatur. *lib. 1. de prædest. Sanctor. c. 4. circa fin.* In quem finem, ut distinctius procederet *cit. q. 2.* fecisse discrimen Gratiae, ita ut per unam fiat conceptio duntaxat fidei, per alteram verò fiat hominis in fide regeneratio. Hinc dicere consequenter, quod intersit, quibus Articulis temporum, vel celebratione Sacramentorum gratia plenior ac evidentior infundatur. Nam in quibusdam tantam esse fidei gratiam, quanta non sufficit ad obtinendum regnum Cælorum, sicut in Cathecumenis, & in Cornelio, antequam Sacramentorum participatione incorporaretur Ecclesiæ. In quibusdam verò tantam esse, ut jam Corpori Christi, & Sancto Dei templo deputentur. *Templum enim Dei Sanctum est,* inquit Apostolus, *quod estis vos:* Et ipse Dominus: *Nisi quis re-*

*natus fuerit ex aquâ & Spiritu Sancto, non intrabit in regnum Cælorum.* Vnde fieri quasdam inchoationes Fidei, Conceptionibus similes, non tamen solum concipi, sed etiam nasci opus esse, ut ad vitam perveniatur æternam. Ex quibus patet, quàm ineptè Amicus ad ostendendum, Gratiae congruitatem fundari in Scientiâ Mediâ, arguat allegando, imò & truncando prædictam S. Augustini sententiam; cum tamen, ex uno præcipue, alterovè dictæ sententiæ interposito, sed per Amicum omisso verbo constet, illos temporis articulos referri solum ad hoc, quod tempore fidei per Gratiam conceptæ nondum tam plena, ac perfecta sit Gratiae infusio, atque in regeneratione Sacramenti Baptismatis conferentis tempore suæ perceptionis Gratiam, quæ sit pignus Vitæ æternæ.

48. Ad Martinon n. 3. Oppositum Respondetur: S. Augustinum ibi agere adversus illos, qui ipsum irridebant, quod illius quæstionis: *Cur Deus uni, non verò alteri conferret Donum Perseverantiæ,* nullam alferret rationem, sed fateretur suam ignorantiam exclamando: *Quoniam inscrutabilia sunt iudicia Dei, & quàm investigabiles viæ ejus.* Hinc adversus ejusmodi iuriflores concludit istis verbis. *Sicut ergo coguntur scire Donum Dei esse, ut finiat homo vitam istam, antequam ex Bono mutetur in malum; cur autem alijs donetur, alijs non donetur, ignoramus: ita Donum Dei esse in Bono perseverantiâ secundum Scripturas, de quibus testimonia multa jam posui, fateantur nobiscum, & cur alijs detur, alijs non detur, sine murmure adversus Deum dignentur ignorare nobiscum.*

49. Hoc igitur Magni Gratiae Magistri intento clarè cognito pergat Martinon ex nobis querere, Quomodo Donum Dei sit, Cur unus, non verò alius iustus rapiatur, antequam ex Bono mutetur in malum? Quomodo enim hoc fieri potuisset, antequam Deus præsciret futura peccata? Post peccata autem absolute præscita, quomodo esset possibile rapi iustum, antequam malitia esset mutatura ejus Intellectum? Nonne ergo oportuit hoc præsciri per aliam, quàm absolute futurorum Præscientiam, quæ antecederet Voluntatis Divinæ Decretum de peccatis permittendis, vel per raptum iusti impediendis.

50. At respondemus; D. Augustinum in illâ exclamatione suspicere Mysterium in Voluntate Dei liberâ absconditum. Cur enim det uni, non alteri, libertatis est. At Scientia Mediæ etsi ex parte objecti supponat Contingentiam, & Voluntatis nostræ libertatem, ex parte tamen Dei non est libera, utpote antecedens omne Dei Decretum. Si igitur in hoc, Cur Deus uni, non alteri det perseverantiâ, unum in statu iustitiæ rapiat ex hac vitâ; alterum cum diuturniore vitâ permittat labi in peccatum, oportet cum Divo Augustino fateri nostram ignorantiam. Mysterium hoc Magnum reduci debet in inscrutabile Divinæ Voluntatis, non autem Scientiæ Mediæ Iudicium.

51. Sed inquiet Martinon: Istud tamen Voluntatis Divinæ Iudicium præcedere debet Scientiâ, quâ noverit Deus peccata futura.

At contra est: Si enim ea est Voluntatis Divinæ Natura, ut ex ipsius vi & efficacia sit infallibilis ejusdem cum effectu etiam libero ad extra Decrerato Causalitas, vel Consequentiae connectio; consequens est, Deum hanc suæ Voluntatis Naturam non per Mediâ Scientiam, sed



per substantiæ suæ Divinæ Visionem intuendo, certo scire, in se esse vim liberè determinandi, ac prædefiniendi quemlibet effectum ad extra cum infallibili ejusdem licet liberi consecutione. Quid ergo, si Deus secundum istam Voluntatis suæ Divinæ efficaciam intrinsicam, non autem juxta Mediam Scientiam habeat in æternitate Decretum prædefinitivum de uno quidem rapiendo in iustitiâ ex hac vitâ; de altero dimittendo in hac vitâ cum permissione peccati; An non totum hoc erit, in tempore, cujus rationem seignorare fateatur D. Augustinus exclamando, *Quam investigabiles sunt via ejus?* Hoc igitur est illud altum prædestinationis Mysterium, quod nimirum infallibilis, ac certa tum Miserationis ab initio Fidei usque ad perseverantiam in prædestinatis; tum obdurationis in reprobis consecutio sit reducenda in Divinam prædestinationem ex se formaliter infallibilem, vi cujus Deus non ex aliâ, quam Voluntatis suæ Divinæ libertate ac Dominio, cujus vult, miseretur, & quem vult, indurat. Constat igitur, Scientiam illam Mediam non habere locum, si infallibilitatem, ac determinationem omnis etiam liberi effectus ad extra reducamus in formalem Voluntatis Divinæ Efficaciam, prout S. Augustinum fecisse, præsertim in lib. de prædestin. sanctor. supra demonstravimus.

52. Ad Amici. n. 4. Oppositum Respondetur: Legenti allegatum Caput 14. de Dono Perseverantia facile patere, quàm eleganter S. Augustinus ibi distinguat inter Intelligentiæ naturalis cum fide congruitatem, & inter Dationem fidei procedentem ex Gratia prædestinationis. Hanc enim fidei Dationem probat ex sacris Litteris, esse à Patre ex vi prædestinationis; ac Intelligentiæ naturalis ad credendum congruitatem per modum innatæ aptitudinis de facilius formando prudentiali ad Fidem prævio iudicio ita pertinere ad potentiam credendi, ut tamen etiam ex Hypothesi Vocationis, nisi hæc esset secundum propositum prædestinationis, non esset per illam Tyrionum Christi signa videntium Congruitatem fides secutura. ex eod. S. August. loc. cit. & de prædest. S. S. c. 16. evinciturque ex ut. c. 14. de Dono Persever. Ibi enim Doctor hic Ecclesiæ inquirens: *Ibi Tyrj, & Sidonj, qui etiam credere potuissent, si mira illa signa Christi vidissent, relictj fuerim?* respondet immediate; *quoniam ut crederent, non erat eis datum, etiam unde crederent, esse ipsis negatum.* Hinc namque constat, congruitatem, quam Tyrj ex naturalis intelligentiæ munere habebant, non reduci à D. Augustino ad Efficaciam Gratia, vi cujus fuisset, ut actu crederent, sed ad credendi remotam licet potentiam. Si ergo ratio, ex qua sub hypothese prædicationis Christi ejusque Miraculorum infallibiliter erat secutura Tyrionum poenitentia, non est illa congruitas, non potest in hac fundari certa conditionatæ eorundem poenitentia Divina præscientia. Hanc igitur oportet esse fundatam in Decreto Dei, ut ex Augustino superius ostensum est; quod ipsum tamen Decretum, quia ex parte objecti non erat nisi conditionatum, respectu Tyrionum non habebat rationem Electionis, ac prædestinationis; cum enim ex istâ Vocatio, ex hac verò iustificatio, ex istâ denique Glorificatio sequatur, consequens est, Tyrjos eo ipso non esse prædestinatos, quod ipsis non esset destinata à Deo Vocatio secundum

propositum, ex cujus aded proposicione absolventi de ipsis salvandis Decreti defectu ita relictj erant in Malsâ perditionis, ut ipsis nec ut crederent nec unde crederent, esset datum, seu per Electionem præparatum à Deo.

#### CONTROVERSIA IV.

#### Vtrum antecedenter ad Decretum

*Divinum detur status conditionatæ futuritionis habens in se ipso Veritatem determinatam?*

SUAREZ lib. 2. de Scient. Dei. c. 3. n. 1. & 4. tradit ex eo, quod antiquiores Scholastici de Divinâ Conditionatorum Contingentium Scientiâ nihil ferè locuti sint, magnam inter Authores ortam esse difficultatem non tam de re, quam de modo loquendi; dum nonnulli illam Scientiam dicerent Mediam. Cum enim non sit de objecto, & veritate necessariâ, non videbatur ipsis, pertinere ad Scientiam simplicis Intelligentiæ; cumque non sit de re actu futurâ, neque consequatur liberam Divinæ Voluntatis determinationem, non videbatur spectare ad Scientiam Visionis.

Ex quo aded patet, si ultra has duas ab Antiquis agnitas Dei Scientias inducatur Tertia Media, Novum quid, & Antiquis incognitum introduci in Scholam S. Theologiæ, cujusmodi Novitas circa Doctrinam sacram semper suspecta est.

Verum idem Suarezius n. 2. & 3. conatur ostendere, non Recentiores duntaxat stare pro istâ Conditionatorum Scientiâ, sed etiam Antiquiores, atque hos ideo de hac Scientiâ sub illis terminis, & in particulari nihil movisse, quod idem sentirent de Conditionatis, atque de alijs futuris.

Nam 1. Durandum, & alios, qui existimant Futura Contingentia absoluta cognosci à Deo in Comprehensione Causarum cum omnibus circumstantijs, in hac ipsissimâ cognoscendi ratione ponere cognitionem Conditionalium.

2. Alensem, & D. Bonaventuram rationem cognoscendi Futura ponentes in Ideis Divinis, non posse dissentire, eo quod ratio repræsentandi infinita in Ideis Divinis æquè ad repræsentandum Conditionata sufficiens sit.

3. Nominales, nominatim Gregorium & Gabrielem affirmantes ex omnibus propositionibus de futuro unam esse determinatè veram, ad cujus aded veritatis cognitionem aliud non requiri, quàm infinitam Intellectus ac luminis Divini efficaciam, debere necessariò idem sentire de futuris Conditionatis, atque absolutis.

4. Illos, qui dicunt cum Scoto, Futura cognosci in prædeterminatione Divinæ Voluntatis, idem asserere de futuris Conditionatis; ex quo capite non posse Scoto contrariam sententiam attribui.

5. Denique illos, qui præscientiam Futurorum fundant in præsentia rerum in æternitate, per hanc optimè explicare Conditionatorum præscientiam: Unde D. Thomam existimari non posse contrarium hujus scientiæ assertoribus. Citari etiam posse pro hac sententiâ Albertum



bertum Magnum in *Sum. trac. 15. q. 61. memb. 5. & 6. Item trac. 16. q. 63. memb. 2.*

4. Unde Suarezius citatus n. 5. & 6. tandem concludit, Theologos antiquos istam Conditionatorum scientiam comprehendisse sub Scientiâ Visionis: Tum quia instar hujus est simpliciter libera ex parte objecti, eodemque modo se habet tanquam intuitio simplex veritatis contingentis: Tum quia Scientia Dei potest universim concipi prout antecedit, vel prout ratione nostrâ consequitur Voluntatis Divinæ determinationem. At sub priori consideratione dicitur *simplicis intelligentiæ*, sub ratione autem posteriore vocatur *Visionis scientia*. Cum autem Voluntatis Divinæ determinatio prius ratione considerari possit, ut futura, quam ut actu posita in re, ideo omnis Dei cognitio, quæ liberam ipsius determinationem etiam quæ futuram consequitur, est Visionis. At Conditionatorum scientia Voluntatis Divinæ Decretum saltem quæ futurum consequitur. Ergo continetur sub scientia Visionis, cum econtra simplex Intelligentiâ in Deo attingat creaturarum Essentias sub statu puræ possibilitatis antecedentis omnem Divinæ Voluntatis determinationem etiam quæ futuram.

5. Nos ad difficultatis fundum tendentes circa ista Suarezij asserta præmonendum censuimus: aliud esse, si ducatur in quæstionem. An futurorum Conditionatorum Veritas determinata sit objectum Divina Scientiæ, sive Motivum, sive (ut in antecedentibus est demonstratum) pure terminativum? Aliud verò esse, si quæretur. An ista determinatio trahatur ex prædefinitivo Divina Voluntatis Decreto? Hoc igitur posterius, non prius est materia præsentis circa Scientiam Mediam Controversiæ. Quam proinde studiosè hoc tenore formandam sæpe diximus: An scilicet Veritas Conditionatorum determinata sub ratione vera alicujus possibilitatis statum supergredientis Futuritionis sit independens ab actuali Dei Decreto?

#### Referuntur sententiæ Doctorum.

Negant Scientiæ Mediæ propugnatores Determinationem Veritatis in effectibus liberis conditionatè futuris posse adstrui ex Decreto Divino, sed habere in se ipsis determinatam veritatem, quæ Divino Intellectui ex parte objecti sit immediata ratio ea cognoscendi. Fundamentum hujus ex eod. Suarezio. c. 5. a. n. 7. ita deducitur. Conditionalium propositionum aliæ sunt, quæ fundantur in formali illatione, quæque adeò affirmant necessariam unius ex altero consecutionem: Aliæ verò sunt Conditionales enuntiationes quæ, affirmant tantum conjunctionem, seu dimanationem unius ab alio, non ut necessariam, sed ut futuram tantum, si alterum ponatur; veluti si dicas: Si Petrus hodie esset in hac occasione, peccaret, non significas consecutionem peccati necessariam, sed ejus duntaxat conjunctionem cum vitâ Petri, sive dimanationem peccati à Petro quæ Causâ. Unde propositiones hujusmodi requirunt bonam illationem non formalem, sed materialem, adeoque consecutionem non necessariam ex tali causâ, sed ex hujus determinatione futuram. Et si proinde æqui valeant propositionibus Categoricis, quatenus sunt de inesse, affirmando simpliciter a-

num de inesse, censentur tamen inter hypotheticas, quodd prædicatum non dicatur de subiecto absolute concepto, sed quæ posito sub hac, vel illâ conditione. Atqui in hujus propositionis: Petrus in hac occasione possit peccabit objecto est determinatio vel peccati, vel hujus negationis, cum inter Contradictoria non detur medium. Neque verò ad istam ex objecto determinatam propositionis veritatem aut falsitatem interest, sive prædicatum enuntietur de subiecto absolute concepto, sive quæ posito sub hac, vel illâ conditione. Ergo prædictarum Conditionalium æquè ac absolutarum Veritas, vel falsitas est ex parte objecti determinata. Hæc autem in Conditionalibus futuris Veritatis determinatio si esset ex vi Decreti Divini, oporteret in Deo supponere Decretum liberum circa omnia conditionata objecta, quod tamen incertum est; imò sub ejusmodi Decreti Divini determinatione supponeretur, Deum peccati Adæ, si crearetur præscium, id scivisse sub præactâ conditione futurum ex vi Decreti Divini. Hoc verò à Veritate, & pietate alienum est. Oportet igitur, sicuti absolutorum, sic conditionatorum ex se ipsis independentem ab actuali etiam sub conditione Decreto saltem prædefinitivo determinatam esse Veritatem, quam Deus immediate in se ipsâ intueatur.

6. Ex opposito Thomistæ, nominatim Ioannes à S. Thomâ cit. disp. 20. a. 44. a. n. 27. Ioannes Baptista Gonet disp. 2. de Scient. Med. S. 3. Petrus Labat cit. disp. 5. de Scient. Dei. dub. 9. S. 3. varijs Doctoris sui Angelici allegatis testimonijs, probant, Scientiam Mediam non coherere cum ipsius Doctrinâ. Tum quia S. Doctor q. 9. de Verit. a. 3. ad 3. ait. Et si ad effectum prædestinationis inducendum oporteat supponere Causam Secundam, hanc tamen subiacere ordini prædestinationis. Unde Voluntatem Dei, cui nihil resistit, ita habere certitudinem ad effectum cum præsuppositione Causæ secundæ, ut tamen prædestinationis Causam secundam sibi subiectam habentis certitudo non sit conditionalis duntaxat, sed absoluta. Ex quo patet, certitudinem prædestinationis radicatam esse in ipso Voluntatis Divinæ Decreto antecedente, & causante suppositionem Causæ secundæ. Atqui Scientia Media in Voluntatis Divinæ Decreto non admittit certitudinem, nisi ex præsuppositione Causæ secundæ, seu operationis ipsius conditionaliter futuræ, ac prævisæ ante Decretum, & non causatæ ex antecedente Divini Decreti efficaciâ. Tum quia S. Doctor 1. perih. c. 8. lect. 13. universaliter docet, propositiones de futuro contingenti non habere determinatam Veritatem. At si hoc conferatur cum præcedenti, constat effectus prædestinationis, atque adeò Voluntatis creatæ actus liberè & contingentem futuros comparatos ad Divinum Decretum ita habere certitudinem, & consequenter necessitatem, ac determinationem Veritatis, ut tamen illa certitudo radicetur, seu formaliter inexistat Divinæ Voluntati, cui nemo resistit. Ergo D. Thomas, etsi neget futurorum contingentium Veritatem determinatam, hoc tamen intelligendum est de determinatione veritatis antecedente Decretum Divinum. Consequens igitur est, de mente S. Thomæ Futuritionis Veritatem determinatam universaliter, atque adeò in statu etiam



etiam conditionato non stare antecedenter ad Divinum Decretum.

7. Cum Angelico Doctore consentit Doctor subtilis Scotus in 1. dist. 39. q. 5. n. 23. docens, Determinationem futuritionis effectuum contingentium esse ex immutabili Dei Decreto. Et si verò Nominales à Suarezio *sup. n. 2.* allegati teneant, alteram ex propositionibus de futuro contingentibus esse determinatè veram, superest tamen quaestio: *An ista Veritatis determinatio sit antecedens, vel Consequens Divinae Voluntatis Decretum?* De D. Bonaventura constat ex dictis *praced. art. Cont. 1. n. 14. & Cont. 4. n. 11.* Rationem cognoscendi futura Intellectui Divino esse Ideas, non quà antecedentes, sed quà consequentes Voluntatis Divinae Decretum. Quod autem ex mente Durandi asseratur, Futura Conditionata cognosci à Deo ex vi comprehensionis Causarum cum omnibus circumstantiis, hoc ipsum refutat Suarezius *cit. cap. 7. à n. 4.* Nemo igitur, nè Albertus quidem Magnus *cit. tract. 15. q. 61. memb. 5. in fine.* Veritatem in Contingentibus de futuro absolutè, id est in se determinatam negans, stat pro Suarezio: ut aded miremur; Doctores illos pro Scientiâ Conditionatorum, quatenus est in Controversiâ per ipsum adduci, nisi Vir alias summæ eruditionis non adverterit ad punctum Controversiæ ab ipso *cit. cap. 3. n. 6.* alioquin ractum. *An scilicet futuritionis conditionata determinatio, ac praesentia sit antecedens actuale Dei Decretum?*

#### CONCLUSIO.

9. Repugnat Veritas futuritionis in statu etiam conditionato determinata ante Decretum Dei actuale.

Probatur. In tantum est aliquid verum, in quantum habet Esse; Hoc autem Esse est tum Essentiae; tum Existentiae: At sola Dei Essentia est suum Existere. Omnis verò creata Essentia est indifferens ad Esse, & non Esse Existentiae; unde oportet eam determinari ad existendum ex vi alienius Causae. Haec autem Causa, per cujus causalitatem fit determinatio actûs creati liberi ad existendum in certâ hypothesi, vel est causa duntaxat secunda, Voluntas nimirum creata, vel unâ cum Causâ Primâ. Ac ista nihil habet ad extra Causalitatis, nisi ex vi Decreti sui liberi. Hoc autem Decretum Dei non habet rationem actualis causae, vel causalitatis, nisi sit actuale. Atqui ad causalitatem, ex quâ ultra Essentiae quâ duntaxat possibilis statum fit indifferentiæ ad Essendum qualiscumque determinatio, requiritur, ut non sit in potentiâ duntaxat sive physicâ, sive Logicâ, sed ut sit actu. Ergo in quantum sub ratione Existentiae, licet conditionalis est actûs liberè futuri determinata Veritas, in tantum supponitur actualis causalitas, quæ si respectu actûs v. g. Fidei esset ex vi solius Causae secundae, posset hæc per se solam habere rationem actualiter causandi opus Fidei. At hoc est semipelagianismus. Ergo oportet illam causalitatem, ex vi cujus in actu fidei est illa Existentiæ licet Conditionatae è statu indifferentiæ, ac puræ possibilitatis extracta Essendi determinatio, esse non tantum Voluntatis creatæ, sed maximè Dei. Si ergo Deus ad extra non sit causalivus, nisi per Voluntatem,

ille verò actus fidei etiam sub statu conditionato sit ultra statum possibilitatis, neque vero ullius Entitatis possit extra statum possibilitatis esse Extractio, nisi per formalem aliquam Essendi actualitatem, quæ indifferentiæ ad Essendum formalis sit determinatio. Haec autem formalis ad Essendum ultra statum possibilitatis in actu fidei determinatio secundum fidem Orthodoxam non subsistat, nisi per Causalitatem Dei & Gratiae, hæc verò Causalitas debeat esse actualis, consequens est, oportere in Divinâ Voluntate esse actuale Decretum ad hoc, ut sit status Futuritionis etiam conditionatae habens realitatem aliquam ultra statum possibilitatis, ac indifferentiæ. Atque hæc quoad rem, ipsissima est ratio, propter quam Petrus à S. Ioseph *cit. disp. 4. sua Cont. sect. 4. n. 4.* acerrimus alioquin Scientiæ Mediae propugnator Scientiam istam à Summo Pontifice, ac plerisque Congregationis de Auxilijs Consultoribus in certo tamen mox exponendo sensu fatetur rejectam fuisse.

Respondet igitur Petrus Fulienfis, attestante uno ex disputationis & Congregationis praedictae Consultoribus, rem ita se habere. Cum quidam Pater Carmelitanus defensionem Scientiæ Mediae suscepisset, quaesivisse ab eo Pontificem; *Quid praescriberet Deus per illam Scientiam?* Cum Carmelita responderet; *Bonum, utrum liberi arbitrij,* rursus postulasse Papam; *aut quem Gratia;* aut quem Natura erat factura, si primum; est contra Doctrinam Molinæ: si secundum; est secundum Castellanum. Ex quibus aded, ait Fulienfis, patere, sententiam Molinæ de Scientiâ Media non fuisse summo Pontifici expositam, ut putaret, Deum ex mente illius per ejusmodi scientiam cognoscere bonum ulum libertatis ex solis Naturæ viribus ortum, qui erat unus ex erroribus Semipelagianorum. Unde valde probabiliter conijci posse, Scientiam Mediam non eo sensu, prout communiter defenditur, quidquid sit de sententiâ Molinæ, rejectam fuisse à Summo Pontifice.

Contra est. Nam 1. Petrus à S. Ioseph de quo alioquin P. Rechlinger in suis *Theibus Theolog. de Scientia Dei, Dilinga disputatis, Anno 1656.* gloriatus est, quod ea, quæ in praedictum Doctrinæ de Scientiâ Media à quibusdam vulgata sunt de consultationibus, & disputationibus habitis coram Clemente VIII. & Paulo V. multis refellat in proximè allegatis jam jam falsus est, Propugnatores Scientiæ Mediae non esse certos, sed tantum probabiliter posse conijcere, quod Scientia Conditionatorum, prout ab ipsis defenditur, non sit condemnata, seu rejecta à summis Pontificibus: Imò de Molinâ nè quidem praesumere audeat, sed quidquid de ipso sit, in suspenso tenet.

2. Ex eodem Patre Fulienfi quaerimus, An per statum conditionatae futuritionis Decretum DEI actuale antecedentis intelligat aliquam realitatem è statu possibilitatis ac indifferentiæ, extractam vel non? si hoc posterius, quomodo stabit Scientia Media nullum jam habens objectum, nisi quod sub eadem omnino ratione seu formalitate est simplicis Intelligentiæ? Quomodo etiam certitudo Divinae praedestinationis in ordine ad effectus libero nostro arbitrio subjectos secundum Scientiæ Mediae propugnatores stabit ex unica suppositione,



sitione, vel præscientiâ talis Futuritionis, quæ supra statum possibilitatis, atque adeo indifferentiæ nihil habet realitatis, seu formalitatis realis?

14. Quare oportet Scientiam Mediam, prout communiter defenditur, non stare, nisi in futuritione conditionatâ, tanquàm Scientiæ illius objecto supponatur formalitas, seu realis determinatio extracta è statu possibilitatis, ac indifferentiæ objectivæ. At nulla creatæ Entitatis formalitas potest ex hoc indifferentiæ, ac possibilitatis statu esse extracta, nisi ex vi Causalitatis actualiter existentis. Si autem hæc actualis Causalitas esset per gratiam, consequenter argueret Divinæ Voluntatis Causalitatem actualem, atque adeo supponeret Decretum Dei actuale. Hoc autem est contra Molinam. Ergo oportet illam causalitatem, vi cuius actus liber in futuritione Conditionatâ tanquàm realitate statum possibilitatis supergrediente ponitur, esse à nostro arbitrio secundum præcisas naturæ vires. Hoc autem est Semipelagianum. Ergo vel oportet in statu Futuritionis Conditionatæ nihil realitatis ultra liberi actûs possibilitatem, ac objectivam indifferentiam admittere; quo admissio ruit Scientia Media: vel opus est labi in Semipelagianismum; prout efficaciter argumentatus est Summus Pontifex. Constat igitur argumentum istud Pontificis militare ad Scientiam Mediam in eo etiam sensu, quo communiter defenditur, reiiciendam.

15. Dices cum Amico. *cit. scil. 12. n. 234.* Aliam esse rationem de transitu purè possibilis ad Futurum absolutum; hic enim transitus utpote subjectivus ponens mutationem subjectivam in re, quæ per Existentiâ exercitam à statu possibilitatis transfertur in Futuram, hoc ipso supponit Decretum actu existens in Deo. Aliam proinde rationem esse de transitu purè possibilis ad statum Conditionatæ duntaxat Futuritionis, hic namque transitus solum objectivus in re nullam nisi objectivam ponens mutationem intelligi potest absque actuali, seu subjectivo, sed cum objectivo Dei Decreto, quod non simpliciter, sed sub conditione esset concursurum ad Mediæ Scientiæ objectum, seu Futuritionem conditionatam.

16. Contra. Formemus enim istam Conditionalem. *Si in Tyro, ac Sidone factæ essent virtutes, quæ in Bethsaida & Corozain, acturi fuissent magnam poenitentiam.* De hac proinde Conditionali prout Scientiæ Mediæ est objectum importans poenitentiam Tyriorum objectivam cum Decreti Divini non actu existentis, sed duntaxat objectivi connotatione quæramus imprimis, Quid hoc Dei objectivum Decretum importet? An pro signo rationis, in quo verificatur illa Conditionalis, importet aliquam Voluntatis Divinæ determinationem liberam actu existentem in Deo, vel non? Si posterius dicatur, oportet Scientiæ Mediæ propugnatores memores esse illius principij à se positi. *Ideo ferri à Deo aliquid futurum, quia futurum est, non contra.* Ex hoc enim principio fit consequens, præactam de Tyriorum Poenientiâ Conditionalem vel nihil formalitatis Divinæ includere in suo objecto, vel certè formalitatem Dei in illo scibili involutam jam esse in Deo pro signo, in quo verificatur illa Conditionalis. At hæc attingitur à Scientiâ

Mediâ antecedente omnem Voluntatis Divinæ liberam determinationem. Unde sicuti futuritio illius Tyriorum conditionatæ poenitentiae, sic ratio illius objectivi Decreti quâ importati in Scientiæ Mediæ objecto jam subsistit pro illo signo, in quo Voluntas Divina intelligitur pro sua libertate indifferens absque ullâ formali determinatione alicujus ad extra effectûs. At hæc formalitas pro tali signo non est nisi necessaria Dei perfectio. Ergo Decretum Dei objectivum quatenus in Scientiæ Mediæ objecto, sive in conditionali liberorum nostrorum actuum Futuritione importatur, est perfectio Dei necessaria. At quænam sit hæc Dei formalitas, ac perfectio necessaria in Poenientiâ Tyriorum quâ Scientiæ Mediæ objecto connotata, non potest assignari per adversarios, nisi nobiscum dicere velint, esse ipsam Voluntatem Divinam consideratam secundum efficaciam suam cum infallibilitate radicali certissimæ consecutionis omnis ad extra effectûs, quem pro signo secundo per actualem sui determinationem statuerit in tempore producendum.

- Hoc adeo posito rursus quæramus, An conditionalis Tyriorum poenitentia talem duntaxat importet objectivam mutationem, quæ in ratione objecti importet aliquid formalitatis ultra objectivæ indifferentiæ, seu puræ possibilitatis statum, vel non? Nam hæc sunt contradictoria, in quibus nullum est medium. Unde oportet secundum adversarios præsertim unum esse determinatè verum, & alterum falsum, debetque adeo responderi simpliciter vel affirmando, vel negando absque ulterioris distinctionis medio. Si ergo neget Amicus, ecce in poenientiâ conditionali Tyriorum non est determinatio ex parte objecti considerabilis, quippe tota ejus formalitas sit secundum puræ possibilitatis, ac indifferentiæ objectivæ rationem. Hæc autem poenitentia Tyriorum conditionatæ formalitas rationem possibilitatis non egressa est secundum Nostre ordinabilis ad Divinam Voluntatem in actu primo, sive in sua indifferentia consideratam, ut quia huic talis inest efficacia, ut habeat infallibilem vel Causalitatis, vel Consequentia cum objecto decretato seu permissio connexionem; idcirco pro signo antecedente liberam Voluntatis Divinæ determinationem verificatur, & à Deo per substantiæ suæ Visionem cognoscitur certò, quod poenitentia Tyriorum sit etiam liberè secutura, si Divina Voluntas eam statueret. Econtrario Scientiæ Mediæ propugnatores pro illo signo Voluntatis Divinæ nullam actu habentis liberam determinationem, nec ex hujus intrinsecâ efficaciâ, seu radicali infallibilitate volunt reddere rationem poenitentia illius Conditionalis, nec ex cujuscvis rei creatæ Essentiali possibilitate reddere possunt rationem certitudinis de Conditionali Tyriorum conversione. Unde ad adstruendam hujus Conditionalis certitudinem compelluntur in ejus Veritate objectivâ ponere aliquam liberæ determinationis formalitatem supergressam possibilitatis, ac indifferentiæ statum. Hæc proinde liberæ ad poenitentiam Tyriorum determinationis etsi non subjectivæ, sed duntaxat objectivæ formalitas statum indifferentiæ, ac possibilitatis supergressa formalitatem Dei, quam connotat, vel antecedit, vel consequitur, vel saltem comitatur?



19. *ut? Si secundum, ac tertium? Ergo Deus respectu illius liberæ ad poenitentiam determinationis non consideratur sub ratione Causæ, potest, quæ ista poenitentiae libera determinatio in ratione objecti quæ scibilis a Deo subsistere cum connotatione non alterius Causæ, quam creati Arbitrii, quod sapit Semipelagianismum. Si primum asseratur habemus inventum, quod nimirum Conditionatæ Futuritionis Veritatem, ac determinationem objectivam antecedit formalitas Dei. Hanc verò oportet habere rationem determinationis in Voluntate Dei, cum aliàs per prius esset intelligibilis determinatio creati arbitrii, quam Voluntatis Divinæ. At hujus determinatio est formaliter Decretum Dei liberum. Sicuti ergo determinatio Poenitentiae Tyrionum conditionatæ licet objectiva quæ Scientiæ Mediæ objectum supponit Decretum Dei liberum: sic Scientia Conditionatorum non est intelligibilis sine antecedente Dei Decreto, vi cujus aded futurorum Contingentium tam absolutorum, quam Conditionatorum, quæ tum ex se ipsis, tum in causis suis secundis neque sunt determinate veræ, neque falsæ, sit determinatio & futuritionis, & Veritatis, Divo Thomæ 1. p. q. 16. a. 7. ad 3. attestante, quod ea, quæ sunt futura, semper verum sit, esse futura, non aliâ ratione verificari, nisi quatenus in Causâ sempiternâ sunt, ut essent futura, quæ est solus Deus.*
21. *Replicabis ex Suarezio cit. c. 3. de præs. Dei Condut. n. 6. Conditionalem Tyrionum Poenitentiam, quæ Scientiæ Mediæ objectum involvere Decretum Dei quæ futurum, non quæ actu existens pro illo signo, in quo illius Conditionalis veritas objectiva est scibilis a Deo.*
22. *Contra. Nam posita istâ Decreti Divini Futuritione, de qua sequenti Controversiâ, eam comparemus cum Conditionalis Tyrionum poenitentiae Futuritione, quaerendo: An illam ratione objectivæ Veritatis sit prior? si enim hoc negetur, sequitur Futuritionem poenitentiae Conditionatam licet purè objectivam esse in ratione Veritatis priorem Futuritione Decreti Divini. Hinc verò esset denuo consequens, liberam talis poenitentiae determinationem Conditionalem, quæ ut sic veritatem puræ possibilitatis statui congruam esset supergressa, fore intelligibilem in ordine ad solas Naturæ vires sine Dei, & Gratiae causalitate. At hoc sapere Semipelagianismum, patet ex dictis. Oportet igitur actuum liberorum Fidei, ac poenitentiae futuritionem quæ Scientiæ Mediæ objectum non esse assignabilem, nisi cum præsuppositione Decreti Divini, vel saltem hujus Futuritionis. At hanc ipsam Decreti Divini Futuritionem secundum Scientiæ Mediæ propugnatores, scibile esse prius Scientiâ etiam Divinâ asserentes, oportet jam subsistere pro signo, in quo antecederet ad omnem Voluntatis Divinæ liberam determinationem est Scientia Mediæ. Tunc autem nihil est in Deo intelligibile, nisi ejus perfectio necessaria. Illam ergo Futuritionem oportet in signo Scientiæ Mediæ vel nihil esse Divinum, vel esse formalitatem Necessariam. Hoc autè posterius asseri non potest. Si verò ad prius dicatur, esse quid Divinum non in ratione actualitatis præsentis, sed in ratione objectivæ veritatis; Contra est, quod omnis veritas objectiva radicetur in Esse. Ergo illa futuritio Decreti Divini pro signo Scientiæ*

Mediæ eatenus solum habet Veritatem objectivam, quatenus habet Esse. Sed non habet Esse pro tunc determinatum. Ergo nec Veritatem objectivam. Ergo Decreti Divini Futuritionis Veritas objectiva est hæc.

#### Ad Suarezij n. 8. oppositum Fundamentum

24. **R**espondetur I. Propositionum Conditionalium, sive formaliter, sive materialiter tantum illativæ sint, objecta debere sub eâ ratione objectiva, sub quâ subsiuntur Scientiæ Divinæ, omnimodam habere infallibilitatem, ac certitudinem. At istius Conditionalis: si percussisset quinquies, aut sexies, aut septies, percussisset Syriam usque ad consumptionem. 4. Reg. 13. v. 19. objectum præcisè non est Futuritio percussiois Syriæ, sed particula si in illa propositione significat dependentiam Syriæ percussiois à percussione terræ. At ista dependentia sive importet consecutionem necessariam, sive solius dimanationis, aut significationis, aut cujuscunque alterius rationis conjunctionem, saltem quæ infallibilis stare non poterat ex vi alicujus Causæ secundæ. Oportet igitur subsistere ex vi Causæ primæ, cujus solus est, posse quamlibet creaturam, sive in ratione signi, sive in ratione Causæ etiam physicae secundum potentiam ejus Obediencialem assumere ad effectum virtuti suæ naturali omnino improportionatum. At Deus ad extra non ordinatur absque Decreto suæ Divinæ Voluntatis. Consequens igitur est, sicuti Deus Iosue victoriam contra Chanaanæos alligavit elevatione Clypei. Iosue 8. v. 18. sic non nisi per Decretum Dei fuisse dispositum, ut Iosus toties percussurus esset Syriam, quoties percuteret terram. At istud Decretum in Deo fuisse actuale ex eo evincitur, quod negatio percussiois Syriæ usque ad consumptionem ab Elisæo imputetur Regi, cui proinde iratus exprobravit, quod sicuti propter trinam percussioem tribus vicibus sit percussurus Syriam, sic eandem percussurus fuisset usque ad consumptionem, si terram septies percussisset. Quæ sanè exprobratio significat, ex parte Regis fuisse, quod Syria non esset consumenda. Ergo ex parte Dei oportuit per Voluntatis suæ Divinæ Decretum fuisse Syriæ consumptionem sub conditione septimæ illius percussiois actualiter præordinatam. Ex quo aded Decreto Dei actuali erat infallibilitas Conditionatæ consumptionis Syriæ, nec non hujus effectus ex percussiois terræ conditionis dependens Consecutio. Cum proinde consecutionis ista dependentia involvatur formaliter in objecto illius Conditionalis, cujus utpote Divinitus enuntiata ratio objectiva quæ infallibilis nequit subsistere, nisi in Dei Decreto, consequens est, rationem formalem objectivam, sub quâ illa conditionalis, imò quævis alia est cognoscibilis, non esse, nisi Decretum Divinum: siquidè nulla circa futura contingentia sit exco-gitabilis Conditionalis, cujus antecedens ex vi alicujus Causæ secundæ, vel cujuscunque conditionis creatæ habere possit infallibilem cum consequente sive illationis, & Causalitatis, sive dimanationis, aut significationis, aut cujuscunque conjunctionis connexionem, ac dependentiam, cujusmodi tamen significatur con-



nexio seu dependentia per particulam *si*; ut adeò nulla Conditionalis de futuro cadere possit in Dei scientiam, nisi sub ejus Divino Decreto tantquam ratione formali objectivâ. Constat igitur, Conditionalem, etsi sumatur tantum materialiter, cum tamen ut sic per particulam *si*, fatente ipsomet Suarezio, importet aliquam conjunctionem dimanationis, seu alterius conjunctionis rationem, non esse scibilem à Deo, nisi in suo Decreto: ex quo unice potest Contingentis conjunctionis, aut dependentiæ ratio accipere infallibilitatem, & certitudinem objectivam.

27. Respondetur II. Controversiam, *Utrum propositiones de futuro Contingenti sint determinatæ vera vel falsa?* in eo difficultatis puncto se tenere; *An ex ratione suâ objectivâ præcisâ à Decreto Dei sint vera vel falsa?* Hoc autem ita negatur à Doctore Angelico *cit. lect. 13. periberm.* ut fundamentum hujus negationis adstrui debeat ex eo, quod aliquid antequam esset, non erat futurum, nisi quatenus erat in suâ Causâ, ut fieret, ex eod. S. Doctore *1. p. q. 16. a. 7. ad 3.* Vnde tota ratio futuri est secundum modum Essendi non in se, sed in Causâ, ex eod. *q. 16. de Malo. a. 7.* At Esse, & Verum ita convertuntur, ut unumquodque cognoscatur secundum quod est in actu, non autem secundum quod est in potentiâ, veluti idem ibid. docet, ex *9. Metaph.* Vnde impossibile est, quod aliqua cognitio respiciens futura in ratione Futuri cognoscat ea in se ipsis, ex loco proxime cit. Oportet igitur, futura cognosci in se ipsis ab illo duntaxat intellectu, cujus cognitio estelevata supra Ordinem temporis, ita ut totus decursus temporis, & ea quæ per totum tempus aguntur, præsentialiter ejus aspectui subdantur, ex eod. loc. Hæc autem præsentialitas Futurorum, secundum quam subijciuntur Divino Intellectui, est secundum actionem Dei æternam, seu Causalitatem & operationem Deo intrinsicam, uti ex S. Thomâ ostensum est, *præc. art. 10. ult. & sup. q. 3. a. 5. cont. 3. patetque ex cit. art. 7. de malo. q. 16.* At ista actio æterna & Causalitas Dei intrinsicæ est Decretum Divinum, ac præscientia in Deo consequens istud Decretum, juxta illud: *Dixit, per actum scilicet præscientiæ & facta sunt, quæcumque voluit, ut fierent.* Unde Futurorum determinata veritas, seu cognoscibilitas non est prior, sed posterior Dei scientiâ, ex *1. cont. Gent. c. 79.* ita ut res non ideo sciuntur à Deo, quia futuræ sunt, sed quia ex adjunctâ Dei Voluntate sciuntur, ideo futuras pronuntiantur. S. Doct. *1. p. q. 14. art. 3. & q. 2. de Verit. art. 14. ad 1.* Cum igitur futura, quæ in se ipsis non sunt, apud Deum existant, in quantum sunt ab ipso cognita & præordinata ex *q. 12. de Verit. art. 3.* Sint autem à Deo cognoscibilia prout in æternitate sunt Deo præsentia, ex loc. præalleg. Hæc autem ratio præsentiaæ futurorum in æternitate sit secundum actionem Dei æternam, quæ est formaliter Dictio, & Decretum Dei, consequens est, non nisi in hac Causalitate Dei formaliter immanente, sed virtualiter transeunte esse cognoscibilia futura quæcumque, ita quidem ut absolute futura Decretum Dei ex parte etiam objecti absolutum, Conditionatè autem futura Decretum ex parte Dei absolutum, sed ex parte objecti conditionatum præsupponat; ex cujus adeò Decreti determinatione subsistat determinata Veritas, seu cognoscibilitas futurorum sive

absolute, sive conditionatè enuntiabilem, Divis Prospero in *sape cit. epist.* S. Augustino in *lib. de prædest. passim*; & *epist. 109.* supponentibus: nulla esse futura, imò conditionata confingi quæ futura, quæ à Deo non sunt præordinata. Constat proinde alterutram ex propositionibus de futuro contingenti esse determinatè veram in eo tantum signo, in quo stant sub ratione futuri, cujusmodi signum nequit voluntatis Divinæ actuale Decretum antecedere; cujus oppositum nunquam probant, sed supponunt Scientiæ Mediæ propugnatores.

#### CONTRORSIA. V.

*An status Conditionalis Futuritionis subsistere possit per Decretum Dei non tantum objectivè, sed etiam subjectivè conditionatum?*

Scientiam Conditionatorum in Deo consequentem Decretum Dei saltem quæ futurum asserit Suarezius allegatus in *præc. cont.* Hoc autem Decretum Amicus *cit. disp. 12. n. 244.* dicit Conditionatum, quod solâ ratione præcedat Absolutum actu existens. Nam cum Deus prius ratione cognoscat rem conditione futuram, quàm absolute futuram; oportere ait Amicus, prius etiam ratione præcedere Voluntatem ipsius, ut Causam rei creatæ sub conditione futuræ, quàm ut Causam ejusdem rei prout absolute futuræ.

Referuntur sententiæ cum fundamentis.

Cujus adeò Decreti Conditionalis quæ futuri Scientiam in Deo adstruunt Fonseca *lib. 6. Metaph. c. 2. q. 4. sect. 10. §. sed quæret.* Suarez *lib. 2. de Scientiâ Dei. c. 8.* Amicus *cit. n. 252. contra Molinam 1. p. q. 14. a. 13. disp. 9.* Vasquezium *disp. 65. n. 25.* & Franciscum de Lugo. *lib. 1. de Deo. disp. 29. c. 4. n. 12.* Fundamentum est, Decretum Dei cognoscitur ponendum ut est sub conditione, cognoscitur autem actu positum purificatâ conditione. Ergo si Deus ab æterno cognovit suum liberum Decretum ut ponendum, independenter ab eodem actualiter posito, oportet prius cognovisse sub conditione, quàm ut absolutum. At eo ipso, quod effectus creatus prius ratione cognoscatur sub conditione futurus, quàm absolute futurus, debet etiam Decretum Divinum prius ratione cognosci sub conditione ponendum, quàm actu positum. Probatur istud Assumptum. Quia sub nullo signo intelligi potest effectus creatus sine dependentiâ à Voluntate increatâ. Ergo sub nullo etiam signo intelligi potest effectus creatus sub conditione futurus, quin sub eodem intelligatur Decretum Dei sub conditione futurum. Si ergo prius ratione intelligitur effectus creatus sub conditione futurus, quàm absolute futurus, oportet etiam Decretum Divinum prius ratione intelligi sub conditione ponendum, quàm actu positum.

Alterum Conditionatum Dei Decretum, quod nunquam de facto existit in Deo, existeret autem, si certa conditio poneretur, à Divina præsci-



præscientiâ cognitum Amicus dict. *disp. 12. n. 246. cum Fonseca & Suarezio locis cit.* adstruit contra Molinam *t. p. q. 19. a. 13. disp. 17.* Fundamentum est. In actu supernaturali creato libero nunquam absolute, sed sub conditione tantum futuro Deus cognoscit suum Decretum concomitans, sub conditione offerens auxilium Gratiæ tanquam Causam illius conditionalis supernaturalis consensûs. At eadem est ratio Decreti, quod comitatur creatum liberum arbitrium, illud mediante Gratiæ auxilio in actu primo complendo in ordine ad actum creatum liberum, atque illius Decreti, quod est causa effectûs à solo Deo sine influxu Causæ secundæ producendi: nam utrumque pendet ex solâ voluntate Dei, estque antecedens, non autem Consequens effectum, utpote causa istius. Sicut ergo in effectû per arbitrium creatum causando non absolute, sed tantum conditionatè futuro Deus cognoscit Decretum Voluntatem creatam conditionatè concomitans, eamque in actu primo causandi complens: sic in effectû, per solum Deum producendo, etsi nunquam absolute, sed conditionaliter tantum futuro cognoscit Deus Decretum suum conditionatum, ex quo tanquam Causâ pendet effectus ille conditionaliter futurus.

5. Ex quibus ex Amico desumptis fundamentis patet, non posse ullam Futuritionem effectûs creati etiam purè conditionalem assignari sine dependentiâ à Voluntate increata, cujus aded Decretum conditionatum tanquam Causa antecedens futuritionem ejusmodi importetur in hujus conceptu objectivo. At superest difficultas. 1. An istud Decretum sit Concomitans vel prædefinitivum actûs creati liberi, de quo ad præsens de Scientiâ Mediâ institutum aliqua differemus *sequenti cont.* 2. An illud Decretum sit purè conditionale non tantum ex parte *objecti*, sed etiam *subjecti*, seu *Voluntatis Divinæ*? Hoc est: An Decreta Divina, quibus tanquam Causâ nititur Futuritio Conditionata, actualiter sint re ipsâ in Deo, vi quorum tamen objecta seu effectus, non sint unquam de facto producendi, sed essent ponendi in rerum naturâ sub conditione actu non extritura?

6. Adversus ista *subjectivè* absoluta, & duntaxat *objectivè* Conditionata Decreta Amicus *cit. disp. 12. n. 209.* opponit 1. Quia hoc Decretum ponitur in Deo actuale absque ullâ mutatione ad extra. At eo ipso, quod Decretum Dei sit Essentia Divina cum connotatione productionis extrinsecæ effectûs liberè à Deo pendentis, implicat dari in Deo actuale Decretum sine mutatione ad extra. 2. Sequeretur, in Deo esse efficacè Decretum de effectû, & simul efficacè Decretum de negatione Causæ sive Conditionis. Probatur ista sequela. Non enim magis pœnitentia Tyriorum sub conditione Christi signorum fuit decreta, quàm negatio hujus Conditionis. Si ergo conditionata Tyriorum pœnitentiæ Futuritio fundatur in Decreto Dei non purè conditionali, sed ex parte Dei absoluto & actuali, oportet simul esse Decretum actuale de negatione signorum coram Tyrijs faciendorum. At hoc inane est: Nam quando effectus, & causa pendent ab eodem Agente, velut pœnitentia Tyriorum & manifestatio signorum à Deo prædefiniente, frustra tunc Agens habet efficacem Volitionem

de uno, si habet efficacem Volitionem de alio; ad quid enim faciebat efficacè Decretum de pœnitentiâ, si Deus efficaciter nolebat dare signa, ex quibus ut ex causâ, vel conditione pendeat pœnitentia Tyriorum? Ad minimum ergo tale Decretum esset otiosum.

Ex opposito Thomistæ 1. Negant Futuritionem in Decretis Divinis, Petrus Labat *cit. disp. 5. de Scient. Dei. dub. 9. §. 3. n. 3.* Ioannes à S. Tho. *cit. disp. 20. a. 5. n. 4.* 2. purè Conditionalia Decreta negant sufficere ad Conditionatam futuritionem, sed in Deo dari Decretum *subjectivè* ex parte Voluntatis Divinæ absolutum, & tantum ex parte objecti conditionale, vi cujus Deus actu resolutorie, ac firmiter velit aliquid fieri, si conditio talis ponatur, Ioannes à S. Thom. *cit. disp. 20. a. 2. n. 25.* Hilden Symb. Milit. *par. 2. §. 1. n. 2.* Labat *loc. cit.* Gonet. *cit. disp. 5. a. 3. §. 1.* Xantes *cit. n. 2. de Scient. Dei. Contr. 49. c. 1. & alij communiter.*

## CONCLUSIO I.

**D**eum circa suum Decretum cognoscere propriam alicujus futuritionis rationem implicat tum ex parte Divinæ Scientiæ, tum ex parte Decreti.

8. Probatur. Futuritio alia est impropria, per quam res modò existens secundum eandem indivisibilem durationis mensuram coexistit tempori sequenti: Sic Deus est, Erit, & Fuit, ut aded Divina quoque Essentia dici possit Eminenter Futura. Alia verò Futuritio est propria, quæ non præcisè importat coexistentiam cum duratione subsequente, sed in super negationem Existentiæ pro præsentis duratione. At Decreta Divina eo ipso, quod mensurentur æternitate, priori tantum modo, non autem secundum acceptionem posteriorem dici possunt Futura.

9. Respondebis ex Suarezio citato: Præter hanc duplicem realem Futuritionem esse in Decretis Divinis intelligibilem Tertiâ secundum signa rationis. Nam prius ratione concipimus cognoscere Deum Voluntatem suam, quatenus potest hoc vel illud liberè velle, quàm ut actu volentem hoc vel illud. Ergo prius ratione eandem Voluntatem suam Deus deberet cognoscere ut volituram, quàm ut actu volentem; sicut si ab æterno creatus esset Angelus, cujus Voluntas ex æternitate haberet actum liberum, Deus cognovisset hunc actum non solum ut præsentem, sed etiam ut emanaturum à Voluntate Angeli.

10. Contra. Si enim distinctio signorum rationis in Divinis sufficit, ut Intellectus Dei dicatur aliquam in se formalitatem prius ratione cognoscere quâ Futuram, quàm ut actu præsentem, poterit etiam Spiritus Sanctus ab Intellectu Divino intelligi quâ futurus. Probatur. Nam pro aliquo priori rationis intelligitur Pater ut generans, & Filius ut genitus non intellectâ ratione Spiratoris, nec aded Personâ Spiritûs Sancti. Sicut ergo Decretum Dei dicitur in aliquo priori rationis ab Intellectu Divino cognosci quâ futurum, ed quod Voluntas Divina prius ratione concipi possit quâ potens velle, quàm ut actu volens: Sic Spiritus S. pro illo priori, in quo



quo Pater generat, & Filius est genitus, intelligitur à Patre non ut præsens, sed quâ futurus. At hoc impugnatur à Suarezio *lib. 9. de Trin. c. 5. n. 9.* eo quod inter Filium & Spiritum S. nulla sit prioritas *in Quo*, sed tantum à *Quo*, quæ non excludit simultatem omnimodam in Existentiâ, & cognitione: Futuritiô autem importet in objecto aliquam posterioritatem Existentiæ. Pari ergo ratione, si pro illo signo, in quo Filius secundum prioritatem Originis est prior Spiritu S. non licet dicere; Patrem intuitivè cognoscere Spiritum Sanctum non ut productum, sed ut producendum, seu ut futurum; neque dicere possumus, Deum pro aliquo signo prius cognoscere suam Voluntatem, quâ voluturam, quam ut actu volentem.

II. Confirmatur. Nam Voluntatem Dei pro illo signo, in quo denominatur volitura, non actu volens, oportet in se habere aliquid formalitatis, quæ sit fundamentum reale illius denominationis: Hæc autem formalitas si neque virtualiter distinguatur à Voluntatis Divinæ potentiâ volitivâ, ejusque Indifferentiâ Logicâ, nequit esse Voluntatis Divinæ determinativa in ratione potius Volituræ, quàm non Volituræ: Atqui formalitas virtualiter distincta à Voluntate Divinâ ejusque indifferentiæ Logicæ determinativa est hoc ipso actualitas libera in æternitate inexistens Deo. Ejusmodi verò actualitas libera Voluntatis Divinæ ejusque indifferentiæ Logicæ determinativa est volitio actualis. At nulla est in Deo Volitio libera nisi ad extra. Oportet igitur pro signo, in quo Indifferentia Logica Voluntatis Divinæ quoquo modo est determinata vel jam esse in Deo Volitionem, seu Decretum Dei liberum ad extra, vel illam formalitatem, per quam denominatur Deus voliturus, esse ipsammet potentiam volendi cum indifferentiâ suâ Logicâ. At in hac potentiâ Dei Volitivâ quâ indifferente ad volendum, vel nolendum nulla est determinatio, in quâ cognosci possit Voluntas Divina potius volitura, quàm non volitura. Repugnat igitur Volitionem Dei ad extra, seu Decretum ipsius liberum quâ determinatè in ratione Volitionis futurum cognosci à Divino Intellectu.

12. Replicabis ex eodem Suarezio, *loc. cit. n. 4. & 6. Amico cit. n. 212.* Si per impossibile Decretum Dei ad extra non esset æternum, & aliquando illud habiturus esset Deus; nihilominus semper intellecturum fuisse, Voluntatem suam fore illud Decretum habituram. Ergo etiam si nunc sit æternum, intelligi cognoscibile de Divina Voluntate ad modum futuri independentem ab actuali præsentia.

13. Contra. Nam etiam si Decretum Dei ad extra non esset æternum, importaret formaliter connotationem temporalem alicujus creati effectus: hæc autem connotatio supponere deberet saltem in ratione fundamenti formalitatem Deo intrinsecam virtualiter distinctam à Voluntatis Divinæ Logicâ Indifferentiâ. De hac igitur formalitate Deo intrinsecâ Decreti Divini secundum Suarezium, & Amicum *seq. quæst. citandos* formaliter in Esse liberi constitutivâ redibit difficultas, An præacta replica probet, posse intelligi in ratione Futuræ. Etenim si supponatur non æterna, ex parte Dei erit potentialitas formalitatis ejusmodi in tempore recepti-

va. Ejusmodi verò potentialitas ex parte Dei foret destructiva Actus puri, atque aded essentiæ Divinæ. At implicat, intelligere Decretum Dei sub formalitate, quæ Essentiæ Divinæ est destructiva. Ergo Decretum, quod per Replicæ allegatæ hypothesein supponitur non esse æternum, non est Dei, nec aded sub ratione Decreti Divini sive quâ futuri, sive quâ præsentis intelligibile. Unde patet, quàm Chimæricis, & fictitijs commentis Scientiæ Mediæ propugnatores utantur circa præscientiam Divinam.

Confirmatur. Nihil est intelligibile nisi in ratione Entis: nulla autem formalitas habet rationem Entis, nisi sub ratione Essentiæ; Omnis verò formalitatis Deo intrinsecæ non est Essentia, & consequenter Intelligibilitas, nisi unica Divinæ Substantiæ. Sicut ergo Essentiæ Divinæ, sic omnis formalitatis Deo inexistens Intelligibilitas rationem futuritionis excludit hoc ipso, quod formaliter importet purissimam, & actualissimam Essendi rationem.

#### CONCLUSIO II.

DE effectibus creatis etiam contingentibus, ac liberis sunt formabiles infinitæ Conditionales, quarum tamen objecta nihil realitatis, ac veræ futuritionis ultra statum possibilitatis involvunt, nec adeo cognoscibiles sunt à Deo, nisi per scientiam simplicis Intelligentiæ.

15. Probat, & explicatur. Non enim tantum in thesauro Divinæ Omnipotentiae, & activæ Dei imitabilitatis, sed in virtute Causarum quoque secundarum reconditi sunt effectus possibiles infiniti. Has proinde Causas secundas secundum potentiâ tum naturalem, tum Obedientialem conspicit Deus posse constitui in infinitis hypothesebus sive conditionalibus, ac verè Causalibus, sive Disparatis. Inter has verò hypotheseas aliquæ tendunt ad effectum contingentem, seu liberum; aliæ verò ad actum ex intrinsecâ Causæ in actu primo determinatione necessarium. Deus igitur Causarum secundarum virtutes, quoad infinitas hypotheseas, in quibus statui possunt, contemplando, effectus ex ipsis producibiles cognoscit non secundum Existentiæ determinationem exercitam, sed secundum possibilitatem. Nihilominus quia 16. Causæ ejusmodi etiam naturales, ac necessariae non tantum in Essendo, sed in operando Causæ primæ sunt Essentialiter subordinatæ, idcirco in nullâ penitus Causarum secundarum peristati est formabilis propositio Conditionalis cum infallibilitate, ac certitudine enuntians aliquem effectum sub statu etiam possibilitatis, nisi cum ordine ad Voluntatem Divinam. Hæc autem Dei voluntas ad effectus intra statum meræ possibilitatis se tenentes nullum habet actuale Decretum, sed potentiam duntaxat determinandi quoslibet creatos effectus ex se, atque Causis secundis producibiles. Ista verò Voluntatis Divinæ potentia quorumlibet effectuum ad extra determinativa habet vim suâ Causalitate attingendi immediatè, ac infallibiliter quaslibet actiones, ac effectus creatos. Hanc igitur Voluntatis Divinæ vim ex se infallibilem considerando, de Causis secundis, quatenus secundum potentiam tum Obedientialem, tum naturalem constitui possunt in infi-



in infinitis hypothefibus, formari possunt Conditionales infinitæ. In his autem Conditionalibus vis consequentiæ, & illationis quæ infallibilis non est, nisi in ordine ad Voluntatem Divinam, ejusque radicalem infallibilitatem. Probatur istud assumptum. Tum quia si Conditionalium aliqua constet conditione merè disparatâ, nihil habet connexionis cum effectu, nisi ex vi Voluntatis Divinæ potentis elevare conditionem ejusmodi vel in ratione signi, & Causalitatis Moralîs, vel in ratione potentiæ Obedientialis ad effectum ex se improporcionatum. Tum quia licet virtus Causæ secundæ ab intrinseco determinata funder in aliquâ rerum peristasi consequentiam cum physicâ certitudine illativam effectûs, hujus tamen infallibilitas omnino inevitabilis, ac Methaphysica non est considerabilis nisi cum ordine ad infallibilitatem Voluntatis Divinæ. Tum denique, quia Causæ creatæ liberæ salvâ libertate sub nullâ hypothefi considerari possunt cum certâ, sed conjecturali duntaxat effectûs ex ipsis consecutione: Unde non nisi ex Voluntatis Divinæ, cui nihil resistit, efficaciam, & radicalem infallibilitatem potest actûs liberi, quæ ex arbitrio creato producibilis, esse illatio infallibilis. Et si proinde Deus cognoscat omnes Conditionales antecedenter ad actuale Dei Decretum formabiles; hæ tamen, si effectûs creati comparatio fiat tantum in ordine ad Causas secundas, nec non certas, in quibus statui possunt, rerum peristases; ex parte objecti non enuntiant de Causâ nisi inclinationem vel naturalem ex se determinatam physicè quidem creatam, sed Methaphysice impedibilem vel liberam duntaxat, & conjecturalem. ex S. Tho. q. 16. de Malo. 4. 2. in Corp. circa finem. Quam adeo sub hypothefibus non actu, sed de potentiâ Dei ponibilibus Causarum secundarum inclinationem in actu signato cognoscit Deus per Scientiam Simplicis Intelligentiæ: sicuti suæ quoque Voluntatis efficaciam, & radicalem infallibilitatem omnino insuperabilem videt per substantiæ suæ Divinæ comprehensionem. Unde Causas creatas, earumque effectûs sive necessarios, sive liberos in quibuslibet in infinitum possibilibus conditionibus producibiles in ordine ad illam Voluntatis suæ Divinæ virtutem, & infallibilitatem, seu efficaciam insuperabilem in suâ substantiâ contemplando cognoscit de Causis, & effectibus creatis Conditionales in infinitum formabiles sub merè possibilitatis statu latentes.

## CONCLUSIO. III.

Conditionales realitatem aliquam seu veram Futuritionem ultra statû possibilitatis enuntiantes ex parte objecti important Decretum Dei non merè objectivum, sed actuale, in cujusmodi Decreto ex parte duntaxat objecti conditionali; sed actuali, & absoluto ex parte Dei non tantum nulla est repugnantia, sed datur de facto.

18. Probatur 1. Ex Sacræ Scripturæ locis, in quibus sub conditione disparatâ aliquid futurum pronuntiavit Deus. 4. Reg. 13. Si percussisses terram quinquies, aut sexies, sive septies, percussisses Syriam usque ad consumptionem. Nam

connexio Consumptionis Syriæ nulla erat cum percussione terræ, nisi ex vi Decreti Divini, ut sup. est demonstratum. Ergo in Conditionalis disparatâ divinitus revelata supponitur Decretum Dei actuale, in quo consequentis cum antecedente per particulam si significata connexio funderetur. Probatur 2. Ex Sacris Textibus, in quibus pronuntiatur Deus aliquid facturum fuisse, si certa conditio esset posita. Gen. 12. Si inven-  
19. ro in Sodomis quinquaginta iustos, dimittam omni loco propter eos. Psalm. 80. Si populus meus audisset me, Israel si in vijs meis ambulasset, pro nihilo forsitan inimicos eorum humiliaffem. Matth. 26. An putas, quia non possum rogare Patrem meum, & exhibebit mihi modo plus quam duodecim Legiones Angelorum? Ex his namque constat, Deum sub certis conditionibus ita pronuntiâsse aliquid à se faciendum, ut nisi conditionis propositæ defectus interveniret, quantum esset ex parte suâ, determinatè esset futurum. At nihil est determinatè ex Deo futurum, nisi quatenus operatur secundum consilium Voluntatis suæ. Oportet igitur Voluntatem Dei fuisse in se determinatam ad effectûs illos sub condicione ponendos. Hæc autem Voluntatis Divinæ determinatio est actuale Decretum ex parte Dei absolutum, seu actu existens, & conditionale ex parte duntaxat objecti.

Confirmatur. Deus ex vi pacti tenetur salvare omnes, qui cum Gratiâ decesserint. Hoc autem pactum importat actum Divinæ Voluntatis, de quo nimirum testatur est Apostolus 1. ad Timoth. 2. quod Deus velit omnes homines salvos fieri. At ex hoc ipso, quod voluntas ista in pactum deducta obliget Deum; Arriaga 1. p. disp. 28. sect. 2. concl. 1. probat, esse conditionatè efficacem, ita, ut quantum est ex parte Dei, certò sit danda salus æterna, si conditio, sub quâ promissa est Gloria, adimpleretur ex parte hominum, quibus Deus tribuat omnia ad effectum Gloriæ consequendum media necessaria, uti præter alios Scientiæ Mediæ propugnatores tradit Amicus infra disp. 13. sect. 4. n. 134.

De quâ adeo omnes homines salvandi voluntate Dei antecedente S. Doctor in 1. disp. 46. q. 1. a. 1. ad 2. ait, quod Voluntas antecedens potest dis-  
21. conditionata, nec tamen est imperfectio ex parte Voluntatis Divinæ, sed ex parte voliti. Vides igitur, in Deo dari Voluntatem, secundum quam conditionatè vult omnibus salutem: At voluntas secundum quam actu vult, est formaliter actualiter in Deo, non verò tantum objectivè. Datur igitur Decretum actuale in Deo ex parte Dei volentis absolutum, & ex parte voliti, seu objecti duntaxat Conditionatum.

Respondebis ex Arriaga cit. sect. 2. concl. 2. Non nisi circa illa objecta, quæ de facto aliquando existunt, dari in Deo Volitiones actuales ex parte duntaxat objecti conditionales, & absolutas, seu efficaces ex parte Divinæ Voluntatis. Oportere igitur conditionales de objectis nunquam extituri formabiles in se ipsis esse determinatè veras, atque adeo cognosci à Divino intellectu independentè à Decreto Dei formali & actuali, seu subjectivo, sed duntaxat objectivo. At Scientiam Mediam eo ipso adstrui debere, quod Futuritionis Conditionatæ Veritas supponat Decretum Dei non subjektivè existens in Deo, sed objectivè se habens ad veritatem Conditionalis Futuritionis connotantis ut sic Decretum Dei  
non



non actu positum sed ponendum, si conditio existeret. Ergo datis etiam circa objecta aliqua Decretis ex parte Dei absolutis, & tantum ex parte objecti conditionatis, necdum expugnari Scientiam Mediam circa futura merè conditionalia in conceptu suo objectivo connotantia Decretum Dei merè Conditionale, ac objectivum.

23. Contra. Nam ex præactis à S. Scripturâ assertis Futuris conditionatis, si non omnia, saltem pleraque nunquam erant absolute extitura. Ergo Decretum de futuris Conditionatis existens actualiter in Deo, se extendit non ad ea duntaxat objecta, quæ aliquando existent actu, sed etiam ad illa, quæ sub hypothese Conditionis nunquam extitura sunt à Deo statuta. Hinc D. Augustinus lib. de prædest. sanctior. c. 9. & 10. differens de Divina futuri Conditionati præscientiâ, secundum quam Deus sciebat, quod isti, vel isti ad fidem converterentur, si illis tali tempore, & loco Evangelium predicaretur: recurrit ad latens Divinæ prædestinationis Consilium, ac Decretum. In hoc autem Decretum reducit totam illius Veritatis, ac præscientiæ rationem. At ex illis futuris Conditionatis pleraque non erant unquam actu ponenda. Ergo circa futura Conditionata, quæ nunquam extitura sunt, datur in Deo Decretum actu existens.

24. Replicabis ex eod. Arriaga cit. sect. n. 16. aliam esse rationem in effectibus purè conditionalibus, qui nunquam existent actu, sunt tamen proximè possibiles, ita ut creature rationales, quando existunt, ad eas condiciones, sub quibus effectus illi sunt futuri, in proxima sint potentiâ. Aliam verò rationem esse de effectibus purè possibilibus: de his enim Decreta Dei ex parte Voluntatis Divinæ absoluta, & tantum ex parte objecti conditionata videri otiosa, cum econtra respectu Conditionalium proximè possibilium conducant ad Dei Providentiam perfectè complendam.

25. Contra. Nam etsi hic Mediæ Scientiæ propugnator jam condescenderit, necdum tamen finit acquiescere Veritas sequenti discursu dilucidanda. Futurizio, quam attingit Divina Conditionatorum præscientia, est extra nihilum, atque adeo ultra merum possibilitatis statum, uti Amicus cit. sect. 14. n. 247. fatetur ex mente aliquorum Scientiæ Mediæ propugnatorum: nam alioquin futurizio ejusmodi esset objectum simplicis Intelligentiæ, non autem Mediæ alicujus Scientiæ. At nisi Deo negemus rationem Causæ primæ, ac universalissimæ, oportet cum D. Thomâ, i. peribet. lect. 14. asserere, quod *Voluntas Divina sit Causa quadam profundens totum Ens, & omnes differentias*. Ergo ex ratione Causæ primæ universalissimæ statuendum est, Futuritionem illam statum possibilitatis supergressam esse ex causalitate Divinæ Voluntatis. At Decretum Dei objectivum hoc ipso, quod non sit actu, latet adhuc invirtute actûs primi, seu in potentia Voluntatis Divinæ, ex Arriagâ disp. 24. n. 7. Neque verò voluntas Divina prout est in actu primo habet ullam determinatam Causalitatem, vel Causæ actualis rationem, sed tanquam potentia libera manet ad extra omnino indifferens. Oportet igitur, Causalitatem, seu rationem Causæ proximæ, ex qua derivatur illa statum possibilitatis egressa conditionalis Futurizio esse

Formaliter determinativam Voluntatis Divinæ. At secundum Arriagam in phys. disp. 7. n. 44. ac reliquos Scientiæ Mediæ propugnatores nulla Entitas, seu formalitas habere potest rationem Causæ actualis, minus Causalitatis in actu exercito, nisi dum actu existit. Consequens ergo est, aut Futuritionem illam quæ possibilitatis statum egressam non esse à Deo, aut in hujus Divinæ Voluntate esse actu formalitatem ejusdem determinativam, quæ in ordine ad futuritionis illius Entitatem habeat rationem Causæ, sive Causalitatis. Constat igitur, nisi negetur Deo ratio Causæ primæ universalissimæ, debere pro illo signo, in quo conditionata possibilitatis statum supergressa Futurizio verificatur, atque adeo præscitur à Deo; supponi in Deo Decretum actuale, quod non nisi ex parte objecti sit conditionata.

26. Oppones denuo ex Arriagâ cit. concl. 2. saltem de omnibus Conditionalibus, quæ nec in se ipsis, nec in potentiâ proximâ aliquando extitura sunt, non esse admittendas volitiones Dei ex parte Voluntatis Divinæ absolutas, & conditionatas ex parte tantum objecti. Nam ponere in Deo, tot, ac tam infinitas Volitiones liberas, quot in infinitis rerum combinationibus, si darentur hæ, vel illæ condiciones; existerent, videri planè incredibile.

27. Contra. Nam certum est, Conditionales; quatenus in conceptu suo objectivo non involvunt aliquid formalitatis ultra possibilitatis, ac Indifferentiæ statum, attingi à Scientiâ Simplicis Intelligentiæ, non autem à Mediâ Dei præscientiâ. At nihil positivæ formalitatis ultra possibilitatis, atque adeo indifferentiæ statum posse in futuris conditionatis reperiri absque prævio Dei actuali Decreto, probat ratio primæ causæ uti sup. est demonstratum. Etsi verò controversi possit: An effectuum sive absolutorum, sive Conditionatorum possibilitatem negationes ex purâ quasi omissione Volitionis Divinæ seu effectuum ejusmodi causalitatis, vel causæ actualis proveniant? hæc ipsa tamen quasi ommissio esset libera, Voluntatis Divinæ ex se indifferens ad extra determinativam. Nulla igitur stat sive negationis, sive positionis alicujus determinata etiam Conditionalis Futurizio sine determinatione Divinæ Voluntatis liberâ actuali, sive deinde hæc determinatio respectu effectûs negativi, ac negationis sit Decretum positivæ volitionis, sive virtualiter habeat rationem puræ quasi omissionis, de quo in seq. quæst. Aut ergo Deus plerasque Conditionalium, quæ in combinationibus in infinitum possibilibus formari possunt, novit secundum formalitatem statûs duntaxat possibilitatis per Simplicis Intelligentiæ Scientiam: aut si formalitatis aliquid ultra statum possibilitatis, ac indifferentiæ involvant, oportet in ipsorum conceptu objectivo supponi aliquam actualem Divinæ Voluntatis determinationem.

#### Responsio ad Argumenta opposita.

28. Ad fundamentum n. 2. & 3. oppositum Respondetur. Illud procedere ex falso supposito tum quod effectus creatus secundum statum è purâ possibilitate extractum independentem ab actuali Decreto cognoscatur prius sub conditione ponendus, quam absolute futurus: tum quod ex Con-



ex consequenti Decreto etiam Dei tanquam effectus futuri causa prius intelligatur ponendum, quam actu positum. Ratio utriusque istius suppositæ assertionis falsitatem demonstrans est. Quia pro illo signo, in quo nulla intelligitur Voluntatis Divinæ determinatio actualis; non est ulla creaturæ formalitas intelligibilis, nisi sub ratione possibilitatis, ac objectivæ indifferentiæ. At effectus creatus quæ Futurus sub conditione in suo conceptu objectivo involvit formalitatem, quæ sit extra spheram nihili, seu puræ possibilitatis. ex Amico cit. *scilicet* 14. n. 247. Si ergo effectus creatus sub nullo signo possit concipi absque dependentiâ à Voluntate increatâ, consequens est; oportere Futuritionem etiam conditionatam ex parte Voluntatis Divinæ importare determinationem actualem, atque adeo Decretum ex parte Dei absolutum, & ex parte duntaxat objecti conditionatum.

Ad fundamentum n. 4. Oppositum Respondetur. Nos mirari, quod ibi dicatur Decretum Dei conditionatum esse Causam effectus sub conditione futuri, neque tamen hunc videri in Decreto illo Conditionato, sed contra istud cognosci in effectu.

Ratio nostræ admirationis est. Nam effectum sub conditione futurum, quatenus fundat Scientiam Mediam ratione nostrâ distinctam à simplici Intelligentiâ, oportet involvere formalitatem extractam ex spherâ possibilitatis, ac indifferentiæ. Ergo Voluntatem quoque Divinam pro signo Futuritionis ejusmodi Conditionatæ oportet stare non sub ratione indifferentiæ, sed cum formali sui determinatione. Hæc autem est Decretum actuale ex parte Dei absolutum, etsi conditionatum ex parte objecti. At istud Decretum Essentiæ Dei identificatum magis conjunctum est Intellectui Divino, quam effectus conditionatus, cum hic secundum fundamentum etiam oppositum sit consequens, illud verò tanquam causa sit antecedens effectum ejusmodi. Ergo oportet per prius intelligi à Deo illud Decretum, quam effectum sub conditione futurum. Ergo hunc intelligit Deus in illo suo Decreto tanquam Causâ ipsius, seu Causalitate Voluntati Divinæ intrinsecâ.

Ad 1. n. 6. Oppositum Respondetur: Stare posse Decretum Dei actuale absque mutatione ad extra exercitâ. Tum quia Decretum Dei ab æterno, uti loquuntur à parte antè rant in Deo sine mutatione tunc exercitâ, sed in tempore exercendâ. Cur ergo non etiam à parte post æternitatis subsistere queat sine mutatione exercitâ, sed exercendâ solum sub conditione nunquam exiturâ? Tum quia Decretum Dei actuale se habet in Deo tanquam Causalitas ad extra & actio æterna formaliter Immanens, & virtualiter transiens, cui per modum termini responder mutatio passiva in tempore exercenda. Hæc autem mutatio passiva exercenda in tempore eatenus connotatur ab actione illâ æternâ, seu voluntatis Divinæ Decreto, quatenus est volita à Deo: Si ergo Deus non absolute, sed sub conditione nunquam ponendâ velit aliquid futurum huic Divinæ Volitioni, ac Decreto respondere; debet mutatio passiva in tempore non absolute, sed sub conditione duntaxat futura esse.

Ad 2. n. 6. Oppositum Respondetur: Si stare

potest in Deo Voluntas conditionata salvandi omnes homines, cur non subsistere possit simile Decretum de pœnitentiâ Tyrionum, vicijus decreverit Deus hanc pœnitentiam sub conditione tantum prædicationis, ac signorum Christi? At Decretum salvandi omnes homines ita esse conditionatum, ut tamen imperfectio non sit ex parte Voluntatis Divinæ, sed voliri duntaxat, testatur D. Thomas in 1. *diff.* 46. q. 1. a. 1. ad 2. Si ergo istud Decretum potest ex parte Voluntatis Divinæ absolutum, & efficax esse, quin ob negationem conditionis in plerisque hominibus subsequenter non tantum ex ipsorum libertate, sed etiam ex voluntate Dei sortiatur effectum, quid absurdi argui posset de Decreto circa Tyrionum pœnitentiam ex parte Voluntatis Divinæ absoluto, & tantum conditionato ex parte objecti? Nec enim Decreto ejusmodi, quod conditionatè, non absolute efficax est, ulla imputari potest oriositas; tum quod sit Medium præscientiæ Futurorum Conditionalium; tum quod sit actualis determinatio Voluntatis Divinæ de se indifferentis ad conditionalem illam quæ consideratam sub statu puræ possibilitatis; tum quod Conditionatæ Tyrionum Pœnitentiæ quæ possibili objectiva indifferentia determinetur per illud Decretum ad Veritatem Futuritionis Conditionalis, cujusmodi futuritio pendere potest ex sola Causâ Primæ, cui nihil resistere potest, Determinatione, ex S. Tho. 1. p. q. 16. a. 7. ad 3. & q. 16. de Malo. 4. 2. & q. 2. de Veru. 4. 12. ad 7.

#### CONTROVERSIA. VI.

##### *An Decretum ad Veritatem Fu-*

*turitionis requisitum oporteat esse præfinitum ex se & antecedenter ad usum etiam conditionalem creati arbitrij, inferens operis præfinitum infallibilitatem.*

Duplex hic venit discutienda difficultas. Alteram insinuat Amicus cit. *diff.* 12. n. 246. ubi ex eo, quod Decretum Dei Conditionatum determinatè respiciens effectum sub conditione futurum asserat esse Concomitans effectum ejusmodi; consequenter insert: non posse in ipso tanquam medio præsciri Futuritionem conditionatam. Fundamentum est. Nam Decretum Dei concursum cum creato arbitrio offerens dupliciter potest considerari. 1. antecedenter ad Voluntatis creatæ determinationem. Ut sic autem est indifferens, nec magis determinat Voluntatem ad unum, quam ad alterum; Ergo Deus non potest in eo ut sic cognoscere certò liberum creaturæ consensum. 2. Considerari potest Decretum illud ut concomitans. Ut sic autem formaliter dicit liberam creaturæ determinationem; nam ut sic formaliter dicit concursum concomitantem liberum creaturæ consensum. Ergo nec hæc ratione potest Deus in Voluntatis suæ Divinæ definitione, sed in creati arbitrij propriâ determinatione cognoscere consensum liberum. ex Amico cit. *diff.* 12. *scilicet* 2. n. 135. Hoc autem supposito, sequitur: etiam si in Scientiæ



Mediæ objecto, sive in futuritione conditionali involveretur Decretum Dei ex parte duntaxat objecti conditionatum, & ex parte Dei absolutum, adhuc subsistere difficultatis rationem, ob quam Scientia Mediæ est inventa.

2. Probatur istud assumptum. Hæc enim Scientia in eo consistit, ne consensus liberi infallibilitas adstrui debeat ex Voluntate Dei antecedente. At posito, quod Decretum Dei respectu consensus liberi sive absolute, sive conditionate futuri sit concomitans, non potest ex hoc adstrui infallibilitas, cum in eo antecedenter ad liberam Voluntatis creatæ determinationem non magis contineatur futurus consensus, quam dissensus: Unde tota infallibilitas Decreti absolute & actu positi in Deo est secundum præscientiam Scientiæ Mediæ, vi cuius consensus creatus liber sub conditione futurus cognoscitur in seipso cum dependentiâ à Voluntate Dei non antecedente, sed concomitante, ac de se indifferente, nec determinatâ nisi per connotationem liberæ arbitrij creati determinationis.

3. Alteram difficultatem movet Suarez *cit. lib. 2. de Scient. Condit. c. 4. n. 4.* asserens: Et si à communi Doctrinâ præsertim D. Augustini, necnon à Divinâ perfectione, & Omnipotentia alienum sit, dicere: Non posse Deum liberum actum honestum in particulari, & cum omnibus circumstantiis prædefinire absolutâ, & efficaci voluntate suâ, & salvâ libertate voluntatis creatæ: Hanc tamen prædefinitionem non habere locum, nisi suppositâ præscientiâ Conditionatorum. Fundamentum est, quod hæc præfinitio esse non possit executiva physice, & prædeterminativa potentie liberæ, salvo usu libertatis illius. Ergo solum esse potest per modum Intentionis efficacis. Hæc autem Intentio efficax ut sit prudens, & impediri nequeat, supponit in intendente Scientiam Mediorum, per quæ infallibiliter possit talis intentio ad effectum perducî. At cognitâ his Medijs cognoscitur Veritas conditionalis, scilicet quod, si illa adhibeantur, talis effectus liber sequetur. Est igitur Scientiæ Conditionatorum in Deo necessitas ex ipsius Divinæ Providentiæ perfectione, ejusque effectibus.

4. Harum opinionum fundamentum præstruxit Molina *l. p. q. 23. a. 6.* Manifestum est, inquiens, prædestinationem esse certam, in ea tamen non esse aliam certitudinem, quam certitudinem præscientiæ, quâ Deus providet per Mediâ, per quæ unusquisque prædestinatus est perventurus ad vitam æternam.

Verum Molinæ sufficere deberet Autoritas Angelici Doctoris disertis verbis contradicentium *l. p. q. 13. a. 6.* tum præcipuè *q. 6. de Virg. a. 3.* ubi ponderans difficultatem conciliandi libertatem nostram cum Divinæ Prædestinationis infallibilitate, sic ait: *Non cum potest dici, quod prædestinatio supra certitudinem providentiæ nihil aliud addit, nisi certitudinem præscientiæ, ut si dicatur, quod Deus ordinat prædestinatum ad salutem, sicut & quemlibet alium; sed cum hoc de prædestinato scit, quod non desinet à salute: sic enim dicendo non diceretur prædestinatus differre à non prædestinato ex parte ordinis, sed tantum ex parte præscientiæ eveni?* Et si præscientia esset Causa prædestinationis, nec prædestinatio esset per electionem prædestinationis, quod est contra Autoritatem Scripturæ, & dicta Sanctorum. Unde præter certitudinem præscientiæ ipse Ordo

prædestinationis habet infallibilem certitudinem. Cui sancti Doctoris doctrinæ aperte contradicit Molina. inferius citandus hisce verbis: *Non verò collocantes Certitudinem totius prædestinationis Divinam non in Decreto, quo Deus ei, quem prædestinavit, providere statuit de Medijs, quibus libertate suâ perventurus in vitam æternam providebatur, neque etiam in ratione ipsa providendi, sed in præscientiâ, quâ id providebat, ratione cuius tale Decretum & providentiâ sortita sunt rationem Prædestinationis.*

### CONCLUSIO.

**D**ecretum ad Veritatem Futuritionis requisitum ita oportet esse præfinitivum, ut ex se ipso antecedenter ad usum etiam conditionalem creati arbitrij inferat actus liberi infallibilitatem.

Probatur. Negato isto præfinitivo Decreto adstruitur prædestinatio secundum præscientiam Conditionatorum. Hæc autem prædestinatio secundum præscientiam à D. Augustino in *lib. de præd. sanct. & de Dono Persever.* efficaciter refutatur ex triplici præsertim Capite: tum quod adversus sacras Litteras sequeretur, Opera nostra bona non esse Dona Dei, tum quod Sacro textu contradicente, foret consequens, Discretionem in bonis operibus fore ex nobis; tum denique quod stante illâ secundum præscientiam prædestinatione negaretur Dei Dominium à S. Scripturâ assertum. Major constat ex Molinâ *l. p. q. 23. a. 6. & in Conc. ejusd. quest. 23. a. 5. disp. 1. Memb. 11. conc. 2. & alibi.* Minor autem probatur. Nam D. Augustinus exinde potissimum probat, actus nostros liberos, ac ipsum fidei initium esse Dona Dei, quia sunt ex vocante, non autem ex operibus, ita ut credere non sit volentis, neque currentis, sed Dei misericordis, quatenus nemo venit ad Filium, nisi quem traxerit Pater, & cui datum sit à Patre. At si propositum, ac prædestinatio Dei est secundum præscientiam etiam conditionatam, nihil horum subsistit: Tum quia id non est ex Deo vocante, ac misereunte, ad quod de se non habet virtutem, ac efficaciam. At propositum Dei secundum præscientiam non habet efficaciam ex vi Virtutis Divinæ Voluntatis, ac Omnipotentie, sed tota illius efficacia est ex consensu conditionato antecedente Divinæ Voluntatis Decretum actuale. Si ergo nihil potest esse ex Deo vocante & misereunte nisi per Decretum Dei actuale, consequenter consensus sub conditione futurus non est ex Deo vocante, ac misereunte. Atqui ex eo est consensus absolute futurus cum infallibilitate, quod antecedenter ad Decretum Dei actuale sit certus futurus sub conditione. Ergo ratio, per quam stat consensus liber in fidem, aliaque bona Opera non est ex Deo misereunte, ac vocante, sed ex arbitrio creato volente, atque currente.

Tum quia Deus non nisi pro signo actualis Decreti potest intelligi misereuns, & donans, siquidē donatio importet formaliter liberam donantis Voluntatem. Atqui antecedenter ad Decretum Dei actuale Voluntas creatâ est consensus in fidem, si in hac rerum peristat ipsi offeratur concursus Dei indifferens. Ergo hic tantum



tum Dei concursus est ex Dono Dei, ejusque Misericordiâ, non autem consensus in fidem. Confirmatur ista consequentia. In eo, quod consensus in fidem sub conditione futurus reducatur in statum absolutum, duo considerari possunt. Alterum est consensus non alius ab illo, qui erat sub conditione futurus; alterum est purificatio conditionis. Hæc proinde etsi sit ex Deo misereunte, seu donante, ille tamen jam, antequam Deus erat misertus, ac donans, erat futurus sub conditione. At hic secundum se, ac Entitatem suam intrinsecam etiam quoad exercitium, & determinationem liberam non est alius à consensu absolute futuro. Ergo iste consensus, dum conditione purificatâ est absolute futurus, secundum intrinsecam suam Entitatem etiam quoad determinationem liberam non est ex Deo donante, ac misereunte, sed tantum quoad extrinsecam conditionis purificationem. At reverâ textus Sacri, quos D. Augustinus in lib. de *præd. Sanct. & de Dono Persev.* congerit, probant ipsum consensum in fidem ita esse nostrum, ac ex nostrâ libertate, ut in se ipso quoad substantiam sit Donum Dei datum à Patre misereunte, & vocante. Cum igitur prædestinatio Dei secundum præscientiam conditionatam à nostris bonis operibus tollat rationem Doni quoad liberum eorum exercitium, sit manifestum, ejusmodi Dei Propositum repugnare cum sacris litteris.

7. Respondebis ex Molinâ *cit. memb. 11. 12. & 13.* Prædestinationem secundum præscientiam in duplici sensu accipi posse; uno modo, quia bonus usus liberi arbitrij prævisus sit id, pro cuius qualitate, aut propter cuius qualitatem Deus distribuat Dona, & auxilia sua, ac prædestinet hominem. Quo modo negandum esse, quod prædestinatio utpote gratuita sit ex præscientiâ boni Usûs liberi arbitrij. Alio igitur modo prædestinationem dari secundum præscientiam, quatenus non sine præscientiâ boni usûs liberi arbitrij, habitaque consideratione illius, Deus prædestinat homines; ita ut Decretum, ac Providentia Dei, prout prædestinationis nomen fortitur, à Conditionato creati arbitrij usu bono pendeat tanquam à Conditione, non tanquam Motivo, & Causâ. Hoc proinde posterius duntaxat cum à Semipelagianis fuisset assertum, per allegatos sacros textus impugnatum fuisse à D. Augustino, qui ut etiam S. Thomas, si hæc de re fuissent consulti, respondissent, non fuisse prædestinationem, & reprobationem sine hæc præscientiâ, habitaque consideratione usûs liberi arbitrij futuri, tametsi non ita, ut pro qualitate illius Dona Gratiae, & prædestinationis à Deo conferrentur. Ex eod. Molinâ *cit. disp. 1. Memb. 6. post. §. Quod ad Augustinum.*
8. Contra. Tum quia S. Augustinus facente Molinâ citato omnino à S. Prospero consultus, de prædestinatione secundum præscientiam Conditionatam; Respondit *l. 1. de prædest. Sanct.* Massilienses caligare circa quæstionem Prædestinationis. Hic autem Semipelagianorum error ab eodem S. Ecclesiæ Doctore non in eo duntaxat sensu impugnatus fuit, quod merita sub conditione futura posuerint Motivum prædestinationis, sed etiam maxime ratione, quod non tantum Gratiae auxilia, sed etiam noster in bonis operibus consensus liber, quoad velle ac O-

perari sive ipsammet obediendi Voluntatem sint ex Deo misereunte, ac Donante. At cum ista sacris litteris expressâ veritate non subsistere prædestinationem secundum præscientiam *superius* est probatum. Nam ista secundum præscientiam prædestinatio vel nullam, vel ad summum talem actûs, & consensûs nostri liberi præfinitionem importat, qualem inducit Suarezius *supra citatus*, quæ nimirum nihil ex se operetur ad extra, sed mediante duntaxat Electione, ac Usu Divinâ applicet Omnipotentiam ad finem, seu opus intentum ijs medijs efficiendum, quæ per Scientiam Conditionatorum prævisa sunt infallibiliter habitura effectum. Iuxta quam adeo præfinitionem Deus duntaxat præpararet Media, cum quibus antecederet ad prædestinationem tum Gratiae, tum bonorum operum eramus sub conditione in bonis operibus ambulaturi, & ipsimet, quod faceremus, electuri.

At D. Augustinus e contra ex Sacris Scripturis talem adstruit prædestinationem, quæ sit præparatio non tantum Gratiae, sed etiam bonorum operum, faciendo, ut in eis ambulemus. Unde id, quod Deus in nobis eligendo facit, nos facturos præscit in suâ prædestinatione; nec adeo de nostrâ Voluntate, sed de suâ prædestinatione promisit Abraham Fidem Gentium. Cujus proinde prædestinationis certitudo non est ratione præscientiæ duntaxat, sed ratione ipsiusmet Voluntatis Divinæ juxta illud: *Voluntati ejus nihil resistit*, veluti hæc patent legenti citatos S. Augustini libros.

Tum quia licet hic Ecclesiæ Doctor propositum Dei secundum præscientiam ex illo etiâ capite rejecerit, quod Massilienses bonû liberi arbitrij usum sub conditione futurum ponerent Motivum Divinæ Sanctorum prædestinationis: nec ipsa tamen Moliniana prædestinatio est omnino depurata ab istius erroris periculo, quin eadem viam sternat. Etenim bonus ille vocationis ad Fidem, aliaque bona opera usus liber sub conditione futurus est secundum Scientiæ Mediæ propugnatores ratio, cur prædestinatio inferat ex parte Voluntatis nostræ necessitatem, vel infallibilitatem duntaxat consequentem. At hæc infallibilitas consequens supponere debet liberam determinationem Voluntatis creatæ, ita ut talis determinatio sit extra possibilitatis, ac indifferentiæ statum. Hæc autem ipsa libera ad fidem determinatio cum sit quoad Entitatem intrinsecam ipsemet actus fidei, habet illam ipsam supernaturalitatem, ac libertatem, secundum quam in statu absoluto est meritorius. At verò ratio meriti saltem congrui fundatur præcisè in ratione libertatis, seu liberæ arbitrij creati determinationis, ac supernaturalitatis. Cur ergo actus fidei in statu conditionato, si ex parte ipsius actûs importetur Entitas supernaturalis ex libertate voluntatis creatæ determinata non sit aliquo modo meritorius? Certè tametsi Cassianus in *Collat. 6. 13. & 14.* Credulitatis ex parte nostræ Voluntatis initia non vocaret merita, sed tantum occasiones, ratione quarum Deus daret Gratiam. *cit. 6. 14. Præsto*, inquit, *est Deus occasione nostra tantummodo Voluntatis oblata ad hæc omnia conferenda.* Nihilominus adversus illum Collatorem concludit S. Prosper *l. 6. Non posse nullius meriti haberi petentis fidem, querentis pietatem, pulsantis instantiam.* A fortiori igitur, si actus fidei, imò

9.

10.



& Charitatis in statu conditionatæ Futuritionis importet ipsammet liberam Voluntatis creatæ determinationem cum actu ejusmodi supernaturalitate, indistinctam ab actu absolute posito, licebit inferre, quod non possit nullius esse meriti, cum habeat totum actus, quæ de congruo saltem meritorij fundamentum. Quod ipsum insinuare videtur Molina *cit. memb. 11. circa fin. S. illud etiam*, asserens verisimile, quod Animas Christi Domini, ejusque Gloriosissimæ Virginis Matris præviderit Deus melius, quam ceteras pro innatâ suâ libertate usus suo libero arbitrio, eaque ratione in tantam dignitatem potius, quam ceteras fuisse electas. An non igitur hoc est innatæ libertati contra sacros à S. Augustino productos textus antecederet ad Decretum Dei adscribere Usus bonum, ratione cujus Animæ Christi, ejusque Matris sint electæ ad dignitatem Unionis Hypostaticæ, ac Maternitatis Divinæ, qui proinde Usus bonus ex innatâ libertate prævisus habuerit se tanquam Motivum illius Electionis.

II. Tum denique S. Thomas haud nescius quæstionem de prædestinatione secundum præscientiam fuisse D. Augustino proposuam, resolvit *cit. q. 23. a. 6. & q. 6. de Verit. a. 3.* talem oportere adstrui prædestinationem, quæ habeat certitudinem non tantum præscientiæ, sed Ordinis Causalitatis. Quomodo ergo verum est, quod dicit Molina, si D. Thomas esset consultus, fuisse responsurum, non dari prædestinationem in Deo sine præscientiâ Conditionatâ, secundum quam sit tota prædestinationis certitudo? Cur autem hic Angelicus Doctor neget, quod prædestinato supra certitudinem Providentiæ nihil aliud addat, nisi certitudinem Præscientiæ, ipsemet hanc allegat rationem, quod alioquin prædest. natus non differret à non prædestinato ex parte Ordinis, sed ex parte præscientiæ eventus. Etenim datâ præd. linatione secundum præscientiam fieri potest, ut duo, unus prædestinatus, alter reprobus habeant æqualia Gratiae auxilia in iisdem etiam circumstantiis, hic tamen prævideatur per libertatem suam non usus, ille verò ratione præscientiæ, per quam à Deo prævideatur benè usus Gratiae auxilij, certò sit salvandus. Oportet igitur, ex parte Ordinis seu Causalitatis Divinæ in prædestinatione Mediorum salutis à voluntate nostrâ dependentium non esse differentiam inter prædestinatum, & non prædestinatum. At ex hoc contra Autoritatem S. Scripturæ, & SS. Patrum inferri, quod præscientia sit Causa prædestinationis, atque prædestinatio non sit per electionem prædestinantis: tradit S. Doctor *loc. cit.* Probatur hæc illatio: Prædestinatio est pars Divinæ Providentiæ: hæc autem est ordo rerum in finem. At iste ordo est quandoque certus quoad finem duntaxat Universalem, veluti reprobij ita ordinantur ad salutem æternam, ut ab hoc tamen sine particulari deficiant; Providentiâ Divinâ id permittente, atque hanc permissionem ad se tanquam finem Universalem sub ratione Justitiæ, ac Judicij ordinante. Alius proinde Ordo hominum in finem salutis æternæ tam ex parte Mediorum, quam finis etiam particularis certus est quoad ipsam æternæ salutis consecutionem. Hæc autem certitudo est distinctiva prædestinationis à communi Dei Providentiâ circa salutem hominum. Ergo si prædestinationis certitudo non sit alia, quam secundum præscientiam conditionatam,

ratio & causa, cur Decretum, vi cujus eadem Gratiae auxilia cum iisdem circumstantiis, duobus, uni prædestinato, alteri reprobo sint à Deo statuta, respectu illius dicatur prædestinatio, est præcisè sumenda ex præscientia boni creati arbitrij Usus sub tali conditione futuri: Ex hoc autem rursus contra sacrarum litterarum, & Patrum dicta sequitur; Prædestinationem non esse per Electionem prædestinantis. Probatur ista sequela. De hac Dei prædestinantis Electione ait Apostolus ad Rom. 11. *Reliquæ per Electionem Gratia salva facte sunt.* Hæc verò Electio Gratiae est, vi cujus discernitur benè operans à non operante, secundum ipsummet in actu fidei, & Charitatis consensum Voluntatis præparatæ à Domino, Veluti ex S. Script. demonstrat D. Augustinus *cit. lib. de prædest. a. c. 3. maxime in fine c. 5.* At si prædestinationis certitudo non sit ex vi Ordinis, & Causalitatis Divinæ, sed ex conditionatâ præscientiâ, tunc ratio certitudinis, cur unus scilicet prædestinatus quoad liberum in actu fidei consensum discernatur a Reprobo cum iisdem Gratiae auxiliis dissentiente, est ex operante, non ex Electione Gratiae. Ergo prædestinatio secundum præscientiam conditionatam pugnat cum Electione Gratiae asserta à Divinis Scripturis & SS. Patribus.

Replicabis ex Petro à S. Ioseph *cit. disp. 4. de fiem. Condu. sect. 3. n. 1. in respons. ad 3.* Ad hoc, ut Deus secundum Electionem Gratiae prædestinatum cum æquali Gratiae auxilio dicatur discernere à non prædestinato, sufficere, quod illi conferat eam Gratiam, cum quâ novit eum convertendum, si detur, alteri verò non prædestinato tribuat tale ab intrinseco æquale Gratiae auxilium, cum quo scit eum de facto non convertendum, etiam possit, si velit: sic enim prædestinatum non posse gloriari de suâ conversione, ac si ipse suis viribus sine supernaturali Dei auxilio eam perfecit, & consequenter dici non posse, quod ipse tanquâ Causa principalis seipsum disceverit à Paulo, etiam verè dici possit, & debeat, eum ut Causam minus principalem ad ejusmodi discretionem cooperatum fuisse.

Contra. Nam Apostolus Paulus 1. ad Corinth. 4. ex eo, quod Deus nos discernat, inferit, non posse quemquam gloriari in ullo, quasi id non acceperit à Deo. At posita prædestinatione secundum præscientiam conditionatam verificatur, quod prædestinatus non ex vi Electionis Gratiae, sive per certitudinem Causalitatis Divinæ sit certò salvandus, sed ex suppositione consensûs sui liberi sub conditione prævisi ante omne Decretum Dei actuale. At eo ipso, quod Causalitas Dei nihil ponat extra statum puræ possibilitatis, nisi interveniente Voluntatis Divinæ determinatione, oportet, illum consensum sub conditione prævisum, atque ut sic positum extra nihilum, seu statum puræ possibilitatis, non esse ex causalitate Dei. Unde prædestinato licebit adversus Deum gloriari, certitudinem, imò ipsam rationem prædestinationis quâ distinctæ à Communi Providentiâ, nec non Gratiae efficaciam ut sic non esse à Deo per Electionem Gratiae. Insuper poterit prædestinatus obijcere DEO, quod pro signo antecedente Scientiam Mediam non fuerit tantæ Virtutis, ac efficacæ, ut possit prædestinare ullam ex creaturis rationabilibus cum certitudine consecutionis æternæ Gloriæ.

Hinc

12.

13.



Hinc etiam licebit homini se componere DEO, dicendo: In meâ potestate fuit, ut essem dissenfurus omnibus per tuam omnipotentiam possibili- bus Gratiae auxilijs. Ex Amico *ut. diff. 12. sect. 12. in fin.* Hoc autem posito, non posses me prædestinare. Ergo non ex te, sed ex me ortum est, quod possis, O Deus! me prædestinare, ac prædesti- natus sim certò conlecturus salutem. Imò ed jam sunt progressi nonnulli Scientiæ Mediæ as- sertores, ut Amicus *ut. diff. 12. n. 27.* testetur, se legisse apud viros doctos, quod Deus infinito lu- mine Scientiæ Conditionatæ semper viderit Beatissimam Virginem in quibuscumque cir- cumstantijs politam sanctè operaturam? An non ergo Sanctissimæ huic Deiparæ dicere liceat? Per meam stat libertatem, ut Deus fuerit necessita- tus, aut me non producere, aut me productam in statu puræ naturæ relinquere, aut semel eleva- tam ad statum gratiæ in hæc ita conservare, ut sit ipsi impossibile in ullâ rerum peristati me consti- tuere, in quâ sim amissura Gratiâ; arque adeò non potuit Deus juxta legem ac justitiam suam me non præmari Coronâ gloriæ: nec adeò lib-ertas Deo fuit, ut me faceret in Vas vel hono- ris, vel contumeliæ.

14. Dices cum Amico *n. 239. circa fin.* A Cen- soribus Societatis IESU sub Generali Caraffa fuisse conclusum, ne illa de SS. Deiparâ opinio ad- mitteretur in scholis, eo quod omnis creatura libera ex se peccabilis sit, imò peccatura sit de facto, nisi adiit auxilium efficax: Deus autem videat per scientiam Conditionatam non solum circumstantias, in quibus cuicumque creaturæ liberæ daret hoc auxilium Efficax, sed etiam al-ias, in quibus non daret. Unde a contrario se- cundum Amicum *n. 239.* inferitur: nec minus impossibile esse, dari creaturam, quæ cum nullo auxilio in quibusvis circumstantijs oblato con- sensura sit: quia cum in infinitâ serie auxiliorum, quibus Deus voluntatem creatam salvâ ejus li- bertate allicere ad se potest, sint alia, & alia tam in persuadendo, quam efficiendo valentiora, im- possibile est, quin tandem Voluntas creatâ, quan- tumvis Divinæ Gratiae rebellis, & in malo obli- nata, cum aliquo ex his consensura sit.

15. Contra. Nam illa quantumvis infinitâ au- xiliorum serie politâ ex sententiâ Adversario- rum, nominatim Amici *ut. 239. in fin.* competit libertati creatæ in resistendo Divinæ vocationi vis infinita, quæ nisi physicè determinetur, vel objectivè per clarâ Dei visionem, vel subjectivè per physicam, aut moralem actionem; resi- stere poterit cuicumque Vocationi Divinæ. Quomodo ergo impossibile sit, quò minus per li- bertatem creatam stare possit, ut in nullis cir- cumstantijs sit Divinæ Vocati- oni consensura? Hoc autem posito, impossibile erit talem creatu- ram prædestinari à Deo ad Coronam gloriæ bo- nis operibus consequendam. An non igitur cui- vis creaturæ liberæ licet gloriari, quod per ip- sam, ejusque libertatem ster, ut à Deo possit præ- destinari in Vas honoris? At cur Deus alium faciat in Vas honoris, & alium in Vas Contumeliæ, primam hujus rationem Apostolus *ad Rom. 9.* reducit in unicam Divinæ Voluntatis libertatem, & abso- lutam potestatem, ejusque omninò independens Dominium. Hæc autem absoluta Dei pote- stas, ac Dominium Dei independens pro liberta- te suâ, faciendi alium in Vas honoris, & alium

in Vas contumeliæ, non subsistit, s̄ dependeat ex libertate creatâ, secundum quam debeat an- tecedenter esse futurus creati arbitrij consensus Vocationi Divinæ in aliquibus circumstantijs li- bere præstandus.

Confirmatur. Nam absoluta Dei potentia, ac Dominium Dei independens est antecedens Futuritionem cujusvis actûs creati etiam condi- tionati habentem rationem Contingentiæ, ac li- bertatis positæ extra nihilum, seu statum possi- bilitatis. At pro signo isto antecedente Futuri- tionem consensûs creati liberi arbitrij condi- tionatam secundum Scientiæ Mediæ propugnato- res Deus nec potens est creaturam ullam rationa- lem efficaciter eligere ad Præmium, seu merce- dem gloriæ, nec potens est decernere Media de se efficacia ad Gloriam seu mercedem Justitiæ cum infallibilitate, ac certitudine obtinendam. Er- go Electio ac prædestinatio ad gloriam non est ponibilis in Deo pro signo, in quo intelligitur absoluta Dei potentia, ac Dominium Dei in- dependens. Hoc autem est contra Apostolum *loc. cit.* quem nervosè expendit D. Augustinus *c. 8. de prædest. sanct. circa medium.* Constat igitur, Prædestinationem Dei secundum præscientiam non stare cum Dominio Dei per Apostolum as- serto ad nos pro Voluntate, & potestate suâ fa- ciendos in Vas honoris, vel Contumeliæ, & conse- quenter ad nos sece- nendos ac eligendos, quoad ipsum liberum in Sanctis Operibus consensum nostrum, nec non ad donandum non tantum gratiæ auxiliâ, sed ipsummet operari merito- rium. Ergo oportet in Deo ponere Decretum Electionis, ac prædestinationis præfinitivum non tantum finis, sed etiam Mediorum, nostro- rumque bonorum actuum, antecedenter ad præ- scientiam Conditionatam.

Ratio secundum veram Philosophiam, & Sacram Doctrinam fundamentalis est. Nullus est effectus sine Causalitate Divinâ; hæc autem cau- salitas est Deo intrinseca, estque actio Dei æter- na. *de quâ D. Tho. 1. p. q. 46. a. 1. ad 10.* At hoc ip- so, quod actio secundum eund. S. Doctorem. *1. p. q. 44. a. 1. & 2.* sit actualitas virtutis, ac effectûs ex agente actualis emanatio, sive effluxus in passum ab agente, in conceptu formali actionis involvitur determinatio activa Causæ cum in- trinsecâ connexionione, & infallibili consecutione Immutationis passivæ, per quam effectus ponitur actu extra causam.

Est autem actio Dei æterna Decretum & Di- ctio Dei operantis ad extra mandando, ac dicen- do secundum Concilium Voluntatis suæ, ac Ver- bum suum increatum. *ex Gen. 1. Psal. 148. ad Eph. 1. v. 11. Ioan. 1.* At hoc ipso, quod effectus Dei ad ex- tra sequantur secundum Imperium Voluntatis suæ, non oportet, quod operatio Dei æterna, & in- trinseca non semper sit conjuncta effectui, sed qua- liter Deus voluit. *ex S. Doctore q. 1. de potent. a. 1. ad 2. & 1. p. q. 46. a. 1. ad 10.* Unde quorumlibet ad extra effectuum Causalitas Deo intrinseca stare potest in æternitate sine immutatione pas- sivâ, per quam effectus actualiter, & physicè po- nitur in Esse Existentiæ. Probatur hoc alimpeum, Nam illa actio Dei æterna importat operationem Intellectûs, & Voluntatis Divinæ, *ex allegatis sacris textibus.* At operatio Intellectûs & Voluntatis re- spiciunt objectû in Esse sciti, ac voliti. *ex Doctore Angel. 1. diff. 40. q. 1. a. 1. ad 1.* Hic autem respectus ad



objectum in Esse sciti, ac voliti, sine Esse effectûs quâ existentis in se ipso stare potest ex hoc tantum, quodd Esse ejusmodi effectûs præcontineatur in Causâ seu Causâ prægignitâ, cujusmodi Causâ respectu omnis qualitercumque futuri effectûs Deo inexistit, ab Angelico Doctore dicta executio activa, seu præparatio agentis existens in mente Divina. 1. p. q. 23. a. 2. in Corp. & ad 1. & ad 3. At per hanc ipsam Causâ activitatis, & Voluntatis Divinæ formaliter & intrinsecè determinativam effectûs futuri denominantur, qui non in se ipsis, sed in Causâ suâ determinatione duntaxat sunt cognoscibiles. ex

18.

cod. q. 16. de Malo. a. 7. Si ergo sint aliquæ Veritates æternæ contingentium sub ratione veræ Futuritionis supergressæ statum possibilitatis, ac indifferentiæ objectivæ, oportet istam Futuritionem esse ex determinatione Causæ increatæ, ac æternæ. At eo ipso, quodd ista Causæ æternæ determinatio sit secundum Imperium Voluntatis, seu qualiter Deus vult, potest ferri in effectû vel absolute, vel sub conditione: ut adeo veritas æterna Futuritionis etiam conditionatæ supergressæ statum possibilitatis ex parte Dei seu Causæ æternæ præsupponat Voluntatis Divinæ determinationem tanquam actionem æternam, vi cujus effectûs sive absolute, sive conditionatè volitus quâ præcontentus in Causâ Divinâ, ita existit in æternitate, ut ex hac ipsâ in Deo præcontinentiâ denominetur futurus vel conditionatè sub hypothesi conditionis non efficaciter à DEO decretæ, vel absolute pro illo temporis momento, pro quo est decreta passiva Effectûs in Esse actuali positio, consequens ex Imperio Dei æterno.


19.

Cum igitur nihil realitatis sit futurum sine causalitate Dei, ratione autem Causalitatis actualis sit determinatio causæ habens cum effectû infallibilitatem consequentiæ, illa verò Causalitas Dei sit secundum Imperium, atque Consilium Voluntatis Divinæ, oportet istud respectu cujuscumque realitatis futuræ esse in ratione Causalitatis antecedens. At Decretum in ratione Causalitatis antecedens effectûm importans formaliter determinationem Causæ cum infallibili ex eâ effectûs consecutione, est prædefinitivum. Ergo quia nullum Futurum etiam conditionatum supergressum possibilitatis statum est cognoscibile in se ipso, sed tantum in determinatione suâ Causæ; oportet ad futuri Conditionalis Veritatem, & cognoscibilitatem præsupponi Decretum Dei actuale prædefinitivum, tanquam ejusdem Causalitatem æternam, quæ tamen DEI Causalitas ex hoc ipso stare possit sine effectû actualiter ponendo, quodd actio æterna non debeat esse conjuncta effectûi, nisi conditionatè, qualiter Deus voluit. Cum proinde ipsa Voluntas Divina in se talis efficacitæ sit, ut de quocumque effectû habere possit in se causalitatem, ex hac ipsa Causalitatis ratione habentem, qualiter voluit Deus, connexionem infallibilem cum effectû; imò in hac duntaxat Causâ Dei formaliter immanente, ac virtualiter transeunte sit cognoscibilis quæcumque etiam conditionata statum possibilitatis supergressa Futuritio. Idcirco evanescere oportet Mediam scientiam, quæ non tantum excludit Decretum Dei effectuum contingentium prædefinitivum, sed adstruit Veritatem Conditionatæ futuritionis antecedentem actuale Dei Decretum.

### Responso ad Argumenta opposita.

AD Amici n. 1. Oppositum Respondetur: Illud Decretum concomitans cum indifferentiâ offerens creato Arbitrio Dei concursum non stare cum veritate; Tum quia respectu consensûs sub conditione Futuri ex mente Amici est tantum objectivum: ex hoc autem sequitur, quodd vel in conceptu objectivo Futuritionis conditionatæ nihil involvatur realitatis ultra possibilitatis statum, atque adeo enervabitur Scientia Media: vel possit intelligi realitas ultra hunc statum possibilitatis sine Causâ Divinâ actuali. Si dicat Amicus hanc Causâ Dei esse objectivè, non autem subjectivè in Deo, adhuc erit difficultas, an importet formalitatem ultra Voluntatis Divinæ actum primum? Si asserat, esse formaliter in Deo istam formalitatem esseque virtualiter distinctâ à Voluntatis Divinæ actu eminenter primo, sed tamen esse in Deo solum objectivè; An nõ facit Ens rationis? Tum quia Decretum Dei indifferens non nisi per Voluntatis creatæ determinationem ad actualem in actu creato libero concursu determinabile opponitur D. Paulo & S. Augustino asserentibus: Discretionem, quâ benè operans in hoc ipso bono opere per liberum suum consensum à se elicitò discernitur à non operante, esse à Deo ex vi Electionis, ac prædestinationis præparantis non tantum gratiam, sed ipsa bona opera, ut in illis ambulemus, & facientis, ut faciamus, imò operantis in nobis Velle, & operari, veluti hæc latius deducta sunt in antecedentibus.

Ad fundamentum Suarezij n. 3. Oppositum Respondetur: Manifestum esse ex præcedentibus, quodd præfinitio meritorum nostrorum, seu actuum liberorum sit in ratione Causalitatis immediatè effectiva omnino independentè à præscientiâ, vel Futuritione consensûs nostri liberi conditionali, habens ex se ipsâ efficaciam cum infallibili ex se consecutione effectûs cujuscumque à Divinâ Voluntate decreti. Unde præfinitionem illam Suarezianam esse fictitiam.



### CONTROVERSIA. VII.

#### *An certitudo Gratiæ fundetur in Scientiâ Media?*

Petrus à S. Ioseph cit. disp. 4. sect. 4. n. 4. Sorbonicos Doctores, eò quodd negent physicam prædeterminationem, in partes Conditionatæ Scientiæ trahere nititur, ut eos adversæ parti obijciendo, efficacius repellatur tum Doctorum Lovaniensium acris contra Scientiam Mediam censura, recensita per Ioannem à S. Thomâ cit. disp. 20. a. 4. n. 25. tum assertum Salmanticensium 1. p. tract. 3. de scient. Dei. disp. 10. dub. 3. §. 2. scribentium: Causam de Scientiâ Mediâ, & alijs Molinæ propositionibus ad summum Pontificem delatam, & ab hoc triginta Viris gravissimis commissam, atq; coram ipso summo Pontifice disputatâ, ab omnibus, inter quos erant duo Sorbonici: uno, alterovè duntaxat excepto fuisse rejectam, tanquam contrariam Doctrinâ S. Augustini, & Angelici Doctoris. Etsi porro Ioannes à S. Thomâ cit. disp. 20. a. 6. n. 6. & 7. è libro Domini de

Pegnâ



Pegnâ Rotæ Auditoris à quodam Notario Apostolico extractum producat testimonium, in quo dicitur, Sacræ de Auxilijs Congregationis Consultores, duobus tantum exceptis in Censurâ persistentes confirmasse, quod inventum de Scientiâ Mediâ jam à Massiliensibus excogitatum fuerit ad extenuandam Gratiâ bonæ Voluntatis effectricem. Nos tamen ab omni censurâ abstinentes, neque Scholasticorum Theologorum, quos occasione Scientiæ Mediæ inter se acriter certamine divisos novimus; sed Patrum, & Ecclesiæ Doctorum, imò ipsarum Sacrarum Litterarum Autoritati intenti prædictam tum Lovanien- sium Doctorum, tum Congregationis de Auxilijs Consultorum censuram tenentes in suspensio, unicum hic duximus monendum, quod Petri à S. Ioseph Sorbonicos, ex eo, quod negent physicam prædeterminationem, in Scientiæ Conditionatæ partes trahentis, consequentia non teneat.

5. Ysambertus enim Sorbonicus 1. 2. ad q. 106. de Gratiâ. disp. 7. 4. 1. n. 2. negat quidem, Efficaciam Gratiæ consistere in qualitate etiam per modum fluentis à Deo impressâ Voluntati, illam prædeterminante physicè ad consensum in bonum illud, ad quod Deus illam vocat. Nihilominus idem Author non tantum in 1. p. ad q. 14. disp. 8. præferunt n. 6. & 7. non admittit in Deo scientiam Mediâ, sed ad c. q. 106. de Gratiâ. disp. 9. 4. 3. n. 2. cum plerisque Ordinis Eremitarum S. Augustini negat, Gratiâ efficaciter Excitantem esse in actu primo efficacem ex connotatione Scientiæ Mediæ à Semipelagianis assertæ & à S. Augustino rejectæ, imò ipsomet Molinâ teste, Patribus antiquis universim incognitæ. Quare Doctor ille Sorbonicus dictâ disp. 9. n. 3. gratiam in actu primo efficacem ait ex ipsâ ratione sibi intrinsecâ, quæ uti disp. 8. 4. 1. ac seqq. differebat, in speciali aptatione, & contemperationis Vocationis cum Voluntate vocati, ejusque circumstantiis, ac remotione impedimentorum per Gratiâ externæ protectionis consistat, vi cuius ad eam aptationis, & contemperationis Gratiâ Vocans sit efficienter potens per viam tamen Causalitatis moralis ducere insuperabiliter, & indeclinabiliter Voluntatem in liberum consensum dandum Deo sic illam vocanti.

#### Referuntur sententiæ Doctorum.

4. NE porro, dum difficultas ob physicam liberi Arbitrii prædeterminationem à Petro Fuliensi mota circa gratiæ efficaciam hic discutienda venit, ambulemus in incerto, arbitramur operæpretium prænotare, quid de hac præmotione sentiant Scholæ tum subtilis, tum Angelici Doctoris. Primum igitur Scotistæ antecedenter ad concursum simultaneum admittunt in Causâ creatâ quandam præmotionem Dei, ex quâ tamen negant, poni aliquid physicè impressum Causæ secundæ. Secundò. Causam primam, ajunt, per solam efficaciam sui Decreti quasi per quandam sympathiam, & morale Imperium, sicuti Anima movet manum, movere causas secundas, eo tamen discrimine, quod causam liberam moveat mediante cognitione, cæteras verò motione immediate, ex Fuentes 2. phys. q. 5. d. 3. 4. 3.

Tertiò Scotus in 4. dist. 13. q. 1. n. 12. 9. & 16. distinguens Actionem à Passione, illam asserit inesse moventi, cuius est actus. Unde etiam in Deo ad extra esse aliquam actionem Divinam, quæ tamen non sit de genere, seu prædicamento Actionis, sed esse quendam Dei ad extra respectum ait idem Doctor n. 15. & 20.

Ex Thomistis physicæ prædeterminationis assertoribus aliqui negant, hanc causæ secundæ Deo præmotionem esse aliquid creatum de novo productum in creaturâ, sed esse solum Decretum, seu Voluntatem Dei efficacem extrinsecis assistentem, vi cuius moveatur Causa creata per quandam Sympathiam, & naturalem ad Deum subjectionem. Alij verò motionem illam à Deo derivatam, seu qualitatem Causæ secundæ impressam per modum motionis, cuius sit Causæ secundæ intrinsecam indeterminationem, & ad operandum potencialem tollendo, applicare virtutem creatam ad suam operationem. ex Ioan. à S. Th. in Phys. q. 24. n. 2. Concl. 3. ubi ait, istam Dei præmotionem non esse qualitatem aliquam per modum virtutis in actu primo, sed per modum transeuntis motionis, quæ non det activitatem, sed applicationem activitatis ad effectum. Hinc consequenter idem Author in 1. 2. ad q. 113. disp. 24. 4. 3. n. 11. asserit, Efficaciam Gratiæ consistere in qualitate à Deo immisâ per modum transeuntis, cuius effectus formalis sit, reddere Causam secundam, seu actum primum applicatum, & ultimatum actuatum ex conjunctione Causæ Primæ, ut operetur. At verò Magister de Rispoli cum ab initio motæ de prædeterminatione, ac scientiâ Mediâ Controversiæ; hujus statum ederet in lucem in lib. 2. q. 1. concl. 3. negat, illam Dei motionem esse qualitatem, sed esse transeuntem Dei concursum sive influxum per modum fluentis in ipsâ Causâ secundâ. Unde patet, illam Dei præmotionem advertente eodem de Rispoli in concl. 3. circ. med. esse influxum Causæ primæ in causam secundam hujus ad actualem operationem prædeterminativum, non verò (saltem formaliter ratione nostrâ ratiocinatâ) esse influxum in effectum, quem, utpote simultaneum cum Causâ secundâ concursum Dei realiter identificari cum Causæ creatæ actione, nec adeo istam causari ab actione Dei ad extra, sed ab actione Dei immanente, & æternâ, probat Ioannes à S. Thomâ in Phys. ut. q. 25. 4. 1.

#### CONCLUSIO.

NON stat certitudo Gratiæ ex connotatione Scientiæ Mediæ, seu liberi creati consensûs Futuritionis Conditionatæ.

Probat. Nam ex Luc. 14. 1. ad Corinth. 1. Rom. 8. & 9. Divus Augustinus in lib. de præd. Sanct. 4. 16. duplicem distinguit Vocationem, ita ut alia sit, quâ vocati sunt, qui noluerunt venire ad nuptias: cuiusmodi vocatione sunt quoque vocati tum Judæi, quibus Christus Crucifixus erat scandalum, tum Gentes, quibus Christus Crucifixus erat stultitia, ut adeo verificetur multos esse vocatos, paucos verò electos. Matth. 22. At per hanc vocationem erat vocatus populus etiam Israeliticus, cui dictum est Isaya 5. Quid est, quod



quod ultra debui facere vinea mea, & non feci? Hæc autem Israelitarum Vocatio conferebat ipsis vires sufficientes ad faciendas bonorum operum uvæ, quas expectabat Deus. Datur ergo Gratia Vocationis conferens vires sufficientes ad fidei, aliosque supernaturales actus, quin tamen ex vi talis Vocationis sequatur in Vocatis operatio & consensus. Alia proinde à S. Augustino ubi sup. adstruitur Vocatio secundum propositum, sive secundum prædestinationem, aut Gratiæ Electionem. Hanc autem Vocationem ait hic S. Augustinus, non tantum dare vires ad credendum, sed esse talem, ut ea vocatus fiat credens. Ista proinde vocatio est efficax, vi cuius procul dubio etiam illi, quibus stultitia est Verbum Crucis, venirent ad Christum, si audivissent, & didicissent à Patre. Idem Ecclesiæ Doctor cit. lib. de prædest. c. 2. circ. med. ita concludens: Absit ergo, ut quisquam non veniat, qui à Patre auditus, & didicit. At verò si illa Gratiæ efficacia non sit ex vi propositi, ac Electionis Dei, seu ipsius Gratiæ, & Vocationis, quatenus provenientis à Patre, consequens est, idem non omnes esse efficaciter à Patre doctos, ut actu venirent ad Filium, quia prævisi erant, si in talibus circumstantiis docerentur, nolle discere. Hoc autem Augustinus ibidem refutans ait: Si dicatur, aliquos idem non doceri, ut veniant ad Christum, quia nolunt discere, id pugnare cum Psal. 48. Domine in convertens vivificabis nos. Unde idem S. Doctor ait etiam, ab Ecclesiâ non aliam ob causam orari pro nolentibus credere, nisi ut Deus in illis operetur & Velle. Constat igitur, Gratiâ Efficacem, seu Vocationem secundum propositum conferre ipsum Velle, & operari, ita ut secundum Voluntatis Divinæ definitam sententiam sit, quod prædestinati acceptâ obediendi voluntate de infidelitate veniant ad fidem, & acceptâ perseverantiâ maneat in fide ex ejusd. S. Doct. lib. de Bono persever. c. 15. At si efficacia Gratiæ non sit, nisi per connotationem Scientiæ Mediæ, atque adeo Futuritionis operis, seu consensus nostri per liberam nostram determinationem antecedenter ad DEI propositum sub conditione prævisæ, tunc obediendi Voluntatis, & perseverantiæ prædestinati libera non sunt ex vi definitæ de prædestinatione Voluntatis Divinæ sententiæ: nec ex vi Vocationis, quatenus est ex Deo, secundum Electionem, ac prædestinationem operante creati arbitrij Velle, & operari, sed quia Voluntas creata liberè erat se determinatura ad hoc Velle & operari. Imò hæc ipsa libera Voluntatis creatæ pro statu conditionato determinatio esset ita antecedens Voluntatis Divinæ Decretum, ut Voluntas Divina nihil posset circa illam, imò Omnipotentia, ac Virtus Divinæ Voluntatis non possent efficaciter movere Voluntatem, sive Velle, & operari meritorium conferre creato arbitrio, nisi quatenus hoc in istis, vel illis circumstantiis erat pro sua libertate se determinaturum, ex quâ etiam Voluntatis creatæ determinatione penderet Voluntatis Divinæ, ejusque actualis ad opera nostra libera concursus de se indifferentis determinatio. Manifestum ergo est, efficaciam Gratiæ petitam ex Scientiæ Mediæ, seu conditionatæ consensus creati arbitrij Futuritionis connotatione pugnare cum vocatione, & Gratiâ, quæ secundum propositum, ac ex vi prædestinationis efficax est, à cuiusmodi tamen Gratiâ non

debere quidquam eorum, quæ ex opposito præcipue circa libertatem movent aliquid difficultatis, detertere, asserit idem S. Ecclesiæ Doctor cit. c. 15. de Bono persever.

Oppones ex Petro à S. Ioseph in cit. suavi Conc. disp. 29. sect. 2. n. 2. S. Rursus. D. Augustinum, cum cit. lib. 12. de Civit. c. 6. quævisset, Cur ex duobus æqualiter dispositis, & pari tentatione pulsatis unus tentationi succumbat, alter verò eam superet? respondisse, huius non aliam appare rationem, quam quod alter voluerit à Castitate deficere, alter verò noluerit. At verò si efficacia Gratiæ, vi cuius hic non deficiebat à Castitate, ita fuisset secundum propositum, ac Electionem Gratiæ, ut hæc esset antecedens, ac independens à futuritione etiam conditionatâ liberæ de persistendo in Castitate volitionis; tunc rationem, cur iste non defecit, non in ejus voluntatem, sed in antecedentem Gratiæ efficaciam reducendam fore.

Contra. Nam illam D. Augustini quæstionem procedere de æqualitate dispositionis duntaxat naturalis, nec non tentationis; non verò de æqualitate Gratiæ, constat expressè ex integro perlecto Capite 6. Si enim quæstio procedat secundum Gratiâ, illum qui persistit in Bonis abundantiori præ illis, qui labuntur, Gratiâ adjuvari, habet idem Ecclesiæ Doctor in seq. c. 9. Imò in lib. de prædest. sanct. cit. 16. ex eo, quod Paulus Rom. 9. dixerit, certam secundum propositum Vocationem esse ex Vocante, infert, oportere eorum in operibus nostris bonis tribuere Deo. At verò, si efficacia Gratiæ est ex Futuritione conditionali liberæ arbitrij creati determinationis; imò si & Gratiâ, & Decretum Dei cum Voluntate creatâ concurrens ad actum meritorium de se indifferens est, ac determinatur ex liberâ illius determinatione, sequitur, quod vocatio quæ efficax, & certa secundum propositum sit ut sic ex creato nostro arbitrio. Ergo quâ in his circumstantiis efficax non est ex Deo quatenus secundum Gratiæ electionem vocante, seu misericorditer donante.

Confirmatur. Nam Donum & Misericordia sunt secundum liberam, & gratuitam Voluntatem. Non est autem secundum Adversarios in Dei potestate, quod Gratia in his circumstantiis sit efficax, sed tota ista efficacia est ex consensus liberi creati conditionatâ Futuritione antecedente omnem Divinæ Voluntatis determinationem liberam, seu actuale Decretum. Et si proinde huius in talibus circumstantiis Gratiæ donatio esset ex Deo, non tamen ipsa Gratiæ efficacia esset Donum Dei, utpote antecedens Decretum Dei liberam: sicuti hominem existere est quidem ex liberâ Dei voluntate; at esse Animal rationale, non est ex Deo donante, cum sit ex ejus Essentiâ, quam Deus immutare non potest. Pari ergo ratione Gratia quæ efficax, seu quæ secundum propositum certa non esset ex Deo donante, & vocante, seu misere, sed ex arbitrio nostro volente, ac liberè currente. Constat igitur, quam malè S. Augustinus, alijque Patres, nominatim Fulgentius allegentur à Petro Fulienti, si enim exactè observentur eorum verba, videre licebit, aggravatos esse oculos legentium Patres illos, quos adeo ad exactam SS. PP. lectionem, atque maturam considerationem invitamus, cum



nè opus nostrum in immensum excreseat, non vacet singulos hic attexere.

14. Instabis: S. Augustinum lib. 1. *quest. ad Simpli-*  
*cian. q. 2.* distinguendo vocationem; Unam  
 per Gratiā Efficacem illorum, qui consen-  
 tiunt, & alteram per Gratiā duntaxat suffi-  
 cientem, illorum, qui non consentiunt; ita  
 scribere: *An forte illi, qui hoc modo Vocati non con-*  
*sentiant, possent alio modo Vocati accommodare Videlicet Vo-*  
*luntatem; ut & illud verum sit, multi vocati, pauci e-*  
*lecti, ut quamvis multi uno modo sint vocati; tamen*  
*quia non omnes uno modo affecti sunt, illi soli sequan-*  
*tur Vocationem, qui ei capiendā reperiuntur idonei.* Ex quo  
 patet, inter illos, qui uno modo sunt vocati, a-  
 liquos consentire, alios verò dissentire. At hi  
 dissentiunt, quia non sunt affecti, sicut illi, qui vo-  
 cationi capiendā reperiuntur idonei. Ergo ex  
 eo sunt aliqui consensuri, quod ratione suā  
 capacitatis ita afficiantur Vocatione, ut propter  
 huius congruitatem ex eā reddantur idonei. At  
 ex istā congruitate antecederet ad Decretum  
 prævisā præscit Deus futurum consensum, si per  
 talem congruam vocationem vocetur creata Vo-  
 luntas. Hæc autem præscientia est conditiona-  
 ta, atque ut sic vocationis infallibilitatem, ade-  
 oque Gratiæ efficaciam importat. Ergo Gra-  
 tiæ efficacia est secundum præscientiam Con-  
 ditionatam.

15. Contra. Nam S. Augustinus mox subdit:  
 quod illi sequuntur Vocationem, qui ei capien-  
 dā reperiuntur idonei, non esse volentis, ne-  
 que currentis, sed Dei miserentis. At si Gratiæ  
 efficacia esset per futuritionem consensūs con-  
 ditionalem à liberā Voluntatis nostræ determi-  
 natione dependentem, tunc arbitrij volentis,  
 non autem Dei miserentis esset, quod aliqui se-  
 quantur Vocationem Dei. Oportet igitur illam  
 ipsam Vocationis capiendā idoneitatem, eūm  
 sit ex Deo miserente, importare Gratiā, &  
 Donum Dei, præfato Sanctæ Ecclesiæ Doctore  
 hoc insinuante verbis mox subiectis, ait enim:  
*Ad alios pervenire quidem Vocationem, sed quia talis*  
*sunt, quā moveri non possunt, & eam capere apti essent,*  
*vocatos quidem dici potuisse, sed non Electos.* Ex quo ita  
 licet argumentari. Si vocationis efficacia nihil  
 Doni supernaturalis ultra Gratiā sufficientem  
 conferret, sed importaret solam liberi nostri  
 consensūs conditionalem Futuritionem, tunc  
 datā Gratiā sufficiente jam omnes essent apti  
 eam ita capere, ut eā moveri possent. At eo ip-  
 so, quod aliqui sint quidem vocati, non tamen  
 electi, ad eos pervenit talis duntaxat vocatio,  
 per quam habent in actu primo sufficientes vi-  
 res ad operandum supernaturaliter, etsi non ha-  
 beant illam aptitudinem, ex quā in actu secun-  
 do moveri possunt. Hæc igitur vocatio tribu-  
 ens aptitudinem non in actu duntaxat primo,  
 sed in actu etiam secundo movendi se super-  
 naturaliter non inest arbitrio creato ex viribus  
 sufficientis tantum vocationis, sed ultra hanc  
 importat aliud supernaturale Donum, quod est  
 ex Deo vocante, non autem ex nostro arbitrio  
 sive absolute, sive conditionate pro tunc ope-  
 rante. Ergo vocatio secundum Electionem ac  
 propositum non est ex conditionali arbitrij no-  
 stri liberā determinatione.

17. Dices: Si ergo Gratiæ efficacia est Donum  
 Dei se tenens ex parte actūs secundi, hoc ipso  
 importat consensum liberum realiter identifi-

catum cum actu secundo procedente ex actu  
 primo supernaturaliter operativo, sive ex poten-  
 tiā elevatā per vires Gratiæ actualis sufficientis.  
 At D. Augustinum ponere Gratiæ efficaciam in  
 aptitudine, & idoneitate, quā moveri potest Vo-  
 luntas creata ad consensum, seu actum super-  
 naturalem liberum.

18. Contra. Nam ad actum secundum ex par-  
 te Causæ primæ duplex intervenit actio. Prior  
 est immanens & æterna consistens in Dei Decre-  
 to cuiusvis ad extra effectūs prædefinitivo, ut  
*præced. cont. n. 17.* ostensum est. Hanc verò,  
 quatenus Deus voluit, consequitur actio forma-  
 liter extra Voluntatem Divinam transiens. Ista  
 verò Dei extrinseca Causalitas ad actionem æ-  
 ternam Divinæ substantiæ formaliter imma-  
 nentem se habet instar passionis, seu passivæ im-  
 mutationis; etsi respectu effectūs per eam pro-  
 ducendi habeat rationem veræ actionis, & esse-  
 ctionis. At licet ista effectio sit realiter indistin-  
 ctā à Causæ creatæ actione, seu Causalitate, velut  
*q. seq. a. ult. cont. 2. demonstrabitur,* potest tamen con-  
 siderari tum sub ratione influxūs Dei cum Cau-  
 sâ secundā in effectum, tum sub ratione motio-  
 nis à Deo impressæ in Causam secundam, ad i-  
 stam constituendam in Esse moræ à Causā pri-  
 mæ, & applicatæ actualiter ad operandum. Sub  
 hac igitur consideratione motio illa ita confi-  
 sit in causalitate Dei ad extra, seu actione cre-  
 atā, ut importet actionem quoque æternam,  
 seu Voluntatis Divinæ Decretum, vi cuius fit  
 motionis illius impressio in causam secundam,  
 ad huius tollendam indeterminationem, & actu-  
 andam ejusdem in operando potentialitatem.  
 Unde Causæ secundæ per Causam Primam  
 prædeterminativa morio, secundum quod acti-  
 onem Dei æternam motionis Dei ad extra in  
 Causā secundā receptæ effectricem impressionem  
 importat, realiter inadequatè distinguitur ab  
 actione Causæ creatæ. Etsi verò physica illa præ-  
 motio, si præcisè in ratione Entitatis creatæ  
 consideretur, non distinguatur realiter à Causæ  
 secundæ actione; hæc tamen potest ratione no-  
 strā per prius intelligi secundum respectum  
 quem habet ad Deum, quā in ordine ad Cau-  
 sam secundam, atque effectum creatum. Ergo  
 illa Dei in causam secundam morio non tan-  
 tum ratione actionis Dei æternæ habet priori-  
 tatem realem physicæ Causalitatis tum in mo-  
 tionem potentialitatis, & indeterminationis  
 Causæ secundæ prædeterminativam, tum in ef-  
 fectum, & actionem Causæ creatæ; sed insu-  
 per creata Causæ secundæ à Deo impressa, ac  
 recepta morio in ratione motionis Causæ Pri-  
 mæ habet respectu actionis Causæ secundæ, e-  
 jusque in effectum influxūs prioritatem ratio-  
 nis cum fundamento in re. Quæ proinde Cau-  
 sæ secundæ per primam Causam morio meretur  
 hoc ipso nomen *Premotionis*, ac *physicæ prædetermi-*  
*nationis*, tum quod in ratione Causalitatis phy-  
 sicæ importet realem ex parte actionis Dei æter-  
 næ se tenentem prioritatem; tum quod morio  
 illa creata fluens ex Causalitate Deo intrinseca  
 in ratione formæ actūs potentialitatem Cau-  
 sæ secundæ, formaliter tollat huius ad operan-  
 dum indeterminationem. In ejusmodi proinde  
 potentie liberæ viribus Gratiæ sufficienter ele-  
 vatæ, & in actu primo ad supernaturaliter o-  
 perandum jam completæ premotione, ac præ-  
 deter-



determinatione statuimus Gratiæ efficaciam.

19. Ratio ex S. Augustino petita est. Vocatio secundum propositum, seu electionem per hunc Ecclesiæ Doctorem in hoc distinguitur à Vocatione merè sufficiente, quòd per hanc vocati moveri non possint, ut eam capere apti essent: ex cit. q. 2. lib. 1. ad Simplician. At mobile, in quo antecedenter ad receptionem formæ est intrinseca impropor- tio, non est aptum moveri in ordine ad formæ ejusmodi effectum tum formalem, tum effectivum, nisi ex connotatione moventis, seu agentis, vel ex ipsamet formæ receptæ intrinsecè proportionante, sicuti patet in intellectu creato, qui secundum nullam Capacitatis naturalis formam intrinsecam est elevabilis ad Luminis gloriæ receptionem, nec ad hujus effectum, seu Visionem Divinæ Essentiæ proportionatur, nisi ex ipsa Luminis Gloriæ informatione. Cum proinde actio secundum substantiam supernaturalis sit supra proportionem, & capacitatem creati arbitrij spectati non tantum in ratione activitatis, sed in ratione potentie quoque receptivæ, idcirco sicuti Voluntas creata se movendi supernaturaliter vim habere non potest, nisi ex informatione virtutis, seu auxilij supernaturalis; sic non potest esse mobile supernaturaliter ab intrinseco, sed tantum ex Causæ Divinæ connotatione, seu formæ supernaturalis informatione. At licet Gratia sufficiens det Virtutem secundum rationem potentie supernaturaliter operative in actu primo completam, non tamen constituit Voluntatem in actu secundo mobilem, sicut vis generativa est ex se ipsa quidem determinata in ratione potentie effectivæ; ex hac tamen non est materia proximè mobilis per motum generationis, sed hoc competit materiæ propter ultimam dispositionem. Oportet igitur, ultra Grati- am secundum rationem activæ Virtutis ac po- tentie in actu primo completam adstruere ali- quid, ex quo Voluntas creata sit apta moveri in actu secundo ad capiendam Divinam voca- tionem in ratione virtutis effectivæ perfectam, & sufficientem. At ea est ratio habituum, & actuum supernaturalium, ut in ordine ad illos recipiendos non detur aliqua prævia dispositio, sed sufficiat potentia obedientialis, quæ aded respectu ejusmodi formarum supernaturalium constituitur proximè mobilis per connotatio- nem solius actionis æternæ, ac Volitionis Divinæ efficaciter decernentis formarum illarum in- fusionem, atque aded potentie creatæ in earum receptione passivam immutationem. Et si verò actus supernaturalis vitalis in potentia creatæ præsupponat formam supernaturalem intrinse- cam, vi cujus intrinsecè proportionetur virtus activa supernaturaliter operandi, illa tamen supernaturalis forma non requiritur nisi ex parte actus primi. Unde sicuti ad actum primum supernaturali operationi proportionatum non requiritur prævia dispositio, seu forma superna- turalis, sic ad actum secundum non præexigi- tur alia intrinseca supernaturalis forma se tenens ex parte actus secundi, sed ex parte actus dun- taxat primi. Oportet igitur actum illum, per quem Voluntas creata in actu secundo consti- tuitur tam proximè mobilis, seu apta moveri, tum mota à Deo, non esse, nisi actionem Dei

æternam & Causalitatem ejusdem ad extra, ita quidem, ut actio illa Dei æterna importet for- maliter aptitudinem proximè, & infallibiliter illativam, & causativam consensûs liberi reali- ter identificati cum illa motione, quam Deus imprimat Causæ secundæ seu Voluntati creatæ ad hujus in operando potencialitatem actu- andam. Unde vi hujus motionis ita dicitur Vo- luntas creata in actu secundo supernaturaliter à Deo mota, ut consequenter ista in actu secun- do Motio supernaturalis indistincta à nostro me- ritorio libero consensu debeat vocari Donum Dei, quatenus nimirum ejus determinatio sit ex Deo vocante, & misereunte, non autem ex arbi- trio creato volente, liberè alioquin cooperante. Cum igitur Gratia quæ Efficax secundum D. Au- gustinum distinguatur à merè sufficiente, qua- tenus est secundum propositum, sive Electio- nem. Hoc autem Electionis, ac prædestinatio- nis Divinæ propositum sit actio Dei æterna im- mediatè effectiva actus nostri liberi meritorij: cui aded Dei æternæ actioni respondeat Volun- tatis nostræ motio tanquam Causalitas ipsius ad extra, identificata cum libero nostro consen- su & consequens est, Gratiæ efficaciam non ex scientiæ Mediæ connotatione, sed ex illo Dei proposito, & inde consequente Dei ad extra Vo- luntatis nostræ in actu supernaturali motione desumendam esse.

#### CONTROVERSIA. VIII.

##### *An Gratia sufficientia salvetur non admissa Scientiæ Mediæ.*

Petrus à S. Ioseph. suæ Concord. disp. 2. sect. 2. multis argumentis probare nititur, tolli Grati- am sufficientem, si Gratiæ efficacia, ex quâ sola est actualiter Voluntatis creatæ operatio su- pernaturalis, non dependeat ab ejusdem consen- su libero sub conditione futuro, ac præviso. Fun- damentum potissimum est, quia Gratiæ suffi- cientia importat omne id, quod ex parte Vo- luntatis liberæ ad agendum, si veller, est neces- sarium, juxta illud, *Isaia 5. Quid est quod debui ul- tra facere Vineæ meæ, & non feci? An expectavi, ut faceret uvæ, & fecit labruscas?* At si gratiæ effica- cia independentè à consensu libero etiam con- ditionatè futuro ex se habeat vim præcipuè physicam docendi voluntatem insuperabiliter, ac indeclinabiliter in Bonum, ad quod est vo- cata, tunc homini per gratiam purè sufficien- tem excitato deest ista vis ad agendum prære- quisita. Ergo non habet Grati- am simpliciter sufficientem contra S. Scripturæ supra expres- sum textum. Repugnat enim, Iudeos facere u- vâs sine motione Dei efficaci. An non ergò, ut facerent uvâs, debuisset Deus hanc efficacem mo- tionem illis adhuc tribuisse? Ergo sine hac effica- ci Dei motione non sunt omnia ad agendum re- quisita. Ergo nec Gratiæ sufficientia.

Ad præsentem difficultatem elucidandam præmitti debet, quid veniat nomine *Gratia suffi- cientis*. Scimus equidem Wendrochium de *Moralibus & Politicis Discipl. in epist. 1. not. 2. & epist. 2. not. 2.* Alvarezij discipulos carpere tanquam novos Thomistas, quòd licet per Grati- am sufficientem non



non aliud innuant, quàm Antiquitas, illud tamen Nomen non fuerit in usu apud antiquos Theologos. Nihilominus quia veritatis scrutatorem non admodum de nomine, sed de re oportet esse sollicitum, monente etiam Philosopho, loquendum esse cum multis, ac sentiendum cum paucis. Idecirco nomine Gratiae Sufficientis cum D. Augustino *cit. q. 2. ad Simplician. lib. 1.* intelligimus vocationem Dei, quæ non est secundum propositum Electionis, seu prædestinationis. Cum autem nomen prædestinationis latè sumptum à SS. Patribus nominatim Dionysio de Divin. Nom. c. 5. Damasceno *Orat. 1. de Imagi. Isidoro. lib. 5. sent. c. 18* usurpetur pro quocumque Decreto Dei præordinante, ac prædefiniente Futuritionem alicujus effectus: idcirco ad præsens nostrum institutum oportet nomine propositi intelligere Decretum Dei præfinitivum non vocationis duntaxat, sed ipsius Operis meritorij à libero creato arbitrio per Divinæ Vocationis Gratiam prævento, ac excitato elicienti.

3. Aliam Gratiae sufficientis ex D. Augustino *lib. 2. de Corrupt. & Gratia c. 12.* affert definitionem Ioannes à S. Thomà *1. 2. ad q. 111. disp. 24. a. 1. n. 2. & 4.* quod sit *adjutorium, sine quo aliquid non fit, non quo aliquid fit.* Vel, *quod sit auxilium, quo accipimus posse facere bonum, non tamen accipimus de facto ipsum facere, & operari.* Advertit porro idem à S. Thomà *cit. a. 1. n. 5.* Gratiae sufficientiam totaliter, & adæquatè sumptam, prout est sufficientia simpliciter, constari ex multis, sicut enim potentiae cognoscitivæ sufficientia adæquata, & integra confurgit ex potentia, specie & lumine, sic ad producendum actum supernaturalem requiritur principium, quod sit habitus infusus, vel per modum habitus: deinde sufficiens objecti propositio per internam Intellectus illustrationem: item lex sive præceptum, aut Consilium, aut suasio; denique affectio aliqua pia, quæ sit pulsatio, & excitatio Voluntatis. Ex his enim omnibus, quorum singula sunt partialiter tantum Gratia sufficiens, ita constatur virtus ad agendum supernaturaliter requisita, ut constituent unum integrum auxilium, quod eò ipso sit merè sufficiens, dum non fortitur effectum.

## CONCLUSIO.

**S**Tare potest Gratia verè sufficiens, etiam si Gratiae efficacia non in Scientiæ Mediæ connotatione, sed in physicâ *prec. dub.* explicatâ prædeterminatione statuatur.

5. Sicuti Virtus agendi supernaturaliter est realiter distincta ab actu secundo actualis operationis, sic potest in Deo stare Decretum de immitendis Voluntati creatæ viribus supernaturalis auxilij cum omnibus ad actum primum, seu potentiam supernaturaliter operandi requisitis, quin Voluntas Divina habeat actu Decretum Operis meritorij præfinitivum, ac per modum actionis æternæ causativum, & infallibiliter illativum nostri liberi in opus meritorium consensus. At ex vi prioris Decreti stabit in creato arbitrio Gratia verè sufficiens cum totali, & adæquatâ supernaturaliter operandi potentiâ,

quin hæc supernaturalis meritoria operatio per liberam arbitrij creati Voluntatem sit securura. Tunc igitur stabit Gratia sufficiens sine efficacia ob defectum Divini propositi opus supernaturale, ac meritorium creati arbitrij consensum prædefinientis. Sicuti ergo Gratiae efficacia est secundum Decretum ejusmodi prædefinitivum independentem à Scientiâ conditionatâ, sic ista Scientia Media est inutilis ad Gratiae sufficientiam adstruendam.

## Ad oppositum n. 1. Fundamentum

**R**espondetur: Gratiae sufficientiam importare omne id, quod in Voluntate creatâ ex parte potentiae ad supernaturaliter operandum completæ cum omnibus in actu primo prærequisitis est necessarium. Unde efficaciam Gratiae merè sufficienti oppositam non se tenere ex parte virtutis in actu primo, sed ex parte actus secundi; imò esse ipsam motionem seu Causalitatem Dei tum æternam formaliter immanentem, tum temporalem ad extra transeuntem, ac receptam in creato arbitrio: atque ab hujus actu supernaturali meritorio non realiter, sed ratione duntaxat ratiocinatâ distincto. Cum proinde Judæi essent à Deo instructi viribus supernaturalibus, quibus ad faciendas bonorum operum Uvas erant completè potentes, habebant eò ipso Gratiam verè sufficientem, sine tamen Gratiae efficaciâ, cujus adeò defectu non uvas, sed labruscas pravorum operum faciebant.

Replicabitur ex eodem Fulienti *cit. sect. 2. n. 4.* allegante Patres, nominatim S. Chrysostomum, asserentes: Deum, quantum ex se, Voluntati offerre omnia subsidia, quæ sunt necessaria ad conversionem, adeoque merè illius Voluntati imputandum, si non convertatur. Atque istud indicari etiam ex *Apoc. 3. Ego sto ad ostium & pulso, si quis mihi aperuerit, intrabo ad illum* Ex hoc enim ita licere argumentari, si apertio Cordis ad pulsam Gratiae Excitantis sit ex physicâ prædeterminatione, non est cur Deus pulset, & exigat à me Cordis apertionem. At ille sacer textus indicat, Deum pulsando à creato arbitrio exigere Cordis apertionem, ut intret in illud: Ergo apertio non pendet ex Dei pulsantis prædeterminatione, sed ex creati arbitrij liberâ determinatione.

Respondetur. Eò ipso, quod Deus Voluntati creatæ immittat vires supernaturaliter operandi cum obligationis ex lege aut præcepto resultantis representatione, cæterisque ad actum primum agendi requisitis, subsistere voluntatis creatæ libertatem cum perfectâ, & completâ supernaturaliter operandi facultate, indeque adeò resultare actualem agendi obligationem. Si proinde Voluntas non operetur, tunc ista operationis negatio in sententiâ negantium dari puram omissionem liberam erit ex vi positivæ volitionis à creata Voluntate liberè elicite: in sententiâ verò puram omissionem admittentiū, illa operationis negatio erit adhuc influxus indirectus, & interpretativè voluntarius liberè, dependens ex voluntate creatâ. Constat igitur, non apertionem Cordis ad Divinæ Vocationis pulsam omnino esse ex nostrâ libertate, atque adeò imputari merito ad culpam.

Hinc à contrario, si vocatus ad pulsam Dei aperiat, hoc ita est ex nostræ voluntatis libertate, ut



te, ut tamen Deus agat in nobis, ut quod vult, & velimus, & agamus, *ex epist. Cælest. Pape ad Gallie Episcopos. c. 12.* Nam in actibus fidei, & Charitatis ita nostrum est credere, & velle, ut tamen Dei sit, non tantum dare credentibus, & Volentibus facultatem bene operandi per Spiritum S. sed ipsum credere, & velle est etiam Dei, utpote præparantis Voluntatem nostram, & miro modo in nobis agentis, ut liberè velimus. Unde bene velle ac operari est quidem nostrum, quia non fit in nobis, nisi liberè volentibus, est tamen etiam Dei miserentis, vocantis, eligentis ac prædestinantis non tantum Gratiam, sed præparantis etiam bona opera nostra, ut in ijs per liberum nostrum consensum ambulemus. *ex S. Augustino lib. de prædest. Sanct. c. 3. & 10.* Manifestum ergo est, Facultatem bene operandi ceu Gratiam sufficientem ita distingui à Dono Bonorum operum importante Gratiam Efficacem, ut istud actus supernaturalis liberi Donum non excludat Voluntatis nostræ operationem, seu determinationem liberam, etsi hæc per prius attribuat Deo vocanti ac eligenti, seu prædestinanti, quam creato arbitrio ad Divinæ Vocationis Pulsam, seu per Spiritum S. bene operandi concessam facultatem consentienti, & cooperanti.

10. Instabis. Etsi physica prædetermination non esset de requisitis ad actum primum, seu supernaturaliter operandi potentiam, quatenus tamen importat Causalitatem Dei intrinsecam, seu actionem æternam, esse antecedentem motionē Causæ secundæ à Deo impressam, atque aded Voluntatis creatæ consensum liberum. Unde tamen si absque illâ DEI Causalitate intrinsecâ consensûs nostri supernaturalis liberi præfinitivâ subsisteret facultas supernaturaliter operandi cum omnibus ad actum primum requisitis, non tamen staret requisitum omnino necessarium ad actualiter faciendum opus supernaturale. At gratiam sufficientem dicere potentiam supernaturaliter operandi cum omnibus ad agendum ex parte Dei requisitis.

Hinc enim Deus *Isaia 6. expectavit à Iudeis, ut facerent uvas*, frustra autem expectasset, si caruissent Iudæi requisito omnino necessario ad faciendas uvas bonorum operum. Hinc etiam D. Augustinus *lib. 83. quæst. q. 68.* agens de vocatis ad cœnam inquit, *Itaque nec illi debent sibi tribuere, qui venerant, quia vocati venerunt, nec illi, qui noluerunt venire, debent alteri tribuere, sed tantum sibi, quoniam ut venirent vocati, erat in eorum potestate.* At si antecedens Dei Causalitas seu prædeterminatio physica esset ex necessarijs requisitis, impossibile fuisset illos venire sine prædeterminatione. Ergo huius carentiæ, non autem libertati illorum, qui vocati non venerunt, tribui deberet, quod non venerint, velut arguit Petrus Fulienſis *sape cit. sect. 2. n. 1. §. Præterea.*

II. Respondetur. Ex hypothesi, quod Deus de bono opere, ad quod per Gratiam sufficientem cum perfectâ supernaturaliter operandi facultate aliquis est vocatus, non habeat Decretum ejusmodi præfinitivum, omnino deesse requisitum in Viâ Causalitatis actualis, atque aded ex parte actus secundi, non autem Primi antecedens ad Dei Transcurrentem motionem, nec non creatæ voluntatis liberum actuale consensum. At verò Gratiam sufficientem importare præcisè po-

tentiam supernaturaliter operandi cum omnibus ex parte actus primi requisitis, non autem ex parte actus secundi, siquidem hic actus secundus ex parte Dei per modum Causalitatis de se efficacis infallibiliter inferat nostram operationem, ac liberum consensum, sitque aded illa Causalitatis in actu secundo ratio distinctiva Gratiæ Efficacis à merè sufficienti. Unde Deus à Judæis facientibus labruscas non ita expectavit bonorum operum uvas, quasi ex gratiæ sufficientiâ nullum ipsis ex parte actus secundi, sed ex parte actus duntaxat primi, seu facultatis operandi deesset requisitum, Concilio Arausicano *Can. 4.* definiente in hæc verba: *Si quis, ut a peccato purgemur, Voluntatem nostram Deum expectare contendit, non autem, ut etiam purgari velimus per S. Spiritus infusionem, & inspirationem in nos fieri, consistetur, resistit ipsi Spiritui S. per Salomonem dicenti: Præparatur Voluntas à Domino. Et Apostolo salubriter prædicanti: Deus est, qui operatur in nobis & Velle & perficere pro bonis Voluntate.* Ex hoc enim Canone, si conferatur cum allegato *Isaia* sacro textu, constat, aliam esse Dei de nostris Bonis operibus expectationem secundum Propositum Divinæ prædestinationis seu præfinitionis, de quâ expectatione procedit Concilium Arausicanum negans, Deum expectare nostram Voluntatem, ut purgemur à peccato, cum potius ipsa Voluntas nostra, per quam disponimur ad remissionem peccati, sit ex Voluntate Divinâ prædefiniente, & operante in nobis ipsum velle liberum. Alia proinde, de quâ procedit præfatum *Isaia* testimonium, Bonorum nostrorum operum expectatio est in Deo secundum communem ipsius Providentiam, cujus secundum D. Thomam *1. 2. q. 23. a. 4.* est, hoc ipso aliquos in rebus sibi subjectis defectus permittere, quod non sit conjuncta cum efficaci Divinæ Voluntatis Decreto præfinitivo perfectionis oppositæ illi defectui. Sicuti ergo Deus per suam Providentiam ita destinavit pueros projici in fornacem Babylonicam, ut tamen impediendo eorum ex flammâ ignis læsionem, hunc ignis in comburendo defectum ordinaret ad altiore suæ Providentiæ finem. Sic illis, qui non secundum propositum vocati sunt, Deus conferendo vires ad supernaturaliter operandum merè sufficientes, ex libertate eorum supernaturaliter præventâ per Providentiam communem non in ipso actu secundo, sed in actu duntaxat primo, seu in ipsorum potestate liberâ completâ bonorum operum uvæ expectans, ita permittit ex Propositi, seu efficacis volitionis suæ negatione consequi labruscas, ut hanc ipsam tamen expectationem mediorum duntaxat, non autem finis actualiter effectricem, nec non operis, seu finis ex suâ permissione secundum defectum referat in Finem suæ Excellentiæ. Patet igitur, non frustra, sed ex communis Providentiæ Divinæ Fine cum permissione defectus expectari ex illis etiam bona opera, quibus Gratiæ sufficientis auxilia absque præmotione efficaci non ad actum primum supernaturaliter operandi, sed ad actum duntaxat secundum spectante sunt Divinitus præordinata: cum quibus aded Dei auxilijs subsistit vis supernaturalis activa perfectâ, & in actu primo completa, ut non operantibus consensûs liberi negatio imputetur eo ipso, quod ista non operatio fieri vel per actum positivum liberum, vel per omissionem indirectè saltem, ac interpretative

12.

13.



rative voluntariâ ex vi propriæ libertatis, & Voluntatis. Unde sicuti impossibilitas veniendi orta ex negatione præmotionis Dei utpote consequens negationem actûs secundi, non tollit absolutam veniendi possibilitatem in virtute actûs primi, ac liberæ per vocationem sufficientem instructæ Voluntatis contentam, sic consequenter hujus Voluntatis libertati imputandum est, si per Gratiâ in actu primo perfectè, atque completè sufficientem vocata non veniat.

14. Urgebis. Etsi hæc veniendi impossibilitas ex physicæ prædeterminationis defectu resultans sit consequens actûs duntaxat secundi negationem, hæc ipsa tamen negatio non est in nostrâ potestate, sed solius Dei. Ex hac autem negatione infallibiliter, ac necessariò sequitur, Vocatos non venturos, nec adeò hisce imputandum erit, quòd vocati non veniant. Si Thomista dicat; physicam prædeterminationem ita quidem esse à Deo, ut tamen sit in nostrâ potestate, eò quòd Deus ex se paratus esset illam dare, si nullum poneremus impedimentum, ut adeò culpæ nostræ imputandum sit, quòd de facto non detur. Contra licebit adversarijs objicere: Antecedenter ad primam culpam Adami fuisse illam physicæ prædeterminationis negationem ex solo Deo, ex quâ etiam negatione fuisse infallibiliter consequens, quòd Adamus non esset habiturus obediendi Voluntatem, atque adeò esset peccaturus. Ergo primam physicæ prædeterminationis negationem non habuisse in homine impedimentum culpæ.

15. Si rursus Thomista cum Patre Hilden *ymb. milit. p. 3. n. 57.* asserat; Impedimentum aliquod Voluntarium comitari saltem primam auxilij efficacis denegationem; eò quòd denegatâ Gratiâ Efficaci, detur in homine vel peccatum, vel inconsideratio, quæ sit impedimentum comitans auxilij efficacis.

Contra licebit adversarijs opponere: sicuti affirmatio se habet ad affirmationem, sic negationem se habere ad negationem. Si ergò physica prædeterminatio consensum Voluntatis creatæ liberum antecedens sit hujus causativa, & infallibiliter illariva, consequenter etiam negatio prædeterminationis erit in vi rationis antecedentis certò inferens actûs boni negationem. Ergò rationem primam, ex quâ vocati tantum sufficienter non erant venturi, se tenere ex parte Dei. Ergo quia hæc ratio se tenens ex parte Dei antecedenter ad determinationem creati arbitrij est infallibiliter inferens negationem consensûs liberi, sequi, quòd ista negatio non sit imputanda in culpam Voluntatis creatæ libero arbitrio.

17. Respondetur sequenti discursu deducto ex SS. Augustino *lib. 12. de Civit. c. 6. & 7.* nec non Paulo Apostolo *ad Rom. 9.* Voluntas humana incipit esse mala, non quia Natura est, sed ex eo, quòd de nihilo Natura facta est. *ex ut. c. 6.* Augustini. Ex hoc enim ipso, quòd de nihilo facta sit creatura intellectualis, subest Dominio Divino, quod secundum Apostolum *ad Rom. 9.* est potestas faciendi alium hominem pro libitu in vas honoris, alium in vas contumeliæ. Ex isto autem Dominio, & huic subordinatâ creaturæ intellectualis subiectione, ac Essentiali dependentiâ oritur, quòd Voluntas creatæ, etsi Gratiâ sufficiente cum omnibus ad agendum requisitis in

actu primo completa nihil habeat Juris, quo Deum obligare possit ad concursum, ac præmotionem in actu secundo. At negatâ istâ in actu secundo motione Divinâ, est infallibile, Voluntariè creatam non operaturam cum Gratiâ sufficiente. Ergo quia negatio Gratiæ efficacis, sive physicæ in actu secundo præmotionis ad Bonum est secundum Voluntatis Divinæ placitum ex vi Domini ergà Naturam creatam fundati in hujus de nihilo origine; consequens est, negationem operationis cum Gratiâ sufficiente originaliter reducendam esse in Voluntatem creatam, ex eo, quòd ejus natura sit facta de nihilo. At hæc ipsa operationis in Voluntate per Gratiâ sufficientem instructâ negatio non habet rationem culpæ, nisi quatenus legi æternæ dissona est à Voluntate creatâ, non quâ Efficiente, sed deficiente. *ex cit. c. 7.* Divi Augustini.

Hæc autem actio in lege æternâ deviantis non tam effectio, quàm uti Augustinus *cit. c. 7.* loquitur, defectio eatenus solum imputatur voluntati creatæ deficienti, prout sive per omissionem puram liberam, sive per actum positivum liberè elicitum est Voluntaria. Constat igitur, non primam duntaxat rationem, ex quâ est defectibilitas nostra in malum, esse ex intrinsecâ Voluntatis creatæ de nihilo origine, sed ipsam formalem rationem culpæ in non operatione cum Gratiâ sufficiente ut sic esse per ejusdem Voluntatis deficientiam sive in ratione puræ omissionis, sive in vi alicujus actûs positivi liberè voluntariam. Unde licet Deus ex vi sui Domini fundati in nostrâ de nihilo origine denegat Gratiâ Efficacem, ex quâ negatione est in arbitrio per Gratiâ sufficientem prævento infallibiliter futura non operatio legi æternæ dissona; ex hoc tamen Deus non dando auxilium efficax tradens permissivè hominem in reprobum sensum, non facit peccatum, sed Judicium, ex August. *c. 10. de præd. sanct.* Ergò tota ratio peccati tum originaliter reduci debet in creati arbitrij originem de nihilo; tum formaliter in ratione culpæ imputari debet Voluntati creatæ deficienti, seu cum Gratiâ sufficiente non operanti sive per omissionem puram liberam, sive per actum positivum liberè elicitum.

18.

## CONTROVERSIA. IX.

*An Scientiâ Mediâ non admittenda Voluntas creatæ libertas subsistat cum Divina Prævisionis, nec non Gratiæ Certitudinis, & Physicæ Dei Præmotionis?*

**H**Oc difficultas punctum olim à Massiliensibus excitatum, & à SS. Prospero, atque Hilario propositum D. Augustino; ab isto Ecclesiæ Doctore non perscientiam conditionatam, sed per Dei propositum ex se, ac ex Voluntatis Divinæ definitâ sententiâ efficax solutum fuisse, constat ex præcedentibus, præcipuè *ex cont. 3. præd. art.*

Hoc non obstante Scientiæ Mediæ propugnatores Sapientis neglecto exemplo, & consilio non tam in Antiquorum Sapientiâ exquirendâ, quàm in novis (de hujusmodi enim novitate à



se circa Scientiam Mediam excitatâ gloriari adversus SS. Patres Molinam, testatur Ysambertus Sorbonicus *in 1. 2. ad q. 111. disp. 9. a. 4.* ) ad inventionibus excogitandis seduli, ac studiosi Divina prædestinationis propositum Scientiam liberi nostri consensûs Conditionatam antecedens de novo impugnant, argumentis ex creati arbitrij libertate desumptis,

#### Referuntur Argumenta opposita.

3. **S**uarezius præcipuum in Societatis Iesu Lumen in *Opuse. lib. 1. de concursu Dei c. 13. n. 4.* ita argumentatur. Juxta physicæ prædeterminationis & absolutæ præfinitionis Divinæ assertores, oportet actum creatum liberum ita pendere à Voluntate non tantum creatâ, sed etiam Divinâ, ut hæc tanquam superior incipiat illam movere, ceu inferiorem, nec in hujus sit potestate, ne motio illa inchoetur, sed in solâ potestate Voluntatis Divinæ superioris. At inferior Voluntas non potest non sequi motionem superioris. Ergo nullo opor est in potestate Voluntatis inferioris actionem illam impedire, nec antecedenter, faciendo, ut motio Dei non ponatur, nec consequenter, impediendo, ne habeat effectum. Ergo nullo modo est tunc in potestate Voluntatis humanæ posse non agere. Ergo est ibi necessitas simpliciter quoad exercitium.
4. Neque prosequente argumentum Suarezio citato argumentationis illius efficacia elidi potest per vulgatam distinctionem de *sensu Composito, & Diviso*. Nam in sensu illo Composito involvitur Voluntas Divina Efficax se habens omnino antecedenter ad Voluntatem humanam, ejusque consensum. At ex suppositione hujus Divinæ Voluntatis efficacis necessario sequitur opus, ita ut nulla creatura possit illi resistere. Ergo hæc suppositio, atque aded sensus compositus involvens formaliter Voluntatis Divinæ efficacis præmotionem infert necessitatem antecedentem. At quævis necessitas antecedens tollit hoc ipso libertatem, uti probat S. Anselmus in *lib. de concord. libertatis cum præscient. & Volunt. Dei*. Ergo libertas non stat cum præmotione Voluntatis Divinæ efficaciter, & absolute præfinitionis actus creatæ Voluntatis.
5. Idem Author *n. 9.* inter alios Patres producit Sanctum Chrysostomum *Hom. 2. ad Hebr. in par. Moral.* ita differentem: *Oportet nos eligere primum, quæ bona sunt, & hinc ipse Deus, quæ sua sunt introducit, non antecedit nostras Voluntates, ne ledatur arbitrium; Cum autem nos elegerimus, tum multam nobis affert auxilium.* Ex quo patet, lædi liberum arbitrium, si ad eam præsupponatur Gratia Dei taliter antecedens, ut per eam, non per nostrum arbitrium fiat in bono opere prima Electio, seu determinatio. At hoc facit physica prædeterminatio. Ergo hæc tanquam libertatis creatæ destructiva admitti non debet.
6. Petrus à S. Joseph *cit. disp. 2. sect. 7. n. 1.* opponit, physicæ prædeterminationis assertores fateri, se convenire cum Calvinistis in principio illo, quod contendunt esse Augustinianum, & Catholicum, nempe Deum suo æterno absoluto, & efficaci Decreto antecedenter ad omnem præscientiam Futuræ cooperationis nostri arbitrij prædeterminasse omnes actus, qui à nobis eli-

ciuntur, & in tempore movere motione efficaci Voluntatem nostram, ut eos actus eliciat, quos suo æterno consilio statuit, ut fierent, ita scilicet ut positâ ejusmodi motione necesse sit, Voluntatem operari. Ex hoc autem principio à Thomistis asserto esse consequens, quod vel nullum sit reale discrimen inter ipsos, & Calvinistas quoad præsentem Controversiam; vel differentia ejusmodi debeat constitui in diversâ explicatione. Atqui Calvinistas non modò probare ejusmodi principium, sed etiam intelligere illud, ac explicare in eodem sensu, in quo communiter accipi solet ab Authoribus physicæ prædeterminationis, veluti pateat ex Calvinii, ejusque sectariorum verbis, ac sententijs ab eodem Fulienfi *per totam cit. sect. 7.* deductis. Ergo inter Calvinistas, & Thomistas nullum esse verum discrimen, quantum ad rem, etsi quoad voces non sit omni-modi inter eos consensus, imò quoad intentionem maxima dissensio.

#### CONCLUSIO.

**S**cientia Media nihil confert ad creati Arbitrij veram libertatem tuendam, sed hæc optimè concordat cum absoluto efficaci Dei Decreto, ac Divinæ Causalitatis intrinsecâ certitudine, sive cum physicâ prædeterminatione.

7. Probatur. Talem oportet libertatis creatæ cū Dei tanquam primo Libero, ejusque in Cause secundæ non facultatem duntaxat operandi, sed in ipsum operari, ac Velle liberum influentis Causalitatis coherenter adstruere, per quam creatæ actionis liberæ quæcumque sive Entitativa, sive Moralis Bonitas, & honestas maximè supernaturalis referatur in Deum tanquam primam Causam, Voluntatis suæ Consilio in creato arbitrio effectricem actûs, & primi & secundi. Hæc autem actionis creatæ liberæ in Deum tanquam Causam primam liberam reductio non subsistit, si Gratia quoad actualem operationem subijciatur creato libero arbitrio, sed oportet Gratiâ sibi subijcere humanam Voluntatem. *ex epist. S. Prosperi ad D. Augustinum. post medium.*
8. At ista Voluntatis humanæ respectu Gratiæ subiectio ita fit per vocationem secundum propositum prædestinationis, ut hæc non tantum Gratiæ, sed ipsorum bonorum operum, ut in ijs ambulemus, præparatio sit ex S. August. in *lib. de prædest. Sanct. c. 10.* Hæc autem fidei, aliorumque Bonorum operum nostrorum præparatio non tantum ex seipsâ, ceu Divinâ prædestinatione habet certitudinem, ita, ut Deus certam de fide Gentium fecerit promissionem ex suâ prædestinatione, non autem ex prævisâ nostrâ voluntate. *ex cit. c. 10.* sed insuper illa ipsa in vi prædestinationis Bonorum operum præparatio habet in obediendi, aut perseverandi liberum nostrum consensum immediatam Causalitatem, ita ut per definitam Voluntatis Divinæ sententiam acceptâ Voluntate obediendi vocati venerimus ad fidem, vel acceptâ perseverantiâ maneamus in Fide *ex ejusd. Ecclesiæ Doctoris libro de Dono perseverantiae. c. 15.* Unde non tantum facultas meritorie operandi in nobis est Gratia, sed ipsum Velle &



- Operari est Donum Dei vocantis, si quidem quoad boni operis consensum sit solius Dei discernere nostrum arbitrium, qui merita ita, ut in nobis faciat, & eligit, & eligendo facit divites in fide, sicut hæredes regni cælestis. *ex cit. lib. de prædest. sanct. c. 17. circa finem.* Et si proinde actus tum fidei, tum Charitatis sit noster propter arbitrium Voluntatis, uterque tamen est datus per Spiritum fidei, & Charitatis; unde actus ejusmodi liberi, quatenus non nisi volentibus nobis fiunt, ita nostri sunt, ut tamen etiam sint Dei, quia ipse præparat Voluntatem. *ex lib. proximè cit. c. 3. circa med.* Patet igitur, liberum Voluntatis nostræ in nostris actibus consensum *ex mente* S. Augustini, *in id secundum Sacram Fidei Doctrinam*, ita reducendum esse in Voluntatem Divinam, ut ipsa obediendi Voluntas, atque adeo consensus liber sit ex præparatione Voluntatis Divinæ in nobis eligentis, & hæc electione, seu consilio suo facientis in nobis bona opera, ex quo etiam prædestinationis consilio seu definita Voluntatis Divinæ sententiâ esse talem certitudinem operis boni per nos facendi, ut hoc ipsum tamen ratione arbitrij proprii sit nostrum, seu in Dominio nostro, & potestate liberâ Voluntatis nostræ. Ergo tamen si Voluntatis Divinæ Decretum in vi causalitatis consensum nostrum liberum immediatè attingentis sit de se infallibile, ac certum, non tantum non tollit libertatem creati arbitrij, sed hanc ita conservat, ut in ejusdem exercitio faciat, ut liberè ambulemus in bonis operibus. Ratio hujus insinuat a S. Thomâ q. 6. de Verit. a. 3. ad 3. sic differente: *Deus agi in Voluntate non per modum necessitatis, quia Voluntatem non cogit, sed movet eam, non auferendo modum suum, quin in libertate ad utrumlibet consistit: & ideo, quamvis Divina Voluntati nihil resistat, tamen Voluntas, & qualibet alia res exequitur Voluntatem Divinam secundum modum suum, quia & ipsum modum Divina Voluntas rebus dedit, ut sic ejus Voluntas impleatur, & ideo quedam implevis necessariò, quedam contingenter, licet illud, quod Deus velit, semper fiat.*
11. Ecce ideo quedam agentia Voluntatem Dei adimplent liberè, seu contingenter, quia modum contingentie ipsi dat Voluntas Divina. Hæc igitur volendo, ut liberè agat Voluntas creata, eo ipso facit istam liberè agere, S. Anselm. *in lib. de Concord. præsentia Dei cum libero arbitrio* ita differente: *Quoniam quod Deus vult, non potest non esse, cum vult hominis Voluntatem nullâ cogi, vel prohiberi necessitate ad volendum, & vult effectum sequi Voluntatem, hinc necesse est, Voluntatem esse liberam, & esse, quod vult.*
12. Opponit Suarezius cit. c. 13. n. 6. & 7. implicare contradictionem, quod Deus voluntatem creatam physicè prædeterminatam velit agere liberè; quia ad libertatem est necessarium, posse resistere motioni, de ratione autem physicæ per absolutam, & efficacem Dei voluntatem prædeterminationis est, non posse resistere.
13. Contra. Libertas radicaliter consistit in indifferentiâ iudicii, seu objecti per Intellectum Voluntati propositi. In motu enim cujuslibet potentie consideranda est ratio, per quam potentia movetur ab objecto. At voluntas fertur in suum objectum sub ratione Boni. Si ergo Voluntati possit proponi objectum, quod secundum unam considerationem est bonum, sub aliâ vero ratione deficit à bonitate, consequens est, Voluntatem non necessariò ferri in tale objectum. ex

S. Tho. 1. 2. q. 10. a. 2. Ex hoc ipso igitur inest Voluntati vis electiva, quod ejus objectum sit cum indifferentiâ Boni & Mali per intellectum representabile. In hæc autem vi Electivâ est quedam dominativa facultas agendi pro libitu, ita, ut positis omnibus ad agendum necessariis Voluntas possit agere, vel non agere. In istâ verò operandi, vel non operandi facultate consistit formaliter libertas. Si ergo prædestinatio Scientiam conditionatam antecedens, seu physica prædeterminatio Voluntatem relinquat cum indifferentiâ tum objectivâ iudicii, tum activâ facultatis electivæ, ac dominativæ, tunc illa non derogat libertati. At ex hoc ipso, quod Deus bona opera nostra prædestinans ea non faciat voluntatem cogendo, aut Voluntati resistendo, sed dimittendo in suâ potestate, imò conferat virtutem ea agendi cum libertate Dominativæ facultatis ad utrumlibet; necesse est, hominem non nisi liberè agere. Probat auct. & explicatur hoc Assumptum aliâs fundatum in S. Thomâ citato, & D. Anselmo *supra. & de Concord. Prædest. circa med.* Oportet distinguere in creato arbitrio in ordine ad actiones tum naturales, tum supernaturales liberas actum primum, & secundum. Hic autem uterque est à Deo non operante, nisi secundum consilium voluntatis suæ. At libertas creata in actu primo completo seu in ratione perfectæ potentie respectu actuum supernaturalium constituitur per Gratiâ sufficientem. Hæc verò importat principium effectivum supernaturale Voluntati à Deo inditum cum objecti sufficiente propositione per internam intellectus illustrationem: hæc autem illustratio intellectualis ita relinquit intactam circa objectum indifferentiam, ut consequenter auxilium quoque supernaturale Voluntatis in ratione principij supernaturaliter operativi constitutum non tantum non immutet Voluntatis facultatem dominativam pro libitu agendi, vel non agendi, sed potius conferat vires ad supernaturaliter cum libertate operandum, D. Augustino *in lib. de Corrept. & Grat. c. 2.* attestante, *Voluntatem humanam Gratiâ consequi libertatem.* Quâ proinde liberâ ad supernaturaliter operandum facultate per Gratiâ constitutâ, libertas est in actu primo completa, stante indifferentiâ non tantum objectivâ iudicii, sed etiam activâ virtutis dominativæ ad agendum, vel non agendum. Quare, ut constituitur in actu secundo, nihil superest, præter actionem.

At nulla est actio causæ creatæ, quin attingatur à Causalitate Causæ primæ. Hæc autem primæ Causæ causalitas præsertim in ordine supernaturali habet etiam rationem gratiæ, utpote per quam merita ita nostra sunt propter arbitrium, ut tamen sint Dona Dei miserentis, & vocantis secundum propositum. Istud autem propositum, seu prædestinatio teste D. Thomâ 1. p. q. 23. a. 2. habens in Deo rationem activæ executionis est Causalitas Dei, cujus terminus est in ratione voliti, quàm in ratione effectus physici est actus per nostram voluntatem, vi prædictæ Gratiæ sufficientis cum iudicii objectivâ, & consequenter Virtutis dominativæ activâ indifferentia elicitus. Cum proinde per illud prædestinationis (sumendo cum Patribus hoc prædestinationis nomen pro quolibet efficaci actionis creatæ præfixivo Decreto) propositum Deus a-



Actum à Voluntate eliciendum velit cum ipso modo libertatis formaliter consistentis in arbitrij virtute dominativâ, consequens est, Voluntatem Divinam suo efficaci Decreto dare libertatem non tantum in actu primo, sed cum hac omnino illæsâ per suam Divinam Voluntatem facere actum secundum liberum D. Augustino *lib. de Grat. & lib. arb. l. 21.* asserente: *Agere Omnipotentem in cordibus hominum etiam motum Voluntatis eorum, ut per eos agat, quod per eos agere ipse voluerit.* Et si proinde nihil resistat Divinæ Voluntati, ita ut hæc volente necessum sit sequi effectum, hic ipse tam à Voluntate hominis actus elicitus est liber, quia Deus volendo, ut Voluntas humana agat libere, dat etiam modum libertatis eam sub objecti indifferentiâ constituendo in facultate dominativâ, atque ex eâ ut sic eliciendo actum sub tali modo libertatis procedentem ex Voluntate hominis, uti ex S. S. Anselmo, & Thomâ *sup. dictum est.*

18. Replicabit Suarezius *ubi sup.* necdum solutam esse difficultatem in eo positam, quod de ratione libertatis sit posse resistere Motioni Divinæ, de ratione autem physicæ prædeterminationis sit, non posse voluntatem resistere. In quibus evidentem esse contradictionem, atque adeo implicare Voluntatem physicè prædeterminatam esse liberam.

19. Contra. Nam Voluntatem liberam efficaciter à Deo motam posse resistere motioni Divinæ duplicem potest habere sensum. Unus est, quod stante istâ Dei motione impedire possit Voluntas ejus effectum. Hunc autem sensum reprobatur D. Augustinus in *lib. de Corrupt. & grat. l. 14.* asserens: *Sic velle, & nolle, in volentis aut nolentis est potestate, ut Divinam Voluntatem non impediatur, nec superet potestatem.* Nam illa Dei motio, seu physica prædeterminatio includit Causalitatem Dei in actum secundum operationis creatæ liberæ. Ista verò Causalitas tum est intrinseca Deo consistens in ejus decreto efficaci, tum est passiva hujus executionis, seu motio Causæ creatæ impressa, uti *præc. cont. 7. & 8.* ostensum est. At de fide esse, Voluntati Divinæ neminem posse resistere, asserit ipsemet Suarezius *cit. l. 13. n. 4.* Illam porro Divini Decreti passivam executionem, seu motionem Causæ secundæ impressam non distinguere realiter ab hujus actione *cit. cont. 7. & 8.* demonstravimus, indicatque Augustinus *ubi sup.* affirmans: *Deum agere in hominibus motum Voluntatis, ut per eos agat, quod per eos agere voluerit.* At per se notum est, impedire actum Voluntatis creatæ esse impossibile ex hypothese, quod actus ille jam sit positus, necesse enim est, quodlibet esse, dum est.

20. Negandum igitur est, quod stante Dei motione efficaci, seu physica prædeterminatione possit voluntas creatâ impedire ejus effectum, juxta quem adeo sensum negant Thomistæ, posse Voluntatem liberam à Deo efficaciter motam in sensu composito resistere motioni Divinæ: nam isto sensu composito admissio, oporteret in Voluntate creatâ esse potentiam simultaneam, vi cujus posset facere, ut actus ex vi Motionis Divinæ teste Augustino in *lib. de Corrupt. & grat. l. 12.* indeclinabiliter, & insuperabiliter existens non existeret, quod apertam implicat contradictionem. Alius igitur enuntiationis prædictæ sensus est, quod stante illâ Dei motione, in Voluntate creatâ subsistat adhuc potentia non

operandi. Hoc autem esse de ratione libertatis per Concilium Tridentinum *Sess. 6. de Justif. can. 4.* ita decernitur. *Si quis dixerit, liberum arbitrium hominis à Deo motum, & excitatum non posse dissentire, se velit, anathema sit.* Physica autem prædeterminatio importat actum secundum tenentem se ex parte Dei per modum Causalitatis tum immanentis, tum transeuntis ad extra. Atqui actus secundus Dei, seu Causalitas Causæ primæ influendo in effectum, in Causâ secundâ hujus virtutem seu actum primum non destruit. Est autem Voluntatis creatæ actus primus in ordine ad operationem supernaturalem completus per gratiam sufficientem, cum quâ stat Iudicii objectiva indifferentia. Hanc verò ita est consequens Voluntatis activa indifferentia eidem innata, ut ex hoc ipso habeat vim electivam, & dominativam agendi pro libitu, vel non agendi. Cum igitur physica prædeterminatio, seu Decretum Dei efficax neque cogat, neque resistat Voluntati creatæ, sed per modum Causalitatis producat actum dependenter ab indifferentiâ activâ, seu vi dominativâ Voluntatis tantquam à Causâ efficienter cooperante, consequenter hujus libertas illæsa subsistit cum physica prædeterminatione, etsi hæc posita actus voluntatis secundum necessitatem consequentem, non verò antecedentem necessariò existat. *ex argum. D. Anselmi in cit. concord. prædest. circa med.* Atque hoc est, quod affirmant Thomistæ, Voluntatem efficaciter motam posse dissentire in sensu Diviso per hunc enim sensum insinuare volunt, quod cum efficaci Dei motione, seu physica prædeterminatione stet simultas potentie ad operandum, & non operandum, etsi cum motione Divinâ nequeat componi non operatio.

Instat cum alijs physicæ prædeterminationis Impugnatoribus Petrus à S. Joseph *cit. disp. 2. sect. 4. n. 2.* Hæc distinctione quod homo possit dissentire Gratia efficaci in sensu diviso, non autem in sensu composito, aliud non significari, quam hominem posse dissentire tali Gratia, si concipiatur secundum se, & ut secundus, seu divisus ab illâ, non autem si concipiatur ut actu habens ejusmodi gratiam, eique subsistens. At Conciliū Tridentinum superius adductum statuere, hominem posse dissentire Gratia efficaci, quatenus concipitur illam in se habere, eique subsistere. Ergo illam Thomistarum distinctionem pugnare cum Concilio Tridentino.

24. Contra est. Quod Alvarez *lib. 9. de auxil. grat. disp. 44.* fuerit jam pridem protestatus contra illam sensus compositi, ac divisi explicationem, ut adeo mirum sit, adversarios tam studiosos esse in refovendis sinistrae expositionis jam olim extinctis cineribus. Nam Thomistæ neque dicunt Voluntatem physicæ prædeterminationi substantem non posse dissentire, neque asserunt posse dissentire quatenus sejunctam, ac Divisam à Gratia. Etenim libertas dissentendi non est nisi stante potentia consentiendi. Hæc verò in ordine ad consensum supernaturalem importat Gratia auxilium quâ sufficiens. Ex vi autem hujus supernaturalis auxilij ita est libertas completa in actu primo, ut tamen ejus actus secundus non stet, nisi per Causæ etiam primæ Causalitatem. At istâ Causalitate posita non potest ex hypothese ipsius tantquam physicæ præmotionis Divinæ in sensu composito, non esse actus, etsi



- est quantum est ex parte potentiae, seu Voluntatis per Gratiā instructae nec quoad libertatem mediante praedeterminatione seu Decreto Dei efficaci destructae, posset ab hac procedere non actus, atque ut sic in sensu diviso in ea subsistere dissensio, seu negatio actus consequentis physica praedeterminationem. Ex verā igitur atque Germanā Thomisticā sensus Compositi, ac Divisi expositione (quam videre est apud P. Hilden Symb. Milit. p. 3. n. 33.) sensus ille Divisus non dividit praemotionem à Voluntate, quasi haec ut praedeterminata ad amorem non amare, sed actum quatenus ex physica praedeterminatione consequentem dividit ab opposita actus ejusmodi negatione, interfutando veluti voluntatem quā potentem ad utrumque; ita ut haec potentia simpliciter stare possit cum efficaci Dei motione, etsi cum hac nequeat subsistere actus negatio, utpote contradictoriē opposita. Hinc à contrario neque sensus Compositus importat praecise compositionem praedeterminationis cum Voluntate, sed praedeterminationem, & actum ex ea consequentem componit cum huius opposita negatione, seu actu contrario, ita ut Voluntas praedeterminata, atque adeo amans non possit non Amorem componere cum praedeterminatione ad amorem. At totum hoc esse tum conforme philosophiae neganti posse duo contradictoria esse in eodem subiecto, tum nihil habere à Concilio Tridentino alienum, imò ab adversariis quoque admitti debere, ita demonstratur. Negatio consensionis, seu dissensio aequē impossibilis est cum consensione conditionatā, atque cum causalitate actus consensionis. At secundum adversarios efficacia Gratiae importat Futuritionem conditionatam consensionis liberā. Si ergo Catholicum est, quod supposita ista consensionis conditionatā futuritione non possit conditione purificatā non consentire voluntas, aequē Catholicum erit, quod supposita Causalitate Dei formaliter immanente, sed ad extra transeunte per motionem ab huius actu libero indistinctam non possit non consentire creatum arbitrium. Sola igitur circa praetactam difficultatem inter Thomistas & adversarios differentia est; quod isti Gratiae efficaciam Consensus nostri infallibilitatem ex praevia voluntatis nostrae determinationem antecedente Voluntatis Divinae motione, ac determinatione liberā Conditionali desumant: illi verò Causalitatem, atque adeo determinationem consensus nostri liberi ordiantur ex Deo. At istud posterius, non autem prius servat in Deo rationem primi Liberi, primae Causae, ac supremi Dominij, uti partim ex se evidens est, partim constat ex antecedentibus. Non ergo Thomistarum, sed adversariorum sensus videtur verae Philosophiae, & sacrae Fidei Doctrinae minus consonus.

29. Urget Suarezius cit. c. 13. n. 9. adducens inter alios Patres S. Damascenum lib. 2. de Fide c. 29. ita differentem: *Quae in potestate nostra sita sunt, non providentia, sed libero arbitrio assignari debent.* Est autem Providentia secundum Damascenum ibid. Voluntas Dei, vi cuius omnia sunt, nec ullus est, qui resistat isti voluntati. Ergo quae in nostra potestate sita sunt, non debent assignari Voluntati Divinae, cui nemo resistit, nec adeo sunt Divinus praescripta, eodem Damasceno

ceno infra c. 30. attestante, Deum omnia praescire, sed non omnia praedefinire; *Praescire enim ea etiam, quae in nostra potestate, & arbitrio sita sunt; & non item ea praedefinire. Neque enim Vitium velle admitti, neque virtutem vim inferre.*

Contra. Nam D. Thomas 1. p. q. 23. a. 2. ad 1. respondet, Damascenum in loco posteriori intelligere nomine praedestinationis impositionem necessitatis, cuiusmodi est in rebus naturalibus, quae sunt ad unum determinatae. Probatur ista responsio ex eo, quod uti Suarez citatus, ait, particula enim sit causalis, contineatque duas rationes, priorem de malis, quod Deus mala non praescribat, qui vitium non vult admitti; posteriorem de bonis, quod Deus virtuti non inferat vim. At per istam vim non intelligitur Voluntas Dei omnium quaecumque fieri voluit taliter effectrix, ut nullus ei possit resistere. Probatur istud assumptum: Nam istam Dei voluntatem Damascenus cit. c. 9. accipit pro Providentia: Huius verò opera partim propensā Dei Voluntate sunt, quae nimirum citra controversiam bona sunt, partim sunt permissione, quae nonnullam absurditatis speciem praeseferunt. Ex ijs autem, quae in nostro arbitrio consistunt, ea quidem quae bona sunt, primariē vult, mala contra nec primariē, nec secundariē, verum libero arbitrio permittit. Oportet igitur, bona opera nostra libera ita Providentiae Divinae esse opera, quatenus Deus ea vult propensā Voluntate. At isti voluntati, per quam Deus omnia quaecumque voluit fecit, qui resistat, nullus est. Ergo bona opera nostra libera ita Deus facit per suam Voluntatem, cui nemo resistit, ut tamen non efficiantur per vim. Quocirca per huius discursus formalia non nisi ex cit. c. 29. Damasceni desumpta consequens est, stare Voluntatem Dei, vi cuius Deus bona opera nostra libera ita efficit volendo, ut illi nemo resistat, quin arbitrio nostro vim inferat. Ergo Damascenus ita vult mala nostra adscribenda nostro arbitrio, ut a Divina Providentia procedant per solam permissionem; e contra verò bona ita esse Deo tribuenda, ut ab huius Providentia proficiantur per propensam Divinam Voluntatem, quae nullam inferat vim Voluntati creatae, etsi nemo sit, qui eidem valeat resistere, atque adeo importet infallibilitatem, non autem necessitatem liberae operationis. Vides igitur omnem ex S. Damasceno, imò & quibusvis alijs Patribus contra Decretum Dei Bonorum nostrorum operum efficaciter praedeterminativum motam difficultatem disparere, si unicum hoc servetur discriminem circa necessitatem, ac infallibilitatem, seu certitudinem etiam absolutam, & antecedentem operandi.

Ratio fundamentalis est. Quia certitudo nihil aliud est, quam necessitas Veritatis: Esse autem & Verum convertuntur. Unde in tantum est aliquid necessarium verum, in quantum est in ratione Essendi immutabile. ex S. Tho. q. 16. de Malo. a. 7. At omnia opera nostra bona etiam libera ita sunt à Deo praedestinata, ut vi huius praedestinationis sint Deo praesentia. ex D. Anselmo de Concord. praedest. circa med. Hoc autem Divinae praedestinationis propositum, secundum quod vocati sunt Sancti in aeternitate, in quo non est praeteritum, vel futurum, sed tantum praesens, ita immutabile est, ut tamen in ipsis homini-



- hominibus ex libertate arbitrij aliquando mutabile sit, ex eod. Anselmo *de Concord. præsentie circa med.* Ergo actus nostri liberi, etsi respectu nostræ libertatis mutabiles, & contingentes, sunt respectu propositi, ac prædestinationis Divinæ immutabiliter, atque aded necessariò veræ: Hæc autem Veritatis in actibus nostris liberis necessitas, ac secundum æternitatem immutabilitas est, quatenus Deus constituit apud se immutabiliter, quod apud homines, priusquam fiat, mutare potest, ex Anselmo *proximè citato.* At illud Dei statutum, seu Decretum est actio æterna, in qua tanquam Causalitate Deo intrinsecè præcontinentur actus creati liberi secundum rationem Essendi determinatam producendi in tempore ab arbitrio creato quatenus habente indifferentiam tum Iudicij objectivam, tum activam Virtutis Dominativæ, ac Electivæ propriam, ex dictis tum isto, tum duobus *præced. Cont.* desumiturque, ex S. Thomâ, *cit. a. 7.* Consequens igitur est, posse actum ex vi creati arbitrij contingentem, & in tempore mutabilem, ex vi prædestinationis in æternitate immutabilem esse, atque prout est in proposito, seu Decreto Dei tanquam Causalitate sui effectivâ habere certitudinem objectivam, seu necessitatem Veritatis, ex *proximè cit. Angelico Doctore.* At hæc Decreti Divini ratio, ex qua in actibus nostris liberis secundum æternitatem est veritas necessaria, & immutabilis, est nostra bona opera antecedens, hoc ipso, quod ex illo omnis nostra actio eatenus promanet, quatenus Deus vult, & prædestinat, ex Anselmo *in Concord. Præsentie, circ. fin. & Concord. prædest. circa Med.* At hæc ipsa tamen prædestinationis ratio, perquam actui creato libero in æternitate convenit Veritas immutabilis, non inferit necessitatem agenti, quia Deus ea, quæ prædestinat, non facit voluntatem cogendo, aut voluntati resistendo, sed in sua illâ potestate dimittendo *ex cit. Concord. prædest.* Evidens ergo est, posse in æternitate subsistere in actibus liberis Veritatem ex vi prædestinationis necessariam, & immutabilem, quin creato arbitrio inferatur agendi necessitas. Ergo potest certitudo objectiva, seu veritatis necessitas, & immutabilitas etiam absoluta creati nostri arbitrij determinationem liberam antecedens subsistere in æternitate, quin Voluntati nostræ inferatur agendi necessitas, attestante D. Thomâ *de Verit. q. 6. a. 3. & 4. Deum non agere in Voluntate creata per modum necessitatis, sed movere eam non auferendo modum suum, qui in libertate consistit: unde prædestinationis ordinem non esse, nisi cum suppositione voluntatis humane impleti scilicet hunc ordinem eo modo, quem Deus illi dedit ad agendum non necessariò, sed liberè, & contingentè.* Quo tamen non obstante Divinæ prædestinationis ordinem habere absolutam certitudinem, quod licet oporteat Causam secundam supponere ad inducendum prædestinationis effectum, hæc ipsa tamen Causa secunda subiacet ordini prædestinationis. Ex quibus aded patet, agendi necessitatem, quam D. Anselmus vocat Antecedentem, non induci ex hoc præcisè, quod Divinæ prædestinationis Decretum se habeat antecedenter ad Arbitrij nostri operationem certò, & immutabiliter ex ea prodituram in tempore statuto. Huius verò rationem ex SS. Thomâ, Anselmo, Damasceno, & Augustino esse, quod vis, seu necessitas agendi creato arbitrio opposita sit: de-

terminatio causæ secundæ in actu primo: præfinitio autem Dei efficax, & physica Voluntatis creatæ Divina præmotio se habeat ex parte actus secundi, qui actus secundus prout est Motio Dei Voluntati creatæ impressa sit ipse motus Voluntatis, ab hac, quâ in actu primo completâ procedens cum indifferentiâ tum Iudicij objectivâ, tum Virtutis Dominativæ, ac Electivæ physice effectiva.

#### Responsio ad fundamenta opposita.

Ad Suarezij *n. 3.* oppositum Respondetur: Actum creatum liberum ita pendere à Voluntate Divinâ, ut hæc tanquam Superior incipiat illam movere seu inferiorem, nec in huius esse potestate, ne superior Dei Voluntas illam motionem inchoet, ex qua sit necessario consequens, moveri voluntatem inferiorem efficaciter à Divinâ voluntate præmotam. Nihilominus, quia sub illâ Dei motione Voluntas creata in actu primo completo stat cum indifferentiâ tam Iudicij, quam Virtutis activæ Dominativæ, atque aded oppositorum prolibitu electivâ, stante illâ motionem esse adhuc potentiam faciendi oppositum actui ex physica prædeterminatione infallibiliter consequenti, etsi non possit cum istâ præmotio-  
ne efficaci ponere negationem actus præfiniti, seu prædeterminati, atque aded esse necessitatem actus consequentem Causalitatem actus secundi formaliter consistentem tum in Causalitate Dei intrinsecâ, tum in motionem ad extra transeunte Voluntati creatæ impressâ, & ab huius actu libero indistinctâ. Quam proinde necessitatem consequentem, cum non sit ex parte actus primi completi, non tollere libertatem, cujus ratio importet formaliter actus primi indifferentiam Dominativam, ac Electivam, seu Effectivam.

Ad ejusdem Authoris *n. 4.* oppositum Respondetur. Si dicatur, Voluntatem efficaciter à Deo præmotam posse in sensu Diviso, non autem in sensu composito dissentire; in huius sensus compositi conceptu objectivo involvi quidem Voluntatis Divinæ præfinitionem ex vi suæ intrinsecæ efficacis impossibilem cum negatione actus præfiniti: Quam tamen Voluntatem Dei efficacem ita se habere antecedenter ad Voluntatis humanæ consensum, ut sit per modum Causalitatis actualis, spectetque ad actum secundum, non verò ad actum primum creatæ Voluntatis, siquidem ista independentem à Decreto creati consensu liberi præfinitivo habeat vi Gratiæ sufficientis, & innatæ circa objectum indifferenter propositum virtutis Dominativæ perfectam in actu primo electivam oppositorum libertatem.

Etsi proinde suppositio Voluntatis Divinæ efficax sit in ratione Causalitatis antecedens creatum liberum consensum, non tamen inferit necessitatem antecedentem. Nam ista est, quæ voluntatem cogendo, aut illi resistendo, seu vim inferendo, non verò illam in suâ potestate dimittendo, facit opus à Deo prædestinatum, ex SS. Anselmo, & Damasceno *sup. citatis.* At Divinæ Voluntatis præfinitio in vi Causalitatis attingit actum nostrum liberum ita dimittendo Voluntatem nostram in suâ potestatis ad oppositos actus virtute Dominativâ, ut ab hac ipsa potestate habente indifferentiam tum Iudicij objectivam,



vam, tum oppositorum electivam velit procedere actum Voluntatis creatæ. Si ergo, quod Deus vult, non potest non esse, eo ipso, cum vult hominis voluntatem nullâ cogi, vel prohiberi necessitate, sed in volendo uti suâ potestate Dominativâ, tunc ita est necessum, voluntatem esse liberam; ut sit *necessitate tamen consequens* simul necesse effectum, seu actum liberum a Deo volitum ac præfinitum existere in tempore statuto. ex eod. Anselmo in cit. Concord. præfient. Vides igitur, qualiter stet præfinitio Divinæ Voluntatis, ex cuius suppositione sit necessum sequi actum à Voluntate creatâ liberè elicitum; quæ suppositio absolutam quidem certitudinem, non verò antecedentem agendi necessitatem inferat.

41. Ad 41. Oppositum Respondetur. Facile fore ad prædicta S. Chrysostomi verba responsionem, si cum Vasquezio 1. p. disp. 91. c. 7. n. 44. sentire liberet. Hic enim suo adversus SS. Patres calamo satis aperto scribit *ibidem*: Sententiam Massiliensium à multis Græcis Patribus fuisse traditam, inter quos præcipuum extitisse Chrysostomum, quem & Cassianus Magistrum fuisse, prout tum ex alijs, tum ex allegatâ ejusdem sententiâ constat. Verum ab hac notâ & injuriâ D. Chrysostomum vendicant Ioannes à S. Thomâ cit. disp. 20. a. 5. n. 22. & 23. & Sixtus Senensis lib. 5. Biblioth. annot. 17. qui posterior advertit, illam S. Chrysostomi sententiam accipiendam esse de Gratiâ sanctificante, & Habituali, cuius infusionem omninò antecedit nostræ Voluntatis motus, & dispositio libera, cum aliâ nostrum læderetur arbitrium, sive in Gratiæ sanctificantis infusione non servaretur, si daretur independentem à nostro arbitrio, sive antecederet ad Voluntatis nostræ liberam dispositionem. Quod si verò quis contendat, S. Chrysostomo fuisse loco citato sermonem de Gratiâ actuali, exponendum esse, quod *Gratia non antecedit nostram Voluntatem, ne ladeat arbitrium liberum*, taliter præveniendò, ut opus bonum liberum totum tribuatur Deo, nihil autem operetur Voluntas, sed merè passivè se habeat; *veluti ex subjectis ejusdem verbis patere possit*. Constat igitur S. Chrysostomum aut nihil movisse adversus physicam prædeterminationem, aut si, uti contendit Vasquezius, negasset antecedentem Gratiâ actualem, non magis adversari Thomistis, quàm omnibus illis, qui ex Doctrina Sacrorum Conciliorum adstruunt Gratiâ prævenientem.

42. Ad Petri à S. Ioseph. n. 6. oppositum Respondetur. Thomistico Augustinianum verè Catholicum à nobis assertum principium esse istud, *Quod Deus suo æterno, absoluto, & efficaci Decreto antecedenter ad omnem præscientiam futura cooperationis nostri arbitrij prædeterminavit omnes actus, qui à nobis eliciuntur, quodque in tempore efficaci motione Voluntatem nostram ita moveat, ut hac motu voluntatis creatæ impressa sit Dei ad extra Causa promanans ex illâ ipsâ Dei Voluntate efficaci tanquam Divina formaliter immanente Causa, & Virtualiter tantum transeunte; cuius aded Causalitatis Divinæ tam immanensis, quàm transeuntis ratio stare non possit sine actu creati arbitrij secundum eum modum eliciendo, quo Deus suo æterno consilio statuit, ut fieret per Causalitatem non suam duntaxat Divinam, sed creatæ etiam Voluntatis influentis efficienter cum indifferentiâ tum iudicij objectivâ, tum facultatis effective virtutis Dominativâ in actu primo per Gratiâ sufficientem ita completâ, ut ex vi huius actus primi possit non operari*

Voluntas; *etsi ex suppositione illius Voluntatis, ac Motionis Divinæ spectantis ad Causalitatem in actu secundo necessesit, existere actum non minus à creatâ, quàm Divinâ à Voluntate per eandem numero actionem temporalem efficienter liberè elicitum*.

Si ergo in hoc taliter constituto principio nobiscum sentiant Calvinistæ, nihil quoad istam doctrinam hæreticæ labis ipsis adhærebit, utpote quam Sacris Litteris, Divis Augustino, Prospero, Anselmo, Damasceno, Thomæ Aquinati, veræ Philosophiæ, ac Theologiæ principijs omninò consentaneam demonstravimus; sed numquid idcirco illos puros, & mundos dicimus?

En Eutiches verò Catholico principioposito, *Esse in Christo unam Personam, exinde subsumendo, quod Hypostasis non distinguatur à Naturâ*, ita erravit in Philosophiâ, ut inferret dogma hæreticum, *esse in Christo unam Naturam*. E contrario Nestorius Dogmate Catholico constituto, *Esse in Christo duas Naturas*, idem cum Eutiche ex falsâ Philosophiâ depromens subsumptum incidit in hæresin subinferendo, *quod in Christo essent due Personæ*. Quid ergo si & Calvinistæ in principio superiusposito, & à nobis exposito consentirent, sed non distinguentes infallibilitatem, ac certitudinem à necessitate agendi, negarent cum Decreto Dei efficaci stare Arbitrij creati libertatem? Verum quid ex modernorum hæreticorum scriptis Zizania à critico, & Verum a falso segregando, Ecclesia damnârit Hæresis, ipsam in Concilio Tridentino audiamus. Hoc igitur Oecumenicum Concilium sess. 6. de iust. can. 4. statuit inprimis, *Liberum arbitrium non tantum moveri, sed etiam excitari à Deo*. At excitatio supponit potentiam cum virtute Dominativâ, & inter actus oppositos Electivâ: Hanc verò potentiam in ordine ad actus supernaturales Fidei & Charitatis non stare viribus solius creati arbitrij, sed Gratiæ per Iesum Christum Prævenientis, & Adjuvantis, decernit idem S. Concilium cit. sess. 6. can. 1. 2. & 3. Ostendat igitur Fulienfis, Calvinistas in omnibus hisce convenire cum Thomistico-Augustinianis, & credemus, ni aliud occurrat istos non in principio, sed in consequente inde deducto factos esse Hæreticos. Ad hæc patet ex cit. can. 4. Concilium decernere adversus illos, qui asserebant: *Liberum arbitrium à Deo motum, & excitatum nihil cooperari assentiendo Deo excitanti, atque vocanti, sed veluti inanime quoddam nihil omnino agere, merèque passivè se habere*. An hoc igitur est concordare cum principio superius exposito? Illa proinde falsi Dogmatis ab Universalis Concilio damnati Doctrina per modum antecedentis positâ inferebatur, *Liberum arbitrium esse rem de solo titulo, aut titulum sine re, vel motum à Deo non posse dissentire*. ex cit. can. 4. & 5. An non igitur tam in antecedente, quàm in consequente illius Hæreticorum ratiocinationis, & falsæ suppositionis latebat venenum? Quod per Dei Gratiâ nunquam hausisse Thomistico-Augustinianos efficacissimè ita demonstrat Ioannes à S. Thomâ cit. disp. 20. a. 7. ut meritò erubescat Fulienfis cum Scientiæ Mediæ propugnatoribus, has adversus viros Zelo, ac Doctrinâ Fidei Orthodoxæ præclaros effutire nullo nixas fundamento injurias, & calumnias; sed de hoc Puncto ex instituto agimus q. seq. art. 5. cont. ult. de efficacia Div. voluntatis.



CONTRARIETAS INTER SCIENTIAM MEDIAM ET DECRETUM

# CONTROVERSIA. X.

## Utrum negatâ Scientiâ Mediâ sit

consequens, Deum prædefiniendo actum  
peccati esse creatio arbitrio Causam pec-  
candi?

1. **E**X mente Scientiæ Mediæ propugnatorum, nominatim Amici cit. disp. 12. n. 202. & 203. ita licet argumentari. Deus novit peccata conditionatè futura: attestante D. Bernardo *serm. 74. in Cant. in fin. Subtrahitur interdum Gratiam non pro Superbia, quæ jam est, sed quæ futura est, nisi subtrahatur.* At si hæc superbia, vel aliud peccatum conditionatè futurum prævideretur in Decreto ex parte Dei absoluto, & tantum ex parte objecti conditionato, tunc Deus prædefiniret peccata: hoc autem adversatur Concilio Arausicano *can. 1. neganti Deum ex se prædefinire peccata.* Oportet igitur, peccata conditionatè futura in se ipsis, seu veritate suâ objectivâ, non autem in aliquo Dei actuali Decreto prævideri à Divino Intellectu. Ergo circa conditionatam peccatorum Futuritionem est in Deo Scientia Media.

# CONCLUSIO.

**N**ec ex eo, quod Deus suæ Voluntatis Decreto tanquam Causalitate formaliter Immanente, ac virtualiter transeunte attingat Entitatem actûs peccaminosi, est consequens: hujus malitiam reduci in Deum tanquam Authorem, seu Causam peccati: nec Scientia Media quidquam confert ad explicandum, quomodo Deus cum voluntate nostrâ concurrendo ad actum pravum non sit causa peccati.

2. Probatur. Nam licet ipse Deus sit, qui peccatores tradit in reprobum sensum, ut faciant, quæ non conveniunt; non tamen ibi peccatum Dei est, sed Judicium. S. Augustinus *de prod. sanct. c. 10.* Hoc autem Judicium Dei est illa manus Dei, & consilium, per quod Deus prædestinavit fieri, quæ ut facerent Herodes, Pilatus, & Populus Israël, convenerunt in unum adversus Dominum. *ex cit. lib. 1. c. 17. post medium.* Ergo Deus Voluntatis suæ prædestinatione, seu Decreto potest attingere Entitatem peccati, quin faciat peccatum, sed judicium.
3. Oppones cum Petro à S. Ioseph. cit. *disp. 2. de Prædeterm. sect. 6. n. 1.* in Concilio Arausicano secundo *c. 25.* ita decerni: Aliquos ad Malum Divinâ potestate prædestinatos esse, non solum non credimus, sed etiam si sunt, qui tantum Malum credere velint, cum omni detestatione in illos Anathema dicimus. At verò prædestinare aliquem ad malum nihil aliud esse, quàm efficaci Decreto statuere, ut ille actum malum perpetret, eumque ad talem actum efficaciter impellere. Ergo impie dici, Deum statuere Decreto, ut fiat actus malus etiam entitativè secundum physicam Bonitatem consideratus.
4. Adhæc Concilium Tridentinum *sess. 6. de lust. can. 6.* ita definire: Si quis dixerit; Mala opera, ita ut Bona, Deum operari non permisisse solum, sed etiam propriè,

& per se, anathematisit. At consequens fore, Deum, propriè, ac per se operari opera mala, & non tantum permissivè, si Decreto absoluto statuat, ut ea fiant, & ad ea faciendâ Voluntatem prædeterminet. Ergo in Deo non esse admittendum Decretum absolutum actûs peccaminosi, etiam quoad materiale, præfinitivum, ac prædeterminativum.

Contra. Nam solo excepto Durando, cujus sententia, teste Suarezio in *opusc. lib. 1. de Concurf. Dei. c. 4. n. 1.* rejicitur tanquam error in fide, omnes Doctores in eo conveniunt, quod omnes actus nostri liberi à Deo promanent immediatè, ac pendent ab ipso in suo Esse, ac fieri. Hujus autem Veritatis demonstrativum præter alios sacros textus, argumentum est ex illo *1. ad Corinth. 12. Operatur omnia in omnibus.* At Deus ad extra non operatur, nisi secundum Consilium Voluntatis suæ: eatenus enim facit, quatenus vult, juxta illud *Psalm. Omnia quaecumque Voluit, fecit.* At Deus est volens ad extra per Decretum liberum. Ergo in Deo est Decretum liberum, quo vult omnem nostræ Voluntatis actionem à se manantem ac pendentem tanquam Causâ immediatâ. At hoc Decretum, per quod Deus influit immediatè in nostras actiones, est prædestinatio, quæ, teste D. Anselmo *de Concord. prædestin. post. init.* non tantum Bonorum, sed etiam malorum dici potest. Non igitur est contra Consilium Arausicanum, utpote cum quo S. Anselmus in indivisibili veritatis puncto non discordat si, mala (non reduplicativè, quâ mala; sed Entitativè spectata) dicantur etiam à Deo prædestinata, eo tamen discrimine, ut Bona specialitè dicantur Deus prædestinare, quia in illis facit, quod sunt, & quod bona sunt, in malis autem non nisi quod sunt essentialiter, non quod mala sunt. ex cit. Divi Anselmi *Conc.* Unde etiam patet, Deum mala opera non facere uti bona propriè ac per se, sed tantum permissivè. Etsi proinde ad omnem arbitrij nostri etiam malam actionem in DEO præsupponi debeat Decretum, ex quo manat Dei in nostram actionem influxus, hic autem influxus, qui secundum Suarezium *cit. c. 4. n. 5.* est indistinctus ab actione Voluntatis creatæ, sit ipsa actionis peccaminosæ Entitas, atque adeo vi illius Decreti sit à Deo prædestinata actionis nostræ peccaminosæ entitas, non tamen exinde sequitur, Malitiam hujus actionis reduci debere in Deum tanquam Causam.

Replicabis ex Petro à S. Ioseph *cit. sect. 6. n. 4.* Ex hoc ipso, quod Deus prædefiniret Voluntatem hominis ad Entitatem peccati, debere peccatum Deo ut Causæ imputari, nullam enim cogitari posse Causam, cui veriùs, & rationabilius effectus aliquis imputari debeat, quàm illam, quæ ex se ipsâ, & propriâ sponte statuit absolute, ut talis actus fiat, quæque consequenter ad tale Decretum eligit, & applicat Media efficacissimâ, quæ necessariam habent conjunctionem cum effectu Volito.

Contra. Nam Scientiæ quoque Mediæ propugnatores ita adstruunt influxum, seu concursum Dei simultaneum cum Voluntate nostrâ indistinctum ab Entitate actionis peccaminosæ, ut ille ipse influxus in Voluntate Divinâ supponat Decretum. In hoc autem statuunt concursum Divinum oblatum Voluntati nostræ in actu primo, ac de se indifferentem. Hic verò concursus ita sequitur nulum Voluntatis nostræ, ejusque



que determinationem, ut tamen Deus jam antecederet prænoverit, Voluntatem nostram hoc modo operaturam, si ponatur in istis circumstantiis. Juxta hanc porro conditionalem prævisionem habet Deus Voluntatem, homini in his ipsis circumstantiis posito præbendi suū concursus: hic autem concursus in actu primo de se indifferens habet ratione illius Scientiæ conditionatæ infallibilem connexionem cum actu peccaminoso. Si ergo peccatum Deo sit imputandum, quod à Voluntate Divinā applicentur Mediæ habenti infallibilem, adeoque necessariam conjunctionem cum malitiâ peccati, Deus secundum Scientiæ Mediæ propugnatores dicendus erit Causa peccati, tum quod suatantquam Causæ primæ actio sit indistincta ab actione Voluntatis creatæ, cui actioni utpote intrinsecè malæ inseparabiliter est annexa malitiâ: tum quod prævidens hominem infallibiliter peccaturum in hisce circumstantiis eundem ponat in illis. Ergo Scientia Mediæ non abstergit à Deo maculam, quam ejus propugnatores contendunt ex physica actionis peccaminosæ prædeterminatione Deo imputari.

9. Confirmatur. Nam secundum Scientiæ Mediæ propugnatores ratio, propter quam Deo non imputatur peccatum, desumitur ex Divini concursus indifferentiâ: hæc autem indifferentia jam est determinata per Scientiam Mediæ. At pro signo hujus Scientiæ Mediæ, tametsi esset Voluntatis creatæ conditionata determinatio, hæc tamen non haberet rationem peccati, quā imputati creato arbitrio, cum alioquin posset esse demeritum in peccato conditionatè præviso, atque Semipelagianis faveretur in eo, quod intuitu demeritorum sub conditione futurorum quis posset reprobari, ac damnari. Si ergo peccatum debet illi imputari, qui est Causa determinationis ad actum peccaminosum, pro signo autem Decreti quā Scientiæ Mediæ innixi antecederet ad determinationem arbitrij creati absolutum jam sit determinatio, ex quā infallibile, ac necessarium est, sequi peccatum, consequens est, Deum esse Authorem peccati, quā imputati a-

10. genti libero: nam ista imputatio respectu creati arbitrij non est pro signo Scientiæ Mediæ, pro signo autem posteriori debet secundum adversarios peccatum imputari illi voluntati, quæ est Causa determinationis ad actum, cui ab intrinseco est formalis malitiâ.

At suppositâ Scientiâ Mediâ jam est determinatè verum, ac secundum imputationem quoque demeriti necessariò futurum peccatum ex Decreto de se licet indifferenti, ratione tamen Scientiæ Mediæ jam determinato. Ergo ratio imputabilitatis, quæ non est ex conditionali, sed absolutâ duntaxat peccati futuritione, primò reducitur in Decretum Divinæ Voluntatis quā subnixum Scientiâ Mediâ. Vides igitur, Scientiam Mediæ nihil conferre ad explicandum, quo modo Deus cum Voluntate nostrâ concurrente ad Entitatem actûs peccati non sit Causa peccatis, eo quod non prima duntaxat determinatio in ordine ad imputabilitatem peccati sit per Dei Decretum quatenus Scientiæ Mediæ innixum, sed insuper ab isto Decreto dimanet immediatus Dei influxus indistinctus ab actione voluntatis creatæ, cui ab intrinseco inseparabiliter est annexa malitiâ moralis.

Ratio ergo fundamentalis Divinam Sanctitatem, & puritatem in actionis malæ Entitate per Deum physicè productâ demonstrans præ. q. 4. 2. cont. 4. n. 13. & 4. 4. cont. 2. n. 3. Item hoc art. cont. 8. n. 12. insinuat, & alibi ex instituto tractanda pro statu difficultatis hic emergentis ita deducitur. Actio peccaminosa formaliter quā talis non est effectio, sed defectio, sive Boni secessio. ex SS. Augustino de Civit. 12. c. 7. & Ioan. Damasceno 2. Orb. Fd. c. 30. Unde non datur peccati Causa Efficiens, hujus enim est influere Esse, malum verò peccati, seu injustitiæ omnino caret existentia. ex D. Anselmo. de Concord. præsent. post med. Quia ergo Causa peccati quā talis non est nisi Deficiens, oportet Malitiæ in actu peccaminoso Originem reduci in rationem defectibilitatis. At ista defectibilitatis ratio, ex quā peccati malitiâ profluit, alia est radicalis; alia verò se habet per modum proximæ Causalitatis. Illam S. Augustinus cit. c. 7. desumit ex eo, quod creaturæ rationales sint ex nihilo factæ; hinc enim sicut in Esse, sic in operari dependent à Dei Dominio: Unde non tantum non possunt operari sine Dei influxu; & concursu, sed neque in hunc habent adversus Deum aliquid Juris. Ergo potest Deus ex vi sui Dominij inter creaturas intellectuales ita parti suum Divinum concursum, ut in ordine ad rectitudinem moralem uni concedat illum tam in actu primo, quā in actu secundo per Gratia efficaciam; alteri respectu honestatis maxime supernaturalis, seu fidei non det concursum in actu etiam primo per Gratiam proximè sufficientem; alij denique præparet concursum suum in actu primo per Gratiam proximè & completè sufficientem, non tamen in actu secundo per Gratia Efficaciam. At per istam auxilij ad supernaturaliter operandum tum efficacia, tum proximè sufficientis denegationem fit excæcatio, & obduracyo, in quā Deus relinquens hominem utendo jure sui Dominij non facit peccatum, sed judicium. ex S. August. lib. de prædest. Sanct. c. 8. Hoc autem judicium inchoatum in Gratia tum proximè saltem sufficientis, tum efficacia denegatione demum perficitur, tradendo hominem in reprobam sensum, ut eas faciat, quæ non conveniunt. Ista verò traditio in sensum reprobam fit, quatenus Deus creaturæ intellectuali exhibet suum concursum ad Entitatem actûs liberi, cui respectu talis creaturæ est annexa privatio debita rectitudinis. Ejusmodi autem concursum Deus ita præparat per justitiæ suæ Judicium, ut ex ipso jure, ac Dominio Primæ Causæ nolit rationalem creaturam esse sine exercitio libero. Hoc verò liberum exercitium; tametsi secundum nonnullos Doctores in ratione puræ omissionis imputari possit ad culpam, supponit tamen positivum Intellectûs Judicium objecti cum indifferentiâ repræsentativum, atque importat formaliter actûs carentiam interpretativè, ac indirectè voluntariam eatenus imputabilem, quatenus posset, ac deberet Voluntas elicere actû oppositum.

Ad ejusmodi proinde actum sive ab intellectu duntaxat; sive etiam à Voluntate elicitum, quem consequitur malitiâ, seu privatio rectitudinis debita, concurrat Deus per actionem tum Immanentem Decreti sui Divini, tum etiam seuntem motionis creaturæ rationali impressæ, & ab istius actione indistinctæ. In hoc autem suo con-



cursum immanente ex ratione Causalitatis infallibiliter inferente liberū creati arbitrij exercitium; tum transeunte ratione identitatis realis inseparabili à creaturæ intellectualis operatione Deus hoc ipso exercet suum iudicium, quod utatur Dominio primæ Causæ. Ex isto ad eod. jure, etsi Deus posset creaturas omnes relinquere otiosas sine cujuscumque actionis exercitio, congruit tamen Divinæ Providentiæ, ejusque suaviori Causarum secundarum exigentijs magis æmperato modo secundum cujusvis creaturæ innatam virtutem providere de concursu ex parte sui tanquam Causæ primæ requisito ad actuale facultatis operativæ exercitium. Unde etiam sit, Concursum Dei, etsi quā immanens in ratione Causalitatis inferat infallibiliter motionem Dei transeuntem ab Entitate actūs peccaminosi indistinctam, neque formaliter contrahere malitiam, neque esse fundamentum etiam remotum moralis malitiæ.

16. Probatur istud assumptū. Hæc enim malitia formaliter importat privationem Justitiæ, seu rectitudinis debitæ. ex S. Anselmo in *Concord. de præsci.* & Augustino, & Damasceno. *ubi supra.* At fundamentum hujus privationis nequit esse actio, quatenus procedit ex rectâ ratione, seu ex Jure, ac Dominio Primæ Causæ fundante ut sic Justitiam, & Judicium. Oportet igitur, actionem, per quam à creaturâ rationali datâ in sensum reprobum, fiunt, quæ non conveniunt, esse Malitiæ fundamentum proximum respectu illius duntaxat agentis liberi, quod contra rectam rationem sine Jure, ac Dominio absoluto operatur.

17. Hic autem operandi sine jure absoluti Dominiij modus supponit hoc ipso defectibilitatem, ratione cujus creatura rationalis est ita per libertatem suam ordinabilis ad internam Primi Intellectivi Legem, ut tamen ab hac possit eo ipso deficere, quod actus eius liberi non habeant sibi identificatam honestatis Regulâ. At sicut ista cum omni-


18. midi Voluntatis Divinæ actūs primâ honestate, seu Sanctitate identitas est in Deo ex ratione actūs puri, seu ratione Essendi à se, sic illa cum primâ Honestate identitatis negatio convenit actibus liberis creaturæ rationalis ex eo, quod sit denihilo. In quo ad eod. sensu accipi potest, quod supra diximus, creaturæ rationalis de nihilo creationem importare rationem defectibilitatis, quæ sit radicale fundamentum Malitiæ Moralis resultantis ex ejusdem liberâ actione. Hoc autem radicale fundamentum induit proximæ malitiæ radicem ex ipso actionis non tendentis in motivum honestum exercitio.

19. Cum proinde motio Dei transiens licet indistincta ab actione creaturæ rationalis peccaminosâ, nequeat esse Deo volita, & voluntaria, nisi in ordine ad suæ Sanctitatis motivum omnino indistinctum à Voluntatis Divinæ Decreto, consequens est, Entitatem peccaminosi actūs ita esse ex Deo quā Causâ Efficientem, ut tamen non sit ab ipso quā deficiente, nec ut sic fundare privationem rectitudinis debitæ, atque ad eod. Deum non facere in illâ peccatum, sed Judicium ex Jure, ac Dominio Primæ Causæ ita procedens, ut formaliter quā Voluntarium reducatur in Divinæ Sanctitatis Motivum. Unde S. Anselmus in *cin. concord. præsci.* & *prædest.* dixit: *Posse quidem dici, prædestinationem Dei non tantum esse bonorum, sed*

*etiam malorum, Deum tamen in omnibus Voluntatibus & operibus bonis facere, & quod essentialiter sunt, & quod bona sunt: in malis; verò non quod mala sunt, sed tantum quod per Essentiam sunt.*

Ad Argumentum n. r. oppositum

20. Responderetur; Singulariter notandum esse, quod Concilium Arausicanum negat, Deum ex se prædefinire peccata: hoc enim loquendi modo insinuari, radicem peccati tum remotam, tum proximam non esse ex Deo, sed ex creato arbitrio. Nam ratio peccati non est reducibilis nisi in illam Causam, cui malitia, seu privatio rectitudinis directè vel indirectè Voluntaria est. At eo ipso, quod Deus concurrens cum creato arbitrio ad Entitatem actūs peccaminosi jure, ac Dominio primæ Causæ utatur per Voluntatis suæ Divinæ Decretum in ratione Motivi formalis habens sibi identificatam Primam honestatis regulam, nequit rectitudinis privatio Primæ honestati opposita directè vel indirectè esse voluntaria Deo. Ergo Deus ita prædefinit Entitatem actūs peccaminosi, quin Voluntate Divinâ, atque ad eod. Causalitate suâ attingat etiam indirectè ejus malitiam.



## ARTICULUS VI.

DE

### Ideis DEI.

1. Etsi D. Thomas specialem de Ideis Divinis Ordine decimam quintam moverit quæstionem, visum tamen est, eam innestere Quæstioni de Scientiâ Dei, quod illæ importent vel formalem Divini Intellectūs actum rerum ad extra effectivum, vel ejusdem objectum sive Primarium, sive secundarium, prout patebit *cont. secundâ.* Ex simili ad eod. ratione huc transferemus S. Doctoris quæstionem 26. de *Beatitudine Dei*, maxime, cum ex *Scoto in 1. dist. 35. q. 7. n. 13.* erit occasio dubitandi, *Qualiter mens non tantum creata, sed etiam Divina consueatur Beata per visionem Idearum.*

2. Nomen porro *Idea* Græcum significat rei effectibilis formam exemplarem primam, & Originalem: Unde Causalitas ipsius à S. Thomâ *Metaph. lect. 2.* reducitur ad rationem formæ extrinsecæ. Nam forma teste eod. S. Doctore *3. de Verit. 4. 1.* potest tripliciter accipi. 1. Quatenus ab ipsâ rei à se efficiendæ formatrice procedit effectus; quo modo non habet rationem Ideæ, cum in causis maxime æquivocis non sit necessarium, effectum pertingere ad completam formæ agentis rationem. 2. Prout est constitutiva rei, hanc formando per sui communicationem formalem, & Causalitatem intrinsecam, quo modo nequit participare nomen Ideæ, cum istud significet formam separatam ab eo, cujus est forma. 3. Igitur sortitur rationem formæ, ad cujus imitationem formatur aliquis effectus, quo modo ipsi convenit habere rationem Ideæ, ut hæc ad eod. finiri possit Forma exemplaris, ad cujus similitudinem aliquid constituitur, seu quam imitatur aliquis effectus. Cujus proinde Idealis, seu Exemplaris formæ Causalitas comparatur ad forma-



formalem speciem, seu intrinsecam effectus idealiformam, quatenus ista est imitatio, & derivatio ab Ideâ, tanquàm formâ principali seu Ideali. At ista in effectu ideato imitatio importat rationem habitudinis ad ideam tanquàm mensuram extrinsecè specificativam. Hæc autem extrinseca effectus ideati specificatio eatenus procedit ab ideâ, quatenus ex hac tanquàm primâ Regulâ derivatur forma, ideati intrinsecè & formaliter specificativa. Ergo idea in ratione formæ imitabilis ita comparatur ad ideatum, ut hoc non formaliter specificet per sui intrinsecam communicationem, sed mediante duntaxat formâ seu specieâ se exemplatâ rei ideatæ intrinsecè constitutivâ, & formaliter specificativâ. Ergo Causalitas idealis dat specificationem per modum formæ duntaxat extrinsecæ, non autem intrinsecæ.

3. Causalitas idealis potest sub aliquo respectu etiam reduci ad causam Efficientem, Divo Dionysio, *de Div. Nom. c. 5.* & S. Augustino *12. de Civ. c. 25.* attestantibus, *Ideas Divinas esse effectrices creaturarum.* Nam advertente Ioanne à S. Thomâ *ad præs. q. 15. disp. 1. a. 1. n. 27.* ad ideam pertinet non tantum intelligibilis formatio, seu representatio ideati, sed quatenus ab artifice formatur ex intentione ponendi aliquid in Esse, confert ad rei ideatæ executivam extrâ causas positionem. At causalitas efficientis respicit existentiam, seu positionem rei extra Causas. Ergo Idea quatenus Intellectui formanti, ac determinanti Veritatem ideati deservit, ita refertur ad Causam formalem, ut ad Causam quoque Efficientem reduci possit, quatenus Voluntati & intentioni artificis deservit ad rem executioni mandandam, D. Thomâ *cit. a. 1.* asserente, *Artificem accipere ab Ideâ formanti, quâ agit.*

4. Etli Causalitas finalis diversa sit ab Ideali, quodd hæc sit quædam ideâ in ideatum expressio imitativa, illa verò consistat in allicientiâ appetitûs. Nihilominus idealis Causalitas quatenus artifex in opere suo intendit Exemplaris à se formati imitationem, secundum Doctorem Angelicum *in fin. a. 1.* induit rationem Finis; manente tamen inter illas Causalitates formali distinctione, eò quodd idealis causatio importet imitationem ideæ ab intellectu formatæ, ac mediante Voluntatis executione expressæ in ideato. Quæ proinde exemplaris imitativa in exemplato expressio est tantum Materiale finalis Causalitatis eidem superinductæ, quatenus sub ratione pulchri, seu Boni alliciendo appetitum Voluntatis, movet ad sui prosecutionem.

#### CONTROVERSIA. I.

##### *Utrum Idea Creaturarum sint in mente Divinâ?*

1. PLATO Ideas primus appellasse perhibetur teste D. Augustino *lib. 2. quest. 46.* ubi tamen addit, non esse verisimile, nullos ante Platonem fuisse Sapientes, quibus essent cognitæ res illæ, quas Plato vocans Ideas, statuebat esse principales rerum creaturarum, creandarumque rationes æternas, & incommutabiles, contentas in mente Divinâ, *ex c. 9. q. 46. circ. finem.* Ex quo vide-

tur evinci sententia Hurradi *Metaph. disp. 5. sect. 1. §. 2. & aliorum apud Caramuelem, Metalogia lib. 4. disp. 8. in nullo affirmantium*; Aristotelem Magistro suo imposuisse, asserendo, Platonem, statuisse Ideas, quæ essent substantiæ à singularibus separatæ, realiter, ac per se subsistentes. Verum consideranti ea, quæ Plato *tom. 3. in Timæo. & de animâ Mundi*; Item in *Parmenide junctis Serrani notis*, tradit, patebit; Divinum illum Philosophum distinxisse *Ideam Primam, & Secundam*, atque illius nomine intellexisse Dei architecticem mentem rerum omnium causam: ex quâ fluxerint *Ideæ secundæ*, sive species creatæ finitæ cum Primâ Ideâ id habentes commune, ut sint unum, quod tamen unum in speciebus sit à se ipso, individua verò existant ex secundis Ideis accipientibus à primâ Ideâ seu Causâ primariâ omnem potestatem, vi cuius efficiant, ut res singulares subsistant. Quibus aded discussis, ipsemet judica, An non ex sententiâ Platonis subsistat, tum quodd una Idea, nimirum Prima sit in Mente Divinâ, veluti D. Augustinus *cit. q. 46. de Platone recensuit*: tum quodd altera Idea, nempe secundâ ex mente Divinâ derivata sit per se existens, ex qua subsistat singulare, uti Aristoteles *lib. 3. Metaph. à tex. 10. & D. Thomas. 1. p. q. 13. a. 1. Item q. 44. a. 1. de cod. Philosopho Divino resultat.*

#### CONCLUSIO.

IN mente Divina oportet esse Ideas rerum omnium creaturarum effectrices.

3. Probatur. Vel oportet effectus creatos à Casu accidere, vel omnia fieri ex necessitate Naturæ, vel esse in mente Divinâ Ideas rerum creaturarum effectrices. At neque Primum continens errorem Epicureorum; neque secundum completens Epidonis opinionem, subsistit cum fide, & verâ Philosophiâ.

4. Major & Minor probantur argumento Angelici Doctoris *q. 3. de Verit. a. 1.* Ex hoc ipso, quodd videamus Cursum Naturæ uniformi ordine, ac modo progredi; evincitur; effectus naturales non esse à Casu. At eo ipso, quodd effectus non sit à Casu, est ab agente habente sibi præstitutum determinatum finem, hæc autem finis determinatio, ac præstitutio quandoque fit ab ipso agente, velut in Causis Intellectualibus, quandoque verò agens determinatur ab alio superiori Intellectu præstituente finem; velut operatio Agentis naturalis, quod secundum veram Philosophiam non tam agit, quàm agitur in finem, præsupponit Intelligentiam Ordinatricem naturæ in finem, ratione cuius ordinationis opus naturæ dicitur opus Intelligentiæ. At hunc Intellectum res creatas in suos fines ordinantem in causando universalem oportet esse infinitum, & Primum, tum ne detur processus in infinitum, tum quodd ejus vis, & Causalitas se possit extendere ad infinitam multitudinem effectuum creabilium, & Causarum creaturarum in suos fines ordinabilium. Ex hoc ipso autem, quodd iste primus Intellectus ordinet agentia in fines à se præstitutos, oportet habere in se rerum omnium creaturarum Ideas. Probatur istud assumptum argumento D. Thomæ *1. p. q. 15. a. 1.* In omnibus, quæ non à Casu generantur, necesse est, formam esse finem generationis. Agens autem non agit propter formam, nisi



nisi in quantum similitudo formæ est in ipso. At ista formæ faciendæ similitudo potest esse in Agente vel secundum Esse Naturale, velut in Causis naturalibus, vel secundum Esse intelligibile, velut in Causis Intellectualibus. Ex hoc ipso autem, quò dea, quæ agunt ex necessitate Naturæ, non prædestinant sibi finem, oportet, agentia Naturalia determinari in finem ab Agente superiore Intellectuali. Ergo in hoc primo Intellectuali agente oportet rerum à se fastibulum, & in finem determinatum ordinabilem esse formas, seu similitudines secundum Esse intelligibile. At forma ejusmodi, ac secundum Esse intelligibile rei faciendæ similitudo est Idea, quam definit S. Doctor *Art. 4. 1. de Verit.* quod sit forma, quam aliquid imitatur ex intentione agentis, qui determinat sibi finem. Constat igitur, in Primi Intellectualis mente Divinæ esse rerum creaturarum Ideas, ad quarum similitudinem, & imitationem ordinantur in fines à Voluntate Divinā determinatos ac præstitutos.

Dices, Divinum Dionysium *lib. de Divin. Nom.* c. 5. & D. Thomam *ibid.* lect. 3. affirmare, quod Ideæ seu Exemplaria in Deo sint existentium rationes substantiæ singulariter præexistentes, quas Theologia prædefinitiones vocat & Divinas, & bonas Voluntates existentium prædeterminativas, & effectivas, secundum quas supersubstantialis Essentia omnia prædefinivit, & produxit. Ex quò patere, Ideas rerum creaturarum non tam in mente, seu intellectu, quàm in Voluntate Divinâ statuendas esse.

Contra. Nam Idea adverte[n]te Doctore Angelico *in. q. 15. a. 3. in Corpore. & ad 2.* duo importat, nimirum rationem rerum factibilium repræsentativam, & Exemplar, seu principium factionis rerum in tempore faciendarum actu effectivum. Inter has verò Divinas formalitates ea est differentia, quòd ratio rerum factibilium sit secundum rationem nostram antecedens præfinitiones Divinæ Voluntatis, cujus in effectibus ad extra statuendis, ac ordinandis est directrix. At verò ratio exemplaris quæ repræsentativa rei in Esse facti est ratione nostrâ consequens præfinitionem Divinæ Voluntatis, ex cujus motione habet efficaciam Causalitatis effectricis. Hæc proinde ratio exemplaris *specificativè* considerata, prout habet rationem efficientiæ & Causalitatis Deo intrinsecæ rerum ad extra effectricis, formaliter involvit non tantum Divinam Visionis Scientiam, sed etiam Voluntatis Decretum præfinitivum, at *reduplicativè* quæ Exemplar formaliter importat rationem rei ad extra producendæ repræsentativam in Esse facti: quam Divin. Dionysius *ubi sup.* rationem substantificam, id est substantiæ factoricem, seu formatricem appellat. Quare Exemplar, seu Idea in Deo solum radicaliter, ac præsuppositivè dicit Voluntatis Divinæ præfinitionem, prius enim oportet à Deo esse præfinitum, quo modo, & in quem finem aliquid sit faciendum, quam ut sub illo modo in Esse facti sit repræsentatum, atque adeò ideatum in Intellectu Divino. Ergò Idea formaliter est in Primo Intellectu, etsi secundum quod habet rationem Exemplaris rerum repræsentativi in Esse Facti importet præsuppositivè Voluntatis Divinæ præfinitionem.

Confirmatur ex illo Ioan. 1. Quod factum est,  
in ipso, felices Verbo, vita erat. Ex hoc namque cum

S. Augustino *ibid. tract. 1. ira licet argumentari.* Terra, quæ facta est, non est vita. Ergo in Verbo æterno eatenus erat Vita, quatenus in ipsâ Sapientiâ spiritualiter erat ratio quædam, quæ terra facta est. At hæc vita Verbo non per Voluntatem, sed per Intellectum procedenti appropriata connotat actum Mentis, non Amoris Divini. Illa ergo ratio, secundum quam Terra in Verbo erat vita, quæque secundum eund. Augustinum *ci. lib. 23. questionum. q. 46.* est Idea, est in mente, seu Intellectu, non autem in Voluntate Divinâ.

CONTROVERSIA. II.

*In quo consistat ratio Idea*

*Drum.*

**S**cotus in 1. dist. 35. n. 12 existimat, Creaturas quoad Esse objectivum, sive secundum rationem Intellecti, & sic non quoad Esse simpliciter, sed quoad Diminutum, seu intelligibile Esse in æternitate productum, habere in Intellectu Divino rationem Idealem. Probatur. Idea describi potest ex S. Augustino, quod sit ratio æterna in Mente Divinâ, secundum quam aliquid est formabile extra, ut secundum propriam rationem ejus. At sicut arca in mente artificis potest dici ratio respectu arcæ in materiâ, estque propria ratio, secundum quam arca in materiâ formatur: sic lapis à Deo intellectus est factibilis extra, estque ratio propria sui quâ physice producti: hanc autem Lapidis quâ intellecti à Deo rationem oportet hoc ipso æternam esse, quod habeat Esse objectivum, & intelligibile in mente Divinâ, in quâ nihil potest non esse incommutabile ac æternum. Ergo lapidi quatenus cognito à Deo & ut sic secundum Diminutum seu intelligibile Esse existenti in Divino intellectu convenit ratio idealis.

Svarez lib. 3. de Attrib. Dei c. 5. n. 6. tenet, 2.  
ipsummet Verbum Divinum, seu formalem con-  
ceptum Essentialem, quem Deus habet de crea-  
tura ut possibilibus esse in Deo Ideam. Funda-  
mentum est. Idea nihil aliud est, quàm Exem-  
plar artificis, cui opus suum facit conforme. At  
Deus non inquiritur extra se aliquid, ut ad illius  
imitationem operetur, cum ratio agentis per-  
fectissimi exigit habere in se totam vim efficien-  
di sive Exemplarem, sive productivam. Opor-  
tet igitur, Ideam in Deo esse formam intrinsecam  
rerum ad extra efficiendarum representativam  
per modum imaginis. Hoc autem non conve-  
nit Essentiæ Divinæ, nisi in ratione formalis con-  
ceptus, quem habet de creaturis. Ille ergo con-  
ceptus formalis, seu Verbum Dei Essentiale, ut  
repræsentat creaturas factibiles, est Idea, juxta il-  
lud ad Hebr. 11. Fide intelligimus, aperta esse sacula Ver-  
bo Dei, ut ex invisibilibus visibilia fierent.

Valquez *prae. disp. 72. c. 1. & 2. d. n. 7. senten-*  
*tiæ proxime deductæ fundamentum ex D.*  
*Bonaventura m. 1. dñl. 35. a. 1. q. 1. confirmat se-*  
*quenti discursu. Triplex excogitari potest simi-*  
*tudo. Prima participationis univocæ; cujus-*  
*modi nulla est creaturæ ad Creatorem. Secunda*  
*Imitationis secundum perfectionem duntaxat a-*  
*nalogicam, cujusmodi est Sapientiæ creatæ com-*  
*paratæ ad Divinam. Hæc autem, si respectu il-*  
*lius*



lius haberet rationem Ideæ, sequeretur, sicuti imitatio in ratione Essendi est tantum secundum quid; sic rationem & Causalitatem idealem consistentem in illa Essendi imitatione esse in Deo imperfectam. Tertia igitur Similitudo est representationis secundum expressionem objecti in hujus specie, vel cognitione. Hæc autem similitudo tanto est perfectior, quanto species seu intellectio rei expressior, & magis propria est. At Essentia Divina perfectissimo modo, & ad vivum proprio, & quidditativo conceptu res intelligit eas representando in se ipsa tanquam cognitione, & specie expressa creaturarum.

Hæc autem speciei creaturarum expressiva ratio ita habet rationem Verbi Essentialis Tribus Personis communis, ut tamen approprietur Filio, qui ex Notione propria est Verbum Personale ex vi sue generationis habens formaliter sibi communicatam Essentiam Divinam quæ speciem cujusvis etiam creaturæ Veritatis expressivam. Unde D. Thomas 1. p. q. 45. a. 7. ait, Filio Dei, cum procedat per intellectum, vi sue generationis convenire rationem principij, per quod facta sunt omnia. Ista igitur similitudo representationis secundum omnis à Deo factibilis creaturæ expressionem, conducit, ut Deus aspiciendo ad suam Essentiam faciat creaturam instar illius, quoad expressionem, ac representationem. At Idea est forma exemplaris, quam artifex aspiciens instar illius aliquid aliud operatur. Paret igitur, Essentiæ Divinæ, quatenus est Verbum Essentiale tribus personis commune seu creaturarum in se ipsa expressiva speciei, convenire rationem Idealem.

Franciscus Amicus *disp. 13. a. n. 12.* ponit aliquam rationis distinctionem inter Ideam, & Exemplar, asserendo, istud in Deo esse Essentiam Divinam ut actu cognitam; Illam vero esse Divinam Essentiam quæ speciem expressam, & actualem similitudinem creaturarum. Fundamentum est Exemplar est primum Directivum in aliud non reducibile. Idea vero est immediatum, & proximum Directivum in aliud reducibile. Unde quia Exemplar non debet intellectum proximè determinare ad opus producendum, non est necesse, ut cum opere producendo univocè conveniat. At verò de ratione Ideæ est proximè determinare artificem ad simile opus producendum, nequit autem determinare Idea, nisi per id, quod intentionaliter continet. Ergo debet in representando intentionaliter habere univocam continentiam Ideati: Atqui Divina Essentia quæ creaturas eminenter continens ita est Primum in aliud non reducibile Directivum effectiois creaturarum, ut tamen ista ratio Directivi includat etiam cognitionem distantem de opere sic & sic effigiando, ut ad instar exemplaris præconcepti producat. Ergo Essentia Divina non præcisè sumpta, sed quæ cognita respectu creaturarum à Deo producibilium habet rationem proximè Exemplaris. Atqui Essentia Dei neque ut cognita habet univocam convenientiam cum creaturis in representando. Oportet igitur, rationem Idealem convenire Essentiæ Divinæ, quatenus est vitalis imago expressa & intentionalis similitudo creaturarum. Hæc autem ratio competit Essentiæ Divinæ, prout est species expressa, seu

Verbum Essentiale creaturarum representativum. Ergo ut sic habet rationem Ideæ.

Nicolaus Ysambertus Sorbonicus ad *pres. q. 15. disp. un. a. 2. prop. 3.* Ideæ in formalem, & objectivam distinctione positā, asserit; Essentiæ Dei ut obijcitur Divinæ cognitioni, quatenus est imitabilis à creaturis, convenire rationem Ideæ objectivæ: at Divinæ cognitioni terminatæ ad Essentiam Dei quæ imitabilem, ut in se tanquam objecto primario representativam Modi singulas creaturas producendæ, competere rationem Ideæ Formalis. Ratio est tum conciliandi S. Thomam cum D. Bonaventuræ, quorum prior *pres. q. 15. a. 3. & 1. contra gent. c. 54. nec non de Verit. q. 3. a. 2.* docet; Essentiam Divinam obtinere rationem Ideæ, prout est imitabilis à creaturis: Posterior autem in 1. *dist. 35. a. 1.* asseritur docuisse; Essentiam Divinam prout est formalis de creaturis conceptus, ad cujus imitationem Deus ad extra operatur, esse Ideam. Tum ex sequenti fundamento. Etenim ad rationem Ideæ totaliter & completè consideratæ requiritur, quod sit forma intelligibilis representans formali similitudine opus suum faciendum, quoddam in exequendo tali opere dirigat per sui inspectionem ipsum operantem. At Essentiæ Divinæ quatenus est Idea objectiva, neque competit esse formalem similitudinem operis à Deo ad extra faciendi, neque ut sic formaliter dirigere, sed ista ratio Directivæ, & formalis similitudinis convenit actuali cognitioni, quam Deus quæ agens per intellectum habet de sua Essentiā. Econtra verò eadem Dei Essentia prout est cognitio & formalis Idea non dirigit ut quod, sed tantum ut quo. Idea autem importat id, ad quod respicit artifex in faciendo opere; adeoque debet dirigere in quod seu quæ cognitum. Constat igitur, rationem completam Ideæ consistere in Essentiā Divinā non quæ præcisè est ut quod imitabilis à creaturis, sed prout habet rationem conceptus formalis, seu cognitionis creaturarum in se tanquam primario objecto cognoscibilem, & ad instar sui producibilem.

Thomistæ ex Doctore suo Angelico *superius adducto*, Ideam constituunt in Essentiā Divinā quæ cognitā non absolute in se, sed comparative ad creaturas secundum sui ab istis imitabilitatem. ex Ioan. à S. Thomā *cit. disp. art. 2. n. 2. Gonet. 10. 2. disp. 6. a. 1. post. notab. 5. & concl. 3. & alij communiter.*

#### CONCLUSIO.

Idea Dei formaliter consistit in Essentiā Divinæ imitabilitate, cui per eundem Essentiæ Divinæ intellectioem expressæ per modum objecti secundarij respondet passiva creaturarum imitabilitas habens rationem Ideati & attracti. tum quoad statum possibilitatis per scientiam simplicis Intelligentiæ; tum quoad statum Existentiæ actualis per Scientiam Visionis.

Probatur. Ex hoc, quod Essentia Divina sit purissimus Essendi actus, est consequens, habere



intelligibilitatem summæ immaterialitatis. Ex hac autem summæ immaterialitatis intelligibilitate, seu purissimo in ordine tam existentium, quam intelligibilium actu est, Divinam Essentiam esse speciem Intelligibilem, & objectum per formalem Identitatem specificativam Divinæ omnium creaturarum cognitionis. At creaturæ habent Esse intelligibile in mente Divinā secundum sui speciem intelligibilem formaliter specificativam cognitionis de se habite ab Intellectu Divino. Veluti hæc patent ex D. Thoma q. 14. ab art. 1. usque ad 5. Ergo Essentia Divina est ratio, per quam creaturæ in Intellectu Dei habent Esse intelligibile. At idea est rei faciendæ forma in agente per Intellectum præexistens secundum esse intelligibile, ex eod. S. Doctore *præf. q. 15. a. 1.* Ergo Idea in Deo est Divina Essentia, quā in Esse intelligibili præcontinens creaturas ad extra factibiles.

8. Dices. Esse intelligibile creaturarum in Essentiā Divinā esse ipsummet Dei Esse Eminentialē, quodd per purissimam sui actualitatem virtualiter præcontinendo omnes Essendi formalitates, est hoc ipso ad extra participabile. Hoc autem Esse Dei Eminentialē non nisi analogicè esse à creaturis imitabile. At de ratione Ideæ perfectæ esse, ut sit imitabilis secundum omnem formalitatem in ratione Ideali repræsentatam. Ergo Essentiæ Divinæ Esse intelligibile quā in ratione tum objecti specificativi, tum in ratione speciei intelligibilis etiam expressæ præcontinens Eminenter Esse creaturarum non esse in Deo deam. Oportere igitur, Esse formale creaturarum secundariò tantum, ac terminativè objectum Divinæ Intellectioni, in eaque ut sic repræsentatum esse Ideam Dei, sicut enim circa objectivè in intellectu artificis existens habet imitabilitatem omnimodæ formalitatis taliter repræsentatæ; sic creaturarum Esse non Eminentialē, sed formale quā objectivè existens in Mente Divinā habere perfectam omnimodæ formalitatis taliter expressæ imitabilitatem. In quo adeò sensu Platonem Ideas posuisse ipsas rerum quidditates, habentes Esse cognitum in Intellectu Divino, ex Scoto. *cit. dist. 35. n. 12.*

9. Contra. Nam illa ratio non est prima Idea, ad quam supponitur forma intelligibilis, ex quā ut sic ratio illa est imitabiliter derivabilis. At secundum subtilem quoque Doctorem quidditates creaturarum non ita sunt in Intellectu Divino, ut hujus esse possint objectum Motivum, ac specificativum. Unde ipsa Essentia Divina tanquam Esse Dei formale, & Esse creaturarū Eminentialē est Divinæ rerum creabilium Intellectionis objectum Motivum specificativum, ac earundem in Deo species intelligibilis. At ista species intelligibilis creaturarum Eminentialē Deo secundum purissimam actualitatem formaliter inexistentem per omnimodam Intellectus, Intellectionis & Intellecti identitatem realem ita constituit in Esse actualiter intellecti, ac expressi, ut consequenter per istam Esse Eminentialis expressionem actualem formale creaturarum Esse secundum rationem creatæ quidditatis sit objectivè, non autem formaliter in Intellectu Divino. Consequens igitur est, creaturarum quidditatum in Intellectu Divino Esse objectivum derivari ex earundem Esse Eminentiali in ratione Esse intelligibilis actualissimi Divino Intellectui per

formalem sui expressionem inexistentē. Ergo Esse creaturarum quidditatum objectivè existens in mente Divinā est reducibile in formam priorem intelligibilem: Hæc autem forma importans formaliter Esse Eminentialē creaturarum est ab his imitabile, quatenus earum Esse intelligibile, seu Esse objectivum in Intellectu Divino non subsistit, nisi per derivationem intelligibilem ex illo esse Eminentiali actualiter intellecto. Et si proinde istud Esse Eminentialē non sit ab ullā creaturā, imò à totā etiam collectione creaturarum secundum omnes formalitates imitabile, nihil tamen obest, quò minus perfectam Ideæ rationem habeat.

Confirmatur 1. Nam hujus perfectio solum 10. exigit, ne in Ideato ulla sit formalitas non expressa in ratione ideali. At illud Esse Eminentialē per sui actualissimam intelligibilitatem in ratione tam objecti specificativi, quam speciei, imò actualis etiam Intellectionis est omnis ad extra creabilis formalitatis ita expressivum, ut ex hoc ipsi vel maximè conveniat, quodd D. Augustinus *serm. 32. de Verb. Dom.* dixit de Verbo Dei, esse *formam non formatam, sed omnium formarum.* Cum igitur quidditates creatæ existentes objectivè in Mente Divina sint reducibiles in priorem formam intelligibilem, ex quā earum passiva imitabilitas secundum Esse intelligibile derivatur, consequens est, illas quidditates sive sint per se subsistentes, sive objectivè in Mente Divina existentes, non esse primas Ideas, sed rationem primæ Ideæ convenire Essentiæ Divinæ, quatenus secundum Esse creaturarum Eminentialē sibi formaliter inexistentem habet activam ad extra imitabilitatem in se intelligibiliter expressam, & ut sic fundantem passivam creaturarum quidditatum imitabilitatem in Mente Divinā repræsentatam, uti etiam ex Platone *præf. cont. 1. n. 2.* constare potest.

Confirmatur 2. Sicuti in ordine ad cognoscendas creaturas aliquando existentes se habent 11. ad Intellectum Divinum præfinitiones Divinæ, seu voluntates rerum existentium prædeterminativæ, ac effectivæ, sic in ordine ad quidditates creatas in puræ possibilitatis statu intelligendas se habet Esse Eminentialē creaturarum formaliter inexistentem Divinæ Essentiæ. At Dei Intellectus penetrando suam prædefinitivam rerum existentium Voluntatem, format intelligibiliter, ac repræsentat res creatas in esse facti secundum rationem passivæ factionis. Unde Scientia Visionis in Deo huic prædefinitivæ Voluntati tanquam objecto Motivo, ac specificativo innitens, habet pro formā intelligibili hanc ipsam Divinam Voluntatem, quā supersubstantialis Essentia omnia prædefinitivit, ac produxit. Hæc autem Divina rerum existentium præfinitio quā forma intelligibilis realiter identificata Essentiæ Divinæ Intelligibilitatis, nec non Scientiæ Visionis formaliter identicè specificativa est illa ratio substantifica, quam Divinus Dionysius *c. 5. de Divin. Nom. & ibid. S. Thomas 1<sup>a</sup> 2<sup>a</sup> 2<sup>a</sup> q. 2.* vocant Exemplar rerum existentium. Pari ergo ratione Essentia Divina quā Eminenter continens Esse creaturarum, quatenus est forma intelligibilis motiva, & formaliter identicè specificativa simplicis creaturarum quidditatum Intelligentiæ est rerum creandarum ratio, quam cum S. Augustino *cit. lib. 23. quæst.*



q. 48. in fin. vocare licet Ideam, sive formam sive speciem.

### Responsio ad Argumenta Adversariorum.

12. **A**D Scoti n. 1. propositum Respondetur. Ex mente ejusdem subtilis Doctoris in 1. dist. 36. n. 10. quidditatem creatam ex hoc esse possibilem, & ad extra factibilem, quod habeat Esse Intelligibile in mente Divinâ. Ergo primam rationem rei ad extra factibilis esse formam illam, per quam est ab intellectu Divino intelligibilis. At secundum eundem Doctorem non esse Essentias creatas per se primò intelligibiles ab intellectu Dei, sed per Essentiæ Divinæ Intelligibilitatem tanquam objectum Motivum, ac specificativum. Ergo possibilitatem quidditatum creatarum ex mente Scoti reduci debere in priorem formam intelligibilem, vi cujus quæ intellectæ sint ab intellectu Divino formabiles creatæ Essentiæ. Non has igitur, quæ objectivè existentes in mente Divinâ, sed ipsam Essentiæ Dei intelligibilitatem quæ Divinæ creaturarum Intellectionis specificativam, & ut sic rerum ad extra factibilium in Esse intelligibili formativam habere in Deo rationem primæ Ideæ.

13. **A**D Suarezij n. 2. Oppositum Respondetur. Verum esse, quod Idea in Deo sit forma intrinseca rerum ad extra efficiendarum per modum Imaginis repræsentativa. Hanc verò rationem Imaginis quæ imitabilis ad extra ut quo importare formalem Dei Intellectionem, ut quod verò Intelligibilitatem Divinæ Essentiæ. Nam Idea est ratio rerum ad extra faciendarum. Ex hoc autem sunt res ad extra factibiles, quod sint intelligibiliter in Deo: Ratio autem, per quam sunt res creatæ à Deo intelligibiles, est Divinæ Essentiæ Intelligibilitas tanquam Motiva, ac specificativa Divinæ creaturarum Intellectionis, nec non in ratione formæ intelligibilis expressiva, & actualissimè repræsentativa rerum creatarum. Ergo ratio primæ Ideæ consistit in Essentiâ Divinâ, quatenus per sui intelligibilitatem actualissimam formaliter realiter identificatam Intellectioni creaturarum, harum est expressiva, & imitabilis ab illis. Ergo completæ Ideæ ratio in Deo ita importat tum Essentiæ Divinæ Intelligibilitatem, tum actualem in hac creaturarum Intellectionem, ut ista dici possit Idea ut quo, illa verò ut quod.

14. **A**D Vasquezij n. 3. oppositum Respondetur ex D. Bonaventura ut. q. 1. Ideam esse rationem cognoscendi: hanc verò se habere aliter in nobis, aliter in Deo. Cum enim Intellectus noster non sit actus purus, sed respectu cogniti sit passibilis, idè sit in actu per aliquid cogniti, quod est hujus similitudo accepta & expressa ab intrinseco. Unde in nobis ratio cognoscendi est illa similitudo, cognitum verò est Veritas. At in Deo ratio cognoscendi est ipsa Veritas, & cognitum est similitudo Veritatis, scilicet creatura. Oportet igitur, Ideam in Deo esse ipsam primam Veritatem summè expressivam, & ut sic cogniti perfectissimè assimilativam assimilatione cognitioni competente. Ex quo S. Bonaventuræ discursu patet, Ideam in

Deo esse primam Veritatem, quatenus est ratio cognoscendi, & ut sic assimilandi cognitum assimilatione competente cognitioni. At ratio cognoscendi creaturas est ipsa Divinæ Essentiæ intelligibilitas habens ut sic rationem primæ Veritatis, quæ hoc ipso, quod sit actus purus, est actualissimè expressiva sui, omnisque in se contenti objecti. Ergo Essentiæ Divinæ Intelligibilitas quatenus per realem formalem Identitatem est ipsa Divini Esse creatas quidditates eminenter continentis repræsentativa Intellectui; est ut sic creaturarum expressiva, & assimilatione repræsentationis assimilativa, habens ut sic in Deo rationem Verbi Essentialis. Hoc proinde Verbum Intelligibilitatis Divinæ creaturas Intellectui Dei proportionantis, & sic in Esse intelligibili constituentis per formalem realem identitatem expressivum importat formalem rationem primæ Veritatis tum formalis ut quo imitabilis, tum objectivæ ut quod imitabilis à creatis Essentijs: Ergo sub ratione primæ Veritatis formalis est Idea ut quo, sub ratione autem primæ Veritatis objectivæ est Idea ut quod.

16. **A**D Amici n. 4. Oppositum Respondetur: Essentiam Divinam quæ cognitam actu ab intellectu Dei in ratione suâ formali importare Intelligibilitatem actualissimam intellectione formaliter realiter sibi identificatâ expressam. Sub hac autem consideratione Essentiam Divinam ita habere rationem objecti cogniti, ut formaliter sit species expressa sui primariò, creaturarum autem in eminentiali earundem continentia secundariò repræsentativa. Hæc autem actualissima creaturarum in sui Eminentiali Deo formaliter inexistente continentia expressio est rerum creatarum in repræsentando ita assimilativa, ut nulla in rebus creatis sit excogitabilis formalitas, quin hæc per illam rationem sit expressa, & repræsentata. Hæc proinde creatarum Essentiarum in Esse Dei Eminentiali Intelligibilis actualissima expressio habet rationem Verbi Dei Essentialis importantis formaliter primam veritatem tum objectivam, tum formalem: quæ aded prima Veritas objectiva per se ipsam actuata, & ut sic habens rationem Veritatis quoque formalis, ita est rerum creandarum Idealis ratio, ut in ordine ad res aliquando existentes actu habeat rationem Exemplaris, ex S. Thom. præf. q. 15. 4. 3.

17. **A**D Ysambertij n. 5. Oppositum Respondetur. Illam Doctrinam cum Fundamento ibi deducto haud displicere, nisi quod S. Bonaventuram, & D. Thomam in præfati puncto minime discordantes nitatur reducere in concordiam. Nam ex D. Bonaventuræ superius adducto patet, formalitatem Ideæ Divinæ per ipsum statui in primâ veritate, quatenus est ratio cognoscendi, & assimilandi creaturas. At istam rationem esse Divinæ Essentiæ Intelligibilitatem ex se actualissimam, atque aded in suo Eminentiali creaturarum Esse non tantum objectivè, sed sub ratione formalis actualis expressionis repræsentativam rerum ad extra faciendarum, constat ex deductis. In hac verò Divinæ Essentiæ Intelligibilitate creatas quidditates in Esse intelligibili proportionato Divino Intellectui, con-



Rituente, ac per se ipsam actuata, quatenus Esse non tantum Eminentialis Divini, sed etiam formalis creaturarum proprii, formaliter actualiter est expressiva, secundum mentem D. Tho. considerare Ideam Divinam colligitur ex dictis *in probat. ad Conclusionem*, potestque firmari argumentis per Ioan. à S. Tho. *pres. disp. 1. à n. 15. adductis*. Consequens proinde est, Divos Bonaventuram, & Thomam Aquinatem non re, sed modo tantum loquendi inter se differre.

### C O R O L L A R I U M.

18. Infertur. 1. Ideas in Deo non realiter, sed ratione duntaxat ratiocinatæ cum fundamento in re plurificari, ita quidem, ut respectus rationis, secundum quos multiplicantur Ideæ Divinæ, Fundamentaliter ab Intellectu Divino, Formaliter autem ab Intellectu duntaxat creato causentur. Ratio est. Nam Idea in Deo est Essentia Divina, quæ imitabilis ad extra. Hæc autem imitabilitas Divinæ Essentiæ est derivabilis in creaturas secundum formam intelligibilem. Ista verò forma intelligibilis est formaliter ipsum Esse Divinum Eminenter & Causaliter præcontineans omnes effectus ad extra factibiles, eosque ut sic in Esse objectivo Intelligibili proportionans, seu uniens Divino Intellectui, imò constituens illos actualiter in Esse expressi, seu intentionaliter representati per Divinam Intellectionem. At ista ratio creaturarum in Deo expressiva, earumque cum Divino Intellectu in Esse objectivo Intelligibili unitiva est à parte rei unica indivisibilis formalitas Intellectionis increatæ, in objecto suo secundario representans intentionaliter plures syncategorematicè infinitas quidditates, ac realitates ad extra factibiles in uno simplicissimo Dei Esse cum realiter Eminenter, tum intelligibiliter representativè inclusas, secundum suam Essentialitatem, quàm Intelligibilitatis proprias rationes. Consequens adeò est, Divinæ Ideæ rationem, quæ teste D. Thomà *pres. 4. 3. in se formaliter unica est, terminaturve ex parte objecti*, seu termini sui importare plures in infinitum factibiles quidditates, ac existentias creaturarum.
19. Hæc autem Entitatum creaturarum distinctio eamèns radicitur in ratione Ideali, quatenus ipsa Divina Essentia diversimodè imitabilis est principium, & Causa pluralitatis rerum à Deo factibilium. ex S. Thomà *in 1. disp. q. 2. a. 2. ad 3.* At ex hoc ipso, quòd Essentia Dei quæ cognita à suo Divino Intellectu sit principium diversitatis creaturarum, oportet in Divino Intellectu considerare quandam distinctionem, & pluralitatem rationum intellectuum. ex eod. S. Doct. *de Verit. q. 3. a. 2. in Corp. & ad 6. & in 1. cons. gentes cap. 54. circa finem*. Hæc autem distinctio rationum intellectuum in Deo est, secundum quod in intellectu Divino comparante Essentiam suam ad res in infinitum multiplicabiles est propria diversorum ratio *ex loc. proxime cit.* Unde fit consequens, quòd pluralitas rationum Idealium, sive respectus, quibus in Deo multiplicantur Ideæ, non causentur a rebus Ideatis, sed ab Intellectu Divino, comparante Essentiam suam ad res creatas, ex Angelico Doctore *pres. 4. 2. ad 2.* Ista vero respectuum Idealium causatio est ab Intellectu Divino, non quæ formante, sed fundante re-

spectus ejusmodi. Ex hoc enim, quòd Divinus Intellectus suam Essentiam per Eminentialem omnis formalis respectus, ac dependentiæ exclusivam comparisonem sub absolutissima Essendi perfectione comparet ad res creatas tantum istarum pluralitatis eminentiale principium, Intellectus noster ex ipsa Dei Essentiâ ut sic à Deo cognita sumit fundamentum distinguendi Ideas, seu rerum ad extra factibilium rationes Divinas. Constat igitur, Ideam Divinam ita esse in se unicam Divinæ Essentiæ Eminentialem Formalitatem, ut tamen ratione nostrâ ratiocinatâ sit multiplicabilis, fundamento hujus pluralitatis se tenente in Dei Eminentiâ, atque hujus Divinæ Intellectione, habente ex se ipsa formalitatem ideandi ac formandi unumquodque ideatum secundum rationem suam propriam, ac singularum quidditatum differentias Specificas, & individuales exprimendi, ac discernendi. Unde fit, quòd respectus, secundum quos multiplicantur Ideæ, in Intellectu Divino sint fundamentaliter ab æterno, etsi formaliter non sine nisi per ratiocinatam creati Intellectus rationem; uti pluribus tradit Ioannes à S. Thom. *cit. disp. 1. a. 2.*

Infertur 2. Mala formaliter sub ratione Mali, seu defectus non habere Ideam in Deo. ex S. Thomà *cit. q. 15. a. 3. ad 1.* Ratio est. Quia Idea in Deo est forma imitabilis expressiva in Intellectu formalitatis ex Essentiâ Divinâ participabilis. At hoc ipso, quòd Esse sit effectus Dei proprius, nihil est à Deo participabile nisi sub ratione Essendi. Unde quia materia prima separata à formâ nec habet Esse, nec consequenter secundum se cognoscibilis est, negat S. Doctor *cit. 4. 1. ad 3.* habere in Deo diversam Ideam ab Idea compositi. At verò Malum formaliter importat defectionem ab Essendo, quod proinde non per propriam rationem, sed per rationem Boni duntaxat à Deo cognoscitur. Unde Idea nec secundum quod est exemplar, nec secundum quod est ratio in Intellectu Divino, est in ordine ad malum.

Infertur 3. Respectu purè possibilium Deum habere Ideam, non actu, sed habitu tantum practicum: cui inest propria Idealis ratio. ex S. Th. *de Verit. q. 3. a. 6. & pres. 4. 3.* Ratio est, quia Idea est intelligibilis formatio rei arte faciendæ. Hæc autem formatio intelligibilis potest in objecto suo representare vel modum duntaxat rei faciendæ de possibili, vel ipsam factionem passivam. At prior formationis ratio in Intellectu Divino est respectu illorum duntaxat, quæ purè possibilia sunt, in ordine ad quæ datur cognitio non actu, sed virtute tantum practica: posterior autem se habet ad illa, quæ executivè per Voluntatis Divinæ propositum sunt in tempore producenda, respectu quorum est in Deo cognitio actualiter practica, *exercitiè affectrix rei Ideatæ*. Datur igitur respectu purè possibilium propria Idealis ratio non actu, sed habitu practica.

Infertur 4. Verificari dictum S. Augustini *in lib. 33. quæst. q. 46. circa finem* afferentis: Visione Idearum Divinarum Beatissimam fieri Animam, atque adeò Mentem etiam Divinam. Ratio est: Cum enim Beatitudo sit perfectum Intellectuale naturæ bonum, Deus autem secundum omnem perfectionis gradum habeat Naturam Intellectualem simpliciter perfectam, oportet Beatitudinem maxime convenire Deo. ex S. Tho.




1. p. q. 26. a. 1. At perfectissimum in Intellectuali Naturâ, ejusque aded Beatitudo est intellectuales operatio, secundum quam capit quodammodo omnia. Ex hoc ipso autem, quod Esse Dei omnem non tantum simpliciter simplicem, sed à Creaturis cum potentialitate participabilem perfectionem formaliter aut eminenter continens sit suum Intelligere, est consequens, quod per Intellectionem suæ Divinæ Essentiæ, Deus capiat omnia, atque aded hæc ipsius Essentiæ perfectio non tantum sit Beatitudo objectiva, sed etiam formalis habens in se sub ratione Eminentiali om-

nem etiam creatam felicitatem, ex eod. S. Doctore. iii. q. 26. a. 2. 3. & 4. Atqui Idea Divina est Essentia Divina per suam actualissimam Intelligibilitatem actualiter formaliter expressiva non tantum sui, quâ in se perfectissime subsistentis, sed quâ imitabilis secundum quaslibet quidditates ad extra formabiles, ac producibiles. Ergo per Visionem Idæ suæ Mens Divina

est formaliter Beatissima.

—(o)—





Motûs, & Quietis principium. At sub ratione proximæ potentia se habet ad naturam substantialem per modum proprietatis ex eâ connaturaliter emanantis. Est igitur in omni substantiâ naturalis ad Bonum & Finem sibi proportionatum appetitus, qui est tum radicale, tum proximum Motûs, & Quietis connaturalis principium. At verò in hoc differunt Naturæ cognoscitivæ à non cognoscitivis, quod istæ, non illæ sint coarctatæ ad formam suam, sed movere se possint ad illarum rerum formas intra se intentionaliter, ac taliter recipiendas, ut Intellectus intelligendo fiat omnia. Hæc igitur aliarum formarum per vitalem Intellectûs motionem in Esse repræsentativo intus susceptio intentionalis, cum sit propria naturæ Intellectualis perfectio vel adæquat proportionem, seu capacitatem hujus Naturæ, & tunc ad eam consequitur affectio Quietis: vel si non sit satiatiua Intellectualis Naturæ, consequens est, ex ipsâ excitari motum tendentiæ ad ulteriorem sui perfectionem. At ista tendentia importat motum præsuppositivum cognitionis repræsentantis objectum quâ conveniens Naturæ Intellectualis. Ille verò motus est vitalis actio elicita a Naturâ Intellectuali. Hanc ipsam verò vitalem in Bonum seu Finem naturæ Intellectuali congruum motionem, vel in eodem fine, quâ satiatiua Quietem vocamus appetitum elicatum. At iste appetitus elicatus vel se habet per modum actionis emanantis ex aliquo priori principio: atque tunc appetitum rationalem supponit tanquam Principium ex præviâ cognitione elicativum illius actionis. Vel appetitus ille elicatus habet se per modum per se subsistentis, atque tunc velle est ipsum Esse subsistens. Hoc autem nequit esse in Naturâ Intellectuali, nisi cujus Intelligere est suum Esse, quod solius Dei proprium est. Ergo ex hoc, quod Deus sit Intellectivus, est consequens, esse Volitivum, & ex eo, quod ejus Intelligere sit suum Esse, sequitur velle ipsius esse suum Esse.

#### Responsio ad opposita Argumenta.

6. AD Vasquezij n. 2. Oppositum Respondetur. Doctorem Angelicum inter appetitum innatum in rebus naturalibus, & appetitum rationalem in Naturâ Intellectuali faciendo quandam proportionem non obscure insinuare illud demonstrativum principium, quod cujus substantia per modum innati appetitus inexistat principium motûs & quietis. Sub hac autem majori subsumere hanc Minorem, quod, cum natura intellectualis sui sui perfectiva per aliarum formarum in Esse repræsentativo intusceptionem intentionalem, debeat circa istam perfectionem in illa Naturâ esse appetitus elicatus vel tanquam Motus ulterioris perfectionis prosecutiva, vel Quies satiatiua. Quo supposito in vi demonstrativæ argumentationis inferri, quod in natura Intellectuali, quâ non est purus Essendi actus, detur appetitus elicatus per modum actionis emanantis ex potentia appetitiva: in Natura verò Intellectuali, cujus Esse est suum immanens Operari detur Velle per modum Esse per se subsistentis. Ex quibus adeò patere, illam Divi Thomæ ratiocinationem non esse solius congruentiæ, sed demonstrativam.

7. AD 1. Arriagæ n. 2. Oppositum Respondetur. Ex dictis constare, quod in Naturâ Intellectuali adinittendus sit appetitus circa Bonum

per præviâ cognitionem repræsentatum tanquam Motus, & Quies, quæ important actionem sive elicitam a potentia appetitivâ, sive per se subsistentem.

Ad 2. Eiusdem Authoris Respondetur. Arriagam invertere quidditatem Naturæ Intellectualis, & novam Chimericam in scholas inducere, dum ait, Appetitum Naturæ cognoscitivæ proprium non esse in omni Intellectivo volitivum, vel dari posse Intellectivum non Volitivum, uti etiam probat Amicus *præs. disp. 14. sect. 1. n. 3.*

Ad 3. Respondetur. Si Arriaga exhibere possit substantiam, cujus natura non sit principium Motûs & Quietis, tunc nos ipsi credituros, quod non omni formæ substantiali (circa quam utpote Naturam procedit D. Thomæ argumentatio) inexistat appetitus elicativus Motionis & Quietis vel naturalis, ac physica, vel Intentionalis ac volitiva. Neque verò ex hoc sequi processum in infinitum, cum tandem deveniatur ad unam formam infinitam, seu actum purum, qui est omnis etiam intrinseci appetitus seu Voluntatis per suum Esse satiativus.

#### CONTROVERSIA. II.

*An in Voluntate Divinâ sit formalitas, quæ ad Voluntatem Dei Essentialem à parte rei non formaliter, sed virtualiter ab ipsâ distinctam se habeat instar actûs Primi, seu potentia volitiva.*

Arriaga *cit. disp. 24. sect. 2. n. 7.* docet Intellectionem Divinam esse actum primum Volendi non solum ratione nostrâ, sed etiam virtualiter. Fundamentum est, quod Intellectus Divina distincta Virtualiter à Volitione, sit virtuale Volendi principium. Probatur istud fundamentum. Natura Divina prioritatem rationis non tantum ratiocinantis, sed etiam ratiocinatæ fundata in distinctione Virtuali antecederet ad volitionem constituitur per ipsum Intelligere Dei, seu per Intellectualitatem in actu primo. Est autem de ratione Naturæ esse principium operationis: Illa autem operatio se habet ad suum principium tanquam actus secundus. At non est alia in Deo operatio Intellectioni Divinæ quâ principio respondens, nisi Volitio Divina. Hæc igitur ad illam seu actum primum, seu principium virtuale se habet instar actûs secundi.

Non esse in Deo ex parte rei conceptæ, sed quoad modum duntaxat concipiendi potentiam Volitivam respectu Essentialis Volitionis, tradunt Ferrariensis 2. *cont. gent. c. 10.* Franciscus de Lugo *lib. 1. de Deo uno. disp. 16. c. 4.* Amicus *cit. sect. 1. n. 1.* Ioannes à S. Thomâ 9. 19. *disp. 4. a. 2.* Gonet *cit. tom. 3. disp. 1. art. 1. §. 1. concl. 2.* Labat *præs. disp. 6. dub. 1. §. 1.* Dominicus de Marinis *hic art. 2. c. 2.*

#### CONCLUSIO.

Eo ipso, quod Voluntas Divina sit actus purus in Essendo, ac Volendo per se subsistens, non est in Deo assignabilis



ulla formalitas, quæ sub distinctione etiam virtuali secundum rationem objectivè præcisam dici possit actus primus, seu potentia volendi.

Probat. Potentia activa est principium agendi in aliud, ex Philosopho. 1. *Metaph. tex. 17.* Ergo in Deo non est formalitas activæ potentiæ nisi ad alterum, D. Thomæ 2. *cont. gent. c. 10.* attestante, *Potentiam importare respectum ad alterum in ratione principij.* At voluntas Divina non est altera respectu Volitionis Essentialis, sed tantum respectu Facti, seu Effectus ad extra: Sicuti Volitio Notionalis activa in Patre, & Filio est altera respectu Volitionis Notionalis passivæ, seu processionis Spiritus Sancti. Ergo Voluntas Divina non habet rationem potentiæ respectu Volitionis Essentialis, sed ad extra duntaxat respectu objecti, & effectus creati; sicuti Volitio quoque Notionalis activa habet rationem principij respectu Spiritus Sancti, veluti S. Doctor *ibid. c. 10. cont. gent.* docet hisce verbis. *Si aliqua actiones Deo conveniant, quæ non in aliquod factum transeant, sed maneant in Agente, respectu horum non dicitur in Deo potentia, nisi secundum modum intelligendi, non secundum rei Veritatem: Hujusmodi autem actiones sunt intelligere, & Velle: Potentia igitur Dei propriè loquendo non respicit hujusmodi actiones, sed solos effectus: Intellectus igitur, & Voluntas in Deo non sunt ut potentia, sed solum ut actiones.*

Dices: In signo rationis liberam Voluntatis Divinæ determinationem antecedente, posse Voluntatem Dei cum fundamento in re intelligi cum indifferentiâ ad libera Decreta: hanc verò indifferentiam esse potentiam volendi, vel nolendi. Ergo ratione nostrâ ratiocinata esse in Deo intelligibilem aliquam formalitatem, cui respectu Volitionis essentialis conveniat ratio potentiæ.

Contra est. Quod illa volendi ac nolendi indifferentia in voluntate Divinâ sit Logica duntaxat, nec ad eò habeat rationem Potentiæ. Probat. istud assumptum. Nam in præfato rationis signo antecedente intelligitur Essentia Divina in se subsistens, actualissima, & infinita: Ex hac autem Essentialitate actualissima est, quod per se ipsam sit forma intelligibilis habens actualissimum Esse representativum in Intellectu Divino, ut sic per se formaliter Motivum, atque ad eò sub actualissima, simplicissima formalitate suâ specificativum & constitutivum Volitionis suæ Divinæ. Sub ista ad eò formalitate est in Deo voluntas virtualiter, & secundum præcisionem objectivam in aliquo rationis signo antecedens Decreta libera. In hoc autem priori signo verè, & cum fundamento in re concipi potest Voluntas Dei cum indifferentiâ Logica ad Velle seu Nolle suum intrinsecum, & cum indifferentiâ physicâ ad effectus extrinsecos. Illa verò Logica indifferentia in eo sita est, quod Esse Divinum tam in ratione Essendi, quàm sub ratione objecti Motivi Volitionis suæ identicè formaliter specificativum eam habeat Essendi Eminentialitatem, cui per realem formalem identitatem actualissimè possit convenire amor ac determinatio libera rei à se volitæ ad extra effectrix. Ejusmodi verò potentia per realem formalem identitatem habendi formalitatem aliquam, hoc ipso est logica, non autem

physica, quod ista sit ad alterum, ejusmodi verò inter Voluptatem Divinam, ejusque liberum Decretum alteritas excludatur per rationem actus puri secundum realem formalem identitatem habentis in se omnem formalitatem sibi inexistentem. Illa proinde potentia Logica etsi componi queat cum negatione, vi cuius *pro illo signo, in quo Deus decrevit producere mundum, docere liceat, non esse in Deo nolitione de creatione mundi.* Nilominus ista de creando mundo negatio nolitionis non est physica, cum hæc importet negationem Esse physici: in Deo autem illud ipsum Esse, quod est volitio creandi mundi, subsisteret, licet noluisset creare mundum. Consequens proinde est, in Deo esse potentiam, ac Indifferentiam duntaxat Logicam, non autem physicam respectu liberæ Volitionis, seu Nolitionis.

Replicabis. Etsi ratio actus puri importet omnis Deo inexistentis formalitatis realem formalem in Essentiâ suâ identitatem, cum hac tamen in Voluntate Dei per Essentiam suam quâ actualiter Motivam, & formaliter identicè specificativam constitutâ stare virtualem respectu liberæ effectus creati volitionis distinctionem. Ergo ratione hujus virtualis distinctionis posse Voluntatem Divinam se habere tanquam virtuale principium, seu potentiam in actu primo elicivam liberi circa creaturas Decreti.

Contra. Nam Voluntas Dei essentialiter est actus propensionis sub Esse intelligibili Essentiæ Divinæ per se ipsum expresso & ut sic per actualissimam Bonitatis in se representatæ allicientiam Motivo, formaliter identicè specificatus. Hic autem actus eò ipso potest determinari ad objecta etiam creata, quod ista sint derivabilia ex Essentiâ Divinâ propensionis illius motivæ, & formaliter identicè specificativæ. Ergo ratio terminationis ad effectus creatos potest in Voluntate Dei intelligi consequens Divinæ Essentiæ Volitionem, in quâ subsistit prima Voluntatis Divinæ ratio. Unde verum quidem est, quod inter volitionem Dei quâ specificatam ab Essentiâ suâ Divinâ, & quâ terminabilem ad objecta creata sit distinctio virtualis: Hæc tamen virtualis distinctio importat prioritatem, & posterioritatem duntaxat Logicam, non autem physicæ causalitatis, seu realis alicujus emanationis. Si ergo quis contendat, quod *volitio Dei per Essentiam suam in ratione appetibilis actualiter Motivam, & formaliter identicè specificativam constituta, sit principium Virtuale, seu potentia in actu primo elicitiva liberi circa effectus creatos Decreti;* in ipsa terminis committitur contradictio, eò quod *ty virtuale* supponat realem formalem Decreti liberi cum Volitione Divinæ Essentiæ identitatem: hæc autem realis identitas tollat eo ipso rationem actus primi, ac principij, nec admittat nisi rationem potentiæ Logicæ. Ergo in Voluntate Divinâ nec virtuale Volitionis Essentialis principium admitti debet, nisi per hoc intelligatur potentia Logica, vi cuius per realem formalem identitatem potest esse in Deo liberæ circa objectum creatum Volitionis ratio & formali-

122

66 (IHS.) 60

Respon-




## Responsio ad fundamenta opposita.

- II.** Ad fundamentum *II.* oppositum ejusque probationem Respondetur: Intellectionem Divinae Essentiae habere in Deo formalitatem Naturae sub ratione actualitatis purissimae ac per se subsistentis operationis, non autem sub ratione principij: hoc enim quatenus secundum Philosophum est constitutivum Naturae, debet esse physicum in substantia vivente immanenter operativum Motus, & Quietis: Repugnat autem Deo, nisi quoad processiones Notionales inesse realis physicae emanationis principium. Et si proinde Intellectio Essentiae Dei quae constitutiva Naturae Divinae virtualiter sit distincta à Volitione, haec ipsa tamen virtualis distinctio importans realem formalitatem identitatem excludit formalitatem principij physici, nec stare potest cum ratione potentiae nisi logicae, prout non ex parte rei, sed juxta nostrum intelligendi modum duntaxat potest concipi Volitio emanare ex Intellectione Divina. At ista emanatio Logica nihil aliud importat, quam Volitionis ex Intellectione illationem fundatam taliter in Eminentiali Intellectionis, ac Volitionis, nec non potentiae Volitivae creatae continentia, ut haec ipsa tamen Eminentialis formalitatum in creatis distinctarum continentia in Deo per formalem realem illarum inter se identitatem sit ex parte objecti exclusiva unius ab altera emanationis, atque aded illius Logicae processio ratio involvat duntaxat actum rationis nostrae inter se distinctionem ac praecisionem, seu unius ex alio deductionem. Constat igitur, Velle Dei non esse talem actum, qui designet processionem ab aliquo principio; nec aded respectu Volitionis Essentialis posse salvari in Deo rationem potentiae, nisi secundum nostrum duntaxat intelligendi, ac significandi modum; uti clare asserit D. Thomas *1. p. q. 14. a. 4. ad 3.*

## COROLLARIUM.

- 13.** Insertur. Qualiter Velle Dei sit Esse Divinum, atque ut sic constitutivum Essentiae & Naturae Divinae. Nam *1.* cum omnis formalitatis Divinae non sit nisi unicum simplicissimum purissimae actualitatis Esse, consequens est, Esse Dei ita esse Transcendentaliter inclusum in formalitate Divinae Volitionis, ut illud sit hujus Essentia. *2.* Sicuti tamen ratio Veri includit essentialiter rationem Essendi, quin ista Metaphysice importet rationem Veri: ita quidem in secundo dicendi modo per se ita praedicetur proprietas de subjecto, ut istud sit de ejus Essentia, non verò e contra. Sic ratio Volitionis non est Metaphysice, seu ratione nostrae ratiocinatae formaliter de Essentia & Natura Dei. Cujus fundamentum est Virtualis tum Essendi formalitatis, tum Intellectionis Dei quae Naturae distinctio à formalitate Volitionis Divinae. At in quantum est distinctio, in tantum unum est extra aliud. Et si proinde Essentia Dei ex natura rei formaliter includat omnem formalitatem sibi inexistentem, atque aded haec plena Dei perfectio, & purissima in omni perfectionis simplicis ratione actualitas Simplicissima ex Natura rei formaliter sit de Essentia Dei, extra hujus tamen quae Es-

sentiae formalitatem à parte rei virtualiter, & consequenter ratione nostrae ratiocinatae formaliter est formalitas tam Intellectionis, quam Volitionis Divinae; sicuti hujus quoque rationem esse virtualiter distinctam à formalitate Intellectionis demonstrat processio Spiritus Sancti, quae est per Volitionem, non autem per Intellectionem. Patet igitur, Volitionem Divinam à parte rei virtualiter, & ratione nostrae ratiocinatae formaliter seu Metaphysice secundum conceptus nostros objectivos non esse de Essentia & Natura Dei. Verum de his egimus ex instituto *sup. q. 2. a. 2. cont. 2. & 3.*



## ARTICULUS II.

DE

## Obiecto Divinae Voluntatis.

**H**oc Articulo continentur, quae D. Thomas *pres. q. 19. a. 2. 3. & 5. nec non sequentis q. 4. 2. 3. & 4.* exposuit.



## CONTROVERSIA. I.

## Quodnam sit obiectum Formale

Motivum ac Terminativum Divinae Voluntatis?

**D**ifficultas prima movetur ex S. Thomae: Nam illud, quod est volitum tanquam finis, est movens Voluntatem. *in 1. dist. 45. q. 1. a. 2. ad 3.* At Deus alia à se non vult, nisi propter finem, qui est sua bonitas. Haec igitur sola est finis movens Divinam Voluntatem. *ex loco proxime citato.* Contra quod tamen militare videtur, tum quia finis est ratio volendi ea, quae sunt ad finem. *ex 1. cont. gent. c. 86.* Haec autem ratio volendi Deo non est sua tantum Bonitas, sed cum bonum particulare ordinetur ad Bonum Totius, sicut ad finem, oportet Universi Bonum esse quoque finem, & rationem, quare Deus vult unumquodque bonum particulare in Universo. *ex proxime cit. c. 86.* Tum quia Finis est causa volendi. *ex 1. cont. gent. c. 87.* At cum Deus unico simplicissimo actu velit omnia in sua Bonitate, ejus voluntatis nulla prorpsus est causa. *ex 1. p. q. 19. a. 3.* Quomodo ergo subsistit, Bonitatem Dei, eamque solam esse voluntatis Divinae Finem Motivum.

Xantes Mariales *tom. 3. suae Biblioth. cont. 14. c. 1.* cum Divinae Voluntati assignasset rationem aliquam volendi, non verò Causam Finale; tandem *c. 4. circa medium* distinguit illam volendi rationem, ita ut respectu Voluntatis Divinae alia sit formalis Motiva ipsius actus volendi, alia verò sit ratio Finalis Terminativa ex parte Volitorum; quarum prior sit sola Bonitas Divina; posterior autem possit esse creata respectu alterius objecti creati à Deo voliti. Explicatur & probatur ex D. Tho. *pres. a. 1. ad 1. & ad 3. Item 1. cont. gent. c. 86. & 87.* Nam si quae Divinae Voluntatis esset Causa Finalis, ista non



esset, nisi Bonitas increata implicat enim aliquid Divinorum causari à creato tanquam Causa etiam Finali. At Bonitas Increata ita est Finis Divinæ Voluntatis, ut hæc sit ipsa Dei Essentia, per quam Deus est Bonus Essentialiter, atque ut sic finis suæ Volitionis. Cum proinde causa importet distinctionem à causato, consequens est, Bonitatem Dei Increatam ita esse finem, atque adeò rationem Finalem Motivam suæ Divinæ Voluntatis, ut tamen non sit ejusdem Causa Finalis, nisi secundum nostrum intelligendi modum. Hæc autem finalis motiva Divinæ Voluntatis ratio in eo differt à ratione finali ex parte Volitorum Terminativa, quod ista non sit movens Voluntatem ad volendum, sed tantum habilitans volitum minus principale, ut in gratiam sui sit volitum. At universum habilitat Elementa, ut in gratiam sui Constitutionis sint volita, terminentque Divinam Volitionem. Unde Universum est ratio volendi *passive* ex parte volitorum, non autem *active* ex parte volitionis *active* Divinæ.

Vasquez *præf. disp. 22. c. 1. n. 3.* importat, quod aliquod creatum possit Divinæ voluntati ita esse ratio volendi alteram creaturam, ut illa tamen ratio se non teneat ex parte volitionis *active* sumptæ, sed ex parte duntaxat voliti. Nam rem aliquam esse volitam à Deo propter aliam, proinde esse, ait ille Author, ac si diceretur, Deum velle rem aliquam propter aliam. Unde *seq. c. 2.* infert, etiamsi Deus velit unam rem creatam esse propter aliam, non tamen velle unam propter aliam, sed velle omnia creata propter suam Bonitatem, & sic inter objecta creata nullum esse rationem Deo volendi aliud, sed solam suam Bonitatem esse rationem per modum Finis volendi reliqua. Ratio ex eodem Authore *n. 2.* ita deduci potest. De Divinâ Voluntate philosophandum est instar humanæ. Huic autem ratio volendi non est, nisi Finis, qui sub ratione Boni honesti, aut Delectabilis est gratiâ sui appetibilis. Medium autem, ac Bonum utile quâ tale sicut non est propter se expetibile, sic non habet rationem volendi. At omnia creata comparantur ad Deum ut Media, cujus adeò sola Bonitas increata est Finis. Ergo hæc duntaxat potest Divinæ Voluntatis esse ratio Volendi.

Huic Vasquezij doctrinæ extremè opponitur Arriaga *10. 1. int. p. disp. 24. a. n. 30.* docens, Deum posse amare creaturas ut finem *Qui*, sed posse se ipsum amare propter creaturas, ut propter Finem *Qui*. Fundamentum est. Tum quia ex Fidei principiis constat, amorem spei esse honestum moraliter. At in hoc amat homo sibi Deum. Ergo etiam Deus potest se amare homini. Tum quia Deus potest amare suam Omnipotentiam, quâ Utilem ad benefaciendum homini. Probatur istud Assumptum. Nam Omnipotentia sub istâ ratione est bona. At Deus potest se amare sub omni ratione, sub quâ Bonus est. Cum igitur Deus amare possit suam Omnipotentiam quâ Utilem ad bene faciendum homini, consequenter potest se amare propter creaturam, ut propter Finem *Qui*.

Huc reduci potest, quod idem Arriaga *cit. disp. 24. a. n. 38.* tradit: Actus Divinæ Voluntatis posse ex parte nostrâ habere Causam Moralem. Probat. Nam causa Moralis est, quæ prævisa movet ad volendum aliquid. At bona opera

nostra prævisa movent Divinam Voluntatem ad decernendum nobis præmium, sicuti mala contra opera movent Deum ad decernendam poenam. Hæc autem honorum & malorum nostrorum operum ratio tangit non tantum præmij, aut pænæ objectum creatum, sed attingit ipsum Divinæ Voluntatis actum, alliciendo Deum, ut habeat istum actum, siquidem omnis causa Moralis in tantum causet effectum externum, in quantum Bonitate, aut malitiâ suâ excitat Volitionem, à quâ procedit ille effectus. Consequens igitur est, objectum aliquod creatum posse Divinæ Voluntatis esse Motivum quoad ipsam Dei volitionem intrinsecam.

Confirmatur. Vis meritorie motiva inest Bonis in Gratia elicitis operibus nostris, tum ratione Bonitatis moralis propriæ, & ex creatâ Sanctitatis forma in ea derivatæ, tum ratione Honestatis, quatenus fundant honestatem justitiæ, ex quâ intuitu meritorum Deus sit præmij Debitor. At non illa duntaxat bonum nostrorum operum sive propriæ, sive derivatæ ex Sanctitate creatæ merentis Honestas est quid creatum, sed oportet etiam Honestatem Motivam Justitiæ, quâ virtutis Moralis specificativam esse Bonitatem moralem creatam. Consequens igitur est, in creatis dari objectum Motivum, ac specificativum alicujus Divinæ Volitionis.

#### CONCLUSIO.

**E**T si bonitas aliqua creata possit esse ratio Finalis ex parte Volitorum Terminativa Divinæ Voluntatis, sola tamen Increata Divinæ Essentiæ Bonitas potest Volitionis Divinæ quoad hujus formalem intrinsecam Terminationem esse objectum formale.

Explicatur, & Probat. Sicuti forma dat intrinsecè speciem, sic objectum formale est specificativum actûs ad se terminati. Est autem specificatio alia Causalis, velut objectum Motivum Intellectûs sub specie suâ propriâ impressum, seu intelligibiliter representatum efficienter movet Intellectum, seu efficit, ac efficiendo determinat quidditativam sui Intellectionem. Similiter objectum Motivum Voluntatis ab hac distinctum in vi Causalitatis finalis alliciendo movet Voluntatis actum ex motione suâ Finali determinando ad certam actionis speciem. At si actus aliquis Divinus sub formalitate suâ intrinsecâ à formâ aliqua creatâ per causalitatem sive Finalem sive Efficientem specificaretur, esset talis Divinæ formalitatis quoad rationem suam intrinsecam aliqua dependentia à formâ creatâ. Hoc autem repugnat rationi Essendi quâ Divinæ.

Nequit ergo ullus Divinæ Voluntatis actus causaliter specificari à Bonitate aliqua creatâ. Atqui præter hanc Causalem specificationem superest Formalis: Hæc verò aliquandò est secundum commensurationem actionis cum aliquo termino seu objecto. Ista verò Commensuratio importat intrinsecam actionis habitudinem ad objectum, seu Terminum tanquam mensuram determinativam illius quoad specificam & essentialem perfectionem. Atqui nullius Divinæ formalitatis potest aliquid extra Deum esse mensura, sed



ra, sed è converso Essentia Divina secundum activam suam imitabilitatem omnis ad extra perfectionis ex se derivabilis representativa, ejusque voluntas universæ creatæ Formalitatis, & actualitatis definitiva ac determinativa, nec non scientia Visionis cunctarum creaturarum quoad Esse actuale expressiva habet rationem primæ mensuræ, ad cuius Normam seu rationem Idealem, ac Exemplarem omnis extra Deum perfectionis Essentia, & Existentia conformatur, & secundum passivam suam imitabilitatem commensuratur; ut aded universæ creaturæ sit essentialis, ac intrinseca habitudo Commensurationis ad Esse Divinum, non econtra sit formalitatis alicujus Divinæ ad ullum Terminum, seu objectum creatum relatio seu habitudo Commensurationis. Si proinde objectum aliquod possit actûs Divinæ Voluntatis esse specificativum, oportet illam specificationem esse in ratione formæ intrinsecè constitutivæ non per informationem, cum ista arguat potentialitatem actûs puri exclusivam, sed per identitatem realem formalem. At per se notum est, hanc Divini actûs specificationem non posse ulli objecto creato convenire: Sicut ergo solius Essentiæ Divinæ habentis purissimam Intelligibilitatis actualitatem ut sic identice formaliter importantem actualem sui intellectionem, est per realem formalem identitatem specificare intellectionem Dei increatam; sic ejusdem Essentiæ Divinæ quæ in Intellectione Dei expressè habentis ut sic appetibilitatem actualissimam, est specificare Volitionem Divinam, hanc movendo non per causalem aliquam motionem, sed per formalem realem cum illâ identitatem, attestante D. Thomâ *præs. q. 19. a. 1. ad 13. Objectum voluntatis Divinæ esse Bonitatem suam, quæ est ejus Essentia. Unde cum voluntas Dei sit ejus Essentia, non moveri ab alio, sed à se tantum; eo loquendi modo, quo Intelligere, & Velle dicitur Motus. Et secundum hoc dixisse Platonem, quod primum Movens moveat se ipsum.* Cum igitur sola Essentia Divina, seu Bonitas increata possit Voluntatis Dei esse specificativa; objectum autem formale oporteat esse specificativum, consequens est, nullam creatam Bonitatem posse Volitionis Divinæ esse objectum formale.

#### Responsio ad opposita Argumenta.

**A**D n. 1. & 2. ex D. Thomâ, & Xante Maria-  
li propositum Respondetur. Ex ijs, quæ iste Author solidè deduxit, clarum esse, qualiter subsistat; solam Dei Essentiam esse Voluntati Divinæ Finem, seu rationem Volitionis Divinæ Motivam, atque specificativam; & tamen unum Bonum creatum posse Voluntati Divinæ non quoad actum volitionis, sed ex parte Volitorum esse rationem volendi aliud Bonum creatum. Hæc enim ratio volendi se tenens præcisè ex parte volitorum, nihil aliud est, quam ratio habilitans, sub quâ alterum Bonum creatum applicatur ad Divinæ Essentiæ Bonitatem Increatam, cuius tanquam Finis Voluntatem Divinam per se moventis inquit sub ratione Boni creati habilitantis, seu ad Voluntatem Dei, ejusque Bonitatem applicantis amatur illud alterum Bonum creatum. At ejusmodi rationem alterius Boni creati applicativam ad Dei Bonitatem increatam, ejusque Voluntatem Divinam, inve-

niri in rebus creatis, patet tum ex 1. *cont. gent. c. 26.* tum ex eo, quod SS. Patres, atque Doctores, cur Deus velit hunc, vel illum effectum, v. g. Filij, non autem Patris, seu Spiritûs Sancti in hoc potius, quam alio tempore ex Matre de stirpe Adæ Incarnationem, assignent rationes, seu congruentias se tenentes non tantum ex parte Dei, sed objectorum creatorum. Consequens igitur est, unum objectum creatum posse esse rationem alterius voliti habilitantem, seu applicantem ad Divinam Voluntatem, atque ad hujus Finem, seu Objectum Motivum, etiamsi ratio Finis Volitionem Divinam Moventis, ac specificantis non possit esse nisi Essentia Divina, quæ per formalem Identitatem specificando Voluntatis Divinæ actum, est hujus causa non realis, sed secundum nostrum duntaxat intelligendi modum, uti Ferrarionis *in cit. S. Doctoris cap. 26. cont. gent.* demonstrat.

Ad Vasquezij n. 3. Oppositum Respondetur. Ipsum falli asserendo, rem aliquando esse volitam à Deo propter aliam, perinde esse, ac si diceretur, Deum velle rem aliquam propter aliam. Nam ista posterior propositio importat Motionem Finalem Objecti Motivum in ipsam Dei volitionem. Hæc autem Motio Finalis non per Causalitatem realem, sed per formalem à parte rei Identitatem respectu Volitionis Divinæ convenit soli Increatæ Dei Essentiæ Bonitati. Ergo nunquam tenet propositio, quod Deus unam rem creatam v. g. Bonum particulare Universi velit propter aliud Bonum creatum totius v. g. Universi. At verò altera propositio, *Elementa v. g. sunt à Deo voluta propter Constitutionem Universi*, duo importat; nempe quandam quasi Causalitatem, seu consecutionem Volitionis Elementorum ex volitione universi, nec non rationem se tenentem ex parte universi, habilitantem Bona particularia Elementorum, ut sub ratione Boni Universi terminent Volitionem Divinam. At licet primum non subsistat, ut aded S. Doctor *cit. q. 19. a. 5.* affirmet, Deum velle hoc esse, propter hoc, non tamen propter hoc velle hoc. Nihilominus in hac ipsâ enuntiatione. Deus vult hæc Bona creata particularia esse propter hoc Universi Bonum, involvitur ratio se tenens ex parte Boni Universi habilitans bona creata particularia, ut sub illâ Universi ratione sint à Deo voluta, terminentque sub illâ quoque Volendi ratione Divinam Volitionem ex solâ Essentiâ Dei quâ Motivâ formali ratione specificatam. Constat igitur, posse Voluntatis Divinæ assignari rationem se tenentem non ex parte Volitionis activè sumptæ, sed ex parte voliti duntaxat, seu Volitionis passivè consideratæ. Ratio nostra Vasquezij rationem enervans ita deducitur. In Voluntate humanâ potest talis Mediorum, ac Finis esse subordinatio, ut unum Medium respectu alterius, sub ratione Boni honesti, aut delectabilis induat rationem Finis. Quæ ratio Philosophis, ac Theologis suggestit distinctionem in Finem sive absolute ac positivè, sive comparatè, ac negativè Ultimam, & proximum; seu non ultimam. Illa verò Finis, ac Mediorum ad Voluntatem humanam comparatio, atque subordinatio ita se potest habere, ut ratio honesti, seu Delectabilis in fine intermedio se habeat disparatè ad Finem saltem Respectivè ultimum; nec ex isto aded secundum nostram saltem apprehensionem ultimo fine intel-



ligatur Boni appetibilis ratio derivari in illum. Ex quo fit, ut ratio illa honesti, ac Delectabilis in fine intermedio sit per se Motiva Voluntatis nostræ humanæ. At verò Bonitas Dei Increata in ratione motivi per formalem realem Identitatem specificativi ita se habet ad Voluntatem suam Divinam, ut nihil in ratione Boni à Deo appetibilis possit ab ejus Divino Intellectu cognosci, nisi cum Ordine Causalitatis tam efficientis, quam finalis ad ipsam Dei Essentiam. Unde licet una ratio Boni creati v. g. Universi possit alteri Bono creato esse ratio habilitans ad terminandam sub tali ratione Volitionem Divinam: hæc ipsa tamen ratio habilitans per Essentialem habitudinem refertur in Bonitatem Increatam, ex cujus Finali Causalitate derivatur. Et si proinde hæc sola increata Dei Bonitas possit esse Finalis ratio Divinæ Volitionis Motiva, ac specificativa, sub hanc ipsam tamen rationem Finalem cadit ratio Boni universi habilitans Bona particularia ad Volitionem Dei sub ista Boni universi ratione terminandam. Ergo ista ratio Boni universi ita potest esse ratio Boni particularis quæ à Deo propter Constitutionem Universi, ut hæc nihilominus ratio Terminativa se tenens ex parte voliti neque sit Motiva, neque finalis ex parte actus Divinæ Voluntatis.

13. Ad Arriagæ n. 4. oppositum Respondetur. Duplicatione fieri posse, quod Esse Divinum, cui *hinc* Quæ à Deo ametur & appetatur Menti creatæ tanquam *fini* Cui. 1. Ut esse Divini Bonitatis Increata, prout est in se cognita, intelligatur in omne Bonū creatum, atque adeo objecti Spei honestatem derivare non tantum Efficientem, sed etiam Finalem Causalitatem. Hæc autem Finalis Causalitas importat Motionem allectivam Voluntatis. Cum igitur Voluntati Divinæ nequeat ullum Bonum creatum proponi, nisi sub Causalitate Finali ex increato Dei Esse derivatā in Bonum illud creatum, oportet hoc per Voluntatem Divinam stare non posse, nec Amoris adeo Divini esse Terminativum, nisi sub Motione Essentiæ Divinæ, quæ allicientis ac Finaliter moventis Divinam Voluntatem omnis extra Deum Boni effectricem. Unde etiam fit, quod Deus mentem creatam Sanctificationis Gratiā informatam amando amore amicitiae velit ipsi bonum sine suo commodo, non tamen sine amabilitatis creaturæ in Bonitatem Essentiæ suæ increatam reflexione. Hæc autem amabilitatis in mentis creatæ Sanctitate fundatæ, ac ex Divinæ Essentiæ Causalitate tam Finali, quam Efficientie derivatæ in hanc ipsam Divinæ Essentiæ increatam Bonitatem reflexio ita se habet, ut Sanctitas creatæ Mentis sit ratio habilitans, & quodammodo exigens, ut ejus intuitu Voluntatis Divina amando illam creatam Mentem velit, quod ipsi bene sit, seu Bonum Gloriæ in ipsa fiat propter Sanctitatem eidem inexistentem. Unde Amoris istius ratio Finalis ex parte Volitorum Terminativa, seu Boni Gloriæ quæ per Divinam Voluntatem decreti ad Essentiæ Divinæ Bonitatem Increatam applicativa ita est illa creatæ Mentis Sanctitas, ut hæc ipsa tamen quæ ratio Finalis Terminativa, & modo dicto applicativa reduci debeat in Essentiæ Divinæ Causalitatem Finalem *formaliter identicè* Motricem Divinæ Voluntatis. Constat igitur, nullam creatam Honestatem esse respectu Voluntatis Divi-

næ intelligibilem nisi cum reductione seu reflexione ejusdem in Essentiæ Dei Bonitatem increatam tanquam Voluntatis Divinæ *reali formali identitate* Finaliter Motricem ad Bona creata amanda, utpote quæ nullam habere possunt Bonitatem, nisi ex ejusdem Bonitatis increatæ Causalitate tam finali, quam Efficientie. Unde si Deus Omnipotentiam suam dicatur amare quæ utilem ad benefaciendum homini, nihil aliud secundum rei Veritatem significatur, nisi quod Omnipotentia Divinæ, quæ Bonitatis in hominem derivandæ effectrici insit amabilitas, Voluntatis Divinæ *per se formaliter identicè* Motiva ad decernendum homini Bonum. Ergo illius amoris Finis seu Motivum non est homo, sed ipsa Omnipotentia Divinæ, quatenus Bonitatem Dei ad extra communicandi virtutem habentis perfectio. Nequit ergo ullum objectum creatum sub quavis Honestatis, vel Bonitatis suæ ratione respectu Voluntatis Divinæ esse, nisi materiale objectum, etsi ipsorum volitorum creatorum inter se comparatione, seu subordinatione habitā, possit unum alteri esse ratio habilitans, & applicans ad hoc, ut Bonum ejusmodi creatum propter increatam Essentiæ Divinæ Bonitatem sit specialis Dei erga se amoris Terminativum, quæ ipsa tamen habilitans & Amoris Divini Passive Terminativa ratio sit objectum duntaxat materiale.

Ad n. 5. & 6. Oppositum Respondetur juxta *superius* dicta. Merita nostra respectu Divinæ Voluntatis non habere vim motivam, sed tantum applicativam præmij ad increatam Dei Bonitatem finaliter motricem Volitionis Divinæ, per quam præmium meritorum tanquam rationis ex parte duntaxat Volitorum Finalis intuitu decernitur. Unde non nisi Honestatem increatam esse Motivum Formale specificativum Justitiæ alteriusve Deo inexistentis virtutis, etsi hujus ex parte Voliti, seu Objecti Materialis ratio *passivè* Terminativa, & ut sic ad Dei amorem sub Bonitatis increatæ Motivo applicativa possit esse Honestas, seu Bonitas aliqua creata, velut *infra q. seq. 4. 2. elucidabitur*.

#### COROLLARIUM.

17. Inferitur 1. Deum necessario se amare non tantum quoad specificationem, sed etiam quoad exercitium; Ratio est. Tum quia Essentia Divina per actualissimam suam Intelligibilitatem in se expressa habet sub ratione Bonitatis infinite amabilitatem actualissimam. Hanc igitur oportet ex se ipsā *formaliter identicè* esse actualitatem. Ut sic verè est sui amor actualis per ipsummet Esse Divinum in se per actualissimam sui Intelligibilitatem expressum, ac *formaliter identicè* Motivum Voluntatis Divinæ. Huic ergo, utpote in ratione essentialiter sui constitutivā *realiter formaliter* importanti Essentiæ Divinæ amorem, non tantum non potest esse libertas ad sui odium, sed neque potest se continere ab amore sui actuali. Ergo in ordine ad Essentiæ suæ Bonitatem Increatam in Voluntate Dei neque est libertas Contrarietatis, neque Contradictionis, sed Amor Dei, tam quoad specificationem, quam quoad exercitium est ipsi necessarius, siquidē ipsum Esse Amoris Dei sub formali hujus amoris ratione



tione sit Essentiale Voluntatis Divinae Constitutum.

18. Inferitur 2. Etsi Deus creaturas aliquando existentes necessarid amet quoad specificationem, hunc ipsum tamen Amorem in Deo esse liberum. Ratio ex S. Doctore 1. p. q. 20. a. 2. posita est. Impossibile enim est, aliquid creatum esse existens nisi per Dei Causalitatem: Hæc autem est Decretum Dei operantis omnia secundum Consilium Voluntatis suæ: Istud autem Decretum est amor Dei infundens creaturæ Bonitatem ab ejusdem Voluntate Divina voluntam. Unde impossibile est, ullam existere creaturam, nisi Deus ipsi velit Bonum existentiae, ac totius perfectionis ex Deo sibi communicatae. At amare est velle alicui Bonum. Ergo ex hypothese, quod sit creatura, necessarium est esse in Deo amorem in vi Causalitatis tam Finalis, quam Effectricis infundentis, & creantis Bonum in tali creatura. Hæc nihilominus necessitas involvit suppositionem, quæ ex libera Voluntate Divinae creaturæ Existentiæ decernentis promanant. Ergo non obest, quod minus creatura dicatur liberè amari à Deo. Confirmatur istud consequens: Nani creato Bono non est respectu Voluntatis Divinae ulla ratio amabilitatis nisi ex Ordine ad Bonitatem increatam tanquam unicū Amoris DEI Increati formale specificativum, ac Motivum objectum. At cum nullius Boni creati existentia est Divinae Essentiae connectio necessaria, quin absque ulla extra se derivata Bonitate possit cum omnimodæ perfectione infinita actualitate in se ac per se subsistere. Ergo sicuti Voluntatis Divinae ratio motiva ex se non necessarid est Motrix, sic Voluntas Divina non est in se necessarid mota ad Bonum creatum discernendum, atque ut sic efficaciter amandum creaturas.

20. Inferitur 3. Qualiter subsistat hæc propositio, quod Deus inæqualiter amet creaturas, magis diligendo meliora. Nam ista inæqualitas potest considerari ex parte actus seu Motivi formalis. Ut sic autem non potest in Divino Amore creaturarum ratione quoque nostræ rationatæ inveniri ulla formalitatum inæqualitas, cum licet actuum, seu virtutum Divinae Voluntatis à parte rei virtualiter & ratione nostræ formaliter distinctarum objecta materialia sint inæqualis perfectionis, hæc tamen non applicentur ad Voluntatem Divinam nisi sub infinita Bonitatis increatae ratione Motiva per se ipsam formaliter specificante actum Volitionis Divinae ex tali specificatione constitutæ in summo Perfectionis gradu. Velut infra Art. 2. ostenditur. 2. potest Dei erga creaturas Dilectionis inæqualitas attendi ex parte objecti materialis, seu Boni creaturis voliti; cum enim Voluntas Dei sit Causa Bonitatis in rebus creatis, sit consequens, aliqua creatura ex hoc esse meliora, quod Deus eis majus Bonum velit. At dicimur aliquem magis alio amare, cui volumus majus Bonum, etsi ex parte actus non sit major intensio seu perfectio. Cum igitur Deus Voluntatis suæ actione effectrice inæquales tum naturales, tum supernaturales Perfectiones conferat creaturis, consequens est, amorem erga istas esse inæqualem ex parte voliti, ut adeo dicere liceat, Deum meliores magis diligere ex Tho. 1. q. 20. a. 3. & 4.

## CONTROVERSIA. II.

### An & qualiter Deus amet creaturas possibiles?

IN hoc puncto inter ipsosetiam Thomistas est dissidium. Nam creaturas in statu possibilitatis terminare actum Divini Amoris, simpliciter negant Ioannes a S. Thom. præf. q. 19. disp. 4. a. 6. n. 4. Labat disp. 6. de Volunt. Dei. Dub. 3. §. 1. Gonet cit. 10. 3. disp. 2. art. 4. §. 2. Fundamentum Ioannis a S. Thomæ n. 12. est. Si enim Deus rerum purè possibilium haberet Amorem etiam inefficacem simplicis complacentiæ, tunc iste amor vel esset liber, vel necessarius. At primum dici non potest: quia Bonitas, sub qua amatur res possibilis, est necessaria, ipseque Amoris actus ex parte Dei invariabilis est. Neque autem esse libertas sine variatione, & contingentia se tenente vel ex parte actus, vel ex parte objecti. Neque secundum dici potest, quia Bonum quidditativum possibile est finitum, ac limitatum, nec majus, nec excellentius, quam ipsæ res existentes. At voluntas Divina necessitari non potest à Bono finito & limitato, utpote quod illius potestatem non adæquet. Ergo creaturæ quidditates sub statu possibilitatis non magis possunt necessitare Divinam Voluntatem ut amentur, quam sub statu Existentiæ.

Marcus Serra in q. 20. a. 2. Xantes Mariales in q. 19. cont. n. cap. 2. affirmant, Deum affectu simplicis Complacentiæ amare omnes creaturas possibiles. Hanc Sententiam cum Scoto in 3. disp. 32. n. 2. amplectuntur plures alij Doctores, quorum tamen nonnulli, nominatim Valentia præf. disp. 1. punct. 2. & 3. Franciscus de Lugo disp. 35. c. 1. a. n. 8. Arriaga disp. 24. sect. 6. n. 41. ajunt, illum creaturarum possibilitium amorem in Deo esse liberum. Econtra alij, speciatim Mariales, & Serra ubi supra. Amicus disp. 13. sect. 2. n. 18. Valquez disp. 79. cap. 2. Martinon disp. 13. sect. 3. n. 20. dicunt illum amorem necessarium.

## CONCLUSIO.

Quidditates creaturæ in statu etiam purè possibilitatis sufficientem habent Bonitatem ad terminandam Amoris Divini Simplicem Complacentiam.

Explicatur & probatur. Sicut verum convertitur cum Ente, sic & Bonum. ex S. Tho. 1. p. q. 16. a. 3. At sicut verum est id, in quod tendit intellectus, sic Bonum est id, in quod tendit appetitus. ex cit. q. 16. a. 1. Sunt autem Essentiæ seu formæ rerum creabilium veræ unâ primâ Veritate, quatenus huic unumquodque assimilatur secundum quidditatis suæ Entitatem ex art. 6. Est autem quodlibet creatum Bonum, secundum quod participat similitudinem aliquam Summi Boni. ex eod. S. Doctore. 1. p. q. 105. art. 6. ac de Tern. q. 21. a. 4. Cum igitur creaturæ quidditates veræ sint, in quantum participando de Esse. conformantur primæ Veritati, quæ est suum Esse, ac Intelligere, omnisque Esse, ac Intellectus Mensura: ex eo autem, quod aliquid partis



participet de Esse, sit aliquo modo per summi Boni sibi inditam similitudinem perfectum, sitque adeo appetibile, ac Bonum. *ex 1. p. q. 5. a. 2. ad 3. & q. 16. a. 3. 4. & 5.* consequens est, creatas quidditates, seu Essentias in statu possibilitatis quantum participant de veritate, tantum habere Bonitatis. At Essentiæ creatæ secundum statum puræ possibilitatis dicuntur æternæ Veritatis ex participatione Veritatis divinæ, quæ sui Esse purissimi ac infiniti per se ipsam expressiva creatas ex se derivabiles quidditates in se ipsa representando, & contemplando eisdem imprimat intelligibiliter suam similitudinem, easque adeo per ipsarum in se cognitionem, seu expressionem intellectualem constituit in Esse intelligibili, seu in ratione æternæ Veritatis objectivæ. *ex Doct. Angelico cit. q. 16. a. 1. 6. & 7.* Ergo sicuti Essentiæ creatæ secundum istud in Mente divinā Esse objectivum habent Veritatem æternam, sic habent Bonitatem Voluntati Divinæ in æternitate applicatam sub ipsa primæ Veritatis, atque adeo Summæ Bonitatis ratione increatæ, sub quâ adeo ratione habent in æternitate appetibilitatem, quæ Voluntatis Divinæ sub increatæ Bonitatis Motivo pollicetur terminativa.

Oppones ex Ioanne à S. Thomâ *pres. q. 19. disp. 4. a. 6. n. 4.* Tum quod S. Thomas sæpius affirmet, Deum non velle omnia, quæ potest facere, sed solum ea, quæ sunt secundum aliquod tempus. *ex 1. cont. gent. c. 2. & 29. in fine q. 23. de Verit. a. 4. ad 13. & in 1. disp. 45. q. 1. a. 2. ad 2. Item 1. p. q. 20. a. 2.* Tum quod idem S. Doctor denegat rationem Boni, & appetibilis ipsis rebus, nisi in ordine ad Esse, & ut subsunt alicui Esse. *ex 1. p. q. 5. a. 2. ad 3. a. 3. ad 2. & 3. Item q. 21. de Verit. a. 2. ad 4.* Ergo quæ penitus abstrahunt ab Esse, quamdiu sub illo statu considerantur, carent ratione Boni, & Appetibilis. Atqui ad omnem Volitionem etiam simplicis complacentiæ requiritur ratio Boni ex parte objecti. Ergo sub statu abstrahente ab Esse nullam complacentiam terminare possunt creatæ rerum Essentiæ: Talis autem status est puræ possibilitatis. Ergo sub isto non possunt creatæ quidditates terminare etiam simplicem Dei Complacentiam.

Contra. Nam idem Ioannes à S. Thomâ *loc. cit.* fateri cogitur, Loca Doctoris Angelici in priori argumento allegata nihil evincere, sed explicari posse de Voluntate Dei efficaci. Ratio huius expositionis est, quod S. Doctor *locis citatis* solum intendat, Deum extra se non velle aliquid ex necessitate dando ei Esse. At voluntas Dei Efficax est, quâ vult aliqua ponere in Esse. Constat igitur, illis locis esse sermonem de efficaci duntaxat creaturarum amore, qui neque respectu ullius creaturæ est necessarius, neque ad omnia creabilia se extendit etiam liberè, etsi omnis creatæ quidditatis oporteat in Deo esse amorem inefficacem seu Complacentiam.

Probatum istud assumptum enervando simul posterius partim à Doctoris Angelici Autoritate, partim à ratione petito Ioannis à S. Thomâ argumentum. Etenim non minus ratio veri, quam Boni est secundum quod aliquid habet Esse. *ex S. Tho. 1. p. q. 16. a. 3.* Hoc autem Esse æquè in ratione Veri, quam Boni debet esse actum, *ex eod. Doctore Angel. pres. q. 12. a. 1. & q. 14. a. 3.* At istud Esse inclusum in ratione Veri non debet esse physicum realis actualis Existentiæ,

sed sufficit esse objectivum in Mente Divinâ, Doctore Angelico *cit. q. 16. a. 1.* attestante, res naturales dici veras, secundum quod assequuntur similitudinem specierum, quæ sunt in Mente Divinâ; sic enim dicitur verus Lapis, quia assequitur propriam Lapidis Naturam secundum præconceptionem Intellectus Divini. *ex prox. cit. a. 1.* Unde Veritas, *velut. ibid.* habetur, principaliter est in Intellectu, secundariò verò in rebus, secundum quod comparantur ad Intellectum, ut ad principium non quâ physicè effectivum quidditatum creatarum, sed quâ istarum in Ideali Essentiæ suæ Divinæ ratione representativum, & ut sic earundem in Esse cogniti, atque adeo veri objectivi constitutivum. *ex pres. q. 13. a. 3. Item cit. q. 16. a. 3. ad 3.* ubi dicitur, quod ratio veri consequatur apprehensionem Entis. At in hoc differt verum à Bono, quod ratio Veri ab Intellectu scilicet primo derivetur ad rem intellectam, contra verò ratio Bonitatis derivetur à re appetibili in appetitum. *ex cit. a. 1. q. 19.* Hæc autem derivatio Bonitatis in appetitum rationalem, seu in Voluntatem est ex appetibili, secundum quod habet Esse cognitum, adeoque objectivum in Intellectu. *ex q. 23. de Verit. a. 1.* Cum igitur quidditates creatæ sint objectivæ in Mente Divinâ, atque ut sic æternò Veræ, consequens est, eas in tantum esse bonas, in quantum habent Esse Intelligibile derivatum ab intellectu Divino quâ principio non physicè effectivo, sed sub ratione Divinæ suæ Essentiæ Ideali earundem representativo, ac in se expressivo.

Replicabis ex eodem Ioanne à S. Thomâ *cit. art. 6. a. 7.* Possibilitatem objectivam creaturarum non importare nisi vel non repugnantiam ad existendum, vel denominationem extrinsecam possibilitatis derivatam ex Dei potentiâ. At illam existendi non repugnantiam non inveniri quasi *subjectivè* extra Deum positam in aliquo subiecto. Quare Esse Essentiæ, Existentiæ remotæ, seu non communicatæ, in se omnino nihil esse, sed totaliter esse intra Causam, seu virtutem Divinæ potentiæ. Ergo istud Esse Essentiæ solum posse complacere Deo, quatenus est in potentiâ Divinâ, cum solum sit Ens intra Causas, & in potentiâ. At ut sic complacere ipsam Dei potentiam, non verò illud Esse creatæ Essentiæ. Ergo Esse Essentiæ creatæ secundum se, cum ut sic nihil sit extra causam, non posse terminare Voluntatis Divinæ complacentiam.

Contra est. Quod Divinæ voluntatis objectum Terminativum esse possit, cui nihil formalitatis realis inexistit *subjectivè*, sed quod *totaliter* latet intra virtutem seu Causalitatem Dei. Probatum istud assumptum. Nam Veritas Conditionalis Futuritionis ex mente omnium Thomistarum supponit in Deo Decretum ex parte subiecti absolutum & ex parte duntaxat objecti conditionatum. Hoc ipsum verò Decretum est Amor Dei terminatus ad Esse conditionalis futuritionis. At illud conditionalis Futuritionis Esse nunquam erit in se, cum licet Decretum illud conditionale se habeat per modum actionis immanentis, seu Causalitatis Deo intrinsecæ effectus illius sub conditione prædefinitivæ, ac effectivæ, nunquam tamen sit futura actio Dei transiens, vi cuius effectus ille actualiter sit ponenda.



ponendus extra causas secundum physicum Esse actualis Existentiæ. Ergo effectus alicujus creati Esse potest esse objectum Divinæ Voluntatis, etsi ratio existendi seu Essendi nunquam inveniatur in ipso *subjectivè*, sed teneatur duntaxat intra Causalitatem Deo intrinsecam, habeatque Esse duntaxat objectivum, seu Terminativum respectu alicujus actus Divini. Etsi proinde Esse Essentiæ creatæ, remotæ seu non communicatæ Existentiæ, nihil sit in se *subjectivè*, ejus tamen Esse *objectivum* intelligibiliter existens in Mente Divinâ, sub Ideali Essentiæ Divinæ ratione secundum propriæ Essentialitatis suæ formalitatem expressum, potest Voluntatis Divinæ esse objectum Terminativum, S. Doctore 1. cont. gent. c. 24. asserente, Deum velle non tantum ea, quæ sunt, sed etiam quæ possunt esse Bona.

Instabis ex Gonet. cit. 4. 4. §. 3. in object. 3. Ex præallegatâ Angelici Doctoris autoritate demonstrari quidem, quod ratio Boni secundum quid conveniat Enti non tantum *Participaliter* accepto, prout est Existens, sed etiam *nominaliter* sumpto, prout importat quidditatem, ac Essentiam; nam ut sic creaturæ possibiles sunt perfectæ perfectione Essentiali. Nihilominus istam perfectionem Essentialem arguere Bonitatem duntaxat *Transcendentalem*, non autem *Formalem*. Hanc enim consistere in convenientiâ respectu alterius, illam verò importare integritatē in proprio ordine. At cum voluntas nequeat attrahi nisi ab aliquâ convenientiâ, id circò rationē appetibilitatis non consequi, nisi ad Formalem Bonitatem. Neque verò istam sub ratione convenientiæ Formalem Bonitatem posse haberi sine Esse, vel ordine ad illud. Cum igitur Essentiæ creatæ in statu possibilitatis neque habeant Esse, neque ordinem ad Esse; non posse respectu Voluntatis Divinæ habere aliquam appetibilitatis rationem, nec adeò secundum propriæ quidditatis rationes objectivas terminare Divinam Voluntatem, attestante D. Thomâ *præ. q. 19. a. 7. ad 2.* Deum cognoscere omne verum, non autem velle omne Bonum, nisi in quantum vult se, in quo omne Bonum est virtualiter existens.

Contra. Nam Angelici Doctoris proximè allegatus Locus, si ex integro consideretur, in talem discursum redigi potest. Deus volendo se, vult omne Bonum. Hoc autem Bonum quâ convenientiâ creaturis totum *virtualiter* existit in Deo, etsi non totum existat in rebus creatis. Unde oportet duplex Boni creaturis convenientis quasi genus distinguere, ita ut alterum sit existens in rebus creatis, quod Deus ita vult, ut semper impleatur ejus voluntas: alterum verò virtualiter tantum existens in Deo lateat sub statu possibilitatis, quod Dei voluntas non vult, secundum quod res creatæ sunt in se ipsis, nec adeò licet tale Bonum nunquam fiat, frustratur Divina Voluntas. Ex quo proinde constat, quod Deus volendo se velit omne creaturarum Bonum prout etiam in se *virtualiter* existit. Hoc autem Bonum *virtualiter* in Deo existens non est esse creaturarum Eminentiale, istud enim est *formaliter* in Deo; ipsam verò Esse formale creaturarum est *virtualiter* in Deo contentum. Cum igitur Bonum creaturis convenienti in Deo *virtualiter* contentum sit ab ipso volitum, oportet aditum in Divinâ voluntate complacentiam non

de illo duntaxat Esse, quod existit in rebus creatis, sed quod sub statu puræ possibilitatis latens est in Deo expressum in ratione quidditatis ac Essentiæ ad extra producibilis.

Ratio fundamentalis est. Nam verum quidem est, quod ratio Boni non quâ transcendentalis præcisè, sed sub ratione formalis convenientiæ sit appetibilis a Voluntate: Hinc enim pœna sensus, etsi ut in ratione Entis sit Transcendentaliter Bona, non tamen est appetibilis Voluntati, ejus respectu habet rationem mali. At verò Esse objectivum creaturarum quidditatum quatenus Divinæ Menti sub Dei Essentiæ Ideali ratione intelligibiliter representatum, atque ut sic in Esse actualiter expresso secundum proprias cujusque Essentiæ producibilis, & passivæ imitabilitatis rationis Deo intentionaliter inexistens, est Bonitati Dei increatæ maximè conveniens. Tum quia ex hac Dei Bonitate per suum Esse subsistens in se ipso intelligibiliter expressum actuaria emanat intelligibiliter totum illud creaturarum quidditatum Esse objectivum. Tum quia istud ex Ideali Bonitatis Increatæ ratione intelligibiliter derivatum, atque sub ratione passivæ Dei imitabilitatis representatum creaturarum Esse Quidditativum est pro aliquo priori rationis signo prærequiritum ad hoc, ut Voluntas Divina possit ejus existentiam ad extra discernere. Consequens igitur est, hoc creaturarum Quidditatum Esse objectivum habere rationem convenientiæ tum ad Voluntatem Divinam, tum ad Dei Bonitatem increatam, tanquam illius Finem, seu rationem volendi motivam, ac specificativam. Sub hac igitur Bonitatis Increatæ ratione motivâ potest creaturarum Esse possibile esse objectum Determinativum voluntatis, ita ut hæc possit ferri in creaturas non tantum quoad existentiam actualem per amorem efficacem, sed illud ipsum Essentiarum creaturarum in statu puræ possibilitatis Esse objectivum quâ Voluntati Divinæ, ejusque rationi motivæ, ac specificativæ conveniens possit terminare inefficacem simplicis complacentiæ amorem Divinum.

Ad Argumentum n. 1. oppositum

Respondetur. Simplicis complacentiæ amorem inefficacem erga creaturas possibiles esse necessarium in Deo. Nam licet Essentiæ creatæ habeant Esse finitum, ac limitatum, nec adeò possint esse Motivum per se necessitans Voluntatis Divinæ, tamen cum eandem creaturarum quidditatum Bonitate habet increatâ Dei Bonitas necessariam connexionem imitabilitatis ac Derivabilitatis tam Idealis, quam Finalis. At ex hoc ipso, quod Voluntas Divina per increatam Dei Bonitatem actuata, ad ejusdem quâ finis *formaliter realiter* libi identificati amorem determinata sit; oportet Dei Voluntatem necessitari ad amorem Mediorum, quatenus cum Increatâ ejusdem Bonitæ necessariam habent connexionem. Ergo quidditates creatæ non quidem per se, sed ratione Bonitatis Increatæ specificantis ac per identitatem formalem realem finaliter moventur Divinam Voluntatem, neces-

sario amantur à Deo per inefficacem simplicis complacentiæ amorem.



## ARTICULUS III.

DE

*Libertate Voluntatis Divina.*

**I.** Libertatis Divinae Myſterium, quod Ioannes Baptiſta Gonet 10. 3. diſp. 3. 4. 2. in init. vocat. Enigma ſacratiffimum humanis diſcurſibus prorsus inexplicabile, ita torquet Theologorum Ingenia, ut in quo veritatis puncto acquieſcant non invenientes, in diverſiſſimas prolabantur ſententias; Franciſco Amico cit. diſp. 14. ſect. 3. enumerante octo hæc de re ſententias, quas Arriaga præſ. diſp. 28. per totam redactas ad pauciores reſcit omnes, & ſingulas, ingenuè ſaſſus n. 92. ſibi quidem certum videri, actus Dei liberos conſtitui per aliquid Dei purè intrinſecum, quid verò illud ſit, haud capere, imò ne apparenter quidem explicare poſſe hoc Myſterium.

**2.** Nos in Doctore Angelici Divinae Sapientiae radijs illustratâ Mentecirca hoc Myſterium præſ. q. 19. 4. 3. 7. 8. & 10. nec non 1. cont. gent. c. 82. indagandâ unice ſolliciti, huius articuli difficultates ad ſeptem ſequentes Controverſias reducemus. Prima erit, *Qualiter demonſtreur in Deo eſſe liberum Arbitrium?* Secunda. *An ratio Divini Decreti liberi formaliter importet Deo aliquid extrinſecum?* Tertia. *An ejuſdem ratio formalis conſiſtat in aliquo reſpectu rationis.* Quarta. *An importet formalitatem ab Eſſentiâ Dei quodammodo diſtinctam?* Quinta. *In quo formalitas Decreti liberi Deo adequatâ intrinſeca, & cum ejus Eſſentiâ Enutritivè, imò formaliter realiter identificata conſiſtat.* Sexta. *An formalitas Decreti Dei liberi habeat conſequentiam repugnantem Divinae Immutabilitati?* Septima denique. *Utrum in Deo deſur Libertas Contradictionis, ut cujus Voluntas Divina abſque omni actu libero poſſet manere ſuſpenſa?*

## CONTROVERSIA. I.

*Qualiter probetur, in DEO eſſe liberum arbitrium?*

**1.** Hic procedendum eſt tunc contra Hæreticos apud Bellarminum. lib. 3. de Grat. & lib. arbit. c. 17. & 16. negantes Deo liberum Arbitrium; tum contra Ethnicos philoſophos. In priori proceſſu captivanti intellectum ſuum in fidei obſequium nihil eſt difficultatis, Sacris Litteris aſſerentibus. 1. *Deum operari ſecundum conſilium.* ad Epheſ. 1. & Iſaia. 46. Etenim neceſſaria, ad quæ agenda quis ex naturæ neceſſitate eſt determinatus, non ſubduntur conſilio, & arbitrio. Ergo quia Deus operatur ſecundum conſilium, agit liberè, juxta illud *Psalm. 93. Deus ultionum liberè egit.* 2. Divinae Scripturae attribuant Deo tale Dominium, ut cujus ſubeſt ipſi, cum voluerit poſſe. Sap. 13. Unde *Psalm. 134.* dicitur, *Omnia quæcunque voluit, feciſſe tanquam Dominus.* Vi huius adeo Domini eſſe Deo, faciendū quod libuerit, poteſtatem, ipſemet aſſeruit *Matth. 10. An non licet mi-*

hi, quod volo facere. Volo autem & huic noviffimo dari, ſunt & ubi. Hinc etiam Spiritus S. 1. *Corinth. 12.* dicitur dividere ſingulis prout vult, libero nimirum voluntatis arbitrio, non neceſſitatis obſequio. Uti exponit S. Ambroſius lib. 2. de Fide c. 3. 3. Miſericordia Dei per Sacras Litteras ita collaudatur, ut cujus vult, miſereatur, cum tamen poſſit, quem vult obdurare. Rom. c. 9. Ex quibus omnibus nulli veritatis ſemitam ambulanti non poteſt non eſſe certitudo de libero Dei arbitrio.

At difficultas eſt in ſecundo proceſſu adverſus Ethnicos Philoſophos apud D. Thomam infra q. 26. a. 5. ſtatuentes: Deum agere ex neceſſitate Naturæ, nec adeò poſſe ex operatione Divina alias res, vel alium rerum ordinem eſſluere, niſi prout nunc eſt. Ex quo principio emanavit etiam ſententia Ariſtotelis ponentis Mundum ab æterno. In quibus ex lumine naturali convincendis videtur efficax Doctoris Angelici præſ. q. 19. 4. 3. & 10. argumentum ita deductum. Nam Voluntatis Divinae inclinatio eſt infinita, cujus adeò obſectum commenſuratum per modum Finis ſatiativum, & Motivum nequit eſſe, niſi Bonitas infinita. Ergo alia à Deo non poſſunt reſpectu Voluntatis Divinae appetibilia eſſe, niſi in quantum ordinantur ad Increatam Eſſentiâ Dei Bonitatem ut ad finem. At ea, quæ ſunt ad finem ex neceſſitate volitum, non appetuntur neceſſario, niſi ſint talia, ſine quibus hinc eſſe non poteſt. Eſt autem Lumine Naturæ notum, Dei Bonitatem Increatam in ſe ita perfectam eſſe, ut nihil ei perfectionis ex creaturis accreſcere valeat, poſſitque adeò ſine iſtis ſubſiſtere in ſe ipſa cum ſummo perfectionis gradu. Ergo non eſt neceſſarium, Velle Deum alia à ſe. At liberum arbitrium eſt eorum, quæ non ex inſtinctu Naturæ, ſeu intrinſeca determinatione, ac neceſſitate appetit Voluntas. Ergo reſpectu effectuum Dei ad extra eſt Voluntas divina libera.

Nihilominus in hoc ipſo argumenno latet difficultas. Erenim in ſigno rationis antecedente liberam Dei voluntatis circa obſecta creata determinationem, præſupponitur divina Voluntas cum indifferentiâ. In illo autem Signo eſt Bonitas Dei increata per ſui Eſſe actualiſſimam Intelligibilitatem formaliter identicè expreſſa in Intellectu Dei, atque ut ſic repræſentata, ſeu propoſita ejus Voluntati cum omni Bonitate creatâ ex ſe derivabili. At juxta argumenti proximè expoſiti aſſertum neque Bonitas creata etiam collectivè ſumpta poteſt eſſe Motivum Voluntatis divinae, neque Bonitas Dei Increata tanquam Finis & Motivum poteſt ejuſdem Dei Voluntatis eſſe determinativa ad volendum potius, quam ad nolendum creaturas. Nulla igitur eſt aſſignabilis ratio obſectiva, per quam Voluntas divina determinetur potius ad volendum, quam ad nolendum. Cur ergo Deus voluerit hunc mundum producere, alium verò noluerit, imò cur determinaverit ſe ad incarnandum Verbum divinum, nulla poteſt dari ratio ex parte obſecti Voliti. Ergo Voluntatis Dei liberæ

determinatio eſt irrita-  
tionabilis.

\*\*\*



## CONCLUSIO.

SECUNDUM NATURÆ LUMEN demonstra-  
tive probatur liberum Dei Arbitrium  
ex ejus summā Immaterialitate.

Explicatur ista demonstratio ex S. Tho. q. 23. de verit. a. 1. Nam Lumine Naturæ notum est, Deum Esse Ens perfectissimum, adeoque Summè remotum à potentialitate. Quò autem Ens à potentialitate magis est depuratum, eò immaterialius est. Hæc autem Immaterialitas infert quandam in Essendo Universalitatem, vi cujus per formam, ac speciem intentionalem Ens immateriale est aliarum perfectionum in se suscep- tivum, attestante Philosopho, Intellectum intelligendo fieri omnia. Ex ista verò secundum Esse intentionale, seu intelligibiliter suscepti- vum ac repræsentativum Essendi universalitate fit, quòd Ens intellectuale possit quaslibet, eas- que diversas convenientiæ, ac disconvenientiæ formalitates circa idem objectum non simplici- ter perfectum, seu imperfectè ac limitatè Bonum habere in se expressas, ac repræsentatas. Ista verò convenientiæ, ac disconvenientiæ in uno objecto varietas facit, ne tale objectum uno de- terminato modo inclinet appetitum: unde re- linquit indifferentiam inclinationis in appeti- tu. Hæc autem indifferentia infert libertatem. Ergò immaterialitas Entis Intellectualis arguit in ejus appetitu, seu Voluntate libertatem. Cum igitur Deus sit Ens summè Immateriale, oportet ejus Voluntatem Esse summè liberam.

Responsio ad Argumenta Adversa-  
riorum.

AD DOCTORIS ANGELICI n. 2. Propositum ar-  
gumentum Respondetur. Esse omnino ef-  
ficax, sed ultimatè reduci in ipsam Immateriali-  
tatis Dei rationem. Hæc enim formaliter est essen-  
di purissimus actus: Hujus verò est Intelligibi-  
litas actualissima per suum Esse actuata, ut adeò  
Esse ipsius sit suum Intelligere. Hæc autem In-  
telligibilitas per suum Esse actuata, atque adeò  
per se ipsam actu expressa, & in actualissimā sibi  
realiter formaliter identificatā intellectione re-  
præsentata est actualissimè inclinativa, atq; adeò  
formalis actualis Inclinatio Voluntatis, cujus  
per Esse sui formalem identitatem est Motiva.  
Ergò ex summā divini Esse immaterialitate est  
consequens, quòd istud Esse in Intellectu Dei per se  
actualiter expressum ac repræsentatum identifi-  
cetur cum sui amore, ut adeò iste tam necessa-  
rius sit, quàm ipsum Esse Dei. At ex hoc ipso,  
quòd Voluntas Dei per summam Esse divini Im-  
materialitatem sit actuata, atque ut sic tam in Es-  
sendo, quàm volendo, seu amando sit infinita, est  
consequens, nullam Bonitatem, nisi infinitam  
posse ejusdem esse Motivam ac determinativam.  
Etsi verò Bonitas increata Esse Divini quā Effi-  
cienter, ac finaliter communicabilis possit esse  
ratio volendi hanc sui ad extra communicatio-  
nem, ad hanc ipsam tamen ratione summæ Im-  
materialitatis seu purissimæ Essendi actualita-  
tis præsupponitur in Bonitate Increatā & Vo-  
luntate divinā Esse independens, in se ipso per-  
fectissimè subsistens sine ullā sui ad extra com-  
municatione. Ergò ex summā Esse divini Imma-

terialitate est, communicationem Dei ad extra  
ita posse à Voluntate divinā amari, ut tamen nec  
in se ipsā, nec in Voluntatis Dei Motivā Bonita-  
te Increatā habeat rationem determinativam, ac  
necessitatem ad sui amorem: Consequens igitur  
est, hujus Libertatem esse in Deo per summam  
Esse divini Immaterialitatem.

Ad n. 3. Oppositum Respondetur. Aliam  
volendi rationem esse determinatè Motivam, a-  
liam esse per modum solius congruentiæ sive  
Motivam, sive purè terminativam. Etsi verò  
nulla possit esse ratio objectiva Voluntatis divi-  
næ determinativa ad volendam Bonitatis suæ  
Increatæ ad extra communicationem, posse ta-  
men divini ad extra Amoris, seu Decreti liberi quā  
rationabilis assignari rationes congruentiæ, qua-  
rum una se tenens ex parte perfectionis divinæ sit  
Motiva, altera se tenens ex parte Bonitatis alicu-  
jus creatæ sit Terminativa. Explicatur & Pro-  
batur istud Assumptum. Nam Deus per Boni-  
tatis suæ infinitæ comprehensionem habet in se  
expressas & cognitās omnes de quavis produci-  
bilifactorū suā convenientiæ rationes excogita-  
biles, asserente D. Thomā q. 1. de potent. a. 5. ad 12.  
*Deum omnium, quæ potest, habere rationes quasi excogi-  
tatas.* Ex his autem convenientiæ, seu congruen-  
tiæ rationibus circa Verbi divini v. g. Incarna-  
tionem alias reduci immediatè in Attributa Dei,  
alias in Bonum tum Universi, tum particularis  
alicujus creaturæ, constat ex eod. S. Doctore 3. p.  
q. 1. ejusque Commentatoribus. Ea autem est ratio con-  
venientiarum se tenentium ex parte creatura-  
rum, ut unum Bonum creatum possit esse ratio  
finaliter terminativa, propterquam aliud crea-  
tum sit volitum, etsi non possit esse ratio Motiva  
ipsius Volitionis Divinæ, uti præced. a. 2. con-  
t. 1. ostensum est. Unde Decreti Dei liberi ratio  
finalis Motiva non est nisi convenientia se tenens  
formaliter ex parte perfectionis, ac Bonitatis di-  
vinæ, quæ est optima ratio, quā Deus omnia fa-  
cit. *ex cit. art. 5. de potent. ad 7.* Hæc autem Boni-  
tatis & Sapientiæ divinæ ratio maneret, etiam-  
si Deus alio vel alio modo faceret creaturas. *ex  
loc. prox. cit.* Unde cum etiam negatio universi,  
seu cujuscumque creaturæ non productio sit or-  
dinabilis in Dei Bonitatem secundum ejus-  
dem à creaturis independentiæ, ac Supremi Do-  
minij rationē, consequens est, Motivum forma-  
le, quo de facto Deus vult hoc universum non  
magis esse Bonum, quàm si noluisse ullius crea-  
turæ productionem, aut decrevisset alterius  
mundi creationem. In quo adeò sensu ait Do-  
ctor Angelicus cit. a. 5. ad 15. *illud, quod facit Deus,  
esse optimum per ordinem ad Dei Bonitatem: & idè quid-  
quid aliud est ordinabile ad ejus Bonitatem, secundum or-  
dinem suæ Sapientiæ esse optimum.* Patet igitur, om-  
nis Decreti divini esse ex Bonitate, & Sapien-  
tiā Dei Increatā rationem objectivè finaliter  
Motivam, non tamen determinativam. Quar-  
cur ex infinitis rerum à se factibilium combina-  
tionibus, ad quas Bonitas ejus Increata æquali-  
ter se habens est de se non magis ad unius, quàm  
alterius volitionem Motiva, & inclinativa, Deum  
præ alijs eligat istas creaturas, reduci debet in u-  
nicum Voluntatis Divinæ supremum Domi-  
nium, ex quo ita habet Voluntas Divina Emi-  
nentiæ ac Universalissimæ ad objecta creata pro-  
libitu determinanda & immutanda activitatis  
indifferentiam, ut per solam ejusdem Volunta-  
tis suæ



tis suæ Consilium, seu determinationem, non verò per rationis seu consilij ex parte Intellectus præponderationem illius quæstus ratio reddi possit, juxta illud Ephes. 1. *Qui operatur omnia secundum consilium voluntatis suæ.* De quâ proinde ex vi Domini liberâ Voluntatis determinatione, cum summam contineat difficultatem, in sequentibus Controversijs exactius differemus.

## CONTROVERSIA II.

*An ratio Divini Decreti quâ liberi formaliter importet Deo aliquid extrinsecum?*

1. **A**ureolus, cui consentit Arnicus *cit. disp. 14. sect. 3. n. 22.* docuit in *1. dist. 47. q. 1. a. 1.* Deum producere, quidquid producit, absque hoc, quod per aliquod velle intrinsecum determinetur ad producendum. Nihilominus dici Voluntariè producere, quia in suâ potestate habet producere, & non producere, sicut v. g. Ignem, si in suâ potestate haberet præsentem stipulam ignire & non ignire, dum igniret, dicendum fore, voluntariè ignire, & quærenti, cur igniret? respondendum fore, quia vult. In quo tamen responso *per ly velle* non fore exprimendum actum aliquem determinatum, sed plenitudinem potestatis.
2. **V**asquez *præ. disp. 80. n. 2.* illam Aureoli Doctrinam approbans, mentem suam *a. n. 5.* exponit per quinque sequentes propositiones. In 1. negat esse Deo intrinsecam aliquam realem perfectionem, quæ liberè ei conveniat. In 2. negat, Voluntatem Dei esse puram relationem, & habitudinem rationis ad res volitas: cum enim dicitur Deus velle creaturas producere, hoc loquendi modo *inquit* non solum respectum rationis, sed etiam vitalem operationem, vel ipsam Dei Essentiam ad modum vitalis operationis, ac proinde aliquid DEO intrinsecum denotari. In 3. negat Voluntatem DEI liberam esse nudam Essentiam divinam, siquidem ista ita necessariò insit Deo, ut non possit non inesse; Unde infert ille Author, si sola Essentia divina redderet Deum volentem producere creaturas, non posse non velle eas producere; cum forma, quæ necessariò inest, necessariò etiam præstet suum effectum. In 4. affirmat, Voluntatem DEI liberam esse divinam Essentiam significatam per modum actus vitalis, & affectus elicit, includere tamen quandam etiam rationis ad res futuras habitudinem, quæ liberè Deo conveniat, sicut etiam res liberè sint futuræ. In 5. asserit, hanc relationem confurgere ex fundamentis non necessarijs, nempe ex objectis futuris, atque adeò liberè Deo convenire non intrinsecè, sed extrinsecè solum denominatione.
3. **E**x opposito Capreolus in *1. dist. 46. q. 1. a. 1.* Cajetanus *præ. q. 19. a. 2. §. ad hoc. & a. 3. §. ad hoc.* Nazarius *eod. q. 19. a. 2. Cont. m.* Gonet *disp. 3. §. 3.* Ioannes à S. Thomâ *cit. disp. 5. a. 4. n. 2.* Labat *disp. 6. de Volunt. Dei. dub. 4. §. 4.* Scotus in *2. dist. 89. q. 5. n. 22.* Ysambertus *hic. disp. 3. art. 5. a. n. 6. & art. 6. n. 3.* Fonseca *lib. 7. Metaph. cap. 2. q. 5. sect. 4. & 5.* Arriaga *cit. disp. 28. n. 92. & alij tenent, liberum Dei Decretum esse formalitatem realem adæquatè Deo intrinsecam.*

## CONCLUSIO.

**V**ELLE DEI liberum non constituitur etiam Partialiter, ac inadæquatè per aliquid extrinsecum.

Probat. Decretum Dei Liberum est æternum. At verò ut aliquid dicatur æternum, quodlibet sui æternum esse debet, uti Vasquez *1. p. 10. 2. disp. 120. n. 9.* arguit. Est autem omnis actio Dei transiens, ac effectus temporalis. Nequit ergo Decretum Dei Liberum formaliter in ratione liberi constitui per denominationem extrinsecam desumptam ex actione, seu effectus temporali.

Respondebis ex Henrique *citato* ab Arriaga *dicto n. 4. 5. & 14.* Deum non esse Liberum ad volendum, sed ad producendum per volitionem necessariam: nec adeò fuisse ab æterno in Deo actum liberum, sed primò in tempore immediatè ex volitione necessariâ liberè prodire creaturam.

Contra. Nam elegit nos Deus in Christo ante mundi constitutionem *ad Eph. 1.* Atqui ante mundi constitutionem nulla erat actio DEI Transiens, ac effectus temporalis, sed Esse duntaxat divinum, æternum ac Deo intrinsecum. Illam ergo electionem oportet secundum totam sui formalitatem esse DEO ab æterno intrinsecam. At sub istâ formalitate Electionis erat libera, tum quia Electionis ratio formaliter importat libertatem, tum quia illâ Electione posita, est necessarium dari Gratiâ, & Gloriâ Electis, cumque ista Electio sit in Christo, ex ejus positione necessarium est, fuisse Verbi divini Incarnationem à Deo prædestinatam. Nisi ergo in illâ ipsâ Electione quæ æternâ, & Deo intrinsecâ admittatur libertas, omnes effectus & actiones temporales ex eâ infallibiliter ac indeclinabiliter prodeuntes, oportet esse necessarias. Nequit ergo ratio Decreti Divini quâ liberi stare ex connotatione, & denominatione extrinsecâ effectus, seu actionis temporalis.

Replicabis ex Amico *cit. disp. 14. n. 91. 106. & 107.* Et si Deus non sit liber quoad vitalem tendentiam, quam in recto dicit actus liber in Deo, sed solum quoad connotationem extrinseci termini seu effectus temporalis. Nihilominus Deum ab æterno habuisse actum connotantem Futuritionem effectus liberè à se in tempore dependentis. Ergo ab æterno habuisse actum liberum volendi effectus in tempore producendos.

Contra est 1. Nam illa connotatio Futuritionis, quatenus importat formalitatem realem, secundum mentem Angelici Doctoris videtur esse actio æterna in ratione causalitatis Deo intrinsecè præfinitiva effectus temporalis. Ergo si in tali connotatione consistat Formalitas Decreti quâ liberi, oportet hanc esse DEO intrinsecam.

Contra est 2. Quia illa Futuritionis connotatio effectus futuri quoad Esse determinativa secundum Amicum *præ. disp. 12. a. 11. 98.* importat suppositionem ipsius rei futuræ, quatenus habituræ existentiam in aliqua temporis differentia. Hujus autem suppositionis objectum importat Esse creatum. At istud Esse creatum non est nisi ex causalitate Dei operantis omnia secundum



dum consilium Voluntatis suæ ad Eph. 1. Est autem Causa naturā prior suo effectu. At in isto priori naturæ & causalitatis oportet Voluntatem Divinam considerari non sub illā præcisā formalitate, quam habet pro signo, in quo intelligibiles sunt creaturæ sub statu puræ possibilitatis, nam alioquin sequeretur, determinationem productionis mundi esse à Voluntate Divinā spectatā secundum illam præcisam formalitatem, quam intelligitur habere pro signo, in quo creaturæ sunt intelligibiles sub statu meræ possibilitatis. Ex hoc autem consequens foret, ex Voluntate Divinā non esse assignabilem rationem Causalitatis, vi cuius iste potius, quam alius Mundus possibilis sit productus. Oportet igitur, respectu effectuum Futurorum pro priori Naturæ, & Causalitatis in Voluntate Divinā esse assignabilem Formalitatem quodammodò, seu virtualiter aliam à formalitate ejusdem Dei voluntatis, quā intelligibilis cum ordine ad creaturas purè possibiles. At si ista formalitas non sit libera, consequens est, Voluntatem Dei quatenus in ratione Causæ intelligitur se habere ad creaturas sub ratione existentiae, non esse liberam. Cum igitur in Voluntate Divinā quā Causā actualis creaturarum existentiae oporteat esse formalitatem quodammodò, seu virtualiter aliam à formalitate, sub quā eadem Dei voluntas se habet ad creaturas sub statu meræ possibilitatis: hæc autem Formalitas sit libera, sitque prioritate naturæ & Causalitatis prior cuiusque realitatis creatæ Esse actuali, oportet, illam Futuritionis effectum temporalium in Voluntate Divinā connotationem vel esse quid Increatum, vel esse ordine Causalitatis posteriorem Formalitate, secundum quam concipitur voluntas Dei se habere ad Esse actuale creaturarum, atque aded ad illam Futuritionis connotationem. At id, quod causalitate est posterius, non potest esse constitutivum prioris. Ergo vel illa connotatio Futuritionis non est constitutiva Decreti Dei quā liberi, vel connotationem ejusmodi, utpote priorem omni creato, oportet esse quid Increatum, atque aded Deo intrinsicum. At ex utroque istorum erit consequens, Formalitatem Decreti Dei quā liberi constitutivam esse Increatam, & Voluntati Divinæ intrinsicam.

Ratio Fundamentalis est. Ex eo, quod voluntas Dei sit causa creaturarum, est consequens, quod creaturæ in tantum habeant aliquod Esse, seu quodcumque bonum, in quantum sunt volitæ à Deo; ex S. Tho. *præf. q. 19. a. 2. & 4. & 9. q. 20. a. 2.* Unde Deus habet omnium, quæ fecit, dilectionem. *sep. 11.* ita ut hic Dei amor sit infundens, & creans Bonitatem in rebus. ex *dit. ar. 2.* At de ratione Amoris est esse actum vitalem, & consequenter immanentem. Est igitur Amor creaturarum Deo intrinsicus per modum vitalis inclinationis in objecta creata propter suam Increatam Bonitatem volita. At hunc ipsum amorem formaliter sub ratione Amoris, ac vitalis tendentiæ oportet esse in Deo liberum. Probatur istud Assumptum. Hoc Amore, per quem Deus vult alicui creaturæ existentiam, posito, est necessarium; consequi Causalitatem Dei extrinsecam creaturæ in Esse Existentiæ eo modo productivam, quo modo Deus voluit, *juxta illud Psalm. 138. Omnia*

quæcumque voluit, fecit. Et Psalm. 13. *Salvum me fecit, quoniam voluit me.* Hæc enim enuntiatio, utpote ex ore Dei derivata est infallibilis veritatis. At pronuntiatur, actionem per quam David salvus est factus, consecutam esse ex eo, quia Deus voluit. Ergo in quantum Deus vult aliquem effectum seu actionem ad extra, in tantum est infallibile, ac necessarium, consequi ex voluntate Dei talem effectum. Nisi ergo fuerit libertas in ipso actu Divinæ Volitionis in ratione Causæ se habentis antecederet ad actionem Dei transeuntem, tunc ista actio est omnino necessaria utpote procedens ex causā ita habente infallibilem connexionem cum illā, ut nec actus Causæ intrinsecus, ex quo illa actio Transiens non potest non emanare, habeat in se libertatem. Cum igitur oporteat esse libertatem in Amore creaturarum quā actu vitali, atque aded Immanente, consequens est; Formalitatem, seu rationem liberi esse intrinsicam Decreto Dei, seu actui Voluntatis Divinæ.

## CONTROVERSIA III.

*An ratio liberi in Decretis Divinæ voluntatis importet respectum rationis?*

Affirmant Serra. *q. 19. a. 3. dub. un. concl. 3. cum alijs relictis per Ioannem à S. Thomā. cit. disp. 4. a. 3. n. 10.* Probatur 1. Autoritate S. Thomæ *1. cont. gent. c. 82.* ita differentis, *Voluntas namque Dei uno & eodem actu vult se, & alia, sed habitudo ejus ad se est necessaria, & naturalis, habitudo autem ejus ad alia est secundum convenientiam quandam, non quidem necessaria, & naturalis, neque violenta, aut innaturalis, sed voluntaria.* Ex quo patet, quod, sicut creatio activè sumpta secundum mentem S. Doctoris *1. p. q. 7. a. 3. ad 1.* significat actionem Divinam, quæ est ejus Essentia cum relatione ad creaturam, sic actus Dei liber nihil aliud sit, quàm actio Divina, quæ est ejus Essentia, ac consequenter Entitas, ac perfectio necessaria, cum habitudine seu respectu ad creaturas volitas, eodem Angelico Doctore *q. 23. de Veris. a. 4. ad 13. asserente: Cum dicitur, Deum velle aliquid, importari ordinem ipsius Dei ad illius factionem.* Atqui nullam Dei relationem ad creaturas esse realem, sed rationis, tradit D. Thomas *1. p. q. 13. a. 7. & de Potent. q. 7. a. 10.* Ergo actus Dei liber formaliter importat relationem rationis.

2. Ratione. Nam actus Dei liber importat Entitatem Divini actus quā terminatam ad creaturam. Hæc autem actus Divini terminatio importat quandam relationem, quæ ut sic potuit non esse in Deo. Ergo ista relatio, quæ rationis est, unā cum Entitate Divini actus est constitutiva actus Dei liberi.

## CONCLUSIO.

Sententia affirmans actum Dei liberum formaliter, vel saltem completivè inadæquatè constitui per respectum ad creaturas existentes, seu futuras, vel falsa est, vel imperitiosa ad tollendas difficultates.



tes se tenentes circa voluntatis Divinæ libertatem.

Explicatur & Probatur. Nam illa sententia potest intelligi vel de relatione rationis *formaliter* sumptâ, vel *fundamentaliter* acceptâ. At prius est falsum, posterius autem impertinens. Minor probatur. Volitio Dei æterna quâ actus vitalis, ac Deo intrinsecus habens rationem Causæ effectricis creaturarum, est ut sic non necessaria, atque adeo libera, *ut præc. cont.* est demonstratum. At respectus aliquis rationis non nisi ab Intellectu creato formabilis, neque potest formaliter esse æternus, neque ut sic potest habere rationem causæ, seu causalitatis efficienter derivantis ex se Esse actualis Existentiæ in creaturas à Deo volitæ. Falsum igitur est, actum Dei liberum importare respectum rationis, nisi iste sumatur solum *fundamentaliter*. Tunc autem relationis ejusmodi fundamentum actus Dei in ratione liberi constitutivum oportet esse voluntati divinæ intrinsecum, *ut præc. cont. 12.* ostensum est. De hoc proinde fundamento realiter Deo inexistente redibit tota difficultas. Nam si posset non esse in Deo, foret consequens, aliquam formalitatem divinæ substantiæ intrinsecam esse defectibilem; si verò non potuit non esse in Deo, erit consequens, illam fundamenti realitatem Volitionis divinæ quâ liberæ constitutivam esse necessariam. Prius autem repugnat Essentiæ divinæ utpote Enti secundum purissimam Essendi actualitatem, & summam omnis ipsi inexistentis formalitatis simplicitatem omnino necessario. At posterius adversatur rationi quidditivæ Actus quâ liberi. Ergo sententia affirmans Formalitatem liberi in Deo importare respectum rationis, si intelligatur de formali rationis relatione, est falsa, si verò accipiat de reali relationis ejusmodi fundamento, non solvit difficultatem, quæ versatur circa divinam Libertatem.

#### Responsio ad opposita Argumenta.

Ad 1. n. 1. Oppositum Respondetur. Aliud esse, quod libertas divinæ Volitionis explicetur à nobis per habitudinem, seu relationem rationis, aliud verò esse, quod asseratur ista habitudo, esse Formale constitutivum divini quâ liberi. Prius ergo, non posterius est secundum Mentem Angelici Doctoris. Nam Volitio Divinæ existentiae creaturarum præfinitiva est est hoc ipso Ens ex ratione suâ formali reali absolutum, quod sit actuata per ipsum Esse Dei independentem, & absolutum, quæ nihilominus Volitionis Divinæ formalitas in se absolute subsistens est in vi Causalitatis Dei intrinsecæ infallibiliter, ac necessariò illativa existentiae creaturarum. Hæc autem infallibilis Volitionis Divinæ cum existentia creaturarum connexio Eminentiae, & Causalitatis, non autem Dependentiæ, ac relationis non est à nobis explicabilis, nisi ad instar habitudinis, ac relationis. Sicut ergo formalitates Potentiæ, Scientiæ, ac Ideæ in ordine ad creaturas non intelligimus de Deo, nisi per respectum rationis; sic volitionem DEI liberam tanquam Bonitatis ipsius increatæ communicationem activam *formaliter immanentem* Divinæ substantiæ sed *terminative*

*terminative transcurrentem* ad extra in creaturas, non cognoscimus, nisi secundum quandam ad effectus creatos habitudinem, etsi re ipsâ sic formalitas Deo adæquatè intrinseca.

Ad 2. n. 2. Oppositum Respondetur. Verum esse, quod actus Dei liber importet Entitatem Divini actus quâ terminatam ad creaturas. At hanc ipsam Divini actus terminationem activam importare formalitatem in se omnino absolutam, ac sine ullâ formali ad extra relatione, seu dependentiâ in se actualissimè subsistentem, etsi sub ratione Communicationis Dei ad extra non sit à nostro Intellectu cognoscibilis, nisi cum respectu rationis. Ergo actum Dei liberum in ratione sui constitutivum non importare nisi formalitatem realem actui Divino Immanenti identificatam, licet ista formalitas non intelligatur à nobis nisi cum relatione rationis.

#### CONTROVERSIA. IV.

##### An ratio Decreti Liberi in Deo

importet formalitatem à Divini Substantiâ quodammodo distinctam.

Nonnulli perstringunt aciori censurâ Cajetanum, quod *præc. q. 19. art. 2. & 3.* docuisset, Deum in suâ indifferentiâ liberâ ita determinari per aliquid sibi intrinsecum, ut ista determinatio se habens ad instar alicujus Extensionis, aut terminationis ad objectum, sit aliqua realis perfectio superaddita actui Dei necessario; quam adeo liberam Dei determinationem habentem rationem perfectionis secundum quid, potuisse non esse ab æterno, etsi semel existens in Deo, necessariò duret in æternum.

Verum Cajetani mentem in saniori sensu exponunt Nazarius *ad cit. q. 19. a. 3. §. secundum*, Joannes à S. Thom. *cit. disp. 14. a. 4. n. 16.* & Gonet *cit. a. 2. §. 1.* asserendo, quod non intellexerit, dari aliquam perfectionem in Deo liberam, quæ secundum suum intrinsecum, & per ordinem ad subjectum possit deesse Deo, sed aliquam perfectionem secundum sui extensionem ad objectum posse non inesse Deo. Hoc autem nihil aliud importare, nisi quod illa perfectio libera, secundum quod tangit creaturam, & dicit habitudinem ad ipsam, sub hac denominatione deesse possit. Fundamentum hujus expositionis ex ipso Cajetano depromptum videri potest apud Joannem à S. Thomâ *loc. citato*. Nos enim non tam de sensu Cajetani, quam de Veritate circa rem ipsam indaganda solliciti, superfluum duximus; illud hic inferere, unicum hoc advertentes, Franciscum Amicum *cit. disp. 14. a. 46.* recensere etiam Fomsecam, & Salam inter sectatores Cajetani.

Arriaga *cit. disp. 22. sect. 4.* refert opinionem quorundam Recentiorum non tam asserentium, quam alijs judicandum proponentium, quod actus Dei liberi consistant in *Virtuali defectibilitate* seu potius *Mutabilitate Virtuali*, sinque adeo formalitates reales, quæ possint in Deo realiter non esse, etsi à divini Essentiâ distinguantur solum virtualiter: Unde sicuti per Virtualem Personificationem ab Essentiâ Dei distinctionem de relatione



lationibus, ac Essentiâ verificantur prædicari contradictoria, scilicet produci & non produci, communicari & non communicari, sic propter illam Virtualem distinctionem potuisse formalitates actuum Dei liberorum abesse, licet non potuerit Essentia abesse.

Adversus istam Virtualitatem movet Ioannes à S. Thomâ *cit. disp. 14. a. 3. n. 14. & seq.* quod nihil valeat ad solvendam præsentem difficultatem. Verum Dominicus de Marinis *præf. q. 19. a. 14. c. 3.* arbitrat, illum de libertate Dei philosophandi modum esse omnino conformem doctrinæ Thomistarum antiquiorum ac recentiorum, ipsius etiam Ioannis à S. Thomâ. Fundamentum ab eodem de Marinis deductum est. Tum quia, sicut distinctio Virtualis fundatur in virtute, & Eminentia divinæ Simplicitatis, ratione cuius formalitas divinæ Substantiæ, quamvis sit unica, tamen præstat, quod præstaret, si foret multiplex, ita mutatio Virtualis radicatur in Virtute, & Eminentia divinæ Immutabilitatis, quæ præstat idem, ac si Deus de facto mutaretur. At si Deus mutaretur de facto formaliter, fieri posset de nolente volens, & de volente nolens. Ergo ratione Mutationis Virtualis id ipsum ita præstat, ut dum est volens, possit esse nolens, & e contra. Ergo idem actus divinæ Voluntatis manens formaliter immutabilis, & immutatus ita vult & decernit creationem. Perri, ut possit non velle, & non decernere. Tum quia radix huius virtualis Mutationis est ipsa Infinitas divinæ Voluntatis, ratione cuius unusquisque actus continet eminenter infinitos actus nostros. At quod eminenter continet aliud, idem præstat, ac illud. Ergo unusquisque actus id ipsum præstat Voluntati divinæ, quod Voluntati nostræ plures, & infiniti actus præstarent. At ratione plurium actuum volitionis & nolitionis possumus non velle id, quod volumus, & e contra. Ergo divina Voluntas ratione unius simplicissimi actus ita voluit creare mundum, ut potuisset non velle, & sic liberè voluit.

### CONCLUSIO I.

**N**on licet simpliciter, & absolute dicere, quod actus Divini liberi sive aliqua Dei formalitas possit deficere, sive Substantiæ Divinæ deesse.

6. Probatur. Nam ex ratione actus puri & simplicissimi est, quod omnis formalitas Deo inexistens sit divina Essentia, & ipse Deus. Unde talis Formalitatis Quidditas est ipsum Esse divinæ Essentiæ. Hæc autem per se subsistens, & ex se actuata Essentia non tantum habet in se ipsa Essendi necessitatem, sed per formalem identitatem Transcendentaliter est inclusa in ratione quidditativâ omnis Formalitatis divinæ. At intrinsicè repugnat concipi formalitatem defectibilem, quæ in suo conceptu quidditativo importat Essendi necessitatem. Cum igitur formalitas actus divini liberi sit Deo adæquate intrinseca, sitque adeo de ejus ratione quidditativâ Essendi necessitas, nequit de eâ simpliciter, & absolute verificari, quod sit defectibilis, seu quod possit Deo deesse.

7. Dices. Si Deus noluisse creare Mundum, non esset in ipso volitio creandi Mundum, At

hæc volitio creationis Mundi est in *Nunc* eternitatis Deo adæquate intrinseca; Ergo potuisset in DEO non esse volitio adæquate intrinseca.

8. Contra. Nam ex ipsis terminis manifestum est, quod *Volitio creandi Mundum* duo importet. Unum in recto, scilicet Volitionis divinæ liberæ formalitatem; alterum in obliquo, nimirum terminum illius Volitionis divinæ, seu Mundi creationem. At termini habentis duplex significatum unum in recto, & alterum in obliquo, ea est conditio, ut ipsius significatio non subsistat, deficiente alterutro significato. Ergo ex hoc tantum, quod non esset creatio Mundi non itaret in *Nunc* eternitatis Volitio divina de creando. At hæc divinæ creandi Mundum volitionis non subsistentia non esset ex parte formalitatis actus divini liberi Deo adæquate intrinseca, sed ex parte creationis Mundi ad Extra Transcurrens se habentis ad illam Dei Formalitatem per modum Terminum in obliquo importati per *hanc* *Volitio creandi Mundum*. Et si proinde ista denominatio Deus est volens creare Mundum, posset non esse, hæc tamen defectibilitas non est circa formalitatem actus divini liberi Deo adæquate intrinsecam, sed tenet se penes terminum illius Formalitatis, nec non penes denominationem nostri Intellectus non potentis illam formalitatem intelligere, nisi ratione habitudinis seu relationis rationis ad creationem Mundi.

9. Instabis. Illa formalitas Decreti divini liberi independentè à denominatione seu conceptione nostri Intellectus habet in se ipsa realiter infallibilem causalitatis connexionem cum creatione Mundi. Ergo eâ subsistente non potest non fieri creatio Mundi. Ergo si secundum se, & quoad rationem suam intrinsecam non possit in *Nunc* eternitatis non esse in Deo, oporteret, creationem Mundi non potuisse non fieri à Deo.

10. Contra. Nam illa Decreti divini liberi formalitas habens rationem Causalitatis Deo intrinseca est per ipsum Bonitatis Increatae Esse divinum tanquam objectum Motivum formaliter identicè specificata. At istud Esse divinum, cum actus cum plenâ perfectione in se omnino independentè subsistens habet ex ipsa summæ Bonitatis ratione sui ad extra communicabilitatem, absque ullâ tamen dependentiæ necessitate cum creatione Mundi connexionem. Hæc autem independentiæ ad extra communicabilitas Deo intrinseca ab intellectu divino intentionaliter expressa, atque ut sic Voluntatis divinæ inclinativa ratione suæ Independentiæ liberæ, ratione verò suæ purissimæ actualitatis formaliter identicè aduat Voluntatem Dei, hanc per ipsum suum Esse subsistens constituendo in Esse formalis Decreti tum liberi ad extra, tum necessarij quoad intrinsecam Essendi formalitatem. At ista quoad Essendi formalitatem necessaria, in ratione autem Decreti ad extra libera formalitas ita habet cum creatione Mundi causalitatis connexionem infallibilem, ut hæc ipsa tamen infallibilitas importet formaliter libertatem utpote radicata in connexionem non alicujus dependentiæ illius formalitatis, sed causalitatis Eminentialis specificatæ & aduatæ per Bonitatis increatae, ejusque actualissimæ ad extra communicabilitatis Esse independentem, ac per se subsistens. Constat igitur, qualiter Decreti divini formalitas in Essendo sit



necessaria, & tamen libera ad extra, totâ & adæquâtâ libertatis ratione formaliter Deo inexistentem secundum infallibilem effectûs ex tali Eminentiali Bonitatem suam Increatam ad extra communicante Causalitate consecutionem, absque ullâ tamen ex parte hujus Causalitatis se tenente connexionem Dependentiæ relationis.

### CONCLUSIO II.

**M**odus explicandi Dei libertatem per Virtualement defectibilitatem, seu Mutabilitatem tangit quidem, non tamen soluit Mysterij hujus difficultatem.

- II. Probatur. Nam Modus iste, prout ab Ariaga sup. n. 3. exponitur, in hoc saltem durus est, quod asserat, reales actuum Dei liberorum formalitates posse in Deo realiter non esse. Hoc autem præ. cont. 1. refutatum est. At verò quatenus à Dominico de Marinis n. 4. expositus est, reddit Libertatis divinæ rationem ex eminentiali creatorum liberorum actuum continentia. Hæc autem Eminentialis omnium creaturarum continentia non subsistit in Deo, nisi cum depuratione omnis imperfectionis, ac potentialitatis. De hac proinde potentialitatis exclusionem, ac omnimodâ imperfectionis depurationem circa Dei libertatem remanet difficultas. Nam cum ex una parte Libertas importet in potentia volitivâ indifferentiam, in actu verò libero contingentiam, seu non necessitatem, ex alterâ verò parte omnis Deo intrinseca formalitas cum Essentiâ divinâ identificata sit in Essendo necessaria; idcirco in hoc ipso latet Libertatis divinæ Mysterium, quod Libertas secundum rationem suam formalem, & non Eminentialem duntaxat stare possit in Deo realiter formaliter identificata cum Essentiâ divinâ.

### CONTROVERSIA V.

#### *In quo tandem consistat ratio*

#### *Divina Libertatis?*

**S**uares disp. 30. Metaph. sect. 9. n. 31. ac seq. asserit, Eminentiam hujus Mysterij in eo consistere, quod actus divinus liber apprehendatur ut forma quædam, quæ secundum totam realitatem suam sit necessariò in Deo, imò sit ipse Deus, nec tamen conferat necessariò quasi adæquatum effectum formalem, quem conferre possit, in ordine ad objecta extrinseca, sed in manu & potestate habentis talem actum sit, per illum tendere, vel non tendere in talia objecta, ita quidem, ut si tendat, verè illa amet, ac velit, & nihil ideo plus habeat, quàm si non amaret. Fundamentum est. Tum quia velle divinum, cum non sit forma informans, neque actus actuans, sed actus purissimus, altiori modo est intelligendum, constituere Deum volentem. Hic verò altior modus in eo situs est, quod attingat objecta cum eminenti quâdam potestate ad attingendum vel non attingendum secundaria objecta, nullâ in ip-

so actu mutatione, vel reali additione factâ. Tum quia velle creatum differt ab Increato, quod illud sit totum naturâ suâ ordinatum ad objectum, à quo sumit speciem. Ex quo fit, non possibile actum esse in potentia, quin actu inclinet ad objectum seu Bonum creatum sui specificativum. Est autem ejusmodi actualis in objectum suum Motivum inclinatio forma Volitionis, constituens Voluntatem formaliter volentem tale objectum. Econtra verò velle Increatum nullam speciem sumit ab objectis creatis, neque habet realem habitudinem ad illa, sed eminentissimo, & absolutissimo modo illa attingit, quando Deus illa vult. Hinc autem est, quod velle divinum secundum totam suam Entitatem necessariò sit, non tamen necessariò attingat talia extrinseca, seu secundaria objecta. At ex hoc ipso est consequens; Entitatem illius velle, cum liberè attingit ista objecta, nihil importare supra Esse Dei Increatum, quod adeò se ipso sit volitio eorum, liberè volendo, ac determinando.

Ioannes à S. Thomâ cit. disp. 5. a. 4. hanc de Libertate Dei difficultatem duabus conclusionibus absolvit. In quarum primâ à n. 2. usque ad 7. expositâ, & probatâ allerit; Volitionem Dei ut liberum actum Deo intrinsecum distingui à Voluntate divinâ ut necessariâ, quod hæc respiciat divinam Bonitatem ut objectum omnino adæquatum, imò ut omnino identificatum sibi: cum econtra ut libera non constituatur per ordinem ad objectum creatum, nec per habitudinem realem, utpote quæ esset dependentia: sed ut sic importare, ac dicere summam, & absolutam Independentiam à creaturis, & summam creaturarum respectu ipsius subjectionem; adeoque non tam respicere creaturas ut objecta, quàm ut effectus inadæquatos contingentes, & sibi non necessarios. Unde Bonitatem duntaxat divinam esse proprium illius actûs objectum, creaturas verò esse ejusdem, etiam ut volitio est, effectus.

Fundamentum n. 5. deductum est. Quia libertas in nobis postulat Independentiam ab objecto, non quidem in specificando actum, sed in movendo ad exercitium actûs. Nam licet hic specificetur ab objecto, adeoque ab isto dependeat quoad specificationem; nihilominus ut actus sit liber, oportet objectum ejus esse tale, quod non cogat potentiam ad habendum actum, nec superet totam resistantiam illius, sed licet possit allicere & attrahere potentiam, non tamen omnem adæquationem ejus superet. At ex hoc ipso est quædam potentia independentia ab objecto. Hæc autem Independentia in eo sita est, quod potentia non subijciatur objecto, nec ab isto moveatur, nisi in quantum voluerit. Ista verò non subiectio, nec nisi secundum placitum motio importat potentia Dominium, ac libertatem erga actum quâ tendentem in tale objectum. Cum igitur Libertas consistat in Dominio, ac Independentia, tantò major erit Libertas Voluntatis erga aliqua objecta, quantò ab his in movendo, ac specificando, imò & terminando est magis independentis, & absoluta. At Voluntatis divinæ Independentia est non penes egressionem, vel non egressionem actûs à potentia, siquid in Deo sit tantum actus secundus purissimus, & unicus. Est igitur Voluntatis Dei Independentia duntaxat



zat in tangendo, vel non tangendo objecta creata. Hæc autem Voluntatis divinæ circa objectum creatum attingentia est per terminationem, non quæ indigeat actus terminari, sed quæ possit se communicare, & subijcere sibi objecta creata. In hac igitur independentiâ consistit libertas Volitionis divinæ, quod ista nec in ratione actus egredientis dependeat a potentiâ, nec in sui terminatione aut specificatione dependeat ab objecto, atque adeo terminetur ad objectum per hujus a se dependentiam, non sui ab objecto.

4. In 2. Joannis à S. Thomâ n. 7. *ac seq.* expolita conclusione assentur, Volitionis quæ distinctæ à nolitione, vel quæ determinatæ magis ad unum, quam aliud, rationem formalem consistere in absolutâ, & intrinsecâ actualitate suâ, ut immutatâ, & necessariâ in se, immutante autem objectum, seu communicante rationem objecti non necessariô. Sicuti econtra nolitionis rationem formalem esse ex eadem immutatâ, & necessariâ actualitate, ut non immutante, nec constitutivè rationem objecti. Fundamentum à n. 10. deductum est. In hoc Voluntas nostra differat divinâ, quod nostra supponat Bonitatem, quam amet, divina vero sit per amorem creans, & rebus creatis infundens Bonitatem. ex S. Doctore 1. p. q. 20 a. 2. Unde Volitio divina comparatur ad volita creata non supponendo ipsam rationem objecti, sed constituendo, & participando creaturæ, quod sit objectum, etsi non necessarium sibi, sed inadæquatum. At ex hoc ipso, quod volitio divina amando participet Bonitatem, secundum quam creatura est objectum illius Volitionis, est consequens, hujus determinati objecti volitionem distingui ab ejusdè nolitione, non per determinationem aliquam ex creaturis pendente. Ergo per hoc solum, quod talis volitionis actus sit immutans objectum, seu constituens illud in ratione Boni, ac determinatè volibilis. At hæc in Esse objecti Volibilis constitutio sit per actualitatis voluntatem divinam identicè specificantis, ac Moventis participationem limitatam; nec adeo Voluntati divinæ adæquatam. Ex hoc ipso autem est, quod ista objecti per Voluntatem divinam attingentia, & derivatio, seu participatio non sit necessaria. Quamvis ergo Esse actus sive Volitionis, sive nolitionis sit necessarium, potest tamen fundare habitudinem non necessariam, non quidem propter Esse actus, sed propter limitationem objecti non adæquati sibi tam in ratione actus Voluntati divinæ erga objectum Immanentis, quam in ratione actus ad extra immutantis objectum Volitum. Etsi proinde iste actus de se indifferens sit ad volendum & nolendum, ex hoc ipso tamen, quod sit actus purus, potest fundare determinatam volendi habitudinem, activè constituendo objectum in Esse Volibilis, huic per Causalem participationem communicando rationem Bonitatis. Constat igitur, divinæ circa istud Objectum Volitionis rationem determinatam consistere in absolutâ, & intrinsecâ Voluntatis Dei actualitate in se immutatâ, & necessariâ, sed immutante objectum, eique utpote non adæquato non necessariô communicante rationem objecti Volibilis, seu Bonitatis participatæ.

\*\*\*

#### CONCLUSIO I.

Divina Voluntas quæ libera, est Amor DEI necessarius per actualitatem Increatæ Bonitatis ex se ipsâ intelligibiliter in DEO expressam, atque ut sic Inclinationis Divinæ Motivam formaliter identicè specificatus habens rationem Virtutis ad extra volitivæ secundum sui ex eadem Increatâ DEI Bonitate quæ in infinitum communicativâ formalem intrinsecam specificationem, habens verò rationem potentiæ ad extra Liberæ ex ipsius Increatæ actualissimæ Bonitatis Independentiâ Amoris quæ Divini formaliter identicè specificativâ.

Explicatur & Probat. Specificatio Amoris divini est per formalem realem identitatem Bonitatis Dei Increatæ quæ per se ipsam intelligibiliter in Deo expressæ, atque ut sic Inclinationis divinæ *formaliter identicè* Motivæ. At Bonitas Dei Increata hoc ipso, quod sit actus purus, est infinita in Essendo, & causaliter efficiendo, ac finaliter movendo. Hæc igitur omnis tum Essendi, tum efficienter cauandi, tum finaliter movendi infinitas sub ratione purissimæ actualitatis specificando Amorem Dei, huic *formaliter realiter* se identificando, constituit Amorem divinum in ratione inclinationis ad Bonitatem Increatam sui *formaliter identicè* specificativam infinitè communicandam ad extra. Hæc autem activa Bonitatis Dei per Amorem sui communicabilitas, cum sit actus purus, formaliter importat sui independentiam. Ex ista vero independentiâ est, quod illa communicabilitas in ratione Essendi infinita sit per se subsistens absque ullâ sui ad extra communicatione. Ex hoc autem fit, quod Essendi actualitas, seu communicabilitas in se actualissimè subsistens nullam cum aliqua sui ad extra communicatione habeat necessariam connexionem. Constat proinde ex Amoris divini per purissimam, & in Essendo infinitam Bonitatis Increatæ actualitatem *formaliter identicè* specificatione haberi, tum quod iste amor in Essendo infinitus sit quædam vis sub ratione actualissimæ Inclinationis, atque adeo Voluntatis activæ, seu Bonitatis Increatæ in infinitum communicativæ: tum quod ille ipse Amor per Esse divinum specificatus sit per se subsistens, atque adeo possit stare independenter sine ullâ sui ad extra communicatione. Atqui facultas libera nihil aliud est, quam vis activa non necessitata ad agendum. Consequens igitur est, ex præallegata Amoris divini per Bonitatem Dei Increatam in se actualissimè, ac independenter subsistentem specificatione convenire Amori illi divino rationem Voluntatis ad extra liberæ activæ.

#### CONCLUSIO II.

Actus DEI liber constituitur *formaliter* in ratione actus per ipsam Bonitatis Increatæ sui Motivæ, ac specificativæ actualitatem, habetque rationem Vo-



litionis liberæ, quatenus per finalem Bonitatis increatæ motionem sibi *realiter formaliter* identificatam est inclinatio actualiter præfinitiva Bonitatis ex se participatæ: ac rationem Nolitionis habet, quatenus per finalem perfectionis Dei, quâ independentem in se subsistentis motionem est actu præfinitiva negationis creatæ Bonitatis.

7. Explicatur, & Probatur. Nullus sive creatæ sive increatæ Voluntatis actus est, quin habeat aliquod Motivum. At omnis actus Divini liberi Motivum *formaliter idem* specificativum est unica Bonitas Increata in ratione Essendi purissima, & actualissima. Ex hoc ipso verò, quod actus Dei liber non subsistat, nisi per formalem identicam illius Essendi actualitatis specificationem, oportet cujuscvis Decreti Divini liberi non esse, nisi unam simplicissimam Actualitatem, Essentialitatem, ac Formalitatem. At ista simplicissima formalitas habet rationem Volitionis quatenus est inclinatio, rationem autem nolitionis habet, quatenus est aversio: Sicuti autem inclinatio Dei in Bonum creatum est infundens Bonitatem, seu creans Bonum à se derivatum: sic aversio Dei est propter increatæ Bonitatis Independentiam denegans Bonitatem ex se derivabilem. Quemadmodum igitur infusio illa Bonitatis, seu creatio importat actionem æternam seu causalitatem Deo intrinsicam, quæ ut sic est Volitio effectus ac Boni creati præfinitiva: ita denegatio Bonitatis ex Deo derivabilis est actus Dei Immanens, ac intrinsecus, ex quo *negativè* fuit in rebus creatis negatio Bonitatis, quæ est objectum aversionis, seu terminus Nolitionis Divinæ.

8. Oppones: Si cujuscvis actus Divini Liberi non sit nisi una Formalitas, sequi, quod de facto sit in Deo formalitas, quæ Decreti Divini de alio Mundo producendo, si nunc daretur in Deo, secundum totam ejus rationem non tantum Essentialem, sed etiam Individualem esset formaliter constitutiva. At non esse intelligibile, quod Decreti Divini de alio Mundo producendo tota constitutiva ratio sit in Deo, & tamen Decretum illud Divinum non sit de facto.

9. Contra. Nam formalitas Decreti de alio Mundo producendo aliter est intelligibilis, prout est in se, & in ordine ad Intellectum Lumine gloriæ elevatum; & aliter prout obijcitur nostro Intellectui non nisi dependenter à creatis, ac sensibilibus cognoscenti. Etenim nos illam formalitatem apprehendimus sub ratione Terminationis activæ causaliter communicantis Bonitatem participatam, atque ut sic constituentis objectum creatum in Esse boni volibilis. Illa verò Divinæ Volitionis activa Terminatio ex parte rei Intellectu importat quidem Formalitatem Deo adæquatè intrinsicam, conceptam tamen à nobis sub ratione habitudinis non necessariæ ad effectum ex eadem Dei formalitate causatum, atque ut sic constitutum in Esse objecti, seu Boni volibilis. At ea est ratio habitudinis, ut concipi non possit sine termino. Unde hoc ipso, quod alter mundus nunquam sit exiturus, non verificatur secundum

nostrum Intellectum, esse in Deo formalitatem Decreti Divini liberi de altero Mundo producendo. Nihilominus à parte rei nunc verificatur, quod sit in DEO illa ipsa Formalitas, quæ esset, si alter Mundus esset producendus. Hæc autem formalitas est nunc alterius Mundi producendi Nolitio, quatenus ex ea pro Divini Dominij arbitrio est consequens negatio Existentiæ alterius Mundi. Hæc autem consecutio negationis alterius Mundi ex hoc solum est, quia Deus pro libertate sua non vult habere suæ Voluntatis objectum alterius Mundi Existentiæ; sicuti econtra ex eo, quod Deus Mundi jam producti Existentiæ velit habere voluntatis suæ objectum, erat certa hujus existentiæ consecutio; juxta illud Ionæ 1. *Tu Domine sicut voluisti, sic fecisti.* Et Iudith. 9. *hoc factum est, quod voluisti.* At hæc sive Existentiæ, sive non Existentiæ circa eandem etiam rem ex Divinâ Voluntate consecutio importat quidem Voluntatis Divinæ determinationem, quæ supponit ejusdem indifferentiam circa objecta, non verò indifferentiam potentialitatis ad oppositos Volitionis, ac Nolitionis actus. ex S. Tho. 1. *cont. 1. 22.* Ex hoc ipso autem, quod Voluntas Divina nullam ad actus Volitionis & Nolitionis dicat potentialitatis indifferentiam, oportet in Dei Voluntate esse unicam Divinæ substantiæ Formalitatem simplicissimam. Constat igitur, tametsi illa ipsa formalitas in Nunc æternitatis sit Divinæ Voluntati inexistentis, quæ etiam esset in Deo, si decrevisset producere alterum Mundum, non tamen dici, Deum habere Decretum de altero Mundo producendo.

Tum quia ista ratio Decreti *secundum nostrum Intellectum* importat habitudinem terminationis ad Mundi Existentiæ, seu productionem passivam Transientem; ex cujus aded habitudinis secundum nostrum Intellectum de Deo enunciabilis defectu negamus, in Deo esse formalitatem Decreti de alterius mundi productione. Tum quia ratio illa Decreti *secundum se* esset formalitas Esse Divini ita specificantis, ac moventis Amorem Dei, ut per hunc esset Volita existentiæ alterius Mundi. Hæc autem formalitas excludens potentialitatis ad intra indifferentiam per se ipsam in Nunc æternitatis formaliter determinata est in ratione Nolitionis, quatenus per Independentiæ suæ libertatem habet pro termino suo negationem alterius Mundi; quæ tamen ipsa formalitas posset esse determinata in Esse Volitionis ex hoc solum, quod per Virtutis suæ activæ Dominium absque ullâ habitudinis realis, sed ex Eminentialis Causalitatis connexionem secundum libitum habere possit pro objecto seu termino Existentiæ Mundi alterius. Unde quia non ista alterius Mundi Existentiæ, sed ejus negatio est de facto Terminus illius Divinæ Formalitatis; hæc à Beatis sine ullâ ratione seu habitudine rationis, sed sub eminentiali independentiæ ratione intelligitur esse in Deo Decretum de non producendo altero Mundo.

Responsio ad fundamenta opposita.

AD Suarezij n. 1. & S. Ioannis à S. Thomâ n. 2. ac 3. proposita Respondetur. Ea non minus verè, quàm eleganter esse dicta, in quibus tamen attendendum imprimis esse, ne in

Liber-



Libertatis Divinae conceptu nostro objectivo fit confusio tum formalitatis, quæ in tali conceptu se habet *ut quo*, estque relatio, seu habitudo rationis *sub quâ* libertatis Divinae actum per se absolutissime subsistentem intelligimus; tum alterius formalitatis, quæ in illo conceptu se habet *ut quod*, estque ipsa realitas actûs Divini formaliter inexistentis Deo. Nam quando volitio Divina explicatur à nobis sub ratione attingentiæ, Terminationis, seu connotationis, & participationis activæ derivantis ex se Bonitatem creatam, atque ut sic causaliter constituentis objectum in Esse boni volibilis, non potest ex parte conceptûs nostri objectivi non importari respectus rationis. Hæc autem relationis ratio non se habet *ut formalitas* Volitionis Divinae liberæ *intrinsicè* constitutiva, sed ut ratio *sub quâ* ista formalitas est cognita à nostro Intellectu. Juxta quod aded discrimen verificatur, quodd Deus sit potius volens Mundi existentiam, quàm nolens, sine ullius ex parte creaturarum mutationis connotatione reali, etsi non sine absolutâ Eminentiali Independentiæ Causalitate ex se illativâ talis Mutationis. Quia verò ista Eminentialis causalitas secundum nostrum concipiendi modum non est intelligibilis, nisi cum connotatione mutationis creaturarum: idcirco in illâ denominatione Dei volentis potius, quàm nolentis omnino importatur connotatum ex parte creaturarum non quidem tanquàm forma, uti contendeat Vasquez extrinsicè denominans, & constituens Deum in ratione liberè Volentis, sed tanquàm terminus illius connotationis, seu habitudinis rationis. Quo aded Formalitatis Divinae liberæ *propterea est in se, ac prout est sub nostro modo intelligendi* considerato discrimine, facile ruunt omnia, quæ adversus Suarezium movet Arriaga *cit. disp. 22. sect. 3.*

## CONTROVERSIA. VI.

*An Formalitas Decreti Dei Liberi importet contingentiam repugnantem Divinae Immutabilitati?*

**I.** Voluntatem Divinam esse Immutabilem evincitur ex illo Num. 23. *Non est Deus quasi homo, ut mentietur; neque ut Filius hominis, ut mutetur.* Et Proverb. 19. *Multa cogitationes in corde Viri, Voluntas autem Domini in æternum manet.* Unde si quando Deus dicitur poenitere Gen. 9. & Jerem. 18. intelligendum est Metaphoricè, tum quia nos poenitendo destruimus, quod fecimus: hoc autem Voluntas Divina sine ullâ sui mutatione fecit circa hominem, delendo ipsum à facie terræ per diluvium. Ergo poenitentia in Deo importat Voluntatem rei à se factæ destructivam, nullâ in se contingente mutatione. Tum quia homines dicuntur etiam poenitere, si non adimpleant, quod comminati sunt. At Deus potest aliquid fuisse comminatus vel conditionare, vel habito respectu ad exigentiam præcisè, ac merita Causarum secundarum, quin ex altioris sui Iudicii consilio adimpleat. In hoc autem fit mutatio quidem sententiæ, non autem Consilij Volun-

tatis Divinae, uti habet D. Gregorius lib. 20. *Moral. c. 23. in med.* Tunc aded potest Deus metaphoricè dici poenituisse non mutando Voluntatem, seu Consilium, sed comminationem non adimplendo. ex S. Thomâ *præs. art. 7. ad 2.*

## Referuntur Sententiæ Doctorum.

**Q**uo aded posito, triplex restat difficultas. **1.** Quodd libertas importet actûs contingentiam, hæc verò inferat Mutabilitatem. Si contra ponatur, libertatem sitam in potentialitatis indifferentiâ arguere mutabilitatem, non verò libertatem in purissimâ actualitatis, & ad extrâ communicabilitatis infinitæ independentiâ consistentem; tunc secunda emergit difficultas.

Nam ista purissimæ actualitatis ratio præstat, quodd communicabilitas ad extrâ independentem, ac per se subsistens se ipsâ absque ullâ realis formalitatis additione determinetur in ratione Volitionis liberæ causativæ actûs creati. Hinc autem fit, quodd Voluntas Divina ex volente possit constitui Nolens sine ullâ sui mutatione: nec aded videtur stare argumentum S. Thomæ *cit. art. 7.* non minùs de voluntate Divina, quàm creatâ arguentis; mutandam fore, si desineret velle, quod voluit. Ex eo porro quodd idem S. Doctor *loc. cit.* asserat, non posse voluntatem desinere velle, quod voluit, nisi factâ mutatione vel ex parte cognitionis, vel circa dispositionem substantiæ ipsius volentis, resultat tertia difficultas: *An ex Dei Scientia, ac substantiæ immutabilitate efficaciter probetur Voluntatis Divinae Immutabilitas.* Nam illam Doctoris Angelici rationem à Vasquez *præs. art. 7. Comm. n. 38. & Suarez cit. sect. 9. Metaph. n. 57. & 58.* argui de inefficiaciâ, & insufficientiâ; inferius patebit.

## CONCLUSIO.

**E**X Immutabilitate Divinae Scientiæ efficaciter demonstratur Voluntatis Divinae invariabilitas.

Explicatur ratio Angelici Doctoris. Duplex est mutatio; physica, quæ ex parte Mobilis insert potentialitatem; & Moralis, quæ importat animi Inconstantiam, dum ex parte objecti voliti nulla se offert ratio nova. Hæc autem ex parte objecti ratio nova esse potest vel *secundum cognitionem*, dum nova aliqua ratio incipit ex parte intellectûs esse expressa, ac repræsentata voluntati; vel *secundum dispositionem subjecti*, cui ex variatione dispositionis incipit esse aliquid conveniens, seu Bonum, quod prius non congruebat. At invariabilitas Divinae Scientiæ est, secundum quod omnis veritatis cognoscibilis est in Deo repræsentatio, ac tota simul per æternitatem mensurata expressio. Ergo si Deus aliquam in suâ Voluntate subiret Decreti Mutationem, vel arguendus esset de Inconstantia, vel oporteret aliquid incipere conveniens, seu Bonum esse Voluntati Divinae, quod prius non congruebat. Hoc autem arguit in Substantiâ Dei Mutationem physicam, illud verò Moralem, vituperabilem in genere moris. Cum igitur hæc utraque mutatio repugnet summæ perfectionis actualitati, & Sanctitati purissimæ,



ita neganda est de Deo, ut consequenter negari debeat Decretorum variabilitas.

6. Oppones ad mentem fortè Vasquezij *loc. cit.* Mutationem Voluntatis importare in genere moris vituperabilem animi Inconstantiam, si nullà prudentiæ ratione nitatur. At omnis Decreti Divini rationem prudentialem esse Boni creati congruentiam respectu alicujus Attributi Divini. In æternitate verò ita repræsentari invariabiliter à Divino Intellectu cujusvis participatæ Bonitatis cum Increatâ Dei Bonitate tanquàm causâ Ideali, Finali, ac Effetrice convenientiam, ut tamen simul stet omnis creaturarum existentiae negatio immobiliter à Divino Intellectu expressa quâ congrua Dei absoluto Dominio, ac Independentiæ. At istastum. Existentiæ creaturarum ad Dei Bonitatem Increatam, tum earundem negationis ad Dei Independentiam, & Dominium absolutum congruentiæ rationes ita se habere in ordine ad Divinam Voluntatem, ut neutra ex se ipsâ præponderet, atque adeò voluntatem Dei posse absque ullâ Imprudentiæ labe non nisi ex ratione sui Dominij, ac summæ libertatis se ad alterutram determinare, ita ut si queratur: *Cur Deus decreverit hujus potius, quam alterius Mundi Existentiâ; si-ve cur unum prædestinaverit ad Gloriam, alterum verò reliquerit in massa perditionis*, nulla dari possit ratio, nisi, quia ex Dominio suo voluit. Cum igitur ista ratio subsisteret, etiamsi Deus ex vi sui Dominij in tempore incepisset nolle Mundi Existentiâ, quam prius voluisset; non apparere, cur Deus mutando Voluntatis suæ Consilium foret arguendus Inconstantia, seu Imprudentiæ, siquidem hæc ipsa mutatio niteretur illâ ratione prudentiali, quâ ejus Decreta regulabantur in æternitate.

7. Contra. Nam ex hoc ipso, quòd prudentia sit Virtus Intellectualis; oportet, rationem prudentialem niti Veritate in primo præsertim Dei Intellectu, qui ita est Prima veritas, ut sit mensura, & Causa omnis alterius veri resultantis ab unâ Divini Intellectus Veritate, ex S. Tho. 1. p. q. 16. a. 1. & 5. Unde quia Intellectus Divinus est immutabilis, sit; omnem veritatem etiam creatam quâ comparatam ad Dei Intellectum esse æternam, ac immutabilem. ex eod. S. D. cit. q. 16. a. 7. & 8. At si Decretorum Dei posset fieri aliqua variatio, deberet, Veritatis quâ comparatæ ad Divinum etiam Intellectum, esse mutationem. Cum igitur ista Veritatis mobilitas repugnet rationi Primæ Veritatis, quâ niti debet omnis in Deo ratio prudentialis, non posset Voluntas Divina habere aliquam Decretorum in se variationem, nisi cum Inconstantia, atque adeo Imprudentiæ notâ. Et si proinde ex ratione absoluti Dominij *Nunc posset in sensu Divino nolle, quod in æternitate voluit, ex hypothesis tamen, quòd voluerit, atque adeò in sensu compassæ, Veritatis Decreto suo nitentis* Immutabilitas non admittit in Deo, posse *Nunc* non velle.

8. Replicabis ex Suarezio *ubi supra*. Hæc ratione probari, quòd ex variatione Decreti, aut liberæ terminationis non tam inferretur physica Voluntatis Divinæ mutatio, quàm animi quædam imprudens Inconstantia.

9. Contra. Nam illo argumento evincitur, oportere, Decretum Divinum tam esse immutabi-

le, quàm immobilis est veritas rerum creatarum nixa libero Dei Decreto. At Divini Intellectus formalis Veritas cujusvis creatæ Veritatis objectivæ mensura, & causa in se immobilis mensuratur æternitate. Hæc autem est tota simul, & perfecta vitæ possessio, differtque à mensurâ æternâ, ac temporaneâ, quòd istæ vel in operatione, vel in substantiâ admittant mutationem, seu durationis variationem: Hanc ipsam verò in ævo, seu tempore variationem oportet esse physicam; quòd sit de non Esse ad Esse, nec adeò versari possit circa formalitatem, cujus Esse est per se actualiter subsistens. Unde si Decretum Divinum esset mutabile, tunc non mensuraretur æternitate, sed deberet mensurari ævo, vel tempore, nec adeò tunc esset intelligibile in ratione purissimæ actualitatis, seu formalitatis identificatæ cum Divinâ Essentiâ. At verò ex hoc, quòd æterna ex Divino Intellectu, seu Primâ formali veritate resultans creaturarum objectiva Veritas nitatur Decreto Dei libero, est consequens, Decretum Divinum mensurari æternitate, atque adeò habere sui quâ liberi Decreti totam simul perfectam possessionem *formaliter* in se sub purissimæ actualitatis ratione subsistentem. Ex hoc autem est, quòd Decretum Dei liberum sit non tantum moraliter, sed etiam physicè immobile. Ergo ex præallegatâ ratione evincitur physica Voluntatis Divinæ quoad libera Decreta Immutabilitas.

Responsio ad opposita Argumenta.

- Ad 1. n. 2. Oppositam Difficultatem Respondetur. Cum Libertas divinæ Voluntatis non consistat in potentialitatis ad actus oppositos indifferentiâ, sed in purissimâ actualitatis ad extra in infinitum communicabilis independentiâ, fieri hoc ipso consequens, quòd Decreta Dei libera non sint contingentia. Nam ratio contingentia est immediatè ex ratione Entis, uti probat Scotus *m. 1. dist. 39. n. 13*. Unde non convenit actui libero, cujus Essentialitas, & formalitas est Esse divinum in se necessariò subsistens. At Decreta Dei libera ex hoc ipso, quòd per purissimam Essendi actualitatem sint *formaliter* Esse Dei necessarium, habent ut sic rationem Independentia ab objectis creatis. Ex hac verò Independentia formalitate habent rationem liberi, sicut ex Causalitatis per se absolute subsistentis formalitate habent rationem Decreti, ex vi suâ intrinsecâ inferentis Contingentiam, seu contingentem effectus existentiam, vel hujus prohibitu negationem. Constat igitur, divinæ Voluntatis Decreta non esse contingentia, sed in Essendo necessaria, esse tamen libera, quatenus propter Essendi independentiam non sunt necessaria in causando.

- Ad 2. n. 3. Oppositam difficultatem Respondetur. Ex hoc ipso, si voluntas divina delineret velle, quòd voluit, fore consequens, ejus Decreta non mensurari æternitate. Unde consequens fore, non esse purissimam Essendi actualitatem per se necessariò subsistentem. Ex isto verò rursus sequi, quòd in ratione volitionis liberæ non posset voluntas divina per se ipsam sine formalitatis realis additione, atque adeò mutatione determinari. Ergo rectè inferri à S. Thomâ, quòd Voluntas divina esset mutanda, si delineret velle, quòd voluit.

Ad 3.



13. Ad 3. n. 2. Oppositam difficultatem Respondetur. Etsi stante Decreto Existentiæ Mundi præfinitivo sit adhuc in Intellectu divino representata ratio congruentiæ de Mundo propter Esse divini Independentiam, & absolutam Domini sui Libertatem non producendo, ex hypothese tamen illius Decreti stare immobilem de existentia Mundi Veritatem. At ratione hujus veritatis repugnare Deo, nec aded Bonitati divinæ congruum esse, Mundū non producere. Cum igitur Deus non possit velle, nisi Bonum, quā suæ divinæ substantiæ conveniens, esse consequens, quod ex hypothese illius Decreti divini liberi in sensu composito non possit Deus per suam libertatem non velle Mundi Existentiā, nisi hujus negatio inciperet esse congrua divinæ substantiæ, quod tamen, constat ex dictis, fieri non posse, nisi vel Deus posset agere contra Veritatem sui Intellectus, vel posset veritas in divino Intellectu semel expressa esse mobilis. Hoc autem utrumque arguere Mutationem tum Intellectus divini, tum dispositionis Dei Volentis. Ergo ex hujus Immutabilitate per S. Doctorem efficaciter probari divinæ Voluntatis invariabilitatem.

### CONTROVERSIA. VII.

#### Utrum in DEO detur Libertas

*Contradictionis, vi cujus Voluntas Divina absque omni actu libero posset manere suspensa?*

1. Ioannes Baptista Gonet cit. disp. 3. a. 3. cum 4. l. 1. à seculatis affirmat. Voluntatem Dei ab omni terminatione liberā ad creaturas potuisse manere suspensam, ac proinde illam esse liberam non solum libertate contrarietatis, sed etiam contradictionis. Fundamentum est. Nam ratio adversariorum negantium in divinā Voluntate omnis Decreti, seu liberi erga creaturas exercitij suspensionem, est; tum quod ista importaret aliquid imperfectionis, tum quod Deus non sciret determinatē, res esse futuras, si voluntas ipsius se non determinasset circa futuritionem vel non futuritionem rerum aliquarum possibilem. At neutrum ex istis habet aliquid firmitatis. Minor probatur quoad priorem partem. Cum enim exercitium Dei liberum nihil ad perfectionem Dei necessariam addat Entitatis, actualitatis, aut perfectionis, sed rationem puræ terminationis, idcirco nullius perfectionis, aut actualitatis defectus sequeretur, etiamsi Voluntas divina omnino cessaret, atque aded maneret suspensa à libero suo exercitio. Probatur eadem Minor quoad secundam partem. In hoc enim differt Futuritio effectus alicujus à non Futuritione, quod ista sit sola negatio existentiae aliquando habendæ, illa verò sit effectus positivus, dicatque ordinem positivum ad existentiam aliquando habendam. At licet effectus positivus petat pro causā liberam Dei volitionem, negatio tamen futuritionis, seu existentiae aliquando habendæ non exigit positivum influxum, sed sufficit hujus negatio. Cum igitur non Futuritio ut sic possit esse determinata ex solā Decreti divini liberi negatione, vel suspensione;

consequens est, cum tali suspensione posse stare, quod Deus de qualibet re sciat determinate, an sit futura, vel non futura.

3. Ioannes à S. Thomā cit. disp. 4. a. 6. n. 24. cum alijs tenet: omnimodam Decreti liberi suspensionem non tantum non pertinere ad meliorationem Domini, seu Libertatis, sed importare imperfectionem, nec aded esse ponendam in Deo. Fundamentum est. Nam alia est ratio potentiae executivæ, seu operativæ ad extra, alia verò potentiae quā volitivæ per electionem ac determinationem dirigentis, ac operantis actu immanenti intra se. Huic enim, cum sit vitalis, melius est virali actu, & deliberatione exercere viralem libertatem, quam ab ea abstinere. Ergo in ratione libertatis, ac Domini non est major perfectio, si libertas sit omissiva, vel omnis actus suspensiva, quā si per positivam Inclinationem, ac deliberationem seu Electionem determinetur circa suum objectum. Etsi proinde de ratione perfecti Domini Dei sit, posse potentiam suam executivam, seu ad extra operativam suspendere, non operando aliquid extra se, de ratione tamen potentiae Divinæ, quā volitivæ est, habere libertatem quæ cum positivā inclinatione & electione possit non coarctari circa sua objecta secundaria.

### CONCLUSIO.

Non videtur intelligibile, quod Voluntas Divina possit omnis actus circa objecta creata esse liberè suspensiva.

4. Explicatur & Probatur. Non potest in Deo esse ullum liberum, etiam negativum Exercitium, nisi habeat pro motivo Increatam DEI Bonitatem, quā Independentem per se cum infinitā perfectione actualissimè subsistentem. At ratio ejusmodi non nisi per formalem realem Identitatem potest esse Motiva. Nequit autem Exercitium aliquod liberum intelligi in ratione puræ omissionis, seu negationis, aut privationis, cujus ratio per formalem realem identitatem Motiva est purissima Esse divini per se independentem subsistentis Actualitas. Ergo non est intelligibile, qualiter voluntas divina circa objecta liberè, sed purè omissivè se habeat ad objecta creata.

5. Respondebis ex Gonet cit. art. 3. §. 1. ad 1. Non quidem esse intelligibile, quod liberum voluntatis divinæ Exercitium vel in ratione Entitatis, & actualitatis, vel in ordine ad objectum suum primarium possit esse purè omissivum, benetamen in ratione Terminationis ac Extensionis ad objectum secundarium.

6. Contra. Nam ista extensio, seu Terminationis ad objectum Voluntatis divinæ secundarium duo importat, unum in obliquo, ipsam nimirum Effectus, seu Termini creati ex Voluntate divinā Transeuntem productionem, vel hujus negationem. At licet Dei Voluntas potentiae suæ ad extra operativæ sit hoc ipso suspensiva, si nolit effectus alicujus effectiōnem, seu velitis effectiōnis negationem, ac omissionem. Nihilominus sicuti hæc effectio, sive ejus negatio, & ommissio non formaliter est libera, sed consecuti-



7. *re duntaxat, vel imperativè, sic per omissionem ejusmodi Voluntas divina in se formaliter spectata non suspenditur ab actu libero. Ut igitur Voluntas Dei libera per puram omissionem diceretur sui suspensiva, oporteret eam suspendi ab actu sibi immanente formaliter, & in recto importato per liberam Voluntatis divinæ ad objecta creata terminationem. At nullum est de Deo intelligibile liberum Voluntati divinæ immanens exercitium, nisi ex motivo actualissimæ perfectionis divinæ formaliter identicè specificatum. Ut sic autem nequit habere rationem negationis: Omissio autem pura importat rationem negationis. Ergo nequit de Deo intelligi pura omissio libera, secundum quam Voluntas divina in se maneat suspensa.*

8. *Ratio fundamentalis jam insinuata ita deducitur. Voluntatis divinæ quæ liberæ in ordine ad objecta sua secundaria determinatio non est nisi per actualitatem Esse divini in ratione Motivi formaliter identicè specificantis divinæ Voluntatis liberum exercitium. At hoc ipso, quod istud Esse divinum in ordine ad Voluntatis divinæ objecta etiam secundaria nequeat esse Motivum, nisi sub purissimâ secundum rationem etiam Motivi actualitate, oportet omne Voluntatis divinæ exercitium ex Motivo illo determinatum esse actualem motionem, siquidem non sit intelligibile Motivum sub ratione Motivi actualissimum, nisi hoc sit formalis actualis Motio ad illud objectum, in ordine ad quod est Motivum Voluntatis. Atqui exercitium liberum habens rationem Motionis, nequit ut sic esse pura Voluntatis suspensiva omissio. Cum igitur Esse divinum cujuscvis Exercitij divini liberi in ordine ad objecta Dei extrinseca specificativum sit purissima in ratione etiam Motivi actualitas, repugnat, in Deo dari Exercitium liberum purè omissivum, seu Voluntatis divinæ ab omni actu suspensivum.*

9. *Hinc patet i. Ioannis à S. Thomâ, non autem Gonetij sup. n. 1. & 2. doctrinam expositam solidâ esse. Cum enim omnis liberi Exercitij debeat assignari Motivum, nequeat autem Voluntatis divinæ esse ullum Motivum, nisi in ratione Motivi actualissimum, ut sic Voluntatis in ratione actualis motionis formaliter constitutivum, idcirco nequit in Deo esse liberum Exercitium nisi sub ratione immanentis motionis, & actûs vitalis. 2. Non esse absurdum, quod in Deo sint actu Decreta infinita tum absoluta, tum conditionata, circa quaslibet in quavis possibili rerum peristassi in infinitum formabiles combinationes, quæ adeo Decreta sint Intellectui divino ratio sciendi infallibiliter omnia futura tam absoluta, quam conditio-*

*nata.*



## ARTICULUS IV.

DE

### *Voluntate DEI Antecedente, & consequente.*

1. **D** Thomas præc. q. 19. n. 11. distinguit circa Deum Voluntatem Signi, & Beneplaciti. Hæc est ipse Voluntas Divinæ actus formaliter DEO inexistens: illa vero est aliqua operatio externa, seu effectus aliquis Divinæ Voluntatis manifestativus; cujusmodi signa, quibus Divina Voluntas dignoscitur, quinque à S. Doctore ut. q. 19. a. 12. enunierantur, nimirum Operatio, Præceptum, & Consilium respectu Boni, nec non Prohibitio, & Permissio respectu Mali. Nam potest quis demonstrare, se velle aliquid per se ipsum vel directè, vel indirectè: prior modus evenit, dum quis per se operatur, cujusmodi Voluntatis signum dicitur operatio; posterior autem modus accidit, dum non impedit operationem, diciturque hoc signum Permissio. Insuper potest quis declarare se aliquid velle per alium, hunc ad quidpiam faciendum ordinando, vel necessariâ inductione, diciturque præceptum; vel prohibendo contrarium illius, quod alter cupit; vel denique inducendo persuasorie quod ultimum pertinet ad Consilium. Ejusmodi proinde Voluntatis Divinæ signa veniunt nomine Divinæ Voluntatis: sic enim de Præcepto, Prohibitione, & Consilio intelligitur illud Math. 6. *Fiat voluntas tua sicut in celo, & in terra.* Et de Operatione, ac Permissione scribit S. Augustinus in *Enchirid.* c. 95. in fin. *Nihil fieri, nisi Omnipotentis fieri veluti, vel finiendo, ut fiat, vel faciendo.*

2. De hac Voluntate Signi moveri potest difficultas: *An semper sit declarativa voluntatis beneplaciti formaliter DEO inexistens?* Cujus resolutionem S. Doctor q. 23. de Volunt. Dei. art. 3. in resp. ad 6. tradit sequentibus verbis. *Sciendum est, quod Voluntas Signi tribus modis se habeat ad Voluntatem beneplaciti; quædam enim est Voluntas Signi, quæ nunquam incidit in idem cum Voluntate beneplaciti, sicut Permissio, quæ permittit Malum, cum malum fieri nunquam velit, quædam semper in idem incidit, sicut Operatio, quædam vero quandoque incidit, & quandoque non, sicut Præceptum, Prohibitio, & Consilium.* Ex quibus patet, significatum Voluntatis Signi non semper esse sub Voluntate Divinâ, etli ex hac possit esse consequens. Nam 1. Permissio est Signum Mali, seu peccati à Voluntate creatâ perpetrandi, hæc tamen permissio non inest Voluntatem Dei de peccato faciendo, sed Decretum duntaxat permissivum de non concedendâ Gratiâ Efficaci, & de concurrento cum Voluntate creatâ ad Entitatem actûs peccaminosi. Quod adeo Permissionis Decretum ita est illativum peccati, quin de hoc Deus habeat Voluntatem Beneplaciti. 2. Deus prohibendo, præcipiendo, & consulendo habet Voluntatem Beneplaciti de creaturâ rationali ad normam Legis suæ æternæ ordinandâ. Quæ tamen ordinatio potest esse duplex, altera in ratione duntaxat Directionis, per præcepti, consilij, ac prohibitionis cum auxilij sufficientis



cientis præparatione intimatione, altera in ratione actualis Executionis per Efficaciam Gratiæ. Et si verò ista posterior executiva ordinatio sit sub signo præcepti, aut Consilij obligantis, aut persuasorie ad eam inducentis, non tamen respectu omnium, ad quos dirigitur Præceptum aut consilium, sed respectu duntaxat aliquorum est à Deo absolute, & efficaciter intenta, seu volita. Unde prior duntaxat Directiva, non autem posterior Executiva ordinatio est objectum immediatum Voluntatis Divinæ Beneplaciti, per DEI Præceptum, Consilium, Prohibitionem significati, ex quo Beneplacito Divino emanat tanquam effectus. Sola igitur operatio, quam semper oportet esse ex Divinæ Voluntatis Causalitate est universaliter Signum Voluntatis Beneplaciti, prædeterminantis ejusmodi Operationem.

3. Juxta hæc oritur Quæstio: *An voluntas, quæ Deus vult omnes homines salvos fieri, & ad agnitionem Veritatis venire, sit tantum signi, vel Beneplaciti?* Nam Vasquez disp. 83. c. 1. n. 2. & 3. plures recenset asserentes, illam Dei Voluntatem non esse Beneplaciti, seu talem, quæ proxime referatur ad salvationem omnium, & ad observationem præceptorum in omnibus hominibus, ita ut secundum se hæc sint reipsa volita à Deo; sed Voluntatem Dei terminari proximè ad Media tantum, quæ Deus tribuit hominibus, ut per ea salvari possint; nec non ad præcepta, quæ eisdem tradit, ut bene operentur. Quam nihilominus utramque Voluntatem respectu observationis præceptorum, & salvationis hominum esse Signi, quod Deus præbendo Media absolute, & tradendo præcepta cum iustitione eorum observationis, videatur indicare, se habere Voluntatem circa omnium salutem, & circa observationem præceptorum, cum tamen eam non habeat.

4. Circa illam ipsam de omnibus hominibus salvandis Dei Voluntatem excitatur etiam difficultas ex occasione responsionis D. Thomæ q. 19. a. 6. ad 1. petitiæ ex S. Ioanne Damasceno lib. 2. Orthodex. fidei. c. 29. prope finem, quod nimirum intelligi debeat de Voluntate Dei Antecedente, non autem Consequente. Hunc enim ex diversimodâ Voluntatis Antecedentis, & Consequentis explicatione Doctores dubitant. 1. *An ista de omnibus salvandis Voluntas Antecedens proprie inexistat Deo?* 2. *An hac Voluntas sit Beneplaciti, & habeat aliquid Efficaciæ?* 3. *An & qualiter sit conditionata, sique expectans consensum & determinationem Voluntatis nostræ.* Quibus tandem per modum Corollarij alibi ex instituto tractanda superaddemus, qualiter per istam Voluntatem Antecedentem præparentur, & conferantur omnibus Media ad salutem sufficientia.

5. Ne porro ex nominis incertâ significatione de Voluntate Antecedente & Consequente oriatur confusio ac æquivocatio; earum ex Ioan. Bapt. Conet 10. 3. disp. 4. §. 1. concl. 2. exhibemus descriptiones, quod nimirum Voluntas Dei Antecedens sit illa, quæ versatur circa objectum, ut nondum vestitum omnibus circumstantiis, quibus est executioni mandandum. Econtra verò dicitur Voluntas Dei Consequens, quæ objectum inspicit omni sua circumstantiâ vestitum. Fundamentum desumitur ex S. Thomâ ut. art. 6. ad 1. ita differente: Unumquodque secundum quod est Bonum, ita est volitum

à Deo: potest autem aliquid in primâ sui consideratione Bonum vel Malum esse, quod tamen prout cum aliquo adjuncto consideratur (quæ est consequens consideratio ejus) e contrario se habet. Sicut hominem vivere est Bonum, & hominem occidi, est malum secundum absolutam considerationem, sed si addatur circa aliquem hominem, quod sit homicida, vel vivens in periculum multitudinis, sic Bonum est, eum occidi, & malum est, eum vivere. Unde potest dici, quod Judex iustus antecederet vult hominem vivere, sed consequenter vult homicidam suspendi. Similiter Deus, antecederet vult, omnem hominem salvari, sed consequenter vult quosdam damnari secundum exigentiam suæ Justitiæ.

### CONTROVERSIA. I.

*An in DEO sit Voluntas Antecedens de omnibus hominibus salvandis?*

Divinæ de omnibus hominibus salvandis Voluntatis testimonium habemus ex illo 1. ad Timoth. 2. Deus vult omnes homines salvos fieri. Ex quo nihilominus Dei voluntatem de salute omnium non simpliciter evinci, videntur probare expositiones S. Augustini, quarum Prima lib. 4. cont. Julian. c. 2. sic se habet. Cur ergo non sic accipimus, quod dictum est, qui omnes vult salvos fieri, & in agnitionem veritatis venire, quo modo & illud accipimus, quod idem dixit Apostolus Rom. 5. Per unius Iustificationem in omnes homines gratia pervenit ad Iustificationem vitæ? Hos enim omnes vult Deus salvos fieri, & in agnitionem Veritatis venire, in quos omnes per unius Iustificationem gratia pervenit ad Iustificationem vitæ.

Secunda desumitur ex Enchirid. c. 703. ubi D. Augustinus scribit sequentia: Debemus ita intelligere, quod scriptum est; Qui vult omnes homines salvos fieri, tanquam diceretur, nullum hominem salvum fieri, nisi quem salvum fieri ipse voluerit: non quod nullus sit hominum, nisi quem salvum fieri voluit, sed quod nullus fiat, nisi quem velit, & ideo sit rogandus, ut velit, quia necesse est fieri, si voluerit; sic enim intelligimus id, quod in Evangelio scriptum est: Qui illuminat omnem hominem, non quia nullus est hominum, qui non illuminetur, sed quia nisi ab ipso, nullus illuminatur.

Tertia accipitur ex eod. c. 703. Enchirid. ubi asseritur: Aut certe sic dictum est, Qui omnes homines vult salvos fieri, non quod nullus hominum esset, quem salvum fieri nollet: sed ut omnes homines, omne genus humanum intelligamus per quascumque differentias distributum, Reges, privatos, Nobiles, ignobiles, Doctos, indoctos.

Quarta petitur ex lib. de Corrept. grat. c. 16. ubi dicitur in hæc verba: Potest etiam sic intelligi, quod omnes homines Deus vult salvos fieri, quoniam nos facit vellet, sicut misit Spiritum Filij sui clamantem Abba Pater, id est, nos clamare facientem &c. Si ergo clamantem Spiritum recte dixit Scriptura, a quo efficitur, ut clamemus, recte etiam & Volentem Deum, a quo efficitur, ut volimus.

Adversus istam Doctrinam invehitur Vasquez ut. disp. 83. n. 12. asserendo, S. Augustinum non solum frustra noluisse concedere voluntatem Dei Antecedentem circa omnium salutem, sed allegatum Apostoli locum nullo modo fuisse



rectè expositum ab isto Ecclesiæ Doctore, eò quòd ex citati 1. ad Tim. 2. Capitis contextu pateat, ita esse acceptum coram Deo; omnes tranquillam, & rectam vitam agere, sicut omnes salvari. At homines rectè, & sanctè vivere vult Deus Voluntate Beneplaciti, juxta illud *Theosal. 4. Hac est voluntas Dei, Sanctificatio vestra.* Ergo omnes, ac singulos homines salvos fieri vult Deus Voluntate Beneplaciti.

Hinc idem Vasquezius cit. disp. 83. n. 8. 10. & 13. insistendum judicat doctrinæ Sanctorum Ioannis Chrysostomi hom. 1. in Epist. ad Ephes. & Damasceni lib. 2. de fide. c. 29. cir. fin. Cujus posterioris sunt ista verba formalia. *Quin illud quoque nos fugiat, Deum ut Bonitate præstantem primariè quidem omnes homines servare, ac Regni sui compotes esse vellet, neque enim supplicij, ac Cruciatibus causâ, sed ad hoc, ut Bonitatis ipsius participes finis, nos effinxit. Ut iustam ijs quoque, qui peccant, penam inferni nihilominus velit: ac prius illud Antecedens Voluntas seu Beneplacitum dicitur ex ipso manans: secundum autem consequens voluntas ac Permissio à nostro vicio ortum ducens: atque hujus permissio duplex est genus, alterum dispensatorium & erudiendi vim habens, quod ad salutem nostram spectat; alterum à desperatione proficiens, quod ad extremam, certissimamque penam tendit. Atque de his rebus, quæ in nostrâ potestate minimè sita sunt, statueremus debemus. At verò in ijs, quæ in nostro arbitrio consistunt, ea quidem, quæ bona sunt, primariè vult, grataque habet Deus &c.*

4. Idem Vasquez infra disp. 96. n. 10. doctrinæ superius de Divinâ circa omnium salutem Voluntate ex Patribus probatæ, & à se approbatæ vix memor asserit, illud 1. Tim. 2. *Deus vult omnes homines salvos fieri*: esse intelligendum de totis adultis, non autem de parvulis. Fundamentum est, quòd addiderit Paulus, Deum ita velle omnes fieri salvos, sicuti vult omnes ad agnitionem Veritatis venire. Hoc autem non procedit, nisi de adultis. Ergo & illud.

5. Referunt Petrus à S. Ioseph in defens. 8. August. adversus Augustinum Iprensensem par. 4. arg. 10. S. Scio, ne Consequentia admittatur. & Ioannes Bapt. Gonet cit. disp. 4. §. 1. in int. quod Janfenius to. 3. lib. 3. c. 18. conetur Voluntatem Antecedentem pro omnium salute in Deo extinguere, aut inutilem efficere, saltem pro statu Naturæ lapsæ, licet in statu Innocentiæ primis Parentibus perutilem fuisse, ab eaque Gratiâ sufficientem in eos derivatam proficatur. Cujus argumentum ab Autoritate tum S. Scripturæ; tum Sanctorum Ecclesiæ Doctorem ab eodem Gonetio cit. a. 2. §. 4. objct. 2. ac seq. asseritur ex eo, quòd nonnulla S. Scripturæ testimonia videantur insinuare, Christum non esse mortuum pro omnibus, nec suam Passionem & Redemptionem pro omnium salute ordinasse, juxta illud *Matth. 16. Hic est Sanguis novi Testamenti, qui pro vobis, & pro multis effundetur in remissionem peccatorum.* Nam apprimè notandum hic venit, cur non dicatur Sanguis Christi effundendus pro omnibus, sed pro multis, qui omnim alij veniunt hic voce *Multum*, nisi de quibus scribit S. Thomas 3. p. q. 21. a. 4. ad 2. asserens: *Christum non orasse pro omnibus Crucifixoribus, neque etiam pro omnibus, qui erant credituri in eum, sed pro his solum, qui erant prædestinati, ut per ipsam Vitam consequerentur æternam.* Juxta quem ad eò sensum maxime congruit illud S. Augustini Epist. 1. ad Evodium, dicentis, non petire unum ex his, pro quibus

mortuus est Christus. *Es serm. 8. Natalis S. Vincenij. Christum non perdere, quos eruit Sanguine.*

#### CONCLUSIO.

Pro certo tenendum est. Deum habere aliquo modo Voluntatem pro statu etiam Naturæ lapsæ de omnibus hominibus salvandis.

Probatum. Indubitatum est, omnes homines ordinari ad Finem supernaturalis Beatitudinis, nam alioquin deordinatio ab isto Fine non imputaretur culpæ hominis non tendentis in æternam salutem. At illa ad finem supernaturalis Beatitudinis, seu salutis æternæ ordinatio non est quid latens intra puræ possibilitatis statum; neque verò ex hoc statu quidquam extrahi potest, nisi per Divinâ Voluntatem. Oportet igitur, esse in Deo Voluntatem de ordinandis omnibus hominibus ab salutem: ex quâ ad eò Voluntate non tantum in statu Innocentiæ, sed Naturæ etiam lapsæ fluxerint præcepta cum Divino fœdere, seu promissione vitæ æternæ ea servantibus conferendæ, nec non Verbi Divini post peccatum Adæ incarnandi Decretum, indeque Christi Mors juxta Apostolum *Rom. 5. & 8. nec non 1. Cor. 5. pro omnibus divinitus sic destinata, & tolerata.* Cum igitur Deus suâ Voluntate ordinaverit omnibus hominibus Media salutis, imò ipsis hominibus indiderit legem se, ac quoscumque alios actibus suis ordinandi ad vitam æternam, oportet in Deo esse Voluntatem istorum Mediorum, nec non hominum in salutem ordinationis. At hæc ipsa de omnibus hominibus per media à se destinata ordinandis in salutem Voluntas Divina est, quâ vult omnes homines salvari, & ad agnitionem Veritatis venire 1. Tim. 2. nolens aliquem perire, sed omnes ad poenitentiam reverti 2. Petri 3. Non ergo dubitandum, quin sit in Deo Voluntas de omnibus salvandis; etsi difficultas seq. cont. elucidanda esse possit, An Deus ita velit omnibus salutem, ut hæc in se, & non tantum in Medijs volita sit pro omnibus.

#### Responsio ad opposita Argumenta.

Ad D. Augustini n. 1. propositas expositiones Responderetur. Illas optimè stare, etiam si dicatur, de omnium, nullo quantumvis reprobo excepto, hominum salute esse in Deo Voluntatem inefficacem. Ratio est: Nullum enim est dubium, quin unus, ac idem sacer Textus possit habere plures sensus etiam Litterales. Ergo nihil absurdi est, si dicatur illud Apostoli, *Qui vult omnes homines salvos fieri*, procedere tam de Voluntate efficaci salvandi prædestinatos, quam de voluntate inefficaci salutis non prædestinatorum. At constat ex ipsis S. Augustini supra adductis verbis, quòd in tribus prioribus expositionibus fuerit locus de voluntate Dei efficaci, ex quâ salus æterna cum effectu confertur omnibus non absolute, sed in sensu accommodato, seu secundum distributionem pro generibus singulorum. Nam sicuti dicens de aliquo Magistro, quòd omnes Civitatis pueros erudiat, intelligendus est loqui secundum Universalitatem non absolute, sed accommodatè, quòd scilicet quotquot de Civitate pueri frequentant Scholas, doceantur ab illo Magistro: sic Deum velle, omnes salvos fieri, potest juxta primam, & secundam



& secundam expositionem intelligi de salvandis actu, *ly Omnes* sumendo non in sensu absoluto, sed accommodato, quasi diceretur, nullum esse salvandum nisi per Dei Voluntatem. Similiter secundum tertiam expositionem illius Apostolici dicti procedit de omnibus actu & realiter salvandis secundum distributionem pro generibus singulorum, non autem pro singulis generum, ita ut nulla sit humani generis conditio, ex qua non aliqui salventur; Sicut *Omne animal* dicitur in Arcâ Noe fuisse, non quod singula individua, sed de omni animalium genere aliqua ibi extiterint. At verò Quartam Expositionem (quâ insinuat, Deum omnium salutem velle non formaliter, sed causaliter, id est, faciendo nos velle, & procurare omnium salutem, juxta illud Christi: *Prædicate Evangelium omni creature: Docete omnes gentes, baptizantes eos &c.*) constat procedere de Voluntate Dei non efficaciter causante Voluntatem nostram de Evangelio omnibus hominibus actualiter prædicando, eisque effectivè docendis, & baptizandis. Unde manifestum est, S. Augustini fuisse sententiam, quod prædicta Apostoli verba ita essent significativa voluntatis Divinæ Efficacis de omnium *in sensu accommodato*, & secundum distributionem pro generibus singulorum salute, ut tamen simul significarent voluntatem Dei inefficacem, quam tum causaliter, tum formaliter, pro omnium etiam non salvatorum salute habet; uti S. ille Doctor exprimit verbis tradit lib. de Spiritu & lit. c. 33.

9. Ad Vasquezij n. 2. Oppositum Respondetur. Hunc Authorem esse injurium S. Augustino; tum quod ipsi imputant, noluisse concedere Dei de omnium salute Voluntatem Antecedentem, quam tamen claris verbis asseruit cit. c. 33. lib. de Spiritu, & lit. tum quod Magno illi Ecclesiæ Doctore exprobet, quasi prædictum Apostoli locum nullo modo rectè exposuerit; cum tamen plures ex unius litteræ secundo Dei intellectu sentus eruendo, nusquam negarit Dei de omnium salute Voluntatem inefficacem: cuiusmodi tamen circa parvulos negare ausus est Vasquezius apertus in hoc Delictor SS. Patrum, veluti n. 4. patebit.

10. Ad n. 3. Oppositum Respondetur. Omnino insistendum esse Doctrinæ SS. Chrysost. ac Damasceni ibidem allegatæ ac expressæ, & approbatæ sensu aliorum Patrum, nominatim Hieronymi in c. 1. e. post. ad Ephes. Clementis Rom. lib. 2. constit. Apost. c. 59. Prosperi lib. 2. de vocat. Gent. c. 19. & 25. Augustini ubi sup. Thomæ de Aquino præc. art. 6. ad 1. Bonaventuræ in 1. dist. 46. q. 1. a. 1. & Concilij Moguntini 2. contra Haliacum.

11. Ad Vasquezij n. 4. Oppositum Respondetur. Hunc toti Orbi patefacere, quam pronus sit, à Doctrinâ Patrum, quam ipsemet cit. disp. 83. n. 13. veram sententiæ Apostolicæ interpretationem dixerat, ex proprii Capitis iudicio declinare sine solido fundamento. Nam 1. firmiter stat, Deum sicuti vult parvulos salvare, sic velle eos in agnitionem Veritatis venire, & non adultos tantum; tum quod in regno Dei certa sit agnitio veritatis, ex D. August. lib. 4. cont. Julian. c. 2. post init. tum quod parvuli per Baptisma veniant ad fidem, quæ pro statu viæ est habitualis Veritatis agnitio. 2. Idem Augustinus cit. c. 2. Numquid, ait, parvuli homines non sunt, ut non pertineant ad id, quod dictum est, vult omnes homines salvos fieri? Etsi verò hic Ecclesiæ Doctores in sequentibus, hæc Apostoli verba non

accipiat, nisi de efficaci circa re ipsa salvandos Voluntate Dei, æquè tamen ibi extendit ad parvulos: alijs autem in locis, nominatim cit. c. 33. de Spiritu, & lit. accipit illud dictum Apostolicum cum universalitate ad omnes homines etiam non salvandos. In quo adeo sensu lib. cit. ad articulos sibi impositos a. 2. inquit, Sine exceptione credendum est, quoniam Deus vult omnes homines salvos fieri. Unde Chrysostomus quoque Rom. 9. ait, quod ad Deum attinet, omnes salvificati sunt. Quo igitur Veritatis fundamento nititur Vasquez excipere parvulos? 3. Quia Deus est incarnatus ac mortuus propter omnium hominum salutem, ex 1. Ioan. 1. 2. Cor. 5. & symb. Niceno. At illud propter salutem importat causalitatem finalem, quæ supponit Voluntatem ordinantem illud Mysterium in salutem omnium etiam parvulorum. Hæc autem Voluntas Incarnationis Divinæ, ac Mortis Christi ordinatrix in totius humani generis salutem non est tantum Humana Christi per affectum simplicem, uti innuit Vasquez cit. disp. 96. n. 11. sed oportet, vel maxime Divinam Voluntatem ordinasse illud Incarnationis, ac Redemptionis nostra remedium in omnium etiam non prædestinatorum parvulorum salutem.

12. Probatur istud Assumptum. Non tantum Christus qua homo per passionis suæ merita, sed etiam DEUS est salvator Omnium. 1. ad Timoth. 4. At Deus est hominum salvator decedendo, ac per Voluntatem suam efficiendo Redemptionis Mysterium tanquam medium pro omnium salute destinatum. Ergo Deus habet Voluntatem, ex qua fluxit Redemptionis nostræ remedium pro omnium etiam parvulorum salute destinatum, juxta illud Ioan. 3. Sic Deus dilexit Mundum, ut Deus Unigenitum suum daret. Hæc autem Voluntas importat de omnium salute Voluntatem saltem inefficacem, & antecedentem. Ergo Voluntas Dei antecedens de salvandis omnibus hominibus se extendit etiam ad quoscunque parvulos sine Baptismate decedentes.

13. Ad n. 5. Oppositum Respondetur. 1. Cum sciamus propositiones Jansenij negantis Voluntatem Dei de omnium salute Antecedentem, nec non Christi redemptionis, ac sanguinis ejus effusi ad omnes extensionem aliter exponi à nonnullis, quod scilicet Deus non ita velit omnes salvos fieri, nec Christus sit pro omnibus taliter mortuus, ut ex illâ Dei Voluntate, & merito Redemptionis Christi sit hominibus etiam reprobis parata gratia in sensu Moliniano sufficiens, vicijus sit penes liberum arbitrium non tantum proxima, & immediata ad actus supernaturales potentia, sed sine aliâ interiori gratiâ facere actus salutis æternæ meritorios, uti patere potest ex Pauli Irenæi disquisitionibus, nec non tredecim Theologorum super quinque Jansenij propositiones Votis Innocentio Deum traditis. Idcirco nos, quibus non incumbit indagare sensus propositionum Jansenij, sed in rectos sensus esse in Sacris litteris fundato, in illa questione facti, quid circa Voluntatem Dei de omnium salute, nec non Redemptionis Christi ad omnes extensionem senserit Jansenius, suspensum tenemus nostrum iudicium. Unde Respondetur 2. cum Christi humana Voluntas semper fuerit conformis Voluntati Divinæ, ideo sicut Deus non nisi de prædestinatis habet Voluntatem absolutam Consequentem, ac efficacem ipsos salvandi; sic Christum orando, & offerendo Patri æterno Sanguinis sui, ac Mor-



ac Mortis pretium, de illis, quos Pater ipsi dederat, ut ex ipsis non perderet quemquam, habuisse voluntatem consequentem, & absolutam, applicando cum efficaciam Passionis, & orationis suæ vim, ac merita. Juxta quam adeo Voluntatem non esse Christum mortuum nisi pro illis, qui per Divinæ prædestinationis efficaciam Voluntatem erant adu salvandi. Nihilominus circa reliquos, quorum salus æterna non nisi Voluntate Antecedente erat à Deo ineffaciter volita, habuisse Christum moriendi, eosque adeo redimendi Voluntatem Antecedentem; ex quâ proinde Voluntate Sanguinem Christi fuisse effusum, non tantum pro multis quoad efficaciam, sed pro omnibus quoad sufficientiam, D. Thomà in allegatum *Math. 16.* asserente: *Sanguinem Christi fusi esse & pro multis, & pro omnibus: quia si consideretur sufficientia, ipse est propitiatio pro peccatis nostris, & non pro nostris tantum, sed pro totius Mundi. Sed si consideremus efficaciam, effectum non habet, nisi in his, qui salvantur, & hoc ex culpa hominum.*

## CONTROVERSIA II.

### *An Voluntas Dei Antecedens*

*de omnium salute sit Beneplaciti, habeatque aliquid Efficaciam?*

- I. **E**X dictis in *princ. præd. a. 11. 2. & 3.* constare potest, hujus Controversiæ punctum in eo consistere, An scilicet Dei de omnium salute Voluntas antecedens habeat pro objecto immediato, ac in se volito Salvationem omnium? An verò terminetur duntaxat ad Media sive proxima, sive remota, quibus homines salvari possunt, quin ipsa salvatio in se volita? Si enim prius subsistat, Voluntas illa salvandi homines erit Beneplaciti, utpote habens rationem Complacentiæ seu Velleitatis saltem simplicis erga omnium salutem. Si verò posterius subsistat, erit in Deo Voluntas Beneplaciti duntaxat de Medijs ad salutem omnium hominum parandis, ac exhibendis, quæ ipsa tamen Voluntas per exhibitionem talium Mediorum manifestata dicetur respectu omnium salutis Voluntas signi, quatenus secundum nos habet vim significativam de omnibus salvandis.

Referuntur sententiæ & opposita Argumenta.

2. **S**corus in *1. dist. 47. q. 11. n. 3.* docet: Esi Deus non habeat Voluntatem Beneplaciti ad quemlibet salvandum, velle tamen cuiusvis ad jutoria communia antecedentia ad salutem omnium, quibus possit sufficienter bene vivere, & salvari, propter quæ dici posse, quod Deus, quantum est ex parte sui, velit omnes salvos fieri. Fundamentum ejusdem subtilis Doctoris n. 1. deductum est. Quia sicut Omnipotens potest omne possibile, ita quando Voluntas determinat se ad ponendum aliquid in *Esse* ultimâ determinatione, illud erit. Velle autem illud Voluntate Beneplaciti est ultima determinatio, quæ potest poni ex parte Voluntatis Omnipotentis volentis ponere effectum in *Esse*. Ergo respectu cuiuscumque effectus, si Deus est sic volens, illud erit; Cum igitur omnium salvatio non sit po-

nenda in *Esse*, oportet hanc non esse à Deo volitam Voluntate Beneplaciti.

In hanc sententiam Vasquez *cit. disp. 23. c. 1. n. 2.* trahit D. Bonaventuram *cit. q. 1.* ubi tamen hic Doctor Seraphicus expressè ait, illud Apostoli; quod Deus vult omnes homines salvos fieri, non posse exponi de Voluntate signi, sed necessariò explicari de Voluntate Beneplaciti, quam à Damasceno vocari Antecedentem, dicique à Magistris Conditionalem; cum contra Voluntas consequens dicatur absoluta. Hoc autem velle consequenter, sive absolute salvere, esse velle dare salutem ei, quem præscit Deus ad salutem perventurum per suum auxilium, & gratiam, atque adeo istud velle connotare salutis eventum. At verò velle hominem antecedenter salvere, esse, ordinatum ad salutem facere, & volenti pervenire non deesse. Unde velle antecedenter salvere non connotare salutem, sed ordinabilitatem ad salutem.

Doctor Angelicus *præd. art. 6. ad 1.* Voluntatem de omnibus salvandis dicit antecedentem: hanc verò esse Beneplaciti evincitur ex eo, quod idem S. Doctor *q. 23. de Verit. a. 3. & in 1. dist. 47. q. 1. a. 2.* Voluntatem Beneplaciti ex parte volitorum, non autem ex parte Divinæ Volitionis distinguat in Antecedentem, & Consequentem.

## CONCLUSIO.

**V**oluntas Dei de omnibus salvandis est Beneplaciti habens pro immediato objecto tum salutem in se, sed conditionatè volitam, tum hominum per media sive proxime, sive remote sufficientia ad finem æternæ salutis ordinabilitatem absolute atque adeo efficaciter volitam.

Explicatur, & Probatur 1. ex Sacris Literis, quibus 1. ad *Timoth. 2.* dicitur, quod Deus velit omnes salvos fieri; ac nolit aliquem perire, sed omnes ad poenitentiam reverti 2. *Petri. 3.* Nam isti Sacri textus in sensu proprio indicant ipsam omnium salvationem esse objectum volitionis Divinæ, atque adeo esse in se volitam à Deo; sicut contra perditionem cuiusvis hominis esse objectum nolitionis Divinæ. Unde verba illa Sacra non nisi in sensu tropico, seu figurato, ac Metaphorico acciperentur, si procederent de Voluntate non terminatâ ad omnium salutem, quâ volitam à Deo, sed ad ordinabilitatem in salutem. Hæc enim Ordinabilitas in ratione signi, ac *Mathematicè* diceretur Salus; ex quâ locutione Tropica Voluntas Dei ad illam ordinabilitatem determinata mutaret nomen *Voluntatis signi* de omnium salute. At textus S. Scripturæ, dum in sensu proprio nulla apparet absurditas, ex vulgatâ S. Augustini Regulâ non sunt detorquendi ad sensus Tropicos, seu Impropios. 2. Ab Autoritate Patrum, inter quos S. Chrysostomus *hom. 1. in Epist. ad Ephes.* Voluntatem Dei Antecedentem, seu ut ipse loquitur Primariam explicans ait, *Hoc esse, quod mirum in modum Deus cupiat, & vehementer desideret nostram salutem.* At istum, uti reliquorum Patrum loquendi modum, pater clarè innuere;



6. innuere, quod Divina erga nos affectionis ob-  
jectum sit ipsissima salus nostra. 3. Ex Redemp-  
tionis Christi erga omnes homines exten-  
sione. Hujus enim Mysterij origo per Symbolum  
Nicenum describitur hisce verbis: *Qui Filius*  
*nimirum Patri consubstantialis propter nos homi-*  
*nes, & propter nostram salutem descendit de caelis.* Hoc  
autem *ly propter* importat Causalitatem finalem.  
Hæc autem finalis causalitas denotat motio-  
nem Voluntatis Divinae Filij descendentis de  
caelo. Ista autem motio Voluntatis Divinae Fi-  
lij etsi non possit dependere à nostra salute tan-  
quàm Causa Finalis, ipsa tamen Descensio per  
Incarnationem Verbi facta habens rationem a-  
ctionis extra Deum transeuntis est eatenus prop-  
ter nostram salutem, quatenus hæc salus no-  
stra erat ratio volendi Incarnationem Verbi.  
At quod Incarnatio Verbi, seu descensio de Cæ-  
lis sit à Filij voluntate Divina volita propter  
nostram salutem tanquàm rationem volendi,  
non quidem Volitionis Divinae Motivam, sed  
ex parte Volitorum finaliter Terminativam;  
nequit subsistere, nisi hæc volendi ratio sit vo-  
lita per illam ipsam volitionem Divinam, vi-  
cujus volita est Incarnatio Verbi quæ ordinabi-  
lis, imò quæ actualiter ordinata ad nostram sa-  
lutem. Cum igitur Incarnatio Verbi sit pro om-  
nibus hominibus volita quæ ordinata ad eorum  
salutem: hujus autem passivæ in Incarnatione  
Divina ordinationis per voluntatem Divinam  
prædestinandæ ratio sit ipsa salus nostra, oportet,  
omnium salvationem esse à Deo formaliter  
volitam per volitionem Incarnationis Filij sui.

7. 4. Ratione. Nam Medium vel potest con-  
siderari *materialiter* duntaxat, vel *formaliter* se-  
cundum sui ordinabilitatem ad finem. At Deum  
media salutis, præsertim Verbi Incarnati meri-  
ta velle non tantum *materialiter* secundum abso-  
lutam in se spectatam Bonitatem suam, & conveni-  
entiam, sed *formaliter* sub ratione ordinabilitatis  
ad nostram salutem constat ex præstatis. Sicuti  
verò efficax Voluntas Medij quæ *formaliter*  
ordinabilis, imò actualiter ordinata ad finem,  
non potest stare sine formali finis efficaci, &  
absoluta intentione, velut *infra de prædestinatione*  
demonstrabitur. Sic voluntas Medij inefficax  
sub illa ordinabilitatis ratione formali non po-  
test subsistere sine finis volitione saltem ineffica-  
ci: siquidem finis sit ratio volendi, exerceatque  
in Medium ut sic volitum Causalitatem ali-  
quam finalem, & nequeat finalis causalitas  
derivari in Media nisi per Volitionem. Consequens  
igitur est, Deum hoc ipso, quod voluntate sua di-  
vinâ præparet omnibus hominibus Media suf-  
ficientia, hominum per hæc in finem salutis æ-  
ternæ ordinabilitatem non posse ut sic à Deo  
volitam esse, quin ipsa salus æterna tanquàm  
ratio volendi ex parte volitorum terminativa  
sit in se volita, volitione Dei antecedente, quam  
S. Thomas *cit. a. 6. ad 1. ait, magis posse deo vellei-*  
*tatem, quam absolutam voluntatem.*

8. Oppones. Deum omnia, quæcumque vo-  
luisse, fecisse in cælo & in terrâ. *Psal. 113.* Neque  
verò cum D. Thomâ *loc. proxime cit.* licere di-  
cere, quod fiat quicquid Deus simpliciter vult, licet illud,  
quod antecederet vult, non fiat. Nam ille sacer tex-  
tus loquitur de omni volito, quod fiat eo ipso,  
quia Deus voluit: ut adeò Voluntas Dei, quan-  
tum ad omnia semper impleri debeat, ut arguit

subillis Doctor *sup. n. 1.* Oportet igitur, Volun-  
tatem de omnibus salvandis in Deo non esse Be-  
neplaciti terminatam ad ipsam omnium salva-  
tionem, cum hæc alioquin esset actu facienda, sed  
ad Media duntaxat sufficientia.

9. Contra. Nam ex Voluntatis Divinae per sa-  
cras litteras asserta efficaciam oportet omnia, quo-  
modo voluit Deus, fieri: hinc enim licet om-  
nis creaturæ in tempore producendæ actio cau-  
sativa esset æterna, non tamen effectus ejusmo-  
di erant æterni, sed quales Deus voluit, ut sci-  
licet Esse haberent post non Esse, ex S. Tho. *1. 2. q. 46. a. 1. ad 10.* At Dei de omnibus salvandis Vo-  
luntas antecedens est respectu Finis seu salutis  
æternæ duntaxat conditionalis, uti habent D.  
Thomas in *1. dist. 46. q. 2. ad 2.* & S. Bonaven-  
tura *loc. cit.* Hæc autem conditio tam pro statu  
Naturæ lapsæ, quam pro statu Innocentiæ con-  
notabat perseverantiam tum in gratia, tum ali-  
am *seq. con.* exponendam conditionem. At per  
Voluntatem Dei antecedentem nulli non præ-  
destinato est absolute volitum Donum Perseve-  
rantia, etsi efficaciter & absolute sint volita Me-  
dia sive remote sive proxime sufficientia ad gra-  
tiæ tum consecutionem, tum perseverantiam.  
Cum igitur Voluntas Dei Antecedens quæ talis  
sit conditionalis, etsi prout terminatur ad  
Media salutis remote saltem sufficientia sit ab-  
soluta, & efficax, oportet Voluntatem Dei an-  
tecedentem quæ talem, seu quæ pure conditio-  
naliter terminatam ad finem salutis, nullum  
sortiri effectum, etsi quæ terminata ad Media sa-  
lutis, respectu quorundam proxime, respectu  
aliorum remote sufficientia omnino impleri de-  
beat per actualem ejusmodi Mediorum exhibi-  
tionem, velut *infra con. 4.* ostendetur.

#### Responsio ad fundamenta opposita.

10. AD Scoti n. 2. Oppositum Respondetur. Ma-  
jori concessa cum distinctione Minoris,  
quod alia Voluntas Beneplaciti in Deo sit absolu-  
ta, se habens per modum determinationis seu a-  
ctionis æternæ, & Causalitatis Deo intrinsecæ  
statuentis physicam effectuum creatorum po-  
sitionem in Esse reali, & actuali, nec adeò fieri  
posse, quin talis Beneplaciti voluntas sortiatur ef-  
fectum. Aliam proinde voluntatem Beneplaciti  
in Deo esse Conditionalem, quæ ex parte a-  
ctus sit quidem absoluta Voluntatis Divinae ad  
extra determinatio libera, ex parte tamen obje-  
cti, seu effectus per ipsam prædefiniiri involvat  
conditionem. Talem autem Beneplaciti Vo-  
luntatem esse Antecedentem tum de omnibus  
sub conditione acceptæ, & usque in finem con-  
servatæ Iustificationis salvandis, tum de pec-  
catoribus ad Iustitiam sub conditione Pœnitentia  
recipiendis, tum de ipso pœnitentiæ & Iu-  
stificationis ac perseverantiæ Dono, si Boni  
universi congrueret omnibus hominibus con-  
ferendo. Cujusmodi adeò Voluntatem consi-  
stere in formalitate Divina, quatenus infallibi-  
liter illativâ Veritatis de omnium salute, ac Iu-  
stificatione sub conditione tamen Pœnitentiæ,  
nec non Iustitiæ Medijs divinitus præscriptis  
obtentæ, ac ex Perseverantiæ Dono usque in fi-  
nem servatæ. Quam proinde veritatem hypo-  
theticam ex vi illius conditionati Decreti non  
minus stare in æternitate, quam Veritas abso-  
luta



luta ex vi absoluti Decreti subsistat in æternitate antecedenter ad physicam effectûs præfinitum in Esse positionem. Quamvis igitur Voluntas Dei antecedens de salvandis omnibus defectu conditionis secundum Voluntatis Divinæ Decretum in non prædestinatis nunquam adimplendæ effectui careat, posse tamen esse Voluntatem Beneplaciti non quidem absolutam, sed conditionalem.

- II. Ad n. 3. propositum Respondetur, D. Bonaventuram perperam trahi à Vasquezio in partes adversas. Nam licet hic S. Doctor asserat; Divinæ de omnibus salvandis Voluntatis antecedentis, quam vocat Beneplaciti, connotatum non esse salutem, sed ordinabilitatem ad salutem, istam nihilominus ordinabilitatem, ait, fieri actu per illam Voluntatem Antecedentem. At voluntatem actualiter effectivam alicujus effectûs, ut sic oportet esse absolutam; cum tamen ex mente ejusdem Doctoris voluntas Dei de omnibus salvandis antecedens sit conditionalis. Oportet igitur secundum D. Bonaventuram distinguere inter connotata Voluntatis illius Antecedentis, ita ut unum realiter ponendum in Esse, adeoque absolute volitum à Deo, sit ordinabilitas ad salutem: alterum verò ex vi illius Voluntatis non efficiendum actu, sit salus æterna pro omnibus hominibus solum conditionaliter à Deo volita. Quare constat, Voluntatem Dei Antecedentem ex mente Divi quodque Bonaventuræ esse Beneplaciti absolutam quidem, ac efficacem respectu Ordinabilitatis ad salutem, sed conditionalem, ac inefficacem respectu salutis.

### CONTROVERSIA III.

*An Voluntas Antecedens salvandi omnes homines sit supponens vel expectans voluntatis humanæ consensum, seu determinationem liberam saltem conditionate prævisam?*

- I. Scientiæ Mediæ propugnatores cum Molina in Concord. ad præf. q. 19. a. 1. disp. 1. §. ex his constat. conditionem in Dei de omnibus salvandis Voluntate Antecedente connotatam ita explicant: quod scilicet Deus homines omnes, Angelosque, quos condero statuebat, ex æternitate voluerit salvos fieri, sempiternamque vitam; mediæque ad eum finem necessaria eis conferre, sub conditione tamen, si per ipsos, aut primum parentem non staret. Quam nihilominus expositionem Molina citatus ita limitat; quod scilicet Deus spectat primam conditionem generis humani velit omnes homines, nemine excepto, salvos fieri; si per ipsos, vel primum parentem, cui primò Dona gratuita toti soboli per generationem communicanda collocata sunt, non staret. Postea verò ruinam humani generis, & Beneficio Redemptionis ait, velle Deum etiam omnes homines salvos fieri, servatâ tamen constitutione, cursuque Universi, dependenterque à libero arbitrio hominum. Unde quod aliqui præsertim parvuli in utero materno pereant, quibus neque, alij neque, ipsi libimet ipsis subvenire queant, effectum esse ac poenam peccati pri-

mi parentis, idque non per se, sed per accidens ex ipsâ dispositione Causarum Universi, ac primi Parentis casu, præter Dei institutionem, ac voluntatem evenire: ad id quoque interdum conferre maliciam aliquorum, quæ omnia Deus minimè impedire teneatur.

Etsi hæc Moliniana expositio in sensu inferioris explicando admitti possit, læret tamen in ea difficultas, quam in hac ipsâ controversiâ discutendam proponimus. Nam *ly si per homines, aut primum Parentem staret*; dupliciter intelligi potest. 1. ut reddatur sensus; quod determinatio veritatis de homine non salvando non fiet nisi per consensum liberi arbitrii creati saltem conditionate prævisum. Ex quo sensu foret consequens, ut antecedenter ad nostrum consensum saltem prævisum conditionate non subsisteret in Deo Decretum permissivum, ex quo inferri posset determinata de ullo homine non salvando veritas. 2. ut sensus sit, quod licet ex vi Decreti permissivi Divini pro aliquo signo liberum nostrum consensum antecedente fieri veritas de aliquibus non salvandis, hæc ipsa tamen non salvatio, seu damnatio dependeat à nostrâ libertate, sicuti econtra salvatio dependet à nostrâ liberâ Voluntate non tanquam Causâ Volitionis Divinæ, sed tanquam à causâ Executivâ salutis à Deo volitæ, siquidem Deus velit nos salvare medijs nostris operibus.

Iuxta hunc duplicem sensum formari potest præsentis difficultatis punctum; An prima ratio, per quam non fiat, ut aliqui homines salventur, sit cuiusdam hominis libera determinatio, vel econtra antecedenter ad omnem humanum consensum sit in Deo Decretum permissivum, ex quo ita fiet aliquos non salvari; ut tamen hæc non salvatio in exclusionem dependeat ab hominis alicujus libertate? Sive, An Voluntas Dei Antecedens ita sit de omnibus sub conditione, si per ipsos non staret salvandis, ut tamen Deus pro hujus Voluntatis sui signo per scientiam Conditionatam providentiam per primum parentem; tunc per plurimorum hominum consensum proprium eos repudiaret Medica, sub quibus essent salvandi? Sive, An Voluntas Dei antecedens sub conditione mediorum per alicujus hominis Libertatem applicandorum ita velit omnibus salutem; ut hac ipsa media ex se sufficiant ad actualem sui usum nihil ultra requirant, nisi hominis consensum. Sive denique, An Voluntas Dei Antecedens salvandi omnes homines præcisè dependeat à consensu Voluntatis humanæ tanquam à Conditione, quam supponat, vel expectet Deus à libero creato arbitrio?

Ex quibus proinde patet, totum difficultatis punctum derivari ad hoc; An Media, quorum Voluntas Divina per Volitionem omnes salvandi est præparativa, sint talis Naturæ, ac conditionis, ut per liberum hominis consensum possint esse efficacia, nec nisi per libertatem humanam Voluntatis fiet, quod minus forent efficacia ad salutem re ipsâ consequendam.

### CONCLUSIO.

**V**OLUNTAS DEI Antecedens salvandi omnes homines non est dependens à consensu Voluntatis humanæ tanquam à conditione, quam supponat, vel expectet à libero arbitrio, sed importat conditionalem voluntatem salvandi omnes, nisi hoc repugnet ordini suæ Divinæ Provi-



Providentiæ, ac inde impediretur Bonum universale, & manifestatio suorum Attributorum. ex communi Thomistarum consensu Ioannes Bapt. *Gonet ent. disp.* 4. a. 6.

5. Probatur ex S. Augustino c. 2. *cont. Iulian. & in Enchirid.* c. 25. & 27. ubi ait: quod multi salvi non sunt, non quia ipsi nolunt, sed quia Deus non vult, quod absque ulla controversia manifestatur in parvulis. Ex quo ita licet argumentari. Nam præced. *cont. Iulian.* 6. aperte demonstravimus, Voluntatē Dei Antecedentem de omnium salute ex sententiā D. Augustini se extendere ad omnes, nullo excepto, etiam parvulos. Hæc autem voluntas DEI respectu præsentium parvulorum secundum Augustinum non includit illam conditionem, si ipsi velint. Ergo ex mente huius Ecclesiæ Doctoris Voluntas Dei antecedens de omnibus salvandis non dependet ab illa conditione, si homines voluerint, live, si per ipsos, ne salventur, non steterit.
6. Dices. Voluntatem DEI Antecedentem de omnibus etiam parvulis in utero materno sine Baptismate decedentibus salvandis dupliciter posse ad istos comparari. 1. enim etiam erant inclusi in illo Dei fœdere inito cum Adamo de totâ ejus sobole in statu Gratiæ concipiendâ; si Adamus servaret Dei præceptum. Ergo etiam si parvulis in utero materno cum peccato originali decedentibus succuri non possit, essent tamen salvandi per Gratiā Originalem, si non staret per Voluntatem primi Parentis. 2. Suppositâ licet culpâ Originali, Deus ex voluntate omnes salvandi misit Christum universi generis humani Redemptorem. Ex pretio autem superabundanti huius redemptionis institutum est Sacramentum Baptismatis ex intentione Voluntatis tam humanæ Christi, quàm SS. Trinitatis, condendo pactum in hoc Sacramento, ac promissionem de omnibus, si sacro isto lavacro abluerentur, justificandis. Ex eodem autem Sanguinis Christi pretio, ac meritis providit Deus, ut omnes adulti aliquâ illustratione prævenirentur, quam sequendo tandem devenirent ad verum Fidei Lumen. Circa parvulos verò in utero præsertim materno decedentes excitat Deus ipsorum parentes mediante inspiratione Angeli Custodis, vel motione ac illustratione ex se immediate emanante, cui obsequendo infans ederet in lucem, possetque adeo ablui sacro Fonte, ad cujus notitiam illi ipsi parentes sub infidelitatis caligine cæcutescentes, parendo internis divinitus inspiratis illustrationibus, tandem ducerentur, ut tam sibi, quàm soboli suæ succurrere possent. Constat igitur, ex Voluntate Dei omnes salvandi talia præparari cuivis homini media, ut nisi per ipsorum, vel aliorum, sub quorum sunt curâ, Voluntatem staret, forent salvandi.
8. Contra est 1. Nam verum quidem est, omnes Adæ posteros etiam parvulos in utero materno decedentes fuisse inclusos in illo Dei fœdere inito cum Adamo. At hoc ipsum fœdus ex parte Adami includebat obligationem servandi præceptum, sub cujus observantiæ conditione promittebatur gratiæ sanctificantis in omnes Adæ posteros primo statim conceptionis instanti transfusio. De illius proinde obligationis observantiâ difficultas hic latens eruenda est; Quâ-

nam Adamus indigeret gratiâ, ut actu servaret Dei præceptum. Nam Moliniani Antecedentem de omnibus hominibus, nisi per ipsos, vel primum parentem staret, salvandis Voluntatem Dei ita accipiunt: quod Adamo tale fuerit concessum gratiæ Adjutorium, ut ex ipsius libero arbitrio staret non tantum posse, sed si vellet, ex se actu servare illud præceptum. Unde secundum præscientiam Dei non steterit, ne servaret, nisi ex hypothesi libertatis saltem conditionatæ Adamini determinationis. At hoc ipsum esse contra doctrinam S. Augustini evincitur ex libro ejusdem de *Corrupt. & Grat.* cap. 11. & 12. ubi tandem concludit in hæc verba: *Ita factum est, ut Voluntas hominis invalida, & imbecilla ( in statu scilicet Naturæ lapsæ ) in Bono adhuc parvo perseveraret per Dei Viriutem, cum & Voluntas primi hominis fortis & sana in Bono ampliore non perseveraret habens Virtutem liberi arbitrii: quamvis non de futuro adjutorio Dei, sine quo non posset perseverare, si vellet, non tamen tali, quo in illo Deus operaretur, ut vellet. Fortissimo quippe dimisit, atque permisit facere, quod vellet; infirmis servavi, ut ipso donante, invictis sine quod Bonum est, vellem, & hoc deferere invictis sine non vellent. Ex quo patet, aliud esse adjutorium, sine quo non est potentia in Voluntate ad perseverandum; aliud verò adjutorium esse, quo in libero creato arbitrio Deus operatur, ut velit. Hoc igitur posterius adjutorium, quia fuit primo Parenti negatum, non potuit ex ejus præcisè arbitrio libero steterit, si vellet actu per observantiam præcepti perseverare. Ex hoc ipso verò, quod Deus negavit Adamo posterius illud adjutorium, consequens fuit, ipsum dimitti, ac permitti facere, quod vellet, peccatum. Atqui defectus illius posterioris adjutorij, quo Adamus per præcepti observantiam vellet perseverare in Gratiâ, itaque Causa esse gratiæ ad omnes homines in primo conceptionis instanti transfundendæ, est per Voluntatem Divinam, non verò per Voluntatem primi Parentis. ex eod. Ecclesiæ Doctore *ent. c. 11. de corrupt. & grat.* Et si proinde per Libertatem Adami steterit in executione, ut cum adjutorio, sub quo posset perseverare, caderet è statu gratiæ, per prius tamen ex vi Voluntatis Divinæ negantis actualis perseverantiæ adjutorium erat infallibile, quod Adamus non perseveraret, sed per Dei permissionem, ac suum liberum ex illâ permissione tertio secuturum consensum peccaret. Non potest igitur de omnibus salvandis Voluntas Dei antecedens subsistere secundum illam in sensu Moliniano acceptam conditionem, si per primum parentem non steterit.*

Contra est 2. Nam positis omnibus illis per Divinam omnes salvandi Voluntatem Medijs à Deo præparatis, adhuc superest difficultas: An Virtute illorum Mediorum sufficientium ita detur posse, ut ex hominis præcisè arbitrio per gratiam sufficientem instructo pendeat Operari ac velle; An verò requiratur adhuc aliud adjutorium dans ipsum velle, & operari; ita ut istius adjutorij Donatio sit ex Voluntate Divinâ antecedente creati arbitrij consensum. Nam hoc posterius esse conforme Doctrinæ S. Augustini manifestum est ex *en. 12. de grat. & corrupt.* ubi sic habetur. *Aliud adjutorium est, sine quo aliquid non fit, & aliud est adjutorium, quo aliquid fit. Primo itaque homini, qui in eo Bono, quo factus fuerat rectus, acceperat posse non peccare, posse non mori, posse ipsum Bonum non deferere, datum est donum Perseverantiæ, non quo fieret, ut per-*



ut perseveraret, sed sine quo per liberum arbitrium perseverare non posset. Nunc vero Sanctis in Regnum Dei per gratiam Dei predestinatis non tantum tale adjutorium Perseverantia datur, sed tale, ut eis perseverantia ipsa donetur, non solum ut sine isto Dono Perseverantia esse non possunt, verum etiam, ut per hoc Donum perseverantes sint.

11.

Ex quibus ita licet argumentari. Perseverantia importans velle humani arbitrij est Donum ex Electione Dei, per quod stant fideles, ne vincantur ex proximè sequentibus verbis ejusdem capituli 12. Hoc autem Donum Dei, ratione cujus fideles per ipsum velle suum liberum stant & perseverant, non est, nisi donante illo, ex quo misericordiam consecuti sunt. ex consequ. cit. cap. At vero, si dato sufficienti Gratiae adjutorio, ita esset in libertate humani arbitrij non tantum Possesse, sed velle, ut istius determinatio vel ejus carentia non jam penderet nisi ex liberâ Voluntate per Gratiam sufficientem instructâ, præter adjutorium, ex quo primus homo acceperat posse non peccare, & non deserre Bonum, ad hoc ut veller stare in Bono, opus non fuisset alio adjutorio, per quod si stetit, haberet velle, & stare, seu perseverare in Bono, sed totum istud haberet, si per innatam suam libertatem veller ex viribus Voluntatis Gratia sufficientem instructâ. Constat igitur, ad hoc, ut aliquis stet in Bono, præter sufficiens Gratia adjutorium, requiri aliud Donum. Hoc autem non

12.

est nisi ex Deo dante, ac misereante, qui per suum absolutum Dominium cujus vult, miseretur, & quem vult, indurat. Si ergo pro absoluto Voluntatis suae Dominio istud Donum, per quod est velle & Operari, denegat, hoc ipso non erit velle. Unde ex ipso Decreto Divino negante hoc adjutorium erit infallibiliter consequens, ut Voluntas creata non stet in Bono. Ergo ex illo Decreto Dei antecedente omne velle humanum erit verum, illos, quibus ad perseverandum datur prius, non autem posterius adjutorium, non fore salvandos. Ergo licet in executione non stet, aliquos non salvari nisi vel propter culpam personalem, vel propter primi sultem parentis peccatum, adeoque culpam Originalem, absolute tamen pro signo Decreti Divini permissivi, ac denegantis illud posterius adjutorium, non verificatur, omnes præsertim Angelos fore salvandos, nisi per ipsos, vel per primum parentem steterit. In quo adde sensu D. Augustinus lib. de Dono persever. c. 13. ait: Quid dicam, quod parvulus aliquando, antequam illi per Mysterium Baptismatis succurri posset, expirat, plerumque enim festinantibus parentibus, & paratis ministris, ut Baptismus parvulo detur, Deo tamen volente, non datur.

13.

Replicabis. Ioannem Damascenum à nobis sup. cont. 1. n. 3. citatum affirmare, quod Voluntas Dei Antecedens sit acceptio ex ipso Deo existens; e contra Voluntas Consequens sit permissio ex nostrâ causâ existens, sive ut alij legunt, à nostro vitio ortum ducens. At si Dei de omnibus salvandis Voluntas includeret conditionem, nisi hoc repugnaret Ordini Divinae Providentiæ, ac inde impediretur Bonum universale, & manifestatio suorum Attributorum, tunc Voluntatem consequentem de pluribus non salvandis, non ducere ortum ex nostro vitio, sed ex permissione Dei antecedenter ad nostrum consensum, atque adeo peccatum denegantis efficax Gratia adjutorium. Potius ergo illam Dei de salvandis omnibus Voluntatem esse exponendam sub condi-

tione, nisi per homines, seu primum Parentem steterit; si quidem juxta hanc conditionalem Voluntas de salute omnium ita promanet ex Deo, ut Voluntas de damnatione plurium consequens ortum ducat ex nostro vitio.

14.

Contra. Nam omnis Volitionis Divinae Motivum non est nisi Bonitas Dei Increata. Hoc autem motivum applicari potest ad volitum creatum mediante alio Bono creato. Unde Bonum Universi respectu Bonorum particularium est Deo volendi ratio non quidem motiva, sed ex parte Volitorum finaliter terminativa. Ergo in Voluntate consequente tam puniendi delicta, quam permittendi peccata oportet aliam assignare rationem Motivam non nisi in perfectione Attributi alicujus Divini consistentem; aliam vero rationem assignare oportet finaliter ex parte volitorum Terminativam se tenentem in ratione Boni Universi. At hæc ipsa Boni universi ratio, ad quam Deus in suorum puniendi peccata, tum gratiam efficacem negandi, adeoque peccata permittendi Decreto, respicit, est pulchritudo orta ex Divinorum Attributorum variâ in se resplendentia, seu manifestativâ Divinae Bonitatis quoad Eminentialem diversimodæ perfectionis continentiam relucentiâ seu quâdam luce in Deum reflexivâ. Hæc autem Divinorum Attributorum reflexiva manifestatio ita se habet respectu salutis, & damnationis, ac permissionis peccati, ut in primis salus secundum se spectata sit Bonitatis Divinae quâ formaliter per sui actualissimam expressionem Dei Intellectum beatificantis participata similitudo, ac imitatio. Unde considerata secundum se non habet aliam rationem, propter quam sit volita à Deo, nisi ipsam Dei, quam imitatur, Bonitatem Increatam. Cum igitur Voluntas antecedens ex præcitato S. Damasceno describatur acceptio ex ipso præcise Deo tanquâ ratione finaliter Motivâ existens; sequitur Dei de omnibus salvandis Voluntatem esse hoc ipso antecedentem, quod ratio istius Voluntatis non se teneat nisi ex parte Dei, ejusque Increatae Bonitatis. Confirmatur. Nam Voluntati Dei antecedenti opponitur Consequens. Hæc autem secundum D. Thomæ descriptionem consideratur in Deo, quatenus aliquid est volitum non secundum quasi abstractionem à Circumstantiis in Executione occurrentibus, sed secundum comparisonem ad Bonum Universi, nec non ad speciales Congruentias in executione occurrentes Circumstantias. At si omnibus cum effectu esset volita salus, jam esset in Universo defectus manifestationis illorum Dei Attributorum, quæ resplendent ex Punitione ac Permissione peccati, & in specie non ita reluceret misericordia & Dominium Dei in hominum salute: siquidem istud attributum ex hoc vel maxime manifestetur, quod Deus ex eadem Massa, nullâ inæqualitatis ratione in hominibus præexistente, unum præ altero eligat, non nisi ex absolutæ potestatis Dominio ac liberalitate misericordiae suæ. Probatum istud assumptum. Tum quia nostra de nihilo origo tanquâ innatae miserie radix præbet occasionem Deo per quorundam ex Massa corruptionis ac defectibilitatis hominum electionem, manifestandi Misericordiam & Dominium. Unde dici potest, Voluntatem de aliquibus salvandis efficacem in Deo esse quodammodo ex nostræ Defectibilitatis causâ, non quâ

15.

motivâ



16. motivâ seu Finaliter ex parte etiam Volitorum Terminativâ, sed quâ occasionaliter manifestativâ Divinæ misericordiæ ac Dominij, quæ attributa sunt ratio Motiva Electionis ac Prædeterminationis Sanctorum. Atqui hæc misericordiæ ac Divini Dominij manifestativa Voluntas Dei est eo ipso *Consequens* quod respiciat ad humanæ Naturæ Defectibilitatem: siquidem ut sic ex vitio nostro ortum ducat, & ad specialem Defectibilitatis Naturæ Humanæ circumstantiam tanquam occasionem rationis sui Motivæ applicatoriam respiciat: cum econtra inefficax de omnibus hominibus salvandis Voluntas possit ex solius Bonitatis Dei increatæ Motivo eatenus in Deo existere, ut sine omni inconvenientiâ abstrahat à Circumstantijs in executione occurrentibus. Patet igitur, qualiter secundum definitionem tam Damasceni, quam Divi Thomæ Voluntas de omnibus salvandis inefficax sit antecedens: efficax verò aliquorum Prædestinativa sit Consequens. Tum quia punitio est actus Justitiæ formaliter respiciens, ac præsupponens peccata, in quæ ex ratione Justitiæ exercenda est vindicta: permissio autem peccati secundum D. Augustinum *lib. 2. de Civit. Dei. c. 6. in fine, & 7.* est ex eo, quod creatura rationalis de nihilo facta sit. Nam permissio peccati formaliter importat Dei Decretum efficacis ad actum Bonum auxilij denegans, & in vi actualis influxûs concurrens cum Voluntate creatæ ad Entitatem actûs peccaminosi liberè ab eâ elicti. Atqui Deus efficacem ad actû Bonum denegat concursum ex absoluto suo Dominio, ex quo conotatur, quod nihil in homine sit Juris erga Deum ad se de efficacis auxilij concessione obligandum. Hæc autem omni-modâ juris erga Deum nihilitas est in homine, quia de nihilo factus est. Deinde concursus Dei actualis ad Entitatem peccati est ex voluntatis creatæ liberæ ad Bonum, & Malum sufficienter instructæ connaturali exigentiâ non quidem obligante Deum, sed quasi petente ex Deo tanquam Causâ primâ concursum actualem ad liberam aliquam determinationem. Unde quando DEUS ratione præallegatæ in homine radicatæ Nihilitatis per Voluntatis suæ Decretum denegat concursum actualem ad actum Bonum, consequenter ratione connaturalis in Voluntate quâ Causâ DEO subordinatâ radicatæ exigentiæ præstat concursum ad Entitatem actûs tendentis in Malum. Constat igitur, Voluntatem non tantum *punitivam* in Deo respicere ad vitiorum nostrorum quâ existentium, & à divino Intellectu præscitorum circumstantias particulares, à quibus ortum ducit; sed etiam *permissivam* ex nostrâ, tum de nihilo originis, seu nostri erga Deum Juris Nihilitatis, tum connaturalis in ordine ad Causâ primâ concursum exigentiæ causâ esse in Deo existentem. At verò nec ista exigentiæ connaturalis, nec Juris erga Deum Nihilitatis nostræ ratio potest esse motiva Volitionis divinæ, sed potest tantum esse occasio, seu ratio applicativa tum Bonitatis Dei increatæ relucens in ipsâ Entitate peccati quâ fluente ex communicabilitate Essentiæ divinæ nullam exinde labem attrahentis; tum Dominij Dei absoluti ex jure suo negantis efficacem ad actum Bonum Concursum. Manifestum proinde est, Dei de peccatis tam puniendis,

quàm permittendis Voluntatem ita trahere occasionem ex nostrâ Nihiletatis causâ, ut tamen ratio volendi punitionem, ac permissionem peccatorum sit Bonum Universi secundum Justitiæ ac Dominij, imò & Bonitatis seu Sanctitatis divinæ nunquam per phycum actûs peccaminosi actum coinquinandæ relucens, seu manifestativam resplendescentiam. Hoc autem Universi Bonum reducitur in divinorum Attributorum perfectionem seu unicam Volitionis divinæ rationem motivam ac finem. Etli proinde Deus salutem quâ ex suæ Increatæ Bonitatis participatione Bonam velit omnibus creaturis rationalibus; hæc tamen salus non potest omnibus absolutè, & efficaciter esse volita eo ipso, quod Deus velit in Universo non unicæ suæ Sanctitatis, ac Bonitatis perfectionem in participatione salutis resplendescere, sed etiam perfectionem Misericordiæ per unius ex unâ defectionis Massâ præ alio electionem: Item Justitiæ per malefactorum punitionem, nec non absoluti Dominij sui per peccatorum permissionem. Quare Dei de omnibus salvandis Voluntas antecedens est conditionalis importans conditionem, nisi hoc repugnaret ordini suæ Providentiæ disponentis de variâ in se simplicissimâ, sed eminenter diversimodæ perfectionis divinæ in Universo relucentiâ, per ipsam Dei volitionem reducâ in Essentiæ suæ divinæ absolutissimam, aqualissimam, & infinitam Bonitatem tanquam Unicum finem, & Motivum Voluntatis suæ.

18.

## COROLLARIUM.

19. Infertur. Qualiter Deus ex Antecedente omnines salvandi Voluntate universis hominibus præparet, & conferat Media ad salutem sufficientiam. Nam ex præced. cont. 2. patet, Dei de omnibus salvandis Voluntatem antecedentem respectu salutis seu Finis Universis voliti esse quidem inefficacem, & conditionalem, at efficacem & absolutam esse respectu Mediorum in ordine ad aliquos proximè, in ordine verò ad alios remotè sufficientium. Hinc 1. non tantum primo Parenti teste D. Augustino *cap. 12. de Grat. & Corrupt.* datum est adjutorium, quo posset perseverare in Bono, à quo per libertatem suam deficiebat, sed multos videmus sterisse in gratiâ, ex quâ sæpius licet per peccata lapsi, sed per poenitentiam restituti fuerunt, qui tandem sub finem vitæ ceciderunt in æternam ruinam. Unde sicuti Adamo volita fuit confirmatio in gratiâ sub conditione servati Divini præcepti, sic illis sub fine vitæ è gratiâ relapsis est volita vita æterna sub conditione Perseverantiæ ipsis tamen non concessæ. Unde ex Voluntate ipsos salvandi conditionatâ Deus præparavit illis Media etiam efficacia resurgendi à peccatis, standi in gratiâ usque ad ultimum vitæ tempus, cum gratiâ etiam proximâ, sed tantum sufficientem ad perseverandum. 2. Alij ex Voluntate ipsos salvandi à Deo accipiunt de facto regenerationis in gratiam remedium; ac sæpius lapsi revertuntur à Deum non nisi per auxilium efficax, sed paulatim gravioribus intricatis peccatis relinquuntur à Deo tanquam obdurati, & obcæcati. De quibus potest moveri difficultas: An Deus ex illo tempore, quo in Impoenitentia obdurati sunt, ex conditionali eo-

20.

21.



rum salutis Voluntate ipsos ita velit sub conditione Pœnitentiæ recipere ad gratiam, ut eisdem concedat adhuc actuale auxilium, ex quo habeant sufficientem pœnitendi potentiam? In quo negant nonnulli apud Franciscum de Lugolib. 1. de Deo disp. 43. c. 2. a n. 1. inducti Authoritate tum Sacrarum Litterarum Josue 11. de Gente Canaan asserentium, *Domini sententia fuerat, ut indurarentur corda eorum, & pugnarent contra Israel, & non mererentur ullam clementiam.* Et Ioan. 12. *Propterea non poterant credere (Judæi) quia dixit Iesus: Ecce ego cor populi huius.* Tum SS. Patrum, nominatim Ilidori lib. de Sum. Bono. c. 15. taliter differents. Nonnulli ita despicuntur à Deo, ut deplorare sua mala non possint.


22. Verum quia Deus non tantum paratus est in hac vitâ quovis tempore peccatores per pœnitentiam ad gratiam recipere, sed urget suis adhortationibus ad conversionem sine morâ faciendam, imò etiam præcepto obligat in mortis præcipue articulo, uti passim videre est in Sacris litteris & Sanctis Patribus. Idcirco est omnino tenendum, tam quòd pro instanti seu tempore, in quo actu obligat Pœnitentiæ, vel Fidei, aut spei, aliudvè supernaturale præceptum, peccatori quantumvis obdurato concedatur sufficiens Gratiæ actualis auxilium supernaturale, nisi novo actu protunc impediatur: alioquin enim foret sine tali auxilio impotens ad servandum præceptum, nec adeo ejus transgressio imputaretur ipsi ad peccatum.

23. Tum quod licet peccatores in hac vitâ non habeant pro quovis momento in se receptum auxilium supernaturale sufficiens, per quod sint proximè potentes converti ad Deum, & salvari, nihilominus quolibet tempore possunt habere speciale auxilium, per quod salvari valeant. Hæc autem potestas habendi ex parte Dei paratum auxilium sufficiens ad supernaturalem pœnitentiam, in peccatoribus etiam obduratis ita fundatur in Misericordia Dei, & Virtute meritorum Christi, ut nisi deinceps ponerent obicem abutendo auxilijs per Christum immixtis ad servanda præcepta naturalis alioquin honestatis, Deus non quidem ex merito, sed ex merâ suâ liberalitate intuitu meritorum Christi non destitueret illos sufficiente ad Pœnitentiam supernaturalem auxilio. Unde obduratio in statu viæ non importat, nisi denegationem gratiæ efficacis, quâ tamen negatâ secundum impossibilitatem consequentem in sensu composito impossibile est converti peccatorem, etsi absolute loquendo quandoque proximè per internum actuale gratiæ sufficientis auxilium supernaturale, quandoque remotè ex Voluntate Dei de se misericorditer paratâ ad tale auxilium ratione alicujus peccati obicem non ponenti imittendum, sit potens ad pœnitentiam, atque adeo salutem consequendam. ex

24. Alvarez lib. 11. de Auxil. disp. 112. & 113. in Respons. ad argum. Verum istorum sensum cum difficultatibus ibi latentibus alibi ex instituto pensabimus. 3. Nonnulli inter Infideles enutriti nullam audiendi Evangelij copiam habentes non videntur ex Dei de omnibus salvandis Voluntate participare salutis Media, nisi quatenus & Christus pro ipsis mortuus est, & Sacramenta ex meritis Christi instituta habent ipsos quoque sanctificandi efficaciam, si ritè applicarentur. Quæ porro applicatio etsi sub conditione, si non impediretur Bonum Universi, & Attributorum

Dei superius exposita manifestatio, dici queat omnibus antecedenter volita, tamen videri posset nullum à Deo ipsis paratum auxilium, quo propinquius, vel tandem proximè accedere possent ad fidem, ac Justificationis Sacramenta.

25. Verum etiam si his, quorum aliqui sunt in infidelitate negativâ, in poenam Originalis peccati non sint actualiter collata auxilia supernaturalia intrinseca ad producendum immediatè actus supernaturales fidei, spei, ac Pœnitentiæ, Nihilominus ex meritis Christi recipiunt intrinseca auxilia sufficientia, quibus secundò exigentiam honestatis naturalis converti possent ad Deum, & ad Bonum rationis naturæ proportionatum. Quod adeo si facerent, Deus illuminaret illos de Mysterijs fidei, conferretque ad credendum sufficiens gratiæ auxilium supernaturale, quo deduci possent ad Justificationis gratiam, juxta illud. S. Thomæ q. 9. de Verit. a. 11. ad 1. ita differents: *Quod si quis in sylvis enutritus ductum rationis naturalis sequatur in appetitu Boni, & fugâ Mali, certissime tenendum est, quod ei Deus vel per internam inspirationem revelaret ea, quæ ad credendum sunt necessaria, vel aliquem prædicatorem dirigeret ad eum.* 4. Qualiter parvulis in utero materno decedentibus, ex Voluntate omnes salvandi, parentur media non tantum generalia, sed specialia auxilia Divina eorum parentibus pro ipsorum salute immittantur sup. cont. 3. n. 7. 2. ac seq. expositum est, & a libi speciales circa hæc difficultates eruendo, ac decidendo magis elucidabitur.



## ARTICULUS V.

DE

### Efficacia Divina Voluntatis.

1. Ingredimur Controversiam, quâ vix major est inter nostri temporis Theologos: An Deitas Divina circa actus nostros liberos ut liberos sint efficacia ex Virtute suâ Causativa, & influxivâ in Voluntatem creatam? An ex præsuppositione, aut expectatione alicujus extra se? Explicatur Status Difficultatis. Decretum de se, & Naturâ seu virtute suâ efficax dicitur, quod absolute independentè, & antecedenter ad omnem creatæ Causæ determinationem, seu futuritionem actionis etiam conditionalem est præfinitivum effectus à Deo voliti ac omnis ad extra operationis etiam liberæ eliciendæ à Causis secundis prædeterminativum cum infallibili operationis per Divinæ Causalitatis, seu Volitionis absolutæ vim omnino infrustrabilem consecutione. Cui Decreto de se efficaci per Controversiam à Scientiæ Mediæ propugnatoribus de novo excitatam contraponitur Decretum Divinum actualis cum causâ creatâ liberâ concursus non nisi vel sub conditione consensûs nostri liberi, vel cum indifferentiâ ad actum Amoris, ejusvè negationem, vel cum præsuppositione cooperationis sub conditione futuræ, ac præfinitivæ præparativum. Est igitur Controversiæ punctum: Qualiter in Voluntate Divinâ stet efficacia Decreti habentis ex se infallibilitatem Causalitatis effectus liberi?

2. Semipelagiani circa Divinam prædestinationem (hanc pro quorumque circa actus nostros



stros Decreto seu constitutione Dei accipiendo juxta S. S. Prosperi, ac Hilarij litteras, nec non Augustini libros de praeest. & de Bono Persever.) tria differuerunt. Primum. Removeri dicebant omnem industriam, tollique virtutes, si Dei constitutio humanas praeveniret voluntates, & sub hoc nomine praeestimationis fatalem quandam necessitatem induci. ex cit. epist. S. Prosperi. Secundum. Non acquiescebant, praeestimationem electorum numerum nec augeri posse, nec minui, ne locum apud infideles, & negligentes cohortantium incitamenta non habuerint. ex eadem epist. S. Prosperi. Inde est, quod & illud pariter non accipiebant, ut eligendum, rejuvendumque esse definitum numerum admittere nolent. Tertium. Praeestimationis Divinae certitudinem non ex se, sed ex praescientia, qua praevidet et Deus, quid unusquisque sub adiutorio gratiae esset libere operaturus, & sub quo fine discessurus, adstruentes, de ijs, Quo credituri sunt, quovo in ea fide, qua demceps per Dei gratiam sui servandi, mansuri sunt, praecise dicebant, ante mundi constitutionem Deum & eos praeestimasse in regnum suum, quos gratis vocatos, dignos futuros electione, & de hac vita bono sine excessibus praevidere. ex princ. cit. Epist. S. Prosperi. Quo circa peno omnium par inveniebatur, & una sententia, quae propositum, & praeestimationem Dei secundum praesentiam receperunt, ut ob hoc Deus alios vasa honoris, alios conuictoria fecerit, quia finem uniuscuiusque praevidere, & sub ipso gratia adiutorio, in qua futurus esset voluntate, & actione, praescire. Ex hac ejus. Epistola. Ex quibus Ioannes à S. Thomà ad prae q. 19. disp. 3. a. 3. n. 4. in fin. rectè concludit, totam praeestimationis certitudinem à Semipelagianis esse reductam in praescientiam Divinam, ita ut Deus praesciens, quid unusquisque facturum esset, ante Decretum & praeestimationem, quae humanas non praeveniret voluntates, praeestimarit, ac decreverit id, quod per praescientiam explorabat in tali vel tali occasione futurum: uti in confesso, & aperte est ex Fausto Rhegiensi, qui ut in alijs suis sententijs ab Alvarez lib. 1. de auxil. disp. 2. à n. 3. adductis semipelagianismum adstruebat, sic in lib. 2. de lib. arb. c. 3. relato in totum 3. Bibliotheca S. S. Patrum, differebat in haec verba: Aliud est praescire; aliud praeestimare, Praescientia gerenda praefusa, postmodum praeestimatio retribuenda describitur. Praescientia de alieno subsistit actui, Praeestimatio de iudicio suo, à Praescientia, qua sunt nostra, produuntur, à Praeestimatione, qua sunt, preparantur, ac per hoc nisi praescientia exploraverit, Praeestimationis decernit.

Adversus hos igitur in aciem progressuri conformiter creaturae Sancti Prosperi ad S. Augustinum Epistolae hanc movemus questionem, An propositum seu Decretum Dei ex se ipso antecedenter ad actionis nostrae futuritionem, ac praescientiam etiam conditionatam sit efficax & ut sic ex intrinseca Causalitate sua vi, & efficacia infallibiliter influxivum in nostram liberam operationem?

Moderni Scientiae Medicae propugnatores ex instituto pugnant contra istud Dei Decretum ex se & ab intrinseco efficax in varias sunt divisi sententias. Nam 1. Molina in 1. p. q. 14. a. 23. disp. 18. memb. 3. 2. Tertio dicendum. refutatus à Lessio de grat. eff. c. 4. n. 12. & Francisco de Lugo lib. 2. de Deo, disp. 32. c. 2. n. 4. docuit: Deum postquam praevidit per Scientiam Mediam, quod Voluntas creata, si in his vel illis circumstantiis ponatur, si hac vel illa vocatione, sive excitatione praeveniat, sit electura libere; decernere primum, absolute ponere Voluntatem in his

circumstantiis, ac illam excitatione praevenire, cui responduram esse sub conditione noverat, deinde decernere cum determinatione Voluntatis, quam sub conditione praevenit operaturam, absolute cooperari.

1. Valquez disp. 99. c. 7. refutatus ab Arriazga disp. 10. Physic. sect. 2. n. 70. ferè coincidit cum Molinà, asseritque, Decretum Voluntatis Dei, quo definit opera nostra, ordine causae non esse prius nostrae determinatione; Deum enim in nobis duo tantum operari; unum ante consensum nostrum, alterum cum illo; & in eo solium, quod ante consensum operatur, priorem esse ejus operationem, quam cooperationem nostrae Voluntatis, & determinationis liberae: nam ea, quae cum consensu nostro operatur, ita simul nobiscum efficere, ut nullo modo ejus efficacia antecedit opera nostra.

3. Lessius cit. disp. de grat. eff. c. 4. n. 16. c. 18. n. 13. 5. si tertio modo refutatus à Francisco de Lugo cit. cap. 2. n. 2. tradit, Praeestimationem concursus factam sub hac conditione, si liberum arbitrium se determinaverit, sufficere, ut quilibet posita illa conditione existat in actu secundo. Tunc enim illam praeestimationem conditionatam transire in absolutam, fierique efficacem, ac Deum velle tunc absolute ad hanc actionem praebere concursum.

4. Franciscus de Lugo. cit. disp. 32. c. 3. n. 2. duplicem ad praesens institutum distinguit Divinae Voluntatis actum, quorum primus immediate terminetur ad complendam causam secundam in actu primo: applicando Divinam potentiam, ut cum voluntate creaturae concurrat juxta ipsius exigentiam, quoties voluerit operari quemlibet actum; nec talem volitionem Divinam terminari formaliter immediate ad actum secundum creaturae, nec ad ipsum concursum in actu secundo praestandum, sed ad summum virtualiter, & mediate. At verò secundum Divinae Voluntatis actum terminari formaliter & immediate ad actum secundum creaturae, sive ad consensum illius in actu secundo praebendum juxta naturalem exigentiam talis Causae. Quam proinde Volitionem Divinam ad concursum in actu secundo terminatam posse ex mente Suarezij disp. 22. Metaph. sect. 4. & lib. 6. de auxil. c. 15. & lib. 2. c. 3. dici formaliter, & in se conditionalem obedi, quatenus semper tendat ad suum objectum sub conditione determinationis nostrae.

5. Idem de Lugo cit. disp. 32. c. 4. alterum à nonnullis insinuatum modum componendi Divinum Decretum, & concursum cum determinatione liberae nostrae voluntatis assignans, distinguit in ipso actu primo Voluntatis creaturae liberae duo signo rationis cum fundamento in re; alterum actus primi remoti, alterum proximi. In primo ait considerari Voluntatem omnino indifferentem ex se non modò ad hoc vel illud objectum prosequendum, sed etiam ad hunc vel illum actum eliciendum cum majore vel minore intensione in secundo verò signo jam concipi propendere per se ipsam ad hunc vel illum actum determinatè cum determinatà intensione, & hoc per quandam quasi mutationem distinctam ab operatione, sive actu secundo, prioremque illo; quae sine aliqua realitate denuò recepta vel superaddita virtualiter se habeat a-



liter dum agit, quàm dum non agit, id est, ita realiter inclinatur in actu primo proximo, & quasi inflectatur per ipsam ad hunc actum eliciendum, ac si illa inclinatio, & inflexio realiter distingueretur ab Entitate Voluntatis, cum tamen sit eadem omnino realis Entitas; sub cuius aded propensionis, & inflexionis nostræ liberæ conditione habere Deum conditionalem concurrendi cum nostro arbitrio Voluntatem, offerendo nimirum suum concursum, eumque in actu secundo exhibendo, quoties voluntas creata propenderit in actu primo ad operandum. Quâ proinde voluntatis creatæ propensione prævisâ posse habere volitionem absolutam concurrendi ad talem actum determinatè.

10. 6. Aliqui rectis nominibus allegati, & refutari ab Arriagâ cit. sect. 2. n. 6. Voluntatem Dei concurrendi ita exponunt, quasi Deus diceret: *Nolo concurrere vel ad odium, vel ad amorem, nolo tamen ad odium impedire meam Omnipotentiam.* Cuius aded volitionis Divinæ objectum, ajunt, non esse Entitatem actûs odij, sed carentiam impedimenti ex parte Omnipotentiae.

11. 7. Arriaga cit. sect. 2. subsect. 3. præsentim. n. 19. & 92. rem hanc explicat affirmando: Dei Omnipotentiam ex naturâ rei esse indifferentem, ut subijciatur quasi potestati Voluntatis creatæ ad modum, quo habitus Voluntatis cum illâ concurrens subijcitur ipsi voluntati. At quia hæc quasi subiectio, si non penderet a Volitione Divinâ, ellet summa imperfectio in Deo; ided oportere, ut pendeat ab aliquo actu Voluntatis Dei libero; tunc enim salvari perfectissimum Dominium Dei in hunc concursum. Ad hoc autem non requiri, ut actus ille sit efficax, sed sufficere inefficacem, quo posito, tam esse subiectam Omnipotentiam nobis, quàm habitum Voluntati, vel creaturas ipsas Deo concurrenti, quando ab illo determinantur.

12. 8. Alarcon tract. 2. De Scient. Dei. disp. 4. c. 2. §. 2. & 3. præcipue n. 32. ac 33. refutatus ab Oviedo in Phys. Contr. 18. punct. 5. §. 3. docuit. Causam creatam indigere extrinsecâ assistentiâ Omnipotentiae, quâ constituatur potens completè elicere suos actus; quam Assistentiâ non esse Entitatem intrinsecam Dei, nec esse Decretum Dei conditionatum, nec Decretum Dei efficax concurrendi, si non adsit impedimentum; nec Decretum efficax absolute prædefiniens actus liberos, vel necessarios; nec Decretum, quo indifferenter velit concurrere ad utrumque extremum; nec Decretum, quo prius naturâ velit concurrere cum Causâ secundâ ad effectum ab utraq; indivisibiliter producendum: sed esse obligationem quandam moralem dnam ex aliquo Decreto, quo Deus se voluerit alligare ad concurrendum cum Causis secundis, juxta illarum propensionem, inclinationem, vel libertatem.

13. 9. Denique Oviedo cit. punct. 5. §. 4. asserit, Voluntatem creatam indigere applicatione Omnipotentiae promptæ ad concurrendum cum illâ: hanc verò assistentiâ, seu applicationem neque consistere in Infinitate, neque in Immensitate, neque in intimâ præsentia Dei cum creaturis, neque dicere Decretum aliquod conditionatum; neque importare Decretum aliquod ad odium vel amorem producendum dependens a voluntate indifferente ad amorem & ne-

gationem illius. Hoc porro Decretum, quod Deus assistit creaturæ ad actum amoris, vel alterius virtutis habere in se imbibitum affectum quendam per modum desiderij actûs illius. Ac verò assistentiâ, quâ Omnipotentia assistit Voluntati, ut possit libertate Contradictionis elicere malum actum, esse Decretum quoddam, quo Deus dicit: *Volo, ut quatenus est ex me, non deficiat actus odij, ut lura Voluntatis non infringam; quem actum vellem ego non produci à Voluntate, quia malus est, & inhonestus.* Addit Author ille n. 45. ut Decreta, quibus Omnipotentia assistit Causis creatis; libertatem illasam relinquant, impertinenter se habere scientiam conditionatam; hanc tamen plurimum conducere, ut Deus excellentiori providentiâ hæc habeat Decreta; & Voluntatem liberè potentem operari constituat.

14. In tantâ non absque Veritatis discrimine sententiarum unius Scholæ differentiâ & dissensione, Sexta præcipue Opinio meretur allegari tum per Authoritatem sacrarum Litterarum, & quibus hosce textus pondera: *Omnia quacumque voluit, fecit. Psalm. 113. Item, Operatur omnia secundum Consilium Voluntatis suæ. ad Ephes. 1. Et, Tu creasti omnia, & propter Voluntatem tuam erant. Apostolus. 4. tum per sententiam S. Augustini in Enchir. c. 103. & 103. asserentis, Quiddam Deus operatur, volens operatur. Item lib. 3. quæst. 9. 2. Hoc est fieri aliquid Deo agente, quod volente. Item super illud: Iustus Dominus in omnibus viis suis. Psalm. 144. Apud Deum hoc est velle, quod facere, quia ex ejus Voluntate res habent esse. Tum denique per sententiam S. Prosperi lib. 2. de Vocat. Gent. c. 34. affirmantis: *Dicit aliter quidquam procedere potest, quam Omnipotentis Voluntate dispositum est.**

Ex quibus definita Veritas est, capenus esse aliquid a Deo volitum, quatenus habet esse productum à Divinâ Voluntate. At dicere, aliquod Ens; in quantum Ens, non esse à Deo; non solum fidei contrarium est, sed etiam rationi. ex S. Thomâ de Entitate peccati loquente in 2. sent. ad Amubald. dist. 37. q. 1. a. 1. in corp. Ergo Voluntatis Divinæ de concurrendo ad actûs peccaminosi Entitatem objectum volitum est ipsa Entitas peccati, uti contra sextæ opinionis Authores redarguit etiam Franciscus de Lugo cit. disp. 32. c. 3. a. n. 10.

15. Hæc igitur sententiâ penitus rejectâ, & eliminatâ à schola veritatis superest videre, quid lateat difficultatis & controversiæ in reliquis opinionibus. Equibus conspiciere licet; Divinæ concurrendi cum actu determinato libero Volitionis determinationem; atque aded efficaciam desumi vel ex conditionatâ creati arbitrij ex se ipso determinationis præscientiâ antecedente absolutam actûs liberi creati futuritionem; vel ex concomitante nostri consensûs determinatione; vel ex antecedente absolutâ prævisione Voluntatis nostræ immutationis sive formalis per actualem determinationem, sive Virtualis per ejusdem in actu primo propensionem ac inflexionem: vel ex Consequente Voluntatis Divinæ de se inefficacis, aut indifferentis per Voluntatem creatam determinationem; vel denique ex assistentiâ extrinsecâ Omnipotentiae Dei per moralem ex Decreto aliquo Divino resultantem obligationem.



Cur porro illi Doctores declinantes ab efficacia intrinseca & formali Voluntatis Divinae seu Causalitatis Deo immanentis; viam tot ambagibus distortam ingressi sint, ratio in promptu est, ut desisterent hæresin Calvinianam. Nam prout ex parte videre licet ex *prac. q. 3. a. 5. cont. 10. a. 5. n. 6.* Petrus à S. Ioseph *suavis Concord. disp. 2. sect. 7.* asserit, Thomistas Divinae Voluntatis ex se efficaciam statuantes, non tantum fateri se convenire cum Calvinistis in illo principio, quod nimirum Deus suo aeterno, absoluto, & efficaci Decreto antecedenter ad præscientiam futurae cooperationis nostri arbitrij prædeterminavit omnes actus, qui à nobis eliciuntur, & in tempore moveat motione efficaci Voluntatem nostram, ut eos actus eliciat, quos suo aeterno Consilio statuit, ut fierent, ita scilicet, ut postea tali motione necesse sit Voluntatem operari. Verum insuper principium ejusmodi in eodem cum Calvinistis sensu intelligi, ac explicari ab Authoribus physicae prædeterminationis. Nam si quæretur ab istis, quo sensu putent, hominem non posse dissentire Gratiae efficaci, & quænam sit illa necessitas, quæ à Deo imponitur ad agendum? respondere, hoc intelligendum esse, ut Voluntas non possit dissentire Gratiae Efficaci in sensu composito, sed tantum secundum se, & in sensu diviso, adeoque necessitatem agendi, quæ ipsi incumbit, non esse necessitatem absolutam, sed hypotheticam, seu consequentiam, & solum ex suppositione Decreti Divini, & Gratiae Efficacis, quæ attemperatur genio Voluntatis, eamque movet fortiter, ac suaviter. At hoc ipsum esse dogma Calvinistarum, Calvino *lib. 1. inst. c. 16. n. 8.* asserente; Divinam Providentiâ sic gubernari consilia & Voluntates hominum, ut etiam ad destinatum scopum recta ferantur, si tamen Causæ secundæ per se spectentur, aliquid & fortuito, & contingenter eveniat. Quod repetitum ab eodem Hæresiarchâ *lib. 2. contra Pygrium* ita disserente: *Quæ fortuito maxime videntur, ea dicimus fieri necessario non suapte naturâ, sed quoniam aeternum & stabile Consilium in illis gubernandis regnat.*

16. Ex quibus citatus Pater Fulienſis Petrus à S. Ioseph concludit, patere: quando Calvinus asserit, Decretum Dei imponere necessitatem agendi, seu hominem non posse dissentire Voluntati Dei, aut Gratiae; vel quid simile, id non debere intelligi in sensu diviso, seu spectatâ naturâ Voluntatis secundum se, sed tantum in sensu composito cum Decreto Dei, & ex suppositione illius; imò quod voluntas ex se possit dissentire, & de facto dissentiat, nisi efficaciter à Deo præmoveatur, eundem Sectarium ad *Can. 4. Concilij Tridentini* disertè tradere his verbis. *Dissentiet quidem à Deo hominis voluntas, quamdiu erit contraria, verum si in obedientiam composita fuerit, jam sublatum est dissentendi periculum.* Has enim particulas *si in obedientiam composita fuerit*, ait Pater ille Fulienſis, planè ostendere; Voluntati ex Calvini mente non incumbere necessitatem consentiendi, nisi ex suppositione motionis efficaci: Quod efficacius adstrui, & probari posse ex Petro Martyre præsertim *lib. 1. reg. c. 13.* respondente in hunc modum. *Respondens Voluntatem Rebeccam posse dupliciter spectari. 1. simpliciter, nudè, atque juxta naturam suam, quâ ratione minime repugnabat, ut seniorum consilium sequeretur, est enim humana Voluntas vertibilis, & tam potest ad u-*

nam, quàm ad alteram deliberationis partem deflecti: at si cum Dei providentiâ copuletur, aliter quàm factum sit, fieri non potuit.

Quibus adeò positis, restat videndum, An ob periculum contagionis Calvinisticæ usque adeò fugienda sit intrinseca Voluntatis Divinae efficacia, ut hæc negari debeat in ratione Causalitatis ex se efficacis esse absolute determinativa actuum liberæ creatæ Voluntatis, sed potius ex se Conditionata vel indifferens determinetur ad extra per Voluntatis creatæ liberam sive antecedentem absolute, vel conditionatè prævisam, sive consequentem, vel concomitantem determinationem? In quâ difficultate ex fundamento eruendâ, & non nisi secundum Patrum, atque Sacrarum Litterarum placitum decidendâ procedemus per sequentes Controversias. 1. erit. In quo efficacia Divina Voluntatis secundum Doctrinam Thomistico-Augustinianam consistat? 2. An Decreti, seu Prædeterminationis efficacia à Semipelagianis refutata vindicata sit à SS. Prospero & Augustino? 3. An efficacia Divinae Voluntatis prius asserta sit conformis S. Scripturae. 4. An Decretum Dei indifferens subsistat cum Veritate Sacrarum Litterarum? 5. An Decretum Dei de se efficax inducat Fatum? 6. Qualiter Voluntatis Divinae Efficacia sit Causa creatæ libertatis, ac rerum contingentia? 7. denique, In quo stet Hæresis Calviniana; & An Voluntatis Divinae ex se efficacis assertores illius subeant discri-

18.

## CONTROVERSIA I.

In quo efficacia Divinae Voluntatis secundum Thomistico-Augustinianum assertum consistat?

EN prodimus in apertum, & prodimus nostrum Intentum, ne pedem in certo Veritatis puncto fixum movere amplius liceat, ob oculos posituri, quænam Decreti Divini à Thomistico-Augustinianis assertæ Efficaciæ sit facies.

## CONCLUSIO.

Efficacia Decreti Divini absoluti est actio Dei æterna in ratione Causalitatis Deo intrinseca per se ipsam formaliter determinatæ infallibiliter influxiva in actionem extra se transeuntem, atque adeò in effectum pro certâ durationis mensurâ simpliciter volitum tanquam terminum, seu objectum Decreti, ac Volitionis ejusmodi.

Explicatur & Probatum ex Sacris Litteris, & Patrum Sententijs ante *cont. 1. n. 4.* adductis. Hinc enim constat, quod in Deo non operante nisi secundum consilium Voluntatis suæ, Volitio Divina habeat aliquam rationem Causalitatis in omnes res creatas: Hæc autem Causalitas est effectrix omnium rerum creatarum, atque adeò liberorum etiam creati arbitrij actuum, siquidem apud Deum hoc sit velle, quod facere. At ista Divina Volitio ita habet rationem facientis Causantis Esse in rebus creatis, ut Deus tanquam

1.



tanquam volens operetur, tendatque ad eum in terminum tanquam obiectum à se volitum, & ut sic effectum, seu factum ex vi suæ actualiter effectricis, seu actu operantis Voluntatis, ex allegatis sacris textibus. Est autem de ratione Causalitatis actualis, seu effectiois esse actualitatem actus primi agentis ita formaliter determinativam, ut ex quidditate suâ habeat connexionem intrinsecam cum effectu; in quem est agentis emanatio seu fluxus actualis. At impossibile est, stare ejusmodi actionis, seu actualis ab agente in effectum emanationis formalitatem sine tali consecutione effectus, qualiter hic attingitur ab illâ emanatione. Cum igitur Volitio Dei sit effectio rei volitæ, hanc formaliter in ratione actionis attingendo tanquam effectum seu terminum quâ Volitum, consequens est, Volitioni in ratione causalitatis ex se formaliter determinatæ esse actualissimam ad extra efficaciam infallibiliter influxivam in actionem extra se transeuntem effectus ex non esse ad Esse, prout Deus vult, transmutativam.

3. Oppones. Hæc pugnare cum Philosophiâ, & Doctrinâ tum Aristotelis 3. *Phys. tex. 20. & 9. Metaph. tex. 16.* tum S. Thomæ q. 14. de Verit. a. 3. & q. 10. de potent. a. 1. Item 2. *cont. gent. c. 1.* Ex his enim locis patet, actionem transeuntem non esse in agente, sed in passio aut termino, veluti Philosophus 3. de Animâ. *tex. 138.* aperte doceat hisce verbis: *Agentis, movensque operatio in ipso patiente suscipitur, atque inest; atque adeo actio, & passio non in agente est, sed in eo, quod patitur.* Cui conformiter S. Thomas 1. p. q. 54. a. 2. & 1. 2. q. 3. a. 2. ad 3. & 1. *cont. gent. c. 10.* tale ponit actionis Immanentis, & transeuntis discrimen, quod illa primò, & per se perficiat ipsum agens; Transiens autem primò & per se perficiat ipsum passum, nec sit perfectio agentis, sed moti. Nequit ergo volitio divina habere rationem actionis Transeuntis, sed Immanentis duntaxat. ex eod. S. Doctore. 1. p. q. 18. a. 3. ad 1. Esi proinde ex sacris litteris probari possit, Volitionem divinam esse effectum ad extra causativam, hæc tamen ratio causativâ non potest ei convenire subformalitate actionis ad extra transeuntis. Ergo habet præcisè rationem Causæ, prout est applicativa divinæ Omnipotentiae. At istam Omnipotentiae applicationem non oportet habere intrinsecam ex ipsâ Volitionis ratione connexionem cum effectu ad extra producendo. Cum igitur ex sacris litteris non proberetur, nisi quod Voluntas divina sit Causa rerum ad extra, hæc autem ratio Causæ subsistere possit secundum applicationem Divinæ Omnipotentiae sine actuali Deo formaliter inexistente, ac effectus ex se infallibiliter illativâ determinatione, consequens est, dictos sacros textus non urgere.

4. Contra. Nam quod sacrae litteræ innuunt, hoc apertius loquuntur allegatæ Patrum sententiæ: Velle Dei ita esse facere, ut per quod Deus est Volens, per hoc ipsum denominetur, & constitutur agens. Atqui actio essentialiter est actus secundus formaliter denominans, & constituens in ratione Agentis, seu activi ut activi. ex Philosopho 3. *Phys. tex. 9.* & D. Thom. *opusc. 48. tract. de act.* Ergo Volitio Divina tendens in terminum suo Esse actualis Existentiæ volitum, est actio, quam S. Doctor 1. p. q. 46. ad 10. & de Potent. a. 1. ad 2. vocat actionem æternam. At de

ratione actionis est, ita esse actualitatem virtutis, ex D. Thomâ 1. p. q. 54. a. 1. ut sit effluxus in actum ab Agente. ex *en. q. 54. a. 2.* Est autem effluxus ejusmodi ita complementum potentiae 2. *cont. gent. c. 9.* ut tamen non sit actualitas in ipso agente consummata, sed in effectu. Unde circa actionem Dei Transeuntem oportet distinguere duplicem formalitatem; unam in agente, quæ ut sic est actio effectrix, & alteram in effectu, seu passio, quæ ut sic est passio, seu actio effecta, veluti S. Doctor in 1. *dist. 40. q. 1. a. 1. ad 1.* non obscure indicat duplicem creationem, alteram activè sumptam, Deo creati inexistente, alteram passivè acceptam rei creatæ inexistente. Juxta quem adeo sensum idem S. Doctor 1. p. q. 23. a. 2. ad 3. ait, Aliam in prædestinatione esse præparationem Beneficiorum Dei passivam, receptam in patiente, aliam verò esse activam, inexistente Deo quâ agenti. Constat igitur, Deo inexistere formalitatem, quæ in ratione actualis volitionis ita sit actio, ut ex ratione suâ formali, prout est effluxus ab agente in effectum, determinatè interat actionem effectum, seu motionem passivam, & rei creatæ à non Esse ad Esse physice inmutativam. In hac igitur Dei æterna actione per modum Causalitatis formaliter Immanentis Voluntati Divinæ inexistente, & virtualiter ad extra transeunte, atque adeo effectus creati volti juxta Dei placitum in tempore producendi per rationem actualissimam Causalitatis infallibiliter illativâ statuimus Divinorum Decretorum intrinsecam ex se formaliter infallibilem efficaciam.

XXXXXXXXXXXXXXXXXXXXXXXXXXXXXXXXXXXX

## CONTROVERSIA II.

### Utrum intrinseca Decreti Divini

in cooperationem Arbitrii creati antecedens

Effluvia a Semipelagianis resutata per S. Augustinum vindicata fuerint?

1. EX Epistolâ S. Prosperi ad D. Augustinum constat, multos Massilienses Semipelagianos ex hujus S. Doctoris scriptis, quæ adversus Pelagianos Hæreticos condiderat, putasse Patrum opinioni, & Ecclesiastico sensui contrarium, quidquid in eis de vocatione Electorum secundum Dei propositum disputaverat. Et cum aliquamdiu tarditatem suam culpâre mallerent, quàm non intellegere reprehendere, quidamque illorum lucidiorem super hoc, atque apertiores prædicti S. Doctoris expositionem vellent postulare, evenisse, ut, cum quidam intra Africam similia movissent, *Librum de Correctione, & Gratia* plenum divinæ Auctoritatis emitteret. Quo libro recensito, sicut qui Sanctam, atque Apostolicam Doctrinam Augustinianam Auctoritatem antea sequebantur, intelligentiores multò, atque instructiores sint facti, ita qui per suasionis suæ impediabantur obscuro, aversiores, quàm antea fuerunt, recessisse. ex verbis prædictæ epistolæ.

2. Hinc patet prædestinationis (sive præordinationis, ac Decreti efficacis) vim vel maximè investigari posse ex S. Augustini libro de *Corrupt. & Gratia*, cui Semipelagianos se opponendo, ansam dedisse S. isti Doctori ad Divos Prosperum, & Hila-



& Hilarium scribendi libros de *predest. Saver. ac Dono Perseverantia*. Cum proinde cogitemus in presenti inquirere mentem S. Augustini circa divini Decreti efficaciam, eo censuimus procedendum ordine, ut sensum hujus S. Doctoris inprimis eruamus *ex libro de Corrupt. & Gratia*: exinde oppositiones Semipelagianorum audiri, ac denique latari sententiam ex libris Augustinianis de *predestinatione, & Dono Perseverantia*.

## CONCLUSIO.

**E**fficacia Decreti Divini per nos *præc.*  
*cont.* exposita est conformis menti  
S. Augustini.

3.

Probatur. Efficacia Decreti divini per nos explicata est actio æterna Voluntati Dei formaliter inexistens in ratione actualis Causalitatis. Hæc autem Causalitas est in ratione definitionis voluntariæ, seu Deo intrinsecæ liberæ ad extra determinationis ita attingens objectum volitum sub ratione actualis existentis per physicam creatam de non Esse ad Esse immutationem eo modo, ac tempore in rerum naturâ ponendæ, sicuti Deus voluit. Unde efficacia divini Volitionis duplicem importat actionem, alteram Deo formaliter Immanentem, sed virtualiter transeuntem à Dei liberâ absolutâ volitione realiter indistinctam, habentem rationem primæ actualis causalitatis, alteram formaliter ad extra Transeuntem, ac ex illâ Deo intrinsecâ Causalitate emanantem in tempore, habentemque rationem actionis effectivæ, ac impressæ causæ secundæ, indistinctam ab hujus motione, seu actione. Hanc verò duplicem actionem respectu Gratiæ dantis ipsum operari virtuosum supernaturale S. Augustinus Prædestinationem à Gratiâ distinguens adstruxit asserendo, Prædestinationem esse Gratiæ præparationem, Gratiâ verò esse ipsam jam Donationem. Illam porro Voluntati divini intrinsecam actionem æternam statuit de se efficacem, ut actionis nostræ liberæ per se volitæ sit infallibiliter illativa, & eo modo, quo voluit, causativa.

4.

Probantur ista duo Assumpta ex S. Augustino. Nam 1. Si, qui corripitur, est Filius promissionis, strepitu correptionis forinsecus insonante atque flagellante, Deus in illo intrinsecus occultâ inspiratione operatur & velle. *ex lib. de Corrupt. & Grat. c. 6. post. init.* Ille verò Filius promissionis est de his, qui etiam nondum credentes, sive necdum justificati sunt in Memoriali æterni Patris inconcussâ stabilitate conscripti *ex c. 9. circa init.* Hi verò sunt illi, qui præsciri, & prædestinati sunt conformes fieri Imaginis Filij sui, & secundum propositum vocati, ut electi essent *ex cit. c. 9.* Atqui ex eo, quod ille sit Filius promissionis, strepitu correptionis extrinsecus insonante, Deus in ipso intrinsecus operatur & velle. *ut supra.* Cum igitur Filius sit promissionis, quâ prædestinatus, & consequenter vocatus secundum propositum, seu Decretum Dei, consequens est, ex isto proposito Prædestinationis Divinæ consequi vocationem, in quâ Deus operatur & velle. Atqui hoc velle est tum poenitentia nostra voluntaria à Deo data ad cognoscendâ

Veritatem, & resipiscendum à laqueis Diaboli. *ex c. 5. circa med.* tum Voluntas Deo obediendi, quæ utique munus Dei est. *ex c. 6. init.* tum perseverantiæ datum optimum, & donum perfectum descendens à Patre Luminum. *propè medium. cit. c. 6.* At illud tum fidei, tum Poenitentis, tum perseverantiæ velle liberum descendit à Patre Luminum secundum propositum, vi cuius diligentibus Deum omnia cooperantur in Bonum. *ex cit. c. 6. propè finem. & c. 7. circa med.* Hoc autem propositum Dei circa Fidem Petri, erat secundum quam Voluntas Petri ita præparatur à Domino, ut Christi orantis, ne Fides ejus deficeret, petitio non posset esse inanis. *ex c. 8. post. init.* Et hinc Petrus secundum propositum divinæ præparationis consecutus est in fide liberrimam, inviolatissimam, perseverantissimam Voluntatem, ut adeò dicere sit nefas, Fidem Petri etiam orante Christo, ne deficeret fuisse defecturam, si voluisset eam deficere, sed potius dicere oporteat, quod idem fides Petri non esset defectura, quia orante Christo ejus Voluntas esset præparata à Domino. *ex cit. c. 8.* Constat igitur, ex præparatione Domini, sive proposito prædestinationis, atque adeò Decreto Dei absoluto emanare velle nostrum virtuosum, ac meritorem tanquam effectum Donatum, & infallibiliter in tempore causandum, imò in æternitate jam causatum.

2. Idem S. Doctor *c. 9. post. med.* introducens Apostolum *ad Rom. 8.* loquentem in præterito, quod Deus quos prædestinavit, hos & vocaverit, & Justificaverit, eleganter advertit, hanc Veritatem in præterito procedere de illis etiam, qui usque ad finem sæculi essent in futurum adhuc vocandi, & justificandi, & glorificandi. Cujus rationem ibi assignans, Deus de rebus etiam futuris, ait, ponere verba præteriti temporis tanquam jam fecerit, quæ ut fierent, ex æternitate disposuit. Ex quo ita licet argumentari. Disposita æternitate, ut fierent in tempore, sunt tanquam jam facta. At nihil potest intelligi factum sine factione, seu actione. Ergo faciendâ in tempore quatenus disposita in æternitate, supponunt in Deo actionem, seu factionem, quæ sit dispositio divini Voluntatis attingentis in ratione objecti ipsam in tempore factionem effectivam in æternitate dispositi actualiter effectricem. Hanc igitur Voluntatis divinæ dispositionem, seu actionem æternam dicimus ex hoc ipso efficacem, quod à nullâ re vinci possit. *ex cit. c. 7. post. med.*

3. A nobis ita fit correptio declinantium à viâ rectâ, ut tamen Deus circa correptum sit facturus Misericordiam, aut Judicium. Misericordiâ quidem, si à Malsâ perditionis sit discretus, neque sit inter vasa iræ, quæ perfecta sunt in perditionem, sed inter vasa Misericordiæ, quæ præparavit Deus in gloriam: Judicium verò, si in vasis iræ sit damnatus, nec adeò in Vasis Misericordiæ prædestinatus. *ex c. 9. circa fin.* Ex quo patet, correptionis nostræ sive receptionem, sive repulsam liberè faciendam à correpto reduci in Deum, ex cuius Electione vel Misericordiæ, vel Judicij pendeat actio creati arbitrij, eodem S. Doctore *c. 7. post. med.* attestante, aliam esse Electionem Misericordiæ, quâ undecim Apostoli sunt à Christo electi ad regnum suum obtinendum, aliam verò Electionem esse Judicij, quâ Judas electus est ab illo, qui novit bene uti etiam



malis, ut per ejus opus damnabile, illud propter quod Christus venerat, opus venerabile compleretur. Unde quomodo constat, omnia prout sunt, sive in quantum habent Esse, sint ex Dei Electione, seu determinatione divinæ Voluntatis, ut aded cujuscumque operis quoad Esse determinatio non sit primò ex nostrâ libertate, sed ex Decreto Divino.

7. 4. S. Augustinus c. 25. ponderans illud *Luc. 10. Si fuerit filius pacis, requiescet super eum pax vestra; sin autem, ad vos revertetur*, ait: nobis quidem incipere quemque Filium pacis, cum obedierit, & crediderit Evangelio, & ex fide justificatus, pacem ad Deum habere cœperit: qui tamen secundum prædestinationem jam filius pacis erat. Neque enim dictum esse, super quem requieverit pax vestra, fiet filius pacis, sed ubi fuerit Filius pacis, requiescet super eum pax vestra. Ex quo manifestum est, ex eo requiescere pacem Dei super aliquem mediante fidei obedientia seu liberâ Voluntatis suæ dispositione justificatum, quod sit filius pacis secundum prædestinationem. Ergo ex prædestinationis divinæ Causa- litate fuit Obedientia Fidei seu libera in filio pacis ad justificationem dispositio. At illam ipsam Prædestinationis Causa- litem vel ex hoc oportet infallibiliter illativam esse pacis ad Deum per justificationem, quod æterna veritas ex eo, si filius sit pacis, asseruerit fore, ut requiesceret super eum pax Dei per liberam ejusdem fidei præstitam Obedientiam. In hac proinde divinæ Voluntatis Causa- litate actus supernaturalis creati liberi infallibiliter illativâ vel maximè consilii Prædestinationis Dei efficacia.

8. 5. Denique S. Doctor c. 14. circa med. Efficaciam divinæ Voluntatis à nobis assertam apertius tradit verbis sequentibus: *Non est itaque dubitandum, Voluntati Dei, qui in Cælo, & in terrâ omnia quaecumque voluit, fecit, & qui dicit illa, quæ futura sunt, fecit, humanas Voluntas non posse resistere, quod minus faciat, quod vult: quandoquidem etiam de ipsis hominum Voluntatibus quod vult, cum vult, facit.* Ex quo liquet, Voluntatem divinam esse factricem ejus, quod vult. Hæc autem factio respectu etiam illorum, quæ futura sunt, est in Voluntate divinâ secundum mensuram æternitatis, ratione cujus futura jam facta sunt. At isti Voluntatis divinæ factioni mensuratæ per æternitatem non potest resistere voluntas humana, quin ex vi Volitionis divinæ jam in æternitate factus, in tempore infallibiliter sit futurus actus creati liberi arbitrii à Deo volitus. Nequit ergo Decretum Dei concurrere cum creato arbitrio esse vel indifferens, ac determinabile per Voluntatis humanæ liberam determinationem, vel conditionatum, atq; aded dependens à conditione consensu creati liberi; sed potius in ratione factionis, per quam actus creati liberi in tempore futuri jam in æternitate præfentes sunt, est in se formaliter determinatum, atque sub ratione actualis ad extra determinationis, & Causa- litem antecedentis est ita causativum actuum ejusmodi, ut de ipsis hominum Voluntatibus, quod vult, faciat, nec humana Voluntas resistere possit, quod minus faciat, quod vult; nisi forte, pergit idem S. Doctor, quando Deus voluit Sauli Regnum dare, sic erat in potestate Israelitarum, subdere memorato viro, sive non subdere, quod utique in eorum erat positum Voluntate, ut etiam Deo valerent resistere. Qui tamen hoc non fecit, nisi per ipse-

rum Voluntas, sine dubio habens humanorum Cordium, quod placeret, inclinandum Omnipotentissimam potestatem. Ecce voluit Deus voluntariam potentiam, quorum tetigit corda 1. Reg. 10. subjectionem præstandam Sauli. Hæc autem subjectio, quam non nisi per liberas Israelitarum Voluntas fecit Deus, non ita erat in potestate Israelitarum, ut etiam Deo illam Volenti valerent resistere. Oportet igitur, talem humanorum cordium, quo placet, inclinandum in Deo esse omnipotentissimam potestatem, ut posita Volitionis divinæ circa effectum aliquem determinatione sit ex vi causalitatis Voluntati divinæ formaliter inexistentis infallibiliter eo modo, quo Deus vult, in tempore effectus futurus, utpote secundum talem Voluntatis divinæ intrinsicam determinationem, seu Causa- litem effectus ad extra in actu secundo effectricem jam factus in æternitate.

Insurgunt referentibus SS. Prospero & Hilario in epist. ad D. Augustinum ex hujus Sancti Doctoris libro de Corrupt. & Gratia offensi Masilienses, & opponunt 1. Propositum Vocationis; quo eligendorum & rejiciendorum dicitur facta discretio, ut secundum quod placuit creatori, alij vasa honoris, alij vasa contumeliæ sint creati, & lapsis curam resurgendi adimere, & Sanctis occasione teporis asserre, eò quod ex utraq; parte superfluous labor sit, si neque rejectus ullâ industriâ possit intrare, neque electus ullâ negligentia possit excidere. Quoquo enim modo te gesserint, non posse aliud erga eos, quam Deus designavit, accidere, & sub incertâ spe cursum non posse esse constantem, cum si aliud habeat prædestinantis Electio, cassâ sit aditantis Intentio: ex cit. Epist. S. Prosperi circa init. 2. Removeri itaque omnem industriam, tollique virtutes, si Dei constitutio humanas præveniat Voluntas ubi supra. 3. Sub hoc prædestinationis nomine fatalem quandam induci necessitatem, ex loco prox. cit. 4. Quidlibet creato arbitrio donatum sit, prædestinatos id posse & amittere & retinere propria Voluntate: quod tunc falsum fore, si verum esset, eam quosdam perseverantiam percipisse, ut nisi perseverantes esse non possint: ex cit. Epistolâ S. Hilarij. Unde molestissime ferebant D. Augustini sententiam in lib. de Corrupt. & Grat. c. 11. & 12. asserentis: *Primum hominem accepisse Perseverantiam, non quâ fieret, ut perseveraret, sed sine quâ per liberum arbitrium perseverare non posset.* Nunc verò Sanctis in Regnum per Gratiam prædestinatis non tale adiutorium Perseverantia dari, sed tale, ut eis perseverantia ipsa donetur, non solum, ut sine isto dono perseverantes esse non possint, verum etiam, ut per hoc donum non nisi perseverantes sint. 5. Non intelligi, quod pertineat tanta extrinsecus correctionis instantia, si sic prædestinati sint ad utramque partem, ut de alijs ad alios nullus possit accedere. ex cit. Epist. S. Hilarij. Unde etiam S. Prosper circa finem suæ Epistolæ petit à S. Augustino edoceri: *Quem ad modum per hanc prædicationem Propositum Dei, nemo eorum, qui cohortandi sunt, impediatur, nec occasionem negligentia habeant, si se prædestinatos esse desperent.* 6. Testimonia S. Scripturæ, quæ D. Augustinus in lib. de Corrupt. & Grat. c. 14. posuit, non pertinere ad quæstionem, quæ de exhortatione vertatur.

Contra ex libris S. Augustini de prædest. Sanct. & de dono Persever. ponitur 1. Tum quia ex SS. Litteris fatendum est, quod Deus prædesti-

9.

10.

11.



hatos elegerit ante mundi constitutionem prædestinans eos in adoptionem Filiorum. *ex lib. de prædest. Sanct. c. 18. post init.* At Deus eligendo facit divites in fide, sicut hæredes regni: siquidem in Electis hoc eligere dicatur, quod ut in eis faciat, eos elegit *ex c. 17. circa finem*: Unde Deus eligens prædestinatos, ut essent Sancti & immaculati, fecit hoc secundum placitum Voluntatis suæ, ut nemo de sua, sed de illius erga se Voluntate gloriatur. *ex cit. c. 18.* Ex hoc autem placito divinæ Voluntatis emanat vocatio non illa, quæ vocari sunt, qui noluerunt venire ad nuptias, sed vocatio certa illorum, qui secundum propositum vocati sunt. *ex c. 16.* Hæc autem vocatio non ex operibus, sed ex *vocante* est, quæ vocatus sit credens. *ex cit. c. 16.* Cum igitur per Vocationem secundum propositum tanquam certam Vocatus fiat credens, constat, Dei propositum esse certò causativum actûs creati supernaturalis liberi. At iste actus credendi ex vocatione secundum propositum ita aperit viam, ut ex eodem proposito consequatur & Justificatio, & omnium in Electis ad Bonum cooperatio. *ex cit. c. 17. & 18. in fine.* Hanc verò sequitur Glorificatio Deo operante secundum propositum suum, ut simus in laudem gloriæ ejus utique Sancti, & immaculati in conspectu ejus. *ex loc. cit.* Ergò Deus secundum divitias gratiæ suæ, secundum Bonam Voluntatem suam, quam proposuit in Dilecto Filio suo, in quo prædestinati fortem consecuti sumus per vocationem secundum propositum, in nobis ita opeatur & velle, ut hanc vocationem consequatur Justificatio & Perseverantia finalis, istam verò Glorificatio non alijs concedenda, nisi Electis. *ubi sup.* Quare divinæ Prædestinationis propositum importat partim *formaliter* actionem Dei æternam, in qua Deus sua circa Electos futura facta præcivit. *ex cit. c. 17. partim terminative, ac effective* actionem temporalem vocationis secundum propositum, quæ Deus id, quod prædestinavit, implevit *ex eod. c. 17. circa finem.* Tum quia cum à Deo, cujus vult, misere, & quem vult obdurante, alijs præparetur Voluntas credendi, alijs non præparetur, utique cur illi nolint, illi velint credere, discernendum est, quid veniat de Misericordia ejus, & quid de judicio. *ex lib. de prædest. Sanct. c. 6. ab init.* Ex hoc autem misericordiæ ac Judicii discrimine fit, ut per Misericordiam Electi audientes per secretam Gratiâ, & discentes à Patre, veniant ad Christum, cæteri verò excæcati habeant oculos, ut non videant, & aures, ut non audiant. *ex cit. c. 6. & 8.* Cur ergo non omnes doceantur, ut veniant ad Christum, non aliunde est, nisi quia quos Pater docet, Misericordiâ docet, & quos non docet, judicio non docet, quoniam cujus, vult, miseretur Bonum retribuens, & quem non vult, obdurat digna retribuens. *ex cit. c. 8.* Neque tamen pro isto Misericordiæ, & Judicii discrimine est, quòd homo respondeat Deo habenti potestatem faciendi ex eadem Mâsa aliud vas honoris, aliud contumeliæ, etsi nemo sit, qui ejus Voluntati resistat. *ex cit. c. 8.* Constat igitur, per Discretionem Judicii erga reprobos, & Misericordiæ erga Electos esse ex insuperabilis Voluntatis divinæ determinatione, cur alius discat, alius non discat à Patre, nec ad eò veniat ad Christum, sed aures audiendi obduratas habens, fiat vas contumeliæ, Deo digna ipsi re-

tribuente: ut adeò tutò tenenda sit illa vox Augustini, quòd Deus, quibus non vult subvenire, non subveniat, utpote de quibus in sua prædestinatione occultè quidem, sed justè aliud judicavit, *ex c. 11. de Bono Persev. circa init.* Tum quia illæ voces, quòd ex præfatis *vasum honoris, & Vasum Contumeliæ* discretionem lapsis curæ resurgendi adimatur, & Sanctis occasio teporis afferatur: supponunt illam resurgendi curam, ac teporis excussionem, seu fervoris excitationem esse ex nobis, non ex DEO donante saltem quoad determinationem. At in his ipsis Pelagianæ pravitate reliquijs non mediocri virulentia fibra nutritur, dum principium salutis seu Cura resurgendi, ac teporis excussio malè in Voluntate hominis ponitur. *ex epist. S. Prosper ad D. Augustinum.* Hanc autem virulentia fibræ non evitamus nisi veraciter intelligamus, nos orando: *Hæc Voluntas in a se in calo & in terrâ* petere, ut Deus in nobis operetur & Velle ad fidei initium, progressum, & perseverantiam. *ex cit. lib. de prædest. Sanct. c. 2. & de Bono Persev. c. 3.* Si ergo totum in omni Voluntate nostrâ bonâ dare debemus Deo eligenti nos, & eligendo facienti, ut eamus & fructum afferamus, & fructus noster maneat, consequens est, lapsos pro curâ resurgendi, & Sanctos pro excitatione fervoris, progressu, & perseverantiâ in viâ salutis adhortandos esse ad Orationem, ut fiat in ipsis Voluntas Dei sicut in calo, & in terrâ, *ex lib. de prædest. ac Bono Persev. passim.* At in hac ipsâ Oratione faciemur Causalitatem Voluntatis Divinæ in nostram Bonam Voluntatem, seu actus virtuosos tanquam effectus ac Dona Dei per prædestinationem suam divinam preparantis nos, ut in bonis operibus ambulemus. *ex c. 10. de prædest. Sanct.* Hæc igitur prædestinationis efficacia non tantum non adimit lapsis Curam resurgendi, & Sanctis affert occasionem teporis, sed ostendit viam, unde excutitur illa Cura, & à quo efflagitandus sit Fdei fervor non procedens nisi à Voluntate Domini per Misericordiæ Electionem in æternitate preparantis, seu prædestinantis, & in tempore efficientis gratiam seu bonæ Voluntatis nostræ determinationem.

2. Ex hoc ipso, quòd constitutio Divina ita præveniat nostras Voluntates, ut in Electis Voluntas non nisi à Domino præparetur, fatendum nobis est, in ipso bono opere non esse, qui nos discernit, nisi Deum. *ex cit. lib. de prædest. Sanct. c. 5. in fine.* Hinc verò nihil aliud agitur, nisi ut humilietur homo, & exaltetur Deus solus, cui per humilem, & submissam confessionem totum in bonis nostris operibus dare oporteat. *ex cit. c. 5. post init. & de Bono Persev. c. 13. circa finem.* Hoc autem non est tollere Virtutes, sed in suis meritis gloriari in Domino, qui ut nostras faciat divitias gloriæ suæ in Vasa Misericordiæ, quæ præparavit in gloriam, volens ostendere Iræ, & demonstrare potentiam suam attulit in multa patientiâ vasa Iræ, quæ perfecta sunt in perditionem *ex c. 2. & 9.* Unde etiam ostenditur nobis, cur secundum Apostolum debeamus salutem nostram cum timore, ac timore operari, quòd nimirum Deus sit, qui operatur in nobis & Velle, & Operari pro Bonâ Voluntate. *ex lib. de Corrupt. & Grat. c. 9. & de Bono Persev. c. 13. circa finem.*

3. Etsi omninò profitenda sit prædestinatio certissima, quæ Pater dedit Christo filios promissionis,



sionis, ut ex eis non perderet quemquam, & in quâ præsciat Deus, quæ fuerat ipse factururus, in nostrâ etiam Voluntate operando & velle, & operari pro Bonâ Voluntate suâ. *ex lib. de prædest. c. 10. & de Bono Persev. c. 14.* Hæc ipsa tamen immobilis Prædestinationis Veritas, & certitudo subsistit cum nostri Arbitrij liberâ Voluntate, quatenus Deus credentibus & Volentibus per Spiritum Sanctum dans non facultatem duntaxat bene operandi, sed ipsum Velle, ac Credere, hoc tamen non faciat, nisi volentibus nobis *ex lib. de prædest. Sanct. c. 3.* Unde fides nostra ita est ex Deo præparante Voluntatem nostram ad credendum, ut tamen credere, vel non credere sit in arbitrio Voluntatis humanæ *ex c. 1. circa finem.* Ergo voluntas obediendi tam incipiens, quàm perseverans ita est ex prædestinatione certissimâ, ut hæc tamen non inducat fatalem necessitatem Libertatis creatæ destructivam, siquidem Voluntas humana Gratia consequatur potius libertatem, & ut perseveret, delectabilem perpetuitatem, & insuperabilem fortitudinem nobismetipsis hanc perseverantem obediendi Voluntatem ita facientibus, ut tamen Deus faciat, quodd nos illam faciamus *ex lib. de Corrupt. & Grat. c. 8. & de prædest. c. 1.*

16. 4. Si dicatur: Perseverantiam posse amitti, duplicem habet sensum; alter est, quodd perseverantia jam accepta contumaciter amitti possit. At cum per istud Donum fiat, ut non amittatur Gratia; quæ ante finem poterat amitti, quomodo ipsa perseverantia amitti possit? *ex lib. de Bono Persev. c. 6.* Alter igitur sensus est, quodd dicitur; usque in finem Perseverantiam non amitti quidem, cum data fuerit, sed tunc amitti quodammodo; quando agit homo per contumaciam, ut ad eam pervenire non possit. *ex ut. cap.* Hæc autem amissibilitas, etsi absolute secundum creati arbitrij libertatem sit possibilis, nequit tamen stare ex hypothesi, quodd exauditi sint Sancti, juxta Dei mandatum orantes, nè intrent in tentationem. Quisquis enim exauditur hoc poscens; non fertur in contumaciæ temptationem, quâ possit, vel dignus sit Perseverantiam Sanctitatis amittere. *ex loc. cit.* At hæc exauditio importat Decretum Divinæ Voluntatis; quo Deus non permittit finaliter Sanctum intrare in tentationem. *ibidem.* Hoc autem Decretum, vi cuius super virum dexterae sit manus Dei; nè discedat, sed permaneat in Sanctitate, nititur Filius hominis; quem Deus confirmavit sibi, ne discedamus ab eo. *ex c. 7.* Ille verodd Filius hominis non est primus Adam, qui licet haberet adjutorium Dei, sine quo perseverare non posset, hoc ipso tamen discessit, quia ipsa perseverantia ipsi non fuit donata. *ex lib. de Corrupt. & Grat. c. 11. & 12. & cit. c. 7. de Persev.* Ille igitur Filius hominis est Christus, in quo sortem consecuti sumus prædestinati secundum propositum ejus, qui universa operatur, ac per hoc, sicut operatur, ut accedamus, sic operatur, ne discedamus, *ex cit. c. 7.* Constat igitur, Perseverantiæ Donum esse inamissibile ex hypothesi Decreti, seu propositi Divinæ prædestinationis; in quâ Deus se hanc perseverantiam esse facturum præscivit. *ibid.* Ergo circa Donum etiam Perseverantiæ datur in Deo Decretum Divinæ prædestinationis infallibiliter illud causantis.

5. Illa prædestinatio, quam Sacrae Litterae commendant, non obstat præceptioni, exhortationi, & correptioni *ex c. 14. ad seq. de Bono Persev.* At prædestinatio secundum sacras Litteras est, ex quâ est vocatio secundum propositum; vi cuius dantur Electis & fidei initium, & obediendi Voluntas, & omnis actus Virtutis, ac Perseverantiæ Donum, ita ut Deus hæc omnia sua futura opera prædestinando in suâ, quæ falli, mutarique non potest, præscientiâ disponat, *ex c. 7.* Ab hac igitur prædestinationis, per quam ex definitâ Dei Voluntate est in nobis obediendi fidei & charitati Voluntas tam incipiens, quàm progrediens, ac perseverans, confessione redeundum non est, non attentis ijs, quæ à Massiliensibus in contrarium obijciabantur. *ex ut. c. 15. ad seq.* Unde tuto dicere licet; Ita se habet de prædestinatione definita sententia Voluntatis Dei, ut ex Infidelitate veneritis ad fidem, acceptâ obediendi Voluntate, & acceptâ perseverantiâ maneat in fide, *ex c. 22. ubi cum quibus cautelis in hac materiâ sit coram alijs differendum, videre licet.* Si ergo correptionem, ac exhortationem indifferenter ad omnes, quos nescimus, an sint prædestinati, dirigamus, hoc ita facimus, ut qui habet aures audiendi audiat, accepto obediendi Dono ab illo, qui dixit, dabo eis cognoscendi me, & aures audientes *ex c. 14. circa finem. & circa initium.* Hos proinde oportet gloriari non in se ipso, sed in Domino, dum discreti sunt a cæteris, qui audientes corporis sensu, non audiunt cordis assensu, utpote quibus non sit datum à Patre, ut veniant ad Christum. *ex loco proxime cit.* De quibus tamen, ut aures audiendi recipiant, est orandum, fortassis enim sic prædestinati sunt, ut nostris Orationibus accipiant eandem gratiam, quâ velint, & efficiantur electi, Deo omnia illa, quæ prædestinavit, implente. *ex c. 22.* Ergo ex eo, quodd prædestinationis Mysterium ex definitâ Dei Voluntate per obediendi Voluntatem à Deo in nobis efficiendam, ac in æternitate secundum propositum divinæ Voluntatis præparatam, sit perficiendum, jubemur spem nostram non in nobis, sed in Domino collocare, clamante Scripturâ, *Maledictus, qui spem habet in homine.* Neque verodd timendum, ne tunc de se homo desperet, quando spes ejus ponendâ demonstratur in Deo, non autem desperaret, si eam in se ipso superbissimus, & infelicissimus poneret. *ex c. 22. in fine.*

6. Testimonia de Saule ac Davide in lib. de Corrupt. & Grat. adducta maximè congruere ad propositum evincit S. Augustinus in lib. de prædest. Sanct. c. penult. Nos autem id taliter demonstramus. Nam idem Ecclesiæ Doctor cit. c. 14. de Corrupt. & Grat. ita fuit argumentatus. Si Deus magis habet in suâ potestate Voluntates humanas, quàm ipsi suas, nemo alius facit, ut salubris sit correptio, & fiat in corde correcti correptio, ut cælesti constituatur in regno. *ex fine cit. cap.* At illa veritas, quodd Deus magis habeat in potestate suâ Voluntates hominum, quàm ipsi suas, constat non tantum per argumentum de Sanctis à S. Augustino deductum, & à nobis præc. contr. n. 9. expositum, sed etiam ex argumento circa Davidem ex sacris Litteris eruto. Nam de Davide, quem Dominus in Regnum successu prosperiori constituit, ita legitur, *Et ambulabat David proficiens, & magnificabatur, & Dominus erat cum illo.* *ex c. 14. de*



2. 14. de corrept. circa med. Hic verò Davidis profectus factus est, dum teste S. Scripturâ spiritus induit Amasai Principem inter triginta, ut diceret. *Tui sumus & tecum sumus filij Jesse.* At David suprà dicebatur proficiens, & magnificatus, quatenus Dominus erat cum illo, cujus adeò spiritus operatus est in corde Amasai, ut illud diceret, ac faceret. Hic autem non potuisset adversari Dei Voluntati, & non facere ejus Voluntatem. At ex hac ipsâ Dei voluntate erat, ut teste S. Scripturâ, omnes viri Bellatores dirigentes aciem, condepacifico venerint in Hebron, constituere David super omnem Israel. Hoc igitur in istis viris Bellatoribus egit Deus, qui in cordibus hominum, quod voluerit, operatur. Cum igitur Dominus quatenus erat cum David, illos viros, ut constituerent David Regem, adduxerit intus agendo, corda tenendo, corda movendo, eosque voluntatibus eorum, quasi ipse in illis operatus est, trahendo ex cit. 6. 14. constat, eam vim esse Divinæ Voluntatis, ut cum infallibilitate influat in voluntates hominum eas movendo, & ipsum velle operando. Ergo correptione forisfectus sonante ita fit correctio cordis a Deo, ut hæc ipsa sit à Deo prædestinata in æternitate, & in tempore donata, quatenus ipsum velle liberum Obedientiæ, tam in initio, quam progressu, ac perseverantiâ fidei & Charitatis sit à Divinâ Voluntate definitum, & ex hac definitione in tempore causatum, seu donatum. ex cit. libris de Prædest. Sancti. maxime c. 10. & de Persev. Bonno, præcipue c. 17. Constat igitur, ex mente S. Augustini talem esse Divinæ erga actus nostros liberos Voluntatis efficaciam intrinsecam, quæ ex se formaliter determinata sit actualiter effectrix Volitionis creatæ liberæ in æternitate à se volitæ ac definitæ: ex quâ Divinæ Volitionis definitione seu determinatâ Deo intrinsecâ causalitate fluere in tempore divinitus præordinato actionem transeuntem, per quam sit ipsum velle creatum liberum, Deo trahente homines his ipsis Voluntatibus, quas in ipsis operatur, atque adeò per istam motionem donante ipsum velle ac operari liberum.

### CONTROVERSIA III.

#### An intrinseca Voluntatis Divinæ

Efficacia sit conformis sacrarum Litterarum, & Patrum Doctrina?

1. Divinus Dionysius de Divin. Nom. c. 5. tit. de Exemplaribus. Volitionis Divinæ efficaciam hæc verbis describit. Exemplaria autem esse diximus in Deo existentium rationes substantificas, & singulartier præexistentes, quas Theologia prædeterminationes vocat, & Divinas & bonas Voluntates existentium prædeterminativas, & effectivas, secundum quas substantiales Essentia omnia prædestinavit, & produxit. Ex quo patet. rationes substantificas, in quibus formaliter consistit Divini Intellectus Exemplaris ratio, ita exercere causalitatem Idealem in res creatas, ut tamen illæ ipsæ rationes denotantes causalitatem effectuum divinitus prædestinatorum effectricem importent ut sic voluntatis Divinæ Vim ad extra prædeterminativam seu præscriptivâ. In quâ adeò præscriptione omnis extra Deum ef-

fectus & actus etiam liberi effectivâ consistere Voluntatis Divinæ efficaciam, seu Causalitatem ad omnis secundum actualis existentie rationem voliti ex se determinativam, constat ex præcedentibus.

2. Ejusmodi præscriptiones arbitrii actum effectivas, & prædeterminativas Suarezini in Opus. lib. 1. de concur. Dei c. 11. An. 9. conatus est refutare Autoritate tum S. Damasceni lib. 2. de Orthodox. c. 29. & 30. aliorumque Patrum negantium, actus nostros liberos esse ex Divinâ Providentiâ, id est Voluntate Dei prædeterminante Voluntates nostras; Tum Divini Dionysij, c. 9. de celesti Hierarchiâ & aliorum Ecclesiæ Doctorum asserentium: Liberum arbitrium Providentiæ Divinæ luce non obtundi, neque necessitatem ipsi imponi ex Gratiâ & Voluntate Dei.

3. Verum hæc nihil habere efficacis satis constare potest ex dictis præc. 9. 5. de scient. Med. 2. 5. com. 9. Quaread præsens institutum nostrum superest duntaxat videre, quantum roboris in Voluntatis Divinæ efficaciam comprobandâ habeat verba S. Scripturæ, junctâ præsertim SS. Patrum expositione.

### CONCLUSIO.

Voluntatis Divinæ per nos asserta efficacia omnino evincitur ex sacris litteris secundum Patrum sensum genuinum intellectus.

4. Probatur. Nam hæc efficacia consistit in eo, quod Volitio Divina attingens res creatas sub Esse actualis existentie, hujus sit in ratione causalitatis Deo intrinsecæ determinativa, & effectiva cum infallibilitate effectus eo modo, quo volitus est, secuturi. At Deus omnia, quæcumque vult, faciens Psal. 134. opera nostra bona secundum esse actuale quâ exercitum à nostrâ voluntate, attingit, creans nos in Christo Iesu in operibus bonis, quæ præparavit, ut in illis ambulemus. ad Ephes. 2. Hic autem honorum nostrorum operum Divinus actus est eorundem secundum consilium Voluntatis Dei actualiter operativus, juxta illud ad Ephes. 3. Qui operatur omnia secundum Consilium Voluntatis sue. At ista Voluntatis, seu Consilij Divini Causalitas operativa est ex se adeò certa, & infallibilis, ut nemo possit resistere ejus Voluntati, nec adeò infirmare, quod Deus decrevit. Esther 13. & Isaia 14. Constat igitur, Voluntatis Divinæ à nobis assertam efficaciam fundari in sacris Litteris.

5. Dices ex Suarezio cit. c. 13. n. 11. D. Augustinum 5. de Civit. c. 9. & 10. nec non de spiritu & Litt. c. 31 ita habere: Legimus; Non est potestas nisi à Deo; non autem legimus; non est voluntas, nisi à Deo, & rectè non scriptum est, quia verum non est. At S. illum Doctorem in locis allegatis præsertim de Civit. agere adversus Ciceronem demonstrando; præscientiam Dei non impedire liberâ Voluntatis nostræ actionem. Hujus autem rationem adstrui, quod licet Deus illâ præscientiâ videat connexionem omnium causarum, tamen in actionibus liberis Causa earum sit Voluntas libera, quam unâ cum liberâ ejus determinatione videat Deus; Ad quod adeò propositum dicere: Deum esse Authorem omnium potestatum nimirum solâ suâ efficaciam & virtute; non tamen Authorem omnium Voluntatum scilicet solâ suâ efficaciam, determinando illas ex vi sui generalis concursus.

Contra



Contra. Nam D. Augustinus *cit. c. 9. de Civit.* expressè ait, Deum Spirituum creatorum Voluntates bonas adjuvare, malas judicare, omnes ordinare. Hæc autem omnium Voluntatum ordinatio fit bonas adjuvando, malas verò judicando. At Voluntas Bona secundum mentem S. Augustini adjuvatur per donationem non facultatis dumtaxat bene operandi, sed per ipsam actûs boni donationem ex prædestinatione divinâ præparatam, & ut sic causatam. *ex cit. c. 131. de Spiritu & Litt. & lib. de prædest. speciatim c. 10.* E contra verò Deus ordinat malas Voluntates judicando, quatenus homines tradens in reprobum sensû non facit peccatum, sed iudicium *ex locis cit.* Ex hoc autem Iudicio Dei factum est, ut Herodes & Pilatus, & populus Israel convenirent in unum facere, quanta fieri prædestinavit Manus Dei, & Consilium. *ex dicto lib. de prædest. sanct. c. 16. nec non ex Actis Apostolorum. c. 4.* Etli proinde malæ Voluntates non sint à Deo secundum quod adversantur naturæ, *ex cit. c. 9. de Civit.* Nihilominus ipsa Entitas actionis peccaminosæ, quatenus per illam Deus exercet Iudicium, fit à Deo ex vi Decreti prædestinantis ejusmodi actionem. *ex cit. c. 10. de prædest. sanct. & c. 4. Actor.* Hoc autem Iudicium est iustitiæ fundatum in supremo Dominio Dei de jure negantis concursum actualem ad actum naturæ creatæ rationali congruum, & ex consequenti ex Jure primæ Causæ influentis in Entitatem actûs Voluntati Bonæ oppositi, cui respectu Voluntatis creatæ ut sic contra naturam agentis, non autem respectu Voluntatis Divinæ secundum Authoris naturæ rationem operantis convenit ratio peccati. Paret igitur, actûs liberi arbitrii ita esse à Divinâ Voluntate prædestinatos, ut tamen in actibus bonis faciat, quod sint & quod boni sint; in malis autem non nisi, quod essentialiter sunt, non quod mali sint. *ex S. Anselmo de Conc. prædest. cum lib. arb.* In hac proinde prædestinatione Entitatis, non autem malitiæ, sed Iudicii Deus ita præscit voluntates malas, ut istæ conspiciantur hoc ipso esse liberæ, quod à nostrâ Voluntate liberâ ex vi prædestinationis Divinæ prodituræ videantur. *ex allegato c. 9. de Civit. Dei, nec non S. Anselmi lib. de Conc. præsci. Dei, & lib. arb.*

6. Instabis ex eod. Suarezio n. 12. D. Augustinum *lib. 3. de lib. arb. c. 18.* expressè dicere, quacumque causa sit Voluntatis si non possit ei resisti, sine peccato cedi. Ergo Voluntatem Dei prædestinativam, cui resisti non potest, non stare cum libertate creati arbitrii.

7. Contra. Nam *cit. cap. 14. Isaia* dixit Deus. Hoc esse suum Consilium, & manum suam extendam, ut contereretur Assyrius in terrâ Israel, in quam tamen liberè esset venturus, debellandus ab Israelitis non nisi liberè præliaturis. At hoc ipsum factum non nisi cum dependentiâ libertatis Voluntatum creatarum exercendum dicitur Dominus exercituum decrevisse, nec adeo posse infirmari. Ergo facta dependentiâ à liberâ creaturarum Voluntate ita possunt à Deo esse decreta, ut ex vi hujus Decreti nequeant infirmari, nec adeo in actibus creatæ Voluntatis liberis quatenus à Deo decretis possit resisti Divinæ Voluntati. velut etiam patet *ex cit. c. 13. Esheer.* Unde ad præfatam D. Augustini sententiam rirè intelligendam oportet distinguere inter actum primum & secundum. Nam si quæ voluntatis in

actu primo causa est, cui utpote actûs primi adunum determinativo resisti non potest, indubie sine peccato ceditur. At secus est, si quæ causalitas, cui resisti non potest, se teneat ex parte actûs secundi: Sic enim ex hypothesi quod poscens Sanctitatis perseverantiam sit exauditus à Deo, non potest illam jam amittere, sic etiam in sensu composito ex hypothesi Orationis Christi, & in hac fundati propoliti divinæ prædestinationis non erat possibile, quod fides Petri deficeret. *ex lib. de Corrupt. & grat. c. 2. & de Dono Persev. c. 6.* At verò quod illa exauditio divina involvens Decretum Dei, nec non prædestinatio Fidei Petri immobiliter præparativa spectat ad causalitatem actu secundo effectricem, constat ex D. Augustino in *lib. 13. qq. 9. 3.* asserente: Hoc esse fieri aliquid Deo agente, quod volente. Etli proinde divinæ Volitioni actuum nostrorum liberorum præfinitivæ resisti non possit, nihil tamen lætionis inde accipit Voluntas nostra libera, quam ad actus suos præfinita Deo, clare evincit illud *Luc. 22. Filii hominis, sicut desinitum est, vadis.*

8. Urgebis ex eod. Suarezio n. 12. Deum ita administrare res, quas condidit, ut eas motus suos agere sinat. S. Augustinus *7. de Civit. c. 30.* Hoc autem non subsistere, nisi Deus Causis indifferenter seu liberis concursum etiam in actu primo indifferenter em offerat. Quocirca Testimonijs S. Scripturæ adductis advertente Petro à S. Ioseph *suav. Cont. disp. 3. sect. 3. n. 1. & 2.* ad summum probari, quod Deus æterno, & absoluto Decreto suæ Voluntatis præfinitur omnes actus bonos, qui a nobis fiunt in tempore. At illud Decretum esse phylice determinans, seu inducens necessitatem Antecedentem, hoc ex totâ scriptura nunquam probatum iri, cum necessitas ejusmodi manifeste tollat libertatem.

9. Contra. Nam D. Augustinus *lib. de prædest. sanct. c. 3.* demonstrat ex sacris litteris, Deum præparando Voluntatem nostram dare tum facultatem bene operandi per Spiritum Sanctum, tum ipsum Velle, seu credere, ac operari. At Deus præparat ad extra, quod operatur secundum Consilium Voluntatis, ac Prædestinationis suæ, velut ex SS. Litteris demonstrat idem S. Doctor in *lib. de prædest. & Dono Persev. per totum.* Voluntas igitur divina suæ prædestinationis Decreto nostram liberam Voluntatem in actu primo præparat, conferendo facultatem bene operandi, cum indifferentiâ tam objectivâ, quam electivâ, seu dominativâ. At hoc ipso, quod Deus nostrum velle liberum operatur secundum consilium Voluntatis suæ, præparando, ac prædestinando, ut in bonis operibus per facultatem bene operandi divinitus acceptam liberè ambulemus, consequens est, ex illâ prædestinatione, ac præparatione, seu causalitate Deo intrinsecâ per se actuatâ, ac determinatâ fluere ipsum velle nostrum liberum prædestinatum, ac præparatum à Domino. Hoc autem Velle nostrum liberum, fatentibus ipsis etiam adversarijs, importat Causalitatem, seu influxum Dei transeuntem cum ipso Velle nostro identificatum. Hæc igitur Causalitas cum Velle nostro identificata seu fluxus ex bonorum operum nostrorum prædestinatione seu præparatione divinâ transiens, dicitur à nobis Motio Dei per prius ratione nostrâ ratiocinatâ respiciens Voluntatem divinam utpote Causam Primam, quàm Voluntatem nostram



stram divinæ Voluntatis immanenti Causalitati, ac determinationi subordinatam. Constat igitur, Decretum Dei bonorum nostrorum operum præfinitivum ita relinquere Voluntatem nostram in actu primo indifferentem, ut hanc per causalitatem tum immanentem Divinæ Voluntati, & cum huius Decreto identificatam, tum ad extra transeuntem à nostro velle libero indistinctam in actu secundo determinando faciat, ut Voluntas nostra liberè operetur; & motus suos ex vi suâ Dominativâ peragat. Standum proinde est Divinæ Voluntatis Efficaciæ à nobis adstructæ, & omnium Dei ad extra effectuum, atque aded liberorum nostrorum actuum præfinitivæ, utpote quam claris verbis asserant tum Sacræ Litteræ locis citatis. tum Augustinus *tract. 104. in Joan. sub med.* differens in hæc verba. *Quapropter hoc, quod ait, venit hora, Pater clarifica filium tuum, ostendit omne tempus, & quid & quando faceres, vel fieri sueris ab illo esse dispositum, qui tempori subditus non est; quoniam quæ futura erant per singula tempora, in Dei Sapientiâ Causas efficientes habens, in quâ nulla sunt tempora. Non ergo credatur, hanc horam Fato urgente venisse, sed Deo potius ordinante.*

#### CONTROVERSIA IV.

*An Decreta Dei indifferentia in ordine ad actualem cum creato libero arbitrio concursum dependentia ex huius determinatione sicut cum Veritate sacrarum Litterarum.*

1. **N**ON abs re foret, in apertum deducere: Quamvis inter Decreti Divini Indifferentiæ assertores inter se configendo alter alterum suæ ad inventionis argumentis confingere nitatur. Quia verò nimium ex hoc incideret Theologia nostra, cæteris argumentis in sequentem Articulum dilatis, ipsos aggredimur per Sacrum textum, quem hodie tum in S. Thomæ Apostoli non nisi ex discretionem seu electione Divinâ credentis, Festo Martini suggestit *ex 1. ad Corin. 4. Ne supra, quod scriptum est, unus contra alterum instetur pro alio: quis enim te discernit? quid habes, quod non accepisti, si autem accepisti, quid gloriaris, quasi non accepisti.*

#### CONCLUSIO.

**E**X hoc sacro textu per Sanctos Augustinum, & Prosperum in Pelagianorum, ac Semipelagianorum expugnatione ponderato clarè; ac efficaciter rejiciuntur Decreta Dei indifferentia.

2. **P**robatur. Ad ipsam quoque fidem, quæ est in arbitrio Voluntatis humanæ, pertinet. *Quis est qui de discernit?* ex S. Aug. lib. de prædest. Sanctor. c. 5. circa finem. At ex multis audientibus Verbum Veritatis alij volunt credere, nolunt autem alij. In hoc autem, cum alijs præparetur Voluntas, alijs non præparetur Voluntas à Domino, discernendum est utique, quid veniat de Misericordiâ ejus, quid de Iudicio, *ex m. c. 6.* Ergo per discretionem Dei misericordis præparatur ip-

sa libera nostra volitio credendi. At de ejusmodi præparatione promissit Deus Abraham in semine ejus fidem gentium. Hæc autem promissio firma erat omni semini. Ergo promissio firma erat, quatenus Deus non de nostrâ voluntate, sed de suâ prædestinatione promiserat, *ex cit. c. 10.* At firmitas promissionis infert determinatam veritatem adimplendæ rei promissæ. Oportet igitur, determinationem huius veritatis esse ex prædestinatione Divinâ, quâ Voluntas credendi in Gentibus est præparata à Domino. Atqui Decretum de se indifferens ex se abstrahit à Veritate rei, quâ futuræ, vel non futuræ. Cum proinde discretio, quam Apostolus illis verbis: *Quis est qui te discernit?* prædicat; secundum D. Augustinum pertineat etiam ad fidem voluntarie ac liberè acceptam à Gentibus ex promissione Abraham firmâ, ac determinatâ non de nostrâ Voluntate, sed de prædestinatione Divinâ, consequens est, hoc prædestinationis Decretum non posse in Deo de se indifferens esse, ac determinabile per nostræ voluntatis liberam determinationem.

Respondet. Liberam determinationem in fidei assensu ita esse ex nostro arbitrio, ut hoc tamen oporteat esse præventum Gratiæ intrinseco auxilio. Hoc verò auxilium esse ex Decreto Divinæ præparationis. At Deum ex hypothese huius auxilij in talibus circumstantijs cum Omnipotentia suâ licet indifferenti concursu oblatis per scientiam Mediam certò prævidere Voluntatem creatam consensuram. De hac igitur suâ prædestinatione Deum Abraham promississe fidem Gentium, esseque aded credentium à non credentibus discretionem ex Deo illis, non verò istis offerente Auxilium Gratiæ, cui per Scientiam Mediam prævidetur consensuri.

Contra. Deus promittendo Abraham Fidem Gentium, promissit, quod ipse facturus fuerat, non quod homines; quia etsi faciunt homines bona, quæ pertinent ad colendum Deum, ipse facit, ut illi faciant, quæ præcepit, non illi faciunt, ut ipse faciat, quod promissit, *ex cit. c. 10. de prædest.* At secundum prædestinationem ab adversarijs expositam Deus faceret auxilium Gratiæ, cum quo arbitrium nostrum esset potens elicere actum Fidei supernaturalem. Hoc autem auxilio gratiæ posito, arbitrium nostrum faceret, ut concursus Decreti Dei de se indifferens determinaretur ad cooperandum libero fidei supernaturalis assensui. Unde non faceret Deus, ut nos faceremus, sed arbitrium nostrum faceret, ut Deus nobiscum faceret fidem, quam promissit. Ex hoc autem rursus sequeretur, ut fides Gentium à Deo promissa compleretur non in Dei, sed in hominum esse potestate. At istud tanquam absurdum, & Divinæ Doctrinæ contrarium reputari à S. Augustino, patet *ex cit. c. 10.* Oportet igitur, prædestinationem ex se ipsâ, non ex consensu hominis libero discernere, ac determinare liberum fidei assensum, nec ad huius aded cooperationem determinari à nostro arbitrio.

Replicabis. Deum facere ex suâ prædestinatione, ut nos faciamus liberum fidei actum, conferendo vires supernaturales credendi. Has autem oportere ita proportionari arbitrio creato, ut illud relinquunt in manu consilij ad eligendum bonum, vel malum. Deum igitur mediante



diante auxilio supernaturali, nec non Decreto suo indifferente ita influere in actum nostrum, ut tamen hujus electio sit in nostro arbitrio.

6. Contra. Non tantum potestas supernaturaliter credendi, sed ipsum velle liberum actus Fidei est per discretionem Dei misericordis. *ex cit. c. 6. de pred.* At stante opinione de Decreti Divini indifferentiâ, velle liberum in actu fidei ita esset ex auxilio supernaturali ac Decreto Dei, ut tamen ipsa determinatio libera illius actus esset ex libero arbitrio. Unde actus fidei non posset simpliciter dici esse ex Deo misericordis, sed simul ex Voluntate hominis, ac Misericordiâ Dei. Hoc autem perinde esset, ac si diceretur. Sicut ad actum credendi non sufficit sola Voluntas hominis, si non sit etiam Misericordia Dei, sic neque Misericordiam Dei sufficere, si non sit etiam voluntas hominis. *ex S. Augustino in Enchirid. c. 32.* At verò si rectè dictum sit ab Apostolo, Velle supernaturale liberum non esse volentis, neque currentis, sed Dei misericordis, quia id sola hominis Voluntas non implet, licebit etiam e contrario dicere, Velle nostrum in actu fidei non esse Dei misericordis, sed volentis creati arbitrij, ut pote gratiæ supernaturale auxilium, ac Dei ex se indifferenter concursus pro sua libertate primò determinantis ad operari. *ex cit. c. 32.* Hoc autem aperte contradicit Apostolo. Ergò velle nostrum in actu Fidei oportet dicere, ita esse Dei misericordis, non autem arbitrij nostri volentis, ut totum detur Deo hominis voluntatem bonam & præparanti adjuvandam, & adjuvanti præparatam. *ex loc. cit.* At Voluntatis adjuvandæ præparatio est prædestinatio Facultatis bene operandi; præparatio verò ipsius Voluntatis bonæ est prædestinatio ipsius velle supernaturalis liberi. *ex c. 3. & 10. de pred. Sancti.* Fatendum igitur est, ipsum Velle nostrum in actu Fidei esse Divinæ prædestinationis objectum in æternitate à Deo dispositum, & in tempore misericorditer datum. *ex c. 17. de Dono Persev.* At Decreti Divini indifferenter objectum non esset nostrum Velle liberum secundum determinatam hujus Velle rationem; sed vel non impeditio Omnipotentiae ad concurrendum cum nostra Voluntate; vel subiectio Omnipotentiae ad nostram Voluntatem illius determinativam, vel indifferentiam ad Velle liberum, ejusque negationem; velut constat *ex initio hujus articuli n. 3. præcipue circa c. 6. 7. & 9. adversariorum opinionem.* Consequens proinde est, arbitrium creatum ita relinqui à Deo in manu Consilij, seu potestatis electricis, ac Dominativæ, quam in ordine ad actus supernaturales non nisi per gratiam consequitur, ut Electio seu actus supernaturalis libera determinatio efficienter fluens ex arbitrio creato per gratiæ supernaturale auxilium instructo, sit tamen à Deo præordinata, ac prædestinata: atque adeò Decretum Dei in talem liberum arbitrij creati actum influens sit in se formaliter prædeterminativum tam subjective, quam objective determinativum, atque Causally determinativum actionis à se præfixitæ.

7. Dices cum Primâ, Secundâ, Tertiâ, Quartâ, & Quintâ supra in initio hujus Art. n. 3. recensitis adversariorum sententijs; Decretum Divinum attingere quidem ipsam actus creati liberi Entitatem tanquam suum objectum, attamen istam attingentiam vel esse conditionalem involventem ex parte objecti conditionem determinationis no-

stræ, vel esse duntaxat Concomitantem respectu consensûs nostri liberi, vel supponere absolutam nostri consensûs, aut saltem Voluntatis creatæ in actu primò inclinationis, ac propensionis prævisionem; vel esse consequentem ad cooperationis nostræ liberæ Futuritionem, & jusque præscientiam conditionalem.

8. Contra. Nam Paulus Apostolus nos in omni opere bono ad hoc divinitus discretos, seu electos ostendens, eo collimat, ut de nullo gloriemur, quasi non acceperimus à Deo. At secundum primam adversariorum opinionem conditionalis arbitrij nostri à Deo in hac circumstantijs præscita futuritio; secundum opinionem secundam, tertiam, & quartam actualis, & absoluta Voluntatis nostræ determinatio; secundum opinionem quintam Voluntatis creatæ in actu primò inclinatio actum secundum infallibiliter inferens non esset accepta à Deo. Probatur istud Assumptum. Nihil est à Deo datum, atque adeò ab ipso acceptum, nisi quatenus est prædestinatum. *ex cit. c. 17. de Bono Persev.* Prædestinatio autem est Discretio Misericordiae per Electionem gratiæ, quâ Deus hoc in vocatis secundum propositum eligere dicitur, quod ut in eis faciat, hoc in eis elegit. *ex lib. de prædest. Sancti. c. 6. 10. & 17. & de bono Persev. c. 8.* At ista factio operis, quod eligendo & vocando secundum propositum facit, importat causalitatem Electionis, ac prædestinationis. Si ergo nihil est datum, atque adeò acceptum nisi prædestinatum à Deo, consequens est, id quod non est causatum à Deo, non esse acceptum. At futuritio conditionata nostræ liberæ cooperationis antecedens omne actuale Dei Decretum nequit esse à Deo causata. Pari autem ratione determinatio, & cooperatio libera nostræ voluntatis, quæ juxta secundam sententiam est concomitans, secundum tertiam, & quartam opinionem antecedens Decreti Divini actualem influxum, non potest esse causata ab isto Dei Decreto; sicut illa quoque per quintam opinionem asserita in actu primò Voluntatis nostræ inclinatio nequit causari à Decreto Divino, siquidem istud primum consequatur illius propensionis præscientiam; Causalitas autem importet respectu causati prioritatem realem. Constat igitur, aliquid, ex quo ipsius Velle nostri determinatio penderet, vel quod cum istâ determinatione est etiam realiter identificatum, non esse causatum nec adeò acceptum à Deo. Hoc autem adversatur Apostolo omnem gloriandi occasionem amputanti, eo quod in nullo discernamur à non operantibus nisi in eo, quod sit à Deo acceptum. Quare Decreti Divini cum arbitrio creato ad operandum concurrentis indifferentia merito rejicienda videtur.

#### CONTROVERSIA V.

An Decretum Dei de se efficax inducat Fatum?

1. Scientiæ Mediæ propugnatores adversus intrinsecam Decreti Divini efficaciam movent, quod ex ejusmodi inflexibilibus, & plus quam adam-



his Decretis inducatur fatum plus quam adamantinum, Fatum inevitabile, Fatalem necessitatem inferens, sique adeo vita hominis Fato alligata.

Videtur ista Obiectio mutuata à Semipelagianis in Epist. S. Prosperi ad D. Augustinum opponentibus: Si Dei constitutio humanarum præveniat Voluntates, sub hoc prædeterminationis nomine fatalem quandam induci necessitatem.

## CONCLUSIO.

ET si SS. Patres, & Doctores Ecclesiæ non renuant fatum, quatenus sub hoc nomine intelligitur Divina providentia æterno, & immutabili suo Decreto omnium, quæ à Causis secundis juxta cuiusque Naturam, & Conditionem in mundo fiunt, prædestinatur; illo tamen nomine propter æquivocationem, & malam Ethnicorum ac Hæreticorum usurpationem abstinendum, aut non nisi cum cautela, & veri sensus expositione utendum est.

Probat ex S. Augustino, præsertim lib. 5. de Civit. Dei. Ab Ethnicis vocabantur Fatalia, quæ præter Dei & hominum Voluntatem cujusdam Ordinis necessitate contingere putabant. Hæc autem Ordinis necessitas secundum illos dicebatur vis quædam positionis siderum, qualis esset quando aliquis nasceretur, vel conciperetur. At istam vim positionis siderum aliqui ita alienabant à Voluntate Dei, ut sine hac opinarentur decerni à sideribus, quid agamus, vel quid honorum habeamus, malorumve patiamur. Hæc verò opinio cum nihil aliud agat, nisi ut nullus colatur, aut rogetur Deus, ab eorum auribus repellenda est, qui qualiumcumque, licet falsorum Deorum volunt esse cultores.

Alij proinde illam vim positionis siderum ex Voluntate Dei dependere asseriebant, ita ut sideribus à summâ Divinæ Voluntatis potestate esset tradita facultas decernendi, qualis quisque sit, & quid ei proveniat boni, quidve mali accidat. At ex horum opinione sit magno cælo injuria, utpote in cujus velut clarissimo Senatu, ac splendidissimâ Curia decernerentur scelera faciendâ. Neque judicium de hominum factis, quibus cælestis necessitas esset imposita, relinqueretur Deo, cum tamen sit Dominus hominum & siderum. Cum igitur fati nomine homines usitatâ loquendi consuetudine non intelligant nisi prædictam vim positionis siderum, abstinendum est illâ voce: nihilominus, si, quæ in humanis Divinâ Providentiâ constituuntur, quisquam fatotribuat, ipsam Dei Voluntatem, vel Potestatem fati nomine appellans, licebit huic ita tenere sententiam, ut tamen linguam corrigat. ex libri cit. c. 1.

Oppones. D. Augustinum censere, Divinam Voluntatem ita posse fati nomine appellari, quin tamen inferat necessitatem. Hinc enim loc. cit. illos etiam rejicit, qui affirmabant; stellas in necessitatibus humanorum eventuum ingerendis jussa Dei complere. Imò neque illos patiebatur asserentes, quod Stellæ significarent potius, quam facerent effectus arbitrio hominum perficiendos; ita ut certa siderum positio esset quasi quædam locutio non agens, sed

ex impressione Divinæ Voluntatis prædicens futura. At verò Decretum Dei antecedenter ad omnem etiam conditionalem arbitrij creati determinationem actuum nostrorum præfixivum imponere necessitatem: nec referre, istam immediate à Divinâ Voluntate, vel mediantibus sideribus, perfici aut significari.

Contra. Nam ex illo Prov. 26. Cor Regis in manu Domini, quocumque voluerit, vertet illud, ostendit S. Thomas 3. cont. gent. c. 2. Divinam Causalitatem non tantum extendi ad Potentiam Voluntatis, sed etiam ad actus ipsius. At Deus in hominibus agens motum Voluntatis per eos agit, quod per eos agere voluerit ipse, ex S. Augustino lib. de Corrupt. & Gratiâ. Est autem Deus volens quædam per Causas scilicet naturales fieri necessario, quædam autem per causas liberas contingenter & liberè. ex S. Thomâ. 1. p. q. 19. a. 2. Atqui ad Voluntatis Divinæ efficaciam pertinet, ut non solum fiat, quod Deus vult, sed etiam ut hoc modo fiat, quo illud fieri vult. ubi sup. & Opus. 2. c. 140. Ergo Decretum Dei absolutum actus à creatâ Voluntate quâ liberè eliciendos prædefiniens nullam imponit necessitatem, velut seq. cont. ostendetur. Hanc igitur divini Decreti efficaciam, seu Dei Voluntatem Omnipotentissimam nomine Fati appellare, si cui placeat, D. Augustinus lib. 2. contra duas Epistolas Pelagianorum. c. 5. prophanas quidem Verborum novitates devitare, non tamen verbis cotendere voluit. Unde idem S. Doctor cit. lib. 5. de Civit. c. 2. non multum de verbi controversiâ laborandum, atque certandum putavit cum Stoicis omnium connexionem, seriemque causarum, quâ sit omne, quod fit, Fati nomine appellantibus, siquidem ipsum causarum Ordinem, atque connexionem tribuant Voluntati, & potestati summi Dei cuncta scientis, antequam fiant, & nihil inordinatum relinquentis.

Ratio fundamentalis ex ejusdem Ecclesiæ Doctoris seq. c. 9. deduci potest. Nam Fatum à fando, id est, loquendo dictum intelligi potest. Deus autem locutus est semel, id est, immobiliter. Psal. 81. At ista divina locutio incommutabilis est, secundum quam futura opera prædestinando in suâ, quæ falli mutarique non potest, præscientiâ disposuit, ex cit. c. 9. & de Dono Persev. c. 17. Inter hæc autem futura est series omnium causarum secundarum in præscientiâ divinâ ab æterno disposita, & in prædestinatione divinâ immobiliter prædeterminata & præordinata. ex D. Thomâ quodl. 12. q. 3. a. 4. In hac autem serie Causarum secundarum continetur Voluntas quoque creata libera, cujus Velle Deus ita prædestinat, ut tamen non fiat, nisi volentibus nobis, sitque adeo hoc velle, & operari liberum in arbitrio Voluntatis nostræ. ex cit. lib. 1. de Civit. c. 19. & de prædest. Sanctor. c. 3. & 9. In quo adeo sensu Doctor Angelicus 1. p. q. 116. a. 3. cum Boetio ait: Fatum secundum considerationem causarum secundarum esse mobile, etsi secundum quod subest divinæ Providentiæ, fortitur immobilitatem non quidem absolutæ necessitatis, sed infallibilitatis, sive necessitatis conditionatæ per Providentiæ, ac prædestinationis divinæ certitudinem infallibiliter inferentis actuum creatorum liberorum dependenter à Voluntatis humanæ arbitrio, & Causalitate liberâ actualem in tempore præfixito existentiam. Si proinde in sen-



su exposito quis Fatum defendere velit, quoad rei saltem Veritatem haud redarguendum esse, patet ex *prim.* cit. n. 3. Angel. Doctoris a. 3.

## CONTROVERSIA VI.

### Qualiter Voluntatis Divinae Efficacia sit Causa creata Libertatis. ac rerum Contingentiarum?

1. Duo circa præsentem materiam docentur à D. Thomâ. Alterum sæpe jam insinuaturn *prim.* q. 19. a. 2. traditur sequentibus verbis: Cum aliqua Causa efficax fuerit ad agendum, effectus consequitur Causam non tantum secundum id, quod sit, sed etiam secundum modum fiendi, vel Effendi: Cum igitur Voluntas Divina sit efficacissima, non solum sequitur, quod fiant ea, quæ Deus vult fieri, sed etiam, quod eo modo fiant, quo ea fieri vult. Vult autem quædam fieri Deus necessarid, quædam contingenter, in sui ordo in rebus ad complementum Universi. Et ideo quibusdam effectibus aptavit causas necessarias, quæ deficere non possunt, ex quibus effectus de necessitate proveniunt, quibusdam autem aptavit Causas contingentes defectibiles, ex quibus effectus contingenter eveniunt. Non igitur propterea effectus voluit à Deo eveniunt contingenter, quia causa proxima sunt contingentes, sed propterea, quia Deus voluit eos contingenter evenire, contingentes causas ad eos preparavit.
2. Ex hoc nascitur secundum Scientiæ Mediæ propugnatorum captum inintelligibilis difficultas. Qualiter ista actuum creatorum Libertas stare possit, si antecedenter ad præparationem Causarum contingentium sit actus ejusmodi determinatè volutus, ita ut ista divina de se efficax volitio sit infallibiliter illativa talis actûs, quem aded necessarium sit sequi ex hypotheli illius Divinae Volitionis omnem creati arbitrij etiam conditionalem determinationem antecedentis.
3. Alterum, quod hic difficultatem movere potest, à S. Thomâ *sup.* q. 4. a. 13. ad 1. traditum est sequentibus verbis: Licet causa suprema sit necessaria, tamen effectus potest esse contingens propter Causam proximam Contingentem. Sicut germinatio plantæ est contingens propter causam proximam Contingentem, licet Motus solis, qui est causa prima, sit necessarius. Et similiter facta à Deo sunt contingenter propter causas proximas, licet Scientia DEI, quæ est Causa prima, sit necessaria.
4. Hoc namque videtur pugnare cum verbis *sup.* n. 1. ex S. Doctore relatis, in quibus ratio contingentia effectuum, & actuum creatorum non reducitur in Causas secundas proximas, sed in Efficaciam Divinae Voluntatis tanquam Causæ primæ.
5. Movet etiam Scotus in 1. dist. 39. q. 4. n. 13. Si per impossibile Deus ad extra non ageret liberè, non posse in Causis secundis stare Contingentiam seu libertatem operandi. Fundamentum est. Quod omnia causa secunda moveat, seu agat in quantum mota à primâ. At Causa, quæ movet in quantum mota, si necessariò movetur, eo ipso movet necessariò. Si ergo Causæ secundæ necessariò moverentur à Primâ, foret consequens, illas quoque necessariò movere, nec aded posse dari tunc contingentiam in causando.

## CONCLUSIO I

PRIMA ratio & radix creatae libertatis & Contingentiæ est efficacia Divinae Voluntatis in actibus & effectibus Causarum secundarum decernentis, & Causantis ipsum etiam Modum operationis.

6. Probatur ratione Angelici Doctoris. Nam necessarium, & contingens propriè consequuntur Ens quatenus formaliter Ens, cujus sunt differentia. ex *lect.* 14. in 1. *Perih.* c. 1. p. q. 22. a. 4. ad 3. At Ens in quantum Ens habet causam Deum ipsum, cujus aded providentiæ subduntur etiam accidentia, seu differentia Entis quæ talis propria. ex 6. *Metaph.* *lect.* 3. in *fine.* Ergo Modus contingentia, seu libertatis ac necessitatis in effectibus, seu actibus causarum secundarum cadit sub provisionem Dei tanquam provisoris totius entis, non autem sub provisione aliquorum particularium provisorum. ex *cit.* a. 4. ad 3. Reliquæ enim Causæ non constituunt Legem necessitatis vel Contingentiæ, sed constitutur à causâ superiori utuntur. Unde causalitati cujuslibet alterius causæ subditur solum, quod ejus effectus sit, quod verò sit necessitatis, vel contingenter, ex altiori, quæ Entis in quantum Entis est causa, dependet, à quâ provenit ordo Necessitatis & Contingentiæ. ex *Metaph.* in *lect.* 3. Hæc proinde altior tanquam extra ordinem Entium existens, totum Ens, & omnes ejus differentias ex se profundens Causa est Voluntas divina. ex *Perih.* cit. *lect.* At verò necessitatis & contingentia distinctio, seu differentia est secundum rationem proximarum Causarum, juxta quarum aded conditionem effectus dicuntur eo ipso contingentes, quod hant à Causis contingenter agentibus. ex *cit.* *lect.* 14. Ergo eo ipso, quod Voluntas Divina ordinem necessitatis & contingentia transcendens causam contingenter agentem, id est, potentem debere ordinem, ex ipsâ in effectum originatur contingentia. *ibidem.* Constat igitur, Voluntatis divinae ordinationem, & Causalitatem de se efficacem ita esse primam radicem Contingentiæ in effectibus creatis, ut, si loquamur de divina providentiâ, oporteat non tantum dicere hoc esse à Deo provisum, sed taliter, ut ei Voluntas divina det contingentiam, vel libertatem. ex 6. *Metaph.* cit. *lect.* 3.
8. Ratio fundamentalis omnem ex opposito insinuatam difficultatem enervans ita deduci potest. Libertatis in actu secundo radix proxima est Libertas in actu primo. Hæc autem importat formaliter indifferentiam Electivam, seu potestatem Dominativam non solum super actum, ad quem se ipsam movet Voluntas, sed etiam super judicium Intellectûs, à quo movetur; Unde definitur facultas seu potentia, quæ positis omnibus ( tam ex parte Causarum secundarum, quam ex parte Causæ primæ ) requisitis potest agere, & non agere. Quam proinde Facultatem Dominativam, seu potentiam liberam consequitur libertas in actu secundo, attestante D. Thomâ cit. *lect.* 14. *Perih.* differentiam necessitatis, & contingentia in effectibus esse secundum rationem, & Conditionem Causarum secundarum proximarum, ut aded actus dicatur hoc ipso liber, quod à Causâ secundum in,



dum indifferentiam Electivam, & Dominativam agente sic elicitus. Atverò ista vis, seu activitas arbitrij creati Electiva in ordine ad actus & objecta supernaturalia completur per formam supernaturalem seu principium actus effectivum, potentiae Volitivae unà cum pià quâdam affectione tanquàm Voluntatis pulsatione, ac excitatione inexistens, præeunte ex parte Intellectus sufficienti per internam illustrationem objecti propositione, sub præcepti, consilij, aliarumve rationum Motivis iudicij indifferentiam intactam relinquentibus. Est autem indubitatum, hæc omnia, atque adeò totam in actu primo libertatem proficisci ex causalitate Divinae Volitionis: ut adeò locum habeat illud Augustini *lib. de Corrupt. & Grat. c. 8. Voluntas humana non libertate consequitur gratiam, sed gratia potius libertatem.* Pone igitur puram, si dari possit, omissionem in Voluntate per gratiam sufficienter ad supernaturalem operandum instructà, tunc ista omissio in ratione culpæ ita erit ex Voluntate nostrâ quâ deficiente, ut tamen in ratione liberæ sit ex vi Voluntatis Electivæ per gratiam constitutâ. Pone etiam in alio actum bonum ex voluntate per gratiam informatâ elicitum, tunc oportebit istum actum immediatè causari, non tantum à nostro arbitrio tum per innatam vim Dominativam, tum per habitum seu auxilium supernaturale facto libero, sed etiam à Voluntate divinâ ita conferente facultatem benè operandi, ut per Voluntatem Misericordiæ det ipsum etiam Velle, & operari. *ex sap. cit. lib. de predest. sanct. c. 3. & 5.* At verò Deus per Voluntatem suam præparantem, seu prædestinantem ita donat istud velle, ac operari, ut tamen non fiat nisi volentibus nobis, sitque adeò nostrum propter arbitrium Voluntatis. *ex cit. c. 3.* Cum igitur Deus per causalitatem suæ divinæ Voluntatis nostram Voluntatem præparantis faciat, ut nos per arbitrium faciamus Velle misericorditer ab ipso donatum, consequens est, divinæ Voluntatis Efficaciam esse radicem liberæ operationis nostræ.

10. Confirmatur. Nam istius Velle libertas vel secundum quosdā Doctores esset intrinseca actioni, vel secundum alios est denominatio tantum ex extrinseca desumpta à principio indifferenter operativo. Ex Oviedo *de anim. Contr. 12. puncto 2.* Si prius dicatur, tunc Voluntas Divina præparando velle creati arbitrij non potest non velle, & volendo causare libertatem actui per voluntatem nostram cum indifferentiâ Dominativâ eliciendo intrinsecam. Si asseratur posterius, tunc eo ipso, quod tota vis Dominativa creati arbitrij secundum omnes formalitates potentiae liberæ constitutivas sit ex causalitate divinæ Voluntatis, oportebit libertatem ex principio indifferenter operativo in arbitrij creati velle derivatam esse ex divinæ Voluntatis Efficaciâ. Cum igitur nihil sit realitatis in ullo actu creato, absque immediatâ Voluntatis divinæ Causalitate, ita ut fieri aliquid Deo faciente sit fieri Deo volente, oportet etiam libertatem actus secundi à nostrâ Voluntate elicti ita causari à Deo, ut sit determinatè volita, atque adeò prædeterminata à divinâ Voluntate.

11. Dices. Ex hoc discursu patere, quod Deus volendo actum arbitrij nostri quâ eliciendum à Voluntatis liberæ vi Dominativâ, ita velit in actu quasi signato operationis nostræ libertatem, ut

hanc ipsam tamen in actu exercito destruat prædeterminando, atque adeò necessitando Voluntatem creatam.

12. Contra. Nam necessitas actus nostri liberi à Deo præsciti consequens divinæ præscientiæ infallibilitatem fatentibus ipsis adversarijs non destruit libertatem. At pariratione determinatio Volitionis divinæ in ratione actualis Causalitatis infallibiliter inferens determinationem Voluntatis nostræ liberam, involvit necessitatem duntaxat consequentem optimè coherentem cum actus prædeterminati libertate. Probatum istud assumptum. Necessitas enim præcedens, seu antecedens est, quæ (tanquàm vis Potentiæ in actu Primo Determinativa seu Necessitativa) facit rem esse: Consequens autem, quæ nihil cogit esse, sed quæ rem sequitur S. Anselmus in *Concord. Præscient. ante Med. & in Concord. prædest. cum lib. arb. post med.* Unde si prædestinatio faciens actum nostrum liberum non cogat creati arbitrij Voluntatem, sed in suâ potestate relinquat, non infert nisi consequentem necessitatem. *ex cit. Concord. prædest.* Nec obstat, quod talis actus comparatus cum prædestinatione ex se immobili, ac immutabili sit secundum æternitatem necessario, ac immutabiliter futurus, siquidem prædestinatio divina non prædestinat actum, nisi sicuti est, secundum Voluntatis libertatem in tempore mutabilis, ex D. Ansel. *prox. cit.* Tunc igitur solum est antecedens necessitas ex præscientiâ, ac prædestinatione divinâ, quando ipsa causa secunda est præscita, ac prædestinata, ut agat ex necessitate: quæ proinde tanquàm necessitas faciens tenet se ex parte actus primi ex ipsâ intrinsecâ causarum secundarum determinatione antecedente inferentis rei positionem, veluti perpetuus à naturâ determinatus motus solis ex se ipso infert huius crastinum ortum. *ex cit. Concord. prædest. ante med.* Quare prædestinatio actum non nisi ex Voluntate creatâ secundum indifferentiam, ac vim suam dominativam operaturâ in tempore eliciendum prædefiniens non infert antecedentem, sed consequentem duntaxat necessitatem.

13. Confirmatur 1. ex D. Thomâ *de Verit. q. 8. a. 3. ad 4.* docente, Certitudinem prædestinationis non esse, nisi cum suppositione Voluntatis humanæ, quam ipsam tamen certitudinem non esse merè conditionalem dependentem ex hypothefi consensûs creati arbitrij, sed esse absolutam ex vi, seu causalitate prædestinationis, eod quod Causa secunda, quam oportet supponere, ac inducendum prædestinationis effectum etiam ordini prædestinationis subiaceat. Ex quo pater, Infallibilitatem, seu ex se ipsâ determinatam Causalitatem prædestinationi realiter formaliter identificatam ita esse cum certitudine illativam actus præsciti, ut tamen supponat Voluntatem humanam cum indifferentiâ libertatis effectricem actus in tempore eliciendi. At si actus sit prædestinatus quâ eliciendus ex Voluntate nostrâ secundum indifferentiam dominativam operaturâ, oportet, talem actum esse hoc ipso prædestinatum quâ liberè eliciendum, esseque secundum necessitatem duntaxat Consequentem, non autem antecedentem infallibiliter futurum. *ex cit. S. Anselmi Concord.*

14. Confirmatur 2. ex D. Augustino *lib. 5. de Civit. s. 9.* asserente, Præscientiam divinam ex se immu-



immutabilem, ac infallibilem, idè non tollere Voluntatis nostræ libertatem, quòd hæc operum nostrorum effectrix à Deo præsciatur. At verò eodem modo de prædestinatione, ac de præscientiâ divinâ respectu actuum nostrorum liberorum esse discurrendum, expresse tradit D. Anselmus in *ut. Concord. præd.* Oportet igitur juxta præfatos SS. Patres, ac Ecclesiæ Doctores in præscientiâ ac Voluntate divinâ omnium ad extra rerum causativâ considerare 1. quòd antecederet ad operis nostri liberi præfinitionem, ac præscientiam sit ex vi divinæ prædestinationis præparata creati arbitrij Voluntas cum indifferentiâ dominativâ tanquàm causa vitaliter effectrix actûs liberi. 2. quòd istam Voluntatem in actu primo ex prædestinationis Causalitate sufficienter, sed tamen cum indifferentiâ ad operandum instruatam, & ut sic à Deo præscitam in Voluntate divinâ consequatur Decretum actûs ejusmodi præfinitivum in ratione Causalitatis Deo intrinsicæ, & actionis æternæ actualiter in æternitate Factivum. 3. quòd ex hac ipsâ actione æternâ, seu Decreto prædeterminativo consequatur in Voluntate creatâ actus, non nisi eliciendus ex hujus indifferentiâ Dominativâ, ac Electivâ.

16. Atque hoc est actûs creati libertatem ita concordare cum prædestinatione divinâ, ut hæc ipsa libertas in actu secundo reducat in DEI Voluntatem tanquàm primum liberum, ac primam Causam. Esse autem totum velle, & operari nostrum liberum secundum omnem Bonitatis tam morales, quàm Entitativæ formalitatem referendum in divinæ prædestinationis Causalitatem, clamant passim Patres, ac Scripturæ Sanctæ. Ergo libertas actûs non tantum primi, sed etiam secundi in nostrâ Voluntate ita originatur ex Volitionis divinæ præfinitivæ efficaciam, ut omnis libera determinatio etiam formaliter quâ libera non in arbitrium nostrum creatum seu primum determinativum reduci debeat, sed in divinam Voluntatem.

### CONCLUSIO II.

**E**T si Deus per impossibile esset ad extra agens necessarium, actus dependentes à Voluntate creatâ secundum indifferentiam Electivam operante essent liberi.

17. Explicatur & Probatur. Nam necessitas antecedens libertatis destructiva tunc solû inducitur, si in Cause secundæ actu primo sit determinatio factiva, seu Causativa effectûs. Ex hoc enim fundamento Patres citati negant Prædestinationem, ac Præscientiam divinam officere libertati, quòd indifferentiam Voluntatis creatæ intactam relinquant, & supponat tanquàm Causam liberorum actuum. Pari ergo ratione, si per impossibile Deus ita esset agens necessarium, ut tamen in Voluntate creatâ influeret vim cum indifferentiâ Dominativâ effectricem, actus ab hac elicitî forent adhuc liberi.

Responsio ad fundamenta opposita.

18. **A**D 3. & 4. Oppositum 19. Rationem libertatis & contingentie in actibus creatis reduci in

divinæ Voluntatis tanquàm primæ Cause, imò actualissimæ Deo immanentis Causalitatis efficaciam: at in Causas secundas referri tanquàm proximam rationem contingentie, seu libertatis. Hæc enim, si intrinseca sit actionis liberæ Entitati, importat realis dependentie respectum ad causam secundam liberam, si verò consistat in denominatione extrinsecâ, tunc ipsius Cause secundæ in actu primo indifferentia dominativa est forma, & ratio actum secundum in ratione liberi denominans. Unde etiam patet solutio illius Dubij inter quosdam Thomistas agitati: *An sit et influxus Cause primæ modificetur ex cooperatione Cause secundæ?* Nam si sermo sit de modificatione quoad positivam contingentie, seu libertatis v. g. formalitatem, tunc istam modificationem oportet in Causam secundam cum defectibilitate, seu libertate Contradictionis operantem reducere tanquàm in proximam ejus rationem, etsi in Deum, ejusque divinæ Voluntatis Efficaciam tanquàm primam Causam, imò & causalitatem referri debeat.

Ad Scoti a. 5. Oppositum Respondetur. Motionem Cause creatæ habere rationem tum passionis in ordine ad Causam primam, tum actionis in ordine ad Causam secundam. At secundum datam hypothesin illa motio in ratione passionis fluere ex Causalitate Dei necessariâ, ut tamen in ratione actionis esset ex potentia Voluntatis creatæ non nisi secundum indifferentiam operantis. Ergo licet in ratione motionis passivæ esset necessariâ, vi cujus ad eam Causa secunda diceretur necessariò mota à Deo, in ratione tamen motionis activæ foret libera denominans Causam secundam non nisi liberè, non autem necessariò se moventem.

Instabis ex Scoto ubi supra. Causa prior prius naturaliter, & simpliciter respicit effectum, quàm Causa posterior. At in secundo instanti Naturæ non posset Causa propinqua dare effectui Esse contingens, si jam in priori intelligeretur habere necessitatem repugnantem contingentie. Ergo efficacia Cause primæ sine libertate non sufficeret ad libertatem, & Contingentiam transfundendam in effectus Causarum secundarum.

Respondetur. Causalitatem Cause Primæ intrinsicam ita esse naturâ, ac æternitate priorém actione Cause secundæ, ut hujus tamen motio non distinguatur à motione per Primam causam impressâ Cause secundæ. Unde in hac motione esse dependentiam à Causâ primâ secundum datam, etsi falsam hypothesin necessariò agente, ut tamen ipsa dependentie ejusmodi Entitas esset fluens ex causâ etiam secundâ contingenter operante. At motionem pendente ex unâ causâ necessariâ, alterâ verò contingente, fore hoc ipso contingentem, siquidem ex alterius principij defectibilitate posset non fieri. Cum igitur Causa prima non daret illi effectui entitatem, nisi quâ dependentem ex Causâ contingente, oportet talem Entitatem fore contingentem, etiam si Causa prima per impossibile ageret necessariò.

Urgebis. Rationes necessitatis & contingentie esse differentias Entis ut sic, atque ad eam non esse reducendas nisi in Deum quâ principium totius Entis, omniumque ejus differentiarum, ex S. Thom. *præd. cont. 6. concl. 1. allegato.* Si ergo Deus supponatur agens necessarium, non posse intelli-



intelligi rationem aliquam contingentiae, quæ ut sic fluit ex Causâ primâ, derivari in effectum.

24. Respondetur, Deum ex ratione Essendi tantquam formâ propriâ ita esse Entitatis cuique effectui creato inexistentis causam, ut tamē hæc ipsa Entitas in actibus ex causâ aliquâ creatâ pendentibus indivisibiliter intelligatur emanare à principio creato & increato. Si proinde Deus per impossibile supponatur agens necessarium, non potest tamen intelligi, quâ ex se in actum ejusmodi profundens rationem Entis, nisi cum hujus dependentiâ à causâ secundâ. Ergo si hæc ita subordinaretur Causæ primæ, ut ista tamen subordinatio non tolleretur indifferentiam activam, seu electivam, sed potius causaret, & causando conservaret, tunc ex hac ipsâ primæ Causæ, etsi necessariâ agentis Causalitate in actum secundum derivaretur libertas profluens ex Agentis creati Indifferentiâ tantquam proximâ, contingentiae, seu libertatis illius ratione.

## CONTROVERSIA. VII.

### In quo stet Calviniana Heresis, &

An Voluntatis Divinæ ex se efficacis assertores illius subeant discrimen?

1. **V**idere licet ex initio hujus Articuli n. 6. quàm graviter efficacis ex se Voluntatis Divinæ propugnatores laceantur à Petro Fulienti, quem præcessit Lessius in *disp. Apolog. de Grat. & Divinis Decretis*. c. 3. n. 11. & 14. asserens, ex Thomistarum sententiâ non tantum inferri, quodd omnia inevitabili quodam fato non Astrologico, sed Stoico infinites potentiore eveniant, nempe ex Omnipotēte Dei Decreto omnes causas creatas ad omnes suos effectus, & motus insuperabiliter flectente, & determinante sed, quodd insuper Wiclefi in Concilio Constantiensi damnatus Articulus: quodd omnia de necessitate absoluta eveniant, verus esset, quem etiam asseruerit Calvinus, tum alibi, tum lib. 3. *Instit.* c. 23. §. 6. & Lutherus a. 36. apud Rosenstem. Imò stante præfatâ Thomistarum opinione fore consequens, quodd istud Lutheri loc. cit. assertum, quodd Liberum arbitrium sit figmentum in rebus, & titulus sine re, verificaretur.
2. Quare ut ad oculum patere possit, Lessium ejusque sectatores non nisi caligantibus oculis Decreti divini sacris Litteris, & D. Augustini sententiæ conformiter à Thomistis assertam efficaciam intueri, Calviniani circa Decretum divinum Dogmaticâ sententiâ Thomisticâ discrimen in apertam lucem producimus, præeunte Ioanne à S. Thomâ *præf. q. 19. disp. 3. a. 5. n. 7.* Ubi duplicem de Voluntatis divinæ in ordine ad nostros actus liberos efficaciam considerationem ponit, sub quarum alterâ intelligatur efficacia Dei quâ præcisè determinans & movens ad actum Voluntatis. Sub alterâ verò consideretur quâ volendo causans tam substantiam actus, quàm modum ejus libertatis.
3. Quod in considerandâ divinæ Voluntatis efficaciam discrimen esse fundatum in S. S. Patribus Author citatus probat. Sic enim juxta priorem considerationem præter alios quandoque

Patres locutus est Ioannes Damascenus in lib. 2. *Fid.* c. 3. Omnia Deus, inquiens, præposuit, sed non omnia prædeterminat, nec enim vim affert Voluntati. Hoc enim accipiendum esse de prædeterminatione inferente necessitatem, cujusmodi sit in rebus, seu Causis naturalibus ad unum determinatis, expressè asserit S. Thomas 3. *cont. gent.* c. 90. *in fin.* & 1. p. q. 23. a. 6. ad 1. Nosque probavimus *præf. q. 5. a. 5. cont. 9. n. 30.* ibi ex ejusdem S. Damasceni verbis formalibus demonstrando, stare nihilominus Voluntatem Dei, vi cujus opera nostra bona libera ita efficiat, ut ei nullus resistat, quin tamen arbitrio nostro vim inferat.

Juxta posteriorem considerationem de Voluntate divinâ prædestinando causante libertatem nostram, præter Damascenum proximè citatum & alios Patres locutus est D. Augustinus tum locis *sup.* *cont. 2. deductis*, tum lib. de *prædest. Sanct.* c. 10. differens in hæc verba: Cum Deus vult fieri, quod non nisi volentibus hominibus oportet fieri, inclinat eorum corda, ut hoc velint, eo scilicet inclinante, qui in nobis mirabili, & ineffabili modo operatur & velle. In quo etiam sensu lib. de *grat. & lib. arb.* c. 11 ait: Utrumque verum est, quia & suâ Voluntate venerunt, & eorum spiritus Dominus suscitavit, agit enim Omnipotens Deus in cordibus hominum etiam motum Voluntatis eorum, ut per eos agat, quod per eos agere ipse voluerit.

Hoc totum Doctor Angelicus 3. *cont. gent.* c. 49. circa finem. & 1. p. q. 19. a. 8. ad 2. Item q. 22. a. 4. expressit asserendo: Efficaciam Divinæ Voluntatis consequi causarum secundarum actus, seu effectus, etiam secundum modum, quo vult eos fieri: velle autem Deum creati arbitrii actus fieri cum modo libertatis, & contingentiae, veluti docet etiam S. Anselmus in *Concord. prædest.* cum libero arbitrio.

In quo autem consistat iste modus libertatis quâ causatus à Voluntatis divinæ efficaciam idem S. Doctor exponit cit. lib. 3. *cont. gent.* c. 88. & 1. p. q. 25. §. 4. 4. inquiens, Voluntatem creatam moveri à Deo non tantquam exteriori, sed interiori principio: Esse verò principium extrinsecum, quod movet per modum agentis, non autem Finis. Ex hujusmodi autem per modum agentis, non autem Finis motione inducendum fore violentum. At Dei tantquam Causæ Voluntatem creatam in Esse subsistentis esse, hanc movere non præcisè per modum agentis, sed etiam per modum Finis non tantum proponendo objectum seu finem, sed interiori eam inclinando. Unde Deum movendo Voluntatem non cogere ipsam, sed dare ei propriam ejus inclinationem, secundum quam ita moveri Voluntatem à Deo, ut moveatur etiam ex se ipsâ, atque adeo talem Voluntatis creatæ à Deo motionem non obesse, quod minus opera Voluntatis impuntur ad meritum, vel demeritum.

Ex quibus adeo patet, si voluntatis creatæ per divinum Decretum motio efficax non sit præcisè per modum agentis, sed per modum Finis excitantis Voluntatem ad se ipsam propriâ inclinatione sibi à Deo datâ movendam, tunc per talem Dei motionem omnino stare creati arbitrii libertatem.

## CONCLUSIO.

**H**æresis Calvinianæ in materiâ præsepi principium est, quodd Decretum



tum DEI actus nostros prædefiniens ponat præcisè quâ movens, ac determinans, imò necessitans, non autem quâ excitans, & causans Voluntatis creatæ in actu tam primo, quàm secundo libertatem: ex quo falso principio inferitur negatio liberi arbitrij, in quâ illatione consumatur hæresis illa, cum quâ nec quoad principium, nec quoad conclusionem Thomistis convenit.

7. Probat. Nam præter alias per Ioannem Martinon Societatis Iesu Theologum i. p. q. 19. *sect. 2. n. 19.* collectas Calvini sententias istius Hæresiarchæ mentem sequentia ex ejus lib. 3. *Instit. c. 23. n. 3.* deprompta verba manifestant. *Ajunt Deo permittente, non autem volente perire impios, sed cur permittere dicemus, nisi quia ita vult? quanquam nec ipsum quidem per se probabile est, solâ Dei permissione, nullâ ordinatione hominem sibi accersisse interitum. Non dubitabo igitur cum Augustino simpliciter sateri, Voluntatem Dei esse rerum necessitatem, atque id necessario futurum, quod ille voluerit.* Quibus conformia sunt, quæ Petrus Fulienfis in *princip. hujus art. n. 6.* à nobis citatus ex eodem Calvino, ejusque sectarijs affert. Unde Lessius *pras. Cont. 7. n. 1.* alligatus concludit, Dogma Calvini coincidere cum Wiclefi per Concilium Constantiense damnatâ sententiâ, quod scilicet *Omnia de necessitate absoluta eveniant.* Pater igitur, hæresin Calvinianam ponere in Deo Decretum necessitans, seu Voluntatem creatam ita determinans, ac movens, quin sit causans libertatem in actu præsertim secundo. E contrario autem manifestum est, ex toto isto Articulo, nominatim *com. 6. & cont. pras. n. 3. ac. seq.* Thomistas ponere Decretum in Deo causans actum primum liberi arbitrij cum indifferentiâ objectivâ, & activâ, seu electivâ, quâ liberâ arbitrij creati facultate per divinam Causalitatem positâ, supervenire Voluntatem Dei per actionem æternam, prædefiniendo actum creatum liberum efficienter à Voluntate nostrâ secundum indifferentiam suam Dominativam operaturâ producendum in tempore. At hoc nihil aliud esse, quàm libertatem creatam tam in actu primo, quàm in actu secundo in divinam Voluntatem tanquàm Causam Primam, & Primum liberum reducere. Constat igitur, Thomistarum doctrinam non minùs, quàm lucem à tenebris discrepare ab hæresi Calvinianâ.

8. Dices cum Petro à S. Ioseph per nos citato *dict. n. 6. in princ. hujus Art.* Calvinum, ejusque sectarios duplicem actuum nostrorum facere comparisonem; alteram in ordine ad Voluntatem creatam, alteram in ordine ad divinam Voluntatis incommutabile, & absolutum Decretum. Sub priori autem comparatione admittere illos hæreticos Contingentiam in actibus nostræ Voluntatis, sub comparatione autem posteriori, secundum quàm humana Voluntas intelligitur copulata cum Providentiâ seu Decreto divino, adstruere necessitatem actuum humanæ Voluntatis. At hoc ipsum videri conforme Doctrinæ Thomistarum asserentium, quod Voluntas humana in sensu Diviso, in quantum de se, & suprà aptè naturâ spectatur, ad utramque deliberationis partem indifferens sit, etsi in sensu Composito ex conjunctione & hypothesei Decreti di-

visi oporteat esse determinatam ad actum divini præfinitum. Nullum igitur Thomistarum à Calvinistis reale discrimen patere, siquidem Beza à dicto Petro Fulienfi *sue Concord. disp. 2. sect. 7. n. 2.* citatus duplicem necessitatem absolutam, & hypotheticam distinguens asserat, eversionem Babylonicam absolute extra hypothesein divini Consilij potuisse non evenire, fuissetque quoad suas mundanas causas contingentem, etsi necessaria fuerit ex hypothesei divini propositi, ad quod respexisset Isaiam Prophetam *c. 14.* dicendo: *Deus ita consultus, quis poterit dissolvere? Manus Domini jam est extensa, & quis retrahere poterit?*

Contra, Nam si Petrus Fulienfis cum cæteris Scientiæ Mediæ propugnatoribus verba Calvinistarum (ad quorum formalia in *cit. sect. 7. suav. Concord.* descripta lectorem brevitatæ causâ remitto) prout jacent, bene ponderasset, non posset non videre, quod Calvinistæ actus nostros in ordine ad Voluntatem humanam eatenus dicant contingentes, quatenus Voluntas humana ad utramque partem à Dei Voluntate sit vertibilis, flexibilis, terminabilis, seu mutabilis. At in causis etiam naturalibus in ordine ad suos effectus est contingentia ex aliarum concursu determinabilis, vel secundum superioris causæ influxum mutabilis. Sic enim divina Voluntas ignem Babylonicum ita determinaverat ad viros, qui Sidrach Misach, & Abdenago miserant in fornacem, interficiendos, ut tamen istos tres Sanctos in medio flammæ ambulantes non læderet. Ex illâ igitur secundum mobilitatem, & vertibilitatem Voluntatis creatæ contingentia necdum stat creati arbitrij libertas. At verò Thomistæ docent, quod actu primo creati arbitrij secundum vim suam Dominativam ac indifferentiam Electivam vi divinæ Causalitatis completo, superveniat Causalitas Dei influens in ipsum velle nostrum liberum. Hanc autem Dei causalitatem esse Decretum divinæ Voluntatis præparans, ac prædestinans ipsum operari liberum. Hoc verò nostrum Operari ita pendere ex intrinsecâ Voluntatis Divinæ Voluntatem nostram, ut in bonis operibus ambulemus, præparantis Causalitate, ut sit tamen actio fluens ex arbitrio nostro operante secundum vim suam Electivam. Unde electionem arbitrij nostri cum ipso actu libero *realiter formaliter* identificatam ita esse ex vi nostræ Voluntatis Electivâ, & Dominativâ, ut tamen Deus seu Prima causa per prius eligat actum, in quo ipsa Voluntatis nostræ Electio consistat, atque aded Deus eligendo faciat actum nostrum ab Electione Dei simul, & nostrâ vi Electivâ procedentem, sicque faciat, ut faciamus ipsum velle, ac operari nostrum in prædestinationis suæ Decreto æterno præparatum. Hæc autem omnia ex præfatis manifestum est, concordare cum Sacris Litteris, & Sanctis Patribus, præsertim Augustino. Etsi proinde Thomistæ asserant, non posse Decretum Divinum actus creati liberi præfinitivum subsistere sine realius consecutione; in hoc ipso tamen discrepare à Calvinistis, quod isti ponant Decretum DEI quâ flexibilitatem, ac mutabilitatem Voluntatis humanæ præcisè determinans: illi verò ponant Decretum causans libertatem tum in actu primo, tum in actu etiam secundo non nisi ex

Volun-



Voluntatis creatæ vi Electivâ, ejusque Dominativâ indifferentiâ elicitæ.

10. Replicabis ex eod. Petro Fulienti *cit. sect. 7. n. 2.* Petrum Martyrem Calvinistam talem Voluntatis creatæ ex divino Decreto vertibilitatem ponere, ex quâ illa determinetur ad alteram deliberationis partem, cujusmodi deliberationem arguere arbitrium Voluntarium. Imò Bezam in Voluntate creatâ divinæ Providentiæ obsequente expressis verbis adstruere libertatem. In quo sensu locutum etiam fuisse Broezerum, quod Voluntas Fratrum Iosephi ipsum vendentium ita fuerit ratione Dei definita, ut tamen arbitrij ipsorum libertas non fuerit sublata. Ex quibus adeò patere, Calvinistas non adstruere Decretum Dei tollens libertatem, nec adeò apparere quoad consilij Divini efficaciam ullum inter Thomistas, & Calvinistas discrimen. Imò Amelium hujus sectæ novissimum assertorem expressè dicere sibi convenire cum Alvarez docente, Deum per auxilium efficac gratiæ physicæ, sive ad modum physicæ causæ prædeterminare arbitrium creatum, ut liberè & infallibiliter consentiat, & cooperetur Deo excitanti, & vocanti.

11. Contra. Nam evolvendo historias Ecclesiasticas, & Conciliorum acta; perspicimus, hæreticos quandoque argumentorum vi convictos sub simili cum Oecumenicis locutionibus normâ errores abscondendo, suæ doctrinæ venenum propinare alijs studuisse. An igitur credamus, illos sectarios ejurasse Magistrum sui Dogma lib. 3. Instit. c. 23. n. 9. ita scribentis: *Excusabiles peccando haberi volunt reprobi, quia evadere nequeunt peccandi necessitatem, præsertim cum ex Dei ordinatione iniungatur sibi hujusmodi necessitas. Nos vero inde negamus, ritè excusari; quandoquidem Dei ordinationi, quâ se exitio destinati conquerruntur, sua constet æquitas nobis quidem incognita, sed illa certissima.* Quid ergo? si plerique illorum Calvinistarum creatæ ad utramque deliberationis partem Voluntatis indifferentiam non nisi sub voce Vertibilitatis, & Mutabilitatis explicando facerent liberum arbitrium merè passivum? Quid? si unus, vel alter arbitrio creato actionem, non tamen per modum Electionis ab intrinsecâ Voluntatis vi Dominativâ profluentis, concederet, ne discordare cogeretur à Magistro suo lib. 2. Instit. c. 3. n. 10. taliter differente: *Ac Voluntatem moveret (Deus) non qualiter multis sæculis traditum est, & creditum, ut nostra posita sit Electionis motione aut obtemperare, aut refragari.* Quid denique, si Amelius cum recentioribus Calvinistis per Physicam prædeterminationem non intelligeret cum Thomistis motionem ad actum secundum creatæ Voluntatis spectantem, sed vim in actu primo prædeterminantem? Hoc enim Sectarius ille, si asserat, cum Magistro suo *ubi sup.* Voluntati creatæ indubitato iniicit necessitatem agendi; nec adeò liberum arbitrium nisi sub titulo sine re adstruet, asserendo, Voluntatem creatam liberè consentire, & cooperari Deo per prædeterminationem ejusmodi vocanti, & excitanti: Ne ergo sub verborum lenocinijs vllisimus fraudi obnoxij, convenimus Petrum Fulientem cum omnibus mediæ scientiæ propugnatoribus instanter, imò instantissime petentes, ut Calvinistarum de Voluntatiq; Divinæ efficaciam mentè exponant super lucis Candelabrū respondendo: An in omnibus sequentibus Thomistæ,

rū doctrinæ conformibus articulis concordent.


12. 1. An in actu primo creati arbitrij in ordine ad actus supernaturales admittant habitum infusum, seu auxilium supernaturale transiens, operationum supernaturalium cum Voluntate effectivum? 2. An dicant, quod ad illam meritorie operandi potentiam, seu actum primum pertineat Illustratio Intellectus supernaturalis per modum excitationis moralis suaviter ad Bonum trahentis, nec non pia Voluntatis affectio? 3. An in Voluntate creatâ per illud auxilium supernaturale instructâ, & per internam Intellectus illustrationem, nec non piam ejusdem Voluntatis affectionem excitatâ admittant hoc ipso vim Electivam, & Dominativam assentiendi, vel dissentendi? 4. An actu primo ad supernaturaliter operandum taliter perfectæ, & completo circa actum secundum ejusdem velle liberi hunc statuant ordinem, ut hujus actus secundi Causalitas incipiat ex Divinâ Voluntate? 5. An non ista causalitas sit Divinæ Voluntati formaliter immanens, & virtualiter transiens habens rationem actionis æternæ, quæ nihil aliud sit, quàm Volitio Divina, quatenus determinatè factiva objecti, seu effectus à se voliti? 6. An non ista volitio actus creati liberi determinatè factiva habeat pro objecto istum actum liberum, quatenus ab ipsâ Voluntate creatâ per auxilium supernaturale, nec non excitantem supernæ Intellectus Illustrationis, ac piæ Voluntatis affectionis gratiam instructâ elicendum secundum vim ejus Electivam, fundamentaliter in indifferentiâ objectivâ, & formaliter in indifferentiâ Dominativâ, seu activâ consistentem. 7. An actio illa æterna per modum Volitionis respiciens actum secundum quâ ex creati arbitrij vi Electivâ liberè eliciendum, sit ex se infallibiliter, in tempore definito causativa motionis Voluntati humanæ impressæ, quæ motio ita spectet ad actum secundum arbitrij creati, ut tamen per prius respiciat Volitionem Divinam suâ prædestinatione præparantem, & ut sic donantem ipsum velle, ac operari liberum. 8. Denique An ista Divina velle creati liberi præparativa volitio sit ex sua efficacîâ, & determinatâ Causalitatis ad extraratione ita infallibilis, ut tamen sit causans libertatem actus secundi ex vi creati arbitrij dominativâ efficienter elicitæ.

13. Hæc igitur sunt, quæ Thomistæ circa Voluntatis Divinæ efficaciam conformiter SS. PP. præsertim Augustino, Anselmo, imò & Damasceno ex Doctore suo Angelico tradunt; quæ si Petrus Fulientis à Calvinistis teneri ostendat, eos hæc in parte inter Orthodoxos censere fas erit: Ipse verò cum cæteris scientiæ Mediæ propugnatoribus sibi caveat, nè dum in velle nostri actu secundo quoad liberam determinationem Primas negat Divinæ Voluntati, sed transfert in creatæ Voluntatis sive absolutè, sive conditionatè prævisam cum Gratiâ ex parte actus primi se tenente cooperationem, & consensum, apertè contradicat præallegatis Patribus, & sacris litteris, & vincatur semipelagianismi, quæ adeò obveniat, quod Origeni, qui confundendo hæreses ad alterum extremum nimis declinando, ipse in errorem incidit. Verum de his, quàm sint Concilio etiam Tridentino conformia, seq. articulo perspicimus.



## Responsio ad opposita Argumenta.

4. **A**d 1. Oppositum Respondetur. Mirari nos in præfenti Puncto Lessij viri alioquin clarissimi ac cæterorum Scientiæ Mediæ Propugnatorum inconsiderationem, Tum quia S. Augustinus lib. 5. de Civit. c. 2. non improbat Stoicos ipsam Dei summi Voluntatem, cujus potestas insuperabiliter per puncta porrigitur, appellantes Fatum. Hoc enim Sanctus ille Ecclesiæ Doctor c. 9. ait, coherere cum libero arbitrio nostro, eo quod, istud etiam sit in ordine causarum, in quibus præscientia Divina novit nostras Voluntates, seu actus liberos. At hoc nihil aliud est dicere, quam quod Voluntas Divina à Stoicis Fatum nuncupata, sit cum libero nostro arbitrio in sua vi Dominativâ & Electivâ per Dei Causalitatem posito, seu conservato causans, nec adeo tollens Voluntates nostras, seu actus liberos, uti non obscure ex cit. c. 8. colligi potest. Tum quia Oviedo vnus ex scientiæ Mediæ propugnatoribus contr. 12. de anim. i. punct. 4. a. 8. facit, quando liberum arbitrium definitur Principium, quod possit omnibus ad operandum requisitus potest operari, vel non operari; per particulam possit omnibus requisitus debere intelligi, quæ concurrunt per modum actus primi. At secundum Doctrinam Thomistarum neque volitio Divina actus nostri liberi præfinitiva se habens per modum actionis æternæ, seu Causalitatis Deo formaliter immanentis, neque motio ex eâ transiens recepta, & impressa Voluntati creatæ pertinet nisi ad actum secundum, omnibus in arbitrio ex parte actus primi se tenentibus istius indifferentiam non duntaxat Objectivam, sed Activam, & Electivam omnino salvam, & illæsam conservantibus. Non igitur Thomistis convenire potest cum Calvino, Lutero, & Wiclefo docentibus, Voluntati creatæ ex Divino Decreto inferri absolutam Libertatis destructivam necessitatem, atque adeo vim agendi in ipso actu primo determinatam.



## ARTICULUS VI.

DE

*Voluntatis Divinae ad extra  
Transcunte Causa-  
litate.*

1. **I**N progressu hujus Materiæ mentio fiet Physicæ prædeterminationis, nec tamen Sedis Apostolicæ Decreto (cui etsi nunquam visum per omnia nos accommodare vellemus) nullatenus contraire speramus, tum quod istud teste Ioanne à S. Thomâ præf. q. 6. 9. disp. 5. a. 5. n. 7. in fine solum prohibeat ex instituto tractare illam quæstionem, in quo consistat efficacia Gratiæ, & Divini auxilij, an in aliquo intrinseco, & physice impresso in Voluntate, an in aliquo extrinseco & tum quod scientiæ mediæ propugnatores physicam illam prædeterminationem vel abstrahendo à quæstione de efficaciâ Gratiæ, vel hanc incidenter solum inducendo in libris suis persequi non desistant; quam

proinde vel sub formalitate Divinæ Causalitatis, vel ad finem efficaciæ Divinæ Decreti explicandæ enucleatius examinare licitum esse, demonstrant frequentes Philosophorum, ac Theologorum typis vulgatæ, & approbatæ exercitationes.

Controversiæ de Divinâ præsertim circa actus supernaturales Causalitatem statum exponit Lessius disp. Apolog. de Grat. & Divin. Decret. c. 2. a. n. 2. asserendo de physica prædeterminationis assertoribus, quod doceant; ad quodvis opus bonum præter illuminationem intellectus, & pias affectiones Voluntatis, & præter omnes habitus supernaturales requiri talem motionem, seu impulsum, quem oporteat 1. prævenire nostram Voluntatem. 2. Non esse in nostra potestate, ut in nobis sit, vel non sit, si quidem detur ex Decreto Divino ante omnem operum prævisionem facta. 3. Cum in nobis est, non posse nos illi resistere. 4. Eodem momento quo est, poni consensum Voluntatis. 5. Hunc impulsum prius naturâ poni in Voluntate, quam ipsa consentiat, & per hunc determinari Voluntatem ad consensum. 6. Hunc impulsum requiri ratione dependentiæ, & subordinationis, quæ est inter causam primam, & secundam, ac proinde ad omnes motus Voluntatis etiam malos secundum substantiam suam spectatos, & ad omnes motus & operationes omnium causarum creaturarum necessarium esse.

Econtrario Scientiæ Mediæ propugnatores Societatis Iesu Theologos inducit Lessius citatus a. n. 2. asserentes, ad nullum pietatis opus (multò minus ad opera solum moraliter bona, vel mala) requiri aliquam motionem prævenientem, sive impulsum prævium, qui Voluntatem ad consensum prædeterminet, imò huiusmodi impulsus videri tollere omnem in agendo libertatem. Quare ad opera pietatis sufficere ea auxilia prævenientia, cum quibus Voluntas ita potest consentire, ut illis stantibus possit dissentire, ita se ipsam ad consensum determinare, ut possit se continere, vel etiam determinare ad dissensum. Auxilium enim præveniens, quod Deus confert, duo præstare ante consensum, & unum in consensu. 1. allicere, & trahere Voluntatem, ut consentiat, ita tamen, ut huic tractui possit non obsequi. 2. Vires tribuere, ita ut Voluntas tunc in sua potestate habeat consentire, si velit. 3. Denique si Voluntas consentiat, simul juvare & concurrere ad illum consensum eliciendum; idque vel physico influxu in consensum (quod libi, ait Lessius semper verius visum cum Molinâ) vel morali, veluti non improbabiler quidam existiment.

Hinc pergit Author præfatus n. n. auxilium præveniens consistere in varijs inspirationibus, & illuminationibus intellectus: quibus mens incipit cognoscere, vel advertere turpitudinem peccatorum, magnitudinem pænarum, pulchritudinem virtutis, cælestia præmia, Majestatem Divinam, & similia; & in varijs affectionibus Voluntati immixtis, quibus incipit terri supplicijs, allici promissis, averfari turpitudinem peccatorum, inclinari & impelli ad amorem virtutis, ad spem Bonorum cælestium, ad dilectionem Divinæ Bonitatis. Quas affectiones, impulsus, & inclinationes non nati præ-



cise ex propositione objecti, sed proposito ob-  
jecto, divinitus excitari in Voluntate. Quan-  
do autem tale auxilium sufficiens adest, simul  
præstò esse in actu primo, & quasi in habitu  
auxilium concomitans proportionatum auxi-  
lio prævenienti, ita ut in hominis potestate sit  
illud habere in actu secundo, si velit: hoc au-  
tem auxilium concomitans situm esse partim  
in concursu Dei, qui suis Donis & ipsis animæ  
potentijs cooperatur; partim in concursu auxi-  
lij prævenientis, quod etiam tanquam particu-  
le principium operativum cum naturâ Volun-  
tatis in opus influit.

5. Hæc scientiæ Mediæ propugnatorum do-  
ctrina si conferatur cum Thomistis, perspicu-  
um erit, hos etiam affirmare, quod creati ar-  
bitrij supernaturaliter operativi actus primus  
includat istas internas intellectus illustrationes,  
nec non pias Voluntatis affectiones unâ cum  
habitu infuso, vel auxilio supernaturali physice  
influxivo in opus pietatis. Unde præsen-  
tis Controversiæ ratio in eo vertitur, an præ-  
ter Voluntatis creatæ ex prædictis divinitus im-  
missis gratijs adæquatè constitutam superna-  
turaliter operandi potentiam, seu actum pri-  
mum, requiratur ad actum secundum, seu ad  
exercitium supernaturale alia quædam Volun-  
tatis nostræ consensum antecedens motio, seu  
influxus. Hoc enim totis viribus propugnant  
physicæ prædeterminationis assertores: cum  
contra omnes Scientiæ Mediæ defensores teste  
Lessio ubi sup. asserant: Influxum liberi arbi-  
trij, Gratiæ, & ipsius Dei in opus liberum esse  
omnino simul naturâ, & habere inter se mutu-  
am dependentiam, ita ut liberum arbitrium  
non influat prius tempore, aut naturâ in opus,  
quam Gratia præveniens, aut Deus, nec Deus,  
aut Gratia prius, quam liberum arbitrium.

6. Istius bono utrinque Zelo exagitatae Con-  
troversiæ causa fuit studium ex unâ Scientiæ  
Mediæ propugnatorum parte, declinandi tum  
antiquas Manichæorum, tum modernorum  
Calvini, & Lutheri liberum arbitrium ex Vo-  
luntatis Divinæ efficaci motione negantium;  
ex alterâ vero physicæ prædeterminationis as-  
sertorum parte funditus evertendi Pelagianor-  
um, ac Semipelagianorum libero Voluntatis  
creatæ arbitrio cum gratiæ Divinæ iacturâ fa-  
ventium Hæreses ac errores.

7. Inter quas proinde hæreses seu errores, ut  
mediam Veritatis viam Duce; & Comite D.  
Augustino teneamus, placuit huius Articuli  
Controversiam Primam proponere: In quo circa  
Divinæ Voluntatis in creatum arbitrium, ejusque actus  
liberos Causalitatem versetur Calvinismi, & Pelagia-  
nismi discrepantia, & in quo tandem se teneat Ortho-  
doxa veritas? Quo deciso, subnectentur sequentes  
Controversiæ. Secundâ: In quo consistat physica  
prædeterminatio, seu Divina in Voluntatem creatam li-  
bero operantem causalitas? Tertiâ: An ultra gratiam  
se tenentem ex parte actus primi possit, ac debeat ex  
sacra Concilij Tridentini, & Divinarum Scripturarum,  
ac Patrum Doctrinâ adstrui motio Dei antecedens libe-  
ri nostri consensum? Quartâ: An ista motio sit  
independens à nostrâ Voluntate non potente illi resiste-  
re. Quinta: An hæc motio Dei antecedens demonstrari  
possit ex subordinatione Causæ secundæ ad Causam Pri-  
mam.

## CONTROVERSIA I.

*In quo circa Divinæ Voluntatis*

*in creatum arbitrium, ejusque actus liberos  
motionem versetur Pelagianismi & Calvinismi discre-  
pantia; & quæ sit media Orthodoxa quoad  
hoc veritatis Semina?*

Ioannes à S. Thomâ in cit. q. 19. disp. 3. a. 3. n. 4.  
docet: Pelagium & Calvinum convenire in  
eo, quod Efficacia Divinæ Voluntatis, & no-  
stræ libertatis indifferentia, & contingentia si-  
mul stare non possint, cum illa efficacia tanta  
esset, ut Deo volenti nihil resistere posset; econ-  
tra verò oporteret, talem esse liberi arbitrij mu-  
tabilitatem, ut quocumque posito, vel oblato,  
illud respuere, aut dimittere possit. Hoc a-  
deò fundamento ex pravâ efficaciz Divinæ In-  
telligentiâ jactò ab illis hæreticis duos extremos  
errores illatos fuisse: Pelagio ita discurrente,  
*Liberum arbitrium non est negandum; sed efficacia gra-  
tiæ antecedens & reluctans cordi immissa sanum est ne-  
cessitans, & libertatem tollens, ergo ista efficacia est ne-  
ganda.* Ex quo adeò manifestum esse, errorem  
Pelagij in eo circa præsens punctum stetit, quod  
negaret, dari gratiam, quæ reluctanti  
cordi immitteretur, & ex nolentibus faceret  
volentes, quæque esset gratia antecedenter, & in-  
dependenter à libero arbitrio ipsum conver-  
tens, & effectum habens, licet non sine ipso.

Econtrario Calvinum ita discurrisse: *Gra-  
tiæ & Voluntatis Divinæ efficacia non est neganda, quæ  
ex se, & propriâ ratione tum immutabilis, & infalli-  
bilis est in operando, ita ut ei secundum Sacram Scrip-  
turam resisti non possit; tum antecedens ad consensum bo-  
ni Voluntatis, utpote secundum Augustinum lib. de  
predest. Sanctior. c. 8. reluctanti adhuc duro cordi data  
ad tollendam ejus duritiem; sed hæc non potest cum  
libertate nostrâ compati, cum ei non valeat volun-  
tas nostrâ resistere, nec in manu eius sit, eam re-  
pellere, aut habere. Ergo tollenda est nostrâ libertas.*  
Ex quo patere; Calvinum ex Divinæ Volun-  
tatis & gratiæ à se assertæ pravâ Intelligentiâ  
intulisse errorem Fidei Orthodoxæ contrarium,  
Originativè consistentem in eo, quod intellige-  
re non posset, illam efficaciam quâ compati-  
blem cum libertate creatâ, sed Consummativè con-  
sistere hæresin Calvinianam in negatione liberi  
arbitrij, veluti de hoc præc. art. com. vii. egimus,  
nunc visuri, quid de hæresi Pelagianâ, prout  
ad præsens nostrum institutum attinet, senti-  
endum sit.

Molin in Conc. lib. arb. cum grat. & predest. in q.  
14. a. 3. disp. 1. & disp. 6. Item q. 23. a. 4. disp. 1. memb.  
2. asserit: Errorem Pelagij ejusque Sæctatorum  
in eo se tenere, quod assererent: Solum liberum ar-  
bitrium absque alio auxilio gratiæ sufficere ad  
credendum, poenitendum, diligendum Deum,  
& promerendam vitam æternam. Ex hoc autem  
errore fluxisse, tum quod arbitrarentur, Christum  
non extitisse Redemptorem humani generis nul-  
lo unquam Originali peccato infecti, sed dunta-  
taxat Legislatorem, tum quod totum prædesti-  
nationis effectum adscriberent libero arbitrio,  
proprijsque meritis, in quibus posuissent etiam  
ratione, cur unus præ altero esset prædestinatus.

His conformiter Petrus à S. Joseph suar. Con-  
cord. disp. 3. sed. 2. contendit, Errorem Semipe-  
lagia-



ligianorum in hoc præcisè consistere, quodd initium fidei sit ex nobis, & merito illius nobis conferatur à Deo Fides perfecta.

4. Verùm circa hæresin Pelagianam oportet quinque status distinguere. Primus à Molinà citato insinuaturs erat, quodd homo sine gratiâ Dei possit facere omnia mandata Divina. ex D. August. *lib. de heres. ad Quodvultdeum. her. 88.* Secundus status erat, quando Pelagius à Fratribus increpatus, quodd nihil tribueret adjutorio gratiæ Dei ad ejus mandata facienda, correctioni eorum eatenus cessit, ut non eam libero arbitrio præponeret, sed infideli calliditate supponeret, docens, ad hoc eam dari hominibus, ut quæ facere per liberum jubentur arbitrium, facilius possint implere per gratiam. ex D. August. *cit. her. 88.* Tertius erat status, in quo Pelagius tria circa liberum arbitrium distinxit, nimirum *Possesse, Velle, ac Esse.* Primum locans in naturâ, agebat, propriè pertinere ad Deum id conferentem creaturæ: duo reliqua, scilicet Velle in arbitrio, ac Esse in effectu referenda esse ad hominem, de cuius arbitrij fonte descenderent. Unde in Voluntate, & opere bono laudem hominis esse, imò & hominis, & Dei, qui ipsius Voluntatis, & operis possibilitatem dederit, quique ipsam possibilitatem gratiæ suæ adjuvavit semper auxilio. ex S. August. *de Grat. Christi. lib. 1. c. 4.* In quo autem istud adjutorium Gratiae situm esset, idem Pelagius expressit asserendo, adjuvare nos Deum per doctrinam, & revelationem suam, dum cordis nostri oculos aperit, dum nobis, nè præsentibus occupemur, futura demonstrat, dum Diaboli pandit insidias, dum nos multiformi, & ineffabili Dono gratiæ cælestis illuminat, & revelatione Sapientiæ in desiderium Dei stupentem suscitavit Voluntatem, ex *cit. lib. de grat. Christi c. 3. & 4.*

Quartus status erat, in quo Pelagiani insinabant, posse liberum arbitrium sine gratiâ incipere Bonum, non tamen perficere. ex D. August. *lib. 2. cont. duas Epist. Pelag. c. 8.* Quintus status est Semipelagianorum asserentium 1. Initium fidei esse ex nobis, illius verò consummationem ex Deo donante. 2. Gratiam Dei Commitem, non præviam humanorum esse meritum. 3. Vitam æternam quantum ad arbitrij libertatem, ab his apprehendi, qui Deo sponte crediderint, & auxilium gratiæ merito credulitatis acceperint. 4. Libertatem creati arbitrij ab hoc Dei auxilio juvandam, si, quodd Deus mandat, elegerit. 5. Cum in his, qui tempus acceperunt liberæ Voluntatis, duo sint, quæ humanam operantur salutem, Dei scilicet gratia, & hominis obedientia; priorem Obedientiam esse, quam Gratiam, ut initium salutis ex eo, qui salvatur, non ex eo credendum sit stare, qui salvat, & Voluntas hominis Divinæ Gratiae sibi pariat opem, non Gratia sibi humanam subijciat Voluntatem. ex S. Augustini Prosperi & Hilarij *ad D. Augustinum Epist. ubi hæc fusiùs expofita videre licet.*

#### CONCLUSIO.

**M**edia inter Calvinismum & Pelagianismum Orthodoxa Veritas est, ut cum S. Augustino *lib. de Corrupt. & Grat. c. 12. & 13.* fateamur duplex adjutorium Gratiae, alterum dans posse, & libertatem,

piè, ac meritorie operandi. Alterum dans ipsum Velle, ac bene operari descendens ex Divinæ Voluntatis Causalitate, & donatione.

Probatur. Nam Calvinistæ Opera S. Augustini, quibus insectatur Pelagianos, legendo, facile deprehendunt, ipsum Velle nostrum secundum propositum Electionis Divinæ, ac prædestinationis præparantis nostrum bene operari, tanquam Gratiam, seu donum, ex divinæ infallibilis, & immutabilis Voluntatis Dei Causalitate descendere. Hi verò ipsi sectarij non valentes intelligere cum S. August. *de corrupt. & grat. c. 4.* quodd voluntas humana non libertate consequatur Gratiam, sed potius Gratiam libertatem, hanc tolli arbitrabantur, dum Voluntas humana per divinam Gratiam (uti prædictus Ecclesiæ Doctor *cap. 12. de corrupt. & Grat. loquitur*) indeclinabiliter, & insuperabiliter ageretur. At hujus praviæ Intelligentiæ radix, & origo erat, quodd non considerarent, Voluntatem creatam agi per divinam gratiam, non ut ipsa nihil agat, sed ad hoc per internam illustrationem, atque aded gratiam moraliter excitantem ei ostendit, quid agere debeat, ut cum dilectione, & delectatione justitiæ, Suavitatem quam dedit Dominus, ageret, Deo per suam Gratiam conferente libertatem, & tamen invictissimam Voluntatem, & fortitudinem insuperabilem. ex *1. 2. & 3. de Corrupt. & Grat.*

Constat proinde, Calvinistæ efficaciam gratiæ in fortitudine insuperabili Voluntatem creatam indeclinabiliter, ac insuperabiliter agente constitutam ita agnovisse, ut tamen nollent cum S. Augustino talem invictissimæ fortitudinis divinitus immixtam efficaciam componere cum libertate, quæ tamen salva & illa subsistit eo ipso, quodd Voluntas creata non ita agatur per Gratiam Divinam; quin ipsa cum gratiæ vim creati arbitrij Dominativam excitantis Suavitate liberrime agat. Econtra Pelagiani in tertio suæ hæreseos statu præter vim creati arbitrij divinitus acceptam adstruebant Gratiae adjutorium, quodd situm esset in internâ Intellectus per gratiam cælestem illustrationem, ac inde secutâ stupente in desiderium Dei Voluntate, seu affectione. Hæc autem Intellectus per gratiam illumination, & Voluntatis suscitatio est gratia moraliter Excitans, quam Calvinistæ non agnoscetes non poterant cum Divinâ Voluntate creatæ immixta actione, seu motione componere creati arbitrij libertatem. Unde Pelagianismus è diametro Calvinismo oppositus maxime in eo consistit, quodd impugnet hanc creati arbitrij à Deo immixtam motionem, ex quâ inciperetur ejus operatio libera, & meritoria. Probatur istud Assumptum. Nam 1. Augustinus *in lib. ad Quodvultdeum. heresi 88. & lib. de grat. Christi per totum, speciatim c. 3. & 4.* in eo præcipue refutat Pelagianum, quodd nec Voluntatem, nec actionem nostram Divino adjuvari crediderit auxilio, sed solam possibilitatem Voluntatis, atque operis. Hoc autem, ait ille Ecclesiæ Doctor esse contra Apostolum *Philipp. 2.* ita hortantem nos cum timore & tremore nostram operari salutem, ut tamen Deus in nobis operetur & velle, & perficere seu operari. Non igitur Deus in nobis operatur tantum



tantum posse, tanquam potentia operandi accepta, ipsi jam velle & operari per nos habeamus; sed ipsum velle, & operari nostrum Divinae gratiae adjuvatur auxilio. Quocirca oportet duplex gratiae adiutorium in nobis distinguere, alterum dans posse, & libertatem operandi, alterum dans ipsum velle, ac bene operari.

8. Respondebis ex D. August. *cit. lib. de grat. Christi. c. 6.* Pelagium ab isto Ecclesiae Doctore impugnari; tum quod possibilitatem Voluntatis, & Operis boni posuerit in natura: tum quod, ubi fuerat confessus hanc naturalem possibilitatem adjuvari Dei Gratia, non appareat, quoniam sit haec Dei Gratia, ut adeo possit juxta alibi dicta intelligi, nomine Gratiae naturalem possibilitatem adjuvantis accepisse legem, atque Doctrinam.

9. Contra. Nam lex, & Doctrina, in qua Pelagius ponebat Gratiam, secundum D. August. *c. 7.* est revelatio, seu oculorum cordis adaperio & demonstratio futurorum, & apertio Diaboliarum insidiarum, & multiformi, ac ineffabili Dono gratiae caelestis illuminatio: Ex hac autem revelatione Sapientiae, agebat Pelagius, in desiderium Dei stupentem suscitari voluntatem; dum ipsi suaderetur, quod bonum est. Quare Deum in nobis operari velle, quod bonum & Sanctum est, dum nos terrenis cupiditatibus delectos futurae gloriae magnitudine, & praemiorum pollicitatione succendit. *ex cit. lib. de grat. Christi. c. 8.* At D. Augustinus *c. 9. & seq.* hoc modo operandi Velle nostrum necdum contentus, ex Sacris Litteris ostendit, eam gratiam esse faciendam, qua futurae gloriae magnitudo non solum promittitur, sed etiam creditur, & speratur, nec solum revelatur Sapientia, verum etiam amatur, nec suaderetur solum omne, quod bonum est, verum etiam persuaderetur. Haec vero persuasio secundum eund. *c. 13.* in eo sita est, ut Deus cum ineffabili Sua vitate eam infundendo, non ostendat tantummodo Veritatem, sed etiam per se ipsum impertiat Charitatem. Oportet igitur secundum D. Augustinum *c. 25.* adiutorium gratiae non tantum in actu primo, seu potentia operandi agnoscere, sed in ipso etiam operari, & velle nostro, utpote quod Deus in nobis operatur, dum a Spiritu DEI agimur, ut agamus.

10. Replicabis. Hoc in ipso velle, & operari adiutorium Gratiae posse subsistere sine motione praeviente, aut impulsu praevio Voluntatis ad consensum praedeterminativo. Quare Ioannem a S. Thoma *prae. cont. 1. m. 1.* relatum male concludere, quod Pelagij error sit, negare Gratiam antecedenter, & independentem a libero arbitrio efficacem, quae ex se, licet non sine cooperatione arbitrii infallibiliter in effectum habitura. Consequentia patet, quia S. Augustinus in hoc duntaxat pugnavit adversus Pelagium, quod iste adiutorium Gratiae ex parte duntaxat potentiae, non autem ex parte ipsius velle, ac Operari admiserit. Si ergo hoc adiutorium stare possit sine Gratia praedeterminante ex se (antecedenter, seu independentem a nostro consensu saltem conditionate futuro) habente efficaciam, clare evincitur, errorem Pelagij per Ioannem a S. Thoma non esse rite descriptum. Antecedens probatur. Nam Scientiae Mediae propugnatores *prae. art. in princ. n. 3.* adducti ita negant, motionem gratiae praevientem ex se independentem a no-

stra determinatione libera efficacem, ac praedeterminativam, ut tamen admittant auxilium praeviens non tantum ex parte actus primi se tenens, alliciendo, & trahendo Voluntatem; nec non conferendo vires ad operandum, sed insuper ex parte actus secundi adjuvans, & concurrrens ad consensum in pietatis opere eliciendum. Consequens igitur est, adiutorium Gratiae in ipso velle, & operari habere locum sine Divina motione praedeterminativa, ac de se efficaci. Quocirca error Pelagij in eo videtur consistere; Tum quod Pelagius negarit concursum Dei etiam Simultaneum ad opera bona, uti Bellarminus *lib. 4. de grat. & lib. arb.* probat. Tum quod, licet adiutorium gratiae in actu primo seu potentia Voluntatis posuerit, id constituendo in interna Intellectus illuminatione, & Voluntatis stupentis in desiderium Dei excitatione, hanc tamen excitationem non posuerit in operatione gratiae, seu pia affectione Voluntati creatae Divinitus impressa, sed in quadam per internam duntaxat Intellectus illuminationem, seu propositionem objecti excitatae Voluntatis inflammatione: Tum quod gratiae auxilium naturae libertati superadditum consistens in adiutorio duntaxat possibilitatis, seu potentiae non statuerit simpliciter necessarium, sed ad facilius posse, uti constat ex D. August. *cit. lib. de grat. Christi. c. 4. & 5.* At vero *ex princ. huius art. n. 4.* manifestum est, Scientiae Mediae propugnatores admittere in primis concursum tum Dei suis Donis, & animae potentis cooperantis, tum auxilij praevientis tanquam partialis operativi principij cum Voluntate in opus influentis. Insuper docere, affectionem voluntatis ad actum primum supernaturaliter operandi requisitam non nasci praecise ex proportionem objecti, sed proposito objecto a Deo excitari in Voluntate: Denique in potentia ad pie operandum divinitus elevata statueri auxilium supernaturale dans Voluntati vires, non vero facilitatem duntaxat ad opera bona. Constat proinde, Scientiae Mediae propugnatores nihil habere commune cum Pelagij erroribus, ac D. Augustini gratiae adiutorium non tantum in potentia Voluntatis, sed in ipso velle, & Operari exigentis doctrinae per omnia conformari, dum asserunt auxilium praeviens ex parte actus primi ad opera pia Posse simpliciter conferens juvare Voluntatem consentientem, ac physice, vel saltem moraliter concurrere ad istum consensum eliciendum.

11. Contra. Nam quidquid sit de erroribus Pelagij, certum est, D. Augustinum adversus Pelagianos certasse non tantum pro auxilio gratiae praeviente se tenente ex parte actus primi, sed etiam pro adiutorio gratiae praeviente ex parte actus secundi. Allicet Scientiae Mediae propugnatores illud prius ex parte actus primi se tenens gratiae adiutorium, nec non simultaneum, seu concomitantem Dei, & gratiae concursum in opere pio admittant, necdum tamen assequuntur D. Augustinum, quatenus negant Dei ad opus pium in actu secundo concursum praevientem, seu adiutorium gratiae in actu secundo antecedens, atque adeo non solum concomitantem sed antecedenter determinans nostrum consensum. Probatur tam Major, quam Minor ex S. Augustini operibus. Nam ipsa adiutoria gratiae circa Bonum v. g. Perseverantiae distinguenda sunt



da sunt; Aliud est enim Adjutorium, *sine quo* aliquid non fit, & aliud est adjutorium *cum quo* aliquid fit. *ex lib. de corrupt. & grat. c. 12.* At prius adjutorium est Perseverantiæ potestas, vi cuius datur posse Bonum non deferere: posterius autem est, Perseverantiæ Felicitas, Bonum non posse deferere. *ex cit. c. 12.* Ex S. Augustino igitur constat 1. Dari adjutorium gratiæ, vi cuius non possumus Bonum deferere. Hoc autem adjutorium est, per quod ita subvenitur infirmitati Voluntatis humanæ, ut divinâ gratiâ indeclinabiliter, & insuperabiliter agatur. *ex cit. c. 12. circa finem.* At verò secundum Lessium in *disp. 4. poleg. de grat. & Div. Decret. c. 2. n. 9.* (cujus verba à nobis descripta in *Prim. hujus articuli* videre licet) cæterosque Scientiæ Mediæ propugnatores præter auxilium sufficiens non datur auxilium nisi concomitans ita proportionatum auxilio prævenienti, ut in potestate hominis sit illud habere in actu secundo, si velit. Unde in aperto est, per Scientiæ Mediæ propugnatores negari gratiæ adjutorium *cum quo*, vi cuius aded indeclinabiliter, & insuperabiliter agatur Voluntas, ut non possit bonum deferere. 2. Adjutorium gratiæ *cum quo* Sanctus ille Doctor catenus discriminat ab adjutorio gratiæ *sine quo*, quatenus istud vocat perseverandi possibilitatem, illud verò ipsum velle actuale, seu determinatam Voluntatem perseverandi Divinæ gratiæ largitate donatam. *ex cit. c. 12. prope fin.* At quatenus est aliquid donatum à Deo, catenus est prædestinatum, & vi prædestinationis causatum, seu effectum, *ex lib. de dono Persev. cap. 17. & de prædestin. c. 10.* Oportet igitur admittere adjutorium gratiæ importans ipsam in libero Perseverantiæ consensu determinationem quâ Causatam ex Divinâ prædestinatione.

At Lessius *supra citatus* determinationem consensûs in operibus pietatis reducit primò, ac simpliciter in nostram, non autem Divinam Voluntatem prædestinantem: liquidem arbitrij creati sit, oblatum à Deo præveniens ex parte actûs primi se tenens auxilium taliter acceptare, ut illud Gratiâ Dei præventum sit primò determinativum sui ad consensum, adjutorio Gratiæ catenus duntaxat concurrente, si Voluntas consenserit. *ex Lessio citato.* 3. Pelagiani falsi sunt qui dem, Gratiâ quoque adjuvare uniuscujusque bonum propositum, non tamen reluctanti virtutis studium immittere. *ex Lib. 2. contra duas epist. Pelagianor. c. 5. & 6.* Hoc autem posse bene intelligi, si acciperetur taliter, quòd reluctanti prius aditus divinæ Vocationis ipsâ Dei vocationis procuraretur, ac deinde in illo jam non reluctantæ spiritus virtutis accendatur. *ex lib. 4. contra duas epist. c. 6.* At Deus reluctanti virtutis studium immittit, auferendo Cor lapideum, unde non faciebat, & dando cor carneum obediendi, unde faciat. *ex lib. de grat. & lib. arb. c. 10.* Hoc autem ille S. Ecclesiæ Doctor in *lib. 1. cont. prædicas duas epist. c. 19. & 20.* probat ex sacris litteris, facere Deum miris modis trahendo voluntates hominum, non ut nolentes credant, sed ut Volentes, ex nolentibus fiant. Ergò reluctanti Virtutis studium à Deo immittitur, quatenus Deus operando velle facit ex nolente volentem. At hoc totum (quod Pelagiani non confitebantur) ita debet à Deo fieri, ut in omnibus, quæ quisque agit secundum Deum, Misericordia ejus præve-

niat eum. *ex cit. lib. 4. c. 6.* Cum igitur ista præveniens Dei Misericordia sit in hoc, quòd virtutis studium in velle, atque aded liberâ Voluntatis creatæ determinatione consistens conferatur per ipsam obediendi Voluntatem ex gratiâ immixtam, consequens est, dari gratiâ prævenientem etiam in ipso actu secundo nostri Velle, ac operari. Atqui Lessius *titulus* negat, ex parte actûs secundi gratiâ prævenientem, quæ liberæ consensûs nostri determinationis motio sit ex parte Dei antecedens, & prævia, atque aded in nostro Velle admittit Dei concursum solum concomitantem, non verò antecedenter adjuvantem seu prævenientem. 4. Velle nostrum, ac bene operari ita est Dei miserationis, ut dicatur ab Apostolo non esse Currentis, neque Volentis. At si Deus ad Velle, seu bene operari non concurreret in actu secundo, nisi concomitantem, tunc et si facultas bene operandi esset solius Dei miserationis, ipsum tamè bene Operari non magis esset Dei miserationis, quàm arbitrij creati Currentis, & Volentis. D. Augustino in *Enchirid. c. 32. adversus Pelagianos* argumentante: Si velle nostrum sit ex utraque, id est, ex voluntate hominis, & Misericordiâ Dei, tunc illud Apostoli dictum fore accipiendum, quasi diceretur, non sufficit sola Voluntas hominis, si non sit etiam Misericordia Dei: Si autem gratia seu Misericordia Dei & Voluntas hominis tanquam duo partialia principia in determinationem nostri Velle liberi simul, & concomitantem influant, tunc neque solam Misericordiam Dei sufficere, si non sit etiam Voluntas hominis. Ex hoc autem concludendum fore, sicuti ex eo, quòd sola Voluntas hominis non sufficiat ad liberum Velle, verificatur, non esse Volentis, sed Dei miserationis, sit quia Misericordia Dei sola non operatur, dicendum fore è contrario, non esse Dei miserationis, sed volentis: Hoc verò nullum audere dicere Christianum. Atqui Scientiæ Mediæ propugnatores non tantum in actu secundo Velle nostri adimunt Deo concursum antecedentem, seu prævenientem, sed concomitantem, & simultaneum ita coarctant respectu Divinæ Voluntatis, ut antecedentem liberam determinationem reducant in nostrum arbitrium, Deo respectu consensûs nostri offerente concursum, quia ad hoc, ut determinatè influat, debeat per prius ex libertate nostrâ esse determinatus.

Ne ergo Scientiæ Mediæ propugnatores stentiam viam dicendi, quòd resse D. Augustino, nullus Christianus audeat dicere, cum illo Ecclesiæ Doctore *ubi sup.* fateantur: Propterea dictum esse, non volentis, neque currentis, sed Dei esse miserationis, ut totum detur Deo, qui bonum Voluntatem & præparat adjuvandam, & adjuvat præparatam. At verò præparatio Voluntatis adjuvandæ est ipsius Velle nostri præveniens adjutorium, ita ut licet illud velle sit nostrum propter voluntatis nostræ arbitrium, sit tamen Dei miserationis, utpote præparantis, atque aded prævenientis, seu antecedenter operantis non tantum in donatione facultatis bene operandi, sed in ipsa etiam operari. *ex lib. de prædestin. c. 2. post medium.* Desistant ergo Scientiæ Mediæ propugnatores à suo inverso ordine, secundum quem in actu secundo velle nostri determinationem antecedentem nostro potius arbitrio, Voluntati autem Divinæ concursum duntaxat Concomitantem, imò

15.

16.



*subsequentem, utpote de se indifferentem, atque adeo pro sui ad velle nostri coefficientiā determinatione nostri consensūs ac determinationis liberæ expectantē adscribunt adversus Canonem 4. Concilij Arausiaci secundi ita decernentis. Si quis, ut à peccato purgemur, Voluntatem nostram Deum expectare contendit, non etiam ut purgari vel mus, per spiritus Sancti infusionem, & operationem in nos fieri, confuetur, resistit Spiritui Sancto per Salomonem dicenti: Preparatur Voluntas à Domino; & Apostolo salubriter predicanti, Deus est, qui operatur in nobis velle, & perficere pro bonā (suā, non nostrā, ut S. Augustinus exponit) Voluntate.*

17. Opponit Petrus à S. Ioseph cit. disp. 3. suar. Concord. sect. 3. n. 1. prædictum Concilium perstringere Semipelegianos, eo quod dicebant, initium salutis esse ex nobis, atque adeo à nobis Deum expectare tale initium, ut eo à nobis per vires naturæposito, ipsē sua gratiā perficiat, quod nos per Naturam inchoavimus. Quem proinde errorem Semipelagianorum ex eo præsertim capite, quod merito tunc initij Fidei nostris viribus polito, ac ex nobis expectari, docerent nobis conferri à DEO fidem perfectam; à D. Augustino exagitari in lib. de prædest. Sanctior. demonstrante, non tantum perfectionem seu augmentum fidei, sed etiam quodcumque illius, & cuiusvis operis initium esse ex Dei gratia, nostros omnes conatus præveniente & excitante. At totum illud esse conforme suæ sententiæ, initium bonæ Voluntatis & nostræ salutis Deo soli concedenti. In quo adeo sensu intelligendum esse Concilium quoque præallegatum, siquidem ostendat, idē non expectare Deum, ut velimus, quia ipse præparat Voluntatem nostram, videlicet per gratiam prævenientem, per quam operatur in nobis initium bonæ Voluntatis: neque verò Concilium illud negare, quod Voluntas nostra jam divinitus præventa, & excitata expectetur à Deo, ut ea se per vires gratiæ ad consensum determinet.

18. Contra. Nam exordiendo ab hoc ultimo, quarimus ex Petro à S. Ioseph, An nostræ per gratiam prævenientem Voluntatis excitationem à Deo immixtam admittat in actu etiam secundo nostri Velle, & operari. Vel in actu duntaxat primo, ita ut facultate bene operandi per gratiæ adiutorium, sine quo vi habitus infusi, vel alterius auxiliij supernaturalis, nec non Divinæ Intellectūs illustrationis, ac piæ Voluntatem excitantis affectionis divinitus receptā, pro velle nostro, ac operari supernaturali, seu meritório sit quidem opus Concomitante Dei Concurſu, non autem ulteriori ad ipsum actum secundum spectante gratiā præveniente, seu excitatione, ac motione Voluntati creatæ per Divinæ Voluntatis præparationem, seu prædestinationem impelsā? Si prius attulerat, nihil habebimus cum ipso controversiæ, siquidem tunc eo ipso concesserit nostræ Voluntatis Divinitus immixtum adiutorium non tantum sine quo, sed etiam cum quo, consistens formaliter in ipso velle nostro quatenus per Voluntatem Dei præparantem donato, & ut sic causato. Hoc autem concessio adiutorio, admissum etiam erit studium virtutis reluctanti Voluntati immixtum, per quod utpote ab actu libero divinitus præparato, ac prædestinato, &

ut sic donato, seu causato indistinctum Voluntas sit ex non volente volens, Deo in hac creatā Voluntate agente, quod ut per eam agat, ipse agere voluit. Tunc autem verificabitur, velle nostrum quoad liberā, non etiam determinativā non esse Voluntati nostræ currentis & antecedenter ad Divinam motionem determinativā se determinantis ac volentis, sed Dei miserentis, utpote per gratiam prævenientem non tantum ex parte actūs primi se tenentem, sed in ipso etiam actu secundo imbibitam operantis in nobis velle, & perficere. Quocirca tunc tota boni operis gloria in Deum reducetur, ita ut discretio ex ratione liberæ determinationis jam non sit ex nobis, sed ex Deo vocante, & ipsum opus Bonum, quoad velle nostrum, ac perficere eligendo faciente, ut nos etiam faciamus, ita ut licet hoc facere sit nostrum propter arbitrium Voluntatis, non tamen prima ejus secretio, seu electio, atque adeo determinatio sit ex nostra Voluntate per facultatem licet operandi supernaturaliter prævenit, sed oporteat Voluntatem jam sufficienti adiutorio instructam adhuc quoad ipsam operationem per gratiam ex parte actūs secundi prævenientem adjuvari à Deo operante in nobis Velle pro suā bonā Voluntate. Hoc igitur in actu secundo Velle nostri adiutorium ex parte Dei præveniens si admiserit Petrus à S. Ioseph, tunc secundum D. Augustini doctrinam verbis formalibus præallegati discursus expolitam cum Concilio Arausiano confitebitur, Deum, ut à peccato purgemur, non expectare nostram Voluntatem, quasi Voluntas in actu primo per gratiam sufficientem præventa jam ex se habeat determinationem, gratiā ex parte actūs primi duntaxat præveniente, ac Deo concurrente solum concomitante; sed insuper ut purgari velimus, atque adeo quoad volendum actualiter determinemur, per Spiritus Sancti infusionem, & operationem in nos fieri.

Quod si verò Pater ille Fulienſis cum Lesio, & alijs Scientiæ Mediæ propugnatoribus allerat posterius; quod nempe non deur gratia præveniens, nisi se tenens ex parte actūs primi, cujus ante consensum sit allicere, & trahere Voluntatem, nec non conferre vires ad liberè operandum, in ipso autem consensu adjuvare Voluntatem cum hac concomitante concurrente; Tunc consequens erit, non dari in ipso actu secundo præveniens gratiæ adiutorium, quod utpote continens actūs secundi determinationem habeat secum infallibiliter conexum arbitrij nostri consensum. Hoc autem posito, videat præcitatus Pater, ne in hoc ipso incurrat periculum Pelagianismi. Nam D. Augustinus lib. 1. contra duas epist. Pelagian. ita exprobrat Pelagianus: Cur non dixisti, Hominem Dei gratiā in opus excitari; sed dixisti in bono opere à Dei gratiā semper adjuvari, tanquam suā Voluntate, nulla Dei gratiā bonum opus aggressus in ipso jam opere divinitus adjuvetur, pro meritis videlicet Voluntatis bonæ, ut reddatur debita gratia, non donec indebita; ac si gratia jam non sit gratia, sed sit illud, quod Pelagius in iudicio Palestino ficto corde damnavit, gratiam Dei secundum merita nostra dari.

Ex quo ita licet argumentari: in illo ipso bono opere, quod Pelagiani asseriebant, hominem nulla Dei gratiā aggredi, falsi sunt, Divinitus



nitijs adjuvari Voluntatem. Hoc autem est dari gratiam pro merito bonæ Voluntatis. Hinc autem redditur gratia debita, neque donatur indebita, quod est error Pelagij asserentis, gratiam Dei dari secundum merita, atque adeo gratiam jam non esse gratiam. At vero D. Augustinus hunc errorem refutans *loc. cit.* ostendit, ipsum credere esse datum a Patre, esseque gratiam ipsum Operari, quod Deus operatur in hominum cordibus, non ut homines nolentes credant, sed ut volentes ex nolentibus fiant. Ergo nisi hoc ipsum ex nolente volentem fieri dicatur esse secundum gratiam, non evaditur Pelagianismus, etiam si Voluntas nostræ determinatione, secundum quam ex nolente quis constituitur actu volens, præsupposita, illud ipsum fidei opus asseratur adjuvari gratiâ. At secundum Lellium *citatum* determinatio Voluntatis nostræ per gratiam in actu primo præventæ non est ut sic imputanda gratiæ, vel Dei concursui, sed ipsi arbitrio nostro, in cuius potestate est auxilium Dei concomitans prævenienti proportionatum habere in actu secundo, si velit. Ex hoc autem inferitur, Deum idcirco concurrere in actu secundo boni operis, ac Velle liberi nostri, quia voluntas per gratiæ adjuvatorium *sine quo* sufficiens præventa consentit huic gratiæ. At hoc est dicere, Deum non invito, ac reluctanti, sed per prius consentienti inspirare boni cupiditatem, ita ut non Deus, sed ista se faciat per prius quâ consentientem, ac volentem Bonum: Hoc autem est dicere, quod boni cupiditas in actu secundo scilicet quoad actualem liberam determinationem incipiat ab ipso homine, ut hujus capiti meritum etiam perficendi gratiam consequatur. Argumento S. Augustini *lib. 2. cit. epist. 6. & 8.* Ex hoc autem fit consequens gratiam reddi debitam, non autem donari indebitam.

23. Probatur istud Assumptum. Per gratiam hic intelligere S. Augustinum adjuvatorium boni operis non in actu primo, sed in actu secundo involvente formaliter ipsum Velle, & operari à Patre datum, constat tum *ex antecedentibus*, tum *ex contextu*. At posito, ac præviso consensu gratiæ in actu primo prævenienti, ac excitanti per Voluntatem nostram præstito, jam est debitum adjuvatorium Dei in actu secundo, imò implicat non esse tunc istud adjuvatorium, ut per se patet. Ex hoc autem determinatur Deus ad adjuvatorium in actu secundo, sive ad ipsum divinitus donatum Velle nostrum, quia prævidet Voluntatis nostræ determinationem secundum quosdam Scientiæ Mediæ propugnatores absolutam, secundum alios conditionalem possibilitatis tamen statum jam supergressam, & intrinsecè indistinctam ab Entitate actûs absoluti, Ergo Deus ad adjuvatorium actûs secundi Velle & operari nostri non determinatur, nisi pro signo, in quo illud adjuvatorium est debitum, imò propter identitatem cum Velle nostro inseparabiliter connexum. At hoc ipsum est, quod homo jam suâ Voluntate, nullâ gratiâ ex parte actûs secundi se tenente, pro illo signo bonum opus aggressus, in hoc ipso bono opere adjuvetur pro meritis bonæ Voluntatis, uti efficaciter argui potest ex D. Augustino *cit. 6. 19. lib. 1. epist. contra Pelagianos*. Viderit ergo Petrus à S. Joseph, ne, si in ipso adjuvatorio gratiæ se tenen-

te ex parte actûs secundi, non admittat gratiam prævenientem, subeat discrimen Pelagianismi.

24. Confirmatur: Hoc enim est, gratiam Dei non secundum merita nostra dari, & gratis dari, cui datur, quia neque volentis, neque currentis, sed miserentis est Dei: D. Augustinus *lib. de prædestin. Sanctor. c. 14. ante medium* At propterea dictum est, non esse volentis, neque currentis, sed miserentis Dei, quia Voluntatem hominis bonam præparat adjuvandam, & præparatam adjuvat. ex eod. S. Doctor, in *Enchirid. c. 32.* Hæc vero præparatio est ipsa prædestinatio operis boni, ut in eo ambulemus. *cit. lib. de prædest. c. 10. in fin.* Unde adjuvatorium Voluntatis præparatæ est ipsa voluntas bona, seu Bonum Velle ex Divinæ prædestinationis Causalitate donatum. *ex lib. de Corrupt. & grat. c. 6. 12. ante finem. juncto c. 10. cu de prædest.* Atqui hoc adjuvatorium Voluntatis præparatæ non tantum eâ ratione, quatenus connotat Voluntatem Dei suâ prædestinatione causantem & donantem nostrum Velle est Causalitate prius Velle, & Operari nostro; sed hoc ipso, quod in se ipso habeat rationem Doni, & gratiæ, non potest ut sic esse dependens à nostrâ Voluntate, sed dicit respectum ad Voluntatem Dei antecedenter ad nostrum consensum donantis, imò etiam invitis, & reluctantibus inspirantis, ut sint volentes & consentientes. Oportet igitur, in ipso consensu nostro agnoscere cum D. Augustino adjuvatorium gratiæ *cum quo* præveniens, & non mere concomitans, minus tantum consequens voluntatis nostræ liberam determinationem. Constat proinde, Orthodoxam veritatem in medio Calvinismi, & Pelagianismi circa id se tenere, ut non tantum gratiæ adjuvatorium *sive quo* in actu primo agnoscamus, sed in actu etiam secundo fateamur adjuvatorium gratiæ *Cum quo*, habens ut sic rationem non tantum motionis, uti Calvinistæ, *si non verbis, re ipsâ saltem asserunt*, sed etiam excitationis supponentis, & conservantis, imò dantis libertatem: quæ excitatio non tantum moralis sit per intellectûs illustrationem, vel ipsam voluntatis affectionem; nec uti Pelagiani assererant, sit duntaxat in possibilitate operis, seu potentiâ operandi, sed in ratione actûs secundi, seu velle liberi à Deo donati sit actualis Voluntati alioquin nolenti seu reluctanti immixta physica excitatio, per modum gratiæ dans ipsum Velle liberum, & operari meritorem.

~~~~~

CONTROVERSIA II.

In quo consistat Divina Voluntatis transiens Arbitrij creati ad operandum prædeterminativa Causalitas.

Hujus Causalitatis à Thomistis mota difficultas, & inter ipsos agitata controversia reduci potest ad duo Capita. 1. *An scilicet sit Entitas recepta in Causâ secundâ, seu arbitrio creato?* 2. *An sit formalitas distincta ab actione voluntatis creatæ.*

Refs-

Referuntur Sententiæ Doctorum.

2. **V**trumque affirmant primò Alvarez lib. 3. de auxili. disp. 19. à n. 5. & Ioannes à S. Thomâ in Phys. q. 28. art. 2. concl. 1. asserentes, in primis motionem, vi cuius Causa secunda ad operandum movetur à Primâ, non pertinere ad actum primum, siquidem ad illam præsupponatur potentia in ratione activæ virtutis completa. Unde Ioannes à S. Thomâ citatus ait: in hoc præcipuè distingui auxilium dans sufficientiam à prævio Dei ad operandum concursu dante efficaciam, quòd sufficientia det virtutem in actu primo, quæ respiciat non aliquem actum in individuo tantum, sed ipsam speciem actionis, & ita deserviat pro alijs actibus in singulari. At verò prævium illum concursum determinatum ad actum individuum in singulari non dare virtutem in actu primo ad varia individua deservientem, sed esse applicationem quandam actus primi ad secundum, sicut applicatur & coniungitur instrumentum ad operandum effectum principalis agentis. Deinde istud actuale prævij concursus auxilium non esse qualitatem, sed motum quendam animæ, siquidem motus moventis sit in moto, ex S. Tho. 1. 2. q. 10. a. 2. Hunc verò motum, quatenus in Causis secundis est id, quo actualiter agunt, habere *Esse quoddam incompletum*, per modum, quo colores sunt in aëre, & virtus artis in instrumento artificis. ex eod. S. Doctore q. 3. de Potent. art. 7. ad 7. Denique hoc *Esse incompletum* ex Voluntate Divinâ transiens, tanquam motionem virtuosam, in Causâ secundâ receptam distingui ab huius operatione, ac produci effectivè à solo Deo, & nullo modo dependere efficienter ex influxu Causæ secundæ. Fundamentum est, Tum quia in operatione, quâ Deus operatur, movendo naturam, non operatur ipsa natura, ex S. Doctore. cit. art. 7. ad 3. Tum quia motus recipitur in mobili, non autem formaliter quâ motus est actus à mobili elicitus. ex Ioanne à S. Thom. ubi sup. Tum denique, quia illa motio Dei est quid prævium operationi sive influxui Causæ secundæ, & antecedit illum ordine Causalitatis. Ergo non dependet efficienter ab eâ. ex Alvarez. sup. n. 6.
3. Referunt Authores secundo non tantum Scotistas, sed etiam ex Thomistis aliquos dicere, quòd præmotio Divinæ Causalitatis in causâ creatâ antecedens concursum simultaneum, non sit nisi efficacia Divinæ Voluntatis intrinseca.
4. Tertio Motionem actualem, quâ Deus applicat, & movet Causas secundas ad operandum, esse aliquid receptum in ipsis causis secundis prius naturâ, quam operentur, esseque realiter ipsam operationem Causæ secundæ, quatenus procedit à Deo applicante, & præmovente efficienter ad operandum, tradunt Theologi tacito nomine allegati ab Alvarez. cit. disp. 19. n. 3. Quibus accenseri possunt Thomistæ per Ioannem à S. Thomâ ubi supra citati. Nec discordat Cajetanus secundum Nazarium 1. p. q. 22. a. 4. contr. 1. §. Tertio notandum. docens, Motionem illam, quâ Deus movet causas secundas ad opus, non esse nisi passivum usum causarum secundarum, quibus utitur Deus ad earum proprias operationes: siquidem Deus tunc ita influat in Causas secundas & eas applicet ad operationem, ut hoc ipso reducantur de potentia ad actum secundum.

Nihilominus illum usum passivum nihil prævium propriæ actioni causarum secundarum causare.

Verum Quarto Magister de Rispoli in statu Controv. prædeterm. lib. 2. q. 1. concl. 2. exponit Cajetanum, quòd in locis, quibus negavit motionem Dei præviam, loquatur de influxu Causæ Primæ in effectum, & operationem, non in Causam secundam, esse verò illum in operationem influxum non antecedentem, sed concomitantem, & simultaneum, etsi influxum in causam secundam oporteat huius actioni & effectui omnino prævium esse.

Quinto Nazarius cit. Controv. 1. §. Primum, quod Divinus, in influxu Divino in Causas secundas earumque actiones duplicem distinguit formalitatem, quarum altera sit actio Deo immanens formaliter, & transiens virtualiter, ab Intellectione, & Volitione, atque aded à substantiâ Divinâ indistincta: altera verò se habeat per modum passionis tanquam aliquid manans à Deo, & receptum in creaturâ. In hac porro Divinæ præmotionis seu passionis receptæ in Voluntate creatâ idem Nazarius 10. 3. q. 59. art. 3. in exposit. textus ait, esse adhuc distinguendas duas formalitates, nempe applicationem creati arbitrij ad operandum a solo Deo emanantem, & applicationem ejusdem arbitrij ad agendum ex se ipso. Etsi verò hæc duæ applicationes sint idem realiter, physice loquendo, distinguuntamen ex naturâ rei, sive realiter Metaphysicè, sive ut quidam dicunt formaliter realiter: quarum aded priorem esse à solo Deo, atque aded distinctam ab operatione Causæ secundæ, posteriorem autem ita totam esse à Deo, & totam à Causâ secundâ, ut Ordine tamen Causalitatis, & dependentiæ sit prius à Deo, quam à Causâ secundâ.

CONCLUSIO.

MOtio DEI ad extra Transiens creatæ liberæ volitionis prædeterminativa est ipsa operatio, vel viribus naturæ: si naturalis sit, vel viribus gratiæ, si supernaturalis sit, à creato arbitrio elicitâ cum ordine ac respectu ad Volitionem Divinam præfinitivam tanquam Causam in actu secundo, seu Causalitatem ejusdem effectricem, per cuius denominationem constituitur in Esse Doni, & gratiæ efficaciter prædeterminativæ.

Probatur. Illa causalitas Dei efficax operis boni prædeterminativa vocatur à S. Augustino Adjutorium, cum quo aliquid fit, ita ut per istud tanquam Divinam gratiam Voluntas humana insuperabiliter, & indeclinabiliter agatur. ex lib. de corrept. & grat. in princ. & fin. c. 12. At istud Adjutorium cum quo est ipsa Voluntas, seu ipsum Velle, seu bene operari liberum divinâ largitate donatum. ex loc. cit. Bona verò opera nostra, quatenus à Deo data, & donata, sunt prædestinata à Divinâ Voluntate præparante illa ipsa opera bona, ut in ijs ambulemus. ex c. 10. de prædest. Sanctor. de dono Persev. c. 16. post init. Ut sic autem habent rationem gratiæ, ex loco proxime citato. Cum igitur Adjutorium cum quo indeclinabiliter agens Voluntas nostram, ut agamus, sit ipsum velle nostrum, ac

operari liberum, quâ prædestinatum. Illud verò *Adiutorium cum quo sit causalitas Dei ad extra transiens* ut sic in ratione gratiæ donata & causata in nostro arbitrio; Donatio autem involvat ordinem ad Voluntatem donantis, ex quâ Voluntate gratuitâ denominetur formaliter in ratione Doni, consequens est, Causalitatem Dei ad extra transeuntem, quatenus est gratia efficax, esse ipsum Velle nostrum ex Voluntate Divinâ donatum, & à Dei prædestinatione efficaciter causatum.

9. Dices: Gratiæ efficaciam à D. Augustino in lib. de grat. & lib. arbit. c. 10. circa finem hisce verbis describi: *Certum est, nos facere, cum facimus, sed ille facit, ut faciamus, præbendo vires efficacissimas voluntati, qui dixit: Faciam ut in justificationibus meis ambuletis, & iudicia mea observeatis, & faciatis.* At huius vires importare formalitatem se tenentem ex parte principij, non verò ex parte ipsius operari, seu actus secundi. Unde videri concludendum cum Alvarez lib. 9. de auxil. disp. 83. conclus. 5. quod efficacia auxilij prævenientis, seu præoperantis gratiæ consistat formaliter in motione quâdam in intellectu, & Voluntate receptâ, quâ Deus verè efficienter, sive ad modum causæ physiciæ præmoveat liberum arbitrium, & faciat ipsum liberè, & infallibiliter cooperari Deo excitanti, & moventi.

10. Contra: Nam quid S. Augustinus ibi intelligat per vires efficacissimas, apertis verbis se declarat: Cum dicit, inquiens, *faciam; ut faciatis, quid aliud dicit, nisi auferam à vobis cor lapideum, unde non faciebatis: & dabo cor carneum, unde faciat? Et hoc quid est, nisi auferam cor durum, unde non faciebatis, & dabo cor obediens, unde faciatis?* At verò Cor quâ obediens importat formaliter actum volendi, seu ipsum actualis obedientiæ Operari. Ergo Deum, dando cor obediens, facere, ut faciamus, nihil aliud est, nisi quod in nobis operetur ipsum Velle: uti patet tum ex antecedentibus, tum ex consequentibus præfati c. 16. ubi subiungit, *quod ille faciat, ut faciamus, cui dixit homo, Pone custodiam ori meo. Hoc enim est dicere, fac, ut ponam custodiam ori meo: quod beneficium jam fuerat consecutus, qui dixit: Posui ori meo custodiam.* Constat igitur, ipsam oris custodiam actualiter, ac liberè ab homine positam esse illud beneficium Dei, quod est vis illa efficacissima, quâ Deus facit, ut faciamus. Ipsummet ergo Operari Voluntatis nostræ liberum quatenus à Domino præparatum, & ut sic ex vi Divinæ prædestinationis operatum seu causatum est Gratiæ efficaciam consistens ut sic in vocatione secundum propositum importante in recto nostrum Velle à Deo donatum, in obliquo autem connotante propositum Divinæ ex se infallibilis prædestinationis præparantis, ac efficaciter decernentis ipsum Operari nostrum, uti ex contextu S. Augustini ibidem patere potest.

11. Replicabis. Actualem Oris custodiam ab homine liberè positam quatenus à Deo ex vi prædestinationis donatam, & causatam non tam formaliter, quàm effectivè esse illam vim, quâ Deus facit, ut faciamus. Etenim *reluctanti prius aditum Divinæ Vocationis ipsâ Dei gratiâ procurari, ac deinde in illo jam non reluctante spiritum virtutis accendi, expressè asserit D. Augustinus in lib. 4. contra duas epist. Pelag. cap. 6.* At verò gratiæ efficaciam per hoc videtur exprimi, quod reluctanti aditus Divinæ

Vocationis ipsâ Dei gratiâ procuretur. Hunc verò Divinæ Vocationis aditum in illo jam non reluctante primò consequitur spiritus virtutis accensus, in ipso operari ac Velle libero consistens. Ergo ille aditus Divinæ Vocationis gratiâ Dei procuratus habens ut sic rationem vis efficacissimæ est formaliter gratia efficax, ipsum verò in actuali oris custodia Operari liberum est effectus infallibiliter consequens ex illâ Divinâ Vocatione.

Contra. Nam licet D. Augustinus inter Divinæ Vocationis gratiâ Dei procuratum aditum, nec non spiritum Virtutis in jam non reluctante succensum ponat quendam prioritatis, ac posterioritatis ordinem: hunc tamen non esse physicæ, & realis causalitatis, sed consecutionis virtualis seu rationis, evincitur ex eodem S. Ecclesiæ Doctore. Hic enim procedit adversus Pelagianos docentes hominem suâ Voluntate opus aggredientem in ipso jam opere divinitus adjuvari, uti patet ex lib. 1. cap. 19. cit. epist. contra Pelagianum. At hoc ipsum est in uno opere facere duo instantia non realia durationis, vel causalitatis physicæ, sed virtualia & rationis. Hoc autem utrumque instans, & inceptionis, & adiutorij seu consummationis, & perfectionis in opere vult S. Augustinus referri ad Deum, cum alioquin gratia secundum merita daretur, si primum inceptionis instans non esset ex gratuitâ donatione, sed ex Voluntate humanâ, licet in actu primo per gratiam prævento. Nè ergo in ipso opere adiutorij gratia jam non sit gratia, oportet illi, scilicet Deo, qui præparat Voluntatem, ac operando incipit, adscribere tam initium, quàm perfectionem operis. ex cit. c. 19. & lib. de gratia, & lib. arbitrio. c. 17. post initium. At hoc initium operis fit à Deo, quatenus miris modis Voluntatem, ut velit, trahens, & intus in ipso hominis corde operans ex nolente facit Volentem. ex cit. c. 9. lib. 1. epist. cont. Pelag. Istud autem fit, quatenus Deus in homine operatur Velle, hæc enim ratione factum est, ut Deus operando in corde Regis Assueri ipsam Voluntatem occultissimâ, & efficacissimâ potestate converteret, & transferret ab indignatione ad lenitatem, hoc est de Voluntate lædendi ad Voluntatem favendi. ex cit. c. 19. post med. Cum igitur efficacia gratiæ secundum D. Augustinum sit, quatenus Deus ex nolente facit volentem; Hoc autem fit per Voluntatem Divinæ prædestinationis ipsâ opera præparantis, & in hominum cordibus operantis Velle liberum, oportet illam consistere in hoc ipso Velle nostro libero quatenus vi Divinæ prædestinationis præparato, & non tantum quoad consummationem, seu perfectionem, sed ipsam operis inceptionem, atque adeò antecedenter, non autem concomitanter duntaxat, vel consequenter ad arbitrij nostri determinationem divinitus donato.

Instabis. Non videri, qualiter efficacia gratiæ sit arbitrij nostri consensum, ac determinationem antecedens, si formaliter importet ipsum Velle nostrum liberum: Imò ex hoc sequi, quod concursus Dei cum nostro arbitrio sit tantum simultaneous, in hoc enim discrepare simultaneum à prævio Dei concursu, quod iste in ipsam causam imprimatur, hanc movendo, ut operetur, ille verò sit Dei cum causâ secundâ influxus in ipsam operationem, seu effectum. At si non daretur ille prævius in Causam secundam concursus,

12.

13.

sus, tunc fore consequens, quòd in producendo effectu Causæ secundæ deberet Deus expectare operationem Causæ secundæ, ut efficaciter vellet ejus effectum. Hoc ipsum autem pugnare cum Voluntatis Divinæ efficaciam, ejusque quoad vim absolutissimam independentiam. Oportere igitur, antecedenter ad velle nostrum liberum secundum prioritatem non temporis, ac durationis, sed naturæ & causalitatis esse in Voluntate nostrâ impressam primæ Causæ motionem applicantem, ac determinantem ad operandum, ex Ioan. à S. Thom. in *Phys.* cit. q. 25. a. 2.

14. Contra. Nam ipsemet Causæ secundæ in suam operationem influxus secundum prioritatem Causalitatis reducitur in Deum ejusque Voluntatis causalitatem immanentem. Hinc autem est, quòd iste ipse Causæ secundæ in suam operationem influxus sit etiam Dei, seu Causæ primæ in ipsam Causam secundam influxus habens ut sic rationem concursus non tam simultanei, seu præcisè concomitantis, quàm prævij, & antecedentis. Ergo ratio Divini concursus non tantum simultanei, sed etiam prævij salvatur, quin asseratur, in Voluntate creatâ antecedenter ad ejus Velle imprimi à Deo formalitatem à parte rei distinctam ab Entitate nostræ liberæ operationis. Major est Ioannis à S. Thomâ, tom. 2. *Theologia in sepe cit. q. 19. disp. 5. a. 5. u. 5.* & constat tum ex Sacris Litteris clamantibus; Omnia operari Deum secundum consilium Voluntatis suæ, & omnia in ipso constare, ac sine ipso factum esse nihil: Tum ex evidente ratione, siquidem realitas creata quæcumque sit dependens à Deo in fieri, & conservari, nec possit esse, nisi voluerit. Minor probatur ex eod. Authore. Nam ille influxus Causæ secundæ in suam operationem tantum quàm realitas creata est hoc ipso dependens à Causalitate Divinâ, atque adeo efficienter profluens à Voluntate Dei. At quidquid est dependens à causalitate alicujus respicit illud sub proritæ Causæ, & non sub simultate tantum coëfficientis. Repugnat autem aliquid actu causari nisi cum efficaciam determinationis se tenentis tam ex parte Causæ, quàm effectus, ita tamen, ut determinatio per prius sit secundum causam, quàm in effectu. Oportet igitur, illum Causæ secundæ in operationem suam influxum per prius a Causalitate Divinâ Voluntatis profluentem pro illo priore Causalitatis Divinæ ligno, seu instante esse determinatum ab ipsâ Dei Voluntate per prius causante illum Causæ secundæ in operationem influxum. At hic ipse Causæ creatæ in suam operationem influxus est receptus in creatâ Voluntate. Unde sicut per prius intelligitur causatus à Deo, quàm receptus in Voluntate creatâ, sic per prius intelligitur huic tantumquàm Mobili à Deo impressus. Est igitur Causæ secundæ, seu Voluntatis creatæ in suam operationem influxus secundum formalissimam suam, quâ creatam Entitatem, etiam Causæ primæ in Causam secundam influxus. Sicut ergo in actione effectus à Causâ primâ, & secundâ dependentis est huius utriusque concursus simultaneus, seu concomitans secundum simultaneum, & concomitantiam non realis, sed virtualis seu per rationem associatam formalis distinctionis: sic illa ipsa Causæ primæ & secundæ realiter distincta actio, quatenus ex parte Dei supponit prioritatem causalitatis, habet rationem prævij con-

cursus Causæ secundæ impressi, eamque ad operandum in ratione motus formaliter moventis.

Confirmatur hic discursus ex S. Augustino 15. in lib. de grat. & lib. arb. c. 21. gratiæ efficaciam, seu vim ejus prædeterminativâ describente hucce verbis: *Agit Omnipotens Deus in cordibus hominum etiam motum voluntatis eorum, ut per eos agat, quod ipse agere voluerit.* Ex hoc enim constat, vim illam efficacissimam, quâ Deus agit in cordibus hominum, esse motum Voluntatis eorum. Hic autem motus est influxus Dei in Voluntates hominum: nullus verò est Dei ad extra influxus, nisi quatenus voluerit. At verò Voluntatis Divinæ (ex quâ est influxus, seu motus voluntatum humanarum) objectum, atque aded effectus non est, nisi ut per hæc Voluntates agat, quod ipse agere voluerit. Hæc autem actio per Voluntates humanas est Voluntatum humanarum in operationem suam influxus. Ergo hic quatenus non tantum habet rationem influxus Causæ secundæ in operationem suam, sed rationem quoque influxus Dei, seu motus in Voluntates hominum, est concursus Dei prævij habens rationem auxilij efficacis.

Uti gebis tandem ex Ioan. à S. Thom. cit. a. 3. 16. *Physica.* Motionis Dei in Causam secundam esse, ut hanc contingat ad producendum eundem cum Causâ primâ effectum, sive ut applicet actum primum ad actum secundum; juxta illud D. Augustini, lib. 1. ad Simplician. q. 2. dicentis: *Non desuisse Deo motum, quo mentem Esau ad credendum applicaret.* Ex hac autem conjunctione ita perfici Causam secundam, ut cum Deus sit Causa summæ actualitatis, & perfectionis nullam habens potentialitatem, consequenter relinquat Causam creatam maximè actuatam, & reductam in actum, sublata omni potentialitate, & indeterminatione ad agendum. At verò illam actuatorem non tantumquàm Virtutem, sed determinationem virtutis ita oportere præviâ esse Causarum secundarum operationi, ut virtuti receptæ quantumcunque in actu primo sufficienti, ex se tamen indeterminatæ, & indifferenti desit ultimum activitatis complementum, sive applicatio, & adaptatio ad actualiter operandum, quam proinde oporteat esse ex Dei motionis seu Divinæ Causalitatis impressione; juxta illud Apostoli *Hebr. 13. Deus autem pacis apert vos in omni bono, ut faciatis ejus Voluntatem.*

Contra est 1. Discursus D. Thomæ cit. *Hebr. 13.* ad illam formam redactus. Sicuti gravitas est principium motus deorsum, sic Voluntas humana, cum sit quædam inclinatio rationis, est principium actuum humanorum. Unde Voluntas humana se habet ad actus rationis, sicut inclinatio naturalis ad actus naturales. At res naturalis dicitur apta ad illud, ad quod habet inclinationem. Ergo etiam homo quando habet Voluntatem benefaciendi, est aptus ad illud, quod DEUS vult nos velle. Hanc autem bonam Voluntatem immittit Deus, eamque aded immittendo aptat hominem in Bono, ut faciat ejus Voluntatem. Cum igitur præmotio Dei in nostram Voluntatem sit huius aptatio ad operandum seu volendum, hæc autem aptatio secundum Angelicum Doctorem sit ipsa bona Voluntas nostra quatenus à Deo immissa, consequens est, illam præmotionem non esse à parte rei distinctam

18. *stinctam à nostrâ operatione. 2. Si quæ hujus nostræ operationis ab illâ præviâ motione est à partere distinctio, hæc in eo sita est, quod hujus sit actum primum ad actum secundum, nec non virtutem Causæ creatæ conjungere cum Causâ primâ, ut in hujus agat virtute, D. Thomâ 3. *cont. gent. c. 29. asserente, Deum non solum dare rebus Virtutem, sed etiam nullam rem posse propriâ virtute agere, nisi agat in Virtute ipsius, nec aded hominem posse virtute Voluntatis sibi datâ uti, nisi in quantum agit Voluntatis Dei. At verò illa applicatio actûs primî ad actum secundum est vi inclinationis Causæ secundæ impressæ à Deo, de quâ dicitur Prov. 21. Cor Regis in manu Domini, quocumque voluerit, inclinabit illud; Illa verò inclinatio Cordis, seu Voluntatis humanæ tanquam Causalitas Dei se extendit non solum ad potentiam volendi, sed etiam ad actum ipsius. ex S. Doctore cit. c. 29. Hoc autem fit, quatenus Deus juxta Isaiâ 29. omnia opera nostra operatur, juxta Apostol. ad Phil. 2. operans in nobis velle, & perficere. ex cit. c. 29. contra gentes. & Lect. 3. ad Hebr. 13. Unde hoc ipso, quod Deus sit Causa non solum virtutis nostræ, sed actûs volendi, sit consequens, etiam Voluntatem nostram agere in Virtute Dei, atque ut sic applicari à Deo, & aptari ad actum productum non à solâ Voluntatis Divinæ acceptâ virtute, sed à causalitate Divinæ Voluntatis operantis in nobis velle, atque ut sic Voluntatem nostram vertentis quocumque voluerit, ex locis proxime citatis. Constat igitur, Causæ secundæ aptationem seu applicationem ad operandum, ejusque cum prima conjunctionem, nec fieri per hoc, quod Divinæ Voluntatis Causalitas actûs nostri liberi effectrix imprimat Voluntati creatæ ipsum motu operari ac velle præmotum à prædictâ Dei Causalitate ac elicitum ex voluntatis creati arbitrij in Dei virtute agentis facultate. Ratio fundamentalis est. Nam illa actûs primî cum actu secundo, nec non Causæ secundæ cum causâ primâ ad operandum conjunctio est; ut Deus tanquam Causa summæ actualitatis, & perfectionis nullam habens potentialitatem relinquat causam creatam maximè actuaram, & reductam in actum, sublatis omni potentialitate, & indeterminacione ad agendum; veluti argumentatur Ioannes à S. Thomâ citatus. At verò illa conjunctio in ordine ad effectum formalem actualionis, ac determinationis illius ex parte Causæ primæ quâ actuantis sit per actionem Dei immanentem formaliter consistentem in Volitione Divinâ, ex parte autem Causæ secundæ quâ actualibilis sit per ipsam agentis creati operationem quâ emanantem ex actione Dei immanente, & ut sic Causæ secundæ impressam. Ergò. Minor probatur. Nam Verbum Divinum actualiat humanitatem Christi. Hæc autem actualio est in ratione Unionis formalis Personalis: In hac verò Unione non præcise causali, sed formali forma actualians est ipsa Hypostasis Verbi; Causalitas autem applicans ipsius Verbi Hypostaseos substantiali actualionem est ex parte Verbi divini non alia, nisi actio æterna consistens in Volitione, & Intellectione tribus Divinis Personis communi; ex parte autem Humanitatis tanquam per-creatam Verbi subsistentiam actualibilis non est, nisi actio unigenita in hac per modum passionis recepta sine præviâ dispositione emanans immediate ex illâ Dei intrinsicâ Causali-**
19. *tate. At major est Unio Dei Personalis, seu formalis, quàm solùm Causalis: A fortiori igitur Unio Causalis, seu conjunctio Causæ primæ cum secundâ ad operandum subsistere potest ex actione Dei æternâ immanente, & Causalitate inde transeunte ita receptâ in Causâ secundâ, ut respectu hujus sit quidem operatio, sit tamen respectu Dei motio Causæ secundæ à divinâ voluntate impressâ ad eam in actu etiam secundo secum conjungendam.*

Confirmatur. 1. Nam in Visione beatificâ Essentia Divina secundum Thomistas non tantum per modum speciei impressæ se habet ut principium in ratione formæ intelligibilis effectivum, sed etiam per modum speciei Expressæ, ac Verbi se habet ut forma, secundum formalem in Esse intelligibili, ac representativo actualionem. Atqui ad Divinæ Essentiæ in ratione formæ intelligibilis quoad actum primum cum Intellectu nostro unionem non exigitur, nisi ex parte Dei Causalitas intrinsicâ Luminis gloriæ effectiva: ex parte autem Intellectûs creati non exigitur, nisi forma luminis gloriæ in ratione principij efficientis ad videndum Deum ex se proportionari elevans, ac disponens ad Divinitatis, ut est in se, actualem in Intellectu creato expressionem ab Intellectu per Virtutem illius Luminis elevato in se formandam. Pari ergò ratione Deus tanquam Causa prima quoad actum primum supernaturaliter operandi conjungitur cum Voluntate nostrâ tum ex parte sui per actionem æternam, tum ex parte arbitrij creati per formam supernaturalem ab illâ æternâ actione immediate manantem, ac intrinsicè proportionatam Voluntatem nostram ad supernaturaliter operandum. At verò ad ejusdem Divinæ Essentiæ quoad actum secundum in ratione formæ intelligibilis cum Intellectu creato Unionem, vi cuius sit actualis expressio ac Divinæ Essentiæ per se ipsam in illo representatio intuitiva, ex parte Dei non exigitur, nisi Causalitas immanens, ex quâ à nostro intellectu per Lumen gloriæ elevato emanat operatio per modum attractûs vitalis Divinam Essentiam in se attingens, quæ operatio est ut sic ex parte creati Intellectûs Unio cum Divinâ Essentiâ tanquam formâ intelligibili non tantum in ratione Causæ efficientis, sed intelligibiliter informantis. Pari ergò, imò majori ratione ad hoc, ut actûs primî per formam supernaturalem in nostrâ Voluntate ad bene operandum intrinsicè proportionati fiat applicatio ad actum secundum, atque vi hujus applicationis sit conjunctio Causæ primæ ad causam secundam in ipso actuali opere actualians, non exigitur ex parte Causæ primæ nisi actio æterna præparans actum secundum consistentem in ipso operari nostro: ex parte autem Causæ secundæ, seu Voluntatis nostræ requiritur actus ex vi actionis Deo immanentis ita elicitus, ut tamen ipsius etiam Voluntatis creatæ per formam supernaturalem in ratione principij operativi proportionatæ sit operatio libera: Doctore Angelico. 2. 2. q. 23. a. 2. asserente: *Motum Charitatis non ita procedere à Spiritu Sancto movente humanam mentem, quod humana mens sit mota tantum, & nullo modo sit principium hujus motus. Ex hoc enim patet, ipsum motum Charitatis à Voluntate nostrâ tanquam principio efficiente elicitum esse motum Spiritus*

20.

rius Sancti in nostrā Voluntatem. At ut sic est motio Causæ primæ in Causam secundam, cum tamen sit huius etiam actio elicitā. Non ergo distinguitur motio Causæ primæ in secundam ab huius actu, sive influxu Dei in effectum, & operationem.

21. Confirmatur 2. Nam Causalitatem Dei in Voluntatem nostram, quatenus in actu secundo supernaturaliter à Deo motam eleganter expressit Paulus Apostolus ad Eph. 2. v. 10. inquit: *Gratiā estis salvati per fidem non ex operibus, ut ne quis gloriatur, ipsius enim sumus factura, creati in Christo Iesu in operibus bonis, quæ preparavit Deus, ut in illis ambulemus.* Nam ly *creati* ex parte Voluntatis nostræ licet supernaturali agendi formā instructæ importat potentialitatem ex vi actionis Divinæ actuandam, atque ex nihilo Voluntatis nostræeductivam Bonorum operum, in quibus, non tamen sine arbitrij nostri liberi cooperatione creati sumus. At verò præter hanc in operibus bonis creationem ad extra transeuntem in nostram Voluntatem non agnoscit Apostolus aliam motionem Dei, nisi æternam præparantis Dei actionem immanentem, sive uti August. lib. de prædest. c. 10. exponit prædestinationem. Cum igitur creatio in operibus bonis tanquam actio Dei in nostrā Voluntatem transiens sit ipsius Voluntatis nostræ actus liberè elicitus utpote formaliter importatus per creationē in operibus bonis à nostrā Voluntate liberè elicitus. In hac verò creatione quā actīvā Dei motione non agnoscat Apostolus nisi actionem Divinæ prædestinationis immanentis Deo, ac præparantis bona nostra opera. Illa verò creatio in bonis operibus importet efficaciam Divini auxilij, consequens est, istam efficaciam consistere in ipso velle nostro quā divinitus prædestinato, & ut sic donato, atque causato ex Voluntate Dei misere & gratis eligente, & eligendo faciente nostra opera.

Responsio ad opposita Argumenta.

22. A Dea, quæ r. Alvarez & Ioan. à Thomā in oppositum movent Respondetur: Verum quidem esse, quod motio, vi cuius Causa secunda ad operandum movetur à Primā Causā, non spectet ad actum primum. Insuper esse verum, quod actuale prævii Divini concursus auxilium non sit qualitas permanens, sed motus quidam animæ habens Esse quoddam incompletum, id est, transiens, sicuti virtus artis inprimitur Instrumento non secundum ipsam formam artificis, sed quoad sui ad actum duntaxat applicationem non habentem in instrumento Esseratum, & firmum, sed transiens, uti constat ex D. Tho. iii. q. 3. de Potent. art. 7. ad 7. c. 3. contra gentes c. 89. Nihilominus istam applicationem ex mente Doctoris Angelici ubi supra. esse ipsum actum Voluntatis, seu Causæ creatæ. Quocirca falsum esse, quod motio Dei in Causam secundam ab huius influxu non dependeat. Tum quia in operatione, quā Deus operatur movendo Naturam, oportet distinguere tum motionem activam consistentem formaliter in præparatione, seu actione Deo formaliter immanente, secundum quam adeo activam Motionem verificatur, quod Deo movente naturam, hæc non operetur: tum passivam per modum executionis transeuntis in res exteriores, atque in his passivè receptæ. ex D. Thomā i. p. q.

23. 1. 2. At motum v. g. Charitatis in ratione motionis Spiritus Sancti non tantum in actum, sed in ipsam Voluntatem, esse ex hac tanquam principio efficiente; expressè tradit S. Doctor 2. 2. q. 23. a. 3. Et si proinde motus quatenus talis, sit in mobili, quia tamen Voluntas virtute gratiæ instructa non purè passivè, sed activè mobilis est, ideoque influxus Dei transiens in hanc Voluntatem est motus efficienter ab istā procedens, nec adeo influxus Dei in Causam secundam est distinctus ab huius influxu in operationem. Tum quia in hoc ipso Causæ secundæ in operationem influxu non tantum invenitur formalitas secundum prioritatem Virtutalem, seu rationis cum fundamento in re, per prius respiciens Deum, quā Causam secundam, sed insuper ex relationis, seu respectus sui quā creati intrinsecā ratione connotat ex parte Dei causalitatem realiter, ac physice antecedentem, atque formaliter consistentem in Volitione Divinā, & actione æternā. Ex quā proinde actionis æternæ, seu Volitionis Divinæ de se efficacia connotatione accipit summam, & absolutam efficaciam cum prioritare physica Causalitatis, ut adeo ex huius, imò ex ipsā etiam respectus intrinseci ad Deum seu Causam primam formalitate velle nostrum quā donatum, sive ex prædestinatione, ac electione Misericordiæ casualium rectè dicatur ex parte Dei prævium, & antecedens Voluntatis nostræ influxum.

Ad cetera ex Nazario præcipue in oppositum adducta Respondetur. In ipso velle nostro quā donato importari Divinam prædestinationem illud donantem, & causantem, cuius adeo occultissimā potestate transeunte in ipsum velle nostrum à se operatum, quocumque Deus voluerit, ita inclinari Voluntatem humanam, ut hæc ipsa inclinatio importans formaliter motum Voluntatis humanæ tanquam virtus efficacissimas ex Divinæ Volitionis causalitate huic impressas, sit adiutorium Dei cum quo efficax, uti ex S. Augustino supra demonstratum est. Unde in actione extra Deum transeunte, & per modum passionis receptā in Causā secundā frustra distingui à Nazario duas ex naturā rei, seu modaliter differentes formalitates, siquidem secundum S. Thomam ubi supra una sit Entitas, per quam sit creati Arbitrij applicatio tum ad operandum tum Deo, quā ad agendum ex se ipso.

¶ DE SECTORE SECTORE SECTORE SECTORE SECTORE SECTORE

CONTROVERSIA III.

An ultra Gratiā se tenentem

ex parte actūs primi possit ac debeat ex sacrā Concilio Tridentini, & Divinarum Scripturarum, nec non SS. Patrum Doctrinā adstrui Motio Dei antecedens liberum nostrum consensum.

Cornelius à Lapide in Comment. epist. ad Ephesios c. 2. v. 10. illud Apostoli; *creati in Christo Iesu in operibus bonis*; ex mente Scientiæ Mediæ propugnatorum exponit verbis sequentibus: *In operibus bonis*, id est, ad opera bona creati; Unde sequitur: *Quæ preparavit Deus, ut in illis ambulemus.* Fundamentum illius Commentatoris præter S. Chrysostomum citantis Occu-

menium, & textum Syrum, imò & Beza, & Erasmus; est. Si enim Deus opera bona præparat, si in ijs ambulamus; ergò Deus ea non creat in nobis, sed tantum ad ea nos destinat, & dirigit, ut in ijs liberè nos exerceamus, hoc enim significat vox *ambulemus*.

2. Ita expositio & Cornelij est omnino conformis Doctrinæ Molinæ in *Conc. lib. arb. cum Dono Gratia in q. 19. 4. 13. disp. 4. circa medium* docentis: Concilium Tridentinum definivisse, auxilia omnia gratiæ, quæ ad actus credendi, sperandi, diligendi, ac poenitendi, quibus ad iustificationem disponimur, adultis viatoribus conferuntur, pendere, ut efficacia sint, cassaque non reddantur, à libero ipsorum consensu, cooperatione, atque adeo non solum spontaneam, sed & liberam esse ipsorum ad Deum conversionem, ita ut pro sua libertate possint non converti in eo ipso temporis momento, in quo credendo, sperando, diligendo, ac dolendo de peccatis ad Deum convertuntur. Insuper Gratiâ cooperantem vnam & eandem numero esse cum præveniente, ac Excitante, fortisque rationem Cooperantis, quatenus consentiente jam libero nostro arbitrio gratiæ prævenienti; & cooperante per liberum consensum ad actus, quibus convertimur, atque ad iustificationem disponimur, ipsaque quoque gratia cooperatur, ac influit in eodem actus.

Fundamentum ab illo Doctore petitur ex Concilio Tridentino *sess. 6. de iustif. c. 7.* dehi-
niente in hæc verba: *Declarat Sancta Synodus, iustificationis exordium in adultis à Deo per Christum præveniente gratiâ sumendum esse, hoc est ab ejus Vocazione, quâ nullo eorum existentibus meritis, vocantur, ut qui per peccata à Deo averſi erant, per ejus Excitantem, atque Adjuvantem gratiam ad convertendum se ad suam ipsorum iustificationem, eidem gratiâ liberè assentiendo, & cooperando disponantur, ita, ut tangente Deo cor hominis per Spiritus Sancti illuminationem, neque homo ipse nihil omnino agat inspirationem illam recipiens, siquidem qui illam & abire potest, neque tamen sine gratiâ Dei movere se ad iustitiam coram illo liberâ sua voluntate possit.*

3. Ex quo tale formatur argumentum. Gratiâ, à quâ sumitur iustificationis Exordium, quæque præveniens, vocans, & excitans appellatur, secundum Consilium Tridentinum dicitur etiam Adjuvans adultum ad convertendum se ad suam iustificationem eidem gratiæ liberè assentiendo, & cooperando. Est autem cooperans cum cooperante secum cooperans. Unde sicut arbitrium cooperatur cum gratiâ, quando se disponit, ac movet ad iustitiam; ita ex mente sacri Concilij gratia ipsa cum arbitrio ipso cooperatur eodem actus, quibus ad iustitiam disponitur, ac movetur. At isti actus non sunt alij, quam actus credendi, sperandi, diligendi, ac poenitendi, ut ad salutem oportet. Cum igitur Concilium notanter dixerit *eidem*, non alteri numero liberè assentiendo, & cooperando, gratiam, vocantem, prævenientem, & excitantem vocari Adjuvantem, consequens est, gratiam cooperantem vnam, & eandem numero esse cum Præveniente, ac Excitante, fortisque rationem cooperantis, quatenus libero nostro arbitrio jam consentiente, ac cooperante gratiæ Prævenienti, hæc ipsa gratia cooperatur ac influit in actus, quibus homo dispo-

nitur ad iustificationem. At verò ex definitione ejusdem Sacri Concilij *in sess. 6. can. 4.* liberum hominis arbitrium à Deo motum, & excitatum ita cooperatur assentiendo Deo excitanti, atque vocanti, ut possit dissentire, si velit. Hoc verò est dicere, pro sua libertate posse non converti in eo ipso temporis momento, in quo sperando, credendo, diligendo, ac dolendo de peccatis ad Deum convertitur. Hinc verò sequitur; omnia gratiæ auxilia, quæ ad dispositionem iustificationis conferuntur adulto, pendere, ut efficacia sint, à libero ipsorum consensu, & cooperatione.

4. Martinus de Esparza Societatis Iesu in Collegio Romano Theologiæ Professor *trac. de Grat. q. 66.* triplicem distinguit gratiam Prævenientem nostri arbitrij liberi cooperationem: Physicam, Liberam, & Meritoriam. Gratiâ præveniens cooperationem nostram physicam secundum ipsum est causa in actu primo proximo sufficiens ad inducendas illustrationes & pias affectiones. Præveniens solam cooperationem liberam sunt eadem illustrationes & piæ affectiones, quæ inmittuntur à Deo, quin impediri nostra libertate possint, nobis tamen cooperantibus physicè. Gratiâ denique Præveniens nostram cooperationem Meritoriam est ipse actus liber salutis meritorius subsequens auxiliorum, & meritorum non præsupponens ullum aliud meritum, propter quod ipse retribuat. Fundamentum petitur ex S. Augustino, & Concilio Arausicano. Nam ille S. Ecclesiæ Doctor *cap. 17. de grat. & lib. arb.* ita habet: *Quis istam agens, est parvam dare cepit Claritatem, nisi ille, qui præparat Voluntatem, cooperando perfici, quod operando incipit. Quoniam ipse, ut velimus, operatur incipiens, qui voluntibus cooperatur perficiens: Unde apostolus: Certus sum, quoniam qui operatur in nobis, opus bonum perficiet in die Christi Jesu; ut ergo velimus, sine nobis operatur; cum autem volumus, & sic volumus, ut faciamus, vobiscum cooperatur; tamen sine illo vel operatur, ut velimus, vel cooperante, cum volumus, ad pietatis opera nihil valeamus.* In quo etiam sensu idem Sanctus Doctor *lib. sent. 22. & Concilium Arausicanum can. 9.* sic loquitur. *Quotiescumque bonum operamur, Deus in nobis atque nobiscum, ut operemur, operatur.* Ex quibus secundum Esparzam tale formatur argumentum, *Ly in nobis* ponitur comparative ad *nobiscum*, eidemque contraponitur tanquam oppositum. Atqui *Ly nobiscum* idem est, atque nobis cooperantibus. Ergo *Ly in nobis* perinde valet, atque nobis nondum cooperantibus; est enim hæc phrasîs in sensu ejusmodi Augustino familiaris, ut adeo particula *in nobis* significet idem in posteriori testimonio, quod in præcedenti significat particula *sine nobis*, dum dicitur, *ut ergo velimus, sine nobis operatur.* At licet particula *sine nobis* omnem illam triplicem physicam nimirum liberam, & meritoriam cooperationem nostram excludere possit; attamen per *Ly sine nobis* positum in præallegatis S. Augustini & Concilij Arausicani testimonijs solam postremam Meritoriam cooperationem nostram intelligi à Gratiâ præveniente exclusam, ex eo suaderetur; tum quod Augustinus eo in loco, uti & in alijs omnibus operibus posterioribus contra Pelagianos solum contenderit, gratiam non propter merita nostra dari, & ideo *sine nobis* illam dari, quia nobis non-

bis nondum merentibus datur prorsus indebita; tum quod illa sententia: *ipse, ut velimus, sine nobis operatur*, non potest aliter coherere cum illa alia ex lib. 1. ad simplic. q. 2. ante med. de prompta: *ut velimus, suum esse voluit & nostrum; suum vocando, nostrum sequendo*. Hinc enim si *ut velimus* non potest significare solum piam affectionem, & complacentiam indeliberatam, quæ scilicet neque Dei est vocando, neque nostra sequendo: si quidem ad illam neque vocet nos Deus, sed ad consensum efficacem, neque nos per illam sequamur, sed cum consensum exhibemus. Constat proinde, rationem Gratiæ Prævenientis, id est, ejus, quam Deus *sine nobis* operatur, quæque pura gratia est, convenire non tantum illi, quæ sine ulla cooperatione nostrâ physicâ antecedit ad illustrationes, & pias affectiones salutaris, aut istis etiam motibus indeliberatis, qui à nobis efficiuntur, sed non liberè, verum etiam actibus nostris efficacibus liberis ac meritorijs, dummodò facti sunt sine ullo merito nostro præexistente.

CONCLUSIO.

PRæter adjutorium gratiæ se tenens ex parte actûs primi conferens potentia humanæ facultatem ac vim bene seu supernaturaliter operandi. ex sacri Tridentini Concilij, & Patrum ac Divinarum Scripturarum doctrinâ oportet asserere adjutorium gratiæ se tenens ex parte actûs secundi. habens ut sic rationem ex Divinâ prædestinatione causaliter descendens Donationis, formaliter importatæ in ipso Voluntatis nostræ Velle, ac bene operari libero; quam ex hoc ipso, quod sit Donatio, oporteat Voluntatis Divinæ per Misericordiæ electionem operantis esse causalitatem, seu motionem formaliter ut sic antecedentem Voluntatis nostræ consensum.

6. Explicatur & Probatur. Nam credere, ac velle ita est nostrum, ut Dei sit non tantum dare credentibus, & volentibus facultatem bene operandi per Spiritum Sanctum, sed ipsum velle, ac credere est Dei misericordis, ac secundum electionem Misericordiæ vocantis, & prævenientis. ex S. Augustino lib. de prædest. sanctor. c. 3. Atqui facultatem bene operandi dantem Possesse Gratiæ Dei prævenientem Concilium Tridentinum sess. 6. de iustif. can. 3. decidit his verbis: *Si quis dixerit, sine præveniente Spiritûs Sancti inspiratione, atque ejus adjutorio hominem credere, sperare, diligere, ac ponere posse, sicut oportet, ut ei iustificationis gratia conferatur, anathematis*. At vero præter hoc Spiritûs Sancti Adjutorium dans posse supernaturaliter operari esse aliud adjutorium gratiæ prævenientis dantis ipsum operari; evincitur ex proximè sequenti can. 4. ita definiente: *Si quis dixerit, liberum arbitrium à Deo motum, & excitatum nihil cooperari assentiendo Deo excitanti, atque vocanti, anathematis*. Nam liberi arbitrij cum Deo vocante, & excitante cooperatio importat etiam Dei operationem. At liberum arbitrium prout à Deo motum, & excitatum cooperatur assentiendo Deo excitanti, atque vocanti. Ergo Deus consensum, in quo est formaliter co-
- 7.

operatio liberi arbitrij operatur, imprimendo ut sic motionem ac excitationem, per quam arbitrium liberum quâ motum, & excitatum cooperetur consensum. Oportet igitur in ipsâ consensûs nostri operatione inveniri respectu Dei rationem motionis, ac excitationis Divinæ, ratione cujus consensus noster, sive ipsum Velle ac operari nostrum sit Dei misericordis, ac per Misericordiam prævenientem donantis, seu præparantis Voluntatem nostram, non tantum dando vires operandi, sed ipsum velle, ac credere. ex S. Augustino ubi supra. Constat proinde, duplicem gratiam prævenientem distinguendam esse; alteram se tenentem in actu primo dantem posse supernaturaliter operari; alteram consistentem in actu secundo, sive in ipso operari per arbitrium creatum, quatenus à Deo in actu secundo motum, ac excitatum liberè elicitum, & ut sic secundum Misericordiam prævenientem Divinitus immisso, atque donato.

8. Respondebis ex Molinâ *supra cit.* S. Consilium notanter dicere, quod eidem gratiæ prævenienti liberè assentiendo cooperetur nostrum arbitrium. At istam gratiam prævenientem à S. Synodo cap. 7. de iustif. describi, quatenus Deo tangente Cor hominis per Spiritûs Sancti illuminationem neque homo ipse nihil omnino agat inspirationem illam recipiens, neque tamen sine gratiâ Dei movere se ad iustificationem possit. Oportere igitur unicæ, & numero ejusdem gratiæ prævenientis motum talem assignare ordinem, ut dum homo nondum ad fidem supernaturalem interius vocatus cogitat & expendit res credendas per notitias Concionatoris, aut aliunde comparatas, influxat Deus in easdem notitias influxu quodam particulari, ac supernaturali, quo cognitionem illam adjuvet, tum ut res melius, & dilucidius expendatur, ac penetretur; tum etiam ut notitia illa jam limites notitiæ supernaturalis & ad finem supernaturalem in suo ordine & gradu accommodatæ attingat. Quem influxum dici motum Gratiæ ad finem supernaturalem prævenientis, & illuminationem, notitiamque illam post talem influxum à Deo jam effectam supernaturalem appellari gratiam prævenientem ex parte intellectûs. Tunc vero ex cognitione, ac penetratione earum rerum, quæ ad fidem spectant, nempe cum expenditur, quàm dignæ sint, quibus assensus præbeatur, quantumque id expediat, oriri naturaliter in Voluntate motum affectionis ad res ita cognitæ, quo alliciatur, & quasi inviteretur ad imperandum intellectui assensum, quo eis assentiatur. Cum hoc ergo motu quasi se inferere etiam Deum influentem in illum per auxilium particulare, illumque ex auxilio quasi acuire, quo magis urgeat, & alliciat, efficiatque illum supernaturalem, ut in suo ordine, & gradu sit etiam ad salutem accommodatus. Auxilium itaque particulare, quo Deus in illum motum influit, appellari auxilium gratiæ prævenientis: motum vero illum, atque affectum Voluntatis circa ea, quæ ad fidem spectant, quatenus à Deo supernaturalis efficitur per auxilium illud, dici gratiam prævenientem ad assensum fidei ex parte Voluntatis. Ex Molinâ *suar. Concord. inq. 14. art. 13. disp. 45.* circa quæ expendi possunt, etiam quæ habet idem Author *disp. 8. & 9. & alibi sæpè*.

Contra.

9. Contra. Nam Concilium Trident. in verbis à Molina præallegatis duas statuit gratias; alteram illustrationem Spiritûs Sancti ac inspirationem in homine receptam, alteram in eo sitam, quod sine gratiâ Dei se homo movere ad Iustitiam liberâ suâ Voluntate non possit. At per hoc datur intelligi, quod cum S. Augustino in *lib. de gratiâ Christi sæpe per totum*, fateri debeamus; gratiam non tantum in possibilitate operis, id est potentiâ, & actu primo supernaturaliter operativo ut sic involvente ex parte Intellectûs illustrationem Spiritûs Sancti & ex parte voluntatis piam à Deo excitatam affectionem; sed quod, insuper in ipso velle, & opere, sive secundum verba Concilij Trid. in ipsâ liberâ Voluntatis ad Iustitiam motione agnoscenda sit gratia. Hæc autem motio Voluntatis libera est, quâ liberè assentiendo, & cooperando gratiæ vocanti, excitanti, & adjuvanti homo disponitur ad Iustificationem, per ipsos actus fidei, spei, ac Pœnitentiæ formaliter involventes hominis liberum consensum & cooperationem. *ex cit. cap. 5. de Iustific.* At verò ista gratia adjuvans, excitans & vocans eadem numero non altera, ut bene advertit Molina citatus dicitur Præveniens: estque realiter indistincta ab illâ ipsâ motione, quâ movet se Voluntas libera ad Iustificationem coram Deo. Probatur istud Assumptum. Nam in hac ipsâ motione esse gratiam, constat ex Concilio Tridentino, juncto S. Augustino *ubi sup.* In istâ vero motione formaliter importatur Voluntatis liberæ creatæ cooperatio disponens ad Iustificationem. Vi autem hujus liberæ ad Iustificationem dispositionis convertimur ad Deum. *ex cit. c. 5. S. Concilij Trident.* in hunc sensum allegantis illud *Zach. 1. Convertimini ad me, & ego convertar ad vos.* Si ergo Gratia excitans, & adjuvans sit illa dispositio, quæ est cooperatio, & liber Voluntatis creatæ assensus, consequens erit, gratiam excitantem esse illam motionem gratiæ, quâ se movet Voluntas ad Iustificationem coram Deo. Confirmatur. Nam Concilium Tridentinum *ubi supra.* expressè dicit, gratiam illam excitantem ita esse adjuvantem ad convertendum se, ut per eam ad suam ipsius Iustificationem eidem gratiæ liberè assentiendo homo disponatur. Oportet igitur, illam excitantem, & ad se convertendum adjuvantem gratiam esse illam ipsam cooperationem liberam, utpote per quam disponatur homo ad sui Iustificationem. At hæc gratia est illa præveniens, à quâ sumitur Iustificationis exordium non consistens in facultate operandi, ac pœnitendi supernaturaliter, sed in ipso actualis conversionis adiutorio tanquam dispositione liberâ ad Iustificationem, uti patet ex contextu S. Concilij. Consequens proinde est, duplicem oportere distinguere gratiam tum prævenientem, tum excitantem, imò & adjuvantem, quarum altera se teneat in actu primo, ex parte intellectûs involvente illustrationem Spiritûs Sancti, ex parte autem Voluntatis importante piam affectionem cum adiutorio facultatis supernaturaliter physice operativæ; altera verò se teneat in actu secundo, sive in ipso Velle, ac operari.
10. Quod duplex gratiæ adiutorium clarè asseruit D. Augustinus in sæpe cit. *cap. 12. de Corrupt.*
- 11.
- 12.

& grat. prius vocans adiutorium sine quo, consistens in possibilitate, seu potentiâ perseverandi, sive supernaturaliter volendi, ac meritorie operandi, posterus appellans adiutorium cum quo consistens in Voluntate actualis supernaturalis operationis, sive in ipso Velle Divinâ gratiæ largitate donatâ. In priori adeò datur potentiâ seu actum primum bene supernaturaliter operandi gratiæ adiutorio includi rationem gratiæ moraliter excitantis, seu attrahentis, & allicientis, declarat idem S. Ecclesiæ Doctor *cit. lib. de corrupt. cap. 2. circa finem* asserens: ad hoc ostendi à Deo, quid agi debeat, ut quando Filij Dei agunt, sicut agendum est, id est cum dilectione, & delectatione Justitiæ, suavitatem quam dedit Dominus, ut terra eorum daret fructum suum, accepisse se gaudeant. At verò in posteriori adiutorio ipsum Velle, seu bene operati conferente esse etiam rationem gratiæ physice excitantis, patet ex eod. S. Augustino *lib. contra duas epist. Pelag. cap. 19. & lib. 2. cap. 5. & 6. Item lib. 4. c. 6.* illud in actu secundo adiutorium vocante studium virtutis reluctanti immissum, per quod in jam non reluctante Spiritus virtutis accendatur. Hoc autem Virtutis in ipso Spiritus accenti opere supernaturali consistens immutatum virtutis studium recte etiam vocari vocationem Dei secundum propositum, atque rationem hujus Divini propositi præparantis, seu prædestinantis & ut sic velle nostrum & bene operari donantis dici posse gratiam, seu Misericordiam prævenientem, constat ex eod. S. Doctore *cit. lib. 4. cont. epist. Pelag. cap. 6. & de prædestin. sanctior. cap. 16.* Manifestum igitur est, ex S. Concilio Tridentino juncto præsertim D. Augustino, dari gratiam prævenientem non tantum ex parte actûs primi, seu potentiæ supernaturaliter operativæ, sed ex parte actûs etiam secundi sitam in ipso opere per electionem Misericordiæ præparato ac donato.

Confirmatur 2. Nam meritò displicet Molina 1. quod antecedenter ad gratiam in Intellectu, & voluntate audientis prædicationem fidei ponat motus aliquos naturales, à quibus, ut ipse in *cit. q. 14. disp. 9.* ait, gratiam prævenientem plurimum dependere, quin tamen ex speciali Dei in Voluntate nostram præmotione dependeat. 2. Quod gratiam non ponat, nisi in actu primo Excitantem, seu liberum arbitrium potens constituendo moventem, atque sic duntaxat prævenientem. *ex loc. sup. citatis & infra disp. 41.* 3. Quod præter hanc gratiam in actu, duntaxat primo prævenientem non admittat, nisi concursus Dei generalem in actibus etiam supernaturalibus æqualem illi, per quem Deus præstò sit ad naturales liberi arbitrij operationes; imò in his formalitatem liberæ determinationis reducat in Voluntatem creatam; cujus adeò, & Dei secundum influxum generalem, nec non gratiæ prævenientis secundum cooperationem concursus sit merè simultaneus, & concomitans, ita ut Deus operando velle nostrum dependeat à libero arbitrio creato, atque vicissim, imò Dei causalitas determinetur ex influxu Causæ secundæ liberæ. *ex disp. 26. & alibi.*

Hæc diximus, meritò displicere. An non enim istud est gratiam in actu secundo, seu in ipso

13.

14.

ipso operari facere Comitem? An non istud est negare gratiam omnia bona merita nostra prævenire, & ut hæc possint esse, donari secundum propositum Voluntatis Divinæ præparantis ac prædestinantis? An non istud est in actu quidem primo ponere gratiam, non tamen in actu secundo præoperantem, ac subijcientem sibi Voluntatem humanam? An non istud est dicere, libertatem creati arbitrij ab hoc Dei auxilio invidandam, si quod Deus mandat, elegerit? An non est dicere, idem adjuvari à gratiâ præveniente humanum arbitrium, quia voluit se determinando, non autem quia adjuvatur, velit? An non denique hoc dicere est, aliunde, per consensum scilicet liberi arbitrij in ratione libere determinationis non donatum; placere aliquem Deo?

15. Illa namque omnia adversus Semipelagianum a S. Prospero in *epist. ad D. Augustin.* huic S. Doctori discutienda proposita, attentis præsertim fundamentis, ex quibus S. Augustinus in *libris de prædestin. sanctior. ac de Bono perseverant.* illas Pelagianæ pravitatis reliquias refutavit; Doctrinam Molinianam non parum suspectam reddere, constabit legenti illos libros, eosque conferenti cum illa Molinæ Doctrinâ, quod equidem pro intento præsentis materiæ satis elicere est ex ijs, quæ ex prædictis libris persæpe deduximus; ex instituto autem de gratiâ in actu secundo præveniente præstabimus in 1. & unicam interim fundamentalem ex sacris litteris; & S. Augustino depromptam rationem hic deducturi. Ratio igitur fundamentalis necessitatem gratiæ in actu secundo prævenientis, & præparantis demonstrans est. Nam merita nostra tenemur fateri esse Dona Dei. ex Concilio Trident. *sess. 6. de iustif. cap. 16.* At Dona sua, quibuscumque Deus donat, procul dubio donaturum se esse præscivit, & in suâ præscientiâ præparavit. ex S. August. *lib. de Dono Persev. c. 17.* Illa verò præparatio est prædestinatio, cujus effectus est donatio; quæ ut sic est gratiæ. ex *lib. de prædest. cap. 10.* Unde ipsa bona vita nostra consistens formaliter in meritis, seu bonis operibus nostris est gratiæ. ex *lib. de grat. & lib. arbit. cap. 3. circa finem.* Hæc autem gratia est illa, quæ prævenit omnem obedientiam, & Charitatem, quæ vñâ Deo veraciter, & suaviter obeditur; ex *lib. de Dono Persev. cap. 16. in fine. Jurato cap. seq. 17.* At verò hæc obedientia est ipsam Velle, & consensus noster liber cooperans Divinæ gratiæ; quod adeò velle nostrum erit gratia Dei eatenus præveniens, quatenus est prædestinata, & donata, atque ut sic ex vi Causalitatis Divinæ præoperantis, seu prævenientis causata; seu effecta per misericordiæ Divinæ electionem. ex *lib. de prædest. sanctior. cap. 3. & lib. 4. contra duas Epist. Pelagian. cap. 6.* Ex hoc ipso igitur, quod ipsum meritum, atque adeò velle nostrum liberum habeat rationem Doni, oportet in actu secundo operari nostri liberi ponere gratiam prævenientem, quæ se teneat ex parte Causalitatis Divinæ tum immanentis in ipsâ Electione Misericordiæ, ac prædestinationis proposito consistentis, tum transeuntis, quæ licet realiter indistincta sit à libero velle nostro, attamen habeat rationem Doni seu gratiæ prævenientis, quatenus per prius respicit Deum donantem, vocantem &

miserentem, quàm liberum arbitrium nostrum, à quo tamen fuit efficienter.

Responsio ad fundamenta opposita.

17. Ad Cornelij à Lapide n. 1. oppositum Respondetur. Ex eo, quod Apostolus dicat, nos creatos in operibus bonis, quæ non præparavimus nos, sed Deus præparavit, ut in illis ambulemus D. Augustinum *lib. de grat. & lib. arb.* concludere, vitam nostram consistentem in bonis operibus nihil aliud esse, quàm gratiam. Quocirca præparationem Dei, ut in bonis operibus ambulemus, nihil aliud esse, quàm prædestinationem, cujus effectus sint ipsa bona opera tanquam gratia, & donatio Dei, ex eod. Sancto Ecclesiæ Doctore *lib. de prædestin. sanctior. cap. 10.* Non ergò subsistere prædictam expositionem Cornelij contententis Deum prædestinando bona opera, ut ijs libere nos exerceamus, non creare, ex vi Divinæ præparationis utpote tantum dirigentis ad ea opera, non autem illa causantis. Nec faveat Cornelio S. Chrysostomus in *cit. cap. ad Ephes. c. rat. 4. in fine* asserens, Deum præparare bona nostra opera, non ut incipiamus; sed ut ambulemus. Nam per hoc insinuare tantum voluit, non tantum in principio Conversionis, sed perpetuè, tque adeò tam in initio, quàm progressu vite spiritualis) n. bis virtute opus esse, & extentâ usque ad nostrum excessum. ex contextu dictæ orat. Neque faveat Cornelio textus Syrus, qui nullatenus dicit, præparare Deum opera nostra bona, si in ijs ambulemus, sed ut in ijs ambulemus. Unde etiam *vers. 1. habet;* quod gratiâ Dei redempti sumus per fidem, hoc non esse ex nobis, sed Dei Donum esse. Cum igitur ratio Doni Dei in fide sit importans ut sic gratiam ex parte ipsius operari nostri ex vi prædestinationis Divinæ præparatam, & ut sic ex Causalitate Dei præveniente, ac præoperante causatam, consequens est, Syriacam illius Sacri Textus expositionem non Scientiæ Mediæ, sed Gratiæ Dei, non duntaxat in primo, sed in ipsius operari liberi nostri secundo actu præoperantis defensoribus favere.

20. Ad Molinæ n. 2. & 3. Oppositum Respondetur. Verum esse, quod gratia Dei cooperans sit illa ipsa numero, quæ est adjuvans, excitans, ac præveniens, spectans tamen ad actum secundum ipsius operari Meritorij; Quod Authorem illum concedentem Gratiâ non nisi in actu primo, seu potentiâ duntaxat operandi supernaturalitèr prævenientem non advertentem, gravitet fuisse hallucinatum. Cujus hallucinationis dispellendæ gratiâ ita argumentamur, Nam etiam vita æterna dicitur gratia, non quidem formaliter in se ipsâ, sed causaliter, juxta illud *Rom. 6. Gratia Dei vita æterna.* Hoc autem D. Augustinus *in. cap. 9. de grat. & lib. arb.* expendens ait, non posse dissolvi; quomodo vita æterna, quæ ex operibus bonis datur, sit gratia, nisi intelligamus, & ipsa bona opera nostra ad Dei gratiam pertinere. Unde concludit ille S. Doctor in *fine cap. prædicti.* Etsi vita æterna, quæ bonæ vitæ redditur, Dei gratia sit, eò quod bona vita consistens in bonis operibus; gratis datur; hoc tamen esse discriminis, quod illa bona vita, cui vita æterna datur, tantummodò gratia sit, hæc autem, quæ illi datur, quo-

tur, quoniam præmium ejus est, gratia sit pro gratia tanquam merces pro iustitiâ. Constat igitur, ut aliquid simpliciter dicatur gratia, non sufficere gratiam in radice seu causâ, sed ipsi debere formaliter inexistere rationem gratiæ.

22. At secundum Molinam est duntaxat gratia operis nostri in ejus causâ, seu actu primo, quod completè posito, ipsum velle liberum jam non est Divinæ Causâlitatis ex gratiâ, sed ex concursu duntaxat generali, & actibus tam naturæ, quam gratiæ communi simultaneè cooperantis. Imò quod aditus per fidem sit misericorditer à Patre datus Christo, asserit Molina *dis. 9. disp. 12.* ita duntaxat esse possum in auxilijs gratiæ, ut nisi Deus prævideret, illum pro sua libertate ita esse cooperaturum in credendo, & ad Christum perveniendo, Voluntas Dei conferendi illi ea auxilia, collatioque actualis eorundem auxiliorum non haberent rationem dandi illum Christo. Viderit ergo Molina, an istud congruat cum D. Augustino, qui in ipso actu fidei, & velle nostro, non tantum in ejus causâ, sed simpliciter, sive (ut ait) *tantummodo* ponit gratiæ rationem, eò quod creemur in bonis operibus, quæ non præparavimus, sed quæ præparavit Deus, ut in illis ambulemus.

23. Ad Martini de Esparza n. 4. & 5. propositum Respondetur 1. Patere, quod iste Author admittat Causâlitatem gratiæ, ratione cujus Deus nos præveniat non tantum in actu primo quoad sufficientiam, & potentiam supernaturaliter operandi, sed in actu etiam secundo. Hanc verò in actu secundo præventionem gratiæ duplicem ab ipso constitui, alteram in primo actu Conversionis antecedente omne meritorum nostrum; alteram in eo, quod tamen præsupponantur merita antecedentia, Deus præpararet Voluntatem nostram, antequam eliciat actum quemlibet salutarem per eam gratiam, ad quam cognoscit se ipsâ subsecuturum esse talem actum, eamque conferat Voluntate præfinita, ac præligente efficaciter absolute, & determinatè existentiam ejusdem actûs.

24. Respondetur 2. Hæc optimè subsistere, modo scientia media non subintelligatur sub illâ cognitione, per quam Esparza dicit, Deum, antequam eliciat actum quemlibet salutarem, cognoscere actum vi gratiæ se ipsâ subsecuturum. At verò Authorem illum non subintellexisse Scientiam Mediâ, evincitur ex eo, tum quod actûs præcogniti causâlitatem, atque adeò futuritionem fundet in ejusdem actûs existentia absolute præfinitione, seu Voluntate efficaciter, ac determinatè præligente. Tum quod neget, actum præligi ab humano arbitrio: oportet autem pro Scientiâ Mediâ præsupponi liberam conditionalem determinationem decretum Dei efficax antecedentem, atque adeò creati arbitrij aliqualem præelectionem. Tum quod consequenter cum S. Augustino adstruat vocationem secundum propositum, vi cujus Deus operetur, ut operemur, non quia operamur, aut operati sumus, adeoque totum actûs nostri Esse sit Dei præoperantis propter præparationem, & prædestinationem, seu præelectionem Divinam, cujusmodi præparatio, & vocatio secundum propositum aliquo pacto præeat exercitium liberum nostræ Voluntatis, quæ licet actûs sui liberi sit causâ immediata, & principa-

lis, comparata tamen ad Deum se habeat instat instrumenti. Quæ proinde per Esparzam ex S. Augustino seu ipso met veræ de Gratiâ Doctrinæ fonte petita, & probata, à nobis ubi agemus de Gratiâ fusiùs exponenda, per viscera Christi in sanctæ pacis vinculo ita cupimus ab universis Societatis Iesu Theologis præ Moliniana Doctrinâ recipi, ut tollatur è medio petra scandali circa gratiam Divinam periculosas dissensiones jam olim in Ecclesiâ pariens ac fovens.

XX

CONTRÖVERSIA IV.

An, & qualiter motio Divina

*Causâlitatis in nostram Voluntatem sit
independens ab ipsâ non valente illum
repudiare?*

1. Refert Ioannes à S. Thomâ *disp. 3. a. 3. n. 22.* Vastidam in sacra de auxilijs divinis Congregatione objecisse Thomistis, quod cum Calvinianis convenirent in hac propositione: *Auxilium præveniens gratia est de se solo efficax independenter ab humana libertate, ita quod humana Voluntas illud non possit reddere efficax, vel inefficax.*

2. Ioannes à S. Thomâ citatus n. 24. contraponit; Thomistas *Decretum præveniens gratia de se solo, & independenter à libero arbitrio efficax* asserentes, per *ly solum, & independenter* excludere in libertate nostrâ, quod præbeat rationem, & causam ipsius efficacitæ, non quod sit effectus ipsius, siquidem nos per nostram libertatem non efficiamus, ut Dona Dei in nobis valeant, seu effectum habeant, uti testatur D. Augustinus *epist. 107. contra Vitalem*, sed potius per gratiam Voluntas nostra id consequatur; atque adeò gratia efficax habeat liberum Voluntatis nostræ agendi modum pro effectu, ex eod. Augustino *lib. de Corrupt. & grat. cap. 8.* Quæ proinde nihil habere communis cum Fermento Calvinistico: Siquidem Calvinus illam enuntiationem eo sensu acceperit, quod istud Decretum Dei de se efficax sit independenter à libertate nostrâ, ut à causâ, & ut ab effectu, utpote importans efficaciam per modum naturæ agentem, ac necessitantem, nec adeò habentem pro effectu libertatem actûs, sed tollentem illam. Verum de his videri possunt, quæ diximus *art. præced. cont. penult. & ult. & præf. art. Cont. 1.*

CONCLUSIO.

3. Gratia præveniens ex ratione suæ efficacitæ nullam dicit realem à libertate nostrâ dependentiam, sed connexionem intrinsecam infallibilitatis, & consequentiæ.

4. Explicatur, & Probat. Gratia in actu secundo præveniens importat rationem Causâlitatis Divinæ cum immanentis; tum ad extra in nostram Voluntatem transeuntis. At causâlitatis Dei immanens consistens in actûs creati liberi præfinitione, ita est de se efficax, ut eo ipso tam secundum Efficientis cum Essentiâ Divinâ rea-

ad realiter formaliter identificatæ, quàm secundum ipsam Causalitatis Divinæ formalitatem sit in ratione essendi, & cauſandi prior, atque adeo realiter independens à nostrâ actualis operationis, & consensûs libertate. Ex quâ nihilominus Causalitate volitio nostra, seu consensus liber infallibiliter fluit eo modo, ac tempore, pro quo est volitus. Quem proinde illa Divinæ Voluntati intrinseca causalitas connotativè, & consequenter importat tanquàm terminum à se volitum, & ut sic cum infallibilitate producendum. At verò Causalitas Dei ad extra transiens est ipsum Velle nostrum ex vi Divinæ præſinitionis præelectum, & ut sic in tempore misericorditer donatum, seu in ratione gratiæ cauſatum. Hoc autem velle nostrum, etsi habeat à nostro libero arbitrio realem physicæ Causalitatis dependentiam, hæc ipsa tamen actûs liberi à nostro arbitrio dependentia utpote creata, & ut sic à Deo cauſata per prius respicit Voluntatem Divinam, quàm creatam: sub quo adeo ad Divinam Voluntatem tanquàm in ratione Causalitatis priorem respectu habet rationem Doni, & Gratiae. Quæ proinde à nostro arbitrio actûs nostri dependentia libera, etsi per realem formalem identitatem involvatur in causalitate Dei in nostram Voluntatem liberè operantem tranſeunte, illa ipsa tamen dependentia secundum respectum ad Voluntatem nostram ut sic habet rationem Doni, siquidem Doni seu gratiæ ratio formaliter consistat in respectu ad Divinæ Voluntatis præelectæ Causalitatem. Constat igitur, Gratiam prævenientem in ratione Causalitatis Divinæ tam immanentis, quàm tranſeuntis formaliter non dependere à nostrâ libertate, etsi Dei volitio intrinsecam, non quidem realis dependentiæ, sed infallibilitatis cum actualis nostræ operationis libertate tanquàm termino efficaciter volito connexionem habeat; sicuti causalitas quoque extra Deum Transiens cum liberâ nostrâ cooperatione habet connexionem non quidem Dependentiæ cauſalis, sed realis identitatis, atque adeo infallibilis vnius ex alterâ secundum rationem illationis seu consequentiæ.

5. Dices. Stante gratiâ in actu etiam secundo præveniente, oportere creatum arbitrium posse adhuc dissentire. *ex Concil. Trident. sess. 6. can.*

4. At si ve gratia in actu secundo præveniens importet Divinæ volitionis de se efficacis immanentem, si ve importet Dei tranſeuntem in ipſo velle nostro vi prædestinationis donato consistentem Causalitatem, non posse arbitrium amplius dissentire, siquidem illi utpote Divinæ Voluntati, nemo sit, qui resistat, hæc verò realiter formaliter identificetur cum consensu, & cooperatione liberi nostri arbitrij, implicet autem Voluntatem consentientem posse dissentire.

6. Contra. Nam posse dissentire importat potentiam ponendi actum dissensûs: hæc autem potentia non est simulacris ad ponendum actum dissensûs in sensu composito, seu vñâ cum actu consensûs. Oportet igitur, stante consensu ita esse in Voluntate simultatem potentiæ habentis vim sub activâ indifferentiâ Electivam, & Dominativam, ut ista stante jam consensu omnino subsistat illæsa in arbitrio creato, ratione cuius vis Dominatiæ ita consentiat liberè, ut pos-

sit dissentire. At licet ex hypothesi Orationis Christi ac Divinæ in eâ oratione fundatæ præſinitionis non posset deficere Fides Petri, cum hæc tamen à fide deficiendi in sensu composito impossibilitate in arbitrio creato ita stetit vis libertatis Dominativa, ac Electiva, ut ex hac ipsâ Deus quidem præveniendò; Petrus autem cooperando operaretur liberrimam, fortissimam, invictissimam, & perseverantissimam Voluntatem. *ex D. August. de Corrupt. & grat. l. 1. c. 8.* In quo adeo sensu idem S. Doctor *seq. cap. 12.* ita distinguit duplex Perseverantiæ *Cum quo & sine quo* adiutorium, ut hoc dicat perseverantiæ potestatem, vi cuius detur posse Bonum non deferere, illud verò nominet perseverantiæ felicitatem non posse Bonum deferere. Ex quibus adeo constat, ex mente S. Augustini haud discordante à veritate per Concilium Tridentinum definitâ verificari, quod gratia in actu secundo præveniens tam in ratione Causalitatis Voluntati Divinæ immanentis, quàm in nostram Voluntatem liberam Tranſeuntis adeo efficax sit, ut stare non possit cum dissensu, etsi subsistere valeat cum potentiâ dissentendi Electivâ, & in ratione vis Dominatiæ intrinsecâ, D. Prospero 2. de vocat. Gent. cap. 28. attestante, quod Deus ad obediendum sibi, ipsum Velle sic donet, ut etiam a perseverantibus ipsam mutabilitatem, quâ posset nolle, non auferat.

Instabis: Ex hoc sequi, gratiæ efficaciam ita esse ex causalitate Divinâ, ut consequenter eam acceptare non sit in nostro arbitrio. Hoc autem esse Calvinismum.

Contra. Nam aliud est gratiæ efficaciam nō dependere à nostro arbitrio, aliud verò est, Voluntatem nostram non posse non acceptare istam gratiam. Etenim velle nobis donatum rationem gratiæ importat secundum respectum ad Divinam Voluntatem: Hujus autem Omnipotentissima inclinandum Cordium potestas ita agit intus in corde operans Voluntates nostras, quibus nos trahit, ut magis habeat in suâ potestate Voluntates hominum, quàm ipsi suas. *ex lib. de Corrupt. & grat. l. 1. cap. 14.* Quocirca efficacia gratiæ vel formaliter consistens in hac Divinæ Voluntatis efficacissimâ potestate, vel ex istâ causaliter fluens non est ut sic in nostræ libertatis arbitrio. Nihilominus illa ipsa Omnipotentissima Voluntas ita agit in cordibus hominum etiam motum voluntatis eorum, ut tamen per eos agat, quod per eos agere voluerit. *ex cap. 21. de grat. & lib. arbitrio.* Unde licet Voluntas nostra per gratiam Dei indeclinabiliter, & insuperabiliter agatur, *ex cit. cap. 14. de Corrupt.* ita tamen agitur, ut agat, atque adeo agendo cooperetur, & cooperando consentiat, atque consentiendo acceptet gratiam sibi datam. Falsum igitur est, quod arbitrium nostrum non liberè acceptet gratiam Dei, etsi non sit in ejus potestate, gratiam efficacem facere inefficacem.

Urgebis. Ex hoc ipſo, quod gratiæ efficacia formaliter quâ talis sit independens à nostrâ libertate, sequi, tum quod ex inæqualitate gratiæ proveniat, unum, non verò alium cum Dei auxilio converti, tum quod necessum sit equaliter conari cum gratiâ, quibus equaliter paritatus est Spiritus Sanctus; tum denique, quod gratia Dei sit adequata causa Conversionis.

Contraponitur Concilium Trident. sess. 6. de Iustifi. c. 7. expressè decernens, Iustificationis gratiam

7.

8.

9.

gratiam in nobis recipi secundum mensuram, quam partitur Spiritus Sanctus prout vult, & secundum propriam cujusque dispositionem, & cooperationem. Ex quo ita licet argumentari. Iustificacionis gratia infunditur secundum mensuram, quam partitur Spiritus Sanctus prout vult. Hæc autem mensura est propria, adeoque libera dispositio, & cooperatio. Ergo hanc liberam dispositionem, & cooperationem non tantum quoad substantiam, seu Entitatem actus, sed etiam quoad intensiorem, & conatum prout vult, live Voluntate sua mensurata, ac prædestinatam partitur Spiritus Sanctus. Consequens proinde est, ex inæqualitate gratiæ ex parte actus secundi non autem primi se tenente oriri, quod unus, non alter convertatur; econtra verò æqualem esse conatum in ijs, in quibus gratia ex parte actus secundi est æqualis, imò nullum Conversionis, seu dispositionis ad gratiam esse actum, nisi Spiritu Sancto prout vult conferente misericorditer, ita tamen ut hic ipse conatus tam secundum substantiam, quam secundum intensiorem mensuram sit libera cooperatio, in quo Calvinum, tollendo istam conatus nostri libertatem, defecisse, supra demonstratum est. In quo etiam sensu cum exclusione libertatis secundum illum Hæreticam dicitur gratia Dei adæquata Conversionis nostræ causæ. Econtra verò Thomistæ, nominatim Ioannes à S. Thomâ cit. 47. §. 1. n. 31. fatendo cum Apostolo, Poenitentiam, & Conversionem ad Deum non esse volentis, neque currentis, sed Dei misericordis cum D. Augustino in *Enchirid. cap. 32.* ita totum donat Deo, qui hominis bonam Voluntatem & præparat adjuvandam, & adjuvat præparatam, ut tamen Misericordiam Dei, & Gratiam non aliter constituent totam, seu adæquatam Conversionis nostræ causam, quam ut nos cooperando liberè agamus Poenitentiam, Deo faciente, ut velimus, & liberè agamus, juxta illud Augustini *cap. 36. de lib. arb. & grat.* Certum est, nos velle, cum volumus, sed ille facit, ut velimus, de quo dictum est, quod præparetur voluntas à Domino. Certum est, nos facere, cum facimus, sed ille facit, ut faciamus præbendo efficacissimas vires voluntati.

CONTROVERSIA V.

An illa motio Dei antecedens demonstrari possit ex subordinatione Causæ secundæ ad Causam Primam?

1. **O**Viedo in *Phys. cont. 10. punct. 3. per tot.* conatur physicam prædeterminationem è medio tollere, utpote quæ nec ratione subordinationis causæ secundæ ad Primam, nec ratione indifferentiæ Voluntatis, nec ratione concursus Causæ Primæ cum secundâ necessaria sit; totum verò negotium arbitratur §. 1. n. 4. confici seq. argumento. Nam physica prædeterminatio ponitur in Causis, ut determinetur ad operandum. At Causa necessaria ex sua naturâ, & per suammet entitatem est determinata ad operandum, quotiescumque habet paratam

Omnipotentiam, ut cum illâ concomitantè concurret ad effectum. Ergo præter Omnipotentiam paratam ad concurrendum cum illâ concursu comitante superflue ponitur alia præmotio, seu determinatio. At verò Causa libera etsi ex sua naturâ non sit determinata ad operandum, hoc ipso tamen, quod sit libera, talis est naturæ, ut positis omnibus requisitis ad operandum, & non operandum valeat se determinare ad operationem, & carentiam ejusdem; Ergo nec in causâ liberâ ad se determinandum requiritur illa præmotio.

2. Lessius in *disp. Apolog. de gratiâ, & Decretis c. 2. n. 2.* affirmat, Thomistas docere, illum præmotionis impulsu ratione dependentiæ, seu Causæ secundæ ad Primam subordinationis requisitum ad omnes Voluntatis motus etiam malos secundum substantiam suam spectatos necessarium esse. Hinc autem ait ille Author c. 3. n. 1. & n. 342. videri consequens y Mala opera ita ut bona Deum operari, non permissivè tantum, sed etiam propriè, & per se, adeo ut sit proprium ejus opus non minus productivum, quàm vocatio Pauli. At verò istud non tantum à Concilio Trident. sess. 6. de iustificat. can. 6. anathematizari, sed Divinæ Sanctitatis puritati adversari, si vel materiale peccati tribuatur ejus causali actui. Quare dicendum esse, Deum ita duntaxat influere in naturalem Bonitatem actus moraliter mali, seu materiale peccati, quatenus Voluntati contulit facultatem arbitrii, à quâ emanat, peccatore illam insistentem ad id, ad quod collata non est, & quatenus Deus non denegat peccatori concursum suum generalem ad eam naturalem Bonitatem necessarium, quo etiam peccator abutitur ad id, ad quod ei à naturæ Authore non impenditur, ex Molin. *sua Concord. tit. 9. 14. disp. 33. circa finem.*

CONCLUSIO.

EX essentiali dependentiâ, seu subordinatione Causæ secundæ ad Primam rectè inferitur præmotionis Divinæ in causarum secundarum operationibus necessitas.

3. Probatur: Nam Concilium Florentinum in *Decreto de fide Cathol.* argumentatur, quod Verbum eo ipso, quia à Patre habet esse, habeat etiam à Patre esse principium Spiritus Sancti. Hæc autem argumentatio non habet vim consequentiæ infallibilis, ac Syllogisticæ, nisi subintelligatur ista præmissa; quod principium dans esse secundum totam, & omnimodam essendi formalitatem, ac perfectionem à se communicabilem; ita communique rationem principij, & operationis, ut hæc non nisi ab illo principio sit communicabilis principiatio. At Divina Voluntas est intelligenda veluti Causa quædam profundens totum ens, & omnes ejus differentias; Oportet igitur, omnem operationem, utpote ens, esse dependentem à Causalitate Divinæ Voluntatis, atque adeo Causas secundas non tantum in Essendo, sed etiam in operando, non duntaxat quoad virtutem operativam sibi à Deo communicatam, verum quoad actualem operationem subordinari Divinæ Causæ.

Causalitati. At verò Causalitas dicit prioritatem. Oportet igitur causarum secundarum operationes ita fluere ex Divina Causalitatis motione, ut ista habeat prioritatem, atque adeò rationem præmotionis, ac præoperationis. Constat igitur, ex causarum secundarum in essendo, ac operando, imò earundem operationis quoad esse tam essentia, quàm existentia ad causam primam subordinatione, ac dependentia essentiali rectè inferri Divina Causalitatis in causas secundas præoperationem, seu præmotionem.

4. Ratio fundamentalis est. Nam sicuti ex eo, quòd Deus sit suum Esse per se subsistens, sequitur esse actum purum, sic ex eo, quòd nulla creatura sit suum Esse, sequitur, omni formalitati creabili inessentialitatem potentialem ad Esse determinabilem ab illo principio, cuius effectus proprius in rebus creatis est Esse. At eo ipso, quia Deus est ipsum Esse per suam Essentiam, sequitur, quòd Esse creatum sit effectus ejus proprius. Ex S. Thomà, *p. q. 2. a. 1.* Hinc autem fit, quòd nulla formalitas, & realitas in rebus creatis sit producibilis, nisi percipiendo Esse per Causalitatem Dei. At ex hoc ipso arguitur omnis Causa secundæ non tantum in Essendo, sed etiam operando Nihilitas, & potentialitas non ex se, sed Divina Causalitate determinabilis ad Esse. Hæc autem ad Esse determinabilitas in eo sita est, quòd Causarum secundarum non tantum Essentia, & Virtus, seu actus primus, sed actus etiam secundus, & operatio actualis secundum omnimodam ex statu indifferentia, & puræ possibilitatis extractam formalitatem determinetur ad Esse ex vi divina Causalitatis. At Deus secundum Sacras Litteras non operatur ad extra, nisi secundum Consilium Voluntatis suæ, Omnia, quæcumque voluerit, faciendo. Unde determinatio quoad Esse non potest convenire ulli formalitati, ac realitati creatæ, nisi quatenus sub hac ipsa quoad Esse determinatione Deus illam velit. Secundum hanc igitur Divinam Volitionem ipsius Esse in quavis re creatâ determinativâ est Dei Causalitas in Causarum secundarum sive Substantia & Essentia, sive virtute & actu primo, sive in operatione & actu secundo ponens ipsummet Esse. At verò Causalitas, uti sæpè dictum, & per se notum est, importat prioritatem. Hanc igitur Causalitatem habentem ut sic rationem prioritatis, ex quâ in omnes Causarum secundarum sive necessariarum, & naturalium, sive liberarum operationes fluit Esse modo superius expolito, vocamus motionem Divinam præviam, seu prædeterminativam, sive Præmotionem physicam. Constat igitur, ex essentialis non tantum substantia, seu Essentia, ac Virtutis, sed ipsius etiam operari à Dei Causalitate dependentia ac subordinationis ratione rectè inferri necessitatem physica præmotionis.

Responsio ad opposita Argumenta.

5. AD Oviedo *n. 1.* oppositum Respondetur. Causas naturales eatenus esse naturâ suâ ad operandum determinatas, quatenus earum virtus nullam importat vim Dominativam, & Electivam, cujusmodi est in Causis liberis. His adeò ralem inesse vim se ab intrinseco determinandi

ad Esse, & non esse actus, ut hæc ipsa tamen ad Esse determinatio secundum prioritatem Causalitatis reduci debeat in Divinam Volitionem, quatenus ista secundum Apostolum operatur in nobis velle, & perficere. Ex quâ proinde Divina Volitionis, sive Causalitatis, ipsius Esse in omni formalitate creatâ determinativæ prioritate Causæ primæ in Causas secundas motionem fortificationem, & nomen physica præmotionis. Confirmatur ista Responsio. Nam ex hoc ipso, quòd Oviedo arbitrij creati libertatem ponat in vi se ipsam causaliter determinandi, competit Voluntati creatæ Dominium seu potentia Dominativa in Esse, & non Esse actus sui liberi. At ratio Virtutis Dominativæ per prius convenit Voluntati Divinae in ordine ad omnes formalitates creatas, & creabiles. Oportet igitur, ipsum cujuslibet creati actus, ejusque realitatis ad extra indifferentia, ac possibilitatis statum quomodocumque possibilem Esse ex determinatione Divinae Voluntatis pendere secundum Causalitatis prioritatem. Cujusmodi adeò Causalitatis in Voluntate Divina prioritatem, atque adeò Voluntatis nostræ ex Deo præmotionem eo ipso fatemur, dum oritur ad Deum: *Eat virtutis tua*, per hoc enim quid pro nolentibus credere oramus, nisi ut Deus in illis operetur & vellet? ex S. Augustino, *lib. de prædest. sanctor. cap. 8.* Quæ proinde Voluntatis Divinae in nostram Voluntatem operatio ipsum credendi velle importans à S. Doctore citato eatenus reducitur in Divinae Voluntatis, cuius vult, misericordis vim Dominativam, ut hæc pro libertatis suæ potestate in nos tanquam suum figmentum sibi competente, non nisi Misericordiâ doceat, qui per fidem à se donatam veniunt ad Christum, & non nisi Judicio non doceat, quibus fide non donatâ non datum venire ad Christum. Constat ergo, ipsiusmet in actu nostro libero Esse determinationem magis esse ex vi Dominativæ Voluntatis Divinae, quam nostræ creatæ. Cum igitur ex eo, quòd nostræ Voluntatis libera determinatio importet formaliter in actu hujus Esse, istud verò in Divinae Voluntatis Causalitatem, secundum ejus nostro arbitrio superiorem vim Dominativam reduci debeat, consequens est, ex ipso Dei absoluto Dominio, ejusque Voluntatis Omnipotentia argui Causalitatem Volitionis nostræ quâ in Esse determinatè ponendæ determinativam, seu præmotionem physicam ex se infallibiliter illativam actus à nostrâ Voluntate liberè eliciendi.

Ad Lessij *n. 2.* Oppositum Respondetur ex S. Anselmo *lib. de Concord. prædest. & lib. arbit.* Et si prædestinatio, & consequens Divinae Voluntatis prævia Causalitas, seu præmotio physica non tantum bonorum, sed etiam malorum entitativè sumptorum dici possit, nihilominus Deum prædestinando facere in bonis & quòd sint, & quòd bona sint, cum econtra in malis non faciat, nisi quòd essentialiter sint. Cum igitur formale peccati importet malitiam sitam in difformitate cum regulâ rectæ rationis, seu legis æternæ; materiale autem peccati importet malitiam, seu dissonantiam illius fundamentum, debere hoc etiam non nisi voluntati creatæ à lege æternâ deficienti imputari, nec adeò Deum ipsum Esse actus ex vi Causalitatis suæ Divinae prædestinantem, atque ut sic præmotione physica

sicâ Esse illud in ratione Causæ Primæ non nisi legi æternæ, & Sanctitatis suæ increatæ rationi conformiter operantem dici posse Causam peccati etiam quoad materiale seu formalis malitiæ fundamentum spectati, *veluti supra. q. 5. art. 5. cont. ult. demonstratum est.*

COROLLARIUM.

Infertur. Quodd Causalitas Voluntati Divinæ immanens actûs nostri liberi Prædeterminativa Causaliter moveat Voluntatem nostram; ex illâ verò Causalitate immediatè absque mediâ aliquâ qualitate fluat actûs per ipsam volutus à Voluntate nostrâ & prædictâ Causalitate Divinâ eliciendus: qui proinde actûs respectu Voluntatis nostræ rationem activæ motionis, respectu autem Voluntatis Dei seu Decreti Divini rationem motionis passivæ habens intrinsecè Formaliter sit movens nostram Voluntatem. Ratio est. Nam uti Joannes à Sancto Thomâ *in Phy. q. 14. a. 4.* probat, duplex est formalitas actionis transeuntis; altera se habens per modum actualitatis ipsamot Causam Effectivam actuantis subjectivè inexistit agenti: altera verò recipitur in effectu & consequenter in passo. Est autem ea inter has duas formalitates connexio, ut posterior virtualiter contineatur in priori tanquâ actuali sui Causatione, atq; aded actuali in genere Causæ Efficientis determinatione. Ejusmodi verò actualis determinationis ratio Essentialiter dicit inevitabilem illius posterioris formalitatis ex se consecutionem. Unde vi talis Causalitatis Effectus prius naturâ dicitur factus, seu existens in Duratione, id est Causalitate Causæ, quàm intelligatur existens in se ipso seu propriæ Durationis suæ mensurâ. At eo ipso, quodd actualitas inexistens Causæ Essentiali cum actione extra se Transeunte nec non cum effectu per modum physicæ effectricis Causalitatis connexionem habeat, sequitur, ex vi talis actualitatis dici posse, quodd passum sit Causaliter Prædeterminatum ad effectûs ex ipsâ inevitabiliter emanantis in se receptionem. Unde talis Causæ inexistens Causalitas potest passum denominare, motum non quidem Formaliter, sed Causaliter; tamen actio vi

illius Causalitatis effectûs ac recepta in passo istud denominet intrinsecè ac formaliter motum. At verò Decreta Divina habere rationem Causalitatis seu motionis omnem à Deo absolute volitam realitatem efficientis, constat ex dictis *q. 6. a. 6. & præ. a. 7.* Unde Decreti Divini ea est efficacia, ut realitas per ipsum volita ex vi talis Decreti abstrahendo ab omni intermedia aliâ passi prædeterminativâ qualitate intelligatur habere infallibilem ac inevitabilem eo modo, quo Deus voluit, consecutionem. Hinc autem fit, quodd Decretum Divinum actionem ex nostrâ Voluntatis indifferentiâ Dominativâ liberè eliciendam decernens, vi suæ efficaciz hoc ipso intelligatur Causaliter esse movens Voluntatem. Exinde verò sequitur, quodd Voluntatis mobilis à Deo sit immediata cum illâ Divinâ Causalitate conjunctio non quidem formaliter intrinsecè, sed Causaliter extrinsecè uniens. At eo ipso, quodd Voluntas quâ vitaliter mobilis importet mobilitatem non tantum passivam respectu agentis extrinseci, sed etiâ activam ab intrinsecò sui motivam, oportet, illam Voluntatis quâ mobilis à Deo cum Divinâ causalitate conjunctionem esse Voluntatis quâ principij etiam activi cum Causâ primâ conjunctivam & applicativam. Hæc verò Voluntatis creatæ ad causam primam applicatio unica est Thomistis ratio ponendi mediam prædeterminativam qualitatem. Consequens igitur est, hanc esse superfluum, debereque aded dici, quodd actûs nostri liberi prædeterminatio Divina non importet aliam formalitatem nisi causalitatem Divinæ Voluntati formaliter immanentem, ac virtualiter transeuntem tanquâ voluntatis nostræ activam motionem, ex cuius vi consequitur in Voluntate actûs liberè elicitus, habens respectu Dei rationem motionis passivæ, Voluntatem creatam formaliter ac intrinsecè motam eatenus constituentis, ut respectu ejusdem Voluntatis quâ principij activi habeat quoque rationem motionis activæ.

... () ...





QUAESTIO SEPTIMA

DE

ACTIBUS ET VIRTUTIBUS DIVINAE VOLUNTATIS.

Qualiter Voluntatis actus, sive prosecutionis, nempe Amor, Gaudium, seu Delectatio, ac Desiderium; sive *Fuga*, scilicet Tristitia & Odium Deo attribui possint, ostendit D. Thomas. 1. p. q. 29. a. 1. ad 1. & 3. in illis, (prout

in nostro sunt appetitu sensitivo, comitanturque, seu insequuntur, vel quandoque antecedunt Voluntatis nostrae operationem) motibus distinguens materiale & formale. Nam sicut vis cognoscitiva non movet, nisi mediante aestimativa; liquidem ratio universalis secundum Philosophum. 3. de anima. tex. 50. & in nobis moveat mediante ratione particulari. Sic appetitus intellectivus, seu Voluntas movet in nobis mediante appetitu sensitivo, qui est proximum Corporis in nobis Motivum, semper habens annexam, seu concomitantem aliquam Corporis transmutationem maxime circa cor, utpote primum motus in animali principium. Ex qua aded concomitante Cordis motione Sanctus Doctor citatus ad 1. ait, Actus Amoris, Gaudij, Tristitiae, & Odij sortiri nomen Passionis; cujusmodi non habere locum in Deo, in cuius aded Voluntate esse eatenus gaudium, & amorem, ut teste Philosopho. 7. Ethic. cap. ult. ad finem. una & simplici operatione gaudeat, & amet absque ulla tamen Passione.

2. Hanc proinde passionem, seu corporalem transmutationem in motibus nostri appetitus sensitivi cum Voluntate concomitanter operantis, esse quasi materiale, ac formale esse ipsam Entitatem actuum Amoris, Gaudij, Desiderij, Tristitiae, Irae, & Odij, ait S. Doctor cu. art. 1. ad 3. Unde Iram. 1. de Anima. tex. 15. 63. & 64. materialiter dicit, esse ascensionem sanguinis circa cor, formaliter autem esse appetitum vindictae. Si proinde secundum id, quod est formale in illis actibus, nihil involvatur imperfectionis, velut in amore, & Gaudio, convenire Deo formaliter, ac proprie. Secus esse, si in ipso formali actu veluti desiderij versantis circa bonum non habitum, & tristitiae tendentis in malum habitum, nec non Irae supponentis tristitiam, importetur Imperfectio, ut aded tales actus non nisi propter similitudinem effectus metaphoricè possint Deo attribui. Unde quando D. Thomas 1. 2. q. 47. a. 1. ad 1. ait, Iram dici de Deo secundum Iudicium ju-

sticiae, hoc ipso insinuavit, Iram non inesse Deo formaliter, utpote Iram in mitigativo doloris ad illam praesuppositi. Quoties ergo Sacrae Litterae Deo attribuunt Iram, haec non aliter de Deo accipienda est, atque si dolor & tristitia Deo tribuantur, sicuti cum Gen. 6. dicitur *Penituisse eum, quod fecisset hominem in terra, & tactus fuisset dolore Cordis intrinsecus.*

3. Pari ratione Odium inesse Deo non proprie, & formaliter, sed Eminenter adversus Vasquezium pras. disp. 14. cap. 3. & Suarezium à se citatos concludit Ioannes à S. Thomà pras. q. 29. disp. 6. a. 2. n. 2. Ratio est. Nam possum velle alicui malum non ex odio, sed alio Motivo, ex qua reo condemnato malum poenae infligimus, sicuti etiam in gratuitis uni concedendo bonum, quod utrique non sufficiebat, alteri in effectum nolumus illud, non ex odio, sed ex Voluntate illi, non verò isti gratiam facienda. Quare ad odium non sufficit nolitio boni, seu illatio mali, ac nocu- menti, sed oportet inspicere motivum, ex quo alteri nolumus bonum, seu malum volumus. At motivum Odij ut sic formaliter specificativum assignavit D. Thomas 1. 2. q. 29. a. 1. inquit, quod *idcirco sit dissonantia quadam appetitus ad id, quod apprehenditur ut repugnans, & nocivum.* Hinc enim patet, Odij motivum esse dissonantiam rei odio habitae cum Voluntate, seu appetitu odiente. Si ergo non ex talis cum Voluntate sua Dissonantiae, seu repugnantiae, sed alio motivo quis velit alteri malum, seu nolit ipsi Bonum, talis volitio mali, sive nolitio Boni non habet rationem odij. At verò quidquid est positivum ut sic sub ratione Entis est ex Deo, nec aded est dissonum Divinae Voluntati, sed potius objectum ejus Complacentiae, juxta illud sap. 11. *Nihil odisti eorum, quae fecisti, nec enim odians aliquid constituisti, aut fecisti.* Et si verò malitia actus peccaminosi importans ut sic privationem sit objectum Divinae displicentiae, eo ipso tamen, quod sit ex permissione Divinae Voluntatis; sequitur, displicentiae illius motivum non tam esse secundum dissonantiam seu directam cum Dei per Essentiam suam specificatà Voluntate contrarietatem, quam ex amore, & Complacentia Justitiae, atque gratiae, cui illa malitia privativè opponitur. Illa igitur displicentia late duntaxat, sive eminenter secundum altioris Motivi rationem, non autem strictè ac formaliter habet rationem Odij tum ini-

amicitiæ erga peccatorem, tum abominationis erga peccatum, juxta illud Sap. 14. *Odio sunt Deo impius, & impietas ejus.*

4. Quare inter actus Voluntatis unice inexistunt Deo formaliter Amor, & Gaudium. Ratio est; Nam Amor est appetitio boni habentis sub ratione convenientiæ cum appetitu proportionem Expetibilitatis. Hæc autem appetitio est vis quædam unitiva unitatis cum re amata. ex D. Dionys. *cap. 4. de divinis Nominibus.* Ex ista autem unione habetur per amorem possessio, & quies in re amata. Hanc verò possessionem consequitur gaudium, & delectatio tendens in Bonum quod possessum. Cum igitur Voluntas Divina infinitam Deitatis Bonitatem appetiando, habeat sibi non tam unitam, quam realiter identificatam Essentiam suam, à quâ tanquam Motivo per realem formalem identitatem specificetur, in Deo oportet Amoris, & gaudij rationem formalem summè, ac infinitè perfectam ponere.

5. Qui nihilominus Amor Dei inter Personas Divinas stricte loquendo non est amicitia. Ratio est: Tum quia amor amicitia est, quo aliquis vult alteri Bonum propter ejus excellentiæ propriam amabilitatem. Divin. Dion. *ubi sup.* Unde cum amor sit vis quædam unitiva, & concretiva, sequitur amorem amicitia, quatenus est ad alterum, fundari non in omnimodâ unitate, seu identitate, sed in unione duorum. ex S. Tho. *2. 2. q. 15. a. 4. ad 4.* At objectum amoris in Deo specificativum non est, nisi Bonitas Divinæ Essentiæ: Unde Personæ Divinæ se mutuo amantes habent pro objecto motivo unicam Essentiæ suæ Divinam Bonitatem. Quare in amore, quo se amant Pater, & Filius, non est vis unitiva, nisi secundum identitatem, & unitatem Essentiæ amoris Divini specificativæ; ex cujus ad eam identitatis Essentiæ ratione fit, quod illud Bonum, quod Pater per amorem Essentialem vult Filio, non sit aliud, quam bonum suum essentiale fundans unum, & indivisibilem in Patre & Filio amoris actum. Et si proinde in ratione Hypotheticum sit alteritas inter Patrem & Filium, quia tamen in ratione Bonitatis, imò ipsius etiam amoris est inter ipsos Unitas essentialis, ratione cujus unitatis non tam sit inter Patrem, & Filium amor mutuus, quam indivisibiliter unus; oporteat autem amorem Amicitia fundari in alteritate mutui amoris, consequens est, inter Patrem & Filium non esse stricte loquendo amorem Amicitia. Tum quia licet Pater & Filius ex vi Notionalis Amoris spirent Spiritum Sanctum, hic ipse tamen amor Notionalis indivisibiliter unus in Patre, & Filio ita distinguitur secundum Notionem à Spiritu Sancto, ut in ratione tamen Amoris Essentialis, ter spectati identicè, & formaliter communicetur Spiritui Sancto. Ergo non est alteritas in ratione mutui Amoris ut sic, sed in ratione Hypotheticum, ac Personarum adjectivè se redamantium. Imò Spiritus Sanctus non redamat Amore Notionali, seu Spirativo Patrem, & Filium. Unde licet harum Personarum amor Notionalis sit distinctus à Spiritu S. ille ipse tamen Notionalis amor non est mutuus in Spiritu S. utpote non redamante Notionaliter, sed tantum Essentialiter, qui tamen amor Essentialis propter omnimodam cum Patre & Filio identitatem realem non potest esse redamatio. Atqui

amor amicitia stricte sumptus requirit redamationem mutuam, siue amoris reciproci correspondentiam importantem non Personarum duntaxat, sed ipsorum actuum distinctionem realem. Non est igitur inter Personas Divinas amor Amicitia, nisi late loquendo, prout talis amor importat amantium ex vi amoris conjunctionem non alicujus Unionis, sed realis quoad actum identitatis, cum distinctione reali Personarum ita communicantium in unâ Essentiæ divinæ Bonitate, ut Pater per Intellectionem Filio, & hic per Amorem Spiritui Sancto communicet omnia sua Bona Divina, tametsi neque Spiritus Sanctus aliquid communicet Patri, & Filio, neque ab illo communicetur aliquid Patri.

6. Cum amor amicitia ita tendat in alterum, ut ejus motivum specificativum sit Bonitas, & Excellentia illi alteri inexistens, divini verò amoris Motivum specificativum non sit, nisi sua Essentialis Bonitas, idcirco Dei in creaturas rationales Amorem earundem Sanctitatis & Charitatis, ac Gloriæ Donorum ut sic effectivus Causa, ac Virtualiter, seu Eminenter est amicitia, formaliter autem est Concupiscentia. Ratio est. Nam Concupiscentia amor est, quatenus volo mihi, & etiam alteri Bonum, cum reflexione ad me ipsum, ita ut talis amoris in ipsam amantem reflexivi Motivum sit ipse amans. At Deus amando omnia ad extra operatur communicando ipsis Bonitatem ex se participatam, ita tamen, ut talis operationis ad extra communicativæ ratio Finalis, & Motivum amoris ejusmodi Divini specificativum non sit, nisi ipse Deus, qui omnia propter semetipsum operari dicitur in Sacris Litteris. Et si proinde amor Concupiscentia non cum imperfectione aliqua, sicut in nobis, inexistat Deo quasi ex indigentia velit sibi bonum creaturis ex sua Bonitate participatum, est tamen in ipso formalis ratio amoris Concupiscentia.

7. His ad eam in Materia de SS. Trinitate, nec non de Charitate Theologica exactius elucidandis suppositis, nos ad alia tendentes, duo generatim duobus distincta articulis hic indagabimus. I. *Qualiter oporteat in Voluntatis Divinæ Decretis ponere ordinem Intentionis, ac executionis cum distinctione signorum rationis?* 2. *de Virtutibus Dei.*



ARTICULUS I.

Qualem oporteat in Decretis Divinis ponere ordinem Intentionis, ac Executionis, nec non signorum rationis distinctionem.

Hujus difficultatis elucidatio vel maxime conducit tum ad dignoscendam Divinæ Gratiæ Electionem in decernendo prædestinationis Gloriam, ac media ad eam efficaciam, tum ad intelligendam Voluntatem justitiæ in Deo intuitu meritorum decernente gloriam tanquam mercedem, & Coronam

ronam gloriæ, tum ad considerandum Motivum Decreti Divini, ex quo Verbi Dei Incarnatio live post, live etiam ante prævisum Originale peccatum (pro Doctorum in hoc varietate) fuit dinitus prædestinata. Quam aded difficultatem hisce dubijs exponemus. 1. *An & qualiter in Dei Voluntate Efficaci oporteat distinguere ordinem Intentionis, ac Executionis?* 2. *An & qualiter sint ponenda in Decretis Divinis signa rationis.*

CONTROVERSIA I.

Utrum ordo Intentionis, ac Executionis intrinsecè sit in Voluntate Divinâ qua Efficaci?

1. **V**asquez 1. p. disp. 89. c. 7. n. 33. & 34. negat, utrumque Intentionis, ac Executionis ordinem esse constituendum in Mente Divinâ, sed alterum scilicet Executionis esse Deo extrinsecum in ipsis rebus ad extra productis, nec nisi recentiores Theologos excogitasse illos duos ordines in Voluntate Divinâ, antiquos vero nullam eorum habuisse mentionem. Fundamentum ex Authore citato n. 36. inducitur. Eo enim ipso, quod Deus conferat gloriam tanquam coronam Iustitiæ seu præmiâ meritorum, sequitur, non velle in executione dare gloriam, nisi propter merita. At si Deus velit homini finem gloriæ absolute, & efficaciter ante prævisa, & decretata merita, non potest in executione velle gloriam propter merita tanquam media Finis æternæ gloriæ meritorie effectiva. Oportet igitur, illud ipsum Motivum resplendere in Ordine Intentionis, ac Executionis. At distinctio Decretorum ponitur in Deo a nobis ex distinctione Motivorum. Cum igitur Intentionis ac Executionis in Deo non sit distinctum Motivum, nec importatur distinctio decretorum. Ergo distinctio ordinis Intentionis, ac Executionis non potest esse secundum intrinsecam Divinæ Voluntatis Decretorum formalitatem, sed secundum id, quod Intentio sit formaliter in Voluntate divinâ, Executio verò in effectu, seu operatione ad extra transeunte.

2. **I**oannes à S. Thomâ *præf. disp. 9. art. 1. n. 16. 17. & 22.* ex communi Theologorum sententiâ ordinem Intentionis, ac executionis ponit Deo intrinsecum, eo tamen discrimine, quod ordo Intentionis habens efficaciam tantum radicalem spectet ad ordinem Causæ finalis, sitque aded Virtualiter, & ratione ratiocinata prior ordine Executionis ad Causalitatem Causæ Efficientis spectante, & ut sic habente Decreti Divini efficaciam consummatam. Fundamentum est. Nam executio est à Causâ exequentē: hæc autem est Efficiens. Ergo ordo executionis est ordo causalitatis ex parte Efficientis. At ex hoc ipso, quod Finis sit, cuius gratiâ agens operatur, sequitur, Causam efficientem non operari, nisi ut motam à Finali. Oportet igitur, quod motio finis præcedat Causalitatem efficientis. At Ordo Intentionis importat Causalitatem Finis quâ moventis Efficiens ad agendum, Primum autem efficiens, quod movetur à Fine, est Voluntas, Unde primus effectus Finis, postquam est amatus, & intentus à Voluntate, est, ut voluntas ve-

lit efficere, & voluntariè efficiat. Consequens igitur est, Ordinem Executionis, ac Efficientem esse in Deo Virtualiter, live ratione nostrâ ratiocinata posteriorem Decreto Intentionis. Siquidem hoc Intentionis Decretum habeat efficaciam movendi finaliter, apud quâ Divinæ Voluntatis in efficiendo efficacia intelligatur, imò ista efficacia in efficiendo ab illâ in Finalizando derivari debeat. Oportet igitur, in Decretis divinis ordinem Intentionis, & Executionis taliter distinguere, ut in isto sit efficientiæ consummata Efficacia, in illo verò sit Efficacia in Finalizando per modum radicis, & principij, a quo originatur omnis efficacia.

CONCLUSIO.

Unicum in Voluntate Divina indivisibile Decretum sub ratione Causalitatis finalis habet formalitatem Intentionis; sub ratione autem Causalitatis Efficientis habet Formalitatem Executionis, ita quidem, ut Ordini Intentionis radicaliter, Ordini verò Executionis formaliter conveniat Efficacia.

Explicatur, & Probatur. Deus non operatur ad extra, nisi secundum Consilium Voluntatis suæ: Voluntas autem Divina non operatur nisi ex Motivo suæ Increata Bonitatis: hæc verò Divina Essentia increata Bonitas ad sui amorem ita actuât Divinam Voluntatem, ut per se ipsam possit esse movens, imò actualis motio ad res etiam creatas. At ista Voluntatis Dei in res creatas motio est amor Divinus catenus efficax, quatenus eis decernit, & decernendo communicat Existentiâ. In hoc autem amore virtualiter duplex invenitur formalitas; altera sub ratione tendentiæ in ipsam Essentiâ Divinæ increatam Bonitatem, tanquam unicum Voluntatis Divinæ Finem, ac Motivum specificativum; altera sub ratione tendentiæ in rem creatam tanquam objectum Materiale ex vi illius amoris quâ efficacis participans Esse non tantum Essentiæ, sed existentia. At tendentia Amoris in finem habens ut sic vim excitandi Media Fini proportionata est Intentio habens rationem Causalitatis Finalis. Ex hac proinde Finali Causalitate secundum quandam Originis Virtutalem, seu eminentiorem consecutionem fit excitatio Voluntatis Divinæ in prosecutionem Mediorum. At verò creaturas omnes respectu Voluntatis Divinæ oportet non habere nisi mediâ rationem eo ipso, quod Divinæ Voluntatis Finis non sit Essentiâ Divinæ Bonitas increata. Ex huius ergo Amore in Deo tanquam finalis causalitate excitatur Volitio creaturarum communicans ipsis Esse tam Essentiæ, quàm Existentiæ. Constat igitur, in Deo esse Intentionem sub ratione Causalitatis Finalis, ex quâ Virtualiter consequitur Excitatio Volitionis Divinæ ad participandum creaturis Esse Existentiæ. At sub ratione tendentiæ communicantis creaturis Esse Existentiæ Volitio Divina habet formalitatem Causalitatis Efficientis, seu executionis, & actionis æternæ Deo formaliter Immanentis, ac Virtualiter transeuntis. Oportet proinde distinguere in amore Divino formalitatem tum Intentionis tendentis

ut sic in finem, tum Executionis ex Finis Amore excitatæ ut sic tendentis in passivam Existentiæ rebus creatis faciendam communicationem. Cum igitur formalitas executionis quæ talis sit actu communicativa Existentiæ, formalitas verò Intentionis quæ talis sit Virtualiter Excitativa istius actualis ad Extra communicationis, consequens est, Ordini Intentionis in Deo convenire radicalem, seu ratione nostrâ ratiocinatâ remotam, ac mediatam, Ordini verò Executionis Formalem, seu immediatam ad Extra Efficaciam.

4. Dices: Ex hoc discursu sequi, quod Voluntas Dei efficaciam prædestinatis gloriam non possit spectare ad Ordinem Intentionis, sed Executionis duntaxat.

Contra. Nam licet unica Divinæ Essentiæ Bonitas increata sit finis, & Motivum Voluntatis Divinæ specificativum, unius tamen creaturæ Bonitas participata potest Deo aliam creaturam volendi esse ratio finaliter Terminativâ. Hæc autem ratio volendi Finaliter Terminativa in eo sita est, quod v.g. Bonum Universi sit ratio applicativa Bonorum Particularium ad hoc, ut ista à Deo intuitu incretæ Bonitatis volita sint, uti patet ex dictis q. 6. art. 2. cont. 1. Pari ergo ratione Gloria potest propter Essentiæ Divinæ Bonitatem eatenus alicui homini esse volita, ut sit ratio ad Divinam Voluntatem applicativa Mediorum gratiæ, ita ut hæc non sint à Deo prædestinata nisi ex ordine ad æternam gloriam. Tunc igitur Volitio æternæ gloriæ ad Dei Bonitatem Incretam comparata ita habet rationem Electionis, ut secundum comparisonem ad media gratiæ propter illam prædestinata habeat rationem Intentionis. Probatum istud Assumptum. Nam ratio Intentionis est Causalitas Finalis taliter mota ex fine intento, & amato, ut sit motio quædam excitativa prosecutionis Mediorum. At volitio æternæ gloriæ ex motivo Bonitatis Dei Incretæ in Deo existens est formalitas excitativa Voluntatis Divinæ ad media gratiæ in illam ceu rationem Deo volendi Finaliter terminativam ordinabilia. Ex eo enim, quod Deus aliquem elegerit ad gloriam, virtuali, seu eminentiali quâdam motione movetur Voluntas Divina ad discernendum tum perseverantiæ, tum meritorum, tum iustificationis, tum Vocationis efficaciæ Dona.

Constat igitur, efficacem Dei Voluntatem de gloriâ Electis conferendâ habere formalitatem Intentionis, modo statim explicando distinctæ ab ordine Executionis.

5. Replicabis, Intentio finis gloriæ nequit considerari sine terminatione ad Existentiâ Gloriæ. At sub istius ad existentiâ terminationis formalitate habet rationem executionis: Ergo non videtur in Deo posse distinguere Intentio ab Executione.

7. Contra. Etenim Dei erga creaturas amor seu volitio ad Extra nihil aliud est, quam Voluntatis Divinæ per Incretam Essentiæ ipsius Bonitatem ceu rationem finaliter Motivam determinatio ad volendam creaturæ alicujus Existentiâ. In hac verò Volitionis determinatione invenitur tendentia virtualis ac Eminentialis in ipsam Dei Incretam Bonitatem ceu formale Volitionis Divinæ Motivum specificativum. Sub hac igitur tendentiæ ratione volitio illa Divina habet rationem Causalitatis finalis. Ista verò sub præcisâ in rationem fina-

liter Motivam tendentiæ formalitate est Intentio, prout autem intelligitur terminata ad creaturam quæ Voluntati Divinæ expetibilem non propter se, sed propter incretam Dei Bonitatem habet formalitatem Electionis. At illa ipsa Volitio secundum unius Eminentialis formaliter ejusdem, sed virtualiter distinctæ formalitatis rationem adhuc considerari potest tanquam determinatio efficacissimæ, & omnipotentissimæ in Voluntate Divinâ ad extra potestatis, & activitatis. Sub istâ verò consideratione habet illa volitio rationem usûs secundum phylicam Efficientiæ & actionis Deo immanentis Causalitatem in creaturâ propter Incretam suam Bonitatem absolute volitâ efficientis Eius actualis Existentiæ. Hic verò usus ita se tenet in Voluntate Divinâ, ut eidem in Intellectu Divino respondeat Dictio, quæ Deus Dicendo facit creaturas, juxta illud Psal. 148. Dixit & facta sunt. Ista verò Dictio est Imperium, quo Deus mandavit, & creata sunt. Constat igitur, in Deo reperiri tum formalitatem actûs Intentionis, ac Electionis spectantis ad Ordinem Intentionis, tum usûs, & Imperij pertinentis ad ordinem Executionis.

Instabis. Eo ipso, quod Voluntatis Divinæ formale finaliter Motivum, ac specificativum obiectum non sit nisi increta Dei Essentiæ Bonitas, sequi, non esse in Deo intelligibilem Causalitatem, nisi sub ratione Eminentialis in Dei Incretam Bonitatem finalis tendentiæ. Si proinde Ordo Intentionis importet Causalitatem Finalem, sequi quod, Divinû Decretum, nō tantum quæ Gloriæ æternæ Præparativum, sed etiam quæ præparativum Gratiae spectet ad Ordinem intentionis, siquidem omnia Dei Decreta specificentur ab Incretâ ejus Bonitate tanquam ratione Finaliter Motivâ.

Contra. Nam licet sola Dei Increta Bonitas possit esse ratio voluntatis Divinæ Finaliter motiva, Bonitas tamen creata Gloriæ potest esse Voluntatis divinæ ratio finaliter terminativa, exercens ut sic rationem Causalitatis Finalis non respectu Volitionis Divinæ, sed respectu Donorum gratiæ in ordine ad æternam gloriam homini prædestinatorum. At ista Causalitas Finalis à fine Gloriæ quatenus amato, & intento non in ipsam Dei Volitionem, sed in Passivam Gratiae Donationem exercita sufficit ad formalitatem Intentionis, ac Executionis ponendam in Deo cum earundem distinctione Virtuali.

Probatum istud Assumptum. Nam ista Causalitas Finalis à fine gloriæ in media gratiæ exercita ex parte ipsius Gloriæ importat formalitatem ex Incretâ Dei Bonitate participatam, propter quam sint expetibilia Dona gratiæ. Hæc autem formalitas quatenus amata, & ut sic participata à Deo est particulariter applicativa Mediorum gratiæ ad Voluntatem Divinam, ita ut hæc in Gratiae Donis statuatur formalitatem ordinabilitatis ad finem Gloriæ. Unde illa Causalitas Finalis supponit in Deo Decretum utriusque illius tum Fini gloriæ, tum gratiæ Donis convenientis creatæ formalitatis actualiter in homine prædestinato exercitæ causativû. In hoc aded Decreto divino in primis consideranda est ratio tendentiæ in Bonitatem Dei Incretam ceu unicum Voluntatis divinæ Finale motivum ac specificativum. Hæc autem respectu finis gloriæ homini

homini efficaciter intenti ita habet rationem Causalitatis Finalis, ut in ordine ad eam volitio dandi gloriam habeat rationem Electionis, & prout in vi actionis æternæ terminatur ad Existentiā gloriæ habeat rationem Executionis. Deinde in illo Decreto consideranda est ratio in Gloriæ Finem tendentiæ quā in prædestinato causantis illam formalitatem, propter quam Dona gratiæ sunt specialiter expetibilia. Ista verò Decreti divini tendentia intrinseca habet urse eminentialem vim Excitandi Volitionē Donorum gratiæ tanquā Mediorum propter finem gloriæ expetibilem. At Decretum divinum habet formalitatem Intentionis, prout est vis quædam eminentialiter excitativa Volitionis eligentis Media ad aliquem finem. Constat igitur, in Decreto potius æternæ gloriæ præfinitivo, quā Gratiae Præparativo reperiri formalitatem intentionis, ita tamen ut ipsummet Gloriæ præfinitivum Decretum sub formalitate Efficientiæ, & actionis æternæ habeat etiam rationem Executionis activæ.

Responsio ad Argumenta Adversariorum.

- II. **A**D fundamentum Vasquetij n. 1. oppositum Respondetur. Ordinem Intentionis ac Executionis in Divinā Voluntate non ex diversitate Motivi, sed ex Causalitatis Finalis & Efficientiæ Deo immanentis Virtualiter distinctā formalitate desumendum esse. Nam Volitionis Divinæ prædestinatis æternam gloriam decernentis non est nisi unica Dei Increata Bonitas per visionem Beatificam consummatæ, per Dona verò gratiæ, seu merita nostra *dispositive* seu ex parte subjecti *dignitative*, ac *præparative* Electionis suis communicanda. Unde intentio Divina æternæ gloriæ prædestinatis præfinitiva non minus, quā executio terminatur ad merita quā *dignitative* disponentia, ac præparantia subjectum in ordine ad gloriam non nisi ex Bonitatis Dei increatæ motivo prædestinatam. Recte igitur concludit Vasquez citatus, ex diversitate motivi non posse in Deo distingui ordinem Intentionis, ac Executionis. Verū hallucinatur in eo, quod non attenderit, illam Decreti Divini Identitatem ita relucere in ordine gloriæ, & gratiæ, ut ratione tamen Eminentialis suæ actualitatis habeat vim non tantum motionis finalis ut sic incitantis in Bonum, sed etiam Efficientiæ causantis Bonum, uti patet ex S. Thomā 1. p. q. 23. art. 4. Sub quā adeo causalitatis Finalis, & Efficientiæ physiciæ virtualiter distinctā formalitate Eminentiali Ordinis Intentionis, ac Executionis in Voluntate Divinā diversitatem ratione nostrā ratiocinatā petendam esse, constat ex dictis.

12. **A**D Ioannis à S. Thomā n. 2. propositum discursum Respondetur. Per omnia probari à nobis ceu conformem Doctrinæ Angelici Doctoris tum alibi, tum cit. q. 33. a. 2. asserentis, Executionem Ordinis prædestinatorum *active* esse in Deo, *passive* autem in rebus creatis. Unde merito redarguendus est Vasquez *sup. n. 1.* citatus affirmans à recentioribus primum excogitatum esse, quod in Deo detur intrinsecus Ordo executionis.

CONTROVERSIA II.

An & quomodo in Volitione

Divinā sint designanda signa, seu Instantia rationis?

CONCLUSIO.

AD Mysteria Divinæ Voluntatis applicanda plurimum juvat in Decretis Divinis ponere distinctionem secundum instantia rationis.

Explicatur & Probat. Sicut enim essentia Divina in ratione purissimæ Intelligibilitatis per se ipsam actuata est formaliter identice sui ipsius Intellectio; sic eadem essentia in ratione Bonitatis infinitæ, & appetibilitatis actualissimæ per Intellectionem Divinam expressa est actuans Voluntatem Divinam in ratione simplicissimi, & purissimi Amoris formaliter identice specificati per eandem increatam Dei Bonitatem. At essentia Divina sui ipsius intelligibiliter actualissimè expressiva est consequenter Idealis ratio omnis ex suā infinitā imitabilitate derivabilis creatæ Essentiæ, nec non ratio exemplaris cujusvis per Voluntatis suæ Divinæ determinationem actu faciendæ realitatis creatæ intelligibiliter repræsentativa. In hac autem simplicissimā Divinæ Intellectionis formalitate Eminentiali constat esse Virtualementem quandam distinctionem, secundum quam Divina Essentia in primo, creatæ essentiæ possibiles in secundo, realitates verò actu existentes in tertio rationis instanti, seu signo intelliguntur inexistere intelligibiliter, ac repræsentative Divino intellectui. Pari ergo ratione discurrendum est de simplicissimā Amoris Divini formalitate.

Probat. istud assumptum. Etenim Deus volendo suam Bonitatem ut finem, alia vult propter se tanquā finem; in quantum concedit Divinam Bonitatem ab ipsis participari. ex S. Thom. 1. p. q. 19. a. 2. Hæc autem Causalitas finalis ita arguit creaturarum à Divinā Bonitate realem dependentiam, ut in Deo inferat Eminentialem prioritatem Volitionis quā terminatæ ad increatam suam Bonitatem. Deinde Bonum univèrsi est Deo ratio volendi Bona particularia. ex S. Thoma. *contra gent. 1. cap. 68.* Illud verò Bonum univèrsi est Divinæ perfectionis secundum quandam uniformiter difformem participationem in rebus creatis resplendentia. Hæc verò per modū alicujus in Deum reflexæ gloriæ resplendentia connotat purissimā actualitatem, ac simplicissimam formalitatem Iustitiæ, Misericordiæ, bonitatis, sapientiæ, Potentiæ, omnisque à potentialitate depuratæ perfectionis creatis Essentijs non nisi cum aliquā potentialitatis concrectione communicabilis. Ex ista verò potentialitatis commixtione in rebus creatis oritur distinctio formalitatum in Deo sub Eminentiali simplicis actualitatis identitate realiter formaliter indistinctarum. Hæc autem ex unius Dei Essentiæ actualitate participata in rebus creatis formalitatum distinctio importat quandam Divinæ participationis

unitatem sicam in quâdam ad Deum quâ essen-
di principium habitudinis uniformitate. Un-
de Decretum, quo Deus decernit ac decernen-
do causat Bonum vniversi, habet pro objecto
omnes res creatas, quatenus sub formalitate
participationis ex Dei Essentiâ sibi impressæ uni-
formiter difformiter repræsentant Divinam per-
fectionem sub actualitatis purissimæ formalitate
circumdatam omnigenæ perfectionis Eminen-
tiali varietate. Hæc igitur omnigenæ per-
fectionis varietas Eminentialis ex se profun-
dens omnes Entis differentias ita est Decreti
Divini creaturarum ad extra causativi Moti-
vum Finale, ut illa tamen creaturis cum reali
perfectionum distinctione impressa varietas spe-
ctata secundum Divinæ in se repræsentatæ ac-
tualitatis resplendescentiam uniformiter dif-
formiter in rebus creatis relucens sit bonum
vniversi, quod Deo est ratio non quidem mo-
tiva, sed ex parte volitorum formaliter termi-
nativa & Voluntatis Divinæ applicativa ad vo-
lendum Bonaparticularia creaturarum. Etli pro-
inde non nisi unicum sit in Deo actualissimum
Decretum omnis boni creati tam vniversi, quàm
particularis prædeterminativum, & Causativum;
in hoc ipso tamen Decreto assignari possunt in-
stantia rationis, ita ut per prius dicatur Velle
Bonum Vniversi, quàm Bona particularia. Por-
rò inter bona particularia se habet quodammodo
Christus ut finis omnium creaturarū, ut adeò se-
cundum Instans aliquod rationis oporteat, sub
quodam saltem respectu in *Materia de Incarnatio-
ne* explicando Christum prius à Deo volitum
esse, quàm reliquas creaturas, juxta illud de
Verbo Dei etiam Incarnato pronuntiatum *Prov.*
*3. v. 22. Dominus possedit me in initio viarum sua-
rum.*

3. Deinde sicuti merita Christi evehunt peccato-
res ad dignitatem statûs Filiorū Dei ac per præde-
stinationem in sortem lucis Sanctorū, sic exalta-
tio, & Gloria Christi ex eo relucens, quod præ-
destinati Filij Dei sint Christo dati, eique tan-
quàm Imagini primogenitæ conformati, est fi-
nis, seu ratio finaliter terminativa, quam Deus
intendit in prædestinatione Electorum. De-
nique Gloria visionis Beatificæ efficaciter De-
creta est Voluntati Divinæ ratio finaliter ter-
minativa volendi Iustificationem cum Dono per-
severantiæ. Iustificatio verò est ratio decernen-
di, ac donandi Electis vocationem secundum
propositum. Juxta hanc igitur rationum vo-
lendi finaliter terminativarum ex parte objecto-
rum subordinationem ac distinctionem, in De-
creto Divino ex se indivisibili distinguimus in-
stantia rationis secundum formalitates inten-
tionis, Electionis, imperij & usûs sub actuali-
tatis purissimæ identitate formali in Deo vir-
tualiter distinctas ac præferentes Ordinem
non formalem, sed eminentialem Intentionis,
ac Executionis.


4. Ratio fundamentalis est; quia in rebus crea-
tis verè invenimus, quod uni insit formalit-
tas, vi cuius alia sint propter ipsam expetibilia,
alteri verò inexistat formalitas secundum quam
habeat non tantum ordinabilitatem, sed etiam
actualem in ratione Medij ordinationem in al-
liud tanquam finem. Quidquid autem est reali-
tatis in rebus creatis, id Deus volendo eisdem
impressit. At eo ipso, quod Deus uni creaturæ

communicet rationem finis, ei Volitionis suæ
Causalitate imprimendo realitatem seu forma-
litatem, propter quam alia sint expetibilia seu
quæ media ad illam ordinabilia, sequitur, De-
creto Divino talis finis prædeterminativo con-
venire vim quandam eminentialem excitandi
Decretum præfinitivum Mediorum, ex quorum
influxu, seu Causalitate dependeat finis execu-
tio. Hæc autem vis eminentialiter excitati-
va in Decreto finis prædeterminativo est fun-
damentum ratione nostrâ ratiocinata constitu-
endi prioritatem aliquam respectu Decreti Me-
diorum præfinitivi. Constat igitur, Ordinabi-
litatem unius tanquam medij ad aliud tan-
quàm finem, nec non hujus ex se in Media de-
rivabilem expetibilitatem esse fundamentum ra-
tione nostrâ ratiocinata ponendi in Deo instan-
tia rationis, quod D. Thomas *q. 23. de veri-
a. 2. ad 8. inlinuavit, in Voluntate Dei, inquit, non ponuntur Antecedens, & Consequens ad impor-
tandum ordinem successionis, qui repugnat aternitati, sed ad denotandam diversam comparationem ejus ad
voluntatem.*

Oppones. Ista rationis Instantia circa Deum
designari ex eo, quod Deum intelligamus ad
modum rerum creaturarum; Doctore Angelico
*in 3. ass. 12. q. 1. a. 1. attestante; quod generatio
non sit prior aliquo modo, qui possit ad Divina referri, sed
tantum secundum modum intelligendi, qui est in In-
tellectu nostro tantum accipiente generationem, & Pro-
cessionem in Divinis secundum similitudines & peras in
creaturis, quæ deficientes sunt ad repræsentandum gene-
rationem, & Processionem, prout sunt in Divinis. At
verò indignum esse, quod illa Instantia, quæ
ratione Imperfectionis sunt realiter in creaturis,
ratione nostrâ ponamus in Deo.*

6. Contra. Nam quæ instantia rationis circa
Deum format Intellectus noster, nō affingit Deo,
sed tenent se ex parte intellectûs nostri tan-
quàm signa alicujus formalitatis sine omni po-
tentialitatis, ac imperfectionis admixtione Deo
realiter, ac formaliter inexistens repræsentati-
va. Sicut enim instantia rationis se tenentia
circa Divinam Verbi generationem, ac Spiri-
tûs Sancti Processionem nihil aliud sunt, quam
signa intelligibilia, sub quibus in uno æterni-
tatis Nunc indivisibili repræsentatur Emanatio
Filij cum ratione à Patre sibi communicatæ
Originis spirantis Spiritû Sanctum. Circa quam
proinde tum Filij originis activæ, tum Spiri-
tûs Sancti Originis Passivæ realem distinctio-
nem Intellectus prioritatem, ac posterioritatem
non durationis, sed Emanationis inveniens, eas
secundum similitudines in rebus creatis repertas
cognoscens, format instantia rationis tanquam
signa Generationis & Processionis, prout inexi-
stunt Deo non *mutuè, sed abstractivè* repræsen-
tativa. Pari ratione Intellectus ex parte ob-
jectorum à Deo Volitorum realitates in uno or-
dinabilitatis Medij ad finem; in altero appe-
tibilitatis fini propriæ inveniens, eas in Dei Vo-
luntatem tanquam causam reducendo cognos-
cit in Decreto Divino formalitatem, quæ sit
Causalitas appetibilitatis finis propriæ in bono
creato efficiens, pro quâ equidem formalitate
exprimendâ ponit instans rationis tanquam
signum hujus Divinæ Causalitatis repræsen-
tativum. Ex isto deinde signo deducit alterum
rationis instans significativum Causalitatis Di-
vinæ

vincæ Mediorum ad finem efficaciter volitum ordinabilium effectricis. In hac ipsa verò Causalitate simplici tam finis, quam Mediorum effectrice ita reperit Intellectus formalitatem intentionis, ac Electionis, nec non Imperij ac usus realiter identificatam, ut eas cum abstractione attingendo, unam non in actu signato, sed in actu exercito intentionaliter separet ab altera, atque ut sic non ex parte rei, sed ex parte signi, seu similitudinis in Intellectu expressæ Divinum Decretum non intuitivè, sed abstractivè attingentis constituat Instantia rationis. Constat igitur, per instantia rationis nihil Deo attingi contra Veritatem, sed ea tanquam signa ex parte Intellectus nostri se tenentia ipsam Divinæ formalitatis realitatem, non quidem prout est in se intuitivè, sed abstractivè attingere,



ARTICULUS II.

DE

Virtutibus Dei.

1. **C**UM Virtutes specificentur ex motivo formali, neque verò Divinæ Volitionis Motivum specificativum sit nisi Essentiæ Dei Bonitas Increata, idcirco omnis in Deo Virtus est unius simplicissimæ formalitatis per suæ Increatæ Bonitatis realem formalem identitatem specificatæ. Sicuti ergo Deus de omnibus cognoscibilibus solum habet cognitionem Theologicam, adeò ut Theologia Dei non tantum sit de omnibus cognoscibilibus, sed etiam omnis cognitio possibilis haberi à Deo, siquidem nequeat inexistere Deo illa Scientia, nisi virtute primi objecti Theologici actuantis Divinum Intellectum, uti bene tradit Scotus in lib. sent. q. 3. Prol. n. 23. Sic virtutes, quæ in nobis sunt Morales, quatenus Deo inexistunt non sunt nisi Theologicae, siquidem non sint in ipso, nisi sub actuante Increatæ Essentiæ Bonitatis Volitionem Divinam formaliter identicè specificantis, uti patet ex dictis præced. q. 6. art. 2.

2. Unde licet Misericordia sub ratione Inclinationis de alienâ miseriâ sublevandâ sit formaliter in Deo, nequit tamen ista alienæ miseriæ sublevandæ Honestas Misericordiæ prout est in nobis, propria per se movere Divinam Voluntatem, sed sub altiori duntaxat Increatæ Honestatis formalitate. Sicuti ergo Deus Esse suum ad extra communicat non nisi cum concretionepotentialitatis transcendentaliter involutæ in omni ente participato, sic Virtutes Morales creaturis Intellectualibus inexistentes immerse Honestati ex Divinâ Sanctitate per participationem derivatæ ab hac tanquam sui mensurâ ita specificantur, ut consequenter Misericordiæ homini inexistens ratio specifica non habeat majorem cum Divinâ Misericordiâ convenientiam, quam Ens puræ actualitatis Increatum cum Ente creato ex potentialitatis, & inde ortæ limitationis ratione solum analogicè participet Esse.

3. Esti porro nonnullarum Virtutum Moralium formalitates specificativæ ita sint elevabi-

les, ut consequenter, sub eminentiori tamen purissimæ Essentiæ Divinæ eas per realem formalem identitatem actuantis, ac specificantis ratione possint Deo formaliter inexistere, sic enim liberalitas consistens in congruo usu Bonorum exteriorum Dominio alicujus subjectorum, eatenus in Divinæ Voluntatis vim Dominativam est elevabilis, ut Deus omnia creata extra se derivabilia Bona absoluto suo, ac Essentiali Dominio subjecta non nisi secundum mensuram Bonitatis suæ infinitæ nunquam adeò exhaustivè expendat. Sic Deus creaturas intellectuales propter se amore duntaxat Concupiscentiæ non verò Amicitiae diligendo, eas tamen in ita se quandoque inclinat, ut in earum convictum, & familiare sive per internas duntaxat inspirationes, & fermocinationes, sive sub exteriori aliquâ sensibili formâ colloquium affabiliter se inferat, nec adeò repugnet Deo Amicitia, prout à S. Thomâ 2. 2. q. 114. dicitur eadem cum Affabilitatis virtute. Sic Deus per se, vel per Prophetas, seu amicos suos loquens humano generi veracitatis virtutem sitam in honestate verborum menti & factorum Verbis conformativâ eo ipso exhibet; quod nihil Verborum Deus loqui possit, nisi per Divinæ suæ mentis Causalitatem ad extra transeuntem, sed formaliter immanentem, & intrinsecè actuatam ex Divinâ non nisi Veritatis per se expressivâ essentiâ ac infallibiliter effectrice factorum, quæ de prædestinationis suæ efficacis promissione pollicita est. Sic denique vindictio consistens in Virtute repellente nociva vel per defensionem, ne inferantur, vel per ultionem illatæ injuriæ, non repugnat Dei Voluntati, quæ Majestatis suæ Divinæ honorem zelando, injurias & peccata gratiæ suæ Donis quandoque impedit, & contra illas pænis justè deservit.

4. Nihilominus aliæ sunt Virtutes morales, in ratione suâ formali objectivâ importantes imperfectionem Divinæ perfectioni repugnantem: Sic enim Religionis, Observantiæ, Humilitatis, & Obedientiæ ratio specificativa in subiecto supponit subjectionem Divinæ Majestatis altitudini adversantem. Unde Deus Pater Christum, imò & ejus Ministros honorificans non cultum aliquem Dulciæ, seu religionis putandus est exhibere Christo, & Sanctis, sed ipsam dignitatem Sanctitatis humanitati Christi, nec non gloriæ cælestis sublimitatem Sanctis communicando, dicitur eos honorificare. Sic gratitudo non quâ retribuens pro gratiâ sibi factâ, sed quâ remunerans Dona Gratiae tanquam merita creaturæ intellectuali à se data, inest Divinæ Voluntati. Sic temperantia, & Fortitudo Passionum moderativæ virtutes nequeunt subsistere in puræ actualitatis Essentiâ Passionis utpote potentialitatem inferentis exclusivâ. Hinc Clementia, & Mansuetudo in eo convenientes, quod sint Iræ Moderativæ, illa quidem quoad exteriorem punitionem; hæc verò quoad iræ passionem interiorem temperandam, sub istâ formalitate moderationis non sunt in Dei voluntatem elevabiles, etsi sub altiori Misericordiæ peccata per gratiam condonantis ratione Deo attribui possint. Pari ratione magnanimitas in magnis honoribus quærendis servans decentiæ proportionem; sicut & Magnificentiaversans circa magnos sumptus in opus suble-

mius decenter insumendos, eatenus Divinæ Personæ adversantur, quatenus tanquam fortitudinis partes supponunt Bonum arduum, siquidem Voluntatis Divinæ Potestati efficacissimæ repugnet quidquam esse arduum. Quare sub altiori duntaxat formitate Deo attribui possunt, prout in suæ gloriæ honore, nec non humani generis redemptione, & Sanctorum gloriâ procurandâ maximos potentia suæ in Verbo Divino Incarnando, ac turpissimæ mortis destinando sumptus fecit.

5. De hoc igitur duplici virtutum genere restant duæ difficultates. Altera de priori, *An scilicet in Formalitatibus virtutum differat alium quatenus per purissimam Essentia Divina actualitatis simplicissimam Identitatem sunt in Deo ponibiles, possit ratione nostrâ ratiocinata designari aliqua inæqualitas*. Altera circa posterius Virtutum moralium cum puræ Dei actualitatis ratione formaliter incomponibilium genus se tenens Controversia est de Justitiâ, *An scilicet Deo inexistat formalis ratio iustitiæ*.

XXXXXXXXXXXXXXXXXXXXXXXXXXXXXXXXXXXX

CONTROVERSIA I.

An virtutes in Deo sint ratione nostrâ inæquales.

1. **A**rriaga 1. p. tom. 1. disp. 17. sect. 4. n. 64. universim affirmat de actibus Dei, esse inæquales, ac illum, qui versatur circa Deum esse infinites perfectiorem illo, qui versatur circa formicam, & sic proportionem servatâ de cæteris objectis inæqualibus. Fundamentum ejus judicio evidens est, quod ex genere suo perfectius sit noscere, ac respicere Deum, quàm noscere, ac respicere formicam, sicut etiam perfectius est amare Deum propter se, quàm amare formicam propter se. At si inæqualibus æqualia addas, semper manebunt inæqualia, licet ea duo æqualia, quæ adduntur, infinita sint. Ergo cum Amor de Deo ut sic, & amor de formicâ ut sic non sint ejusdem perfectionis, sed nobilior sit amor Dei, quàm amor formicæ, si duo isti actus contrahantur ambo per differentias æquæ perfectas, nempe per hoc quod est Esse in Deo, necessario debebunt manere inæquales.

2. Videri possit quoque Doctor Angelicus 2. 2. q. 30. art. 4. agnovisse aliquam Misericordiæ supra reliquas Dei virtutes Excellentiam. Ratio est. Nam virtutis perfectio attenditur vel secundum se, vel per comparisonem ad habentem. At secundum se Misericordia maxima est; pertinet enim ad Misericordiam alijs effundere, & quod plus est, aliorum defectus sublevare. Hoc autem maximè superius est, unde & Misericordia ponitur proprium Deo, & in hoc dicitur maximè ejus Omnipotentia manifestari. Unde cum Virtus per comparisonem ad habentem sit, quatenus habetur ab illo, qui Summus est, nullum supra se habens, sed omnes sub se, consequens est, Misericordiam ex ratione suâ formali propriam Dei etiam in ordine ad habentem, esse summam virtutem. At si omnium Virtutum in Deo esset etiam secundum rationem ratiocinatam formalis æqualitas, Misericordia quæ propria Dei nec secundum se, nec in ordine ad habentem posset dici maxima. Oportet igitur,

circa Deum assignari posse aliquam ratione nostrâ ratiocinatâ inæqualitatem formalem.

Franciscus de Lugo de Deo. mo disp. 31. c. 2. n. 21. & 22. inæqualitatem virtutis ac honestatis eatenus excludit à divinâ Voluntate, ut asserat, Deum ex parte modi, conformiter ad dictamen Sapientiæ non potuisse facere melius, quàm fecit, sed semper operari convenientissimè.

Fundamentum est; Quia infinita Dei Sapientia in omnibus, quæ potest efficere, considerans omnes modos, omnesque circumstantias, & series rerum, quibus fieri possunt invenit in unaquâque re, aut modo pro utraq; parte rationes æquales honestatis, & convenientiæ sive ex ipsâ naturâ effectûs intrinsecè desumpta, sive ex intrinsecis congruentijs petitas: ita ut semper maneat in mente divinâ omnibus pensatis, æqualiter honestum respectu Dei, æqualiterque conveniens, & aptum ad divinam gloriam, (propter quam universa Deus operatur) ad Extra efficere, aut non efficere qualecunque opus, & efficere hoc vel illo modo.

Cujus Fundamenti ratio à cit. autore exponitur n. 32. Nam divinum Dictamen, & Sapientia dictat, Deum semper in suis actibus, & operibus debere intendere suam Voluptatem, & gloriam. Quare tunc Deus se habet perfectissimo modo in genere moris, quando sic disponit opera sua, ut ei afferant summam Voluptatem, & gloriam, & tunc se haberet minùs perfectè in genere moris, quando sic disponderet opera sua, ut summam illam Gloriam, & Voluptatem non obtineret. At æqualem Gloriam accidentalem & Voluptatem capit Deus de Objectis ab ipso liberè volitis, sive velit rem producere nempe Mundum, aut unionem Hypostaticam, sive nolit ista producere: non enim minùs gloriosus esset Deus non existente Mundo, vel Christo Domino, quàm Existente. Etsi namque Deus maximè gaudeat videns existentem Mundum, meritaq; Sanctorum, & præcipuè Christi Domini, & per hunc redimi Genus humanum, tamen maximè quoq; lætaretur videns, nullo istorum existente, nullum sibi provenire defectum, nullâ inferri molestiam aut tristitiam; Est enim ita Suavissimum Deo experiri, se ducere vitam ab omnibus prorsus eventibus independentem, & sibi mer abunde sufficientem, ut per hanc læticiam compensetur ad æqualitatem Voluptatis, quam ex productione quarumlibet creaturarum perceperisset. Consequens proinde est, æquè bonam moraliter esse Volitionem divinam creandi Mundum, ac redimendi Genus humanum, ac nolitionem eorundem objectorum; siquidem utraque sit æquè conformis divino Dictamini, quod æquè dictat, quod æqualiter conducit ad Dei Gloriam, & Voluptatem accidentalem.

D. Thomas 1. p. q. 10. art. 3. divini erga objecta creata Amoris æqualitatem adstruit tum ex parte actûs Voluntatis, qui est divina Essentia; tum quod, licet ex parte Boni, quod Deus amando communicat rebus creatis, sit inæqualitas, ex æquali tamen Sapientiâ, & Bonitate omnia administret. ex cit. art. 3. ad 1. & 2. Cui addo conformiter S. Doctor infra q. 26. art. 6. ad 1. aig, Deum posse aliquid facere melius, quàm facit, si *ly melius* sit nomen, quâlibet enim re posse facere meliorem, si vero *ly Melius* sit adverbium, & importet modum ex parte facientis, sic Deum non

non posse facere melius, quam sicut facit, cum non possit facere ex maiori Sapientia & Bonitate.

CONCLUSIO.

IN actibus, seu Virtutibus Divinae Voluntatis etiam quæ Virtualiter, & ratione nostrâ ratiocinata formaliter distinctis non potest designari aliqua perfectionis inæqualitas.

5. Probatur. Actus Virtutis potest considerari vel secundum physicam Entitatem realem tendentem in objectum, vel secundum Moralitatem sitam in regulabilitate Prudentiæ. At ratio objectiva, secundum quam est Prudentiæ Divinae regulatio, nequit esse quid creatum, hoc ipsum enim originaretur ex Divina perfectione, in qua proinde oportet esse primævam mensuram primæ prudentialis regulationis. Hæc autem primæ regulationis prudentialis mensura eo ipso, quod sit aliquid divinum, habet rationem puræ actualitatis, siquidem hæc sit constitutiva Formalitatis quæ divinæ, ejusque ut sic distinctivæ à creatâ potentialitati immersæ formalitate. At eo ipso, quod tam ratio objectiva Divini prudentialis Dictaminis regulativa, quam ipsa Dei prudentia, seu regulatio formalis, imò & ipse actus Voluntatis regulatus sit actualitas pura, oportet in Deo esse realem formalem identitatem illius rationis objectivæ, & Dictaminis prudentialis tam inter se, quam cum actu Voluntatis regularo, ita ut omnium istarum formalitatum sit una simplicissima actualitas. Unde fit, quod respectu cujuscumque à Divina Voluntate operabilis objecti non sit in Deo nisi unica prudentialis ratio per realem formalem identitatem nixa Esse Divini puritate, & actualitate. At hæc ipsa Essentiæ Dei actualitas ita in ratione Intelligibilis est formaliter identicè specificativa Intellectionis habentis rationem Prudentiæ, Sapientiæ, ut eadem Esse Divini actualitas quæ per se ipsam in divino Intellectu intelligibiliter expressa sit per realem formalem identitatem etiam specificativa omnis Divinæ Volitionis, & Amoris. Est autem physicæ in quacumque formalitate perfectionis mensura secundum ejus speciem. Cum igitur specificatio secundum formalitatem tam regulabilitatis prudentialis, quam perfectionis physicæ sit per unicam simplicissimam Dei actualitatem, nequeunt actus Divinæ Voluntatis sive secundum physicam in objectum sui specificativum tendentiæ intrinsecæ perfectionem, sive secundum Moralitatem aut prudentiæ Regulabilitatem spectati considerari cum aliqua inter se inæqualitate.

6. Dices. Apostolum cum *Rom. ii.* expendisset Dei in repellendis Judæis, & vocandis Gentibus, Decretum exclamasse. *O Altitudo Divinitarum Sapientia, & Scientia Dei, quam incomprehensibilia sunt Judicia ejus, & investigabiles viæ ejus; Quis cognovit sensum Domini, aut quis Consiliarius ejus fuit?* Hoc autem perinde esse, ac si diceretur, Quis poterit investigare in profundissimo divinæ cognitionis abyssu rationes omnes convenientiæ, & disconvenientiæ pro singulis hominibus eligendis, vel repellendis, pro singulis operibus efficiendis, vel non efficiendis, quæ in divino Consilio sic e-

lucent, ut appareat utrinque æquè prudens & honestum hoc vel illud, sic vel aliter præstare pro solo libero Dei arbitrio, & beneplacito. ex Francisco de Lugo *cit. cap. 2. n. 31.* Ex quo videri consequens, Prudentiæ dictamen in Deo esse secundum convenientiæ, ac disconvenientiæ rationes in opere aliquo eluentes. At sicuti Bonitas, & perfectio operum Divinorum est inæqualis, sic oportere convenientiæ, ac disconvenientiæ rationes in talibus operibus inæquales esse. Ex hac igitur inæqualitate Divinorum operum videri in Voluntate divinâ secundum illas convenientiæ, ac disconvenientiæ rationes regulatâ posse Moralitatis, seu Honestatis Moralis, atque aded Virtutis inæqualitatem considerari.

Contra. Nam Apostolus in *sine cit. capit. 7.* vult in incomprehensibilibus Dei Judiciis, ac ejus viis investigabilibus dari Deo gloriam, *quoniam ex ipso, & per ipsum, & in ipso sunt omnia.* Actantum Laudis & gloriæ debetur alicui, quantum habet Honestatis, ac Bonitatis Moralis. Investigabiles autem viæ Dei ex eo, quod sint *ex ipso, & per ipsum, & in ipso,* habent Bonitatem, & honestatem moralem sitam in regulabilitate convenientiæ secundum Dictamen prudentiale. At illa omnium *ex ipso, & per ipsum, & in ipso* Deo essendi ratio importat talem ex Divinâ substantiâ originem, ut omnia in ipso præcontenta ex ipso effluant, & in ipsum tanquam Finem omnium reducantur. Hæc autem ratio est ipsa Esse divini actualitas tanquam omnis participatæ convenientiæ Idealis, & effectrix, imò & Finalis origo per se ipsam expressiva omnimodæ creaturarum cū perfectione divinâ convenientiæ. Illa igitur Esse divini actualitas qua per sui Intellectionem expressiva omnis creatis effectibus impressæ convenientiæ est ratio prima Motiva, & per realem formalem identitatem specificativa Intellectionis divinæ quatenus habentis rationem non tantum Scientiæ, sed etiam Prudentiæ. Unde convenientiæ tanquam investigabiles Dei viæ in creaturis expressæ sunt objectum duntaxat materiale, suntque effectus divini prudentialis Dictaminis. Quare convenientiarum in rebus creatis diversitas non impedit, quod minus Judicium Dei incomprehensibile ex parte duntaxat objecti materialis, ac effectuum multiplex, in se verò, quatenus est regula Dei prudentialis ratione Motivi formalis specificativi unicum, ac simplex sit, fundetque aded absque ullâ Moralitatis inæqualitate simplicissimam Voluntatis divinæ respectu omnium ad Extra effectuum actualitatem, ac formalitatem.

Responsio ad fundamenta opposita.

Ad Arriagæ *n. 7.* oppositum *n. 8.* Hunc Authorem nimis crasse sibi imaginari formalitates divinas. Si enim inæqualibus non tam fiat additio, quam formalis realis identitas actualitatis utramque formalitatem tam quoad physicam Entitatem, quam quoad Moralitatem in ratione Essendi divini specificatis, & sub unius simplicissimæ formalitatis ratione omnem physicam, & moralem perfectionem ex parte rei formaliter identicè includentis, tunc evidens est, per illam purissimam omnis perfectionis sub simplicissima formalitate inclusivam actualitatem non itare in forma-

formalitatibus taliter specificatis inæqualitatem, nisi quatenus per rationem præcisivam intelligi possent abstractæ, & intentionaliter separatæ ab illâ specificativa actualitate. At formalitates illæ secundum abstractionem ejusmodi non considerarentur formaliter quâ divinæ, sed quatenus analogice communes Deo, & Creaturæ. Impossibile igitur est, in actibus, seu Virtutibus Dei quâ divinis intelligere aliquam inæqualitatem, quæ non apertam chimericam fictionem importaret.

9. Ad n. 2. propositum Respondetur. D. Thomam ibi facere comparisonem Misericordiæ cum cæteris Virtutibus abstrahendo à ratione creati, & increati. Sub quâ proinde consideratione excellere Misericordiam super omnes virtutes, tum quod Charitas non in ratione virtutis secundum formalitatem Moralitatis, sed in ratione amoris naturalis necessarij insit Deo; tum quod Misericordiæ conceptus formalis tendat in sublevationem alienæ miseriæ, hæc vero supponat in Deo omnium divitiarum cuiusvis perfectionis nullatenus indigam continentiam sub unicâ simplicissimâ totius essendi fontis actualitate. Unde ex formali suo conceptu esse Misericordiam tanquàm Deo propriam; cum contra virtutes reliquæ non ex conceptu suo formali, sub quo in statu abstractionis præcisæ à ratione Divini, & creati considerantur, sed ex quâdam per formalem realem identitatem illius Dei actualitatis elevatione debeant in Voluntate Divinâ statui. Hoc igitur solum intendit S. Doctor, quod Misericordiæ præ alijs virtutibus excellentia subsistat ex ejus præciso conceptu formali proximo Divinæ perfectioni; etsi omnium Deo inexistentium virtutum ut sic unica sit formalitas simplicissimæ Sanctitatis, & Honestatis Moralis, secundum non physicæ duntaxat Entitatis, sed virtutis moralis rationem specificatæ per realem formalem identitatem Divinæ actualitatis quâ primæ Divini Intellectûs regulæ prudentialis.

10. Ad Francisci de Lugo n. 3. oppositum Respondetur. A nobis probari, quod non tam æqualis, quàm unica simplex respectu omnium ad extra effectuum regula prudentialis in Deo statuatur. Verum improbari merito, quod regulam prudencialem ille Author petat ex convenientijs relucens in rebus creatis, cum potius omnes istæ in ratione regulabilitatis morales convenientiæ tanquàm effectus reducendi sint in Dei prudentiam simplicissimam, purissimâ Esse Divini intelligibiliter per se ipsam expressâ actualitate ut sic specificante ejusmodi actus Dei liberos, atque morales.

11. Ad rationem n. 4. expositam Responderetur. Sicuti nullius ex rebus creatis relucens, ac in Deum redundantis gloriæ est intellectio Divina intelligibiliter expressiva, nisi in ipsâ suæ essendi actualitatis puritate tanquàm objecto Divinæ intellectionis motivo, imò tanquàm ipsomet verbo Essentiali omnis extra Deum effectus, ac gloriæ actualiter representativo. Sic nullam extra Deum gloriam posse Divinæ Voluptatis, & Complacentiæ esse materiam, nisi sub ejusdem actualitatis Dei formalitate specificante Voluptatem Divinam. Consequens proinde esse, quod ex istâ tam Intellectionis, quam volitionis Divinæ per simplicissimæ for-

malitatis actualitatem specificatione, non autem ex convenientijs creaturarum per modum objecti duntaxat materialis, ac effectûs se habentium ad Divinam Voluntatem, sit in hæc æqualitas, imò realis formalis identitas actuum, quoad honestatem etiam moralem ex regulabilitate Prudentiæ incieat sibi realiter formaliter identificatâ petitam.

CONTROVERSIA. II.

An in Deo sit propria, & rigorosa Iustitia præsertim Commutativa?

NE vagandi derur occasio, indivisibile ponimus de Iustitiæ quidditate Centrum, circa quod volvatur præsens Controversia. Iusticiam igitur ex communi Philosophorum, ac Theologorum sententiâ dicimus Voluntatem firmam & Constantem sive virtutem, quæ solum unicuique tribuit. Hic autem pro Iustitiâ rigorosâ, & propriè dictâ per ipsum intelligimus debitum rigorosum secundum æqualitatem iuris alteri compensandum.

Dividitur porro Iustitia in Commutativam, & Distributivam, quarum differentia triplex secundum Ioannem à S. Thomâ in præf. q. 21. disp. 6. art. 4. à n. 1. adstrui debet. Prima ex parte Materiæ. Nam licet ambæ possint circa eandem materiam, scilicet pecunias, utensilia, honores, injurias compensandas, circa opera, & labores versari, attamen Iustitia Distributiva respicit distributionis juxta singulorum merita, & proportionem ad præmia, Iustitia verò Commutativa respicit Commutationes juxta æqualitatem valoris rerum, vel operationum inter se. Hi autem duo modi justum, seu æquivalens faciendi differunt, quod primus constituat Iustum in operationibus secundum adæquationem Geometricam, & respectivam; secundus verò constituat Iustum in quantitate, seu valore secundum adæquationem Arithmeticam, & absolutam numeri ad numerum, seu valoris ad valorem.

Secunda differentia; eaque præcipua desumitur ex parte debiti, seu Juris, secundum quod utraque Iustitia respicit suam materiam. Nam Iustitia Distributiva respicit jus, seu debitum, vi cuius res communis danda est particularibus, non ut pretium alicujus operis, seu valoris, sed ut præmium, vel ministerium dandum juxta cuiusque (respective ad alia Communitatis membra ejusdem Boni communis participia, seu capacia) dignitatem, meritum, vel proportionem ad tale munus. Quare jus Distributivum in dignitate proportionalem Bonorum ac Onerum Communium distributionem exigente fundatum ita afficit distribuentem, ut hic non ex aliquâ actione, vel communicatione particularum erga se obligetur sed ex ipso Iure Boni communis, seu Communitatis, & reipublicæ postulantis præmiis, & onera, seu ministeria proportionatè juxta possibilitatem, & dignitatem cuiusque distribui. Contra jus seu debitum Commutativæ Iustitiæ est ex parte rei, vel actionis propriæ alterius, cui juxta illius valorem

Valorem, ac pretium est distribuendi. Quod proinde jus est proprietatis, seu Dominiij aut alicujus æquivalentis alteri, cui debetur, inexistens.

4. Tertia ex præcedenti consequens differentia est circa Personas. Tum quia in iustitiâ distributivâ intervenit Persona aliqua communis, seu minister communis distribuens particularibus Bona communia. Econtra verò iustitiâ Commutativa tendens ad æqualitatem valoris, aut rei cum altero commutatae versatur inter personas particulares, sive quæ exercentes particulares dandi, ac recipiendi actiones in tantum, ut si Respublica vel Communitas, aut Persona publica cum altero paciscatur, & vi talis pacti ex iustitiâ Commutativâ obligetur, personæ privatæ vices gerat. Tum quia æqualitas distributionis respicit comparisonem proportionis, quæ inter plures personas passivè ad distributionem concurrentes consideratur. Econtra iustitiâ commutativa respicit æqualitatem rei ad rem, ex parte verò recipientis non attendit per se ad Personarum pluralitatem.

Referuntur sententia: & opposita Argumenta.

5. IN Deo dari iustitiâ strictam, & rigorosam, affirmant Suárez in opusc. de iust. Dei. sect. 1. & 2. Bellarminus de iustific. cap. 14. 16. & 17. Valentia in 3. par. disp. 1. q. 1. punct. 5. Rebellus de Oblig. Instit. 1. p. q. sect. 3. Francisc. de Lugo 1. p. de Deo uno. disp. 36. cap. 3. at seq. Arriaga 1. p. 10. 1. disp. 31. per totam. Martinon disp. 17. de Deo. sect. 2. ad stipulantibus Gammachæo in præf. q. 21. & Ysamberto in 3. p. 10. 1. de Myster. Incarn. q. 1. disp. 6. d. 11. Fundamentum ex Francisco de Lugo cit. c. 34. at seq. desumptum est. Nam promissio onerosa sub conditione operis proportionati ad mercedem promissam inducit obligationem iustitiæ propriæ. At promissiones Dei hominibus sæpè sunt factæ sub onere operis condignitatis mercede promissâ. Ergo inducunt Deo promittenti obligationem iustitiæ.

6. Probatur tam Major, quàm Minor. Nam duplex virtualiter distinctum oportet in Deo statuere Pactum, seu promissionem; alteram simplicem, quæ vel absolute liberalis est, vel est promissiva sub conditione operis non condigni, sed ad summum de congruo meritorio; cuiusmodi erat promissio æterni Patris de mittendo Filio in redemptionem humani generis, item Abrahamo, & Davidi facta, quod ex eorum carne nasciturus esset Christus, nec non promissio remissionis peccatorum ac Justificationis concedendæ poenitenti, ac perfecte contrito. Hæc autem sub conditione poenitentia promissio Justificationis eatenus liberalis est, quatenus non excludit ratione gratiæ ab executione promissi, sacris litteris remissionem peccatorum non nisi in gratiam & Misericordiam Dei reducentibus; juxta illud Joel. 2. Scindite Corda vestra, & convertimini ad Dominum Deum vestrum; quia benignus, & misericors est, & præstabilis super malitia.

7. Alterum proinde pactum sub conditione operis condigni rationem gratiæ ab executione promissi in tantum excludit; ut Apostolus ad Rom. 4. asserat, Ei, qui operatur, mercedem imputari, non secundum gratiam, sed secundum debitum. Ejusmodi verò pactum, vi cuius Paterfamilias conventionem factâ cum operarijs ex denario di-

urno misit illos in vineam suam, indicatur Math. 20. hisce verbis: Ne & vos in vineam meam, & quod iustum fuerit, dabo vobis. Tale insuper pactum erat Patris æterni cum Christo Domino in primo suæ Conceptionis instanti initum, siquidem Christo datâ inter utrumque optione, tunc proposita fuerit ex unâ parte vita immortalis cum corpore, & animâ gloriosâ, ex alterâ verò parte vita mortalis triginta trium annorum plena ætatis tandem per mortem Crucis consummanda. Sub hujus ergo vitæ mortalis ac ipsius pro humano genere mortis electione spondit Christo Pater cælestis: Si posuerit animam suam &c. in Scientiâ suâ justificabit ipse servus meus multos, & iniquitates ipsorum portabit. Isaia cap. 53.

8. In quod adeo pactum de hominibus justificandis, ac remittendis pro Christi morte peccatis Christum consensisse, eruitur tum ex illo cit. capitulo 53. Oblatus est, quia ipse voluit, tum ex illo Hebr. 12. Qui propositio sibi gaudio, sustinuit Crucem confusione contempta. Hoc igitur æterni Patris cum Christo homine sub conditione mortis condignitatem cum humani generis redemptione habentis initum pactum non minus fundat debitum, quàm pactum de coronandis bonis operibus in statu gratiæ factis. Ista verò bonis in gratiâ factis operibus respondens Corona est iustitiæ. 2. ad Timoth. 4. Unde cum S. Chrysostomo mu. Psalm. 9. & Ambrosio Psalm. 118. ait, De August. in Psalm. 23. Deum indulgentia largiorem, Coronam autem debitorem, Indulgentiam tribuere ut Patrem; Coronam verò ut Iudicem. Constat igitur, pactum sub conditione operis condigni fundare in Deo debitum tanquàm mercedem; & Coronam ex iustitiâ debitam. Ergo Deo inesse oportet formaliter; & propriè iustitiâ rigorosam, ita ut; si Deus per impossibile ageret contra pactum ejusmodi, faceret contra iustitiâ, uti insinuat S. Thomas 1. 2. q. 112. a. 3. ad 1.

9. Iustitiâ rigorosam saltem Commutativam formaliter non inexistere Deo cum Doctore suo Angelico: præf. q. 21. art. 1. & 1. 2. q. 114. a. 1. & 2. 2. q. 61. a. 1. ad 4. Item in 2. dist. 27. q. 1. a. 3. & in 4. dist. 26. q. 1. art. 1. & 1. cont. gentes. cap. 9. tradunt Cajetan præf. art. 1. in fin. Comment. & 2. 2. q. 61. art. 4. Ferrariensis in cit. cap. 93. cont. gentes. Bannes præf. art. 1. Medina 1. 2. q. 114. art. 3. ad 4. post 4. Conclus. Sotus lib. 3. de Nat. & grat. cap. 7. & lib. 3. de iustit. q. 1. art. 4. Nazarius 3. p. q. 1. d. 2. contr. 2. par. 4. q. sed an hæc obligatio. Dominicus de Marinis præf. d. 1. cap. 10. & art. 2. Xantes Marjales in 3. contr. 24. v. 4. in fine Marcus Serra præf. q. 21. art. 1. concl. 11. Hieronymus de Medicis ibid. Joannes à S. Thomâ hic disp. 6. art. 3. à n. 4. Joannes Baptista Gonet disp. 7. de iustit. Dei art. 1. §. 2. concl. 4. Quibus accedunt Abulensis in illud Genes. 22. Per memetipsum juravi. Molina 1. p. q. 21. art. 1. Vasquez in 1. p. disp. 85. & 86. & 1. 2. disp. 223. & in 3. p. disp. 7. Lessius lib. 10. de Perfectionibus Divinis. cap. 6. n. 61. Card. de Lugo de Incarn. disp. 3. sect. 1. à n. 5. & alij plures. Fundamentum à Doctore Angelico præf. art. 1. adstruitur ex illo ad Rom. 2. Quis prior dedit illi, & retribuetur. Cujus vim, & efficaciam Ioannes à S. Thomâ ut. a. 3. n. 9. ostendit sequenti discursu. Jus Commutativum est, ratione cuius una persona habet jus ergâ aliam; ut aliquid faciat, ita ut si illud non impleat, faciat contra iustitiâ. Hoc autem jus contra al-

terum debet nasci ex actione, seu communicatione, quam unus facit circa alium. Ad hoc autem, ut ex actione mea resultet obligatio aut debitum in altero, requiritur, tum quod illa actio seu communicatio non sit aliquid illius, & ipsius propria, aut sub ejus dominio: tum exigitur etiam pactum, seu contractus, vel quasi contractus, non quia det valorem actioni, seu materię, quam alteri de meo communico, sed quia sit explicatio oneris, ac tituli, quo illi do, ut in altero resultet obligatio, ac debitum iustitię. At verò quęcunq; actio vel communicatio creaturę ita est Dei, & sub ejus dominio, ut Deus istud non possit à se abdicare, eo ipso enim, quod creatura subsistere nequeat, quin Deus jugiter in eam influat, non potest supremi in eam Domini titulus extinguī. Cum igitur quidquid dat aut facit creatura, sit aliquid Dei, & sub ejus dominio, consequens est, ex pacto, & promissione Dei de remunerandis Bonis hominum operibus non posse oriri in Deo aliquod debitum strictum retribuendi, fundans rigorosę iustitię obligationem.

CONCLUSIO.

EX eo, quod nihil realitatis extra Deum sit possibile, nisi per Voluntatis Divinę vim Dominativam, nec adeo quidquam possit ex Dei Dominio extrahi, sequitur, Deo non posse inexistere iustitiam strictam, & rigorosam.

12. **Explicatur, & Probatur.** Iustitia essentialiter importat alteritatem ac æqualitatem Juris. Illa verò alteritas non tam debet esse suppositorum, quàm Dominiorum: hinc enim inter Patrem, & Filium quoad Bona Jure Paternitatis, & Filiationis reciprocè debita non est iustitia propter defectum alteritatis non Personę, sed Domini, siquidem quoad illa Bona sit quędam Filius cum Patre, cujus pars est, juris, seu Domini Communicatio. At ex eo, quod omnis extra Deum realitas sit ex Dei causalitate, sequitur, non posse subsistere sine influxu Divinę Voluntatis, ex cujus libero consilio, seu Decreto Deus omnia operatur. Huic autem Divinę Voluntati inest ut sic vis Dominativa, atque adeo Dominium. Cum igitur Deus non possit ad extra communicare, nisi per Voluntatis suę vim Dominativam, nec ex istius vis Dominativę Causalitate possit ulla realitas creata extrahi, consequens est, nulli creaturę posse super ullā realitate competere Dominium, quin in eandem, imò super istud etiam ex Dei Causalitate creaturę participatum, & non tantum in fieri, sed etiam conservari dependens Dominium Deus immobiliter retineat Dominium consistens in Voluntatis suę vi Dominativā disponendi de quavis re creabili pro libitu. Si ergo Iustitia essentialiter requirit juris ad æqualitatem compensandi alteritatem, Domini in eo, qui ex iustitiā obligatur, exclusivam, sequitur, tam repugnare Deo inexistere formaliter iustitiam rigorosam, quàm impossibile est, creaturę inesse super aliquā realitate Dominium non subordinatum, ac subiectum essentialiter Dei Dominio.

13. **Respondebis ex Franc. de Lugo iii. disput. 36. cap. 3. n. 7. & 8. Item cap. 4. n. 23. & n. 27. ac seq.** Etsi Deus non possit ullius realitatis creatę Dominium à se abdicare, posse id tamen decreto suo, vel pacto aliquo ligare. Nam sicut Dominus potest erga suum mancipium datā fide, aut præstito iuramento se obligare de non exigendis operis illius mancipij per annum: sic Deus Christo homini in primo Conceptionis suę instanti vitę passibilis, vel impassibilis optionem faciendo, ligavit suum Dominium de vitę mortalis actibus à Christo exigendis. At eo ipso, quod ex suppositione ligati erga Mancipium Domini, jam pendeat ex Voluntate Mancipij, ne Herus absque præjudicio suę Fidei, ac iuramenti exigat operas illas; idcirco poterit servus ille facultatem, scilicet Herum, nè operas illas salvo iuramento petat, impediendi, eidem vendere, quo inito pacto tenebitur Dominus ex iustitiā Commutativā pretium statutum mancipio dare. Pari ergo ratione, ubi datā Christo vitę passibilis vel impassibilis optione Deus cum ipso pactus fuerat de hominibus sub conditione mortis iustificandis & salvandis, non tantum ligatum fuit Dei dominium de vitę passibilis actibus à Christo homine ex iustitiā exigendis, sed posito, isto ligamine, vi supervenientis pacti jam tenetur Deus ex iustitiā ad homines intuitu Meritorum Christi iustificandos. Quo proinde supposito pacto inito cum Christo Domino tanquàm Capite nostro, & totius Ecclesię, iustitięque nostrę fundamento justī ut membra ejus viva, & ut Cives Sanctorum superædificati ipso summo angulari lapide Christo IESU, per exhibitionem Bonorum operum verum, & proprium jus iustitię Commutativę habent ad præmium Beatitudinis obtinendum, illudque rependit Deus ex iustitiā Commutativā, S. Augustino *serm. 16. de verbis Apostoli* asserente: *Latuit debitorem se fecisse non tantum suis, sed Christo, & rebus, ut illi dicere possimus, redde, quod promissisti, quia nos fecimus, quod iussisti.*

14. **Contra.** Nam aliud est, Deum vi sui decreti non tam ligare, quàm determinare Voluntatis suę vim dominativam, seu dominium, ita ut ratione pacti cum creaturā initi ex hypothesi ac, in sensu composito per immobilem, ac insuperabilem Voluntatis suę efficaciam, nec non Intellectus sui Veritatem non possit non exequi rem pacto promissam. Aliud verò est, ex hypothesi talis pacti à Deo initi resultare ex parte creaturę jus vinciens Deum, ut vi juris tali creaturę inexistentis secundum Honestatē Moralem iustitię, seu absque injuriā non posset contravenire. At si jus creaturę inexistentis posset ligare Voluntatis Divinę vim dominativam nè posset absque injuriā contravenire, eo ipso decederet aliquid de dominio Dei.

15. **Probatur istud Assumptum.** Nam dominium est facultas disponendi de re aliquā citra cuiusque injuriam: Oportet igitur tantum decedisse de dominio, in quantum ex vi per pactum inducti ligaminis non potest quis de re suā disponere citra alterius injuriam. Hinc enim usufructu seu feudo, vel Emphyteusi, retento Domino directo, in re suā alteri concessā, eo ipso minuitur jus domini, quod non nisi de substantiā, ac iuribus sibi reservatis fas sit do-

sit domino directo de re illâ disponere. Sicut etiam vim inadæquatæ manumissionis habet, si dominus erga mancipium aded se exhibeat liberalem, ut certis operis contentus, circa reliquas nihil jam juris sibi vindicare velit, sed liberæ Mancipij Voluntati, & commodo permittat. Ne ergo aliquid de absoluto, Essentiali ac Immutabili DEI de præmiandis operibus nostris cum Christo homine paciscentis dominio decessisse asseramus, cum D. Bernardo *serm. 1. de Annunciat* fatendum est, si Deus meritis negaret primum, nulli facturum injuriam. Quare S. Augustinus ex adversâ parte citatus vi pacti cum Christo initi non ita constituit Deum Christo, & nobis debitorem, ut illud debitum nitatur Iure Christi Humanitati, ac nobis inexistente, ac obligante secundum rationem Iustitiæ, siquidem idem S. Doctor *3. de lib. arb. cap. 16.* dicat, quod Deus nulli debeat aliquid. Et *1. confes. cap. 4.* Redds debita nulli debens. Est igitur Deus vi pacti erga Christum, & homines eatenus debitor, ut hujus debiti ratio non se teneat ex parte creaturæ, nec fundetur in Iure Deum obligante, sed in immobilitate Voluntatis, ac intellectûs divini veritate per pactum expressâ, ac revelatâ, Doctore Angelico *præf. q. 21. a. 2.* attestante, *Iustitiam in Deo esse veritatem.*

16. Replicabis cum nonnullis per Card. de Lugo *ut. sect. 1. n. 12.* allegatis recentioribus. Totam de Deo Iusticiam negandi rationem in præfacto discursu ad id reduci, quod si creaturæ inexistet jus Deum ex Iustitiâ obligans, aliquid decederet de Dominio Dei utpotè jam non potentis secundum Moralem Iustitiæ Honestatem absque injuriâ disponere de re, ad cuius executionem vi pacti teneretur. At totam istam rationem nullius esse efficaciæ. Ergo non esse, cur negetur Deo inesse strictam Iusticiam. Minor probatur. Si enim ponamus unum Angelorum habentem secretæ mysterium aliquod in se continentis cogitationis Dominium, istud mediante locutione Intellectuali ac Instantaneâ eatenus communicare alteri, ut hic eo statim instanti ex jure sibi factò communicet tertio; tunc de uno indivisibili instanti verificatur, primo Angelo tale inexistere jus, ac dominium secretæ suæ cogitationis, vicijus posset illam non communicare, vel eam communicando prohibere secundum, ne tertio revelet, etsi ex hypothesi communicationis cum jure, ac potestate tertio revelandi factæ secundo Angelo, jam impediatur. At verò pactum Dei involvit Voluntatis Divinæ decretum. Hoc verò mensuratur æternitate; Ista vero est unicum *Nunc* indivisibile omnia tempora, & momenta continens, ac per ipsum Esse Dei subsistens Voluntatis, & Intellectûs divini actum immobiliter ac indivisibiliter mensurans. In quo aded æternitatis instanti taliter subsistit Decretum, seu pactum Dei, ut per realem formalem identitatem stet unâ cum Divinâ Voluntatis vellektivâ, & super creaturas Dominativâ. At vi hujus dominativæ in Voluntate Divinâ per æternitatem invariabiliter mensuratæ potentiae ita in *Hoc* æternitatis *Nunc* est Decretum, atque aded pactum Dei, ut absolute, & in sensu diviso posset non esse. Ut sic autem Deus non ponendo pactum à se liberè initum posset non præmiare Iustos, etsi ex hypothesi talis pacti in

sensu composito jam foret injustus, si merita Iustorum non remuneraret, Apostolo *ad Hebr. 6.* id sequentibus verbis insinuante. *Non est injustus Deus, ut obliviscatur operis vestri.* Constat igitur, ita verificari, Deum ex hypothesi pacti cum Christo initi non posse in sensu composito Iustos cum Gratiâ decedentes sine injuriâ non præmiari, ut tamen absolute, ac in sensu diviso posset per vim suam dominativam non reddere præmium pro Iustorum meritis. At ex hoc manifestè evincitur, posse vim dominativam absolutam stare in Deo cum pacto ipsum vi juris creaturæ divinitus communicati obligante ex Iustitiâ. Non est igitur, cur Deo negetur stricta, & rigorosa Iustitia.

18. Contra: Nam per concessionem Iuris v. g. venandi à principe factam inferiori, tunc solum intelligi potest, nihil dominio Principis esse derogatum, si & cumulativè duntaxat, & non nisi cum jure Superioritatis illam concessionem ad libitum revocandi jus ejusmodi dederit: prius enim habebat jus alijs facultatem venandi taliter conferre, ut tamen eas ex Iustitiâ arcere posset. Hoc autem inferiorem à venatione arcendi jus exstingueretur in Principe, si jam ex vi concessionis, seu donationis factæ non posset alterum de jure arcere. Ne ergo quidquam decesserit de dominio Principis, oportet in alterum ita esse translatum jus venandi, ut hoc tamen respectu aliquum duntaxat, non verò Principis, nec nisi ad hujus murum, & placitum subsistat. At verò Dominij Divini perfectio immobilis consistit tum in extensione suâ virtuali, ac Eminentiali super omnem formalitatem, ac realitatem creatâ sive Physicam, sive moralem, tum in superioritate virtutis Dominativæ subijcientis sibi essentialiter omnem creaturam, cum quâvis per eam producibili, eique inexistente formalitate. Ex hac autem vis dominativæ in Deo Eminentiâ sequitur, non esse in creatis possibile ullum sub quâvis formalitate, seu Hypothesi Dominium, nisi cum dependentiâ essentiali à Dominio Dei tam physico, quàm morali. Hæc autem essentialis dependentia ita est per Causalitatem efficientiæ, ut hæc ipsa tamen sit Voluntatis Divinæ secundum vim etiam moraliter dominativam eatenus operantis, ut ex nullius creaturis inexistens formalitatis hypothesi Deus possit prohiberi, atque aded obligari, quò minus ad libitum disponere possit. Etsi proinde nostris bonis operibus per Dei Donum insit Bonitas supernaturalis tam moralis, quàm physica cum condignitate ad præmium, imò licet Deus isti operum supernaturalium Honestati & condignitati vi pacti cum Christo initi superaddidisset jus creaturæ rationali erga vitam æternam competens, hoc ipsum tamen jus cum omni condignitate, ac Bonitate se tenente ex parte creaturæ non potest ita afficere Dei dominium, quin hoc tantum superius essentialiter sibi subordinet ac subijciat jus creaturæ, Deusque aded sibi retineat jus de illo creaturæ jure pro libitu disponendi. Si proinde ex pacto cum Christo inito sit aliqua Dei obligatio, hæc non est ab extrinseco vi juris creaturæ essentialiter subordinatæ Dei Dominio; sed ab intrinsecâ Divinæ Bonitatis, & sapientiæ condecientiâ per se ipsam ita rectificante Divinam Voluntatem, ut ista in se invari-

invariabiliter persistens non possit non producere rem pacti, seu Decreti sui efficacissimâ potestate firmatam & Intellectûs sui divini veritate aternâ omnis quatenus à Deo promissæ rei in tempore effectrice certificam: Divo Anselmo in *Prosol. cap. 10.* attestante: *Iustus es Domine, non quia reddis debitum, sed quia facis, quod decet summum Bonum.* Cum igitur Iustitia fundetur in alteritate juris, atque adeo obligationis Iustitiæ radix sit extra suppositum, cui inexistit Iustitia; Deus autem ex vi ullius hypothese nequeat obligari, ita ut istius obligationis radix, seu ratio sit ipsi extrinseca, consequens est, Deo non posse formaliter inexistere Iustitiam rigorosam, sed prout habet rationem duntaxat fidelitatis, ac veritatis radicatæ in immobili Voluntatis Divinæ firmitate, ac efficaciâ, nec non primâ incommutabili, & infallibili Intellectûs Dei veritate; Concilio Tridentino *sess. 6. de Iustis. cap. 16.* attestante: *Vitam æternam tanquam Mercedem ex ipsius Dei promissione bonis eorum operibus Fideliter esse reddendam.*

Responsio ad opposita Argumenta.

19. **A**D Francisci de Lugo n. 7. oppositum Respondetur. Recte adstrui duplicem Dei promissionem, alteram simplicem, quæ gratiam, & Liberalitatem non excludat; Alteram in vi pacti reddentis præmium seu Mercedem pro meritis. Hujus autem duplicis promissionis differentiam ex parte objecti se tenere, quatenus posterior, non autem prior supponit operis gratiâ sanctificante informati condignitatem. Hanc verò condignitatem importare intrinsecam gratiæ Habitualis opus bonum dignificantis proportionem seu connaturalis exigentiæ habitudinem ad præmium gloriæ cœlestis. At verò illâ intrinsecam gratiæ proportionem, atq; adeo meritæ operis condignitatem ita pendere ex Voluntatis Divinæ vi dominativâ, esseque essentialiter subiectam dominio Dei tam physico, quam morali, ut Deus ex vi illius jam suppositæ neque physice necessitari, neque moraliter obligari possit ad rependendam vitæ cœlestis obligationem. Totam igitur obligationis Lepo ex illo pacto inexistentiæ rationem non esse, nisi ex intrinsecâ Divinæ substantiæ determinatione liberâ habente tum ex aternitate immobilitatem, tum ex Voluntatis Divinæ omnipotentissimâ immanente, atque adeo immutabili Causalitate efficaciam insuperabilem; tum ex veritate Divini Intellectûs infallibilitatem in Dei essentiâ invariabiliter subsistentem. Cum proinde Iustitiæ ratio exigit obligationem in iure alteri inexistente radicam, nequeat autem ex iure creaturæ inexistente in Deum transfundi aliqua obligatio, consequens esse, pactum Dei sub operis condigni, & proportionari conditione promittentis Mercedem gloriæ non inducere Voluntati Divinæ obligationem rigorosâ Iustitiæ; sed veritatis ac fidelitatis, seu Divini tam Intellectûs, quam Voluntatis in se invariabiliter subsistentis firmitatis, ac immobilitatis, ut adeo Deus (per impossibilem hypothese) non stans pacto cum Christi Humanitate inito, non nisi *late* diceretur injustus, seu injuriam facere, *ut seq. cont.* magis elucidabitur.

Ad discursum Ioannis à S. Thomâ n. 11. propositum Respondetur: Illo bene probari, nihil possit esse in creaturis, quin totum illud lus cum omni creaturæ actione subijciatur essentialiter universali, absoluto, & perfectissimo Dei Dominio, nec adeo posse Deum ex iure creaturæ obligari, sed totam Divinæ paciscentis Voluntatis obligationem esse ab intrinseco, habereque rationem fidelitatis, ac veritatis, non autem strictæ Iustitiæ.

CONTROVERSIA III.

An Deo formaliter inexistat Iustitia Distributiva?

Concertatio hic agitur præcipue inter Thomistas. Ferrariensi 1. *cont. gent. cap. 93.* Ioanne à S. Tho. *dit. disp. 6. art. 4. Scitâ cit. art. 1. concl. 2.* Ioanne Baptistâ Gonet *cit. S. 2. concl. 2.* Xante Mariale *ubi supra.* affirmantibus, Deo inesse formaliter propriam Iustitiæ Distributivæ rationem. Fundamentum 1. desumitur ex S. Thomâ *pres. art. 1.* ita discurrente: Si ut enim ordo congruus familiæ, vel cuiuscumq; multitudinis gubernatæ demonstrat Iustitiam Distributivam in Gubernante; sic ordo Universi, qui apparet tam in rebus Naturalibus, quam in rebus Voluntariis, demonstrat Dei Iustitiam, quæ dicitur distributiva; Unde dicit Div. Dionysius *cap. 8. de Divin. Nom.* Oportet videre in hoc, veram Dei esse Iustitiam, quod omnibus tribuat propriam secundum uniuscuiusque existentiam, dignitatem, & uniuscuiusque naturam in proprio salver ordinem, & virtutem. Super quem locum Doctor Angelicus *lect. 4.* ait: *Quod Iustitia conveniat Deo, primo quidem secundum hoc, quod est distribuire, Commutativa enim Iustitia in Deo locum non habet, sicut est in Venditoribus, & Emptoribus, quia ut dicitur ad Rom. 12. Quis prior deservit illi, & retribuitur ei? sed attribuitur ei Distributiva Iustitia, quæ non observat æqualitatem quantitatis, ut æqualia omnibus det, sed æqualitatem proportionis, ut det unicuique secundum quod dignum est.*

Fundamentum 2. ex ratione petiti deducit Gonet *cit. concl. 2. prob. 2.* Nam Præmium vitæ æternæ à Paulo 1. *ad Timoth. 4.* dicitur Corona Iustitiæ, quam reddet in illâ die iustus Iudex. At quod à Deo ut à Iusto Iudice redditur tanquam Corona Iustitiæ, non datur ex solâ Fidelitate, & Veracitate, sed ex verâ, & strictâ Iustitiâ taliter obligante Deum, ut secundum D. Augustinum. *lib. 4. cont. Iulian. esset injustus, si ad ejus regnum verus non admitteretur Iustus.* Oportet igitur retributionem vitæ æternæ pro bonis operibus in gratiâ factis non solum esse à Dei Fidelitate, seu Veracitate, aut Gratitude, sed etiam à verâ, & strictâ Iustitiâ. Hæc autem non potest esse aliâ, quam Distributiva, siquidem commutativa non datur in Deo. Ergo Iustitia saltem Distributiva debet esse formaliter in Deo.

Nazarius *ubi sup. Concl. 3.* Dominicus de Marinis *loc. cit. cum Cajetan. pres. art. in fin.* non aliam in Deo admittunt Iustitiam, nisi prout importat condecientiam divinæ Bonitatis.

CONCLU-

CONCLUSIO.

Iustitia Dei Distributiva consistens in Bonitatis, & Sapientiae, ac Perfectionis Divinae se in creaturas proportionaliter transfundentis condecencia intrinsecā non habet rationem perfectae Iustitiae.

4. Explicatur, & Probatur. Nam in primis Iustitia Distributiva in Deo relucet, quatenus in creaturis formandis servat proportionem perfectionis earum essentialis secundum intrinsecam, ac necessariam praedicatorum essentialium determinationem. Haec autem praedicatorum cuique vel essentialium determinatio non est, nisi quā intelligibiliter expressa, & obiectivē existens in Intellectu Dei. Haec verò secundum Esse intelligibile Essentialium cujusque possibilis creaturae praedicatorum in Intellectu Divino expressio ac Existentia obiectiva est, prout Deus Essentiam suam secundum infinitae Bonitatis communicabilitatem, & ad extra imitabilitatem comprehendendo, in hac ipsa Essentiae suae Bonitate tanquā ratione ideali formalitates, ac realitates ex se derivabiles cognitae format intelligibiliter, ac repraesentat quā possibiles, sive sub determinatā praedicatorum Essentialium ratione producibiles. Illa igitur necessitas creaturas non nisi sub istā praedicatorum Essentialium coexistentiā producendi est secundum ipsius Bonitatis divinae Imitabilitatem, atque Essentiae Dei rationem Idealem praedictorum ejusmodi formativam, & repraesentativam. Ad hanc proinde Deus necessariò in rerum creatione attendens, secundum intrinsecam cujusque Essentiae necessitatem paritur singulis proportionaliter convenientem, ac debitam praedictorum Essentialium perfectionem, ita tamen, ut hoc ipsum praedictorum Essentialium debitum, ac necessitas reducatur in Bonitatis, ac Essentiae divinae Imitabilitatem seu rationem Idealem praedictorum ejusmodi Essentialium cum debita perfectionis cuique congruā mensurā determinativam. Haec ergo divinae Bonitatis, & Sapientialis, seu Idealis rationis condecencia, ac Debitum Deo formaliter intrinsecum potest ejus Voluntati unica esse ratio motiva, ac determinativa perfectionis secundum praedicta ejus Essentialia proportionaliter convenientis. Deinde
5. Iustitia Distributiva secundum Dionysium *sup. cit.* relucet in Deo, quatenus cuique existentium secundum ejus dignitatem tribuit propria. Illa verò cujusque rei creatae dignitas consistit tum in connaturalitate intrinsecā proprietatum, tum in exigentiā concursus divini ad operationes connaturales, tum in creaturis Intellectualibus gratiā sanctificante instructis importat intrinsecam connaturalitatis proportionem ad Gloriam. At omnis ista connaturalitatis proportio, & exigentiā ita subijcitur Voluntatis divinae Dominio absolutotam physico, quā morali, ut nihil ex parte creaturae possit esse Dei obligatorium, sed interveniente etiam pacto tota ex eo resultans obligatio in Deo resultet ab intrinsecā ejus perfectione, non verò ex Jure aliquo creaturae inexistente, uti patet *ex cont. praed.* Constat igitur, ita fieri à Deo proportionalem cujusque Dignitati congruam perfectionum tam Naturae, quā Grauae distributionem, ut haec tamen creaturae inexistens Dignitas non possit ullo mo-

do Deum obligare, nec adeò Iustitiae rigorosae obligationem in alteritate Juris sive Debito ex vi Juris alteri inexistents resultantem sitam in Deo fundare.

Dices ex Ioanne à S. Thoma *cit. a. 2. n. 12.* ad Iustitiam Distributivam non pertinere, ut distributor sit Personis, quibus distribuit, ex aliquā ratione, vel Jure proprietatis, vel quasi proprietatis debitor, sed distributorem, si distribuat Bona communia, ipsi Communitati, cujus est dispensator, teneri ex contractu vel quasi contractu, vel ex lege Dei sibi ad Iustitiam custodiendam impositā. Quod si ille dispensator distribuat ex Bonis sibi proprijs, vel etiam Communitatis sub suo Dominio existentibus, sicut omnia Bona creaturarum communia sunt sub Dei Dominio, tunc non posse Debitum aliquod nasci in distribuyente nisi ex ordinatione suā non solum per modum simplicis promissionis, quae solum ex fidelitate impletur, sed ex promissione seu pacto oneroso. Ejusmodi proinde pacti onerosi ordinationem de Coronā Iustitiae pro bonis operibus retribuendā eatenus esse in Deo, ut funder non solum Fidelitatis, sed Iustitiae Distributivae obligationem.

Contra. Nam Iustitia propriè est ad alterum ex S. Tho. 2. 2. q. 57. a. 4. Hanc autem alteritatem oportere non esse duntaxat suppositorum, uti perperam insinuat Ioannes à S. Thoma *cit. art. 5. n. 27.* sed Jurium ac Dominiorum, constat ex eod. S. Doctore *cit. art. 4. ad 1.* negante, Patrem quatenus Filio tribuit Jus suum, facere Iustitiam, liquidem, si quis det, quod sibi debetur, non propriè vocetur *Iustum*. Pari ergo ratione Dispensator Bonorum Communium eatenus potest exercere Iustitiam tum erga Communitatem, quatenus huic tanquā alteri, non autem ipsius distributori debetur ista distributio, tum erga singulos de communitate, quatenus illis debetur dispensatio secundum proportionem. At verò Deus Bona sub Dominio suo absoluto existentia distribuens, nulli alteri, sed ex condecenciā, vel ordinatione suae Bonitatis ac Essentiae sibi duntaxat est Debitor. D. Thoma 1. 2. q. 114. art. 2. ad 3. attestante: Quod, quia actio nostra non habet rationem meriti, nisi ex praesuppositione Divinae ordinationis, non sequatur, quod Deus efficiatur simpliciter debitor nobis, sed sibi ipsi, in quantum est debitum, ut sua ordinatio impleatur. Concludendum igitur cum Doctore Angelico *cit. art. 1. in Corp.* quod sicut inter Patrem, & Filium defectu Iusti simpliciter non est meritum simpliciter, sic nec Iustitiam Distributivam, per quam Deus secundum Dignitatis, & Sanctitatis cuiusque gradum proportionaliter distribuit praeium, seu mercedem gloriae, respicere Iustum simpliciter, ut adeò Corona meritis nostris retribuenda non habeat rationem Iustitiae nisi secundum quid.

Confirmatur. Nam fatente ipso Ioanne à S. Thoma *cit. a. 4. n. 15.* Iustitia Distributiva per se, & ab intrinseco respicit, quod reddatur alicui propter Debitum dignitatis, & proportionis suae, non propter Jus proprietatis, seu Jus in re, sed propter Jus ad rem. Sicut ergo Jus in re, in quo fundatur Iustum Commutativum, eatenus vi meritorum convenit Sancto in Gratiā Sanctificantem à se possessam, ut hoc ipsum Jus inducat obligationem Iustitiae respectu aliorum, ne fraude, seu metu inquadratur in peccatum Sancti-

tatis destructivum, quod ipsum tamen in Sanctitate possessa Jus creaturæ intrinsicum non potest Deum ex Iustitiâ obligare. Sic Ius ad rem in proportionem dignitatis radicatum eatenus duntaxat fundare potest obligationem Iustitiæ Distributivæ, quatenus in alterum est natum inducere obligationem. At ipsemet Ioannes à S. Thomâ citatus fateri cogitur non ab Extrinseco, quâ creaturæ inexistente aliquo Iure, sed tantum per intrinsicam suæ divinæ ordinationis rationem posse Deum obligari ex Iustitiâ etiam distributivâ, quam proinde oportet ex hoc ipso non esse strictam Iustitiam ut sic formaliter tendentem ad alterum vi Juris in rem sibi obligantem Bonorum Communium Dispensatorem.

Responsio ad Argumenta Adversariorum.

9. **A**D 1. n. 1. oppositum Fundamentum Respondetur. Aliud esse, quod Deo inexistat vera Iustitia omnium secundum cuiusque dignitatem ordinativa, aliud verò esse, quod illa cuiusque creaturæ commensurationem, & ordinationem sibi proportionatam exigentis Dignitas respectu Dei fundet ex se ipsâ Debitum, seu Iustum simpliciter. Prius igitur adstrui à Sanctis Dionysio, & Thomâ Aquinate locis citatis. At posterius negari ab eod. Doctore Angelico *pres. q. 21. art. 1. ad 3.* ita differente: *Debitum attendi potest dupliciter in Operatione Divinâ, aut secundum quod aliquid debetur Deo, aut secundum quod aliquid debetur rei create; & utroque modo Deus Debitum reddit. Debitum enim est Deo, ut impleatur in rebus illis, quod ejus sapientia, & Voluntas habet & quod suam Bonitatem manifestat. Et secundum hoc Iustitiam Dei respectu decentiam ipsius, secundum quam reddit sibi, quod sibi debetur. Debitum est etiam alicui rei create, quod habeat id, quod ad ipsam ordinatur, & sic etiam Deus operatur Iustitiam, quando dat unicuique, quod ei debetur secundum rationem suæ Naturæ, & Conditionis: sed secundum hoc Debitum dependet ex primo, quia hoc unicuique debetur, quod est ordinatum ad ipsam secundum ordinem Divinæ sapientie. Et licet Deus hoc modo Debitum alicui dei, non tamen ipse est Debitor, quia ipse ad alia non ordinatur, sed potius alia ad ipsum & ideo Iustitia quandoque dicitur in Deo condonata suæ Bonitatis, quandoque verò retributio pro meritis. Manifestum igitur est, Iustitiam Dei sive in ratione condonatiæ ad divinam Bonitatem, sive in ratione Retributionis pro meritis non respicere Debitum, nisi quâ fundatum in Bonitatis, Sapientiæ, & Voluntatis divinæ exigentiâ, seu ratione intrinsicâ. Et si proinde in Deo sit vera secundum quid Iustitia ceu commensurationis Dignitati quibusvis creatis propriæ ordinativa, non tamen in Deo est Iustitia simpliciter nixa alteritate Juris Debitum, seu obligationem ab extrinseco provenientem fundantis.*

10. **A**D n. 2. oppositum Respondetur. Præmium vitæ æternæ respondens nostris meritis ex illâ ipsâ Iustitiâ dici Coronam Iustitiæ, per quam Deus appellatur Iustus. At formam divini Iudicii in præmiandis meritis, ac puniendis peccatis secundum D. Thomam. *2. 2. q. 61. art. 4. ad 1.* ita attendere rationem Commutativæ Iustitiæ, ut tamen ipsa etiam adversarijs fatentibus hujus Iustitiæ ratio non formaliter, sed eminenter tantum sit in Deo, utpote qui Iustus dicatur, non quia reddat nobis Debitum, sed quia faciat, quod

debet ipsum summum Bonum. ex S. Anselmo in *Prosol. cap. 10.* Unde sicut Deus secundum D. August. *3. de liber. arb. cap. 16.* nulli debet aliquid, sic ex mente hujus S. Doctoris non esset ex hypothesi Regni cælestis Iusto negari dicendus facere strictam, sed laam duntaxat injustitiam.

COROLLARIUM.

INfertur 1. Nec Iustitiam vindicativam esse formaliter in Deo. Ratio est. Nam punitio potest spectari vel præcisè in ratione vindicationis, vel etiam in ratione Iustitiæ. Sub priori autem consideratione in Deo est Voluntas vindicandi, in quantum ex Zelo sui honoris ulciscitur malum legi suæ æternæ oppositum. *in sup. in princip. hujus a. n. 5. in fine dictum est.* In quo ad eod. sensu Tertullianus *lib. 1. cont. Marcionem* ait, *Iustitiam Dei esse tutelam Bonitatis illius, & quod nisi Iustitia regatur, Bonitatem non esse.* At verò si vindictio spectatur in ratione Iustitiæ, tunc se habet Iudex instar Mediæ Personæ inter Communitatem, & malefactorem. Ut sic autem Iudex tanquam Persona publica obstringitur Communitati ex Iustitiâ Commutativâ ad facinorosos pro meritis plerendos; ut tradunt Cajetan. *2. 2. q. 108. art. 2. ad 1.* & Scorus *lib. 3. de Iustit. q. 3. art. 1. & ult.* Cum proinde ratio Debiti, seu Iusti Commutativi nequeat in Deo stare cum ejus Dominio absoluto, consequens est, vindicationem non esse in Deo formaliter secundum rationem Iustitiæ.

INfertur 2. Nec Iustitiam Legalem inesse Deo formaliter in ratione Iustitiæ. Ratio est. Nam duplex in Iustitiâ Legali attendenda est formalitas, una consistens in Virtute Ordinativâ Boni communis: hæc verò ad Bonum commune ordinatio architectonicè, seu principaliter est in principe tanquam Imperante, ac Dirigente, subditis autem competit administrativè, seu secundariò utpote per subjectionis, ac Obedientiæ Ministerium se liberè ordinantibus ad Bonum Commune. Quare virtus illa Legalis altiori modo inest Deo tanquam Regi Regum, & Domino Dominantium ordinanti omne bonum commune non tantum Politicæ, ac Civilis Societatis humanæ, sed Civitatis Sanctæ Ierusalem tam militantis, quam triumphantis Ecclesiæ. Unde virtus illa Legalis in Deo nihil aliud est, quam Voluntas divina omnium per legem æternam ordinatrix, & ut sic cuiusvis Legis creatrix. ex S. Tho. *1. 2. q. 93. art. 3.* At verò Iustitiæ Legalis formalitas ejusdem in ratione Iustitiæ constitutiva radicatur in Debito Juris Alti, vi cujus Reipublicæ alicujus membra secundum Iurium suorum tam Personalium, quam realium ad Communitatem subordinatione tenentur pro viribus in necessitate succurrere, ac contribuere pro Bono publico. Cum autem Deus omne Bonum etiam publicum ex se profundens altius super illud Dominium teneat, nequit ex eo ullum in Deum reduci Debitum, seu obligatio, nec ad eod. Iustitia Legalis formaliter sub ratione Iustitiæ potest Deo inexistere.


INfertur 3. Iustitiam Dei habere rationem Veritatis. ex S. Thomâ *pres. q. 21. a. 2.* Ratio est. Nam Veritas alia intelligitur, quâ objectiva, alia verò quâ formalis. Est autem unica Essentia Dei tanquam purissima intelligibilitatis actua-

actualitas Veritas divini Intellectus objectiva, Motiva, & Specificativa, quæ ipsissima divinæ Essentiæ Intelligibilitas quatenus per se ipsam formaliter identice expressa, & ut sic in ratione Intellectionis actuata est in Deo Veritas formalis. Ex hac proinde Veritate divinâ quatenus omnis creaturæ quidditatis in se intelligibiliter expressivâ intelligitur consequi Essentiarum creaturarum possibilitas. Unde illa divinæ Essentiæ Veritas habet tum rationem Ideæ prout est directrix Esse physici creaturarum, tum rationem Legis æternæ, prout est ordinatrix Moralitatis actuum creatorum liberorum. At verò Essentia divina sicut in ratione Essentiæ, sic in ratione Intelligibilitatis in se ipsâ omnino independentè subsistens, non est expressiva creaturæ secundum existentiam, nisi ex vi libertæ suæ determinationi. Hæc autem libera Dei determinatio quâ insinuat creaturæ rationali habet rationem promissionis, seu pacti divini. Quod adeo pactum est manifestativum illius ipsius obligationis, quâ Deus sibi tanquam Primæ Veritati effectus promissi immobiliter expressivæ, atque ut sic infallibiliter Causativæ obligatur per Voluntatis suæ divinæ efficaciam, & Intellectionis representationem effectivam non potens non producere effectum suâ divinâ Veritate expressum. Constat igitur, Iustitiam, quæ in Deo resultat ex pacto, esse Veritatem ex vi efficacis Volitionis divinæ libere expressivam, & infallibiliter causativam rei promissæ, sicuti Iustitiam quoque Dei omnis creaturis intellectualibus congruæ honestatis directricem, atque ut sic legis æternæ rationem habentem consistere in ratione Primæ Veritatis.


6. Infertur. 4. In omnibus Operibus Dei relucere Iustitiam & Misericordiam. ex S. Tho. *præf. art. 4.* Ratio est. Tum quia Iustitia Dei est Veritas, juxta illud *Psal. 24. Misericordia & Veritas*, id est, *Iustitia obviaverunt sibi.* uti exponit S. Doctor *ut art.* In hoc autem differt creatus ab increato Intellectu, quod res sint illius mensura, & Re-

gula. Unde Veritas consistens in adæquatione Intellectionis cum re intellectâ præsupponit objectivam rei intellectæ Veritatem, cum contra Increatus Intellectus mensurans, ac regulans, & Causans omnem ad Extra veritatem per prius habeat Veritatem formalem; quàm rebus creatis competat Esse, ac ratio Intelligibilitatis, seu veritatis objectivæ. Cum igitur veritas divini Intellectus sic formatrix & Causatrix omnis ad extra realitatis, seu veritatis realis, evidenter patet, Iustitiam in omni Dei opere relucere. Tum quia hæc ipsa divini Intellectus veritas est directrix, & Causatrix rerum secundum Condecentiam Bonitatis Dei, utpote in quâ tanquam ratione Intellectionis divinæ specificativâ intelligibiliter exprimitur cujusvis creaturæ quidditas cum intrinseco connaturalitatis ordine, ac proportionem. Hæc ipsa verb ad divinam Bonitatis Condecentiam ordinis, ac proportionis quibusvis creaturis propriæ in, & ex se ipsâ determinativa conformitas habet rationem Iustitiæ. Tum denique quia Deus ad extra operando vel producit creaturam de nihilo, vel etsi in aliquâ re prius creatâ supponatur Connaturalitatis cujusdam exigentia, Dei tamen Voluntas per divini Esse in se subsistentis independentiam vi dominativæ suæ potestatis, & absoluti dominij superexcedit omnem illam Connaturalitatis exigentiam, adeo ut nullo exinde debito Deus obligetur. Nisi ergo creaturæ haud potenti ad connaturaliter sibi debita Deum obligare, succurratur ex Dei Misericordiâ per Voluntatis suæ divinæ liberalitatem supplente illius defectum, stabit creatura in sui nihili miseriâ, ita ut nec per se ipsam possit sibi procurare naturæ suæ necessaria, nec Deum unicum necessitatis suæ provisorum ad id obligare. Patet igitur, Misericordiam unam cum Iustitiâ vel maxime relucere

In omni opere : *Psalte Regio Psalm. 24. accinente: Omnes via Domini Misericordia, & Veritas.*



QUAE



QUAESTIO OCTAVA

DE


POTENTIA ET PROVI-
DENTIA DEI.

I.



Tñ S. Thomas de Potentiâ Dei primum agat post Providentiam, ac Prædestinationem, cum hæc sit actus Dei immanens pertinens ad Intellectum, & Voluntatem, ejusque Ordinem Intentionis,

ratione nostrâ ratiocinatâ antecedentis executionem, ad quam spectat Potentia Dei executiva. Nihilominus quia hæc divina Potentia æquè formaliter consistit in Intellectu, & Voluntate, atque completa divinæ Prædestinationis ratio præter Intentionis ordinem importat etiam executionem activam Deo immanentem. ex S. Doctore. c. i. p. q. 23. art. 2. Idcirco non incongruè expositis jam Intellectu, & Voluntate Dei, priusquam divinæ Prædestinationis abyssum ingrediamur, Potentiam Dei executivam explicamus.



ARTICULUS I.

DE

Potentiâ DEI.

2.

Deum Omnipotentem fatemur in Symbolo Nicæno docti Sacris Litteris Gen. 17. & 31. Exodi. 15. Esther. 13. Ecclesiastici 43. Apocalyp. 4. Quam proinde Potentiam Dei non ad ea duntaxat, quæ existunt de facto, sed ad plura, imò omnia possibilia extendi demonstrat illud tum Luc. 1. Non erit impossibile apud Deum omne Verbum; tum Matib. 26. ubi Christus orans ad Patrem, ut calicem à se transferret, dixit, Quia omnia tibi possibilia sunt. Solùm igitur superest ostendere 1. Quæ sit in Deo ratio Omnipotentia à priori demonstrativa? 2. In quo consistat Formalitas divina Potentia? 3. An vis creativa ita sit propria Potentia Dei infinite, ut nulli creatura sit communicabilis? 4. An Potentia Dei ex ratione sua infinitatis possit in infinitum perfectiores species producere? 5. An Omnipotentia Divina in rebus creatis respondeat Potentia obedientialis, non tantum passiva, sed etiam activa?

CONTROVERSIA I.

Quæ sit ratio Potentia DEI quæ infinita demonstrativa à Priori?

Albertus Magnus in 1. dist. 42. art. 3. Radicem Omnipotentia Virtualis, & ratione ejusdem à priori demonstrativam insinuat, asserendo, Omnipotentiam divinæ Substantia propriam sequi perfectionem Essentia, in quâ Deus quis est. Fundamentum ex eodem Magno Doctore petatum est. Licet enim in Deo nihil sit secundum rem Quod est, & Quo est, in ipso tamen secundum differentiam non realem, sed rationis est differens Quo, & Quis est, quod est Persona. Unde sicut dicit Philosophus in lib. de Anima. Formam esse in ratione triplicis Causæ, scilicet formalis, secundum quod dat Esse, & rationem, & Finalis, secundum quod est intenta ab Efficiente, & Efficientis, secundum quod post perfectionem in Esse convertitur in principium agendi. Sic possumus secundum rationem Intelligentia in divinis dicere, quod Omnipotentia consequatur substantiam, vel Essentiam, secundum quod ista in Persona convertitur in principium agendi. At hoc consequitur Perfectionem in Esse, quod dat quasi formaliter loquendo, Personæ, vel ei, quod dicitur Quis est, vel Quod est.

Doctior Angelicus præf. q. 25. a. 1. 2. & 3. Potentiam Dei quæ infinitam, seu quatenus Omnipotentiam demonstrat ex purâ Esse divini actualitate. Fundamentum est. Nam duplex est potentia, scilicet Activa, quæ est principium agendi in aliud, & Passiva, quæ est principium patiendi ab alio, ut dicit Philosophus. 5. Metaph. tex. 17. Manifestum autem est, quod unumquodque, secundum quod est actu, & perfectum, secundum hoc sit principium activum alicujus, cum e contra unumquodque sit passivum, secundum quod est deficiens, & imperfectum. At Deus est purus actus, & simpliciter, ac universaliter perfectus. Unde nullo modo potest pati ab aliquo. At ex hoc ipso, quod Esse Dei non possit esse limitatum per aliquid recipiens, sequitur, esse infinitum ut sic præhabens in se totius Esse perfectionem.

Cum

Cum igitur modus agendi in Deo sit secundum modum Essendi infinitum, consequens est, potentiam Dei esse infinitam, extendique ad omne id, quod potest habere rationem Entis contenti sub possibilibus absolutis, respectu quorum adeo Deus dicitur Omnipotens.

5. Ex opposito adduci potest, quod in purâ actualitate importetur independentia. At Omnipotentia ex hoc ipso est dependens à creaturarum possibilitate, quod ex mente S. Doctoris *cit. art. 3.* non se extendat nisi adabilia: hinc enim sequitur, si per impossibile aliqua creaturarum foret impossibilis, desineret Dei erga illam Potentia.

CONCLUSIO.

Pura Essentiâ Divinâ actualitas est prima ratio, inquam ultimate resolvitur Omnipotentia demonstratio à priori.

6. Probatur. Omnipotentia est vis executiva effectus à Voluntate divinâ præfinita. Unde omnipotentia dicit vel supponit in Voluntate absolutissimam omnis possibilis effectus præfinitivam efficaciam. At efficacia effectuum ad Extra præfinitiva in Dei Voluntate est per divinâ Essentiâ in seipsâ intelligibiliter expressâ actualitatem. Probatur illud Assumptum. Voluntas divina non habet vim effectuum ad extra præfinitivam, nisi amando, & volendo. At vis amandi & volendi non est nisi in ordine ad Bonum intelligibiliter expressum. In Deo autem non est expressio intelligibilis nisi per Essentiâ divinâ in rationem Essentialem, quam Intelligibilitatis purissimam actualitatem. At eo ipso, quod illa Esse divini actualitas sit pura, seu omnis potentialitatis exclusiva, oportet præhabere in se totius Esse perfectionem. Est autem hoc Esse Dei ejus intelligere. Unde oportet, totius Esse perfectionem esse in Deo secundum modum intelligibilem, imò esse ipsum Intelligere Dei, ex S. Thomâ *1. 2. p. q. 14. art. 5. & 1. 2. p. q. 28. art. 3.* Constat igitur, totius Esse perfectionem, atque adeo omnis creaturæ possibilis Esse tanquam effectum Dei proprium præcontineri in Deo intelligibiliter. At eo ipso, quod illa Dei Essentiâ Intelligibilitas, quæ Intellectionis divinæ est specificativa, sit etiam motiva, & specificativa Voluntatis divinæ, sequitur, illam per vim suam dominativam, & Electivam posse se extendere ad omne id, quod intelligibiliter est in intellectu divino. Ex eo autem, quod Intellectio divina formaliter identice specificetur per Dei Essentiâ tam in ratione Essentialem, quam Intelligibilitatis purissimam omnis Esse creati præcontinentem actualitatem, sequitur, illam extendi ad omne intelligibile tam creatum, quam increatum. Cum igitur Potentia divina commensuretur Voluntatis Dei vi Electivæ, ac præfinitivæ, hæc verò proportionetur Intelligibilitati expressæ in intellectu divino, in hoc autem per puram divinâ Essentialitatis, ac Intelligibilitatis in se expressæ actualitatem sit intelligibiliter omnis Entitas, & formalitas in infinitum creabilis, seu possibilis, consequens est, in puram Dei actualitatem ultimatè reduci ratio-

nem Potentiæ Dei quâ infinitæ, seu quâ Omnipotentia à priori demonstrativam.

- Dices. Ex hoc discursu sequi, quod possibilitas creaturarum pro signo aliquo, seu instanti rationis intelligatur prior cum Dei Omnipotentia, tum Voluntatis divinæ efficaciam, & vi præfinitivâ, imò ipsâ etiam Intellectione divinâ. Probatur illud Assumptum. Nam Omnipotentia tanquam vis Executiva est Virtualiter, seu ratione nostrâ ratiocinata consequens Voluntatis divinæ efficaciam, seu vim præfinitivam: hæc autem præsupponit Entitatis ad Extra producibilis in Intellectu Dei expressionem: hæc autem intelligibilis creaturarum possibilium expressio specificatur per Esse divinæ Essentiæ præcontinens totius Esse perfectionem. At ista totius creaturis quâ possibilibus communicabilis Esse præcontinentia Intellectionem divinam virtualiter antecedens importat Connotativè possibilitatem creaturarum: Hæc igitur potest ratione nostrâ ratiocinata prior intelligi Dei Intellectione, atque adeo divinæ Voluntatis efficaciam, & vi præfinitivâ, & consequenter Executivâ Potentiâ Dei.

9. Contra. Nam Esse divini pura actualitas vel potest spectari secundum se absolute per se, ac in se subsistens; Ut sic autem intelligi potest quâ virtualiter distincta à sui Intelligibilitate, ac Intellectione; Vel potest considerari comparatè secundum totius ad extra communicabilis Esse præcontinentiam; Ut sic autem intelligitur sub formalitate Imitabilitatis à creaturis participabilis. At ratio Imitabilitatis, seu Exemplabilitatis formaliter importat Intelligibilitatem Formæ Exemplabilis. Ex hac ipsâ verò Esse divini, seu Formæ per purissimam totius Esse præcontinentivam actualitatem Exemplabili activâ imitabilitate ut sic intelligibiliter in Deo expressâ creaturæ ex Deo derivabiles habent in Intellectu divinoratem Intelligibilitatis, atque ut sic Imitabilitatis passivæ. Hæc verò Intelligibilitas creaturarum sub ratione Esse participabilis, seu passivè imitabilis expressiva habet in Deo rationem Verbi formaliter, ac specificativè includentis Intelligibilitatem divinâ Essentiâ, sive activam hujus Imitabilitatem, sed connotativè ac terminativè importantis Intelligibilitatem Esse participabilis, sive passivam creaturis communicabilem in ratione Essendi Imitabilitatem. Sub hujus adeo verbi ratione stat possibilitas creaturarum, juxta illud *Lucæ 1. Non erit impossibile apud Deum omne Verbum.* Cum igitur illud Dei Verbum in se ipso indivisibile per particulam distributivam *Omne* catenus insinuetur multiplex, quatenus connotativè seu terminativè importat imitabilitatem passivam, seu Esse participabile, & ut sic multiplicabile: Hoc ipsum verò Esse participabile sit intelligibile, quatenus in actualissimâ divinâ Intellectionis formaliter identice specificativâ Intelligibilitate est expressum, & ut sic ideatum; id ipsum verò participatum, seu ex activâ divinâ Essentiâ in se intelligibiliter expressæ Imitabilitate Ideatum Esse intelligibile sit formaliter possibilitas creaturæ ad extra producibilis; consequens est, Esse possibile creaturarum ut sic intelligi virtualiter posterius Intellectione divinâ per Essentiâ Dei intelligibilitatem actualissimam formaliter identice specificatâ.

10. Replieabis. Hoc creaturarum Esse possibile saltem intelligi prius Voluntatis Dei Efficaciâ, & Omnipotentia. Probatur Assumptum. Tum quia ista creaturarum possibilitas est ab efficaciâ Voluntatis divinæ, & Omnipotentia Dei independens utpote intelligibiliter fluens ab Intellectione divinâ activâ Dei Imitabilitatis expressivâ, & ut sic intelligibiliter formativâ Esse objectivi creaturarum tanquam Ideabilis, & passivè participabilis à creaturis. Illa verò Dei Intellectio intelligitur pro signo, seu instanti rationis antecedens efficaciam Voluntatis divinæ, & Omnipotentiam. Tum quia verificatur ista hypothetica, si per impossibile aliqua creabilis quidditas non esset possibilis, tunc in ordine ad illam non subsisteret Voluntatis divinæ efficacia, & Omnipotentia. Ergò ad istam videtur præsupponi creaturæ possibilitas. At verò per hanc ipsam Omnipotentia divinæ ex creaturarum possibilitate dependentiam arguitur; Dei potentiam non radicari in purâ divinæ Essentiæ in se independentem subsistentis actualitate.
12. Contra. Nam possibilitas creaturarum nihil aliud est, quam formalitas ab Intellectu divino intelligibiliter formata in ratione suâ objectivâ involvens Esse. Potest autem Esse in formalitate aliquâ creabili per Intellectionem divinam dupliciter attingi, uno modo, quatenus Dei Intellectio *per modum Imperij* exprimit Esse formalitatis alicui creaturæ communicandum. Ut sic autem Intellectio divina habet rationem dictionis factivæ, seu actionis physice producens Existentiâ formalitati in se expressæ communicandam in actu exercito. Hæc verò ratio Intellectio tanquâ dictio, & actio divino intellectui formaliter immanens, sed virtualiter Transiens non est formativa puræ possibilitatis, sed factiva Existentiæ actualis physice dependentis a Voluntatis divinæ Efficaciâ, & Omnipotentia. Alio igitur modo in formalitate aliquâ creabili Esse attingitur ab Intellectione divinâ *per modum puræ representationis* habentis ut sic ratione Idææ intelligibiliter expressivâ, non autem Exemplaris factivi, nec adeò formativi creaturæ quoad Esse in actu exercito physicum, sed in actu duntaxat signato objectivum. Hoc igitur Esse objectivum habens rationem puræ possibilitatis est quidem independens à Voluntate divinâ, & Dei Omnipotentia, non tamen pro aliquo signo, seu instanti rationis intelligi potest priusullâ formalitate Deo intrinsecâ. Probatur istud Assumptum. Nam alia prioritas est à quo, alia in quo. Hæc verò importat secundum rationis saltem Instantia successionem durationis. Est autem omnis formalitatis divinæ unica indivisibilis mensura æternitatis per realem formalem identitatem mensurans omnem formalitatem Deo intrinsecam. Econtra verò possibilitates creaturarum, seu Essentiæ creatæ secundum Esse suum objectivum quâ ab Intellectione Dei æternâ intelligibiliter expressum solum extrinsecè dicuntur æternæ per mensuram divinæ Intellectionis attingentis illam possibilitatem tanquam objectum purè determinativum, non autem Motivum, seu specificativum. Ergò per prius secundum signum rationis intelligitur quævis Deo intrinseca formalitas utpote intrinsecè mensurata per æternitatem, quàm creaturarum possibilitas. Deinde prioritas à quo importat Causalitatem saltem Vir-
- 13.
- 14.
- 15.

tualis alicujus consecutionis, seu consequentiæ. At ex eo, quòd Intellectio divina per Esse Dei in se subsistens actuata in purissimâ sui specificativâ Esse divini actualitate sit expressiva formalitatum ex Essentialitate Dei infinitâ in infinitum participabilium, sequitur, Voluntatem huic divinæ Intellectioni commensuratam, & ex eadem divini Esse quâ per se ipsam intelligibiliter expressâ actualitate specificatam habere vim omnis illius ex Esse divino participabilis formalitatis Electivam, ex intrinsecâ suâ efficaciâ conjunctam cum Virtute seu potentia per modum Imperij, seu Dictionis factivæ existentia formalitatibus creatis in actu exercito comunicandæ. Constat igitur, nullam esse Voluntatis divinæ efficaciam & Omnipotentia dependentiam Causalitatis, seu consecutionis etiam virtualis ex creaturarum possibilitate; sed tam possibilitatem illam, quàm Voluntatis divinæ vim efficaciter electivam, nec non Potentiam Dei executivam, seu Omnipotentiam intelligi virtualiter emanare ex ratione divinæ Intellectionis expressivæ, ac intelligibiliter formativæ Esse creatis formalitatibus communicabilis. At verò illa vis in formalitatibus creatis intelligibiliter formativa Esse objectivi est per actualitatem divinæ Essentiæ actuantis divinum Intellectum ad formalitatum creabilium Esse intelligibiliter exprimendum. Consequens proinde est, quòd tam efficacia divinæ Voluntatis, quàm Omnipotentia Dei proximè radicata in divinâ Intellectione per divini Esse actualitatem actuata, ultimè tanquàm in rationem à priori resolvatur in ipsam Esse divini purissimam actualitatem.

Responsio ad opposita Argumenta.

AD Alberti Magni *num. 1.* propositum Respondetur. Hujus Magni Doctoris (tum quod Omnipotentia consequatur Divinam Essentiam, seu substantiam, secundum quod post perfectionem in Esse convertitur in principium agendi; tum quod istud consequatur perfectionem Essendi Quod est vel Quis, non autem Quo est) pronuntiatum non minoris esse soliditatis, ac efficaciam, quàm sublimitatis, & subtilitatis. Explicatur. Nam per *ly Quod est*, intelligitur Persona, per *ly autem Quo est* Essentia Dei, adeoque essendi pura actualitas. Hæc autem Essendi actualitas post perfectionem in Esse dicitur ab Alberto Magno in Personâ converti in principium agendi. Est autè Persona naturæ intellectualis individua substantia. At Natura divina est ipsa Intellectio divina per Dei Esse in se subsistens actuata, atque adeò ut sic individua. Hæc autem Dei Intellectio per Esse in se subsistens individua eatenus convertitur in principium agendi, quatenus in hoc ipso Esse Dei actualiter subsistente est intelligibiliter expressiva Essentialitatis formalitatibus creatis ex divino Esse participabilis. Ut sic enim esse radicem tam efficaciam Voluntatis, quàm Omnipotentia, constat ex dictis superius. Patet igitur potentiam divinam secundum Alberti Magni doctrinam eatenus consequi Essentiæ divinæ actualitatem, quatenus hoc in Personâ, hoc est Intellectione divinâ per Esse Dei subsistens actuata convertitur in agendi principium.

AD D. Thomæ *n. 2.* propositum Respondetur. Constare ex deductis, quàm solidè Doctor hic An-

hic Angelicus Omnipotentia divina rationem à priori demonstrativam resolvat in puram Esse divini actualitatem.

18. Ad n. 3. oppositum Respondetur. Verum esse, quod Omnipotentia divina non se extendat nisi ad possibilia, hinc tamen non sequi, ejus à creaturarum possibilitate dependentiam, sed consecutionem duntaxat Omnipotentia ad Intellectionem divinam intelligibiliter formativam, seu expressivam creaturarum possibilitatis consistentis in earum Esse objectivo, ac representato per Dei Intellectionem. Explicatur, & Probatur.

19. Nam 1. L. c. et verificetur, negata creaturae aliqujus possibilitate, consequenter Dei tolli respectu illius creaturae Potentiam, hujus tamen consequentiae vis in eo sita est, quod omnis creaturae possibilitas sit intelligibiliter formata per Intellectionem divinam necessariò expressivam, atque ut sic in ratione possibilitatis formativam omnis formabilitatis ad Extra creabilis. Unde si de aliqua formalitate negetur, esse possibilem, per consequentiam à posteriori negatur illa per divinam Intellectionem formatio intelligibilis, constitutiva creaturae quâ possibilis. At ista vi Intellectionis divinae negata, erga illam formalitatem utpote vi Intellectionis Dei non formabilem in Esse objectivo tollitur consequenter Voluntatis divinae efficacia, & Potentia. Ergo nega à creaturae possibilitate sequitur sublatum iri Omnipotentiam non propter aliquam ejus à creatis Essentia dependentiam, sed propter intrinsecam, & Essentialem Omnipotentiae cum Intellectione divina quâ creaturarum possibilitatis intelligibiliter formativâ connexionem, imò realem formalem identitatem.

20. Hinc 2. Chimæricum est, quod Omnipotentia divina à creatis Essentia independentia in tantum adstruatur per Ovidio *Metaphys. cont. 10. punct. 4. n. 11.* ut cum alijs asserat, Dei Potentiam, quantum est de se, esse efficacem ad Chimæram producendam, nec hujus possibilitatem esse, nisi ex intrinsecâ ejus contradictoriâ repugnantia. Nam sicuti possibilitas creaturarum, seu objectiva Essendi aptitudo, vel non repugnantia est ex Intellectione divina quâ intelligibiliter expressivâ Esse in aliquâ formalitate, sicâ contrario impossibilitas, seu repugnantia Essendi intrinsecâ est ex hoc ipso, quod Intellectio divina circa talem formalitatem ab intellectu creato formabilem non sit expressivâ, seu intelligibiliter formans Esse, sed non Esse. Hinc enim possibile ab Angelo *Lucas 1.* dicitur Verbum apud Deum, cum e contra id, quod contradictionem involvit, nequeat esse Verbum, saltem apud Deum, ex S. Thomâ *pres. q. 25. art. 3.* At verò Potentia Dei executiva est per essentiali connexionem, imò realem formalem identitatem commensurata cum Intellectione divina. Eo ipso igitur, quod Ens chimæricum habens essendi repugnantiam non sit sub ratione Essendi intelligibiliter formatum ab Intellectu divino, nequit Potentia divina nisi chimæricè dici, quantum est de se, ad illud extendi.

21. Hinc 3. tantum abesse, quod posse peccare, mentiri, facere Ens rationis, sive facere, quod præterita non fuerint, sive posse mutare Essentias rerum, importet veram potentia rationem, ac perfectionem, ut potius cum S. Augustino dici possit, Deum non fore Omnipotentem, si ejusmodi defectus facere posset. Ratio est: Nam Om-

nipotentia ut sic radicatur in vi Divinae Intellectionis quâ intelligibiliter formativâ, seu representativâ Esse circa aliquam formalitatem. At Intellectus Divinus circa Ens rationis, & peccatum intelligibiliter representat non Esse. Si ergo Omnipotentia Divina, cujus effectus proprius est Esse objectivè representatum ab Intellectione Divina, posset se extendere ad formalitatem peccati, seu ad Ens rationis, posset hoc ipso esse discordans tam à se ipsâ, quam ab Intellectione Divina tanquam sui virtuali radice. Hoc ipsum autem est destruere Omnipotentiam. Deinde mentiri, seu decipere dicitur Factionis, seu Dictionis dissonantiam cum volitione pacto firmatâ, seu mentali verbo. Si ergo Deus per suam Omnipotentiam mentiri posset, seu decipere, posset disformiter ad suam intellectionem seu Verbum Mentale, sive Voluntatis sua Decretum producere aliquod Verbum, seu factum. Hoc ipsum verò est Potentiam Dei executivam radicitus tollere. In quem sensum S. Augustinus contra Faustum taliter arguit: *Quis autem ita dicit, si Deus Omnipotens est, faciat, ut quæ facta sunt, non sint facta, non videt, hoc se dicere. Si Deus Omnipotens est, faciat, ut ea, quæ vera sunt, eo ipso, quod vera sunt, falsa sint.* Pari proinde ratione cum essentia rerum creabilium non subsistant in æternitate, nisi objectivè ac intelligibiliter expressa in Dei Intellectione, perinde esset, Deum posse mutare essentias rerum, ac facere, ut quæ per suam quidditatem ex Divino Esse derivabilia Intellectionem vera sunt, eo ipso, quo vera sunt, falsa essent. Constat igitur, posse peccare, mentiri, facere Ens rationis, seu facere, ut præterita non fuerint, seu rerum essentias mutare posse, non arguere Potentia perfectionem, sed hujus potius destructionem seu negationem.

CONTROVERSIA. II.

In quo secundum rationem nostram ratiocinatam, seu virtuales Formalitatum in Deo distinctionem consistat formalitas Divina ad Extra Potentia?

1. Suarez *disp. 30. Metaph. sect. 17. n. 47. & in 1. p. lib. 3. de Attrib. Dei pos. 4. g. n. 2.* Martinon *disp. 22. de Deo uno. sect. 1. n. 2.* tradunt, Dei Omnipotentiam formaliter esse ipsum Divinum Esse, ut per se efficax ad extra, sive ipsammet Naturam Divinam, quæ quatenus est ipsum Esse per essentiam, est per se effectrix cujuslibet Esse participati, seu participabilis, si accedat Voluntas ut applicans, & Scientia ut dirigens. Fundamentum ex Suarez *ut. sect. 17. Metaph. 2. n. 47.* petitur est. Vel enim hic inquiritur Potentia, quæ sit quali principium proximum actionis distinctum à principali & radicali, vel ut solum dicitur ipsum principium principale, quod sit etiam immediatum. At priori modo non oportet fingere, aut concipere in Deo Potentiam ratione distinctam ab essentia. Posteriori autem modo nequit Potentia Dei esse Scientia ut Scientia,

vel Voluntas ut Voluntas, sed essentia ut infinita Entitas, & ipsum Esse per Essentiam.

2. Probatur istud Assumptum. Nam in igne calor quatenus est forma dans Esse calidum, & quatenus est principium calefaciendi, est una & eadem forma, quæ ratione sui Esse est activa. Unde ratio Potentiæ proximæ, & principalis calefaciendi non distinguitur etiam ratione ab Esse caloris, sed ipsemet Calor ratione suæ entitatis est proxima, & principalis potentia ad calefactionem accidentalem. Etsi verò forma substantialis ignis non immediate per se ipsam productiva similis formæ nequeat esse principium proximum suæ communicationis, sed tantum principale, hoc tamen est, quia est limitata & finita forma indigens dispositionibus accidentalibus. At in Divinâ substantiâ cessat hæc ratio; siquidem sit illimitata, & omnem vim agendi in suo Esse substantiali continens. Igitur Divina Natura ut sic est sine dubio principium principale, & radicale omnis actionis ad extra. At eo ipso, quòd istud principium licet substantiale sit illimitatum, & infinitum, non est indigens aliâ facultate Mediâ, estque adeò in ratione etiam proximæ virtutis efficiens. Ergo Esse Divinum per se ipsum est principium principale, non tantum radicale, sed etiam proximum quasi efficiens, & exequens omnem actionem ad extra.

3. Secunda sententia, quam Suarezius citatus n. 43. in fine asserit non improbabilem, tenet, Intellectum Divinum per Ideas, seu Exemplaria rerum, quæ in se habet, esse proximam agendi rationem, atque adeò Potentiam ipsam, per quam Deus ad extra res producit. Fundamentum ex eod. Suarez n. 42. desumptum est; Nam Deus in infinitâ scientiâ habet rationes, seu Exemplaria omnium rerum possibilem. Hæc autem Exemplaria Divina nihil extra se agunt necessitate Naturæ. Unde debent determinari per Voluntatem. Ut sic autem determinatæ vocantur Idææ practicæ, à quibus manant creaturæ per se immediate. Est igitur intellectus Dei secundum illas rationes ideales practicas in se contentas verum principium effectivum creaturarum.

- Alij, inter quos censeri potest Ioannes Baptista Gonet 1. p. 10. 2. disp. 3. concl. 3. & 4. tenet, intellectum, quatenus ad ipsum imperare pertinet, esse Potentiam, quâ Deus producit res ad extra, ipsum autem imperium esse actuale effectiorem ex parte Dei. Fundamentum deducitur à Suarez n. 38. Deus enim res ad extra producit imperando, juxta illud Gen. 1. *Fiat lux; fiat firmamentum.* At istud imperium eatenus est executio Voluntatis Divinæ decernentis aliquid fieri, seu produci extra nihilum, ut ex vi illius immediate procedant res creatæ ad Esse, juxta illud Psalm. 148. *Ipse dixit, & facta sunt, ipse mandavit & creata sunt.* Ergo imperium, quo Deus ipse rebus ipsis imperat, ut prodeant in Esse, est actualis ex parte Dei effectio rerum. At imperium esse formaliter actum rationis licet præsuppositivè sit actus Voluntatis, ostendit S. Thomas 1. 2. q. 17. a. 1. Oportet igitur, ipsum intellectum in Deo esse principium effectivum ad extra.

- Scorus in 1. disp. 37. quæst. un. n. 4. supponit, Potentiam in Deo formaliter esse Voluntatem; cui consentit Molina præf. q. 25. art. 1. disp.

2. & Xantes Mariales tom. 3. q. 42. cap. 4. Fundamentum asserri potest ex facis litteris Voluntati Divinæ efficaciam in operando attribuentis Psalm. 148. *Omnia quaecunque voluit, fecit.* Et ad Ephes. *omnia operatur secundum Consilium Voluntatis suæ.* Unde Leo Papa serm. 2. de Nativitat. ait: *Deus, cujus Natura Bonitas; cujus Voluntas Potentia, cujus opus Misericordia est.* Et D. Augustinus in Meditat. cap. 25. *Cujus Voluntas, inquit, opus est, cujus Velle posse est. Qui omnia de nihilo creasti, quæ solâ tuâ Voluntate fecisti.*

Serra præf. q. 25. art. 1. Cum alijs tradit problematice, quòd Potentia Dei formaliter secundum rationem nostram ratiocinatam non distinguatur ab ejus intellectu, & Voluntate. Fundamentum est. Nam si potentia in Deo esset distincta ab intellectu, & Voluntate, ejus quoque actio distincta esset ab Intellegere & velle. Sed actiones immanentes in Naturâ Divinâ non sunt nisi duæ, scilicet intelligere & Velle. ex S. Thomâ infra q. 27. art. 5. Ergo actio Potentiæ, si distingueretur in Deo ab intellectu, & Voluntate, non esset immanens, sed formaliter transiens. Atqui Divina actio Potentiæ non potest esse de genere illarum actionum, quæ non sunt in Deo agente, cum sua actio sit sua substantia. ex eod. S. Doctor 2. contr. gent. cap. 23. ratione 4. Unde cap. 35. ibid. ait: in Deo non esse aliquam actionem ipsius mediam inter actum voluntatis, & effectum, sed oportere, quòd suum intelligere, & velle sit suum facere.

Cui conformiter Albertus Magnus in 1. disp. 42. art. 1. ad 3. probat, quando Deus creat, non agere actione exteriori. Fundamentum est tum ex illo Psalm. 148. *Ipse dixit, & facta sunt; ipse mandavit, & creata sunt.* Tum ex S. Augustino asserente, quòd Deus Verbo suo creat, dicendo scilicet Verbum. Tum ex Gregorio Nazianzeno affirmante, *Primum quidem excogitasse Deum celestes Essentias, & excogitationem ipsius fuisse opus ipsius.* Ex quibus Magnus ille Doctor tandem concludit; Scientiam Dei operativam, & Potentiam & Voluntatem, ut fiat aliquid, causam efficientem esse in creaturâ: siquidem Sapientia Dei non tantum sit ordinans, sed etiam ponens in creaturis ordinem temporis, & dignitatis & Naturæ.

Ioannes à S. Thomâ præf. disp. 11. art. 2. n. 5. affirmat: Potentiam Executivam in Deo non distingui ab intellectu, & Voluntate tanquam Potentiam diversam, & attributum adæquatè diversum ab illis; bene tamen distingui ratione tanquam attributum inadæquatè intra Potentiam intellectivam, quatenus hæc dicit connotationem diversi effectûs; & formalitatem diversi principij, scilicet Intellectûs non præcisè ut intelligentis, sed etiam ut practicè, ac imperativè exequentis, seu dicendo producentis. Fundamentum ab eodem n. 7. & 10. deductum est. Potentia Executiva formaliter ut sic intelligitur operari quâ regulata, & mota per Potentiam dirigentem, ac imperantem. In quantum ergo ab his est distincta, intelligitur operari ut Instrumentum intellectui dirigenti, & Voluntati serviens ad exequendum, & obediendum in his, quæ non pertinent propriè ad se, sed ad Potentiam dirigentem, ac imperantem. At indignum est Divinâ Perfectiōne, considerare Potentiam Dei Executivam tanquam Instrumentum operans ex subjectione

- jectione ad Potentiam dirigentem, & imperantem. Oportet igitur, Potentiam Dei Executivam formaliter quâ talem ita ponere in Intellectu, & Voluntate Dei, ut hæc, & Intellectus Dei quâ imperans habeat plenissimam efficaciam de se utique sine mediâ potentia, sed immediatè per se ipsam exequendi, ac movendi.
9. Nihilominus, etsi Intellectui quâ imperanti non respondeat in Deo Potentia exequens quâ mota & obediens dirigenti, possumus tamen in Divini intellectus formalitate à parte rei indivisibili considerare rationem tum actus purè immanentis attingentis Deum, & creaturas possibles, tum in ratione principij per actionem virtualiter transeuntem ad extra productivi. Hæ autem formalitates sunt ratione nostrâ distinctæ. Ergo in intellectu Divino sunt considerabiles diversæ formalitates, sub quarum unâ, non verò sub alterâ habet rationem Potentiæ executivæ, ac Physicè effectivæ, attestante D. Thomâ *præf. art. 1. ad 4. & q. 1. de Potent. art. 1. ad 9.* Potentiam Executivam in Deo importare rationem principij productivi erga creaturas, & sic distingui ratione ab Intellectu, ut est principium intelligendi, & Voluntate, ut est principium volendi.
10. Nazarius *1. p. q. 14. art. 5. Cont. 2. §. Omnia in Deo ut in Causâ contineri.* Perfectionem seu rationem Causæ in Deo statuit in tribus, asserendo: Intelligere Primum esse Intellectualis Causæ Fundamentum, in quo per se loquendo præexistant omnes ejus effectus medio Voluntatis imperio, & executivâ Potentiâ producendi: unde Voluntatem etiam, & Potentiam ad Intellectualis Causæ complementum necessariò concurrere. Probatur Autoritate S. Thomæ *infra q. 25. art. 1. ad 4.* Differentis in hæc verba: *Potentia importat rationem principij exequens id, quod Voluntas imperat, & ad quod Scientia dirigit: quæ tria Deo secundum idem conveniunt; vel dicendum, quod ipsa Scientia vel Voluntas Divina, secundum quod est principium effectivum, habet rationem Potentiæ. Unde consideratio Scientiæ, & Voluntatis præcedit in Deo considerationem Potentiæ, sicut Causa præcedit effectum, & operationem.*
11. Confirmatur ex eod. S. Doctore *1. p. q. 19. a. 4. ita discurrente: Unius, & ejusdem effectus etiam in nobis est Causa Scientia ut dirigens, quâ concipitur forma Operis, & Voluntas ut imperans; quia forma ut est in intellectu tantum, non determinatur ad hoc, quod fit, vel non sit in effectu, nisi per Voluntatem: sed Potentia est causa ut exequens: quia nominat principium immediatum Operationis, sed hæc omnia in Deo unum sunt.*

CONCLUSIO.

Esse Dei per simplicissimam actualitatem sui in se ipso, & omnis formalitatis ad extra communicabilis in se intelligibiliter expressivum ut sic actuans Divinum Intellectum, & Voluntatem; huic formaliter tribuit efficaciam Quid-ditatis in sui ipsius intellectione expressis per Amorem communicandi Esse; illi verò tribuit vim Dicendi, & Dicendo immediatè efficiendi illud esse, quod Amor Divinus absolute decreverit creaturæ: in quâ

proinde Divinæ Voluntatis d'Esse actualis in creaturâ amandum efficaciam, & intellectus ad Esse actualis Existentiæ præ-amatum exercitè dicendum virtute consistit ratio Divinæ Potentiæ.

- Probat. Nam illud, quod est in effectu ut forma dans Esse, est in agente, in quantum hujusmodi, ut virtus activa. ex S. Thomâ *in 4. dist. 1. art. 4. ad q. 4.* At illud, quod est maximè omnium formale in rebus, est ipsum Esse, ex eod. S. Doctore *1. p. q. 7. a. 1. & q. 3. a. 1.* Unde, quia Deus est ipsum Esse per suam Essentiam, oportet, quod Esse creatum sit proprius ejus effectus: sicut ignis est proprius effectus ipsius ignis. *ex cit. q. 8. art. 1.* Cum igitur forma dans Esse in effectu, sit in agente quâ virtus activa; Esse autem effectibus à Deo productis sit omnium maximè formale, consequens est, ipsum Esse in Deo quatenus ad extra agente esse formaliter virtutem activam. At verò in quibusdam agentibus præexistit forma rei faciendæ secundum esse Naturale; ut in his, quæ agunt per naturam, uti homo generat hominem, ignis ignem: in quibusdam verò secundum esse intelligibile, ut in his, quæ agunt per Intellectum. ex Doct. Angelico *1. p. q. 15. art. 1.* At quia Essentia Dei est ejus intelligere & velle, ex hoc ipso, quod per Essentiam suam agit, sequitur, quod agat per modum intellectus, & Voluntatis. *ex q. 19. art. 4. ad 2.* Oportet igitur Esse eatenus effectus à Deo creabilis esse formam, ut quâ virtus activa in Deo existat secundum Esse intelligibile, eod. S. Doctore *q. 14. a. 5.* attestante: *Quosunque effectus præexistere in Deo sicut in Causâ primâ secundum modum intelligibilem.* Atqui Esse rerum creatarum est in Deo intelligibiliter per ipsum Esse Essentiæ Divinæ tanquam principalis Intellectui speciem, in qua omnes species rerum comprehenduntur. *ex cit. art. 5. ad 3.* Cum igitur Esse quâ cujusvis rei à Deo faciendæ forma in Deo intelligibiliter existens sit virtus Dei activa, illud verò Esse tanquam omnis rei creatæ formale sit in Deo intelligibiliter per ipsum Esse Essentiæ Divinæ, quâ sui & omnis creatæ quidditatis in se ipso intelligibiliter expressivum, consequens est, quod Esse in Deo sit formaliter virtus ad extra activa. At verò istud Esse Divinum in se totam essendi perfectionem continens, cum sit indeterminatum, si ageret line determinatione Voluntatis, causaret aliquid indeterminatum, & infinitum in Essendo. *ex cit. q. 19. art. 4.* Illa verò determinatio Voluntatis est inclinatio Dei ad agendum actuata, & specificata per ipsum Esse Divinæ Essentiæ quâ intelligibiliter in Deo expressum *ex cit. q. 19. art. 1. in corp. & ad 3.* At illa ipsa inclinatio Voluntatis quâ formæ, seu ipsius Esse in effectu determinativa est Causalitas creans, & infundens rebus creatis esse. *ex cit. q. 19. art. 4. ad 4. & q. 30. a. 2.* Oportet igitur, Divinæ Voluntatis ad Esse in rebus creatis determinandum, atque ut sic causandum vim, & efficaciam esse in Deo Potentiam, seu Causam exequentem. *ex cit. q. 19. a. 4. ad 4.*
- Dices. Esse Dei ut sic distingui virtualiter ab Efficaciâ Divinæ Voluntatis. Ergo potentiam Dei executivam sitam in Voluntatis Divinæ efficaciam

ficaciâ non consistere in actualitate Essendi tanquam formâ Dei propriâ.

17. Contra. Nam Esse Dei per summam actualitatem sui ipsius intelligibiliter expressivum ita est suum Intelligere ac velle, ut consequenter Voluntas Divina secundum nostros quoque conceptus objectivos formaliter nihil aliud sit, quam Amor per Esse Dei actuatus, & specificatus. ex D. Tho. *cit. q. 19. art. 1. in Corp. & ad 2. & 3.* At ex hoc ipso, quod Voluntas Dei per Essentiâ Divinâ Esse sit actuata, & specificata, sequitur, tum quod nullus sit effectus possibilis, quin secundum Esse omnis entis ut sic constitutum subdatur Divinâ Voluntati quoad Esse ceu formam actuantem, ac specificativam Voluntatis quâ operantis, tum quod eadem voluntas Divina per sui ex Esse Divinâ actualitate formale actuacione habens sibi subjectas, & subordinatas omnes alias causas, nequeat impediri, quod minus semper impleatur. ex *cit. q. 19. art. 6.* Cum proinde ista vis, per quam necessarium est, Voluntatem Dei impleri, sit formaliter vis, seu Potentia executrix actuata per Esse Dei Amoris Divini formaliter specificativum, consequens est, Esse Divinâ Essentiâ quâ intelligibiliter in se expressum Amoris in Deo formaliter specificativum esse ut sic Potentiam Dei executricem.

18. Replicabis. Amorem creaturarum in Deo per esse Dei specificatum habere ut sic rationem Causalitatis. Ergo Esse Dei actuans Voluntatem Divinam non tam habere rationem principij, seu causæ primæ in actu primo exequentis, quam actualis executionis & Causalitatis in actu secundo.

19. Contra. Nam Voluntas, & Amor Divinus considerari potest præcisè quâ actuatus per Esse Divinâ Essentiâ sine ordine actualis ad Esse creaturis communicandum tendentiâ, ex *cit. q. 19. a. 1. 2. & 3.* Ut sic autem Amor Divinus se habet ut causa potens formam sui specificativam diffundere ad communicandum Esse rebus creatis ex *cit. q. 19. a. 2. & 3.* Hæc igitur vis ad communicandum Esse rebus habet in Voluntate Divinâ rationem Potentiæ exequentis. ex *cit. art. 4. ad 4.* Et si ipse Amor Dei per Esse Divinâ Essentiâ specificatus, quatenus est actualis in creaturam tendentiâ, seu ad esse actu communicandum determinatio, habeat rationem actualis executionis, seu Causalitatis in actu secundo. ex *q. 20. art. 2. & q. 23. a. 2. & q. 46. art. 1. ad 10.*

20. Instabis. Ex hoc discursu inferri, vim Executricem, atque adeo rationem Divinâ ad extra Potentiâ consistere præcisè in efficaciâ Voluntatis, non autem in virtute Intellectus Dei. Probatur ista sequela. Quia Potentia, ceu causa exequens nominat immediatum principium operationis. ex *cit. q. 19. art. 4. ad 4.* At principium immediatum operationis Dei ad extra consistere in efficaciâ Divinâ Voluntatis ut imperantis; Scientiam verò Dei se habere ut dirigentem, neque formam operis à Deo faciendi prout est in intellectu tantum, determinatam esse ad hoc, ut sit, vel non sit in effectum, sed hanc determinationem esse à Voluntate Dei quâ Imperante, constat ex *loc. prox. cit.*

21. Contra. Nam operatio Dei ad extra tanquam ab immediato principio, & causâ Exequerente est à Voluntate Divinâ ut imperante, ex

S. Doctore *cit.* Est autem imperium *motus* actus Voluntatis, Formaliter vero est actus rationis seu intellectus. ex *1. 2. q. 19. a. 1.* At imperium ceu actus rationis in Deo non potest ex Voluntatis motione procedere secundum quandâ divinâ rationis subordinationem, seu subjectionem ad illam. Oportet igitur, imperium ceu in effectibus divini actum esse *motum* à Voluntate Dei, quatenus Amor divinus actualem rei creatæ Existentiâ communicans per ipsum Esse Dei tanquam voluntatis divinæ unicum motivum formaliter identicè specificatus, in se per Esse Divinâ Essentiâ actuato est ut sic circa creaturam intelligibiliter expressivus Esse actualis existentie. Unde hæc ipsius Esse rei creatæ per Voluntatis Dei determinationem communicandi expressiva in Esse divino intelligibilitas formaliter identicè actuans divinam intellectiōnem, hanc in rursese constituit in ratione dictionis, seu imperij efficientis in re creatâ Esse à Voluntate Divinâ prædeterminatum. At istam dictionem, seu imperium esse actionem executricem, seu immediate effectricem cuiusvis rei creatæ, constat ex illo *psalm. 148. Quoniam ipse dixit, & facta sunt, ipse mandavit, & creata sunt.* Unde omnia per peculiarem quandam appropriationem dicuntur *ut Ioann. 1. esse facta per Verbum.* Consequens igitur est, actionem Dei ad extra immediate effectricem sitam in dictione non tantum includere formaliter actionem divinâ intellectiōnis, sed etiam volitionis quâ per Esse Dei specificatæ ut sic formaliter actuantis intellectum divinum ad actualem creaturæ sub ratione existentie expressionem, seu dictionem. At potentia Dei, quâ causa exequens nominat immediatum principium Operationis. ex S. Thom. *ubi sup.* Ergo ratio Potentiæ Dei executricis formaliter consistit tum in divinâ Voluntate per Esse Dei actualissimum omnis formalitatis ad extra communicabilis in se expressivum actuata, habente ut sic efficaciam quidditatibus in Intellectiōne Dei expressis per Amorem communicandi Esse actualis existentie; tum in intellectu divini virtute per intelligibilem ipsius Esse creaturis præfinit in Esse Dei expressionem dicendi præcisè, seu exercitè, atque ut sic immediate efficiendi Esse actualis Existentiæ præamatum, & ut sic ex parte Dei causatum in creaturâ.

Responsio ad fundamenta opposita.

AD Suarezij *n. 1.* propositum Fundamentum Respondetur. Ipsam Dei Essentiâ, sive ipsum Esse Dei per Essentiâ secundum quod in Personâ convertitur in agendi principium esse principale proximum actionis Dei ad extra transeuntis principium. ex Alberto Magno *tit. dist. 42. art. 3.* At Esse per Essentiâ intelligi in personâ Dei converti in agendi principium, quatenus omnis formalitatis creatæ in se intelligibiliter expressivum specificando, & actuando Intellectum, & Voluntatem, huic tribuit efficaciam quidditatibus in sui ipsius intellectiōnis expressis per Amorem communicandi Esse actualis existentie, illi verò tribuit vim in se ipso dicendi, atque Dicendo immediate efficiendi Esse creaturæ in suo per se subsistente Esse tanquam verbo essentiali intelligibiliter expressum. Constat igitur, Esse per Essentiâ in Deo posse intelligi

telligi quâ principale proximum agendi Principium.

23. Ad secundæ sententiæ n. 3. oppositum Fundamentum Respondetur. Exemplar rerum faciendarum in mente divinâ esse principium factionis in actu secundo, quatenus est Verbum Dei Essentiale: Huic autem Dei Verbo Essentiali convenire, quod per purissimam Essendi actualitatem in Voluntatis Divinæ Decreto Esse creati præfinitivo sit intelligibiliter expressivum Esse creaturæ communicandi. Sicut ergo Exemplar illud est Principium Factionis rerum in actu secundo; sic virtus divini Intellectûs ad Dicendum illud verbum rei creatæ quoad Esse actualis Existentiæ exemplativum, seu expressivum habet in Deo rationem principij factionis rerum in actu primo.

24. Ad Fundamentum n. 4. propositum Responderetur. Totum illum discursum esse solidum, ac probari per ea, quæ latè adducit Gonet citatus. In cujus adeo Confirmationem ex ijs, quæ sup. q. 5. art. 1. com. 2. deduximus, superaddi posse, quod in Deo principium operationis sit forma intellectûs. ex S. Thomâ cit. q. 14. art. 8. In Deo autem, cuius Esse est suum intelligere, forma Intellectûs est ipsum Esse per se subsistens. ex loc. cit. At istud Esse, quatenus est forma in intellectu, tantum, non determinatur ad hoc, quod sit, vel non sit in effectu nisi per Voluntatem. ex q. 19. art. 4. ad 4. Est autem Esse Dei, quâ divini Intellectûs forma principium Operationis, quatenus habet vim determinativam ad hoc, quod ponitur in effectu: Huic verò vi determinativæ Voluntatis Dei propriæ respondet in intellectu virtus dicendi, ac in ipso Esse divinæ Essentiæ intelligibiliter exprimendi, atque dicendo faciendi Esse rei creatæ præfinitum a Voluntate divinâ. In illâ ergo tum determinativâ Voluntatis Divinæ propriâ vi, & efficaciâ, tum per dictionem seu Verbum expressivâ intellectûs divini propriâ Virtute constitutio Potentiæ Dei executricis.

25. Ad Fundamentum n. 5. propositum Respondetur. Esse solidum, posseque confirmari ex Doctore Angelico 1. 2. q. 17. art. 1. in fine Corporis ita differente: *Primum movens in viribus anime ad exercitum actus est Voluntas: Cum ergo secundum movens non moveat, nisi in virtute primi Moventis: sequitur, quod ipsum, quod ratio movet imperando, sit ei ex virtute Voluntatis.* Hinc enim ad nostrum institutum sic argumentari licet. Intellectûs divinus imperando ut fiant, atque adeo existant res creatæ, movet in virtute Voluntatis divinæ non quâ dominantis, sed formaliter identicè sibi identificatæ. Ex hoc autem sequitur, divinam Voluntatem per ipsum Esse Dei subsistens actualitatem ita habere virtutem Esse rerum creatarum præfinitivam, ut hæc ipsa virtus per purissimam Esse divini actualitatem sit in intellectu divino vis Dicendi, ac Dicendo faciendi Esse rerum creatarum. Constat igitur, Potentiam in Deo Esse formaliter Voluntatem, ita tamen ut includat Intellectûs divini virtutem Dicendi, & ut sic faciendi in rebus creatis Esse actualis Existentiæ.

26. Ad Serræ n. 6. propositum Fundamentum Responderetur. Id omnino subsisteret tanquam solidum, posseque expressis S. Doctoris verbis confirmari præ. q. 25. art. 1. ad 4. affirmantis: *Dicendum,*


quod ipsa Scientia, vel Voluntas Divina, secundum quod est principium effectivum, habet rationem potentia.

27. Ad Alberti Magni n. 7. propositum Fundamentum Respondetur: Omnino congruere cum Doctrinâ sui Angelici Discipuli Thomæ Aquinatis; quorum adeo duorum Ecclesiæ Sanctæ Luminum hic de Creaturarum effectrice divinæ Voluntati, ac Intellectui formaliter immanente actione menti, D. Augustini, conformiter traditæ Doctrinæ si insisterent moderni Scientiæ Mediæ propugnatores, non tantopere aberrarent, tum à Divinæ Præscientiæ Causalitate, tum à ratione divinæ Intellectionis Motivâ ad cognoscenda futura contingencia sive absoluta, sive conditionata, tum ab efficaciâ intrinsecâ divinæ Voluntatis, ejusque Causalitatis, tum consequenter à Mysterio divinæ Prædestinationis, ac perfectionis; hæc enim omnia Mytheria in eo duntaxat sita sunt, quod in Deo sit actio & consequenter in æternitate Causalis determinatio ad cujusvis creati effectûs Esse in tempore ponendum, veluti sup. q. 5. præfinitum art. 4. & 5. per tot. nec non q. 6. præfinitum art. 5. & 6. demonstratum est.

28. Ad Ioannis à S. Thomâ n. 8. & 9. propositum Fundamentum Respondetur. Per omnia probari tanquam conforme Angelico Doctore. 1. p. q. 14. art. 2. Ex quo tale formari posse argumentum. Nam forma intellectûs in Deo ita est principium operationis, sicut calor est principium calefactionis. At forma naturalis, in quantum est forma manens in eo, cui dat Esse, non nominat principium actionis, sed secundum quod habet inclinationem ad effectum. Similiter ergo Forma intelligibilis in Deo non nominat principium actionis, secundum quod est tantum in intelligente, nisi adjungatur ei inclinatio ad effectum, quæ est per Voluntatem. ex cit. art. 2. Iuxta quam adeo doctrinam oportet in Scientiâ Dei ratione nostrâ, seu Virtualiter distinguere tum rationem Contemplationis, secundum quam intelligitur præcisè in Intellectu divino quoad Esse quietum subsistens: tum rationem dictionis Esse creati per Voluntatis divinæ Inclinationem determinati expressivæ, atque ut sic factivæ, seu operativæ, sub quâ formalitate à Doctore Angelico cit. 1. 2. vocatur Scientia Approbationis, habens ut sic rationem Causalitatis divinæ in actu secundo. Pari ergo ratione in divino Intellectu oportet Virtualiter distinguere tum rationem Contemplationis secundum prioritatem virtualem antecedenter ad Voluntatis divinæ determinationem in Esse divino realitates creatas quoad puræ possibilitatis statum repræsentantis, tum formalitatem virtutis per divinæ Voluntatis ex Esse Dei actualitatem, atque ut sic Intellectui divino identificatam efficaciam, quæ ut sic importat virtutem dicendi, seu practicæ, ac exercitiè exprimendi in rebus creatis Esse actualis Existentiæ. In quâ proinde virtute divini Intellectûs tanquam primo actu rerum ad extra effectivo consistit Formalitas divinæ Potentiæ Exequentis.

29. Ad Nazarium n. 10. inductum Respondetur. Ejus Doctrinam ritè intellectam à nobis haud discordare. Unde ad Authoritatem D. Thomæ n. 10. & 11. propositam dicimus: Voluntatem Dei posse considerari vel præcisè in ratione Amoris per divinam Essentiam in se intelligibiliter expressam actuali, ac specificati; Ut sic autem Amorem

morem in Deo habere rationem essentialem actualissimæ Voluntatis, vel hunc Amorem Voluntatis divinæ in ratione purissimi actûs constitutum posse considerari secundum efficaciam ex ipsâ divini Esse actualiuatione sibi convenientem ad Esse creatis quidditatibus in Essentiâ divinâ intelligibiliter expressis communicandum. Hanc verò Amoris per Esse Dei subsistens actuali Efficaciam esse rationem Voluntatis divinæ Attributalem: cum quâ proinde Voluntatis divinæ efficiaciâ subsistere in Dei Intellectu vim dicendi ipsum Esse circa creaturam præamatum, supponereque virtualiter creaturarum Esse possibile expressum in divinâ Intellectione habente ut sic vim præcisè directivam, non formaliter secundum rationis nostræ ratiocinatæ conceptum physicè effectivam, seu immediatè Causativam. Constat igitur, quomodo scientia Dei, quatenus creaturas secundum puræ possibilitatis statum attingit, sit dirigens. Voluntas autem per efficaciam suam *Mouet*, ipsa verò Intellectio creaturarum quoad Esse à Voluntate divinâ rebus creatis præfixum expressiva *Formaliter* imperans sit, atque ut sic per Voluntatis Dei sub purissimâ Esse divini actualitate determinationem actualata sit exequens, ac in creaturis immediatè efficiens Esse actualis Existentiæ.



CONTROVERSIA III.

An vis creativa Potentia DEI

infinita adeò sit propria, ut nulli creaturæ substantiæ possit communicari?

I.

DUrandus in 2. dist. 1. q. 1. affirmat, vim creandi etiam principalem respectu alicujus peculiaris effectûs posse creaturæ substantiæ communicari. Adstipulatur Arriaga in *Phys. disp. 11. sect. 5. subsect. 2.* asserens, illam sententiam probabiliorē.

Fundamentum. Nam vis creandi etiam per modum Causæ principalis non arguit Potentiam infinitam. Ergo est creaturæ communicabilis. Antecedens probatur 1. Tum quia creatio est productio rei ex nihilo, sive Entis ex non Ente. At inter Ens, & non Ens intercedit distantia tantum finita. Ergo ad Ens ex non Ente, seu nihilo producendum non requiritur nisi virtus finita. Tum quia quando actio, sicuti est creatio, non habet subjectum, nec terminum à quo, sed effectum duntaxat seu terminum ad quem, tunc tota ratio virtutis productivæ, & quantitas illius attendenda est ex perfectione effectûs producti. At terminus creationis secundum suum Esse, ac perfectionis gradum est finitus. Ergo non repugnat, vim creandi communicari.

2.

Confirmatur. Non enim est minus possibile Deo, accidens separari à subjecto, quando produciatur ab agente naturali, quam ubi jam prius erat productum. Atqui accidens jam productum virtute divinâ separari à subjecto, docemur ex Mysterio SS. Eucharistiæ. Possibile igitur est, ab agente naturali produci accidens à subjecto separatum, Deo concurrente non ad rei productæ

Entitatem, sed ad ejus independentiam à subjecto Existentiā.

Magister Sententiarum in 4. dist. 5. cap. ult. S. Thomas *ibid.* q. 1. art. 4. *quæstionibus* 3. ad 4. Suarez in *Metaph. disp. 20. sect. 3. n. 9.* Hurtadus *disp. 12. sect. 6.* Albertinus *ib.* 1. q. 1. *Theol. in 1. Coroll. ex 2. princ. Philos.* ita negant, possibilem creaturam, cui innata sit vis principalis creandi, ut tamen existiment, posse creaturam ut Instrumentum elevari ad creandum. Fundamentum Suarezij *ubi sup.* 1. Etenim à cæteris actionibus differt creatio, quod non sit actio ex subjecto. At ista differentia non adeo universalis est, quin etiam Transubstantiationi conveniat esse actionem, quæ non sit ex subjecto. ex S. Thom. 3. p. q. 75. art. 3. Et si verò in Transubstantiatione supponatur aliquid tanquam Materia remota, & ut terminus à quo, vel sub aliâ simili habitudine, nihil sanè refert, ut minus repugnet Instrumentum creatum concurrere ad illam actionem, quam ad creationem.

Confirmatur. Nam ex eo, quod creatio sit actio sine subjecto, solum inferitur, non posse creaturæ, neque ut principali virtuti, neque ut instrumento esse connaturalem. Atqui actio etiam Conversiva totius substantiæ in totam substantiam non potest creaturæ neque ut principali Causæ, neque ut Instrumento connaturalis esse, sicut actio in Spiritum qualitatis spiritualis præsertim productiva neque connaturaliter convenire igni Corporeo, & tamen utraque communicatur virtute divinâ per elevationem. Ergo idem videtur dicendum de actione creativâ.

D. Thomas 1. p. q. 45. art. 5. D. Bonaventura in 2. dist. 1. art. 1. q. 1. ad 5. in fine. Alensis in 4. dist. 1. 2. p. q. 6. mem. 2. art. 4. Scotus *eâd.* dist. 1. q. 1. à n. 28. usque ad 32. Richardus in 2. dist. 1. q. 1. Rada *Controv. Theol. p. 2. Contr. 2.* Cajetanus in cit. q. 45. art. 5. Ferrariensis 2. cont. *Gentes cap. 12.* Valquez 1. p. disp. 175. cap. 2. Ioannes à S. Thom. in 1. p. 10. 2. disp. 18. art. 4. Oviedo in *Phys. Controv. 13. punct. 4.* & plures alij negant simpliciter, Potentiam creativam sive principalem, sive Instrumentalem esse creaturæ communicabilem.

CONCLUSIO.

Vis creativa principalis nulli creaturæ est communicabilis

Probatur ratione Doctoris Angelici *cit. art. 5.* Oportet enim universales effectus in universaliores, & priores Causas reducere. At inter omnes effectus universalissimus est ipsum Esse. Oportet igitur, quod Esse sit proprius effectus Primæ, & Universalissimæ Causæ, quæ est DEUS. Unde etiam dicitur *lib. de Causis*, quod neque Intelligentia, neque Anima nobilis dat Esse, nisi in quantum operatur ratione divinâ. Atqui producere Esse absolute, non in quantum hoc vel tale, pertinet ad rationem creationis. Ergo creatio est propria actio ipsius Dei. D. Augustino 3. de *Trinit. cap. 8.* attestante, quod neque Boni, neque Mali Angeli possint esse creatores alicujus rei.

Opponit Scotus *cit. q. 1. n. 7* Hanc Doctoris Angelici probationem ad istas duas reduci propositiones. *Esse simpliciter est proprius effectus Dei, & Esse simpliciter est proprius terminus creationis.* At priorem esse

tem esse falsam; Tum quia generatio secundum Philosophum est ad Esse, tum quia à quocumque generatur Compositum, per ejus actionem Forma est in Materiâ, Formam autem esse in Materiâ, est Compositum habere Esse. Quare dicendum, quod à quocumque etiam creato Efficiente generatur Compositum, ab eodem sit effective Esse Compositi: Falsum igitur esse, quod Esse sit proprius effectus Causæ Primæ. Ergo ex prædicto Doctoris Angelici Fundamento non concludi, quod creatio sit solius Dei.

7. Contra. Nam unumquodque agit, secundum quod est in actu. Omnis igitur Entis, quod in Essendo habet actum admixtum Potentiæ, effectus est actus Potentiæ admixtus. Talis verò est Motus, qui est actus Entis in Potentiâ, secundum quod in potentia. At Esse de se non dicitur Imperfectionem, nec Potentiæ admixtionem, sed hæc imperfectio ei communicatur, quatenus est receptum in alio. Cum igitur Deus sit actus purus sine admixtione Potentiæ, ejus primus effectus est Esse, cum e contra primus effectus creaturæ sit Motus. At omnis Motus fundatur in Materiâ. Ergo omnis virtus, seu Potentia creaturæ in sua actione præsupponit materiam propter suæ actualitatis defectum, veluti hoc ipso argumento arguit Scotus q. 6. de rerum princ. 4. l. n. 12. Atqui creatio est productio rei ex nihilo materiæ, seu potentialitatis etiam secundum Naturæ duntaxat prioritatem præsuppositæ. Ergo ex eo, quod Deus per suam propriam Essentiam sit purus Essendi actus; etiam secundum Scotum vix quoad hoc sibi concordantem, efficaciter probatur, Creationem soli Deo propriam Esse, nec ulli creaturæ posse communicari.

8. Confirmatur 1. Nam forma est in agente principium operandi. ex S. Tho. q. 7. de Potent. art. 2. & Scoto ut. art. 1. n. 10. Ergo in Ente, cujus Essentia est Esse subsistens, oportet, quod ipsum Esse sit principium. At ex hoc ipso, quod omne agens intendat producere sibi simile, oportet principium formale quæ effectivum importare rationem assimilandi sibi effectum. ex Doctore Angel. 1. p. q. 41. art. 5. Cum igitur soli Deo, nulli verò creaturæ convenire possit, quod ejus Essendi Forma sit Esse, consequenter in effectu creato Esse ut sic non potest creaturæ alicujus virtutis esse proprius effectus, subtili quoque Doctore in Comment. ad 4. Metaph. cap. 1. n. 4. ad stipulante, quod Prima Causa sit causare Ens, in quantum Ens, secunda verò inferioris Causa latet Entis. Confirmatur 2. Quævis Causa extendit se ad omnem effectum habentem formalitatem, per quam assimilatur, quæq; in Causa est principium operandi. Unde quia omnes Causarum etiam secundarum effectus conveniunt in Esse, oportet, illam Causam, cujus Forma tanquam ratio, & actus purus Essendi quoad Esse sibi assimilat omnem effectum ita esse Universalem, ut sit causativa omnis effectus, ipso etiam Scoto fatente in cit. cap. 1. Metaph. n. 4. Atqui Esse simpliciter est terminus creationis proprius, uti ex Angelico Doctore 1. p. q. 41. art. 1. supponit Doctor subtilis in 4. dist. 1. q. 1. n. 7. Cum igitur vis creativa essentialiter terminetur ad Esse simpliciter ex nihilo, seu ex nullo in vi Causæ materialis præsupposito subjecto producendum, oportet, vim creativam ex ratione suâ formali esse in causando ita

universalem, ut se extendat ad omne Ens, & Entitatem, subtili etiam Doctore cit. n. 4. Metaph. asserente, Causam, cujus effectus est Ens, in quantum Ens, esse universalem omnis Entis Causativam. At eo ipso, quod Causam Universalem omnis Entitatis in infinitum productivam oporteat in causando, atque adeo Essendo esse infinitam, sequitur talem, virtutem universalem ex ratione suâ tendentem ad Esse, quæ talem, non posse ulli creaturæ esse communicabilem. Unde Sanctus quoque Doctor in 2. dist. 15. q. 1. a. 2. ait, Agens, quod dat Esse, ut esse Divinum, ut iste modus actionis soli Deo conveniat, siquidem istud Esse nequeat causari ab agentibus inferioribus, nisi quatenus causant in Virtute Causæ primæ. ex D. Thomâ q. 7. de Potent. art. 2. Cum proinde vis creativa causasse quæ tale simpliciter importet Infinitatem tam Essendi, quam Causandi, evidenter demonstratur, nulli creaturæ esse communicabilem. D. Cyrille Alexand. lib. 2. cont. Julian. attestante: Inaccessa Natura esse ea, quæ propria sunt soli, & optimam summam Substantiam. Quorum unum esset, efficaciter producere posset creatorem, ac producere res, quæ aliquando non erant.

CONCLUSIO II.

Neque vis creandi Instrumentalis potest ulli creaturæ secundum Potentiam etiam Obedientialem communicari;

Probatur ratione D. Thomæ cit. q. 45. art. 5. Oportet Causam Instrumentalem secundâ participare actione Causæ superioris. Hæc autem actionis Causæ superioris participatio comperit Causæ Instrumentali, in quantum per aliquid sibi proprium Dispositivè operatur per effectum principalis Agentis. Atqui effectus proprius Dei Creantis est Esse absolute. Hoc autem præsupponitur omnibus alijs. At verò ad effectum omnibus alijs præsuppositum non potest agens aliquid dispositivè, atque adeo instrumentaliter operari. Cum igitur de ratione Essentiali creationis sit non esse ex aliquo præsupposito, sed operari Esse absolute tanquam effectum omnibus alijs præsuppositum: nequeat verò agens aliquid dispositivè operari ad effectum omnibus alijs præsuppositum, evidenter sequitur, nullum agens posse Instrumentaliter, id est dispositivè præoperando creare aliquid effectum.

Opponit Scotus in 4. dist. 1. q. 1. n. 9. Dari Instrumentum attingens suâ actione ipsum principalem Agentis terminum, sicut Monetarius per Instrumentum inducit formam in monerem, & Sigillator in Ceram. Quocirca de ratione Instrumenti non esse ad effectum principalem disponere, nisi sit Instrumentum in actione, quæ disponit ad effectum principaliter intentum. Hoc autem solum tenere, quando sunt plures actiones ordinatæ, quarum una ad aliam disponit. At posse absolute esse Instrumentum in principali actione, licet non concurrat in aliquâ aliâ præcedente. Quare Doctoris Angelici propositionem: Quod Instrumentum per aliquod sibi proprium causet dispositionem ad terminum principalem, tunc solum habere Veritatem, quando non potest virtute principalis Agentis attingere ad illum terminum principalem. At non esse probatum à Doctore Angelico, quod

creatura non possit in virtute Dei attingere terminum creationis: hunc enim terminum ex mente Angelici Doctoris dici Esse absolute. Hoc verò Esse absolute non ita esse proprium Dei effectum, quoniam sit effectus Causæ quoque secundæ. Nihil ergo esse firmitatis in allegatâ ratione Angelici Doctoris, ut adeò in Scholio ad subtilis Doctoris *cit. q. 1. n. 31.* dicatur, non ratione, sed autoritate duntaxat Patrum efficaciter probari, quod virtus creativa etiam Instrumentalis non possit creaturæ alicui communicari.

12. Contra. De ratione Instrumenti est agere virtute principalis Agentis, quia Doctore subtili *cit. q. 1. n. 9.* fatente, in quâcumque actione non ageret in virtute principalis agentis, in illâ non esset Instrumentum, sed agens principale. At Instrumentum quatenus per suam actionem agit in virtute principalis agentis, operatur ut sic dispositivè, ex Doctore subtili *cit.* Ergo Instrumentum agere dispositivè non est caulare dispositionem ad terminum principalis agentis, sed est operari ipsum effectum principalem ex vi motionis, seu actionis receptæ in Instrumento tanquam Causâ per illam ipsam actionem physicè, sed tamen Ministerialiter ac in virtute principalis agentis efficiente principalem effectum. At eo ipso, quod ista actio in Instrumento sit accepta, oportet ipsam esse ex præsupposito subiecto, nec adeò habere ut sic rationem creationis, cum creatio non sit ex aliquo præsupposito, ut arguit S. Doctor *sup. citatus.* Constat igitur, allegatam Doctoris Angelici rationem efficaciter concludere.

13. Instabis. Creationem ex S. Anselmo in *Monolog. c. 2.* definiri, quod sit actio, quâ aliquid dicitur esse ex nihilo, quia non sit de aliquo tanquam Materia, vel subiecto, aut quovis alio modo, sed post omnino nihil recipit Esse. At licet illa actio Causæ secundæ Instrumentali impressa non esset de nihilo Materie, effectus tamen per ipsam physicè productus posset esse de nihilo subiecti. Sic enim Corpus Christi in Eucharistia sustentando quantitatem panis in instanti Transubstantiationis Eucharisticæ ita recipit in se actionem sustentativam illius quantitatis, ut hæc pro illo instanti incipiat existere de nihilo Causæ Materialis, ac independentem ab omni subiecto. Ergo illa actio sustentativa Corporis Christi in quantitatem Eucharisticam exercita potest respectu huius dici creativa. Ergo Corpus Christi secundum potentiam Obedientialem elevatum tanquam Instrumentum Dei erga illam quantitatem exercet actionem creativam.

14. Contra. Nam illa ipsa actio sustentativa à Corpore Christi in quantitatem Eucharisticam exercita (de quâ in Controversiis meis Scholasticis *Controv. 47. n. 2.*) per suum Esse receptum in subiecto habet Essendi rationem limitatam. At forma, seu actio habens Essendi rationem limitatam non potest in suo effectu respicere Esse nisi quâ limitatum. Hæc autem Essendi limitatio omni creato effectui essentialis est per hoc, quod ejus Esse Existentiæ non sit per se subsistens, sed receptum in aliquo supposito. Est igitur proprium omni virtuti, & actioni creatæ respicere Esse effectus non simpliciter, sed sub illâ limitationis formalitatē, secundum quam habet Esse Existentiæ dependens ab alio tanquam subiecto. At eo ipso, quod cujusvis Causæ creatæ actio ab

illâ emanans pro termino habeat Esse Existentiæ quâ dependens ab alio tanquam subiecto, seu supposito sequitur, talem actionem non esse de nihilo subiecti. Ergo non habet rationem creationis, ex S. Anselmo *superius* definitæ. E contra verò in effectibus creatis Causaliitati divinæ quâ tali responderet Esse simpliciter, non verò taleitas Entitatis. ex Doctore tam subtili, quàm Angelico *ubi. sup.* Hæc autem taleitas Entitatis quâ Creatæ est Essentialis limitatio ipsius secundum formalitatem Existentiæ creatæ in potentialitate immersionem. Hæc ipsa verò Existentiæ creatæ in potentialitate immersio ita importat formalitatem Entitatis ut sic ex Esse divino derivatam, ut fundet intrinsicè limitationē Entis, in qua ut sic fundatur negatio puræ Essendi actualitatis. At illa limitatio fundans istam actualitatis puræ negationem etsi sub formalitate Essendi positivâ intelligatur effectus Dei, nequit tamen sub formalitate quâ fundante negationem reduci in divinam Causaliitatem tanquam effectus Formæ Deitatis proportionatus. Constat igitur, Esse simpliciter eatenus esse effectum Dei proprium, ut limitatio Entitatis creatæ fundans ut sic negationem simplicis in Essendo actualitatis, non sit reducenda in divinam Causaliitatem. Unde Deus quamlibet creaturam eatenus de nihilo secundum Esse simpliciter absque ullâ divinæ Causaliitatis, ac terminicidè formaliter respondentis, ac proportionati imperfectione producit, ut ipsa Esse creati in Potentialitate subiecti immersione nisi secundum Esse absolute, non verò secundum Entitatis taleitatem ut sic fundantem actualitatis negationem reduci debeat in divinam Causaliitatem. Quæ proinde ratio est, cur Deus in Symbolo Nicæno asseratur Creator omnium visibilium, & invisibilium, illorum etiam Entium, quæ secundum Esse tam Essentiæ, quàm Existentiæ sunt immersa potentialitati. *de quâ infra cont. 5.* Constat igitur, Esse absolute ita esse effectum Dei proprium, ut nulla creati agentis sive principalis, sive Instrumentalis actio possit tendere ad Esse actuale effectus, nisi sub formalitate immersionis in potentialitate, nec adeo possibilem esse ullam actionem creativam nisi virtutis divinæ in omni suo Effectu Esse simpliciter respicientis eo ipso, quod Essentiæ divinæ prout est principium operandi, Forma sit Esse subsistens.

Responsio ad opposita Argumenta.

16. AD Durandi *n. 1.* oppositum Fundamentum Responderetur. Negando, quod vis creandi præsertim principalis respectu cuiuscumque particulariter etiam considerati effectus non arguat Potentiæ infinitatem. Ratio est: Nam Potentiæ infinitas potest considerari vel ex parte ipsius reifactæ, vel ex parte fieri, seu modi faciendi. At licet res per creationem producta sit in se finita, & limitata, ipsum tamen fieri in creatione ex puro nihilo, sive non Ente tanquam termino a quo simpliciter procedit in Esse absolute seu terminum ad quem. Est autem impropor-
tio, ac distantia infinita Non Entis simpliciter ad Esse absolute spectatum. Probatum istud Assumptum; quia non Ens simpliciter dicit negationem totius Entis. At Ens universim completitur Entitates in infinitum possibles. Ergo non

Non Ens simpliciter dicit negationem Entitatum infinitam. Unde D. Thomas in 4. dist. 5. q. 1. ad 3. in secundâ respons. arg. ait: *Inter Ens, & non Ens non esse distantiam infinitam ex parte Entis, nisi Ens sit infinitum, sed verum esse, quod dicta distantia sit quodammodo infinita ex parte non Entis simpliciter, id quod non determinatam distantiam ab aliquo Ente signato transcendat.* Ex quo patet, Distantiam à non Ente simpliciter esse quodammodo infinitam; quare non determinatam ab aliquo Ente signato distantiam transcendit. At transcendere non determinatam ab Ente aliquo signato distantiam est, attingere in Ente productum non taleitatem Entis, sed Esse absolute. Illa verò formalitas, quæ in effectu est ratio saltem analogicè assimilandi effectum cum Causâ, est hujus forma ita dans Esse, ut secundum Modum Essendi det etiam modum operandi. Unde Ens non secundum taleitatem limitationis immerse potentialitati, sed secundum Esse simpliciter nequit esse effectus, nisi Causæ illius; cujus forma Essendi est ipsum Esse actu. Atqui virtus, quæ est suum Esse actu est infinita se extendens ad omnem effectum; in quo est Esse. Hanc ipsam verò Virtutem dici creativam, constat ex dictis. Oportet igitur, virtutem creativam eo ipso esse infinitam, quod non Entis, seu termini à quo distantiam infinitam transcendat, atque adeò ad Esse absolute, sive ad Ens simpliciter in infinitum possibile se extendat.

18. Ad Confirmationem in 2. oppositam Respondetur. Et si creatura posset secundum Potentiam Obedientialem à Deo assumi tanquam Instrumentum; non tantum effectivè sustentandæ, seu conservandæ, sed primò etiam producendæ accidens independentè à subiecto, hanc ipsam tamen productione accidentis ex parte creaturæ instrumentaliter id causantis non fore actionem creativam. Ratio est. Quia illa actio haberet intrinsecam essentialem; Divinitus adeò inseparabilem dependentiam ab Ente creato. Ex hac ipsâ verò dependentiâ esset Entitatis intrinsecè limitatæ cum Essentiali in potentialitatem immersione. At per istam potentialitatis immersionem, ac limitationem essentialem foret consequens, Entitatem illius actionis esse intrinsecè coarctatam ad taleitatem Entis; sive illius accidentis independentè licet à subiecto producti. Ex hac verò intrinsecâ coarctatione esset, quod actio illa ex ratione suæ intrinsecæ specificationis non esset tendentia ad Esse simpliciter. Ergò non esset creatio, licet subordinata esset actioni divinæ per Esse Dei absolute in se subsistens formalitè specificatæ, atque adeò per formam suam essentialem tam respectu illius accidentis independentè à subiecto producti, quam respectu omnis effectus creati tendentis in Esse ut sic communicandum creaturæ. Hæc igitur Deo immanens, non illa ex creaturâ instrumentaliter emanans actio respectu illius independentè à subiecto producti accidentis haberet rationem Creationis.

20. Ad Suarezij in 2. oppositum Fundamentum Respondetur. D. Thomam citatum nihil aliud dicere, nisi quod in Transubstantiatione non sit subiectum commune utrique extremorum Conversionis Eucharisticæ. Ex hoc autem minimè impediri, quin actio illa Transubstantiativa præsertim quâ pendens, seu emanans ab Instrumento

aliquo creato haberet intrinsecam ex essentiali in potentialitatem immersione limitationem: nec adeò in se ipsâ per omnimodam à potentialitate independentiam esse ex nihilo subiecti, nec consequenter respicere ex ratione suâ quidditativâ terminum secundum Esse simpliciter, uti superius est dictum. Ex hac proinde ratione omnino repugnare creationis, non verò transubstantiationis actione emanare ab aliquo Instrumento creato. Unde etiam S. Thomas, qui non tam positivè approbando, quam negativè non improbando, sententiæ Magistri docentis: (*Posse creatura Communuari Potentiam creandi, ut creet per Ministerium, non propriâ Autoritate*) in libris sententiarum scribebat, posset insim. cit. q. 46. art. 5. ponderatâ illâ Magistri ratione sententiam simpliciter negandam censuit, ac refutavit.

Ad Confirmationem in 4. oppositam Respondetur. Disparem esse rationem inter creationem, & actionem Transubstantiativam, seu actionem ignis in spiritum. Nam creatio importat actionem, quæ ratione suâ essentiali sit communicatio Esse simpliciter, & absolute sub Essendi formalitate spectati. Hanc autem formalitatem essentialiter in suo termino respicientem Esse formalitè quæ tale, oportet esse specificatam per ipsum Esse actu in se subsistens. At per se notum est, talem actionem non esse possibilem, nisi quæ tenus per ipsum Esse divinum est immanenter in Deo subsistens. Patet igitur ratio, cur repugnet creationem (non verò Transubstantiationem, vel actionem ignis in spiritum) secundum Potentiam etiam Obedientialem cum principaliter, tum ministerialiter, seu instrumentaliter communicari Creaturæ.

CONTROVERSIA III.

An Potentia Divina ex ratione suæ Infinitatis conveniat posse producere species in infinitum perfectiores.

DEI Potentia secundum duplicem infinitatis rationem considerari potest, altera intensiva formalitè consistit in vi creativâ, de quâ egimus cont. præced. Altera potentia divinæ Infinitas est extensiva consistens in vi semper in infinitum plures, & perfectiores creaturas producendi, quam à S. Thomâ 1. p. q. 23. art. 6. insinuatam nos in præsentî examinabimus.

Referuntur Sententiæ.

AUreolus in 1. dist. 44. q. 1m. art. 4. propos. 1. Durandus ead. dist. q. 2. Arriaga in Phys. disp. 13. sect. 3. n. 20. existimant, possibilem esse creaturam aliquam omnium perfectissimam quoad speciem; item & aliam e contrario omnium infimam, quarum priore adeò non posset à Deo produci perfectior; sicut & posteriora non valeret produci imperfectior Fundamentum ex Arriaga desumptum est. Sumendo totam creaturarum collectionem oportet non omnes creaturas, quæ sunt in hac collectione, excedi à creaturis. Probatur istud Assumptum; Si enim omnes creaturæ in illâ collectione excederentur

rentur à creaturis, sequeretur, dari mutuum quoad perfectionem inter illas excessum; Hoc autem repugnat. Ergo oportet devenire ad aliquam, quæ à nullâ creaturâ quoad perfectionem exceditur. At ista est suprema. Ergo possibilis est creatura omnium perfectissima.

3. Doctor Angelicus q. 1. de Potent. art. 2. ad 9. & q. 23. de Verit. art. 4. in med. Corp. & pras. q. 23. art. 6. Item in 1. dist. 44. q. 1. art. 3. in med. Corp. Cajetanus 1. p. q. 50. art. 1. Fasolus Comment. in 1. p. q. 7. dub. 11. n. 14. Oviedo in Phys. Controv. 14. punct. 7. n. 2. docent, Nullam posse dari speciem creatam, supra quam Deus non possit syncategorematicè in infinitum aliam Essentialiter perfectiorem producere. Cui sententiæ aperte favet Divin: Dionysius de Div. Nom. taliter differens: Dicamus, Deum infinitâ vi, ac Potentiâ præditum, non solum quod vim omnem in lucem proferat, sed etiam, quod omnem quoque vim ipsam multum superet, quodque possit etiam infinite infinitas alias potentias, præter eas, quæ sunt, in lucem proferre, nec unquam potentia infinita, & infinita prolata in lucem effectiorem Potentiarum effectus ejus Potentia, quæ omnem infinitatem superat, obscurare, & obstruere possint.

CONCLUSIO.

Per allegaram ex S. Dionysio Infinitatis divinæ potentiæ rationem implicat Creatura omnium perfectissima, quâ perfectiorem Deus creare non posset.

4. Probatur. Potentia Dei commensuratur immo identificatur Esse divino quâ imitabili ad Extra per sui, omnisque creabilis Essentiæ in se ipso intelligibilem expressionem. At quâlibet datâ creaturâ, est hujus infinita distantia ab Esse divino, non quatenus in se tantum subsistente, sed etiam quâ imitabili ad extra, cum alioquin unius tandem creaturæ perfectioni secundum intensiōis, si non extensionis commensurationem exhauriretur illa divina Imitabilitas, nec adeo esset ut sic infinita. Oportet igitur per Imitabilitatis, atque adeo in hac radicatæ, immo formaliter identificatæ Potentiæ divinæ infinitatem non posse dari ullam creaturam, quâ non possit Deus in infinitum perfectiorem producere.
5. Dices: Per se manifestum, ac evidens est, non posse Deum producere creaturam ultra omnes possibles collectivè sumptas. At omnium istarum perfectio, quatenus secundum totam sui collectionem per unicum in æternitate subsistentem actum simul, ac indivisibiliter substant divinæ Intellectioni, adhuc distat infinite ab Esse divino, siquidem hoc in se subsistens sit purissima Essendi actualitas, cum econtra in totâ illâ collectione nihil esset realitatis absque immersione in potentialitatem, per quam est intrinseca, & Essentialis creaturarum limitatio. Est autem Entis perfectio secundum mensuram actualitatis in Essendo. Cum igitur non sit possibilis quoad Essendi actualitatem Commensuratio inter terminum divinæ Omnipotentia etiam adæquatam, ac Esse divinum ad Extra imitabile, consequens est, non subsistere illam rationem, per quam creatura omnium perfectissima ostenditur impossibilis, eo quod istius perfectio saltem inten-

sivè non adæquaret Esse divinum ad extra imitabile.

Contra. Nam alia est in Deo Imitabilitas, seu Communicabilitas ad intra, in hac enim oportet esse eandem Essentialitatis tam in communicatione activâ, quam passivâ actualitatem, eo ipso, quod sit univoca secundum consubstantialitatem live realem formalem substantiæ identitatem. Unde in illâ Dei ad intra Imitabilitate, seu communicabilitate ita ex parte Potentiæ, scilicet Generativæ est Essendi Infinitas, ut ex parte etiam Terminis utpote Univocis, & Consubstantialis scilicet Verbi divini in æternitate geniti sit eadem Essendi actualitas simpliciter infinita. Alia proinde in Deo est Imitabilitas ad Extra. Hæc verò cum sit Deo formaliter inexistens, est hoc ipso in Essendi actualitate, & consequenter in ratione principij operativi simpliciter actu infinita. Atqui potentiæ infinitæ terminum adæquatam oportet esse infinitum, siquidem finiri ad Infinitum nulla sit proportio, debeat autem termini adæquati esse commensurationis proportio cum ejusdem Potentiâ productivâ. Hic ipse verò terminus potentiæ divinæ adæquatus cum non sit univocus, sed secundum analogicam duntaxat participationem, non est in Essendo actu infinitus. Oportet igitur saltem syncategorematicè, & in potentia esse eatenus infinitum, quatenus secundum totam omnium creaturarum in divinâ Intellectione expressarum Essentialium, & ut sic possibilem collectionem adæquate commensuratur infinitæ Dei potentiæ. At vero datâ creatura omnium perfectissimâ, quâ Deus perfectiorem creare non posset, tunc quoad perfectionem specierum, seu Essentialium Intensiivam daretur in illa perfectissimâ creaturâ terminus, ultra quem in ratione intensivæ perfectionis jam non posset quidquam divina Omnipotentia. Huc ipsum verò repugnat divinæ Potentiæ infinitati, cujus terminus adæquatus omnimodam creaturarum Essentialium possibilem collectionem importans debet non tantum extensivè, sed etiam quoad analogicam participationem intensivè esse in Potentiâ syncategorematicè infinitus, ita ut actu nunquam perveniri possit ad aliquem hujus Intensiivæ Perfectionis terminum Essentialiter finitum. Constat igitur, Creaturam perfectissimam, quâ perfectiora Deo produci non posset, non stare cum Infinitate divinæ Omnipotentia.

Responsio ad opposita Argumenta.

- A**D Arriagæ n. 2. oppositum Responderetur. 8. Eo ipso, quod Essentialium creabilium perfectio intensiva sit syncategorematicè in Potentiâ, non actu Cathegorematicè infinita, non posse in totâ ejusmodi creaturæ intensivæ perfectionis syncategorematicè infinitæ collectione intelligi ultimam, ita ut ne ab intellectu quidem divino assignabilis sit, ultra quam non sit alia perfectior in infinitum producibilis. Quocirca verum esse, quod nulla sit determinata in intellectu divino expressa creatura, quin ab aliâ in infinitum Syncategorematicè excedi intelligatur. Neque tamen ex hoc sequi, dari mutuum quoad perfectionem inter creatas Essentias 9.

tias excessum : sicut in causis per se subordinatis dato processu in infinitum esset mutua causalitas. Ratio disparitatis est. Nam pro instanti productionis oportet esse actu Causalitatem omnis Causæ per se influentis. Si proinde nulla Causarum per se subordinatarum, atque adeo in unum effectum per se influentium esset Prima, oporteret ita procedere in infinitum, ut harum omnium Causalitas actu existeret, cum singularum in Causando dependentiâ actuali. Hæc autem dependentiâ cum non posset reduci in unam super illas subsistentem Causam, deberet eo ipso ad mutuum eorum Causalitatem recurri. At verò Deus Intellectu suo conspiciat quidem totam collectionem omnium creabilium Essentialium, has tamen non videt actu simul existere, sed infinitas Syncategorematicè tam extensivè secundum multitudinem, quam intensivè secundum perfectionem. Unde sicuti excessus multitudinis creaturarum à Deo producibilium non est à Divino Intellectu assignabilis, quin major in infinitum excessus possibilis cognoscatur : sic eo ipso, quod excessus intensivæ perfectionis in creaturis sit syncategorematicè infinitus, dicit Divinus Intellectus nunquam fisci posse in tali excessu, quin semper in infinitum major possibilis sit. Quod igitur ex processu Causarum per se subordinatarum in infinito, primâ Causâ negatâ, argueretur, mutua Causalitas; e contra verò negatâ primâ seu perfectissimâ creaturâ nō inferretur mutuus specierum creaturâ excessus, hujus disparitatis rationem reduci in id, quod tota illa causarum infinitarum Causalitas per se subordinata esset actu simul existens; e contra verò in speciebus creabilibus non sit à Divino Intellectu assignabilis processus nisi potentiâ Syncategorematicè infinitus.

CONTROVERSIA V.

*Utrum Omnipotentia Divina in rebus creatis respondeat Potentia Obedi-
entialis non tantum Passiva, sed etiam
Activa?*

Potentia Obedienciæ à S. Thomâ 3. p. 2. q. 1. 1. dicitur; quatenus Agens primum potest quamlibet creaturam reducere in aliquem actum altiore actu, in quem reducitur per agens Naturale. Ejusmodi adeo Obediencialem Potentiam dari in rebus creatis, testatus est Divinus quoque Augustinus lib. 9. de Gen. ad litter. cap. 19. super hunc autem, inquit, motum, cursumque Naturalem potestas creatoris habet apud se posse de his omnibus facere aliud, quam eorum quasi feminiles rationes habent. Et infra: Verumtamen alio modo dedit, ut non hoc haberent in motu Naturali, sed in eo, quod ita creata essent, ut eorum Natura Voluntati potentiori amplius subaceret.

Coeterum quod Ferrara 1. cont. gent. cap. 3. in fine, alijque Thomistæ hanc Potentiâ Obediencialem statuunt in aliquâ non repugantiâ, seu Obedienciâ negativâ, id Franciscus de Lugo lib. 1. de Deo. disp. 11. cap. 2. n. 2. 3. & 4. eo accipit sensu, quasi Authores illi Thomistici Potentiam Obediencialem dicerent non esse quid positivum reale, sed meram negationem. Verum

hallucinatur citatus de Lugo : siquidem Ioannes à S. Thomâ in Phys. q. 4. a. 2. §. Quod si inquit mente, ac nomine reliquorum Thomistarum fateatur expressis verbis : Potentiam Obediencialem esse ipsam Entitatem subiecti, prout respicit Agens aliquod Naturali superius, cui subijcitur, & obedit. In quo sensu Nazarius in 3. p. q. 13. art. 2. Cont. 4. §. Ex dictis sequitur Primò. ait: Potentiâ obediencialem Passivam eatenus nō dici Potentiam simpliciter, quod ad hujus rationem requiratur essentialis Ordo, & inclinatio, ac proportio naturalis ad actum : cuiusmodi proportio tribui nequeat rerum creaturarum naturis in ordine ad actus, & operationes supernaturales. Unde capacitatem, quæ secundum D. Thomam convenit in Ordine ad supernaturalia, nihil aliud esse, quam res ipsas cum non repugantiâ ad actus supernaturales. Hanc verò non repugantiâ, etsi non dicat ordinem positivum supernaturalem, præsupponere tamen Entitatem realem à rebus creatis naturalibus, realiter, & à parte rei formaliter indistinctam, in quâ physicè recipiatur forma supernaturalis. Imò, si activa sit Potentia Obedienciæ, præsupponi in creatâ virtutem activam, cum sine vi ejusmodi operativâ eo ipso haberet repugantiâ cum formâ supernaturali conferente activitatem in actu primo completam.

Idem de Lugo cit. lib. 1. disp. 12. cap. 2. n. 1. & 2. Thomistas Potentiam Obediencialem non nisi Passivam statuentes in rebus creatis, eo accipit sensu, quasi negarent Nativam Potentiarum naturalium activitatem ullo modo concurrere immediatè ad actus supernaturales. Verum fallitur ille Author non satis penetrans Thomistarum Doctrinam expositam à Nazario cit. Cont. 4. §. Posterior verò Potentia, asserente: Virtutem rerum creaturarum activam cum non repugantiâ ad obsequendum Deo, cooperando ad effectus supernaturales esse formaliter Potentiam Obediencialem Activam. Quare Voluntatis v. g. ad supernaturaliter operandum Potentiam vitalem importare activitatem tum radicalem Voluntati realiter identificatam, tum formalem proximam à Voluntate distinctam, atque sitam in formâ supernaturali. Ad hanc verò supernaturalem activitatem comparat Voluntatem obediencialiter, quatenus secundum Entitatem suam Naturalem est elevabilis non tantum in ratione potentiæ receptivæ ad recipiendam supernaturalem formam, sed in ratione Potentiæ etiam activæ, ita ut virtus Voluntatis activa Naturalis recipiendo in se formam supernaturalem exerceat munus Potentiæ Obedienciæ Passivæ; at formâ illâ supernaturali tanquam agendi ratione in se receptâ, simul cum eâ efficienter concurrens ad eliciendum actum supernaturalem exerceat munus Potentiæ Obedienciæ Activæ. Ex quo patet, eo duntaxat sensu negari à Thomistis Potentiam Obediencialem Activam, quod hujus ratio sita sit in Elevabilitate ad actum supernaturalem unâ cum formâ supernaturali in se receptâ, vel cum Agente Primo physicè efficienter eliciendum per illam ipsam Entitatem naturalem Agentis inferioris, quod non tantum secundum rationem receptibilitatis, sed etiam Activitatis sit e-

fit elevabile ad actum supernaturalem, uti colligere licet ex Nazario ubi supra. & Ioanne à S. in Phys. q. 4. art. 2. & q. 26. art. 2.

Quibus proinde circa loquendi modum ita se habentibus, ne opus sit ludere in verbis; præsentis Controversiæ triplicem difficultatem ita formamus. 1. An in rebus creatis detur Elevabilitas ad physicam formam supernaturalis receptionem, cui Elevabilitati conveniat esse Potentiam Obedientialem Passivam. 2. An detur in creaturis Elevabilitas per formam supernaturalem determinabilis, ac proportionabilis ad physicè efficiendum actum supernaturalem, cui Elevabilitati conveniat esse Potentiam Obedientialem Activam. 3. An universim, ac transcendentaliter in rebus creatis detur Elevabilitas, secundum quam possit qualibet creatura tanquam Instrumentum à Deo assumi ad quemvis effectum physicè, ac immediatè producendum.

Referuntur Sententiæ cum suis præcipuis Fundamentis.

6. **R**ada Contr. Theolog. p. 1. Contr. 1. art. 1. concl. 3. Potentiam Obedientialem Passivam respectu aliquarum saltem formarum supernaturalium videtur hoc ipso tollere è medio, quod asserat; Potentiam receptivam actuum supernaturalium esse Naturalem non solum subjective, sed etiam formaliter, quatenus naturaliter sit propensa, & inclinata ad eos. Fundamentum ex eodem petitur est. Nam omnis Potentia receptiva in ordine ad formam vel est Naturalis, vel violenta, vel neutra. Sed Potentia v. g. Intellectiva creata est receptiva cognitionis supernaturalis. Illa verò Potentia non est violenta, cum alioquin Beati essent violenter sub Beatitudine, neque est neutra: hæc enim talem importat respectu Formæ alicujus capacitatem, ut in hac tamen nulla sit ad illam inclinatio naturalis. Est autem cognitio supernaturalis visio præsertim Beatifica, maxima, & suprema perfectio Intellectus, qui proinde in eam multò magis inclinatur naturaliter, quam in cujuscunque alterius objecti naturalis cognitionem. Oportet igitur Potentiam creatam intellectivam esse naturaliter receptivam visionis Beatificæ.

7. Confirmatur 1. Autoritate Doctoris Angelici 1. q. 113. art. 16. taliter differentis. Secundò in quibusdam miraculosis operibus invenitur, quod forma inducta est supra naturalem Potentiam talis materia, sicut in suscitatione mortui vita est supra Naturalem Potentiam talis Corporis. Et quantum ad hoc Insuscitatio impij non est miraculosa, quia naturaliter anima est grata capax: eo enim ipso, quod facta est ad imaginem Dei, capax est Dei per Gratiâ.

8. Confirmatur 2. Autoritate subtilis Doctoris in 1. dist. 1. q. 1. loquentis in hæc verba. Ad propositum dico, quod comparando Intellectum possibilem ad notitiam actualem in se, nulla est sibi cognitio supernaturalis; quia intellectus possibilis quacunque cognitione naturaliter perficitur; & ad quamcumque naturaliter inclinatur.

9. Oviedo in Phys. Contr. 13. punct. 7. n. 3. arbitrat, ex omnium Potentiæ Obedientialis Activæ Propugnatorum sententiâ, debere in creaturâ elevandâ ad producendum effectum reperiri quandam virtutem innatam, & inchoatam, quam Vasquez 3. p. disp. 57. cap. 1. v. 26. vocat vim quandam creaturæ elevandæ suapte natu-

ra inditam ex proportionè cum effectu. Fundamentum ex eodem Vasquezio 1. p. disp. 176. n. 9. petitur est. Instrumentum secundum Potentiam Obedientialem elevatum re ipsâ agit id, quod non agebat, antequam elevaretur. Unde actio tunc immediatè, ac physicè procedit non tantum à Principio elevante tanquam causâ principali, sed etiâ ab Entitate elevatâ tanquam causâ Instrumentali. At id, quod per se immediatè formaliter attingit actionem, debet per se immediatè formaliter habere virtutem intrinsecam attingendi actionem saltem tanquam principium inadæquatum. Oportet igitur, in Instrumento secundum Potentiam Obedientialem elevabili ad aliquem effectum esse virtutem innatam, & inchoatam ad talem effectum.

Vasquez loci cit. Conineck 3. p. q. 62. art. 4. dub. unico. Alarcon tract. 8. de Angel. disp. 9. cap. 9. Gaspar Hurtadus 10. de Incarn. disp. 9. difficul. 4. Oviedo cit. punct. 7. n. 6. & alij negant, quamlibet creaturam posse à Deo elevari ad quemcumque effectum physicè producendum. Fundamentum ex Vasquezio 1. p. disp. 176. n. 201 & 21. desumptum est. Nam ad illam elevationem in creaturâ præsupponi debet virtus inchoata, & nativâ habens proportionem cum aliquâ effectus ratione intrinsecâ. At si creatura concurreret nativâ suâ virtute ad aliquam rationem in effectu, concurreret ad istam ut propria causa, licet indigeret secundâ aliâ causâ, aut concursu primæ loco illius, ut completè fieret effectus secundum omnem rationem. Est autem absurdum dicere, quamlibet creaturam ex nativâ suâ virtute habere se ut Causam propriam etiam incompletam respectu cujuscunque effectus. Probatur istud Assumptum. Si enim in quovis effectu esset assignabilis ratio respondens cujuscunque creaturæ innatæ saltem incompletæ virtuti tanquam suæ propriæ causæ, sequeretur, posse huic conjungi Causam aliam creatam naturalem, quæ compleret efficacitatem ipsius ad efficiendum quemlibet effectum non supernaturalem secundum substantiam v. g. restitutionem oculi. Probatur etiam istud assumptum. Frustranea enim esset inchoata virtus ad effectum secundum substantiam naturalem, quæ non posset aliâ causâ secundâ naturali compleri, ut integrum effectum, & secundum omnem rationem produceret. Si ergo in quavis creaturâ ad quemlibet effectum naturalem esset illa virtus inchoata; oporteret, hanc posse compleri à causâ secundâ naturali, atque aded illam virtutem inchoatam posse naturaliter elevari ad quemlibet effectum. Hoc autem est absurdum. Ergo & illud, ex quo sequitur.

Potentiam Obedientialem non tantum in potentijs vitalibus, sed alijs quoque creaturis ad actum, sive effectus supernaturales, ac miraculosos admittunt D. Thomas 3. p. q. 1. art. 3. ad 3. & q. 11. art. 1. & de potent. q. 1. art. 3. ad 1. & q. 6. a. 1. ad 18. & in 1. dist. 42. a. 2. ad 4. Cajetanus 1. p. q. 1. a. 1. §. Ad evidentiam & 3. p. q. 19. a. 2. §. ad evidentiam. Nazarius ead. q. 13. a. 2. Contr. 4. Navarretus 10. 1. in 1. p. cont. 41. Ioannes à S. Thomâ in 3. p. q. 13. disp. 11. art. 3. Labat tract. 1. in 3. p. disp. 6. dub. 4. Suarez 10. 1. in 3. p. disp. 31. sect. 6. Arriaga Phys. disp. 11. sect. 4. Francis. Amicus 10. 7. Curs. Theol. disp. 5. Franciscus de Lugo

cit. lib. 1. de Deo univ. disp. 11. cap. 3. & alij plures cum recentiores, cum maximo antiquiores, ita ut Vasquez cit. disp. 176. cap. 4. in not. fateatur; ad nostra usque tempora solitum fuisse defendi, quod quævis creatura ad quemlibet effectum producendum Divinitus assumi possit.

12. Verum inter hos Potentiæ Obedientialis Assertores differentia quædam intervenit, nonnullis, speciatim Suarezio cit. disp. 31. sect. 5. & 6. Francisco de Lago cit. disp. 4. cap. 4. n. 21. existimantibus: Potentiam Obedientialem activam singulis creaturis inexistentem ad usum suæ cooperationis elevari, & constitui in actu primo proximo extrinsecè per solam coassistentiam Divini Impetij, & Omnipotentia Divinæ. Contra illam creaturæ Obedientialis Potentiæ elevationem ad supernaturales actus, seu miraculosos effectus fieri per superadditam qualitatem, vel motionem aliquam a Deo impressam cum alijs Thomistis sentiunt. Ioann. a S. Thomà, & Labat supra citati.

CONCLUSIO I.

Potentia formarum supernaturalium receptiva in rebus creatis habet rationem Potentiæ Obedientialis Passivæ.

13. Probatur Inductione. Nam anima rationalis est susceptiva Gratiæ Sanctificantis; Vis intellectiva creatura Luminis Gloriæ; Voluntas habitus Charitatis, velut alibi demonstrabitur. Insuper igni corporeo est vis agendi in Spiritus, sicuti sensibilibus quoque Entitatum Sacramentorum forma est physica Instrumentaria virtus producendi Gratiā supernaturalem. At illa Corporum in Spiritus, & effectuum supernaturalium virtus efficiens est (ut Concl. 3. demonstrabitur) per formam supernaturalem intrinsecè elevativam, & constitutivam rei materialis de se improporcionatæ ad causandos supernaturales effectus. Oportet igitur, esse in rebus creatis potentiam formarum supernaturalium receptivam: hanc autem dicimus Obedientialem Passivam; utpote cui in ratione subjecti perfectibilis nulla sit intrinsecæ proportio ad formam extrinsecè Essentiā supernaturalem, ut adeo subjecti per formam intrinsecè supernaturalem perfectibilitas non sit nisi secundum non repugnantiam Obedientialis aptitudinis, secundum quam subjacet Voluntati Divinæ potentiori, per quam potest Deus de omnibus facere aliud, quam eorum quasi seminales rationes habent, ut loquitur S. Augustinus sup. in 1. titulum.

14. Dices ex Scoto in q. 1. Prolog. n. 20. Potentiam receptivam vel posse comparari ad actum quem recipit, vel ad Agens, à quo recipit. In primā verò comparatione nullam esse supernaturalitatem. At comparando receptivum ad Agens, à quo recipit, esse naturalitatem; quando receptivum comparatur ad tale agens, quod natum est naturaliter imprimere talem formam in tali passio; supernaturalitatem autem esse, quando comparatur ad tale agens, quod non est naturaliter impressivum illius formæ in illo passio. Unde comparando Intellectum possibilem ad noticiam actualem; in se nullam esse sibi cognitionem supernaturalem, siquidem intellectus possibilis quacumq; cognitione naturaliter perficiatur, & ad quamcumq; naturaliter inclinatur. Quare secundo duntaxat modo dici posse cogni-

tionem supernaturalem; quatenus generatur ab agente, quod non est natum movere intellectum ad talem cognitionem naturaliter. Pari ergo ratione concludit Rada sup. n. 6. citatus, nullam esse formam supernaturalem secundum comparationem actus perfectivi, sed hanc in ratione potentiæ receptivæ respectu cuiuscumque actus esse formaliter naturalem.

15. Contra. Nam dantur formæ intrinsecè quoad Essentiā supernaturales. Oportet igitur, Potentiam actuum ejusmodi, seu formarum essentialiter supernaturalium receptivam formaliter quā talem non esse naturalem. Antecedens alibi ex instituto probandum, hic una cum consequentiā breviter, ac efficaciter demonstratur sequenti discursu. Nam possibilitas creaturæ Essentiarum consistit in passivā Divinæ Substantiæ imitabilitate secundum cuiusque quidditatis differentiam specificam intelligibiliter expressā in intellectu Divino. Est autem in aliquibus Entibus creatis Divinæ Substantiæ imitabilitas passivā secundum ejus gradum quasi specificum. De quā proinde imitabilitate ait S. Scriptura, quod per eam sumus consortes Naturæ Divinæ tanquam renati Filij Dei secundum imaginem, & similitudinem Deitatis quoad ipsum Naturæ Divinæ gradum quasi specificum in nobis participatè expressæ. At illius Divinæ Naturæ Dei quasi specificam participatè qualitatis quidditatem earemus excedere universam creatam naturam, ut nulli substantiæ posset esse connaturalis. sup. q. 4. art. 7. contr. 2. demonstratum est. Quare Entitatem, seu qualitatem ejusmodi oportet non tantum in comparatione ad agens, sed intrinsecè, ac essentialiter esse supernaturalem utpote ex sua quidditate superexcedente totius naturæ sive substantiæ creatæ connaturalitatem. At verò si respectu talis formæ quoad intrinsecam Entitatem supernaturalis daretur in creatis Potentia naturaliter receptiva; hæc vel formaliter esset substantia, vel tandem reduci deberet in substantiam, siquidem omne accidens in ratione Formæ & actus proportionatum Entis creati naturali inclinationi reducat in substantiam tanquam primum substans, seu connaturaliter ejusdem receptivum, ac sustentativum subjectum. Hæc proinde substantia esset radicaliter & substantialiter in eodem ordine, ac lineā Entis, in quā tanquam accidens in substantiæ illius intrinsecè connaturali virtute sustentativā radicatum esset prædicta Forma Deitatis Gradum quasi specificum participans: Unde substantia ejusmodi formæ Essentialiter supernaturalis connaturaliter receptiva non posset non esse in lineā Entis supernaturalis, substantialiter aded subsistentis in naturā secundum gradum Deitatis specificum sibi substantialiter communis eam. At istam substantialem naturæ Divinæ non tantum Hypostaticam, sed Naturalem communicationem esse respectu cuiusvis creatæ substantiæ impossibilem; constat ex cont. superius citatā. Non est igitur possibilis potentia naturaliter receptiva Gratiæ, seu Luminis Gloriæ, aliarumque formarum essentialiter supernaturalium. Ergo istarum formarum in animā, & intellectu, ac Voluntate, aliōve Ente, ac Substantiā creatā vim receptivam oportet ab illorum Entium creatorum naturali Entitate ita esse indut-

distinctam, ut nullam tamen importet inclinationis, seu perfectibilitatis connaturalis proportionem, sed non repugnantiam Divinae voluntati, ac Omnipotentiae Obedientialiter subiectam.

CONCLUSIO. II.

IN Intellectu & Voluntate creatâ datur vis Obedientialis actuum vitalium quoad substantiam supernaturalium vitaliter operativa consistens in intrinseca per formam supernaturalem seu proximam completam respectu actuum ejusmodi virtutem elevabilitate.

16. Probatur. Nam de fide est definitum in Concil. Trident. sess. 6. de iustifican. 4. Liberum arbitrium à Deo motum, & excitatum non se habere svelati inanime Instrumentum nihil agendo, ac merè passivè se habendo, sed cooperari assentiendo Deo excitanti, atque vocanti, quò ad obtinendam Iustificationis Gratiâ se disponat, ac præparet. At isti, per quos homo liberè cooperando se disponit ad Iustificationis Gratiâ, sunt in substantiâ supernaturales Fidei, Spei, Charitatis, ac Pœnitentiæ actus. ex ead. sess. 6. can. 3. Oportet igitur in Voluntate adstruere vim activam, seu liberè, ac vitaliter operativam actuum essentialiter supernaturalium. At in his actibus nihil est formalitatis, ac realitatis per physicam Voluntatis creatæ efficientiam attingibilis, quin per identitatem non tantum realem, sed ex naturâ rei etiam formalem involvat essentialiter supernaturalitatem intrinsecam. Est autem improporatio inter activitatem Voluntatis creatæ propriam, & supernaturalitatem illorum actuum intrinsecam, & essentialem. Unde oportet, Voluntatem creatam in ratione potentiæ quâ eorundem actuum effectivæ proportionari per elevationem Gratiæ Divinae Prævenientis, & Adjuvantis. ex cit. can. 3. Constat igitur, in Voluntate creatâ talem dari activitatem actuum supernaturalium vitaliter, ac liberè effectricem, ut tamen importet rationem Elevabilitatis per supernaturalem Divinae Gratiæ virtutem Proportionabilis; cuiusmodi aded activitatem supernaturali virtute Gratiæ elevabilem dicimus Potentiam Obedientialem Activam.

17. Dices. Elevabilitatis rationem importare formaliter potentialitatem, non verò activitatem: Si ergò Potentia Obedientialis Voluntati ad actus supernaturales conveniens consistat in ejusdem per gratiæ Divinae vim supernaturalem elevabilitate, sequi, quòd illa Obedientialis Potentia non sit activa, sed merè Passiva.

18. Contra. Nam de immediatâ Voluntatis creatæ in actus supernaturales liberos activitate est proportionaliter discurrendum, sicut se haberet substantia animæ, si, prout Oviedo de Anim. Cont. 3. punct. 1. n. 3. asserit, in immediatè concurreret effectivè ad suas operationes. Tunc enim activitas ejus non esset formaliter in ratione vis physicè effectricis determinata, sed intrinsecè determinabilis à potentijs ab ejusdem substantiâ, uti suppono, realiter distinctis. Pari ergò ratione in Voluntate creatâ Animæ datur

intrinseca activitas physicè effectricæ actuum liberorum supernaturalium, ut tamen ista activitas non ex se ipsâ determinata sit ad actus supernaturales, atque aded indigeat formâ supernaturali, quæ vim eorundem actuum proximè effectricem, conferendo Voluntati creatæ intrinsecam activitatem, determinet, ac intrinsecè in ratione virtutis proportionatam constituat. Unde sicut illa cum Animæ substantiâ identificata ergà operationes vitales ex se indeterminata, ac non nisi per formam superadditam, seu formalem potentiam determinabilis Activitas dicitur radicalis: sic Thomistæ illam Voluntatis creatæ virtute supernaturalis Gratiæ determinabilem activitatem vocant radicalem supernaturaliter operandi Potentiam. At in utriusque hujus radicalis Potentiæ conceptu involvenee ut sic activitatis determinabilitatem intrinsecam ita importatur ratio Potentialitatis passivæ, ut hæc ipsa tamen in Entitate tum Animæ, tum Voluntatis dicat intrinsecam activitatem immediatè influxivam in actus vitales. Et si proinde illa ad supernaturales actus eliciendos Voluntati creatæ per realem formalem identitatem identificata Potentia dicatur obedientialis quâ elevabilis, seu per formas superioris, sive supernaturalis elevationem determinabilis; hæc tamen elevabilitas ita importat formaliter potentialitatem Passivam, ut tamen involvat Entitative vim activam, ut aded illa ipsa non in solâ perfectibilitatis, sed vis realiter physicè effectivæ ratione elevabilitas in Voluntate creatâ congruè dicatur Potentia Obedientialis activa.

19. Instabis ex Francisco de Lugo cit. disp. 15. cap. 2. n. 2. & 11. Eo ipso, quòd actus Fidei, Spei, & Charitatis ex suâ intrinsecâ ratione sint vitales, oportere in ijs Essentialem esse dependentiam in genere Causæ Efficientis à principio intrinseco vitali tum radicali nimirum Animæ substantiâ, tum proximo scilicet Facultate Voluntatis creatæ. Ex hac verò Essentiali actuum supernaturalium dependentiâ evinci, quòd illud principium vitale tum substantiale remotum, scilicet anima, tum accidentale proximum, nimirum Potentia volitiva concurrat secundum aliquam virtutem activam sibi propriam intrinsecam, ac eo saltè respectu comparatam, prout comparatur ad formalitatem saltè vitalitatis, ac volitionis ut sic in illis actibus supernaturalibus proportionatæ conatui Animæ, ac Voluntatis vitaliter operantis. Hæc autem refragari Doctrinæ Thomistarum asserentium, vim supernaturalis Gratiæ esse respectu illorum actuum supernaturalium totam Virtutem agendi.

20. Contra. Nam licet substantia Animæ immediatè influeret in actiones suarum potentiarum, Intellectus tamen, atque Voluntas in ratione virtutis Intellectivæ, ac Volitivæ essent totale intelligendi, ac volendi principium. Pari ergò ratione Lumen Gloriæ, ac Virtus infusæ Charitatis intelligi possunt habere totalem visionis Beatificæ, & Amoris Divini supernaturalis eliciendi virtutem, etsi Voluntas quoque ac Intellectus habitibus ejusmodi instructi immediatè, ac effectivè in illos influant. Probatur tam Antecedens, quàm Consequentia. Nam animæ quâ principij substantialis in suos actus vitales

21. *virales activitas immediata non haberet ex se vim determinatam intelligendi, ac volendi, sed determinabilem duntaxat per potentias superadditas. At virtus intelligendi, ac volendi importat determinatam vim in ratione potentiae actuum ejusmodi effectivam. Cum igitur illa vis Animæ radicalis, & vis proxima potentiae formaliter quâ talis constitutiva essent principia diversorum generum, nihil obstaret, quod minus potentia Voluntatis, & intellectus diceretur vis Intelligendi, ac Volendi totalis, licet cum eadem in ratione activitatis physice effectricis non tamen ex se ad intelligendum, seu volendum determinatæ concurreret substantia Animæ ad actus Volitionis, & Intellectionis. Pari ergo ratione comparatur Voluntas cum habitu Charitatis infuso, ac Intellectus cum Lumine Gloriæ. Nam Intellectus, & Voluntas non tantum non habent vim ad actus supernaturales eliciendos intrinsecè determinatam, sed eorum etiam per habitus infusos determinabilitas non habet cum istis intrinsecam connaturalitatis connexionem; sicuti e contra Anima quoad substantiæ suæ Entitatem ita habet rationem potentialitatis à formis potentialium determinabilis, ut hæc tamen intrinsecè sit cum ijs connexa. Unde Intellectus, & Voluntatis creatæ in actus Visionis Dei, & Amoris Divini supernaturales activitas formaliter importat talem per virtutes infusas determinabilitatem, quæ respectu etiam Virilitatis in illis actibus identice per realem formalem entitatem supernaturalizatæ nequeat dici connaturalis, sed obedientialis duntaxat, ac elevabilis. Cum igitur Intellectus, & Voluntas cum habitibus infusis ad actus supernaturales concurrant in genere principij physice quidem, ac immediate operativi, non tamen in genere potentiae ex se ipsâ quoad actuum vitalium supernaturalium specificationem determinatæ, consequens est, hanc rationem Potentiæ quâ Virtutem Totalem rite attribui Lumini Gloriæ, ac Charitatis infusæ virtutibus.*

CONCLUSIO III.

Datur universim in rebus creatis Potentia Obedientialis activa consistens in quadam ipsarum Entitati naturali identificatâ Elevabilitate ad quoscunque effectus physice, ac immediate instrumentaliter producendos.

22. *Probatur Inductione. Nam Humanitas Christi Domini physice instrumentaliter causat hominum Iustificationem, & miracula. ex D. Thomâ 3. p. q. 13. art. 2. & q. 48. art. 6. ad 3. & q. 19. art. 6. Similiter Sacramenta physice causare Gratiâ Sanctificantem, tradit S. Doctor 3. p. q. 26. art. 3. & art. 4. ad 1. & in 4. dist. 1. q. 1. art. 4. quæstione. 2. & q. 27. de verit. art. 4. At verò actio physica importat Essentialem dependentiam à virtute causativa, à quâ emanat. Unde implicat aliquod ens physice causativum esse alicujus effectus, nisi habeat in se vim aliquam operativam. Oportet igitur in Materiâ & formâ Sacramentorum, sicut in Humanitate Christi esse vim quandam physice operativam illorum effectuum miraculorum, ac su-*

pernaturalium. At eo ipso, quod isti effectus sint supernaturales, nequit virtus Sacramentorum, & Humanitatis Christi Entitati naturali inexistens in ratione activitatis esse proportionata, & ex se determinata ad illos effectus. Oportet proinde vim Entitati naturali Sacramentorum, & Humanitatis Christi proportionari ac determinari per elevationem superioris virtutis. Est igitur in Entitate illâ naturali de se ad effectus illos improporcionatâ vis determinabilis, ac proportionabilis per aliorum virtutis impressionem.

23. *Oppones. Posito, quod Sacramenta, & Humanitas Christi sint Instrumenta physice causativa Gratiæ, aliorumque supernaturalium, ac miraculorum effectuum, tunc posse dici Entitates illas naturales non de se habere vim influxivam in tales effectus, sed accipere quandam Virtutem supernaturalem sibi divinitus impressam, ratione cujus denominentur Causæ Instrumentariæ, ac obedientiales effectivæ illorum effectuum. Ex hoc autem seque consequens, quod ista vis operandi effectus alicujus Entitati improporcionatos non sitponenda, nisi in illo ente, cui talis virtus Divinitus imprimatur, nec adeo transcendentaliter in omni ente admittenda sit virtus Obedientialis ad quoscunque effectus producendos.*

24. *Contra. Nam de ratione Instrumenti physici est, quod actio non tantum a virtute superioris Agentis sibi communicatâ, sed ab ejus propria quoque potentia egrediatur. ex S. Thomâ q. 3. de pot. art. 4. Ergo quatenus Sacramenta, & Humanitas Christi sunt Divinitatis Instrumenta physice causativa supernaturalium effectuum, oportet actionem, seu horum effectuum emanationem activam physice fluere ex naturali eorum Instrumentorum Entitate, atque hinc adeo per se convenire aliqualem vim physice operativam. Hæc autem vi operativâ in Entitatibus Sacramentorum & Humanitatis Christi naturalibus posita, recte inferitur, potentiam ejusmodi Instrumentariam dari in omni ente creato. Probatur istud Assumptum. Omnis vi operativa est quodammodo virtualiter præcontingens effectum: Hæc autem præcontingentia virtualis est Obedientialis prout importat, habito ad effectus specificationem respectu, non tantum de se indeterminatam, sed intrinsecè improporcionatam virtutem, ut adeo nihil aliud sit, quàm Elevabilitas quædam in ratione activitatis physice causativæ per Virtutem altioris proportionabilis. At ista Elevabilitas causativa quandoque indiget virtutis altioris determinatione quoad specificationem duntaxat effectus, ita ut quoad exercitiū actus ex se ipsâ habeat vim determinativam. Hujusmodi verò Elevabilitas Obedientialis est in Voluntate creatâ eatenus determinabilis per Auxilia Gratiæ supernaturalia, ut horum tamen exercitiū subdatur ejus Dominio, ac libertati habenti ab intrinseco vim se determinandi ad exercitiū actus. Tunc igitur naturalis Entitas Voluntatis creatæ cum virtute superiore non concurrat Instrumentarie, sed principaliter. Alia proinde est in Entitate v. g. Sacramentorum naturali elevabilitas Obedientialis, secundum quod habet ingentiam sibi vim adeo tamen improporcionatam ad effectum supernaturalem Gratiæ, ut ad hujus cau-*

jus causationem in ratione virtutis operativæ indigeat determinatione tam quoad specificationem effectûs, quàm quoad actûs exercitium. Hanc proinde vim non nisi in Virtute superioris Agentis, seu Dei ministerialiter effectivam, seu Instrumentariam oportet virtualiter esse effectûs quodammodo præcontentivam cum ministeriali quâdam subordinatione ad Deum tanquàm principalem Gratiæ, aliorumque supernaturalium effectuum Causam. Atqui virtualis effectuum in Causis præcontinentia, atque adeo vis quâ causativa est secundum modum Essendi. Nequit verò Entitas Sacramentorum naturalis ex modo suo Essendi aliam habere Gratiæ præcontinentiam] virtualement, nisi quâ radicatam in ratione Entis creati, ac limitati. Hæc ipsa verò Entis creati ratio importans Essentialem in Essendo, atque adeo operando dependentiam à Deo fundat in naturali Sacramentorum Entitatis rationem virtutis Obedientialis instrumentariæ, utpote quæ ex superioris duntaxat virtutis elevatione, & quoad actûs etiam exercitium determinatione constituitur in actu primo & secundo operativa. At verò ista ratio entis tam in operando, quàm in Essendo essentialiter Deo subordinati transcendentaliter convenit omnienti creato. Cum igitur hæc ratio sit radix, in quâ ponitur naturalis Sacramentorum entitatis Elevabilitas Obedientialis activa, oportet, ex identitate rationis istam Obedientialem vim Activam in omni ente creato ponere respectu cujuscumque effectûs, ubi non est specialis implicantiæ ratio.

26. Instabis. Si ergo cuivis entitati creatæ sit intrinseca realiter identificata vis elevabilis ut sic in ratione Instrumenti physice causativa effectûs etiam supernaturalis, posse hanc vim efficienter operativam à Deo immediate assumi ad effectum supernaturalem sine præviâ virtutis supernaturalis impressione: siquidem possit Deus omnis Causæ creatæ non vitalis concursus supplere in quovis effectû producendo.

27. Contra. Nam illa vis Obedientialis elevabilis sive principalis, sive Instrumentaria dicit intrinsecam determinabilitatem. Hæc autem formaliter importat potentialitatem actuabilem: implicat autem, esse actualitatem, potentialitatis, nisi per formam intrinsecè actuantem, seu informantem. Quare vis ex se improporcionabilis, nec operativa, nisi quâ determinabilis intelligi nequit in actu primo proximo, nisi per actum sui in vi causandi determinativum. Etsi proinde Deus cujuslibet efficientis non vitalis principij concursus potens supplere, se solo posset producere effectus non vitales, quos creatura tanquàm Instrumentum etiam potest elicere ex sua vi Obedientiali, nequit tamen cum istâ sine intrinsecâ ejus per formam actualitatem, ac determinationem aliquid efficere; siquidem talis elevatio formaliter importet formæ elevantis, ac proportionantis actualitatem, seu informationem, atque adeo effectum quemdam formalem, quem si Deus suæ Omnipotentia Assistentiâ extrinsecâ suppleret, rerum mutaret essentias. Constat proinde ex hoc ipso, quod vis rebus creatis ad effectus superiores obedientialiter producendos innata importet intrinsecam in ratione activitatis elevabilitatem, ac determinabilitatem, oportere com-

nino per formam intrinsecam elevari Potentiam Obedientialem activam, ut constitutur proximè, & in actu primo completa ad effectum instrumentariè, ac obedientialiter producendum. De quâ proinde virtute elevante, in quo consistat, nos alibi, tertiâ præsertim parte circa D. Thomæ decimam tertiam quæstionem differemus.

Responsio ad opposita Argumenta.

28. AD Radicem n. 6. oppositum Respondetur. Ex Scoto manifestè evinci, quod detur habitus, & actu intrinsecè supernaturalis, uti probat Author *Schol. in q. 1. Prolegi ad n. 20.* At respectu talis formæ intrinsecè, ac entitativè supernaturalis non posse in subiecto ullo creato esse inclinationem naturalem, velut *sup. Consil. 1.* demonstratum est. Neque verò Potentiam ejusmodi formarum receptivam esse Neutram, siquidem ista respectu formarum artificialium in quantitate dicat non quidem inclinationem, sed proportionem intrinsecam, & naturalem. Conveniunt igitur illam in substantia creatâ potentiam formarum intrinsecè supernaturalium receptivam vocari Obedientialem, ut patet ex *dictis.*

29. Ad Confirmationem ex D. Thoma n. 7. oppositam Respondetur. Capacitatem Animæ ad Gratiâ esse duplicem: alteram purè Obedientialem sitam in substantiâ Animæ naturali, de se quidem improporcionatâ, intrinsecè tamen elevabili per formam supernaturalem Gratiæ, cujusmodi obedientialem remotam Potentiam esse etiam in materiâ cadaveris ad recipiendam actionem reuscitativam Animæ per mortem jam separatæ à Corpore. Alteram proinde esse Animæ respectu gratiæ capacitatem secundum elevationem, vi cujus facta est ad Imaginem Dei. At istam elevationem tum intelligi posse secundum extrinsecam denominationem ordinationis Divinæ omnes homines Voluntate saltem Antecedente destinantis in salutem, & gratiam; tum secundum intrinsecam Iustificationi præviâ dispositionem habentem connaturalitatem congruitatis cum gratiâ Iustificante. Hanc proinde ex elevatione capacitatem Animæ à Doctore Angelico *loc. cit.* vocari naturalem, quod licet ex parte potentia Animæ intrinsecè non importet nisi Obedientialem Elevabilitatem, connotet tamen elevationem ex Divinâ ordinatione vel intrinsecâ animæ supernaturali dispositione connaturaliter proportionatam cum gratiâ.

30. Ad Confirmationem ex Scoto n. 1. oppositam Respondetur. Eo ipso, quod secundum Scotum dentur actus, & habitus intrinsecè supernaturales, oportere, quod supernaturalitas non tantum sit in comparatione receptivi ad Agens, sed etiam ad actum seu formam, utpote entitativè supernaturalem. At verò stante supernaturalitate per comparationem receptivi ad actum, seu formam, sequi, quod in tali subiecto receptivo non possit esse inclinatio naturalis ad formam, utpote ex entitate suâ intrinsecâ excedentem talis subiecti proportionem. Oportere igitur admittere Potentiam formæ supernaturalis receptivam sine uliâ ad eam naturali

rali inclinatione, imò & proportione, cuiusmodi aded Potentiam esse Obedientialem Passivam. Viderint proinde Scotistæ quomodo subtilis sui Doctoris Doctrinam concilient in expositione sententiæ *sup. n. 8.* ex Scoto allegatæ aded discordes, ut Rada *cit. concl. 1.* aliquos præfati textûs expositores Scotistas arguat stultitiæ; de quo non est nostrum iudicare.

31. Ad Oviedo *n. 9.* propositum Fundamentum Responderetur. Eo bene probari, quòd in Instrumento secundum Potentiam Obedientialem elevabili debeat esse virtus innata de se ratiōem indeterminata, nec partialiter etiam proportionata ad aliquam effectûs, & actionis supernaturalis formalitatem. Quam proinde se improportionatam agendi virtutem radicalem in ratione Potentiæ, ac virtutis proximæ activæ constitui per formam supernaturalem superadditam, quâ tamen obedientialiter in se receptâ, illam radicalem entitativè Naturalem, sed connotativè supernaturalem, atque ut sic obedientialem virtutem cum illâ proximâ agendi Potentiâ concurrere immediatè ad totum effectum. Consequens igitur esse, quòd Potentiæ Obedientialis Activæ propugnatores oporteat in creaturis ponere vim respectu cuiuslibet effectûs intrinsecam absque tamen proportionem cum effectû, vel aliquâ ejus formalitate.


32. Ad Vasquez *n. 10.* oppositum Fundamentum Responderetur. Negando, quòd in Potentiâ ad effectum supernaturalem obedientialiter elevabili debeat præsupponi virtus nativa habens proportionem cum aliquâ intrinsecâ effectûs ratione. Nam *ut sup.* ostensum est; tota vis obedientialis consistit in Elevabilitate Virtutis non tantum passivæ, sed etiam activæ ex se improportionatæ, ac indeterminatæ. At istius intrinsecè improportionatæ virtus proportionabilitas nequit actuari, nisi per formam sibi impressam à Primo Agente, cui soli in Essendo, atque aded operando essentialiter subordinata est creaturæ entitas, in cuius omnimodâ essentiali à primo Agente dependentiâ radicitur illa virtus activa Obedientialis, *ut sup. Concl. 3. probavimus.* Constat igitur, ex nullius creaturæ virtute naturali posse emanare formam, per quam actuari valeat virtus Obedientialis activa ad effectum aliquem in substantiâ quidem naturalem, sed miraculosè vi actionis aded supernaturalis producendum.

COROLLARIUM.

33. Infertur. Quid supernaturalitatis inveniatur in Potentiâ Obedientiali tam activâ, quàm passivâ. Nam *entitativè* est quidem naturalis, ut tamen *connotativè, ac denominativè* dici queat supernaturalis. Ratio est. Tum quia connotat formam non tantum Passivæ, sed Activæ quoque Potentiæ Obedientialis actuantem: hanc verò formam oportet esse supernaturalem. Tum quia etsi effectus ex Potentiâ Obedientiali Activâ emanans possit quoad entitatem naturalis esse, actio tamen huius effectiva ex obedientialis Potentiæ per intrinsecam supernaturalem qualitatem, seu motum quendam virtuosum proportionatæ, ac elevatæ Entitatis naturali physico fluitus est su-

pernaturalis, ex cuius aded actionis in se supernaturalis, nec non formæ ad eam actuantis, seu intrinsecè formaliter proportionantis, ac elevantis denominatione, & connotatione potest Potentia Obedientialis denominari supernaturalis.

Infertur 2. Qualiter circa Deum ratione nostra ratiocinata distinguatur Potentia absoluta, Ordinata, ac Ordinaria. Nam potentia ordinata dicitur, quatenus exequitur Imperium Voluntatis iustæ directæ secundum primam Divinæ Sapientiæ rectitudinem. At eo ipso, quòd in Deo sit idem Potentia, Essentia, & Voluntatis, & Sapientia, & iustitia, nihil potest Divina Potentia exequi, nisi quòd sit in ejus iustâ Voluntate, & Sapientiâ, ex S. Thomâ *par. 1. q. 5. ad 1.* Unde quidquid de facto operatur Deus, facit secundum potentiam ordinatam. Ex quo etiam sit consequens, Potentiam Dei tam extraordinariam, quàm Ordinariam comprehendendi sub Ordinatâ Potentiâ: Hæc enim se extendit ad omne, quod Deus operatur ex infinitæ suæ Sapientiæ Dictamine, & omnipotenti Voluntatis suæ Divinæ imperio. Ex his autem Dei operibus aliqua sunt, quæ sunt secundum legem Naturæ impositam, dicunturque aded fieri ex Potentiâ Dei Ordinariâ; alia verò, veluti Resurrectio Lazari, ita sunt ex Imperio Dei talem effectum in æternitate decernentis, ut tamen sint supra ordinem legis impositæ Naturæ; quæ Deus aded dicitur facere secundum Potentiam suam Extraordinariam. Patet proinde, potentiam Dei Ordinatam tam Ordinariæ, quàm Extraordinariæ inclusivam intelligi in ordine ad ea dumtaxat opera Divina, quibus Deus in se ipso actu statuit legem, seu imperium eorundem effectivum. At ve o præter hæc infinita adhuc Entia sunt possibilia, quæ hoc ipso non sunt futura, quòd Deus nullum de ijs intra se statuerit imperium seu legem Dictionis Effectricis. Hæc igitur dicuntur à Deo fieri posse secundum Potentiam ejus absolutam, quæ eo ipso absoluta dicitur, quòd nullam habeat necessitatem alicujus legis aut imperij, sed illud potius tanquàm actus divinæ Omnipotentiae realiter tamen formaliter cum ipsâ identificatus intelligatur virtualiter præsupponere Divinam Omnipotentiam ex se ipsâ subsistentem cum virtute Dominativâ habendi, vel non habendi Decretum, ac imperium, ex quo emanat omnis ad extra effectus Dei.



ARTICULUS II.

DE

Providentiâ DEI.

D Octor Angelicus *q. 5. de Verit. art. 1.* secundum nostrum intelligendi modum distinguit in Deo Scientiam, Dispositionem, Providentiam, & Gubernationem. Nam Scientia importat cognitionem tam Finis, quàm Mediorum; Dispositio verò respicit ea dumtaxat, quæ sunt ad finem, non tamen formaliter sub illâ ratione, quâ diriguntur ad finem, sed sub illâ ratione, quâ co-

- ordinantur in toto, sicuti cæli est ad terram coordinatio, quodd hæc sit deorsum tanquam receptiva influxûs Cælorum, qui aded sunt in loco superiori : uti etiam spiritualium in universo est coordinatio ad corporalia, quodd hæc illis subijciantur. At verò Providentia est ordinatio rerum in finem formaliter sub illâ ratione, quâ diriguntur ad Finem. Cujus Providentiæ ordinem exequitur Gubernatio, quæ activè est in Gubernante, passivè autem in rebus gubernatis. De quâ proinde Providentiâ, ejusque Executione activâ, seu Gubernatione Deo intrinsicè in hoc præsentî articulo expendendâ veniunt. 1. *An & quarum rerum sit in Deo Providentia?* 2. *Quos actus tam intellectûs, quam Voluntatis circa alius præsertim liberos & peccaminosos includat Providentia Dei?* 3. *In quo actu essentialiter consistat ratio Divina Providentia. Quibus tandem per modum Corollarij subijciemus. Qualiter Providentia Communis distinguatur in Deo à Prædeterminatione.*

CONTROVERSIA I.

An, & quarum rerum in Deo sit Providentia?

3. **E**Mpedocles ab Alberto Magno *1. p. sum. tract. 7. q. 67. memb. 1.* relatus asserens, omnia casu fieri, hoc ipso sustulit è medio Divinam Providentiam. Argumentum secundum aliqualem apparentiam desumi potest ex confusione rerum sublunarium, in quibus videmus prævalere impium contra innocentem, & innocentem succumbere nocenti; attestante etiam Prophetâ *Ierem. 12. Iustus quidem tu es Domine, si disputem tecum; Veritatem iusta loquar ad te. Quare via impiorum prosperatur, bene est omnibus, qui peccaverunt, & inique agunt?* Ex hoc enim argumentari quis potest: Si in Deo rerum omnium esset providentia, oportet et omnia in mundo esse ordinata cum optimo Sapientiæ, & Iustitiæ ordine. At impiorum prodit quasi ex adipe iniquitas, peccatoribus in sæculo obtinentibus divitias, eôm econtra Sancti quasi nullo bono digni castigantur, & flagellantur à malis. *ex Psalm. 72. Unde etiam Job. 21. miratur, Quare ergo impii vivunt, sublimati sunt, confortatique divitiis?* An non igitur ex citato *Psalm. 72.* videtur posse formari interrogatio, *Quomodo sit Deus, & si est scientia, sive Providentia, in Excelsis?*
4. Epicurei illud mundanarum actionum perturbatum Chaos non nisi in causam, & rationem sensibilem reducendo, in Constellationibus, sub quibus quisque natus esset, finxerunt fatum, quod esset vis quædam siderum, quâ per impressionem hominû Voluntatis factam agerentur homines, ac imperu regeretur Mundus, nullam supremo Divino Numine habente Providentiam, seu Curam Sublunarium. Argumentum hujus apparens adduci potest ex Alberto Magno *ubi supra.* Nam videmus populum inordinatè ac injustè corrumpentem: At ubi non est Gubernator, populus corrumpet. *Prov. 11.* Non ergo videtur Deus esse populi Gubernator, qui cum Sapientiæ Providentiâ, & æquitate Iustitiæ, ac bonæ dispositionis, ac ordinationis

congruæ moderamine homines gubernet, imò si regnantibus impijs sint ruine hominum? *Prov. 11.* an non Deo, si hominum esset Gubernator, imputaretur humani generis confusio, & inordinatio? Habacuc 1. admirante etiam, *Quare respicis contemptores, & taces, concultante impio Iustitiam se.*

Aristoteli licet à S. Thomâ *3. cont. gent. c. 77.* vindicato imputat Vasquezius *1. p. 10. 1. disp. 47. c. 1. n. 3.* quodd negarit Dei Providentiam, & Curam circa mundi sublunaris singulas rem minutissimas. Huic sententiæ videntur adnumerandi (quorum mentionem facit Ioannes Baptista Gonet *10. 3. disp. 2. a. 1. § 2. concl. 3.*) exultantes, numerum culicum, pulicum, muscarum, vermium, & aliorum imperfectorum animalium non esse ab æterno à Deo præordinatum, & præfinitum. Fundamentum hujus videtur desumi posse ab Autoritate S. Hieronymi in *cap. 1. Habacuc* ita loquentis: *absurdum est, ad hoc Dei deducere Majestatem, ut scias per momenta singula, quot nascantur culices, quot moriantur; quot cinsum, & pulicum, & muscarum sit in terra multitudo, quanti pisces in aqua nati. Non sumus tam fatui adulatores Dei, ut dum Potentiam ejus etiam ad ima detrahimus, in nos ipsos injuriosi simus, eandem rationalium, quam irrationalium Providentiam esse dicentes.*

Tullius Cicero relatus, ac refutatus à D. Augustino *lib. 1. de civit. cap. 9. & 10.* negavit Deo humanorum actuum præscientiam, & providentiam, ed quodd ista non videretur posse coherere cum nostrâ libertate. Hujusetiam erroris inculatur Origenes apud Angelicum Doctorem *3. cont. gentes. c. 89.* Fundamentum sæpius refutatum est. Nam æternum Divinæ Providentiæ Decretum est in se omnino immutabile, ac infrustrabile, ex quo aded infallibiliter in tempore divinitus præordinato sequitur effectus. Ergo si actus humani per Divinam Providentiam essent præordinati, tolleretur istorum libertas, & contingentia.

CONCLUSIO.

Non tantum ex fide, sed ratione quoque naturali est in Deo admittenda Providentia rerum omnium.

Probat. Nam Providentia secundum D. Thomam *pres. q. 22. a. 1.* est ratio ordinandorum in finem; live ut Boetius *de Consol. prof. 6.* habet; Divina ratio constituta in summo principe omnia disponens. At Sapientia Dei attingit à Fine usque ad Finem fortiter, & disponit omnia suaviter. *Sap. 14.* Ergo hæc sapientia Dei est Providentia, quâ Pater æternus gubernat omnia. *ex cit. Sap.* ita ut nè volatilia quidem cæli prætereant, juxta illud *Matth. 6. Respice volatilia Cæli, quoniam non serunt, neque metunt, neque congregant in horrea, & Pater vester celestis pascat illa.* Imò nè unus quidem passer cadens super terram sine Patre cælesti est in oblivione coram Deo. *ex Matth. 10. & Luca 12.*

Dices: Providentiam esse principalem partem Prudentiæ. ex S. Thomâ *pres. art. 1.* Est autem Prudentia recta ratio agibilium. *ex Aristot. 6. Ethic. c. 6.* At respectu horum agibilium dicitur

citur quis prudens, quia est bene consultativus. ex 6. Ethic. c. 9. Consilium autem importat inquisitionem Mediorum fini alicui consequendo convenientium. Unde 3. Ethic. c. 3. dicitur Consilium non esse de fine, sed de medijs. At Deo omnem Veritatem Intellectu suo comprehendenti neque convenit inquisitio, neque agibilitas, seu actuum suorum ordinabilitas in finem; nam in ipso Deo nihil est in finem ordinabile, cum ipse sit finis ultimus. ex S. Thom. *prae. 4. 1.* Ergo non videtur, Deo inesse Providentiam propriè dictam.

9. Contra. Nam alia est ratio Politicæ Prudentiæ, alia verò Monasticæ, siquidem ista sit propriorum actuum in finem vitæ suæ ordinativa: illa verò sit ratio sibi subjectorum ad finem ordinans. At licet actus Dei proprii per ipsum Esse vitæ Divinæ actualissimæ specificati, atque ut sic cum fine Divinæ vitæ, seu Primâ increatâ Beatitudine realiter formaliter identificati, non sint agibiles, seu Ordinabiles ad finem: attamen res Dei Dominio Subjectæ Essentialiter ordinantur in Deum, omnia propter semetipsum tanquàm finem operantem non nisi ex consilio Voluntatis suæ. Unde in Deo est consilium non inquisitivum, sed in Essentiâ Divinâ omnis rei ex Bonitate ipsius increatâ participativè producibilis, & ut sic in Deum tanquàm ultimum Finem agibilis Demonstrativum. Iuxta hoc igitur Consilium est in Deo Prudentia, seu Providentia, non quidem Monastica propriorum Dei actuum, sed Politica rerum Deo subjectarum in finem ordinativa. Ratio fundamentalis ipso lumine Naturæ nota ex Doctore Angelico *prae. 4. 2.* ita deducitur. Cum omne agens agat propter Finem, oportet nullam esse Primæ Agentis Causalitatem absque effectûs in finem ordinatione. At Causalitas primæ Agentis extendit se ad omnia non solum quantum ad principia speciei, sed etiam quantum ad individualia Entium tam corruptibilium, quàm incorruptibilium. Oportet igitur omnia, quæ quocumque modo habent Esse, à Deo ordinari in Finem, attestante Apostolo *ad Rom. 13. quæ à Deo sunt, ordinata esse.* Atqui providentia est rerum in Finem ordinatio præconcepata in Mente divinâ. Ergo in Deo est omnium vi Potestatis Divinæ Dominativæ producendorum Entium Providentia Politica.

10. Instabis ex Molina *hic art. 2. & 4.* Effectus fortuitos non esse per se subjectos Divinæ Providentiæ, siquidem non sint intenti ab istâ, sed duntaxat permixti, ac prævisi: non enim deceret Divinam Bonitatem, liberum v. g. natantium arbitrium eo fine condidisse, vel ordinasse, ut natando suffocarentur: sicuti grassatorum etiam arbitria non eo fine condidit Deus, ut innocentem hic, & nunc vellent interficere.

11. Contra. Nam Providentia secundum D. Augustinum 2. de *Eide cap. 29. §. Similiter ait*, est Voluntas Dei, quæ res omnes aptè & congruenter gubernantur. At hæc Dei Voluntas non nisi secundum Consilium propter ipsum Deum tanquàm Finem operans eò usque se extendit, ut attingendo à Fine usque ad Finem fortiter sit non tantum formans lucem; sed etiam creans tenebras, nec tantum faciens pacem, sed etiam creans malum. ex *Isaia 45.* Cum igitur Deus creando Intellectu, & Voluntate suâ sit rem creatam ordi-

nans in se ipsum tanquàm Finem, propter quem omnia operatur, consequens est, nihil esse eventum, cujus factio non sit ex divinæ Voluntatis, ac Intellectûs ordinatione, atque adeò Providentiâ Dei, D. Augustino *super illud. Confitebor tibi in toto corde meo Psal. 9.* ita differente: *Non in toto corde confitetur Deum, qui de Providentiâ ejus in aliquo dubitat: Omnia enim ad Divinam Providentiâ Regimen referuntur, quæ stulti casu, & nullâ administratione fieri putant.* Oportet igitur, illam quoque fortunam, & casualem suffocationem, seu mortem à grassatoribus inflictam esse ex divinâ Providentiâ, maximè cum sit quandoque Medium ad Finem prædestinationis, dum taliter interfectus est in Gratiâ, quandoque vero sit effectus reprobationis ordinatus in ostensionem divinæ erga reprobos Iustitiæ, & majoris erga Electos Misericordiæ. Unde Doctor Angelicus *ut. art. 2. ad 1. docet: Effectum aliquem, quatenus Providentiâ, seu Ordinem alicujus Cause particularis effugit, eatenus dicit respectu talis Cause particularis Casualem, seu Fortunam, ut tamen respectu Dei, seu Cause universalis dici queat provixus.* Cujus ratio à S. Doctore *ibid.* insinuata est. Quia sicut nullus in creatis potest esse modus realis, seu positivæ formalitatis, nisi ex Causalitate divinâ, sic e contra talis in quavis re creatâ modi realis positivi negatio consequitur divinæ Causalitatis negationem. Est autem Deus omnium realitatum ad extra Causa per Voluntatem liberam, ac Intellectionem subnixam suo libero Decreto. Atqui effectus fortuitus, & Casualis importat tum Causalitatem sui quoad Esse reale effectricem, tum negationem dependentiæ à Causâ illâ, respectu cujus, Ordinem ejus effugiendo, dicitur fortuitus, & Casualis. Oportet igitur tam realitatem illam physicæ Causalitatis Effectûs in Essendo reali productricis, quàm negationem dependentiæ à Causâ particulari creatâ eatenus esse ex Deo agente per Intellectum, Voluntatem, ut non tantum Esse physicum talis Effectûs, sed etiam ratio Fortuiti debeat reduci in divinam Providentiam.

Responsio ad Argumenta Adversariorum.

12. **A**D n. 1. Oppositum Respondetur ex Alberto Magno. Ipsam rerum sublunarium confusionem, si cum Bono Universi comparatur, arguere superiorem quandum omnium cum decenti inter se ordine, ac pulchritudine ordinatricem rationem. Sicut enim ex collisione nubium, unoquoque vapore in alterum desinente, serenitas, & tempestatis tranquillitas, ac ex collisione contrariorum in Mixto Complexionis æqualitas generatur, sic dum Iustus in hac vitâ flagellatur, ac persecutionem à malis patitur, exinde purgatur, eruditur, & probatur; contra dum mali in labore hominum non sunt, sed eos iniquitate, & impietate opertos, quoddam cum hominibus non flagellantur, tenet superbia, hoc idèd fit, ac permittitur, ut à Deo Bonis temporalibus tanquàm munusculis alliciantur ad Dei tanquàm Patris amorem, vel ut bona talia, quæ etiam impiis dantur, à Iustis non desiderentur, vel ut peccatis eorum in finem devolvatur, justior eorum ex Ingratitudine appareat condemnatio. At ex hoc patet, in illâ ipsâ rerum, si singulæ spectentur, confusione apparere respectu Boni Universi decentis-

centissimos, pulcherrimos, & Sapientissimos divinæ Prudentiæ Ordines, quos sub Decentiæ adumbratâ generali ratione existimamus, nos in hac vitâ cum Psalte Regio cognovisse, ut tamen Intellectus noster altitudinem divinæ Sapientiæ, & Scientiæ circa singulorum hominum dispositionem non assequatur, sed labor sit ante nos, donec intremus in Sanctuarium Dei, & intelligamus in novissimis eorum. *ex. cit. Psalm. 72.*

15. Ad n. 2. Oppositum Respondetur. Nec adeo populum corruiere, nec ullius hominis esse tantam ruinam, quin malum ejusmodi ordinetur in Bonum Universitatis. D. Augustino attestante, quod Deus Bonus nunquam permetteret fieri mala, nisi sciret, quæ bona ex malis Ordine Sapientiæ eliceret. Quare hominum sortes adeo inæquales non ex fati quâdam siderum necessitate profluere, sed reducendas esse in unius Dei Providentiam, cui est cura de omnibus, ut ostendat, quoniam non iniuste iudicet Iudicium. *ex Sap. 12.*

16. Ad n. 3. Oppositum Respondetur. In allegatâ D. Hieronymi sententiâ notanter esse consideranda verba, quibus dicatur, non eandem esse rationalium & irrationalium Providentiam. Etenim quædam sunt in universo propter se provisæ, veluti substantiæ incorruptibiles etiam individuae, ac generabilia species, sicuti homines quoque prædestinati: quædam verò res in universo sunt provisæ propter aliud, veluti individua corruptibilia providentur a Deo propter perpetuâ conservationem speciei, sicut reproborum quoque numerus est quidem à Deo præfinitus, non tamen æquè principaliter ac numerus prædestinatorum, siquidem isti sint primariò præordinati ad Bonum Universi relucens in splendore Beatitudinis creaturæ communicandæ, cum econtra reprobi secundariò sint à Deo intenti ad ostensionem Misericordiæ in Electis. *ex S. Tho. seq. q. 23. a. 7. & q. 5. de Verit. art. 3.* Pari ergò, imò majore ratione intelligendus est S. Hieronymus, quod non æquè principaliter, ac propter se à Deo sit provilus numerus Culicum, & Muscarum, earumque ortus, ac interitus, sicuti rationalium creaturarum præcipuè prædestinatarum, et si alioquin cum S. Irenæo *lib. 2. cap. 45.* latendum, imò de fide credendum sit, nihil omnino eorum, quæ sunt, Deum fugere, sed per illius Providentiam unumquodque eorum accepisse numerum, Ordinem, & Quantitatem propriam, & esse in Deo rationem mirabilem, quæ omnia discernat, & ejus proprias Causas possit enutrire usque ad numerum arena maris.

17. Ad n. 4. Oppositum Respondetur. In illo argumento jam sæpius à nobis refutato contineri fallaciam: Ex hoc enim, quod Decretum Dei immutabile, & infrustrabile sit ad extra causans Ens universum cum omni modo reali, oportet etiam modum libertatis, & Contingentiæ (sive consistant in realitate alicui intrinsecâ sive denominatione extrinsecâ) esse divini Decreti effectum. Unde oppositi Authores & fallunt, & falluntur, dum ex illo divinæ Providentiæ Decreto allerunt, infallibilitate antecedente libertatis destructivâ consequi effectum, cum hujus potius consecutio ex Dei Decreto sit secundum infallibilitatem libertatis non tantum in primo, sed in actu etiam secundo causativam. uti efficaciter probat Doctor Angelicus *præ. q. 22. a. 4.*

CONTROVERSIA. II.

Quos actus tam Intellectus, quam

Voluntatis circa actus præsertim liberos, & peccaminosos includat Providentia Dei?

PROvidentiam esse partem Prudentiæ, constat *1.* *ex cant. præ.* Est autem Prudentia in Intellectu practico. Hic verò spectari potest vel secundum actualem sui ad opus applicationem, vel secundum Virtutem suam factivam, & operativam, non ut de facto applicatam, sed prout tradit regulas operandi in abstracto. Ut sic autem cognitio de se ordinativa ad opus ita est substantialiter, & absolute practica, ut tamen secundum quid possit denominari speculativa. D. Tho. *in 1. dist. 40. q. 1. a. 2.* attestante: Providentiam posse, sicut & artem gubernatoriam salvari in speculatione tantum. Unde ad Providentiam non in virtute tantum, sed in actu etiam exercito practica requiritur, Intellectum actualiter esse applicatum ad opus.

Ad hanc proinde Intellectus practici ex Voluntatis efficaciam derivatam ad opus applicationem quatuor sive antecedenter, sive consequenter concurrunt actus tum Intellectus, tum Voluntatis. Primus in Voluntate est simplex volitio Finis, quatenus Voluntas ab hujus Bonitate, & Convenientiâ in se movetur Amore simplici, tali nimirum, in quo nullus reluceat ordo ad media, & ad executionem. Cui Voluntatis actui præsupponitur in Intellectu repræsentatio, & propositio Bonitatis, ac Convenientiæ Finis secundum se spectati. Secundus in Voluntate actus est Finis Intentio, per quam tenditur in Finem cum ordine ad media, anquâ per ista assequibilem. Cui in Intellectu respondet propositio Finis non secundum sui præcisè amabilitatem, sed etiam assequibilitatem. Tertius in Voluntate actus est Electio, quæ est determinata Medij Finis assecutioni convenientis acceptatio: Cui in Intellectu respondet Consilium, & Iudicium Medij quâ Finis consecutioni congrui per modum sententiæ, ac determinationis judicativum. Quartus in Voluntate actus est Executio, seu Usus Mediorum, sive Potentiæ Executricis applicatio: Cui in Intellectu respondet Iudicium Executionis Directivum, & Ordinativum, quod Imperium vocatur, veluti ista patent ex S. Doctore. *1. 2. q. 8. 12. 13. 15. & 17.*

Quibus adeo positis duplex resultat difficultas. Altera sequenti Controversiâ discutienda est circa Imperium: altera verò præsentî Cont. decidenda se tenet tum circa Usus, & Executionem divinæ Voluntatis; tum circa Intentionem Finis, ac Electionem Mediorum, tum circa cognitionem Intentioni, ac Electioni Voluntatis præviam: An scilicet ista cognitio sit tantum simplicis Intelligentiæ, nec ullam Conditionatorum Mediarum Scientiam importet, atque adeo intenus Finis, ac Electio, nec non usus Mediorum sit de se efficax in Deo antecedenter ad Scientiam Conditionatorum omnem Finem creatum, ac Media, seu quarumlibet Causarum secundarum actus omnium liberos absolute prædesiniens. *3.*

Referuntur Sententiæ Doctorem.

4. **E**X Societatis Iesu Theologis aliqui docent
1. Finem, cuius consecutio dependet ex meritis, seu libertate nostrâ, non posse anteceder ad prævisionem meritorum, seu liberæ cooperationis nostræ esse in efficaci Intentione Dei, sed simplicis duntaxat Complacentiæ Intentione inefficaci, uti Vasquez. 1. p. disp. 22. cap. 5. n. 22. & seq. habet.

Huc reduci potest Suarezius in suis opus. lib. 2. c. 7. n. 11. distinguens interactiones nostras liberas, ita ut istarum aliquæ ordinentur ad Finem quendam particularem intentum efficaciter à Deo, ac præfinitum, aliæ verò non sint specialiter ordinatæ ad finem ut sic intentum, sed sequantur ex quâdam generali Providentiâ, & ordine Causarum Universi. De illis proinde v.g. de actu Voluntatis, quo Angelus Motor Cæli ultud movet, vel de consensu B. Virginis in Conjugium cum S. Ioseph, asserit prædefiniri efficaciter à Deo, siquidem servanda sit proportio Mediorum ad Finem, ut isto ad eod efficaciter intento, oporteat etiam Media licet ex libertate creati arbitrij pendentia efficaciter esse prædefinita.

5. At verò de actibus humanis etiam moraliter bonis, quando non sunt ordinati à Deo ex efficaci Intentione alicujus Finis specialis, sed oriuntur ab humanâ Voluntate cum generali concursu, ac Providentiâ, Suarezius cit. c. 7. n. 12. negat, debere à speciali Dei Voluntate præfiniente procedere. Ratio hujus desumitur ex S. Thomâ seq. q. 23. a. 7. docente: Numerum prædestinatorum esse certum ex præfinitione, numerum autem reproborum ex præscientiâ tantum, sicut de numero etiam guttarum/pluviæ, arenas maris, etsi effectus sint naturales, ac boni, quos Deus præfinire potuisset, Sanctus Doctor colligit ex Fine, & modo Providentiæ non esse à Deo præfinitos. Nam in tantum singulæ creaturæ intenduntur à Deo, in quantum ad Essentialem perfectionem Universi pertinent. At per accidens est, ad Finem boni Universi esse tot, nec plures, nec pauciores arenas, & guttas maris. Eiusmodi ergò effectus non oportet esse à Deo præfinitos, neque ut Finem, neque ut media, sed tantum præcognitos ut consequendos, & futuro s ex instituto Causarum, Ordine, & permissos, vel admissos, ac productos per Dei Voluntatē volentē Causis creatis suum influxum impendere.

6. Secundò Electionem, ac Usus Mediorum, quatenus ad divinam Providentiam se habet vel formaliter, vel ratione nostrâ ratiocinatâ præsuppositivè, non importare necessariò præfinitionem, seu Decretum absolutum, & efficax Operum divinæ Providentiæ subiectorum præfinitivum, tradit Suarez cit. c. 7. n. 6. Fundamentum est. Nam ad perfectionem Providentiæ tria videntur requiri, scilicet Scientia, Voluntas, & Potentia. At in Deo anteceder ad Decretum liberum præsupponitur non tantum Scientia simplicis Intelligentiæ, sed etiam Media Conditionatorum. Hæc verò Conditionatâ Scientiâ, suppositâ ad hoc, ut Deus præsciat effectus in tempore futuros, sufficit Voluntas Dei permissiva, aut Decretum, quo vult Deus Causas secundas applicare ad effectus ejusmodi. At per istam Voluntatem Dei Causas secundas applicantis ad

effectum est hoc ipso sufficienter applicata Divina quoque Potentia ad concurrendum cum Causis secundis. Quare nec ad perfectionem Scientiæ, nec Voluntatis, nec Potentiæ divinæ quâ influentis in Causarum secundarum effectus, opus est præfinitione. Ergò perfectio divinæ Providentiæ subsistit absque tali præfinitione.

Imò respectu actuum liberorum repugnare 7. Divinam Providentiam esse præfinitivam, tertio loco asserunt Molina 1. p. q. 14. art. 13. disp. 8. Memb. 3. & 4. Lessius de Grat. eff. c. 4. & in disp. de Prædest. & alij. Argumentum hujus induci potest ex Autoritate S. Augustini lib. 3. de lib. arb. c. 18. asserentis, Quæcumque Causa sui Voluntatis nostra, si non possit ei resisti, sine peccato est cedi. At præfinitio divinæ Voluntatis est antecedens, nec potest ei resisti: Ergò sine peccato ei ceditur ex hoc ipso, quod nequeat cum ipso stare creati arbitrij libertas.

Hinc ad perfectionem divinæ Providentiæ, 8. seu Prædestinationis requiri Mediam Conditionatorum Scientiam Quarto loco tradunt Lessius disp. de Auxil. c. 4. n. 16. Franciscus de Lugo cit. lib. 1. de Deo uno. disp. 37. n. 7. & alij ab eo relati. Fundamentum est. Nam Providentia est pars Prudentiæ, nemo autem prudens potest absoluto suo Decreto statuere, ut aliquid efficaciter fiat, vel intendere consecutionem alicujus Finis, nisi certò præoverit, se habere potestatem id faciendi, vel saltem habere Media congrua, quibus talem Finem efficaciter assequatur. Atqui seculis divinis præfinitionibus, ac physicis prædeterminationibus, non potuit Deus præscire, quibus modis, vel medijs homines, vel Angeli efficaciter, & liberè forent adepturi gloriam, nisi per Scientiam Conditionalem; Imò sine hæc Præscientiâ nō potest Deus scire, quænam Media sint Voluntati liberæ creatæ futura nocumento, quæve utilitati, neque potest velle dare aliquod auxilium ut efficax, sive prout infallibiliter habiturum effectum. Est autem de ratione perfectæ Providentiæ, nōsse Proviforem, quæ sint futura nocumento subditis, quæve utilitati, etsi utrumque pendeat ex subditorum Voluntate. Consequens igitur est, Mediam Conditionatorum Scientiam in Deo esse prorsus necessariam ad perfectam Providentiæ, seu Prædestinationis rationem.

- Ex opposito 1. D. Thomas q. 3. de Verit. art. 7. Scotus in 1. dist. 39. q. 3. n. 23. & dist. 41. q. un. n. 10. Capreolus in 1. dist. 45. q. 1. a. 2. Ferrara 3. cont. gent. c. 29. Nazarius pres. q. 22. art. 4. Contr. 2. Alvarez lib. 3. de auxil. disp. 22. Salmanticenses. tract. 4. de Volunt. Dei. disp. 10. cont. 3. Ioannes à S. Thomâ 10. 2. disp. 7. art. 4. Ioannes Baptista Gonet 10. 3. disp. 2. art. 3. & alij, præsertim Thomistæ, ac Scotistæ tenent: Usus, ac Electionem Mediorum in divinâ Providentiâ ita esse horum prædeterminativam, ut omnes, ac singulæ res creatæ in suos fines à Deo ordinatæ, actus etiam liberi non tantum quoad substantiam, sed quoad omnem Essendi modum sint per divinam Providentiam prædefiniti. Hinc 2. Ioannes à S. Thomâ cit. a. 4. n. 19. ex mente reliquorum Thomistarum docet, istam efficacem rerum quarumlibet actuum etiam liberorum seu Mediorum divinæ Providentiæ intervenientium præordinationem non esse ex simplici tantum Finis Voluntate, sed efficaci Intentione.

Hinc

Hinc 3. cum Thomistis asserendum, Scientiam Conditionatorum Mediam inutilem esse ad divinam Providentiam.

CONCLUSIO.

Providentia divina omnis rei, & actus creati liberi simpliciter, & absolute præfinitiva supponit in Deo absolutam, & efficacem Finis, ad quem universæ creatura actu diriguntur, Intentionem.

10. Probatur. Nihil potest esse realitatis, ac Entitatis in rebus creatis, quod effugiat divinam Causalitatem. ex S. Thomâ *præs. q. 22. art. 2. ad 1.* At Deus, cum sit agens intellectuale, operatur ad extra secundum Intellectum, & Voluntatem, veluti super illud *ad Ephes. I. Deus operatur omnia secundum Consilium Voluntatis suæ*, eleganter expressit D. Thomas, Apostolus, inquit, *non dicit, quod Deus operatur omnia secundum Voluntatem, ne credas, quod sit irrationalis, sed secundum Consilium Voluntatis suæ, id est, secundum Voluntatem suam, quæ est ex ratione, non secundum quod ratio importat discursum, sed secundum quod designat certam, & deliberatam Voluntatem.* Unde Divus Dionysius. *c. 5. de Divin. Nom.* ita disserit: *Exemplaria dicimus existentium rationes substantificas, & singularitates præfinitas, quas Theologia Prædefinitiones vocat Divinas, & Voluntas existentium prædeterminativas, & factivas; secundum quas substantialis Essentia omnia præfinit, & produxit.* At verò licet omne Agens agat propter Finem, hoc tamen ita propriū est agentis, Intellectuali, ut irrationalia potius agantur in Finem ex Primi Agentis Intellectualis gubernatione, & Providentiâ ex Doctore Angelico *1. p. q. art. 3. circa finem Corp.* Unde necessum est, Omnia secundum quemlibet realem Essendi modum ex divinæ rationis, & Voluntatis Causalitate esse præfinita, ac præordinata, seu prædeterminata in aliquem Finem. ex *præs. q. 22. art. 2. & quodlib. 12. q. 3. a. 4.* ubi S. Doctor ait: *A Providentiâ Dei omnia esse prædeterminata, & ordinata.* Atqui ad directionem, seu ordinationem in Finem præexigitur Voluntatis Finis. ex S. Thomâ. *q. 6. de Verit. art. 1. & 1. p. q. 23. art. 4.* Hæc autem Voluntas Finis habet rationem Causalitatis Finalis, cujus est Causam efficientem excitare, & quodammodo movere ad agendum. Quare quidquid Efficaciæ est in Causalitate Efficiente, hoc per prius intelligitur esse in Causalitate Finali. At divinæ Providentiæ Causalitas omnem Essendi modum efficiens, Finem, in quem ordinantur creaturæ, attingit non tantum in Medijs tanquam virtute assecutionis Finis effectrice, sed cujusque rei creatæ est in Finem aliquem ex Dei Causalitate ordinatio quoad actualem ejus assecutionem. Unde de Sapientiâ, seu Providentiâ divina dicitur *Sap. 2.* quod *attingat à Fine usque ad Finem fortiter*, id est, efficaciter. Oportet igitur, talem in Deo ponere Providentiam, quæ omnis rei, & actus creati aliquando existentis sit prædeterminativa, supponens Voluntatem divinam efficacem, id est actualiter effectricem Finis, in quem non tantum virtute, seu potestate, sed actu ordinantur creaturæ Universæ.

12. Dices: Iste creaturarum Finis universalis indicatur hisce verbis sacris; *Universa propius semetipsum operatus est Dominus.* At hic in ipso Deo consistens Finis non secundum se, sed secundum sui Com-

municationem ad extra operabilis efficaciter intenditur à Deo, quatenus absolute vult creaturis Bonitatis suæ increata participationem. Est autem divinæ Bonitatis abundantia conveniens, ut dignitatem Causalitatis etiam creaturis communicet, atque adeo inferiora Deus gubernet per superiora. ex S. Thomâ *præs. q. 22. art. 3.* Ex hoc verò Vasquezius *præs. art. 3.* infert: *Deus non operari omnia unimediante supposito, quod licet ipse secundum Suppositum sit intus in rebus, ac effectibus omnibus, sitque hæc ratio sit propinquior, quam ceteræ Causæ, ejus tamen actus sit universalis, id est indifferens, quoniam oportet modificari ex concursu multarum Causarum secundarum, quæ eo dicuntur propinquiores, quod magis sunt Causæ propriæ, & singulares.* At si Providentia divina omnium actionum Causarum secundarum secundum quoslibet earundem modos reales esset præfinitiva, oporteret, Deum ita concurrere ad illas immediatione Suppositi, ut cujusque actionis modificatio per prius esset determinata ex Dei Causalitate, quam ex influxu Causæ secundæ. Consequens igitur est, divinam Providentiam non esse præfinitivam omnium actionum Causarum secundarum.

13. Contra. Nam quidquid Deus causat, hoc prædefinit, veluti S. Doctor divi Dionysij *sup. n. 10.* allegatum testimonium explicans, *Hujusmodi rationes, ait, sacra Scriptura vocat prædefinitiones, & bonas Voluntas, quæ sunt dispositive Entium, & effectiva ipsorum, quæ per hujusmodi rationes, super substantialis Esse Dei prædeterminavit omnia, & produxit.* Atqui omnis creata actio cum quovis ejusmodi reali Essendi modo causatur à Deo; veluti S. Augustinus *lib. de prædestin. sancto. c. 19.* supponit ex universalissima Causalitate Dei operantis omnia, demonstrans etiam Fidem, & primæ nostræ Conversionis initia debere Deum, operari: *Audiant, inquit Sancti usque hic Ecclesiæ Doctor, & ipsi in hoc testimonio, ubi dicit, sortem consecutus sumus, prædestinati secundum propositum ejus, qui universa operatur.* Pari ergo ratione inferri licet de omni actionis creatæ Essendi modo quoad ipsum etiam in operatione nostrâ liberum consensum, Deum, qui universa operatur, hunc operari, atque adeo prædefinire, S. Prospero in Respons. *14. ad Capita Gallorum.* ita disserente: *Fidei, & Charitatis opera, quæ fuerunt prædestinata, recte prædefinita dicuntur.* ubi citat Apostoli dicentis: *Creati in operibus bonis, quæ præparavit Deus, ut in illis ambulemus.*

14. Confirmatur. Nam licet Deus in executione suæ divinæ gubernationis quædam scilicet inferiora gubernet mediantibus alijs, nimirum superioribus, ipsa tamen ratio gubernationis immediate terminatur ad omnia, ut adeo Deus suâ Potentiâ gubernet universa. ex S. Tho. *præs. q. 22. art. 3. & infra q. 103. art. 6.* At hæc ratio gubernationis est ipsa cognitio Dei practica singulorum etiam minimorum creatorum operum expressiva, habens ut sic ex Decreto divinæ Voluntatis per realem formalem identitatem sibi adjuncto rationem principij factivi ac Exemplaris. ex eod. S. D. *1. p. q. 14. art. 9. & q. 15. art. 3. & cit. q. 103. art. 6.* Hanc ipsam verò rationem Exemplarem Gubernationis Deo immanentis vocari præfinitionem, D. Damascenus *Orat. 1. de Imag. testatur* hisce verbis. *Has Imagines, & Exemplaria, Prædefinitiones appellat Sanctus ille Dei, manere Divinis in rebus considerandis, & explicandis excellentissimus, ait, Dionysius: Omnia enim ab illo præfinita, & sine ulla com-*

mutatione in ejus consilio, non aliter antequàm fierent, e-
ram expressa, quàm si quis vellet edificare domum, prius
Imaginem, ac formam ipsam in animo effingit, & cogita-
tione complectitur. Constat igitur, rationem Gu-
bernationis in Deo per Decretum Dei efficax ap-
plicatam ad singulos quosque etiam minimos
effectus esse horum prænitivam, atque adeò
Deum immediatione etiam suppositi, non tan-
tùm quoad situm, sed etiam quoad influxum
causalivum suâ divinâ Providentiâ producere
omnes modos Essendi reales creaturis non nisi ex
divinâ Bonitate comunicatos, ac per Volunta-
tem Dei prædeterminatos.

25. Replicabis ex Vasquez. *1. p. disp. 99. c. 7. n. 47.*
Primam rationem liberi in actu creato esse desum-
endam ex causâ particulari modificante, ita ut
actus exeat liber, quia à Causâ proximâ liberâ
producitur. Nec istud obesse, quò minus ex Vo-
luntate Dei eveniat, quandoquidem ipse decre-
verit cum Causâ liberâ juxta id, quod illa postu-
lat, concurrere. Hoc autem satis esse, ut effe-
ctus non sit præter Intentionem Dei. Illud au-
tem certissimum esse, nempe rationem liberi a-
ctui nostro non convenire per respectum ad pri-
mam Causam operantem: neque ideò esse libe-
rum, & humanum, quia solus Deus illum fieri
decreverit, & fecerit, sed potiùs per respectum ad
modum operandi Causæ secundæ, quo variato,
quamvis maneat actus secundùm substantiam i-
dem & concursus Dei eodem modo, non manere
actum liberum, siquidem libertas sit solum rela-
tio rationis ad modum operandi cum indifferen-
tiâ liberi arbitrij creati. Ex quâ proinde Do-
ctrinâ Vasquez *cap. 8. n. 51.* concludit 1. Deum
non posse opera nostra libera ita præfinire, ut Vo-
luntatis nostræ determinationem præcedat suâ
præfinitione. 2. *ut. disp. 99. c. 3.* improbat Doctri-
nam S. Tho. & aliorum Theologorum asserentium,
Deum non tantùm operari quod vult, sed etiam
modum, quem vult, & sic facere actum esse, &
libero modo esse, nec lædere libertatem, cum
causet illam, debereque adeò libertatem actio-
num nostrarum reduci non solum in liberum ar-
bitrium, sed etiam in Deum tanquàm primam,
& præcipuam Causam Contingentiæ.

16. Contra. Nam aliud est, libertatis actui crea-
to libero convenientis assignare rationem quasi
formalem, aliud verò est, hujus rationis Formalem
quâ causatæ assignare Causalitatem Formalem,
ac Efficientem. Posito igitur, Libertatem actus
creati liberi non esse nisi extrinsecam denomi-
nationem ex connotatione Voluntatis creatæ
cum indifferentiâ objectivâ, & activâ per vim su-
per actus suos Dominativam operantis desump-
tam, adhuc tamen erit quæstio, An non tantùm
vis creati arbitrij Denominativa cum Indiffe-
rentiâ suâ, tam objectivâ, quàm activâ referri de-
beat in Causam Primam, sed ipse actus ex eâ li-
berè egrediens Indifferentiæ illius formaliter de-
terminativus ita sit reducendus in divinam Vo-
luntatem, ac Providentiâ, ut hæc anteceden-
ter ad Voluntatis creatæ determinationem in vi
Causalitatis Finalis ac Efficientis sit prædetermi-
nans illum actum cum toto libertatis modo per
Voluntatis creatæ ex indifferentiâ Dominativâ,
& Electivâ operantis connotationem constituto.
17. Etenim ut omittamus, quæ hæc de re *sup. q. 5. a. 5.*
& *q. 6. art. 5. com. 6.* fusè à nobis deducta sunt, uni-
cum isto loco adijcimus, Dei Causalitatem ad

extra se in tantum extendere, in quantum vult
aliquid fieri, juxta illud *Psal. 148.* Omnia quæcum-
que voluit, fecit. At Deus definiendo voluit, ut Fi-
lius hominis Christus vaderet in mortem *Luc. 22.*
Filius hominis, sicut definitum est, vadit. Hic ipse verò
actus vadendi in mortem processit à Voluntate
Christi humanâ quâ operante cum indifferentiâ
activâ, & Dominativâ. Unde *Isa. 53.* dicitur,
Oblatus est, quia ipse voluit. Ille igitur Voluntatis
humanæ Christi actus quâ procedens ex indiffe-
rentiâ Dominativâ arbitrij ipsius creati ut sic li-
bertatem in actu secundo, sive liberæ actualis de-
terminationis rationem formaliter participans
erat volitus, ac definitus à Voluntate divinâ.
Hæc ipsa verò Dei volitio definiens habet ratio-
nem Causalitatis, quæ non potest intelligi con-
sequens, vel tantum concomitans, sed antece-
dens suum effectum. Oportet igitur, Volunta-
tem divinam, vi cujus actus ille Christi tanquam
actualis ipsius creati arbitrij cum indifferentiâ
Dominativâ operantis determinatio erat definitus,
fuisse antecedentem, utpote causalivam li-
beræ determinationis Voluntatis humanæ Christi
ad vadendum in mortem.

Confirmatur. Causalitas enim respectu effe-
ctus dicit essentialiter prioritatem Agentis. At
Causalitas etiam essentialiter importat determi-
nationem Causæ ad effectum cum infallibili hu-
jus ex illâ consecutione, seu emanatione. Vel
igitur Voluntas divina non est per modum a-
ctualis Causalitatis causaliva liberæ creati arbi-
trij determinationis, vel habet respectu hujus
prioritatem determinationis ex se infallibiliter
inferentis, seu producentis creati arbitrij libe-
ram determinationem. At prius dicere repug-
nat rationi Primæ Causæ, ejusque à Patribus as-
sertæ Causalitati primæ & universali. Oportet
igitur, cum Patribus sæpè citatis, fateamur in
Deo Voluntatem omnium operum nostrorum
ipsius etiam liberæ determinationis prædefiniti-
vam, & ut sic præfiniendo causalivam, D. Acha-
natio super illo 2. ad Ephes. 4. *Creati in operibus bonis,*
quæ preparavit Deus ita dissente: Hæc paravit Deus,
quæ differri non poterunt, neque prætermitti, quin peragantur,
tanquàm Divinitus sibi prædefinita, quousque sit pro-
cedendum, idque per nullam erga nos Providentiâ.

Instabis. Saltem actiones creati arbitrij pec-
caminosas non posse cadere sub Providentiâ di-
vinam prænitivam, sed Deum ad materiale
peccati concurrere vel tantum permissivè, vel
concurfu duntaxat simultaneo ac indifferenti.

Contra. Nam duo considerantur in pecca-
to Commissionis, alterum formale consistens in
malitiâ morali. Hæc verò non in Causam Effi-
cientem, sed secundum imputabilitatem reducitur in
Causam à reſtitutione debitâ Deficientem, etſi se-
cundum permissionem Primæ reſtitutionis regu-
læ conformem referatur in Deum, uti *supra q. 5. a. 5.*
com. 10. demonstratum est. Alterum in peccato est
Entitas realis physica actus peccaminosi; Hanc
verò in divinæ Voluntatis Causalitatem non nisi
præfiniendo, ac prædeterminando operativam
reduci debere ostensum est. *locis sup. citatis* atque
præter Authoritates ibi allegatas, adduci pos-
sunt sequentes desumptæ tum ex illo *Aſſer. 2.*
Hunc, scilicet IESUM, definito Consilio, & Pra-
ſcientiâ Dei traditum, per manus inſiquorum affligentes in-
termiſtis. tum ex S. Augustino *c. 7. de Corrupt. &*
Grat. ita disſerente: *Electi autem sunt ad regnan-*
dum

dum cum Christo, non quomodo electus est Iudas ad opus, cui congruebat: ab illo siquidem electus est, qui novit bene uti etiam de malis, ut per ejus opus damnabile, illud propter quod ipse venerat, opus venerabile completeretur: Cum itaque audimus: Nonne ego duodecim elegi, & unus ex vobis Diabolus est? illos debemus intelligere electos per Misericordiam, illum per Iudicium. Illos ergo elegit ad obtinendum regnum suum, illum ad effundendum sanguinem suum. Constat igitur, Traditionem Christi, ac effusionem ejus sanguinis non tantum quâ passivè in Christo receptam, sed etiam activè ab his determinatè hominibus exercitam fuisse quoad Entitatem actionis Electione Iudicij definitam, adeoque prædeterminatam, seu præordinatam à divinâ Providentiâ.

21. Ratio Fundamentalis ist. Nam Providentia est ordinatio rerum in Finem; Est autem aliud Dei Finis ipsius Volitionis divinæ formaliter identicè specificativus, qui est ipsa Increata Bonitas Dei non volentis, nec quidquam adeo causantis nisi propter semetipsum. Alius proinde Finis ex parte Volitorum est Voluntatis divinæ solum terminativus. Hic autem præcipuus est Bonum universi, in quod omnia Bona particularia ordinantur à Deo. At peccati malitia quâ Divinæ per Primam increatæ rectitudinis regulâ formaliter identicè regulatæ permissiōi subsistens ordinatur in divini Esse subsistentis independentiâ manifestandam: Peccati verò Entitas Positiva & physica per ipsius Esse in se expressam participationem ordinatur in primi Esse divini tanquam Fontis torius Esse Gloriam in ipso peccaminosæ malitiæ sceno sine maculâ resplendescensem. Insuper sicut iusti ordinantur Electione Gratiæ ad divinæ Misericordiæ splendorem, sic mali Electione Iudicij ordinantur ad ostensionem Iræ, & Potentiæ, ac Dominij divini. Patet igitur, peccatorum esse quandam Ordinationem in Finem, atque adeo Providentiam DEI. Atqui Ordinatio effectuum in Finem in tantum se extendit, in quantum se extendit Causalitas primi Agentis. ex S. Thomâ *præf. 2. 2.* Ex hoc ipso autem, quod Causalitas Primi Agentis se extendat usque ad omnia Entia, oportet non Ens esse ex negatione Causalitatis Primi Agentis. At sicuti Causalitas effectui alicui communicans Efficit in Deo Volitio, sic Nolitio Dei non decernentis Esse alicujus actûs est ratio carentiæ actûs illativa, quæ dicitur Permissio. Oportet autem terminum nolitionis æquè ac Volitionis Dei ordinatum esse in aliquem Finem, uti *sup. circa malitiam peccati dictum est.* Cum proinde ordinatio rerum in Finem se extendat, in quantum se extendit primi Agentis Causalitas: hæc verò ad omnia Entia se extendens Causalitas sit secundum Dei Voluntatem; sequitur, in hac divinâ Voluntate ira esse Decretum positivè causativum, atque ut sic ordinativum omnis Entitatis in Finem, ut consequenter non Entis, seu Privationis, atque adeo malitiæ sit in Deo Decretum permissivum, ac permittendo ordinativum malitiæ in Finem Bonitati increatæ convenientem. At eo ipso, quod ratio Causalitatis formaliter importet prioritatem, ac determinationem Causæ cum infallibili effectus consecutione, ac emanatione, oportet Volitionem divinam omnis Entitatis, atque adeo Entitatis peccati causativam, & ut

sic ordinativam in Finem habere rationem præordinationis, ac præfinitionis. Constat igitur, in Deo esse Providentiam Entitatis peccati præfinitivam, ac præfinitionem causativam, ac præordinativam, sicuti eadem Dei Providentia quâ malitiæ peccati permissiva importet divinam in Voluntatis Decretum ejusdem malitiæ non quidem in se volitæ, sed permissæ præordinativam in finem Bonitati suæ increatæ congruam.

Responsio ad opposita Argumenta.

AD Vasquezij *n. 4.* Oppositum Respondetur. In illa Doctrinâ latere venenum maxime perniciosum. Etenim ex Fidei Doctrinâ sciendum est, omnia, quæ sunt extra Deum, procedere ex ejus efficientiâ, ac Finalizatione. Hæc autem est Intentio Finis quâ excitans Electionem, ac Usus, seu Effectiōnem mediocrum Finis consecutionem sive phylicæ, sive moraliter causantium. At Causalitas sive Efficientis, sive Finalis est hoc ipso efficax, si consequatur eandem: Hæc verò Dei Causalitatis tam Efficientis, quam Finalis efficacia non potest esse supponens ullam formam abstractam Deo extrinsecam. Probatur illud Assumptum. Si enim forma abstracta aliqua extra Deum non supponeret Causalitatem Dei actu ejus efficientem, diceretur aliquid extra Deum non procedens ex ejus efficientiâ. At eo ipso, quod quævis formalitas Deo extrinseca supponat Causalitatem Dei, ex qua actu procedat, sequitur, Causalitatem Dei esse efficacem, id est, effectus actualiter producticem antecedenter ad omnem divinæ substantiæ intrinsecam realitatem. Unde etiam inferitur contra Vasquez, in Causalitate Dei per Voluntatem operantis, atque adeo in Volitione divinâ effectivè causantem efficaciam intrinsecam non petitam ex cooperatione cooperationis Causæ secundæ. At eo ipso, quod Deus non nisi propter Finem operetur fortiter, id est efficaciter a fine usque ad Finem aut ingens, oportet Dei ad extra operantis Causalitatem effectivè esse excitatam ab efficacis intentione Finis, saltem illius, quem in omni suo opere universa propter semetipsum operans Deus facit relucere. Sicut ergo Causalitatem Dei ad extra oportet esse efficacem antecedenter ad Causæ secundæ et operationem, cum hæc alioquin cooperatio non reduceretur in divinæ Voluntatis efficaciam Essentialiter includentem Causalitatis prioritatem: sic antecedenter ad nostri arbitrij cooperationem oportet in Deo ponere Intentionem efficacem Finis saltem Universalis relucens in nostris quoque liberis actibus.

AD Suarezij *n. 5.* oppositam rationem Respondetur: Numerum reproborum, vel etiam guttarum pluviae, atque arenarum maris non quidem per se, ac immediatè propter Bonum Universi, sed tamen ex alio intermedio Fine esse à divinâ Providentiâ præordinatum, ac præfinitum. Explicatur, & Probatur. Nam licet divinæ Voluntatis Finis motivus, ac specificativus non sit, nisi increata Dei Bonitas, ex parte tamen Volitorum Bonum Universi est ratio finaliter terminativa, propter quam omnes, ac singulæ creaturæ sunt à Deo volitæ. Atqui ex his aliæ per se tanquam partes Essentiales, seu principales, veluti Sphæræ cælestes, ac Elementares

22.

23.

24.

tarum ordinantur ad Bonum Universi, sicut ex hoc ipso, quod Universi Bonum reducatur ultimare in Dei Increatam Bonitatem, oportet, Creaturas Intellectuales ad huius ultimi Finis fruitionem electas ordinari principaliter ad Bonum Universi. Aliæ proinde creaturæ, veluti Individua corruptibilia non per se ordinantur ad Bonum Universi, sed quasi secundario, in quantum in eis salvatur Bonum Speciei, vel altiori peculiaris divinæ Providentiæ Fini inserviunt. Hæc igitur non per se, ac immediate sunt intentæ propter Bonum Universi, sed per alium intermedium divinæ Providentiæ Finem reduci debent in Bonum Universi? sicuti numerus reproborum est ex altiori suæ divinæ Providentiæ Iudicio præfinitus, ex hoc, quod reprobi sint præordinati à Deo in Bonum Electorum, quibus omnia cooperantur in Bonum. Quamvis igitur omnes, etiam minimæ creaturæ sint per divinam Providentiæ definitæ ex efficaci alicujus saltem universalis Finis intentione, ita ut omnes capilli capitis nostri sint numerati, nec unus ex passeribus cadat super terram sine Patre celesti, aliquæ tamen creaturarum particularium sunt per se immediate præordinatæ in Bonum Universi, aliæ verò mediante aliquo intermedio subinde altiori divinæ Providentiæ Fine reducuntur tum in Bonum Universi, tum ultimare in Finem Bonitatis Increate per divinam Providentiæ omnium in Individuo præfinitivam.

25. Ad ejusdem Suárezij n. 6. oppositum Fundamentum Respondetur. Ex divinæ quæ primæ, ac universalis Causalitatis ratione necessarium esse, nihil realitatis, atque adeo veritatis ultra statum possibilitatis esse intelligibile, nisi descendens ex Causalitate Dei operantis omnia secundum Consilium Voluntatis suæ. At eo ipso, quod de Essentia Causalitatis ratione sit tum prioritas, tum determinatio ad effectum, oportere illam divinæ Voluntatis Causalitatem esse tum prioritate determinativam, atque adeo prædeterminativam omnis realitatis, atque adeo Veritatis ultra statum possibilitatis intelligibilis. Unde eatenus ruere Scientiam Mediam, ut ipsam etiam omnis effectus creati effectricem divinæ Providentiæ causalitatem oporteat esse præfinitivam, ac prædeterminativam.

26. Ad Molinæ n. 7. oppositum argumentum Respondetur. Distinguendo illam S. Augustini propositionem. Vera enim est illi eo sensu, quod sine peccato cedatur illi Causæ, cui taliter non potest resisti, ut in actu Primo non causet, imò tollat indifferentiam activam, & Dominativam. At licet Herodes, & Pilatus cum Gentibus, & Populis Israel convenerint facere circa Christum, quæ manus & Consilium Dei decreverunt fieri. ex Act. 4. nec verò quisquam resistere possit divinæ Voluntati. Esther. 13. Nihilominus ista Dei Voluntatis non abstulit ab Herodis, ac Pilati Voluntatibus indifferentiam agendi Dominativam, sed ex hac secundum talem indifferentiam, atque adeo libere operante eduxit Volitionem in ratione Entitatis ex divinâ immanente Causalitate, cum ipso libertatis modo prædeterminatam, ut ratione verò malitiæ non imputatam, nisi Herodis, ac Pilati libere operantibus Voluntatibus. Cum igitur Providentiæ divinæ actum nostrorum liberorum præfinitivam non tollat à Voluntate nostrâ indifferentiam Dominativam & activam Boni-

taris saltem Entitatis in actu divinitus præfinito operativam, consequenter vi Providentiæ divinæ nec tolli libertatem, nec Voluntatis creaturæ peccabilitatem.

27. Ad Francisci de Lugo n. 2. oppositum Respondetur. Ad rationem divinæ Prudentiæ, seu Providentiæ omnino requiri, divinum Intellectum habere tum certitudinem potestatis omnem, quod absolute vult, faciendi, tum infallibilitatem Mediorum congruorum ad efficaciter assequendum finem absolute intentum. Verum hanc Mediorum congruitatem oportere his esse intrinsicam ex ipsa Essentiæ divinæ communicabilitate vi Scientiæ simplicis Intelligentiæ representatam in divino Intellectu, in eorumque Naturâ & Essentiâ ut sic participatâ objective expressam. Insuper illam congruentiam quoad statum effectus ex ipsa tanquam Causalitate per se determinatâ infallibiliter secuturi debere eatenus subjectam esse divinæ Voluntati, ut ex huius Causalitate libere præfinitivâ descendat. Unde Mediam Conditionatorum Scientiam non tantum esse inutilem divinæ Providentiæ, sed huius destruktivam.

28. Ratio Fundamentalis est. Nam per Scientiam Mediam antecedenter ad omne Decretum Dei, atque adeo ordinationem Divinam præsupponuntur omnes actus creati liberi in quolibet rerum peristali ex hypothesi cujuscvis determinatæ combinationis re ipsâ futuri. At Providentiæ est ordinatio rerum in Finem. Oportet igitur, illos eventus liberos sub quacumque combinatione hypotheticæ futuros non esse sub Dei Providentiâ. Ex hoc autem fit, aliquid realitatis ultra possibilitatis statum in creatis esse extra divinam Providentiæ, quam oportebit adeo non esse universalem, imò cum eadem sit substantia actus liberi absolute, ac hypotheticæ futuri, ac isti solum quoad modum differant, consequens erit, actus nostros liberos non tam quoad substantiam, sive etiam quoad determinationem Existentiæ, utpote antecedenter ad Dei Causalitatem jam supergressæ possibilitatis statum, quam quoad purificationem conditionis stare sub Dei Providentiâ. Ex hoc autem rursus sequeretur, non esse verum illud S. Thomæ præf. q. 22. a. 2. effatur, Necesse nimirum esse, omnia in quantum participant esse, intantum sub di Divinæ Providentiæ. Consequens adeo est, Scientiam Conditionatorum Mediam non tantum non esse proficuum, sed destruktivam divinæ Universalis Providentiæ.

CONTROVERSIA III.

In quo actu formaliter, ac Essentialiter consistat Providentiæ Dei?

1. Doctoribus antiquioribus de hoc jam erat Controversia aliqua, nonnullis in Intellectu, alijs in Voluntate ponentibus Dei Providentiæ.

Referuntur Sententiæ.

D Bonaventura in 1. dist. 40. a. 1. q. 2. Scotus 1. ed. dist. q. 101. n. 1. arbitrati sunt, Prædestinationem

tionem, seu Providentiam dicere formaliter-
rum Voluntatis. Fundamentum est. Nam
Matth. 20. prædestinati dicuntur Electi. Et ad Ephes.
14. Prædestinatio vocatur Propositum Dei. At-
qui Electio & Propositum est actus Voluntatis. Er-
gò Prædestinatio est actus Voluntatis divinæ
condistinctus à Præscientiâ, juxta illud ad Rom. 9.
Quos præstavit, & prædestinavit. Atqui Prædesti-
natio est pars divinæ Providentiæ. Oportet igitur,
Dei Providentiam consistere in actu Volun-
tatis, quo suppositâ Finis efficaci Intentione, ac
mediorum ad ejus consecutionem congruorum
cognitione Deus ista eligit, ac proponit execu-
tioni mandare: juxta illud S. Damasceni 2. de
Fide. c. 29. asserentis: *Quòd Providentia sit Voluntas*
Dei, per quam res omnes apè, congrueque gubernan-
tur.

2. Hucroducti potest sententia Ochami in 3.
p. 9. 12. 4. 4. 1. 3. Heinrici quodlib. 6. exili-
mantium, actum Imperij, in quo divinæ Pro-
videntiæ rationem formalem *infran.* constitui-
mus, esse actum Voluntatis. Argumentum ad-
duci potest. Quia Providentia in Deo habet
rationem Prudentiæ Politicæ, ex dictis sup. cont. 1.
n. 6. At secundum Aristotelem 4. Ethic. c. 8. Pru-
dentia Oeconomica & Politica fert leges, & præ-
cepta, quatenus vult fieri, quod Intellectus judi-
care facienda. Oportet igitur Imperium,
quod est secundum Prudentiam, ac Providen-
tiam divinam, esse actum Voluntatis, S. Damas-
cenus ubi supra affirmante: *Providentiam nihil aliud*
esse, quam Dei Voluntatem.

3. Albertus Magnus 1. p. sum. tract. 17. q. 67.
memb. 2. Alensis 1. p. q. 28. Dei Providentiam
constituunt in actu tam Intellectus, quam Volun-
tatis. Fundamentum esse potest. Nam Pro-
videntia Dei optimè descripta videtur illis Ver-
bis Act. 4. *Quam manus tua, & Consilium tuum decreverunt*
fieri. Atqui non solum verbum *Decreverunt* sonat
operationem Voluntatis, sed per *Manum* etiam
significatur Metaphoricè Voluntas; per Consi-
lium autem indicatur Intellectus operatio. O-
portet igitur Prudentiæ divinæ rationem ponere
simul in actu Intellectus, & Voluntatis Sacris
Litteris, ac Patribus ad stipulantibus; dum Pru-
dentiam, & Prædestinationem modò dicunt
Præscientiam, Consilium & rationem, quæ sunt
operationes Mentis, modò Electionem, Dile-
ctionem; ac Procuracionem, quæ sunt opera-
tiones Voluntatis, modò denique Propositum,
Dispositionem, ac Ordinationem, quæ videntur
indifferenter se habere ad actus Intellectus, &
Voluntatis.

4. D. Thomas præ. q. 22. a. 1. ejusque Dis-
cipuli rationem divinæ Providentiæ formaliter
constituunt in actu Intellectus, qui habet ratio-
nem Imperij, veluti præter alios Thomistas
sentiant Joannes à S. Thomâ 2. 2. disp. 7. art. 3.
Gonet 19. 3. disp. 8. a. 2. §. 1. & Laos in præ. q. 22. a.
2. 1. dub. an. Item q. 23. a. 1. dub. 2. & 3.

CONCLUSIO. I.

Inter actus Divini Intellectus Practici,
Iac Voluntatis ad extra operativæ talis
signorum rationis est constituendus Or-
do, ut in primo signo intelligatur Scien-
tia simplicis intelligentiæ non tantum quæ

representativa Finis cuius referretur con-
grui, sed etiam quæ per simplicem com-
prehensivam noticiam consiliativa Me-
diorum. Hanc proinde in secundo sig-
no intelligitur consequi Intentio Finis, ac
Mediorum Electio. Utam vero in tertio
signo intelligitur consequi ratio ordina-
tiva ad utrum, & executionem Medio-
rum, quæ Executio quæ immanens Vo-
luntati Divinæ per modum Causalitatis
ad extra inexistens intelligitur in Deo
pro quarto rationis nostræ rationatæ
signo.

Explicatur, & Probatur. In Deo esse Pru-
dentiam, evincitur ex illo Proverb. 3. *Dominus Sa-*
pientiâ fundavit terram, stabilivit Cælos Prudentiâ. Est
autem Prudentia recta agibilium ratio ordinati-
varetum in Finem. ex S. Tho. præ. q. 22. a. 1.
Atqui alia agibilium ordinativa ratio est consi-
liativa, quæ utpote directiva Mediorum Ele-
ctionis, hanc præcedit, alia verò est præceptiva,
post Electionem imperans Mediorum Executio-
nem. ex eod. S. Doctore. 1. 2. q. 17. 3. ad 1. Opor-
tet igitur in Dei quoque Prudentiâ per Intel-
lectum nostrum distinguere formalitates rationis
Consiliativæ, ac Imperativæ.

Confirmatur argumento Angelici Docto-
ris petito ex 1. 2. q. 17. art. 1. Quando enim duo
gentia ita se habent, quòd unum moveatur, ac
recipiat impressionem ex alio, tunc agens mo-
tum potest habere duplicem actionem; alteram ex
proprio, ac intrinseco principio, alteram verò ex
impressionem superioris agentis. Sic enim Sphæ-
ra Solis ex proprijs movetur à Septentrione ad Au-
strum, ex impressione autem primi mobilis mo-
vetur motu diurno ab Oriente in Occidentem.
Atqui Voluntas, & Intellectus comparantur ad
invicem tanquam duæ Potentiæ se mutuo mo-
ventes, siquidem Voluntas sit Motrix Intellectus
quoad efficaciam; Intellectus verò sit movens vo-
luntatem quoad specificationem ordinando, &
conferendo. Quare Voluntas ex proprijs habet
ipsam velle per modum duntaxat inclinationis, &
impulsus: ex participatione autem rationis ha-
bet velle cum Collatione sive Electivâ unius præ
alio, sive Ordinativâ unius v. g. Finis ad Media,
sive Mediorum ad Finem. Pari proinde ratio-
ne Intellectus ex proprijs solum habet cognosce-
re, manifestare, & dicere, ex impressione autem
Voluntatis potest intimare cum officiciâ represen-
tatâ, & participatâ à Voluntate. At ista per
Voluntatis divinæ efficaciam actuata, & specifi-
cata intimatio, seu rerum ad extra, quæ actualiter
efficiendarum representatio in divino Intel-
lectu habet rationem Imperij, per quod Deus
substantias incorruptibiles statuit in æternum
imponendo præceptum, quod non præteribit.
ex Psalm. 148. Hoc ipsum verò Intellectus divini
Imperium est ordinativum ipsius executionis,
seu actualis rerum factionis, juxta illud: *Quoniam*
ipse dixit, & facta sunt, ipse mandavit, & creata sunt, ex
dicto Psalm. 148. Atqui executio ejusmodi est passi-
vè quidem in creatis, activè tamen est in Deo o-
perante per Voluntatem, juxta illud: *Indit. 9. Hoc*
factum est, quod ipse voluit. Constat igitur, ad In-
tentionem Finis, ac Mediorum Electionem tan-
quam Voluntatis divinæ actum pro aliquo ra-
tionis

tionis signo præsupponi Intellectionem Finis, ac Mediorum collativam, & sub istâ collationis formalitate ordinativam Intentionem, ac Electionem: istam verò Intellectui Dei per formalem realem Identitatem eatenus imprimere efficaciam, ut hæc exciteret reâ divinâ Voluntate efficaciter intentæ in Dei Intellectu expressionem ordinatricem actualis per Voluntatem divinâ executionis.

Oppones. Intentionis Finis ac Electionis Mediorum inest formaliter perfecta divinæ Voluntatis efficacia. Hæc autem in actu secundo importat actualitatem reâ Deo volitæ quoad Esse actualis Existentiæ determinativam. At rei creatæ quoad Existentiæ actualis Esse determinatio in divinâ Voluntate habet hoc ipso rationem executionis. Superfluum igitur est, ponere tum in Intellectu Divini Imperij Ordinarivum executionis, tum in Voluntate Usus, seu executionem activam consequentem Voluntatis divinæ efficacem Intentionem, ac Electionem.

Contra: Nam ratione nostrâ ratiocinata oportet distinguere in Deo actualitatem Causalitatis Finalis, & Efficientis: istæ verò Causalitates ita inter se comparantur, ut Causalitas Finalis sit etiam in Deo virtualiter prior Causalitate Efficiente, siquidem illa formaliter importat aliqualem huius excitationem. Atqui Intentio Finis, ac Electio Mediorum spectant ad lineam Causalitatis Finalis, Executio verò ad lineam Causalitatis Efficientis, quæ in Deo est secundum Voluntatem. Sicuti proinde Voluntati divinæ secundum Intentionem, ac Electionem Mediorum præluceat Scientia simplicis Intelligentiæ quæ Finis, ac Mediorum ordinativa, atque ut sic consiliativa, sic eidem Voluntati divinæ quæ Executrici oportet præluceat Intellectionem Dei quæ representativam ipsius Existentiæ rei per Intentionem ac Electionem à Deo intentæ. Hæc verò Intellectio Dei ut sic est Visionis, rei quæ ad extra faciendæ Exemplativa secundum divinam Intentionis efficaciam sibi intrinsece communicatam intimatio, quam Imperij dicimus. Oportet igitur, Executionem Voluntati divinæ immanens, seu effectricem rerum ad extra faciendarum Causalitatem Dei virtualiter, & ratione nostrâ ratiocinatâ consequi ad Imperium divini Intellectus.

Confirmatur ex illo Iudic. 9. ipsum factum est, quod ipse voluisti. Omnes enim viae me paratæ sunt, & ita Iudicium in Deo Providentiâ constituitur. Nam factum esse, importat executionem. At factum est ex hoc, quod voluerit Deus. Ergo executio in Deo est Voluntatis. At volitio, secundum quam factum est aliquid, inest Deo, quia Iudicia sua in Providentiâ constituit: Iudicium autem importat actum Intellectus. Hoc ipsum verò Iudicium Dei attingit ejus vias quæ paratæ, adeoque secundum Esse Existentiæ. Illud igitur Iudicium Existentiæ rerum creaturarum in divinæ Intentionis efficaciam representativum est Prævium Volitionis divinæ, quæ Executrici.

CONCLUSIO II.

IN præfato Divini Intellectus Imperio formaliter consistit Providentiâ DEI.

Probat. Nam modus rerum, qui cum ipsâ divinâ Intelligentiâ puritate conspicitur, Providentiâ nominatur. ex Boetio lib. 4. consol. præd. 6. Hic autem per divinam Intelligentiam

representatus rerum modus non est secundum simplicem status præcise possibilitatis & præcise notitiam: sed Providentiâ est ipsa divina ratio in summo Principe constituta disponens omnia. ex cit. Boetio. Atqui divina omnium dispositiva ratio est rerum secundum Esse actualis Existentiæ in finem Ordinativa. Unde Providentiâ est ratio actualis rerum existentia representativa, & in finem Ordinativa. Eiusmodi verò radicatur in Decreto Dei formaliter identicè specificante rationem ejusmodi, eique adeo per formalem identitatem imprimere suam Efficaciam. At ratio Dei per Decreti divini Efficaciam actualis est præceptiva, habetque vim Imperij dicendo facientis, & mandando creatis quaecumque voluit Deus. Ergo Providentiâ Dei consistit in Imperio, seu ratione Dei præceptivâ. Doctore Angelico præd. q. 22. a. 1. ita differente: *Præcipere de ordinandis in finem, quorum rectam rationem habet, competi Deo, secundum illud Psalmi: Præcepimus posui & non præcibus, & secundum hoc competi Deo ratio Providentiæ.*

Dices. Prædestinationem, quæ est pars divinæ Providentiæ, esse propositum miserendi. ex S. August. lib. de prædest. sanct. c. 5. Atqui Propositum est actus Voluntatis. Ergo Providentiâ non consistit in Imperio rationis, sed divinæ Voluntatis. D. Damasceno lib. 2. Fides. c. 29, attestante: quod Providentiâ sit Voluntas DEI, per quam omnia, quæ sunt, convenientem deductionem suscipiunt. Unde Divus quoque Thomas in 1. dist. 41. q. 1. a. 2. ad 1. ait: Quod Electio voluntatis non est voluntatis absolute, sed in ordine ad intellectum ordinantem. Prædestinatio autem dicitur actum voluntatis absolute, qui sequitur ordinem istum.

Contra. Nullus enim dubitare, vel negare permittitur, ubi ait Apostolus: Non repulsi Deum plebem suam, quam præfivit, prædestinationem significari. ex S. August. lib. de Bono Pers. c. 11. At illa præscientia est reliquiarum, quas secundum Electionem Gratia fuerat ipse Deus factururus. ex cit. c. 11. Ergo prædestinatio idem est, ac præscisse, quod fuerat Deus factururus. ex dicto. c. 11. At hæc ipsa Præscientia est præparatio Beneficiorum Dei, quibus prædestinati certissime liberantur. ex præf. lib. de Bono Pers. c. 14. Oportet autem Præscientiam, cui est Efficacia Mediorum certissime liberantium præparativa, seu ordinativa, esse specificatam, & actualitatem per Decretum divinæ Voluntatis, per quam omnia sunt, quaecumque facta sunt. Constat igitur, Prædestinationem ita formaliter consistere in actu Intellectus per modum Imperij factivo, ut tamen divinæ Voluntatis efficax Decretum tanquam objectum Motivum formaliter identicè specificans, eiq; efficaciam communicans includat. Doctore Angelico 22. de Verit. a. 13. ad 1. attestante: In actibus animæ præcedentem actum includi quodammodo virtute in sequenti: Idcirco, quia Prædestinatio præsupponit Electionem, quæ est actus Voluntatis, in ratione prædestinationis includi aliquid pertinens ad Voluntatem. Quod ipsum insinuat S. Damascenus sup. citatus asserens, Providentiâ esse Dei Voluntatem, per quam rei convenientem deductionem suscipiunt. Etenim conveniens deductio importat deductionem ordinatam, & regulatam secundum proportionem Mediorum ad finem. At secundum Philosophum 2. Metaph. c. 2. Sapientis atque adeo rationis est, ordinare. Hæc autem ord-

ordinatio carens quoad efficaciam derivatur à Voluntate, ut tamen formaliter consistat in Intellectu. Voluntas igitur divina tanquam Ordinationis rerum in Finem quoad efficaciam Motiva est principium formaliter identice specificativum divinæ Providentiæ, ut hæc consequenter dicatur à Damasceno Voluntas, quod Voluntatem includat, & præsupponat, uti expressis verbis D. Thomas q. 1. de Verit. art. 1. respondit; cum prius in *sup. d. 4. 1. in Corpore* dixisset: Providentiam includere & Scientiam & Voluntatem, sed tamen essentialiter manere in cognitione non speculativa, sed practica. Atqui cognitio Dei quæ rerum in Finem ordinabilitatis secundum simplicem duntaxat intelligentiam representativa, atque ut sic cum certitudine consiliativa est practica solum in Virtute, non autem actu; unde potest etiam ad Scientiam speculativam pertinere. ex S. Doctore 1. p. q. 15. a. 3. Cum igitur Providentia Dei sit simpliciter practica, seu actu operativa, consequens est, ipsam consistere formaliter non in ratione prædictæ consiliativæ, sed præceptivæ, eodem Doctore Angelico 1. p. q. 3. a. 4. attestante, Providentiam, cujus pars est Prædestinatio, seu Prudentiam esse rationem in intellectu existentem præceptivam ordinationis aliquorum in Finem.

Responsio ad opposita Argumenta.

16. **A**D 1. oppositum Respondetur. Divinam Providentiam includere Divinæ Voluntatis Decretum non tantum quoad efficaciam sibi ex Voluntate Dei communicatam, sed etiam quoad executionem actualem Deo immanentem, habentem ut sic rationem activæ Gubernationis, importare formalitatem Divinæ volitionis. Ergo Prædestinationem quasi integraliter dicere actum quoque Voluntatis, etsi essentialiter non involvat, nisi actum Divini Intellectus per modum Imperij ordinativum rerum in Finem.

17. **A**D 2. oppositum Respondetur. Rationem rectè dici legem increatæ Sapientiæ, ac Prudentiæ, impositam aquis, ne transirent fines suos. *Prov. 1.* At eo ipso, quod Lex sit actus Prudentiæ, quæ secundum Philosophum est virtus Intellectualis, oportere illam esse formaliter actum Intellectus, etsi *Motivè*, ac *exemplarè* importet actum Voluntatis. Pari ergo ratione Dei Providentiam formaliter ut sic præceptivam esse essentialiter actum Intellectus, etsi quoad efficaciam *Motivè*, ac quodammodo *præsuppositivè*, & quoad executionem Gubernationis secundum rationem nostram ratiocinativam consequenter importet actum Divinæ Voluntatis: Sicuti de actu Imperij creati S. Thomas 1. 2. q. 3. ad 1. disseruit in hæc verba: Non omnis actus Voluntatis præcedit hunc actum, qui est imperium, sed aliquis præcedit, scilicet Electio, & aliquis sequitur, scilicet Usus, quia post determinationem Consilij, quæ est judicium rationis, Voluntas eligit, & post Electionem ratio imperat ei, per quod agendum est, quod eligitur, & tunc demum Voluntas incipit uti exequendo imperium rationis.

18. **A**D 3. oppositum Respondetur. Illo argumento rectè probari, Providentiam Divinam quasi integraliter importare actum non Intellectus duntaxat, sed Voluntatis quoque Divinæ iuxta quam considerationem Providentiæ ab Alberto

Magno cit. memb. 1. dicitur Cura provisiua: hæc enim quæ provisiua intelligitur secundum rationem Scientiæ, & Sapientiæ, sed quæ procuratio est, ex Voluntate: Doctore Angelico *præf. q. 22. a. 1. ad 2.* attestante: Curam duo importare, scilicet rationem Ordinis Providentiæ ut sic Essentialiter, nec non Providentiæ quæ Gubernativæ, constitutivam executionem adhibet in Voluntate Divinâ, passivè vero in rebus creatis existentem.

C O R O L L A R I U M

19. **I**nfertur 1. Qualiter Providentia Dei differat à Fato. Nam Fatum Catholicè sumptum secundum D. Augustin. *lib. 5. de Civit. d. 9.* dicitur à Fando. Semel autem locutus est Deus *Psalms. 6.* per suam Intellectionem exprimendo, & exemplando in æternitate totam Causarum seriem cum omnibus effectibus eo modo prodituris in temporis seu ævi mensurâ, quo modo in Voluntatis sui Decreto prænovit. Est igitur Fatum Catholicè dispositio exemplata à Providentiâ influxu & impressa secundum totâ Causarum naturalium, & Voluntariarum Ordinem rebus inherens, & quasi impressa, & incorporata rebus creatis, ut adeo Providentiâ, & Fatum differant ut Exemplar & Exemplarium, & sicut causa influxus, & forma influxa, ex Alberto Magno 1. p. sum. tract. 17. q. 18. memb. 1. a. seq.

10. **I**nfertur 2. Qualiter ratio Divinæ Providentiæ importet assecutionem Finis. Nam alius Dei Provisoris Finis est universalis: Hic autem est ipsa Bonitas ipsius Increata, quatenus secundum sui creaturis impressam participationem est in toto universi ordine representabilis. At eo ipso, quod Deus universa propter semetipsum operetur, oportet, illam Finis universalis assecutionem in actu signato Exemplariter esse de prædicatione Divinæ Providentiæ. Probatum illud Assumptum. Nam ratio Divinæ Providentiæ dicit imperium Divinæ Intellectionis non pure Exemplativum, sed ex Voluntatis Divinæ efficaciam formaliter identice cum actuante, ac specificante habet vim actualiter effectricem operis provisi, ac præintenti, seu prælecti à Divinâ Voluntate. At eo ipso, quod Deus universa propter semetipsum operetur ex consilio Voluntatis suæ, sequitur, nullum posse Divinæ Providentiæ opus esse, quin habeat in se impressum aliquem Divinæ participationis radium ex increatâ Bonitate. Hæc autem Divinæ Bonitatis participatio est formaliter assecutio Finis universalis Divinæ Providentiæ. At quia omnes Causæ particulares concluduntur sub Causâ universali, est impossibile, aliquid effugere Ordinem Divinæ Providentiæ. ex S. Thomâ *præf. q. 22. a. 1. ad 1.* In quo etiam sensu idem S. Doctor *sup. q. 19. a. 4.* disseruit: Voluntatem Dei, in quantum est Causa universalis, semper impleri, siquidem id, quod recedere videtur ab uno ordine, relinquitur in alium. Cum igitur omne id, quod in effectu est participativè, inexistat Causæ Exemplari idealiter, sequitur, Divinam Providentiam respectu omnium importare idealem, ac exemplativam Finem illius universalis consecutionem. Alius proinde Finis Divinæ Providentiæ est particularis, sicut Deus respectu improborum habet Providentiam

riam Ordinativam in Finem salutis æternæ. At huic etiam Providentiæ eatem inest efficacia, ut alicujus Medij, sive proximi, sive remoti omnium hominum in salutis æternæ Finem ordinativè sit actualiter causativa. Unde ex hac medijs ad salutem ord. nantis effectrice Causalitate *Actonomicè* denominatur Divina Providentia Voluntas signi de omnium salute. At verò sicut ista Signi Voluntas in Deo importat Voluntatem respectu Mediorum remote saltem sufficientium, non verò efficacium, vel ipsius etiam salutis absolutam, & efficacem, sic consequenter nequit inferre Finis illius particularis, seu salutis assecutionem. Constat igitur de ratione Providentiæ universaliter spectatæ non esse assecutionem Finis particularis, sed universalis; de quibus fufius agit Franciscus de Lugo lib. 1. de Deo uno. disp. 37. c. 3.

22. Inferitur 3. Qualiter accipiendum sit illud S. Thomæ 1. p. q. 23. a. 1. dicentis, Prædestinationem esse quandam Providentiæ partem. Et tenim Laos eod. a. 1. dub. 3. in fine cum alijs probabile judicat, posse intelligi de parte subjectivâ. Cujus ratio est, quia sicuti per operationem intellectus nostri distinguimus in Deo plures actus, ita possumus abstrahere ab illis rationem, & sub illâ concipere species subjectivas. Unde considerare licet Providentiæ tamquam rationem quandam genericam continentem s. b. se has duas species, scilicet Providentiâ naturalem, quâ providet Deus rebus in Esse Naturæ, & Providentiæ supernaturalem, quâ providet illis in Esse gratiæ. At hæc ipsa supernaturalis Providentia habet adhuc sub se alias duas species, scilicet Providentiæ efficacem Electorum, quæ est prædestinatio, & Providentiæ respectu Mediorum aliquo modo saltem sufficientium efficacem, sed respectu Finis salutis æternæ inefficacem circa non electos, quæ defectu nominis proprii retinet sibi nomen genericum supernaturalis Providentiæ. Verum in hac Doctrinâ est difficultas ex eo, quòd ad rationem generis non sufficiat communitas rationis, nisi hæc pro fundamento in resupponat communitatem, id est indifferentiam, sive potentialitatem ad Esse, uti sup. q. 2. a. 1. cont. 2. n. 9. dictum est. At licet per abstractionem Providentiæ circa hanc quædam rationis communitas resultet, ipsa tamen nequit ex parte rei habere in se aliquid potentialitatis. Sicuti ergo per istam abstractionem ratio Providentiæ non nisi latè potest dici generica, sic ejus partes nequeunt stricte loquendo vocari species, seu partes subjectivæ.
24. Quocirca Prædestinatio congruentius dicitur Providentiæ pars quasi integrans non tam ex

parte actûs importantis rationem simplicissimè omnino indivisibilis ad extra Imperij, quàm secundum aliquam Eminentialem Objectorum connotationem; siquidem prædestinatio sic ordinativa Mediorum duntaxat efficacium salutis æternæ infallibiliter causantium: Providentia verò communis ad omnia providenda se extendat secundum Ordinem in Finem Dei ad extra operantis universalem, scilicet Attributionum ipsius ostensionem.

Inferitur 4. Qualiter Providentia communis, ac Prædestinatio secundum rationem nostram in Deo intelliguntur differre. Nam Prædestinatio potest dupliciter accipi. 1. in latâ quâdam significatione pro ordinatione Divinâ cujusque rei ad Finem sive particularem, sive universalem præfinitivâ. Ut sic autem prædestinatio coincidit cum ratione Providentiæ generaliter spectatæ quâ includent s. Providentiæ Naturalem, & supernaturalem, tam efficacem erga electos, quàm respectu particularis Gloriæ finis inefficacem erga reprobos, nec non reprobationem, ac Providentiæ Ordinis Hypostatici. Est vero Prædestinatio sub tali generalitate in ordine ad Finem omnis ad extra operis Divini universalem considerata una quædam Directrix in Deo ratio Entium omnium Ordinativa, & effectiva; cujusmodi rationem substantificam, & factivam Divinus quoque Dionysius c. 5. de Divin. Nom. & S. Thomas ibid. Lect. 3. Prædestinationem, ac Præfinitionem vocandam ex sacris Litteris censuit. 2. Prædestinatio accipitur stricte pro solâ Electorum Providentiâ, & transmissione efficaci ad Gloriam. Ut sic autem Prædestinatio à Providentiâ naturali distinguitur tum ex Fine particulari Gloriæ, tum ex Medijs utpote supernaturalibus efficaciter ad finem salutis æternæ conferentibus. Deinde distinguitur à Providentiâ erga reprobos, quòd hæc non absolutâ efficacia attingat finem salutis, sed media duntaxat sufficientia actu conferat, & producat, arque Finis solùm universalis in ostensione Divinorum Attributionum assecutionem importet. Quam proinde Prædestinationis, ac Providentiæ differentiam insinuat Doctor Angelicus q. 6. de Verit. art. 1. taliter differens: In quâlibet ordinatione ad Finem est duo considerare, scilicet ipsum ordinem, & exitum, vel Eventum Ordinis: non enim omnia, quæ ad finem ordinantur, finem consequuntur. Providentia ergo ordinem in finem respicit tantum; Unde per Dei Providentiæ omnes homines in Reatitudinem ordinantur: sed prædestinatio respicit etiam exitum, & eventum Ordinis. Unde non est, nisi eorum, quæ Gloriam consequuntur.

25.

26.





QUAESTIO NONA

D E

DIVINA ELECTORUM AD
SALUTEM ÆTERNAM PRÆDESTI-
NATIONE.

1. **P**ROXIME diximus, hanc Prædestinationem esse efficacem ad Finem Gloriæ supernaturalis transmissionem respicientem exitum seu actualem efficientiam, & executionem Ordinis in Finem æternæ salutis. Ne verò quis arbitretur, hujus exitus, seu Finis consecutionis certitudinem esse ex ratione duntaxat Præscientiæ Divinæ, conditionatam liberæ cooperationis nostræ Decretum Dei actuale antecedentem Futuritionem præsupponehtis, apertè obstitit Angelicus Doctor q. 6. de Verit. a. 3. loquens in hæc verba: *Non potest dici, quod prædestinatio supra certitudinem Providentiæ nihil aliud addat, nisi certitudinem Præscientiæ; ut si dicatur, quod Deus ordinat prædestinatum ad salutem, sicut & quemlibet alium, sed cum hoc de prædestinato scit, quod non deficiet à salute: sic enim dicendo, non diceretur prædestinatus differre à non prædestinato ex parte ordinis, sed tantum ex parte præscientiæ eventus: ut sic præscientia esset Causa Prædestinationis, & Prædestinatio esset per electionem prædestinantis, quod est contra Authoritatem Scripturæ, & dicta Sanctorum. Unde præter certitudinem Præscientiæ ipse ordo Prædestinationis habet infallibilem certitudinem nimirum Causalitatis, uti clarè constat ex S. Doctore in 1. ad Annibal. dist. 40. q. 1. a. 3. ad 2.*

2. Ex quo patet, Prædestinationem importare non Mediorum duntaxat, sed ipsius etiam Finis salutis æternæ cum Causalitatis certitudine præordinationem, atque *Totaliter* spectatam includere quasi *integraliter* tum Voluntatis Divinæ Decretum Finis ac Mediorum salutis in ordine tam Intentionis, quàm Executionis præfinitivum; tum intellectus Divini rationem eorundem efficaciter præordinativam: in quâ etiam ratione, ceu Imperio efficacium salutis æternæ Mediorum cum intrinsecâ Finis consequendi certitudine, ac infallibilitate efficaciter productivo essentialiter consistere Divinam Electorum ad Finem salutis æternæ prædestinationem, ex dictis præced. q. 7. a. 2. liquet.

3. Hinc Prædestinatio ex S. August. lib. de Bono persev. c. 14. definitur *Præscientia, & Preparatio Beneficiorum Dei, quibus certissimè liberantur quicumq; liberantur.* Nam 1. Prædestinasse est in Deo quidem hoc præscisse, quod fuerat ipse factururus, ex eod. lib. de Persev. c.

12. Nihilominus Deus est potens præscire etiam, quæ ipse non facit, sicut quæcunque peccata, ex ejusdem S. D. lib. de Prædest. Sanctor. c. 10. Unde cum id solum, quod Bonum est, Præscientia Dei prædestinet, id est prius, quàm sit in re Imperij sui Divini Causalitatis præordinet, ex lib. 6. Hypognoet. oportuit definiendo Prædestinationem asserere, non esse duntaxat *Præscientiam, sed Preparationem*, id est Imperium in Divino Intellectu præordinativum Beneficiorum Dei.

4. 2. Præscientia preparativa, & ut sic in ratione imperij efficacia causativa ad rationem Divinæ Prædestinationis propriam determinatur ex connotatione talium Dei Beneficiorum, quibus certissimè liberantur Electi. Hæc autem liberatio est à morte æternâ. Nequit autem hujus Mortis esse liberatio, nisi per vitam æternam mortis illius, ceu privationis oppositæ formaliter expulsi. Unde prædestinatio est præparativa Beneficiorum Dei habentium certitudinem ex vi Causalitatis Divinæ prædestinationis, non verò ex connotatione Futuritionis liberæ creati arbitrij cooperationis antecedenter ad Voluntatis Dei actuale Decretum præscientiæ, ut aded illa per Molinam in præf. q. 23. a. 1. tradita definitio in sensu saltem per ipsum intento reiicienda sit, quod scilicet *Prædestinatio sit ratio Ordinis, seu Mediorum in Deo, quibus prævidet, creaturam rationalem perducendam in vitam æternam cum proposito eundem Ordinem exequendi.*

5. Quibus aded circa quidditatem Divinæ Prædestinationis suppositus, triplex occurrit, tribus Articulis discutienda principalis Difficultas 1. enim Articulum meretur illa celebris Controversia: *An Electio efficax ad Gloriam sit ante, vel post prævisa merita?* In 2. dein Articulo de Causis Prædestinationis: In 3. denique de ejus effectibus differemus.



ARTICULUS I.

Utrum Electio Efficax ad Gloriam sit ante, vel post prævisa merita.

1. **D**ARI quorundam ad Gloriam Electionem, seu Prædestinationem, evincitur ex illo ad Eph. 1. *Qui prædestinavit nos in adoptionem Filiorum per Iesum in ipsum.* Etsi enim hæc adoptio in Filios Dei inchoetur in viâ, ejus tamen perfectio consummabitur in Patriâ; dedit enim Deus potestatem Filios Dei fieri his, qui ex Deo nati sunt. *Joann. 1.* Hæc autem ex Deo Nativitas, de cujus ratione est esse in similitudinem Naturæ, in statu viæ ita fit secundum participationem Gratiæ sanctificantis, per quam reddimur confortes Naturæ Divinæ, ut tamen consummatæ in statu Beatitudinis simus futuri similes Deo, quoniam videbimus eum, sicuti est. *Joan. 1.* Unde illud *Rom. 8.* *Quos prædestinavit conformes fieri imaginis Filij sui,* maxime locum habet in conformitate imaginis Filij Dei secundum Gloriam, & Facientiam Divinæ Essentiæ intuitionem. De quâ proinde hominum in istam intuitivam Divinitatis Visionem prædestinatione dicitur *Ador. 13.* *Crediderunt, quotquot erant præordinati in vitam æternam.*

2. De hæc igitur prædestinatione, seu efficaci hominum ad Gloriam Electione celebris inter Scholasticos agitur Controversia: *Utrum sit ante, vel post prævisa merita?* Etenim pro sententiâ Electionem Prædestinatorum ad Gloriam post prævisa merita adstruente stant Vasquez 1. p. disp. 89. cap. 2. Molina hic q. 23. art. 2. & 3. & art. 5. disp. 1. memb. 6. & 11. Becanus to. 1. c. 11. de Voluntate. q. 4. n. 5. & cap. 14. de Prædest. q. 4. Lessius disp. 1. de Prædest. sect. 2. à n. 2. Ysambertus Sorbonicus ad præst. q. 23. disp. 4. Franciscus Amicus to. 1. disp. 15. sect. 4. à n. 61. & alij.

3. Ex opposito Electionem Prædestinatorum ad Gloriam ante prævisa merita ponunt communiter Thomistæ; nominatim Caietanus præst. q. 23. a. 4. Bannes ibid. in Comment. art. 4. & 5. §. His ergo opinionibus confutatis. Mathæus de Rispolis Controv. præst. lib. 1. q. 1. concl. 3. Ferrariensis 3. cont. gent. cap. 161. §. pro solutione. Alvarez lib. 5. de Auxilijs. disp. 37. Nazarius cit. q. 23. art. 1. cont. 2. Hieron. de Medicis hic art. 4. & 5. Serra eod. art. 4. dub. un. Ioannes à S. Thomâ to. 2. disp. 2. per totam. Ioannes Bapt. Gonet to. 4. disp. 2. art. 1. Petrus Labat 1. p. tract. 1. disp. 7. dub. 6. Quibus favent Scotus in 1. disp. 41. q. un. n. 11. Lychetus ibid. Bellarminus to. 3. lib. 2. de Grat. & lib. arb. c. 15. Suarez lib. 1. de Prædest. c. 2. Franciscus de Lugo lib. 1. de Deo uno. disp. 39. c. 4. n. 13. Philippus à Sanctissimâ Trinit. to. 1. disp. 18. dub. 2. & quàm plures alij.

(IHS.) 50

Quid ex antiquorum Theologorum Authoritate statuendum sit circa Prædestinationem ante vel post prævisa merita?

4. **A**ntiquiores Theologos, nominatim Albertum Magnum, Sanctos Bonaventuram & Thomam Aquinatem, nec non D. Anselmum inter primos Theologiæ Scholasticæ fundatores merito referendum, & ipsum denique S. Theologiæ Antesignanum, Gratiæ, ac Prædestinationis Divinæ Magistrum D. Augustinum in præsentī difficultate consulendos primò censuimus, moti tum à Lessio citato pro Prædestinatorum ad Gloriam Electione post merita prævisa allegante Albertum Magnum, S. Bonaventuram, & D. Anselmum; tum à Molinâ supra asserente, se non dubitare, quin doctrina de Electione post meritum prævisionem probè explicata sit conformis Doctrinæ S. Augustini, & S. Thomæ.

Referuntur Sententiæ cum suis præcipuis Fundamentis.

5. **E**X Alberto igitur Magno conatur Lessius citatus refutare Prædestinatorum ante prævisa merita efficacem Electionem, quatenus Magnus ille Doctor in 1. disp. 40. a. 11. docet, duo esse in prædestinatione, scilicet Scientiam, & Voluntatem; hanc verò respicere aliquid in opere nostro, cum tot velit, quot bene usuri sunt Gratiâ dandâ, & non plures; & si plures essent usuri Gratiâ, tunc ab æterno voluisse plures: Cui conformiter seq. disp. 41. a. 3. tradit: Ex parte effectûs, in quo determinabilis est prædestinationis, & reprobatio ad tempus, habere prædestinationem rationem meriti, non tamen Causam finalem.

6. Divus Bonaventura pro prædestinatione post prævisa merita à præfato Lessio inducitur in 1. disp. 41. a. 1. q. 2. ita differens: *Sed cavendum, ne dum Voluntatem Dei magnificare volumus, potius voluntati ejus derogemus; si enim non esset ratio, quare Deus istum eligit, & illum non, nisi quia placet, certe jam non occulta dicerentur iudicia Divina, sed manifesta, cum quilibet hanc rationem capiat, nec dicerentur mirabilia, sed potius Voluntaria.*

7. Divus Thomas in eandem sententiam trahitur à Lessio sup. citato: Primò, quòd Doctor ille Angelicus non agnoscat prædefinitionem operum, & Gratiarum efficacium pro singulis operibus bonis ante prævisionem nostræ cooperationis, ex q. 6. de Verit. a. 3. Secundò, quòd dicat in 1. p. q. 23. a. 4. ad 3. Deum velle omnes homines salvos fieri Voluntate antecedente: discretionem autem Electorum, & reproborum factam esse Voluntate consequente, quæ nimirum sequitur prævisionem operum. Tertiò, quòd apertè dicat in 3. p. q. 1. a. 3. ad 4. Prædestinationem supponere Præscientiam Futurorum.

8. S. Anselmus ab eod. Lessio cit. sect. 2. n. 21. allegatur, quòd in lib. de concord. Præscient. & Prædestin. cum lib. arb. doceat cap. 2, Prædestinationem

Z z

non

non adferre maiorem necessitatem, quam Præscientiam. Hæc verò non adfert, nisi necessitatem consequentem, qualis est, dum dico si hoc est futurum, necesse est, ut aliquando sit. ex eod. Sancto c. 1. Sicut ergò Præscientiam, sic Prædestinationem oportet esse posteriore n operibus nostris, à quibus objectivè pendet Præscientia, atque adeò Prædestinatio Dei.

9. S. Augustini pro sententiâ suâ Lessius cit. scilicet. 2. n. 9. producit locos quindecim, è quibus duos præcipuos hic ponemus, cæteros in progressu, ac præsentis difficultatis discussione examinaturi, Primus igitur locus sit ex lib. 1. ad Simplician. q. 2. ubi explicans illud Apostoli: *secundum Electionem propositum Dei manet*, differit in hæc verba: *Non ergo secundum Electionem propositum Dei manet, sed ex proposito Electio; id est non quia Deus invenit bona opera in hominibus, que eligat, idè manet propositum iustificationis ipsius, sed quia illud manet, ut iustificet credentes, invenit opera, que jam eligat ad regnum Celorum. Nam nisi esset Electio, non essent Electi, nec rectè diceretur, quis accusabit adversus Electos Dei.* Ex quo patet, Propositum iustificationis (id est Decretum dandi Gratiâ iustificante) esse n Deo ante Electionem. Oportet igitur Electionem non præcedere iustificationem ac merita fundata in iustificationis Gratiâ. eod. S. Doct. paulò infer ita differente: *Non tamen Electio præcedit iustificationem, sed Electionem iustificatio, nemo enim elegitur, nisi jam distans ab illo, qui requiritur; unde quod dictum est, quia elegit nos Deus ante mundi constitutionem, non video quomodo sit dictum, nisi Præscientiâ.*

10. Secundus Locus sit ex serm. 7. de Verb. Domini. ubi S. Augustinus ita loquitur: *Elegit autem Deus, sicut inquit Apostolus, & secundum gratiam, & secundum iustitiam.* Atqui per Electionem secundum gratiam, quæ non est ex meritis, fit quis fidelis; Electio verò secundum iustitiam ex meritis est ad Gloriam. Unde idem S. Doctor illud Apostoli: *Reliquia secundum Electionem Gratiæ salva facti sunt*, explicans loc. cit. ait: *Errò illos elegi, quia vidi mentes eorum de me præsumentes non de se Basl.*

CONCLUSIO

EX mente SS. August. Anselmi & Thomæ Aquin. Prædestinatorum efficax ad Gloriam Electio ante prævisionem Perseverantiæ Finalis, atque adeò meritum, adstruenda est.

- II. Probatur. Nam illi dicuntur Electi, qui secundum propositum sunt vocati, quiq; prædestinati, atq; præsciti. lib. de corrept. & Grat. c. 7. Hi autem sunt electi ad regnandum cum Christo. ex eod. c. 7. At quoniam secundum propositum vocati sunt, profectò electi sunt per Electionem gratiæ non præcedentium meritum, quia gratia est illis omne meritum. ex cit. c. 7. Constat igitur, Electionem ad regnandum cum Christo non esse præcedentium meritum, sed Gratiæ.

11. Confirmatur ex eod. S. Doctore cap. 9. ejusdem lib. de Corrept. & Grat. taliter differente: *Hi ergò Christo intelliguntur dati, qui ordinati sunt in vitam æternam. Ipsi sunt illi prædestinati, & secundum*

propositum vocati, quorum nullus perit. At per hoc nullus eorum ex bono in malum mutatus finit hanc vitam, quoniam sic est ordinatus, & idè Christo datus, ut non pereat, sed habeat vitam æternam. Ex quo ita licet argumentari. Hi, qui Christo dati sunt ordinati in vitam æternam, sunt illi prædestinati, & secundum propositum vocati, quorum nullus perit: At per hoc nullus eorum ex bono in malum mutatus finit hanc vitam, quoniam sic est ordinatus. Hæc autem Particulæ *ly per hoc, & ly quoniam* important Causalitatem. Ergò ordinatio in vitam æternam importat prioritatem Causalitatis, vi cuius nullus ex bono in malum mutatus finit hanc vitam, atque adeò perseverat in Gratiâ Finali. At non nisi usque in Finem bene operantibus proponenda est vita æterna tanquam merces bonis eorum operibus ac meritis fideliter reddenda. ex Conc. Trid. sess. 6. de iustific. c. 16. Unde merita quæ efficaciter causativa vitæ æternæ dependent ex Perseverantiâ Finali. Cum igitur ista Perseverantia sit ex causalitate Divinæ Prædestinatorum Electionis, ac in vitam æternam præordinationis, consequens est, prædestinationem Electorum non posse intelligi posteriorem Præscientiâ meritum, quæ vitæ æternæ actu efficientium.

Respondebis cum Amico cit. disp. 15. scilicet. 4. n. 117. allegatos ex S. August. lib. de Corrept. & Grat. cap. 7. & 9. locos intelligendos esse de Electione ad Gratiâ efficacem: Cum enim ista sit virtualis, & inchoata Electio ad Gloriam, idè prædestinatos ad eam dici electos ad regnandum cum Christo. Fundamentum hujus Responsi desumitur ex eod. S. Ecclesiæ Doctore cit. c. 7. de prædestinatis, seu vocatis secundum propositum asserente, quòd *sint electi per electionem gratiæ, non præcedentium meritum.* Eisdem verò Electos idem S. Doctor ait, à Massa perditionis esse discretos *Gratiæ largitate, & præscientiâ.* Alibi intellexisset Electionem ad Gloriam, dixisset, eos discerni voluntate, & Electione ad Gloriam, quæ Præscientiam, & Gratiæ largitatem antecedit, & primò, ac principaliter prædestinatos à Massa perditionis discernit.

Contra. Nam vocati secundum propositum sunt prædestinati conformes fieri Imaginis Filij Dei. ex S. August. cit. c. 7. & c. 9. Atqui taliter prædestinati sunt illi Electi ad regnandum cum Christo. ex cit. c. 7. De his autem dicit Apostolus, esse glorificatos, utendo verbo præteriti temporis de re etiam futura, tanquam jam fecerit Deus, quæ jam ut fierent, ex æternitate disposuit Deus. ex cit. c. 9. At sub istâ glorificatione intelligenda est illa Gloria, de qua dicitur, cum Christus apparuerit vita vestra, tunc & vos apparebitis cum illo in gloria. ex cit. c. 9. Ergò Electi ad regnandum cum Christo sunt eatenus prædestinati conformes fieri Imaginis Filij Dei, quatenus sunt à Deo præordinati, ut cum Christo apparentes in Gloriâ habeant vitam æternam. ex cit. c. 9. Atqui ex hoc diligentibus Deum omnia cooperantur in bonum, his qui secundum propositum vocati sunt Sancti, quoniam quos ante præscivit & prædestinavit conformes fieri Imaginis Filij sui. ex cit. c. 7. In his autè verbis per *ly quoniam* importatur Causalitas hisce verbis expressa: *Quos autè prædestinavit & vocavit, quos autè vocavit, hos iustificavit, quos*

autem iustificavit, illos & glorificavit. ex tit. c. 7. Ergo Prædestinatio, quæ electi sunt prædestinati conformes fieri Imaginis Filij Dei; est Causa, per quam omnia vocatis secundum propositum cooperantur in Bonum. Hæc autem in Bonum cooperatio formaliter importat rationem meriti. Ergo merita sunt secundum Causalitatis posterioritatem consequentia prædestinationem seu præordinationem ad Gloriam; & vitam æternam. Unde hæc ipsa Prædestinatio; seu Propositum Dei est Electio Gratiæ non præcedentium meritorum; vi cuius adeo Electionis prædestinati ita Divinæ Gratiæ largitate sunt discreti à malsâ perditionis, ut hæc ipsa Divinæ gratiæ largitas à Deo emanans sit secundum propositum; non Electorum; sed Dei. Constat igitur, prædestinationis Divinæ propositum vocari Electionem Gratiæ non ex hoc, quod respiciat præteritâ Gratiæ efficacem; non verò Gloriam; sed quia non est præcedentium meritorum. Ergo prædestinatio Sanctorum ad Gloriam non est ex meritis, seu post prævisa merita.

15. Replicabis cum Lessio *disp. de Prædest. sect. 4. n. 57.* allegatum S. Augustinum de *Corrupt. & Grat. cap. 7.* omnino favere Electioni ante prævisionem operum; nisi quis consideret illius Sancti scopum, qui erat, docere; Omnia bona opera; & ipsam Perseverantiam non esse ex nobis, id est; nudis liberi arbitrij viribus, sed esse ex Gratiâ, & Dona Dei, sicut etiam discretionem à malsâ damnationis; & electionem ad Gratiâ iustificationis; & ad Gloriam non esse ex operibus; sed ex Gratiâ, & Gratuitâ Dei Misericordiâ. Quando verò dicit *hæc non esse ex operibus*, non excludere opera, ut sunt ex gratiâ; sed solum opera facta ante gratiam, & fortè opera quâ parte sunt ex nobis, liquidem nulla opera nostra, ut ex nobis sunt, horum aliquid merentur.

16. Contrâ. Nam quis S. Augustini in *lib. de Corrupt. & Grat.* scopus fuerit, apertè constat ex Epistola D. Prosperi ad eundem S. Doctorem duobus subnexis libris *de Prædestinatione; & de bono Perseverantiâ.* Cum enim D. Augustinus edidisset librum de Corruptioe & Gratiâ, nonnulli referente S. Prosperi in *tit. epist.* qui persuasionis suæ impediti obscuro avertentes à veritate facti inter Professionis suæ Semipelagianæ reliquos Articulos statuerunt sequentes. 1. Deum eos, qui crediduri sunt, quivè in eâ Fide, quæ deinceps per Dei Gratiâ sit juvanda, mansuri sunt; præcisse ante mundi constitutionem, & eos prædestinasse in regnum suum; quos gratis vocatos, dignos futuros Electione; & de hac virâ bono fine excessuros esse præviderit. 2. Vocationis Dei propositum, quo vel ante mundi constitutionem, vel in ipsâ conditione humani generis eligendorum; & reijciendorum dicitur facta discretio; ut secundum quod placuit creatori; alij vasa honoris; alij vasa contumeliæ sint creati, & lapsis curam resurgendi adimere; & Sanctis occasionem temporis adferre; imò sub hoc Prædestinationis nomine fatalem necessitatem induci. Hinc 3. S. Prosper circa finem suæ Epistolæ patet demonstrari, tum quemadmodum per prædicationem propositi Dei, quo fideles fiunt, qui præordinati sunt ad vitam æternam, nemo eorum, qui cohor-

tandi sunt, impediantur, nec occasionem negligentiae habeant, si se prædestinatos esse desperent: tum qualiter diluatur sententia illorum, qui propositum; & Prædestinationem Dei secundum Præscientiam receperunt, ut ob hoc Deus alios Vasa honoris, alios contumeliæ fecerit, quia Finem uniuscujusque præviderit.

Ad quæ D. Augustinus responsurus in *prim. lib. de Prædest. Sanct.* advertit, radicem totius Semipelagianismi esse unicam, quod adhuc caligant in questione de Prædestinatione Sanctorum. Ad quam proinde lucidissimâ illius S. Ecclesiæ Doctrinæ Doctrinâ abstergendam caliginem ita licet argumentari. Est enim præclarissimum Lumen Prædestinationis ipse Mediator Dei; & hominum Homo Christus Iesus. ex *tit. lib. de Prædest. c. 13. in prim.* Nam & ipsum Dominum Gloriæ; in quantum homo factus est Dei Filius, prædestinatum esse, ex pacto didicimus; *post med. ejusd. cap.* Sicut ergo Prædestinatus est ille unus, ut Caput nostrum esset; ita multi prædestinati sumus, ut membra ejus essemus. *post med. dicti c. 15.* Atqui ut homo Filius Dei factus esset prædestinatus, nullis humanâ Natura, quæ in ipso est, meritis comparavit; ex *cod. c. 15. circa finem.* Pari ergo ratione merita humana conticebant in eo, quod multi sint prædestinati, ut essent membra Christi. *ibid.* Atqui hos prædestinatos Filios suos, ut eos faciat membra prædestinati unici Filij sui, vocat certâ vocatione eorum, qui secundum propositum vocari sunt, quos præcivit, & prædestinavit conformes fieri Imaginis Filij sui. ex *seq. c. 16. in init.* Hæc ipsa verò vocatio est, quæ sunt Electi, non qui eliguntur, ut credant. ex *cap. 17. in prim.* At ista Electio facit Divites in fide, sicut hæredes regni Cælestis, redè liquidem in eis hoc eligere dicitur, quod ut in eis faciat; *post eligi ex tit. c. 17. circa finem.* Est igitur in Deo Electio; seu propositum, quod sit Causa tam Fidelis, quàm hæreditatis regni Cælestis Prædestinatis à Deo præordinate, ut ejus effectus sint vocatio illa certa, nec non iustificatio; sicut etiam glorificatio illo utique fine, qui non habet finem. At veritas rei à Deo præscitæ non tantum secundum adversarios est antecedens Divinam Præscientiam, sed secundum nostram quoque Doctrinam præsupponitur jam ex Dei efficaci Intentione, ac Prædestinatione, in qua Deus suâ futura facta præcivit. ex *cod. c. 17.* Cum igitur prædestinatio Divina Glorificationis æternæ effectrix eligendo faciat Divites in fide, sitque adeo Causa Meritorum nostrorum, quæ tantum facta sua Deus præscit in suâ prædestinatione, oportet, Prædestinationem Electorum ad Gloriam non esse post prævisionem meritorum.

18. Confirmatur 1. Nam prædestinatione illâ nos Deus elegit in Christo ante mundi constitutionem; ut essemus sancti, immaculati in conspectu ejus, in Charitate, prædestinans nos in adoptionem Filiorum Dei secundum propositum suum; ut simus in Laudem Gloriæ ejus utique Sancti, & Immaculati. ex *cod. S. Ecclesiæ Doctore c. 18. per m.* At propter hoc ita vocat Electos prædestinans ante mundi constitutionem, ut ex hoc proposito sit illa Electorum propria vocatio, quibus omnia cooperantur in Bonum. ex *tit. c. 18.* Hæc autem cooperatio in Bonum

Bonum ita est Donum Dei dantis nobis velle, & operari, ut sit etiam meritum nostrum à Deo donatum per Electionem Misericordiae, per cuiusmodi Gratiae, non autem Iustitiae, seu Meritorum Electionem Reliquiae in aeternitate secundum Divinam Prædestinationem jam factae sunt, ex cit. lib. de prædest. c. 61. 7. et seq. & alibi sapè. Ergo etiam merita per Gratiam Dei donata, atque aded prædestinata sunt effectus Electionis ad Gloriam, ita ut propter hanc vocet Deus Prædestinatos illo ipso electionis Gloriam prædestinantis proposito, quod sit Causa propria Electorū Vocationis, facietis omnia in Bonum seu Meritum cooperari. Oportet igitur, ordine non duntaxat Causalitatis efficientis Prædestinationem Electorum ad Gloriam ponere antècedenter ad Vocationem, atque aded Præscientiam meritorum, sed ordine etiam Intentionis debet secundum prioritatem Virtutalem, atque aded ratione ratiocinata adstrui in Deo prior Electio Prædestinatorum ad Gloriam, quam Decretum seu propositum certae, sive efficacis Vocationis: hoc enim apertè indicant illa verba S. Augustini ubi supra asserentis: propter hoc, quod Deus operetur secundum propositum suum, ut simus Sancti & immaculati in conspectu ejus, vocare Prædestinatos ante mundi constitutionem.

19.

Confirmatur 2. Nam omnia cooperantur in Bonum his, qui secundum propositum vocati sunt Sancti, quia nimirum Deus secundum propositum occultissimae Iustitiae, bonitatisque suae, quos prædestinavit, ipsos vocat, & justificat, & glorificat. Proposuit enim Deus illos ad vitam venire, cujus propositum frustrari non potest, ex S. Anselmo in epist. ad Rom. c. 1. vers. 22. Constat igitur, propositum hoc inmutabile esse Causam in Prædestinatis Vocationis, per quam ipsis cooperantur omnia in Bonum, seu meritum, secundum enim propositum vocati sunt; id est, non aliunde, quam à præordinatione Dei, ex loc. cit. Atqui istud propositum ita est Causa cooperationis per Dei Vocationem in Bonum, seu meritum, ut licet in se omnino sit indivisibile, prioritatem tamen virtuali, seu rationis ratiocinatae secundum quandam ex parte obiectorum Finalizationis, ac Mediorum subordinationem per prius disponat de vita aeterna, quam de meritis, S. Anselmo citato attestante: Quomodo si Imperator aliquis disponderet aliquem infimum sublimare ad consulatum, & daret illi sumptus, quibus se prepararet idoneum, & ornaret, ut dignè praeberet posset ad tantum honorem, ita Deum illos, quos prædestinavit ad vitam dare virtutem & bonorum operum gradus, per quos ad tantam sublimitatem pervenerint. Unde per hoc etiam, quod electi sunt, vocari secundum propositum, quibus omnia in bonum cooperantur, patet ex eod. Sancto idem. Constat igitur, merita eatenus esse effectus Electionis, seu prædestinationis ad vitam, ut hæc per prius ex parte obiecti sit per modum Finis à Deo destinata, quam merita ejusdem consequendae media condigna intelligantur præparata. Nequit ergo prædestinatio ad Gloriam per modum Intentionis esse post prævisionem meritorum.

20.

Ratio Fundamentalis ex Autoritate S. Thomae ita adstruitur. Quia Prædestinatio est pars Providentiae. Est autem Providentia

ratio in Intellectu existens præceptiva aliquorum in Finem. Sed præcipitur aliquid, ut ordinandum in Finem, non nisi præexistente Voluntate Finis. Ergo prædestinatio aliquorum in salutem aeternam præsupponit secundum rationem, quod Deus velit illorum salutem, ex præf. q. 23. a. 4. Ita verò Voluntas finis, seu salutis Prædestinatis à Deo volitæ dicitur tum Dilectio, tum Electio; Dilectio quidem, in quantum vult eis hoc Bonum salutis aeternae; Electio autem, in quantum hoc Bonum aliquibus præ alijs vult, cum quosdam reprobat, ex i. dist. 41. q. 1. a. 2. in fine Corp. Hæc verò Electio ad Prædestinationem præsupposita est, per quam ille, qui in finem infallibiliter dirigitur, ab alijs separatur, qui non in hunc finem diriguntur, ex q. 6. de Verit. art. 1. Atqui Electio illorum, qui ad finem vitae aeternae infallibiliter ordinati separantur à reprobis est ut sic efficax infallibiliter illativa vitae aeternae, Angelico Doctore præf. cit. a. 1. in fine Corp. attestante, quod Prædestinatio supponat Electionem, Electio verò Directio finis; ad Prædestinationem verò duo sequuntur, scilicet consecratio Finis, qui est Glorificatio, & Collatio auxilij ad consequendum Finem, quod est appositio Gratiae ad Vocationem pertinens. Constat igitur, Electionem efficacem ad Gloriam præsupponi ad Prædestinationem Auxilij Gratiae. At prævisio Meritorum non potest esse antecedens ad Auxilij Gratiae Prædestinationem, in qua Deus sua futura facta præscivit, uti cum S. Augustino sup. citato, & S. Anselmo in cit. c. 2. ad Rom. v. 22. tradit sapè citatus S. Thomas. Multo ergo minus potest Prævisio meritorum esse ante Electionem efficacem ad Gloriam.

Reponso ad fundamenta opposita.

AD Alberti Magni n. 3. Oppositum Respondetur. Prædestinationem, seu Electionem efficacem ad Gloriam post prævisa merita efficaciter reprobare ex Magno isto Doctore. Nam sim. sua Theol. 1. p. q. 63. memb. 3. a. 1. taliter dicitur; Catholica Fides est, quod prædestinationis in Prædestinante nulla sit Causa, nec ratio bona, nisi sua Voluntas, & Dilectio, quæ scilicet prædestinatos dilexit ante mundi constitutionem, & elegit. Atqui hæc Electio est illa aeterna præparatio Gratiae Finalis Electos à massa perditorum finaliter separantis, nec non præparatio Beatitudinis aeternae separantis hominem à miseria mortis aeternae, ex cit. sum. q. 65. post solut. In hac ipsa verò Electione aeterna, quæ nullo merito potuit præveniri, Deus nihil respicit in nobis, sed in se ipso suae Bonitatis tantum communicationem ex ead. q. 65. §. ad id, quod ulterius quaeritur, dicendum. Constat igitur, Præparationem Beatitudinis aeternae separantis hominem à miseria mortis aeternae ex mente Alberti Magni nullum in nobis respicere meritum antecedenter prævisum, sed Bonitatis Dei increatae communicationem. Unde Magnus ille Doctor in Locis per Lethum allegatis non ita crude accipiendus est, ut sibi contradixisse videri posset, sed oportet, non in superficie duntaxat, sed in fundo illius Doctrinam inspicere. Nam in primo per Lethum adducto loco solum dicit, Electorum numerum esse certum etiam quoad numerantem, ad quod in prædest.

22

21

prædestinatione sint duo *Scientia tot, & Voluntas tot*. Voluntas autem respiciat aliquid in opere nostro, quatenus velis tot, quod bendusuri sunt Gratiâ. Atqui hæc certitudo numeri Electorum ita est immobilitatis, vel necessitatis consequentis, seu respectivæ, ut hæc ipsa tamen certitudo habeat convenientiam cum certitudine Principij, siquidem Prædestinatio sit causa Gratiæ in libero arbitrio, imò ipsius etiam Gratiæ appositionis secundum quam per usum liberi arbitrij, & spontaneam Gratiæ adhesionem quis finaliter est bonus. *ex cit. dist. 40. a. 11. 12. 19. 20. & 22.* Cum igitur merita sint effectus Prædestinationis, in quâ Deus præscit illa futura, consequenter Prædestinatio nequit esse post prævisa merita.

23. Deinde in secundo per Lessium allegato loco Albertus Magnus asserendo; Prædestinationem ex parte effectûs habere rationem meriti, innuit ordinem Executionis virtualiter, & ratione nostrâ ratiocinatâ distinctum ab ordine Electionis, seu Intentionis. Etenim Prædestinationem in ordine Intentionis eatenus importare rationem Electionis Finalem in Gratiâ per severantiam præparantis, ut præter hanc dicat etiam præparationem æternæ Beatitudinis, patet *ex cit. dist. 40. a. 19. & 1. p. sum. q. 65. post solut.* Atqui in hac Electione æternâ, sive prædestinatione quoad ordinem Intentionis spectatâ Deum nihil respicere in nobis, sed in se ipso suæ Bonitatis tantum communicationem, tradit Albertus *præc. dist. q. 65.* Hic ergo Magnus Doctor; quod ex parte effectûs duntaxat, non autem ipsius Prædestinationis admittat causam meritoriam; eo ipso insinuans, in Prædestinatione distinctionem Ordinis Intentionis, seu Electionis, ac Executionis, huic, non verò illi ex parte effectûs assignavit Causam meritoriam, velut infra ex S. etiam Augustino declarabitur.

24. Ad D. Bonaventuræ n. 4. oppositum Respondetur. Si iste Ecclesiæ Doctor bene responderetur, inveniri, in prædestinationis occulto Dei judicio distinxisse duplicem ordinem, scilicet Electionis, seu Intentionis, ac Executionis. De hoc autem posteriori videtur locutus *cit. dist. 41. a. 1. q. 2.* asserendo; Prædestinationem quoad connotatum glorificationis simpliciter, quoad connotatum verò, seu effectum Gratificationis secundum quid cadere sub merito. At quoad principale significatum, id est Propositum æternum formaliter inclusum in ratione Prædestinationis, hanc nullatenus cadere sub merito. Hoc ipsum verò æternum propositum esse rationabile, habereque ut sic ab æterno rationem, cur unum ab altero ad vitam elegerit, *ex cit. a. 1. q. 2.* Istam porro rationem eatenus esse aliam in Deo ex diversitate connotati, ut in quibusdam sit nobis nota non tantum in generali, sed etiam in speciali, veluti quoad remunerationem, seu executionis in salvando Ordinem; cur Petrum magis voluerit Deus salvare, quàm Iudam, esse in promptu rationem specialem, quod iste habuerit mala merita, ille verò bona. At verò alias esse Divinæ Voluntatis quoad volita, seu connotata rationes in speciali nobis occultas, etsi in generali nobis sint notæ. Ejusmodi verò esse circa Electionem & reprobationem, nec non unius præ al-

tero Iustificationem, quoad ipsum etiam Executionis Ordinem, seu actualem Iustitiæ Collationem; siquidem cur Deus hunc iustificet, imò etiam eligat ad Gloriam, alterum verò reprober, eatenus possit reddi ratio generalis ex estensione Divinæ Iustitiæ, ut tamen quoad rationes speciales nostræ Intelligentiæ insufficientiam claudendus sit sermo de Prædestinatione, juxta Divum Bonaventuram *præc. dist. 40. a. 3. q. 2.* non tantum Gratiæ, sed etiam Gloriæ præordinativâ. Constat igitur, ex illo S. Ecclesiæ Doctore solum concludi; Prædestinationem secundum Ordinem Executionis, non autem Electionis, vel Intentionis Finem salutis æternæ ut sic efficaciter præordinantis esse consequentem ad meritum prævisionem.

Ad D. Thomæ n. 4. Propositum Respondetur. Mentem Angelici hujus Doctoris in aperto esse ex allegatis *sup. n. 20.* nec Electioni Prædestinatorum post prævisa merita patrocinari loca per Lessium adducta. Nam 1. cum S. Doctor *q. 6. de Verit. a. 2.* demonstrasset, Deum ex solâ liberalitate velle prædestinatis Gratiâ, & Gloriam, nec adeo Prædestinationis Causam esse Præscientiam meritum, sed solam Bonitatem ipsius Dei ex præsuppositâ gloriæ conferendæ Voluntate liberali donantis merita cum media huic salutis æternæ, tanquam Cognitione Iustitiæ Fini consequendo necessaria. Exinde *art. 3.* scribit in hæc verba: *Non enim dici potest, quod Prædestinatio supra certitudinem Providentiæ nihil aliud addat, nisi certitudinem Præscientiæ, ut si dicatur, quod Deus ordinat prædestinatum ad salutem, sicut & quolibet alium, sed cum hoc de prædestinatis fiat, quod non deficiat a salute: sic enim non diceretur prædestinatus differre a non prædestinato ex parte ordinis, sed tantum ex parte Præscientiæ eventus, & ut sic Præscientia esset Causa Prædestinationis, nec prædestinatio esset per Electionem (cujus nimirum ratio nequeat esse meritum, *ex cit. a. 2.*) prædestinantis, quod est contra Auctoritatem Scripturæ, & Dicta Sanctorum.* En igitur, quàm Lessius non tam habet sibi patrocinantem Doctorem Angelicum, quàm redarguentem.

2. Verum quidem esse, hunc S. Doctorem *4. p. q. 23. art. 4. ad 3.* discretionem Electorum à reprobis esse per Voluntatem Dei consequentem, attamen hoc ipso loco referre se *ad q. 19. a. 4.* ubi nomine *Voluntatis Consequentis* intelligit illam, quâ Deus non simplici duntaxat velleitate, sed absolutâ Voluntate effectrice vult prædestinatorum Gloriam secundum particulares circumstantias, in quibus re ipsâ existit cujus Electorum determinatus Gloriæ Gradus, eod. Doctore *q. 6. de Verit. a. 2. ad 2.* attestante: *Prædestinationem includere Voluntatem Consequentem, quâ respiciat aliquo modo id, quod est ex parte nostrâ, non quidem sicut inclinat Divinam Voluntatem ad volendum, sed sicut id, ad cuius productionem Divina Voluntas Gratiâ ordinat, vel etiam sicut id, quod ad Gratiâ quodammodo disponit, & Gloriam meretur.* Vides igitur tantum abesse, quod illa Voluntas Dei consequens præsupponat Præscientiam meritum, quin potius ex mente Angelici Doctoris sit horum Causa virtualiter, & ratione nostrâ ratiocinatâ in Deo antecedens eorum prævisionem.

3. Verum quidem est, quod Prædestinatio Dei secundum D. Thomam *3. p. q. 1. a. 3. ad 4.* præ-

25.

26.

27.

28.

29.

30.

*supponit
Præscientiam
am Futuram
rum: non tamen
hæc de
est.

minari, quorum futurorum sit hæc prædestinationem antecedens præscientia. Nam in Prædestinatione quasi totaliter considerata involvitur tum Electio Efficax ad Gloriam per modum Intentionis; tum Voluntas Dei præparativa Mediorum salutis efficacium, tum denique Volitio Dei executrix æternæ Gloriæ remunerativa. At imprimis ex locis S. Thomæ superius allegatis manifestum est, Electionem prædestinatorum se tenentem per modum Intentionis non præsupponere præscientiam Meritorum Electi propriorum, sed solius Christi quæ hominis substantialiter in Dei Filium elevati, eatenus sine antecedentibus meritis prædestinati, ut tamen omnibus sit factus Causa salutis tam quoad executionem, quam quoad Electionem. Unde hæc ipsa Prædestinatorum Electio præsupponit etiam Præscientiam peccati Originalis, uti ex S. Thomæ prox. cit. evincitur. Deinde Voluntatem Dei Mediorum, atque aded Meritorum præparativam, imò ipsius fortè Gloriæ, de quo infra, præordinativam supponere posse Orationes Sanctorum, quarum intuitu Deus decernat aliqui Electorum efficacia quædam gratiæ Auxilia, innuit S. Doctor cit. 4. 3. ad 4. & 1. p. 7. 23. 4. 8. Denique Voluntatem Dei remunerativam spectantem ad ordinem Executionis præsupponere Scientiam Meritorum, libentes concedimus juxta dicta superius & dicenda inferius n. 29. & 31. Constat proinde, loca per Lessium ex S. Thomæ inducta nihil omnino favere ejus opinioni.

Ad n. 2. ex D. Anselmo propositum Respondetur. Hunc Sanctum à Lessio perperam trahi in suam sententiam, ed quod asserat, Prædestinationem inferre necessitatem duntaxat Consequentem. Nam ex ejus Comment. in Epist. ad Ephes. c. 1. v. 3. nec non allegato lib. de Concord. Præscient. ac Prædest. cum lib. arb. manifesta sunt hæc duo, quod scilicet ad nihil aliud quisquam sit prædestinatus à Deo, nisi ad hoc, quod ipsemet Deus post in eo operatur, quodque necesse sit fieri, quæ prædestinantur. Hoc tamen non attento, ab illo S. Doctore dicitur nostrorum bonorum operum à Deo prædestinatorum, ut sic necessarium, sed liberè futurorum necessitas sit duntaxat consequens, nō verò antecedens, ed quod Deus, quamvis prædestinet hæc bona opera, non faciat voluntate cogendo aut Voluntati resistendo, sed in suâ liberâ potestate dimittendo. Oportet igitur, necessitatē antecedentem libertatis destructivā esse ex Causis proximis à Deo ad effectū ordinatis; cum contra necessitas consequens non ex Causâ proximā creatâ resultet, sed ex positione effectūs à Deo prædestinati etiam quoad modum contingentiae, ac libertatis, seu necessitatis, uti præter S. Thomam sæpè citatum explicat Albertus Magnus 1. p. sum. q. 16. memb. 2. & innuit clarè S. Anselmus in cit. Conc. Patet igitur, quàm imperinenter allegatus D. Anselmi locus nihil ad presentem de Prædestinatione ante vel potest merita prævisa Controversiam conferens inducatur à Lessio; cum tamen illius Sancti mens, & Doctrina circa presentem difficultatem apertè eluceat ex dictis sup. n. 16.

Ad verba D. Augustini n. 9. & 10. Respondetur. Ex ijs evinci, quod oporteat duplicem virtualiter, seu ratione nostrâ distinguere in Deo circa Prædestinatos Electionem, quarum altera sit Gratiæ secundum Ordinem Intentionis ante-

cedens prævisionem Meritorum; altera verò sit Iustitiæ remunerativa Meritorum, consequens horum Præscientiam, pertinet ad Ordinem executionis. Probat ex sæpè cit. lib. de Corrupt. & Grat. 47. ubi dicitur; Ex prædestinatis nullum perire, quia omnes Electi sunt, Electos autem esse quid secundum propositum vocati sunt, propositū autem non suum, sed Dei. At hæc ipsa vocatio secundum propositum est, per quam Electis omnia cooperantur in Bonum, ita ut in fide, quæ per dilectionem operatur, usque in finem perseverent, & si quando exorbitant, correpti emendentur, ac nonnulli acceptâ Gratiâ in quacumque ætate periculis hujus vitæ mortis celeritate subtrahantur. ex eod. cap. Cum igitur illud Dei propositum causans omnia usque ad Finalem Perseverantiam bona Opera, seu Merita sit ratio Electionis per S. Augustinum superius insinuatæ, oportet, hanc esse consequentem Finalem Gratiæ Perseverantiam, & opera bona prædestinata per illud Dei propositum. Hæc igitur Electio est secundum Iustitiam consequens propositum Iustificationis etiam Finalis, prout S. Augustinus ab adversâ parte citatus asserit lib. 1. ad Simplician. q. 2. & serm. 7. de Verb. Dom. 4. 2. in initio. Alia proinde est Electio gratiæ, sive secundum Gratiam. prox. cit. 1. 2. Hæc verò prædestinatio Conformitatis Imaginis Filij Dei per Gloriam, in qua Electi apparebunt cum Christo, est Causa, cur omnia Electis cooperentur in Bonum, ac permaneant usque ad Finem in Bono, vel in tempus deviantes revertantur, atque ut sic in Bono in Finem usque perducantur. ex cit. 4. 7. & 8. Constat igitur, secundum D. Augustinum dari quoque Electionem Gratiæ per modum Causæ antecedentem opera bona prævisa, quibus electi merentur Gloriam. Ne proinde hunc S. Ecclesiæ Doctorem sibi contrarium dicamus, oportet asserere in cit. lib. 1. ad Simplician. q. 2. ita meminisse Electionis consequentis propositum Iustificationis, ut hæc tamen Electio sit spectans ad ordinem Executionis, sitque aded Præscientiæ tantum, non verò Causalitatis antecedens opera bona Prædestinatorum, & à fortiori Mundi Constitutionem. Nihilominus præter hanc Electionem ab eodem S. Ecclesiæ Doctore in lib. de Corrupt. & Grat. & Prædest. Sanctar. ubi occasione Pelagianismi, & Semipelagianismi refutandi exactius discussit hanc Materiam, apertè adstrui Electionem ad Gloriam, quæ dicatur Gratiæ, seu Misericordiae causans, & secundum Ordinem Intentionis antecedens opera bona meritoria. Cujus aded duplicis, alterius secundum Gratiam, alterius secundum Iustitiam Electionis expressa sit mentio. in cit. 4. 2. de Verb. Dom.

Confirmatur ex alleg. q. 2. lib. 1. ad Simplician. Ibi namque S. Ecclesiæ Doctor asserit 1. Iacob non esse electum, ut fieret bonus, sed bonum factum eligi potuisse. Cui contrarium est, quod idem Sanctus lib. de Prædest. Sanct. c. 17. circa finem tradit: Eligendo facere Deum Divites in Fide sicut hæredes regni: rectè siquidem in eis hoc eligere, quod ut in eis faciat, eos elegit. Unde prior illa sententia, prout etiam videre est in Notis Margin. ad dictam q. 2. retractata fuit lib. 1. retrat. 4. 23. Ex quâ retractatione sit consequens, retractatum etiam esse, quod nemo, veluti in cit. q. 2. lib. 1. ad Simplician. habetur, eligatur, nisi jam distans ab illo, qui rejicitur. In quâ nihilominus

retractatione arbitratur Franciscus Amicus *cit. sect. 4. n. 67.* usum hujus vocis *Electio*, quod scilicet nequeat dici Electio nisi supponat inæqualitatem, fuisse duntaxat retractatum, cum tamen Electio potius facit in Electo inæqualitatem, seu distantiam à non Electo, eodem Sancto *in ep. 106.* attestante: Electionem non invenire eligendos, sed facere. 2. Ex suo loquendi modo S. Augustinus *cit. q. 2. ad Simpl.* catenus assererat, Electionem consequi Iustificationem, ut ibidem tamen affirmaret, ex eo, quod maneat in Deo propositum Iustificationis, fieri, quod iustificet credentes, atque inveniat opera bona, quæ jam eligat ad Regnum Cælorum. Cum igitur Bonorum Operum præexistentium ad Regnum Cælorum Electio non possit esse nisi remunerativa pertinens ad iustitiam, omnino ex mente S. Augustini admittenda est Electio Iustitiæ consequens Præscientiam Bonorum Operum. Nihilominus hanc Electionem ex mente *cit. S. Doctoris* præcedit propositum Iustificationis, ac Fidei, nec non Bonorum operum regni Cælestis meritiorum, atque aded perseverantiæ Finalis causativum, quod non sit ex operibus, sed sit Dei miserentis. 3. Hoc aded sive primæ, sive Finalis Iustificationis propositum, quod nequit esse ex prævisis meritis in Deo, ita habere rationem Electionis Gratiæ, ut sit Electio ad Gloriam virtualis duntaxat in semine, tenet cum alijs Amicus *cit. sect. 9.* in hoc unice laborans, quod per S. Augustinum non sit asserta meritum prævisionem antecedens efficax Prædestinatorum Electio formaliter, & immediatè terminata ad Gloriam, sed ad gratiam. 4. Proinde Amico libenter concedimus, D. Augustinum nihil eà ad Simplicianum Quæstione differuisse de Electione Gratuità ad Gloriam; siquidem solum ibi ostendere voluerit, Intentionem Apostoli per totam ad Romanos Epistolam fuisse, ut demonstraret Gratiæ Evangelicam non esse ex operibus. *ex cit. q. 2. init.* ubi proinde solum incidenter meminit Electionis ad Gloriam meritum, quæ sunt ex Gratiâ, remunerativæ. At verò ubi S. ille Doctor, quam prius, uti ait *lib. 1. retractat. c. 23.* non ita callebat Electionem Gratiæ, invenit in Sacris Litteris fundatam, exinde *in libris de corrupt. & Grat. nec non de Prædestin. Sanctior.* asseruisse eam immediatè terminari ad Gloriam per modum Intentionis efficacis, seu Prædestinationis opera bona, nec non Gratiâ Iustificantem, ac Finalem perseverantiam causantis, adedque prævisionem meritum antecedentis, constat ex præcedentibus. Patet igitur S. Augustini Autoritatem nullatenus stare pro sententiâ negante efficacem ad Gloriam Prædestinatorum Electionem merita prævisa per modum Intentionis antecedentem.



CONTROVERSIA. II.

Utrum ex sacris Litteris, iunctâ

præsertim expositione, & autoritate Patrum demonstratur efficax Electio Prædestinatorum ad Gloriam antecedens prævisionem Meritorum.

Lessus *cit. disp. 1. de prædest. sect. 2. à n. 6.* novem congerit Sacræ Scripturæ Loca, quibus probare nititur, Prædestinationem Electorum ad Gloriam post prævisa merita: è quibus præcipua, & magis urgentia hic adducemus, reliquorum facturi mentionem, & solutionem, seu refutationem in progressu.

Referuntur Argumenta Adversariorum.

Primus igitur Locus sit ex *Math. 24.* ubi cum plurimi magnâ curâ, & diligentia Regis essent ad Filij nuptias vocati, & plerique nolent, venire, concludit Dominus, *Quod sint Multi vocati, Pauci verò Electi.* At ided pauci Electi, quia pauci voluerunt venire; si namque plures venissent, ut poterant venire, plures omnino electi fuissent, *Vocari enim est Dei, Electum autem fieri, aut non Electum, etiam est nostrum, ut docet Theophylactus in illum locum.* Oportet igitur Electionem absolutam ad Gloriam catenus esse in nostrâ potestate, quatenus est consequens ad nostrorum Bonorum operum Prævisionem.

Secundus Locus est ex *Math. 23.* Venite Benedicti Patris mei, possidete paratum vobis Regnum a constitutione mundi. Hæc enim Regni Cælestis præparatio erat efficax, utpote sortita effectum. Ad esse post prævisa merita, concluditur tum ex illâ Causali: *Esurivi enim, & dedistis mihi manducare;* tum ex simili circa Electos, & reprobos locutionis modo: his namque dictum erat: *Discedite à me maledicti in ignem æternum, qui paratus est Diabolo; Esurivi enim, & non dedistis mihi manducare.* Sicut ergo Deus non nisi post prævisa demerita præparavit supplicium gehennæ, ita nec Prædestinatis Regnum, nisi post prævisa bona opera. In quo aded sensu videtur accipiendus etiam ille *Math. 20.* Locus, *Sedere ad dextram meam & sinistram, non est meum dare vobis, sed quibus paratum est à Patre meo.* Nam secundum expositionem Epiphaniij *heresi 69.* Cyrilli *lib. Trisauri. c. 5.* Chrysostomi *Homil. 37. in Math.* Theophylacti *in illum locum.* Christus intendebat ibi docere, non juxta Personarum acceptionem, sed juxta merita prævisa Regnum Cælorum fuisse hominibus præparatum.

Tertius Locus sit ex *Rom. 8.* Quos præsevit, & prædestinavit conformes fieri imaginis Filij sui. Hic enim Sacer textus sic explicandus est, quos præsevit, id est quorum præsevit fidem, & Dilectionem, eos prædestinavit, ut essent similes Filio, veluti explicant Origines *lib. 7. in ep. ad Rom.* Ambrosius *lib. 5. de Fide c. 3.* Chrysostomus *Hom. 15. in epist. ad Rom.* & alij intelligentes, illam Prædestinationem esse ex Præscientiâ Meritorum.

Quartus denique locus sit ex *Apocalyp. 3.* Tuo quod habes, ne alius accipias Coronam tuam. Ex hoc enim aperte colligitur, Coronam ita certè &

firmiter decretam esse ante finem vitæ prævisum, quin re ipsa possit amitti. At si absoluto Dei Decreto independentèr ab operum nostrorum prævisione Corona ita esset nobis prædestinata, ut absolute amitti non posset, vana esset illa comminatio, & frustra incussus metus mali, quod ita validè esset obseptum, ut evenire non posset.

CONCLUSIO.

Electio Prædestinatorum ad Gloriam Efficax causans Iustificationem, Merita, & Perseverantiam Finale, adeoque horum prævisionem prioritatem virtuali in signo aliquo rationis ratiocinata antecedens efficaciter demonstratur ex sacris Litteris.

6. Explicatur, & Probatur ex Rom. c. 8. Scimus enim, quoniam diligentibus Deum, omnia cooperantur in Bonum, his, qui secundum propositum vocati sunt Sancti. *ibi. v. 28.* Hujus autem cooperationis omnium in Bonum Causa allegatur Prædestinatio ad conformitatem Filij Dei, ut particula illa Causalis *Nam* indicat: mox enim *v. 29.* subdit Apostolus; *Nam quos præscivit, & prædestinavit conformes fieri Imaginis Filij sui.* At verò cooperatio in Bonum importat formaliter meritum. Neque verò diligentibus Deum in Bonum cooperatio extenderetur ad omnia, nisi comprehenderet Finale etiam perseverantiam. Oportet igitur, hanc & omnia merita prædestinati esse causata ex prædestinatione ad conformitatem Imaginis Filij Dei, eodem Apostolo in *seq. v. 30.* prosequente ex eo, quod sint prædestinati, esse vocatos vocatione nimirum, ex qua sit donata Fides, & dispositio proxima ad Iustificationem, imò esse etiam justificados justificatione quoque Finali utpote connexa cum glorificatione, atque tandem esse glorificatos, juxta illud: *Quos autem prædestinavit, hos & vocavit, & quos vocavit, hos & justificavit, quos autem justificavit, illos & glorificavit.* Quare prædestinatio conformitatis Imaginis Filij Dei cum sit effectrix glorificationis, nec non Vocationis, & Iustificationis etiam Finalis, atque adeò omnium in Bonum cooperationis, seu operum in decedentibus cum Gratia Finali actualiter vitæ æternæ meritoriorum Causa nequit esse consequens prævisionem operum æternæ Gloriæ meritoriorum.

7. Respondebis ex Amico *cit. sect. 4. n. 64.* In illo Apostoli loco ita describi totam divinæ Prædestinationis seriem, ut Decretum Electionis ad Gloriam expressum sit per *id prædestinavit.* At ex contextu erui hunc Prædestinationis Ordinem, ut primò describatur Decretum dandi Media efficacia ad Gloriam illis verbis: *Qui secundum propositum vocati sunt sancti.* 2. Præscientia Meritorum per illa verba: *Quos præscivit.* 3. Decretum Electionis ad Gloriam per hæc: *Prædestinavit conformes fieri Imaginis Filij sui:* efficiunt enim teste Hieronymo conformes Imaginis Filij Dei per Gloriam, quæ est consummata Sanctitas, & perfecta adoptio Filiorum Dei. 4. denique numerantur effectus Prædestinationis, ut executioni mandandi per illa verba: *Quos autem prædestinavit, hos & vocavit, & quos vocavit, hos & justi-*

ficavit, quos autem justificavit, illos & glorificavit. Consequens proinde esse, quod ex allegato Sacro textu evinciatur, Prædestinationem ad Gloriam esse post Præscientiam Meritorum.

Contra. Nam circa verba, *Quos præscivit, & prædestinavit,* dupliciter peccat Amicus 1. prætermittendo particulam *Nam* 2. Dividendo objecta Verborum *id præscivit, & id prædestinavit,* quasi hujus objectum esset duntaxat conformitas Imaginis Filij Dei, illius verò objectum essent merita. At verò clarum est, Apostolum ita loqui, ut, quos præscivit, eos & prædestinavit Deus conformes fieri Imaginis Filij Dei. Unde patet relativum *Quos* denotans objectum Præscientiæ illius divinæ, referri ad *ly Conformes Imaginis Filij Dei,* ut adeò idem sit objectum Præscientiæ, ac Prædestinationis illo sacro textu insinuatæ. Atqui particula *Nam* importat Causalitatem à D. Augustino *lib. de corrept. & grat. c. 7. & 8.* expositam per *ly Quoniam,* ita ut vocatis secundum propositum omnia usque ad Finale perseverantiam ab Apostolo dicantur cooperari in Bonum. *Quoniam quos ante præscivit, & prædestinavit conformes fieri Imaginis Filij Dei.* Est igitur & Prædestinatio, & Præscientia, quæ Deus secundum D. Augustinum *lib. de Prædest. Sancti. c. 10.* facta sua, adeoque conformes Imaginis Filij sui jam in æternitate factos præscivit, causa, per quam vocatis secundum Propositum, atque ex vi hujus vocationis Deum finaliter diligentibus omnia cooperantur in Bonum. Constat proinde, ex illo sacro textu, si non manè accipiat, erui, quod Electorum Imaginis Filij Dei conformium prædestinatio sit tanquam Causa antecedens bona opera per finalem Dilectionem, seu Gratiam meritoria vitæ æternæ.

Replicabis ex Amico *cit. sect. 4. n. 62.* Quod in allegatis Apostoli verbis per *id prædestinavit* comprehendatur Decretum Electionis ad Gloriam, & per *Præscientiam* Meritorum ex gratia provenientium intelligatur scientia Electionem ad Gloriam antecedens, evinci ex Patrum expositione. Nam Hieronymus in *cit. v. 28. c. 8. ad Rom.* ita habet. *Quos prævidit conformes in vitâ, voluit conformes facere in gloriâ.* Ambrosius *ibid.* *Quos, inquit, prævidit futuros ibi devotos, ipsos elegit ad promissa prævia capessenda.* Et Augustinus *de Corrept. c. 9.* *Quoniam, inquit, qui verè Filij sunt præsciti, & prædestinati sunt conformes fieri Imaginis Filij ejus.*

Contra. Tum quia S. Hieronymus *10. 4. in cit. c. 8. ad Rom. n. 50.* ita argumentatur: *Prædestinare idem est, ac Præscire.* Ergo quos prævidit in vitâ, voluit, ut conformes fierent in Gloriâ. Hoc verò Enthymema exponitur per sequentem Formam syllogisticam. Prædestinare idem est, ac Præscire. At quos Deus prædestinavit conformes in vitâ, voluit ut conformes fierent in Gloriâ. Ergo quos Deus prævidit conformes in vitâ, voluit conformes fieri in Gloriâ. At hæc Præscientia Conformitatis in vitâ non potest esse antecedens vocationem Dei: Ista verò Dei secundum propositum suum vocatio nequit esse consequens Fidem, seu bona opera, ad quæ vocantur, seu per gratiam præveniuntur Electi: At ista vocatio est secundum Apostolum effectus prædestinationis, quæ secundum Hieronymum *n. 52.* est Præscientia, quæ præscivit credituros. Oportet igitur hanc præscientiam utpote prædestinationem ex mente S. Hieronymi, esse causativam Fidei

Fidei, ac Bonorum operum nostrorum. At neque Hieronymus, neque ullus S. Scripturæ peritus dicet, esse in Deo Scientiam Fidei nostræ causativam antecedenter ad Decretum ipsius liberum. Neque verò Hieronymus alterius Decreti divini in toto illo contextu meminit, nisi quæ voluit Deus conformes fieri in Gloria. Hoc igitur Decretum, quod *sup. n. 49.* vocabat propositum, quo Deus proposuit solâ Fide salvare, quos præviderat credituros, ex mente illius S. Doctoris est antecedens Præscientiam conformitatis in vitâ, quatenus ex hoc ipso, quod Deus voluit aliquos conformes in gloria, voluit etiam conformes in vitâ, ita ut conformitas in vitâ per fidem sit in illo Decreto, seu Proposito Dei volitum quasi secundarium per modum Medij, conformitas autem in gloria sit volitum primum per modum Finis, uti satis indicat Sanctus ille Doctor *cit. n. 48.* Prædestinationis propositum dicens esse id, *secundum quod proposuit Deus solâ Fide salvare.* Constat igitur, prædestinationem, seu Præscientiam conformitatis ad Gloriam ex mente S. Hieronymi esse per modum Intentionis antecedentem Præscientiam Meritorum mixam proposito, seu Decreto Fidei, & Operum bonorum tanquam Mediorum ad salutem præparativo, & causativo.

II. Tum quia citata S. Ambrosij doctrina in hanc reducitur Formam syllogisticam. Hætenim secundum propositum vocantur, quos credentes præscivit Deus futuros sibi idoneos, ita ut antequam crederent, scirentur. At istos, quos præscivit futuros sibi devotos, ipsos elegit ad promissa præmia capeffenda. Hoc autem ita est accipiendum de credentibus, ut nisi permaneant in fide captâ, à Deo electi ne gentur. *Quia quos Deus elegit, apud se permanent.* At ista particula *Quia* est Causalis. Ergo Electio Dei est secundum D. Ambrosium Causalitas Perseverantiæ Finalis. At ista est Electio, quâ prædestinantur consortes fieri Imaginis Filij Dei: *Quia idcirco prædestinantur in futurum seculum, ut similes fiant Filio Dei.* Ergo ex mente Ambrosij Electio ad Gloriam futuri sæculi habet prioritatem Causalitatis respectu Perseverantiæ Finalis in fide, & Gratiâ, per quam Opera nostra in Gratiâ facta secundum Concil. Trident. *sess. 6. de Instif. cap.* sunt vitæ æternæ meritoria.

12. Tum denique S. Augustinus *cit. c. 9. de corrept. & Grat.* ita argumentatur. Sunt Filij Dei, qui nondum sunt nobis, & jam sunt Deo, de quibus ait Evangelista Ioannes: *Quia Iesus moriturus erat pro gente, nec tantum pro gente, sed etiam ut Filios Dei dispersos congregaret in unum.* Rursus sunt quidam, qui Filij Dei propter susceptam vel temporaliter gratiam dicuntur à nobis, nec tamen sunt Deo, de quibus idem Ioannes, *Ex nobis exierunt, sed non erant ex nobis; quod si fuissent ex nobis, permansissent utique nobiscum.* Sunt ergo Filij Dei non tantum nobis, sed etiam Deo, qui perseverantiam habent. Hi verò sunt præsciti, & prædestinati conformes fieri Imaginis Filij Dei, de quibus dicit Christus ad Patrem: *ut omne, quod dedisti mihi Pater, non pereat, sed habeat vitam æternam.* Qui proinde eatenus intelliguntur Christo dati, quatenus sunt ordinati in vitam æternam, & secundum propositum vocati, quorum nullus perseverando in Gratiâ perit. Atqui per hoc nullus

eorum ex bono in malum mutatus finit hanc vitam, quoniam sic est ordinatus, & idcirco Christo datus, ut non pereat, sed habeat vitam æternam. Ergo Perseverantia Finalis est ex Causalitate præordinationis, seu prædestinationis in vitam æternam. Hanc autem prædestinationis in Perseverantiam Finale, & opera vitæ æternæ meritoria Causalitatem insinuavit Apostolus, qui ubi dicebat, *diligentibus Deum omnia perseverando cooperari in Bonum,* mox addidit, *Quoniam quos præscivit, & prædestinavit conformes fieri imaginis Filij sui.* Constat igitur, secundum Mentem, & Doctrinam S. Augustini ex allegato sacro textu omnino evinci Causalitatem, atque adeo prioritatem Prædestinationis ad Gloriam respectu Bonorum Operum cum Finali Gratiæ Perseverantiâ meritoriorum vitæ æternæ.

Confirmatur ex illo *ad Ephes. 1. Benedictus Deus, & Pater Domini nostri IESU Christi, qui benedixit nos in omni Benedictione spiritali in celestibus in Christo, sicut elegit nos in ipso ante mundi constitutionem, ut essemus Sancti, & immaculati in conspectu ejus, in Charitate prædestinans nos in adoptionem Filiorum per Iesum Christum, secundum placitum Voluntatis suæ, in quâ gratificavit nos in Dilecto Filio suo. in quo etiam sortem consecuti sumus prædestinati secundum propositum ejus, qui universa operatur secundum Consilium Voluntatis suæ, ut finis in laudem Gloriam ejus.* Ex quo ita licet argumentari. Elegit Deus in Christo ante constitutionem mundi membra ejus, & quomodo eligeret eos, qui nondum erant, nisi prædestinando? At secundum verba Apostoli non elegit nos, quia Sancti, & immaculati futuri eramus, sed ut essemus, idcirco siquidem tales eramus futuri, quia elegit ipse, prædestinans, ut tales per Gratiâ ejus essemus. *ex cit. c. de præd. 2.* At verò elegit nos, ut essemus Sancti, prædestinans nos in adoptionem Filiorum, ex verbis Apostoli præallegatis. Est autem hæc consummata Filiorum adoptio per Gloriam, de quâ secundum Augustinum *lib. 3. cont. duas epist. Pelagian. c. 3.* procedit illud Apostoli *ad Rom. 8. Primitias Spiritus habentes intra nos gemimus adoptionem Filiorum Dei expectantes redemptionem Corporis nostri.* Consequens igitur est, Electionem prædestinationis in Gloriam seu adoptionem Filiorum consummatam esse Causam, ut simus Sancti per Gratiâ Dei. Atqui Deus ita benedixit nos benedictione spiritali in celestibus in Christo, sicut elegit nos in ipso, ut essemus Sancti, *ex cit. c. 15. de Prædest.* Deus autem nos benedixit, cum virtutes nobis tribuit, vel in ipsis Virtutibus nos promovet, *ex S. Anselmo in cit. cap. 1. ad Ephes.* Sicut ergo ad Sanctitatem, sic ad opera Virtutum nos elegit Deus, prædestinans in adoptionem Filiorum secundum placitum Voluntatis suæ, in quâ non solum gratificavit nos, faciendo, ut essemus Sancti, sed per illam quoque Voluntatem sortem consecuti sumus prædestinati secundum propositum non nostrum, sed ejus, qui universa operatur usque adeo, ut in nobis operetur & velle, *ex dicto c. 18. de Prædest. circa Finem.* Constat igitur, Prædestinationem in adoptionem Filiorum per gloriam esse Causam tum Gratiæ Sanctificantis, tum bonorum Operum in Electis, adeoque esse respectu illorum Causalitatem priorem, seu antecedentem, non verò consequentem.

Instabis ex Lessio *cit. disp. de Prædestin. sect. 2. n. 52.* Apostolum in præfato *ad Ephes. 1. Capitis* textu sacro loqui de Electione seu Prædestinatione

incompletâ, quæ immediatè est ad Gratiâ Iustificationis, seu adoptionem Filiorum, mediâtè autem ad perfectionem vitæ, ad Perseverantiam, & ad Gloriam.

15. Contra. Nam ut simus in Laudem Gloriæ Dei utique Sancti, & immaculati (juxta prædictam Apostoli sententiam) prædestinans nos ante mundi constitutionem, vocavit operando secundum propositum suum. ex S. August. *cit. lib. de prædest. Sanct. c. 18.* Ex hoc autem proposito Dei est illa Electorum propria vocatio, quibus omnia cooperantur in Bonum, quia secundum propositum vocati sunt Sancti. ex *cit. c. 18. in fine.* Atqui hæc propria Electorum secundum propositum vocatio faciens omnia cooperari in Bonum est secundum Apostolum *Rom. 8.* eatenus connexa cum Iustificatione etiam Finali, & Glorificatione, ut per hoc, quod secundum propositum sint vocati, permaneant in Dilectione Dei usque in finem. ex dicto Ecclesiæ Doctore *lib. de Corrupt. c. 7. & 9.* Quare Apostolus tam in Capite *8. ad Rom.* quàm in *1. ad Ephesios* per Prædestinationem, seu Electionem (vicijus operando secundum propositum facit Deus, ut simus Sancti, nosque benedicit omni benedictione cælesti prædestinans ad Filiorum in Gloriâ consummatam adoptionem) intelligit non tantum incompletam ad Gratiâ Iustificationis, sed completam Prædestinationem ac Electionem, quæ nimirum immediatè terminetur ad Perseverantiam Finale, & Gloriam tanquam effectum.

16. Urgebis ex Lessio *cit. sect. 3. n. 44.* *Ly secundum propositum* nec in *Oclavo ad Romanos*, nec in *Primo ad Ephesios* Capite importare Electionem absolutam salvandorum, sed gratuitum Dei beneplacitum. Probatio hujus expositionis inducitur tum ex eo, quod juxta Apostolum omnes Fideles electi, & vocati sint secundum propositum, cum passim Apostolus, nominatim ad *Rom. c. 4. & 9. ad Ephes. i. v. 5. & 11. 2. ad Timoth. 1.* illam particulam addat, quando de Electione, aut vocatione ad Fidem loquitur. Quod adeo Dei propositum idem est, ac Præscientia ex *1. Petri. 1. & Rom. 11.* Tum quia Apostolus *secundum propositum* opponit ei, quod est *ex operibus*, uti ex locis citatis, maxime *2. ad Timoth. 1.* colligitur. Ergo non aliud est vocari secundum propositum, quàm non secundum opera, sed ex gratuito Dei beneplacito, quod ad omnes Fideles pertinet. In quo adeo sensu accipitur etiam illud ad *Rom. 11.* Reliquia secundum Electionem Gratia salva facta sunt. Hoc enim procedit de omnibus, qui ex Judæis credentes salvi facti, id est per fidem justificati sunt per Electionem Gratia, hoc est per gratuitam Electionem, quâ gratis, non ex operibus Legis ad Fidem adducti fuerunt.

17. Contra. Nam vocatio secundum propositum nihil aliud est, quàm certa vocatio dans non tantum possibilitatem seu Potentiam supernaturaliter operandi, sed ipsam etiam credendi, vel aliâs supernaturaliter operandi actualem voluntatem. ex S. August. *lib. de Corrupt. & Grat. c. 12. & de Prædest. Sanct. c. 16.* Hæc autem Vocatio certa eatenus est ex gratuito Dei beneplacito, ut per fidem, & Gratiâ ex divini placiti, vel propositi, seu Electionis Gratia Causalitate temporaliter susceptam sint vocati Filij Dei, de quibus tamen dicat Evangelista: *Ex nobis exierunt, sed non e-*

rant ex nobis, quod si fuissent ex nobis, utique mansissent nobiscum. ex *cit. lib. de Corrupt. c. 9.* Quare libenter damus Lessio, quod detur propositum Dei, ac Electio Gratia actualiter vocans ad Fidem non ex operibus, sed ex gratuito Dei beneplacito.

Nihilominus respectu aliquorum dari adhuc propositum in Deo, vi cujus uni, non alteri donetur Perseverantia. ex *Rom. 8.* probat Augustinus *cit. c. 9. de Corrupt.* At de his debet fidelibus certissimum esse, illum de prædestinatis esse, non istum. ex August. *lib. de Dono Persever. 9.* Unde respectu Prædestinatorum est quædam Dei discretio, secundum quam unus Prædestinatorum, qui de pectore Domini biberat hoc secretum, dixit, *si fuissent ex nobis, mansissent utique nobiscum.* ex *prox. cit. c. 9.* At ista discretio, secundum quam non erant ex eis, scilicet Prædestinatis, est, quia non erant secundum propositum vocati, nec erant in Christo Electi ante mundi constitutionem, necerant in eo sortem consecuti, nec erant prædestinati secundum propositum ejus, qui universa operatur. *ibid.* Hoc ipsum verò propositum est Gratia Electio, seu Discretio gratuita discernens prædestinatum ab illis etiam, qui vocati, & vocantem Deum secuti, ex impijs justificati fuerunt. ex *loco prox. cit.* Datur ergo Electio Gratia, seu propositum gratuitum prædestinatos à non prædestinatis discernens Vocationis efficacis ad fidem, & Iustificationis, omniumque ad Bonum cooperationis, ipsique adeo Finalis Perseverantiæ non aliter præparativum, & causativum, nisi ex Imaginis Filij Dei per Gloriam conformitatis intentione, uti ex præallegatis ad *Rom. 8. & ad Ephes. 1.* sacris textibus probat Augustinus *cit. lib. de Corrupt. & Grat. c. 7. & 9. nec non de prædest. Sanct. c. 15. & 18. Item de Dono Persever. c. 9.*

De quo proinde Proposito procedit illud *Ad Rom. 13.* *Crediderunt, quotquot erant præordinati ad vitam æternam.* Nam istam præordinationem per se notum est, esse non tantum ad fidem, & gratiam, sed Gloriam, cujusmodi etiam præordinationem ex gratuito Dei placito, clarè insinuat Christus *Luce 12.* *Nolite timere, inquit, pusillus grex, quia complacuit Patri vestro dare vobis Regnum.* Unde etiam Paulus *Rom. 9.* inducens Iacob, & Esau tanquam Exemplar Prædestinationis, ac reprobationis ait; *Non ex operibus, sed ex Vocante dictum esse, quia major serviet minori, ut scilicet secundum Electionem propositum Dei maneret, prout esset scriptum, Iacob dilex, Esau verò odio habui.* Constat igitur, non ex prævisis operibus, sed ex purâ complacentiâ, & gratuita Dilectione dari in Deo efficacem Electionem ad Gloriam.

Responsio ad opposita Argumenta.

AD 2. Oppositum Respondetur. D. Augustinum *lib. de Corrupt. & Grat. c. 7. & de Prædest. Sanct. c. 16.* præallegatam ex *Math. 20.* sententiâ exponendo, distinguere duplicem Vocationem, quarum altera sit, quâ vocati sunt, qui noluerunt venire ad nuptias, altera verò sit certa eorum, qui secundum Dei præscientis, & ad Imaginis Filij sui conformitatem eos prædestinantis propositum sunt vocati. At de istâ vocatione non ex operibus, sed ex vocante dictum esse, quia major serviet minori, ex *cit. c. 16. de Prædest.* Hanc igitur vocationem

18.

19.

20.

electionem ipsomet etiam Lestio *cit. scilicet n. 4.* faciente, oportet esse secundum propositum, quod non sit ex operibus, sed ex gratuito Dei beneplacito. Atqui Apostolus ostendens, quid sit secundum propositum vocari, mox addidit, *quos enim quos ante præfavit, & prædestinavit conformes fieri Imaginis Filij sui. ex c. 11. de Corrupt.* Constat igitur, Conformitatis Imaginis Filij Dei prædestinationem, quæ Electi, qui secundum propositum vocati dicuntur prædestinati, ac præfati, non esse ex operibus, sed gratuitum Dei Beneplacitum. Et si proinde quoad Electionem iustitiæ spectantem ad ordinem executionis cum Theophylacto vere dicamus, quod ideo sint pauci Electi, quia pauci voluerunt venire, siquæ adeo non solius Dei vocantis, sed nostrum etiam, quoad ordinem Executionis ac secundum Electionem remunerativam, fieri electum. attamen quoad ordinem Intentionis ita est Dei misericordis discretio ad Gloriam, ut hæc Electio profecto sit Gratiæ non præcedentium meritorum, uti ait Augustinus *cit. c. 7. Corrupt.*

21. Ad n. 2. oppositum Respondetur. S. Chrysostomum innotatum *Matth. 23.* singulariter expendere, cur Christus dixerit, *Venite Benedicti Patris mei, non econtra, Discedite maledicti à Patre meo,* quod nimirum benedictio ex Deo sit, maledictio autem ex Diabolo: Atqui Benedictio illa est ex Deo, sicut nos eligit in Christo ante mundi constitutionem. *ex c. 1. ad Ephes.* Quod enim Deus nos benedicat, non facit improvide, sed sicut a malis perdendum eligit ante mundi constitutionem prædestinando in vitam æternam, quia unicuique benedictionem dabit, juxta modum, quem ei præordinavit. *ex S. Anselmo in præallegatum locum Apostoli.* Illis ergo Christi verbis: *Venite Benedicti Patris mei* innotatur Prædestinationis in Gloriam Electio, quam supra demonstravimus, juxta Sacrarum Litterarum sensum esse Causam antecedentem merita nostra. Et si proinde verba subsequencia: *Possidetis paratum vobis Regnum, & sursum enim; & dedistis mihi manducare* significant Voluntatē Divinam Meritorum nostrorum remunerativā consequentem opera nostra bona, hinc tamen non inferitur, nisi quod secundum virtutalem & rationis nostræ ratiocinatæ distinctionem duplex circa vitam æternam in Deo ponenda sit Voluntas; altera spectans ad ordinem Intentionis antecedens ad merita, cujusmodi Christus respectu Electorum innotavit illis verbis: *Venite Benedicti Patris mei,* altera pertinet ad ordinem Executionis juxta Patres in objectione adductos consequens opera nostra, cujus utriusque S. Augustinus *serm. 7. de Verb. Dom. memor,* priorem dixit Electionem secundum Dei Gratiā, posteriorem autem secundum Electorum iustitiam.

22. Ad n. 4. Oppositum Respondetur. Originem *loc. cit.* dicere, Deum, quos præfavit, prædestinasse; secundum quod scivire eos respiciendo in affectum, adeoque præsciendo scientiā, de qua dicit scriptura. *Novi Dominus, qui sunt ejus.* Atqui hæc notitia supponit aliquos esse Dei non præcise secundum executionem. Ergo secundum Electionem spectantem ad ordinem Intentionis. Patet igitur, ex Origene evinci potius prædestinationem ad Gloriam, seu Electionem antecedentem, non verò consequentem Dei Præscientiam. Deinde licet S. Ambrosius *loc. cit. objectionis allegato* admittat prædestinationem merita

nostra consequentē, ibi tamē sermone esse duntaxat de Prædestinatione remuneratoriā, patet ex cōtextu, ubi super illud *Rom. 8. Quos præfavit, & prædestinavit,* ait, *Non enim ante prædestinavit, quam præfavit, sed quorum merita præfavit, eorum præsentia prædestinavit.* Nihilominus præter hanc Voluntatem remuneratoriā ex mente D. Ambrosij esse in Deo ponendam Prædestinationem ad Gloriam Electionem tanquam Causam Meritorum, ac Perseverantiæ Finalis, constat ex dictis *sup. n. 11.*

Denique S. Chrysostomus *loc. cit.* cum illa verba Apostoli, *His, qui juxta propositum vocati sunt,* explicans dixisset: *Non Vocationem tantum, sed & ipsam Propositionem Vocatorum salutem efficere, esseque omnes quidem vocatos, sed non omnes obedire,* mox subiecit, *quoniam quos præfaverat, eosdem & præfinit conformes fieri Imaginis Filij sui.* Atqui hæc particula *Quoniam* importans Causalitatem connectit subsequencia cum verbis antecedentibus. Ergo redditus sensus, ideo esse aliquos secundum propositum vocatos, ita ut vocationi obediendo Propositionem ipsorum cooperetur ad salutem, quia quos præfaverat, eosdem præfinit fieri conformes Imaginis Filij sui. At Causalis ista tam Præscientiæ, quam Præfinitionis illius importat Causalitatem respectu propositi, per quod salvandi obediunt Vocationi Dei. Hoc autem propositum importat meritum. Ergo ex mente S. Chrysostomi præfinitio Conformitatis Imaginis Filij Dei debet assignari tanquam Causalitas antecedens ad Prædestinati meritum.

Ad n. 5. oppositum Respondetur. Ex illo sacro textu Apocalypseos omnino evinci, in prædestinato esse potentiam amittendi Coronam Gloriæ, esseque adeo hujus amissionem respectu illius potentiae possibilem, etsi respectu prædestinationis stare non possit actus, sed potentia, duntaxat creati liberi arbitrij ad Coronam illam amittendam. At eo ipso, quod ista amissio ita sit possibilis respectu creati arbitrij, ut prædestinatione meritorum prævisionem antecedente minime obstante, sit Voluntati creatæ potestas libera cum verā Dominativā, & Electivā ad Coronæ illius amissionem indifferentiā, sit consequens, nō esse vanam comminationem, quæ excitatur Voluntas creata ad Coronam Gloriæ in Gratiā tanquam semine per liberum arbitrij consensum corruptibili non amittendam. Constat igitur, stare prædestinationem Gloriæ merita nostra antecedentem, quæ gratiæ, & bonorum nostrorum operum sit infallibiliter causativa, ut tamen hujus Causalitatis executio sit dependens à nostrā libertate, quam non tantum non tollit, sed operatur illa Dei prædestinatio.

CONTROVERSIA III.

An ratione Theologicā demon-

strari possit efficax Prædestinatorum

ad Gloriam Electio antecedens prævisionem Meritorum?

Adversus istam Electionem gratuitam Merita nostra antecedentem tum ab absurdis, tum ex ratione multa congerunt argumenta Lestius *cit. disp. de Prædestin. sect. 2. n. 10.* & Amicus *ibid. sect. 4. n. 89.* Ex quibus illa, quæ sunt petita ex ratione in præfinit, reliqua ex absurdis calumnia præsequenti controversiā discutimus.

incompletâ, quæ immediatè est ad Gratiâ Iustificationis, seu adoptionem Filiorum, mediâtè autem ad perfectionem vitæ, ad Perseverantiâ, & ad Gloriam.

15. Contra. Nam ut simus in Laudem Gloriæ Dei utique Sancti, & immaculati (juxta prædictam Apostoli sententiâ) prædestinans nos ante mundi constitutionem, vocavit operando secundum propositum suum. ex S. August. *cit. lib. de prædest. Sancti. c. 18.* Ex hoc autem proposito Dei est illa Electorum propria vocatio, quibus omnia cooperantur in Bonum, quia secundum propositum vocati sunt Sancti. *ex cit. c. 18. in fine.* Atqui hæc propria Electorum secundum propositum vocatio faciens omnia cooperari in Bonum est secundum Apostolum *Rom. 8.* eatenus connexa cum Iustificatione etiam Finali, & Glorificatione, ut per hoc, quod secundum propositum sint vocati, permaneant in Dilectione Dei usque in finem. ex dicto Ecclesiæ Doctore *lib. de Corrupt. c. 7. & 9.* Quare Apostolus tam in Capite *3. ad Rom.* quàm in *1. ad Ephesios* per Prædestinationem, seu Electionem (vicijus operando secundum propositum facit Deus, ut simus Sancti, nosque benedicit omni benedictione cælesti prædestinans ad Filiorum in Gloriâ consummatam adoptionem) intelligit non tantum incompletam ad Gratiâ Iustificationis, sed completam Prædestinationem ac Electionem, quæ nimirum immediatè terminetur ad Perseverantiâ Finalem, & Gloriam tanquàm effectum.

16. Urgebis ex Lessio *cit. sect. 3. n. 44.* *Ly secundum propositum* nec in *Oclavo ad Romanos*, nec in *Primo ad Ephesios* Capite importare Electionem absolutam salvandorum, sed gratuitum Dei beneplacitum. Probatio hujus expositionis inducitur tum ex eo, quod juxta Apostolum omnes Fideles electi, & vocati sint secundum propositum, cum passim Apostolus, nominatim ad *Rom. c. 4. & 9.* ad *Ephes. i. v. 5. & ii. 2.* ad *Timoth. i.* illam particulam addat, quando de Electione, aut vocatione ad Fidem loquitur. Quod adeo Dei propositum idem est, ac Præscientia ex *1. Petri. i. & Rom. ii.* Tum quia Apostolus *secundum propositum* opponit ei, quod est *ex operibus*, uti ex locis citatis, maxime *2. ad Timoth. i.* colligitur. Ergo non aliud est vocari secundum propositum, quàm non secundum opera, sed ex gratuito Dei beneplacito, quod ad omnes Fideles pertinet. In quo adeo sensu accipitur etiam illud ad *Rom. ii.* Reliquia secundum Electionem Gratia salva facta sunt. Hoc enim procedit de omnibus, qui ex Iudæis credentes salvi facti, id est per fidem justificati sunt per Electionem Gratiae, hoc est per gratuitam Electionem, quâ gratis, non ex operibus Legis ad Fidem adducti fuerunt.

17. Contra. Nam vocatio secundum propositum nihil aliud est, quàm certa vocatio dans non tantum possibilitatem seu Potentiam supernaturaliter operandi, sed ipsam etiam credendi, vel aliâs supernaturaliter operandi actualem voluntatem. ex S. August. *lib. de Corrupt. & Grat. c. 12. & de Prædest. Sancti. c. 16.* Hæc autem Vocatio certa eatenus est ex gratuito Dei beneplacito, ut per fidem, & Gratiâ ex divini placiti, vel propositi, seu Electionis Gratiae Causalitate temporaliter susceptam sint vocati Filij Dei, de quibus tamen dicat Evangelista; *Ex nobis exierunt, sed non e-*

rant ex nobis, quod si fuissent ex nobis, utique mansissent nobiscum. ex *cit. lib. de Corrupt. c. 9.* Quare libenter damus Lessio, quod detur propositum Dei, ac Electio Gratiae actualiter vocans ad Fidem non ex operibus, sed ex gratuito Dei beneplacito.

Nihilominus respectu aliquorum dari adhuc propositum in Deo, vi cujus uni, non alteri donetur Perseverantiâ. ex *Rom. 8.* probat Augustinus *cit. c. 9. de Corrupt.* At de his debet fidelibus certissimum esse, illum de prædestinatis esse, non istum. ex August. *lib. de Dono Persev. c. 9.* Unde respectu Prædestinatorum est quædam Dei discretio, secundum quam unus Prædestinatorum, qui de pectore Domini biberat hoc secretum, dixit, *si fuissent ex nobis, mansissent utique nobiscum.* ex *prox. cit. c. 9.* At ista discretio, secundum quam non erant ex eis, scilicet Prædestinatis, est, quia non erant secundum propositum vocati, nec erant in Christo Electi ante mundi constitutionem, necerant in eo sortem consecuti, nec erant prædestinati secundum propositum ejus, qui universa operatur. *ibid.* Hoc ipsum verò propositum est Gratiae Electio, seu Discretio gratuita discernens prædestinatum ab illis etiam, qui vocati, & vocantem Deum secuti, ex impijs justificati fuerunt. ex *loco prox. cit.* Datur ergo Electio Gratiae, seu propositum gratuitum prædestinatos à non prædestinatis discernens Vocationis efficacis ad fidem, & Iustificationis, omniumque ad Bonum cooperationis, ipsique adeo Finalis Perseverantiæ non aliter præparativum, & causativum, nisi ex Imaginis Filij Dei per Gloriam conformitatis intentione, uti ex præallegatis ad *Rom. 8. & ad Ephes. i.* sacris textibus probat Augustinus *cit. lib. de Corrupt. & Grat. c. 7. & 9. nec non de prædest. Sancti. c. 15. & 18.* Item de *Dono Persev. c. 9.*

De quo proinde Proposito procedit illud ad *Rom. 13.* *Crediderunt, quotquot erant præordinati ad vitam æternam.* Nam istam præordinationem per se notum est, esse non tantum ad fidem, & gratiam, sed Gloriam, cujusmodi etiam præordinationem ex gratuito Dei placito, clarè insinuat Christus *Lucæ 12.* *Nolite timere, inquit, pusillus grex, quia complacuit Patri vestro dare vobis Regnum.* Unde etiam Paulus *Rom. 9.* inducens Iacob, & Esau tanquàm Exemplar Prædestinationis, ac reprobationis ait; *Non ex operibus, sed ex Vocante dictum esse, quia major serviet minori, ut scilicet secundum Electionem propositum Dei maneret, prout esset scriptum, Iacob dilexi, Esau verò odio habui.* Constat igitur, non ex prævisis operibus, sed ex purâ complacentiâ, & gratuita Dilectione dari in Deo efficacem Electionem ad Gloriam.

Responsio ad opposita Argumenta.

AD 2. Oppositum Responderetur. D. Augustinum *lib. de Corrupt. & Grat. c. 7. & de Prædest. Sancti. c. 16.* præallegatam ex *Matth. 20.* sententiâ exponendo, distinguere duplicem Vocationem, quarum altera sit, quâ vocati sunt, qui noluerunt venire ad nuptias, altera verò sit certa eorum, qui secundum Dei præscientis, & ad Imaginis Filij sui conformitatem eos prædestinantis propositum sunt vocati. At de istâ vocatione non ex operibus, sed ex vocante dictum esse, quia major serviet minori, ex *cit. l. 16. de Prædest.* Hanc igitur vocationem

18.

19.

20.

ocationem ipsomet etiam Lestio *cit. scilicet. n. 4.* faciente, oportet esse secundum propositum, quod non sit ex operibus, sed ex gratuito Dei beneplacito. Atqui Apostolus ostendens, quid sit secundum propositum vocari, mox addidit, *quoniam quos ante præsevit, & prædestinavit conformes fieri Imaginis Filij sui. ex c. 11. de Corrupt.* Constat igitur, Conformitatis Imaginis Filij Dei prædestinationem, quæ Electi, qui secundum propositum vocati dicuntur prædestinati, ac præsciti, non esse ex operibus, sed gratuitum Dei Beneplacitum. Et si promde quoad Electionem iustitiæ spectantem ad ordinem executionis cum Theophylacto verè dicamus, quod ideo sint pauci Electi, quia pauci voluerunt venire, sitque adeò non solius Dei vocantis, sed nostrum etiam, quoad ordinem Executionis ac secundum Electionem remuneratam, fieri electi sunt: attamen quoad ordinem Intentionis ita est Dei muneris discretio ad Gloriam, ut hæc Electio profectò sit Gratiæ non præcedentium meritorum, uti ait Augustinus *cit. c. 2. Corrupt.*

21. Ad n. 2. oppositum Respondetur. S. Chrysostomum *metatum Mat. 23.* singulariter expendere, cur Christus dixerit, *Venite Benedicite Patri mei, non contra, Discidite maledicite a Patre mei,* quod nimirum benedictio ex Deo sit, maledictio autem ex Diabolo: Atqui benedictio illa est ex Deo, sicut nos eligit in Christo ante mundi constitutionem. *ex c. 1. ad Ephes.* Quod enim Deus nos benedicat, non facit improvide, sed sicut à massa perdendorum eligit ante mundi constitutionem prædestinando in vitam æternam, quia unicuique benedictionem dabit, juxta modum, quem ei præordinavit. *ex S. Anselmo in præallegatum locum Apostoli.* Illis ergo Christi verbis: *Venite Benedicite Patri mei* insinuat Prædestinationis in Gloriam Electio, quam supra demonstravimus; juxta Sacrarum Litterarum sensum esse Causam antecedentem merita nostra. Et si proinde verba subsequencia: *Possidete paratum vobis Regnum. Et furvi enim; & deditis mihi manducare* significant Voluntatē Divinam Meritorū nostrorū remunerativā consequentem opera nostra bona, hinc tamen non interitur, nisi quod secundum virtutalem & rationis nostræ ratiocinatæ distinctionem duplex circa vitam æternam in Deo ponenda sit Voluntas; altera spectans ad ordinem Intentionis antecedens ad merita, cujusmodi Christus respectu Electorum insinuat illis verbis: *Venite Benedicite Patri mei,* altera pertinet ad ordinem Executionis juxta Patres in objectione adductos consequens opera nostra, cujus utriusque S. Augustinus *serm. 7. de Verb. Dom. memor,* priorem dixit Electionem secundum Dei Gratiā, posteriorem autem secundum Electorum iustitiam.

22. Ad n. 4. Oppositum Respondetur. Originem *loc. cit.* dicere, Deum, quos præscivit, prædestinasse; secundum quod scivire eos respiciendo in affectum, adeoque præsciendo scientiā, de qua dicit scriptura. *Novit Dominus, qui sunt ejus.* Atqui hæc notitia supponit aliquos esse Dei non præcise secundum executionem. Ergò secundum Electionem spectantem ad ordinem Intentionis. Patet igitur, ex Origene evinci potius prædestinationem ad Gloriam, seu Electionem antecedentem, non verò consequentem Dei Præscientiam. Deinde licet S. Ambrosius *loc. cit. objectione allegato* admittat prædestinationem merita

nostra consequentē, ibi tamē sermonē esse duntaxat de Prædestinatione remuneratoriā, patet ex cōtextu, ubi super illud *Rom. 8. Quos præscivit, & prædestinavit,* ait, *Non enim ante prædestinavit, quam præscit, sed quorum merita præscivit, eorum præmia prædestinavit.* Nihilominus præter hanc Voluntatem remuneratoriā ex mente D. Ambrosij esse in Deo ponendam Prædestinationem ad Gloriam Electionem tanquam Causam Meritorum, ac Perseverantiæ Finalis, constat ex dictis *sup. n. 11.*

Denique S. Chrysostomus *loc. cit.* cum illa verba Apostoli, *His, qui juxta propositum vocati sunt,* explicans dixisset: *Non vocationem tantum, sed & ipsum Propositum vocatorum salutem efficere, esseque omnes quidem vocatos, sed non omnes obedire,* mox subiecit, *quoniam quos præseverat, eosque & præsevit conformes fieri Imaginis Filij sui.* Atqui hæc particula *Quoniam* importans Causalitatem connectit subsequencia cum verbis antecedentibus. Ergò redditur sensus, ideo esse aliquos secundum propositum vocatos, ita ut vocationi obediendo Propositum ipsorum cōoperetur ad salutem, quia quos præseverat, eosdem præsevit fieri conformes Imaginis Filij sui. At Causalis ista tam Præscientiæ, quam Præfinitionis illius importat Causalitatem respectu propositi, per quod salvandi obediunt Vocationi Dei. Hoc autem propositum importat meritum. Ergò ex mente S. Chrysostomi præfinitio Conformitatis Imaginis Filij Dei debet assignari tanquam Causalitas antecedens ad Prædestinati meritum.

Ad n. 5. oppositum Respondetur. Ex illo sacro textu Apocalypseos omnino evinci, in prædestinato esse potentiam amittendi Coronam Gloriæ, esseque adeò hujus amissionem respectu illius potentie possibilem, etsi respectu prædestinationis stare non possit actus, sed potentia duntaxat creati liberi arbitrij ad Coronam illam amittendam. At eo ipso, quod ista amissio ita sit possibilis respectu creati arbitrij, ut prædestinatione meritorum prævisionem antecedente minime obstante, sit Voluntati creatæ potestas libera cum verā Dominativā, & Electivā ad Coronam illius amissionem indifferentiā, sit consequens, nō esse vanam comminationem, quæ excitatur Voluntas creata ad Coronam Gloriæ in Gratiā tanquam semine per liberum arbitrij consensum corruptibili non amittendam. Constat igitur, stare prædestinationem Gloriæ merita nostra antecedentem, quæ gratiæ, & bonorū nostrorū operum sit infallibiliter causativa, ut tamen hujus Causalitatis executio sit dependens à nostrā libertate, quam non tantum non tollit, sed operatur illa Dei prædestinatio.

CONTROVERSIA III.

An ratione Theologicā demonstrari possit efficax Prædestinatorum ad Gloriam Electio antecedens prævisionem Meritorum?

Adversus istam Electionem gratuitam Merita nostra antecedentem tum ab absurdis, tum ex ratione multa congerunt argumenta Lestius *cit. disp. de Prædestin. scilicet. 2. à n. 10.* & Amicus *cit. scilicet. 4. à n. 69.* Ex quibus illa, quæ sunt petita ex ratione in præsent, reliqua ex absurdis solum præsequenti controversiā discutimus.

Referuntur Sententiæ Doctorum.

2. **P**rima igitur ratio per Amicum n. 2. deducta ita se habet. In quavis serie Mediorum in illud prius ordine Intentionis fertur Agens, quod intendit ut medium magis aptum, magisque idoneum ad præintantum Finem consequendum. Atqui Finis divinæ Voluntatis in omni ejus opere præintendus est Gloria, & Honor Deitatis, cujus Bonitatis Abyssus resplendet ex sui ad extra participatione. Ergò in divinæ Prædestinationis Decreto illud est prius Volitum ordine Intentionis, quod est à Deo intentum ut Medium aptius ad suam gloriam, & honorem manifestandum. Atqui nostra merita ad hunc Dei Gloriæ Finem promovendum sunt à Deo intenta ut Mediana aptius, quàm nostra Gloria. Sic enim Christus longè honorificentius Patrem glorificavit, Mortem sustinendo propter ipsum, quàm eodem per Visionem Beatam in hac vitâ fruendo. Hinc Sanctus quoque Ignatius malebat cum dubio salutaris in hac vitâ pati pro Christo, quàm de salute cæcis statim admitti ad Gloriam. Unde nec Deus nostram glorificationem in cælis intendit, nisi propter sui ab hominibus per merita exhibitam glorificationem, juxta illud 1. Reg. 2. *Quicumque glorificaverit me; glorificabo eum.* Et Math. 10. *Qui confitebitur me coram hominibus, confitebor & ego eum coram Patre meo.* Consequens igitur est, in Decreto divinæ Prædestinationis prius esse volita, & intenta nostra merita, quàm Gloriam nostram.

Secunda ratio ex præallegato Amico n. 84.
petita ita deducitur. De Fide est, Gloriam esse
adultis decretam ut mercedem, & Coronam :
juxta illud *Lucæ 6. Gaudete in illa die, & exultate, ecce*
enim Merces vestra multa est in celo. Et 2. ad *Timoth. 4.*
In reliquo reposita est mihi Corona justitiæ. Atqui mer-
ces, & Corona essentialem respectum dicunt ad
merita, & labores, à quibus causantur in genere
Cause Moralis Meritorie. Non possunt autem
merces, & Corona causari à meritis coronandi,
nisi hæc in scientiâ absolutâ Visionis præcedant,
ut causa meritorie movens divinâ Voluntatem ad
Gloriam ipsam ut Coronam illis decernendam.
Ergo ex eo, quod Gloria decreta sit adultis ut Co-
rona, & Merces, inferitur priùs ratione, quàm
Deus efficaciter nos elegerit ad gloriam, debuisse
Scientiâ Visionis prævidere merita ex Gratia
profecta.

CONCLUSION.

Ratio Divinae Causalitatis suadet in DEO admittendam esse efficacem Prædestinatorum ad finem Gloriæ Electionem virtualiter in aliquo rationis Instanti, seu signo antecedentem ipsorum prævisa merita.

4. Explicatur, & Probatur. Nam in Dei circa vitam æternam Causalitate tria rationis Instantia, seu signa consideranda sunt. In primo ponitur Decretum antecedenter ad Scientiam Visionis præfinitivum determinati gloriæ Gradus. Hoc autem Decretum considerandum est versari circa æternam gloriam adultis destinatam quæ Mercedem, & Coronam mediantibus operibus supernaturalibus per Gratiā ex vi Voluntatis

divinæ efficacem eliciendi certū, & infallibilitē
ter consequendam. Unde in hoc Decreto in-
telligitur Causalitas non Finis duntaxat Gloriæ,
sed Mediorum quoque efficacium effectū.
Quam proinde Voluntatis divinæ effectivam
præfinitionem pro secundo rationis instanti, seu
signo intelligitur consequi visio rum gradus cui-
que Prædestinatorum in gloriâ determinatūque
Mediorum, ac Meritorum Gloriæ æternæ
quā Mercedem, & Coronam moraliter operan-
tium: Hæc autem Visio per Voluntatis divinæ
præfinitivam efficaciam formaliter identice spe-
cificata trahit ex illâ Decreti divini efficaciam vim
Causalitatis effectivæ, habetque ut sic rationem
Imperij, vi cuius dicit Deus, & dicendo facit quæ-
cumque voluerit. Denique istud Imperium in
Intellectu divino exprellum pro tertio rationis
instanti, seu signo virtualiter consequitur *Ultus
prom preced. q. 8. a. 2. cont. 2.* ostendimus. Unde pa-
tet, duplex virtualiter seu ratione nostrâ ratio-
cinari distingui in Deo Decretum circa finem
æternæ Gloriæ, quorum prius sit antecedens vi-
sionem, ac Imperium Meritorum tanquā fa-
lucis Mediorum in Intellectu divino præparati-
vum, posterius autem sit consequens istud Impe-
rium, atque aded Mediorum prævisionem. Ac
istud posterius Decretum habens rationem Exe-
cutionis est Iustitiæ, siquidem sit consequens me-
rita nostra prævisa: illud verò prius Decretum
habens rationem Intentionis, cum sit Menta no-
stra antecedens, est Gratiæ, & Misericordiæ.
Oportet igitur admittere in Deo Decretum Glo-
riæ efficacæ non tantum Iustitiæ, sed etiam Gra-
tiæ & Misericordiæ.

Dices, Nos *sup. q. 7. a. 1. cont. 1. m.* Intentionis, ac Executionis ordinem distinxisse, quodd hæcefficientiæ, illa verò Finalizationis Causalitatem importet. At Decretum illud posterius Iustitiæ, scilicet æternæ Gloriæ tanquam Mercedis intuitu Meritorum propter Iustitiæ Deo inexistentis increatam Honestatem executivum importare etiam Causalitatis Finalis rationem, id est Eminentialis cuiusdam ex Iustitiæ divinæ Motivo tanquam Fine excitationis facti Decretum quoque Intentionis ex Motivo Misericordiæ præfinitivum æternæ Gloriæ respectu hujus, ac Mediorum habet etiam rationem Causalitatis efficientis, quatenus ipsi inest vis, ac efficacia intrinseca actualis Communicationis ad effectus volutis participandum. Non igitur videri, qualiter dicatur Decretum Iustitiæ de dandâ Gloriâ habere in Deo rationem Executionis, Decretum verò Misericordiæ rationem Intentionis.

Contra. Nam in hac voce *Executio* latet quædam æquivocatio: Subinde enim accipitur strictè pro usu Voluntatis consequente Intellectus Imperium, quo modo est potentie Executricis ad effectum præintendunt effectrix applicatio. Subinde verò sumitur latè pro Causalitate efficientie condistincta à Causalitate Finalizationis, quæ Finalizatio strictè loquendo eatenus venit nomine Intentionis, ut secundum hanc acceptionem verificetur illud Philosophicum axioma: *Quod prius est in Intentione, est ultimum in executione.* Quare divina et Increata præsertim Dei Bonitatis ad extra communicandæ excitata Intentio eatenus habet rationem Finalizationis, ut sit tamen præfinitio Existentiæ rerum æqualiter effectrix habens ut sic rationem

tionem efficientiæ: sicut etiam Executio Divinæ Voluntatis accepta pro Ufu ita habet rationem Causalitatis efficientis, ut tamen respectu alicujus divini Attributi tanquam Finis ac Motivum specificativum habeat etiam rationem Finalizationis. Ne proinde istis æquivocationibus irretiatur cujusquam Intellectus, notandum hic venit, Nos in cit. q. 7. a. 1. cont. 1. ita accepisse Voces *Id Executio, ac Intentio*, ut per priorē Causalitas tantum efficientiæ, per posteriorē verò Finalizationis duntaxat significaretur, cum e contra in hoc loco per *Id Executio* usum, per *Id verò Intentio* efficacem Finis volitionem non quā præcisè habet, rationē Finalizationis, sed Causalitatis quoque efficientis intelligamus iuxta quā ad eodē acceptionem *præc. n. 4.* ex ratione divinæ causalitatis probavimus, oportere circa Finem æternæ gloriæ duplex virtualiter in Deo distinguere Decretum, ita ut prius per modum Intentionis efficacis sit gratuitum, posterius verò per modum usus, ac executionis strictè sumptæ sit iustitiæ.

7. Oppones: Implicare idem esse ex Gratiā, seu liberalitate, & ex Iustitiā seu debito: nec ad eodē videri qualiter circa Gloriam æternam tanquam Mercedem, & Coronam Iustitiæ debitam posset versari Decretum ejusdem misericorditer, & gratuito præfinitivum.

8. Contra. Nam Iustitiæ ad Coronam Gloriæ debitum duo importat, alterum ex parte merentis, alterum verò ex parte Dei. Etenim ex parte merentis fundatur illud debitum in condignitate operis Meritorij. Hæc autem condignitas consistens in intrinsecā operis honestate supernaturali, & per Gratiā Sanctificantem dignificatione nequit fundare ullum Ius ex Iustitiā strictā Dei obligatorij, sed fundat cōnaturalis duntaxat exigentiæ cum præmio proportionem, absolutam, ac independenti Dei Domino simpliciter subjectam. Quare ut condignitas illa operis supernaturalis pariat debitum, requiritur ex parte Dei pactum, quo sub conditione operis supernaturalis in Gratiā sanctificante eliciendi obligarit se ad Gloriam tanquam mercedem decenti cum Iustitiā retribuendam. Hoc autem Pactum non parit in merente Ius adversus Deum de retribuenda Gloriā, siquidem secundum Patres *sup. q. 7. a. 2. cont. 2.* Deus vi illius pacti non tam nobis debitor sit, quā sibi. Unde hoc debitum ex pacto, seu Voluntatis divinæ nobis revelato Decreto resultans nihil aliud est, quā Immutabilitas divini Decreti habentis ex se infallibilitatem omnis meriti, & Gratiæ, nec non Gloriæ præfinitæ efficaciter causativam. At verò istud Decretum oportet non tantum in ratione Causalitatis esse prius meritis, & perseverantiā Finali, sed etiam tanquam rationem fundantem debitum Iustitiæ esse virtualiter in aliquo rationis Instanti antecedens Decretum, quo Deus Meritis Iustorum cum Gratiā decedentium ex Iustitiā decernit Mercedem, & Coronam Gloriæ. Unde Decretum illud cum sit antecedens respectu tam meritorum, quā debiti Iustitiæ, non potest non esse gratuitum, & liberale. Constat igitur, non tantum non repugnare, esse in Deo de eisdem Gloriā quā Mercede conferendā Decretum tum Intentionis Gratiæ, ex increatā divinæ Misericordiæ Bonitate tanquam Motivo, & Fine specificatæ, tum Executionis ex increatæ Iustitiæ Deo inexistentis Honestate tanquam Motivo specificatæ, sed insuper

istud Decretum Iustitiæ fundari in illo Misericordiæ Decreto tanquam Motivo sui specificativo.

Replicabis ex Lessio *ut. sect. 2. n. 12.* Istud Decretum Misericordiæ, in quo fundatur pactum Dei de Iustitiæ Coronā pro iusti in Gratiā decedentis meritis retribuendā, esse duntaxat conditionatum, veluti pateat ex Conc. Trident. *sess. 6. de Iustif. can. 20.* Quare Intentionem Dei de salute hominum antecedentem merita prævisa non esse nisi illam de salute omnium inefficacem, seu conditionatam Dei Voluntatem, de quā Apostolus *1. ad Timoth. 2.* ait: *Voluit omnes homines salvos fieri.*

Contra. Nam Concilium Tridentinum *ut. sess. 6. de Iustif. c. 16.* ait, bene operantibus usque in finem, & in Deo sperantibus proponendam esse vitam æternam tanquam Gratiā Filijs per Christum Iesum misericorditer promissā. Ac ista misericordiæ promissio est respectu illorum duntaxat, quibus vita æterna tanquam Merces ex ipsius Dei promissione bonis ipsorum operibus, & meritis fideliter est reddenda. *ex cit. c. 16.* Hæc ipsa verò Merces est illa Corona Iustitiæ, quam post suum certamen, & cursum repositam sibi esse, aiebat Apostolus, non solum autem sibi, sed & omnibus, qui diligunt adventum ejus. *ibid.* Isti verò non sunt, nisi illi, qui in providentiā Dei dispositione præcisi, prædestinati, vocati, iustificati, glorificati, nondum renati, imò necdum nati jam Filij Dei sunt, & omnino perire non possunt *ex S. Augustino de Corrupt. & Grat. c. 9. post Medium.* His ergo secundum Concilium citatum est vita æterna tanquam merces ex ipsius Dei promissione bonis ipsorum operibus, & Meritis fideliter reddenda. At hæc redditio est secundum Decretum divinum Iustitiæ fundata ut sic in promissione Dei. *ex dicto sacro Concilio.* Hæc ipsa verò promissio (uti patet ex Concilij modo loquendi) est respectu illorum, qui absolute sunt bene operantes usque in finem. Unde S. Augustinus *ut. c. 9. de Corrupt. & Grat.* dicit, istos verò esse Filios promissionis, utpote prædestinatos, & secundum propositum vocatos. Oportet igitur ex sacro Concilio, & S. Augustino adstruere promissionem vitæ æternæ propriam prædestinationis, per quam isti sint discreti à massa perditionis. At isti Filij promissionis à Filijs perditionis, qui sunt ex multitudine vocatorum, non autem paucitate Electorum, discernuntur, quatenus sunt prædestinati conformes fieri Imaginis Filij Dei. *ex cit. c. 9. de Corrupt. & Grat.* Ergo promissio illa fundatur in prædestinatione conformitatis Imaginis Filij Dei absolutā, & Filiorum promissionis à filijs perditionis eatenus segregativā, ut sit etiam Causativa, atque ex vi suæ efficacitæ infallibiliter in Electis illarivā perseverantiæ Finalis. *ex Augustino ubi supra.* Unde illam quoque promissionem, per quam Vita æterna secundum præallegatū sacrum Concilium est bene usque in finem operantibus, tanquam Gratiā Filijs misericorditer promissa, oportet esse absolutam. Cum igitur in istā Misericordiæ promissione fundetur redditio vitæ æternæ tanquam Mercedis, atque ad eodē Decretum de Gloriā tanquam Coronā secundum Iustitiā ex vi promissionis illius retribuendā, consequens est, ex Mente Concilij Tridentini iunctā S. Augustini Doctrinā, circa æternam Gloriam respectu

prædestinatorum duplex virtualiter Decretum absolutum & efficax in Deo distinguendum esse, ita ut alterum sit Misericordiae per modum Intentionis, alterum Iustitiae per modum Executionis.

11. Confirmatur 1. Concilium enim Tridentinum *cit. can. 20.* asserens: *Evangelium non esse nudam & absolutam vitam æternam sine conditione observationis mandatorum promissionem intendit solummodo, vitam æternam non esse promissam independentem ab observatione mandatorum. At non tantum secundum executionem, in qua meritis usque in finem bene operantium fit retributio vitæ æternæ tanquam Coronæ, respicitur ad observationem mandatorum, sed in ipsa quoque vitæ æternæ intentione respicit Deus ad merita, & perseverantiam Finalem tanquam ad media. Secundum hanc verò Intentionem est promissio vitæ æternæ tanquam Gratiae. *ex cit. c. 16. Conc. Trid.* Hæc autem Intentio quæ communis de omnibus salvandis est quidem conditionata, & inefficax, quatenus tamen fundat promissionem Filij prædestinati propriam, est absoluta, & efficaciter causativa observationis mandatorum Dei, omnisque ad finem usque meriti, & ipsius tandem Gloriæ *ut supra* ostensum fuit. Quare ista promissio utpote Decreti Iustitiæ Gloriam tanquam mercedem meritis Iustorum proportionatam decernentis fundamentum ita est Misericordiae, ut tamen respectu Prædestinatorum sit absoluta, non verò conditionata.*

12. Confirmatur 2. Nam sacrum Concilium *cit. c. 16.* merita nostra dicit Dona Dei. Unde non tantum facultas merendi, sed ipsa bona opera cum ipsamet finali perseverantiâ sunt Divinæ Gratiae largitate donata. *ex S. Aug. lib. de libero arb. c. 7. lib. de corrept. c. 12. & de Prædest. sanct. c. 3. & c. 10. ac per totum librum de Dono Persev. præsertim c. 17.* At de ratione Doni est, quod sit ex gratuita, & liberali Donantis Voluntate. Oportet igitur in Deo ponere Voluntatem gratuitam, eamque efficacem, utpote realiter causativam meritorum, ac Perseverantiæ Finalis. Atqui hæc sunt a Deo ordinata tanquam Media efficaciacia, & actu moraliter operativa vitæ æternæ. Hæc autem meritis, ac Finali perseverantiæ communicata operandi vitam æternam efficaciacia est ex Divinæ Voluntatis, ac Providentiæ utpote universalissimæ Causâlitatē. Ergo datur in Deo Voluntas Gratuita causans in meritis prædestinatorum non tantum Ordinabilitatem in Finem vitæ æternæ, sed efficaciam actualiter operandi illius Finis assecutionem. At eo ipso, quod vita æterna se habeat tanquam Finis, Merita autem tanquam Media, oportet omnimodam istorum efficaciam reduci in Vitæ æternæ finalem Causâlitatem. Hæc autem Causâlitas est per Intentionem Finis quæ virtualiter saltem excitativam Electionis mediorum. Cum igitur Merita nostra cum Perseverantiâ Finali se habeant ut Media actu moraliter operantia vitam æternam, hæc vero se habeat ut Finis, nequeat autem ratio Finalis, vel Efficacia Mediorum assecutionem Finis actu operans esse, nisi ex Divinâ Causâlitatē: hæc vero sit secundum Dei Voluntatem: Ista verò Dei voluntas non sit operans in se creatâ rationem Finis actualiter in media influentis, nisi illi per Volitionem Divinam conveniat excitatio Electionis Mediorum: hæc autem Electionis Mediorum excitatio in Divinâ Volun-

tate nequeat esse nisi Decretum liberæ Intentionis, manifestè sequitur, in illo Gratuito meritorum cum Finali Perseverantiâ tanquam Mediorum salutis æternæ efficaciam præfinitivo Decreto importari etiam formalitatem Intentionis, per quam vita æterna tanquam Finis sit Electis efficaciter prædestinata.

13. Instabis ex Amico *cit. scilicet n. 124.* Hoc argumento probari, quod Electio efficaciam salutis æternæ Mediorum in Divinâ Voluntate importet efficaciam de dandâ Gloria Intentionem virtuales, & concomitantem, non verò formalem antecedentem. Etenim Voluntas Dei libera respectu alicujus rei dicitur formalis per connotationem talis rei liberæ à se dependentis: At Voluntas Mediorum efficaciam nondum connotat formaliter Gloriam Prædestinatorum ut Coronam liberæ à se dependentem, cum in eo signo nondum sint prævisa merita, a quibus pendet definitio Gloriæ ut Coronæ. Ergo illud Gratuitum Mediorum efficaciam Decretum non potest dici Voluntas efficax formalis Gloriæ ut Coronæ, sed tantum Virtualis.

14. Contra. Non enim est intelligibilis Medij ratio, nisi quatenus derivata ex Finali Causâlitatē. At Mediorum salutis tota, & omnimoda efficaciacia habet rationem medij respectu Finis æternæ gloriæ. Ergo tota illa efficaciacia est ex Causâlitatē Finali Gloriæ æternæ. Atqui Causâlitas Finalis formaliter consistit in excitatione Voluntatis ad eligenda & applicanda Media Finis consecutioni utilis. Nequit autem Divinæ Voluntatis ex illâ se creatâ seu Fine respectu alicujus rei tanquam Medij eligendi esse excitatio, nisi secundo liberam Dei Voluntatis determinationem. Ergo Causâlitas Finalis, quam Finis æternæ Gloriæ non secundum naturam necessitando, sed secundum libertatem Dei exercet, excitando Mediorum salutis efficaciam Electionem, est liberam Voluntatis Divinæ Decretum ut sic antecedens, utpote excitans Electionem Mediorum, atque adeo Meritorum. Atqui non est intelligibile Decretum Divinæ Voluntatis liberum, nisi formaliter per connotationem objecti voluti. Oportet igitur ponere in Deo Decretum ad Coronam Gloriæ formaliter terminatum Mediorum Efficaciam Electionem virtualiter antecedens per modum Causâlitatis Finalis ad illam quodammodo excitans, atque ante prævisa merita, seu Media præfinitus Gloriam æternam tanquam Coronam non in actu exercitio qua meritorum effectum ab illis in executione pendentem, sed in Intentione, quâ Finem Voluntatis Divinæ merita præparantis increatum Dei Bonitatis mediante excitativum.

15. Urgebis ex Amico *cit. scilicet n. 120.* Electionem efficaciam non semper præcedere efficaciam Finis Intentionem, sed sufficere simplicem hujus Voluntatem, siquidem Deus sæpè in hac vitâ conferat reprobis Media efficaciacia ad salutem, cum tamè illa non causentur ex efficaci, sed simplici duntaxat affectu Finis, quem Deus illis intendit in ipsis Medijs, & Causis universalibus. Est proinde ad efficaciam salutis Mediorum Electionem sit necessaria aliqua saltem Finis Gloriæ Intentio; nihilominus, quia iste Finis etiam dependet à Voluntate creatâ, posse Deum conferre

ferre Media efficacia, & etiam si non intendat efficaciter Finem.

16. Contra. Nam in primis nequit Medium efficax esse volitum, nisi cum essentiali respectu ad Finem re ipsâ ponendi assecutionem tanquam Causam propter quam. At quia Media dicunt essentialem respectum ad Finem ut ad Causam, propter quam eliguntur, ideo fatente Amico citato nequeunt Media eligi nisi ex aliqua saltem Intentione Finis. Ergo quando Medium est à Deo volitum quâ efficax, oportet ipsam Finem ut re ipsâ ponendi assecutionem esse intentam. At ejusmodi volitionem Dei esse efficacem ex ipsâ Naturâ Divinæ Voluntatis habentis ex se vim, & efficaciam respectu omnis eo modo, quo vult, objecti actuale, ac realem positionem ex sacris litteris, & Patribus demonstravimus supra.

17. Nequit ergo Medium ut efficax à Deo esse volitum, nisi de Fine, respectu cuius est volitum, Intentio sit efficax. Deinde ipsa æternæ Gloriæ Existencia actualis respectu Mediorum salutis efficacium habet rationem Finis. At Causalitatem Finis æternæ Gloriæ importare Decretum Divinæ Voluntatis ad hanc formaliter terminatum, ut sic efficacis Mediorum Electionis excitativum, constat ex dictis. Ergo æternæ Gloriæ Existencia actualis est formaliter volita per illud Decretum Electionis Mediorum excitativum, virtualiter antecedens Merita nostra. Atqui Decretum Dei ad existentiam æternæ Gloriæ actualiter ponendam formaliter terminatum, est respectu Finis Gloriæ efficax. Ergo Decretum illud merita nostra virtualiter antecedens se habens per modum formalis Intentionis Gloriæ est efficax.


Responsio ad opposita Argumenta.

18. **A**D n. 2. Oppositum Respondetur. Verum esse, quod in omni opere Divinæ Voluntatis Finis præintendus sit Gloria, & honor Deitatis. Hanc verò Dei Gloriam consistere in quâdam Divinæ ad extra communicatæ Bonitatis resplendentia. At istam resplendentiam esse *Emittivè* majorem, ac perfectiorem in Visione Beatificâ, quàm in ullo opere nostro imorali supernaturali; licet *affertivè* secundum appretiationem Charitatis pluris quodammodo facere debeamus opera nostra Deum laudantia, quàm propriam in Beatitudine Gloriam nostram. Charitas enim non quærens quæ sua sunt, sed quæ Dei maximè curat, ut in nobis ipsis relucent Gloria Dei. Hoc autem sit per opera nostra supernaturalia, quæ Divinæ licet Gratia largitate donata, ex ipsâ nostræ voluntatis libertate enarrant Gloriam Dei, cum e contra lumen Gloriæ, ac visio Beatificæ *emittivè* spectata non tam erulentur ex Corde nostro in Laudem Dei, quàm ea in nobis recipiendo glorificemur à Deo. Nihilominus quia hæc ipsa Gloria nostra per Eminentio rem quandam Divinæ Gloriæ resplendentiam sublimius reducitur in Deum, siquidem in ratione suæ Entitatis altio rem sapiat Divinitatis participationem, imò in ratione Coronæ, ac præmij præsupponat merita Deum glorificantia, eaque in se ipsâ tanquam Fine per totam æ-

ternitatem relucentia ad Divini honoris manifestationem repræsentet: Idcirco Gloria Beatitudinis absolute loquendo magis conducit ad Dei honorem, quàm merita nostra; etsi hæc sub certo respectu, ac secundum quid aptiora sint Gloriæ Dei promovendæ. Unde Sancti quandoque ad tolerandos labores pro Dei gloria promptiores, ita suimet Glorificationem postponabant Honori Divino, ut hujus in se ipsis cum majori meritorum tumulo augmentum quærerent præcipue in Beatitudine celestis, hanc ipsam tamen appetentes non tam propter retributionem, quàm propter immentæ Bonitatis Divinæ majorem Gloriam. Cum proinde in quâvis serie Mediorum in illud prius ordine Intentionis feratur Agens, quod intendit ut Medium magis aptum ad Finem præintendum consequendum, Gloria verò Celestis in ratione præmij & Coronæ sit omnis ex meritis resplendescens Gloriæ Divinæ signum quoddam repræsentativum, aded, ut licet infinitus Meritorum Christi valor quoad increatam Verbi dignitatem infinites excederet hominum redemptionem, Iustificationem, & Glorificationem, imò & ipsius Nominis Christi exaltationem; hæc tamen in ratione præmij esset consummata Divinæ Gloriæ enarratio, utpote in se resplendere faciens omnem ex Meritis Christi relucentem Gloriam Divinam, ideo Coronam celestis Gloriæ ut Medium Dei honoris, & Gloriæ manifestandæ magis idoneum oportet prius esse in Intentione Divinæ Voluntatis, quàm merita nostra.

19. Ad n. 3. oppositum Respondetur. Verum esse, quod æterna Gloria non tantum in Decreto Executionis, sed etiam Intentionis sit adultis prædestinata tanquam merces, & Corona. Non enim à Decreto Intentionis Divinæ aliter, quàm à Decreto Executionis attingitur æterna gloria, ex meritis per divinam prædestinationem in ipso etiam Intentionis quâ Mediorum Electionem includentis signo præstatis dependens. Nihilominus Gloriæ sub ratione etiam Coronæ duplicem esse considerationem quâ effectus nimirum, & quâ Causæ finalis meritorum. Sub prior enim consideratione Merita in celestem Gloriam exercent moralem aliquam Causalitatem: Hæc verò consistit in quâdam excitatione Divinæ Voluntatis intuitu meritorum decernentis præmium æternum. At ista Divinæ Voluntatis excitatio est in Deo formaliter Decretum ex Iustitiâ remunerativum, ad quod merita cum Finalis Præferentiæ statu prævisa se habent instar conditionis sub condignitatis, & exigentiæ connaturalis ratione applicantis rationem Voluntatis Divinæ motivam ad præmium condignum intuitu meritorum volendum. Cujus proinde Divini remunerativi Decreti Motivum est increata Bonitas subsistens in promissione & pacto Dei Decretum illud actuante, & specificante in ratione Iustitiæ Divinæ. At hoc ipsum pactum, seu promissio Filij prædestinationis propria importat formaliter decretum æternæ Gloriæ, Divinum Intellectum in ratione Immobilis circa Gloriam Filij prædestinati infallibiliter conferendam Veritatis actuans, & ut sic Decretum illud remunerativum specificans in ratione Iustitiæ. Constat igitur, ad decretum Dei remun-

nerativum, in quo merita se habent ut Causa Coronam Gloriæ moraliter efficiens, præsupponi pactum, atque adeò Decretum Dei, quod ipsum etiam sit efficax, utpote prædestinationis Filios discernens à Filijs perditionis, *ut sup.*
 20. ex S. Augustino demonstravimus. In hoc igitur Decreto se habet Corona Gloriæ ut Finis, merita autem ut media. At de ratione Finis est exercere Causalitatem Finale in Media, cuiusmodi Causalitas est excitatio Divinæ Voluntatis, quæ ut sic habet rationem Intentionis efficacis virtualiter moventis tum Electionem Mediorum seu Meritorum in perseverantiâ Finali efficacium, tum ad actualem Finis æternæ Gloriæ consecutionem. Constat igitur, Coronam Gloriæ eatenus dicere essentialem respectum ad merita, ut hæc tamen in Intentione comparentur ad illam tanquam Media necdum prævisa pro illo rationis signo, sed prævidenda pro signo posteriori, cum è contra in executione comparentur ad eandem Gloriam tanquam Causa meritorie, atque adeò moraliter effectrix, ut adeò Decretum Executionis habens rationem Iustitiæ merita in Gloriâ remunerantis, sit omninò consequens meritorum prævisionem, etsi Decretum Intentionis sit hanc antecedens, adeòque Gratuitum ex Misericordiæ, ac solius Dei Bonitatis Motivo elicitum.



CONTROVERSIA IV.

Utrum efficax ante prævisa merita Prædestinatorum electio occasionem teporis, negligentia, & desperationis inferat.

I. **L**essius *cit. sect. 2. à n. 14.* conatur ostendere, quòd Electio Prædestinatorum ante prævisa merita tollat Bonorum operum, & salutis sollicitudinem, zelum animarum, & Correptionem seu exhortationem; è contra verò inducat licentiam vitæ ac desperationem. Horum verò malorum occasionem Amicus *to. 1. disp. 1. disp. 14. sect. 4. n. 76.* reducit ad hoc, quòd posita illâ Electione ante prævisa merita, cuique liceat ratiocinari. Vel sum prædestinatus, vel non sum prædestinatus; si prius, jam certus erò, quòd, quidquid egero, tandem salvabor: quia implicat, Deum absolutâ suâ Voluntate me ad gloriam elegisse, & de facto mihi non dare, quæ necessaria sunt ad eam consequendam. Si posterius, certus sum, quòd quidquid egero, tandem non salvabor, quia nihil efficere possum, quo salutem consequar, à quâ ante omnia merita mea, efficaci Dei Voluntate exclusus sum.

CONCLUSIO.

Dicere, quòd per prædicationem Prædestinationis ante merita prævisa audientibus plus desperationis, quàm exhortationis afferatur, est dicere, quòd de suâ salute homo desperet, quando ipsem suam non in se ipso didicerit ponere: adversus quem tamen Propheta Hieremias *cap. 17.* clamat: Maledictus omnis, qui sem

habet in homine, ex S. Augustino *lib. de Don. Pers. cap. 17. circa finem.*

2. **P**robatur. Nam istam conclusionem nostram Divus Augustinus citatus intulit adversus Semipelagianos. Hi verò asseriebant, Neminem posse Correptionis stimulis excitari, si dicatur in Conventu Ecclesiæ audientibus multis, ita se habet de Prædestinatione definita sententia Voluntatis Dei, ut alij ex vobis de infidelitate acceptâ obediendi Voluntate veneritis ad fidem, vel acceptâ Perseverantiâ maneat in fide, ceteri vero, qui in Peccatorum delectatione remorantur, ideo necdum surrexistis, quia necdum vos adiutorium gratiæ miserantis crexistis. Verumtamen si qui estis necdum vocati, quos gratia suâ prædestinavit eligendos, accipietis eandem gratiam, qua velitis & sitis electi. Et si qui obeditis, si qui prædestinati estis regnandi, subtrahentur obediendi vires, ut obedire cessetis. ex *int. cap. 15. de Dono Persev.* At huic Semipelagianorum voci non ablimilis est illa, quam ponit Lessius *cit. sect. 2. n. 4. & 14.* Item Amicus *supra citatus.* asserentes: Electione ad gloriam independenter à nostris operibus admittâ, non esse, cui sumus solliciti de bonis operibus ac perseverantia, siquidem live bene live malè nunc vivamus, tales tandem futuri simus, quales nos Deus prædestinationis suæ Decreto absoluto præfinivit. Illi proinde objectioni præallegatus Sanctus Augustinus respondit: cum ista dicuntur non debere à confitendâ Dei verâ gratiâ, id est, quæ non secundum merita nostra datur, & à confitendâ secundum eam Prædestinatione Sanctorum nos detertere: sicuti non deterremur à confitendâ præscientiâ Dei, si quis de illâ populo sic loquatur: *sive nunc recte vivatis sive non recte, tales vos eritis postea, quales vos Deus præscivit, vel boni, si bonos, vel mali, si malos.*

3. **R**atio huius per Sanctum Augustinum asseratæ inter Dei præscientiam ac prædestinationem paritatis est. Nam Deum in suâ, quæ falli mutarique non potest, Præscientiâ opera sua futura disponere, id omnino, nec aliud quidquam est prædestinare, ex *cap. 17. de Dono persev. post int.* At per hoc, quòd aliquid sit à Deo prædestinatum, est à Deo donatum, siquidem opera nostra bona sint hoc ipso prædestinata, si dantur à Deo, & Deus ea se daturum præscivit. ex *cit. cap. 17.* Unde prædestinatio dicitur Gratiæ preparatio, Gratia verò jam ipsa donatio. ex eodem Sancto Doctore *cap. 10. de pred. Sanct.* Atqui donatio ejusmodi est secundum secretissimam Dei Voluntatem, de quâ est illud; *Quoniam quos prædestinavit, hos & vocavit, ex cap. 17. circa Med. de Dono Perseverantia.* Ergo Prædestinatio ita est Præscientia Donorum Dei, ut hæc tamen per Causalitatem Divinæ Voluntatis sint data, seu donata. In quâ proinde Voluntatis Divinæ ad donandum causalitæ ita præscit Deus sua futura dona, ut per illam ipsam Voluntatis Divinæ causalitatem Præscientia Dei habeat etiam rationem Dictionis omnium, quæ voluit Deus, facientis & mandando creantis, uti *alibi* ex S. Augustino demonstratur. Cum proinde Præscientia Dei non minus, quàm Prædestinatio sit secundum hunc Ecclesiæ Doctorem causalitate antecedens opera nostra bona, & Finale perseverantiam, par est utriusque ratio, ne à prædestinatione non secundum merita, sed secundum gratiam confitendâ

stenda terreamur, etiam si hoc audito nonnulli in torpore, segnitieque vertantur, & à labore proclives ad libidinem post concupiscentias eant, non enim propter tales sententiæ illius in sacris litteris uti, *alibi* ex S. Augustino ostenditur, fundatæ veritas deferenda est, ex *cit. cap. 15. & 6. de Dono persever.*

4. Dices ex Ysamberto *ad pras. q. 23. disp. 4. & 5.* Sanctum Augustinum in *cit. lib. de Dono persever.* totum in eo esse, ut spem nostram non in nobis, sed in Deo ponamus. Ad hanc verò spem in Deo habendam requiri, quod sperans credat fide Catholicâ, Deum verè sincerè, quantum est ex parte suâ velle homini, quod sperat, vitam scilicet æternam. ex Concil. Trident. *sess. 6. de Justif. cap. 13.* At modum eligendi aliquos tantum homines ante prævisa eorum merita, alijs relictis in Mafsâ perditionis, admittere in adultis fidelibus hæsitacionem rationabilem oppositam prædictæ fidei. Probatur istud Assumptum. Ubi enim Deus voluit efficaciter dare ex merâ suâ Voluntate etiam antecederet ad bona opera fidelium adultorum aliquibus tantum personis ex totâ hominum multitudine ita aliquod beneficium supernaturale, ut tamen hæc ejus Voluntas inferat exclusionem infallibilem aliorum à participatione talis beneficii etiam ante prævisionem malorum eorum operum; tunc si singuli homines nesciant determinatè, quinam sint isti, unusquisque eorum poterit rationabiliter dubitare, utrum talis volitio Dei includat illum. Sic enim tantam habet rationem dubitandi & timendi sibi ex parte Voluntatis Divinæ, quantum habet rationem dubitandi, & sibi timendi, ne defectu propriæ suæ cooperationis, & negligentia excludatur à consequendo tali Bono. Atqui electio efficax hominum ad gloriam est aliquod Beneficium supernaturale Dei, quod Deus ita voluisset efficaciter ex merâ suâ Voluntate dare aliquibus duntaxat ex totâ hominum multitudine antecederet ad bona eorum opera etiam prævisa, ut hæc ejus voluntas inferret consequenter infallibilem exclusionem aliorum à participatione talis beneficii. Cum igitur nullum extet signum certum, quo fideles cognoscunt electos viatores, unusquisque fidelium potest rationabiliter dubitare, num illa Electionis Divinæ Voluntas eum includat, & proinde an Deus ita velit ei gloriam æternam, sicut jubet illam sperare, ita scilicet quod nihil est ex parte Dei, quod remoretur hominem hunc ab illâ consequendâ.

5. Contra. Nam verum omnino est, spem nostram niti promissione Divinâ per Verbum Dei manifestatâ, & per fidem Catholicam cognitâ. Ex hac verò fide Divinâ instruimur imprimis; Deum habere Voluntatem omnes salvandi. *ad 1. Thimoth. 1.* Hæc verò Voluntas est non sit absoluta, sed conditionata, adedque propter conditionem non purificatam inefficax ad vitam æternam actualiter producendam, est tamen efficax ad media salutis saltem remota, & si hisce uteremur etiam proximè sufficientia cuique hominum actu conferenda. Ex illius ergo Voluntatis Divinæ antecedentis promissione conditionatâ cuique, si adultus sit, per propriam etiam libertatem est possibilitas seu potentia ad consequendam vitam æternam, quam proinde sperare tenemur tanquam gratiæ viibus ac me-

dijâ Deo cuique efficaciter destinatis possibilem ex volutate illâ antecedente, quantum est ex parte Dei, sincerè omnibus volitam, conditionatè quidem in se ipsâ, absolute verò & efficaciter in medio præbentè vires, seu auxilium sufficiens. In ejusmodi aded Dei auxilio firmissimam spem collocare omnes debemus, utpote certi de vi & potentiâ libertatis nostræ per gratiæ vires sufficiente ad vitæ æternæ consecutionem, ita ut nisi ipsimet per Voluntatem nostram liberam defuerimus, Deus, qui in nobis per Baptismum justificatis cæpit opus bonum, perfecturus sit operando in nobis vellè, & perficere. ex Concil. Trident. *cit. cap. 13.* Alia igitur est vitæ æternæ promissio Divina, secundum quam filij promissionis, qui sunt de paucitate Electorum, discernuntur à filiis non prædestinatis, ex S. Augustino *lib. de Corrupt. cap. 9.* Iuxta quam promissionem Apostolus *Rom. 11.* ait! *Non repulit Deus plebem suam, quam præservit.* Nam quod, ait, præservit, non rectè intelligitur, nisi prædestinavit. ex *cit. lib. de Dono persever. cap. 12.* De hac autem prædestinatione dicitur *cit. Rom. 11.* Reliquiæ per Electionem Gratia salvæ factæ. Unde hæc est illa Electio, quâ eos, quos voluit Deus, elegit in Christo ante constitutionem mundi, ut essent Sancti & immaculati in conspectu ejus, prædestinans eos in adoptionem filiorum. ex *cit. cap. 12.* Quare præscisse Deum reliquias, quas secundum electionem gratiæ eas ipse esset factururus, ita est, eas prædestinasse in adoptionem filiorum, in gloriam scilicet consummatam, ut secundum hanc præscientiam ac prædestinationem nondum renati, imò necdum nati jam vocati, justificati, & glorificati sint filij Promissionis. ex *cit. cap. 18. de Dono Persev. & cap. 7. de Corrupt.* Iuxta hanc igitur Electionis gratiæ promissionem Deus non mendax Filijs promissionis ita promisit vitam æternam, ut tamen ante tempora æterna de hac sive arcana Prædestinationis mysterio, sicuti de Perseverantiæ quoque munere nihil absolutâ certitudine nobis promittere voluerit, nec aded securi esse possimus, nisi consummata fuerit vita ista, quæ tentatio est super terram. ex *cit. cap. 22. cit. lib. de Dono persever. & Concilio Tridentino sess. 6. cap. 12. & 13.* Hoc tamen minimè obstarit, debemus ipsam etiam obediendi perseverantiâ à Patre luminum, à quo descendit omne datum optimum & omne perfectum, sperare, & quotidie orationibus poscere, atque hoc faciendo confidere, non esse nos à prædestinatione Populi ejus alienos, quia etiam hoc, ut faciamus, ipse largitur, ex *cit. cap. 22. de Dono Perseverantia.* In hac ipsâ verò spe scientes, quod in spem gloriæ, & nondum in gloriam renati simus de pugnâ, quæ superest cum carne, cum mundo, cum Diabolo, formidare debemus, itaque cum timore & tremore salutem nostram operari in laboribus, in vigilijs, in eleemosynis, orationibus & oblationibus in jejunijs & castitate. ex *dicto cap. 13. Concil. Tridentini.*

7. Constat igitur, ejusmodi debere spei nostræ de vitæ æternæ esse firmitatem ac certitudinem, quâ securi de vitæ æternæ per gratiæ sufficientis vires possibilitate hanc omnes speremus, & insuper per fidem certi de Electorum, ac filiorum prædestinationis salute actu consequendâ

confidamus, nos esse in ipsorum numero, formidantes tamen de istâ gratiæ Electione seu prædestinatione, spem nostram non in nobis seu meritis nostris Prævisis, sed in Domino, in quo confidere melius est, quàm in homine, ponamus, atque hanc spem tenentes serviamus Deo cum timore, & exultemus ei cum tremore. *ex cit. cap. 22. de Dono Persev.*

8. Replicabis ex Leisio *cit. sect. 2. n. 21.* à Bonitate Divinâ ac imenso Dei in creaturas amore omninò alienum esse, aliquid statuere, quod ex se animos non ædificet, sed potius scandalizet. At huiusmodi esse Prædestinationem ante prævisa merita, siquidem conijciat multos in gravissimos mæores & barathrum desperationis, imò multi doctissimi & optimi viam graviter hoc nomine accusent, quòd metuerent sibi effrenem vitæ licentiam, si eam in animum demississent.

9. Contra. Hæc enim movere non debent, ut idcirco metuemus Sanctorum Prædestinationem, & veram Dei gratiam, id est, quæ non secundum merita nostra datur, sicut eam Sancta Scriptura prædicat, prædicare. An enim timendum esset, ne tunc de se homo desperaret, quando spes ejus ponenda demonstraretur in Deo, non autem desperaret, si eam in se ipso superbissimus poneret? *ex cit. cap. 22. de Dono Persev.* At ex sententiâ adversariorum Prædestinationis spes nostra ita est ex homine ejusque bonis operibus, ut ista quoad exercitiij actualis determinationem, secundum quam sunt causa prædestinationis, non possint reduci in Dei causalitatem utpote de se secundum illos Authores indifferentem, nec determinativam libertatis, sed ab istâ determinabilem. Quare prædestinatio ex meritis, non verò gratuita Dei Electio præbet scandalum occasionem.

10. Verum ad omnis scandalum, quantum possumus, occasionem amputandam, consultò monemur à S. Augustino *in citato cap. 22. de Dono Perseverantia. 1.* Verum quidem esse, quòd ita se habet de prædestinatione definita sententia Voluntatis Dei, ut alij ex infidelitate acceptâ Voluntate obediendi, convertantur ad fidem, vel perseverent in fide: Cæteri verò, qui in peccatorum damnabilium delectatione remorantur, si & ipsi prædestinati sunt, idèò nondum surrexerint, quia nondum eos adjutorium gratiæ miserantis crexit. Si qui enim nondum sunt vocati, quos gratiâ suâ prædestinavit eligendos, accipient eandem gratiam, quâ electi velint esse, & sint. Si qui autem obediunt, sed in regnum ejus & gloriam prædestinati non sunt, temporales sunt, nec usque in finem in eadem obedientiâ permanebunt. *post int. cit. cap. 22.*

11. Nihilominus 2. hæc non ita populis prædicanda esse, ut apud imperitam, vel tardioris intelligentiæ multitudinem fideles redargui quodammodò ipsâ prædestinationis prædicatione videantur: sicuti redargueretur etiam præscientia Dei, quam negare nullus certè potest, si diceretur hominibus: *Sive curraus, sive dormiamus, quod vos præcivit, qui scire non potest, hoc eritis.* Dolori enim vel imperiti medici esse, etiam utilis medicamentum sic alligare, ut aut non prosit, aut obsit; Sed dicendum esse: sic currite, ut comprehendatis, atque ut ipso cursu vestro ita vos esse præcognitos noveritis (en Præscientiæ di-

vinæ in cursum nostrum causalitatem) ut legitimè curreretis. *ibidem.*

Nec verò 3. ex hâc Præscientiæ ac Prædestinationis opera nostra antecedentis causalitate de se efficaci debere quemquam inferre, eum, qui exorbitat de viâ justâ, non esse corripendum, sed ei reditum & perseverantiam à Domino tantum poscendam. Nam si secundum propositum vocatus sit iste, procul dubio illi etiam, quòd corripitur, Deus cooperatur in Bonum. Utrum autem sic sit vocatus, quoniam qui corripit nescit, facere debere cum charitate, quòd scit esse faciendum: scire enim nos, ex Dei nimirum mandato talem corripendum, facturo Deo aut Misericordiam aut Iudicium. Misericordiam quidem, si à Massa perditionis ille, qui corripitur, Gratiæ largitate discretus sit, sique inter vasa misericordiæ, quæ præparavit Deus in Gloriam. Iudicium verò, si non sit prædestinatus. *ex lib. de Corrupt. cap. 7. in Fine. 4.* Istorum verborum: *Ita se habet de Prædestinatione definita sententia Voluntatis Dei, ut alij ex vobis de infidelitate, acceptâ obediendi Voluntate, veneritis ad fidem, veritatem haud improbandam, sed modum loquendi moderandum.* Quid enim, ait præcatus Ecclesiæ Doctor, opus est dici, alij ex vobis? Si enim Ecclesiæ Dei loquimur, si credentibus loquimur, cur alios eorum ad fidem venisse dicentes, cæteris facere videamur injuriam: cum possimus congruentius dicere: ita se habet de prædestinatione definita sententia voluntatis Dei; ut ex infidelitate veneritis ad fidem acceptâ Voluntate obediendi, & acceptâ Perseverantiâ maneat in fide. *ex lib. de Dono Persever. cit. cap. 22. 5.* Similiter coram populo non esse utendum hisce verbis: *Cæteri verò, qui in peccatorum delectatione remorantur, idèò nondum surrexistis, quia nescimus vos Adjutorium Gratia miserantis crexit.* Nam convenienter dici posse; si qui autem adhuc in peccatorum damnabilium delectatione remorantur, apprehendite saluberrimam disciplinam. Quòd tamen cum feceritis, nolite extolli de operibus vestris, aut gloriari, quasi hoc non acceperitis. Deus est enim, qui operatur in vobis & velle & operari pro bonâ Voluntate, & à Domino gressus vestri diriguntur, ut ejus viam velitis. De ipso autem cursu vestro bono rectoque condiscite vos ad Prædestinationem Divinæ Gratia pertinere. *ex eodem capite. 6.* Duriorem esse, quàm oporteat, hunc loquendi modum: *Verumtamen si qui estis nondum vocati, quos gratiâ suâ prædestinaverit eligendos, accipietis eandem gratiam, quâ electi, & sint electi.* Quare si non quibuslibet hominibus, sed Christi Ecclesiæ nos loqui cogitemus, congruentius dici posse. Si qui sunt nondum vocati, pro eis, ut vocentur, oremus. Fortassis enim sic prædestinati sunt, ut nostris orationibus concedantur, & accipiant eandem gratiam, quâ velint, atque efficiantur electi. Deus enim, qui omnia, quæ prædestinavit, implevit, idèò & pro inimicis fidei orare nos voluit; ut hinc intelligeremus, quòd etiam ipse infidelibus donet, ut credant, & volentes ex nolentibus faciat. *ibidem.*

7. Denique vix quemquam in populo Christiano infirmum posse patienter audire ista verba: *Et si qui obediitis, si prædestinati estis reiiciendi, subtrahentur obediendi vires, ut obedire cessetis.* Hoc enim

12.

13.

14.

15.

16.

enim esse mala quodammodo prophetare, addedque non in secundâ, sed in tertiâ personâ convenientius dici, si qui autem obediunt, sed in regnum ejus & gloriam prædestinati non sunt, temporales sunt, nec usque in finem in eadem obedientia permanebunt. ex dicto cap. 22. Vides igitur omnia ex periculo scandali, torporis, ac offensæ fidelium posita argumenta non movisse Sanctum Augustinum, quod minus prædestinationem Gloriæ tanquam meritorum & obediendi in fide ac perseverantiâ Voluntatis causam posuerit antecedenter ad opera nostra, nec nisi modum loquendi duriores, ex quo offendi possent fideles, correxisse, imò nec adversariorum in prædestinationis post prævisa merita defensionem reproducta argumenta esse nova, sed ex inveteratâ Semipelagianorum phantasmâ deprompta, ac per Victorem Gratiæ & prædestinationis Augustinum jam antiquitus iuxta anathematis in Ecclesiâ Dei fuisse suspensâ tanquam tela Goliath, non in Deo, seu Prædestinatione gratiæ, sed in operibus suis bonis tanquam Electionis gloriæ meritorij confidentis, ac gloriantis.

Ad Dilemma initio oppositum

17. **R**esponderetur. Si sim prædestinatus, ex hujus Divinæ Prædestinationis causalitate fore infallibiliter mihi donandam obediendi Voluntatem, quâ in fide, & gratiâ perseverem. Unde illam sequelam illimitatè conceptam, *quidquid egero, tandem salvabor*, probandam non esse, cum potius dicendum esset, me ex Divinæ gratiæ ad gloriam prædestinationis causalitate usque in finem vitæ bene agendo, fore ex Dei Electione coronâ Gloriæ infallibiliter remunerandû. Econtra verò, si non sim prædestinatus, mihi tamen à Deo esse conditionatè volitam gloriam cælestem, quæ ipsa Dei voluntas respectu gloriæ conditionatâ sit respectu mediorum sufficientium absoluta & efficax, ut aded hisce medijs simpliciter potens sim bene operari, ac tendere ad finem gloriæ, etsi ex hoc, quod non sim prædestinatus, sit infallibiliter consequens, potentiam duntaxat obediendi, non verò actualem in perseverando Voluntatem fore mihi à Deo donandam. Unde me non fore salvandum, imò damandû, ed quod cum potentia ad credendum & in fide ac gratiâ persistendum sufficiente, atque in actu primo completâ, secundum indifferenciâ voluntatis meæ Electivam seu Dominativam libere non sim perseveraturus. Quare nec illum illimitatum loquendi modum, *quidquid egero, tandem salvabor*, probari posse.

18. Instabis ex Amico *ut. scilicet. 4. n. 67. & 76.* quod ex hoc evincatur, Deum pro illo signo seu instanti rationis, quo aliquos efficaciter elegit ad gloriam, alios reprobasse, excludendo à regno cælorum. Hanc autem exclusionem esse per voluntatem Dei nolentis illi Gloriam cælestem. At istam nolitionem non tantum tollere Voluntatem omnes salvandi, sed esse dissentaneum Bonitati Dei, qui in ijs, quæ à solâ suâ voluntate pendent, omnibus se communicat, uti constat in Angelis, quibus creatis, statim se ipsi communicavit omnibus per gratiam, sicuti etiam per gratiam Capitis communicavit se statim protoparentibus, neminem

ante peccatum excludendo ab istâ gratiâ. Partim ergo ratione dicendum, Deum antecedente suâ Voluntate neminem exclusisse à gloria, cum tamen perpauca, quos ad Gloriam elegisset, non verò omnibus suâ voluntate antecedente Bonitatem suam communicasset in ordine ad finem supernaturalem, si prædestinatio ad gloriam efficax esset in Deo prævisionem meritorum antecedens.

19. **R**esponderetur. Pro signo Electionis ad Gloriam Prædestinationum præsupponi in Divina intellectu expressam Beatitudinis & Gloriæ Cælestis ex Dei Increatâ Bonitate ad omnes homines Communicabilitatem. In hujus verò Communicabilitatis expressione representari participatam Beatitudinis creatæ omni homini communicabilis congruentiam & appetibilitatem, ut hæc tamen appetibilitas respectu Voluntatis Divinæ specificetur ex ordine ad Increatam Dei Bonitatem, tanquam unicuique Divinæ Volitionis Finem Motivum. At verò cum Increata Deitatis Bonitas in se infinite subsistens sit omnino independentis à creaturis, idcirco participatam creaturis intellectualibus communicabilem Beatitudinem ex Increatæ Dei Bonitatis ejusque intrinsicæ activæ communicabilitatis Motivo eatenus esse appetibilem à Volitione Divinâ, ut ex ejusdem tamen Increatæ Bonitatis in se absolute subsistentis Motivo per libertatem Dei posset Divinæ quoque nolitionis objectum esse. Quare Deum Bonitatis suæ infinite communicabilitatem unâ cum ejusdem in se subsistentis independentiâ ostendere volentem, ita aliquibus hominibus antecedenter ad eorum merita prævisa voluisse efficaciter gloriam cælestem, ut hæc tamen alijs nollet absolute: quamvis ad suum in omnes homines amoris affectum demonstrandum, haberet de his quoque Voluntatem salvandi conditionatam, si nimirum id congrueret Bono Universi exigenti Divinæ Bonitatis in creaturis manifestationem, non tantum quoad Communicabilitatis infinite eminentiam, sed quoad ejus Esse in se subsistentis omnimodam independentiam. Quam potè conditionatam Voluntatem esse verum erga homines salutis affectum; quod, licet respectu Finis Gloriæ inefficax sit, respectu tamen Mediorum ad salutem sufficientium efficaciam habeat. Manifestum igitur esse, illam reproborum à Gloria cælesti exclusionem, seu negativam reprobationem non tantum non tollere verum erga omnes homines salutis affectum, sed insuper falsum esse, quod Deus in ijs, quæ à solâ suâ voluntate dependent, omnibus modis, quibus potest, se velit ad extra communicare, quin potius hujus in pluribus communicationis nolitionis maxime congruat Dei Increatæ in se per Esse suum absolutum ac independentis infinite subsistenti Bonitati: Sacra Scripturâ nos adhortante, ut non *Misericordiam* duntaxat, sed *iudicium* Domino decantemus: *Misericordiam* quidem in Divinæ per participatam ante prævisa merita electis prædestinatam Beatitudinem, Bonitatis communicatione: *iudicium* verò in ostensione Potentiæ per negationem Gloriæ non Electis volitam ex vi absoluti Domini radicati in ejus Esse per se independentem à creaturis subsistente.

123456789101112131415161718192021222324252627282930313233343536373839404142434445464748495051525354555657585960616263646566676869707172737475767778798081828384858687888990919293949596979899100

CONTROVERSIA V.

An efficax Angelorum Sanctorum Electio ad Gloriam sit in Deo antecedens eorum merita prævisa?

1. **L**essus in. sect. 2. n. 22. hominum ante prævisam merita prædestinationem ex eo etiam Capite rejicit, quod pari ratione Angeli Sancti forent dicendi absolute Decreto electi ad Gloriam ante omnem meritum prævisionem, cuiusmodi tamen Angelorum sicut & hominum, si mansissent in statu Innocentiæ, electio gratuita non conveniat cum Doctrinâ S. Augustini.

2. Illam Lessij à pari argumentationem & consequentiam rejicit Henricus Wagnereck *disp. de Prædest. 38. Angelor. Thesi 13. & 42.* asserens, Sanctorum hominum, non verò Sanctorum Angelorum ad Gloriam Electionem ex mente S. Augustini esse Gratuitam, & antecedentem eorum merita prævisa. Fundamentum de Angelorum prædestinatione ab eodem Authore deductum est. Nam quia communibus Gratia Donis adjuvantur etiam reprobi, oportet, quos Deus gratis prædestinat, gratis quoque, & peculiaribus Gratia Donis perducere ad salutem. Unde si Sancti Angeli gratis forent prædestinati, accepissent specialia Perseverantiæ auxilia. Atqui hæc specialia auxilia, quibus prædestinati infallibiliter perveniunt ad vitam æternam, non solum dant posse, verum etiam *Velle, & Perficere*. Ejusmodi autem Gratia Dona ex mente S. Augustini non esse data Sanctis Angelis Wagnereck *Thes. 4.* probat ex illius S. Ecclesiæ Doctoris libro de corrupt. & Grat. c. 12. ita differentis. *Ipsa adiutoria distinguenda sunt. Aliud Adiutorium est, sine quo aliquid non fit, & aliud Adiutorium est, cum quo aliquid fit. Nam sine alimentis non possumus vivere, nec tamen, ubi adfuerint alimenta, ei fit, ut vivat, qui mori voluerit. Ergo adiutorium alimentum est, sine quo non fit, ut vivamus. At vera Beatitude, quam non habet homo, cum data fuerit, continuo fit Beatus. Adiutorium enim est, non solum sine quo non fit, verum etiam, quo fit propter quod datur. Primo utique homini, & Angelo, qui in eo bono, in quo factus fuerat rectus, acceperat, posse non peccare, posse non mori, posse ipsum hominem non deferre, datum est adiutorium Perseverantiæ, non quo fieret, ut perseveraret, sed sine quo per liberum arbitrium perseverare non posset. Nunc verò Sanctis in Regnum Dei per Gratiam DE prædestinatis non tantum tale adiutorium Perseverantiæ datur, sed tale, ut eis Perseverantiæ ipsa doneatur.*

CONCLUSIO.

Non minus Sanctorum Angelorum, quam hominum electio efficax ad Gloriam ex mente S. Augustini est gratuita, antecedens eorum opera prævisa.

3. Probatur. Nam Sanctos Angelos per liberum arbitrium steterunt in Veritate, quibusdam e contra, quorum Princeps est Diabolus, per liberum arbitrium à Domino Deo refugis factis, ait S. Augustinus *lib. de Corrupt. & Grat. c. 10.* At istam Angelorum libertatem iste Sanctus Ecclesiæ Doctor *ibid.* æquiparat cum libertate primi hominis in statu Innocentiæ adhuc positi. De hoc autem primo homine S. Doctor c. 12. circa finem docet, ipsum ita habuisse adiutorium sine quo non posset perseverare, si vellet, ut tamen non

haberet tale adiutorium, quo in illo Deus operaretur, ut vellet. Unde adiutorium cum quo dans non tantum possibilitatem, sed ipsam Voluntatem perseverandi non minus extitisset in primo homine, si perseverasset, quam in Sanctis hominibus ex massa perditionis divinâ largitate discretis, ac prædestinatis. *ex in. c. 12.* Cum igitur Sancti Angeli per liberum arbitrium steterint in Veritate, oportet hanc eorum libertatem eatenus per adiutorium sine quo habuisse ad instar Angelorum Apostatarum facultatem standi, ut tamen acceperint à Deo etiam adiutorium cum quo sicut in ipsâ Divinitus donatâ perseverandi Voluntate, cum e contra illud adiutorium primo homini, & consequenter malis Angelis deluerit. Atqui hoc adiutorium cum quo est illud speciale Perseverantiæ auxilium dans non solum posse, sed etiam *Velle, & Perficere*, quod ipso etiam Wagnerecko fatente est effectus Prædestinationis gratiæ proprius. Quare oportet Angelos Sanctos esse hoc ipso gratis prædestinatos, si tale specialis Gratia adiutorium acceperint.

4. Dices ex Wagnereck. Illud adiutorium Gratia cum quo non fuisse in Angelis etiam Sanctis, sed hos per libertatem suam cum solo adiutorio sine quo steterunt in Veritate, S. Augustino in *in. lib. de Corrupt. c. 11.* taliter differente: *Prima est enim Gratia, quâ fit, ut habeat homo, & Angelus iustitiam, si velit. Secunda ergo plus potest, quâ utam sit, ut velit, quod non fuit in homine primo, neque in Angelo, posset enim perseverare etiam, si vellet: quod ut nollet, de libero descendit arbitrio, quod tunc ita liberum erat, ut bene velle posset, & male.*

5. Contra. Nam S. Augustinus *in. c. 11.* faciens comparisonem inter primum hominem, & Christianos Sanctos Christi Sanguine redemptos duplicem distinguit Gratiam, alteram, quâ sit, ut habeat homo iustitiam, si velit, alterâ, quâ etiam sit, ut velit. At istas duas Gratias ita se habere respectu primi hominis, & Christiani, ut iste ex conditione suæ creationis non condatur in Bono, sed egeat liberationis gratiâ, ipsam tamen esse adeo copiosam, ut non tantum det posse, sed etiam velle, si ipsam in iustitiâ acceptâ perseverandi Voluntatem. E contra primo homini inter cetera bona, quæ Bonitate sui Conditoris, non suis meritis acceperat, datam fuisse Bonam Voluntatem, in quâ illum fecerat Deus, qui hominem fecerat rectum. Insuper accepisse adiutorium, per quod posset, & sine quo non posset perseveranter bonum tenere, quod vellet, non tamen habuisse velle ad perseverandum in iustitiâ. Ex quibus ad nostrum intentum ita licet argumentari. Eadem secundum ipsos etiam adversarios est ratio liberi arbitrij, in primo homine & Angelo. At in primo homine erat adiutorium cum quo dans ipsam bonæ operationis Voluntatem, cum quâ ille conditus est. At verò in ordine ad perseverandum erat in homine primo adiutorium, per quod posset, & sine quo non posset, non tamen erat in ipso altera Gratia, quâ fieret, ut vellet. Sicut ergo in primo homine, sic in Angelo pro statu viæ distinguenda est illa duplex gratia adiutorij sine quo danteis posse, & adiutorij cum quo danteis ipsum Velle, & Operari, præallegato Ecclesiæ S. Doctor *lib. 12. de Civit. Dei c. 9.* attestante: *Deum cum Bonâ Voluntate, id est Amore casto, qui illi adhaerens, Angelos creasse. At in ejusmodi Bonâ Voluntate, in quâ omnes Angeli etiam*

mali creati sunt, ita steterunt Sancti, ut non discernere se ipsos, sed Deus operaretur in ipsis bonam Voluntatem, per quam meliores effecti Dei participatione sapienter beateque viverent, D. Augustino *cod. c. 9.* ita differente. *Si non posueram Sancti Angeli se ipsos facere meliores, quam ille eos fecerat, quo nemo melius quidquam facit, profecto & bonam voluntatem, quâ meliores essent, nisi operante adiutorio Creatoris habere non possent.* Cum igitur speciale perseverandi in bonâ Voluntate adiutorium cum quo fuerit in Sanctis, non verò malis Angelis, illos oportet præ istis fuisse à Deo gratia prædestinatos.

7. Replicabis, S. Augustinum *cit. c. 11. de Corrept.* asserere, quod mali Angeli ita ceciderint per liberum arbitrium, ut sancti per idem arbitrium liberum stando mererentur Beatitudinem. At si in Angelis Sanctis, non verò Apostatis fuisset non tantum adiutorium *sine quo*, sed etiam cum quo non eodem modo se habiturum fuisse liberum arbitrium Sanctorum, & malorum Angelorum. Oportere igitur in Angelis, sicut etiam in homine pro statu Innocentiæ talem ponere libertatem cum solo adiutorio *sine quo* bene velle posset, & malè, nec opus fuisse adiutorio cum quo dante ipsum velle, & Operari, sed hoc fuisse in viribus arbitrij. In cujus adeò probationem Wagnereck ubi supra inducit præcatum S. Ecclesiæ Doctorem in *lib. de Dono Persev. c. 7.* taliter differentem; *Non discedere à Deo non est omnino in viribus liberi arbitrij, quales nunc sum, fuerat in homine, antequam caderet. Quæ tamen libertas Voluntas in illius primi conditionis præstantia, quantum voluerit, apparuit in Angelis, qui, Diabolo cum suis cadente, in veritate steterunt.*

8. Contra. Nam eatenus est aliquid in viribus creati arbitrij, in quantum istud habet *Possesse* ad operandum id, quod est in suis viribus. Hoc autem *posse* per adiutorium gratiæ *sine quo* erat eo ipso in primo homine, quod alioquin sine culpa sua cecidisset, siquidem non talis fuerit naturæ, ut sine divino adiutorio posset manere in bono. *ex qst. c. 11. de Corrept.* Ex hoc igitur, quod in homine post lapsum non sit tale liberum arbitrium, ut in huius viribus omnino sit, non discedere à Bono, tantum arguitur Perseverantiæ adiutorium *sine quo* præsupponens hominem in bono positum, & dans posse manere in Iustitiâ, non sine specialis liberationis, seu redemptionis gratiâ dari homini post lapsum. Unde idem S. Doctor *c. 12. circa finem* asserit, primum hominem habuisse ad perseverandum virtutem liberi arbitrij, dum ei non deerat adiutorium Dei *sine quo*, etsi defuerit eidem adiutorium cum quo Deus in illo operatur, ut vellet. Constat proinde etiam pro statu Innocentiæ dandum fuisse primo homini adiutorium cum quo si perseverasset. Ergo à pari tale adiutorium cum quo non defuit Sanctis Angelis, quibus per adiutorium *sine quo* arbitrij liberi ad perseverandum vires cum malis Angelis æquales, seu similes fuerant, etsi ab istis per adiutorium cum quo dans ipsam perseverandi divini Gratiæ largitate, donatâ Voluntatem fuerint discreti, S. Aug. *lib. 11. de Civit. c. 9.* asserente: *Non videri ab operibus Dei absurdam sententiam, si cum lux illa prima facta est Angeli intelligantur, & inter sanctos Angelos, & immundos fuisse discretum, ubi dictum est: Et divisit Deus inter lucem & tenebras: solus quippe ille ista discernere potuit.*

Instabis ex Wagnereck *ibid. 11.* Si ad bonè operandum in Sanctis Angelis opus fuit gratiæ adiutorio cum quo, sequeretur non minus Angelorum, quam hominum Merita fuisse futura Dona Dei. At bona merita SS. Angelorum ita fuisse propria liberi ipsorum arbitrij Gratiæ generalis Dono ad actiones supernaturales elevati, ut non essent Dona Dei. Unde neque præmium vitæ æternæ fuisse illis gratiam pro gratiâ, sed per am mercedem pro gratiæ usu. D. Augustino. *cit. cap. 11. de Corrept.* ita differente. *Quid autem erit liberius libero arbitrio, quando non poterit servire pecunia? quæ futura erat & homini, sicut facta est & Angelis Merces meriti.* Nunc autem perduto bono Merito, in his qui liberantur, factum est Donum Gratiæ, quæ Merces meriti futura erat.

Contra. Nam S. Augustinus *c. 11. & 12. de Corrept.* in tribus comparationem hominis lapsi cum homine primo in statu Innocentiæ, nec non cum Angelis faciens, sequentia asserit. 1. Hominem quoque primum, adeoque Angelum ut esset in bonis, non suis meritis sibi comparasse, sed Bonitate conditoris accepisse. *ex c. 11. in init.* 2. Deum creando hominem rectum, ei dedisse bonam Voluntatem, nec non adiutorium, *sine quo* non posset permanere in Iustitiâ. *ex cit. c. 11. post. med. & c. 12. in init.* 3. Per hoc adiutorium dans posse, non autem ipsum velle, & operari primum hominem, & Angelum habuisse liberum Arbitrium, quo posset non deferere malum, sed stare in bono, per quod adeò arbitrium Angelos Sanctos stetit, malos verò cecidisse. *ex ut. 11. & 12. cap. 4.* Ad habendum istud adiutorium non indiguisse primum hominem gratiâ liberationis, imò nec eguisse gratiâ, ut reciperet bonum, quod nondum perdididerat, etsi ut permaneret in bono, egerit adiutorio gratiæ, *sine quo* id omnino non posset. *ex c. 11. circa finem.* Contra 5. Hominem in statu naturæ lapsæ egere gratiâ liberationis etiam ad hoc, ut recipiat adiutorium *sine quo*, siquidem jam præna peccati sit, quibus deest. *ex c. 11. circa finem.* 6. Arbitrium creatum, quod in primo homine firmum, & validum erat, ex concupiscentiâ pravâ nunc debilitatum per gratiam liberationis ita firmari in bono, ut Sanctis in Regnum Dei per Gratiâ Dei prædestinatis non tantum adiutorium Perseverantiæ *sine quo*, quale erat datum primo homini, detur, sed tale, ut eis Perseverantia ipsa donetur. *ex c. 12. post. init.* Hinc 7. Factum esse, ut Voluntas hominis invalida & imbecilla in bono adhuc parvo perseveraret per virtutem Dei, cum & Voluntas primi hominis fortis & sana in bono ampliore non perseveraverit, habens virtutem liberi arbitrij, non defuturo adiutorio Dei *sine quo* non posset perseverare, si vellet, non tamen tali, quo in illo Deus operaretur, ut vellet: Fortissimo siquidem dimisisse, atque permisisse facere, quod vellet, infirmis verò servasse, ut ipso donante invictissime, quod bonum est, vellent, & hoc deferere invictissime nolent. *ex cit. c. 12. circ. fin.* 8. Gratiâ liberationis, quæ eger homo lapsus, non verò in statu Innocentiæ in eo esse perfectam, quod prædestinati à peccato, quod est ad mortem, liberati eatenus liberentur, ut servi facti Iustitiæ, in hac stent usque in finem, donante Perseverantiam illo, qui eos prædestinavit. *ex c. 12. circa Medium.* 9. Denique libertatem omnium maximam tunc consummandam, quando liberum arbitrium non

- poterit servire peccato, sicut Angelis Sanctis facta est merces meriti, sic & homini futuram fuisse, nisi per liberum arbitrium deseruisset Bonum. Nunc autem per peccatum perduto bono, in his, qui liberantur, factam esse Donum Gratiae, quæ merces meriti futura erat. *ex cap. II. in fine.* Ex quibus articulatum positum cuique exactius ea ponderanti manifestum est, illam, in qua peccare non possumus, libertatem factam Angelis Sanctis mercedem meriti, hominibus post lapsum reddo factam esse Donum Gratiae, quia egent Gratia liberationis. Unde Concilium quoque Tridentinum *sess. 6. de Justif. c. 16.* ait, bene operantibus proponendam esse vitam æternam tanquam gratiam Filijs per Iesum Christum misericorditer promissam. Hæc verò Gratia est tanquam merces ex ipsius Dei promissione bonis ipsorum operibus, & meritis pro statu quoque Naturæ lapsæ, & à Christo redemptæ fideliter reddenda, *ex tit. 46. Sacri Concilij.* Atqui libertas illa, per quam peccare non possumus Sanctis Angelis facta merces est in Beatitudine, seu vitæ æternæ ex S. August. *de Corrupt. c. 12. prin.* Cur igitur ista libertas, quæ Angelis facta est merces, hominibus redemptis facta sit Donum gratiæ, non est huius discriminis ratio perenda ex eo, quod hominibus per Gratiâ Christi liberatis, non vero Angelis Sanctis fuerit donatum Perseverantiæ adiutorium *cum quo*, dans non solum Possesse, sed ipsam etiam perseverandi virtutem. Probatur istud assumptum. Etenim S. August. *Coniun. 2. in Psal. 32.* sub nomine Cælorum comprehendens etiam Angelos Sanctos, ait: non tantum terram, ubi est miseria, esse plenam Misericordiæ, sed Cælum etiam, ubi nulla est miseria, indigere Domino, siquidem verbo Domini cæli solidati sunt, ita ut non à se sibi solidamentum fuerint, nec ipsi Cæli firmitatem sibi propriam præstiterint, sed spiritus Oris Dei sit omnis virtutis eorum stabilitas, & firma, ac solidata. In quo adeo sensu D. Gregorius *lib. 25. Moral. c. 2. de Angelis.* asserit: *Alijs cadentibus alios à Deo fuisse solidatos, utque similiter casuros, si non solidati fuissent.*
13. Confirmatur. Nam in sanctis quoque Angelis locum habet illud Apostoli: *Quid habes, quod non acceperis?* ex S. Anselmo *lib. de casu Diaboli. c. 7.* Ex hoc autem est, quod nemini gloriari liceat, quasi non acceperit, sed qui gloriatur, in Domino gloriatur, *1. Chormib. 4. & 2. Corinth. 10.* At per hoc nec de ipsâ perseverantiâ Boni voluit Deus Sanctos suos in viribus suis, sed in ipso gloriari, qui eis non solum dat adiutorium, quale primo homini dedit, sine quo non possint perseverare, si velint, sed in eis etiam operatur & velle, utpote qui non perseverabunt, nisi ut possint, & velint perseverandi eis possibilitas & Voluntas divinæ Gratiae largitate donetur. ex S. August. *cit. c. 12. de Corrupt.* Cum igitur Angeli quoque Sancti non habeant, ut glorientur, quali non acceperint à Domino, sed unice gloriari possint in Deo, per quem sunt discreti ab immundis, consequens est, ipsam etiam velle perseverandi fuisse ipsis donatum à Deo, esseque adeo gratis ad Gloriam prædestinatos.
14. Urgebis ex Wagnereck *ibid. 44.* S. Augustinum *Epist. 106.* de masâ humani generis per peccatum Originale corruptâ affirmare: *Hanc Massam, si ita esset Media, ut quemadmodum nihil boni, ita nec mali aliquid mereretur; non frustra videri iniquitatem, ut ex ea fieret vas in Contumeliâ.* Atqui totam Angelorum multitudinem ita fuisse

Mediam ante prævisionem Meritorum, ac de meritorum, ut nec boni, nec mali aliquid mereretur. Ergo non frustra videri iniquitatem, si Deus ante prævisa merita ex innoxia Angelorum multitudine alios specialibus auxilijs adjuvandos gratis selegisset in vasa gloriæ, alios absque omni culpâ inter illa vasa non adscivisset.

15. Contra. Nam Deus intelligi potest denegare Gratiae auxilia efficaciam tum ex iudicio Iustitiæ supponentis in nobis peccatum, quo modo S. Augustinus *cit. c. 11. de Corrupt. jam panam peccati esse, si cui hominum desit adiutorium gratia:* tum ex ratione absoluti super omnem creaturam utpote ex nihilo factam Domini Dei, ex eo enim, quod natura etiam Angelica sit ex nihilo facta, non habet adversus Deum ullum jus in auxilium Gratiae præsertim efficax. Ex huius verò denegatione consequitur defectio Voluntatis. Unde S. Augustinus *lib. 2. de Civit. c. 6. circa finem.* inquit, Angelos malos defecisse à Bono per malam suam Voluntatem, quam incepisse ex Angelo, non quia Natura est, sed quia de nihilo natura facta est. Inter hanc proinde duplicem Divinæ Voluntatis in denegandâ gratiâ efficaciam rationem ea est differentia, quod Deus ex iudicio Iustitiæ propter peccatum jam præsuppositum in poenam denegando gratiæ auxilium efficax, faciat eo ipso vas in Contumeliâ, dum id relinquit in masâ perditionis, e contra verò ex supremi Domini Iure denegans gratiæ auxilium efficax, necdum faciat Vas Contumeliæ, sed conferendo adiutorium sufficiens statuerit in Angelorum etiam pravorum Voluntate, ut per libertatem suam starent, vel deficerent à Bono. Unde verum est, Deum, apud quem nulla est iniquitas, ex Angelorum neque merentium, neque demerentium multitudine adhuc mediâ nullos fecisse in Vasa Contumeliæ, etsi illorum aliquibus denegârit gratiæ adiutorium *cum quo*, siquidem conferendo adiutorium sine quo liberum dedit arbitrium, quo ita possent perseverare, ut tamen ex se ipsis deficerent indubiè alioquin perseveraturi, ac Beati futuri, si instar bonorum Angelorum amplius, ulteriori scilicet adiutorio *cum quo* adjuvi fuissent. *ex tit. lib. 12. de Civit. c. 9.* Constat proinde, Angelis malis datum fuisse adiutorium sine quo duntaxat, sanctis verò adiutorium *cum quo*, id est ipsam Voluntatem perseverandi. At ista Differentia Divinæ Voluntatis aliquibus, non verò cæteris præparantis adiutorium *cum quo* arguit, illos gratis ante prævisa merita prædestinatos fuisse ad Gloriam, ipso etiam Wagnereck *cit. ibid. 44.* fatente. Facendum igitur, Angelos Sanctos æquæ, ac homines ante merita prævisa esse gratis prædestinatos. Ratio huius desumitur ex universalitate Divinæ Causaliæ. Nam hæc est emanatio secundum Divinæ Voluntatis libertatem in ratione actionis æternæ determinativa cujuscumque creatæ realitatis à Fine usque ad finem fortiter attingens. Unde huius Divinæ Causaliæ effectus est omnis creatæ actu existens formalitas, ipsa etiam ratio Finis, & Mediorum cuicumque rei creatæ convenientia. At Gloria cælestis Angelorum respectu meritum ipsorum se habet ut Finis, ista verò ut Media. Ergo Voluntas Divina suâ Causaliæ, atque adeo liberâ determinatione attingit illi Gloriâ Angelorum rationem Finis eatenus

exercencia

exercentis in media, seu Merita Causalitatem Finale, quatenus per hanc est quedam in Divinâ Voluntate quasi Excitatio Electionis Mediorum. Hæc autem excitatio Divinæ Voluntatis ad decernenda Media ad finem Gloriæ efficaciacia, nequit esse, nisi per intrinsecum ejusdem Voluntatis Dei Decretum. Hoc igitur per modum Intentionis ad Finem Gloriæ terminatum Decretum est antecedens Angelorum sanctorum merita, siquidem ex illo Intentionis Decreto virtualiter excitetur pro rationis instanti, seu signo posteriori Voluntas Divina ad decernenda merita, quibus merentur Sancti Angeli cælestem Gloriam.

Responsio ad Argumentum ab initio oppositum.

17. **A**D Lessij n. 1. & Wagnereck n. 2. oppositum Respondetur. Frustra hos laborare in torquendâ doctrinâ S. Augustini, quasi non tantum gratuitam Prædestinationem, sed Gratiæ Divinæ adiutorium *Cum quo* in Angelis Sanctis negasset, cum sanè plus non dicat in objectione citatus, nisi quod primo homini utpote non perseveranti; & à pari Angelis Apostatis sit datum perseverandi adiutorium *sine quo*, non verò *Cum quo*. Ex quo verò minimè evinci, Sanctos in Iustitiâ perseverantes Angelos non esse à Deo donatos ipso etiam adiutorio *cum quo*, per quod amplius, quàm mali Angeli dicantur adiuti, ut sit ad eam Beatitudinis plenitudinem, unde se nunquam casuros certissimi fierent, pervenirent. ex aut. lib. 12. de civi. 6. 9.

COROLLARIUM.

18. **I**nfertur 1. Qualiter Prædestinatio sit Liber vitæ. Nam iste liber describi potest Memoriale Patris æterni, in quo prædestinati etiam nondum in tempore nati, jam secundum æternitatem facti Filij Dei, inconcussa stabilitate sunt conscripti, ex S. Aug. lib. de Corrupt. & Grat. c. 9. in princ. Ac verò illud æterni Patris Memoriale est ejus Præscientia per Voluntatis divinæ efficaciam actuata habens ut sic rationem Dictionis, seu Imperij, secundum quod in Dei providentissimâ dispositione præsciti secundum æternitatem jam vocati, iustificati, & glorificati sunt Filij Dei, qui omnino perire non possunt. ex cit. c. 9. post medium. In illâ verò Dictione efficaciter ordinativâ in Vitam æternam consistit formaliter ratio Prædestinationis, *ut supra* demonstratum est. Ergo liber vitæ non differt à Prædestinatione Dei.
19. **I**nfertur 2. Cùm illi etiam, qui non ex prædestinatione, sed solum ex Gratiâ sunt ordinati in vitam æternam, dicantur non quidem simpliciter, sed secundum quid conscripti in Libro vitæ, posse de his verificari, quod de Libro vitæ per peccatum deleantur, non tamen ex parte Notitiæ divinæ, sed ex parte rei, sive Gratiæ illis inexistens, atque adeò scitæ à Deo pro isto, non autem sequenti tempore. ex S. Tho. 1. p. q. 24. a. 2. & 3. Ratio est. Nam Liber vitæ est conscriptio ordinatorum in vitam æternam: Hæc autem ordinatio est simpliciter ex prædestinatione, secundum quid verò ex Gratiâ. Et si proinde prædestinati, atque adeò secundum propositum voca-

ti ita sint Christo dati, ut nullus eorum pereat, sed habeat vitam æternam: aliquid tamen propter temporaliter susceptam Gratiâ ita dicuntur Filij Dei in Libro vitæ conscripti, ut sint tamen ex illis, de quibus Ioannes 2. cap. ait: *Ex nobis exierunt, sed non erant ex nobis, quod si fuissent ex nobis, permanissent atque nobiscum.* De his ergo juxta Psal. 67. dicitur: *Deleto de Libro viventium.*

ARTICULUS II.

DE

Causis Prædestinationis.

IN principio *præs. q. n. 2.* docuimus, Prædestinationem quasi integraliter includere Voluntatis Divinæ Decretum non Finis duntaxat, sed etiam efficacium ad salutem Mediorum in ordine tam Intentionis, quàm Executionis præfinitivum. Juxta quam considerationem quatuor possunt circa Causam Prædestinationis moveri difficultates. 1. *prædest. art. discussa:* An, & quomodo propria Prædestinatorum merita sint Causa eorum Prædestinationis, seu efficacis Electionis ad Gloriam? 2. cum sequentibus articulo præsentis examinanda, An electio efficax prædestinatorum ad Gloriam sit ex Meritis Christi? 3. Circa Decretum Mediorum salutis efficacium præfinitivum, An & quomodo Iustificatio, & Perseverantia Finalis, ac potissimum prima Vocatio uni præ altero à Deo decernantur ex Meritis. 4. Denique per modum Corollarij deducenda. An ex Meritis B. Virginis, vel alterius Sancti sit aliorum hominum Prædestinatio non Mediorum duntaxat efficacium præfinitiva, sed ipsa etiam Electio efficax ad Gloriam.

CONTROVERSIA I.

An prædestinatorum ad Gloriam efficacis Electio sit ex Meritis Christi?

Dupliciter intelligi potest, Christum meruisse Electionem hominum Prædestinatorum ad Gloriam. 1. *absolutè*, merendo scilicet eorum ad Gloriam Electionem in ratione duntaxat Dilectionis, ac Beneficentiæ erga ipsos, non autem *formaliter* in ratione Electionis, ita ut Christus indifferenter offerret sua merita pro omnibus, nec suâ humanâ Voluntate designaret hos vel illos eligendos, sed istorum in particulari designationem relinqueret Voluntati Patris, quem sequeretur humana Christi Voluntas. 2. *Comparativè*, merendo nimirum prædestinatorum in particulari Electionem, quatenus *formaliter* Electio est, ita ut Christus suâ humanâ Voluntate designaret in speciali, pro quorum efficaci absolutâ præelectione offerret sua merita.

¶ (IHS.) 50

Refecit

Referuntur Sententiæ Doctorum.

3. **S**COTUS in 3. disp. 19. q. un. n. 6. & 15. docet, Electos esse à Deo ad Gratiā, & Gloriā prædestinatos ante prævisionem Passionis Christi. Fundamentum est. Quia Passio Christi se habet ut Medicina contra lapsum humani generis. At Medicus prius vult sanitatem, quàm ordinet de Medicinā ad sanandum. Oportet ergo Deum voluisse prius hominibus Electis Gratiā, & Gloriā, quàm Christi Passionem tanquā Medicinā reparativā Gratiæ, & Gloriæ in semini per lapsum deperditæ.

4. Suarez lib. 2. de Prædestin. c. 24. n. 21. Et p. 10. 1. disp. 41. sect. 4. Franciscus de Lugo lib. 1. de Deo, disp. 41. c. 3. n. 9. & alij dicunt, esse saltem probabilius: Christum non meruisse Comparativam unius præ altero Electionem, designando in speciali, pro quorum efficaci præelectione offerret in particulari sua Merita. Probatur. Nam profundum Electionis hominum Mysterium, totaque ratio, & modus Prædestinatorum quoad numerum eorum, & differentiam mansionum, & graduum in Gratiā, & Gloriā in Consilium Divinitatis reducuntur à Paulo Apostolo ad Eph. 1. & Rom. 8. exclamante: O altitudo Divinarum Sapientie, & Scientie Dei, quā incomprehensibilia sunt iudicia ejus. At si Christus illam Comparativam, ac individualement Prædestinatorum electionem meruisset, oporteret fuisse prævitum, quod per Christū his potius, quàm illis ita applicarentur efficaciter sua merita, ut Deus huic applicationi prævisæ, atque adeo Voluntati humanæ Christi omnimodè conformaret suam Voluntatem divinam, nec adeo Prædestinationis Mysterium reduceretur in Consilium divinæ Voluntatis, sed in arbitrium Voluntatis humanæ Christi.

5. Vasquez 1. p. disp. 94. c. 3. n. 19. distinguit inter Sanctos Veteris Testamenti, ac novi. De his enim, qui post Verbi divini Incarnationem extiterunt, ait, senon dubitare, Christum peculiari Oratione, & Voluntate merita sua illis applicasse, ratione cujus applicationis ipsos potius, quàm alios electos, ac prædestinatos esse. Secus verò esse de Patribus Veteris Testamenti, qui licet futuro Passionis Christi merito electi fuerint, & salutem consecuti, nullam tamen ex parte Christi fuisse causam peculiarem, ut ipsi potius eligerentur, quàm alij. Ratio hujus ab eodem Authore n. 21. deducta est. Nam oratio non fit pro præteritis. Unde non videtur, quā ratione his potius, quàm alijs merita Christi applicari potuissent.

6. Ioannes à S. Thomā in præf. q. 23. disp. 1. a. 6. Electionem prædestinatorum ad Gloriā in Deo, ait, esse Meritoriam ex Christo etiam quoad Materialem unius præ alio designationem, Regularem autem, ac Motivam ex divinā Voluntate antecedente Merita Christi.

CONCLUSIO.

Electio Prædestinatorum ad Gloriā etiam comparativa quā unius præ altero præelectiva est in Divinā Voluntate ex Meritis Christi.

Probatur ex illo ad Ephes. 1. c. Benedixit nos Deus in omni benedictione spiritali in Cælestibus in Christo, sicut elegit nos in ipso ante mundi constitutionem, ut essemus Sancti, & Immaculati in conspectu ejus.

Nam hæc Electio nostri est ad Gloriā, in quā per consummatam Sanctitatem futuri sumus immaculati in conspectu Dei. Hæc ipsa verò Electio est prædestinatio in adoptionem Filiorum Dei in Gloriā consummatam per Iesum Christum. ex cit. c. 1. ad Eph. Atqui hæc ipsa prædestinatio est gratuita, utpote ex placito divinæ Voluntatis. ibid. Ergo gratuita Prædestinatorum Electio per Iesum Christum est ex hujus quodammodo Causalitate non physice effectrice illius divinæ gratuite Voluntatis, sed hujus Moraliter excitativæ, quatenus nimirum in ipso habemus redemptionem per Sanguinem ipsius. ex loc. cit. Hæc verò Moralis per Sanguinem Christi nos redimentis Causalitas est meritoria. Ergo Electio nostri gratuita ad Gloriā in Voluntate divina est meritorie ex Christo.

Respondetis: Prædestinatos ita in Christo electos esse, ut tamen Christus oraret ad Patrem: Tu erant, & nunc eos dedisti. Ioan. 17. At hi, qui dati sunt Christo; jam erant in Memoriali Patris sui æternā Habitare conscripti, adedque determinatè consignati Filij Dei. ex S. Aug. lib. de corrupt. & grat. c. 9. Ergo ex meritis Christi non possunt ita esse electi in Christo, ut Christus eos designaret suā oratione, seu Voluntate humanā, & meritoria, sed designatos acciperet à Patre.

Contra. Nam Christus Dominus Ioan. 6. dicit ad Apostolos. Nonne ego duodecim elegi, & unus ex vobis Diabolus est? Atqui Electio ista, quæ erat cum particulari Personarum designatione, non erat tantum ad Gratiā Apostolatūs, sed respectu undecim erat Electio Mitericordiæ ad regnandum cum Christo. respectu verò Judæ proditoris erat Electio Judicij ad effundendum sanguinem Christi. ex cit. lib. de Corrupt. c. 7. Sicut ergo Christi humanæ Voluntati erat potestas eligendi nominatim ac determinatè Apostolos ad regnandum cum Christo, sic per Comparativam Electionem secrevit prædestinatos à reprobis, quando pro his determinatè habens Voluntatem se sacrificandi, in cruce meruit ipsis prædestinationem, & Sanctificationem non vix duntaxat, sed etiam Patriæ consummatam Ioan. 17. taliter orando: Pro eis sanctifico meipsum, ut sint & ipsi Sanctificati in Veritate. Non pro eis autem rogo tantum, sed & pro eis, qui creduntur sunt per Verbum eorum in me.

Replicabis. Verum quidem esse, quod Christus specialiter oraverit pro Electis, in hac ipsa tamen Oratione supponi divinam eundem Prædestinationem, juxta illud Ioan. 17. Non pro mundo rogo, sed pro his, quos dedisti mihi. Ergo per orationem ejusmodi, seu Meritum Christi efficaciter applicatum Electi non primò secreti sunt, sed potius Electio divinæ Voluntatis erat humanæ Christi Voluntati ratio regulativa, secundum quam oraret non pro mundo reprobis, sed pro ijs, qui Christo per Patris Prædestinationem dati fuerant.

Contra. Nam quicquid est extra Deum, in æternitate jam est secundum divinæ Voluntatis Causalitatem æternam. Hæc autem divina voluntas

lentas intuitivè visa erat Voluntati humanæ Christi tota actionum Moralium regula. Unde ratione efficaci & absolutâ volebat orare pro mundo reprobis, ut ipsi impetraret Vitam gloriæ, sed pro his solum, quos æternus Pater suâ Voluntate consignando, habebat inter suos. In hac autem divinâ Voluntate secundum quendam Instantia rationis, seu signa is ordo ponendus est, ut antecederet ad prævisam Christi orationem vitæ æternæ hominibus nonnullis efficaciter impetratoriam, haberet æternus Pater Volitionem, cujus objectum, ac effectus erat ipsa oratio, ac Meritum Christi, non tantum in confuso pro aliquibus, sed determinate pro illis, quos Pater illius suæ Voluntatis intimatione dederat Christo, oblatum, ita ut hoc Merito, & Oratione designaret Christus, pro quibus, ut oraret efficaciter, volebat Pater. Hæc verb Christi oratione, ac Merito postea prævisis, æternus Pater ipsum exaudiens, habuit Decretum illos ipsos in adoptionem Filiorum in Gloria consummatam prædestinans, quos Christi humanitas suâ Oratione, ac Merito designabat, sibi tamen, ut pro ipsis oraret efficaciter datos non ex vi Prædestinationis ad Gloriam, sed per Voluntatem Patris effectricem Christi Orationis, ac Meriti, quatenus efficaciter pro eis applicati.

Responsio ad Opposita Argumenta.

12.

AD Scoti n. 2. oppositum Respondetur. Deum ita velle Passionem Christi tanquam Medium Gratiæ per peccatum deperditæ reparativum, nec non Gloriæ nostræ operativum, ut hanc totam Gloriam nostram reducat tum in suæ divinitatis, tum in humanitatis Christi Gloriam. Unde ista Christi gloria consistens in quidam ejus Excellentie per Gloriam nostram seu effectum resplendentia se habet ut Finis præintensus. At hæc Gloriæ nostræ in Christi Gloriam seu Finem reductio in eo sita est, quod Christus salutis Author per mortem consummatus multos filios adducens, fecerit nos Sanguine suo redemptos Deo nostro Regnum ex Heb. 2. & Apoc. 5. Cum igitur Passio Christi ita sit remedium Gratiæ, & Gloriæ nostræ reparativum, ut hæc tamen ipsa Gloria nostra reducatur in Christum ex Passione suâ exaltatum super omne Nomen, consequenter Gloria Christi non tantum secundum prioritatem Causalitatis Finalis est præintenta ad nostram in Christi regno Gloriam, sed etiam ista non est uli Sanctorum à DEO volita nisi cum dependentiâ à Passione Christi in vi Causæ Meritorie, moraliter excitantæ divinam Voluntatem pro decernendâ efficaciter illis Gloriâ, quos Christus tanquam Regnum suum Deo destinatum suâ humanâ Voluntate designabat. Unde neganda est paritas inter Passionem Christi comparatam cum Prædestinatione Sanctorum, & Medicinam comparatam cum salute, siquidem hæc in Executione duntaxat, non verb in Intentione dependeat à Medicinâ, cum contra ipsa Gloria efficax Intentio ex parte objecti importet aliquam Causæ Moralis dependentiam à Christi Meritis.

13.

Ad Suarezij n. 5. Oppositum Respondetur. Illo argumento rectè probari, totum prædesti-

nationis Mysterium originariè esse reducendum in Voluntatem divinam, utpote Deo reposito suo efficaci Motivam, & effectivam Volitionis, per quam Humanitas Christi Orationis suæ vim, ac Merita efficaciter applicando designabat, quos sibi à Patre datos eligebat ad regnum celestis. Quibus aded electis, Christi Humanitas non habebat, ut ex se ipsâ daret illud regnum, sed oportebat parari a Patre libere acceptante illam Christi Humanitatis meritoriam designationem præmotam, & physice effectam ab alius divinâ Voluntate.

14.

Ad Vasquezij n. 4. Oppositum Respondetur. Non esse dubium; quin preces illæ ac supplicationes, in quibus Christus pro suâ Reverentiâ exauditus omnibus obtemperantibus sibi factus est Causa salutis, ad Heb. 5. efficacitæ suæ vim extenderint etiam ad Patres veteris Testamenti, non nisi per fidem in Christum venturum iustificatos. Sicut ergo Christi merita, & Passio prævisâ a Deo erant acceptata tanquam ratio moraliter excitativa Voluntatis divinæ vi à æternam decernentis illis tempore licet antiquioribus, in divinæ tamen Prædestinationis Ordine secundum aliquod rationis instans posterioribus Patribus; sic quia Christus Orationem istam in Cruce cum clamore valido oblatam in Verbo cognovit a Patre æterno acceptatam pro salute Patrum illum redemptionis diem in Lybno expectantium poterat divinæ Voluntati se conformando easdem preces offerre tanquam causam impetratoriam, adedque divinæ voluntatis moraliter excitativam ad Gratiâ, & Gloriam Patribus illis efficaciter decernendam.

CONTROVERSIA I.

An ex parte nostrâ detur Causa

Prædestinationis Gratiâ Iustificantem, & Perseverantiam Finalem, ac primam positivam Vocationis Gratiâ efficacem preparantem?

NON multum pro hac vice laborabimus circa iustificationis primam Gratiâ, atque Finalem Perseverantiam, quas supponimus uni præ altero posse à Deo esse decretas ex merito congruo, non tamen condigno. Tota igitur difficultas est. An antecederet ad divinam Prædestinationem prima ad fidem, vel Gratiâ Vocationis efficacis preparativam posset prævideri à Deo aliquis Voluntas nostrâ actus, seu consensus sive absolutus, sive conditionalis conferens ad unum præ altero vocationem?

Tripartita hæc difficultas triplicem in voluit Controversiam. Prima orta est ex Semipelagianis: Hi enim teste etiam Francisco de Lugo lib. 5. de Do. disp. 40. l. 1. & 3. ita profitebantur Gratiâ ad bene operandum necessitatem, ut tamen ex nudo arbitrio nostro ponerent initium, seu conatum situm in affectu, ac desiderio Fidei, & reliquorum bonorum operum actibus prævio, qui Gratiâ divinæ ad ejusmodi opera bona adjuvantis esset de congruo meritorius, ac subinde nostræ prædestinationis Causa. Verum istum errorem à D. Augusti, in lib. de Prædest. Sanctor. & de Dono Persev. refutatam, nec non à Cælestino Papa in Epist. 1. ad Episcop. Gallia, item à Concilio Araulicano ferè per omnes Canones damnatum

Ccc

non

non opus est etiam ad refutandum ab Orco revocare.

3. Secundam Controversiam mover Scientia Media in Scholas cum in finem introducta, ut ejus Authores asserant: ex conditionate consensu nostri liberi Futuritionis actuale Voluntatis Divinae Decretum antecedentis connotatione statui efficaciam tum Providentiæ divinæ prædestinativæ, tum ipsius adiutorii libero creato arbitrio immitti. Verum de hac difficultate *sup. q. 5. 4. 5. & q. 6. 4. 5.* satis diximus; Unicum hic motum argumentum: quod illa futuritio conditionata a suis Authoribus negetur Divinitus esse prædestinata. Ex hoc autem sequitur, quod non sit à Deo data, seu donata, ex S. Augustino *lib. de Dono Persev. c. 17.* Gratia verò est donatio, ex eod. S. D. *lib. de Prædestin. Sanct. c. 19.* Si ergo illa Futuritio conditionata est Providentiæ divinæ in ratione Prædestinationis quæ efficacia, nec non ipsius efficaciam gratiæ formaliter constitutiva; inferitur, neque Prædestinationis, neque Gratia divinæ efficaciam esse Gratiam, nec adeo quid de hac efficacia glorietur, in Domino, sed in se ipso gloriarì debere, utpote ex illa futuritionis conditionate independentem à Gratia Dei positæ hypothese efficaciter motum, atque adeo per illam discretum; Cujusmodi promissa ablatam tatem ex instituto refutat S. Augustinus *in ut. lib. de Prædestin. Sanctos, & de Dono Perseverantia.*

Referuntur Argumenta Adversatiorum.

4. Tertia igitur Controversia hic ventilanda excutatur à Molina in *Concord. q. 14. ad 2. disp. 10. & 11.* docente, facienti, quod est in se, Deum non denegare Gratiam suam, sed potius ei, qui per vires Naturæ conatur, quantum in se est, Deum assuturum suâ gratiâ præveniente, ut si velit, cooperari, consequatur adoptionem Filiorum Dei, ac tandè hæreditatem æternam. Fundamentum est ex illo *Joan. 1. Dedit eis potestatem Filios Dei fieri.* Nam si conantotum, quod in se est, Christus Dominus adventu suo non attulisset necessaria subsidia, dici non posset, per Salvatoris Adventum datam fuisse omnibus potestatem Filios Dei fieri, si velint. Illa verò subsidia salutis necessaria sunt partim Gratia actualis auxilia, quibus operamur, ut oportet ad idem, & Salutem; tum Gratia Habitualis conferens Jus adoptionis Filiorum Dei, ac hæreditatis celestis. Ergo Christum, quatenus dedit nobis potestatem Filios Dei fieri, oportet per merita sua in vi pacti cum Patre æterni miti obtinuisse, ut quoties ex viribus nostris conatemur facere, quod in nobis est, præstet nobis adessent auxilia Gratia, quibus opera bona, ut oportet ad salutem, efficeremus, ut vel sic, dum sumus in viâ, semper in manu nostri liberi arbitrii ita sit nostra salus, ut non solum naturalem honestatem, sed supernaturalem possimus cum Dei adiutorio exercere, duntaxatque per nos stare, ne convertamur ad Deum.

5. Franciscus de Lugo *oc. disp. 40. c. 6. n. 3.* duplex distinguens bonorum operum etiam Naturalium genus, in primo genere ponit actus pertinentes vel immediate, vel mediate ad Deum, proximè tamen ad hunc, ut ad Finem, Authoremque Naturæ referibiles: cujusmodi sunt Di-

lectio Dei naturalis, actus Religionis, Obedientiæ, Patientiæ, Continentiæ, Justitiæ, & quotquot à virtutibus Moralibus acquiritis eliciuntur, dicunturque opera Pietatis simpliciter honesta, & in genere moris perfecta, à quocumque fiant. In secundo genere ponit, quæ licet aliquam honestatem habeant, pertinent tamen ad vitam præsentem, valdeque remote respiciunt Deum Authorem, Finemque Naturæ: cujusmodi sunt, velle laborare in agro, edere, bibere, habere amicum, indumenta consuere, fabricare domum, ducere uxorem, artem discere & similia: hæc namque si fiant cum expressâ intentione referibilitatis in Deum, sive etiam cum solâ notitiâ, & intentione honestatis moralis virtutis, v.g. Temperantiæ, spectant ad primum genus bonorum operum: econtra vero, si fiant ex solâ delectatione bonis vitæ præsentis inexistente, sunt opera prava: si denique fiant ex solâ commoditate curandâ, sunt opera bona secundi generis. De illis adeo primi generis bonis operibus Lugo *citatus v. 12.* docet; illis quandoque rependi vocationem supernaturalem, & Gratiam Iustificationis, esseque adeo per Gratiam Christi, ne datur initium Iustificationis, ac Prædestinationis ex nobis.

6. Fundamentum est. Nam Patres, & Scripturæ sacræ passim promittunt nobis auxilium Gratia, si misericordes in pauperes fuerimus, si injuriam nobis factam remiserimus. ubi patet ex *Tobia 4. & 12. Ecclesiast. 3. 7. & 29. Danielis. 4.* Unde dicitur etiam *Math. 5. Beati misericordes, quoniam ipsi Misericordiam consequentur.* Et *Math. 6. Si enim dimiseritis peccata eorum, dimittet & vobis Pater vester coelestis delicta vestra.* At verò in ejusmodi sacris testimoniis non tam agitur de Misericordiâ dantis Eleemosynam, seu injuriam sibi factam remittentis ex supernaturali, quàm naturali etiam motivo. Hinc enim Eleemosyna facta pauperibus absque ullo motivo supernaturali, sed ex solo affectu naturalis compassionis, & ex naturali motivo sublevandi miseriam pauperum, dicitur fieri ipsi Christo, juxta illud *Math. 25. Esurivi eum, & dedistis mihi manducare.* Hæc namque Eleemosyna, si ex Motivo supernaturali facta esset pauperibus, tanquàm fratribus Christi, non inducerentur *ut. Math. 25.* Iusti dicentes: *Quando vidimus Esurentem?* Cum igitur Christus Eleemosynam illam respectu remunerationis etiam supernaturalis habuerit acceptam illis verbis: *quandem uni ex his fratribus meis minimis fecistis, mihi fecistis;* consequens est, ejusmodi pietatis operibus ex Motivo duntaxat naturali factis rependi a Deo Gratiam tum Vocationis supernaturalis, tum Iustificationis.

7. His conformiter asserit idem Lugo *c. 2. n. 28.* facienti, quod est in se per vires naturales quoad substantiam, nunquam denegari Gratiam Ordinis supernaturalis, quâ traducatur, & evehatur homo ad operandum supernaturaliter, ita ut per opera naturalis Pietatis sternatur via communis ad charitatem supernaturalem, & per honestatem humanam ad Divinam, & Gratia supponat, & perficiat Naturam, intra cujus tamen ordinem gratia naturalis eluceat, & cuncta primordia salutis, remotissimum etiam initium, & primam honestam cogitationem subministrat Deus, omnisque bona Voluntas etiam naturalis Pietatis præparetur à Domino. Fundamentum,

8. **d**amentum hujus Doctrinæ sumit ille Author 1. ex eo, quod per illam expositionem nostra plena libertas, & præveniens ubique Misericordia Dei mirificè conciliantur, magis recedatur à sententiâ Massiliensium, quàm per alias expositiones; siquidem in operibus sine gratiâ factis ex solâ vi naturæ nulla agnoscat ratio meriti de condigno, nec de congruo: nulla etiam motionis, seu Causalitatis Moralis in ordine ad primam gratiam; nulla item ratio dispositionis proximæ, vel remotæ physicæ, aut Moralis; nulla porro ratio conditionis ex pacto inito cum Christo, vel ex aliquâ lege Divinâ; nulla demum ratio removens prohibens; nec ulla utcumque connexio operum vitæ præsentis, quæ sola sunt sine speciali gratiâ, cum auxilijs gratuitis intrinsecè vel extrinsecè supernaturalibus.
9. **Q**uod illa Doctrina magis conformetur Concilijs, præsertim Arausicano *can. 3.* asserenti; contradici illiæ, si dicatur, per Invocationem humanam posse Gratiâ Dei conferri, cum potius ipsa Gratia faciat, ut invocetur à nobis. Unde idem Sacrum Concilium *c. 2. & 25.* profiteretur, & credit, quod in omni opere bono nos non incipiamus, & postea per Dei
10. **M**isericordiam adjuvemur. 3. Ab Autoritate S. Thomæ *in 1. dist. 41. a. 3. & in 2. dist. 5. q. 2. a. 1. Item dist. 28. q. 1. a. 4. & in quodlib. 1. a. 7.*
11. **I**oannes à S. Thomâ *præf. disp. 8. a. 5. n. 11.* ex mente aliorum Thomistarum negat illud Axioma: *Faciens, quod in se est, Deus non denegat Gratiâ*, intelligi de operante ex naturæ viribus. Unde *in 1. 2. disp. 24. a. 2. n. 14.* id explicat de faciente, quod est in se ex vi Gratiæ supernaturalis efficacia, ita ut taliter operanti non ex naturâ actuum, prout à nobis, sunt, sed ex infallibilitate motionis Dei intendentis Iustificationem hominis efficaciter à se moti, Deus infallibiliter illi det Gratiâ Sanctificantem.
12. **V**erùm huic expositioni videtur parere difficultatem Doctrina S. Thomæ *q. 14. de Verit. a. 11.* docentis: si quis nutritus in sylvis ductum naturalis rationis sequeretur in appetitu Boni, & fugâ mali, certissime tenendum esse, quod ei Deus vel per internam revelationem inspiraret, quæ sunt credenda, vel aliquem Fidei prædicatorem ad eum dirigeret.

CONCLUSIO.

Opera moraliter bona ordinis naturalis non possunt etiam ex pacto cum Christi Humanitate inito esse Causâ moraliter excitativa Divinæ Voluntatis ad supernaturalem sive vocationis, sive Iustificationis gratiam decernendam.

13. **P**robatur ex Concilij Arausicani secundi *Can. 6.* taliter se habente: *Si quis dixerit sine gratiâ Dei credentibus, volentibus, desiderantibus, conantibus, laborantibus, vigilantibus, studentibus, petentibus, querentibus, pulsantibus nobis Misericordiam Dei conferri, non autem Divinitus, ut credamus, velimus, vel hæc omnia, ut oportet agere valeamus per infusionem Spiritus Sancti in nobis fieri consuetur, resistit Apostolo.* Ex quo ita licet argumentari. Sine gratiâ Dei credere, velle, conari, laborare, stude-

re, vigilare &c. sunt opera moraliter bona Ordinis naturalis. At resistit Apostolo, quisquis dixerit, sine gratiâ Dei opera bona præfata facientibus Misericordiam, atque adeò Gratiâ Dei conferri. Ergo resistit Apostolo, quisquis asserit, facienti opera moraliter bona ex viribus naturæ, Deum infallibiliter dare Gratiâ.

Dices ex Molina *ut disp. 10. Concord.* Quando liberum arbitrium ex suis viribus naturalibus conatur, quantum ex se potest, ad ea, quæ sunt Fidei, addiscenda, & amplectenda, vel ad dolorem de peccatis, ac Iustificationem, tunc quidem à Deo conferri Gratiâ Prævenientem auxiliavè, quibus id faciat, ut oportet ad salutem. Nihilominus istud non eo sensu accipiendum esse, quasi eo conatu taliter operans dignus efficiatur ejusmodi auxilijs, ullâque ratione ea promereatur, sed quoniam id obtinuit nobis Christus ob sua merita, atque inter leges, quas tam ipse, quàm Pater æternus statuerunt de auxilijs, & Donis, quæ nobis Christus promeruit, merè gratis conferendis, una, eaque rationi maximè consentanea fuit, ut quoties ex nostris viribus naturalibus conaremur facere, quod in nobis est, præstò nobis essent Auxilia Gratiæ, quibus ea, ut oportet ad salutem, efficeremus. Cujus adeò Legis inter Christum, & æternum Patrem conventu argumentum esse tum ex eo, quod data sit nobis potestas filios Dei fieri, *Joan. 1.* tum quod Deus velit omnes salvos fieri & ad agnitionem veritatis venire. *1. ad Timoth. 2.* Quâ enim ratione verum esset, Deum velle omnes salvos fieri, si conantibus ex suis naturalibus, facientibusque quod in se est, vel ut fidem amplectantur, vel ut de peccatis doleant, Deus non esset semper præstò per auxilia, & Gratiâ prævenientem, ut actus sint, quales oportet esse ad salutem?

Contra. Nam illius inter Christum, & Patrem æternum initæ Legis triplex potest esse sensus. 1. ut Gratiæ dandæ sit quædam dependentia positiva à bonis per solius arbitrij vires naturales elicitis operibus Moralibus. In hoc verò sensu non effugeret Doctrina Moliniana, quin operibus naturalibus moraliter bonis tribueret rationem vel meriti saltem congrui, vel conditionis, vel occasionis erga Gratiâ ex pacto cum Christi humanitate inito dandam hoc ipso, quod aliquis secundum naturæ vires bene fuisset operatus. At istud vix evaderet Censuram Semipelagianismi, siquidem Castianus ex hoc etiam redarguatur à S. PP. quod *Collat. 13. c. 21.* bona viribus solius arbitrij elicitâ opera nostra, seu bonæ Voluntatis conatus posuerit non tam meritoria, quàm occasionem Gratiæ per Christum dandæ. Unde etiam Concilium Arausicanum in dicto *can. 6.* absolute, & universaliter damnat dicentem, Conantibus sine Gratiâ, per vires adeò naturales conferri Dei Misericordiam. Atqui Misericordia ita excludit debitum ex pacto fundato super merito condigno, ut tamen in remissione Peccatorum stet cum merito congruo fundato in actibus supernaturalibus Fidei, spei, & Charitatis. Quare si Concilium tantum defini-
visset, Gratiâ Dei conferri, ex Misericordiâ, necdum excluderetur Semipelagianismus asserens, conantibus sine Gratiâ conferri Dei misericordiam non ex merito condigno, sed congruo,

aliquali duntaxat occasione. Cum igitur illa universalis locutio Concilij absolute decernat, resistere Apostolo, qui dicit, conantibus sine Gratia per vires adeo arbitrij naturales conferri Dei Misericordiam, seu Gratiā, non videtur evadere Semipelagianismum, quisquis dixerit; facienti, quod est in se per naturæ vires, Deum conferre Gratiā dependentem ab opere naturali moraliter bono non quā merito, sed quā occasione sive conditione. Secundus igitur sensus illius cum Christo initæ Legis formari potest secundum quandam dependentiam negativam Gratia dandæ ab operibus naturalibus moraliter bonis; quod scilicet faciens, quod est in se per vires naturales, non peccet, nullumque adeo ponens Gratia obicem, ex vi legis æterni Patris cum Christo initæ, præstō habeat auxilia Gratia, quibus bona opera, ut oportet ad salutem, efficiat. At in hoc sensu difficultas est, quod supponatur, posse arbitrium creatum suis naturæ viribus omnia peccata vitare, cuius fallitas in 1. 2. ex intuitu redarguenda hic evincitur ex eo, quod omnino heri possit, ut in extremo vitæ constitutus Pœnitentiæ perfectæ supernaturalis peccatorum actualiter expiatiæ præceptum habens eliciat actum naturalis tantum Pœnitentiæ, & tamen ad supernaturaliter dolendum duntaxat sufficiente, non autem efficaci gratiā præventus peccet. Non igitur verum est, quod quisquis operatur bene ex naturæ viribus, quantum potest, nullum ponat Gratia obicem peccando, atque adeo ex Patris æterni cum Christo initæ lege recipiat Gratiā, quā non tantum possit, sed etiam actu operetur, ut oportet, ad salutem.

16. Tertius denique sensus illius cum Christo initæ legis formari potest, quin ulla sive positiva, sive negativa Gratia per Christum dandæ sit dependentia ab operibus moraliter bonis per arbitrij vires naturales elicitis, ita ut ista se habeant merè concomitanter ad Gratia auxilia, quibus, ut oportet ad salutem, opera bona efficiamus. Ex hoc autem sensu sequeretur imprimis, Opera naturalia moraliter bona instar conditionis disparatæ se habere tantum per accidens ad hoc, ut Deus vi Legis cum Christo initæ illa facienti conferat Gratiā. Deinde in illā Molinæ Doctrinā supponitur, extare Legem, seu Pactum Dei de conferendā omnibus ex vi arbitrij naturalis bene operantibus gratiā non sufficiente duntaxat, sed efficaci dante non solum Possē, sed ipsum Efficere. At S. Augustinus lib. de Corrupt. & Grat. c. 9. & de Predest. c. 3. ita distinguit Gratiā, vi cuius datur Possē à Gratiā dante ipsum Velle, & operari, ut c. 8. de Predest. asserat: inscrutabilia esse iudicia Dei in hoc, quod uni, non verò alteri dei Gratiā, quā operetur Fidem. Neque verò in Dei iudicium inscrutabile referri deberet, quod uni præ altero conferat Gratiā dantem Velle, & operari, si ex pacto cum Christi Humanitate inito omnibus secundum Naturæ vires bene operantibus esset paratum Gratia auxilium, quo opera bona, ut oportet ad salutem, efficerent. Quamvis ergo Deus voluntate antecedente omnes velit salvos fieri, & ad agnitionem Veritatis venire, ex hoc tamen evincitur duntaxat, omnibus nisi peccando po-

nerent obicem, parata esse Gratia auxilia sufficientia, quibus daretur posse, non ipsum Operari supernaturale.

Replicabis ex Francisco de Lugo cit. disp. 40. c. 6. à n. 12. & c. 8. n. 28. Opera Pietatis naturalia esse ex Gratia Christi, ac præferre rationem aliquam congruentiæ, quā moveatur Deus, ut homini sic operanti naturaliter auxilia Gratia supernaturalis impendat. Quare ab operibus ejusmodi naturalibus moraliter bonis ex pacto præsertim Dei inito cum Christo, Gratia supernaturalis auxilium posse omnino habere dependentiam aliquam, quin salutis nostræ initium sit ex nobis. Unde Axioma illud: *Facienti, quod est, in se Deus non denegat Gratiā*, intelligi debere de homine prævento per gratiam Ordinis naturalis, & bene utente naturalibus cogitationibus, à Deo immixtis, ita ut facienti, quod est in se per vires quoad substantiam naturales nunquam denegetur gratia ordinis supernaturalis, quā traducatur & evehatur homo ad operandum supernaturaliter.

18. Contra. Nam prima radix, & initium Iustificationis est Fides, ex Concil. Trid. sess. 6. de Iustif. c. 8. At hoc ipsum Iustificationis initium seu exordium in adultis sumitur à præveniente Gratia per Christum. ex cit. sess. 6. c. 8. Hæc autem gratia est illa præveniens Spiritus Sancti inspiratio, atque adiutorium quoad substantiam supernaturale, sine quo homo secundum S. Concil. can. 3. non potest credere, sperare, diligere, aut pœnitere, sicut oportet, ut ei Iustificationis Gratia conferatur. At istud quoad substantiam supernaturale adiutorium, seu gratia ad Fidem præveniens, seu excitans est illa vocatio, quā nullis eorum meritis existentibus vocantur. ex cit. c. 8. de Iustif. In his autem verbis Franc. de Lugo cit. disp. 40. c. 4. n. 29, fatente, excluditur omne meritum etiam congruum. At verò illa pietatis opera naturalia secundum eundem de Lugo c. 6. à n. 13. præcederent Vocationem ad Fidem tanquam ejus de congruo meritoria & impetratoria. Quomodo ergo stabit, quod illis naturalibus pietatis operibus conveniat congruitas movendi Deum ad Gratiā supernaturalis ordinis nunquam denegandam, quā evehatur homo ad supernaturaliter operandum.

19. Instabis ex eod. de Lugo cit. c. 6. n. 26. & 29. Opus bonum dupliciter posse conducere ad salutem, sive Iustificationem, & supernaturalem gratiam promerendam. Primò simpliciter secundum conducentiam proportionis, & connaturalitatis cum Gratia sanctificante, quo modo proximæ & ultimæ ad Iustificationem, seu gratia augmentum dispositiones conducunt ad salutem. Ejusmodi verò dispositiones, seu opera ex quādam connaturalitatis proportionem salutis seu Iustificationis saltem de congruo meritoria esse actus fidei, Spei, Timoris, Dilectionis, Contritionis, Orationis, ac Desiderij, nec non conatus ex infusa fide, ac Divinæ Misericordiæ Spe, sive ex affectu ad salutem profecti. Hæc proinde opera simpliciter ad salutem sicut oportet conducentia esse quoad substantiam supernaturalia, atque adeo requirere Gratiā Dei supernaturalem. Alium proinde conducentiæ modum ad salutem esse remotum, ac extrinsecum

cum

tum, seu secundum quid. Hunc verò consistere in quâdam congruentiâ ratione nullam de se habente proportionem cum Habituali, vel supernaturali Gratiâ. Istam verò congruentiâ rationem in eo sitam esse, quòd Divinæ Misericordiæ congruat ex operibus pietatis naturalibus allici, atque adeò se dignari ad novas ulteriorum supernaturalium operum excitationes conferendas. Cujusmodi adeò congruitatem, ac respectu salutis conducentiam convenire omni simpliciter bono naturalis Pietatis operi. Unde Patres, & Concilia dicendo, Fidem esse salutis, ac Iustificationis initium, intelligi debere de fundamento proximo, & proportionato, ita ut nullum ante fidem possit esse meritum simpliciter ad salutem, seu Iustificationem; etsi per opera Pietatis naturalia ex Gratiâ Christi elicta sterni possit remora quâdam congruitatis via ad supernaturalem Gratiâ. Ratio hujus distinctionis per eundem de Lugo cit. c. 6. n. 17. & 37. adducta est. Tum quia ad opera Pietatis etiam naturalia exigitur Gratia per Christum, ex Concilio Arausicano can. 3. 4. 5. 6. 9. & 14. Ergo ex illâ Christi Gratiâ accipiunt quandam congruentiâ rationem respectu supernaturalis Gratiæ. Tum quia S. Augustinus lib. 87. qq. q. 68. illius Apostolici dicti: Cujus vult, miseretur, & quem vult indurat, reddens quasi rationem, loquitur in hæc verba. Nam in eo, qui obduratur, præcedunt merita mala, & in eo etiam, cuius Deus miseretur, præcedunt occultissima merita. Hanc verò sententiam non tantum non retractavit ille S. Doctor; sed lib. 1. retract. c. 26. videtur confirmasse asserens: Ante illa bona merita (scilicet ante opera naturalis etiam Pietatis) antecedere Vocationem sine merito.

23. Contra. Nam illa per Franciscum de Lugo asserta Operum Pietatis ad salutem conducentia vel importaret intrinsecam positivam respectu gratiæ supernaturalis congruitatem, vel ex parte operum diceret congruentiam duntaxat negativam cum connotatione Misericordiæ divinæ; cui ex se ipsâ congruit homini non ponenti peccati obicem donare Gratiâ supernaturalem. At neutrum subsistit in sensu per illum insinuato. Minor probatur. Tum quia congruitas illa positiva in operibus pietatis naturalibus ab intrinseco fundaret rationem Meriti congrui. Si ergo Fides secundum aliquam saltem congruitatem hisce operibus promereri posset, sequeretur, Fidem non esse omnis meriti radicem. At hoc apertè adversatur S. Augustino Epist. 106. taliter scribenti: Restat, ut ipsam Fidem, unde omnis Iustitia summatum, non tribuamus ullis præcedentibus meritis, quoniam inde incipiunt bona, quæcumque sunt, Merita. Tum quia nec quidquam juvat Franciscum de Lugo cit. c. 9. n. 29. respondentem, quòd S. Augustinus ante fidem excluderet meritum simpliciter dictum, non autem secundum quid, cujusmodi sit in operibus moraliter bonis naturalibus. Nam si hisce operibus ante Fidem elictis inesset positiva ad Gratiâ supernaturalem congruitas, oporteret hanc intrinsecè, ac essentialiter importare habitudinem quandam ad Gratiâ supernaturalem. Ex hoc autem sequeretur, opera Pietatis naturalia æquiparari operibus supernaturalibus in statu peccati mortalis elictis, utpotè non habentibus respectu Gratiæ San-

ctificantis aliam, nisi congruitatis intrinsecæ habitudinem non simpliciter de condigno, sed tantum secundum quid de congruo proportionatam. At S. Augustinus in cit. ep. 106. post init. ita admittit aliquale Fidei erga Iustificationem meritum, ut asserat: Non esse nullum meritum Fidei, quâ fide ille dicebat: Deus propitius esto mihi peccatori, & descendit Iustificatus, quoniam qui se humiliat, exaltabitur. Quare ut Gratiâ veram, id est, sine meritis cogitemus, restare, ut ipsam Fidem, unde omnis Iustitia incipit, non humano tribuamus arbitrio, nec ullis præcedentibus meritis, siquidem inde incipiunt, quæcumque bona sunt merita, ait S. Doctor loc. cit. Constat igitur de mente S. Augustini, omne ante fidem Congruitatis etiam Meritum excludendum esse, nec adeò opera Pietatis naturalia secundum aliqualem congruitatis rationem posse Fidei meritoria esse. Tum quia eadem de Lugo nec quidquam favent citati Canones Concilij Arausici. Nam etiam posito, quòd ad opera Pietatis naturalia esset opus gratiæ Christi, necdum inferretur, hisce operibus convenire positivam congruitatem Gratiæ supernaturalis secundum quid meritoriam, cum alioquin neque Iustificationis exordium esset per fidem, neque Fides esset initium omnis meriti congrui saltem conducentis positivè ad Iustificationem. Hoc verò adversatur Doctrinæ allegatæ tam Sacri Concilij Tridenti. cit. c. 3. sess. 6. de Iustif. quàm S. Augustini sup. cit. imò S. quoque Gregorij hom. 19. in Ezechiel. docentis, Cornelium non tantum non meruisse fidem operibus naturalibus moraliter bonis, sed ante Baptismum habuisse fidem, à quâ procedebant orationes, Eleemosinæ, seu opera bona, quibus meruit venire ad Baptisma. Unde S. Augustinus in cit. ep. 106. post. init. & lib. de Grat. & lib. arb. c. 14. demonstrat, Omnia opera bona ad Iustificationem conducentia ita procedere ex fide, ut etiam invocatio Dei ad rerum temporalium cupiditates, & diligenda bona æterna, non sit, nisi ex fide. Quomodo enim invocabunt, in quem non crediderunt? Cui qualiter consonet Franciscus de Lugo cit. c. 7. n. 36. ipsemet viderit. Tum quia idem de Lugo cit. c. 6. n. 17. malè allegat S. Augustinum, quasi in lib. 87. qq. q. 68. & lib. 1. retract. c. 23. & 26. docuisset; opera moraliter bona naturalia tanquam merita occultissima præcedere Iustificationem. Etenim legenti citatam q. 68. lib. 87. qq. post medium constabit, illud occultissimum meritum Iustificationem præcedens esse ex hoc, quòd probaverint habere Deum in notitiâ. Hæc autem probatio habendi Deum in notitiâ ita importat Voluntatem credendi, ut idcirco merito Fidei tribuatur Misericordiæ per Iustitiâ exhibita ex cit. c. 23. retract. Hoc ipsum verò meritum Fidei ita venit de Misericordiâ Dei, ut ad hanc etiam pertineat vocatio Fidem præveniens, ex cit. c. 23. & 26. retract. Imponitur ergò S. Augustino, dum dicitur tribuisse naturalibus moraliter bonis operibus aliquid meriti erga Iustificationem.

Ad summum proinde licet hisce operibus concedere congruitatem quandam negativam, quatenus eis insistentes, non peccando non impediunt Misericordiam Divinam, in quâ, non verò in illis operibus fundatur congruitas, ita ut servantes Ius naturale, seu opera moraliter bona

naturalia facientes propter merita Christi, donandi sint Gratia supernaturali. In quo adeo sensu accipiendi sunt SS. PP. si qui à Lugo cit. n. 17. adducti videantur aliquid ad Iustificationem, & gratiam supernaturalem conducentiæ Operibus naturalibus Moralibus bonis attribuere. Tum denique ista licet negativâ duntaxat congruitate non secundum intrinsecum eorum valorem, sed Dei duntaxat Misericordiam admittit, improbandus adhuc foret Franciscus de Lugo cit. disp. 49. c. 2. n. 22. docens, facienti, quod est in se per vires Naturales quoad substantiam, nonquam denegari Gratiam Ordinis supernaturalis, quâ traducatur, & evehatur homo ad operandum supernaturaliter. Etenim hæc Gratia ipsum operari supernaturale conferens foret efficax. At ipsemet Lugo cit. c. n. 19. asserit, Sacræ Scripturæ testimonia, quæ per Molinam afferuntur in probationem pacti inter Christum, & Patrem æternum initi de Gratia facienti, quod est in se, conferendâ, non procedere, nisi tantummodo de Gratia Sufficiens auxilijs. Illius igitur Axiomatis sensus est, quod homini per vires naturales mediante gratia quoad substantiam naturali facienti, quod est in se, Deus non denegat Gratiam sufficientem salutis, cuique ex Voluntate omnes salvandi à Deo præparatam, imò gratiam quandoque efficacem ad impetrandam Iustificationem ex nullâ quidem lege, sed solâ Misericordiâ conferat.

Responsio ad opposita Argumenta.

29. AD Molinæ n. 4. Oppositum Fundamentum Respondetur. Ex hoc, quod omnibus data fuerit Potestas Filios Dei fieri, solum evinci, meritorum Christi virtute omnibus parata esse auxilia ad salutem sufficientia, non verò efficacia. Ratio Responsionis est. Nam Potestas Filios Dei fieri, dat Possesse. In hoc autem differt efficax Gratia à Sufficiente, quod illa det Velle, & operari, cum contra Sufficiens det Possesse, ex S. Aug. saepe citato. Ergo ex eo, quod omnibus data sit potestas Filios Dei fieri, non evincitur, nisi quod omnibus paratum sit auxilium Sufficiens ad hoc, ut Filios Dei fieri possint. At hoc ipsum auxilium Sufficiens non ita dependens est à conatu liberi arbitrij naturali, ut hic illius sit Causa Meritoria, cum alioquin initium Iustificationis, & salutis esset ex nobis; imò qualicumque ad Dei Misericordiam impetrandam conatus præsupponit Dei Gratiam ex Concil. Arausico. cit. can. 6. Fallitur ergo Molina, tum quod potestatem Filios Dei fieri ita subijciat arbitrio nostro, ut ex hujus naturali virtute pendeat, D. Augustino lib. 1. cont. 2. ep. Pelag. reclamante: *Dari potestatem, ut Filij Dei fiant, qui credunt in eum, cum hoc ipsum detur, ut credant in eum; imò nisi hac potestas detur à Deo, nullam esse posse ex libero arbitrio.* Tum quod conantibus ex viribus naturæ, & facientibus quod est in se, asserat præstare esse auxilia Gratia, quibus non detur tantum Possesse, sed ipsum, ut oportet ad salutem, Operari.

30. Ad Francisci de Lugo n. 5. Proposita Respondetur. Illum Authorem ex hoc quidem declinare Semipelagianismum, quod initium Iustificationis ponat in Gratia Christi operatrice Operum Pietatis naturalium, non tamen satis coherere cum Doctrinâ Concilij Tridentini

sess. 6. de Iustif. docentis, Primam radicem Iustificationis esse Fidem: siquidem Author ille antecedenter ad fidem ponat opera Pietatis naturalia vocationis ad Fidem supernaturalis, ac Iustificationis quodammodo meritoria.

Ad ejusdem de Lugo n. 6. Oppositum Fundamentum Respondetur 1. Toto Math. 23. capituli contextu inspecto, satis constare, ibi agi de Eleemosynâ etiam supernaturali. Tum quia rependitur illi Eleemosynæ regnum Cæleste, juxta illud: *Possidete paratûm vobis regnum, Esurivi enim, & dedistis mihi manducare.* Atqui ad meritum vitæ æternæ requiritur Gratia supernaturalis. Tum quia Præmium vitæ æternæ rependitur illi Eleemosynæ, quod sit Christo facta juxta illud: *Quod uni ex minimis meis fecistis, mihi fecistis.* At per hoc innuitur Motivum supernaturale de Eleemosynâ Pauperibus tanquam Christi Fratribus faciendâ. Nihilominus Respondetur 2. Si remissio injuriæ nobis illatæ, sicut etiam misericordia in pauperes sit quandoque facta ex motivo duntaxat naturali, tunc positive non conducere ad impetrandam Misericordiam, seu Iustificationem, sed Negative duntaxat, quatenus non posito peccati actualis obice Divina Misericordia ex se ipsâ movetur aliquando ad sufficientem, aliquando ad efficacem Gratiam, atque adeo Iustificationem sive ex opere operantis virtute Contritionis perfectæ supernaturalis, sive ex opere operato virtute Sacramenti conferendam.

Ad ejusdem de Lugo n. 7. Oppositum Respondetur. Istum Authorem ex duplici Capite venire hic redarguendum: Tum quod in operibus Pietatis naturalibus ex Gratia licet Christi quoad substantiam naturalis elicitis, ac Fidem antecedentibus ponat remotum Iustificationis initium. Si enim Fides ex Trident. citato sit prima radix, ac initium Iustificationis, quomodo hujus initium prius subsistit? Tum quod congruitatem aliquam intrinsecam in ipsis Pietatis operibus naturalibus videatur ponere ad Iustificationis Gratiam quodammodo promerendam. Ex quo sanè videntur hæc moralia opera naturalia æquiparari operibus moralibus ex motivo supernaturali extra Gratia statum elicitis. Tum denique, quod hisce operibus Pietatis naturalibus vim tribuat infallibilem impetrandi efficacem supernaturaliter operandi Gratiam, cum tamen nè Fidei quidem supernaturali sit vis infallibiliter impetrandi efficacem subsequentem spei, Timoris Domini, Dilectionis Dei, & Contritionis actuum supernaturalem Gratiam.

Ad n. 8. Oppositum Fundamentum Respondetur. Frustra gloriari Franciscum de Lugo, quod per suam sententiam alijs magis recedat ab errore Massiliensium. Nam Gratia Christi quoad substantiam naturalis efficacia secundum ipsum consistit in connotatione conditionatæ liberi creati arbitrij determinationis antecedentis Dei actuale Decretum, atque adeo Voluntatis Divinæ Libertatem, seu liberam Donationem. At secundum illum Authorem per naturam inest creato arbitrio vis sufficiens ad opera Pietatis naturalia, nec nisi efficacia hujus facultatis est per Christum. An non igitur totum Iustificationis remotum initium primò radicatur in nostro arbitrio?

Ad

35. Ad n. 9. oppositum Respondetur. Ex Concilio Arausico canone 5. nos debere profiteri, quod in omni opere bono nos non incipimus. Atqui secundum Franciscum de Lugo ex naturæ viribus inest nobis vis ad opera Pietatis naturalia sufficiens. Ex hac verò virtute est tota efficacia per conditionatam Divinæ Voluntatis donantis Decretum antecedentem liberam Voluntatis nostræ determinationem. Hæc ipsa verò determinatio conditionata non est distincta ab absolutâ. At incipimus operari, quando liberè nos determinamus. Ergo sicuti ex viribus nostris naturalibus est determinatio libera Voluntatis nostræ antecedens Divinæ Voluntatis determinationem, atque adeo Donationem, sic in opere bono naturalis Pietatis nos incipimus Divinæ Voluntate post prævisam hanc determinationem nostram se primum ad cooperandum determinante. At verò ejusmodi opere bono naturalis Pietatis per arbitrium nostrum polito, præstito est Gratia supernaturalis, quæ eveniamur ad supernaturaliter operandum, nosque adeo disponamus ad Iustificationis Gratiâ. Non igitur apparet, quomodo nos secundum Franciscum de Lugo non incipimus, & postea per misericordiam Dei adjuvemur. Ne proinde Arausico adversus Concilio, fatendum est, ipsam Dei pro impetrandâ Gratiâ invocationem esse ex Gratiâ, atque adeo ex donatione Divinæ Voluntatis libero suo Decreto causantia, atque adeo antecedentis liberam nostram determinationem.

36. Ad n. 10. Oppositum Respondetur. S. Thomam non tantum non faveri Francisco de Lugo, sed i. 2. q. 112. a. 3. apertè docere, quod illud Axioma: *Faciens, quod est in se, Deus non denegat Gratiâ*, ita accipiendum sit, ut, quisquis per motionem Dei moventis Cor hominis ex intentione dandi Gratiâ Sanctificantem secundum arbitrium sui creati libertatem Divinitus præventam, & actualiter motam se præparat, infallibiliter consequatur Gratiâ, infallibilitate ejusmodi se tenente ex parte illius Divinæ Intentionis, ac Prædestinationis. Cui adeo Angelicæ Doctrinæ concordando loca ut. n. 10. allegata, nihil vitium habet Francisci de Lugo ab Autoritate hujus Angelici Doctoris petita argumentatio, uti videre est apud Ioan. Bapt. Gonet i. 4. disp. 2. a. 3. §. 5.

37. Ad Joannis à S. Thomâ n. 11. propositum Respondetur. Illius Axiomatis: *Faciens, quod est in se, Deus non denegat Gratiâ*, duplicem posse formam sensum legitimum. Alter est *Positivus* ex ipso ut. n. 11. adductus, omninò conformis Angelico Doctori. Alter *negativus* est talis, quod faciens, quod est in se, ex viribus tum Naturæ, tum gratiæ, non ponens adeo peccati actualis obicem, non destituatur auxilijs Gratiæ sufficiens, ex Dei de omnibus salvandis antecedenti voluntate paratis, imò secundum quandam non in operibus moralibus naturaliter bonis, sed in Misericordiâ Dei radicatam congruitatem detur quandoque, non tamen infallibiliter Gratia etiam efficax ad actus supernaturales Fidei, Spei & Charitatis, mediantibus quibus perveniat ad Gratiâ Iustificantem.

38. Ad n. 12. propositum Respondetur. Apertum esse, quod illa S. Thomæ verba non procedant de efficaci, & actuali Gratiâ Iustificantis collatione

ne infallibiliter dandi servanti jus Naturæ, sed de Medijs duntaxat sufficientibus non tam ex debito Honestatis operum moralium naturalium, quàm ex Voluntate Divinâ omnes salvandi antecedente cuique hominum destinatis, atque nullum ex Divini saltem naturaliter cogniti iuris transgressionem obicem ponenti actualiter conferendis.

COROLLARIUM.

Insertur. An, & qualiter unus Sanctorum possit suis meritis aliorum Prædestinationis esse Causa. Nam 1. Nullus purus homo potest de condigno promereri alteri Prædestinationem ad Gratiâ seu Gloriâ. Ratio est: Quia meritum condignum fundatur in Gratiâ Sanctificante. Hæc autem intrinsicam habet cum Charitate connexionem. Charitatis verò effectus intrinsecus est uniri cum Deo, non Aniantem duntaxat transformando in Deum, sed ipsam Divinitatis substantiam reciproco amore intrinsecus amantem trahendo: Hic autem Dei amor reciprocus respicit in animâ dilectâ Gratiâ Sanctificantem sicut ergo Charitatis est, nunquam satiari in viâ, quin ætæri unionis vinculo libi magis devinci ad Deum, licet ratio Charitatis exigit, ut Gratiâ Sanctificandâ sui semper augmentum in infinitum magis perficiendum, totam valoris condignitatem consummet in subiecto merente. Cum igitur valor meriti condignus non excedat proprii merentis subiecti in unione cum Deo in infinitum magis perficiendâ exigentiam, nequit ulterius meriti ad Gratiâ, & consequenter Gloriâ promerendam condignus valor alteri applicari, nisi valor ejusmodi sit infinitus. At puri hominis quantalibet Sanctitate instructi meritum ex Gratiâ Sanctificante non tantum quoad substantiam, sed etiam quoad intensionem semper finitâ dignificatum, nequit esse nisi finitum. Ergo meriti ejusmodi condignus valor in proprio subiecto consummatus non potest extendi ad Prædestinationem Gratiæ & Gloriæ alteri promerendam. 2. Non repugnat, unum Sanctorum esse Causam de congruo meritoriam aliorum ad Gratiâ, & Gloriâ Electionis, ac Prædestinationis. Ratio est. Nam Prædestinatio Sanctorum est præparatio Beneficiorum Dei, quibus certissimè liberantur, quicumque liberantur, ex S. Aug. de Dono Persev. c. 14. Ejusmodi verò beneficia certissimè à Massâ perditionis liberantia sunt vocatio efficax ad Fidem, & Iustificationem, nec non ipsa Gratiæ Sanctificantis infusio, ac denique Finalis perseverantia, quam consequitur Glorificatio. Atqui primam efficacem vocationem posse ab uno Sanctorum secundum ipsius Divinæ Prædestinationis ordinationem, alteri promereri de congruo, avindetur ex illo S. Augustini de Dono Persev. c. 22. taliter differentie. *Si qui sunt nondum vocati, pro eis, ut vocentur, oramus, fortasse cum sis prædestinatus sum, ut nostris Orationibus concedantur.*

Deinde vocatio efficax ad Fidem vivamque connexa est cum Gratiâ Sanctificante, ut hanc quis alteri censeatur promeruisse, quisquis efficacem Conversionis Gratiâ alteri promeruit. At S. Stephanus in Martyrio suo pro persecutoribus orando, ita promeruit Paulo efficacem conversionis Gratiâ, ut nisi orasset, Ecclesiâ Dei non

non haberet illum vivum membrum. ex S. Aug. lib. 1. ad Simpli. q. 2. & serm. 1. & 4. de S. Stephano. Unde Justificationis Gratiā non tantum in sui Causā, seu dispositione, sive efficaci ad Conversionem Vocatione, sed immediate in se ipsā posse unum Sanctorum alteri promereri vel ex eo ostenditur, quod ex Sancti alicujus oratione moveri possit divina Misericordia ad decernendam alteri Gratiā Justificātem, quā vivum Ecclesiæ Dei Membrum constituitur.

15. Adhuc unum posse alteri mereri non primam duntaxat Gratiā, sed etiam Finale, tradit non tantum S. Thomas q. 6. de Verit. a. 6. sed D. quoque August. c. 6. de Dono Persever. ubi expressè ait, istud Donum posse suppliciter emereri. Hinc denique fit, ut Glorificationis cum finali Perseverantiā connexæ executrix Dei Voluntas possit respicere ad alterius meritum congruum.

16. Imò Meritum ejusmodi radicatum in Christi merito infinito posse divinæ Voluntati esse rationem alterius ad Vitā æternā Electionis, non tantum non repugnat, sed hanc prærogativā Sanctissimæ Deiparæ eatenus esse tribuendam, ut ipsa ex Christi Meritis ante omnes Sanctos præelecta, tanquā saluta Prædestinatorum cooperatorix Merito suo congruo fundato in Christi meritis, moveret divinam Voluntatem ad reliquos Sanctos in Gloriā æternā eligendos, ac efficaciter destinandos; D. Ambrosio in Luc. super illa verba. Ecce Ancilla. ita differente: Dei mirum, si Donum redemptoris Mundum, operationem suam inchoavit à Matre, ut per quam salus omnibus parabatur, eodem prima fructum salutis hauriret ex pignore. Unde de S. Deiparā Virgine ante omnes alias hominum Animas Regi Christo adductas in præelectione divinā, accipitur illud Psal. 44. Adducitur Regi Virgines post eam.



ARTICULUS III.

DE

Effectibus Divinæ Prædestinationis.

1. Nulla momenti alicujus difficultas est circa Vocationem efficacem, Justificationem, & Glorificationem, quin asserantur Prædestinationis divinæ effectus, Apost. ad Rom. 8. loquente in hæc verba: Quos enim prædestinavit, hos & vocavit, & quos vocavit, hos & justificavit, quos autē justificavit, illos & glorificavit. Unde audiendus nō est i. Durandus in 1. dist. 41. q. 2. negans, Glorificationē esse Prædestinationis effectū, eo quod Prædestinatio sicut & Providentia, cuius pars est, non versetur circa Finem, sed circa Media. Sed contra est, quod Prædestinatio versetur circa Media ad vitæ æternæ finem efficaciter perducētia. Hinc autem fit consequent, debere efficacem hujus Finit intentionem supponi. ex quā adeo per Virtutalem, seu rationis rationem consecutionem ita consequatur Voluntas divinæ Decretum efficacium salutis Mediorum preparativum, & causativum, ut consequenter hujus Decreti, seu Prædestinationis divinæ effectus omnes in efficacem Finis Gloriæ

3. Electo destinati intentionem tanquā primam radicem reducantur. Neque 2. audiendus est Gabriel in 1. dist. 41. q. 1. asserens, divinæ Prædestinationis proprium, & unicum effectum esse glorificationem, maxime cum & Justificatio, & vocatio efficax, imò & quæcumque opera bona, sola Finali perseverantiā exceptā, possint esse in Reprobis. Nam Contra est. Quod licet effectus proximè numerari possint esse in reprobis, peculiariter tamen ratione sunt in Prædestinatis ex efficaci ad finem Gloriæ ordinatione, habente ab inter se infallibilitatem Finalis Perseverantiæ, ac ipsius æternæ Gloriæ causativā. Sub hoc igitur infallibilitatis ex divinæ Prædestinationis causalitate profluentis ordine ita sunt effectus Prædestinationis proprii, ut tamen principalem inter hos teneat locum Glorificatio. Hinc aded facilius suppositis, quatuor hic supersunt decidendæ difficultates. An inter effectus Prædestinationis censer. debeant 1. Opera nostra meritoria, prout sunt bonus Arbitrii nostri liberi usus? 2. Vocatio inefficax, & Gratiæ per peccatum interrupta, æque ad Merita mortificata. 3. Beneficia Dei naturalia? 4. denique Peccati permissio.

CONTRVERSIA I.

Utrum actus supernaturales, prout a libero nostro Arbitrio emanant, sint effectus Divinæ Prædestinationis?

Utrum actus supernaturales, prout a libero nostro Arbitrio emanant, sint effectus Divinæ Prædestinationis?

4. Molina in sua Concord. q. 23. a. 4. & 5. disp. 1. memb. 10. negat, formalitatem Libertatis in actibus supernaturalibus, sive hos actus prout præcisè emanant a libero nostro arbitrio, esse ut sic effectum divinæ Prædestinationis. Fundamentum ab eodem Molinā in dicta Concord. q. 14. a. 13. disp. 17. deductum est. Nam liberum nostrum arbitrium, & Gratiæ Dei præveniens se habent ut duæ partes unius integræ Causæ actus credendi, sperandi, aut poenitendi, prout ad salutem oportet. Quare singuli ejusmodi actus licet pendeant ab influxu tā liberi arbitrii, quam gratiæ prævenientis, à libero tamē arbitrio habent, ut actus illi quoad Substantiam sint Credere, Sperare, aut Poenitere: ab influxu vero Gratiæ Prævenientis habent, ut sint supernaturales, & tales, quales oportet ad salutem.

5. Oppositum ex communi Thomistarum sententiā tradunt Ioannes à S. Thomā præf. disp. 6. a. 4. & Conet. 10. 4. disp. 3. a. 3. §. 1.

CONCLUSIO.

6. Vetus liberi arbitrii nostri, quatenus emanat à Voluntate nostra liberā, est ut sic effectus Divinæ Prædestinationis.

6. Probatur argumento Angelici Doctoris præf. q. 23. a. 5. ita differentis. Non est distinctum, quod est ex libero arbitrio, & ex prædestinatione, sicut non est distinctum, quod est ex Causā secundā, & Causā primā. Divina enim Providentia producit effectus per Operationem Causarum secundarum. Unde & id, quod est per liberum arbitrium, est ex Prædestinatione. Cujus argumentum.

gumentationis vis ita deducitur. Nō est distinctū, quod est ex Causā secundā, & Primā. At quid- quid est ex Causā primā, est à Deo secundū Con- silium Voluntatis suæ, ac Dictionem divini sui Intellectūs: *Omnia enim, quæcumque voluit, fecit, qui dixit & facta sunt, mandavit & creata sunt.* Ergo quod est ex Causā secundā Deus dixit, manda- vit, & voluit, ut ita fieret. Hinc autem sequitur, Deum actus quoque nostros liberos mandare, ac dicere, & velle eo modo fieri, quo emanant ex nostro Arbitrio. Hoc autem mandatum Dei est Divina Prædestinatio. Ex hac igitur etiam o- manat arbitrij nostri usus liber secundū illam ipsam libertatis Formalitatem, prout emanat à nostro arbitrio libero.

7. **Confirmatur.** Nam ratio, cur id, quod est ex Causā primā, & secundā non sit distinctum, à præcitato Doctore Angelico asseritur, eò quod Divina Providentia producat effectus per Cau- sarum secundarum operationes. At divinam Providentiam producere effectus per Causarum secundarum operationes importat istarum ope- rationum essentialē à divinā Causalitate de- pendentiam, & subordinationem. Hæc au- tem Dei Causalitas habens sibi subordinatas cau- sarum secundarum Operationes est Voluntatis, ac Intellectūs Divini Decretum, ac Dictio, tan- quā actio æterna formaliter Deo immanens, ac virtualiter transiens. Sicut ergo Deus vult, & dicendo facit, ut operationes Causarum se- cundarum ab his emanent, sic Volitionis, atq; a- deo Prædestinationis Divinæ effectus est actio crea- tæ libere Voluntatis, sub eā etiam formalitate, secundū quam emanat à libero arbitrio nostro: D. Augustino lib. 1. *Retract.* c. 9. circa finem differen- te in hæc verba: *Quia omnia bona, & magna, & media, & infima à Deo sunt, sequitur, ut ex Deo sit & bo- nus usus libera voluntatis, qui in magnis numeratur bonis.*
- Respondet ex Molina in *cu. q. 14. disp. 37.* Est actus supernaturalis liber totus sit à libero arbitrio, & totus à Deo per Gratiā prævenien- tem tanquā per supernaturale Instrumentum, in eundem actum influente, at tamen à neutro esse ut à totā & integrā Causā, sed ut à parte inte- græ Causæ. Hæc autem indicari per hoc, quod dicatur ille actus liber formaliter, ac reduplica- tivē quā liber procedere à libero creato arbitrio, non autem ex prædestinatione, veluti habet Alarcon *in tract. 4. disp. 4. c. 6.*

8. **Contra.** Nam Prædestinatione suā præci- vit Deus, quæ ipse erat facturus. ex S. August. *lib. de Prædest. Sancti. c. 10.* Hæc autem Prædestina- tio est Gratiæ preparatio, per quam Deus ipsa bona opera nostra, ut in illis ambulemus, præ- paravit. ex *ib. c. 10.* Ergo hæc ipsa bona opera, ut in illis ambulemus Deus suā Prædestinatione erat facturus. Atqui in ejusmodi bonis operi- bus ambulamus per consensum liberum. Ergo Effectus Divinæ Prædestinationis est ipse in bona Opera consensus liber etiam formaliter, ac re- duplicativē, siquidem bona ejusmodi opera, ut in illis per liberum consensum ambulemus, sint preparata per divinā Prædestinationis De- cretum; Angelico etiam Doctore *q. 6. de Verit. a. 2. adit. attestante, Hoc ipsum, quod est velle accipere Gra- tiam, esse nobis ex Prædestinatione.*

9. **Confirmatur 1.** ex illā S. Augustini, c. 27. de *Grat. & lib. arb.* sententiā: *Agit Deus Omnipotens in Cordibus hominum etiam motum Voluntatis eorum, ut per*

eos agat, quod eos agere ipse voluerit. Ex his incipit verbistalis formatur argumentatio. Deus agit per homines, quod ipse agere voluerit. At Deus per homines agit in Cordibus eorum Voluntatis motum agendo. Ergo Deus agendo vult illū ipsum motum Voluntatis hominum, per quos agit. At ista Volitio Dei causativa morum Vo- luntatis hominum est, in quā Deus prædesti- nando præscit ejusmodi Divinæ suæ Prædesti- nationis effectus. Ergo quatenus motus Vo- luntatis hominum prædestinatorum sunt per ip- sorum Voluntates, atque ad eod quā libere ema- nantes ex arbitrio eorum creato sunt effectus di- vinæ Prædestinationis.

Confirmatur 2. ex Concil. Trident. *sess. 6. de iustif. c. 15.* Nam Justificationis exordium, atque ad eod dispositio ad illam præparans non est, nisi à Dei per Christum Iesum præveniente Gratiā. Atqui homines ad suam ipsorum Justi- ficationem disponuntur eidem Gratiæ libere as- sentiendo, & cooperando. ex *ib. c. 5.* Ergo hæc ipsa libera cooperatio est à Gratiā Dei per Iesum Christum præveniente. At inter Gratiā, & Prædestinationem hoc interest, quod Prædesti- natio sit Gratiæ preparatio; Gratiā verò ipsa Donatio. ex S. Aug. *c. 10. de Prædest. Sancti.* Ergo quatenus illa libera hominum cooperatio for- maliter, ac reduplicativē quā talis est à Deo per Gratiā, est ut sic donata, atque ad eod prædesti- nata à Deo, est quæ ad eod Divinæ Prædestinatio- nis effectus.

Responsio ad opposita Argu- menta.

AD Molinæ *n. 1.* Oppositum Responderetur Aliam esse Gratiā Prævenientem ex parte Actūs primi, aliam verò ex parte actūs secundi. Nam gratia præveniens setenens ex parte actūs pri- mi est Forma aliqua supernaturalis Volūtati crea- tæ impressa ad communicandum huic viui, & a- ctivitatem operativam actūs supernaturalis. Illa autem Forma supernaturalis est in ratione Po- tentiæ proximè operandi totalis virtus activa, ad quam creata Voluntas se habet in ratione poten- tiæ duntaxat elevabilis, ac proportionabilis. Unde ex causalitate illius supernaturalis Formæ A- ctivæ actus non accipit supernaturalitatem dun- taxat, sed omnimodam formalitatem; ut potè à parte rei formaliter unam, & indistinctam. Hæc ad eod Fidei; ac Spei supernaturales actus vitalitatis, seu differentie suæ specificæ ratio- nem habet præcisè ex Intellectu, & Voluntate; sed ab istā tanquā Potentiā elevatā, ac per for- mam illam supernaturalem activam proportio- natā efficienter recipiunt omnem etiam super- naturalitatis formalitatem, sicuti ab illā super- naturali formā Activā tanquā virtute elevante, ac Potentiā Vitalem naturalem proportionantē recipiunt etiam vitalitatem in actu Fidei, & Spei realiter formaliter indistinctam à supernaturali- tate.

Deinde Gratiā Præveniens setenens ex par- te actūs secundi est ipsa Causalitas divinæ Volun- tatis donantis ipsum velle & Operari supernatu- rale. At illa Causalitas Dei activæ sumpta impor- tat divinæ Voluntatis Decretum, ac divini In- tellectūs Dictionem effectricem actūs liberi su- pernaturalis secundū omnimodam ejus for- malitatem. Qui proinde activæ divinæ Causa-

litati tanquam Causalitas Passiva respondet actio à creato libero per virtutem, seu formam supernaturalem elevato arbitrio emanans secundum formalitatem tam supernaturalitatis, quam Vitalitatis, ac libertatis. Constat igitur, actus Fidei, & Spei ex influxu Gratiæ prævenientis habere non tantum supernaturalitatem, sed omnimodam Entitatum suarum formalitatem secundum illum etiam modum, quo emanant à creato nostro arbitrio.

13. Instabis, Ratio vitalitatis formaliter importat connotationem Principij immanenter operativi. Atqui actus fidei comparatus ad Causalitatem Dei non habet rationem immanentiam, sed ut sic est actio extra Deum transiens. Ergo ratio vitalitatis non potest intelligi in actu Fidei supernaturali, quatenus procedit à Causalitate Dei.

14. Respondetur distinguendo Minorem. Nam verum est, quod actus fidei ex præcisà ad Dei Causalitatem comparatione non habeat rationem immanentiam. Econtra falsum est, quod actus Fidei ex Dei Causalitate non habeat, ut sit emanans immanenter a principio creati intellectus per Formam supernaturalem elevati, ac proportionati ad ejusmodi actum supernaturalem. Atqui actus Fidei quia immanenter emanans ab intellectu creato supernaturaliter intrinsece elevato habet rationem vitalitatis. Ergo ex divina quoque Causalitate convenit actui Fidei habere Vitalitatem. Ratio Fundamentalis est. Nam Voluntas divina se habet ut Causa extra ordinem existens, ac profundens extra se totum Ens, omnesque ejus differentias. ex S. Thomà 6. Metaph. Lect. 1. & 1. Paribem. lect. 14. Ergo illam quoque formalitatem, secundum quam actus supernaturalis liber emanat à creato arbitrio, necesse est, procedere ex Dei Causalitate. At Dei Causalitas est secundum Intellectum, & Voluntatem, quatenus Deus Voluntatis suæ Decreto determinatè volendo formalitatem à se factibilem, eam signatè dicit, ac dicendo facit. Ergo actus creatus liber reduplicatè quia procedens à Voluntate creatæ liberà signatè secundum hunc emanationis modum causatur à Divina Volitione, ac Dictione, atque adeo Prædestinatione.

CONTROVERSIA II.

An vocatio inefficax, & Gratia

per peccatum interrupta, nec non Merita mortificata sint effectus Divine ad Gloriam Prædestinationis?

1. Franciscus de Lugo lib. 1. Deo. 6. 2. n. 7. Valentia 1. p. disp. 2. q. 23. punct. 3. negant: Vocationes inefficaces prædestinati collatas esse prædestinationis effectus. Probatur. Nam Electio efficax Prædestinatorum ad Gloriam non movet nisi ad Electionem Mediorum, & auxiliorum efficacium: in hoc enim distinguitur à Volitione simplici Gloriæ reprobis etiam communis. Ergo vocationes, vel auxilia inefficacia non ad Prædestinationem, sed ad communem supernaturalem Providentiam pertinent.

2. Valquez 1. p. disp. 93. c. 3. negat, Gratiam peccato interruptam. (eadem est ratio de mor-

ritis mortificatis) esse Prædestinationis effectum. Probatur. Quia talis justificatio prout præcedit culpam lethalem, est communis etiam reprobis, & quamdiu per peccatum est interrupta, nihil confert ad vitam æternam, donec per penitentiam reparetur. At tunc ex vinovæ ac specialis Providentiæ reducitur prædestinatus ad viam salutis. Ergo illa justificatio, prout antecedit peccatum, non est prædestinationis effectus, sed prout reparatur per penitentiam.

Suarez lib. de Prædest. 1. 4. & 6. Horizontis. 30. c. 2. Ioannes à S. Thomà ut. disp. 9. a. 3. Gonet ut. disp. 3. a. 2. & Thomistæ communiter affirmant, Gratiam peccato interruptam, quia primo etiam collatam, nec non inefficaces Vocationes esse effectus divine Prædestinationis. In quorundam Gonet controversia cum Ioanne à S. Thomà, quod hic ut. a. 3. n. 10. aliter, Vocationes inefficaces esse Prædestinationis effectus elictos, ille vero ut. a. 2. dicat esse effectus duntaxat Imperatos.

CONCLUSIO.

Vocationes etiam inefficaces, nec non Gratia per peccatum mortale interrupta, ac merita mortificata non secundum reparationem, ac reviviscantiam duntaxat, sed ut primò collata sunt in Prædestinatis per se effectus elicti divine Prædestinationis.

Probatur. Efficax Gloriæ intentio per modum Finis Electo præordinati respicit non Gloriam duntaxat Essentialem, sed etiam accidentalem cum toto utriusque augmento sive intensivo, sive quomodolibet etiam extensivo. Unde quidquid est Mediū ex Divina Præordinationis causalitate per se conducens ad Gloriam, sive essentialē, sive accidentalem, ejusve augmentū physicè aut moraliter causandū, est hoc ipso effectus per se, ac elictus Divine Prædestinationis. Atqui Gratia peccato mortali non ita extinguitur, quin reviviscendo per Penitentiam, tanquam Mediū cum Beatificā Visione intrinsece, ac essentialiter connexum sit per se conducens ad Gloriam essentialē, ejusve augmentum. Deinde vocationes inefficaces sunt Beneficia Dei supernaturalia. Ergo in ratione objecti movere possunt ad Gratiitudinis supernaturalis actum, sicut earundem non usus culpabilis ad Penitentiam ex Motivo supernaturali eliciendam. Imò Beati Vocationes ejusmodi duntaxat inefficaces, & sufficientes ex divine Bonitatis immensā liberalitate in se derivatas intiendo in Verbo, per Voluntatem Divini Amoris flammā succensam excitantur non ad Gratiitudinem duntaxat, sed concipiunt intra se Gaudium quoddam, seu Præmium accidentale de Divinitatis ergā se communicatione pro statu viæ exhibitū quoad Gratiās etiam inefficaces. Constat igitur, tum Gratiām Sanctificantem peccato Mortali interruptam ac penitentia reparatam, tum Gratiās inefficaces seu Media ex Divina Causalitate Efficienter conducantia ad Gloriam saltem accidentalem esse per se effectus Prædestinationis.

Dices: Gratiām peccato Mortali interruptam non posse efficienter conducere ad Gloriam, nisi sub

nisi sub conditione, & statu reparationis. At non illam Gratiā, quæ peccato Mortali extincta est, sed aliam realiter numero distinctam esse sub statu reparationis. Hanc igitur, non verò illam conducere efficaciter ad Gloriam, esseque adeò Prædestinationis effectum.

7. Contra. Nam Gratiā Sanctificans, sicut & merita nunquam interrupta non nisi sub statu Perseverantiæ Finalis sunt Media efficaciter causativa Gloriæ cælestis. At istud non ita accipiendum est, quòd Perseverantia duntaxat sit salutis Medium efficax, quin potius ipsa Gratiā secundum se sit ex vi connaturalis exigentiæ causativa Gloriæ. Pari ergò ratione Gratiā peccato interrupta, licet non nisi sub statu reparationis sit salutis Medium efficax, potest secundum se efficaciter conducere ad Gloriam, atque adeò esse effectus Divinæ Prædestinationis.

8. Probatur istud Assumptum. Nam Gratiā in statu reparationis includit etiam primum Gratiæ gradum, qui per peccatum ita fuit deperditus, ut reparatus fuerit per Pœnitentiam. Hic ipse verò Gradus primus, etsi materialiter, ac Entitativè non sit idem numero, qui fuit ante peccatum; est tamen idem æquivalenter quoad rationem commensurationis connaturaliter exigentis Gloriam, atque huius primum gradum moraliter causantis in vi, ac vice Gratiæ prioris deperditæ. Hæc autem Gloriæ per Gratiā effectrix Causalitas est ipsum Divinæ Voluntatis Decretum Gratiæ ad Gloriam efficaciter ordinativum, atque ut sic prædestinativum. Si ergò istud Decretum Gratiæ non in reparationis duntaxat, sed primæ etiam Justificationis statu collatæ sit actualiter in Gloriam ordinativum, sequitur, primam etiam gratiam peccato interruptam esse objectum per se volitum, atque adeò effectum Divinæ Prædestinationis. At eo ipso, quòd Gratiā reparata primum Gloriæ gradum moraliter causet in vi, ac vice primæ Justificationis deperditæ, sequitur, illud divinæ Prædestinationis Decretum esse Gratiæ non tantum in reparatione, sed in primâ etiam Justificatione suæ Causalitatis efficaciam ordinativum in finem Gloriæ.

9. Probatur istud Assumptum. Nam Gratiā reparata in vi, ac vice primæ Justificationis influit in primum Gloriæ gradum, quatenus divina Voluntas sui Decreti efficaciam, & Causalitatem ita coordinat primam Justificationem cum Gratiā reparatâ, ut primus Gloriæ gradus respondeat primæ Justificationi ex illius Gloriæ gradus intentione efficaciam Deo collatæ, & in Gratiā reparatâ æquivalenter restitutæ. Ex hoc ipso igitur, quòd in Gratiā reparatâ sit aliquis gradus respondens primæ Justificationi deperditæ, sequitur, primam Justificationem ex divinæ Voluntatis Ordinatione habere aliquem respectum ad illum Reparatæ gradum, atque hoc mediante habere ordinabilitatem efficacem ad primum Gloriæ gradum, esseque adeò effectum divinæ Prædestinationis, utpotè illam primam Justificationem efficaciter ordinantis ad præfatum Gloriæ gradum. Ratio fundamentalis deducitur ex illo ad Rom. 8. *Diligentibus Deum omnia cooperantur in bonum, his, qui secundum propositum vocati sunt Sancti*: Nam quos præscivit, & prædestinavit conformes fieri Imaginis Filii sui. Ex hoc enim elucet, Prædestinationis Divinæ Causalitatem eousque se extendere, ut prædestinatis omnia cooperentur in Bonum. Inter hæc autem in

Bonum cooperantia sunt Vocatio prima & Justificatio prima, juxta illud: *Quos autem prædestinavit, hos & vocavit, quos autem vocavit, hos & justificavit*. Atqui prædestinationis Divinæ Causalitas se habet non ad Justificationem duntaxat primâ, sed ad omnia in Bonum cooperantia, ita ut hæc omnia in Finem Gloriæ efficaciter ordinata etiam inter se coordinet, quatenus unum immediatè, reliqua verò mediatè attingunt Finem Gloriæ. ex citato sacro textu. Ea verò Mediorum ad unum Finem coordinationis est ratio, ut media remotiora æquivalenter, seu virtualiter maneat in propinquioribus, atque his mediantibus influant in Finem causando hujus consecutionem. Unde prima quoque Justificatio peccato extincta, etsi suâ Entitate non attingat aliquando Finem Gloriæ, ex ordinatione tamen divinæ prædestinationis ita manet virtualiter, ac æquivalenter in Gratiâ reparatâ, ut in vicem illius detur gradus gratiæ peculiariter respondens primæ Justificationi deperditæ, qui adeò gradus gratiæ in reparatione datus intuitu primæ Justificationis, hujus tenendo vices, ita secundum connaturalem exigentiā, ac divinæ Prædestinationis acceptionem est causativus Gloriæ, ut ex ejusdem Divinæ Prædestinationis ordinatione in gloriam mediatè influat prima quoque Justificatio deperdita. Hæc igitur consequenda est inter effectus Divinæ Prædestinationis.

Respondetur ad Opposita Argumenta.

AD FRANCISCI DE LUGO n. 1. Oppositum Respondetur. Eo ipso, quòd Sanctis secundum propositum vocatis omnia cooperentur in Bonum, oportere gratijs etiam inefficacibus inesse aliquid efficaciam ad cooperandum in Bonum. Aliam verò esse efficaciam in ratione Causalitatis efficientis, quam ita propriam esse Vocationi, quæ est secundum propositum, ut quoad istam efficaciam rationem nequeat Vocatio inefficax esse Divinæ Prædestinationis effectus. Aliam proinde hujus Vocationis efficaciam esse in ratione objecti per Divinæ Prædestinationis motionem excitantis in hac viâ ad Gratiarum actionem supernaturalem, vel dolorem ex non usu Gratiæ ejusmodi conceptum, vel ad Gaudium in statu Gloriæ accidentale. Secundum quam proinde efficaciam Vocationes inefficaces ita esse in Prædestinatis effectus Divinæ Prædestinationis, ut ex hujus Causalitate fluant illæ ipsæ inefficaces vocationes objectivè moventes ad præfatos effectus supernaturales.

AD VASQUEZIJ n. 2. Oppositum Respondetur. Gratiā peccato interruptam dupliciter posse spectari. Primò secundum se præcisè, quo modo est communis etiam reprobis. Secundò secundum sui ad Finem Gloriæ Ordinabilitatem, quâ ex divinæ Prædestinationis ordinatione connexam cum gradu gratiæ reparatæ respondente primæ Justificationi, atque in vi, ac vice istius influente in Gloriæ gradum primæ illi Justificationi commensuratum. Sub quâ proinde ratione primam Justificationem ita esse divinæ Prædestinationis effectum proprium, ut nequeat esse communis reprobis.

Instabis. Gratiā Adami per peccatum deperdita ita fuit per Christum reparata, ut Primæ ejus Justificationi responderet primus gradus gratiæ reparatæ

11.

12.

13.

paratæ gradus actualiter influens in Gloriam Cælestem. At prima Adami Justificatio nequit fuisse ipsius prædestinationis ad Gloriam effectus. Pari ergo ratione licet Gratia prima homini per Christum collata, sed per peccatum interrupta vi Pœnitentiæ ita reparetur, ut in hac reparatione respondeat primæ Justificationi peculiaris Gratia gradus in Visionis Beatificæ consecutionem efficaciter influens, non obinde sequitur, primam Justificationem peccato interruptam esse effectum Divinæ Prædestinationis.

14. Respondetur. Disparem pro præsentī esse rationem Gratia post Christum datæ, & in statu Innocentiæ Adamo collatæ. Etenim ut prima Justificatio peccato deperdita sit effectus Divinæ ad Gloriam Prædestinationis, oportet illam ita esse datam ex efficaci divinæ Prædestinationis Intentione, ut hæc illam ipsam primam Justificationem ordinando in Finem Gloriæ, faciat eam ita coordinari cum Gratia reparatâ, ut in hac sit peculiaris aliquis gradus in vi, ac vice primæ Justificationis influens efficaciter in Gloriæ actualem consecutionem. Hic ipse vero influxus ex parte Dei est Causalitas divinæ Prædestinationis intrinseca, ex parte verò prædestinati est ipsa Gloriæ affectio non nisi secundum divinæ prædestinationis ordinationem in ratione effectus actualiter connexa cum primâ Justificatione virtualiter, ac æqualiter manente in gradu gratia reparatæ. At illa divinæ Prædestinationis Causalitas eo ipso non potuit se extendere ad primam Adami in statu Innocentiæ Justificationem, quod prædestinatio Sanctorum non sit nisi ex meritis Christi post prævisum Originale peccatum prædestinati, secus autem est de Sanctis post Christi redemptionem iustificatis: horum enim Justificationem primam esse ex Causalitate divinæ Prædestinationis, sicut etiam omnium in Bonum cooperationem, clarè evincitur ex c. 8. ad Rom. Constat igitur, primam Sanctorum Christi Sanguine Redemptorum, non verò Adami in statu Innocentiæ Justificationem esse Divinæ Prædestinationis effectum.

XX

CONTROVERSIA III.

An, & quæ Beneficia naturalia sint effectus Divinæ Prædestinationis.

1. Ratio effectus Divinæ Prædestinationis est ordinabilitas Medij actualiter attingens Finem æternæ Gloriæ. Illa verò Mediorum in Finem Gloriæ ordinabilitas alia est intrinseca, cuiusmodi inest effectibus quoad substantiam supernaturalibus, cum Lumine Gloriæ intrinsecè proportionatis, qui proinde ex Causalitate Divinæ Prædestinationis ita sunt efficaces ad Visionem Beatificam moralis, vel physicæ connaturalitatis influxu actualiter causandam, ut dicantur effectus Eliciti Divinæ ad Gloriam Prædestinationis. Alia verò Mediorum in Finem Gloriæ ordinabilitas est purè extrinseca, cuiusmodi est in rebus, seu Bonis naturalibus, non ex intrinsecâ connaturalitatis sive congruâ, sive

condignâ proportionem, sed ex Voluntatis divinæ Decreto duntaxat extrinseco ad Finem æternæ Gloriæ consecutionem ordinabilibus, ex quâ proinde Divinæ Prædestinationis ordinatione extrinsecâ dicuntur huius effectus Imperati.

De his aded Divinæ Prædestinationis Imperatis effectibus controversatur inter Doctores circa tria bonorum naturalium genera. 1. Circa substantiam Prædestinati, nec non ejus temperamentum, Ingenium, Vires, ac reliquas proprietates, & Mortem ipsam, nec non peculiare Naturalis circumstantias. 2. Circa opera naturalis Ordinis moraliter bona à Prædestinato elicita. 3. Circa res externas naturales per modum instrumenti, vel adjumenti Prædestinato deservientes ad virtutum exercitia.

Referuntur Sententiæ Doctorum.

Vasquez 1. p. disp. 93. c. 4. Dona Gratia & creationis distinguens inter gratias Christi, ac Divinæ Electorum ad Gloriam Prædestinationis effectus recenset, quæcumque, licet naturalis sint Ordinis, conferunt ad Pietatem, ad rectè vivendum, & in Gratia perseverandum: cuiusmodi ait n. 27. esse Mortem etiam præmaturâ liberantem istum à peccato sibi imminente, nec non circumstantias Nativitatis dantes occasionem salutis, sicut bonam quoque educationem, ac similia Justificationi, seu perseverantiæ proficua. Econtrariò idem Author n. 28. negat, Dona creationis, seu naturalem hominis constitutionem, ac temperamentum spectare ad effectus Gratia Christi, ac Prædestinationis. Fundamentum est. Nam distinguere oportet inter Gratiâ Creationis, & Prædestinationis, juxta mentem Augustini, cæterorumque Africa Patrum Epist. 95. circa med. scribentium in hæc verba: *Esse enim quâdam non improbandâ ratione dicitur Gratia Dei, quâ creati sumus, quia non præcedentium aliquorum operum Meritis, sed gratuita Dei Bonitate donata est, alia est tamen, quâ prædestinati vocantur, iustificamur, glorificamur, ut dicere possumus, Si Deus pro nobis, quis contra nos?* Illius verò inter creationis, ac Prædestinationis Gratiâ distinctionis ansam dedit fraus Pelagij, qui Patrum Concilij Palæstini Doctrinæ, quod Gratia Christi sine meritis detur, subscribens, dolose intellexit sub Gratia Christi Gratiâ Creationis. Ad quem proinde errorem devitandum oportet, sub Gratia Christi intelligere gratiam Prædestinationis utique distinctam à gratia creationis. Ergo creatio, atque aded substantia Prædestinati non est divinæ Prædestinationis effectus.

Ioannes à S. Thomâ præf. disp. 9. a. 5. n. 2. negat quidem, substantiam Prædestinati secundum se esse Prædestinationis effectum, attamen concedit ejus circumstantias, Nativitatis v. g. ex talibus parentibus, cum tali temperamento, aut Ingenio, vel similibus posse Prædestinationis effectus esse. Fundamentum de Substantiâ Prædestinati inducitur ab eodem Authore n. 3. Cum enim Prædestinatio sit Providentia specialis ad finem supernaturalem, oportet effectum talis Providentiæ esse sub respectu, & ordine ad talem Finem. At iste respectus non potest fundari in substantiâ prædestinati secundum se, sed quod naturalis sit, ac indifferens ad finem prædestinationis. Ergo Substantia Prædestinati secundum

3.

4.

secundum se, omnia alia remota circumstantia, non est effectus Prædestinationis.

5. Ioannes Baptista Gonet *pres. disp. 3. a. 4. §. 1.* ipsam quoque Prædestinati substantiam ponit effectum Prædestinationis. Fundamentum est. Nam *Genes. 25.* dicitur, ubi Isaac rogavit Dominum pro uxore sua Rebecca, istam concepisse, ac genuisse Iacob. Ex hac autem sacra Historia S. Doctor *hic a. 8. in arg. sed contra* probat, Prædestinationem juvari Sanctorum precibus. Atqui Prædestinationem juvari Sanctorum precibus est, illius effectus obtineri precibus Sanctorum. Ergo ex eo, quod Nativitas Iacob fuerit obrenta precibus Isaac, sequitur, generationem Substantiæ Iacob productivam fuisse effectum Prædestinationis.

CONCLUSIO.

Substantia, & quævis naturalia Bona Prædestinatorum sunt effectus Divinæ ipsorum ad Gloriam Prædestinationis.

6. Explicatur & Probatur. Nam humani generis creatio, & recreatio secundum diversa ligna ita comparantur ad Divinam Voluntatem, ut hæc pro signo priori decreverit producere primos parentes ac omnium ex eorum semine prodeuntium Voluntates in ipsos transfundere. In quo aded Decreto supponebatur Causalitas in æternitate ex parte Dei effectrix substantiæ quorumvis hominum de stirpe Adæ inclusorum in ejus voluntate. Pro signo igitur posteriori recreationis, prævisio jam peccato primorum Parentum, & maculæ totius humani generis originaliter inde contractæ, Divina Voluntas ita prædestinavit Christum, ut esset Primogenitus in multis Fratribus præeligendo, quos ab æterno Patre sibi datos Christi Humanitas in Verbo viderat. Hanc autem præelectionem ita ratam habuit Pater æternus, ut quos voluisset Christi Humanitas ad æternam Gloriam destinatos, illis ex efficaci vitæ æternæ intentione vellet Dei voluntas omnia cooperari in Bonum. At ista omnium ex efficaci Finis Gloriæ in Bonum cooperatio intelligi nequit, nisi cum omnium Bonorum, etiam naturalium, ipsius quoque Substantiæ Prædestinati ad vitam æternam ordinatione. Hæc autem in Divinâ Volunte subsistens ordinatio est ipsa prædestinatio. At verò Divinæ Voluntatis ea vis est, ac efficacia, ut per ejus Causalitatem intrinsecam denominetur in æternitate factum, quidquid ejus Providentissimâ dispositione continetur absolute volitum. Ergo quia substantia, seu Existentia Prædestinati tanquam ex efficaci Finis æternæ gloriæ intentione conducentis, seu cooperans in Bonum salutis, est absolute volita per Divinæ Prædestinationis, seu in vitam æternam præordinationis Decretum, sequitur, ejusmodi substantiam esse omnino effectum Divinæ ad Gloriam Prædestinationis.

Reponso ad fundamenta opposita.

7. **A**D Vasquezij *n. 3.* Respondetur. Eatenus esse distinguendum inter Gratiâ creationis,

& Prædestinationis, ut non illam duxerit cum Pelagio, sed etiam hanc cum Patribus Orthodoxis dicamus esse sine nostris meritis. At verò aliam gratiam Prædestinationis, uti Dona Dei supernaturalia esse intrinsecè proportionatam Fini æternæ Gloriæ, cujusmodi aded esse effectum per se proportionatum elicitum Divinæ Prædestinationis. Aliam verò Prædestinationis Gratiâ ita esse intrinsecè Ordinis naturalis, ut non nisi secundum Divinæ Voluntatis elevationem ac ordinationem extrinsecam sit ordinabilis in Finem Gloriæ, cujusmodi esse Bona naturalia, quæ sub diverso aded respectu spectent ad Dona tam Creationis, quam Prædestinationis. Hunc verò diversum eorundem naturæ Donorum respectum se tenere ex Divinæ Voluntatis Causalitate, secundum quam ex intrinsecâ Divinitus in se causatâ Entitate ita sunt intra naturæ limites, ut secundum extrinsecam Divinæ Prædestinationis ordinationem efficacem spectent *imperativè* ad statum supernaturalem, & Gratiâ Christi. Iuxta quos aded Bonorum naturalium respectus diversos S. Augustinum loquendo de Existentiâ hominum *nude secundum rationem suam intrinsecam* consideratâ *ep. 105.* dixit: *Christum non pro nullis, ut homines conderentur, sed pro impijs mortuum esse, ut justificentur.* E contra de Prædestinatorum Existentiâ, quatenus in vitam æternam *extrinsecè* præordinatâ idem Ecclesiæ Doctor *cit. epist. 105.* asseruit: *Propositum Dei manere secundum electionem, quâ facit eligendos, non quâ invenit illos.*

Ad Ioannis à S. Thomâ *n. 2.* oppositum Respondetur. Respectum sub quo substantia Prædestinati est ordinabilis ad Finem supernaturalem æternæ Gloriæ non tam fundari in illius substantiæ Entitate intrinsecâ, quam Divinæ Voluntatis efficaciam extrinsecâ. Nam per istam Voluntatis Dei prædestinantis causalitatem fit, quod omnes Causæ naturales, ipsorum etiam Cælorum motus, in quantum eorum officio perficitur Prædestinatorum generatio, & sustentatio, juvent prædestinationem, sintque hujus aded effectus. ex D. Thomâ *in 1. dist. 14. q. 1. a. 4.* Si ergo Causæ naturales sint Prædestinationis effectus, cur non ipsa quoque generatio Electorum?

Ad Gonet *n. 1.* Argumentum Respondetur. Illo argumento rectè probari, ipsam Iacobi conceptionem, atque aded primam Existentiâ esse Divinæ Prædestinationis effectum, nec obstare, quod illa ipsa existentia antecederet ad Divinam prædestinationem intelligatur à Deo jam intenta pro illo signo, in quo Divina Voluntas anteprevisum Originale peccatum, ac Verbi Divini Incarnationem decrevit omnibus hominibus existentiam. Etenim volitio cujuscumque rei absoluta in Deo est hoc ipso effectrix ejus Causalitas. At non repugnat, eandem Prædestinatorum existentiam secundum se decretatam ante Originale peccatum, intuitu Verbi Divini Incarnati esse pro signo prædestinationis posteriori adhuc specialiter volitam ex efficaci Finis æternæ gloriæ Intentione. Ergo sub hoc respectu eatenus potest esse Divinæ Prædestinationis effectus Imperatus, ut licet S. Thomas *Lecl. 6. sup. c. 2. ad Rom.* asserat, Prædestinationem incipere impleri in vocatione, id tamen accipiendum sit circa effectus Prædestinationis.

stinationis elicitos, ac proportionatos, non verò circa Imperatos, & improporcionados, siquidem quoad istos in ipsâ prædestinati productione impleri incipiat prædestinatio.

~~~~~

#### CONTROVERSIA IV.

### *An Malum, eiusvè Permissio sit effectus Divinae Prædesti- nationis?*

1. **D**uplex distingui solet Malum, Naturæ scilicet, & Culpæ. De Malis Naturæ, aut Pænæ non est difficultas, quin esse possint, imò de facto sint in Electis effectus Prædestinationis. Nam ejusmodi Mala causari à Deo, evincitur ex illo Ecclesiastici 11. *Bona & Mala Vita, & Mors, Paupertas, & honestas à Deo sunt.* Et Amos 3. *Si erit malum in Civitate, quod non fecerit Dominus.* At illa ipsa mala conducere etiam Electis ad Gloriam seu Finem vitæ æternæ, ostenditur ex illo sacro textu: *Per multas tribulationes oportet nos intrare in regnum celorum.* Cum igitur Prædestinatio sit omnium in Sanctis secundum propositum vocatis in Bonum salutis cooperantium seu conducentium causa; consequens est, mala naturæ, aut pænæ esse Divinae Prædestinationis effectus, utpote peculiaris per Christum collata Beneficia, juxta illud ad Philipp. 2. *Vobis donatum est pro Christo non solum, ut in eum credatis, sed etiam ut pro ipso patiamini.*

2. Econtra de malis culpæ circa formale peccati indubitatum est, non esse effectus Prædestinationis Dei. Etenim omne peccatum est per recessum ab ordine, qui est in Deum, sicut in Finem. S. Thomas 1. 2. q. 79. a. 1. At quidquid causat Deus, inclinatur, & convertitur in seipsum. ex Div. Dionys. c. 1. de Divin. Nominib. Ergo Deus non est Causa peccati. ex Concil. Trid. sess. 6. de Justif. can. 7. nec adeo peccatum formaliter sumptum potest Divinae Prædestinationis esse effectus, cum præsertim non sit ordinabile in Deum tanquam Finem Qui Beatitudinis, atque adeo Prædestinationis. Superest igitur Controversia de Permissione, ac Materiali peccati.

#### Referuntur Sententiæ Doctorum.

3. **I**oannes Baptista Gonet cit. disp. 3. §. 1. concl. 2. censet, Permissionem peccati non solum importare in Deo denegationem auxilij efficacis, sed etiam influxum in Materiale peccati. Unde quia peccatorum permissiones in Prædestinatis sunt Divinae Prædestinationis effectus, consequens esse, Materiale quoque Peccati esse ejus effectum.

4. Franciscus de Lugo cit. disp. 42. c. 4. n. 2. negat: Materiale peccati esse Divinae Prædestinationis effectum. Fundamentum est. Nam etsi Deus ad totam Entitatem actus peccaminosi concurrat in genere Causæ universalis; attamen sicut non determinat speciem illius, ita nec est Causa propriè dicta Materialis peccati, nec talem actum directè vult, intendit, aut procurat. Ergo nec illius Entitatem Materialem potest prædestinare.

5. Valquez 1. p. disp. 93. t. 2. n. 9. negat, Permis-

sionem peccati esse Divinae Prædestinationis effectum. Fundamentum est. Nam ut aliquid sit effectus Prædestinationis, non solum debet re ipsâ conducere ad Beatitudinem, sed etiam ex Voluntate illius præfiniri. At si permissio peccati utilis est ad vitam æternam, remotè solum, & non nisi per Pœnitentiam conducit; hæc enim propius versatur circa Beatitudinem, quam Permissio peccati. Si ergo Deus voluit permittere peccatum in Prædestinato ex Voluntate perducendi ipsum in vitam æternam; debuit prius secundum rationem velle illi dare vitam æternam simplici saltem affectu: deinde Ordine Intentionis præfinire, ut ille Pœnitentiam ageret, & cautior à peccato resurgeret: tandem ut hæc duo prædestinatus consequeretur, debuit Deus velle permittere eum in peccatum labi. Ex hoc autem sequeretur, Deum ex se ipso antecedenti Voluntate ante omnia opera nostra vocare aliquem ad Pœnitentiam. At Deus non nisi Consequenti Voluntate, quæ est post opera nostra, velle potuit pœnitentiam. Ergo permissio peccati quatenus Mediante Pœnitentiâ est utilis ad Beatitudinem, nequit ex hoc fine esse volita à Dei Voluntate, nec adeo potest esse effectus Prædestinationis.

6. Ioannes à S. Thoma cit. disp. 9. a. 6. n. 5. asserit quidem, peccati permissionem esse Prædestinationis effectum, darique Sufficiens Motivum, quo possit ordinari ad gloriam sine hoc, quod Intentio Dei feratur super ipsum peccatum. Unde n. 9. ait: Pœnitentiam, sub Motivo hanc virtutem ponendi in Universo, ejusque Excellentiam ostendendi, eatenus posse cadere sub primariâ Dei Intentione, ut peccati permissio in sui executione sit effectus ipsius Pœnitentiæ in genere Causæ Finalis & Motivæ, atque adeo ipsius etiam Prædestinationis talem Pœnitentiam causantis. Fundamentum hujus ab eodem Authore citato n. 17. adstruitur ex illo ad Rom. 9. *Dicit enim Scriptura Pharaoni, quatin hoc ipsum excitavi te, ut ostendam in te virtutem meam.* Nam ly ut dicit in hoc sacro textu Causam Finale, in quam ordinata est illa excitatio, ut scilicet virtus Dei ostenderetur, & nomen ejus annuntiaretur. At excitationem illam fuisse permissionem peccati Pharaonis, docet S. Thomas sæper allegatum locum Pauli, deduciturque ex contextu, siquidem Apostolus ex illis verbis inferat: *Ergo cuius vult, miseretur, & quem vult indurat.* Ergo permissio peccati potest esse à Deo ex intentione ostendendi suam virtutem. At ista ostensio virtutis Dei in Pharaone exhibita fuit per punitionem. Quare sicuti punitio quæ virtutis Dei manifestativa, sic Pœnitentia sub Motivo hanc virtutem ponendi in universo, itaque manifestandi Divinam ex creaturis relucentem excellentiam potest Divinae Voluntatis ex parte objecti volti esse Causa finaliter terminativa, & quodammodò Motiva ad volendam peccati permissionem.

7. Nihilominus idem Ioannes à S. Thoma n. 18. existimat, Pœnitentiam, si sub Motivo, & formalitate remedij consideretur, ut in exercitio tollens aut reformans malum peccati, semper esse de secundariâ Dei intentione, nec habere pro effectu permissionem peccati, sed istud supponere in executione. Fundamentum est; quia præ-



præpostera esset Intentio propter remedium permittente malum, cum remedium quâ tale non sit finis; datur enim in subsidium defectus, qui accedit, Finis autem per se, & non ratione alterius appetitur.

## CONCLUSIO.

**P**eccati permissio eatenus potest cadere sub primariâ Dei Intentione, ut sit effectus Divinæ Prædestinationis.

8. Probatur ex illo ad Rom. 8. Diligentibus Deum omnia cooperantur in Bonum. Nam Doctor Angelicus cit. lect. 8. sacrum illum textum exponens disserit in hæc verba: Sed numquid etiam peccata eis cooperantur in Bonum? Quidam dicunt, quod peccata non continentur sub hoc, quod dicit omnia, quia secundum Augustinum peccatum nihil est, & nihil sunt homines, cum peccant. Sed contra hoc est, quod in Glossâ sequitur: Usque adeo talibus Deus omnia cooperatur in Bonum, ut si qui horum deviant, & exarbitrant, etiam hoc ipsum faciat eis proficere in Bonum. Unde & in Psal. 36. dicitur: Cum ceciderit, non collidetur, quia Dominus supponit Manum suam.

9. Respondebis ex Vasquez cit. c. 2. n. 14. Per hanc & similes Sanctorum Ecclesiæ Doctorum locutiones non tam significari, quod Bonum ex malo virtute Dei elicium sit Causa Finalis, & Moriva permissionis peccati, quàm quod illud sit occasio, ut Deus peccato jam præviso eliciat bonum. Unde ex allegato sacro textu, atque Doctoris Angelici expositione haud concludi, quod permissio peccati sit Divinæ Prædestinationis effectus: ad hunc enim requiritur, ut sit Donum Dei propter Christi Merita præfinitum à Deo ex Intentione Gloriæ. At licet Deus ex peccato, quod permisit, suâ Misericordiâ eliciat bonum, peccati tamen permissionem nec esse Donum Dei, sed gratiæ congruæ negationem, nec posse tanquam medium ad Gloriam cadere sub intentione Divinæ Voluntatis.

10. Contra est Locus S. Thomæ 1. 2. q. 79. a. 4. taliter differentis: Excursio ex sui naturâ ordinatur ad damnationem ejus, qui excrucatur, propter quod ponitur etiam reprobationis effectus; sed ex Divinâ Misericordiâ excursio ad tempus ordinatur medicinaliter ad salutem eorum, qui excrucantur, sed hæc Misericordia non omnibus impenditur excrucatis, sed prædestinatis solum, quibus omnia cooperantur in bonum; sicut dicitur ad Rom. 8. Ex hoc enim ita licet argumentari. In quantum aliquid habet Ordinabilitatis actualiter conducentis in salutem, in tantum habet rationem Doni & Gratiae Christi præfinitæ à Deo ex Intentione Gloriæ. Atqui ex hoc, quod prædestinatis omnia cooperantur in Bonum; sequitur, excrucationem ad tempus, atque adeo permissionem peccati ordinari medicinaliter ad salutem ad tempus excrucati, sed tamen prædestinati, licet alioquin talis excrucatio ex naturâ suâ non ad salutem, sed ad damnationem ordinetur. Oportet igitur, prædestinati Excrucationem temporalem, adeoque peccati permissionem non quidem ex naturâ suâ, seu ab intrinseco, sed per extrinsecam Divinæ Misericordiæ in Meritis Christi fundatæ ordinationem habere rationem Doni & gratiæ Christi præfinitæ à Deo ex Intentione Glo-

riæ, esseque adeo Divinæ Prædestinationis effectum.

Confirmatur ex S. Ioanne Damasceno lib. 2. de fide c. 29. asserente: Deum aliquando permittere peccatum propter gloriam suam, aliquando propter bonum aliorum, aliquando propter bonum ipsius Peccatoris. Etenim illud Bonum, propter quod Deus permittit peccatum, est humiliatio, ac Pœnitentia Peccatoris, veluti tradunt S. Augustinus lib. de Natur. & Grat. c. 24. 27. & 28. nec non D. Thom. cit. lect. 8. ad c. 8. Rom. & in q. 5. de 1<sup>st</sup>it. a. 4. ad 10. & 1. 2. q. 74. a. 4. At ly propter importat Causalitatem Finalem. Ergo Pœnitentia est Causa quodammodo Moriva, & Finalis, propter quam permissio peccati est à Deo volita.

## Responsio ad opposita Argumenta.

**A**D Gonet n. 3. propositum Respondetur. Verum esse, quod permissio peccati importet ex parte Dei non auxilij duntaxat efficacis denegationem, sed etiam influxum in Materiale peccati, atque adeo illud quoad Esse reale Entitatis posse omnino Divinæ Prædestinationis effectum esse. Nam formalis peccati Malitia importat privationem: Hujus verò Fundamentum est creatus actus liber quoad physicam suam Entitatem ex Voluntatis humanæ arbitrio profluentem. Atqui omnis creata entitas est per Causalitatem Dei operantis secundum Consilium Voluntatis suæ. Hujus ergo Divinæ Voluntatis Causalitas ita attingere debet in Materiali peccati Entitatem positivam realem, ut hæc sine illâ Causalitate impossibilis sit, nec adeo peccati permissio stare possit sine Voluntatis Divinæ influxu in Materiale peccati.

Ad Francisci de Lugo n. 4. Oppositum Fundamentum Respondetur. Materiale peccati, si consideretur Entitativè, ac specificativè, nihil aliud esse, nisi actus peccaminosi Entitatem spectatam quoad esse reale physicum. Sub hac verò physice realitatis, ac Entitatis formalitate eatenus procedere ex Voluntatis Divinæ Causalitate, ut Entitatis illius specificæ determinatio primò reducenda sit in Dei Voluntatem tanquam primam omnis formalitatis create Causam. Si verò Materiale peccati sumatur reduplicativè, habere se tanquam fundamentum privationis, in quâ consistit formalls malitia peccati. At illud malitiæ moralis fundamentum esse actus peccaminosi Entitatem physicam sub respectu ad Causam non purè Efficientem, sed Deficientem. Cum proinde Deus per purissimam Efficientiæ suæ Causalitatem attingens actus peccaminosi Entitatem realem, à se ipso tanquam primâ omnis rectitudinis regulâ deficere nequeat, idèo materiale peccati Entitativè duntaxat, non verò reduplicativè spectatum reduci debere in Prædestinationis Divinæ Causalitatem.

Ad Vasquez n. 5. Oppositum Respondetur. Verum esse, quod Pœnitentia non nisi Voluntate consequenti possit à Deo efficaciter volita esse. Nihilominus Voluntatem Dei consequentem esse, quatenus terminatur ab objectum quâ dependens actualiter ex Voluntatis nostræ Causalitate; cum contra Voluntas anteceden-



dens ita sit ex Deo manans, ut ejus objectum pro statu talis Voluntatis non intelligatur quâ dependens ex creatæ Voluntatis efficientiâ. Et si proinde non nisi Consequente voluntate possit Deus quemquam efficaciter vocare ad Pœnitentiâ, siquidem ista in Exercitio sit dependens à creatâ etiam Voluntate; imò quoad viam Executionis supponat peccatum, nihilominus quoad viam Intentionis Pœnitentiâ sub ratione etiâ remedij à Deo efficaciter volitam non supponere necessariò peccati prævitionem. Probatur istud Assumptum. Nam mors Christi sub ratione redemptionis peccati crucisgentium mediante unius, alteriusvè Pœnitentiâ actualiter expiatiuæ cum omnibus suis circumstantijs fuit, à Deo prænita. At ista Mortis Christi prænitiò non potuit in Deo supponere prævitionem peccati Crucisgentium, & occidentium Christum. Ergò Intentio alicujus remedij efficax potest in Deo subsistere, quin peccati, cuius expiativum est, prævitionem supponat. Pari ergò ratione Pœnitentia in viâ Intentionis potest à Deo efficaciter volita esse antecederet ad peccati permissionem, uti mox ostenderetur.

35. Ad Ioannis à S. Thomâ. n. 6. & 7. proposita Fundamenta Respondetur. Displicere, quòd hic Author dicat: Pœnitentiâ sub Motivo, & formalitate remedij supponere peccatum, nec aded esse nisi de secundariâ Dei Intentione. Nam permissio in tantum est appetibilis à Dei Voluntate, in quantum est ordinabilis in Bonum. Hoc autem bonum est ratio propter quam, seu Finis permissionis peccati. At in Bonis illis, ad quæ peccati permissio est ordinabilis secundum Ecclesiæ Doctores superius adductos censetur etiam Pœnitentia non quâ Virtus duntaxat ad universi splendorem conducens, sed quâ expiatiua Mali universo, ejusque Authori Deo repugnantis. Ergò Pœnitentia etiam quâ remedium malitiam peccati tollens, ac expians potest Voluntati divinæ esse ratio volendi peccati permissionem. At ratio Motiva est per prius in Intentione, quàm objectum propter ipsam Volitum. Ergò permissio peccati potest ordine Intentionis esse posterior Pœnitentiâ sub ratione etiam Remedij efficaciter volita tanquàm Fine, propter quem velit Deus permittere peccatum. Quare efficax

Pœnitentiæ quâ Remedij peccatum expiantis Volitio secundum viam duntaxat Executionis, non autem Intentionis supponit in Deo prævitionem peccati.

## COROLLARIUM.

17. Inferitur, qualem ab effectibus seu Signis Prædestinationis ad Gloriam homo in hac viâ Mortali possit certitudinem habere. Nam quamdiu in hac Mortalitate vivitur, neminem de arcano divinæ Prædestinationis Mysteriorum usque aded præsumere debere, ut certo statuatur, se omnino esse in numero Prædestinatorum, decernit Concilium Tridentinum *sess. 6. de Justif. c. 12.* Nihilominus Deum non ita præterire Electos suos, quin eos quibusdam signis notet, asserit S. Bernardus. *serm. 2. in Oâ. Pasche.* In his vero signis censetur 1. Sapientis Fortunæ adversitas, & afflictio pro Christi Nomine æquo animo tolerata: ex hac enim conformantur fideles Christo præclarissimo Prædestinationis Lumini, ac omnium Electorum Prototypo, quem oportuit patiendò intrare in Gloriam suâ, *Luc. 24.* 2. Prompta Voluntas audiendi Verbum Dei, ac delectandi sermonibus spiritualibus, juxta illud Christi Domini, *Qui ex Deo est, verba Dei audit.* 3. Inimicorum dilectio, juxta illud *Matth. 5. Diligite inimicos vestros, ut sitis Filij Patris vestri, qui in Cælis est.*

18. 4. Humilitas. Hinc enim Christus *Luc. 12.* appellat Prædestinatos *Puillum gregem* non solum propter Electorum paucitatem, sed etiam ob humilitatis devotionem, velut exponit Venerabilis Beda.

5. Devotio singularis erga Sanctissimam Deiparam: *Sic enim, teste D. Anselmo impossibile est, ut illi, à quibus Oculi sue Misericordie avertit, salventur, ita necessarium est, ut hi, ad quos converit oculos suos pro eis advocans, iustificentur, & glorificentur.* Unde Ecclesia ipsi applicat illud Ecclesiastici. *24. In electis meis mitte radices.* Plura de prædestinationis signis videri possunt apud D. Bernardum in *lib. de Conversat. Cleric.* Item in *serm. 1. & 2. in Festo Pasche*, nec non apud Gonet *to. 5. disp. 6. Digress. 1.*

\* \* \*







# QUÆSTIO DECIMA

DE

## REPROBATIONE.

**R**eprobatio à Cajetano *pres. q. 23. a. 3. in fine Comment.* definitur, quod sit *Præsentia*, seu *Providentia* de *q. qui ab æternâ vitâ excluduntur, cum voluntate permittendi Culpam, & inferendi damnationis pœnam.* Ex quâ definitione patet. Reprobationem *formaliter* consistere in actu Intellectus. *præsuppositivè* autè, & *consequivè* in Voluntate. Ratio est. Nam reprobatio est pars Divinæ Providentiæ, hæc autem *formaliter* importat actum Imperij ordinantis Media ad Finem à Provisorio intentum, sed *præsuppositivè* connotat intentionem Finis, ac Electionem Mediorum, *consequivè* autem dicit usum Mediorum in Finem intentum præordinatorum. At finis reprobationis est manifestatio Divinæ Justitiæ. Media verò ad hunc finem efficaciter conducentia sunt permissio peccati, ac denegatio Gratiarum. Sicut ergo Prædestinatio tanquam specialis circa Electos Providentia supponens istorum dilectionem, ac Electionem *formaliter* consistit in actu Imperij quo Deus imperat gratiam, & alia Media ad Gloriæ consecutionem efficaciter conducentia: sic contra reprobatio ex parte Divinæ Voluntatis supponit Odium reprobatorum, ac eorum rejectionem à Gloriâ, sed *formaliter* consistit in actu Imperij, quo Deus imperat peccati permissionem, ac denegationem Gloriæ, aliisque Media ad Finem reprobationis, manifestationem scilicet Divinæ Justitiæ efficaciter conducentia.

Dari in Deo reprobationem ejusmodi, definitur à Concilio Valentino *can. 3.* hisce verbis: *Identiter fatemur Prædestinationem Electorum ad vitam, & Prædestinationem Impiorum ad mortem.* Cujus veritatis probationem S. Thomas *pres. q. 23. a. 3.* adstruitur tum ex illo *Malach. 1. Iacob dilexi, Esau autem odio habui;* tum ex eo, quod ad Divinam providentiam pertineat permittere aliquem defectum in rebus, quæ Providentiæ Dei subduntur. Undecum homines per Divinam Providentiam ordinentur in vitam æternam, pertinet ad illam, aliquos ab isto fine deficere. At in sacris Litteris dicitur reprobum, quod cum habeat Media necessaria ad finem aliquem consequendum, ab isto tamen deficit. Juxta quem adeo loquendi modum *Hebr. 5.* dicitur Terra reproba, quæ cum haberet sufficientem humorem ad fructificandum, producendo tamen spi-

ras, & tribulos deficiebat à Fine, ad quem fuit à Deo creata, ut scilicet daret herbam virentem, & facientem fructum suum *Gen. 2.* Pari ergo ratione homines habentes auxilia ad Finem Gloriæ consequendum necessaria, à fine tamen gloriæ deficientes Reprobantur dicuntur.

Ratio, cur Divinæ Providentiæ sit, aliquos defectus permittere eâ S. Doctore, adstruitur tum in *1. p. q. 22. a. 2.* ubi ista permissio dicitur esse de Bono Universi tum in *Lecl. 2. super c. 9. epist. ad Rom.* ubi ait, quod finis omnium Divinorum Operum sit manifestatio Divinæ Bonitatis, juxta illud *prov. 16. 18.* Omnia propter semetipsum operatur est Deus: Impium quoque ad diem malum. Hæc autem Divinæ Bonitatis manifestatio circa creaturas rationales fit partim secundum Justitiam, puniendo peccata; partim secundum Misericordiâ liberando aliquos ex Gratiâ. Ne ergo Divinis operibus deesset bonum Justitiæ, decebat Dei Providentiam permittere peccata tanquam Justitiæ Materiam.

### ARTICULUS I

DE

#### Causis Reprobationis.

**S**olet à plerisque reprobatio distingui in Positivam, & Negativam. Ista est voluntas denegandi Gloriam, ut rem indebitam illa verò Voluntas puniendi, & infligendi pœnam æternam Damni, & Sensus ob peccata. Quæ distinctio videtur esse de Mente S. Thomæ in *1. ad Annibal. dist. 41. q. un. a. 3.* circa reprobationem ratione nostrâ ratiocinâtâ distinguentis duplicem Dei Voluntatem, quarum priorem asserit esse de Contradictorio, id est de non salvando, posteriorem verò de Contrario, hoc est de inferendâ pœnâ Damnationis.

Neque verò Reprobatio Negativa accipienda est, quasi nuda, & mera sit negatio, nullam importans efficaciam, aut influxum in effectum Reprobationis: ejusmodi enim Negatio inefficax teneret Voluntatem Divinam in suspensio ad eligendum, vel efficaciter excludendum à Regno Cælesti. Oportet igitur, reprobationem Negativam intelligi per modum efficacis à vitâ æ-



ternâ exclusionis, ac positivæ Volitionis divinæ nolentis aliquibus Gloriam cælestem; quæ adob Volitio non ratione sui, sed ratione duntaxat objecti, ad quod terminatur, dici potest Negativa Reprobatio. Unde Positivæ, ac Negativæ reprobationis differentia in eo statuenda est, quod ista sit Volitio ex vi supremi Divini Domini efficaciter exclusivâ à Regno cælesti, illa verò sit Damnationis eternæ tanquàm pænæ illativæ ex Morico Justitiæ Vindicativæ. Cujus proinde duplicis Reprobationis Causam investigaturo tres occurrunt Controversiæ.

1. Utrum Reprobatio Negativa etiam ex ipsâ rei naturâ sit antecedens prævisionem demeritorum.

2. An detur in Deo hominum Negativa reprobatio antecedens Meritorum personalium prævisionem?

3. Utrum Originale peccatum sit Causa negativa reprobationis hominum.

### CONTROVERSIA I.

*Utrum negativa Reprobatio ex ipsâ rei naturâ sit antecedens prævisionem demeritorum?*

4. **E**Xclusio à regno Cælorum considerari potest vel per modum punitionis, seu pænæ damnificativæ, quo modo *infra* dicemus esse ita de secundariâ Dei Intentione, ut omnino supponat peccatum prævisum; vel potest spectari per modum denegationis Beneficij indebiti, quo modo præsens procedit difficultas, utrum sub hac etiam formalitate ita sit de secundariâ Voluntatis Divinæ Intentione, ut respectu etiam Angelorum non sit à Deo efficaciter volita, nisi in pænâ supponendo subjecti demeritum, sive indignitatem?

### Referuntur Argumenta Adversariorum.

5. **N**egativa Sententia hiscè præcipuè nititur Fundamentis 1. Quia velle malum alicui non attentâ indignitate, ac demeritis subjecti, ac intendere illud, est contra rationem Boni, quod est communicativum, ac diffusivum sui. Atqui exclusio à regno cælesti est maximum Malum, quod creaturæ rationali inferri potest à Deo, est enim maxima pænâ, & supplicium, quo punit Deus peccatores. Ergò cum Deus sit summè Bonus, dedecet infinitam ejus Bonitatem antecedenter ad demerita, & culpam prævisam creaturæ rationali efficaciter velle exclusionem à regno cælesti. 2. Nec juvaret, etiamsi à Regno Cælesti exclusio diceretur à Deo intentâ propter ostensionem Justitiæ vindicativæ: hæc enim reddit pænâ ex debito, istud verò debitum est ex culpâ. Ergò antecedenter ad culpam prævisam velle ex Justitiâ alicujus à regno Cælesti exclusionem esset omninò contra rationem Justitiæ. 3. Insuper Deum propter exercendam punitionem velle se obligare ad permit-tendum malum, argueret aliquam crudelitatem, sic enim Deus delectaretur pænâ hominum & malis, contra illud: *Sap. 7. Nec delectatur in perditione Vivorum.* Hinc namque amaret punitionem propter illam permittendo delicta, ut

haberet, quod puniret. Videtur autem omninò crudele, sic delectari, & velle pænâ, ut propter illas irrogandas permittantur peccata.

Hiscetamen haud obstantibus, Ioannes à S. Thomâ *1<sup>o</sup> 2<sup>o</sup> disp. 16. a. 2. n. 12.* ex mente plurium aliorum Thomistarum docet, Reprobationem absolutè, ac secundum se, cujusmodi excusa sit in Angelis, dicere in sui primâ Intentione, & Voluntate exclusionem à Gloria ante prævisâ peccata tanquàm Causam Motivam, habereque pro Motivo aliquid se tenens solum ex ex parte Dei, scilicet ejus Gloriam in ostensione Justitiæ, ex parte verò creaturæ supponere, seu connotare, quòd Beneficium Gloriæ ipsi sit indebitum.

### CONCLUSIO.

**R**eprobationem Negativam efficaciter à Regno Cælesti exclusivam ex sui naturâ non oportet, quòd ita sit consequens Demerita prævisâ, quin respectu Angelorum fuerit antecedens Peccatorum prævisionem.

Probat. Nam pro illo signo Angelorum merita, & demerita antecedente Deus aliquos duntaxat ex totâ Angelorum Massâ elegit efficaciter ad Gloriam. Hæc autem efficax Electio ita fuit comparativa unius præ alio, ut ceteros relinqueret. At ista Angelorum pro illo signo non Electorum relictio erat, quatenus Voluntas Divina non se applicabat ad ipsos in ratione volendi eis vitam æternam. Hæc autem Voluntas non applicativa sui ad dandam Gloriam est exclusivâ à Gloria, estque adeo Reprobativa. Atqui hæc ipsa Voluntas est antecedens negationem Gratiæ, atque adeo permissionem ac prævisionem peccati. Datur ergò in Deo Voluntas Angelorum malorum reprobativa, seu exclusivâ à Regno cælesti antecedens peccata prævisâ tanquàm Motiva divinæ Voluntatis excludentis à regno cælesti.

Dices ex Andrea Lao *1. p. disp. 141. n. 382.* Negotium Electionis, ac Reprobationis Angelorum per quatuor signa taliter esse expediendum, ut in primo dicatur Deus elegisse quosdam ad Gloriam, & negativè se habuisse erga ceteros, nihil discernendo de eorum gloria, & salute. In secundo Auxilia Gratiæ efficacia Electis præparasse, ac negativè erga non electos se habuisse. In tertio permisisse peccata eorum, quos non elegerat, habendo Voluntatem positivam, & absolutam non dandi eis auxilia efficacia, quibus peccata non forent. In quarto denique visâ non Electorum Impernitentiâ, reprobasse eos.

Contra. Nam peccati finalis Angelorum permissio non est à Deo, nisi quatenus ordinatur in Bonum, juxta illud S. Augustini in *Enchir. c. 11.* Deus cum sit summè bonus, nullo modo sineret aliquid mali esse in Operibus suis, nisi esset alio Omnipotens & Bonus, ut bene faceret etiam de malo. Atqui bonum, in quod peccati Finalis permissio ordinatur à Deo, est ostensio Iræ, seu Justitiæ Vindicativæ, nec non manifestatio Potentiæ, divinæ juxta illud ad Rom. 9. Volens Deus ostendere iram, & notam facere Potentiam suam; sustinuit in multis patientiâ Vasa iræ apta in meritum. At verò Bonum, in quod per Dei Vo-

lunta-



luntatem ordinatur Malum, se habet ad hujus permissionem tanquam Finis & Motivum. Ergo Justitiæ vindictivæ ostensio, & Potentiæ divinæ manifestatio se habent ad permissionem peccati Finalis tanquam ratio Finalis Motiva non quidem ultima, sed ex parte Volitorum intermedia, ut pote ordinata à Deo ulterius ad ostensionem divitiarum Gloriæ suæ manifestandæ in vasis Misericordiæ ad Gloriam præparatis. *ex cit. 9. c. Rom.* At verò Ratio Finalis etiam intermedia movens Voluntatem Divinam ad Medij Finem actualiter causantis effectum est efficaciter intenta antecedenter ad Medij ejusmodi prævisionem. Cum igitur ostensio Iræ justæ ac manifestatio Potentiæ Divinæ sit ratio Finalis intermedia, propter quam est à Deo intenta peccati Finalis permissio, consequens est, illam vindictivæ Justitiæ, ac Potentiæ Divinæ in Vasis Iræ ostensionem esse efficaciter volitam antecedenter ad peccati Finalis prævisionem. At ista de Justitiæ, ac Potentiæ Divinæ ostensione intentio efficax importat efficacem à regno Cælesti exclusionem, quam Reprobationem Negativam vocamus. Ergo reprobatio Negativa non supponit peccati Finalis, nec aliorum adeo demeritorum quæ pœnam æternam efficaciter causantium prævisionem.

Responsio ad Argumenta à n. 5.  
Opposita.

12. **A**D 1. Oppositum Fundamentum Respondetur. Eo ipso, quod Bonum sit sui diffusivum, decere Bonitatem infinitam, ut non uno duntaxat, sed pluribus modis se manifestando ad extra communicet. At inter hos se ad extra manifestandi modos congruere Divinæ Bonitati, ut permittendo mala de his faciat Bonum: ex hoc enim ostenditur præcipue infinita DEI Potentia. Et si proinde exclusio à Regno Cælesti respectu creaturæ rationalis sit maximum Malum, nec adeo deceret Divinam Bonitatem, directe, ac per se primò velle ipsi hoc malum: attamen ad Divinæ Bonitatis in Justitiæ vindictivæ, ac Potentiæ suæ ostensione perfectiorem manifestationem decere, vel maxime velle efficaciter tum aliquorum à regno cælesti exclusionem, tum consequenter peccati Finalis permissionem. Ratio Fundamentalis est. Nam Gloria cælestis, et si quoad executionem non detur nisi ut debitum, in viâ tamen Intentionis est divinæ Voluntatis beneficium omnino gratuitum. At divinæ Bonitatis ad extra manifestationi congruebat, ut divitias Gloriæ suæ in vasis Misericordiæ manifestando, cunctis hac ratione faceret notâ Gratiæ, & Liberalitatem suam in Electos. Hoc autem sit, in quantum Deus volens ostendere Iræ, & notam facere potentiam suam Vasa iræ apta in interitum sustinet seu permittit eâ Intentione, ut ostendat divitias Gloriæ suæ in Vasa Misericordiæ, quæ præparavit in Gloriam. *ex cit. c. 9. ad Rom.* Constat igitur, haud dedecere Bonitatem Dei infinitam ex conducentiâ ad divitias Gloriæ suæ in Vasis Misericordiæ manifestandas, efficaciter velle aliquorum à Gloria cælesti exclusionem.

14. **A**D 2. Propositum Fundamentum Respondetur. Ostensionem Justitiæ Vindictivæ in Executione ita supponere debitum culpæ, ut tamen

in Intentione possit esse antecedens prævisionem Debiti, seu Culpæ permissionem. Explicatur & Probatur. Nam gloria quoque Cælestis Electis à Deo volita est, ut Corona Justitiæ. At hæc ipsa Volitio Divinæ Gloriæ seu Coronæ Justitiæ in Electis causativa ita supponit in Executione prævisionem Meritorum, ut tamen ordine Intentionis sit horum Causa Finalis. Pari ergo ratione Debitum Culpæ eatenus supponitur ad Justitiæ vindictivæ Exercitium, ac Executionem, ut tamen istius Virtutis Deo inexistentis Honestas increata possit Ordine Intentionis esse ratio singulariter Motiva Voluntatis Divinæ non quidem ad causandum, sed permittendum culpæ debitum.

Ad 3. Oppositum Fundamentum Respondetur. Delectationem non esse nisi in Fine, cujus est, quietare, seu satiare Voluntatem. At nec Malum Pœnæ, nec Permissionem Culpæ se habere ad Voluntatem Divinam tanquam Motivum, seu rationem formaliter terminativam, sed per modum duntaxat Medij ad Bonum in Divinæ Justitiæ, tum Pœnitentiæ, tum Divitiarum Gloriæ ipsius manifestatione reducens ordinabilis posse appeti à Divinâ Voluntate. Non igitur esse delectationem Dei in pœnis hominum, quamvis exclusionem à Regno Cælesti aliquibus efficaciter velit antecedenter ad prævisam peccati permissionem.

Et si proinde saperet crudelitatem aliquam, si Deus peccatorum permissionem vellet aliquibus ex intentione eos cruciandi, & pœnis æternis addicendi, summæ tamen Bonitati, nec non supremo Dei Dominio congruere, quod ex Intentione Justitiæ, & Potentiam suam, nec non Gloriæ suæ erga vasa Misericordiæ Divitias manifestandi velit efficaciter quorundam à Gloria Cælesti ejectionem, ac peccatorum permissionem.

CONTROVERSIA II.

*Utrum ante prævisionem peccatorum Personalium homines aliqui sint à Deo Negative reprobati?*

**N**ON ex illis duntaxat Doctoribus, qui negant Prædestinationem ante prævisam Merita, sed ex Thomistis aliqui negant, Deum per reprobationem etiam Negativam efficaciter aliquem excludere à regno Cælorum ante prævisam ejus demerita personalia.

Fundamentum desumitur 1. ex Sacris Literis, *Vult enim Deus omnes homines salvos fieri. 1. ad Timoth. 2. nec adeo vult aliquem perire, nec vult mortem peccatoris, sed ut convertatur, & vivat. 2. Petri 3. & Ezechiel 18.* At si Deus ante prævisum peccatorum reprobi demeritum efficaciter ipsum exclusisset à regno Cælorum, tunc ex se ipso, non ex demerito unum præ altero excluderet efficaciter à regno Cælorum, velletque adeo ejus mortem æternam.

2. Commune ex S. Augustino *lib. de Natur. & Grat. c. 36.* nec non Concil. Trident. *sess. 6. de Justif. c. 11.* petitum Axioma est, quod Deus neminem deferat, nisi prius deferatur. Atqui Deus aliquos antecedenter ad ipsorum peccatum personale prævisum efficaciter exclusisset à regno Cælo-



rum, sequeretur, ipsos esse prius desertos à Deo, quam ipsum peccando deseruissent. Unde nec verum esset illud Augustini *ep. 105.* *differentis in hæc verba: Querimus Causam prædestinationis, & invenire non possumus, querimus Meritum Derelictionis, & invenimus.*

3. Concilium Valentinum sub Benedicto III. celebratum c. 3. Bonorum, ac Reprobatorum prædestinationis discrimen exponens in *Electioe Bonorum*, ait, *Misericordiam Dei præcedere omne Meritum Bonorum, in damnationem autem Malorum meritum malum præcedere iudicium.* At exclusio à Regno Cælorum ante prævisionem peccati personalis volita non esset simplex Beneficij indebiti denegatio, siquidem talis esset etiam in statu puræ naturæ. Esset igitur exclusio damnativa, sive damnificativa. Si ergo in damnatione Malorum Meritum malum præcedit Iudicium, quomodo verificatur, Voluntatem Dei à Regno Cælorum efficaciter exclusivam, atque aded damnativam antecedere peccati Personalis prævisionem?

4. S. Augustinus *ep. 106.* scribit in hæc verba: *Si hac Massa generis humani ita esset Media, ut quemadmodum nihil boni, ita nec mali aliquid mereretur, non frustra videretur iniquitas, ut ex ea fierent Vasa in Contumeliam.* Atqui pro negativæ reprobationis instanti Massa generis humani supponitur cum solo peccato Originali, ita ut unus præ altero nihil mali meruerit. An non igitur iniquitas, & acceptio Personarum videri posset unum præ altero facere vas Contumeliæ, ac ejectionis à regno Cælesti?

5. Ideo, quia præcisi sunt casuri, non sunt prædestinati, ex S. Prospero in *respons. ad object. Vincent. respon. 12.* At ista non prædestinatio est reprobatio Negativa. Ergo præscientia Demeritorum est ratio, & Causa reprobationis etiam negativæ.

6. Denique Reprobatio negativa efficax prævisionem demeritorum antecedens videtur sapere Calvinismum, quem Becanus *to. 1. sum. post Tract. de Prædest. c. 16. q. 1.* ad duas propositiones reduxit, quarum prior ita se habet: *Utraque prædestinatio tam ad vitam, quam ad mortem in æterno Dei consilio prior, seu anterior est prævisione peccati Originalis, & inspicimurque alterius sive boni, sive mali operis.* Secunda verò est talis: *Utraque facta est mero arbitrio intra ullum Meritum, aut Culpam ex parte hominis.*

7. Ex opposito, reprobationem Negativam non dependere ex demeritis personalibus reprobatorum, non obscure innuit S. Thomas *q. 6. de Verit. a. 2. ad 9.* duplicem reprobationis Causam assignans, Peccatum scilicet Originale ac Voluntatem Divinam. Et *1. p. præ. q. 23. a. 2. ad 3.* asserit rationem, quare Deus quosdam elegerit, & quosdam reprobarit, esse, quod voluerit in hominibus quantum ad aliquos, quos prædestinat, suam repræsentare Bonitatem per modum Misericordiæ parcendo, & quantum ad aliquos, quos reprobat, per modum Iustitiæ puniendo. Unde concludit tandem; Quare hoc elegerit Deus in Gloriam, & illos reprobarit, non habere rationem, nisi suam Divinam Voluntatem.

## CONCLUSIO.

**R**eprobatio Negativa ita reducenda est in Divinæ Voluntatis absolutum Dominium, ut propter hujus, nec non iustitiæ Vindicativæ ostensionem ex humani generis Originali peccato infecti Maisa aliquos Deus à regno Cælorum efficaciter excluderet antecedenter ad ipsorum prævisa personalia peccata.

8. Probatur ex *9. ad Rom. cap. ubi de IACOB, & Esau* habentur sequentia: *Cum nondum nati fuissent, aut aliquid boni egissent (ut secundum Electionem propositum Dei maneret) non ex operibus, sed ex Vocante dictum est ei, quia major serviet minori, sicut scriptum est; Iacob dilexi, Esau autem odio habui.* Ex hoc namque sacro textu sic argumentari licet. Dilectio, de quâ hic loquitur Apostolus, pertinet ad æternam Dei prædestinationem; & Odium, de quo hic loquitur, pertinet ad reprobationem, quâ Deus reprobat peccatores. ex S. Thomâ in *ut. c. 9. lect. 2. in fin.* Atqui nondum natos, cum nec quidquam boni, vel mali egissent, Deus dilexit Iacob, & odio habuit Esau. Hoc autem verificatur, quatenus non ex operibus, sed ex vocante dictum est: quia major serviet minori, ex præallegatis Apostoli verbis. Atqui per ista verba significat Apostolus certam quandam Vocationem eorum, qui secundum propositum vocati sunt, quos præsevit, & prædestinavit Deus conformes fieri Imaginis Filij sui, uti clarè asserit S. Augustin. in *lib. de prædest. Sanctor. c. 16. post init.* Constat igitur, in illo sacro textu Apostolum ita adstruere prædestinationem bona opera antecedentem, ut etiam Odium, quo reprobus est Esau, asseratur antecedens ejus opera mala.

9. Dices. Non esse certum, quod Esau fuerit reprobatus à vitâ æternâ. Unde illa verba Apostoli literaliter esse accipiendâ de repulsâ Esau ab Hæreditate temporali, ac Benedictione Paternâ. Quare ex sacro illo textu non demonstrari reprobationem etiam Negativam ante prævisa demerita.

10. Contra. Nam 1. Sicut per Iacob, & Esau Sacra Scriptura significavit duos populos Israelitam, & Idumæum, juxta illud *Gen. 25. Duæ gentes sunt in utero tuo, & duo populi ex ventre tuo dividuntur, populusque populum superabit, & Major serviet Minori.* Hoc enim de Israelitis ex Iacob progenitis, & Idumæis ex Esau prodeuntibus verificatum fuit, dum universa Idumæa facta est serviens David. 2. Reg. 2. Sic Apostolus istorum verborum: *Iacob dilexi, Esau autem odio habui;* Mysticam significationem exponens intelligendus est de Iacob tanquam Prædestinatorum Figuræ dilectione secundum Gratia Electionem, nec non de Esau tanquam reprobatorum Typi odio Prædestinationi opposito ante prævisionem operum etiam futurorum, uti apertè tradit S. Aug. *com. Pelag. epist. 105. post Medium.* At hoc ipsum erga Esau Odium, & illa ipsa erga Iacob Dilectio Dei erat, quatenus ex vocante dictum erat, quia major serviet minori. ex sacro textu *ut. c. 2. ad Rom.* Hæc autem vocatio erat, ut secundum Electionem propositum Dei maneret. Ex præallegato sacro textu. At istud ipsum secundum Electi-



II.

Electiōem manens Dei propositum est, per quod praeordinati dicuntur Electi, quia secundum propositum sunt vocati. ex S. August. *lib. de Corrupt. & grat. c. 7. circa med.* Constat proinde, quod Esau (quidquid de ipsius Personae à vitā aeternā sit reprobatione) saltem inducatur ab Apostolo tanquam Figura Odij, quo Deus antecederet ad praevisionem malorum operum non Electos Negativè reprobat à vitā aeternā. 2. Istius reproborum in Esau Figuratorum opera mala antecedentis Odij, & illius Praeordinatorum in Iacob figuratorum Operum bonorum praevisionem antecedentis Dilectionis aequitatem ex hoc adstruit Apostolus, quod Deus dixerit Moyse: *Miserebor, cujus misereor: & Misericordiam prestabo, cujus miserebor. ex cit. c. 8. sacro contextu.* Ex hoc autem infert Apostolus, non esse volentis, neque currentis, sed Dei misereantis, ex cit. *sacro contextu.* Illa verò Misericordia Dei praestatur Electis, ut in vasis, quae perfecta sunt in perditionem, quae damnatae est debita massae, agnoscant vasa ex eadem Massa (peccati scilicet Originalis) in honorem facta, quid eis Divina Misericordia tribuat. ex S. Aug. *cont. Pelag. cit. epist. 105. post Med.* In quem proinde sensum Apostolus cit. c. 9. inducit Deum Exod. 9. loquentem Pharaoni: *Quia ad hoc te excitavi, ut ostendam in te potentiam meam, & ut glorificetur nomen meum in universā terrā.* ex S. Augustini proxime citati, ac praallegato sacro contextu. Atqui per hanc Pharaonis excitationem intelligitur ejus obduratio, quam Apostolus reducit in Voluntatem Dei, cujus vult misereantis, & quem vult obdurantis. ex cit. *sacro contextu.* Non igitur praevisa mala Opera sunt ratio, cur Deus aliquos non eligendo habeat odio, eosque adeo negativè reprobatos obduret, non docendo efficaciter, ut veniant ab fide, sed tantum id adscribendum est Divinae Voluntati, illos, quos docet Misericordia docenti, & quos non docet ludicio non docenti, uti habet S. Augustinus *lib. de Praedest. Sanct. c. 2.*

12.

Confirmatur. Nam Apostolus cit. c. 9. postquam intulisset, *Ergo Deus, cujus vult, misereatur, & quem vult, indurat;* huic à se factae objectioni; *Quid adhuc queritur (scilicet Deus) Voluntati enim eius quis resistit?* statim respondet: *O homo, tu quis es, qui respondeas Deo? Numquid dicit figmentum ei, qui se finxit: Quid me fecisti sic? An non habet potestatem figulus lutū ex eadem Massa facere aliud Vas in honorem, aliud verò in Contumeliam.* Ex quibus verbis sacris, eorumque contextu ita licet argumentari. Homini, quem Deus indurat, idem non licet conqueri adversus Deum, quia huic est potestas facere pro libitu aliud vas in honorem, aliud in contumeliam. Atqui illa obduratio est per hoc, quod illa contumeliae Vasa non doceantur à Patre, id est, non donentur ipsis fides, quā veniant ad Christum. ex S. Aug. *lib. de Praedest. Sanct. c. 8.* Ergo denegatio Gratiae, per quam donetur fides, est à Deo, quatenus habet potestatem pro libitu faciendi ex Massa peccato Originali corruptā vas in Contumeliam. Atqui Deus ad hanc suam potestatem sive absolutum Dominium respicit, quatenus est volens ostendere Iram, & Potentiam suam, ex cit. *c. 9. contextu.* Haec autem Irae ostensio est Iustitiae vindicta, quae causa est, quare Deus aliquos reprobet. ex S. Thomā 1. 2. q. 23. a. 1. ad

3. Atqui ex hac ipsa Voluntate ostendendi Iustitiae vindictam & Potentiam suam sustinuit, id est, permisit in multā Patientiā vasa Irae apta in Interitum. ex cit. *sacro contextu junctā expositione S. Tho. ubi supra.* Illa verò Vasorum Irae permissio est, quatenus ipsis non praeparatur Voluntas à Domino ad credendum, qui proinde excæcati idem non veniunt ad Christum, quia ipsis foris audientibus Evangelium non datur, ut credant. ex S. Aug. *de Praedest. Sanct. c. 6. & 7.* Unde sicut Electio in Praeordinatis est Misericordiam consecuta, ut illis praeparatur voluntas à Domino; sic ceteri non Electi, atque hinc excæcati per inscrutabile Dei Iudicium vel non vocantur, vel non ita vocantur, ut Voluntate obediendi Divinitus sibi donatā, sequantur Deum vocantem, id quod secundum Discretionem Dei non erant in Christo electi ante Mundi constitutionem; sive non praedestinati secundum propositum ejus, qui universa operatur. ex S. Aug. cit. c. 6. *de Praedest. Sanct. ac de Don. Persev. c. 9.* Cum igitur discretio Dei, secundum quam multi non sunt electi, ac praedestinati, sit causa, cur efficaciter non vocati maneant excæcati, & obdurati, ne veniant ad Christum; Voluntas autem Divinae vasa Irae apta in interitum permittentis ratio motiva sit supremum Dei de faciendis ex Originalis peccati massa Contumeliae vasis Dominium, nec non Iustitiae vindictivae, ac Potentiae Deo in-existentis manifestatio, consequens est, non Electorum à Praeordinatis discretionem, atque adeo reprobationem Negativam ita esse ex libertate Divinae Voluntatis ad Dominium suum, ac Potentiam, nec non Iustitiae vindictivae ostensionem respicientis, ut illa ipsa reprobatio Negativa sit Causa denegatae efficacis veniendi ad Christum, vel in bono perseverandi vocationis, sitque adeo antecedens tum peccati Finalis, tum infidelitatis praevisionem.

### Responsio ad Opposita Argumenta.

AD 1. n. 2. Oppositum Fundamentum Respondetur. Voluntatem Dei omnes salvandi antecedentem ita respectu Finis Gloriam esse conditionatam, ac inefficacem, ut respectu tamen Mediorum ad hunc Finem sufficientium sit absoluta & efficax. At cum tali Voluntate optime stare in Deo volitionem aliquorum à Gloria exclusivam, vi cuius denegentur efficacia, non verò omnia remotè saltem sufficientia salutis Media. Hanc verò Dei à regno Coelesti exclusivam Volitionem non terminari immediatè ad Mortem, seu vitae aeternae negationem tanquam Volitum per se terminativum Divinae Voluntatis: Sicuti è contra vita aeterna seu Divinae Bonitatis participatio ita se habet ad Increatam Dei Bonitatem tanquam voluntatis Divinae Motivum, ac Finem, ut ex se ipsa sit immediatum ejus objectum terminativum. Quare illam vitae aeternae negationem tanquam puram etiam Beneficij indebiti privationem non nisi sub ratione ostensionis Vindictivae Iustitiae Dei, ejusque Potentiae, seu Dominij esse applicabilem ad Divinae Voluntatis Motivum, quod consistit in ipsa Dei increata Bonitate. Hinc teste D. Thomā cit. a. 3. ad 3. posse ex ipsa Bonitate Divina sumi rationem

13.



non tantum Prædestinationis, sed etiam reprobationis, quatenus Deus velit in hominibus repræsentare suam Bonitatem, in Prædestinationis quidem parcendo per modum Misericordiae, in reprobis autem puniendo per modum Iustitiae. Et si proinde Deus mortem peccatoris nec tanquam pœnam, nec tanquam Beneficii indebiti negationem velit ex se ipso, id est tanquam Medium suæ Divinæ Bonitati immediate conducibile, atque adeo per se respectu Divinæ Voluntatis appetibile, quia tamen negatio illa mediante Iustitiæ, ac Potentiæ ostensione ad Bonitatis Dei Increatæ repræsentationem utilis sit, posse Voluntatis Divinæ esse objectum materiale, non immediate, sed mediatè terminativum, ut adeo verificetur, Deum ex se neminem velle perire, nec mortem peccatoris, sed magis ipsi velle vitam tum gratiæ, tum Gloriæ, siquidem hæc per se ipsam, non verò illa sit immediate terminativa Divinæ volitionis.

14. Ad 2. n. 2. Oppositum Respondetur. Augustinum ibi citatum docere, Deum nos iustificando sanare non solum delendo peccatum, sed æternâ etiam Iustitiæ luce divinitus adiuvando, nè peccemus. Unde cum ad perfectam vitam, Iustitiamque perduxerit, non deferere, nisi deferatur, ut piè semper iusteque vivatur. Ex quo adeo patet, S. Augustinum intendere duntaxat, quod Deus iustificatis conferendo adiutorium *sine quo*, sive, ut hodie loquuntur, Sufficiens, ipsos non deferat per Gratiam tum Habitualis, tum Actualis sufficientis subtractionem, nisi per suam libertatem non cooperando Gratiam ad non peccandum sufficienti prius deferant Deum peccando. In quo adeo sensu Concilium Tridentinum *cit. c. 11. de Iustif.* asserit, liberatos à peccato eatenus posse piè vivendo per Christum Iesum proficere, ut Deus Gratiam semel iustificatos non deferat, nisi ab eis prius deferatur. Constat proinde, ex præallegatis S. Concilij Tridentini, & S. Augustini Locis probari duntaxat, quod Iustificati per Gratiam Sanctificantis subtractionem desertio non fiat, nisi ille peccando prius deferat Deum: cum quâ Doctrinâ optimè stare, quod reprobatio Negativa sit antecedens Peccatorum Personalium prævisionem; tametsi inter hanc reprobationem negativam, ac Prædestinationem hoc intercedat discriminis, quod ubi universi humani generis Massa Peccati Originalis Merito damnata est, excludendo aliquos à regno cælorum, Contumeliam debitam reddat Iustitiæ; è contra verò honorem indebitum prædestinando, donet Gratia non meriti prærogativâ, sed altitudine Divitiarum Sapientiæ, & Scientiæ Dei, quam non aperit, sed clausam miratur Apostolus clamans, *O altitudo Divitiarum Sapientiæ, & Scientiæ Dei, quàm incomprehensibilia sunt Iudicia Dei, & Investigabiles viæ ejus. Ex prædictâ epist. 105. S. Aug. contra Pelag.*

15. Ad 3. n. 3. Oppositum Respondetur. Concilium Valentinum asserendo, quod in damnatione Meritum malum præcedat Iudicium, aperte loqui de damnatione secundum executionem, atque adeo de reprobatione. Nihilominus secundum S. August. *in cit. epist. 105. contra Pelag. & in lib. de Prædest. Sanct. & de Dono Persever.* passim ita tribui Divinæ Misericordiae, quod aliquos ex corruptâ humani generis Massâ prædestinet

ad vitam, ut Deus non eligendo multos, Iudicium faciat in eorum excacatione, atque adeo derelictione, seu permissione peccati, nec non reprobatione Negativâ. Unde exclusionem multorum à regno cælesti antecedenter ad eorum prævisa peccata personalia à Deo volitam non eo modo, quo in statu puræ Naturæ, esse indebiti Beneficii denegationem, siquidem tunc Gratia & Gloria esset purè negativè, seu privativè non debita; modò autem ex merito Culpæ Originalis ex iusto Dei Iudicio sit *positivè* indebita.

Ad 4. n. 4. Oppositum Respondetur. S. Augustinum *in cit. ep. 106.* (ubi asseruisset, non frustra videri posse iniquitatem, ex eadem humani Generis Massâ, si nihil boni, nec mali aliquid meruisset, facere quosdam vasa Contumeliæ,) mox subiiecisse sequentia: *Cum verò per liberum arbitrium primi hominis in condemnationem universa (humani scilicet Generis Massa) defluerit, proculdubio, quod ex eâ sunt vasa in honorem, non ipsius esse Iustitiæ, quæ gratiam nulla præcessit, sed Dei Misericordiae; quod verò in Contumeliam, non iniquitatis, quæ absit, ut sit apud Deum, sed Iudicio deputandum esse.* Hæc igitur expendant adversarii, ut cum Ecclesiâ sapientes Misericordiam, & Iudicium Domino contentent, nec Misericordiae recusantes ingrati, nec Iudicium accusantes invidi. *ex cit. Epist. 106.*

Ad 5. n. 5. Oppositum Respondetur. S. Prosperum ibi citatum contendere, quod ex divinæ Prædestinationis causalitate Filij Diaboli efficiantur Filij Dei, non è contra, quod Prædestinationis Divinæ Causalitas ex Filijs Dei efficiat Filios Diaboli, sed quod illud proveniat ex libertate Voluntatis humanæ. Hanc autem D. Prosperi Doctrinam optimè stare per hoc, quod aliquibus non prædestinatis temporaliter iustificatis conferatur perseverandi gratia sufficiens solum dans Posse, seu libertatem in actu primo, non ipsam in actu secundo liberrimam, inviolatissimam perseverandi Voluntatem. Ex hac verò Gratia ad perseverandam sufficientis, non efficacis collatione ita consequi peccatum, ut ipsa efficacis auxilij denegatio inferat peccati permissionem ex parte Dei involventem tale de non dandâ efficaci Gratia Decretum, ut hoc sit Divino Intellectui ratio prævidendi peccatum. At hoc ipsum de Gratia efficaci denegandâ Decretum peccati permissivum cum inferat obdurationem etiam Finalem, arguere in Deo negationem Prædestinationis, seu negativam illius obdurati reprobationem. Hanc igitur eatenus antecedere peccati personalis, seu Impœnitentiæ præsertim finalis prævisionem, ut quando S. Prosper in objectione citatus aliquos, *quia præsciti sunt casuri*, asserit, *non prædestinatos*, accipi debeat in sensu ilativo, non verò Causativo.

Ad 6. n. 6. Oppositum Respondetur. Calvinismum in hoc se tenere, quod Prædestinatio ad vitam ex mente Calvinistarum dicatur purè Movens, non verò Excitans, Fovens, & Causans libertatem Meritorum Gloriæ productivam; quodque è contra reprobatio, seu prædestinatio ad mortem reprobos impellat, seu cogat ad peccandum, adeoque culpæ, ac demeriti ratio, & consequenter reprobationis executio, sive damnatio non in creatum arbitrium, sed



sed in Deum reducat, veluti præter alios innuit Franciscus de Lugo *cit. disp. 44. c. 2. n. 10.* & ostendit Ioannes à S. Thomà *cit. disp. 10. a. 1. n. 19.* A quo aded errore quantum distet sententia nostra reprobationem Negativam demerita personalia antecedentem asserens, exinde patet, quod cum illà omnino subsistat Gratia per modum excitationis fovens, ac bene operandi libertatem taliter conferens, ut illa ipsa tamen negativa reprobatio per subtractionem efficaciauxilij permittendo peccatum, non quidem sit *causativa*, sed in vi infallibilis consequentia *illativa* peccati non nisi ex libero creato arbitrio provenientis, & ut sic in executione promerentis æternam damnationem, seu positivam reprobationem.

CONTRARIUM EST PER MODUM PUNITIIONIS, SEU DAMNATIONIS.

### CONTRARIUM EST PER MODUM PUNITIIONIS, SEU DAMNATIONIS.

*An peccatum Originale sit Causa Reprobationis, seu Exclusionis ab æternâ gloriâ?*

1. **B**annes *pres. q. 23. art. 7. dub. ult.* duas principales de Puncto præsentis refert sententias: alteram S. Augustini affirmantis: Peccatum Originale ex parte reprobati esse Causam reprobationis. Alteram D. Thomæ negantis, dari ex parte reprobati Causam, seu rationem reprobationis.
2. **S**uarez *de Deo uno: lib. 3. c. 3.* Andreas Lao *disp. 13. dub. 2. quesito 4. & dub. 3. ques. 1.* negant; Peccatum Originale esse Causam non Electionis reprobatorum. Fundamentum est. Nam Voluntas salvandi, non obstante Peccato Originali, & Voluntas damnandi propter Originale peccatum pugnant pro eodem signo. Atqui adhuc viso peccato Originali etiam ut contradicō in singulis hominibus, habuit Voluntatem Deus salvandi omnes. Ergo implicat, quod simul pro eodem signo habeat Deus Voluntatem efficacem damnandi aliquos propter Originale peccatum.
3. **I**oannes à S. Thomà *cit. disp. 10. a. 2. n. 28.* tradit sequentia. 1. Peccatum Originale in hominibus, in quibus de facto præcellit ordinem reprobationis fuisse quidem ex parte peccati Originalis in ipsis prævisi sufficientem Causam ad reprobandum eos à Gloriâ etiam per modum punitiionis. Nihilominus 2. Deum de facto non esse usum hoc Motivo, ut ratione adequatâ ad reprobationem omnium, qui reprobantur, nec ad reprobandum *comparativè* unum præ alio. 3. Si qui tamen damnantur propter Peccatum Originale, vel propter illud denegatur eis Auxilium sufficiens ad credendum, Peccatum Originale esse Causam talis reprobationis. 4. Nullo autem modo Peccatum semel remissum esse Causam alicujus reprobationis sive à Gloriâ, sive à Gratiâ. Fundamentum à n. 30. deductum est. Quia pluribus damnatis remissum fuit peccatum Originale. At culpa remissa non potest damnatione puniri, nec potest Decretum remittendi peccatum componi cum Decreto damnandi, & puniendi illud. Nequit ergo peccatum Originale remissum esse ratio, & Motivum reijciendi à Gloriâ, siquidem ista

reprobatio esset per modum punitiionis, seu damnationis.

Ioannes Baptista Gonet *disp. 7. de reprob. a. 3.* ex Authoritate præsentim SS. Augustini, & Thomæ Aquinatis asserit, Primam reprobationis hominum Causam fuisse peccatum Originale.

### CONCLUSIO.

**E**xclusio à regno Cælorum quoad Ordinem intentionis ita consequens est Peccati Originalis tanquam Causæ, seu Motivi prævisionem, ut tamen quoad Ordinem Executionis Negatio etiam gratiæ post culpæ Originalis remissionem prævisam decretata non pendeat ex peccato Originali tanquam Causâ, seu Motivo.

Probatorex S. Aug. in *lib. de Prædest. sanctul. c. 2.* in fine taliter differente: *Fides igitur inchoata, & perfecta Donum Dei est.* Cur autem non omnibus detur, *Fidelem movere non debet, qui credit, ex uno omnes esse in condemnationem sine dubitatione iustissimam, ita ut nulla esset iusta reprehensio, etiamsi nullus inde liberaretur.* Ex quo ita licet argumentari. Cum non omnibus detur Donum Fidei sive perfectæ, sive imperfectæ, ratio est, quia omnes ex uno iverunt in condemnationem iustissimam. Hæc verò generis humani ruina universalis est per culpam Originalem. Atqui ex hoc, quod aliquibus non detur Donum fidei sive inchoatæ, sive ad vitæ finem continuatæ, sequitur, ipsos fieri vasa Contumeliæ, sive Iræ, quæ in multâ patientiâ permittit Deus apta in interitum. Hæc autem Vasorum Iræ permissio est ex fine ac Motivo Voluntatis Divinæ volentis ostendere Iustitiam vindicativam, & notam facere Potentiam suam, *ex c. 9. ad Rom.* Ergo Voluntas Dei permittentis vasa Iræ ex fine ostendendi Iustitiam vindicativam, & Potentiam suam supponit Peccatum Originale tanquam Motivum, super quo radicatur vindicationis illius Iustitia. At ista Dei voluntas demeritorum personalium prævisionem antecedens est reprobatio Negativa spectans ad ordinem Intentionis, non verò Executionis in reprobatione Positivâ supponentis Peccatum Finale, ut constat *ex cont. præced.* Constat igitur, Negativæ hominum non Electorum reprobationis Causam, rationem, & Motivum esse ex Peccato Originali.

Respondet ex Ioanne à S. Thomà *cit. a. 2. n. 31* S. Augustinum docendo, quod hominum reprobatio facta sit ob peccatum Originale, solum intendere, quod his, qui à Deo relinquuntur, & reprobantur, dum alij salvantur, nulla sit Causa iustæ querelæ, aut iniustitiæ ex parte Dei, cum ad eos damnandos, & reprobandos habeat sufficientem Causam, si velit illâ uti, in peccato Originali.

Contra. Nam S. Augustinus in *lib. de Cor. rept. & Grat. c. 9. in fine.* asserit, Deum ita facere Misericordiam in illo, qui Gratiæ largitate discretus est inter vasa Misericordiæ, quæ præparavit ad Gloriam, ut e contra faciat iudicium in hoc, qui non est prædestinatus. At hoc iudiciū eo ipso reducitur in peccatū originale tanquā Motivū dum



dum opponitur Misericordiae, quæ in Electione gratuita intervenit: de cuius Electionis, ac Iudicii inter se collatione idem S. Ecclesiæ Doctor lib. de Prædest. Sanct. c. 6. differit in hæc verba: *Ecce Misericordia, & Iudicium; Misericordia in Electione, qua consecuta est iustitiam Dei, Iudicium verò in ceteros, qui excecati sunt.*

At verò ista excecatio est per hoc, quòd non veniant ad Christum, dum Pater ipsos Iudicio non docet, itaque obduret digna retribuens. ex cit. lib. de Prædest. c. 8. Hujus autem Iudicii ratio, cur Pater non omnes doceat, est, quia volens ostendere Iræ, & demonstrare Potentiam suam attulit in multa Patientia Vasa Iræ, quæ perfecta sunt in perditionem. ex cit. c. 8. At verò ostensio Iræ, & ratio Iudicii digna retribuentis supponunt Culpam tanquam Materiam Vindicativæ Iustitiæ. Hæc autem culpa est, quæ per liberum primi hominis arbitrium universa humani generis Massa defluxit in condemnationem, ratione cuius non iniquitati, sed Iudicio Dei deputandum est, quòd ex Massa humani Generis fiant vasa Contumeliæ ex S. August. epist. 106. contra Peleg. ante med. Constat igitur, pro signo gratuita Electorum ad Gloriam Prædestinationis Deum aliquos reprobandos ex motivo Iustitiæ Vindicativæ respexisse ad Originale peccatum tanquam Materiam Iudicii in eos exercendi. In quem admodum sensum D. Thomas q. 6. de Verit. 4. 2. ad. 9. taliter differit: *Electio Dei, quæ unum eligit, & alium reprobat, rationalis est, nec tamen oportet, quòd ratio Electionis sit meritum, sed in ipsa Electione ratio est Divina Bonitas, ratio autem reprobationis est in hominibus Peccatum Originale.*

9. Replicabis ex eod. Ioanne à S. Thomà cit. 4. 2. n. 31. & 34. S. Augustinum, quando hominum reprobationem asserit à Deo factam per modum Iudicii ob peccatum Originale, vel esse intelligendum de his, quibus peccatum Originale nunquam fuit remissum; vel intelligi posse de reprobatione executivâ, & punitivâ, ita ut unus effectus v. g. denegatio Gratiæ ad credendum, sive damnatio ultima habeat pro Causâ, & Motivo peccatum Originale in his, quibus non est remissum.

10. Contra. Nam verum quidem est, quòd denegatio Gratiæ ad credendum sit in pœnam Originalis peccati, veluti ex S. Augustino aperè tradit D. Thomas 2. 2. q. 2. 4. 5. ad 1. Unde idem S. Doctor ibid. q. 10. art. 1. docet, quòd *Infidelitas Negativa non sit peccatum, sed pœna, siquidem talis ignorantia Divinorum ex peccato primi Parentis consecuta sit.* At verò illa ipsa Gratiæ ad credendum denegatio tanquam pœna est ex hoc, quia Deus volens ostendere Iræ permittit vasa Iræ perfici in perditionem. ex sapè cit. c. 9. ad Rom. Hæc autem Voluntas Dei permittentis vasa Iræ perfici in perditionem est reprobatio Negativa, quæ habens rationem Iustitiæ Vindicativæ ita supponit offensionem Dei Originaliter traditam in universum genus humanum, ut hoc sit una quædam Massa peccati supplicium debens Divinæ, summæque Iustitiæ, ex D. Aug. lib. 1. ad Simplici. q. 2. Constat igitur, obdurationem seu excecationem non venientium ad Fidem esse effectum reprobationis Negativæ se tenentis in Divinâ Voluntate pœnes Ordinem

Intentionis, ac supponentis peccatum Originale tanquam Causam, ac Motivum.

Confirmatur. Nam Apostolus ad Rom. c. 9. inducens Esau tanquam Reprobatorum Typum, & Figuram, ait, Deum dilexisse Iacob, Esau verò odio habuisse. At per istud odium S. Thomas præc. cont. n. 9. citatus intelligit reprobationem, Nequit verò id intelligi de reprobatione Positivâ, hæc enim est consequens peccati Finalis prævisionem, illud verò odium pronuntiat antecedens opera mala in Esau tanquam Figura reprobatorum prævisa. Oportet igitur, Odium illud reprobatorum intelligi de reprobatione ipsorum negativâ. At Deus odio non habuit Esau hominem, sed Esau peccatorem, ex S. Aug. cit. q. 2. ad Simplici. Cum igitur odium Dei supponat Peccatum tanquam rationem, & Motivum, illud verò Dei erga reprobos odium sit antecedens prævisionem demeritorum personarum, consequens est, in Deo esse ponendam reprobationem Negativam, quæ supponat Culpam Originalem tanquam Causam.

Dices cum in Ioanne à S. Thomà n. 35. Deum odisse Esau peccatorem, non quia præsuppositivè erat peccator ante primam intentionem reprobandi, seu non eligendi, sed Esau peccato consequenti peccatorem dici à Deo habitum odio, siquidem ex tali odio, seu aversione Dei consequens erat futurum, ut permitteretur labi in peccatum, quod Deus odio habuit.

Contra est S. Augustinus in Enchirid. c. 98. de Iacob, & Esau tanquam Electorum, ac reprobatorum Typo, & Figurâ loquens in hæc verba: *Ambo itaque Gemmi Naturâ filij Iræ nascebantur, nullis quidem operibus proprijs, sed originaliter ex Adam vinculo damnationis obstricti; sed qui dixit, Miserebor, cui misertus ero, & Misericordiam præstabo, cui misericors fuero, Iacob dilexit per Misericordiam gratuitam, Esau autem odio habuit per Iudicium debitum.* Ex quo ita licet argumentari. In odio Dei reprobandi homines in Esau præfiguratos est Iudicium debitum. Atqui hoc Iudicium debitum non nititur operibus proprijs reprobatorum, sed vinculo damnationis, quo ex Adam Originaliter sunt obstricti. Constat igitur, Originale peccatum esse Motivum, in quo fundatur Odium Dei non eligentis, atque adeò negativè reprobandi præfiguratos in Esau peccatore. Unde idem S. Ecclesiæ Doctor epist. 106. post Medium expresse loquens de Prædestinatione gratuita, & consequenter oppositâ reprobatione Negativâ ait: *Quid diligebat Deus in Iacob, antequam natus fecisset aliquid Boni, nisi gratuitum Misericordiae Donum? & quid oderat in Esau, antequam fecisset aliquid mali, nisi Originale peccatum.*

Respondebis ultimò ex præalleg. Authore cit. n. 35. S. Augustinum, quando dicit, Deum odisse Esau per Iudicium debitum, abstraxisse ab hoc, quòd fuerit vel non fuerit circumciscus, & locutum esse de eo non ratione suæ personæ, sed ut gerit personam eorum, qui in Massa perditionis fuerant relictj sine remissione Originalis peccati.

Contra. Nam S. Augustinus in cit. c. 98. expendens, Cur in Deo, dum ex unâ humani generis Massa unum diligit, & alterum odit, non sit iniquitas; totam huius reddit rationem, quòd Electos per Iacob significatos non ex operibus, sed ex

II.

12.

13.

14.

15.



sed ex se ipso miserendo diligit. Econtra verò reprobos per Esau figuratos, per Iudicium debitum ratione culpæ Originalis odio habeat. Atqui in hujus Divini Iudicii perferuatione nec Apostolus, nec Augustinus restringit Causam ad illos duntaxat reprobos, quibus peccatum Originale nunquam fuit remissum. Cur ergo id faciat Ioannes à S. Thomâ, cum præsertim Doctor etiam Angelicus *supra* citatus reprobationis Negativæ rationem motivam cum S. Augustino expressè reducat in peccatum Originale.

16. Cujus ratio ita deducitur. Nam prævisâ universi generis humani Originali Maculâ, Deus in hujus remedium ita prædestinavit Christum Redemptorem, ut isti dederit aliquos ex illâ Malsâ, quibus efficaciter applicaret Redemptionis suæ merita ad Prædestinationem eorum impetrandam, cæteris in perditionis communi Malsâ relictis. Ne verò isti à Redemptionis Christi remedia essent exclusi, pro ipsis etiam accepit Pater æternus Christi merita ad media salutis quibusdam remotè, quibusdam verò proximè sufficientia, eatenus decernenda, ut nonnullis ipsa Iustificationis Gratia conferretur, ipsorumque adeo culpa Originalis actu deleretur. Unde respectu istorum merita Christi, & Peccatum Originale ita comparantur ad Voluntatem Divinam, ut ex Motivo Meritorum Christi efficaciter, ac temporaliter ipsis intendat Deus Gratiâ Sanctificantem, ex motivo autem Iustitiæ in peccato Originali fundatæ pro eodem Divinæ Voluntatis signo quasi concomitanter intelligatur Deus intendere illis efficaciter Iudicium Iustum in denegatione Gratiae Finalis, atque adeò Gloriæ ostendendum. Quare peccati Originalis remissio non intelligitur prævisâ pro signo Divinæ Voluntatis intendentis reproborum aliquibus tum ob Christi merita Iustificationem peccati illius expiativam, tum Iustum ratione culpæ Originalis in excludendo à Gloriâ Iudicium. Non igitur repugnat, ut peccatum Originale in his etiam, quibus aliquando fuit remissum pro signo Intentionis antecedente culpæ illius remissionem sit Deo respectu reproborum Causa, seu Ratio negativæ reprobationis, etsi quoad ordinem Executionis reprobatio positiva sit consequens illam remissionem.

#### Responsio ad opposita Argumenta.

17. AD Bannis n. 1. positam Opinionem Respondetur. Hunc Authorem hallucinari, quòd asserat D. Thomam S. Augustino contrarium. Nam Indurationis, ac reprobationis ratio ex mente Doctoris Angelici *ad Rom. 9. Lect. 4. & in c. 6. Ioan.* reduci potest ad duplicem quæstionem, quarum altera sit in generali, *Quare Deus velit quosdam indurare, & quorundam miseri?* altera verò sit in speciali, *Quare velit hujus miseri, & hunc vel illum indurare?* Exi verò posterioris quæstionis locus est, asserat nullam esse rationem, nisi beneplacitum Divinæ Voluntatis: prioris tamen quæstionis allegat rationem, ut in illis, qui non vocati secundum propositum sunt reprobari, appareat, & resulget Ordo Iustitiæ supponentis peccatum scilicet Originale; uti se

declarat *q. 6. de verit. 4. 2. ad 9.* Attota ista Doctrina ab ipsomet Doctore Angelico firmatur Authoritate S. Augustini, uti patet legenti loca præcitata. Concors igitur de præsentis reprobationis Negativæ ratione, ac Motivo est illorum S. Ecclesiæ Doctorum Mens, ac sententia.

Ad n. 2. Oppositum Fundamentum Respondetur. Ista duo optimè coherere, quòd scilicet Deus pro signo Culpæ Originalis prævisæ ex voluntate de omnibus salvandis antecedente, & conditionatâ intuitu Christi Meritorum velit singulis etiam reprobis media salutis sufficientia: Item quòd pro eodem signo intuitu Culpæ Originalis nolit aliquibus Medium salutis efficaciter operativum, nec adeò velit *absolutè* eisdem actualem Gloriæ consecutionem. At hæc volitio est reprobatio negativa, siquidem in ejus objecto involvatur efficacia in fine saltem Gratiae negatio, adeòque finalis peccati permissio, nec non actualis à regno Cælorum Ordine intentionis pro illo Culpæ Originalis necdum extinctæ signo efficaciter volita exclusio. Constat igitur, reprobationem Negativam demerita personalia antecedentem Originali peccato tanquam Motivo innixam non pugnare cum Voluntate de omnibus salvandis antecedente, & conditionatâ respectu Finis Gloriæ inefficaci, ac respectu Mediorum sufficientium duntaxat inefficaci.

Ad Ioannis à S. Thomâ n. 3. propositam Doctrinam Respondetur. Culpam Originalem stare quidem in Divinitatis conspectu tanquam Causam, & Motivum ex se sufficiens ex Iustitiæ vindictivæ Honestate denegandi omnibus Gloriâ, & Gratiâ tum Sanctificantem, tum actualem quamlibet etiam sufficientem. Nihilominus juxta hujus Iustitiæ æquitatem stare Misericordiam unâ cum infinitis Christi Meritis omnis illius ex Originali peccato contracti debiti remissionem efflagitantibus. Quare Voluntatem Divinam ex vi supremi sui Domini contemperando Misericordiam cum Iustitiâ aliquid dare Gratiae, & aliquid Iudicio. Cujus adeò discretionis Gratiae & Iudicii cum servari modum, ut quosdam ex misericordiâ eligat ad Gloriâ, in his tamen Electis nonnullos ab omni læthali maculâ personali præservet, alios ex sceno peccatorum in fine tandem vitæ extractos inter vasa Gloriæ reponat: econtra verò quosdam reprobet, atque ex his nonnullos efficacibus ad Iustificationis gratiam & Originalis peccati extinctionem auxilijs sublevet, alijs verò non nisi remota ad salutem Media provideat, alios denique proximè sufficientibus ad Iustificationem, etiam Finale, non tamen efficacibus gratijs præveniat. Unde in reprobatione Negationem tum Gloriæ, tum cujuslibet Gratiae esse ordine Intentionis antecedentem peccati Originalis remissionem, ut adeò peccatum Originale Ordine Intentionis possit esse ratio Gloriæ, & cujuscumque Gratiae actualiter denegatæ; tamen ordine Executionis antecederet jam remissum in multis nequeat esse Motivum, talis denegationis.

Ad Fundamentum n. 4. Oppositum Respondetur. Verum esse, quòd culpa remissa nequeat puniri damnatione. At fallum esse, quòd Decretum remittendi Originale peccatum non possit




possit in Deo componi cum Decreto non quidem Executionis, sed intentionis propter illud denegandi Gratiâ saltem finalem, & actualem Gloriæ collationem. Ratio est. Nam sicut prædestinatio Iustificationis, ac efficacia ad salutem Mediorum præparativa, sic Providentia divina reprobatorum per Media sufficientia ad salutem ordinativa pro aliquo signo, seu instanti rationis antecedit peccati Originalis Remissionem utpote suum effectum. At pro eodem signo prævisionis Meritorum Christi habet Deus Voluntatem tum aliquos prædestinandi, tum alios Media salutis duntaxat sufficientia providendi, pro quo etiam signo est in Deo quorundam non Electio, seu reprobatio Negativa. Oportet igitur, hanc se tenentem ex Ordine Intentionis, esse antecedentem Originalis Culpe remissionem, ut aded pro illo signo ita intelligatur peccatum Originale Divino conspectui representatum, ut omnino possit esse Causa, & Motivum denegatæ Gloriæ Finalis, & Gloriæ. Unde Negativæ reprobationis objectum debet hunc in modum formari, quod scilicet Deus ex Intentione suam Bonitatem sub ratione Iustitiæ representandi, ob peccatum Originale vel in quibus Gloriæ negationem, nec non permissionem peccati finalis, propter quod, non verò propter Culpam Originalem remissionem in Executione indigatur damnatio æterna.

## COROLLARIUM.

21. **I**nfertur. Qualiter Providentia Reprobatorum per Media sufficientia in salutem ordinativa, & Reprobatio tam Positiva, quam Negativa inter se comparentur. Nam 1. pro eodem signo prævisionis Meritorum Christi, atque propter ista efficacia aliquorum ad Gloriam Electionis stant in Deo tum illa reprobatorum in salutem ordinativa Providentia, tum Voluntas Iudiciæ Gloriæ, & consequenter Gratiâ saltem finali, nec non à vocatione finaliter efficaci per modum Intentionis reprobativa, intendens ostensionem Iustitiæ Vindicativæ, ac Potentiæ Divinæ, atque aded supponens Culpam non nisi Originalem.
22. **I**n illâ communi de reprobis Providentiâ divinâ pro secundo signo intelliguntur ordinata media salutis, quæcumque non Electis aliquando sunt concessa, inter quæ in multis est prima Iustificatio, atque aded peccati Originalis extinctio. Econtra ex parte Reprobationis Negativæ pro eodem secundo signo intelligitur à Deo decretata permissio peccati præsertim finalis.
23. **L**icet peccatum Originale ante finem Vitæ in multis remissum non possit esse Causa Reprobationis positivæ, seu damnationis inferendæ, attamen ex intentione pro primo signo, posita in Dei Voluntate de non dandâ Gratiâ finaliter efficaci, consequitur peccatum finale, propter quod, ac cætera peccata non remissa in tertio signo intelligitur Deus habere reprobationem Positivam per modum Executionis inactivam æternæ damnationis.

✠ (IHS.) ✠




## ARTICULUS II.

DE

*Effectibus Reprobationis.*

**C**um reprobatio sit pars Divinæ Providentiæ ordinativa Creaturæ rationalis in ostensionem Iustitiæ, ac Potentiæ, nixa supremo Dominio Dei habentis Claves Cæli, ac inferni, cum Potestate ex humani generis Malsâ vel secundum Originalis peccati debitum, ac Iudicium, vel secundum Gratiæ miserationem pro libitu faciendi aliud vas Contumeliæ, aliud verò Honoris. Idcirco nequit Reprobationis effectus esse, nisi ex vi Ordinationis, & Causalitatis Divinæ Providentiæ conducat ad Iustitiæ ac Potentiæ Dei, nec non supremi ejus Domini manifestacionem. Et si verò peccatum sit unica Iustitiæ vindicativæ Materia, concilians contra se Iram, seu Vindictam Divinam, nequit tamen Reprobationis esse effectus, eo ipso, quod reduci non possit in Dei Causalitatem. De quatuor igitur superest difficultas, An sint Reprobationis Divinæ effectus. 1. de Permissione peccati. 2. de Anxietate efficacis, imò etiam sufficientis denegatione, nec non de oblatione, ac executione. 3. de penis, ac Morte tum temporali, tum æterna. 4. denique de bonis Naturalibus, imò beneficiis, quoque supernaturalibus.



## CONTROVERSIA I.

*An, & quomodo Permissio*

*Peccati sit effectus Reprobationis.*

**Y**sambertus ad præf. q. 23. disp. 9. art. 3. & 4. tradit, Permissionem peccati sive primi, sive secundi non esse proprie effectum Reprobationis. Probatur. Quia effectus reprobationis debet esse volitus à Deo ex aliquâ intentione Reprobationis, & Fine illius. At Fines reprobationis est Damnatio creaturæ rationalis, quam Deus ex se nulli vult, nec adeo intendit cuiquam ex hoc fine permissionem peccati.

Franciscus de Lugo præf. disp. 44. c. 4. n. 9. negat, quod primi peccati permissio sit effectus Reprobationis. Fundamentum adduci potest. Quia reprobatio in Deo est actus Iustitiæ vindicativæ. At licet ad hominum Reprobationem supponatur prævisio culpæ Originalis, quâ Iustum Dei reprobantis Iudicium nititur: attamen ad reprobationem Angelorum nequit supponi peccatum, nisi personale. Primum ergo Angelorum Peccatum Personale non tam potuit Reprobationis divinæ esse effectus, quam Causa & Motivum.

Granado tract. de reprob. disp. un. sect. 4. tenet: Omnis peccati etiam remissi, aut remittendi permissionem esse Effectum reprobationis. Fundamentum asserti potest. Nam ut aliquid sit effectus Reprobationis, requiritur 1. ut procedat effectivè ex Voluntate Dei excludente creaturam rationalem à Gloriâ, 2. ut conducat ad exclusionem à

Fine



Fine Gloriz, dicatque continuationem aliquam, seu ordinem cum ultimo Medio pariente executionem Justitiæ punitivæ poenâ æternâ multantis peccata. Atqui ex Voluntatis divinæ Causalitate saltem negativè per Gratiæ efficacis subtractionem catenus procedit permissio peccati etiam remittendi, ut istud post remissionem conducat ad finem Reprobationis. Probatur istud Assumptum. Tum quia peccatum ejusmodi licet remissum potest in memoriam revocatum inclinando ad aliud peccatum conducere ad novum lapsus permissionem. Tum quia relapsus in novam Culpam contrahit ex peccato præcedenti remisso circumstantiam Ingratitudinis aggravantem, cui in æternâ damnatione peculiaris poenæ modus respondet. Tum denique, quia Vocaciones inefficaces, & Gratia interrupta in prædestinato conducunt in Cælo ad aliquid Gloriæ accidentalis, suntque adeo effectus divinæ Prædestinationis. Ergo à pari Peccata remissa sunt Materia majoris doloris, & poenæ accidentis in inferno. Ergo sunt effectus reprobationis.

6. Ioannes à S. Thomâ *cit. disp. 10. a. 3. n. 14. La-*  
*bat disp. 7. de Prædest. cont. ult. Gonet præd. disp. 5.*  
*a. 4. §. 1. ex communi Thomistarum sententia docent, omni-*  
*nis peccati, etiam primi, modò sit nunquam re-*  
*mittendum, sed cum finali culpâ continuandum,*  
*sicuti obdurationem, ac execrationem esse verè,*  
*ac propriè effectum reprobationis.*

## CONCLUSIO.

**O**Mnis peccati Personalis in statu viæ nunquam remissi, seu remittendi permissio est effectus Negativæ, non verò Positivæ Reprobationis.

7. Probatur, & Explicatur. Nam Deus decernendo hominis, & Angelorum creationem, Dominij sui, ac Misericordiæ, & Justitiæ ex operibus suis relucens Gloriam intendebat taliter attemperare, ut tam Angelos, quàm humanum in primo parente Genus elevando ad statum gratiæ, eoque viribus Gratiæ ad perseverandum sufficientibus instruendo, Misericordiæ suæ Liberalitatè erga omnes superexaltaret, sed tamen Gratiæ efficacem, seu ipsum Perseverantiæ donum multis Angelorum, ac totius humani generis Capiti subtrahendo sui absolute independentè à creaturarum felicitate in subsistentis Dominij manifestationem ostendere vellet. Ex hac verò gratiæ ad perseverandum efficacis subtractione factum est, ut plurimi Angelorum, & humani generis parens, imò totum Genus humanum in Adamo, seu Capite suo peccando, divinæ Justitiæ Judicio subderentur. At quia Angelorum Voluntas naturâ suâ inflexibilis, ac immobilis est, idcirco Providentia Divina rerum naturis se conformando, in primo de Angelorum per Gratiæ efficacis subtractionem peccato, atque adeo ruinâ permittendâ Decreto, jam intendebat ostensionem Iræ, seu manifestationem Justitiæ, ac Potentiæ suæ. Hoc autem Decretum Iure absolute Divini Dominij, necnon ex Fine Justitiæ Dei manifestandæ Efficaciter excludens à Gloria cælesti ita habet rationem Reprobationis negativæ, ut ex eodem flueret primi quoque Angelorum peccati permissio. Contra, quia Vo-
- 8.

luntas humana ex naturæ suæ conditione mobilis, ac flexibilis est, idcirco Deus primo nostro Parenti Perseverantiæ Donum, seu Gratiæ efficacem denegando, itaque Originalis in totum Genus humanum Maculæ derivationem permittendo taliter intendebat sui in se subsistentis, ac omnino independentis Esse, atque Dominij ostensionem, ut tamen in Justitiæ suæ remedium humani Generis per Christum Redemptionem præpararet. Quo adeo Redemptionis nostræ Decretoposito, cum in Majestatis Divinæ conspectu staret ex unâ parte Originalis peccati debitum ex Justitiæ vindicativæ iusto Judicio exigens omnis Gratiæ negationem; ex alterâ verò parte Pretium Sanguinis Christi suæ Condignitatis valore exigens totius ex Maculâ Originali contracti debiti extinctionem: Idcirco Providentia divina ita detulit Christi Meritorum condignitati & valori, omnibus præparando Media salutis de se sufficientia, necnon ex massa perditionis aliquos efficaciter eligendo, ac prædestinando ad æternam Gloriam, ut tamen volens ostendere Iræ, & notam facere Justitiæ, & Potentiam suam multos ex originalis peccati iustissimo merito efficaciter excluderet à Regno Cælorum: quos proinde tanquàm Vasa Iræ in multâ patientia sustinuit, permittendo ipsorum peccata. Constat igitur, omnes peccatorum in Angelis non remissorum permissiones esse Reprobationis ipsorum Negativæ effectus: in hominibus verò illorum duntaxat peccatorum, quæ Culpam Originalem subsecuta, nunquam vi Penitentiae extinguuntur, permissiones esse ex voluntate Dei ob peccatum Originale efficaciter excludentis aliquos a Regno cælesti.

Unde S. Thomas *præd. q. 23. a. 3. ait, quod si-*  
*cuti Prædestinatio includit Voluntatem dandi Gratiæ, &*  
*Gloriam, sic reprobatio includit Voluntatem permitten-*  
*di aliquem cadere in culpam, & inferendi damnationis*  
*pœnam pro culpâ.*

Dices. Ad reprobationis Negativæ effectum requiri, ut sit volitus à Deo tanquàm Medium conducens ad ostensionem Justitiæ vindicativæ, ac Potentiæ Divinæ. Atqui permissionem peccati non nisi ratione formalis peccati malitiæ conducere ad Divinæ Justitiæ manifestationem. Non ergò videri, quomodo peccati permissio possit esse effectus divinæ Voluntatis reprobantis, quin ejus malitia sit à Deo volita.

Contra. Nam peccati permissio importat Gratiæ efficacis tanquàm beneficii indebiti denegationem: hæc verò se habet ad peccatum, quatenus istud non impedit; Ista verò non impeditio potest esse volita ex summâ æquitate Dominij Dei, ejus vultu misereris, & quem vult obdurantis. Non igitur repugnat peccati permissio esse effectum Divinæ Voluntatis, quin peccati malitia non nisi ex creatâ defectibiliter operante Voluntate profluens sit Volita à Deo, liquidem huic unica volendi ratio sit ex Increata Bonitas, cui ex supremi Dominij æquitate ita congruit denegatio Gratiæ efficacis, ac permissio peccati, ut huius tamen Malitiæ devians ab Increatâ Dei Sanctitate non possit respectu Voluntatis Divinæ esse obiectum, nisi abominationis, & aversionis, seu



Responsio ad Argumenta ab initio  
opposita.

12. **A**D 11. Ysamberti Oppositum Respondetur. Verum esse, quod damnatio creaturæ rationalis non possit esse Voluntatis Divinæ objectum in per se intentum ad instar finis, etsi possit à Deo volita esse tanquam Medium ex intentione ostensionis Justitiæ, ac Potentiæ, nec non supremi Domini sui. Ex qua proinde Voluntatis divinæ Intentione posse peccati quoque permissionem instar Medij conducentis ad prædictum Reprobationis Finem à DEO volitam esse.

13. **A**D 14. Oppositum Respondetur. Supremi Gubernationis, ac Universalis Provisoris Dei esse virtutem Justitiæ Vindicativæ procurare non tantum executivè quoad exercitium punitionis, sed etiam Architectonicè, ac Gubernativè providere de illâ Justitiæ Virtute ponenda in Universo. Hoc autem fieri, quatenus Deus ex supremi sui Domini Jure ac libertate volens ostendere iram, & notam facere potentiam suam permittit peccata, quibus creaturæ rationales perficiuntur vasa Iræ, Contumeliæ, seu justæ Dei Vindictæ. Etsi proinde Justitia Dei Vindicativa executivè quod exercitium punitionis supponat peccatum, oportere tamen quoad Architectonicam Provisionem, seu Prudentiam Gubernativam prius esse à Deo intentam in Angelorum Negativâ reprobatione, quam istorum peccatum aliquod sit à Deo prævisum. Quare Justitiæ divinæ haud repugnare, quod omnia Angelorum peccata sint effectus divinæ Negativæ ipsorum Reprobationis.

14. **A**D 15. Oppositum Respondetur. 1. Peccatum remissum non formaliter in ratione Culpæ trahere ad novum lapsum, sed per quandam post se relictam dispositionem, seu inclinationem naturalem phylicè causatam ex Entitate actus peccaminosi, non verò ex ejus morali malitiâ. Quare peccatum remissum formaliter in ratione Culpæ non conducere ad novum lapsum permissionem. 2. Circumstantiam Ingratitudinis in relapsu non contrahi ex peccato remisso, sed ex defectu recognitionis debitæ ob gratuitam in Culpâ illius remissione acceptum Beneficium. Cui proinde Ingratitudinis Malitiæ per novum peccatum contractæ, non verò culpæ remissæ in æternâ damnatione respondere peculiarem pœnæ modum. 3. Disparem esse rationem de Culpâ remissâ in reprobato, & vocationibus inefficacibus seu Gratiâ interruptâ in Prædestinato. Nam ista Dei Beneficia non ita obliuerantur per subsequens peccatum, quin per Visionem Beatificam Prædestinato sit in Verbo repræsentanda gratuita Dei Voluntas Gratiarum ejusmodi effestrix, & collatrix, ex se vini habens excitandi Gaudium aliquod, & læticiam. Econtra Culpa remissa extinguitur, ut nihil peccati maneat secundum ultimum etiam moralem imputationem. Nam licet peccatum Remissionem præteritæ Culpæ subsequens specialem Ingratitudinis notam contrahat, id tamen non provenit ex culpâ illâ remissâ, sed ex ipsâ Misericordiæ remissione. Sicut ergo Beneficia quæcumque sive Naturalia, sive supernaturalia sunt ratio majoris in peccato postea perpetrato malitiæ, quin tamen Dona ejusmodi sint Reprobationis effectus, velut *inf. cont.*

3. demonstrabitur. Sic nec illa remissio culpæ, quæ non per se, sed per accidens tantum gravioris malitiæ, atque adeo pœnæ acerbioris causa est, computari potest inter Reprobationis effectus.

CONTROVERSIA II.

*An, & quomodo Gratiæ tum Efficacis, tum Sufficientis denegatio, nec non excusatio, ac obduratio sint effectus Reprobationis?*

**D**Uplex hic Difficultas venit examinanda. 1. Altera circa Gratiæ Efficacis denegationem, *An scilicet ista posui in hac viâ esse Effectus Reprobationis Positivæ.* Affirmare enim videtur Franciscus de Lugo *cit. disp. 44. c. 4. n. 10.* ubi permissionem peccati alterius à primo posse Reprobationis Positivæ effectum esse, probat ex eo, quod ex simplici Complacentiâ in ostensione divinæ Justitiæ peccata hominis alicujus jam commissa acriter punientis possit Deus nolle illi congruam præbere Gratiâ, sed sinere, ut qui in sordibus est, sordescat adhuc, donec simul omnium criminum recipiat retributionem.

2. Altera difficultas est circa Gratiæ sufficientis denegationem, *Qualiter sit præsertim in obduratis, & excusatis effectus Reprobationis Negativæ.* Circa quod affirmare videntur Authores, qui putant in hac viâ posse dari statum, in quo remedia salutis sufficientia live Gratiæ sufficientis Auxilium reprobato denegatur.

CONCLUSIO.

**N**EC Gratiæ efficacis denegatio in hac viâ potest esse Positivæ Reprobationis effectus: nec omnimoda Remedij, seu auxilij sufficientis negatio pro aliquo viâ statu est Negativæ Reprobationis effectus: nec adeo in statu viæ obcæcatio, & obduratio est aliquando effectus Positivæ Reprobationis, sed duntaxat Negativæ.

3. Probat. Nam Positiva reprobatio est Judicium divinum æternâ Damnationis Pœnam decernens executivè. Hujus autem Executivi Decreti objectum est privatio non tantum Gloriæ, sed etiam Gratiæ tum Habitualis, tum Actualis, tam Efficacis, quam Sufficientis. Unde istud Decretum respicit statum, in quo omni Redemptionis spe ademptâ, nihil virtutum supernaturalium etiam sufficientium superest ad tendentiam in Finem Gloriæ. Atqui pro statu viæ imprimis cuique ex Sanguinis Christi Pretio sunt Media ad salutem parata. 2. Nisi quis obicem ponat, paratus est Deus tangere Cor gratijs sufficientibus ad Justificationem, & Conversionem. 3. Pro illo saltem tempore, quo instat præcepti alicujus supernaturalis executio, non deest sufficiens Gratiæ Auxilium: si enim hoc deesset, sine culpâ caderet homo, ex S. Aug. *c. 11. lib. de Corrupt. & Grat.* Cum igitur positiva Reprobatio in suo objecto respiciat statum, in quo sufficiente

Gratiâ



Gratiâ ademptâ; viâ, ac tendentiâ in Finem Gloriæ omnis spes est præcisa, hæc autem spes ad totum vitæ hujus cursum se extendens non nisi per damnationis statum adimatur, consequens est, nullum Reprobationis Positivæ effectum stare pro statu viæ, ac vitæ istius.

4. Dices. Dari posse statum Negativæ Infidelitatis, in quo Fidei Ignorantia non culpa sit, sed Pœna. ex S. Thom. 2.2. q. 10. a. 1. At in hoc statu negari omne auxilium sufficiens ad Fidem, imò eum ista sit Fundamentum dispositionis ad justificationem, negato auxilio ad credendum sufficiente, consequens esse, quod negetur auxilium sufficiens, quemlibet actum supernaturalem, cui aliqualis ad justificationem dispositionis ratio convenire possit. Atqui hæc ad quemvis supernaturalem actum sufficientis Gratiæ negatio est in pœnam Originalis Culpæ decreta à Voluntate divinâ per Negativam Reprobationem. Cur ergo non posset Deus in enormium aliquorum scelerum vindictam aliquem pœnæ infernali vi Decreti sui Executivi jam additum spoliare omni deinceps efficaci saltem ad supernaturaliter operandum auxilio, itaque obduratum, & in sensum reprobum traditum permittere, ut ea, quæ non conveniunt, faciendo, infernalis pœnæ cruciatus per aliquantam Vitæ hujus extensionem adhuc acerbiores in se provocaret?

5. Contrâ, Nam verum quidem est, Infidelitatem Negativam cum carentiâ omnis ad fidem, & justificationem Gratiæ sufficientis in pœnam Originalis culpæ potuisse in vi divinæ Reprobationis à Deo esse decretam aliquibus. Nihilominus de facto ante prævisum peccatum Finale nunquam terminatur status viæ seu tendentiæ in Finem Gloriæ. At iste status tendentiæ non potest intelligi pro statu, in quo universâ spe salutis præcisâ Deus ne paratus quidem esse, amplius conferre Potentiam, seu vires Sufficientes ad supernaturaliter operandum. Hic autem omnem salutis spem præsciendens status in volvitur in objecto decreti, ac iudicii Divini pœnam Inferni executivè decernentis, seu positivè Reprobantis. Cum igitur ille in Gloriæ Finem viæ, ac tendentiæ status non nisi cum hac vitâ terminetur, nequit Reprobatio Positiva intelligi, nisi post prævisum Finale peccatum, nec adeo pro signo hanc prævisionem antecedente intelligi potest obsecratio, & obduratio, quæ omnem Gratiâ adualem etiam sufficientem adimens sit effectus Reprobationis Positivæ, Quare obsecratio Gratiâ efficacem, non autem sufficientem simpliciter tollens potest in hac vitâ esse effectus Negativæ, duntaxat reprobationis.

6. Ad Francisci de Lugo n. r. Oppositum Respondetur. Verum esse, quod Deus non tantum ex simplici complacentiâ, sed ex efficaci etiam executivo Decreto ex fine ostendendi Iustitiam suam possit ob peccata hominis alicujus enormia nolle Gratiâ efficacem ipsi amplius præbere, sed finire, ut qui in sordibus est, sordescat adhuc: atamen illud Decretum, cum supponat statum viæ nondum finitæ, non attingere Positivæ Reprobationis objectum, quod est damnationis æternæ status omnem Gratiâ sufficientem etiam ex parte Dei excludens.

## CONTROVERSIA III.

*An Pœnæ temporales, ac Pœnalitates, nec non Beneficia naturalia in Reprobis sint effectus Reprobationis?*

GRanadus apud Amicum pres. disp. 16. sed. 2. n. 55. affirmat, omnia mala Pœnæ in hac vitâ inflicte, nec non Dona omnia tam Naturalia, quàm supernaturalia Reprobo collata esse effectus Reprobationis. Fundamentum est. Nam ut aliquid sit effectus Reprobationis, non est necessarium, esse primariò intentum à Deo propter damnationem Reprobi, sed tum ad ostendendam Iustitiam suam, tum ad ostendendam Misericordiam erga Electos. At posita Scientiâ Conditionatâ, quâ prævidit Deus homines, & Angelos finaliter peccaturos, adhuc potuit illos velle condere, eisque sua Dona tam Naturalia, quàm supernaturalia communicare, ut in illis ostenderet Iustitiam, & Misericordiam, siquidem ille Finis honestus sit, & Deo maxime conveniens.

Petrus Labat disp. 7. de Prædest. cont. ult. §. 2. in tantum favet sententiæ superius relatæ, ut ipsam etiam substantiam reprobi dicat esse effectum Reprobationis. Fundamentum delinquitur ex illo Prov. 16. *Universa propter semelipsum operatus est Dominus, impium quoque addidit malum.*

Franciscus de Lugo in. disp. 44. c. 4. n. 3. & 4. censet, Mortem in statu peccati aliquando citra omnem Causarum Naturalium exigentiam provenire ex speciali Ordinatione, & Causalitate Dei volentis æquissimo Iustitiæ affectu reprobum (velut acciderit Sodomitis, nec non Dathan, & Abiron) æternâ damnatione punire propter peccata prævisa. In quo adeo casu Reprobi Mortem esse effectum positivæ Reprobationis. Nihilominus Mortem reproborum in statu peccati Regulariter provenire ex naturali Causarum serie, & activitate, atque tunc non esse effectum reprobationis, sed naturalis Providentiæ. Fundamentum est. Nam Divinam de Morte reprobi volitionem non antecedit absoluta Finalis peccati Præscientia, sed per ipsam mortem fit illud peccatum Finale. Ergo nec antecedit sententiâ damnationis lata in talem hominem. Ergo pertinet ad communem Providentiam infligere Mortem, sive permittere juxta exigentiam Causarum secundarum, post cujus adeo Mortis inflicte prævisionem in peccati Finalis vindictam fertur primum sententiâ damnationis.

Ioannes à S. Thoma in. disp. 10. a. 3. an. 8. asserit 1. Mortem reprobi in statu peccati esse reprobationis effectum. 2. Defectus, aut Pœnalitates corporales reproborum, veluti malum temperamentum, durum ac indisciplinabile ingenium, pronitatem ad concupiscendum, vel vindicandum, ac similia ad peccandum, & perseverandum in peccato juvancia posse considerari dupliciter: Primò secundum se, & quoad substantiam, & sic non esse effectus Reprobationis. Secundò prout de facto conducunt, & quoad usum ad lapsum, & continuationem peccatorum, vel impediunt operationem Divinorum auxiliorum.



sub quâ consideratione defectus illos, quatenus sunt pars quædam, vel conditio permissionis Divinæ Gratiæ denegantis, esse ad instar permissionis peccatorum effectus Divinæ Reprobationis.

## CONCLUSIO.

**Q**uidquid defectibilitatis Naturalis reprobo accidit, non est à ratione dissonum affirmare, quod sit *Negative* effectus reprobationis: Econtra nihil Beneficii etiam naturalis confertur à Deo ex voluntate reprobativâ.

5. Probatur. Nam totius Providentiæ, sive reprobativæ, sive Prædestinativæ, sive Naturalis in Deo ratio desumi debet ex Bonitate ipsius; sic enim dicitur Deus omnia propter Bonitatem suam fecisse, ut scilicet in rebus Divina Bonitas repræsentetur. ex S. Thom. *ut. q. 23. art. 5. ad 3.* At eo ipso, quod res creatæ ad Simpliciter Divinam attingere non possint, necesse est, Divinam Bonitatem in se unam, & simplicem multiformiter repræsentari in rebus creatis. ex *cit. S. Doctore.* Hæc autem multiformitas circa humanum Genus elucet, quatenus in aliquibus hominibus, quos prædestinat Deus, vult suam repræsentare Bonitatem per modum Misericordiæ parcendo, in alijs verò, quos reprobat, per modum Iustitiæ puniendo. ex *loco præall. g.* Unde eatenus censetur aliquid esse Providentiæ divinæ effectus, quatenus in præfatum divinæ Bonitatis repræsentandæ Finem reducit. Atque effectum, sive ex permissivâ duntaxat Voluntate Dei, sive ex positivâ hujus Causalitate proveniente reduci in Finem Divinæ Vindicativæ Iustitiæ, per hoc agnoscimus, quod Deus in talis effectus sive permissione sive Causalitate physica, & positivâ velit ostendere Iræ suam. Ex ejusmodi proinde Iræ, seu vindictæ Iustæ Mortem reprobi in statu peccati immitti à Deo, evincitur ex illo *Iob. 20. Detrahetur in die furoris Dei, hoc est pars hominis impij à Deo, & hereditas Verborum ejus à Domino.* Insuper ex defectibus dotium Naturalium v. g. Impijferitate, duritie, ac indiscipline resultant permissiones peccatorum, quatenus Deus mensuram Gratiæ suæ plerumque accommodat juxta naturalis Capacitatis modum, nec vult dare Gratiæ extraordinariam, quæ talem modum vincat. Unde fit, ut Deus ejusmodi defectus in Vasis Iræ sustineat, seu permittat ex Voluntate ostendendi suam Iustitiam, & Potentiæ Dominium absolutum. Econtra effectum aliquem in Bonitatis divinæ per Misericordiam relucens Finem reduci ex hoc demonstratur, quod pro quolibet sive naturali, sive supernaturali Beneficio teneamur Deo gratias agere. Hæc autem gratiarum actio, seu congruæ erga Deum Gratiitudinis Debitum arguit Liberalitatem, non verò Iustitiæ Iræ, seu Vindictæ. Cum igitur reprobationis Negative Finis sit ostensio Iræ, non debet ullum, sive supernaturale, sive naturale Beneficium in reprobo censeri effectus Reprobationis.
8. Confirmatur. Nam sicut ratio Pœnæ est ostensio divinæ Iustitiæ, sic ratio Beneficii est repræsentativa Misericordiæ, ac Liberalitatis divinæ. At Deus ita attemperat Iustitiam, & Libe-

ralitatem, ut superexaltet tamen Misericordiam. Unde nullus adeò reprobus est, quin in hac vita mortali sentiat Liberalitatem Dei illuminantis omnem hominem venientem in hunc Mundum. *Ioh. 1.* Imo ipsam Iustitiæ ostensionem in permittendis Iræ vasis divina Providentia reducit adhuc in manifestationem Divitiarum Gloriæ suæ relucens in Vasis Misericordiæ ad Gloriam præparatis. ex *Rom. 9.* Quare dici nullatenus debet, quod Beneficia Dei, quæ reducuntur in Finem Misericordiæ, sint à Deo ordinata in Finem Iustitiæ Vindicativæ, sintque adeo effectus Reprobationis: adsupulante D. Prospero in *Rasp. ad 3. object. Vincent.* ubi ex eo, quod hominis creatio sit Beneficium Dei, arguit non esse à Deo destinatum ex fine reprobationis: sic enim habet: *Nemo à Deo creatus est, ut periret: ut enim nascantur homines, Conditoris Beneficium est, ut autem pereant, Prevaricatoris est Meritum.*

## Reponso ad fundamenta opposita.

**A**D 1. Oppositum Respondetur. Verum esse, quod Deus in infinitas Beneficiorum suorum, imò & Personarum cum Gratijs tum sufficientibus, tum efficacibus combinationes possibiles per scientiam simplicis Intelligentiæ cognoscendo posset ex vi absoluti sui Dominij qualvis homini alicui reprobo destinatas combinationes intendere ex fine ostendendi Iustitiam, & Potentiæ suam. Nihilominus de facto Deum super Judicium eatenus exaltare Misericordiam, ut ab omni quantumvis reprobo sit reverendus, non tanquam metuendus duntaxat Dominus, sed ut Pater Misericors, ac Beneficiorum tam Gratiæ, quam Naturæ Largitor munificus, habens erga omnes Voluntatem salvandi respectu Mediorum salutis remotæ saltē sufficientium efficacem, licet inefficacē quoad actuale finis Gloriæ allocutionem. Quare respectu reproborum ita esse dividendum inter effectus, tū Voluntatis divinæ ex suo Dominio propter Iustitiæ manifestandæ Finem alios reprobandis tū divinæ volitionis reprobis ejusmodi conferentis Dona Gratiæ, & Naturæ, ut ex hæc fluant omnia, sive naturalia, sive supernaturalia Beneficia, ob quæ ex religionis virtute debemus ipsi gratiarum actionem, ex illâ verò non oriantur nisi permissiones peccatorum, atque defectus Naturales, nec non Pœnalitates, ac Pœnæ temporales peccatorum permissionibus cooperantes, & tandem pœna Inferni æterna ex Iustitiæ divinæ vindictâ Divinitus præparata, & creata.

AD Petri Labat *n. 2.* Oppositum Argumentum Respondetur. Aliam esse Impij considerationem quoad physicæ Existentiæ substantiam, aliam vero quoad formalem Impietatis Malitiam. Sub priori adeò respectu æquè de Impio, ac de universo Ente creato verificari illud *Prov. 16. Universa propter semetipsum operatus est Dominus.* At istud *ly Propter semetipsum* denotare Causalitatem Finalem in se tenentem ex parte divinæ bonitatis, quin ex parte creaturarum respiciat Deus aliquod Voluntatis suæ universa propter se Operantis Motivum. Quare in ratione Motivâ per Dei Voluntatem de creandis hominibus intentâ nullam nec ex parte reproborum præsupponi Culpam, propter quam Deus Existentiæ, seu Creationem ipsorum velit ordinare in finem Iustitiæ.

Opor-



Oportere igitur præallegati Sacri textûs verba subsequenter, *ly Impium quoque ad Diem Malum*, intelligere de Impio formaliter spectato secundum rationem Impietatis, prout istius nimirum permissio est à Deo volente ostendere Iram, & Potentiam suam, uti ait Apostolus *Rom. c. 9.*

11. Firmatur hæc nostra Expositio ex Chaldaicâ illius sacri textûs versione, in quâ sic legitur: *Impius servatur in diem malum*. Nam servari Impium, supponit ipsum jam existentem, ejusque adeo Substantiam productam, ex vi scilicet Causalitatis Dei universa propter semetipsum operantis. Neque verò, nisi quâ formaliter Impius servatur in diem malum Vindictæ, seu pœnæ æternæ. Non igitur Substantia Impij, sed impietatis duntaxat permissio est ex Fine Reprobationis divinæ Negativæ.

12. Ad Francisci de Lugo *n. 3.* Oppositum Respondetur. Duo esse, quæ displicent in ejus Doctrinâ, alterum, quod asserat, Mortem esse quandoque Positivæ Reprobationis Effectum; contra quod militat, Deum *executive* nullum addicere pœnæ infernalis damnationis, nisi prævisio finali peccato, nec adeo Mortem, licet in Dathan, & Abiron, vel alijs sub flagrante crimine occisis ex Iustitiâ sit à Deo in vindictam decreta, fuisse reprobationis Positivæ effectum. Alterum, quod *in cit.* de Lugo Doctrinâ displicet, esse, quod Mortem, si ex causarum naturalium serie ordinariâ accidat, eo ipso neget esse effectum Reprobationis.

13. Nam contra est, quod nulla in hoc sit repugnantia, ut Causæ etiam naturales famulentur divinæ Iustitiæ in reprobatione Negativâ intentæ. Nec aliunde Mors est ex Deo in ratione Beneficij, sicuti Bona non tantum Gratiæ, sed Naturæ, unde cessat in morte ratio, cui Naturæ & Gratiæ Beneficia negemus esse effectus Negativæ etiam reprobationis, siquidem hæc per modum Intentionis respiciat ad Motivum offensionis Iustitiæ, illa verò Beneficia sint a Deo intenta ex motivo liberalitatis, ac Misericordiæ. Sicut igitur Bona Naturæ ita sunt à Deo per Providentiam naturalem, ut tamen inserviant Providentiæ divinæ supernaturali Ordinatrici Mediorum in Finem Gloriæ. Sic e contra Mors ex vi naturalium Causarum accidens ita cadit sub Providentiam Dei naturalem, ut tamen famulari possit Providentiæ ordinatrici offensionis divinæ Iustitiæ, ac Potentiæ.

14. Ad Ioannis à S. Thomâ *n. 4.* proposita Respondetur. Illam Doctrinam ex toto placere Ratio est, quia in tantum aliquid est effectus reprobationis Negativæ, in quantum conducit ad finem Iustitiæ Divinæ. At nullum quantumvis ad mala primum extat ingenium seu Temperamentum, in quo non sit aliquid Bonitatis naturalis non tantum Transcendentalis,

sed respectu etiam habentis talem indolem, tanquam donum à Deo acceptum. Sub hac igitur Positivi Beneficij Divini ratione Ingenium illud tanquam Beneficium ex liberalitate Dei collatum substat Providentiæ Divinæ Ordinatrici Offensionis non Iustitiæ, sed Misericordiæ. Non est igitur Negativæ reprobationis effectus, nisi quatenus secundum suam innatam defectibilitatem à Deo *negative* proveniente juvenando ad peccatorum permissiones, natum est, præparare vas Iræ, in quo intendat Deus Iustitiæ, ac potentiæ suæ manifestationem.

## COROLLARIUM.

15. Inferitur. Quid de Numero Reprobatorum, factâ præsertim comparatione ad numerum Electorum, sit sentiendum. Nam 1. Christus Dominus *Matth. 20.* asserit: *Multos vocatos, sed paucos Electos*. Cui concordat Isaias Propheta *c. 17. & 29.* numerum Electorum comparans paucissimis Ipiciis, quæ à Melloribus relinquuntur in agro, & rarissimis Olivarum baccis, quæ excussa olea remanent in ramorum cacumine. De quo videri potest S. Hieronymus *in cit. Isaiæ locum*, & Gonet *to. 4. in fine disp. 4. digress. 2.* 2. Hoc tamen haud obstante Multitudo Electorum vocatur Multitudo innumerabilis *Apoc. 7. Vidi turbam magnam, quam dinumerare nemo poterat, ex omnibus Gentibus, Tribubus, Populis & Linguis stantes ante Thronum*. Unde paucitas Electorum videtur esse duntaxat comparativa respectu scilicet reprobatorum numeri longè majoris; Doctore Angelico in præallegatum Sacrum textum attestante, quod, cum dicitur: *Ex omni tribu, lingua, populo, natione, id est ex delectum quendam*, & segregationem paucorum ex multis denotet, & Electorum paucitatem, scilicet comparativam designet. 3. In quâ tamen Electorum ac reprobatorum numeri comparatione discrepant; alijs, nominatim Suarezio *de Prædest. lib. 6. c. 3.* contendentibus, paucitatis Electorum comparationem faciendam esse respectu quorumlibet etiam Infidelium reprobatorum, ita ut ex Fidelibus dicantur plures salvandi; alijs e contra cum Cajetano *in c. 25. Matth.* asserentibus, Paucitatem Electorum stare etiam in comparatione illorum, qui vivunt ac moriuntur in Fide, ac Obedientiâ S. Romanæ Ecclesiæ. Verum quia videtur hoc Mysterium absconditum à Nobis, merito abstinendum duximus ab hujus Divini investigabilis Consilij inquisitione, cum S. Ecclesiâ, & D. Thomâ hic *art. 7.* asserentes: *Melius dici; quod soli Deo cognitus sit Numerus*

*Electorum in supremâ felicitate locandus.*

\*\*\*



QUÆ.






## QUÆSTIO UNDECIMA

DE

VERITATE ET COGNOSCIBI-  
LITATE MYSTERII SANCTISSIMÆ  
TRINITATIS.

I.



U M Theologia secundum  
Divum Augustinum de *Trinit.*  
c. 1. sit, quâ fides saluberrima,  
non in proprijs duntaxat  
mentibus, sed aliorum etiam  
cordibus gignitur, nutritur,  
& roboratur, præcipuum  
Theologi munus est, sollicitum esse, quibus  
Argumentis Mysterium Sanctissimæ Trinitatis,  
in cuius fide ac invocatione, per salutarem Sa-  
cramenti Baptismatis ablutionem signamur  
Spiritu promissionis, fiat credibile tum Ethni-  
cis nullam sacris Litteris fidem habentibus, tum  
Iudæis antiqui Testamenti auctoritatem alle-  
gantibus, tum Hæreticis utriusque Sacrificæderis  
Scripturæ fidem jactantibus, tum denique San-  
ctis fidelibus, qui dum per scientiam Sancto-  
rum Spiritûs Sancti Donis innixam fidei My-  
steriorum credibilitatem indagant, per vivæ fi-  
dei augmentum crescendo in Sanctitate & lu-  
sticiâ, Mysterij illius sublimis Sanctuarium per  
contemplationem ingressi; in pace in id ipsum re-  
quiescunt. In quem proinde finem præstitutam de  
magni illius Mysterij quæstionem tribus arti-  
culis complectemur, in 1. visuri, *An, & quibus ar-  
gumentis adversus Ethnicos solo natura lumine nixos,  
Sanctissima Trinitatis mysterij veritas stabiliatur, & de-  
fendatur?* In 2. *Ex quibus Sacrarum Litterarum fun-  
damentis adversus Iudæos, ac Hæreticos, nec non Ma-  
hometanos demonstratur?* In 3. denique *Quibus Ar-  
gumentis seu Sanctissimæ Trinitatis Vestigijs liceat Sanctis fide-  
libus per contemplationem ingredi in illa*  
*Sancta Sanctorum.*

\*\*\*



## ARTICULUS I.

*An, & quibus Argumentis ad-  
versus Ethnicos solo natura lu-  
mine nixos stabiliatur, & defen-  
datur Sanctissima Tri-  
nitatis Mysterij Ve-  
ritas.*

**A** Liquam de Sanctissimæ Trinitatis  
Mysterio cognitionis lucem Ethnicis  
etiam Philolophis affulsisse, testatur  
Cyrillus Alexandrinus *lib. 1. con. Iuli-  
an.* inducens Orpheum ita canentem.

*Calum adjuro te Dei Magni Sapiens opus.  
Vocem adjuro Patris, quam locutus est primum,  
Quando nondum universum suis firmavit consilijs.*

Etenim vocem Patris, quam locutus est  
primum, ab Orpheo dicti Unigenitum ejus Ver-  
bum semper cum Patre existens, asserit Cyril-  
lus citatus inducens 2. Hermetem Trismegi-  
stum olim æquiparatum illi (quem ex Iove  
& Maiâ natum fabulæ ferunt) Sacerdotem Æ-  
gyptium, qui de Deo sic loquitur: *terbum e-  
nim ejus procedens, perfectum existens & secundum ac  
Opifex in secundam naturam cadens, & secundâ aquâ  
secundam aquam fecit.* Vides igitur Patris ac Fi-  
lij seu Verbi Diviniâ Sacerdote Gentili ac Ido-  
lolatâ expressionem.

Ne verò Spiritûs Sancti noticia omnimodò  
laciuisse illum Trismegistum videri posset, Cy-  
rillus 3. expendit verba ejusdem taliter loquen-  
tis: *Una sola erat lux mentalis ante lucem mentalem,  
& est semper mens mentis fulgida: & nihil aliud erat,  
quàm hujus animas semper in se ipse existens, semper suâ  
mente & lucis, & Spiritu omnia continet.*

Ex hoc patet; Hermetem præcitatum Tris-  
megistum sive ter maximum ex Doctrinæ sub-  
limitate appellatum, meminisse Spiritûs, qui  
omnia contineat. At de hoc Divino Spiritu in  
*serm. 3. ad Asclepium* assererat Sacerdos ille Ægyp-  
tius:

tius:



tius: Quod hoc spiritu omnia opus habeant, siquidem omnia portet secundum Dignitatem, omnia vivificet, & aliat, & à sancto fonte producat, adjuvans spiritu, & viâ omnibus semper existens facundus.

4. Non obscure Divinus etiam Plato in *Timaeo*. item de animâ Mundi, & in *Parmenide* scripsit de Divinis Processionibus Verbi, præsertim Generatione, tamen hæc ejus doctrina semen fuerit perniciosissimi in Dei Ecclesiâ postea excrescentis Arianismi. Unum tantum hic adjicio, quod præallegatus S. Cyrillus testetur, Prophyriû opinionem Platonis expressisse in hæc verba: *Vsq. ad tres substantias Divina Substantia progreditur. Est autem summè quidem Deus Bonus, post illum autem & alter conditor, tertius & mundi anima.* Quam proinde Platonis Doctrinam expendens Porphyrius ait: *Dei substantiam usque ad tres substantias progredi, quatenus unus universorum Deus dilatatur in sanctam & Consubstantialem Trinitatem in Patrem & Filium & Spiritum Sanctum, quem & Mundi animam dixerit Plato.* Plura de his videri possunt apud Tertullianum in *apolog.* c. 21. Iustinum in *exhortatorio ad Gentes.* Eusebium lib. 11. de *preparat. Evang.* Lactantium lib. 4. c. 6. & 7. & Theodorum lib. 2. de *curandis affectionibus.*

5. Quibus adeo positis, incumbit nobis, quos decet apes esse argumentosas, aliqua eruere argumenta, quibus Mysterij istius sublimitas Ethnicorum Divinæ revelationis lumine destitutorum intellectibus ad aliquam credibilitatis rationem exinde concipiendam proponi valeat. In quem adeo finem sequentes instituemus Controversias. In 1. visuri *An vi luminis naturalis possit aliqua saltem adumbrata Trinitatis notitia comparari?* In 2. examinaturi, *An istud Mysterium non tantum superexcedat Virtutem luminis naturalis, sed huic etiam contrarietur?* Quibus per modum Corollarij superaddemus; *Qualiter in statu saltem pure naturæ possit de Mysterio Trinitatis flare Divina revelatio.*

#### CONTROVERSIA I.

*An vi Luminis naturalis aliqua saltem adumbrata Trinitatis notitia haberi possit?*

1. **M**asius lib. de *Demonst. sect. 1. q. 6. circa finem* refert, Raymundum Lullium præter Demonstrationem propter *Quid & Quia* excogitasse tertium genus demonstrandi per æqualitatem, vi cuius evidenter confirmari possint Sacra sancta fidei de Trinitate v. g. Mysteria. Verum id falso imponi Lullio, asserit Vasquez to. 2. in 1. p. *disp. 183.* siquidem Author ille dum dicit, evidentem Trinitatis Demonstrationem inveniri posse, loquatur supposito Lumine fidei, vel aliquâ supernaturali illustratione Divinitus nobis infusâ. Hinc quando docet, à se inventas Mysterij Trinitatis demonstrationes ita evidentes esse, ut Gentilem, & Mahometanum eas penetrare volentem convincere valeant, ipsum non explicare, utrum ad hoc, ut quis eis assentiatur, necessarium sit lumen aliquod supernaturale, an verò sola rationum vis sufficiat?

Tres porro Divinas Personas per discursum posse lumine naturali cognosci ex creaturis, videtur evinci ex Apostolo ad Rom. 1. cap. junctâ expositione SS. PP. Cyrilli lib. 1. *Thes. 4. 3.* Ambrosij lib. 3. de *Spiritu Sancto cap. 2.* & Anselmi in *cit. c. 1. Rom.* Probatum. Nam Apostolus citatus asserit: *Invisibilia Dei per ea, quæ facta sunt, intellecta conspici & sempiternam quoque ejus Virtutem ac Divinitatem.* At per sempiternam Dei Virtutem intelligi possumus Filium, per quem facta sunt omnia, per Divinitatem autem Spiritum Sanctum, testatur D. Anselmus *ubi supra*, probatque multis Cyrillus; *Virtutem Dei in præfato Sacro textu significari Filium.* Consequens igitur est, per visibiles creaturas non tantum intelligi Patrem invisibilem, sed sempiternam ejus virtutem seu Filium, ac Divinitatem, id est Spiritum Sanctum, ad quem maxime pertinet Sanctificatio: ut adeo Gentiles licet Scripturas Divinas non haberent, inexcusabiles fuerint, siquidem non fuerint Veritatis ignari, sed ipsi veritati, quæ se illis revelaverat, extiterint ingrati. ex *loco cit.* Sancti Anselmi.

Confirmatur. Nam ex dictis in initio hujus articuli constat, Ethnicos Philosophos habuisse aliquam Mysterij Trinitatis notitiam. At istis non illuxit Lumen Divinæ revelationis. Oportet igitur, ex solo naturæ Lumine intellectuâli posse illud Mysterium saltem aliquâliter cognitum esse.

Albertus Magnus in 1. *dist. 3. a. 18.* Divus Bonavent. *ibi q. 3.* S. Thomas 1. p. q. 32. a. 1. & q. 10. de *Verit. a. 15.* Item q. 9. de *Potent. a. 2.* Scotus q. 14. *quodlib. 11. q. 9.* & Theologi communiter negant: Divinarum Personarum distinctionem seu Trinitatem posse naturali ratione cognosci.

#### CONCLUSIO.

**I**mpossibile est, per rationem naturalem ad cognitionem Trinitatis Divinarum Personarum pervenire.

Probatum ratione Angelici & subtilis Doctorum *ubi supra.* Nam quia naturalis nostra cognitio à sensu principium sumit, idcirco per rationem naturalem non potest homo pervenire in Dei cognitionem nisi ex creaturis. Hæ verò ducunt duntaxat in Dei cognitionem, sicut effectus in Causam. Hoc igitur solum ratione naturali de Deo cognosci potest, quod ipsi convenit quâ omnium Entium Principio. Atqui Principium *Quo* causandi est in Deo virtus creativa: Principium autem *Quod* suppositum habens Virtutem Formalem causandi perfectam & completam. At verò circumscriptâ seu objectivè præcisâ Trinitatē, adhuc intelligi potest suppositum per se ac ex se primò subsistens, habens vim creativam, seu Principium Formale Causandi Perfectum & Completum. Cum igitur creaturæ tanquam Medium Objectivum præcisè ducant in cognitionem Dei quâ principij ad extra causativi, consequens est, Intellectum nostrum ex vi luminis naturalis pendens à sensibilibus non posse ascendere ad Dei quâ Trini notitiam.

Dices: Habitâ semel ex creaturis notitiâ Dei quâ universorum principij, posse Intellectum



atum humanum discurrendo, de hoc primo rerum Principio inferre, quod sit Ens primum, cuius Essentia sit purissimum & actualissimum esse. Quo præhabito, posse per lumen Metaphysicum denud inferre; quod sit purissima & actualissima intelligibilitas, sitque adeo sui formalis intellectio, seu in Esse intelligibili expressio. Hoc autem posito, rursus inferre posse, quod illud Esse actualissimum in se intelligibiliter expressum sit actualiter inclinativum in sui amorem, imò sit formalis inclinatio & amor sui. Quibus proinde suppositis, ita licere argumentari. Intellectus humanus potest discurrendo penetrare omnem Veritatem, cuius Medium seu ratio est præcognita. Atqui ratio, cur in divinis sit Processio Verbi & Amoris personalis, in eo sita est, quod Divinitatis Esse infinitum sit suiipsius intelligibiliter expressivum, atque ut sic expressum ad sui amorem actualissimè inclinativum. Cum igitur hæc ratio sit naturaliter cognita, consequens est, Divinas quoque Processiones naturali lumine noscibiles esse.

8. Contra. Nam verum quidem est, quod Esse Dei actualissimum sit ratio, per quam Deo convenit tam Verbi, quam Amoris ad intra in substantiæ seu Essentiæ identitatem processio. Nihilominus illa ratio ut sic convenit Esse Dei, secundum propriissimam sui formalitatem nulli creaturæ communicabilem. Unde ratio illa non potest in Divinarum ad intra processionum notitiam deducere Intellectum hominis Viatoris, lumine suo naturali non nisi dependenter à creaturis cognoscentis Esse Divinum, sed hoc Divino duntaxat, seu per Gloriæ ac Fidei lumen elevato intellectui, Deum ut est in se, videnti, potest esse ratio cognoscendi Divinas in Substantiæ identitatem Processiones. Cujus rationem subtiliter ac nervosè insinuat Scotus *supra citatus*. Nam notitia illius formalitatis, quæ est propriissima subjecti, non continetur virtualiter primò & evidenter nisi in per se, & proprio conceptu subjecti. At esse trinum in unitate substantiæ est propriissimum Deo, adeo ut nulli creaturæ substantiæ sit communicabile. Ergo istius Veritatis notitia sicuti non continetur virtualiter primò ac evidenter, nisi in proprio ac per se conceptu Divinitatis, sic ex vi luminis naturalis nequit patere intellectui humano, Deum non in se immediatè secundum Essentiam, sed secundum formalitates Deo & creaturis analogicè communes per discursum cognoscenti.

9. Instabis. Ex vi luminis naturalis notum esse, quod Deus per suum esse irreceptum & actualissimum sit in Essendo infinitus, sitque adeo summè Bonus ac perfectus. At ex naturæ lumine esse quoque notum; quod Ens summè Bonum sit summè sui Communicativum. Esse insuper per se evidens, quod non sit summa Entis alicuius communicatio, nisi aequet istius communicabilitatem. Atqui ex ipsis terminis manifestum esse, quod ista Communicationis adæquatio non subsistat secundum proportionem duntaxat similitudinis, sed secundum Consubstantialitatem Essentiæ convenientiam. At verò per Divini Esse infinitatem naturaliter demonstrari Essentiæ Dei unitatem non tantum specificam, sed numericam. Consequens igitur esse, quod vi luminis naturalis sit demonstrabilis communicatio Esse Divini secundum identitatem specificam & Numericam.

At Communicationem ex ratione suâ formali importare distinctionem Hypostasum illius, qui communicat, & illius, cui communicatur. Ergo lumine naturæ notam esse Hypostasum distinctionem in unâ Dei Essentiâ.

10. Contra. Nam vi luminis naturalis nequit cognosci de Deo vis sui communicativa secundum consubstantialitatis adæquationem Cathegorematicè absolutam & actu existentem. Probatum istud assumptum. Nam ex hoc ipso, quod per lumen naturæ ex purissimâ actualitate, ac infinitate Essentiæ Divinæ demonstratur, Divinitatis substantiam non esse multiplicabilem, nec ullius à se distinctæ Hypostasis receptivam, sequitur, Communicationem Esse Divini non posse secundum absolutam consubstantialitatis adæquationem intelligi, nihil substantia suppositi communicantis concipiatur realiter identificata tam cum Hypostasi, quam cum Essentiâ suppositi illius, cui communicatur divinitas. At per hoc intelligeret creatus intellectus Identitatem Substantiæ cum duabus Hypostasibus realiter inter se distinctis. Hoc autem posito, enervaretur principium, quo dicitur, *que sunt eadem uni tertio, sunt eadem inter se*. At isto principio infirmato, rueret etiam principium, quo asseritur: *Esse impossibile, quod idem intelligatur esse, & non esse*. Illud verò principium est primum creati Intellectus, supra quod adeo transcendere nequit. Constat igitur, ex infinitate Divinæ Essentiæ, atque adeo actualissimæ ac summæ Bonitatis ratione, non posse virtute luminis creato intellectui innati demonstrari, quod Deus suæ in Essendo infinitæ Substantiæ secundum consubstantialitatis adæquationem actu & Cathegorematicè absolutam sit communicativus, sed Lumine naturali duntaxat esse demonstrabile, quod Perfectionis ac Bonitatis Divinæ ratio infinita importet vim communicativam ad Syncathegorematicè ac potentiam infinitam sui participationem seu participabilitatem.

#### Responsio ad Argumenta Adversariorum opposita.

11. Ad 1. & 2. Propositum discursum, suspenso nostro de Lullij sententiâ iudicio, Respondetur. Fidei Divinæ derogare, quisquis nititur Trinitatem Personarum naturali ratione probare, ex S. Thomâ cit. q. 32. a. 1. Tum quia fidei dignitas est, esse de rebus invisibilibus rationem humanam excedentibus; juxta illud Heb. 11. *Fides est argumentum non apparentium*. Unde & Apostolus 1. Corin. 2. ait: *Sapientiam loquimur inter perfectos; Sapientiam verò non huius sæculi, neque principum huius sæculi: sed loquimur Dei Sapientiam in Mysterio, quæ abscondita est*. At verò Sapientiam, quam nemo principum huius sæculi, sive ut Glossa habet, Philosophorum cognovit; in Mysterio absconditam esse ipsummet Trinitatis Mysterium secundum Divinarum Personarum propria, quæ sunt Paternitas, Filiatio, ac Processio, consideratum, tradit Sanctus Doctor cit. a. 1. ad 1. eruiturque ex illo Mat. 11. *Nemo novit Filium nisi Pater, neque Patrem quis novit, nisi Filius, & cui revelari Filius revelare*. Manifestum igitur est, quisquis revelationi Divinæ, in Divinarum Personarum Trinitate probandâ non innititur, sublimata.



- limitatem fidei Myfteriorum, cum injuriâ Divinæ in abscondito versantis Sapientiæ, subijcere creato intellectui. Tum quia non expedit rationes non convincentes, sed aliqualis duntaxat congruentiæ vim habentes ad fidei Myfteria contra infideles ostendenda inducere, hunc enim Pagani persuasum tenebunt, fidem nostram futilibus credendi rationibus inniti, ex quo ad irrisiorem potius, quàm ad fidei Veritatem amplectendam proni erunt. Unde Doctor Angelicus citatus concludit; non essetendum, ea, quæ fidei sunt, probare, nisi per autoritates, atque adeò apud illos, qui autoritates non suscipiunt, sufficere, ut demonstretur, non esse impossibile, quod fides prædicat. In quem sensum D. Dionysius 2. de Div. Nom. circa init. ait: *Si aliquis est, qui totaliter eloquiis resistit, longè erit à nostrâ Philosophiâ, si autem ad veritatem eloquiorum scilicet Sacrorum respicit, hoc & nos canone utimur.*
12. Ad n. 3. Oppositum Respondetur ex S. Thomâ cit. 2. 1. ad 1. Aliud esse, Divinas Personas ex creaturis cognosci secundum proprietates Personales seu Notionales, aliud verò cognosci de ipsis perfectiones Essentiales eisdem appropriatas. Hoc igitur posterius, non autem prius de antiquis Philosophis asseruerunt Patres argumento opposito allegati. Etenim ex creaturis Divina potentia, quæ Patri, sapientia, quæ Filio, & Bonitas, quæ Spiritui Sancto appropriatur, taliter innotescebat Philosophis Ethnicis, ut tamen istarum appropriationum ex Divinis Processionibus desumptarum rationes formales non agnoscerent; D. Ambrosio lib. 1. de fide ad Gratia n. c. 3. ante med. asserente, impossibile per lumen scilicet naturæ generationis (secundum quam est Patris ac Filij distinctiva personalis proprietas) *scire secretum.* Hinc quando Aristoteles in 1. de Cel. & mund. tex. 1. ait, numerum ternarium à se adhibitum ad Deum proprietatibus creaturarum eminentem magnificandum, ex mente præcitati Angelici Doctoris non ita est intelligendus, quasi poneret in Divinis numerum ternarium, sed antiquorum probabat morem numero ternario utendi in Sacrificijs & orationibus, ob quandam ternarij perfectionem. Pari proinde ratione quando Platonici apud Divum Augustinum lib. 7. Confess. l. 7. post init. dicebant, quod in principio erat Verbum, teste Divo Thomâ, non significabant personam in Divinis genitam, sed rationem idealem Filio appropriari solitam, per quam Deus mundum condidit. Quando denique Trismegistus asserbat, quod *Monas genuerit Monadem, & in festum reflexerit ardorem,* non ad generationem Filij, vel processionem Spiritus Sancti, sed ad productionem mundi à Deo propter sui amorem creati referendum esse, præfatus S. Doctor asseruit. Quare Philosophos Gentiles dicendum est, per ea, quæ facta sunt, eatenus Dei invisibilia tribus Divinis Personis appropriata intellectu suo conspexisse, ut tamen appropriationis ejusmodi rationes ac proprietates personales non scirent per luminis naturalis discursum.
13. Ad Confirmationem n. 5. oppositam Respondetur. Revelationes tum per lumen Gratiae gratis datæ, tum per quandam Humanæ cre-

dulitatis affectionem seu impressionem, tum per Oraculum Deorum, seu potius Dæmonum loquentium ex simulachris seu Idolis Gentilium, aliquibus eatenus paruisse, ut Trinitatis quandam notitiam adumbratam inde haurirent, plerumque tamen cum erroris aliquâ conspersione. Nam 1. Ludovicus Vivos in lib. 11. de Civit. refert oraculum Serapidis in hæc verba:

*Principio Deus est, tum Sermo, at Spiritus istis  
Additur: æque hæc sunt, & tendentia unum.*

18. ]


Refert etiam Struchus lib. 2. de peren. Philosoph. cap. ult. Apollinis Oraculum taliter pronunciantis.

*Ne me utinam supremum infelix ipse Sacerdos  
Sciteris de Sancto ac Divino Genitore,  
Et Sobole cara, rebus magni induperantis.  
Et fluvio, qui Mundum astricuum continet omnem,  
Montes, Tellurem, fluvios, mare, tartara, & ignem,  
Æraque: heu templis hic me discedere ab istis  
Cogit, linquetur, quo edebam oracula, limen.*

Ex his namque constat, quod sicut Christum in hac vitâ mortali agentem Dæmones aliquando coacti fatebantur ipsum Dei Filium, Matth. 8. sic Dæmonia, de quibus Propheta Regius Psal. 71, *Omnes Dij Gentium,* inquit, *Dæmonia,* ex simulachris lapideis seu aureis, & argenteis respondentes Deo imperante, inviti pronuntiabant quandoque fidei ac Religionis nostræ Myfteria. Ex quibus adeò Oraculis aliqua Trinitatis cognitio in Ethnicos emanare potuit. 2. Ex singulari Dei Providentiâ, inter Ethnicos fulserunt Sibillæ secundum Hieronymum. lib. 1. cont. Iovinian. & Iustinum in exhort. ad Gent. Divino afflatæ spiritu, ita ut eum apud Gentiles haberent locum, quem Prophetæ apud Iudæos, uti habet Clemens Alexand. lib. 6. Strom. Cum proinde in illarum libris frequens Patris & Spiritus Sancti, atque frequentior Filij mentio habeatur, Philosophi Ethnici librorum Sibillinarum studiosi Lectores non omnino imperiti erant Mysterij Trinitatis. 3. Philosophi Ethnici maxime Egyptij ex ore Patriarcharum Hebræorum in Aegypto peregrinantium, Josephi præsertim per Pharaonem constituti domus suæ Principis, ut erudiret Principes ejus, sicut semetipsum & senes ejus prudentiam doceret Psal. 104. facile edocebantur de Divinis fidei Mysterijs, dum præcipue sacrarum postea Litterarum sibi fecerunt copiam, ex quibus Trismegistus, præsertim & Plato in init. pras. art. n. 23. & 4. citati secreta Divinitatis sub quâdam Trinitatis umbrâ ita penetrarunt, ut tamen luminis sui naturalis in hisce Mysterijs defectibilitatem toti mundo deinceps redderent manifestam, variâ errorum conspersione maculantes Divinarum Verbi præsertim Personarum processionem, unde diversæ postmodum hæreses, Ariana præsertim pullularunt, uti notat etiam Sanctus Thomas loco cit.

19.

20.





## CONTROVERSIA II.

*An Myſterium SS. Trinitatis non*

*tantum ſuperexcedat Lumen natura-  
le Intellectus creati, ſed huic contra-  
rietur?*

1. **T**Ribuitur Holkot in 1. diſt. 3. quod affirmar-  
rit, Myſterium Trinitatis non tantum eſſe  
ſupra, ſed contra rationem. Cuius fundamentum  
deſumi poteſt ex eo, quod videatur aduerſari  
Principio lumine naturæ noto, quod *Duo contra-  
dictoria poſſint ſimul eſſe vera*. At circa Deum veri-  
ficatur, quod una & eadem res ſimpliciſſima ſit  
Eſſentia Filio, ac ſpiritu ſancto communicabilis  
ſitque Paterna Hypoſtaſis in communicabilis. In-  
ſuper quod eadem divina Eſſentia ſit principium  
ingenitum, quod eſt Pater: ſitque Principiatum  
genitum, quod eſt Filius. Si dicas cum Ioanne  
a ſancto Thomâ *praſ. diſp. 12. a. 3. n. 27. ly de eodem*  
in præallegato axiomate intelligendum eſſe *formaliſſimè*,  
in quantum idem, ita ut, ubi diſerſæ  
formalitates conſiderari, ac licet in re ſint unum,  
ſecundum rationem diſtingui poſſunt, prædica-  
ta contradictoria ibi poſſint verificari. Quare  
quod una & eadem res in Deo, ſecundum ratio-  
nem naturæ & perfectionis abſolutæ ſit commu-  
nicabilis, ſit verò incommunicabilis ſecundum  
rationem perſonæ ac relationis, nihil importare  
contradictionis, ſiquidem loquendo *formaliſſimè*  
non ſit affirmatio, & negatio ejuſdem de eodem.  
Contraponitur, quod præſarum axioma accipi  
poſſit vel *abſolutè*, ſecundum quod contradictorio-  
rū de eodem Veritas ſtat in re ipſâ, vel *comparatè* re-  
ſpectu creati intellectus cum objectivâ formali-  
tatum per intelligentem præciſione. At ſecun-  
dum ipſam rei quâ in ſe ſtantis veritatem ab in-  
tellectu divino cognitam nullo adhuc habito ad  
Intellectum creatum cum præciſionibus objecti-  
vis intelligentem reſpectu ſubiſtit, quod *Duo*  
*Contradictoria non poſſint eſſe ſimul vera*. Vel igitur ratio  
communicabilitatis & incommunicabilitatis in Deo  
nullam inter ſe habent contradictionis repug-  
nantiam, vel per Myſterium Trinitatis deſtruitur  
iſtud lumine naturæ notum principium, quod  
*Duo à parte rei contradictoria non poſſint de unâ realiter,*  
*indè ex naturâ rei etiam formaliter indiſtinctè & re verificari.*
4. Verum hiſce minimè obſtancibus, ex unan-  
mi omniū Orthodoxorum Theologorum ſenten-  
tiâ negari debere, quod Myſterium Trinitatis ſit  
contra rationem naturalem, reſtatur Suarezius *lib.*  
*1. de Myſt. Trin. cap. 11. n. 18.* partim quia verum de-  
finiente Concilio Lateran. non repugnat vero,  
ut à Deo fidei innitens veritas ſupernaturalis non  
poſſit aduerſari veritati naturali nitenti lumine  
creatæ Intellectus humani intelligentiæ propor-  
tionatò: partim quia Deus Auctor naturalis lu-  
minis nequit inclinare, ad aliquid, quod vero  
ipſi exiſtendi modo contrarium eſt. Cuius ra-  
tio à priori inducitur ab eodem Authore. Nam
5. Contrarietas propriè eſt inter res ejuſdem Ordi-  
nis. At ratio naturalis eſt inferioris Ordinis com-  
paratione Dei. Unde etiam ſit, quod in lumi-  
nis naturalis quantumvis Generali Principio  
vel non comprehendatur Trinitatis Myſterium,  
vel ſi comprehenditur, ratione tamen naturali  
demonſtrari nequeat, ſiquidem naturalis ratio  
non ſumat principia, niſi ex rebus ſinitis, ultra

quas in tantum eſt res ſimpliciter infinita, ut con-  
ſequenter nequeat ratio naturalis oſtendere, me-  
tiendam eſſe ejuſdem legibus, & principiis, qui-  
bus metiuntur res finitæ.

## CONCLUSIO.

**E**X hoc ipſo, quod luminis naturalis  
Principia ſint reſtriſta ad Ens Poten-  
tialitati immerſum, ac finitum, Trini-  
tatis autem Myſterium ſubiſtat ex pu-  
riſſimâ Eſſendi actualitate ac infinitate,  
ſequitur, iſtud Myſterium non adverſari  
rationi naturali.

Explicatur, & Probat. Nam quodvis Lu-  
men creatæ intelligentiæ conaturalis ita comen-  
ſuratur ipſius modo Eſſendi, ut ejus objectum effici-  
enter Motivum ac ſpecificativum non ſe extendat  
ultra intelligibile aliquoſiter immerſum Poten-  
tialitati. Ex quo ſit, terminos Principiorum  
luminis naturalis ſecundum rationem ſaltem  
Intelligibilitatis quâ lumini ejuſmodi commen-  
ſuratæ reſtringi ad Ens immerſum potentiali-  
tati. At verò Trinitatis Myſterium ſubiſtat in  
Deo per puriſſimam Eſſendi actualitatem, in  
quâ ut ſic radicatur Fœcunditas procedens in  
conſubſtantialem Naturæ ſeu Intellectionis at-  
que Amoris Divini communicationem. Qua-  
re Myſterij iſtius Intelligibilitas per puriſſimam  
ſui actualitatem ita ſupergreditur Intelligibili-  
tatem lumini creati Intellectus comenſuratam,  
ut non comprehendatur intra objectum creatæ  
Intelligentiæ efficienter Motivum ac ſpecifica-  
tivum, nec adèd Principiorum naturali creati  
Intellectus lumine intelligibilium termini com-  
prehendant Myſterium Trinitatis. At ſi hoc  
Myſterium pugnaret cum Principiis lumine na-  
turæ notis, ita deberet ſub horum terminis con-  
tineri, ut iſtorum tamen Complexioni contra-  
riaretur. Conſequens igitur eſt, Myſterium  
illud non aduerſari, ſed transcendere lumen crea-  
ti Intellectus.

Dices. Sanctiſſimæ Trinitatis Myſterium  
ſaltem contineri ſub objecto luminis creati In-  
tellectualis Terminativo, cū alioquin non poſ-  
ſet divinâ ſupernaturali virtute reduci intra  
ſphæram Intelligibilitatis creato intellectui pro-  
portionabilis, nec adèd Intellectrix hæc virtus  
poſſet à Deo elevari ad illud Myſterium median-  
te lumine etiam ſupernaturali inſuſo intelligen-  
dum. At verò Principiorum naturalium ter-  
mini utpote univerſaliſſimi comprehendunt  
omne Intellectus humani objectum Terminati-  
vum. Si ergò Trinitatis Myſterium compre-  
henſum ſub Principiorum naturalium terminis,  
horum complexioni adverſetur, conſequence-  
rit, quod naturali creati Intellectus lumini  
contrarietur. At inter præcipua luminis natura-  
lis per ſe nota principia eſt primò iſtud: *Quæcumque*  
*ſunt eadem uni tertio, ſunt eadem inter ſe*. Hoc namque  
axiomate nititur univerſa Syllogiſtica artiſtatio.  
In Myſterio autem Trinitatis verificatur:  
*Tres Divinas perſonas eſſe unam quid cum tertio ſcilicet*  
*Eſſentiâ, nec tamen eſſe unam inter ſe*. 2. Lumine natu-  
ræ notum eſt, per eandem entitatem, quâ ali-  
quid conſtituitur, diſſerre ab alijs. At Paterni-  
tas in Deo non aliam habet realitatem ac Enti-  
tatem niſi Eſſentiæ, per quam adèd conſtituitur:

nec



noctamen differt à Filiatione per divinā Eſſentiā.

Tertiò ex lumine naturali manifeſtum eſt, quòd ubi eſt ordo Proceſſionis & Originis ſuius ab alio, non poſſit eſſe ſimulta natura. At inter Patrem & Filium in divinis eſt Ordo Proceſſionis ac Originis cum ſimultate, imò identitate naturæ. Quartò ex lumine naturæ repugnat, quòd idem Eſſe ſit in producente, ac in producto, cujuſmodi tamen Eſſendi identitas in Deo Patre generante ac Filio Genito reperitur.

Quintò, primum luminis naturalis Principium eſt, quòd impoſſibile ſit idem eſſe, & non eſſe. At in Myſterio Trinitatis una eſt ſubſtantia Eſſentiæ ſeu naturæ, quæ communicatur Filio, ac Hypoſtaſis Paterna, quæ non communicatur. Ex quibus adeò videtur evinci, Trinitatis Myſterium ita comprehendì ſub principiorum lumine naturæ evidentium terminis, ut iſtorum tamen complexioni, atque adeò ipſi naturali creati Intellectûs lumini adverſetur.

9. Contra. Nam licet Trinitatis Myſterium contineatur ſub creati Intellectûs objecto Terminativo, nequit tamen extra ſtatum luminis Gloriæ naturaliter intelligi, niſi per intelligibilitatem lumini creato Intellectuali commensuratum, ejuſque adeò ſpecificativam & efficienter motivam. Hæc autem cuius creato Intellectui commensurata Intelligibilitas eſt cum immerſione Potentialitatis, per quam omne naturali creati Intellectûs lumini proportionatû Intelligibile formaliter eſt in Eſſendo finitum, nec in ſuo adeò Eſſentiali conceptu involvit Eſſe. Unde termini Principiorum lumine naturali notorum non ſe extendunt, primariò niſi ad Ens in Eſſendo finitum, ac ſecundariò ad Ens infinitum quò per Diſcurſum ex Ente creato & participato cognoscibile. Ex quo ſit, nihil circa Deum eſſe ab Intellectu creato naturaliter intelligibile, niſi quoad illas formalitates, quæ ſecundum participationem analogicam communes ſunt creaturis. Quare ſicuti divina Eſſentia in ſe immediatè per propriam ſuam Intelligibilitatem non eſt cognoscibilis ab Intellectu creato, ſic ſub terminis Principiorum Intelligentiæ creatæ naturaliter evidentium non continentur formalitates divinæ radicate in Eſſe Dei per ſe actu ſubſiſtente, tanquam Eſſentiā Dei propriā. Atqui ratio Trinitatis in hoc ſubſiſtit, quòd Eſſe Dei actualiſſimum fundet Fecunditatem in Eſſendo infinitam. Ex hoc enim ſit, quòd Intellectûs divini per ipſum Eſſe Dei ſubſiſtens actuata Intellectio ſit productiva termini in Eſſendo infiniti formaliter actuati per idem Eſſe divinum. Conſequens proinde eſt, hoc Myſterium in Eſſe Dei actualiſſimè ſubſiſtente, atque adeò in proprio Eſſentiæ divinæ conceptu radicatum, non cadere ſub terminos principiorum lumine naturæ cognoscibilium. Unde ruruſ, ſequitur horum Complexionem, ſive ipſa Principia naturalia per ſe nota ita ſuperexcedi à Myſterio Trinitatis, ut iſtud non attingant, nec huic adeò contrarietur. Hinc primò illud axioma: *Quæcumque ſunt eadem uni tertio, ſunt eadem inter ſe*, non eſt naturaliter notum niſi ſub ratione Eſſendi immerſa potentialitati. Hæc autem potentialitatis ratio ita eſt limitativa Entis, ut in hoc nequeant eſſe duæ formalitates relativè oppoſitæ, communicantes idem Eſſe Eſſentiæ per ſe ſubſiſtenti. Unde in omni Ente naturaliter noſcibili ita vo-

ſificatur illud principium, ut in Trinitate tamen deficiat eo ipſo, quòd iſtud Myſterium radicitur in Eſſe actualiſſimo fundante Fecunditatem infinitam, atque adeò importantem in uno Eſſe rationem Principij & Principiati.

Secundò illud axioma, quòd *per eandem Entitatem, quæ aliquid conſtituitur, differat ab alijs*, reſpectu luminis naturalis eatenus verificatur, quatenus non eſt intelligibilis alteri caſu Hypoſtaſum ſeu relationum, ſeu quarumcunque formalitatum, niſi ubi eſt Alietas quoad Eſſe. At verò Myſterium Trinitatis non comprehendì ſub iſto per naturæ lumen Intelligibili, inſtrumur ex lumine ſupernaturali. Unde axioma illud in quantum ſe extendit ſecundum luminis creati Intellectualis proportionem, in tantum verificatur, Myſterio Trinitatis penitus non attracto.

Tertiò, cur ubi eſt ordo proceſſionis & originis ſuius ab alio, nequeat eſſe natura ſimultas, huius ſecundum naturalem intelligentiam ratio reducitur in id, quòd omnis Originis naturaliter intelligibilis terminus ſit Ens involvens aliquid Potentialitatis, ſecundum quam eſt diſtinctio Eſſentiæ, atque Naturæ inter Principium, & Principiatum. Atqui Myſterium Trinitatis importans Originem, cujuſ terminus per Eſſe actualiſſimum in Eſſendo infinitum eſt ſubſiſtens, eſt ejuſdem cum ſuo Principio Eſſentiæ. Ergo non comprehenditur ſub termino Proceſſionis contento in illo Principio quò per lumen naturæ cognoscibili. Unde ad iſtud ſe habet Myſterium Trinitatis non quò contrariè ſeu contradictoriè oppoſitum, ſed quò ſpectans ad diverſam ſuperioris luminis lineam.

11. Quartò, Ex hoc, quòd Lumē creatæ Intelligentiæ naturale non ſit potens intelligere Ens productum, niſi cum immerſione Potentialitatis, eſt conſequens juxta lumen naturæ repugnare, quòd idem Eſſe ſit in Producente, ac in Producto, ſiquidem ratio Potentialitatis ex ſe ipſa inferat Principij, ac Principiati quoad Eſſe diſtinctionem. Conſtat proinde, Myſterium Trinitatis in Eſſe actualiſſimo per ſe ſubſiſtente radicatum importans Fecunditatem Originativam Hypoſtaſis in Eſſendo infinita, non contineri ſub terminis illius Principij, quò lumine naturæ noti. Quintò, Quòd impoſſibile ſit idem eſſe & non eſſe, eatenus per ſe notum eſt, ut incommunicabilitas tamen Hypoſtaſeos propria in ſubſtantijs lumine naturali cognoscibilibus fundet negationem communicabilitatis quoad Eſſe Subſtantijs ejuſmodi convenientis. Econtra per lumen ſupernaturale eſt cognoscibilis in Divinis ſubſiſtentiæ eatenus incommunicabilis, quin tamen iſta incommunicabilitas involvat negationem communicabilitatis Eſſentiali Subſiſtentiæ convenientis. At verò ſicuti per actualitatis puriſſimæ formalitatem eſt, quòd iſta quoad Eſſe Communicabilitatis negatio non inferatur ex ratione Incommunicabilitatis ſuppoſitalitati divinæ propriæ: ſic ex ratione Potentialitatis eſt, quòd Incommunicabilitas Hypoſtaſi creatæ propria inferat Communicabilitatis quoad Eſſe negationem. Unde ſubſiſtit per hoc, quòd impoſſibile ſit idem eſſe & non eſſe, repugnare in creatis unam Entitatem eſſe Hypoſtaſin incommunicabilem, & naturam communicabilem. Econtra verò, quia incommunicabilitas in Divinis ex ſummā Eſſe Divini actualitate non eſt excludens rationem communicabilitatis




realiter & à parte rei formaliter secum identificatæ, haud infertur idem esse, & non esse, licet una sit Entitas Hypostasis paternæ incommunicabilis, & naturæ Divinæ communicabilis.

14. Et hinc patet Responsio ad ea, quæ à n. i. opposita fuerunt. Negandū enim est, rationem incommunicabilitatis & communicabilitatis in Divinis formaliter, vel etiam radicaliter involvere contradictionē, siquidem ista per purissimam Potentialitatis omnimodæ exclusivam actualitatem in formalitatibus illis abstergetur, ut aded in unam Entitatem convenient, quin Contradictoria verificentur, seu naturalis luminis per se notis Principijs contradicatur.

#### COROLLARIUM.

15. Infertur. In statu puræ naturæ nō posse dari Revelationē, nec aded cognitionem Mysterij Trinitatis. ex Martino Perez *disp. 1. de Deo Trino. sect. 7.* Ratio est. Nam status puræ naturæ subsisteret in solis naturalibus absque Doni alicujus supernaturalis infusione. At licet naturæ intellectuāli creatæ non adveniret, habere consortium Dei loquentis & manifestantis objecta naturalia, ita ut tali creaturæ intellectuāli posset in aliquo signo seu argumento per Dei virtutem forniato esse evidentiā Dei loquentis. Nihilominus ista divina locutio stare non posset circa Trinitatis, ac similia Mysteria luminis creati intellectuālis vim ac proportionem excedentiā, quin hoc ipso supernaturalis foret. Probatur istud Assumptum. Quia locutio supponit in mente audientis capacitatem luminis intellectuālis proportionati ad lumen Intelligibile rei per locutionem manifestatæ repræsentativum. At substantiæ creatæ intellectuālis proportionem excedit lumen Intelligibile Formaliter ac per se primò repræsentativum Esse divini secundum Divinitatis Gradum quasi specificum. Mysterium autem SS. Trinitatis radicitur in proprio, & quasi specifico divinitatis conceptu objectivo. Nequit ergo esse locutio divina istius Mysterij expressiva nisi cum infusione luminis supernaturalis, proportionati cum lumine Intelligibili ipsius Esse Divini secundum Gradum quasi specificum repræsentativo. At lumen ejusmodi eatenus excedere totius creatæ intellectuālis substantiæ proportionem, ut propterea demonstraverimus *supra q. 4. a. 1. cont. 3.* implicare substantiam creatam supernaturalem, cui lumen aliquod accidentale supernaturale possit esse connaturale. Constat igitur, substantiam intellectuālem creatam eo ipso elevandam fore supra statum puræ naturæ, si haberet Mysterij Trinitatis revelationem, ac in Deo attestante cognitionem evidentem.

\*\*\*



#### ARTICULUS II.

*Ex quibus Sacrarum Litterarum  
Fundamentis adversus Judæos,  
ac Hereticos, nec non Ma-  
humetanos demonstretur  
Trinitatis My-  
sterium.*

**H**ostis antiquus videns præcipuam humani Generis dignitatem stare ex SS. Trinitatis signaculo per veram illius Mysterij fidem relucente, dum præsertim Unigenitus Dei Filius Paternæ substantiæ imago, ac Gloriæ æternæ splendor ad homines Orthodoxâ SS. Trinitatis fide in unam Ecclesiam congregandos, ac figuræ suæ divinæ contormandos, humanam induit carnem. Idcirco ad splendorem istum veræ de hoc Mysterio fidei obcurandum, ac mente hominum tollendum, non Ethnicorum duntaxat adversus Dei Ecclesiam concitavit furorem, sed ex illis etiam, quibus credita erāt Dei eloquia, Coluber tortuosus quædam falsitatis Organa tum Judæos, tum Mahumetanos, tum Hæreticos sibi ascivit, quibus summæ Virtutis lucem obumbraret, & caligine suâ obscuraret.

Refertur delirium Mahumetis.

**N**Am Mahumetes hominum scelestissimus circa annum 630. nullo nixus pondere rationum, vel subtilitate discursuum in unam ignobilissimam ignorantiae nebulis obcæcatam, ac perviciā obferatam sectā coacervans omnium ferè antecedentium hæresum farraginem, ac errorum sentinam, teste Sancto Damasceno *lib. 4. de hæres. circa fin.* asseruit, Deum unum Authorem universi neque genitum esse, neque genuisse, unde negabat Christum esse Deum ac Filium Dei, etsi fateretur esse Verbum ac Spiritum Dei, creatum tamen ac servum, quo Spiritu & Verbo introeunte in Mariam, factum esse, ut ipsa sine semine genuerit Filium, qui Dei Propheta & servus esset. Quem cum voluissent Judæi agere in crucem, tenuisse umbram ipsius in Cælum à Deo tunc translati, nec aded mortui pro humani Generis redemptione.

Hujus proinde impostoris nequissimi deliria etsi falsitatis contra ipsum redargui possent ex Dei Evangelio, siquidem huic perhibeat testimonium in suo Alchorano. Nihilominus quia sectæ illius homines imperitissimi & crassissimis ignorantiae tenebris involuti, Nicolao Florent. *contra leges Sarrae.* attestante, nullas admittunt probationes. Idcirco vix ullus est Theologiæ locus ipsos de Veritate fidei Mysteriorum conveniendi, sed redarguendi tantummodo sunt partim per ostensionem absurditatum, quas continet ipsorum secta, evidenter pugnans cum ratione naturali, ac Evangelio per Alchoranum Mahumetis approbato, partim per exprobrationem levitatis, quâ Mahumeti nullam ex miraculis, aliòve Missionis



Miſſionis Divinæ ſigno Authoritatem ac teſtimonium ( ſicuti Moyſes cæterique Prophetæ, ac ipſemet Chriſtus à Mahumete non quidem ut Deus, ſed ut Prophetæ honoratus, habuerunt ) exhibenti, ſed ſomniorum duntaxat vanitate, & fallaciâ nirenti crediderunt, veluti monet præcitatus Damascenus.

4. Quibus aded prætermiſſis, duo adhuc genera hominum ſuperſunt, contra quos SS. Trinitatis Myſterium defendamus. Alterum eſt Judæorum, adverſus quos ex Antiqui Teſtamenti Sacris Verbis per ipſos admiſſis procedendum. Alterum Hæreticorum, quorum errores in varias licet ſectas diſperſi cum Doctore Angelico præſ. q. 27. a. 2. ad tria præſertim capita reduci poſſunt, hæreſes nimirum Sabellij, Arrij, Macedonij.

#### Refertur Hæreſis Sabelliana,

5. **E** Tenim Sabelliani ex unitate omnimodâ Eſſentiæ Divinæ unitatem Perſonæ inferentes, nomina, quibus ſacra ſcriptura designat in Divinis diſtinctionem, non ad Perſonarum, ſed officiorum & actionum diverſitatem ſignificandam trahabant, ita ut eandem Divinam Perſonâ quâ ingentam & creandi principium Patrem, quâ incarnatâ Filium, quâ Sanctificantem creaturas Spiritum Sanctum dicerent. Totum proinde Trinitatis Myſterium reducebant in quandam ejuſdem Divinæ Perſonæ ad diverſos effectus extensionem ac dilationem: Sancto Athanaſio in *Oraſ. contra Gregales Sabellij, & contra Arrium* aſſertante, Sabellianorum fuiſſe vocem, quod *Pater dilatetur in Filium ſumendo carnem, & in Spiritum Sanctum ſanctificando homines.*

6. Hunc errorem Sabellio antiquiorem à Praxeâ traditum, poſtea à Priscillianiſtis receptum, & tandem inter modernas hæreſes tum per Michaelem Servecum Genevæ damnatum à Calvino, ac exultum, tum per ejus ſequaces Miniſtros Tranſylvanos ab inferis reſuſcitatum fuiſſe, conſtat ex Tertulliano *lib. de Præſcript. cap. 13. & lib. contra Praxeam. cap. 1.* Sancto Auguſtino *lib. de hæreſib. her. 70. in fine,* ac Bellarmino *lib. 1. de Chriſto conſ. 2. General.*

#### Refertur Hæreſis Arriana.

7. **A** Dverſus hæreſin Sabellianam pugnat è diametro hæreſis Arriana, quæ ex Perſonarum in Deo diſtinctione negat unitatem Eſſentiæ, & conſubſtantialitatem Filij cum Patre. Hujus erroris ſemen jecit Plato, præſertim in *Timæo de anima Mundi* aſſerens. Cum Deus vellet pulcherrimum ſortum producere, hunc effeciſſe Deum genitum nunquam corrupendum ab aliâ cauſâ. præterquam à Deo, qui ipſum compoſuit, ſi quando voluerit ipſum diſſolvere, tamen non ſit Boni Genitoris, ad ſui ſuiſ & pulcherrimi quidem illius perniciem impelli. Platonicoſ ſecutus eſt Origenes (à nonnullis tamen ex hoc vindicatus, quod loca, in quibus Conſubſtantialitatē Filij negare videtur, ab hæreticis fuerint depravata) qui Sanctis Auguſtino *lib. de hæreſib. her. 43.* & Hieronymo *Epist. 17. ad Avium.* teſtibus Filium in divinis Patre minorem & Chriſtum non natum, ſed factum aſſerebat. Unde Sanctus Thomas *1. p. q. 34. a. 1. ad 1.* Originem dicit fuiſſe fontem Arrianorum, à quorum Antelignano Arrio hæreſis illa nomen

accepit, ed quod per ipſum longè latèque propagata fuerit, ejus luc univerſum ferè orbem inſciente.

Iſta porro hæreſis non in eodem ſemper ſtatu fuit, Nam in primævâ ejus Origine contendebat Arrius, Deum non ſemper Patrem fuiſſe, ſed tempus aliquando extuiſſe, cum Deus non eſſet Pater, non ab æterno Verbum Dei fuiſſe, ſed ex nihilo orum eſſe: creatum & factum eſſe Filium, neque Patri eſſe ſimilem, neque naturâ verum Patris Verbum, neque veram ejus ſapientiam eſſe, ſed per abuſionem Verbum & Sapiëntiam dici: ipſum factum eſſe proprio Dei verbo ( quod ſcilicet eſſet ipſa Eſſentia Dei diſtincta à Verbo extra Deum procedente ) & Sapiëntiâ, quæ in Deo, per quam cum cætera omnia, tum illud ipſum feciſſe Deum. ex *Epist. Alexand. Patriarch. Alexand. relatâ à Baronio ad an. Chriſti. 318. n. 69.*

[Error iſte non Conſubſtantialitatem & coæternitatem duntaxat, ſed naturæ ſimilitudinē cum Patre, & ipſam aded Divinitatem apertè negans, primitus fuit damnatus in Concilio Alexandrino, non tamen oppreſſus, quin ſub Arrij de doctrinâ ſuâ malè intellectâ conquerentis velatè verborum technis totum pene Orientem corripere, ſed tandem jugulata fuit per Patres Concilij Nicæni, ſub Sancto Sylveſtro Papâ, & Conſtantino Magno Imperatore, in quo Orthodoxæ fidei edito Symbolo, Filius Dei Genitus, non factus, ex Patre natus ante omnia ſæcula Deus de Deo, Patri conſubſtantialis aſſertus fuit.

Ex Arrianis cineribus aliquanto poſt excitatus eſt Semiarianiſmus, cujus ſequaces Filium Patri ſimilem, eique coæternum fatebantur, quem tamen æqualem, & conſubſtantialem negabant, pro voce Homouſion Filij cum Patre Conſubſtantialitatem ſignificante, ſubſtituentes vocem Homiuſion, ut iſta ſcilicet verborum conſonantiâ incautos quoſque inducerent ad ſimilitudinem, non verò unitatem Eſſentiæ & naturæ in Patre ac Filio aſſerendam. Ex ſanctis Epiphani, *her. 73.* & Hilario in, *lib. de Synod.*

#### Refertur hæreſis Macedonianorum.

**S**icuti proinde Arriani debacchati ſunt contra Dei Filij Divinitatem, ſic adverſus Spiritum Sanctum furebat Macedonius, qui Spiritus Sancti Divinitatem negabat, eum tanquàm ſamulum, & Miniſtrum Dei, æquiparando Angelis. Cujus hæreſeos meminerunt Sancti Auguſtinus *lib. de hæreſib. her. 52.* Athanaſ. in *Epist. ad Serapion.*

Hæreſis iſtaſ jam ſopitas Valentinus Gentilis Italus ultimo tandem ſupplicio Bernæ traditus, reſuſcitare conatus fuit, aſſerendo, in Deo eſſe tres Spiritus æternos, inter quos Pater cætoris eminentior eſſet, Eſſentialis ac ſolus verus Deus, aliæ verò Perſonæ eſſent Eſſentiæ, ac minores Patre.

Adverſus iſtos aded nefandos errores ac plañphemias in aciem progreſſuri, quatuor ponemus controverſias, in primâ investigaturi, *Qualiter ex antiqui Teſtamenti verbis Sacris probari poſſit Trinitatis Myſterium?* In ſecundâ, *Qualiter trium Dixerunt Perſonarum diſtinctio adverſus Sabellianos alioſve hæreticos demonſtretur?* In Tertiâ, *Qualiter Verbi Divini Conſubſtantialitas & Divinitas oſtendatur ex Sacris Literis?* In Quartâ denique, *Qualiter Spiritus Sancti Divinitas probetur?*



## CONTROVERSIA I.

*Qualiter ex antiqui Testamenti  
Verbis sacris probari possit Trinitatis  
Mysterium?*

1. **A**DVERSUS Judæos Mysterium SS. Trinitatis deridentes, ac novi Testamenti autoritatem negantes, non nisi ex antiquo Testamento procedendum est. Quâ de causâ per istam specialem controversiam pondus argumentorum, quæ ex prædicti veteris testamenti libris eruuntur ad probandum illud ineffabile Sacramentum, perpendimus.

## CONCLUSIO.

**H**Oc Mysterium non obscure demonstratur ex antiqui Testamenti verbis sacris.

2. Probatur argumento Sancti Augustini lib. 12. de Trinit. cap. 6. Nam Gen. 1. cap. dixit Deus: Faciamus hominem ad imaginem nostram. At si homo ad unius Personæ imaginem fieret, non rectè diceretur in plurali numero, *ad imaginem nostram*. Ergo propterea dictum est *ad imaginem nostram*: quia fiebat homo ad imaginem Trinitatis, seu plurium Divinarum Personarum. At ne in Trinitate credendos arbitraremur tres Deos, sacer subjungit textus: *Et fecit Deus hominem ad imaginem Dei*, cit. 1. cap. Gen. Unde patet Personarum in uno Deo subsistens distinctio & pluralitas. Confirmatur. Nam hisce verbis *Faciamus hominem* manifestè exprimitur pluralitas facientium. Actiones autem Suppositorum esse dicuntur. Oportet igitur in Deo, qui verba illa protulit, esse Suppositorum pluralitatem. Atqui agens operatur propter formam, in quantum similitudo formæ est in ipso. Hæc autem similitudo omnis formæ à Deo factibilis est ejus Essentia habens ut sic ratione Ideæ seu Imaginis. Atqui ista similitudo & imago, secundum quam supposita divina fecerunt hominem, pronuntiatur à Deo in singulari. Ergo ex illo sacro textu evincitur, in pluribus suppositis Divinis subsistere unam Essentiam seu imaginem ac Ideam divinam.
4. Respondebit Judæus, Deum illis verbis: *Faciamus hominem*, locutum esse in plurali in signum suæ Majestatis, sicut inter Principes quoque terrestres mostenet. Unde ex illâ loquendi formulâ haud evinci Divinarum Personarum in unâ Essentiâ pluralitatem.
5. Contra. Nam Hebraicæ consuetudinis non est ponere nomen in singulari & verbum in plurali, sed e contra verbum in singulari ac nomen in plurali exarare. Unde Gen. 1. habet textus Hebraicus: *In principio creavit Eloim*, id est, *Judices*. At hoc ipsum non vacat Mysterio: siquidem unitas actionis & Principij creativi per *ly Creavit*, ac pluralitas creantium per *ly Eloim* denotetur. Ergo tum hisce, tum illis quoque verbis: *Faciamus hominem ad imaginem nostram*, manifestè denotatur pluralitas Facientium, & unitas Imaginis seu formæ ac Principij Factivi seu Creativi. Confirmatur 1. ex Gen. 3. caput, ubi Deus loquitur: *Ecce Adam qua-*

*si unus ex nobis*, & cap. 11. *Venite descendamus & confundamus linguas eorum*. Hisce namque verbis Deus loquens de se, Pluralitatem aliquam pronuntiat. Hanc verò Pluralitatem esse Personarum, quarum una sit ab alterâ, ut tamen sint ejusdem ad extra operationis Principium, sitque in eisdem Dominiæ æqualitas, evincitur ex illo Gen. 17. *Pluribus Dominus à Domino*. In his enim verbis textus Hebræus ubique ponit *lehova* nomen solius Dei proprium. At verò illam in Deo Pluralitatem Personarum stare numero Ternario, demonstratur ex pluribus Sacre scripturæ locis, nominatim Exod. 3. *Ego sum Deus Abraham, Deus Isaac, & Deus Jacob*, & Psal. 66. *Benedicat nos Deus, Deus noster, Benedicat nos Deus*. Item Isaia 6. *Sanctus, Sanctus, Sanctus Dominus Deus Sabaoth*. In quo nihilominus Ternario numero subsistere unitatem Deitatis, seu naturæ ac Essentiæ Divinæ, clarè asseritur Deut. 6. *Audi Israel Dominus Deus noster Deus unus est*. Constat igitur, in Deo esse Trinitatem Personarum in unitate Essentiæ & Naturæ Divinæ subsistentem. Confirmatur ex Psal. 107. ubi Propheta Regius psallit in hæc verba: *Dixit Dominus Domino meo, sede à Dextris meis*. Nam hisce verbis David vocat Messiam Dominum suum. At Dominus per *ly Tetragrammaton* in Hebræo significatus, illi locutus est, sede à dextris meis. Hæc autem Domini Dei ad Messiam locutio ita arguit distinctionem suppositorum, ut tamen sedes ad Dextram Dei denotet æqualitatem Regiæ Majestatis & throni, ac Dominiæ & Cultûs Latriæ, ipsiusque adeò naturæ Divinæ in utroque unitatem, veluti Apostolus quoque ad Heb. 1. cap. arguit. Cui, inquires, *Angelorum dixit Deus, sede à Dextris meis*.

Replicabit Judæus. In illis verbis: *Dixit Dominus Domino meo*, per textum Hebraicum priori loco poni nomen *Tetragrammaton*, posteriori verò loco poni nomen *Adonai*. At prius vocabulum eatenus significare Deum per Essentiam, ut posterius tamen nomen appellativum duntaxat non videatur indicare Personam illam secundam, cui Deus est locutus, esse Deum.

Contra. Nam Personæ nomine *Adonai* in cit. Psal. expressæ Dominium humanitati ratione Hypostaticæ cum Verbo unionis competens ita discriminatur à Dominio Dei absoluto, ut eidem tamen Personæ Deus Dominus dixerit: *Ex utero ante Luciferum genui te*. At per uterum & vulvam in sensu Metaphorico significari Substantiam Divinam constat ex Isaia 46. caput. *Audite me Domus Jacob, qui portamini à meo utero, & gestamini à mea Vulvâ*. Deus autem creaturas portat suâ substantiâ. Ad quod Apostolus Heb. 1. cap. alludens ait, *Filium Dei tanquam Figuram Substantiæ Patris portare omnia Verbo virtutis suæ*. Quem igitur Dominus dicit se genuisse ex utero ante Luciferum, id est ante creationem Mundi, antequam quidquam faceret Proverb. 8. cap. hunc in sessione seu Cultu Latriæ & Consubstantialitate atque Coæternitate sibi coæqualem pronuntiat. De quo adeò semper verè dicit Deus Pater: *Ego hodie in æternitate scilicet, immobili ac invariabiliter stante die genui te*, Psal. 2. per egressum nimirum ex mea Substantiâ in diebus æternitatis. Michæa 5. cap. Constat igitur, subsistere in Divinis duas personas distinctas, quarum una sit ab alterâ genita secundum æqualitatem Consubstantialitatis, & Coæter-



Coæternitatis. Atqui hanc ipsam Personam à se in æternitate genitam, in tempore Incarnatam ita misit Deus ad Evangelizandum, ut hæc secundum Incarnationem Missio attribueretur etiam Spiritui Patris mittentis Filium, qui *Isaia 48.* inducitur in hæc locutus verba. *Et nunc Dominus meus misit me & Spiritus ejus.* Ex hoc autem arguitur unitas operationis in Patre & Spiritu: Operari verò ita consequitur naturam, ut operationis unitas arguat hoc ipso naturæ identitatem. Oportet igitur, præter Filium in æternitate genitum & in tempore missum, esse Tertiam Spiritus Sancti Personam, cui sit naturæ unitas cum Patre, & consequenter cum Filio. Quare ex antiquo Testamento manifestum est, unitatem naturæ ac Essentiæ in Divinis subsistere cum Trinitate Personarum.

## CONTROVERSIA II.

### Qualiter adversus Sabellianos aliosque Hæreticos probetur realis Personarum Divinarum distinctio?

- I. Falso illo Ægyptiorum Evangelio, ex quo Sabellius ad Deum Trinominem in Personam unicum asserendum, præcipue inductus fuit, rejecto, tanquam Apochrypho, unicum superest pro ipso argumentum ex hoc petitum, quod Christus *Ioan. 10.* de se & Patre suo dicat; *Ego & Pater unum sumus.*

## CONCLUSIO.

**D**istinctio trium Divinarum Personarum efficaciter evincitur ex Sacris Litteris.

2. Probatur. Nam ubi est alius & alius, ibi est distinctio Personarum. sed in Deo alius est pater, alius Filius, & alius Spiritus Sanctus. Minor Probatur. Nam *Ioan. 1.* ait Christus: *Alius est, qui testimonium perhibet de me.* De hoc autem testimonium sibi perhibente asseruit Christus: *Et qui misit me Pater, ipse testimonium perhibet de me.* Ergo Pater est alius à Christo, qui secundum revelationem ac Testimonium æterni Patris est Filius Dei vivi. Deinde *Ioan. 14.* inquit Christus: *Ego rogabo Patrem, & alium Paraclitum dabit vobis.* Hic verò Paraclitus, quem Christus erat missurus à Patre, est Spiritus veritatis à Patre procedens, qui de Christo erat etiam perhibiturus testimonium. *Ioan. 15.* Ergo Spiritus quoque Sanctus est alius tum à Patre, utpote à quo procedit, tum à Filio, utpote à quo erat mittendus. Unde ipsemet etiam Christo de se perhibente Testimonium *Ioan. 8.* Tres sunt, qui testimonium dant in Cælo, Pater, Verbum & Spiritus Sanctus. *1. Ioan. 5.* At hi tres unum sunt. *ibidem.* Hæc autem testimonium de Christo perhibentium trium Personarum unitas non potest non esse secundum Essentiam; & Subsistentiam, secundum quam dicitur unus Deus. *Deut. 6. & ad Eph. 4.* Constat igitur, in Deo esse unitatem Essentiæ ac Trinitatem Personarum.
3. Dicit Sabellianus. Filium esse alium à Pa-

tre & Spiritu Sancto, non in ratione suppositi, sed secundum denominationem duntaxat extrinsecam ex connotatione diversorum effectuum.

Contra. Nam Filius, per quem omnia facta sunt. *Ioan. 1.* facit, quæcumque Pater facit. *Ioan. 5.* Ergo denominatio Patris & Filij, non potest intelligi diversa ex connotatione Operationum seu effectuum. At Spiritui quoque Sancto convenire, quod sit creans, quodque Cælorum, qui per Filium omnia verbo veritatis suæ portantem firmati sunt, virtus sit à Spiritu oris Dei, constat ex *Psalm. 32. & 103.* Quare nec Spiritus Sancti denominatio subsistit præcisè ex connotatione diversorum effectuum seu operationum, siquidem eosdem, quos Pater & Filius operatur effectus, creet, seu causalitate sua firmet, aut efficiat Spiritus Sanctus.

Replicabit Sabellianus: Erii idem effectus sint ex causalitate Dei nominati Patris, Filij & Spiritus Sancti, nec adeo denominationum istarum diversitas sit ex distinctione operationum, has tamen secundum speciales Appropriationis Modos fundare aliquam Officiorum seu Munerum in Deo varietatem, juxta quam Deo quæ Creanti hominem Patris, quæ Incarnato Filij, & quæ Sanctificanti Spiritus Sancti nomen imponitur, nullà se tenente in suppositis distinctione reali & Entitativa, sed ex parte duntaxat Officiorum; quæ gerit una & eadem Persona Divina; ita ut licet Spiritus Sanctus non formaliter secundum hanc denominationem dici possit creans, sed Entitative duntaxat, ratione identitatis tam substantiæ, quam Personæ.

Contra. Vera Paternitas & Filiatio, nec non realis Processio, item unius in alio Existentia seu Circuminfessio importat realem suppositorum, non verò Denominativam duntaxat Munerum seu Officiorum diversitatem. Atqui antecedenter ad Incarnationem, Sanctificationem, & creationem Filius dicitur genitus ante Luciferum. *Psalm. 104.* Vi cuius Generationis, de qua *Ioan. 8.* ait: *Ego ex Deo procepi,* habuit Claritatem apud Patrem, priusquam mundus esset. *Ioan. 17.* Ex qua proinde Generatione non tantum denominatur, sed à parte rei est verus Filius Dei. *Sap. 2. 1. Ioan. ult.* Unde illud *2. Reg. 7.* *Ego ero illi in Patrem & ipse erit mihi in Filium;* Paulus *Heb. 1.* accipit de æterna Filij Processione à Patre. At verò Dei Filius unigenitus ita processit ex Deo, ut sit in sinu Patris *Ioan. 1.* Est igitur in Deo & Pater & Filius secundum veram Filij à Patre Generationem; atque adeo suppositorum distinctionem. Atqui de Spiritu etiam Sancto testatur Christus *Ioan. 15.* quod à Patre procedat, quodque ipse Christus esset eum missurus à Patre. Hæc igitur Processio Spiritus Sancti importat veram realem ejus à Patre & Filio distinctionem. Datur igitur in Deo realis Personarum; non verò denominativa duntaxat Munerum seu Officiorum distinctio.

## Responsio ad Opposita Argumenta.

**A**D Argumentum ex *Ioan. 10. cap.* petitum Respondetur. Filium Dei ita esse unum cum Patre & Spiritu Sancto, ut tamen hi tres sint, qui testimonium dant in cælo. ex *1. Ioan. 5.* *H i l i* Quam



Quam porro Trinitatem non esse formatam, potentiarum, Virtutum, attributorum vel Officiorum ex eo evincitur, quod significetur terminis demonstrantibus personas, *Id Ego hic ille, alius.* Nam Pater ad Filium locutus *Psal. 2.* inducitur hisce verbis: *Ego hodie genui te.* Idem Pater per *Id Hic* designavit Filium *Matth. 3. & 17.* Hic est, inquit, *Filius meus dilectus.* Rursus Filius de Patre locutus *Ioan. 5.* ait. *Alius* (scilicet Pater) *testimonium perhibet de me.* Et de Spiritu Sancto, *ille me,* inquit, *clarificabit, quia de meo accipiet.* Oportet igitur, distinctionem in Divinis per terminos suppositorum Demonstrativos significatam esse Personarum, non verò Virtutum, attributorum, seu Officiorum.

CONTRARIORUM ARGUMENTA

### CONTROVERSIA. III.

#### Qualiter Verbi Divini Consubstantialitas & Divinitas ostendatur ex Sacris Litteris?

1. **E**X quinque argumentis Arriani fucum faciunt in neganda Filij Divinitate. Primū petitū est ex illo *Ioan. 17.* *Hæc est vita æterna, ut cognoscant te solum Deum verum, & quem misisti Iesum Christum.* Nam in hisce, nec non *1. ad Timoth. c. 6. vers. 15. & 16.* sacris verbis solus Pater etiam in comparatione Iesu Christi nominatur Deus. Ergo Christus excluditur à ratione veri Dei.
2. Secundum desumitur ex *24. cap. Ecclesiastici*, ubi Sapientia de se loquens, *Creator omnium,* inquit, *& qui creavit me, requievit in tabernaculo meo.* At mentio est de Sapientia Dei Genitrici habente in Divinis rationem Filij eodem capite taliter loquentis: *Ego ex ore Altissimi prodixi, primogenita ante omnem creaturam.* Ex hoc autem sacro textu evincitur, esse sermonem de Filio Dei non quā incarnato, sed quā antecederet ad Incarnationem, imò ante omnem creaturam procedente ab ore Altissimi. Unde *ad Colossenses 1.* dicitur etiam *Primogenitus omnis creaturæ.*
3. Tertium est, quod Filius non habeat doctrinam à se, sed audiat à Patre. Unde etiam fit, quod Patre dei v. g. extremi notitiam ipsi non communicante, dicatur habere ejus ignorantiam, juxta illud *Marci 13.* *De deo autem illa nemo scit, neque Angeli in Cælo, neque Filius, nisi Pater.*
4. Quartum est, quod Filius, cui omnia tradita sunt à Patre, non habeat Potentiam nisi communicatam; juxta illud *Ioan. 5.* *Non potest Filius ase facere quidquam, nisi quod viderit Patrem facientem.* At Communicationem Potentiæ non esse adæquatam, evinci videtur ex illo *Matth. 20.* *Ad dexteram vel ad sinistram, non est meum dare vobis, sed quibus paratum est à Patre meo.* Quare non videtur in Filio & Patre esse Potentiæ æqualitatem; sacris etiam Litteris hoc insinuantibus, cum dicunt omnia *per Verbum*, non verò *ex Verbo esse facta*, siquidem particula *per* videatur designare Ministerium seu inferiorem Instrumentalem modum.
5. Quintum denique petitur ex hoc, quod Filius se minorem Patre dicat *Ioan. 14.* *Quia Pater major me est.* At per istam inferioritatem fit, quod Filius sit subiectus Patri, juxta illud *1. Corinthios.* *Cum autem subiecta fuerint illi omnia, tunc & ipse Fi-*

*lius subiectus erit ei, qui subiecit sibi omnia.* Hanc verò subiectionem non posse intelligi de Filio secundum naturam duntaxat humanam, ex eo evincitur; quod Filius *per* allegatum sacrum textum dicatur subiectus Patri tunc, quando ipsi etiam Filio sunt omnia subiecta. Hæc autem subiectio omnium facta est humanitati Christi, quando post resurrectionem data est ipsi omnis Potestas in Cælo & in Terrâ. At verò antecederet ad resurrectionem Christi humanitas erat subiecta Patri. Tunc autem Deus subiecit omnia Filio. Nequit ergo Prima Filij erga Patrem subiectio, quæ omnium respectu Filij subiectionem habet annexam, esse secundum humanam naturam assumptam, sed secundum Naturam à Patre sibi communicatam. Consequens proinde est, istam Filij seu Verbi Divini Naturam non esse ejusdem cum Patre Substantiæ ac Essentiæ.

### CONCLUSIO.

**F**ilij cum Patre Consubstantialitas seu Divinitas efficaciter demonstratur ex Sacris Litteris.

Probatur ex illo *Ioan. 16.* *Ego & Pater unum sumus.* Nam ista unitas non est secundum Personas, siquidem *Id Ego & Pater* combinata cum *Id sumus* importent Personarum Pluralitatem. Ergo unitas *per Id unum* significata est secundum Essentiam & naturam: cum alioquin Personæ in ratione suppositorum realiter distinctæ dici non possent unum, si substantiarum quoque & naturarum in ipsis esset diversitas.

Respondet Arrianus. Istam Patris & Christi Domini unitatem non esse substantiæ seu Naturæ, sed Concordiæ, de cujusmodi unitate loquitur Christus *Ioan. 17.* *Non pro eis rogo tantum, sed & pro eis, qui crediderint per Verbum eorum in me: ut omnes unum sint, sicut tu Pater in me, & ego in te.* Ex hoc namque videtur concludendum, talem in Patre & Filio esse unitatem, qualis ut esset in fidelibus, Christus oravit Patrem. Sicut ergo Fidelium unitas est concordie quoad fidem & charitatem, sic Patris & Filij Dei unitas non videtur esse quoad naturam & substantiam. Confirmatur ex *1. Ioan. 6. cap.* ubi cum dictum esset: *Tres sunt, qui testimonium dant in Cælo, Pater, Verbum & Spiritus Sanctus, & hi tres unus sunt.* mox subiungitur: *Et tres sunt, qui testimonium dant in terrâ, Spiritus, Aqua, & Sanguis, & hi tres unus sunt.* Nam hi tres secundum expositionem Divi Augustini *lib. 3. contra Maximinum cap. 22.* sunt anima Christi, & Aqua & Sanguis de latere ipsius effluentes, quando mortuus est, ac unâ cum Spiritu seu, animâ illius emissâ de corpore verè testificantes, Christum esse verum hominem. At hi tres terreni testes æquè dicuntur esse unum, ac tres illi cælestes testes, Pater, Verbum, & Spiritus Sanctus. Sicut ergo dictorum terrenorum testimonium vnitas non est secundum Essentiam & Naturam, sed secundum Convenientiam Testificationis: sic non videtur in Patre, Verbo, & Spiritu Sancto esse unitas Substantiæ, atque Naturæ.

Contra. Nam *Id unum* est nomen analogum, quod absolute positum significat unitatem Essentiæ seu Substantiæ, sed pro exigentiâ rei sub-



- Subſtrata ſeu ſubjecta intelligitur quandoque ſignificare Unitatem ſimilitudinis, imitationis, Concordiæ, Ordinis, ſeu plurium ad unum habitudinis. Atqui ex iſtis rerum naturis per ſe manifeſtum eſt, unitatem Fidelium, pro qua Chriſtus oravit, non eſſe niſi Charitatis, & fidei, ac ejuſmodi ſupernaturalium Donorum, ratione quorum in Sacris Litteris dicuntur manere in Deo, & Deus in illis. Unde quando etiam Chriſtus dixit: *Omnes unum ſint, ſicut tu Pater in me & ego in Te*, per id ſicut non ſignificatur æqualitas, ſed ſimilitudo Unitatis, ita ut unio fidelium ſit quædam imitatio Unitatis inter Patrem & Filium: quemadmodum in iſte verbis *Matth. 5. Eſſote perfecti, ſicut & Pater veſter perfectus eſt*, Particula *ſicut* non ſignificat æqualitatem Perfectionis, ſed ſimilitudinem imitationis. E contra verò *Joan. 10.* cum Chriſtus affirmaveſſet, quod oves ſuæ non peribunt in æternum, & non rapiet eas quiſquam de manu ſua. In hujus probationem adduxit verba ſequentia. *Pater quod dedit mihi, majus omnibus eſt, & nemo poteſt eas rapere de manu Patris mei. Ego & Pater unum ſumus.* Ex quibus ita licet argumentari. Ideo nemo poteſt oves Chriſti de manu ejus rapere, quia nemo poteſt eas rapere de manu ſeu Potentiâ Patris ejus. At iſta ſequela ideo tenet, quia Pater, quod dedit Chriſto majus omnibus eſt, ita ut ipſe & Pater unum ſint. Ergo per unitatem Potentiæ in Chriſto & Patre eſt, quod oves, quas Pater Chriſto dedit, nemo rapere poſſit de hujus manu. Atqui unitas Potentiæ radicatur in unitate Naturæ. Ergo in Chriſto & Patre eſt unitas naturæ. Confirmatur 1. Nam ex hoc diſcurſu Chriſti intellexerunt Judæi, quod faceret ſe ipſum Deum *ex cit. cap. 10. ver. 33.* At Chriſtus hunc Judæorum ſenſum non tantum non correxit, ſed argumento à minori ad majus confirmavit taliter reſpondens: *Nomine ſcriptum eſt in lege veſtrâ, quia ego dixi Dſ eſtis? ſi illos dixit Deos, ad quos ſermo Dei factus eſt, & non poſt ſolvi Scriptura: quem Pater ſanctificavit, & miſit in mundum, vos dicitis: Quia blaſphemas: quia dixi, Filius Dei ſum.* Ex hoc namque ita in formâ licet argumentari. Chriſtus oſtendit, ideo non blaſphemaviſſe, ſe dicendo Filium Dei, quia Pater ipſum ſanctificavit, & miſit in mundum. At ſicut Miſſio in Divinis importat Originem unius Divinæ Perſonæ ab aliâ cum effectu ad extra, ſic illa Chriſti Sanctificatio eſt, quatenus Pater ſuam ipſi Divinitatem communicavit.
10. Probatuſt iſtud aſſumptum ex contextu. Nam illam ſuam Sanctificationem, ſecundum quam Chriſtus ſe Filium Dei pronuntiabat, ex hoc confirmatur à Chriſto, quia Pater in ipſo eſt, & ipſe in Patre. Ad hoc autem credendum inducere volebat Judæos, quod ipſe faceret opera Patris. At iſta Chriſti in Patre & Patris in Chriſto inexiſtentia, vi cujus opera ipſorum eſſent communia, arguit unitatem Potentiæ, atque adeo Naturæ. Ergo ex præcitato *Joan. 10.* efficaciter probatur unitas in Patre, & Filio, ſeu Chriſto.
11. Confirmatur 2. Nam licet 1. *Joan. 3.* Spiritus, Sanguis, & Aqua de Chriſti humanitatis veritate dantes teſtimonium, æquè dicantur eſſe unum, atque Pater, Verbum & Spiritus Sanctus de Chriſto tanquam Filio Dei teſtimonium perhibentes affirmantur eſſe u-

num. Nihilominus eodem *cap. 3. ver. 7. & 10.* ſubjungitur, quod iſtud Teſtimonium ſit Dei. Ergo ex hoc ipſo, quod in ferendo iſto Teſtimonio Pater, Verbum & Spiritus ſint unum, ſequitur, eſſe unum in ratione Dei. Confirmatur 3. Nam Pater & Filius ita ſunt unum, ut Filius ſit in formâ Dei *ad Philip. cap. 2.* Hæc autem forma Dei, non analogicè duntaxat eſt participata Filio, ſed ad æqualitatem, ita ut non rapinam arbitratus ſit, eſſe ſe æqualem Deo. *ex pre. cit. cap. 1.* Quam proinde Filij cum Patre æqualitatem in Eſſentiæ identitate radicam ad *Colos. 2. aut: In Chriſto inhabitare omnem plenitudinem Divinitatis corporaliter*, id eſt verè Subſtantialiter, non autem Uſuraticè duntaxat ſeu accidentaliter.

Confirmatur 4. Nam omnia, quæ habet Pater, eſſe ſua, pronuntiavit Chriſtus. Unde Patrem alloquens: *Omnia mea, inquit, tua ſunt, & tua mea ſunt.* At eorum, quæ ſunt Patris, poſſiſſima eſt Eſſentia Divina. Ergo hæc eſt etiam Chriſti, ut adeo una ſit Eſſentia Patris & Filij in Deo.

#### Reſponſio ad Oppoſita Argu- mentâ.

Ad 1. Reſpondetur. Verbis præallegari Sacri textus ex integro ſpectatis, patere, quod iſ, qui ſolus eſt verus DEUS ſit Pater in vitâ æternâ cognoscendus, & quem miſit, Filius Jeſus Chriſtus. Quare particula *ſolus* uni Divinarum Perſonarum adjuncta à Perfectionibus Dei Eſſentialibus & Attributalibus non excludit cæteras in eadem Eſſentiâ Divinâ communicantes Perſonas, ſed extraneas duntaxat.

Ad 2. Reſpondetur. Illum Sacrum textum, in quâ Sapientia Divina de ſe loquens *Creationem omnium*, ait: *qui ſe creavit, requieſciſſe in tabernaculo ſuo*, intelligi poſſe de Filio Dei tum ſecundum humanam naturam vi incarnationis aſſumptam, in hac enim ſeu corpore ipſius requieſcit omnium Creator; tum ſecundum ejuſdem Filij Deigenerationem æternam: per hanc enim in æternitate Filio communicata eſt natura Divina ſine Patris generantis mutatione. At generatio prout eſt in creatis, importat Communicationem ejuſdem naturæ cum mutatione Generantis: tum e contra creatio ſit communicatio naturæ diverſæ abſque tamen creatis mutatione aliquâ. Quare ut Divinæ Generationis, vi cujus eadem Patris natura ſine mutatione eſt communicata Filio, eminentia exprimeretur, Sapientia æterna Patris in *cit. cap. 24. Eccleſiaſtici* ita dicitur, creatâ, ut in eodem capite dicatur Primogenitâ ante omnem creaturam; Patris nimirum immutabilitate acceptâ ex creatione, naturæ verò in Patre ac Filio unitate acceptâ ex generatione, veluti ex quadam per Sanctum Hilarium relatâ Synodo exponit Divus Thomas *contra Gentes. cap. 3. n. 9.*

Confirmatur iſta Reſponſio: Nam Dei Sapientia *cit. cap. 24. Eccleſiaſtici* dicitur Primogenitâ ante omnem creaturam; quoniam in ipſâ condita ſunt univerſa, *ex Colos. 1. v.* At in quo univerſa ſunt condita, eſt cauſalitate prius omni omni creaturâ, nec adeo poteſt eſſe quid conditum, ſed eſt Cauſa omnis creati. Ergo Sapientia Patris æterni non niſi Eminentiali quâ-



dam ratione dicitur creata, vi nimirum generationis omnimodam Mutabilitatem excludentis, atque adeò creationis rationem Eminenter includentis.

17. Ad 3. Respondetur. Negando auditionem Filij à Patre arguere illius in naturâ seu intelligentiâ inæqualitatem. Ratio responsionis ex S. Thoma cit. cap. 8. n. 6. petita est. Nam ex hoc ipso, quòd Intelligere in Deo sit suum Esse, consequens est, communicationem naturæ Divinæ esse etiam intelligentiæ communicationem. At illa intelligentiæ Communicatio dici potest demonstratio vel locutio, sive Doctrina. Per hoc igitur, quòd Filius suâ æternâ Nativitate Divinam à Patre naturam acceperit, dicitur vel à Patre audivisse, vel Pater ei demonstrasse. At verò ex ejusmodi Scripturæ modo loquendi haud inferitur, Filium prius ignorantem, seu nescientem postea edoctum fuisse à Patre, siquidem Christus 1. ad Corinth. 1. vocetur Dei Sapientia, quàm ignorantem esse repugnat ex privativæ oppositionis ratione formali. Unde quando Christus Marci 13. dixit nequè Filium, in quo tamen omnes Thesauri Sapientiæ & Scientiæ absconditi sunt. Colos. 2. scire diem Iudicii extremum, accipi debet de Christo secundum humanitatem considerato, ut sic non habente dei illius notitiam alteri communicabilem seu revelabilem.

18. Ad 4. Respondetur. Verum esse, quòd Filius non habeat potentiam nisi communicatam sibi à Patre: quam nihilominus communicationem ita perfectam esse, ut sit ad identitatem tam Essentiæ & naturæ, quàm Potentiæ, nec adeo Filium in creaturarum productione concurrere solum Ministerialiter, sed principaliter. Probatum ista responsio. Ex hoc ipso enim, quòd actio in Deo sit ipsa Essentia, sequitur, Personam Divinam Filij, quæ non habet Esse à se, sed à Patre, non posse à se agere, sed à Patre. At hæc ipsa Filij à Patre accepta actio est secundum eandem Patris naturam, atque adeò virtutem vi æternæ Generationis communicatam Filio, tanquàm ejus propriam, seu formaliter in Esse Dei constitutivam. Unde etiam sit, quòd Filius suâ propriâ, non verò alienâ Virtute, atque adeò Principaliter, non verò Instrumentaliter operetur cum Patre.

20. Confirmatur 1. Nam si Filius esset in operando Patris instrumentum seu Minister, non operaretur verbo suæ propriæ Virtutis, sed verbo virtutis Paternæ, seu in vi Patris imperantis. Atqui Apostolus ad Heb. 1. testatur de Filio Dei, quòd per operationem suam sit portans omnia Verbo Virtutis suæ. 2. Potentiæ Patris & Filij est una & eadem ratio Potentiæ tam Extensivè quoad multitudinem effectuum, quàm Intensivè quoad modum operandi. Ergo Potentia Filij non est inferior potentia Patris. Antecedens probatur. Quia omnia per Verbum facta sunt, & sine ipso factum est nihil. Ioan. 1. Hæc verò factio universarum respectu quoque Verbi creatio est, juxta illud Coloss. 1. Omnia per ipsum, & in ipso creata sunt, & ipse est ante omnes, & omnia in ipso constant. Atqui creatio importat ex parte operantis virtutem agendi Intensivè ac Extensivè infinitam, uti supra q. 8. a. 1. cont. 3. demonstratum est. Ergo una & eadem est potentiæ Divinæ ratio in Filio & Patre: Evangelio Ioan.

5. attestante, quòd quacumque facit Pater, hæc & Filius similiter, nec adeò instrumentaliter, sed principaliter faciat. Hinc 3. quando Pater æternus dicitur fecisse omnia per Verbum, ly per denotat Ordinem Filij ad Patrem. At iste Ordo non potest esse quoad virtutem, sed quoad suppositum vi æternæ Generationis ita productum à Patre, ut eandem habeat sibi à Patre communicatam virtutem omnium creatricem. Hinc 4. Christus 20. Matth. jure consanguinitatis conventus à Filijs Zebedæi, ut unum faceret sedere ad dexteram, alterum verò ad sinistram in regno suo, ita negavit istud, eo, nimirum, quo putabatur Consanguinitatis jure sibi convenire, ut tamen assereret, hoc esse suum dare, quibus paratum est à Patre suo dante omnia in manus Filij, ita ut omnia Patris sint Filij. At ex hoc ipso evincitur, Filio eandem cum Patre in decernendo regno cælesti esse potestatem, quæ tamen in Patre esset à se, in Filio autem per coessentialem æternæ Generationis communicationem. Et si proinde Sedem ad dexteram vel sinistram suam dare hominibus Christo quoad humanitatem nõ principaliter, imò jure Consanguinitatis nullatenus conveniret, id tamen erat in manu & potestate principali Filij secundum Naturam & Virtutem Divinam vi æternæ generationis acceptam à Patre.

Ad 5. denique Respondetur. Christum ita asserere se Patre minorem, ut ipse tamen dicat se unum cum Patre. Hanc verò unitatem ex testimonio Apostoli ad Philip. 1. ita esse secundum formam Dei, ut Filius sit æqualis Patri. Ergo secundum Naturam duntaxat humanam Christus se dixit Patre minorem. Probatum ista responsio ex contextu ita se habente: Si diligere-  
tis me, gauderetis utique, quia vado ad Patrem, quia Pater major me est Ioan. 14. Ex hoc enim patet, Patrem dici majorem Filio secundum quod iste vadit ad Patrem. Hoc autem Filio convenit secundum naturam duntaxat assumptam. Sic ut ergo Minoritas seu Inferioritas, sic & subjeccio, quæ Christus 1. Corinth. 15. dicitur subjeccus Patri; non convenit Christo nisi secundum naturam Assumptam, non verò secundum naturam vi æternæ generationis à Patre acceptam.

Confirmatur. Nam ex præcitati 1. Corinth. 15. capitis contextu patet, Christi ad Patrem subjectionem specialiter esse factam cum in resurrectione Christus evacuavit omnem Principatum, & Potestatem, & Virtutem; tunc enim Pater omnia subiecit sub pedibus ejus. At eo ipso, quòd ista omnium respectu Christi subjeccio facta sit à Patre, sequitur, esse secundum operationem Divinam. At vero ista Divina humanitatis Christi per resurrectionem glorificatæ omnia subiciens operatio ita est principaliter à Patre, ut tamen esset etiam ab humanitate Christi tanquàm Instrumento Divinitati conjuncto, juxta illud ad Philippenses 3. Qui reformabit Corpus humilitatis nostræ configuratum Corpori Claritatis suæ secundum operationem, quæ posuit subijcere sibi omnia. Ex hoc ipso verò, quòd operatio, secundum quam omnia sunt Christo subiecta, sit principaliter à Divinitate, & Instrumentaliter ab humanitate, sequitur, Christum quæ hominem in Resurrectione accipiendo Omnem in cælo & terrâ potestatem, fuisse pro tunc æterno Patri subjeccum, secundum illam ipsam opera-

22.

23.

24.

25.

26.



operationem, quā poſſit ſibi ſubijcere omnia. Ergo licet antecedenter ad reſurrectionem Chriſti humanitas tum in agendo, tum præcipue in patiſſendo eſſet ſubjecta Patri; illa tamen ſecundum operationem ( quā Chriſtus poſſet omnia ſibi ſubijcere ) ſpecialis Chriſti erga Patrem ſubjectio incepit poſt reſurrectionem. Nec adeo ſecundum Naturam & potentiam æternā generatione acceptam, ſed ſecundum humanitatem duntaxat & Poſteſtatem vi operationis Divinæ in reſurrectione datam dici poſſet Chriſtus Patri ſubjectus.

XXXXXXXXXXXXXXXXXXXXXXXXXXXXXXXXXXXX

#### CONTROVERSIA IV.

#### *Qualiter ex Sacris Litteris oſtendatur Spiritus Sancti Divinitas.*

1. **M**acedonianis negantibus Spiritus Sancti Divinitatem, ſequentia videri poſſent favore argumenta. 1. quod in Sacris Litteris dicatur quandoque factus ſeu creatus. Ad quod facit illud *Joan. 1. Omnia per ipſum, ſcilicet Verbum, facta ſunt.* Nam *h* Omnia utpote univerſale videtur etiam includere Spiritum Sanctum. 2. dicitur eſſundi ac mitti, juxta illud *Joel 2. Effundam ſpiritum meum.* Et *Joan. 15. Spiritus Sanctus, quem ego mittam vobis à Patre,* 3. dicitur ad *Ephes 4. contriſtari.* Et *Rom 7. Pro vobis poſtulare gemitibus inenarrabilibus.* Atqui contriſtari ac poſtulare gemitibus, non convenit Deo.
2. Eſt verò hæreticorum aliqui Patribus antiquis, quaſi de Spiritus Sancti Divinitate dubitaſſent, imponere haud reformident, nixi præſertim teſtimonio Gregorij Nazianzeni *Orat. 5. de Theolog.* taliter ſcribentis de Spiritu Sancto. *Noſtri ſapientes partim vim quandam, & facultatem ipſum exiſtimarunt, partim creaturam, partim Deum, & utro nomine poſſius vocandus eſſet, minime certum & exploratum habuerunt.* Nihilominus Gregorium per Sapientes hic non intellexiſſe Patres Orthodoxos, ſed alios tandem à fide deficientes, facile conſtat ex verbis ſequentibus; in quibus eos duntaxat pios & Orthodoxos dicit, qui credunt Spiritum Sanctum eſſe Deum.
3. Nec porro illam Hæreticorum impoſturam difficile eſt reſellere ex ipſis Sanctis Patribus *Baſilio lib. 3. cont. Eunomium.* *Athanaſio Epif. ad Serapionem de Spiritu Sancto.* *Gregorio Nazianzeno ubi ſupra.* *Ambroſio tribus lib. de Spiritu Sancto.* *Hieronimo epif. ad Panmachium.* *Auguſtino lib. 1. de Trinit. cap. 6. & lib. 2. cap. 5.*

#### CONCLUSIO.

**S**piritus Sancti per Nizænum ab omnibus exinde celebratis Concilijs probatum Symbolum aſſerta Divinitas, atque adeo cum Patre & Filio Conſubſtantialitas efficaciter demonſtratur ex Sacris Litteris.

4. **P**robatur. Spiritus enim Sanctus dicitur eſſe unum cum Patre & Filio, juxta illud *1. Joan. ult. Tres ſunt, qui teſtimonium dant in celo Pater, Verbum, & Spiritus Sanctus, Eſt tamen tres unum ſum.* Ariſtam Spi-

ritus Sancti cum Patre ac Filio unitatem eſſe naturæ ac Eſſentiæ Divinæ, evincitur ex eo, quod Sacre Litteræ Spiritum Sanctum dicant Deum. Nam 1. Deus eſt; qui locutus eſt per os Sanctorum Prophetarum. *ex Num. 12. & Luc 11.* At Spiritus Sanctus eſt, qui locutus eſt per ora Prophetarum. *Act. 1. ver. 16. Math. 22. ver. 43. 2. Pet. 1. v. 21.* Unde ille idem Dominus Exercituum, qui *Iſaiæ 6. dicit: Vaſte dic populo huic, Audite audientes, & nolite intelligere,* dicitur *Act. ult. Spiritus Sanctus,* ibi enim Paulus præſatum *Iſaiæ* locum referens ait: *Bene Spiritus Sanctus locutus eſt per Iſaiam dicens: Vaſte ad populum iſtum, & dic eis auribus audientis, & non intelligentis.* 2. Deus eſt, qui loquitur Myſteria. *Dan. 2. cap.* At Spiritus Sanctus eſt, qui loquitur Myſteria. *1. Corinth. 14.* Unde Apoſtolus *1. ad Corinth. 2. de Myſterio iſs,* qui diſtinguit Deum præſeparato loquens ait. *Nobis autem revelavit per Spiritum ſuum.* Ergo Spiritus Dei eſt Deus, Apoſtolorum Principe Petro clare id atteſtante *Act. 5. ubi cum dixiſſet, Ananias cur tenuiſti Sathanas cor tuum, mentiri te Spiritu Sancto,* mox ſubintulit, *Non es mentitus hominibus, ſed Deo.*

Dices ex perſonâ hæretici, ipſos etiam Prophetas, ad quos Dei ſermo factus eſt in Sacra Scripturâ, dici Deos: *Joan. 10. 11. 35.* At hos non eſſe Deos, niſi Miniſterialiter. Eſt promde Sermo Dei ad Prophetas ſit factus per Spiritum Sanctum, non ſequi, hunc eſſe Deum Conſubſtantialiter.

Contra. Nam primò Apoſtolus *1. Corinth. 2. cum dixiſſet: Myſterium q. quod ipſum diligunt, præparatum à Deo revelavit per Spiritum ſuum,* mox ſubjungit *Spiritus enim omnia ſcrutatur etiam profunda Dei.* At que per hoc datur intelligi, quod revelatio non Miniſterialiter ſit per Spiritum Sanctum, ſed ex Scientiâ naturæ divinæ propriâ omnium etiam profundorum Dei comprehenſivâ. Ejusmodi verò ſcientia arguit Conſubſtantialitatem in naturâ Deitatis non participativè, ſeu Denominativè, ſed ad identitatem communicatâ. 2. Deus ſapient. 1. dicitur renum Maledicti teſtis & cordis illius Scrutator, *quoniam Spiritus Domini replevit orbem terrarum, & hoc quod continet omnia, ſcientiam habet vocis.* Ex quo patet, quod Scientiâ Spiritus Sancti concludatur ex ejus Imenſitate, ſecundum quam continet omnia. At ſicuti Filius Dei omnia Verbo Virtutis ſuæ portat per Omnipotentiam ſibi à Patre communicatam, ſic conſequenter Spiritus Sanctus continet omnia manu Omnipotentia ſibi à Patre & Filio communicatæ, adeo ut omnis virtus cælorum, qui verbo Domini ſunt firmati *Pſal. 32. conſtet oris Dei Spiritu,* cujus eſt non tantum ornare cælus *Job. 33. ſed etiam creare, imò & juſtificare, ſanctificare, & vivificare.* *ex Pſal. 103. ver. 30. 1. Corinth. 6. v. 11. ad Rom. 8. ver. 11.* Cum proinde Spiritui Sancto ſit cum Patre & Filio non tantum æqualitas Omnipotentia ac Imenſitatis, ſed ex Spiritus Sancti omnium continente cauſalitate inferatur Scientia Deitatis, ſeu Subſtantiæ divinæ propriæ, conſequens eſt, Spiritum Sanctum eſſe conſubſtantialiter Deum unum cum Patre & Filio.

#### Reſponſio ad oppoſita Argumenta.


**A**D 1. Reſponderetur eo ipſo, quod factio, ſeu creatio ſit in communicationem naturæ di-



versæ à Naturâ Principij creantis, non posse inter omnia, quæ facta sunt per Verbum, intelligi Spiritum Sanctum: siquidem ex alijs sacris textibus demonstraverimus eum cum Patre ac Filio Consubstantialitatem, seu Naturæ unitatem substantialem. Unde si sacra Scriptura de aliquo spiritu loquatur tanquam Dei facturâ, seu creaturâ accipi debet de Spiritu Procellarum, sive de ventis, debetque ex contextu dijudicari, an sub nomine Spiritus in Sacris quandoque Litteris expresso veniat Tertia Trinitatis Persona, uti notat S. Hieronymus in Michæam Prophetam.

9. Ad 2. Respondetur. Quod in vulgatâ legitur. *Effundâ Spiritum meum*, hoc per Septuaginta interpretes verti, *Effundam de Spiritu meo*. Juxta quâ proinde posteriorem expositionem posse Effusionem Spiritus Sancti accipi pro Gratiâ & Charitate, quæ per Spiritum Sanctum diffunditur in cordibus nostris. At verò secundum expositionem priorem Spiritus Sancti effusionem significare ejus missionem. Hanc verò esse internam Spiritus Sancti à Personâ Mittente processionem cum connotatione effectus ad extra. Eo ipso autem, quod illa in Missione Spiritus Sancti importata Processio sit interna, Personam Missam ita secundum suam Substantiam esse in Mittente, ut consequenter huic sit consubstantialis.

10. Ad 3. Respondetur ex Sancto Augustino lib. 1. contra Maximum non longe à Princ. & lib. 4. de Gen. ad Litt. cap. 9. Spiritum Sanctum secundum Denominationem non formalem seu intrinsecam, sed causalem, adedque extrinsecam dici contristari, ac postulare gemitibus inenarrabilibus, quatenus in Sanctis, in quibus habitat per gratiam, causat tristitiam, per quam de lapsu peccatorum contristantur, eosque facit postulare gemitibus inenarrabilibus, causando in ipsis amorem, ex quo nascitur desiderium excitans ad postulandum, quod desideramus.



### ARTICULUS III.

#### Qualiter suppositâ Divinâ Revelatione cognosci possit Trinitatis Mysteriorum?

1. **P**Lores hic latent difficultates suis quæque Controversijs elucidandæ. 1. An Mysteriorum Sanctissimæ Trinitatis Revelatione ac fide suppositâ, possint per vires humani ingenij inveniri rationes illius demonstrativæ. 2. An ex effectu aliquo supernaturaliv. g. Visione Beatificâ, seu Visione Hypostaticâ possit evidenter cognosci Trinitatis Mysteriorum? 3. Utrum in evidentiâ Dei de Trinitatis Mysteriorum attestantis possit generari evidens illius Mysteriorum notitia?



### CONTROVERSIA I.

#### An Mysteriorum Sanctissimæ Trinitatis revelatione ac fide suppositâ, possint per humani ingenij vires inveniri rationes illius demonstrativæ?

2. **R**ichardus à Sancto Victore in primo libro de Trinit. cap. 4. arbitratur, haud deesse argumenta etiam necessaria, ad Mysteriorum illud fide divinâ præcognitum firmandum. Cuius assertioni conformiter lib. 4. plures studio suo adinventas producit demonstrationes. Quorum 1. cap. 2. ejusdem lib. 3. ita deducitur. In Deo tanquam Summo Bono, universaliterque perfectio est totius Bonitatis plenitudo, atque perfectio. At ubi totius bonitatis plenitudo est, vera & Summa Charitas, quâ nihil melius ac perfectius reperitur, deesse non potest. Oportet autem, amorem tendere in alterum, ut Charitas esse possit. Atqui hæc Charitas non potest esse Summa, nisi erga Personam, quæ Summâ dilectione digna est. Divinæ autem Personæ non esset ad diligendum condigna Persona, quæ Deus non esset. Ergo ut in Divinitate plenitudo charitatis possit habere locum, oportet divinam Personam alterius Personæ divinæ lib. condignæ consortio non carere.

3. Altera demonstratio ex præcitati lib. 3. cap. 2. & 14. sic formatur. Nihil gloriosius & magnificentius est, quam nihil habere, quod nolit quis communicare. At si sola una Persona in divinitate esset, non haberet, cui Magnitudinis suæ divitias communicaret. Impossibile igitur est, unam aliquam in Divinitate Personam consortio Societatis carere. At si solam unam Personam sociam haberet, ei utique non deesset, cui Magnitudinis suæ divitias communicaret, sed cui Charitatis in alteram dilectione Divinâ condignam, adedque Tertiam Divinam Personam tendentis delicias impertiret, omnino non haberet. Unde Communio amicis non potest esse omnino minus, quam in tribus Personis.

### CONCLUSIO.

4. **M**ysterium Sanctissimæ Trinitatis ad Intellectum habitu fidei illustratum se habet instar Primi Indemonstrabilis Principij, nec suppositâ etiam Fide ac revelatione Divinâ est nisi secundum aliquas Convenientiæ rationes probabile.

4. Probatur & Explicatur. Nam ut aliqua veritas strictè sic demonstrabilis, oportet intellectui nostro, vel secundum luminis naturalis evidentiâ, vel secundum Divini per revelationem licet obscuram communicati luminis certitudinem præstare esse Principium, quâ veritatis illius saltem Virtualiter ac Metaphysicè Præcontentivum, sed Causativum. At licet simus per Fidem certificati de intrinsecâ realis identitatis inter Esse ejusque relativæ Hypostasces connexionis: Intellectus tamen noster neque per revelationem, neque per lumen naturale est certus huius de



rus de hoc, quodd Esſe divini, vel ejuſcuſq; Perfectionis in Deo abſolute ratio ſe habeat ad relativas Divinas Hypoſtaſes tanquã radix ſeu principium virtuale earundem Metaphyſicè Cauſativum. Nequit ergo Trinitas Hypoſtaſum in Deo per lumen Intellectus noſtri fide licet divi-  
nã elevari demonſtrari, ſed ex Motivo divini Luminis ſeu Primæ Veritatis ſub obſcurã revelatione Intellectui noſtro applicatæ credi dun-  
taxat, atque ut ſic per modum Primi Principij ſecundum indemonſtrabilem Fidei Supernaturã-  
lis certitudinem ſupponi.

Reſponſio ad Richardi à Sancto  
Victore argumenta.

3. **A**D 1. Reſpondetur. Solã fide, non verò per ra-  
tionem etiam in fide fundatam certò cogno-  
ſci, quod Bonitatis divinæ plenitudo exigat  
Charitatem, non in ratione duntaxat unionis  
per Esſe divinum formaliter identicè actuale, ſed  
in ratione etiam tendentiæ in alterum, ſeu di-  
ſtinctum ſuppoſitum ſummã Dei qua amantiſ  
propriã dilectione condignum. Quare per ra-  
tionem etiam in fide fundatam demonſtrari  
non poſſe, quod divina Perſona nequeat alte-  
rius Perſonæ divinæ ſibi condignæ conſortio ca-  
reſe, ſed veritatem iſtam ita ſupponi per fidem,  
ut nulla ejus ratio virtualiter prior per rationem  
noſtram ratiocinatam poſſit assignari, quin in  
hac ipſa ratione debeat per fidem ſupponi diſtinc-  
tio Perſonarum Divinarum in omnimodã  
perfectione communicantium.

6. **A**D 2. Reſpondetur. Communicationem Dei  
ad intra cum eo ipſo, quodd ſit ad intra, oporteat  
eſſe Conſubſtantialem, non poſſe intelligi, quin  
in ejus formali conceptu involvantur diſtinctio  
Perſonarum in eadẽ Esſentiã divini commu-  
nicantium. Quare ipſam argumentationem  
ſupponere, imò formaliter involvere Myſterium,  
quod intendit probare. At Naturam Demon-  
ſtrationis eſſe, ut medium ſeu ratio argumen-  
ti ſit radix ſeu Cauſa ſaltem Virtualis ſive Meta-  
phyſica Veritatis illatæ in conſeſſione. Illas  
igitur Richardi de Sancto Victore argumentatio-  
nes non eſſe Demonſtrativas, ſed Myſterij Tri-  
nitatis in ipſo medio, ſeu argumenti ratione per  
fidem Præſuppoſiti explicativas ad excitandum  
effectum ſpecialiter natus Voluntate ardentius  
erga tam ſublime Myſterium concipiente amoris  
divini flammam ex luce Fidei magis relucen-  
te per explicatiorem Myſterij illius expreſſionem.

7. **I**nſtabis. Eſſi Myſteria Divinitus revelata,  
quã per fidem infuſam credita ſint Primæ Veri-  
tatis, ſintque adeo ut ſic indemonſtrabiliaz ni-  
hilominus quatenus per rationem fide elevatam  
inter ſe conferuntur, poſſe unum ratione noſtrã  
ratiocinatã comparari cum altero, tanquã illi-  
uſ Principio virtuali. Pari ergo ratione divinæ  
Bonitatis plenitudinem, atque Charitatis perfe-  
ctionem in Deo intelligi poſſe tanquã radicem  
Conſubſtantialis ad intra Communicationis, at-  
que unius Perſonæ in alteram ſummã dilectio-  
ne dignam tendentiæ. Ergo ut ſic poſſo Intellectui  
noſtro eſſe medium Demonſtrativè proban-  
di Divinarum Perſonarum in unã Subſtantiã diſ-  
tinctionem.

8. **R**eſpondetur. Ut Divinæ Bonitatis ple-  
nirudo ac perfectio Charitatis in Deo intel-

ligeretur à nobis tanquã Principium Virtuale  
Conſubſtantialis ad intra communicationis, o-  
portere hanc formalitatem, in quã Myſterium  
Trinitatis Virtualiter præcontinetur, eſſe præ-  
cognitam vel virtute luminis naturalis, vel vi  
revelationis Divinæ. At imprimis ex revelatio-  
ne divinã nullam eſſe assignabilem formalitatem  
in Deo, quæ radicaliter præcontinet Trinitatis  
Myſterium, quin iſtud formaliter in ratione ob-  
jecti attingatur & ſupponatur. Deinde ſtando  
in lumine naturali, divinæ Bonitatis Plenitudi-  
nem non eſſe intelligibilem, niſi cum Esſe per ſe  
ſubſistente, involvente formaliter in ſuã quiddi-  
tate ultimam individuationis, ſeu Hæceitatis  
rationem. At verò lumine naturæ non eſſe cog-  
noſcibile, quodd Subſtantiã, qua per completam  
Hæceitatem individuatã ſecundum ipſum eſſe  
ſuũ ſit formaliter communicabilis. Cum igitur  
iſta Divinæ Subſtantiæ Communicabilitas, atque  
adeo unius perſonæ Divinæ in alteram ſe con-  
dignam ſeu conequalom Perſonam per Charita-  
tatem tendentiæ cognitio virtute Fidei dun-  
taxat intuitu habita formaliter ex parte objecti at-  
tingat & ſupponat Divinarum Perſonarum in u-  
nã Subſtantiã diſtinctionem, conſequens eſt, non  
eſſe à nobis intelligibilem ullam Dei formalita-  
tem radicaliter, non autem ex parte objecti for-  
maliter involventem Trinitatis Myſterium, at-  
que adeo hujus Myſterij Veritatem in Præmiſſis  
formaliter ex parte Medij præſuppoſitam non eſ-  
ſe ex Lumine etiam Divinæ Viatori communi-  
cata revelationis propriè demonſtrabilem.

CONTROVERSIA II.

*An ex Effectu aliquo ſupernatu-  
rali v.g. Visione Beatificã ſeu Intuſione Hypoſta-  
ticã poſſit evidenter cognoſci Trinitas diſ-  
tinctum?*

**C**irca Viſionem Beatificam Vaſquez præſ. diſp.  
13. cap. 4. n. 10. affirmat, Trinitatem videri  
hoc ipſo intuitivè, ſi viſio Beata Dei unius ac Tri-  
ni intuitivè cognoſceretur. Fundamentum eſt,  
Nemo enim diſcernere poſſet, an notitia eſſet in-  
tuitiva & propria objecti, niſi propria & intuiti-  
vã notione videret ipſum objectum, cum quo in-  
tuitivam notitiam, quam alius habet de eodem  
objecto, conferre poſſet.

Martinus Perez de Deo ut Trino diſp. 1. ſect. 5. n.  
3. & Andreas Lao 10. 2. in quaſt. 12. cont. un. n. 80.  
docet, in viſione Beatã, nec non in lumine Glo-  
riæ tanquã medio evidenter & Quidditativè  
cognito Myſterium Trinitatis cognoſci ſolum  
poſſe evidenter abſtraktivè quoad an eſt. Fun-  
damentum eſt. Quia non eſt major connexio  
inter effectum creatum & Deum ut unum, quã  
cauſam exiſtentiẽ, quã inter viſionem Bea-  
tã & Deum ut Trinum ac unum exiſtentiẽ,  
tanquã objectũ: Sicut enim ille eſt effectus Dei  
neceſſariò pendens à Deo, ut uno exiſtente: ſic  
iſta eſt repræſentatio Dei ut unius & Trini exi-  
ſtentiſ, & ipſam Trinitatem Eſſentialiter reſpi-  
cit. At cognitã evidenter & Quidditativè con-  
nexionẽ, illã effectus cum Deo ut uno tanquã  
cum cauſã, ſolum cognoſcitur evidenter abſtra-  
ktivè Deus ut unus. Ergo cognitã evidenter &  
Quidditativè



Quidditative connexionem visionis Beatæ tum Deo ut uno & Trino, evidenter abstractivè tantum cognoscitur Trinitas, quoad an est.

3. Cardinalis de Lugo de *Incarn. disp. 2. n. 41.* tenet, animâ Christi per Scientiam infusam evidenter cognoscendo actus fidei supernaturales, quos fideles eliciunt circa Trinitatis Mysterium, evidenter cognovisse hoc Mysterium. Fundamentum est. Quia videbat illos actus esse infallibiles. Igitur oportuit etiam novisse, quod ipsorum objectum ita se haberet.

4. Circa unionem Hypostaticam Arrubal *disp. 16. cap. 2. n. 12.* sentit, ex cognitione Quidditative triplicis unionis Hypostaticæ (cujusmodi de Hypostaticâ unius humanitatis ad tres Divinas Personas unione quâ possibili noticiam Christo per scientiam infusam competere hic supponimus) deduci cognitionem Trinitatis non solum quoad an est, sed intuitivam. Fundamentum est. Quia notitia illarum unionum quidditative haberi non potest, nisi intellectâ ipsarum ex terminis ortâ distinctione. At distinctio hæc non potest cognosci, nisi Personarum Trinitas in se cognoscatur.

5. Martinus Perez *cit. sect. 5. n. 7.* arbitratur, quod licet ex triplici ad tres Divinas Personas unione Hypostaticâ evidenter abstractivè cognoscatur triplex Persona Divina, non tamen oportere totum Trinitatis Mysterium etiam quoad an est, tunc cognitum esse. Fundamentum est. Nam Trinitatis Mysterium potissime in hoc est constitutum, quod sint tres Personæ & non plures, quodq; tres illæ Personæ sint inter se realiter oppositæ & distinctæ habeant identitatē realem cum unâ Essentiâ. At licet quælibet ex illis ad tres Divinas Personas terminatis unionibus Essentialiter respiciat Personam determinatam, ut adeo specificâ triplicis illius unionis ratione intuitive penetratâ necessum sit cognosci tres Personas Divinas quoad an est. Nihilominus ex vi illius noticiæ necdum appareat talium divinarum Personarum identitas cum unâ Essentiâ. Ergo neque Mysteriū Trinitatis.

6. Suarez *10. 1. in 3. p. disp. 27. sect. 5.* existimat, etsi unio Hypostatica in Christo sit determinata ad Personalitatem Filij, non tamen oportere, quod unionem illam videns, distinctè cognoscat Personam secundam Trinitatis, sed satis esse cognoscere, quod unio ejusmodi terminetur ad Personalitatem Divinam. Fundamentum est. Quia comprehendens creaturam, cui Essentialis est ordo ad Deitatem, non illico cognoscit Deitatem esse secundam, & postulare sibi tres subsistentias, sed ordo ille creaturæ Essentialis solum explicat, Deum esse Primam Causam creaturæ effectivæ. Paritergo ratione poterit comprehendere Humanitatis ad Personam Filij Dei unio Hypostatica, quin cognoscatur, an Personalitas, cui unitur, sit relativa ad Patrem, vel exigat alias personalitates.

7. Cardinalis de Lugo *cit. sect. 2. n. 43.* non dissentit quoad visionem intuitivam, sed quoad comprehensivam intuitionem, ita ut impossibile sit, Comprehensivè videntem unionem ad suppositum Filij terminatam, non cognoscere etiam evidenter quoad an est, Trinitatem Personarum.

8. Fundamentum est. Quia comprehendens unionem istam cognoscit totam ejus differentiam specificè autundam ab unione possibili ad Hy-

postas in Patris & Spiritus Sancti. At differentia ista est secundum ordinem Essentialem ad Personalitatem Filij quâ distinctam ab alijs Personis. Ergo unio illa cognita non solum ostendit Personam Filij, sed alias etiam Personas.

#### CONCLUSIO.

EX nullo etiam supernaturali effectu Equâ tali est SS. Trinitatis Mysterium etiam quoad an est evidenter abstractivè cognoscibile.

9. Probatur. Effectus quantumvis supernaturalis non est medium cognoscendi Deum nisi sub ratione Principij seu Causæ. ex S. Tho. *q. 32. a. 1.* Atqui ratio Principij in ordine ad effectus tam naturales, quàm supernaturales est communis toti Trinitati, huic conveniens secundum Esse absolutum Essentiæ, non verò secundum relativas Hypostasū proprietates, per quas Essentia Dei est subsistens in tribus personis. Ergo nullus quantumvis supernaturalis effectus formaliter sub ratione Effectus potest esse medium cognoscendi Deum, quâ subsistentem in tribus Personis.

10. Dices. In ratione Principij involvi etiam formam seu Ideam, ad cujus imitationem procedit effectus. At ratio supernaturalitatis in formis creatis consistit in participatione seu imitatione Dei quâ Trini. Minor, (quam Doctores à Francisco de Lugo *lib. 1. de Deo uno. disp. 7. cap. 1. n. 2. ac 3. relati tradunt*) probatur. Tum quia habitus fidei ex naturâ suâ est potens elicere actum, qui sit cognitio Dei ut Trini, ac subinde ejus similitudo intentionalis, atque adeo participatio Dei quâ Trini. Ex hoc autem sequitur, quod omnis actus fidei tendat ad Deum sub ratione formali, quæ se extendit ad Deum ut Trinum. Sicut ergo ratio formalis cujuslibet Fidei assensus extendit se ad Mysterium Trinitatis, sic omni Fidei actui convenit, esse hujus Mysterij aliqualem participationem. Tum quia spes inclinans ad claram Dei visionem sperandam, nec non amor ex charitatis Theologicæ Motivo attingens Deum ut Trinum, item Gratia Sanctificans communicando Jus Filiationis ac Hæreditatis Divinæ in Dei quâ Trini visione consistentis, habent intrinsecam connexionem cum Divinâ Essentiâ quâ subsistente in Trinitate Personarum. Nequeunt ergo ejusmodi supernaturales formæ intuitive cognosci per Scientiam Christi infusam, quin Trinitatis Mysterium evidenter in illis cognoscatur.

11. Contra. Nam ratio supernaturalitatis in actibus & habitibus Virtutum & Donorum gratiæ formaliter importat Divinæ naturæ Participationem, veluti ex professio *10. seq. demonstrabitur*. Atqui Naturam Divinam formaliter consistere in Intellectione Divinâ per Esse Dei subsistens tanquam actualissimum Intelligibile formaliter identicè actuatâ & specificatâ, constat ex dictis *10. præs. q. 2. ad 2. com. 4.* Unde fides ac visio Beatifica sunt formæ supernaturales, prout sunt Intellectiones per primam Veritatem seu purissimam Divini Esse Intelligibilitatem quodammodo specificatæ, spes autem & Charitas habent rationem supernaturalitatis, quatenus sunt Inclinationes in Bonum Dei representatum



tatum ſub Eſſe Divini Intelligibilitate per ſi-  
dem, aut Viſionem Beatificam, ſive per actus Do-  
norum Spiritus Sancti Intellectualium expreſſas.  
Gratia denique Sanctificans & lumen Gloriæ  
cenſentur ſupernaturalia, quatenus habent ra-  
tionem Principij Radicalis, vel proximi efficien-  
tis actum, mediante quo Intelligibilitatis Dei  
increatæ in intellectu humano ſit expreſſio.  
Conſtat proinde rationem ſupernaturalita-  
tis in formis creatis ſupernaturalibus ex ſua  
propriâ Divinæ participationis Ideâ im-  
preſſione reſpicere Dei Intellectionem Naturæ Di-  
vinæ formaliter conſtitutivam, quæ relationum  
Perſonalium, atque adeo Trinitatis ex hoc ſo-  
lùm expreſſiva eſt, quodd Myſterium iſtud non  
aliâ, quàm Eſſe Divini habeat Intelligibilita-  
tem, tamen hæc virtualiter ſit per priuſm Eſſe  
Dei abſolutum, quâ reſpectivo. Unde etiam in-  
fertur, quodd Eſſe Dei abſolutum quâ virtualiter  
diſtinctum à perſonalitatibus relativis habeat  
rationem Ideæ per ſui actualem in intellectu di-  
vino expreſſionem formas creatas ſupernatura-  
les Intelligibiliter ſeu idealiter Formantis. At-  
qui Eſſe Divinum ex effectibus ſeu formis crea-  
tis eatenus duntaxat eſt cognoscibile, quatenus  
habet rationem Principij tum Efficientis, tum  
Ideantis ſeu Exemplantis formas ejuſmodi.  
Conſequens igitur eſt, Eſſe Divinum abſolutum  
duntaxat, non verò ſecundum relativas Perſona-  
litates, nec adeo Trinitatis Myſterium in formis  
creatis ſupernaturalibus quæ effectibus Dei Intui-  
tively cognitis eſſe evidenter noſcibile.

13. Inſtabis. Eo ipſo, quodd Myſterium Trinitatis  
non aliâ niſi Eſſe Divini habeat Intelligibilita-  
tem, ſequi; Viſioni Divinæ Eſſentiæ per mo-  
dum Proprietatis Metaphyſicæ necellariò con-  
venire, quodd terminetur ad iſtud Myſterium.  
Similiter habitibus Fidei, Spei, & Charitatis ac  
Donis Spiritus Sancti ab intrinſeco competere,  
quodd tanquàm objectum ſuum reſpiciant Eſſe di-  
vinum quâ ſubſiſtens non tantum abſolute in ſe  
ipſo, ſed in Trinitate Perſonarum. Ex quo con-  
ſequens eſſe, naturam tum viſionis Dei, tum ha-  
bituum illorum ſupernaturalium non poſſe in-  
tuitively cognosci, quin iſta ad Trinitatem habi-  
tudo, atque adeo ipſum, Trinitatis Myſterium  
cognoscat.

14. Contra. Nam in formis illis creatis aliâ eſt  
cum Deo connexio tanquàm effectuum cum cau-  
ſâ, aliâ verò tanquàm formarum intentionali-  
um cum objecto. At licet viſio Dei & habitus ſu-  
pernaturalis intrinſecam importent habitudinem  
ad Trinitatis Myſterium tanquàm ad objectum,  
ut adeo formæ ejuſmodi nequeant per intuitivâ  
ſaltem comprehenſivam cognitionem videri,  
quin Myſteriũ illud in ipſis evidenter abſtractively  
cognoscat. Nihilominus ut ex illis tanquàm  
effectibus eſſet Myſterium illud cognoscibile, o-  
porteret Deo non ſecundum Eſſe duntaxat abſo-  
lurum, ſed ſecundum proprietates quoque Per-  
ſonales competere rationem Cauſæ ad extra. At  
iſtam Cauſæ ad extra formalitatem eſſe commu-  
nem tribus Perſonis Divinis, nec adeo ex ratio-  
ne Hypoſtaſum Relativarum, ſed ex Divinæ Ef-  
ſentiæ in ſe abſolute ſubſiſtentiſ perfectione  
competere Deo, indubitatum eſt. Ergo Myſte-  
rium Trinitatis nequit ex illis formis creatis tan-  
quàm Effectibus Dei cognosci.

### Reſponſio ad Argumenta in initio oppoſita.

AD Vaſquezij n. 1. oppoſitum Reſpondetur. 15.  
In Viſione Divinæ Eſſentiæ duas oportere  
conſiderare formalitates: aliâ enim eſt ipſa actio  
videndi conſiſtens in contactu vitali Eſſentiam  
Divinam quoad Eſſe intelligibile ac repræſenta-  
tivum actualiter uniente cum intellectu Beati: al-  
ia verò eſt formalis Eſſe Divini intellectu creato  
communicata repræſentatio, ſeu Expreſſio,  
conſiſtens in Verbo non producto per Intelle-  
ctum creatum, ſed in Dei Verbo increato Eſſen-  
tiali vitaliter attacto per creatam Viſionem Bea-  
tificæ Viſionem. Etſi proinde hæc poſterior Ef-  
ſentiæ Divinæ, ut eſt in ſe, expreſſiva formalis-  
tas non poſſet videri ab intellectu creato, quin  
hoc ipſo videretur Trinitatis Myſterium, utpote  
formaliter expreſſum in Eſſentiæ Divinæ Intel-  
ligibilitate, attamen prior actionis videndi Deum  
formalitas non poſſet per ſuam in intellectu crea-  
to expreſſam propriam Intelligibilitatem in ſe  
tanquàm Medio objectivo Trinitatis Myſterium  
niſi abſtractively repræſentare, ſiquidem huius My-  
ſterij Intelligibilitatem infinite ſuperexcedentem  
adæquare nequeat. Et hinc Apoſtoliſ Paulus  
etſi poſt raptum, in quo vidit Dei Eſſentiam, ha-  
beret ſpeciem quandam non formalis Divini Ef-  
ſe Intelligibilis expreſſionis, ſed illius duntaxat  
contactus vitalis rememorativam, in hæc nihilo-  
minus tanquàm medio objectivo non potuit Eſſe  
Dei ac Trinitatis Myſterium, niſi Quoad an eſt ab-  
ſtractively rememorari.

Ad Perezij n. 2. Oppoſitum Reſpondetur. Si-  
cuti effectus ad cauſam Primam eſt connexio in-  
trinſeca ac Eſſentialis habitudinis, ſic actioni vi-  
dendi Deum tanquàm vitali ad Eſſentiam divi-  
nam creato intellectui Intellectually uniendam  
contactui eſſe intrinſecam Eſſentialem connexi-  
onem cum Divini Eſſe Intelligibilitate, atque  
adeo cum Trinitatis Myſterio tanquàm termi-  
no intrinſecè attacto, & quoad Eſſe repræſenta-  
tivum unito creatæ per Gloriæ lumen illuſtratæ  
Intelligentiæ. Unde verificari, quodd, ſicuti Dei  
Eſſentia non niſi abſtractively cognoscitur in creatu-  
ris intuitively cognitis, ſic in illâ videndi Deum  
actione ſeu vitali Eſſentiæ Divinæ contactu tan-  
quàm Medio Objectivo non niſi abſtractively cogno-  
ſci poſſit Trinitatis Myſterium.

Ad Cardinal. de Lugo n. 3. Propoſitum ar-  
gumentum Reſpondetur. Ex illo evinci, quodd a-  
nima Chriſti in ſupernaturalibus Fidei actibus  
tanquàm formis Trinitatis Myſterium cum in-  
trinſecâ certitudine intentionaliter attingenti-  
bus, non tanquàm Dei effectibus evidenter abſtra-  
ctively noverit illud Myſterium.

Ad Arrubal. n. 4. oppoſitum Reſpondetur. 17.  
Negando Minorem, quodd ſcilicet triplicis trium  
Divinarum Perſonarum unionis Hypoſtaticæ  
differentia non poſſit Quidditatively cognosci, ni-  
ſi Perſonarum Trinitas in ſe cognoscat: Cum  
enim Myſterij huius Intelligibilitas ſit infinita,  
nequit eſſe repræſentata in Medio objectivo crea-  
to habente Intelligibilitatem duntaxat Finitam.

Ad Perez n. 5. Oppoſitum Reſpondetur.  
Eo ipſo, quodd lumine naturæ ſit demonſtrabi-  
le, non niſi Perſonæ Divinæ in ſuppoſitando in-  
finitæ convenire, naturam alienam creatam poſ-  
ſe terminare, imò cum actioni naturæ creatæ ad



Hypostasin Divinam unitivæ intrinseca sit connexio cum Personâ quâ divinâ, consequenter visâ triplici omnium trium Divinarum Personarum ad naturam creatam unione Hypostaticâ, *evidenter abstraktivè* cognosci tres Personas in Naturâ divinâ subsistentes. At lumine naturæ esse etiam demonstrabile, quod hæc natura divina sit unica. Ergo visâ illâ triplici Hypostaticâ unione, fore consequens, quod Trinitas Personarum in unâ Essentiâ & naturâ subsistens *evidenter abstraktivè* quoad an est, cognosceretur.

18. Ad Suarezij n. 6. Oppositum Respondetur. Effectus creati nullam esse connexionem intrinsecam cum Fecunditate Deitatis ad intra, atque adeo cum Divinarum Personarum Trinitate, sicuti econtra unioni Personali Verbi cum Humanitate est ordo Essentialis ad Personam Filij Dei formaliter relativam ad Patrem. Quare unionem illam Hypostaticam non esse saltem *comprehensivè* visibilem, quin *evidenter abstraktivè* cognoscatur Persona Filij, quâ relativâ, atque adeo distincta à Patre, uti rectè probat Cardinalis de Lugo *supra* n. 7. citatus.

—————

### CONTROVERSIA III.

*An, & qualiter ex evidentiâ Dei attestantis possit generari evidens Mysterij Trinitatis notitia?*

1. Sensus Controversiæ formari potest pro statu, in quo Deus talem de Trinitate internam faceret homini locutionem, seu Mysterij hujus expressionem, ut hæc ipsa locutio cum Deo notitiam ejusmodi seu locutionem internam formante ac exprimente intrinsecè connexa, signatè tanquàm medium duceret in evidentem, sed abstractivam Dei loquentis cognitionem, tunc enim quæri posset, *An Intellectus de Veritate locutionis ejusmodi certificatus posset discurrendo evidentem Scientificam & Demonstrativam Mysterij Trinitatis cognitionem producere?*

Referuntur Sententiæ Doctorum.

2. Vasquez *tit. disp. 135. cap. 3.* videtur negare. Fundamentum est. Nam si quæ Mysterij Trinitatis tunc pareretur notitia evidens ac Demonstrativa, in talem reduceretur Syllogismus; *Deus est omne id, quod ipse dicit se esse. Ipse autem se dicit esse Trinum. Ergo Deus est Trinus.* Atqui in hoc Syllogismo medium utpote omnino extrinsecum generare non potest evidentiam rei in se. Probatur istud assumptum. Non enim necessè est, consequens esse evidens in se, quories antecedens est evidens, nisi cum eo habeat connexionem ex naturâ rei, siquidem medium in antecedente positum, si extrinsecum sit, non manifestet evidenter consequens secundum rationem propriam, & connexionem extremorum in se, sed secundum rationem communem extrinsecam isto principio contentam: *Deus est omne illud, quod dicit se esse.* Atqui per Demonstrationem generatur evidentiâ rei secundum se & intrinseca. Ergo notitia Trinitatis in evidentiâ divinâ attestationis non est Demonstrativa. Confirmatur ex Sancto Thomâ *m. 2. q. 5. a. 2.* scribente in hæc ver-

ba. *Si aliquis Prophetâ pronuntiaret in sermone Dominâ aliquid futurum, & adhiberet signum, mortuum suscitando: ex hoc signo convinceretur intellectus videntis, ut cognosceret manifestè, hoc dici à Deo, qui non mentitur, licet illud futurum, quod predicatur, in se evidens non esset. Unde per hoc ratio fidei non tolleretur.* Ex quo licet taliter argumentari. Omnis assensus, qui testimonio Extrinseco innititur, est fides seu non evidens rei testificatæ notitia. At de ratione Scientificæ ac Demonstrativæ cognitionis est, esse ipsius rei scitæ seu Veritatis demonstratæ notitiam evidentem. Ergo ex evidentiâ attestationis divinæ nequit generari cognitio Demonstrativa & Scientificâ.

Perez *cit. disp. 1. De Deo trino. sect. 6. an. 7.* Ariagato. *1. in 1. p. disp. 43. sect. 6. n. 21.* affirmant: notitiam Trinitatis in evidentiâ Dei attestantis, tametsi sit per Principia extrinseca, esse verè ac propriè Demonstrativam, pertinereque ad scientiam non propter *Quid*, sed *Quia*.

Fundamentum est. Tota ratio, per quam effectus deservit ad demonstrandam causam, est illius cum hac essentialis connexio. Ergo ubicumque invenitur talis connexio, sive sit effectus sive relationis, seu quæcunque alia; dabitur verissima demonstratio, si ex connexione probetur illud, respectu cujus est illa connexio. Atqui revelatio Dei tam Essentialiter est connexa cum se revelatâ, quàm effectus cum causâ. Ergo tam erit Demonstratio ex divinâ revelatione visâ probare rem revelatam, quàm ex effectu causam, licet res revelata in se non cognoscatur, sicut etiam hunc non cognoscitur Causa in se.

### CONCLUSIO.

EX Evidentiâ Divinæ attestationis Intellectus humanus lumine supernaturali elevatus & illustratus posset contemplando ingredi ipsam luminis increati scientiam Divinam, & ex hac tanquàm medio seu ratione ab intrinseco connexâ cum Trinitate demonstrare hoc Mysterium.

Explicatur & Probat. Sicut enim ex revelatione Dei obscurâ per supernaturale Voluntatis imperium Intellectui humano applicatâ, & per fidem infusam creditâ abstrahit Intellectus lumen Intelligibile, quod in ipsum Divinæ scientiæ increate lumen reducitur, ex hoc trahendo non quidem evidentiam, sed certitudinem supernaturalem, fundans ut sic Principia Theologici propriè Demonstrativi Discursus. Sic ex evidentiâ Divinæ attestationis Intellectus lumine quodam supernaturali elevatus abstrahere posset lumen Intelligibile, quod in Dei Increatam scientiam cum evidentiâ reductum in principiis vitalis luminis intelligibiliter formati seu expressis fundaret non certitudinem duntaxat, sed evidentiam supernaturalem. At sub isto lumine stare posset formalitas Dei, in quâ radicitur processio Filij per Intellectionem, & Spiritus Sancti per amorem. At verò formalitate ejusmodi representatâ, per illud virtute agentis lumine Intellectuali supernaturali instructi intellectus formatum Intelligibile lumen itaret evidentiâ Principiorum supernaturalis continens



uens rationem Trinitatis Perſonarum per ſe ab intrinſeco Demonstrativam. Non igitur repugnat, ex evidentiâ Divinæ atteſtationis generari evidentem Myſterij Trinitatis Demonstrativam notitiam.

6. Confirmatur. Nam duplex poteſt fieri Dei loquentis evidentiâ, altera, quâ ſe diceret Trinum in Perſonis, altera, quâ manifeſtaret formalitatem, quæ intelligeretur eſſe *radix Divinarum Proceſſionum*. Ex priori igitur Divinæ atteſtationis evidentiâ foret abſtrahibile lumen, ſub quo non tam Demonstrabilis eſſet, quàm ſecundum expreſſiorem aliquam claritatem magis explicabilis Perſonarum Divinarum Trinitas. Econtra ex poſteriori Dei loquentis evidentiâ abſtrahi poſſet lumen Intelligibile, ſub quo Myſterium Trinitatis propriiſſimè poſſet demonſtrari à priori.

7. Ratio prioris eſt. Nam Dei ſe Trinum in Perſonis aſſerentis evidentiâ reduci poſſet in ipſius Increati luminis Primam Veritatem. Hæc verò in Dei loquentis lumen increatum reductione ſuppoſitâ, poteſt intellectus intrinſecam Primæ Veritatis loquentis in identitate Exiſtentiae ac Eſſentiae radicatam cum Triniſatis Myſterio connexionem in ſe Intelligibiliter expri-  
mere. Ex ejuſmodi verò intrinſecâ Myſterij Trinitatis, & luminis Dei loquentis connexionem in ſe, intelligibiliter expreſſâ determinatur Intellectus ad Trinitatem in vi Diſcurſus cognoscendam. At per talem Diſcurſum Myſterij illius tam intenſiva, quàm extenſiva claritas eatenus excreſcit, ut tamen in præmiſſis talis Diſcurſus non virtualiter duntaxat præcontineatur, ſed formaliter expreſſa ſupponatur veritas illius Myſterij. Atqui ad rationem Demonſtrationis ſimpliciter acceptæ requiritur, ut veritas concluſionis non formaliter, ſed virtualiter duntaxat præcontineatur in præmiſſis. Conſtat igitur, ex Dei ſe Trinum aſſerentis evidentiâ generari poſſe lumen Intelligibile, ſub quo non tam Demonstrabilis, quàm per Diſcurſum ex ratione habente cum concluſione intrinſecam connexionem, ſecundum expreſſiorem quandam claritatem magis explicabilis eſſet Divinarum Perſonarum Trinitas.

8. Ratio poſterioris eſt. Nam tres diſtingui poſſunt effectus luminis Divini ſupernaturalis, ex quo Intellectus creatus elevaretur ad formalitatis, in quâ Divinæ Proceſſiones radican-  
tur, evidentiâ in ſe formandam. Primus effectus eſſet Veritatis illius ex evidentiâ Dei loquentis Teſtimonio rei tamen atteſtata extrinſeco conceptus aſſenſus. Secundus eſſet lumen quoddam objectivum Intelligibile virtute Agentis lumine illo ſupernaturali elevati Intellectus abſtractum, vi cuius Formalitas, in quâ radican-  
tur Dei ad intra Proceſſiones, ita reduceretur in Dei revelantis lumen, ut ex hoc increato lumine derivaretur in illam formalitatem certitudo & evidentiâ objectiva ſupernaturalis. Tertius effectus eſſet aſſenſus ſub illo intelligibilitatis objectivo lumine de veritate Trinitatis


conceptus propter huius Myſterij intrinſecam cum formalitate illâ tanquàm Divinarum ad intra Proceſſionum virtuali radice connexionem. Ex his proinde effectibus primus importans aſſenſum ex ratione Motivâ ſolùm extrinſecâ certificatum non eſſet ſimpliciter Scientificus ſeu Demonstrativus, ſed reduci deberet ad Fidem. Secundus verò contineret rationem formalem ſub Quâ Trinitatis Myſterium eſſet ab intrinſeco propriè demonſtrabile à priori. Tertius denique effectus eſſet Formalis Demonſtratio ſeu Demonstrativa Trinitatis ex Divini Eſſe Formalitate Myſterium hoc virtualiter præcontinente illatio. Conſequens igitur eſt, ex Evidentiâ Dei Myſterium iſtud revelantis per Agentem ſupernaturali revelationi Divinæ proportionato lumine elevatum Intellectum formari poſſe lumen intelligibile, ſub quo cum evidentiâ eſſet ab intrinſeco demonſtrabilis Divinarum Perſonarum Trinitas.

#### Reſponſio ad Argumenta ab initio oppoſita.

9. AD Vasquezij n. 2. propositum Fundamentum Reſpondetur. Recte probari, quòd Diſcurſus Myſterij Trinitatis ex Dei Teſtimonio Extrinſeco illativus non ſit ſimpliciter Demonstrativus, poſſe tamen ex Dei loquentis atteſtatione ſupernaturali reductâ in Divinæ Scientiæ lumen Increatum, vi Intellectus Agentis ſupernaturaliter elevati extrahi lumen intelligibile ſupernaturale repræſentativum formalitatis & rationis Divinæ, per quam ab intrinſeco eſſet Myſterium illud demonſtrabile.

Ad Confirmationem à S. Thomæ authoritate n. 2. petitam Reſpondetur. Verum eſſe, quòd aſſenſus Veritati alicui præſtitus ex Dei loquentis Teſtimonio duntaxat Extrinſeco necdum excedat limites fidei, unde ad hoc, ut vera ſcientifica ſupernaturalis Demonſtratio fieri poſſit, opus eſſe Intellectus Agentis ſupernaturaliter elevati abſtractione, per quam intrinſeca veritatis demonſtrandæ ratio Intelligibiliter veſtiatur ob-  
jectivo ſupernaturaliter formato Intelligibilitatis lumine.

Ad Perezij & Arriagæ n. 4. oppoſitam Reſpondetur. Ad Demonſtrationem Scientiæ generativam requiri, ut medium ipſius ſit Cauſa per ſe veritatis in concluſione inferendæ. Unde Demonſtrationem Quia eatenus excludi à ratione perfectæ Demonſtrationis, ut iſtius naturam non niſi analogicè participet. A fortiori igitur ex Dei loquentis Teſtimonio extrinſeco non poſſe formari Medium perfectæ, & propriæ Demonſtrationis, ſiquidem non ſcientiæ, ſed fidei duntaxat generativa ſit, tameſi Syllogiſmus ex Divinæ atteſtationis infallibilitate Præmiſſarum & concluſionis certitudinem participans eo ipſo præſeferat quandam Demonſtrationis ſimilitudinem analogicam.







## QUÆSTIO DUODECIMA

D. E


## PROCESSIONIBUS DIVINARUM PERSONARUM.



**A**met si nomen Processionis ex usu Ecclesie accommodatum sit ad significandam Processionem Spiritus Sancti, latius tamen acceptum extenditur ad emanationem tam Filij à Patre, quam Spiritus Sancti à Patre & Filio. Hinc enim Christus *Ioan. 8.* de se ait: *Ego ex Deo processii.* At vi hujus Processionis Pater dicitur *Ioan. 5.* dedisse Filio eandem vitam, adeoque naturam, quam habet in semetipso. Manifestum ergo est ex Sacris Litteris, dari in Deo Processionem Filij à Patre, quæ sit in naturæ divinæ identitatem.

Similiter de Spiritu Sancto testatur Christus *Ioan. 5.* quod procedat à Patre. At vi hujus Processionis accipere Spiritum Sanctum à Filio Scientiam, atque adeo Essentiam, & Attributa Divina Essentialia, evincitur ex illo *Ioan. 16.* *Ille me clarificabit, quia de meo accipiet* (nimirum in æternitate complectente eminenter omne tempus etiam futurum ac præteritum) & *annuntiabit vobis.* Oportet igitur, Spiritum Sanctum procedere tam à Patre, quam Filio, non enim in Divinis una Persona potest aliquid accipere ab aliâ, nisi per Processionem.

De quâ proinde duplici Divinarum Personarum Processione agemus in præsentī per tres articulos. In 1. visuri, *Quot & quales in Deo dentur Processiones?* In 2. De principio Divinarum Processionum. In 3. denique, Cur Processio Filij, non autem Spiritus Sancti sit generatio.



## ARTICULUS I.

*Quot & quales dentur in Divinis Processiones?*

**I**N ingressu hujus articuli occurrit statim difficultas de modo loquendi, an Processiones in Divinis dici queant actiones? Nam actionis nomen primò est impositum ad significandam Originem motus inferentis ex se passionem. Ex S. Thoma. 1. p. q. 41. a. 1. ad 2.

& 3. At certum est, Divinas Processiones esse sine motu & Passione reali ac physica.

Quo tamen haud obitante, idem Sanctus Doctor. q. 27. a. 1. docet: quod Omnis Processio sit secundum actionem. Hinc autem a. 3. concludit: in Divinis non esse Processionem, nisi secundum actionem, quæ non tendat in aliquid extrinsecum, sed maneat in ipso agente.

Verum ista in speciem apparens discrepantia facile disparet, si Processio in Divinis dicatur actio non Physica, involvens motum, seu Mutationem, sive dependentiam & distinctionem Naturæ: sed Metaphysica importans Originem Principiati à Principio de puritate à ratione Motus & Mutationis, ex Ylamberto ad *praf. q. 27. disp. 3. a. 1. & 2.* Cujusmodi actionem Divus Thomas in *ut. q. 41. a. 1. ad 2.* vocat Personalem, sitam in habitudine Principij ad Principiatum.

Ex quâ proinde actione Sanctus Doctor citatus ad 3. ait, inferri passionem duntaxat Grammaticalem, quæ non absolute, & simpliciter seu subjectivè, sed cum addito Terminativè dici possit Passio. ex Lao in eadem q. 27. a. 1. dub. 1. concl. 2. Ratio est. Tum quia Passio subjectivè, sive simpliciter accepta importat ordinem ad passum seu subiectum. At Processio in Divinis importat ordinem duntaxat Originis, quâ Procedens se habet ad Processionem ut terminus, non ut subiectum. ex S. Tho. q. 10. de Potentiâ a. 1. ad 3. Unde Divus Cyrillus lib. 1. *Thesauri. cap. 6.* circa finem ait: *In Deo esse quidem activam generationem Patris, quamquam Deus sine Passione generet.* Tum quia Filius est terminus realiter productus à Patre, & Spiritus Sanctus Passivè dicitur Spiratus à Patre & Filio. Unde in Divinis ponimus Passivam tam generationem, quam Spirationem. Juxta quem adeo significandi modum non incongruè dicitur in Deo esse Passio Terminativè, non autem subjectivè.

Quibus adeo de loquendi modo suppositis, ad rem ipsam progressuri, quinque distinguemus Controversias. In primâ visuri, *An per realem Divinarum Personarum distinctionem demonstrari possit unius ab aliâ processio?* In secundâ, *An Divina Processiones consistant formaliter in actu intellectus & voluntatis?* In tertiâ, *In quo actu intellectus & voluntatis consistant Divina Processiones?* In quartâ,

Quot



*Quot sint in Deo Processiones? In quinta, Qualiter inter se distinguantur Divinae Processiones?*

### CONTROVERSIA I.

*An per realem Divinarum Personarum distinctionem demonstrari possit unius ab alia Processio?*

1. **A**ffirmativa facile adstruitur ex S. Thomā 1. p. q. 33. a. 4. ad 4. Nam si staret in Deo distinctio Divinarum Personarum, quin una esset ab altera, sequeretur, plures in Deo esse innascibiles. At istud repugnat unitati Deitatis seu Naturæ Divinæ. Minor probatur tam autoritate Sancti Hilarii in lib. de Synod. post med. diff. 26. cum ratione, quia tales Personæ Divinæ innascibiles non distinguerentur oppositione relativa. Ergo distinguere debent ex diversitate naturæ.

2. Verum Scotus in 1. dist. 2. q. 7. n. 35. & 36. opponit; partim quod authoritas Sancti Hilarii asserat, non autem probet, fore plures Deos, si plures darentur Personæ Divinæ innascibiles; partim quod non probetur, non posse in Divinis plures esse personas absolutas; partim quod supponatur, non autem demonstretur, relationes Divinarum Personarum distinctivas non esse nisi Originis.

### CONCLUSIO.

**E**x distinctione Personarum efficaciter ostenditur in Divinis unius ab altera Processio.

3. Explicatur & Probatur. Non est distinctio in Divinis, nisi secundum oppositionem relativam. At hæc oppositio relativa non est, nisi secundum relationes originis. Ergo non est in Divinis distinctio personarum nisi secundum relationes originis. Ergo in Divinis datur origo unius personæ ab alia. Major & Minor probatur. In omni distinctione involvitur aliqua extremorum repugnantia. Est autem alia repugnantia Disparata, alia verò Oppositio. Atqui repugnantia formarum Disparata carens fundatur in ratione limitationis radicata in Potentialitate, ut per puram Essendi actualitatem hæc exclusā, omnimoda formarum disparatæ repugnantiam distinctio tollatur. Unde non posset in Divinis formalitatem esse disparatam repugnantiam, nisi earundem Essendi ratio Potentialitati immersa fundaret in se limitationem, secundum quam esset unius ab alterius Essendi ratione exclusio. Atqui hæc quoad Essendum formalitatem mutua in Divinis exclusio importaret Essentiæ Diversitatem. Nequit ergo in Divinis intelligi Disparatam formalitatem repugnantiam, nisi cum pluralitate Essentiarum. Oportet igitur, Personarum Divinarum distinctionem esse secundum oppositionem. Atqui hæc in Divinis oppositio est secundum formalitates positivas non contrariæ, ergo Relativæ oppositas. Hæc autem relativa oppositio in Divinis non est assignabilis nisi secundum Originem.

4. Probatur istud Assumptum. Nam relationes, secundum quas distinguuntur Personæ Divinæ, non in ratione Essendi, sed in modo habendi eandem Dei Essentiam differre possunt. At nisi una Persona Divina originetur ab alia, non est intelligibile, quod in Deo sint plures modi eandem habendi Essentiam, siquidem omnes æquè primò, non per communicationem seu Originem ab alia Persona communicarent in unā Dei Essentiā. Constat igitur, distinctionem Personarum in Divinis non esse intelligibilem sine origine unius ex alia. Ergo supposita per fidem distinctione Personarum, in Divinis necessario inferitur Processio unius ab alia.

Ad Scoti n. 2. allegatas oppositiones Respondetur 1. Ex hoc, si plures essent Personæ Divinæ innascibiles, sequeretur, ipsomet Scoto cit. n. 36. fatente, ipsas non distinguere duntaxat ex modo habendi unum Esse. Ergo distinguere deberent quoad ipsum Esse Essentiæ Divinæ, essentque adeo plures Diji. Recte igitur Sanctus Hilarius ex unitate Essentiæ Divinæ concludit, non posse plures dari Personas Divinas innascibiles. 2. Nulla formalitas absoluta est exclusiva alterius Formalitatis nisi per limitationem radicatam in Essendi ratione immersa Potentialitati. Atqui formalitatem in Essendi limitatione ac potentialitate radicata pluralitas infert distinctionem Essentiarum. Recte igitur ex Sancti Thomæ supra n. 1. citati mente concluditur, fore plures Deos, si darentur plures Personæ Divinæ absolutæ. 3. Non est intelligibilis distinctio Personarum in Divinis nisi secundum realem Hypostasum incommunicabilitatem. Hæc autem incommunicabilitas in Divinis non est secundum Esse Existentiæ etiam quā subsistentis, ac individuati. Unde est secundum modum duntaxat habendi unam Deitatis Essentiam. Atqui relationes non correlativæ, nec adeo oppositæ, sed disparatæ se habentes ex ratione suā formali non important incommunicabilitatem, nisi hæc sit ex immersione Potentialitatis, ac inde securæ limitationis. Oportet igitur, Relationes, secundum quas in Divinis est distinctio, esse correlativas. Hæc autem correlatio importans formaliter diversitatem in modo habendi eandem Dei Essentiam non subsisteret, si omnes personæ essent innascibiles, nec adeo una procederet ab alia. Consequens proinde est, ex hoc ipso, quod in Divinis debeant cum unitate Essentiæ adstrui relationes Mutuæ inter se incommunicabilitatis rationem importantes, probari efficaciter, quod oporteat ejusmodi relationes esse Originis.

### CONTROVERSIA II.

*An Divine Processiones sint formaliter actus intellectus & voluntatis?*

**D**urandus in 1. dist. 8. q. 2. & dist. 27. q. 2. & 3. existimabat, Filium, & Spiritum Sanctum ex solâ naturæ Divinæ fecunditate produci, præcis à Deo intellectu & Voluntate, eorumque actionibus, ita ut si per impossibile non haberet Intellectum & Voluntatem, adhuc



huc per suam naturam produceret Filium, & Spiritum Sanctum. Fundamentum, prout apud Radam *contro. Theolog. p. 1. cont. 9. a. 1.* videre licet, præcipuum est, quod intelligere & velle sint actus Essentiales tribus Personis Divinis communes. At non omnibus Personis Divinis competit generare ac spirare.

2. Molina 1. p. in q. 2. a. 3. disp. 4. §. Quod verò, & §. Postremo. Martinus Perez disp. 2. de Deo ut *Trino sect. 4. n. 2.* negant, Intellectionem & volitionem, quantumvis connotent relationes, esse ipsas in Divinis Origines seu Processiones activas. Fundamentum à Perezio citato deductum est. Quia productio & Processio in recto est conceptus respectivus. Ergo nequit esse in recto formaliter Intellectio vel volitio.

3. Non Thomistæ duntaxat apud Ioannem Baptistam Gonet 10. §. disp. 2. a. 2. §. 1. sed prout referunt Rada *cont. Theolog. 1. p. cont. 9. a. 1.* & Amicus 10. 1. disp. 18. sect. 4. n. 39. Scholastici communiter docent, Divinarum Personarum Processiones esse actus Intellectus & Voluntatis.

### CONCLUSIO.

**P**rocessiones in Divinis formaliter important Intellectionem & Volitionem quâ Modificatam per relationes Paternitatis & Spirationis.

4. Probat. Nam Filius est propriè Verbum, Hinc enim, quem S. Ioannes 1. capite dicit Verbum, eundem postea asserit unigenitum à Patre, hoc autem Verbum procedit per locutionem ex ore Altissimi, juxta illud *Ecclesiast. 24. Ego ex ore Altissimi prodixi.* At ista æterni Patris locutio est intellectio ejus æterna. Ergo Processio Filii Dei est intellectio Divina quâ subsistens in Patre. Deinde Spiritus Sanctus 1. *Ioan. 4.* dicitur *Charitas*, quæ nimirum sit in Divinis Spirata seu producta per Patrem & Filium. Atqui Charitas producit à Voluntate, cujus actio est volitio. Ergo actio Spiritus Sancti productiva est Volitio divina in Patre & Filio subsistens, quâ modificata per relationem Spiratoris.

5. Respondebis cum Perezio *cit. sect. 4. n. 3.* locutionem propriè & formaliter non includere Intellectionem, sed tantum quasi *Causaliter*, vel tantquam terminum. Sicut ergo locutio Mentalis creata non est intellectio, vel Verbum, sed hujus productio, sic ex eo, quod Filius Dei procedat ut Verbum per locutionem, non sequi generationem Divinam includere formaliter Intellectionem, sed hanc in Patre esse Principium *Quo*, in Filio autem esse Terminum locutionis seu productionis Verbi.

6. Contra. Nam omne Agens ita tendit ad producendum sibi simile, ut nulla sit productio perfecta & univoca, nisi secundum similitudinem formæ producentis. Unde omnis Productio importat rationem communicationis, vi cujus si perfecta, & univoca sit, forma rei productæ conveniat cum Producente quoad Esse Naturæ specificum. At productio in Divinis est perfectissima. Ergo non potest stare in ratione productionis, quin ut sic involvat formaliter rationem communicationis quoad ipsam Principij producentis formam univocam. Atqui Paternitatis relatio ita in Deo Patre respectu Filij est ratio dis-

conveniendi, ut non intelligatur habere formaliter rationem communicationis, nisi involvendo intellectionem, in quâ Filius æternus formaliter ex vi suæ Processionis communicando cum Patre, habet rationem Verbi. Ergo productio Filij in Divinis non est præcisè formalitas relativa, sed involvit etiam Intellectionem, secundum quam vi generationis Divinæ Formaliter sit communicatio Formæ, seu Naturæ Divinæ in Patre producente Filium.

Replicabis ex Perezio *citato n. 7.* Hoc argumento probari duntaxat, quod productio Verbi Divini *Communicativè*, non autem *Formaliter* involvat Intellectionem, quatenus hæc non tam sit de ratione Formali productionis seu generationis Filij, quàm sit Terminus Formaliter communicatus per illam productionem.

Contra. Nam Productio est formaliter egressio seu Emanatio producti à producente. Hæc autem egressio, si univoca sit, formaliter importat communicationem Formæ Producentis. At ista communicatio univoca, si perfecta sit, ac excludat rationem Dependentiæ & causalitatis, non est secundum unius ex alterâ Formæ derivationem, sed secundum Formalem identitatem Formæ ex suis Principijs Essentialibus individuata, ac per se primò & ultimò actuata. Unde ejusmodi communicatio Perfecta formaliter involvit identitatem realem Formæ in producente & producto: ut adeo Formalis quoad Intellectionem in Patre & Filio identitas sit de ratione formalis productionis Verbi. Atqui non est intelligibile, quod Intellectionis Divinæ in Patre & Filio unitas seu Identitas Formalis sit de ratione generationis, quin in hujus conceptu formaliter involvatur Intellectio Divina tantquam purissima & actualissima sui intra Deum communicatio. Cum igitur Intellectio Divina ad productionem Verbi se habeat non præcisè quâ Terminus in Filio, & quâ Principium in Patre, sed quâ actualissima sui communicatio, consequens est, illam esse de ratione formalis Productionis Verbi.

### Responsio ad fundamenta opposita.

**A**D 1. Respondetur. Rationem formalem Divinæ Processionis importare duplicem Virtualiter distinctam formalitatem. Alteram productionis, secundum quam oportet esse distinctionem realem Producentis, ac Producti, alteram communicationis secundum omnimodam realiter Formaliter univocam identitatem. Ex quâ Identitate reali formali fieri consequens, quod Processio in Divinis formaliter importet rationem communem Personæ producenti, ac productæ. Quamvis proinde Intellectio & volitio sint tribus Personis divinis communes, non inferri, quod illa, quatenus affecta relatione Paternitatis, non sit Formaliter generatio, hæc verò quâ modificata relatione Spiratoris non sit formaliter Spiratio activa.

Ad 2. Respondetur. Tametsi formalitates Divinæ absolutæ per rationem objectivè præcisivâ sint separabiles à relationibus Personalibus, istas tamen non esse intelligibiles sine Esse Dei absoluto, tum quod istud sit unica Essendi ratio omnis ac totius divinæ Perfectionis & formalitatis, tum quod ipsa ratio generationis v. g. in Deo



Deo formaliter importet Esse respectivum Paternitatis tanquam Originem procedentem in alium cum omnimodâ Naturâ, atque adeo Intellectionis Identitate reali formali. Quare Processionem & Productionem in Divinis taliter importare conceptum respectivum, ut in hoc tamen involvatur formaliter conceptus etiam absolutus formalitatis v. g. Intellectionis communis Personæ generanti ac Genitæ.

## CONTROVERSIA III.

*In quo actu Intellectus & Voluntatis consistant Divinae Processiones?*

1. **C**ontroversia ista ortum habet ex Scoto in 1. dist. 2. q. 7. à n. 22. & in quodlib. 72. n. 8. asserente, in divino Intellectu duos esse actus ex naturâ rei formaliter distinctos, nempe actum intelligendi & dicendi, actum verò productivum Verbi esse actum dicendi, non verò intelligendi. Fundamentum potissimum à Radâ cit. 1. p. cont. 8. in explanat. Doctoris Subtilis conc. 2. deductum est. Si enim actus productivus Verbi divini esset Intellectio Patris, sequeretur, quòd Pater non communicaret Filio Essentiam perfectè beatam. Probatur ista sequela. Essentia Dei non intelligitur perfectè beata sine sui dilectione: siquidem beatitudo DEI perfecta in utrâque tam visionis, quàm Amoris operatione consistat. At si Patris Intellectio esset actus Verbi productivus, tunc non illa duntaxat, sed ipsum etiam Verbum tanquam terminus ejus intrinsecus præcederet quemcumque divinæ voluntatis actum, atque adeo Essentiæ Dei dilectionem. Ergo Essentia Dei non nisi in posteriori signo post Verbum jam productum esset perfectè beata. Ex hoc autem rursus sequeretur, quòd Pater aliquam Perfectionem reciperet à Filio. At istud absurdum est & falsum. Ergo & id, ex quo sequitur.

3. Neque verò pergit Rada citatus dicere licet, Intellectionem Essentialem præcedere actum divinæ Voluntatis Essentialem, tamen hanc subsequatur Intellectio quâ notionalis. Nam in contrarium arguitur, quòd vel Intellectio, quâ Pater formaliter intelligit suam Essentiam, habeat Verbum tanquam terminum, vel non. Si asseratur hoc secundum, infertur, quòd Intellectio, quâ Deus se formaliter intelligit, non sit Verbi productiva. Si dicatur primum, sequitur, quòd sicut Intellectio, ita & Verbum præcedat quemcumque divinæ Voluntatis actum, siquidem non sit intelligibile, actionem præcedere, qui terminus ejus intrinsecus similiter præcedat.

4. Circa istam subtilis Doctoris doctrinam ex mente Divi Thomæ 1. p. q. 27. a. 1. & q. 34. a. 1. ad 3. item q. 37. art. 1. Cajetani cit. q. 27. a. 1. §. Ad 2. Ioannis à Sancto Thomâ præf. disp. 12. à n. 15. Gonet cit. to. 3. disp. 2. a. 2. §. 3. Suarezij de Trinit. lib. 1. cap. 7. Vasquezij disp. 1. cap. 2. Amici disp. 18. sect. 5. & aliorum. 1. Verum est, quòd Pater dicendo producat Verbum. 2. Verificatur, quòd dicere ac intelligere aliquo modo virtualiter & ratione rationcinatâ distinguantur, siquid hoc sit Essentiale, & commune tribus Personis, ac importet habitu-

dinem duntaxat ad rem intellectam, illud verò activè sumptum conveniat soli Patri, atque importet habitudinem ad Verbum ut Dictum, seu procedens à Principio loquente. At 3. Falsum est, quòd Dicitio & Intellectio se habeant tanquam duæ actiones ex naturâ rei formaliter distinctæ, ita quidem, ut neutra etiam virtualiter sit ex alterâ, sed merè concomitanter se habentes sint ab uno communi Principio, Intellectum nimirum Patris quâ secundo in actu Primo.

## CONCLUSIO.

**D**icere ac spirare in Divinis non sunt actiones ex naturâ rei formaliter distinctæ à Dei intelligere ac velle, atque adeo Dicere Activum unâ cum relativâ Patris Hypostasi intellectionem; spirare verò unâ cum relatione Spiratoris volitionem formaliter importat.

Probatur. Nam ratio Dictionis consistit in operatione Formativâ Verbi, seu rei intellectæ expressivâ in Verbo. In hac autem Verbi formatrice operatione duæ importantur formalitates, scilicet ratio viæ ex objecto intentionaliter præsentem quasi causaliter influens in Verbum: nec non ratio Verbi formatrix quoad actualem rei intellectæ in Verbo expressionem. Atqui formalitas viæ non est intelligibilis in Divinis nisi secundum relationem: ratio autem formatrix Verbi in Deo importans actualem Essentiæ Divinæ in Esse intelligibili expressionem ut sic non est secundum relationem, sed secundum purissimam divinæ in se expressæ intelligibilitatis lucem manifestativam. At ista Essentiæ divinæ intelligibiliter expressiva actualitas, seu lux Manifestativa est formaliter intellectio. Quare Dicere Activum in Divinis unâ cum relatione Paternæ Hypostasis importat formaliter intellectionem, non ex naturâ rei formaliter, sed virtualiter distinctam ab illâ relatione, velut supra q. 3. a. 1. cont. 2. demonstratum est.

## Responsio ad Argumenta Adversariorum opposita.

**A**d 1. Respondetur. Duplicem in Divinis assignari posse Prioritatis ac Posterioritatis ordinem, scilicet *A Quo* secundum Origines, & *in Quo* secundum signa seu instantia rationis. Ordo verò Originis seu Prioritas *A Quo* non convenit nisi formalitati habenti rationem Principij erga terminum realiter productum seu Principiatum. Atqui Intellectio Divina tum Essentialis, tum Notionalis, non habet rationem Principij respectu volitionis Dei Essentialis, tamen Verbo seu Intellectionis Notionalis intrinseco termino conveniat esse Principium amoris spirati. Etsi proinde respectu Notionalis passivæ volitionis conveniat Intellectioni divinæ Notionali Prioritas *A Quo*, non tamen verum est, quòd Intellectio Patris, ejusque terminus intrinsecus seu Verbū prioritatem *A Quo* præcedat Essentiæ divinæ dilectionem Essentialem. Deinde ipsi etiam Scotistis fatentibus Essentialia in Divinis secundum Prioritatem in Quo, sive secundum signa rationis in Divinis sunt priora Notia-



Notionalibus, nec aded Essentialem divinæ Essentiae Dilectionem præcedit Intellectio Dei notionalis. Sive ergo sermo sit de prioritate *A quo sive in quo*, falsum est, quod Divinæ Notionalis Intellectionis terminus præcedat Essentialem Dei Essentiae Dilectionem, ut aded Pater antecederet ad Filij productionem intelligi possit perfecte beatus non tantum secundum Intellectum, sed etiam secundum Voluntatem.

7. Ad 2. Respondetur. Intellectionis, quæ Pater Formaliter intelligit Essentiam suam, non secundum se absolute, sed quæ per Paternam Hypostasin modificata terminum esse Verbum. At eidem Patri Intellectioni secundum se absolute, non autem secundum Paternam Hypostasis modificationem convenit, quoad instans aliquod rationis esse priorem volitione Dei Essentiali, nec aded Verbum ceu intrinsecus Intellectionis, quæ per Paternam Hypostasin modificatus terminus secundum aliquod rationis Signum præcedit Essentialem divinæ Essentiae dilectionem.

\*\*\*\*\*

#### CONTROVERSIA IV.

#### Quot sint Processiones in Deo?

1. **D**Uas duntaxat in Divinis esse Processiones, nempe generationem, ac spirationem, docet fides, per quam credimus, non nisi duas esse Personas, in Deo realiter procedentes, Verbum nimirum ac Spiritum Sanctum. Cujus rationem ex Sancto Thoma *præf. q. 27. a. 5.* Theologi communiter assignant, quia Processiones Divinarum Personarum sunt secundum operationes seu actiones Dei immanentes. Est autem operatio secundum naturam substantiæ. Dei verò natura est purè Intellectualis. Atqui naturæ purè intellectualis duæ duntaxat sunt immanentes operationes, nimirum Intellectio, & Volitio. Ergo in Deo non sunt nisi duæ reales Processiones. Verum quia hæc ratio solum demonstrat, esse in Deo duas ad intra Processionum species, dictionis nimirum ac spirationis, superest probandum, non dari in Divinis plures ejusdem rationis productiones seu plures v. g. generationes.

#### Referuntur Sententiæ Doctorum.

3. **D**IVUS THOMAS *de potent. q. 2. a. 4. in fine Cap.* præinsinuatæ Veritatis primam assert rationem ex eo, quod Materia non habens locum in Deo sit unicum Principium distinctionis secundum numerum in eadem specie. Ex Scoto proponit Rada *cit. cont. q. 4. 2. concl. 3.* rationem illam nisi falso vel dubio fundamento.
4. Secundam rationem Doctor Angelicus *citatus* inducit ex eo, quod Personæ divinæ producantur per modum naturæ, natura autem determinetur ad unum. Ex subtili suo Doctore opponit Rada *citatus* non ob stare naturam etiam ad unum determinatam esse Principium plurium productionum ejusdem rationis. Tertiā rationem S. Doctor *4. contra Gentes cap. 13. in prin.* proponit, quod in Deo unicum sit intelligere, quo Deus se, & omnia alia à se uno ac simplici actu intelligit. At ex

divinæ Intellectionis simplici unitate infertur, non esse in Deo nisi unicum Dicere, atque aded unicum Verbum. Opponit ex Scoto Rada, non esse universaliter verum, quod ubi est unicum Intelligere, ibi sit unicum dicere ac Verbum. Quarta rationem communiter assignant Theologi ex eo, quod secunditas in Divinis ordinata ad Generationem exhauriatur in unius Filij generatione, utpote adæquatā illi Fecunditati, nec aded possibile sit, per eandem Fecunditatem gigni alium filium. Opponit Rada supponi, non autem probari, quod per unicam Filij Generativæ in Divinis Fecunditati adæquatam productionem exhauriatur illa Fecunditas.

#### CONCLUSIO.

**O**MNES præallegatæ rationes reduci possunt ad unum ab Angelico Doctore *cit. q. 2. de Potent. a. 4.* insinuatam Principium, atque ut sic efficaciter probant, non esse in DEO nisi unicam generationem, nec nisi unam spirationem.

Probatur, & explicatur. Omnes præallegatæ rationes radicanter in eo, quod ratio divinæ ad intra Processionis formaliter importet Hypostasin. At ex hoc ipso, quod intellectio divina quæ formaliter importans Hypostasin sit generatio, & volitio quæ importans formaliter suppositivam spirationem, sit spiratio passiva, evidenter sequitur, non posse in Divinis dari nisi unicam generationem, nec nisi unam spirationem. Ergo Numerica divinarum Processionum unitas rectè concluditur ex præallegatis rationibus reductis ad Principium prædictum, in quo radicanter. Minor patet ex terminis. Nam ratio Hypostasis dicit incommunicabilitatem in ratione individui. At ista in ratione individui incommunicabilitas Essentialiter infert negationem Numericæ Multiplicabilitatis. Major probatur. Nam 1. materia est Principium numericæ in unâ specie multiplicabilitatis, eò quod in se habeat indifferentiam Potentialitatis, non in ratione duntaxat speciei per formas, sed in ratione etiam individui per substantias determinabilem. Hinc Formæ per se subsistentes nec aded receptivæ in materiâ sunt ex se ipsis determinatæ ad unum individuum subsistens. At ista ad unum subsistens individuum formæ determinatio alia est duntaxat radicalis, velut in Angelis, alia verò formalis, velut in purissimo cujusvis Deo intrinsecæ formalitatis actu. Unde Intellectio divina quæ generatio formaliter involvit substantiam. At Intellectio Divina Patris quæ generatio est Notionalis distincta à Personalitatibus Filij & Spiritus Sancti, quam proinde oportet ut sic includere substantiam non duntaxat absolutam tribus Personis communem, sed relativam Paternæ Hypostasis.

Cum igitur ex eo, quod in Deo sit purissima secundum omnimodam potentialitatis exclusionem immaterialitas, sequatur, quamlibet Divinam Formalitatem involvere Essentialiter substantiam. Hæc autem substantia in formalitate Divinæ Essentiali sit absoluta, in formalitate verò Notionali sit relativa, evidenter



dent ex purissimâ Divinæ Generationis immaterialitate inferitur, quod in ratione suâ formali involvat Individuam Incommunicabilitatem, atque adeo multiplicabilitatis Numericæ exclusionem. 2. Naturæ ad unum Determinatio est secundum actualitatem formæ. At formalitatis, quæ Divinæ atque adeo productionis Deo immanentis actualitas est non tantum secundum speciem, sed secundum rationem individuam in se ultimâ completam & subsistentem. Est autem per se notum, formalitatem quâ in ratione ultimâ & completè individuâ determinatam non esse multiplicabilem. Ergo ex intrinsecâ Productionis Divinæ determinatione sequitur, non esse in Deo nisi unicam Generationem, nec nisi unam Spirationem.

10. 3. Nam ex unitate Intellectionis vel maxime inferitur unitas Dictionis, si hæc formaliter involvat Hypostasin. At in Divinis intelligere formaliter specificatur per Esse Dei ex se ipso Essentialiter subsistens per subsistentiam absolutam. Hoc autem Intelligere constituitur in ratione Dictionis per Hypostasin Patris relativam. Ergo ex unitate Intellectionis maxime in Deo inferitur unitas Dictionis numerica, utpote formaliter importata per Incommunicabilitatem Paternæ Hypostasis, ut sic exclusivam numericæ Multiplicabilitatis.

11. 4. Fecunditas in Divinis ordinata ad generationem idè dicitur exhausti in unius Filij generatione, quia hæc propter suam infinitatem est adæquata illi Fecunditati. At ratio infinitatis simpliciter perfectæ fundatur in ratione purissimæ actualitatis, seu formalitatis Essendi omnino irreceptibilis. Hæc autem purissimæ in Essendo Formalitatis irreceptibilitas importat actualitatem in se formaliter subsistentem, atque adeo perfectè, & completè individuum. Cum igitur ratio Completx individuationis formaliter excludat multiplicabilitatem Numericam, cuique autem operationi Divinæ immanenti live Intellectioni live Volitioni eatenus inexistat vis ad intra Productrix, ut hæc in ratione ultimâ individuationis tam absolutæ, quam relativæ sit formaliter ex se actuatæ, evidenter sequitur, Intellectionem Divinam quâ relativâ Patris Hypostasi suppositam ita esse generationem activam, & Volitionem quâ relativâ Spirati Hypostasi subsistentem, ita esse Spirationem Passivam, ut ambæ per suam intrinsecam rationem excludant Numericam sui Multiplicabilitatem. Ex quibus adeo facile patet responso ad Scoti & Radae n. 3. oppositiones.

#### CONTROVERSIA V.

##### *Qualiter inter se distinguantur Divina Processiones?*

1. Supponimus 1. realem esse distinctionem inter Generationem passivam & Spirationem passivam: hæc enim est distinctiva Spiritus Sancti à Patre & Filio, per illam verò distinguitur Filius à Patre & Spiritu Sancto. 2. Processiones activas, cum nullam inter se habeant oppositionem relativam, in Deo non distingui rea-

liter, sed Spirationem activam in Patre esse à parte rei eandem cum Generatione activâ. 3. Generationem activam seu Personalem Patris proprietatem realiter distingui tum à Generatione passivâ, tum etiam à Spiratione passivâ Spiritus Sancti propriâ.

2. Quibus adeo suppositis, remanet difficultas. An tam Processiones Divinæ activæ virtualiter duntaxat distinctæ, tum passivæ inter se comparatæ, tum denique activæ aliqua ad Passivam relativè oppositam comparatæ processio importent specificam inter se differentiam?

Referuntur Sententiæ Doctorum.

3. FRANCISCUS DE LUGO lib. 2. de Deo Trino disp. 6. c. 2. cum alijs à se relatis affirmat. Fundamentum est. Quia Generatio & Spiratio in Divinis tendunt in terminos specie distinctos. Ergo differunt specie. Antecedens Probat. Nam generatio activa tendit ad Filium, & Spiratio activa ad Spiritum Sanctum. At istæ Personæ licet in naturâ Divinâ non differant specie, vel numero, in proprietatibus tamen specificè distinguuntur, siquidem Personalitas Filij constituat illum verè genitum, Personalitas verò Spiritus Sancti non constituat illum Filium, nec verè genitum, sed Spiratum.

4. Confirmatur. Generatio enim activa in Deo producit formaliter similem in naturâ, spiratio verò activa non nisi Materialiter & Identice similem. Ergo distinguuntur quasi specificè, sicut Relationes etiam Divinæ differunt inter se specificè propter diversitatem fundamenti ac termini quasi specificam, & propter diversum modum respiciendi.

#### CONCLUSIO.

Processiones in Divinis, earque duntaxat, quæ relativam inter se oppositionem habent, non distinguuntur specificè, sed Numericè tantum.

5. Probat. Nam Differentia specifica formaliter importat quidditatem rei determinativam in Esse Essentiali. At in Divinis omnium etiam Personalium proprietatum non est nisi unicum actualissimum ac simplicissimum Esse Essentiali in se ipso formaliter subsistens, atque adeo completè individuatam. Sicut ergo totum Esse Dei quoad proprietates etiam personales est omnino indivisibile, sic non admittit intra se formalitates specificè distinctas, imò quoad Esse Essentiali Numericè etiam diversas.

6. Dices. Tamen si omnis in Deo formalitas sit simpliciter una quoad Esse in, seu Esse absolutum, esse tamen in Divinis personis formalitates diversas Quoad Esse ad, seu Esse relativum. At istam Esse relativi diversitatem ratione Fundamenti & Terminorum esse Numericâ Majorem.

7. Contra. Nam sicuti differentia specifica est secundum Quidditatem Formalem, sic Numerica est secundum Individuationem. At in Deo non est nisi unica Essentia & quidditas, per ultimam actualitatem, atque adeo Hæcceitatem purissime in se actuatæ. Hæc autem quidditas in se formaliter subsistens, atque adeo per se ipsam completè individuatâ ita quoad




ad relationes secum identificatas admittit pluralitatem, ut illæ ipsæ tamen relationes habeant rationem subsistentiarum seu Personalitatum: est enim relatio Paterna formaliter Hypostasis Patris, & relatio filiationis formaliter est Hypostasis Filij, relatio autem spirationis Passivæ est formaliter Hypostasis Spiritus Sancti, ac denique relatio spirationis activæ formaliter importat Hypostases Patris & Filij, ita ut hæc istæ sint secundum distinctionem virtualem ratione ratiocinata separabiles à relatione spiratoris, non tamen econtra relatio hæc sit objective præscindibilis ab Hypostasi Personarum tum Generantis, tum genitæ per Intellectionem Divinam. At verò ratio Hypostasis formaliter importat Hæccitatem seu individuationem ultimam. Ergo supra Esse Essentiæ Quidditativum ac specicum in se ipso subsistens omnem tam specificam, quam individua-lem sui in Essendo multiplicabilitatem excludens non est in Deo intelligibilis multiplicabilitas seu differentia, nisi quoad Hypostases relativas. At differentia quoad Hypostases est formaliter individualis, non autem specifica. Ergo in Divinis non datur Differentia, nisi individualis quoad Personales relationes.

#### Responsio ad opposita Argumenta.

8. AD Francisci de Lugo Fundamentum Respondetur. Negando Filium & Spiritum Sanctum differre specificè quoad Proprietates Personales: nam ista Proprietas formaliter est secundum oppositionem relativam, per quam formaliter est unus ad alteram incommunicabilitas. At ista ratio incommunicabilitatis est formaliter Hæccitas spectans ad individuationem. Ergo rationes Filij & Spiritus Sancti seu geniti ac spirati non important differentias, nisi individualiter, non autem specificè diversas.

9. Ad Confirmationem Respondetur. Generationem activam in Patre importare formaliter Hypostasin Paternam, sicuti Spirationem activam includere relationem Spiratoris formaliter constitutam in Hypostasibus Patris & Filij. At Hypostasin Patris ex hoc respicere Filium in naturâ consubstantialiter similem, quod sit Terminus Personalis Naturæ Divinæ quæ virtualiter distinctæ ab amore, sicut relationem econtra spiratoris respicere Spiritum Sanctum quæ identicè, non autem formaliter procedentem in naturæ similitudinem, eò quòd sit Terminus formaliter importans Personalitates Patris & Filij quæ Terminantes Amorem Divinum virtualiter distinctum ab Intellectione seu Naturâ Deitatis. Quare generationem & Spirationem activam, quatenus una, non verò altera ex vi processionis est producens formaliter similem in naturâ, nullam nisi secundum relationes non Formaliter à parte rei, sed virtualiter distinctas importare differentiam, quæ ex parte Terminorum ita inferat distinctionem realem Hypostasum, ut ipsæ tamen activæ productiones ex eo solum à parte rei differant, quòd Generatio activa relationem in solâ Hypostasi Paternâ, spiratio verò activa relationem in duabus Patris & Filij Personalitatibus subsistentem importet. Quam equidem ex parte Hypostasum distinctionem ita esse numericam, non au-

tem specificam, ut multò minùs inter Intellectionem seu Naturam, & Amorem Divinum in uno simplicissimo Dei Esse per Essentiam suam ultimè individuato subsistentem possit esse differentia specifica.



### ARTICULUS II.


#### DE

#### Principio ac Termino Divinarum Processionum.

**P** Rincipium actionis distinguitur à Philosophis in Principium *Quod*, & *Quo*. Illud est suppositum operans: de quo dici solet, actiones esse suppositorum. Hoc verò est forma, seu virtus, per quam operatur suppositum.

Principium *Quo* subdistinguitur in *Radiale*, & *Formale* seu *Proximum*. Illud est virtus ex se proportionata ad rei alicujus productionem, illud verò, si naturale sit, est radix, ex qua per modum proprietatis emanat virtus proximè productiva, velut in igne forma subitanea est Principium *Quo Radiale*, calor vero per modum Proprietatis ex hac emanans proxima potentia calefactiva.

De Principio *Quod* Generativo in Divinis est indubitatum, esse Personam Patris, Principium verò *Quod* Spiritus Sancti esse Personas Patris & Filij. At de principio *Quo* Divinarum Processionum sequentes moveri possunt controversiæ. 1. An in Divinis detur vera & realis virtus ad intra Productiva? 2. Quæ sit ratio formalis Divinæ ad intra tum Generativæ, tum spirativæ virtutis?



#### CONTROVERSIA I.

#### An in Divinis detur vera & realis Virtus ad intra Productiva?

**A** Ureolus in 1. dist. 7. q. 1. & 2. negat; in Divinis esse realem ad intra Productricem Potentiam. Probat. Non datur realis Potentia physicè productiva, ubi non est verè productio elicta. At generatio activa in Deo Patre non est verè ac physicè elicta, seu est ipsum Esse relativum Patris, estque adeò realiter improducta. Sicut ergo ad Esse Hypostasis Paternæ, sic ad generationem activam datur in Patre potentia duntaxat Logica consilens in solâ non repugnantia.

Molina in 1. p. q. 41. a. 4. existimat, non dari in Deo potentiam realem respectu generationis, aut spirationis activæ, sed ad generandum Filium ac spirandum Spiritum Sanctum. Fundamentum est. Ubi Productio non habet rationem actionis, sed relationis duntaxat, non datur Potentia ad Productionem, sed ad terminum seu rem productam. At inter Personam Divinam Producentem & productam non mediat actio à Producente emanans, sed relatio duntaxat



tio duntaxat Producentis ad Productum. Ergo in Divinis non est ponenda Potentia realis respectu Productionis, sed Personæ duntaxat productæ.

6. Divus Thomas 1. p. q. 41. a. 4. in corp. & ad 3. docet: in Divinis esse veram potentiam Generativam & Spirativam, quæ respectu actionum, secundum quas Personæ Divinæ procedunt à Deo personaliter distinctæ, habent propriam rationem Principij.

### CONCLUSIO.

**V**ls Generativa & Spirativa est respectu actuum Notionalium vera realis Potentia.

7. Probatur ratione S. Doctoris *in cit. a. 4. q. 1.* Nam Potentia nihil aliud significat, quam Principium alicujus actûs. At in Deo sunt actus Notionales: omnis autem actûs realiter productivi oportet ponere Principium. At istud Principium in Patre est vis Generativa, in Patre autem ac Filio est vis Spirativa. Ergo vis Generativa & Spirativa in divinis respectu actuum Notionalium Generationis & Spirationis est vera realis Potentia.
8. Dices. Principium importare distinctionem ab eo, cujus est Principium. ex S. Doctore *cit. a. 4. ad 3.* At nullam Generationis & Spirationis activæ esse in Deo distinctionem à Virtute Generativâ & Spirativâ. Ergo hanc respectu Generationis & Spirationis activæ non esse veram realem Potentiam, sed respectu Generationis & Spirationis duntaxat passivæ, ac Terminorum per actiones notionales divinas productorum.
9. Contra. Nam respectu illarum actionum, secundum quas res aliquæ procedunt à Deo tanquam Essentialiter vel Personaliter distinctæ, potest DEO attribui Potentia secundum propriam rationem Principij. ex Divo Thomâ *proximè citato.* Unde ratio Principij relata etiam ad actionem non importat Essentialiter distinctionem ab actione, sed ab hujus termino. At licet Generatio & Spiratio activa in Divinis non distinguatur realiter à Virtute Generativâ & Spirativâ, illarum tamen termini ab his distinguuntur realiter. Ergo virtus Generativa & Spirativa in Divinis respectu actionum quoque Generandi, ac Spirandi est realiter Potentia secundum propriam rationem Principij; sicut vis creativa in Deo est realiter Potentia, non respectu creaturæ duntaxat Essentialiter distinctæ à Deo, sed respectu actionis etiam creandi Deo formaliter immanentis, atque adeo realiter identificatæ cum divinâ Substantiâ & Omnipotentia.

Responsio ad fundamenta opposita.

10. **A**D Aureoli n. 1. Oppositum Respondetur per distinctionem. Nam verum est, quod ubi non est productio realiter elicitæ, ibi non sit Potentia physice productiva tanquam Principium *A quo* emanet illa productio. At falsum est, quod si Terminus Essentialiter vel Personaliter sit distinctus à Potentiâ habente actionem sibi realiter identificatam, ibi non sit Potentia physice productiva tanquam Principium *In quo* physice

existat actio seu realis & physica à principio ejusmodi termini emanatio. Etsi proinde Generatio activa in Deo non sit actio physice elicitæ, sed sit realiter improducta, quia tamen est vera Personæ genitæ à Patre emanatio realiter identificata cum virtute Generativâ, hæc veram respectu Filij habet rationem Principij *A quo*, respectu verò Generationis activæ rationem Principij *In quo*. Unde falsum est, quod ad Generationem activam in Patre detur sola non repugnantia Logica Potentia. Tum quia Potentia est non repugnantia duntaxat negativa per non implicantiam seu non inclusionem formalem Negationis ad Essendum. At Generatio activa in Patre est formaliter per se ipsam in Esse purissimo actuata, nec adeo Negativam solummodo habet non repugnantiam ad Essendum, sed positivam formaliter exclusivam non existentia seu non Esse actualis. Tum quia Generatio activa in Patre per suam formalem rationem importat Potentiam Physice Generativam tanquam Principium *In quo* reale, & tanquam Principium *A quo* per illam Generationem seu physicam emanationem realiter procedat Persona Genita.

Ad Molinæ n. 2. Oppositum Respondetur. 12. Aliud esse, si Generatio activa dicatur vera Personæ Genitæ physice Productrix actio, aliud autem fore, si diceretur actio media inter Personam producentem & productam. At licet hoc posterius sit falsum, prius tamen esse verum, nec ut respectu actionis Potentia habeat realem Principij *In quo* rationem, requiri, quod actio sit media inter Principium & Principiatum. Ergo Molinæ argumentationem laborantem quatuor terminis nihil evincere adversus Physicam respectu generationis activæ in Deo Patre Virtutem.

### CONTROVERSIA II.

*Quæ sit formalis ratio Divine ad intra Virtutis tum Generativæ, tum Spirativæ?*

**D**IVUS Bonaventura in 1. dist. 7. q. 1. asserit, verius & probabilius esse, quod Potentia Generativa importet solam relationem Paternitatis, non verò Naturam seu Essentiam DEI absolutam. Fundamentum ab eodem Sancto Doctore deductum est. Nam Potentia generandi non videtur dicere, nisi fecunditatem ad actum Generationis. At ista fecunditas est quid proprium Personæ Generantis. Ergo & Potentia Generandi est propria hujus. Atqui Proprietates Personarum Divinarum non important ut sic nisi formalitates relativas. Ergo ratio Potentiæ Generativæ in Divinis est quid relativum.

Gabriel in 1. dist. 7. q. 1. 2. & 3. & alij suppresis licet nominibus à D. Thomâ q. 2. de Potent. a. 2. relati docent: Principium *Quo* divinarum Personarum esse solam Perfectionem absolutam. Probatur autoritate Ioannis Theologi in Concilio Florentino sess. 18. asserentis: *Filius ex Patre, & ex Patris Substantiâ generari, ita ut Pater sit generans, Principium autem Quo persona generatur, sit id, quod solum communicabile est.* At id, quod so-



lūm est communicabile in Divinis, est quid purē absolutum nullam involvens notionem seu proprietatem relativam.

3. Hæc sententia videtur stabiliri posse ex Scotto in 1. dist. 7. q. iii. n. 9. docente: Potentiam generandi in Deo sumptam pro fundamento proximo relationis Generativi non esse relationem, sed absolutum. Fundamentum ab eodem subtili Doctore n. 1. deductum est. Nam quod est perfectioni, n. Principio productivo, non tollit ab illo rationem Principij productivi. At communicare se in identitate numerali & communicatione sibi adæquatā, ponit perfectionem in Principio Productivo. Ergo hoc non tollit ab aliquo rationem Principij productivi. Sed si Deus per impossibile generaret alium Deum, & ille alius tertium, Deitas poneretur Principium productivum alterius, & non relatio, & tunc Deitas non communicaret se in identitate numerali, nec communicaret se communicatione adæquatā sibi in ratione Principij productivi. Ergo cum modò Deitas communicetur in identitate numerali, & communicatione sibi adæquatā, ita quod in Deitate non potest esse alia communicatio numero ejusdem rationis cum istā, sequitur, quod multò magis modò poneretur absolutum esse Principium productivum, quā tunc poneretur.

4. Henricus quodlib. 3. q. 3. & in sum. q. 7. a. 57. Valentia 10. 1. dist. 2. q. 15. punct. 2. Albertin. 10. 2. in Prædicament. Relation. coroll. 11. cont. 2. n. 6. & 8. tenent: Potentiam Generativam non esse solam Intellectionem, nec Potentiam Spirativam esse solam volitionem, sed in utraq̃ue includi relationem Producentis, ut intrinsecam & Essentialem Virtuti Productivæ. Fundamentum à præcæto de Lugo n. 7. deductum est, quia de ratione naturæ est, esse Principium Quod, nam suppositum operatur ut Quod. At Deus constituitur in Essentiali ratione divinæ Naturæ per intellectionem, cujus affectio est volitio. Ergo ab eisdem habet rationem Principij ut quo Generandi, & Spirandi. At verò Principium oportet realiter distinguī à Principiato. Essentialis verò & absoluta Intellectionis & volitionis formalitas secundum se non distinguitur à Personā productā. Ergo non est Principium, nisi additā relatione, per quam distinguatur.

5. Divus Thomas 1. p. q. 41. a. 5. Cajetanus ibi. Ioannes à Sancto Thomā præi. dist. 16. a. 4. n. 6. Perez dist. 3. de Deo ut Trino scilicet. 4. & alij asserunt: Principium Quo Generandi in Deo consistere in Intellectione quā connotante relationem Paternitatis. Favet huic sententiæ Albertus Magnus in 1. dist. 7. a. 2. docens: Potentiam productivam in Divinis, quatenus est potentia in actu, esse quid medium inter purē Essentiale, & purē Personale, & illius Medij id, quod est potentia, tenere se ex parte naturæ, id autem, quod est actus, tenere se ex parte actionis & Personæ.

#### CONCLUSIO.

Potentia Generativa in Divinis formaliter consistit in Intellectione quā connotante relationem Paternitatis: potentia verò spirativa consistit formaliter in volitione quā connotante relationem Spiratoris.

6. Probatur ratione Divi Thomæ ubi supra.

Nam illud, in quocunque agente propriè dicitur Potentia, quo agens agit. At omne agens producit sibi simile, quantum ad formam, quā agit. Ergo Potentia cujuscunque agentis est forma, in quā productum assimilatur Principio sui Productivo. Atqui filius Dei assimilatur Patri gignenti in naturā divinā. Ergo hæc in Patre est potentia generandi. At verò natura divina formaliter consistit in Intellectione. Ergo hæc est Potentia seu Principium Quo in Patre generandi Filiū.

7. Respondetur ex Alarcon tract. 5. dist. 6. cap. 2. oportere in Divinarum Personarū processionibus distinguere rationem productionis, tum rationem communicationis. Hanc verò ita procedere in assimilationem, ut illa tamen involvat distinctionem Principij, & Principiati. At nullam esse distinctionem in Divinis nisi secundum relationes. Ergo relationes formaliter ingredi in Divinis rationem tum Principij, tum Principiati.

8. Contra. Nam illa Formalitas, quæ est radix saltem virtualis ad fundandam realem productionem activam, ex quā physicè emanet productio aliqua passiva, habet rationem veri realis Principij productivi. Atqui Natura divina consistens formaliter in Intellectione, est radix Virtualis, in quā fundatur Paternitas Personalis, quæ unā cum eadem Intellectione est realis actio habens rationem tum communicationis, tum productionis activæ physicè producentis Filium Dei. Ergo Natura seu Intellectio Divina in ratione Principij ad intra realiter productivi non importat formaliter relationē Personalis Paternitatis, sed ista spectat ad actum secundum Divinæ Generationis, ad quam virtualiter est prior actus primus Principij realiter Generativi. Minor probatur. Productio perfectè univoca tendit in assimilationem perfectam Principij ac Principiati. Ergo illa duntaxat Formalitas est formaliter Principium Productivum, quæ est assimilativa. At forma quā Individualiter Incommunicabilis non est assimilativa Principij cum Principiato. Relatio autem Personalis Paternitatis in Divinis est forma individualiter incommunicabilis realiter in Esse suppositi seu individui Personalis distinctiva Patris à Filio. E contra verò Natura Divina ita habet vim sui communicativam & assimilativam, ut in se fundando Paternitatem Personalem, tanquā Originem activam sit Productiva Filij quoad relationem Personalem à se quidem distincti, quoad naturam tamen divinam omnino Consubstantialis: sicut Volitio seu amor in Deo ita habet vim sui communicativam & Numericè assimilativam, ut in Patre & Filio fundet relationem activæ spirationis, ex quā physicè procedat Spiritus Sanctus Personaliter distinctus, sed quoad amorem substantialē realiter identicè similis Patri ac Filio. Oportet igitur, actum quasi primū Principij Productivi in Divinis formaliter consistere tum in Naturā seu Intellectione, tum in Volitione divinā, Paternitas autem Personalis, nec non relatio Spiratoris spectant præcisè ad actum secundum divinæ ad intra productionis. Unde inter Principium & Principiatū in Divinis eatenus est distinctio realis, ut ista se teneat ex parte Principij Quod, nec non ex parte Productionis, non vero ex parte Virtutis, quā in actu primo productricis, atque ut sic fundantis originem activam Personalliter distinctam à Personā productā.

Repli-



10. Replicabis. Si Virtus in actu primo productrix in Divinis non involvit formaliter relationem, sequi, quod sit communis tribus Personis. At consequens esse falsum & contra fidem. Ergo & id, ex quo infertur.

11. Contra. Nam Intellectio & Natura Divina eatenus habet rationem Virtutis ad intra Generativæ, quatenus fundat activam Generationem. Hæc autem formaliter importat Personalem Paternitatem. At eo ipso, quod ista Paternitas sit formaliter Personalis, sitque aded forma individualiter incommunicabilis, sequitur, illam Virtutem Generativam non posse subsistere nisi in unâ Personâ divinâ. Ergo licet Natura divina ut sic communis sit tribus Personis divinis, in ratione tamen Virtutis Generativæ non connotat nisi unicam Paternitatem Personalem. Cum igitur Natura divina non denominetur Virtus Generativa, nisi quatenus connotat Paternitatem Personalem, in se quâ tali formaliter fundatam, consequenter negandum est, ex nostrâ sententiâ sequi, quod virtus Generativa sit communis tribus Personis divinis.

12. Instabis. Ex hoc discursu evinci, quod Virtus Generativa *Denominativè* duntaxat, non autem *realiter* sit propria Patris. Probatum ista sequela. Nam tota Entitas illius Virtutis est in Filio, licet in hoc non denominetur radix virtualiter fundans Paternitatem Personalem.

13. Contra. Nam Intellectio seu Natura divina habet rationem virtutis generativæ, quatenus formaliter dicit connotationem Paternitatis Personalis. Hæc autem connotatio ex parte rei importat realem identitatem Naturæ divinæ cum Paternitate Personali. At ista realis identitas est Entitativè ipsa Natura divina cum reali formali Inclusionem Paternæ Hypostasis. Hæc autem Paternæ Hypostasis inclusio est realis exclusio Filiationis Personalis. Ergo Natura divina quâ virtus Generativa est formaliter exclusiva Filiationis Personalis non quidem ex parte naturæ ut sic, sed ratione connotati Formalis, Paternæ nimirum Hypostasis. At tota ista secundum realem formalem identitatem Paternæ Hypostasis connotatio ita est à parte rei exclusiva Filiationis à Paternâ Hypostasi, ut secundum præcisionem objectivam cum fundamento in re sit ejusdem personalis Filiationis exclusiva à Naturâ divinâ quâ Virtute Generativâ. Ergo Virtus Generativa Naturam divinam cum connotatione Personalis Paternitatis formaliter importans non tantum *Denominativè* est propria Patris, sed *realiter*, ita tamen ut ista proprietas non se teneat ex parte Naturæ importatæ in recto, sed ex parte Hypostasis Paternæ in obliquo importatæ per Virtutem Generativam.

14. Urgebis. Ex hoc evinci, quod illa saltem formalitas, quam virtus Generativa formaliter importat, sit communis Patri & Filio. Probatum istud assumptum. Nam formalitas, in quâ virtus Generativa consistit, *formaliter* est Natura Divina: Hypostasis verò Paterna solum *connotativè* se habet ad formalitatem virtutis generativæ. Atqui Natura Divina, nec non ejusdem cum Paternâ Hypostasi Identitas, quantum est ex parte sui, tota est in Filio, tametsi Personalis Paternitas ab hoc sit realiter distincta. Ergo virtus Generativa secundum id, quod importat *Formaliter*, est tota in Filio, ta-

meti *Connotativè* importet Formalitatem à Filio distinctam.

Contra. Nos enim loqui non possumus de Divinis per unum simplex Verbum mentis, sed per diversos inadæquatos conceptus objectivos. At secundum has per ipsam etiam Fidem Divinam non nisi in formarum creatarum intelligibilium ænigmatibus intelligentem regulatas præcisiones objectivas triplex inadæquatum formamus Verbum de Naturâ Divinâ, prout per realem formalem identitatem connotatum Hypostasin Paternitatis, tum Personalitatem Filiationis. Est autem primus conceptus, quo intelligibiliter exprimitur Intellectio Divina, quâ virtualiter Radix Paternitatis personalis: secundus verò conceptus est, quo intentionaliter repræsentatur Natura Divina, prout per Hypostasin Paternam suppositam, est sui actualis Communicatio ac productio Filiationis Personalis: Tertius denique conceptus est, quo in mente nostrâ formatur in ratione formalitatis per realem formalem identitatem communicatæ Hypostasi Filij realiter emananti ex Paternâ Hypostasi. At verò sub primo duntaxat conceptu Natura Divina intelligitur quâ Virtus Generativa: sub conceptu autem secundo cognoscitur quâ actualis generatio, sub tertio denique conceptu contuitur quâ passivè terminans Divinam generationem. Est autem per se manifestum, quod illa Virtutis Generativæ Formalitas seu Radix paternitatis Personalis non sit *Formaliter* in Filio. Negandum igitur est, Virtutem Generativam secundum id, quod importat *Formaliter*, esse in Filio.

#### Responsio ad Opposita Argumenta.

15. AD Divi Bonaventuræ n. 1. oppositum Respondetur. Verum esse, quod Potentia generativa in Divinis non importet nisi Fœcunditatem ad actum generationis. Hanc verò Fœcunditatem aliter intelligi ab intellectu per fidem in ænigmate per formarum creatarum Intelligibile Speculum cognoscente, aliter verò repræsentari in intellectu per lumen Gloriæ Intuitivè conspiciente illam Fœcunditatem. Hinc enim lumine Gloriæ illustratus intellectus in Naturæ Divinæ Fœcunditate non distinguit actum primum, & secundum, sed purissimam ejus actualitatem, ut est in se contemplando, videt eam sub ratione actualissimæ Filij à Patre egressionis seu Originis activæ. Econtra verò intellectus per fidem cognoscens *enigmatice*, secundum præcisiones objectivas distinguendo inter Fœcunditatis Divinæ actum secundum ac primum; istum concipit tanquam virtualem Hypostasin Paternæ radicem, illam verò intelligit tanquam Formalem Filij à Paternâ Hypostasi activam emanationem. At verò inter hos duos conceptus istud est discriminis, quod secundum priorem intelligendi rationem Fœcunditas Naturæ Divinæ in actu primo spectata intelligatur Patri propria secundum personalis, atque aded individuum Paternitatis connotationem; secundum posteriorem autem intelligendi modum Naturæ Divinæ fœcunditas in actu secundo spectata sit Patri propria per ipsam personalem Paternitatem.

Ad n. 2. oppositum Respondetur. Id, quod in Deo solum communicabile est, nullam involvet



volvere in recto proprietatem relativam, sed in obliquo seu connotato. Probatur istud assumptum. Nam communicabilitas importat formalitatem, quæ ex uno possit transfundi in alterum. At in Divinis non est alteritas, nisi secundum relationes Personales: nulla verò formalitas spectans ad Hypostasies proprias, sed ad identitatem naturæ pertinens in Deo potest ex unâ Personâ transfundi in alteram. Ergo communicabilitas in Divinis importat formalitatem Naturæ cum connotatione relationum Personalium. Ergo quia Principium *Quo* Pater generat in Divinis, est id, quod solum est communicabile, sequitur Principium *Quo* Generationis in Deo importare in recto Naturam Divinam, in obliquo Paternitatem Personalem.

18. Ad Scoti n. 3. Propositum Fundamentum Responderetur. Verum esse, quod de ratione Principij productivi ad intra in Deo sit, esse sui communicativum secundum identitatem numeralem. At hoc ipsum in identitate numerali communicativum importare in recto Formalitatem absolutam Personæ Producenti ac productæ communem, in obliquo autem dicere formalitatem distinctivam communicantis à Personâ *Cui* formalitas illa absoluta communicatur. Quare Potentiam Generandi in Deo esse *Formaliter* quid absolutum, sed *connotativè* importare relationem Personæ Generantis distinctivam à Personâ Genitâ.

19. Ad Francisci de Lugo n. 4. oppositum Responderetur. De ratione Principij Productivi esse, quodd sit sui Communicativum per realem alterius ex se emanationem seu egressionem. At in creatis non potest intelligi unum emanare ab altero, nisi hæc alteritas præsupponatur ex parte Principij spectati in actu primo. Unde in creatis actiones sunt eatenus suppositorum, ut ex parte Principij in actu Primo præsupponatur subsistentia constitutiva Principij *Quod*. At in Deo Natura in se ipsâ Essentialiter subsistens est virtualiter prior relationibus Personalibus, habetque ut sic rationem virtutis in actu primo perfectam se in identitate numerali ad intra communicandi. Ex hac autem perfectæ ad intra Communicabilitatis virtute resultat virtualiter Personalis paternitas spectans formaliter ad actum secundum Generationis Divinæ. Quare actiones Dei ad intra eatenus sunt suppositorum, ut subsistentia relativa Generantis à Genito distinctiva & Principij *Quod* constitutiva non se teneat ex parte actus Primi, sed actus secundi. Et si proinde in creatis ob Naturæ limitationem inter Principium non tantum *Quod*, sed *Quo* in actu etiam primo spectatum debeat respectu Principiati esse realis distinctio; in Divinis tamen non oportet Principium *Quo* secundum actus primi in recto importatam formalitatem distinguere realiter à Principiato, sed Principij duntaxat *Quod* ut sic *Formaliter* includentis actum secundum est realis à Principiato, distinctio.

#### COROLLARIUM.

20. Infertur 1. Qualiter verificentur istæ propositiones. Natura Divina est Terminus Formalis Generationis quæ Communicationis: Rela-

tio Personalis Filiationis est Terminus formalis Generationis quæ Productionis: Persona Filij est Terminus Totalis *Qui* Generationis Divinæ. Nam 1. in Divinis intelligi potest communicatio quasi formalis importans identitatem realem formalem formæ cum Hypostasi, cui forma ejusmodi communicatur. At ex Fide Divinâ non dicimus communicari in Divinis nisi perfectionem absolutam realiter identificatam cum Personâ tum communicante, tum illâ, cui communicatur. Ergo sola perfectio absoluta in Divinis potest denominari tanquam Terminus Formalis Communicationis.

2. Intelligi potest in Divinis Communicatio *Formalis* effectiva. Hæc autem importat formam unius ab altero emanationem seu Processionem, tum identitatem formæ in Principio & principiato. Unde Generationis Divinæ quæ Communicationis quasi effectivæ terminus formalis est tam Natura Divina, secundum quam in Generante ac Genito est identitas formalis, quàm Filiatio Personalis, secundum quam est alteritas Filij à Patre. 3. Sicuti ratio productionis univocæ ac perfectæ non est abstrahibilis à ratione communicationis, sic Generationis Divinæ quæ Productionis terminus formalis non est sola relatio personalis Filiationis, nec sola Natura Divina, sed Hypostasis Filij quæ per realem formalem identitatem terminans Naturam Divinam. 4. Persona Filij est Generationis Divinæ Terminus non *positivè*, sed *Negativè* Totalis. Explicatur & probatur. Nam Terminus *Positivè* Totalis est, qui ex pluribus partialibus terminis quasi integratur. At neque Hypostasis Filij, neque Natura in Deo potest intelligi Generationis Divinæ terminus quasi partialis. Minor Probatur, quia ratio terminandi Generationem Divinam non convenit Naturæ secundum se præcisè, sed secundum personalem Filiationem. At ista Filiatio Personalis non potest intelligi quæ terminans generationem Divinam, nisi quatenus per identitatem realem formalem habet sibi communicatam Naturam Divinam. Ergo neque Natura Divina, neque Filiatio Personalis præcisè sumpta habet rationem termini quasi partialiter terminantis Divinam Generationem. Ergo Persona Filij est Generationis Divinæ terminus non *Positivè*, sed *Negativè* Totalis.

24. Infertur 2. Qualiter verificetur ista propositio, *Filius in Divinis est procedens De, vel Ex substantiâ Patris*. Nam 1. particula *De* denotat Consubstantialitatem. ex S. Thomâ *ut. q. 41. a. 3. ad 2.* Unde aliquid dicitur esse *De aliquo* tanquam Principio Consubstantiali. Hoc autem Consubstantiale Principium aliud est materiale, de cujus substantiâ consistit Principiatum. Aliud est activum, veluti de Patre dicitur gigni Filius consubstantialis, cum econtra Dominus non dicatur esse de ædificatore, eo quod iste non sit Causa Consubstantialis: aliud est formale in formis irreceptibilibus, veluti Angelus dicitur esse de naturâ Intellectuali tanquam principio suo formali. At in primis Filius Dei non est genitus de substantiâ Patris tanquam Principio Materiali, hoc enim importat potentialitatem mediante Productione Principiati mobilem, & mediante formâ in se receptâ actuabilem. At ejusmodi mobilitas & actuabilitas pugnat cum Essentiali



trarius Doctori Angelico superius adducto. Verum legenti subtilem Doctorem patebit, ipsum non intendere aliud, nisi quodd volitio Essentialis, per quam Pater est volens Filij generationem, sit quedammodò prior Generatione utpote Notionali. At non est alienum à Doctrinâ Angelici Doctoris, quodd in Divinis Essentialia sint secundum rationem nostram ratiocinatum priora Notionalibus.

ᠲᠦᠨ ᠤᠯᠤᠰ ᠶ᠋ᠢᠨ ᠵᠡᠭᠣᠷ᠎ᠠ ᠪᠡᠬᠡ ᠴᠢᠳᠤᠨ ᠶ᠋ᠢᠨ

*An, & cur Verbi Divini, non  
autem Spiritus Sancti Procef-  
ſio ſit Generatio?*

26. Interitur 3. Qualiter verificetur ista propositio, *Pater genuit Filium Voluntate*, vel *Pater volens genuit Filium*. Nam 1. ista propositio inter orthodoxos habuit ortum ad confutandos illos, qui Filium dicebant genitum naturali necessitate excludente voluntatis nostrae electionem, cuiusmodi necessitatem habemus etiam contra Voluntatem nostram in subeundâ morte, ac ignis nullam habens Voluntatem ex naturæ suæ determinatione necessitatur ad calefaciendum. Ad eijusmodi proinde necessitatem Voluntatis exclusivam de Divinâ generatione negandam, Sanctus Hilarius *lib. 1. de Synod.* protulit hanc sententiam: *Non naturali necessitate ductus, Pater genuit Filium.* Hinc 2. Divus Thomas *cit. q. 41. a. 2.* asserit: *Generationem Filij esse Patris Voluntariam voluntate Concomitante, non autem Voluntate Principiante seu Antecedente.* Explicatur & Probatur. Nam in hac propositione, *Pater genuit Filium Voluntate*; potest iste ablativus designare vel Concomitantiam duntaxat; sicuti verè dico, quòd meâ Voluntate sim homo, ut pote volens me esse hominem. At verum est, quòd Deus velit se generare Filium. Ergo verificatur, quòd Deus generet Filium Voluntate Concomitante. Vel ille ablativus potest denotare habitudinem Principij. At Filium non esse à Patre genitum Voluntate Principiante, evincitur ex Symbolo Concilii Syrmienfis apud Hilar. 2. in *lib. de Syn.* circa medium definitis in hæc verba: *Si quis Voluntate Dei tanquam unum aliquid de creaturis Filium factum dicat; anathema sit.*

*An Verbi Divini Proceſſioni  
adequatè conveniat ratio Vitalis  
Generationis?*

## CONCLUSIO.

Probat. Nam Verbi Divini realem esse à Patre Processionem seu originem, constat ex illo Psal. 2. Ego hodie genui te. Item Ioan. 8. Ego ex Deo processi. At istam Originem esse à Vivente, evincitur ex illo, quod Christus sic Filius Dei vivi

27. 3. Scotus in 1. dist. 6. q. un. n. 5. docens, Patrem  
gignere Filium Voluntate, non quidem Principiante, sed  
antececente; videtur nonnullis Thomistis con-



vivi. *Math. 16.* Hanc porro à Deo Patre vivente Originem esse Viven is, demonstra ut ex eo, quòd, *sicut Pater habet vitam in semetipso, sic dedit Filio habere vitam in semetipso.* Unde etiam concluditur, Filium Dei esse à Patre ut à Principio conjuncto, juxta illud *Joan. 1. Unigenitus, qui est in sinu Patris*; nec non juxta illud *3. Verbum erat apud Deum.* At hunc ipsum Unigenitum asserit Paulus ad *Heb. 1.* quòd *fit splendor Patris & figura substantiæ ejus.* Item ad *Coloss. 3.* quòd *fit imago invisibilis Dei.* Ratio autem Figuræ ac imaginis importat similitudinem cum Figurato, atque adeò Filij Dei generatio est in similitudinem substantiæ seu Naturæ Divinæ Patris. Ergo Verbum Divinum procedit vivens à Patre vivente tanquam Principio conjuncto in Similitudinem Naturæ. Ergo Verbi Divini Procellioni convenit adæquata Generationis vitalis ratio.

4. Dices. Per *ly à Principio conjuncto* designari causam materiale, ex qua elaboratur & procedit Gentum. Quam unicam esse rationem, cur Angelorum & Adami procreatio non habuerit rationem generationis, licet esset vivens à Deo Vivente Origo in similitudinem Analogicam Naturæ: non enim erat à Deo ut à Principio conjuncto tanquam Causâ Materiali, sed tanquam Principio activo per intimum ipsius Esse illapsum conjuncto. At Verbum divinum procedere à Patre ut à principio activo, non ut à Causâ Materiali sibi conjunctâ. Ergo Verbi divini Procellioni non convenire adæquatè vitalis Generationis definitionem.

5. Contra. Nam per *ly à Principio conjuncto* denotatur, debere aliquid de substantiâ Generantis communicari Genito, tanquam principijum intrinsecum. Est autem duplex intrinsecum principium scilicet Materiale, ac formale. Atqui formis creatis ex suâ intrinsecâ limitatione taliter convenit esse coarctatas ad unam Hypostasin ac individuationem Personalem, ut in ratione principij formalis non sint sui Communicativæ, sed in ratione Causæ duntaxat Efficientis importantis realem principij ac principati quoad formas, seu naturas distinctionem. Unde ex limitatione formarum creatarum est, quòd nulla possit per ipsas esse Generatio tanquam à principio formali conjuncto, sed tanquam à principio duntaxat Materiali conjuncto, hoc enim ratione suæ Potentialitatis eatenus est indifferens ad pluralitatem formarum, adeoque Hypostasum ac individuationem Personalem, ut consequenter de intrinsecâ Patris materiâ possit pars aliqua decidi, ac intrinsecè communicari Filio. At verò natura divina est forma purissimæ actualitatis. Ex hac autem actualitatis puritate, adeoque infinitate est, quòd in se ipsâ Essentialiter subsistens cum suâ absolutâ Hæcceitate possit terminare diversas personales relativas individuationes. Unde eidem quâ per Paternitatem Personalem terminatæ convenit esse productivam Filiationis Personalis, cui ipsissimam suam naturam cum omnimodâ absolutâ Hæcceitate communicet tanquam Principium formale intrinsecè constitutivum Filij. Ergo ex limitatione formarum creatarum est, quòd Vitalis Generatio in creatis sit à Principio tum activo, tum materiali conjuncto: ex Infinitate autem Naturæ divinæ est, quòd Generatio in Divinis sit à Principio activo simul & Formali conjuncto.

### Responsio ad Opposita Argumenta.

7. Ad difficultatem n. oppositam Respondetur. Sicut Essentia importat Primârei in Essendo realitatem, sic naturam dicere primâ in operando formalitatem. At in creatis primam tam Essendi, quam operandi radicem involvere Potentialitatem, ratione cujus sit abstrahibilis ab ultimâ Hæcceitatis seu individuationis subsistentis actualitate. Quam Essentiæ & Naturæ ab individuatione abstrahibilitatem in creatis esse rationem, cur Essentia & Natura veniat sub ratione Specierum. At verò in Deo Primum Esse, & Operari formaliter, ac Essentialiter importare ultimam existendi ac subsistendi formalitatem seu Hæcceitatem. Unde proprium esse Naturæ ac Essentiæ divinæ, quòd non sit species, sed Essentialiter sit individuum subsistens. In quo nihilominus individuum secundum ultimam Hæcceitatem Essentialiter actuato esse Personales relationes realiter inter se distinctas, sed omnino identitatas cum Naturâ & Essentiâ Dei. At de ratione similitudinis esse, tum extremorum inter se discrepantium, tum Formæ, in qua similia sunt, identitatem. Cum igitur in Deo taliter sit Naturæ ac Essentiæ identitas, ut tamen Personarum quoad individuationes relativas sit diversitas, consequens esse, quòd una Persona divina vere de se possit alteri similis quoad Naturam.

8. Confirmatur. Nam verum quidem est, in rebus creatis nullam stare similitudinem cum reali Formæ identitate. At hujus ratio est ex limitatione Formæ creatæ de se coarctatæ ad unicam sui individuationem. Econtra verò Natura divina, licet Essentialiter subsistens ac individua, per suam infinitatem est communistris realiter distinctis Personalitatibus, seu individuationibus relativis. Unde harum in Essentiâ & Naturâ Divinâ similitudo non est equiparanda cum similitudine formarum creatarum, sed Eminentioris est rationis: tamen si nominationem & rationem similitudinis propriè participet.

### CONTROVERSIA II.

#### Quomodo ex vi Generationis Divina Verbo communicetur similitudo in Naturâ?

8. Divus Thomas *præs. q. 27. a. 2.* huius difficultatis rationem exponit simili discursu: *In Deo idem est esse & Intelligere. Ergo conceptio intellectus est similitudo rei intellectæ, & in eadem naturâ existens. At processio Verbi est per modum intelligibilis actionis. Ergo Processio Verbi est per modum similitudinis.*

#### Referuntur sententiæ hujus discursus expositoriæ.

9. Hunc Sancti Doctoris discursum nonnulli de mente Caetanipræs. *q. 27. a. 2. & infra q. 35. a. 2.* censent taliter exponendum. Nam in operatione intelligibili, secundum quam est Processio Verbi, duæ sunt considerandæ formalitates, altera nimirum sub ratione operationis quâ præcisè intelligibilis, altera sub ratione operationis quâ di-



quæ divinæ. At istæ duæ formalitates per summam identitatem, ac purissimam actualitatem ita conveniunt in intelligibili Verbi divini processione, ut tamen ratio Divini *Virtualiter* ac *secundum obiectivam* Intellectus nostri *precisionem* se habeat quasi *Materialiter*, tamquam *differentia* purè extranea ad lineam intelligibilitatis. Unde Processio Verbi non ex formalitate Intelligibilitatis, sed ex ratione Divini habet, quod ut in Esse seu Substantiæ, atque Naturæ divinæ Similitudinem. Ergo processio Verbi quatenus est per modum intelligentiæ operationis, est præcisè in similitudinem rei intellectæ intentionalem, quatenus vero est divina, est in Essentiæ & Naturæ divinæ divinæ consubstantialitatem similitudinem.

IO. Vasquez *præs. disp. 13. cap. 6. & 7.* refutatâ sententiâ Cajetani, arbitratur, Generationis divinæ quatenus à *Aspiratione* non esse proprium, quod ut in similitudinem Naturæ, sed quod per eam procedat Verbum quæ imago Patris, cum contra Spiritus Sanctus procedat ut similis in Naturâ Patri & Filio, a quibus procedit, sed non ut imago illorum. Fundamentum ejusdem Authoris *4 n. 41.* deductum est. Nam Generationis divinæ Terminus est *formaliter* Filius. At Dei Filius quæ talis est imago Patris, juxta illud Aθανασij in *Epist. de Decret. Nicen. Synodi paulo ante medium* differentis in hæc verba: *Si cum imaginem nominet, Filium hoc ipso cum esse viduaveris, quid enim simile Deo, nisi sua progenies?* Ergo generativus divinæ Generationis Terminus Formaliter spectatus est imago Patris: quæ ut necesse similitudo non præcisè fundata in unitate Naturæ, sed in ratione repræsentativâ Naturæ paternæ: juxta illud Nazianzeni. *Brevi & compendiosa, factisque Paternæ Naturæ declaratio est Filius: Omne enim, quod genus est, generorem suum tacitâ voce desinit.*

II. Ferrarientis *4. contra Gent. cap. 11.* & Ioannes à S. Thomâ hic *disp. 12. art. 8. num. 13.* docent: Verbi divini Processionem ex formali ratione Processionis Intelligibilis, prout intra lineam Intelligibilitatis ab omni imperfectione est in Deo purificata, esse generativam, atque ut sic formaliter tendere in similitudinem seu Unitatem Naturæ divinæ. Probatur ex eodem Ioanne à S. Thomâ *n. 18.* Nam de ratione formalissimâ Intellectionis, expressionis, ac Dictionis Intelligibilis est, verbum fieri unum cum objecto in Esse Intelligibili, ac exprimere ipsum objectum cum omnimodâ Similitudine in Esse Intelligibili. At quod Esse Intelligibile objecti non sit ipsamet substantia, & Esse Entitativum objecti, provenit ex potentialitate ejus & defectu actûs puri. Si ergo intra lineam Intelligibilem detur actus purus ab omnimodâ potentialitate depuratus, sequitur, talem Intelligibilitatem formaliter in Esse Intelligibili esse ipsamet Substantiam seu Esse Entitativum objecti. Ergo etiam Intellectio intra lineam Intelligibilitatis ab omnimodâ potentialitate depurata erit ipsum Esse substantiale ac Entitativum objecti. Ergo etiam Verbum intra lineam Intelligibilitatis ab omnimodâ potentialitate depuratæ ita est expressivum objecti in Esse Intelligibili, ut formalissimè sit hujus

Esse Entitativum ac substantiale, sitque adeo simile non tantum *representativè*, sed

*Consubstantialiter.*

\*\*\*

## CONCLUSIO.

EX eo, quod Esse Dei sit suum intelligere, efficaciter demonstratur, Processionem Verbi Formaliter importantem hoc Dei Intelligere, esse formalissimè in similitudinem Naturæ.

Explicatur & Probatur. Esse Dei est suum intelligere, quatenus Intellectio Divina formalissimè specificatur per Esse Dei subsistens. Intellectio verò formaliter specificata per Esse Dei subsistens est formalissimè Natura Divina. Acqui Verbi divini Processio est formalissimè communicatio Intellectionis. Ergo ex hoc, quod Esse Dei sit suum Intelligere, sequitur, quod Processio Verbi Divini formalissimè sit communicatio Naturæ Divinæ. At per se notum est, Processionem, quæ formalissimè est Naturæ Divinæ communicatio, esse in Naturæ divinæ formalissimam similitudinem. Ergo ex eo, quod Esse Dei sit suum Intelligere, manifeste evincitur, Processionem Verbi formalissimè importantem hoc Dei Intelligere, esse formaliter in similitudinem Naturæ Divinæ.

Dices. In præfacto discursu Sancti Thomæ includi duas consequentias: quarum alteram taliter formari posse, *Esse Dei est suum intelligere. Ergo conceptio Intellectus est similitudo rei intellectæ.* At in istâ Consequentia esse difficultatem intelligendi, an conceptio Intellectus sit rei intellectæ similitudo Substantialis, vel Intentionalis duntaxat. Et quomodo ex eo, quod *Esse Dei sit suum intelligere*, inferatur, *Conceptionem Intellectus Divini esse rei intellectæ similitudinem Substantialem?* Alteram deinde Sancti Doctoris consequentiam taliter posse formari: *Conceptio Intellectus divini est similitudo rei intellectæ. Ergo est in eadem Naturâ Divinâ Subsistens.* At in hac consequentia subintelligi istam majorem: *Similitudo rei intellectæ est cum hac in eadem Naturâ Subsistens.* At in istâ majori subintelligi difficultatem, an similitudo rei intellectæ Formaliter quæ talis, an verò Materialiter duntaxat, ratione quasi subiecti, prout est in Deo, sit cum re Intellectâ subsistens in eadem naturâ Divinâ?

Contra. Nam verissimum est, quod in Intellectu, in quo Esse est suum Intelligere, rei intellectæ similitudo formaliter quæ talis habeat eandem cum re Intellectâ Naturâ subsistentem. At conceptio Intellectus formaliter importat similitudinem rei intellectæ. Ergo in Intellectu, in quo Esse est suum Intelligere, conceptio formaliter quæ talis habet eandem cum re Intellectâ Naturam subsistentem. Major Probatur, In Intellectu, in quo *Esse est suum Intelligere*, oportet rem Intellectam per suum Esse actualissime subsistens esse sui intelligibiliter expressivum. At Esse sui per se ipsum Intelligibiliter expressivum in ratione expressionis activæ est Dictio formaliter specificata per illud Esse subsistens: in ratione verò expressionis passivæ formaliter est illius Esse tanquam rei intellectæ similitudo subsistens in eadem naturâ. Probatur istud Assumptum. Esse per se ipsum Intelligibiliter expressum in Ente, cujus Essentia est suum Esse Subsistens, in Deo nimirum importat Intellectionem per Esse subsistens formaliter specificatam. Ejusmodi verò Intellectio ex parte prima intra lineam operativam actualitatis, est



tis, est ipsa natura. At Esse subsistentis sui per se ipsum sub purissimâ actualitate Intelligibiliter expressivi passiva expressio est illius Esse similitudo subsistens formaliter in Intellectione specificata per Esse Divinum subsistens. Ergo Esse subsistentis sui per se ipsum sub purissimâ actualitate Intelligibiliter expressivi passiva expressio est similitudo Esse Divini non *identice* duntaxat, sed extratione talis expressionis passivæ formaliter subsistens in Naturâ divinâ. Atqui Esse divini sub purissimâ Intelligibilitatis per se actualitæ formalitate expressio passiva est conceptio Divini Intellectus, per quam passivè procedit, imò formaliter realiter constituitur Verbum Divinum. Ex hoc igitur, quod Processio Verbi æterni sit conceptio Intellectus Divini per Esse Dei subsistens formaliter specificata, infertur, quod sit similitudo non intentionaliter duntaxat, sed Consubstantialiter expressiva Esse divini, atque adeò ut sic formaliter subsistens in Naturâ Divinâ. Atqui ex eo, quod Esse Dei subsistens sit suum Intelligere, infertur, quod conceptio Intellectus Divini sit formaliter specificata per Esse Dei subsistens. Constat igitur ex eo, quod Esse Dei subsistens sit suum Intelligere, efficaciter probari à Doctore Angelico, Processionem Verbi esse formaliter in Naturæ divinæ similitudinem Consubstantialem.

Responsio ad sententias Discursus D. Thomæ expolitórias.

15. **A** Dea, quæ ex Cajetano n. 3. sunt opposita, Respondetur. Falso ibi supponi, quod ratio Divini tanquam differentia purè extranea, quasi *Materialiter* se habeat ad lineam Intelligibilitatis. Nam ratio Divini *formaliter*, ac *Essentialiter* est actualitas, quæ sit Esse subsistens. At eo ipso, quod istud Esse subsistens sit suum intelligere, Intellectio in Deo formaliter in ratione Intellectionis est Esse subsistens per se ipsum actualiter in Esse Intelligibili expressum. Ergo intra lineam Intelligibilitatis quæ talem est actualitas formaliter Divina. At ista intra lineam Intelligibilitatis purissima actualitas est Formalissimè Natura divina. Cum igitur Verbum Divinum per modum Intelligibilis operationis procedens sit in Esse divini similitudinem intelligibiliter expressivam, consequenter est formaliter in Essentiæ & Naturæ divinæ similitudinem Consubstantialem.

16. Ad Vasquezij oppositum fundamentum Respondetur. Verum esse quidem, quod Generationis Divinæ terminus formaliter sit Filius, habens ut sic rationem imaginis representantis Naturam Paternam. Ex quo tamen haud concludi, quod Generationis Divinæ quæ distincta à spiratione non sit proprium, esse in Naturæ similitudinem. Nam imago est formaliter secundum rationem representandi: At representandum specificatur vel formaliter, vel Causaliter per Esse intelligibile rei representatæ. At representationem in Imagine Dei ob purissimam sui actualitatem oportet formaliter esse specificatam per Esse Dei Intelligibiliter representatum in tali Imagine. Ejusmodi verò formalis per Esse Dei Intelligibiliter representatum specificatio in illâ Dei Imagine importat Intellectionem habentem formaliter rationem Naturæ divinæ. Ergo ratio purissimæ Imaginis in Deo est

formaliter similitudo Naturæ divinæ. Ergo eo ipso, quod Processionis Verbi terminus sit Imago Naturæ Paternæ representativa, sequitur, Processionem Verbi esse formaliter in Naturæ divinæ Similitudinem.

Ad Ioannis à Sancto Thoma discursum Respondetur. Illum ex integro nobis probari, cuius efficaciam ex eodem auctore taliter posse sumari. Ratio Intelligibilitatis fundatur in ratione Essendi reali ac Entitativâ. Ergo ratio Essendi purissimæ actualitatis, ac omnimodæ immaterialitatis fundatur Intelligibilitatem purissimæ immaterialitatis ab omnimodâ Potentialitate depuratæ, atque adeò indistinctæ ab Esse reali ac Entitativo objecti Intelligibilis. Atqui Intelligibilitas ab omnimodâ Potentialitate depurata ita est sui Intellectio, ut ista sit ipsum Esse Entitativum objecti Intelligibilis. Est autem Processio Verbi per ejusmodi divinâ ab omnimodâ Potentialitate depuratam Intellectionem, quæ est Natura Divina subsistens per Esse Dei ex vi Processionis Intelligibilis formaliter communicata Verbo divino. Ergo ex eo, quod Esse Dei per purissimam suam actualitatem & omnimodam Immaterialitatem sit sui Intellectio, habens rationem Naturæ divinæ ut sic formaliter ex vi Processionis Intelligibilis communicata Verbo, consequens est, Processionem Verbi esse in Naturæ divinæ non præcisè *representativam*, sed *Consubstantialem* similitudinem.

SECTIO VI. DE GENERATIONE SPIRITUS SANCTI.

### CONTROVERSIA III.

#### Cur Processio Spiritus Sancti non sit generatio?

**S**piritus Sancti Processionem non habere rationem Generationis, nullum Orthodoxis esse potest dubium: Sacris Litteris *Joan. 1. secundam Trinitatis Personam allerentibus Unigenitum*. Hujus enim vocis propria significatio excludit consortium alterius Geniti seu Filij. Unde in Symbolo Sancti Athanasij profiteamur, quod *Spiritus Sanctus sit à Patre & Filio, non factus, nec Genitus, sed Procedens*.

Verum in hujus veritatis assignandâ ratione tanta est difficultas, ut eam inscrutabilem, & inaccessibleem judicant nonnulli Sancti Patres, nominatim Ioannes Damascenus *lib. 1. de fide. cap. 10.* Augustinus *lib. 3. contra Maximinum. cap. 14.* Athanasius *in Epistolâ ad Serapionem*. Gregorius Nazianzenus *Orat. 5. Theolog. aliâs 37.* Hilarius *lib. 2. de Trinit.* Anastasius Synaita *lib. de rectis Fidei Dogmat.* Ambrosius *lib. 1. de Fide. cap. 1.* Quibus concinit Divus Bernardus *Serm. 1. Pentecostes* asserens: *Processionem Spiritus Sancti posuisse tenebras latibulum suum.*

Cujus difficultatis Argumentum adduci potest ex ipsâ Generationis definitione. Hæc enim definitur esse *Origo viventis à vivente, à Principio conjuncto in similitudinem Naturæ*. At Spiritus Sanctus est Vita ipsa, procedens à Patre & Filio quâ vivente. Hæc autem Processio non est ex nihilo, nec ex Substantiâ creatâ: Ergo de divinâ Spiritui Sancto communicatâ Substantiâ per sui à Patre & Filio Processionem, quæ proinde est à Principio conjuncto. Ex hoc autem, quod Spi-

ritus



ritus Sanctus vi Processionis suæ habeat sibi communicatam substantiam divinam, sequitur, ipsum, ut Personam divinam, & ut Deum procedere in similitudinem Naturæ divinæ. Quare Generationis Vitalis definitio videtur adæquatè convenire Spiritui Sancto.

4. In hujus proinde difficultatis, etsi Patribus videretur insuperabilis, solutione Theologis vel ex hoc laborandum fuit, quòd ipsis Mysteria fidei incumbat à contradictione tueri. Unde non minus Patres antiqui, quàm Theologi Scholastici vires ingenij sui operose in hoc impenderunt, uti mox patebit.

#### Referuntur Sententiæ Doctorum.

5. **P**etrus Aliacensis à Vasquezio *pres. disp. 13. cap. 3. n. 18.* relatus docet, Verbi, non autem Spiritus Sancti Processionem habere rationem generationis, eò quòd iste procedat à duobus, illud verò ab uno duntaxat supposito divino. Probatur potest autoritate Sancti Augustini *lib. 15. de Trinit. cap. 27.* ad illam quæstionem, *Cur non dicatur natus esse, sed potius procedere Spiritus Sanctus?* respondentis in hæc verba: *Quoniam si etiam Filius diceretur, amborum utique filius diceretur, quod absurdissimum est, Filius siquidem nullus est duorum, nisi Patris aut Matris: absit autem, ut inter Deum Patrem, & Deum Filium aliquid tale suspicemur.*
6. Durandus in *1. dist. 6. q. 2.* arbitratur, Filij, non autem Spiritus Sancti Processionem esse Generationem, quòd ista sit per Voluntatem, illa verò per Naturam. Explicatio hujus sententiæ assertur ab Ysamberto *ad pres. q. 27. disp. 4. a. 5. n. 3.* Nam Generatio est Processio per modum Naturæ. Hic autem modus est procedere ab uno tantum. Econtra procedere per modum Voluntatis, est procedere à duobus suppositis, quorum quodlibet per se sufficiens sit, ut adeo videantur voluntariè conjungi ad producendum unum. At Verbum divinum procedit ab uno Patris supposito: Spiritus autem Sanctus à Patre & Filio. Ergo ille, non verò iste generatur.
7. Huc reduci posse videtur opinio Scotistarum apud Radam *1. p. cont. Theolog. 14. a. 1. circa finem* ideo negantium, Spiritus Sancti Productionem esse generationem, quòd à Principio per modum Voluntatis agente, adeoque libere, licet necessariò procedat.
8. Scotus in *1. dist. 13. q. un. n. 10.* asserit: Generationem Formaliter se ipsa non esse spirationem, ita ut non oporteat quærere, quibus distinguantur, eò quòd tota ratio formalis unius sit non eadem toti rationi formali alterius. Probationem hujus desunt ex S. Augustino *15. de Trinit. cap. 27.* ubi ex Processionum distinctione vult concludere distinctionem personarum procedentium. Unde *5. de Trinit. cap. 9. & 14.* quærens; *Cur Spiritus Sanctus non sit filius, cum tamen à Patre exeat?* solvit dicens: *Exit enim non quomodo datus, sed quomodo natus.*
9. Divus Bonaventura in *1. dist. 13. a. 1. q. 2. ad 3. decret.* Hypostasim, ad quam terminatur Processio quæ condistincta à Generatione esse amorem, hypostasim verò, ad quam terminatur generatio, esse imaginem. At verò amoris & Nexus esse spirari, non generari: è converso inaginis esse generari, non spirari.

Cui consentire videtur Vasquez *cit. disp. 13. cap. 7.* docens, rationem, ob quam Processio Verbi, non autem Processio Spiritus Sancti sit generatio, esse; quòd Verbum non solum vi suæ Processionis procedat simile in naturâ; hoc est ejusdem cum Patre Naturæ: sed etiam ut imago Patris; at Spiritus Sanctus procedat quidem ut similis in Naturâ Patri & Filio, à quibus procedit, sed non ut imago illorum. Probatur autoritate Sancti Anselmi in *Monolog. cap. 53.* qui ubi hanc proposuisset quæstionem: *Quid ergo cum hic amor pariter habeat esse à Patre & Filio, ut sic similis sit ambobus, ut nullatenus dissimilis sit, sed omnino idem sit, quod illi, nunquid Filius eorum aut Proles existimandus?* Respondet in hæc verba: *Sed sicut Verbum mox ut consideratur, se Prolem esse ejus, à quo procedit, evidentissimè probat, propriam præferendo Parentis imaginem; sic amor aperte se Prolem negat, quia dum à Patre & Filio procedere intelligitur, non statim tam perspicuam exhibet se contemplanti ejus, ex quo est, similitudinem, quamvis ipsum considerata ratio doceat, omnino id ipsum esse, quod Pater & Filius.*

Richardus à S. Victore *lib. 6. de Trinit. cap. 18. Alensis 1. p. q. 42. memb. 2. Major in 1. dist. 3. q. un. & nonnulli recentiores sentiunt;* Processionem secundæ Personæ Trinitatis ideo esse generationem, quia accipit à Patre Naturam Divinam, cum Virtute illam communicandi; econtra processionem Spiritus Sancti non esse generationem, eò quòd naturam Divinam ita accipiat à Patre & Filio, ut nulli alteri eam possit communicare. Fundamentum est. Quia Generatio est in Similitudinem naturæ. Atqui Natura importat primum Operationis ad intra Principium, seu Fecunditatem alterius suppositi productivam: quam Spiritus Sanctus suâ Processione non accipit.

Nicolaus Ysambertus *cit. disp. 4. a. n. cum Suarezio lib. 11. de Trinit. cap. 5. & alijs* existimat, rationem radicalem, cur Processio Verbi, non autem Spiritus Sancti sit generatio, esse, quòd illud sit per intellectiōem, hic verò sub ratione actualis amoris sit per Voluntatem: at proximam hujus rationem petendam esse ex eo, quòd actualis intellectio sit differentia ultimò constitutiva Naturæ Divinæ: Amor verò supponat Naturam Divinam veluti constitutam. Probatur Argumento Ysamberti *cit. a. n. 2. n. 8.* Nam omne generans generatione propriè dictâ tendit primò per se formaliter & ex vi activæ suæ generationis ad communicandum genito propriam suam Naturam, prout hæc habet vitam substantialem sibi propriam. Atqui primam Trinitatis Personam producendo secundam, isti communicasse vitam substantialem sibi propriam, constat ex illo *Joan. 5. Sicut Pater habet vitam in semetipso, sic dedit & Filio habere vitam in semetipso.* Hoc autem in eo sensu accipi debet; quòd, quemadmodum Deus Pater est vita subsistens; ita etiam genuerit vitam quæ subsistentem, ex S. Augustino *lib. contra serm. Aratorum cap. 17.* At quemadmodum Pater dicitur dedisse Filio vitam, hoc est, ut vita sit: sic potest dici, Patrem dedisse Filio Verbum, hoc est, ut Verbum sit, ex eodem Sancto Doctore, *ibidem.* Atqui Deus Pater suam communicando Essentiam per intellectum primò per se formaliter dedit ei, ut esset Verbum purissimum Intellectus



tellectionis actualitatem includens. Ergo per hoc, quodd Pater formaliter ex vi suæ Processionis communicat Verbo Intellectionem per Essentiam, evincitur, hanc Verbi Processionem esse strictè generativam. Ergo à contrario, quia Pater & Filius formaliter ex vi Spirationis non communicat Spiritui Sancto Intellectionem, sed amorem substantialem, sequitur; istam non esse generationem.

13. Doctor Angelicus *pres. q. 27. a. 4.* præsentis quæsti rationem petit ex differentiâ inter Intellectum & Voluntatem. Nam Intellectus fit in actu per hoc, quodd res intellecta fit in Intellectu secundum suam similitudinem: Voluntas autem fit in actu ex hoc, quodd habeat quandam inclinationem in rem volitam. At Processio non est generatio nisi secundum rationem similitudinis. Ergo quia processio Spiritus Sancti, quæ est per modum amoris, non attenditur secundum rationem similitudinis, sed magis secundum rationem impellentis & moventis, sequitur, non esse Generationem, sed aptè exprimi nomine Spirationis designantis vitalem motionem, ac impulsione, prout aliquis ex amore dicitur moveri, vel impelli ad aliquid faciendum.

14. Ioannes à Sancto Thomâ in *pres. disp. 12. a. 7.* præactam Angelici sui Doctoris rationem taliter exponit. Nam ad rationem generationis non sufficit, quodd sit actio produciens efficienter, vel activè aliquem terminum, qui in se similis sit Producenti, sed quodd specificativè, seu in quarto modo per se producat simile. At ex hoc ipso, quodd terminus productus in Voluntate habeat rationem ponderis vitalis proportionantis & coaptantis Voluntatem ad objectum, sequitur; processionem, quæ est per Voluntatem, specificativè seu in quarto modo per se non producere simile. Major patet ab exemplo per Sanctum Thomam *lib. 4. contra Gent. cap. 23.* proposito: si enim homini alicui Divinûs daretur producere hominem, tum naturali ac seminali viâ, tum modo artificiali, ita ut manibus suis posset ex carne & sanguine suo formare alium; sicuti ex costâ Adami Deus produxit Evam: tunc licet uterque homo produceretur similis suo Principio, unus tamen per viam seminalem productus esset genitus, ac Filius, non verò alter per modum artificialem effectus. Cujus non alia foret ratio, nisi quodd iste non ex vi Productionis Formaliter in quarto modo per se ac specificativè procederet similis suo Principio producenti.

15. Minor Probatur. Nam Processio in quarto modo per se ac specificativè est produciens simile, quæ ex suâ formali tendentiâ respicit in termino similitudinem tanquam formale sui specificativum. At pondus illud vitale Voluntatis formaliter impulsivum in rem amatam, non habet rationem imaginis trahentis & continentis in se objectum per repræsentationem: sicuti è contra Verbum ex ipso suo procedendi modo est expressivum & assimilativum objecto Motivo ac Principio Intelligibili. Ergo processio, quæ est per Voluntatem, specificativè & in quarto modo per se non producit simile, Ergo non est generatio.

16. Idem Ioannes à S. Thomâ *cit. cap. 7. n. 19.* Spiritus Sancti processionem non esse genera-

tionem, probat ex illo etiam capite, quodd non procedat formaliter ex vi processionis in similitudinem Naturæ. Nam Generatio per se primò intendit speciem, non proprietates rei. Unde pro formali termino habet formam substantialem, & Esse substantiale, ob quam etiam rationem oportet ejus Principium esse ipsam formam substantialem. At in naturâ cognoscitivâ appetitus se habet ut consequens Naturam, seu rationem Naturæ constitutivam, est enim appetitus ex suo formali conceptu inclinatio quædam & pondus in appetibile: omnis autem inclinatio consequitur aliquam formam, non ipsam constituit. Ex quo evincitur, quodd nec Natura Divina consistat in velle, liquidem istud virtualiter supponat Intellectionem & Naturam Intellectivam. Quia ergo Spiritus Sancti Processio pro Principio formali habet Voluntatem, non verò Intellectualitatem quâ gradum Naturæ Divinæ constitutivum, consequenter ejus terminus formalis non est Natura Divina; nec adeò ex vi illius procedit Spiritus Sanctus Formaliter, sed identicè tantum similis in Naturâ Divinâ.

#### CONCLUSIO.

Cur in Divinis una, non verò altera Processio sit Generatio, ratio formaliter est per Hypostases Verbi ac Spiritus Sancti.

Probatur, Passiva secundæ in Divinis Personæ Processio formaliter importat Verbi Hypostasim. At ista Hypostasis quâ condistincta ab Hypostasi Spiritus Sancti per rationem suam formalem est similitudo subsistens in Naturâ Divinâ. Ergo per rationem formalem Hypostasis Verbi quâ condistinctæ à Personali Spiritus Sancti proprietate est, quodd Processio Verbi Passiva sit in similitudinem; imò sit subsistens Naturæ Divinæ similitudo. Minor patet. Nam in præsentem inquiritur formalitas, quæ non secundum nostrum intelligendi modum, sed à parte rei sit ratio taliter distinguens Processiones Verbi ac Spiritus Sancti, quodd una, non verò altera sit Generatio. Atqui Processiones in Divinis secundum quod sunt à parte rei, sunt actus per se subsistentes, atque adeò secundæ in Divinis Personæ processio importat formaliter Verbi Hypostasim. Minor Probatur. Nam similitudo non merè intentionalis, sed realiter subsistens importat tum distinctionem suppositorum, tum unitatem formæ realem. At Hypostasi Verbiatenus convenit distinctio à Personalitate Patris; ut ejusdem quâ condistinctæ à Spiritus Sancti subsistentiâ sit proprium Hypostaticè terminare ipsissimam Patrisintellectionem & Naturam Divinam.

Probatur istud assumptum. Nam secundæ in Divinis Personæ propria Hypostasis in Sacris Litteris explicatur per nomen Verbi, splendoris Gloriæ, & Figuræ substantiæ Patris: cum è contra Tertiæ Personæ Hypostasis exponatur per nomen Spiritus Sancti, & Amoris Notionalis. At ratio Verbi non informantis, sed subsistentis importat Hypostasim, quæ sit substantialis Terminus Intellectionis: sicut & splendor Gloriæ subsistens importat Hypostasim Glo-

riæ



riæ Paternæ consistentis in Intellectione Formaliter actuatâ per Divinam Essentiam. At hæc ipsa per Divinam Essentiam actuatâ Intellectio est substantia seu Natura Dei Patris. Unde Verbum & splendor Gloriæ Patris importat formaliter Hypostasim, per quam ipsissima Patris substantia & Natura divina substantialiter terminetur. Verissimum igitur est, Hypostasim Verbi eatenus distingui realiter à personalitate Patris, ut illi ex ratione suâ Formali proprium sit, includere substantiam seu Naturam Divinam, & ipsissimam Dei Patris ex ejus Essentiâ actuatâ Intellectionem. Ergo Hypostasi Verbi ex ratione suâ propriâ convenit tum identitas substantiæ & Naturæ cum Patre, tum distinctio suppositi à Personâ Patris. Ergo Verbi Divini Hypostasis per rationem suam propriam Formaliter est Divinæ à Patre sibi communicatæ Naturæ subsistens similitudo. E contra nomen Spiritûs, Sancto Thomâ *cit. q. 27. a. 4.* adverte-

21. *te, designat vitalem motionem ac impulsionem, vi cujus ex amore quis dicitur moveri vel impelli ad aliquid faciendum. Ergo Hypostasis Spiritûs Sancti ex propriâ suâ ratione est Substantialis Terminus vitalis motionis Divinæ formaliter consistentis in amore. Unde passiva Spiritûs Sancti Processio formaliter includens illius Hypostasim ex propriâ hujus ratione non est Naturæ Divinæ, sed amoris substantialis similitudo. Atqui de ratione formali generationis est, esse in similitudinem Naturæ: Et quia Processio in Divinis est per modum actûs puri subsistentis, oportet, generationem activam esse similitudinem Naturæ Divinæ in Personâ producente subsistentem; generationem verò Passivam esse Naturæ Divinæ, in Personâ productâ subsistentem similitudinem. Consequens proinde est, ex proprijs Verbi ac Spiritûs Sancti Hypostasum rationibus formalibus esse, cur processio Verbi, quatenus Intellectionis per Dei Patris Essentiam actuatæ, atque adeò Naturæ Divinæ subsistentiam importat, sit Generatio; Processio autem Spiritûs Sancti, prout substantialis per Essentiam Divinam actuatæ amoris subsistentiam involvit, non sit generatio.*

22. *Dices. Hypostasim Spiritûs Sancti Formaliter esse terminum substantialem amoris Divini quâ purissimi actûs. Atqui amorem Divinum quâ purissimum actum ita specificari ex Essentiâ Divinâ tanquam Motivo formali, ut hanc formalissimè involvat in ratione suâ formali. At verò Amorem non specificari ex Motivo suo formali, nisi quâ intelligibiliter representato voluntati. Ergo Spiritûs Sancti Hypostasim formaliter esse terminum substantialem amoris divini formalissimè specificati per Essentiam Divinam quâ intelligibiliter representatam. At Essentiam Divinam quâ intelligibiliter representatam importare formaliter Intellectionem, adeòque Naturam Divinam. Ergo Hypostasim Spiritûs Sancti esse formaliter terminum Substantialem amoris Divini, quâ involventis Naturam Divinam. Ergo Spiritum Sanctum ex ratione formali suâ propriâ Hypostaseos procedere quâ similitudinem subsistentem, non in amore duntaxat, sed etiam in Intellectione, adeòque Naturâ Dei.*

23. *Contra. Nam amoris ex formali intelli-*

*biliter expressivo Motivo specificatio eatenus se habet, ut ista intelligibilis representatio se habeat tanquam ratio applicans objectum, quod per rationem sui intelligibiliter representatam est formaliter specificativum amoris. Unde amor Divinus non specificatur formaliter ex Intellectione Divinæ Essentiæ representativâ, sed per solum Esse Dei subsistens. Atqui Hypostasis Spiritûs Sancti est formaliter terminus substantialis Amoris quâ Divini. Ergo formaliter dicit similitudinem subsistentem in amore quâ actuatæ per Essentiam Dei: cum e contra Hypostasis Verbi formaliter importet similitudinem subsistentem in Intellectione per Esse Dei subsistens actuatâ. Cum proinde Naturæ Divinæ ratio formalis non in amore, sed Intellectione per Esse Dei subsistens actuatâ consistat, consequens est, Processionem Verbi, non autem Spiritûs Sancti ex proprietate suâ Personali importare Formaliter similitudinem in Naturâ Divinâ subsistentem, esseque adeò Generationem.*

24. *Replicabis. Spiritum Sanctum procedere formaliter ut Personam Divinam. Ergo ipsius Hypostasim ex ratione suâ propriâ esse substantialem terminum Divinitatis, adeòque Naturæ Divinæ.*

25. *Contra. Nam ratio Personæ Divinæ formaliter importat Hypostasim in Essentiâ Dei subsistentem. At Hypostasis in Dei Essentiâ subsistens alia est per modum activæ Originis substantialiter terminantis Intellectionem per Esse Dei subsistens formaliter actuatam, alia verò est per modum Originis passivæ substantialiter terminantis eandem Intellectionem, adeòque Naturam Divinam; alia denique est per modum passivæ Originis substantialiter terminantis amorem ex Essentiâ Dei formaliter intrinsicè specificatum. Hæc autem Origo passiva est Processio Spiritûs Sancti. Unde ista importat formaliter Hypostasim, quæ sit Persona Divina subsistens in amore quâ per Essentiam, non verò per Naturam Dei actuatæ. Unde quando dicitur *Spiritus Sanctus procedere Formaliter ut Persona Divina*; triplex potest formari sensusj 1. Quod Hypostasis Spiritûs Sancti Formaliter inclusa in ejus passivâ processione per propriam sui à Generatione distinctivam rationem sit substantialis terminus Naturæ Divinæ, quod falsum est. 2. Quod illa Hypostasis per propriam suam rationem sit Substantialis terminus Essentiæ Dei quâ importatæ formaliter in amore Divino: quod verum est. 3. Quod eadem Spiritûs Sancti Hypostasis per propriam suam rationem sit terminus substantialis amoris Divini realiter formaliter identificati cum Intellectione, adeòque Naturâ Divinâ. Hoc autem eatenus verificatur, ut consequenter non ex vi Processionis Formaliter, id est, per propriam Hypostasim in spiratione passivâ inclusâ rationem, sed Materialiter & identicè, id est propter realem formalem Naturæ & Amoris Divini identitatem Spiritus Sanctus procedat in Naturâ Divinâ Essentialiter similis seu Consubstantialis Patri & Filio.*

26. *Instabis. Ex hoc quidem evinci, rationem, cur Passivæ Verbi, non autem Spiritûs Sancti Processioni conveniat esse Generationem, ritè desumi ex eo, quod Verbi Divini Hypostasi ex propriâ per passivam ejusdem Processionem importatâ ratione conveni-*  
at Con-



at Consubstantialitas seu Formalitas similitudinis in Naturâ Divinâ subsistens: cum contra Spiritûs Sancti Hypostasi non ex propria per passivam ejusdem Processionem importata ratione, sed per amoris Divini cum intellectione identitatem realem conveniat Consubstantialitatis, seu similitudinis in Naturâ Divinâ subsistens Formalitas. Nihilominus activas Processiones Divinas nullam habere inter se distinctionem realem, nec aded rationem, cur una sit Generatio, altera verò spiratio, posse desumi ex Hypostasum Divinarum distinctivis Formalitatibus.

27. Contra. Nam alia rerum seu Formalitatum distinctiva specificatio est in primo modo per se, per actualitatem seu Formalitatem intrinsecè constitutivam: alia verò est in quarto modo per se, per rei specificatæ respectum ad terminum Extrinsecè specificativum. At in Patre est respectus tum ad Hypostasim Verbi substantialiter terminantem Intellectionis & Naturæ Divinæ; tum ad Hypostasim Spiritûs Sancti substantialiter terminantem Amoris per Dei Essentiam Formaliter actuati. Hic verò duplex Patris respectus in quarto modo per se ita specificatur ab Hypostasi Verbi ac Spiritûs Sancti, ut in ordine ad istum habeat rationem spirationis, in ordine verò ad illud dicat Ordinem Generationis. At verò licet iste ad Verbi & Spiritûs Sancti Hypostases in Patre respectus à parte rei Formaliter sit ident., virtualiter tamen est diversus ob ipsorum etiam terminorum, à quibus specificatur, distinctionem realem. Sicut ergo Passivæ Processiones in Deo habent rationes formales Generationis & Spirationis realiter distinctas per sui intrinsecam Formalem specificationem, quam in primo modo per se habent ex Verbi ac Spiritûs Sancti Hypostasum rationibus proprijs: sic activæ processiones in Deo habent formalitates à parte rei virtualiter, & per rationem ratiocinatam actualiter diversas per specificationem, quam in quarto modo per se habent ex earundem Hypostasum proprijs rationibus.

#### Responsio ad Argumenta in initio opposita.

28. **A**D Petri Aliacensis rationem Respondetur. Eam sic deduci ac explicari posse. Virtus Generativa vel Formaliter vel radicaliter est ipsa Natura: omnis enim productio univoca, cujusmodi est generatio perfecta, intendit similitudinem Principiati cum Formâ sui Principij: Generationis autem proprium est, tendere in similitudinem Naturæ. Atqui Virtus Generativa tunc est formaliter Natura Principij Generantis, quando istud est actus purus. Tunc autem ista Virtus quâ Subsistens in primo supposito per formalitatem à se indistinctam est actu generativa: ut aded de ratione Virtutis Generativæ quâ actus puri sit habere Genicum, non nisi ab uno, eoque Primo Supposito procedens. Unde à contrario, si Virtus Generativa non se habeat per modum actus puri, est solum radicaliter Natura. At eo ipso, quod talis virtus Generativa non sit actus purus, admittit Potentialitatem in ratione Principij generantis. Hæc autem Potentialitas fundare potest distinctionem Principij activi, &

Passivi in duobus suppositis eatenus subsistentis, ut alterum habens virtutem Principij Activi sit Pater, alterum habens rationem Principij Passivi sit Mater. Nisi ergo Virtus Generativa in Divinis esset actus purus, fundare posset duplex Generativum Principium, quorum unum esset Mater, alterum verò Pater. At rationi actus puri repugnat, Virtutem Dei Generativam admittere Passivum Matris proprium influxum. Ergo Spiritum Sanctum non procedere per Generationem demonstratur ex eo, quod procedat à duobus suppositis; siquidem Generativa à duobus suppositis emanatio excludat à Principio generante rationem actus puri, atque aded admittat Potentialitatem, per quam est in Generatione Materni seu Passivi, & Paterni sive activi influxus divisio.

- Ad Durandi sententiam Respondetur. In illis verbis, quibus dicitur: *In Processione per Voluntatem conjungi Voluntariè duo Supposita ad unum producendum*, involvi æquivocationem. Nam Patris & Filij ad producendum Spiritum Sanctum conjunctio dici potest Voluntaria, vel in comparatione Patris ad Filium, cui communicat Virtutem spirativam, vel in comparatione utriusque ad Spiritum Sanctum. At ista virtutis spirativæ communicatio non est Patri voluntaria Voluntate Principiante, etsi tam Patri, quàm Filio sit Voluntaria Voluntate concomitante. Quare in comparatione duntaxat ad Spiritum Sanctum potest Patris & Filij conjunctio dici voluntaria Voluntate principiante. At eo ipso, quod in hac conjunctio involvatur Voluntas per modum Principij, sequitur Spiritûs Sancti Processionem non Principiari formaliter per Naturam, sed per Voluntatem Naturâ Divinâ Virtualiter posteriorem. Ergo non tendit ad Hypostasim, quæ per rationem suam propriam sit terminans Naturam Divinam, sed identicè duntaxat seu Materialiter. Ergo per rationem Durandi omnino demonstrari potest, processionem Spiritûs Sancti non esse generationem.

- Ad Scotistarum à Radâ citato allegatam rationem Respondetur. Eam sustineri posse, si actio libera accipiat pro modo agendi Voluntatis proprio. Hic enim distinguitur à modo agendi Naturæ proprio, quatenus Naturalis actio est à primo nullû se prius supponente Principio, cum contra modus agendi Voluntarius sit à Principio intrinsecè movente se ad operandum cum cognitione finis. At eo ipso, quod iste agendi modus supponat cognitionem Finis, habet se prius Principium. Unde ex eo, quod Processio Spiritûs Sancti sit per modum Voluntatis, atque aded Spiritus Sanctus liberè, sed tamen necessariò procedat, est consequens, ejus Processionem non esse per modum Naturæ primi Operativi Principij. At de ratione Generationis est, eatenus originari ex naturâ, ut formaliter sit propagativa similitudinis in Naturâ. Ergo ex eo, quod Spiritus Sanctus liberè procedat, ritè infertur, ejus Processionem non habere rationem Generationis.

- Ad Scoti rationem Respondetur. Propriam eamque primam Generationis passivæ rationem importare Verbi divini Hypostasim. At de ratione propria hujus esse, quod sit substantialis terminus Intellectionis, adedque Naturæ divinæ, sitque aded Formaliter Naturæ divinæ similitudo



militudo consubstantialis. Ex hoc ipso verò Verbum Divinum procedere quā Natum & Filium, quòd procedat quā Naturæ divinæ simili udo substantialis. Econtra propriam, eamque primam Spirationis passivæ rationem importare Spiritus Sancti Hypostasim. At de hujus ratione propriā esse, quòd sit terminus substantialis amoris, nec aded formaliter, sed identicè tantū sit substantialiter terminans Naturam divinam. Ex hoc ipso verò Spiritum Sanctum procedere quā Datum, quòd per amorem procedat quā subsistens in divinæ Essentiæ amore substantiali. Ergo ex proprijs Divinarum Processionum rationibus formalibus esse, quòd Spiritus Sanctus procedat quā datus, Filius verò quā Natus: nec posse, cur una, non verò altera in Divinis processio sit generatio, aliam à priori rationem afferri, quā ex proprijs Processionum Divinarum rationibus formaliter ut sic importantibus Verbi ac Spiritus Sancti distinctivas Hypostasies.

32. Ad D. Bonaventuræ rationē 2. Specialem vim in eo esse ponendam, quòd Hypostasis, ad quam terminatur Processio condistincta à generatione, dicatur esse amor. Hoc enim eatenus verificatur, quatenus illa Hypostasis per rationem suam propriam quā condistinctam à Verbi Hypostasi per realem formalem identitatem sit terminans amorem, sitque aded realiter formaliter amor, cum tamen ipsi non conveniat, esse Naturam divinam ex proprietatis suæ formali ratione, sed propter amoris Divini realem cum Naturā Dei identitatem. At eo ipso, quòd illa Hypostasis non ex suæ personalis proprietatis ratione sit Naturam divinam, substantialiter terminans, sequitur, quòd Processio Spiritus Sancti formalissimè includens illam Hypostasim, non ex ratione suā formali, sed identicè tantum & Materialiter sit in similitudinem Naturæ, nec aded habeat rationem Generationis.

33. Ad Vasquezij rationem Respondetur. Rationem imaginis consistere in similitudine repræsentativā. At istam Essentiæ Divinæ in Verbo increato repræsentationem ex purissimā sui actualitate esse ipsammet Essentiæ divinæ non in Esse duntaxat intelligibili, sed in Esse etiam Entitativo formalem expressionem. Hanc verò in Esse Dei purissimo subsistente expressionem eatenus esse Naturam Divinam, ut per subsistentiam Verbi constituatur in ratione similitudinis formaliter subsistens in Naturā Divinā. Unde ex hoc, quòd Verbum Divinum ex propriæ Hypostaseos ratione procedat ut imago Consubstantialis, seu quā subsistens in Naturā divinā: Spiritus autem Sanctus ex Hypostasis suæ Personali proprietate procedat quā subsistens in amore divino, rectè inferri, hujus, non verò illius processionem habere rationem Generationis.

34. Ad Richardi à Sancto Victore rationem Respondetur. Naturam Divinam consistere in primā intra lineam operativam formalitatem. At primam in totius Entis lineā operativā Formalitatem esse Intellectionem ex ipso Dei Esse subsistente Formaliter identicè specificatam, atque aded sub purissimæ actualitatis ratione subsistentem. Hanc verò sub purissimā Dei Essentiā subsistentem Intellectionem eatenus esse Virtua-lem amoris per Esse Dei subsistens actuati radi-

cem, ut hic ipse per divinam Essentiam actuatus Amor habeat rationem Virtutis Spirativæ. Unde consequens etiam esse, quòd per Naturæ divinæ communicationem Consubstantialitatem communicetur Virtus quoque spirativa. Si proinde alicui Personæ Divinæ non sit Virtus ad intra productiva, signum esse, ex propriā suæ Hypostasis ratione non habere sibi communicatam Naturam Divinam. Ergo ex eo, quòd Verbum Divinum, non autem Spiritus Sanctus habeat Virtutem ad intra productivam, à posteriori bene inferri, illud, non verò istum ex propriæ Hypostasis ratione procedere quā similitudinem in Naturā Divinā subsistentem, atque aded Verbi divini, non autem Spiritus Sancti Processionem esse Generationem.

Ad Ysamberti & Suarezij rationem Respondetur. Eam nobis non improbari. Nam Dei Natura est primus gradus vitæ. At vitæ gradus simpliciter & abstractè primus est Intellectio per Dei subsistens Esse formaliter identicè specificata. Hanc igitur ex Esse divini actualitate purissimā actuatam vitam dedit Pater Verbo divino, quatenus ipsi dedit, ut esset Verbum, producendo nimirum Hypostasim, quæ ex ratione suā propriā Formaliter identicè esset terminans Intellectionem, adedque Naturam Divinam. Atqui productio Hypostasis per suam Formalem rationem subsistens in Naturā divinā, eo ipso habet rationem Generationis, quòd formaliter ex ratione suā propriā sit in Naturæ Divinæ subsistentem similitudinem. Ergo ex eo, quòd Verbi Divini, non autem Spiritus Sancti per Intellectionem originata Processio ex propriā Hypostatici per hanc processionem producti termini sit in Communicationem Intellectionis, adedque Naturæ Divinæ, rectè inferitur: Spiritus Sancti Processionem, quæ ex amore originante tendit in Hypostasim Amoris divini substantialiter terminantem, non habere rationem Generationis.

Ad Doctoris Angelici rationem, ejusque per Ioannem à S. Thomā deductas explicationes 2. Eas optimè subsistere, ac breviter reduci posse in hunc Syllogismū: Illa processio in Divinis habet rationem Generationis passivæ, per quam formaliter est producta Hypostasis, quæ ex ratione suā propriā in primo modo per se est Divinæ Naturæ similitudo: activa verò Processio in quarto modo per se specificata ex tali subsistente similitudine habet rationem generationis activæ, utpote formaliter importans respectū tendentiæ ad Hypostasim cui ex ratione Personalis suæ proprietatis convenit esse Naturæ Divinæ subsistentem similitudinem. Atqui Processio importans Hypostasim, ex ratione proprietatis suæ Personalis terminantem Intellectionis per Esse Dei subsistens actuata, vel formaliter in primo modo per se, vel Terminativè in quarto modo per se, secundum suam specificationem est in subsistentem Divinæ Naturæ similitudinem. Ergo quia Processio Verbi, non autem Spiritus Sancti importat Hypostasim ex proprietatis suæ personalis ratione terminantem Divinæ per se actuatæ Intellectionis, sequitur, illam, non verò istam esse genera-

tionem,  
tionem,

QUÆ






## QUÆSTIO DECIMA TERTIA

D E

RELATIONIBUS, ET NOTIO-  
NIBVS DIVINIS.

**L**ta Dei Nomina significare substantiam, alia relationes, aperte indicavit S. Augustinus 15. de Trinitate. 3. asserens. Quod de Deo dicitur non secundum substantiam, latrè dicit. Quas porro relationes distinctivas esse Divinarum Personarum, Boetius lib. de Trinit. pronuntiavit Substantiam, inquiens, præbere unitatem, relationem verò multiplicare Trinitatem. Unde Concilium Tolletanum in confessione 2. prohibetur in hæc verba: In relativis verò Personarum nominibus Pater ad Filium, Filius ad Patrem, Spiritus Sanctus ad utrosque refertur, quæ cum relativè tres Personæ dicantur, una tamen Natura per Substantiam creditur.

2. Ex quo patet, relationes in Divinis verè ac propriè esse notiones. Hæc enim teste Divo Basilio epist. 43. est cognoscibile signum, id est, proprium & discretivum Signum, quo unam Personam ab aliâ discernimus. At sicut in Divinis, secundum commune ex Concilio Florentino depromptum axioma, nulla est distinctio, nisi ubi est relativa oppositio, sic non nisi per relationes tanquam Personarum proprias, earundemque notas & characteres intellectus per fidei veritatem discernit unam Personam ab aliâ. De his proinde tum relationibus, tum Notionibus Divinis per duos sequentes articulos differemus.




## ARTICULUS I.

## De Relationibus Divinis.

3. **M**artinus Perez de Deo ut Trino. disp. 5. sect. 2. n. 2. inducit Cajetanum præf. q. 28. a. 1. docentem, quod relationes Divinæ solum quoad Esse in, non verò quoad Esse ad sint reales. Verum legenti patebit, Cajetanum citatum docuisse duntaxat, relationem in, comuni abstrahere a relatione reali, & rationis, atque aded Esse ad ex ratione communi relationis non involvere realitatem, licet aliter sentiendum sit de relationibus Paternitatis & Filiationis, quæ ex proprijs suis rationibus important respectum ad aliquid reale. Hinc à fortiori de relationibus Divinis videtur concludendum, quod ex formali Esse ad ratione sint reales. Ratio est, quia nihil est intelligibile sine ratione Essendi. Acquiratio

Essendi omnis formalitatis Divinæ est unica secundum purissimam ex potentialitatis creaturarum quidditatem propriæ elevationem, estque ipsum Esse subsistens. Unde nulla formalitas supra creaturæ rationem elevata intelligitur, nisi sub ratione Esse subsistentis. Hoc autem ut sic formaliter importat realitatem actûs puri. Ergo relationum Divinarum Esse ad sub divinæ seu supra creatam quidditatem elevatæ formalitatis ratione non est intelligibile, nisi quâ reale subsistens.

Quo tanquam faciliori supposito, sequentes restant decidendæ Controversiæ. 1. Qualiter Essentia & Relationes in Deo se invicem includant? 2. Quot & qualiter inter se distinctæ sint Divinæ relationes? 3. An relationes Divinæ addant aliquid perfectionis ad Essentiam? 4. An divinæ relationes importent diversas relativæ Existentiæ, æternitates, aliasve similes formalitates?



## CONTROVERSIA I.

Qualiter Essentia & Relationes  
in DEO se invicem includant?

5. **S**upponendum 1. ex dictis q. 3. a. 1. & 2. nullam neque realem, neque Formalem ex naturâ rei esse in Deo Essentiæ & Naturæ distinctionem à relationibus Personalibus. Supponendum 2. ex eadem q. 3. a. 3. Essentiæ & Naturæ Divinæ esse à parterei virtuales, & ratione ratiocinatâ Formalem seu actualem distinctionem à Personalitatibus relativis. Hinc 3. videtur concludendum, relationes Dei Personales ex naturâ rei formaliter esse de Essentiâ Deitatis, licet virtualiter à parterei, & per rationem ratiocinatam Formaliter sint extra Naturam & Essentiam Divinam. In quod tamen, quantum sit difficultatis, sententiarum, quas mox referemus, diversitas ostendit.

## Referuntur Sententiæ Doctorum.

6. **V**asquez 1. p. disp. 101. cap. 2. & 4. Alarcon tract. 5. de Trinit. disp. 2. cap. 11. & 13. Ysambertus ad præf. q. 28. disp. 5. a. 1. & 4. Molina ead. q. 28. a. 2. disp. 6. Franciscus de Lugo lib. de Deo Trino. disp. 2. cap. 2. n. 3. & 9. Perez de Deo Trino. disp. 6. sect. 5. & 6. docent, relationes esse de conceptu quidditativo



rativo Essentiae Divinae: nec contra Essentiam seu Naturam Divinam includi Essentialiter in relationibus. Fundamentum prioris partis est: Nam sine eo, quod est de Essentia, nequit aliquid esse vel concipi: Atqui Sanctus Thomas 1. p. q. 33. a. 3. ad 1. docet, propria in divinis non esse de conceptu communium. In quem sensum Sanctus Doctor 1. p. q. 33. a. 3. ait: *Intellectum nostrum posse intelligere bonitatem & Sapientiam Divinam, atque Essentialia attributa, non intellectus Paternitatem, & Filiationem, quae dicuntur Personarum nates.* Ergo relationes Personales non sunt de Essentia Deitatis, eodem Angelico Doctore q. 78. de Potent. a. 2. attestante, istam propositionem, *Essentia est Paternitas*, non esse per se.

7. Ad hanc sententiam reducendus etiam est Ioannes à Sancto Thomà in *pres. q. 28. disp. 13. a. 2. n. 6.* docens: si Divinitas seu Divina Essentia sumatur in vi conceptus Naturae, secundum quod *lynatura* dicit conceptum specificum & proprium condistinctum à proprietatibus, operationibus, & Personalitatibus, sic neque attributa, neque relationes esse de conceptu formali Naturae Divinae: neque è converso conceptum Naturae esse de formali conceptu relationum, & attributorum. Fundamentum ab eodem autore n. 12. deductum est. Quia unum esse de formali conceptu alterius, nihil aliud est, quam ingredi & pertinere ad illud, quod Formale est in proprio & specifico conceptu talis rei. At conceptus Naturae, attributorum & Personarum in Divinis ita se habent, quod Natura consideretur sub conceptu Naturae, ut Fundamentum & radix attributorum, & operationum, & ut praesuppositum ad Personam: intelligitur enim ut aliquid terminabile per Personalitatem. Ergo Personalitas non est de formali conceptu Naturae, & è converso.

8. Cajetanus *pres. q. 27. a. 2. circa 3.* Bannes q. 28. a. 3. *dub. 3. circa 6. argum.* Navarrete *tom. 3. com. 18.* tenent; tam Essentiam esse de conceptu relationum, quam relationes de conceptu Essentiae. Prior pars, quam praeter alios tenet etiam Suarez *lib. 4. de Trinit. cap. 7.* probatur. Quia Ens increatum & à se est formaliter Deus. At relatio Divina est Ens à se, cum non sit ens creatum & ab alio. Ergo formaliter includit Deitatem.

9. Huc reduci potest Ioannes à Sancto Thomà *cit. a. 2. n. 6.* docens, 1. Si Essentia Divina sumatur in vi conceptus Entis Increati ut sic, seu actus puri, qui est conceptus transcendentalis ad omne id, quod in Deo est, & Esse increatum habet, sic non solum divinam Essentiam esse de conceptu Essentiali Personarum, & Relationum, atque attributorum, sed etiam attributa & relationes esse de Essentiali ratione & connexionem cum ipsa Essentia Divina. 2. Essentiam tamen esse de conceptu relationum tanquam intrinsecum constitutum, seu tanquam Entitatem, relationes autem esse de conceptu seu de Essentiali ratione Essentiae Divinae non ut constitutum, sed tanquam modos seu terminos ipsius Divinae Essentiae. 3. Nec quamlibet tamen relationem esse adaequatè intrinsecam, & Essentialem Divinae Essentiae, sed inadaequatè, secundum autem collectionem adaequatè. Fundamentum à praecitato Authore n. 17. deductum est. Quidquidem Deo convenit, in se formaliter increatum, & Divinum & actus purus est. Omne autem Esse Divinum est

Essentiale Essentiae Divinae. Ergo quia relationes Deo formaliter inexistentes Essentialiter sunt Entia Divina, Essentialiter conveniunt Divinitati.

Ioannes Baptista Gonet *disp. 3. de relat. Divin. §. 2. & 4.* tenet; Divinam Essentiam non solum sub ratione Entis Increati, sed etiam sub ratione Naturae consideratam esse de Essentia Divinarum relationum: & contra relationes esse de conceptu Essentiali Divinitatis. Probat ex Sancto Tho. 1. p. q. 39. a. 6. ad 2. docente: hanc propositionem: *Deus est Pater*, non minus esse per se, quam istam: *Pater, est Deus*. At ista posterior est per se in primo modo, quia praedicatum est de Essentia subiecti: sicut enim persona humana Essentialiter includit naturam humanam, cuius est individua substantia, ita & Persona Divina naturam Divinam Essentialiter debet includere. Ergo etiam illa prior; *Deus est Pater*, est per se in primo modo, ita ut Pater Essentialiter praedicetur de Deo. Atqui secundum Divum Thomam q. 8. de potent. a. 2. nihil dicit concretum in Divinis, quod non importetur etiam in abstracto. Sicut ergo Pater; sic Paternitas Essentialiter includitur in conceptu Dei, imò & Deitatis.

Arrubal *pres. disp. 101. cap. 3. Granadustract. 3. disp. 4. sect. 3.* Martinon *de Trinit. disp. 25. sect. 4. & 5.* tenent, Essentiam Divinam saltem implicite includi in relationibus seu Proprietatibus Divinarum Personarum, non tamen has è contra includi formaliter in Essentia. Prioris partis, quam Divus quoque Bonaventura in 1. *dist. 34. a. 1. q. 2.* insinuat, probationem Martinon *cit. sect. 4. n. 40.* sic ferè deducit. Ex Sacris Concilijs habemus, quamlibet Personam Divinam esse plenè ac perfectè Deum, & totam Essentiam communicari Personis productis. At quaelibet Divinarum Personarum non est Pater, Filius, & Spiritus Sanctus. Unde non esset plenè & perfectè Deus, si relationes includerentur Formaliter in Essentia Divina. Hoc autem repugnat Concilio Nicæno, quod Nazianzeno teste *ora. 50.* profertur Filium Dei Deum de Deo, plenum à pleno, perfectum à perfectò, totum à toto. Deinde sequeretur; totam Essentiam non communicari cuilibet Personae productae, siquidem cui non communicaretur proprietas & relatio Personae productis; quae tamen supponitur esse de Essentia Deitatis. At illa sequela repugnat Concilio Lateranensi *Can. Damianus. De sum Trinit. decident. Patrem dedisse Filio suam totam substantiam.*

Posterioris partis, quam tradit etiam Ferrariensis 2. *com. Gent. cap. 9.* probatio à Martinon *cit. sect. 5. n. 52.* deducta ita se habet. Relationes Paternitatis, Filiationis, & spirationis passivae sunt subsistentiae propriae & connaturales Divinarum Personarum. Atqui subsistentia propria & connaturalis includitur in suo conceptu naturam subsistentem; cum sit intrinsecè natura ipsa ut ultimò completa, seu terminata secundum existentiam, & vi propria stans formaliter.

✠ (IHS.) ✠



## CONCLUSIO. I.

**E**ssentia Divina in conceptu omnium Divinarum relationum : natura autem divina in relationibus Paternitatis & Filiationis; amor verò divinus in relationibus Spiratoris, & Spirati Formaliter includitur.

13. Prima pars Probatur. Nulla enim quantumvis abstractè sumpta formalitas est intelligibilis si-  
neratione Essendi. At Essentialitatis conceptui, in quonon involvitur aliqua Potentialitatis ratio, respondet formaliter pura Essendi actualitas. Hæc autem pura Essendi actualitas, seu Esse subsistentis omnimoda immaterialitas, licet respectu omnis Formalitatis Divinæ sit Transcendens, est tamen virtualiter radix omnis veritatis de Deo demonstrabilis, summæ nimirum simplicitatis, infinitatis, Bonitatis, ac perfectionis, immutabilitatis, æternitatis, infinitæ, virtutis tum cognoscitivæ, ac volitivæ, tum ad extra causativæ, veluti videre est ex Sancto Thomâ in 1. p. à quest. 2. usque ad quest. 28. Ex quo proinde fundamento supra q. 2. a. 2. cont. 3. asseruimus, Essentiam Divinam propriissimè sumptam consistere Formaliter in Esse subsistente. Ergo quia hoc Esse subsistens involvitur in conceptu omnis Formalitatis à Potentialitatis ratione depuratæ, consequens est, relationes Divinas, eo ipso, quod earum conceptus supra rationem creati elevatus sit, Formaliter involvere Essentiam Divinam. Doctore Angelico pras. q. 28. a. 2. expresse attestante : quod *relatio realiter existens in Deo habet esse Essentia Divina idem omnino existens.*

14. Secunda pars probatur. Nam Paternitatis & Filiationis relationes, quam in creatis Formalitatem important Fundamentaliter, hanc in Divinis per rationem actûs puri in earundem formali conceptu inclusam dicunt Formaliter. Atqui Paternitatis & Filiationis relationes per Essentiam suam in creatis important Fundamentaliter Naturam, in Patre quidem quâ sui communicativam, & in Filio quâ formaliter ex vi generationis communicatam. Ergo Paternitatis & Filiationis relationes in Divinis (idem est in relationibus spiratoris ac spirati respectu amoris Divini) in suo conceptu objectivo important formaliter Naturam Divinam, quâ actualissimam sui activam in Patre communicationem; & quâ sui passivam in Filio communicationem.

15. Dices ex Ioanne Baptistâ Gonet cit. disp. 3. §. 2. Totam rationem, cur Essentia Divina dicatur Formaliter includi in conceptu relationum Personalium, esse : quod alioquin Essentia Divina se haberet ad relationes Divinas tanquàm actualitas earum determinativa. At eo ipso, quod Divina Natura non clauderetur in conceptu Paternitatis, sequi, quod hæc sit in Potentiâ ad illam, tanquàm ab illâ determinabilis & actuabilis. Ex hoc autem sequi, quod ex Paternitate & Naturâ tanquàm Potentiâ & actu resultaret in Deo Compositio rationis. At istam rationis compositionem non minus pugnare cum simplicitate Dei, quàm compositionem ex genere & differentiâ. Oportere igitur non minus Naturam, quàm Essentiam Divi-

nam Formaliter includi in conceptu Divinarum Personalium relationum.

16. Contra. Nam si Esse subsistens tanquàm Divina Essendi ratio non includeretur Formaliter in conceptu Divinarum relationum; tunc istæ secundum proprium suum objectivum conceptum essent intelligibiles sub ratione Essentialitatis non subsistentis, atque adeò Determinabilis, & Actuabilis. At iste conceptus objectivus pugnat cum ratione puræ actualitatis & simplicitatis Divinæ. Econtra quia tam Natura, quàm relationes Divinæ in suo Formali objectivo conceptu important Esse subsistens; nulla intelligi potest quâ per alteram actuabilis seu determinabilis. Unde licet Amor Divinus Formaliter inclusus in relatione spirati non includat Formaliter Naturam Divinam, quam tamen in formali suo conceptu objectivo importat Spiritus Sanctus, si concipiatur quâ Deus subsistens in Essentia, & Natura Divinâ. Nihilominus in hoc ipso Spiritûs Sancti conceptu objectivo non importatur relatio spirati tanquàm actuabilis per Naturam Divinam; sed ambatum, imò omnium Divinarum Formalitatum, sive seorsim, sive simul sumptarum non est nisi unicus simplicissimus purissimæ actualitatis objectivus conceptus. Probatur istud Assumptum. Nulla enim formalitas Divina quantumvis abstractè sumpta est intelligibilis nisi sub ratione Esse purissimè subsistentis. Hæc autem Esse subsistentis ratio eatenus excludit omnimodam Potentialitatem, ut formaliter dicat purissimam Essendi actualitatem. At per hanc purissimam Essendi actualitatem est, quod intelligenti aliquid Divinum ex parte conceptûs sui objectivi semper respondeat una simplicissima actualitas, sive concipiatur Essentia præcisè, sive hæc unâ cum Naturâ, sive ista cum Attributis & relationibus Personalibus concipitur. Consequens proinde est, eo ipso, quod Essentia Divina includatur in omnis etiam relativæ formalitatis Divinæ conceptu, inferri, relationem Spiratoris etsi objectivè præscindibilem à Naturâ Divinâ, non posse intelligi quâ determinabilem seu actuabilem ab istâ.

18. Instabis. Eo ipso, quod Essentia Divina involvatur in omnis Divinæ etiam relativæ formalitatis conceptu, sequi, quod etiam Natura & Attributa Dei sint de formali conceptu Divinarum relationum. Probatur ista sequela ex Sancto Thomâ in 1. ad Ambaldum dist. 33. q. un. 4. 1. ad 4. Hinc enim Sanctus Doctor, cum in objectione sibi factâ posuisset istam propositionem: *De quocumque predicatur Essentia, predicantur Essentialia attributa*; in responsione eatenus concessit hanc enuntiationem; ut asserat: *Attributa DEI Essentialia predicari Essentialiter & de Essentialiâ, & de proprietate Personali in abstracto acceptis.* At quod prædicatur Essentialiter, est de formali conceptu subiecti. Ergo attributa, atque adeò Amor in Divinis sunt de formali conceptu Paternitatis & Filiationis. Ergo à fortiori Naturam Divinam oportet esse de formali conceptu relationum Spiratoris & Spirati.

19. Contra. Nam in formalitatibus virtualiter à parterei & per præcisionem objectivam actualiter distinctis aliis ex parte objecti respondet conceptus Formalis ac Essentialis, si extra prædicatio-



20. dicationem considerentur in statu præcisionis, quàm si per prædicationem intelligantur in statu contractionis. Nam prædicatio eatenus involvit contractionis statum, ut subiectum dicatur supponere secundum Naturam prædicati: ac Prædicatum Universale, amisso Præcisionis & Universalitatis statu, contrahatur eo ipso ad differentiam inferioris. Pari ergo ratione discurrendum est de attributis & relationibus Divinis tum inter se, tum ad Essentiam Dei comparatis. Explicatur & Probatur ista consequentia. Essentia enim Divina omni formalitati extra creatæ entitatis limites extractæ in tantum immerfa est, ut nulla Divinarum sive absolutarum, sive relativarum Formalitatum, quantumvis abstractè sumantur, tam intra, quàm extra prædicationem, sit objectivè præscindibilis à Dei Formali Essendi ratione. Contra non Essentia duntaxat Divina est objectivè abstractibilis à Naturâ, attributis, & Personalitatibus relativis, sed attributa Dei tum à se invicem, tum à relationibus Personalibus extra prædicationem objectivè præscindi possunt. At verò si Paternitas v. g. de Bonitate vel amore, aliâve secundum naturam rei Formaliter secum identificatâ, sed Virtualiter distinctâ formalitate prædicetur, tunc per prædicationem ejusmodi in tantum dissolvitur objectiva præcisio, ut eo ipso formalitas amoris Divini involvatur in Essentia & secundum Contractionis, & Prædicationis statum Formali conceptu Paternitatis.

21. Probatur istud Assumptum. Nam copula *Est* in prædicatione significat Unitatem seu identitatem prædicati & subiecti. Hæc autem per copulam expressa identitas est secundum rationem tam subiecti, quàm prædicati. Atqui tam Personalis, quàm cujuslibet attributalis Formalitatis Divinæ ratio & conceptus Formalis ex parte objecti involvit purissimam Essendi actualitatem. Unde in prædicationibus Divinis subiectum & prædicatum sive abstractè sive concretè sumpta supponunt pro unâ simplicissimâ actualitate. At eo ipso, quod in hac v. g. Prædicatione; *Paternitas in Divinis est Amor & Sapientia*: Prædicatum & Subiectum nihil importent formalitatis, nisi sub unicâ simplicissimâ Essentialitatis actualitate, non potest formalis ratio Prædicati esse extra Formalem subiecti conceptum. Constat igitur, in Divinarum ex Naturâ rei Formaliter identificatarum, sed secundum rationem objectivè præcisivam & Virtualiter distinctarum Formalitatum Prædicatione intelligi, quamlibet esse de Essentia seu Formali conceptu alterius: adeoque verificari assertum Angelici Doctoris, ubi supra affirmantis: *Attributa Dei Essentialia prædicari Essentialiter & de Essentiâ, & proprietate Personali in abstracto acceptis*. Quare extra Prædicationem in statu duntaxat Præcisionis objectivæ verificatur, tum quod Natura Divina non sit de formali conceptu relationum Spiratoris & Spirati, tum quod Amor Divinus non sit de formali conceptu relationum Paternitatis & Filiationis.

## CONCLUSIO II.

**R**elationes DEI Personales non in Prædicatione duntaxat, sed etiam

extra Prædicationem sunt quodammodo de Essentiâ & Naturâ Divinâ conceptu Formali, dum nimirum non præcisè sub Essentiâ vel Naturâ Divinâ nomine & conceptu; sed sub Hypostasis & relationis Personalis Paternitatis, Filiationis & Spirationis Formalem Essentiâ rationem Transcendentaliter importantibus nominibus & conceptibus exprimuntur.

22. Explicatur & Probatur. Nam si quid Formalitatis Divinæ absolutæ prædicatur de Personalitatibus relativis, vel contra, oportet, per Copulam *est* talem importari identitatem, qualis inest purissimæ Essendi actualitati: hanc enim tanquàm Essentiam Dei propriam oportet involvi in omnis Divinæ formalitatis conceptu Formali. At Identitas Purissimæ Essendi actualitati conveniens intelligi nequit inter subiectum & Prædicatum, quin ista se invicem involvant in conceptu suo Formali. Ergo in Divinarum tum relativarum, tum absolutarum Formalitatum de se invicem prædicatione, dicendo v. g. *Paternitas est Sapientia, Filiatio est Omnipotentia, Spiratio passiva est aternitas*; oportet, prædicatum & subiectum se invicem includere formaliter.

23. Dices. Si Sapientia includatur in Formali conceptu Divinæ Paternitatis. Ergo has formalitates etiam abstractè sumptas posse de se invicem verificari in sensu etiam Formali, dicendo v. g. *Sapientia quâ talis est in Deo Paternitas*. At consequens esse falsum. Ergo & id, ex quo sequitur.

24. Contra. Nam reduplicatio ejusmodi afficiens subiectum, significat hujus conceptum objectivum secundum se, prout per simplicem apprehensionem præparatur ad enuntiationem, importare Formalitatem Sapientiæ. At licet in Divinarum Formalitatum de se invicem prædicatione talis significetur prædicati & subiecti identitas, ut horum ratione purissimæ Essendi actualitatis sit unus simplex in Enuntiatione conceptus objectivus. Nihilominus per simplicem Objectivè præcisivam apprehensionem Formalitates Dei absolutæ eatenus sunt abstrahibiles à Personalitatibus relativis, ut istæ non includantur in illarum conceptu formali. Cum igitur sensus reduplicativus afficiat Formalitates, non ut sunt in se ipsis, sed substant nostris objectivè præcisivis conceptibus, consequens est, Personalitates Dei relativæ non verè enuntiarî de absolutis reduplicativè acceptis: atque adeò Propositionem, *Sapientia quâ talis est Paternitas*, non verificari.

25. Replicabis. Ex prædictis sequi, quod in Prædicationibus duntaxat Formalitates Dei absolutæ in conceptu suo objectivo includere possint Personalitates relativæ.

26. Contra. Nam per simplicem objectivè præcisivam apprehensionem multiplex de Essentiâ & Naturâ Divinâ formari potest conceptus objectivus. Primus significatur per *Id Essentia*. Huic respondet ratio Essendi à se seu Formalitas Existentiæ subsistentis. At in isto conceptu non involvitur Naturæ seu cujusvis attributalis, aut relativæ Formalitatis ratio. Secundus significatur per *Id Natura* consistens in intelle-



ctione per purissimæ Essendi actualitatis Intelligibilitatem Formaliter Identicè specificatâ, quæ ut sic in Formali suo conceptu involvit Essentiam, non attributa, vel Hypostases Dei Personales. Tertius significatur per nominationem v.g. æternitatis, Infinitatis &c. cujusmodi attributalis Dei Formalitas non est intelligibilis nisi quâ Formaliter importans actualissimam Dei Essentialitatem. Quartus significatur per nomen *Paternitatis, Filiationis, Relationis Spiratoris, ac Spirati*. At nullus istarum relativarum Formalitatum conceptus objectivus stat, nisi in suâ Intelligibilitate formaliter involvendo Essentialem Dei subsistentiam. Deinde Paternitas & Filiatio in Divinis nequeunt intelligi, nisi quatenus in suo Formali conceptu important Naturam Divinam; sicuti relationes Spiratoris & Spirati concipi non possunt, nisi Formaliter involvendo Amorem Divinum.

27. Probatur istud assumptum: Quia Paternitas & Filiatio Naturam, relatio autem Spiratoris & Spirati Amorem quâ Principium & terminum Formalem important Formaliter, saltem quâ Fundamentum. At nec ista ratio fundamenti, nec relationis super eam fundatæ ratio in Divinis intelligi potest nisi secundum purissimam simplicissimæ actualitatis Essentialitatem. Est autem impossibile, quod intellectus quâ sub simplicissimâ purissimæ actualitatis Essentialitate intelligens relationem, ejusque fundamentum non formet de utroque conceptu, cui respondeat una simplex formalitas seu conceptus objectivus. At in ejusmodi conceptu involvitur Paternitas unâ cum Naturâ & Essentiâ Divinâ. Ergo tunc intelligitur Paternitas quâ per simplicissimæ actualitatis identitatem formalem inclusa in Naturâ & Essentiâ Divinâ. At hoc ipsum est, quod dicimus, relationem scilicet Paternitatis Formaliter involvi in conceptu Essentiæ & Naturæ Divinæ. Ergo verificatur, tum quod relationes Divinæ sint de conceptu formali Essentiæ, tum quod Relationes Paternitatis & Filiationis in conceptu objectivo Naturæ, relationes autem Spiratoris & Spirati in conceptu formali amoris Divini quodammodo includantur: hoc enim posterius verum est de conceptu objectivo per *Id Relatio Spiratoris, aut Spirati* significato, in quo tam Essentia, quàm Amor divinus formaliter involvit activæ vel passivæ Spirationalis relationem, illud autem prius est verum de conceptu objectivo per *Id relatio Paternitatis, aut Filiationis* expresso: in quo tam Essentia, quàm Natura Divina formaliter includit Paternitatem vel Filiationem. In quo ad eod sensu accipi potest illud Angelici Doctoris 1. p. q. 27. a. 2. ad 3. dicentis: *In ipsâ perfectione Divini Esse contineri & Verbum intelligibiliter procedens, & Principium Verbi: sicut & quæcumque ad ejus perfectionem pertinent.*

#### Responsio ad Opposita Argumenta.

29. AD Vasquezij & Authorum n. 6. allegatorum sententiam Respondetur. Ejus Fundamentum probare tantum inadæquatè. Nam 1. eatenus verum est proprietates Personales in Divinis non esse de formalitatum absolutarum simplici objectivè Præcisivo conceptu, ut tamen per Judicium Perfectionis absolutæ de relatione g-

nuntiativum importetur una simplex Prædicati & subjecti Formalitas, in cujus conceptu absoluta perfectio per purissimam Essentialitatis actualitatem formaliter involvat Personalem Proprietatem. 2. De Formalitatibus Omnipotentis, 30. Æternitatis, Immensitatis, Amoris Divini verificatur quidem, ipsas non involvi formaliter in conceptu Paternitatis ac Filiationis Dei Personalis: tamen istarum relationum fieri non possit talis objectiva præcisio, quin in conceptu suo objectivo semper involvant Formalitatem Essentiæ & Naturæ Divinæ. 3. Licet ista Enuntiatio, *Essentia est Paternitas*, simpliciter non sit *per se*, non enim ex eo, quod Paternitas quâ Divina sub purissimâ Essendi actualitate intelligatur, statim cognoscitur, hanc Essendi actualitatem purissimam esse Formaliter Essentiam Divinam: requiritur autem ad propositionem *per se*, ut ex unicus terminorum apprehensione sit hoc ipso nota immediata subjecti & prædicati connexio, Nihilominus secundum quid posse illâ Prædicationem dici *per se*, eò quod sub tali Enuntiativo judicio stet Essentia & Paternitas, tanquàm una purissima simplex Essendi actualitas formaliter includens tam Essentiam, quàm Paternitatem Divinam.

Ad Joannis à Sancto Thoma n. 7. propositum Fundamentum Respondetur. In proprio ac specifico Divinarum Formalitatum conceptu importari tanquàm Formale, per quod una Dei formalitas distinguitur ab alterâ. At in primis commune esse omni cujusvis Divinæ formalitatis objectivo, conceptuique quod importet purissimâ Essentialitatis subsistentis actualitatem, tum quod consequenter nihil Divinum etiam in abstracto sit intelligibile, nisi ratio formalitatis simplicissimæ ex parte objecti attingatur. Ex hoc autè evincitur, quod, si Deus intelligatur sub ratione Omnipotentis, Patris, aut Sapientis, si concipiatur Deitas quâ Objectivè præcisâ ab omni attributali & Personali formalitate, semper ex parte objecti respondeat una simplex purissimæ actualitatis formalitas. Quare Divinarum formalitatum conceptus proprios ac específicos seu formaliter distinctivos in eo se tenere, quod Essentia Divina præcisè sub ratione Esse subsistentis, Natura vero Divina sub ratione Intellectionis per actualissimam Esse subsistentis Intelligibilitatem actualata, Omnipotentia sub ratione virtutis effectricis per Esse subsistens fecundatæ, Paternitas sub ratione Formalitatis in Esse subsistentis tum relativam Individuationis Incommunicabilitatem, tum actualissimam Naturæ divinæ Communicationem identicam importantis intelligatur. In quibus porro conceptibus Essentiam Divinam seu Esse subsistens eatenus Virtualiter & ratione ratiocinatâ actualiter esse radicem formalitatum tum Attributalium, tum Personalium, quatenus objectivus Esse subsistentis conceptus est in intellectu nostro generativus reliquorum de divinis conceptuum. Et hinc rationem Radicis non adeò propriam esse Divinæ Essentiæ, quin intellectum nostrum circa formalitates Divinas operantem connotet, Quocirca realitatem in objectivo Essentiæ Divinæ conceptu importatam esse Formaliter Esse subsistens: Hoc ipsum verò subsistens Esse induere rationem attributalem, quatenus Sapientia, Potentia, æternitas, & Immensitas sub purissimâ Esse subsistentis actualitate



tate concipitur: Sicut Proprietatis Personalis rationem habere, prout Relatio v. g. Paternitatis in Naturâ Divinâ, seu in intellectu per Esse Divini actualissimam Intelligibilitatem actualitâ *Formaliter identicè* subsistens sub ratione individualis incommunicabilitatis intelligitur. Manifestum proinde esse, divinarum Formalitatum específicos Formaliter distinctivos conceptus subsistere, quamvis Essentiæ Divinæ ratio propria in omni sive Attributali, sive Personali Dei Formalitate, ratio autem Naturæ Divinæ in Personali Dei Paternitate involvatur.

33. Ad Cajetani n. 8. Propositam doctrinam respondetur. Eam in tantum verificari, ut objectivus Relationis Divinæ conceptus quantumvis præcisivus importet Formaliter Personalitatem ex se subsistentem. In quo adeo conceptu intelligi Personalitatem Essentiæ Divinæ Formaliter intrinsecam, atque adeo Essentialiter inexistentem. Unde Personalitatem relativam nec à parte rei, nec respectu Intellectus nostri universaliter, sed respectu duntaxat conceptus objectivi *Esse subsistens* præcisè, vel cum formalitate duntaxat attributali intelligentis posse dici non Essentialem Divinæ substantiæ.

34. Ad Ioannis à S. Thomâ n. 9. Propositam Doctrinam Respondetur. 1. Improbari à nobis, quod universaliter dicat, relationes esse de ratione Essentiali Divinæ Essentiæ sumptæ in vi conceptus importantis rationes Entis à se seu increati, & actus puri. Hoc enim verificatur duntaxat respectu conceptus objectivi, sub quo intelligitur relativa Dei Personalitas, non autem respectu objectivi conceptus, sub quo ratio præcisa Essentialitatis subsistentis seu actus puri, vel absoluta attributalis Formalitas concipitur.

35. 2. Nobis non probari simpliciter, quod relationes non ut constitutivum, sed tanquam modi divinæ Essentiæ dicantur esse de huius Essentiali ratione. Tum quia in Formalitatem Dei Personalium & Essentialium mutuâ prædicatione, nec non in ipsius relativæ Personalitatis conceptu involvitur una purissimæ actualitatis Divinæ Formalitas per simplicissimam Identitatem importans Relativam incommunicabilitatem, quâ *Formaliter identicè* subsistentem in actualissimo Esse. At eo ipso, quod isti conceptui non respondeat nisi una simplicissima Formalitas, oportet, in isto conceptu inclusum esse constitutivum Essentialitatis sub simplicissimâ actualitate subsistentis. Tum quia modus licet Essentialem cum re, cuius est modus, connexionem importet, non tamen involvitur Formaliter in conceptu Substantiæ, quam modificat. At relationes Divinæ Personales includuntur in Essentiâ divinâ quâ repræsentatâ per conceptum, quem *ly Paternitas, Filiatio, relatio Spiratoris, & Spirati* important.

36. Ergo in conceptu ejusmodi relationes Personales non se habent ad Essentiâ Divinam tanquam modi, licet ad eandem se habere possint tanquam Termini non quidem *transitivè*, sed *intransitivè*, in ratione actualissimæ Terminationis Formaliter includentes Esse Dei subsistens, cuius illæ sunt individuales terminationes, seu Personales Incommunicabilitates. Quare personalitates Dei relativæ ad Essentiâ Divinam comparatæ tunc solum se habent tanquam modi, quatenus ista præcisè in ratione *Esse subsistentis* seu formalita-

tis absolutæ considerata in suo conceptu objectivo non involvit relationes Personales. Hoc autem evenit in Essentiæ seu Formalitatis absolutæ, ac Personalitatis relativæ per simplices præcisivas apprehensiones intellectuum conceptu comparativo, ac proximè dispositivo ad iudicium personalis proprietatis de Essentiâ divinâ Enuntiativum.

37. 3. Displicere, quod negetur, quamlibet relationum esse adæquatè intrinsecam & Essentialem Divinæ Essentiæ. Nam omni conceptui de Divinis respondet unica Essentialitatis subsistentis ratio. Hæc autem Esse Subsistentis ratio est adæquata & tota in divinis Essentialitas. Ergo in cujuscvis Divinæ sive absolutæ sive relativæ Formalitatis conceptu eatenus involvitur Dei Essentia, ut unica Paternitatis relatio non minus dicat Essentialitatis, quàm tres divinæ Hypostasies, imò quàm omnes divinæ, sive Notionales, sive Essentiales Formalitates. Unde *Essentiâ divinam adæquatè non dicere unicam, sed tres Personalitates relativæ*, non in eo sensu verificatur, quasi Essentia divina sive secundum se præcisè sumpta, sive quâ Formaliter includens Paternitatis & Filiationis Hypostasies, involvat aliquid Essentialitatis, quod non importetur *Formaliter* in conceptu Hypostasis Spiritus Sancti, sed quod de divinis plures sint Formabiles conceptus Objectivè præcisivi, quorum omnibus ac singulis semper unica respondeat Essentialitas, non tamen eadem adæquatè Formalitas objectiva, ut adeo abstractiva per ænigmaticum speculum Dei cognitio nec ex parte objecti, nec ex parte modi cognoscendi adæquet Essentiâ Divinam quaslibet simpliciter simplices Formalitates Formaliter includentem, sed cognitioni tum intuitivæ, tum comprehensivæ proprium sit, ut hæc simpliciter ex parte etiam modi cognoscendi, illa verò ex parte tum Motivi, tum Terminativi Deo inexistens objecti adæquet Divinæ Essentiæ cognoscibilitatem, ita ut nihil sit Formalitatis Deo intrinsecæ, quin attingatur per intuitivam divinæ Essentiæ cognitionem.

38. Ad Ioannis Baptistæ Gonet n. 10. propositam Doctrinam Respondetur. Eam varijs indigere distinctionibus. Nam 1. verum est, quamlibet etiam relativam, tam in concreto, quàm in abstracto sumptam Dei Formalitatem, si prædicatur de Essentiâ, vel Naturâ Divinâ, vel contra, primo modo per se involvi in Essentiali conceptu Deitatis. Cujus ratio superius insinuata est, quod nihil sit de Deo prædicabile nisi sub ratione Essentialitatis subsistentis Formaliter identicè importatæ in talis prædicationis subjecto. Ex quo Fundamento etiam verificatur, concretum nihil dicere in Divinis, quod non etiam importetur in abstracto: nam *ly Pater* dicit Esse subsistens Formaliter includens Formalitatem relativæ ad Filium incommunicabilitatis Personalis. At ista relativa ad Filium Personalis incommunicabilitas eatenus importatur per *ly Paternitas*, ut in huius tamen conceptu Formaliter importetur ratio actus puri, atque adeo Essentialitatis subsistentis. Per hanc igitur in omni de divinis conceptu inclusam Essentialitatis purè subsistentis rationem fit, quod nulla de divinis formari possit prædicatio, quæ non aequaliter sit in primo modo Dicendi per se, 2. Verum quidem est, quod



quod relationes Paternitatis & Filiationis in di-  
vinis non sint intelligibiles, quin Natura divina  
non tantum *Fundamentaliter* seu *connotativè*, sed per  
rationem actus puri *formaliter* includatur in ea-  
rum conceptu *objectivo*. At 3. Falsum est, quod  
in conceptu non *enuntiativo*, sed *simpliciter* ac  
præcisivè apprehensivo relationis Spiratoris &  
Spirati involvatur *Formaliter* ratio naturæ, di-  
vinæ, tametsi in eo importetur *Formaliter* Es-  
sentialitatis divinæ subsistentis ratio. Hinc 4.  
Natura divina in omni circa Paternitatem & Fi-  
liationem, non autem Spiratoris ac Spirati rela-  
tionem *formali* conceptu includitur *Essentialiter*,  
ita tamen, ut nulla Divinarum relationum *For-  
maliter* importetur in Deitatis seu Naturæ divinæ  
*objectivè* præcisivo seu apprehensivo conceptu.

Ad Doctrinam h. n. Propositionam Respondetur. Nobis omnino probari, quod de Essentiâ & Naturâ divinâ per fidei Orthodoxæ ænigmati- cum Divinorum Myfteriorum non nisi abſtracti- vè repræſentativum Speculum formari poſſit concept⁹ objectivus Deitatis ac Essentiæ Divinæ, in quo nulla involvatur Divinarum Hypoſtaſum. Juxta quem aded conceptum totius divinæ Es- ſentiæ, non tamen omnimodæ formalitatis ex parte objecti repræſentativum verificari, tum quod *tota Divina Essentia & Substantia à Patre commu- nicetur Filio, quæ Hypoſtaſis Paterna communicetur. Tum quod Amor, non autem Natura Divina formaliter ex vi Spiritationis communicetur.* Unde ſequi, hanc Pater- nam Hypoſtaſin non involvi in formali Esſen- tiæ & Subſtantiaſeu Naturæ divinæ præciſivo conceptu Esſentiali, tametiſi ſub Paternæ Hypo- ſtaſis conceptu relatio Paternitatis Esſentialiter involvatur in Esſentiâ & Natura divinâ.

Ad n. 12. propositam Doctrinam Respondetur. Relationes Paternitatis & Filiationis ex formalicōceptū sui objectivi ratione esse subsistentias Naturæ divinæ, relationem autem Spiratoris in suo conceptu duas Patris & Filij Hypostasēs formaliter includentem esse ex conceptu suo formali subsistentiam Amoris per purissimum Esse subsistens actuati. At verum esse, quod subsistentia omnis potentialitatis exclusiva purissimam Essendi actualitatem involvens, sit intrinsecè illa ipsa substantia, cujus est Personalis terminatio. Quare relationem Spiratoris ac spirati in suo conceptu objectivo formaliter involvere Amorem sub purissimâ Essendi actualitate subsistentem, sicuti relationes Paternitatis & Filiationis Essentialiter involvunt Naturam divinam. Unde verum est, quod Paternitas sit activæ originis relatio ex ratione suâ propriâ Essentialiter stans in Naturâ Divinâ, hanc importans Formaliter quâ ultimò completam ac terminatam secundum existentiam. In quo aded sensu procedit illud Sancti Thomæ *præf. q. 27. a. 2.* asserentis: quod *relatio realiter existens in Deo habens Esse Essentiæ Divinæ idem omnino existens.*

9292 28 2572 92 2572 6545 2572 28 9292 9292 28

## CONTROVERSIA II.

*Quot, & qualiter inter se distin-  
da sint Divina Relationes?*

1. Quatuor in divinis numerantur relationes  
Originis, nempe Paternitatis, Filiationis,

Spiratoris, & Spirati. De quibus ex fide Ortho-  
doxâ inprimis est certum: Paternitatem ac Fi-  
liationem tam inter se, quam cum relatione spi-  
rati distinguí realiter. Nam teste Divo Anselmo *lib. de Processione Spiritûs Sancti. cap. 3.* relatio  
multiplicat Trinitatem. At quidquid distin-  
guit realiter unum ab alio, debet esse realiter dis-  
tinctum à reali distinctivo alterius. Cùm igitur  
Pater, & Filius, & Spiritus Sanctus distinguun-  
tur, & multiplicentur realiter: hæc autem dis-  
tinctio sit secundum relationes ipsorum pro-  
prias: Concilio Toletano undecimo in confessio-  
ne Fidei attestante: *In relatione cerni numerum Per-  
sonarum*, consequens est: relationes Paternitatis  
Filiationis & Spirati realiter inter se distinguí.

Verum difficultas est tum de relatione spiratoris: Qualiter distinguatur a Paternitate & Filiatione; tum de relationibus reæ. ut oppositis, an distinguantur specie vel solo numero?

Referuntur Sententiæ Doctorum.

**D**Uranda enim *int. dist. 18. q. 2.* videtur dil-  
linxisse Spirationem activam à Paternitate  
& Filiatione. Fundamentum est. Si enim Pa-  
ternitas sit idem realiter cum relatione Spirato-  
ris, verè dici poterit, Paternitatem esse relatio-  
nem Spiratoris. Hinc autem erit consequens,  
Patrem referri ad Spiritum Sanctum Paternitate,  
sicut Spiratione, & ad Filium Spiratione, sicut  
Paternitate. Ex quo rursus sequeretur, Spiri-  
tum Sanctum terminare Paternitatem, esseque  
ad eò Filium, & hunc terminare Spirationem, ef-  
seque ad eò Spiritum Sanctum.

Rada *cont. 14. a. 3. concl. 1. & 3.* docet, Hypotheses divinas simpliciter & absolute esse ejusdem rationis, & speciei eo modo, quo species concedi possit in divinis, imò nec differre proprie numero, seu differentiâ numericâ, etsi proprietates earum constitutivæ sint alterius rationis. Fundamentum est. Quia duæ differentiæ individuales constituentes individua ejusdem speciei, non faciunt individua ipsa primò diversa, cum ipsæ tamen sint inter se primò diversæ. Pari ergo ratione, quamvis Personarum Divinarum constitutiva sint alterius rationis, Personæ tamen constitutæ simpliciter sunt ejusdem rationis & speciei, propter unitatem Naturæ etiam Numericam.

Nazarius præ. q. 27. a. 4. cont. 3. tenet, tamet Hypostasēs divinæ simpliciter loquendo, propter unitatem Essentiæ sint ejusdem rationis & speciei: Proprietates tamen Personales specie differre, arque adeò Personas divinas differre specie proprietatis Personalis. Fundamentum desumi potest ab Authoritate Sancti Thomæ q. 10. de Potent. a. 2. ad 12. afferentis: *In aliquo individuo posse speciem dupliciter considerari, uno modo speciem Hypostasis ipsius, alio modo speciem proprietatis individualis.* Dato enim, quod Sortes sit albus, & Plato sit niger, & posito, quod albedo, & nigredo sint proprietates individuantes Sortem, & Platonem; verè dici, quod Sortes & Plato sint unum Specie, sub quâ speciem Hypostasēs contineris, siquidem conveniant in humanitate, sed distinguantur secundum speciem proprietatis, quatenus albedo & nigredo differant specie. Sic ergo rem se habere in Patre & Filio, considerari enim ut unum specie, cujus ista Hypostasēs sint supposita convenientia in unâ Naturâ Deitatis: sed secundum



*secundum speciem Proprietatis Personalis inveniri differentes, et quod Paternitas & Filiatio sint relationes secundum speciem diversae.*

## CONCLUSIO I.

**R**elationes Personales in Divinis non differunt specie, sed individualiter.

5. Explicatur & Probat. Nam Genus & differentia specifica ita comparantur ad se invicem, ut illud desumatur à materiâ seu potentialitate per formam actuabili : hæc verò desumatur à formâ seu actualitate per Existentiâ, & Subsistentiam seu completam Hæcceitatem determinabili. Unde in illo duntaxat Ente intelligibilis est differentia specifica, cujus Forma non est suum Esse subsistens. Ejusmodi verò est omne creatum, ita, ut ex hoc ipso de Angelo sit conceptibilis ratio speciei seu differentiae specificae, quod sit actus per subsistentiâ à suâ Naturâ distinctam Hæcceitatem determinabilis ad Esse individui, licet alioquin cuius Angelicæ Naturæ non nisi unica connaturalis Hæcceitas convenire possit. At verò Relationes in divinis per suum conceptum formalem important Incommunicabilitatem personalem, à quâ Esse subsistentis ratio nequeat *objectivè* præscindi. Hæc autem tam Esse subsistentis, quàm Incommunicabilitatis Personalis ratio est formaliter individuat, sive Hæcceitas per conceptum suum Formalem importans indivisibilitatem, atque adeò excludens divisibilitatem. Unde Personales relationes ac quævis in divinis formalitates per rationem Esse subsistentis non nisi *individualiter* distinguuntur à creaturis, ita ut ratio individualis Differentiæ seu Hæcceitatis *formalissimè* involvatur in earum ratione *objectivâ* : At verò licet relationes in divinis secundum Esse Subsistentis rationem conveniant non Specificè, aut Genericè, sed omnino individualiter : tamen *quoad Esse* ad eam inter se differunt, ut hæc ipsa differentia sit secundum incommunicabilitatem Personalem, adeoque Hæcceitatem ultimam individualem. Ejusmodi verò differentia, quæ est secundum incommunicabilitatem, seu Hæcceitatem Personalem non est nisi individualis. Ergo relationes divinæ *Quoad Esse* ad non nisi Individualiter in se differunt.

6. Doctore Angelico q. 9. de potentia a. 5. ad 18. id clare attestante sequentibus verbis. Dicendum, quod licet Pater & Filius non distinguantur ab invicem, nisi Paternitate & Filiatione, non tamen oportet, quod Pater & Filius quasi specie differant in Divinis, quia Paternitas & Filiatio sunt relationes secundum speciem. Non enim illæ relationes se habent ad Divinas personas, ut speciem dantes ; sed magis ut supposita constituentes & distinguentes. Illud autem, quod se habet ad personas Divinas, ut speciem dans, est Natura Divina. Sicut ergo Sortes & Plato licet non distinguerentur individualiter nisi albedine & nigredine, quæ sunt diversæ qualitates secundum speciem, non tamen specie differrent, quia quod est species albo & nigro, non est species Sorti & Platoni : ita nec sequitur, quod Pater & Filius specie differant propter differentiam Paternitatis & Filiationis secundum speciem ; licet in Divinis non possit propriè dici aliquid differre secundum speciem, cum non sit ibi species & genus.

7. Dices ex Sancto Thomâ *superius* n. 4. allegato, Proprietates Personales in divinis eo modo differre inter se, quo modo differunt proprietates Personales Platonis v. g. & Sortis. At Personales Proprietates in his differunt secundum speciem albedinis v. g. & nigredinis. Pari ergo ratione dicere licet de Paternitate ac Filiatione in divinis differre secundum speciem Paternitatis Personalis, ex claro textu Sancti Thomæ.

8. Contra. Nam Sortis & Platonis proprietates Personales aliter considerantur secundum Esse Substantiale : aliter verò secundum Esse Accidentale. Sub priori enim consideratione important fundamentaliter Esse Naturæ, formaliter autem in ratione individuationis completæ dicuntur Esse subsistentiæ. Unde ratio & differentia Temperamenti, per quod in uno albedo, in altero autem nigredo resultat, est per modum accidentis huic individuo proprii resultantis ex substantiali Proprietate fundante hanc Personalitatem seu subsistentiam. Quam ob causam proprietates hominum personales non tam *formaliter* in se ipsis, quàm *fundamentaliter* & *connotativè* denominari possunt differentes secundum speciem. Pari ergo ratione Personales Proprietates in Divinis secundum comparationem ad Paternitatem & Filiationem in creatis specie differentes, possunt connotativè secundum extrinsecam cum relationibus creatis æquiparantiam dici differentes secundum speciem.

9. Instabis. Ex hoc evinci, quod sicut substantiales Platonis, ac Sortis Personales Proprietates non tam formaliter in se ipsis, quàm ratione accidentis in se radicati differunt secundum speciem, sic Personales relationes in divinis secundum speciem differre, prout una scilicet Paternitatis relatio non est *objectivè* præscindibilis à naturâ divinâ, cujus est terminus substantialis ac Personalis, altera verò scilicet relatio Spiritus Sancti propria à Naturâ, non autem ab Amore substantiali divino *objectivo* abstrahibilis est.

10. Contra. Nam Personalium Sortis & Platonis differentiarum non omnino eadem est ratio cum divinarum Hypostasum Personalibus Proprietatibus. Etenim illæ possunt ab intrinseco denominari, quod *fundamentaliter* differant secundum speciem, utpote in quarum ratione intrinsecâ fundentur qualitates individuantes, differentes secundum speciem. At verò Paternitas Divina licet formaliter in omni de se Formabili conceptu *objectivo* involvat Naturam, non autem Amorem Divinum : hic tamen nec specie, nec Individualiter differt à Naturâ Dei, sed utraque ista Divina Formalitas Essentialiter importans rationem Esse subsistentis, tam in se à parte rei, quàm sub nostris conceptibus non stat nisi sub unâ Esse subsistentis propriâ individuali ratione. Quare Fundamentum, ex quo Divinæ relationes secundum speciem differentes denominari possint, non æquè ac in creatis Personalibus proprietatibus est intrinsecum, sed merè extrinsecum ex comparatione ad creatas relationes.

## CONCLUSIO II.

**S**ecundum veram Orthodoxæ fidei Doctrinam, est indubitatum, quod relatio spiritalis







tur, perfectionem ex hoc dici realem, quod realiter distinguatur à re, quam perficit, nec adeò dici posse, quod Perfectiones in Divinis realiter multiplicentur, nisi à re, cuius sunt perfectiones, distinguantur realiter. At Falsum est, quod relationes in Divinis distinguantur realiter ab Essentiâ, cuius sunt perfectiones. Ergo non potest dici, quod multiplicentur in Deo secundum numerum relationum.

4. Ioannes a S. Thoma *pres. disp. 3. a. 3. n. 8.* existimat: Relationes Divinas etiam secundum se in linea & Formalitate relationis dicere Perfectionem, sed non explicare illam per Ordinem ad terminum, sed per Ordinem ad subiectum & Fundamentum. Unde consequens esse, illas perfectiones non multiplicari in tribus relationibus seu Personis Divinis, sed eadem Perfectione, etiam ut relativa est, gaudere. Fundamentum ab ipso *n. 9. & 12.* deductum est. Quia *ad* relationis, quod in se reale & in se perfectio est, respectu Terminum non ponit nisi respectu, & contra ipsum est. Ergo non explicat prout sic realitatem, quæ sit, sed ad quam realitatem sit. Et si prout relatio in se habere possit realitatem ratione Fundamenti, ex hoc enim habet Esse & actualitatem: Omnis autem perfectio dicitur ratione alicujus Esse, vel actualitatis; omnisque realitas respicit aliquam existentiam. Nihilominus per terminum relatio nec habet Esse; nec Existentiam seu actualitatem, sed tantum terminationem. Quare Fundamentum duntaxat est Causa seu ratio realitatis in relatione: terminus autem est conditio, seu id, circa quod exercetur realis oppositio. Cum igitur tota Divinarum relationum Perfectio etiam quæ relativa defumatur ex Fundamento, cuius est una simplicissima Essendi in Deo actualitas, consequenter repugnat, illas multiplicari in ratione perfectionis, licet in ratione respectus oppositi & distinguentis multiplicentur.

5. Scotus in 1. *dist. 3. q. 1. ad 4. & quodlib. 3.* Richardus in 1. *dist. 24. a. 1. q. 3. ad 1.* Capreolus in 1. *dist. 17. q. 1. ad 3. contra Primam Conclus.* Cajetanus *hic art. 2. Ferrariensis 2. cont. gent. cap. 9.* Molina *q. 42. a. 6. disp. 2. concl. 2.* Becanus *cap. 2. q. 6. & alij* negant: relationes Divinas secundum Formalem suum conceptum quoad Esse ad importare perfectionem. Fundamentum à Ioanne Baptistâ Gonet *pres. disp. 3. a. 5. §. i.* deductum est. Nam ratio Perfectionis debet sumi per respectum ad subiectum inspectum ratione sui. At relatio nullum sibi peculiare subiectum respicit ratione sui in illo sistendo, sed ratione termini sui correlativi. Ergo nihil relativum potest ex se obtinere rationem seu conceptum Perfectionis. Ergo relationes Divinæ ex vi proprii & relativi conceptus non addunt perfectionem ad Essentiam. Major, in quâ solum potest esse difficultas, probatur. Perfectio debet respicere subiectum perfectibile per commensurationem cum illo. At nisi subiectum ratione sui respiciat, non commensuratur cum illo, sed cum termino, qui est ratio respiciendi subiectum. Ergo ratio perfectionis debet sumi per respectum ad subiectum inspectum ratione sui, & non ratione alterius;

## CONCLUSIO.

Esse *Ad* in relationibus Divinis nullo modo est objectivè abstrahibile ab Esse Dei subsistente: per cuius simplicissimam Unitatem in omnibus formalitatibus Divinis sive absolutis sive relativis est unica perfectionis ratio.

6. Probat. Omnium enim perfectiones pertinent ad perfectionem Essendi; secundum hoc enim aliqua perfecta sunt, quod aliquo modo Esse habent, ex Sancto Thomâ *p. q. 4. a. 2. circa Finem.* At in Divinis non est nisi unicum Esse, & idem sicut in Filio est Esse Essentiæ, ita & in Filio est Esse Paternitatis, ex eodem Sancto Doctore in 1. *dist. 33. q. 1. a. 1. ad 2.* Pati ergo ratione in Filio & Patre non est nisi unica in Esse Divino radicata Perfectio, atque adeò sicut in Filio est Perfectio Essentiæ Patris, sic & in Filio est tota & omnimoda perfectio Paternitatis.

7. Dices. In Divinis eatenus esse unicum Esse, ut tamen Paternitas habeat aliquid, in quo non unitur cum Essentiâ, scilicet ratione Paternitatis, utpote quæ alia sit à ratione Essentiæ. Unde secundum istam rationem posse respectum esse in Patre, & non in Filio. ex Doctore Angelico *proximè citato.* At hoc ipsum aliquid respectus, in quo Paternitas non unitur cum Essentiâ, importare perfectionem. Ergo in Paternitate esse perfectionem respectivam quodammodo aliam à perfectione Essentiæ.

8. Contra. Nam ex præallegatâ Divi Thomæ doctrinâ solum evincitur, quod alia Essentiæ, alia Paternitatis Divinæ ratio sit. At hæc duplex ratio seu Formalitas Divinâ importat eandem & unicam perfectionem. Minor Probat. Nam licet in Divinis sint plures rationes seu Formalitates per objectivam rationis præcisionem distinctæ, nullo tamen modo concedendum est, quod aliud sit Esse relationis in Divinis, & aliud Essentiæ. ex Sancto Thomâ *q. 8. de Potenti. a. 2. ad 11. differente;* Quod relatio non significet Esse, sed Esse quid, id est, quid aliquid est. Unde duas rationes unius rei non demonstrare duplex Esse ejus: sed demonstrare, quod dupliciter de illâ re possit dici, quid est, sicut de puncto posse dici, quid est, sicut Principium, & ut finis, propter diversam rationem Principij & Finis. At verò Perfectio radicitur in Esse, imò perfectionis ratio importat formaliter actualitatem Essendi, eodem Sancto Doctore in 1. *p. q. 42. ad 2. asserente, Dignitatem, adeoque perfectionis rationem in Divinis, esse absolutam; & ad Essentiam pertinere.* Sicut ergo eadem Dignitas, quæ in Patre est Paternitas, in Filio est Filiatio; ita eadem Perfectio, quæ in Patre est Paternitas, in Filio est Filiatio. *Uti expressis verbis tradit Sanctus Doctor proximè citatus.* Ergo relatio Paternitatis non aliam, quàm ipsius Essentiæ Divinæ Perfectionem importat; Eadem enim est Essentia & Dignitas Patris & Filij, licet in Patre sit secundum relationem dantis, in Filio autem secundum relationem accipientis. ex proximè citato Angelico Doctore;

9. Instabis ex Amico *cit. sect. 8. n. 203.* Filiationem Divinam quæ oppositam, seu quæ à Patris & Spiritus Sancti Hypostasibus condistinctam sustentare humanitatem Christi. Ut sic autem



Filiationem Divinam importare relationem quâ virtualiter distinctam seu objectivè præcisam ab Essentiâ Dei. At implicare, quodd Filiatio Divina sustentet naturam humanam, & nullam in se dicat perfectionem. Consequens igitur esse, quodd Filiatio Divina sub ratione Formali relationis quâ Virtualiter distinctæ & objectivè præcisæ ab Essentiâ Divinâ, dicat perfectionem.

20. Contra. Nam licet Essentia Divina possit objectivè præscindi à relatione Filiationis, nequit tamen ista relatio Divina intelligi, quin in suo conceptu involvat Formaliter Esse Dei subsistens. Ergo ratio perfectionis Filiationi Divinæ quâ Humanitatem Christi sustentanti convenientis formaliter importat Esse Dei subsistens. Probatum tam antecedens, quam consequentia. Nihil enim est intelligibile sine ratione Essendi. Hæc autem in Divinis est unicum Esse subsistens, in quo formaliter consistit Essentia Divina. Et si proinde ista sit objectivè præscindibilis à relatione Filiationis, hæc tamen intelligi nequit, quin in conceptu ejus objectivo Formaliter involvatur Esse Dei subsistens. At in hoc ipso Esse stat tota Filiationis, & cujuscvis Formalitatis Divinæ perfectio. Unde Filiatio ejusmodi sustentando Christi humanitatem, huic communicat perfectionem ipsius Esse Divini, seu Existentiæ subsistentis, ut aded per ipsam Dei Existentiâ ceu formalem Essentiæ Divinæ rationem stet Christi Humanitas. Quare Filiatio Divina sub ratione relationis importat quidem perfectionem, hæc tamen secundum rationem etiam nostram non est alia, nisi Essentiæ Divinæ, nec adeo alia est perfectio Paternitatis, alia verò Filiationis, sed tota Patris dignitas & perfectio est in Filio, cum hoc duntaxat discrimine reali, quodd in Patre sit secundum relationem Dantis, in Filio autem secundum relationem accipientis. ex S. Thomâ superius adducto.

#### Responsio ad fundamenta opposita.

21. AD Amici n. 1. propositum Fundamentum Respondetur. Verum esse, quodd Trinitas Personarum, quæ ut sic constituitur Formaliter per relationes Divinas, sit perfectio, non quidem Virtualiter distincta ab Esse Divini Perfectione, sed in conceptu suo objectivo Formaliter involvens Esse Dei subsistens. Unde multiplicatam seu Trinitatem Personarum non esse ex ratione Perfectionis in relationibus Divinis inclusæ, sed ex oppositione relativâ, quæ ita fundatur in unâ simplicissimâ Esse Divini subsistentis perfectione, ut tamen dicat Terminationes realiter diversas, non aliam nisi Essentiæ Divinæ Perfectionem importantes.

Ad Suarezij n. 2. oppositum Fundamentum Respondetur. Relationes Divinas non esse concipiendas instar formæ Perfectivæ, sed tanquam actum per Esse subsistentis purissimam actualitatem omnino perfectum. In quo proinde purissimo Essendi actu relationes Divinas inter se comparatas seu oppositas eatenus dici tres Entitates, ut tamen non sint distinctæ sub ratione Entitatis, sed sub ratione terminationis relativæ, Formaliter importantes simplicissimâ Esse subsistentis Entitatem indivisibilem, Cum

igitur ratio Perfectionis radicetur in Esse, tres relationes Divinas non posse intelligi multiplicatas sub ratione Perfectionis, sed sub ratione Terminationis relativæ ipsam Esse subsistentis perfectionem sub simplicissimâ unitate involventis.

Ad Vasquezij n. 3. propositum Fundamentum Respondetur. Relationes Divinas esse intelligendas per modum perfectionis realis non ætuantis, sed subsistentis. Hanc autem Perfectionem sub purissimi Esse actualitate subsistentem esse hoc ipso unicam & indivisibilem; quodd radicetur in simplicissimo Dei Esse subsistente.

Ad Ioannis à Sancto Thomâ n. 4. propositam Doctrinam Respondetur. Relationes Divinas sub formalitate relationis eatenus dicere perfectionem, quatenus non sunt objectivè præscindibiles ab Esse Dei subsistente, ex quo est unica cujuslibet formalitatis Divinæ actualitas & perfectio indivisibiliter inexistens tribus Personis Divinis. Quam proinde perfectionem esse relativam, quatenus per Terminationem incommunicabilem habet rationem Dantis vel Accipientis Esse subsistentis. Hanc verò Dantis & Accipientis rationem in Divinis suo oppositione correlativâ eatenus esse Divinarum Personarum distinctivam, ut vi omnimodæ sui cum Esse Dei subsistente identitatis per rationem etiam nostram objectivè inseparabilis includat formaliter perfectionem non aliam, quam Essentiæ Divinæ.

Ad Ioannis Baptistæ Gonet n. 5. oppositum Fundamentum Respondetur. Rationem Perfectionis in relationibus Divinis non tam intelligi debere per respectum ad subjectum, quam per modum perfectionis subsistentis per ipsammet Esse Divini purissimam actualitatem. Unde in Formali relationum Divinarum conceptu Quoad Esse ad necessario involvi Divini Esse subsistentis Perfectionem. Et si proinde verum sit, relationes Divinas ex vi proprii & relativi conceptus non addere Perfectionem ad Essentiam, attamen falsum esse, quodd relatio Divina ex se non obtineat conceptum Perfectionis.

#### CONTROVERSIA IV.

*An Divina relationes importent  
diversas relatiivas existentias, æterni-  
tates, aliasve similes formali-  
tates?*

SUAREZ lib. 3. de Trinit. cap. 5. & in 3. p. disp. n. sect. 2. Amicus præd. disp. 19. sect. 7. n. 175. Ariaga tract. de S. Trinit. disp. 49. sect. 2. Perez in. disp. 7. sect. 7. sentiunt: in Divinis relationibus importari tres realiter distinctas relatiivas existentias. Fundamentum potissimum est. Omnis enim productio producit actualitatem & existentiam sui termini. At Existentiâ Dei absoluta non producit. Ergo productio tum Filij, tum Spiritûs Sancti non absolutam tribus Personis communem, sed relativam propriam istarum Personarum existentiam producit.

Pro hæc sententiâ allegatur etiam Auctoritas Richardi de Sancto Victore lib. 4. de Trinit.



cap. 17. & 18. afferentis: Quot sunt in Divinitate Personae, tot esse incommunicabiles existentias, eò quod Persona nihil aliud sit, quam incommunicabilis existentia. Verum Vasquez disp. 126. cap. 2. pluribus ostendit, illum Doctorem, dum tres in Divinis ponit existentias, nomine existentiae non intelligere nisi subsistentiam.

3. Arriaga citatus n. 8. & 9. in Divinis ponit etiam tres ubicationes ac durationes, adedque immensitates ac aeternitates relativas. Fundamentum est. Nam Paternitas Divina etiam ut distincta ab Essentia perit esse ubique, & ab aeterno, in aeternum durare. Ergo per semetipsam convenit ei, quod & duret, & sit in loco. At eadem ratio militat de alijs duabus relationibus Divinis. Ergo singulis convenit sua propria duratio, & ubicatio immensitatis, ac aeternitatis relativae.

4. Amicus cit. sect. 7. n. 192. arbitratur; posse in Deo quidem concedi tres existentias, & tres durationes, non tamen tres aeternitates. Explicat & probat ille Author. Nam praedicata, quae Divinis relationibus attribui possunt, in duplici sunt differentiâ. Alia enim competunt illis secundum proprias differentias, cujusmodi sunt *relatio*, *Proprietas Personalis*, *Hypostasis*. Haec autem indubitatum est, posse de Deo ut plura praedicari. Alia deinde sunt, quae conveniunt illis solum ex ratione genericâ, cujusmodi sunt omnia transcendentia, velut *Ens*, *res*, *aliquid*, *immutabile*, *Verum*, *Bonum*: inter quae sunt etiam existentia, substantia, & Essentia. At ex his aliqua sunt, quae vel Patrum ulitato loquendi modo, vel ex Conciliorum determinatione ad cavendas errorum occasiones ita commodata sunt Naturae communi, ut nullo modo liceat ea transferre ad relationes, cujusmodi sunt substantia & Essentia, quae proinde non nisi singulariter praedicantur de Deo. Nonnulla vero sunt, quae licet ab extrinseca autoritate non sint limitata ad solam naturam communem, ex loquendi tamen & concipiendi communi modo ita determinantur ad solam communem Essentiam, utpote rem perfectissimam significandam; ut non nisi cum addito determinante ad perfectionem relativam, possint de Deo in plurali praedicari: velut *Ens*, *res*, *aliquid*, *immutabile verum*, *Bonum*, *existentia*, & *duratio* cum addito *relativa* possunt de Deo pluraliter enuntiari. Alia denique sunt, quae in suo conceptu semper involvunt aliquid absolutum. Haec autem neque cum addito possunt de Deo pluraliter nisi tantum adjectivè praedicari: ad praedicationem enim adjectivam sufficit suppositorum pluralitas. At qui talia praedicata sunt Natura, aeternitas, Sapientia, & reliqua attributa, quae in Deo dicunt perfectionem simpliciter simplicem. Etenim Natura est Principium omnium operationum, quod nullâ ratione competit relationi. Aeternitas vero est interminabilis vitae tota simul & perfecta possessio; quae proinde in sui definitione includit Existentiam vitae perfectissimae ac interminabilis. Unde quia aeternitas vitae prorsus immutabilis perfectionem involvens Deo ratione Essentiae competit, negandum est, in Deo esse tres aeternitates, licet in ipso sint tres durationes relativae.

5. In Deo non distingui tres existentias relativas, sed per unicam Essentiam Divinae existen-

tiam absolutam existere, omnes five absolutae five relativae Formalitates Divinas, docent Vasquez cit. disp. 126. cap. 2. & 3. Ioannes à S. Thomâ *prae. disp. 13. a. 3. à n. 23.* Ruiz de Trinit. *disp. 15. sect. 3. & 4.* Ioannes Baptista Gonet *prae. disp. 3. a. 6.* Granadus *tract. 5. disp. 1. sect. 3.* Andreas Lao *disp. 167. a. 5. n. 441.* Huic sententiae aperte favet Divus Thomas; In Divinis, inquit, nullo modo est Esse, nisi Essentia, ex q. 8. de potent. a. 2. ad 11. At in Deo non est nisi una Essentia. Ergo nullo modo concedendum est, quod in Divinis sit nisi unum Esse, cum Esse semper ad Essentiam pertineat, & praecipue in Deo, cuius Esse est sua Essentia. ex q. 9. de Potent. a. 5. ad 19. Unde relationes, quae distinguunt supposita in Divinis; non adducunt aliud Esse super Esse Essentiae. ex loco proxime citato. Nec obstat, quod relationum ac Essentiae formalitates in Divinis sub diversis rationibus formalibus intelligantur; & quodammodo definiantur. Nam ratio non significat Esse; sed Esse quid, id est; quid aliquid est. Unde duae rationes unius rei non demonstrant duplex Esse ejus: sed demonstrant, quod dupliciter de illâ re dici potest, quid est: nec aded ullo modo concedendum est, quod aliud sit Esse relationis in Divinis; & aliud Essentiae. ex cit. q. 8. a. 2. ad 11.

6.

## CONCLUSIO.

EX unitate Essentiae efficaciter demonstratur; relationes in Divinis non habere diversas relativas Essentias, seu unitates; Veritates, Bonitates & durationes, ubicationes; infinitates; & Sanctitates; sed existere per unicam subsistentem existentiam Essentiae Divinae ut sic Formaliter constitutivam:

Explicatur & Probatur. Nam Essentia dicitur ab Essendo. At omnis Essendi denominatio cadit supra Entitatem vel quâ Potentialiter & actuabilem ab Esse distincto, vel quâ Purissimum Essendi actum; qui sit ipsummet Esse subsistens. Eo ipso autem, quod relationes Divinae omnimodam excludant Potentialitatem; oportet, ipsarum Existentiam esse purissimum Esse subsistens. At ex hoc ipso, quod Esse aliquid sit subsistens; includit formaliter individuationem ultimâ, sui que aded indivisibilitatem omnimodam, seu unitatem singularem ac individualement. Ergo ex hoc, quod relationes Divinae sint Entitates omnimodam excludentes Potentialitatem; sequitur; in Dei relativis Formalitatibus non esse nisi unicum ex se Formaliter singularizatum seu Essentialiter individuum, atque aded immultiplicabile Esse Existentiae; quod Formalissimè sit ipsa Essentia Divina. Sicut ergo secundum Patres, & Concilia Orthodoxa in Divinis profitemur unicam Essentiam; sic oportet fateri unicam existentiam, am ex se Formaliter subsistentem, & ut sic Essentiae Divinae sub singularitatis seu omnimodae individuationis & purissimae, adedque ex se individuae actualitatis formaliter constitutivam.

7.



8. Dices. Existentiam habere pro effectu Formali, quod ponat rem extra causas, vel extra nihilum. Unde consequi ad entitatem non absolute consideratam, sed sub illâ Formalitate, quâ egreditur à causis, scilicet sub ipso produci, vel sub ipso improduci, & à se, veluti Ioannes à Sancto Thomâ *cit. 4. 3. n. 14.* discurrit. Atqui produci & improduci convenire Divinis relationibus ex proprio suo notionali conceptu, vi cuius Paternitas formaliter ingenta, Filiatio autem per Generationem sic producta. Oportere igitur hisce Divinis Entitatibus ex proprio suo Notionali conceptu assignare proprias relativas existentias.
9. Contra. Nam de Entibus creatis duntaxat verificatur, quod existentia consequatur ad Entitatem non absolute, sed sub ipso produci consideratam. Huius autem ratio est, quod ejus Essentia non sit per se actuata, sed in potentia ad existendum. At Potentiæ per formam actuatio non fit, nisi mediante Causalitate efficiente. Oportet igitur, Essentiam creatam pro aliquo priori naturæ prius terminare actionem sui effectricem, quam intelligatur actuari per existentiam. Unde omnino verificatur in Entibus creatis, existentiam consequi ipsorum entitatem non in se absolute, sed quâ egressam à causis sub ipso produci consideratam.
10. Secus est in Formalitatibus Divinis. Hæ enim purissimam Essendi actualitatem importantes in primo suo Essentiali conceptu inseparabiliter involvunt existentiam irreceptibilem, seu Esse subsistens. Unde ratio tam ingenti, quam producti in Divinis Formalissime includunt existentiam subsistentem. At eo ipso, quod ratio subsistentis dicat Hæceitatem Individualem seu indivisibilem, nequit esse nisi unica subsistens existentia. Quamvis proinde alia relatio Producti sit in Filio, & alia in Spiritu Sancto, hæ tamen geniti in Filio, & Spiritati in Spiritu Sancto, ac ingenti in Patre rationes ita differunt quoad relativam incommunicabilitatem seu oppositionem, ut tamen Formalissime importent unum simplicissimum Esse, ac Existentiam subsistentem omnino eandem & indivisibilem.
11. Instabis. Relationes in Divinis esse plures realiter multiplicatas Entitates. At rationem Entitatis vel Formaliter vel consecutivè importare existentiam. Insuper rationem Unitatis, Bonitatis, Veritatis Transcendentaliter inesse Entitati. Denique cuivis Enti esse propriam suam Durationem ac ubicationem, nec posse illud Ens stare nisi quâ Finitum vel infinitum. Cum igitur relationes Divinæ non sint Entitates finitæ, oportere cuilibet inesse suam relativam infinitatem. Ergo Unitates, Veritates & Bonitates Transcendentales, nec non infinitates, & existentias relativas esse in Divinis relationibus realiter multiplicatas.
12. Contra: Nam licet in Deo sint tres realiter distinctæ Entitates, hæc tamen Pluralitas, ac distinctio non est secundum rationem Entitatis, sed secundum oppositionem & incommunicabilitatem relativam. At Unitas, Veritas, & Bonitas, ac infinitas, nec non ubicatio, & Duratio formaliter consequuntur rationem Entis, Existentia verò in Ente Puro est Formaliter Prima Entitatis ratio. Sicut igitur in Divinis non est

nisi unica ex se subsistens Essentialiter individuatâ Entitas, sic non nisi unica est in Divinis relationibus Duratio, Ubicatio, Infinitas, Unitas, Bonitas, & Veritas Transcendentalis.

Major Probat. Quia ratio Entitatis nullo modo est intelligibilis, quin in suo conceptu involvat vel actualitatem Essendi, vel Potentialitatem ad Essendum. Atqui nullâ formalitas in Divinis est intelligibilis nisi omnimodâ remotâ Potentialitate. Ergo non est ulla de Divinis conceptibilis formalitas, nisi sub purissimâ Essendi actualitate. Atqui per purissimam Essendi actualitatem est, quod Entitas per se subsistens in suo conceptu objectivo sit Formaliter involvens existentiam & Hæceitatem. Hæc ipsa verò Hæceitatis ratio est formaliter importans ultimam individuationis indivisibilitatem, atque adeo excludens multiplicabilitatem in ratione Entitatis. Ergo relationes Divinæ per oppositionem relativam eatenus multiplicantur *Quoad Esse ad*, ut tamen in suo conceptu objectivo formaliter involvant unicam ex se individuatam Entitatem, atque adeo Veritatem, Unitatem, Bonitatem, Infinitatem, Ubicationem, & Durationem.

Urgebis. Humanitatem Christi ex Hypostasi Verbi sibi substantialiter unitâ participare Sanctitatem Personalem. Ergo cuique Divinarum Hypostasum convenire suam propriam relativam Sanctitatem.

Contra. Nam Sanctitas importat radicem Divinæ operationis. At sicut Prima Divina operatio est formaliter intellectio per Esse Dei subsistens formaliter actuata, & specificata, sic Sanctitas creata est Divinæ operationis secundum gradum quasi specificum participatio, prout vel per Esse Divinum tanquam terminum suum intrinsecum specificatur, velut evenit in visione Beatificâ, vel ad hanc dicit ordinem Proportionis, & Commensurationis intrinsecum. Unde Personalitas Verbi est Humanitatem Christi substantialiter sanctificans, quatenus secundum connaturalitatis exigentiam in Verbi Divini Hypostasi Naturæ creatæ unitâ radicanter tum visio Beatifica, tum supernaturales cum hæc proportionatæ operationes. Atqui Hypostasis Verbi in suo objectivo conceptu inseparabiliter involvens Esse Dei actualissimum ita communicat Humanitati Christi modum existendi Divinum, ut consequenter exigat connaturaliter modum operandi Divinum consistentem in visione Beatificâ & supernaturalibus cum hæc proportionatis operationibus. Et si proinde Hypostasis Verbi habeat rationem Sanctitatis humanam Christi Naturam personaliter Sanctificantis, ejusmodi tamen Sanctificatio est per ipsum Esse Dei subsistens inseparabiliter inclusum in cujuslibet Divinæ Hypostasis conceptu objectivo. Consequens igitur est, cuilibet Hypostasi Divinæ non esse suam propriam personalem, sed in omnibus Personis Divinis esse unicam in ipso Dei Esse actualissimo subsistentem Sanctitatem.

Responsio ad Argumenta in initio opposita.

Ad Suarezij n. 1. Oppositum Fundamentum Respondetur negando Majorem. Tum quia

13.

14.

15.

16.

17.



quia Productio humanitatis Christi non terminatur ad existentiam sui Termini, sed Christi natura humana existit per existentiam Verbi increatae. Unde negotium productionis rerum creaturarum ita expediri debet, quod nimirum Entitas creata stans sub actione sui Productrice sit per se ipsam ab intrinseco determinata ad existentiam. Hæc autem intrinseca cujuslibet creatæ sub actione reali stantis entitatis ad existentiam, tanquam sui actualitatem determinatio eatenus fundat resultantiam existentiae, ut cum ista habeat Entitas creata connexionem connaturalem non nisi supernaturaliter impedibilem. Quare existentia non tam *Formaliter* est Terminus productionis, quam *Consequentivè*, ita quidem, ut Entitatis creatæ substantialis productionem connaturaliter consequatur Existentiae, sicut & Subsistentiae resultantia, in supernaturali autem Incarnationis Mysterio Humanitatis Christi productionem, impediri connaturalis existentiae resultantia, concomitetur Communicatio & unio existentiae Increatae Verbi Divini. Tum quia productio in Divinis Formalissimè importat Communicationem tum Intellectionis, tum amoris quæ subsistentis per actualissimum ex se individuarum Esse Divinum. Unde productio in Divinis ita producit proprietates personales *Quoad Esse ad*, ut in hoc ipso tamen *Esse ad* formaliter importetur *Esse Dei subsistens* non quæ productum, sed quæ vi Productionis Divinae sub ultimâ Hæcseitatis ratione & purissimæ actualitatis individuatione communicatum.

19. Ad Arriagæ n. 3. oppositum Fundamentum Respondetur. Procedere ex falso supposito. Nam quia Paternitas Divina non nisi sub ratione purissimæ Essendi actualitatis est intelligibilis, sequitur, non posse per rationem nostram objectivè præscindi, seu distingui ab Esse Divinæ Essentiæ Formaliter importantis existentiam ex se subsistentem ac individuatam. At Ubiquitatis seu Immenfitatis, sicuti æternitatis ratio est formaliter secundum actualitatem Essendi. Sicuti ergo in Divinis est unica Essendi actualitas, seu existentia ex se individuatæ Formalitas; sic relationibus Divinis non est multiplex Immenfitas & æternitas.

20. Ad Amici *n. 4.* oppositum Respondetur. Hunc authorem hallucinari in eo, quod existimet aliqua in Divinis esse prædicata, quæ Hypostasibus Personalibus convenient ex ratione solum genericâ. Etenim nulla de Deo est prædicabilis Formalitas, nisi sub purissimâ Essendi actualitate. Ejusmodi verò actualitas formaliter involvit ultimam Esse subsistentis Hæcceitatem. Atqui per se manifestum est, Hæcceitatem ejusmodi formaliter excludere rationem generis seu Formalitatis multiplicabilis. Quare in Divinis secundum incommunicabilitatis Personalis Oppositionem relativam oportet eatenus distinguere Hypostasēs, ut in his tamen omnibus sit unica Essentialitatis & Entitatis, atque adeò Unitatis, Veritatis, Bonitatis & Durationis ratio per Esse subsistens in se Formaliter inclusum Essentialiter individuata,

§ (IHS.) §

**I**nfertur. An & qualiter relationes divinæ sint modi, vel Entitates ac res substantiales? Nam Recentiorum aliqui apud Perez *disp. 5. de Deo ut trinitate. 3.* existimant: Relationes divinas ut ab Essentiâ virtualiter distinctas esse modos Deitatis, & ut tales concipi debere, eò quod supponant Essentiâ in Esse absoluto constitutam, illicque secundum rationem adveniant.

Econtrario autem Perez *utatur* cum Suarezio *lib. 7. cap. 4. n. 8.* sentit: Relationes Divinas neque in se esse modos, neque cum fundamento in re concipiendas esse ut modos, sed ut Entitates: eo quod Divina relatio accedat Divinitati, ut actus purus relativus sine ulla informatione etiam per rationem. Verum inter has oppositas sententias distinguendum est. Nam 1. Relatio divina nequit intelligi, quin in suo conceptu formaliter involvat Esse subsistens. Hinc autem sequitur, Relationes divinas non se habere ad Essentiam Divinam tanquam modos informantes, sed tanquam Entitates per se subsistentes. 2. Relationes Divinas ad Esse Dei absolute ac præcisè sumptum comparari possunt tanquam prædicabile. Ut sic autem Relationes divinæ in suo conceptu objectivo eatenus involvunt Esse Dei subsistens, ut istud tamen in ratione sua formali secundum præcisionem objectivam non importet aliquam relationem. Unde relationes divinæ *Quoad Esse ad se habent ad Essentiam Divinam tanquam accidens non physicum, sed logicum.* Ergo ut sic comparantur ad Essentiam divinam tanquam modi non inhaerentes seu informantes, sed prædicabiles, ita tamen ut in actuali prædicatione per simplicissimam copulæ *Est* significatam identitatem se habeant ad Essentiam Dei tanquam realitates *Formalissimè* importatæ in illius conceptu objectivo.

*De Notionibus Divinis.*

**N**Otio in divinis Divo Thomâ 1. p. q. 32.  
a. 2. teste dicitur id, quod est propria  
ratio cognoscendi divinam Personam.  
Harum autem rationum altera est for-  
malis, importans conceptum mentis, quem de  
Personæ alicujus divinæ proprietate forma-  
mus: quo modo Divus Augustinus lib. 5. de Trinit.  
cap. 6. notionem accipiens ait: *Alia, est notio, quâ  
intelligitur Geniter, alia quâ Genius,*

Altera Personam divinam cognoscendi ratio est objectiva, per quam una Persona divina distinguitur ab aliâ. Quomodo Divus Basilus *lib. 2. contra Eunomium* Notiones vocat proprias Personarum formas, & earundem notas, atque characteres. Unde definiri solet à Theologis, Ratio objectiva sive forma, vel quasi forma Personæ divinæ, quâ cognoscitur distingui ab aliâ. In quo ad eod sensu Sanctus Basilus *Epist. 43.* Notionem dicit *cognoscibile*, id est, proprium & discretivum signum, quo unam Personam distinguimus ab aliâ.



Hinc sequitur, Notiones ex primi debere nominibus abstractis. ex divo Thomâ *cit. a. 2.* Cujus rationem assertit Ioannes Baptista Gonet *pres. disp. 1. a. 2. post init.* eò quòd Notio sit formale cognoscendi Principium, At formale Principium cognoscendi, sicut & formale Principium Essendi congruentius significatur in abstracto, quàm in concreto. Ergo sicut Personalitas tanquàm formale personaliter Essendi Principium significatur in abstracto, ita & Notio.

3. Differunt porro Notiones à relationibus ac Personalitatibus, non ex parte rei seu subjecti, sed secundum diversos rationis nostræ respectus. Nam Notionis, Personalitatis, seu proprietatis, ac relationis nomina ita uni, nullà etiam virtuali distinctione interveniente, formalitati conveniunt, ut ista dicatur relatio per comparationem ad suum correlativum, Personalitas per Comparationem ad Personam, cuius est formale constitutivum sive distinctivum, Notio verò per comparationem ad nostrum Intellectum, cui est signum manifestandi Personam divinam. ex divo Thomâ *in 1. disp. 26. q. 2. a. 3.*

4. Quibus ita constitutis, Theologi communiter ponunt quinque in divinis Notiones, quatuor Positivas, & unam Negativam. Positivæ sunt Paternitas, Filiatio, Spiratio Activa, & spiratio Passiva. Negativa est Innascibilitas seu Esse Ingeniti, quæ ut sic Patris æterni propria dicit rationem improducti & incommunicati.

5. De quibus duæ supersunt difficultates. 1. *Qualiter ratio Ingeniti seu improducti, cum videatur importare negationem, dicat in Patre æterno aliquam dignitatem.* 2. *Cur non aequè Inspirabilitas in Filio, & Ingenerabilitas in Spiritu Sancto censetur inter Divinas Notiones.*

XXXXXXXXXXXXXXXXXXXXXXXXXXXXXXXXXXXXXXXXXXXX

#### CONTROVERSIA I.

*Qualiter ratio Ingeniti seu improducti ac incommunicati in Paternâ Hypostasi importet dignitatem aliquam?*

1. Doctor Angelicus *in 1. disp. 26. q. 2. a. 3.* ait: Tria requiri ad hoc, quòd aliquid dicatur Notio Personæ Divinæ. 1. quòd ad Originem pertineat, siquidem Personæ Divinæ distinguantur Relationibus Originis. 2. quòd pertineat ad Dignitatem, siquidem Persona sit Hypostasis distincta proprietate ad Dignitatem pertimente. 3. quòd dicat aliquid speciale, siquidem commune non sit Principium sufficiens innotescendi.

Ex quo moveri potest difficultas, quòd ratio ingeniti importans negationem, nec Originem, nec dignitatem aliquam divinam explicare videatur, nec adeò sit censenda in Divinis Notionibus.

Referuntur Sententiæ Doctorum.

2. *R*ada *in suis cont. Theolog. par. 1. cont. 28. a. 2. conc. 5.* asserit, negationem Ingeniti, id est, Improducti & Incommunicati esse Primæ Personæ propriam Notionem, quatenus fundatur in ratione Entitatis Hypostaticæ primæ Fundamentum ex eodem Doctore *loc. cit. & in art. 1. §. ad intelligendum, ac sequenti.* deduci potest. Nam ra-

tio formaliter fundans illam negationem est Entitas singularis incommunicabilis prima. At per hanc rationem est, quòd Essentia divina secundum Primitatem immediationis ac Ordinis Primò sit in Patre & virtute illius in alijs divinis suppositis, quibus communicatur ab illo Primo. Hoc ipsum verò importat specialem Primæ in divinis Personis Dignitatem, quæ spectet ad rationem Originis. Ergo ex præfacto Fundamento ratio Ingeniti meritò censetur inter Notiones divinas.

Ioannes à Sancto Thomâ *pres. disp. 14. a. 3. n. 25.* rationem Ingeniti ex fundamento non dissimili numerat inter Notiones divinas: quòd licet de formali solum explicet, quid non sit Pater, Divo Augustino *5. de Trinit. cap. 3.* attestante. *Cum ingenitus dicitur Pater, non quid sit, sed quid non sit, dici, per hanc tamen negationem circumloquamur magnam Dignitatem, & auctoritatem Principij per modum Capitis & Fontis omnium Divinarum Processionum, nullam aliam habentis Originem ab alio.*

Philippus à S. Trinitate *pres. disp. 6. dub. 3.* cum D. Bonaventurâ, Aureolo & alijs antiquis Theologis sentit: Innascibilitatem, ut est Notio Patris, importare quid positivum. Citat etiam pro se Divum Thomam *in 1. disp. 28. q. 1. a. 1.* Verum Ioannes Baptista Gonet *ausp. 8. a. vn.* ex hoc Angelici Doctoris loco probat oppositum, quòd scilicet Innascibilitas non constituat in ratione Notionis per aliquid positivum, sed per Negationem omnis Processionis, vel Productionis passivæ, quam de formali significat.

#### CONCLUSIO.

**I**nnascibilitatis Notio ut *Quo* importat in Patre Omnimodæ productionis passivæ negationem, ut *Quod* autem dicit Essentiæ divinæ Primam Primitate immediationis determinationem ad Personæ Patris Hypostasin, quam determinationem ratione nostrâ ratiocinatâ seu Virtualiter consequitur ratio Fontalis plenitudinis seu universalis in Divinistam ad intra, quàm ad extra Principij.

Probat. Cum enim Divinas formalitates non Intuitivè per propriam suam intelligibilitatem, sed abstractivè per Intelligibiles ex rebus creatis abstractas formas intelligamus, idcirco cujuslibet ad divinas res explicandas impositi Nominis duplex est significatum. Alterum ut *Quod* est ipsa Dei Formalitas sub alienâ intelligibili formâ nostro intellectui repræsentata; alterum ut *Quo* est ipsa Intelligibilitas ex rebus creatis formata, ac formalitatis divinæ nostro intellectui repræsentativa seu expressiva. Atqui nulla Dei formalitas secundum se, sive secundum nominis alicujus divini significatum *Quod* formaliter, vel etiam Fundamentaliter importat aliquam Deo intrinsecam negationem. Probat. istud Assumptum. Sicut enim omnis positiva formalitas Transcendentaliter involvit rationem Entis, sic omnis negatio est formaliter exclusiva Entitatis, cumquâ ut sic habet oppositionem. Atqui omnis de divinis prædicabilis veritas est formaliter purissima Essendi actualitas nullam adeò habens



habens cum ratione Entitatis oppositionem. Si ergo ratio aliqua divina explicetur per nomen, quod de formali importat negationem, sequitur, hanc non esse de significato *Quod* talis nominis, sed de significato *Quo*. Probatum hoc Assumptum.

8. Nam significatum *Quo* est ratio intelligibilitatis à nostro Intellectu formatæ, sub quâ repræsentatur significatum *Quod*. Atqui ratio ista, sub quâ formalitas Innascibilitatis Patri realiter inexistens repræsentatur nostro intellectui, consistit in remotione, cujusmodi proinde ratio optimè certificatur per Negationem. ex Divo Thomâ in 4. dist. 28. q. 1. a. 1. ad 1. Hæc igitur negatio est nominis *Tò Innascibilitas* significatum *Quo*, Divo Thomâ in 1. p. q. 33. a. 4. ad 1. attestante *Ly Ingenitus* generationis Passivæ negationem significans, ideo esse Notionem Patris, quod prima & simplicia per negationes notificentur. Hæc igitur per *Tò Innascibilitas* significata negatio ita est Notio ut *Quo*, ut id, quod sub istâ negatione tanquam Primum in Personalibus Dei Proprietatibus notificatur, sit Notio *Quod* æterni Patris. At ista inter Personales Proprietates prima formalitas importat Hypostasim, quæ secundum Primitatem immediationis sub purissimâ actualitatis ratione simplicissimam, adeoque formalem identitatem sit primè determinata ad Essentiam Divinam, cum ista econtra respectu reliquarum duarum Hypostasum nō nisi mediante sui communicatione, & Personalitatum ejusmodi productione determinetur ad istas. Hæc igitur Primitas immediationis in Hypostasi Paternâ est Notio *Quod* per *Tò Innascibilitas* significata, quam sic ratione nostrâ ratiocinatâ, seu virtualiter consequitur Fontalis Plenitudo, sive universalis Principij omnium tam ad intra, quam ad extra suppositorum Productivi Authoritas.

## CONTROVERSIA II.

### *An Inspirabilitas in Patre & Filio debeat constitui sexta Notio Divina?*

1. Scotus in 1. dist. 28. q. 1. circa finem arguit, si Innascibilitas esset Proprietas Patris, Inspirabilitatem fore etiam Notionem Patris & Filij, & ita sex fore Divinas Notiones, quod tamen communiter negatur.
2. Verum Rada cit. cont. 2. a. 3. sentit: tamen opinio asserens, in Divinis sex Notiones sit in fidelissima, tamen Doctorem subtilem non absolute tenere, quod Inspirabilitas sit sexta Notio, sed cum moderamine, dummodò non assignetur aliqua bona ratio, ob quam cogamur dicere eam non esse Notionem.

## CONCLUSIO.

**I**nspirabilitas non est ponenda sexta in Divinis Notio.

3. Probatum. Nam de ratione Notionis est, ut sub ejus formalitate reliceat proprietas ad alien-

jus divinæ Personæ Dignitatem pertinens. At sicut negatio productionis activæ in Spiritu Sancto importans negationem Fœderitatis: sic inspirabilitas in Patre & Filio negationem Spirationis passivæ denotans non est expressiva dignitatis alicujus divinæ.

Dices. Negationes in divinis ex parte significati *Quod* importare rationem aliquam positivam, veluti præd. cont. n. 7. ostendimus. At in omni Divinâ positivâ formalitate recludere aliquid perfectionis ac Dignitatis: nō negationem Productionis activæ in Spiritu Sancto & negationem Spirationis passivæ in Patre ac Filio æquè radicatum esse in Proprietatibus divinis Personalibus, atque Productionis Passivæ in Patre negatio seu Innascibilitas sit radicata in primâ divinâ Hypostasi. Ergo illas negationes, æquè ac istam denotare Dignitatem Personæ alicui divinæ propriam.

Contra. Nam verum quidem est, quod negatio productionis activæ in Spiritu Sancto, & Spirationis passivæ in Patre & Filio non tam sint negationes secundum se, quam secundum Deum. Unde nomina hæc negativa ex parte significati *Quo* eatenus important negationes Intentionales, id est, Intelligibilitates sub ratione remotionis formatas, ut tamen illarum significatum *Quod* stans sub ejusmodi Negativis conceptibus sit personalis cujusdam proprietatis formalitas positiva. Hæc autem positiva sub *Tò Inspirabilitas* nomine expressa formalitas & proprietas activæ Spirationis non per negationem, sed per oppositionem relativam est removens à Patre & Filio passivam Spirationem: sicut positiva per negationem productionis activæ de Spiritu Sancto enuntiata formalitas est ratio Hypostasicos Amorem vi Spirationis communicatum eatenus terminantis, ut hæc posteritate Ordinis seu Originis sit ultima in divinis Personalitatibus. Ex quâ proinde Hypostasis quâ in divinis ultimæ ratione est consequens, quod per oppositionem relativam, non autem per negationem physicam removeat à Spiritu Sancto omnimodam ad intra productionem activam. At verò licet istæ positivæ per Inspirabilitatem, & productionis activæ negatione denotate formalitates involvant aliquid Personalis Dignitatis, hæc tota nihilominus Dignitatis ratio explicatur sub ratione Spirationis tum activæ, tum passivæ, siquidē ista ultimâ Hypostasin amoris tanquā ad intra communicatæ operationis divinæ Personaliter terminantem importans per oppositionem relativam sit formaliter removens à Spiritu Sancto omnimodam ad intra productionem activam: illa verò sub ratione actualissimæ infinitæ, atq; addē, singularissimæ Spirationis activæ per oppositionem relativam sit à Patre & Filio formaliter removens passivam Spirabilitatem. Constat proinde, Inspirabilitatem nihil Dignitatis in Patre & Filio importare, quod non denotetur sub ratione activæ Spirationis: sicut econtra per *Tò Innascibilitas* significatur primæ in divinis Hypostasibus formalitas importans ut sic Personalem Patris dignitatem non ita clarè exprellam sub Paternitatis nomine.

QUÆ



## CONTROVERSIA. I.

*An, præcis per Intellectum no-  
strum Personalitatibus relativis, in Es-  
sentiâ Dei absolute sumptâ remaneat ali-  
qua Subsistentia communis tribus  
Personis?*

7. Iohannes Baptista Gonet *pres. disp. 3. a. 1.* existi-  
mat, istam Controversiam magis esse de nomi-  
ne, quam de re, & procedere ex diversâ huius no-  
minis Subsistentiæ acceptione ac Intelligentiâ. Ex  
eo enim, quod res aliqua per se existat & non in  
alio, vocari Subsistentiam: Hunc autem per se  
existendi modum vel accipi posse pro perfectitate  
excludente dependentiam, vel pro perfectitate ex-  
cludente communicationem. Juxta illam igitur  
priorem, non verò secundum istam posteriorem  
acceptionem in divinâ secundum se abso-  
lutè, & à Personalitatibus relativis præcisè sum-  
ptâ Essentiâ intelligi posse Subsistentiam tribus  
Personis divinis communem.

8. Ioannes à Sancto Thomâ *tit. 4. 2. a. 1.* An-  
dreas Lâo *art. dub. 1.* cum quatuor in Subsisten-  
tiâ formalitates considerassent, singularitatem  
nimirum, modum existendi per se, incommu-  
nicabilitatem, & concretum Naturæ per mo-  
dum non tantum formæ ac Principij Quo, sed  
per modum Quod habentis naturam. Exinde  
tanquam certum supponit 1. Quod remotis sub-  
sistentiis relativis, Deitatis formâ secundum se  
absolute sumptâ habeat singularitatem seu uni-  
tatem singularem. 2. Quod illa natura, utpote  
quæ sit ipsum Esse à se, sit per se independentet  
ab omni alio existens. 3. Quod remotis Per-  
sonalitatibus relativis, natura Deitatis non sit Per-  
sona Incommunicabilis. Hinc 4. totam præ-  
sentis Controversiæ difficultatē ad hunc non de  
nomine, sed re quæstionis statum reducant præ-  
allegari Doctores; An, scilicet, id, quod accipitur re-  
motis Personalitatibus in Deo, seu id, quod est commune  
tribus Personalitatibus, ex vi sui formalis conceptus Dei-  
tatis & Essentiæ non solum sit Essentiâ significata per mo-  
dum Naturæ & Formæ, seu in Principiū Quo ipsius Dei, sed  
etiam sit Essentiâ significata per modum Quod, & ut con-  
cretum subsistens, quantum ad rationem per se existendi, ita  
quod hac perfectio per se existendi non sit solum radicaliter  
in Essentiâ, & formaliter per subsequentem relationis con-  
ceptum conveniat, sed formaliter in ipso Deitatis concep-  
tu includatur, ita quod istud sufficiat, ut subsistens forma-  
liter dicatur hic Deus, & hac Deitas, licet non sit subsi-  
stens incommunicabiliter, sicut suppositum & Persona?

9. Nos quæstionis statum ex antiquorum defi-  
nitionibus formaturi supponimus 1. Subsisten-  
tiam strictè sumptâ ita comparari ad Persona-  
litatem, ut hæc solam rationalem; illa verò  
quamlibet naturam afficiat. 2. Personam à Boe-  
tio definiri, quod sit individua Naturæ rationa-  
lis substantia. 3. Hanc individuationis ratio-  
nem formaliter importare incommunicabilita-  
tem exclusivam multiplicabilitatis. Hinc 4.  
Personam Divinam à Richardo de Sancto Victo-  
re definiri, quod sit Naturæ Divinæ incommu-  
nicabilis existentia. ex dictis supra in initio præ-  
quæst.

10. Ex quibus facile occurrit status quæstionis:  
*An Incommunicabilitas individuationis propria habens ut  
sic rationem Subsistentiæ, convenerit naturæ ac Essentiæ divi-*

*na secundum se absolute & à Personalitatibus relativis præ-  
cisè considerata?*

Referuntur Sententiæ Doctorum.

EX parte Vasquezij, aliorumque Doctorum  
supra in init. huius art. n. 4. allegatorum ita li-  
cet argumentari. 1. In Deo ut communi tribus Per-  
sonis non datur una Hypostasis absoluta. Ergo  
neque Subsistentia. Antecedens est Sancti Tho-  
mæ 1. p. q. 40. a. 3. docentis, quod relationibus  
Personalibus remotis per intellectum, non re-  
maneat Hypostasis. Consequentia verò proba-  
tur, quia Subsistentia in Divinis est idem, quod  
Hypostasis: velut Martinus 1. in Concil. Late-  
ran. consult. 5. can. 1. explicans, quomodo sit Tri-  
nitas in unitate, ait, *Deum esse in tribus Subsistentiis,  
quasi Græcè dicatur Hypostasis.* Consequens igitur  
est, in Deo non esse unam absolutam Subsisten-  
tiam, si non detur una tribus Personis divinis  
communis Hypostasis.

2. Subsistentiæ munus est, constituere Ens per  
se. At licet Essentiâ Divinâ secundum se, præ-  
cisè relationibus, possit considerari ut Purus exi-  
stendi actus, nequit tamen considerari ut per se.  
Probatur ista minor. Natura quatenus conside-  
ratur ut communicabilis alicui Personæ, non  
consideratur per se, sed ut terminabilis alio ter-  
mino. Atqui Naturâ divinâ, præcisè relationi-  
bus, consideratur ut communicabilis tribus Per-  
sonis, atque adeo ut terminabilis alio termino  
scilicet relatione. Ergo ut sic non consideratur  
per se, nec adeo involvit sub tali consideratione  
aliquam Subsistentiam

## CONCLUSIO.

Essentiâ Dei ut sic importat individua-  
tionem, quæ formaliter dicit irrecep-  
tibilitatem, & incommunicabilitatem sub  
ratione purissimæ Essendi ex se individua-  
tæ actualitatis omnino indivisibilem; cu-  
jusmodi incommunicabilitas est Subsi-  
stentiæ ratio propria.

Probatur. Nam Subsistentia definitur, quod  
sit ultimum Naturæ complementum. Hæc au-  
tem ultimi complementi ratio importat actuali-  
tatem, per quam natura ita constituitur com-  
pleta & actiata, ut in ratione Substantiæ nec per  
modum subjecti sit actuabilis, nec per modum  
formæ receptibilis sit potens actuare. Unde  
Subsistentiæ proprium est, Naturæ tribuere talem  
perfectatē, per quam in se Subsistens tanquam  
Substantia ultimatè completa nullū habere possit  
ordinem vel actuabilitatis potentialis, vel actus  
receptibilis ad totum aliquod Substantiale sive  
physicum sive Metaphysicum constituendum. At  
per istam perfectatē independentiam sit, quod  
Substantia taliter perfectâ, ne quidem ad indivi-  
dualem determinationem sit ulterius contrahi-  
bilis, utpote individuationis positivæ & comple-  
tæ rationem formaliter includens. Eiusmodi  
verò positiva & completa individuatō differt ab  
individuatione Naturæ incompletâ, & Negati-  
vâ, quod ista radicaliter; illa verò formaliter per  
modum positivæ Characteristicæ proprietatis sic  
unius Substantiæ ab alijs distinctiva, ac sui in se  
Divisibilitatis seu Multiplicabilitatis positivè ex-  
clu-



exclusiva. Unde substantia ita est ultima sub  
 ratione substantiæ perfectæ & actualitas, ipsam  
 etiam individualement positivam determinationem  
 tribuens, ut consequenter importet incommu-  
 nicabilitatem multiplicabilitatis sub ratione  
 Substantiæ exclusivam. A qui Essentia divina  
 secundum se absolute & à Personalitatibus rela-  
 tivis præcisè considerata est purissima Essendi a-  
 ctualitas. Hæc autem purissimæ actualitatis ra-  
 tio importat substantiam ex se ita perfectam &  
 completam, ut nec per modum potentiæ recepti-  
 væ, nec per modum formæ receptibilis possit ul-  
 terius perfecti. Unde sub omnimodæ independen-  
 tiæ Perfectiæ substantiæ ad nullum sive Physi-  
 cum, sive Metaphysicum totum substantiale  
 constituendum potest habere ordinem vel actua-  
 bilitatis potentialis, vel actus receptibilis. At  
 ista per se ipsam ultimate actuata nullo modo a-  
 ctuabilis subsistens actualitas in suo formali con-  
 ceptu involvit Hæcceitatem, seu positivam in-  
 dividualement determinationem, ita ut hæc sit ipsa  
 met divini Essentiæ a creatis potentialitatem  
 includentibus Essentijs distinctiva ratio forma-  
 lis, & proprietatis Characteristica omnimodam  
 Essentiæ divini multiplicabilitatem eo ipso for-  
 maliter excludens, quod Hæcceitas sit de Essenti-  
 ali Deitatis ac Essentiæ divini conceptu.  
 Constatigitur, Deitatem ut sic qua præcisam à  
 personalitatibus relativis in formali suo concep-  
 tu involvere omnimodam subsistentiæ rationem,  
 ut adeo Essentia divina per Angelicū, alioq; The-  
 ologos passim exponatur per Elle subsistens.

14. Dicit. In hoc discursu supponit, quod sub-  
 15. stistentia importet perfectiorem, per quam Sub-  
 stantia nec in ratione Potentiæ receptivæ, nec in  
 ratione actus receptibilis sit ulterius potens ad  
 totum Substantiale sive Physicum, sive Meta-  
 physicum constituendum. At contra istam  
 Doctrinam pugnare, quod Natura quæ subsistens  
 sit actuabilis per Existentiā. Hæc autem tan-  
 quam formalis Substantialis una cum naturā  
 subsistente constituit compositum substantiale.  
 Unde non videtur verum, quod substantia im-  
 portet Perfectiorem, per quam substantia nec in  
 ratione potentiæ receptivæ, nec in ratione actus  
 receptibilis sit ulterius potens ad totum substantiale  
 sive Physicum, sive Metaphysicum constituendum.

16. Contra. Nam substantiæ ratio Essentialis  
 consistit in actualitate Naturæ ultimæ. Atqui ra-  
 tio actualitatis importat determinationem for-  
 malem. Unde ratio actualitatis quæ ultima  
 importat formalitatem quæ ultimè Determi-  
 nativam in ratione naturæ. Hæc autem  
 Formalitatis ultimè Determinativæ ratio  
 importat ut sic Notionem Characteristicam  
 Naturæ taliter Terminativam, ut non sit ul-  
 terius Determinabilis in ratione Naturæ etiam  
 ut Quod consideratæ. Unde formalitates huic  
 ultimæ per substantiam determinationi super-  
 venientes oportet esse extra formalitatem Natu-  
 ræ etiam ut Quod spectatæ. Ex hoc autem sequi-  
 tur, quod Existentiā Naturæ subsistenti super-  
 veniens in rebus creatis se habeat ad illam instar  
 accidentis prædicabilis. Unde concretum ex  
 Existentiā & naturā subsistente non est Compo-  
 situm Essentialiale etiam ut Quod, sed numeratur in cre-  
 atis inter composita prædicabiliter accidentalia,  
 seu Denominativa. Quocirca verificatur, de ratione  
 primæ & Essentiali subsistentiæ esse, quod sit actua-

litas Naturæ ultimè & taliter Terminativa, ut co-  
 positum ex naturā & substantiā resultans nec  
 in ratione Potentiæ receptivæ, nec in ratione a-  
 ctus receptibilis possit ulterius ordinari ad Com-  
 positum simpliciter substantiale, tale nimirum,  
 quod in suo formali conceptu nullam involvat  
 actualitatem primæ substantiæ supervenientem.  
 At verò per hoc, quod Deus sit actus purus ita est  
 per Essentiam simpliciter perfectus, ut nec in ra-  
 tione potentiæ receptivæ, nec in ratione actus re-  
 ceptibilis habeat aliquam perfectibilitatem. Ex  
 hoc autem sequitur, in Deo idem esse Quod est, &  
 Quod Quid est. At ex hac ipsa identitate, per  
 quam in Deo idem est Natura & suppositum,  
 rursus infer ut, Elle existentiæ tam realiter, quam  
 formaliter esse ipsum Elle Essentiæ divini, nec  
 adeo ullam ullius accidentis esse receptivam.  
 Velut hæc omnia patent ex deducis supra q. 2. a. 1.  
 cont. 2. & seq. Patet igitur, per rationem actu puri  
 Essentiæ ac existentiæ identitatem realem for-  
 malem seu Essentiali formaliter importantis,  
 atque adeo Potentialitatem omnimodam ex-  
 cludentis convenire Deo formalitatem subsisten-  
 di, seu Perfectiorem, per quam Elle Dei in se sub-  
 sistens nec in ratione potentiæ receptivæ, nec in  
 ratione actus receptibilis ulterius possit ordinari  
 ad Compositum aliquod sive Essentialiale, sive etiā  
 accidentale, sive ut Quod sive ut Quod consideratum.  
 Atqui ratio actus puri convenit Essentiæ divini  
 absolute consideratæ. Ergo eidem Dei Essentiæ  
 etiam quæ præcisè à relationibus convenit for-  
 malis ratio subsistendi: Angelico Doctore in 1.  
 dist. 21. q. 2. a. 1. expressis verbis attestante his-  
 ce verbis: *Iste terminus Deus præcipiat Naturam divi-  
 nam de tribus Personis, quæ etiam in se est habens Esse sub-  
 sistens, nulla intellectus Personarum distinctione.*

Replicabis. Ex prædicto discursu infer, vel  
 quod Existentiā in Substantijs creatis intrinsecè  
 ac Entitative non sit substantialis, vel quod Na-  
 tura subsistens quæ per Existentiā Entitative  
 substantialem actuabilis possit ulterius ordinari  
 ad compositionem Substantialem, atque adeo ad  
 Compositum simpliciter substantiale, ita est con-  
 stans ex meris Substantijs. Ergo rationem sub-  
 sistentiæ non importare realem Perfectiorem, per  
 quam substantia subsistens non sit ordinabilis  
 ad compositum simpliciter substantiale.

Contra. Nam substantia simpliciter sumpta  
 est Ens per se subsistens. Ac ratio Entis per se  
 subsistentis ultimè completur per formalita-  
 tem substantiæ. Unde Existentiā subsistenti  
 Naturæ superveniens ex hoc solum est Entitas  
 substantialis, quod sit modus intrinsecè ac Es-  
 sentialiter connexus cum naturā quæ subsisten-  
 te, non autem sit formalitas intrinsecè consti-  
 tutiva Primæ Substantiæ. Quare Natura sub-  
 sistens eatenus est actuabilis per existentiā,  
 ut tamen in ratione Primæ substantiæ simpli-  
 citer sit actuata, nec adeo in ratione vel po-  
 tentiæ receptivæ, vel actus receptibilis sit ul-  
 terius ordinabilis ad suppositum, sive Compo-  
 situm simpliciter substantiale. At per hoc, quod  
 Deus sit actus purus, infer ut, ipsius Essentiam  
 formaliter importare rationem substantiæ, ex  
 Divo Tho. quæst. 2. quodlib. 4. 4. Ex eo autem,  
 quod ipsa Dei Essentia sit subsistens, sequitur, ip-  
 sam esse suum 1 sic subsistens, ex 3. dist. 6. q. 2. a.  
 1. ad 2. Exinde verò, quod Divina Essentia sit  
 suum Elle subsistens, sic consequens, quod nul-  
 lius



lius accidentis sit receptiva. ex 1. p. q. 3. a. 6. Constat igitur, rationem formalem subsistentiæ eatenus convenire Divinæ Essentiæ quā tali, ut hæc ipsa subsistentiæ ratio formalis simpliciter & absolute conveniat soli Essentiæ Divinæ, creatis autem Primis substantijs competat solum limitatè.

21. Probatum istud Assumptum: Nam ratio subsistentiæ creatæ constituit Naturam non simpliciter, sed sub ratione primæ duntaxat substantiæ, seu Naturæ *ut Quod* actualitatem. Unde relinquit primam substantiam actuabilem, tum per modum Existentiæ Prædicamentaliter quidem substantialem, sed prædicabiliter accidentalem, tum per varij generis accidentia. Atqui ratio subsistentiæ importat Perfectionem, tanquam ultimam Naturæ actualitatem. Quare illa duntaxat Natura est absolute subsistens, quæ in sua quidditate involvit actualitatem omnimodæ Potentialitatis & actualitatis exclusivam. At istud nulli convenit creatæ substantiæ. Ergo huic non absoluta, sed limitata duntaxat convenit subsistentiæ perfectio, per quam sub ratione duntaxat Naturæ *ut Quod*, sive sub ratione Primæ substantiæ, non autem sub ratione Entis, vel substantiæ simpliciter competit creatis substantijs esse actualitatem, ne per se subsistentes. Soli ergo Divinæ Essentiæ ut sic proprium est absolute ac simpliciter esse subsistentem.

22. Instabis, Animæ rationali separatæ convenire, quod sit subsistens. Atqui animæ in statu etiam separationis competere, quod sit actus ex naturæ suæ exigentiâ receptibilis in materiâ quâ subiecto non quidem inhesionis, sed informationis. Ergo de ratione subsistentiæ non esse, quod sit actualitas tribuens Naturæ irreceptibilitatem in alio tanquam subiecto.

23. Contra. Nam per hoc, quod Esse Dei sit irreceptum, est formaliter subsistens, ex D. Thomæ 1. p. q. 7. a. 1. Ergo subsistentiæ effectus formalis, vel quasi est tribuere naturæ seu substantiæ irreceptibilitatem. Unde quod purior in substantiâ seu Ente aliquod stat irreceptibilitas, eo perfectiori modo habet rationem subsistentiæ, non nisi ex Divinâ, tanquam primo Exemplari derivatam & exemplatam. Atqui anima rationalis in statu separationis subsistens per subsistentiam Totius, eatenus habet in ratione individui Incommunicabilitatem, ut in ratione etiam Naturæ, imò & substantiæ completæ habeat irreceptibilitatem non quidem Formalem, sed radicalem. Unde perfecti ratio in animâ rationali separatâ ut sic subsistentiam creatam Totius Essentialiter, non autem Integraliter perfectam habente minus perfecte participat Exemplabilitatem Primæ soli Deo propriæ subsistentiæ, quàm Prima completâ substantia, siquidem huic omnimodâ in ratione etiam Naturæ conveniat perfectitas, sive irreceptibilitas quoque formalis, animæ verò rationali in statu separationis conveniat quidem Formaliter irreceptibilitas in ratione substantialis individui, non verò in ratione Naturæ, nisi Radicaliter. Constat proinde, eamque distinguendos esse diversos subsistentiæ gradus, ut primus soli Essentiæ Divinæ ultimâ subsistenti proprius sit, secundus autem conveniat Toti substantiæ sive simplici, sive ex materiâ & formâ cō-

positæ; tertius Animæ rationali etiam naturaliter subsistenti extra materiam.

Confirmatur. Nam 1. quia Esse Dei est irreceptum, idè importat formaliter rationem subsistenti. 2. Quia Essentia, non autem Esse Existentiæ in Angelo est irreceptum, idè species Angelica importat Radicaliter subsistentiam, ita quidem, ut ejusmodi Angelica Essentia non sit indifferens ad plures individuales Determinationes, sed ad unicam individualiter subsistenti formalitatem determinata sit. Contra verò. 3. Quia anima rationalis est forma secundum naturalem sui exigentiâ receptibilis in materiâ, idè secundum gradum suum specificum spectata ne Radicaliter quidem in sua Essentiâ importat Principia individuantia, sed ejus individuatō completa est per materiam individualement, in quâ tanquam causâ naturali Dispositivâ radicitur subsistentia illius ad primæ substantiæ rationem formaliter determinativâ. Constat igitur, Subsistentiam eatenus consistere in formalitæte receptibilitatis exclusivâ, ut quod purior ejusmodi est irreceptibilitas, eo perfectior substantiæ conveniat subsistenti ratio.

Urgebis. Si subsistentia importeret in ratione substantiæ Irreceptibilitatem, sequi, animam rationalem in suæ creationis instanti pro priori Naturæ actualitatem materiæ, sive sui cum corpore unionem antecedente non posse intelligi subsistentem, siquidem pro illo priori se habeat anima rationalis ut formâ receptibilis. Ex hoc autem sequi, animam Christi non fuisse prius unitam subsistentiæ Verbi, quàm corpori. At istud repugnare doctrinæ Divi Thomæ in 3. p. Ergo & id, ex quo sequitur.

Contra. Nam alia substantiæ irreceptibilitas est Formalis sita in actualitate Formaliter exclusivâ receptibilitatis in alio tanquam subiecto: alia est Radicalis importans Formalitatem, quæ connaturaliter exigit actualitatem non ulterius actuabilem. At verò de quidditate substantiæ est tum Formalis in ratione individui incommunicabilitas & irreceptibilitas, adè ut substantia subsistens sit Essentialiter exclusivâ omnimodæ cum aliâ Hypostasi unionis: tum Radicalis in ratione naturæ irreceptibilitas, adè ut substantia subsistens, si non actu in ratione Naturæ sit completa, connaturaliter exigit omnimodum in ratione naturæ complementum. Ejusmodi verò radicalis in ratione Naturæ irreceptibilitas formæ rationali eatenus convenit tum in statu separationis, tum in creationis actualitatem materiæ antecedente signo, ut consequenter pro tali statu intelligatur habere subsistentiam. Unde etiam fit, quod subsistentia in gradu perfecto, cujusmodi est in Deo, omnimodam quidem irreceptibilitatem importeret, in gradu tamè potentialitatis imerso, & ut sic intrinsicè quoad perfectionem limitatò, cujusmodi est in animâ rationali, importeret Essentialiter irreceptibilitatem logicam & Metaphysicam in ratione individui, non verò Physicam in ratione Naturæ seu substantiæ simpliciter, nisi radicalem, adè ut Formalis Physica in ratione substantiæ irreceptibilitas sit potius de statu integrali, quàm Essentiali subsistentiæ connaturaliter competentis formæ rationali.

Confirmatur. Nam alia Incommu-



incommunicabilis est Physica in ratione Naturæ, alia est Metaphysica in ratione individui, alia denique est Logica in ratione prædicabilis. At prima solum Radicaliter spectata est de quidditate subsistentiæ creatæ, afficiens substantiam in ratione naturæ vel compositam vel componibilem. Secunda verò Formaliter involvitur in subsistentiæ cujuscumque etiâ creatæ quidditate. Tertia verò est istam secundam consequens, in eâque radicitur tanquàm fundamento.

28. Minor ista Probatur. Nam ratio subsistentiæ secundum Boetium est Formaliter individuatō completa. Hæc verò importat Formalem in ratione individui seu suppositi incommunicabilitatem Metaphysicam. At ista in ratione individui incommunicabilitas secundum connaturalem suam exigentiam, atq; adeò Radicaliter eatenus supponit substantiam in ratione Naturæ completam, ut huic communicet omnimodam in ratione substantiæ irreceptibilitatem, licet in incompletâ subsistente formâ reperiatur sola Metaphysica in ratione individui, non autem Physica in ratione Naturæ irreceptibilitas. Unde fit, quòd physica in ratione naturæ irreceptibilitas solum Radicaliter, Metaphysica verò in ratione substantialis individui irreceptibilitas Formaliter sit de quidditate subsistentiæ. At verò in istâ Metaphysicâ quoad rationem individui irreceptibilitate fundatur incommunicabilitas logica.

29. Probatur istud Allumptum. Nam Communicabilitas Logica importat universalitatem. Hæc autem consistit in Formali Naturæ unitate, & aptitudine inexistenti pluribus. Ejusmodi verò Naturæ unitas Formalis, ejusque pluribus inexistenti aptitudo radicitur in potentialitate eatenus fundante tum generis, tum Differentiæ, tum speciei sub unâ rationis objectivæ formalitatis multiplicabilitatem, ut hæc tum in potentialitate Materiæ, vel substantiæ quâ receptivæ: tum in receptibilitate formæ radiceretur. Cum igitur Communicabilitas Logica radiceretur in Potentialitate tum receptivâ, tum receptibili, consequens est, Incommunicabilitatem Logicam omnimodæ à substantiâ aliquâ multiplicabilitatis exclusivam, atque adeò ad rationem individui etiam logicè determinativam fundari in irreceptibilitate tum subjectivâ, tum Formali substantiæ quâ per subsistentiam realiter terminatæ convenientem. At verò ista irreceptibilitatis omnimodæ ratio Primò convenit Essentiæ Divinæ, prout est purissima Essendi actualitas formaliter includens Hæcceitatem, atque adeò excludens sui tam Logicam, quàm Physicam, & imò Metaphysicam Potentialem communicabilitatem. Etsi proinde Essentia Divina subsistens in Patre sit communicabilis Filio, hæc ipsa tamen Communicabilitas nullam vel in ratione subjecti receptivi, vel actûs receptibilis importat Potentialitatem. Ergo non obstat, quòd minus Essentiæ Divinæ ut sic competat tota subsistentiæ ratio receptibilitatis seu Communicabilitatis Potentialis tum Physicæ, tum Metaphysicæ & consequenter Logicæ formaliter exclusivæ.

Responsio ad Opposita Argumenta.

30. Ad 1. Vasquezij oppositum Argumentum Responderetur; Cum Nomen Hypostasis

ex primævâ suâ significatione corresponderet substantiæ; Hujus verò significatio æquivoca importaret quandoque subsistentiam, quandoque verò Essentiam: Idcirco propter Nominum ejusmodi confusionem factum esse, ut nonnulli ponendo in Deo tres Hypostasies, assererent tres substantias, adeòque tres etiam Essentias. Hinc ad erroris periculum tollendum è medio, inter Orthodoxos conventum esse, ut Hypostasis appropriaretur Personis, Substantia verò Essentiæ. Cui proinde jam recepto loquendi usus insistendo, nomen quoque substantiæ eo ipso ambiguum esse redditum, quòd substantia definiatur Ens per se subsistens, atque adeò subsistentia importetur formaliter in ratione Primæ seu completæ substantiæ. Unde subsistentiam in Naturâ Divinâ, vel accipi posse prout omnimodam importat incommunicabilitatem, atque ut sic notionem subsistentiæ coincidere cum Hypostasi seu relativâ personæ alicujus Divinæ proprietate, vel accipi posse prout præcisè dicit Incommunicabilitatem receptibilitatis Potentialis exclusivam, atque ut sic notionem Hypostasis non ita propriam esse Personarum, quin in ipsâ Divinâ tribus Personis communi substantiâ involvatur, juxta sextæ Synodi actionem 4. Agathone Papâ per Epistolam ibi asserente: *Tres Personas esse unum Deum, non trium nominum subsistentiam; sed trium subsistentiarum, seu Personarum unam subsistentiam.*

Ad 2. Vasquezij oppositum Argumentum Responderetur. Subsistentiam importare formaliter actualitatem in ratione substantiæ non tantum *quo*, sed *quod* ultimò constitutivam. Ejusmodi verò ultimæ actualitatis rationem importare irreceptibilitatem omnimodæ ad ulteriorem substantialem compositionem ordinabilitatis, atque adeò Potentialitatis tum receptivæ, tum receptibilis exclusivam. In quâ porro irreceptibilitate consistere incommunicabilitatem tum Physicam, tum consequenter Logicam & Individualem Metaphysicam. At verò irreceptibilitatis, atque adeò Incommunicabilitatis ejusmodi rationem aliam esse ex puritate Essendi, velut in Essentiâ Divinâ, aliam ex limitatione Essentialitatis, velut in substantijs creatis, aliam denique ex correlatione, velut in Personalitatibus Divinis. Constat proinde, rationem subsistendi, prout importat perfectiorem substantiæ in ratione *quod* constitutivam, & omnimodæ tam subjectivæ, quàm formalis receptibilitatis, atque Logicæ communicabilitatis seu universalitatis sive multiplicabilitatis exclusivam, esse formaliter in Divinâ Essentiâ, utpote quæ per se ipsam simpliciter in ratione substantiæ sit ultimò actuata, nec sit adeò communicabilis nisi per purissimæ actualitatis identitatem, omnimodæ potentialitatis ac

Terminabilitatis receptibilis exclusivam.

\*\*\*





## CONTROVERSIA II.

*An præter absolutam Essentiam**Divina subsistentiam dentur in Deo tres  
subsistentia relativa?*

1. **N**egativa Durandi in init. hujus ari. citati sententia videtur 1. habere fundamentum in Angelico Doctore q. 2. de Potent. a. 3. ad 7. assentente: *Relationes in Divinis, etsi constituent Hypostasēs, & sic faciant eas subsistentes, hoc tamen facere in quantum sunt Essentia Divina. Relationem enim, in quantum est relatio, non habere, quod subsistat, vel subsistere faciat: hoc enim solus substantia esse.*
2. 1. Confirmatur ex S. Augustino 7. de Trinit. cap. 3. & 4. probante: Deum ad se subsistere, non ad aliud; & quod ad se dicitur, non multiplicari in Deo. 3. Probatur ratione. Nam in ratione Personæ duo tantum importantur, scilicet subsistere incommunicabiliter. At primum tribuitur Personis Divinis à subsistentiā absolutā Essentiæ in illis inclusa: alteram verò præstatur à relationibus, quæ per oppositionem relativam sunt rationes distinctionis, & incommunicabilitatis in Personis Divinis. Ergo videtur superfluum, & otiosum præter subsistentiam absolutam tres relativas in Personis Divinis admittere, siquidem ipsa subsistentia absoluta, ut tribus relationibus modificata, possit præstare totum id, quod ad rationem & constitutionem Personæ Divinæ requiritur.

## CONCLUSIO.

**R**elationes Divinæ Personales non sunt intelligibiles, quin in conceptu suo objectivo formaliter involvant rationem subitendi, quæ tamen ut sic est Formalissimè Essentia Divina.

4. Probatur auctoritate Sancti Thomæ. Nam quicquid eorum, quæ attribuuntur Deo, in abstracto secundum se consideretur, alijs circumscriptis, erit subsistens. ex 3. p. q. 3. a. 3. ad 1. Atqui res quæ subsistens formaliter dicit subsistentiam. Ergo nulla sive attributalis sive Personalis Dei formalitas ex mente Sancti Thomæ per nostram quantumvis præcisivam rationem est intelligibilis, quin ex parte sui conceptus objectivi Formaliter involvat subsistentiam. At proprietates Personales habent, quod subsistant ab Essentiā: ex eo enim Paternitas habet, quod sit res subsistens; quia Essentia Divina, cui est idem secundum rem, est subsistens. ex Sancto Doctore q. 9. de Potent. a. 3. ad 13. Ergo Personalitates Divinæ quæ tales eatenus involvunt subsistentiam, ut hæc tamen secundum nostrum quoque objectivum conceptum Formaliter sit ipsa Divina Essentia.
5. Dices. Ex hoc aliquid multiplicari secundum numerum, ex quo subsistentiam habet. ex Divo Thomā ubi supra. Atqui multiplicatio Divinarum Personalitatum non est per hoc, quod in sua ratione formali involvant Essentiam. Ergo non ex ista habent subsistentiam, sed formaliter ex se ipsis.

Contra. Nam distinctio Numerica est per hoc, quod aliquid ita sit indivisum in se, ut consequenter sit divisum à quolibet alio. At ista rei in se indivisa à quovis alio est incompleta, habens rationem Negativæ individuationis, per quam Natura secundum se antecedenter ad subsistentiam non simpliciter in ratione substantiæ, sed cum addito in ratione Naturæ singularizata est ab alijs tum substantialibus, tum accidentalibus Entitatibus realiter distincta. Alia proinde substantia in se indivisa ab alijs divisio est completa habens rationem positivæ individuationis. Hæc autem positiva & Completa ab alijs distinctiva individuatō est substantiæ ut Quod spectatæ actualitas intra substantiæ lineam Ultimā, cuiusvis tam receptivæ, quam receptibilis Potentialitatis, omnisque adeo tam physicæ, quam Logicæ intra eandem substantiæ lineam Communiceabilitatis formaliter exclusiva. Unde individuatō ejusmodi formaliter importat subsistentiam, quæ proinde est formaliter actualitas substantiæ ut Quod distinctiva ab alijs, ut aded verum sit, Substantiam ut Quod cum alijs collatam ex hoc multiplicari secundum numerum, ex quo subsistentiam habet. Atqui ratio substantiæ Quod actualitatem puram, adedque primam, & ultimam omnimodæ non duntaxat intra substantiæ, sed Entis absolute perfecti lineam potentialitatis exclusivam importans omni formalitati Divinæ formaliter convenit per Essentiam, quæ ut sic est Esse subsistens. Unde per hoc Essentialiter individuatū Esse convenit omni formalitati Divinæ, quod in se indivisa sit ab omni alio taliter divisa seu distincta, ut quævis Deo intrinseca & Personalis formalitas sub ratione substantiæ & Entis purissime subsistens, sit à parte rei Formaliter una & indivisa, sed distincta & divisa à quovis alio, cujus Essentia involvens potentialitatem non est ipsum Esse subsistens. Et si proinde relativæ in Divinis Hypostasēs non distinguantur per Essentiam, per istam tamen habent rationem substantiæ Quod. Unde per relationes hoc solum habent, quod ab invicem distinguantur, quod autem subsistant, hoc habent ab Essentiā, ex Doctore Angelico ubi supra.

Replicabis ex Gonet præf. diff. 3. a. 2. §. 3. Significatum Formale hujus nominis Persona Divina est Esse subsistens incommunicabiliter. Unde ut Personæ Divinæ multiplicentur, utrumque debet necessariò multiplicari, substantia scilicet, & incommunicabilitas. At si Personæ Divinæ non subsisterent nisi per Essentiæ subsistentiam absolutam, sequeretur, hanc ut sic non multiplicari in Personis Divinis. Quare ad multiplicandas Personas Divinas non sufficit unica Essentiæ absoluta per relationes modificata subsistentia, sed oportet, ipsas relationes Divinas secum deferre suas subsistentias relativas sibi proprias, & à subsistentiā absolutā Essentiæ in illis inclusa virtualiter distinctas.

Contra. Nam subsistentia importat Formaliter ultimam sub ratione substantiæ determinationem, atque aded individualement incommunicabilitatem. At ista ultima sub ratione substantiæ determinatio alia est Formaliter involvens ipsum Esse, alia verò importat Potentialitatem



litatem, non quidem ad ulteriorem in ratione substantiæ constitutionem, sed ad Esse existentiae prædicabiliter accidentale. Hæc autem ultima ad Esse Existentiæ Potentialitatem involvens substantiæ determinatio fundat multiplicabilitatem vel intra eandem speciem, vel saltem intra genus non duntaxat supremum, sed subalternum substantiæ prædicamentalis. Contra verò ultima in ratione substantiæ ac essentiae ipsum Esse formaliter involvens actualitas intra substantiæ per Essentiam Existentis lineam ita est exclusiva multiplicabilitatis, ut nec in ratione Entis, nec in ratione substantiæ nec in ratione Existentis plurificentur formalitates Divinæ, sed sub ratione duntaxat correlationis. Eiusmodi verò Divinæ relationes nequeunt intelligi tanquam formalitates Substantiæ Divinæ, seu Esse Dei subsistens modificantes, sed ut per se subsistentes. Atqui in eiusmodi Divinæ relationis Formalitate subsistente, quæ unius Personæ ad alteram correlativā ita involvitur Esse subsistens Divinæ Essentiæ ut sic constitutivum; ut hoc sit quidem præscindibile à Formalitate correlationis, non contra Formalitas Divinæ relationis etiam quæ talis sit abstrahibilis ab Esse subsistentiæ formaliter constitutivo Essentiæ Divinæ. Unde verificatur, relationes Divinas ad se invicem referri, quæ subsistentes.

10.

Atqui Formalitates eiusmodi Divinæ quatenus ad se correlatæ distinguuntur, & multiplicantur. Ergo verificatur ista Propositio, quod relationes Divinæ, non quæ formalitates Divinæ substantiæ modificantes, sed quæ per se subsistentes multiplicentur in Deo. At verò istius propositionis sensus solummodo est, quod ratio correlationis multiplicabilitatem Personarum in Deo importans in suo objectivo conceptu Formaliter dicat Esse subsistens. Unde in relatione eiusmodi quæ subsistente, non debent Virtualiter dividi (uti facit Gonet citatus) Formalitates Incommunicabilitatis, & subsistentiæ, sed sub indivisibili relationis Personalis Divinæ conceptu objectivo involvitur una simplex Formalitas habens rationem correlationis, atque adeo Incommunicabilitatis per se subsistentis. At verò hæc ipsa subsistens Incommunicabilitas, eatenus involvit Formaliter subsistentiam ipsius Essentiæ Divinæ ut sic constitutivam, ut tamen hæc non præcisè sub conceptu subsistentiæ, sed sub ratione subsistentiæ quæ correlatæ formaliter, atque adeo secundum talem conceptum Essentialiter importet unam indivisibilem Formalitatem subsistentiæ quæ ad alteram Personam correlatæ. At verò sub hoc ipso subsistentiæ quæ ad alteram correlatæ conceptu ipsamet Essentia Divina Formaliter habet rationem Personæ importantis ut sic individuationem substantialem, sitam in substantiā Divinā, non absolute sumptā, sed quæ correlatā. Verum igitur est, quod Persona Divina formaliter dicat Esse subsistens incommunicabiliter, ita tamen, ut hoc Esse subsistens sit ipsamet Essentia Divina in Formali Personæ Divinæ conceptu importata involvens ut sic incommunicabilitatem non modificativam, sed subsistentem non aliā subsistentiā, quam ipsamet Essentiæ Divinæ. In quo adeo sensu accipiendum est illud Divi Thomæ de potentiā in. 4.

11.

12.

5. ad 13. taliter differentis: In rebus creatis Principia individuantia duo habent, quorum unum est, quod sunt Principium subsistendi: natura enim communis de se non subsistit, nisi in singularibus: aliud est, quod per Principia individuantia supposita Nature Communis ab invicem distinguantur. In Divinis autem Proprietates Personales hoc solum habent, quod supposita Nature Divinæ ab invicem distinguantur, non autem sunt Principium subsistendi Divinæ Essentiæ; ipsa enim Divina Essentia est secundum se subsistens, sed è converso proprietates Personales habent, quod subsistant ab Essentiā: ex eo enim Paternitas habet, quod sit res subsistens, quia Essentia Divina, cui est idem secundum rem, est res subsistens.

Responsio ad Argumenta pro Negativā Durandi sententiā 4. n. 1. deducta.

AD lex Authoritatem Divi Thomæ depromptum argumentum Respondetur; Possit Sancti Doctoris verba ibi posita ad istam redigi argumentationem: Relationes in Divinis constituunt Hypostas. Atqui constituendo Hypostas faciant eas subsistentes. At verò relatio, in quantum relatio non habet, quod subsistat, vel subsistere faciat, hoc enim solius substantiæ est. Ergo relationes in Divinis Hypostasum constitutivæ non sunt considerandæ præcisè quæ relationes, sed quæ substantiæ sunt. Ut sic autem sunt Essentia Divina. Ergo relationes Divinæ, quæ tales prout sunt constitutivæ Hypostasum, involvunt formaliter Essentiam Divinam, atque ut sic faciunt Hypostas subsistere. Ex quibus adeo facile patet, relationes Divinas non nisi per absolutam Essentiæ subsistentiam subsistere, nec tamen Personalitates Divinas se habere ad Essentiam Divinam quæ Modos duntaxat Incommunicabilitatis, sed quæ Incommunicabilitatem relativam formaliter ut sic subsistentem per Essentiam Divinam.

13.

14.

Ad Sancti Augustini n. 2. propositam Authoritatem Respondetur. Eatenus verum esse, quod Deus absolute spectatus ad se subsistat, ut tamen sub relatione Originis sit Persona ad aliam subsistens. At verò hanc subsistendi rationem, quæ est ipsa Essentia Divina ad se subsistens, non quidem multiplicari, ipsam tamen Originem correlationis, quæ formaliter involvit subsistentiam omnino unicam, & indivisibilem, realiter multiplicari. Unde verum quidem est, Formalitatem Divinam, prout ad se dicitur, sub tali conceptu non intelligi multiplicabilem; ex hoc tamen, quod hæc ipsa Divina Formalitas Essentialis sit per se ipsam à parte rei Formaliter correlativa, esse ut sic multiplicem in Deo.

15.

Ad Argumentum ex ratione n. 3. propositum Respondetur. Ex eo habere efficaciam, quod Essentia Divina Formaliter non tantum à parte rei, sed etiam objectivè importetur in Personali quantumvis abstracta Dei proprietate. Nam subsistentia ex parte conceptus nostri etiam objectivi Formaliter importatur in Essentiā Divinā. Unde ex eo, quod nulla Personalitas Divina sit abstrahibilis ab Essentiā Dei, est consequens, ipsam incommunicabilitatis rationem in Personā Divinā, etiam quæ talem involvere subsistentiam Essentiæ Divinæ ut sic propriam. Unde hæc non quidem secundum aliquam sui ex relatione Personali modificationem, sed sub simplici

16.



simplici correlationis per se stantis conceptu habet formaliter rationem Personæ Divinæ.

## ARTICULUS II.

## De Formali Divinarum Personarum Constitutivo.

1. **S**uppono 1. in Divinis dari proprietates Personales, quibus una Persona distinguitur ab alijs. Probatur ex Sacris Concilijs. Nam in Concilio Lateranensi sub Innocentio III. in cap. Firmiter. de Sum. Trinitate dicitur Sancta Trinitas secundum essentiam una, & secundum proprietates discreta. Et Epistola Sophronij relata in VI. Synodo Generali adione 2. sic habet. *Sicut esse Deum unaqueque (scilicet Persona) inconvertibiliter possidet, ita & proprietatem, per quam ipsa Persona figuratur, immutabilem & immobilem obtinet, quæ eadem soli est inscripta, & ab alijs personis eam discernitur.* Unde Ecclesia in Præfatione Trinitatis canit: *Ut in Personis proprietas, & in Majestate adoretur æqualitas.* Rationem hujus suppositionis nostræ adversus Præpositum deducit Sanctus Thomas 1. p. q. 32. a. 2. ex instantiâ Hæreticorum. Cum enim confiteamur Patrem & Filium & Spiritum Sanctum esse unum Deum & tres Personas; querentibus Hæreticis, *Quo sint unus Deus, & Quo sint tres Personæ, sicut responderetur, quod sint Essentia vel Deitate unum; ita oportuit esse aliqua nomina abstracta, quibus responderi possit, Personas distinguere.* At ejusmodi sunt Proprietates, vel Notiones in abstracto significantes, veluti Paternitas & Filiatio. Unde Enchiridia in Divinis significatur *ut Quis; Persona vero ut Quis; Proprietas autem ut Quo.*

2. **S**uppono 2. Proprietates Dei Personales exprimi nominibus abstractis. Ratio per citatam Sanctum Doctorem deducta est, quia una Persona in Divinis refertur ad duas Personas scilicet Persona Patris non anâ, sed secundum virtutalem & rationis ratiocinatæ formalem distinctionem multiplici relatione refertur oportet ad Filium & Spiritum Sanctum, alioquin consequeretur, quod etiam Filius & Spiritus Sanctus unâ & eadem relatione referrentur ad Patrem, & sic cum sola relatio in Divinis multiplicet Trinitatem, sequeretur, quod Filius & Spiritus Sanctus non essent duæ Personæ. Probantur istæ sequelæ. Nam per hoc Filius & Spiritus Sanctus sunt duæ Personæ, quod habeant relationes diversarum rationum. Unde virtualiter Patris est diversæ rationis relatio ad Filium & Spiritum Sanctum. At hæ diversarum rationum relationes in Patre in Quarto modo Dicendi per se specificantur à suis terminis correlativis. Ex hoc igitur, quod Pater referatur ad Filium & Spiritum Sanctum, tanquam duas Personas distinctas, sequitur, in Patre esse duplicem virtualiter diversam rationem relationis Personalis. At verò Persona Patris in concreto intelligitur per modum unius.

Ergo illæ correlationum Personas Filij & Spiritus Sancti terminantium rationes virtualiter distinctæ in Patre significari debent nominibus abstractis. Ut sic autem dicuntur Proprietates & Notiones. Hæ igitur exprimuntur nominibus abstractis.

Suppono 3. Nomina Abstracta & Concreta in Divinis non tam importare diversitatem ex parte rei, seu conceptus objectivi, quam ex parte conceptus nostri Formalis, seu modi duntaxat cognoscendi. Ratio ex Angelico Doctore etiam sic deducitur. Nam secundum quod intelligimus, sic & nominamus. At intellectus noster non potest perungere ad ipsam simplicitatem Divinam, secundum quod in se consideranda est. Unde apprehendit & nominat Divina secundum modum suum, id est secundum quod inveniuntur in rebus sensibilibus, a quibus cognitionem accipit. Atqui in hisce rebus sensibilibus ad significandum simplices formas, utimur nominibus abstractis, ad significandum vero res subsistentes, utimur nominibus concretis. Quare nostro intelligendi modo congruit, ut & Divina ratione simplicitatis per nomina abstracta significemus, ratione vero subsistentiæ, & complementi per nomina concreta. Atqui formalitates Divinas sub quavis licet abstractione oportet in suo conceptu objectivo importare puram Essendi actualitatem, sive ipsum Esse subsistens Divinæ Essentiæ eatenus proprium, ut tamen in omni formalitate quâ Divina Transcendentaliter, ac Essentialiter involvatur. Consequens proinde est, per nomina etiam abstracta ex parte conceptus objectivi importari subsistentiam, nec adeo hæc differre à nominibus concretis ex parte objecti, sed ex parte modi duntaxat cognoscendi, quatenus per conceptum nostrum Formalem, nomini abstracto respondentem non ita explicare, sicut per conceptum nomini concreto respondentem denotamus Formalitatem Divinam quâ subsistentem.

Quibus adeo suppositis tres resultant hic Controversiæ. 1. *An Personales proprietates in Divinis sint formalia constitutiva Personarum?* 2. *An Proprietates Personarum Divinarum constitutivæ sint formaliter relatiæ?* 3. *Sub quâ ratione Divina relationes constituunt Personas.*

## CONTRÖVERSIA I.

## An Personales proprietates in Divinis sint Formalia Personarum constitutiva?

**G**regorius Ariminensis in 1. diff. 22. q. 1. de Præpositivis à Scoto in 1. dist. 26. quæst. un. n. 2. relatus arbitrati sunt: Personas Divinas se ipsis distinguere, ac per consequens non oportere querere, per quæ formaliter distinguantur, vel quibus constituantur, sed quod non habeant constitutivum: sicut ultimæ differentie simplices, quæ se ipsis distinguuntur, nullum habent constitutivum. Probatur. Si enim Pater non se ipso distinguatur à Filio, sed Paternitate. Ergo includit aliquid, in quo conveniat cum Filio, ex quo & Pa-



& Paternitate constituatur ut suppositum integrum, & perfectum. Ex hoc autem sequitur, tum quod Pater sit Persona Composita: tum quod Paternitas se habeat ut actus & forma respectu communis Essentiæ, in quâ Pater cum Filio convenit. At utrumque consequens est alienum à veritate.

9. Rada *Controvers. Theolog. p. 1. cont. 23. a. 1. tenet*, Personas Divinas non solum secundum quod à nobis concipiuntur, sed etiam secundum Esse, quod habent à parte rei, non se ipsis, sed suis Proprietatibus distinguere & constitui. Fundamentum est. Quia omni actu nostri intellectus secluso, Pater & Filius à parte rei sunt idem in Essentiâ, & distinguuntur realiter per proprietates Personales, ut de fide tenendum est. At quæ se ipsis distinguuntur, sunt primò diversa in nullo convenientia. Ergo Pater & Filius à parte rei non distinguuntur se ipsis totis.

10. Divus Thomas in 1. dist. 26. a. 1. ad 5. & Cajetanus 1. p. q. 40. a. 1. docent: Personas Divinas secundum Esse, quod habent à parte rei, se ipsis constitui, ac distinguere tanquam formas simplicissimas: at prout concipiuntur à nobis, & nostris nominibus significantur, non distinguere se ipsis, sed suis Proprietatibus relativis.

#### CONCLUSIO.

VERUM est, quod Personæ Divinæ ex Naturâ rei formaliter ita constituentur, & distinguantur se ipsis, ut tamen secundum nostrum concipiendi modum dici possint constitutæ per suas Proprietates Personales.

11. Probatur. Per hanc enim propositionem, quâ dicitur, *Personas Divinas formaliter in ratione Personarum constitui per Proprietates Personales*; insinuatur: Personalitates esse in Divinis Personis tanquam Formalia earundem distinctiva Principia. At secundum nostrum intelligendi modum verificatur, quod proprietates Personales in sint Personis Divinis tanquam Principia Formalia earundem distinctiva. Hoc enim clare innuit Concilium Florent. sess. 1. asserens: Personas Divinas per suas proprietates differre. Ergo verificatur secundum nostrum intelligendi modum, quod Personæ Divinæ Formaliter in ratione Personarum constituentur per suas Personales proprietates: juxta illud Ioannis Theologi in præfato Concilio Florent. sess. 18. affirmantis: Personam ex substantiâ, proprietateque subsistere.

12. Dices ex præcitato Ariminensi. Illas locutiones, quibus Patres & Concilia dicunt, *Personas Divinas subsistere, vel differre ex se ipsis per proprietatem*, accipendas esse in sensu Intransitivo. Hunc verò sensum ita se habere, ac si diceretur, quod Personæ divinæ constituentur se ipsis, utpote quæ sunt ipsæ proprietates. Unde reprobandum esse transitivum illarum locutionum sensum, juxta quem verificatur, *Personas Divinas constitui proprietatibus tanquam formis*.

13. Contra. Nam ejusmodi sensus Transitiuus vel potest denotare Transitionem secundum rem, vel secundum rationem, seu nostrum intelligendi modum. Hæc autem Transitionis diversitas in eo se tenet,

quod juxta priorem acceptionem dicerentur Personalitates Divinæ se habere tanquam forma inherens, vel informans, sive per unionem realem physicam actuans. Econtra juxta acceptionem posteriorem denotat Transitiio denominationem formalem, vi cuius designatur ratio Personæ divinæ constitutiva, & distinctiva. At quando Intellectus noster aliquam Personarum divinarum tum inter se, tum cum Essentiâ tribus Personis communi comparisonem facit, necessariò designat formalitatem Divinarum Personarum ut sic constitutivam & distinctivam. Ergo Intellectui nostro de Divinis differenti omnino necessarium est, in sensu etiam Transitivo secundum transitionem non realem, sed rationis ponere proprietates personales, tanquam formalia divinarum Personarum constitutiva.

14. Replicabis. Personam Divinam non tantum ex naturâ rei esse, sed à nostro etiam Intellectu concipi tanquam actum purum, ac ita simplicem, sicut est divina Essentia. At istam ob sui simplicitatem non tantum à parte rei, sed juxta nostrum etiam intellectum se ipsâ distinguere à quocunque alio. Ergo & Personam divinam distinguere se ipsâ ab alijs divinis Personis. Ergo si Concilia asserant, Personas distinguere per proprietates Personales, oportet, locutionem accipi in sensu etiam secundum rationem nostram Intransitivo.

15. Contra. Nam quia per fidem ambulantibus non intelligimus divinam, nisi per speculum ænigmaticum, sive alienam ex formis creatis abstractam Intelligibilitatem, ideo hunc de divinâ Hypostasi conceptum ex creatæ Personalitatis specie abstrahimus. At hanc ipsam Personalitatis creatæ à potentialitate depuratam speciem transferimus ad intelligendam divinam Hypostasin, dum, quam in creatis concipiebamus tanquam modum in naturâ receptum, in divinis intelligimus tanquam actualitatem Essentiæ divinæ realiter formaliter identificatam. Unde conceptus Personalitatis quâ creatæ, hanc repræsentat sub ratione formæ inherens ac informans, conceptus autem personalitatis quâ divinæ, hanc exprimit sub ratione formæ Essentiæ divinæ per realem formalem Identitatem denominantis. Hinc noster Intellectus Essentiæ quoque divinam cum comparisonem ad Hypostasem seu proprietates Personales concipiendo, eam efformat instar subjecti non physicè receptivi, sed per realem formalem sui cum Hypostasibus Identitatem denominabilis. At denominatio ejusmodi formalis ex parte objecti importat formaliter Essentiæ per Hypostasem actualitatem non in vi realis physice unionis, sed formalis Identitatis. Unde sub tali denominatione stat Essentia divina tanquam forma omnino simplex & actus purus. Quamvis ergo Essentia divina tanquam primus in Entis divini linea objectivus conceptus non sit a nostro Intellectu formabilis sub ratione concreti Denominativi, eadem tamen Essentia per summam simplicitatem, & puram actualitatem ex naturâ rei formaliter, addèque Essentialiter includens formalitates tum attributales, tum Personales ab hi denominabilis est non in vi physice unionis, sed realis formalis Identitatis. Ergo secundum ejusmodi formalitatem, quasi secundum concretionem intelligitur instar Concreti Denominativi, in quo ipsa Essentia seu

16.



ria seu Esse Dei subsistens se habeat ut Denominatum, formalitates autem Attriburales seu Personales se habeant ut formæ non per unionem, sed per Identitatem actualissimam denominantes. Constat igitur, simplicitati divinæ non repugnare Hypostasem in Deo intelligere vel per modum abstracti, vel concreti, ut adeo Personales proprietates secundum formalem in actualissimam identitate fundatam denominationem accipi possint tanquam formalia Divinarum Personarum constitutiva.

### Responsio ad Opposita Argumenta.

17. **A**D Ariminensis oppositum argumentum Respondetur. Non repugnare simplicitati divinæ substantiæ, talem per nostros objectivos conceptus in ipsa ponere compositionem, ut Essentia se habeat tanquam subiectum, non in vi realis physice unionis, sed purissimæ, & actualissimæ identitatis formaliter denominatum. At ejusmodi formalem in purissimæ actualitatis identitate radicatam denominationem sufficere, ut Persona in Divinis dicatur concretum relutans ex Essentia tanquam Materiali; ex proprietate vero Personali tanquam formali, non *Physicæ*, sed *Metaphysicæ* constitutivo. Verum proinde est, quod Pater in Divinis ex Essentia, in qua convenit cum Filio & Paternitate, non in vi unionis Physicæ, sed formalis realis identitatis constituitur tanquam suppositum perfectum.

18. Ad Radæ oppositum Argumentum Respondetur. In propositione, qua dicuntur *Persona Divina distingui se ipsi*, habet aliquam equivocationem. Nam vera est in eo sententia, quod Persona divina sit simplicissima indivisa actualitas à reliquis duabus Personis formaliter distinctiva, ita tamen, ut hæc ipsa divina distinctiva ratio à parte rei formaliter sit Essentia trium Personarum, sitque adeo una cum utrisque Personæ divinæ simplex actualitas, quæ secundum eandem à parte rei formaliter indistinctam formalitatem sit respectu reliquarum duarum Personarum ratio conveniendi simul, ac disconveniendi. At falsa est illa propositio in sensu per Radam proposito, quod scilicet Personæ divinæ ita distinguantur se ipsis, ut, sicut ultimæ differentie secundum nostri Intellectus abstractionem formaliter important puram disconvenientiæ formalitatem omni conveniendi ratione exclusâ, sic Personæ divinæ à parte rei formaliter dicant, omni prorsus convenientiâ remotâ puram disconveniendi rationem. Quo proinde posteriori non tam à Thomistis asserto, quam per Radam ipsis imposito sensu rejecto, verificatur: Patrem & Filium à parte rei formaliter non quidem *se ipsis* (siquidem istud *Ly ipsis* sit omnimodæ convenientiæ exclusivum) sed tamen *se ipsis* distinguui.

### CONTRVERSIA II.

#### *An Proprietates Personarum divinarum constitutivæ sint formaliter relativæ?*

i. Iohannes de Ripa in i. dist. 25. & 26. & nonnulli alij antiquiores censent: Personas divinas

constitui per proprietates absolutas. Cui opinioni Scotus ead. dist. 26. q. un. à n. 35. eatenus favet, ut argumenta contraria solvat. Fundamentum est. Nam illud, quod refertur relatione, non est aliquid posterius eâ, nec simul naturâ. Ergo est prius naturaliter. At quod refertur ad illud, distinguitur realiter ab eo. Essentia verò Divina à nullo in divinis distinguitur realiter. Unde id, quod refertur in divinis, oportet esse Hypostasim: cujus proinde realitatem oportet esse priorem relatione. At realitas prior relatione in divinis est absoluta. Ergo Hypostasis in divinis est formaliter in aliquo absoluto.

Rada cont. 23. a. 3. circa finem expositionis subtilis Doctoris asserit: Personas divinas secundum rem constitui per relationes sub expressâ relationum formâ, & etiam in ordine ad nostrum Intellectum, si conceptu integro concipiuntur, sicut concipiuntur à Beatis. Si verò concipiuntur conceptu partiali, non constitui relationes sub expressâ relationum formâ, nec sub ratione absolutâ, sed indifferentis. Prior Pars probatur. Eo ipso, quod Pater æternus sit persona realis singularis, sequitur, ipsum constitui in Esse Personæ per entitatem aliquam realem singularem. At nulla Entitas à parte rei est indifferens ad absolutum & relativum. Ergo Entitas Patris æterni constitutiva, vel est determinatè absoluta, vel relativa. At non esse absolutam, probant Sacre Scripturæ, & Patres Conciliorum, in his enim Personæ divinæ semper exprimuntur nominibus relativis. Oportet igitur, ejusmodi Entitatem Relativam à parte rei esse Patris æterni constitutivam sub expressâ relationis formâ.

Posterior pars Probatur. Nam licet Relatio Originis primæ v. g. personæ sit unica à parte rei formalitas, includit tamen rationem Paternitatis, generationis, & formæ Hypostaticæ ex naturâ rei distinctas in rebus creatis. Unde si concipiatur conceptu non integro seu incompleto, potest fundare diversos rationis nostre ratiocinatæ conceptus. At secundum ejusmodi concipiendi modum Persona Divina Patris prius concipitur sub ratione Hypostasis, quam sub ratione Generantis, prius sub ratione Generantis, quam Patris. Ergo Persona divina Patris in ordine ad nostram cognitionem imperfectam non constituitur per expressam relationis formam, sed per rationem formæ Hypostaticæ. Atqui forma Hypostatica Patris, ut sic nec concipitur conceptu relativo, ut patet, neque absoluto, cum alioquin falleretur intellectus noster. Ergo prout abstrahit à relativo, & absoluto, atque ut sic ad utrumque indifferens est.

Cajetanus præf. q. 26. a. 1. Iohannes à S Thomâ hic q. 39. disp. 16. a. 1. n. 25. ac seq. Sentiant: Personam Patris constitui ipsâ relatione Patris non confuse, sed distinctè conceptâ per conceptum non solius *hi*, sed per conceptum ad proprium Paternitatis, ut paternitas est.

### CONCLUSIO.

**P**roprietates Divinarum Personarum constitutivæ non solum à parte rei, sed secundum nostrum quoque conceptum sunt formaliter relativæ.

Probatur argumento per Scotum in i. dist. 26. q. un. n. 3. adducto: Si enim duo sint supposita



absoluta, videtur, quodd, quidquid est in uno, sit aliud à quocumque, quod est in alio. Ergo eadem natura nō potest esse in diversis suppositis absolutis, nisi distinguatur in eis. Ex hoc autem sequeretur, Essentiam Divinam numerari in Personis, si Personæ Divinæ in Esse personali constituerentur per absoluta. At illa sequela repugnat Veritati fidei Orthodoxæ. Ergo & id, ex quo inferitur.

6. Respondebis ex Scoto cit. q. un. n. 33. ad 2. illam propositionem: *Omnis Natura communis suppositis absolutis distinguitur, & plurificatur in eis, esse quidem veram in creatis, sed in Divinis petere principalem conclusionem.* Etenim ponendo personas relativas, oportet, ponere eas verè subsistentes, & in eis esse eam naturam indivisam. Hoc autem non potest poni propter aliquam imperfectionem Personarum in subsistendo, quia ponuntur ita verè subsistentes, ac si essent absolutæ. Ergo oportet, quodd ponatur propter infinitatem Essentiæ, quæ est in subsistentibus. At eadem esset infinitas Essentiæ, si Personæ essent absolutæ. Ergo non oportet, Naturam dividi in Personis divinis, etiamsi non proprietatibus relativis constituerentur.

7. Contra. Nam ea Subsistentiæ quæ absolutæ, & quæ relativæ est differentia, quodd ista importet incommunicabilitatem suppositi non absolute, sed correlativè spectati, illa verò sit Hæcceitas substantiæ in se absolute consideratæ. At derivatione formali Subsistentiæ est, quodd sit individuati ultimatè determinativa, ac distinctiva in ratione substantiæ. Ergo Subsistentia quæ absoluta est ipsius in se spectatæ substantiæ ultimatè distinctiva ac determinativa, & contra verò Subsistentia quæ relativa est substantiæ non absolute in se, sed secundum sui ad alterum correlationem distinctiva formalitas. At verò ratio ejusmodi distinctiva importat formaliter exclusionem unius ab altero. Unde quia substantia absoluta afficit substantiam seu Essentiam in se spectatam, oportet, ubi multiplicatur substantia absoluta, plurificari etiam Essentiam, saltem quæ in ratione substantiæ simpliciter perfectam, & completam: Cum e contra per plurificationem Subsistentiæ quæ relativæ non debeat fieri multiplicatio substantiæ, quatenus in se absolute spectatæ, sed quæ correlatæ duntaxat. Consequens igitur est, per infinitatem divinæ Essentiæ posse hancita subsistere in pluribus suppositis relativis, quin ipsius Essentiæ sit multiplicatio; etsi e contrario Essentia divina in ratione substantiæ foret eo ipso multiplicabilis, si in eâ plurificarentur aliquæ Subsistentiæ seu Hypostasies absolutæ.

8. Replicabis. Ex hoc solum evinci, quodd Persona Patris secundum rem, non autem secundum nostrum præiudicium, & abstractivè intelligendi modum constituitur per Hypostasim quæ formaliter relativam.

9. Contra. Nihil enim est intelligibile sine suo formali constitutivo. Unde sine hoc non concipitur res, cujus illud est formale constitutivum. Atqui à parte rei constitutivum Patris importat formaliter Hypostasim quæ relativam: Ergo secundum nostrum etiam concipiendi modum; ita ut quomodoque sive distinctè, sive confusè ab Intellectu nostro attingatur Persona divina Patris, oporteat, ex parte conceptus nostri attingi relationem Paternitatis, Cujus ratio à priori

sic deducitur. Nam Persona Patris secundum nostrum etiam intellectum constitui debet in ratione Personæ condistinctæ à Subsistentiæ Essentiali, & à reliquis Subsistentijs Personalibus. Atqui non intelligitur condistincta à Subsistentiæ Essentiali, nisi secundum formalitatem quæ Relativam. Hæc autem relativa formalitas non est distinctiva Patris à reliquis Personalibus divinis Subsistentijs, nisi sub ratione fecunditatis generativæ ad producendum Filium. Consequens igitur est, Hypostasim Patris non tantum à parte rei, sed secundum nostrum etiam intelligendi modum importare formaliter relativam fecunditatis generativæ ad Filium oppositionem.

Instabis. Per Notionem Innascibilitatis jam intelligi Patrem quæ condistinctum à Subsistentiæ Essentiali, ac Personalibus Filij & Spiritus Sancti Hypostasibus. Atqui hanc Innascibilitatis Notionem non importare formaliter relativam ad Filium oppositionem. Probatur Minor. Nam per hanc Innascibilitatis Notionem significatur Hypostasis Patris per se primò, non autem per aliquam sui ex personâ priori originatam productionem determinatam ad Esse divinæ Essentiæ. At secundum istam formalitatem Persona Patris eatenus intelligitur sub ratione Primæ Personæ quæ condistincta à Filio & Spiritu Sancto; ut tamen ex parte nostri conceptus non dicat formaliter Relativam fecunditatis generativæ ad Filium oppositionem. Ergo Persona Patris est secundum nostrum imperfectum concipiendi modum intelligibilis sine relativâ ad Filium oppositionem.

Contra. Nam Subsistentiæ Dei Essentiali vel maxime convenit ratio primi suppositi, prout hæc importat Subsistentiam, quæ per se primò, non autem per aliquam ex Personâ priori originatam productionem sit formaliter determinatam ad Esse divinæ substantiæ. Ergo ratio primæ Personæ ex hoc solum est Patris propria, prout non tantum in absolute Essendi, sed etiam in relativâ Personalitatum lineâ importat primam sine aliquâ sui productione formalem ad Esse Dei determinationem. At ex terminis manifestum est, hanc in Personalitatum lineâ relativâ primam Hypostasim formalem ad Esse Dei determinationem importare formaliter relationem. Ergo ratio primæ Personæ non est intelligibilis quæ formaliter constitutiva, & distinctiva Patris, nisi sub relationis formalitate.

Urgebis. Ex hoc necdum evinci, quodd Hypostasis Patris secundum nostrum etiam intelligendi modum importet formaliter relativam fecunditatis generativæ ad Filium oppositionem. Probatur illud assumptum. Nam eo ipso, quodd Pater concipitur tanquam primum ad intra Principium, intelligitur sub ratione Personæ primæ in lineâ non duntaxat Essendi absolutæ, sed Personalitatum relativâ. Atqui sub hac primæ personæ ratione eatenus concipitur Pater condistinctus à cæteris personis divinis, ut tamen nō intelligatur determinatè sub relativâ fecunditatis generativæ ad Filium oppositionem. Ergo ista ad Filium fecunditatis Generativæ oppositio relativa ut sic determinatè non est formale Patris æterni constitutivum ac Distinctivum.

Contra. Nam ratio Primi in divinis Principij non est intelligibilis, nisi prout importat relationem fecunditatis consistentis in Naturâ divinâ



vinâ quâ tali, siquidem de hujus formalisatione sit, quod primæ substantiæ operatio in eam reducatur. Atqui Principiū importans relationē fecunditatis consistentis in naturâ divinâ, dicit formaliter fecunditatis quâ generativæ relativâ ad Filium oppositionem. Ergo prima Persona sub ratione primi etiam in divinis principij importat formaliter fecunditatis Generativæ relativam ad Filium oppositionem, ut ad eod sub omni Patris, seu primæ in divinis Personæ conceptu tanquàm formale ejus constitutivū iter ista relativa fecunditatis oppositio. At ista relativa oppositio exprimi solet sub nomine Paternitatis. Ergo formale hujus nominis significatū est primæ Divinæ Personæ constitutivum formale, ut proinde nostrorum de Patre æterno conceptuum differentia sit per hoc duntaxat, quod per unum minus distinctè & clarè, quàm per alium exprimitur illa æterni Patris constitutiva ratio.

### Responsio ad opposita Argumenta.

16. **A**D 1. n. 1. oppositum Argumentum Respondetur. Id, quod refertur solum Denominativè & Accidentaliter, esse quidem prius relatione: at secus esse, si relatio Essentialiter includatur in relato. At Essentialiam divinam non tantum ex naturâ rei formaliter includere relationem, sed eo ipso, quod Essentialia Dei a nostro intellectu concipitur relata, intelligi per paritatem actualitatis identitatem Essentialiter importare relationem. Unde Essentialiam divinam sub ratione relati conceptam neque priorem, neque posteriorem esse relatione, sed ut sic formaliter Essentialiter includere relationem, per quam constituatur in Esse Hypostasis non absolutæ, sed relativæ.

17. Ad Radæ n. 2. & 3. propositam Doctrinam Respondetur. Eam ita probari nobis, ut in hoc duntaxat displiceat, quod arbitretur, formam Patris Hypostaticam posse à nobis intelligi sub abstractione relativæ ad Filium oppositionis. Etenim prima in divinis Personæ Hypostasis nō attingitur per nostrū intellectū, nisi concipitur formalitas ejusdem formaliter constitutiva: nihil enim sine suâ ratione formali, seu Essentiali est intelligibile. At ipsomet Radâ fatente, Hypostasis Paterna constituitur per Entitatem realem Singularem, quâ ex naturâ rei formaliter, atque ad eod Essentialiter relativam. Ergo dum ex parte intellectus nostri non attingitur hæc Relativa formalitas, non concipitur Paterna divini Hypostasis, sed alia quædam formalitas.

18. Cæterum unum adhuc, in quo Radam conveniamus, hic superest, dum supra n. 3. citatus asserit: *Rationem Paternitatis, Generationis, & formæ Hypostaticæ in rebus creatis esse ex naturâ rei distinctas, tamen si Relatio Originis primæ Personæ sit unica à patre rei formalitas includens rationem Paternitatis, Generationis, & formæ Hypostaticæ.* Nam hæc Radæ doctrina funditus tollit distinctionem ex naturâ rei formalem, cujus ratio fundamentalis secundum Scotum in 1. dist. 8. q. 4. n. 17. & 18. in eo sita est, quod cuilibet formalitati sit ex naturâ rei sua quidditas, quæ ubicumque sit, persistat in suo gradu, nec possit ad eod per actualitatis divinæ infinitatem eatenus elevari, ut cum alterâ formalitate ex naturâ rei in Entibus creatis distinctâ ha-

beat unitatem formalem. Atqui Radæ superius posita doctrina directè adversatur huic subtilis sui Doctoris menti. Quomodo ergo fundamentum ex naturâ rei formalis Distinctionis stabit?

### CONTROVERSIA III.

#### Sub quâ ratione Divina

*Relationes constituent Personas?*

**E**X dictis præced. Controv. constar, non esse aliam de Personalitatibus Divinis formabilem conceptum, quin sub illo exprimi debeat formalitas quâ relativa. Sed quia formalitatis quâ relativæ conceptu tante, noster Intellectus sub creatarum formarum intelligibilibus speciebus varias quoad explicitum & implicitum intelligendi modum formare potest de relationibus divinis conceptiones, ideo decidendum superest, quæ ratione nostrâ ratiocinatâ de Divinis Personalibus relationibus sit formabilis objectiva ratio, tanquàm prima earundem constitutiva formalitas?

#### Referuntur Sententiæ Doctorum.

**D**ivus Bonaventura in 1. dist. 26. q. 3. docet, tamen idem sit Personis Divinis, oriri, & esse, & ad alterum se habere, tamen secundum rationem intelligendi ordinata esse, ut primū sit oriri, deinde in his, quæ habent esse ab alio, Esse intelligatur, ac deinde se habere ad alterum. Fundamentum ex Ioanne à Sancto Thomâ præ. disp. 16. a. 1. n. 2. ita deduci potest. Nam relationes divinæ fundantur in actione. At non in actione purè absolutâ & Essentiali, siquidem intelligere ac velle Essentiali inveniuntur etiam in Filio, ac Spiritu Sancto, & tamen nec ille habeat relationem Paternitatis, nec iste Spiritationis activæ. Oportet igitur, relationes divinas esse fundatas in Actione seu Origine Notionali. Atqui Relationes in Divinis non fundantur in Origine nisi quâ subsistente. Ut sic autē Origine dicit Personā. Ergo, prima divinarū Personarū constitutiva formalitas concipienda est ad instar Originis subsistentis.

Alarcon per Ioannem à Sancto Thomâ præ. disp. 16. a. 1. n. 20. in fine relatus tenet; formale constitutivum Patris non esse relationem Paternitatis ut sic, sed rationem fontalis Principij per modum respectus non prædicamentalis, sed Transcendentalis respicientis Patrem, & Filium tanquàm terminum nostro confuso intelligendi modo indivisum. Probari potest hæc sententia argumento per Ioannem Baptistam Gonetium præ. 10. 5. disp. 11. a. 3. §. 1. taliter deducto. Nam quæ formalitas subsequitur ad aliquid non constituens, sed supponens Personam, non potest ipsum constituere in ratione Personæ. Atqui Paternitas subsequitur ad Generationem, cum fundetur super illam: generatio autem non constituit, sed supponit constitutam Personam Patris, cum rei constitutio ad actionem supponatur. Ergo Paternitas non constituit, sed supponit constitutum Patrem in ratione Personæ. Hæc autem Personæ primæ ratio non occurrit alia nisi primi, ad eodque fontalis Principij formalitas



litas. At Principij ratio importat respectum ad suum Principiatum non prædicamentalem, sed Transcendentalem. In ejusmodi igitur Transcendentali respectu consistit prima Patris æterni constitutiva ratio.

4. Ioannes Baptista Gonet *tit. 4. §. 2.* asserit, Paternitatem Divinam dupliciter considerari posse, per modum scilicet relationis, & per modum formæ Hypostaticæ: primo modo sumptam fundari supra generationem, atque ad eam Patrem in ratione Personæ constitutum supponere, secundo autem modo supponi ad generationem, & constituere Patrem in Esse Personæ. Fundamentum istius assertionis suæ adstruit ab Autoritate Divi Thomæ *pres. q. 40. a. 4.* taliter differentis: *Proprietas Personalis Patris potest considerari dupliciter. Uno modo ut est relatio, & sic iterum secundum intellectum præsupponit actum notionalem, quia relatio quantum huiusmodi fundatur super actum. Alio modo secundum quod est constitutiva Personæ: & sic oportet, quod præintelligatur relatio actui notionali, sicut Persona agens præintelligitur actioni.*

5. In hanc suam sententiam Gonetius citatus trahit Capreolum, & Cajetanum, quorum prior *in 1. dist. 26. q. 2.* docet: Relationem in Divinis dupliciter considerari, scilicet ut est forma individualis, & quatenus est relatio: & sub primâ ratione dicere incommunicabilitatem, atque constituere personam: sub secundâ verò Personam constitutam Originemve supponere. Eiusdem autem mentis esse Cajetanum *pres. q. 40. a. 4.* ubi ait: Paternitatem in Divinis posse dupliciter significari, scilicet ut *Conceptam*, seu *Signatam*, & ut *Exercitam*, eamque primo modo antecedere generationem, atque constituere Personam Patris ac exercere munus Hypostaticæ formæ: Secundo autem modo sublequi generationem, ac fundari in illâ, habereque formæ relativæ exercitium, ipsumque referendi actum.

6. Istam Cajetani sententiam Ioannes à Sancto Thomâ *dist. 16. a. 1. in 32.* explicans affirmat, quod relatio primò dividatur inadæquate in conceptum *Ad*, & in conceptum *Ad*. 2. Quod pro conceptu *in* deserviant, quæcumque ad perfectionem, Essentiam, Divinitatem, Esse & identificationem cum attributis pertinent, & quidquid non multiplicatur in relationibus, & lineam absolutorum involvit. 3. Quod pro conceptu *Ad* ut explicito & distincto ab isto conceptu *in* pertineant, quæcumque multiplicantur in relationibus & ex parte oppositionis se tenent, sicut est substantia, quæ ad incommunicabilitatem & oppositionem realem in ratione termini substantialis spectat: Sicuti etiam est realitas respicientiæ ad terminum, distinctio, oppositioque realis. 4. Quod istum conceptum *Ad* non repugnet iterum dividere in conceptus inadæquatos, & concipere ipsum *Ad*, partim ut exercet munus substantiæ non quomodocunque, sed incommunicabiliter, cum oppositione & distinctione ab alio termino Personali; partim ut exercet munus Respicientiæ secundum attingentiam termini correlativi. 5. Quod ista attingentia sit ipsa explicatissima ratio *Ad* seu *relationis*, ut relatio est, quæ quidem realis sit, & tamen in correlativo nihil realitatis ponat, sed purè respiciat, sitque ut sic realis respicientia. 6. denique, quod ipsum Esse *Ad* Patris prout est res in se excludens,

& impossibilis termino, in se incommunicabilis, & opposita Filio, estque Paternitas subsistens, ut sic constituat Personam Patris *ad se*, & *in se*, prout verò est ipsum terminum respectu suo tangens, & quasi egreditur à se & tangit alterum, ut sic non constituat *in se*, sed exerceatur *extra se*.

7. Ysambertus ad *pres. q. 40. a. 6.* reliquorum Doctorum Sententias quodammodo reducens ad concordiam docet sequentia: 1. Divinas Personas ut considerantur constitutæ in suo gradu ultimo, vel quali ultimâ differentiâ in ratione personæ conceptu distincto licet non adæquato, distinguui & constitui formaliter, etiam nostro modo considerandi, per suas relationes Personales, ut sunt formaliter relationes in actu exercito, seu ut unam Personam de facto referunt ad aliam. 2. Unamquamque Personam Divinam à nobis apprehensam per analogiam ad res creatas constitui in suo Esse Personali per suam relationem personalem, quatenus est quædam forma Hypostatica, & per eam ut sic distinguui ab aliâ Personâ divinâ. 3. Personas Divinas juxta aliquem nostrum considerandi modum per analogiam ad res creatas constitui, & distinguui per Origines, nimirum præsuppositivè, & minus Principaliter. 4. Denique Personas Divinas magis Principaliter constitui & distinguui per relationes suas personales etiam ut relationes nostro modo considerandi per analogiam ad res creatas, quàm constituentur & distinguantur per ipsas suas Origines.

#### CONCLUSIO.

**R**elationes non in quantum Relationes, sed in quantum significantur per modum Hypostasis esse formalia divinarum Personarum constitutiva cum Doctore Angelico *1. p. q. 29. a. 4.* in eo sensu accipiendum est, quod nimirum in divinarum Relationum conceptu considerentur quæ formæ Hypostaticæ, importetur munus respicientiæ ex parte objecti duntaxat materialis, non autem Formalis.

8. Explicatur, & Probatur. Nam objectum formale importat intelligibilitatem signatam, sub quâ res aliqua intelligitur. Hæc autem circa divina Mysteria Intelligibilitas non formatur à nostro Intellectu, nisi per species à formis creatis abstractas. Atqui Intellectus noster lumine Metaphysico instructus considerans rationem Hypostasis seu Personalitatis formalem importare in ratione substantiæ actualitatem sub individuationis completæ, atque incommunicabilitatis omnimodæ formalitate determinativam, dum istam Intelligibilitatis speciem ad Divinas Personalitates transfert, in suo conceptu omnino signat Divinas relationes sub munere etiam respicientiæ spectatas. Probatur istud Assumptum. 9. Quia dum Intellectus noster Divini Esse subsistentis Hæcceitatē vel absolute ex parte conceptus etiâ objectivi, vel in comparatione ad creatas substantias considerat, nondū attingit formalitatem, secundum quam unius Personæ in Divinis est distinctio ab alterâ. Unde ad ejusmodi conceptum pertingit primum, quando aliquam ad intra-



Intra oppositionem, seu realem unius ab altero exclusionem in Divinis cognoscit. Hæc autem in Divinis ad intra oppositio ac exclusio non stat, nisi sub ratione correlationis. Oportet igitur, hanc Correlationis oppositionem *signatè* stare sub nostro conceptu, ut hic Formale divinæ alicujus Personæ constitutivum attingat. At verò sub hæc ipsa correlationis oppositione *signatè* concepta stat unius ad alteram Personam respicientia. Ergo ipsum respicientiæ munus seu ratio relationis ut relationis *signatè* attingitur per conceptum formalis Divinarum Personarum constitutivi expressivum, ita tamen, ut ejusmodi respicientiæ munus se teneat ex parte *duntaxat* materialis. Probatum hoc Assumptum.

10. Nam Metaphysico Hypostasis quæ ultimæ actualitatis individuationem completam, atque adeò incommunicabilitatem seu distinctionem omnis alterius exclusivam formaliter tribuentis expressivo lumine ad divinas relationes tanquam veras Hypostases translato, attinguntur istæ relationes Divinæ sub formalitate, per quam una est alterius à se exclusivæ. At verò relatio secundum respicientiæ munus eatenus habet rationem tendentiæ ad terminum, ut istum ipso respectu suo quasi tangat: habendo cum eo similitudinem quasi coexistentiæ & attingentiæ, sub quo adeo respectu intelligitur relatio se habere ad terminum non tam exclusivè, quam correlativè. Quas proinde individuales nimirum Hypostaticæ aliorum exclusivæ, & ad Terminum tendentiæ correlativæ formalitates in rebus creatis separabiles Intellectus noster Divinarum Personarum formalia constitutiva discurrendo investigans, ad unum Divinæ Personalitatis objectivum conceptum redigit eo ipso, quod illam individualement Hypostatis propriam exclusivam formalitatem in Divinis ad intra non reperiatur, nisi sub ratione correlativæ ad alterum tendentiæ. At vero in hoc ipso duas illas in creatis distinctas realitates ad unam in Divinis rationem objectivam redigente conceptu nostro Intelligibilis illa, sub quâ individualitas completa, seu incommunicabilitas Hypostatica exprimitur, est ratio Motiva, siquidem ex illâ Hypostaticæ formalitatis Intelligibili ratione moveatur Intellectus ad intelligendum, personalitates divinas se tenere in formalitate ad intra correlativâ, seu reale respicientiæ munus exercente. Illa verò formalitas se tenet respectu conceptus nostri tanquam objectum *duntaxat* materiale, quæ sub lumine sui expressivo non tam est objectivè Motrix, quam Intellectus noster ad eam cognoscendam moveri debeat per aliam prioritate saltem virtuali prius cognitam. Consequens igitur est, in Divinarum relationum conceptu, si considerentur quæ formæ Hypostaticæ, importari quidem Munus respicientiæ, non tamen quæ objectum formale, sed Materiale *duntaxat*.

II. Dices. Sanctum Augustinum lib. 7. de Trinit. cap. 6. docere, quod Persona in Divinis dicatur *ad se*, & non *ad aliud*. Atqui hoc non ita accipiendum est, quasi ex mente Sancti Augustini Persona in Divinis à parte rei importaret formalitatem absolutam, sed quod secundum nostrum considerandi modum Hypostasis Divina sub formali personalitatis conceptu intelligatur non quæ involvens relationem, sed quæ in se subsistens. Ergo relatio ut

sic non est de formali Hypostasis Divinæ conceptu.

Contra. Nam Sanctus Augustinus loco cit. cum affirmasset, *Esse in Deo dici ad se, Personam verè relativè*, subjunxit istam questionem, *Quid ergo? num placet, ut dicamus, Patrem esse Personam Filij ac Spiritus Sancti?* Cujus proinde questionis solutionem ponens, *sed neque*, ait, *Persona ita dici alicubi solet, neque in hac Trinitate cum dicimus Personam Patris, aliud dicimus, quam Substantiam Patris. Quæritur ut substantia Patris ipse Pater est, non quo Pater est, sed quo est, ita ut Persona Patris non aliud, quam ipse Pater est: ad se quippe dicitur Persona, non ad Filium, & Spiritum Sanctum.* Ex quo ita licet argumentari. Persona Patris in eo *duntaxat* tenetur dicitur, quatenus non est aliud à se, nec adeò est Persona Filij, ad quem tamen *relativè* dicitur. At juxta hunc sensum manifestè evincitur, quod *ty ad se* in Patre eatenus importet relationem, ut tamen illa sit Patris in Esse Personæ constitutiva per modum Formalitatis, in ipso Patre intrinsece subsistentis, atque ut sic per oppositionem relativam Filium, ac Spiritum Sanctum formaliter à se excludentis, non autem per modum attingentiæ personam Filij quasi Extrinsece respicientis. Ergo ex mente Sancti Augustini Persona Divina Hypostasis in ratione suâ formali eatenus importat relationem, ut hæc tamen quæ formalitas oppositionis cæterarum Divinarum Personarum formaliter exclusivæ, atque ut sic distinctivæ sub conceptu nostro Personæ Patris constitutivum intelligente se habeat tanquam formale, respicientia ad Filium tenente se ut objectum *duntaxat* Materiale.

Cujus ratio à priori est. Quia Hypostasis eatenus est substantiæ terminativa, ut tanquam ultima ejus actualitas & completa individuatione substantiam positivè indivisam constituens sit formaliter distinctiva, atque adeò exclusivæ omnis alterius substantiæ. Atqui secundum Philosophiæ naturale lumen non agnoscimus in substantijs illam distinctionem, nisi quæ ex parte unius saltem extremi radiceatur in limitatione: hinc enim eo ipso, quod Deus sit suum Esse subsistens, Essentialiter includens Hæcceitatem, atque individuationem, nequit in lineâ Entis Divini lumine naturali intelligi aliqua distinctio, sed per hoc *duntaxat*, quod creatura non sit suum Esse, sique adeò finitæ Essentiæ, habet ab Esse Dei subsistente realem distinctionem. Unde ex lumine *duntaxat* Fidei agnoscere possumus in Divinis realem distinctionem, atque adeò Hypostaticam oppositionem. At per fidem non instrumur de aliâ in Divinis oppositione nisi relativâ: unde commune inter Theologos se tenet axioma, quod nulla in Divinis sit distinctio, ubi non est relativa oppositio. Cum igitur conceptus noster Divinarum Hypostasum expressivus debeat esse regulatus per fidem Divinam, non possumus Divinas Hypostases cum veritate per nostros conceptus exprimere, nisi signando ejusmodi relativam oppositionem.

Nihilominus hi ipsi per fidem licet regulati conceptus nostri nituntur speciebus ex Formarum creatarum intelligibilitate abstractis, ac formatis. At verò creatarum Hypostasum Intelligibilitas est horum expressiva sub formalitate omnimodæ secundum ultimam individuationem incommuni-



municabilitatis ut sic à substantiâ positivè ac Formaliter excludentis cæteras subsistentias. Unde ista signata Incommunicabilitatis Intelligibilitas est ratio Motiva, sub quâ Intellectus noster per fidei lumen elevatus, in Divinis relativam Oppositionem habentibus formalitatibus cognoscit verâ Hypostaseos rationem. At in ejusmodi relativâ oppositione per intellectû expressâ non potest non esse signata unius Personæ ad alteram relatio nisi sub ipso etiam respicientiæ munere concepta. Consequens proinde est, quod ipsum etiam respicientiæ munus attingatur per conceptum Divinarum Hypostasum expressivum; ~~ut scilicet non habeat tanquam ratio motiva~~, sed tanquam objectum materiale.

#### Responsio ad fundamenta opposita.


16. **A**d Fundamentum ex Sententiâ Divi Bonaventuræ n. 2. oppositum Respondetur. Nobis cum hoc Sancto Ecclesiæ Doctore non esse pugnam de re, sed de modo duntaxat intelligendi: nam libenter damus, quod Divinæ Personæ à parte rei formaliter constuantur, ac distinguantur Originibus per ipsum Divinæ Essentiæ actualissimum Esse taliter subsistentibus, ut in suis conceptibus objectivis inseparabiliter importent relationes Hypostaticas. In quo adeo sensu Sanctus Augustinus lib. 1. de Trinit. cap. 15. ait: *Quia igitur aliud est genuisse, quam natum esse, aliudque procedere, quam genuisse, vel natum esse; manifestum est, quoniam alius est Pater, alius Filius, alius Spiritus Sanctus.* Et Sanctus Damascenus lib. 1. de fide cap. 2. Pater, inquit, Filius, & Spiritus Sanctus omnino sunt unum, excepta *generati, generationis, & processions proprietate.* Quare tota difficultas hic propolita procedit de nostro intelligendi modo, juxta quem relationes videntur Divo Bonaventuræ fundari in Originibus Notionalibus. Verum oportuisset, hunc Ecclesiæ Doctorem considerasse, nos per Discursum Intellectualem Divinarum Hypostasum rationes formales indagando ex creatæ supposititalitatis præintellectâ quidditate, sub hujus per intellectum nostrum signatâ intelligibilitate eatenus ascendere, in Divinarum Hypostasum contemplationem, ut illa creatæ Hypostasis expressiva intelligibilitas ad ejusmodi intellectualem discursum nostrum habeat se ut ratio formalis *sub quâ.* Atqui propria & definitiva creatæ Hypostasis ratio importat actualitatem substantiæ eatenus terminativam, ut in se completè individuata, & positivè indivisa habeat Formalem sui incommunicabilitatem omnis alterius à se exclusivam. Hæc autem incommunicabilitatis ratio importat formaliter respectu alterius repugnantiam vel oppositionem. At verò Relationis quâ talis est importare formaliter Oppositionem: Originis autem definitiva quidditas consistens in ratione emanationis seu tendentiæ, non tam *formaliter*, quàm *consequenter* vel *identice* seu *Materialiter*, ac *Entitative* oppositionem, vel in rebus creatis repugnantiam potius disparatam importat. Quare ratio Originis per Intellectualem à specie creatæ actionis abstractionem elevata ad Processiones Divinas intelligendas non tam Formaliter, quàm Entitative ac Identice ex parte objecti *Materialis*, non autem *Formalis* explicat Formalitatem Personalitatis ac Hypostasis.

Ad Argumentum ex parte Alarcon n. 3. oppositum Respondetur. Omnem in argumento propositam difficultatem disparere, si vel unice attendatur Intelligibilitatis Formalitas *sub quâ* ad Divinas tum relationes, tum origines intelligendas mens nostra se explicat. Nam quia intelligibilitates, sub quibus tanquam speculis ænigmaticis res Divinæ elucet nostro Intellectui, formantur ex speciebus seu formis creatis, idcirco sicut alia species intelligibilis est actionis creatæ, alia verò relationis, alia denique personalitatis: sic per rationis nostræ depurationem abstractionem ascendendo ad relationum ac Originum, atque Formalitatum Divinarum contemplationem, ex fidei quidem supernaturali elevatione invenimus realem Formalem rationum istarum in Divinis identitatem, ut alia tamen Intellectio ex actionis, alia verò ex relationis Intelligibilitate moveatur. Est autem harum intellectionum differentia superius exposita, quod per priorem *Materialiter*, per posteriorem autem *Formaliter* explicetur Oppositio relationis propria, habens eo ipso Formalitatem & rationem Hypostasis, quod importet incommunicabilitatem Hæccentatis substantialis propriam. Quare relativa oppositio per Formæ Hypostaticæ creatæ intelligibilitatē signata eatenus exponit in suo objecto materiali munus respicientiæ seu relationis, ut ex parte tamē objecti sui Formæ sit expressiva hæccentatis, seu incommunicabilitatis per relativam oppositionem aliorum exclusivæ. Etsi proinde relatio v. g. Paternitatis sub isto respicientiæ munere seu Formalitate per Intelligibilitatem ex relatione creatâ abstractam repræsentata intelligi possit fundata super generationem, attramen si per intelligibilitatem ex creatâ supposititalitate abstractam sub ratione Formæ Hypostaticæ repræsentetur, munere respicienti se habente solum *Materialiter*, tunc generatio non tam intelligitur ut Fundamentum illius, quàm ut Origgo ex illâ emanans. Consequens proinde est, relationem Paternitatis Divinæ secundum ipsum etiam respicientiæ munus, non autem secundum rationem Originis ut objectum materiale *signatè* intelligi per Divinæ primæ Hypostasis conceptum Formalem. At verò istud in Paternitate Divinâ respicientiæ munus eo ipso formatur ex intelligibili relationis prædicamentalis, non autem Transcendentalis specie, tum quod illa respicientia sit secundum Esse, non autem instar Transcendentalis relationis tantummodò sit secundum dici; tum quod non merè disparatam causæ cum Causato repugnantiam instar Transcendentalis, sed strictam instar Prædicamentalis relationis Principij cum principiato oppositionem importet. Constat igitur, Hypostaticam primæ personæ Formalitatem, quâ signatè conceptam, non quidem ex parte *objecti Formalis*, sed ex parte *objecti Materialis* importare relationem ex prædicamentalis relationis Intelligibilitate abstractam, Naturæ Divinæ in ratione Principij *Quod Formalis* terminativam, quæ hoc ipso Paternitatis rationem induat, quod ipsam Naturam Divinam quâ Principium *Quo Formaliter* involvat.

Ad argumenta, quæ ex parte Gonetij, ac liquorum auctorum an. 4. allegatorum sunt adducta, Respondetur. Eâ omnimodè nobis probari jux-



et juxta sensus in præcedentibus expositos, ut aded verum sit 1. Relationes Divinas per Intelligibilitatem ex formâ creatæ relationis abstractam sub formali respicientiæ munere concipi Posteriores Originibus. 2. Has origines sub intelligibilitate ex actionibus creatis formatâ intellectas præsuppositivè juxta nostrum considerandi modum, ex parte autem rei Formaliter esse constitutivas Divinarum Personarum. 3. Relationes sub ipso etiam respicientiæ munere, adeoque quâ exercitas ad nostrum Divinarum Hypostasum signatè expressivum conceptum se habere ex parte objecti Materialis, non autem Formalis. 4. Sub objecto Formali respondente Primario Personalitatum Divinarum conceptui stare Formaliter Esse relationum sub ratione incommunicabilitatis & oppositionis aliarum Personarum, exclusivæ.



### ARTICULUS III.

*Quibus nominibus, & quâ loquendi formulâ utendum sit circa Trinitatis Mystrium?*

1. **Q**uia Nomina & Voces sunt conceptuum nostrorum effigiatæ quædam imagines, non minor cautela est necessaria in loquendo, quàm intelligendo Trinitatis Mystrium. Ea verò circumspectio Mystrium istud intelligere volentibus est adhibenda, ne dum per ænigmaticum ex formarum duntaxat creatarum intelligibilitate Formatum speculum in sublime illud Deitatis arcanum ascendunt, intra Principia Naturæ luminosa se contineant, sed ista per fidei supernaturalis elevationem transcendendo, captivent suos intellectus in fidei ejusdem obsequium, soli revelationis Divinæ Veritati adherentes.

2. Quæ proinde causa & ratio est, cur non veritates duntaxat, sed certæ etiam loquendi formulæ de hoc Mystrio à Sacris Concilijs ac Patribus ac Theologis Orthodoxis magnâ ex parte sint definitæ ac præscriptæ, ut aded Philosophis quidem liberum sit, quibus voluerint uti verbis; Theologis verò Divo Augustino teste, dum agunt de Trinitate, ad certum regulam loqui per necessarium sit, dum præsertim secundum Divum Hieronymum à Sancto Thomâ 1. p. q. 31. a. 2. citatum ex verbis circa istam veritatem inordinate prolatis faciliè incurratur hæresis.

3. Hinc ut certam ejusmodi loquendi formulam præfigamus, tres hic ponemus Controversias. In 1. ad reliquas sternerente viam quaesituri, *Quale quoad abstracta & concreta in Divinis nomina su discrimen?* In 2. *Qualiter nomina circa Trinitatis Mystrium fini formanda?* In 3. *Qualiter formanda fini propositiones circa hoc Mystrium?*

✠ (IHS.) ✠

### CONTROVERSIA I.

*Quale quoad abstracta & concreta in Divinis nomina su discrimen?*

**P**ræpositivus à Divo Thomâ 1. p. q. 32. a. 2. relatus negavit, aliquid in Divinis esse discrimen inter concretum & abstractum. Probari potest, quia Esse subsistens Essentialiter involvitur in omni Formalitate Divinâ quantumvis abstractâ. Atqui Formalitas, quatenus importat subsistentiam, eo ipso habet rationem concreti. Ergo omnis Divina Formalitas, quantumvis nomine abstracto significetur, habet rationem concreti. Major Probatum. Quia nulla Formalitas est intelligibilis, nisi sub ratione Entis, ratio autem Divini dicit puram actualitatem omnimodæ potentialitatis exclusivam. Eo ipso igitur, quod Formalitas aliqua intelligatur intra rationem ac lineam Divinæ dicit puram in ratione Entitatis actualitatem. Atqui pura in ratione Entitatis actualitas omnimodæ exclusivæ potentialitatis importat Esse sub ultimâ actualitate, atque aded Hæccitate, & consequenter suppositivitate. Ergo nulla Formalitas quantumvis abstracta, dum ejusmodi abstractio non extrahit illam ex lineâ actualitatis Divinæ, intelligi potest nisi in concreto, quâ involvens Esse Essentialiter subsistens. Ergo inter abstracta & concreta in Divinis nulla est distinctio.

Aureolus apud Cajetanum 1. p. q. 29. a. 2. existimavit: Distinctionem abstracti & concreti aliquam ex parte rei significatæ, & non solum ex parte modi significandi diversitatem inducere. Fundamentum est. Si enim ex parte modi significandi solum distinguerentur, quidquid verificatur de uno, verificaretur etiam de alio. At licet sit verum, quod tam *Pater*, quàm *Filius* spirat; est tamen falsum; quod *Paternitas* ac *Filiatio* spirat. Sicuti verum etiam est, quod *Pater* su *Spirator*; cum falsum tamen sit; quod *Paternitas* su *spiratio* activa. Ergo quia propositiones ex Divinis nominibus in concreto formatæ verificantur, quæ tamen falsæ sunt, si prædicationes formentur sub terminis abstractis, consequens est, nominibus concretis ex parte ipsius rei significari aliquid aliud, quàm nominibus abstractis.

Ioannes à Sancto Thoma cit. q. 29. disp. 14. a. 4. a. n. 2. negat, abstracti & concreti distinctionem in Divinis inducere ex parte rei significatæ aliquam diversitatem, sed tantum ex parte modi significandi. Fundamentum est. Quia forma ita est per se ac in se existens, quod ut reddatur concreta & ut *Quod*, non indiget aliquo à se distincto, sed se ipsâ, immediate est *Quo*, & *Quod*: est enim in se omnino perfecta, & in actu puro secundum Esse, & secundum modum suum. Ergo ut significetur in abstracto, & in concreto, ut *Quo*, & ut *Quod*; non indiget diversitate aliqua ex parte rei significatæ, sed eadem omnino res in se & in sua lineâ, utrumque ob suam perfectissimam rationem includens nostro modo concipiendi, & significandi præcisè dividitur, & diverso modo concipitur in abstracto & in concreto.

Cor.



## CONCLUSIO.

**A**bstracta non ex parte rei significatæ, sed ex parte modi duntaxat significandi in Divinis distinguuntur à concretis, nisi abstractio Formalitatis alicujus respectu sui concreti importet inadæquatam objectivam præcisionem.

7. Explicatur & Probat. Nam *ly Deus Sapiens* nihil aliud importat, quàm Esse subsistens, in quo per realem Formalem purissimæ actualitatis identitatem sit sapientia. At eo ipso, quod nulla Forma intra Divine Formalitatis lineam sit intelligibilis, nisi sub ratione actus Puri formaliter involvens *Esse subsistens*, sequitur, per *Id Sapientia Divina* exprimi eo ipso Sapientiam in purissimo Esse subsistentem. Ergo idem ex parte objecti importatur tum per abstractum Sapientiae Divine nomen, tum per concretum *Id Deus Sapiens*.

8. Dices. Ex hoc evinci, quod abstracta in Divinis non tantum *implicitè* & *Materialiter*, seu *Connotativè*, sed etiam *explicitè* ac *Formaliter* designent Esse subsistens. Atqui Attributa & prædicata Divina eo ipso designantur nominibus concretis, quod importent actum subsistentem. Ergo ne quidem ex parte modi intelligendi debent in Divinis concreta, & abstracta distingu.

9. Contra. Nam verum quidem est, quod Esse Dei subsistens per omnem cujuscunque quantumvis abstractæ Formalitatis Divine cognitionem attingatur, alius tamen Intellectualis nostræ attingentiæ modus significatur per nomen abstractum, alius verò per nomen concretum. Probat. istud Assumptum. Nam modus Intellectualis attingentiæ est in cognitione secundum specificationem ex Formali objecti ratione, seu intelligibilitate motiva. Hæc autè per Formæ

10. v. g. Sapientiae creatæ speciem formata intelligibilitas ad Sapientiam Divinam representandam elevatur per remotionem omnis potentialitatis præcisivam. Atqui stante hæc potentialitatis præcisivâ remotione, potest Sapientia Divina concipi sub intentione aliquâ ejusdem ad suppositum Divinum comparativâ, ut tamen sub istâ intentione, seu conceptione Sapientia compareretur ad suppositum Divinum quâ Forma huic inexistens non per modum inhaesionis, unionis, seu informationis, sed per realem puræ actualitatis identitatem. Cui proinde Intellectus nostri conceptioni responderet abstractum Sapientiae nomen. Insuper Intellectus noster per intelligibilitatem ex sapientiae & suppositi creati speciebus formatam, & abstractam potest ascendere ad contemplandam Sapientiam, quâ in puræ actualitatis Esse subsistentem.

11. Ut sic autem intelligitur Sapientia sub conceptionis expressivâ Sapientiae, non tantum Formæ secundum identitatem inexistens, sed tantum actus per se subsistens. Atqui huic conceptioni responderet Concretum Sapientis nomen. Constat igitur, in Divinis dari concreti & abstracti diversitatem, non quidem ex parte rei significatæ, sed ex parte modi significandi, ac intelligendi, prout per abstractum

Sapientiae nomen importatur secunda intentio, sub quâ representatur Esse Dei subsistens tantum objectum non physice secundum informationem, sed Logice secundum Identitatem realem denominabile per Divinam Sapientiam: cum contra per concretum Sapientis nomen importetur Intellectus nostri intentio, sub quâ tam Esse Dei subsistens, quàm Sapientia Divina representatur tantum subsistens actus Sapientiae puram actualitatem Formaliter identice involvens.

12. Instabis. Verè dici, quod *Deus generet*, contra falsum esse, quod *Deitas*, seu *Essentia Divina generet*, ex *Cum Damianus, de Trinitate & Fide Catholica*. Oportere igitur, quod concretum *Id Deus* & abstractum *ly Deus*, seu *Essentia Divina* ex parte ipsius rei conceptæ importent aliquam diversitatem. Pari ergo ratione *Id Sapientia* & *ly Sapiens*, cæteraque abstracta & concreta in Divinis nomina dicere ex parte rei significatæ aliquam differentiam.

13. Contra. Nam per *ly Deus* non significatur talis à suppositivitatibus relativis abstractio seu præcisio objectiva, quin istæ in confuso ex parte objecti involvantur. Contra *ly Deitas* significat Formalitatem Naturæ, seu Essentiæ Divine objectivè præcisam à Divinis relativis Hypostasisibus. Atqui prædicatum *Generans* formaliter importat realem Principij Generativi à Principio Genito distinctionem: subiectum autem prædicationis supponit secundum naturam prædicati. Unde illud prædicatum non potest verè combinari cum terminò significante formalitatem Divinam, quâ objectivè præcisam à relativâ Hypostasi, secundum quam in Divinis stat Principium Generans quâ distinctum à Genito. Unde verum est, quod abstracta & concreta in Divinis, quatenus cum prædicato aliquo Notionali combinantur, importare possint inadæquatam Formalitatis alicujus objectivam præcisionem, possintq; ut sic non ex parte modi duntaxat significandi, sed ex parte rei significatæ habere aliquam diversitatem. At secus est, si abstractum & concretum Essentiale & absolutum sine aliquâ cum Notionali prædicato combinatione inter se comparentur. Probat. istud assumptum. Nam forma in creatis sumitur abstractè, prout consideratur præcisâ subiecto seu supposito. At licet Formalitates Divine absolutæ per objectivam præcisionem sint abstrahibiles à suppositis relativis, nequeunt tamen objectivè præcindi à substantiâ Divinâ absolutâ, sive Esse Dei subsistente. Unde tantum quoad modum significandi, non ex parte rei intellectæ ac significatæ potest inter abstracta & concreta Dei absoluta & Essentialia intervenire aliqua diversitas, prout nimirum, concretum *Id Sapiens* v. g. importat Sapientiam quâ per Esse Dei formaliter in se subsistentem: cum contra abstractum *Id Sapientia* importet formalitatem ejusmodi ex creatæ sapientiae intelligibilitate cum omnimodâ potentialitatis depuratione abstractam, atque ut sic sub aliquo Intentionali logica secundum identitatem realem denominationis ordine ordinabilem ad Dei subsistens Esse, ut adeo istud per Nomen concretum in recto, per Nomen autem abstractum importeretur in obliquo, secundum aliquam connotationem non physice alienius infot-




Personis, sed realis identitatis repræsen-

Responsio ad Argumenta ab initio  
opposita.

15. **A**D 1. ex parte Præpositivi oppositum Respondetur. Illo argumento rite probari, quod abstracta & concreta in Divinis importent diversitatem aliquam non ex parte rei conceptæ seu intellectæ, sed ex parte modi duntaxat significandi ac intelligendi. Ejusmodi verò diversum intelligendi modum esse nobis necessarium ex ipsâ Intellectus nostri non nisi dependenter à Formarum creaturarum Intelligibilitate intelligentis intrinsecâ limitatione, & coarctatione. Quam ipsam porro infirmioris nostri per fidem proportionaliter tamen elevati luminis nostri cum Intellectualis tum intelligibilis coarctationem ad hoc inservire, ut & simplicitatem Divinarum Formalitatum omnimodæ compositionis, imò & componibilitatis physicæ exclusivam sub earum abstractione significemus, & plenitudinem earundem perfectionis denotemus per nomina concreta significantia Formalitates Divinas per se ab omni Inhæssione vel informationis subiecto independentes subsistentes, per Divinum Essentialiter subsistens Esse realiter Formaliter eisdem identificatum.

16. **A**D 2. ex parte Aureoli oppositum Respondetur. Aliam esse rationem in abstractis Divinis, quatenus comparantur ad subsistentiam Dei absolutam, aliam verò esse rationem, quatenus in aliquâ præsertim propositione comparantur ad prædicatum Hypostasis seu Formalitatis Divinæ relativæ sub reali correlativæ oppositionis repræsentativum. Nam nulla Divinarum Formalitatum est ab Esse Divino subsistente eatenus abstrahibilis, ut istud ex parte sui conceptus objectivi non involvat, cum e contra detur intentionalis tum Paternitatis, tum Filiationis à spiratione activâ ex parte objecti præcisiva abstrahibilitas. Unde, consequens fit, hanc propositionem *Paternitas*, vel *Filiatio spirat*, idè falsam esse; quod *ly spirans* sit subiecti determinativum, ad rationem Principij Spirativi significandam, cujusmodi tamen significatio non est in *To Paternitas* & *To Filiatio*; eò quod per objectivam relationis Paternæ & Filiationis præcisionem in neutro istarum Formalitatum conceptu objectivo involvatur Spiratoris relatio, quam tamen ex parte conceptus objectivi important concreta Patris & Filij nomina. Constat igitur, abstractionem in Divinis nominibus respectu suorum concretorum in comparatione ad prædicata Notionalia, non autem in comparatione ad Divinum absolute subsistens Esse importare objectivam Formalitatis Divinæ præcisionem.

\*\*\*



## CONTROVERSIA II.

### Qualiter nomina circa Trinitatis Mysterium formanda sint?

**Y**Sambertus ad q. 31. disp. un. art. un. regulam universalem, ex quâ unicuique liceat formare iudicium in particulari de singulis circa hoc Mysterium loquendi Formulis; statuit hisce verbis. in explicando Myserio Sanctissime Trinitatis est solummodo utendum his vocibus, quæ significant distinctionem suppositorum, quando proferuntur vel in plurali numero, vel important aliquam pluralitatem: Est autem abstinendum ab ijs, quæ simul cum distinctione Personarum important etiam vel distinctionem naturarum, vel æqualitatem inter Personas.

Ex quâ generali Regulâ deducitur 1. qualiter voces *To Trinus*, *To triplex*, *To multiplicabilis* circa Deum proferre liceat. Etenim falsæ sunt istæ propositiones: *Deus est triplex*, *Deitas est Trina*. E contra veræ sunt istæ: *In Divinis est Triplinitas Personarum*, sive *triplex Persona*. *Unitas in Deo est Trina*, sive *Deus est Trinus*, ita partim ex Sancto Thomâ præf. q. 31. a. 1. partim ex Ysamberto citato, partim ex Francisco Arico *loc. cit. disp. 29. n. 36. ac seq.* quorum authorum hæc in re differentie non tam reales, quàm vocales apud eosdem videri possunt. Ratio primi est. Tum quia vox *Triplinitas* in rigore Grammaticali significat multitudinem cum proportionem inæqualitatis, ita ut id, quod triplex dicitur, majus sit, respectu cuius dicitur Triplex, vel innotuit Sanctus Doctor *cit. a. 1. ad 3.* At Trinitas Personarum in Divinis non est major unitate Essentiæ etiam præcisæ ab Hypostasibus personalibus; neque tres Divinæ relativæ Personalitates sunt quid perfectius, quàm unica Patris v. g. Hypostasis. Non igitur Deus Triplex dicendus est, alioquin minor esset Pater solus, quàm Pater & Filius simul, uti expressis verbis arguit Sanctus Augustinus *lib. 6. de Trinit. cap. 7.* Tum quia vox Triplex per hoc differt à voce *Trinus*, quod ista ex suâ Ethymologiâ importet trium unitatem: Triunitas enim quasi Trinitas dicta idem est ac Unitas in Trinitate, seu Trinitas in Unitate. At vox *Triplex* significat multitudinem, nullâ etiam implicite insinuatâ Essentiæ Unitate. Unde quando Deus dicitur Trinus, significatur in unitate Essentiæ Personarum distinctio, & contra verò quando Deus dicitur Triplex, Multitudo per vocem hanc significata ita cadit supra Deitatem tanquàm Formale vocis *Deus* significatum, ut consequenter tollatur Divinæ Essentiæ unitas. Tum quia per istam propositionem: *Deitas est Trina*, Trinitas importans distinctionem cadit supra Essentiam Divinam, nisi temperetur per additionem cujusdam particulæ: veluti fit in hymno Festi Corporis Christi, ubi cum Ecclesia cecinisset: *To Trina Deitas*, mox subjungit: *unusque posuimus*: per hoc enim temperamentum significatur, quod Deitas non in se ipsâ præcisè sumptâ seu ratione Essentiæ Divinæ admittat multitudinem, sed quod sit & existat in tribus Personis.

Ratio secundi est. Tum quia licet Triplicitas rigorose loquendo importet aliquam proportionem in-



nis inæqualitatem : ex usu tamen satis frequen-  
ti denotat aliquam Formarum quas terminus  
*Triplex* afficit, similitudinem ; nullâ earundem  
connotatâ inæqualitate. Juxta quam ad eod signi-  
ficationem Cyrillus *Dialog. de Trinit. lib. 3.* in  
Personis Divinis concedit Duplicitatem, & Tri-  
plicitatem. Unde Theologi passim in Deo pon-  
nunt Duplicem Processionem, triplicem Per-  
sonam, & quatruplicem relationem ; Angelico  
Doctore *q. 10. de Potent. art. 2.* asserente : *Quod Na-*  
*tura Divina possit communicari duplici Processione.* Tum  
quia si *Vox Trina* enuntietur de unitate Essentiae  
Divinae propria, non potest hanc ex formali in-  
dividuationis ratione ita extrahere, quin con-  
sequenter per illud Prædicatum insinuetur mul-  
titudine ac distinctio Hypostasum, non verò na-  
ture ac Essentiae. In quo ad eod sensu cui-  
vis Orthodoxorum facile obvio non potest non  
esse vera enuntiatio, quam ipsemet Sanctus  
Augustinus *lib. Medit. cap. 3.* pronuntiavit ; *U-*  
*na Trinitas*, inquiens, & *Trina unitas Deus*. Hinc à  
fortiori, quia per nomen *Deus* significatur Na-  
tura subsistens involvendo saltem implicite ip-  
sas etiam relativas Hypostasas, consequens est,  
cum veritate dici, quod *Deus sit Trinus*.

7. Secundò deducitur, verè dici, quod *Pater sit*  
*alius à Filio*, at falsum esse, quod *alius sit aliud à*  
*Patre & Spiritu Sancto*. ex Concil. Lateranensi sub  
Innocentio III. relato in Can. *Dammamus. de*  
*Sum. Trinit.* ubi sic habetur. Licet igitur alius  
sit Pater, alius Filius, alius Spiritus Sanctus ;  
non tamen aliud, sed id, quod est Pater, est  
Filius, & Spiritus Sanctus. ex *Joann. 15.* Ego, in-  
quit Christus, & Pater unum sumus. Ratio est.  
Nomen enim Neutrum est instar substantivi :  
Masculinum verò *ly alius* significat per modum  
adjectivi. At nomina substantiva unitatem ac  
multitudinem sumunt à Formâ, quam signifi-  
cant ; adjectiva verò à supposito, cui signifi-  
cationem applicant. Minor probatur. Nomina  
enim substantiva significant Formam per mo-  
dum substantiæ ut per se stantis : adjectiva ve-  
rò per modum accidentis ut alteri adjacentis.  
Atqui substantia sicut habet esse per se, & non  
in alio, ita unitatem & multitudinem, quæ ad  
Esse sequuntur, habet ex se sive ex formâ, quâ  
per se stante. Econtra accidens sicut non habet  
esse in se, sed in subiecto, sic unitatem & multi-  
tudinem sumit à subiecto. Ergo nomina sub-  
stantiva sumunt unitatem ab unitate Formæ  
per se stantis, adjectiva verò ex connotatione  
suppositi, cui per nomen ejusmodi significatur  
forma adiacere. Unde nomina Dei absoluta  
& Essentialia, vel Notionalia duabus Personis  
communia, si substantivè sumantur, non nisi in  
singulari verè prædicantur de Personis Divinis,  
velut dum dicitur, *Pater & Filius & Spiritus San-*  
*ctus sunt unus creator, unus Dominus, unus æternus, unus*  
*immensus, Pater & Filius sunt unus spirator, unum ad*  
*intra Principium.* Econtra verò si nomina ejus-  
modi sumantur adjectivè, non nisi pluraliter e-  
nuntiantur de Divinis Personis : velut si di-  
cantur *tres Divini, tres habentes Deitatem : tres cre-*  
*antes : tres æterni : tres immensi : Duo spirantes : Duo*  
*principiantes.* Quod proinde discrimen observâ-  
se censendus est Sanctus Athanasius in suo Sym-  
bolo dicens : *Non esse substantivè nimirum loquendo*  
*tres increatos, nec tres immensos, sed unum*  
*increatum & unum immensum : dum tamen*

ille ipse Sanctæ Ecclesiæ Doctor in eodem symbo-  
lo affirmavit : *Totas tres personas sibi esse co-*  
*æternas & coæquales.* Pari ergo ratione Pater  
dici potest alius, non tamen aliud à Filio : si-  
quidem *id aliud Essentiae, ly verò alius Hypo-*  
*stasis Essentiam Divinam habentis aietatem seu*  
*distinctionem inferat.*

Terriò deducitur : Non æquè propriè dici  
posse Filium à Patre & Spiritu Sancto diversum,  
discrepantem, differentem, vel alterum : quàm  
secundum rigorosum etiam loquendi modum  
verè dicatur Filius distinctus à Patre & Filio. ex  
Ysamberto *cinato prop. 3.* & Amico *dictâ disp. 29.*  
*n. 30.* Ratio. Nam *id distinctus* præcisè significat  
unius ab alio distinctionem, econtra verò *ly di-*  
*versus, alter, different* ex mente Sancti Thomæ *pras.*  
*q. 31. a. 2.* important diversitatem in Naturâ : ni-  
si fiat additio alicujus vocis limitantis ad Hy-  
postases seu Personas : veluti si *Pater & Filius*  
dicantur quâ Personæ proprietatibus differen-  
tes, aut diversæ : quomodo accipitur illud San-  
cti Augustini *epist. 66.* differentis in hæc verba :  
*Pater ita genuit de se alterum se, ut totus maneret*  
*in se.*

Quartò deducitur. Eatenus esse cavenda no-  
mina, quæ Personarum consortium à Divinis  
excludunt, ut consequenter vox *solus* non ni-  
si cum prædicato Essentiali Syncategorematicè  
conjuncta habeat locum in Divinis prædicatio-  
nibus. ex Divo Thomâ *pras. q. 31. a. 3.* & Y-  
samberto *proposit. 4.* & ult. item Amico *a n. 31.*  
Ratio est. Nam vox illa sumitur syncategore-  
maticè, quando in propositione ponitur  
terminus *Categorematicus* dum absolute posita  
tenet vices subiecti ac prædicati. At in primis  
*ly solus* cum veritate *Comprædicativè*, adjungitur  
termino Deus respectu prædicati Essentialis :  
Verum enim est, quod solus Deus sit immen-  
sus, & æternus : Econtra falsum est, quod *Deus sit so-*  
*lus* : In priori enim propositione *ly solus* exclu-  
dit à ratione Immenitatis supposita non Divi-  
na, sed creata duntaxat : cum econtra in po-  
steriori enuntiatione *id solus* absolute ex parte  
prædicati positum excludat plurium Divina-  
rum Personarum in una Deitatis naturâ con-  
sortium. Unde in his etiam per sacras Litteras  
asseritis enuntiationibus ; *Videte, quod Ego sum*  
*solus.* *Deuter. 32.* & *Tu qui solus es.* *Job. 14.* Par-  
ticula *solus* non nisi syncategorematicè accipienda  
est, ita quidem, ut in priori significetur alio-  
rum Deorum exclusio : in posteriori autem sin-  
gularis Dei modus existendi per se & inde-  
pendenter à quocumque alio.

Deinde *ly solus* non potest Termino Perso-  
nali respectu prædicati Essentialis etiam synca-  
tegorematicè adungi ; bene tamen respectu  
prædicati Notionalis : licenim verificatur, quod  
*solus Pater generet, solus Filius gignatur : solus Spiritus*  
*Sanctus spiretur.* Nec obstat, quod Christus  
*Matth. 11.* ita fuerit locutus : *Nemo novit Filium,*  
*nisi Pater, neque Patrem quis novit, nisi Filius ;* in hac  
enim locutione non est Spiritus Sancti à noti-  
tiâ Patris & Filii prædicato Essentiali exclusio,  
siquidem *ly Nemo.* Divo Tho. *pras. q. 31. a. 4. ad*  
*2.* teste distribuat sive supponat non pro Personâ,  
sed pro Naturâ ; atque ad eod illas duntaxat Perso-  
nas, quæ non communicant in Naturâ Divinâ,  
excludat, sicuti econtra in hac etiam enuntia-  
tione



tione, *solus Pater novit Filium*, *ly solus* distributive supponens pro Personâ excluderet personas Filii ac Spiritûs Sancti. Quibus aded deductionibus in nullam inter Orthodoxos Controversiam tractis hic suppositis; nonnulla magis dubia circa præsens punctum deinceps expendemus.

### Referuntur Sententiæ & Argumenta Opposita.

15. **P**rima proinde de modo loquendi difficultas hic est, an relativum *idem* in hac v. g. enuntiatione: *Deus genuit eundem Deum*, referat subiectum secundum identitatem Naturæ vel suppositi? Affirmat Divus Bonaventura in 1. dist. 4. a. 1. q. 1. qui proinde illam propositionem asserit falsam. Ratio est. Nam *ly Deus* ex parte subiecti supponit pro Deo quâ Generante, atque aded producente Patris Hypostasin. Atque relativum refert antecedens sub eodem modo supponendi, sub quo antecedens præcessit. Unde illius, *Deus genuit eundem Deum*, sensus redditur, quod Deus generans & genitus habeant identitatem suppositi ac Hypostasis. Hoc autem est falsum, Ergo & id, ex quo sequitur.

16. 2. Difficultas est de Particulâ *De* qualiter constitui possit cum personis respectu Naturæ Divinæ? An scilicet veræ sint istæ propositiones: *Pater est de Naturâ Divinâ: Omnes Personæ sunt de substantiâ Dei*? Affirmat Vasquez disp. 162. cap. 1. in fine. Ratio est. Quia præpositio *De* importare potest solam habitudinem Causæ Formalis. At præpositiones importantes habitudinem Causæ Formalis, seu quasi Causæ Formalis tribui possunt tam Notionalibus, quàm Essentialibus respectu quarumcumque Divinarum Perfectionum. Probatur ista Minor. Nam sub ejusmodi Particulis Causam quasi Formalem significantibus potest cum Veritate fieri unus sive Essentialis, sive Notionalis Perfectionis de alterâ enuntiatio, si quælibet Divinarum perfectionum ad alteram sibi non oppositam se habeat tanquàm Forma. At quælibet perfectio Divina sive concretè, sive abstractè sumpta propter sui illimitationem Quidditative includit reliquas perfectiones sibi non oppositas. Ergo de quâlibet enuntiari potest quælibet perfectio illi non opposita per modum formæ inclusæ in includente; nam ad hoc sufficit continentia unius in aliâ cum solâ virtuali distinctione extremorum. veluti ex Sancto Thomâ 1. p. q. 42. a. 2. ponderat Amicus disp. 29. n. 68.

### CONCLUSIO.

**H**æc Propositio: *Deus genuit eundem Deum*, in vero sensu accipi potest: istæ verò, *Pater est de Naturâ Divinâ: Omnes Personæ sunt de substantiâ Dei*; tanquàm falsæ sunt rejiciendæ.

Prior pars per Scotum in 1. dist. q. 1. ad 1. Suarezium lib. 6. de Trinit. cap. 7. & Amicum cit. disp. 29. n. 26. asserita

18. Probatur. Quia sicut in hac propositione, *Petrus genuit eundem secum hominem*, identitas non suppo-

siti, sed Naturæ, non quidem Numerica, sed specifica denotatur. Sic proinde in istâ enuntiatione: *Deus genuit eundem Deum*, non est necessarium, ut sub relativo *idem* intelligatur identitas suppositi, sed Naturæ. Posterior ex Sancto Thomâ 1. p. q. 41. a. 3. & Theologorum communi Sententiâ ab Amico citato n. 65. asserita probatur. Nam particula *De* præter Consubstantialitatem semper importat habitudinē principiati ad Principiū productivū. At eo ipso, quod nullus possit seipsum producere, præpositiones importantes habitudinem termini ad Principium productivum tribui non possunt nisi solis Personis procedentibus respectu sui Principij productivi. Esi proinde Filius verè dicatur esse de substantiâ Patris, siquidem hæc in Patre sit vera Virtus Filij Generativa: tamen falsum est, quod Pater sit de Naturâ Divinâ, cum per istam enuntiationem denotetur, naturam Divinam saltem in ratione Principij quo comparari ad Hypostasin Patris tanquàm suum Principiatum.

### Responsio ad Argumenta in initio opposita.

**A**d 1. ex parte Divi Bonaventuræ n. 15. oppositum argumentum Respondetur. Negando maiorem, quod nimirum relativum semper debeat referre antecedens sub omni adæquato modo, qui antecederet fuit enuntiatus; unde sufficit pronomen *idem* referre Dei Geniti cum Generante identitatem consubstantialitatis, non verò Hypostasis ac Personalitatis.

Ad secundum ex parte Vasquezij n. 16. oppositum argumentum Respondetur. Minorem, ejusque probationem omnino tenere, hanc enim verè dicitur, quod *Deitas sit in Paternitate. Omnipotentia in Filiatione, Pater in Filio, Spiritus Sanctus in Patre: veluti infra q. 16. art. 1. de Circum in sessione probatur*. At maiorem esse falsam, siquidem particula *De* non æquè, ac particula *in* solum Naturæ Consubstantialitatem seu perfectionis cum alterâ non oppositâ identitatem realem importet, sed habitudinem Principiati ad Principium productivum. At certum est, non omnes Personas Divinas esse Principiatis Ex seu *De substantiâ Divinâ*, sed solis Filij & Spiritûs Sanctis Hypostasibus convenit, quod Divina substantia sit earum sive formale & proximum, sive Radicale Principium. Ergo falsum est, quod *omnes Personæ Divinæ sint de substantiâ Dei*.

### CONTROVERSIA. III.

#### Qualiter formandæ sint propositiones circa Trinitatis Mysterium?

**Q**uatuor in hoc puncto assignantur Regulæ. Prima, in Sancto Thomâ pres. q. 39. a. 4. fundata est, quod Notionalia verè predicuntur de nominalibus Essentialibus concretis. Fundamentum est. Quia Concretum Essentiale v. g. Deus immensus, idem importat, atque *ly Habens Deitatem*, immensitatem; sicut *ly homo* significat suppositum habens humanitatem. Ergo *to Deus* ex vi & modo significationis suæ potest supponere pro quocumque habente Deitatem. At *Deitas* non solum



lum habetur in se, quatenus est per se existens, sed etiam habetur in Personis, quatenus terminatur per illas. At Notionalia vere prædicantur de Essentialibus, quatenus hæc supponunt pro Personis. Ergo Notionalia eatenus verificantur de Essentialibus, ut ex ipso prædicato, hoc nomen Deus v.g. trahatur seu determinetur ad supponendum pro Deo absolute, vel pro Personâ relativâ, aliquando pro unâ, aliquando pro duabus, aliquando pro omnibus. ex Sancto Thomâ. cit. 4. 4. in fine Corporis. Unde veræ sunt istæ enuntiationes: *Deus generat, Deus generatur: Hic æternus spirat: Hic immensus spiratur: Deus refertur ad Deum; Deus relativè opponitur Deo.*

2. Secunda Regula ex Amico cit. disp. 29. n. 51. petita est: quod Nulla sive Notionalis, sive Essentialis actio per Verbum exercitum significata sit prædicabilis de terminis Essentialibus, aut personalibus abstractè sumptis, nisi talis actio formaliter sit a tali Principio. Fundamentum est. Omnia verba, excepto substantivo *sum, es, est*, sunt adjectiva, & applicata subiecto reddunt sensum Formalem. Atqui actio sive Notionalis, sive Essentialis adjectivè significata in sensu formali non verificatur nisi de subiecto supponente pro formâ Divinâ se habente ad illam actionem tanquam Principium. Nulla verò Dei formalitas est actionis Notionalis Principium, nisi formaliter involvendo, vel connotando Hypostasin Personalem. Unde de illis duntaxat Essentialibus terminis verificatur actio Notionalis adjectivè significata per verbum exercitum, quando termini ejusmodi significant formam Essentialem, quatenus hæc sive *formaliter* sive *connotativè* importat Hypostasin seu Personam. At Essentialia Divina nomina in abstracto, licet significant formalitatem, quæ ex parte rei significata est Hypostasis, ex parte tamen modi significandi nullatenus supponunt pro Personâ. ex Divo Thomâ cit. q. 39. a. 5. Ergo de Essentialibus nominibus abstractè sumptis non verificantur verba exercita adjectivè significantia tum actionem Notionalem, tum Essentialem, nisi sub tali abstracto termino saltem *connotativè* significetur Principium actionis non tantum identicum, sed formale. Hinc falsæ sunt istæ: *Deus generat: Intellectus Divinus spirat: Voluntas intelligit, immensitas creat: Misericordia puni: Iustitia misereatur:* Econtra veræ sunt istæ: *Intellectus Divinus intelligit, Voluntas vult, Omnipotentia creat, Sapientia gubernat, Bonitas beneficit.*

3. Tertia Regula est. Omnis actio Notionalis Divina significata per nomen seu Verbum in actu duntaxat signato, verè enuntiatur de quacunque perfectione Divinâ sive abstractè sive concretè consideratâ. ex Amico cit. disp. 29. n. 57. Fundamentum est. Cum enim sit realis identitas omnis Divinæ formalitatis, ubi non est relativa oppositio, sequitur, veras esse quacunque propositiones, in quibus una Divina formalitas de alterâ sibi relativè non oppositâ in sensu identico enuntiatur. velut innuit Sanctus Tho. cit. q. 39. a. 6. Unde secundum ejusmodi identicum sensum verificatur Regula quinta per Joannem à Sancto Thomâ in cit. q. 39. posita: quod scilicet *abstracta Essentialia de Personis, & contra Personarum abstracta de Essentialibus tam in concreto, quam in abstracto prædicari possint.* At eo ipso quod actio Divina per nomen vel verbum in actu duntaxat signato sig-

nificata non importetur per modum adjectivi, sed per modum substantivi, sequitur, prædicationem, in quâ actio ejusmodi de aliqua Divinâ Perfectione taliter enuntiatur, non reddere sensum formalem, sed identicum; uti insinuat Sanctus Doctor cit. 4. 5. Quocirca veræ sunt istæ propositiones: *Deitas est generatio. Essentia est Relatio: Intellectus est volutio. Voluntas est generare.*

Quarta Regula: Perfectiones Divinæ, quatenus in suo conceptu involvunt secundam intentionem, non sunt de se invicem verè prædicabiles. Unde falsæ sunt istæ enuntiationes: *Attributum Sapientiæ est attributum Iustitiæ seu Misericordiæ. Notio Paternitatis est Notio spirationis. Notio Spirationis est Filiatio.* Fundamentum est. Nam Sapientiæ v.g. habet rationem attributi, prout ita sub secundâ intentione object. ve præcisi vâ Sapientiæ ab alijs Divinis formalitatibus. Unde illarum propositionum redditur sensus; formalitatem Sapientiæ, non prout est à parte rei duntaxat, sed secundum rationis nostræ ratiocinatæ objectivam præcisionem esse formalitatem Misericordiæ, Iustitiæ &c. ita ut consequenter istæ formalitates non sub diversis intentionibus, sed sub uno intellectûs nostri conceptu representarentur. Ex hoc autem tolleretur omnimoda attributorum inter se, cum respectu Essentialis Divinæ dysfunctionis rationis etiam ratiocinatæ.

Quibus adeo certioribus suppositis, ad ea, quæ aliquid in præcisi materia Controversiæ continent, descendemus.

Referuntur sententiæ Doctorum.

Circa primam igitur Regulam controversitur, an sicuti Notionalia in sensu affirmativo verè prædicantur de divinis Essentialibus Concretis nominibus: sic in sensu etiam Negativo veræ sint istæ: *Deus non generatur, Hic æternus, vel hic immensus non spiratur: Deus non refertur ad Deum: Deus relativè non opponitur Deo?*

Durandus in 1. diff. 4. q. 2. n. 13. Aureolus q. 1. 4. 2. Ocham q. 2. ad 1. Gabriel q. 1. a. 3. conc. 2. & alij. arbitrantur, esse veras, tamen propter autoritatem Patrum & periculum erroris, illis sit abstinendum. Fundamentum est. Nam ut Negativa sit vera, sufficit de uno tantum individuo eam verificari. Econtrario Amicus n. 50. rejectis illis negativis, istam: *Hic Deus non est Deus,* veram dicit, eò quod *Hic Deus* ex parte subiecti pro Patre, ex parte autem prædicati pro Filio supponat.

Circa secundam Regulam controversitur, an vera sit ista: *Paternitas generat?* Nam Ruiz disp. 80. sect. 5. n. 16. & Zuniga disp. 39. memb. 2. veram, licet propter modum significandi in abstracto impropiam asserunt. Fundamentum est. Quia actio adjectivè in concreto significata verè affirmatur de suo Principio proximo & formali. Atqui relatio Paternitatis ut sic est Principium proximum, & formale Divinæ Generationis.

Econtra Amicus n. 52. negat illam propositionem, eò quod generare non dicat solam productionem, sed cum productione importet naturæ communicationem, cujus formale Principium non est sola Paternitas præcisa à naturâ, sed totum suppositum Patris cum proprietate relativâ includens Naturam absolutam.

Circa tertiam Regulam difficultas est, an verè



veræ sint istæ. *Intellectio in Divinis est volitio: Misereri est punire?* Nam eas verificari, negat Amicus n. 17. eo quod diversæ in his actibus sint objectorum connotationes, quas illi Essentialiter includunt.

## CONCLUSIO I.

**N**on hæc duntaxat, *Deus non generatur, Hic immensus non spiratur, Deus relativè non opponitur;* sed etiam ista; *Hic Deus non est hic Deus, sunt falsæ.*

11. Probatur. Negatio enim à subjecto removet formam universaliter & omni modo, quo ipsi convenire posset. At non *hæc Deus, To hic immensus* importat Hæcceitatem Divinæ Essentiæ Essentialiter constitutivam non ad unum duntaxat Personale suppositum restrictam, sed communem tribus Personis Divinis. Unde ut verum esset, quod *Hic immensus non spiratur*, oporteret, spirationem verè negari de immenso importante Hæcceitatem Divinæ Essentiæ propriam quæ continentem realiter omnium Divinarum Personarum Hypostases: sicuti ut vera esset ista, *Hic Deus non est Deus*, deberet Hæcceitas Dei ut sic propria esse alia ab Hypostasi importatâ ex parte prædicati. Unde facile patet responsio ad opposita n. 6. & 7. adducta.

## CONCLUSIO II.

**H**æc propositio: *Paternitas generat* est simpliciter falsa.

12. Probatur. Nam prædicatum hoc adjectivè positum facit sensum formalem. Hic verò cadit

super rem, prout subest nostro conceptui. At secundum nostrum intelligendi ac significandi modum per *hæc Paternitas* non exprimitur nisi paternâ relatio: contra verò *hæc Generans* exprimit Suppositum tanquam Generationis activæ Principium *Quod*. Et proinde Paternitas Divina ex parte rei significatè importet ipsam Generationem activam, ipsamque Paternam Hypostasin ac Essentiam & Naturam Divinam, hæc tamen propositio; *Paternitas est Generans*, verificari nequit, eo ipso, quod *hæc Paternitas* ex modo nostro concipiendi non exprimat Principium *Quod* Generans. Hinc facile patet responsio ad Ruiz n. 3. oppositum argumentum, tum quia Generatio activa posita adjectivè ex parte sui materialis importat suppositum, nec adeo verificatur de Principio *Quo*: tum quia falsum est, Paternitatem esse Principium Formale Generationis Divinæ activæ.

## CONCLUSIO III.

**I**stæ. *Intellectio est volitio. Misereri est punire* veræ sunt, si *To Misereri est punire* supponant pro actibus Deo formaliter immanentibus, & Virtualiter tantum transeuntibus.

13. Probatur. Quia illæ propositiones faciunt sensum merè identicum. At licet miserationis & punitionis Divinæ quæ actuum Dei immanentium sint connotationes ad diversos effectus: illi ipsi tamen actus diversa objecta commorante, sunt realiter in Deo identificati. Ergo verè dicitur actus miserendi in Deo esse actus puniendi. Unde patet responsio ad Amicum n. 10. oppositum argumentum.








## QUÆSTIO DECIMA QUINTA

D E

## PERSONIS DIVINIS IN PARTICULARI.

1. **N**E, dum ex personæ Divinæ in communi consideratæ abstractione descendimus ad Personas Divinas in particulari contemplandas, quis arbitretur, Personam Divinam, ut sic esse aliquod universale, oportet advertere, illam abstractionem non esse secundum objectivam præcisionem, sed secundum confusum intelligendi modum. Etenim Personam Divinam licet in communi cognoscendo, attingitur eo ipso Hæcceitas & individuatio omnino completa, nec adeo sit ex parte objecti præcisio, per quam prædicatum aliquod Divinum à ratione individuante intensionaliter abstractum per differentias quasdam inferiores sit contrahibile. Sicut ergo
3. Ens in communi non est nisi secundum confusum nostrum intelligendi modum abstrahibile, ex parte objecti alioquin involvendo ipsummet etiam Divinum Ens Essentialiter ut sic importans Esse subsistentis Hæcceitatem: sic discurrendo circa Personas Divinas in communi attinguntur omnium in confuso Personales ac individuantes proprietates. Quare dum eas deinceps in particulari considerabimus, earundem proprietates sub explicationi duntaxat intelligendi ratione attingemus.



## ARTICULUS I.

## De Personis Patris &amp; Filij.

4. **U**T ea, quæ minus controversa, vel omnino certa sunt, separemus à dubijs, eo procedemus ordine, ut quæ Patrem contingunt per suppositiones aliquas, exinde quæ ex diversis Doctorum sententijs ambigua sunt per controversias aliquot, quæ demum de Filio minus habent difficultatis per Corollaria quædam exponamus,

5. Supponendum igitur 1. Latinos merito negare, quod Pater sit Causa Filij ac Spiritus Sancti, Eugenio IV. in Concil. Florent. Decret. de Proce. Spiritus Sancti declarante: Quod id, quod S. S.

Doctores & Patres dicunt ex Patre per Filium procedere Spiritum Sanctum, ad hanc intelligentiam tendat, ut per hoc significetur, Filium quoque esse secundum Græcos quædam causam, secundum Latinos verò Principium subsistentiæ Spiritus Sancti, sicut & Patrem.

Ratio istius loquendi modus à Doctore Angelico 1. p. q. 33. a. 1. ad 1. exposta est. N. mina enim quanto magis specialia sunt, tanto magis determinant modum creaturæ supereminentem. Unde quanto aliquod nomen est communius, tanto convenientius accipitur in Divinis. At Principium est communius, quàm Causa, Primus enim terminus dicitur Principium, sed non Causa. Unde Causa ex sua speciali ratione connotat in effectu diversitatem substantiæ ac dependentiam; quam non importat nomen Principij, sed istud præcisè importat unius ab altero emanationem seu Procellionem. Quando igitur Græci utuntur in Divinis nomine Causæ, non strictè, sed latè loqui censendi sunt: Bessarione Patriarchâ Constantinopolitano in Orat. ad Consil. Florent. habitâ de union. circa ult. cap. init. taliter differente: Quod S. S. Doctores Orientales in Divinis utantur nomine Causæ & Causam largo modo, non quidem ut limitationem & dependentiam importat, sed prout productionem & emanationem à Principio ejus, quod est à Principio, significat.

Supponendum 2. in sensu ab Orthodoxis usurpato, Patrem verè dici Principium seu Fontem Deitatis. ex Divin. Dionys. de Divin. nomin. cap. 2. asserente. Solum Fontem supersubstantialis Deitatis esse Patrem, adeo ut Primordialis & Fontana Deitas sit Pater, Filius verò & Spiritus Sanctus sint fecundæ Deitatis ( si fas sit dicere ) Germi-  
na Plantata Divinitus, & velut Flores, ac supersubstantialia lumina. Ratio est. Nam illius Propositionis sensus est æquivocus. Unde alius redditur ejus intellectus: quod ipsius Deitatis ut sic Principium & fons sit Pater. At iste sensus ex Concilio Lateranensis sub Innocentio III. cap. Damnamus. De Sacrosanctâ Trinitate, Divinam Essentiam Gentem vel procedentem negantis definitione tantum abest à veritate, ut ipsa potius Natura Divina tanquam formale & proximum Filij Principium sit virtualiter radix Hypostasis Paternæ tanquam activæ generationis. Unde sub alio sensu stare solummodò potest propositionis illius veritas in eo setenens: tum quod Pater sit

Fons



**Fons Deitatis** eamque subsistentis in Filio, & Spiritu sancto, ut per actionem Patris sit Deitatis ad Filium & Spiritus Sancti Hypostasos Communicatio realiter formaliter identica: tum quod, licet Pater non sit fons Deitatis in se subsistentis, hanc ipsam tamen Deitatem non habet ab alio Principio sibi communicatam, sed ex prima nullam Originem, seu processionem activam supponente Naturæ Divinæ ad Paternam Hypostasim determinatione. Quare sub hac posteriori ratione ita dicitur *Negative* fons Deitatis in se subsistentis, ut sub ratione priori etiam *Positive* vocari possit Deitatis quæ in Filio & Spiritu Sancto subsistentis Principium. Juxta quam adeo duplicem sensus prædicti rationem Sanctus Augustinus lib. 4. de Trinit. cap. 20. circa finem Patrem ita appellat Principium totius Divinitatis, ut consequenter Concilium Wormatiense in cons. fides dicat ipsum Principium totius Trinitatis. Constat igitur, in aliquo sensu subsistere veritatem illius propositionis. At ea æquivocorum est natura, ut sensuum varietas & indifferentia in ipsis determinetur ex circumstantiis tum loquentis, tum audientis. Cum igitur ipsa etiam Concilia tum Toletanum XI. in profess. fides int. tum Florentinum in Decret. de Process. Spiritus Sancti illa loquendi formulâ utantur, nullum inter Orthodoxos est periculum, quod minus illa propositio etiam absolute prolata in legitimo & Catholico sensu accipienda sit.

Supponendum 3. Etsi non Pater duntaxat respectu Filii, sed etiam Filius dici possit author Spiritus Sancti, Sancto Hilario lib. 1. de Trinit. attestante: quod Spiritus Sanctus de Patre & Filio authoribus confitendus sit. Nihilominus duas in hoc adhibendas esse cautelas. Tum quod Sanctus Thomas in 1. dist. 29. q. 1. a. 1. dicat, Nomen authoris supra rationem Principij addere negationem passivæ ab alio Originis: juxta quem sensum est indubitatum, authoris nomen non convenire Filio, tum quod Arriani nomen authoris Patri attribuerint, aliquam hujus respectu Filii Majoritatem designando. Unde Sanctus Augustinus contra Maximian. cap. 14. ait: Si propterea Deum Patrem de Filio dicis Auctorem, quia ille genuit, genus est iste, quia iste de illo est, non ille de isto, Estor & concedo: si autem per nomen authoris minorem vis facere Filium, Patremque Majorem, nec eiusdem Substantia Filium, cujus est Pater, detestabor & respuam.

### CONTROVERSIA I.

*An Verbum per se procedat ex cognitione non solius Essentia, sed omnium Divinarum Personarum?*

1. Iohannes à Sancto Thomâ præf. disp. 15. a. 2. n. 1. & 2. hujus Controversiæ statum eleganter explicans advertit primò, ea, quæ intrinsecè ac Essentialiter, quantum ad quidditatem, & conceptum Essentialem sive identicè sive formaliter conveniunt, dici in primo modo per se convenire. 2. Ea, quæ sub formali ad operationem conducente ratione, & non identicè tantum conveniunt, dici in Quarto modo per se convenire. v.g. Homini dicuntur intrinsecè ac Essentialiter competere esse animam & corpus, tamen si formalitates illæ non

sint formales Discursivæ Virtutis rationes. Hinc 3. inter Primum & Quartum per se dicendi modum esse discrimen, quod in Perseitate primi modi forma prædicetur de suo formaliter & quidditative per ipsam constituto: in Perseitate autem quarti modi forma quæ operativa comparatur ad suum effectum tanquam formalis faciendi ratio & Principium per se conducat ad effectum, non autem tanquam formalitas, quæ Principio quidem intrinsecè sit, sed in ordine ad effectum solum concomitanter seu identicè in tali Principio se habeat: sicuti ignis ut calefaciat, debet quidem esse substantia, & Corpus, ac Elementum ignitivum, ita ut omnia hæc prædicata intrinsecè ac essentialiter ei conveniant, nec tamen Corporeitate, vel substantialitate calefacit, sed vi calefactiva, cujus radix licet sit substantia ignis Essentialiter importans corpus, non tamen ista corporeitatis ratio concurret in quarto modo per se ad calefaciendum.

Hinc 4. Facile elucere præsentis difficultatis punctum. Etenim cum Verbi Divini processio sit Divina per Intellectum Generatio substantialis, sequi, illam cognitionem quæ procedit, & Formam, quæ Intellectus Paternus ad exprimendum & producendum Verbum fecundatur, esse infinitam, atque adeo ex sua Infinitate non solum Essentiæ, & attributorum ac Personarum Divinarum, sed etiam creaturarum comprehensivam, ita ut tota hæc Comprehensionis ratio conveniat ipsi Essentialiter in primo Modo Dicendi per se.

Unde 5. Quæstionis præsentis statum in eo situm esse, An ista forma seu species, quæ fecundatur Intellectus Divinus ad generandum, & ista cognitio, quæ exprimitur Verbum, ad hoc producendum formaliter formalitate Quarti modi per se concurrat secundum omnia illa objecta, etiam secundum quod attingit Personas & creaturas? vel econtra, an per se formaliter in quarto modo solum concurrat cognitio aliquæ Personæ ac ipsius Essentiæ: reliqua verò ibi reperta concomitanter se habeant, non formaliter in Perseitate producendi Verbum.

### Referuntur Sententiæ Doctorum.

PRIMA sententia est Scoti fassus exposita per Radam cont. 11. a. 1. in explanat. sub. Doctoris, scilicet quod Verbum Divinum non producat de cognitione Essentiæ nec ut Principio quo, nec ut Productione, sed immediatè à memoria fecundæ Patris per actum dicendi, cognitione aliquâ non concurrente, licet cognitio Essentiæ Divinæ præsupponatur. Fundamentum à Radâ citato deductum est. Nam Verbum Divinum producit per memoriam fecundam Patris. Atqui ad hanc nullius rei cognitio spectat, sed intellectus & Divina Essentia in ratione objecti infinitè intelligibilis. Sicut ergo in nobis intellectio actualis, quæ Verbum est, immediatè gignitur ab intellectu ut informato specie intelligibili. Sic verbum Divinum gignitur immediatè ab intellectu & Essentiâ in ratione objecti non intellecti, sed intelligibilis. Quare ad productionem Verbi Divini non prærequiritur actualis intellectio, etsi verum sit, quod ex naturâ Potentiæ Intellectualis omnino perfectæ præsupponatur ei.

Secunda ad mentem subtilis Doctoris à Radâ cit. cont. 11. a. 2. tenet, 4. affecta sententia est: quod



quodd Intuitiva Divinarum Personarum ad proprias earum subsistentias terminata cognitio non præsupponatur ad Verbi productionem: nec consequenter nascatur ex earum intuitivâ cognitione: Cui conformiter Doctor subtilis *int. dist. 32. q. 2. n. 14.* ait, Spiritum Sanctum ex vi præductionis suæ esse quidem primò amorem Essentiæ, non posse tamen nisi concomitanter dici amorem Filij. Fundamentum est, Si enim cognitio intuitiva ad Personas in seipsis terminata præsupponitur Verbi Productioni, sequitur, ipsas etiam Personas in se ac secundum proprias subsistentias præsupponi eidem productioni. At per se manifestum est: Personas Divinas in seipsis non præsupponi Verbi productioni. Ergo nec earum cognitio intuitiva. Probat per sequela majoris. Quia objectum est naturâ prius cognitione intuitiva, siquidem ista formetur ex objecto tanquam Principio. Unde si Filius procederet ex cognitione intuitivâ Divinarum Personarum, oporteret, istas in seipsis spectatas, atque ad ipsi Verbi ac Spiritus Sancti Hypostasi præsupponi ad processionem Filij tanquam ejus Principium. At istud consequens est falsum. Ergo & id, ex quo sequitur.

8. Tertia Sententia est Vasquezij *præ. disp. 142. cap. 4.* Alarcon. *hic disp. 8. cap. 8.* & aliorum existimantium: Verbum per se in quarto modo Perseitatis procedere ex cognitione Essentiæ divinæ, attributorum, ac Personæ Patris & Filij, non autem Spiritus Sancti. Fundamentum est. Generatio Divina habet rationem actionis perfectissimo modo assimilativæ. At tota actionis assimilativæ ratio per se ac formaliter se tenet inter Principiū assimilativum & terminum assimilatum. Unde oportet, id solum requiri per se ad Processionem, & generationem Verbi, quod ex parte Principij se habet ut ratio & Principium assimilativum, ex parte autem termini ut assimilatum. Atqui in Generatione Divinâ Principium assimilativum *ut Quo est Essentia, ut Quod est Pater:* terminus autem assimilatus *ut Quod est Verbum, ut Quo est Natura Filii* communicata, siquidem Verbum procedens ex notitiâ Patris solum assimilatur ipsi Patri, ejusque Naturæ, non verò Spiritui Sancto. Cum igitur cognitio Spiritus Sancti in generatione Filij neque se habeat ut Principium assimilativum, neque ut terminus assimilatus, consequens est, cognitionem Spiritus Sancti non concurrere per se in quarto modo ad productionem Filij.

10. Quarta sententia asserens, Verbum Divinum procedere per se formaliter ex cognitione Divinæ Essentiæ, omniumque Personarum, est Divi Thomæ *præ. q. 34. a. 1. ad 3.* Cajetani *ibidem* & *a. 3. Bannus eod. art. 3.* Nazarij *ibi cont. 1.* Valent. *1. p. disp. 2. de Trinit. q. 8. punc. 2.* Suarezij *lib. 9. de Trinit. c. 4. & 6.* Ysamberti Sorbonici *ad ent. q. 34. disp. 2. a. 1.* Amici *disp. 26. sect. 3. n. 87.* Mæratij *disp. 50. de Deo. sect. 1. assert. 2.* Arriagæ *disp. 52. sect. 4. subsect. 1. concl. 2.* Andreae Laos in *id. eam q. 34. dub. 1.* Ioannis à Sancto Thomâ *disp. 15. n. 2. concl. 1. & 2.* Ioannis Baptistæ Gonet *10. 5. disp. 9. a. 2. §. 2. 3. & 4.* plurium aliorum.

#### CONCLUSIO.

**E**X eo, quod omnis formalitatis DEO inexistens, sit una simplicissima e-

tiam Virtualiter indivisibilis Intelligibilitas, sequitur, Verbum Divinum in quarto modo Perseitatis procedere formaliter ex cognitione non tantum Essentiæ, sed omnium Divinarum Personarum.

Probat per. In Principio per se assimilativo oportet illam rationem per se in quarto modo conducere ad constituendum Principium Productivum, quæ per se formaliter relucet in termino producto. Atqui Intellectio Divina quæ omnis formalitatis Deo inexistens expressiva per propriam Characteristicam Verbi Divini rationem relucet. Minor ista Probat per. Nam Verbi Mentalis proprium est, tum ut dicatur ab Intellectu, tum ut per ipsam dicatur res intellecta. ex S. Tho. *cit. q. 34. a. 1. ad 3.* At sicut in intellectu hominis verbo, quod concipit, lapidem dicit; Sic tota Trinitas dicitur Verbo, quod Pater concipit intelligendo se & Filium, & Spiritum Sanctum, & omnia, quæ ejus scientiâ continentur, ex præallegato Sancto Doctore. Consequens igitur est, Verbo Divino per Dei Patris Intellectum dicto & concepto ut sic convenire ex propria sua ratione, quod tota Trinitas dicatur per tale Verbum. Atqui res dicitur verbo, quatenus per illud intelligitur. ex Divo Thomâ *cit. cit. cit.* Nequit autem res verbo esse intellecta, nisi quatenus verbum importat Intellectionem, ut per se dicta expressivam. Ergo in Verbo Divino ut si per propriam ejus Characteristicam rationem relucet formaliter Intellectio Divina totius Trinitatis expressiva. Ergo ista in Patre tanquam Principio Filij secum assimilativo est Principium Quo productionis Verbi.

Dices. Ex Francisco de Lugo *lib. 2. de Deo. c. 3. concl. 1.* in Verbi Divini productione distinguere debet rationem generationis quæ Essentialis, & quæ adæquata. Et enim Essentiali generatione inspectâ, Verbum Divinum Essentialiter ex solâ Divinæ Essentiæ cognitione procedere, licet adæquata; & quasi integrali Processione, perfectioneque Verbi Divini perpenâ, procedat etiam formaliter ex cognitione omnium attributorum & Personalitatum: Divo Augustino *15. de Trinitate cap. 14.* taliter differente. *Pater genuit Verbum sibi æquale per omnia. Non enim se ipsum integrè perfectèque dixisset, si aliquid minus, aut amplius esset in ejus Verbo, quam in ipso.*

Contra. Nam Hypostasis secundæ Personæ Trinitatis habet rationem Verbi, prout ex vi realis Dictionis habet sibi communicatam Intelligibilitatem Essentiæ Divinæ, omnisque in eâ representatæ Veritatis actualissimè expressivam. Atqui ratio Intelligibilitatis fundatur in ratione Essendi. Unde quæ in attributis & Personis Divinis non alia est Essendi ratio, quàm Essentiæ divinæ, sequitur, nec aliam etiam Virtualiter distinctam Intelligibilitatis rationem ipsi convenire, quàm Essentiæ Divinæ ut sic propriam. Hæc autem Essentiæ Divinæ Intelligibilitas ita est per se ipsam actuata, ut suum Esse sit suum intelligere. Atqui hoc Essentiæ Divinæ proprium Esse ex sua formalitatis actualitatis ratione carens involvit individuationem, ut consequenter non possit per rationem etiam nostram ratiocinatam intelligi, quod alia Intelligibilitas sit in Essentiâ, quàm in attributis, seu Personis Divinis, & alia in unâ Hypostasi, quàm in alterâ. Ergo



15. Ergo nec ratio Verbi in Divinis quā formalitatem Deo intrinsecarum sub actualissimā Intelligibilitate expressiva potest cum Fundamento in se per rationem nostram ratiocinatam eatenus dividi, ut formemus in Deo plura quasi partialia Verba, quorum unum ad solam Existentiam, alterum ad Essentiam & attributa, alterum denique ad Hypostasem terminari concipiatur: sed oportet, Verbum Divinum sub eadem per rationem etiam nostram indivisibili Intelligibilitate esse indivisibiliter expressivum Divinae per idem subsistens Esse individuatæ formalitatis.

15. Confirmatur ex Sancto Augustino *cit. cap. 14.* Nam quia *Nosse, & Esse in Deo unum est, ideo Nosse in Deo est de Patre, sicut Esse.* Ex hoc autem inferitur, quod *Pater tanquam se ipsum dicens genuerit Verbum sibi per omnia æquale.* Unde sequitur etiam, quod *Pater se ipsum ita perfecte & integrè dixerit, ut nec minus, nec amplius sit in Verbo, quam in ipso.* Constat igitur, integritatem ac perfectionem huius Dictionis reduci debere in illud Principium, quod *Nosse* eatenus sit *Esse* in Deo, ut sicut *Nosse*, sic *Esse* in Filio sit à Patre. Atqui non est aliud etiam Virtualiter distinctum, seu per rationem nostram ratiocinatam divisibile Esse Personarum & attributorum, quam ipsiusmet Divinae Essentiae. Ergo integritas illius Dictionis non est secundum aliquam rationis etiam ratiocinatæ divisibilitatem, sed secundum unius simplicissimi *Nosse* representationem omnium Divinarum Formalitatum sub eadem Essentia Divinae Intelligibilitate expressivam.

16. Replicabis. Ex hoc discursu inferri, quod omnis formalitatis Divinae Intelligibilitas sub actualissimæ intellectionis expressione communicetur Verbo Divino formaliter ex vi Dictionis, seu Processionis suæ. At hoc admissio, consequens esse, quod sicut Intelligibilitas, sic ipsa ratio Quidditativa Amoris, Omnipotentiae, & quarumvis Divinarum formalitatum Verbo Divino communicetur formaliter ex vi Dictionis seu Processionis suæ.

17. Contra. Nam Intelligibilitas ut sic est secundum Esse. Ergo ex eo, quod omnis formalitatis Divinae Intelligibilitas ex vi Dictionis formaliter in quarto modo Perfectionis communicetur Verbo Divino, solum inferitur, omnis Divinae formalitatis Esse qua in seipso actualissime expressum, atque ut sic omnis Veritatis expressivum ex vi Dictionis formaliter communicari Verbo Divino. Atqui ista omnis Divinae formalitatis sub unā simplicissimā Intelligibilitate expressio eatenus habet rationem Naturæ Divinae, ut formalissime importet Esse subsistens tanquam Essentiam Divinam. Etsi proinde Verbum Divinum in quarto modo Perfectionis ex vi suæ Processionis formaliter procedat à Patre in similitudinem & identitatem Naturæ ac Intelligibilitatis omnimodæ, nec non Essentiae in omni formalitate Divina formalissime inclusæ, quoad Essentialitatis ac Existentiæ rationem unice etiam Virtualiter indistinctæ. Nihilominus

18. quia hæc ipsa Essentia Divina, ejusque adeo Intelligibilitas est virtualiter distincta a Formalitatibus tum attributibus, tum Hypostaticis, adhuc verificatur, Verbum Divinum procedere quidem in unitatem attributorum ex natura formalem, non tamen formaliter ex vi Pro-

cessionis suæ in quarto perfectionis modo, imò omnino non procedere in identitatem Paternæ Hypostasis, Pater proinde, Divinas attributales ac Hypostaticas Formalitates ita se habere ad sui Intelligibilitatem ac Essentiam, ut hæc quidem sint considerabiles sine Formalitate Personalitatis seu attributi, non illæ contra sint intelligibiles sine ratione Essentiæ, cuiusque intelligibilitatis formalissime importatæ ratione, ut adeo ex hoc fundamento stare possit, quod Verbum Divinum Identice, non autem Formaliter ex vi Processionis suæ in quarto Perfectionis modo, procedat in similitudinem auctoris, Omnipotentiae, aliorumque Divinorum attributorum, tamen si ejusdem Dictionis in quarto modo per se tendat in horum Intelligibilitatis ac Essentiæ Formalissimam communicationem.

19. Confirmatur. Nam Verbum Divinum formalissime procedit ut imago Dei, juxta illud *Coloss. 1. Qui est imago Dei invisibilis.* At imago importat similitudinem sui Exemplaris ut sic representativam: similitudo autem intelligibiliter representativa importat actualitatem Intelligibilitatis. In quantum igitur Verbum Divinum est similitudo & imago Dei, in tantum habet Divinarum Formalitatum representativam in se formaliter expressam Intelligibilitatem. At *hæc Deus* simpliciter positum importat omnes perfectiones seu Formalitates Deo intrinsecas, ut consequenter Filius quā Imago Dei sit *Splendor Gloriæ* ex omnibus Divinis etiam attributibus & Hypostaticis Formalitatibus refulcentis, sitque adeo *Figura Substantiæ Patris.* ad *Hebr.* prout ista Substantia importat primam Hypostasi Patris suppositam substantiam, veluti clarè habet Græca versio, ubi loco *Figura Substantiæ* ponitur *Character Hypostasis Patris.* Ergo Verbum Divinum à Patre procedens quā Imago Dei ita est Formaliter similitudo Intelligibiliter expressiva omnimodæ, sive attributalis sive Personalis Divinae Formalitatis, ut consequenter harum omnium Intelligibilitatem ex vi suæ Processionis in quarto perfectionis modo habeat in se expressam, sibi quæ à Patre communicatam, tamen si illas ipsas Formalitates, si attributales sint, solum identice, si verò sint Correlativæ, nullatenus habeat sibi identificatas.

#### Responsio ad Opposita Argumenta.

20. AD Primæ Sententiæ ex Radā oppositum Argumentum Respondetur. In eo non tam probari, quàm falsò supponi, quod Intellectus Divinus ad producendum Filium secundari dicatur per Essentiam Divinam non quā Intellectam, sed quā intelligibilem. Nam quia omne productivum perfecte univocum tendit ad sui assimilationem, oportet, Principium quo in Patre esse, in quo Filius ex vi suæ Processionis Formaliter assimilatur Patri. At Sanctus Augustinus *tract. 29. in Iohannem* illa Christi verba, *Mea doctrina non est mea, sed ejus, qui misit me;* expendens: Doctrinam Patris, ait, esse Verbum Patris, ut adeo Christus se ipsum verè dixerit, & suam doctrinam, cum ipse sit Verbum Patris; & non suam, quod Patris sit Verbum. Illud ergo, in quo Verbum Divinum Formaliter quā Verbum



bum assimilatur seu identificatur cum Patre, est Doctrina & sua & Patris. Atqui Doctrina in Deo dicitur actualem cognitionem, & non speciem duntaxat intelligibilem Virtualiter vel Formaliter ex natura rei priorem Intellectione actuali. Consequens igitur est, quod Essentia Divina cognitio actualis, non autem species duntaxat intelligibilis tanquam Principium Quo præsupponatur ad Verbi Divini Generationem.

21. Ad secundæ sententiæ argumentum oppositum, negatæ sequelæ Majoris, Respondetur ad ejus probationem; quod propositio: *Objectum cognitionis intuitivæ secundam prioritatem Naturæ prius alioque cognitionis ejusmodi Principium* asserens, multas patiatur difficultates: Tum quia Essentia Divina habens in ratione intelligibilis actualitatem purissimam est Formaliter sui Intellectus actuata & specificata per ipsummet Essentiæ Divinæ proprium subsistens Esse. At hæc ipsa Essentiæ Divinæ Intelligibilitas est sola & unica in omni formalitate Divinâ. Ergo cujuslibet Formalitatis Divinæ cognitio eatenus est actuata & specificata per purissimam ipsiusmet Esse subsistentis intelligibilitatem, ut consequenter sit intuitiva, nec tamen objectum suum etiam Motivum ac specificativum naturâ prius supponat. Tum quia cognitio Divina creaturarum quâ existentium intuitivè representativa est Causalitas exercitiæ earundem existentia productrix. At hujus intuitivæ creaturarum in Deo cognitionis objectum Motivum est Decretum Dei in Esse Divino subsistens ut sic Formaliter Identice specificativum illius intuitivæ cognitionis: objectum vero Terminativum sunt ipsæ creaturæ se habentes ad illam Divinam Intellectionem tanquam effectus. Falsum igitur est, in Divinis, quod objectum sive Formale & Motivum, sive Materiale ac purè Terminativum sit naturâ prius Divinâ Intuitivâ Intellectione.

22. Ad tertiæ Vasquezij Sententiæ argumentum Respondetur. Eo ipso, quod Generatio Divina per modum actionis intelligibilis sit modo perfectissimo assimilativa, oportere, ex vi talis Generationis in Verbo Divino expressam esse omnimodam Divinæ Essentiæ Intelligibilitatem per ipsum Esse Dei subsistens Formalissimè actuatam, & specificatam. Cum igitur omnis Formalitatis Divinæ eatenus sit unica etiam Virtualiter indistincta tum Essentiæ, tum Intelligibilitas in se actualissimè expressa & actuata, consequens est; Intelligibilitatem Hypostasis Spiritus Sancti actualissimè in se expressam ex vi Generationis Divinæ esse Formalissimè communicatam Verbo Divino. Ergo istud per se in quarto modo procedit ex Divinarum etiam Personarum, atque adeo Spiritus Sancti cognitione.

~~CONCLUSIO I.~~

## CONTRVERSIA II.

*An Verbum Divinum in quarto perfectitatis modo procedat etiam ex cognitione creaturarum?*

1. Tres hæc de re sunt Doctorum sententiæ. Prima simpliciter negans, Verbum Divi-

num per se procedere ex Divinâ creaturarum cognitione, est Scoti in 2. dist. 1. q. 1. & in quodl. q. 14. ejusque Discipulorum, nominatum Radæ cit. cont. 11. art. 2. Ocham in 1. disp. 27. q. 3. infine, Vasquez disp. 43. cap. 3. Arubal disp. 12. cap. 5. Alarcon tract. 5. disp. 7. cap. 2. & 9. Turriani disp. 28. dub. 3. & aliorum. Fundamentum est. Si enim Verbum per se procederet ex cognitione creaturarum; sequeretur, illud originari ex creaturis. Hoc autem posito, rursus sequeretur, Verbum Divinum non habere majorem necessitatem Essendi, quam creaturas posibles, siquidem totum Esse termini producti pendear ex principio sui productivo, nec adeo possit ille excedere hujus modum Essendi. At hoc est absurdum. Ergo & id, ex quo sequitur.

Secunda Sententia simpliciter affirmans: Verbum Divinum per se procedere ex creaturarum etiam existentium cognitione; est Valentia 1. p. q. 34. punct. 2. Zunigæ disp. 9. dub. 7. Ruiz disp. 63. sect. 4. Arriagæ in sect. 4. subsect. 3. & aliorum. Fundamentum ab Arriaga citato deductum est. Quia si semel dicimus, scientiam aliquam Dei esse secundam propter suam infinitatem ad produendum Verbum substantiale, etiam idem debemus dicere de Scientiâ liberâ, cum hæc sit infinite etiam perfecta.

Tertia Media Sententia docens, Verbum Divinum procedere ex cognitione creaturarum quâ possibilem, non verò Futuram, vel existentium; est Caletani in cit. q. 34. 4. 3. Bannis cod. art. ad. 3. Molinae ibidem. Suarezij lib. 9. de Trinit. cap. 6. & Amici cit. disp. 26. sect. 4. & 5. Ylamberti ad dictam q. 34. disp. 2. a. 3. & 5. Andree Lao disp. 191. n. 1001. & 1002. Francisci de Lugo cit. disp. 15. cap. 3. concl. 2. & 3. Ioannis à S. Thomâ cit. 4. 2. Gonetii cit. disp. 9. a. 2. & 3. & aliorum.

## CONCLUSIO I.

**V**erbum Divinum ex vi suæ Processionis formaliter in quarto perfectitatis modo procedit ex cognitione creaturarum possibilem.

Probatur autoritate Divi Thomæ cit. q. 34. a. 1. ad 3. differentis in hæc verba: Sic ergo uni soli Personæ convenit dici eo modo, quo dicitur Verbum: eo verò modo, quo dicitur res in Verbo intellecta, cuiuslibet Personæ convenit dici: Pater enim intelligendo se & Filium & Spiritum Sanctum & omnia alia, quæ ejus scientiâ continentur, concipit Verbum, ut sic tota Trinitas Verbo dicatur, & etiam omnis creatura. Ex quo ita licet argumentari. Verbum Divinum ex vi suæ processionis Formaliter ac per se procedit ex illâ cognitione, quæ Verbo Divino communicatur Formaliter, ita ut ejusdem Hypostasis per suam Formalem ab Hypostasi Spiritus Sancti distinctivam rationem ut Personaliter Terminativa talis cognitionis. Atqui Verbi Divini Hypostasis per suam Formalem ab Hypostasi Spiritus Sancti distinctivam rationem est Hypostaticè terminativa illius à Patre sibi communicatæ cognitionis, quæ formaliter in Verbo eatenus relucet, ut ejus objectum tanquam res in Verbo intellecta dicatur Verbo. Hæc autem cognitio est illa, per quam Pater intelligendo



gendo concipit Verbum. Atqui Pater omnia, atque aded creaturas etiam intelligendo, concipit Verbum, ut sic tota Trinitas Verbo dicatur & etiam creatura. Cum igitur omnis creatura dicatur Verbo, tanquam res intellecta in Verbo, quod Pater easdem creaturas intelligendo ut sic concipit, consequens est, cognitionem etiam creaturarum per se in quarto Perfeitatis modo influere in Verbi Divini Processionem.

5. Dices. Ex hoc sequi, quod Verbum Divinum non magis esset imago æterni Patris, quam creaturarum. Probatur ista sequela. Si enim Verbum ex cognitione creaturarum per se formaliter procedat, oportet, ex Hypostasis suæ proprietate Characteristica procedere in creaturarum similitudinem intentionalem ac representativam. At hæc ipsa intentionalis per Verbi Divini Hypostasin terminata similitudo ex parte sui Principij supponeret Esse creaturarum in Paterno Intellectu representativum. Unde Verbum Divinum ex hoc creaturarum Esse representativo originatum est formaliter similitudo creaturarum intentionalis. Atqui ad rationem imaginis requiritur ac sufficit similitudo intentionalis originata ab Esse representativo seu intelligibili rei imaginatæ seu representatæ. Consequens igitur foret, Verbum Divinum non Patris duntaxat, sed etiam creaturarum & à fortiori Spiritus Sancti esse imaginem. At istud consequens adversatur Orthodoxæ Patrum Doctrinæ. Ergo & id, ex quo sequitur.

6. Contra. Nam per illius duntaxat Intelligibilitatis in se vi dictionis formatam expressionem Verbum Divinum est imago Patris, quæ intelligibilitas in ratione objecti Motivi est fecundans Intellectum Paternum, atque ut sic tam Intellectus Paterni quàm ad concipiendum seu Generandum fecundi, quàm Verbi Divini seu imaginis ab intellectu Paterno procedentis specificativa. Atqui objectum per realem Formalem Identitatem Motivum Intellectus Divini, atque ut sic specificativum est unica Essentiæ Divinæ Intelligibilitas per purissimam Esse subsistentis actualitatem representans omne, etiam creatum objectum in se Eminenter contentum. ex Sancto Thomâ supra q. 14. art. 2. ac seq. Unde creaturarum propria Intelligibilitas se habet ad Divinum Intellectum solum *Terminativè*, non autem *Motivè* seu *specificativè*, & consequenter sola Esse Divini Intelligibilitas est fecundans Intellectum Paternum. Hæc igitur sola quàm creaturarum etiam Intelligibilitatis actualiter expressiva habet in Intellectu Paterno rationem Virtutis Generativæ ac Formativæ Verbi Divini. Ex quo aded fundamento dici debet; creaturas ut cognitæ à Patre æterno concurrere ad Verbi Divini prædicationem per se *Terminativè*, id est tanquam objectum *Terminativum* Intellectionis per se Originantis, non autem *Originativè* per modum objecti specificantis seu fecundantis Principium Dictionis Divinæ Originativum. At verò de ratione strictæ Imaginis est, ut rei per se representatæ sit eateenus similitudo saltem Intentionalis, ut origine- tur ab illâ re, cujus est imago. Quamvis ergo Verbum Divinum possit dici imago habens in se Formaliter expressam Intelligibilitatem, quàm Pater Formaliter intelligit creaturas, non tamen

est harum imago, cum non ab istarum Intelligibilitate propriâ, sed ab Esse duntaxat Divini Intelligibilitate Intellectum Dei Patris formaliter Essentialiter ut sic specificante ac fecundante originetur.

8. Replicabis. Ex hoc discursu inferri; quod Divina cognitio sit virtus Verbi Divini Formatrix, quatenus in Patre fecundatur per Esse duntaxat Divini Intelligibilitatem. At hæc ipsa Esse Divini Intelligibilitas per se primò est representativa Formalitatum Deo intrinsecarum in unâ Divini Esse Intelligibilitate communicantium, propriâ creaturarum Intelligibilitate se habente ad illam solum *Consequenter ac Secundariò*. Unde videtur sequi, quod istius creaturarum propriæ intelligibilitatis representatio ac expressio actualis non per se concurret ad Productionem Verbi Divini.

9. Contra. Nam ista creaturarum propria Intelligibilitas ita comparatur ad sui in Intellectu Divino expressionem actualem, ut hæc per ipsum Esse Dei subsistens seu Propriam Intellectus Divini Intelligibilitatem actuata sit ratio, ex quâ per modum objectivæ in æternitate non *Formaliter*, sed *Terminativè* existentis veritatis Intelligibiliter derivetur illa creaturarum quidditatum propria Intelligibilitas. Ergo licet ista non per se primò, sed tantum *Consequenter* se habeat ad cognitionem Verbi Divini Originativam; subsistere tamen potest, quod creaturarum in Intellectu Paterno representatio seu cognitio actualis sit de ratione Principij, ex quo per se procedit Verbum Divinum.

10. Ratio hujus à priori est. Nam Verbo Divino per specialem quandam appropriationem ex sacris Litteris attribuitur, quod omnia per ipsum facta sint; quod sit sapientia Divina omnium artifex, creatrix, & gubernatrix. Atqui formalitas potentiae in Deo factivæ, Creativæ, & Gubernativæ radicitur in ratione Ideali Creaturarum ut sic representativâ. Hæc autem Idealis ratio est Esse Divinum per Intelligibilem sui expressionem creaturarum quidditarum Intelligibiliter expressivum, habens ut sic rationem activæ ad extra imitabilitatis. In quâ proinde Ideali ratione radicitur Formalitas Omnipotentiae, quàm Potentiæ Divinæ ad extra effectivæ. At verò perfectio Verbo Divino per sacras Litteras appropriata denotare solet Formalitatem, quæ per ejusdem Verbi Hypostasin terminatur ex hujus propriâ à Spiritu Sancto distinctivâ Characteristicâ ratione. Ejusmodi autem per Hypostaseos Verbi propriam rationem per se primò terminata Formalitas in quarto Perfeitatis modo communicatur Formaliter ex vi Dictionis seu Generationis Divinæ. Oportet igitur, Verbum Divinum per se formaliter ex propriæ suæ Hypostaseos ratione habere sibi communicatam creaturarum Quidditarum in Esse Divino expressionem seu Idealem omnem ad extra factibilis creaturæ rationem, seu Sapientiam creatricem, ac virtutalem Omnipotentiae & Potentiæ creativæ radicem.

#### CONCLUSIO II.

Verbum Divinum non Formaliter in quarto perfeitatis modo, sed concomitanter ac Identicè tantum procedit  
R r r 2 ex cog-



nem in Primo Divinitum Intellectus, tum Intellectionis signo perfecte subsistentem posse in se omnino invariata ad Divinæ Voluntatis liberā determinationem pro subsequenti signo habere actualem ad creaturas existentes terminationem. Quare verum esse, quod Pater creaturas Spiritu Sancto diligit, siquidem Spiritus Sanctus ex vi suæ processionis formaliter procedat per illam ipsam Amoris Divini ex Primā Bonitate specificationem, quæ est sui ad creaturas liberè determinativa. Sicut ergo Spiritus Sanctus ex Divino creaturarum amore quoad sui specificationem, non verò quoad liberam ad creaturas terminationem procedit. Sic Verbum Divinum gigni ex creaturarum existentium cognitione quoad ejus ex Intelligibilitate Divinæ Essentiæ specificationem in Primo Intellectus Divini signo subsistentem, non verò quoad ejusdem ad creaturas actualem Terminationem, non nisi in Signo Processiones & Hypostases Divinas consequente intelligibilem. Firmatur hæc responsio ex Sancto Doctore cit. q. 37. a. 2. ad 3. afferente, Patrem & se & creaturam diligere Spiritu Sancto, in quantum Spiritus Sanctus procedit ut amor Bonitatis primæ, secundum quam Pater amat se, & omnem creaturam. Atqui per hæc verba clare insinuat, Amoris ex Bonitate primæ specificationem esse formale, quod ex vi spirationis per se communicatur Spiritui Sancto. Unde Decreti liberi ad creaturas terminati formalitas cum non illam duntaxat Divini amoris specificationem, sed ipsam etiam Spiritus Sancti Processionem sit consequens, nequit esse derivatione formali Principij, seu actionis spirativæ. At secus est in cognitione Creaturarum Possibilitatis, harum enim sub Esse Divini subsistentis Intelligibilitate representatio stat pro primo Intellectionis Divinæ quā Comprehensivæ signo. Unde quia Verbum ex comprehensivā Deitatis Intellectione procedit, sequitur, ipsam etiam creaturarum quā Possibilitatem representationem esse de formali Generationis Divinæ Principio.

### CONTROVERSIA III.

*An, & qualem ad creaturas respectum importet Verbum Divinum?*

- I. Divus Thomas 1. p. q. 34. a. 3. expressis verbis docet: in Verbo importari respectum ad creaturam. Cujus ratio est. Nam Deus cognoscendo se, cognoscit omnem creaturam. At Verbum in mente conceptum est representativum omnis ejus, quod actu intelligitur. Sicut ergo Dei scientia est quidem Dei cognoscitiva tantum, creaturarum verò cognoscitiva & factiva: Sic Verbum Dei est substantiæ Deo Patri in-existentis tantum expressivum, creaturarum verò est expressivum & operativum: Psalms. 22. attestante, quod dixerit, & facta sint. Cum igitur importetur in Verbo ratio expressiva & factiva eorum, quæ Deus facit, ejusmodi verò rerum faciendarum ratio importet aliquem ad

creaturas respectum, consequens est, in Verbo importari aliquem ad creaturas respectum. Quo aded supposito, restat examinanda difficultas, An respectus ejusmodi conveniat Verbo ratione proprietatis Personalis, vel ratione notitiæ Essentialis?

### Referuntur Sententiæ Doctorum.

Henricus in Sum. p. 2. art. 59. q. 1. Aureolus in 2. dist. 27. prop. 2. art. 3. infine. asserunt, istum respectum convenire Verbo ratione solius proprietatis personalis. Fundamentum à Francisco de Lugo cit. disp. 15. cap. 5. n. 5. allegatum est. Nam de ratione Verbi quæ Verbi est, exprimere creaturas intellectas à Patre. Atqui esse Verbum convenit ipsi ratione relationis, cum sit quid proprium. Ergo & repræsentare, quatenus in Verbo fundat respectum ad creaturas, convenit ipsi ratione relationis, seu Proprietatis Personalis, veluti Divus Augustinus: lib. 83. quæst. q. 63. insinuare videtur, ubi exprensens illud, In principio erat Verbum, docet, melius sic interpretari, ut significetur non Verbi solum ad Patrem respectus, sed ad alia, quæ per Verbum facta sunt, operativa potentia.

Vasquez in 1. p. disp. 144. cap. 2. Ruiz disp. 62. sect. 2. & 3. Amicus disp. 26. n. 41. Nazarius in cit. q. 34. art. 3. cont. 3. tenent, illum ad creaturas respectum convenire Verbo ratione utriusque, & proprietatis Personalis, & Notitiæ Essentialis. Fundamentum ab Amico citato deductum est. Nam respicere creaturas formaliter ut dictas, & manifestatas, seu potius ut dicendas, & manifestandas, non dicit purum respectum repræsentantis ad repræsentatum, sive cognoscentis ad cognitum, alioquin enim competeret omnibus Personis, siquidem omnes Personæ ratione Notitiæ Essentialis cognoscant & repræsentent sibi creaturas, & reliqua objecta. Oportet igitur, quod illud respicere importet peculiarem ad res locutione dicendas & significandas respectum, qui præter notitiam Essentialem rerum dicendarum expressivam superaddat peculiarem respectum locutionis seu Dictionis, quæ res per Verbum locutione seu Dictione prolaturum sint dicendæ seu manifestandæ alicui. At hic respectus non convenit Verbo, nisi ratione proprietatis Personalis, quæ ut terminus locutionis, dictionisque Paternæ peculiari ratione connotat res seipsas à Patre sibi ipsi dicendas & manifestandas.

Divus Thomas cit. a. 3. ad 1. & q. 4. de Verit. art. 5. ad 4. & 4. contra gent. cap. 19. Scotus q. quodlibet. 8. a. 5. Rada cit. cont. 11. art. 3. difficult. 1. Capreolus in 1. dist. 21. q. 2. a. 2. contra 1. conclus. Suarez lib. 9. de Trinit. cap. 6. in fine. Franciscus de Lugo cit. disp. 15. cap. 5. n. 6. & alij asserunt, illum Verbi ad creaturas respectum convenire Verbo ratione Notitiæ Essentialis.

### CONCLUSIO.

Respectus Verbi ad creaturas convenit Verbo formaliter ratione Divinæ Essentialis cognitionis, ita tamen ut ad ejusmodi Divinam creaturarum repræsentativam Intellectionem Hypostasis Verbi ex ratione Proprietatis suæ Personalis non



lis non tantum Identicè, sed per se formaliter se habeat.

5. Probat. Hypostasis Verbi per suam propriam quatenus à Personalitate Spiritus Sancti distinctam rationem est substantialis ac Hypostaticus Terminus Divinæ Intellectionis per ipsum Esse Dei subsistens formaliter identicè actualiter ac specificat. At eo ipso, quod istud Dei subsistens Esse in se intelligibiliter expressum ratione suæ increate Bonitatis ac Imitabilitatis activæ sit actualissimè expressivum omnis à se derivabilis seu participabilis creaturæ quidditatis, oportet, Dei Intellectionem Essentialem esse formalem omnis Essentiæ creabilis representationem. Oportet igitur Hypostasin Verbi ex sui quâ Divinæ propriâ ratione esse formaliter Terminativam ejusmodi formalis creaturarum representationis. At ista creaturarum representatio licet de se sit absoluta, à nostro tamen Intellectu concipitur sub ratione alicujus ad creaturas respectus: ut adeo illa representatio sit respectus Dei ad creaturas non realis secundum Esse, sed rationis nostræ secundum Dici. ex Sancto Thomâ *cu. q. 4. de Verit. a. 6.* Constat igitur, Verbi ad creaturas respectum esse quidem formaliter fundatum in Intellectione Dei Essentiali, ad hanc tamen quatenus est creaturarum representatio intelligibilis, Verbi Divini Hypostasin se habere ex propriâ suâ Personalitate.

6. Dices. Si Verbi Divini Hypostasis per propriam suam Personalem rationem se habeat ad creaturas in Esse Dei subsistente intelligibiliter expresso actualem representationem, sequi; Verbum Divinum non tantum ex consequenti, & quasi per accidens, sed quasi per se referri ad creaturas. At istud consequens pugnare cum Doctrinâ Sancti Thomæ proximè *cu. a. 6. in fine asserentis: Patrem generando Verbum suum principaliter dicere se, & ex consequenti dicere creaturas. Unde Principaliter & quasi per se Verbum referri ad Patrem: sed ex consequenti, & quasi per accidens referri ad creaturas: accidere enim Verbo, ut per ipsum creatura dicatur.*

7. Contra. Nam Creaturarum in Esse Dei subsistente intelligibiliter expresso representatio specificatur per intelligibilitatem Esse Divini. Unde Esse creaturarum se habet ad illam representationem solum terminativè per modum objecti duntaxat Materialis. At per Verbum ab Intellectione formatum per se ac Principaliter dicitur objectum Motivum ac specificativum talis Intellectionis. Unde materiale dicitur tantum consequenter & quasi per accidens. Cum igitur Divinæ Intellectionis representatio per se primò sit expressiva Esse Divini, cujus unicam intelligibilitatem habet Paterna Hypostasis, verè dicitur, quod Verbum non tantum sub ratione producti, sed etiam sub respectu Manifestativi per se ac Principaliter referatur ad creaturas.

8. Econtra verò Verbum sub præcisâ producti ratione nullatenus referri potest ad creaturas, sed sub ratione duntaxat representativi: ita quidem ut representatio ejusmodi solum secundariò & ex consequenti, adeoque quasi accidentaliter referatur ad creaturas tum possibiles, tum existentes, eo tamen discrimine, quod ad istas representandas non se habeat ex formali Hypostasis suæ ratione, sed identicè duntaxat

& Entitativè: ad illas verò in Esse Divino intelligibiliter expresso representandas se habeat ex ratione propriæ suæ Hypostaticæ Formalitatis.

### Responsio ad opposita Argumenta.

9. AD 1. ex parte Heinrici oppositum argumentum Respondetur. Eo probari solummodo, quod Verbo Divino per Hypostasin conveniat Formaliter esse substantialem Terminum Intellectionis quâ creaturarum in Esse Divino intelligibiliter in se expresso representationis. Vnde Verbi ad creaturas respectum fundari quidem in Verbi Divini Hypostasi, sed prout ista per actualissimam formalem Identitatem importat Intellectionis Divinæ Essentialis formalitatem, quâ creaturarum in Esse divino eatenus expressivam, ut ratione hujus conveniat Verbo ratio potentiæ Idealiter activæ seu operativæ tum in actu primo respectu creaturarum in statu possibilitatis spectatarum; tum in actu secundo respectu creaturarum in statu existentie consideratarum.

10. AD 2. ex Amico oppositum fundamentum Respondetur. Verum esse, quod respectus ad creaturas quâ Verbo divino dictas præter respectum representationis ad representatum importet respectum Verbi ad Dicentem. Hos autem respectus ita se tenere, ut ille sit realis, seque habeat ad solum Patrem dictione suâ Filij productivum, ille verò sit rationis ac secundum Dici, qui eatenus sit adæquatè in Essentiali creaturarum Intellectione divinâ, ut h. ne ipsam tamen creaturarum in Esse divino representationem ex propriâ suâ Hypostaseos ratione formaliter importet Verbum Dei. Quare in sensu composito verum esse, quod respectus Verbi ad creaturas quâ per Verbum dictas non importet præcisè Divinam creaturarum Noticiam Essentialem: in sensu tamen Diviso falsum esse, quod ille respectus secundum se præcisè sub ratione intelligibilitatis creaturarum expressivæ importet aliquid Notionale.

### COROLLARIUM.

11. Insertur: Qualiter Filio sit proprium in Divinis, quod sit imago Dei. Nam primò Imaginis nomen sumitur laxè, prout est similitudo rei cum expressione. Hoc autem modo Sanctus Augustinus *lib. 83. quæst. 4. 73.* imaginem pro exemplari accipiens, Sanctæ Trinitatis Divinitatem dicit, esse imaginem, ad quam factus est homo: Insuper prout videre est apud Sanctum Thomam *præf. q. 35. a. 2. ad 1. & 2.* Patres Græci ad Spiritus Sancti cum Patre & Filio consubstantialitatem denotandam dicunt, Spiritum Sanctum Esse imaginem Patris & Filij. 2. Sumitur imago strictè ac propriè pro similitudine ad suum Prototypum, à quo procedit, representandum ex vi suæ originis expressæ. Hoc autem modo soli Filio ex suâ Hypostasis Personali proprietate convenit, esse Patris imaginem, sacra scripturâ ad *Colossenses 1.* asserente: quod sit imago invisibilis Dei. Et ad *Heb. 1.* quod sit splendor Gloria, & figura substantiæ Patris. Cujus ratio est. Nam ad rationem Imaginis spectat tum similitudo rei in se expressæ, tum Origo, vi cujus Formaliter procedit aliquid

9.

10.

11.

12.

13.



liquid in Principij sui similitudinem. At licet Spiritus Sanctus procedat in Consubstantialitatem Patris & Filij, non tamen Formaliter ex vi sue Processionis habet, quod sit similitudo Naturæ seu Substantiæ Patris & Filij, sed id habet Identitè, ac Entitative in Primo quidem, non autem in quarto perfectatis modo, siquidem non ut Verbum sui Prototypi ex vi sue Processionis formaliter expressivus, sed ut amor inclinativus procedat. Ergo Filio, non autem Spiritui Sancto strictè loquendo convenit esse Patris imaginem.



## ARTICULUS II.

## De Personâ Spiritus Sancti.

**N**omen Spiritus Sancti ex primæ illius duplicis vocis significatione derivatum à Spiritualitate est commune tribus Personis Divinis, siquidem designet immaterialitatem ac Sanctitatem in Deo subsistentem. In quo adeo sensu Sanctus Augustinus 15. de Trinit. cap. 19. ait: Spiritus & Filius, Spiritus & Pater, & Pater Sanctus, & Filius Sanctus est. Et Divus Basilius lib. 2. contra Eranem. Non est, inquit, solum hoc nomen Sanctitatis cum Patre & Filio ipsi Spiritui Sancto commune, sed ipsa etiam Spiritus appellatio.

Verum ex appropriatione Ecclesiæ nomen Spiritus Sancti à Spiritatione passivâ desumptum restringitur ad significandam Personam divinâ, quæ per modum Amoris procedit: quomodo Cyrillus lib. 9. in Joannem ait: Christum Apostolis ostendisse modum, quo à Patre, Filioque procedit, quando in se infusa, & dixit: Accipite Spiritum Sanctum. Cujus proinde appropriationis rationem Divus Augustinus in lib. 5. de Trinit. cap. 11. ita deducit: Ergo Spiritus Sanctus ineffabilis est quædam Patris Filioque communio: & adeo fortasse sic appellatur, quia Patri & Filio potest eadem appellatio convenire. Nam hoc ipse propriè dicitur, quod illi communiter, quia & Pater Spiritus, & Filius Spiritus, & Pater Sanctus, & Filius Sanctus. Ut ergo ex nomine, quod utrique convenit, utriusque communio significatur, vocatur Dominum amborum Spiritus Sanctus.

Quam eundem Sancti Augustini rationem eatenus approbat Divus Thomas 1. 2. q. 36. a. 2. ut alteram ex propriâ id Spiritus significatione petitam superaddat. Etenim nomen Spiritus in rebus corporeis impulsione quandam & motionem significare solet: unde ventum & flatum vocamus Spiritum. At proprium amoris est, quod moveat & impellat voluntatem amantis in amatum. Sanctitas verd illis rebus attribuitur quæ in Deum ordinantur. Cum igitur tertia Persona Divina procedat per modum amoris, quo Deus amatur, convenienter dicitur Spiritus Sanctus.

Quibus adeo de nomine Spiritus Sancti suppositis, tres de re ipsâ super sunt Controversiæ, 1. Qualiter verificetur, Spiritum Sanctum non fore distinctum à Filio, si ab illo non procederet? 2. An Spiritus Sanctus ex sua personali proprietate potest procedere ex duabus distinctis Personis? 3. An & qualiter Pater & Filius sint unum Spiritus Sancti Principium.

## CONTROVERSIA I.

## Qualiter verificetur, Spiritum

Sanctum non fore distinctum à Filio,  
si ab illo procederet?

**H**æresis Spiritum Sanctum à Filio procedere negans, teste Divo Thomâ 1. 2. q. 36. a. 2. ad 3. ortum habuit ex quodam Nestorianorum Symbolo damnato in Ephesinâ Synodo, Exinde Theodoretus (alii Theodoricum Nestorianum vocant) Concilij Ephesini actis 10. 2. cap. 31. referentibus, hæresin illam reproduxit, Divo Cyrillo 10. contradictione non anathematismi obiciens: Scripturas sacras dicere solum, quod Spiritus Sanctus procedat a Patre, nec meminisse Filij: nec adeo dici posse, quod ab illo procedat. Verum omnibus Theodoretum adversus Sanctum Cyprianum scriptis in quintâ Generali Synodo tollat. n. damnatis, ad saniorum ille mentem rediens in pluribus suis Epistolis à Baronio anno Christi 434. n. 11. allegatis, creditur, abdicato à Nestorianis studio, errorem prædictum revocasse & condemnasse.

Tandem Græcorum adversus Latinam Ecclesiam sub Leone IX. sub Annum 1053. effervescente schismate, error ille ab ore resuscitatus acris ventilari cepit, præsertim à Theophylacto, quem sub Michaelis Duce ad annum Christi 1071. vixisse, probat Baronius ibi. n. 15. Hinc in varijs Concilijs agi cepit de illo articulo, & imprimis ante Schisma Græcorum in Concilio Nicæno 2. in Confessione fidei, item in 6. Synodo act. 17. & 103. Synod. acton. 6. ubi approbata fuit epistola decima Cyrilli docens, Spiritum Sanctum à Filio essendi, aut enim, aut procedere, nec non in Ephesinâ Synodo, in qua, referente Gratiano de Consecr. dist. 3. can. penult. habetur, quod Spiritus Sanctus ex Filio, sicut ex Patre procedit. Denique post exitum Græcorum Schisma Veritas de Spiritus Sancti à Filio processione agitata definita fuit tum in Concilio Barensi sub Urbano II. agente ibi ac disputante Sancto Anselmo: tum in Concilio Lateranensi sub Innocentio III. tum in Lugdunensi sub Gregorio X. tum ipsis etiam Græcis consentientibus in Concilio Florentino sub Eugenio IV. Quibus adeo se taliter habentibus, unicum Orthodoxo Theologo superest, argumenta & rationes ponderare, quibus hæc indubitata Veritas nititur.

## Referuntur argumenta Opposita.

**P**rimò igitur arguunt Græci, quod Christus Joannis 15. dixerit, Spiritum Sanctum procedere à Patre, nullâ Filij mentione factâ. 2. Quod in Symbolo Nicæni Concilij ita habeatur: Credo in Spiritum Sanctum ex Patre procedentem, cum Patre & Filio adorandum. At in fine illius Symboli stringitur anathema adversus illos, qui aliter docuerint, vel prædicaverint. Quare Latinos subinsciebant Græci huic subjectos anathematis, quod additionem quandam huic Symbolo fecerint: asserendo Spiritum Sanctum à Patre, Filioque procedere. 3. Ab autoritate Joannis Damasceni lib. 1. de fide cap. 7. & 8. asserentis, Spiritum Sanctum à Patre procedere, & in Filio quiescere. Et infra Spiritum Sanctum dicunt ex Patre non ex Filio. 4. Respondeo



31. futando potissimum Latinorum fundamentum in eositum, quodd Spiritus Sanctus non distingueretur Personaliter à Filio, siab ipso non procederet. At istud fundamentum ne quidem inter Latinos Doctores adeo videtur firmum, quin sequelam illam negent quàm plurimi, nominatim *Heinricus quodlib. 1. q. 9. Bacon. in 1. dist. 13. q. un. 4. 5. Scotus dist. 11. q. 2. Lycherus ibidem. Aureolus 4. 3. propos. 4. Majoran. q. 3. Rubio q. 1. 2. O-cham q. 2. Gregorius q. un. 4. 1. in fine. Gabriel q. 2. 4. 2. concl. 1. & alij.*

## CONCLUSIO.

**V**eritas Catholica est, Spiritum Sanctum procedere non tantum à Patre, sed etiam à Filio.

14. Probatur. Nam *Ioannis 15.* ait Christus, *Cum venerit Paraclitus, quem ego mittam vobis à Patre, ille docebit vos omnem veritatem.* Atqui missio importat aliquam mittentis auctoritatem erga Missum: Inter Personas autem Divinas non potest habere locum auctoritas Titulo Domini ac Servitutis, sed auctoritas duntaxat Originis. Unde missio in Divinis importat Personæ Missæ à mittente processionem; veluti Sanctus Athanasius in Epistola ad Sarapionem hisce verbis tradit: *Hic est ordo, inquit, Natura Divina, à Patre & Filio, ut, qui à nullo est, à nullo mittatur, & qui est ab alio, in nomine suo non veniat, sed in nomine ejus, à quo existit.* Ita Spiritus Sanctus, quia à se non est, à se venire non debuit, sed in nomine illius, à quo est, & à quo habet, ut Hypostasi sit Deus: quemadmodum de eo dicit Filius: *Paraclitus Spiritus Sanctus, quem mittet Pater in nomine meo.* Consequens proinde est, ex Sacris Litteris asserentibus Spiritum Sanctum mitti à Filio, efficaciter probari Spiritus Sancti non à Patre tantum, sed etiam à Filio processionem.

15. Confirmatur. Nam Christus *cit. 15.* *Ioannis* affirmavit: Spiritum Sanctum, cum venerit, edocurum Apostolos omnem veritatem. At hoc ipsum est, quod Christus *Ioannis 16.* asseruit de Spiritu Sancto: *Ille me clarificabit, quia de meo accipiet, & annuntiabit vobis.* Neque verò Spiritus Sanctus accipere potuit aliquid à Christo nisi in æternâ suâ processione. Ergo Spiritus Sanctus Veritatem, quam annuntiaturus & Apostolos edocurus erat, accipiet à Christo per æternam Processionem. At nulla ex Divinis Personis quidquam communicat alteri, nisi ab ipsâ procedat, Fatendum igitur est, Spiritum Sanctum procedere à Filio.

16. Dices. Illa verba: *De meo accipiet*, non posse habere locum in æternâ Spiritus Sancti Processione, siquidem in hac nihil futurum sit. Quare verba illa in eo sensu accipienda esse, ut idem sonent, ac si dictum fuisset: *Spiritus Sanctus loquatur & annuntiabit ea, quæ dictis meis consentanea sunt.* Hoc autem totum subsistere posse, quin Spiritus Sanctus procedat à Filio. Ergo ex illis Sacræ Scripturæ verbis non evinci Spiritus Sancti à Filio processionem.

17. Contra. Nam Christus horum suorum verborum: *De meo accipiet*, mox reddens rationem, *Omnia quæcumque habet Pater meus, inquit, mea sunt, propterea dixi, quia de meo accipiet & annuntiabit vobis, ex cit. Ioannis 16.* Atqui Pater habet virtutem

etiam Spirativam & Spirationem activam. Hæc igitur ita est Filij, ut exinde Christus de Spiritu Sancto per Spirationem procedente dixerit: *De meo accipiet.* Ergo Spiritus Sanctus accipiet de substantiâ & Doctrinâ Filij per ipsam à Filio Processionem seu Spirationem æternam, quæ hoc ipso, quodd æterna sit, admittit futurum, non quidem secundum aliquam mobilitatis successionem, sed secundum immobilem in se subsistentem Futuri ac Præteriti Eminenter inclusivam Durationem ac Permanentiam.

## Responsio ad Opposita Argumenta.

**A**d 1. Respondetur. Illis verbis ex *Ioannis 15.* capite petitis, quibus Spiritus Sanctus dicitur procedere à Patre, adstrui implicite ejusdem à Filio Processionem: tum quodd omnia, quæ habet Pater, ipsaque adeo Spiratio activa sit Filij, tum quodd Filius ibidem dicatur missurus Spiritum Sanctum. Unde Sanctus Augustinus *tract. 99. in Ioannem circa finem*; verba illa expendens. *Si ergo, inquit, & de Patre & de Filio procedit Spiritus Sanctus, cur Filius dixit, de Patre procedit? Cur putas, nisi quemadmodum ad eum solet referre, & quod ipse est, de quo & ipse est? Unde illud est, quod ait: Mea Doctrina non est mea, sed ejus, qui misit me.* Et igitur intelligitur hic ejus Doctrina, quam tamen dixit non suam, sed Patris: quoniam magis illic intelligendus est & de ipsa procedere. Spiritus Sanctus, ubi sic ait: *de Patre procedit*, non dicens, ut de me non procedit? A quo tamen habet Filius, ut sit Deus, ab illo habet utique, ut etiam de illo procedat Spiritus Sanctus: ac per hoc Spiritus Sanctus, ut etiam de Filio procedat, sicut procedit de Patre, ab ipso habet Patre.

Ad 2. Respondetur. Additionem, quâ Spiritus Sanctus dicitur procedens etiam à Filio, non esse secundum aliquam Orthodoxæ per Symbolum Nicænum traditæ veritatis mutationem, sed explicationem duntaxat expositionem. Hanc verò eadem Ecclesiæ in Concilio Universali cum suo Capite Romano Pontifice congregatæ auctoritate optimo iure præfato Symbolo insertam esse, eo præsertim tempore, quo Hæreticæ pravitate virulentia sæviebat adversus Veritatem, Litteris Sacris implicite saltem ac virtualiter contentam. Unde in Litteris Unionis ab Eugenio IV. editis post ultimam Concilij Florentini sessionem ita habetur. *Definimus insuper explicationem Verborum illorum Filioque, veritatis declaranda gratiâ, imminente tunc necessitate, licet ac rationabiliter Symbolo fuisse oppositam.*

Ad 3. Respondetur. Auctoritatem *Ioannis* Damasceni in hoc passu non esse attendendam, cui error absque Voluntatis pertinaciâ virio vertendus non est, cum veritas opposita per Ecclesiæ definitionem nondum eluxerit: tamen etiam in Sacris Litteris adhuc latentem plerique etiam Græci Patres jam eruerint, nominatim Athanasius supra citatus, Cyrillus Alexandrinus in *epist. 10.* Chrysostom. *homil. 1. & 2. de Symbolo. 10. 5.* Epiphanius de *hæresibus. hæres. 69.* Cyrillus Hierosolymitanus *catechesi 16.* Basiliius *lib. 3. contra Eunomium*, & Gregorius Nazianzenus *orat. 24.* inquit, *Filius accepisse à Patre omnia, quæ Pater habet exceptâ suâ causalitate.*

Ad 4. Respondetur. Illud Principium, quodd Spiritus



Spiritus Sanctus, si non procederet à Filio, ab hoc non distingueretur, aded firmum esse, ut non obstante Doctorum in oppositum allegatorum autoritate, sit pro certo habendum. Probatur. Nam in Concilio Florentino *sess. 18* ubi de Filij à Spiritu Sancto processione disputari cæpit, Ioannes Theologus coram summo Pontifice Eugenio IV. sic argumentatus fuit. *Sola namque relatio, quam Principalem habitudinem supra nominavimus, apud omnes tam Græcos, quam Latinos Doctores divinâ processione personas multiplicat, cui etiam duo illa à Quo & ad Quod conveniunt. Siquidem igitur relationes huiusmodi Personas multiplicat, ita ut nulla aliâ ratione, quam vi relationis Pater à Filio, ac una Persona ab aliâ differat, juxta quem quidem modam Spiritus etiam ab alio est, necesse est juxta omnes supradictos Doctores sic intelligere, ut idcirco Persona hæc, id est, Spiritus dicatur accipere, atque esse, quod ab alio est.*

22.

Ex quo aded hæc in formâ licet argumentari. Apud omnes tam Græcos, quam Latinos Doctores receptum fuit; quod relatio Divina processione personas multiplicet. Huic autem Divinæ relationi conveniunt illa duo nimirum à Quo & ad Quod. In tantum igitur Spiritus Sanctus differt à Filio, in quantum accipit esse ab ipso, habens ut sic ad Filium relationem Passivæ Originis, cujusmodi relatio ita est ratio multiplicandi Personas Divinas, ut una Persona nullâ ratione differat ab aliâ, quam vi talis relationis.

23.

Replicabis. Istam argumentationem non esse ex definitione Concilij Florentini, sed Ioannis duntaxat Theologi. Ergo Principia ibi posita non esse autoritatis indubitata.

24.

Contra. Nam Ioannes Theologus illam suam argumentationem accepit ex Sancto Thomâ *præf. q. 36. a. 2.* qui ex isto duplici Principio, partim quod Persona Divina, cum secundum aliquid absolutum à se invicem distingui nequeant, solis relationibus distinguantur; partim quod relationes nullam habeant inter se oppositionem, nec aded distinctionem, nisi secundum rationes Originis à Quo & ad Quod; inferebat: Relationes Spiritus Sancti ac Filij non habituras maiorem inter se oppositionem, atque aded distinctionem, quam relatio Spirationis activæ, & Filiationis, imò & Paternitatis, nec consequenter Spiritum Sanctum fore distinguendum à Filio, si à Patre, non autem à Filio procederet. Hanc autem ex Divo Thomâ peritam argumentationem tacite saltem approbavit Concilium Florentinum, ita ut ne Græci quidem refragari auderent Principijs in eâ positis. Imò Principia ejusmodi jam firmum habebant robur ex Concilij Barenfis coram Urbano II. adversus Græcos celebrati actis, ubi Divus Anselmus Græcos convicit his ipsis argumentis, quæ postea in lib. de Processione Spiritus Sancti mandavit Litteris in capite præsertim Tertio scribens in hæc verba: *Supradicta relationis oppositio, quæ ex eo nascitur, quia supradictis duobus modis Deus de Deo est, prohibet Patrem & Filium & Spiritum Sanctum de invicem dici, & propria singulorum alijs attributis.*

505 (IHS.) 505

## CONTROVERSIA II.

*An Spiritus Sanctus ex personali suâ proprietate petat procedere ex duabus distinctis Personis?*

Scotus in 1. dist. 12. q. 1. n. 5. Lychetus ibidem. Rada cont. 15. art. 1. in fine, ceterique Scotista tenent: Spiritum Sanctum petere hunc duorum suppositorum concursum, non per se formaliter in quarto personatus modo, sed quasi materialiter & concomitantur: sicuti ad creationem indivisibiliter concurrunt tres Personæ Divinæ, ita tamen, ut Deus quæ unus creet, nec aded creatio Formaliter in quarto personatus modo exigat omnium trium Divinarum Personarum influxum. Fundamentum ex Scoto cit. n. 5. & 8. petitur est. Nam Voluntas infinita ut voluntas infinita habens infinitum objectum sibi præsens, est sufficiens Principium productivum Spirati Amoris infiniti. At in quocumque Signo nature vel Originis est Principium productivum perfectum in supposito conveniente actioni, potest in illo signo esse tali supposito ratio producendi. Ergo pro quocumque signo Voluntas Divina infinita in aliquo supposito habet sibi præsens infinitum objectum, potest in illo signo esse tali supposito ratio producendi amorem Spiratum, sive Spiritum Sanctum. Atqui Voluntas Divina in ratione Principij Spirativi æquæ perfecta est in uno supposito, sicut in duobus. Principium enim Quo non accipit perfectionem sibi competentem à supposito, sed dat supposito, quia eo suppositum perfectum est, ut possit agere. At verò Principium æquæ perfectum in uno supposito, sicut in duobus, æquæ est Principium agendi, sicut in duobus. Ergo Voluntas Divina, quæ Principium Spirativum pro aliquo signo in unâ duntaxat Personâ Divinâ jam intelligitur producens. Ergo ut sic habetur Spiritus Sanctus, quin intelligatur procedens à duobus suppositis.

Ex opposito Richardus de Sancto Victore 3. de Trinit. à cap. 3. Alensis 1. p. q. 43. mem. 3. a. 3. & memb. 4. & 5. Caietanus in 1. p. q. 38. a. 4. Bannes in fine ejusdem art. Nazarius ibidem cont. 3. Capreolus in 1. dist. 12. q. 1. Ferrariensis 4. contra Gentes cap. 25. Amicus disp. 27. sect. 8. Suarez lib. 10. de Trinit. cap. 6. Vasquez disp. 150. Franciscus de Lugo lib. 2. disp. 17. cap. 6. concl. 2. Perez de Deo Trinit. disp. 15. sect. 3. Ysambertus ad cit. quest. 35. disp. un. a. 6. Ioannes à Sancto Thomâ præf. disp. 15. art. 4. Gonet cit. disp. 10. art. 2. & plerique alij affirmant, Processionem Spiritus Sancti per se in quarto modo exigere, quod sit à duobus suppositis. Favet Divus Thomas in 1. p. cit. q. 38. a. 4. ad 1. & in 1. dist. 11. q. 1. a. 4. ad 2. & dist. 29. q. 1. art. ult. ad 2. ponens differentiam inter creationem & Spirationem, quod creatio non petat tres Personas per se, Spiratio verò petat duas. Et q. 10. de Potent. art. 2. ad 15. ex eo, quod Spiritus Sanctus sit amor mutus, & nexus duorum, infert, debere à duobus suppositis procedere.



## CONCLUSIO.

**S**piritus Sanctus ex propria suæ Hypostaseos ratione formali refertur ad Patrem & Filium tanquam duo realiter distincta supposita, & consequenter ex vi suæ processionalis Formaliter in quarto perfectioris modo procedit ab illis tanquam distinctis Personis.

1. Probatur. De ratione Divinæ Hypostasis quæ talis est, quod sit Formaliter distinctiva Personæ à reliquis duabus Personis Divinis. Atqui hæc Divinarum Personarum distinctio formaliter est secundum relationes: Concilio Toletano 2. in confess. fidei taliter differente: *In relatione Personarum numerus cernitur, in Divinitatis verò substantiâ quid numeratum sit, non comprehenditur. Ergo hoc solum numerum insinuat, quod ad invicem sunt, & in hoc numero carent, quod ad se sunt.* Consequens proinde est, Hypostasim Spiritus Sancti non distinguui ab Hypostasibus Patris & Filij, nisi quatenus ad istas habet aliquam Correlationem. Atqui oportet, Hypostasim Spiritus Sancti ab Hypostasibus Patris, & Filij asserere distinctam, non secundum quod præcisè important relationem Spiratoris, sed secundum quod Formaliter dicunt proprias suarum Hypostaseos rationes. Ut sic autem realiter distinguuntur Patris & Filij Hypostases. Ergo Spiritus Sancti Hypostasis ex formali suâ propriâ ratione refertur ad Patris & Filij Hypostases quæ realiter distinctæ: Concilio Toletano in cit. fidei confess. attestante: *In relativis Personarum nominibus Patrem ad Filium, & Filium ad Patrem, Spiritum verò Sanctum ad utrosque referri.* Cujus rationem ex eo deducit, quod Spiritus Sanctus non ad se, sed ad Patrem & Filium relativè refertur in eo, quod Spiritus Patris & Filij prædicatur.

4. Dices. Ex mente Scotistarum, nominatim Radæ ut art. 2. ratum & gratum haberi, quod Patris & Filij Hypostases quæ præcisæ à relatione Spiratoris dicantur realiter distinctæ ab Hypostasi Spiritus Sancti. At Patris & Filij Hypostases quæ præcisæ à relatione Spiratoris nullam explicare ad Spiritum Sanctum relationem Originis. Ergo Spiritum Sanctum intelligi distinctum à Patre & Filio, quin concipiatur procedens ab istis tanquam duobus suppositis. Non igitur subsistere, quod Spiritus Sanctus ex propria suæ Hypostaseos ratione petat procedere à Patre & Filio tanquam duobus suppositis.

5. Contra. Nam ut solidè ac fundamentaliter in Mysterio Trinitatis discurremus, oportet, firmam huius Orthodoxæ in Sacris Concilijs traditam & approbatam doctrinam supponere. At verò ex Sacris Concilijs eruitur, quod nulla in Divinis sit distinctio, nisi secundum relationes. Has verò relationes posse intelligi inter se distinctas, prout non merè disparatè se habent ad invicem, sed Correlativè, evincitur ex verbis præcitatis Concilij Toletani assentientis: *Haec solum in relationibus Divinis insinuare numerum, quod ad invicem sunt.* Nam istud *ly ad invicem* importat correlationem, seu oppositionem relativam. Unde commune ex Boetio lib. de Trinitate, & Sancto Anselmo lib. de Processione Spiritus Sancti cap. 2.

*prope init.* alijsque Græcis & Latinis Patribus petiturum axioma, quod nulla in Divinis sit distinctio, nisi ubi obviat relativæ oppositio, non tam facile deferendum est. Atqui hæc ipsam Personarum Divinarum distinctivam correlationem non possumus ex principiis fidei eruere ac intelligere, nisi quæ fundatam in Originibus seu Processionibus Divinis: veluti tradunt Sancti Patres, nominatim Athanasius lib. de unâ Denatè Trinit. Basilii lib. contra Eunomium circa principium. Cyrillus lib. 7. Theauri cap. 1. Nyssenus lib. ad Ababionem. Nazianzenus orat. 3. de Theologia. Horum aded vestigijs eatenus insistendum est, ut pro fundamento adstruamus, quod Ioannes Theologus in cit. Concilij Florent. sess. 12. tanquam commune omnium Patrum Principium posuit: nempe *Personas multiplicari processione Divina, quatenus hinc duo illa à Quo, & ad Quod conveniunt.* Quo proinde Principio posito, aperte sequitur: Patris & Filij Hypostases quæ distinctæ à Spiritu Sancto importari formaliter in huius Principio seu Origine. At Spiritus Sancti Processio Passiva per se refertur ad illam in Patre & Filio Formalitatem, quæ importatur formaliter in ratione sui principij. Cùm igitur Spiritus Sanctus ex vi suæ processionalis Formaliter referatur ad Patris & Filij Hypostases quæ distinctæ inter se, sequitur, ipsum ex propria suæ Hypostaseos ratione per se procedere à Patre & Filio tanquam uno quidem Spiratore, sed tanquam duobus distinctis suppositis Spirantibus.

7. Replicabis Patrem & Filium nullam habere cum Spiritu Sancto correlationem, seu oppositionem relativam, nisi secundum relationem Spiratoris. At Patris & Filij Hypostases ut sic in suâ Formali ratione non involvere Spiratoris relationem: tamen in ratione Hypostasum sint realiter distinctæ à Spiritu Sancto. Oportere igitur, Patris & Filij Hypostases, omni relativâ oppositione circumscriptâ seu præcisâ, distinguui ab Hypostasi Spiritus Sancti, veluti Sanctus Anselmus lib. de process. Spiritus Sancti cap. 2. nullius relativæ oppositionis seu correlationis mentionem faciens ait, quod *esse Filius & Spiritus Sanctus per aliud non essent plures, tamen per hoc essent diversi, quod aliter nascendo, aliter procedendo existat.*

8. Contra. Nam Sanctus Anselmus paulò antea dixerat: quatenus Filius existit nascendo, Spiritus autem Sanctus procedendo, ipsos diversitate Nativitatis & processionis referri ad invicem. Man festum igitur est, totam Filij nascendo, & Spiritus Sancti procedendo distinctionem esse secundum Nativitatis & Processionalis correlationem, seu oppositionem relativam. Cui proinde Divinarum Personarum distinctivo in unâ Correlationis oppositione fundato Principio ita est insistendum, ut nullis ex nostrâ ratione emergentibus contrariis argumentis, in eo vicillare expediat, ut aded Scotistæ inversum sanè persequantur Ordinem, dum, ne ex cerebri suo adinventis vel subtilitatibus vel rationibus contrarij debeant, illud potius Divinarum Personarum ex relativâ oppositione distinctivum Principium deferere maluerunt, in hoc non tam captivantes intellectum in obsequium doctrinæ Patrum, quam sensuum suorum subtilitates ostendere soliti. Quorum aded procedendi morem in hoc detestantes, præfatio ex Patrum & Con-



& Conciliorum Doctrinis eruto Theologorum communi Principio firmiter adhærendo, difficultatem superius propositam componimus asseverando; tum quod relatio Spiratoris ex parte objecti inseparabiliter involvat Patris & Filij Hypostases, ita ut sine istis per præcisionem objectivam non sit intelligibilis activa Spiratio, tum quod, licet Hypostases Patris & Filij, quatenus ad se invicem comparantur, sint objectivè præscindibiles a relatione Spiratoris, eo ipso tamen involvant ex parte conceptus objectivi hanc Spiratoris relationem, dum intelliguntur in comparatione ad Spiritum Sanctum.

10. Quas proinde easenus convenit à Spiritu Sancto realiter distingui, ut tamen nullam ex naturâ rei formaliter à relatione Spiratoris involvant distinctionem, imò ipsam relationem ex parte conceptus objectivi importent, dum intelliguntur distinctæ à Spiritu Sancti Hypostasi. Consequens proinde est, Patris & Filij Hypostases nec ex naturâ rei formaliter, nec secundum conceptus nostros objectivè præcisivos intelligi posse à Spiritu Sancto distinctas nisi secundum oppositionem relativam. At verò easdem Hypostases etiam quâ tales oportere distinctas esse à Spiritu Sancti Hypostasi, est indubitatum. Oportet igitur, ipsas sub aliquâ sui Formalitate per conceptum nimirum Spirationis activæ explicatâ habere relativam cum Hypostasi Spiritus Sancti oppositionem, esseque adeò non de identitate tantum reali, sed Formali conceptu Originis Spiritus Sancti productricis. Cujus ratio ex Sancto Thomâ *pres. q. 36. a. 2.* sic deduci potest. Filius procedit per actum Intellectus ut Verbum, Spiritus autem Sanctus per actum Voluntatis ut amor. Atqui amor necessariò procedit à Verbo, nihil enim est volitum, nisi fuerit præcognitum. Ergo Spiritus Sanctus necessariò procedit à Verbo.

12. Instabis cum Rada *cit. cont. 15. art. 1. & Scotto in 1. dist. 11. q. 1. n. 3.* Notitiam rei amatæ ideò duntaxat præsupponi amori, quod per notitiam fiat objectum præsens Voluntati. At Divinam Essentiam, de cujus amore procedit Spiritus Sanctus, non fieri præsentem Voluntati per Verbum, sed per cognitionem Essentialem. Ergo per hoc, quod notitia rei amatæ vel amandæ præsupponatur ejus amori, non rectè concludi, quod Spiritus Sanctus procedat à Verbo.

13. Contra. Nam Verbum Divinum per suam in Esse intelligibili puritatem actualissimam habet, quod Essentiæ Divinæ eatenus sit in Esse intelligibili expressivum, ut sit consubstantialiter ipsa res intellecta, Essentia scilicet Dei, ejusque quâ summæ ac infinitæ amabilitatis expressio actualissima habens ut sic ratione Naturæ Divinæ. Atqui Essentiæ Divinæ amabilitati quâ per intellectionem expressæ convenit influxus Finalis in amorem. Hic verò Essentiæ Divinæ influxus finalis est amoris in Deo specificativus per realem Formalem Esse Divini subsistentis in se actualissimè expressi identitatem. Unde Esse Divinum in se actualissimè expressum, atque adeò ejus expressio seu Intellectio actualis ex naturâ rei est de ratione Formali amoris Divini. At verò amoris Divini ad spirandum fecunditas est Formaliter per sui ex Esse Divino in se subsistente specificationem. Cum igitur ista

amoris Divini specificatio sit per Essentiam Divinam, quâ in se intelligibiliter expressam, atque adeò per ipsammet Essentiæ Divinæ actuallem Intellectionem, consequens est, actualissimam Divinæ Essentiæ intelligibilitatem quâ amoris Dei specificativam per se concurrere ad productionem Spiritus Sancti. Atqui hæc Intelligibilitas quâ per Hypostasin Verbi terminata est Formalissimè Verbum Divinum: illa verò Hypostasis, quæ in Divinis est terminativa formalitatis in spirativâ Dei virtute Formaliter importatæ, est per se concitrens ad productionem Spiritus Sancti. Ergo Verbum Divinum per se concurrat ad producendum Spiritum Sanctum. Ergo Spiritus Sanctus ex proprietate suâ Characteristicâ petit produci non tantum à Patre, sed à Verbo etiam Divino.

### Responsio ad Opposita Argumenta.

14. AD Scoti fundamentum Respondetur. Potentiam Spirativam non posse in Patre intelligi, nisi pro illo rationis signo, in quo supponitur Voluntas Divina. At quia hæc est purissimus in Deo actus, sequitur, ipsam non Esse intelligibilem nisi per modum actualissimi ex Esse Divino subsistente specificati actus. Hæc verò amoris Divini specificatio non est per Esse Dei subsistens, nisi quatenus intelligibiliter in se expressum est formaliter sui expressio ac Intellectio actualis. At pro illo signo, in quo est Essentiæ Divinæ expressio actualis, Essentia Divina est intelligibiliter præsens voluntati Divinæ. Ergo Voluntas Dei non supponitur, sed tanquam purissimus amoris subsistentis actus supponit illam Essentiæ Divinæ intelligibilem præsentiam seu repræsentationem actualem. Atqui pro illo signo, in quo Essentiæ Divinæ est in Deo expressio seu præsentia intelligibilis, statim consequitur Hypostatica Intellectionis Divinæ per Patris & Filij Personalitates terminatio. Unde Hypostatica Intellectionis Divinæ per duplicem Patris & Filij personalitatem terminatio ita comparatur ad Amorem Divinum ex Essentiæ Divinæ Intellectione specificatum, ut hic absolute, vel in ratione Virtutis spirativæ spectatus pro aliquo signo intelligatur prior Patris & Filij Hypostasibus, ille ipse tamen amor in ratione Spirationis activæ consideratus formaliter involvat Patris ac Verbi Divini Hypostases. Etsi proinde Voluntas Divina quâ virtus spirativa sit æquè perfecta in solo Patre, ac in duobus Divinis suppositis: attamen sub ratione Spirationis actualis nequit intelligi nisi quâ subsistens in duabus Personis Divinis. Ergo licet Spiritus Sanctus secundum confusum nostrum intelligendi modum possit concipi procedens ab uno duntaxat supposito, ex parte tamen conceptus objectivi necessariò intelligitur procedens à duabus Personis.

### CONTROVERSIA III.

*An, & qualiter Pater & Filius sint unum Spiritus Sancti Principium?*

1. Concilium Lugdunense in Cap. Fidei. de Sancta Trinit. in 6. relatum definit in hæc verba: *Fidei*



Fideli ac devotâ professione fateatur, quod Spiritus Sanctus æternaliter ex Patre & Filio non tanquam ex duobus Principijs, sed tanquam ex uno Principio, non duabus Spirationibus, sed unicâ Spiratione procedat. Unde damnat illos, qui æmerario casu asserere præsumpserint, quod Spiritus Sanctus à Patre & Filio tanquam duobus Principijs & non tanquam ex uno procedat. In quem tenorem Concilium quoque Florentinum in Lit. unionis decrevit. Definimus, inquit, quod Spiritus Sanctus à Patre & Filio æternaliter est, & essentiam suam, suumque esse subsistens habet ex Patre simul & Filio, & ex utroque æternaliter tanquam ab uno Principio, & unicâ Spiratione procedit.

2. Quibus aded per Fidem Divinam suppositis, duæ supersunt difficultates. An scilicet Pater & Filius non in ratione duntaxat Principij Quo, sed etiam Quod sint unum Spiritus Sancti Principium? 2. An ista Principij Quod in Patre & Filio per nomen Spirationis significata unitas importet singulare quoddam individuum subsistens, an verò nomen Spiratoris supponat immediatè personam Patris & Filij confusè, seu collectivè sumptis?

#### Referuntur Sententiæ Doctorum.

4. Circa primam difficultatem Durandus in. dist. 29. q. 2. & Gregorius dist. 12. q. 1. sentiunt: Patrem & Filium in rigore non esse unum Spiritus Sancti Principiū, sed duo, tamen Concilia propter erroris periculum aliter loquantur ad declarandam nimirum Unitatem Spirativæ Potentiæ, & Spirationis, ac termini per eam producti. Cui sententiæ ex parte insistent Gabriel & Ocham apud Suarezium lib. 20. de Trinit. cap. 7. asserentes: Patrem & Filium posse sub diversis respectibus dici unum, & duo Spiritus Sancti Principia. Fundamentum est. Quando enim Pater & Filius dicuntur unum Spiritus Sancti Principium, vel sermo est de Principio Quo. Hoc verò est potentia Spirativa, quæ potius dicenda est esse in Patre & Filio, quam ut Pater & Filius dicantur propriè esse una potentia Spirativa, atque aded unum Spiritus Sancti Principium. Quare ad ejusmodi Principij spirativi unitatem non sufficeret unitas potentiæ spirandi, sed requireretur unitas etiam suppositi per se concurrentis ad spirationem, sicut etiam tres Divinæ Personæ dicuntur unus creator non tantum ob unitatem Virtutis creativæ, sed Principij Quod per se concurrentis ad creationem Personarum Divinarum, Trinitate se ad istam habente solum concomitanter. Vel igitur in propositione, quâ Pater & Filius dicuntur Unum Spiritus Sancti Principium, sermo est de Principio Quod. Hoc autè est suppositū per se concurrens seu influens in productionem Spiritus Sancti. At Spiratio formaliter est ex Patre & Filio tanquam duobus suppositis non Concomitanter duntaxat & quasi per accidens, sed per se requisitis ad producendum Spiritum Sanctum. Ergo Pater & Filius dicuntur potius duo esse Spirandi Principia.

6. Econtrario Divus Thomas præ. q. 36. & 4. 4. Theologi tum antiquiores tum recentiores communiter asserunt: Patrem & Filium propriè ac simpliciter dici debere unum Spiritus Sancti Principium, aded ut Vasquez dist. 46. cap. 3. & Suarez cit. lib. 10. de Trinit. cap. 7. n. 1. temeritatis damnent oppositam sententiam, ut alienam à recepto loquendi modo.

Imò Molina hic art. 4. disp. 2. vocat parum tutam in fide, erroneam, & authoritati Ecclesiæ detrahentem.

Circa Secundam difficultatem Nazarius præ. art. 4. cont. 2. Molina ibidem. disp. 4. Becanus tract. de Trinit. cap. 6. censent: Spiratorem esse quoddam individuum constitutum ex Essentiâ & relatione Spirationis, esseque ut sic aliquod subsistens in Naturâ Divinâ. Fundamentum ex Nazario cit. cont. 2. §. secundo considerandum. ita deducitur. Nam in principio Quod spirativo duo oportet considerare: unum est ratio formalis ipsius Principij constitutiva. Hæc autem in re proposita est Essentia cum Notione Spirationis. Alterū est conditio Spirantis, vel Spiratoris, quæ est Pluralitas Personarum, eò quod Spiritus Sanctus procedat ut amor mutuus, seu Nexus duorum. Si proinde sola ratio formalis Principij Spirativi, si ve Spirationis attendatur, dici debet, Spiratorem ex Essentiâ ut subsistente & relatione Spiratoris constitui: quemadmodum enim Spiritus Sanctus ex relatione Spirationis passivæ & Essentiâ ut subsistente constituitur in suo Esse Personali relativo ad Spiratorem: ita Spirator ejus Correlativum oportet ut constituatur in Esse Spiratoris ex Essentiâ ut subsistente, & relatione, quæ est activa Spiratio.

Ex opposito Relationem Spiratoris non constituere Principium Quod spirandi subsistens seorsim à subsistentiâ Patris & Filij, sed nomen Spirationis supponere confusè seu vagè ac indeterminatè vel potius collectivè pro duabus Patris & Filij Hypostasibus quâ unitis in relatione Spiratoris, docent Sanctus Thomas cit. 4. 4. præsertim ad 4. & 5. Bannes ibidem. Navarretus cont. 31. Suarez cit. lib. 10. de Trinit. cap. 4. Vasquez disp. 149. Franciscus de Lugo cit. disp. 17. cap. 5. præsertim. n. 6. Gonet cit. disp. 10. n. 3. Ioannes à Sancto Thomâ præ. disp. 15. 4. 4. n. 23.

#### CONCLUSIO.

Principium Quod spirandi ut sic constituitur per spirationem activam, quæ formaliter importat tum Amorem Divinum ac Relationem Spiratoris per modum unius simplicissimæ formæ, tum collectivè seu confusè Patris & Filij quâ realiter distinctas Hypostases: ob quam partim simplicem relationis Spiratoris identitatem, partim collectivam Patris ac Filij Hypostasum in ratione spirandi ex vi nostri quoque præcisivi conceptus inseparabilem unitatem dici debet. Patrem & Filium esse unum Spiratorem seu Principium Quod spirandi.

Probatur. Nam Amor divinus per Esse Dei subsistens in se intelligibiliter expressum, atque ut sic actualissimè inclinativum actuatus ac specificatus ut sic formaliter habet fecunditatem per modum potentiæ spirativæ. At hic ipse Amor Divinus habens ut sic rationem formæ, per quam Principium est sui cum Principiato assimilativum, in suppositis Principiantibus habet rationem Principij Quo, quatenus ex eâ virtualiter emanat Origo seu spiratio activa. Hæc verò

Spiratio



## COROLLARIUM.

10. Spirationis activæ ratio ex illo amore divino est virtualiter emanans in illis suppositis, quorum Hypostases ex ratione suâ formali sunt per prius Terminativæ amoris illius Divini, quàm hujus fecunditas per sui Communicationem productivam sit exhausta. At verò Hypostases Patris & Filij per rationem suam formalem Characteristicam sunt substantialiter Terminativæ Intellectionis. Hæc verò est Virtualiter prior amore Divino, ut adgò non Patris duntaxat, sed Filij quoque Hypostasis prioritate Virtuali per prius sint Terminativæ Intellectionis & consequenter Divini cum hac identificati amoris, quàm itius fecunditas per actualem productionem sit exhausta. Ergo Patris & Filij Hypostasibus per realem formalem identitatem convenit Amor Divinus cum fecunditate, & consequenter cum actualis Spirationis activæ origine. At hæc ipsa Patris & Filij Hypostasum cum Amoris divini fecunditate, nec non activâ spiratione identitas formalis importat Essentialem in primo dicendi modo perfectitatem, vi cuius spirationi activæ in se omnino simpliciter Essentialiter convenit inexistere duabus illis Hypostasibus ex ratione suâ formali Characteristica inter se realiter distinctis. Hæc verò Essentialis cum illâ duplici Hypostasi connexio facit, ut spiratio activa non in alterutrâ Divisive, sed in utrâque collectivè duntaxat intellegi possit. Constat proinde, tam fecunditatem Amoris Divini, quàm Spirationem activam ex reali Hypostasum, quibus inexistit, distinctione non tantum non esse divisibilem, sed essentialiter requirere duas Hypostases collectivè spectatas. Ergo Principium Quod spirativum imp. rtans collectivam Patris & Filij Hypostasum unitatem, nec non simplicem spirationis activæ & Potentiæ spirandi identitatem non est nisi unicum in Patre & Filio.

## Responsio ad fundamenta opposita.

12. AD Fundamentum ex parte primæ difficultatis 2. n. 4. oppositum Responderetur. Patrem & Filium dici unum Spiritus Sancti Principium tam ratione Principij Quo, quàm Principij Quod. Nam licè Spiratio Passiva realiter procedat à Patre & Filio tanquam duobus suppositis non concomitantibus, & quasi per accidens, sed per se requisitis ad producendum Spiritum Sanctum: hic tamen concursus quoad influxum activum in primo Perfectatis modo, quoad influxum verò Passivum in quarto Dicendi modo per se requirit illas duas Hypostases, non Divisive, sed collectivè spectatas. Ergo illarum distinctio non impedit, quòd minùs debeant simpliciter dici unum, non autem duo Spirandi Principia.
13. Ad Fundamentum ex parte secundæ difficultatis 2. n. 7. oppositum Responderetur. Spirationem activam esse formalissimè ipsam relationem spirationis, hanc verò importare Amorem Divinum formaliter quâ mutuum. At istam Amoris Divini quâ mutui rationem formalissimè importare Dualitatem Hypostasum, per quas constituatur in ratione suppositi non unius, sed duplicis correlativè oppositi Spiritui Sancto. Quare Esse Spiratoris in Divinis formaliter constitui per Amorem ex ipso met Esse Dei subsistente actuatum, nec non per Relationem Spiratoris. Essentialiter involventem Hypostases.

14. Inferitur 1. Qualiter verificetur ista propositio: *Pater & Filius se diligunt Spiritu Sancto.* Nam 1. *se diligere* in Divinis sumitur Essentialiter. Sic autem non verificatur, Patrem ac Filium se diligere Spiritu Sancto, sed Essentiâ suâ. ex Divo Thomâ pras. q. 37. a. 2. Unde D. Augustinus 15. de Trinit. cap. 7. ait: *Quis audeat dicere Patrem nec se, nec Filium: nec Spiritum Sanctum diligere, nisi per Spiritum Sanctum?* 2. Igitur *se diligere* in Divinis accipitur Notionaliter. Quo modo verificatur illa Propositio non in ratione Denominationis formæ actuantis, sed Terminantis. Ratio est. Nam ille ablativus *se Spiritu Sancto* denotat formam, quâ Pater & Filius se mutuo diligunt. At in ejusmodi Denominationibus forma denominans quandoque se habet per modum Principij mutui, veluti si Pater & Filius dicantur se Amantes per amorem Essentialem: quandoque verò se habet Extrinsecè ad Denominatum per modum Causalitatis, ut si dicatur, creaturas Dei heri volitione Divinâ, seu creatione Deo formaliter immagente, quandoque verò per modum formæ Terminantis effectus seu productus in quarto perfectatis modo se habet ad Denominatum, quâ ratione verificatur Spiritum Sanctum utpote Terminum per se formaliter vi mutue inter Patrem & Filium dilectionis productum esse formam, quâ Pater & Filius se invicem diligunt; sicuti etiam arbor denominatur florens floribus ex se productis: ac de Patre æterno dici solet, quòd Verbo suo se, & omnem creaturam intelligat.

15. Inferitur 2. Qualiter Spiritui Sancto proprium sit dici amorem. Nam amor Notionaliter sumitur pro Personâ, cui ex vi suæ Processionis ac personalis proprietatis formaliter convenit esse amorem. Ejusmodi verò est Spiritus Sanctus. Unde ipsi ex Characteristicâ suâ Hypostaseos ratione convenit formaliter esse amorem. Ex hac ipsâ verò Personali Hypostaseos suæ amorem formaliter terminantis proprietate fit, quòd Caritas & Gratiâ in creaturis rationalibus infusa à totâ Sanctissimâ Trinitate, appropriantur Spiritui Sancto, qui proinde etiam Causaliter dicitur Amor, non excludendo ceteras Divinas Personas à Causalitate Gratiæ & Charitatis effectrice, sed designando Personalem hujus Divini Suppositi proprietatem, ac Hypostasim formaliter Terminativam Amoris increati.

17. Inferitur 3. Qualiter Spiritui Sancto sit proprium, esse Donum Dei. Nam Donum quandoque sumitur late pro quolibet Dato: quâ ratione Essentiâ quoque Divinâ, quam per æternam generationem Pater dedit Filio, dici potest Donum: quandoque verò sumitur strictè pro Dato, quod ex amore proficiscitur. At ejusmodi ex Amore proficiscens datio alia potest esse secundum identitatem, atque ut sic ipse amor Essentialis inexistens Patri & Filio per sui ipsius fecunditatem est Donum identicè se communicans Spiritui Sancto. Alia verò est secundum Causalitatem extra Deum Transcendentem, quomodo omnes tres Divinæ Personæ per Gratiæ & Charitatis infusionem donantur creaturæ rationali, sicut ipsa Filij Hypostasis ac Persona increata per causalitatem Dei ad extra transcendentem Humanitati Christi ad ultimam Hypostasim terminantem.



dam, eaque mediante toti humano generi donata fuit. Alia denique est secundum æternam Deo immanentem Originem: quomodo soli Spiritui Sancto convenit originari ex Amore, ut ad id ipsi proprium sit habere rationem Primi Docti, cui consequenter secundum quandam appropriationem attribuantur cætera membris Christi divisa gratiarum Dona. ex D. Thomâ præst. q. 39. a. 2.

28. Inferitur 4. Qualiter Spiritus Sanctus dici possit Nexus, Vinculum, seu Osculum Patris & Filij. Hoc enim verificatur quatenus ex propria

sue Hypostaseos ratione est respiciens Patrem & Filium tanquam duas quidem Personas, ineparrabiliter tamē per modum unius Principi, Spiritivi conjunctas ad producendum Spiritum Sanctum, eidem formaliter ex vitali Processione communicando amorem, quo Pater & Filius se invicem sunt osculantes per amorem reciprocum. Rectè igitur procedunt istæ denominationes non formaliter intrinsecè, sed Formæ iter Terminativè, veluti superius in præmissa illatione exposuimus.

¶

## QUÆSTIO DECIMA SEXTA

### D E

## CIRCUMINSESSIONE, ÆQUALITATE, SIMILITUDINE, AC MISSIONE DIVINARUM PERSONARUM.

¶

### ARTICULUS I.

#### De Circuminfessione, æqualitate, ac similitudine Divinarum Personarum.

2. **N**omine Circuminfessionis intelligimus mutuam Divinarum Personarum inexistentiā: quam Divin. Dionys. de Divin. nom. cap. 2. vocat inconfusam unius Personæ in aliā mansionem: Christo Domino Ioan. 14. dicente. Non creditis, quia ego in Patre & Pater in me est? Verba, quæ ergo loquor, à me ipso non loquor. Pater autem in me manens ipse facit opera. Unde Sanctus Fulgentius de fide ad Petrum cap. 1. inquit; Per hanc unitatem totus Pater in Filio, & in Spiritu Sancto, totus Filius in Patre & Spiritu Sancto est, & totus Spiritus Sanctus in Patre & Filio est. Cui ad eod conformiter Divus Thomas præst. q. 42. a. 5. ait: unam Personam Divinam in aliā esse tripliciter. 1. Ratione Essentiæ utpote communis omnibus Divinis Personis. 2. Ratione mutue correlationis, siquidem correlativa sint simul naturā & cognitione ac definitione, ita ut unum correlativum cadat in definitionem alterius, nec unum sine altero cognoscit possit. 3. Denique ratione Originis, quatenus Filius à Patre, ac Spiritus Sanctus à Patre & Filio procedit per actum immanentem, de cuius ratione est, ut id, quod procedit, maneat in eo, à quo est procedens. Ex quo ad eod fit, Circuminfessionis in Divinis rationem esse quid Notionale. Nam licet dicat Essentiæ Divinæ Unitatem, per quam est Consubstantialis unius divinæ Personæ in aliā mansio, hæc ipsa tamen mutua immanatio seu inexistentiā importat etiam distinctionem Hypostasum seu Personarum. Quibus proinde tanquam certis suppositis, aliquæ supersunt Controversiæ. 1. An vi huius Circuminfessionis verificetur, quod Paternitas sit in

Filiatione, ac Relatio spiratoris in relatione spirati? 2. Qualiter ex ista circuminfessione sit omnimoda inter Personas Divinas æqualitas ac similitudo? 3. An ista æqualitas, seu similitudinis ratio in Divinis importet realem, aliquam relationem?

¶

### CONTROVERSIA I.

#### An per mutuam Divinarum Personarum inexistentiā verificetur, quod Paternitas sit in Filiatione, ac Hypostasi Spiritus Sancti in Personalitate Patris ac Filij?

**V**identur negandæ istæ propositiones, eod quod per ipsas importetur Unitas subiecti ac prædicati. At inter Filiationem & Paternitatem, nec non istas Personalitates ac Spiritus Sancti Hypostasim in Divinis non est unitas, sed distinctio realis.

Quo tamen non obstante, Scotus in 1. dist. 19. q. 2. n. 11. ad 3. Cajetanus 1. p. q. 42. a. 5. Sua et lib. 4. de Trinit. cap. 16. Amicus præst. disp. 29. n. 76. admittunt, ejusmodi propositiones tanquam veras.

### CONCLUSIO.

**P**ropositiones illæ per Divinarum Personarum omnimodam circuminfessionem in vero sensu accipi possunt.

Probat. Nam si dicatur v.g. Paternitas est in Filiatione, id est non tantum habet rationem Copulæ, sed Prædicati etiam formalis significantis ut sic Esse Essentiæ ac Existentiæ. Unde per illam propositionem solum dicitur, quod quidquid Esse Essentiæ, vel Existentiæ est in Paternitate, id totum esse in Filiatione. At eo ipso, quod Filiatio non habeat propriam relativam existentiam ac Essentiā, sed substantiam duntaxat



taxat ex se individuam, atque ut sic indivisibiliter existentem in omnibus Personis Divinis, sequitur verificari, quod totum Paternitatis Esse sit in Filiatione. Ergo illa propositio in vero sensu accipi potest, non quidem excludendo Relativam Paternitatis ac Filiationis distinctionem, sed significando horam in Esse tam Essentiae, quam Existentiae omnimodam identitatem. Unde patet etiam Responsio ad argumentum initio oppositum.

~~~~~

CONTROVERSIA II.

An per Divinarum Personarum

Circuminfessionem inter ipsas subsistat omnimoda similitudo ac aequalitas?

1. **D**ubitare non licet, quin omnimoda sit aequalitas & similitudo inter Divinas Personas: Ecclesiam Catholicam in Symbolo S. Athanasij profitente hisce verbis: *Qualis Pater, talis Filius, talis Spiritus Sanctus*. Et: *In hac Trinitate nihil prius, aut posterius, nihil majus, aut minus, sed totae tres Personae coeternae sibi sunt, & coequales*.

2. Circa quod tamen difficultas moveri potest, quod Pater sit Origine prior Filio: Haec ipsa verò prioritas Originis importet in Patre aliquam dignitatem, quae non est in Filio. Quomodo ergo Filius carens aliqua dignitate Patri conveniente, est huic aequalis?

CONCLUSIO.

Omnimoda inter Personas Divinas aequalitas est per simplicissimam Essendi Dignitatem.

3. Probatur. Nam ratio perfectionis radicatur in ratione Essendi. At in Deo est ratio Essendi per se purissime actuata. Ergo quidquid est perfectionis excogitabilis nullam potentialitatem involventis, sed sub purissima actualitate formalitatis subsistentis, est formaliter in omni personam per ipsum Essentiae Divinae subsistens Esse existente. Unde non nisi unica perfectionis ratio est in omnibus tribus Personis Divinis, adeo ut ipsarum relativae Hypostases inter se quidem realiter distinctae sint quoad oppositionis relativae Incommunicabilitatem, in ratione tamen Essentiae, Existentiae, ac omnimodae perfectionis sint unum quid simplicissimum.

4. Ad difficultatem oppositam Respondetur. In Patre respectu Filij, nec non in Patre ac Filio respectu Spiritus Sancti esse prioritatem non Naturae, nec Causalitatis, nec Durationis, sed Originis. At istas prioritates in eo distingui, quod durationis posteritas importet Essentiam non ex se subsistentem ac Existentem, sed Existentiae receptivam ex alterius Entis Causalitate. Unde etiam Causalitatis & Naturae prioritas & posterioritas dicitur Essentiarum, atque Naturarum distinctionem. Econtra prioritas Originis dicitur unius ab altero Emanationem, per quam Principij & Principiati quoad Hypostasum relativam oppositionem eatenus importatur realis quidem distinctio, ut tamen illa ipsa forma, atque adeo

Natura & Essentia, quae est in Principio, sit formaliter communicata Principiati. At verò ratio Dignitatis ac Perfectionis est secundum formam. Ergo quia Prioritas & posterioritas originis in Divinis omnimodam formae seu Essentiae ac Naturae Identitatem importat, distinctioque se tenente pænes solam oppositionis relativae incommunicabilitatem, sequitur: illam Prioritatem importare quidem Dignitatem, quae tamen tota secundum omnimodam simplicitatis Unitatem sit etiam in Principiati habente aliquam Originis posterioritatem.

~~~~~

## CONTROVERSIA III.

### *An similitudo ac aequalitas inter*

*Divinas Personas importet aliquam relationem realem?*

**S**cotus in 1. dist. 31. q. un. Rada 1. p. cont. 26. 4. 3. & alij Scotistae affirmant, Aequalitatem in Divinis esse realem inter Personas relationem, quae in suo conceptu formali non includat Essentiam, nec relationes Originis, licet importet Essentiam fundamentaliter, Relationes verò Originis Personales praëxigitive. Fundamentum est, quod ad Relationem realem tria sufficiant nempe fundamentum reale, terminus realis, & extrema realiter distincta. At ista tria inveniuntur in aequalitate Divina.

Econtrario Divus Thomas 1. p. q. 42. 4. 1. ad 4. & in 1. ad Annibaldum dist. 31. quest. unica, negat, aequalitatem in Divinis Relationem esse realem.

## CONCLUSIO.


**D**ivinarum Personarum Aequalitas & similitudo supra relationes Originis non addit nisi respectum rationis.

Probatur. Ratio fundandi aequalitatem in Divinis est unitas Essentiae ac perfectionis. Haec verò unitas, sicut Essentia, non est alia in Patre, & alia in Filio. Atque relatio realis requirit distinctionem non tantum Extremorum, sed rationis etiam fundandi. Probatur istud Assumptum. Nam ratio fundandi est forma, secundum quam fundamentum remotum fundat sui relationem ad alterum extremum. Unde per prius refertur ratio fundandi, quam extrema materialiter in ratione fundamenti duntaxat remoti spectata: veluti patet in duabus albedinibus, quarum subiecta ex hoc inter se referuntur, quod illae earumque similitudinis relationes sint ad invicem relatae. Cum igitur ratio aequalitatem in Divinis fundans sit simplex & unica, nequit fundare relationem realem, sed rationis duntaxat.

Ad Scoti argumentum Respondetur, negando Majorem: liquidem ex praefatis manifestum sit, non sufficere illa tria ad relationem realem, nisi rationes quoque fundandi seu fundamenta proxima in extremis singulis realiter distincta.

\*\*\*






## ARTICULUS II.

De Missione Divinarum  
Personarum.

1. **F**ilius à Patre, Spiritum verò Sanctum à Patre & Filio mitti ad creaturas est absoluta autoritas, Christo de se ipso attestante Ioan. 8. Testimonium perhibet, qui misit me Pater. Et Ioan. 10. Quem Pater sanctificavit & misit in mundum. Item de Spiritu Sancto. Ioan. 4. Quem mittet Pater in nomine meo. Et Ioan. 16. Si non abiero, Paracletus non veniet ad vos, si autem abiero, mittam eum ad vos. De quâ proinde Divinarum Personarum missione tres inter Scholasticos agitantur Controversiæ.
2. In quo consistat? 2. Secundum quos effectus fiat Divinarum Personarum ad creaturas missio? 3. Utrum ex vi missionis Divinæ non tantum donentur gratia dona, sed ipsæ Divinæ Personæ realiter dentur & inexistant creaturæ Intellectuali?



## CONTROVERSIA I.

In quo consistat Ratio Missionis  
Divinarum Personarum?

3. **N**onnulli apud Magistrum in 1. dist. 15. asserunt, Missionem divinam consistere præcisè in æternâ processione unius Personæ Divinæ ab aliâ. Probatur. Nam Missio nihil aliud importat, quam egressum missi à mittente. Unde Cyrillus 12. Theauri. cap. 5. ita Missum se Filium à Patre dici non mutatione locorum, sed sicut calorem ab igne, vel splendorem à lumine. At inter Personas Divinas non est egressus nisi secundum processionem. Ergo missio in Divinis est unius ab aliâ Personâ processio: Divo Gregorio hom. 26. in Evang. asserente: Eo ipso Filium dici à Patre missum, quo à Patre generatur. Et Hilarius 2. de Trinit. Spiritum Sanctum, inquit, mitti à Filio, nihil aliud est, quam ab illo accipere.
4. Magister citatus, Divus Bonaventura ad 1. dist. p. 1. q. 4. Scotus dist. 14. q. 1. n. 5. tenent: Missionem in Divinis non esse nisi operationem temporalem, per quam Processio Personæ missæ in aliquo effectui manifestatur. Fundamentum est. Nam missio non importat exitum ab alio secundum primam sui in Esse productionem: sed per prius intelligitur aliquid in se existens, quàm dicatur mitti. Atqui per Originem Personæ procedentes exeunt à suo Principio quoad primum sibi communicatum Esse. Ergo talis egressio non est missio, sed potius ad hanc supponitur. Divo Augustino 4. de Trinit. cap. 10. taliter differente. Non eo ipso, quod de Patre natus est, missus dicitur Filius, sed vel eo, quod apparuit huic mundo Verbum caro factum: Vel quod ex tempore cuiusque mente percipitur, sicut scriptum est: misit illum, ut mecum sit, & mecum laboret.
5. Divus Thomas præf. q. 43. a. 1. & 2. præsertim ad 3. Suarez lib. 12. de Trinit. cap. 11. n. 8. & plerique Theologi sentiunt: Missionis Divinæ quidditatem importare tum æternam personæ Missæ à mittente Processionem, tum temporalem, per quam Persona missa Peculiari modo manifesta-

tur in creaturis, processionem. Verum in hoc ipso aliqua est adhuc dubitatio: Francisco de Lugo præf. disp. 24. cap. 1. n. 6. & Amico hic d. sp. 28. n. 34. existimantibus: adæquatam missionis Divinæ Essentiam includere intrinsecè tam processionem æternam, quam temporalem operationem, hanc quidem formaliter & Complektivè, illam verò Materialiter & Præsuppositivè. Contra Ioannem Sancto Thomam præf. disp. 17. a. 1. n. 5. Ioanne Baptista Gonet 10. 5. disp. 13. a. 1. arbitrantibus, Missionem Divinarum Personarum in recto dicere ipsarum duntaxat Originem, sed Connotativè seu in obliquo per modum conditionis importare novum in creaturâ productum effectum.

## CONCLUSIO.

**M**issio Divinarum Personarum intrinsecè ac Essentialiter consistit in Processione æternâ, & simul immanente ipsarum ad extra communicatione seu manifestatione: Connotativè vero importat temporalem creaturæ impressam Dei operationem seu motionem.

6. Probatur. Missio ex sua significatione importat in misso duplicem habitudinem, alteram ad Mittentem tanquam Principium, & Quæ, alteram ad terminum, ad Quem in initio. Atqui habitudo Personæ Divinæ missæ ad Mittentem non est alia, quam Relatio passiva Originis, sicuti contra Mittentis ad Missum relatio est formaliter Origo activa: habitudo verò personæ Divinæ ad creaturam, ad quam terminatur Missio Divina, non est nisi causalitas Dei immanens, in se quidem subsistens absolute, sed fundans Divinæ Virtutis ad extra Relationem rationis. Consequens proinde est, hanc in Divinis tum ad intra Processionem, tum ad extra virtualiter Transseuntem, sed formaliter immanentem productionem esse de Essentiâ Divinæ Missionis, operatione temporali Transseunte se habente ad eam Terminativè & Connotativè per modum conditionis requisitæ ad hoc, ut Divinatum ad intra, tum ad extra immanens productio possit denominari missio.

7. Dices. Filij in mundum mediante Incarnatione Missionem describi Ioan. 16. Exiit a Patre, & venit in mundum. Nam a Patre exire, & venire in hunc mundum, mitti est, ex Sancto Augustino lib. 2. de Trinit. cap. 5. Atqui exitus à Patre est Filij æternæ processio, ejus verò in mundum adventus importat non tantum Dei immanentem, sed formaliter Transseuntem Incarnationis actionem. Hæc igitur non tantum Terminativè seu Connotativè, sed formaliter est derivatio missionis Filij in mundum.

8. Contra. Nam alia Verbi æterni in mundum (ut ita loquar) Ventio est activa, alia verò passiva. At Ventio activa ita est formaliter immanens & Virtualiter Transiens, ut tamen per nos explicari nequeat, nisi cum connotatione operationis Transseuntis actionis, nimirum Humanæ Christi naturæ cum Verbo Unitivæ. Hæc ipsa verò activa Ventio unâ cum passivâ Filij generatione constituit formaliter hujus à Patre Missionem passivam, quatenus illam ipsam Hypostaticam



tiæ cum Humanitate unionis actionem non habet nisi per communicationem seu accepti-  
onem à Patre. Constat proinde, non activam dun-  
taxat in Patre, sed etiam Passivam Filij Missio-  
nem solum connotativè importare Transseun-  
tem Incarnationis Divinæ actionem.

### Responsio ad argumenta Opposita.

9. **A**D 1. Oppositum Argumentum Respondetur.  
Missionem eatenus dicere, Personæ Missæ  
à Mittente egressionem, ut importet tamen habi-  
tudinem ad Terminum, ad Quem fit missio. Eius-  
modi verò habitudinem esse Divinam ad extra  
formaliter Immanentem, sed Virtualiter Tran-  
seuntem operationem, non aliter à nobis intel-  
ligibilem, nisi cum effectûs temporalis connota-  
tione. At verò hanc ipsam formaliter Imma-  
nentem ac virtualiter Transseuntem operatio-  
nem accipere Filium à Patre, Spiritum verò San-  
ctum à Patre ac Filio, ut ad eò verificetur tum il-  
lud Cyrilli, quòd Missio in Divinis non sit secundum  
mutationem locorum, tum illud Gregorij Magni,  
quòd *Filius eo ipso sit missus, quo generatur à Patre,*  
tum illud Sancti Hilarii; quòd *Spiritum Sanctum*  
*mitti aliud non sit, quàm accipere à Filio.*

10. **A**D 2. Oppositum Fundamentum 12. Missio-  
nem non esse Personæ Missæ in Esse productio-  
nem, quasi sistendo in hoc Esse, sed per modum  
cujusdam ad effectum temporalem quasi exten-  
sionis progrediendo ad extrinsecum tempora-  
lem effectum. At verum esse, *Filius non eo ipso,*  
*quo natus est, dici Missum,* siquidem ista Nativitas  
non ex se formaliter, sed concomitantè duntaxat im-  
portet Filij ad Extra Communicationem, Mis-  
sionis inadæquatè Formaliter constitutivam: sed  
ex Divi Augustini mente id eò dici debere Fi-  
lium Dei missum, quòd acceperit à Patre; actio-  
nem æternam, vi cuius Caro factus apparuerit  
in terris, vel in mentibus hominum ex tempo-  
re concipiatur.

~~DE MISSIONE PERSONARUM DIVINARUM~~

### CONTROVERSIA. II.

#### *Secundum quos effectus fiat Di- narum Personarum ad creatu- ras missio?*

1. **I**Oannes à Sancto Thomâ *pres. disp. 17. art. 2.*  
supponit pro certo; non dari Personarum Di-  
vinarum Missionem cum effectûs duntaxat na-  
turalis ad creationis Donum ac Beneficium per-  
tinentis connotatione. Cujus ratio est. Quia  
missio Divina ordinatur ad hoc, ut Personæ  
quæ distinctæ manifestentur creaturis rationali-  
bus, speciali titulo eis inexistendo. At eo ipso,  
quòd omnia Dei ad extra opera à totâ Trinitate  
procedant per unicam Virtutem, Deus non  
quæ distinctus in Personis, sed quæ in Bonitate  
& sapientiâ unus manifestatur in Donis na-  
turalibus. Ergo secundum hæc non intelligi-  
tur fieri unius Personæ Divinæ ab aliâ missio.

### Referuntur rationes oppositæ.

2. **A**DVERSUS istam rationem sequentes move-  
ri possunt difficultates. Nam 1. Divinæ

Personæ quæ distinctæ ab alijs manifestatio fit  
per illos effectûs, qui speciali appropriationis  
titulo attribuuntur uni alicui Personæ Divinæ.  
Eiusmodi verò effectus Spiritui Sancto speciali-  
ter appropriatus est tum creatio Mundi, utpote  
emanans ex Bonitate & amore, ex quo Spi-  
ritus Sanctus in æternitate procedit: tum con-  
sequenter ornatus cælorum, juxta illud *Job. 26.*  
*Spiritus Domini ornavit Cælos;* tum gubernatio  
Mundi, siquidem fit Spiritus amoris habentis  
efficacissimum in humana corda imperium, sit-  
que Spiritus Veritatis fortioris præ omnibus,  
& super omnia dominantis ac prævalentis 3.  
*Esdræ 4.* At verò hi omnes effectus sunt Ordini  
naturalis. Ergo secundum effectus etiam  
naturales potest intelligi Spiritûs Sancti Mis-  
sio.

2. Alia est Divinarum personarum Missio  
Visibilis, alia verò invisibilis. At Missio Spiritûs  
Sancti Visibilis erat tum sub signo columbæ,  
quando apparuit in Baptismo Christi, tum sub  
lucidæ nubis signo in Transfiguratione Christi;  
tum sub signo flatûs; Christo *Joan. 20.* insufflante  
Apostolos ac dicente: *Accipite Spiritum Sanctum;*  
tum deniquè sub signo sonitûs ac Spiritûs ve-  
hementis, & linguarum ignis id die Penteco-  
stes. Et si verò in hac ultimâ missione Spiritus  
Sanctus fuerit operatus in Apostolis gratiam  
sanctificantem, vel ejus augmentum, ratione  
cujus speciali titulo .phis inexistet: secus ta-  
men est in præcedentibus supra Christum Spi-  
ritûs Sancti apparitionibus, in his enim nihil  
gratiæ sanctificantis conferebatur animæ Chri-  
sti, utpote jam habente omnem Gratiæ Pleni-  
tudinem. Quomodo ergo est de ratione Mis-  
sionis, ut Personæ Divinæ speciali titulo in-  
existent creaturæ Intellectuali, ad quam fit Mis-  
sio?

3. Filius mittitur invisibiliter etiam secun-  
dum Dona Gratiæ gratis Datae, Prophetiam ni-  
mirum, sermonem scientiæ, interpretationem  
sermonum; Divo Thomâ in 1. ad. Ambaldum *dist.*  
*18. q. unica in argum. sed contra.* affirmante; *Filius*  
*præcipuè mitti, cum sapientiâ datur.* Atqui Dona  
gratis data non sunt connexa cum Gratiâ gra-  
tum faciente. Hæc verò est ille titulus, ratio-  
ne cuius Deus specialiter est inexistens creatu-  
ris Intellectualibus, cum è contra longè ab im-  
pijs sit Dominus *Proverb. 15.* Quomodo ergo  
subsistit, quòd vi Missionis in Divinis debeat  
Persona Divina speciali titulo esse inexistens  
creaturæ intellectuali?

### CONCLUSIO.

**M**issio Divinarum Personarum eo  
ratione suâ Formali in creaturâ In-  
tellectuali, ad quam fit Missio, impor-  
tat connotationem vel Gratiæ Sanctifi-  
cantis, vel effectûs habentis cum Sancti-  
tate connexionem sive ex naturâ rei, si-  
ve ex instituto Divino.

Probat ex Sancto Thomâ in 1. *dist. 15. q. 4. a. 1.* Missio de Divinis dicitur, in quantum  
propria Personæ Divinæ relatio representatur  
in animâ per similitudinem, quæ est exempla-  
ta, & Originata ab ipsâ proprietate relationis  
æternæ. At per exitum rerum à Principio di-  
citur



citur Bonitas Divina in creaturas procedere, in quantum repræsentatur in creaturâ Bonitas Divina in ipsâ receptâ. Ejusmodi verò Bonitatis Divinae in creaturis repræsentatio alia est secundum causalitatem Efficientem, quæ ut sic est secundum Virtutis Divinae ac Omnipotentia unitatem, non autem secundum distinctionem & Originem Personarum. Unde secundum hanc Dei quâ in unâ Bonitate subsistentis repræsentativam ad extra communicationem nequit intelligi unius Personæ Divinae ab aliâ Missio, siquidem ista importet Personarum distinctionem. Alia proinde Divinarum Personarum secundum proprietates relativè distinctivas repræsentatio est secundum reductionem creaturæ rationalis in Deum quâ ultimum Finem: siquidem ista reductio fiat per similitudinem aliquam receptam, quæ ab ipsâ relationis æternæ proprietate sit exemplata. Unde quia proprius Modus, quo Filius refertur ad Patrem, est, quia est Verbum ipsius manifestans: proprius verò modus, quo Spiritus Sanctus refertur ad Patrem & Filium, est; quia est amor ipsorum mutuus. Idecirco Spiritus Sanctus mittitur in mentem per Donum Amoris, Filius verò per Donum Sapientia, in quo ipse Patriæ tanquam ultimi, ad quod recurrimus, est manifestatio. Quare istæ Divinae Personæ secundum horum donorum receptionem eatenus in nobis habent novum inexistenti modum, quatenus sunt in illis Donis tanquam in suâ similitudine, per quam consequenter ipsæ Personæ Divinae in nobis sunt quasi Ductrices in finem, vel huic conjungentes. At verò hæc ipsa in finem nostrum ultimum ducendi seu conjungendi ratio omnimodè radicata est in gratiâ sanctificante. Oportet igitur, omnem Divinarum Personarum Missionem connotare effectum cum gratiâ sanctificante aliqualem connexionem. Doctore Angelico in 1. parte q. 43. art. 5. ad 3. attestante, quod *communicent due missiones in ratione Gratia, sed distinguantur in effectibus gratia, qui sunt illuminatio intellectus, & inflammatio affectus.*

#### Responsio ad difficultatum rationes.

7. **A**D 1. oppositam difficultatem Respondetur. Verum esse, quod Divinae Personæ quatenus ab alijs distinctæ fiat manifestatio per effectus, qui speciali appropriationis titulo attribuantur tali Personæ Divinae. At istum appropriationis specialem titulum non manifestari nisi suppositâ Dei revelatione manifestante Personarum proprietates Hypostaticas. Ex hoc igitur Spiritum Sanctum, imò & Filium mitti in mentes humanas, quatenus fide suppositâ, Creaturarum ex Deo per amorem & Bonitatem emanationes considerando per Donum scientiæ cum Divinae dilectionis inde resultantis affectu, Humana mens contemplatur aliquam Spiritus Sancti per Amorem emanationis similitudinem, in creaturis præfulgentem non ex vi creationis ut sic, sed ex vi creaturarum in Deum per effectuum contemplationem reductionis.

8. **A**D 2. Difficultatem Respondetur. Verum omnino esse, quod Missionis Divinae effectus sit novus Personarum Divinarum in creaturis in-

existenti seu inhabitandi modus, ut tamen ista specialis cum gratiâ Sanctificante connexionem habens inhabitatio aliter sit secundum Missionem visibilem, aliter verò secundum Missionem in visibilem. Nam per Missionem Visibilem in Christi v. g. Transfiguratione nullus fuit Spiritus Sanctus ad Nubem Lucidam, ut in istâ inhabitaret tanquam signo significante Spiritum Sanctum præsentem non in ordine ad Sanctitatem Christi Humanitati conferendam, vel augendam, veluti factum fuit in igne Apostolos in Pentecoste sanctificante, & quondam sit in Sacramentis, sed in ordine ad Sanctitatem tam Hypostaticam ac substantialem, quàm accidentalem, & Habitualement eidem permanentem inexistentem significandam. Econtra per Missionem invisibilem inhabitant Personæ Divinae in alicujus animâ tanquam templo, juxta illud 1. Corin. 6. 3. *desitis, quia templum Dei estis, & Spiritus Sanctus habitet in vobis.* Hoc autem fit per gratiam sanctificantem, mediante quâ creatura rationalis ita habitualiter reducitur in Deum, tanquam ultimum finem, ut ex eadem resultent actus tum cognitionis fidei ac Donorum Spiritus Sancti Intellectualium, tum amoris, spei, religionis ac similia Virtutum, tanquam cultus Divinus in templo animæ in eorum exercendus.

Ad 3. oppositam difficultatem Respondetur. Quod Divinarum Personarum Missio non nisi secundum quid fiat per gratias gratis datas: simpliciter verò & absolute fiat solum per Dona, gratiæ gratum Facientis. ex Divo Thomâ præst. q. 43. a. 3. Cujus ratio est. Nam Divinae Personæ convenit mitti secundum quod novo modo existit in aliquo. At unus est communis modus, quo Deus est in omnibus rebus per Essentiam, Potentiam, & Præsentiam: sicut causa in effectibus Divinam Bonitatem participantibus. Hic autem communis inexistenti modus non est sufficiens ad hoc, ut Personæ Divinae dicantur mitti ad creaturas, veluti supra in argument. concl. probatum est. Est igitur unus specialis modus, secundum quem Deus dicitur esse in naturâ rationali, sicut cognitum in cognoscente, & amatum in amante. At neque secundum hunc in existendi modum Deus mitti dicitur, quatenus ex effectibus creatis mens naturali suo lumine ac Virtute se erigit ad Divinae Bonitatis contemplationem: siquidem per hanc non reluceat Personarum Divinarum distinctio & Origo. Oportet igitur, amorem & contemplationem, secundum quam Divinae Personæ mitti dicuntur, nisi supernaturali lumine in Deum quâ Personis distinctum reducitur. Hoc autem supernaturale Donorum Spiritus Sancti Lumen radicitur in gratiâ sanctificante, per quam ita fit potestas fruendi Personis Divinis, ut Deus in animâ rationali, sicut in templo suo inhabitans summo cultu adoretur, & colatur per Intellectus in obsequium fidei captivationem, & Voluntatis in Deum quâ ultimum finem in Sanctitate & iustitiâ fundatam reductionem. Non est igitur Divinarum Personarum in animâ rationali inhabitationis ratio, secundum quam istæ simpliciter mitti dicuntur, nisi Gratia gratum faciens.

#### C O R O L L A R I U M.

**H**inc sequitur, Filij ac Spiritus Sancti Missionem simpliciter fieri 1. quoties de novo in-



funditur gratia Sanctificans, vel ejus fit augmentum, sive Intensivum, sive Extensivum. Doctore Angelico cit. q. 43. a. 6. ad 2. taliter differente: Sed tamen secundum illud augmentum Gratia praecipue Missio invisibilis attenditur, quando aliquis proficit in aliquem novum actum, vel novum statum gratia: ut puta cum aliquis proficit in gratia Miraculorum, aut Prophetiae, vel in hoc, quod ex fervore Charitatis exponit se Martyrio, aut abrenunciat omnibus, quae possidet, aut quodcumque opus arduum aggreditur.

12. 2. Per statum Beatifici elevationem, siquidem per hanc Divinae Personae existant intra beatos per Intelligibilem Essentiae suae unionem seu representationem. Imò statu hoc Beatifico jam supposito, sit ad Beatos adhuc Missio Divina, non quidem secundum luminis Gloriam & gratiae Intensionem, sed quoddam ejus augmentum extensivum: veluti S. Doctor cit. a. 6. ad 3. habet: Ad Beatos, inquit, facta est Missio invisibilis in ipso Principio Beatitudinis; Postmodum autem ad eos fit Missio invisibilis, non secundum intensionem gratiae, sed secundum quod aliqua ejus Mytheria eis revelantur de novo, quod est usque ad diem iudicii, quod quidem augmentum attenditur secundum intensionem gratiae ad plura se extendentis.


13. 3. Per Maternitatem Divinam missus est ad Beatissimam Virginem Filius Dei ac Spiritus Sanctus; tum quia per hanc attingit Ordinem Hypostaticum, ipsius Filij Hypostasi ministrando carnem personaliter secum uniendam, atque sic unitam gerendo intra Virgineum uterum suum; Tum quia Dignitas Maternitatis Divinae connaturaliter exigebat Sanctitatem & gratiae plenitudinem, ut adeo Spiritus Sanctus superveniret in eam, dum conciperet Filium Dei.

14. 4. Per Prophetiam, caeterasque gratias gratis datas, nec non actus fidei ac Spei, aut religionis extra gratiae statum elicitos mitti Spiritum Sanctum secundum quid, non simpliciter. Nam licet ejusmodi supernaturalia Dona aliquam Divinarum Personarum tum Filij, tum Spiritus Sancti emanationis representationem praesferant; per ipsa tamen non dicitur inhabitare Spiritus Sanctus nisi conjuncta sint cum charitate & gratia sanctificante.

15. 5. Denique per Dona Intellectus, Sapientiae, Scientiae & Consilij specialiter mitti Filium utpote emanatione intelligibili productum, & contra per Dona Pietatis, Fortitudinis & Timoris specialiter mitti Spiritum Sanctum, utpote ex voluntate Divinae Patris & Filij procedentem. Unde Divus Thomas cit. q. 43. art. 5. ad 3. ait; Missionem Filij ac Spiritus Sancti distingui in effectibus gratiae, qui sunt illuminatio intellectus, & inflammatio affectus. Et in 1. ad Anibaldum dist. 15. quaest. 10. art. 5. in arg. sed contra asserit: quod Filius praecipue mittatur, cum Sapientia datur.

16. Quod equidem non tam accipiendum est de sapientia, quae per modum gratiae gratis datae quibusdam extra Sanctitatis statum infunditur: sed quae habet rationem Doni Intellectus cum Gratiae sanctificantis statu inseparabiliter connexi; per hanc enim fit mentis rationalis reductio ad Deum secundum rectam de ipso quā ultimo fine aestimationem, ita ut licet multi in Gratia constituti sint hebetes, ac stulti secundum mundum, sive quoad scientiam acquisi-

tam, & scientiae sermonem idiotae, habeant tamen scientiam Sanctorum, & prudentiam procedendi sine quaerela coram Domino, cum sincerā & clarā Dei quā ultimi Finis aestimatione; eodem Sancto Doctore in 1. dist. 15. q. 4. a. 2. ad 4. asserente, illam notitiam, ex quā procedit Amor, vigere in ferventibus Divino amore, dum cognoscunt Divinam Bonitatem, in quantum est Finis. & quantum est in eos profluens largissime sua Beneficia. Unde talem notitiam non habere, qui amore ipsius non accenduntur. Quod si proinde aliqui sermone scientiae, alijsque gratijs gratis datis extra Sanctitatis statum abundant, non est in ipsos Verbi Divini Missio perfecta, sed tantum secundum quid: sicut enim hoc Dei Verbum ex cognitione adeo perfectā procedit, ut sit amorem spirans; sic non mittitur perfectē nisi secundum cognitionem amoris inductivam, & sic amore mediante unitivam cum Deo quā ultimo fine: cujusmodi non est sterilis illa etiam infusa scientia ad gratias gratis datas pertinens: Doctore Angelico 2. 2. q. 8. art. 5. ad 2. attestante: In Prophetis, qui non sunt in gratia, non esse illustrationem mentis, quae faciat rectam aestimationem de ultimo fine.



### CONTROVERSIA III.

*Utrum ex vi Missionis Divinae non tantum donentur Gratiae Dona, sed ipsamet Personae Divinae realiter dentur, & mixtantur creaturae Intellectuali?*

Indubitatum est, personas Divinas dari per sui Missionem; ex Sancto Thomā pres. q. 43. a. 3. in 1. arg. ubi oppositum vocat errorem. Probatur ex sacris Litteris. Nam Spiritus Sancti Missio fit, quatenus diffunditur Charitas in cordibus nostris per Spiritum Sanctum, qui datur nobis ad Rom. 15. Exinde verò ita manet homo in Charitate, ut consequenter maneat Deus in ipso. Ioan. 4. Unde incipit homo tunc esse Templum Spiritus Sancti habitantis in illo 1. Cor. 5. Neque verò ista Spiritus Sancti inhabitatio accidit sine Patre & Filio, juxta illud Ioan. 14. Si quis diligit me, sermonem meum servabit, & ego & Pater veniemus ad eum, & mansionem apud eum faciemus. Quare tota Trinitas per invisibilem mediante Charitate & Gratiae infusione Missionem Spiritus S. incipit habitare in mente hominis. De quā proinde in habitatione Controversia est, An sit realis & Entiativa Dei praesentia distincta ab immensitate, ita ut si per impossibile Deus non esset ubique, infundendo tamen gratiam esset realiter ac intimè praesens substantia creata Intellectuali secundum praesentiam non tantum Potentia, sed Essentia ac suppositi?

Referuntur Sententiae & Argumenta opposita.

Negat Vasquez 1. p. disp. 30. cap. 3. & 1. 2. disp. 8. cap. 2. Fundamentum est. Quia Dei secundum gratiae habitualis Donum cum homine conjunctio est per affectum, Deo intra mentem humanam tunc existente, sicuti cognitum est in cognoscente, & amatum in amante. At cognitum esse in cognoscente, & amatum esse in aman-



quædam cum Divinarum Personarum distinctionis, atque aded Originis representatione in Deum quâ Ultimam Finem reductio. Secundum hanc igitur peculiarem Divinæ Virtutis causalitatem Personæ Divinæ mediantibus Donis supernaturalibus constituuntur specialiter præsentis mentibus creatis.

Ad oppositum Vasquezij Fundamentum.

17.

**R**esponderetur. Verum esse, quod Divinæ Personæ secundum specialem Gratiæ inhabitationem sint in mente creatâ, sicuti cognitum in cognoscente, & amatum in amante. At verò cognitionem & amorem ex gratiâ Habituali tanquàm sui radice profluentem cum Naturæ Divinæ gradu quasi specifico, atque aded Mysterio Trinitatis, seu Divinarum Personarum emanationibus tanquàm objecto per se connaturaliter attingibili habere proportionem intrinsecam. Hanc verò in ratione actûs & objecti proportionem importare aliquam etiam

Exemplabilitatis proportionem cum Naturâ Dei quâ radice Divinarum Emanationum. Quare ratione hujus Exemplabilitatis specialem ex ipsius Naturæ Divinæ gradu quasi specifico exemplatam Causalitatem per Dona Gratiæ supernaturalia à Patre luminum descendere in mentes creatas: Unde ratione hujus specialia ex Divinâ Naturâ descendens, & in ipsum Deum quâ ultimum Finem secundum ipsarum etiam Divinarum Processionum representationem, in viâ *inchoativè*, in Patriâ autem *Confirmativè* fruendum reducentis Causalitatis Divinæ, convenire Personis Divinis specialem ad mentes creatas inhabitationem, quæ importet Divinæ Naturæ in gradu quasi specifico contactum, situm ex parte Dei in Causalitate ipsius intrinsecâ Formaliter specificatâ per Naturam Divinam, ex parte autem mentis creatæ in causalitate Dei Transeunte huic impressâ, ac exemplabiliter ipsius Naturæ Divinæ emanationes Dei ad intra in se fundantis representationis repræsentativâ.



QUIÆ



## CONCLUSIO.

**H**æc ex materiâ spirituali & formâ compositio est chymica.

6. Probatur. Nam in totâ Entis universitate sunt duo extrema, quorum primum & supremum est actus purus, infimum verò pura potentia, quam materiam primam dicimus. Unde sit, quod ens aliquod habeat tantum de materialitate, quantum habet de potentialitate. Et quia nullum creatum ens accedit ad actus puri rationem, omni consequenter substantiæ creatæ convenit aliquid potentialitatis. Atqui secundum veram Philosophiam duæ sunt substantiæ considerationes: nimirum quâ naturæ, & quâ suppositi, seu quâ primæ Substantiæ. Quare in creatâ substantiâ ut sic est intelligibilis potentialitas tum in ratione naturæ, tum in ratione suppositi. At eo ipso, quod in ratione naturæ substantia aliqua importet potentialitatem, sequitur, ipsam substantialiter esse compositam ex potentiâ & actu, seu materiâ & formâ, & per consequens ex naturâ & substantiâ. Quare talem substantiam, licet habeat formam spiritualement, dicimus simpliciter materialem, eò quod in omni genere substantiæ tum ut *Quo* quâ natura, tum ut *Quod* quâ suppositum importet potentialitatem, atque adeo materialitatem. Unde sit etiam consequens, non posse substantiam aliquam dici spiritualement, nisi in ratione naturæ sit excludens potentialitatem, atque adeo compositionem ex potentiâ & actu, sive materiâ & formâ. At intra substantiæ ejusmodi spiritualis in ratione naturæ potentialitatem formaliter excludentis lineam datur alia, quæ etiam in ratione suppositi est omnimodæ potentialitatis exclusivâ, quæ consequenter ita est purus in ratione substantiæ perfectus actus, ut omnimodam respectu etiam existentiae & accidentium receptibilitatem excludat, cujusmodi est solus Deus, qui proinde unicus est Ens omnino simplex, seu omnimodo expers compositionis. Alia proinde in ratione naturæ receptibilitatem formaliter removens substantia importat adhuc potentialitatem in ratione suppositi. In quo adeo est compositio ex naturâ & substantiâ, & consequenter ex Essentiâ & Existentiâ, nec non ex substantiâ & accidente. Quamvis igitur Angelus, cum sit spiritualis, debeat esse substantia in ratione naturæ omnino simplex, est tamen compositus in ratione suppositi, nec non in ratione intelligentis, & aliarum denominationum accidentalium.

## Responsio ad Argumenta Opposita.

8. **A**D Arriagæ n. 5. oppositum Respondetur. Spiritualitatem formaliter consistere in hoc, quod substantia habeat depuratiorem Essendi modum, per quem non coarctetur ad unam formam, sed aliarum etiam formarum quoad esse intentionale ac repræsentativum sit intus susceptiva. At ejusmodi depuratiore essendi modus ita quidem est exclusivus quantitatis per naturam suam coarctantis, ut consequenter potentialitatis tanquam primæ coarctationem in ente fundantis radicis sit a substantiâ exclusivus. Unde verum quidem est, quod spiritualitatem committetur penetrabilitas quantitatis impenetrabi-

litati opposita: sicuti tamen quantitas & consequenter impenetrabilitas utpote accidens radicatur in potentialitate naturæ; sic à contrario penetrabilitas fundatur in actualitate potentialitatem, atque adeo compositionem in ratione naturæ formaliter excludente. Ergo spiritualitas ex primâ suâ quidditate reduci debet in substantiam quâ naturæ simplicitatem compositionis ex materiâ & formâ exclusivam, penetrabilitate instar proprietatis ad eam primum consequente.

## COROLLARIUM.

**I**nsertur. Angelos secundum naturam suam esse incorruptibiles. ex S. Thomâ cit. q. 50. a. 5. Ratio est. Nam alia est incorruptibilitas absoluta & positiva soli Deo conveniens, ac in eo se tenens, quod cum sit suum Esse subsistens, sitque adeo per Essentiam determinatus ad Esse, habeat ab intrinseco incorruptibilitatis formam positivè repugnantem cum omnimodâ mutatione. Alia Incorruptibilitas est Connaturalis & quasi Negativa, quatenus Ens aliquod nullum in se habeat corruptibilitatis principium intrinsecum, tamen si ipsius Esse à Primæ Causæ influxu receptum quoad conservari dependeat à liberâ Dei voluntate. Unde tale Ens in ordine ad Deum habet in se aliquod corruptibilitatis principium, quod nimirum est potentialitas in ratione subsistentis ac existentis. At hæc ipsa in ratione subsistentis potentialitas secum compatitur incorruptibilitatem connaturalem præcipuè radicatam in simplicitate naturæ. Probatur istud assumptum. Nam corruptionis in naturâ substantiali principium est materiæ potentialitas seu compositio ex materiâ & formâ. Ergo simplex substantia istam corruptionis radicem à se formaliter excludens eatenus dicitur negativè incorruptibilis, quatenus non habet in se corruptionis primum intrinsecum principium. Unde à Deo semel producta secundum naturæ exigentiam petit æviternaliter conservari in rerum naturâ. Cum igitur Angeli quoad naturam, licet non quoad suppositum sint substantiæ simplices, consequenter dici debent substantiæ incorruptibiles.

## CONTROVERSIA II.

*Qualiter Angeli inter se distinguantur?*

**S**upponendum 1. Tantam esse Angelorum multitudinem, ut longè superet omnem corporum tam sublunarium, quàm superlunarium numerum. ex S. Thomâ 1. p. q. 50. a. 3. D. Dionys. *celest. Hierarch. cap. 14.* Ratio est. Quantò enim aliqua sunt magis perfecta, tantò in majori excessu sunt creata à Deo. At sicut in corporibus attenditur excessus secundum magnitudinem, sic in rebus incorporeis attendi debet secundum multitudinem. Videmus autem cœlestia corpora perfectione excedentia inter substantias materiales quasi incomparabiliter excedere corpora corruptibilia secundum magnitudinem. Rationi igitur conveniens est, quod substantiæ immateria-

les mul-



Ies multitudinē excedant omnes simul existentes substantias materiales.

2. Supponendum 2. Hanc Angelorum multitudinem distingui in tres Hierarchias, Supremam, Mediam & Infimam. ex communi Theologorum sententiā. Ratio est. Nam sub nomine Hierarchiæ intelligitur sacer principatus, seu Respublica sacra, collectio nimirum personarum Deo sacrarum sub uno principe. At in primis collectio non tantum Angelorum, sed & hominum constituens Ecclesiam tum Militantem, tum Triphantem sub uno Principe Deo constituit commune aliquod regimen fundatum in Communionē Sanctorum. Ex his igitur coacervatur aliqua Hierarchia, seu sacra Respublica, quæ licet ex parte Principis nimirum Dei sit unica, ex parte tamen subditorum distinguitur in primis in *Ecclesiasticam*, quæ per fidem in terris adhuc militat, & *Cælestem*, quæ per visionem beatificam triumphat in cælis. Quæ proinde cælestis Hierarchia adhuc tripliciter est subdivisa ex eo, quod sint aliqui Angelorum ordines, qui diversis licet modis illuminentur immediate à Deo circa Mysteria Divina extra Verbum cognita. Econtra alij ex civitatis Sanctæ Ierusalem civibus ita sunt divinitus ordinati ad Ecclesiæ militantis cives gubernandos, ut non nisi mediantibus superioribus Angelis, non tamen supremis, percipiant divinas illustrationes, qui Infimum gradum hierarchicum constituunt, inter quos adeo & illos supremos mediant certi Angelorum ordines, qui ex illustrationibus supremorum Angelorum sibi communicatis condunt quasi leges, mediantibus quibus Angeli infimæ Hierarchiæ dirigant cives Ecclesiæ Militantis.

3. Supponendum 3. Quamlibet ex Angelicis Hierarchiis subdividi in tres Ordines, qui collectim sumpti conficiunt novem Angelorum Chores. Explicatur. Nam in primâ Hierarchiâ locantur Seraphim, Cherubim, & Throni. Inter quos Seraphini instruuntur à Deo Divinæ Providentiæ seriem in ipsâ bonitate Divinâ percipiendo ceu primâ ratione, ex quâ fluit Deitatis ad extra communicatio. Ex quâ proinde Bonitatis divinæ contemplatione Seraphini exardescunt in amore divinorum mysteriorum cognitionem communicant inferioribus, inflammando ipsos, ac succendendo in amoris erga Deum ardore. Quibus proximè succedunt Cherubini, qui à Deo illuminantur Divinæ Providentiæ dispositionem ac executionem perspicendo in Dei sapientissimâ mente; quam illustrationem inferioribus communicantes purgant ipsos, perficiuntque Divinæ sapientiæ radio. Ultimo tandem loco inter supremos se tenent Throni, qui à Deo illustrantur divinæ Providentiæ dispositionem percipiendo in Dei executrice volitione. Cujusmodi illustrationem communicando alijs excitant ipsos ad obedientiam & reverentiam erga Deum, cujus Majestati adeo & in se ipsis & in alijs taliter præparant quasi Thronum.

4. Deinde Mediæ Angelorum Hierarchiæ Ordines distinguuntur in Dominationes, Virtutes & Potestates. Dominationes primum inter Angelos ministrantes tenendo ordinem, ex superiorum Angelorum illustrationibus disponunt, quid singuli infimi Ordinis Angeli facere debeant circa creaturarum regimen ac gubernationem.

Virtutes custodiam habent super omnes naturas corporeas, secundum D. Thomam 3. *contra gent. cap. 80.* curando Cælestium quoque Corporum motus. Ad quem proinde ordinem juxta Greg. Mag. *hom. 3. in Evang.* pertinent actiones miraculosæ, quæ contingunt in rebus corporeis, ut adeo Angelus præcedens populum Israeliticum *Exodi 23.* ad verba Moysis coram Pharaone signa faciens ad eundem sit reducendus ordinem. Potestates secundum D. Thomam custodiunt totum genus humanum, arcendo etiam dæmones, ne illis infesti sint.

Denique Angelis infimæ Hierarchiæ eo ordine incumbit cura hominum, ut Principatus præ sint Communitatibus, Regnis, ac Ecclesijs, Archangeli curam habeant personarum insignium, Regum, Episcoporum, ac Pontificum, Angeli verò teneant custodiam privatorum hominum.

Quibus adeo suppositis, restat difficultas: *Utrum singuli Angelorum differant specie, vel utrum saltem possibilis sit plurium sub unâ infimâ specie Angelorum multiplicatio individualis.*

#### Referuntur Sententiæ Doctorum.

7. Scotus in 2. *dist. 3. q. 7.* Rada par. 2. *cont. 5. a. 5. in explan. subtil. Doct. conc. 6.* affirmant, sub eadem specie atomâ posse plures Angelos esse. Fundamentum est. Quia omnis absoluta entitas, quantum est de se, communicabilis est pluribus. At quælibet natura Angelica est absoluta quidditas. Ergo est communicabilis pluribus. Major probatur, si enim alicui quidditati absolute repugnaret pluribus communicari, hoc non tam imperfectionis, quàm perfectionis esset: siquidem ejusmodi incommunicabilitas non inferiori corporeæ, sed superiori Angelicæ naturæ competere. At naturæ incommunicabilitatem esse imperfectionem, dici non potest, cum alioquin Natura Divina, quæ tribus Personis est communicabilis, includeret aliquid imperfectionis.

Econtrario Thomistæ cum Angelico suo Doctore *par. 1. q. 50. a. 4.* negant, posse dari plures ejusdem speciei solo numero differentes Angelos.

#### CONCLUSIO.

Implicat Angelorum sub unâ infimâ speciei Individualis multiplicatio.

9. Probatur argumento S. Tho. Nam proprium individualis multiplicabilitatis est principium materia. Unde ea, quæ conveniunt specie, ac differunt numero, conveniunt in formâ, & distinguuntur materialiter. Atqui Angeli non sunt compositi ex materiâ & formâ. Ergo impossibile est, esse duos Angelos unius speciei.

10. Dices. Fundamentum à nobis positum, quod unica materia sit principium individualis multiplicabilitatis, seu numericæ distinctionis, non subsistere. Tum quia animæ separatae sub unâ specie differunt numero. At non per materiam. Tum quia individuatio consistit formaliter in indivisione à se ac divisione à quolibet alio. At indivisio à se est ratio formalis unitatis, unitas verò est proprietas Transcendens Entis tã corporalis, quàm spiritualis. Ergo individuatio formæ non est per materiam, sed per transcendentalem



dentalem Entis proprietatem seu unitatem, cum quâ inseparabiliter est connexa divisio à quolibet alio. Hæc verò divisio importat distinctionem individualement. Ergo ratio individualis distinctionis, atque adeo numericæ multiplicabilitatis non debet reduci in materiam, sed in intrinsecam cujuslibet Entis rationem.

11. Contra. Nam individuatō Formalis & Positiva cōsistit in subsistentiā, seu Hæcceitate. Unde si quæ natura sit per se ipsam determinata ad unā subsistentiā, non est numericè ac individualiter multiplicabilis. Atqui hæc naturæ ad unam subsistentiam determinatio alia est actualis, vi cujus natura est essentialiter suum Esse subsistens: quod soli Naturæ divinæ convenire potest. Alia proinde ad unam subsistentiam determinatio est radicalis, vi cujus Natura habens realem à subsistentiā distinctionem non per se primò est Esse subsistens, in suā tamen essentiali ratione, seu quidditate exigit determinatam sibi propriam Hypostasim. At istud proprium est naturæ completæ spirituali. Probatur istud assumptum.

12. Subsistentia enim & consequenter existentia consequuntur ad formam. Hæc autem subsistentiæ perfectæ substantiam Primam in Esse *Quod* constituentis ex Formā resultantia vel supponit, vel coexigit Formam in ratione Naturæ perfectam. Atqui alia forma in Esse Completæ Naturæ constituitur per compositionem cum materiā: alia verò per se ipsam est substantia in ratione Naturæ simpliciter perfectæ & completa, cujusmodi ex quidditate suā esse Naturam Angelicam, supra demonstravimus. Est autem istud discrimen inter hæc duo formarum genera: quod Forma cum materiā componibilis in hac supponat aliquas dispositiones (adeo quantitatem, ut vocant, signatam) ut sic materiæ determinativas ad certam formam. Sicut igitur forma ejusmodi non nisi mediantibus dispositionibus determinatur ad hanc Naturam unā cum materiā constituendam, sic mediantibus ejusmodi dispositionibus sit Formæ in materiā determinatio ad istam subsistentiam seu Hypostasim ex se quā materiæ informativā pullulantem. Unde ejusmodi dispositio sive qualitas signata est in substantiā corporeā proximum Hypostasis sive Individuationis Principium.

13. At eo ipso, quod istæ dispositiones supponant potentialitatem materiæ ex se indifferentem ad diversas respectu formarum ejusdē alioquin speciei dispositiones, sequitur, quod Formæ in materiā receptibiles debeant in se habere diversarum Hypostasum radicale Principium. Consequens proinde est, formæ receptibili in materiā eo ipso convenire aliquam determinabilitatem ad diversas pro qualitatis seu materiæ signatæ sive dispositionum varietate Hypostasim. Hæc autem ad diversas Hypostasim determinabilitas, uti per se patet, est hoc ipso multiplicabilitatis individualis Principium radicale. Ergo individualis multiplicabilitatis radix reduci debet ad formæ in materiā receptibilitatem.

14. Contra forma, quæ per se ipsam Essentialiter in ratione naturæ Completa est ut sic irreceptibilis, per se ipsam habet immediatam connexionem cum Hypostasi ex se emanante. Naturæ enim quā completæ est intrinseca ad Hypostasim determinatio. Atqui Naturæ determinatio est ad unum. Ergo ejusmodi natura, atque adeo

Forma Angelica per se in ratione Naturæ Completa est ab intrinseco determinata ad unā Hypostasim. Atqui individualis multitudo est secundum Hypostasim. Ergo eo ipso, quod Forma Angelica in se quoad rationem Naturæ Essentialiter Completa sit ab intrinseco irreceptibilis, sequitur, repugnare Numericam Angelicæ substantiæ sub unā Naturæ specie multiplicabilitatem.

Unde patet discrimen inter Angelicam Naturam, & formam rationalem separatam, hæc enim cum sit receptibilis in materiā, est consequenter per varias quantitatis signatæ dispositiones determinabilis. Hæc autem determinabilitas eo ipso infert formæ rationalis in ita quæ etiam separationis indifferentiam ad diversas licet pro illo statu incompletas subsistentias. Patet etiam, falsum esse, quod adversarij prætendunt, individuationem scilicet consistere in unitate Transcendentali, hoc enim procedit solummodò de individuatione Incompletâ, & Negativâ, non verò de Completâ & Positivâ Primæ præsertim substantiæ: cujus multiplicabilitas ex potentia litate ad diversas Hypostasim, atque adeo per formæ in materiā receptibilitatem adstruenda est.


#### Responsio ad Opposita Argumenta.

15. AD Scotistarum n. 7. oppositum fundamentum Respondetur. Aliam esse communicabilitatem Esse purè subsistentis sine aliquâ sui utpote ultimam in ratione Essentiæ & Naturæ Hæcceitatem Formaliter importantis multiplicabilitate. Ejusmodi verò Communicabilitatem summæ perfectionis esse soli divinæ Naturæ propriam. Aliam verò esse quidditatis absolutæ communicabilitatem cum aliquâ sui in Esse Naturæ multiplicabilitate. Hanc verò reduci in formæ in materiā receptibilitatem, atque adeo involvere imperfectionem Naturæ Angelicæ repugnantem.

16. Instabis ex Radâ cit. cont. 6. art. 3. Omnem naturam, quæ de se non est actus purus, posse determinari aliqua Entitate positivâ. Cum igitur Natura Angelica non sit actus purus, sequi, posse hanc ad Esse determinari Entitate aliquâ, nimirum Hypostasi à se distinctâ, posseque adeo in suâ specie plurificari.

17. Respondetur. Aliam esse determinationem Formalem in actu secundo, aliam verò esse determinationem formæ in actu primo ad determinatam Entitatem ex se pullulantem. Sic enim substantia ignis creata non per se formaliter quoad secundum causalitatis formalis actum est determinata in ratione calidi seu sicci, licet in actu primo ex suâ Essentiā sit determinata ad istas proprietates ex se pullulantes. Pari ergo ratione Naturam Angelicam, cum non sit actus purus, non esse formaliter per se in ratione actualis denominationis, seu quā causalitatis formalis determinatâ ad Esse Hujus, sive ad Hæcceitatem & subsistentiā, etsi ob sui in materiā irreceptibilitatem sit ex suâ quidditate determinata ad hanc Hypostasim ex se emanantem, quæ omnis plurificabilitatis ita est formaliter exclusiva, ut consequenter Natura taliter determinata in ratione suppositi formaliter, in ratione verò Naturæ radicaliter sit per Essentiā suam immultiplicabilis.






## ARTICULUS II.

DE

*Angelorum Loco, Motu, Duratione & Operatione ad extra.*

**N**Egabant nonnulli antiqui Philosophi, Intelligentias esse in loco. Verum istam opinionem hæreticam dicit S. Thom. in 1. dist. 37. q. 3. a. 1. siquidem S. Scriptura asserat, Angelos venisse ad Abram & Loth. Gen. 18. & 19. Item Angelos ascendisse de Galgalis ad locum flentium. iud. 2. Et Apoc. 12. Non esse inventum locum eorum (Diaboli scilicet & Angelorum ejus) amplius in cælo.



## CONTROVERSIA I.

*Qualiter Angeli sint in Loco?*

**1.** Tres hæc de re sunt Doctorum sententiæ. 1. Scoti in 2. dist. 2. q. 6. & aliorum tenet: Angelum esse in loco Formaliter per suam præcise substantiam, Causaliter vero per suam voluntatem. Fundamentum est. Nam substantia Angeli in ordine ad locum per se ipsum habet id, quod quantitas in corporibus. Hæc autem per seipsam immediate est in loco. Ergo per hoc solum, quod Angeli substantia per suæ voluntatis applicationem ordinetur ad aliquem locum, est per seipsam ut sic in tali loco.

**2.** 2. Suarezij lib. de Angelis. c. 2. & 3. aliorumque Recentiorum opinio habet, quod Angeli sint in loco per aliquam formam sibi superadditam, antecedenter ad eorum operationem, quæ forma sit Ubi in substantiis eorū immediate receptum, tanquam formalis in loco existendi ratio. Fundamentum à Francisco de Lugo in 1. p. lib. 3. disp. 5. c. 3. deductum est. Nam inter Angelum & corpus datur vera distantia & indistantia. At ista indistantiæ ratio non tantum ex parte corporis, sed etiam ex parte Angeli importat formam aliquam superadditam: siquidem Angeli mali delinunt esse in cælo, tanquam loco suo, quin illud amiserit suam realem præsentiam. Oportet igitur, ex parte Angelorum perditam esse aliquam formam, ut sic verificetur, non esse amplius in ventum eorum locum in cælo.

**3.** 3. Thomistarum sententia est, quod Angeli existant in loco per contactum virtutis. In quo tamen virtutis contactu explicando videntur non nihil dissidere, Salmanticensibus tract. 7. de Angelis. disp. 2. dub. 5. asserti. 2. affirmantibus, consistere in ipsa formali Angeli circa corpus operatione. Contra Cajetano 1. p. q. 52. a. 1. asserente, contactum illum formaliter importare applicationem virtutis ad operandum ex aliquo corpore.

## CONCLUSIO.

**A**ngelus est formaliter in loco per suam in hoc operationem. Ita S. Thomas in 1. dist. 37. q. 3. a. 3. asserens: Angelum, & quamlibet substantiam spiritualement non posse esse in corpore, nisi per operationem, quæ effectum aliquem in eo causet.

Probat. Nam Angeli ad locum corporeum præsentia non est Ubi circumscriptivum loci ac extensionis legibus subiectum, sed loco superius est. Unde per illam Angelus non continetur seu mensuratur corpore locante, sed potius continet corpus, non quidem secundum Esse substantiæ, sed secundum aliquam accidentalem inpressionem: sicuti de divinitate etiam præsentia habemus ex sacris Litteris, quod Deus ex vitali præsentia contineat omnia, & portet Verbo virtutis suæ. At ejusmodi continentia importat aliquam Causalem in loco operationem, quæ vel ipsius intimi Esse, velut ex parte Dei, sit sustentativa, vel alicujus saltem accidentalis immutationis in re locante sit effectiva. Oportet igitur, præsentiam Angeli sitam esse in tali operatione, non ipsius locorum Esse substantiale, sed immutationem aliquam accidentariam causante.

Dices. Angelum antecedenter ad operationem circa corpus aliquod efficiendam præsupponi debere huic præsentem.

Contra: Nam alia præsentia Angeli est completa, alia verò incompleta. Alia importat rationem virtutis Angelicæ contactum, ut per practicum intellectus judicium, & voluntatis ipsius expeditionem sufficienter sit applicata virtus Angeli ad operandum in aliquo loco. Hæc proinde incompleta virtutis Angelicæ ad corpus contactum in actu primo importans præsentiam præsupponitur quidem ad actualem operationem, ut tamen substantia Angelica non intelligatur completè collocata in aliquo loco, nisi ex hujus passivæ potentia eliciat actualem aliquam operationem. Ratio est. Quia Angelus cum careat quantitate, nequit esse in loco per quantitativam commensurationem. Ergo per commensurationem duntaxat virtutis agentis ad passum. At ista commensuratio in actu secundo importat ut sicutum actionem, tum passionem. Ergo non est præsentia Angeli in actu secundo quæ completa, nisi prout importat actualem virtutis suæ in passio operationem.

Instabis. Angelos malos esse à Deo alligatos ad ignem infernalem tanquam locum suum violentum. Atqui Angelos non agere in ignem, sed pati ab isto. Ergo præsentiam Angeli illare posse sine Virtutis suæ in corpus actione.

Contra. Nam alia præsentia Angeli est connaturalis, alia verò præternaturalis. Ejusmodi verò est Dæmonum ad ignem infernalem alligatio, consistens in passione ab hoc igne tanquam Dei instrumento impressa Angelicæ substantiæ. Etsi proinde præter sive supernaturalis Angeli præsentia consistere possit in passione à corpore recepta, eo ipso tamen, quod Angelica substantia non sit naturaliter mobilis à corpore, nequit connaturalis Angelorum præsentia consistere nisi in actione corpori impressa.

Respon.



## Responsio ad Opposita Argumenta.

**A**D Scoti *n. 1.* oppositum Respondetur. Quid-  
quid de hoc sit, an ubi quantitativū sit enti-  
tas à quantitate realiter distincta, oportet saltem  
Angelicæ substantiæ ad corpus præsentia ponere  
in commensuratione virtutis activæ ad passum.  
At ista commensuratio in actu primo remoto im-  
portat Angeli virtutem ad extra motricem, in  
actu autem primo proximo importat ejusdem  
virtutis cum loco contactum quoad sui median-  
te iudicio practico applicationem. In actu de-  
nique secundo importat prædictæ virtutis con-  
tactum in ipsâ operatione corpori locanti im-  
pressâ perfectum & completum.

11. Ad Francisci de Lugo *n. 2.* oppositum Re-  
spondetur. Illo recte probari, quod ratio indi-  
stantiæ in Angelo ad corpus comparato impor-  
tet formam ab ejus substantiâ distinctam, quæ  
tamen sita sit in commensuratione non quanti-  
tativâ, sed virtuali. Unde formaliter importat  
tum applicationem virtutis Angelicæ ad pas-  
sum, tum actualem Angeli in corpus operatio-  
nem. Et hinc Angelorum non est amplius in cæ-  
lo inventus locus, quod in hoc connaturalem  
lucis effectricem virtutem amplius exercere non  
possint. De cujusmodi Angelorum virtute S. Tho-  
mas in *1. 2. q. 3. a. 1. in corp.* differit.

## COROLLARIUM.

12. Infertur 1. Cuivis Angelorum limitatum qui-  
dem locum designari, intra hujus tamen sphæ-  
ram pro libitu posse existere in indivisibili puncto,  
seu majori spatio. ex S. Thomâ *pres. q. 22. a. 4.* Ra-  
tio est. Tum quia Angeli virtus est finita. Er-  
go operatio, per quam Angelus est in loco, non  
potest non esse coarctata, quæ ratio est, cur An-  
gelus definitivè, non immensè per operationem  
suam instar Dei dicatur esse in loco. Tum quia  
virtutis Angelicæ nulla est dependentia ab ex-  
tensione corporis, in quod agit. Ergo ejus effe-  
ctus ad quamlibet corporis partem sphæræ suæ  
commensuratam, imò ad punctum etiam indi-  
visibile terminari potest.

13. Infertur 2. Angelum non posse naturaliter  
simul existere in pluribus locis adæquatis, sed  
supernaturaliter. ex S. Thomâ *in. a. 2.* Ratio est.  
Quia locus adæquatus est sphæra determinata,  
intra quam Angelica virtus potest pro uno tem-  
pore suam exercere operationem. At quia hæc  
Angeli virtus finita est, non extendit se ultra de-  
terminatos in corporibus producendos effectus.  
Nisi ergo Deus hanc Angeli virtutem augeat per  
supernaturalem elevationem, nequit operari ul-  
tra locum ex naturæ ac virtutis suæ finitæ limi-  
tatione sibi determinatum, atque ut sic adæqua-  
tum.

14. Infertur 3. Qualiter Angelus possit esse in  
duobus locis inadæquatis. Nam ejusmodi loci  
inadæquati dupliciter possunt se habere; primò  
ut ambo sint intra sphæram activitatis Angeli-  
cæ. Secundò, ut alter locorum sit extra sphæ-  
ram Angeli. v. g. si sphæra Angeli alicujus sit  
totum spatium hujus Cænobij, quæstio est, an  
possit operando simul existere in templo, & in  
isto conclavi, quin operetur in locis intermedijs;  
vel si in unicâ hujus Cænobij parte operetur, pos-  
sit extra sphæram suam operari in alio loco in-

adæquato, per unam v. g. leucam hinc distan-  
te. In quo affirmat cum alijs Labat *trac. 3. in 1. p.*  
*disp. 1. dub. 7. §. 1.* Angelis inesse virtutem in lo-  
cis etiam discontinuis operandi intra, non ta-  
men extra suâ sphæram. Verum hoc ipsum Ioan-  
ni à S. Thomâ *pres. disp. 20. a. 3. n. 21.* videtur dif-  
ficile, quod Angelus nimirum naturaliter possit  
intra suam quoque sphæram discontinuare lo-  
cum. Cujus ratio est, quod natura agentis limi-  
tati videatur exigere, ut operando per unicam  
suam virtutem non nisi unicâ operatione opere-  
tur, nec possit adedò unum agens plures elicere  
operationes, nisi istæ vel sint subordinatæ, vel  
promanent à diversis potentijs. At si Angelus in  
pluribus sphæræ suæ partibus discontinuis ope-  
retur, tunc ab unicâ ipsius virtute simul eman-  
rent plures non subordinatæ operationes. Unde  
si quando unus Angelus eodem quasi momento  
occidit exercitum Senacherib *Isaia 37.* Author ci-  
tatus *n. 25.* ait, non constare id factum esse simul-  
tate instantis physici, & operationis, sed simul-  
tate brevissimi temporis per maximam virtutis  
Angelicæ celeritatem.

Infertur 4. Plures posse simul existere in  
eodem loco materiali, non autem Formali. ex  
S. Thomâ *pres. q. 52. a. 3.* Ratio est. Nam locus  
materialis dicitur corpus aliquod Entitativè  
spectatum, in quo Angelus operatur. Forma-  
lis verò locus vel est ipse contactus Angelicæ vir-  
tutis in corpore operantis, vel est corpus, quate-  
nus subest tali contactui seu operationi. At licet  
non repugnet, plures Angelos simul applicate  
suas virtutes ad diversos in uno corpore effectus  
producendos: sic enim *Marc. 5.* Legio dæmo-  
num unius hominis corpus occupans in eadem  
corporis parte varios producebat effectus diversi-  
modè illum hominem vexando. Nihilominus  
repugnat, plures Angelos tanquam causas tota-  
les operari eundem in uno corpore effectum,  
tametsi ut Causæ partiales concurrere possint ad  
ejusdem numero totalis effectus productionem.  
Possunt igitur plures Angeli existere in uno loco  
materiali, non tamen formali nisi partialiter.

## CONTROVERSIA II.

Qualis sit Angelorum mo-  
tus?

**S**UPPONENDUM 1. Angelis convenire verum  
motum localem, juxta illud *Exod. 14.* Tollen-  
se Angelus Dei, qui præcedebat castra Israel, abijt post eos.  
Et *Matth. 28.* Angelus autem Domini descendit de cælo.

**S**UPPONENDUM 2. Hunc Angeli motum con-  
sistere in operatione partim immanente, partim  
transiente. Nam terminus motus est Præsen-  
tia localis. Hæc autem in Angelo non est Ubi  
intrinsecum in ejus substantiâ receptum per mo-  
dum commensurationis ad corpus locans, seu  
ad puncta cæli, sed est operatio, per quam sit Ange-  
licæ virtutis ad corpus contactus realis & phy-  
sicus. Ejusmodi verò Angeli ad extra operatio-  
nem, tum passivam in corpore immutatio-  
nem, tum in ipso imperium intellectus, & appli-  
cationem voluntatis. D. Thomâ *opus. 11. a. 3.* as-  
serente: Angelum movere cælum, seu operari  
U u u 2 ad



ad extra per imperium intellectûs. Ergo Angeli motus nunquam stat sine intrinsecâ sui quoad operationem immanentem mutatione.

3. Supponendum 3. Nullam esse difficultatem in eo, quin motus Angeli possit esse continuus per corporis quantitativi contactum nullis temporum morulis interruptum. Nec difficultatem esse, quin eâ ratione possit esse discretus, ut Angelus circa corporis alicujus partes quantitativè extensas operando, successivè se moveret tum per morulas, tum per mutationes instantaneas temporum morulis interruptas, tum per mutationes temporaneas quibusdam instantaneis quictis morulis discontinuatas.

#### Referuntur Sententiæ Doctorum.

4. **Q**UARE difficultas est 1. *Utrum Angelus possit moveri de loco ad locum distitum, non transiendo per medium*; Etenim sententiam Negativam tradunt D. Bonaventura in 1. dist. 37. p. 2. a. 2. q. 2. & Scotus in 2. dist. 2. q. 12. Fundamentum est. Si enim Angelus ab uno extremo ad aliud moveretur non transito medio, sequeretur, dari duo instantia immediata, scilicet instans, quo Angelus immediate est in isto loco, & instans, quo sine motu invenitur continuè in alio loco. At consequens illud videtur absurdum. Ergo & antecedens.

Ex opposito affirmat Cajetanus 1. p. q. 53. a. 3. Vasquez hic disp. 146. cap. 2. & alij.

5. 2. Difficultas est. *Utrum motus Angeli in spatio divisibili possit fieri in instanti*; Affirmat cum Scoto & alijs Suarez præf. lib. 4. c. 20. & 21. Fundamentum est. Motus enim nihil aliud facit, quàm loci acquisitionem. Atqui Angelus simul & in instanti acquirit totum locum ex parte termini ad quem. Ergo motus ejus est in instanti. Minor probatur. Nam in toto motu antecedente instanti Angelus neque movetur, neque disponitur ad motum, sed manet sub priori loco, sine voluntate transeundi ad alium determinatum locum. Quo enim instanti hanc utpote efficacem voluntatem habere incipit, jam est in alio loco. Ergo non est intelligibile, quòd Angelus moveatur nisi in instanti, in quo volendo incipit hoc ipso priorem locum deferere, & alium à se intantum acquirere.

Ex opposito D. Thomas præf. q. 53. a. 3. negat, Angelum posse motu vel continuo, vel discrete moveri in instanti.

#### CONCLUSIO I.

**A**ngeli motus discretus, non autem continuus potest esse ab uno ad alium distitum locum, quin medium pertransiri debeat. ex S. Thomâ cit. q. 53. a. 2.

6. Probatur. Nam corpus ideo non posset nisi transito medio moveri de loco in locum, quia præsentia ipsius localis est secundum consensuram loci. Hinc enim cum terminus motûs sit præsentia localis, sequitur, quòd sicut ista præsentia in corpore est secundum extensionem loci quantitati commensurata, sic & motus localis corporis sit affixus divisibilitati ac extensioni corporis locantis, cujus adeò partes debeat suc-

cessivè pertransire. At secus est in Angelo, cujus præsentia non est secundum commensurationem quantitativam, sed secundum virtutis contactum. Hic verò contactus est secundum imperium intellectûs, & liberam voluntatis applicationem, nec adeò subijcitur legibus loci. Unde pro libertate suâ potest Angelus alicui ex toto universo substantiæ corporeæ se applicare ad aliquid in eâ operandum sine ulla sui spatio dependentia. Nec adeò Angelus in cælis constitutus ut operando in terris se alicui sublunari corpori localiter uniat, opus habet operari in substantiis intermedijs. Ergo Angelicæ substantiæ connaturale est, ex uno extremo, non pertransire spatij intermedijs, transire posse ad alterum extremum.

Dices. Ex hoc inferri, tum quòd detur actio in distans, tum quòd ob paritatem rationis motus Angeli non tantum discretus, sed etiam continuus posset fieri de extremo ad extremum sine transitu per medium.

Contra. Tum quia Angelus applicando suam virtutem ad aliquod passum non est jam distans. Atqui Angelus ad quodvis corpus sibi intelligibiliter præsens potest per voluntatem suam velle suæ virtutis applicationem, sibi quæ adeò corpus ejusmodi indistans facere incompletè quidem per Imperium intellectûs, completè verò per ipsam ex hoc imperio transeuntem passio impressam operationem. Tum quia motus Angeli importat tum operationem immanentem voluntatis, & intellectûs practici, tum transeuntem mutationis passio impressæ operationem. Atqui continuitas motûs ut sic se tenet formaliter ex parte istius transeuntis operationis, quæ utpote recepta in corpore subijcitur hujus legibus, secundum quas continuitas motûs importat ordinem prioris & posterioris in magnitudine loci seu spatij, veluti ex Aristotele tradit S. Doctor *chans*. Consequens igitur est, motum Angeli continuum, ratione operationis transeuntis in corpus, ad quod sit Angeli præsentia, non posse esse ab uno extremo ad aliud nisi transito medio, secundum prioris & posterioris ordinem fundatum in magnitudine spatij seu corporis locantis.

#### CONCLUSIO II.

**R**epugnat, motum Angeli fieri in instanti, tamen si Angelus per mutationem simplicem possit in instanti acquirere aliquem locum toti sphaeræ suæ se instantaneè applicando.

Probatur. Hoc enim est discriminis inter motum & mutationem, quòd ille, non hæc importet aliquam successionem. At implicat successio in instanti. Ergo implicat, motum etiam Anglicum esse instantaneum.

Dices. Eo ipso, quòd Angelus sit in loco per contactum suæ virtutis, & per operationem suâ, sequi, posse Angelum desistendo ab omni operatione manere sine loco positivo, & actuali, veluti tradit S. Thomas, in 1. dist. 37. a. 1. ad 4. At in tali casu posset Angelus per unam simplicem mutationem in instanti, ad quem vellet locum, applicare se diffundendo per totam suam sphaerâ mediante corporis locantis mutatione alterativâ quoad



quoad omnes suas quantitativè extensas partes. Hæc autem mutatio haberet mutationem motûs. Ergo potest dici motus Angeli instantaneus.

11. Contra. Nam sicut lucis per aerem diffusio, cum in instanti secundum Extensionem licet quantitativam fiat, non formaliter, sed tantum præsuppositivè secundum motûs orbium cælestium præsuppositionem denominari potest motus: sic illa corporis, ad quod Angelica operatio in instanti se diffundit, mutatio quantitativè licet extensa, nec formaliter nec causaliter dici debet esse motus. Probatur ratione per Angelicū Doctore cit. q. 53. a. 3. deductā. Impossibile enim est, dari motû, si mobile toto antecedente tempore quievit. At in casu præfacto mobile toto antecedente tempore quievisset, utpote subsistens absque omni sui per Angelum mutatione. Ergo illa mutatio non esset motus. Minor patet. Major autem probatur. Non enim est motus, si res in primo sui fieri instanti jam sit in facto esse. At si mobile toto antecedente tempore quievit, tunc effectus in tali mobili productus jam est in facto esse, ita ut antecedenter secundum nullam sui etiam dispositivam formalitatem fuerit in fieri. Unde in ejusmodi mutatione nulla est quoad fieri successio temporis vel instantium. Non igitur est aliquis motus Angeli, nisi pro diversis instantibus secundum aliquam temporis saltem discreti successionem, veluti in sequenti Corollario deducetur.

#### Responsio ad opposita Argumenta.

13. Ad Fundamentum ex parte primæ Difficultatis n. 4. oppositum Respondetur. Non esse absurdum in Angelis, eorumque motibus seu operationibus admittere plura immediata instantia, quæ faciant tempus Angelicum à nostro tempore ex hoc distinctum, quod istud continuum sit, illud verò discretum, ut in præcitato corollario dicitur.

14. Ad Fundamentum ex parte secundæ difficultatis n. 5. oppositum Respondetur. Acquisitionem loci in Angelo quandoque esse instantaneam, quandoque verò successivam. Potest enim Angelus voluntatis suæ applicatione liberâ efficaciter se transferre ad locum, quem voluerit in toto Universo. Hæc autem ad locum translatio aliquando fit cum successione quorundam instantium Angelicorum, in quorum uno Angelus virtutis suæ contactum ad istud corpus, vel corporis partem, in altero verò ad aliud corpus, seu corporis partem exercet. Tunc igitur acquisitio loci ejusmodi utpote successiva habet rationem motûs. Quandoque verò Angeli substantia, dum prius vel nullum pro libertate suâ exercendo ad corpus aliquod virtutis suæ contactum, vel hunc per aliquod Angelici temporis spatium in uno determinato corpore continuando manserat in quiete, postmodum instantaneè se transfert ad locum aliquem, sive proximū sive remotum. Quare tunc acquisitio loci ejusmodi utpote unico constans instanti, non habet rationem motûs, sed instantaneæ mutationis.

#### COROLLARIUM

#### De Tempore ac Duratione Angelorum

15. Inferitur 1. Duplicem Durationis operationum Angelicarum esse mensuram Extrinsecam. Una est secundum nostrum intellectum aliquantulum mensurantem Angelicas operationes sive immanentes sive transeuntes per tempus nostrum situm in motu Primi mobilis. Altera est secundum intellectum Angelicum: sicut enim Angeli Primi coæva intellectio est mensura Extrinsecè mensurans intellectuum, quas habent inferiores Angeli; sic ejusdem Primæ Intelligentiæ volitio libera instantanea potest esse mensura, per quam aliquis Angelus suo intellectu meretur alterius Angeli operationes.

16. Inferitur 2. Tempus Angelicum non instat nostri consistere in motu continuo, sed esse discretum ex pluribus Angelicis operationibus conflatum. Ratio est. Nam duplex est Angelicæ operationis genus. Alterum est cœvum substantiæ Angelicæ, habens sui permanentiam immobilem; veluti sunt Intellectiones Angelicæ Intelligentiæ connaturales & congenitæ, quæ proinde mensurantur æternitate, uti superius q. 3. a. 5. coroll. 2. docuimus. Alterum est transmutabile, cujusmodi sunt Intellectiones volubiles, ac liberæ Angelicæ volitiones quarum singulæ faciunt unum instans, collectim verò constant tempus Angelicum.

17. Hinc 3. inferitur. Sicuti respectu nostri, sic respectu Angelicarum operationum aliud tempus esse intrinsecum, aliud verò Extrinsecum. Nam respectu nostri Extrinsecum tempus est motus Primi mobilis, Intrinsecum verò est intrinsecus corporis nostri motus alterativus: nam continua primarum qualitatatum in nobis pugna & alteratio est illud intrinsecum tempus nostrum, cujus termini ita sunt nobis à Deo constituti, ut præteriri non possint, sed prout temperamenti nostri alterativa defectio est Divinitus præordinata, sic hoc intrinsecum tempore nostro sive temperamenti intra naturæ debitos terminos continuè agitati consistentiâ effluente, mors tandem succedet. Pari quodammodò ratione potest Intellectus Angelicus operationes suas liberas & volubiles sive transeuntes sive immanentes mensurari per Angeli superioris volubiles actiones, è quibus tanquam instantibus Angelicis ita conflatur tempus Discretum Angelicorum motuum mensurativum, ut illæ ipsæ tamen Angelicæ operationes per propriam suam Durationis mensuram sibi met sint tempus Intrinsecum.

#### CONTROVERSIA III.

#### Qualis Angelorum sit ad extra operatio?

18. Supponendum. 1. ex S. Thomæ 1. p. q. 110. a. 2. & unanimi Theologorum consensu, Angelos naturali suâ virtute non posse substantiam producere. Probat ex Concilio Ancyrano n. cap. Apiscopi 26. q. 5. hisce verbis relato. De Domino nostro



stro scriptum est, omnia per ipsum facta sunt. Quisquis ergo credit, posse fieri aliquam creaturam, aut in melius, aut deterius immutari, aut transformari in aliquam speciem vel similitudinem, nisi ab ipso Creatore, proinde infidelis est. In quo Decreto eliminatur Dæmonum per aliquos asserta potentia ad faciendas extraordinarias immutationes. Cum igitur virtus naturalis secundum Divinum Dionysium non sit imminuta in Angelis Apostatis, consequenter dici debet, non esse Angelis virtutem substantiarum transmutativam.

2. Supponendum 2. ex D. Thomâ citato ad 2. & 3. Angelos posse per applicationem causarum naturalium efficere, quidquid per ejusmodi causas factibile est. Tum quia Angeli omnium naturalium causarum vires cognoscunt. Ergo quaslibet naturales virtutes eo modo inter se conjungere possunt, quomodo in ordine ad certos effectus producendos natura facere consuevit. Tum quia in corporibus movendis vel maximè expediti sunt Angeli, unde possunt quàm celerrimè causas naturales taliter attemperare, ut quàm citissimè producat effectus excedens omnem humani ingenij captum. Hinc in primis Dæmon, cum noverit, quâ attemperatione causarum naturalium opus sit ad producendum aurum, ipsi non est difficile per artem alchymisticam efficere aurum. Deinde cum morbum cujusvis hominis intimè penetret, noveritque quarumlibet rerum vires, ipsi per facile est, conficere medicinam talis morbi ceterò expulsiivam. Denique cum sciat, per quas causas possint à terrâ & aquâ extrahi exhalationes, atque vapores, quantâve exhalationum copiâ abundet aer, quàm celerrimè potest vaporum ac exhalationum copiam excitare, congregare, ac elevare ad mediam aëris regionem, ex ijsque postmodum tempestates, fulgura & tonitrua efficere. Econtra verò, quia dæmon nihil in rebus corporeis efficere potest nisi per applicationem causarum naturalium: nequit producere effectus miraculosos totius naturæ creatæ virtutem superantes. Unde quia hominis in bestiam, seu bestię in hominem transmutatio præsertim momentanea naturæ vires excedit, dæmon per fascinationem solum apparenter transmutat sagas in lupos, & similia animalia.

4. Supponendum 3. Potentiam locomotivam in Angelis non distingui realiter ab intellectu & voluntate. Probatur tum autoritate S. Thomæ 1. p. q. 70. a. 3. & q. 16. de malo a. 1. ad 14. asserentis: Angelum movere corpora solo imperio voluntatis. Unde Aristoteles 12. Metaph. textu 41. ait; Intelligentias movere celos tanquàm intelligentes, ac desiderantes. Tum ratione, si enim potentia loco motiva in Angelo distingueretur ab intellectu & voluntate, tunc specificaretur ab operatione, per quam fit in Angeli in corpore aliquo locatio. Ex hoc autem sequeretur, ejusmodi potentiam specificari à termino materiali. Unde non esset purè spiritualis. Atqui Angelicæ utpote spirituali naturæ nulla convenit potentia nisi immaterialis. Nequit ergo potentia locomotiva esse distincta ab intellectu & voluntate.

Quibus aded suppositis, Doctores concer-

tant, Utrum Angelus propriâ suâ virtute non moveat duntaxat localem, sed alias immutationes accidentales efficere possit?

#### Referuntur Sententiæ Doctorum.

5. Affirmat Avicenna relatus à D. Thomâ 3. cont. Gent. c. 13. quòd natura corporea ad formas accidentales v. g. calorem & similes qualitates possit ab Angelis immutari, non applicando causam duntaxat passivam, sed propriâ Angeli virtute proximâ operante. Fundamentum est. Nam fascinatio fit solâ virtute imaginationis fascinantis. At per fascinationem fit mutatio qualitatum in fascinato. Ergo cognitio & volitio Dæmonis Angeli fascinantis se solâ sine causarum naturalium applicatione potest esse causa alicujus formæ accidentalis in fascinato effectæ.

6. Econtra Franciscus de Lugo pres. disp. 3. cap. 2. n. 15. cum Theologis a se relatis negat, posse formam aliquam accidentalem præter motum localem in corporibus produci ab Angelo. Fundamentum est. Quia nullum habetur sufficiens argumentum ad virtutem formæ etiam accidentalis à substantiâ corporeâeductricem in Angelo adstruendam.

7. Mediam sententiam tenent Thomistæ distinguentes duos qualitatum ordines, scilicet Physicarum, cujusmodi sunt primæ qualitates ac secundæ ex illis ortæ; & Intentionalium, cujusmodi sunt motiones Instrumentariæ per Entia superiora inferioribus impressæ. Cui sententiæ conformiter Ioannes à S. Thomâ pres. disp. 20. a. 2. n. 10. docet, Angelos posse in corporibus producere lucem, non tamen alias alterativas qualitates, ut frigus, nisi applicando activa passivis: eò quòd lux magis pertineat ad qualitates intentionales, quàm qualitates Elementales,

#### CONCLUSIO.

Videtur, vix posse negari, quòd Angelis inexistat virtus immediata ad Lucem physicè producendam.

8. Probatur Argumento per Ioannem à Sancto Thomâ deducto. Nam in primis pro hac conclusione videntur stare testimonia S. Scripturæ, quibus asseritur, aliqua loca sensibilibus illuminata fuisse ab Angelis. Act. 12. Angelus Domini adstuit, & lumen refulsit in habitaculo. Et Luca 1. Angelus Domini stetit juxta illos, & claritas Dei circumfulsit illos. Item Math. 28. Erat autem aspectus ejus sicut fulgur. Deinde dicitur de Beatis Apocap. 12. quòd asserent gloriam suam & honorem in illam, id est, civitatem cælestem. Ergo multò magis Angeli luce à se emanante gloriosissimam efficiunt illam cælestem habitationem. Ex quâ proinde luce non improbabile est, fluere cæli Empyrei in corpora inferiora influentias aliquas; ut adeò Sanctus Thomas 1. p. q. 66. a. 3. ad 2. dixerit. Licet cælum Empyreum immobile sit locali motu, tamen aliquid influere in hæc inferiora, atque id pertinere ad supremi hujus corporis dignitatem.

Respon-



Responsio ad Argumenta ab initio  
opposita.

7. **A**D n. 5. oppositum Avicennæ argumentum Respondetur ex D. Thomā 1. p. q. 111. a. 3. Fascinationem fieri à dæmone in phantasiā nostrā, non per immediatam phantasmatum productionem; sed quatenus dæmon virtute suā locali, vel per summam celeritatem obijcit objectum aliquod sensibile, vel in vi Imaginativā hominis fascinati movet ac excitat Spiritus seu humores, mediante quorum commotione fit excitatio specierum ac phantasmatum repræsentantium objectum aliquod sensibile.

Ad Francisci de Lugo n. 6. oppositum Respondetur. De luce saltem aditruī fundamentum sufficiens pro virtute ipsius effectrice in Angelo asserendā,

## COLLORIUM

De Virtute & operatione Angelorum  
in corporibus assumptis.

8. **I**nfertur 1. Angelorum in aliquo corpore apparitiones posse tripliciter fieri. *Primo* secundum internam duntaxat Imaginationem. Etenim Angeli possunt præstigijs immutare hominum sensus, obijciendo Imaginationi ipsorum corporis alicujus figuram, vel aliquas in phantasiā species excitando: veluti lamijs frequenter contingere creditur, ut delusæ à dæmonibus ad varia putent loca se deduci, dibique per multa conspiceret.


*Secundo.* Per proprii alicujus corporis assumptionem, velut S. August. 14. de Civit. 11. existimavit, serpentem, sub cujus specie allocutus est Evam dæmon, fuisse verum animal. *Tertio.* Per corporis ex aëre formati assumptionem. Etenim aër, & vapor medijs agentibus naturalibus facile nonnihil condensatur, condensatus autem potest colorari ac figurari; veluti patet in nubibus, quæ ex luminis irradiatione varios subinde præferunt colores ac figuras. Verisimile proinde est, Angelos efformare corpora sua ex aëre & vapore ac nube, eò vel maxime, quod talia corpora vel in momento dissolvantur. ex S. Thomā q. 51. a. 2. ad 3.

9. **I**nfertur 2. Corporis ab Angelo assumptionem non esse Hypostaticam, sed secundum intimam localem conjunctionem ad præsentiam. Ratio est. Quia unio naturæ cum alienā hypostasi excedit totius creatæ naturæ vires: nequit verò Angelus efficere, nisi quod continetur intra virtutes causarum naturalium.


10. **I**nfertur 3. Qualiter possit Angelus in corpore assumpto elicere actus vitales. Nam aliæ actiones sunt vitales quoad substantiam, veluti sensationes &c. quæ per essentiam suam sunt determinatæ ad principium vitale, à quo immanenter fluunt. Nullo igitur modo possunt istæ fieri per Angelum in corpore assumpto. Aliæ verò sunt actiones quoad modum duntaxat vitales, veluti locutio, motus progressivus, actio commestionis. Et si verò iste vitalitatis modus consistens in denominatione organorum vitaliū, à quibus emanant illæ actiones, nequeant ab Angelo exerceri in corpore assumpto nullis constante organis vitalibus. Nihilominus quoad

entitatem spectatæ materialiter actiones ejusmodi fieri possunt ab Angelo, quatenus v. g. hic apparente ore cibum sumens, dentibusque apparenter dividens, & in stomachum quasi trajiciens videtur manducare, non tamen strictè ac vitaliter, juxta illud Tobie 12. ubi, *Cum essem vobiscum, ait Raphael, videbar quidem manducare & bibere, sed ego cibo invisibili & potu, qui ab hominibus videri non potest, utor.*

Infertur 4. Quid sentiendum sit de illis apparitionibus, per quas SS. Litteræ asserunt, Deum, vel aliquam Divinarum Personarum extra Verbi in carne hypostaticam unionem quandoque apparuisse. Nam 1. Euseb. lib. 1. de demonstr. 1. 1. Nizephorus lib. 1. Hist. 4. 2. Chrysostomus hom. 16. in Acta, & alij tenent, apparitiones ejusmodi, quarum aliquā Deus Exodi 19. & 29. omni populo, cum ei legem daret, apparuisse dicitur, esse factas in formā seu figurā corporeā à Deo, non quidem hypostaticè, sed præsentialiter, immediatè tamen assumptā. Probatio esse potest, quod SS. Scripturæ in sensu proprio acceptæ non nisi de ipsiusmet Dei apparitione, utpote nullā in eis factā mentione Angeli, accipi possint. 2. Apparitiones ejusmodi ante Verbi Incarnationem mediantibus Angelis, post Incarnationem verò, dum v. g. Spiritus Sanctus in signo Columbæ, & Pater in signo Nubis super Christum transfiguratum, atque baptizatum apparuit, fuisse secundum veram immediatam personæ Divinæ præsentiam specialem; asserunt Chistoveus in Damasco. lib. 4. c. 14. & alij, arbitrati, hanc specialem legis gratiæ prærogativam esse, ut postquam Verbum hypostaticè fuit incarnatum, aliarum quoque Divinarum personarum apparitio visibilis esset immediata. Deum non nisi mediantibus Angelis sive ante, sive post Incarnationem, non verò in corpore, per se immediatè assumpto extra Verbi hypostaticam carnis assumptionem, apparuisse docent plerique Scholastici cum S. Thomā 1. 2. q. 98. a. 3. & in 2. diff. 8. a. 6. Ratio est. Tum quia apparitio facta ad Agar Gen. 26. & 21. sicut & trium virorum ad Abraham Gen. 18. & 19. adstruitur tanquam Divina, & tamen ex contextu sacro constat, fuisse Dei non nisi mediantibus Angelis, apparitionem: sicut & Dei Exodi 19. Moyse loquentis; & ab universo populo adorati apparitionem videtur Apostolus exposuisse, quod facta sit Angelorum ministerio ad Hebr. 5. asserens; legem Moysis fuisse ordinatam per Angelos. Et ad Heb. 1. sermonem (nimirum Dei ferentis & promulgantis legem) fuisse factum per Angelos. Pari ergo ratione, cæteras Dei apparitiones in novo etiam Testamento mediantibus Angelis Divinam personam repræsentantibus; nisi ubi ipsemet Christus apparuisse legitur, factas esse, dicendum est. D. August. docentè: de his Dei apparitionibus, quæ non sunt per hypostaticam unionem, esse rationem eandem utriusque temporis Veteris ac Novi Testamenti.







## ARTICULUS III.


DE

*Intellectu & Locutione ac Illuminatione Angelorum.*

I. **S**upponendum 1. Intellectum Angeli realiter esse distinctum ab ejus substantiâ. Ita D. Thomas *præf. q. 14. a. 3.* id probans ex eo, quod cum Esse cujuslibet creaturæ sit distinctum ab ejus operatione, oporteat consequenter omnis creaturæ substantiæ potentiam distingui ab ejus essentiâ. Ratio est. Quia substantia intrinsecè ac essentialiter constituitur per ordinem ac potentiam ad Esse. Hinc enim definiri solet, quod sit ens per se existens, id est, postulans per se existere, soli namque Deo convenit, quod sit formaliter Esse subsistens, sive per se actu existens: creatis autem naturis per quidditatem suam id convenit solum radicaliter. At verò Esse substantiæ in rebus est distinctum ab ejus operari; siquidem istud sit actus consequens ad Esse substantiæ. Unde in naturâ substantiali præcisâ ab Hypostasi, & secundum se spectatâ per prius se habet ordo ad Esse, quàm ad operari. Hic verò ad Esse ordo substantiæ, ac existentiam ab intrinsecò exigens, est tota ratio substantiæ essentialiter spectatæ: Ergo ordo importans vim operativam in substantiâ est hujus essentiæ primum consequens ad instar accidentis. Atqui accidens substantiæ realiter ab istâ distinguitur. Ergo potentia operativa in substantiis creatis ita radicitur in harum substantiali naturâ, ut tamen ab istâ realiter distinguitur.

2. **S**upponendum 2. Ad Intellectionem ab Angelo in se formandam requiri duplex principium. Alterum per modum potentiae, quæ est principium vitale ad hanc vel illam cognitionem indifferens: alterum per modum principij repræsentando seu objecti vicem gerendo determinativi ad hujus objecti intellectionem; quod est species sive forma repræsentans objectum, ipsum intentionaliter sistendo intra intellectum, atque huic quoad Esse repræsentativum uniendo, ita Theologi communiter contra Vasquezium *hic disp. 200. c. 3. & disp. 204.* Ubi hic author existimat, nō esse aliquam rationem, quæ convincat, Angelos habere species superadditas, ut alia extra se objecta cognoscant. Ratio nostræ suppositionis est. In hoc enim potentia cognoscitiva distinguitur ab appetitiva, quod illa trahat res ad se, ista verò feratur ad res quasi extra se. Appetitus enim amore tantquam pondere trahitur in objectum amatum. Intellectus verò res intellectas intelligendo intra se quodammodo recipit, & apprehendit, juxta illud Philosophi. *Intellectus intelligendo fit omnia.* At illa rei intellectæ per apprehensionem intus susceptio fit in intellectu, quatenus intra se format similitudines, ideas, ac repræsentationes rerum. Hinc enim quod vivaciores quis de re efformat in intellectu suo formas &

imagines, eò magis est talis objecti intelligens. Quare potentia cognoscitiva ex vi suâ propriâ & ratione essentiali est Formativa similitudinum, ut sic trahens objecta ad se per apprehensionem. Atqui hæc quoad Esse non physicum entitativum, sed intentionale ac repræsentativum intra intellectum tractio non potest fieri, nisi in intellectu supponatur vis aliqua, hujus Esse repræsentativi saltem virtualiter præcontinens. Hoc ipsum verò Esse repræsentativum nequit præcontineri in substantiâ non præcontinente aliarum extra se rerum intelligibilitatem. Hæc autem Intelligibilitas fundans rationem veritatis non potest præcontenta esse in substantiâ, quæ non earundem rerum Esse entitativum est præcontinens. At soli Deo proprium est, præcontinere in suo Esse creaturarum substantiarum quidditates & omnimodas tam quoad statum existentiae, quàm essentiæ formalitates. Unde etiam fit, quod Esse Dei sit intelligere omnis creaturæ formaliter repræsentativum. Ergo quia Angelus aliarum extra se substantiarum quidditates ne quidem virtualiter præcontinet, non potest habere ex se vim rerum à se distinctarum in Esse intelligibili repræsentativam. Ergo ejusmodi vis objectorum in Esse intelligibili repræsentativa habens ut sic rationem speciei impressæ aliunde debet Angelico intellectui supervenire.



## CONTROVERSIA I.

*Utrum Angelus ad se intelligendum indigeat specie superadditâ?*

**A**ffirmat Alensis, & alij à Suarezio *lib. 2. de Angelis cap. 4. n. 2. & 3.* relati. Probat. Si enim substantia Angeli esset sui ipsius species intelligibilis ad sui intellectionem intellectus determinativa, sequeretur, quemlibet Angelorū per sui præsentiam se conjungendo cum alterius intellectu, hunc determinare ad sui intellectionem, absque specie sui aliqua superadditâ. Probat. ista sequela. Nulla enim potest assignari disparitatis ratio, cur Angeli substantia possit proprium suum, non verò alterius Angeli, cui per præsentiam intimè conjungitur, Intellectum determinare, nisi quod habeat realem physicam unionem cum proprio, non verò alterius Angeli intellectu. Atqui hæc unio est in Esse duntaxat physico, itaque se habet, quod intellectus sit forma informans, substantia verò Angeli sit ejus subiectum. At verò ad rationem intelligibilis speciei non sufficit physica per modum subiecti objectū sustentantis unio, sed requiritur, ut objectum in Esse intelligibili sit actus Intellectum informans & actuans. Ad ejusmodi verò in Esse intelligibili unionem ex parte actus primi sufficit luminis intellectivi ad objectum per se intelligibile proportio intrinseca: veluti patet in lumine gloriæ, respectu cujus Essentia Divina idèd habet rationem speciei, tum quod illa sit per se intelligibilis, tum quod lumen gloriæ cum istâ Essentiâ Divinæ intelligibilitate sit per se proportionatum, Pari ergo ratione si substantia Angeli per se nata sit habere rationem



tionem speciei intelligibilis, ad hoc, ut intellectus alicujus sit ad actualem sui intellectionem in ratione objecti determinativa, impertinens est physica substantiæ Angelicæ tanquam subiecti cum tali intellectu unio, sed sufficit luminis intellectivi ad illius substantiæ intelligibilitatem propriam proportio intrinseca. At quia intellectivum Angeli superioris lumen est ab intrinseco proportionatum cum sua substantiâ quâ specie intelligibili, sequitur, idem lumen esse proportionatum respectu Angeli etiam inferioris habentis substantiam ex se ipsâ proximè intelligibilem. Ergo sequeretur, intellectum Angelicum æquè alterius maximè inferioris Angeli, quàm suam propriam substantiam posse sine specie superadditâ intelligere. At istud consequens non videtur admittendum. Ergo nec id, ex quo sequitur.

Ex opposito D. Thomas docet, ipsam Angelicam substantiam loco speciei deservire ad sui cognitionem.

### CONCLUSIO.

**A**ngelus ad sui Intellectionem non indiget specie superadditâ, sed propria ejus substantia subit munus speciei.

6. Probatur Nam intelligibilitas radicitur in materialitatis depuratione, atque adeò immaterialitate. Ergo quia substantia Angeli est purè spiritualis ac immaterialis; sequitur, ipsam per se esse intelligibilem. At vero ab hac ipsâ Angelicâ substantiâ per modum proprietatis connaturalis emanat potentia ejus intellectiva. Nequit verò intellectus esse emanans à substantiâ per se proximè intelligibili, quin tale lumen objectivum ab intrinseco sit per se proportionatum cum talis substantiæ intelligibilitate quâ in se fundante accidentium quoque connaturalium intelligibilitatem, cum actuali quoque accidentium intelligibilitate. Oporteret igitur, intellectum ejusmodi, utpote qui cum talis substantiæ intelligibilitate ceu radice suâ essentiali intrinsecam in secundo perfectatis modo connexionem haberet, esse ab illâ intelligibilitate intrinsecè determinatum ad ejus tam substantiæ, quam connaturalium accidentium cognitionem in se efformandam. At munus speciei intelligibilis est, per intelligibilitatem determinare intellectum ad ejusdem objecti cognitionem in se efformandam. Constat igitur, substantiam Angelicam per sui in immaterialitate fundatam intelligibilitatem habere omnimodam speciei intelligibilis rationem, ad sui suorumque accidentium connaturalium in proprio Angeli intellectu formandam cognitionem.

7. Dices. Ex hoc evinci, quòd animæ quoque rationalis, utpote immaterialis intelligibilitas sit per se ipsam intellectus ex se emanantis ad sui cognitionem determinativa. Ex hoc autem rursus sequi, quòd anima rationalis sit necessariò sui intuitivè cognoscitiva, utpote cujus intellectus radicitus in animæ substantiâ per hujus propriam intelligibilitatem determinatur ad illius immediatam cognitionem. At istud esse contra experientiam, nullus enim hominum experitur in se expressam intuitivam substantiæ animæ suæ novitiam,

Contra. Nam quælibet natura per se ipsam in actu saltem primo determinata est ad duplicem actualitatem, scilicet ad Esse & ad operari. Atqui natura per prius determinatur ad Esse, adeò ut modus operandi sequatur ad modum Essendi. Est autem animæ rationalis duplex essendi status: separationis nimirum & unionis cum corpore. Unde sicuti anima rationalis in separationis statu per se subsistens habet modum Essendi independentem à corpore, sic pro tunc intelligit per species à phantasmatibus independentes, atque adeò intellectus ipsius per hoc, quòd sit emanans à substantiâ immateriali ac per se intelligibili est ab intrinseco determinatus ad ejusmodi substantiæ propriam intelligibilitatem in se intuitivè formandam. Econtra in statu unionis habet animæ rationalis Essendi modum à corpore eatenus dependentem, ut sit subsistens non in seipsâ, sed in Composito ex dispositionibus materialibus quoad fieri & conservari dependente. Unde intellectus radicitus in animæ substantiâ per hanc non determinatur ad sui Intellectionem, sed opus est specierum ex phantasmatibus seu materialibus imaginationibus abstractione ac efformatione, mediantibus quibus possit animæ suæ substantiam non intuitivè, sed abstractivè duntaxat cognoscere.

### Ad argumentum oppositum.

8. **R**espondetur. Negando primam sequelam ad cujus probationem assignatur sequens disparitatis ratio. Etenim ut intellectus aliquis per substantiæ alicujus propriam intelligibilitatem determinetur, debet illius lumen intellectuale ab intrinseco esse proportionatum cum talis substantiæ intelligibilitate. Hujus autem in lumine intellectuâli proportio intrinseca radicitur in ipsâ quidditate substantiæ, ex quâ tale lumen sive formaliter sive virtualiter emanat. Unde quia Essentia Divina est purissimus Essendi actus, sequitur, lumen intellectuale in Deo esse ipsummet Esse subsistens sui ipsius per purissimam intelligibilitatis formalitatem actualiter expressivum. Econtra verò quia omnis creatæ intelligentiæ quidditas aliquam ad Esse potentialitatem importat, infertur, lumen intellectuale radicitum in ipsius substantiâ ad hujus intellectionem, dicere ordinem alicujus potentialitatis, ut adeò nulla præter Divinam substantiam possit esse sui intellectio. Cum proinde lumen intellectuale in substantia spirituali radicitum istius præcisè substantiæ Essendi modo sit proportionatum, consequens est, Angelicum intellectuale lumen non posse cum alterius Angeli specie distincti substantiâ habere per se proportionem intrinsecam. Ergo ad actualem talis Angelicæ substantiæ intellectionem indiget specie luminis intellectualis deter-

minante ac proportionante.





## CONTROVERSIA II.

*Utrum species, quas Angelus respectu aliorum sibi connaturaliter non infusum obiectorum habet, sint infusa, vel congenita, vel acquisita?*

1. **A** Lenfis ab Amico cit. lib. 3. disp. 8. cap. 3. regulariter tenet, Angelos rerum saltem singularium species accipere ab objectis. Cui ex parte accedit cum alijs Scotistis Rada cit. p. 2. cont. 9. a. 3. concl. 1. & 2. asserens primò, Angelos habere species saltem rerum universalium sibi à Deo inditas à principio suæ creationis. Secundò, si tamen sermo sit de Angelo quantum ad potentiam naturalem, & naturæ ordinem, posse, si non haberet congenitas species, à rebus accipere. Fundamentum est. Quia maximè perfectionis est, habere in se virtutem specierum acquisitivam. Ergo ista virtus habens rationem intellectus agentis non est Angelis deneganda.
2. **B**annes præf. q. 55. a. 2. Nazarius ibi cont. 2. tenent, species intelligibiles in Angelis esse proprias ab ipsorum essentia dimanantes passiones. Probatum auctoritate D. Thomæ 1. p. q. 54. a. 4. ad 1. asserentis, in Angelo non generari scientiam, sed naturaliter adesse. At si speciali actione, quæ non est ipsa creatio Angeli, Deus in ipsius intellectu imprimit species intelligibiles, sequitur, scientiam in Angelo generari, nec adedò naturaliter ipsi adesse.
3. **F**errariensis 2. contra Gentes. cap. 98. §. ad secundum dubij evidentiam. Ioannes à S. Thomà præf. disp. 21. a. 3. n. 30. docent; Angelorum species intelligibiles esse infusas à Deo, ita tamen, ut connaturaliter petantur ab intellectu Angeli tanquam accidentia inseparabilia, quatenus intellectus ejusmodi emanat ab Essentiâ Angeli quâ specierum capax; sicuti Cælum producit ut capax motus, & naturaliter illum exigens.

## CONCLUSIO.

**S**pecies intelligibiles non fluunt ab Angelorum essentiâ, tanquam virtute seu radice earundem activâ, sed ad essentia Angelicâ intrinsecam connaturalem exigentiam in primo creationis instanti sunt infusæ à Deo.

4. **P**robatum. Nulla enim essentia potest esse radicale principium activum speciei alicujus intelligibilis, nisi objecti per eam representati intelligibilitatem in se contineat vel formaliter, vel saltem radicaliter. At cujusvis rei intelligibilitas radicatur in ratione entitatis quâ talis. Unde nulla res est productiva speciei intelligibilis nisi objecti per eam representati quidditatem quoad esse ipsius entitativum in se contineat. Atqui substantia Angelica neque immaterialium substantiarum quidditates, neque consequenter accidentia in hisce radicaliter continet formaliter & eminenter vel virtualiter, cum alioquin harum rerum posset esse cau-

sa physice effectrix. Imò si per suam substantiam cujusvis creatæ substantiæ haberet continentiam eminentialem, esset in se infinitæ virtutis, atque adedò entitatis. Nequeunt ergo ex Angeli substantiâ activè emanare rerum aliarum species intelligibiles.

## Responsio ad Argumenta Opposita.

**A**D Scotistarum n. 1. oppositum Fundamentum Respondetur. Specierum intelligibilium acquisitivæ virtutis negotium ita componendum est. Nam alia specierum intentionalium acquisitiva potentia est passiva, cujusmodi est in sensibilibus; alia verò est activa, qualis est in intellectu agente. Hæc verò species intelligibiles acquirendi virtus activa duo supponit; alterum ex parte objecti, è ejus potentialitate quasi extrahitur seu abstrahitur proxima intelligibilitatis forma, oportet enim obiectum materiale prius per suam in sensum speciei intentionalis impressionem aliquantulum proportionari intellectui nostro agenti, priusquam iste possit ex illo abstrahere speciem aliquam intelligibilem. Alterum ex parte substantiæ, cui inest talis specierum effectrix virtus, oportet enim in tali substantiâ inexistere vel formaliter, vel eminenter talem intelligibilitatis gradum, qualis competit speciebus intelligibilibus à se formatis. At in primis objectis materialibus ob sui cum substantiâ purè spirituali improprietatem nulla potest esse virtus aliquam in hac faciendi impressionem, è cujus potentialitate per intellectum Angelicum fiat speciei intelligibilis abstractio. Neque verò intellectui Angelico inest virtus ex se præcisè ab objectis materialibus extrahendi intelligibilitatem illorum *Quidditativè* seu *mutuè* representandam. Nam intelligibilitas objectorum proxima per substantiæ Intellectualis virtutem in tantum formabilis est, in quantum ejusmodi intelligibilitas secundum proportionem vel formalis unitatis, vel continentia Eminentialis continetur intra lineam Essendi substantiæ illius propriam.

At eo ipso, quod substantia Intellectualis creata eatenus limitata sit, ut substantiarum materialium & à fortiori spiritualium Quidditates neque formaliter, neque eminenter contineat, nequit harum Intelligibilitas radicaliter in Esse se tenere intra lineam Essendi substantiæ illius Intellectualis propriam. Nequit ergo substantia Angelica ullius speciei intelligibilis ex objectis sive spiritualibus sive materialibus esse formativa seu causativa, nisi habeat præviam sibi ex alterius causæ impressione inexistente intelligibilitatem, è quâ alterius substantiæ cum ipsâ saltem proportionis analogiam habentis Intelligibilitatem extrahat: sicuti Angelico etiam intellectui ex suimet intellectu conuenit, abstrahere Intelligibilitatem Divinae substantiæ, aliarumque secum quodammodo proportionatarum Essentiarum abstractivè representativam.

Deinde non potest uni Angelorum convenire potentia passiva ad speciem per alterius Angelicæ substantiæ impressionem in se formatæ receptionem. Nam ista species seu lumen aliquod in mentes aliorum per suam substantiam imme-



immediatè illabendi, seu lumen aliquod ac species infundendi virtus ita agnoscitur Dei propria, ut consequenter talem virtutem Angelis denegandam doceat S. Thomas 1. p. q. 105. a. 3. Et in 2. ad Amibaldum dist. 3. q. un. a. 1. v. 2. Quod nimirum illa duntaxat substantia Intellectualis, quæ cæterarum Intelligentiarum gradus específicos in se eminenter continet, cuiusmodi est unica Dei Essentia, possit in ipsis formare Intelligentiam ipsorum propriam & quidditativam. Consequens proinde est, Angelis non esse virtutem tum in seipsis formandi aliarum Intelligentiarum species quidditativas & intuitivas, tum in aliorum Intellectibus causandi sui speciem propriam. Hoc igitur discriminis est inter Angelicum & Humanum Intellectum, quod iste facta præviâ ab objecto duntaxat materiali in aliquem sensum speciei intentionalis impressione possit ex istâ substantiarum non intuitivas, sed abstractivas extrahere species intelligibiles. Angelicus verò Intellectus per suam à materiâ depurationem, sicut & Humanus in statu separationis nihil pati possit ab ullius materialis objecti impressione, sed tamen ex seipso habeat connaturalitatis exigentiam, tum ut à Deo tanquam Primo Intelligentiarum motore sibi infundantur quarumlibet existentium creaturarum species intelligibiles Quidditativæ, seu intuitivæ; tum ut ipsemet huiusmodi mediis formet species expressas, è quibus ad Divinæ etiam substantiæ abstractivam cognitionem virtute suâ se elevando queat sibi in primis talis objecti abstractivam speciem.

7. Ad Bannis u. 2. oppositum Argumentum Respondetur. Motum cæli dici huius substantiæ connaturalem non ex eo, quod ex eâ activè emanet, sed quod à Deo sive immediatè, sive mediante Intelligentiâ creatâ ad ejus connaturalem exigentiam imprimatur. Pari ergo ratione species, intelligibilis & consequenter scientia ex illâ emanans naturaliter adest Angelo, quatenus Angelici intellectus actualitas, & à potentialitate Depuratio à die creationis suæ connaturaliter exigit quorumlibet creatorum objectorum intelligibiles formas à Primo sui Motore imprimendas. Sanctus Augustinus lib. 2. ad Genes. ad Litt. cap. 2. ait: Creaturas corporales prius factas esse in mentibus Angelorum secundum creatam nimirum sapientiam, quam in seipsis. Cui conformiter Divus Thomas q. 55. art. 2. ad 1. ait: Similitudines, quæ sunt in mente Angeli, non esse à creaturis acceptas, sed à Deo, qui est creaturarum Causa. Et infra q. 57. a. 2. inquit, Impressa sunt Angelis similitudines seu rationes tam corporalium, quam spiritualium à Verbo Dei. Quod ipsum docet de animâ etiam separatâ infra q. 89. a. 3. inquit. Anima separata intelligit per species infusas, quas recipit ex influentiâ Divini luminis, sicut & Angeli. Et in 4. 2. ad 2. ait: Anima separata intelligit Angelos per similitudines divinius impressas. Unde quando in quest. de Animâ art. 20. ad 11. dicit; quod animæ separatæ infundantur species mediis Angelis, seipsum explicans asserit, quod huiusmodi forme causentur in animâ per Angelum non per modum creationis, sed sicut id, quod est in actu, reducit aliquid sui generis de potentia in actum. At constat, infusionem specierum quoad substantiam fieri per modum creationis.

Ergo specierum in animâ separatâ per Angelos causatio fit ab ipsis non quâ causis effectricibus, sed quâ Causâ ordinatrice seu Directivâ.

### CONTROVERSIA III.

#### Utrum Angelorum species sint Universales?

EX sententiâ illorum, qui omnium rerum aliquando existentium Angelis concreatas seu à Deo infusas in primo creationis instanti asserunt, necessum est, ipsas universales adtribuere, cum enim per totam æternitatem futuræ sint hominum & Angelorum cogitationes infinitæ, quarum singulas ad consensum habentis cogitationem ejusmodi possit quilibet Angelus cognoscere, oporteret, species illarum in actu primo repræsentativas fore infinitas, si cuivis non conveniret nisi unius duntaxat objecti repræsentativa potentia.

Ex quo tamen emanant sequentes difficultates. 1. Quia species universaliore oportere habere unitatem ex unitate objecti formalis quoad rationem *Quæ & sub Quâ*. Hoc autem vel esset gradus aliquis superior, vel vis plurium effectuum causativa. At prius dici non potest, cum in illo universaliore gradu inferiora non nisi confuso modo ac potentialiter continerentur, atque aded repræsentarentur. Neque posterius affirmare licet, posito enim, quod in aliquo Angelo sit species omnium animalium repræsentativa, nequit istorum objectorum unica per speciem Angelicam esse repræsentata causa.

2. Difficultas est. Nam posito, quod infimus Angelorum sit intelligens per speciem universalem, sequitur, reliquos, quod magis sunt perfectiores, eo universaliore habere species. Ex hoc autem sequeretur, posse dari Angelum, qui per unicam speciem in actu saltem primo omnium creaturarum aliquando existentium intelligens sit, quo tamen vel de facto, vel saltem de possibili superior sit, cujus proinde species nequeat universalior esse, ut aded verificari non possit, Angelum, quod superior est, Intelligere per speciem magis universalem.

3. Difficultas est; Posito enim, quod uni Angelorum insit unica omnium objectorum aliquando existentium species repræsentativa, sequitur hanc repræsentare infinita.

### CONCLUSIO.

Simpliciter asserendum est, species Angelorum, quanto sunt isti superiores, tanto esse universaliore respectu substantiarum etiam specie differentium. Ex S. Thomâ *præf. q. 55. a. 3. in 2. dist. 3. q. 2. a. 2. Item 2. 2. cont. Genes. cap. 98. & q. 8. de verit. a. 10. ubi ad 2. ait; quod in Angelo per unam speciem animalis omnis animalis species representari possit.*

Probatur, Nam species Angelorum sunt quædam similitudines creaturarum eatenus repræsentantur.



præsentative, ut tamen sint exemplariter deductæ ab ideis divinis, D. Thomâ in 2. dist. 3. q. 2. a. 2. ad 1. asserente; Formas, quæ sunt in mente Angelî, esse simillimas rationibus idealibus in mente divinâ existentibus, sicut deductas exemplariter deducit ab ideis. At eo ipso, quod Idæ divinæ radicentur in Esse purè immateriali, & omnino actuali, sequitur, ipsarum esse unam simplicem rationem omnium objectorum intelligibilium actualissimè repræsentativam. Unde quando species aliqua intelligibilis ab Idæâ divinâ exemplariter deducta est purior & immaterialior de Essendi actualitate magis participans, potest vi talis divinæ participationis eò plurium objectorum esse repræsentativa. Atqui hanc ipsam specierum intelligibilium majorem Essendi puritatem seu immaterialitatem potentialitatis limitationem, atque ad eò distinctionem fundantis exclusivam, oportet ita proportionari cum substantiâ, ad cujus connaturalem exigentiam à Deo infunduntur species, ut consequenter quod major est Angelicæ substantiæ in essendo, atque ad eò intelligendo perfectio, eò magis crescat intelligibilium formarum immaterialitas, ac proinde universalitas extendens se ad plura objecta repræsentanda. Unde Divinus Dionysius c. 15. de celest. Hierarch. ait, quod unaquaque essentia, quæ mente tradita est, unicam intelligentiam, quam à Diviniore traditionem accepit, vi quædam, quâ alijs naturis continetur, dividat, atque amplificet pro capto & ductu inferioris.

Responsio ad Opposita Argumenta.

6. **A**D 1. in initio oppositam difficultatem Responddetur. Unicam Angeli universalem speciem se habere ad plura specie objecta, sicuti se habet causa æquivoca universalis ad plures specie distinctos effectus. Hæc enim non specificatur in quarto modo Dicendi per se ex gradu aliquo Generico ab effectuum suorum differentijs specificis ac individualibus abstracto, sed potius per Divini Esse participationem actualiorem habet Eminentialem diversorum effectuum in se continentiam. Sic ergo juxta proportionem Essentiæ Angelicæ à materialitate magis depuratæ crescit luminis intellectualis perfectio exigens species ex Divinis Ideis exemplares cum virtute plurium specie, aut genere distinctorum objectorum representativâ. Quæ proinde Idææ Divinæ in se licet omnino simplicis imitatio non tam intelligi potest suam habere specificationem ex ordine ad objectum sub gradûs alicujus universalis abstractione formaliter unum, quàm ex ordine ad mentis Divinæ Idæam speciei Angelicæ efficienter exemplativam & ut sic representativam creaturarum omnium per speciem illam Angelicam representatarum.

7. Ad 2. Difficultatem Responderetur. Omni-  
nò asserendum esse, quòd Angelus, quò magis  
est superior, intelligat per species magis univer-  
sales; D. Thomà q. 8. de verit. a. 10. docente,  
Quanto in Angelo fuerit plus de actu, & minus  
de potentia, tantò emanationem hujusmodi  
rationum (specierum nimirum à Deo infusa-  
rum) minùs in ipso multiplicari. Hoc verb istà  
vel simili ratione salvari potest, si v. g. dicatur,

quemlibet Angelorum se quidem intelligere per speciem à suâ substantiâ indistinctam, alios tamen se inferiores intelligere per unicam speciem, superiores verò per species realiter diversas. Ex hac enim responsione planum esse, cuius Angelorum quò in Essendi gradu altior est, inesse speciem universaliorẽ, quin perveniat ad speciem ( dum præsertim Angelicæ Intelligentiæ syncategorematicè infinitæ possibiles adstruuntur, quæ in intellectu aliquo Angelico sit omnium universalissima.

Ad 3. Difficultatem Respondetur. Non esse inconueniens, tum quod species Angeli etiam infimi sit representativa omnium cogitationum, quas per totam æternitatem unus v. g. hominum habebit, tum quod supremi Angeli species habeat virtutem representativam omnium inferiorum Angelorum cum omnibus mentium ipsarum motibus per totam æternitatem in infinitum multiplicabilibus. Ex hoc verò evinci duntaxat, quod talis species in representando infinita sit non tam actu, quam potentiâ, siquidem ejusmodi cogitationum actualis per speciem virtute illius impressæ speciei expressant representatio non prius elici possit ab Angelico intellectu, antequam actu existat ejusmodi cogitatio, velique Angelus illam eliciens per internam locutionem communicare, seu notam fieri illi Angelico intellectui.

## CONTROVERSIA IV.

*Qualiter Angelus suo naturali*

intellectuali lumine cognoscat Deum.

catērosque ſe ſuperiores An-  
gelos?

**S**upponendum 1. Deum non posse naturali Angelici Intellectus virtute intuitivè cognosci; veluti *supra q. 4. a. 1* demonstratum est.

Supponendū 2. Deum naturali Angelici Intellectus lumine cognosci abstractivè cognitionem non tantum confusā, sed maximè distinctā. Ratio est. Tum quia creaturarum se inferiorum notitiam habens comprehensivam istarum relationes transcendentales ac essentielles ex Esse Divino se illis effectivè & exemplariter communicante dependentias intuendo, non potest non virtutis Divinæ habere notitiam distinctam, non quidem ut est in se, immediatam, & quidditativam, sed sub speculi Deitatem repræsentantis luce clariori abstractivè expressivam. Tum quia Angelus superiorum Angelorum habens notitiam saltem intuitivam, sui verò comprehensivam, distinctè videns gradus cum tantâ luminum intelligibilium & intellectualium varietate participato ex Divino purissimo Esse, ejusque Ideæ & Intelligibili actualissimo per ipsummet Esse subsistens specificato lumine, non potest non hujus divini increati in se actualissimè subsistentis luminis non habere clariorem, non quidem intuitivam, sed abstractivam cognitionem.

Quibus aded suppositis, inter Doctores  
agitatur Controversia: *Utrum Angelus inferior  
comprehensivè cognoscit superiorem?*



## Referuntur Sententiæ Doctorum.

3. **P**rima Sententia Salmanticensium *trist. 7. de Angel. disp. 6. dub. 3.* & aliorum affirmat; Fundamentum est. Quia ad notitiam comprehensivam sufficit ac requiritur, ut adæquet totam rei intellectæ cognoscibilitatem. At quilibet Angelicus Intellectus est connaturaliter exigens speciem omnimodæ formalitatis Angelo superiori inexistens, omnisque aded effectus in eo eminenter contenti representativam. Unde D. Thomas 2. *cont. Gent. cap. 99.* differit in hæc verba: *Quia verò intellectus substantia separata est in actu habens omnes similitudines, ad quas est in potentia, habet virtutem comprehendendi omnes species & differentias Eius.*

4. Secunda Nazarij *pres. q. 56. a. 2. cont. Suarezij lib. de Angelis cap. 31.* sententia negat. Fundamentum est desumptum ex D. Thomâ in *q. 16. de malo. a. 8.* taliter differente: *In unoquoque intellectu species intelligibiles superioris intellectus sunt universaliores; & ideo non possunt comprehendere per species intelligibiles inferioris intellectus, & ideo inferior intellectus non potest eas perfecte cognoscere.* Ex quo ita licet argumentari. Eadē est proportio Intellectus Angeli inferioris ad intellectum superioris Angeli, quæ est proportio inter utriusque Angeli istius intelligibiles species, siquidem istarum universalitas sit secundum commensurationem naturalis Angelicorum Intellectuum perfectionis. At eo ipso, quod Angeli superioris species sint universaliores, nequeunt inferioris Angeli species illis eatenus proportionari, ut earum sint comprehensivè representativæ. Ergo nec luminis intellectualis in Angelo inferiore est proportio adæquata ad superioris Angeli lumen intellectuale, nec aded per istud valet comprehensivè attingi illud. At verò hæc tota tam luminis intellectualis, quam specierum intelligibilium in superiore ac inferiore Angelo improportio ac inæqualitas radicitur in ipso Angelis, siquidem ex hoc manet tota mensura tum intellectualis luminis, tum specierum intelligibilium cuique Angelicæ substantiæ connaturaliter inexistens. Ergo in superiore ac inferiore Angelo est improportio ipsius substantialis Esse, & consequenter Intelligibilitatis utpote in hoc Esse radicata. Unde nec intellectuale lumen Angeli inferioris huius substantiæ proportionatum potest simpliciter adæquari cum intelligibilitate superioris Angeli. Atqui ad notitiam comprehensivam requiritur adæquata luminis intellectualis cum totali & omnimodæ objecti Intelligibilitate proportio. Nequit ergo Angeli inferioris intellectus comprehensivè cognoscere substantiam superioris Angeli.

5. Tertia media Ioannis à S. Thomâ *pres. disp. 22. a. 1. n. 16.* sententia tenet; quod Angeli inferiores in vi propriæ virtutis, & intelligentiæ nō comprehendant, neque adæquent superiores substantias: de facto tamen comprehendant ex fortificatione & communicatione superiorum substantiarum communicantium illis maiorem Intelligentiam juxta captum eorum. Fundamentum huius desumitur ex D. Thomâ *1. p. q. 106. a. 1. ad 2.* asserente; quod unus Angelus non illuminet alium tradendo ei lumen naturæ, vel gratiæ, vel gloriæ, sed confortando lumen naturale ipsius & manifestando ei verita-

tem de his, quæ pertinent ad statum naturæ & gratiæ & gloriæ. At verò per istam veritatis ad naturæ quoque statum pertinentis manifestivam illuminationem tollitur in Angelo inferiore confusio & inadæquatio, secundum quantum ipsius intellectuale lumen erat improportionatum Angeli superioris intelligibilitati. Ergo licet Angelus inferior non immediatè ex vi propriæ virtutis & proprii cognoscendi modi, mediatè tamen per confortationem Intellectus sui ab Angelo superiore factum est comprehensivus Angeli superioris.

## CONCLUSIO.

**I**sta per Angelum superiorem confortatio non potest Angeli inferioris intellectum eatenus elevare, ut sit comprehensivus Angeli superioris.

6. Probatur Nam ista Angelici inferioris intellectus per superiorem Intelligentiam in naturalibus confortatio non fit per novi luminis intellectualis aut speciei intelligibilis influxum, sed per manifestationem conceptus Angelici superioris proponentis rem ut illustratam clariori ac superiori lumine, veluti ex Cajet. *1. p. q. 106. a. 1.* eleganter tradit Ioannes à S. Thomâ *hic disp. 21. a. 3. n. 26.* At manifestum est, virtute illustrationis ejusmodi non in tantum elevari intellectum Angeli inferioris, quin sub ejus connaturali intelligendi modo stet illud ipsum à superiore Angelo communicatum lumen conceptus huius Angeli manifestativum, & hoc mediante illustrativum rei per eundem conceptum à superiore intellectæ. Unde de hoc ipso Angeli superioris conceptu, ejusque clariori vi communicationis à superiore factæ per Angelum inferiorem cognito lumine adhuc verificatur, quod S. Thomas 2. *can. Gent. 1. p. 98.* asserit, *Intelligentiam inferiorem cognoscere superiorem secundum modum substantia cognoscentis, non secundum modum substantia cognita, sed inferiori modo, quam res superior sit in seipsa.* At verò notitia comprehensiva debet in linea intelligibilitatis habere adæquatam cum objecto cognito proportionem & commensurationem, aded ut intelligibilitas objecti non excedat intelligentis lumen intellectuale in speciali Essendi actualitate seu potentialitatis depuratione radicitum. Cum igitur illa illuminatio Angeli superioris intellectum Angeli inferioris non per altioris, vel sublimioris intelligibilitatis infusionem, sed per lumen perfectioris Angelici objectivè representati conceptus inferioris tamen modo manifestativum. Consequens est, istam confortationem non posse inferioris Angeli Intellectum elevare ad comprehensivam superioris Angelicæ substantiæ notitiam.

## Responsio ad Argumenta ab initio opposita.

7. **A**D affirmantis n. 3. oppositæ sententiæ fundamentum Responderetur. Verum quidem esse, quod cuivis Angelico Intellectui sit connaturalis exigentia ad species omnium cujuslibet rei creatæ inexistens formalitatum ac modorum representativas; attamen istam representationem

X x x ;

ita esse



ita esse secundum modum Essendi magis vel minus depuratum à potentialitate, ut consequenter in Angelo inferiori sit magis diversus: Divin. Dionys. cap. 17. de celest. Hierarch. paulo ante medium attestante: *Quod superior Angelus illustrando inferiores pro cuiusque capto dividat, atque amplifcet intelligentiam suam in se unitam ac simplicem.* Unde fit, nullam Angeli inferioris etiam à superiore illustratam intellectionem esse in eà simplicitatis puritate & actualitate, ut per se solam totius in unicà universaliori Angeli superioris specie inexistentis intelligibilitatis possit esse comprehensiva seu adæquatè repræsentativa, sive omnium objectorum sub tali specie repræsentabilium actualiter expressiva.

XXXXXXXXXXXXXXXXXXXXXXXXXXXXXXXXXXXXXXXXXXXX

#### CONTROVERSIA V.

*Qualiter Angelus cognoscat futura & præterita, nec non secretas mentium humanarum cogitationes?*

1. **S**UPPONENDUM 1. Futura necessaria cognosci ab Angelis in suis causis naturalibus. Ratio est. Tum quia ex his futuris sunt aliqua physice inevitabilia, veluti effectus ex constellationum concursu naturaliter evenientes, quorum causæ à nullo agente creato, sed à solo Deo impedibiles sunt. Horum proinde futuritionem physicā, non methaphysicā certitudine norunt Angeli in causarum naturalium determinato cursu. Unde si quid contra ejusmodi ordinarium cursum accadat, veluti Solis retrogressus, vel retardatio cursûs ipsius temporibus Iosue & Ezechie contingentes: posset Angelicum de futuris ejusmodi Iudicium falsum esse, si absolute ferretur, non autem ut fit in Angelis bonis sub restrictione, quantum est ex parte istarum causarum naturalium: sicuti Angelus in puris naturalibus constitutus videns Humanitatem Christi, nullā ejus naturali Hypostasi visā, vel intuens suo intellectu accidentia Eucharistica, nullā, cū inhaerant, cognitā substantia, ex dictamine prudentiæ suum potius iudicium suspenderet, quàm ut accidentia sine subiecto, vel naturam humanam nullā sive alienā increatā Hypostasi terminatam existere posset judicare.
2. Tum quia ex futuris necessarijs aliqua per causas secundas vel liberas, vel fortuitas eventualiter conjungendas sunt impedibilia, quæ proinde cognoscit Angelus conjecturaliter, non ita quidem, ut ex parte ipsius cognitionis sit aliqua incertitudo, sed Angelus signatè cognoscendo conjecturas eventûs futuri probabiliter illativas, per cognitionem formaliter certam judicat rem conjecturaliter esse futuram. Imò fieri potest, ut licet effectus aliquis respectu causarum quarundam sit eventualis, totā tamen causarum secundarum serie perspectā, judicet Angelus ipsius futuritionem habere certitudinem physicam.
3. **S**UPPONENDUM 2. Tanquàm certum, quod Angelus non possit certò cognoscere futura contingentia seu libera. Ratio est. Quia certa futurorum cognitio in SS. Litteris ponitur Divi-

nitatis signum, juxta illud *Isaia 41. Annuntiate, quæ ventura sunt, & sciemus, quia Dyestis vos.* Unde ipsemet Dominus 1. 46. locutus est: *Non est similis mihi annuntians ab exordio novissima, & ab initio, quæ nondum facta sunt.*

Supponendum 3. Secreta cordium non posse ab Angelo naturaliter cognosci, nisi is, sub cuius stant dominio, velit Angelo esse manifesta. Ratio est. Nam secreta cordis sunt actus hominis, qui cadunt sub dominio voluntatis, sive per elicentiam in ipsā voluntate, sive per hujus directionem in intellectu, sive per ejus imperiū in appetitu & intellectu ac quācūq; potestā motionis liberæ voluntatis nostræ capaci. Hi enim omnes actus secreta cordis dicuntur, quamdiu non manifestantur in effectu, vel signo aliquo externo, id est, extra illas potentias positio. Cujusmodi adeò signum est quācūq; corporis sive externa, sive interna Angelis perspicacissime nota mutatio naturaliter consequens ex aliquā eluctivè, vel imperativè, vel directivè liberā actione. De istis proinde secretis cordis nullo adhuc manifestatis signo externo habetur 1. *Corinth. 1. Quæ sunt hominis, nemo novit, nisi spiritus hominis, qui est in homine.* Et 2. *Paralip. 6. Tu solus nosti corda aliorum hominum.* Unde nolite ac scrutari corda, esse proprium Dei, tradit S. Scriptura *Psal. 7. Scrutans corda & renes Deus.*

Quibus adeò suppositis duæ restant difficultates. 1. *Quenam sit ratio, cur species Angelis à primo Creationis instantis infusa non determinent ipsorum intellectus ad cognitionem rerum nondum existentium?* 2. *Cur secretorum cordis cognitio adeò sit propria Dei, ut Angelicum intellectum superet?*

#### Referuntur sententiæ Doctorum.

**C**IRCA primam difficultatem Ioannes à S. Thomā *præs. disp. 22. ad 2.* relatis ac ponderatis aliorum Doctorum sententijs, tandem n. 17. affirmat, rationem, quare species Angelorum non repræsentent futura, seu singularia nondum existentia (ex mente D. Thomæ q. 16. de Malo a. 7. ad 6. & 1. p. q. 57. a. 3. ad 3. & q. 8. de Verit. a. 12. ad 1. & alibi) esse, quod talia singularia nondum participant naturam, per quam assimilantur illis speciebus. Fundamentum est. Si enim Angelus conaturaliter habet species infusas à Deo repræsentantes ipsas naturas rerum, ut derivatas à Deo, & pertinentes ad hoc universum, in eoque positas & connexas, consequens est, debere tales naturas repræsentare, prout sunt in individuis. Probatur ista sequela. Quia species Angelorum, si deriventur ab ideis Divinis, non possunt repræsentare naturas rerum nisi prout ab ipsis descendunt: debent enim ad instar idearum, quarum sunt participationes, repræsentare naturas rerum. Hæ verò eo modo sunt repræsentatæ in ideis Divinis, quomodo ab istis descendunt. Unde eo ipso, quod species Angelorum deriventur ab ideis divinis, debent rerum naturas repræsentare, quo modo istæ ab eisdem Divinis ideis descendunt. At verò creaturæ descendunt ab ideis Divinis, prout in hoc Universo existunt successive. Cū igitur Angelorum species deriventur ex ideis divinis, debet repræsentatio illarum eo modo terminari ad res repræsentatas, quomodo istæ sunt à Deo derivatæ, ac pertinentes ad hoc Universum. At hoc ipsum est dicere, quod species Angelorum



golorū sint repræsentativæ, quatenus rebus à Deo derivatis assimilantur. Ista verò assimilatio nō est nisi pro statu, in quo res ab ideis Divinis sunt descendentes. Ut sic autem sunt existentes in hoc universo. Ergo species Angelorum per naturam suam, quam habent ex idearum Divinarum participatione, non sunt repræsentativæ rerum nisi pro instanti seu tempore, in quo existunt.

6. Circa secundam difficultatem idem Ioannes à S. Thomā *disp. 22. a. 4. 1.* relatis ac examinatis aliorum sententijs, tandem *n. 13.* concludit, (ex mente Divi Thomæ *præsertim q. 16. de Malo & l. p. q. 57. a. 4. & q. 2. de verit. a. 13.*) secreta cordium ideo non penetrari ab Angelo, quod ex propria & intimā actūs liberi quā emanantis à voluntate, & nondum in effectu aliquo manifestati ratione non habeat cognoscibilitatem proportionatam creato intellectui. Fundamentum est. Nam in objectis per intellectum creatum naturaliter cognoscibilibus poni debet aliquis terminus: nam aliās in infinitum ad omnia etiam possibilia saltem syncategorematicè protrahi posset: cum tamen Christus terminum ejusmodi insinuarit *Ador. 1. Non est vestrum, nosse tempora vel momenta, quæ Pater posuit in suā potestate.* At verò terminus ille respectu Angelici intellectūs ponendus est intra limites Intelligibilis pertinentis ad hoc Universum. Unde dici debet, Angelum non habere vim intelligendi quodcunque intelligibile creatum, nisi tantum illud, quod pertinet ad hoc universum, & redditur pars illius, & cum eo connexionem habet. At eo ipso, quod voluntas creata soli Deo præter se subiaceat, ita ut nulla alia causa secunda in eam possit operari, sequitur, actum liberum, prout exit à voluntate, nec ulli adhuc effectui manifestato ad hoc universum spectanti adjungitur, non habere connexionem cum causā aliquā totius universi. Ergo nulla creata vis Intellectrix potest naturaliter cognoscere actum illum, nisi in aliquo effectu, seu signo ad hoc universum pertinente.

#### CONCLUSIO I.

**P**rima ratio per Joannem à S. Thomā *ubi supra* circa primam difficultatem deducta firma est. si dicatur defectum assimilationis, qui respectu specierum Angelico intellectui infusarum est in singularibus nondum existentibus, esse defectum veritatis Angelico intellectui proportionatam.

7. Probatur & explicatur. Nihil enim est per assensum intelligibile, nisi sub ratione veri. At veritas altera est formalis, quæ primò est in solo intellectu Divino tanquàm ratione idealiter formativā omnis extra Deum veritatis etiam objectivæ & materialis. Hæc proinde altera veritas nimirum materialis & objectiva in ente radicata est conformabilitas cum intellectu. Unde veritas ejusmodi supponit rationem entis, cujus est passio. At entis creati status alius est secundum physicam realis existentie participationem intrinsecam & formalem: alius verò entis creati status est secundum extrinsecam duntaxat denominationem, prout habet Esse objectivum in intellectu divino. Hic ipse verò objectivus entis creati status alter est secundum rationem divinam purè repræsentativam Essentiae, quæ ut

sic fundat statum entis creati quā existentis non quidem in propriā intrinsecā, sed in alienā sui causatrice mensurā. Unde consequens est, rationem quoque veri aliam supponi in Ente quā intrinsecè existente, atque adeò secundum propriam Durationis mensuram præsentem: aliam verò in Ente, quā secundum extrinsecā causalitatis Deo immanentis mensuram existentem: atque adeò præsentem secundum extrinsecam duntaxat æternitatis mensurā: aliam verò in Ente quā secundum extrinsecam simplicis Divinæ Intelligentiæ repræsentationem Idealem existentem in intellectu Divino sub Esse puræ Essentiae ac possibilitatis. Cum proinde species Angelica utpote ex ideis Divinis unice derivata nequeat esse falsa, sed debeat esse causaliter vera, consequens est, omnem Angelicam à Deo infusam speciem habere assimilationem seu conformitatē cum aliquo prædictorum entis creati ac veri in eo radicati statu. Atqui species Angelica non potest esse repræsentativa rerum existentium, quatenus ita habent rationem Entis secundum causalem Deo immanentis æternæ actionis denominationē: cum alioquin Angelico intellectui conaturaliter esset perspecta actio Dei æterna, & consequenter ipsius liberum decretum. Unde quia secundum istam duntaxat causalitatis Deo immanentis denominationem res ad tempus comparatæ denominantur futuræ ac præteritæ, consequens est, Angelicas species non esse repræsentativas rerum quā futurarū: Sicuti nec in Angelis possunt esse naturaliter species essentiarum pure possibilem repræsentativæ. Cum alioquin intellectus ipsius ad Esse Divini, ex cujus in te expressione intelligibili constituuntur essentiae creatæ possibiles, cognitionem se posset naturaliter extendere. Oportet igitur, species Angelicas esse duntaxat repræsentativas creaturarum, prout in statu intrinsecæ existentie habent rationem veri in ente physicè actuato radicatum. At eo ipso, quod ejusmodi Angelica species debeat esse causaliter vera, nequit esse causativa cognitionis, nisi supponatur ejus objectum in eo statu, qui repræsentatur per talē cognitionē. Ergo quia Angelica species non potest esse repræsentativa entis nisi pro statu intrinsecæ existentie per propriam adeò Durationis mensuram mensurata, sequitur, illam non se extendere ad res quā futuras, non ex defectu sui, sed veritatis enti creato quā per speciem Angelicam repræsentatæ inexistentis. Ejusmodi autem veritas dicitur assimilationem cum specie, atque cognitione per hanc producendā conformabilem. Verum igitur est, quod S. Thomas *q. 57. a. 3. ad 2.* dicit: *Præsentia habere naturam, per quam assimilantur speciebus, quæ sunt in mente Angel, & sic per eam cognosci posse: sed quæ futura sunt, nondum habere naturam, per quam illis assimilantur, unde per illas cognosci non posse.*

Dices. Ex hoc discursu inferri, quod neque præteritorum cognitio possit per species infusas in Angelo excitari.

Contra. Nam verum quidem est, quod præteritorum immediata, ut sunt in seipsis, notitia, sit etiam Divinitatis propria, juxta illud *1. cor. 14. Accedant & nuntient nobis, quacunque ventura sunt, præterita, quæ fuerunt, nuntiate, & ponemus cor nostrum &c.* Unde sequitur, præterita, quæ dixerant, non fuerunt



fuerunt ab Angelo defectu excitationis specierum cognita, non posse deinceps ab ipso naturaliter intelligi. Nihilominus ex horum notitiâ relinquitur in nostro intellectu sive species, sive alia qualitas hujus notitiæ rememorativa, mediante quâ potest intellectus Angelicus non minus, quàm humanus præteritorum prius cognitorum habere memoriam.

## CONCLUSIO II.

**E**X eo, quòd Voluntas rationalis soli DEO præter se subiaceat, & consequenter actus ejus sive Eliciti sive Imperati non sint Universi partes, sequitur, ipsos Angelo, cui inexistunt, non consentientes, non posse ab altero Angelo intelligi.

10. Explicatur & Probatur. Omnis namque substantiarum creaturarum virtus ab intrinseco ordinatur ad bonum Universi, cujus illæ partes sunt. Hinc enim propter istud Universi bonum ex metu vacui agunt causæ naturales contra innatam suam inclinationem. At verò cujusque virtutis seu potentie operandi modus est secundum modum Essentiae, cui connaturaliter inexistit, & ex quâ emanat. Sicut ergo substantia, si ejus potentie sunt ab intrinseco determinatæ ac ordinatæ ad Bonum universi, intra cujus adeo limites coarctantur. Atqui hoc universi bonum, ejusque ordo se continet intra coordinationem substantiarum. Hinc enim in metu vacui naturales causæ idcirco agunt contra innatam suam inclinationem, ne impediatur superlunarium in sublunaria influxus. Si quæ proinde sit potentia, quæ nullâ respectu cujusvis causæ creatæ habet influxuum communicationem, sequitur, talem potentiam esse extra ordinem universi, nec adeo actus ipsius per intrinsecam suam naturam, sed duntaxat per voluntariam relationem posse alteri substantiæ creatæ subiectos esse, sed propriæ duntaxat earum elicitive potentie, ac Divinitati tanquam causæ supra universi ordinem superexistenti subiacere. At ejusmodi potentia à causarum secundarum influxu penitus independens est voluntas rationalis. Hujus igitur actus non possunt alteri creatæ substantiæ esse subiecti, ita ut hæc per propriam à voluntariâ revelatione independentem virtutem possit circa illos voluntatis actus communicare, habendo nimirum illorum noticiam independentem à liberâ Dei, vel voluntatis actus illos elicientis sive imperantis communicatione.

11. Confirmatur. Nam eo ipso, quòd Angelus posset secretas hominum & aliorum Angelorum cogitationes suâ naturali virtute independentem à revelatione gratuitâ cognoscere, sequeretur, quoad istas cogitationes esse naturalem, non verò liberam creaturarum rationalium inter se communicationem. At verò naturalis communicatio penderet ex ordine universi, qui ut sic importat causarum secundarum ex unius in alteram influxu coordinationem. Unde ejusmodi naturalis communicatio non se extendit, nisi secundum mensuram & ordinem hujus influxus. Cum igitur soli Deo sit potentia immediatè influendi in voluntatem rationalis creaturæ, consequenter Angelus non potest horum actuum

habere ex seipso communicationem, atque adeo noticiam, sed ex gratuitâ duntaxat revelatione.

## CONTROVERSIA VI.

*Quis sit modus Angelicæ**cognitionis?*

**S**upponendum 1. Angelum quoad cognitionem in Verbo semper esse in actu, quoad suam tamen cognitionem naturalem posse esse in potentia, imò ut sic non posse simul actu cognoscere plura nisi quâ subordinata inter se, sive per unam speciem representata. ex S. Thomâ 1. p. q. 58. a. 1. & 2. Ratio ejusdem S. Doctoris est. Nam multa non possunt quâ distincta simul intelligi, sed quatenus uniuntur in uno intelligibili. At imprimis quæ cognoscuntur in Verbo, sunt unita sub unâ Essentiæ Divinæ intelligibili specie. Deinde cum species in actu primo intelligibilis sit, constituere objectum in Esse intelligibili, & ut sic formare verbum tanquam actuale & formale objectorum intelligibilitatem seu representationem. Consequens est, plura objecta, quatenus per unam speciem representantur, sub unâ intelligibilitatis seu formalitatis uniri. Ergo ut sic possunt simul plura intelligi.

Supponendum 2. Duplicem ex D. Thomâ 1. p. q. 14. a. 7. posse distinguere discursum. Alter est improprius secundum successionem tantum, quando unum intelligitur post aliud. Cujusmodi non est dubium, dari in Angelis non omnia extra Verbum simul, sed successivè intelligentibus. Alter est proprius secundum causalitatem, quando una cognitio causatur ex aliâ, ita ut intellectus moveatur ab uno noto ad aliud manifestandum. Neque verò ad hoc sufficit, unum objectum illuminari per aliud, hoc enim in simplici etiam intuitu causæ Comprehensivæ, & ut licet effectum in eâ virtualiter contentorum abstractivè manifestativo accidit, sed oportet, intellectum prius illuminari circa unum objectum, & ex istius illuminatione saltem naturâ posterius moveri ad novum ex illo priori objecto lumen educendum, atque hoc mediante ad manifestandum objectum posterius. Unde ad discursum pertinet, ut sit diversitas & ordo in ipso etiam lumine se tenente ex parte cognoscentis, ita ut unum lumen oriatur ex alio illius probativo, & illativo seu deductivo. Veluti ex lumine principiorum oritur lumen scientiæ. Et si proinde certum sit, in Angelis esse diversitatem & cognitionum & luminum, Controversia tamen est: *An inter hæc sit aliqua illationis seu causalitatis ordo, sive unius ex alio deductio, an verò nulla sit diversitas luminum, nisi disparatè se ad invicem habentium?*

## Referuntur Sententiæ Doctorum.

**A**ffirmat Scotus in Prolog. primi sent. 3. p. q. 4. & 5. laterali & in 2. dist. 7. q. in §. contra concl. Gregorius ead. dist. 7. q. 5. a. 2. & alij. Fundamentum est. Nam discursus est cognitio unius per aliud. Unde ad discursum requiritur 1. ut sit de veritate, quæ mediū & causam sui habeat. 2. ut ista mediij cognitio sit causa cognitionis conclusionis. 3. ut cognitio



cognitio principij sit distincta à cognitione conclusionis. 4. ut sit prior naturâ vel tempore. At imprimis Angelus multa cognoscit, quæ non sunt prima principia per se nota, sed quæ habent causam suæ virtutis, veluti est propositio, quod Eclypsis solis vel lunæ tali tempore accideret. Deinde Angelus non cognoscit omnia etiam naturalia uno actu. Unde fieri potest, ut per unum actum videat principium, orbem solis ac lunæ, eorumque motus, per alium verò cognoscit conclusionem v. g. Eclypsin ex talium astrorum motu & concursu futuram. Tunc verò actus prior erit causa secundi, atque adeo naturâ prior. Ergo dari potest in Angelo discursus.

4. Suarez lib. 2. de Angel. c. 33. Franciscus de Lugo *præf. disp. 14. cap. 3. n. 9.* cum alijs à se allegatis distinguunt, asserendo: non dari in Angelis discursum formalem circa naturalia objecta, quæ evidentè per proprias species cognoscunt, sed circa objecta supernaturalia & quæ per conjecturas judicant. Fundamentum est. Nam dæmonibus v. g. Christus Dominus quantum oportuit per quædam temporalia effecta innotuit. ex S. Thomâ 3. p. q. 44. a. 2. ad 2. & Divo Augustino 9. de civit. cap. 22. At in hac cognitione concurrunt omnia, quæ requiruntur ad discursum, erat enim distinctio actuum, quo effectus Christi miraculosos judicabat, & quo hæc miracula cum Prophetarum vaticinijs conferendo inferebat, eorum patratores esse Christum. Unde unus etiam actus erat causa alterius.

5. Cajetanus *præf. q. 58. a. 3.* Ferrariensis 3. cont. Gent. cap. 1. Ioannes à S. Thomâ *præf. disp. 22. a. 4. n. 7.* & Thomistæ communiter negant simpliciter, in Angelis dari discursum. Fundamentum ex Doctore Angelico *ut. q. 58. a. 3.* petitum est. Angeli enim se habent in genere intelligibili respectu intellectus nostri, sicut in genere corporali suprema & celestia corpora se habent respectu inferiorum. At corpora celestia differunt à terrenis, quod ista suam ultimam perfectionem adipiscantur per motum, illa verò statim ex suâ naturâ ultimam habeant perfectionem. Pari ergo ratione inferiores hominum intellectus per motum & discursum acquirunt suam in cognitione veritatis sitam perfectionem procedendo ex uno cognito in aliud. Hoc autem provenit ex debilitate luminis intellectualis, vi cuius non in ipsâ statim principij cognitione habent sibi notas seu inspectas omnes conclusiones consequentes. At secus est in Angelis. Hi enim luminis intellectualis plenitudinem habentes in primo statim aspectu principiorum totam eorum virtutem comprehendunt. Unde in eis sine discursu intuentur, quidquid ex eis syllogizari potest. Quæ causa est, cur dicantur Intellectuales, tanquam in primâ statim apprehensione intelligentes omnia, quæ in principijs continentur: cum econtra animæ dicantur rationales, utpote per rationis motum seu discursum intelligentes effectus in causæ virtute contentos.

#### CONCLUSIO.

**H**æc Divi Thomæ ratio probat, ne circa objecta quidem supernaturalia, & conjecturalia convenire Angelis discursum.

6. Probatur. Nam imprimis certa supernaturalium cognitio Angelis est per gratiam. Hæc autem est immaterialior, quàm Angelici intellectus connaturalis intelligendi modus. Unde Angelicam supernaturalem intellectionem non deprimit ad modum inferiorem, sed potius elevat ad ordinem superiorem, dando vel superiorem intelligendi modum, vel relinquendo saltem connaturalem cognoscendi modum. Atqui modus cognoscendi per discursum est inferior modo Angelicæ intellectionis. Ergo certa supernaturalium in Angelis cognitio non est per discursum. Deinde Angelus in veritatibus etiâ conjecturalibus seu probabilibus procedit lumine perfectò ac comprehensivo per species ab ideis divinis derivatas, atq; adeo rei, uti sunt à parte rei, repræsentativas. At per istum cognoscendi modum Angelus circa objecta etiam probabilia non procedit conjecturaliter per assensum probabilem & opinativum, sed sicut cognoscendo causam cum effectu suo necessario connexam, effectum ex illâ consecutione necessarium judicat signatè, sic cognoscendo causam, quæ cum aliquo effectu est solum conjecturaliter connexa, non exercentè affirmat absolutam effectus ex illâ causâ consecutionem, sed hujus consecutionis probabilitatem signatè asserit. Unde causæ cum tali effectu connexionem non necessariam, sed conjecturalem comprehensivè intuens, primo statim actu sine discursu cognoscit effectus conjecturaliter futuri probabilitatem.

8. Dices. Ex hoc inferri, quod in Angelo non possit esse falsitas seu deceptio. At istud pugnat cum Doctrinâ D. Thomæ q. 16. de malo. a. 6. ad 3. & *præf. q. 58. a. 5.* asserentis: In dæmonibus circa objecta supernaturalia esse deceptionem quandoque, & iudicium falsum.

9. Contra. Nam dæmonum circa supernaturalia deceptio est per præcipitationem voluntariam. Ergo non nicitur discursu, sed voluntatis affectu pravo. Antecedens probatur. Nam dæmon v. g. cum videbat Christi Humanitatem sine hypostasi, vel accidentia Eucharistica sine substantiâ, in his connaturalem in substantiâ inhaesionis exigentiâ, in illâ verò intrinsecam cum substantiâ connexionem intuebat. At ultra istas veritates ex vi naturalis luminis per se non progreditur Intellectus Angelicus, sed admirando potius tunc secundum prudentiam & luminis sibi innati rationem continetur ab omni ulteriori iudicio. Unde si dæmon intrinsecam Humanitatis Christi cum substantiâ propriâ connexionem, vel accidentium Eucharisticorum in subiecto inhaesionis exigentiâ videns dicat, in Eucharistiâ esse substantiam panis, & in Christo hypostasin creatam, id non facit nisi per præcipitationem voluntariam. Sicuti econtra videns miracula Christi, eaq; conferendo cum sacris litteris Verbi Divini Incarnationem seu Christi adventum prænuntiantibus, non potuit vi naturalis luminis citra voluntatis imperium ultra progredi nisi asserendo in his de Verbo Divino Incarnato testimonijs magnam ex signis diversis inesse veritatis vim. Unde ut assereret, hunc esse ipsummet Christum seu Verbum Incarnatum, opus fuit Imperio suæ voluntatis, per quod crederet & contremiseret non quidem fidè Divinâ ac Timore supernaturali, sed naturali non omnimodam habente certitudinem, utpote Divinæ revelationis.



ni immediatè non innitentem. Cùm igitur dæmon in supernaturalibus vel etiam conjecturalibus non ex suo præcisè naturali lumine intellectuali, sed ex præcipitatione voluntariâ seu Imperio voluntatis ruat in falsum de supernaturalibus, arque conjecturalibus absolutè ac exercitè prolatum Judicium, consequens est, id non fieri per discursum: sicuti nullus in nobis etiam intervenit discursus, quando ex propriâ voluntatis motione ad Fidei Theologicæ actum Intellectus noster movetur.

#### Responsio ad Opposita Argumenta.

10. **A**D Fundamentum ex parte Scoti n. 3. oppositum Respondetur 1. In *per se notum* includi aliquam equivocationem. Nam principium per se notum in primis dici solet, cujus termini ex seipsis habent veritatis determinationem formalem & intrinsecam. Hoc autem modo certum est, istam propositionem: In sole est Eclypsis, non esse per se notam: hujus enim propositionis veritas non est determinata ex intrinsecâ immediatâ terminorum inter se conjunctione, sed ex determinatione suæ causæ. Nihilominus Angelum solis Eclypsin in determinatione causæ ipsius cognoscendo habere unicum Causæ intuitivè, & in hac effectûs abstractivè manifestativum lumen. Unde nullum intervenire discursum, sed effectûs in causâ simplicem notitiam. Deinde veritas dici potest per se nota, quatenus per speciem seu lumen intuitivum in seipsâ immediatè videtur, atque ut sic Angelus noscit Eclypsin actu existentem. Constat proinde, ad propositiones non ex seipsis, sed ex determinatione duntaxat causarum determinatam veritatem habentes ab Angelo cognoscendas non opus esse discursu, sed si ipsarum objectum sit realiter existens, posse ab intellectu Angelico attingi immediatè in seipsis per lumen ac speciem intuitivam: si verò sint tantum de possibili seu de futuro, possent ipsarum veritates absque ullo tamen discursu cognosci in causis jam existentibus ac intuitivè visis ab Angelico intellectu.

11. Respondetur 2. Negando, quòd Angelus non uno actu cognoscat principium & conclusionem in eo contentam. Velenim hoc principium est necessarium, atque tunc in eo judicat Angelus effectûs cum illo quandoque physicè, quandoque metaphysicè necessariam connexionem, imò si iste per modum naturalis proprietatis sit cum tali principio connexus, tunc istius unâ cum principio suo sit repræsentatio per unicam speciem, atque cognitionem. Vel principium aliquod est solum conjecturale, atque tunc Angelus extra causam voluntariæ præcipitationis, cujusmodi est in malis, non verò bonis Angelis, non judicat Angelus nisi conjecturalem effectûs cum causâ connexionem. Patet proinde, nullum in Angelis esse conclusionis ex principio aliquo illativum discursum, sed simplicem causæ intuitum, qui simul sit cognitio effectûs in tali principio contenti, sed abstractiva duntaxat, licet indistincta ab illo causæ intuitu.

12. Imò licet Angelus effectum in causâ præcontentum prius non nisi abstractivè cognitum, postea actualiter existentem intuitivè videat, nequit tamè ista cognitionum successio habere rationem discursûs propriè dicti. Probatur istud assumptum, Nam ex D. Thomâ 1. p. q. 141. a. 7.

duplex distinguendus est discursus, alter impræprius secundum successionem tantum, quando unum post aliud intelligitur. Alter proprius secundum causalitatem, quando una cognitio causatur ex aliâ, ita ut ex uno noto intellectus moveatur ad aliud ex vi prioris cogniti manifestandum. At verò ad istud non sufficit unum objectum illuminari per aliud, hoc enim in simplici etiam intuitu Causæ comprehensivo, & ut sic effectûs in eo virtualiter contentorum manifestativo accidit, sed oportet, intellectum prius illuminari circa unum objectum, & ex hujus illuminatione naturâ saltem posterius moveri ad novum ex illo priori objecto lumen educendum, & hoc mediante manifestandum objectum etiam posterius. Quare ad discursum pertinet, ut sit diversitas & ordo in ipso etiam lumine se tenente ex parte cognoscentis, ita ut unum lumen oriatur ex alio illius probativo & illativo, seu deductivo, veluti ex lumine Principiorum oritur lumen scientiæ. At in casu præfacto est quidem diversitas & cognitionum & luminum, nullus tamen illationis seu causalitatis ordo, seu unius ex alio deductio, sed ad invicem se habent solum disparatè. Ergò in illâ duplici cognitione ac lumine est discursus secundum successionem duntaxat, non verò secundum causalitatem.

Ad argumentum Suarezij n. 4. oppositum Respondetur. Dæmões videndo effectûs Christi miraculosos, pensatis etiâ non per fidem Divinâ, sed prudentiale quoddâ naturale Judicium Prophetarum testimonijs, in his per simplicem notitiam cognitis novisse connexionem aliquam cum veritate, quòd miraculorum illorum patrator esset Christus. Ex vi cujus ad eò notitiæ non discurrendo, sed veritatem istam in effectibus miraculosis, alijsque testimonijs contemplando, non absolutè pronunciasse, quòd Christus existeret, sed judicasse signatè evidentiam credibilitatis, secundum quam prudenter assentiri posset, quòd Christus existeret. Quem quidem assensum non per discursum, sed per Imperium voluntatis tunc excitari potuisse in dæmonis intellectu.

#### C O R O L L A R I U M

##### De Locutione & Illuminatione Angelorum.

14. **I**nsertur 1. Angelos verè colloqui inter se. ex S. Thomâ 1. p. q. 107. a. 1. Ratio est. Tum quia in *Epist. Cathol. iuda 14. v. 9.* dicitur Michael cum Diabolo disputasse. At ista disputatio non poterat subsistere sine mutuâ locutione manifestativâ rationum, quibus uterque disputans innitebatur; Tum quia Angelorum Essendi modus est politicus exigens convictum socialem. Ejusmodi verò societas dicit mutuam cogitationum communicationem, atque ad eò collocutionem.

15. **I**nsertur 2. Angelos non colloqui inter se per signa aliqua sive spiritualia sive corporalia, sed conceptus suos ordinando ad alterum, seu consentiendo, ut alteri innotescat. S. Thomas citato a. 1. Ratio est. Cùm enim cuilibet Angelorum sint innatæ species secretorum repræsentativæ, non nisi ad nutum illius, cui conceptus inexistunt, poterit Angelus hos facere manifestos al-



16. Istos alteri per hoc duntaxat, quod voliteos alteri manifestos, nullis licet intervenientibus signis.

Infertur 3. Angelos hominibus loqui posse duobus modis. 1. Formando voces sensibiles, sive in aere, sive in corpore aliquo assumpto. 2. Excitando indirectè mediantibus phantasmatis in homine species intellectus, quemadmodum Angeli mali incitant ad vicia, commovendo phantasmata ad species inhonestas, sicut econtra boni incitant ad virtutes.

17. Infertur 4. Homines etiam duobus modis posse Angelis colloqui. 1. Per voces externas, quarum significatio Angelis omnino perspecta est. 2. Cum Angelus habeat innatas species humanorum actuum repræsentativas cum sufficiente eorundem cognoscitivo lumine, nihil desideratur, quam ut homo in suarum cogitationum manifestationem consentiat, ut adeo solo consensu possit homo Angelis colloqui.

18. Infertur 5. Inter Angelos dari aliquam illuminationem, ex S. Dionys. *cel. hierarch. cap. 4.* Ratio est. Nam illuminatio est locutio, quæ unus Angelorum veritatē sive naturalem, sive supernaturalem sub altiori lumine revelat alteri. Atqui Angelus superior suum, quem habet cum de naturalibus, tum de supernaturalibus conceptum, tanquam altius aliquod lumen manifestat inferiori, cui veritas ejusmodi licet præcognita fuerit, ex illo tamen sibi revelato conceptu tanquam sublimiore lumine recipit novam altioris alicujus illustrationis impressionem. Imò Angelo inferiori quandoque occultatur tam in Verbo, quam extra Verbum veritas aliqua etiam supernaturalis, circa quam adeo illuminari potest per Angelum superiorem. Ceterum hæc illuminatio eo fit ordine, ut superiores immediatè illuminentur à Deo, inferiores verò mediantibus superioribus. S. Thomà *hic q. 106. a. 3.* Etenim Deus per superiora gubernare solet inferiora, ex D. Dionys. *mao.* At per illuminationem instruuntur Angeli de Divinæ providentiæ gubernatione ac dispositione. Congruum igitur est, de hac Divinæ gubernatione Angelos inferiores edoceri mediantibus superioribus. Unde supremus Seraphinus à solo Deo, vel Christo Domino illuminatur. Et licet omnes Angeli supremæ Hierarchiæ soleant à Deo immediatè illuminari, si tamen Deus aliquem primæ Hierarchiæ Angelum intendat illuminare per Angelum, id non fit nisi mediante superiore. Verum secundæ Hierarchiæ Angeli illuminari solent per aliquam ex primæ Hierarchiæ: sicut Angeli tertiæ Hierarchiæ per Angelum secundæ. Ex quo proinde patet discrimen illuminationis & locutionis Angelicæ, quod locutio præcisè importet manifestationem alicujus veritatis, non attento, quod debeat esse sub altioris luminis irradiatione, ut adeo inferior Angelus superiori colloqui, non tamen ipsum illustrare valeat.

#### ARTICULUS IV.

##### De Voluntate Angelorum.

1. Supponendum 1. In Angelis esse Voluntatem distinctam ab Intellectu, ex S. Thomà *præf. q. 59. a. 1. & 2.* Ratio est. Omnis enim substantiæ est quædam in Bonum

inclinatio. Hæc verò alia est secundum naturalem duntaxat habitudinem sine cognitione, quæ dicitur appetitus innatus. Alia verò est cum cognitione boni quæ particularis non depurata à materialitate, quæ dicitur appetitus sensitivus. Alia denique est cum cognitione boni sub ratione boni universalis quæ depurata nimirum seu abstracta à materialitate, quæ dicitur Voluntas. At verò Angeli. *Petr. 1.* dicuntur, quod in Spiritum Sanctum desiderant prospicere. Est autem Spiritus Sanctus Bonum purissimum. Ergo istud desiderium in Angelis est voluntatis. Ergo in ipsis est voluntas, quam oportet ab ipsorum intellectu esse hoc ipso distinctam, quod sit hujus, per inclinationem extra se trahi in objectum amatum: illius verò sit, per repræsentationem seu intentionalem introitusceptionem trahere objecta intra se.

Supponendum 2. ex S. Thomà *citato loco.* Alium Angelicæ voluntatis actum esse naturalem seu necessarium, alium verò Liberum, Ratio est. In omni enim naturæ datur inclinatio eidem proportionata. Atqui naturæ Angelicæ utpote intellectualis est, ita habere bonum suæ vitæ ac existentiae, vel finis connaturaliter convenientis ab intrinseco sibi proportionatum, ut tamen in medijs sibi, suoque fini congruis intelligat aliquam disconvenientiam respectu sui. Hæc ipsa verò mediorum ad finem convenientiæ, tum disconvenientiæ repræsentatio fundat liberum voluntatis arbitrium. Oportet igitur, in Angelicâ voluntate esse dilectionem tum naturalem, tum liberam, ita quidem, ut Angelus naturaliter diligat non seipsum, duntaxat appetendo sibi Esse, vivere, ac perfectionem suam naturalem, sed alios insuper Angelos in quantum secum conveniunt: at liberè diligat & seipsum, in quantum sibi vult aliquod bonum per electionem, & ceteros Angelos, in quantum differunt ab ipso.

#### CONTROVERSIA I.

##### An possibis sit aliqua voluntas creata ab intrinseco Impetabilis?

3. Nullam de facto, ne Angelicam quidem, intellectualem creaturam Impeccabilem esse, docet fides ex *Iob cap. 3. & 4. 15.* Hujus rationem D. Thomas *q. 24. de verit. a. 7. & 1. p. q. 63. a. 1.* cum S. Augustino *lib. de fide ad Petrum. cap. 3. & 22.* assignat: Tum quod Angelus sit factus de nihilo, tum quod omnis creaturæ intellectualis actuum moralium regula sit ab his distincta, possintque adeo tales actus deficere à rectitudinis suæ regula.

Hinc quia istæ rationes probant de omni etiam possibili creaturâ intellectuali, difficultas est, *Utrum sint efficaciter demonstrativæ?* 4.

Referuntur Sententiæ Doctorum.

6. Circa quod Scotus in 2. *dist. 23. q. 4m. 5.* Dicitur, *igitur. in fine.* asserit, non tam ex efficaciâ rationis, quam ex SS. August. *lib. 3. contra Maximum. cap. 13. & Anselmi lib. 2. Cur Deus homo. cap. 10. in fine.* auctoritatibus tenendum esse, quod nequeat product



produci creatura per naturam suam impeccabilis.

6. Econtra Ioannes à S. Thomâ *pres. disp. 23. a. 1. n. 6. & 11.* illas sancti Doctoris rationes omnino efficaces taliter demonstrat. Tum quia natura, quæ est ex nihilo, est vertibilis & mutabilis in nihilum quoad Esse. Atqui potentia & modus operandi sequitur modum Essendi. Ergo potentia libera fundata in naturâ mutabili etiam in quantum operativa est liberè mutabilis. Ergo non habet libertatem firmatam in bono, à quo proinde potest deficere, atque adeò peccare. Tum quia voluntas libera est hoc ipso peccabilis, si habeat defectibilitatem à regulâ suæ moralitatis seu honestatis moralis. At eo ipso, quod istam regulam non habeat sibi indefectibiliter annexam, est ab illâ defectibilis. Eo ipso autem, quod creaturæ intellectualis regula consistens in lege seu imperio Dei sit liberè à Deo, sequitur, non esse ulli creaturæ Intellectualis voluntati inseparabiliter annexam. Ergo potest deficere, atque adeò peccare.

7. 2. Difficultas est, *Utrum istæ rationes probent, Angelum intra ordinis naturalis limites consideratum in ordine ad finem præcise naturalem absque prævia seu conitante legis ac Finis supernaturalis deviatione posse etiam peccare?*

8. Negat Ioannes à S. Thomâ *cit. a. 1. cum Doctoribus à se relatis.* Cujus Fundamentum n. 19. deductum est. Eo ipso, quod actus voluntatis sit regulatus & in suâ regulatione, imò & in suâ elicientiâ omninò dependens ab intellectu, impossibile est, concipere in voluntate motum seu actum deficientem in regulatione passivâ, nisi sit defectus ex parte regulationis cognitæ & per intellectum propositæ, quæ est regulatio activa. Unde consequens est, defectum moralem in voluntate non posse oriri, nisi ex defectu dictaminis regulantis seu applicantis ex parte intellectus. Atqui Angelus consideratus solum in puris naturalibus & sine ordine ad legem & finem supernaturalem, non potest operando connaturaliter ad modum suæ naturæ habere defectuosum dictamen. Probatum istud assumptum. Nam defectus dictaminis ex duplici solum capite oriri potest, aut quia regula ipsa, per quam actus dirigendus est, non plene consideratur, nec applicatur secundum se ad omnia regulabilia, aut quia aliquid contrarium ipsi regulæ accipitur ut convenientius sibi, regulâ rationis & naturæ lege odio habitâ, vel omisâ. At hoc secundo modo non potest Angelus per se directe legem ipsam seu regulam sui despiciere, & odio habere, vel omittere, cum lex illa seu regula sit bonum naturæ ejus, quod amatur necessariò quoad specificationem. Unde non nisi per accidens solum ratione aliqujus effectus v. g. propter poenam potest Angelus velle, non esse talem legem, vel eâ odio habere. Deinde nec primo modo ex indebitâ legis naturalis consideratione, seu ex aliquâ circa cognitionem ejus omissionem potest Angelus peccare contra illam, cum omne id, quod ad legem naturalem, & ad Bonum rationis pertinet, Angelus in naturæ suæ cognitione comprehensivè cognoscat habens legem ejusmodi semper sibi præsentem, utpote primum & immediatum cognitum. Ergo quia per hanc comprehensionem videt tum principia legis naturæ, tum ea, quæ ex istis deducuntur, nequit rectæ rationis regula non sem-

per in Angelo applicata esse ad omnia regulabilia.

Ex opposito quamcunque Intellectualem creaturam, spectatis puris naturalibus, peccare posse, absolute tradunt Hieronymus de Medicis *pres. q. 63. a. 2.* Suarez *lib. 3. de Angelis. cap. 1.* habeturque in S. Thomâ *q. pres. a. 2. conclusionis summario.* Verum Bannes *ed. art. 2. cont. 2. & 3.* distinguit asserendo, Angelum non posse peccare immediate ac per se contra legem naturalem cum naturâ inditam, sed contra legem positivam ordinatricem ad finem etiam naturalem duntaxat.

### CONCLUSIO.

**I**lla duplex S. Thomæ ab initio proposita ratio in unam deducta efficaciter probat, quod nulla creatura intellectualis possit per naturam suam impeccabilis esse.

Probatum. Nam ex eo, quod creatura sit de nihilo, sequitur, habere in omni suâ perfectione aliquid potentialitatis. Ex hac vero potentialitatis omnium quarumcunque creaturarum substantiarum perfectioni inexistentis ratione denuo inferitur, cujuscvis intellectualis creaturæ voluntatem non esse per se in actu, sed in potentiâ ad rectitudinem: ut adeò verum sit, actuum moralium regulam ab his esse distinctam. Atque ex hoc rursus sequitur, tum quod, suppositâ etiam operandi potentiâ omninò perfectâ & completâ, cujuscvis intellectualis creaturæ voluntas in suo adhuc operari indigeat Dei præoperante concursu, seu causalitate dante ipsum velle & operari cum omnimodo perfectionis suæ modo. Tum quod ista Dei præoperans causalitas nulli quantumvis perfectæ creaturæ utpote propter sui de nihilo extractionem absolute Dei dominio quoad Esse & operari simpliciter subjectæ possit taliter debita esse, ut Deû valeat obligare ad actû, ejusque moralem rectitudinem donandam. Unde quævis creatura propter sui ex nihilo extractionem habet in se radicatum voluntatis suæ defectibilitatem, per quam a suâ moralitatis regulâ sive naturali sive positivâ deficere, atque adeò, puris naturalibus spectatis contra finem etiam naturalem peccare possit.

### Responsio ad opposita Argumenta.

**A**d Ioannis à S. Thomâ ex parte 2. difficultatis n. 8. oppositum fundamentum Respondetur. Distinguendo Majorem: Verum namque est, quod defectibilitas voluntatis non tenditur in tali Dictaminis defectu, qui importet errorem seu ignorantiam prævæ dispositionis, vel etiam privationis, sed puram in potentialitate tum voluntatis, tum intellectus, atque adeò Dictaminis, radicatum negationem ut sic puræ actualitati ac omnimodò depuratae perspicacitatis iudicio oppositâ, uti in conclusione expositum est. Neque enim in dictamine supernaturali, contra quod Angeli mali primò peccaverunt, erat defectus prævæ dispositionis, sed negationis duntaxat in potentialitate radicata: ut adeò ex Angelorum malitiâ non nisi defectum potentialitatis immersum supponentis proveniret, quod



quoddā rectitudinetam supernaturali, tum naturali deficerent. Ergo voluntatis per malitiam defectibilitas non debet reduci in defectum Distaminis rationis, nisi quoddā istud non sit per se actiuans Angelicam voluntatem, sed tam in se ipso, quam in voluntate importet potentialitatem, per quam voluntatis est in se distinctio à suæ moralitatis regulā, & consequenter defectibilitas à rectitudine morali,

## CONTROVERSIA II.

### *Utrum Voluntas Angelica possit venialiter peccare?*

1. **V**asquez. 1. 2. q. 89. a. 4. in Comment. & Suarez lib. 3. de Angelis. c. 8. asserunt, Angelum posse committere peccatum veniale ex genere suo, vel parvitate materiæ, non tamen ex subreptione vel indeliberatione. Fundamentum est. Quia potest malè eligere in materiā, quæ vel ex genere suo levis est, vel ob materiæ parvitatem, qualis est detractio levis.

2. Franciscus de Lugo *præs. disp. 17. cap. 4. n. 12.* tenet, Angelos spectatis suis intrinsecis principiis, posse etiam ex indeliberatione peccare venialiter. Fundamentum est. Nam intellectus Angelicus non potest omnia simul cognoscere, sed determinatum objectorum & formalitatum in ipsis explicite perceptarum numerum. Ergo posset Angelus sic alia objecta simul considerare, ut in aliquo non pertiperet distincte omnes rationes convenientiæ, vel honestatis, quæ illum ad non peccandum incitarent, vel non attenderet ad malitiam in tali objecto contentam.

3. Divus Thomas 1. 2. q. 99. a. 4. & q. 7. de malis. a. 2. ac Thomistæ simpliciter negant, posse Angelum venialiter peccare,

## CONCLUSIO.

**N**equit in Angelo tam ratione parvitatatis materiæ, quam ratione indeliberationis esse aliquod veniale peccatum.

4. Probatur ratione S. Doctoris. Nam sicut Angelus perfecte intelligendo, conclusiones non attingit seorsim à principiis, sed in his comprehensivè cognoscit omnem veritatem cum eis connexam: sic volendo non attingit media separatim à fine. Unde non potest Angelicæ voluntatis aliquis esse defectus circa moralem mediorum rectitudinem, quin ab ipso etiam fine deficiat. At in quolibet Angelicæ voluntatis fine est materiæ moralis gravitas. Hæc igitur Angelicæ voluntatis actum facit mortaliter peccaminosum. At eo ipso, quod Intellectus Angelicus semper habeat præfixas sibi naturalis luminis regulas morales, utpote in naturæ suæ cognitione comprehensivā necessariò cognitās, nequit voluntas Angelica cum indeliberatione operari. Repugnat igitur in Angelo ullum esse veniale peccatum.

## Responsio ad opposita fundamenta.

**A**d argumentum ex parte Vasquezij n. 1. oppositum Respondetur. Eiusmodi materiæ levitatem in Angelo semper esse conjunctam cum deordinatione, quæ non tantum sit præter, sed ex vi Angelorum connaturalis volendi modis contra finem rationi Angelicæ convenientem. Ex quâ proinde finis circumstantiā levem illam materiā in genere morali ferri gravem, atque adeo lethalem.

Ad argumentum ex parte Francisci de Lugo n. 2. oppositum Respondetur. Negando, posse in Angelo esse aliquam moralem honestatis inconsiderationem, veluti nervosè probat argumentum Ioannis à S. Thomā *præs. dub. 1. ex parte 2. difficultatis propositum.*

## CONTROVERSIA III.

### *Utrum Voluntas Angelorum in primo creationis instanti fuerit peccabilis?*

**D**ivus Thomas *præs. q. 63. a. 5.* docet: Angelum in primo instanti peccare non potuisse. Fundamentum ab eodem S. Doctore deductum est. Quamvis etiam res aliqua in primo instanti, quo incipit esse, simul incipere possit operari: tamen illa operatio, quæ simul incipit cum esse rei est ei ab agente, à quo habet Esse, sicut moveri fursim inest igni à Generante. Unde si aliqua res habet Esse ab agente deficiente, quod possit esse causa defectiva actionis, poterit in primo instanti, in quo incipit esse, habere defectivam operationem. Agens autem, quod Angelos in Esse producit, scilicet Deus, non potest esse causa peccati. Unde non potest dici, quod diabolus in primo suæ creationis instanti potuerit esse malus.

Adversus istam doctrinam insurgit Scotus in 2. disp. 5. q. 2. Gregorius *ibidem* q. 1. a. 2. Gabriel *disp. 4. q. un. a. 3.* Vasquez 1. p. *disp. 136. cap. 3.* Molina *præs. q. 63. a. 5.* Rada 2. p. *cont. 11. a. 3.* Fundamentum est. Quia Angeli in primo creationis instanti habuerunt sufficiens peccandi principium, scilicet cognitionem ex parte Intellectus cum indifferentiā objectivā, & libertatem ex parte voluntatis cum indifferentiā Electivā.

Verum istud fundamentum Thomistæ, nominatim Cajetanus *hic a. 5.* Nazarius *ibidem* cont. 2. Ioannes à S. Thomā *disp. 23. a. 2.* evertunt, negando, Angelicam voluntatem in primo creationis instanti fuisse liberam libertate specificacionis, sed exercitij duntaxat. Cuius Fundamentum ex Ioanne à S. Thomā *citato a. n. 12.* deductum est. Quia Angelus, & quæcunque creatura intellectualis in suo primo actu non potest se movere, nec à se accipere, & formare dictamen, sed à Principio, veluti patet ex autoritate tum Aristotelis, tum Sancti Thomæ 1. 2. q. 9. a. 4. tum ex ratione: quod alioquin idem quā movens esset in actu, & quā mobile in potentiā. Nisi ergo principium exterius movens Angelum, & dans illi dictamen sit principium defectuosum, non poterit defectuosum dictamen dare; At sine dictamine defectuoso non potest voluntas aliqua peccare. si ergo Angelus in primo creationis instanti posset peccare, oportet, principium exterius pro tunc movens Angelum



gelum, posse illi dare defectuosum dictamen. At pro primo instanti creationis nequit ullum exterius Principium præter Deum dare aliquod dictamen.

Probatur istud assumptum ex Ioanne à S. Thomâ n. 20. Nam duo circa formationem dictaminis concurrunt principia, alterum est materiale, quatenus scilicet formatio dictaminis pender à propositione seu manifestatione objecti, ut à materiâ, circa quam formari debet; alterum est principium Efficiens seu applicans, per quod movetur, applicatur, & formatur dictamen. At licet in casu, quo Deus creat unum Angelum cum cognitione aliorum Angelorum, & inter illos Dæmones, eorumque mala dictamina sive ex revelatione Divinâ sive ex colloctione Angeli alicujus pravi videret, posset tunc Angelus in primo creationis suæ instanti habere manifestationem alieni pravi Dictaminis tanquàm materiâ circa quam. Attamen ut ex istâ materiâ in ipsomet Angelo noviter producto fieret formatio dictaminis, oporteret intervenire etiam principium Efficiens & applicans. Hoc autem nequit esse alius Angelus, sed vel intellectus tantum proprius, vel solus Deus. Cum igitur Angeli proprio Intellectui pro primo Creationis instanti convenire non possit, quod sit seipsum movens, consequenter pro tali instanti solus Deus potest esse principium Efficiens Dictaminis; si ergo pro tunc Angelus habere posset principium defectuosum, iste defectus redundaret in Deum. Hoc autem repugnat Divinæ puritati & sanctitati. Ergo Angeli in primo creationis instanti impeccabilitas, cum non nascatur ex defectu libertatis quoad exercitium, efficaciter reducit in id duntaxat quod pro tali instanti non possit nisi à solo Deo moveri ad formandum Dictamen.

#### CONCLUSIO.

**R**atio Divi Thomæ *supra n. 1.* insinuatâ videtur accipi posse in sensu non tantum materiali, sed formali, atque ut sic probat Angeli pro primo creationis instanti impeccabilitatem non ex parte Dictaminis duntaxat, sed ipsius etiam voluntatis consideratæ cum ordine ad Deum quâ creatam, ejusque actionem quâ creativam.

Explicatur & probatur. Nam ex eo solum quælibet voluntas creata est peccabilis, quod non sit per se ipsam suæ rectitudinis moralis regula. ex S. Thomâ *præf. q. 63. a. 2.* Hæc autem voluntatis defectibilitas taliter supponit Dictamen non quidem positivè aut privativè, sed negativè Defectuosum, ut hæc ipsa Defectibilitas per S. Augustinum & D. Thomam ultimè reducatur in potentialitatem cuiuslibet creaturæ eantis convenientem, quatenus est de nihilo facta. At ex eo, quod quælibet voluntas creata sit de nihilo, etiam fit, non posse ullum assignari instans, in quo in seipso possit habere jus Dei obligatorium ad actionis moralis rectitudinem sibi concedendam: sed Deo absolutissimum sit Dominium, istâ rectitudinè taliter denegandi, ut tamen ex jure Causæ primæ possit dare actionem, quæ non quidè respectu Dei, sed creatæ voluntatis funder morale malitiam. Si ergo Deus ad hoc suum præcisè Dominium attendendo potuit in electione suæ Præ-

destinationis, nullo præcedente peccato, aliquos Angelos ordinare in vasa contumeliæ, negativè ipsos reprobando, & hinc denegando finalem rectitudinem, sed loco istius ex occulto Juris adedque Justitiæ suæ Judicio ipsis destinando actionem entitativè, ac respectu Causalitatis Divinæ Bonam, sed respectu voluntatis Angelicæ pravam, cur non dicere liceat, sanctitatem Divinam haud contaminari, si pro primo Creationis instanti Angelo denegasset actionem moraliter bonam, ne tamen ipsum otiosum sine actione morali relinqueret, destinasset actionem, (idem argumentum fieri potest de Dictamine) quæ in genere Entis quâ ex Causalitate Divinâ descendens esset bona, etsi per sui à voluntate Angelicâ Defectibiliter, sed liberè operante dependentum esset moraliter mala?

Quare ut Doctoris Angelici *supra n. 1.* deductam rationem salvemus, hunc si fortè alicujus sit ponderis, acrior aliorum Judicio expendendum, exhibemus discursum. Etenim creationis instans formaliter spectatum connotat Formalem creationis effectum. Hic verò est Esse ut sic, non verò tale Esse quâ immersum potentialitati, atque aded defectibilitati. At verò ex Sacris Litteris habemus, Deum creasse universa, quæ fecit, tanquàm perfectâ, suumque opus complevisse *Gen. 4.* Ejusmodi verò perfectio non tantum dicit complementum in lineâ Essendi, sed etiam operandi perfectum. Unde dici debet, tam in Angelis, quàm in alijs creaturis pro primo creationis instanti primū ejusque creaturæ statui competentem actum fuisse à Deo productum sub tali perfectionis formalitate, quæ ut sic esset formalis terminus creationis. At primo Angelorū creationis instanti respondet Essendi status non duntaxat naturalis, sed etiam supernaturalis. Unde pro tali instanti respondere debuit etiam operatio moralis tam naturalis, quàm supernaturalis, quâ formaliter terminans creationem. At eo ipso, quod ista ut sic formaliter respiciat Esse, hoc verò in genere moris sit formaliter restitudo, peccatum verò dicat formaliter deficientiam & privationem, consequens est, non posse instans creationis, in quo Angeli secundum omnimodam tam naturalis, quàm supernaturalis status sui conditionem intelliguntur creati, in sensu formali componi cum peccato, a quæ aded verificari, quod Angelus pro primo creationis instanti in sensu composito non potuerit peccare, etsi in sensu absoluto ac diviso, factâ comparatione non ad creationem, sed Angelicæ voluntatis intrinsicæ defectibilitatem, atque aded ad Divinâ in Dominio Dei absoluto radicatâ permissionem fortè dici possit, quod Angelus in primo non tam creationis, secundum integrale sui complementum ad ejus actum etiam morale terminatæ, quàm existentie defectibilitatem ejus voluntati innatam concomitantis instanti potuisset peccare. Juxta quàm aded distinctionem verificatur etiam D. Thomæ *supra n. 1.* exposita Doctrina, quod scilicet Deus foret agens Defectuosum, si Angelus in Primo Creationis instanti formaliter spectato peccasset, tamen nulla in Deum redundare debeat Defectibilitas, si in primo creationis ad Angeli duntaxat Esse, non autem operationem terminatæ instanti per Divinum in absoluto Dei Dominio radicatum Justitiæ Judicium concomitanter fieret operatio, cui secundum divinam



vine permissionis, non autem creationis rationem formalem esset respectu voluntatis creatæ annexa privatio moralis rectitudinis.

#### CONTROVERSIA IV.

#### *Quæ in Dæmonibus ex parte Voluntatis ipsorum sit causa obstina- tionis seu obduratio- nis?*

**D**æmones in malo esse obduratos & obstinatos, S. Thomas *præs. q. 84. a. 2. argum. sed contra. probat ex illo Psal. 73. Superbia corum, qui se oderunt, ascendit semper.* Cujus rationem sanctus Doctor citatus taliter deducit. Nam apprehensio Angeli differt ab apprehensione hominis in hoc, quod Angelus immobiliter apprehendat per intellectum, sicut & nos primæ principia, quorum est intellectus immobiliter apprehensivus. Econtra homo per rationem apprehendit mobiliter, discurrendo de uno ad aliud habens viam procedendi ad utrumque oppositorum. Pari proinde proportionis ratione hominis voluntas objecto à se voluto adhæret mobiliter, quasi potens etiam ab eo discedere, & contrario adherere. Voluntas verò Angeli adhæret fixè & immobiliter. Unde si consideretur ante adhæSIONem, potest libere adhære, sed postquam jam adhæsit, immobiliter adhæret. Sic igitur & boni Angeli semel adherentes iustitiæ sunt in illa confirmati, mali verò peccantes sunt in peccato obstinati.

Ex quâ S. Doctoris ratione oritur difficultas: Quod dæmones superbiendo semper peccent. At non est peccatum sine libertate. Videtur autem libertas sublata, si dæmonum voluntas post electionem immobiliter adhæreret. Ergo non videtur illa D. Thomæ doctrina taliter accipienda, quod Dæmonum voluntati ex naturâ suâ sit impossibilis retractatio, sed quod istud sit ipsis valde difficile, veluti cum alijs exponunt Suarez *lib. 2. de Angelis. cap. 11. & Vasquez disp. 239. cap. 3. & 4.*

Verum illam Sancti Doctoris doctrinam in toto rigore sumendam, ita ut Angelus simpliciter non possit retractare, quod semel iudicavit, & cui ex plenâ electione adhæsit; asserunt Cajetanus *ad præs. q. 84. a. 2.* Nazarius *ibid. cont. 1.* & Thomistæ communiter.

#### CONCLUSIO.

**O**bstinatio Dæmonum formaliter consistit in subtractione auxilij Divini tum efficacis, tum sufficientis, non illius, quod in ordine ad bonum honestum etiam naturale dat posse, sed affectivi, quod ad naturalis ordinis Honestatem est incitativum: radicaliter autem reducitur in intrinsicam voluntatis Angelicæ inflexibilitatem non talem, quæ tollit potentiam ad oppositum, sed quæ ab intrinseco connaturaliter exigit non

inoveri à Deo ad actum adhæSIONI semel habitæ oppositum.

Probat. Nam duplex est bonorum operum genus, alterum honestatis duntaxat naturalis, alterum honestatis supernaturalis. Est autem indubitatum, dæmonibus & damnatis nullum esse amplius supernaturale sive sufficiens, sive efficax Dei auxilium ad operandum supernaturaliter. At verò in ordine ad moralia naturalis honestatis opera præsupponuntur tum in dæmonum intellectu naturalia ejusmodi honestatis representativa principia, tum in eorundem voluntate innata vis ad talem honestatem amplectendam. Hæc autem tum honestatis representatio, tum eandem prosequendi innata vis est sufficiens ad hoc, ut dæmones habeant potentiam liberam, per quam sub motivo honestatis naturalis potentes aversari quæcunque peccata, ut adeo superbiendo & odiendo semper peccent. Quare ipsorum obcæcatio & obduratio non consistit in virtutis ad peccata evitanda, & moralia honestatis naturalis opera exercenda sufficientis denegatione: sed tum in omnimodi sive sufficientiæ, sive efficacis ad supernaturaliter operandum auxilij subtractione; tum in auxilij ad moralia honestatis naturalis opera tam excitativi, quam efficacis denegatione.

Probat. istud assumptum. Nam gratiæ & liberalitatis Divinæ est præter innatam honestatis naturalis representativam, & appetitivam virtutem immittere aliquam inspirationem motivam ad bonum incitantia proponentem, nec non affectum ac opera honesta suaviter excitativam. At verò ejusmodi inspirationibus, nec non affectivis motionibus divinis penitus carent dæmonum ac damnatorum Intellectus & Voluntates. Econtra ex miserâ statû sui, in quo nullus est ordo, sed horror sempiternus, nec non ex præcedenti peccaminoso affectu ac poenarum doloribus habent in se excitata motiva valde ponderosè incitativa ad rebellionis suæ contra Deum ac blasphemias peccata amplectenda. Unde licet habeant & in intellectu & in voluntate vires physicè sufficientes ad bona moralia honestatis naturalis opera, atque adeo ad fugam & detestationem peccatorum, moralis tamen honestatis principiorum cognitio in ipsis valde arida est, D. Thomæ *præs. q. 84. a. 1.* attestante: quod cognitio affectiva taliter ablata sit à dæmonibus. Deinde viribus ad naturalis ordinis opera moraliter honesta exercenda suppositis, opus est auxilio divino ex parte actûs etiam secundi prævenientis ac ipsum Velle liberum gratuito donante. At hoc efficaci ad actus etiam naturaliter honestos auxilio penitus privantur damnati: aliunde verò ne ipsorum voluntas sit absque omni actu, Deus tum ex iure Causæ primæ faciendi iudicium, tum ex iure sui absoluti Domini, tum ex iure iustitiæ vindicativæ in poenam scelerum dat concursus efficacem ad evitandum actum, qui respectu voluntatis hominum & Angelorum habeant annexam rectitudinis debitæ privationem, atque adeo malitiam moralem. Constat igitur, obstinationem damnatorum non impedire, quò minus semper peccent.

Unde



Unde horum obstinatio & obcecatio tum in privatione sive sufficientis, sive efficacis ad supernaturaliter operandum, tum in subtractione non sufficientis simpliciter, sed incitativi, nec non efficacis ad moralia honestatis naturalis opera auxiliij formaliter consistit.

7. Cum eo tamen inter homines & daemones discrimine, quod in his ex affectu peccaminoso semel concepto sit illius privationis, atque adeo obstinationis radix intrinseca in ipsorum naturis fundata: in hominibus verò non alia radix sit, quam quæ ex debito ac reatu culpæ oritur. Probatur istud assumptum. Nam Angelus in iudicio suo quandoque procedit comprehensivè cum plenâ resolutione ac determinatione, quandoque verò ex conjecturis aliquid iudicans non absolute resolvit veritatem talis objecti, sed quâ probabilem. Inter hos autem duos procedendi modos istud est discriminis, quod Angelus Perfarum Princeps seu custos nondum habens divinam de Israelitici populi redemptione voluntatem sibi revelatam, ob regni sibi commissi ex Israelitarum præsentia proveniens spirituale bonum, resisteret Gabrieli Archangelo, Danielis hanc liberationem à Deo cõflagitantis preces offerenti. At hic ipse Perfarum Princeps non ex plenâ deliberatione seu resolutoria divinæ voluntatis cognitione agens, postmodum hæc sibi perspectâ, mutavit voluntatem. Sicut ergo Angeli non resolutorie agentes mutare possunt voluntatem, sic quia hominum quantumvis resolutoria Intellectio ex naturali suo intelligendi modo nunquam est rei plenè comprehensiva, est consequenter ab intrinseco mobilis ac flexibilis. Econtra verò Angelus objecto comprehensivè secundum omnia motiva perspecto, non potest intellectus sui iudicium mutare. At licet in hoc ipso iudicio habeat perspecta motiva opposita, ratione quorum potuerit pro libertate suâ ad utrumlibet se determinare. Nihilominus ad alterutram partem se resolvendo, infixit voluntati suæ pondus faciens jam præponderare alterius partis motiva. Hoc autem pondus licet non tollat voluntatis Angelicæ activam indifferenciam, & tum super actus oppositos, tum super motiva utrinque proposita dominativam, attamen ex suæ omninò resolutorie adhæisionis perfectione exigit, ne immittat Deus auxilium actus oppositi effectivum. Quare ubi Angelus suam voluntatem à Deo resolutorie avertens per superbiam convertit se ad seipsum, eatenus in se statuit finem suum ultimum, ut huic immobiliter adhæreat, non eâ quidem ratione, quod non habeat amplius potentiam sufficientem ad voluntatis suæ mutationem, sed quod illo motivo jam resolutorie præponderante, habeat in se connaturalem exigentiam de auxilio actus oppositi seu moraliter honesti non immittendo. Unde per talem Angelicæ voluntatis immobilitatem non tollitur potentia seu vis sufficiens, sed auxilium tum efficax ex parte actus secundi, tum ex parte actus primi excitativum seu effectivum ad actum oppositum moraliter honestum. Constat proinde, Daemonum, non verò hominum damnatorum obdurationem habere radicem in naturâ Voluntatis illorum; quorum adeo obstinationem

radicaliter consistere in præactâ voluntatis suæ naturali immobilitate ac inflexibilitate.

#### COLLORIUM I.

De Gratiâ, Meritis & Gloriâ Angelorum.

Infertur 1. Omnes Angelos fuisse creatos cum beatitudine naturali, non autem supernaturali, ex S. Thomâ præf. 9. q. 62. a. 1. Ratio est. Tum quia beatitudo naturalis consistit in cognitione abstractivâ maximè perfectâ, quam de Deo habere potest creatura intellectualis. Atqui Angeli à primo creationis suæ instanti juxta suæ naturalis capacitatis proportionem habebant de Deo cognitionem perfectissimam: Ezechiele 12. attestante: *Quod Cherub fuerit plenus sapientiâ à principio conditionis suæ.* Tum quia beatitudo supernaturalis consistit in visione beatificâ, ex quâ resultat necessariò Dei amor super omnia, cum quo repugnat peccatum. Ergo quia Angeli mali peccaverunt, sancti verò dum erant in merendi statu, libertatem peccandi habuerunt, sequitur, ipsos non esse creatos in statu beatitudinis supernaturalis.

Infertur 2. Omnes Angelos creatos fuisse in statu gratiæ sanctificantis, ex S. Thomâ hic a. 3. contra antiquos asserentes, quod Angeli prius fuerint creati in purâ naturâ, & postea per gratiam sanctificati. Ratio nostræ illationis desumitur ex illo Ezechielis 8. ubi in sensu saltem figurato inducitur Lucifer hæc verbis: *Perfectus in vijs tuis fuisti à die conditionis tuæ, donec inventa est iniquitas in te.* Atqui præcipua creatura intellectualis utpote ab initio ad finem supernaturalem conditæ perfectio est gratia sanctificans. Ergo Lucifer, cæterique adeo Angeli à die, seu instanti creationis suæ habebant gratiæ perfectionem, donec inveniretur in ipsis iniquitas.

Infertur 3. Gratiâ eâ proportionis mensurâ fuisse Angelis distributam, quâ proportionem se invicem excedunt in naturâ, ita ut Angeli, quod perfectiores sunt in naturâ, eò intensiorem receperint gratiam. Ex S. Thomâ cit. q. 62. a. 6. Ratio est. Nam licet Angelus sive inferior, spectatâ naturâ, sit æquè ad gratiam proportionatus secundum potentiam duntaxat obedientialem, ut adeo tota Gratiæ inæqualitas inter ipsos etiam Angelos reduci debeat in voluntatem Dei dividendis singulis, prout vult. 1. Corinth. 12. Nihilominus hæc Dei voluntas rationem nostram supergrediens investiganda est ex autoritate. Atqui Divin. Dionys. lib. de celest. Hierarch. c. 6. fatetur, Angelos in naturâ perfectiores esse propinquiores Deo tum in officio, tum in splendore gloriæ & gratiæ.

Infertur 4. Angelos in viâ habuisse fidem, spem & charitatem. Ratio est. Quia istæ virtutes, sicut & morales infusæ, nec non Spiritus S. Dona pro statu saltem viæ; imò fidei & spei fortassis virtute exceptâ, pro statu etiam Patriæ habent connaturalem cum gratiâ sanctificante connexionem. Unde asserendum est, Angelos viatores per fidem infusam cognovisse mysteria Trinitatis & Incarnationis quoad substantiam, licet ipsos latuerint aliqua circumstantiæ temporis, loci, modi, fortassis & matris, quibus esset mandandum executioni. Hinc

D. Tho.



D. Thomas *præf. q. 17. a. 1. ad 3.* ait: *Quidquid Propheta cognovit de Myſterio gratia per revelationem divinam, multo perfectius Angelis revelatum eſſe.*

14. Inferitur 5. Angelos non niſi merendo obtinuiſſe beatitudinem. S. Thomas *q. 62. a. 4.* Ratio eſt. Nam *Apocalyp. 12.* dicitur, quodd mensura Angeli in cœleſti Jeruſalem ſit mensura hominis. At homo adultus nequit perſtingere ad beatitudinem, niſi per merita. Ergo nec Angelus. Cœterum quamdiu hic merendi ſtatus duraverit in Angelis, nihil certi decerni poteſt, nonnullis præſertim Recentioribus, ſpeciatiim Arriagâ *trac. de Angelis. diſp. 20. n. 18.* exiſtimantibus; non unico inſtanti temporis, ſed per ſpatij alicujus diviſibilis moram duraiſſe, v.g. per horæ quadrantem, eò quod in illo ſpatio factû fuerit prælium magnum in cœlo, Michael & Angelis ejus præliantibus cum dracone, in quo prælio rationibus pugnatum fuit taliter, ut Michael conaretur Angelis perſuadere ad reſiſtendum ſuperbiæ Luciferi, Deoque ſeſe ſubjiciendum: Luciferò econtra nitente, eos contra Deum in ſuas partes trahere, quæ proinde concertatio non in uno, alterove iſtu oculi videtur abſoluta, ſed protrac̃ta ad aliquale temporis ſpatium. Verûm hæc ratio non eſt efficaç, ſiquidem pugna hæc purè ex parte intellectûs ac voluntatis ſe tenens unico inſtanti abſolvi potuiſſet: ut aded ad præſens viæ Angelicæ punctum videantur ſtatuenda tria inſtanti, quorû Primum diceret Angelicæ voluntatis actum ſupernaturalem ex præſuppoſitâ fidei ſupernaturalis notiâ elicium, quo omnes Angeli ſe diſponebant ad gratiam ſanctificantem in primo creationis inſtanti inſuſam. Vi cujus aded diſpoſitionis Angelorum voluntates ita erant in Deum ſupernaturaliter converſæ, ut iſte tamen converſionis actus non procederet ex plenitudine judicij pro ſecundo inſtanti quorumlibet ſtardis Angelici conditionem concernentium motivorum repræſentativi, nec aded inſligeret pondus immobilitatis, ex quo voluntas Angelica redderetur connaturaliter inflexibilis.
17. Secundum proinde inſtans erat actus Angelicæ voluntatis, dum Intellectui Angelorum tum ex mutuâ acrem illâ inter ipſos pugnâ ac diſputationis concertatione concitante vel colloctione, vel illuminatione, tum ex Divinâ illuſtratione & inſpiratione ſupernaturali omnia tam naturæ, quàm gratiæ ſtatum concernentia motiva repræſentabantur ipſorum voluntati, atque ſub iſtâ repræſentatione fiebat libera omnino reſolutoria determinatio vel ad debitam erga Deum ſubjectionem ac humiliatione, Dei; ſuper omnia à Charitate Theologicâ elicitam appretiationem, vel ad ſuperbiam ſuimet æſtimationem, debitæque erga Deum ſubjectionis excuſſionem, Divinæque aded Majeſtatis averſionem & odium. Ex vi cujus aded liberæ omnino reſolutoriæ determinationis jam ſtabat connaturalis ſuperius *præf. q. 17. a. 4. cont. 1.* explicata immobilitas bonorum Angelorum Finalem perſeverentiam, malorum verò obdurationem inflexibilem connaturaliter inferens.

18. Unde tertium ſtatim ſubſequens inſtans erat æternitatis formaliter involvens in Sanctis Angelis viſionem Divinæ Eſſentiæ inſcultivam,

Dei clarè viſi Amorem Beatificum; in Dæmonibus autem Damni ac ſenſûs pœnam in perpetuas æternitates duraturam.

Inferitur 6. Equè in Angelis, atque hominibus diſtingui beatitudinem tum eſſentialem, tum accidentalem. Ratio eſt. Nam eſſentialis eſt viſio Eſſentiæ Divinæ intuitiva, ex quâ per modum proprietatis connaturaliter emanat amor Dei, & conſequenter impotentia peccandi, nec non gaudium invariabiliter connexum cum Deitatis intuitionem. Accidentalis verò beatitudo in ſe mutabilis ac variabilis eſt, v.g. gaudium aliquod, quod Angeli de objecto bono extra Verbum cognito concipiunt, v.g. de pœnitentiâ peccatorum, alijsque ad cultum Dei noviter emergentibus rebus, juxta illud *Luc. 15. Majus gaudium erit Angelus Dei ſuper uno peccatore pœnitentiam agente, quam ſuper nonaginta novem juſtis.* Quæ proinde beatitudo ſe habet ad ſtatum beatificum per modum accidentis ſeparabilis.

## COROLLARIUM II.

### De Peccatis & Pœnis Angelorum.

Inferitur 1. Ex omnibus ordinibus aliquos Angelorum cecidiſſe. ex S. Thomâ *q. 62. a. 9. ad 3.* Ratio eſt. Tum quia ad quemlibet Angelicum ordinem aſſumuntur homines in ſupplementum nimirum Angelicæ ruinæ. Tum quia ex ipſo etiam ſupremo ſeraphico ordine corruiſit Lucifer, qui juxta SS. Patres cenſetur præcipuus inter Angelos extitiſſe.

Nihilominus aſſerendum, majorem ex Angelis partem ſtetiſſe in gratiâ. *cit. a. 9.* Nam *Apocal. 12.* dicitur de Dracone, quod caudâ ſuâ traxerit tertiam partem ſtellarum. At per hunc Draconem verſimiliter intelligitur Lucifer, per ſtellas verò Angeli Luciferi ſuaſioni & ſeductioni conſentientes.

Inferitur 2. Primum Angelorum peccatum fuiſſe ſuperbiam. ex S. Thomâ *hic q. 63. a. 2. & 3.* Nam initium omnis peccati dicitur ſuperbia. *Eſcl. 10.* At primum diaboli peccatum eſt omnis peccati origo. Verûm quod huius ſuperbiæ fuerit objectum, non convenit inter Doctores. Nam Ioannes Major *in 2. diſp. 6. q. 1.* exiſtimat, Angelû ſuperbiendo aſſectâſſe æqualitatem Dei ſecundum naturam. At contra eſt, quod Diabolus non potuiſſet æqualitatem Dei ſecundum naturam appetere; quia appeteret ſaltem implicite ſui non Eſſe: repugnat enim creaturam habere in naturâ æqualitatem cum Deo; unde diabolus iam non ſui exaltationem, ſed potiùs deſtructionem appetere debuiſſet, ſi exclamando, *ſimilis ero Altifſimo*, aſſectâſſet ſubſtantialem naturæ cum Deo æqualitatem.

Molina *præf. q. 63. a. 3. diſp. 1. memb. 5. concl. 7.* Suarez *lib. 7. de Angel. cap. 13.* & alij ſaltem tanquàm probabile tradunt, Luciferum ſuperbiſſe ſe, inordinate appetendo unionem hypſtaticam cum perſonâ Divinâ, cujus myſterium per fidem noverat cum præcepto divinitus propoſito ad Chriſti Domini adorationem. Verûm contra eſt, quod Verbi divini incarnatio ſeu Unio hypſtica cum humanitate non priùs fuerit à Deo decreta, quàm præviſum erat Adami peccatû. Ac per prius culpæ in Adamo cauſa extigit lapſus



Luciferi, invidendo & odiendo inducentis Evam in peccatum, unde Luciferi peccatum per prius quam originalis culpa humani generis, adeoque antecedenter pro aliquo rationis signo fuit à Deo prævisum, quam decerneretur Verbi Divini hypostatica unio, secundum quam appeteret Lucifer sui exaltationem ad Dei similitudinem Altissimi. Ergo primum Angeli peccatum utpote pro aliquo rationis signo in prævisione Dei antecedens Incarnationem Verbi Divini non poterat pro objecto habere istam Verbi Divini hypostaticam unionem, ita ut ejus Dignitate & cultu exinde vi præcepti Divini debito Humanitati Christi repudiato per Angelum, hic se erigeret contra Christum, talem unionis Hypostaticæ Dignitatem sibi per superbiam arrogando.

24. Cajetanus, alijque plures, maxime Thomistæ cum suo Angelico Doctore *hic q. 63. a. 3.* asserunt, Luciferum peccasse appetendo beatitudinem ex proprijs suis viribus, ita ut in ordine ad hujus consecutionem nollet esse subiectus Divinæ gratiæ auxilio. Cujus sententiæ fundamentum ex hoc deduci potest, quod Angelus juxta S. S. Litteras peccaverit affectando Divinitatem. Hæc autem communicatur tum per univocam & perfectam communicationem, quemadmodum Pater æternus illam communicat Filio: tum per unionem hypostaticam, veluti communicata fuit Humanitati Christi; tum denique per similitudinem analogam, sicuti per Deitatis visionem Beati redduntur Deiformes. Atqui Angelus non peccavit appetendo substantialem communicationem univocam: Hanc enim utpote impossibilem absolute affectare non potuisset. Neque primum Angeli peccatum erat affectus Hypostaticæ cum aliquâ personâ Divinâ unionis, uti superius est probatum. Oportet igitur, primum Diaboli peccatum fuisse affectum inordinatum erga beatitudinem, quatenus instar Dei illam vellet habere proprijs viribus, nec in suo fine subiectum esse gratiæ & auxilii Dei.

25. Quod si dicas, Angelum impossibile judicasse, quod visionem beatificam consequeretur sine gratiâ. Ergo non potuisse hoc appetere absolute ac efficaciter.

26. Contra opponit Ioannes à S. Thomâ *præ. disp. 23. a. 3. à n. 32.* Inordinatam Angeli superbiam intelligi posse, dupliciter se habuisse circa beatitudinem supernaturalem. Primum volendo eam positivè habere ex proprijs meritis sine Dei auxilio; secundo volendo eam efficaciter recusare cum illis conditionibus, quibus à Deo proposita fuit. Ejusmodi verò conditiones singularitati & superbiæ Spiritûs Angelici suam excellentiam apprimè appetentis maxime oppositas fuisse, tum quod beatitudo illa esset communis hominibus & Angelis; tum quod habenda esset ex gratiâ & beneficio speciali Dei, ejusque auxilio, non autem ex debito aliquo connaturali, seu propriarum virium meritis. Quare Angelum non peccasse peccato superbiæ prosecutionem beatitudinis supernaturalis independentem a gratiâ Dei intendendo positivè; cum impossibile judicaret, quod viribus naturæ consecui possit beatitudinem supernaturalem: nec adeo efficaciter potuisset tale objectum appetere. Primum autem

Angeli peccatum importaret non inefficacem duntaxat complacentiam, sed procederet ex aliquo fine efficaciter intento. Econtrario autem illam beatitudinis quâ sub prædictis conditionibus sibi onerosæ recusationem esse objectum valde congruum Angelicæ superbiæ: siquidem Angeli videntes dignitatem suam, appeterint singularitatem tum refugiendo communicationem cum inferioribus, tum repudiando sui in beatitudinis adeptione dependentiam à Dei gratiâ. Consequens proinde esse, quod in tali affectu congruè ponatur superbia Angelica.

Nos huic sententiæ eatenus subscribimus, 27. ut asseramus, superbiæ Angelicæ peccatum sub uno indivisibili actu habuisse rationem efficacis tum prosecutionis erga supernaturalem beatitudinem, tum aversionis erga Angelicæ naturæ Defectibilitatem, quatenus respectu Beatitudinis efficaciter intentæ haberet quandâ in proprijs viribus indigentiam, non nisi gratiæ auxilio misericorditer sublevandam. Explicatur & probatur. Nam Angelus similitudinem cum Deo non quidem consubstantialem, sed participatam in lumine Gloriæ ac visione Beatificam voluntati suæ representatam habens, simul videbat naturæ suæ defectibilitatem, ratione cuius non nisi gratiæ viribus possibilis esset supernaturalis beatitudinis, atque adeo consummatæ, licet participatæ cum Divinitate similitudinis adeptio. juxta quam adeo intellectualem representationem Angelus efficaci appretiatione eatenus apperijt illam Dei similitudinem, ut eodem tamen voluntatis actu suam Defectibilitatem ceu malum Naturæ aversans, sui à viribus gratiæ dependentiam & subjectionem actu Fugæ in ratione aversionis efficaci per superbiam repudiaret. veluti hujus probatio patebit ex dicendis *10. 2. q. 6. a. 1. cont. 3.*

Infertur 3. Dæmonibus esse poenam tam 28. Damni, quam Sensûs. Nam 1. poena Damni importat essentialiter privationem visionis beatificæ, accidentaliter verò, & consequenter gratiæ habitualis, omnisq; supernaturalis luminis & virtutis, atque auxilij carentiam. Cujusmodi privationes annexam habent tristitiam de beatitudine amissâ. At verò Angeli mali destituti sunt omni supernaturali formâ; tamen potentiam & vires suas naturales tam intellectûs, quam voluntati. retinuerint integras, non nihil licet impeditas ex acerbitate dolorum, & continuâ voluntatis per odium occupatione, alijsve ejusmodi pravis affectibus intellectûs etiam Angelici plurimum distractivas, veluti ex D. Dionys. *c. 4. de div. Nom.* tradit S. Thomas *hic q. 95. a. 1.* eâ potissimum ratione, quod naturales Angelorum potentiae, ut vel sustinerent poenas, permovere debuerint. Deinde poena sensûs consistit in cruciatu damnatis infligto per ignem; veluti *Apocal. 2.* dicitur Diabolus *missus in stagnum ignis & sulphuris, & Matth. 18. Discedite in ignem æternum, qui præparatus est Diabolo, & Angelis ejus.*

Infertur 4. Hunc ignem infernalem non 29. tantum moraliter, sed physicè torquere spiritus damnatos secundum potentiam (supra q. 7. a. 1. cont. 3. à nobis explicatæ) obedientialis elevationem suam in aliquâ instrumentariâ igni impressâ qualitate, ex cujus activitate, atque hujus



huius actione connaturaliter fuit passio imprimens in spiritum qualitatem doloriferam. Ratio huius desumitur ex proprietate verborum S. Script. quibus insinuat spiritum ab igne infernali causatus dolor & cruciatus, cuiusmodi verborum proprietas significat physicam doloris effectricem actionem.

## COROLLARIUM III.

## De Angelorum Custodiâ.

30. Infertur 1. Angelicæ custodiæ effectus esse sequentes. Primus est, avertere Clientis pericula: quod Angelus Custos facit, vel amovendo objecta & agentia extrinseca, ex quibus periculum sive animæ sive corporis potest imminere. Vel immittendo cogitationem, quâ moveatur homo ad mali imminenti occasionem devitandam. Secundus est, per internas illustrationes excitare ad operandum bonum, & malum præcavendū. Quod fieri potest tum per immutationem phantasmatum, tum per sperierum excitationem, mediantibus quibus representatur aliquod objectum vel ut bonum amplectendum, vel ut malum fugiendum. Tertius est, Dæmones coercere, ne gravius tentent, aliudvè inferant malum. Nam hoc universaliter loquendo spectat quidem ad Potestates, attramen ex mente D. Thomæ *cit. a. 3. ad 3.* inferiores quodammodo exercent superiorum officia, in quantum de istorum dono participant, & quasi executores sunt virtutis eorum. Quartus est, offerre Deo clientum orationes, *ex 12. Tobie & 8. Apocal.* Quod facit Angelus Custos clientis orationibus suas adjungendo preces ad Divinæ pietatis clementiam efficacius permovendam. Quintus est, medicinales clienti inferre pœnas, sive ut resipiscat à malis, sive ut proficiat in bonis. Sextus circa irracionales creaturas est, procurare specierum conservationem tum removendo causas contrarias, quæ nocere possunt, tum activa passivis applicando ad bonum alicujus speciei. Septimus denique circa easdem irracionales res est, impedire, ne majora hominibus damna inferant. Ut adeo non dubitandum sit, Angelo ignis curam esse, incendia quandoque cohibere, & luporū Angelo, ne horum multitudo prævaleat contra hominum bonum.

31. Infertur 2. Angelorum custodiam circa homines incipere ab instanti Nativitatis. ex S. Thomâ *q. 113. a. 3. ad 3.* contra D. Bonaventuram existimantem, quod custodia Angelorum incipiat ab animæ infusione. Ratio est. Nam dum puer est in utero materno, censetur pars matris, sicut & fructus ab arbore pendens unum quid est cum arbore. Ergo matris custos gerit curam infantis intra uterum existentis. Cœterum licet angelicæ custodiæ tempus finiatur cum hac mortali vitâ: Molina tamen ex morte Lazari mendici *16. Luca* colligit, huic custodiæ annexum esse, ut si homo decedens in gratiâ aliquid habeat ad expiandum, ab Angelo Custode deducatur in locum expiationis, si verò ab omni maculâ & pœnâ immunis sit, ab eodem ducatur in cælum.

## COROLLARIUM IV.

## De Infestatione Dæmonum.

33. Infertur 1. Homines à dæmonibus infestari, esse indubitatum ex autoritate divinâ: cuiusmodi tentatio & infestatio fit à dæmonibus, tum excitando species intellectus, per quas ingeruntur prave ac turpes cogitationes, tum phantasmata inhonesta movendo, tum sensibilia objecta ad malum incitantia sensibus externis afferendo, tum denique sub diversis figuris apparento exterius.

34. Infertur 3. Dæmonem victum secundum D. Thomam *præf. 9. 114. a. 5.* quasi confusum recedere desistendo ad tempus à tentatione, juxta illud *Iacobi 4. Resiste diabolo, & fugiet, &c.* Tunc enim rubore quasi suffusus, ne homini suâ tentatione sit occasio ad maiorem Dei Gloriam, desistit, donec aliam, quâ incautum invadat, occasionem apprehendat.

35. Infertur 3. Omnia peccata à dæmonibus provenire saltem indirectè & remotè. ex S. Thomâ *cit. a. 3.* Ratio est. Tum quia ex primi parentis peccato per suggestionem diaboli ortū habente orta est mundi deordinatio & concupiscentia seu rebellio carnis. Unde remotè ac indirectè peccata ex incitamento mundi seu carnis patrata reducuntur in dæmonē. Tum quia, cum dæmon nocendi cupidissimus omnem, quâ hominem adoriatur, opportunam observer occasionem, verisimile est, hominem nunquam allici à propriâ concupiscentiâ, vel instigari ab amicis ad peccandam, quin dæmon suas vires conjungat, velut innuit S. August. *serm. 44. ad Frat. in Exmo.*

36. Infertur 4. Inter ipsos etiam dæmones esse quandam ministeriorum distributionem, ita ut sicut Angeli sancti per certas Hierarchias & ordines distribuuntur, sic dæmones aliquam constituent rempublicam cum quâdam personarum subordinatione. ex S. Thomâ *hic q. 109. a. 2.* Etenim *Matth. 12.* Sathanas dicitur habere regnum, licet divisum. At in quolibet regno est quædam personarū subordinatio. In quo. proinde Lucifer supremus est princeps; Divinæ enim Justitiæ conforme est, ut dæmones illi subdantur in pœnâ, cuius suggestioni consenserunt in culpâ. Infra hunc verisimile est, constitutos esse aliquos principes seu Duces, quibus subdantur inferiores Angeli. *ut. a. 2.* Ratio est. Nam Lucifer per superbiam æmulatur Divinitatem. Sicuti ergo Deus ad creaturarum gubernationem & custodiam sanctos distribuit Angelos in tres Hierarchias & novem Ordines, sic Lucifer servando certos ordines in ministerijs dæmonum distribuendis, ad personas & negotia publica superiores ac perfectiores, ad personas verò & negotia privata inferiores ac ignobiliores dæmones mittit.

☉:☉:(o):☉:☉



# I N D E X

## RERUM ET VERBORUM.

*Prior numerus Paginam, posterior Marginalem numerum designat.*

### A

#### *Abstractio.*

**S**cientiæ distinguuntur per abstractionem à materiâ. 30. 8. & 9.

Hæc quatenus sumitur objectivè, est lumen quoddam objectivum resultans ex abstractione formali, per quâ in eo, quod abstrahitur, actualitas seu formalitas Scientiæ specificativa exprimitur. 22. 12. & 30. 9.

#### *Actus Divinæ Voluntatis.*

Actus Divinæ Voluntatis describuntur. 311.

In actibus Divinæ Voluntatis distinguendus est ordo Intentionis ac Executionis. 313. 1. & 2.

Unicum in Intellectione Divinâ indivisibile Decretum sub ratione Causalitatis Finalis habet formalitatem Intentionis, sub ratione autem Causalitatis Efficientis habet rationem Executionis. ibi. 3.

Ordini Intentionis radicaliter, ordini verò Executionis formaliter convenit Efficacia. ibidem.

Qualiter ad Myſteria Divinæ Voluntatis explicanda juvet in Decretis Divinis ponere distinctionem secundum instantia rationis. 315. 1.

Inter actus Divini Intellectûs Practici & Voluntatis ad extra operativæ is constituendus signorum rationis ordo, ut in primo signo intelligatur scientia simplicis Intelligentiæ Finium repræsentativa ac mediorum Electiva, in secundo intentio finis ac mediorum Electio; in tertio ratio ordinativa Executionis mediorum, in quarto denique Executio mediorum tanquam Causalitas Deo immanens. 365. 5.

#### *Adjuvium Gratiæ.*

Adjuvium cum Quo & sine Quo explicatur ex S. Augustino 29. 2. 5. ac seq. item 304. 12.

Præter adjuvium Gratiæ se tenens ex parte actûs primî conferens Potentiæ humanæ facultatem ac vim bene operandi, oportet asserere adjuvium Gratiæ se tenens ex parte actûs secundî. 303.

Hoc habet rationem passivæ ex Divinâ Prædestinatione causaliter descendens donationis formaliter importatæ in ipso voluntatis nostræ velle ac bene operari libero. ibi.

Istam eo ipso, quod sit Donatio, oportet voluntatis Divinæ per Misericordiæ electionem operantis esse causalitatem seu motionem formaliter ut sic antecedentem voluntatis nostræ consensum. ibidem.

Hujus probatio deducitur ex Concilio Tridentino. 303. 5.

Molinæ doctrina circa Gratiæ adjuvium rejicitur. 304. 13. ac seq.

Gratia præveniens ex ratione suæ efficacitæ nullam dicit realem à libertate nostrâ dependentiam, sed connexionem intrinsecam infallibilitatis & consequentiæ. 306. 4.

Arbitrium nostrum liberè acceptat Gratiâ, etsi non sit in ejus potestate, Gratiâ efficacem facere inefficacem. 307. 8.

Ex inæqualitate Gratiæ ex parte actûs secundi, non autem primi ferente sit, quod unus, non verò alter convertatur. 308. 9.

#### *Analogia.*

Alia est Attributionis, alia Proportionalitatis, & quid sint. 81. 21. & 22.

#### *Angeli.*

Angelorum Electio efficax ad Gloriam est antecedens eorum perseverantiam Finalem, & merita prævisa. 381. 3.

Angeli quando, & ubi sint creati. 819.

Angeli non sunt compositi ex materiâ & formâ. ibi. 4. ac seq.

Imò hæc substantiæ Spirituales ex materiâ & formâ compositio est Chimærica. 519. 6.

Quanta sit Angelorum multitudo. ibi. 2.

Horum in tres Hierarchias ac novem Ordines distinctio, & in quo hæc consistat. 520. 2. 3. ac seq.

Implicat Angelorum sub unâ infimâ specie individualis multiplicatio. ibi. 9.

#### *Angelorum locus.*

Angelus est in loco per suam in hoc operationem. 522. 4. ac seq.

Cuius Angelorum limitatus quidem locus designatur, intra hujus tamen sphaeram pro libitu potest existere in indivisibili puncto, seu maiori spatio. 523. 12.

Angelus non potest naturaliter existere in pluribus locis adæquatis, sed supernaturaliter. ibi. 13.

Qualiter Angelus possit esse in duobus locis inadæquatis. ibidem. 14.

Plures Angeli possunt simul existere in eodem loco materiali, non autem Formali. ibi. 16.

#### *Angelorum motus.*

Hic consistit in operatione partim immanente, partim transeunte 523. 2.

Angeli motus alius est discretus, alius verò continuus. 524. 3.

Motus Angeli discretus; non autem continuus potest esse ab uno ad alium distinctum locum



# Index Rerum & Verborum.

cum, quin medium pertransiri debeat. ibi. [6.](#)

Repugnat, Motum Angeli fieri in instanti, tamen si Angelus per mutationem simplicem possit in instanti acquirere aliquem locum toti sphaeræ suæ se instantaneè applicando. ibidem. [9.](#)

*Angelorum Tempus ac duratio.*

Duplex Durationis Angelicarum operationum est mensura. [528. 15.](#)

Tempus Angelicum non instat nostri consistit in motu continuo, sed est discretum ex pluribus Angelicis operationibus constatum. ibi. [16.](#)

Qualiter aliud Tempus Angelicum sit extrinsecum, aliud verò intrinsecum. ibidem. [7.](#)

*Angelorum ad extra Operatio.*

Quos, & quales effectus possit Angelus producere ad extra. [525. & 526.](#)

Vix negari posse videtur, quòd Angelis inexistat virtus immediata ad lumen phylicè producendum. [526. 8.](#)

Quid Angeli possint circa Corpora assumpta. [527. 8. ac seq.](#)

An Dei apparitiones extra unionem Hypostaticam fiant mediatis Angelis vel immediate per ipsasmet Personas Divinas. ibi. [11.](#)

*Angelorum Intellectus.*

Hic realiter distinguitur ab Angelicâ substantiâ. [528. 1.](#)

Qualiter ad intellectionem etiam in Angelo requiratur duplex Principium, Potentia scilicet Intellectiva, & species Intelligibilis. ibi. [2.](#)

Angelus ad sui intellectionem non indiget specie superadditâ, sed propria ejus substantia subit munus speciei. [529. 6.](#)

Species intelligibiles non fluunt ab Angelorum essentiâ tanquam virtute seu radice earundem activâ, sed ad essentiâ Angelicâ intrinsecam connaturalem exigentiam in primo creationis instanti sunt infusæ à Deo. [530. 4.](#)

Quanto Angeli sunt superiores, tantò species Intelligibiles in ipsis sunt universiores respectu substantiarum etiam specie differentium. [531. 1.](#)

Ne quidem ex confortatione per Angelum superiorem potest elevari Intellectus inferioris Angeli ad comprehendendum Angelum superiorem. [532. 6.](#)

Qualiter Angelus naturaliter cognoscat Deum abstractivè. [532. 2.](#)

Qualiter Angelus comprehendat seipsum, ac substantias inferiores. ibidem.

Qualiter Angelus cognoscat Futura contingentia & secretas hominum cogitationes. [534. 1. 3. & 4.](#)

Quæ sit ratio, cur Angelus non cognoscat certò Futura contingentia. [535. 7.](#)

Quæ sit ratio, cur Angelus non cognoscat secretas mentium cogitationes, nisi is, cui inexistunt, consentiat. [536. 10.](#)

Qualiter Angelus quoad suam in Verbo cognitionem semper sit in actu, e contra verò, quoad cognitionem naturalem possit esse in potentia. [536. 1.](#)

Ne circa objecta quidem conjecturalia, & supernaturalia convenit Angelis discursus. [538. 6.](#)

Qualiter Dæmon, visâ Humanitate Christi,

quin videret subsistentiam, judicare potuerit. ibi. [9.](#)

Qualiter Dæmones credant & contremiscant. ibidem.

Qualiter tum boni Angeli per verum iudicium, tum mali per præcipationem judicent de probabilibus. ibi. [7. ac 9.](#)

*Angelorum locutio & illuminatio.*

An, & quomodo Angeli inter se & cum hominibus, & homines cum ipsis colloquantur. [538. 14. ac seq.](#)

An, & qualiter Angeli inferiores illuminentur à superioribus. [539. 18.](#)

*Angelorum Voluntas, quæque peccabilitas.*

Est distincta ab Intellectu. [539. 1.](#)

Quales habeat actus. ibi. [2.](#)

Nulla, ne Angelica quidem, pura creatura Intellectualis est ab intrinseco impeccabilis. ibidem. [3.](#)

Imò implicat creatura Intellectualis abintrinseco impeccabilis. [540. 11.](#)

Qualiter peccabilitas Angelicæ Voluntatis fundetur in Defectibilitate iudicii. ibidem. [12.](#)

Nequit in Angelo tam ratione parvitatismateriæ, quàm ratione indeliberationis esse aliquod veniale peccatum. [541. 4.](#)

Qualiter secundum D. Thomam verificetur, quòd Angelus in primo creationis instanti peccare non potuerit. [542. 5. ac 6.](#)

In quo sita sit obstinatio Dæmonum & animarum damnatarum. [543. ac seq.](#)

Qualiter Dæmonum obduratio reducat in Angelicæ Voluntatis inflexibilitatem. [544-7.](#)

Qualis sit ista inflexibilitas. ibi.

Qualiter cum hac subsistat libertas, ratione cuius Angeli odiendo ac superbiendo semper peccent. ibidem.

*Angelorum Gratia, Merita, & Gloria.*

Angeli sunt creati in Beatitudine naturali, non autem supernaturali. [544. 9.](#)

Omnes Angeli sunt creati in statu gratiæ Sanctificantis, hac ipsis distributâ secundum mensuram proportionis, quâ in perfectione naturali se invicem excedunt. ibi. [11. & 12.](#)

Qualiter Angeli meruerint Beatitudinem, ubi de statu & morulis viæ ipsorum, nec non de pugna, quâ præliabantur in cælis. [545. 14.](#)

*Angelorum Peccatum ac Pœna.*

Ex omnibus Angelorum Ordinibus aliqui ceciderunt, licet major pars steterit in gratiâ. [545. 20. & 21.](#)

Primum Angelorum peccatum fuit superbia. ibi. [22.](#)

Hujus superbiæ objectum non erat Divinitas Consubstantialiter communicanda, nec unio Hypostatica naturæ Angelicæ cum Personâ Divinâ. [545. 22. & 23.](#)

Qualiter Angelus per illam superbiam affectaret, Beatitudinē supernaturalem seu participatam Divinitatis similitudinem independentem à Gratiâ sibi arrogare. [546. 24. & 27.](#)

Qualiter Dæmones crucientur pœnâ tam Damni, quàm Sensûs. ibid. [28.](#)

Qualiter in ipsos agat ignis infernalis. ibid. [29.](#)

*Angelorum Custodia.*

Quinam sint effectus Angelicæ Custodiæ. [547. 30.](#)



# Index Rerum & Verborum.

A quo instanti deputeretur homini Custodia specialis Angeli. *ibid.* 31.

Ex quibus ordinibus Angeli assumantur ad hominum ac rerū corporalium Custodiam. 520. 5. & 547. 30.

*Angelorum malorum seu Demonum infestatio.*

Qualiter homines infestentur à Dæmonibus. 547. 33. ac seq.

Qualiter omnia peccata proveniant saltem indirectè à Dæmonibus. *ibi.* 35.

Qualiter inter Dæmones sit Ministeriorum distributio. *ibid.* 36.

## *Attributa Dei.*

Attributorum realis ab Essentiâ distinctio in Deo non concordat cum fide orthodoxâ. 62. 5.

Qualiter hæc distinguantur in se & ab Essentiâ Divinâ virtualiter, non autem formaliter ex naturâ rei, *vide V. Distinctio.*

Attributa Dei verè de se invicem in sensu formali negantur non ratione distinctionis ex naturâ rei formalis, sed virtualis à parte rei & formalis per præcisionem objectivam. 72. 31.

Duplex est via ex creaturis ascendendi ad Divinarum perfectionum & attributorum cognitionem, altera per affirmationem, altera per negationem id, est, remotionem imperfectionis, cui quælibet creata perfectio est immersa. 73. 1.

In ijs etiam prædicatis seu attributis Divinis, quæ nominetenus sunt affirmativa, includitur aliquid præcellentis negationis. 73. 2.

## *Æqualitas Divinarum Personarum.*

Omnimoda inter Divinas Personas æqualitas est per simplicissimam Essendi Dignitatem. 511. 3.

Divinarum Personarum æqualitas & similitudo supra relationes originis non addit nisi respectum rationis. *ibid.*

## *Æternitas Dei.*

Hæc consistit in mensurâ vitæ permanentis immobilis. 91. 8.

Æternitatis Nunc stans sub formâ omnimodæ immobilitatis, si consideretur secundum dies & annos, tunc id non sit nisi secundum protensionem animæ Nunc istud in se invariabiliter subsistens referentis ad tempus. 91. 10.

Præterita, Præsentia, & Futura sunt Deo præsentia in æternitate non secundum Esse objectivum duntaxat, sed secundum realem coexistentiam. 95. 5.

Substantia Angeli & primi mobilis prioritate naturæ prius mensuratur æternitate, quàm ævo, & cæli motus ævo, quàm duratione temporali. 56. 11.

Creaturarum in æternitate Præsentia est per actionem æternam Deo formaliter immanentem, & virtualiter Transcendentem. 97. 12. & 14.

Unde prædicatio, quæ restemporales dicuntur esse in æternitate, verificatur in sensu duntaxat Causali; non autem formali. 98. 18. & 19.

Propositio, vicijus secundum fidem dicuntur omnia à Deo facta, est æternæ veritatis non quidem veritate intrinsecâ, sed per denominationem primæ æternæ veritatis causantis omnem ad extra veritatem.

## *Æternitas in creatis & Ævum.*

Hæc differt à tempore non tam ex negatione terminationis, quam ex successionis exclusio-

ne, vel Durationis uniformitate, & radicali interminabilitate. 93. 20.

Ab ævo differt æternitas, quodd hæc sit Nunc stans sub omnimodæ immobilitatis uniformitate, illud verò sit Nunc stans sub immobilitate secundum substantiam, non verò secundum omnimodam operationem, vel accidens. 93. 21. & 23.

Unde operationes variabilis in substantiâ Angelicâ ævo mensuratâ constituunt quoddam tempus discretum. *ibi.*

Ævum differt à tempore, quodd istud sit duratio mensurans substantiam tam quoad Esse, quàm quoad operationes & accidentia mobilem seu corruptibilem. *ibidem.*

Intrinseca & Formalis mensura seu duratio visionis Beatificæ est creata ab ævo distincta, quæ proprio nomine dicitur æternitas participata. 94. 6.

## B

### *Beatitudo Dei.*

Qualiter intelligendum sit; Mentem Divinam fieri beatam visione Divinarum Idearum. 236. 23.

In quo consistat Beatitudo Dei. 237.

*S. Benedictus Patriarcha. Benedictini.*

Benedictini quid præstiterint in Theologia Scholasticâ. 2. 12.

S. Benedictus in hac vitâ mortali vidit Divinam Essentiam. 107. 26.

### *Bonitas Dei.*

Qualiter Dei proprium sit, quodd dicatur Bonus per Essentiam. 87. 30.

## C

### *Causalitas Dei ad extra.*

Qualiter ista importet Decretum objecti absolute voliti præfinitivum per modum actionis æternæ Deo Formaliter immanentis ac Virtualiter Transcendentis. 213. 17. & 223. 17.

Ex eo, quodd Deus suæ Voluntatis Decretotantum Causalitate formaliter Immanente, ac Virtualiter Transcendente attingat entitatem actûs peccaminosi, non est consequens; hujus malitiam reduci in Deum tantum auctorem Peccati. 228. 2.

### *Circuminfessio Divinarum personarum.*

In vero sensu accipi potest, quodd per mutuum Divinarum Personarum circuminfessionem seu inexistentialitatem Paternitas sit in Filiatione, ac Hypostasis Spiritûs Sancti in personalitate Patris & Filij. 510. 6.

### *Consubstantialitas Filij ac Spiritûs Sancti.*

Filij cum Patre Consubstantialitas seu Divinitas efficaciter demonstratur ex Sacris Litteris. 426. 6.

Spiritus Sancti Divinitas, atque aded cum Patre & Filio Consubstantialitas demonstratur ex Sacris Litteris. 427. 4.

### *Creatura. Creatio.*

Implicat creatura omnium perfectissima, quâ non possit in infinitum perfectior produci. 340. 4.

In quo consistat ratio creationis. 336. & 337.



# Index Rerum & Verborum

## D

### *Distinctio.*

Distinctio ex naturâ rei Formalis Essentialis & Attributorum inter se & cum proprietatibus Personalibus in Deo adversatur summæ ejus simplicitati, actualitati, & infinitati. 63. 8.

Si daretur ista distinctio in Deo, in hoc secundum Scotum non esset Entitas in Esse Entitatis Formaliter à parte rei Infinita, quod tamen repugnat purissimæ Essendi actualitati. 64. 16. & 65. 20.

Ob formalem quorumlibet Dei Formalitatem, inter quas non est relativa oppositio, identitatem convenit uni simplicissimæ Entitati & Formalitati Divinæ esse communicabilem & incommunicabilem, quin ista communicabilitas & incommunicabilitatis ratio aliquam importet contradictionem. 60. 25. & 40. 14.

Ob Hypostasum Divinarum cum Essentia id entitatem ex naturâ rei Formale sit, tunc quod Intellectus Paternus in primo signo originis intueatur in sua substantiâ unam simplicissimâ Entitatem, quæ in se habeat Formaliter Esse Naturæ absolutum, & Esse respectivum Hypostasis, tum quod Intellectus Patris in priori signo Originis sit beatus intuitione non Essentiæ donatus, sed omnium Divinarum Hypostasum, utpote non aliam, quàm Essentiæ Intelligibilitatem habentium, tum quod Verbum ex vi suæ generationis assimilatur Hypostasi Patris non quoad Esse Ad, sed quoad Esse Essentiæ & consequenter Intelligibilitatis. 67. 52.

Ista propositio, *Processio Spiritus Sancti est Formaliter in similitudinem amoris, non naturæ*: est vera, etiam si nulla sit Naturæ & amoris Divini à parte rei distinctio Formalis. 68. 40.

In prædictâ propositione ly Formaliter notat distinctionem rationis ratiocinatæ seu præcisionis objectivæ fundatæ in virtuali, non autem Formali à parte rei distinctione. 68. 41.

Distinctio Virtualis est Eminencia unitatis, vi cujus formæ secundum rationes suas intrinsecas & formales in Entibus inferioribus arguentes distinctionem realem ita conveniunt in uno Ente, ut cum summâ identitate reali etiam Formali huic præstent easdem denominationes, ac si realiter essent distinctæ. 68. 5.

Virtualis distinctio non in eo sita est, quod ratio aternitatis vel Essentiæ à parte rei non includat Formalitatem Omnipotentis, vel Hypostasis, sed quod omnes istæ formalitates in subiecto limitatæ substantiæ Disparatè repugnantes, ac se mutuo excludentes secundum rationes suas Essentiales sint Formaliter in Deo una simplicissima in ratione Entitatis infinita Formalitas. 67. 8. & 9.

Quomodo secundum objectivas in Virtuali distinctione fundatas præcisiones verificentur istæ propositiones: *Essentia Divina non est generans, neque genita, neque procedens. Intellectus in Deo Patre est principium Generationis, non autem spirationis.* 70. 10.

Qualiter distinctio ex naturâ rei Formalis ac Virtualis conveniant, & qualiter differant. 72. 28.

Deus suo intellectu inter Essentiâ & For-

malitates attributales designat Virtutalem distinctionem, quatenus in suo Actualissimo Esse in se intelligibiliter expresso intuetur infinitam imitabilitatem, ex quâ derivantur Essentiæ possibiles cum limitatione fundante realem distinctionem. 72. 33.

## E

### *Efficax Gratia.*

Qualiter in nobis ipsis gloriari possemus de certitudine prædestinationis, si efficacia Gratiæ consisteret in connotatione conditionatæ Decretum Dei actuale antecedentis Futuritionis. 212. 13. ac seq.

In quo secundum Thomistas & Scotistas consistit efficacia Gratiæ. 212. 4. ac seq.

Certitudo seu Efficacia Gratiæ non stat ex connotatione Scientiæ Mediæ, seu liberi creati consensûs Futuritionis conditionatæ, ibi. 8. & 216. 9.

Qualiter Efficax Gratia secundum Divum Augustinum dicenda sit vocatio secundum propositum. ibidem.

Qualiter efficacia Gratiæ importet Causalitatem pertinentem ad actum secundum, quæ partim dicat actionem Dei æternam volitionis nostræ liberæ præfinitivam, partim actum nostrum liberum, vi Divinæ præfinitionis nobis donatum, liberè tamen elicitum à Voluntate creati arbitrij. 217. 15. & 18.

Qualiter verificetur, quod voluntas libera efficaciter à Deo mota possit resistere motioni Divinæ. 224. 15.

Qualiter intelligendum sit, quod homo possit dissentire Gratiæ Efficaci in sensu diviso, non autem in sensu composito. 224. 24. & 225. 25.

### *Errores ac Hæreses circa Trinitatis Mysteriorum.*

Delirium Mahumetis refertur. 422. 2. ac seq.

Hæreses Sabelliana, Arriana, & Macedoniana. 423. 7. & 11.

### *Essentia Dei.*

In Deo est assignabilis cum fundamento in re distinctio Formalitatum, quarum una se habet ut Prima & Essentia, estque logicè Causa aliarum se habentium ad instar attributorum. 63. 7. & 9.

Essentia distinguitur à Naturâ Divinâ secundum rationem cum fundamento in re. 84. 3.

Immaterialitas Dei ut sic est de ratione Essendi secundum rationem nostram, estque radix Naturæ Divinæ. 85. 10.

Aseitas quâ Formalissima Essendi ac Existendi actualitas est Formalissimè Essentia Divina. 86. 4.

Essentia Dei sive Esse à se est de Quidditativâ & Essentiali ratione Naturæ & Attributorum quâ Divinorum, et si formalitates Dei attributales vel etiâ Naturæ non sint de quidditate Essentiæ, sed hæc adæquatè consistat in ratione Essendi à se. 87. 13. & 17.

Gradus quasi specificus Essentiæ Divinæ eo ipso, quod importet Esse subsistens, Formalissimè dicitur *Hæccitatem*. 85. 26.

Identitas Essentiæ ac Existentiæ in Deo est ex ratio-



# Index Rerum & Verborum.

ex ratione actûs puri, nec aded communicabilis ulli creaturæ. [78. 3.](#)

## *Existentia Dei.*

Deum esse, est per se notum secundum se, non quoad nos. [46. 2.](#)

Patres affirmantes cognitionem de Existentiâ Dei naturaliter nobis esse insertam, intelligendi sunt non de formali & immediatâ, sed radicali Dei cognitione. [46. 11.](#)

Naturali lumine est demonstrabile, quod Deus existat. [47. 3.](#)

Scientia evidens de Existentiâ Dei solum impedit, hanc pro tunc à Fide attingi in ratione rei creditæ, non verò in ratione motivi credendi. [48. 7. & 9.](#)

Deum existere, demonstratur per viam Causalitatis efficientis, ad quam viam reducitur etiâ via motûs, & comparationis Entium contingentium ad Ens necessarium. [49. 4. 7. & 8.](#)

Idem demonstratur ex comparatione Graduum Entis, & ordinatione rerum in Finem. [80. 16. & 18.](#)

Deum esse, tam evidens est, ut nullo casu ab homine rationis capace possit invincibiliter ignorari. [80. 4.](#)

Deum se ipsum cognoscendo quâ rationalem nescit se quâ ordinabilem in Beatitudinem naturalem & consequenter nescit eo ipso Deum existentem. [52. 16.](#)

Hinc est impossibile, quod homo intelligat aliquod facinus quâ repugnans rationali Naturæ seu honestati, quin saltem confusè noscat Deum, quod in materiâ gravi sufficit ad offensam Divinam. [82. 20.](#)

Sidaretur Dei ignorantia invincibilis, dari posset peccatum, quod non esset debile per virtutem Baptismi, seu Sacramenti Pœnitentiæ. [81. 14.](#)

## F

*Facienti, quod est in se. Deus non denegat Gratiam.*

Qualiter Molina hoc axioma exponat. [386. 4.](#)

Qualiter id explicet Ioannes à Sancto Thoma. [387. 11.](#)

Qualiter ex eo, quod omnibus data fuerit potestas Filios Dei fieri, solum evincatur, Christi meritorum virtute omnibus parata esse auxilia ad salutem sufficientia, non verò efficacia. [290. 29.](#)

Qualiter facienti, quod est in se secundum vires etiâ naturæ, Deus dicendus sit, non denegare auxilia Gratiæ sufficientia ex voluntate omnes salvandi omnibus paratâ. [391. 37.](#)

## *Fatum.*

Erri S. S. Patres & Doctores Ecclesiæ non renuant Fatum, quatenus sub hoc nomine intelligitur Divina Providentia æterno & immutabili suo Decreto omnium, quæ à Causis secundis juxta cujusque naturam & conditionem in mundo sunt, prædefinitiva: illotamen nomine propter æquivocationem & malam Hæreticorum usurpationem abstinendum, aut non nisi cum cautelâ & veri sensû expositione utendum est. [283. 3.](#)

## *Fides.*

Habitus Fidei in viâ est unâ cum Intellectu prima Theologizandi Potentia. [17. 5.](#)

Hinc Theologizandi Potentia radicalis & remota, non autem Proxima ob defectum scilicet specierum veritates revelatas ex auditu representantium est perfectior in rustico habente intensum Charitatis, atque aded fidei habitum, quàm in Theologo minùs sancto. [19. 18.](#)

## G

### *Generatio Divina.*

Qualiter verificentur istæ propositiones: *Natura Divina est Formalis terminus Generationis quæ communicationis; Relatio personalis Filiationis est terminus Formalis Generationis quæ Productionis; Persona Filij est terminus Totalis Quæ Generationis Divina.* [445. 20.](#)

Qualiter verificetur ista propositio: *Filius in Divinis est procedens De, vel Ex substantiâ Patris.* ibid. [24.](#)

Qualiter verificetur, quod Pater genuerit Filium voluntate. [247. 26.](#)

Verbi Divini processionem convenit adæquatè ratio vitalis Generationis. [247. 3.](#)

Ex eo, quod Esse Dei sit suum intelligere, efficaciter demonstratur, processionem Verbi Formaliter importantem hoc Dei intelligere, esse formalissimè in similitudinem naturæ. [44. 12.](#) ac seq.

Cur in Divinis una, non verò altera processio sit Generatio, ratio formaliter est per Hypostasen Verbi ac Spiritûs Sancti. [452. 17.](#) ex seq.

### *Genus.*

Deum non esse in genere aliquo seu prædicamento, ostenditur ex ratione purissimæ actualitatis. [76. 3.](#)

Ad rationem Generis non sufficit communitas rationis nisi pro fundamento supponat indifferentiam seu potentialitatem ad Esse, quæ repugnat Enti Divino. [77. 2.](#)

### *Gratia sufficientis.*

In quo consistat Gratia sufficientis. [218. 2. & 219. 3.](#)

Scire potest Gratiæ sufficientia, etiam si gratiæ efficacia non in Scientiæ Mediæ connotatione, sed in physica Dei Præmotione seu Prædeterminatione statuatur. [29. 5.](#)

Qualiter Gratiæ sufficientia importet omnia ad agendum requisita ex parte actûs primi, non autem ex parte actûs secundi. [219. 6. & 202. 11.](#)

Qualiter Deus ex antecedente omnes salvandi voluntate universis hominibus præparet & conferat inedia ad salutem sufficientia. [269. 19. 11.](#)

## H

### *Habitus Intellectuales supernaturales.*

Habitus Intellectuales supernaturales quoad usum commensurantur naturæ Intellectûs, cui infunduntur: unde sunt discursivi in Intellectu Humano. [17. 5.](#)

Habitus supernaturales infusi in producendo habitu ad actûs similes facilitante non minoris sunt efficaciæ, quàm naturales. [19. 21.](#)



# Index Rerum & Verborum.

## I

### *Idea.*

Quid sit, & qualiter causet. [230. 1.](#) ac seq.  
Differentia Causalitatis Idealis & Finalis.

[231. 4.](#)

Qualiter Plato distinxerit Ideam Primam & secundam, ponendo primam in mente Dei, secundam verò in speciebus per se existentibus, ex quibus subsistant singularia. [231. 2.](#)

### *Idea Divina.*

In mente Divinā oportet esse Ideas rerum omnium creatarū effectrices, cum alioquin consequens foret, effectus creatos vel a casu accidere, vel omnia fieri ex necessitate naturæ. [231. 3.](#) & [4.](#)

Qualiter in Deo differat Exemplar utpote importans Divinarū rerum faciendam repræsentationem Decreto Dei præfinitivo nixam & Idea importans Divinam simplicis Intelligentiæ Scientiam antecedentem Decretum Dei. [223. 6.](#)

Ratio, secundum quam Terra v. g. in Verbo æterno vita erat, est Idea, ibi. [11. 7.](#)

Idea Dei Formaliter consistit in Essentiæ divinæ imitabilitate. [233. 7.](#)

Huic per ejusdem Essentiæ Divinæ intellectionem expressæ per modum objecti secundarij responder passiva creaturarum imitabilitas, habens rationem Ideari & affecti tum quoad statum possibilitatis per Scientiam simplicis Intelligentiæ, tum quoad statum Existentiæ actualis per Scientiam visionis. ibidem.

### *Idea objectiva mentis Divina.*

Essentiæ creatæ objectivè existentes in Intellectu Divino non habent rationem primæ Ideæ. [234. 9.](#) seq.

Idea in Deo Formaliter est unica, at Terminativè importat plures in infinitum factibiles quidditates ac existentias rerum creatarum. [236. 18.](#)

Respectus, sub quibus in Deo multiplicantur Ideæ, causantur ab Intellectu Divino non qua formante, sed fundante respectus ejusmodi. ibi. [20.](#)

Mala sub ratione mali seu defectus non habent Ideam in Deo. ibidem. [21.](#)

Respectu purè possibilem Deus habet Ideam non actu, sed habitu tantum Prædicam, cui tamen insit propria Idealis ratio. ibi. [22.](#)

### *Immaterialitas.*

Immaterialitas in Deo est Transcendentaliter imbibita in omni Formalitate Divinā, nec adeo est de ratione Naturæ, sed Essentiæ Divinæ. [61. 20.](#) & [21.](#)

Immaterialitas est radix vis cognoscitivæ. [143. 7.](#)

In quo consistat ratio Immaterialitatis. [519. 6.](#)

### *Immensitas Dei.*

Hæc quā Deo intrinseca importat virtutem infinitam in existendi rebus creatis. [87. 6.](#)

Hæc inexistentia actualis, seu Præsentiali-

tas Dei Formaliter est operatio Divina. ibidem.

Ex Causalitate Dei, quæ iam exercet in cuiuslibet rei Esse, sequitur, Deum cuiusvis Entitati creatæ esse intimius præsentem, quam anima materiæ, quam informat. [88. 31.](#)

Deus est in loco non indistantiā dimensionum, sed causalitate effectuum seu contactu virtutis. [89. 15.](#)

Immensitas Dei per rationem nostram ratiocinatam distinguitur ab Omnipotentia, quod hæc per rationem operationis dantis Esse, illa verò per rationem contactus & Illapsus referatur ad creaturas. [89. 19.](#)

Qualiter Deus sit ubique per Præsentiam, potentiam, & Essentiam. [89. 23.](#)

Qualiter Deus creaturæ rationali per Gratiā & Humanitati Christi per unionem Hypostaticam sit specialiter præsens. [90. 24.](#) & [25.](#)

Deus non est actu in spatijs imaginarijs sive extra cælum, sed ubiquitate virtutis & Potentiæ. [90. 26.](#) & [27.](#)

### *Immutabilitas Dei.*

Hæc demonstratur ex eo, quod Deus sit suum Esse subsistens. [87. 27.](#) & [30.](#)

### *Incomprehensibilitas Dei.*

Implicat, Deum comprehendi ab Intellectu creato. [127. 7.](#)

Ratio est, quod Essentia Divina nequeat infinite nec adeo Totaliter in ratione Formæ Intelligibilis uniri creato Intellectui. [128. 13.](#)

Hæc unio Totalis fieret, si omnia, quæ tam Eminenter, quam formaliter in Deo sunt, per visionem Divinæ Essentiæ viderentur. [128. 13.](#)

### *Individuationis Principium.*

In quo consistat. [520. 9.](#) & [521. 11.](#) ac seq.

### *Infinitas Dei.*

Ex eo, quod Deus sit Esse irreceptum sive Esse Subsistens, efficaciter probatur ipsius in Essendo infinitas. [83. 3.](#)

### *Infinitum in creatis.*

Implicat in creatis esse infinitum actu & secundum accidens. [84. 7.](#)

Hæc repugnantia est ex eo, quod omne accidens ex sua quidditate debeat esse commenturatum subjecto connaturali per Essentiam finito. [85. 7.](#)

In accidente supernaturali repugnat intensio infinita, quod ista argueret Essentiam infinitam. [85. 12.](#)

Implicat, produci actu infinitum secundum multitudinem. [85. 13.](#)

Datā mundi æternitate, Deus propter infiniti Categorematici in creatis repugnantiam debuisset ita moderari universum, ut nunquam perveniretur ad animarum multitudinem infinitam. [86. 25.](#)

### *Intellectus seu Intellectio Dei.*

Qualiter immaterialitas in Deo sit ejus radix, vide verb. *immaterialiter.*

Quod sit ejus objectum formale & materiale, vide verbo, *scientia Dei.*

Non datur in Deo Intellectio sui abstractiva, sed quidditativa duntaxat. [151. 4.](#)

### *Invisibilitas Dei.*

Non est possibile per Dei potentiam absolutam, sensum aliquem vel innatā virtute, vel elevatione



# Index Rerum & Verborum.

vatione Dei extendi ad videndum Deum. 100. 5.

Implicantia hujus demonstratur per Essentialem sensus corporei specificationem ex objecto Formali immerso materialitati. ibi. 8. & 10.

Essentia Divina potest intrinsecè videri ab intellectu creato non viribus naturæ, sed virtute duntaxat supernaturali. 101. 6.

Hujus visionis possibilitas demonstratur ex eo, quòd Essentia Divina contineatur sub Intellectu creati objecto motivo, & respectu cognitionis abstractivæ per modum Rationis Quæ, non verò sub Quâ connaturaliter specificativo. 103. 18.

Ejusdem visionis supernaturalitas ostenditur ex improportione Intellectus creati ad sui cū Divinā Substantiā tanquā objecto mediante specie connaturalem conjunctionem. ibi.

Non est possibilis Substantia creata supernaturalis, cui lumen Gloriæ ac visio Dei sit connaturalis. 104. 1.

Hujus implicantia ostenditur ex quidditate & ratione formali supernaturalitatis. 105. 4.

## Iustitia Dei.

Ex eo, quòd nihil realitatis extra Deum sit possibile, nisi per voluntatis Divinæ vim Dominativam, nec adeo quidquam possit ex Dei Dominio extrahi, sequitur, Deo non posse inexistere Iustitiam strictam & rigorosam. 323. ac seq.

Iustitia Dei Distributiva consistens in Bonitatis & sapientiæ ac perfectionis Divinæ se in creaturas proportionaliter transfundentis concordantiā intrinsecā non habet rationem perfectæ Iustitiæ. 325. 4. ac seq.

Neque vindicativa, neque Legalis Iustitia est Formaliter in Deo. 326. 11. & 12.

Iustitia Dei habet rationem veritatis. ibi. 14.

In omnibus operibus Dei refulcet Iustitia & misericordia. 327. 6.

## L

### Libertas.

Libertas optimè cohæret cum absoluto efficaci Dei Decreto, ac Divinæ Causalitatis intrinsecā certitudine, sive cum Physicā Prædeterminatione. 222. 7. ac seq.

Qualiter Deus non tantum det actum Voluntatis nostræ, sed & modum libertatis. 223. 10.

In quo consistat libertas. 223. 13. ac seq.

Qualiter Efficacia Gratiæ ac Divina operum nostrorum Præfinitio secundum Divum Anselmum inferat necessitatem duntaxat Consequentem, non vero Antecedentem, optimè cohærentem cum libertate. 225. 23. & 226. 34. ac seq.

Qualiter absoluta certitudo actus ex Divinā Præfinitione, & necessitas antecedens pro tuedā libertate distinguendeant. ibi. 40. 227. 41.

Qualiter Thomistæ aditucentes Divinam Voluntatis creatæ actuum præfinitivam Voluntatem discrepent a Calvinistis. 227. 45. ac seq.

Esi Deus per impossibile esset ad extra agens necesse fore, actus dependentes a Voluntate creatæ secundum indifferenciam Electivam operante essent liberi. 228. 17.

Hæresis Calvinianæ ex Divinæ Voluntatis efficacia liberum arbitrium nostrum negantis

Principiū est, quòd Decretum Dei actus nostros Prædefiniens ponat præcisè quā movens ac determinans, imò necessitans, non autem quā excitans, & causans voluntatis creatæ in actum primo, quā secundo libertatem. 288. 7. ac seq.

### Libertas Dei.

Secundum naturæ lumen demonstratur liberum Dei arbitrium ex summa ejus immaterialitate. 249. 6. ac seq.

Velle Dei liberum non constituitur etiam inadæquatè per aliquid Extrinsecum. 250. 4.

Hujus ratio fundamentalis deducitur. 251. 11.

Sententia affirmans actum Dei liberum Formaliter, vel saltem completivè inadæquatè constitui per respectum ad creaturas existentes vel saltem futuras; vel falsa est, vel impertinens, ad tollendas difficultates se tenentes circa Voluntatis Divinæ libertatem. 282. 3. ac seq.

Non licet simpliciter & absolute dicere, quòd actus Divini liberi, sive aliqua Dei Formalitas possit deficere sive, suæ substantiæ Divinæ deesse. 253. 5.

Decreti Divini quoad Effendi formalitatem necessaria, in ratione autem Decreti ad extra libera formalitas ita habet cum creatione mundi causalitatis connexionem infallibilem, ut hæc ipsa tamen infallibilitas imponet Formaliter libertatem. ibi. 10.

Modus explicandi libertatem Dei per virtutalem defectibilitatem, seu mutabilitatem tangit quidem, non tamen solvit mysterij hujus difficultatem. 254. 11.

Divina Voluntas quā libera est amor Dei necessarius per actualitatem increatæ Bonitatis ex se ipsā intelligibiliter in Deo expressam; acq; ut sic inclinationis Divinæ motivam Formaliter, atque identicè specificatus. 255. 5.

Hic Amor habet rationem virtutis ad extra volitivæ secundum sui ex eadem increatā Dei Bonitate quā in infinitum communicativā Formalem manifestam specificationem. ibi.

Idem amor habet rationem potentiae ad extra liberæ ex ipsius increatæ actualitatis Bonitatis independentiā Amoris quā divini Formaliter identicè specificativa ibidem.

Actus Dei liberi constituitur Formaliter in ratione actus per ipsam Bonitatis increatæ sui Motivæ ac specificativæ actualitatem. 255. & 256. 7.

Hic habet rationem volitionis liberæ quatenus per finalem Bonitatis increatæ motionem sibi realiter Formaliter identicè est inclinatio actualiter præfinitiva Bonitatis ex se participatæ ibi.

Idem actus rationem volitionis habet, quatenus per finalem perfectionis Dei, quā independentur in se subsistentis motionem est actu præfinitiva negationis creatæ Bonitatis. ibidem.

Ex immutabilitate Divinæ Scientiæ efficaciter demonstratur Voluntatis Divinæ invariabilitas. 257. 5.

Eo ipso, quòd ratio prudentialis in Deo nitatur primā veritate de se immobili, non posset Voluntas Divina habere aliquam Decretorum in se variationem, nisi cum inconstantiā, atque adeo imprudentiā nota. 258. 7.

Non videtur intelligibile, quòd voluntas Divina possit



# Index Rerum, & Verborum.

na possit omnis actus circa objecta creata esse liberè suspensiva. 259. 4.

*Liber Vita.*

Qualiter coincidat cum Prædestinatione.

383. 18.

Qualiter illi, qui non ex prædestinatione, sed solum ex Gratiâ justificante sunt præordinati ad vitam æternam, dicantur secundum quid conscripti in libro vitæ, qualiterque de hoc deleri possint. ibi. 19.

*Loci Theologici.*

Sunt decem, quos Sanctus Thomas reducit ad quatuor, Authoritatem scilicet Divinam, Dicta Sanctorum, Rationem naturalem & authoritatem Philosophorum. 40. 1. & 2.

Primus ex autoritate Divinâ per Sacras Litteras vel Traditiones Apostolicas, vel Ecclesiæ consensum, vel Pontificum & Conciliorum definitionibus petitus locus est Theologiæ proprius. 40. 4.

Secundus sententijs SS. PP. ac Theologorum nisi in unum conspirent, comprehensus locus est proprius Theologiæ non quâ Scientificæ, sed quâ opinativæ & probabilis. 41. 10. & 16.

Tertius & quartus ratione naturali & dictis Philosophorum, nec non historijs humanis conclusus locus subministrat Theologiæ tum Scientificæ tum opinativæ argumenta solum extranea. 42. 17.

*Lumen Glorie.*

Lumen Gloriæ in patriâ est unâ cum Intellectu prima Theologizandi potentia. 17. 5.

Hoc non est ipsa visio Beatifica. 116. 4.

Neque habet rationem speciei impressæ, hoc enim se tenet ex parte objecti, illud ex parte potentie. 116. 6.

Unde dici debet, quodd lumen Gloriæ sit qualitas supernaturalis recepta in Intellectu Beatorum, cuius sit elevare & confortare Intellectû, formaliter communicando vim eliciendi immanenter visionem Divinæ Essentiæ, ac disponere ad unionem Essentiæ Divinæ tanquam Formæ Intelligibilis. 117. 14.

Est respectu visionis Beatificæ virtus Totalis agendi, non eo quidem sensu, quasi excludat consortium alterius Principij vitalis, Intellectûs nimirum, sed quatenus sit unica proxima virtus seu proportionata ad videndum Deum: Vicius virtutis ita elevetur Intellectus, ut iste non per modum instrumenti concurrat, sed tanquam Causa principalis, operans ex virtute participatâ per luminis Gloriæ activitatem. 119. 11.

Ipsa etiam visionis Beatificæ vitalitas est à lumine Gloriæ tanquam potentiâ proportionatâ, ab Intellectu verò tanquam potentiâ proportionabili. ibi. 13.

Implicat, Intellectum creatum Divinâ omnipotentia extrinsecus assistente absque lumine supernaturali elevari ad videndam Dei Essentiam. 121. 4.

Cujus ratio est, quodd cû improportio Intellectûs creati ad videndam Divinam Essentiam nequeat suppleri ab omnipotentia extrinsecus assistente, sed opus sit lumine intrinseco Formaliter constituente Intellectum in ratione Potentie Dei visivæ. 121. 6. & 8.

**M**

*Missio Divinarum Personarum.*

Hæc Essentialiter consistit in processione æternâ, & simul immanente Personarum ad extra communicatione, seu manifestatione: Connotativè verò importat temporalem creaturæ impressam Dei operationem, seu motionem. 512. 6.

Missio Divinarum personarum ex ratione suâ Formali in creaturâ Intellectuali, ad quam fit missio, importat connotationem vel Gratiæ sanctificantis, vel effectûs habentis cum sanctitate connexionem sive ex naturâ rei, sive ex instituto Divino. 513. 8.

Filij ac Spiritus Sancti Missio simpliciter fit 1. per infusionem seu augmentum gratiæ. 2. per statûs Beatifici elevationem. 3. per maternitatem Divinam. 811.

Per Prophetiam, cæterasque gratias gratis datas, nec non actus fidei ac spei extra gratiæ statum elictos mittitur Spiritus Sanctus non simpliciter, sed secundum quid. 511. 14.

Per Dona Intellectûs, & Sapientiæ specialiter mittitur Filius, per Dona autem pietatis, Fortitudinis &c. Spiritus S. ibi. 15.

Ex vi missionis Divinæ non tantum donantur Gratiæ Dona, sed ipsæmet Personæ Divinæ realiter dantur & inexistunt creaturæ Intellectuali. 516. 5.

**N**

*Natura Divina.*

Hæc formalissimè consistit in intellectuonâ quatenus est actualitas purissima substantialis per se subsistens. 89. 3.

Essentia Divina sub ratione Esse subsistentis, non verò sub ratione intelligibilitatis est Virtualiter prior seu distincta respectu naturæ Divinæ. 60. 18.

Ex ratione purissimæ actualitatis demonstratur, in solo Deo esse subsistentiam indistinctam à naturâ 74. 3.

*Nomina Dei.*

Nullum Dei nomen est vel purè affirmativum, vel purè negativum. 73. 5.

Nomina Deo & creaturis communia neque sunt univoca, neque purè æquivoca, sed analogica. 79. 6. & 81. 20.

Pleraque nomina universalia sunt respectu Dei & creaturarum analogica analogiâ tam proportionalitatis, quam attributionis. 81. 21.

*Nomina & loquendi formula, quibus explicatur Trinitatis Mystrium.*

Cur proprietates Personales in Divinis exponantur nominibus abstractis. 479. 3.

Quæ sit distinctio in Divinis inter nomina concreta & abstracta. ibi. 5.

Abstracta non ex parte rei significant, sed ex parte modi duntaxat significandi in Divinis distinguuntur à concretis, nisi abstractio Formalitatis alicujus respectu sui concreti importet inadæquatam objectivam præcisionem. 488. 2.

Qualiter nomina circa Trinitatis Mystrium formanda sint. 489. 2. ac seq.

Qualiter vera sit ista propositio: Deus genuit eundem Deum. 491. 18.

Qualiter falsæ sint istæ: Pater est de Naturâ Divinâ: omnes Personæ Divinæ sunt de substantiâ. ibidem.

Qualiter formandæ sint propositiones circa Tri-



# Index Rerum, & Verborum.

ca Trinitatis Myſterium. [491. 1.](#) & [492. 2.](#) ac ſeq.

## *Notio in Divinis.*

Quid, & quotuplex ſit. [469. 1.](#) & [2.](#)

Notiones Divinæ qualiter diſtinguantur à relationibus & perſonalitatibus. [470. 3.](#)

Innaſcibilitatis Notio ut Quo in Patre omnimodæ productionis paſſivæ negationem, ut Quod autem dicit Eſſentiæ Divinæ primam primitate immediationis determinationem ad Perſonæ Patris Hypoſtaſin. [470. 3.](#)

Hanc determinationem ratione noſtrâ ratiocinartâ conſequitur Fontalis plenitudinis, ſeu univerſalis in Divinis tam ad intra, quàm ad Extra Principij. ibidem.

Inſpirabilitas non eſt ponenda ſexta notio in Divinis. [471. 3.](#)

## O

### *Objectum.*

Objecti Scientiæ diviſio. [29. 1.](#) & [30. 3. 4.](#)

In objecto Formali conſideranda eſt alia ratio Formalis Quæ, alia ſub Quâ. [30. 9.](#) & [11.](#)

Ratio Formalis Quæ eſt Formalitas objecti, ex quâ fluunt paſſiones in Scientiâ demonſtrabiles. [30. 1.](#)

Ratio Formalis ſub Quâ eſt Formalitas per operationem Intellectûs ſeu abſtractionem à materiâ præparata ad Eſſe mediij demonſtrationis. [31. 12.](#)

### *Objectum Theologiæ.*

Objectum Materiale Theologiæ increatæ, non autem creatæ eſt omne ſcibile, ita ut in Deo nulla poſſit eſſe cognitio, quin ſit Theologica. [31. 4.](#) & [5.](#)

Subjecti Theologici Ratio Formalis Quæ eſt Deitas ut ſic, ſeu Eſſentia Divina quatenus ex hac omnis Veritas tam increata, quàm creata eſt ſcibilis & demonſtrabilis. [32. 1. 2.](#) & [3.](#)

Ratio Formalis ſub Quâ eſt Revelabilitas Divina. [33. 13.](#)

Hæc eſt lumen objectivum, per quod Primæ Veritatis, & in hac veritatum tum formaliter, tum virtualiter revelatarum, atque aded objectivæ ſyllogiſticæ connexionis Intelligibilitas ſiſtitur in intellectu creato. [33. 15.](#) & [38. 24.](#)

Subjectum Theologiæ adæquatum Attributionis eſt Deus ſub ratione Deitatis, ſubjectum verò adæquatum Prædicationis ſeu communicationis eſt Ens Divinum revelabile. [38. 28.](#)

### *Opera Moraliter Bona.*

Qualiter duplex genus operis moraliter boni etiam naturalis diſtinguatur per Franciſcum de Lugo. [386. 8.](#)

Qualiter ſecundum hunc authorem opera naturalis pietatis ſternant viam ad Charitatem ſupernaturalem. ibi. [8.](#)

Opera Moraliter bona ordinis naturalis non poſſunt etiam ex pacto cum Chriſti humanitate inito eſſe Cauſa moraliter Excitativa Divinæ voluntatis ad ſupernaturalem ſive vocationis ſive juſtificationis gratiam decernendam. [387. 13.](#) ac ſeq.

Pacti præſati inter Chriſtum & Patrem æternum conditio explicatur. ibi. [15.](#)

Qualiter de mente Sancti Auguſtini omne ante fidem congruitatis etiam meritum ſit excludendum, nec aded naturalia pietatis opera ſecundum aliquam congruitatis rationem poſſint ſidei meritoria eſſe. [389. 23.](#)

### *Oracula Deorum.*

Qualiter ex his Dæmones quandoque coacti fuerint fateri Filium Dei. [419. 18.](#)

## P

### *Pater in Divinis.*

Cur non dicatur cauſa, ſed principium Filij. [454. 586.](#)

Qualiter verum ſit, quodd Pater ſit principium ſeu Fons Deitatis. [4.](#) ibi [7.](#)

Qualiter Pater author non reſpectu Filij duntaxat, ſed etiam Filius dici poſſit author Spiritûs Sancti. [495. 10.](#)

### *Peccatum, cuſque Permiſſio.*

Qualiter Deus denegando Gratiâ efficacem faciat iudicium, non peccatum, ſed illud permittat duntaxat. [221. 17.](#) & [18.](#)

Qualiter ſecundum divum Auguſtinum tota peccati ratio tum originaliter reduci debeat in creati arbitrij originem de nihilo, tum formaliter in ratione culpæ imputari debeat Voluntati creatæ deficienti. ibidem.

Ratio fundamentalis divinam Sanctitatem & puritatem in actionis malæ Entitate per Deum Phyſicè productâ demonſtrans. [229. 12.](#) & [230. 15.](#)

### *Perſectio Dei.*

Perſectio ſecundum Quid ut ſic non eſt præſcindibilis à potentialitate, nec aded ponibilis in Deo Formaliter, ſed Virtualiter Eminentè. [78. 3.](#) & [4.](#)

Perſectiones ſimpliciter ſimplices ſunt in Deo Formaliter. ibidem. [5.](#)

Nulla perſectionis ſeu Entis ratio univoce dicitur reſpectu Dei, & creaturæ. [79. 6.](#)

Deus & univerſum collectivè ſumpta nec Intenſive, nec Extenſive dici poſſunt quid perfectius ſolo Deo, licet ſecundario ſint plura perfecti. [82. 28.](#)

### *Perſona.*

Quid ſit, & quomodo diſtinguatur à ſupposito ac Hypoſtaſi. [472. 1. 2.](#) & [3.](#)

#### *Perſona Divina.*

Relationes non in quantum relationes, ſed in quantum ſignificantur per modum Hypoſtaſis, ſunt formalia Divinarum Perſonarum conſtitutiva. [484. 8.](#)

Hoc tamen in eo ſenſu accipiendum eſt, quodd in Divinarum relationum conceptu, ſi conſiderentur quæ Formæ Hypoſtaſicæ, importet ut munus reſpicientiæ ex parte objecti duntaxat materialis, non autem Formalis. ibid.

### *Poſſibilitas Creaturarum.*

Iſta conſequentia: Si nulla eſſent creatura poſſibiles, tolleretur Divina Eſſentia, non ſubſiſtit in rigore,



# Index Rerum, & Verborum.

gore, sed à posteriori tenet secundum quid duntaxat. 154. 23.

In quo consistat creaturarum possibilitas. 160. 7. & 161. 12.

## Potentia Dei.

Pura Essentiae Divinae actualitas est prima ratio, in quam ultimatè resolvitur Omnipotentiae demonstratio à priori. 229. 6. ac seq.

In quo secundum Virtualem Formalitatem in Deo distinctionem consistat Formalitas Divinae ad extra potentiae. 332. 12. ac seq.

Vis creativa Potentiae Dei infinitae adeò propria est, ut nulli creaturae sit communicabilis. 336. & 337.

Ex infinitate Divinae potentiae arguitur, non posse dari creaturam, quā non possit Deus in infinitum perfectiorem producere. 340. 4.

Distinctio potentiae Divinae in absolutam, Ordinariam & Ordinatam. 347. 34.

## Potentia Obedientialis.

Potentia formarum supernaturalium receptiva in rebus creatis habet rationem potentiae obedientialis passivae. 343. 13.

In Intellectu & Voluntate creatā datur vis Obedientialis actuum vitalium quoad substantiam supernaturalium vitaliter operativa. 344. 16.

Haec consistit in intrinsecā per formam supernaturalem seu proximam & completam respectu actuum ejusmodi virtutem elevabilitate. ibidem.

Datur universim in rebus creatis potentia Obedientialis activa consistens in quādam ipsarum Entitati naturali identificatā Elevabilitate ad quoscunque effectus Physicè ac immediatè instrumentaliter producendos. 345. 22.

Quid supernaturalitatis inveniat in potentia Obedientiali tam activā, quā Passivā. 347. 33.

## Prædestinatio ad Gloriam.

Prædestinatio importat non Mediorum duntaxat, sed ipsius etiam finis salutis aeternae com causalitatis certitudine præordinationem. 360. 2.

Ex mente SS. Augustini, Anselmi, & Thomae Aquinatis efficax ad Gloriam Electio ante Prævisionem Perseverantiae finalis, atque adeò meritorum adstruenda est. 362. 11.

Electio prædestinatorum ad Gloriam efficax causans justificationem, merita & perseverantiam finalem, adeoque horum prævisionem antecedens, efficaciter demonstratur ex Sacris Litteris. 368. ac seq.

Ratio divinae Causalitatis suadet, in Deo admittendam esse efficacem Prædestinatorum ad finem Gloriam Electionem virtualiter in aliquo rationis instanti antecedentem ipsorum prævisa merita. 372. ac seq.

Qualiter verificetur, quòd aeternae Gloriae non tantum in Decreto Executionis, sed etiam intentionis sit adukis prædestinata tanquam merces & corona Gloriae. 175. 19.

Dicere, quòd per prædicationem prædestinationis ante prævisa merita audientibus plus desperationis, quā exhortationis afferatur, est dicere, quòd de sua salute homo desperet, quando spem suam non in seipso didicerit ponere. 36. 2. ac seq.

Qualiter diluatur Dilemma Calvinisticum circa Prædestinationem, 379. 17.

Non minus Sanctorum Angelorum, quā hominum Electio efficax ad Gloriam ex mente Sancti Augustini est gratuita, & antecedens eorum opera prævisa. 380. 3.

Qualiter unus Sanctorum, Virgo præsertim Deipara, possit suis meritis aliorum prædestinationis esse causa. 391. 39.

## Prædestinationis effectus.

Actus supernaturales etiam quatenus emanant à nostro arbitrio, sunt effectus elicitivi divinae prædestinationis. 392. 6. ac seq.

Vocationes etiam inefficaces, nec non Gratia per peccatum mortale interrupta, ac merita mortificata non secundum reparationem ac reviviscantiam duntaxat, sed ut primò collata sunt in prædestinatis per se effectus dicti divinae prædestinationis. 394. 4.

Substantia & quævis naturalia Bona Prædestinatorum sunt effectus divinae ipsorum ad Gloriam prædestinationis. 397. 8.

Peccati permissio eatenus potest cadere sub primariā Dei intentione, ut sit effectus divinae prædestinationis. 399. 2.

Qualiter ab effectibus seu signis possit prædestinationis certitudo haberi. 400. 67.

## Prædeterminatio Physica.

In quo consistat secundum Scotistas & Thomistas. 297. 2. ac seq.

In quo consistat, secundum Divum Augustinum. ibi. 8. ac seq.

In quo secundum Divum Thomam consistat Dei motio Voluntatis creatae ad agendum applicativa. 295. 17.

Istius ad agendum applicativae & ad Causam primam unitivae præmotionis ratio fundamentaliter deducitur. 300. 19. & 310.

## Prioritas A quo, & In quo.

Illa attenditur secundum origines, ista secundum signa & instantia rationis. 439. 6.

## Processiones Divinae.

Qualiter divinae processiones habeant rationem actionis. 436. 2. ac seq.

Ex distinctione Personarum efficaciter ostenditur in divinis unius ab altera processio. 437. 3.

Processiones in divinis formaliter important Intellectionem, & volitionem quā modificatam per relationes Paternitatis ac spirationis. 438. 4.

Dicere ac Spirare in divinis non sunt actiones ex naturā rei formaliter distinctae à Dei intelligere & velle. 439. 5.

Dicere Activum unā cum Relativā Patris Hypostasi intellectionem, Spirare verbū unā cum relatione spiratoris volitionem formaliter importat. ibidem.

Qualiter demonstretur, non esse in Deo nisi unam generationem, nec nisi unam spirationem. 440. 70.

Processiones in divinis, eaque duntaxat, quae Relativam inter se oppositionem habent, distinguuntur Numericè, non autem specificè. 44. 5.

## Propositio per se nota.

Dicitur illa, cujus prædicatum est de quidditate subjecti. 45. 1.

Alia est per se nota secundum se duntaxat, non autem secundum nos, cujus veritas terminis abstractivè duntaxat cognitis non statim trahit Intellectum ad assensum. ibidem.



# Index Rerum & Verborum.

## *Proprietates Personales in Divinis.*

Personæ divinæ ex naturâ rei formaliter constituuntur quidem & distinguuntur se ipsis, ut tamen secundum nostrum concipiendi modum dici possint constitutæ per suas proprietates. 480.

Proprietates divinarum Personarum constitutivæ non solum à parte rei, sed secundum nostrum quoque concipiendi modum sunt formaliter relativæ. 481. 5.

## *Providentia Dei.*

Non tantum ex fide, sed ratione quoque naturali est in Deo admittenda Providentia rerum omnium. 343. 7.

Providentia Divina est omnis rei & actus creati etiam liberi simpliciter & absolute præfinitiva. 382. 10.

Supponit in Deo absolutam & efficacem Finis, ad quem universæ creaturæ actu diriguntur, intentionem. ibi. ac seq.

Qualiter actiones creati arbitrij peccaminosæ subint Divinæ Providentiæ. 353. 20. & 354. 21.

Ad Providentiæ rationem probè intelligendam expedit, inter actus Divini Intellectus practici ac Voluntatis Divinæ ad extra operativæ aliquam signorum rationis rationem constitueri. 356. 5.

Iuxta hunc ordinem in primo signo intelligitur Scientia simplicis Intelligentiæ: Hanc in secundo signo intelligitur consequi Intentio Finis ac Electio mediorum: istam in tertio signo intelligitur consequi ratio ordinativa ad executionem mediorum: quæ Executio per modum Causalitatis Deo immanentis intelligitur in quarto rationis signo. ibidem.

Ratio ordinativa ad executionem mediorum habens rationem imperij, est formaliter providentia Divina. 357. 13.

Qualiter providentia Divina differat à Facto. 358. 10.

Qualiter ratio Divinæ Providentiæ importet assecutionem Finis. ibi. 10.

Qualiter prædestinatio sit pars Divinæ Providentiæ. 559. 22.

Qualiter Providentia communis differat à Prædestinatione. ibi. 25.

## **R**

## *Relationes Divinae.*

Sunt quid reale subsistens non tantum quoad Esse In, sed quoad Esse Ad. 456. 3.

Qualiter Essentia & relationes in Deo se invicem includant, refertur ex mente Doctorum. 487.

Essentia Divina in conceptu omnium Divinarum relationum: natura autem Divina in relationibus Paternitatis & Filiationis: Amor verò Divinus in relationibus Spiratoris & Spirati Formaliter includitur. 458. 13.

Relationes Dei personales non in prædicatione duntaxat, sed etiam extra prædicationem sunt quodammodo de Essentiæ & naturæ Divinæ conceptu Formali. 459. 22.

Relationes Personales in Divinis non differunt specie, sed individua-liter. 463. 5.

Relatio Spiratoris non distinguitur realiter à Paternitate & Filiatione. 464. 11.

Esse Ad in relationibus Divinis nullo modo est objectivè abstrahibile, ab Esse Dei subsistente: per cujus simplicissimam veritatem in omnibus formalitatibus Divinis sive absolutis

sive relativis est unica perfectionis ratio. 465. 6.

Ex unitate Essentiæ efficaciter demonstratur: relationes in Divinis non habere diversas essentias seu unitates, veritates, bonitates, & durationes, ubicationes, infinitates & sanctitates, sed existere per unam subsistentem existentiam Essentiæ Divinæ ut sic Formaliter constitutivam. 467. 7. ac seq.

## *Reprobatio à celesti Gloria exclusiva.*

Quid sit reprobatio, & qualiter distinguatur in Negativam, & Positivam. 401.

Reprobationem negativam efficaciter à regno celesti exclusivam ex sua naturâ non oportet, quod ita sit consequens Demerita prævisa, quin respectu Angelorum fuerit antecedens peccatorum prævisionem. 402. 9. ac seq.

Reprobatio negativa ita reducenda est in divinæ voluntatis absolutum Deninm, ut propter hujus, nec non Justitiæ vindicativæ ostensionem ex humani generis originali peccato infecti massa aliquos Deus à regno Cælorum efficaciter excluderet antecedenter ad ipsorum prævisa personalia peccata. 404. 8.

Qualiter ista à Gloria celesti ante prævisa peccata excludens Voluntas Divina subsistat cum Voluntate omnes salvandi. 105. 11.

Exclusio à regno celesti quoad ordinem intentionis ita consequens est peccati originalis, tanquam Causæ, seu motivi prævisionem, ut tamen quoad ordinem Executionis negatio etiam Gratiæ post Culpæ originalis remissionem prævisam decretata non pendeat ex peccato originali tanquam Causâ, seu motivo. 407. 5.

Qualiter Providentia Reprobatorum per media sufficientia in salutem ordinativa, & reprobatio tam positiva, quam Negativa inter se comparentur. 410. 21.

Omnis peccati Personalis in statu viæ nunquam remissi, seu remittendi permissio est effectus negativæ, non verò positivæ Reprobationis. 411. 7.

Cur Deus positivè reprobat Angelos ex prævisione primi peccati, non autem homines. ibidem. 8.

Gratiæ efficacis denegatio in hac vitâ nunquam potest esse positivæ Reprobationis effectus. 412. 3.

Neque omnimoda Remedij seu auxilij sufficientis negatio pro aliquo viæ statu potest esse effectus negativæ reprobationis. ibi.

Nec in statu viæ obsecratio seu obduratio est aliquando effectus positivæ Reprobationis, sed duntaxat Negativæ. ibidem.

Positivæ Reprobationis objectum est damnationis aternæ status omnem gratiam sufficientem supernaturalem etiam ex parte Dei excludens. 413. 6.

Non est à ratione dissonum affirmare, quod sit negativè effectus reprobationis, quidquid defectibilitatis naturalis Reprobatio occidit. 414. 5.

Econtra nihil Beneficij etiam naturalis confertur à Deo ex Voluntate reprobativâ. ibidem.

Quid de numero Reprobatorum factâ præsertim comparatione ad numerum Electorum, sit sentiendum. 415. 15.

*Richardus à Sancto Victore demonstrationes circa Mysterium Trinitatis.*

Referuntur. 430. 2.

Explicantur. 431. 5. ac seq.

Argu-



# Index Rerum, & Verborum.

Argumentationes per illum Doctorem factæ non sunt Demonstrativæ, sed Trinitatis Mysteriorum in ipso medio seu argumenti ratione per fidem præsuppositi explicativæ. ibi. 6.

## S

### *Sensus Sacra Scripturae.*

Sacra Scripturae sensus dividi solet in Litteralē & Mysticum, qui designantur per Librum Apocalypsicum intus & foris scriptum. 42. 1. & 2.

His adnumerari solet sensus accommodus non tam a Spiritu sancto intentus, nec adeo conducens ad Theologicos saltem scientificos discursus, quam piè usurpatus ab Ecclesiâ vel Doctore aliquo, etque duplex, ita ut alter sit per extensionem, alter per allusionem. 42. 3. 6. & 44. 25.

Sensus Litteralis subdividitur in proprium, qui firmum præbet argumentum Theologicum & Metaphoricum, qui certum quandoque minus tamen expedit, quam proprius probet certum Theologicum argumentum. 42. 7. & 43. 18. & 20.

Sensus Metaphoricus differt inadæquatè à Parabolico, hic enim quandoque reduci potest ad proprium sensum Litteralem. 42. 8. & 10.

Sensus Mysticus est triplex, Allegoricus ædificans fidem, Anagogicus erigens spem, & Tropologicus instruens in moribus ac fovens Charitatem. 43. 12. & 14.

Omnes isti sensus Mystici, imò plures etiam & Litterales possunt reperiri in uno Sacra Scripturae loco. 43. 15.

Sensus Mysticus, si constet esse intentum à Spiritu Sancto, præbet firmum argumentum Theologicum, quamvis plerumque sit reconditus, nisi alterius Sacri textus Litterali, vel communi Patrum consensu aperiatur. 44. 23. & 24.

### *Sermo Scientia.*

Sermo Scientiæ, qui est gratia gratis data, est ipsa Theologia. 4. 5.

### *Scientia.*

Quæ sint condiciones Scientiæ. 8. 1.

Scientia Aristotelica Formaliter & Essentialiter importat solum certitudinem conclusionis ex principiis, & in naturalibus importat Evidentiam solum Causaliter. 11. 24. 26. & 27.

Evidentia in supernaturali Scientiâ ex parte Principiorum causans certitudinem suppleri potest per imperium supernaturale ligens Intellectum in lumine Divino superioris Dei Scientiæ. 11. 28. & 29. item 12. 33.

Scientia datur de singularibus & contingentibus certificatis per Divinum superioris Dei Scientiæ lumen Spiritus Sancti motione applicatum Intellectui. 12. 36. item 13. 42.

Habitus Scientificus Formaliter consistit in habilitate intellectuali species intelligibiles bene coordinandi & cum facilitate utendi ad discursus scientificos, species verò intelligibiles important solum Causaliter, seu Fundamentaliter. 24. 32.

Habitus Scientificus admittit argumentum extensivum ex parte specierum, licet secundum Entitatem suam intrinsecam utpote simplex qualitas nec extensive nec intensive augeri possit per additionem formæ ad formam, sed intensio importet perfectiorem duntaxat habitus in subiecto participationem. 25. 36.

### *Scientia Subalternata.*

Conditioes Scientiæ Subalternatæ. 191.

Scientiarum Subalternatio requirit unitatem in subiecto & ratione Formali sub Quâ scientiarum, non verò in Motivo assensuum scientificorum. 14. 8.

Scientiarum subalternatio non tam excludit specificam scientiarum ex d. verbo attingendi modo differentiam, quam ob. d. formæ ac luminis scibilis diversitatem, ut adeo sufficiat conclusiones subalternantis sub eodem lumine Intelligibili esse objective in Intellectu, cui subalternata inexistit. 16. 25.

### *Scientia Media conditionatorum.*

In quo consistat ratio Scientiæ Mediæ. 182. 1. ac seq.

Quæ difficultates ex Scientiæ Mediæ assertionem revocentur in controversiam. ibi. 2. & 3.

Quas controversias excitet Scientiæ Mediæ negatio. 182. 9.

Primæ veritatis & infiniti Intellectus ratio non admittit nisi creatam & infallibilem de futuris contingentibus etiam conditionatis Scientiam. 184. 8. ac seq.

Futura conditionata prout sunt in suis Causis habent certitudinem in actu signato sub modificatione quâdam secundum inclinationem Causæ. ibi. 12. & 13.

Scientiæ Mediæ controversia in eo se tenet, an scilicet Deus cognoscat Futura conditionata ante, vel post suum Decretum. 185. 16.

Hallucinantur Doctores asserentes Scientiæ Mediæ difficultatem in eo se tenere, quod ejus assertores Deo attribuant probabilem duntaxat de futuris conditionatis scientiam. 187. 18. ac seq.

Scientiam Mediam, quatenus divinam Conditionatorum Præscientiam adstruit ante Decretum Dei, non cohærere cum Divinâ Sacra Scripturae, & Sanctorum Patrum Doctrinâ, ostenditur. 181. 6. ac seq.

Tria Futurorum conditionalium scientiâ concernentia puncta à SS. Prospero & Hilario fuisse proposita Divo Augustino, probatur. 102. 7. 8. & 9.

Futurorum conditionalium præscientia Decretum Dei antecedens refutatur ex S. Augustino. 193. 10. ac seq.

Repugnat veritas Futuritionis in statu etiam conditionato determinata ante Decretum Dei actuale. 201. 9.

Qualiter summus Pontifex in congregatione de auxiliis divinis habitâ fuerit argumentatus. ibi. 13.

Ut Scientia Media subsisteret, oporteret in obiecto conditionatè futuro dari formalitatem statum possibilitatis egrossam antecedenter ad Decretum Dei. 202. & 17.

Nec ad istum statum sufficeret Decretum Dei obiectivum, sed oporteret in ratione Causalitatis antecedere liberam Voluntatis divinæ determinationem. ibidem. 16. ac seq.

Scientia Media refellitur ex Divo Thomâ. 204. 24.

Futuritio conditionata nequit reduci in decretum Dei quâ Futurum, imò hæc Futuritio divini decreti est Chimærica. 205. 8. ac seq.

De effectibus creatis etiam contingentibus ac liberis sunt formabiles infinitæ conditionales, quarum tamen obiecta nihil realitatis ac veræ futuritatis.



# Index Rerum & Verborum.

turitionis ultra statum possibilitatis involvunt, nec a deo cognoscibiles sunt à Deo, nisi per scientiam simplicis intelligentiæ. 206. 15.

Conditionales realitatem aliquam seu veram futuritionem ultra possibilitatis statum enuntiantes ex parte objecti important Decretum Dei non merè objectivum, sed actuale ex parte Dei, atque adeò subjectivè absolutum & conditionatum ex parte duntaxat objecti. 207. 18.

## *Scientia Conditionatorum.*

Decretum ad veritatem futuritionis requisitum ita oportet esse præfinitivum, ut ex se ipso antecederet ad usum etiam conditionalem creati arbitrij inferat actus liberi infallibilitatem. 210. 5. ac seq.

Non stat certitudo Gratiæ ex connotatione Scientiæ Mediæ. 215. 8.

Scientia Media nihil potest ad Gratiæ sufficientiam probandam. 219. 5. ac seq.

Scientia Media nihil confert ad creati arbitrij veram libertatem tuendam. 222. 7.

Scientia Media nihil confert ad explicandum, quomodo Deus cum Voluntate nostrâ concurrente ad actum pravam, non sit Causa peccati. 228. 2. ac seq.

Qualiter stante Scientiâ Mediâ deberet Deo æquè imputari peccatum, atque actus bonus à voluntate nostrâ elicitus. 228. 8. & 229. 9. ac seq.

## *Scientia Dei & cognitio Dei.*

In Deo est Scientia propriè dicta habens simul rationem sapientiæ ac prudentiæ. 142. 1. & 2.

Ex eo, quod Deus sit summè immaterialis, inferitur esse summè cognoscitivum, habereque adeò actualissimam rerum omnium scientiam. 143. 7. & 144. 10. item 145. 16.

Scientia simplicis Intelligentiæ in Deo est causa rerum ad extra productiva. 145. 5.

Scientia visionis habet rationem immediatæ Causalitatis ac Physicæ effectiōis creaturarum aliquando existentium, estque adeò actio Formaliter Deo immanens, sed virtualiter Transiens. 146. 7. & 147. 15.

Omnis Formalitatis Deo inexistentis non est nisi unica Essentiæ divinæ propria virtualiter indivisibilis Intelligibilitas, quæ ut sic est Primum Formale Motivum divinæ Intellectionis seu Scientiæ. 149. 7. & 150. 12.

Deus Essentialè creaturarum à se dependentium cognoscendo in suâ Essentiâ tanquàm Motivo Formali cognoscit se ipsum in creaturis tanquàm objecto purè Terminativo, & materiali, nec adeò datur in Deo cognitio sui abstractiva, sed quidditativa duntaxat. 151. 4.

Deus per suam duntaxat Essentiam tanquàm medium Quo, & Quod cognoscit creaturas. 152. 6. & 153. 13.

Essentia divina ob sui puram actualitatem est in ratione non tantum speciei, sed objecti etiâ Formalis Quod sufficienter proportionata ad negationes & privationes, nec non peccata cognoscenda, quæ tamen Deus in suâ Essentiâ non nisi mediantibus formis & bonis creatis intelligit. 156. 6. & 157. 11.

Non potest Intellectus divinus attingere non Entia, nisi per diffusum. 158.

## *Scientia Divina Futurorum absolute existentium*

Enodatur punctum difficultatis de medio,

in quo Deus videat futura contingentia. 164. 4. & 165. 13. item 166. 16.

Nulla est Futurorum contingentium veritas determinata nisi ex vi liberi Decreti Divini. 167. 3.

In Decreto Divino tanquàm medio Quo & Quod sunt futura contingentia cognoscibilia à Divino Intellectu. ibid.

Qualiter peccata prævideantur à Deo in suo Decreto permissivo. 168. 12.

Qualiter & pro quo signo rationis intelligi possit, quod affirmativa & negativa de aliquo futuro enuntiatio sit contradictoria. 169. 14.

Deus præscit futura contingentia in suis deis non antecederet, sed consequenter ad Decretum Divinum eorum futuritionis præfinitivum. 170. 6.

Per Comprehensionem Essentiæ Divinæ quâ supercomprehensivam Causarum secundarum antecederet ad suum liberum Decretum non potest præscire eventus liberos sive effectus contingentes futurorum. 171. 4.

Determinatio in actu primo proximo realiter indistincta ab Entitate voluntatis creatæ est chimerica, nec adeo tum ipsa, tum Decretum illam consequens prout exponitur a Francisco de Lugo, potest Intellectui Divino esse ratio cognoscendi futura libera. 172. 3. & 173. 10.

Implicat, quod Deus pro aliquo signo rationis prævideat sua Decreta quæ futura, nec adeò pro isto voluntatis Divinæ determinationem antecedente signo intelligibile est, quod Intellectus Dei prævideat creati arbitrij actus liberos tum in futuritione Decretorum Dei, tum in futuritione conditionatâ liberorum effectuum. 175. 4. & 10.

Certitudo Divinæ præscientiæ non potest ultimè reduci in Futuritionem, seu præsentialitatem ac Entitatem rei creatæ propriam. 17. 4. & 177. 7.

Futurorum existentia seu Causarum secundarum determinatio respectu præscientiæ Divinæ se habet per modum objecti duntaxat materialis, Essentiâ Divinâ quatenus actuali causâ sive causalitate Dei intrinsecè se tenente per modum objecti Formalis. 178. 7.

Essentia Divina quâ causalitas rerum ad extra effectrix in prædicationibus de futuro connexionem prædicari cum subjecto virtualiter seu causaliter continet. ibidem.

Præscientia Divina Futurorum est hoc ipso intuitiva, quod res creatæ sint præsentis in æternitate. 181. 9.

Hæc ipsa Futurorum in æternitate præsentia est ratio certitudinis præscientiæ Divinæ. ibid. 11. & 12.

Sicuti res creatæ secundum existentiam suam exercitam & propriam præsentialitatem sunt per prius in Causalitate Dei æternâ, quàm in se ipsis, sic per istam causalitatem tanquàm primam rationem motivam sunt à Deo intelligibiles. 181. 13.

## *Scientia divina simplicis Intelligentiæ.*

Hujus objectum Formale est Esse Eminentiæ creaturarum in Deo, objectum autem materiale est Esse creaturarum possibile reale non Physicè, sed in ratione Intelligibilis representativè in æternitate emanans ab Intellectu Divino. 160. 6.

Scientia



# Index Rerum & Verborum.

Scientia simplicis Intelligentiæ ratione sui objecti formalis est intuitiva, ratione autem objecti materialis abstractiva. [162. 16.](#)

Essentia divina est adæquata ratio videndi in se quaslibet creaturarum possibilitium formalitates. [162. 7. & 163. 13.](#)

## *Simplicitas Dei.*

Arguitur ex ratione Aseitatis seu puræ actualitatis ac infinitatis Dei. [73. 2.](#)

Simplicitas Dei per puram ejus actualitatem vendicat sibi identitatem subsistentiæ & Naturæ, nec non Existentiæ ac Essentiæ substantijs creatis omnino incommunicabilem. [74. 2.](#)  
[75. 9.](#)

Ex ratione puræ actualitatis ac simplicitatis excluditur Deus, vel potius supergreditur prædicamentum Substantiæ. [76. 2.](#)

## *Species Dei.*

Indubitatum est, non posse Divinam Essentiam mediante similitudine objectivâ intuitivè videri. [109. 2.](#)

[14.](#) Hujus ratio à priori est, quia cognitionis Deum Quidditativè penetrantis proprium est, habere Divinam Essentiam tanquam objectum specificativum non tantum per modum rationis Quæ, sed & sub Quâ; quod nequit convenire ænigmatiæ Dei cognitioni. [111. 13.](#)

Non datur de facto species impressa Divinæ Essentiæ. [111. 6.](#)

Cuius ratio est, quod Deus utpote summè immaterialis & consequenter summè intelligibilis respectu Intellectus etiam creati, non debeat per formam creatam constitui intelligibilis. [ibidem.](#)

Imò implicat species impressa Dei, quod hujus sit constituere objectum actu intelligibile, Essentia verò Divina sit per se actualissimè intelligibilis. [112. 10.](#)

Implicat etiam species expressa, seu Verbum creatum Divinæ Essentiæ, ut est in se repræsentativum. [113. 6.](#)

In visione Dei ipsum Verbum increatum seu intelligibilitas Divinæ Essentiæ se habet ut medium non Quo duntaxat, sed In quo, sive ut objectum per se principaliter intellectum. [114. 18.](#)

## *Spiritus Sanctus.*

Qualiter nomen Spiritus Sancti proprium sit tertiæ in Divinis personis. [813. 1. ac seq.](#)

Qualiter verificetur, Spiritum Sanctum non fore distinctum à Filio, si ab isto non procederet. [504. 14.](#)

Spiritus Sanctus ex propriâ suæ Hypostasos ratione formali refertur ad Patrem & Filium tanquam duo realiter distincta supposita. [506. 3.](#)

Unde sit consequens, quod ex vi suæ Processionis formaliter in quarto perfectatis modo procedat ab illis tanquam distinctis personis. [ibidem.](#)

Qualiter Pater & Filius dici debeant unus Spirator, seu unum Principium Quod Spiritus Sancti. [508. 2.](#)

Qualiter verificetur propositio; Pater & Filius se diligunt Spiritu Sancto. [509. 14.](#)

Qualiter Spiritui Sancto proprium sit dici amorem. [ibi. 16. 2.](#)

Qualiter eidem sit proprium, esse Donum Dei. [ibidem. 17.](#)

Qualiter Spiritus Sanctus dici possit Nexus, Vinculum seu Osculum Patris & Filij. [510. 16.](#)

## *Subsistentia.*

Qualiter distinguatur ab Hypostasi & Personalitate. [472. 2. & 3.](#)

In quo formaliter consistat. [473. 13.](#)

Qualiter per subsistentiam constituatur substantia ut Quod ultimatè actuata, nec ulterius actuabilis nisi per accidens saltem prædicabile. [474. 19.](#)

Qualiter anima separata sit subsistens. [475. 23. & 26.](#)

## *Subsistentia Dei.*

Præcisus per intellectum personalitatibus relativis in Essentiâ Dei absolute sumptâ remanet aliqua subsistentia absoluta communis tribus Personis. [473. 13. ac seq.](#)

Hæc est ipsa Essentia Dei ut sic importans individuationem, quæ Formaliter dicit irreceptibilitatem, & incommunicabilitatem sub ratione purissimæ Essendi ex se individuatæ actualitatis. [ibidem.](#)

Relationes Divinæ Personales non sunt intelligibiles, quin in conceptu suo Formaliter involvant rationem subsistendi, quæ ut sic est Formalissimè Essentia Divina. [467. 4. ac seq.](#)

Qualiter verificetur, in Deo non esse nisi unicam subsistentiam non in ratione subsistendi, sed in ratione correlationis multiplicabilem. [ibidem. & 478.](#)

## *Syllæ.*

Istæ Divino afflatæ Spiritu, eum apud Gentiles habebant locum, quem Prophetæ apud Judæos. [419. 19.](#)

## T

### *Theologia.*

Theologia Naturalis & Supernaturalis qualiter differant. [1. n. 1.](#)

Theologiæ supernaturalis pro Doctrinâ ex Principijs supernaturalibus discursivâ acceptæ initium in primis Parentibus ortum est cum fide & Ecclesiâ Sanctâ. [ibid. n. 2. & 3.](#)

Qualis fuerit Theologiæ progressus usque ad Christum. [ibid. n. 4. 5. 6. & 7.](#)

Christus ipse & Apostoli sunt Theologicè argumentati. [2. n. 8. & 9.](#)

Theologiæ per Patres Orthodoxos incrementa. [ibid. 9. 10.](#)

Theologia Scholastica ex Sanctis Augustino, Anselmo, alijsq; Doctoribus cum Familiâ Benedictinæ, tum Dominicanæ & Franciscanæ, tum Societatis Iesu fundata & propagata. [2. & 3. n. 11. 13. & 14.](#)

Theologia secundum substantiam simpliciter, quoad Methodum verò scholasticam est necessaria Ecclesiæ secundum quid. [3. 4. 5. & 6.](#)

Theologia Scholastica non differt ab antiquâ secundum substantiam, nec argui potest novitatis non fundatæ in antiquâ sacra doctrinâ. [6. n. 10.](#)

Theologiæ divisio in Mysticam & Scholasticam ex diversitate methodi distinctam in Positivam, Scholasticam & Moralem. [2. 6. & 10.](#)

Theologia Controversistica procedit ex methodo tum positivæ, tum scholasticæ. [2. 13.](#)

Theologia Symbolica solum inadæquatè convenit cum Mystica. [8. i](#)

Bbb b

Mystica



# Index Rerum & Verborum.

Mystica Theologia differt à Scholasticà, quòd ista procedat per discursum ex fide & Intellectu. Qualibus Spiritus Sancti Donis, illa verò ex Imperio virtutis Charitatis ac religionis simplici contemplationis intuitu speculetur Divina Myſteria. 8. 6. & 7.

Ex fide nullum nascitur lumen supernaturale, à quo veritates Divinitus revelatæ seu principia Theologiæ reddantur intellectui evidentia. 19. 17.

Assensus Theologicus quæ ex principiis per fidem Divinam certò, sine tamen evidentiâ cognitis discursivus est strictè scientificus. 11. 24.

Qualiter ratio certitudinis, atque adeò Scientiæ derivetur in Theologiam via orum ex lumine superioris Scientiæ Dei & Beatorum. 11. 28. & 29.

Theologia nostra verè ac propriè subalternatur Theologiæ Dei, 13. 4.

Theologia Dei & Beatorum conveniunt in subiecto scibili, quatenus utraque versatur circa Deum sub ratione Deitatis, quæ veritates revelatas in se seu scientiâ Divinâ certificatas communicando in intellectu viatorum excitat discursus Theologicos sibi sub eadem scibilitatis ratione Formali Quæ & sub Quâ subalternatos. 14. 8.

Theologia Viatorum quoad substantiam & entitatem in intrinsecam manet in patriâ subalternata scientiæ Visionis Beatificæ. 14. 14.

Theologia in statu viæ acquisita subalternatur in anima beatâ potius Theologiæ Matutinæ, quàm vespertinæ. 15. 17.

Inevidentiâ Theologiæ viatorum cum non se teneat intrinsecè ex parte subiecti seu objecti scibili, sed extrinsecè tantum, non impedit illius respectu Theologiæ Dei subalternationem perfectam. 14. 10. & 15. 20.

Ex diversitate luminum increati in Deo, & Fidei in Intellectu est quidem infinita in ratione Scientiarum distantia inter Theologiam Dei & Beatorum, sub uno tamen primæ veritatis lumine Intelligibili est subordinatio Principiorum & conclusionum de uno subiecto scilicet Deo demonstrabilium: quod sufficit ad Subalternationem. 16. 26.

Assensus Theologicus procedit ex fide etiam Effectivè seu Elicitivè. 17. 8.

Assensus Theologiæ tanquàm scientificus differt ab assensu Fidei, quòd iste ex imperio supernaturali voluntatis motus spectet ad secundam mentis operationem, iste verò ad tertiam. 17. 18.

Discursus ex principiis fide Divinâ creditis potest conducere ad evidentiam credibilitatis, conclusio tamen taliter deducta non Formaliter quâ illata, sed quâ in principiis fidei contenta, & ut sic per illud iudicium credibilitatis exposita tanquàm Divinitus revelata spectat ad assensum fidei. 17. 12.

Non consequens duntaxat, sed ipsa Consequentia in assensu Theologico est Formaliter supernaturalis. 18. 41. 15. 16.

Ex discursibus Theologicis generatur in hominis intellectu Habitus secundum Substantiam supernaturalis, sed acquisitus. 19. 21.

Differt a sapientiâ infusâ, quòd ista per modum inclinationis, sapientiâ verò Theologica acquisita per modum cognitionis ac discursus tendat in res Divinas. 20. 25.

Theologiæ habitus defectu fidei seu habitus Principiorum manet in hæretico licet otiosus, donec vel per oblivionem ex parte memoratiæ evanescant species, vel per depravationem falsæ argumentationis pereat veritatis scientia. 20. 26. & 28.

Theologia quâ Mystica ad gratiam gratum facientem, quâ Scholastica ad Gratiam gratis datam sermonem Scientiæ dictâ reducitur. 20. 30. & 31.

In Syllogismo Theologico constante unâ de fide, & alterâ naturaliter evidente, hæc participat certitudinem supernaturalem, ob virtutem suam in illâ continentiam. 21. 32.

Theologia est unius speciei infimæ scientiæ. 22. 10.

Hoc tamen procedit de Theologiâ Scholasticâ, nam Mystica differt ab ipsâ secundum speciem, quòd illa sit discursiva, hæc verò procedens ex Donis sapientiæ & Intellectus mediante fide vivâ per Charitatem formatâ absque discursu tendat ad simplicem intelligibilis veritatis Divinæ contemplationem. 23. 21.

Theologia Scholastica est ejusdem speciei, sive discursus sit procedens ex habitu fidei, sive intellectualibus Spiritus Sancti Donis, sive ex lumine gloriæ. 23. 22.

Hæc unitas est ex unitate Rationis formalis sub Quâ, quæ est Divina Revelabilitas. ibidem.

Ista est lumen quoddam objectivum resultans ex collatione præmissarum sub supernaturali lumine seu veritate Divinâ revelante combinatorum. Unde Divina revelabilitas Formaliter includit Divinæ Scientiæ lumen, atque adeò Naturam & Essentiam Divinam seu radicem omnis veritatis. 22. 13. & 23. 16.

Habitus Theologiæ est una simplex qualitas per modum luminis Intellectualis facilitantis, licet ex parte luminis Intelligibilis importet plures distinctas species se habentes ad habitum scientificum non formaliter & Essentialiter, sed Casualiter & Fundamentaliter. 23. 20. & 24. 32.

Unus simplex Theologiæ habitus est formaliter Speculativus & Practicus sub formalitate tamen eminentiori rationes Speculativi & Practici in scientijs naturalibus specie differentes elevante ad unitatem specificam. 26. 6. 7. & 8.

Theologia præsertim Mystica meretur nomen habitus Affectivi, sed quatenus veritatem Divinam inquirat per substantiam sperandarum rerum, fidem nimirum Divinam, quæ nata est excitare affectum cum sapore Divinæ Dulcedinis resultantis ex unione Charitatis cum Deo. 27. 14.

Theologia sortitur nomen & rationem sapientiæ. 27. 6.

Est habitus non tantum Declarativus, sed Adhæsiivus utpote inclinativus ad assensum Scientificum. 26. 2. & 5.

Qualiter in Theologiâ dentur demonstrationes propter Quid seu à Priori. 37. 12.

Qualiter conclusio Theologica non Reduplicativè quâ Deducta, sed Specificativè quâ Explicata sit de fide. 37. 17. & 18.

Theologia per se ex ratione intrinsecâ saltem primariâ non probat sua Principia, seu articulos fidei utpote primæ veritatis, sed per accidens. 8. 8.

Theologia evidenter probat articulos fidei non



# Index Rerum & Verborum.

non secundum intrinsecam veritatem, sed secundum evidentiam credibilitatis. [38. 14.](#)

Theologia evidenter Negative, non autem evidenter Positive solvit argumenta fidei contraria. [39. 17.](#)

## Theologi.

Juris Divini Prælatos præsertim Ecclesiasticos obligantis est, curare, ut sint Theologi in Ecclesiâ. [c. 2. 11.](#)

## Trinitatis Mysterij cognoscibilitas.

Impossibile est per rationem naturalem ad cognitionem Trinitatis Divinarum Personarum pervenire. [417. 6.](#)

Qualiter principia luminis naturalis se habeant ad Mysterium Trinitatis. [418. 10.](#)

Qualiter ex oraculis Deorum Dæmones aliquando coacti fuerint ad confitendum Dei Filium. [419. 18.](#)

Qualiter mysterium Trinitatis noverint Sybilæ ex Gratiâ gratis datâ. [ibid. 10.](#)

Qualiter Philosophi Ægyptij ex ore Patriarcharum Hebræorum peregrinantium aliqualem de illo mysterio hauserint notitiam. [ibidem. 20.](#)

Ex hoc ipso, quod luminis naturalis principia sunt illa, quæ ad Deum potentialiter inierunt ac factum. Trinitas autem Mysterium subsistat ex quædam illius actualitate, ac infinitate, sequitur, istud Mysterium non adversari rationi naturali. [420. 6.](#)

Qualiter prima luminis naturalis principia in specie distincta, non re ipsa dissolutione cum mysterio Trinitatis. [421. 2. & 421. 2.](#)

In statu puræ nature non posset dari revelatio, nec adeo cognitio mysterij Trinitatis. [422. 15.](#)

Mysterium Trinitatis non obscure demonstratur ex antiqui Testamenti verbis Sacris. [424. 2. ac seq.](#)

Distinctio trium Divinarum Personarum efficaciter evincitur ex Sacris Litteris. [425. 2.](#)

Mysterium Sanctissimæ Trinitatis ad intellectum habitu fidei illustratum se habet instar primi indemonstrabilis principij, nec suppositæ etiam fide est nisi secundum aliquas convenientiæ rationes probabile. [426. 4.](#)

Ex nullo etiam supernaturali effectu quâ tali est SS. Trinitatis mysterium etiam quoadan ostenditur abstractivè cognoscibile. [432. 2.](#)

Ex evidentiâ Divinæ attestationis intellectus humanus lumine supernaturali elevatus posset contemplando ingredi ipsam luminis increati Scientiam Divinam, & ex hac tanquàm medio seu ratione ab intrinseco connexâ cum Trinitate demonstrare hoc mysterium. [444. 5. ac seq.](#)

## Trismegistus.

Quis iste fuerit. [416. 2. & 3.](#)

Qualiter ipse, alique Philosophi Ægyptij ex ore Patriarcharum Hebræorum peregrinantium aliqualem de mysterio Trinitatis notitiam habuerint, [ibidem. & 419. 20.](#)

## V

## Verbum Divinum.

Verbum Divinum in quarto perfectatis modo procedit formaliter ex cognitione non tan-

tum Essentiæ, sed omnium Divinarum Personarum. [496. 11. ac seq.](#)

Ex cognitione creaturarum quâ possibile procedit in quarto perfectatis modo Formaliter, non verò quâ existentium nisi Identice & concomitanter, [498. 4. & 499. 11.](#)

In Verbo importatur respectus ad creaturam. [501. 1.](#)

Hic convenit Verbo Formaliter ratione Divinæ Essentialis cognitionis, ita tamen, ut ad ejusmodi Divinam creaturarum repræsentativam intellectionem Hypostasis Verbi ex ratione proprietatis suæ Personalis non tantum Identice, sed per se Formaliter se habeat. [501. 5.](#)

Qualiter Filio in Divinis proprium sit, esse Imaginem Dei. [502. 11.](#)

## Virtutes Dei.

Quales in Deo sint virtutes. [317.](#)

In actibus seu virtutibus Divinæ voluntatis etiam quâ virtualiter, & ratione nostrâ ratiocinata Formaliter distinctis non potest designari aliqua perfectionis inæqualitas. [319.](#)

## Vis Creativa.

Ne quidem instrumentalis vis creandi potest ulli creaturæ secundum potentiam etiam obedientialem communicari. [33. 10.](#)

## Vis Generativa & Spirativa in Deo.

Vis generativa & Spirativa in Deo est respectu actuum Notionalium vera realis potentia. [443. 7.](#)

Potentia Generativa in Divinis Formaliter consistit in Intellectione quâ connotante relationem Paternitatis. [445. 6.](#)

Vis Spirativa consistit Formaliter in volutione Divinâ quâ connotante relationem spiratoris. [ibid.](#)

## Visio Dei.

### Inde invisibilitas.

Visio Divinæ Essentiæ de potentia Dei ordinari non est communicabilis homini viatori. [107. 21.](#)

Hæc status viæ ac Visionis Dei incompossibilitas est superabilis virtute absolutæ potentia Dei. [ibid. 22.](#)

Præter S. Deiparam S. Paulum & Moysen Divo Benedicto tribui debet prærogativa specialis, quod in hac vitâ mortali vident Divinam Essentiam. [107. 24.](#)

Implicat, Essentiam Divinam videri intuitivè, quin videantur Hypostases, ac omnes attributales Dei perfectiones. [113. 7.](#)

Hujus ratio est, quod Essendi actualitas in omni Formalitate Divinâ transcendentaliter imbibita nequeat, ut est in se, esse repræsentata intellectui, quin omnimodæ perfectionis Divinæ identitas à parte rei Formalis videatur. [114. 13.](#)

Impossibile est, in visione Dei intuitivâ dari præcisiones objectivas. [114. 16.](#)

Decreta Dei libera videntur à Beatis Formaliter per visionem Beatificam ex virtute luminis Gloriæ, quatenus habet vim revelationis secretorum Divinæ voluntatis. [113. 4.](#)

Eo ipso, quod Decreta Dei libera non tantum



# Index Rerum & Verborum.

tum in ratione attingentia determinata libera sint, sed nec in Entitate seu Formalitate sua à creaturis dependentiam habeant, idcirco, visa Dei Essentia non oportet penetrari ejusmodi exercitium liberum, nec consequenter in illis Decretis videri Creaturas ex ipsis prodeuntes. 130. 8.

Divina Essentia est medium objectivum, in quo ex vi luminis Gloriarum Formaliter per visionem Beatificam videntur creaturæ. 131. 4.

Hujus medij objectivi proportio est ex hoc, quod Essentia Divina insit omnis ad extra creabilis Essentia activa imitabilis. ibid. 11.

Hæc tamen ratione sua Essentialis à creaturis independentia intuitivè videri posset, nulla visa specie creaturarum. 132. 11.

Beati vident in Verbo cuncta præcipua saltem Mysteria fidei à se hæc credita. 133. 4.

Vident etiam quilibet Beatus in Verbo totum universum secundum omnes ac singulas species, earundem proprietates, nec non individua per se pertinentia ad ornatum Universi. 133. 7.

Ex futuris contingentibus ac mentium secretis cognoscent Beati ea omnia, quæ ad suum statum pertinent, ita tamen, ut juxta Beatitudinis mensuram ac proportionem aliqua solum causaliter, alia verò formaliter in Verbo videant. ibid. 9.

Cur unus Beatus has potius, alter illas creaturas in Verbo videat, causa hujus differentia determinata luminis Gloriarum perfectio est individualis exigens Essentia Divina in ratione Formæ Intelligibilis unionem in ordine ad has potius, quam illas creaturas in sua omnipotentia ac Decretis tanquam causalitate creaturarum effluente repræsentandas. 133. 8.

Visio Beatifica est omnino invariabilis respectu objecti etiam secundarij ita ut in initio sine ulla variatione & successione attingat simul omnes creaturas, quas Beati vident in Verbo. 138. 5.

Ratione hujus invariabilitatis repugnat visionis Beatificæ fieri extensionem ad novæ alicujus creaturæ in Verbo cognitionem per hoc solum, quod Deus suum liberum Decretum ordinat ad intellectum alicujus Beati. ibid. 11.

Major perfectio potentia Intellectiva nihil confert ad perfectiorem visionem Beatificam, sed hujus inæqualitas & major perfectio derivatur ex solo lumine Gloriarum. 138. 4.

Visiones Divina Essentia nec sunt, nec esse possunt differentes secundum speciem. 139. 4.

Inæqualitas visionis Beatificæ ac luminis Gloriarum non est præcise secundum intensionem, sed secundum differentiam individualis perfectionis. 140. 11.

## Unitas Dei.

Hæc demonstratur ex eo, quod Deus sit suum Esse subsistens. 77. 13. & 14.

## Univocatio.

Hæc non habet locum respectu Dei & creaturæ, eo quod cuilibet Formalitatis ratio in Deo sit ratione omnimodæ perfectionis & actualitatis. 79. 6.

Non datur ratio aliqua una præcise indubilis à potentialitate & actualitate Essendi, sed eo ipso, quod fiat abstractio potentialitatis, repræsentatur Essentialitas sub purâ Essendi actualitate Dei ut sic propria. 80. 11.

## Voluntas Dei, ejusque Objectum.

Ratio Doctoris Angelici ex eo, quod in Deo sit intellectus, probantis esse in ipso voluntatem, contra Vasquezium ostenditur elix. 116. 3. ex seq.

Eo ipso, quod Voluntas Divina sit actus purus in Essendo ac volendo per se subsistens, non est in Deo assignabilis ul a formalitas, quæ sub distinctione etiam virtuali secundum rationem objectivè præcise dici possit actus primus, seu potentia volendi. 139. 3. & 2. 0. 4. ac seq.

Qualiter velle Dei sit Esse Divinum, atque ut sic constitutivum Essentia & Naturæ Divina. 141. 13.

Esti bonitas aliqua creata possit esse ratio Finalis ex parte voluntatum Terminativa Divina voluntatis, sola tamen increata Divina Essentia Bonitas potest voluntati Divina quoad hujus Formalem intrinsecam Terminationem esse objectum formale. 142. 7. ac seq.

Deus necessario se amat non tantum quoad specificationem, sed etiam quoad exercitium. 144. 17.

Esti Deus creaturas aliquando existente necessario amet quoad specificationem, hic ipse tamen est liber. 145. 18.

Qualiter subsistat hæc propositio. Quod Deus inæqualiter amet creaturas, magis diligendo meliora. 145. 12.

Quidditate creatæ in statu etiam pure possibilitatis sufficientem habent Bonitatem ad terminandam amoris Divini simplicem complacentiam. 146. 4.

Esti Esse Essentia creatæ, remotæ existentia, nihil sit in se subjective ejus tamen Esse objectivum inter ligi iter ex tensum in mente Divina sub Ideali Essentia Divina ratione secundum propriam Essentialitatem suam Formalitatem expressum potest voluntati Divina esse objectum Terminativum. 146. 11. ac seq.

Hujus ratio fundamentalis deducitur. 147.

Quidditates creatæ non quidem per se, sed ratione Bonitatis increatæ specificantis ac per identitatem Formalem realem Finaliter moventis Divinam voluntatem necessario amantur à Deo per inefficacem simplicis complacentia amorem. 147. 16.

## Voluntas Signi & Beneplaciti in Deo.

Voluntas Beneplaciti est ipse voluntatis Divina actus Formaliter Deo inexistens. 150. 1.

Voluntas Signi est aliqua operatio externa seu effectus Divina voluntatis manifestativus. ibid.

Significatum voluntatis Signi non semper est sub voluntate Divina, etsi ex hac possit esse consequens: veluti patet de permissione peccati. ibid. 2.

Sola operatio, quam semper oportet esse ex Divina voluntatis causalitate, est universaliter Signum voluntatis Beneplaciti prædefinientis ejusmodi orationem. 151.

Voluntas Dei de omnibus salvandis est Beneplaciti habens pro objecto immediato tum salurem in se, sed conditionatè voluntatem, tum hominum per media sive proxime sive remotè sufficientia ad Finem salutis æternæ ordinabilitatem absolute, atque adeo efficaciter volitam. 154. 5.

Volunt-





# Index Rerum & Verborum.

## *Voluntas Dei Antecedens & Consequens.*

Voluntas Dei Antecedens est, quatenus versatur circa objectum ut nondum vestitum omnibus circumstantijs, quibus est mandandum executioni. [261. 5.](#)

Voluntas Dei Consequens dicitur, quatenus inspicit objectum omni sua circumstantia vestitum. *ibid.*

Pro certo tenendum est, Deum habere aliquo modo voluntatem pro statu etiam Naturæ lapsæ de omni hominibus salvandis. [262. 6.](#)

Divus Augustinus sub quadruplici, eoq; legitimo sensu adstruxit Dei de omnibus salvandis voluntatem. [261. & 262. 8.](#)

Valquez in hac materia est injurius Divo Augustino, quatenus voluntate de omnibus salvandis non vult extendi ad parvulos, sed ad ultores duntaxat adversatur SS. Patribus. [263. 6. 11. & 12.](#)

Voluntas Dei de omnibus salvandis est Beneplaciti habens pro immediato objecto tum salutem in se, sed conditionatè volitam tum hominum per media sive proximè sive remotè sufficientia ad Finem æternæ salutis ordinabilitatem absolutè, atque adeò efficaciter volitam. [264. 5.](#)

Voluntas Dei antecedens salvandi omnes homines non est dependens à consensu voluntatis humanæ tanquam à conditione, quam supponat, & expectet à libero arbitrio, sed importat conditionalem voluntatem salvandi omnes, nisi hoc repungnet ordini suæ Divinæ providentiæ ac impediretur Bonum Universale, & manifestatio suorum attributorum. [266. & 267. 5.](#)

Hoc Universi Bonum est quædam in effectibus Dei relucens Gloria attributorum Divinorum sub var à tum justitiæ tum misericordiæ resplendens luce manifestans, quod ipsum tamen Universi Bonum reducitur in Divinorum attributorum perfectionem, seu unicā volitionis Divinæ motivam rationē. [269. 13.](#)

Qualiter puniendi ac permittendi peccata voluntas sit consequens, dum nimirum trahit occasionem ex nostrâ Nihilæitatis causâ. [270. 17.](#)

Qualiter Deus ex antecedente omnes salvandi Voluntate universis hominibus præparat, & conferat media ad salutem sufficientia. *ibid.* [19.](#)

## *Voluntatis Divinæ Efficacia cum arbitrio creato concurrentis.*

In quo circa voluntatis Divinæ efficaciam consistat punctum difficultatis inter modernos Theologos. [270. 1.](#)

Quid circa Divinæ præfinitionis efficaciam in controversiam traxerint Semipelagiani. [271. 2.](#)

Discrepancia scientiæ mediæ propugnatorum in explicando Decreto Divino concurrente ad actus nostros liberos. [271. 11. 5. ac seq.](#)

Reijcitur sententia docens volitionis Divinæ cum creato arbitrio concurrentis objectum non esse entitatem actus odij, sed carentiam impedimenti ex parte omnipotentis. [271. 10. & 14.](#)

Efficacia Decreti Divini absoluti est actio Dei æterna in ratione causalitatis Deo intrinsecæ per se ipsam Formaliter determinatæ infallibiliter in-

fluxiva in actionem extra se transeuntem, atq; adeò in effectum pro certâ durationis mensurâ simpliciter volitum, tanquam terminum, seu objectum Decreti, ac volitionis ejusmodi. [273. 1. ac seq.](#)

Efficacia Decreti Divini proximè exposita probatur conformis esse menti S. Augustini. [275. 2. ac seq.](#)

Quid circa istam efficaciam moverint Semipelagiani. [275. 10.](#)

Qualiter ista Semipelagianorum argumenta enerventur ex S. Augustino, ac exinde stabiliatur prædestinationis actuum nostrorum liberorum præparativæ efficaciam à scientiæ mediæ Propugnatoribus impugnata. [276. 11. 12. ac seq.](#)

Voluntatis Divinæ efficacia superius asserta omnino evincitur ex sacris litteris secundum Patrum sensum genuinum intellectis. [279. 4. ac seq.](#)

Ex sacro textu, quo jubemur non gloriari, quasi non acceperimus, sive nos discreverimus, per Sanctos Augustinum & Prosperum in Pelagianorum ac Semipelagianorum expugnatione ponderato clare ac efficaciter rejciuntur Decreta Dei indifferentia. [281. 2.](#)

Prima ratio & radix creatæ libertatis est efficacia Divinæ voluntatis in actibus Causarum secundarum causantis ipsum etiam modum operationis. [284.](#)

Qualiter Thomistæ in adst. uendâ Divinæ voluntatis efficaciam discrepent à Calvinistis. [288. 7. & 289. 11.](#)

## *Voluntatis Divinæ ad extra transiens Causalitas.*

Hujus inter Scientiæ Mediæ propugnatores ac Thomistas controversiæ status exponitur. [290. 1. ac seq.](#)

Media quoad præsens punctum inter Calvinismum & Pelagianismum orthodoxa veritas est, ut cum S. Augustino fateamur duplex adiutorium Gratiae, alterum datis posse, & libertatem piæ ac meritorie operandi: alterum dans ipsum velle ac bene operari descendens ex Divinæ Voluntatis Causalitate & donatione. [291. 5. ac seq.](#)

Motio Dei ad extra Transiens creatæ libertatis volitionis prædeterminativa est ipsa operatio à creato libero arbitrio elicta, cum ordine ad volitionis divinæ efficaciam tanquam Causalitatem ejusdem effectricem. [297. 2. ac seq.](#)

Ex Essentiali dependentiâ seu subordinatione Causæ secundæ ad primam recte inferitur præmotionis divinæ in Causarum secundarum operationibus necessitas. [308. 1.](#)

Hujus ratio fundamentalis deducitur. [309. 4.](#)

Causalitas Voluntati divinæ immanens actus nostri liberi prædeterminativa Causaliter movet Voluntatem nostram. [310.](#)

Ex illâ verò Causalitate immediatè absque mediâ aliqua qualitate fluit actus per ipsam volitus, à Voluntate nostrâ, & prædictâ Causalitate divinâ eliciendus. *ibi.*

Qui proinde actus respectu Voluntatis nostræ rationem activæ motionis, respectu autem Voluntatis Dei, seu Decreti divini rationem passivæ motionis habens intrinsecè formaliter est movens Voluntatem nostram. [310.](#)



F I N I S.



Omnia ad maiorem DEI, Deiparæque Vir-  
ginis ac S.P.N. BENEDICTI  
gloriam.



*Typis Monasterij EINSIDLENSIS.*























